

70 ~~pl~~

No. 12498 Ex libris

Josephii Sedlmayr Cantuarii. p. 1.

183.

BIBLIOTHECA

MONASTERII S^{TI} MICHAELIS ARCH.

ET OMN. S.S. ANGELORUM,

APUD BELMONT

PROPE HEREFORDIAM.

1771



U. S. NATIONAL ARCHIVES

ARCHIVAL COLLECTIONS

CHRISTIAN PRINCIPLES

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE



OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE

OF THE AMERICAN PEOPLE



CONCILIA
GERMANIÆ,

QUORUM COLLECTIONEM

CELSISSIMI PRINCIPIS
JOANNIS MAURITII,

GLOR.^{ME} MEM. ARCHI-EPISCOPI PRAGENSIS
SUMPTU,

CL. JOANN. FRIDERICUS SCHANNAT
PRIMUM COEPIT,

P. JOSEPHUS HARTZHEIM Soc. JESU P.M.
CONTINUAVIT, ET PRELO DEDIT.

ad Canon. TOMUS VIII. *Neustädter*

EJUSDEM CELSISSIMI PRINCIPIS MUNIFICENTIA
EX HARTZHEMIANIS COLLECTIS
EDITUS, AUCTUS, ET NOTIS ILLUSTRATUS

A P. HERMANNO SCHOLL EJUSDEM SOCIETATIS.

Josephus COMPLECTITUR CONCILIA
AB
ANNO MDLXXXIX. AD MDCX. *Abbas*



COLONIÆ AUGUSTÆ AGRIPPINENSIIUM,

TYPO VIDUÆ JOAN. WILHELMI KRAKAMP, ET HÆREDUM
CHRISTIANI SIMONIS, Bibliopolarum.
ANNO MDCCLXIX.

CUM PERMISSU SUPERIORUM.

CONCLIA GERMANIAE

QUORUM COLLECTIONEM

CESSISSIMI PRINCIPIS JOHANNIS MARTII

GLOR. ME. ARCHIEPISCOPI PRAGENSIS

SUMPTU

CI JOHANNIS FRIDERICUS SCHANNAT

PRIMUM COEDIT

R. JOSEPHUS MARTINI SOC. JESU P. M.

CONTINUAVIT ET PRÆLO DEDIT

ad Johann. T O M U S VII. *Handwritten signature*

EDITIONEM CESSISSIMI PRINCIPIS MUNIFICENTIA

EX MARTINI WIRTS COLLECTIS

EDITIS AUGUSTO ET NOTIS REVISITATUS

A. P. HERMANNUS SCHULT. LUGDUN. SOCIETATIS

COMPTESSE COVELL

Handwritten signature ANNO MDCCCLXIX. NIDEX



UNIVERSITÄT BONNEN

COEDITIONE ADRIANO AGRIPIENSI

TOTO VINDIT JOHANN. WILHELM. KRASNA. ET HERMANN

CHRISTIAN. STONIS. BUCHHÄNDLER

ANNO MDCCCLXIX

CHM PERMISSU SUPERIORUM

PERPETUÆ. GRATISSIMÆQUE.
MEMORIÆ.

REVERENDISSIMI. ET. CELSISSIMI.
DOMINI. DOMINI.

J O A N N I S.
M A U R I T I I.
G U S T A V I.
DEI. GRATIA. ARCHI-EPIS-
COPI. PRAGENSIS.

SEDIS. APOSTOLICÆ. LEGATI. NATI.

S. ROMANI. IMPERII. PRINCIPIS.

COMITIS. DE. MANDERSCHIED-
BLANCKENHEIM.
ET. GEROLDSTEIN.

LIBERI. BARONIS. IN. JUNCKERATH.
DOMINI. IN. BETTINGEN. DAUN. ET. ERP.

UTRIUSQUE. SACRÆ. CÆSARÆ. NEC. NON. GERMANIÆ.
HUNGARIÆ. ET. BOHEMIÆ. REGIÆ. MAJESTATIS.

CONSILIARII. INTIMI. ACTUALIS.

INCLYTI. REGNI. BOHEMIÆ. PRIMATIS.

ECCLESiarUM. METROPOLITANÆ. COLONIENSIS. ET. CATHEDRALIS.
ARGENTINENSIS. RESPECTIVE.

PRÆPOSITI. SENIORIS. AC. THESAURARII.
ILLUSTRIS. ECCLESIAE. COLLEGIATÆ. AD. S. GEREONEM.
PARITER. PRÆPOSITI.

NEC. NON. UNIVERSITATUM. COLONIENSIS. ET. CAROLO-
FERDINANDÆ. PRAGENSIS.


CANCELLARII. PERPETUI. ET. PROTECTORIS. &c. &c.

OPERIS. HUIUS. PRIMI. AUTHORIS. ET. MUNIFI-
CENTISSIMI. ETIAM. POST. FATA.
MÆCENATIS.

TOMUM. HUNC. OCTAVUM.
D. D. C.

Hermannus Scholl S. J.

PERPETUAE GRATISSIMAEQUE
MEMORIAE
REVERENDISSIMI ET CELESTISSIMI
DOMINI DOMINI
JOHANNIS
MAURITII
GUSTAVI
DEI GRATIA ARCHIEPIS
COP. PRAGENSIS
Sedis Apostolicae Legatus Natus
S. Romani Imperii Princeps
COMITIS DE MANDRSCHEID
BLANCHENHEIM
ET GEROLDSTEIN
LIEUT. BARONIS IN LUNDEBERG
DOMINI IN BRETENNA DUCIS ET REGIS
UTRINQUE SACRAE CAESARIS MAJESTATIS
HUNGARICAE ET BOHEMICAE APARTATIS
CONSILIARIUS ACQUE ACTUALIS
INCLYTI REGNI BOHEMIE PRIMATIS
ECCLIASTIARUM METROPOLITANUS COLONIENSIS ET CATHEDRALIS
ARCHIDIACONUS RECTOR
PREPOSITUS SENIORIS AC THESAURARIUS
ILLUSTRISSIMAE ECCLESIAE COLONIENSIS AD S. GERONIMUM
CANTUARIENSIS
RECTOR UNIVERSITATIS CANTUARIENSIS ET CANTUARIENSIS
THEOLOGICAE FACULTATIS
CANCELLARIUS VENERABILIS ET PROCTORIORIS
OPERIS REGIS PRIMI AUTHORIS ET MUNIFICENTIAE
CENTRISIMAE ETIAM POST. DATA
MECENATIS
TOMUM HUNE OCTAVUM
D. D. C.



REVERENDI PATRIS HERMANNI SCHOLL E SOCIETATE JESU SACERDOTIS,

Qui Tomos Conciliorum Germaniæ Vltum, Vltimum, & Vltimum

EX HARTZHEMIANIS COLLECTIS

edidit, auxit, & Notis illustravit,

BREVE ELOGIUM.



Ua P. *Josephus Hartzheim* sex abhinc annis occubuit, eadem extinctus
fati ratione videtur P. *Hermannus Scholl*. Ille post Tomi CC. Vii;
hic post VIIIvi hujus partem fere dimidiam typis excusam: ta-
ctus apoplexia ille; hic defectione virium, natoque inde lethargo
obrutus: tridui spatio absumptus uterque & calamum & vitam posuit. Cœ-
perat pridie Calendas Majas habere pejusculum P. *Hermannus*, brevisque trium
duntaxat dierum intervallo nosocomium tenuit, cum, mediis frustra adhibitis,
sacrisque, ingravescente malo, Sacramentis munitus, ipsa, quæ ab Inventione
Ss. Crucis nuncupatur, festa luce sub horam IV. matutinam placidissime in Do-
mino exspiravit Vir, sive solidam requiras virtutem, sive vastam scientiam, in-
signi conjunctam cum prudentia, solertia, diligentiaque spectes, sane egregius.

Primis illum cunis Confluentia anno MDCCVI. exceperat. A parentibus,
Adamo Andrea patre, matre Anna Sophia Hirsch, ad omnem morum honesta-
tem a teneris compositus, atque ad sanctum Dei timorem & amorem gnaviter
formatus, teneram adeo conscientiam induit, ut in omni deinceps vita a levio-
ribus etiam piaculis quam qui maxime abhorreret. His accessere pia ac so-
lertia Moderatorum subsidia, quibus adolescentem in natalis Urbis Gymnade
disciplinæ suæ commissum ita instituerunt, ut non amenioribus solum Musis ac
Philosophicis Studiis darent quam optime imbutum; verum etiam, quod rei
caput est, ad majores indidem in via virtutis & solidæ pietatis progressus sedulo
pro parte sua proveherent. In utroque autem genere ita excelluit, ut habitus
fuerit longe dignissimus, qui nostram in Societatem, quam summis antea votis
expetierat, ingenti suo solatio cooptaretur.


Tironem eum se præstitit, qui cum cæteris de pietatis, legumque nostra-
rum observantiæ non minus, quam de politioris ac Philosophicæ scientiæ, dum
pro more literarum studia repetebat, Laurea concertavit. Juventuti Treve-
ricæ Præceptor datus, integro eam sexennio ad omnem humanitatem & erudi-
tionem tam probe excoluit, ut, quod proprium docentibus nobis officium esse
noverat, ad amissum explendum ratus, una cum literis pietatem, timorem
Numinis, virtutisque cultum tenellis animis perquam solícite instillaret.

Sacratioribus exinde scientiis se adplicare jussus, nova indies præ-
stantis ingenii & profectus specimina dabat: quibus commoti Superiores ad
varia ipsius Societatis munia, emissa quatuor votorum professione, destinarunt.
Multis Oratore Academico annis Trevirorum in palæstra egit; multis in
Ubiorum. Ibi strenuam in promovendis ad prelum sex Tomis *Hunoldianis* ope-
ram collocavit, additis, quæ postremo in Tomo desiderabantur, varii argu-
menti dictionibus; in quibus tam quidem dextere stilum operi attemperavit
reliquo, ut ab *Hunoldio* ipso alium non spirarent, operosumque esset, *Schollii*
lucubrationes a nisu celeberrimi in Germania nostra Authoris & calamo fecer-

Breve Elog. R. P. Herm. Scholl Tom. VIII.

††

nere.




nere. Illic Coloniae ad sermones Academicos provinciam Ignatianae Asceſeos tum triduo, quod ſerías Paſchales, ad Gymnaſii Tricoronati Alumnos; tum, quod Pentecoſten antecedit, octiduo ad Dominos utriusque fori literatos ob-eundae ſat difficilem longa annorum ſerie adjunxit, Mariani etiam Sodalitii ma-joris Praeſes: quam avide ſemper ubivis, tam quoque, uti vix dubitare licet, auditus utiliter; quippe qui ſermonis Latini, quo cultiſſimo, ornaſiſſimoque utebatur, elegantia facile alliceret omnes, & rationum e Sacris Paginis, ac Ss. Patrum monumentis conquiſitarum pondere ſuperaret. Mirandum profeſſo fuit, hominem gracili corpufculo, quotidianis & illis peracutis capitis dolori-bus, ſomnum non raro impediētibz, cruciatum in tam diverſa intendere animum potuiſſe, quin ſuccumberet. Mirandum id ipſum magis, quod ner-vos adhiberet omnes, ubi vel de ſua vel de proximi ſalute rem agi cognosceret. Avuſum a ſemetipſo dixiſſes, cum meditationi matutinae de genibus vacabat, aut Chriſtum adorabat Eucharifticum. Fuit, qui reducis aliquando ex aula Gymnaſii, ubi de inferni cruciatibus diſſeruerat, inflammata ſacris ignibus faciem, genasque multa lacryma perſuſas obſervaret.

Scientiarum genus propemodum omne in Patre Hermanno non ita reſplen-duit, quam, volente temperantia, & exiliter de ſe ac parce exiſtimandi ſobrie-tate, latuit. Ut de Hiſtorice, Grammatica, Poëſi, Rhetorica, Philoſophia, Theologia Dogmatica æque ac Morali nihil dicam, erat in Geographia, Chro-nologia, Hiſtoria Eccleſiaſtica & Diplomatica apprime verſatus. Norunt dun-taxat ii, qui lucis in dubiis ſuis, ſubſidiive petendi cauſa ipſum adibant, vel promentem modeſte ſuam de libris, quorum ſingularem prorſus notitiam ſibi paraverat, criſin auſcultabant. Unica illa, quam pro Digreſſione ad Sæculum XV. ſub finem Tomi Vti adnexuit, de S. R. E. Concilii Diſſertatio, quantus Theologus, quantus Hiſtoricus fuerit, Orbi erudito pandit.

Prudentiam, ſine qua vaſtae licet ſcientiae parum aut nihil habuerunt un-quam apud æquos rerum æſtimatores ponderis, ſuſpiciebant in illo & Exteri & Domeſtici. Hos, Miniſtri fungens munere, mira pietate, ſuavitate, cura ac ſolicitudine ſive valentes, ſive ægros juvabat: illos doctiſſimo literarum com-mercio, & delatis, ubicunque erat opus, præſtitisque obſequiis ſibi reddebat addiſtiſſimos. Miſit episto-las humanitatis pleniffimas in Bohemiam, Poloniam, Saxoniam, Belgium, Trevirenfem in patriam ac Leodienſem, aliasque per Or-bis plagas, ut, qui Colleſtioni Conciliorum auxiliatricem porrigerent manum, e DD. etiam Proteſtantibus viros animaret. Nil loquebatur, niſi quod tacitus ante ſecum, quam ad linguam deferretur, ad limam revocaffet. Moderate age-bat ipſe & convenienter fini omnia: ſi quid ſecus fieri in alio fors notarēt; vel diſſimulabat prudentum ex more, vel amice adeo comiterque cenſebat, ut aſper aut moleſtus nullo modo videretur, blandus erga omnes, erga Sacerdotes re-verentiſſimus.

Porro quam fuerit laborum amans & tenax, inde conjicias, quod præter editum Treviris elegantem de animae pretio libellum, relictamque hic Coloniae opulentam Oratorum, Meditationum, & Conſiderationum latinarum ſupel-leſtilem typo digniſſimam, tribus omnino Tomis Conciliorum Colleſtione-m auxit, illuſtravitque. Audiſi eundem ſupremo ante mortem triduo de eodem Colleſtione opere mecum agentem, ſibiſque ſpem, ſine iſtud optato coronandi facientem: ita ut laboribus, curisque immortalis merito videatur. Rapuit hunc nobis virum mors V. Non. Maj. anno ætatis LXIII., Æræ Chriſtianæ MDCCLXVIII. ſed deſiderium Viri tam docti, tam prudentis, tam in-

duſtrii nobis, mihi inprimis ejus Succellori nunquam rapiet.



FACULTAS REV. P. PROVINCIALIS CUM PRIVILEGIO CÆSAREO.




Um Vidua JOANNIS WILHELMI KRAKAMP, & Hæredes
CHRISTIANI SIMONIS, Bibliopolæ Colonienses, typis
vulgare desiderant Tomum Octavum *CONCILIO-*
RUM GERMANIÆ, ex Hartzbemianis Collectis
a P. Hermanno Scholl, Soc. nostræ Sacerdote,

editum, auctum, & Notis illustratum; Ego infra scriptus, ejusdem
Societatis in Provincia Rheni Inferioris Præpositus Provincialis, potestate ad
id mihi facta ab Adm. R. P. N. LAURENTIO RICCI, Universæ Societatis
JESU Præposito Generali, iisdem ad primam hanc duntaxat prædicti Tomi
editionem facultatem impertio; simulque communico Jus Privilegii Cæsarei,
quo Bibliopolis ac Typographis interdicitur, ne quis Librum ullum a So-
cietatis nostræ Patribus conscriptum, citra consensum Superiorum recudere,
aut alibi recusum, intra fines S. R. Imperii inferre præsumat. In cujus rei
fidem has iis manu propria subscriptas, ac consueto officii mei Sigillo muni-
tas, dedi. Coloniz 22. Martii 1769.



HIERONYMUS DE WYMAR, Soc. JESU
ad Rhenum Inferiorem p. t.
Præpositus Provincialis m.pp.



DIGRESSIO AD SÆCULUM XVI.

CAPUT I. De Secta Hussitarum.

Pag. XV

- §. I. Origo Sectæ.
- §. II. Hussi, Hussitarumque errores.
- §. III. Hussi, & Hieronymi Pragensis damnatio.

{ *ibid.*

CAPUT II. De Lutheranismò.

XVI

- §. I. Lutheri ortus, ingenium, mores.
- §. II. Initia Lutheranismi.
- §. III. Lutheri dogmata.
- §. IV. Lutheri progenierantis tale systema, ac nutrientis scopus.
- §. V. Sectatores Lutheri præcipui.
- §. VI. Comitia, in causâ Lutheri & ejus Sectatorum ab anno 1521. ad 1546. celebrata.
- §. VII. Discussa & pertractata in causâ Religionis post Lutheri obitum ad finem Sæculi XVI.

ibid.

XVII

{ *ibid.*

XVIII

XXI

XXXI





INDEX CHRONOLOGICUS T O M I VIII.

CONCILIORUM GERMANIÆ ET EPISTOLA- RUM &c. AD CONCILIA PERTINENTIUM.

SÆCULO XVI.

AB ANNO MDLXXXIX. AD ANNUM MDCX.

SÆCULO XVII.

Annus Christi	Pagina
1570. S YNODUS ATREBATENSIS, sub FRANCISCO RICHARDOTO, Episcopo Atrebatensi.	225
Statuta Synodalia Dicecesis Atrebatensis.	<i>ibid.</i>
<i>Statuta Prædecessorum</i>	241
Appendix variarum Synodorum Atrebatensium.	307
1570. SYNODUS LEOVARDIENSIS, sub CUNERO PETRI A BROUWERS- HAVEN, Leovardienſis Dicecesis I. Episcopo.	314
Statuta primæ Synodi Leovardienſis.	<i>ibid.</i>
Præfatio.	1
1571. BISUNTINA Synodus PROVINCIALIS, sub CLAUDIO A BAUMA, Bisuntino Archi-Episcopo.	6
Catechiſmus, qui pro Indice ſervire poterit Statutorum Bisuntinæ Synodi.	9
Statuta Synodalia Bisuntinæ Dicecesis.	95
<i>Monitum Editoris, ne nimium Institutionibus, quæ Synodalibus his Statutis ad- jectæ ſunt, tribuantur.</i>	
1585. SYNODUS COLONIENSIS, sub ERNESTO, DUCE BAVARIÆ, Ar- chi-Episcopo Coloniensi, Episcopo Leodiensi, Frisingensi & Hil- desienſi, Præſidente JOANNE FRANCISCO BONHOMIO, Episcopo & Comite Vercellenſi, cum poteſtate Legati a laterè.	498
Literæ GREGORII XIII. Papæ ad Revmum JOANNEM FRANCISC. Episc. Vercellenſem, Nuntium Apoſtolicum.	<i>ibid.</i>
Articuli Gravaminum.	508
Oratio ad finem Synodi habenda.	515
1591. SYNODUS DICECEſANA OLOMUCENSIS, sub STANISLAO PAWLOWS- KY, Episcopo Olomucenſi.	320
Literæ Indictionis & Convocationis Synodi.	<i>ibid.</i>
Allocutio Reverendiſſimi ad Clerum.	322
Oratio habita de laudibus Conc. Trid. ab A. R. Domino <i>Melchior</i> Pir- <i>neſio</i> (a Pirn.) Art. & Phil. Doct. Eccleſ. Olom. Dec.	324
Oratio Seſſ. 2. die XIII. Nov. habita a P. <i>Leonardo Rubeno</i> , Soc. JESU Theologo, & Seminarii Olomuc. Regente, de officio Paſtoris & dignitate Sacerdotali.	332

- Oratio Sess. 3. die XIV. Nov. habita de disciplina Ecclesiastica a R.
D. *Theodoro Engels* LL. Licentiato, Archi-Diacono, & Curia Episc.
Olomuc. Officiali. 346
- Peroratio Illustrissimi Principis. 359
- Mentio Synodi Diocesanae Olomucensis, Anno Christi MDLXVIII.*
celebratae sub Revmo GUILLIELMO PRUSSINOUSKY de WICZKOVA,
Olom. Ecclesiae Episcopo. 362
1592. Synodus Diocesana WRATISLAVIENSIS, Praesidente Illmo &
Revmo Principe ac Domino, D. ANDREA JERINÒ, Episcopo Wra-
tislaviensi, Coronae Regni Bohemiae Principe Ligio, Superioris
& Inferioris Silesiae Capitaneo Supremo, Wratislaviae celebrata. 367
- Praefatio, primae Synodi hujus editioni praemissa. *ibid.*
- Epistola Illmi Cardinalis MATTHEII ad Revmum D. Episcopum
Wratislaviensem de Synodi approbatione. 368
- Ordo & processus Synodi. 369
- Ejus Constitutiones. 378
1593. Synodus TRIDENTINA Diocesana, sub LUDOVICO MADRUCIO,
S. R. E. Cardinali Presbytero, & Episcopo Tridentino. 402
- Illmi & Revmi Cardinalis declaratio circa normam constituendi
census, sive affectus. 440
- Forma constituendi Censur in Episcopatu Tridentino. 442
- Gravamina proposita per Mag. D. D. Cons. Civitatis adversus no-
vam formam constituendi Censur. 447
- Decreta, sive Responiones ad singula Capita Gravaminum propo-
sitorum per Mag. DD. Cons. 452
- Constitutio nova super dissolutione Censur. 456
- Contractus ad Caput Salvum. 457
1598. Synodus VIRDUNENSIS, celebrata per ILLUSTRISSIMUM & RE-
VERENDISSIMUM PRINCIPEM, ERRICUM A LOTHARINGIA, Epi-
scopum, & Comitem Virdunensem. (*Digna lectu, quam Editor*
subjunxit, de Errico & Carolo, Nepote Errici ac Successore Notatio.) 458
1598. Synodus Diocesana COLONIENSIS, sub ERNESTO, BAVARIAE
Duce, Archi-Episcopo. 517
- NOTATIO EDITORIS de causa intermissarum Coloniae ab anno 1551.
usque ad annum 1598. Synodorum. 522
1600. Synodus TORNACENSIS, sub MICHAELE DESNE, Tornacensi
Episcopo. 474
- Statuta hujus Synodi Diocesanae. *ibid.*

* * *

SÆCULO XVII.


1603. Synodus BRIXINENSIS, sub CHRISTOPHORO ANDREA DE
SPAUR, Brixinensi Episcopo. 537
- Litterae CLEMENTIS VIII. PP. ad CHRISTOPHORUM ANDREAM,
Episcopum & Clerum Brixinensem. *ibid.*
- Ejus Synodi Constitutiones. 539
1604. Synodus Diocesana CAMERACENSIS, per Illmum & Revmum
Dominum D. GUILLIELMUM DE BERGES, Archi-Episcopum &
Ducem Cameracensem, S. R. I. Principem celebrata. 582
- Oratio habita ab Illmo & Revmo Domino D. ARCHI-EPISCOPO, in
apertione Synodi. *ibid.*
- Ejus Synodi Decreta. 588

1604. Synodus NAMURCENSIS, celebrata Præsidente Revmo in Christo Patre & Domino, D. FRANCISCO BUISSERET, Episcopo Namurcensi. 602
Oratio, ab eodem Reverendissimo prima die habita. 603
Decreta Synodi Namurcensis Diocesana. 608
1605. Decreta & Constitutiones Synodales JOANNIS V. FLUGII AB ASPERMONT, Curienfis Episcopi, pro Vicariis foraneis, Decanis, Camerariis, aliisque Sacerdotibus. 635
1605. Synodus Diocesana CULMENSIS, sub LAURENTIO GEMBICKI, Culmensi & Pomesania Episcopo. 655
Literæ Indictionis Synodi. *ibid.*
Sermo Reverendissimi Domini Episcopi. 656
Constitutiones, in Synodo communi omnium sententia comprobata. 659
1605. Synodus Archi-Diocesana PRAGENSIS, habita ab Illmo & Rmo Domino, D. SBIGNEO BERKA, Pragenfi Archi-Episcopo, Principe, Legato Nato &c. 670
Literæ CLEMENTIS VIII. Papæ ad SBIGNEUM, Archi-Episcopum Pragensem. *ibid.*
Statuta hujus Synodi Archi-Diocesana Pragensis. 673
1607. Statutum Synodale ERNESTI, Archi-Episcopi Colonienfis, de Investitione & Professione utriusque sexus Regularium, anno 1605. editum, 1607. confirmatum. 764
1607. MECHLINIENSIS Synodus PROVINCIALIS, Præsidente Revmo & Illmo in Christo Patre ac Domino, D. MATTHIA HOVIO, Archi-Episcopo Mechlinienfi, præsentibusque omnibus Episcopis Comprovincialibus habita. 767
Convocatio Concilii Provincialis Mechlinienfis. *ibid.*
Oratio exhortatoria, habita per Revmum & Illmum D. ARCHI-EPISCOPUM Mechliniensem, ad universum Clerum in Concilio Provinciali jam congregatum. 769
Decreta & Statuta Synodi. 774
Testimonium Illmi & Revmi D. Cardinalis PAMPHILII super facta recognitione Concilii Provincialis Mechlinienfis ab Illmis & Rmis DD. DD. Cardinalibus, Interpretibus Sacri Concilii Tridentini. 797
Breve Ss. D. N. PAULI Pr. V. super Confirmatione Concilii Provincialis Mechlinienfis. *ibid.*
Aliud Testimonium examinati Concilii, ab Illmo & Rmo Domino, D. Cardinali PAMPHILIO, directum Rmo & Illmo Domino Archi-Episcopo Mechlinienfi. *ibid.*
Secundæ Literæ prænominati Illmi Cardinalis ad dictum Rmum Archi-Episcopum. 798
1609. Synodus Diocesana YPRENSIS, sub CAROLO MASIO, Yprenfi Episcopo. 799
Constitutiones & Articuli Synodi hujus Diocesana. 800
1609. Synodus CONSTANTIENSIS Diocesana, sub JACOBO FUGGERO, Episcopo Constantienfi. 822
Bulla PAULI V. Papæ, in pio ac laudabili (*Synodum celebrandi*) proposito Rmum Episcopum confirmans. 823
Literæ Indictionis seu Convocationis Synodi. *ibid.*
Acta primi diei Synodi. 825
Oratio P. Jacobi Maier, Soc. Jesu Theologi, ad Rmum Dominum Præsulem, totius Synodi Proceres, ac Clerum. 828

Acta secundi diei.	833
Acta tertii diei.	835
Acta quartæ & quintæ diei. Item sextæ.	836
Oratio Rdi & Clni Domini <i>Leonardi Hamerer</i> , Ss. Theologiæ Doct.	
Parochi & Canonici Colleg. Ecclesiæ S. Stephani.	837
Catalogus Prælatorum, Collegiorum, Decanatum &c.	841
Constitutiones & Decreta ejusdem Synodi Constantiensis, anno sequente publicata.	848
Constitutionum Synodaliū Pars I.	850
Pars II. harum Constitutionum.	890
Pars III. illarum.	918
Earundem Pars IV.	928
Forma vulgaris & germanica Decretorum Matrimonialium, in Diœcesana Synodo Constantiensi editorum, atque ab omnibus Parochis & Curatis bis in anno ex Cancellis publicandorum.	939
1610. Synodus Diœcesana METENSIS I. ab ANNA DESCARS, S. R. E. Presbyt. Cardinali, & Episcopo Metensi celebrata.	947
Statuta hujus Synodi Diœces. Metensis I.	949
1610. Synodus ANTVERPIENSIS Diœcesana, sub JOANNE MIRÆO, Antverpiensi Episcopo.	977
Oratio ejusdem Episcopi.	978
Decreta hujus Synodi Diœcesanæ Antverpiensis.	983

FINIS INDICIS CHRONOLOGICI.





INDEX ALPHABETICUS CONCILIORUM GERMANIÆ

SÆCULI XVI.

AB ANNO CHRISTI MDLXXXIX. AD MDC.

ET

SÆCULI XVII.

AB ANNO CHRISTI MDC. AD MDCX.



A.		M.	
Antverpiense		PROVINC. A.	MDCVII. - 767
Diece. A.		Metense Diec.	MDCX. - 947
Atrebatense -	MDLXX. - 225	N.	
B.		Namurcense -	MDCIV. pag. 602
Bisuntinum PROVINCIALE -		O.	
MDLXXI. -	I	Olomucense Diec.	MDXCI. - 320
Brixinense -	MDCIII. - 537	P.	
C.		Pragenſe Archi-	
Cameracense Die-		Diec. -	MDCV. - 670
ceſanum -	MDCIV. - 582	T.	
Colonienſe Diec.	MDXCVIII. - 517	Tornacense -	MDC. - 474
Conſtantiense		Tridentinum	
Diec. -	MDCIX. - 822	Diec. -	MDXCH. - 402
Culmenſe Diec.	MDCV. - 655	V.	
Curienſe -	MDCV. - 635	Virdunenſe -	MDXCVIII. - 458
L.		Y.	
Leodienſe -	MDLXXXV. - 498	Yprenſe Diec.	MDCIX. - 799
Leovardienſe -	MDLXX. - 314	W.	
		Wratſlavienſe	
		Diec. -	MDXCH. - 367

Synodus Atrebatensis, de qua facta est sub initium Tomi præced. pag. VII. mentio, a Matthæo Moulartio A. 1584. celebrata, hucusque desideratur. Neque aliarum aliquot eæ Sæculo XVII. Synodorum copia mihi fuit; quemadmodum notavi. Quod si nomine illas suo hic rursus nuncupem, futurum spero, ut Viri eruditi, quorum non paucos etiam nunc favere gratus experior, ad novum in iis mecum conquirendis studium se peramico invitatos & sentiant & gaudeant. Sunt vero duæ ejusdem anni 1609. altera Petri Damantii, Gandavensis Episcopi; altera Diocesana Matthiæ Hovii, Archi-Episcopi Mechliniensis (v. pag. 796.). Tertia est, quam Carolus a Lotbaringia, S. R. E. Cardinalis habuisse, in penultima bujus Tomi Synodo Metensi notatur pag. 947. Dabo eas, ut primum ad me pervenerint.

Index Alphab. Tom. VIII. Conc. Germ.

CATA-

Nomen & Natio.	Ordo Successio- nis a S. Petro.	Adit Pontificatum.	Sedit in Cathe- dra S. Petri.	Obiit.
----------------	------------------------------------	-----------------------	----------------------------------	--------

reviviscere, uberrimosque fructus ad communem Christianæ Rei-
publicæ utilitatem producere visa sunt. Unde factum, ut, quid-
quid elucubrationum politarum in lucem prodiret, nonnisi erudi-
tissimo huic Literatorum Mæcenati inscriberetur.

Adito Pontificatu, de Etbnicis ad fidem Catholicam convertendis, de
evellendis Sectarum erroribus, de Japonum Ecclesia ab immani
Tyranno vindicanda, consilia agitabat; aliaque in Ecclesiæ bonum
volutabat animo quam plurima. Byzantii fundare Collegium, &
Turcarum conversioni & Christianorum solatio futurum decre-
verat.

Ad Ecclesiastica Beneficia probatissimos duntaxat viros, a pietate,
prudentia, doctrinaque conspicuos promoveri voluit, probe con-
sciis, quantum in alios inde redundaret commodi. Mors, quam
suis in negotiis consulebat, & cujus persæpe refrebat duabus e
tabulis, assiduis quasi Comitibus suis, memoriam, interceptit
Principis optimi molimina, eamque permagno Urbis & Orbis lu-
ctu in tumultum præcipitavit die Decembris XXX. anni MDXCI.

Clemens VIII.

antea Hippolytus
Aldobrandinus,
Florentinus.

CCXXXIII.	Anno Christi MDXCII.	Anno Christi Annos XIII.	Anno Christi MDCV.
	III. Kal.	Mensem I.	V. Non.
	Febr.	Dies III.	Marci.

Supremæ inter mortales dignitati jam pene ab adolescentia, tum
Pauli IV. P. tum Alexandri Cardinalis Farnesii præsagitione (f)
destinatus fuerat. Haud vanam eandem fuisse, lapsis quatuor
circiter & triginta annis, eventus docuit. Cum enim ob excel-
lentes naturæ dotes, resque variis in Legationibus præclarissime
gestas amorem sibi omnium atque existimationem comparasset, fa-
cile omnium Electorum vota tulit XXX Jan. anno 1592.

Pontifex renunciatus, sacrorum, quotquot in Urbe & quocunque
sub nomine censentur, locorum Visitationem XIIX Cal. Julii in-
stituit, ipsosque novem continuos dies ingenti cum fructu & mo-
rum emendatione, ut testis est in Commentario suo, hac super Vi-
sitatione edito, Augustinus Valerius, produxit. Rectores, Præ-
fectos & Alumnos Seminariorum Collegiorumque, pia munificen-
tia erectorum, officii sui gravi oratione admonuit.

Disciplinæ inter Religiosos vel conservandæ, vel restaurandæ mirum
in modum studiosus, varia publicavit Decreta. In tribus Ordini-
nis

(f) Eggsius in Pontificio docto. Oldoinus in additionibus ad Ciaconium, & ex illo Palarinus.

Nomen & Natio.	Ordo Successio- nis a S. Petro.	Adit Pontificatum.	Sedit in Cathe- dra S. Petri.	Obiit.
----------------	------------------------------------	-----------------------	----------------------------------	--------

digna. Nobiliora ob oculos pono Constitutionem Pii V. de non alienandis Romanæ Ecclesiæ terris, aut fiducia earum accipienda renovavit; temperavit illam, quam Sixtus V. contra procurantes abortum ediderat. Societatis JESU Institutum rursus confirmavit, eique, ut, forma Sixtinæ non servata, tirones reciperet, permisit. Urbem, annonæ difficultate laborantem, profusa sublevavit benevolentia, omnesque, quæ frequentes oppido tunc erant, de vita, morte, & futura electione Pontificis aut Cardinalibus creandis, sponsones damnavit ac prohibuit.

Quotidiana Cives Brundusinos inter & Uritanos jurgia compositurus, novum his Episcopum sub Tarentino Metropolita, Philippo II. Hispaniarum Rege exposcente, concessit, relicto illis veteri Archiepiscopatus titulo.

In bellum, quod contra Fidei orthodoxæ hostes suscepit, præter 40. aureorum millia ex suo ære collata, quinquies centena millia insumpsisse fertur. (c) Quæ contra Henricum IV. Gallicæ Regem diplomata misit, probata nullatenus fuere Præsulibus, ab Rege stantibus. (d)

P. Camilli de Lellis, a Benedicto XIV. PP. fastis Sanctorum postea adscripti, religiosum cætum, difficili infirmorum ministerio consecratum in Religionem erexit, amplissimisque favoribus cumulare non destitit.

Alvi fluxu & calculi doloribus confectus piissime obiit XV. Octobris, anno MDXCI. ætatis LVII., habita paulo ante ad Purpuratos Patres insigni oratione, qua eos, ut optimum statim a morte sua dignissimumque Pontificem eligerent, in Domino obtestabatur Præsul castissimæ vitæ laude & Christiana modestia spectatissimus.

Innocentius IX.

antea Joann. Anton.

Fachinettus, Bono-
mensis.

CCXXXII.

Anno Christi

MDXCI.

IV. Kal.

Novemb.

Menses II.

vix integros.

Anno Christi

MDXCI.

Altera mox Comitiorum die summo Patrum consensu electus, summa vir erat integritate, pari in omnibus fere Facultatibus eruditione, ætate insuper & usu doctus: (e) quocum ad solum Pontificium evecto, quæ sopita ac pene emortua jacebant literarum studia

B 2

revi-

(c) Ciaconius in vit. & gest. Summ. Pontificum. Georg. Jos. ab Eggs Pontificium doctum.

(d) Fufe de his Diplomatus Nat. Alexander cit. ita narrationem suam claudens: "Hæc ad Historiam GREGORII XIV. & jactorum ab eo fulminum illustrandam ob-
" fervare operæ pretium fuit.

(e) Sandinus in vitis Pontif. Roman.

CATALOGUS ROMANORUM PONTIFICUM

AB ANNO CHRISTI MDLXXXIX. AD ANNUM MDCX.
SÆCULO XVII.

Nomen & Natio.	Ordo Successio- nis a S. Petro.	Adit Pontificatum.	Sedit in Cathe- dra S. Petri.	Obiit.
Urbanus VII. antea Joan. Bapt. Castaneus, Roma- nus. (*)	CCXXX.	Anno Christi MDCX. XVII. Kal. Octobr.	Dies XIII.	Anno Christi MDCX. V. Kal. Octobris.

Pontifex, a quo optima quævis, si per ætatem ac valetudinem vivere diutius licuisset, sperabant boni omnes. (a) Maximus sane, dum jamjam erat occubiturus. Diem enimvero, quem supremum sibi instare advertebat, adeo non timuit, ut insolita etiam animi vere Christiani fortitudine eundem exciperet; diemque salutis cognominaret; in quo, missis cæteris, curæ sibi omnes defigendæ essent. Legavit, quidquid bonorum possidebat (triginta aureorum millia) Sodalitati B. M. V. Annuntiatæ, in calamitosarum Virginum dotes conferendum. (b)

Gregorius XIV. antea Nicolaus Sfondratus, Me- diolanensis.	CCXXXI.	Anno Christi MDCX. Non. De- cemb.	Menses X. totidemque Dies.	Anno Christi MDCXI. Idib. Octob.
---	---------	--	----------------------------------	--

Paucorum mensum intervallo non pauca statuit, fecitque memoratu digna.

(*) Cl. Christian. Wilh. Franc. Walchius Theol. Doct. & Prof. Ord. Götting. in libro germanice edito, sub Titulo: *Idea completa Historiæ Romanorum Pontificum*, Gennensem vocat. (a) Spondan. *Annal. Eccles. ad b. a.*

(b) Natal. Alexand. *Hist. Eccl. Tom. VIII. pag. 69.* In defuncti Pontificis laudes sic excurrit Pompejus Ugonius: "Jam aditum ad se omnibus, etiam infima de plebe hominibus aperuerat; jam ad subveniendum egentibus manum porrexerat; jam virtuti, doctrinæ, honestisque laboribus præmia ostentabat; jam severitatem nimiam, asperitatemque imperii cedere pietati & clementiæ jusserat &c. Jam Religionem amplificare, Justitiam tueri, misericordiam exaltare; verbo: cunctas optimi Pastoris ac Principis partes explere decreverat: cum ecce (ut abstrusa sunt Divina mortalibus consilia) mors inopina, hæc omnia conantem interceptit, penitusque prostravit."

nis S. Basilii Monasteriis tria per Italiam Seminaria, unum in Sicilia, in Regno Neapolitano alterum, tertium in Crypta Ferrata agri Romani per Clementem consurrexere.

Roma præ reliquis pietatem Pontificis ac liberalitatem experta. Ibi celeberrimum Juventuti Illyricæ Collegium, quod hodieque ab auctore suo Clementinum audit; alterum Nationi Scoticæ excitavit. Ibi geminas Basilicas Urbis Principes, Lateranensem & Vaticanam superbe adeo ornavit, ut cultum suum ac nitorem, maximam Clementi partem ambæ debeant. (g)

Alia quæ bono publico confecit Clemens, paucis indicabo. Rutbenos fidem Catholicam professos in gratiam communionemque Romanæ Ecclesiæ admisit; Regem Gallicæ, Henricum IV. errores suos, non sine maxima prudentiæ laude ejurantem, (h) anno 1595. Orthodoxorum cætui ac felicitati reddidit; Ferrariam, ab obitu Alphonsi II. Estensis, Sedi Pontificiæ recuperavit anno 1598. (i) Hortatu illius Henricum IV. inter & Philippum III. Gallicæ Hispaniæque Reges, magna totius Europæ letitia pax coaluit. Anno Jubilari 1600. affinem Joannis Calvinii, novæ Sectæ in Gallia parentis, ad meliora Dei beneficio reductum, Confirmationis Sacramento ipse Romæ insignivit Pontifex.

Sub Eodem Sacrorum Bibliorum Vulgatæ Versionis Latinæ Opus quam emendatissimum prodiit: (k) Controversia etiam de Confes-

sione

(g) Eggfius cit. non pauca id genus ornamenta recenset.

(h) Literis, officii ac reverentiæ plenis, manu exaratis propria, Rex immortales Clementi gratias pro beneficio egit. Exemplar Italicè redditum a Silvio Antoniano. Pati hic, ut mississime loquar, humani aliquid jure videatur Cl. Walchius cit., dum reconciliationem istam Henrici cum Pontifice, parum honestam Regiæ Majestati fuisse scripsit. Aliter judicavit Rex ipse; aliter Regis Procuratores Perronius & Ossatus; aliter Proceres, urbesque ad Henrici fidem certatim redeuntes. Redire cum Patre in gratiam, hoccine minus honestum filio? Supremo se Capiti rursus jungere, id membro non satis honorificum? Saluti suæ consultum ire, an virum? an Principem? an Regem, Cæsaremve dedecet? Illud enimverò cogitare velle, ne dicam, typis vulgare, minus profecto honestum, minus congruum sanæ rationi foret.

(i) Baronius ad Clementem: Accidit quasi miraculum a Deo, (bis libenter utar Divine Scripture verbis 1. Reg. XIV. 15.) ut Ferraria, ferrea plane civitas, sine ferro fuerit expugnata. Sandin.

(k) Advertit idem Cl. Walchius, Editionem vulgatæ Latinæ Clementinam, a Sixtina admodum discrepantem, quæ Anno 1592., (non 1532., quod typi errorem lubens interpretor) Romæ prælo exiit, argumento Orbi esse luculentissimo; quod contradicere sibi, etiam in rebus Fidei, duo Pontifices queant. Verum & hic accidisse viro quidquam humanitus, si Orbi manifestem, operæ pretium erit. Ajo itaque 1. probatam a Tridentina Synodo illam Editionem fuisse, quæ olim erat *vetus & vulgata & longo tot Seculorum usu in ipsa Ecclesia probata*. 2. Nec Pios IV. & V., nec Sixtum V., nec Clementem VIII. deprehendisse aut emendasse menda palmaria, substantiam verbi Divini vitiantia, sed leviores duntaxat præli nævos, vel describentium vitio, vel alia humana infirmitate textui aspersos: ut testis est auctor Præfationis in *Vulgatam* hodiernam. 3. Emendationem Clementinam, in substantia sensus a Spiritu S. intenti, a Sixtina non differre: quod contra Thomæ Jamnesii in L. *Bellum Papule* ineptias invictæ & κατ' ἀποφύλαξ ostendit Henricus Bucken-topius *Lucis de Luce* Lib. 3. Cap. 1. 4. Plura id genus vitia transcribentium atque

Nomen & Natio.	Ordo Successio- nis a S. Petro.	Adit Pontificatum.	Sedit in Cathe- dra S. Petri.	Obiit.
----------------	------------------------------------	-----------------------	----------------------------------	--------

sione absenti Sacerdoti facta & absolutione ab eodem absente im-
pertita (l) ad examen vocata, atque ab illo decisa fuit.

Disputationum de Auxiliis Divinae gratiae & spectatorem agere vo-
luit & auditorem. Viros scientiis, virtutibusque claros singu-
lari semper favore prosequatur, sacrumque in Collegium adlege-
bat. (m) E vivis excessit Princeps vere magnus & Pontifex
sane optimus, Anno ætatis LXIX.

Leo XI.

antea Alexander
Mediceus, Flo-
rentinus.

CCXXXIV.

Anno Christi

MDCV.

Kal. Aprilis.

Anno Christi

Dies XXVI. MDCV.

Natus anno a partu Virginis 1535., parentes nobilissimos Octavia-
num Medicum, & Franciscam Salviatam, generis claritate ma-
ximis Europæ Principibus affines, habuit. Non vulgari excul-
tus doctrina, militiæ primum; tum disciplinæ Ecclesiasticæ se
dabat. Remuniatus postea Episcopus Pistoriensis, & mox Flo-
rentinus Archi-Episcopus mira semper claruit Religione ac pru-
dentia, quam sub Henrico Magno, cum Legatum Pontificium
jam Cardinalis ageret, Gallia universa suspexit.

Sexaginta, ut memorant aliqui, & unius Purpuratorum Patrum
suffragiis ad Apostolicæ Sedis apicem evectus, summa iisdem Pa-
tribus humanitate, nihil, quod Deo placeret, aut conscientiae
non repugnaret, petentibus se negaturum spondit.

Obiit brevissimi temporis Pontifex anno ætatis LXX.; Victor, Ba-
ronio teste, (n) ac Triumphator amplissimus, utpote quem nec
Romani Proceres, nec Principum Legati, nec Vaticani Senato-
res, precibus licet ab illo contenderent quam diligentissimis, fle-
tere potuerunt, Pronepotem suum, modestissimum adolescentem,
quem unice diligebat, sacra ut Purpura donaret.

Successit PAULUS V., (*) cujus annum sextum Synodus Tomi
hujus postrema attingit.

IMPE.

Librarium in Editione per Clementem facta, remansisse non diffiteor: tum quia
Vulgatam nunc omnibus numeris absolutam esse pro humana imbecillitate Clemens
ipse affirmare non audet; tum quia diserte asserit, aliqua, quæ immutanda (*mu-
tanda*) videbantur, immutata (*non mutata*) relicta ad evitandam offensionem po-
pulorum. Vid. P. Hermann. Goldhagen S. J. *Introductio in Sacram Scripturam* P. I.
Lect. II. Q. X. edit. Moguntiae typis Hæffnerianis anno 1765.

(l) Nat. Alexand. cit. Bullar. Rom. Tom. III. pag. 132.: cui & aliae attestatæ sunt Cle-
mentis VIII. Constitutiones, quarum centum & viginti tres enumerat Christoph.
Otus S. J. in *Roma sua Gloriosa*.

(m) Illustrium Virorum, in Sacrum Collegium a Clemente adlectorum, quos inter emi-
nent Baronius & Bellarminus, seriem bene longam videre est in eod. Nat. Alexand.

(n) Tom. XII. *Annal. Eccles.*

(*) De Paulo V. scribam Tomo sequente.

IMPERATORES OCCIDENTIS

AB ANNO MDLXXXIX. AD MDCX.

RUDOLPHUS II.



MAXIMILIANO II. ex Maria Caroli V. filia genitus, erecti, vividique ingenii, vastæ rerum peritiæ, & acerrimi iudicii Princeps XV. Cal. Augusti anno MDLII. primam lucem adspexit; Legibus deinceps ac moribus Philippi II. maximi Hispaniarum Monarchæ, cum per ætatem liceret, in Aula ejusdem ad omnem virtutis normam, optimam gubernandi rationem quam solertissime institutus. Aliis bene ut imperaret, nunquam se ad imperata difficile præbuit, mature jam tum perspicuens, ipsam imperandi artem parendo disci.

Ex Hispaniis in Germaniam redux, anno MDLXXII. XXIX. Septembris adhuc adolescens, Regni Hungarici fasces, sibi insolita magnificentia a Pannoniis Possionii delatos vidit. Spes erat una omnium, fore, ut non frangeret modo conterereturque jugum Ottomanicum, sed prorsus etiam fatalem a Regno Lunam averteret.

Anno MDLXXV. XXII. ejusd. mensis Casurgi Rex Bohemiæ, prima vero Novembris in Comitibus Ratisbonensibus Rex Romanorum salutat fuit; & Maximiliano patri, iisdem in Comitibus mense Octobri celebratis occumbenti, Imperator anno MDLXXVI. successit, pace, ut quidem videbatur initio, optatissima fruiturus.

Quo pacis beneficio alias quoque Provincias & Urbes recreare studuit. Postquam enim anno MDLXXVII. Deputatorum Comitibus Francofurti obitis, novam Politicæ in Imperio, elegantiorumque faciem effinxisset; ad sedandos Belgii tumultus animum adjecit. Designati eum in finem Wormatiensi Provinciarum Conventu anno MDLXXVIII. Viri Illustrissimi, qui Cæsaris nomine de gravissimi momenti re arbitrium facerent. Erant, qui personam Imperatoris gesturi Coloniam Agrippinensium anno MDLXXIX. venerant Jacobus Trevirensis & Gebhardus Colonienfis Septemviri, Julius Antistes Herbipolensis, Otto Henricus Comes Schwartzburgicus, & pro Wilhelmo Juliæ Duce, qui absentiam excusarat, Wernerus Gimnichius, Archisatrapa Juliæ, Joannes Lowermannus & Hermannus Richius Icti. Actores hinc pro Rege Catholico Philippo II. ejus Legatus, Carolus Arragonius Terrænovæ Dux; inde pro Ordinibus Philippus Croyus Dux Arescotti una cum multis aliis ab Archi-

Duce Marthia, federatisque Provinciis missus. Post solennis supplicationis Religionem agi ceptum Nonis Maji, ipsosque septem menses consultatum: at vero effectum nihil, Orangio, pacem ne admitteret, miris rem omnem artibus involvente. (a)

Anno MDLXXXI. Aquisgrani gliscens sub cineribus flamma in apertum erupit incendium. Exules, Duce Albano jubente, Belgæ heterodoxi, Artesii præpimis & Hannonii, qui per Magistratus Aquensis, plus justo indulgentis foecordiam sedes ibidem fixerant, nihil habebant antiquius, quam ut imbutis, quotquot possent, suo dogmate veteribus inquilinis, rerum potirentur. Quare in suggestum educere novi Evangelii Præcones, rudem plebeculam in partes suas trahere, sanctissimas Religionis nostræ leges palam explodere secus ac promiserant, non formidarunt. Monitus de petulantia Rudolphus, severissimis quamprimum literis urbi mandavit, opponeret sese Novatorum audaciæ, ac pestem suis e mœnibus actutum ejiceret. Quin & Ernesto Bavariz Duci, electo nuper Leodiensi Episcopo, & Wilhelmo Clivenfi, ut civitati graviter periclitanti subvenirent, negotium dedit. Sed incassum omnia. Fabula furdis cantabatur. In novos insurrexere conatus factiosi, & quanti literas Imperatoris, quanti mandata, minasque facerent, vel ex eo conjicias, quod Consul eorum de grege, fax turbarum & auctor (*Lontzenium vocat Cl. Noppius in Chron. Aq.*) dixisse feratur: "Etiam si Imperator mulum Clitellariûm, literis mandatisque prægravatum mitteret; se tamen idcirco ab inceptis minime abstinenturos."

Tum vero Cæsar pridie Kalendas Julias anno MDXCVIII., quo usque causam suam seditiosi protraxerant, Cives perduellionis reos ac proscriptos, urbemque prædæ expositam, pronuntiavit. Tam violento percussu fulmine, diffugere primores; cæteri, quam supplices flagitabant, poenæ gratiam obtinuerunt. (b)

Sub eadem fere tempora majores excitarunt motus, tum *Formula Concordiæ* ab Heterodoxis Anno MDLXXX. cusa; tum *Calendarium Gregorianum* a Protestantibus aliquot repudiatum (*Vid. Tom. præc. pag. XIII.*) tum denique Gebhardi Truchsesii Colonienfis Archi-Episcopi infelices nuptiæ, ac deploranda ab avita fide defectio, anno MDLXXXII. consecuta. Tempestatem non ab urbe solum, sed a toto etiam Archi-Episcopatu Colonienfi quantis curis, quantaque prudentia, ac felicitate Rudolphus avertèrit, satis loquuntur variarum Legationum, ad Truchsesium directarum capita, quæ *b. Tom. pag. 534.* adtulimus.

Anno MDLXXXIV. induciæ octo annorum, quas adita Imperii possessione cum Ottomanis Rudolphus pepigerat, in novem prorogatae annos fuere. Erexit nihilominus Cæsar Carolipolim in Illyrico, munitissimum adversus

(a) *Struv. Corp. Hist. Germ. Sect. VII. de Rudolpho.*

(b) *Kevenbüller Annal. Tom. I. pag. 192. &c. Fullon. Hist. Leod. in Ernesto. &c.*

versus Turcarum incurfiones propugnaculum; Augustamque Comitia indixit: in quibus quid actum, quid decifum fuerit, explicant Struvius, alique. (c)

Anno MDLXXXVI. ineunte, Comitia Wormatiæ celebrata, diffidiaque inter Sigismundum Sueciæ Principem & Maximilianum Rudolphi fratrem de Corona Polonica decertantes, anno proximo compofita.

Anno MDXCII. nova belli tempeftas a Turcis in Croatiam incubuit. Vitisum, regionis illius caput, aliaque oppida vi expugnata. Jamque Sisacum arctiffima premebatur obfidione, cum Prætor Croatiae paucas Hungarorum reliquias collegit, quæ tam fecundis in barbarum auspiciis sese effuderunt, ut LX. Turcarum millia a manu Hungarorum non oppido magna partim caderent, partim in fugam converterentur. Excitus inſolitæ hujus victoriæ fama Hungarus, totoque e Regno proruens, ſupremo exercitus Cæfarei ductore Maximiliano, Novigradum, Zabaticam, Filecum, Deniniam diræ XXX. annorum ſervituti Turcicæ eripuit, tantaque hoſtem adfecit clade, ut Regni totius priſtinam in libertatem vindicandi ſpes ampliſſimas Orbis Chriſtianus conciperet, ſibiſque de felici illo armorum progreſſu gratularetur.

Verum ſpes in ſolitudinem; gratulationem in luſtum mox vertit annus MDXCIII., Sina Amurathis Prætore cum immenſo Turcarum exercitu Hungariam ingreſſo, & Javarinum non tam armis, quam auro proditum occupante. Quæ res novum Germaniæ ſimul atque Italiæ terrorem incuſſit, paucis poſt annis diſpulſum, cum e manibus hoſtium Adolphus Schwarzenbergius Comes, Dux Rudolphi clariffimus urbem denuo eriperet, tanta admiratione omnium, ut, immanis victoriæ nuncio qui fidem haberet, vix unum repereris. Emolumentum illius feciſſe, comprecatio DEI O. M. ſolennis a Clemente VIII. Pontifice inſtituta creditur.

Varia dein fortuna pugnatum ad annum Sæculi XVII. quintum, quo cum Rudolpho in vincennales inducias Turca descendit.

Hæc a Turciſ paſſus Imperator: cui tamen acerbius nihil, graviusque accidit, quam ingreſſeſcentia in dies Religionis ſibi cariſſimæ pericula, quæ, Sectis heterodoxorum per Germaniam ac Bohemiam ſerpentibus, prorumpabant.

Poſt turbas a Donawerda, Boici olim juris ad Danubium civitate anno MDCVI. Idibus Aprilis excitatas (d) luſtuoſiſſimæ belli tricennalis, de quo alibi differendi locus erit, hiftoriæ præluſum Anno MDCX. tum *Correſpondentium Unione*, (e) tum *Liga Catholicorum*. (f) Cauſam belli fuiſſe memorant Hiſtorici diploma (*Literas Majeſtatis* vocabant) Rudolpho a Sectariis extortum, quo publicum profeſſionis ſuæ exercitium iis indulgebatur. Rudolphus ut

ne

(c) *Struv. l. cit.*

(d) Cauſam Donawerdanæ exhibet *Joſephus Biner S. J. in Apparatu Eruditionis P. VIII. L. I. Cap. I. Art. I.*

(e) *Kevenhüller Tom. VII. Londorp. Tom. I.* (f) *Dumont Tom. V. P. II. Imperat. Occident. Tom. VIII.*

ne initia quidem mali intueri cogeretur, Anno Christi MDCXII. ætatis quinquagesimo nono, Imperii sexto & trigesimo Pragæ X. Januarii e vita migravit, Bohemiæ & Hungariæ Regnis ante translatis in Matthiam fratrem, cui septemdecim florenorum Myriades in ærario reliquisse dicitur. Imperatori Religionis studiosissimo, sex linguarum peritissimo, (g) Pacisque & Literatorum, Mathematicis præsertim disciplinis addictorum amantissimo successit idem germanus

MATTHIAS

Electorum omnium (Brandenburgico excepto) suffectus votis, provectiore jam ætate Princeps, cujus res gestas Tomo sequente exponemus.

FINIS CATAL. IMPER. OCCIDENT. TOM. VIII.



(g) Corbinianus Khanum in *Hierarch. Augustana* P. I. Cap. VI. Class. IV. Sect. VIII. pag. 371. Addi possunt AA. cit. Spondanus, Brachelius, Adzreiterus, Tbuanus, Masenius, Schwarzius, Lynnaeus, Hortens. Pallavicinus & alii.

DIGRESSIO

AD SÆCULUM XVI.

BREVIS EPITOME RERUM,

in causa LUTHERI, & Sæctatorum ejus toto eo Sæculo gestarum.

FIdem, sub initium Tomi CC. VI. in adnotatione datam, nunc liberaturus, brevem Læctori meo rerum, toto eo Sæculo in Lutheri, ejusque Sæctatorum causa gestarum, exhibebo epitomen, quam vel ipsis DD. Protestantibus amenam læctu, certe non moleſtam fore confido. Veritatem in illa reperire erit a genuino Hiſtoriæ candore, cultuque verborum ſimplici, quo, fucum perofa & ruras, delectari ipſa maxime ſolet, erudito huic noſtro ac delicato Sæculo comprobendam. Ea utar moderatione ſcribendi, ut, ne vox quidem acerbior conſcio mihi elapſura ſit; ea brevitate, ut etiam ubi, quod ſuperioribus ſparſim in Tomis expreſſum modo fuit, inveniri poſſit, ne idem repetam, Læctori benevolo ſim indicaturus. Nec ſatyram paro, nec abſolutam numeris ſuis Hiſtoriam, ſed Hiſtoriæ vaſtiſſimæ compendium; quod quidem in duo duntaxat Capita diſpartio: quorum primum de Sæcta Huſſitarum, tanquam inſelice, unde Lutheraniſmus per Germaniam noſtram emicare ut plurimum cœpit, ovo; alterum de Lutheraniſmo ipſo aget. Interim cenſebo dictum mihi, quod monuiſſe Tullius Lib. 2. de Orat. videtur Scriptorum quemlibet: *ne quid falſi dicere audeat, ne quid veri dicere non audeat; ne qua ſuſpicio gratiæ ſit in ſcribendo, ne qua ſimulatiſ.*

CAPUT I.

De Sæcta Huſſitarum.

§. I.

Origo Sæctæ.

IN florentiſſimum Bohemiæ Regnum adtulerat ſecum ex Anglia ceu pretioſum quendam theſaurum, Joannis Wicleſſi libros, Bohemus primum, Vir ex domo, quam *putridi piſcis* vocant, conſpicuus; dein *Petrus Payne*, Wicleſſi olim diſcipulus. Exemplum per ipſam Regni Metropolim mox volitabant deſcripta non pauca: Legit ea, relegitque avidius *Joannes Huſſ*; ex villa ejusdem nominis, quod *aſſerem* lingua patriæ ſignificat, ortus & cognomentum mu-

tuatus; atque illico latius iſta divulgandi ſtudio exarſit. Vir erat Huſſus ingenio peracri, ſed opinionum heteroclitarum cupidiſſimo: facultas dicendi gravis & copia ipſum commendabant. Vitæ etiam mundioris fama haud exigua illi apud cives authoritatem comparaverat. Hiſ ſubſidiis, non Presbyter modo, ſed Pragenſis etiam Academiæ Reſtor facile, quod animo ſuo propoſitum conceperat, in lucem edidit. Nec ſane diu fuit, cum, dilapſis Praga Lipſiam Germanis, deſenſoribus aviæ Religionis imperterritis, doctrina Wicleſſi ore ſimul & calamo ab Huſſo propagaretur, tanta quidem cum perniciæ (verba ſunt Cochlæi) "ut ne" que Summi Pontificis, neque Archi-Epiſcopi Pragenſis iſtantantiſſima cura... potuerit ſemel conceptum.. virus e cordibus "hominum eradicari aut extingui." Memorandi inter Huſſi Sæctatores, primi veniunt *Hieronymus Pragenſis*, *Petrus Drendenſis*, & *Jacobellus Miſnienſis*.

§. II.

Huſſi, Huſſitarumque errores.

AB Indulgentiarum cavillatione telam ſuam oriſus videtur Joannes Huſſus, ingentemque contra Sacerdotes, ac familiarum Religioſarum viros tempeſtatem excitavit. Ad alios deinde errores deflexit, quos paſſim apud AA. Tenor illorum extat *Tom. V. CC. a pag. 86.*

§. III.

Huſſi & Hieronymi Pragenſis dominatio.

Utrumque in erroribus ſuis pertinacem ac ſecti neſcium damnavit Conſtantiensis Synodus: hunc Seſſ. 21., illum Seſſ. 15. Diarium Huſſitiæ damnationis & complicitum vide *Tom. V. cit. pag. 94.*

Animadverſio.

Juvat hic paucis reſellere tum eos, qui cum *Guilielmo Cave* in ſua Hiſtoria literaria ad Sæculum XV. judicant, peccatum illa damnatione contra fidem publicam & juſtitiæ fuiſſe; tum iſtos, qui Huſſum perinde

ac Pragensem ad eundem Divis Christi Martyribus hodieque existimant.

Hallucinatur primi : nam neque Johannes XXIII. P., neque Patres Concilii Constantiensis Salvum, ut vocant, Conductum seu literas, commeatus liberi testes, Hussio dederant : id quod ex epistolis ab ipsomet Hussio ad familiares Constantia datis arguitur. *Veni in Constantiam*, scribit epist. 5., ... *sine omni nocumendo...* *Venimus sine salvo conductu*. Adnotarunt Hussitæ : *Intellige PAPÆ*. Et epist. 6. : *Veni sine salvo conductu PAPÆ ad Constantiam*. In aliis, 18. præsertim & 19. etsi de multis queratur capitibus sibi injuriosis, de violata a SYN. ODO fide Salvi conductus altum tacer. Nihil etiam de ejusmodi perfidia contra quemquam & *CONCILII PATRIBUS* in medium protulit, jamjam supplicio afficiendus. Ad *SIGISMUNDUM* Imper. quod spectat, munitum ab eo publici liberique per omne iter commeatus præsidio Hussum fate-mur : sed enim a Concilii jurisdictione pissimus Cæsar, ut patet ex literis, (*apud Goldasum*) 18. Octobris anno 1414. ab eodem Spiræ datis, hominem non exemit; voluit potius, ut judicio Ecclesiæ sese submitteret, pacem non turbaret publicam, nec novis se criminibus illaquearet. Hussus e contrario vel egit vel animo saltem versavit alia prorsus omnia. Sola enim, quam modo arripuerat, fuga, licet ex eadem retractus, certo velut indicio se prodidit. Tentabat nimirum Synodi examen contra Imperatoris mandata, contra suammet sponsonem subterfugere, atque ad evertendam tota Boemia, Moravia & Polonia fidem revolare. "Non igitur Religiosissimo Principi, *insert* "Cochlaus, debet imputari; si Concilium, exigente justitia, in pertinacem (*Hussum*) "secundum jura sententiam protulit.

Porro quisquis gravissima Hussi flagitia sinistro duntaxat oculo obiverit; sententiam Concilii ab omni injuriæ specie vindicandam censerebit.

Profecto Sigismundus Imp. omnes Hussi errores, quin & singulos morte dignos, coram Concilii Patribus enunciavit. Errant itaque, qui Concilium aut læsæ tunc fidei, aut injustitiæ insimulant.

Labuntur errore & alteri, eoque gravissimo : Nam quis inter Sanctos Christi Martyres, ob edita quedam constantiæ & fucatiæ pietatis signa homines numerandos putet a vera Christi Ecclesia avulsos, suisque sceleribus quasi per triumphum immortuos? *Multi latrones*, Magni Augustini oracu-

lum est Serm. 274., *patientissime torquentur; & non cedentes, & tortorem vincentes, postea æterno igne puniuntur*. *CAUSA discernit Martyrem a patientia, imo duritia sceleratorum*. Et nunquid 1. Cor. 13. Apostolus: *Si tradidero corpus meum, ita ut ardeam; charitatem autem non habuero, nihil mihi prodest?* Plura hac super re congestit Cochlaus Hist. Huss. Lib. II. pag. 95, seqq.

CAPUT II.

De Lutheranismus.

§. I.

Lutheri ortus, ingenium, mores.

Author Lutheranismi & Princeps Martinus Lutherus, primam aspexit lucem Islebii, Mansfeldensis in Saxonia Comitatus oppido Anno 1483. die 22. Octobris, aut (juxta alios) pridie D. Martini, patre Joanne Lotter; & Margaretha Linder-manna matre. Nomen familiæ, quod ex lingua vernacula *seurram*, *scortumve* redolet, in Luther, quod purum sonat, commutavit. Literis humanioribus Magdeburgi & Ikenaci imbutus; Erfordiam petiit, ubi ob insignem in disciplinis Philosophicis profectum Lauream Magisterii, anno ætatis suæ vigesimo consequeretur. Jurisprudentiam ibi a limine vix salutaverat, cum fato focii sui, fulmine ante pedes extincti perterritus, amplectendæ Religionis votum nuncupavit, moxque Sacro Eremitarum D. Augustini Ordini nomen dedit Anno 1504.

Initiatus Sacerdotio A. 1507., Wittenbergam a Joanne Staupitzio, Generali Augustinianorum per Germaniam t. t. Vicario, missus fuit, ubi & Doctoris Theologiæ prima reulit insignia & sacram aliis doctrinam publice explanavit.

Diffimulari non potest, inquit apud Flor. Ræm. Gesnerus Lutheranus, Lutherum ingenio fuisse vehementi, & qui neminem, qui cum ipso non sentiret, ferre posset. En genuinam hominis imaginem ex Pallavicino : (a) "Acuto vidoque (*Martinus* "Lutherus) fuit ingenio, propensus ad studia "literarum, & in iis corpore & mente indefessus. Cum inops literaturæ non esset, "longe ditissimus sibi videbatur; quippe "cui in lingua, tanquam in numerato, sua "omnia in promptu erant... Hæ dotes replebant animum mira superbia, & apud "vulgus opinionem, quæ illam aleret, pro-vocabant &c.

§. II.

(a) Hist. Conc. Trid. L. 1. C. 4. Plura Cochlaus, Flor. Ramendus, Ulenbergius, Hazartus, Desingius & alii.

§. II.

Initia Lutheranismi.

HÆc Tom. nostro VI. CC. pag. 149. cum expressa sint, eo Lectorem nostrum remittimus. Eadem refert ad annum Christi 1517., Leonis X. PP. 5., Maximiliani I. Imp. 24., Hermanni V. Colon. Archi-Ep. 3. in Chronico suo MS. *Wilnius ex Bernardo Wittio*, Scriptore coævo, testemque rei gestæ oculatum, Joannem Oldecopium, Hildesii natum, Collegii ad S. Crucem postea Decanum, Lutheri olim in Universitate Wittembergenfi discipulum producit.

§. III.

Lutheri dogmata.

Promiserat Lutherus, qui Thesibus primum, anno 1517. toti Germaniæ luctuosissimo, contra Indulgentias editis, aliisque mox scriptis tumultuari adversus Pontificem & Ecclesiam cæpit, Hieronymo Sculteto, Brandenburgensi Episcopo, Præfili suo, saniora suadenti, se obtemperaturum; (*Tom. VI. nostro cit. pag. 136.*) sed, stimulante livido fastu, ad ingenium rediit, errorumque ex aliis aliis per intervalla protrudit. Eorum aliquos reperire est in Bulla Apostolica LEONIS Papæ X. anno 1520. 17. Maji data, quam vide *Tom. eod. pag. 171.* Analysin illorum exhibet Hist. Ecclæs. Sæc. XV. & XVI. pag. 101. sqq. Tom. VIII. *Natalis Alexander*, atque ad pleniorum Operum Lutheri cum Latinorum, tum Teutonicorum Indicem, ex Joanne Cochleæ perspicendum relegat. *Florim. Ræmundus* de Origine *Hæresion Lib. I. Cap. XVI.* Lutheranismus ex quibus conflatus sit erroribus, pereleganter diducit. Systema suum, inquit in Prodro-mo ad Theologiam Dogm. Scholasticam Diss. II. Cap. IV. art. II. n. 310. *Josephus Gauthier*, ut fabricaret Lutherus, duo primaria Fidei Catholice fundamenta, Scripturam & Traditionem quatere & subvertere molitus est; bina item stabilire principia, ad morum subversionem haud oblique tendentia: Primum, quod extinctum diceret liberum hominis arbitrium; alterum, quod facultatem, etiam cum gratia Dei mandata ejus servandi, nobis in hac vita degentibus negatam assereret.

§. IV.

Lutheri progenientis tale Systema, ac nutrientis scopus.

IN Ecclesia, quam Christus JESUS, Patris æterni æternus Filius in terris fundavit, sacrum quendam splendidumque Principatum seu *Hierarchiam*, eamque tam *Ordinis*, ut loquimur, quam *Jurisdictionis* agnoverunt semper, quotquot religiose ac sobrie sentiebant Viri cordati, & summis profecti honoribus fuerunt. Probant id satis perhonorifica antiqui imorum Patrum, non modo Ordinem Clericalem a Sæculari, verum etiam ipsos inter Clericos Ordinem ab Ordine distinguendum, testimonia vix non innumera, quæ adferre nec licet brevitatis studioso mihi, nec libet. Videri possunt bene multa apud *Thomassinum Tom. I. Lib. I. Cap. LI.* Unum audiamus de Hierarchia ista Ecclesiastica scribentem S. Cyprianum: *Una, inquit, est a CHRISTO per totum mundum in multa membra divisa Ecclesia; Episcopatus unus, Episcoporum multorum concordia numeroestate diffusus.* (b)

Hanc porro Hierarchiam tam ordinatam & magnificam, quæ juxta eloquium Doctoris melliflui (c) *Deum habet auctorem, & de celo ducit originem*, (d) non labefactare modo voluit, sed penitus subvertere novi *Systematis parens & egregius, si Superis placeat, Ecclesiæ Reformator Lutherus*. Eo gesta ipsius collimabant, scriptaque propemodum omnia. Romanum Pontificem e toto Orbe Catholico proscribendum curabat. Testes Literæ ad Carolum V. Imperatorem anno 1519. datæ, (e) quibus asseruit, nihil Romanorum Pontificum tyrannide in Germaniam, ejusque Principes hætenus fuisse intolerabilius; Testis Libellus germanicus (f) ejusdem nominis Nobilitati, cujus blandiorem in se auram sentiebat, anno 1520. inscriptus; testis audacia illa & furor, quo æstuans jus Pontificium, cum ipso Leonis X. novam doctrinam condemnantis diplomate, Ecclæ & Emseri commentariis non procul Wittenbergenfi ab urbe publice Vulcano tradidit; testes denique libri varii, a Flor. Ræmundo (g) non libri, sed plaustra infamibus convitiis & injuriis onusta, quas plena inde manu Lutherus spargit, jure appellati. Certe non aliam habuisse Lutherum præfixam sibi metam, quam ut insignem illam disturbaret Ordinis Hierarchici structuram,

(b) *Epist. 52. ad Antonianum.*(c) *Lib. 3. de consider. ad Eugen. C. 4.*(d) *Vid. præter Thomass. l.c. Bellarm. de Potest. Summi Pontif. Petav. de Ecclæs. Hier. Melch. Canus de Rom. Eccl. Auth.*(e) *Jac. Masenius Anim. Hist. de Car. & Ferd. Lib. I. pag. 47.*(f) *Tom. I. Jen. Germ. fol. 288.*(g) *De Orig. hæres. Lib. I. C. 9. pag. 74.**Digressio ad Sæcul. XVI. Tom. VIII.*

Eturam, & possessiones Episcopatum cum omni jure in Sacra, Principibus secularibus transcriberet, eventus docuit. Id loquuntur satis tot ditioes Ecclesiarum tum Metropolitanarum, tum Cathedralium ab Hierarchia Ecclesiastica avulsæ & profanis a Magistratibus occupatæ, tot Monasteria plane diruta, tot everse aræ ac templa. Id loquuntur Pax Religiosa & Westphalica.

Noverat nimirum homo ab ingenii vafrutis instructissimus, & projectus ad audendum, opus sibi esse potentia virium, Magnatum præsidio, Principum auxilio in armis etiam, dum res postulaverit, quaerendo. His sine nervis effecturum se nihil, bruta duntaxat fulmina missurum, cassas fore spes suas, molitionesque omnes, quas Procerum autoritas, favor ac suppetiæ non sustinerent, firmarentque. Sed enim illorum expugnare animos, & suas in partes trahere quæ via poterat facilius, quam si præter enormem, quidquid allubescit, credendi licentiam ipsis propositam & commendatam, eorum ampliaret facultates, æraria locupletaret, integros adjiceret principatus, extenderet ultra Orbis Catholici limites jura, atque immensam jurium Episcopatum multitudinem in eos transfunderet. Hæc, aliæque id genus plurima quid tandem spectaverint, nemo non videt. Tam dulci esca, ut hamo pisces, Nobilitatem, Ecclesiasticorum bonis jamtum inhiantem, capere, suamque efficere, operosum Luthero non erat. Rem ipsam putavit Cl. Hunius Jctus, cum ad Joannem Adolphum Fuldenfis Ecclesiæ Abbatem scriberet, (b) duo esse, per quæ tantum Lutheranismus tam brevi tempore incrementum sumperit, ut totum prope Orbem Christianum perrepperit, summosque Reges ac Principes applausores & Patronos invenerit: vivendi nimirum libertatem & bona Ecclesiæ diripiendi immunitatem.

§. V.

Sectatores Lutheri præcipui.

Recensendi hos inter, & qui, qualesque fuerint, depingendi sequentes.

I. ANDREAS BODENSTEIN, natus *Carlostadii*, Franciæ Orientalis oppido, unde & ipsi nomen: *Carlostadius*, Archidiaconus Wittenbergensis, primus fuit, qui Christiani Sacerdotii dignitatem nuptiis sacrilegis, non sine magno Orthodoxorum

scandalo palam anno 1525. celebratis, poluit; & tanquam si facinus patrasset memoria sempiterna dignum, carumque superis, Encomiasten Lutherum ipsum habuit, Wittenbergamque adeo sibi faventem, ut Missam propriam, cujus exemplar habet Flor. Ræmundus, (i) inauditum ante illum diem impietatis (ausimne cum Nat. Alexandro (k) loqui?) & lasciviæ impudentissimæ monumentum eam in rem cives ediderint.

Non tulit ætatem, quæ Lutherum inter & Carlostadium maxima intercedere videbatur, amicitia: vix enim hic, absente illo & inconsulto, abrogare Missam, imagines e templis ejicere, aliam de Eucharistia opinionem in vulgus spargere, ac sepultos olim excitare Sacramentariorum errores; & ecce tibi! tam vehemens inter binos hocce pacis, concordiaque Apostolos exarsit dissensionis & iracundiæ ignis, ut horrendis alter alterum modis proscinderet. Triumphante nihilominus Luthero, pulsus e Saxonia Carlostadius palari cum conjuge nobili & liberis eousque debuit, dum a Tigurinis in Helvetia primum Diaconi, post a Basileensibus Ministri, unde vitam toleraret, munus ipsi obtigerit. Diem clausit Basileæ anno 1541. De fati genere variant Authores. Sunt, qui peste consumptum putent. Lutherani a Diabolo strangulatum asseverant, testiumque nubem ex ipso Basileensium Ministrorum cætu proferunt. (l) Fuit Carlostadius homo præceps, inflatus & turbulentus, quos ille affectus scintillantibus oculis prodidit. Quod si nemo esset, quicum ligaret, secum ipse litigabat. (m). A Melanchthone male, (n) pessime a Luthero audit.

II. HULDRICUS ZWINGLIUS, e Milite, ut vult Florim. cit., Canonicus Constantiensis, vel, ut aliis placet, e Glaronensi primum, tum Eremitano Pastore, in urbe Tigurina Parochiæ Administrator anno 1518. effectus, impia sensim per Helveticos Pagos (Cantones) Religionis mutandæ consilia sparsit. Ortus erat Wildenhufius, Doggiorem pago in Helvetia anno 1487. (o) Cal. Januarii. Studiorum suorum curriculum emensus est Basileæ & Bernæ, geminis Helvetiæ urbibus, & Viennæ in Austria. Vix ullum viri probi, Sancti & Apostolici vestigium; integra vero libidinum, aliorumque scelerum examina in illo notasses. Vivis eum coloribus adumbrant *Hazartus* & *Gretserus*, (p) legi etiam meretur *Hartmannus* in Annal. Eremitarum ad ann. 1517.

Cum

(h) XII. Præjud. & Respons. Lutheran. & Calvinist. &c. Colon. Agripp. typis Metternichianis anno 1633.

(k) Hist. Eccles. Tom. VIII. pag. 114.

(i) Lib. II. Cap. 7. n. 6. pag. 193.

(m) Flor. l.c. Hazart de German. Part. 4. C. 1.

(n) Epist. ad Frider. Myconium.

(o) Dictionnaire Historique-Portatif Tom. II.

(p) Haz. in Hist. Eccl. Germ. Part. 5. C. 1. Gretsf. Tom. 13. pag. 251. & aliis.

Cum Carlostadio, quo usus Magistro Zwinglius fuerat, veram negavit Corporis Christi in Eucharistia præsentiam. Sermonibus suis, quos atro passim convitiis adversus Indulgentias, invocationem Sanctorum, Sacrificium Missæ, Leges Ecclesiasticas, vota, & Rom. Pontificis Primatum, aliasque res sacras congestorum veneno imbuebat, Tiguri quadriennio habitis, & Pseudosynodis anno 1523. XXIX. Jan. ibidem & anno 1529. Bernæ celebratis eo S. P. Q. Tigurensem, Bernensemque detorsit, ut suam in sententiam abirent, & sectam amplexarentur. Quos deinde secuti Constantienses, Basileenses, Schaffhusiani, Santgallenses, Mulhusani & Bielenfes, (q) Joanne Fabro, Constantiensis Episcopi Vicario Generali frustra pro fide Catholica perorante; ipsis Rmis Episcopis Basileensi, Constantiensi & Lauphanensi sese incassum opponentibus.

Occubuit Zwinglius in acie contra Catholicas Helvetiorum Tribus die XI. Octobris anno Ch. 1531, ætatis 48. Scribit de fato miselli, tam verè, quam eleganter Eminentissimus Hofius in judicio & censura de adoranda Trinitate.

III. JOANNES OECOLAMPADIUS, fidus Zwinglio Achates, linguarum peritia clarus, famosus Basileensium Apostolus parivitæ parem ferme etiam finem imposuit. Ex Ordine S. Brigittæ profugus, solennium votorum vinculum rupit, sibi que viduam juniorem matrimonio junxit. Eundem, quem Zwinglius, Basileæ venditavit, sub alio licet explicationis involucro, errorem, eod. anno Christi 1531. & ætatis 49. ibi e vivis ereptus. Quo modo, non tenetur. (r)

IV. PHILIPPUS MELANCHTHON, magnum inter Protestantés nomen & vir inter eruditissimos Sæculi XVI. numerandus, Brettæ, Electoralis Palatinatus oppido, XVI. Februarii anno 1497. Georgio Schwarzerd (græce Melanchthon sonat) patre admodum probo ac religioso genitus, postquam in variis Germaniæ locis tum varia edidisset ingenii ac scientiæ multiplicis specimina, tum viros id ætatis præstantiores de via salutasser, anno 1518. Luthero se adjunxit.

Inter cætera, quæ scripsit, notatur ab Historicis 1. Apologia pro Luthero contra Theologos Parisienses. 2. Loci communes in sacras Literas, methodica ratione digesti, invictum Luthero & incomparabile visum

opus. 3. Commentaria in Epist. ad Rom. 4. Celebris illa *Confessio Augustana*, de qua mox agetur. (s)

Variis interfuit Conventibus & Colloquiis, tandemque vivere desiit Wittenbergæ 19. Aprilis 1560. ætatis suæ 64.

V. MARTINUS BUCERUS, Argentinae ex Patre Judæo natus anno 1491., Ordinem S. Dominici postea amplexus, sed turpis ejusdem desertor Sanctimoniali sibi connubio copulavit, Luthero scientia linguarum superior, Argentoratensis per plures annos Minister, pacis Sacramentarios inter & Luthéranos frequens interpres. Hermannum Coloniensem Archi-episcopum erroribus suis fascinavit. Obiit in Anglia XXVII. Febr. anno 1551. æt. 60. homo levissimus & Proteo ipso mutabilior, dignus tamen a Seren. Landgravio Hassiæ Philippo habitus, quem ad Lutherum, aliosque Doctores Protestantés mitteret, explorandi gratia, eosque ut totidem Oracula consulendi, annon addiscere sibi alteram tori sociam, (*cur non & tertiam, quartam, pluresve?*) prima conjuge adhucdum vivente, per novi Evangelii Canones liceat? [t]

VI. GASPAR SCHWENCKFELDIUS, Nobilis Silesius, non Bibliis Sacris, ut quæ Verbum Dei haud essent, verum privatis tantummodo visionibus ac revelationibus docuit esse credendum, fortissimum, quo opinionem suam tegebat, clypeum ex 1. Cor. 3. *Litera occidit, stolidissime depromens*. Alios præterea errores innovavit. Plurimos edidit contra Lutherum, cui totus vilescerat, libellos; plurimis vicissim a Lutheranis exagitatus. (u) Post viginti & octo annorum turbas obiit anno 1554.

VII. JOANNES AGRICOLA, idem cum Luthero natale solum habuit, eosdem initio propugnavit errores, quos inter primum facile locum sibi vindicet nobile illud: *Quidquid libet, licet: modo in Christum credas*, haud certe alienum ab hac Lutheri pronuntiatione: *Pecca fortiter, sed fortius fide*. Dictus *Antinomorum* parens, quod Legi adversaretur ipse, & eandem Christianis præfusus inutilem esse affirmaret. Concessit satis anno 1566.

VIII. ANDREAS OSEANDER, (x) juxta Nat. Alexandrum Guntzenhufii in Marchionatu Brandenburgico natus, literis qua Wittenbergæ, qua Norimbergæ com-

E 2

(q) Nat. Alex. Hist. Eccles. Tom. VIII. pag. 115. (r) Luther. de Miss. priv. Simon Gryneus in vita. (s) Cl. Ulenberg. Hist. de vita, moribus &c. (t) Bossueti Hist. variat. Eccles. Protest. gallice edit. Parisiis anno 1740. Tom. I. Lib. 6. pag. 249. sqq. (u) Leg. Conrad. Schlüsselburg. Catalog. Hæreticorum Lib. X. (x) Card. Hofius Lib. I. de Hæres. nost. temp.

prehenfis, Lutheri aliquamdiu probavit dogmata, de iisque verba fecit; omnium mox fabula & ludibrium, cum alterum se jactaret Henochum ac mira de hominis justificatione deliramenta, nugaeque nugacissimas circumferret. Paroxifimo epileptico e vivis sublatus est XVII. Octobris anno 1552. ætatis 52.

IX. JOANNES BRENTIUS, Patria Suevus, erroribus Lutheri inter alios hunc adjecit, quod Christi Corpus in vi unionis Hypostaticæ assereret esse ubique, nuncupatus idcirco *Ubiquistarum* parens: in eandem prolapsus est Apostasie & Sacrilegii labem, dum e Senatu Canonico Wittenbergensium ac Sacerdotum ad turpes nuptias secunda etiam vice transilire non erubescerebat. Egit Theologiæ Professore Tubingæ; Duci Wittenbergensi a consiliis fuit, mortuus X. Septemb. anno 1570. æt. 72. Eruditis illum scriptis excepit, retuditque *Petrus a Soto*, vir ex Ordine S. Dominici egregius.

X. MATTHIAS FLACCUS, ab Illyrici finibus, ubi III. Martii 1520. nascebatur, dictus *Illyricus*, suos primum a Luthe-ro & Melancthone errores Wittenbergæ hausit, quorum perofus mollitiem, ad aliud fecessit institutum, multosque pertraxit: unde *Flaccianorum* secta ducit originem. Disputatum ab eo vehementer cum Confessionistis de ritibus externis, de libero arbitrio, & aliis capitibus. Finxit peccatum Originale ipsammet esse hominis substantiam, penitus fauciatam, atque inevitabili quadam necessitate in malum propensam; contra Victorinum Strigelium, Professore Jenensem, aliter de noxa originis sentientem, acriter pugnavit; & maxima illius in compilandis Centuriis Magdeburgensibus pars fuit. Obiit Francfurti ad Mœnum XI. Martii 1574. ætat. 55. Stilo Wittenbergensium Scholasticorum mordacissimo probrosissimoque confixus, (y)

XI. NICOLAUS STORKIUS, etiam pro temporum istorum usu *Pelargus* ex græco nominatus, ortu Silesius, Sectæ *Anabaptistarum*, quæ anno circiter 1522. caput extulit, autor fuisse tum Bullingero, tum Melancthoni videtur. A Luthe-ro, cui primum adhærebat, postea defecit, jactansque insolitas revelationes, pulsus Wittenbergæ fuit; & incertis diu sedibus per Thuringiam circumforaneus, e mentitæ sanctitatis specie plebem rusticam insigniter ludit, persuasitque, ut libertatem profiterentur Evangelicam, & se rebaptizari sinerent. Monasterii in Xenodochio miser hic enthusiastæ

occidit. Discipulum se illi adjunxerat THOMAS MÜNZERUS, Sacerdos Apostata, Zwickaviæ Misnienfi in Marchionatu ortus, infaustum terræ portentum, ut ait Flor. Ræ. mundus, qui, perlectis aliquot Lutheri libris, primus Germaniæ solum seductorum a se simpliciorum sanguine rigavit. Turbulentissima enim fax belli, Cochlæo teste, seditionisque fuit; cum, peragratis Evangelii sui causâ Bohemiæ, Marchiæ, Saxoniciæque urbibus Mühlthum tandem, imperiale Thuringiæ oppidum, & circumjacentes pagos seditionibus implever. Rustici, qui fuafore illo, præcipientes magno numero confluerant, jamque horrendis non uno in loco adfecerant Germaniam ruinis, inito prope Frankenhustum prælio, a Georgio Saxonici Duce, sex millia & amplius fusi, rebellionis suæ poenam dedere, Antesignanis eorum Münzero & Pfeiffero (alias *Isfultore*) anno 1525. capite plexis. (Tom. nostro CC. VI. in *Serie Regum Roman.* pag. XXVII.) Oppressorum victricibus Principum armis, perduellum Rusticorum numerus ad centum & triginta, imo quorundam ex calculo ad ducenta millia fertur excurrere. (z)

XII. JOANNES CALVINUS, ut Lutherus Lutheranismi, sic Calvinismi autor, Novioduni Veromanduum X. Julii anno 1509., patre Gerardo Cauvino, matre Joanna Franka, parentibus obscuris, at Catholicis natus, absolutis Lutetiæ Parisiorum humanioribus Philosophicisq; studiis, Avarici, quo Andream Alciatum JCtum ætatis suæ facile principem auditurus venerat, amicitiam inuit cum Melchioro Wolmaro, Germano, Græcarum literarum Professore, ab eoque doctrinam Luthericam hausisse creditur.

Ccepit anno 1534. Pictavii in Gallia virus suum effundere, ubi præ reliquis Antonium Dugium, Philippum Veronium, Albertum Babinorum & Joannem Vernovium amicos sibi & fidos in propagandis Sectæ suæ novitatibus adjutores habuit. (a)

Ab Joanne Morino, judice rerum capitalium æquissimo & inprimis Catholico male sibi metuens, e Regno illo Basileam se contulit, enixus ibidem Cal. Augusti anno Chr. 1535., ætatis 26. partum compluribus Orbis Catholici regionibus, quo penetravit, exitialem 4. libros *Institutionum Christianæ Religionis*, ut vocat, primum gallice, dein latine conscriptos, atque ex Lutheri, Oecolampadii, Melancthonis, & aliorum Sectariorum penu maximam partem depromptos, sed nova methodo ac purioris Latinitatis

(y) Ulenberg in vita pag. 448. sqq. *Anabaptist.* Fabricio Origg. Saxon. *Muncerus Stolbergæ in Herciniis.*

(z) Cochl. Nat. Alex. & Mesbovius in *Histor. Lib. VII.* pag. 265. apud Struvium natus fuit (a) Spondanus *Annal. Eccles.* Tom. II. pag. 424.

tatis elegantia, ceu veste melius sedente, exornatos, eleganti Præfatione ad Franciscum I. Galliarum Regem addita.

Mox in Italiam profectus ad Renatam, Ferrariensis Ducis conjugem, Novatoribus impense faventem; ex Italia Genevam, Geneva Argentoratum, ubi, suatore Bucero, viduam Anabaptistæ, idoletam Buream (*de Bure: Catharina de Bore Lutheri fuit*) Matrimonio sibi junxit anno 1537. Comitibus Wormatiensibus, ac Ratisbonensibus interfuit. Redux anno 1541. ad Geneveses sibi conciliatos, & summo totius urbis plausu exceptus, ita insolescere, ut leges præscriberet, a quibus discedere nemini liceat, suoque ex arbitrio ageret, flecteretque omnia, dictus idcirco a quibusdam *Papa Genevensis*. Obiit hac in urbe post molestem cum variis morbis septem annorum confectum anno 1564: ætate 55. Maji 27.

De genio, vitiisque Calvinii scripsere Maimburg. *de Calvinismo Lib. 4. ad a. cit.* Nicolaus Romæus in *Libro*, cui titulus: *Joannis Calvinii, Noviodunensis nova effigies, centum coloribus, ad vivum expressa*. Flor. Ræmundus L. 7. &c.

De Sectæ Calvinisticæ erroribus nemo diligentius, quam *Franciscus Feuardentius*, Celmum Ordinis Minorum lumen, Theologus præstantissimus in sua *Theomachia Calvinistica*, ubi excussit mille & quadringentos errores, ac strenue refutavit. (b)

En præcipuos Lutheri Sectatores, quos compendio expressi, & sine fūco, sine felle Lectoribus hic propono, veluti per transfennam adspiciendos: partim ne manca sit, quam institui, mutilaque narratio; partim ne continuo, atque in Comitibus, aut colloquiis mentio eorundem virorum ingeritur, ad aliorum volumina, e quibus, quales fuerint novi Dogmatistæ, intelligi possit, non sine molestia recurrendum. Interim plura qui cupit, præter AA. memoratos, Staphylum, Pistorium, Forerum, Bolfecum, Vetterum, & laudatum pag. 7. *Opus. de Sanctitate Ecclesiæ*, a Binero nostro Cl. Weislingerum consulat.

§. VI.

Comitia, in causa Lutheri & ejus Sectatorum ab anno 1521. ad 1546. celebrata.

ANnorum quatuor & viginti spatio quatuordecim habita sunt in causa Lutheri & ejus Sectatorum, ut mali principibus obfisteretur, Imperii Comitia: in quibus quid

actum sit, chronologice hic loci, propositæ mihi brevitatis memor, exponam.

Anno 1521. ineunte, Carolus V. Imperator, qui flammis opera Lutheri jamtum Lovanii, Coloniae, Moguntiae, Treviris, Halberstadtii, Misnæ & Mufenburgi publice absumi jusserat, (c) prima Wormatiæ celebravit Comitia, ad quæ præter Electores omnes, permagno Principes, Comites, Baronesque numero confluxere. Adfuit quoque Leonis X. Pontificis Legatus *Hieronymus Aleander*, vir doctus & eloquens, qui sub ipsa Comitiorum primordia gravi Cæsarem, & Proceres oratione (d) imminens Ecclesiæ simul, & Imperio a Lutheri molitionibus periculi commonefecit, ostenditque doctrinam illius a Sede Apostolica damnatam, Cæsareo pariter edicto una cum autore suo esse proscribendam. Quod Cæsari & Principibus reliquis placebat consilium, displicere Friderico præprimis, Electori Saxoniae visum, qui, ut ictum ab amplissimo cæru declinaret, multa ajebat in Lutherum per invidiam congeri, assertionesque illas ab Aleandro productas, Lutheri esse pernegabat: inauditum jure damnari non posse.

Accitus igitur fide publica ad Conveniunt Lutherus, cum Schruccio, Jona, & Amsdorfio tribus sibi adjunctis sociis, in urbem venit XVI. Aprilis. Postdie ad confessum Principum introducto, Cæsaris Orator Joannes Eckius, JCrus, Archi-Episcopi Trevirensis Vicarius, duo proposuit brevi, planoque responso excipienda: primum, an libros, suo vulgatos nomine, tanquam suos agnosceret; alterum, tuerine, quam continent, doctrinam, an revocare vellet? Affirmavit primum; ad alterum, quod gravioris momenti esset, moram deliberandi sibi, gratiamque fieri petit: quam & ex singulari Imperatoris clementia in proximum usque diem imperravit. Reverfus deinde, cum longo inutilique verborum ambitu & implexa distinctione tria commemoraret librorum suorum genera, atque ipsum quæstionis caput declinare velle videretur; ab Eckio, ut *simplex daret, pressumque responsum*, urgebatur. Tum Lutherus, quoniam ita Cæsarea Majestas ac Principes velint, daturum se, inquit, responsum, quod nec cornutum sit, nec dentes habeat. Nisi manifestis Scripturæ Sacrae testimoniis aut evidenti ratione convincatur erroris, non posse revocare se, quæ suis in libris docuit, nec velle. Errasse Pontificem, errasse Concilia, aut certe errandi periculo subiacere &c.

Bilem

(b) *Spondanus cit. pag. 425.*

(c) *Nat. Alexander cit. pag. 121.*

(d) *Mafen. Hist. Caroli V. & Ferd. L. 1. pag. 48. sqq.*

Digressio ad Sæcul. XVI. Tom. VIII.

Bilem Cæsari movit responsi ferocitas adeo, ut, interciso hominem colloquio e conventu dimitteret, Ordinibus ad audiendam Imperatoris sententiam altero mane redire iussis. Sententia, Carolo dignissima, lecta in Comitibus XIX. Aprilis, probataque fuit. Ejusdem argumentum ob præstantiam suam ex *Masenio cit.* adnectendum putavi.

"Cæsar, scribit ille, quod pertinaciam hominis (Lutheri) perfracte obstitentis frangendam desperasset, ipse non est reverfus; sed animum suum, scripto manu propria exarato, Ordinibus in hanc sententiam exposuit: *Genus se ducere a Christianissimis Germanicæ Nationis Imperatoribus, a Catholicis Hispaniæ Regibus, Austriæ Archi-Ducibus, Burgundiæ Ducibus, quorum in Ecclesiam Romanam fida & constans voluntas, Orthodoxæ Religionis, sacrorum rituum, legum, morumque indefessa propugnatio, suis monumentis Orbi etiamnum sit nota. His quidem fato functis, possessionem non minus Regnorum, quam avitæ Religionis ad se curam pervenisse. Decretum sibi esse viventi, morientique laudatis Majorum vestigiis insistere, neque degeneri consilio a recte cepta Religione desistere, aut Constantiensis, aliorumque Conciliorum placitis adversari. Cum fratrem unum, suo obstinate ingenio fissum, hallucinari, multo vit evidentius, quam tot ante nos sæculorum viros religiosissimos, prudentissimosque, a quibus tanto intervallo opinionum abeat; ut necesse sit, aut omnes retro Majores nostros, a primis susceptæ Religionis nostræ incunabulis, atque universum nomen Christianum erroris condemnare, aut Lutherum non absolvere. Eam ob rem deliberatum sibi esse, omnes tam impiis conatibus vires objicere, Regna, Imperium, amicos, corpus, sanguinem, vitam denique ipsam impendere; ne cepta animorum contagio longius serpat. Neque enim ferendam banc agnominie labem, quæ suo, Principumque nomini per omnem deinde posteritatem adhaesura esset, si, aliqua illorum negligentia aut pravitate heresis Germaniam occupasset. Penitere jamnunc lenitatis, qua perditissimo homini veniam hactenus, tempusque dederit, quo perfidiæ robur adderet. Non audiendum abs se in posterum: curandumque, ut quamprimum urbe facessat, neque fidem sibi datam, prohibitis in via concionibus, prius violet. Hostis porro, ac perfidiosi hominis loco sibi illum futurum: a Principibus vero expectare, ut aequitati ac Christianæ dignitati convenientia statuant, ne indulte perfidiæ animum, viresque indulgendo faciant.* (e)

Varios ea res animorum motus concitare videbatur Principibus. Quare, ne malum, post adhibita incaustum media augesceret, Cæsarem rogarunt, copiam sibi faceret, privatis colloquiis num frangere Lutheri contumaciam possint, tantisper experiundi.

Triduum duntaxat, idque ægre concessum: spatium cujus bini Electores Richardus a Greiffenclaw, Archi-Episcopus Trevirensis, & Joachimus Marchio Brandeburgicus, aliique e Germanis Proceribus selecti, omnem quidem lapidem moverunt, ut homini saniora persuaderent: sed frustra: omni enim lapide duriores se exhibuit Lutherus, atque Imperatoris jussu XXVI. Aprilis Wormatiæ cesserunt, symboli sui tenacissimus: *CEDO NEMINI.* Promulgatum deinde contra illum isdem in Comitibus VIII. Maji Edictum Cæsaris, quod videre est *Tomo nostro CC. VI. pag. 182. seqq.*

Præclara hæc laudatissimi Imperatoris Constitutio tam parum in nascentibus illis Germaniæ turbis compendii quod adtulerit, non mirabitur, quisquis non pauca, quæ tum temporis erant, obtacula in animum revocaverit. Natæ in Hispania seditiones & gerendum cum Francisco I. Galliarum Rege bellum requirebant Carolum; relinquenda penes duos Viri virorum, Saxonem & Palatinum, fautores Lutheri ac defensores, administratio Imperii erat. Nobilitatis etiam, ac promiscuæ multitudinis in eundem Lutherum aperta satis benevolentia & favor pessimi augebant eventus merum: sed nec ætas potestasque adhuc in Imperatore maturuerant. Quamquam non desunt, qui in Catholicos Germaniæ Proceres, nec consilio, ut par erat, nec auxilio Cæsarem juvantes, maximam admissi tunc piaculi partem conjiciendam esse arbitrentur. (f)

Damnauerant sub idem fere tempus articulos Lutheri, Lipsiæ discussos Academiæ seu Facultates Theologicæ Lovaniensis, post & Colonienfis, filiam, ut habet *Wilnii Chron. MS.*, secuta mater. Ex eodem transcripta Colonienfium Theologorum verba cum Lectoribus communico:

Universis & singulis has literas nostras visuris & audituris Decanus & Facultas Sacræ Theologiæ universalis Studii Colonienfis cum sincera commendatione salutem.

Tamet si omnes, ubilibet consistentes fideles ad communis fidei defensionem nedum cum verum, verum etiam cum propriæ vitæ dispendio teneantur; præcipue tamen eos ad id muneris arctius obstrictos constat, qui pro titulo

(e) *Masens. cit. & Cl. Ulenberg. pag. 94.*

(f) *Masens. & Ulenberg. cit.*

tulo professionis ab Ecclesia ad id præ ceteris deputati æstimantur Sacræ Theologiæ Magistri, quorum [ut Scriptura ait] unicuiusque ensis super femur ejus esse debet, propter timores nocturnos, errores & hæreses, quos, procurante universorum zizaniorum satore diabolo, studio pravorum, pseudoque Catholicorum in Ecclesia per tempora dormientibus hominibus contigit pullulare. Cum itaque ante aliquot hos dies Venerandi Eruditissimique Domini Decanus, & Facultas Sacratissimæ Theologiæ insignis Studii Lovaniensis Confratres nostri fidei zelo succensi, per proprium suum Nuntium Sacræ Theologiæ Baccalaureum librum quendam sub titulo cujusdam Fratris MARTINI LUTHER impressum, ad nos transmisservint, expectantique quatenus charitatis debito, eundem librum, quem multorum Christi Fidelium aures graviter offendisse acceperant, quod nova, insolita, & noxia quædam dogmata, in fide erronea lectoribus ingereverit, perlastrare, & examinare dignavemur, atque si ita mereretur, reprobationis nostræ censuram doctrinaliter adhiberemus. Nos tam sanctis desideriis Confratrum nostrorum merito inclinati, præmemoratum librum, quadraginta, & octuaginta octo paginas in se juxta numerum illis impressum continentem videndum, revisendumque nonnullis ex gremio nostro Magistris commissimus. Et quoniam post illorum examen, talem eum palam comperimus, qui quoad tractatus & materias per Fratrem Martinum Luther editas, atque in lucem (ut fertur) datas, varios in fide & moribus errores, alienaque a Sanctis Doctoribus contineret; & speciatim sancta, vitæque æternæ meritoria humana opera infamet, & reatum eis injiciat, quasi sine culpa fieri non possint, Sacras Scripturas, Sanctorumque Patrum sententias pervertens insensum permissum contorqueat; Pœnitentiæ Sacramentum dogmatibus permissis annulet, circa contritionem scandalosos errores inducendo, circa Confessionem contra universalis Ecclesiæ veterem doctrinam perversa consilia ingerendo, omnem satisfactionem mortali culpæ remissæ debitam cassando, cum Deus [ut ipse ait] cui mortalem culpam, semper etiam & meritam penam remittat. Thesaurum Indulgentiarum, quas ab olim non solum Patrum Decreta, sed etiam sacra approbaverunt Concilia, ex frivolis irrationalibus fundamentis, per propositiones in Sanctos, & Sanctorum merita impias, & blasphemias pertinaciter annulet. Circa penas Purgatorii, &

statum Animarum post hanc vitam ex vanis motivis abominabiles errores disseminet; utpote quod in Purgatorio nulla Anima quippiam pro mortalibus patiat, sed duntaxat pro venialibus patiat peccatis, quod Anima in Purgatorio Deum vitiose culpabiliterque diligant, ac sine intermissione illic peccent, & quæ sua sunt, quærentes plus, quam Divina voluntatis impletionem, quod (ut ipse inquit,) est contra caritatem; quod mortui fere non minus, quam vivi in statu sint merendi vitam æternam. Item contra privilegium & primatum Romanæ Ecclesiæ supra Ecclesias ceteras per orbem, erroneas assertiones ab olim pro hæreticis condemnatas auribus Christi Fidelium refricet, & ingerat. Sedem Apostolicam irreverenter palam, & scandalose taxet. Auctoritatem Summi Pontificis impudenter attenuet, utpote qui solam penam canonicam seu arbitriariam, nullam autem penam secundum Divinam Justitiam peccatis debitam, Divinitus sibi data Potestate remittere possit, cum (ut ait ipse) tales penas remittere esset Divinum jus mutare, mandatum Dei irritum facere, & in Deum impiissimum adversarium esse; innumeraque talia scandalosa bis non absimilia, imo graviora & perniciosiora in se habeat. Quocirca nuper die Martis penultima mensis Augusti super hoc legitime omnes & singuli convocati, in Congregatione nostra publica, more solito, in Conventu Prædicatorum servata & habita, matura pensculatione præmissa, concorditer censuimus & doctrinaliter judicavimus, præfatum librum tantis scandalis, erroribus, hæresibusque ab olim damnatis refertum, tanquam Communitati Fidelium noxium, jure de medio tollendum, usum ejus inhibendum, supprimendum, & per eos, ad quos id spectare dignoscitur, igni publice cremandum, auctorem etiam ejus merito ad revocationem publicam compellendum. In quorum omnium robur ac fidele testimonium hanc nostram sententiam per Notarium nostrum juratum prædicto libro ascribi, & Sigilli Facultatis nostræ (quemadmodum & has nostras literas) jussimus appensione communiri. Datum & actum Colonie anno salutis Christianæ supra Milleimum, quingentesimum, decimo nono, penultima die mensis Augusti. Per me Henricum de Vorda de Colonia Notarium publicum, & supradicti generalis Studii Colonienfis Pedellum juratum. Hæc communi nomine Theologi Colonienfes.

Idem fecerant & Parisienses. Calamum quoque adversus novitii systematis fabrum generoso conatu strinxerat Henricus VIII. Angliæ Rex, titulo DEFENSORIS FIDEI a Leone Pontifice, & amplissimo Purpuratorum Præfulum Senatu eam ob rem insignitus, (g)

Sed frustra adversus obfirmatæ sententiæ hominem pugnabatur. Cibi etiam saluberrimè corrupto in stomacho morborum plerumque sunt alimentum.

Rugiebar ex castro Wartburgensi Lutherus tanquam e Pathmo & eremo sua (ut ipse vocitabar) frementis instar leonis, & Parisiensium læsus spiculo, quam Facultatem antea dixerat *primam totius Orbis & scientiarum Matrem*, inauditis post convitiis ceu *meram lepram capitalis hæreseos, matrem omnium errorum in Christianitate, Papæ veri Antichristi maximum fornicationis cubiculum* onerabat. (h)

Anno 1522. e Pathmo sua post novem menses ob Carlostadii ausus erumpens Wittenbergam, ineunte Martio, libellos edidit [*verba sunt Strunkii* (i)] omni spurcitia & scurrilitate refertissimos. 1. Contra Sedem Pontificiam. 2. Contra Statum Ecclesiasticum. 3. De vita conjugali, in quo Sacerdotes, Monachos & Sanctimoniales omnes ad ineundas nuptias adhortatur. Quo factum, ut e Monasteriis suis ad sacrilega conjugia plures, nulla habita votorum ratione, petulci transilirent, querente licentiam illam atque intemperiem Hadriano VI. Papa, cum ad Fridericum Saxonem scriberet, his verbis: *Tibi debemus omnes, quod nunc passim ab unitate Matris Ecclesie recedatur: quod indoctum vulgus mille præstigiis ac fascinationibus retrahatur a fide, quam suxit ab ubere materno: quod Basilicae sint sine plebe, plebs sine Sacerdotibus, Sacerdotes sine debita reverentia, & sine Christo denique Christiani &c.* (k)

Responsum Lutheri, quod ad Angliæ Regem, doctissime scriptis ejus involucria detraherentem, dedit, fescenninum est, atque in novo Angiæ stabulo, superbia, impudentia, & rabie obstetricibus, generatum videtur. Spurcissima, quæ plenè in eo buccis crepat, referre Spondanum aliosque & piget & pudet.

In Comitibus eodem anno Norimbergæ ceptis, & in annum 1523. protractis,

Franciscus Cheregatus, Hadriani VI. Nuncius Apostolicus varia proposuit, quæ si æquis excepta auribus animisque, a partium studio immunibus fuissent, persanatura malum videri poterant. Alia ad Principes in obortæ novitatis excidium animandos spectabant; ad spem defectus quosdam emendandi, ab ipsomet Pontifice liberalius forte, quam res ferrent, Ordinibus factam alia. (l) Quibus cum sua Lutherani objicerent *centum Gravamina*, deinceps *Norimbergensia* dicta, executionem tum Bullæ Leonis X., tum Wormaniensis edicti, in novum idque haud exiguum factionis & periculi robur, impediere.

De famosis istis centum gravaminibus quid senserint Grefserus, (m) Surius (n) & Cochleus, illius temporis Scriptor, (o) quid Maimburgus, Curia Romanæ non admodum addictus, & alii; quid porro sentiendum ex æquo sit, legis apud *Josephum Binerum* S. J. (p)

Anno 1524. Imperialia rursus Norimbergæ Comitia habebantur. Misit illo Clemens VII., defuncti XXIV. Septembris Hadriani Successor, Laurentium Campegium, Cardinalem, virum pietate, prudentia, doctrinaque non vulgari præditum, ab omnibus fere Principibus, ipso etiam Cæsaris absentis fratre & Vicario Ferdinando Archiduce obviis perquam benigne exceptum, qui ad Senatum Confessumque Principum admissus, gravi mox oratione omnibus rogando institit, gliscienti Lutheranorum pesti, quæ non Religioni modo ac Sedi Apostolicæ, verum universæ etiam Reipublicæ, legibus licet optimis temperatæ, machinaretur ruinam, fortiter sese opponerent, & Papæ, Cæsarisque sententiam sincere, graviter, & strenue exequerentur. Secuta ingens dierum aliquot inter Principes ea super re consultatio, quam XVIII. Aprilis hoc tandem Decretum excepit: *Wormatiense edictum Cæsaris in omnibus Germaniæ terris exequendum esse, quantum pro ratione temporis & circumstantiarum fieri potest. Romanum Pontificem rogandum, ut ad examinanda Lutheri dogmata Generale Concilium in Germania convocet, quamprimum potest. Examinandos interim Lutheri libros a viris doctissimis, & nova Spirensi in urbe Comitibus cogenda, in quibus, quid agendum ad usque Concilii Generalis eloquium, quid in rebus Divinis credendum sit, definiatur.*

Multa

(g) Spondan. *Annal. Eccles. Tom. II. pag. 339.*

(h) *Flor. Ramundus Lib. I. Cap. 15.*

(i) *Annal. Paderborn. Lib. XIX. ad annum Chr. 1522.*

(k) *Hadriani epist. sub nomine Brevis extat Tom. CC. nostro VI. pag. 190. seqq.*

(l) *Masen. cit. Lib. II. pag. 84.*

(m) *In defens. Bellarm. de translat. Imp.*

(n) *In Commentar. ad ann. 1523.*

(o) *Act. Luth. ad eund. ann.*

(p) *Apparat. Erudit. Part. VII. Art. 4. a pag. 84. ad pag. 92.*

Multa adversus Decretum illud Legatus Pontificius; sed a plerisque vix auditus. Tandem Imperator Carolus inane ipsum ac frivolum declaravit, repudiavitque, ut ex signata Burgis in Castilia die XV. Julii ann. 1524. sat longa epistola constat. (q)

Opposuerunt & aliud Decretum Principes Catholici, quo una cum Legato Pontificis (*cujus Constitutio ad removendos abusos Tom. CC. VI. cit.*) Ratisbonæ statuerunt, Imperiale edictum exacte penitus observandum & sine mora executioni dandum: ut novitia doctrina funditus eradicetur. Recensentur isti Principes apud Cochläum & Khammum in *Hierarchia Augustana*.

Spiresia Comitia a Luthericis quidem ommissa; Edictum Cæsaris observatum nunquam, Luthero interim Wittenbergenses intra muros, doctrinæ suæ in Ducatum Luneburgicum & Mechlenburgicum, in Pomeraniam & Holsatiam, in Prussiam & Livoniam per adjuutores suos transferendæ quam studiosissimo.

Horrendum postea seditionis rusticanae incendium tristis Germania conspexit, hominibus efferatis vel una in Francônia ducenta & amplius Monasteria & Nobilium castra mense Majo diruentibus ac flamma absummentibus. *Vide supra §. V. n. XI.*

Anno 1526. convocati a Ferdinando, Cæsaris jussu Spiram ad Conveniunt Principes Imperii & Status nihil, quod postulabatur, ob animorum dissensiones perfecerunt; cum Lutherani ad mutua sese fœdera contra Catholicos parent.

Anno 1529. Conveniunt Principum, aliorumque Ordinum S. R. I. & Statuum Spiræ easdem, quibus ante triennium, ob causas iterum coactus. Decretum a Ferdinando & majore Procerum Civitatumque Imperialium parte in negotio Religionis conditum, sex Principibus, & quatuordecim Urbibus Imperialibus haud sapuit. Quare contra ipsum illico protestati: unde nomen *Protestantium* suam habet originem. Nec quidquam ab iis, quo Turcarum coereretur audacia, subsidii datum: imo protestationem hanc suam Carolo Cæsari Placentiæ moranti significare, ac liberum Religionis exercitium, dum Concilii cujusdam, in Germania celebrandi autoritas rem decideret, XII. Septembris exposcere non dubitarunt. Ussit petitio Cæsarem avitæ Religionis tenacissimum, & quantopere ista paucorum Statuum protestatio sibi displiceret, acuminato ipsis responso haud obscure ostendit: qui ad fœ-

dus, quo se communirent, inclinarunt animum, eamque ob causam Sinalcaldæ primum, dein Norimbergæ anno 1530. Conveniunt egerunt.

Idem hic annus erat, quo Augustæ Vinelicorum obeunda ad VIII. Aprilis Comitia Augustus indixerat, tum sponse liberi rutique comæatus, ut metus omnis ac mali suspicio abesset, tum facultate, suæ capita Religionis palam proponendi, Ordinibus facta. Frequentissimus fuit celeberrimusque Conveniunt, ad quem non Lutheranos modo, sed Zwinglianos etiam nota Caroli, coram præfuturi clementia & amor publicus facile adduxerat: causa, quæ non semel alias, gemina: componendum videlicet tandem aliquando Religionis dissidium, & certa in bello Turcico norma communi calculo statuminanda.

Exceptis magnifico apparatu XV. Junii Cæsar, (r) posttridie, cum festum CORPORIS CHRISTI incideret, solenni ipse supplicationi cum omnibus Principibus Catholicis interfuit, Lutheranis præsentiam excusantibus.

Die Junii XX. prima Conciliorum habita est conventio: in qua adventus Cæsarei causa publice ex scripto, ut mos obtinebat, recitata. (s) Quatriduo post Legatus Pontificius Campegius, vel, ut scribit Cochläus, Campegii loco Vincentius Pimpinella, Rosanus Archi-Episcopus Oratione latina & Cæsaris laudavit voluntatem & cohortatus Principes est, ut *scdum Religionis dissidium cum tanta sui nominis labe & Reipublicæ perniciæ susceptum deponerent, nec paucorum, malo ingenii, affectionisque vitio, dissentientium opinionibus, contra Europam, atque adeo antiquitatem universam adhærescerent: tutiorem viam esse, tot prudentum, Sanctorumque, tum Majorum nostrorum, tum equalium tritam vestigiis &c.*

XXV. ejusd. mensis oblata Imperatori Lutheranae doctrinæ CONFESSIO, a loco postmodum AUGUSTANA dicta, celebris ille Torgensis fœtus, quem Lutherus, ut placet Ulenbergio, (t) informem quasi & crudiorum edidit; sed reformavit lambendo Philippus Melanchthon, sibi que vendicavit. Porrexerunt & Zwingliani suam. Utramque Theologis examinandam commisit Imperator.

Rejecta communi Principum suffragio formula Zwinglianorum, cum Lutheranis unio Religionum fancienda prima fronte videbatur. Sed concordie spes, Luthero in alia

(q) Ex Cochläo Strunkius cit. ad illum ann.
(s) Masen. ex Goldast. Constit. Imp. Tom. I. Digestio ad Sæcul. XVI. Tom. VIII.

(r) Cochl. in act. Luth. Corbin. Khamm.
(t) Vit. & gest. Luth. Cap. 21. n. 1.

alia prorsus consilia ruente, omnis decollaverat. " Post multas collationes, *inquit* " *Spondanus*, (u) & disputationes singulis illis numeris (1. *inter septemdecim*. 2. *inter septenos*. 3. *inter ternos*) factas usque ad finem Augusti, cum in nonnullis conciliari posse doctrinam, visum esset (Melanchthone pro ingenio sese ad concordiam faciliorem exhibente, & maxime in restituenda Episcopis sua jurisdictione; unde & pessime tanquam fere desertor apud alios auditur) res tamen demum ad nihilum redacta est, obstante Luthero, qui literis suis vetuit, ne quid adversarii concederetur; sed missa actione domum rediretur."

Emanavit igitur pro coronide tanti Conventus ab Imperatore edictum, ut prisca Ecclesiae fides inconcussa servaretur, donec in *Concilio Oecumenico* (quod urgere tum quidem ac flagitare DD. Protestantes videbantur) non diu differendo definirentur lites, & Religionis dissidia abolerentur. Decreto huic 1530. die X. Novembris subscribere, sive per seipsum, sive per Legatos suos CAROLUS V. CAESAR, QUINQUE ELECTORES, PRINCIPES ECCLESIASTICI 30., SÆCULARES 23., ABBATES 22., COMITES & BARONES 32., CIVITATES LIBERÆ 39. (x)

Cæterum res in illo Conventu gestas narrant diligentissime Cochlaeus, qui aderat, & Ulenbergius in *Actis & Vita Lutheri*; Pontanus in *Rebus memorabilibus*; Surius in *suis Commentariis*; Goldastus in *Constit. Imperial.*, Georgius Cælestinus in *locupletissima Comitiorum Augustanorum Historia*, quatuor Tomis anno 1576. edita. (y) De Confessione Augustana examen Polemicum instituit P. Vitus Pichler S. J. in *Cursu Theologiae Polemicæ*. (z)

Anno 1532. mense Martio, Cæsar, gliscentem majoribus in dies incrementis pestem sine ferro flammisque sanaturus, Conventum totius Germaniæ Ratisbonam evocavit, ut collecti ibidem Principes metuenda Turcarum tentamina propinquiore e loco observare possent. Aduere Orthodoxorum Proceres, & Legati bene multi, quorum feriem habet ad a. h. Cochlaeus: Protestantes vero, novi *Confessionistæ* ab Ordinibus tunc primum avulsi, Sweinfordiae ad Mœnum, post Norimbergæ mense Junio coiere: a quibus Albertus Archi-Episcopus Moguntinus, & Ludovicus Palatinus Elector, qui quidem permisso Cæsaris eos convenerant, operam contra Turcas adjungendam ante

impetrare non potuerunt, quam, suspensis tantisper ad futurum Concilium Wormatiensi & Augustano edictis, Religionis interrim suæ exercitium Imperator Lutheranis permitteret. Permissum illud est, moxque suppetias adversus Solimannum omnes quam liberalissime Smalcaldici Fœderis Socii detulerunt.

Anno 1540. reversus ex Hispaniis Carolus integro apud Belgas anno ob Gandavensium tumultus constitit, irretortis quasi oculis, quo rerum Germanicarum turbæ se tandem verterent, circumspiciens.

Salutaverant non ignobili Legatione Smalcaldientes tæderati Augustum, & animis (fictene? an candide? non disputavimus) submissis ab eo petierant, adnotante *Surio*: (a) " Primum ne in eos vi & inopino aggressu rueret; deinde vero, ut omnes " iudicii Imperialis actiones, quæ contra " bonorum Ecclesiasticorum directores institutæ fuerant, penitus aboleri sineret: " ex his enim omnia Germanicorum Principum dissidia profluxisse, & sine earum abolitione pristinam Germaniæ quietem restitui non posse."

Reddidit post paulo per Nuenarium Comitem Imperator Clementissimus responsum, in Germaniam non venisse se animo hostili, sed Religionis concordiam modo, quo posset, æquissimo ut revocaret: propterea, quid concedere Catholicis velint, quid contra tueri, edisserant. Re diu multumque cum Melanchthone, Bucero, aliisque Theologis suis versata, responderunt Legato Comiti: " Studium concordiae sibi maxime " cordi esse: cavendum vero, ne per eam " intelligatur (b) ulla rejectio doctrinæ, in " Augustana Confessione, vel ejusdem apologia quondam exhibitæ: in hac enim sese " mordicus persistere velle; solumque petere, ut illius fundamenta in Comitibus " publicis per viros idoneos discutiantur."

Postularioni facturus satis amantissimus quietis Germanicæ Carolus, Spira Comitiam in XXIII. Maji haberi voluit, mox inde, grassantis metu contagionis, Hagenoam translata: quibus a Carolo Cæsare, aliis dissentio negotiis, Ferdinandus frater præfuit fructu penitus nullo, cum ad Augustanam suam Professionem, tanquam ad saxum polypii, Lutheranorum Theologi adhærerent. Id quod jam ante monuit Carolum vates minime infelix Farnesius a Pontifice legatus, sic, uti fertur, Cæsarem allocutus: " Votum Pauli

(u) *Annal. Eccles. Tom. II. pag. 404.*

(y) *Spondan. ad annum 1530. n. 6.*

(z) *Joann. Mauritii Körneri Augustæ Vind. anno 1713.*

(a) *Comment. rer. gest.*

(x) *Kbamm. loc. cit.*

(z) *Part. II. Append. a pag. 668. ad 796. Typis*

(b) *Chytræus Lib. 15. Saxon.*

" Pauli Pontificis nostri, a tam noxiis seditionibus divulsa Germaniæ membra infan-
 " num integrumque corpus restitui; sed
 " idoneam medicinam respuentium, suaque
 " amantium vulnera, difficillima futura cu-
 " ratio est, inconstantis vitii morbus est, qui
 " neque nomen certum, neque Medicum
 " tam facile habere possit. Polypo omni
 " mutabiliores hæretici, novum indies vul-
 " tum induunt, quæ nuper in Comitibus Au-
 " gustanis tanquam oracula Divinæ Sapien-
 " tiæ amplexi sunt, nunc fastidiosè negli-
 " gunt, novamque in formam toties huma-
 " nasque leges transformant, ut sine lege,
 " sine forma certa, sine constantia, sine fide
 " fidem habeant, & ab his quid tandem
 " sperare poteris, cum Orthodoxis, uni se-
 " mel assertæ veritati insistentibus commu-
 " ne? quid? ut illi nobiscum conveniant,
 " quibus adeo inter se non convenit; ut
 " novis quotidie sectionibus in diversa ab-
 " eant, mutuoque errores exprobrant? Ut
 " vero illos indulgentia aliqua emolliendos
 " speres, quos hætenus tua exacerbavit clem-
 " entia, non est. Quidquid concesseris,
 " satis esse nequit, omnia sibi tribui postu-
 " lantibus. Suo illi arbitrio de fide statuere,
 " non alieno, jam pridem decretum habent,
 " universalis Concilii sensum, censuramque
 " subterfugient, ac tergiversatione deludent,
 " privatis vero conciliabilis ad fidei imperi-
 " ricque ruinam, bellicque, non pacis arti-
 " bus utentur. Quid enim hætenus con-
 " gressibus omnino impetratum? quid de-
 " inde illis etiam legibus, quibus se tibi ob-
 " strinxerunt, hucusque contestum? an
 " quisquam tam inter rebelles parum audax
 " repertus est, qui Legum, Decretorumque
 " tuorum sepra non transiliret? quid Schwein-
 " furti, quid Noribergæ pactis induciis con-
 " stitutum fuerit, meministi. Receperunt,
 " nullis se deinde locis Religionis formam
 " mutaturos, aut quemquam suæ societati
 " adjuncturos, pœna in prævaricatores con-
 " stituta: qua fide ista præstiterint, docent
 " rentati Legationibus Veneri, Angliæ, Gal-
 " liæque Reges; docent liberæ Urbes, Dux
 " Wittenbergicus, Daniæ Rex, in commu-
 " nionem fœderum adducti. Nunc porro
 " illud agunt, ut summum Spiræ iudicium
 " evertatur, ne quos in posterum suorum
 " scelorum patiantur arbitros, & bonorum
 " Ecclesiasticorum iura sine iudicis aut pœ-
 " næ timore violent. Vides, opinor, quan-
 " tum his, noxiæ libertatis præconibus, con-
 " cedendum sit, ut tuarum illos partium
 " habeas. Tuæ illi voluntatis non aliter
 " futuri sunt, nisi illorum prius voluntati re
 " adjunxeris. Quantum vero in Religionis
 " articulis, illis accesseris, tantum a veritate

" deflectas, necesse est. Inconcussa fidei
 " nostræ fundamenta, suæ innixa petrae,
 " steterunt hætenus, neque dimoveri, sine
 " veritatis ruina, loco possunt. Hæc te, &
 " Cæsar, ad levissimorum hominum arbi-
 " trium transferre, neque ratio, neque Re-
 " ligionis nostræ sanctitas patitur. Si quid
 " tamen in rebus fidei controversum inci-
 " derit, non ignorabis alieni esse iudicii, ne-
 " que tuo arbitratu definiri posse. Romana
 " hoc sibi Ecclesia, inter recte sentientes,
 " officium postulat; qua sine Concilia aut
 " indicere, aut inire, negotium est, quod
 " parum æquitaris, periculi multum habeat;
 " apud illos præsertim, qui Apostolicam Se-
 " dem suis everfam fundamentis obfirmare
 " cupiant. Quocirca alio tibi consilia ad
 " Germaniæ quietem certius possidendam
 " vertenda sunt, ut & majori vacet Religio
 " periculo, & firmiori opere pax instrua-
 " tur. Rex Galliæ ad pacis armorumque
 " consortium tibi erit admittendus. Quo,
 " uti pronus est, admisso, generali Orbis
 " Christiani Concilio Religionis dissidia sunt
 " componenda. Rebelles ad obsequium aut
 " ratione, aut bello revocandi. Hoc nisi
 " feceris, in re tanta, post impensas frustra
 " cogitationes & vires, laboris fructum te
 " denique amisisse senties, neque promo-
 " visse quidquam, nisi ad majorem Imperii
 " labem ac ruinam. Etenim nihil est, cur
 " placidis eos consiliis regendos speres, qui,
 " licet imbelles hætenus, & parvis orti
 " principiis, adeo tamen insolenter in tuum
 " Pontificiumque nomen grassati sunt, ut si
 " illi cælo dilapsi, nos tanquam terræ filios
 " despicerent, hos, ut levi conciliationis
 " momento a jurata perfidia abducendos ex-
 " istimes, id vero erit ex pumice aquam ex-
 " spectare. Denique omnis mora, tot con-
 " ciliabilis impensa prorsus ad majus Reli-
 " gionis excidium nefariis hominibus pro-
 " fuerit. Quin eam rescindis, Maxime
 " Cæsar, ne denique tot Principum viribus
 " aucti non Germaniæ modo, sed & vicinis
 " nationibus metuendi existant." Hæc *Far-*
nestus. (c)

Anno 1541. Ratisbonam iter maturavit
 Cæsar, novumque ibi in Aprili Conventum,
 a se multisque Episcopis, Principibus Catho-
 licis ac Protestantibus, nec non utrius-
 que partis Doctoribus insignem habuit.
 Spem componendi aliquando fatalis dissidii
 adferre visus Legatus Pontificius, *Gasper*
Cardinalis Contarenius, Vir summa litera-
 rum eruditione, morum probitate, ac re-
 rum prudentia conspicuus. (d) Limavit
 XXII. Articulos a Bucero compositos. Im-
 perator omnes ad concordiam adhortatus,
 XIII. Aprilis trium utraque ex parte Theo-
 logo-

(c) *Mafen. cit. Lib. V. n. 79.*(d) *Spondan. ad b. a.*

logorum examini rem subijciendam statuit. Delecti ex Catholicis *Julius Pflugius, Joannes Gropperus & Joannes Eckius*: ex Protestantibus *Melanchthon, Bucerus & Pistorius*. Tres quoque testes adjuncti, qui & audirent diligenter omnia, & quid actum utrumque ab Theologis, quid conventum fuerit, testari fideliter possent. Præsides constituti istius disputationis *Fridericus Princeps Palatinus & Nicolaus Granvellanus*, qui sua, dum opus foret, autoritate frænum injicerent linguis, scholasticumque furorem, in severis ejusmodi congressionibus subortu facilem, coercerent. Mensis disputatio tenuit, aut eo etiam amplius; (e) sed actum, quod optatum ad concordiam faceret, nihil, Protestantibus Lutherum suum, ceu missum ex cælo oraculum, semper audientibus. Igitur rejecta & hac vice ad Concilium generale actio, his tamen, ne majora interim vulnera Religioni Catholicæ infligerentur, ad stipulante Principum Collegio, die XXIX. Julii articulis ab Cæsare decretis: 1. *Ut ante Concilium proximum futurum nemo aliquid in posterum doceat contra articulos, a Theologis utriusque partis unanimiter admissos.* 2. *Ut omnes actiones & processus Camerales, qui hucusque adversus Ordinem Protestantium ausa in Tribunali Cæsareo instituti vel agitati fuerant, conservande pacis causa usque ad idem Concilium suspendantur.* 3. *Ut inconcussæ ac firmæ in posterum observetur pacificatio Norimbergensis de anno 1532.; ideoque nulli Principum ante finem Concilii prædicti liceat, alium Principem bello aggredi, infestare, premere, vel despoliare, non solum ex causa diversæ Religionis, verum etiam ex alia qualicunque. Sin vero aliter a quoquam actum vel attentatum fuerit; liceat oppressæ parti ad Camerale Tribunal se recipere, & ab eo justitiam ac penalia mandata contra hujusmodi invasorem petere.* (f)

Anno 1542. bini celebrati per Ferdinandum Rom. Regem, Cæsaris denuo vices gerentem Convenus, Spire in Februario alter, alter Norimbergæ mensibus Julio & Augusto. Actum in utroque cum de mittendis contra Turcam auxiliis, tum de Concilio generali tandem inchoando, quod ante Carolus, quam in Africam trajecit, Paulo III. Pontifici festinandum, summo quo potuit studio commendaverat.

De Concilii loco, quod Tridentum erat situm ad Germaniæ fines oppidum idque sat opportunum, inter Catholicos Principes,

Cæsarisque Legatos jamtum convenerat, auctore Joanne Morono, Mutinensium Episcopo, Pontificis Legato. Protestantibus, vel quod diffiderent, se posse in ea causa consilire; vel quod facti audaciores, semet & Dominos & arbitros facere vellent, nec locus ille, nec antiqua Concilium per Papam indicendi consuetudo probabatur. Paulus interim haud segnis operum, vulgato XXII. Maji ejusd. anni per Europam Diplomate (g) inchoandum decrevit Synodum festa Omnium Sanctorum luce, qua ante annos quatuor & viginti suos Wittenbergæ errores docendi initium Lutherus fecerat. Verum recrudescente Cæsare inter & Franciscum I. Gallia Regem bello & Turca Hungariam devastante, revocandi, quos Tridentum suos jam intra muros salutaverat, Cardinales Legati, & Synodus aliud rursus in tempus differenda. (h)

Anni 1544. Januario mense celeberrimum Spira vidit Imperii Conventum, cui præter ipsummet Cæsarem, & Ferdinandum Rom. Regem, Electores (quod raro alias) ad unum omnes; plerique etiam, unum alterumve si exceperis, Principes interfuerunt. (i) Ubi, cum plus Protestantibus Cæsar, quam per Pontificis in Ecclesia auctoritatem, fideique Catholicæ liceret integritatem, dedisset, quo suam faciles in petitionem efficeret; hos quidem sensit facillimos; Pontificem contra non leviter offendit. Decretum conciliandi sibi Protestantium reliquis, X. Junii a Carolo interpositum hujus fere argumenti erat: (k) *Augustani leges edicti usque ad œcumenici vel nationalis Concilii, aut certe, his deficientibus, usque ad autumnalem, brumalemve Principum Conventum suspensæ hæreant, ubi doctorum virorum judicio de pace Religionis consultetur, quæ suo interim pede, citra litem ob bona Ecclesiasticorum occupata, & Imperialis judicii interminationem subsistat: ac promiscue ad hujus judicii subsidia utriusque Religionis viri idonei Spira recipiantur. Ludimagistri quoque & Ecclesiæ Protestantium admittantur &c.*

Hujus porro Decreti certior Pontifex factus, prolixas ad Carolum literas XXIV. Augusti exaravit: de quibus ita Spondanus: (l) "lis benigne Pontifex Imperatorem monuit, Decreta Spirensia tam ad ipsius animæ periculum, quam ad maximam Ecclesiæ perturbationem tendere. Minime esse ab Ecclesiæ ordine & institutis discedendum; quibus præcipitur, ut, quoties de his,

(e) Pallav. *Histor. Conc. Trid. Lib. IV. Cap. 14. n. 5. & seq.*

(f) *Vid. Recept. Imperii edit. Ratisbonæ.*

(h) Spondan. *cit. pag. 477.*

(i) *Nomina Principum vid. in Annal. Paderb. Strunckii cit. Lib. XX. ad b. a.*

(l) *Annal. Eccles. Tom. II. pag. 482.*

(g) *Extat Tomo nostro CC. VI. pag. 808. seqq.*

(k) *Sleidanus Lib. XV. pag. 446. apud Struvium.*

his, quæ ad Religionem pertinent, disceptatur, ad Sedem Apostolicam omne iudicium semper referatur, nihilque, illa inconsulta, statuat. Ipsum tamen Imperatorem ita rem Spire egisse, ut, nulla habita ratione aut mentione Pontificis, cui Divina & humana jura supremam cum cogendi Concilia, tum statuendi de his, quæ ad Ecclesiæ unitatem, utilitatemque spectant, auctoritatem dederunt, de Concilio Generali vel Nationali, seu etiam de futuro Imperiali Conventu, in quo de Religione tractaretur, statuerit: idiotis & hæreticis iudicium de illa permiserit, de bonis sacris pronunciarit, damnatos ab Ecclesia pristinis honoribus restituerit, non assentientibus iis, qui veterem & religiosam observantiam præstarent. Existimare se, non ex ipsius hæc esse profecta sinu, sed malevolorum, cum quibus amicitiam iniit, consilio facta, ut aliquam abalienati animi significationem daret. In Sacra Scriptura plurima extare exempla vindictæ Divinæ in eos, qui Summi Sacerdotis munera sibi vendicare ausi essent. In Ecclesia Christiana Deum Principes ac Populos Sedi Romanæ, cæterarum Ecclesiarum principi fideles, summis beneficiis amplificasse; ejusdem vero hostes gravissimis penis afflixisse. Ideo magis esse ipsi Imperatori verendum, quod originem duceret ab iis Imperatoribus, qui non plus honoris Ecclesiæ Romanæ derulissent, quam ab ea receperant. Quod Ecclesiæ emendationem cuperet, & controversiarum conciliationem, id esse in primis laudandum, petereque se, ut in eo suam operam sibi præberet, cui ministerium hoc atque curam Deus commississet. Adjuvorem ipsum posse ferre; Rectorem atque Caput non posse. Obtemperaret ergo suis monitis, & cum esset primogeniti filii loco, parentem salutaria consulentem amplecteretur; positis armis paci studeret; aut si pax coire non posset, controversiam omnem & belli causas Concilii a se jam indicti & rursus indicendi disceptationi submitteret. Postremo quæ Romanæ Ecclesiæ adversariis nimia quadam lenitudine concessisset, ea penitus rescinderet: alioqui namque futurum, ut severius agere cum ipso cogeretur, quam vel consuetudo sua, vel natura, vel etiam voluntas ferret. Hæc & alia permulta in eundem sensum Paulus." Hucusque Spondanus.

Literas has, quas Papa calamo scripsit, (cum Masenio loquor) felle juxta ac melle illito, ut sine ulla animi exulcerati reificatione

per Odatium Legatum Imperator accepit: ita tulit acerbe novus Saxonum Apostolus, contra eas ut librum Teutonice scriptum juris publici faceret, qui sine pudore nec recitari, nisi ab impudentissimo, nec legi possit.

Anno 1545. pace Carolum inter & Franciscum summa totius Orbis Catholici & præsertim Pontificis lætitia, plausuque Crespiaci in Sueffionibus jam sancita, Ferdinandus Rex & Cardinalis Otto Truchsesius, Episcopus Augustanus, Cæsare per invaletudinem nonnihil impedito, in Comitibus Wormatiensibus XXIV. Martii, quid præcipue causarum sit, cur convenerint, indicabant: nimirum ut Religio, jus, paxque per Imperium contineretur, & pro bello Turcico justa perurgerentur subsidia. Pacem Crespiacensem utrumque pro scopo habuisse, probatam ab Rege Galliæ Tridentinam Synodum, & auxilia adversus Turcam promissa, remittendum ad illud Concilium modo indictum, quidquid de Religione inter se partes controverfentur; morem decretis istius Concilii omnino esse gerendum. Annuentibus propositioni Catholicis, Lutherani Principes, Saxo in primis & Landgravius per Oratores suos publice declararunt, nihil a se pro bello Turcico contributum iri, (m) nisi per edictum Cæsareum & a subjectione Cameralis judicii & præstanda Concilio Tridentino obedientia Lutherani omnes eximerentur: pro nullo a se haberi illud Concilium, semperque habendum.

Pupugit Imperatorem, qui serius ad diem XVI. Maji Wormatiæ advenerat, ea Villiorum suorum paucitas, ut par erat, graviter; verum multo gravius Lutheranorum Principum insolens obstinatio, qui a proposito suo nullis ejus monitis, adlatisque rationum momentis removeri se paterentur, ausi adeo Francofurti cogere Conventum, in quo de Brunsvicensis belli sumptibus, cujus Principatus Ducem Henricum, possessionibus ejectum ob emulationem ex Religione & bonis Ecclesiasticis natam, vinculis cum filio attinebant, de auxiliis Coloniensi Archi-Episcopo (Hermannus a Weda) contra Cæsarem sufficiendis, de provocando fœdere Smalcaldico inter Sacramentarios, Lutheranosque inito, de repudianda denique Tridentini Concilii societate statuerunt. (n) Perspicuus igitur sapientissimus & æquissimus Cæsar, quo ista Protestantium molimina collimarent, antequam curando ulceri applicaret ferrum, dissolutis Comitibus Wormatiensibus, alia Ratisbonæ celebranda duxit: quamvis suæ id ipsum auctoritati adversari putantes Tridentinæ Synodi Proceres, consiliorum Pontificis

(m) Chytræus Lib. XVI. Saxon.

(n) Masen. Lib. VI. pag. 281.

ficis, Cæsarisque haud satis gnari resisterent, ac desperatum dicerent adversarios conciliandi studium.

Anno 1546. non Principes Lutherani, ut Cæsar jussu erat, sed eorundem Legati Ratisbonæ conveniunt de rerum summa acturi. Egerunt utriusque partis Theologi complurium intervallo mensium pro more nihil, varias in opiniones versi: Stabant a Catholicis *Petrus Malvenda*, Dominicanus, *Erardus Billichius*, Carmelita, *Joannes Hoffmeisterus*, Augustinianus, cum celeberrimo Doctore, Lutheri malleo, *Joanne Cochlaeo*. Pro Acatolicis pugnabant *Martinus Bucerus*, *Joannes Brentius*, *Georgius Major*, & *Erardus Schneppius*. Tridentinam Synodum rejiciebant hi; laudabant isti ac persuadere modis omnibus connitebantur. Cæsar abruptum Ratisbonæ colloquium & desertum a Protestantibus, invenit.

"Sed quis afflictissima membra, inquit *Spondanus*, (o) condemnaverit, si, capite sublato, torpuerint? Unde illis respiratio post vitalia suffocata? Magis certe mirandum, quod tam diu sese regere potuerint, delapsa, qua suffulciebantur, columna. Mortuus enim hoc anno XVIII. Februarii MARTINUS ille LUTHERUS, qui in oppugnanda Ecclesiæ Catholicæ doctrina & ritibus, Schismaticis omnibus posteriorum horum sæculorum viam aperuit, atque arma, quibus & sese & qui eis adhererent, confoderent, subministravit."

Porro de morbi perinde ac mortis genere non eadem est Historicorum sententia. Aliter scribere de illo Catholici; (p) aliter Protestantes: (q) quos, cui lubet, adire poterit. Obiit Islebii in patria sua Lutherus, quo controversias aliquot componendi causa a Comitibus Mansfeldicis evocatus fuerat, anno ætatis climacterico 63. Ordinis sui religiosi & avitæ fidei desertor, errorum, ex aliarum ætatum tenebris erutorum Magister, & novi Evangelii parens, qui cum *Simone Mago* ac *Manicheis* humani arbitrii libertatem, operumque bonorum mercedem impugnare aggressus est: cum *Montanistis* rectum penitentiae usum, cum *Donatistis* sacrificandi ritum subvertit: jejunia cum *Eustachianis*, funebres comprecationes cum *Arianis* damnavit: cum *Eunomio* soli fidei scelerum expiationem tribuit; cum *Joviniano* religiosam proscripsit continentiam; cum *Nestorio* Patrum scripta, Conciliorumque placita errorum plena arguit; cum *Photio* castitatis me-

ritum, Presbyterii dignitatem, ac Pontificii nominis auctoritatem conculcavit; cum *Bevengario* in Eucharistia substantiam panis vinique admisit; cum *Waldensibus* indulgentias aspernatus est, Sanctorumque miraculis fidem derogavit; cum *Wicleffo* & *Hussio* pleraque Ecclesiæ Sacramenta, summumque ejus Caput Pontificem execratus est. (r)

Ob eundem hunc Lutherum, sparsamque ab eo per Germaniæ terras doctrinam & hæc Ratisbonensia Comitia Imperii habita, sed suo, ut priora alia, fructu caruerunt.

Tum vero Cæsar, præcisiis a Lutheranis, pro fœdere Smalcaldico quasi pro Palladio suo decertantibus, omnes pacis reducendæ vias intuitus, quo rebelles compesceret, cum Pontifice, Principibus Catholicis, nonnullis etiam Lutheranis, *Mauritio* & *Augusto* Saxonæ Ducibus, *Alberto* & *Joanne* Marchionibus Brandeburgicis, fœdus iniit, vi armisque domiturus, quos clementia hæctenus & sanis rationibus & conditionibus æquissimis non potuit.

"Neque enim bellum Religionis causa, ut refert *Binerus* noster, (s) paratum videri voluit; ut quosdam Lutheranos ad se pertraheret: sed in læsæ Majestatis Divinæ & humanæ reos se moturum, qui, falso Religionis prætextu incisis nervis ac nexibus, Rempublicam, totamque Imperii molem conentur evertere, despecta potestate Cæsarea, omnibusque viis pacem in Germania per tot Comitia stabilendi proterve abjectis: contra Imperatorem Conventus cogi, & cum exteris Principibus pangi fœdera: relicto judiciorum ordine, privata illa atque truculenta diffidationum jura suscitari denuo, in perniciem quietis & tranquillitatis publicæ. Subditos Imperii impune jam toties armis invasos, atque vi injusta Principes etiam Provinciis suis dejectos: Henricum Brunsvicensem a Landgravio urbibus suis spoliatum, adhucdum vinctum teneri, & in carcere squalescere: ipsas Imperii bases propediem eversum iri, ni Caput invigilet, & turbulentis conatibus obviam eat."

Hæc belli, a fœdere Smalcaldico nomen mutuati, initia: quod qua fortuna gestum ab Imperatore confectumque sit, cum Tom. CC. VI. in Serie Regum Romanorum pag. XXIX. legi queat, hic superfedeo; quin tamen omitendum videatur, quod de bello isto adnotat Cl. Benedictus Schmidius

JCtus

(o) *Annal. Eccles. Tom. II. n. 11.*

(p) *Cochl. Ulenberg. Flor. Ræm. & alii.*

(q) *Sleidan. Fonas cum pluribus aliis, quos citat Struvius Period. X. Sect. IV. de Carolo V. pag. 1042.*

(r) *Mafen. Histor. Carol. V. & Ferdin. L. VI. pagg. 283. & 284.*

(s) *Apparat. Erudit. Part. III. Cap. IV. de Concil. Trid. pag. 323.*

JCTus (z) Sect. V. §. II., nimirum vel solam ejus belli recordationem adeo esse atrocem ac tetram, ut horrore facile quemvis percellat: quis enim non obstupecat cum *Oertelio*, per varias Europæ partes ab anno 1550. ad annum 1558., grassantibus ejusmodi Religionis dissidiis, ac violentis schismatis, 39. Principes, 148. Comites, 285. Barones, 147518. Nobiles & 700000. Plebejos, excepto etiam bello Suecico deinceps consecuto, fuisse interemptos: non detrectare se amplius, Viri CARISSIMI nomine compellare D. Doctorem Lutherum, utpote qui sanguine humano tam copioso stetit. *In hanc ferme sententiam Bambergensis Profess. jurium Ordin. & Publ.*

Vidimus, quæ acta sunt in causa Religionis Luthero vivente: nunc post ejus obitum eadem in causa quæ annis reliquis ad finem Sæculi XVI. discussa potissimum ab Imperii Magnatibus & pertractata fuerint, consideremus, a me, brevitatis rursus memori, explicanda.

§. VII.

Discussa & pertractata in causa Religionis post Lutheri obitum ad finem Sæculi XVI.

PRincipem haud dubie locum inter ea, quæ post mortem Lutheri in Religionis negotio evenere, merentur famosum Interim, Forma Reformationis, Concilii Tridentini Sensus, Transactio Passaviensis, Pax Religionis, Reservatum Ecclesiasticum, Colloquium Wormatiense, Liber Concordiæ, quibus adnectere juvat quæstionem, cur DD. Protestantem Concilio Tridentino obedire noluerint. Suo isthæc capita ordine Lectori benevolo ob oculos pono.

I. Famosum INTERIM.

EST hoc aliud nihil, quam edita Augustanis in Comitibus anno 1548. & a Carolo V. Imp., Smalcaldicorum recens profligatorum Victore gloriosissimo proposita Imperii Ordinibus Declaratio, quomodo in negotio Religionis per Imperium usque ad definitionem Concilii Generalis vivendum sit. Hanc alii dixerunt *Interreligionem*; alii famoso vocabulo *INTERIM*; alii demum, Spondano teste, (u) propius ad rem & nomen *Interim* appellavere. Plures istius tituli apud Struvium, (x) cui prælusum videtur in Col-

loquiis Augustæ, Wormatiæ, & Ratisbonæ quondam habitis. Edendæ porro Declarationis *Interimistica* ac publicandæ hæc ansa fuit, hæc occasio:

Proposuerat in amplissimo, frequentissimoque Procerum Germaniæ ferme omnium Senatu, Augustam Vindelicorum Ulma ad Cal. Sept. translato Cæsar, bellorum, quotquot Germanorum terras miserandum in modum hætenus lacerassent, & calamitatum agmina ex solo Religionis dissidio tanquam Pandoræ pyxide prorupisse. "Porro nullum duraturæ quietis superesse remedium, nisi crescentis odii, seditionisque venenum ipso in fonte exsiccetur, & infecta perfidiæ tabe membra ad sanitatem mature revocentur. Prudentium virorum judicio illam vulgi temeritatem adstringendam esse... Huic rei Generale totius Europæ Concilium, ad quod rerum Divinarum sapientissimi quique adhibeantur, perquam videri opportunum. Procerum illud Germanorum voluntate, Tridenti nuper coactum esse, ad cuius arbitrium, non minus ex humana ratione, quam veteris Ecclesiæ instituto æquum sit accedere. Hæc ex Masenio. (y)

Et sane oratione sua tantum effecerat Augustus, ut & Elector Palatinus & Mauritius Saxo Lutherani, & Civitatum Legati, (z) Concilii Decreta pro sacrosanctis se habituros promiserint.

Sed enim spem Imperatoris & optimos conatus unica remorabatur Concilii sedes. Tridentum volebat redire Patres, atque a Paulo III. Pontifice per Madruccium Cardinalem & Mendozam Legatum suum flagrantissime postulabat. Nec itum in sententiam Caroli a Paulo, nec a Patribus Bononiensibus. (a) Quod cum Cardinalis primum, dein Legatus ad Cæsarem scripissent, malum is longiori ex mora metuens, imponendam Theologis Provinciam censuit, ut Formulam quandam Confessionis communi opera conciperent, quæ *INTERIM*, donec a Concilio Generali dogmata Fidei definita fuerint, ab omnibus observaretur. Delecti in istum laborem *Julius Pflugius*, Episcopus Naumburgensis, *Micbael Heldingus*, Episcopus Sidonius, Moguntini Archi-Episcopi Vicarius, & *Joannes Agricola*, Islebius; quibus apud Flor. Ræmundum adjunguntur *Brentius*, *Bucerus* & *Melancthon*. Hi post longam disputationem libellum conscribere, sex & viginti articulos de præcipuis Religionis Christianæ dogmatibus comple-

(t) *Tentam. & declaratio Histor. Imper. & Fundam. Legalis de Cæsar. jure Eccles. in Statum Eccles. Protestant. Germanice edit. Francofurti & Lipsiæ 1754.*

(u) *Annal. Eccles. Tom. II. pag. 515.*

(x) *Corp. Hist. Germ. Tom. II. Period. X. Sect. IV.*

pag. 1056.

(y) *Lib. VII. ad ann. 1547.*

(z) *Flor. Ræm. Lib. III. Cap. 17. n. 2.*

(a) *Ex Pallav. & Spondan. Maimburg. Hist. Lutheranismi. Lib. IV.*

plectentem, eumque Cæsari obtulerunt: qui convocatis Imperii Ordinibus, XV. Maji librum proposuit, & Imperiali postmodum Edicto sanxit. Hic liber, hæc Constitutio est INTERIM illud famosum, de quo varii varia.

Scriptis impugnarunt illud *Robertus Cenalis*, Episc. Abrincensis, *Franciscus Romæus*, Ord. Prædicatorum Generalis, & *Nicolaus Bobadilla*, ex primis nascentis nostræ Societatis Collegis, Hispanus.

Inter heterodoxos *Gaspas Aquila*, *Philippus Melancthon*, sed mitius; acerrime *Joannes Calvinus*. Paucis: neutri parti ex integro probabatur INTERIM.

"Orta est, scribit *Binerus* noster, (b) occasione istius Constitutionis Cæsareæ nova Lutheranorum divisio: Alii enim, qui cum Illyrico & Amsdorffio eidem oblucebantur, nullam admittentes in doctrina Lutheri mutationem, Lutherani *rigidi* dicebantur; alii vero, qui cum Melancthone temporari servendum putabant, Lutherani *molles*, *Adiaphoristæ* & *Interimistæ* sunt appellati: alii rursus *Interimistæ Imperiales*, alii *Interimistæ Lipsienses*. Ut adeo Lutheranismus, qui tempore Conditionis sui in 34. Sectas jam fuerat divisus, post ejus mortem in plures, quam centenas, sit dissectus."

Notiores ex illis recenset ordine alphabetico *Godefridus Wejerus* item noster, in libello germanice edito Coloniae typis Widenfeldicis anno 1681, quem *breve Chronicon de Ortu & Occasu Evangelii Lutherani & Augustanæ Confessionis* inscripsit.

II. FORMÆ REFORMATIONIS.

DE hac ita *Wilmii Chronicon* MS.: "Ut Imperator (*Carolus*) offendicula hæreticorum, quæ ex pravis Cleri moribus nata fuerant, e medio pariter tolleret, FORMULAM REFORMATIONIS, a piis & doctis viris conceptam, diuque examinatam tradidit Ecclesiastici Ordinis Statibus: qui salva Summi Pontificis auctoritate, juxta eam se suosque reformaturos promiserunt. Injunctum illis, ut Synodos Diocesanas singuli ante Martiniana celebrarent; Provinciales vero ante Quadragesimam sequentem." FORMULA hæc REFORMATIONIS tam antiquior anni 1549., quam revisa sub Ferdinando Imp. anno 1559. suis cum adjectionibus, extrat *Tom. nostro CC. VI. pag. 742. & segg.* Idem Imperator Carolus, iisdem in Comitibus & pacem publicam decrevit ser-

vandam, & Ecclesiasticos omnes Concilio Tridentino mox redintegrando; interesse voluit. (c) Vide, quod promissum est *Tom. CC. VI. cit. pag. 415.*

III. CONCILII TRIDENTINI SUSPENSIO.

PAULO III., clarissimæ recordationis Pontifici, datus Successor fuerat *Julius III.*, antea *Joannes Maria de Monte*, Aretinus, ad diem VIII. Febr. A. 1550. electus tanto majori omnium admiratione, quod eundem Galli crederent a Cæsare aversum (utpote quo auctore & Tridento abierant Patres, & Bononiæ subsisterant) mox tamen hic, verso in favorem, per *Cosmum*, Ducem Florentinum Carolo, ejusdem nuntii e 50. Cardinalibus, Conclave ingressis ad supremam Orbis Catholici dignitatem evocaretur. Anno jubilarum, in sui primordia regiminis cadenti, more solemni celebrando primas Pontificis curas impendit; secundas Concilio, quod pro Bononia stans, ante damnaverant, Tridenti nervis omnibus restituendo: pro rerum officij; mutatione suam quoque mutare sententiam & studia, viri prudentis esse arbitratus.

Adducto igitur in vota sua, idque arte non mala (d) *Henrico Galliarum Rege*, hortabatur Carolum, ut in Comitibus, quæ Augustæ Vindelicorum tunc rursus fervebant, Protestantes, ad petendum una cum aliis Imperii Ordinibus a Pontifice Concilium Tridentinum, induceret, quo quandam sibi meri parendi necessitatem imponeret Concilio, ipsis postulantibus concessio. Ita subtilis ingenii perspicacia suo diversos Principes, tanquam horologia pondere moderabatur Julius.

Nec mora: impetratum de Concilii institutione Diploma Pontificum, anno 1551. prælegi in Conventu Augustano jussit Cæsar, ad omnesque Imperii Ordines, cum mandato Tridentina in Synodo comparandi destinavit. Cautum ad hæc omnibus fide publica de via, loco, officioque in promenda sententia libere obeundo. Miserat jam Tridentum Legatos suos Pontifex, *Marcelum Crescentium*, *Sebastianum Pigbinum*, & *Aloysium Lipomanum*. Miserant & suos Deputatos Elector Brandenburgicus *Joachimus II.*, Dux Wittenbergicus, Argentina, aliæque urbes. A Mauritio Saxonie Electore *Philippus Melancthon* venerat. Habite etiam sex sub Julio Sessiones; atque, ut refert *Sleidanus* (e) numerati sub ista tempora Tridenti præter Legatos Pontificis & Cardinalem Tridentinum, Episcopi 62. ex iis Germani 8., Hispani 25., Sardi 2., Siculi 4., Hun-

(b) *Appar. Erudit. Part. III. C. IV. §. 7. pag. 330.*

(d) *Masén. cit. Lib. VII. ad ann. 1550. n. 60.*

(c) *Spondan. cit.*

(e) *Lib. XXIII. pag. 771.*

Hungarus unus Agriensis, reliqui Itali: Theologi vero 42. Verum, surgentibus novi belli flammis, suspendendum rursus Concilium fuit: quæ quidem suspensio non sine novis decumanisque Religionis Orthodoxæ vulneribus in ipsum usque decennium ad annum fere 1562. cur tenuerit, operæ pretium erit, paucis e Bineri nostro (f) huc transcribere.

"Carolo V. Imperatori anno 1552. bellum subito gravissimum illatum est ab eo, quem inter primos amicos suos censēbat, grandibus & recentibus adhuc beneficiis sibi devinctum: a Mauritio videlicet, quem post confectum bellum Smalcaldicum, capto & exauthorato Joanne Friderico, Saxonie Electorem constituerat, translata ab Ernestina stirpe ad Albertinam dignitate, cum potissimis Saxonie ditionibus.

"Hic Princeps, fidus in bello Smalcaldico Cæsari, quin & Socius, Protestantium odium incurrerat, non obscuro murmure perstreptentium, quod Joannem Fridericum captivum in Cæsaris manibus relinqueret, ut spoliis ejus impinguescat. Ut igitur eorum in se amorem ac studium transferret, Ducem adversus Cæsarem constituere se jam pridem tacite meditabatur, ut Lutheranos ab obedientia, Concilio Tridentino præstanda, vi illata exsolveret, Sectamque Novatorum in Romano Imperio donaret civitate; quod votis omnibus exoptabant.

"Causa altera defectionis erat Philippus Landgravius Hassiæ ipsius focer, quem libertati restitui frustra sæpius a Cæsare petierat: jam ab eo tempore ultionem tacite excoquens, quo Cæsar eundem captivum abduxit.

"Opportunum consilii locum dedit ipsa Provincia, quam Imperator ei demandaverat, compellendi videlicet armis ad deditionem, & obsequium Magdeburgum, quod acceptandæ Constitutioni INTERIM pertinaciter repugnaret, & Sacerdotium juribus suis vi deiceret. Validas ad hunc finem a Carolo acceperat copias; quas hoc furo testas identidem auxit, protracta de industria in annum obsidione. Quo tempore Protestantium Principes, Brandeburgum, Palatinum, Wirtembergicum, Bipontinum, Mechlenburgos, Badensem cum Guilielmo Hassio, captivi Filio tacito scedere in partes suas pertraxit.

"Utque illas magis adhuc firmaret, externa etiam respexit auxilia, pertracto in

armorum societatem Henrico II. Rege Galliæ: qui ad vindicandam, ut ferebat, Germaniæ libertatem, numerofo cum exercitu vere ingruente venturum se promissit, Cameracum, Tullum, Metas, Virodunum pro se pactus. Hæcque tanta fœdera tam secreto fuerunt confata, ut Cæsar prius viderit bellum, quam crediderit. Adeo namque fidebat Mauritio, tot nominibus, ut rebarur, suo, ut Moguntini, aliorumque sincera monita tanquam vana & importuna abjiceret: Etiam tunc, cum Mauritiæ copię Electorum Ecclesiasticorum terras jam devastarent, ipsique Tridento ad propria defendenda recedendi facultatem a Cæsare frustra peterent. Mauritius rebus suis cum Protestantibus & Galliæ Rege clam compositis, dedito per collusionem velut in Cæsaris potestatem Magdeburgo, adjectoque copiis suis, qui urbi præsidio impositus fuerat, milite, scripto publico se vindicem obtulit libertatis conscientiæ, ac Lutheranismi in Imperio stabilendi, atque sub finem Martii exercitum Augustæ admoveat, intra quadrimum ad deditionem vel compulsi, vel compelli se simulant. Inde vero ad Ulmam obsidendam progreditur.

"Carolus Imperator bello Parmensi implicitus, præter eas legiones, quæ sub signis Mauritiū militabant, vix aliquas in Germania, quam undique pacatam crediderat, habebat copias. Quare cum se proditum ab amico, & inermem Oeniponti, ubi tunc degebat, videret, per Ferdinandum Fratrem pacis condiciones iniri posse sperabat.

"Convenerunt proin Lincii Ferdinandus Rex & Mauritius, qui fœderatos suos consulendos dicebat, ut Passavi deinde pax iniri posset: Pactusque 15. dierum inducias, ad suum ad Ulmam exercitum accurrat. Atque ut Cæsarem inermem Oeniponti interciperet, cum toto suo exercitu movit Abudiacum, urbem ad Licum amnem & Alpium pedem sitam, eaque intra biduum occupata, depulsisque, qui claustrorum aditus obsidebant, Ehrenbergensem arcem, & situ & opere munitam, cepit.

"Carolus Imperator percepto tristi hoc nuntio, cum Ferdinando fratre, qui expositurus, quid cum Mauritio Lincii egisset, quidque ulterius agendum, cum Cæsare consulturus, Oenipontum advenerat, Villacum in Carinthiam profugit, comitante eum etiam Joanne Friderico Saxone, licet ab Imperatore liber esset dimissus. Mauritius

(f) *Appar. Erudit. Part. III. C. IV. §. 9. pag. 339. & seqq. Digressio ad Sæcul. XVI. Tom. VIII.*

"ritius autem Oenipontum ingressus ea,
"quæ Cæsaris erant, militum Licentia per-
"misit, intactis iis, quæ ad Regem Ferdi-
"nandum aut cives pertinebant. Cumque
"induciæ, Lincii sancitæ pro incunda pace
"appropinquarent, Passavium se recepit."
Hucusque *Binervus*. Facta ibidem, atque a
loco nuncupata

IV. TRANSACTIO PASSAVIENSIS.

HAnc II. Augusti eod. A. 1552. extorfit
Mauritius. Convenit in ea fuit, ut
intra semestrem celebrarentur Imperii Comi-
tia, in quibus de via componendi dissidia
Religionis per Concilium Generale aut Na-
tionale &c. deliberaretur: interim Augus-
tinae Confessioni addictis nulla in Imperio
molestia, violentia, aut contemptus propter
Religionem inferretur, sicut vicissim nec
illis, qui veteri Religioni adhererent. (g)
Conditiones illius *Transactio*is cæteræ ex-
tant apud Chytraum, (h) Sleidanum, (i)
Struvium (k) & alios. Gravamina, in isto
Passavienfi Conventu a Mauricio adversus
Imperatorem proposita, legi apud Hortle-
derum possunt. (l) Eadem illa Pace *Mau-
ritiana*, seu Passavienfi Constitutione inter-
emptum fuisse illud *Interim*, cujus causa tot
& tanti concitati fuerant morus, quodque
nihilominus paucis locis obtinuerat, ad ni-
hilumque recidisse, monet Spondanus. (m)

V. PAX RELIGIOSA, in qua RESER-
VATUM ECCLESIASTICUM.

Saturati nondum ejusmodi bolis sat pin-
guibus *Confessionistæ*, quo plus accipe-
rent, nova, nescio quæ gravamina, ceu to-
tidem Eridis poma, in medium projicere,
Comitia iterum clamitantes cogenda. In-
dicta hæc ab Imperatore Ulmæ primum XV.
Aug. ann. 1553. deinde V. Febr. ann. 1555.
Augustæ Vindelicorum. Præses pro Carolo,
qua morbis, qua negotiis aliis impedito, Fer-
dinandus Romanorum Rex duas, in quibus
totius cardo negotii vertebatur, quæstiones
Magistratibus conscriptis, proposuit: alte-
ram, quo modo componenda Religionum
dissidia, & quibus tot tantaque mala hæcenus
in nationem Germanicam fluxerant; alte-
ram, qua ratione pax communis & securi-
tas stabilienda. Prima, quod gravioris effe-
menti & longiorem indagandi moram
exposceret, communi statim, ut videbant
omnes, calculo in alium rejecta est Imperii
conventum. Ad secundam quæstionem

quod spectat, post longas multorum men-
sium altercationes factum, vel Caroli gravif-
simis alibi curis impliciti senescente in res
Germanicas & remittente studio, vel nimio
Ferdinandi, pejora ab Adversariis sibi effor-
mantis metu, ut descensum in duos & vi-
ginti articulos fuerit XXV. Septembris.
Omnes exhibet *Recessus Imperii* de anno
1555. (n) En præcipuos:

1. Nullus Imperii Status propter Au-
gustanam Confessionem vim, aut contem-
ptum patiar. 2. Controversiæ Religionis
mediis Christianis & amicabilibus compo-
nantur. 3. Ordines Augustinæ Confessioni
addicti sinant Status Catholicos, eorumque
Clericos avita Religione, Bonis, Juribus,
Redditibus &c. absque ulla molestia uti ac
frui. 4. Excludi sint ab hac Concordia, qui
neque Religioni veteri, neque Augustinæ
Confessioni adherent. 5. *Praelati Ecclesia-
stici, a veteri Religione discedentes, sua digni-
tate & Beneficiis excident, honore & existi-
matione salva.* 6. Dispositio de Collegiis,
Cenobiis ac Bonis Ecclesiasticis ante Trans-
actionem Passaviensem ad alios usus per Pro-
testantes facta, firma persistat. 7. Jurisdi-
ctio Ecclesiastica, salvis redditibus, aliisque
juribus, adversus Augustanam Confessionem
suspensa esto: exerceatur tamen more re-
cepto circa ea, quæ isti Confessioni non sunt
contraria. 8. Nullus Status alium Consti-
tum, ejusve subditos ad suam Religionem
vi aut arte pertrahat, aut hos contra pro-
prium Magistratum tueatur. 9. Conceditur
subditis utriusque Religionis jus emigrandi.
10. In Civitatibus liberis Imperialibus, ubi
utraq; Religio viget, incolæ vivant pacifi-
ce, nullusque alterum in exercitio Religio-
nis suæ turbet. 11. Integrum sit cuiuslibet
Statui jus sæculare, quod ante dissidium Re-
ligionis habuit in aliquos proventus, in ter-
ritorio suo constitutos; ita tamen, ut ex iis
sustententur Ministeria templorum, Pa-
rochiæ, Scholæ, Hospitalia, prout moris erat,
absque discrimine Religionis. (o)

Atque hæc est illa PAX RELIGIOSA
seu RELIGIONIS, Lex in Imperio funda-
mentaliter deinceps habita, pluribus etiam fir-
mata in Comitibus, cui teste Cardinale Hosio,
Ferdinandus non nisi lacrymantibus oculis
subscripsisse fertur: Carolus Imperator sub-
scripsit nunquam. Vocat eam suo in Chr.
Ms. Wilmius *perpetuarum litium Seminarium*,
& Magnif. P. Gregorius Zaltwein, (p) *rebus
Catholicis inimicissimam, jurisdictionis Eccle-
siasticæ*

(g) *Vid. Præcognita Juris Canon. P. Franc. Xav. Zech S. J. Tit. XIX. §. 392.*

(h) *Saxon. Lib. XVII.*

(i) *Lib. XXIV.*

(k) *Hist. Imp. Period. X. §. 94.*

(l) *Tom. II. Lib. V. Cap. 13.*

(m) *Annal. Eccles. Tom. II. pag. 542.*

(n) *Vid. Joann. Jac. Smausii Corpus J. P. pag. 160. & seqq.*

(o) *Zech cit. eod. Tit. §. 393.*

(p) *Princip. J. E. Tom. III. Q. IV. §. VI. pag. 326.*

fiastica everſuam, litium, gravaminum ac bellorum matrem ſacundiſſimam, Germaniæ ſumme exitioſam, avitæ Religionis excidium ſupremum, Proteſtantiæ vero lapidem angularem, ac fundamentum primarium.

Scriptores de Pace Religioſa *Struvius* in Bibliotheca Juris ſelecta; *Schilterus, Linnæus, Cortveius, Lehmannus &c.*

VI. RESERVATUM ECCLESIASTICUM

Quintus in illa Religionis Pace articulus, quo ſtatuitur, ut, ſi quis Episcopuſ, Prælatuſ, aut aliuſ quiſpiam Eccleſiaſtici Ordiniſ a Catholica fide deficiat, Episcopatuſ, Prælatuſ, aut Præbendam cum omnibuſ redditibuſ & proventibuſ Eccleſiaſticiſ illico amittat, novuſque ex Catholicis ſubſtituatur, cui omnia jura obveniant. Mirum eſt, quo animorum æſtu de eodem in Comitib. Auguſtaniſ, atque aliis deinceps temporibuſ ad uſque Pacem Weſtphalicam fuerit diſceptatuſ. Plenæ ſunt hiſtoriæ, plena Acta publica. Congeſta a DD. Proteſtantiſ adverſuſ illud integra gravaminuſ plauſtra. Æquumne ſit, an vero iniquuſ, examinarunt Cl. *Burckarduſ* Colonienſiſ Can-cellariuſ in ſua Autonomia, & *Scriptoreſ* Pacis Compoſitioniſ *Dilingenſeſ* anno 1629.: quibuſ ſe ex parte Proteſtantium oppoſuit *Lampadiuſ*, ſub nomine *Scipio Aretinuſ &* pluſeſ alii. *Bineruſ* noſter (q) Retervatuſ illud nitiur oſtendere, eſſe æquiſſimuſ, conforme Verbo Dei, & juri naturæ, non ſervatuſ ab A Catholicis.

VII. COLLOQUIUM WORMATIENSE.

Carolo V. Imperatore privatam apud Hiſpanoſ in Monafterio S. Juſti, cui ſe maximuſ ille Orbis Domitor incluſerat, vitam agente, Ferdinanduſ Rex Romanoruſ, nomine illiuſ tantisper ad clavuſ Imperii reſidens, cæpta anno 1556. Calend. Septembrib. Comit. ad æquinoſtiuſ ver-nuſ, ſub quod finem habuere, Ratiſbonæ proſequetur. In iſ Pax Religioniſ confirmata eſt, & repudiata illoruſ Proteſtan-tium opinio, qui aut Nationali quodam Concilio, aut generali Ordinuſ Conventuſ omnem in negotio Religioniſ noduſ diſcor-diæ ſolvenduſ eſſe judicabant; Catholicis cum Ferdinando Rege Proceribuſ in Ocu-menicuſ Conciliuſ, uſurpatuſ priſciſ Sæculiſ in ejuſmodi cauſa medium, convenien-tibuſ. Quod affidiſ dolerent belloruſ tur-binuſ interruptuſ, id revocanduſ, om-

nino ſe arbitrari. Integruſ fore in illo, quod quique crederent, ſine metu aperire. Vaduſ interea amico Catholicuſ inter & Lu-theranoſ colloquio tentanduſ priuſ. De-cretuſ igitur, ad XIV. Auguſti anno 1557. ut ipſuſ Wormatiæ haberetur.

" Quia vero, inquit Cl. *Ulenbergiuſ*, (r)
" Lutherani ſæde diſtracti, graviffimiſ inter
" ſe diſſidiis laborabant, ante congreſſuſ
" publicuſ domeſticaſ primuſ concerta-
" tioneſ ſopiend. cenſuerunt: ne, ſi Wor-
" matiæ manipuluſ diſjuncti prodirent in
" ſcenam, ludibriiſ & ſann. ab adverſariis
" exciperentur.

" Itaque Concionatoreſ aliquot Princi-
" pum & Civitatuſ Lutheranæ profeſſioniſ
" in Germania ſuperiore Francofurtuſ con-
" venerunt ad Mœnuſ; ubi duabuſ de re-
" buſ poſitiſſimuſ inſtituta ſunt conſultatio:
" de Colloquio nimiruſ, quod Wormatiæ
" cum Catholicis habenduſ erat; quomodo
" ſcilicet adverſariis in eo congreſſu ſit oc-
" currenduſ: tum de generali Lutheranor-
" um Synodo poſt Colloquiū indicenda,
" in qua de controverſiſ domeſticis, de diſ-
" ciplina, deque inſtituend. rituſ Eccle-
" ſiaſticoruſ conformitate deliberatio ſuſci-
" peretur. Cæteruſ quia non ignorabant,
" quam turpiter inter ſe diſſiderent ii, qui
" Confeſſioniſ Auguſtanæ doctrinam proſi-
" tebantur, duabuſ ſeptimanis ante diem,
" inchoando Colloquio deſtinatuſ Worma-
" tiæ convenienduſ ſtatuant, tentanduſ-
" que, an ſopire poſſent domeſticaſ concerta-
" tioneſ, vel eaſdem inſtituſ ſyncrетиſmo
" tegere ſaltem ad tempuſ, priuſquam cum
" Catholicis congrederentur. Videbant
" enim, niſi diſſidia, quæ glifcebant, quo-
" quo pacto vel in ſpeciem componerentur,
" ſeſe non Catholicis modo, ſed & univer-
" ſæ Germaniæ ludibrio futuroſ. Quod &
" poſtmoduſ evenit, ubi per Flaccianoſ
" detecta ſunt ipſoruſ turpituſ. Ita Scri-
" ptor doctiſſimuſ. Eventuſ ſpectaturi riſuſ
" teneamus, Lectoreſ benevoli!

COLLOQUIUM illud WORMA-
TIENSE ab Ordinibuſ delatuſ viginti qua-
tuor Viriſ Theologiſ, paribuſ ab utraque
parte numero. Præſidẽ Colloquiū nomi-
narat Ferdinanduſ *Rudolphuſ* Episcopuſ
Spirẽſẽ, pro quo deſignatuſ poſtea *Juliuſ*
Pflugiuſ, integerrimuſ fidei orthodoxæ
cultor. Huic adjuncti Aſſeſſoreſ *Joanneſ*
Archi-Episcopuſ Trevirenſiſ, *Michaël* Ar-
chi-Episcopuſ Salibuſgenſiſ, *Auguſtuſ* Ele-
ctor Saxon. & *Chriſtophoruſ* Dux Wirten-
bergicuſ. (s) Collocutoreſ erant Catholici
Mi-

(q) Part. III. Art. XIII. toto pag. 153. & ſeqq.
lanctib. Cap. 23. pag. 344.

(r) In vit. & reb. geſtiſ Philip. Me-
lanchth. Annal. Paderborn. Lib. XXI. pag. 343.

Michaël Episcopus Mersburgensis, *Delphius* Suffraganeus Argentinenſis, *Petrus Caniſius* S. J., *Fridericus Staphylus*, & duo Theologi *Lovanienſes*. Confeſſionistæ *Melancthon*, *Schneppſius*, *Brentius*, *Rungius*, *Cargius*, *Pistorius* &c.

Inchoatum menſe Septembri, quo incunte Theologi Electoris Saxonie primum appulerant. Colloquium. Agebatur primo ſtatim in confeſſu de norma certa ac regula, ad quam controverſæ res exigantur; tum de peccato originis. Facile notabant Catholici non eadem Confeſſionistæ chorda incidere: monuerunt igitur, declararent ſeſe adverſarii, a quibus faciant, ac Zwinglianos, Oſiandriſtas, Synergistas, aliosque Auguſtanæ Confeſſioni non addictos rejicerent. Solis enim hujus Confeſſionis Sociis pax fuerat ab Imperio conceſſa, cum ſiſque ſolis præſens inſtitutum colloquium.

Mirum viſu! graviffimæ inter Collocutores Proteſtantes ſubito oriebantur diſcordiæ, aliis Auguſtanæ Confeſſioni renunciantibus, aliis eandem huc, aliis illuc ferræ inſtar trahentibus, retrahentibusque. Damnandos ajebant, Sectarios alios quini; negabant ſepteni. Illis fuga elapſis, hiſque ad Sectas, in Imperio Romano non toleratas propendentibus, negotium abruptum eſt cum ingenti Catholicorum gloria, quos inter ut una eſt veritas: ita ſententia una & una vox fuit. (2) Fruſtra, ubi fundamenta veritatis ſubruï vides, ſinceram recte ſentiendi rationem te initurum ſperaveris.

VIII. LIBER CONCORDIÆ.

SI quis præcipuos duntaxat Conventus, ob Religionis diſſidia ab ipſismet novi Evangelii filiis actos, ſecum perpenderit; facile, quod olim de Gente Romana protulit epiphonema Andinus vates, mutatis voculis huic libro tribuendum putabit, nimirum:

Tantæ molis erat Concordem condere Librum.

Adeo operoſi illi ac numeroſi frequentes extiterunt. Anno 1519. erumpente e gliſcentibus favillis triſti incendio, celebratus *Lipſiæ* primus: dein *Wormatiæ* a. 1521., *Norimbergæ* a. 1523., *Lucernæ* a. 1524. contra *Zwinglium*, *Hale* 1525., in quo *Oecolampadius*, & *Badenæ* eod. a., ubi *Zwingliani* damabantur. *Bernæ* a. 1528. *Sacramentarios* inter & *Catholicos*. *Maſpurgi* in *Haſſia* a. 1529., cum altercationi inter *Lutherum*, *Zwinglium* & *Oecolampadium* pro aqua non

nifi oleum Landgravius adfunderet. Eod. a. *Sualbaci* inter *Evangelicos*, in quo rurfus, cum tentaretur concordia, ſeſe diſcordia ingeſſit. *Auguſtæ Vindelicorum*, locò *Confeſſionis Auguſtanæ* natali, a. 1530. *Smalcaldiæ* a. 1531. ubi in mutua Proteſtantes fœdera coierunt. *Francofurti* eod. a. *Conſtantiæ* a. 1534. *Bucero* concordiam inter *Lutherum* ac *Zwinglium* fruſtra tentante. *Figuri* anno ſequenti. *Arbonæ* & *Iſenaci* eod. a. Poſtea a. 1536. *Wittenbergæ*, ubi de *Auguſtana Confeſſione* vehementer diſceptatum. Eod. a. *Bernæ*. *Smalcaldiæ* a. 1537. *Bernæ*, *Niedsburgi* in *Moravia*, iterum *Smalcaldiæ* eod. a. *Figuri* a. 1538. *Francofurti* eod. a. hanc Duce Saxonie ſententiam proferente: *Malle ſe de Epistoliarum S. Pauli, quam de Auguſtanæ Confeſſionis veritate dubitare*. A. 1540. rurfus *Smalcaldiæ*. A. 1541. *Ratiſbonæ*. A. 1542. *Spire* & *Norimbergæ*. A. 1544. *Wormatiæ*, qui animum Proteſtantibus addidit Concilio ſe opponendi. Denuo celebris ille, de quo ſupra, *Ratiſbonæ* a. 1546. *Lipſiæ* a. 1548. *Bernæ* a. 1554. *Francofurti* & *Wormatiæ* a. 1556. In *Saxonia* a. 1559. e quo eluctatus eſt liber ille, cui titulus: *Victoria veritatis & ruina Papatus Saxonici* &c. A. 1561. *Norimbergæ*. A. 1562. *Halberſtadii*. Eod. a. *Luneburgi*. A. 1564. *Maulbrunnæ*. (u) A. 1571. *Dreſdæ*, quem *Auguſtus* Saxonie Dux die X. Octobris ad graviffimas de corpore doſtrine *Philippi Melancthonis* controverſias ſopiendas indixerat. Scripta ibidem a præſtantiffimis Proteſtantium Theologis *Conſenſus formula*. Quam cum improbarent, imo impugnarent plerique, habitus ejusdem Septemviri juſſu alius a. 1574. Conventus *Torgæ*, ubi edita quindecim Theologorum judicio *Formula Concordiæ*, quotquot ab *Auguſtana Confeſſione* diſſidebant, damnati rejectique fuerunt. Verum nec iſte partus ex aſſe placuit. Quare a. 1577. die XII. Maji *Bergæ* (x) convenerunt *Muſculus*, *Selneccerus*, *Kemnitius*, *Chytræus*, *Cornerus*, & *Schmidelinus*, a quibus prior formula ad incudem revocata fuit. Prodiitque tandem ex officina maxime *Jacobi Andree*, alias *Schmidelini* famoſus ille LIBER CONCORDIÆ, anno 1580. publicatus, poſtquam, *Struvio* teſte, (y) a tribus Electoribus, *Auguſto* Saxone, *Ludovico* Palatino, & *Joanne Georgio* Brandeburgico, 21. Principibus, 22. Comitibus, 4. Baronibus, 35. Urbium primariorum Magiſtratibus, & plusquam 8000. Eccleſiarum & Scholarum Miniſtris fuiſſet receptus & ſubſcriptione firmatus. Complectitur porro Liber iſte relata in unum corpus *Confeſſionem Auguſtanam*, cum ejus-

(t) *Sacchin. in Hiſt. Soc. Jeſu P. II. Lib. I. n. 102.*

(u) *Flor. Ræm. de Orig. Hæref. P. II.*

Lib. 5. C. 10.

(x) *Natal. Alexand. Hiſt. Eccleſ. Tom. VIII. art. X. §. 4. n. 27.*

(y) *Hiſt. Germ. Period. X. Sect. VII. de Rudolpho II.*

eiusdem *Apologia*, *Articulos Smalcaldicos*, *Catechismum Majorem & Minorem Lutheri*, & *questionum inter ipsos Lutheranos controversarum declarationem*.

Circumfertur in illum Concordiæ librum distichon satis argutum:

R habet Aufonium liber hic, R habetque Pelasgum,

R habet Hebræum, prætereaque nihil. Lege, mi Lector, *Hospinianum*, (z) *Lindanum*, (a) *Bellarminum*, (b) & *Stanislaum Socolovium*. (c)

Ex Bellarmino sex gravissimos Libri illius errores recenset Nat. Alexand. cit. "Primus est, inquit, quod Christus non solum ut homo, sed etiam ut Deus, Patri fuerit obediens. 2. Quod Christus fuerit perfectus munere Mediatoris & Pontificis, non solum per humanam naturam, sed etiam per Divinam. 3. Quod natura humana Christi sit ubique vere & realiter. 4. Quod Christi Humanitati sint collata vere & realiter multa attributa Divina, ut omnipotentia, omniscientia, omnipræsentia, atque adeo ipsa Divina Majestas. 5. Quod unio hypostatica consistat in communicatione Divinorum attributorum. 6. Quod totus Christus Deus & homo ad inferos descenderit."

Adnectitur

QUÆSTIO,

CUR DD. PROTESTANTES CONCILIO TRIDENTINO OBEDIRE NOLUERINT.

Petitum olim a DD. Protestantibus Generale aliquod Concilium, atque ad ipsam, cui idoneum rebus fidei controversis eloquio suo decidendis iudicem, provocatum fuisse, nemo, nisi penitus in Lutheranismi historia rudis, & hospes in publicis illorum temporum Aetis, inficiari potest. Quid enim offerentes Carolo Imperatori Confessionem suam, reliqui cum Joanne Saxonie Duce Electore Principes palam Augustæ declararunt? nonne comparituros se & in generali libero & Christiano Concilio causam dicturos? Ad cuius etiam, inquebant, Generalis Concilii conventum, simul & ad V. Cæs. Majest. in hac longe maxima & gravissima causa, iam ante etiam debito modo & in forma juris provocavimus & appellavimus, ann. præced. Spire in Comitibus: cui appellationi ad V. Cæs. Majest. simul & Concilium adhuc adhaeremus, neque eam... deferere intendimus aut possumus. Quid ista ejusdem Ducis Electo-

ris ac Philippi Landgravii apud Sleidanum (d) verba: *Sperare se, ut Cæsar illud (Concilium) quamprimum in Germania procuraret?* Annon liberalia id genus Protestantium promissa Cæsarem, pacis cupidissimum impulere, ut ad usque Concilium Generale liberum ipsis permitteret Religionis exercitium? Et quid tandem de ipsomet Tridentino DD. Protestantibus? Dolebant una cum Statibus Catholicis (quod libellus in Comitibus Augustanis a. 1548. porrectus haud obscure loquitur) diutius Concilium illud protrahendum: quandoquidem UNIVERSA Germanica Natio TRIDENTI cæpto se CONCILIO submisit. Supplicabant Cæsari, modos provideret, quibus CONCILIUM TRIDENTI, in quod OMNES unanimiter jam ante consenserant, quamprimum institui ac continuari possit. De hoc ipso communi Statuum consensu ita eorundem Comitiorum Recessus: *Sicut & Electores, Principes & Status, nec non absentium Legati ac Consilarii communiter se cæpto huic Concilio submissuros, ejus decisiones expectaturos, ac parituros dicto modo humiliter consenserunt, & receperunt, & in hac re Nobiscum unanimes convenerunt &c.*

Igitur petitum, desideratum, probatumque a DD. Protestantibus Concilium Generale & hoc quidem Tridenti institutum. Cur porro eidem obedire tandem noluerint? Hic Rhodus, hic Saltus. Integrum gravissimarum, si Superis placet, rationum exercitum, educit Cl. Lunigius; (e) e quibus tres, me iudice, primam in acie stationem obtinent. Prima contra Romanum Pontificem; altera contra normam decidendi, tertia contra ipsummet Concilium depræliari videtur. Non oportuit præesse Concilio Papam, hoc primum: Lites non aliunde dirimi, quam ex puro Dei verbo debuerunt, hoc secundum: Concilium non fuit liberum, hoc tertium absentiae suæ ac negatae obedientiae caput adferunt DD. Protestantes.

Bene est. Tentemus prælium, & quid contracta in hunc locum rationum mearum momenta contra partem adversam valeant, periclitemur. I. Non debuit præsidere Synodo Papa; contendunt DD. Protestantes. Cur non? Ut convocandi Synodos jus Pontifici; ita & illis præsidendi competit (Legatur Digressio ad Sæc. XV. Tom. CC. nost. V. Cap. I. §§. 3. & 4.) Parituros se Concilio TRIDENTINO sponponderant, cuius probe noverant Præsidem jamrum esse Pontificem. Et quid? nonne Nicænam Synodum Arius, Constantinopolitanam Macedonius, Ephesi-

nam

(z) Lib. Concordia discors.

(a) Concordia discors Protestantium.

(b) Judicium de libro Concordiæ Lutheranorum.

(c) Censura Orientalis Ecclesie.

(d) Lib. VIII. a. 1531.

(e) Spicil. Eccles. Contin. III. pag. 72. & seqq.

Digressio ad Sæc. XVI. Tom. VIII.

nari *Nestorius*, Chalcedonensem *Eutyches* ac *Dioscorus*, & alias alii errorum Magistri eodem jure averfari, & tanquam illegitimas rejicere potuiffent? Provocant ad Conven- tum generalem e Statibus Imperii aliquot contra Rom. Cæfarem de jure quodam; cu- jus quæta is poffeffione mille annos & am- plius gaudet, æturi. Quid? Ergone ad- emptæ eam ob rem Cæfari poteftas & con- vocandi iſtum Conventum, & eidem vel per ſe vel per Legatos ſuos præſidendi? Ergone quæ in ejusmodi Conventu Decreta fiunt, robore careant, aut irrita cenſeantur? Abſit.

Profecto nulla juxta Catholicos ſubſi- ſtit, ſine Pontificis viventis authoritate, in Eccleſia Catholica Synodus: uti nullus in Romano Imperio Conventus, cui Impera- tor cum poteſtate, ſupremo Capiti debita, non præſit.

II. Non ſunt deciſæ lites ex puro Dei verbo.

Udenam igitur? Ex ſuffragiorum plu- ralitate, reſpondent DD. Proteſtantes: id quod fieri non debuerat. Quasi vero mos alius a Majoribus noſtris, alia ab antiquitate univerſa, omnibusque Synodis conſuetudo eſſet ſervata: quaſi hæc ex plurium calculo decidenti ratio fini Synodorum minus reſponderet, ad eumque faceret.

Dirimendæ erant inter partes, quarum utraque Sacram Scripturam ſibi favere ac ſuam eſſe affirmabat, controverſiæ: quibus dandum aliquando finem, ſine votis complu- rium ac ſententia, fruſtra ſperaffes. Quan- quam communi tandem conſenſu Patres pronun- ciaſſe dicendi ſunt.

Adde, quod ſola ex Scriptura, quæ vera & genuina ſit, diſcerni nequeat. Multa præ- terea a primis quatuor Conciliis Oecumeni- cis, quæ DD. Proteſtantes pro legitimis ha- bent, ſtatuta, præſcriptaque fuerunt, quæ cum in verbo Dei ad literam non extent,

neque arbitrari ex eodem ſolo Patres potue- re. Et cur amabo DD. Proteſtantes variis in Conventibus doctiſſimos conſulebant, pe- ritiffimosque Theologos, & eorum judicium requirebant? quid ni lites, quotquot erant, in dubiis fidei capitibus ex ſolo compoſue- runt *Dei verbo*? Probum denique verborum S. Scripturæ ac ſententiarum ſenſum qui, ſola Scriptura duce, reperies? Quomodo ab ob- ſcuro. obſcurum illuſtrabitur. Sed enim queruntur DD. Proteſtantes:

III. Concilium Tridentinum non fuit libe- rum.

Superi! a quo ablata libertas? quibus ablata eſt? quo modo ablata eſt? Non ab- lata DD. Proteſtantibus a Pontifice aut Epi- ſcopis, qui ter invitatis ad ipſum Concilium omnem faciebant eloquendi & gravamina ſua proponendi copiam. Non ablata a Pon- tifice ipſis Patribus: qui maxima ſanc uſi ſunt, cum ſuam pro ſe quiſque ſententiam, ſuum ſuffragium tulerit. Non ablata vi, non juffu, non exhortatione minis promiſ- ſive armata. Quis eandem interpoſuit? quis interpoſitam ſenſit. Nihil de illa co- queſti unquam 8. Cardinales, nihil 3. Patri- archæ, nihil 34. Archi-Epiſcopi, nihil 238. Epiſcopi, nihil 10. Principum Legati, nihil denique 148. erudiſſimi atque in ſcientia dogmatum Catholicorum verſatiſſimi Do- ctôres, Viri leſtiſſimi, qui Concilio inter- fuere. En rationum mearum momenta: quæ exponerem hic prolixius, niſi vereretur, ne juſtos vel ob ſolam hanc quæſtionem pro- poſitam limites Digreſſio tranſiliret. Satis ergo ſit, armamentarium indicaffe, unde, quibus exercitus ille a DD. Proteſtantibus in campum educatus, ſuperari valeat, ſint hæc plures, telaque alia repetenda. Vid. *Pallavi- cinus*, (f) *Nat. Alexand.* (g) *Pacis Compoſitio Lipſienſium*, (h) *Biner.* (i) *Franc. Xav. Pſyffer.* (k) & *Franc. Neumayer.* (l)

FINIS DIGRESSIONIS AD SÆCULUM XVI.



CON-

(f) *Hiſt. Conc. Trid. Lib. 24. Cap. 14. art. 16.*

(h) *Cap. 2. Quæſt. II. & Cap. 3. Quæſt. 18.*

(i) *Appar. Erudit. Part. III. Cap. 4. §. 12.*

(k) *Opusculum germanice edit. typis Wolf- ſianis Auguſtæ Vindelicorum an. 1739., ubi tota illa quæſtio clare graviterque agitur.*

(l) *Tom. I. Sac. Controverſ. Edit. German. ibid. anno 1757. m. pag. 41 §. & ſeqq.*



CONCILIA GERMANIÆ

A SÆCULI XVI. ANNO LXXXIX.

*Præmittuntur aliquæ Synodi, quæ in Tomo præcedente
desiderantur.*

SYNODUS PROVINCIALIS BISUNTINA

Anno Christi MDLXXI. Pii V. Papæ VI.
Maximiliani II. Imp. VIII.

SUB CLAUDIO A BAUMA, (*) ARCHIEPISCOPO BISUNTINO.

P R O O E M I U M.

IN NOMINE DOMINI NOSTRI JESU CHRISTI, AMEN.

CLAUDIUS A BAUMA, DEI ET APOSTOLICÆ SEDIS GRATIA,
Archi-Episcopus Bisuntinus, Sacrique Romani Imperii Princeps, universis & singulis Abbati-
bus, Decanis, Archi-Diaconis, Præpositis, Prioribus, Collegiorum Præfectis, Canonicis, Cu-
ratis, Capellanis, Presbyteris, Diaconis, Subdiaconis, Acoluthis, Exorcistis, Lectoribus,
Ostiariis, Cantoribus, Fabricariis, Hospitalium Rectoribus, Religiosis Conventualibus & men-
dicantibus Monachis & Monialibus, Ludimagistris, & Scholaribus, Doctoribus, & Gra-
duatis, cæterisque Clericis secularibus & regularibus, per Civitatem & Dioecesim
nostram Bisuntinam constitutis, præsentibus & posteris,
Salutem & DEI gratiam.

*V*Era est illa Prophetæ, nec inaudita, sed ut apud Ethnicos (inquit Firmianus) alii
nostris in Synodis sæpe jacta vox: Labia sunt sapientiæ Professores, alii religionis Anti-
Sacerdotis custodiunt scientiam: & legem re- stites: sed iidem sunt Doctores sapientiæ, qui
quirunt de ore ejus. Neque enim apud nos, & Dei Sacerdotes. Addit vocis suæ causam
idem

(*) Claudium a Bauma, illustri apud Burgundos familia natum, cum quatuordecim dun-
taxat annorum esset, Petrus a Bauma, Patruus, Cardinalis & Archi-Episcopus
Bisuntinus, Coadjutorem sibi, & in Metropoli regenda Successorem dixerat anno
1543. Nominatio hæc, favente, probanteque Carolo V. Cæsare, mox quidem a
Rom. Pontifice Paulo III. rata habita, sed tanto simul studio celata fuit, ut Metro-
poli.

idem (ut putatur) Scriba velox: quia Angelus Domini exercituum est: id est, Nuncius Dei Omnipotentis. Dei quidem Angelus est Sacerdos, cum internuncium agit in terris, & tanquam legatione suscepta, voluntatis ejus interpretem: & de rerum causis, legumque

aquitate homines instruit, & arcana Dei mysteria revelat. Una est enim (quod Philosophi non negant, & Theologi Divinitus edocti professi sunt) aquitatis, ac justitiæ norma: ratio summi Jovis: voluntatem dicimus nos Dei Omnipotentis: cui, nisi quæ consona lex est,

politani Collegii Bisuntini Canonicis nihil de illa innotesceret prius, quam cum in locum Petri, anno 1544, defuncti, Franciscum Bonvallori, Jurium Doctorem, Canonicum Ecclesiæ Bisuntinæ ac Thesaurarium, elegerint. Ea res cum apud Pontificem, Cæsaremque in contentionem adduceretur; sic dein utrumque conventum: ut administratio Archi-episcopatus una cum 3tia parte proventuum penes Franciscum esset eo usque, dum Claudius vigesimo quinto ætatis anno completo, Ecclesiæ regimini suscipiendo aptior evasisset. Suscepit illud 3tia Aprilis anno 1556. Decennio fere Metropolim tenuerat, cum S. Pius V. Papa, ob dilatam a Claudio in alterum annum Concilii Tridentini receptionem, promulgationemque publicam, has ad eum literas dedit, quas integras ex Jacobi Laderchii Continuatione altera Annalium Ecclesiasticorum hic describimus:

Vener. Fratri, CLAUDIO, Archi-Episcopo Bisuntino
P I U S P A P A V.

VENER. FRATER, SALUTEM &c.

Alatum jam esse ad Te non dubitamus, de Sedis Apostolicæ regimine, quod, sicut Altissimo placuit, Nobis, licet tanto loco indignis, delatum fuit. Sane, a tanto onere subeundo deterebat Nos virium nostrarum infirmitas; sed Divinæ gratiæ ope, auxilioque confisi, id suscepimus. Quia vero ad aures nostras pervenit, nondum susceptum a te fuisse Sacrum Generale Tridentinum Concilium; sane mirati sumus, cur id suscipere distuleris, quod scias Apostolicæ Sedis Auctoritate comprobatum fuisse, & ab omnibus, & ubique jussum suscipi, atque servari. Quocirca Fraternalitatem tuam monemus, & districtè præcipiendo mandamus, ut id sine recusatione, & mora, & devote suscipias ipse, ac fideliter observes, & a Suffraganeis tuis pari devotione ac diligentia suscipiendum, atque observandum cures. Nihil facere potes, quod ad officium tuum magis pertineat, non mediocriter Nos, & Catholicos omnes offensurus, si (quod absit) cunctatus diutius fueris; nec vero Nos id ferre, aut dissimulare possemus. Illud quoque Fraternalitatem tuam hortamur & monemus, ut quoniam tantis hæresibus causam præcipuam constat, Pastorum incuriam & negligentiam præbuisse, & Cleri vitia, moresque corruptos; memor officii tui, & cogitans, reddendam abs te rationem fore in judicio districto, Eterno illi, Summoque Pastori; commissum tibi gregem debita diligentia pascas, atque custodias: hæreticorum, tanquam luporum, in fidias ab eis pervigili cura arceas: Clerum, ut honeste, caste, pie vivat, & exemplo vitæ tuæ excites, & arguendo, obsecrando, increpan-

do, & si opus fuerit, severius agendo, cures. Correctis enim Cleri vitiis, sperari poterit, Laicos quoque honestius & religiosius esse victuros. Cum reliqua vero omnia Concilii Decreta tibi exequenda sunt, tum illud primo quoque tempore, de Seminario instituendo, ex quo mirifica utilitas ad unamquamque Ecclesiam perventura esse speratur. Illud quoque diligenter & sedulo curare te volumus, ut notitiam habeas Clericorum, non solum Civitatis, sed etiam Diocesis tuæ, quos constat esse Catholicos, quique vitæ, & morum honestate & doctrina ad serviendum Deo, & huic Sanctæ Sedi sint idonei: ac selectis quodam eorum cum fide, & sine personarum acceptione habito, Nobis indicem, sigillo tuo obsignatum, & manu tua subscriptum, cum eorum nominibus, & locis, ubi habitant, mittas. Nos enim, ut communis omnium parens, proborum virorum, ubicunque sint, rationem habere decrevimus, & eorum opera uti, cum occasio oblata fuerit, ad eas res, quæ ad Dei & hujus Sanctæ Sedis obsequium pertinebunt. Te ipsum vero a Nobis expectare volumus, quidquid pro loco, in quo Dominus Nos constituit, opis & auxilii tibi, ad munus tuum laudabiliter obeundum, ferre poterimus: & si vigilare te ad salutem commissarum tibi ovium, & eam, quam debes, Sanctæ huic Sedi devotionem præstare viderimus, habebis Nos propensos ad omnia, quantum cum Deo licuerit, quæ ad commodum & bonorem tuum pertinebunt.

Datum Romæ apud Sanctum Petrum sub annulo Piscatoris, die XXII. Januarii MDLXVI. Pontificatus Nostri anno primo.

Literis

est, nec aqua, nec jussa, quibuscumque in oris regionibusque observetur, haberi potest. Nam sive in commutandis rebus jus dicatur: sive in distribuendis honoribus merita pensentur: sive in sumendis penis publica tranquillitas: jus instum nobis a natura fuit, non ab arte. Quod sane decalogus sic interpretatur, ut tergiversari nemo possit, aut lumen Divini vultus, quod super nos signatum est, obscurare: expressis verbis contestata, atque promulgata, justitiae omnis ratione, atque aequitatis. Scientiarum autem humanarum, atque ingeniarum principia, nisi a Deo, unde repetamus? Unde vis illa rationis, qua cause rerum atque exitus cognoscuntur? Quis posuit in visceri-

bus hominum scientiam? inquit Job: Quis conclusit ois mare? Quis preparavit corvo escam suam, quando pulli ejus clamant ad Deum? Ergo qui legem Dei exponunt, & doctrinae sanctae scientiam tradunt, hi vere Angeli sunt, & duci debent: Nuncii, inquam, & spiritus ministri, & interpretes Dei Sabaoth. Sed quamquam premimur calumniis, non modo vulgi, sed & hominum leviter eruditorum: qui, quae ipsi non capiunt, haec ab omnibus rejici, & quasi explodi vellent: & qui tanquam artem ab artifice, sic officium a ministro separari non putant: licet falso nomina haec usurpavi, aut minus proprie frequentari videamus: non est hic opus multis. Tantum hoc

scri

Literis his Pontificiis cum non illico respondisset Bisuntinus Praeful, variaque praeter ea de moribus ejus, ac liberiore, quam Archi-Episcopum deceret, vita ad S. Pium Papam perlata fuissent, hic elapso nondum toro bimestri, acriores multo literas prioribus subjunxit, quas e Laderchio pariter referimus:

Ven. Fratri, CLAUDIO, Archi-Episcopo Bisuntino

P I U S P A P A V.

PEN. FRATER, &c.

Ad aures tuas jam dudum, multorum fide dignorum literis, & relatione, non sine magno dolore pervenit, te multis in rebus diligentem & boni Pastoris erga commissum tibi gregem officia praeternittere, & vita & moribus tuis Clerum ac populum graviter offundere: quibus, si salutis & officii tui meminisses, pie, honesteque vivendi exempla praebere deberes: Nec suscepisse adhuc Concilium Tridentinum, tametsi non ignores, ejus Decreta Apostolica Sedis auctoritate confirmata, & ab omnibus suscipi & observari jussa fuisse: ac plane ita te gere, ut haereses, quas sedulo extirpare deberes, incuria & negligentia tua, vitaeque licentia potius alas, atque confirmes, quae vehementer cuperemus, falso de te vulgata fuisset. Sed cum tuae profectionis initia recordamur, veremur, ne nimis vera sint. Et si autem aliis literis nostris te officii tui diligenter admonimus; tamen Divini honoris, & Catholicae Religionis zelus, & sollicitudo, atque angor, qui cordi nostro insidet, propter salutis tuae, & commissarum fidei tuae animarum periculum, impulit Nos,

ut illo officio non contenti, mitteremus ipsi *Ven. Fratrem, Julium, Archiepiscopum Surventinum*, virum fidei, integritatisque spectatae, Nostrum & Sedis Apostolicae Nuntium, & Commissarium, ut harum rerum veritatem diligenter inquirat, & quae corrigenda, & emendanda in te compererit, corrigan & emendet, & praeter caetera curet, ut ipsius Tridentini Concilii Decreta suscipias, exequaris & serves. Proinde Fraternalitatem tuam in virtute sanctae obedientiae monemus, atque praecipimus, ut ei super omnibus rebus, de quibus nostro Nomine te monuerit, pareas atque obedias: alioquin sententiam, quam in te tulerit, suspensionis, interdicti, sive etiam excommunicationis, ratam habebimus, & faciemus, Deo auctore, inviolabiliter observari.

Datum Romae apud Sanctum Petrum, sub annulo Piscatoris die XVIII. Martii M.D. LXVI. Pontif. Nostri anno primo.

Jacob. de Laderchio in Continuat. altera Annalium Ecclesiasticor. Cardin. Caesaris Baronii.

Verum priusquam posteriores hae literae Vescitionem pervenissent, Claudius Archi-Episcopus, Summi Pontificis iram forte subveritus, ut eundem sibi tanto certius coram placaret, iter Romam instituit cum Antonio Lullo, quo ante aditam dignitatem instructore, ac dein Vicario Generali utebatur: commendata interim Ecclesiae Bisuntinae administrandae cura Francisco de Grandmont Majori Decano. Quinquennio tenuit ea peregrinatio, qua durante tam copiose a Claudio Antistite satisfactum Sanctissimo Pontifici fuit, ut hic eum & solennibus caeremoniis Archi-Episcopum consecravit, & Pallio donaverit.

Tomus VIII. Concilior. German.

A 2

Quan-

scribi volumus : neque ferendum omnino Sacerdotem, qui ultro scientiam abjecerit : neque omnem in omni Sacerdote scientiam esse requirendam ; sed sufficere juxta ordinum gradus, sic ordinis etiam peritiæ cuiusque modum. Nam si ea, quæ de Angelis dicuntur, recipimus ; nec inter eos par ponitur omnium virtus intelligentiæ : sed alii ab aliis illuminantur, & aliis subsunt, atque parent. Ac quidem ubi rerum omnium naturas considerabimus, nullam reperias, quæ non habeat in suo genere res complures, dissimiles inter se, sed quæ sapien- tiam consimili laude dignentur. Sed exponamus adhuc, quænam hæc tanta similitudo, ut Sacerdos dicatur a Malachia Angelus Dei. Altior quidem natura mentium, de qua loquimur, est, quam ut a nobis, terræ immer- sis, corporisque mole pressis, sensu possit aut cogitatione comprehendere. Fuit enim hic accommodari posset ille apologus : Cum talpa aliquando juxta loquentes homines percepisset :

excita desiderio audiendi sermonis, rupto cespite, egestaque tacite gleba, caput extulit modice, ne videretur : sed captum oculis. Loquebantur autem illi de structura, & spectaculis Romani amphitheatri, & de magnificentiâ atque splendore apparatus convivii, quod Assuevus dederat in hortis Susaneis. Retulit illa statim ad contubernales, quæ audierat. Sed quia neque ipsa se, neque aliæ loquentem intelligebant : ex contentione rixa, & ex rixa tumultu subitus terrarum excitatis, homines illos, spiritus subterraneos adesse suspicantes, in fugam egerunt. Vero quidem simillimum est, cum illa scenicum apparatus, signa theatri, pendentiæ auleæ, vestes peregrinas personarum, & cavæ capacitatem, ordinesque spectatorum, recenseret, pro coliseo omnes suas cavernulas cogitasse, pro signis & alio apparatu, radicias arborum & verbarum : aut lapillos, quos fodiendo in speluncis suis offendunt. Sic re vera afficiuntur homines, maxime carnales, ubi

Quantum porro Claudius ex haustis a Pontifice Sacris Institutionibus acceperit emolumentum, ab illius in Patriam reditu compertum fuit : nam continuo Synodum Provincialem in diem Octobris 24. anni 1571. indixit, in qua una cum Revmis Episcopis Suffraganeis, Cleroque congregato Sacri Tridentini Concilii Canones ac Decreta recepit, receptaque juramenti Sacramento sancivit. Ad urgendam vero, promovendamque ejusdem Generalis Decretorum executionem illum simul eadem in Synodo Provinciali ordinatum fuit, ut prioribus Bisuntinæ Provinciæ Statutis, ad Concilii Tridentini Sanctiones reformatis, doctrina aliqua atque institutio, juxta ipsorum ordinem & argumenta, ex consilio, sententiaque doctissimorum virorum, qui una cum Archi-Episcopo ad id opus deputari fuere, pro Cleri totius instructione concinnaretur, & in lucem ederetur : Ex quorum dein lucubrationibus ingens istud Statutorum Synodaliū Provinciale Bisuntinæ volumen, quod hic exhibemus, conflatum fuit, & anno 1575. typis Lugdunensibus vulgatum. In quo cum multa admodum erudite conscripta sint, varia tamen hinc inde Institutionum, Statutis adjunctarum, Tractatibus inspersa reperiuntur, quæ prudenti interpretatione indigent, quod & alibi monuimus : Atque ipse Claudius Archi-Episcopus, dum Statutis in eorundem fine subscriberet, & illa Archi-episcopali sua auctoritate firmaret, istud provide adjecit, quod Institutionibus hæc non plus ponderis tributum veller, quam ipsa contentæ in illis doctrinæ capita mereantur. Aliis, inquit, præceptis doctrinæ, quæ ab ipsis Statutis & Ordinationibus literarum forma & character distincta sunt, & separantur, in suo genere, [doctrinæ scilicet loco tantum] relictis.

Cætera Claudii gesta damus ex Joannis Jacobi Chiffletii, Patritii, Consularis, & Archiatri Vefontini, Libro, cui titulus : *Vefontio Civitas Imperialis Libera, Sequanorum Metropolis.* " Anno 1575. die 21. Junii, inquit, hæretici Bisuntinam civitatem " subito conatu adorti, ... magnum civibus terrorem incusserunt : in quibus pro- " pullandis, ut totius Civici Magistratus, & Francisci de Vergeio, Comitatus Bur- " gundiæ Gubernatoris, qui tunc Vefuntione ; sic & Claudii a Bauma egregia eni- " tuit vel prudentia, vel fortitudo. Qua de re cum accepisset Gregorius XIII., " anno 1578. Pontificatus VI. die Veneris IX. Cal. Martii, cum quinto Cardinales " eligeret, absentem Claudium a Bauma, Romæ creavit Presbyterum Cardinalem " S. Pudentianæ, Tit. Pastoris : cujus tituli memor Claudius, & Pastoris mun- " ris, Romanam Curiam non adiit, ne in tantis Galliæ ac Germaniæ tumultibus, " & hæreticæ impietatis, quæ per ea tempora quaquaversum spargebatur, peri- " culis, suo ipse gregi deesset : in eaque cura tam diu persistit, donec anno 1584. " die Jovis, 14. Junii, Pastoris officio simul & vita cessit Arboſii, quo loco sepe- " liri voluit in Ecclesia S. Justii, prope Claudium parentem suum, Equitem Vello- " ris aurei, & Marescallum Burgundiæ, ac Petrum a Bauma, patrum suum, " Cardinalem & Archi-episcopum Bisuntinum. Hæc Chiffletius, quem vide, & Ja- cobi Laderchii Continuat. alteram *Annal. Ecclesiasticorum Card. Cas. Baronii.*

ubi quis de Deo, rebusque cælestibus, verba facit. Sed qui Divinitus edocti sunt, talem putant naturarum omnium conditorem Angelicæ vim, facultatemque dedisse, qualem censuit maxime gloriæ suæ, Majestatique convenire. Fecit ergo spirituales; quia reliqua sunt corporea, quæ creavit. Fecit incorruptibilem: quia ante Omnipotentis thronum esse semper debuerant. Fecit absque corpore: ut ad omnia obeunda mysteria, quocunque mitterentur, essent paratiores. Ideo & per se intelligentem quoque; ut sensu non egerent corporeo, sicut nos miseri mortales, & tardi ad credendum. Atque hæc quidem omnia, ut theatrum suum Creator universi, spectaculorum omnis generis, & formarum varietate decoraret. Sed quid horum simile, inquires, in Sacerdotibus? Multum quidem per omnem modum. Nam sicut illi spirituales sunt & incorporei, & accensi instar flammæ ignis, & actus puri: sic etiam nos decet, licet in terra degentes, a terrenis caducisque rebus animum subducere, & spiritu opera carnis mortificare: aliisque virtutibus præluce, cbaritate præcipue accensos. Quod si quando usus postulante, infirmitati nos accommodantes aliorum, humanam aliquid agere videamur: tanquam assumpto alieno corpore id agamus, ne absorbeat a corpore spiritus Divina vis. Sic Angeli humana specie non raro apparuerunt, assumptis ex aere, vel aliunde, non propriis corporibus: ut cum hominibus possent facilius inire familiaritatem. Videbar, inquit Raphael ad Tobiam, manducare & bibere: sed ego alio cibo & potu utor invisibili. Sicut illi præterea actus puri sunt, sic otio torpere non decet Dei Ministrum, aut ignavia. Nam Sacerdos dives, & honoratus, nisi in actu semper sit, non differt ab idolo. Habent idola oculos, & non vident: aures, & non audiunt: pedes, & non ambulant: nihilominus auro onusta, & pretiosis rebus ornata, coluntur, atque adorantur ab stultis. Quamvis hoc in penam sepe fieri populorum consuevit: ne sibi blandiantur plebes. Ecce ego suscitabo Pastorem (dicit Dominus per Zacariam) qui derelicta non visitabit, dispersum non quaeret, & contritum non sanabit, & id, quod stat, non enutriet, & carnes pinguium comedet, & ungulas eorum dissolvit. O Pastor & idolum derelinquens gregem, &c. Et contra eum, qui scientiam contemnit, per Oseam sic loquitur: Quia tu scientiam repulisti, repellam te, ne Sacerdotio fungaris mihi. Non quod oporteat omnes æque doctissimos esse. Nam intelligentiæ illa gradus habent: & in ordine nostro, uti diximus, gradus sunt: ut ab eo plus exigatur,

cui plus creditum fuerit. Sed tamen unusquisque pro suo merito mercedem accipiet: sive qui docet in doctrina: qui exhortatur in exhortando: qui tribuit, in tribuendo: qui præest, in sollicitudine: qui miscetur, in hilaritate. Superest, quod imprimis convenit nostro huic negotio: ut quemadmodum in Angelo duplex cognitio ponitur, (matutina & vespertina) eadem servata analogia queramus hæc in Sacerdote. Augustinus quidem auctor, ut creditur, hujus sententiæ; matutinam cognitionem eam definit, qua res omnes contemplantur Angeli in verbo eterno: quatenus autem in sua natura singule consistunt, harum cognitionem vocat vespertinam, a rebus ipsis, quæ scilicet a tenebris non procul absunt, desumptam. Non aliter in Praelato, si muneris rationem habebimus, duplicem ponemus, & requirere censuimus scientiam: unam scilicet ex Verbo Dei, alteram ex rebus creatis. Illa est fidei, & mysteriorum ejus: quam vel ex literis sanctis, vel ex Patrum traditionibus, vel ex revelatione speciali acquirit. Altera quæ ex præceptis & doctrina Philosophiæ petitur: moralis, aut rationalis, aut naturalis: Per quam & cum hominibus sine querela vivamus, & hæreticos paralogizantes ex juamur ipsorum Philosophia, refellamus: & in contemplatione atque admiratione operum naturæ, Deum auctorem agnoscamus, amemus atque veneremur. Idcirco enim præceperat Dominus (quia omnia in figuris contingebant) ut Pontifex Judeorum in pectore gestaret rationale, cum duobus hisce verbis, DOCTRINA, & VERITAS: nimirum ut potens esset (quod Paulus cupit) exhortari in doctrina sana, & contradicentes coarguere. Populum meum docebit [inquit apud Ezechielem] quid sit inter sanctum & pollutum: & cum fuerit controversia, stabunt in iudiciis meis, & judicabunt. An corruptibiles judicare poterunt? nequaquam recte. Non sine causa igitur in exhortandis Pastoribus frequens usurpatur hæc sententia: labia Sacerdotis custodiunt scientiam: & legem requirunt de ore ejus: quia Angelus est Domini Sabaoth. Decet enim Dei Ministrum, eum qui populo præest, notitiam habere rerum & Divinarum, & humanarum: tam ut instituta bene vivendi docere queat, quam fidei atque spei documenta: quia Angelus Domini est. Nos autem, quos Dei benignitas, atque patientia, immeritis licet, in hac Sede collocavit, & præire multis ac præluce voluit, librum hunc compilandum bona fide, nullo ambitionis vitio curavimus: ut qui sub administratione nostra ac cura degunt, quovis illi munere in Ecclesia fungantur aut ordine, inter fideles positi sint, legem habeant &

scientiam: non utique rerum omnium, sed earum potissime, quæ solent hac nostra tempestate tractari, atque desiderari. Nam Dei gratia, accepto in urbe à bonæ memoriæ PIÒ V. Pontifice munere Consecrationis, & Pallio, reversi in Patriam (quod omnes scitis) Synodum Provinciale, ad diem XXIV. Octobr. anni M.D. LXXI. in Ecclesiam Metropolitanam indiximus, & convocavimus. Ubi Dioecesis nostris, cum Reverendissimis Episcopis Comprovincialibus & Suffraganeis, in Spiritu Sancto legitime congregatis, officioque Divino cum indulgentia plenaria ejusdem Patris Sanctissimi celebrato: Synodum ritu solenni aperuimus, ac deinceps Concilii Tridentini Sacrosancti Canones ac Decreta, lecta & publicata, palam & publice cum universo Clero, recepimus ac juravimus. Sed quoniam ad eorum executionem nonnulla videbantur esse in Dioecesi nostra constituenda: decretum fuit, ut reformatis ex ipso Concilio paucis aliquot Statutis ex prioribus, juxta materiam & argumenta singulorum, doctrina aliqua atque institutio Clericis omnibus pro tempore necessaria, ex consilio sententiaque Virorum doctissimorum, qui Nobiscum ad hoc opus deputati fuerunt, conciperetur, atque ediceretur. Hoc opus Dei beneficio absolutum, typis excusum, vobis jam modo presentamus. Accipite igitur Patres & Fratres in Christo Charissimi, ad unius DEI Omnipotentis cul-

rum, & honorem Virginis MARIÆ Matris DEI Gloriosissimæ, Beatorumque Apostolorum Petri & Pauli, Joannis Evangelistæ, & Stephani Protomartyris, Sedis nostræ Archi-Episcopalis Patronorum, ac Sanctorum Martyrum Vincentii, Ferreoli & Ferrucii, atque Irenæi, Epiphani & Isidori, aliorumque ejusdem Ecclesiæ protectorum, omniumque Sanctorum, ad fidei stabilitum: ad utilitatem Cleri, Civitatis & Dioecesis: ad defensionem libertatis, jurisdictionis & status Ecclesiastici: ut omnia suo gerantur ordine, quæ cuique in suo gradu & tempore fieri debent. Accipite, inquam, sequentes Constitutiones, sive Statuta: partim ex ipso Concilio Tridentino, Patrumque Decretis: & Ecclesiastici Juris legibus: partim ex Predecessorum nostrorum Archi-Episcoporum Bisuntinensium Statutis Synodalibus desumpta: partim etiam à Nobis in proxima Synodis jam rogata & publicata, & denuo in dicta Provinciali recepta. Hujus autem Libri pars una commentariorum est doctrinæ, ad custodiendam aliquam scientiam in labiis Sacerdotum. Altera collectionem continet Statutorum: si quis legem requirere velit ex ore nostro, quomodo versari vos, vobisque subditos oporteat in Ecclesia Dei, quæ est columna & firmamentum veritatis. Paxit Christus Jesus, ut labor hic noster nec inanis, nec sine fructu reperitur in die judicii.

C A T E C H I S M U S,

Qui pro Indice servire poterit horum Statutorum Synodaliū.

CUM sit finis & scopus Congregationum Ecclesiasticarum atque Synodorum, ut in Clero & in populo integra retineatur Fidei doctrina & morum: operæ pretium est, ut in fronte hujus operis Capita proponamus Doctrinæ Catholicæ. Is ergo erit brevis Catechismus: qui & pro Indice etiam sumi poterit materiarum, quas continebit hæc doctrina Cleri nostri. Continetur autem omnis doctrina Catholica in tribus virtutibus Theologicis, Fide, Spe, & Charitate: de quibus suis locis tractabimus. Nunc scire oportet Catechismum instructionem esse Catholicam, quæ per interrogationem fit & responsionem. Dictio græca est, & deducitur ab Echo, id est, resonantia, illa scilicet, quæ inter montes in profundis vallibus responderet quidem merito. Nam fides ex auditu est: Echo autem ultimas tantum syllabas vocum refert, sicut a catechumeno (rudi adhuc, & lacte, non jam solido cibo indigenti) principia tantum, rudimenta quoque Religionis tradita voce, verbisque concepta exigimus. Sed sapientiam, inquit Apostolus, loquimur inter perfectos. Et quia perfectiores in Ecclesia habentur Clerici (quos decet non solum

verbo, sed opere etiam præire cæteris) idcirco non solum de vita, & honestate eorum, præcepta dabimus: sed & de modo conveniendi ad suscipiendam, atque tractandam disciplinam Ecclesiasticam. Vocatur hæc congregatio Synodus.

Quenam celebrantur Synodi in Dioecesi Bisuntina? Pag. 9

Duæ: Provincialis, seu Generalis: & Dioecæana.

Vitam Clericorum, quæ sunt, quæ maxime faciunt honestam? 12

Continetia, morum simplicitas, & scientia.

Scientia quorum est?

Virtutum, Scripturarum, & Rituum.

Virtutes quæ sunt?

Theologicæ, & morales.

Quot sunt virtutes Theologicæ? 15

Tres: Fides, spes, charitas.

Morales quæ?

Prudentia, temperantia, fortitudo, & prudentia: & quæ sub his continentur.

Sensus exteriores? 20

Quinque: Visus, auditus, gustus, odoratus, tactus.

Poten-

- Potentia animæ quot sunt?* Pag. 21
Tres: Memoria, intellectus, & voluntas. Liberum arbitrium additur voluntati.
- Fidei professio, quotuplex?* 25
Explicita, atque articulata, Symbolum: implicita, signum crucis Christi, In nomine Patris, & Filii, & Spiritus Sancti. Amen.
- Symbolum Apostolorum quod?* 27
Credo in Deum Patrem omnipotentem, Creatorem cœli & terræ, &c.
- Fides unde est?*
Ex auditu: Auditus autem per verbum Christi.
- Verbum Dei quomodo in nobis fit?* 33
Per inspirationem Dei intrinsecus: & extrinsecus per os Dei, & per traditionem & per Scripturam Sanctam.
- Libri Canonici qui sunt?* 35
Verus testamentum, & novum.
- Libri prohibiti?* 36
Hæresiarum omnes: aliorum quoque hæreticorum, qui de religione tractant & præterea superstitiosi & impudici.
- Hæreticus quis?* ibid.
Qui fidem, quam antea professus est, in aliqua parte tenet; in alia errorem pertinaciter defendit.
- Oratio Dominica, quæ?* 39
Pater noster, qui es in cœlis, sanctificetur &c.
- Salutatio Angelica?* 44
Ave Maria, gratia plena, Dominus tecum, &c.
- Præcepta Decalogi quot sunt?* 47
Decem. Unum crede Deum: ne jures vana per ipsum.
- Sabbata sanctifices: habeas in honore parentes.
- Ne sis occisor, mæchus, fur, testis iniquus. Alterius nuptiam, nec rem cupias alienam.
- Præcepta Ecclesiæ?* 53
Festa cole, atque jejunia: Christum in Paschate sume.
- Crimina Patris narra: Missamque frequenta.
- Sed decimas solves, collectis lætus aristis.
- In Missa quam sunt?* 54
Confessiones, preces, exhortationes, gratiarum actiones, oblationes, sacrificium, communio, cantus.
- Festum quotuplex?* 57
Duplex: Mobile, & immobile.
- Computus Ecclesiasticus quam docet?*
Quantitatem anni & mensium, literam Dominicalem, aureum numerum, Pascha, & alia Festa mobilia atque immobilia.
- Sunt ne omnia opera peccata?* 71
Non, sed quædam bona, quædam mala, quædam indifferentia.
- Opera satisfactoria, & meritoria quæ sunt?* 72
Oratio, jejunium, eleemosyna.
- In Rosario Mysteriora meditanda quindecim?* 77
Læta quinque, tristia quinque, gloriosa quinque.
- Septem opera misericordiæ corporalia quæ?* Pag. 79
Visito, cibo, potu, redimo, rego, collo, condo.
- Septem opera misericordiæ spiritualia?* ibid.
Confule, suade, doce, solare, remitte, fer, ora.
- Consilia Evangelica?* 81
Paupertas, castitas, obedientia. Propria sunt hæc Monachorum & Monialium.
- Votum quotuplex?* 86
Solenne, & simplex.
- Dispensatio quorum est?* 87
Voti, juramenti, præcepti, & prohibitionis.
- Indulgentia quotuplex?* 89
Duplex: Plenaria, & determinata.
- Peccatum quotuplex est?* 96
Triplex: Mortale, veniale, originale.
- Peccata mortalia, seu capitalia quot sunt?* 98
Septem: Superbia, avaritia, luxuria, invidia, gula, ira, accidia.
- Peccata clamantia in cœlum?* 103
Quatuor: Homicidium, sodomia, opprobrio pauperum, merces operarii detentia. Addunt etiam usuram.
- Peccata in Spiritum Sanctum?* 107
Sex: Præsumptio, desperatio, impugnatio veritatis agnitæ, invidia fraternæ gratiæ, obstinatio, finalis impenitentia.
- Gratia Dei quotuplex?* 108
Duplex: Gratia data, & gratum faciens. Gratia quoque prædestinationis, & ejus signa quæri possunt.
- Septem dona Spiritus S. quæ sunt?* 117
Spiritus sapientiæ, & intellectus: Spiritus consilii, & fortitudinis: Spiritus scientiæ: Spiritus pietatis & timoris Domini.
- Fructus Spiritus?* 118
Charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.
- Octo beatitudines quomodo explicantur.* ib.
Beati pauperes spiritu, quoniam ipsorum est regnum cœlorum. Beati mites, quoniam ipsi possidebunt terram. Beati qui lugent, quoniam ipsi consolabuntur. Beati qui esuriunt & sitiunt iustitiam, quoniam ipsi saturabuntur. Beati misericordes, quoniam misericordiam consequentur. Beati mundo corde, quoniam ipsi Deum videbunt. Beati pacifici, quoniam ipsi Filii Dei vocabuntur. Beati, qui persecutionem patiuntur propter iustitiam, quoniam ipsorum est regnum cœlorum.
- Quatuor novissima, quæ sunt?* 119
Mors, dies iudicii, infernus, vita æterna.
- Morientibus necessaria officia, quæ?* 127
Ante mortem, testamentum (vel cessio bonorum) doctrina bene moriendi, & Sacramenta: post mortem, sepultura, utriusque testimonium de bono statu.

- Tres hostes hominis assidui, qui sunt?* Pag. 134
 Caro, mundus, dæmonia.
Fam (quod superest) ritus unde discimus Ecclesiasticos? 139
 Ab Ecclesia.
Quotuplex est Ecclesia? ibid.
 Militans & triumphans.
An est ambarum unum Caput?
 Christus caput est tam eorum, qui in terra sunt, quam qui in cælis. Sed militantis Ecclesiæ caput in terris est Summus Pontifex.
Ecclesia materialis, quando reconcilianda est? 143
 Si fuerit polluta sanguinis, vel feminis effusione, vel altare ejus motum.
Sacramenta Ecclesiæ, quot sunt? 144
 Septem: Baptismus, Confirmatio, Eucharistia, Pœnitentia, Extrema unctio, Ordo, Matrimonium.
In omni Sacramento necessaria quæ sunt? ibid.
 Materia, forma, Minister, & intentio.
Baptismo, quæ sunt necessaria? 146
 Minister, aqua, & verbum.
Ritus observandi in Baptismo? 150
 Alii in casu necessitatis, alii extra hunc.
Cognatio spiritualis inter quos? 153
 Levantes cognati sunt spirituales baptizati, & parentum ejus.
Confirmationi necessaria? 154
 Episcopus, Chrisma, impositio manuum.
Eucharistia? 156
 Presbyter, panis & vinum, verbum.
An requiritur aliqua præparatio? 157
 Debet sumpturus, se ipsum præparare, ne indigne sumat: & Presbyter admonere eum de virtute, & dignitate Sacramenti.
Pœnitentiæ partes quæ? 159
 Contritio, confessio, satisfactio: Minister hujus Sacramenti est Presbyter jurisdictionem habens.
Casus reservati? 167
 Alii Papæ tantum, alii Episcopo etiam.
Extremæ Unctioni necessaria, quæ? 168
 Presbyter, Oleum infirmorum, Oratio.
Matrimonio? 169
 Viri & mulieris consensus, & minister Parochus: cum testibus saltem duobus.
Suntne aliqua impedimenta Matrimonii? 171
 Sunt quidem aliqua, quæ impediunt contrahendum, sed non dirimunt contractum.
 Alia, quæ non solum impediunt contrahendum, sed eam dirimunt contractum.
- Ordines Ecclesiæ quot sunt?* Pag. 175
 Septem: Ostiarius, Exorcista, Lector, Acolytus, Subdiaconus, Diaconus, Presbyter.
Examen ordinandorum, quomodo, & quando fieri debet? ibid.
 Ad primam Tonsuram, quocunque die: ad quatuor Minores, diebus Dominicis & Festis: ad Sacros, Sabbatis quatuor temporum promovebuntur: sed non nisi legitimi, & sufficientiæ testimonium habentes de ætate, doctrina, fide, & moribus.
Examini corruptela, quæ? 178
 Simonia.
Simonia, quibus rebus committitur?
 Munere, prece, servitio, sanguine.
Ministrorum Ecclesiæ differentie? 179
 Ministri Sacramentorum, Ministri doctrinæ, Ministri pauperum & infirmorum, Ministri cantuum Divinorum, Ministri iustitiæ, Ministri denique Ministrorum Ecclesiæ, & unus omnium Papa.
Statuta Ministrorum singulorum propria quænam dabimus? 182
 Simpliciū Presbyterorum & familiarium, Pastorum seu Curatorum, Prædicatorum [& de prono] Magistrorum seu Scholasticorum, Hospitaliorum, Fabriciariorum, Monachorum & Monialium, Psallentium.
Horæ Canonica in quibus consistunt? 200
 In orationibus, lectionibus, & cantibus, & corporis gestu.
Musica in quibus consistit? 203
 In rythmo, sono, syllaba, & modo.
Ministri iustitiæ? 208
 Ordinarii & Delegati.
Mandatorum Curie executiones, quæ? 210
 Monitio, citatio, districtio, notificatio, inquisitio, vel informatio.
Censuræ Ecclesiastica, quæ sunt? 213
 Excommunicatio, interdictum, suspensio, & irregularitas.
Excommunicatio quotuplex est? ibid.
 Major & minor: a jure, & ab homine.
Excommunicati pena quæ est? 214
 Privatur in vita orationibus Ecclesiæ, & Sacramentis, & convicū fidelium, omni actione in judicio: & traditur Satanæ, & post mortem caret sepultura Ecclesiastica.
 Casus excommunicationis variis temporibus publicati, multi sunt. 218

STATUTA SYNODALIA

BISUNTINÆ DIOECESIS.

DE SYNODO.

Cum multa Divinitus a Majoribus nostris, Ecclesiæ Bisuntinæ Patribus, instituta sint & tradita, per quæ nos in studio & perfectione Evangelicæ Professionis continerent, illud inter cætera maxime necessarium Reipubl. nostræ statuerunt, ut Sacerdotes frequenter in unum convenirent, & Ministrorum Ecclesiæ fieret bis in anno quædam veluti recitatio & consensus, quam Synodum Græco vocabulo appellant. Nam sive errores suppululent in doctrina, sive scandala ponantur in moribus, sive ritus depraverentur in ministerio, sive contemptus & inobedientia notetur in delictis, & contumacia in obstinatione: hac Sancta Synodo (veluti ab equis pluribus, in area super spicas, & messim circumactis, decussa gleba, & tritis aristis) sic omnia depurgantur & restituntur, ut minimò statu auræ principalis favoris, disciplina Ecclesiastica, Deique cultus, in pretio sint, & grana tritici in horreum Dominicum recondenda, pietatis operibus omnis generis niteant, & splendescant. Hic conferunt Patres inter se de doctrina Fidei: nunc uno interpretante, & cæteris aliis tacentibus: nunc respondente uno, & cæteris interrogantibus: & quod Fidei Catholice, Patrumque præceptis consonare videtur, id unum confirmant, corroborant, & profitentur. Hic de moribus populi sui quisque refert, quod animadversione dignum putat: ut ejus rei causa admonitiones populares, si opus sit, concipiantur in Synodo. Hic Ministri Sacramentorum sigillatim examinantur & probantur, num recte teneant & exequantur, quæ sunt sui officii: & qui deprehenduntur indigni, gradu suo moventur ab Antistite, aliis in locum eorum suffectis. Hic referuntur a suis Pastoribus quicunque ex

plebe incorrigibiles, tanquam membra putrida debent ab Ecclesiæ corpore rescindi: hæretici, usurarii, blasphemii, incantatores, & quicquid aliud correctione indiget, tum in Clero, tum in populo, refertur palam, vel paucis adhibitis ex Synodo primoribus: ut si res postulat, advocato Brachio sæculari, malum tollatur ab Ecclesia. Atque hæc quidem primum. Dehinc pro usu & necessitate, atque occasione Leges, ac Statuta rogantur: & in ultima Concione promulgantur, cum Decreto & auctoritate Antistitis. Quanquam doctrinam quidem rerum credendarum eandem semper manere necesse est: nec licet Nobis quicquam in ea novi statuere, vel deliberare. Si Nos ipsi (inquit Apostolus) vel Angelus de cælo prædicaverit vobis Evangelium, præter id, quod prædicatum est vobis, anathema sit. Verum in rebus agendis, & disciplina Ecclesiastica mutari pro ratione temporum & locorum, ac personarum multa possunt. Nam Decretum, quod cum B. Paulo (a) cæteri Apostoli propter diffidium Judæorum & Gentium condiderant, de non edendo idolothyto, idem Paulus postea scribens Corinthiis, sublata illa causa rescidit. Quicquid in macello vænit (inquit) edite, nihil interrogantes. Et contra ethnicam libertatem circumcidit Timotheum (b). Idemque ad Galatas, si circumcidimini (ait) Christus vobis nihil prodest. Neque tamen propterea licet nobis, quæ ab Ecclesia universali, & in Generalibus Conciliis (etiam circa res agendas & disciplinam Ecclesiæ, atque exercitationem corporalem) constituta sunt, nostra auctoritate abrogare, vel abolere: quamvis in multis dispensemus ex causa justa, multaue commutemus, veluti obligationem unius operis pii,

in

(a) Act. 15.

(b) Act. 16.

Tomus VIII. Concilior. German.

in aliud eodem modo pium, convertentes. Nam quod a Majoribus dignitate & auctoritate præceptum, sancitumque est, inferiores observare, non contemnere, vel abrogare decet. Sed quoniam non omnia Patrum Decreta omni tempore æque necessaria habentur: idcirco fit, ut variis Synodis varia etiam Statuta ferantur, non quasi nova quidem, sed (ut ita dicamus) renovata. Cujus rei necessitatem cum crebro experti sint Majores nostri: hac certe infelici tempestate adeo Nos urget, ut non sine lachrymis & gemitu referamus. Eam igitur ob causam, ut omnes intelligant, quo ritu haberi Synodus debeat Ecclesiæ nostræ: Statuta de Synodo, quæ ab omni tempore observata a Majoribus nostris fuere, proponemus.

STATUTA DE SYNODO.

STATUTUM PRIMUM.

SANCTORUM Patrum (c) vestigiis insistentes bonæ memoriæ Prædecessores nostri, hujus Sanctæ Sedis Bifunctionis Archi-Episcopi, celebrare duas Synodos singulis annis consueverunt. Primam quidem in septima & ultima hebdomada Paschalis solennitatis, in die videlicet Martis ante festum Pentecostes: alteram vero in mense Octobri, die Mercurii post festum B. Lucæ Evangelistæ.

II.

Prima igitur, quæ dicitur Maji, incipit die Lunæ ante solennitatem Pentecostes, in Aula nostra Archiepiscopali, in qua fit primus sermo ad Clerum, & collatio de rebus, quæ pro tempore occurrunt tractandæ: semotis laicis, qui concioni tamen poterunt interesse. In crastino (videlicet die Martis) in Ecclesia nostra Cathedrali primo fit officium Missæ de Sancto Spiritu: deinde celebratur Synodus: & in ea habetur ultimus sermo ad Clerum: tandem, quæ statuenda visa fuerunt, publicantur.

III.

Secunda Synodus dicitur Autumni, & incipit post Vesperas diei Martis: & die Mercurii post festum Sancti

Lucæ celebratur, & finitur sicut illa Maji.

IV.

Suadente autem necessitate, vel aliqua causa rationabili, potest a Civitate transferri Synodus, & in loco aliquo Dioecesis congruo & commodo (deputando per Archi-Episcopum) convocari, congregari, & celebrari. Quam tamen translationem, congregationem & loci deputationem, tempestive facere debet Archi-Episcopus, ut ad eorum omnium notitiam perveniat; quorum interesse possit.

V.

Quando causa rationabilis quidem existit, ut universi Ordines Ecclesiastici convocentur ab Archi-Episcopo ad Synodum, non solum Rectores animarum & Presbyteri, sed Abbates & Reverendi Episcopi, omnes Suffraganei interesse debent. Verum singulis Synodis Dioecesanis, quæ bis in anno celebrantur, non alii coguntur interesse, quam ii, quibus cura populi commissa est (sive Abbates fuerint, sive Priores, sive Capitula & Collegia) per se, vel per suos Vicarios: reliqui exempti sunt ab eo onere.

VI.

Tenantur tamen in hac Dioecesi Bifuntin. in omnibus Synodis comparere cum Fratribus nostris Ecclesiæ Metropolitanæ Canonicis Venerabiles Abbates, Sancti Vincentii Bifunt. Civitatis, & Sancti Pauli ejusdem Civitatis: Abbas Montis benedicti: Abbas de Golia: Abbas de Corneolo, & Abbas de Bello-Campo, in habitibus quidem suis regularibus in priori collatione, quæ fit post Vesperas, uti dictum est: mane vero Abbates mitrati cum cappis sericeis, & mitris, & crossis, alii non mitrati, cum similibus cappis & almutiis, prout ab antiquo observatum est. & præterea quatuor Archi-Diaconi nostræ Dioecesis cum suis Decanis: scilicet Archi-Diaconus de Salinis, Archi-Diac. de Faulverneyo, Archi-Diac. de Grayaco, & Archi-Diac. de Luxonio.

VII.

(c) Canon. 38. Apost. Conc. Nicen. can. 5. Antiöch. c. 5.

VII.

Decani Christianitatis (quos rurales vocamus, alii Archi-Presbyteros) aut eorum Subdecani, compareant in utraque collatione in vestibus honestis, cum superpelliciis albis, mundis & honestis: similiter & Curati, seu eorum Vicarii, cum superpelliciis (præsertim in Synodo matutina) diligenterque attendant ad verba sacræ cohortationis, & ad alia, quæ eis dicentur, ac mandabuntur: nec recedant ab ipsâ Synodo absque nostrâ, aut Vicarii nostri Generalis licentiâ.

VIII.

Venientes ad Synodum, honestam sibi eligant societatem, honesta hospitalia: ubi graviter, modeste, pacifice, se gerant: sobrie vivant: vana colloquia, & fœda, cantilenas, choreas, meretrices, & suspecta omnia devitantes: potius orationibus & jejniis, exemplo Apostolorum, vacent, & de rebus Ecclesiasticis meditentur.

IX.

Curati, qui nequeunt personaliter interesse propter causam legitimam, dent Decanis suis excusationem suam in scriptis, quam Decani Nobis præsentare tenebuntur in ipsâ Synodo: alias contumaces reputabuntur. Præcipimus autem Receptori Cameræ nostræ, ut diligenter exigat pœnam contumaciæ absentium omnium, qualis in quaque Synodo declarata fuerit.

X.

Antequam verò se itineri committant, visitent gregem suum, ac dispiciant: & si quos morbo gravatos habuerint, eos hortentur ad susceptionem Sacramentorum. Similiter hortentur mulieres partui proximas, ad Confessionem, & Sacrosanctam Communionem: ne ipsis absentibus contingat eas ab hæc luce decedere absque illis Sacramentis.

XI.

Quod si commode non possint, relinquunt Presbyterum aliquem, qui eorum vices gerat: & rebus ita ordinatis, ad Sanctam Synodum properabunt.

Tomæ VIII. Concilior. German.

Nomina Decanatum hujus Dioecesis Bisuntin. in quos tanquam particulares Dioecesis dividitur, hæc:

De Sexta,	De Montana,
De Faulverneyo,	De Neublanco,
De Treva,	De Varese,
De Luxonio,	De Salinis,
De Ledonesalverii,	De Dola,
De Grayaco,	De Grangiis,
De Palma,	De Rubeomonte,
De Atoya,	

XII.

Tenantur Decani rurales in singulis Synodis referre nomina Beneficiorum (præsertim Curatorum) non residentium in suis Ecclesiis Parochialibus, idque in scriptis.

XIII.

Item nomina excommunicatorum, qui per annum & diem sententiam excommunicationis sustinuerint.

XIV.

Item nomina adulterorum, concubinariorum, & usurariorum publicorum & manifestorum.

XV.

Item nomina hæreticorum, conventicula celebrantium, seu a communi conversatione fidelium vita & moribus dissidentium.

XVI.

Item nomina fortilegorum, divinatorum & receptorum eorundem, & blasphematorum Dei, Virginis Mariæ & Sanctorum.

XVII.

Idcirco diligenter debent hæc inquirere tam in populo, quam in Clero, & prudenter: ut fideliter referre possint in Synodo.

XVIII.

Item referre debent, si qui in Beneficia Ecclesiastica absque Canonica institutione se intruserint.

XIX.

Item si qui incorrigibiles fuerint in Clero, aut minus idonei Rectores Ecclesiarum in Decanatibus ipsorum.

B 2 XX.

XX.

Item referre debent nomina eorum, si qui sint, qui beneficia sub injusto titulo habent in confidentiam.

XXI.

Item referre debent nomina hæredum, qui defunctorum testamenta non publicant: & exequutorum, qui pias eorumdem dispositiones non exequuntur.

XXII.

Decani rurales post nostram Synodum, cum Curatis suorum Decanatum compareant annuatim in locis & diebus consuetis ab antiquo ad celebranda sua Concilia, seu Conventus, ibique orationem per se, vel per alium habeant de moribus & honestate Clericorum, & Statuta nostra Synodalia recitent & exponant, invocato prius per Missam & Processiones devotas Spiritu Sancto: deinde conferant cum Curatis ipsis de rebus Ecclesiasticis, pro ut suo incumbit officio, honeste, pacifice, & modeste, sine murmure, sine contentione: & quæ invicem conferentes, expedire duxerint ad tranquillitatem, libertatem, auctoritatemque Ecclesiæ, illa in proxima Synodo referant Nobis, vel verbo, vel scripto.

XXIII.

Recedentes Curati; vel Vicarii eorum a Synodo Maji, accipiant Sanctas Unctiones recentes, & honeste deferant; non committentes eas laicis hominibus. A Synodo vero Autumnii tabulam Calendarii & Officii sequentis anni, si quæ factæ fuerint, accipient: & utrumque gratis dabitur.

DE VITA ET HONESTATE Clericorum.

Qui aliis præluere debent, si ipsi tenebræ sint: (d) aut qui sal, ipsi sint infatuati; quis ab eis vel illuminari, vel saliri velit? Ergo ut Sacerdotes exemplo sint fidei, nec vita destruant, quod doctrina possent ædificare: De vita & honestate Clericorum præcepta jam tradamus. Nam ut conscientiam puram apud Deum nos habere oporteat: tamen & apud homines fa-

mam optimam custodire convenit, ut juxta præceptum Apostolicum, non tantum coram Deo, sed etiam coram hominibus vitæ sanctæ testimonium habeamus. Qui vitam agit doctrinæ contrariam, plus exemplo destruit, quam verbo ædificet. Quare Beatiss. Paulus Apostolus Ministrum Ecclesiæ instituturus, exemplo (inquit) esto fidelium in verbo, in conversatione, in charitate, in fide, in castitate. Et ad Titum secundo, Nemo te contemnat. Nihil vero perinde Ordinem Ecclesiasticum commendat populo, quam vitæ simplicitas & continentia. Contra vero luxus & ambitio, Deo & hominibus odiosa sunt. De vita igitur atque honestate Clericorum hæc præcepta teneant, quæ sequuntur:

STATUTUM I.

CAveant sibi Sacerdotes ab omni luxu profano, (e) fastuoso, & carnali, tam in victu, quam in cultu: & ab omni specie mali abstineant: decorumque conditionis suæ atque status servant, non solum coram Deo, sed etiam coram hominibus: ne occasionem dent adversario maledicendi.

II.

Sit habitus Clericorum (sicut jure cavetur) honestus, & simplex: non discissus, aut acutus, aut militari more affectatus: mundus tamen. Superior vestis Presbyterorum sit talaris, nec nimia longitudine, nec nimia brevitate notabilis: Et pileus, qualem cæteri Ecclesiastici pro tempore reformati gerunt. (f) Et Professionem Sacerdotalem habitus atque incessus probent. Clerici alii simplices Beneficiati, non ferentes habitum Clericalem, privabuntur suis beneficiis post monitionem.

III.

Sumentes cibum benedicant mensem in principio, facto signo Crucis supra epulas decenter: (g) & in fine gratias Deo agant, & eodem signo Crucis se signent.

IV.

Non ferant arma, [b] quorum arma sunt orationes & lachrymæ: & quos vitæ sanctimonia tutes & venerabiles reddere debet.

V.

(d) Malach. 2.

(e) Trid. Sess. 25, c. 1.

(f) Dist. 23. Non liceat. Conc. Carth. 4. c. 45.

(g) 1. Cor. 10. Coloss. 2.

(b) De vita & honest. Cler. c. Clerici.

V.

Non barbam ferant, (i) neque molliter comam colant: sed tonsura in vertice, juxta Ordinem suum, coronam efficiat congruentem: qua se in regale Sacerdotium assumptos, nihil jam plebeum, aut humile sapere, præ se ferant.

VI.

Non ferant annulos in digitis: nisi quibus competit ex officio dignitatis. (k)

VII.

Turpibus (l) & obscænis spectaculis, aut confabulationibus ne intersint. Quia corrumpunt bonos mores colloquia prava. Minus ergo licebit spectacula ipsa exhibere, & histrionum habitu prodire in theatrum, fabulasque recitare scenicas.

VIII.

Nec in comessationibus & ebrietatibus, juxta Pauli (m) Apostoli præceptum: quod in vulgo etiam damnant Sacræ Literæ. Quoniam luxuriosa res est vinum, (n) & contumeliosa ebrietas. Et Propheta: Væ qui potentes estis ad potandum vinum, (o) & viri fortes ad miscendam ebrietatem. Vino & cicera lex vetus (p) interdicebat ministrantibus in templo: & Canones antiqui (q) ab officio & beneficio in longum tempus suspendebant, quem ebrium fuisse constaret.

IX.

Nec aleæ vacent, aut ludis vel prohibitis, vel publicis: quibus simplex populus scandalizatur. (r)

X.

Nec duellis aut certaminibus periculosis intersint, unde irregularitas incurri potest. (s)

XI.

Neque executioni sententiæ sanguinis damnatorum hominum assistant, multo minus eam scribant, aut discent: quia fiorent irregulares. (t)

XII.

Nulli Clerico liceat, tabernam, aut ergasterium (id est, officinam publicam) habere. Si enim hujusmodi tabernam ingredi prohibetur, quanto magis aliis ministrare in ea? Officina autem Sacerdotis, si qua esse videtur, Ecclesia sola est. Ne igitur tabernas ingrediantur cibi aut potus causa, nisi coacti necessitate. (u)

XIII.

Nec licere sibi putent exercere Medicinam, aut Chirurgiam: nisi forte apud miseras, & sibi necessarias personas in necessitate: & ubi non est periculum mutilationis membrorum, aut mortis, nec requiratur adustio, vel incisio. (x)

XIV.

Quibus tamen non sufficiunt redditus beneficiorum suorum, vel provenus patrimonii, possunt ex artificio honesto victum querere: puta scribendo libros, aut notando, aut religando, aut hujusmodi. Non autem exercendo lanienam, proxenetiam, aut alias artes, ignominiosas & Sacerdote indignas: propter quas amitti solent privilegia Clericorum. (y)

XV.

Multominus ergo usuras: quas qui accepisse Clericus detegeretur, degradari olim ab Ordine statutum est. (z)

XVI.

Clerici non exercent (a) aut gerant officia Dominorum temporalium, propter quæ teneantur ad rationem

B 3

red-

(i) Eod. c. Clerici. c. Si quis.

(k) Statut. vetus.

(l) Conc. Agath. Laodicen. Carthag. 3. & 4. diffin. 23. Clerici.

(m) Rom. 13.

(n) Prov. 20. (o) Levit. 10. (p) Num. 6. (q) Dist. 35. Ante omnia, c. Episcopus.

(r) Ead. dist. (s) De vita & honest. Cleric. c. Clerici.

(t) C. Sententia sanguinis. Ne Clerici vel Mon. Paul. ibi. Angelus, Sylvester ver. Clericus.

(u) Diffin. 44. c. Nulli. Conc. Laodic. c. 24. Carth. 3. c. 27. African. c. 7.

(x) C. Tua, de homin. Sylvester verbo Medicus. Stat. vetus.

(y) C. Clerici, de vita & honestat. Cleric. & ca. 2. Ne Clerici vel Monachi.

(z) Conc. Nicæn. c. 18. Eliber. c. 20. Arelat. 2. c. 14.

(a) Stat. vetus. Bal. in addit. ad Specu. tit. de Cleric. conjug.

reddendam ipsis Dominis temporalibus. Alioqui non iuvabuntur privilegio & beneficio juris adversus dictos Dominos, si arrestentur aut detineantur ab eis in persona: aut si eorum bona occupari contingeret pro ratione reddenda, & solutione debiti facienda.

XVII.

Non advocacionis, vel procuracionis officium coram Iudicibus laicis: nisi pro causa sua, vel Ecclesiæ suæ, vel fuorum, aut miserabilium personarum. (a)

XVIII.

Tandem juxta dictum Apostoli, (b) qui militat Deo, ne implicet se negotiis sæcularibus, ut illi placeat, cui se probavit. Cujus conditionis maxime sunt Clerici omnes, tanquam in sortem & hæreditatem Domini assumpti. Et inter hos tanto magis quisque est, quanto Superior in ordine Ministrorum Ecclesiæ reperitur.

Quanto igitur indignius, Ministrum Christi, vas electum Dei, templum Spiritus Sancti: eum, qui ad sanctificandum alios destinatus est, scortationibus indulgere, & ludibrio voluptatum corpus suum tradere, quod Deo dicatum est per impositionem manuum Episcopi? Qui adhaeret meretrici (inquit B. Paulus) unum corpus cum ea efficitur. Tollens ergo membra Christi, faciam membra meretricis?

Tantam indignitatem in Clero magna pœnarum severitate veteres ultri sunt. Nam Concilium Neocæsariense (c) (quod fertur Nicæno antiquius) statuit, Presbyterum, qui uxorem duceret, ab Ordine deponendum: si fornicaretur autem, vel adulterium committeret, etiam extra Ecclesiam abjiciendum, & ad pœnitentiam inter laicos agendam redigi debere. Sequentia quoque Concilia omnia (quoniam hinc multa impendent mala) plurimam in hanc partem medicinam adhibere tentarunt.

Ut autem facilius cum Dei gratia immunes Clerici esse possint ab hac culpa, & mundos se servare in hoc sæculo: hortamur, ut præceptum Divi Hieronymi sequantur, Sacrarum Literarum lectionibus vacantes, &

orationibus: fugiant otium, postulentque a Deo (d) [qui dat omnibus affluenter, & non impropere] sapientiam, & castitatem. Videntur quam maxime occasiones & consuetudinem sceminarum suspectarum. Nam qui tetigerit picem, inquinabitur ab ea, Eccles. 13. Et de vestimentis mulieris procedit tinea. 24. Habentur (e) autem suspectæ omnes hæ: Juvenulæ formosæ, lascivæ, cultæ, procaces, imperiosæ, otiosæ, impudentes, curiosæ. Contra vero suspicionem fugient annosæ [quæ quadragesimum annum superarunt,] verecunda, sobria, pudica, inculta, laboriosa, severa: & quæ publico testimonio casta est, vidua, vel virgo senex. Sed neque cum talibus quidem familiaritas nimia est habenda: nam & consuetudinis ipsium nomen crimen habet. (f)

XIX.

Caveant igitur sibi Ministri Altaris a contubernio & consuetudine sceminarum, maxime suspectarum. Nec domi habeant subintroductam, aut suspectam, sub pœnis a jure, & a Concilio Tridentino (g) constitutis.

Sed hæc omnia respectu hominum præcipiuntur, ut luceat lux nostra coram hominibus, ut videntes opera nostra bona, glorificent Patrem nostrum, qui in cælis est. Sed si quis peccaverit adversus Deum, quis orabit pro eo? [h] Idcirco Clericorum conscientias admonemus, ne per ignorantiam Legum Ecclesiasticarum in laqueos incidant diaboli.

XX.

Omnes, cujuscunque Ordinis fuerint, Viri Ecclesiastici scire debent, se excommunicatos esse, si per Symoniam obtinuerint beneficia Ecclesiastica: nec jûs aliquod habere ad ipsa, sed teneri ad restitutionem, tam fructuum perceptorum, quam ipsorum beneficiorum. Ad hæc qui duo incompatibilia obtinuerint sine dispensatione sufficienti (ita ut adeptus possessionem secundi, non renunciaverit priori intra tempus) utrumque amittere, inhabilemque se reddidisse, ad alia obtinenda, & ad suscipiendos Ordines Sacros. (i)

XXI.

- (a) Idem Concil. Carth. 1. c. 6. & 3. c. 15. Conc. Chalc. c. 3. aet. 15. 14. & 5. c. Denique, & c. Sacerdotibus. extr. Ne Cler. vel Mon. (b) 2. Tim. 2.
 (c) Distin. 28. Presbyteri. (d) Jacob. 1. (e) Form. Reform. sub Carolo V.
 (f) C. Clericus, 81. dist. cum cc. seq. Extr. Monasteriis. de vita & honest. Cler.
 (g) Sess. 25. c. 14. (h) 1. Reg. 2.
 (i) Paul. 2. in extr. de Sim. Concil. Constant. Sess. 43. Conc. Chalcedon. can. 10. Aet. 15. Latera. part. 2. Tho. quodl. 8. & 9. glof. in c. Dudum. 2. de Elect. & alii in c. conquirente de Cler. non resid. & in c. De multa. de probat. & dign.

XXI.

Item qui beneficium in confidentiam tenet alterius, excommunicatum esse, & in eum sicut solet in hæreticum inquiri debere. (k)

XXII.

Item qui natus ex illegitimo thoro. Et qui ante vigesimum quintum annum beneficium curatum obtinuerit, nullum jus habere ad beneficium: sed teneri ad restitutionem: quoniam nulla est ea collatio, sicut neque ea, quæ facta fuerit irregulari, aut excommunicato, aut interdicto. (l)

XXIII.

Item qui habens beneficium curatum, non suscipit Ordines Sacros intra annum: & qui non resident in suis beneficiis absque iusta causa atque excusatione, beneficia amittunt. Nec illa causa videtur eos excusare a visitatione ovium suarum, quando vacat, Pastoris officium maxime diebus solemnibus impendere. (m)

XXIV.

Qui præterea Horas Canonicas dicere neglexerit, vel in Choro, (vel extra Chorum, quando est occupatus) peccat: & post sex menses, qui ad ediscendum eas præfigitur, restituere compelletur fructus omnes ex beneficio perceptos, eosque erogare in pios usus: quin etiam testari prohibetur de iis, quæ ex fructibus beneficiorum acquiescit. (n)

XXV.

Omnino autem interdictum ex bonis Ecclesiæ augere suos consanguineos vel familiares. Sed si pauperes illi sint, tanquam pauperibus bene fiat: non aliter.

Quæ omnia cum sint Sacris & Canonicis sancita Constitutionibus, observari serio debent ab omnibus Ecclesiasticis: aut in quibus dispensationi locus est, dispensari secum in tempore unusquisque procuret. Atque

hæc quidem in universum omnibus Ecclesiasticis, quique militiæ Clericali ascripti, beneficiis & honoribus Ecclesiæ frui, potiri-que desiderant.

DE VIRTUTIBUS THEOLOGICIS, Fide, Spe, & Charitate.

Sicut numero septem invenimus esse peccata seu vitia capitalia, sic & septem numerantur virtutes primæ & principales. Quarum tres dicuntur Theologicæ, Fides, Spes, Charitas: quatuor morales, scilicet, Prudentia, Justitia, Fortitudo, Temperantia. Hic tamen de Theologicis agemus primum.

Dictæ sunt tres Theologicæ, & aliæ morales, quia cum quatuor aliæ a Philosophis moralibus tradantur, hæc tamen per Dei verbum discuntur. Unde Jo. 6. Esa. 54. Erunt omnes docibiles Dei. Nam quod fide tenemus, spe optamus, charitate etiam inimicos diligimus, humana Philosophia nunquam docuit. Ergo in Fide, Spe, & Charitate tota Theologia (id est Divina doctrina) continetur. Nam si compendio aliquo scire desideras, quomodo colendus sit Deus: respondebit Divus Augustinus, Fide, Spe, & Charitate. Cor. 13. Nunc autem manent Fides, Spes, Charitas: Tria hæc.

Virtutes hæc Theologicæ, etiam nobis a Deo supernaturaliter conferuntur, ut per Baptismum paryulis: & dicuntur infusæ. Generantur etiam ex prædicatione Verbi Dei in adultis, & in Schola dicuntur acquisitæ: sed non sine Dei gratia præveniente & adjuvante acquiruntur. Unde & Dei donum est fides. Sed infusæ, a Deo solum supernaturaliter conferuntur.

De Fide.

Fides, est credere, quod non vides. Sed nos de ea fide loquimur, cujus vi assentitur homo iis, quæ tradita sunt Divinitus, & sine qua impossibile est placere Deo. Hanc Apostolus definit ad Hebræos 11. Fides est substantia (Græce hypostasis) rerum sperandarum, argumentum non apparentium, id est suppositum & fundamentum, in quo spes subsistit nostra futurorum bonorum: argumentum (Græce elenchos) non apparentium, id est probatio, qua assentimur rebus iis, quæ a sensu nostro, vel experientia pro-

[k] Bulla Pii V.

(l) C. 1. & 2. de fil. Presbyter. lib. 6. c. Cum in cunctis. de Elect. c. Execrabilis. §. Interiora. ea. Cum inter. de Elect. c. Postulasti. & c. Si celebret. de Cler. excomm. min. C. Licet cau. de Elect. lib. 6. c. Cum ex eo. c. Extirpandæ. §. Qui vero. de Præb. Conc. Agath. c. 64. Leo Pap. Epi. 84. Conc. Arelat. 2. c. 13. Ca. Apost. 57.

(m) Vide librum Caranza de necessaria Resident.

(n) Conc. Lateran. Sess. 9.

procul sitæ sunt. Omnis enim cognitio a sensu dependet: & omnes scientiæ humanæ a sensibus quidem suas demonstrationes aspiciantur: sed Divinarum rerum doctrina a fide sumit probationem. Hinc fides pro argumento est, & pro demonstratione sufficienti earum rerum, quas non videmus. Nam sicut in scientiis humanis principia per se nota, aut aliunde demonstrata, fundamentum sunt, in quibus continentur, & quasi subsistunt conclusiones: sic in fide spes earum rerum, quas speramus. Utramque rationem fidei per varia exempla demonstrat ibidem Apostolus.

Fides est duplex. Mortua, seu historica, quæ tantum assentitur historiæ rerum credendarum: & credit, quæ credenda sunt, sed sine aliquo affectu pio in Deum, spei scilicet, vel charitatis. Hæc sola non iustificat: quod hanc etiam habent demones, qui credunt & contremiscunt. Et peccatores, quos licet credentes, tamen excommunicari jubet Apostolus. (o) Alia est viva & iustificans: quæ sic credit & assentitur historiæ rerum credendarum, quæ a Deo vel ab Ecclesia proponuntur, ut etiam per charitatem vi-geat, & operetur, dicitur aliter fides formata, alia vero informis. Et de fide formata intelligenda sunt verba Sacræ Scripturæ, quoties iustificatio ei tribuitur. Corde, inquit Apostolus, creditur ad iustitiam. Cor autem voluntatis affectum, non solum mentis assensum, significat. Ideo dicebat B. Joannes, qui non diligit, non novit Deum. Perinde enim est, ac si non nosset, qui, quem novit, non diligit, cum sit omnino diligendus & audiendus. (p) Quare falsum dicito, quod nonnulli asserunt, sola fide hominem iustificari: licet apud plures Autores phrasim hanc legas. Intelligendum enim est, fidem esse cum dilectione, & quæ per charitatem vivit.

De Spe.

Spes definiri potest certa futuræ beatitudinis (vel rerum bonarum & futurarum, quas a Deo promissas, fide indubitata credimus) cum patientia expectatio ex Dei gratia & præcedentibus meritis proveniens. Docet B. Paulus: (q) Iustificati ergo (inquit) ex fide, pacem habeamus ad Deum, per Dominum nostrum Jesum Christum: per quem habemus accessum per fidem, in gratiam istam, in qua stamus & gloriamur in spe gloriæ filiorum Dei. Gloriamur etiam in tribulatione, scientes, quod tribulatio patientiam operatur, patientia probationem, probatio vero spem: spes autem non confundit.

tiam operatur, patientia probationem, probatio vero spem: spes autem non confundit.

Videtur enim Apostolus, (r) veluti finem ostendere, quo spes (anchora salutis nostræ) continetur, iacta usque ad interiora velaminis, ut ipse loquitur. Veruntamen principalis causa spei est Dei gratia, non merita nostra. Quia opera nostra nisi per Dei gratiam, vitam æternam mereri non possunt. Nam & si fecerimus omnia, quæ præcepta sunt nobis, adhuc servi inutiles (s) sumus: quod debuimus facere, fecimus. Sed cum Dei gratia, & propter promissionem ejus, certe mereri possunt nostra bona opera: quibus promissit suam gratiam. Beatus vir, qui suffert tentationem: [inquit alius Apostolus (t)] quoniam cum probatus fuerit, accipiet coronam vitæ. Et Joannes: (u) Si confiteamur peccata nostra, fidelis est Deus & iustus, ut remittat nobis peccata nostra, & emundet conscientiam nostram ab omni iniquitate. Idem in Apocalypsi (x): Ecce venio cito, & merces mea mecum est, reddere unicuique, secundum opera sua. Et Paulus, (y) Itaque fratres stabiles estote & immobiles, abundantes in omni opere Domini semper, scientes, quod labor vester non est inanis in Domino. Et David: (z) Sacrificate sacrificium iustitiæ, & sperate in Domino.

Sine meritis vero propriis omnino vitam sperare, præsumptio dicitur a quibusdam. [a] Iustus enim Deus est: & qui fecit te sine te, non salvabit, sine te, teste Aug. Nec tamen propterea desperare debent, qui nullius beneficii, sed peccatorum recordatione in mortis ariculo turbantur: sed exemplo potius illius boni latronis bene sperare: modo peniteant & conterantur de peccatis suis in Christo Jesu, qui sufficienter nobis meruit, & in quo nobis omnibus copiosa facta est redemptio. Et hæc quidem contritio pro merito reputabitur, gratia Dei ornata, & Sacramentis Ecclesiæ confirmata: Quia etiam precibus Mariæ Virginis, atque aliorum Sanctorum adjuta, spem augebit, nec confundetur.

De Charitate.

Charitas est dilectio, qua diligitur Deus propter se; & proximus propter Deum, vel in Deo. [b] Deum, inquam, propter se, quia summum bonum & finis summus, ad quem omnia bona diriguntur & tendunt: proximum autem propter

(o) Jacob. 3. Gal. 3. 1. Cor. 13.

Cypr. ad Quir. 2. 3. c. 5.

(s) Luc. 17.

(t) 1. Cor. 15.

(u) 1. Cor. 15.

(b) Magist. lib. 3. dist. 27.

(p) Aug. serm. 68. de temp. Hilar. c. 9. in Matth.

(q) Rom. 5.

(r) Heb. 6.

(s) 1. Joan. 1.

(t) Apoc. 22.

(u) Magister lib. 3. dist. 26.

(b) Magist. lib. 3. dist. 27.

ter Deum, quia charitas proximi a Dei charitate ortum habet, & ad eam tanquam ad certam regulam dilectionis dirigenda est. Nam qui amat patrem, aut matrem plus quam me, [c] non est me dignus.

Itaque in charitate duo præcepta maxima Legis Divinæ continentur, dilectio Dei, & dilectio proximi. [d] In quibus duobus tota lex pendet & Prophetæ. [e] Quare Apostolus, [f] Finis [inquit] præcepti est charitas de corde puro, & conscientia bona, & fide non ficta. (g)

Inter fidem, spem & charitatem maxima est charitas: Nam fides sine operibus mortua [i] dicitur, & spes inanis, & alia omnia quæcunque sunt charismata, prorsus, nisi adsit charitas, nihil profunt. Qui vero manet in charitate, in Deo manet, & Deus in eo. Nec charitas esse potest in hac vita, nisi adsint fides & spes: nam a fide generatur spes: charitas ab utraque.

Proprietates charitatis enarrat Apostolus, (k) ut quis inde considerando seipsum possit judicare, an sit in charitate, nec ne: his verbis: Charitas patiens est, benigna est. Charitas non æmulator, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, congaudet autem veritati: omnia suffert, omnia credit, omnia sperat, omnia sustinet: charitas nunquam excidit. Hæc Apostolus. De signis autem hujusmodi vide infra Tit. De gratia.

Charitatis ergo duplex præceptum habemus. Unum, ut diligamus Deum ex toto corde, tota anima, tota mente: (l) hoc est, intellectu, voluntate, memoria, quantum in hac mortali vita possumus. (m) Nam ex parte nunc cognoscimus: sed quando venerit, quod perfectum est; evacuabitur, quod ex parte est: [n] & manebit charitas perfecta & dilectio Dei, aucta visione gloriæ ejus.

Alterum præceptum in charitate est dilectionis proximi: (o) quod Salvator noster simile priori dicit esse: Diliges proximum tuum sicut te ipsum, (p) id est: ad quod, & propter quod teipsum diligere debes. Et hoc est mandatum novum, quod Christus dedit, ut diligamus invicem, sicut ipse dilexit nos. In hoc cognoscent omnes, quia discipuli mei estis, (q) si dilectionem habueritis invicem. Dilexit autem nos Christus, sicut

medicus ægrotos: salutem nostram desiderans, non morbum. Et quod vulgo proverbio jactatur: (Charitatem bene ordinatam incipere a se ipso) Ecclesiasticum non est: licet videri posset ex illo sumptum Cantic. 2. Ordinavit in me charitatem. Magis enim docet Apostolus, ne quæramus nobis placere. Sed dictum hoc ex legibus humanis, l. Præf. c. De servi. & aqua, sumptum videtur.

STATUTUM I.

Quod cum ita sit, totis viribus debent Pastores commendare hanc dilectionem, & admonere suos, ut considerent secum & perpendant, an discipuli Christi sint, qui odiis, litibus, rixis, contumeliis & injuria proximum quotidie afficiant: & quam spem possint habere vitæ æternæ, qui contra maximum præceptum (unde vitam sperare debemus) committant. Quomodo credunt vera esse, quæ Christus dixit, qui non solum amicos, sed etiam inimicos diligendos esse docuit? Quod si quis dixerit. Quoniam diligo Deum, & fratrem odit, mendax est, inquit B. Joannes. (r)

DE VIRTUTIBUS CARDINALIBUS & MORALIBUS.

DE Virtutibus Theologicis, Fide, Spe & Charitate egimus: nunc de moralibus pauca referamus. Genera hæc eo differunt, quod Theologicæ non solum Dei verbo discuntur, sed etiam Deum habent pro objecto & fine ultimo: & supernaturalles cum sint, supernaturaliter etiam disponunt animum nostrum ad Deum. Sed morales & aliæ intellectivæ, secundum proportionem naturæ humanæ ad aliquid, quod ratione naturali comprehendi potest.

Cum autem vitia virtutibus ipsis notiora sint, & observata magis, non absre illas definiendo, ita cecinit Horatius:

*Virtus est vitium fugere, & sapientia prima,
Stultitia caruisse.*

Et iterum:

Virtus est medium vitiorum utrinque redactum.

B. Au-

(c) Matth. 10. Luc. 14.

(d) Carech. Rom.

(e) Matth. 2.

(f) Rom. 13. Gal. 5.

(g) 1. Tim. 5.

(i) Jacob. 3.

(k) 1. Cor. 13.

(l) Deut. 6.

(m) Aug. de pe. hum.

(n) 1. Cor. 13.

(o) Lev. 19.

(p) Matth. 22.

Aug. de Doct. lib. c. 22.

(q) Matth. 13. 15.

(r) Joan. 13.

B. Augustinus (s), virtus, ait, est bona qualitas mentis, qua recte vivitur, qua nullus male utitur: quam Deus in nobis sine nobis operatur. Et in libro de quantitate animæ: Virtus est æqualitas vitæ, rationi undique consentiens. Aristoteles tamen, interea omiſſis aliorum definitionibus, in 2. Ethic. veram virtutis definitionem ex omnibus, quæ de ea dicuntur, cum expreſſiſſet, habitum eſſe docet electivum, in mediocritate [vel medietate] rationis conſiſtentem. Medium hoc inter vitia ponitur, quorum alterum per defectum peccat, alterum per exceſſum. Nam liberalis inter prodigum & avarum incedit. Ille quidem modum in largiendo excedit: avarus autem deficit. Fortis inter audacem & ignavum medius eſt: temperans inter luxurioſum & agreſtem.

Hinc illa virtutis comparandæ tanta difficultas, quod medium attingere & ſcopum, tam difficile eſt: ab eo recedere facilimum. Hinc quoque tanta virtutis laus: quia ut proverbio fertur, Difficilia quæ pulchra. Virtutem ſymbolo expreſſit Pythagoras, cum collatione vitii, in litera illa bicorni Y:

Nam via virtutis rectum petit ardua callem. &c.

Quod Heſiodus in primo Operum ac dierum expoſuit: & Xenophon in luculenta illa narratione adoleſcentiæ Herculis, ex Prodicō Chio, ſophiſta. Et Dominus noſter Jeſus Chriſtus, Matth. 7. Intrate, inquit, per anguſtam portam, quia lata eſt porta & ſpacioſa via, quæ ducit ad perditionem, & multi ſunt, qui intrant per eam. Quam anguſta porta, & arcta via eſt, quæ ducit ad vitam! & pauci ſunt, qui inveniunt eam.

Inter virtutes morales quatuor inveniuntur principales, quas Cardinales appellant: Prudentia, Juſtitia, Temperantia & Fortitudo. His B. Ambroſius (t) quatuor Beatitudines contineri docet apud Lucam, ſcilicet Temperantia, cordis munditiam: Juſtitia, miſericordiam: Prudentia, pacem: Fortitudine, manſuetudinem.

Quod vero inter omnes ponendæ ſunt iſtæ quatuor principales, docet S. Thomas (u) hoc modo: Principium formale virtutis humanæ eſt bonum rationis: hoc autem duobus modis conſiderari poteſt. Uno modo, ſecundum quod in ipſa conſideratione rationis conſiſtit: & ſic erit una virtus principalis Prudentia. Alio modo, ſecundum quod rationis ordo circa aliquid adhibetur. Hoc autem vel circa operationes ponitur, vel circa paſſiones. Paſſiones duæ ſunt rationi re-

pugnantes: Concupiſcentia voluptatum, (hæc ad aliquid ſemper impellit faciendum, & ſæpe numero, quod contrarium eſt rationi rectæ) & timor periculorum ac laborum, qui ab eo, quod ratio dictat, retrahere ſolet, atque dehortari. Itaque concupiſcentiam reſtringit temperantia: &, ut firmetur homo in eo, quod ratio ſuadet, contra timores ſubſidio eſt fortitudo. Opera denique, quæ ad proximum referuntur, Juſtitia certe moderatur ac dirigit.

Tota ergo boni operis ſtructura, ut ait Greg., in quatuor hiſce virtutibus conſurgit. Et in libro Sapientiæ ſcribitur: Labores ejus magnas habent virtutes: Sobrietatem enim & prudentiam docet, & juſtitiam & virtutem, quibus utilius nihil eſt in vita hominibus. Nota, virtutem hic pro fortitudine ſumi ex more Sacræ Scripturæ. Vix enim aliter in ea nomen virtutis acceptum invenias, quam pro ea, quam Græci dynamin, id eſt, vim & vires, potentiamque ac fortitudinem, dicunt. Pro ea vero, quam nos hic, & Philoſophi morales, virtutem vocamus, nomen ponitur juſtitiae & ſapientiæ. Neque id quidem ab re. Nam Prudentia rationis eſt virtus, quæ virtutes omnes regit. Juſtitia etiam in ſe virtutes continet omnes, ut author eſt Theognis. Jam Cicero lib. 1. de Legibus: Virtus eſt (inquit) in ſe perfectæ & ad ſummum perducta natura. & Ariſtor. 2. Eth. Virtus habentem perficit, & ejus opus bonum reddit: veluti bonus habitus oculi. Nos ergo de morali hic agimus, non de naturali: pro qua nomen virtutis ſumitur in Sacris Literis.

Cur autem a cardine nomen habeant hæc, quanquam apud clafſicos non reperias, ideo eſt, quod ſunt veluti cardines quidam, & limites omnium virtutum moralium: nec extra eas dari aut inveniri ulla poteſt. [x] Quin etiam ipſæ inter ſe quatuor ſic connexæ omnes ſunt, convolutæ: ut ſi bene examinentur, ſingulæ in omnibus aliis, & omnes in ſingulis ſupponantur.

Porro autem Ariſtoteles decem quidem morales numerat cum juſtitia, & prudentia. Sunt illæ: fortitudo, temperantia, liberalitas, magnificentia, magnanimitas, philotimia (id eſt honoris amor) manſuetudo, amicitia, veritas, eutrapelia: quæ in ſermonibus & in actionibus lepidi & faceti hominis apparet. Sed nos Chriſtiani nec eutrapeliam, (quam vertit laſinus Eph. 5. ſcurrilitatem) nec philotimiam [etiamſi bene aliquando fieri poſſint] ponemus inter virtutes: quia ad rem non pertinent, & in hiſ peccatur aliquando.

(s) Lib. 2. de lib. arb.

(x) Greg. 22. moral.

(t) In Lucam. c. 6.

(u) S. Th. 1. 2. q. 61.

quando. Atque etiam præter eas multas ad-
demus ignotas paganis, quas Christus noster
& Apostoli docuere: velut Humilitatem,
virginitatem, devotionem, orandi, pœni-
tendi, jejunandi, & id genus alia agendi
consuetudinem. Sed neque hæc, neque illæ,
sine fide aliquid sunt: omnisque justitia sine
fide similis est humano corpori, caput non
habenti: cui cum desit id, quod est omnium
principale, & vita & sensu caret, ut loqui-
tur Lactantius. (y)

Prudentia (quasi providentia) est recta
ratio agendorum: per quam scilicet recte
consultamus, atque deliberamus. Hæc ita-
que, si aliis virtutibus non sit conjuncta, facile
perturbata passionibus deficit. Idcirco feni-
potius tribuitur, quam juveni: quem multa-
rum expertem rerum sæpius motu tum con-
cupiscibilis, tum irascibilis facultatis sangui-
nis ferventis calor agitat. Agamemnon
apud Homerum [ut obiter maximum Græ-
corum Poetam non omittamus] citius se rem
Trojanam ait posse evertere, si decem Ne-
storas haberet in concilio, aut decem Ulyf-
ses, quam decem Ajaces, aut Achilles dimi-
cantes fortiter. Non enim viribus corporis,
aut celeritate, aut velocitate, res magnæ ge-
runtur: sed consilio, autoritate, sententia.
Prudentiæ quidem multa præcepta tradidit
Aristoteles dialectice in lib. Topicorum, &
Pontanus paradigmaticè in lib. de Prudentia:
sed ut paucis omnia comprehendamus, ca-
pita consultationum sunt hæc: honestum,
utile, jucundum, facile: & horum contra-
ria, secundum magis & minus. Nam magis
utile, quam minus, optabilius est: & quod
facilius factu, quam quod difficilius.

Prudentia cum in malam partem sumi-
tur, malitia est aut calliditas: improprie ta-
men sumpta prudentia.

Justitia est, qua unicuique datur, quod
suum est. Duplex reperitur. Una dicitur
commutativa, qualis in emptionibus & ven-
ditionibus, aliisque contractibus exigitur.
Altera distributiva, qua utitur Princeps in
honorum distributione & præmiorum.
Quando enim Imperator agros, vel hostium
spolia distribuit in milites suos: non opus
meriti simpliciter spectat, sed cum eo etiam
personæ qualitates: Nam facinus idem, ab
obscuri milite atque illustri perpetratum,
iniquum sit, eodem præmio donari, & in in-
figendo supplicio mitiorem esse Judicem er-
ga bene meritos de virtute atque republ. leges
municipiorumque statuta jubent. Judicis
autem est, in litibus nec divitis, nec pauperis
personam respicere. Quocirca eum decet

esse gravem, sanctum, reverendum, seve-
rum, incorruptum, inexorabilem: contra
improbos, nocentesque immisericordem; re-
ctum, arduum, & potentem: vi ac maje-
state æquitatis, veritatisque terribilem. Hæc
non a nobis primum dicuntur. Omnia
Chrysippus Philosophus apud Gellium (z)
suaderi a pictoribus docet: qui justitiam de-
pingunt, forma virginali, aspectu vehemen-
ti & formidabili, luminibus oculorum acri-
bus, neque humilis, neque atrocis, sed re-
verendæ cujusdam tristitiæ dignitate. Re-
spicit namque Judex ad legem: arbiter ex
æquo & bono sæpe judicat. Illi non licet
ab scripto recedere: hic, ut litium mala amo-
veat, a jure summo plerumque recedit. Ele-
ctores ergo Magistratum videant hæc: nec
contra conscientiam dent suffragia cuiquam.
Nam iniquitatum omnium, quas iniquus
Judex commiserit, rei ipsi erunt apud Deum.
Sed hæc quidem Judicum & Magistratus,
propria sit: cujusque autem sua justitia par-
tes habet differentes. Namque est erga
Deum religio, erga suos charitas, in rebus
creditis fides, in amore mutuo amicitia. [a]

Temperantia est virtus, modum po-
nens in voluptatibus corporis. Reducuntur
ad temperantiam continentia, & castitas, &
multæ aliæ: de quibus Primasius in Paulum,
ad Gal. 5. Continentiam pro tempore esse
tradit, sed castitatem perpetuam. Quam-
quam re vera Philosophus [b] inter intem-
perantem & incontinentem ita diffinxerat:
quod ille affectui habet astipulantem ratio-
nem, (Pravam nimirum) hic repugnantem.
Ex quo fit, ut incontinens facilius respiciat,
quam intemperans. Epictetus Philosophus
sanctissimus apud eundem Gellium docet, si
quis duo verba cordi habeat, eaque sibi im-
perando atque observando curet: eum fore
pleraque impeccabilem, vitamque victurum
tranquillissimam. Verba illa duo sunt, PA-
TERE ET ABSTINE. Nanque duo vitia
omnium gravissima & terribissima esse dicebat
intolerantiam, & incontinentiam: Sed tu
tolerantiam non intemperantiæ, sed fortitu-
dinis in limite collocabis, de qua statim. In-
terea memineris, quod Tertullianus tradit,
gravitatem esse adjutricem, & fociam, & in-
strumentum pudicitiae. Impudicum osten-
dunt incessus molles, manuum motus incon-
sideratus, unicum aliquando responsum,
(Quoniam ex abundantia cordis os loquitur)
relatus ad caput digitus, vel ad faciem, flexus
oculorum petus.

Fortitudo animi magnitudo dicitur. (c)
Proprium ejus nil extimefcere: omnia hu-
mana

(y) Lib. 7. c. 9.

(z) Lib. 14. c. 4.

(a) Cic. in Par.

(b) Arist. 2. moral.

(c) Cicer. offi. 3.

mana despicere: nihil quod homini accidere possit, intolerandum putare: modum tener in aggrediendis vel fugiendis periculis & laboribus, sicut oportet. Quare si a iustitia recedat, furor fit.

*In vitium ducit vitii fuga, [inquit Flaccus]
Si caret arte.*

Et necessaria fortitudo est iusto: necessaria temperanti: necessaria prudenti. Nam timor electionem rectam elider: dolor, voluptatis desiderium augebit: & personarum respectus, jus omne perverter. Cum sit ergo martirium fortitudinis excellens opus: videant non solum imbecilles animo, & viribus destituti, sed rerum Divinarum imperiti, ne fiduciam suam temeritate regant. Nam sicut Cyprianus in multis locis tradit, Martirium non supplicium, sed causa facit. Hæreticos videas non minori animo ad tormenta ire, quam fideles. Imbecillibus parci lex martirii, ne ultro ad agonem procedant: cum vero præsentés sunt, ne subterfugiant. Ita docet Nazianzenus. Hoc enim ignavia est: illud audacia. Custos denique virtutum omnium & altrix verecundia est. Sita quidem in fugiendo dedecore, laudeque consequenda. Sed cernenda diligenter: ne fallant ea nos vitia, quæ virtutem videntur imitari. Namque & prudeatiam malicia simulat, & temperantiam immanitas, & animi magnitudinem superbia, liberalitatem effusio, fortitudinem audacia, iustitiam acerbitas, lenitatem mollicia, religionem supersticio, verecundiamque timiditas: denique quæcunque cum studiis bonis similia videantur, tamen nimia sunt in eo genere, ea omnia tanquam virtutum corruptionem, & eementita officia, inquit Cicero, condemnabimus.

DE QUINQUE SENSIBUS.

Sensus vocamus potentias animæ notitiam facientes. Qui in interiores & exteriores partiuntur. Exteriores quidem in corpore sunt organico: interiores in anima. De amborum natura, si placet, pauca accipe: non utique velut in pronis iactanda populo, vel in confessionibus disputanda cum poenitente: sed ad hoc tantum, ut a laicis & idiotis aliquando de his interrogatus, ne ignorare ea deprehendaris, quæ scitu sunt non omnino injucunda. Facit quoque ad Divinæ potentia, summæque rationis gloriam ea contemplatio. Hinc Propheta: Mirabilis facta est scientia tua ex me, id est, ex membrorum mei corporis harmonia, mentisque meæ vi & sapientia.

Visio fit in pupilla oculi. Ad hanc enim terminantur pyramidis radii visuales per rectam lineam emissi [quæ dicitur catetus.] Recta quidem linea semper est catetus: nisi frangatur in superficie corporis diaphani. Tunc certe res alio in loco se ostendunt, quam re vera sint. Unde fit, ut remi videantur fracti in mari: & per conspiciat polylhedra, unum fiat plura.

Pyramidis ergo hujus basis est in re visa, lumine illustrata, ad justam distantiam posita: Conus autem in pupilla: ubi humor chrystallinus speculi naturam gerit. Ipsa pyramis per corpus diaphanum protensa [qualis est aer & aqua, & vitrum, ac similia transparentia] quanto longius protenditur, tanto rem minorem esse facit: propterea quod angulus acutior fit, qui altior supra eandem basim. Niobe in monte Syphilo (d) statua est, quam si cominus aspicias, aliud non videas, quam saxum & rupem præcipitem, nullam prorsus mulieris effigiem præferentem, aut meroris formam. Quod si procul abcedas, intueri videaris stentem, & mæsto vultu mulierem. Hæc Pausanias. Siquidem positus juxta rupem hanc vastissimam hominibus multæ bases ex utraque parte latent: quæ procul aspicientibus apparent, & in unum veluti corpus conjunctæ, in angulis minoribus gignunt, & repræsentant mulieris ideam. Ergo objectum visus proprium color est: sed sine lumine color non videtur. Ideo Paulus Apostolus (e) [sic ut reddidit latinus interpres,] omne quod manifestatur, lumen est. Revera namque, nisi lumine color informetur (tanquam materia nuda) nullam de se speciem prebeat visioni. Est enim lumen actus coloris: unde fit, ut ignis (in quo certe plurimum continetur luminis) quantumvis a nobis remotus, suo tamen statim splendore ad se oculos trahat. [f]

Sicut ergo visus est in humore oculorum chrystallino: sic auditus in aere incluso in aurbis, ad quem nervi e cerebro manantes perveniunt, & sonum capiunt. Sonus enim aer est, vel aeris affectus. Sicut etiam visui rerum species occurrunt per pyramides: sic auditui per orbés. Nascuntur enim a re sonora orbés in omnes dimensiones extuberantes, donec deficiant: ferunturque in aere sonus, & vox non aliter, quam circuli in aqua stagnante ex ictu lapidis, in omnem partem crescentes, donec ad ripam (si nihil interea obster) deficiant. Hinc discet, quomodo fit Echo. Circuli enim illi sonori & vocales, si extrema vallés alicujus sua circumferentia omni ex parte ad unguem contingant, ab aere concluso in valle &

ab

(d) Euclid. lib. 1.

(e) Ephes. 5.

(f) Arist. 3. de Anima.

ab ipsis compresso, sic repelluntur, ut integri ad aurem nostram recurrant, & redire compellantur. Alii vel ab objectis obicibus dissipati, vel in via deficientes, pereunt. Disce quoque ex his, unde est, quod Concionatores melius intelligimus sub dio, quam in Ecclesiis, & in ædibus alta voce sermonizantes. Nimirum quia multis ex utraque parte objectis parietibus & fornicibus in Templo, repercussa vox, cum venientibus aliis vocibus occurrit, omnia commiscet, & conturbat. Et quanto altius clames e pulpito, tanto minus, percipiaris, quia celerius fiat vocum confusio. Itaque auditur quidem clamor, sed nulla oratio. Eam ob rem architecti plurimum olim attendebant ad partium templi proportionem, & ad collocaciones aeris sonori in theatris.

Inter sensus omnes igitur honestissimi sunt visus & auditus: cum quod Spirituales omnino, tum quod prope soli faciant ad comparandam sapientiam. (g) Catone enim autore, qui velit bene sapere, multa videat, oportet, multa audiat, & multa legat. Alii omnes ad corporis commoditates tantum dati sunt, ut utilia ab inutilibus discernere: & aliorum quidem voluptates omnes fordidae sunt, indignaeque habentur homine libero, eoque magis certe; quo magis ab Spiritualibus hisce recedunt: ut edere, bibere, sudare, scalpi. Quin hoc mirum est, quod natura in auribus & oculis animi motus prodi voluit, vel invitis nobis: Nam pudefactis aures rubent, iratis oculi. Causam dat Aristoteles in problematis sect. 31. & 32.

Medius inter gustum & auditum, est olfactus: nec ab aere puro factus, sicut auditus, nec ab humore, sicut gustus, sed ab utroque: a vapore, inquam, per nares inspiratione attracto, qui extrema priorum ventriculorum cerebri, quæ in meatuum narium incumbunt, subit ac penetrat. Hic Aristoteles [h] opercula quædam posita esse dixerat, quæ inspiratione aperirentur, & odoribus viam facerent. Sed eam sententiam reprehendit Galenus multis modis: præsertim in lib. De instrumento odoratus.

Gustamus lingua potissimum, instrumento humido & spongioso. In hanc nervi tenues e cerebro missi sensum percipiunt.

Per totam denique cutem corporis dispersis nervis tenuibus & istis durioribus, sensus fit tactus: exactissimus quidem in summis digitis propter exactam temperiem, quæ in his cernitur, duri & mollis, lenis &

asper, calidi & frigidi, qualitatum tactili: obtusior in aliis partibus.

Ex his, quæ hætenus dicta sunt, Aristotelis & Peripateticorum sententia plurimum probari potest, qui sensum omnem patiendi fieri docent, etiam visionem: (i) Quamquam Stoici & Euclides, ex oculis missiles quasdam producant in aerem qualitates extrinsecus: & Galenus multis in locis Aristotelem hanc ob causam fuggillet. Verum hic in libris De usu partium, nervos sensorios molliores factos oportuisse tradit, quod pati eos oporteret: & a coloribus aerem alterari ait usque ad oculum. Quæ si vera sunt, passionem sensuum non potest negare. Verum ut tantos auctores conciliemus, dicito, sensum non esse proprie alterationem organi sensorii, sed alterationis dignotionem. Alteratur enim manus a calore, vel pupilla a colore: sed dignotio fit ab una alia facultate communi & principe, quæ a cerebro in sensus omnes influit, & quid in his singulis fiat, tanquam perscrutatur. Hinc fit, ut sæpe notos nobis ante oculos transientes non videamus, & amantes videri se non putant, cum maxime ab omnibus rideantur: quoniam vis illa cognoscens, alibi occupata se torquet, nec ad rem præsentem advertit.

Sed de his quidem Physice plus satis. Tu vero Deum time, & mandata ejus observa: hoc est omnis homo, inquit Ecclesiastes. [k] Custodi omni diligentia sensus tuos, ne mors per eos, tanquam per fenestras, ut Propheta loquitur, [l] intret. Averte oculos tuos, ne videant vanitatem. Nisi laxasset oculos suos David ad contemplandam uxorem Uriæ, nunquam in eas incidisset calamitates, quas narrat historia Sacra. Præstaret quoque sæpenumero basiliscum videre, vel audire in sylvis, quam sciminæ impudicæ molles cantus & sermones. Hos sensus nobis a Deo datos putemus, tanquam talenta quædam, quæ non convenit, ut in terram, tanquam servi inutiles & ignari, defodiamus: id est, in affectus terrenos convertamus: sed in eas causas exponamus, unde usuris aucti regnum redimere queamus sempiternum.

DE TRIBUS POTENTIIS animæ interioribus, & libero arbitrio.

Prætermisiss multis opinionibus, qui de Potentiis animæ philosophati sunt, quod

(g) Vitruvius lib. 4. 5.

(h) De anima, lib. 2. & de sensu & sensato.

(i) Gellius lib. 5. Lib. 7. de placitis Hipp. & Plat.

(k) Eccl. ult.

(l) Jer. 9. Thren. 3.

quod ab omnibus receptum est, nos hoc loco constituamus, tres esse interiores animæ nostræ potentias & facultates, in quibus Divinitatis summæ atque trine Imago posita est a D. Augustino [m] & aliis multis Theologis: Memoriam scilicet, Intellectionem seu Intellectum, & Voluntatem. In memoria reconduntur rerum notitiæ tam abstractæ ab aliis notitiis, quam intuitivæ præsentium objectorum. Hac qui natura multum valent, & in dicendo quoque multum valere solent. Etenim thesaurus eloquentiæ, & scientiarum omnium, memoria. Hæc excolendo augetur: arte quoque juvatur, cum locis pluribus, pro charta comparatis, ac propositis, imagines insignes aliquot & simulacra per ordinem, tanquam literas imaginatione factas, pro rebus ac verbis collocamus nostro arbitratu. Non contemnenda profecto ars. Nam subsidio sæpe adest præsentaneo occupatis Concionatoribus, & iis, qui parum felici sunt memoria. Imaginari siquidem possumus quæcunque volumus, [ut chimæram, hyppocentaurum, & absurda quævis] quamquam certe non opinari, nisi quæ vera, vel falsa videantur.

Altera potentia est Intellectus. Hic rerum ideas [n] concipit præsentium oculis & sensibus, quas intuitivas vocamus & evidentes: & absentium, quas abstractas. Ex his namque phantasmatis, quæ in sensu communi, vel in memoria videt, vel ipsa sua vi imaginatur, varias solet producere rerum ideas, & concipere. Facultate hac homo ratiocinatur, disserit, colligit, & separat, affirmat vel negat, probat vel condemnat.

Sunt ergo in intelligentia, seu mente hominis actu vel potentia hæc: Idea, vel notitia rei individua, vel genericæ, cogitatio, opinio, fides, experientia, scientia, sapientia, ars. Notitia phantasmata speculando facit. Phantasmata alia in communi sensu, alia in memoria contemplatur, & luce sua veluti illustrat: alia vi sua fingit & imaginatur. Cogitatio ex multis notitiis fit quædam [ut Plato ait] oratio. Cui si assentiatur intellectus, opinio fit: si non assentiatur, tantum imaginatio manet. Si timide assentiatur, suspicio dicitur, Græcè hypolepsis. Rursus opinio alia vera, alia falsa est. Utræque opinandi habitum gignit, si frequenter habeatur. Ex vera fiunt experientia, fides, & ars. Nam si solo sensu edocta [veluti quod Eurys pluviam adducat, quod canes promissis auribus sint sagaciores:] atque id mens sapius experta, habitum sic existimandi fecerit: experientia dicitur. Sin vero hominis alicujus autoritate (quam Græci vocant eudociam) persuasi: ex hac persuasionem fides existit.

Est enim eudocia affectio erga aliquem, ut cuius magis, quam alterius verbis credamus, & fidem adhibeamus. Hinc Apostolus Paulus fidem Christianam explicans, ait, Fides ex auditu est, auditus autem per verbum Christi. Ars autem aliquando ab experientia, aliquando a fide comparatur, aliquando a fide simul & experientia. Pictura enim imitatione constat: grammatica fide: citharistica utroque. Nam qui legere atque scribere discunt, Magistro opus est fidem adhibeant, qui hanc Alpha, illam Vita nuncupandam dicit. Citharedus autem nisi Præceptore utatur, nunquam rite tonos examinabit, quamvis natura multum juvetur. Quare ars habitus erit perceptionum, quas ratio invenit ad agendum aliquid vel cogitandum, exercitatione comparatus. Falsa autem opinio tunc est, & animus decipitur, cum duo extrema phantasmata cogitatione ostensa, male conjungimus in problemate: & tanquam alienos calceos, figuram unius, alteri accommodamus, non satis acute rem intuentes, ideo quod figuræ attritæ sint, exolecentesque, aut inversæ: ut in cavis fieri speculis videmus, ubi quæ sursum sunt, deorsum apparent. Quid jam vocas scientiam? Non certe cogitationem, quæ adeo varia est. An opinionem veram? Non omnem. Nam qui recte opinatur de literis, & scribit, ut oportet: (& si ratione utitur) non ideo tamen dicitur habere scientiam, sed potius artem, vel usum. Sit ergo opinio vera, non rei gerendæ, sed contemplandæ: veluti quod subtendens rectum angulum æquum producit duobus quadratis, quorum lateribus continetur angulus. Hæc quidem proprie scientia est. Quamquam cantare, & scribere, & pila ludere, & alia hujusmodi, & scire & nescire dicimur: sed improprie. Sed qui illam habet opinionem de subtendente per demonstrationem, is scientiam habet: non utique, quod opinio sit scientia. Sed quoniam scientia, id est, quod ex demonstratione generatur in intellectu: nempe promptitudo assentiendi illi conclusioni, quam ex causis primis & per se, investigando tandem assequuti sumus. Tunc enim scire nos arbitramur, cum causam cognoscimus, per quam res est, & quia ejus rei est causa. (o) Quare, si antequam demonstratio adhiberetur, tu jam putabas æqualem esse potentia subtendentem duabus: vel quia oculus ita judicabat, quæ est opinio: vel quia viro in ea res perito credebas, quæ est fides: non dum tamen te scire poteras arbitrari, cum causam ignores. Sed quid sapientia? Sapientia est Divinarum atque humanarum rerum scientia. Et capacius quidem nomen est, quam prudentiæ:

(m) De Trinitate lib. 14.

(n) Arist. 3. de Anima.

(o) Arist. lib. Posterior. 1.

tia: siquidem prudentes quasi providentes, in actione magis deprehenduntur, quam in oratione. Adeo ut videantur, qui sunt prudentissimi, instinctu magis naturæ tales esse, quam doctrina: sicut & muta animalia admiramur, quæ natura docuit providentiam. Prudentes ergo facit ex memoria rerum præteritarum, & collatione circumstantiarum rerum præsentium prompta electio bene agendarum. Atque hæc quidem hætenus, ut intellectivæ facultatis naturam explicemus. Si cui minus probantur, licet ei alios legere. Non moramur: quia non hic sita est salus animæ, quam optamus.

Voluntas ergo, sicut & appetitus ad bonum fertur. Sed hic quidem tantum ad delectabile, quod a sensu percipitur: voluntas & honestum, & utile, & delectabile appetit, quale fuerit ab intelligentia propositum. Malum vero statim odit ac refugit. Hinc dici solet, quod voluntas non fertur in incognitum: neque aliud appetere potest, quam quod speciem boni habeat.

Cumque diversa ei sub specie boni proponantur, libera est & sui arbitrii in eligendo: quanquam in exequendo non item, quia impeditur partim intrinsecus a passione propria & ignorantia, ne rem perficiat: partim extrinsecus, ut non semper, quod velimus, agamus bonum, sed, quod odimus, faciamus aliquando malum. (p) Lex enim homini carnali ex prohibitione cupiditatem accendit male agendi. Sed qui in gratia est, mundo mortuus est & peccato.

DE LIBERO ARBITRIO.

Liberum ergo arbitrium, quasi liberum iudicium dicitur. Cum autem vis ejus in eligendo sit: electio autem, a voluntate fiat, merite Aristoteles lib. 6. Ethicorum sub dubio relinquit, utrum libertas hæc electionis principalis sita sit in virtute appetendi, an in cogitandi. Vel est (inquit) intellectus appetitivus, vel appetitus intellectivus. Sed Sanctus Thomas in prima parte, q. 83. sequens Damascenum (qui aliud esse liberum arbitrium, quam voluntatem negavit) arbitrium non esse potentiam distinctam a voluntate docet. & Scotus in 1. d. 38. libertatem arbitrii primo querendam in voluntate ait: quia intellectus naturaliter agit non libere. Quod contra Scotum philosophatur Cajeranus, nimis subtile est, nec ab Scoto recederet. Quare distinguendæ res sunt, quæ agunt in omni natura. Inter has quædam agunt sine iudicio: (ut arbor fructum profert, & lapis deorsum cadit)

aliæ cum iudicio, sed non libero (ut animalia bruta) quæ non electione, sed solo instinctu ad unum aliquid determinatum agunt. Ovis enim hoc modo lupum fugit, & gallina ovis incubat. Formica natura duce hyemem suspicatur, idcirco laboriosa in æstare futura sibi alimenta recondit. Sed homo primum inquit nimirum collatione facta per intellectum & rationem: & consultat in particulari circa ea, quæ faciendæ, & non faciendæ videntur: non dum ad aliquid unum determinate. (q) Licet itaque voluntas semper feratur in bonum, (in bonum inquam, quod ab intelligentia vel ratione proponitur) tamen aliquando honestum præfert delectabili, & rursum delectabile honesto, & minus delectabile (si alia ratione videtur majus bonum) magis delectabili. Atque in hoc quidem libera est, & sui arbitrii. Sed cum de repugnantia sensualitatis conqueruntur Viri Sancti, quæ contra spiritum semper militat: executionis causa conqueruntur, quæ propter vim magnam carnalis concupiscentiæ, Dei ope indiget. Tanta est enim difficultas in nobis ex peccato originali: ut ratio sæpissime victa cedat appetitui. Id est, quod dicebat Apostolus in persona hominis viatoris, Velle mihi adjacet, perficere autem bonum non invenio. Et hoc quidem est internum impedimentum. Extrinsecus quoque, nisi Deus impedimenta tollat, parum homo potest. Ideo dicebat Hieremias (r), Non est in homine via ejus: nec viri est, ut ambulet & dirigat gressus suos. Quæ verba nullo modo de libertate arbitrii facta sunt, ut caput illud legenti non erit obscurum. Ob easdem causas & Paulus, (s) Non est volentis, neque currentis, sed miserentis Dei. Non enim, quod volo bonum, hoc ago, sed quod, odi malum, illud facio: quia sine Dei gratia fomes peccati vi sua ad malum propellit, ipsumque arbitrium quasi transverso collo rapit. Nam qui servit peccato, servus est peccati. Sapientiæ Divinæ verbum hoc est. Hoc sapientes Philosophi quasi per transennam viderunt: & admonuerunt sæpenumero, caveremus nobis a voluptate & passionibus cunctis. Demulceretur aliquando animus voluptatum illecebris: aliquando falsa bonorum opinione fallitur: sæpe motibus vehementioribus iræ concutitur. Unde adjunt a natura datos virtutum igniculos extinguui, pravis, inquam, moribus & falsis opinionibus. Sed idem sæpe Deus tanto gratiæ suæ lumine illustrat, ut ad bonum præter expectationem omnino converti faciat. Sic dicitur, Proverb. 21. Cor regis in manu Dei est: quocumque voluerit, inclinabit illud. Sancta vis hæc & beata in conversione Pauli facta fuit.

Ergo

(p) Rom. 7.

(q) Arist. lib. 10. Meto.

(r) Hier. c. 10.

(s) Rom. 9.

Ergo de se liberum est hominis arbitrium. Id quisquis negat, eum Catholicum non esse, pronunciat D. August. in lib. hypognost. & omnes Doctores Sacri a primo ad ultimum cum sacris literis astruxere. Hoc ut sancium relictum ex peccato primi parentis : attamen Samaritanus ille gratiæ suæ factis ligatum, & oleo consolationis, atque vino compunctionis delibutum, sanat quotidie & ad libertatis suæ valetudinem restituit. Sic dicebat Apostolus, Omnia possum in eo, qui me confortat. Et sane, nisi homo liberi esset arbitrii, jaceret omnis Philosophia, jaceret pietas : nulla esset laus virtutis, nullus fructus laborum, nec puniendi improbi, nec admirandi boni. Frustra essent consilia & exhortationes, & præcepta, & prohibitiones, & penæ & præmia. Qui enim non libera voluntate, & nostra sponte susceptis laboribus, sed necessitate vel fati, vel naturæ fieri hæc dicunt, hi non solum contra fidem Catholicam loquuntur, sed principia omnia evertunt moralis Philosophiæ : non secus ac ille, qui in Philosophia naturali negaret motum. Nam præsupponit moralis doctrina, (†) hominem esse Dominum actionum suarum. Contra negantem autem principia non est disputandum. Constituit Deus hominem ab initio, & reliquit eum in manu consilii sui, id est, liberi arbitrii, ut habet Glossa Eccles. 15. Et ad Cain dicit Dominus : Si bene egeris recipies, sin autem male, statim in foribus erit peccatum tuum. Sed sub te erit appetitus tuus, & tu dominaberis illius. Deuteron. 30. Testem invoco hodie cælum & terram, quod proposuerim vobis vitam & bonum, maledictionem & benedictionem. Elige ergo vitam, ut vivas. 3. Reg. 3. Propositum fuit Salomoni, ut eligeret, &c. Esa. 1. Si volueritis & audieritis me, bona terræ comedetis. Act. 2. Nonne manens tibi manebat, & venundatum in tua erat potestate ? 1. Corinth. 9. Si volens hoc ago, mercedem habeo : sin autem invitus, &c. 2. Corinth. 8. Si voluntas prompta est, secundum id, quod habet, accepta est. Alia multa loca Scripturæ voluntatis libertatem docent, ut 2. Corinth. 7. 1. Petr. 2. Rom. 12. Ephes. 6. Coloss. 3. Tit. 3. & similia : ex quibus nugari profecto argueretur Scripturæ author, nisi libera esset nostra voluntas. Nam si possumus bene agere, ergo & male : & si male, etiam & bene. Hæreticorum est illud, quod olim notavit Ennodius, libertatem ad alteram partem tantum datam esse : ad malum scilicet, non autem ad bonum.

Contra vanitatem vero quorundam Philosophorum, qui fieri omnia ex necessitate, persuadere volebant, vel ex fato, vel ex Dei

præscientia, vide Eusebium in lib. 6. De præparatione Evangelica. Nam de fato persuasio a Diabolo profecta est patre mendacii, qui oraculis suis homines olim dementavit : cum fatum nihil sit, sed omnia Dei voluntate fiant. Disputatio autem de rebus futuris ex Dei præscientia, eadem est, quæ de futuro contingenti, quæ capitis vertiginem Ciceroni [ut constat] & multis immisit Philosophis : a piis mentibus omnino expellenda. Sicut & illa de prædestinatione non ita dudum ab hæreticis evulgata, impia blasphemia, & nimis perniciofa : peccatorum unicuique Deum causam omnium faciens, & authorem malorum : quæ aliis spem vanam, aliis meram desperationem fuale. Paulus Apostolus (u) serio nos dehortatur ab his cogitationibus & difficultatibus, quæ homini sunt inextricabiles. Pietatis tantum studia sectemur, & Deum timeamus. Ejus judicia abyssus multa. Sed de Prædestinatione inferius.

Gaspar Contarenus nostra ætate vir non parum celebris subtilissimo quodam tractatu de hac re differens, tam diu liberi esse arbitrii hominem sentit, quam diu Deo adhæret : qui bonum est maxime universum & generale, omnia in se bona ineffabili modo complectens, & rerum omnium naturam : contra vero, si ab eo discesserit, & finem suum alia in re collocaverit, relicta amplitudine summa, in angustias se redigens : (quia cætera omnia angustiora sunt infinitis partibus Deo) a summa libertate se transferre in servitutem. Posse autem declinare a Deo & peccare, non facultatis est, sed impotentia : sicut lædi posse, & claudicare posse, impotentia est. Hæc ille : Quæ probare tentat hoc modo. Sicut servus est, qui sui juris non est, sed in illis actionibus, quæ servorum sunt, non sua sponte, sed Domini voluntate & imperio movetur : sic liber dicitur is, qui sui, non alieni juris est, & sua ad agendum voluntate movetur, non aliena. Hinc alius alio liberior esse potest : quanto in pluribus, vel paucioribus, parere cogitur alieno imperio. Unde si lapis sursum mittitur, minus libere, quam deorsum fertur : quia vis externa hic operatur. Bruta arbitrio videntur uti, quia cognoscunt, quæ agunt : Sed non libere : quia finem ignorant, & mediorum relationem ad finem. Et quia idem agunt semper, argumentum est, non proprio iudicio, sed extrinseco principio moveri. Sibi etiam duo concedi postulat Contarenus. Unum est, quod qui vere liberum habet arbitrium, res omnes, & rerum omnium naturam, & bonitatem, & inter eas proportionem agnoscit. Alterum, ut totius boni atque uni-

(†) Arist. 3. & 6. Ethic.

(u) Rom. 11.

universi capacem habeat appetitionem: non unus boni particularis tantum. Alioqui enim in angustias, veluti carceris, redacta voluntas, libertatem amittet. Itaque homo cum habeat late parentem intellectum: sic & voluntate præditus est, quæ ad omnia illa extendi possit: tam, inquam, ad finem, qui Deus est, quam ad media (eligendo media proportionata ad finem.) In hoc est natura liberi arb. Sed si pro fine appetit particularia: in angustias se conjiciens, libertatem amittit. Quare infertur naturam hominis liberi esse arb., quia proprio judicio amplo, nullo termino definito, voluntas & intellectus extenduntur ad finem, & ad media, id est, ad bonum ipsum universum, & omnia bona. Conservatur ergo liberum arb. quam diu homo fini ultimo & summo bono (qui Deus est) adhæret. Amittitur autem, quando relicto summo bono, ad particularia deflectit. Et licet tunc maneat illa facultas naturalis, & cognitio, & ad bonum universum propensio: (quod liberum arb. vocamus) tamen ita imminuta remanet, ut in servitutum quodam modo dicatur positum lib. arbitrium. Et sic quæ agit homo, cum proprio judicio agat, libere agere dicitur: licet in servitute degens. Quia qui servit peccato, servus est peccati. Hæc sententia optimi illius Cardinalis: quæ cum verbis Scripturæ Sacræ non parum convenit. Licet omnibus forte non satisfaciatur, nec pro certa huc allata. Sed notanda sententia illa D. Augustini: (x) Qui creavit te sine te, non salvabit te sine te. A creandis enim, inquit, hominibus nihil exegit Deus. Quid enim exigeret ab iis, qui nondum erant? In reformandis autem & justificandis hominibus, passim in scripturis exigit, ut credant, relinquant, poenitentiam agant. Quare nec gratia Dei sine nobis aliquid agit, neque sine Dei gratia nos. Sed omnia possum, inquit Apostolus, in eo, qui me confortat. Malas quoque voluntates non facit: sed eis utitur (ut idem docet (y) Aug.) ex quo sequitur, neque invitum Deum mala permittere, neque negligentem: quia novit ad meliora ordinare cuncta solus. Nisi Deus adjuvet, infirmitas nostra non modo vincere, sed neque pugnare potest. Itaque velle naturæ est, bene velle Dei. Utrumque etiam a Deo. A Dei gratia excitatur voluntas ad bonum: & adjuvatur, ut recte velit, & perficiat. Philip. 2. Deus est qui operatur in nobis velle, & perficere. (z) Ideo dicimur etiam nos cooperatores Dei: quia sufficientes non sumus ex nobis. 2. Cor. 7. Conatus voluntatis nostræ, & secundum Dei gratiam est, & secundum naturalem potentiam. De-

bemus gratiæ, quod vocatur: debemus etiam gratiæ, quod oculis itineribus, nisi resistamus, sapor nobis vitalis infunditur. Nostræ tamen electionis est, quod beneficia demonstrata sectamur.

DE PROFESSIONE FIDEI.

UT qui mundanæ militiæ se dedunt, fidem ante omnia duci suo dant, & hostium ejus hostes se fore promittunt: deinde armis induuntur, quæ sibi ille præscribit: tesseram quoque in prælio accipiunt, quo inter se dignoscant: sic qui Christianæ militiæ ascribuntur per Baptisma, fidem Christo Domino dant, & renunciant Satanæ: de iis, quæ agenda sunt vel fugienda, diligenter admonentur, exorcizantur, catechizantur, unguntur tanquam athletæ, armantur donis gratiæ, & signo Crucis Christi, Principis & Domini sui, quod pro Symbolo etiam belli spiritualis habent. Rursum etiam, qui in Ecclesiastica authorandi sunt, [maxime qui futuri sunt aliorum Duces] quoniam non est nobis colluctatio adversus carnem & sanguinem, sed adversus spirituales nequitias in cælestibus; eos ante omnia fide attringi decet suo Imperatori, Christi Vicario: hæreticis autem, atque hæresibus nuncium remittere, legesque militiæ suæ certas accipere, ne victus aliquando dicat, Non putaram.

Idcirco Sacrosancta Generalis Tridentina (a) Synodus explicitam Professionem Fidei facere jubet, cum primum ii electi fuerint: tam ut jurejurando ad rite obeundum munus suum obligentur, quam ut in confessione veræ fidei & Catholicæ, armaturam habeant: scutum scilicet fidei, & galeam spei salutis, cum gladio spiritus, quod est Verbum Dei.



Primum autem & ubique obvium Fidei, Professionisque Christianæ Symbolum, est signum Crucis Christi: quo nos signamus, & nostra omnia: In nomine Patris, & Filii, & Spiritus Sancti, Amen. Hic implicite continentur omnia fidei nostræ mysteria. Hoc spem & fiduciam, quam in Christo habemus, Redemptorem nostro, & in potentia Majestatis Dei declaramus. Erga Deum & proximum chari.

(x) Ser. 15. de verb. Apost.

(y) Ad Jul. lib. 5.

(z) Aug. de corr. & grat. c. 7. & 10.

(a) Sess. 24. c. 1. & 12.

charitate accendimur, qui nos ad mortem usque dilexit, & proximum diligere præcepit.

Tres enim hic personas distinctas in Deo profitemur: & per passionem Crucis, reliqua intelligimus, quæ in carne gessit Dominus Jesus: unde spe erecti, non confundimur; sed ad Dei Majestatem adorandam, & pro beneficiis acceptis, ad gratias agendas inducimur. Quare non immerito fidei atque professionis Christianæ Symbolum vocabimus signum Venerabile Crucis: quo semper se signare solitos, ait D. Basilus ^(b), eos, qui in Christum spem collocassent. Et Tertullianus vetustissimus author: Ad omnem progressum (inquit) atque promotum: ad omnem exitum & aditum, ad vestitum & calceatum, ad lavachra, ad mensas, ad cubicula, ad lumina, ad sedilia: quæcunque nos conversatio exercet, frontem Crucis signaculo terimus. Tertullianum suum ^(c) secutus Cyprianus, asserit, per hoc signum Crucis salutem positam omnibus, qui in frontibus notantur. Quod probat ex multis locis testamenti utriusque. Signum hoc solvit terrores, terra fugat spectra, morbos sanat, demones expellit: in periculis præsidio est, & in rebus lætis securitati. Vide plura ejus Epith. apud Chrysostomum in Joan. August. in multis locis, ut de Civit. Dei l. 22. c. 13. De visit. infr. l. 2. c. 3. De Symbol. c. 1. De temp. ser. 130. Contra Faust. l. 12. c. 30. De Sanctis. ser. 19. &c.

Sed ut amplius intelligas Crucis mysterium, considera nos hic Trinitatem Sanctissimam invocare. Invocamus Patrem, & Filium, & Spiritum Sanctum: tres quidem Personas distinctas, sed unum Deum, unam substantiam, sive essentiam; unam potentiam, unam voluntatem: Patris, qui a nullo genitus est: Filii, qui ante omnia sæcula a Patre genitus: Spiritus Sancti, qui itidem ab æterno ex Patre & Filio procedit. Pater est prima Persona. Non utique, quod in Trinitate hac sit aliquid prius, aut posterius: majus aut minus. Absit hæc a fidelium mentibus impietas: cum eandem gloriæ Majestatem in tribus Personis Christiana Religio prædicet. Sed Patrem propterea, quod ipse sit principium sine principio, primam Personam vere dicimus. Quæ quidem uti Patris proprietate relativa distincta est, ita in unam illam præcipue hoc convenit, quod Filium ab æterno genuit: Et in Filii Personam proprietate alia hæc congruit, ut a Patre generetur: quam Theologi filiationem vocant: & in Spiritus Sancti (quam spirationem passivam) ut ab utroque procedat.

Atque in hunc modum Divinæ Trinitatis simpliciter confiteamur unam essentiam, cum personarum perfecta distinctione: retinentes cum timore hæc essentia & personarum vocabula: ne in rei altissimæ, atque difficillimæ perscrutatione pericitemur. Quod si forte apud aliquem Sanctum legas, plures substantias; existimato, improprie cum loqui: nam neque Divinitati, tam convenire nomen substantiæ, quam essentiæ, tradit August. Imo nec personæ nomen, inquit, placuit, quod Scriptura dicat, sed quod non contradicat. ^(d) Quoniam igitur dictio Græca hypostases, pro qua nos aliquando suppositum, aliquando substantiam reddimus, sæpe in plurali ponitur, interdum etiam in singulari, una hypostasis & tres hypostases. Ideo unam substantiam plerique, rari plures: id est, tres res, vel tria supposita: ut hæresin Sabellianorum everterent, qui personarum Patris, & Filii, & Spiritus Sancti, nomina tantum distincta dicebant, non autem res. Sed nobis ita distinguuntur personæ sive supposita, ut alius sit Pater a Filio, alius ab Spiritu S. non autem aliud in genere neutro, quia essentiam significat substantiarum nomen in Divinis.

Amen quoque vox Hybraica Symbolum creditum est. Hanc Græci interpretati sunt *γένητο*, id est, fiat, vel utinam fieret. Proprie idem significat, quod fides vel veritas, vel (adverbialiter) idem, quod fideliter & vere: & cum voto quodam fere assumitur. Nam cum Christus ea sit usus frequenter: non id quidem semper voluit, quod multi reddunt Gallice: *Ainsi soit il*. Nos interpretabimur ita: Credo, & Confiteor & affirmo, & lubenter suscipio, quod dictum est: & sicut Credo, ita fieri opto. Hieronymus signaculum veritatis appellat. Et enim confirmatio dicti & consensus. Quotquot enim promissiones Dei sunt, inquit Apostolus, in illo (scilicet Filio Dei) est. Ideo & per ipsum Amen, id est, in ipso Filio Dei affirmationem consequuntur, & confirmationem cum voto fidelium. Nemini ergo liceat, sanctam vocem hanc fidei Symbolum in linguam Gallicam transferre pro suo arbitrio. Nam & D. Augustinus ad Pascendum sic loquitur. Nam sciendum est, Amen, & Alleluia (quod nec Latino, nec Barbaro licet, in linguam suam transferre) Hebræo cunctas gentes vocabulo decantare. Propter sanctiorem enim auctoritatem, quamvis interpretari potuissent, (ait idem in libro de Doctrina Christiana) servata tamen est antiquitas. Hoc sufficiet iis, qui omnia habere volunt in lingua vernacula: nec

(b) Basil. de ser. 5. c. 17.

(c) Tertul. de corona Mili. Cyp. ad Qui. lib. 2.

(d) Aug. lib. 7. de Trinit. c. 5. & 6.

Greg. Naz. oron. 2. & 8. Damasc. de Fide l. c. 10. & 11.

nec nomen Baptismi admittunt, nec Diaconi, nec Chrismatism: quod latina non sint hæc. Quod autem Amen, Symbolum fuerit semper credentium in Ecclesia, colligi potest ex 14. cap. 1. ad Corinthios, Quis supplebit locum idiotæ? quomodo diceret Amen super tuam benedictionem? quoniam quid dicas, nescit.

JESUS.

Adimus aliquando, per invocationis modum, Jesus, nomen Domini nostri benedictum: in quo uno oportet nos salvos fieri. Vox quidem Hebraica est, quam a verbo Heb. deduci jasa (id est, salvare vel servare) Angelus docuit Matth. 1. Vocabis (inquit) nomen ejus Jesus: Ipse enim salvum faciet populum suum a peccatis eorum. Apostoli tamen Græce scripserunt *Ihesus*: non utique Jehosua, nec Jehosue, nec Josue. Quin etiam Rabbinii ipsi Hebræi in suis commentariis scribunt Jesu, vel Isu. Unde conjicimus, proferri semper solitum fuisse cum accentu in ultima dissyllabum; licet Græce videatur trissyllabum. Hinc discas, illud *Ihs*, Græcam esse scripturam veram: sed hanc *Ihs* corruptam ab iis, qui vocalem Græcam H putant esse aspirationem. Sicut & xps pro xp̄s scribentes: pro x Ch, ponunt X: & pro R, P. propter similitudinem literarum.

DE SYMBOLO APOSTOLORUM.

Triplex celebratur in Ecclesia Catholica Symbolum. Unum est Apostolorum, *Credo in Deum Patrem Omnipotentem, &c.* Alterum dicitur Magnum & Nicenum. Licet nonnulli Constantinopolitanum appellent, propterea quod Niceno additum fuit in Concilio Const., id quod sequitur post hæc: *in Spiritum Sanctum*, Ecclesia quoque latina illud adjecit, *Filioque*. Sed vulgo nos Nicenum vocamus a prima ejus editione. Est tertium Athanasii, quod singulis diebus cantamus ad Primam. Magnum illud, five Nicenum in Missa tantum canitur. Hoc Apostolorum non canitur, sed tacite dicitur ad Primam & ad Completorium ante confessionem generalem: quia corde creditur ad justitiam, (e) ore autem fit confessio ad salutem. Dividitur in 12. Articulos, secundum numerum Apostolorum, a quibus creditur compositum. Quamquam non constet, sintne singuli a singulis, an omnes ab omnibus semel concepti. Dividitur

etiam in 14. Articulos, secundum credibilitatem differentias. Septem enim spectant ad Divinitatem: & alii septem ad Christi humanitatem. Possunt etiam in tria Capita separari. Nam in una parte tractatur de Creatione, in altera de Redemptione, in tertia de Sanctificatione. Et in hac divisione respiciunt tres Personas, Patrem, Filium, & Spiritum Sanctum.

DE CREATIONE.

I.

Credo in DEUM Patrem Omnipotentem, Creatorem cœli & terræ.

DE REDEMPTIONE.

II.

Et in JESUM Christum Filium ejus unicum Dominum nostrum.

III.

Qui Conceptus est de Spiritu Sancto, natus ex Maria Virgine.

IV.

Passus sub Pontio Pilato, crucifixus, mortuus & sepultus.

V.

Descendit ad inferna. Tertia die resurrexit a mortuis.

VI.

Ascendit ad cœlos, sedet ad dexteram Dei Patris omnipotentis.

VII.

Inde venturus est judicare vivos & mortuos.

DE SANCTIFICATIONE.

VIII.

Credo in Spiritum Sanctum.

IX.

Sanctam Ecclesiam Catholicam, Sanctorum communionem.

X.

Remissionem peccatorum.

XI.

Carnis resurrectionem.

XII.

Vitam æternam, Amen.

LE

(e) Rom. 10.

Tomus VIII. Concilior. German.

LE SYMBOLE DES APOSTRES déclaré en vulgaire.

Credo in DEUM.) C'est à dire, Je croy en Dieu. Je mets toute ma foy, mon esperance, & mon amour en un Dieu.

Patrem.) Pere. Je crois en un Dieu, qui est en trois personnes (Pere, Fils, & S. Esprit) mais une seule substance, une Deité, & une puissance indivise. Je l'appelle Pere à bonne raison, pour cause de l'éternelle generation de son benoist fils JEsus Christ, selon la Divinité. Et aussi, pource qu'il nous a fait ses enfans, par adoption, & heritiers du Royaume celeste, par le mérite de sondict Fils.

Omnipotentem.) Tout puissant. Car rien ne luy est difficile à faire : Aussi ne seroit il à deffaire & ruiner, s'il luy plaisoit. Et n'y a chose, qui puisse empêcher sa volonté. Dont je me sens bien fort : veu que j'ay un Pere tout puissant. Car comme Pere, il m'ayme : & comme tout puissant, ne scauroit faillir. Aussi le tiens je en si grande reverence, veu que plusieurs de ses œuvres excèdent ma capacité, que je n'y fais point du curieux : ains m'en rapporte du tout à sa Parole, à laquelle rien est impossible.

Creatorem cœli & terræ.) Createur du ciel & de la terre. Il est seul autheur de toute creature, visible & invisible. Parquoy il n'y a substance, ou nature, qui de soy soit mauvaise ou immonde : veu qu'il est tout bon & saint. Aussi nous faut penser, qu'il ayme sa creature, & la gouverne pour sa gloire. Dont je l'ayme comme celui, auquel je recois tout mon bien : mesmes pour l'amour de luy je prens en patience les adversitez, comme profitables pour mon salut.

Et in JEsu Christum.) Et je crois en JEsus Christ. Je l'appelle JEsus : qui en langue Hebraïque signifie Sauveur & salutaire. Car il nous a sauvé, & racheté par son précieux sang. Et n'y a autre nom sous le Ciel, auquel il faille avoir esperance de salut. Aussi l'appelle je Christ, qui signifie en langue Greque, Oint (lequel nom estoit des Roys, & des Prestres, & Prophetes) pour autant, qu'il est le vray Messias [qui pareillement est à dire Oint] promis en l'ancien Testament.

Filium ejus unicum.) Son fils unique. Dieu, filz de Dieu. Il est seul & unique filz de Dieu le Pere, trescher & bien aymé. Car si nous sommes filz de Dieu, ce

n'est pas par nature, ains par adoption & grace. Mais luy est d'une mesme substance avec son Pere : procedant d'iceluy par la generation éternelle, comme lumiere d'une lumiere. Il est aussi unique, je dis une seule personne, & suppos : non pas deux : combien qu'il soit Dieu & homme, & qu'il ait deux natures, Divine & humaine. Car le Verbe Divin (qui est le vray suppos & chef, en ceste disposition) a prins & a uni à soy la nature humaine, par une maniere à nous indicible : de sorte que la nature humaine ne se soustient en soy, mais au verbe Divin. A ce filz donc de Dieu naturel, le Pere communique par la generation éternelle, sa nature, sa puissance, & toute sa gloire.

Dominum nostrum.) Nostre Seigneur. Et combien que JEsus Christ est nostre frere, il est aussi nostre Seigneur : nous ayant racheté de la servitude du diable, non par or, ou argent : mais par son sang précieux. Et pourtant je veux obeir en tout & par tout, à ses commandemens, m'en donnant la grace.

Qui conceptus est de Spiritu Sancto.) Qui a esté conçu du Saint Esprit. N'a pas esté engendré de semence d'homme : mais le Saint Esprit a formé divinement & miraculeusement son corps au ventre virginal de la Vierge Marie, de pur sang & substance d'icelle. Et par ainsi il a esté engendré vray Dieu & vray homme, & selon la diversité des deux natures il a fait diverses actions en sa vie. Selon l'affection de son humanité il craignoit la mort : selon la Divinité il faisoit les miracles.

Natus ex MARIA Virgine.) Nay de la Vierge Marie. Vierge avant le part, au part, & apres le part. Pource qu'il convenoit qu'elle fust ainsi, pour l'honneur de si grand mystere. Dont vient à noter, que Dieu a fait naistre en quatre sortes. Adam nasquit sans pere ny mere : Eve de la coste d'Adam : nous de pere & mere : nostre Seigneur de la seule mere.

Passus sub Pontio Pilato.) A souffert sous Ponce Pilate. Du temps que Ponce Pilate Romain avoit le gouvernement de la Judée sous Tibere empereur des Romains, il a enduré la mort ignominieuse : lié comme un larron : battu, flagellé, souffleté, craché, moqué, & mesprisé, tant des Soldats de Pilate, que des Pontifes, leurs Ministres, & d'autres, jusques à estre crucifié : le tout pour mon salut. Ce qui m'apprent estre patient aux injures & me-

spiris

spiris, que je recois en ce monde: veu que mon Seigneur, & mon Dieu, la gloire eternelle, s'est ainsi demis, & a esté si patient pour l'amour de nous, ses pauvres creatures.

Crucifixus.) Crucifié. Comme un criminel & meschant homme, a esté attaché en un gibbet faict en forme de Croix & supplice, celui, qui ne fait oncques peché: ains qui estoit venu pour effacer tous pechez, & nous delivrer du supplice eternel. Pourtant je l'ay toujours devant mes yeux, ainsi estandu, & cloué cruellement en la Croix. Ce qui me rompt le cœur. Et à grand peme y pense je sans larmes. Et comment par ceste grande patience il a vaincu le diable: à ceste cause je fais souvent le signe de la Croix sur moy, pour me fortifier, & muni contre toutes tentations & dangers: & quant & quant sur toutes choses (en forme de benediction) que je desire bien venir, & succeder pour nostre usage.

Mortuus & sepultus.) Mort & ensevely. Son ame à la fin par les cruels tourmens a esté séparée de son corps. Et le corps enveloppé de linges, à la façon des Juifs mis au sepulchre. Par la mort il a suffisamment payé nostre rançon. Car par le peché d'Adam nous estions faicts serfs du peché, & du diable: obligez à la mort. Par sa mort il a estainct ceste obligation, & effacé le debt, que nous fait nostre premier pere. Cecy me faict l'aymer sur toutes choses, & prendre exemple en luy de fortresse, & de non craindre la mort pour son service. Et je prie d'estre ensevely avec luy: à fin que le peché ne me puisse trouver vivant en iniquité.

Descendit ad inferna.) Il est descendu aux enfers. A savoir son Ame. Car il a voulu consoler les Peres decedez, qui estoient detenus au limbe: & acertener de la gloire, à eux des long temps preparée, par sa presence: les tirant de la prison, où ils estoient privés de la vision de Dieu. Pour ceux là est descendu Jhesu Christ aux enfers: non pas pour les reprouver. Car la Justice Divine par raison doit donner crainte aux meschans de la peine eternelle, & espoir aux bons, d'estre delivrez à la fin du mal.

Tertia die resurrexit a mortuis.) Le tiers jour est resuscité des morts. C'est article de foy, le plus recommandé par les Saints Apostres, m'asseur, que je resusciteray une fois, pour ressembler du tout à mon Chef: lequel est resuscité. Et en ceste vie mortelle je recou-

vreray une autre vie, que celle, que j'ay tenu par cy devant en peché. Car j'espere de vivre, par sa justice & grace, mortifié à toutes iniquitez. Quant au nombre des jours que mon Dieu a esté au sepulchre, l'Evangile monstre, qu'il faut prendre les parties du Vendredy & du Dimenebe, pour deux jours: & le Samedi entier. Aussi estoit il nommé en Hebrieu Sabbath, qui signifie tant comme repos.

Ascendit ad Caelos.) Est monté es cieus. Ne convenoit point, que son corps glorifié demourast en la terre immonde & subiecte à corruption. Et j'apprens de ceste Ascension, que ma demeure doit estre au ciel avec luy: car c'est mon chef, qui est descendu du ciel: & faut que le corps soit avec luy: lequel combien que visiblement nous ait delaisié sur la terre, il ne delaisie pourtant d'estre avec nous invisiblement par sa grace, faveure, & presence réelle au Sacrement de l'autel. Car il est tout puissant comme s'ensuit. Et ne faut doubter de sa parole.

Sedet ad dexteram Dei Patris omnipotentis.) Sied à la dextre de Dieu le Pere tout puissant. Je croy par ce l'eternité de son Royaume, & la puissance qu'il a sur toute creature, avec une gloire infinie, egal à Dieu son Pere. Ceste phrase d'estre assis à la dextre, est declarée par le mot y adjousté, Omnipotent. Car autrement Dieu le Pere n'a corps aucun propre, pour avoir main dextre ou senestre. C'est un Esprit incomprehensible, contenant toutes choses: non pas contenu, ny destiny.

Inde venturus est judicare vivos & mortuos.) Dont il doit venir juger les vivans & les morts. Quant je pense au jour, qu'il a choisy pour faire rendre compte devant son throsne à tous ceux, qui auront jamais eu nom d'homme, (sans en excepter aucun, soit vis ou mort) je me console grandement, & prens couraige à bien faire. Combien que non du tout sans crainte: car mon imperfection m'est suspecte, & danger est que ne soys surprins à l'improveu: soit par l'heure de la mort, [lors que se faict le premier jugement] soit par le jour du dernier jugement: où seront revelees toutes meschancetez & fautes, à la confusion des pecheurs, & gloire des bons. Et iront ceux qui auront bien faict, ou Royaume eternel: & les autres au feu d'enfer avec le diable pour jamais.

Credo in Spiritum Sanctum.) Je croy au Saint Esprit. La tierce Personne de la Trinité egal en bonté, puissance & majesté, avec le Pere & le Fils : desquels eternellement il procede : de mesme essence, & nature. Ceste confession de la Deité du Saint Esprit, que je fais, est comprins en ces mots, **Credo in Spiritum Sanctum.** Car par iceux je confesse, que je mets en luy tout l'espoir de mon salut. Et comme n'y a point plusieurs Dieux, je croi que le Pere, le Fils, & le Saint Esprit, n'est qu'un Dieu, procedant le Fils du Pere par generation : Et le Saint Esprit du Pere & du Fils, par inspiration & amour. Ce sont choses difficiles à comprendre : mais la foi me conduira à la vraie cognoissance, Dieu aidant. Nous appellons ceste troisieme personne, Esprit, pourtant que luy attribuons estre cause de la vie de toutes choses : & mesmes de celle de nos ames par grace : Aussi l'appellons Saint, pource que de luy procede toute sanctification.

Sanctam Ecclesiam Catholicam.) La Sainte Eglise Catholique. Je confesse & croy, qu'il y a une Eglise Sainte & Catholique, en laquelle j'ay esté regeneré par le Saint Baptisme. Je nomme Eglise, comme une famille de plusieurs vivants en communion, une congregation, un peuple, une republique, con-dreite & gouvernée par le Saint Esprit. Et pourtant elle ne peut errer en chose qui concerne nostre salut. Et combien que elle soit desia en partie avec JEsus Christ en la gloire celeste, en partie icy fluctuant aux ondes de ce monde, & combatant contre ses ennemis, si est elle une : car son chef n'est qu'un, JEsus Christ, duquel elle reçoit toutes saintes influences de vie & bonnes actions. Je l'appelle souvent ma mere : pource qu'en icelle j'ay esté regeneré par le Saint Baptisme. Elle est Sainte, comme épouse de JEsus Christ. Car combien que tandis qu'elle chemine par ce monde, les bons y soyent parmy les meschans : moyennant que ceux icy retiennent la foy, ils n'en sont dehors. Le jour du jugement en fera la separation. Et lors on verra un troupeau, & un Pasteur. Maintenant que je suis au monde, j'obeiray à mon Pasteur, & à iceluy qui est constitué sur les autres Pasteurs, qui est nostre Saint Pere le Pape. Car non seulement le commandement de nostre Seigneur le veut ainsi : mais la raison le dicte, qu'il faut un chef en toutes choses, ainsi qu'il y a un seul Dieu de tout. Elle est sainte comme

épouse de JEsus Christ, & Catholique, c'est à dire universelle : pource qu'en tous temps & en tous lieux, les bons Chrestiens ont tenu une mesme foy & doctrine des choses concernant nostre salut. Donc je rennye & deteste toutes assemblées d'heretiques & schismatiques : & me tiens au giron de ceste Eglise ma bonne Mere.

Sanctorum communionem.) Communion des Saints, (ou, de choses Saintes.) Il n'y a difference en ceste Eglise de personnes, riche ou pauvre, gentil ou villain, tous participans des graces de JEsus Christ nostre chef, comme membres d'un mesme corps mystique (chacun en sa vocation) nous communicans mutuellement nos prieres & bien-faits, & principalement receuans un mesme Sacrement de son benoist Corps & Sang, qui nous fait estre un avec luy, & unys avec nous autres. Et pour non perdre ce bien, je me garderay songneusement de luy estre desobeissant, à celle fin que ne soys dejeté d'icelle, & excommunié. Car hors l'Eglise nul pourra estre sauvé non plus, que ceux qui ne se trouvent en l'arche de Noé au temps du deluge.

Remissionem peccatorum.) Remission des pechez. Je croy, que par la Passion de mon Redempteur JEsus Christ, le pardon de nos pechez nous a esté obtenu. Lequel m'est appliqué par le mystere & vertus des Clefs, qu'il a mis en la main des Pasteurs, & Prelats de l'Eglise. Par le Baptisme m'a esté pardonné le peché original, avec lequel j'estois né : & par le Sacrement de Penitence, tous les autres, que j'ay commis par apres. Et comme apres ledit Sacrement, ou une vraye contrition (combien que la coulpe de mon peché soit remise) toutes fois encores reste souvent une obligation à quelque peine, qu'il faudra payer en purgatoire, (car justice le commande;) J'espere, qu'elle me sera effacée par les merites de JEsus Christ & de tous les Saints, vray thresor de l'Eglise, m'estant appliqué par quelque indulgence de nostre Supreme Prelat & Pasteur.

Carnis resurrectionem.) La resurrection de la chair. Si j'ay travaux, peines & douleurs en ce monde ; je me console, que mon corps, qui est maintenant mortel & corruptible, resuscitera, & ne sera plus subject à corruption, mais sera glorifié à la semblance de celuy de JEsus Christ, clair, resplendissant, subtil, & agile, surmontant la clarté du soleil, & des estoilles. Mais les mauvais Chre-

tiens

stiens & infideles, combien qu'ils resusciteront, ce sera toutesfoiſ pour aller aux tenebres, & peines perpetuelles d'enfer.

Vitam æternam.) Vie éternelle. C'est la fin de nos labeurs. Le comble de tout bien, préparé à ceux, qui en ce monde auront veſcu ſelon la doctrine, que noſtre Seigneur nous a donné.

Amen.) Amen. Je le confeſſe ainſi: je le croy ainſi: & prie Dieu, qu'ainſi ſoit il.

FIDEI PROFESSIO TRIDENTINA.

Propter hæreticorum pertinaciam coacti fuerunt olim Patres aliquam formam confessionis fidei Catholicæ concipere : ne subdola interpretatione Scripturarum , vel traditionum , veritate verbis corrumpereſſent falſi fratres. Noſtra pariter tempeſtate idem fieri oportuit , excitatis ab hæreticis , & tamquam ab inferis revocatis multis erroribus , atque blaſphemiis : quæ priſcam Patrum illorum ſimplicitatem cum aliis acrius depugnantem , non ita monebant. Hanc tradidit bonæ memoriæ Pius IV. Pontifex Maximus : cujus auſpiciis Tridentina Synodus finem Deo propitio felicem adepta eſt. Addita-tem iſ ad magnum Symbolum articulos aliquot , ex Canonibus Concilii deſumptos. Et confessionis quidem hujus forma hæc eſt.

Ego N. firma fide credo , & profiteor omnia & ſingula , quæ continentur in Symbolo fidei , quo Sancta Romana Eccleſia utitur , videlicet : Credo in unum Deum Patrem Omnipotentem , Factorem cæli & terræ , Viſibilem omnium , & inviſibilem : Et in unum Dominum Jeſum Chriſtum , Filium Dei unigenitum , Et ex Patre natum ante omnia ſæcula : Deum de Deo, lumen de lumine , Deum verum de Deo vero : Genitum non factum , conſubſtantialem Patri , per quem omnia facta ſunt : Qui propter nos homines & propter noſtram ſalutem deſcendit de cælis : Et incarnatus eſt de Spiritu Sancto , ex Maria Virgine : Et homo factus eſt : Crucifixus etiam pro nobis ſub Pontio Pilato : Paſſus & ſepultus eſt : Et reſurrexit tertia die ſecundum Scripturas : & aſcendit in cælum , ſedens ad dexteram Patris : Et iterum venturus eſt cum gloria judicare vivos & mortuos. Cujus regni non erit finis. Et in Spiritum Sanctum Dominum , & vivificantem , Qui ex Patre Filioque procedit : Qui cum Patre & Filio ſimul adoratur & conglorificatur : Qui locutus eſt per Prophetas. Et unam Sanctam , Catholicam , & Apoſtoli-

cam Eccleſiam. Conſiteor unum Baptiſma in remiſſionem peccatorum , & expecto reſurrectionem mortuorum , Et vitam venturi ſæculi , Amen. Apoſtolicas & Eccleſiaſticas traditiones , reliquaſque ejusdem Eccleſiæ obſervationes & conſtitutiones firmiſſime admitto , & amplector. Item Sacram Scripturam juxta eum ſenſum , quem tenuit & tenet Sancta Mater Eccleſia , cujus eſt judicare de vero ſenſu , & interpretatione Sacrarum Scripturarum , admitto : nec eam unquam , niſi juxta unanimem conſenſum Patrum accipiam , & interpretabor. Proſiteor quoque ſeptem eſſe vere & proprie Sacramenta novæ legis a Jeſu Chriſto , Domino noſtro inſtituta , atque ad ſalutem humani generis , licet non omnia ſingulis neceſſaria , ſcilicet Baptiſmum , Confirmationem , Eucharistiā , Pœnitentiam , Extremam Unctionem , Ordinem , & Matrimonium : illaque gratiam conferre , & ex his Baptiſmum , Confirmationem , & Ordinem , ſine ſacrilegio reiterari non poſſe. Receptos quoque & approbatos Eccleſiæ Catholicæ ritus , in ſupradictorum omnium Sacramentorum ſolemni adminiſtratione recipio , & admitto : Omnia & ſingula , quæ de peccato originali , & de juſtificatione in Sacroſancta Tridentina Synodo definita & declarata fuerunt , amplector & recipio : Proſiteor pariter in Miſſa offerri Deo , verum , proprium , & propiciatorium ſacrificium , pro vivis , & deſunctis , atque in Sanctiſſimo Eucharistiæ Sacramento eſſe , vere , realiter , & ſubſtantialiter Corpus , & Sanguinem , una cum anima , & divinitate Domini noſtri Jeſu Chriſti , ſerique conversionem totius ſubſtantię panis in corpus , & totius ſubſtantię vini in ſanguinem : quam conversionem Catholica Eccleſia tranſſubſtantiationem appellat. Fateor etiam ſub altera tantum ſpecie totum atque integrum Chriſtum , verumque Sacramentum ſumi. Conſtanter teneo , Purgatorium eſſe , animasque ibi detentas fidelium ſuffragiis juvari. Similiter & Sanctos una cum Chriſto regnantes , venerandos atque invocandos eſſe , eoſque orationes Deo pro nobis offerre , atque eorum reliquias eſſe venerandas : firmiſſime aſſero , imagines Chriſti , ac Deiparæ ſemper Virginis , nec non aliorum Sanctorum habendas & retinendas eſſe , atque eis debitum honorem ac venerationem impertiendam. Indulgentiarum etiam poteſtatem , a Chriſto in Eccleſia relictam fuiſſe , illarumque uſum Chriſtiano populo maxime ſalutarem eſſe affirmo. Sanctam Catholicam , & Apoſtolicam Romanam Eccleſiam , omnium Eccleſiarum Matrem , & Magiſtram agnoſco : Romanoque Pontifici , Beati Petri Apoſtolorum Principis , Succeſſori , ac Jeſu Chriſti Vicario , veram obedientiam ſpondeo ac ju-
ro.

ro. Cætera item omnia a Sacris Canonibus, & Oecumenicis Conciliis, ac præcipue a Sacrosancta Tridentina Synodo tradita, definita, & declarata, indubitanter recipio atque profiteor, simulque contraria omnia, atque hæreses quascunque, ab Ecclesia damnatas & rejectas, & anathematizatas, ego pariter damno, rejicio & anathematizo: Hanc veram Catholicam fidem, extra quam nemo salvus esse potest, quam in præsentī spēnte profiteor, & veraciter teneo, eandem integram, & inviolatam, usque ad extremum vitæ spiritum, constantissime (Deo adjuvante) retinere & confiteri, atque a meis subditis, vel illis, quorum cura ad me in munere meo spectabit, teneri, doceri, & prædicari, quantum in me erit, curaturum. Ego idem N. spondeo, voveo, ac juro, sic me Deus adjuvet, & hæc Sancta Dei Evangelia.

STATUTUM I.

STatuitur igitur & ordinatur, ut quicumque in Episcopum, vel Archiepiscopum eligitur, in prima post suam creationem vel electionem Provinciali Synodo, cui ipse intererit, veram obedientiam Summo Romano Pontifici spondeat, fideique professionem faciat, juxta formam hanc a Pio IV, Papa traditam. Provisi etiam de beneficiis quibuscunque, curam animarum habentibus, eandem obedientiam spondere & fidei publicam confessionem facere teneantur in manibus Episcoporum suorum, vel Vicariorum Generalium: Provisi autem de Canonicatibus, vel dignitatibus in Ecclesiis Cathedralibus, non solum coram Episcopo suo, seu Vicario, sed etiam in Capitulo: Abbates coram Episcopo, a quo benedictionem accipient, & coram toto Conventu: Alii vero de Monasteriis provisi, coram Conventu, tantum. Item Universitatum & Studiorum Generalium Magistri & Doctores publice profitentes, singulis annis in prima quaque prælectione sua solemni se juramento spondeant, nihil docere, vel interpretari velle, quod huic fidei Catholicæ repugnet.

II.

Quoniam vero impossibile est, sine fide placere Deo: idcirco Curati doceant frequenter articulos fidei, sicut in Symbolo Apostolorum continentur: distin-

cte pronunciando, & simpliciter lingua vernacula aliquando declarando. Hortentur quoque Parochianos suos, ut memoriter illos teneant, & frequenter recitent cum Oratione Dominica: quoniam qui id non agunt, non possunt reputari Catholici.

III.

Quod si declarationem velint ampliore facere populo, (veluti in diebus solemnis, qui articulorum aliquam interpretationem requirant) eam ex Catechismo Romano maxime desumant, & authoribus tantum Catholicis: neque ex suo sensu aliquid tradant, ne ab orthodoxæ fidei doctrina alienum quid per imperitiam afferant, vel per temeritatem affirmant.

IV.

Doceant Curati adolescentes & mulierculas, facere signum Crucis, in nomine Patris, & Filii, & Spiritus Sancti, Amen. Idque protensa manu tota, cum decoro, a fronte ad umbilicum, & ab humero sinistro ad dextrum. Et pollice aliquando manus dextræ in fronte, & in ore, & in pectore. Quia Symbolum est, & fidei, & spei, & charitatis, in Deum & Dominum nostrum Jesum Christum: quo non solum in periculis subeundis, sed in omni actione suscipienda muniri sanctum est, & prodest.

V.

Scribit quidem Petrus Apostolus in prima Canonica, ut simus semper parati ad satisfactionem omni poscenti nos rationem de ea, quæ in nobis est, Spe & Fide, sed cum modestia & timore. Cæterum, quia deprehendimus subornatos multos ministros Satanae per varia loca discurrere, & sub specie pietatis quæstiones varias Curatis & Presbyteris parum in ea re exercitatis, coram populo proponere: quibus ipsi Presbyteri non sane ex B. Petri doctrina, cum modestia & timore respondentes, sed cum præsumptione loquentes, quæ non intelligunt, sæpe contingit, ut non solum auditores, sed & se ipsos etiam scandalizent: juxta Patrum Constitutiones omnibus nostræ Dio-

cesis

ceffis prohibemus (maximè verò Presbyteris) ne cum huiusmodi hominibus disputationes de Fide, vel doctrina Ecclesiastica committant, aut disputare audeant, nisi ad Theologiæ gradum aliquem assumpti sint. Sed si a peregrinis interrogentur, & respondere oporteat: Respondeant tantum de suo officio, quod facere tenentur, scilicet administrare Sacramenta secundum formam sibi præscriptam, orare & offerre, pro se & pro populo: declarare simpliciter & absque contentionibus Articulos fidei, Præcepta Decalogi, & Ecclesiæ, opera charitatis, & similia. Quod si quam in his, & aliis similibus rebus difficultatem habuerint, consulant Superiores suos, vel Doctores Viros Catholicos, cum charitate.

DE VERBO DEI.

Fides igitur duplex est: Actualis, & habitualis. Et hæc quidem etiam in duplici ratione subsistit. Nam alia infusa dicitur, uti quam puer rationis adhuc expers, Spiritus Sancti gratia allequitur per Baptismum, cum aliis virtutibus & donis. Acquisita autem ex pluribus credendi actibus generatur: sive illius hæc incrementum sit [quia ab Spiritu Sancto quoque procedit] sive quid aliud, non refert. Nam Marc. ult. prædicabant Apostoli Domino cooperante, & sermonem confirmante, sequentibus signis. Ex prædicatione Verbi Dei fit Actualis fides, quod dicimus credere. Id docet Apostolus illa eleganti gradatione Rom. 10. Quomodo invocabunt, in quem non crediderunt? aut quomodo credent ei, quem non audiverunt? Quomodo autem audient sine prædicante? Quomodo vero prædicabunt, nisi mittantur? sicut scriptum est: Quam speciosi pedes Evangelizantium pacem, Evangelizantium bona! Sed non omnes obediunt Evangelio. Esaias enim dicit: Domine, quis credidit auditui nostro? Ergo Fides ex auditu: Auditus autem per Verbum Christi. Hæc Paulus. Ex quibus patet, fidem de Christo (Actualem scilicet) non esse unquam, nisi audiatur Verbum Christi. Est autem auditus quidam interior per inspirationem, vel revelationem occultam, de qua David: Audiam, quid loquatur in me Dominus: alius exterior. Ad exteriorem hunc fit Dei Verbum tribus modis. Uno per Deum ipsum loquentem homini: ut quando Verbum Domini factum fuit ad Adam, Cain, Abraham, Moysen, & alios. Alio modo per Dei Mini-

stros: ut cum Prophetæ ea referebant, quæ a Deo acceperant. Dicebant enim: Audi Israel, hæc dicit Dominus. Sed hoc Dei Verbum nobis administratur duobus etiam modis: per Scripturam Sacram: & per traditionem Ecclesiæ non scriptam, Ubi doctrina fidei, & eorum, quæ nobis necessaria sunt ad salutem, tanquam per manus tradita absque literis, inde ab Apostolis, & primis Ecclesiæ Ducibus ad nos pervenit. Itaque nisi Scripturis Sanctis credamus, & Ecclesiæ Matris nostræ traditionibus, salvi esse non possumus.

SCRIPTURÆ SACRÆ.

Dicitur Scriptura Sacra Verbum Dei, quoniam Spiritu Dei facta est: sicut verbum hominis dicimus, quod Spiritu hominis sit. Jerem. 1. Ecce dedi verba mea in ore tuo. Et Evangelistæ solent ita loqui: Sicut dictum est a Domino per Prophetam. 2. Petr. 1. Non enim humana voluntate allata est aliquando Prophetia, sed Spiritu Sancto inspirati, loquuti sunt Sancti Dei homines. Scripturæ ergo Sanctæ, seu Canonice sunt, quæ Spiritu Sancto dictante exceptæ sunt. Psalm. 44. Lingua mea calamus scribæ velociter scribentis. Sed earum multiplex sensus esse solet. Primo literalis: ut qui vel ex proprietate verborum, vel usitato tropo, se statim offert, alius spiritualis, vel mysticus: quem Hieronym. allegoricum nominat. Alii Doctores mysticum hunc, sive spirituales, in tres separant, & horum unum vocant Allegoricum, quando scilicet res novi Testamenti significatur in veteri, aliqua metaphora: Anagogicum, qui de futuro regno præfiguratur: Tropologicum, qui mores instruit.

Dicuntur autem Scripturæ Sanctæ, sicut & sanctæ Leges, & sancti muri: quia violari non debent. Ideo Deuteron. 4. Non addetis ad verbum, quod vobis loquor, nec auferetis ex eo. & c. 12. Nec addas quicquam, nec minuas. Nihil tamen prohibet, quin Scripturæ mens declarari possit per libros alios. Nam Exod. 12. 20. 23. 24. Quædam addita reperimus a Moysen, veluti de fasciculo hyssopi, & asperione: de igne non accendendo die Sabbati, de pœna mortis violanti Sabbatum: & (quod non erat in decalogo) addidit, Deum tuum timebis, & illi soli servies, & per nomen illius iurabis. Hæc enim, & alia invenias exposita, quæ non erant scripta prius: sed non erant præter illa, quæ didicerat a Deo Moyses. Sic auctum fuit volumen Bibliorum paulatim. Quia non simul & semel omnia revelata fuerant Ecclesiæ Dei. Et multa quoque sunt in Literis Sanctis obscura, quæ non licet cuiquam pro suo arbi-

trio interpretari. 2. Petr. 3. Sicut & charissimus frater noster Paulus secundum datam sibi sapientiam scripsit vobis, sicut & in omnibus Epistolis, loquens in eis de his. In quibus sunt quædam difficultia intellectu: quæ indocti & instabiles depravant, sicut & cæteras scripturas, ad suam ipsorum perditionem. Hanc igitur ob causam dicitur, scripturas eodem Spiritu esse interpretandas, quo conditæ sint: nempe Dei, & Prophetico. Quare & in Ecclesia primitiva interpretes ejus dici consuevere, Prophetæ. 1. Corinth. 14. B. Clemens Epist. 4. ad Ecclesiam Hierosol. monet, ut Lex Dei, cum legitur, non secundum propriam ingenii virtutem, aut intelligentiam legatur, vel doceatur. Nam hæretici omnes ex Scripturis fundamentum suorum errorum perunt: Diaboli exemplo, qui Dominum autoritate Scripturarum seducere tentavit. Timotheum suum Apostolos alloquens: Qui ab infantia, inquit, Sacras Litteras didicisti, quæ te possunt instruere ad salutem per fidem, quæ est in Christo Jesu. Quasi dicat, sine fide non profunt ad salutem: nec sine lumine fidei intelligi possunt. Nisi credideritis, inquit, Esai. 6. non intelligetis. Faciles ergo sunt, cum a Deo declarantur. Hinc impudentia coarguitur hæreticorum. Nam si adeo faciles sunt: quæro, cur inter se super eis dissentiant ipsi? Non sic profecto Petrus Apostolus, 2. Pet. 3. Nemo igitur proprio sensu has interpretetur. Verum ubi difficile quid acciderit, referat ad Ecclesiam. Ita jusserunt Patres. Clem. ad Jacob. c. 7. Tertull. de præscrip. Hieron. ad Damasum, Aug. contra Ep. fund. Et res patet ex Exod. 18. Deuter. 7. Matth. 10. 22. Malach. 2. 1. Timot. 3.

Dicuntur nonnunquam etiam scripta Pontificum & Doctorum Sanctorum, Sacræ Scripturæ: sed ad hoc, ut distinguantur a prophanis. Sic Jus Canonicum lex Divina, Imperatorium vero Civile, a Justiniano in Auth. (f)

TRADITIONES.

Non semper intrinsecus illuminatione Deus inspirat, quæ nos scire vult, nec omnia in Literis Sacris reperiuntur explicita: sed per aliorum sæpe nos doctrinam intruit: ut aliis acceptam feramus nostram institutionem. Sic Moisen a focero doceri voluit: Paulum ab Anania: Cornelium a Petro: Euenuchum Candacis a Philippo. Multos etiam per afflictiones admonet, resipiscentiæ: sed hoc non sine illis aliis. Nam ad discernendum Verbum Dei, requiritur primo lumen

fidei, quod ab Spiritu Sancto datur: Miraculorum certitudo: Ecclesiæ consensus. Nam si contra, quam tenet Ecclesia, doceat, qui miracula operetur, explodendus erit. Et qui novam doctrinam in religione adferunt, sine miraculorum certitudine, explodendi. Moses enim quantis cum miraculis legem suam tulit? Noe suam, quæ tamen lex naturæ erat, liberatis a diluvio filiis accepit. Et Abraham circumcisionis, conceptio miraculose Isaac. Christus, Si opera, inquit, non fecissem, quæ alius nemo potest facere, peccatum non haberent. Christi Lex præterea legem Mosaicam perfecit, in quo erat infirma. Hæc naturæ munimen fuit: concupiscentiam enim nesciebam, nisi lex diceret, Non concupisces. Naturæ denique lex Divinæ rationis imago est: Nunc ergo si vel autoritate magna Angelus de caelo, vel miraculis editis quibuscunque alius, contra traditam ab Apostolis & a Christo doctrinam, evangelizet, Anathema esto. Miracula enim fiunt a Deo in confirmationem veritatis: quia Deus mentiri non potest. Ergo falsa existimato miracula, & illusiones, fraudesque diaboli, vel malorum hominum, si contra quam accepimus ab Ecclesia, tibi quis per res stupendas persuadere aliquid moliat. Stare, inquit, & tenere traditiones, quæ didicisti, sive per sermonem, sive per epistolam. Et alibi: Laudo vos fratres, quod mei memores estis: & sicut tradidi vobis præcepta mea, teneatis. Hinc pater, inquit Chrys., non omnia per epistolam, sed multa etiam sine literis Apostolos Christi tradidisse. Eadem vero fide digna sunt tam illa, quam ista. Et subdit Ambrosii sententiam Traditio est: nihil quæras amplius. Origenes in Epist. ad Titum, Hæreticum esse, ait, qui Christo credere se profiteatur, & tamen aliud credit, quam traditio Ecclesiastica habeat. Traditiones Apostolus (Tertulliano interprete de præscrip.) depositum vocat. O Timothee, depositum custodi, devitans profanas vocum novitates & oppositiones falsi nominis scientiæ. Est itaque traditio hæc, de qua loquimur, doctrina Ecclesiastica Verbi Dei: tanquam per manus viva voce, de animo in animum transfusa, & communi fidelium consensu recepta. Et quæquam Scriptura Sacra possit traditio appellari: nos tamen doctrinæ causâ distinguimus, sicut & Sancti Doctores distinxere. Commendatur nobis, Hierem. 31. Tradam in cordibus eorum, &c. Eccl. 8. Non te prætereat narratio seniorum: ipsi enim didicerunt a Patribus suis. Proverb. 22. Ne transcamus terminos antiquos. 2. Thessal. 2. State & tenete traditiones. 1. Corinth. 11. Ritum orandi & Eucharistiæ traditionibus contineri docetur. Cæ-

(f) Auth. 1. Ut Clerici, de Juramento calum. c. 1. c. Cum diversis, de Privilegiis, in 6. glo. c. Ex diligenti, de Simonia.

Cæterum doctrina sic per manus tradita, & de animo in animum [ut loquitur Dionysius] transfusa, duplex invenitur. Una Fidei est, altera consuetudinis. De hac Terullianus antiquissimus, in lib. De corona militis. Objicientibus, inquit, nobis hæreticis, quonam scripturæ loco demonstrêmus hæc (scilicet Eucharistiæ Sacramentum non de aliorum manu, quam Præfidentium sumere: Oblationes pro defunctis, Pro natalitiis annua die facere: Dominico die jejunium nefas ducere, vel geniculis adorare: eadem a Paschate ad Pentecosten jejunii immunitate gaudere: ad omnem progressum atque promotorum frontem signaculo Crucis terere) & horum, & aliarum disciplinarum, si legem Scripturarum postules, invenias nullam. Traditio tibi prætenditur auctrix, consuetudo confirmatrix, & fides observatrix. Traditio est, [ait etiam Basilius] nihil quæras amplius. Multa enim tradi oportuit Prælati Ecclesiæ, & Successoribus, quæ literis non expediebat mandare: ne margaritas projicerent ante porcos. Prodiit quidem vulgum nimium tremenda myſteria, in contempnum jam venire. Propter ritus itaque ab Ecclesiâ huc usque servatos, legendi sunt Patres antiqui: si non ad auctoritatem, saltem ad antiquitatem, ut loquitur Hieronymus. De rebus autem credendis prior fuit traditio, quam scriptura: quia Ecclesiâ aliquando sine scriptura fuit. Ante Moſen Patriarchæ fidem Dei coluerunt, & sacrificia obtulerunt. Christus Dominus nihil scripsit. Et Apostoli ante descripta Evangelia viva voce Christum prædicarunt. Luc. i. Sicut, inquit, tradiderunt nobis, qui ab initio ipsi viderunt. Nec nunc quidem omnia sunt expressa Sacris Literis, quæ Christianam doctrinam spectant: ut de Baptismo parvulorum: de Mariæ perpetua virginitate: de processione Spiritus Sancti a Filio: de Trinitatis personarum una essentia: & aliis multis, quæ non negant nunc, nisi hæretici. Quærit D. Augustinus, (g) Si consuetudo adversatur Sacræ Scripturæ, quid agam? Respondet idem, Scripturam sequendam. Non enim dixit Dominus, Ego sum consuetudo, sed: Ego sum veritas. Sed tu Pastor Ecclesiæ, si quid tale tibi accidat, refer ad Prælatum, vel ad Synodum. De variis etiam particularium Ecclesiarum ritibus interrogatus ab eodem Augustino Ambrosius, nullam esse meliorem disciplinam, respondit, quam, ut eo modo agamus, quo agere viderimus Ecclesiâ, ad quam venerimus: ne cui finis offenculo. Sunt enim traditiones aliæ generales totius Ecclesiæ universalis: aliæ particulares singularum, aliæ quoque multarum. Author est idem Aug.

lib. 3. de Bapt. parv. & Epist. 18. cont. Donat.

DE LIBRIS CANONICIS, & de prohibitis.

Necessarium omnino duxerunt Patres (ut tanquam a tritico separarent zizania) librorum catalogum, solenni more Ecclesiæ, describere, tam veteris, quam novi Testamenti: idem nobis hic faciendum censemus, ut in promptu habeant Viri Ecclesiastici, & distincte, omnes & singulos, quos pro Sacra & Canonica Bibliorum scriptura Synodus Tridentina suscepit. Sunt autem infra scripti Testamenti veteris: Quinque Moſis, id est, Genesis, Exodus, Leviticus, Numeri, Deuteronomium, Josue postea, Judicum, Ruth, Quatuor Regum, Duo Paralipomenon, Esdræ primus, & secundus, qui dicitur Nemasias, Tobias, Judith, Hester, Job, Psalterium Davidicum centum & quinquaginta Psalmorum, Parabolæ, Ecclesiastes, Canticum canticorum, Sapientia, Ecclesiasticus, Iſaias, Jeremias, [cum Baruch] Ezechiel, Daniel: Duodecim Prophetæ minores, id est, Ozea, Joel, Amos, Abdias, Jonas, Micheas, Naum, Abacuch, Sophonias, Aggaeus, Zacharias, Malachias: Duo Macchabæorum, primus & secundus.

Testamenti novi sunt: Quatuor Evangelia, secundum Matthæum, Marcum, Lucam, & Joannem: Actus Apostolorum a Luca Evangelista conscripti, Quatuordecim Epistolæ Pauli Apostoli, ad Romanos, duæ ad Corinthios, ad Galatas, ad Ephesios, ad Philippenſes, ad Colossenses, duæ ad Theſſalonicenses, duæ ad Timotheum, ad Titum, ad Philemonem, ad Hebræos, Petri Apostoli duæ, Joannis Apostoli tres, Jacobi Apostoli una, Judæ Apostoli una, & Apocalypſis Joannis Apostoli.

STATUTUM I.

Horum Librorum Sacrorum veterem ac vulgatam editionem solum veneramur, & in Officio Ecclesiastico, publicis lectionibus, & expositionibus, pro Authentica habendam declaramus: Cæteras vero eorum voluminum integras versiones in vernaculum, vel latinum idioma, sic prohibemus, ut nisi licentia in scriptis obtentâ, nemo habere audeat Biblia vernacu-

(g) Aug. lib. 3. de Bapt. parvul.

Tonius VIII. Concilior. German.

nacula, vel ab aliquo alio traducta, sub pœna excommunicationis : quia omnes depravatæ sunt ab hæreticis.

II.

Hæresiarcharum libros omnes, cuiuscunque argumenti vel tituli fuerint, prohibemus : veluti Lutheri, Stancari, Serveti, Zuinglii, Calvini, Pacimontani, Zuenfeldii, Bucceri, Davidis Georgii, Rinchii, Petrobusii, Valdoris, Brentii, & similium, qui hæreticorum duces fuere. Aliorum quoque hæreticorum libri, qui de Religione ex professo tractant, omnes damnantur. Sed qui aliis de rebus, & non de Religione : Authores autem eorum hæreticos fuisse constat, sine licentia in scriptis obtenta nemo habeat.

III.

Prohibemus libros omnes incantationum, vel sortilegiorum, atque superstitionum. Item qui res lascivas, atque obscenas ex professo narrant, aut docent. Ab Ethnicorum autem huiusmodi prælectionibus (licet doctorum & elegantium) arceatur ætas puerilis.

IV.

Libros de rebus sacris sine nomine Authoris, nisi examinatos prius, probatosque ab Ordinario, edere, vendere, aut apud se retinere, nemo audeat, sub pœna anathematis. Eosdem in locis suspectis impressos prohibemus, eadem pœna.

DE HÆRESI & HÆRETICIS.

IN multis rebus errare nullum, aut minimum peccatum est, ut ait Augustinus [b] : Sed hæresis gravissimum peccatum est. Melius erat illis, inquit Petrus Apostolus, (i) non cognoscere viam iustitiæ, quam post agnitionem retrorsum converti ab eo, quod illis traditum est, sancto mandato. Dicendum ergo, quid sit hæresis, quis hæreticus, vel schismaticus, quæ propositio hæretica, quæ sapiens hæresim, quæ scandalosa, blasphema, temeraria, erronea, absurda. Quin etiam quo modo vitandi hæretici, at-

que agnoscendi. Sunt namque hæc omnia Pastoribus scitu valde necessaria, non solum Prælati maioribus, sed etiam aliis Viris Ecclesiasticis.

Hæresis Græce, (id est, electio) Latine secta dicitur. Quales præcipuæ fuerunt olim quatuor Philosophorum : scilicet Stoicorum, Epicureorum, Academicorum, & Peripateticorum. Horum namque unusquisque suam eligebar opinionem & doctrinam, quam pertinaciter tuebatur. Hinc merito factum, ut inter Christianos, si quis contra communem opinionem omnium credentium obstinate sentit (hoc est contra fidem Catholicam) hunc hæreticum, id est, sectarium, & factiosum nominamus. Definunt ergo Doctores, hæresim, dogma falsum, fidei Catholicæ contrarium. Sed ne Judæos, Mahumetanos, & Paganos (qui omnes contra fidem Catholicam sentiunt) inter hæreticos ponamus, qui potius infideles, quam hæretici dici solent : addendum aliquid est huic definitioni, nimirum, In eo, qui Christianam fidem professus est. (k) Itaque, nisi Religionem Christi professus fuerit quis, hæreticus dici non possit. Quare deductis omnibus jam proprietatibus, sic definimus hæreticum, Qui post susceptam Religionem Christianam, Christi fidem in genere profitendo, aliquam in specie opinionem Catholicæ fidei contrariam pertinaciter tenet.

Ex his habemus, quinque requiri, ut quis proprie hæreticus dici possit. Primum, quod sit fidem Catholicam professus, non Paganus, vel omnino infidelis. Secundum, quod credat aliquid fidei nostræ Christianæ contrarium. Nam si omnia post veritatem agnitam neget, apostata vocatur. Is fuit Imperator ille nefandus Julianus. Tertium, quod errorem habeat in intellectu. Alioquin enim agens aliquid, vel proferens impium, & contra veritatem Catholicam, non ex errore opinionis, sed vel ex ira, vel libidine, vel metu, vel alia passione motus, non statim dicitur hæreticus, licet gravissime peccet. Quamquam certe posset tanquam hæreticus aliquando puniri, ob aliquas circumstantias. Ut Judæus, si post Baptisma susceptum redeat ad caeremonias Judaicas : & qui semel hæresim abjuravit, si eandem deprehendatur asserere : omnes huiusmodi, quod hæresim in opinione habere adhuc videantur (non enim passione moti videntur magis sensitivæ partibus, quam opinione intellectivæ) tanquam hæretici condemnantur. Quarto requiritur, quod sit de his, quæ sunt fidei vel bonorum morum ad assequendam vitam æternam. Nam in aliis si quid aliter, quam se res habeat, sentia-

(b) Aug. encher. cap. 20.

(k) Car. de turre crem. lib. 4. de pot. Pap.

(i) 2. Petr. 2.

S. Th. 2.2. q. 11.

sentiamus, non magnum periculum est. Quinto & ultimo, quod errorem pertinaciter defendat. Eam ob rem dicebat idem B. Augustinus (k): Errare potero, hæreticus non ero. Namque hæresis electio est: & hæreticus privatæ adhæret opinioni, peculiaremque sententiam tuetur, contempta communi. Unde & paradoxon etiam Græce vocari potest hæresis, id est, admirabile: nam & admirabile hoc, quod Paradoxum dicitur, contra communem opinionem est. Ceterum licet parum inter se differant: tamen aliis in rebus inveniri potest Paradoxum, quam in fide. Quod si in fide aliquando etiam contingat, non statim hæresis dicitur: nisi voluntatis electio subit. Id significare voluit Cicero (l), Cato, inquit, perfectus mea sententia Stoicus, ea sentit, quæ non sane probantur in vulgus: & in ea est hæresis, quæ nullum sequitur florem orationis.

Inter schisma vero & hæresim hoc interest, quod hoc perversum dogma habet: schisma autem separationem facit ab unitate Ecclesiæ, & unius obedientia Prælati. Dictio enim Græca est, id est, scissura, sectio, divisio, dissidium, dissensio. At vero schismaticorum quidem hæc natura esse dicitur, ut hæresim illico aliquam excogitent, quo ab Ecclesia videantur jure recessisse. Itanos docuit D. Hieronymus (m), & experientia didicimus nostra hac tempestate: & in Jeroboam (n), Regem Israel, exemplum habemus evidentissimum.

Sed ut caput hoc concludamus, apponenda est sententia D. Augustini in lib. de Baptismo contra Donatistas. Si aliquis, inquit, jam hoc sentiat de Christo, quod Photinus opinatus est, & in Ecclesia Catholica baptizatur, & hoc credit esse fidem Catholicam: nondum dico esse hæreticum, nisi manifesta doctrina Catholicæ fidei resistere maluerit, & illud, quod tenebat, elegerit. Ex his inferunt, ne peccare quidem idiotam, quem ignorantia excusat. Quod non omnes æque teneantur ad omnia intelligenda. Plebi rudi sufficit articulos Symboli explicite credidisse: non item aliis.

DE PROPOSITIONE HÆRETICA, & ejus differentiis.

Est ergo veritas fidei nostræ Catholicæ revelata a Deo, in se primum, vel in suo antecedente. In se quidem, ut Sacra Biblia: in suo antecedente, ut quæ ex Bibliis Sacris necessariæ deducuntur. Quamobrem non in eodem gradu veritatis Catho-

licæ necessario credendæ est, quod ex verbis sacris deducitur, atque id, quod est in ipsis expressum. Et ideo quicquid dicitur & per se contradicit Sacræ Scripturæ, (novi vel veteris Testamenti) hæreticum est in primo gradu. Sunt in alio gradu traditiones a temporibus Apostolorum receptæ. Deinde Conciliorum universalium in fide definitiones: tum si quæ sunt similes Sedis Apostolicæ: ac denique Doctorum Ecclesiæ, ubi inter se conveniunt. Contra hæc omnia sentire, hæreticum est in suo gradu. Dicuntur enim Pontificum & Doctorum Sacræ Scripturæ, ut supra docuimus.

Sapere autem hæresim, dicitur illa propositio, quæ adjuncta alia propositione vera, vel quæ negari non possit, infert propositionem vere hæreticam. Ut si quis dicat Gregor. XIII. non esse Papam, saperet hæresim: quia Gregorius habetur rite electus a Collegio. Qui autem rite electus est, vere est Papa. c. In nomine Domini. 23. 4. dist. c. De evitanda. De elect. c. Ubi periculum. eo. lib. 6.

Propositio impertinens dicitur, quæ nec sequitur necessario, nec repugnat veritati Catholicæ. Exempli causa, Si quis asserat vel neget B. Joseph fuisse mortuum tempore Passionis Domini. Hoc enim nihil refert ad fidem Catholicam. Et ea de re disputant aliquando Doctores inter se. Quamquam certe impertinens omnis illa dicitur, quæ nec inferitur ex antè dictis, nec aliquid ante dictorum infert.

Propositio temeraria est, quæ nulla ratione vel autoritate subsistit. Ut si quis dicat, anno proximo futurum esse finem mundi. Erronea, quæ falsa tanquam vera asserit vel negat: ubi qui asserit vel negat se verum loqui putat. Ille enim proprie errare dicitur, qui se scire æstimat, quod tamen nescit. c. Quamvis. 38. dist. Qui error, si contra fidem esset, tunc hæresis diceretur, non solum error.

Propositio injuriosa, seu contumeliosa, quæ honori vel dignitati personæ, vel ordinis & gradus alicujus detrahit.

Scandalosa, seu piarum aurium offensiva, quæ præbet auditoribus occasionem ruinæ, & casus in hæresim, vel in peccatum mortale. Hujus generis sunt, quæ quamvis cum determinatione aliqua, vel restrictione veræ sint: tamen simpliciter & absolute sumptæ, videntur favere hæreticis, cum aliter loqui soleant Catholici. Ut si quis diceret simpliciter, Patrem majorem esse Filio

E 3 in

(k) August. de lib. arb. l. 3. & Eneh. c. 13.

(m) Hier. in ep. Tit. c. 3.

(l) Parad. c. 1.

(n) 3. Reg. 12.

in Divinis. Furari non esse magnum peccatum.

Schismatica, quæ ad seditionem & inobedientiam spectat.

Impia, quæ contra charitatem Deo debitam, vel Sanctis, vel patriæ, vel parentibus.

Blasphemia, quæ contra honorem Dei: ut quæ directe vel indirecte contumeliam Deo infert, vel Sanctis ejus, vel Sacramentis Ecclesiæ. Et etiam omnis illa, quæ Deo tribuit, quæ non conveniunt, vel demit ei, quæ conveniunt, vel creaturæ tribuit, quod Dei proprium sit. Blasphemia enim Græce, contumelia est latine. Pœna autem blasphemii, mixti fori est, nisi hæresim habeat admixtam. Quia si contra fidem Catholicam aliquid proferatur: jam juris Ecclesiastici sit, & ad Inquisitores pertinet.

Abfurda denique erit, quæ a sensu communi abhorret.

Eadem autem simul & male sonans esse potest, & sapiens hæresim, & blasphemia, & schismatica, & temeraria, & scandalosa, & absurda.

QUOD VITANDI SUNT HÆRETICI, & revelandi.

EX jure Civili, pertinacium hæreticorum pœna capitalis est, seu mortis. 1. Arriani. C. De hæreticis. 1. Ultimum supplicium. ff. De pœnis. Jure autem Canonico & Divino excommunicati sunt, & ab omnibus vitandi. Id docet Apostolus Paulus multis in locis. Ad Tit. 3. Hæreticum hominem post unam & secundam correptionem devota. Rom. 16. Rogo vos fratres, observetis eos, qui dissensiones & offendicula præter doctrinam, quam vos didicistis, faciunt: & declinate ab eis. 2. Thess. 3. Denunciamus vobis in nomine Domini, ut subtrahatis vos ab omni fratre ambulante inordinate, & non secundum traditionem, quam acceperunt a nobis. 1. Corinth. 6. Si quis non obedit verbo nostro, per Epistolam hunc notate. & ne commisceamini cum illo. 2. Corinth. 6. Nolite jugum ducere cum infidelibus. Esa. 52. Recedite, recedite, & poluturum nolite tangere. Narratur historia in lib. 3. Regum [9], notanda, de Viro Dei & Propheta, qui missus a Deo ad Jeroboam Regem Israël schismaticum, cum contra Dei præceptum, panem in terra Israel comedisset, rediens, a Leone interemptus in via est. De Beato Antonio scribit Athana-

sius, nunquam se misuisse schismaticorum conviviis, nec Manichæis, aut aliis hæreticis verba amice largitur, nisi quæ possent eos ab errore revocare: dicens, tales amicitias esse animæ perditionem. Leo primus, in Ecclesia celeberrimus Pontifex multa scripsit (p) de vitandis hæreticis. Cyprianus Martyr constantissimus, Nulla cum talibus commercia copulentur, inquit, convivia vel colloquia misceantur: & sumus ab eis tam separati, quam de Ecclesia sunt profugi. Qui unitati & paci Christi inimicus est, nobiscum non potest coherere. Si cum precibus & satisfactionibus veniant, audiantur: si maledicta & minas ingerant, respiciantur. Apostolus Tiro (q) scribit, ut tales deviter, cum sint proprio judicio condemnati. Cætera vitia (inquit Hieronymus in hunc locum) & criminosi reliqui per Sacerdotes ab Ecclesia repelluntur: hæretici sententiam ipsi in se ipsos ferunt, suo arbitrio ab Ecclesia recedentes: quæ recessio, propriæ conscientiae videretur esse damnatio. Ideo videtur Joannes (r) dicere: Ex nobis exierunt, sed non erant ex nobis. Et Paulus, (s) Non sumus nos filii subtractionis, in perditionem: sed fidei, in acquisitionem animæ. Plura ad Constantium Lucifer Episcopus.

Ex his omnibus probatur, non ab re pro excommunicatis haberi omnes, qui cum hæreticis participant, non solum manifesti, sed etiam suspecti de hæresi: qui vocati scilicet, & ad arbitrium Episcopi purgari noluerint. Et excommunicantur illi, qui scienter tradunt Ecclesiasticæ sepulturæ fautores hæreticorum, & defensores, receptatores, credentes. Dicuntur autem credentes, qui hæreticorum doctrinam implicate laudant, aut personas. Nam si explicitè doctrinam probent: jam non tantum credentes hæreticis, sed vere hæretici dicuntur. Receptatores vocamus, qui hæreticos recipiunt in domibus suis, vel terris, semel vel pluries, publice vel occulte, ne videantur a populo, vel capiantur. Non autem, si causa hospitii, vel convivii publicæ. Fautores vero, qui publica autoritate fungentes, punire, vel expellere condemnatos ab Ecclesia negligunt. Privati autem, si celant eosdem hærenicos, postquam juraverint indicare, sunt excommunicati. Sed in Hispania statutum est, omnes scientes, & non revelantes, esse excommunicatos, & reos criminis. Excommunicati sunt etiam a jure, qui eos laudant, vel excusant, alunt, fovent. Defensores sunt, qui resistunt, ne in manus Judicum deveniant, puniendi ob hæresim, vel examinandi. Omnes hi excommunicati sunt ipso facto.

Non

(o) 3. Reg. 13.

(s) Heb. 10.

(p) Lib. Epist. 3. & 4.

(q) Tit. 3.

(r) 1. Joan. 2.

Non immerito igitur Leo idem Sanctifiquis, non solum vitandos esse docuit, sed etiam Presbyteris prodendos. Quia, inquit, qui tales non prodendos putant, in iudicio Dei inveniuntur rei de silentio, etiam si non contaminentur assensu. Et idem sermone 4. De collectis: Magna pieras est prodere latebras impiorum: & in eis debellare diabolus, cui serviunt. Contra quos omnem terrarum orbem, & totam ubique Ecclesiam decet fidei arma corripere. Cavendi sunt, ne noceant: prodendi, nequa civitatis nostræ in parte subsistant, &c.

Sed hæc omnia intelligenda sunt de nominative expressis, & notoriis: quia vere hæretici difficile dignoscuntur. Veniunt [inquit Salvator] in vestimentis ovium: intus autem sunt lupi rapaces. Sed ut eos cognoscamus, subdit: Ex fructibus eorum, cognoscetis eos. Interrogare posset quis ex verbis Christi, Quid? an ex operibus secundum vitia vel virtutes? veluti continentia, charitatis, devotionis: ut si hæc præ se ferant bonæ, sanæque esse doctrinæ arbitremur? Nequaquam. Quoniam Pelagius hæreticus nobilissimus præter cæteros, opera ostentare poterunt perfecti hominis in vita sua: Sed quid ait Christus? Nunquid colligunt de spinis uvas, aut de tribulis ficus? Ex verbis his Domini suspectos habere debemus omnes eos, qui novitates docent in fide. Siquidem hi non Christum, sed se ipsos prædicant: & gloriam propriam querunt. Ideo ex se ipsis loquuntur, id est, suam, non Dei doctrinam tradunt. Nota quæso: & mali cum ipsi sint, omnisque homo mendax: sequitur & arborem & fructum malos esse. Non enim producant spinæ uvas, nec humana ambitio Dei sapientiam. Dicebat Salvator Dominus: Qui a semetipso loquitur, gloriam propriam querit: mea doctrina non est mea: sed ejus, qui misit me [x]. Hæc Christus. Sed isti, quid? ita Chrysostomus, vel Augustinus: sed ego aliter. Hactenus ita senserunt idiotæ: sed ego tenebras excutiam. Verum Apostolus novatores istos procul abigendos censuit, & a novitate doctrinæ dehortatur Timotheum suum. (u) Deposito, inquit, custodi, devitans profanas vocum novitates. Huic quidem novo, maloque fructui junctus est alius: licentia nimia in sententiis suis. Contra hanc Jacobus Apostolus (x): Si quis putat se Religiosum esse, non refrænans linguam suam, sed seducens cor suum, hujus vana est religio. Junctus & alius est non minus malus: Impatientia reprehensionis. Neque enim se corrigi sustinet hæreticus, ut patet ad Tit. 3.

Noverint ergo Ecclesiarum Pastores, hoc differre fidei doctrinam ab humanis & sæcularibus disciplinis, quod in his rerum novarum inventores in pretio sunt: in præceptis & doctrina pieratis, omnis novitas suspecta habetur. Cæterum ne temere quemvis de hæresi accusent: regulas observanto supra positas. Et quod propter solam mentalem hæresim neminem putent excommunicatum, nisi extrinsecus illa appareat. Nam occulta illa est per se. Nec de ea loquitur Concilium Trident. cum solum Episcopum posse absolvere determinat: verum de ea, quæ probari non potest. Alioqui de per se occulta quilibet Sacerdos potest.

DE ORATIONE DOMINICA.

Pater noster.

Sicut Fides Symboli frequenti meditatione confirmatur: sic Spes Orationis Dominicæ frequenti usu. Nam si nomen spectes Patris, quod in præfatione positum est: quis non in spem erigatur, omniaque & regnum (etiam ipsum Patris) tanquam filiis præparatum, non speret? Reliqua etiam, quæ Salvator nos postulare docet, magnam in ea fiduciam esse collocandam innuit. Idcirco eam semper in ore tenebimus, & in corde. Qua de causâ Patres eam quotidianam appellarunt. Delat enim hæc (ut eorum verbis utamur [y]): minima & quotidiana peccata. Delat & illa, a quibus vita fidelium, etiam scelerata gesta penitendo in melius discedit mutata. Ad ejus ergo declarationem pergamus. De oratione autem generaliter suo loco dicemus. Nomen Patris ideo Deo convenit, quia Creator noster est, & Rector & Redemptor. Hæc pro populo fideli Sacerdos in Missæ Sacrificio agnoscens, cantat alta voce: Præceptis salutaribus moniti, & Divina institutione formati, audemus dicere: Pater noster. Nam Apostolus ad Rom. 8. Non accepistis Spiritum servitutis iterum in timore, sed accepistis Spiritum adoptionis filiorum, in quo clamamus Abba Pater. Joan. 1. Dedit eis potestatem filios Dei fieri, & 1. Joan. 3. Videre qualem Charitatem dedit nobis Pater, ut filii Dei nominemur, & simus.

Qui es in Cælis.

Quamquam Deus præsens adest locis omnibus & rebus, nullis terminis definitus: (dicit enim per Prophetam, Nunquid non cælum & terram ego impleo? Et in Psal.

(f) Joan. 7.

(u) 1. Tim. 6.

(x) Jacob. 1.

(y) Conc. Tolet. 4. cap. 9. ex August. in Enchir.

Psalmis, Si ascendero in cælum, tu illic es: Si descendero in infernum, ades; tamen in Divinis Scripturis sæpe dicitur habere sedem suam in cælo: quod cæli sint nobilissima pars mundi, in sublimi orbe positi, nullique corruptioni obnoxii, sed constantes, & inferiora hæc influxu, cursuque suo gubernantes, incorruptibiles, vi & pulchritudine, magnitudineque præstantes. In quibus elucet maxima ejus potentia, sapientia, & majestas; sicut interpretatur Salomon 2. Paralip. 6. Tu exaudies de cælo, de sublimi scilicet, inquit, habitaculo tuo. & rursum: Exaudies de cælo, hoc est, de firmo habitaculo tuo. Cumque omnia, quæ a Deo postulamus, cum bonis cælestibus jungenda sint, & ad eum finem dirigenda, sicut scribit Apostolus ad Coloss. 3. Si confurrexistis cum Christo, quæ sursum sunt, quærite, non quæ super terram. Nam terrena & corruptibilia contemnentes, ad Deum, qui Spiritus est incorruptibilis, aspiramus. Ideo cælum Dei sedes dicitur: & nos orantes Deum ad cælum oculos tollimus, quia cæli supra hæc omnia positi cernuntur, sicut & Deus super omnia est immotus in se permanens.

Sanctificetur nomen tuum.

Observanda diligenter est forma orandi hæc, quam Dominus noster & Advocatus Dei Filius, Verbum Patris, & Sapientia summa, quique semper exauditus est pro sua reverentia, præscripsit. Invenias hic partes omnes, & qualitates perfectæ orationis, quas viri contemplationi dediti retinuerunt. Quibus, si animum intendas, maximum accipies fructum ex oratione. Sunt autem hæc: Gratiarum actio, meditatio, oblatio, postulatio, contritio, deprecatio: cum charitate, fide, spe, & perseverantia. Et Gratiarum quidem actio hic est: *Sanctificetur nomen tuum.* Meditatio, *Adveniat regnum tuum.* Et quia in orando multa meditari oportet, ideo iteratur meditatio in illis verbis: *Sicut in cælo & in terra.* Tertia est oblatio: *Fiat voluntas tua.* Quarta postulatio, *Panem nostrum quotidianum da nobis hodie.* Quinta est contritio & poenitentia de peccatis: *Dimitte nobis debita nostra, &c.* Sexta deprecatio: *Ne nos inducas in tentationem, &c.* Charitas erga Deum in tribus illis articulis exprimitur, per quos Dei gloriam postulamus: Videlicet, sanctificationem nominis Dei, adventum regni ejus, & obedientiam exhibendam ab omnibus voluntati ejus. Fidem & fiduciam, sive spem in præfatione profitemur, Pater noster: Deprecatio denique illa, quæ in fine facta est [*Et ne nos inducas in tentationem, sed libera nos a malo*] perseverantiam docet esse ne-

cessariam, ut oratio nostra impetret, quæ postulemus. Omnia hæc sub orandi forma paraphrastica & lingua vernacula, habes in libello a nobis correcto Officii Beatæ Mariæ, vulgo: *Heures de nostre Dame à l'usage de Bezançon.* Charitatis ergo ordo postulat, ut Dei gloriam primo, & ante omnia desideremus. Quoniam supra omnia Deus diligendus est. Gloriam, inquam, non qua beatus in se ille est, (hoc ei non deest) sed ut ab hominibus colatur, magnificetur, gloriosus agnoscat, & prædicetur. Hoc enim significat Verbum sanctificare in hoc loco, honorare, glorificare, pio cultu & solemniter celebrare. Ut Levit. 10. Sanctificabor in iis, qui appropinquant mihi. Cultus iste latius dicitur & exhibetur, primo quidem fide, spe, & charitate: deinde voce, ut hymnis, canticis, & orationibus: tertio corpore, ut genu flectendo, erigendo, adorando: quarto bonis externis, ut thurificationibus, luminaribus, corollis, donariis, decimis, & similibus rebus, animi pietatem coram Deo & Angelis ejus atque hominibus, contestantibus. Considerantes igitur beneficia, quæ a Deo accepimus, gratias agendo, votis omnibus desideramus, ut pro dignitate sua laudetur & glorificetur ab hominibus: ut gentibus omnibus innotescat nomen Dei nostri: ut ad fidei Christianæ confessionem nationes omnes conveniant: ut virtute Sancti Nominis ejus, quod invocatum est super nos, mudentur peccatores ab impuris cogitationibus & operibus malis, & sancti sint sicut ipse sanctus, id est, purus & mundus est. Denique ut luceat lux nostra coram hominibus, ut videntes opera nostra bona, glorificent Patrem, qui in cælis est. Considerantes enim conversationem nostram bonam, quam habemus inter gentes, glorificabunt Deum.

Adveniat regnum tuum.

Hic contemplatio fieri debet ex consideratione futuræ felicitatis. Cui si calamitosam hujus vitæ conditionem opponamus: sic ut ex una parte status nostri miseria, ex altera summam illius Patriæ cælestis & paternæ domus beatitudinem, bonorumque omnium inenarrabiles divitias, meditemur: mirum concipiemus amorem & desiderium Regni cælestis. Ex meditatione autem hac, devotio generatur: sine qua muta est, & sine sensu oratio. Sed de oratione & devotione quidem postea. Nunc discant simplices Clerici, verbum hoc: Regnum Dei, varia significare in Scriptura Sacra. Significat Dei potentiam & providentiam, quibus omnia ille regit & moderatur. Sic dicitur Ester 13. Domine Deus Rex omnipo-

nipotens : in ditione enim tua cuncta sunt posita. Significat singularem illam curam & providentiam, qua Deus tuetur specialiter pios ac sanctos homines. Sic dicitur Psal. 22. Dominus regit me, & nihil mihi deerit. Et Isaïæ 33. Dominus Rex noster, ipse salvabit nos. Regnum hoc Christus dicit Pilato non esse de hoc mundo : quia non a mundo acceperat, sed a Deo Patre. Psal. 2. Ego autem constitutus sum Rex ab eo super Sion montem Sanctum ejus : & sequitur, Prædicans præceptum ejus. Namque Regnum hoc Dei [ut inquit (2) Apostolus] est justitia, & pax, & gaudium in Spiritu Sancto, id est, fides, spes, charitas : per quas virtutes, regni ejus participes efficiuntur, Deo subjecti in omnibus, & consecrati per sanctam religionem & gratiam. De hoc regno (quod justitia justificatorum est) dixit Christus : Regnum Dei intra vos est. Itaque qui in gratia Dei sunt per justitiam & gratiam gratum facientem : illi in regno Dei sunt. Quanquam & per fidem regnat Christus in omnibus, qui in gremio Ecclesiæ Catholicæ manent. Ergo gratia Dei regnum Dei dicitur, & fides etiam regnum Dei est. Sed per excellentiam regnum Dei gloria æterna : de quo Christus, Venite benedicti Patris mei, possidete paratum vobis regnum a constitutione mundi. & Joan. 3. Nisi quis renatus fuerit ex aqua, &c. Et, Domine memento mei, quum veneris in regnum tuum. Petimus ergo uno modo, ut regnum Dei, quod est Ecclesia Christi, propagetur : conversis ad fidem Catholicam infidelibus. Petimus etiam, ut regnum Dei (id est, gratia) veniat ad eos, qui per peccata sua ab Deo distracti sunt. Petimus denique, ut solus regnet in nobis in gloria æterna & felicitate, quam nec oculus vidit, nec auris audivit, nec in cor hominis ascendit.

*Fiat voluntas tua sicut in cælo,
& in terra.*

Hæc est tertia pars Orationis Dominicæ, in qua oblatio fit omnium actionum nostrarum animi, & corporis, & rerum : atque adeo nostri : ut his omnibus Deus utatur pro sua voluntate, non nostra, nisi grata sibi fuerit. [a] Non enim alii intrabunt in regnum cælorum, nisi qui fecerint voluntatem Patris cælestis. Si quid igitur in nobis boni est, cum a Deo fit, Deo offeramus, ut in eo fiat voluntas Dei. Si pauper sis, infirmus, ignobilis, abjectus, feras æquo animo : judiciumque tuum Divinæ subjiciens voluntati, dicito : Fiat voluntas tua. Consilium capiens in rebus agendis, invoca Dei auxi-

lium, & dicito : Fiat voluntas tua. Orans pro te, vel alio quoeunque, ut exaudiaris, dicito : Fiat voluntas tua. Meditans vel creationem, vel redemptionem nostram, vel justificationem, sic hæc omnia accepta refer Deo cum graviorum actione, ut frustra nunquam collata tibi videantur : sed sicut ex Dei voluntate facta sunt, sic & facta esse gaudens, & in his conservari cupiens, dicito : Fiat voluntas tua. Fiat quoque voluntas tua per universum orbem terræ, sicut fieri credimus in cælo. Hoc est, optamus, ut tibi sic obediatur ab hominibus in hac vita mortali, sicut in cælesti patria coleris ab Angelis & beatis animabus. Quemadmodum illi sponte & cum gaudio tibi obtemperant, sic omnes mortales tibi pareant in hoc mundo, te colant & adorent non inviti. Particula hæc meditationis denuo materiam præbet, ut in consideratione officiorum, quæ Deo Sancti exhibent in cælo, & peccatorum, quæ committunt homines in terra commorantes, cum oramus, devotionem in nobis augeamus & spem. O quam clarus est (canit Ecclesia nostra) syderens locus Paradisi, in quo Sanctorum animæ gaudentes, triumphant cum Angelis, & alternis vocibus concrepantes, jubulant collaudantes Deum.

*Panem nostrum quotidianum da
nobis hodie.*

Hæc jam mera postulatio est. Postulandi autem ea, quæ nobis necessaria sunt, formam hinc habemus, cum dicitur : *Da nobis hodie*. Primo quidem, ut non de nobis solum sollicitos esse debere sciamus, (cum quid a Deo poscimus :) sed etiam de aliis. Ut in cura propriæ utilitatis, unusquisque de proximo suo etiam laboret. Mandavit enim Deus unicuique de proximo suo. [b] Bona quoque temporalia, quæ a Deo accipimus, in pauperum usus partienda putemus. Esurientium namque panis est [inquit Ambrosius] quem tu detines : nudorum indumentum est, quod tu recludis. Discimus deinde memores esse nostræ infirmitatis. Quid enim magis vanum ? ut in dieculam vitam traducamus, egere cibo continuo ! Docemur etiam, non esse curandum de crastino. Sufficit enim diei malitia sua. Aviculæ, licet sollicitæ cibum quærant pro tempore necessarium : securæ tamen sunt futuri. Et formica exemplum præbet prudentiæ. Quæ colligere ac servare datur, ea bona non negligit : Pigri atque ignavi, illa eadem perire sinunt.

Per panem ergo nostrum primo intelligimus cibum, & porum, & vestitum, & domum,

(2) Rom. 14.

(a) Matth. 7.

(b) Eccl. 17.

Tomus VIII. Concilior. German.

domum, & medicinam, & alia omnia, quæcunque ad tuendam, tolerandamque vitam corporis nostri necessaria habentur. *Nostrum*, enim nobis necessarium significabit. Ut Proverb. 30. Tribue tantum victui meo necessaria. Significabit etiam non fraude, furto, vel injuria quæsitum: sed jure. Nam quæ malis artibus parata sunt, illa nostra non sunt: cum sint restitutioni obnoxia. Labores manuum tuarum, quia manducabis, beatus es (inquit David) & bene tibi erit. Quotidianum, id est, communem, non exquisitum, non nimis delicatum, non multiplicem: qui magis ad luxum, quam ad replendam indigentiam conducatur. Nostri enim corporis natura fluida cum sit, & caduca, ad substantiæ suæ reparationem alimento indiget assiduo: ciboque ac potu refici optat quotidie. Hunc sensum dictio Græca declarat *ἡμετέριον*, quasi diceret reparandæ substantiæ (quæ assidue defluit) apponendum. Sed hæcenus de pane corporali dictum sit. Est alius panis, qui de cælo descendit: Corpus Christi in Eucharistia: quo pasti ac saginati in hoc mundo, ad vitam resurgemus æternam. Dicit autem potest quotidianus, quod quotidie in Ecclesia conficitur: vel quod frequenter sumendus veniat. Idcirco D. Ambrosius parum devotos increpat his verbis: Si quotidianus est panis, cur post annum illum fumis? Aliter adhuc spiritualis cibus est Verbum Dei: proprium ac peculiare alimentum fidei & animæ: cujus sæpe fame vexantur homines propter peccata sua: ut est apud Prophetam (c) Amos. Emittam famem in terram: non famem panis, neque sitim aquæ, sed audiendi Verbum Domini.

Et dimitte nobis debita nostra.

ET si dolor de peccatis præparatio est ad orationem: non contra naturam orationis tamen est, si & in principio, & in medio, & in fine meditationum omnium piarum resumatur: cum memoria delictorum nostrorum subinde recurat, nec quisquam sit, qui ab ea eximi possit. Omnes enim peccavimus: (d) nec est homo iustus in terra, qui faciat bonum, & non peccet. Quis potest dicere, Mundum est cor meum: Purus sum a peccato? Si dixerimus, quoniam peccatum non habemus, ipsi nos seducimus, & veritas in nobis non est, inquit B. Joannes. Sed bene speremus, fideles. Nam qui peccata dimittit, ipse idem postulare veniam docet. Chirographum decreti, quod contra nos erat, sublatum est. Christus ipse peccata nostra tulit. Debita nostra ipse exolvit. Dicit enim per Prophetam:

Quæ non rapui, tunc exolvebam. Sed postulanda venia cum contritione: alioqui hæc nunquam obtineatur. Ad contritionem autem habendam hæc facient: Consideratio turpitudinis atque scditatis peccati: indignitas conditionis humanæ. Quam, inquam, indignum facinus, quod homo (cinis, lutum, putredo, fæcor, & scditas) incomprehensibilem Dei Majestatem audeat offendere: a quo procreati & liberati sumus. Ex alia parte vero consideremus, in cuius Domini nos servitutem peccando addiximus. Diaboli, principis tenebrarum, regis superbiæ, patris mendacii. Vide, inquit apud Jeremiam (e), quia malum & amarum est, reliquisse Dominum Deum tuum, & non esse timorem mei apud te, dicit Dominus Deus exercituum. Considerabimus denique, quod cum debitores nos ipsi constituerimus per peccatum, tamenolvere per nos non possumus. Ideoque ad fontem misericordiæ confugiendum Divinæ: & per Passionem Domini nostri veniam petendam ex imo corde dicendo: Dimitte nobis debita nostra.

Sicut & nos dimittimus debitoribus nostris.

Vide hanc conditionem, Pastor, ut odia & similitates dissuadeas plebi tuæ. Nam veniam a Deo petimus: injuriam igitur nostram proximo condonemus. Si [f] dimiseritis (ait Dominus) hominibus peccata eorum, dimittet & vobis Pater vester cælestis delicta vestra. Si autem non dimiseritis hominibus: quid aliud sequitur, nisi nec Pater vester dimittet vobis peccata vestra? Tanti officii necessitatem demonstravit Christus Salvator noster in illa, quæ est apud Lucam (g) luculentissima parabola hominis regis, & duorum servorum, quibuscum Rex ponere rationem voluit: horum enim unus, cui omnia remisit Rex, alterum suffocabat, exigendo decem denarios sibi debitos. Ob quam inhumanitatem in carcerem missus fuit. Quin etiam proprium hoc legis est Evangelicæ mandatum, ut diligamus inimicos nostros: ut si esurierit inimicus tuus, cibus illum: si sitierit, potes. Erapud Marcum: Cum stabitis ad orandum, dimitte, si quid habetis adversus aliquem, ut & Pater vester, qui in cælis est, dimittat vobis peccata vestra. Et Matth. 5. Si offers munus tuum ad altare, & recordatus fueris, quia frater tuus habet aliquid adversum te: relinque ibi munus tuum. Observent hæc, oro, Ministri omnes altaris. Caveant, obsecro, diffidius assueti, ne absque reconciliatione cum fratre

(c) Amos 8.

(f) Matth. 6.

(d) Eccle. 7. Prov. 20. 1. Joan. 1.

(g) Luc. 18.

(e) Jerem. 2.

fratre accedant ad altare. In Concilio siquidem Carthaginensi oblationes dissidentium fratrum neque in Sacratio, neque in Gazophylacio recipiendas esse, statutum fuit. Quanto ergo minus ferendum, quod ad Sacrificium tremendum Christi venias, vix dum effervescente rixa? In dilectione proximi, similitudo efflorescit Divinæ bonitatis. Ille enim morte Filii sui unigeniti, reconciliari sibi genus hominum elegit. Sic Matth. 5. hortatur Dominus: Orate pro persecutoribus & calumniatoribus vos, ut sitis Filii Patris vestri, qui in cælis est.

Et ne nos inducas in tentationem.

Ultima Orationis Dominicæ pars deprecationem continet periculorum, & malorum omnium, pœnæ & culpæ, quibus vita undique nostra obsideretur. Nam qui omnibus momentis in periculo tentationis versamur, æquum est, ut assidue oremus: *Ne nos inducas in tentationem.* Si namque vel momentum unum a Dei præsidio, & Angelorum ejus deferamur, mox incidemus in manus diaboli, qui tanquam leo rugiens, circumit, quærens, quem devoret. Infirmitas nostra magna est: caro infirma: infirma memoria: infirma intelligentia: infirma voluntas: infirmi sensus: infirmæ vires omnes, quas natura dedit. Quare necesse est cadere in tentationibus multis hominem destitutum ope Divina. Exemplo nobis sunt Apostoli. Et Petrus ipse. Omnes ante tentationem animosi: sed Christi corporali præsentia destituti in illius passione, ad minimam tentationem defecere.

Non docet autem hic petere, ne tentemur (b): sed ne in tentationem inducamur. Nam tentatio sæpe utilis est. Beatus vir, inquit (i), qui suffert tentationem, quoniam cum probatus fuerit, accipiet coronam vitæ, quam repromisit Deus diligentibus se. Videndum ergo hoc loco est, quid tentatio sit, & quid induci in tentationem. Tentare (ut est in usu) est periculum facere de aliquo, ut ab eo exprimamus aliquid, quod scire cupimus. Sed hic tentandi modus non cadit in Deum: quia omnia nuda sunt & aperta oculis ejus. Est aliud tentandi genus, cum de longe progrediendo, aliud quid quæritur oblique, ut aliud obtineatur. Idque potest & in bonam & in malam partem fieri. Ut in bonam quidem, quando tentatur virtus alicujus ad hoc, ut illa cognita & præmio donata, exemplo esse possit aliis, unde laudem consequantur & virtus, & virtutis remunerator. Hoc modo Deus ten-

tat aliquando. Ut Deut. 13. Tentat vos Dominus vester, ut palam fiat, utrum diligatis eum, an non. Hoc modo tentavit Dominus (k) Abraham, quando filium immolare iussit. Sed in malam partem tentantur homines, cum ad peccatum vel exitium aliquod inde impelluntur. Quod proprium diaboli est: (l) Deus autem intentator malorum est. Tentat autem diabolus multis modis. Nunc intrinsecus animi affectus & passionibus accendens: nunc extrinsecus, res ad eandem animi commotiones idoneas subministrans, jucundas vel molestas. Uti nunc per malos homines, nunc per res alias naturales occasionibus suggerens cadendi. Quales sunt hæretici, falli doctores, inimici, senones, meretrices, sicarii, latrones, pæfisti, adulatores, delatores, cupidarii, proxenetæ, & alii id genus. Induci autem dicimur in tentationem (id est, tentationi succumbere) duobus modis. Primo, cum in id ruimus malum, in quod, tentando nos, aliquis impellit. Arque hoc quidem modo Deus neminem tentat. Secundo, cum is, qui impedire potest, ne succumbas, non impedit. Hoc modo Deus tentari finit & bonos & malos: Sed sua gratia quosdam non deserit, alios interdum iusto judicio (sceleribus ipsorum id exigentibus) sibi ipsis relictos cadere permittit: ita ut peccatum pœna peccati dicatur. Tertio, inducere nos in tentationem dicitur Deus, quando beneficiis, quæ nobis ad salutem ille dedit, nos ad perniciem nostram abutimur, illo permittente: ut dotibus ingenii, bonis corporis, & fortunæ. Sic Exod. 47. Indurabo, inquit, cor Pharaonis, Esa. 6. Excæca cor populi hujus. Rom. 1. Tradidit illos in reprobum sensum: id est, permisit indurari, excæcari, tradi. Atque hæc quidem hæcenus ex Catechismo & Doctoribus Scholasticis. Alia quædam in eodem Catechismo invenies, facientia ad exhortationem & consolationem infirmorum agonizantium, & in tentationibus quibuscunque.

Sed libera nos a malo, Amen.

Potest in hoc ultimo articulo Orationis Dominicæ, tanquam in Epilogo deprecationis fieri omnium malorum, quæ nobis accidere possunt. Quam etiam cum Christus Magister noster, doceat: eam habere semper debemus in ore, atque in mente, ubicunque mali quid imminet: sive ab aqua, sive ab igne, sive a fulgure, a grandine, bello, peste, fame, ab insidiis, a criminibus, ab inimicis, & aliis quibuscunque: a quibus omnibus liberare invocantes se, solet Deus omnipotens. Et inter alia magnæ consolationi

(b) Ex Catech. Rom.

(i) Jacob. 1.

(k) Gene. 22.

(l) Jacob. 1.

tioni sunt afflictis Psalmi Davidici, ut Psalm. 33. Benedicam Dominum in omni tempore. Et Psalm. 106. Confiteantur Domino omnes misericordiae ejus. In hoc Psalmo graphice enarrat David, quomodo liberare soleat suos Deus a periculis & tribulationibus quibuscumque: veluti ab errore viæ, a carcere, ab infirmitate, naufragio, exilio, sterilitate terræ, a tyrannide malorum Principum. In quibus (inquit) clamaverunt ad Dominum cum tribularentur: & de necessitatibus eorum liberavit eos. Confiteantur Domino misericordiae ejus, & mirabilia ejus filiis hominum. Cæterum, quia in principio hujus expositionis diximus commemorationem fieri in hoc membro: unamque esse deprecationem in tota hac diastole, Ne nos inducas in tentationem, sed libera nos a malo: ut hujus sententiæ causas intelligas, scito vocem Græcam esse ἀπὸ τοῦ πονηροῦ. Gallice: *Du mauvais & meschant*. Ideo & magnus Basilus, & Chrysostomus, & Augustinus, & alii de diabolo interpretantur & intelligunt: de malo, inquam, dæmone, qui nobis utque insidiatur & male cupit. Quare cum generaliter dixerimus, Ne inducas, nos in tentationem: (quia maximæ quæque tentationes nobis fiunt a dæmone) non immerito certe in eadem sententia & oratione perseverantes addimus, Sed libera nos a malo, hoc est, a malo diabolo, malorumque auctore, Amen. De voce (Amen) supra in Symbolo signi Crucis. Atque hæc quidem satis hoc loco: plura de oratione & devotione suo loco.

STATUTUM I.

STatuimus igitur, & ordinamus, ut Pastores doceant diligenter, & exponant frequenter Orationem hanc Dominicam: hortantes omnes (a maximo usque ad minimum) ut teneant eam memoriter. Et sciant veram esse orandi formam traditam nobis a Christo. Alioqui pro Catholicis non esse habendos, qui quotidie eam non dixerint.

DE SALUTATIONE ANGELICA.

MARIA Virgo DEI Genitrix, Mater Christi Beatissima, compellari solet spes nostra: non sane, ut cui salutis nostræ meritum ascribamus, (hic enim solus est Christus JEsus, qui saluum facit populum suum a peccatis eorum) sed qui peccatorum

conscientia deterriti non audemus aliquando sine intercessore Deum interpellare: ejus gratia confisi, qua apud filium valet, non veremur petere veniam delictorum: sperantes nos ejus precibus & meritis juvari, & apud filium admitti: ut quam sibi Matrem electam, præ omnibus ille dilexit, & magnificavit.

Gratissima igitur Salutatione Gabrielis Archangeli frequenter veteri more Ecclesiæ Virginem Sacratissimam [gratias agentes Deo de Filii sui Incarnatione] alloquamur: *Ave Maria, gratia plena, Dominus tecum. Benedicte tu in mulieribus*. Ex verbis Elizabeth adjicientes, *Et benedictus fructus ventris tui*. Et ex Ecclesiæ ritu, *JEsus Christus, Amen*.

Et quamvis hac Salutatione sufficienter petitur, quicquid impetrare cupimus ab eo, qui vota nostra & cogitationes novit: tamen addi solet, non absque pietate, *Sancta Maria, Dei Genitrix Virgo, ora pro nobis peccatoribus, Amen*. Nec raro experti sunt Christiani Divinum auxilium contra hostes fidei per hanc orationem, quam fideles genibus flexis dicere consueverunt ad signum campanulæ sub noctem.

Hac oratione fidem profitemur Incarnationis Filii Dei: in spem erigimur veniæ peccatorum nostrorum per Christum: & laudes Mariæ magnificantes, in amorem Divinæ Trinitatis Patris, & Filii, & Spiritus Sancti accendimur. Contra hæreticos etiam confitemur ejus virginitatem & partum, & gratiam, qua valet apud Deum Patrem: ut merito a nobis invocari soleat.

STATUTUM II.

STatuimus igitur, & ordinamus, atque præcipimus, ut Curati doceant & hortentur suos Parochianos dicere Salutationem hanc Angelicam singulis diebus cum aliis suis orationibus: maxime vero, quoties audierint dari signum per campanulam hora vespertina.

L'ORAISON DOMINICALE, exposée en vulgaire.

Pater noster. *Nostre Père. O Dieu tout puissant, je t'appelle Père, ainsi que nostre Seigneur JEsus Christ m'a enseigné de prier: non seulement pour reconnoître vrayement, que Tu es nostre Createur, qui nous as engen-*

engendrer, & fait de rien: mais encore à celle fin, que mes prieres soient accompagnées de foy, d'esperance, & charité. Car si Tu es nostre Pere, ne refusas ce que scais estre pour le prouffit de tes enfans. Et je l'espere ainsi. Nous serions aussi meschans enfans, & desprooveux de sens, si ne t'aimions de bon cœur, estant nostre Pere. Et si n'avions l'amitié à nostre prochain, que bons enfans d'un mesme Pere doivent avoir entre eux: comme oserions nous Te prier avec assurance? Tu nous rejetteroies, comme enfans supposez, ne Te ressemblans en rien. Doncques puis que Tu es nostre Pere, & nous sommes Tes enfans, nous Te supplions, au nom de JEsus Christ ton filz naturel & nostre frere par adoption: ne refuse point nostre priere.

Qui es in cœlis.) Qui es és cieux. Je leve mes yeux, & mes mains au ciel: & là je contemple Ta majesté: bien que par essence, puissance, & presence Tu sois par tout. Car je ne voy en ce monde lieu plus noble, ne creature plus admirable, que le ciel. Duquel outre sa resplendeur & mouvemens admirables, toutes choses corporelles nous voyons estre gouvernées cy bas.

Sanctificetur Nomen tuum.) Ton nom soit sanctifié. Pour les biens, que recevons de Ta grace & bonté; je Te rends grâces: désirant, que Ton nom & bonheur soient celebrés par tous les hommes. Pour certain Tu es saint, & la fontaine de toute sainteté: mais les hommes n'entendant la verité, souvent Te blasphement & deshonorent. Ceux qui sont deputez pour le Divin service, ne font rien moins: nostre meschante vie Te fait estre méprisé, & Ta doctrine en est calomniée entre les infideles, superstitieux, heretiques & mescreans. Fais doncques, que Ton nom soit honoré & beny par tout, avec la cognoissance que Ton Esprit Saint donnera de Ta majesté & gloire.

Adveniat regnum tuum.) Ton royaume advienne. Quand je pense aux miseres de ce monde, & d'autre costé je considere la beatitude & royaume du ciel, que nous as préparé, & promis: je suis ravi du desir de le voir. Commence doncques par Ta grace, regir & gouverner nos cœurs en ce monde, nous delivrant de la tyrannie du peché, à celle fin que puissions bien tost parvenir au royaume de la vie eternelle: & ramene au troupeau de Ton filz JEsus Christ tous ceux, que Tu as préparé à iceluy.

Fiat voluntas tua.) Ta volonté soit faite. Je T'offre mon ame, mon corps, tous les biens, que Tu m'as donné: les remettant tous à Ta disposition & bonne volonté. Enseigne moy ce que Tu veux, que je face.

Sicut in cœlo & in terra.) Ainsi en la terre comme au Ciel. Retournant à contempler la gloire de Ton royaume celeste, & considerant l'honneur, l'obeissance, la charité, que les Anges & esprits bienheureux Te portent: & d'autre part les pechez & desobeissance, que je cognoy au monde: O que je voudrois, que Tu fusses obey par tout l'univers, comme Tu es au Ciel.

Panem nostrum quotidianum da nobis hodie.) Donne nous aujourd'uy nostre pain quotidien. Or je Te prie & demande, non pas pour moy seulement, mais pour mon prochain aussi: ny Te demande chose par curiosité, ou volupté superflue, mais ce qui nous est nécessaire au jour la journée, c'est nostre nourriture simplement, & ce qu'il faut pour nostre vie corporelle & debile: tant qu'il Te plait, que nous arrestions en ce mortel monde. Et comme nostre ame aussi a besoin d'estre souvent repue spirituellement: donne luy souvent Ton pain mystique. Donne nous, dis je, la grace de recevoir souvent le Sacrement de ton Corps precieux; duquel nous prenons l'estre supernaturel. Oste nous aussi la faim de ta parolle, par bonne & saine doctrine: qui est une autre nourriture de nostre esprit.

Et dimitte nobis debita nostra.) Et remets nous nos debtes. Avec repentences, & douleurs, je m'accuse de tant d'offenses, & pechez, que j'ay commis contre Toy & Ton bonneur. Je declare mon ingratitude. Je n'ay rendu le fruit des grâces & biens, que Tu m'as fait. Je confesse mon debt. Je suis tenu justement à reparation condigne. Mais, belas! Je n'ay moyen d'y satisfaire, ny personne de nous. Pardonne nous: use envers nous de misericorde.

Sicut & nos dimittimus debitoribus nostris.) Comme nous les remettons à nos debtors. Nous pardonnons à Tous ceux, qui pareillement nous sont obligez, & les quittons de leur offense pour l'amour de Toy: Nous le Te promettons. Nous ne serons cruels exacteurs, ny oppresseurs de pauvres: car leurs clameurs montent au ciel. Nous ne chercherons point nostre vengeance: car Ton benoist Filz JEsus, nous a dict plusieurs fois, que si ne

si ne pardonnons à autrui, Tu ne nous pardonneras point. Et a commandé, que nous aymissions, non seulement nos amys, mais aussi nos ennemys : Et qu'en ce faisant, nous monstrierions, que sommes Tës vrais enfans. Je pense bien souvent en cela : Et propose me de concilier à mon frere Chrestien : mesmes avant que faire aucune offrande ou oraison, si je m'apperois, qu'il ait juste querelle contre moy.

Et ne nos inducas in tentationem.)

Et ne nous induy point en tentation. Nostre vie est environnée de tant de dangers, [je dis tant spirituels, que corporels] que si un seul moment Tu nous delaisse, incontinent tressubmerons en peché, ou en quelque malheur. Le diable veult nuict & jour, pour nous surprendre : Nostre chair est foible : les tentations du monde se presentent à tout instant : qui ne tombera doncques ? Qui se pourra garder de peché, si de Ta grace ne nous soustiens ? Ne permets donc, que les mauvaises tentations nous surmontent : ne nous laisse succomber en icelles, ou tomber aux perils d'icelles.

Sed libera nos a malo.) Mais delivre nous du mal. En somme, mon Dieu, je Te prie contregarde de tous dangers Et inconveniens nostre ame Et nostre corps, nostre bonne renommée, Et tous les biens que de Ta liberalité nous as donné. Et pource que par la malice du diable (nostre capital ennemy) toutes sortes d'escandales nous sont proposez : nous Te supplions, delivre nous des mains de ce meschant, cauteleux Et mauvais Satan.

Amen.) Amen. Je le dis de bon cœur, Et en verité : Et t'en requiers, par ton benoit fils JEsus Christ, (lequel est la mesme Et infailible verité) exauce ma priere : qu'il soit ainsi, comme nous en avons la confidence.

LA SALUTATION ANGELIQUE.

AVE MARIA.) Salut Et joye Marie. Je Te salue volentiers Et honore, des mesmes parolles que l'Ange Gabriel usa quand envoyé de la part de la Sainte Trinité, l'annoncea l'Incarnation du Fils de Dieu, le Verbe eternal. Car je tiens que m'adressant à toy, je ne scaurois dire mot plus agreable, que celui, par lequel toute joye, Et tout bien, est venu au monde.

Gratia plena.) Pleine de grace. Non sans cause l'Ange Te salue par un tel mot.

Car Tu es pleine de grace, Et lieuse : Tu es toute belle Et gratieuse. Il n'y a faute en toy aucune, ne peché. Et pource Dieu justement t'a choisie pour son espouse, Et a voulu que son Fils unique fust conçu en toy. Le Saint Esprit t'a sanctifiée, Et si ramplie de ses dons de grace, que je ne pense trouver creature, qui soit plus agreable à Dieu, que toy. Et si JEsus Christ, auteur de ta grace Et justice, est en ton saint ventre : qui m'empeschera de t'appeler pleine de grace ?

Dominus tecum.) Le Seigneur avec toy. Nostre Seigneur est par grace en ton ame : Et il sera corporellement en ton corps sanctifié : Et t'assistera en toutes choses. Pource je Te salue de rechef en ceste façon, (accoustumée aux Patriarches Et Propbetes) comme desirant que Dieu soit toujours avec toy, ainsi qu'il est.

Benedicta tu in mulieribus.) Tu es benite entre les femmes. Tu es bien beureuse sur tout le genre féminin. Et bien beureuse Te diront toutes les generations.

Et benedictus fructus ventris tui.) Et beny le fruit de ton ventre. Jusques icy j'ay recité les parolles de l'Ange. Maintenant j'ajourneray de celles, que Te dist ta parente, Sainte Elizabeth. Tu es benite, Et benit est le fruit de ton ventre ; qui est JEsus Christ nostre Sauveur. Je le benyis, glorifie, Et adore, comme mon vray Dieu.

Sancta MARIA Mater DEI.) Sainte Marie mere de Dieu. Je t'invoque Marie mere de Dieu. Combien que ton fils selon la Divine nature n'a point de mere : (seulement son Pere celeste) toutesfois, pour l'union de la nature humaine avec la Divine [estant Dieu Et homme] nay de ta personne, il t'a meritoirement honorée de ce nom de mere de Dieu.

Ora pro nobis peccatoribus.) Prie pour nous pecheurs. Par ceste tant magnifique Salutation nous pouvons demander à Dieu toutes choses : [qui entend sans parolles aussi bien, que par parolles, nostre intention Et desir] neanmoins selon l'ancienne coustume Et louable de l'Eglise, je te requiers aussi, que Tu pries pour nous pauvres Et miserables pecheurs. Car comme bonteux de nostre infamie, n'osons nous approcher de Dieu, craignons son ire : mais toy qui luy es si agreable, soys nostre advocate. Propose nostre demande devant sa majesté, Amen.

DE PRÆCEPTIS DECA-
LOGI.

Sicut diximus fidem augeri & stabiliri frequenti meditatione Symboli, & spem Oratione Dominica: sic etiam charitatem fervare cupientes, assidue meditari nos oportet in Præceptis Decalogi. Finis enim legis est charitas. (m)

Hæc decem Præcepta Dei in veteri testamento data fuerunt Moyfi & populo Israelitico in monte Sinai, in duabus illis tabulis lapideis, de quibus in Exodo & Deuter. [n] In prima tabula numerant Sancti Doctores tria præcepta, quibus docemur, quales nos præstare debemus erga Deum: in secunda vero septem, quales erga proximum. Quamquam Hebræi ultimum ex duobus faciunt, & primum separant in duo: videlicet, Ego sum Dominus, est præfatio. Diliges Dominum Deum tuum ex toto corde, &c. & Non adorabis Deum alienum, primum præceptum. Secundum, Non facies tibi sculpsile, ut adores, &c. Sic numerant quatuor in prima tabula, & sex in secunda. De vi autem, & utilitate, atque necessitate hujus legis, lege Careh. Romanum. Sed tu in lege Mosaica scito, præcepta quædam fuisse moralia, quæ naturalis ratio nos docet, & naturæ leges appellamus: qualia sunt Decem hæc. Alia erant caeremonialia, de ritu colendi Dei: quæ antiquata sunt. Alia judicialia, quæ in judiciis observabant Judæi.

PRIMÆ TABULÆ PRÆCEPTA.

PRIMUM.

Ego sum Dominus DEUS tuus. Non habebis Deos alienos coram me. Non facies tibi sculpsile, neque similitudinem, &c. non adorabis ea, id est, ut adores ea.

II.

Non assumes nomen Dei tui in vanum.

III.

Memento, ut diem Sabbati sanctifices.

SECUNDÆ TABULÆ PRÆCEPTA.

IV.

Honora Patrem tuum & Matrem tuam, ut sis longævus super terram.

V.

Non occides.

VI.

Non mœchaberis.

VII.

Non furtum facies.

VIII.

Non loqueris contra proximum tuum falsum testimonium.

IX.

Non concupisces uxorem proximi tui.

X.

Non domum, non agrum, non servum, non ancillam, non bovem, non asinum, & universa, quæ illius sunt.

Primum Præceptum declaravit Christus: Dominum Deum tuum adorabis, & illi soli servies. Et rursum, Spiritus est Deus, & eos, qui adorant eum, in spiritu & veritate oportet adorare. Apostolus quoque: Scimus, quia nihil est idolum in mundo, & quod nullus est Deus, nisi unus. Prohibetur hoc præcepto omnis idololatria, & superstitio Deorum vanorum.

Item prohibentur observationes omnes superstitiosæ, & artes magicæ, atque divinatoriæ: ut ariolorum, aruspicum, & quorundam astrologorum, qui juxta vias gentium a signis cæli metuunt. In his siquidem omnibus superstitiosi relicto Deo, (quem tota mente colere deberent per Fidem, Spem, & Charitatem,) Fidem adhibent auctori, patrique mendacii diabolo, cui in Baptismo renunciarunt.

Item exigitur a nobis hoc præcepto, ut nullam prorsus creaturam, quantumvis excellentem, pro Deo habeamus: solum autem unum, verum, æternum, immensumque Deum credamus, & confiteamur: cui summus honor, & singularis ille cultus patriæ tribuitur: hoc est, in quem credimus, in quem speramus, quem supra omnia (ut summum bonum) diligimus.

Hunc ergo supra omnia colamus, invocemus, adoremus, amemus, & revereamur: unum quidem in substantia, sed trinum in personis, Patrem, Filium, & Spiritum Sanctum. Sanctos tamen colimus veneratione dulci: & invocamus absque peccato idololatriæ: veluti amicos electos Christi, qui nostra felicitate gaudent, & pro nobis orant: ut sunt Angeli, & Sanctorum animæ in cælo. Nam (ut tradit D. Augustinus) populus Christianus memorias Martyrum religiosâ

(m) 1. Timo. 1.

(n) Exod. 20. Deuter. 5. Exod. 32. 34. Deuter. 9. 10.

giōsa solemnitate concelebrat, & ad excitandam imitationem, & ut meritis eorum confocietur, atque orationibus adjuvetur. Non ergo ethnicorum more adoramus Sanctos, tamquam Deos: quamquam etiam Dii appellantur aliquando. Sed unum scimus Sanctum Sanctorum Deum, Omnipotentem, qui in Sanctis suis vult honorari: qui per Sanctos, & propter ipsos multa largitur mortalibus, & parcat sæpe immerentibus, ut patet de Abraham, Isaac, Jacob, David, Hieremia: quos etiam defunctos profuisse vivis legimus. Quare non immerito Doctores Ecclesiæ, Sanctos appellant Patronos, Intercessores, Suffragatores, & similibus epithetis. Dicitur enim Apocalypf. 8. Et ascendit fumus incensorum de orationibus Sanctorum, & c. §. Habentes citharas & phialas aureas plenas odorem, quæ sunt orationes Sanctorum, quod declaravit Raphael, Tob. 12. Cum orabas, inquit, orationem tuam ego offerebam Domino. Invocavit quoque Angelos Jacob, Genes. 48. & Genes. 32.

Corpora quoque Sanctorum, quæ Tempora fuerunt Spiritus Sancti, & Reliquias alias, deosculamur, & veneratione prosequimur: non aliter, quam ex amoris abundantia solet sponsi absentis nova nupta vestes, & res alias ab eo missas, vel relictas: quod & sponso gratissimum esse solet, quando tam multa cognoscit amoris signa. Sic & Deus multos exaudivit ad sepulchra Martyrum se invocantes: multa edidit miracula in gratiam Sanctorum: ita ut dæmones expellantur, infirmi sanentur, corpora Sanctorum tacta vel venerata (ut D. Nazianzenus loquitur) eadem præsentent, quæ & sanctæ animæ.

Usum quoque imaginum Apostolica traditione acceptum instar librorum laicis & idiotis esse Sancti Patres tradiderunt, ubi Redemptionis nostræ mysteria, & Sanctorum facta leguntur: ita ut quæ sensibus non percipimus, pia mente veneremur: non ipsos quidem lapides, aut ligna (nullo sensu prædita) sed prototypum ipsum, & id, quod per imaginem repræsentatur. Si quaerat aliquis, ubi invenitur adorandam esse imaginem Christi? responde: ubi dicitur, Adorent eum omnes Angeli ejus. Siquidem imago & prototypum, unum sunt: non utique natura, sed relatione & *συνέσει*, id est, habitu. Nam licet æquivoce dicantur nomina rerum atque imaginum: nomina tamen sunt eadem. Et in imagine Regis, Regem quasi intruemur. Et Deum verum in crucifixi forma adoramus. Jam enim qui Dei nullam similitudinem facere poteramus, postquam Deus homo factus est JESUS CHRISTUS: nihil prohibet quo-

minus Christi imaginem nunc faciamus, & adoremus. Audito nomine JESU, omne genu flectitur: [quia Christo debetur ille honos] ita visa ejus effigie, & alio passionis ejus pariter certo monumento, humiliamur. Audito nomine Cæsaris, caput aperimus: cur non item conspecta Virginis gloriøsæ imagine? Si Philosophis præcellentibus & duobus fortissimis, viris & mulieribus claris, tabulæ atque statuæ ponantur: quid minus meruere Martyres & Virgines sacræ, ac Confessores alii, quorum exemplis Ecclesia Christi ad hunc usque diem decoratur?

Non profecto simpliciter prohibentur hoc loco imagines: sed imagines gentilium Deorum, ut colantur. Non tulit Deus præceptum contra præceptum, nec in eo fuit unquam, est, & non: quod certe fecisset, si omnino atque simpliciter, rerum imaginis prohibuisset. Siquidem, Num. 21. serpentem æneum in deserto fieri iussit, quem Moyses exaltavit in figuram Christi, ut Joannes docet ipsius Christi testimonio. Et Exod. 25. Duo Cherubin fieri mandat, de medio eorum responsa daturus. Salomon Dei iussu bovis & aquilæ, & hominis, & Cherubin simulachra conflavit: Si idololatriæ causa essent omnes imagines, putas mandatum DEUM?

STATUTUM I.

STatuimus, & ordinamus, ut Curati singulis diebus Dominicis declarent excommunicatos omnes ariolos, sortilegos, divinos & magicos: qui artes a dæmone inventas exercent. Item omnes hæreticos & schismaticos, & fautores eorum. Et in crimine hæresis occultæ, solis Episcopis esse reservatam absolutionem, non etiam Vicariis.

II.

Curati doceant populum, solum Deum adorandum adoratione latriæ: Sanctos vero dulia colendos, qui non sunt ipsi Deus, sed servi Dei, & creature ejus: quorum intercessione & suffragiis juvari possumus, & postulamus.

III.

Imagines quoque doceant Curati & Pastores non esse superstitiose colendas: luminaria, thurificationes, genuflexiones, & similes honores, qui exhibentur ipsis, in prototypum referendos

dos esse : sicut Sancta Generalis septima Synodus & Patres docuerunt.

IV.

Inventas de novo Reliquias venerari non liceat, nisi a Sede Apostolica, atque Ordinaria approbatas. (o)

SECUNDUM PRÆCEPTUM
DECALOGI,

Non assumes Nomen Dei tui in vanum.

HOc secundum Præceptum declaravit Salvator, quando præcepit non jurare omnino, neque per cælum, neque per terram, neque per Hierusalem, neque per caput nostrum: sed tantum ut sit sermo noster, est est, non non. Nam quod his abundantius est, a malo est. Quæ Christi verba faciunt Judæorum falsam opinionem fuisse, ut putarent, quocunque modo bonum esse jurare, etiam in familiari sermone, dummodo id citra mendacium fieret. Sed fallebantur. Nam præceptum Dei est: Non assumes nomen Dei in vanum: id est, temere, sine consilio, vel contra veritatem. Magna enim irrogatur injuria Deo, quem vanitatis tuæ testem proferis: putans cum vel latere, quæ dicis, quæ inficitæ nota est: vel probare, quæ est improbabilitatis.

Itaque quatuor modis contra hoc præceptum peccatur. Primo quando nomen blasphematur per execrationes Dei, Mariæ Virginis, & Sanctorum: ut in gravi dolore, & in ludo fieri videmus, cum injuria maxima Divinitatis: cum tamen in Oratione Dominica, ut sanctificetur nomen Dei postulemus: & Sacra Litteræ adeo ab hoc scelere abhorrendum innuant, ut ne verbum blasphemare quidem aliquando ponant, sed pro eo contrarium, nempe benedicere, ut Job. 1. & 2. 3. Reg. 21.

Item quando quis jurat per diabolum, vel per Mahometem, vel per idolum, aut Deum gentium: blasphemiam committit: quia cultum patriæ Deo debitum, per juramentum impendit creaturis. [p] Secundo peccatur, quando cum juramento falsum aliquid affirmamus, vel negamus. Item peccant in hoc præceptum, qui temere absque consideratione jurant, & se devovent diabolo. De quibus Sapiens: Non affuecat os tuum jurationi. (q) Vir enim multum jurans replebi-

tur iniquitate, & a domo ejus non recedet plaga.

Peccant & in hoc præceptum, qui vota Deo facta, aut fidem proximo datam, non servant: quia nomen Dei in vanum acceperunt. Displicet Deo infidelis & stulta promissio, inquit idem Sapiens. (r)

Peccant & qui Sacram Scripturam, in qua nomen Dei celebratur, ad sensum prophanum vel hæreticum detorquent. Non pollues nomen Dei tui. Levit. 19.

Non damnatur tamen jusjurandum omnino: maxime si habeat illas condiciones, quas requirit Propheta Hieremias, nempe ut fiat in judicio, justitia, & veritate, omnis enim controversiæ finis ad confirmationem & juramentum: & Psal. 62. Laudabuntur omnes, qui jurant in eo. Est jusjurandum (teste (s) Cicerone) affirmatio religiosa. Quod autem affirmare, quasi Deo teste, promiseris, id tenendum est. De dispensatione juramenti infra.

TERTIUM PRÆCEPTUM
DECALOGI,

Memento, ut diem Sabbati sanctifices.

PER Sabbatum intelligimus in lege Evangelica, non feriam septimam, & ultimam hebdomadis, [ut in lege Mosaica, quod fuit cæremoniale] sed diem Dominicam, in qua Christus resurrexit: quæ prima erat feria post Sabbatum, & primum Sabbatum, vel prima Sabbati appellata. In hoc debet animus noster curis hujus mundi vacuus, ad cultum Dei interiorem & exteriorem se transferre: illic quiescere: Divina meditari, & Sacra tractare: Missam audire & Concionem: Eucharistiam devote sumere, & Deum per penitentiam & orationem demereri. Nam quomodo observari debeat hoc præceptum, & quomodo in ipsum peccetur, voces ipsæ declarant. Nam Sabbatum quietem significat Hebræis, ac cessationem: & sanctificare est sancte, religiose, devote, pieque celebrare, atque adimplere.

Peccatur ergo contra hoc præceptum duobus modis: primo per quodcunque opus servile absque necessitate factum: puta opus mechanicum, & per negotium sæculare, tam in foro judiciali, quam mercatorum. (t)

Deinde peccatur, quando in diebus Festis, & ad pietatem institutis [in quibus tori debe-

(o) Innoc. III. de Reliq. & Ven.

(q) Eccles. 23. (r) Eccles. 5.

Tomus VIII. Concilior. German.

(p) S. Thom. 2. 2. q. 13. & q. 89.

(s) 3. Offic.

(t) Levit. 23.

debemus ad animæ salutem attendere] luxuriam, ebrietati, ludo, maledictis, rapinis, cædibus, fraudibus & dolis, aliisque vitiis & peccatis indulgetur. Nam per hæc non sanctificatur Sabbatum, sed potius polluitur. (u)

Cum sit vero nomen Sabbati etiam generale, per ipsum nos intelligimus quoque Festa omnia, ab Ecclesia instituta & præcepta, tam ad honorem Sanctorum, quam ad memoriam nostræ Redemptionis: in quibus populus in Ecclesiam convenire debet ad audiendum Verbum Dei, psallendum & sacrificandum Deo, orandum, & opera charitatis exercendum omnis generis. Multum enim facit ad charitatem augendam in populo ipsa festi celebritas, & fidelium cætus: ubi se mutuo vident, salutant, alloquuntur, una Deum orant, & quasi communi voce compellant: Coimtis [inquit Tertullianus] in cætum & aggregationem, ut ad Deum quasi manu facta precationibus ambiamus. Sanctorum festa celebrare hortatur Apostolus Heb. 13. Mementote Præpositorum vestrorum, qui vobis loquuti sunt Verbum Dei: quorum intuentes exitum, conversationis imitemini fidem. Sed de Festis & computo Ecclesiæ, infra in 4. Præcepto Ecclesiæ.

QUARTUM PRÆCEPTUM DECALOGI,

Honora Patrem tuum & Matrem tuam, ut sis longævus super terram, quam Dominus Deus tuus dabit tibi.

Hoc primum est præceptum secundæ tabulæ, in qua ponuntur ea, quæ ad charitatem proximi pertinent, & ad tuendam humanam societatem. Nam superiora eo spectant, ut verum Deo cultum exhibeamus, interiorē & exteriorē, privatim & publice: sequentia, quo modo nos erga homines habere debeamus.

Declarat autem Christus, quis est hic honor, quem parentibus debemus. Non sane verbo tenus honorare, revereri, & obedire jubemur: sed curam etiam habere eorum, & eos alere. Exemplo quoque suo docuit, quando subditus fuit eis: ut testatur Lucas Evangelista. (x)

Hoc præcepto commendatur nobis pietas, & observantiæ erga parentes nostros, & omnes eos, quibus debemus obedientiam: quales sunt Prælati Ecclesiæ, &

omnes, quos vocamus Patres Spirituales: Superiores quoque temporales, quacunque in dignitate constituti sunt: & qui privatim nostri curam gerunt, ut tutores, pedagogos, maritum uxorem.

Hoc solum præceptum habet adnexam repromissionem. Nam & e contrario qui parentibus suis non obedierunt, infelices multos habemus in Sacris Literis. Ut Cham, qui patrem suum derisit, maledictus fuit in semine suo. Ruben quoque maledictus. Filii Heli, qui patris monita noluerunt audire, mox bello interfecti sunt. Absalon, qui patrem est persecutus, male periit. Filii duo Sennacherib parricidæ, non pervenerunt ad regnum Patris. Benedictiones autem, quas consequuntur, qui pietatem erga parentes colunt, lege Ecclesi. 3. cap. Et maledictiones quoque, Levit. 20. Deut. 27. & Proverb. 19. 20. 28.

Ad amandum parentes nostros inducunt hæc. Quod ab iis vita nobis data est: iis Deus usus est, uti nobis animum, mentemque impertiret: ab iis ad Sacramenta ducti sumus & ad religionem: ad humanum cultum & civilem instituti: ad morum integritatem eruditi. Item quod tanto nos ipsi amore prosequuti sint & affectu, ut nullum laborem, nullum periculum, nullam molestiam pro nobis detrectaverint. Et sicut filii debent obedire parentibus per omnia [ut B. Paulus docet] sic etiam parentes debent erga filios paternam charitatem ostendere, bona eorum procurare, spiritualia & corporalia: nec eos ad iracundiam nimium provocare, & maritus suam uxorem, ut carnem suam diligere tenetur. (y)

Patet ex his, quomodo peccetur contra hoc quartum præceptum: nimirum non subministrando necessaria, non obediendo, non honorando, non amando: & contra offendendo, exacerbando, maxore afficiendo (verbo & facto) occasionem dando peccandi.

QUINTUM PRÆCEPTUM DECALOGI,

Non occides.

Declaravit hujus præcepti vim Salvator noster, quando non solum homicidium, sed convitium & iram, & odium omne, & vindictæ cupiditatem prohibuit. Qui odit fratrem suum, homicida est, inquit B. Joannes [z]: & Paulus: Nulli malum pro malo reddentes. (a) Item, Non vos defendentes, charissimi: sed date locum iræ. Scriptum

(u) De Feriis. c. 1. & c. fin. S. Antonin. 2. part. tit. 9. c. 7.

(y) Coloss. 3. Ephes. 6. 1. Cor. 12.

(z) Joan. 3.

(x) Luc. 2.

(a) Rom. 13.

num est enim : Mihi vindictam, & ego retribuam, dicit Dominus.

Ex quo facile inferuntur duo : unum, quod per hoc præceptum non adimitur gladius Principi sæculari, & Magistratui : qui non odio, vel ira, propriam injuriam ulciscitur, sed Reipublicæ studet & tranquillitati communi. Magistratus enim, vel Princeps, noxios occidendo, maxime observat præceptum hoc: Non occides; quia supplicii nocentium tutior sit innocentium vita. Psalm. 110. In maritino interficiebam omnes peccatores terræ. Similiter & milites in bello, qui hostibus reipub. & pacis perturbatoribus vitam adimunt, præcepto obtemperant.

Alterum est, quod omnis læsio corporalis sibi, vel proximo illata, privata auctoritate, & ex odio vel tædio privato [sive id fiat opere, sive consilio] peccatum est contra legem Dei.

Est peccatum homicidii unum ex iis quatuor, quæ dicuntur clamare in cælum. Dicuntur autem clamantia in cælum, quia præ aliis fere semper manifeste hæc ulciscitur Deus, de cælo mittens vindictam, claudibus, bellis, vastationibus, everfionibus urbium ac regionum: & viri sanguinum fere, non dimidiant dies suos.

Homicidam voluntarium, qui sæculi leges evasisset, circa vitæ finem tantum volebant Patres ad communionem admitti: (b) & eousque penitentiam agere, quoad penitentia crimen diluisset. Lex autem civilis mori jubet. I. Qui cædem, ad leg. Juliam, de sicar.

STATUTUM I.

Curatus ideo non absolvet in confessione sine nostra licentia eum, qui hominem occiderit: nec etiam cum nostra licentia, nisi is omne damnum restituerit filiis, vel hæredibus occisi, aut velit restituere. Eodem modo teneatur ad restitutionem, qui vulneravit, licet non occiderit. Damnum a iudice æstimatur, vel a bono viro.

SEXTUM PRÆCEPTUM DECALOGI,

Non mæchaberis.

Hoc præcepto non solum prohibentur crassæ illæ, ac sædæ libidinum species

(quas supra enumeravimus) fornicatio, adulterium, stuprum, raptus, incestus, & (quod vel dictu horrendum est) peccatum contra naturam: sed etiam omnis carnalis immunditia. Eph. 5. Et cogitationes, affectus, tactus, sermo, habitus, incessus: & quicquid incitare potest ad libidinem. Fornicatio (inquit Apostolus) & omnis immunditia nec nominetur in vobis, sicut decet Sanctos: aut turpiterudo, aut stultiloquium, aut scurrilitas. Et B. Petrus ad conjugatos: Viri similiter cohabitantes secundum scientiam, quasi infirmiori vasculo muliebri impatiens honorem.

Quam grave peccatum sit scortatio, ex eo patere potest, quod Apostolus cum fornicariis Christianis prohibet cibum sumere, aut consuetudinem habere, tanquam excommunicatis. Facit amor carnalis hominem apostatare a Deo, & instar pecudis, sensui obedire, rationis iudicio obfesso a passione. Exempla habes in Davide & Salomone præter alios. Adulterium vero leges Civiles (c) capite censuerunt plectendum. Jam quid censendum de illo peccato est, quod non solum rectæ rationi & iustitiæ repugnat, sed etiam ordinem naturæ pervertit? Plura quære in titulo de Peccatis.

STATUTUM I.

Confitementem de enormi peccato, & hesitando, remittat Curatus ad Penitentiarium nostrum.

SEPTIMUM PRÆCEPTUM DECALOGI,

Non furtum facies.

Ex definitione furti forte intelligi possit omnis hujus præcepti vis & materia. Definitur: contrectatio rei alienæ, invito Domino: addunt quidam, dolosa, vel fraudulenta, ad acquirendum Dominium, seu proprietatem, vel possessionem, vel usum. [d]

Sed uno verbo complexus est Christus, qua maxime ratione hoc præceptum adimplere queamus. Omnia quæcunque vultis, ut faciant vobis homines, & vos facite illis. Et Apostolus, Qui furabatur, jam non furetur: magis autem laboret operando manibus suis, quod bonum est: ut habeat, unde tribuat necessitatem patienti. Quantum ergo abest a lege Christi & Dei, qui non tantum non elargitur sua, sicut tenetur, sed rapit aliena? Pro-

(b) Conc. Ancyr. & Agathen. & Turon.

(c) L. Patri. ad leg. Juli. de adult.

(d) L. 1. ff. de fur. in iustitu. de oblig. quæ ex delict. nasc.

Prohibetur per hoc præceptum omnis rei alienæ contrectatio, & usurpatio: sicut per furtum, rapinam, usuras, lucra injusta, dolum malum: & per quosvis contractus, quibus Christiana charitas læditur, & proximus fraude circumvenitur: quocumque titulo pallietur contractus.

Et tenetur ad restitutionem quicumque rem alienam ita retinet. Quia non remittitur peccatum, nisi restituatur ablatum. (e) Propter quod periculosum est hoc peccatum, ubi semel commissum est: quia difficile potest Confessor extorquere restitutionem a penitente, postquam is in suos usus converterit rem alienam. Quamquam non semper oportet eandem restituere, modo satisfiat læso. Contingit enim sæpenumero, rem non esse amplius in potestate ipsius, qui cepit: sæpe etiam, ut læsus condonet, & remittat, aut acceptum ferat.

Contingit autem, ad restitutionem nos teneri, quando rem alienam injuria ceperimus, & quando debemus ex contractu, ex lege, vel statuto, ex sententia Judicis, ex testamento, vel ultima voluntate: ex delicto, vel quasi delicto. Quæ omnia prudentiæ Pastoris relinquenda sunt, ne omnia perfectamur. Plura quære in titulo de Peccatis avaritiæ.

OCTAVUM PRÆCEPTUM DECALOGI,

*Non loqueris contra proximum
tuum falsum testimonium.*

Prohibuit Deus, ne proximum offendas in corpore, per quintum mandatum: ne in personis necessariis, per sextum: ne in bonis & opibus, per septimum: hic, ne infama etiam, prohibet. Quamquam per præceptum hoc proprius intelligendum est prohiberi damnum omne, quod proximo inferitur, præstando falso testimonio in iudicio, vel omitendo præstari: sed ex consequenti intellige omne mendacium, detractiorem, susurrationem, derisionem, contumeliam, judicium temerarium. Lingua modicum quidem membrum est, sed magna exaltat. Ecce quantus ignis (f) quam magnam silvam incendit. Non erit criminatorem, neque susurro in populo, ait Dominus. De assentatione Psalm. 140. Oleum peccatoris non impinguet caput meum. Detrahere autem, vel derahentem audire, utrum damnabilis sit, non facile constat. Et tenetur, qui sic nocuerit proximo, ad restitutionem: si ve in bonis nocuerit, si ve in fa-

ma. Et magis etiam ad restitutionem famæ, quam pecuniæ: quia melius nomen bonam, quam divitiæ multæ. Contra præceptum hoc etiam peccat, qui de seipso detrahit, cum sit sibi quisque proximus, & Ecclesiam iste lædit, cujus membra sumus omnes. Quare fugiendum est omne genus mendacii, cujus pater diabolus est. Perdes omnes, inquit, qui loquuntur mendacium. Nec se excusare quisquam putet, quod prodesse velit per mendacium: quia hæc prudentia carnis mors est. Primum, inquit Dominus, quærite Regnum Dei, & iustitiam ejus: & hæc omnia adjicientur vobis. Ideo nunquam mentitendum: multo minus cum damno proximi.

STATUTUM I.

Debet ergo, qui famæ alterius detraxerit per mendacium, reparare, confitendo de suo mendacio. Quin etiam si verum dixerit, debet tamen retractare aliquo modo, ne proximum infamet. Secus est in denuntiatione, vel accusatione juridiciali: in qua ratio habetur utilitatis publicæ & animarum: non solum privati commodi, aut compendii alicujus.

NONUM PRÆCEPTUM DECALOGI,

*Non concupisces domum proximi
tui.*

DECIMUM PRÆCEPTUM DECALOGI,

Non desiderabis uxorem ejus.

Differentia horum duorum præceptorum in hoc consistit: quod nonum utilitatis & commodorum desiderium reprimat: decimum voluptatis. Quare ex iis, quæ bona dicuntur a Philosophis [ut honestum, utile, delectabile,] solum honestum licet appetere semper: reliqua non item. Non utique quod mala sit omnis concupiscentia: siquidem cibum & potum appetimus naturaliter: & cum frigemus, calefieri: nec in his peccamus, nisi ea concupiscamus, quæ spiritui & rationi repugnant, vel legi Divinæ.

Duo hæc præcepta non solum manum cohibendam docent, sed etiam animum. Quod proprium legis Divinæ est. Humanæ enim leges opus tantum externum prohibent, & penam tantum corporalem infligunt: sed

Divi-

(e) Aug. Epistol. ad Macedo. c. 14. q. 6. c. Si res. c. Sæpe. de rest. spol.

(f) Jacob. 3.

Divinæ, æternæ mortis reatum. Quia radix & semen mali operis est concupiscentia, ut Salvator inquit. De corde exeunt cogitationes malæ, homicidia, adulteria, fornicationes, furta, falsa testimonia, blasphemæ.

In sexto mandato prohibetur actus exterior carnis: hic interior concupiscentia. Qui enim viderit mulierem ad concupiscendum eam; [g] jam mœchatus est in corde suo. In septimo prohibetur rei alienæ usurpatio, & detentio; hic usurpandæ atque habendæ cupiditas: quoniam radix omnium malorum est cupiditas, & philargyria: quam quidam appetentes erraverunt a fide, [b] & inferuerunt se doloribus multis.

Quapropter omnes actiones, tendentes vel ad adulterium, vel ad furtum, his duobus præceptis damnantur, etiam si finem non fuerint consequutæ: ut sollicitatio pudicæ mulieris, [vel alteri jam desponsatæ] lenocinium, saltationes, & momi propter ea tantum facti. Possent enim recreationis honestæ causa sine peccato mortali fieri choreæ, & lusus alii. Item cibi & pharmaca ad explendam Venerem sumpta: & alia similia; quæ ex fine rationem accipiunt boni & mali. Idem esto iudicium de actionibus, a cupiditate rei alienæ procedentibus. Quare non sine iusta causa prohibita est Clericis alea. Raro enim contingit, ut expers fiat avaritiæ: præter alia mala, quæ secum defert. Prohibitæ eisdem etiam artes fordidæ omnes, ut perfectioris doctrinæ exemplam præbeant.

Omnia secundæ tabulæ præcepta uno verbo complectitur Salvator (i): Omnia quæcunque vultis, ut faciant vobis homines, hæc & vos facite illis. Quod tanquam legi naturali consonum, Tobias [k] jam antea dixerat: Quod tibi ab alio fieri non vis, alteri ne feceris.

STATUTUM I.

STatuimus, & ordinamus, ut singulis diebus Dominicis Curati populo enarrent decem hæc Præcepta Dei, lingua vernacula, ut ab omnibus intelligi queant.

II.

Exponent etiam, quando res postulaverit, penam simul & præmium, quæ Dominus proposuit, cum hæc præcepta daret. Dixit (l) enim: Ego

sum Dominus Deus tuus zelotes, visitans iniquitatem Patrum in tertiam & quartam generationem eorum, qui oderunt me: & faciens misericordiam in millia iis, qui diligunt me, & custodiunt præcepta mea. Cujus loci declarationem in eodem Catechismo Romano invenient.

DE PRÆCEPTIS ECCLESIAE.

IN virtute obedientiæ, quam ex Christi præcepto (m) debemus Prælati nostris, [Nam qui vos audit, me audit, qui vos spernit, me spernit, inquit.] & ex consuetudinis Ecclesiasticæ observantia [Perambulabat enim Paulus Syriam & Ciliciam, confirmans Ecclesias, præcipiens custodire præcepta Apostolorum & Seniorum] Christiani omnes tenentur adimplere præcepta Ecclesiæ: ea, quæ ab Apostolis tradita, tanquam per manus accepimus a Majoribus nostris: & ea, quæ pro tempore videntur, iudicio Prælatorum necessaria, vel utilia populo Christiano. Sed dixerit aliquis, Apostolus contra docet: Pretio empti estis: nolite fieri servi hominum. Sunt hæc hominum traditiones contra libertatem Evangelii. Responde ad hæc & similia, libertate nos donatos a Christo: non carnali, sed a peccato. Alioqui nec præcepta Decalogi nos servare oporteret: nec servos Dominis suis obedire. Hoc est velamen malitiæ, habere libertatem, ut B. Petrus loquitur: Nolite fieri servi hominum. Non more humano servos esse, jubet Apostolus, qui metu penæ obediunt: sed servos spirituales Dei: iustitiæ ex charitate servientes. Sic enim Christus dilexit nos, ut proprio sanguine redemerit. (n)

Sunt autem quinque proposita omnibus fidelibus generaliter, quæ vulgo appellantur quinque Mandata Ecclesiæ. Unum est de audienda Missa diebus Festis: Alterum de observatione Festorum: Tertium de observandis Jeuniis: Quartum de Confiteundo semel saltem in anno: Quintum de sumenda Communione, saltem in Paschate. Addunt de solvendis Decimis: atque etiam de non celebrandis Nuptiis tempore prohibito. Sed illa quinque, ut magis decantata sunt, ita inculcanda magis.

Breviis

(g) Matth. 5.

(h) 1. Tim. 6.

(i) Matth. 7.

(k) Tob. 4.

(l) Exod. 20.

(m) Matth. 10.

Luc. 10. Joan. 13.

(n) 1. Corin. 7. 1. Petr. 3. Ephes. 6.

*Brevis expositio Mysteriorum
Missæ.*

PRæceptum Ecclesiæ primum ponit hic de audienda Missa integre omnibus diebus Dominicis, & Festis: nec sine magna ratione: quoniam cum sint isti dies cultui Divino dedicati, in ipsis nos debemus orationi vacare, & contemplationi: penitentia quoque, operibusque pietatis exerceri. Sed ut simplices aliquam hujus rei notitiam assequantur, pauca hic ex mysteriis Missæ recitabimus, secundum ritum Ecclesiæ Occidentalis, nostræ communem. Nam Græci a nobis differunt: & a Græcis Æthiopes: & Mediolani alium servant ordinem atque ritum caeremoniarum a nostro: & Toleti, in officio Muthzarabe (o), ab utroque multum dissimilem invenias: in accidentalibus quidem, sed non in essentialibus. Per nomen autem Missæ, quod novum non est in Ecclesiâ; [ut patet ex Concil. Carthag. 4.] intelligimus oblationem, & sacrificium Corporis & Sanguinis Domini, in mysterium factum: sive nomen sit Hebraicum Missah, quod significat munus & oblationem, & elevationem, Deut. cap. 16., sive Latinum. Et posset quidem esse verbale, Missa, pro missio, sive dimissio: sicut olim remissa, & remissio, dicebant Patres. Nam Apuleius morem etiam fuisse ait idolorum cultoribus, ut peracta res divina, conversus ad plebem Sacerdos diceret: *ἀνέις ἀφαιρε*, id est, populus missio. Sic sentit Isidorus, Poteritque esse participium, ut recitat Magist. sentent. 4. dist. 13. vel quod ex veteri ritu Ecclesiæ facta Communione, Diaconus alta voce pronuncians munera illa Sacra a Sacerdote missa esse jam ad Deum, vel ad eos omnes, qui erant communicaturi, dimitteret populum in pace. Nam Justinus in 2. Apolog. dari per Diaconos Eucharistiam dicit iis, qui aderant: ad absentes autem per eosdem deferri. Græci vocant liturgiam: ex cap. 13. Act. Apost. ubi

legimus: *λειτουργούντων δὲ αὐτῶν τῷ κυρίῳ*. id est, Ministrantibus autem illis Domino & jejunantibus, dixit Spiritus Sanctus, segregare, &c. Itaque liturgia diceretur ministerium publicum, Divinus cultus, rei Sacrae publica administratio, ex C. 13. & 15. ad Rom. Hebr. 8. Dionysius vocat hierurgiam. Ignatius Thyfiam, id est, Sacrificium. Idem Ignatius, & Eusebius, & Justinianus, sanctam Proscomidem, id est, Oblationem. Malach. 1. legitur: Ab ortu Solis, &c. & Psalmo 39. Sacrificium & oblationem, pro nomine, oblatio. Hebræa habent miuha: quod dicunt significare oblationem factam ex farina. Irenæus autem, & Justinus, locum Malachiæ de Missa absque dubio intelligunt. Ignatius meminit hujus Sacrificii in ep. ad Eph. Dionysius in multis locis. Cypr. lib. 1. ep. 2. & 9. Concil. Nicæn. c. 14. Iren. li. 4. Just. contra Appia. August. De ejus ordine multa in epistola ad Paulinum. Paulus promittit se traditurum. 1. Corint. 11. Clemens lib. 2. & plenius lib. Const. Apostol.

Quandoquidem Missa est quædam præsentatio, & expressio Passionis Christi: ideo contemplanda in primis indumenta, quibus ornatus Sacerdos prodit ad celebrandum. Amictus, velamen significat, quo faciem JESU venerandam operiebant Judæi, illudentes ei in domo Caiphæ, & dicentes: Prophetiza nobis, quis est, qui te percussit. Alba vestis illa est, cum qua remisit Herodes illum, tanquam innocentem & stultum: Cingulum, vincula significat: Manipulus, catenas: Stola (seu orarium) Crucem, quam humeris sustulit. Planeta, seu casula, vestem purpuream, & Mitra, seu thiara, coronam spinæam. Usos autem fuisse in primitiva Ecclesiâ Sacerdotes mysticis indumentis, docent Petalon Joannis, Infulæ Tertulliani, Colobion Jacobi, & Stephani, & Euphromii, Stolæ Macharii.

Progressus ad gremium Altaris Sacerdos, Confessionem generalem facit omnium suorum.

- (o) Hoc nomine illud intelligitur officium, quod Mozarabicum, seu Mosarabicum passim appellatur. Hanc illi denominationem tunc inditam credunt, quando Mauri Hispanias invaserunt. Cum enim eo tempore Christiani, qui sedes suas noluerunt deferre in locis, quos Mauri occupaverant, mixti Arabibus viverent, sua illis tributa pendentes, Mixtarabes, itemque Muzarabes & Mosarabes dici cœpere, ut quidam volunt.

Reipsa illud officium Gothieum fuit, quo utebantur Christiani, Arabum dominio subiecti. Unde & inscribi solet *Officium Gotbicum, sive mixtum secundum Regulam B. Isidori*.

Vide *Glossar. du Cange* Tom. II. & *Dissertationem P. Emmanuelis de Azevedo e Soc. JESU, de antiquis Ecclesiarum Occidentis ritibus* &c. quam refert P. Francis. Anton. Zaccarias ejusd. Societ. in edita a se *Claudii Fleury Disciplina Populi Dei in novo Testamento*. Tom. I.

Cujusmodi autem fuerit Mozarabicum illud officium, docent præ cæteris *Alvarus Gomezius L. 2. de rebus gest. Cardinal. Ximenii*, & *Cardin. Bona L. 1. verum Liturgicarum* C. 11.

suorum peccatorum: & eodem modo populus suorum quoque peccatorum: postulantque hi, ut Sacerdos pro se oret, & omnes Sancti, Sacerdos vero absolutionem in Christi merito impendit omnibus.

Chorus & populus cantant Introitum, significantes voces & prædictiones Prophetarum de adventu Christi. Ideo hæc fere ex Propheta aliquo sumitur cum Psalmo Davidis, & versiculo illo: *Gloria Patri, & Filio, & Spiritui Sancto*. Ex quo facile credas, olim Psalmos integros cantari solitos, dum populus conveniret ad officium hoc. Hic interea incensum adoleri, testis est Dionysius.

Deinde populus adveniēti jam Christo, alta voce supplicat, Græco sermone utens: *Kyrie eleison, Christe eleison*, triplicando: *Domine miserere, Christe miserere*.

Et tanquam exauditus, gratias agens alta voce cantare incipit: *Gloria in excelsis Deo*, quod tamen non ante cantat Chorus, quam a Sacerdote excitatus, & quasi admonitus de Christi adventu: ab Angelis namque Pastores certiores facti fuerunt de nato Christo.

Hoc Hymno dicto, Sacerdos orationem unam vel plures facit ad Deum Patrem per Jesum Christum Dominum nostrum: salutato prius populo, *Dominus vobiscum*. Cui populus respondet simili resalutatione: *Et cum spiritu tuo*. Et hortatur populum; *Oremus*. Finita oratione respondet populus dictione Hebraica, *Amen*. Et dicuntur istæ orationes, Collectæ: propterea, quod sub istis fiebant collectæ pecuniæ, & elemosynæ, quæ dabantur a fidelibus, diebus Dominicis in usus pauperum Ministrorum Ecclesiæ, sicut disposuit Apostolus Paulus. Nam panis & vini oblatio ad mysteria, in Offertorio fieri debet, ubi aliud offerri prohibitum est Can. 28. Sextæ Synodi.

Per lectionem Epistolæ, doctrinam accipimus disciplinæ Christianæ, & pietatis, tam ex veteri aliquando Testamento, quam ex novo, quam populus auscultare debet attente, & memoriæ mandare.

Cantatur (veluti acclamatio quædam a populo) Responsorium cum versu, & lingua Hebraica, *Alleluja*, (id est, *Laudate Dominum*) vel Tractus in diebus jejuniis: quod meditationem habet Divinæ Legis: & dicitur Graduale, a cantus genere.

Post cantus istos Diaconus legit Evangelium alta & intelligibili voce: in quo continetur historia vitæ, mortis, & resurrectionis Christi.

Recitato Evangelio; incipit Sacerdos Symbolum Fidei, & populus prosequitur

Fidei confessionem, *Credo in unum Deum, &c.*

Hactenus omnia ad præparandum populum in devotione geruntur: quæ vero sequuntur, ad Sacrificium maxime spectant, quamquam certe de Sacrificio esse omnia dicuntur, quæ circa illud fiunt. Est autem Missa Sacrificium, non solum Sacramentum. Incruentum quidem: quia in commemorationem fit illius Sacrificii, quod semel factum est in ara Crucis, cum sanguinis effusione. Dominus enim cum Corpus suum daret discipulis, dixit: *Hoc est Corpus meum, quod pro vobis tradetur: hoc facite in meam commemorationem*. Itaque Corpus Domini, quod accipiebant tunc Apostoli, prius fuit pro peccatis oblatum, & deinde pro alimento Spirituali, & Sacramento manducatum. Nos ergo facientes, quod iussit Dominus, idem offerimus prius, & deinde manducamus: quod est proprium Sacrificii. In Sacrificio enim primo offertur hostia: deinde mactatur, & intingitur: postea distribuitur iis, qui participes esse debent Sacrificii. Christus semel mactatus est pro nobis, & sanguine tinctus. Nos mactationis ejus memoriam in mysterio hoc tremendo celebrantes, hostiam eandem offerimus: & in actione tanquam mactamus, incruentam tamen, sicut & incruentam manducamus ac bibimus. Qui ergo sine oblatione & sacrificio manducant panem, & bibunt vinum in suis cænis, illi non sane faciunt, quod Dominus instituit: quia non vere sacrificant, nec offerunt corpus ejus Deo Patri. Adde, quod facere, sacrificare est, tam in Literis Sacris, quam profanis.

Rursus ergo Sacerdos salutatur populum, & ad orandum hortatur, *Dominus vobiscum, Oremus*.

Et cantantibus Ministris chori Tractum ex veteri vel novo testamento (quod dicitur Offertorium) populus offert Deo, & præsentat Sacerdoti (vel ejus Ministro) oblationem suam panis & vini, vel (quod jam fieri nunc solet) pecuniæ, pro cujusque devotione.

Facta oblatione, & paratis super altare pane, & calice, Sacerdos manus abluit, ad tanti mysterii se præparans celebrationem, & offert: & deinde conversus ad populum postulat, *Orate pro me, ut meum ac vestrum Sacrificium acceptum fiat apud Dominum*: Et magno cum silentio omnium, secrete orat. Orationis secretæ sine silentium rumpit, *Per omnia sæcula sæculorum*: & respondet populus, *Amen*: ea voce vota sua cum orationibus Sacerdotis jungi desiderans. Hic tertio salutatur ad excitandum populum ad attentionem: & postulat, ut animus eleventur ad

ad Deum, & gratias agant. Populo igitur annuente, jam quasi Spiritu Dei plenus Sacerdos, elatior fit, & congratulando alta voce manibus & oculis in cælum sublati incipit: *Vere dignum & justum est, æquum & salutare.*

Præfationem istam excipit statim populus, vel chorus pro populo (Angelorum primum referens cælestes cantus) *Sanctus, Sanctus, Sanctus Dominus Deus Sabaoth*, id est, Deus exercituum: deinde puerorum Israelitarum, qui Salvatori ingredienti urbem Hierusalem acclamabant: *Osanna in excelsis.* Quæ vox erat ovationis & triumphi, apud Hebræos.

Hinc iterum silente populo, Sacerdos mysteria peragit Consecrationis, quæ vocatur actio: omnia agens & dicens cum timore, voce submissa, tanquam secrete: ne ab omnibus intelligatur. Sunt enim hæc mysteria tremenda: nec revelanda omnibus: non paganis infidelibus, non excommunicatis, non catechumenis, non energumenis: sed fidelibus tantum, rite in Christo initiatis: ut docuit olim magnus ille Dionysius Areopagita. Prius tamen Sacerdos commendat Deo Prælatos, & Principes, & specialiter, quos sibi videtur: & generaliter omnes assistentes, & omnes fideles Christianos, *quorum fides Deo cognita est, & nota devotio:* pro quibus sacrificium offert, & qui offerunt communicando, & memoriam venerando Beatissimæ Virginis Mariæ, & omnium Sanctorum. Post consecrationem quoque pro Defunctis orat, qui sunt participes mortis Christi, quæ in hoc Sacramento annuntiatur. Pro se etiam orat Sacerdos, & pro omnibus peccatoribus famulis Dei, in misericordia Dei sperantibus, memoriam repetens Apostolorum quorundam, & Martyrum: omnia tamen per Christum, & cum Christo, & in Christo. Quare ut oratio a Deo exaudiat, formam orandi a Domino præscriptam, alta voce, silentium denuo rumpens, cum fine orationis secretioris adjungit: *Pater noster*, quam populus absolvit, sequutus tacite præeuntem Sacerdotem.

Crucem super Sacramentum ante & post consecrationem, multis modis facit: in mysterio Trinitatis, Deitatis, & Humanitatis, Incarnationis, Nativitatis, Passionis, Resurrectionis, & Ascensionis Domini. Et quia in actione hac potissimum mactationis mysteria representantur: ideo fiunt Cruces in memoriam plagarum quinque, & rursum quinque effusionum sanguinis. Tollit in altum Sacramentum: & ut Pari hostiam Filii sui offerat, & ut sub speciebus ipsis, tam ipse Sacerdos, quam alii omnes assistentes, Chri-

stum Deum & hominem, Salvatorem nostrum, adorent. Idcirco Sacerdos oculos in cælum levat: & populus pectora sua tundendo, pro peccatis suis offerri hostiam profitetur, accusans culpam propriam, & veniam poscens ab eo, quem tanquam in Cruce sublatum adorat. Morem vero hunc ostendendi assistentibus Sacramenti, a primitiva Ecclesia acceptum esse, constat ex Dionysio Areopagita.

Post hæc hostiam in duas partes dividit, quia per mortem separata est anima a corpore. Quia vero in Christo Divinitati fuit semper juncta humanitas, ideo iterum tribus partibus factis ex hostia [quibus significantur Divinitas, anima, & corpus] unam in calicem mittit, ut panis vino intingatur. Fuit namque mos olim, pueris & infirmis dare intinctum panem consecratum: nunc duplici videtur fieri mysterio. Nam & Corpus significare potest, quod in Cruce sanguine proprio & aqua tinctum fuit, & animam, quæ descendit ad inferos. Sergius quoque Papa aliam causam assignat. Hoc faciendo (tanquam Patres in limbo positos) populum salutatur Sacerdos, triplici Cruce benedicens: *Pax Domini sit semper vobiscum.* Populus quoque sub persona Patrum, qui erant in limbo, Christum alloquitur: *Agnus Dei, qui tollis peccata mundi, miserere nobis.*

Hoc loco Sacerdos Communionem sumit, & alii, qui parati sunt, & volunt Sacrificii participes fieri Sacramentaliter: idque cum silentio.

Communione facta, Sacerdos tertium silentium rumpendo, excitat populum ad gratias agendum Deo, per orationem, quæ dicitur Postcommunio. Quibus actis, rursum salutatur & dimittit populum.

Itaque in Missa, & Sacramentum fit, & Sacrificium. Sacrificium vocat Ignatius, uti diximus. Et Apostolus mensam, altare: Græce thyssalterium. Habemus altare, de quo, &c. Heb. 2. Et in fragmentis Nicœni Synodi poni dicitur in Sacra hac mensa Agnum Dei sine mactatione mactatum a Sacerdotibus. Immolatur ergo agnus, ut in Sacrificio: & Sacra peraguntur in mysterio, id est, Sacramento. Alterum Dominicæ cenæ symbolum est: alterum mortis. Qui cenæ tantum figuram faciunt, illi non faciunt, quod Dominus jussit. Quia si cenam tantum annunciant, non tamen mortem Domini. At mortis memoriam fieri jussit. Hanc facit Ecclesia. Siquidem hostiæ illius immensæ virtutis, quam Christus in Cruce obtulit, symbola signaque fuerunt Sacrificia veteris testamenti: Novi autem, Sacrificium hoc incruentum, quod non modo Eucharisticum est, sed

&

& Propitiatorium: id est, quo Deum nobis propitium, placatumque reddimus. Idemque Sacrificium pro gratiarum actione fit, & pro peccatorum remissione. Omnis enim Sacerdos constituitur, ut offerat dona & Sacrificia pro peccatis, inquit Apost. Heb. 5. Nec tantum pro vivis (docet Chryl.) sed etiam pro defunctis. Hom. 69. ad pop. Antioch. & ex verbis Lucæ 22. patere potest. Dicenim, quod accepto pane gratias egit, & fregit, deditque eis, dicens: *Hoc est Corpus meum, quod pro vobis datur*: (id est, offertur, Eph. 5. *Qui tradidit semetipsum pro nobis oblationem & hostiam*) & sequitur: *Hoc facite in meam commemorationem*, (nempe quod ego facio: scilicet gratias agite, frangite, offerte & sumite] pro vobis. Si ergo facere iussit pro nobis, certe non tantum vivis, sed etiam defunctis fidelibus. Nam pro omnibus mortuus est Christus, & vivis & defunctis.

Hæc summatim decerpta ex aliis multis & inenarrabilibus, hujus tremendi Sacrificii mysteriis, vobis Curatis exposita volumus, ne prorsus ignari tanti muneris, nihil vos magni agere posthac arbitremini, & negligenter Sacra faciatis: cum sit nihil hic sine maxima ratione ordinatum, ad representandam Passionem Christi, vel dispositionem Corporis ejus mystici, cui applicatur: vel ad reverentiam & devotionem tanti Sacramenti. Quanquam enim pauca sunt de essentia ejus a Christo tradita, & multa ante & post Consecrationem, a Patribus & Apostolis addita ad instructionem populi, & excitandam devotionem assistentium: omnia tamen cum reverentia, quam maxima possumus, & timore agenda censeo. Reliqua quære in Sacramento Eucharistiæ. Nunc hortabuntur suos Curati, ut Sacrificio huic tremendo reverenter assistant, meditantes aliquid vel de vita Christi, vel de peccatis propriis, vel de gloria cælesti, de Sanctorum victoriis, malorum penis, & aliis similibus rebus devotis.

STATUTUM I.

OB reverentiam tanti Mysterii amovendi jubemus subsellia mulierum a Presbyterio & a Choro, si qua inveniuntur in Ecclesiis, hoc est, juxta Altare majus, vel intra cancellos Chori.

II.

Expectent, si fieri potest, benedictionem Presbyteri, ne Ecclesiæ ordinem perturbent: (p) non enim interfuisse Mysteriis videtur, qui antequam dimittatur, recessit. Nec spiritualem Communionem recepit, qui Communionem Sacramentalem Sacerdotis non expectavit.

SECUNDUM ET TERTIUM PRÆCEPTUM ECCLESIE.

Sacerdoti proprio annis saltem singulis peccata sua confiteor. Et Sacrosanctam Eucharistiam, ad minimum semel in anno, circa festum Paschæ sumito. (q)

Ecclēsia eos, qui in Paschate, Pentecoste, & Natali Domini, non communicassent, ne inter Catholicos quidem habuit aliquando (r): sed nunc indulgentior (quando charitas refrinxit) sufficere arbitrata est, modo semel in anno omnes utriusque sexus, usum rationis habentes, peccata sua Parocho, aut ex illius permissione, alii idoneo Sacerdoti, confiteantur: datam & acceptam penitentiam adimpleant: & ad minimum in Paschate Sacramentum Eucharistiæ sumant: nisi forsan ex consilio, ob aliquam causam rationabilem, aliquantisper ab hujusmodi sumptione abstinendum putaverint.

STATUTUM I.

Hæc negligentem, dum vivit, ab Ecclesiæ communione, & mortuum Ecclesiastica sepultura arcendum esse, statuimus.

QUARTUM PRÆCEPTUM ECCLESIE,

De Festis, & Computo Ecclesiastico

DE quarto Præcepto Ecclesiæ, quo tenentur omnes fideles, etiam Divina lege, Festa colere, dictum abunde est supra in tertio Præcepto Decalogi. Sed quam necessaria sit Sacerdoti cognitio dierum Festorum, & Calendarii, vel unum verbum docet in lege: *Memento*, (inquit) *ut diem Sabbati sanctifices*. Quasi velit: Meditare, idque frequenter, & cogita diligenter, antequam festæ,

quas

(p) Ex Concil. Ancyran. c. 2. & Apostolorum c. 9.

(q) Ex Conc. Later. c. 21. & de Penit. & Remiss. c. Omnis utriusque sexus.

(r) Concil. Agath. Conc. Eliber. Conc. Turon. De cons. distin. 2.

quas observari oportet; veniant; ne per incuriam, aut oblivionem tuam, dies Divino cultui destinari, prætermittantur. Licet enim natura ipsa doceat, Deo aliquem aliquando cultum præstandum esse: quando autem, quibusve diebus præstandus sit, non præscripsit. Qui vero positi a Majoribus sunt, excidere solent. Quotus enim quisque est, qui non hic fallatur? quis non frequenter diem Jovis, pro die Mercurii accepit? aut alium pro alio? Quod si hac in re Sacerdos aberret: populus, qui aliud agit, a quo reducitur? Hæc causa est, cur apud omnes gentes in more semper fuit, ut penes Sacerdotes tantum judicium relinqueretur Fastorum & nefastorum dierum: mensiumque, & annorum fines a Sacerdotibus ponerentur.

Hoc est, cur computum tradimus Ecclesiasticis. Regulas, inquam, Calendarii Ecclesiastici. (s) Nempe, ut docere populum sciant Festos, ac non Festos dies: & ad munera multa in victu quotidiano & societate hominum necessaria, admonere populum de temporum vicibus atque revolutione. Accedit ad hanc causam obligatio Horarum Canonicarum. Cujus etiam hæc vis est, atque utilitas: ut quamvis officium Ecclesiasticum tradi potuerit continuum, & uniforme: tamen ut memoriam coleremus assiduam dierum, & mensium, & temporum anni; sic ordinatum suis ubique locis est, ut & preces, & lectiones, & cantica, & cantus, & modi, pro diebus & horis distinguerentur, & varia subinde ficerent: ut attentiores redderemur ad rem, quæ facile excidit, & elabatur. Si enim pensum idem, vel eodem modo, quotidie persolvere sufficeret, nulla varietate percepta: sane anni recurrentis dies sæpe oscitando prætercurreremus. Nunc varietas & obligatio, attentos reddunt.

Sed dicit forte aliquis: Paulus (†) dies prohibet observari, & menses, & tempora, & annos. Prohibet quidem superstitione observare: ut stulti nunc multi Almanachistæ faciunt: qui atros dies, & infelices ducunt, Idibus aut Calendis proximos. Certe Ovidius ipse ab eventu dicit, non a natura, istos omen accepisse:

— Ilis nam Roma diebus

Damna sub adverso tristia Marte tulit.

Nos autem & dies & menses, Solisque & Lunæ motus, sic observamus, sicut a Deo creata sunt: ut essent in signa, & dies, & tempora, & annos.

Computus ergo, utcumque Latina vox, a computare usurpatus est, pro arte inve-

niendi Festa mobilia præcipue. Immobilia enim singulis anni diebus ascripta sunt in Calendario. Quamquam & horum quoque versus quidam traduntur, memoriæ causa: sed alii ab aliis. Et eorum ratio atque ars est, cum litera Dominicali investigare quoto die mensis, & qua feria hebdomadæ, veniat Festum: quoniam syllabæ numerant dies mensium, & invento die, litera diei feriam demonstrat hebdomadis. Vulgo fiunt versus, Cifio Janus Epi. &c.

In anno solari sunt 365. dies cum sex horis. Ideo quarto quoque anno addimus diem unum sexto Calendas Martii [id est, 24. Februarii] unde dictus bissextus: quia eo anno sub eadem litera F. numeramus bis, sexto Calendas Martii. Et fiunt tunc dies anni 366. Et mutatur litera Dominicalis. Datur enim eidem literæ F. feria etiam sequens.

Menses sunt duodecim: sed numerus dierum mensium non idem est. Siquidem Februarius habet dies 28. & in bissexto 29. Quatuor hi: Junius, Aprilis, September, & November 30. Reliqui, videlicet, Martius, Majus, Julius, Augustus, October, December habent 31. Quare sufficit meminisse illorum quatuor, hoc versu:

Junius, Aprilis, Septem, Novemque trigenos.

Diem incipiunt Astrologi a meridie: Babylonii ab ortu Solis: Hebræi ab occasu: nos in omnibus eum metimur a media nocte: sed Festivitates a primis Vesperis incipimus. Romani, & plerique Itali, horas numerant 24. ab occasu Solis ad alterum occasum.

Prima dies mensis dicitur a Latinis Calendæ, a calata (id est, vocata) plebe: Græcis est Neomenia, id est, Novilunium. Incipiebant enim pleræque nationes olim menses a prima Luna post conjunctionem. Plenilunium Græca voce appellarunt etiam Latini Idus: tanquam speciei, & formæ Lunæ perfectæ diem. Nonæ vero significant novum diem ante Plenilunium. Sed hæc nomenclatura, cum ad menses solares translata sit, a prima certe nominum ratione deflexit. Vocamusque Calendas, & Nonas, & Idus, non ad Lunæ formam vel motum, sed ad dierum numerum mensis cujusque solaris respicientes.

Primum mensem anni Romani faciunt Januarius: & vulgus hunc ordinem tenet. Sed Astrologi Martium, quia ab æquinoctio verno auspicantur. Galli morem Ecclesiæ antiquum retinentes, a Paschate ordiuntur: & hæcenus nos sequuti sumus in nostra Dialecti.

(s) De regulis his monendus es Lector, ut observes, easdem traditas fuisse ante Gregorianam Calendarii emendationem. Synodus enim hæc celebrata est anno 1571: Calendarii vero emendatio Gregoriana secuta fuit anno 1582. Vide, quæ de anno 8^o ejus partibus prænotata sunt in Parte Hiemali Breviarii Romani. (†) Gal. 4.

cefi. Sed ex hac differentia fit, ut non fit idem annus omnibus bissextilis: quoniam cum dies bissexti cadat inter Januarium & Februarium, idem iis, qui annum a Januario inchoant, bissextilis erit, aliis non bissextilis. Quod ignorare non oportet.

Cyclus Literæ Dominicalis.

g	f	e	d	b	a	g	f	d	c	b	a	f	e	d
		c				e				g				
c	a	g	f	e	c	b	a	g	e	d	c	b		
b			d			f					a			

Literæ Dominicales sunt septem A. b. c. d. e. f. g. quia septem sunt dies in hebdomada, hisce 7. literis notati. Septem Planetis dedicabant gentiles, Soli, Lunæ, Marti, Mercurio, Jovi, Veneri, & Saturno. Nos diem Dominicam appellamus primam, ab Apostolis edocti: & Romana dictione, 2. 3. 4. 5. 6. ferias: nimirum ut a peccatis, & operibus iniquis, feriemur semper. Septimam autem, Hebraice, Sabbathum. Sed singulis annis mutantur harum literarum dies. Nam quæ hoc anno notabat diem Dominicam, sequenti anno indicabit diem Lunæ. Ad inveniendum ergo, qua litera quovis anno dies Dominica signetur, circulus factus est ipsarum literarum, qui constat ex 28. partibus. In quibus literas sic collocamus, ut quarto quoque loco binæ reperiantur. Retrocedendo tamen. Nam & singulis annis retrocedunt hæ a suis feriis: propterea quod ultima Decembris eadem est, quæ prima Januarii, scilicet A. Facilitatis causa in 28. manus finitæ articulis disponito, incipiendo in basi auricularis digiti, intrinsecus, ut in figura.

Manus interior.	13 f	14 e	15 d	16 c b	Manus exterior.			
	17 a	18 g	19 f	20 e d	12 g a	11 b	10 c	9 d
	21 c	22 b	23 a	24 g f	8 e f	7 g	6 a	5 b
	25 e	26 d	27 c	28 b a	4 c d	3 e	2 f	1 g

Ad investigandum autem quolibet anno quæ sit litera Dominicalis, ponamus finem hunc in anno Domini 1564. qui bissextilis fuit. In prima autem sede disponendo literas in manu: numero annorum Christi additis 4. aggregatum divide per 28. Quod reliquum est, ordinato per articulos manus, incipiendo nunc ab ultima sede: locum in-

ventum preme pollice ejusdem manus, donec literas disponendo (uti jussimus) ad eum articulum perveneris, quem premis pollice. Litera sic Dominicali inventa, diem alium quemlibet mensis noveris. Nam si fit ea (verbi gratia) A: cum prima mensis Januarii fit A: sequitur dati anni primam Januarii esse Dominicam: secundam Lunæ, &c. Sed expedit memoria tenere mensis cujusque primam literam. Hoc docebunt primæ literæ syllabarum harum, *Adam degebat eger cofia defert.*

Cyclus Aurei numeri Decem-novenalis.

Alter Cyclus dicitur Aurei numeri, quod aureis literis, ob dignitatem, & usum investigandi Novilunia, distributus fuit in Calendario. Sic enim dispositus est, ut ubicunque anni currentis numerus est, illic Lunæ conjunctionem cum Sole fieri declararet. Quamquam certe jam, labentibus annis, antiqua ejus dispositio multum a veris conjunctionibus defecit. Ad investigandum autem hunc numerum divide numerum annorum Christi, (uno addito) per 19. quod reliquum est, numerum anni aureum notabit. Sufficietque nunc abjecisse 1500. divisio reliquo. Nam æquatum fuit cum 1500.

Quoniam igitur numerus iste sic in Calendario distributus est, ut cujuslibet anni signet Novilunia: fueritque præceptum a Domino in lege, ut 14. Luna primi mensis manducaretur Agnus Paschalis: nos Canonem Concilii Nicæni retinentes [qui æquinoctium in mense Martio jam declinante posuit] quærimus primo Aureum numerum anni currentis, in Martio: & ab eo loco numeramus 14.; sequenti quidem die Dominico Pascha nostrum esse deberet: sed ne cum Judæis impiis solennitatem hanc celebremus, si Luna 15. ceciderit in Dominica, transferimus celebritatem in proximam Dominicam sequentem.

Quamquam autem invento die Paschatis facile est reliqua mobilia Festa reperire: tamen Septuagesimam primum solemus investigare: venit enim statim in anni principio, nempe vel in Januario, vel in Febuario: unde & solennitates aliæ aperiuntur. Quæramus igitur, antequam finiatur annus Aureum numerum, qui proxime præcedit festum Epiphaniæ: (hic enim plerumque est anni præcedentis) ab eo numero dies 40. Dominica sequens hos dies 40. erit Septuagesima, nisi annus sit bissextilis. In bissexto enim oportet numerare 41. Dominicæ sequentes Septuagesimam sunt Sexagesima, Quinquagesima, Quadragesima, [quæ dicitur

Brandonum] Dominica secunda Quadragesimæ, quæ Reminiscere: tertia, quæ Oculi: quarta, Lætare: quinta, quæ In passione: sexta, quæ In ramis Palmarum. Hinc Pascha. Et a Paschate prima Dominica Quasimodo, vel in Albis: secunda, Misericordia: tertia, Jubilate: quarta, Cantate: quinta, Vocem: & hæc quidem est ante Ascensionem. Sequitur enim Ascensio die Jovis. Postea Dominica intra octavas Ascensionis: deinde Pentecostes. Sequitur Festum Trinitatis, & intra octavas Trinitatis, feria quinta, Festum Eucharistiæ. Intra vero octavas Eucharistiæ, Dominica incidens, dicitur Dominica prima post Trinitatem: & alio etiam nomine [licet improprie] Dominica prima post octavas Eucharistiæ. Sed Dominica prima Adventus semper proxima est festo Sancti Andreæ, five ea in Decembri veniat, five in Novembri.

Est alius adhuc tertius Cychus, quem vocant Indictionis: locorum 15. Incipit a Septembri: nempe ab æquinoctio Autumnali. Hunc invenies, additis 3. numero annorum Christi. Nos tam literæ Dominicalis, quam numerorum, Aurei, & Indictionis, finem ponamus in anno 1564., qui sublati 1500. relinquit 64. Ergo anno Domini 1564. fuit annus bissexti, literarum AB: Cychus Lunæ 7. & idem Indictionis.

Atque hæc quidem hæctenus Curatis, & Ecclesiarum Rectoribus scitu necessaria tradidimus. Verum ut aliis quoque, quantum hic opus est, & res patitur, pro more nostro satisfaciamus: licet curiosi quis eaducat, & nimium exquisita: non tamen omnino vel inutilia, vel impertinentia, trademus, si quem juvat cœlestium orbium motus nosse. Quæ signa sunt diei Festi & ævi.

Canon Fæstorum mobilium.

Componitur tabula hac modo. Prima columna datur Septuagesimæ, a 18. Januarii ad 21. Febr. cum suis literis Dominicalibus Calendarii. Nam corrente numero aureo xvi. & litera D: Pascha fit 22. Martii, & Septuagesima 9. hebdomadibus ante fit 18. Januarii. Altera columna datur diei Cinerum, a 4. Febr. ad 10. Mart. Tertia Pascha, a 22. Mart. ad 25. Aprilis. Quarta Ascensionis, a 30. April. ad 3. Junii. Dispones autem semel Aureum numerum, sic ut ad primam literam, quæ est D. ponatur v. & supra hunc, xvi. Reliquos eodem ordine repones, quo dispositi inveniuntur ubique. Facta in hac formam tabula, quære numerum aureum anni, & subtus cum literam Dominicalem ejusdem anni: non eam quidem cui numerus appositus est, sed quæ proxime sequitur. Huic respondent e regione Festa anni, nisi is bissextilis fiet: Tunc enim literam se-

cundam anni accipies, propter Festa, quæ post diem bissexti veniunt.

		Septuagesima.	Cinerum.	Pascha.	Ascensio.	Pentecoste.
xvj.	d	18. Jan.	4. Fe.	22. Ma.	30. Ap.	10. Ma.
v.	e	19	5	23	1. Maji	11
xliij.	f	20	6	24	2	12
ij.	g	21	7	25	3	13
	A	22	8	26	4	14
x.	b	23	9	27	5	15
	c	24	10	28	6	16
xvii.	d	25	11	29	7	17
vij.	e	26	12	30	8	18
	f	27	13	31	9	19
xv.	g	28	14	1. Apr.	10	20
iiij.	A	29	15	2	11	21
	b	30	16	3	12	22
xij.	c	31	17	4	13	23
j.	d	1. Febr.	18	5	14	24
	e	2	19	6	15	25
ix.	f	3	20	7	16	26
	g	4	21	8	17	27
xvii.	A	5	22	9	18	28
vj.	b	6	23	10	19	29
	c	7	24	11	20	30
xliij.	d	8	25	12	21	31
iiij.	e	9	26	13	22	1. Jun.
	f	10	27	14	23	2
xj.	g	11	28	15	24	3
	A	12	1. Mar.	16	25	4
xix.	b	13	2	17	26	5
viiij.	c	14	3	18	27	6
	d	15	4	19	28	7
	e	16	5	20	29	8
	f	17	6	21	30	9
	g	18	7	22	31	10
	A	19	8	23	1. Jun.	11
	b	20	9	24	2	12
	c	21	10	25	3	13

Cum in Calendariis ita dispositus inveniat numerus Aureus, ut Lunæ locum non amplius monstret: (Lunationes enim quinque jam dies anticipantur.) Primum quæret aliquis, unde hæc mutatio? Deinde, unde fit, ut menses nostri non conveniant, neque cum Græcis, neque cum Arabicis, neque cum Ægyptiacis, neque cum Judaicis? ac ne cum Romanis quidem antiquis? An quia æquinoctia translata temporibus sunt? æquari namque cum altero non poterit, quocum in principio, & fine non convenit. An quia Lunæ motus non congruit omnino cum Aureo numero? Nam si lunatio-

riones non redeunt ædem, nec anni lunares fient iidem: nec menses ipsi, quibus anni definiuntur lunares. Hic error, paulatim surrepens, magnas in Ecclesia olim excitavit difficultates: quando alii alio tempore Pascha celebrarent. Sed decretum fuit tandem in Niceno Concilio, & in Romano, sub Constantino Imp., celebrandum id fore semper a 14. Luna primi mensis usque ad 21. ut Dominica dies coruscaret. Et quia eo tempore [circa annum scilicet 325.] æquinoctium erat in 21. Martii: Ideo proximam illi diei Lunam semper postea sumpsere. Et Eusebius (vel quisquis fuit ille, cui mandatum fuerat negotium) numerum hunc in Calendario disposuit cum Ægyptiis. Sed error sub Theodosio seniore rursus apparuit. Quare Theophilus Alexand. Episcopus, circulum alium cepit Ogdoadum, incipiens a consularu Antonii & Syagrii. Sed neque hic satisfecit [ut constat ex Leone I.] & ad Cæsareum reditum est. Anno igitur 532. sub Iustiniano, cognito errore primo ex eo, quod cum Ægyptiis & Hebræis (qui annum inchoarent ab æquinoctio autumnali) disposuissent cyclum, non cum Romanis: data fuit denuo Provincia Dionysio exiguo, Abb. Rom. Is aliud nihil egit, quam quod remissit initium huiusce numeri, ab æquinoctio Autumnali, ad Vernalium. Atque in hunc modum dispositus hucusque remansit. Quamquam in Breviario Pii V. reductum invenias nunc ad locum conjunctionum nostri sæculi, a Januario inchoando.

De annis ergo, & mensibus, pauca accipe: plura enim & quæstiora apud alios invenias. Annus noster Romanus, secundum motum Solis per Zodiacum accipitur. Huius circuitus fit diebus 365. & quadrante: non tamen præcise. Nam si ad amissum finiretur, non mutarentur Æquinoctia. Atqui reperiunt noster communis Alfonsino major, & Ptolemaico: [t] ut in 134. communibus annis, demendus veniat dies unus. Hinc est, quod nunc æquinoctium, quod tempore Nicæni Concilii in 22. Martii ponebatur, fiat 10. Mar. in anno bissextili, & in aliis 11. Quin etiam compertum fuit, quod cum anni medii signent æquinoctium in ingressu signi Arietis: jam tamen verum æquinoctium dies aliquot præterlabatur: nimirum quando Sol est in sectione Æquatoris & Eclipticæ. Nam nostris temporibus, ob titubationem octavi orbis, sectio hæc in 26. gradu Piscium est: & æquinoctium nunc verum inter 5. & 6. Martii accidit. Fitque ex motu octavæ Sphæræ, ut annorum quantitas etiam ipsa varietur, licet modice. Major enim aliquando est, aliquando minor, & in 3500. annis Romanis addere oportet dies 16. quia minores sunt totidem veris, ex quo ce-

pit caput Arietis ascendere a latitudine Boreali. Sequitur ex his, quod ad retinendum perpetuo diem ingressus Solis in Arietem, oportet in anno 134. omittere bissextum. Hoc enim die majores sunt anni 134. communes, totidem veris.

Hæc de anno solari. Annus autem lunaris minor solari est, diebus undecim, quas vocant Epactas. Constat enim 12. Lunæ circuitibus, seu lunationibus, quas menses, a Mene, [id est, Luna] etiam Latini dixerunt. Cum redeat enim Luna ad Solem diebus 29. horis 12. minutis 44. & secundis 3. duodecies sumpta quantitas hæc (omissis interea minutis) dies complet 354. Atqui solaris annus, uti diximus, habet dies 365. hor. 6. ergo diebus 11. minor hic erit annus, vero. Quare, ut æquantur ambo, mos est his, qui lunares tenent, tertio plerumque anno mensem unum addere lunarem. Sic tertius annus habet 13. menses: & vocatur Embolimæus, vel embolimicus: dierum 384. & mensis additus, dicitur Græce quidem Embolimicus, Hebraice autem adjectus Adar. Nam Adar ultimus est mensis. Ergo lunarium quantitatem ut æquantur, tam Græci, quam Arabes, & Hebræi, aliis 29. dies, aliis 30. dedere, alternatim. Et hos quidem plenos, illos cavos appellaverunt Latini: sicut & annos 154. dierum, Synodicos, alios Embolimæos Græci. Sed Ægyptii, qui solari anno utuntur, 12. menses anni, faciunt 30. dierum singulos: addentes ultimo dies 5. ut fiant 365. Elegerunt tamen Romani potius alternatim plenos & cavos: nempe alios 30. dierum, alios 31. [Excepto Februario [ut diximus] 28. dierum: in cuius fine quarto quoque anno addatur dies unus, propter quadrantem reliquum. Alioqui enim, si prætermitteretur intercalatio, non redirent menses iidem ante annum 1465., quem magnum antiqui vocarunt, & cynicum, id est, canicularem, ut refert Censorinus.

Scito tamen, in Scriptura Sacra annos fieri dierum 360. & menses 30., quod patet ex Genes. c. 7. & 8. & Apoc. 11. Author etiam est Philo lib. de Opif. mundi. & Origen. hom. 4. super Num. & Hippolitus lib. de Confir. mundi. Sed profecto contemplanda hic vis illa Divina Septenarii primi numeri pleni: cujus cuncta periodo tempora definiuntur. In cyclo 19. facere coguntur Hebræi 7. embolimicos, restantibus diebus 4. hor. 8. helakim 876. huiusmodi momentis constat hora 1080. Jam in tekupha 91. dies finiuntur, & 7. horæ cum dimidia, at 91. per 7. dividuntur. Rursum 4. hebdomadis in mense abjectis, restant 1. 12. 793. multiplica in menses 12. relictis hebdomadibus, restant 4. 8. 476. e cyclo 19. ablati hebdomadibus, restant 2. 16. 595. Cycli autem Solis major

H 3

(t) Habet enim Alfonsi dies 365. ho. 5. min. 49. 2. 16. Ptholomæi autem 365. 5. 55. 12.

est, quam Lunæ hora 1. 485. & ablatis e cyclo Solis hebdomadibus, restant dies 19. diei 12 hor. 6. suntque reliqui 2. dies 18. horæ. Collectis omnibus cyclis, & diebus, & horis, & momentis, abjectisque hebdomadibus, semper redeunt lunationes & rekuphæ. Merito ergo finitur Sabbatum diebus 7., & olim Jubilæum annis 7., & magnum Jubilæum 7. hebdomadibus annorum. Nam & septimo anno dierum 360., si 7. sextas mensis, & dies 7. (qui ex quadrantibus 7. paulo minus excreverunt) addas: fient in eo menses 13. & dies 7. solennitatis. Qui adhuc quia major est 6. horis fere: omisissis horis aliquot, quæ ex minutis illis colliguntur, quibus annus communis major est vero: demendo in singulis quinquagesimis diem unum, fiet, ut post annum 350. redeant idem dies: quæ est alia hebdomas. Et forte anno 700. omnia exquantur. De anno magno variæ sunt sententiæ. Omnes fere reditu omnium Stellarum ad locum aliquem definiri voluerunt. Aristarchus annis finit 2484. Arretes Dirrachius 5552. Herodotus 10800. Dion 13984. Orpheus 120000. Cassandrus 3600000. Alii nunquam in se reverti putant.

Menses ergo ante captivitatem Babyloniam Hebræi numeris tantum notarunt, ab æquinoctio Verno. Et Romanis de patre suo Romulus Martium primum indixit anni mensem. Docet nomenclatura horum: Quintilis, Sextilis, September, November, December. Addidisse fertur Numa Pompilius Januariam & Februarium: & anni initium in bruma posuisse. Ex quo nata controversia apud Scriptores Latinos de mensium Romanorum numero. Alii enim decem a principio fuisse ajunt: ut Varro, & Suetonijs. Alii duodecim, ut Fienestella & Lici-nius Macer. Nec mirum videri debet, quod inter Authores, in componendis peregrinis mensibus cum Romanis, raro conveniat. Mulsæ enim causæ sunt. Tres tamen præcipuæ. Una, quod alii Solares fumerent, alii Lunares menses: & embolimosos confunderent cum synodicis. Altera, quod non ab eodem cardine omnes inchoarent annum. Tertia, est cardinum mutatio: hoc est, æquinoctiorum & solstitiorum. Adde, quod ex Sacris Scriptoribus alii Macedonicos (qui cum Hebræis multum convenirent) usurparunt: alii Alexandrinis atque Ægyptiacis usi sunt. Ex his factum est, ut bruma, quod olim ante Christum natum quingentis annis,

erat initium Januarii, nunc sit 11. Decembris: & quod Aprilis initium, sit nunc 10. Martii: Hæc ratio est, cur Epiphanius contra hæreses l. 1. Augusto apponit Thyrsi Hebræorum, & merissori Ægyptiorum, & gorpiceona Macedonum, & appelleona Græcorum. Christiani nunc in civilibus negotiis initium plerique faciunt a Nativitate Domini: Alii a Resurrectione, ut Galli, & nos in Dio-cesi nostra hætenus. Sed officium Ecclesiasticum omnes ordinamus ab Adventu. Et sane, si rem attentius consideremus, verissimilius est Apostolos, recenti memoria tenentes Christi passionem, mortem & resurrectionem, a passione & resurrectione tempora prædicationis suæ, & apostolatus, rerumque aliarum ordinem deduxisse, quam a nativitate. Nam & mos idem diu perseveravit: fuitque curæ multis in Ecclesiis, ut in die Epiphaniæ indiceretur Pascha. Quin & in formatis diem hunc, quasi symbolum communionis, poni aliquando voluerunt. Pater dist. 13. Siquidem creatum eo die mundum: & eo in virginali utero conceptum Dei Filium arbitramur, licet aliter Judæi: & stata dies mysterio sit Incarnationis, 25. Martii. In Cancellaria Rom. ab Incarnatione numeratur. Sed undecunque incipiamus, profecto necesse est alterutros deficere: nimirum quanta fuit Domini nostri ætas in passione. De annis mundi non una est sententia. Judæi a creatione ad Christum ponunt annos 376. (u) dies 4. Sed ex Josepho aliter sentiant.

Passum autem Dominum, Patres Ecclesiæ in Nicæno Concilio tenuerunt 8. Cal. Aprilis. Idem Tertullianus, Cyrillus, Chrysostomus, Hieronymus, Augustinus, Cassiodorus. Sed Lactantius lib. 4. cap. 10. de vera Sapientia, de Tiberio loquens: Cujus anno, inquit, xv. id est, duobus Geminis const. ante diem x. Cal. Aprilium Judæi Christum cruci affixerunt. Epiphanius autem xiiij. Calen. April. crucifixum, sed natum 5. Januarii. Paulus Mittelburgensis passum colligit Prid. Calen. Aprilis. Paulus Burgenfis, iij. Nonas Aprilis. Videtur enim anno illo sumptum diem Paschatis ex aureo numero præcedentis anni, qui in principium Aprilis mittebat Plenilunium. Tradit autem idem Burgenfis Dominum fecisse Pascha eo anno, uno die antequam Judæi fecerint. Rationes adducit has. Quod Plenilunium contigerit feria 5. (x) hora 19. cum minutis aliquot: Solere

(u) Manifestus hic error est, ut consideranti paret. De vera ratione annorum, qui a creatione Mundi usque ad diluvium, indeque usque ad Christum intercessere, vide interpretes. Tirinus ab Orbe condito ad diluvium annos numerat 1656., usque ad Christum vero annos 4000. Vide *Chronicum Sacrum Tirini* Cap. 7. 8. & 47. ante *Tom. I. Comment. in Vet. & Nov. Testam.*

(x) Erat hæc 14. Luna: in cujus vespere præcedente, id est, Jovis, quæ in diem Veneris incidebat (a vespere enim dies inchoabant) cenavit cum Discipulis juxta legis præceptum. Die autem 15. quievit in sepulchro: & 16. resurrexit.

Solere autem Judæos transferre tunc solennitatem in diem sequentem, quoties superaret horas 18. Diebus quoque Veneris, & Mercurii, & Lunæ, prohiberi Festivitatibus magnæ celebrationem. Quare cum venisset eo anno Pascha die Veneris, dilatum fuit in Sabbatum. Azymorum tamen solennitas incepit die Jovis, ad vesperam: in qua licet Judæi non manducassent agnum, nihilominus diligentia magna (ut Divino parerent præcepto) & lucernis accensis, panis fermentati quicquid esset in domibus, eliminabant. Hæc haberi dicunt ex traditione Patrum: in quo certe irritam fecerunt legem Dei. Quæ si vera sunt, magna asserunt mysteria. Nam si sic est, profecto Salvator non solum Pascha fecit secundum legem Moisaicam Luna 14., sed etiam se ipsum obtulit (Agnum certe verum, in lege figuratum, pro peccatis mactandum) eo ipso die, quo Judæi in figura eundem comedeabant. Sabbato quoque quievit in sepulchro. Quies enim in Sabbato jubebatur. Primaque Sabbati (id est, die Dominica) resurrexit, ut legis antiquæ completa hebdomada, novam inchoaret. Cæterum Epiphanius multo aliter. Ait enim Judæos anticipasse Pascha eo anno, videlicet tertiam vesperam, pro quinta celebrantes. De consulibus etiam, sub quibus passus est Dominus (unde & magna incertitudo de ætate ejus) aliter sentit, quam cæteri omnes. Res autem videtur sic habere. Quoniam anno decimo quinto Tiberii Cæsaris, consolatus duorum Geminorum successit (hos fuisse dicunt C. Rubellionem, vel Rutellium, & C. Rufum) & eo anno, hoc est, ætatis Christi 30. Christum passum fuisse dixerunt antiqui Tertullianus, Julius Africanus, & Lactantius: Hinc factum est, ut Augustinus, & Orosius, & alii plerique, passum sub Geminis affirmarint. Sed Epiphanius contra, post consulatum Geminorum, atque etiam Rufi & Rubellionis, sub Vinitio, scilicet, & Longino Consulibus, passum, uti diximus, natumque annos 32. & dies 74. nondum completo anno 33. Sic passus est Dominus, ex hac sententia, anno Tiberii 18. Hanc sequuntur Eusebius, Eutropius, Cassiodorus, Honorius Augustodunensis, Beda, Joannes Monachus, Jordanes, & alii. Constat enim ex Evangelica historia, tribus festivitatibus Paschalibus supervixisse Dominum post Baptismum Joannis. Non ergo mortuus fuit anno 30. quo baptizatus fuerat. Hanc difficultatem attulit consularium annorum incertitudo.

Sed satis de numero, & initio annorum Christi. Redeamus ad Lunares annos. Dictum quidem est, annum Solis, qui 365. diebus cum quadrante constet, majorem esse, quam Lunarem, Epactis 11. Cumque per

Epactas æquari non possint exacte, (redit enim Luna ad Solem diebus 29. hor. 12. m. 44. sec. 3.) idcirco quamvis tertio quoque anno addito uno mense embolimico videantur coire: tamen deprehensum fuit olim longius esse procedendum: & periodi finem fieri visum est anno nono. Circulum vocant henneaterida, id est, novennalem. Hujus ultimo anno appellente, Pithia agebantur Delphis. Simili namque ritu in Elide, quarto quoque anno (cui noster bissextilis successit) agoni fieri solebat Jovi Olympico, [unde Olympiades] & Romæ Capitolino, ludi seculares. Hunc circulum lunarem, novennalem tenuerunt multo tempore Romani, & etiam Hebræi: sed accepto a Chaldeis, sub Julio Cæsare, decemnovennali aureo numero, valere alterum siverunt. Et Judæi cum lunaribus annis utentes, Novennali sæpius deciperentur: usurpare quoque postea coacti sunt decemnovennalem. In qua periodo annis his intercalare solent embolimos, 3. 6. 8. 11. 14. 17. 19. Ea enim videtur fuisse causa, cur celebrarent non raro Pascha ante æquinoctium, sicut & eorum error ab Ecclesiæ Prælatibus sæpe damnatus est. Ægyptiorum postea & Chaldæorum inventus est circulus 25. annorum, ut refert Ptholomæus, lib. 6. cap. 3. mag. Conf. Quo spatio fiunt Lunationes 309. restante hora 1. m. 8. 2. 18. Ob has minutias, ne hic quidem circulus stare potest. Arabes ergo, qui & ipsi lunaribus annis utuntur, Cyclum faciunt 30. annorum: intercalantes tertio quoque anno, mensem ex Epactis 11. Hoc circuitu fiunt Lunationes 360. diebus 10631. M. 18. 2. 15. Quare neque hic numerus Lunæ corum demonstrat exacte. Nos Romanum semper tenemus aureum 19. Quem licet præcedant Lunationes 235. hora una, M. 28. 2. 3. 3. 15. (non enim complentur horæ 18., sed 16. m. 3. 2. 56. 3. 45. sicut observatum fuit sæpius in meridiano Alexandrino) tamen addito alio circulo 16. aureorum circulorum, quo dies unus remittatur: item alio bissextilium, ut anno 134. omitatur intercalatio bissextilis: certe in longum tempus servari poterit henneadecateris Romana, & Ecclesiastica. Cum fiant enim Lunationes 235. diebus 6939. hor. 16. m. 31. 2. 56. 3. 45. anni autem 19. Romani, diebus 6939. hor. 18. sequitur necessario differentiam ex crescere in 16. periodis, in diem unum. Quare non sine causa in annis 304. repertus est recessisse Aureus numerus die uno, a locis suis. Auferamus ergo nos in 304. annis diem unum, ob Lunæ motum, & in 134. alium, ob motum Solis medium: absque dubio Luminarium conjunctiones habebimus: & ex conjunctionibus, ætates alias Diænæ. Ergo licet Arabum cycli exactior cæteris

teris sit : nos, qui Romanis utimur, ubique annis, retinere possumus Aureum numerum, nec unquam falleremur.

*Regula inveniendi etatem Lunæ
per Epactas, memoriter quovis
tempore.*

Multiplica anni tui currentis numerum aureum per xi. multiplicationi adde quotus est mensis tuus a Martio : (ab hoc enim mense incipiunt Astrologi) ab aggregato rejice xxx. quoties potes. Residuum indicabit tibi diem veræ conjunctionis. Nec unquam falleris, modo teneas memoria anni currentis numerum aureum. Si vero diem scire cupis Novilunij Ecclesiastici, sive Nicaneni, ex quo deducuntur Festa mobilia : adde quinque dies inventis. Est enim hic tardior vero.

*Nomina Mensum, & ordo, apud
Nationes aliquot.*

Romani incipiunt a Bruma menses Solares.

1	2	3	4
Januarius,	Februarius,	Martius,	Aprilis,
5	6	7	8
Majus,	Junius,	Julius,	Augustus,
9	10	11	12
September,	October,	November,	December.

Ægyptij Solares, ab Æquinoctio Autumnali ordiuntur.

1	2	3	4	5
Thoth:	Phaophi:	Athyr:	Choiac:	Tybi,
6	7	8	9	
Mechir:	Phamenoth:	Pharmuthi:	Pachon:	
10	11	12		
Payni:	Epiphi:	Mefore.		

Hebræi Lunares ab Æquinoctio Verno.

1	2	3	4	5	6
Nisan:	Aiar:	Civan:	Thamuz:	Ab:	Elul:
7	8	9	10		
Thifri:	Maresvan:	Cisliu:	Tebeth:		
11	12				
Sebat:	Adar.				

Macedones Lunares, sicut Hebræi, ab Æquinoctio Verno.

1	2	3
Xanthicus:	Artemisius:	Deynius, & Dæsius:
4	5	6
Panemus:	Lous:	Gorpæus:
7	8	9
Hyperberetæus:	Dius:	Apellæus:
10	11	12
Audynæus:	Peritius:	Dystrius.

*Athenienses, Lunares annos a Solstitio
Æstivo incobant.*

1	2	3
Hecatombæon:	Metagitnion:	Bædromion:
4	5	6
Mæmacterion:	Pyanepсион:	Antheesterion:
7	8	9
Poseideon:	Gamelion:	Elaphebolion:
10	11	
Mounychion:	Thargelion:	
12		
Scirrophorion.		

Ordinem hunc a Theodoro Gaza sumptum imprimis habet: licet is cum Romanis non satis congruat. Sed si rationem habes initiorum, facile erit omnes inter se componere. Illud quoque scire oportet: apud Autores antiquos alios sæpe cum aliarum gentium aliis mixtos fuisse. Nam Pyanepсион dictus est Beotice apud Hesiodum Damatrios: & Mæmacterion, Alalcomenos: Metagitnion, Panemos: Hecatombæon, Cronios, & Hippodromios: Thargeleon, Phytios: Poseideon, Lenæon, & Buceros. Et idem Macedonibus dictus Audynæos, & Nechion: & Beonce, Harmæos, & Athice, Gameleon. Elaphebolion apud Thucydidem Gerehtios, unde & Macedonibus, Geritios.

Satis multa de Calculo: nunc de Festis immobilibus nostræ Dioicæsis, quæ de præcepto coluntur, hæc accipe.

IN JANUARIO.

A	1	Festum Circumcisionis Domini.
F	6	Epiphania.
C	17	Antonii Abbatis.
A	22	Vincentii Martyris.
D	25	Conversio S. Pauli.

IN FEBRUARIO.

E	2	Purificatio Beatæ Mariæ Virginis.
D	22	Cathedra Sancti Petri.
F	24	Matthiæ Apostoli.

IN MARTIO.

G	25	Annuntiatio Dominica, quæ facta est B. Mariæ Virgini, de Incarnatione Domini.
---	----	---

Si Festum hoc venerit in die Jovis hebdomadæ Sanctæ, vel sequentibus, usque ad Quasimodo, transferetur ejus officium post octavas Paschæ: quia toto isto tempore non fit officium de aliquo Sancto, licet Festum celebretur a populo.

IN APRILI.

- A 23 Georgii Martyris.
C 25 Marci Evangelistæ.

Pascha frequenter venit in hoc mense: & habet octavas, nec fit de aliquo Sancto infra octavas.

IN MAYO.

- B 1 Philippi & Jacobi Apostolorum.
D 3 Inventionis S. Crucis.
F 5 Dedicationis Ecclesiæ S. Joannis
G 6 Joannis ante Portam Latinam.

Festum Dedicationis Ecclesiæ S. Joannis celebratur in Ecclesia Cathedrali, & in Ecclesiis nondum dedicatis, quæ sunt in Dioecesi nostra: alia vero dedicatæ, suas Dedicationes celebrant. Et habet octavas.

Festum Ascensionis frequenter venit in hoc mense, & habet octavas: fit tamen de Sanctis occurrentibus infra diebus octavas. Litanie (sive Rogationes) fiunt diebus Lunæ, Martis, & Mercurii ante Ascensionem, & abstinetur a carnibus: & in die Lunæ sequenti post Ascensionem, incipit Synodus, quæ dicitur Maji.

Frequenter quoque venit Festum Pentecostes, quod celebrari debet cum duobus diebus sequentibus. Habet octavas: nec fit de aliquo Festo infra octavas, sed transferuntur Festanovem lectionum.

Diebus Mercurii, Veneris & Sabbati post Festum Pentecostes, celebrantur jejunia Quatuor Temporum. Et Dominica prima post Pentecosten fit Festum Sanctæ Trinitatis.

Et die Jovis post Festum Trinitatis, fit Festum de Sacramento Corporis Christi, quod habet octavas. Et nota, quod dies Dominica post Festum Corporis Christi, tamen ipsa computata, est hæcenus prima Dominica post octavas Eucharistiæ: quantum attinet ad Evangelia, & historias, usque ad Adventum.

IN JUNIO.

- C 6 Claudii Archi-Episcopi Bisunt.
A 11 Barnabæ Apostoli.

Tomus VIII. Concilior. German.

- G 24 Ferreoli & Ferrucii Martyrum Passio.
G 24 Nativitas B. Joannis Baptista.
E 29 Sanctorum Petri & Pauli Apostolorum Passio.

IN JULIO.

- G 22 Mariæ Magdalenz.
C 25 Jacobi Apostoli.

IN AUGUSTO.

- C 1 Petri ad Vincula.
E 3 Inventio B. Stephani Protomartyris.
E 10 Laurentii Martyris.
C 15 Assumptio B. Mariæ Virginis.
E 24 Bartholomæi Apostoli.
C 29 Decollatio Sancti Joannis Baptista.

IN SEPTEMBRI.

- E 8 Nativitas B. Mariæ Virginis.
E 14 Exaltatio S. Crucis.
E 21 Matthæi Apostoli & Evangelistæ.
F 29 Michaelis Archangeli.

In hoc mense Septembri diebus Mercurii, Veneris & Sabbati, post Exaltationem S. Crucis, celebrantur jejunia Quatuor temporum.

IN OCTOBRI.

- D 4 Sancti Francisci.
D 18 Lucæ Evangelistæ.
G 28 Simonis & Judæ Apostolorum.

In hoc mense Octobri celebratur Synodus Autumni, die Mercurii post Festum S. Lucæ, & incipit die Martis.

IN NOVEMBRI.

- D 1 Solemnitas Omnium Sanctorum.
E 2 Commemoratio Defunctorum, celebratur usque ad meridiem.
G 11 Martini Episcopi.
E 30 Andræ Apostoli.

Si Festum Omnium Sanctorum veniat in die Sabbati, tunc Commemoratio Defunctorum fit die Lunæ, juxta ritum Ecclesiæ Romanæ.

Notandum quoque, quod primam Dominicam Adventus dat nobis festum

S. Andræ, eam scilicet, quæ proxima reperitur, five præcedat hæc, five sequatur. Eandem Dominicam investigant alii a die xxvi., quæ Crastina S. Catharinæ: sequentem Dominicam accipientes, & hoc facilius est.

IN DECEMBRI.

- D 6 Sancti Nicolai.
 F 8 Conceptio Beatæ Mariæ Virginis.
 C 21 Thomæ Apostoli Passio.
 B 25 Nativitas Domini.
 C 26 Stephani Protomartyris Passio.
 D 27 Joannis Evangelistæ natalis.
 E 28 Sanctorum Innocentium Passio.

In hoc mense Decembri, diebus Mercurii, Veneris & Sabbati, post festum S. Lucie (quod est xiii. mensis) celebrantur jejunia Quatuor temporum.

Generaliter in omni mense.

Omnes dies Dominici, festum Patroni cujuslibet Ecclesiæ in sua Ecclesia, & Dedicationes particulares Ecclesiarum, in suis Parochiis duntaxat, Alia vero Festa, quæ consueverunt fieri ex devotione, annuntiabunt Curati, ut scire possint Parochiani, quando illa venerint, & ea celebrare, si voluerint.

V. PRÆCEPTUM ECCLESIAE.

De Jejunio.

STATUTUM I.

Jejunia ex Præcepto Ecclesiæ observanda in hac Dioecesi sunt hæc. Primum in singulis hebdomadis abstineatur ab esu carniū diebus Veneris & Sabbati, in memoriam mortis & sepulturæ Christi.

II.

Jejunandum in feriis Quatuor temporum usque ad horam nonam, vel usque ad meridiem: abstinendumque ab esu carniū. Sunt autem feriæ istæ dies Mercurii; Veneris & Sabbati sequentes Dominicam secundam Quadragesimæ, quæ dicitur Brandones, festum Pentecostes, Exaltationis S. Crucis, & S. Lucie.

III.

Eodem modo jejunandum in Vigiliis Nativitatis Domini, Pentecostes, Assumptionis B. Mariæ Virginis, Omnium Sanctorum, Nativitatis Beati Joannis Baptistæ, Passionis Petri & Pauli, Matthæi, Andræ, & Laurentii Martyris, Simonis & Judæ Apostolorum. Unde versus:

*Petrus & Andreas, & cum Laurente Joannes,
 Simon, Matthæus abstineant dapibus.
 Omnes Sancti, Assumptio Virginis, natus
 JESUS,
 Et Pentecoste, temporibusque quater.
 Tempora sume facies, Crux ebria, Lucia,
 Pneuma,
 Inde tribus feriis, dicito jejunium.*

IV.

Jejunium Quadragesimale debet observari, abstinendo ab ovis & lacticiis, & carnibus: in aliis autem jejunii licet uti ovis & lacticiis. Sed generaliter in omnibus jejunii abstinendum est a carnibus.

V.

Jejuniorum tempore sumenda est refectio semel in die duntaxat, hora nona, quam meridianam nunc interpretamur, vel circa illam horam.

Hora nona naturalis, & juxta Sacram Scripturam, tertia est post meridiem, qua olim fideles cibum capiebant. Sed rendente mundo ad finem, cum charitas frigescat, multa remittuntur de rigore veteris observantiæ.

VI.

Diebus Dominicis prohibitum est jejunare: quia superstitionem saperet gentilium. Eodem modo, tam jejunia, quam Festa superstitionis Judaicæ, vel Mahometicæ, prohibentur sub excommunicationis poena.

Sed de Jejunio amplius infra.

Cum proposita fuisset quæstio in collatione quadam Synodali, quid sentiendum videretur de iis, qui per nostram Dioecesein, non sine superstitionis nota, diem Sabbati post meridiem, in honorem (ut agebant) B. Ma-

B. Mariæ in otio observarent: Sabbatum enim colere judaizare est: in honorem autem B. Virginis (si Ecclesiæ traditionem sequi vellent) non fero, sed mane officium facit Ecclesia diebus Sabbati: sed cum a Majoribus suis accepisse se ritum hunc contenderent: qui certe non ut Sabbatum in honorem Mariæ colerent, sed ut diei Dominicæ festum inchoarent, (qui est Ecclesiæ ritus sollemnis) ante vespers ab agro redibant, ut solennitatibus Festorum interessent, quæ omnes a primis incipiunt vespers: Nos ut superstitutionis causam tolleremus, quando per mulierculas fraude submissas, & fanaticos homines, populus noster seducebatur, statuendum duximus, sicut sequitur:

VII.

Statuimus & ordinamus, custodiendam omnino esse eorum, inter quos vivimus, inoffensam societatem. Et quod B. Augustinus in Epistola ad Cæsulanum de jejuniis diei Dominicæ tradidit, hoc nos ad otium Sabbati transferamus. Nam sicut malum est homini, qui per scandalum manducat: (ut docet Apostolus) ita malum est homini, qui per scandalum jejunit. Et sicut malum est homini, qui per offensionem operatur: ita malum est homini, qui per offensionem vacat. Quare his diebus quando per somnia, & vanas revelationes quarundam fæmarum, superstitionis aliqui nostræ Dioicæ sine causa dogmatizare ceperunt, quod quasi sacra solennitate statuta otium observari debeat in pomeridiana parte Sabbati: (etiam si suam hanc observationem a Judaismo alienam esse contendunt) tamen, ne majus malum incurratur in scandalo, quam bonum percipi posset ex merito, Prohibemus omnibus & singulis nostræ Dioicæ, ne quis post hac vacandum esse asserat, aut studiose sic vacet in Sabbato: nisi cum Festa celebrat Ecclesia. Laudamus tamen omnes eos, qui in honorem diei Dominicæ, Vespers & Officio Ecclesiastico Sabbati, & aliorum Profestorum dierum, intersunt cum Catholicis.

DE DECIMIS ET OBLATIONIBUS.

Inter præcepta Ecclesiæ ponunt plerique mandatum de solvendis Decimis. Sed

Tomus VIII. Conciliar. German.

multis Canonistis videntur Decimæ esse de jure Divino: ex verbis illis Decreti, 16. q. 1. Decimas Divinæ legis sanxit autoritas, Sacerdotibus & Levitis esse reddendas. Et ex c. Parochianos. ext. de Decimis. Scribitur enim Levit. 27. Omnes Decimæ terræ, sive de frugibus, sive de pomis arborum, Domini sunt. Et postea: Omnium Decimarum ovium, & bovis, & capræ (quæ sub Pastoris virga transeunt) quicquid Decimum venerit, sanctificabitur Domino.

Sed hujus quæstionis difficultatem solvit D. Thomas in diversis locis. Ejus verba subjiciamus ex 2. 2. q. 88. art. 1. Decimæ, inquit, in veteri lege dabantur ad sustentationem Ministrorum Dei. Unde dicitur Malach. 3. Inferte omnem decimationem in horreum meum: ut sit cibus in domo mea: unde præceptum de solutione Decimarum partim quidem erat morale, (indictum naturali ratione) partim autem judiciale, ex Divina institutione robur habens. Quod enim eis, qui Divino cultui ministrabant ad salutem populi, populus necessaria victus ministraret, ratio dicitur naturalis: sicut & iis, qui communi utilitati invigilant: scilicet Principibus, & militibus, & aliis hujusmodi, stipendia victus debentur a populo. Apostolus hoc probat. 1. Corinth. 9. Per humanas consuetudines; dicens: Quis militat suis stipendiis unquam? Sed determinatio certæ partis exhibendæ Ministris Divini cultus, non est de jure naturali: sed est introducta institutione Divina, secundum conditionem illius populi, cui lex dabatur: qui cum in 12. tribus esset divisus, undecima tribus, (scilicet Levitica Ministeriis Divinis mancipata) possessiones non habebat. Quare æquum erat, ut undecim aliæ tribus decimam partem suorum proventuum Levitis darent, ut hi viverent honorabilis. Fuit quoque determinatio hæc decimæ partis, judicialis, propter transgressores præcepti: non ceremonialis. Ceremonialia namque solum ad significandum aliquid futurum instituta fuerunt, quæ jam cessant: judicialia autem de novo constitui possunt. Ita determinatio decimæ partis solvendæ tempore novæ legis instituta est secundum quandam humanitatem, autoritate Ecclesiæ: ut scilicet non minus populus novæ legis, Ministris novi testamenti exhiberet, quam populus veteris exhibebat: cum populus novæ legis ad majora obligetur, secundum illud Matth. 5. Nisi abundaverit justitia vestra: & cum Ministri novi testamenti sint majoris dignitatis, quam Ministri veteris: ut probat Apostolus 2. Corinth. 3. Sic ergo patet, quod homines tenentur ad solutionem Decimarum, partim quidem ex naturali, partim etiam ex institutione Ecclesiæ: quæ pensatis

oportunitatibus temporum & personarum; possit aliam partem determinare solvendam. Hæc Thomas. Addit etiam in argumentis, præceptum de solutione Decimarum, quantum ad id, quod erat morale, datum fuisse in Evangelio, Matth. 10. Dignus est operarius mercede sua. & 1. Corinth. 9. Quis militat suis stipendiis unquam? Quis pascit gregem, & de lacte gregis non manducat? Si nos vobis spiritualia seminamus, magnum est, si carnalia vestra metamus? Nescitis, quoniam qui in Sacrario operantur, quæ de Sacrario sunt, edunt: & qui altario deserviunt, cum altario participant? Ita & Dominus ordinavit iis, qui Evangelium annunciant, de Evangelio vivere. Et Galat. 6. Communicet autem is, qui catechizatur verbo, & qui se catechizat, in omnibus bonis. Nolite errare: Deus non irridetur. Addit idem: Debent autem Ecclesiæ Ministri majorem curam habere spiritualium bonorum in populo promovendorum, quam temporalium colligendorum. Apostolus enim noluit uti potestate sibi a Domino tradita accipiendi illa stipendia sui laboris: ne daretur aliquod impedimentum Evangelio. Ait enim, Sed non usi sumus hac potestate: sed omnia sustinemus, ne quod offendiculum demus Evangelio Christi. Sic Ministri Ecclesiæ, si sine scandalo exigere Decimas non possunt, [ut propter desuerudinem, aut aliam causam intercepas] non requirunt. Nec tamen sunt in statu damnationis, qui non solvunt in locis illis, in quibus Ecclesia non petit: nisi forte propter obstinationem animi. Ut si haberent voluntatem non solvendi, etiam si ab eis peterentur. Tunc enim peccant, subtrahentes Ministris Dei necessaria, & Deo universalis Domini causa debitum tributum.

Primitias enim, atque Decimas Deo offerunt Christiani, non solum gratitudinis causa, pro iis, quæ ab eo acceperunt, (tantum bonorum omnium dator) sed etiam in signum universalis Domini, quod supra nos ille gerit Deus Omnipotens: Ut ergo omnia ei accepta referant homines: certe alia pars dari non conveniebat, ut videtur, quæ gratitudinem erga datorem ostenderent magis, quam sit Decima. Denarius enim numerus universalitatem notat: quoniam aliorum numerorum limes est, & cardo, in quem omnes alii numeri revolvuntur. Ubi si tertiam, vel quartam partem redderent, non omnia se debere profiterentur. Sed hac in re consuetudo loci approbata sequenda est ubique, ne quis infirmorum scandalizetur.

Sequitur ex his, quæ dicta sunt, solis Clericis curam animarum habentibus, per se competere jus hoc percipiendi Decimas, &

oblationes. Quoniam jus hoc spirituale est. Consequitur enim debitum illud, quo Ministris debentur sumptus de ministerio Sacramentorum, & doctrinæ, & hospitalitatis: quæ ex officio Clerici curam animarum habentes dispensare tenentur. Idcirco etiam oblationes omnes, quæ Capellis, vel Cruci, aut imagini sunt, Curati Ecclesiæ Parochialis sunt: non Capellani: ac multo minus laicorum: nisi Episcopus ipse celebret in Parochia. Tunc enim Episcopi erunt, non Curati. Doctores in c. Pastoralis. De iis, quæ fi. a præl. & glo. in l. Statuæ. ff. de usus.

Sed res ipsæ, quæ nomine Decimarum dantur, quia corporales sunt, nihil prohibet etiam Laicis, nedum Religiosis, posse deberi: debito jure manente Ecclesiæ. Hinc factum est, ut in Lateranensi Concilio sub Alexandro III. Papa, Anno 1180. Multæ Decimæ datæ fuerint per orbem Christianum generosis militibus, propter bellum, quod gerebatur tunc temporis cum infidelibus Mahometanis. Capitula quoque Ecclesiarum Cathedralium ex eo videntur esse capacia juris Decimarum: quod eorum Canonici in ministerio sint assiduo, Coadjutores Episcoporum.

Ex his sequitur, Decimas nullo modo præscribi posse a laicis. De præscrip. caus. Nec a Clericis, Parochiam non habentibus. eo. De quarta. Nec a Religiosis, Parochiam non habentibus. 16. q. 1. Placuit. Quod si præscribantur contra Parochiam unam ab alia, in aliquo prædio: non extenduntur propterea ad aliud; quod de novo colitur. ext. eod. Cum contingat. ff. de pact. l. Si unus. §. Ante omnia.

Sequitur etiam, quod qui Decimas tenent in feudum, non recipiunt Decimas novarium, quia debentur Ecclesiæ Parochiali: nisi forte sint Religiosi, ex privilegio Decimas recipientes. ext. eod. Tua nobis, ex parte. & Cum contingat.

Sequitur insuper, quod pauper laicus tenetur solvere etiam diviti Clerico habenti, unde sustentetur: quia jam debitum factum est. Ita idem S. Thomas quol. 6. art. 10. Nec propter opinionem, quam quis habere potest de vita reprehensibili Sacerdotis, ideo eas debet retrahere. ext. eod. Tua nobis. Si vero scienter solvat ei, qui violenter Ecclesiam occupat, non excusatur: nisi vel metu id agat, vel ille, qui Ecclesiam occupat, a Prælato toleretur, non contradicente.

Si igitur quæras, quinam tenentur ad solvendum Decimas, & quando, & de quibus rebus, & in qua quantitate: dicimus consuetudinem in his potissime observandam in uno quoque loco. Sed distinguendum,

dum. Siquidem aliæ sunt personales, aliæ prædiales. Et prædiales quidem de iis dantur, quæ in prædiis proveniunt: Ut ex vino, tritico, & aliis. Personales, quæ ex opera vel industria personæ: Ut ex artificio, militia, venatione, & similibus. Mixtæ sunt, quæ ex animalibus: quia partim ex pascuis, partim ex cura Pastorum existunt.

Ubi ergo non sunt prædiales, dantur personales. Sed non recipiantur de rebus restitutioni obnoxii: Ut quæ ex furto, vel usura partæ sint. Nam immolantis ex iniquo; (ait sapiens Ecclesiast. 34.) oblatio est immunda: Neque ex turpi quæstu, ut de meretricio, histrionatu, & similibus. (Deuteron. 23.) Non offeres mercedem prostibuli.) quando ex peccato notorio quæstus provenit: ne videatur Ecclesia velle approbare peccatum. Ideo si a peccato destiterint hi, & penituerint: licebit accipere. Thom. 2.2. q. 88. art. 2.

Et personales quidem dari oportet Ecclesiæ Parochiali, vel baptismali, in qua Divina recipis Sacramenta. 16. q. 1. Prædiales autem, in cuius Parochiati prædia sita sunt. De Paroch. c. ult. 16. q. 1. De Decimis.

Hilari vultu dantor. Nam Ecclesiast. 35. dicitur: In omni dato, fac hilarem vultum tuum: & in exultatione sanctifica Decimas tuas.

Mox quoque collectis frugibus. Nam si tardaveris, peccatum erit. ext. Cum homines. Et, Tua nobis. Et Aug. serm. 219. Exod. 22. Decimas, & primitias tuas non tardabis offerre Domino.

Cumque jus Decimarum sit morale, & a natura inditum, tenentur omnes laici ad eas: nisi se immunes ostendant. c. A nobis. Et quasi ex debito compelli possunt per censuras. Iudex autem summarie, & de plano procedet. c. Dispendiosam. de Judiciis. in Clem.

Differunt ergo hæc nomina inter se: Decimæ, Primitiæ, & Oblatio. Namque oblationes Deo immediate fiunt, & voluntariæ sunt. Primitiæ autem, in quantum offeruntur, quoque voluntariæ sunt in quantitate: licet, ut Hieronymus refert in Ezech. & Malach. 3. Magistri Synagogæ intra Quadragesimam, & Sexagesimam, primitias redegerint. Sed & oblationes, & primitiæ, nunc, quamvis de se liberæ sint: tamen, ut Theologi docent, sub præcepto possunt aliquo modo venire aliquando. Veluti bonus denarius quem vocant, & panis benedictus per turnum, mortuaria, & similia. Verum, uti diximus, in omnibus his standum est consuetudini approbate. Nam consuetudo vim præcepti habet.

S T A T U T U M I.

PRæcipit igitur Sancta Synodus omnibus, cujuscunque gradus, & conditionis sint, ad quos Decimarum solutio spectat, ut eas, ad quas de jure tenentur, in posterum Cathedrali, aut quibuscunque aliis Ecclesiis, vel personis, quibus legitime debentur, integre persolvant. Qui vero eas aut subtrahunt, aut impediunt, excommunicentur: nec ab hoc crimine, nisi plena restitutione secuta, absolvantur.

SERMON DE S. AUGUSTIN
Des Dîsmes.

Freres treschers, par la grace de JESUS
Christ les jours des moissons sont venus.
Pource rendant graces a Dieu, qui les nous a
donnez, pensons aux dismes, qu'il nous faut
offrir. Que dis je, offrir? ains qu'il nous
faut rendre. Car Dieu ne desdaigne point re-
peter de nous un dixieme, nous ayant donné
le toutage, qui n'est pas pour luy toutesfoi,
mais pour nous. Ainsi l'a il promis par le
Prophete, disant: Pourtez en mes greniers
tout le disme: à fin qu'il y aye du vivre en
ma maison. Et espreuvez moy en cela: dict le
Seigneur, si je ne vous ouvre les cataractes du
Ciel & ne vous donne du fruit en abon-
dance. Voyla comme nous avons preuve, que
les dismes profitent plus a nous, qu'à Dieu.
O hommes fols & insenséz, comanda jamais
Dieu choses meschantes? Vous a il dict choses
pourquoy ne doive estre oy? Il dict: Tu ne
tarderas de m'offrir les premiers fruits de ta
grange & de ton pressoir. Donc si c'est un
pecché, donner tard les dismes, de combien sera
il plus grand, n'en donner point? encores
dict-il, Honore ton Seigneur Dieu de tes justes
labeurs: offre luy des fruits de ta justice: à
fin que tes greniers soient remplis de froment,
& tes pressoirs aussi abondent de vin. Tu
n'accomplis cecy pour rien: veu que tu le re-
cevras bien tost avec usure. Tu me deman-
deras paravanture, à quoy profite ce que Dieu
reçoit pour rendre? Tu demanderas encores
à quoy profite ce, que lon donne aux pauvres?
Si tu me croys, c'est pour toy. Sy en fais
doubte, tu l'as perdu. Les dismes (croyez
moy, freres) c'est un tribut de pauvres ames.
Rendez donc le tribut aux pauvres: & offrez

aux presbtres les libations. Et si tu n'as disme de fructs terriens, comme un laboureur: Dieu attend dismes de tout ce, qui te nourrit. Car tout ce que ton esprit gaigne, est à Dieu, soit en guerre, soit en negotiation, soit en artifice ou mestier. Autre chose nous payons pour la terre: autre pour recompence de l'usage de nostre vie. Rens le donc, ô homme, pource que tu le possèdes: rends le pourtant qu'as meritè naistre. Car il dict, Donneront chacun d'eux la rançon de leurs ames: Et n'y aura en eux ny maladie, ny desastre. Vayla comme pourras apprendre des saintes escriptures les cautions de ton Seigneur, par lesquelles il te promet, que si donnes les dismes, non seulement tu recevras abondance de fructs, mais encores tu obtiendras la santé du corps. Tes granges seront remplies, dict il, de froment, Et tes pressoirs d'abondance de vin espancheront. Et n'y aura maladie, ny desastre. Si rendant les dismes tu peux meriter les choses terrienes Et celestes: pourquoy te defraudes tu par avarice de double benediction? Escoute donc homme mortel Et indevoit: Tu scais bien que tout ce, que tu reçois, vient de Dieu, Et tu ne l'accommodes point des choses, qu'il a creees? Le Seigneur Dieu n'en a pas besoing. Il ne demande premiation, mais l'honneur. Il ne demande rien du tien que tu luy baillies. Il ne deslaigne point demander les premices Et dismes: Et tu les denies, avaricieux? Qu'est ce que tu ferois, si luy prenoit les neuf parties, Et te lussit seulement la dixieme pour toy? Certes cecy est desia advenu, puisque tes moissons sont faillies, pour avoir Dieu retivé sa benediction: Et la gresle a abattu ta vigne, ou elle a esté coulée du magnin. Comme comptes tu, avaricieux? Tu as perdu les neuf parties, pour n'avoir voulu donner la dixieme. On scait bien ce que tu n'as point donné. Toutesfois Dieu le demande. C'est la custume de Dieu nostre Seigneur tresjuste, que si tu ne luy baillies le disme, tu seras remis à la dixieme partie. Car il est escrit, le Seigneur dict, Pource que les dismes de vos champs, les premices de la terres sont avec vous: mais je le voy Et vous me pensez tromper: la d'reption sera en vos tresors Et dedans vos maisons. Tu seras contraint donner au Soldat sans pitie ce que tu refuses aux presbtres. Dict encores nostre Seigneur tout puissant, Convertissez vous à moy, Et je vous ouvriray les Catavaches du ciel, Et espancheray ma benediction sur vous, Et ne corrompray point les fructs de vostre terre, ny la vigne sera-ma-

lade en vostre champ: Et serez benrys entre toutes gens: Dieu est prest tousiours pour faire du bien: mais il est empesché par la malice des hommes, qui deulent bien, que Dieu leur baillie tout, Et eux ne veuillent rien offrir de ce qui leur semble, qu'ils doivent tenir Et posseder. Que feriez vous si Dieu disoit, L'homme, que j'ay faict, est à moy: mienne est la terre, que tu labeures: la semence, que tu y mets, est à moy: les bestes, que tu fais travailler, sont mienmes: les pluies, les vents, la chaleur du Soleil, tout cela est à moy. Puis que tous les elements, qui te sont vivre, sont à moy: tu, qui ne fais autres chose, qu'y mettre la main, ne meritois à grand peine encores la dixieme partie. Toutesfois pource que Dieu Omnipotent par sa bonté nous paist, il donne au laboureur pour recompence un present tresample. Il luy donne tout: Et se reserve seulement le disme. Trompeur ingrat Et desloyal, je te conviendray par la voix de Dieu. Voicy l'an desia fini: rends au Seigneur le loyer de ce, qu'il a faict plouvoir. Rachepte toy homme pendant que tu vis. Rachepte toy toy-mesme pendant que tu peux. Rachepte toy (dis-je) pendant que tu as en tes mains le pris. Rachepte toy, à fin que quant la mort avariciense te prendra, tu ne perdes le tout ensemble, assavoir la vie Et le pris. Tu n'as point de cause de laisser cecy à ta femme, qui peut estre prendre un autre mary. Et toy femme n'as cause de le laisser à ton mary: car il desire avoir une autre femme. Tu recommandes en vain tes soucis à tes parens Et amis: personne d'eux ne te racheptera fidellement apres la mort, puis que tu n'as voulu te rachepter toy-mesme en ta vie. Mets en bas de sur tes espaules le fardeau d'avarice. Mesprise ceste maistresse avarice trescruelle: laquelle te pressant d'un joug tresdur, ne permet que tu reçoives le joug de Jhesus Christ. Car comme le joug d'avarice deprime la personne à l'enfer: ainsi le joug de Jhesus Christ l'esleve au ciel. Les dismes sont requis d'obligation: Et qui ne les veut donner, il invoit le bien d'autrui: Et tant de pauvres, qui meurent de faim au lieu où tu habites, pour non leur avoir faict du bien, de tant d'omacides seras coupable devant le tribunal du juge eternal, pource que tu as retenu à ton prouffit ce que Dieu a laissé pour les pauvres. Donc qui desire gaigner le pris, ou pardon de ses pechez, qu'il vende le disme, Et des neuf parties qu'il mette son estude à donner l'aumosne aux pauvres, de telle sorte toutesfois, que tout ce qui restera, excepté son vivre

vivre modéré, & vestement raisonnable, ne soit réservé à dissolution, mais qu'il soit remis au trésor céleste par aumônes des pauvres. Car tout ce, que Dieu nous a donné de plus qu'il ne faut, il le nous a envoyé pour distribuer aux autres, non pas pour nous seulement. Et si ne le donnons, nous envahissons le bien d'autrui.

DE OPERIBUS SATIS- factoriis, & Meritoriis.

DE Satisfactione, tertia scilicet parte Pœnitentiæ, quæ a Sacerdote imponitur confitenti, suo loco dicemus: nunc opus satisfactorium appellamus illud, quodcumque pro peccatis commissis persolvimus Deo: & quo radices peccatorum, causasque quasi excidimus. Est autem notandum, quod peccata nostra duo consequuntur: macula & pœna, id est, culpa, [qua Deus offensus manet] & reatus, id est, obligatio ad pœnam. Culpa si remittatur, remittitur & reatus, quantum ad pœnam æternam inferni: sed non statim pœna omnis, quin reparatio aliqua fieri debeat illatæ injuriæ: quia nec bonum irremuneratum, nec malum ullum a Deo impunium esse potest, qui justus est & justitias dilexit. Non satis est, sagittam e corpore extrahi, sed plaga quoque a sagitta inflata sananda est. Sic ab anima nostra per pœnitentiam culpa amota, necesse est ad plagam & reliquias peccati, curam adhiberi. Itaque pœnam temporalem sponte sumimus de nobis ipsis in hoc mundo, ne in æternum damnemur. Nam si nos ipsos dijudicemus, non utique judicemur a Domino. Unde & meritoria dicimus hæc opera vitæ æternæ, quatenus cum Spiritus Sancti gratia juncta sunt. Joan. 4. Aqua, quam ego dabo ei, fiet in eo fons aquæ salientis in vitam æternam.

Esse autem bona opera, meritoria, tam spiritualium, quam corporalium bonorum, sensus ipse communis docet, & ea fuit semper opinio in Ecclesia Catholica. Quamvis enim ex propriis viribus nostris sine Dei gratia nihil valeamus, sed Deus der nobis velle & perficere pro sua voluntate, & sint omnes justitiæ nostræ (si cum Dei justitia comparentur) tanquam immundiciæ: & cum fecerimus omnia, quæ præcepta sunt nobis, (a) necesse sit fateri, quod servi inutiles sumus, quod ea tantum, quæ debuimus facere, fecimus: nec condignæ (b) sint passionēs hujus mundi ad futuram gloriam, quæ revelabitur in nobis: multaque alia adferantur contra

hanc doctrinam: tamen adeo multa extant testimonia Sacræ Scripturæ in contrarium, ut necesse sit cum B. Augustino (c) sentire, quod quando Deus opera nostra remunerat, tunc sua dona coronat. Quapropter soli Deo debetur gloria. Si quid quoque nobis propter opera nostra confert boni Deus, vel temporalis, vel spiritualis, hoc ex gratia sua & mera liberalitate confert, non ex obligatione alia, quam quod ita promiserit. Qua ex doctrina fidem nostram, & spem, & charitatem, bene agendo confirmamus, & animum mirum in modum consolamur, & quietum reddimus, scientes, Deum fidelem esse in verbis suis, & justum in omnibus operibus suis. Gratia quoque Dei, qua opera nostra ornata sunt, & ex qua procedunt, vita æterna est. Hic est fons ille aquæ vivæ salientis in vitam æternam, uti diximus.

Quare non solum meritoria sunt apud Deum nostra opera in fide & charitate facta: sed cum spe mercedis & præmii fieri possunt ab homine: quanquam non prima, sed secunda intentione. Prius enim ad honorem Dei omnia agere debemus, five manducantes, five bibentes, ut docet Apostolus. (d) Hanc expectat fidelis, non tanquam servus: servus enim non manet in domo in æternum, sed tanquam filius & hæres, qui in timore salutem suam operatur, ne a paterna gratia effluat. Servus temporalem mercedem ex officio suo expectat, vel certe ex inobedientia plagas & verbera: gratiæ herilis non adeo cupidus. Idcirco Theologi meriti duplicem rationem ponunt. Aliud enim vocant de condigno, aliud de congruo. Et in illo quidem justitiæ intelligunt, quasi commutativæ, exactam rationem. Et hoc modo in lignæ passionēs nostræ sunt: nec quam hominum sic meretur apud Deum. De congruo autem meremur: quia Deus liberalis est, & se ipsum negare non potest, qui mercedem pro bonis operibus promittit.

Loca Scripturæ, quæ ad hanc rem faciunt, ut in promptu habeat Curatus, si opus fuerit, aliqua afferamus.

Abundate in omni opère bono, scientes, quod labor vester non est inanis in Domino. Non enim injustus est Deus, ut obliviscatur operis vestri. 1. Cor. 15.

Matth. 10. Quicumque potum dederit uni ex minimis istis, calicem aquæ frigidæ tantum in nomine discipuli, amen dico vobis, non perdet mercedem suam.

16. Filius hominis venturus est in gloria Patris sui cum Angelis: & tunc reddet unicuique secundum opera ejus.

(a) Luc. 17. (b) 1. Cor. 3. Philip. 2.

(c) Ad Sextum Presb.

(d) 1. Cor. 10.

29. Venitè Benedicti, &c. Esurivi enim, & dedistis mihi, &c.

Act. 10. De Cornelio dicitur, quod ascenderunt orationes ejus & eleemosinæ in memoriam in conspectu Dei.

Matth. 6. Docet Dominus orare non in publico, sed in abscondito, ut Pater, qui videt, reddat tibi.

7. Qui facit voluntatem Patris mei, ipse intrabit in regnum cælorum.

5. Beati misericordes, quoniam ipsi misericordiam consequentur. Gaudete & exultate, quoniam merces vestra copiosa est in cælis.

19. Sunt, qui se castraverunt propter regnum Dei. Et omnis, qui reliquerit patrem, aut matrem, &c. centuplum accipiet, & vitam æternam possidebit.

Si vis ad vitam ingredi, serva mandata.

Rom. 2. Gloria & honor omni operanti bonum, &c. Qui reddet unicuique secundum opera sua.

Phil. 2. Cum metu & tremore, vestram operamini salutem.

2. Tim. 4. Bonum certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die, justus Judex.

Heb. 6. Nolite amittere confidentiam vestram, quæ magnam habet remunerationem.

10. Ut facientes voluntatem Dei, reponeretis repromissionem.

Jacob. 1. Si permanferit in lege, &c. Factor operis, &c.

Jacob. 2. Videns, quod ex operibus justificatur homo?

2. Pet. 1. Hæc si vobis adsunt, non vacuos constituent vos in Domini cognitione.

Psal. 119. Inclinaui cor meum ad facientes justificationes tuas propter retributionem.

Psal. 7. Secundum puritatem manuum mearum retribuet mihi.

Psal. 18. Servus tuus custodit ea, & in custodiendis illis retributio multa.

Ezech. 8. Justitia iusti super eum, & impietas impii super eum. In justitia, quam operatus est, viver.

Daniel. Peccata tua eleemosynis redime. Sed hæc sufficiant.

Cum ergo omne, quod est in mundo,

fit vel concupiscentia carnis, vel concupiscentia oculorum, vel superbia vitæ: ad cuiuscunque peccati extirpandas radices tria inveniuntur opera aptissima, *Oratio, Jejunium, & Eleemosyna*. Nam bona, quæ concupiscimus, vel sunt animi, vel corporis, vel (ut loquuntur) fortunæ, id est, commodorum externorum. Contra carnis petulantiam medicina est jejunium. Contra superbiam, Oratio. Contra pleonexiam Eleemosyna. Præterea si eos etiam, qui peccatis nostris offenduntur, spectemus: Deum oratione placabimus: proximo eleemosyna satisfaciemus: nos ipsos jejunio castigabimus. De his ergo paucis jam dicendum est: & primum de jejunio.

De JEJUNIO.

Jejunii nomen parum in usu fuit Scriptoribus prophanis: ideo non mirum, si aliqui falluntur, idem existimantes Jejunium, quod sobrietatem. Sed potest quidem sobrius quis esse, qui tamen non erit jejunus.

Propter multas causas, & gravissimas, Ecclesia præcipit jejunari. Primo enim peccatorum veniam per jejunia nos castigantes meremur. Si nos ipsos [inquit (e) Apostolus] judicaremur, non utique judicemur. Et apud Joëlem (f) Dominus: Convertimini ad me in toto corde vestro, in jejunio, & fletu, & planctu, &c.

Secundo prodest ad mortificationem carnis, ne peccato obediamus: sicut Paulus [g] ait, Castigo corpus meum, & in servitutem redigo, ne, cum aliis prædicavero, ipse reprobos efficiar.

Tertio, ut mens a desideriis carnalibus libera ad Deum facilius elevetur: & obtineat, quæ petierit. Sic (h) Daniel per jejunium meruit exaudiri.

Quarto, ut nostra parcimonia pauperum necessitatibus subveniamus. Bona est oratio cum jejunio & eleemosyna, quam congregare Thesauros. Tobia 12.

Fit etiam naturali quodam modo, ut solennitates Festorum, quas læti agere debemus, ut Paschæ, & aliorum, post ipsa jejunia agamus multo lætiores.

Itaque Apostoli nihil pene arduum, & sanctum sine hujus sanctæ virtutis exercitio auspiciati leguntur. Cum jejunio dimiserunt Paulum & Barnabam: (i) Paulus & Barnabas cum ordinassent Presbyteros Lystris, & Lycaonia: & Paulus de se loquitur [k], in fame, & siti, & jejniis multis. Centurio-

nis

(e) 1. Cor. 9.

(f) Act. 14.

(g) Joel. 2.

(h) 2. Cor. 11.

(i) 1. Cor. 9.

(b) Dan. 12.

nīs jejunia leguntur in Actis (1) Apostolorum. Petrum Apostolum frequenter jejunasse, & baptizatis a se jejunare triduo præcipisse, tradit S. Clemens. Non est ergo sola sobrietas jejunium.

Magnum & generale jejunium D. Augustinus vocat, abstinere ab iniquitatibus, & illicitis voluptatibus.

Sed Ecclesiasticum, de quo loquimur, est abstinencia ad tempus a licitis cibis: non quidem aversione creaturæ Dei, quæ bona est, si cum gratiarum actione sumatur: sed pietatis causa, ad domandam carnem, ut spiritui subjiciatur: ad fructus dignos penitentiae præstandos: ad exercendam obedientiam: ad Dei gratiam demum consequendam. Non enim dixit Apostolus, nihil rejiciendum simpliciter: sed quod cum gratiarum actione sumitur. Quod si non sumatur cum gratiarum actione, & obedientia, rejiciendum est.

Abstinencia carniū diebus Veneris & Sabbati quoddam est jejunium, quod Tertullianus vocat portionale. Abstinencia omnīs cibi usque ad horam meridiana in Quadragesima, Quatuor temporibus, & Vigiliis solennitatum, majus est jejunium. Quale faciebat Daniel, etiam majus est jejunium.

Majus est illud Heliae. Et majus illud Salvatoris, quadraginta dierum spatio nec edentis, nec bibentis. Sed hoc Christi jejunium supra vires nostras imitari non quimus. Alia nihil prohibet. Et nos nimium delicatos, quos neque Joannis Baptiste abstinentiae, nec Patrum *ἔργοφυσίας* (id est, aridi cibi) nec Græcorum vigiliarum exempla movent. Sed disputationem de jejunio majorem, contra Centuriatores habes lib. 5. Turriani.

DE ORATIONE ET DEVOTIONE.

A DEO multi hucusque de Oratione scripserunt veteres ac novi Authores; ut merito dubitare debeamus, num præstet nihil de ea hic scribere, ne minus pauca narrando, expectationem piorum hominum fallamus, cum multa dici possent: an potius, pauca referre, ne nihil habeant illi, in quo se exercent, quibus aliorum non vacat legere monumenta. Sed bene est. Nam labor, quem in compilando libro hoc suscepimus, eo respicit, ut summa capita tantum tradamus, & præcipuæ doctrinæ Ecclesiasticæ.

Quam vero necesse sit, ut Pastores tradant orandi formam atque doctrinam; & cura salutis ovium, & Christi, atque Apostolorum exempla, atque lex, suadere debent. Obsessis enim nobis undique tor periculis, quæ hostes assidui intentant, [Diabolus, Caro, & Mundus] in oratione sola salutem positam habemus. Propterea Dominus noster Iesus Christus, suos, quos diligebat, in angustia animi constitutos hortatur; Vigilate & orate, ut non intretis in tentationem (m). Inter opera autem meritoria gratiæ & vitæ æternæ: quid majus? quid præstantius, quam oratio? Est oratio Dei cultus maxime proprie, & religionis actus. Per orationem memoria tenet opera Christi. Oratione accenditur Dei amor, vitæque hujus contemptus roboratur. Orationis quasi lumine, mens humana illustratur; & ad adorandam Majestatem DEI Omnipotentis tanquam manu ducitur. Hic Fides, hic Spes, Charitas, timor Domini, penitentia peccatorum, gratiarum actio; notitia sui ipsius, voluptatum fastidium, propositum vitæ melioris, desiderium etiam patienti omnia pro Christo. Quas non in oratione invenias summas, atque heroicas virtutes: si hominem deificat, & ob consuetudinem cum Deo, Deo similem facit? Sicut ex doctorum & sapientum, atque elegantium virorum familiaritate, etiam rustici & rudes elegantes in sermone, victuque evadunt: & quod natura negavit, consuetudo docet: sic qui frequenter orat, quia cum Deo frequenter est & loquitur, Deique utitur quasi familiaritate: unus spiritus efficitur cum eo. Nam qui adhæret Domino, (inquit (n) Apostolus) unus spiritus est.

Adde, quod oratio machinæ instar attractricis est, ad impetrandum omnia, quæ cupimus. Nam si Deus natura benignus est, ut credimus, & bonorum omnium largitor liberalis: accedentem ad se, paratum agere, & optantem quæcunque jussit: confidentem quoque de infirmitate sua, & Dei Majestatem suspicientem: ad fores Divinæ pietatis prostratum, cum perseverantia clamantem, & cum Chananea petentem aliquid de micis, quæ cadunt de mensa largitatis ejus: nonne exaudiet? Si cum inimici essemus, pro nobis mortuus est: quid negaturus est illis, quos justificavit? Si Patres etiam mali, norunt bona dare filiis suis: quidni Pater cœlestis? Si Judices iniqui, victi importunitate, causam pauperis agnoscunt: quid non faciet Deus, cui grata est justitia? Oculi Domini super justos, & aures ejus ad preces eorum. Porro autem de voluptate, quæ in ora-

(1) Act. 10. (m) Marc. 14. Luc. 21.
Tome VIII. Concilior. German.

(n) 1. Cor. 6.

oratione est, lege D. Aug. in Solilo. c. 25. & Bernardum in cant. serm. 35. & ad Eugenium lib. 1.

Supereſt Satisfactio. Siquidem proprietates hæc cauſa eſt, ut de oratione agamus hoc loco. Sicut peccata, quæ in corpore contraximus, jejuniis vindicamus, & aliis laboribus: quæ contra charitatem proximi, reſtituit eleemoſyna: ſic quod mente & animo in Deum deliquimus, oratione jubemur reparare. Eſtque non aliter Oratio fructus animæ Deo Domino debitus: quam corporis eſt jejuniis, & opum eleemoſyna. Jubemur enim Deum, a quo omnia habemus, ex toto corde, totis viribus, ex tota ſubſtantia honorare. Jubemur Deo gratias agere; fidem apud eum teſtari, effundere ſpem coram eo, & charitatem charitate demereri. Oratio omnia hæc facit. Sed hæc ſufficiant. Qui plura deſiderat, legat Bonaventuram.

Teneamus ergo orationem opus eſſe, & meritum, & ſatisfactorium, & imperatorium.

Sed dicet aliquis: Quid vocas orationem? plerique enim elevationem mentis in Deum eſſe tradunt. An non orationes dicuntur illæ Sacerdotum, quæ ſunt in Eccleſiis? Cum quis abſque animi attentione dicit Orationem Dominicam, an non orat? Reſpondeo duplicem eſſe; & eam quidem, quæ mente fit ad obtinendum aliquid a Deo, maxime hanc eſſe. Quæ vero ſola voce abſque ulla attentione, in actu vel habitu, a Propheta reprehenditur. Populus, inquit, hic labiis me honorat, cor eorum autem longe eſt a me.

Ergo ut cum fructu oremus, multa requiruntur. Neceſſe eſt primum, ex corde preces prodeant: non ex labiis tantum, ut videantur ab hominibus. Hoc certe hypocritæ faciunt. Præcipiebat Dominus, Matth. 6. Tu autem cum oraveris, intra in cubiculum tuum, & claſſo oſtio ora Patrem tuum in abſcondito. Non utique prohibet orationes publicas, quæ in templo fiebant: ſed ut cum fructu oremus, excludi cogitationes vanas jubet, quæ attentionem diſtrahunt. His fores cordis noſtri occludi volebat. In conclavi ſoli cum ſolo loquamur. Si ergo in foro, vel in via, nihil aliud, quam Deum cogitemus: in cubiculo proſecto orare dicemur.

Cæterum, quia imbecillitas humana non ſuſtinet longam attentionem in actu: ne abjiciamus propterea ſpem. Habitualis omnia ſupplebit. Eam ob rem Eccleſia Catholica Horas Canonicas inchoat hoc modo: *Deus in adiutorium meum intende.* Et Eccleſiaſt. 18. Ante orationem præpara animam tuam: &

noli eſſe quaſi homo, qui tentat Deum. Huius nulla poteſt tam brevis eſſe oratio, quin de multiloquio contemnatur. Longa vel brevis non ex verborum numero, ſed ex devotione & affectu judicatur. Chriſtus prolixè oravit: imo in oratione pernoctavit. Idem tamen ait: Cum oratis, nolite multum loqui. Fratres in Agypto, frequentes potius, quam longas faciebant orationes, ne attentio in longis deſiceret. Ut enim corporalis cibus tunc maxime prodeſt, cum famines præcedit: ſic oratio cum devotio accedit. In Eccleſia poſt Pſalmos, Lectiones in omnibus horis adhibemus: poſt Lectiones, chori cantus; poſt hæc tandem orationes, & gratiarum actiones: neque has quidem abſque præſatione ad attentionem, cum Sacerdos ait, Dominus vobiscum, Oremus.

Cum igitur hæc ita ſint, dicendum aliquid etiam nobis eſt de Devotione.

Eſt devotio propenſio quædam voluntatis, ad ſe, ſuæque omnia offerendum in Divino cultu. Hæc ex oratione & conſideratione generatur. Docet enim experientia, ex oratione profundiore prodire hominem lætum, alacremque; paratum ad omnia agenda, vel ſubeunda, etiam extrema propter Deum. Unde devotionem poſſis etiam promptitudinem dicere, atque alacritatem ad bene agendum. Contemplationis autem (ſive conſiderationis) duo proponuntur objecta oppoſita, in quæ mentis acies fixa ſæpius, virtutem hanc parit, quam vocamus devotionem. Unum ex parte Dei eſt, alterum ex noſtra. Et in illo quidem Deum inuenimur per ſe, vel ejus beneficia collata nobis. In nobis autem mæſti conſideramus imperfectiones noſtras.

In Deo itaque primo ſe offerunt Bonitas ejus immenſa, Miſericordia, Juſtitia, Charitas, Claritas, Pulchritudo, Potentia, Sapientia, Aternitas, Perfeſtio, Gloria, atque alia attributa, & notiones: quibus te gaudere pium eſt. Et beatus ſane eſt, qui ex animo dicere poſſit: *O le grand bien, que je poſſede, veu que mon Dieu poſſede une gloire immenſe & tant de bien! car je le tiens pour mien: comme je l'aime plus que moy meſme.*

Deinde ſe offerunt beneficia, quæ nobis confert: veluti Creatio, Redemptio, Paſſioque Chriſti, Baptismus, Corporis & Sanguinis myſterium, inſpirationes ſanctæ, & vocationes aſſiduæ; Longanimitas & Patientia erga delicta noſtra: quod nos a periculis aliquando imminutibus præſervavit: quod ab anguſtiis animi, & magnis ſollicitudinibus præter ſpem liberavit: quod Angelorum nos cuſtodie nobiliſſimæ commiſerit. Atque hæc quidem & ſimilia ex Deo conſiderationis objecta ſunt. Ex

Ex nobis autem unum est, Nosce teipsum, veluti considerare miseriam nostram, imperfectiones animi & corporis. Incolatum nostrum procul a Patria cœlesti: delicta tam præterita, quam præsentia: promptitudinem ac facilitatem peccandi: impotentiam animi: corporis fœdus motus. Perpendimus appetitus nostri perversitatem, qui non tam moveri solemus commodis vel incommodis spiritualibus, quam corporalibus: virtutum tantam inopiam, & viriorum copiam; ut tanquam nullo, vel homine, vel Angelo spectante, vivamus. Adde his vulnera liberi arbitrii: quæ sunt cæcitas, debilitas, concupiscentia. Quantus in iudicio stupor & in sensu? quod perinde, ac si nihil sentiremus, nihil horrescimus fœtores peccati: non cernimus tenebras ignorantiae: non gustamus acerbiteratam Divinae indignationis: nec ad vocem Pastoris aures adhibemus, nos admonentis assidue, & ad ostium cordis nostri pulsantis, ut expergiscamur.

Et quod maxime meditatione dignum est, quod Dei inimicitias gratia præstulerimus peccando: aliumque Deum in locum ejus collocando: ventrem scilicet, vel opes, vel honores, vel delicias hujus mundi.

Meditationes ergo hæc, cum oratione conjunctæ, devotionem pariunt, matrem virtutum maximarum. In his profecto exerceat conventit Religiosos. Non in curis sæculi, [quia se a sæculo sequestrant] neque in iactantia generis: qui cuculla, & habitu universo, se alios esse profitentur, quam nobiles. Neque in sapientia: quia pro stultis [imo pro abjectamentis hujus mundi] haberi velle se promittunt. Aut certe fateantur apostasiam: quia fidem & professionem, suam fefellere. Existiment indignum esse nomine religiosi, vel spiritualis, qui vel semel tantum in die non meditantur. Sed hæc ad Regulares. Clerici autem alii, qui quotidie tenentur ad Horas, (ne sine fructu cantent) meditentur quoque ipsi aliquid in singulis Horis: Sanctæ quoque mulieres, [quando ad Rosarium preces multiplicat] meminerint aliquid meditari sanctum oportere, quo devotio augeatur in eis. Denique quisquis ad perfectionem vitæ spiritualis pervenire desiderat, si singulis diebus horam aliquam selectam det contemplationi: & in eo consilio persistet aliquo tempore: fiet absque dubio, ut cum consolationis quadam singulari suavitare, mortificatis perturbationibus omnibus, in virum perfectum evadat, Angelorum vita cœlesti fruens jam in hoc mortali mundo. Nam consideratio clavis est cœli & inferni. Hic pœnas damnatorum patefaciendo, timorem Dei docet: illic gloriam beatorum contemplantibus ad bravium

æternæ retributionis agit, atque stimulat. Meditatio ergo amorem & timorem gignit. Amorem ex bonitate Dei: timorem ex periculo damnationis. Et utrumque præstat, ut in vitæ innocentia perseveremus. Ne absit igitur orationi, nec Sacramentis, nec Sacrae Lectioni, nec Psalmodiæ devotio. Et puta, quod ob hanc rem pro foribus Ecclesiæ aqua benedicta proposita est: nimirum ut per penitentiam cogitemus illico de peccatis nostris, antequam ad orandum accedamus. Sed de partibus Orationis supra in *Sanctificetur nomen tuum.*

Devotionis internæ signa sunt & effecta, elevatio manuum, pectoris percussio: & honestus omnis, ac decorus habitus, gestusque corporis supplicantis.

Ex his, quæ dicta sunt, responde ad illas quæstiones: Quis orandus sit, & quo tempore orandum, quo loco, quo modo, qua de causa.

Quis orandus.

Cum omne bonum a Deo sit: ad Deum tanquam bonorum omnium datorem, dirigenda oratio nostra est primo. Nam licet natura sit immutabilis Dei, nec prece nostra moveri possit a natura sua: disponit tamen nos oratio: & ille præveniendi aspirat. Quia, quid oremus, nescimus: sed Spiritus Sanctus docet nos, ut Apostolus Rom. 8. Quare oratio disponit nos ad hoc, ut dona Dei recipiamus & gratiam. Psalm. 80. Dilata os meum, & implebo illud. Quidam funi nautico compararunt. Dum namque littori alligatum funem ad se trahunt nautæ, ipsi ad litus appellant, littoris columna stante immota.

Non ergo orandi Sancti, [dicit aliquis] ne Deo honorem detrahamus. Unde hæc conclusio? Nos gratiam & dona a Deo impetramus sæpe per Sanctos. Si quia Deus immutabilis est, ideo frustra Sanctos interpellamus: frustra etiam Deum oremus, quia semper immutabilis est. Absit blasphemia. Sancti Dei amici sunt. Multa in illorum gratiam, & honorem, facta tenet Ecclesia; & fieri etiam quotidie videmus. Gratiam & gloriam dabit Dominus. Dare quoque potuit vestibus & ossibus Sanctorum, ut tacta morbos sanarent, & demones expellerent applicata. Exemplis hujus rei plena est historia. Deum ergo orando dicimus, *Miserere nobis*: sed Sanctos, *Ora pro nobis*: & aliquando, ut misericordia mori intercedant pro nobis. Ipsi quoque orationes nostras Deo repræsentant nobiscum orantes. Apocalyp. 8. Data sunt Angelo incensæ multa, ut daret de orationibus Sanctorum: & ascendit fumus incensarum de orationibus Sancto-

rum de manu Angeli coram Deo. Si ergo orans coram Sancto aliquo Orationem Dominicam dixeris: puta te a Sancto petere, ut orationem tuam Deo ille offerat, & repræsentet.

Quo tempore.

Queris adhuc, quo tempore orandum. Semper: sicut docuerunt Christus & Apostoli. Ope Divina semper indigemus: & cum sit oratio Dei cultus veræ patriæ, dicebat Psalmographus, Benedicam Dominum in omni tempore: semper laus ejus in ore meo. Et Paulus 1. Corinth. 5. Semper gaudete; sine intermissione orate, id est, beatam vitam sine intermissione desiderate. Sic interpretatur D. Augustinus Epistola 121., ubi addit: Sed ideo ab aliis curis & negotiis, quibus desiderium quodammodo tepefcit, certis horis ad negotium orandi mentem revocamus: verbis orationis nos ipsos admonentes in id, quod desideramus intendere: ne quod tepefcere ceperat, omnino frigeat: & ne penitus exstinguatur, nisi crebrius inflammetur. Hæc ille. Sic diebus festis & juniorum potius ad orandum convocat suos Ecclesia; & Horas Canonicas instituit: in quibus (tanquam ad iudicium) causam dicturi accedimus, & vitæ nostræ rationem reddituri.

Quo loco.

Nec aliter quidem respondendum est de loco. Nam licet Deus in omni loco orantes audiat, qui omnia compler: distinguendum tamen est, num de privata queris oratione, an de publica. Hanc in loco orationi dedicato fieri convenit & communi. Nam & Christus & Apostoli, in Templum ascendebant oraturi. Privata autem facta in Ecclesia ideo commendatur, quod & exemplo aliorum deprecantium augeatur devotio, & aspectu Imaginum, Reliquiarum, & Corporis Domini præsentia, & Spiritus Sancti assistentis gratia, ut S. Maximus docet in lib. de Ecclesiastica Mystagogia. In Templo quoque rariora occurrunt rerum mundanarum objecta. Propterea Domus Orationis vocatur. Nullus tamen locus est tam publicus, nec forum tam frequens, nec tempus tam occupatum, nec occupatio tam insolens: in quibus nequeas, si velis, mentem elevare ad Deum, & de Deo, rebusque sacris meditari. Quod est oratio.

Qua lingua.

Idem de idiomate, vel lingua dicendum est. Novit enim Deus, quæ postulare decernimus, antequam postulemus: imo etiam antequam cogitemus. Quare intelli-

gentia verborum non sic necessaria est, quasi ad persuadendum Deo: sed intentio requiritur. Quamquam augeatur hæc sæpenumero intelligentia. Et nisi satietatem sane parent idiotis, & contemptum, lingua vernacula sæpius repetita: facile pateremur utramque, & Dominicam *Pater noster*, & Salutationem, *Ave Maria*, in eandem versâ tradi: quoniam a plurimis expetuntur. Sed religio est. Tanta enim debetur his reverentia atque religio, (cum propter mysteriorum copiam, tum propter authoris dignitatem) ut in ipsa eadem lingua pure, in qua primum Ecclesiæ nostræ Latine tradita sunt, nisi paraphrasticè in his meditemur, usque in finem sæculi retinenda putemus: ne quid novitas verborum, afferat, quod pietas antiquæ traditionis non admittat. Nam neque a Deo vocalis tantum oratio intelligitur: quin imo Anna, 1. Reg. 1. Exaudiebatur, cum labia solum moveret. Orandum namque est in spiritu, & veritate, ut tradidit (o) Salvator noster Samaritanæ: & pauper citharcedus ad fores nostras mendicans, fono sambucæ petit elemosynam, & intelligitur.

Quo gestu.

Gestum, atque habitum corporis devotio præscribit. Genuflexio tamen maxime propria videtur ex eo, quod patriæ opus sit oratio. Scriptum est enim, [p] Vivo ego, dicit Dominus, Mihi flectetur omne genu, & omnis lingua confitebitur Deo. Philip. 2. In nomine Jesu omne genu flectatur. Sic de S. Jacobo fratre Domini legitur, ob assiduum orandi usum, genua illi in camelorum speciem occalluisse: Dominus tamen aliquando humi prostratus oravit: aliquando oculis in cælum sublati: aliquando & manibus. Publicanus apud Lucam stans a longe, nec oculis levabat ad cælum, sed percutiebat pectus, dicens: Propitius esto. Daniel (q) in jejuniis, & sacco, & cinere, humiliatus, faciem vertebat ad Dominum. David [r] decumbens, lachrymis rigabat stratum suum & lectum. Helias sedens, pluviam orando (s) impetravit. Et Ecclesiæ ritu solemniter post Dominicam Resurrectionem, & in omnibus diebus Dominicis, stantes oramus, traditione Patrum vetustissima: quia tempus illud est lætitiæ. Sed levamus in cælum manus, ne confundamur propter opera nostra: auxilium & misericordiam implorantes. Nam manus junctæ, & in cælum extensæ, magnæ devotionis testes atque humilitatis sunt: separatæ palmæ fiducia, speciem præbent. Hoc gestu Christum in Cruce repræsentans canit antistes hym-

(o) Joan. 4.
(s) 3. Reg. 17.

(p) Rom. 14.

(q) Dan. 9.

(r) Psalm. 6.

hymnum illum in Missa, quem dicimus præfationem. Tundere autem quid est? (inquit [†] Augustinus) nisi arguere, quod latet in peccatore: & evidenti pulsui occultum castigare peccatum? [u] Ad Orientem convertimur, unde cælum surgit, ut admoneatur animus ad naturam excellentiorem se convertere, id est, ad Dominum.

Qualitas.

Supereff qualitas maxime requisita: ut cum fiducia fiat obtinendi, quæ poscimus: (Matth. 21. Omnia quæcunque petieritis credentes in oratione, accipietis) vel certe aliquid aliud magis necessarium nobis. Quæ res facit, ut in oratione perseveretur. Nam si non statim annuit Deus: in causa aliquando est, quod injuste petamus, aliquando probare vult patientiam nostram: aliquando exercere nos contra ignaviam. Et sicut docet B. Augustin. quædam negat propitius Deus, quæ concedit iratus.

Causa.

Causa, si simpliciter bona est, simpliciter postuletur: ut gloria Dei, peccatorum remissio, Dei amor, fidei incrementum, & similia. Hæc enim Deo grata sunt. 1. Joan. 5. Hæc est fiducia, quam habemus ad Deum: quia quodcunque petierimus secundum voluntatem ejus, audit nos. Si vero indifferens, (ut sunt sanitas, divitiæ, scientia, aeris serenitas) cum conditione petenda est: sicut Christus oravit, Matth. 26. Pater, si possibile est, transseat a me calix iste. Cumque nihil optandum sit, quod Deo gratum non sit: ita nihil petendum, nisi quod Deus velit. Dic: Domine Deus, da mihi, quod vis.

Ut ergo exaudiamur, Oremus cum humilitate: quia oratio humiliantis se nubes penetrabit: Ecclesiast. 37. Oremus cum fide, nihil hæsitantes: quia, qui hæsitat, similis est fluctui maris. Jacob. 1. Oremus cum spe, credendo quod accipiemus. Marc. 2. Oremus cum Charitate: quia qui obturat aurem suam ad clamorem pauperis, (x) & ipse orabit, & non exaudietur. Sine operibus Charitatis arida dicitur oratio a Cypriano. Bona est oratio cum jejuniis & elemosyna: Tob. 12. Oremus sine ira, & disceptatione: impedit enim ira charitatem. Oremus cum perseverantia, qua etiam mali vinci solent. Luc. 18. Et peniteat nos peccatorum: quia qui ad iniquitatem respicit, non exaudietur. Psal. 63. Esa. 1. Job. 35. 1. Joan. 3.

Cæterum orandi & meditandi exercitationem non parum utilem discere poteris ex præculis, & entologiis, & aliis operibus Ludo,

Blosii, & Petri de Alcantara, & de Granata Hispanorum, quas horis Beatæ Mariæ numero impressis nos adjecimus.

STATUTUM I.

Juxta Patrum Statuta prohibemus omnibus Curatis, Presbyteris, atque aliis in Ordine Ecclesiastico constitutis, sub gravi pœna arbitraria: ne in Ecclesia novis orationibus, aut collectis a se, vel ab alio excogitatis, & inventis, ullo modo utantur. (y) Sed his solum, quas Prædecessores tradiderunt, vel quæ ab Illis, vel a Nobis probatæ fuerint, & admittæ: ne sub specie pietatis, contra fidem Catholicam aliquid inducatur in Ecclesiam Dei.

DE ROSARIO, SIVE CORONA B. Mariæ.

Rosarium B. Mariæ, ejusque usum, qui ad pie meditandum inventus fuit, ignorari a Clericis non decet. Turpe enim est, eos latere, quod ex plebe multi sciunt. Maxime nunc, qui in ea tempora incidimus, quando pietatis omnia exercitia a carnalibus hominibus irridentur. Sed carnalis homo non percipit ea, quæ sunt Spiritus Dei. Rosarium ergo nostrum ex baccis constat pluribus, in modum coronæ confertis, atque ordinatis. Et harum quidem quinquaginta minores bacculæ per decades connexæ sunt, aliis quinque majusculis distinctæ. Hinc coronæ nomen apud multas gentes Galli vocant *Chapellet*. Triplex quidem fingitur hæc corona: una frondium virentium, atque lætantium: quales olim plecebantur bene meritis, ex lauro, vel hedera, vel myrto. Altera Spinarum, molestior erat: veluti civica ex pino, junipero, quercu. Tertia est rosarum, & liliorum: plena deliciarum, & gloriæ. Hinc nomen Rosarii dictum est.

Ex tribus hisce coronis (si jungantur simul) fient xv. decades bacularum, hoc est, xl. globuli. Qui numerus, cum sit idem cum numero Psalmorum in Psalterio David; formam orandi in Rosario, dicere solemus, Psalterium Beatæ Mariæ.

Ut igitur numerorum hujusmodi rationem teneas: quamquam meditationis materia generaliter, & proprie in mysteriis invenia-

K 3

(†) Aug. de ver. Domini, ser. 8. & hom. 50. c. 8.

(u) Idem de ser. Domini, c. 9.

(x) Prover. 12.

(y) Conc. Mileu. c. 12.

veniat, quæ continentur in Symbolo fidei, quæ & a piis atque spiritualibus hominibus ad usum Rosarii, sæpe applicantur: tamen Virgini Sacræ devoti, quales plerique sunt Christiani, sciant pro xv. decadibus, xv. proponi nobis cogitanda mysteria, ex quibus Dei Mater Benedicta varie affecta diversis temporibus fuit, præter alia. Quinquæ læta sunt. Hæc repræsentantur per frondium coronam. Alia quinque tristia, quæ per alteram. Alia gloriosa, quæ per rosas, & flores.

Itaque dicendo semel *Pater noster*, & decies *Ave Maria*, interea dum verba hæc, os, lingueque tua, voce submissa, formant, (sive id continenter, sive intermisce fiat) cogitatur mysterium Annunciationis: quando Gabriel Angelus salutavit Virginem Mariam. Considera gaudium illud Mariæ: Et cum ea gaude etiam tu, si eam amas. Gratias quoque Deo age de beneficio nobis collato per Incarnationem Filii Dei. Atque hoc quidem est primum mysterium ex jucundis. Alterum est Visitationis. In hoc secundo recolles sancta illa colloquia, quæ inter se miscebant Maria & Elizabeth. Dicebat hæc: Benedicta tu inter mulieres. Et Maria canebat: Magnificat anima mea Dominum, &c. Tertium est, Nativitatis Domini, ubi se offerunt contemplanda multa: ut erga infantem natum officia Angelorum, & Joseph: Pastorum colloquia, & concursus: cantus gloriæ cælestes: paupertas rugurii: Magorum adventus, & alia. Quartum est, Præsentationis infantis in Templo: quando senex ille Sanctus Simeon, accipiens puerum in ulnas suas, cecinit ore prophetico: Nunc dimittis servum tuum, Domine, &c. Quintum, quando Maria filium suum, xii. annos natum, invenit in Templo disputantem cum legis Doctoribus. Hæc igitur quinque vocantur jucunda mysteria. In quibus comprehendis reliqua vitæ Christi.

Alia quinque Passionem Christi habent, & meroris plena sunt. Primum quidem, quando Dominus in horto Oliveti pernoctans in oratione, antequam caperetur, præ dolore tristitiæque sudorem emittebat sanguinis decurrentis usque ad terram. Secundum autem, quando flagellabatur ab impiis satellitibus & Judæis. Tertium, quando spinis coronantes caput ejus, atque arundine percutientes: faciemque colaphis ac sputis defecantes, Ministri Sacerdotum, omnis generis probra excogitabant, ut Filium Dei Omnipotentis gloriosum, populo irridendum, contemnendumque redderent, atque exhiberent. Quartum, quando bajulus sibi Crucem ductus fuit Agnus ille mansuetus extra civitatem: cui in via occurrerunt mu-

lieres flentes ac lamentantes: inter quas creditur Mater fuisse, justo affecta dolore. Quintum, quando in monte Calvarie crucifixus est, mortuus, & sepultus. Hic meditari licet, quanta fuit peccati primi gravitas, quod tali supplicio oportuit expiari: quantaque ingratitude nostra, quos Dei charitas non movet. Atque deinceps de peccatis nostris, de inferno, de judicio, & suppliciis, quæ diabolo & peccatoribus parata sunt, licebit cogitare aliquid ad salutem.

Alia quinque Gloriosa dicimus: atque ideo tanquam ex rosis plectimus hanc coronam. Inter ea primum se offert Resurrectio Christi gloriosa. Deinde, Ascensio. Tertio, missio Spiritus Sancti, in die Pentecostes. Quarto, Virginis Beatæ Assumptio. Post omnia denique beatus illa suprema, tam ipsius Virginis, quam Sanctorum omnium, in vita æterna.

Formam hanc, orandi simul & meditando acceptam ferimus Beato Dominico: qui Vir Sanctissimus, quantum valeret assidua oratio cum meditatione, perpendens; primo loco Orationis Dominicæ, ac Salutationis Angelicæ vices, ordine numerisque distinxit: ut sine fatietate posses orando perseverare. Sed ne ore tantum, & non ex corde etiam ista fierent: exempla adjunct meditationum: quæ ad certum hunc numerum, ordinemque redegit, atque distribuit, Spiritualis hæc exercitatio magni momenti est ad devotionem. Sic enim subsidio sibi sunt, meditatio orationi, & rursus oratio meditationi: ut cum orando mysteria cogitamus, illa cogitando propensius oremus, juvat vicissitudo temporum, numero hoc verborum commensurata. Orationis autem Dominicæ, atque Salutationis Angelicæ, si verba alicunde assumenda erant, quæ invenias, quam illa, pretiosiora? quæ aptiora? Memoriam natura sua confirmant ordo & numerus: Intellectum ad attentionem excitant verba: consideratio autem beneficiorum Dei, tam multorum, tum charitatem erga Deum accendit, tum etiam amorem erga Matrem ejus gloriosam alit. Qua consolatione animi quæ major esse potest?

Non immerito igitur Pontifices multi Rosarium hoc Indulgentiis donarunt. Nam si librorum multorum lectio, si Imaginum Sanctorum aspectus, si Templorum visitatio, si Reliquiarum veneratio, & alia multæ dari occasiones absque Rosariis possunt, quibus humana mens ad pie meditandum induci solet: nulla tamen sic ubique, semperque in promptu esse potest, atque Rosarium.

Docebunt ergo Curati usum illius: maxime eos, qui literas non norunt: ut Christiani

fiani omnes frequenter orent, & pie meditentur. Erunt hæc veluti alæ duæ, quarum remigio facile evolabimus in cælum.

DE ELEEMOSYNA.

Non diligamus verbo, neque lingua, sed opere & veritate. (z) Nam qui habuerit substantiam hujus mundi, & viderit fratrem suum necesse habere, & clauferit viscera sua ab eo: quomodo charitas Dei manet in eo? (a) Facite vobis amicos de mammona iniquitatis. Jucundus homo, (b) qui miseretur & commodat.

Signum dilectionis, exhibitio est operis. Opera ista charitatis dicuntur Eleemosyna, id est, misericordiæ opera. Et alia quidem spiritualia sunt, alia corporalia: utraque septenario numero comprehensa sunt.

Septem opera misericordiæ corporalia hoc versu continentur:

Visito, poto, cibo, redimo, tego, colligo, condo.

1. Sed D. Basilii primum opus misericordiæ statuit, *Pascere esurientem*. Et certe necessitas malefuadæ famis, severior est ferro, & ad multa compellit hominem, quæ alias non essent licita.

2. *Potare sitientem*. In quo etiam calix aquæ frigidæ ex charitate datus, mercedem habebit.

3. *Vestire nudos*. Ad hoc etiam natura compellimur, cum ob nostræ carnis infirmitatem, nos pudet turpitudinis alienæ. Cum videris nudum, operi eum, (inquit (c) Propheta) & carnem tuam ne despexeris.

4. *Redimere captivos*, præcipue Christianos, quos infidelium sævitia captos detinet: in quo Filium Dei imitamur, nos a servitute diaboli redimentem.

5. *Colligere hospitem*, hoc est, pauperes, & peregrinos hospitio excipere: exemplo magni Patriarchæ Abraham, justî Loth, Raab meretricis. Quod intelligendum, sicut & alia pro qualitate personarum & necessitate, & facultatibus propriis.

6. *Visitare infirmos*: nempe ut eos re & verbo consolemur, & de salute moneamus: quoniam in magna infirmitate sensibus & ratione debilitatis, homo indiget consilio, & consolatione majori.

7. *Sepelire mortuos*, quam sit laudabile ostendit Raphael Archangelus Tobię 12. & David 1. Reg. 2. & natura ad hoc nos inci-

tat, ut mortuorum corpora religiose condamus. Sed de sepultura & suffragiis pro defunctis infra, in 4. noviss.

STATUTUM I.

Curati hortentur fideles, ut eleemosynis redimant peccata. Nam sicut aqua extinguit ignem, sic eleemosyna resistit peccatis. In imponendis quoque pœnitentiis, eleemosynam commendent, cum oratione & jejunio. Quia oratio cum jejunio, & eleemosyna a morte liberat: & ipsa est, quæ purgat peccata.

OPERA MISERICORDIÆ Spiritualia.

Cum duplicis naturæ simus (corporeæ scilicet & spiritualis) omnes illas species charitatis erga proximum bifariam, hoc est, non solum corporaliter, sed spiritualiter implere debemus; si sinceram charitatem præstare volumus, & filii Dei nuncupari. Hæc versiculo continentur:

Consule, suade, doce, solare, remitte, fer, ora.

1. Primum ergo, Consilio juva proximum saluari. Si tibi intellectus est, (inquit Sapiens) responde proximo.

2. Doce ignorantem. Qui ad justitiam erudiunt multos, quasi Stellæ fulgebunt in perpetuas æternitates. Daniel 12. vide Jac. 5.

3. Suade, id est, corripe delinquentem. Nam si te audierit, lucratus eris fratrem tuum. Matth. 18. Sed corripe, ut fratrem, & noli quasi inimicum existimare. 2. Thess. 4.

4. Consolare positos in angustia & tribulatione, exemplo Christi. Luc. 4. 2. Cor. 1.

5. Remitte offensam, & acceptam injuriam delinquenti. Christus ita nos admonet: Si dimiseritis hominibus peccata eorum, dimittet & vobis Pater vester cœlestis delicta vestra: Si autem non dimiseritis hominibus, nec Pater vester dimittet vobis peccata vestra. Vide Matth. 6. & Marc. 11. Ephes. 4. Colos. 3. Et Patres in Concilio Carthaginensi quarto, oblationes dissidentium fratrum neque in Sacrario, neque in gazophylacio recipi voluerunt. Qui accipit mysterium unitatis, (inquit B. Aug.) & non tenet vinculum pacis: non mysterium accipit pro se, sed testimonium contra se. Serm. de infant.

6. Fer

(z) 1. Joan. 3.

(a) Luc. 16.

(b) Psal. 111.

(c) Esa. 58.

6. Fer patienter fratris infirmitatem atque imperfectionem. Debemus nos firmiores (inquit Apostolus Rom. 15.) imbecillitates infirmorum sustinere, & non nobis placere. Et Christus Matth. 5. Ego autem dico vobis, non resistere malo: sed si quis te percutserit in maxillam tuam dexteram, præbe illi & alteram.

7. Orate pro persequentibus vos & calumniantibus. Denique benefacere iis, qui oderunt nos, Christus monet Matth. 5. ut finis filii Patris nostri, qui in cælis est. Et exemplo docuit in Cruce, orans Patrem, ut ignosceret iis, a quibus crucifigebatur. Et Stephanus plenus gratia & Spiritu Sancto, & charitate magistram imitatus est. Act. 7.

FORMULA CONSOLATIONIS Gallice.

Inter spiritualis officia misericordiae consolariorum potissima est. Cum quia sæpissime suscipienda, tum quia alia in se recipit. Idcirco formulam ejus vulgari idiomate accipe, pro negotio commutandam.

Celuy auroit le cœur bien dur, ou le sens bien stupide, qui ne sentiroit en son cœur le desastre, inconvénient au dommage, &c. Car il est grand: pour telle & telle raison, (quas deducet.) Et s'il y a personne qui s'en doive ressentir, ce sera moy, pour telle & telle raison. Mais quand je considère, qu'il n'y a en ce monde que misères & calamitez, & que nostre vie n'est qu'une fumée, ou une petite mée transportée par les vents en l'air: il faut que je me console. Car il me semble que nous devons toujours estre résolus de n'avoir jamais rien de bien en nostre vie: ains tout mal, tribulations, troubles, agitations, malheur & misère. Par ainsi ne nous esbayrons de chose qui nous adviennent.

De sorte qu'à bien considérer n'y a rien plus misérable que la vie de l'homme, si n'estoit l'esperoir qu'il a de la vie éternelle. Je vou drois sçavoir s'il y a homme au monde de bonne souvenance, qui me puisse dire, qu'il ayt passé un jour entier en toute sa vie sans regret, là où nous en passons tant & tant sans joye.

Et ne faut dire, que ceux que l'on reputé bien heureux, le soient pour cela: be qu'ils diroyent bien autrement s'ils estoient interroguez à part. Ny que ce soit à un ou deux que les grands maux adviennent. Car il n'est homme se reputant si misérable, que s'il luy

estoit proposé de mettre tous les maux de ceux qui sont en la ville en un monceau avec les siens, pour les distribuer, puis après également à tous: il n'aymât mieux se garder les siens, que d'en estre pourveu à sa part en portion du monceau commun. Personne n'est reputée heureuse, ou malheureuse, que par comparaison. Par comparaison, dis je, d'autres plus ou moins heureux ou malheureux. Pourtant il nous faut prendre tout en bonne part. Mesmes que les tribulations & persecutions qui nous tourmentent, sont vrais indices de l'ire de Dieu contre nos pechez. Car pour autant que Dieu ne nous veult perdre, il nous envoie des advertissimens pour nous convertir à faire pénitence en ce monde, à fin que ne soyons damnés en l'autre. Et nous punit icy temporellement, à fin qu'il ne treuve en nous qu'il doive punir éternellement, ou en purgatoire. Il est coutumier d'exercer la discipline, avant que proceder au jugement. Et par ainsi bien souvent il donne du fouet à celui, qu'il ayme.

L'on s'abuse pensant, que Dieu punit indifféremment les justes & injustes, bons & mauvais: comme si Dieu fust injuste. Mais comme il n'y a personne, qui se puisse venter d'estre sans péché, il nous faut aussi penser, que si nous avons quelque adversité, (pour grande qu'elle soit) encores est elle moindre, que n'est l'iniquité de nos pechez: étant la Majesté Divine que nous mesprisons & offensons, digne d'honneur & crainte infinie.

Et faut aussi penser, que les adversitez & afflictions des gens de bien servent d'exercices. Et quant Dieu fait, ou permet, que nous soyons affligés, il monstre qu'il est misericordieux. Car vous trouverez toujours qu'il ne denie pas son ayde, ny nous envoie jamais tentation, que nous ne la puissions surmonter avec la confidence de sa grace. Par le contraire quant nous sommes élevés en ceste vie mondaine par les biens, faveurs, & plaisirs du monde, & que nous nous enorgillons de nos delices: lors oubliez de nostre bon Pere, tombons communément aux abyssmes de tous vices & pechez. Car comme aveuglez d'une fumière de gloire, ou ravis de passion charnelle, ou regardans ailleurs, & pourchassans d'accroître nos biens temporels, ne voyons point devant nous la fosse & la place de nostre ruine & malheur.

Il s'ensuit donc, que les misères & tribulations de ce monde, sont les apprentissages de

de ceux, que Dieu veut sauver : Et nous faut croire, qu'il n'est jamais plus pres de nous, que quant nos maux nous sont intolérables. Et quant tout sera dict & rabbatu, encorés personne de nous n'a souffert pour ses pechez ce que nostre bon Jhesus a pour les nostres. Contemplons, je vous prie, sa dure passion, sa croix, ses opprobres, son innocence & sa charité, & ne trouvons mal que ne devions pour l'amour de luy porter patiemment. Nous ayme il plus, que ses Saints Martyrs? S'il n'a pardonné à ses principaux amys, quelle impatience est la nostre pauvres pecheurs? Et pourtant nous nous devons consoler en toutes nos tribulations, pensans que par la patience & bon espoir ne serons jamais confus, moyennant que nous prenions la patience par le bon but : c'est à sçavoir avec foy & charité cordiale : car c'est le chemin d'aller à la gloire éternelle, que nostre Pasteur Jhesus Christ nous a monstré. Et si les miseres & calamitez que nous souffrons en ce monde, sont enseignemens de l'assistance de Dieu pres de nous : ceux qui n'ont adveusité aucune, doivent bien craindre, qu'ils ne soyent bien loin de luy. Il nous exorte à porter nostre croix, & de le suivre. Suivons le doncque, & portons nostre croix, & prenons patiemment les tribulations venans de la main de Dieu pour nostre bien. Faisans autrement, nous serions semblables aux frenetiques, qui jettent par terre tout ce que les medecins leur portent pour leur salut. Mettons nostre espoir & confidence entierement en Dieu. C'est nostre Pere : il nous ayme plus, que nous ne sçaurions entendre, ni penser. Tout ce qu'il fait, il le fait pour le mieux. Et prions nostre bon Patron Saint N. d'estre nostre intercesseur vers luy : pour certain Dieu nous aydera. Dequoy je le supplie.

Verbis res hæc comprehensa olim est, cur tribulationes mittantur.

Ut probet, aut purget, vel puniat, aut mereatur,

Aut Christi ut pateat gloria, pena datur.

Job probat, inclinatur Paulum, sese manifestat

In cæco, purgat Mariam, sed punit Herodem.

obligamur : eoque differt a præcepto. Nam sicut docet Hieronymus contra Jovinianum, & ad Eustochium de custodienda virginitate, ubi consilium datur, offerentis arbitrium est : ubi præceptum, necessitas est servitutis. In lege veteri data sunt præcepta : in Evangelica superadduntur consilia : quia perfectorum sunt hæc, ut a Christo didicimus. Si vis, inquit, perfectus esse, vade, vende omnia, quæ habes, &c. Nos præcepta revocant a rebus illicitis : sed consilia etiam a concessis. Nam si diligenter expendas, consilia deus dantur, quæ neque lege præcepta sunt ; neque in alteram partem determinata ; sed quæ media dici consueverunt, multum conducentia ad melius quippiam : ad hoc scilicet, ut homo prorsus Deo serviat, & sine impedimento eidem obsequatur.

Sunt autem tria consilia præcipue, scilicet castitatis, paupertatis & obedientiæ. Primum adversatur concupiscentiæ carnis : alterum concupiscentiæ oculorum : tertium, superbiæ. Ac de castitate quidem primo agamus, & de cælibatu Sacerdotum.

DE VOTO CASTITATIS.

Castitas est religiosa munditia, ac puritas a rebus venercis. Et triplex quidem invenitur : Virginalis : vidualis, & conjugalis. De hac ultima Horatius : Metuens alterius viri certo fœdere castitas. Castitas a continentia etiam differre videtur apud Paulum Gal. 5. ut Primasius docet, quod continentia pro tempore sit : castitas perpetua. Pudicitia significat animi constantiam adversus aphrodisia. Qua ratione merito Tertullianus æditum & antistitem Templi Spiritus Sancti, (quod sumus nos) appellat pudicitiam. Virginalis castitas est continentia atque integritas corporis & animi : Vidualis autem, antea experta venerem fuit. De quibus Christus : Sunt eunuchi, qui se castraverunt propter Regnum Dei, id est, sua sponte (simpliciter, vel voto,) se addixerunt ad eam vitæ rationem atque statum, qui non admittit generandi usum. Hoc vitæ genus Latini cælibatum vocant. Est enim cælebs, tam qui semper uxore caruit, quam qui nunc caret.

De servanda castitate ac cælibatu consilium habetur Matth. 19. cum dixissent Apostoli : Si ita est causa hominis cum uxore, non expedit nubere. Respondit Jhesus, Non omnes capiunt verbum istud, sed quibus datum est. Sunt enim eunuchi, qui de matris utero sic nati sunt : eunuchi, qui facti sunt ab hominibus : & sunt eunuchi, qui se ipsos castraverunt propter regnum cælorum.

DE CONSILIIS EVANGELICIS.

Consilium apud Theologos, est suasio melioris boni, ad quod alioqui non

Tomus VIII. Concilior. German.

L

rum.

rum. Qui potest capere capiat. Paulus in prima ad Corinth. 7. Bonum est homini, mulierem non tangere. Et certe si bonum non esset, mulierem non tangere; non exegisset Achimelech (d) a David, num mundi essent pueri ejus a mulieribus. Et Exod. 19. ait Moyses ad populum: Estote parati in diem tertium, & ne appropinquetis uxoribus vestris. Ingressuro quoque Sacerdoti ad Dominum per vices suas, ab uxore sequestrabatur. Ergo bonum est homini, mulierem non tangere: nec solum Sacerdoti id bonum absolute est.

At dices, Genes. 2. habetur: Non est bonum, inquit Deus, hominem esse solum: & rursum: Crescite & multiplicamini, & replete terram. Ad hæc omnes Sancti Doctores respondent, terram tunc replendam fuisse in exordio mundi: nunc per Christi doctrinam celum. Sed adjicies, Lex 12. Tabularum habet, Cælibes esse prohibendo. Ergo naturalis hoc ratio dicat. Respondeo, Tanquam reipub. pestes equidem putarem a reipub. ejciendos, quos videmus multos in cælibatu turpiter atque impudice vivere. Contra istos condita illa lex, quam & Evangelica eatenus confirmat, dicens: Melius est nubere, quam uri. Adde adhuc: Quis potest capere verbum hoc? Nam Salomon ait: Continens esse non possum, nisi Deus dederit. Respondeo, Si donum Dei est, petas ab eo: quia dat omnibus affluenter, & non impropereat Deus. Jacob. 2. Si pergas adhuc: Sanctum est conjugium & torus immaculatus. Respondeo, Sanctior est virginitas. Nam lucerna, quamvis lucida sit de se, tamen Soli comparata, obscura est & tenebrosa. Deus autem sicut prohibet mala, sic præcipit bona, & consulit meliora.

Et bonum absolute, quia absolute optabile propter multas utilitates, quas affert in eodem loco. Apostolus. Joan. in Apoc. c. 14. Virgines extollit & agnum sequi ait: quia virgines fuerint, nunquam cum mulieribus coinquinati. Iesus Christus Agnus merito appellatur latina voce, quæ Græce significat purum & castum. Et virgo fuit, & virginis filius. Et Præcursores virginem habere voluit. Et Clarissimos in veteri Testamento reperimus. Heliam, Heliseum, Daniëlem, & quos inter virgines quoque numerat D. Ignatius (e), Melchisedech, Josue, Jeremiam. Et post Christum, ut ait Hieronymus ad Pammachium, Apostoli vel virgines fuerunt, vel saltem post nuptias continentes. Episcopi, Presbyteri, Diaconi, aut virgines eliguntur, aut vidui, aut post consecrationem pudici perseverant. Et

go licet melius sit nubere, quam uri: melius est tamen continere, quam nubere. Consilium autem de re meliore datur ei, qui capere potest.

DE CÆLIBATU SACERDOTUM.

Quam necessaria res sit in Divino ministerio cælibatus, duabus rationibus efficitur: Una est mundities corporis, quam ministratio requirit. Mundam, ait (f) Tertullianus, proponi oportet aram Domini. Altera animi tranquillitas & quies a curis, & a solitudine hujus mundi: vacuum sane esse decet eum, qui rerum cælestium Doctor est & Procurator. At qui uxorem habet, divisus est, ait Apostolus. Propter illam dicitur Esaia 5. Mundamini, qui fertis vasa Domini: atqui cohabitatio illa uxoria non potest fieri sine libidinis fœditate, atque immunditia. Ergo impedimento erit uxor Ministro Ecclesiæ, ne semper fungi possit ministerio. Item 1. Reg. 21. Non licuit de panibus propositionis sumere, nisi iis, qui a mulieribus mundi erant. Et Apostolus, ut orationi quis vacare possit, jubet ab uxoris consuetudine cessare ad tempus. Quanto magis ergo decet, ut qui ad mysterium Corporis & Sanguinis pretiosi Domini nostri assistunt & orant, (imo & conficiunt, dispensant, & sumunt) mundos esse a mulieribus: & vasa sua in sanctificatione & honore servare, non in desiderii potestate? Ideo lex Moisaica (g) jubebat Agnum Paschalem edere lumbis præcinctis: & Levitas tempore vicis suæ in templo manere seorsum ab uxoribus & familia. Ad alteram rationem facit, quod Apostolus Petrus (b) Presbyteris & Pastoribus omnem solitudinem jubet deponere. Paulus autem 1. Corinth. 7. Curas & sollicitudines in conjugio esse docet: quas qui enumerare velit, nunquam profecto finem faciet: præter pericula Sacrilegii, Simonia, & sexcentorum sceleurum, quæ liberorum horum curam sequerentur, si Sacerdotibus nunc liceret liberis dare operam. Nam Levitici Sacerdotes, qui suis succedebant parentibus, nihil in partem hanc peccare poterant: ne quis veteris exemplo legis nobis obtrepar, sed exemplo potius sapiat, miserabilis Ecclesiæ Græcorum: quæ cælibatui renunciando victa sua nativa incontinentia, nunc squalida gemit sub infidelium tyrannide. Quare non immerito Ecclesia Latina hæcenus cælibatum coluit. Et inde ab Apostolis, tanquam per manus tradi-

(d) 1. Reg. 21.

(g) Levit. 8.

(e) Epistola 5. ad Philadel.

(b) 1. Petr. 5.

(f) Tertul. lib. 1. ad uxorem.

traditione accepta, nullum ad Sacros Ordines admittit, qui continentiam servare non voveat, atque expresse vel racite pudicitiam mentis & corporis DEO Opt. & Christo Domino in manibus Episcopi non consecraret. Nec unquam in Ecclesia Catholica concessum fuisse invenias, ut Sacerdotes post susceptum Ordinem Matrimonia celebrarent: licet propter penuriam Ministrorum aliquando conjugati, promoti fuerint. Qui tamen uxoribus postea utebantur, non nisi tanquam fororibus.

Et quia sunt, quibus novum & inutile videtur mandatum hoc; lege authores, quos hic citabimus. Præter alios Sixtus II. Pontifex lib. 1. de Castitate, c. 7. ait: Omnes Discipuli Domini aut continentes fuerunt, aut virgines. Sed antea Clemens, Petri Discipulus Epist. 2. ad Jacobum fratrem Domini: Si post ordinationem contigerit Ministro, proprium cubile uxoris invadere, Sacrorum non intret limina, nec Sacrificii portitor, nec altare contingat, nec ab offerentibus holocausta oblationem suscipiat: nec ad Domini Corporis portionem accedat. Epiphanius adversus Catharos: Sed omnino dices mihi: In nonnullis locis Sacerdotes, Diaconos, Hypodiaconos dare adhuc operam liberis: at hoc non ex Canone (scilicet Nicæni Conc.) sed ex vitio, atque ignavia hominum ejus temporis profectum est. Eusebius lib. 1. demonstrat. Secundum leges novi testamenti non omnino prohibitum est dare operam liberis: verum qui sunt Sacri Ordinis & Monachi, abstinere debent a concubitu uxorum. Idem docet Gregorius Nissenus in lib. de Virginitate. Origenes in 3. c. Joëlis. Illius tantummodo offerre indefinens Sacrificium, qui indefinenter & perpetuo se voverit castitati. Idem Homil. 33. in Num. Chrysost. Homil. 2. de patientia Job, & Hom. 7. in Matth. cap. 2. Cyrillus, Ephrem Syrus, Arator, Dionysius, Ambrosius, Hieronymus, Augustinus, Maximus, Leo I., Innocentius I., Historici omnes, & Concilia innumera: ut Canones Apostolorum, cap. 2. Agathense Conc., Conc. Romanum sub Sylvestro, Elibertinum, Chalcedonense, Arelatense, Chartaginense 2. & 3., Bracharen., Antiochodoren., Toleranum 4. & 9., Meldenense, Africanum, Neocæsariense, &c.

Quod si aliqua ex his & aliis, quæ afferri possunt, eladant suis sophismatis hæretici, nunquam tamen omnia. Quoniam hæc est doctrina Ecclesiæ & Spiritus Sancti. Alia, dæmonum impurorum, & Nicolaitarum hæreticorum.

Sed inquirunt, apud Græcos non servatur cælibatus iste. Respondemus, elanguisse continentiam apud eos, quam Majores rigide observarunt, ut ex Græcis Doctorebus & Historiis sit manifestum. Ab initio non fuerat sic. Et hinc est, quod in aliis a Catholica Ecclesia cum defecerint, tanquam schismatici audiendi non sunt, nec imitandi. Nam nec Basilii & Patrum temporibus fiebat.

Addunt Sapient. 8. Nemo continens esse potest, nisi Deus dederit. Qualis hæc argumentatio? Ergo nemo potest? Fides Dei quoque donum est, nec quisquam credere potest, nisi Deus dederit: ergo nemone potest fidelis esse? Excusationes sunt hæc in peccatis. Contra eos, qui dicebant esse contra naturam, acriter pugnavit olim S. Sixtus Pontifex III. Respondemus gratiam non deesse facienti, quod in se est. 1. Corinth. 1. In omnibus divites facti estis in illo, in omni verbo & omni scientia, sicut testimonium Christi confirmatum est in vobis, ut vobis nihil desit in ulla gratia. Philip. 4. Omnia possum in eo, qui me confortat. Non ego, sed gratia Dei mecum. Jacob. 1. Deus dat omnibus affluenter, & non improperat. Petite igitur sapientiam, & dabitur vobis. Ambrosius (i) contra eos, qui propter infirmitatem putabant, non esse vovendam castitatem, inquit: Ergo nemo militet, ne aliquando vincatur: nec pedis utatur beneficio, qui gradiendi periculum reformidat. Augustinus: (k) Casti non sumus, non quia non possumus, sed quia non volumus. Et in Psalm. 131. Qui te hortatur, ut voveas, ipse adjuvabit, ut reddas. Oratio illa Saræ, Tob. 3. magnæ consolationis erit, ubi dicitur: Hoc pro certo habet omnis, qui colit te, quod vita ejus, si in probatione fuerit, coronabitur; si autem in tribulatione, liberabitur: & si in corruptione fuerit, ad misericordiam tuam venire licebit.

Si omnes velint, [inquirunt] a concubitu abstinere: unde subsistet genus humanum? Respondet Aug. (l) Utinam omnes hoc velint, duntaxat in fide & charitate: quia multo citius Dei Civitas impleteretur: & acceleraretur terminus sæculi.

Fortissime (ut videntur) dissuadeant legem de cælibatu libidines scdæ, ac nefandæ Sacerdotum. Sed dic mihi: Quodnam est tantum scelus, quod non contra legem Dei committatur? Abrogentur ergo leges Dei: quia multi sunt perjuri in orbe, homicidæ, adulteri, fures. Lex bona & sancta est: malus, qui contra agit:

Urgent

(y) Lib. de Viduis.

(k) Lib. 2. c. 17. de Meritis & peccator. remiss.

(l) Lib. de bono conjug.

Urgent ex Can. 13. Sextæ Synodi, ubi damnantur, qui hæc Sacerdotum conjugia prohibebant. Responde, Canones illos non esse Sextæ Synodi, ut patet ex primo cap. sed multo post Synodum illam confectos fuisse ab hostibus Ecclesiæ Romanæ. De Triburienti autem Concilio non est curandum, quia solum est, & nullius autoritatis.

Restat Paphnutii magnum elogium, & maximi momenti [ut existimant] christiana: qui cum ipse a nuptiis semper longe abhorruisset: tamen pro conjugio Sacerdotum in Concilio Nicæno peroravit, ut est in hist. Tripartita apud Socratem & Sozomenum.

Sed primo fides hujus historiæ sit penes authores, quorum hic ab Ecclesiâ Catholica rejicitur, ut author est (m) S. Gregorius. Socrates autem se Novatianum esse proficitur. Deinde, si ira sensisset Paphnutius, (ut isti existimant) contra Concilii Decreta sensisset: in cujus Canon. 3. prohibetur, ut ne Episcopo, neque Presbytero, neque Diacono, neque ulli prorsus Clerico liceat, habere mulierem in domo, nisi forte matrem, aut sororem, aut materteram, aut eas solum personas, quæ ab omni suspitione alienæ essent: uxores autem nullo modo, sicut docet Basilii in Epistola ad Gregorium Presbyterum. Tertio etiam historici illi verum narrent: nihil tamen ad nos, ut docet Claud. D'espenseus Gallus. Nam Paphnutius expresse sentit, non esse permittendum, ut nuptias inirent illi, qui in Ordine Sacro jam essent constituti: aliis autem, qui uxores jam haberent, quando tempus illud de continentia antiqua multum jam remiserat, cum juberent Patres severiores separari jam maritos a suis uxoribus, ne majus malum sequeretur ex incontinentia, retineri uxores debere censuit iis, qui in uxoribus uti antea solebant. Atque idem fortasse concessit Gregorius, [quando Septentrionales multæ nationes, opera Bonifacii Episcopi, & Irælli Lulli Presbyteri ad fidem converterentur] ut indulgentia hæc erga Ministros Ecclesiæ, tenellas in fidei doctrina plantas conservaret.

STATUTUM I.

ERgo si quis dixerit (n) Clericos in Sacris Ordinibus constitutos, vel Regulares, castitatem solemniter professos, posse Matrimonium contrahere, contractumque validum esse, non obstante Lege Ecclesiastica, vel voto: & oppositum nihil aliud esse, quam damnare Matrimonium: posseque om-

nes contrahere Matrimonium, qui non sentiunt se castitatis (etiã si voverint) habere donum, Anathema sit: cum Deus id certe perentibus non denegat, nec patiatur nos supra id, quod possumus, tentari.

DE PAUPERTATE EVANGELICA.

DEI Doctrina vel prohibet mala (ut in omnibus præceptis negativis,) veluti: Non mechaberis. Non furtum facies: vel præcipit bona, (ut in affirmativis,) Honora Patrem; Memento, ut diem Sabbati sanctifices: vel consulit meliora, ut: Si vis perfectus esse, vade, vende omnia, &c. Cum enim juvenis ille [qui Dominum consulebat, quid agendo vitam æternam possideret] mandata Dei affirmativa & negativa omnia se custodisse [o] respondisset: JESUS intuitus eum, dixit ei, Unum tibi deest: (& apud Matthæum, ait illi JESUS: si vis perfectus esse] vade, vende omnia, quæ habes, & da pauperibus, & habebis thesaurum in cælo, & veni, sequere me. Cum audivisset autem adolescens verbum, abiit tristis; erat enim habens multas possessiones. JESUS autem dixit Discipulis suis: Quam difficile, qui pecunias habent, in regnum Dei intrabunt: id est, qui confidunt in pecuniis. Marcus enim interpretatur, facilius Camelum per foramen acus transire, quam divitem intrare in regnum Dei.

Ergo ut ab hac difficultate nos extricemus, consulit, ut a nobis abdicemus omne studium divitiarum. Nam, qui volunt divites fieri, incidunt in tentationes multas. Radix enim omnium malorum est avaritia, pecuniæque cupiditas. Cumque radicem hanc nemo facilius extirpare possit, quam qui nihil habere proprium decreverit; Luc. 14. dicit Dominus: Qui non renuntiaverit omnibus, quæ possidet, non potest meus esse discipulus. Hinc est, ut qui perfectionis doctrinæ Evangelicæ normam tenere volunt: ii faciant votum paupertatis. Quod multitudo credentium in Christum mox post Christi Ascensionem suscepit, Act. 4. & 5. omnia bona sua conferens in commune: nec quisquam eorum, quæ possidebat, aliquid suum esse dicebat, sed erant illis omnia communia. Divitiarum spinis comparantur a Domino, quæ suffocant bonum semen. Sed audiamus D. Hieronymum ab Demetriadem epist. 8.

Dicunt

(m) Lib. 6. Epistolarum.

(o) Matth. 19. Marc. 10. Luc. 18.

(n) Conc. Trid. Sess. 24. c. 9.

Dicunt Apostoli omnia, quæ sua fuerant, se reliquisse, & mercedem pro hac virtute audacter exposcunt. Quibus respondit Dominus: Omnis, qui relinquit domum, aut fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit. O quanta beatitudo, pro parvis magna recipere, æterna pro brevibus, pro morituris semper viventia: & habere Dominum debitorem! Si qua autem vidua habet liberos, (& maxime si nobilis familiæ est) egentes filios non dimittat, sed ex æquitate eos juvet, ut & meminerit primum animæ suæ, & ipsam putet esse de filiis, & partiatur potius cum liberis, quam omnia filiis derelinquat. Imo Christum liberorum suorum faciat cohæredem. Respondebis, Difficile est: durum est, & contra naturam. Sed Dominum audias tibi respondentem. Qui potest capere capiat: & si vis esse perfectus: non tibi jugum necessitatis imponit, sed potestati tuæ liberum concedit arbitrium. Vis esse perfecta & primo stare vestigio dignitatis, fac, quod fecerunt Apostoli: vende omnia, quæ habes, & da pauperibus, & sequere Salvatorem: & nunciam, solamque Crucem, nuda sequaris & sola. Non vis esse perfectus, sed secundum vis tenere gradum virtutis: dimitte omnia, quæcunque habes, da filiis, da propinquis: nemo te reprehendit, si inferiora feceris, dummodo illam scias tibi jure prælaram, quæ elegerit prima. Dices, Hoc Apostolorum est & virorum: mulierem autem nobilem non posse omnia vendere, quæ multis adjumentis hujus vitæ indigeat. Audi igitur Apostolum commonentem: Non ut alius refrigerium, vobis autem tribulatio: sed ex æqualitate: vestra abundantia illorum sustineat inopiam, (p) ut & illorum abundantia vestræ inopiæ sit supplementum. Unde inquit Dominus, Qui habet duas tunicas, (q) det alteram non habenti. Ananias, & Saphyra, (r) Apostoli meruere sententiam, quia sua invidie reservarunt. Ergone (inquit) puniendus est, qui sua non dedit? Minime. Ideo enim ii puniti sunt, quia mentiri voluerunt Spiritui Sancto: & reservantes necessaria victui suo, quasi perfecte seculo renunciantes, vanam gloriam sectabantur. Alioquin licebat libere dare, vel non dare. Quanquam ei, qui cupiat esse perfectus, præsens paupertas futuris divitiis compensanda sit. Hæc Hieronymus.

Augustinus ad Hilarium, Quibus autem non provenit corona martyrii, neque illius perfectionis de vendendis rebus suis consilium tam grande, tamque præclarum rece-

perunt, & tamen a damnabilibus immunes criminibus, esurientem Christum paverunt, sitienti potum dederunt, nudum vestierunt, peregrinantem susceperunt: non sedebunt quidem cum Christo sublimiter judicaturi, sed ad ipsius dexteram stabunt, misericorditer judicandi: (Beati enim misericordes, quoniam ipsi misericordiam consequentur: & judicium sine misericordia fiet illi, qui non fecit misericordiam) superexaltat autem misericordia judicium. Proinde isti desinant contra Scripturas loqui; & in suis exhortationibus ad majora sic excitent, ut minora non damnent. Et in 17. lib. De civitate Dei, c. 4. de terra ergo suscitatus est supra omnes divites ille pauper, & de illo stercore erectus est supra omnes opulentos ille inops, ut sedeat cum potentibus populi, quibus ait: Sedebitis super duodecim sedes: & sedem gloriæ hæreditatem dans eis. Dixerant enim potentes illi, Ecce nos dimissimus omnia, & secuti sumus te. Hoc votum potentissimum voverant. Sed unde hoc eis, nisi ab illo, de quo hic continuo dictum est: Dans votum voveri? Alioqui ex illis essent potentibus, quorum infirmatus est arcus. Dans, inquit, votum voveri. Non enim Domino quisquam, quicquam ratum voveret, nisi quia ab illo acciperet, quod voveret. Hæc Aug.

Ex duabus his autoritatibus doctrinam capere poterit Curatus, quoties consulatur super hac voluntaria paupertate suscipienda propter Christum.

DE OBEDIENTIA & STATU

Monachorum.

Obedientia est spontanea adimpletio voluntatis alienæ. Sed hujus votum abnegatio propriæ voluntatis deliberata, Deoque promissa. Duo autem sunt, quæ præter cætera votum obedientiæ suadent. Primum pietas & erga Deum amor. Nam ille, qui omnibus in rebus obedire Deo decrevit, quia non semper de voluntate ejus nobis constat, loco Dei hominem sibi proponit; ad cujus imperium, tanquam Dei oraculum, arbitrii sui voluntatem altringit: adeo ut in rebus adiaphoris [id est, quæ de se, nec bonæ, nec malæ sunt] nihil agere, quod ille prohibeat, nec omittere, quod jubeat, velit. Magnum quidem perfectioris vitæ argumentum. Quid enim majus, quam nihil agere pro sua voluntate? In hac una virtute sita est humilitas, virtutum omnium fundamentum. Hoc est Christi consilium, Matth. 16. Marc. 8. Si quis vult me sequi,

L 3

abne-

(p) 2. Cor. 8.

(q) Luc. 3. 6.

(r) Act. 15.

abneget semetipsum, & tollat crucem suam, & sequatur me. Hoc est seipsum denegare, ut non quæcunque volumus, illa faciamus. Ex Philosopho namque integerrimo, Epicteto, discimus, nihil esse hominis proprium, nisi mentem atque voluntatem: reliqua, quæ extra nos sunt, nostra non sunt. Quæ melior adhuc victima Deo offerri potest? In alius caro aliena maciatur, hic nos ipsos Deo sacrificamus. Quamquam re vera voluntas nostra, nostra esse non debet, sed Dei, qui eam creavit. Quare quisquis voluntatem suam servat, ut suam, is Deo furripit, quod jure Dei est.

Sed notandum ex D. Bernardo (r), quod quædam sunt pure bona, quædam pure mala. In his nulla debetur obedientia, quoniam nec illa omittenda sunt, etiam si prohibeantur: nec ista, vel cum jubentur, committenda. Interea sunt media quædam, quæ pro tempore, vel persona, & mala possunt esse, & bona. In his lex est obedientiæ. Pure bona sunt Fides, Spes, Charitas. Pure mala furtum, sacrilegium, adulterium. Media sunt vigilare, scribere, legere, & similia. Cæterum eorum, quæ media dicimus, quædam in purorum malorum, vel bonorum conditionem aliquando transeunt. Nam conjugium, cum & fieri liceat, & non fieri: tamen factum tenet, nec solvi potest. Et propria possidere sæculari homini medium est: sed Monacho purum malum.

Altera ergo voti obedientiæ causa, est timor delinquendi. Scimus enim, quia non est in homine, [s] ut dirigat gressus suos. Idcirco diffidentes nostris viribus & iudicio nostro, malumus ex ejus præscripto agere, qui Dei locum teneat, quam ex nostro arbitrio: ne cum venerit severus Judex, causam vitæ a nobis nostro arbitrio gestæ dicere strictius cogamur. Quare non immerito Hieronymus (t) primam in Monachis confederationem dicit esse, obedire Majoribus. Nam Monasteriorum omnium instituta, absque obedientia corrumpunt: vitam cælibem potest quisvis domi suæ colere, potest & paupertatem: sed virtutem obedientiæ, non nisi qui sub antistite aliquo & communi capite degat.

Cæterum & si plura alia inveniantur consilia Evangelica, veluti de dilectione inimici, [intellige cum Theologis, quantum ad effectus amicitiae voluntarios]: de mansuetudine, & patientia: Si quis te percussit in unam maxillam, præbe & alteram. De cessione sui juris: Qui vult tecum in iudicio contendere, & tunicam tuam tollere, di-

mitte ei & pallium. Et de liberalitate, Qui petit a te, da ei: & volenti mutare a te, ne avertas. Et de simplicitate sermonis, Sit sermo vester, est, est, non, non. Et de eruido oculo, si scandalizet nos: de justitia facienda secreto: de vitanda solitudine in victu procurando: de correctione fraterna: & si alia sunt præterea, tamen his tribus consiliis, quæ declaravimus, facile omnia comprehendas: videlicet de Obedientia, Castitate, & Paupertate. Horum disciplina Monachorum Collegia instituit: non nunc primum quidem, sed a tempore Apostolorum. Hujus rei testis est locupletissimus Philo Judæus, quem citant Eusebius l. 2. histor. cap. 17. Hieronymus de viris illust. Nicephorus lib. 2. cap. 16. ut facile cernas in Monachorum reformatorum vita Ecclesiarum eorum, qui primo crediderant in Christum, [u] ubi nihil cujusquam proprium sit; nullus inter eos dives, nullus pauper, patrimonium egentibus dividatur, orationi vacetur & psalmodiæ, doctrinæ quoque & continentia. Sane si hujus instituti altius primordia reperamus, Filii Prophetarum appellati sunt 4. Reg. 6. qui locum sibi ad habitandum construere petierant ab Elisæo. Sed Dionysius Areopagita c. 6. Hierar. ordinem Monachorum sublimiorem iniciandorum vocat: & professionis formam describit, quam faciebant jam eo tempore Religiosi. Quamquam tempore D. Augustini nomen Monachorum explodere, atque ab Ecclesia eliminare conati sint etiam hæretici. Ad quos ille respondit: [x] Sunt & Monachi falsi, & nos tales novimus: sed non perit pia fraternitas propter eos, qui profiteantur, quod non sunt. Tam, inquit, sunt Monachi falsi, quam & Clerici falsi, & fideles falsi.

Tria distinguit Isidorus genera Monachorum; cui ideo fidem adhibendam censemus, quod ejus ætate plurimum vigeret hoc institutum: Unum Cœnobitarum, id est, in commune simul viventium. Secundum Heremitarum, qui procul ab hominum consuetudine, loca deserta & vastas solitudines incolebant, herbis victitantes, vel pane solo & aqua. Tertium genus vocat Anachoritarum, qui antea probati in cœnobio, postea permittebantur soli degere in locis remotis. Viderur ab his Prioratus nostros rurales habuisse originem & honorem primum. Sed o Deus bone! quam nunc aliter hæc.

DE VOTO.

DEuter. 23. dicitur: Cum votum voveris Deo tuo, non tardabis reddere. Si

(r) Epist. 7. ad Oldam Monach.

(s) Prov. 29.

(t) Ad Eustoc. Epist. 22.

(u) Act. 4. & 5.

(x) In Psal. 131.

Si nolueris polliceri, sine peccato eris: Quod autem semel egressum est de labiis tuis, observabis. Liberum ita est vovere; sed reddere, postquam voveris, necessarium. Ananias & Saphyra mortem meriti sunt, quia, quod voverant, non reddiderunt. Vovere, est Deo sancte promittere: unde & votum voluntatem, & desiderium aliquando significat, quod ea maxime optamus, propter quæ Deo vota facimus. Sed definitur: promissio facta Deo, cum deliberatione, de bono aliquo, vel meliori bono. Et vocatur bonum hoc, supererogationis: quia non sub præcepto cadat, sed sub consilio. Quare votum de malo non solum non obligat, sed etiam grave peccatum est. Et requiruntur præterea tria ad hoc, ut votum teneat: deliberatio, propositum, & promissio. Factum sine deliberatione, non obligat, nisi forte ex congruo, si res bona sit: non quale illud Iepthe (y) indiscretæ promissionis: & cujusvis remulenti hominis. Quod propter metum illatum ab hominibus fit, quia propositi voluntate caret, non obligat. Secus si timor esset a casu, vel a natura: ut in infirmitate gravi, & in magna maris tempestate. In illis igitur, in quibus electio imperfecta fuerit, tutius est, dispensationem obtinere. Nam licet plena non sit deliberatio, non ideo sine electione fuerunt. Alioqui non diceretur peccare ebrius, vel alius, qui vel ex ebrietate, vel ira hominem occideret. Imperfecta enim electio, electio tamen est. Ideo adeatur superior, si adiri possit, quandoque commutatio vel dispensatio faciendæ videtur. Propria enim autoritate faciendæ non est. Non enim liberatur debitor; solvens rem meliorem, nisi solvat, quod debet. Sed si certum sit, rem esse malam, vel inutilem, vel impediendam majus bonum, poterit. Deut. 23. dicitur: Cum votum voveris Domino Deo tuo, non tardabis reddere: quia requirit illud Dominus Deus tuus: & si moratus fueris, reputabitur tibi in peccatum.

Regula Sancti Thomæ [z] est tenenda hic: Quicquid votum faciendum impediret, si prius fuisset: voto facto, obligationem tollit. Item illa, quæ in omni voto intelligitur, conditio: Si potero.

Quare ejus, qui vover, quod sine alterius licentia complere non potest, irritatur promissio ab eo, a quo dependet: ut si Cloacis longam peregrinationem voveat sine consensu Prælati. Sic Religiosi vota omnia irritare potest Prælati ejus filiorum impuberum pater, & tutor: uxoris maritus: servi Dominus. Quod si semel irri-

tum factum fuerit votum, nunquam de cætero obligat: propter regulam illam: Obligatio semel extincta, non reviviscit. C. De remiss. pign. l. Cum ex causa.

Impubes votum religionis suscipere non potest: ne de consensu quidem patris. Quod si fecerit, non tenetur, ne post ipsam quidem potestatem pubertatem.

Religiosus observare vovens regulam sui ordinis, ita eam observare tenetur, sicut illa habet: hoc est, præcepta ut præcepta, & consilia ut consilia.

Alter conjugum rato, & non consummato Matrimonio, vovere potest, atque ingredi religionem, sine consensu sponsæ: non autem consummato.

Votum insuper aliud solenne est, quod cum solennitate fit, ut professio Religionis & Ordinis Sacri. Aliud simplex, quod sine solennitate aliqua. Item aliud absolutum, aliud conditionatum, Si Deus tibi aliquid, quod optas, concefferit.

Causæ dispensandi in votis tres assignantur. Prima, si id sit malum, vel inutile, vel majoris boni impeditivum. Commutandi vero in aliud causa est, impossibilitas exequendi, vel major utilitas.

Abfolvit ergo Sacerdos de transgressione voti cujusunque: sed non dispensat, nisi qui potestatem habet majorem in Ecclesia.

Papa dispensat in omni voto, nisi per quod sit aliquis consecratus Deo, quale est votum solenne Religionis: (a) quia quod semel Domino consecratum est, non potest in alios usus converti. Episcopi autem dispensare possunt in aliis votis omnibus, demptis quatuor, quæ Papæ reservantur: videlicet Continentiæ perpetuæ, ac Religionis, & tribus aliquando votis peregrinationum, nempe terræ sanctæ (ubi cum infidelibus bellum geritur) liminum Sancti Petri & Jacobi in Compostella. Hæc amplius videris in Summa Sylvestrina.

DE DISPENSATIONE.

EX his, quæ dicuntur, apparebit dispensationem indulgentiam esse largo modo sumpto vocabulo: præterquam quod indulgentia propter commissa delicta dispensatur. Dispensatio autem ad hoc indulgetur, ut non imputetur ad peccatum, quod committitur. Est enim dispensatio licentia, seu permissio contra rigorem juris: juris inquam præcipientis vel prohibentis aliquid. Veluti jubet lex festum celebrari vel jejunium.

Item

(y) Jud. 12. (z) S. Tho. 4. distinct. 38. Monasterium.

(a) De stat. Monachorum. c. Cum ad

Item prohibet ordinari homicidam. Contra hæc fieri posse facit dispensatio. Vovit quis castitatem: dispensat Pontifex alicujus utilitatis vel necessitatis causa. Juravit alius in stipulando servare contractum: dispensatur, si læsio enormis videatur, vel contra jus facta. Prohibentur nuptiæ in gradibus nonnullis ultra legem naturæ, ut charitas Christiana necessitudinibus augeatur. Prohibentur diebus jejuniorum; & quibusdam solennibus: quod vacandum tunc sit orationi. Sed relaxatur prohibitio ob urgentem aliquam necessitatem. Caveat ergo Dispensator, ne temere legem relaxet. Namque Apostolus (b) Timotheum contestatur coram DEO & Angelis ejus, ut hæc custodiat: sine præjudicio, nihil faciens, in alteram partem declinando.

Sed ut licita sit dispensatio, duo requiruntur: (c) unum ex parte dantis, nempe potestas: alterum ex parte perentis, scilicet causa iusta. Quare si impetratur ob falsam causam, vel tacita veritate, nulla est dispensatio. c. 2. De filiis Presb. & c. Non potest, de Præben. libr. 6. Quæ vero sint causæ iustæ, regula dari non potest generalis [inquit Sylvester] quoniam dari oporteret innumeras. Ideo standum esse dicit iudicio boni viri. Sed causæ duæ generales attendi solent: necessitas & utilitas. His duabus remittuntur leges omnes. Ambrosius sane, & Cyprianus neophyti ordinati fuerunt contra legem: quia non deerat humilitas; nec metuendum erat, ne in superbiam elati in iudicium inciderent, quo diabolus judicatus esset. Cum Sacerdote, ut Matrimonium contrahat, dispensatum fuit ex causa publicæ utilitatis: (ut ait Cajetanus in quodl. 12.) cum Remigio Monacho & Sacerdote. Unde nata Petronilla, hæres regni Aragoniæ, quæ nupsit Raymundo, Comiti Barchinoniæ. Celestinus quoque tertius dispensavit cum Constantia, filia Rogerii, Sanctimoniali quinquagenaria Panormi, quæ nupsit Henrico V. unde natus Fredericus II. Et Alexander VI. cum filio suo. Disputant de hac re Canonistæ. Bal. in l. rescripta. C. de præci. imp. off. glof. c. de illo. 32. dist. Inn. in c. Placet. de conver. conjug. Abb. in c. Cum olim. de Cler. conjug. &c. Quapropter si sola Principis voluntas sufficit ad dispensandum: in inferiore necessaria est causæ cognitio. Alioqui enim non dispensatio, sed dissipatio fieret: & puniendus veniet dispensator: Licet dispensatio teneat, quamdiu non revocabitur a Superiore.

Quæri solet, an dispensati sine causa legitima sit tuta conscientia quo ad Deum? Respondent Doctores cum distinctione. Si di-

spensans sit inferior, conscientia dispensati tuta non est, nec quo ad Deum, nec quo ad Ecclesiam: quia dispensatio facta sit sine cognitione causæ. Sed Papa quidem in his, quæ sunt juris positivi, sine causa dispensare potest: non autem in illis, quæ sunt juris Divini: ut in voto, juramento, & similibus. Iusta tamen causa dispensante Summo Pontifice, tenet dispensatio, etiam tuta conscientia dispensati.

Est ergo primum dispensatio relaxatio præcepti aliquid injungentis Superioris, vel prohibentis: deinde obligationis Deo factæ, ut voti: tertio obligationis cum jurejurando factæ proximo.

Cum autem dispensandi facilitate, eventum sit in nostra Dioecesi, ut contractum jam sit prope nulla fides: nulla pacta non irritentur, modo quis se læsum fuisse asserat, sæpe rei veritate tacita: nec simplices modo, & idiotæ huc confugiant, sed etiam, tanquam ad subterfugium cuilibet paratum (æquis & iniquis etiam omnibus) senes, pœntes, Sacerdotes, Doctores juris, pacta & conventa, opportunitate dispensationum rescindant: (quod non ad decipientium, sed ad deceptorum salutem inventum est) iniquitatis dicentes vinculum esse non debere jusjurandum. Quasi iniquitas sit ei, qui vult tecum in iudicio contendere, & tunicam tuam tollere, dimittere ei & pallium, ut tollatur amplius occasio agendi inique;

STATUTUM I.

STatuimus & ordinamus, & in posterum agere decrevimus, quod dispensationes juramenti minoribus ætate, & simplicibus atque idiotis personis, de quarum simplicitate nobis fides facta fuerit, dabuntur in forma jam solita & usitata. Sed literatis & divitibus (quos non ita facile decipi posse judicaverimus) non nisi vocata parte summarie, vel communicato libello supplici: sine strepitu iudicii, re considerata pie, ex æquo & bono. In juramentis quoque temerariis & iniquis, quæ fas non est servare, vel servari omnino non possunt, (ne quis in lege Evangelica Christi perplexus effedicatur) inungetur salutaris pœnitentia ante absolutionem vel dispensationem, ne jurisjurandi maneat impune violata Religio. In his autem, quæ propter nuptias & Matrimonia cele-

(b) 2. Tim. 3.

(c) Trid. 24. c. 18. cap. 1. de Voto.

branda, aut res alias sanctas facta fuerint (quoniam si peccaverit vir in virum, placari potest Deus: si autem in Dominum peccaverit vir, quis orabit pro eo?) satisfactio imponetur aliqua in Dei honorem, vel Ecclesiæ utilitatem.

II.

Voti dispensationem solemnem, ad Sedem Apostolicam remittimus.

III.

Licet Episcopi (d) possint in irregularitatibus illis & suspensionibus dispensare; quæ proveniunt ex delicto occulto: non tamen in ea, quæ ex homicidio voluntario: nec in ea, quæ ad forum jam contentiosum ducta sit.

IV.

Si quis intra gradus prohibitos (e) scienter Matrimonium contrahere præsumpserit, separetur: & spe dispensationis consequendæ careat.

V.

Declarat Concilium (f) Trid. dispensationes gratiosas non prius sortiri debere effectum suum, quam cognitum sit ab Episcopis, eas non subjacere vitio subreptionis. (g) Idem de commutationibus ultimarum voluntatum, & de gratiis obrentis.

DE INDULGENTIIS.

Quamvis nomen Indulgentiarum non ita dudum innotuerit; res tamen ipsa semper usitata fuit in Ecclesia, a primordio ejus: & qui eas inutiles esse dixerit, vel easdem concedendi potestatem, in Ecclesia negaverit, anathemate damnatur in Concil. Trid. Cujus rei cognitio cum sit maxime necessaria Pastoribus: præsertim hoc tempore, quando tantam inde videmus illiadem malorum prodiiisse (authore Martino Luthe- ro in Germania) & incendium; cui extinguendo solam e celo opem sperare liceat; nos paucis & dilucide, quantum in nobis est, [Deo juvante] de nomine, vi, usuque eorum dicamus: relictis in medio difficultatibus aliis, quæ parum faciunt ad ædificationem.

Nomen Indulgentiæ unde.

Indulgentia dicta est ab indulgere, id est, blande permittere, concedere, condonare: Græce χαρίζομαι. Quo verbo usus est Apostolus multis in locis. in 2. Cor. 2. Nam ego si quid donavi (ἢ ἢ χαρίζομαι) in persona Christi propter vos. & eodem cap. Ut e contrario magis donetis, & consolemini: id est, non solum indulgeatis, & patienter feratis alios, sed & consolemini, & ad spem veniæ erigatis. Et c. 12. Donate mihi hanc injuriam: id est, ignorete, indulge. Et Coloss. 2. Donans vobis omnia delicta, delens, quod adversum vos erat chirographum decreti. Et c. 3. Supportantes invicem, & donantes vobismetipsis, si quis adversus aliquem habet querelam, sicut & Dominus donavit vobis. Et Eph. 4. Donantes invicem, sicut Christus donavit vobis. Et Christus Luc. 7. Non habentibus illis unde solverent, donavit utrisque: ubi de remissione peccatorum loquitur Evangelista. In omnibus his locis verbum est χαρίζομαι, a gratia deductum. Ex quibus colligi potest indulgentiam merito sumi ab Ecclesia pro venia & remissione peccati, relaxationeque cujusunque obligationis, quæ ex gratia fit, non ex merito. Nec ab ea differt, quod Quintilianus (b) ait, Mollis illa educatio, quam indulgentiam vocamus, nervos omnes & mentis, & corporis frangit. Nam in molli educatione illa, omnia condonamus, ad quæ tenerentur pueri, severius aliquanto instituendi. Nec si blanda Patrum segnes facit indulgentia natos, atque ideo injusta est: ideo & indulgentia Dei injusta. Non enim sicut videt homo, & Deus videt.

Ubi Sacra Scriptura docet usum Indulg. & virtutem.

Sed ex omnibus his locis maxime facit ad rem nostram cap. illud. 2. Cor. 2. Cum enim Apostolus iussisset incetuosum illum fornicatorem excommunicari, tradique Satanæ, (sicut habetur ex priore Epistola ad eosdem Corinth. c. 5.) hic, ut videtur, factus certior de ejus penitentia, consolatur Corinthios, & gratulatur eis, quod bene acceperint suam correptionem. Quare & ipse in gratiam eorum, qui illi indulgeri voluerunt, veniam dat resipiscenti. Idque non propria quidem autoritate, sed in persona Christi, tanquam Christi Minister. Sic enim in hac eadem 2. cap. 5. dicit: Quoniam quidem Deus erat in Christo mundum recon-

cilians

(d) Trid. Sess. 24. cap. 6.

(e) Ead. 24. c. 5.

(f) 24. c. 5.

(g) 13. cap. 5.

(b) Lib. 1.

cilians sibi, non reputans illis delicta ipsorum: & posuit in nobis verbum reconciliationis. Jam hic non reputare alicui peccatum, aliud non est, quam indulgere: & ponere in nobis verbum reconciliationis, ex phrasi. Hebraica, quid, quam dare nobis potestatem reconciliandi alios? partim quidem exhortando, (sicut sequitur) Deo exhortante per nos: partim etiam puniendo, sicut in eodem Cap. Epistolæ primæ: Ego quidem absens corpore, præsens autem spiritu, jam judicavi ut præsens eum, qui sic operatus est, in nomine Domini nostri Jesu Christi, congregatis vobis, & meo spiritu, cum virtute Domini nostri Jesu tradere hujusmodi hominem Satanae in interitum carnis, ut spiritus salvus sit in die Domini nostri Jesu Christi. Et in 2. Cor. c. 10. In promptu habentes ulcisci omnem inobedientiam, cum impleta fuerit vestra obedientia. Patet ergo, qua autoritate usus fuerit Paulus tam puniendo, quam indulgendo, erga fornicatorem Corinthium. Jam ergo hic c. 2. posterioris Epistolæ rogat, ut in bonam partem accipiant severitatem, qua in illum usus erat: quoniam iusto dolore motus fecerat, non ut contristeret eos, quin potius ut partem in se susceperet meroris ipsorum, & eos mœstitia levaret aliquo modo. Et ut recipiant ad communionem eundem illum, subdit: Sufficit illi, qui ejusmodi est, objugatio hæc, quæ fit a pluribus. Quasi diceret: Satis penarum dedit: indulgete, & consolamini, ne forte abundantiori tristitia absorbeat. Nam & ego donavi (id est, indulsi) propter vos. Et confirmate eum in charitate: ne circumveniamur a Satana, cui traditus ille fuit. Ne a Satana usurpemur, qui plura semper occupare cupit: nec his contentus esse solet. Scimus enim, quid tentator ille cogitet diabolus. Atque hic quidem sensus verborum Pauli. Jam discamus ex hoc loco usum indulgentiarum. Si Corinthius ille non fuisset conversus a peccato per penitentiam: non dedisset profecto ei Paulus veniam: quia pœna ei debebatur ex iustitia. Cum igitur condonet ei peccatum, sequitur dimissa culpa peccati, restituisse penam sublatae culpæ debitam: quam condonat Apostolus in persona Christi: id est, ac si Christus ipse donasset, ut dicit gl.

Ecclesiæ Minister remittit peccato debitam, commutando.

Cum sit igitur data potestas a Christo remittendi peccata, Matth. 17. & 18. per peccatum autem homo duo hæc incurrat, culpam, & reatum, seu obligationem ad penam aliquam: culpam vero solus dimittat Deus, qui solus dat gratiam: penam ali-

quando solvat peccator per satisfactionem, quæ pars est penitentiae: sæpius quoque solvendo non sit, vel propter gravitatem peccati, vel quod morte intercipiatur: Poteest ergo Minister Ecclesiæ culpam, Deo authore, remittere, & penam condonare. Nam si homo, quamdiu pœnæ obnoxius est, a Cœli gloria excluditur: nisi impedimentum hoc rollatur, nunquam Cœlum ingreditur. Sed Petro datæ sunt claves regni cœlorum: ergo poteest Petrus & Successores Petri impedimentum hoc auferre virtute clavium, & penam condonare. Jam si pergamus, culpa mortalis peccati virtute Sacramenti penitentiae deleritur. (Quorum remiseritis, inquit, peccata, remittuntur eis) penam vero non omnino remitti iustum est, ne peccetur impune. sed quæ æterna est, in aliam temporalem commutari convenit, persolvendam vel in hoc sæculo, vel in alio. Sic Sacerdos penitenti peccatori opus aliquod imponit pium, in satisfactionem delicti, & injuriæ Deo, vel proximo illatæ: non utique pro merito culpæ commissæ, cui æterna debetur, (ob offensionem Divinæ Majestatis, infinitæ & inestimabilis) sed per indulgentiam, commutando in aliam tolerabiliorem; confisus de Christi misericordia, & merito infinito: cujus legatione & vice fungitur super terram; potestatem gerens aperiendi, & claudendi regnum cœlorum, juxta clavem scientiæ suæ: & dispensandi de pretio immenso passionum ejus: quas tanquam in thesauro quodam repositas ad subveniendum miseris omnibus servat Ecclesia, Sponsa Filii Dei dilectissima: additis etiam istis, quæ Sancti in vita sua passi sunt, plus quam peccata eorum commuerunt.

De Thesauro Ecclesiæ.

Unde Doctores Theologi, & Canonistæ omnes, dicunt, quod penitentiae nostræ compensantur per pœnas Christi & Sanctorum; dum ex thesauro illo conceditur alicui, quasi pretium pœnale, unde solvat Deo debitam pro suis peccatis penitentiam. Sunt quidem passiones Sanctorum consummatio passionum Christi, ut ex Paulo discimus Coloss. 1. Qui nunc gaudeo in passionibus pro vobis, & adimpleo ea, quæ defunt passionum Christi in carne mea pro corpore ejus, quod est Ecclesia: cujus factus sum ego Minister secundum dispensationem Dei. Ex hoc loco D. Augustinus in Psalm. 61. Thesaurum Ecclesiæ intellexit, quem vocat paratoria, dicens: Passiones Christi non in solo Christo. Si enim Christum intelligas caput & corpus; passiones Christi, non in solo Christo: imo passiones Christi, non nisi in Christo. Si autem Christum intelligas so-

lum caput: passiones Christi non in solo Christo, imo in solo capite: unde dicit quoddam membrum ejus Paulus Apostolus: ut suppleam, quæ defunt pressurarum Christi in carne mea? Si ergo in membris Christi es, &c. quicquid pateris ab eis, qui non sunt in membris Christi, deerat passionibus Christi, qui passus est in capite nostro, & patitur in membris suis, id est, in nobis ipsis ad communem hanc quasi rempublicam: nam quisque pro modulo nostro exolvimus, quod debemus: & pro posse virium nostrarum, quasi canonem passionum inferimus paratoria plenaria. Hæc S. Augustinus. Nam quod Sanctorum merita aliis proficiat, pater, Genes. 26. Abraham profuit Isaac: & Jacob docuit invocare nomen suum nepotes, Gen. 48. Et Moyses, Recordare, inquit, Abraham & Isaac & Jacob. Deut. 32. & David, 3. Reg. 12. 4. Reg. 19. Esa. 37. Ezech. 14. Sed hæc merita sunt particularia: nos de illis loquimur, quæ in commune, cum Christi merito, servantur ad Ecclesiæ ædificationem. Ergo notandum, quod supra diximus, iustum non esse, ut pœna omnis peccato debita gratis omnino condonetur. Christus enim pro nobis ideo passus est, ut iustitia Dei impleatur in nobis: factusque est pro nobis hostia, ut pro iniquitatibus nostris satisfaceret, quæ impunitæ manere non debuerunt. Nihilominus tamen gratiæ suus locus relictus est. Nam non tantum passus est, ut nos Patri reconciliaret, & in gratiam ejus reduceret, cujus antea inimici eramus: [plenus ipse gratiæ & veritatis] sed etiam ut auferret chirographum decreti, quod erat contrarium nobis, id est, obligationem ad pœnam æternam. Et fuit ejus meritum infinitum: quia non pro nostris tantum passus est peccatis, sed etiam pro totius mundi. Hæc merita dicuntur thesauri spirituales Ecclesiæ per metaphoram.

In quibus etiam merita ponuntur omnium Sanctorum, qui pro Deo majores pœnas dederunt, quam pro delictis suis, ab Abel iusto, ad nos usque. Siquidem iusti plures extiterunt: qui quod nulla, vel pauca, atque ea minima deliquerint: vel nulli, vel certe minimæ, obnoxii fuisse pœnæ putandi sunt. Utinam appenderentur peccata mea, (dicebat (i) Job) quibus iram merui; & calamitas, quam patior, in statera; quasi arena maris hæc gravior appareret. Maria Virgo nihil commisit: at quantos illa dolores toleravit? Joannes ab utero matris sanctificatus, quam vixit austere? Paulus adimplere in carne sua, quæ deerant passionum Christi. Mariæ Magdalænæ dimissa fuerunt

peccata, ut testatus est Christus: sed postea quam austere vixit in solitudine. Ergo cum scimus omnes unum corpus in Christo, membra corporis ejus, cujus communionis ratione participes omnes sumus, alter alterius meritorum: non dubium est, posse aliorum merita aliis applicari, quæ satisfactoria fuerunt: non utique ad merendam gratiam, (hoc Christi proprium est, de cujus plenitudine omnes accepimus gratiam pro gratia) sed ad satisfactionem debiti, & noxæ solutionem.

Atque hæc est communis opinio Theologorum, & Canonistarum, in c. Indulgentiæ, de Pœnit. & rem. lib. 6. & Clem. unica de Reliq. & ven. Sanctor. & in c. Quod autem. Nec obstat, quod objiciunt Angelus in sua Sum. cum Fran. de Mairo. & Durandus, & Lutherani, Quod non sunt condignæ passiones hujus mundi ad futuram gloriam: nam Petr. de Palude jam ante dissolverat hoc argumentum. Opus enim pœnale iusti hominis considerari potest dupliciter: ut meritum. Et sic non transit personam merentis, quia solus Christus pro aliis meruit: cæteri plus acceperunt, quam meruerunt. Aliter ut satisfactorium. Et sic sunt multi plus passi, quam meriti: plusque satisfecerunt, sive exolverunt, quam debuerunt. Horum certe passiones communicari possunt aliis: non modo propter communionem ejusdem corporis & sympathiam, sed etiam propterea, quod ita volebant Sancti: ut docent verba Pauli Coloss. 1. Et ita determinatum fuit a Clemente Sexto in Extr. Unigenitus. Et de potestate dispensandi hujus thesauri, Conc. Trid. in fine, & Later. & Vien. & Basil.

Nomen Jubilæi, & Cruciatæ & veniæ.

Cum essent igitur olim in Ecclesia certæ definitæ atque constitutæ singulis criminibus, & delictis pœnæ, seu pœnitentiæ; veluti pro uno mortali septem annorum; imo & aliquibus totius vitæ; (ut videre est in antiquissimis Conciliis) videntesque aliquando Patres, eorum, qui damnati erant, & pœnitentiam agebant, obedientiam, & contritionem, soliti essent eos ad Communionem recipere ante tempus per indulgentiam, & quasi per acceptilationem a debito absolvere; remittebant obligationem injunctæ pœnitentiæ totius, vel in parte. In pœnitentia, inquit Augustinus, non tam mensura temporis, quam doloris attendenda est: &

(i) Job. 6.

& Nicænum Conc. digne pœnitentes humanus voluit tractari. Et si moderni Pontifices antiquorum rigorem Canonum super lapsos Sacerdotes remittere nequirent, Christiana Religio officio Sacerdotum destitueretur: cum nisi lapsi pene nulli Sacerdotes reperiantur, quos antiqui Canones deponebant, Hincmarus Archi-Episcopus Remensis ait. Hinc ergo cepisse videtur nomen Indulgentiæ, quo nunc utimur. Hinc usus ille Indulgentiarum annorum & dierum. Hinc nomen veniæ, [quam vulgo pardonanciam Itali] quod venia daretur de reliquo tempore. Hinc & nomen Jubilæi: quod instar liberationis a servitute, & remissionis debitorum omnium, (qualis in lege Mosaisca septimo quoque anno atque Quinquagesimo fiebant.) Pontifices Romani Apostolorum limina visitantibus, omnium indulgebant veniam peccatorum: id est, omnium pœnitentiarum adjunctarum pro peccatis. Quod primum fecisse tradunt Bonifacium octavum, & perpetuum constituisse in centesimum quemque annum: ut habetur Extr. c. Antiquorum. Sed postea Clemens sextus ad Quinquagesimum reduxit: Extr. Unigenitus. Denique Paulus secundus, ob hominum vitæ brevitetem, ad vigesimum quintum. Neque vero tantum pœnitentiæ adjunctæ condonari ceperunt in Jubilæo, sed etiam censuræ a jure illatæ, & vota emissæ, & obligationes quædam Ecclesiasticæ: ut celebrandi in loco privato, edendi lactinia diebus prohibitis, & similia. Hinc & Cruciatæ dictæ: quod ut ad ferendum subsidium Christianis in terra sancta, bellum contra infideles gerentibus, multos animarent; indulgentias hujusmodi dabant Pontifices omnibus, qui illi militiæ se ascriberent. Eratque militiæ ejus signum & tessera, Crux vestibus affuta, aliquis coloris diversi a veste. Sed postea sub Leone X. cruciatam vocari vidimus indulgentias similes, concessas omnibus, qui certam pecuniam elargirentur in bellum contra Turcas. Hæc larratus horrendos excitaverunt in Germania, contra Pontificem, propter Quæstorum abusus. Et quia necdum abusus illi Quæstorum amoveri potuerunt: Conc. Trid. ne nomen quidem audiri post hac Quæstorum jussit.

Definitio Indulgentiarum.

EX his, quæ hæcenus probavimus, elici potest definitio Indulgentiæ hæc: Dispensatio thesauri Spiritualis Ecclesiæ, in remissionem penarum temporalium, quæ debentur vel ex peccato, vel ex voto, vel ex præcepto. Nam quod quidam definiunt, Remissionem penæ temporalis pro actualibus peccatis debitæ extra Sacramentum sa-

ctam ex thesauri Ecclesiæ dispensatione; non probaretur S. Thomæ: qui non tam remissionem esse vult, quam commutationem. Alii Relaxationem dicunt: sed neque id probatur: quia licet a penâ non omnino absolvat (quando opus aliquod injungit) tamen Indulgentiæ plenariæ ad omnes penas peccato debitas conferuntur. Sylvester definit donationem alicujus sumpti de thesauro Spiritualis Ecclesiæ, factam peccatori, ut inde satisfiat Deo penarum creditori. Sed neque hæc probatur, ut omitam, quod nemo Latinus eam intelligit. Nam potius condonatio penæ est, facta per dispensationem, quam relaxatio, & in definitione differentiam sumit author pro genere. Quin etiam dari posse non subditis suaderet: quod est contra Alexand. III. qui non prodesse autumat, nisi de licentia judicis. Cajetanus in opusculis definitionem non infeliciter traxit ex verbis ejusdem Alexandri & Innocentii, Extr. de Pen. & rem. c. Cum ex eo, & c. Quod autem. In quibus videtur Indulgentiam esse absolutionem, sive remissionem judicalem, pertinentem ad forum pœnitentiæ, & de pœnitentiis adjunctis. Est, inquit, absolutio ab adjuncta pœnitentia in foro pœnitentiali. Sed neque per hanc definitionem omnem vim complexus est Cajetanus Indulgentiarum, quæ in usu sunt: quoniam vota sæpius commutant; & multa permittunt, quæ alioqui non licerent. Unde & propriè nomen acceperunt Indulgentiæ. Neque enim pro peccato solum & semper, penam debitam compensant: quamvis ad eam principio respexerint. Quare possumus & absolutionem, & compensationem, & distributionem, & dispensationem, & relaxationem, & commutationem, & communicationem, & condonationem, & veniam, & remissionem: ac pari ratione potestatem remittendi, commutandi, relaxandi, ac similem, (juxta Bullæ verba atque formam) vel peccata, vel vota, vel obligationem. Sed quia primum & principale officium earum est, remittere penam debitam peccatis: votorum autem commutatio, electio Confessoris, absolutio a censuris (& similia) secundario tanquam adnexa concedi solent: primusque Indulgentiarum usus fuit condonandi penitentias adjunctas a Sacerdotibus: ideo sufficere poterit hæc definitio: Absolutio vel remissio a pœnis peccatis debitis in foro pœnitentiali: id est, quæ debentur in foro pœnitentiali: sive per Sacerdotem adjunctæ fuerint, sive a jure præscriptæ, sive ex æquitate & justitia Divina præscribendæ.

Indul-

Indulgentiæ plenariæ & perpetuæ.

HAbes etiam ex his alias esse perpetuas, alias ad tempus: & alias plenarias, & alias determinatas in parte: omnino secundum Bullæ, qua conceduntur, verba & formam. Nam si de injunctis tantum penitentiis loquatur; non extendes ad alias. Et si de peccatis confessis, non de non confessis putato te absolutum. Quia tantum valent, quantum sonant Indulgentiæ. Plenaria simpliciter & absolute concessa, absolvit ab omnibus, & in hoc & in futuro sæculo. Cum ergo ponitur in Bulla numerus annorum, vel dierum: & præterea etiam quarentenæ aliquot: intellige per quarentenas, numerum dierum illorum, in quibus acerbior aliqua penitentia imposita erat: veluti quod feria sexta, vel quarta, a vino vel sale abstineretur. Si sine restrictione loquantur, valent Indulgentiæ & quantum ad forum Ecclesiæ, & quantum ad forum Dei, ad remissionem penæ residuæ post contritionem & confessionem, & absolutionem: five sit injuncta, five non. Et ita docet Sylvester ex Thoma, & omnibus Doctoribus, præter Cajetanum.

Nec verum est, quod vulgo putant, si cui imposita sit penitentia x. annorum, quam non impleat in hoc mundo: torquendum eum relinqui in purgatorio eodem spatio decem annorum. Si quidem purgatorii dolores eo majores multo sunt, quam hujus sæculi: tum ex sensus, tum ex desiderii visionis Divinæ intentione majori.

An prosint defunctis per modum suffragii.

SAnct. Thomas in 4. distinct. 45. docet Indulgentias prodesse defunctis in purgatorio, si id in Bulla ipsarum contineatur, non aliter. Sed quæri solet, quomodo prosint defunctis, extra statum positis merendi? Propter argumentum hoc dicunt Doctores, vivis dari per modum absolutionis: sed mortuis per modum suffragii. Certe Latinis suffragium (translatum a posterioribus pedibus quadrupedum) illa sententia dicitur, vel votum, quod in favorem alicujus datur: juvando, confirmandoque alterius sententiam, qui prior dixit. Sed Theologi rem similitudine declarant. Si quis propter debitum (verbigratia, centum aureorum) detineatur in carcere, vel in trirème: amicus autem ejus, sumpta pecunia ex thesauro publico, cujus administrationem habet, solvat pro eo: liberatur quidem ille e carcere: quia pro debito satisfactum est. Sed diversis ra-

tionibus, a Judice quidem per justitiam, potestate jurisdictionis: ab amico autem per suffragium, id est, per subventionem favorem. Simili modo Papa, ut Juxta, liberat viventem in sæculo, absolvendo eum a reatu penæ: sed mortuum per modum suffragii, offerendo id pro mortuo, quo liberatur a penis purgatorii, tanquam dispensator publici thesauri. Vivi quoque per modum suffragii, prosunt mortuis: quia faciendo id, quod Indulgentiæ Bulla jubet, ipsi ex thesauro eodem sibi concessum premium largiuntur liberaliter & ex charitate pro mortuis. Sic in Indulgentia agnoscimus justitiam & gratiam. Justitiam, inquam, in satisfactione: sed gratiam in acceptione. Sed controversia est, an existens in peccato mortali possit pro mortuis impetrare indulgentiam. Gabriel affirmat: alii negant. Sed ratio hujus est, quia opus id, cum sit satisfactorium, & fiat nomine Ecclesiæ, quæ semper est in gratia, licet Minister sit extraneus, sufficit gratia Ecclesiæ. Sicut si servus elemosynam pro Domino dederit cum peccato, non obest Domino jubenti cum charitate.

Quæ requiruntur, ut valeant Indulgentiæ.

IDeo videndum, quæ requiruntur ad hoc, ut Indulgentiæ validæ sint. Sunt hæc tria: Autoritas conferentis, charitas accipientis, & causa pia, id est, Dei honor, & Ecclesiæ ac proximi utilitas. Si unum aliquod ex his desit, frustra conceduntur, & indiscretæ vocantur ab Alexandro III.

Quis potest conferre.

Solus Papa potest Indulgentias dare ex plenitudine potestatis. Quoniam ei soli commissæ est universalis Ecclesiæ cura. In hac enim, & non in particularibus Ecclesiis servatur indivisus thesaurus meritorum Christi. Est enim Christus Caput Ecclesiæ universalis, in quo sunt omnes thesauri sapientiæ & scientiæ absconditi. Episcopi autem Indulgentias dant ex commissione tantum, & non nisi in sibi subditos: nec majores, quam 40. dierum, & in Dedicationibus Ecclesiarum, unius anni. Archi-Episcopus potest easdem in tota sua Provincia. Hæc habentur Ext. c. Cum ex eo. c. Modo. c. Nostro. 24. q. 1. quodcumque de excessibus Prælat. c. Accedentibus.

Quale esse debet opus Indulgentiæ.

Alterum, quod requiritur, est, ut causa, propter quam conceduntur Indulgentiæ,

tiæ, sit pia. Omnis enim potestas Ministrorum Ecclesiæ data est ad ædificationem. Cum ergo datur aliquid, [veluti in fabricam Ecclesiæ] ne existimēs dari temporale pro spirituali: quoniam causa finalis spiritualis est, nempe honor Dei. Et quando in Hospitalē, subventio proximi indigentis respicitur. Nec esse debet opus, quod imponitur alias necessarium. Nam nemo Indulgentiam mereatur ex eo, quod injuriam remittat sibi illatam: quia tenetur jam ad hoc ex præcepto Christi.

Illud quoque tradunt Doctores, quod si indeterminate aliquid injungatur ab Indulgentiā, [veluti si dicant, Porrigentibus manus adiutrices fabricæ Ecclesiæ] intelligendum est, sicut congruit. Namque si pauper dando obolum, totam consequitur, non ita dives: non enim videtur dives auxilium dedisse, dando obolum tantum. Lucrabitur tamen pro tanta parte. Secus esset, si determinassent quantitatem. Ita sentiunt Thomas & Bonavent. quanquam aliter alii: quia vicini urbis cum minori difficultate veniunt ad Jubilæum, quam peregrini alii: nec minorem consequuntur Indulgentiam, licet mereantur minus.

Cum certum, quid præcipitur, [veluti visitare Ecclesiam a vespere in vespem] semel tantum Indulgentia potiere. Sed si perpetua esset: tunc quoties eandem Ecclesiam visitabis. Ita sentit Thom. & Doctores Canonici, in c. fi. de Pœn. & re. lib. 6. & Ab. & Fel. in tract. de Indul.

An existens in peccato mortali possit eas obtinere.

Tertium, quod requiritur, est, ut simus in charitate: nam existenti in peccato mortali non profunt. Idcirco in omni fere Bulla ponuntur verba hæc: Vere pœnitentibus. Ratio est primum, quia oportet pium esse opus, quod imponitur (ut dictum est) ergo ex charitate: alioqui non esset causa legitima Indulgentiæ. Deinde esse debet idem etiam meritum: nam ex eo veniam speramus pœnæ debite pro peccatis. Atqui sine charitate nemo mereri potest. Tertio Indulgentiæ ad forum spectant pœnitentiale, sicut dictum est. Sed partes pœnitentiæ sunt contritio; confessio & satisfactio: quam hæc [satisfactio] per dispensationem Indulgentiæ suppletur: confessio fieri ante & postea potest. Restat ergo contritio necessaria, ut culpa deleatur. Atqui delevit culpa, charitas infunditur. Itaque charitas necessaria est, tam ut finis operis, quam ut forma meriti: & ex parte causæ efficientis,

quæ contritionem exigit, requisita: Quia & ex parte subjecti præsupposita. Siquidem pœna, quæ per Indulgentiam remittitur, non æterna est, [mortali peccato debita] sed temporalis, quæ vel deleta culpa relinquatur pro mortali: vel certe pro veniali culpa reservata erat. Ergo charitas necessario requiritur ad obtinendam Indulgentiam.

Sed disputatur a Sylvestro, an requiratur charitas actualis. Et tandem cum Archidiacono sentit, pium esse credere, quod recedente fictione, possimus consequi effectum Indulgentiæ. De confessione idem omnes sentiunt, ut cum in Bulla dicitur, Pœnitentibus & confessis, sufficiat satisfactio nos Ecclesiastico præcepto de confitendo semel in anno, cum proposito semper satisfaciendi; nisi tamen expresse jubeatur in Bulla, ut confiteamur, vel interpretative: Ut cum sumere jubemur Eucharistiam. Et ratio quidem horum est; quia Indulgentia præsupponit, remissam esse culpam, saltem per contritionem. Neque hoc principaliter intendunt semper Indulgentiæ, scilicet, ut confiteamur, sed potius, ut opus aliquod agamus pium, propter quod datæ sunt. Atque hæc quidem est communis opinio Theologorum & Canonistarum: quamquam Cajetanus objiciat sequi ex hoc, quod eodem modo sufficeret semel pœnituisse, sicut & semel confessum esse. Utrumque enim affirmativum præceptum est, quod non obligat pro semper. Item sequeretur, quod qui aliquo ex annis elapsis confessus non fuisset, privaretur spe consequendæ Indulgentiæ: non enim confessus est secundum juris formam. Cæterum utcumque requiratur confessio, vel non: certe contritio semper necessaria, non solum de peccatis mortalibus, sed etiam de venialibus. Quoniam nunquam condonatur pœna, nisi remissa culpa, quæ sine contritione non remittitur: ne venialium quidem. Licet hæc deleri dicantur per Orationem Dominicam, per confessionem generalem, per aquam benedictam, per benedictionem Episcopi, & similia: sed non sine contritione omnino.

Ex communi opinione sequitur fieri posse confessionem laico, si aliter Bulla non loquatur. Sequitur etiam nullam esse certam formam absolutionis: quia sine forma & sine Ministro obtineri talis Indulgentia posset. Confessor tamen, si velit, potest hac forma uti:

*Authoritate Apostolica mihi
commissa, concedo tibi Indulgentiam*

*gentiam omnium peccatorum
tuorum. (†)*

cet a Principe beneficium esse mansurum ,
lib. 6. Innoc. III. c. Quod translatum. de off.
leg. & alii c. Cum ad hoc. de Cler. non resid.

*An durent post mortem con-
cedentis.*

Conclusio.

Dara Indulgentia durat post mortem con-
cedentis, etiam si particulari personæ
data sit. Probant Canonistæ per reg. De-

Atque hæc quidem hætenus didactice:
pro more, & stylo eorum, a quibus
sumpta sunt. Nos autem, ne simus in eis
nimium curiosi. Credamus nos omnes in
peccatis esse: ideoque gratia Christi indige-
re.

(†) Eruditus Lector facile perspiciet, varia in hac sectione referri, quæ declarationibus
Pontificum, communi hodieum Doctorum Catholicorum sensui, praxique fide-
lium repugnent. Similia alibi sparsim in Institutionibus, quæ Synodalibus his
Statutis Bisuntinis adjectæ sunt, reperiuntur; quod semel, ne nimium illis tribua-
tur, monuisse sufficiat.

De instituenda, cujus supra facta est mentio, pro impetrandis Indulgentiis, confessio-
ne, subjungo Decretum duplex, a Sacra Congregatione, Indulgentiis, & Sacris
Reliquiis præposita editum: primum quidem anno 1759. alterum vero anno 1763.
utrumque sub SSmo Domino Nostro Papa Clemente XIII. Quæ vero de Confes-
sione Laico faciendâ dicuntur sub finem, certum est apud Catholicos, quod neque
de Confessione necessaria, neque de Sacramentali intelligi possint.

DECRETUM

*Sacræ Congregationis, Indulgentiis, & Sacris Reliquiis
præpositæ.*

UT Christi fideles scire possint, quid sibi tenendum foret pro acquirendis Indulgentiis, in
sententiarum varietate super intelligentia verborum: qui vere pœnitentes, confessi,
ac Sacra Communionem recepti Ecclesiam visitaverint; quæ Indulgentiarum Brevibus
insepi solent: In Sacra Congregatione, Indulgentiis, Sacrisque Reliquiis præposita, discussis
die 31. Martii proximi præteriti nonnullis dubiis, eadem Sacra Congregatio fuit in voto, Con-
fessionem Sacramentalem, quando in Brevibus apponitur pro Indulgentiarum consecutione, per-
agi omnino debere, etiam ab iis, qui sibi letbalis peccati conscii non sunt; nec non præfatam
confessionem suffragari etiam posse, si expleatur in vigilia Festivitat. Quod autem ad Ec-
clesiæ visitationem spectat, eam impleri posse sive ante, sive post aliorum priorum operum im-
plementum.

Factaque de iis per me infra scriptum ejusdem Sacræ Congregationis Secretarium rela-
tione SSmo Domino Nostro Sanctitas Sua ejusdem Sacræ Congregationis Votum benigne
approbavit, illudque publicari mandavit, quibuscunque in contrarium facientibus non obstantibus.

Datum die 19. Maji 1759.

Fr. J. Card. PORTOCARRERO Præfæctus.

A. E. Vice-Comes Sacræ Congregat. Indulgent. Secretarius.

ROMÆ M. DCCLIX.

Ex Typographia Reverendæ Cameræ Apostolicæ.

DECRETUM

*Sacræ Congregationis, Indulgentiis, & Sacris Reliquiis
præpositæ.*

Quam Sacra Congregatio Indulgentiis, & Sacris Reliquiis præposita, die 31. mensis Martii
anno 1759. fuerit in voto, Confessionem Sacramentalem, quando in Brevibus apponitur
pro Indulgentiæ consecutione, peragi omnino debere, etiam ab his, qui sibi Letbalis
peccati conscii non sunt; nec non præfatam Confessionem suffragari etiam posse, si in vigilia
Festivitat. expleatur, Votumque Congregationis Sanctissimus D. N. CLEMENS Papa
XIII. benigne approbaverit, illudque typis publicari sub datum 19. Maji prædicti anni man-
daverit

re. Credamus in Ecclesia claves esse regni celorum; easque commissas Petro. Sectemur charitatem, quæ omnia credit, omniaque sperat. Nam si Patrem habemus Deum; si ejus dilectionem ambimus, qui bonorum omnium fons & origo est: plura ab eo sperare profecto licebit, quam mens humana cogitet.

DE PECCATIS.

Et primo de Originali.

Quoniam Sacramenta Ecclesiæ tanquam remedia quædam contra peccata instituta sunt: scire debet Pastor Ecclesiæ, quid sit peccatum, & quæ ejus genera, ut medicinam faciat juxta morbi qualitatem. Est peccatum iniquitas: & omnis, qui peccatum facit, iniquitatem facit, teste B. Joanne (k). Defecit enim a justitia, & regula legis æternæ, quæ est Dei voluntas. Hinc D. Augustinus (l) ex lege Dei definitionem peccati dedit: Quod peccatum est, dictum, factum, vel concupitum contra legem Dei.

Peccati genus duplex est, aliud dicitur actuale, aliud originale. Peccatum actuale, in actione, vel omissione consistit: ut furtum, adulterium, negligentia, inobedientia.

Peccatum vero originale illud appellatur, quod per originem ex peccato primi Parentis omnes contraximus. Deus enim hominem ab initio rectum creavit, ad imaginem & similitudinem suam, cum gratia, & justitia originali: per quam ratio, & intellectus ejus, & voluntas, atque appetitus, omnes denique facultates, tanta inter se concordia, consensuque constabant, ut inferiores superioribus parerent; caro spiritui non repugnaret, & mens tota in Creatorem suum conjecta, obedientiam perfectam ultro libereque præstaret.

Verum primus ille noster Pater, [m] contempta lege Dei & præcepto, quod Deus sibi dederat, ne ex ligno scientiæ boni & mali vesceretur, & decepta a serpente Eva, arbitrii libertate peccavit, & Deo Creatori suo inobedientem se præstitit: quapropter justitiam illam originalem, & gratiam, qua

orna-

daverit; quam plures supplices Libelli tum Regularium Communitatum, & præsertim Monasterium, tum etiam Parochorum, & nonnullorum Episcoporum pro suis Diocesis porrecti sunt, quibus maxima exponebatur difficultas, quæ interdum, imo per sepe incidit pro Sacramentali Confessione, sive in Festo, vel ad minus in vigilia peragendo. Quamobrem, ut adeo proficius Indulgentiarum thesaurus reddatur fidelibus accommode comparandus, enixis precibus supplicabant Sanctitati Sæ, ut opportuno aliquo remedio de Apostolica Benignitate providere dignaretur: Quibus precibus ad prædictam Sacram Congregationem remissis, propositum in ea fuit dubium An, & quomodo sit consulendum SSmø super præfati Decreti executione, vel declaratione in casu &c. Et responsum fuit, Consulendum Sanctissimo D. N., ut concedere dignetur Indultum omnibus Christi fidelibus, qui frequenti peccatorum Confessione, animam studentes expiare, semel saltem in hebdomada ad Sacramentum Penitentiae accedere, nisi legitime impediuntur, consueverunt; & nullius lethalis culpæ a se post peccatam ultimam Confessionem commissa, sibi conscii sunt: ut omnes, & quascunque Indulgentias consequi possint, etiam sine actuali Confessione, quæ cateroquin juxta præfati Decreti definitionem ad eas lucrandas necessaria esset. Nihil tamen innovando circa Indulgentias Jubilei tam ordinarii, quam extraordinarii, aliasque ad instar Jubilei concessas, pro quibus assequendis, sicut & alia opera injuncta, ita & Sacramentalis Confessio, tempore in earum concessione præscripto peragantur.

Et facta per me infra scriptum Ejusdem Sacræ Congregationis Secretarium de præmissis omnibus Sanctissimo Dno Nostro relatione, Sanctitas Sua piis bonorum desideriis ac votis satisfacere, & Indulgentiarum gratias, iis potissimum, qui pie, sancteque vivendo, donis Divinæ Misericordiæ digniores efficiuntur, elargiri quam maxime cupiens, benigne annuit, & præfatum Indultum in forma supra scripta expediri, & publicari mandavit, quibuscumque in contrarium non obstantibus.

Datum ex Secretaria S. Congregationis Indulgentiarum die nona Decembris MDCCLXIII.

N. Cardinalis ANTONELLUS Præfatus.

J. de Comitibus Sacræ Congregationis Indulgentiarum Secretarius.

ROMÆ ex Typographia Rev. Cameræ Apostolicæ MDCCLXIII.

(k) 1. Joan. 3.

(l) Aug. ad Bonif. & Con. Epi.

(m) Genes. 2.

ornatus ipse erat, & filios cum eodem ornamento geniturus, misere, sedequē amisit. Itaque averſus a Deo ſummo bono, & ad creaturas converſus, Dei amorem exuens, amorem ſui induit, factus propenſus & pronus in omne malum, per naturæ ſuæ corruptionem, hoc eſt, per ignorantiam in mente, & concupiſcentiam in carne, legi Dei repugnantem, & captivantem eum in lege peccati.

Vitium ergo hoc & malum, in nos ita tranſmiſſum eſt, ut ſicut futuri eramus per nativitatē hæredes juſtitiae, & rectitudinis illius paternæ: ſic nunc privati eadem gratia, obnoxii maneamus peccato illius, amiſſa ſpe hæreditatis æternæ & gloriæ cœleſtis: cum virium naturalium magna perturbatio, ut ſuperioribus facultatibus inferiores (quæ parere debuerant) ſæpius rebellent, imo etiam imperent & dominantur in nobis, niſi gratia Dei præveniamur.

Sic præter ſitim, famem, dolores, morbos, & mortem, alia duo contraximus ex peccato primi parentis: carentiam juſtitiae originalis, quam habere debueramus: & concupiſcentiam, quæ rationi recte contrariatur: quam & alio nomine fomitem peccati appellamus. Hac cauſa dicimur naſci omnes filii iræ, concipi in iniquitatibus & peccatis. Nam per unum hominem peccatum in mundum intravit, & per peccatum mors.

Sed per Chriſtum JEſum reconciliatiorem accepimus, (z) qui nos Deo Patri reconciliavit in Sanguine ſuo, factus nobis juſtitia, ſanctificatio, & redemptio: qui paſſione ſua delevit chirographum illud decreti, quod erat contrarium nobis. Deletur enim per Baptiſmum hoc peccatum originale; ita ut gratiam Dei conſequamur: & rebellio illa membrorum non imputetur ad peccatum, niſi conſentiamus ei. Nam concupiſcentia, ſeu fomes non alia ratione dicitur peccatum ab Apoſtolo, quam quod ex peccato eſt, & ad peccatum inclinat.

Ergo omnes (etiam uniꝝ diei infans) indigent gratia Dei, & per aquam & Spiritum renāſci: quia omnes illius primi peccati cauſa morti obnoxii, & peccatores conſtituti fuimus apud Deum. Et niſi quis renatus fuerit ex aqua & Spiritu Sancto, non poterit intrare in regnum Dei.

DE PECCATO MORTALI & Veniali.

PEccatum actuale (ſeu perſonale) a nobis committitur, & noſtra culpa. Un-

de peccatum adeo voluntarium eſſe dicitur, ut ſi non eſſet voluntarium, non eſſet peccatum. (o)

Hoc duplex invenitur, Mortale ſcilicet, & veniale. Dicitur quidem mortale, quia, qui talia agunt, digni ſunt morte, nec regnum Dei poſſidebunt. Et quia etiam per peccatum mortale gratia Dei & charitas amittitur, per quam vivit anima. Veniale vero, quia venia non caret, & ſi pœna dignum ſit.

Sunt ergo peccata non quidem æqualia omnia, ut quidam Stoici hæretici arbitrantur: ſed alia aliis graviora; quanto magis vel minus committuntur contra charitatem Dei, vel proximi. Docet Chriſtus Matth. 5. Qui dixerit fratri ſuo Racha, &c. Et B. Jacobus, [p] Unusquisque tentatur, a concupiſcentia ſua abſtractus & illeſtus. Deinde concupiſcentia, cum conceperit, parit peccatum: peccatum vero, cum conſummatum fuerit, generat mortem. Et B. Paulus, (q) graviora ab aliis ſejunxit, cum dixit: Fornicatio autem, & omnis immunditia, & avaritia, nec nominetur in vobis, ſicut decet Sanctos: aut turpitudō, aut ſtultiloquium, aut ſcurrilitas, quæ ad rem non pertinent: ſed magis gratiarum actio. Hoc enim ſcitote intelligentes, quod omnis fornicator, aut immundus, aut avarus (quod eſt idolorum ſervitus) non habebit hæreditatem in Regno Chriſti & Dei.

Conſiſtit quidem peccatum mortale in offeſſa Divinæ amicitiae: quia dum peccator mavult ſuam voluntatem explorare, quam Dei, Dei amicitiam rejicit, nec pro ultimo fine & ſummo bono eum agnoſcit, & retinet, Qui non diligit, (inquit B. Joannes) manet in morte. Idcirco dicebat David: Tibi ſoli peccavi, & malum coram te feci. Contra vero, homo in Charitate Dei manens, Deum rebus omnibus amandis proponit, & præfert; quantum humanæ datur infirmitati: imo præ charitate Dei, omnia pericula & adverſa contemnit, in Dei charitate manere deſiderans.

Veniale autem non dirimit, aut ſolvit Divinam amicitiam: quia (ut plerique Theologi tradunt) non contra, ſed potius præter Divina præcepta & voluntatem Dei ſunt: quando ſcilicet peccamus, non deſerendo principium & finem, qui Deus eſt, nec excludendo ejus charitatem, ſed remittendo dilectionis ejus fervorem, & prætermittendo modum rectitudinis colendi Dei. Inter hæc ponuntur motus illi appetitus ſenſitivi, qui non ſtatim reprimuntur: item riſus immodera-

(z) Rom. 5.

(o) Auguſt. de Ver. releg. lib. 14. & lib. 1. retra. c. 13.

(p) Jacob. 1.

(q) Eph. 5.

derator: joci vani & inutiles: eibus & potus supra necessitatem naturæ: dormitatio in dicendis horis, & in orando: litres non justitiæ aut pietatis causa susceptæ: & similia innumera, propter quæ non offenditur charitas Dei, nec proximi, nec sui ipsius. Unde fornicatio peccatum mortale est: nam qui fornicatur, in corpus suum peccat, teste (r) Apostolo. Peccat etiam in Christum omnis Christianus, qui contumelia afficit corpus suum: quoniam membra corporis Christi sumens, tradit ea meretrici, & ludibrio Satanæ. Non sumus nostri, inquit Tertullianus, sed pretio empti sanguine Dei. Lædentes igitur carnem istam, eum lædimus. Ad uxor. lib. 2.

Et considerandum Curato, quod eadem peccata, vel ejusdem generis, quæ natura levia sunt, & venialia, possunt mortalia fieri, propter circumstantias loci, temporis, personæ, causæ, modi: & quando contra conscientiam. Nam talis intentio est, quæ avertit a Deo. Item quando placent, & crebro iterantur, peccata venialia fieri possunt mortalia: (*) ut docet B. Augustinus in Enchiridio: & Ecclesiasticus, Qui modica spernit, paulatim decideret.

Cum sit ergo peccatum omne iniquitas, ut ex B. Joanne didicimus: sequitur, quod nunquam licet peccare. Nam si liceret, malum non esset. Nec propter bonum quidem: Nam non sunt facienda mala, ut veniant bona. Sed dices forte, Ex duobus malis, minus est eligendum, teste Arist. in Top. & docet Gratianus distin. 13. & Chrysost. homil. 27. ad pop. Antioch. Loth quoque, vir justus, filias exposuit libidini Sodomitarum, ut eos a nefando scelere reduceret. Lupanaria permittuntur in civitatibus, & jurare per falsos Deos, infideles: quia minus malum rationem habet boni. Respondetur ex communi opinione Theologorum, nunquam licere tibi male agere, neque ut majus bonum assequaris, neque ut majus malum vitas. Nec tantummodo admittendum peccatum non est, ut majus in te vitas peccatum: sed neque ut in alio. Huc pertinet (r) Pauli sententia, non esse facienda mala, ut veniant bona. Sed controversia est, num liceat alteri consulere minus malum, ut vitetur majus. Videretur enim malum non esse, si liceret. Ex altera parte dicitur, minus malum rationem habere boni. Dominicus Soto restrictionem adhibet: nempe, quando quis certo animo constituit peccatum gravius admittere: nec alia [**] potes cum a peccato avertere, quam oblato alio minori peccato: tunc licet minus offerre. Tibi autem

nunquam licet, in gratiam cujusquam committere peccatum. Sed uti alieno peccato in bonum finem etiam Deus solet. Itaque docet idem Soto, quoriescunque tu id, quod petis, justè ab alio fieri potest, & bona causa petis; (quamquam scias alterum male esse acturum) licet tibi tuo jure uti. Si vero ille non potest illud idem bene agere ac justè: non licet tibi. Exemplum prioris esto in usura. Potest namque fenerator tibi mutare suam pecuniam, si velit, sine scenore, Exemplum alterius: si peteres ab amico, ut furetur, quo tibi subveniat, vel ut inimicum tuum occidat. Hæc enim bene fieri non possunt. Factum vero Loth excusare vix audent Theologi. Licet Ambrosius (t) zelum ejus excuset, & Petrus eum justum dicat. Neque enim decebat illud, quod proposuit, cum filiarum suarum charissimarum dedecore admitti. Idcirco B. Augustinus perturbationi censet, non consilio, tribuendum. 14. distin. cap. Quod.

DE SEPTEM PECCATIS capitalibus.

Septem a D. Gregorio (u) enumerantur vitia, seu peccata mortalia, aliter etiam capitalia nuncupata, quod ab his (tanquam ex fontibus quibusdam) alia peccata emanent & nascantur: vel quod ad hæc alia omnia referantur, & sub ipsis contineantur, tanquam sub generibus suis. Siquidem fornicatio, adulterium, stuprum, immundus sermo, morosa cogitatio, ex uno fonte libidinis procedunt, qui dicitur luxuria: & sub uno nomine continentur luxuriæ.

Itaque potest esse hoc nomen luxuria, nomen vitii, in animo, & habitus naturalis, vel acquisiti: & potest esse nomen generale peccati libidinis, quod committatur opere, ore, vel cogitatione. Unde sequitur, quod potest peccatum luxuriæ esse aliquando veniale: licet frequentius sit mortale. Nam in conjugio (ut D. Augustinus docet) committi solent hujusmodi venialia.

Sunt peccata capitalia hæc: Superbia, Invidia, Ira, Avaritia, Luxuria, Gula & Acedia, id est, Pigritia. Quotum memoriam ordine tenebit simplex Sacerdos, si in fronte ponat superbiam, in oculis invidiam, in ore gulam, in corde iram, in renibus luxuriam, in manibus avaritiam, & in pedibus pigritiam.

Hæc ordine nosse debet, & eorum differentias scire: ut sibi cavere possit Deo auxili-

(r) 1. Cor. 9.

[**] *Supple*: via, vel ratione.

(*) Intellige, quod disponant ad mortalia.

(t) Amb. lib. de Patriarch.

(r) Rom. 3.

(u) Greg. lib. 30. mor.

auxiliante, & alios etiam docere, quomodo cavere possint. Quare ut nihil a nobis desiderant simplices Parochi Sacerdotes, singula peccata hæc ita tractabimus, ut primo loco sententias aliquot paræneticas ex Sacris Literis proponamus, quas in ore semper habere possint. Deinde definitionem ipsius peccati ex communi Schola Theologorum. Tertio filias, quas vocant. Quarto ad detestationem vitii, similitudinem aliquam, qua peccati turpitudine exprimitur. Denique consilium familiare, quod in confessione dabunt Sacerdotes confitentibus sibi, ut vitium vitare facilius queant. Quanquam unum est & optimum consilium, Christi vitam Salvatoris nostri semper præ oculis habere, & assidue meditari. Verum propterea, quod non a Deo sumus omnes spirituales: visum est crassiori doctrina utendum.

SUPERBIA.

INitium omnis peccati superbia est. Eccles. 10. Odibilis coram Deo & hominibus est superbia. Ibidem, Deus superbis resistit, humilibus autem dat gratiam. Jacob. 4.

Ideo Christus JEsus humilitatem merito nobis præter cætera commendavit.

Definitio superbiæ.

Superbia est amor inordinatus propriæ excellentiæ: vel [ut clarius dicamus] Superbia est vitium inclinans ad amorem propriæ celsitudinis, & excellentiæ, perverse: veluti ad desiderium honoris, quæ est ambitio: officiorum, quæ est præsumptio: gloriæ, quæ dicitur vana gloria: atque hæc omnia perverse, hoc est, sine meritis propriis aut virtutibus, & cum contemptu legis Divinæ. [x]

Filiæ superbiæ.

Hinc filiæ superbiæ nascuntur: inobedientia, contentiones, pertinacia, discordiæ, curiositas, hypocrisis, jactantia. Et quidem cætera, quæ desiderantur ab hominibus, aliquid habere videntur secum utilitatis & commodi: Superbia vero nil, nisi curas, labores, pericula, vanitatemque promittit: & in acquirendis iis, quæ cupit, atque retinendis, pari afficit molestia.

Similitudo.

Est dulce venenum gloria, & speciosus fumus: in quem cum ingrederis, obcæcaris. Est & gloria crocodilus: fugientem sequitur, & sequentem se fugit, sicut etiam umbra corpus.

Consilium contra superbiām.

Consilium contra superbiām est, considerare naturæ nostræ conditionem, & infirmitatem: quorum vita sit adeo brevis, adeoque multis obnoxia casibus & miseriis. Deinde quam multi præstent nobis ingenio, genere, forma, viribus, divitiis, & aliis rebus unde gloriamur, & inolescimus. Contra vero, quam multa habeamus mala & vitia, quæ a multis ignorantur.

INVIDIA.

Putredo ossium invidia. Prov. 14. Invidia diaboli, mors introivit in orbem terrarum. Imitantur autem illum, qui sunt ex parte ipsius. Sap. 2. Cain, qui ex maligno erat, occidit fratrem suum, scilicet, Abel. Propter quid occidit eum? quoniam opera ejus maligna erant, fratris autem ejus justa. 1. Joan. 3.

Qui ruina lætatur alterius, non erit impunitus. Prov. 17.

An oculus tuus nequam est, quia ego bonus sum? Matth. 20.

Definitio invidiæ.

Invidia definitur: Odium felicitatis alienæ: & a Damasceno: Tristitia de bonis alienis. Habet vitium hoc odium proximi, quatenus eo se putat inferiorem esse honore, opibus, scientia, gratia, & virtute aliqua. Initiat & ad detrahendum famæ ejus, tum secreto, tum etiam publice, & coram omnibus: unde fit, ut doleat de felici successu proximi, & lætetur de infelici: peccatum sane oppositum ex diametro charitati proximi.

Filiæ invidiæ.

Itaque invidia parit odium, fufurrectionem, detractionem, lætitiā de adversis, & afflictionem ac mœrorem de rebus prosperis suorum æqualium.

Similitudo.

Similem nonnulli faciunt anguillæ, alii hydræ, quod utrumque horum ignavum est animal, degens in luto & ceno palustri: luto pascitur, bullasque ex profundo emittit, & vaporem atque halitum pestiferum. Sic invidus animo est abjecto, & vili, ex imo corde verba proferens cum veneno pestifero. Sepulchrum patens est guttur eorum: linguis suis dolose agebant: Venenum aspidum sub labiis eorum. (y)

Con-

(x) S. Thom. 2. 2. q. 162. art. 1.

(y) Psal. 13.

Consilium.

Consulet Sacerdos, ut peccator multorum hominum conditiones consideret, quos adversa fortuna indigne premit: non autem feliciores. Sic fiet ex comparatione sui (quod innumeros se infeliciores viderit, ut pauperis surgant animi jacentes. (z)

I R A.

Ira viri iustitiam Dei non operatur. Jacob. 1.

Fartus statim indicat iram suam. Proverb. 12.

Homo iracundus incendit litem. Eccl. 28.

Ego autem dico vobis, quia omnis, qui irascitur fratri suo, reus erit iudicio: qui dixerit racha, reus erit concilio: qui dixerit fatue, reus erit gehennæ ignis. Matth. 5.

Irascimini, & nolite peccare: sol non occidat super iracundiam vestram. Nolite locum dare diabolo. Ephes. 4.

Sit autem omnis homo velox ad audiendum, tardus ad loquendum, & tardus ad iram. Jacob. 1.

Molle verbum frangit iram: sermo durus suscitatur furorem. Prov. 1.

Definitio iræ.

Ira appetitus est inflammatus ad vindictam. Potest passio naturalis esse in facultate irascibili: nec erit peccatum, si legi Dei non repugnet aut rationi. (a) Sed peccatum est, quando contra rationem, vel perverse vindictam appetit. Itaque hoc vitium damnatur, quatenus inclinatur ad fumendam vindictam inordinate: vel ad negandum colloquium, per quendam mentis tumorem: vel ad convitium proferendum, & vel etiam cum Dei blasphemiam excandescendum.

Filiæ.

Itaque ejus filiæ sunt, clamores, blasphemix, contumeliæ, rixæ, indignatio, tumor mentis, ira quod loqui dedigneretur iratus, & inflatus contra proximum incedat. Peccata omnia contra charitatem proximi & Dei. Quia Charitas patiens est, benigna est: Charitas non æmulator, non agit perperam, non inflatur &c. omnia suffert, omnia credit, omnia sperat, omnia suffinet. (b)

Similitudo.

Ira furor brevis est: animum rege. Qui nisi paret, (c)

Imperat. Ea mentem etiam sapientis ita perturbat, ut nisi advertas antea, nihil differas ab stulto. Nam ubi semel iracundia animum occupaverit, ratio omnis & iudicium confunduntur. Et veluti, quum magno fumo obruta est domus, portæ & exiis non apparent, qua incensum evadatur: sic obsidente ira mentem hominis, nulla patet via iudicio rationis ad reprimendum furorem.

Consilium.

Idcirco cavendum multo ante, ne ira in mentem irrumpat, & consilium videtur optimum contra iram, (præter multa, quæ Plutarchus, & alii tradiderunt) ut assueas, quoties irasceris; cogitare tantum hoc: *Ego irascor.* Nam si istud memineris, nihil ages, vel loqueris, vel certe, si quid egeris, non erit cum magna impotentia. Sed præstat nihil agere aut loqui, quando irasceris.

G U L A.

Propter crapulam multi obierunt: qui autem abstinens est, adjiciet vitam. Eccl. 27.

Qui diligit epulas, in egestate erit. Qui amat vinum & pingua, non ditabitur. Proverb. 21.

Attendite vobis, ne forte graventur corda vestra in crapula & ebrietate, & curis huius sæculi. Luc. 2.

Sicut in die, honeste ambulemus: non in comestationibus & ebrietatibus. Rom. 13.

Definitio gula.

Sicut de ira dictum est, potest etiam appetitus cibi & potus non esse peccatum, si naturæ & rationi non dissentiat: sed si immoderatus sit, hoc est, si ad edendum, vel bibendum immodice inclinet; tunc multa ex se mala gignit: aut si in cibo & potu quis felicitatem constituat, [quales quidam Epicuri de grege porci, quorum Deus venter est, (d) & gloria in confusione ipsorum] certe peccatum est mortale. Tales enim Dei præcepta non verentur transgredi, & violare: modo gulæ satisfaciunt & abdomini.

Filiæ gula.

Ex crapula & ebrietate quam multa mala sequantur, nemo non novit: præter illa, quæ passim videmus, ineptam lætitiā, stultiloquium, scurrilitatem, immunditiam, sensus hebetudinem.

Simi-

(z) Seneca. In Hecuba.

(a) S. Tho. 1. 2. q. 23. art. 3. & 4. & q. 42.

(b) 1. Cor. 13.

(c) Horatius.

(d) Phil. 3.

Similitudo.

Nutriendum est corpus nostrum tanquam jumentum, ut spiritui serviat: non ut lascivia excutiat fessorem. Nam sicut in pugna, si quis alteri auxilio veniat, illi victoriam parit: sic caro carni addita, & sanguis sanguini, facile spiritum expugnant, & rationem Deo obedire præcipientem prosternunt.

Consilium

UNum consilium superest, Vitare comestationes: & in mensa recordari, quod debemus cum gratiarum actione cibum sumere, & pauperum Christi misereri.

LUXURIA.

Qui adhæret meretrici, unum corpus efficitur. 1. Corinth. 6.

Nescitis, quia corpora vestra membra sunt Christi. Ibidem.

Fornicatio, & vinum, & ebrietas auferunt cor. Osee 4.

Nunquid potest homo abscondere ignem in sinu suo, ut vestimenta sua non ardeant? Proverb. 6.

Preteritum scorti vix est unius panis, & animam viri pretiosam capit. Prov. 3.

Omnis mulier, quæ est fornicaria, quasi stercus in via ab omnibus prætereuntibus conculcabitur. Ecclesiast. 9.

Fugite fornicationem. Omne enim peccatum, quodcumque fecerit homo, extra corpus suum est: qui autem fornicatur, in corpus suum peccat.

Omnis, qui viderit mulierem ad concupiscendam eam, jam mæchatus est eam in corde suo. Matth. 5.

Definitio luxuriæ.

Luxuria, vel luxus nomen generale est apud morales Philosophos, ad omnem superfluitatem, ut venereorum, cibi, potus, vestimentorum, & rerum aliarum. Sed hic sumitur pro vitio & peccato Veneris tantum. Estque luxuria actus, vel inclinatio inordinata in rebus venereis: & potest esse inordinatio in circumstantiis, vel in ipso genere actus. Propter circumstantias quidem peccare possunt venialiter conjugati: sed in genere quædam sunt semper mortalia: ut fornicatio, adulterium, stuprum, raptus, incestus, peccatum contra naturam.

Filiæ luxuriæ.

Qui adulter est [inquit (e) Salomon] propter cordis inopiam, perdet animam

suam: turpitudinem & ignominiam congregabit sibi: & opprobrium illius non delebitur. Unde hujus peccati luxuriæ filiæ appellantur cæcitas mentis, inconsideratio, inconstantia, præcipitatio, amor sui, odium Dei, amor præsentis sæculi, desperatio futuri.

Similitudo.

Omnem voluptatem corporalem Philosophi similem esse tradiderunt monstis quibusdam, quæ Poetæ vocant Sirenes: quod hæ pulchra facie & cantu suavissimo adblandientes, posteriora corporis haberent scdissima: & homines cantu alleetos misere devorarent. Sed præcipue vitium hoc luxuriæ, primum facie aridet, multa suavitate: sed posteriora ejus (id est, finis) plena sunt amaritudine; hoc est, infamia, periculis, infirmitatibus, & miseria.

Consilium.

Consilium erit optimum, ut jejuni interficiat hanc belluam, sicut jejuni saliva dicitur extinguere serpentes. Deinde ut amoris oblivionem, quacunq; ratione possit, quærat. Quod fiet, si mutato loco alio procul recedat: si consuetudinem habeat cum hominibus ab amore alienis: numquam sit solus, cum amoris est adhuc recens memoria, nec otiosus; sed lectione vel negotiis semper occupetur. Literas, & omnia monumenta, per quæ possit in memoriam revocari amor, comburat, aut aliter perdat. Quod facile factu erit, si consideret fraudes, mendacia, perfidiam, & alia, quæ in ea, quam amat, expertus est. Item si consideret imperfectiones corporis, vel animi, vel fortunæ illius, & conditionis. Denique orationibus postulet a Deo (f) sapientiam & castitatem: sine quo casti esse non possumus.

PIGRITIA.

Multa vitia doeuit otium. Ecclesiast. 7. Vade ad formicam, o piger, & considera vias ejus, & disce sapientiam. Proverb. 6.

Vult & non vult piger. 13.

Propter frigus piger arare noluit: mendicabit ergo æstare. 20.

Regnum celorum vim patitur. Matt. 11.

Omnem palmitem in me non ferentem fructum tollet eum. Joan. 15.

Vigilate, quia nescitis diem, neque horam. Matth. 25.

Definitio pigritiæ.

Acedia, ut nomen Græcum sonat, proprie incuria est & negligentia: sed si

N 3

cut huic loco convenit, est tristitia, vel tædium de mandato Dei implendo : ita ut sit quidam langor, seu fastidium & dejectio animi in exercitatione virtutum. Quapropter cum aliquis fastidit præcepta Dei, aut tristatur audiendo, quod Deus vult nos per multas tribulationes ingredi regnum cælorum, aut aliud simile, peccatum committit mortale & gravissimum, & (ut quidam dicunt) proximum odio Dei. Si negligentia sit in adimplendis mandatis Divinis, tunc peculiariter peccatum erit contrarium illi mandato, quod negligitur, sed a fonte manans hujus pigritiæ, vel acediciæ.

Filiæ.

Hujus filiæ sunt desperatio, pusillanimitas, torpor, malitia, id est, voluntas machinandi malum. [f] Homo enim ignavus, dum victu indiget, expectans vanam spem, [ut ait Hesiodus] multa mala & flagitia animo concipit, unde vitam trahat. Indignatio, seu rancor, id est, inveteratum odium contra eos, qui virtutem laudant, & ad bona spiritualia hortantur. Evagatio mentis, ad res cogitandum & agendum illicitas. Quia cum necesse sit, ut animus aliquid agat semper, ne a motu vacet, in otio desidens, statim delabitur ab honestis cogitationibus ad turpes.

Similitudo.

Ignavi homines & pigri, similes dicuntur chamæleonti, qui oscitans vescitur, & follicans ruminat de vento cibos. Alii asinis comparant, qui nisi fustibus compulsi, nihil agunt.

Consilium.

Ignavis & desidibus, præcipiebant nasturtium: forte ut eorum dormitantem animum & frigiditate torpentem, excitarent. Sed hoc proverbium fortasse per allegoriam inventum est. Illud magis probandum, quod quidam Philosophi præcipiebant, in optimis quibusque rebus nos exerceri debere, quævis initio videantur difficiles: quia assuetudine fiant faciles. Sed in rebus spiritualibus adimplendis, imploranda semper Divina gratia, ut det nobis velle & perficere pro sua voluntate.

AVARITIA.

Avaritia est idolorum servitus. Ephef. 5. Radix omnium malorum est cupiditas. 1. Tim. 6.

Beatus dives, qui inventus est sine macula. Ecclesiast. 31.

Ignis in domo impii, thesauri iniquitatis. Mich. 6.

Avaritia nec nominetur in vobis, sicut decet Sanctos. Corinth. 6.

Fornicatores, adulteri, & avari regnum Dei non possidebunt. Ibidem.

Definitio avaritiæ.

Avaritia est immoderatus amor habendi. Et in duos actus fertur vitiosos : Vel enim deficiamus in dando, vel excedimus in accipiendo (g). Et peccatum est mortale, quoties admittitur cum injuria proximi, vel contra charitatem Dei : veluti contra præceptum charitatis erga proximum, quia non satis est nihil alienum rapere, sed opus est etiam indigentiam proximi sublevare. Esurivi [inquit (b) Christus] & non deditis mihi manducare. Concupiscentia etiam inordinata rei alienæ peccatum mortale est, & contra legem Dei : Non concupisces rem proximi tui. Tesauroizatio etiam supra, quam necesse sit, aut in malum finem. Potest tamen aliquis sine peccato thesaurizare, ut parentes filiis & futuræ necessitati: quod opus est prudentiæ. Quin etiam ut in statu altiori possit Deo melius servire, juxta sibi datum talentum. Qui opes desiderat vel colligit, potest fieri, ut non peccet. Voluptas nimia & gloriatio in divitiis, peccatum est mortale, & idololatria, quam vocat Apostolus. Nam qui sic affectus est, (quoniam fidem, spem & dilectionem, quam Deo debemus, in pecunia collocat) pecuniam pro Deo habet. Quod cum plerumque contingat: ideo difficile est divitem intrare (i) in regnum cælorum. Cæterum licet prodigalitas avaritiæ opponatur, nihilo tamen minus peccatum mortale est prodigalitas: ut cum quis sine ratione, & cum damno alterius, & obligatione [qua ad aliud tenetur] neglecta, pecuniam effundit: sicut quidam Beneficiarii, qui bona pauperum, quorum curam habere deberent, in vanos usus prodigunt, peccant mortaliter.

Filiæ.

EX mala hac, corruptaque radice, mali fructus producuntur, nempe obdurnatio cordis, hoc est, inhumanitas & immisericordia erga egenos, inquietudo mentis, hoc est, desiderium acquirendi irrequietum, violentia, fraus, fallacia, perjurium, proditio. (k)

Simi-

(f) Greg. lib. 31. mor.

(g) Vide S. Tho. 2. 2. q. 118. & 119. & ejus com.

(b) Matth. 6.

(i) Matth. 19.

(k) Greg. 31. d. S. Tho. 2. 2. q. 118. art. 17

Similitudo.

MOrbus hic avaritiæ (qui in acquirendo infatiabilis est) comparatur hydropi: in qua quo plus sunt poræ, plus sitiuntur aquæ. Quatenus vero in erogando deficit, nec partis uti audet: avari opes similes habentur cenæ pollincturæ, ubi cum sint omnia lauta & splendida, & abunde apposta: sola tamen deest lætitia, propter quam parari solent epulæ copiosius. Quis enim sanæ mentis rideat in funere?

Consilium.

UT ergo cura hac & lethali morbo libereris, Christus monet, Luc. 12. Viderc & cavere ab avaritia, quia non est vita cujusquam in abundantia eorum, quæ possider. Scito, quod nihil attuleris in hunc mundum: nihil etiam auferes. Considera etiam, quod te Ecclesiasticus [1] monet: Multos perdidit aurum, & in specie ipsius perditio illorum. Nam qui volunt divites fieri [inquit (m) Apostolus] incidunt in tentationem & in laqueum diaboli, & desideria multa & nociva: quæ mergunt homines in interitum. Sed conare tantum in arte tua, & professione te diligentem præstare, & justum, & sine fraude: nihil tibi deerit. Filios tuos arte aliqua instrue: disciplinam exultimans certam & solidam hæreditatem. Fuge aleam & concertationes fortis. Si mercaturam exerces; scito pondus, & pondus, hoc est, imposturam omnem, odibilem esse Deo: quin & deprehensam ab hominibus exitio magno esse auroi suo. Potest tamen mercator propter utilitatem communem, & ad finem honestum (puta ad sustentationem domus suæ, vel pauperum) suam artem exercere, & tanquam pro stipendio laboris, vilius emere, & carius vendere; dummodo vitet monopolia, nec excedat rationem, quam dare potest tempus & locus: quia res una potest pluris æstimari, & minoris propter varias causas, si non excedatur communis & solitus valor: quem habere certum est aliquam latitudinem, nec in indivisibili consistere. Nam propter penuriam rei necessariæ ad vitam humanam (ut cibi, vestimenti, habitationis & similibus) pretium augetur. Res non necessarias, & ad solam voluptatem emptoris comparatas, & quas emptor non ignoret aliunde posse haberi [quia nulli fit injuria nec privatim, nec publice] vendi licet, quanti maximi possunt: alioqui enim, si aliunde haberi res possit minoris multo, (quia emptor deceptum postea se existimat) certe alteri fecisti, quod tibi factum nolles. Item propter damnum, quod

accipit ex venditione venditor, ut gratificetur amico, potest rem suam pluris facere: ne ex beneficio damnum faciat, re sua postea indigens. Turpe Lucrum etiam putato, si sine necessitate, sed sola cupiditate, tempore messis aut vindemiæ vilius emas, venditurus carius. Vocatur hoc monopolium. Denique abstineas ab omnibus illis contractibus, ex quibus solent homines ex divitibus & opulentis, fieri pauperes & egeni. Tales enim omnes sunt illiciti agentibus ex se, & patientibus damnosi. Hoc consilio fugies, usuram, versuram, cambia sicca, figuratas seu fictas venditiones, & similes omnes hîrundines patrimoniorum.

PECCATA CLAMANTIA
in Cælum.

Sunt quædam peccata, quæ ob insignem, manifestamque præ cæteris nequitiam ac perversitatem, clamare dicuntur in cælum: quasi iram, ultionemque Divinam accersentia. Ac nequæ unquam impune fiunt; nam clades omnes, bella, vastationes urbium, & populorum, in vindictam eorum, qui talia agunt, e cælo mittuntur. In Sacris Literis quatuor invenias. Sunt hæc: Homicidium voluntarium: peccatum Sodomiticum; oppressio pauperum; merces operarii retenta. De homicidio quidem Genes. 4. exemplum habes. Occiso a Cain fratre, dixit Dominus ad Cain, Vox sanguinis fratris tui clamat ad me de terra: de Sodomia autem Gen. 18. Clamor Sodomorum & Gomorrhæorum multiplicatus est, & peccatum eorum aggravatum, &c. De pauperum oppressione, Exod. 22. Advenam non contritabis, neque affliges, &c. Viduæ & pupillo non nocebis. Si læseritis eos, vociferabuntur ad me, & ego exaudiam clamorem eorum, & indignabitur furor meus, &c. De mercede denique retenta operarii, Deut. 24. Non negabis mercedem indigentis, & pauperis fratris tui, sed eadem die reddes ei pretium laboris sui ante Solis occasum, quia pauper est, & ex eo sustentat animam suam: ne clamet contra te ad Deum, & reputetur tibi in peccatum. Jacob. 5. Ecce merces operariorum, qui messuerunt regiones vestras, quæ fraudata est a vobis, clamat: & clamor eorum in aures Domini Sabaoth.

Homicidium nunquam relinquitur ultum. Unde scriptum est: Quicumque effuderit humanum sanguinem, fundetur sanguis illius: ad imaginem quippe Dei factus est homo. Et Christus Matth. 26. Omnes, qui acceperint gladium, gladio peribunt.

Viri

(1) Eccli. 8. & 31.

(m) 1. Tim. 1.

Viri sanguinum & dolosi non dimidiabunt dies suos. Erat olim in Ecclesia constituta pœnitentia homicidæ, ut nisi in exitu vitæ, non admitteretur ad communionem: sed in perpetua pœnitentia vitam transigeret. Sed postea relaxata fuit aliquantulum propter hominum infirmitatem ea pœna: & in Concilio Triburiensi, 40. dierum pœnitentia iungitur, nempe 40. illis diebus in pane & aqua & sale vivere: nudis pedibus incedere: lineis vestibus non uti: uxorem non tangere: vehiculo non ferri: cum aliis Christianis non communicare. Peracta hac pœnitentia, adhuc annum expectare oportebat, ut ad Ecclesiam accedere posset pœnitens. Nec ideo etiam ad Communionem admittebatur statim post annum: sed expectare rursus oportebat septem annos. Tum demum, si obediens inventus fuisset, Communione Sacræ Eucharistiæ frui dabatur, facta solenni reconciliatione. (n)

Sodomia, nefandum flagitium, quod natura etiam belluarum abhorret, non modo Lex (o) Divina, sed etiam Civilis [p] morte condemnat: Qui dormierit cum masculo coitu femineo, uterque operatus est nefas: morte moriatur. Si sanguis eorum super eos. Qui cum jumento & pecore coierit, morte moriatur. Pecus quoque occidite. Mulier, quæ succubuerit cuilibet jumento, simul interficietur cum eo. Sanguis eorum super eos. Hæc in lege Mosaica. Nunc igni traduntur, ne corpora eorum remaneant in natura, qui corporis naturam scelus abominatione corruerunt. Mollicies & immundicia omnis, grave peccatum est. Onam filius Judæ, qui ne prolem suscitaret fratri suo, semen fundebat in terram, pœnas dedit pro scelere: Gen. 38. Nisi Philosophorum quidam Cynicus extitisset (inquit (g) B. Hieronymus) qui doceret omnem titillationem carnis, & fluxum feminis, in qualicumque attritu, tactuque venereo, in tempore non vitandum: & nonnulli sapientes sæculi in hanc turpem & erubescendam hæresim consensissent: nunquam Apostolus ad fornicationem etiam omnem immundiciam copulasset, Ephes. 5.

Pauperum oppressio Judicum perverforum crimen est maxime, & omnium eorum, qui erga pauperes se reddunt immitiores, negando debita, vel exigendo crudelius. Contra quam inhumanitatem universa declarata Scriptura. [r]

Mercēs operarii retenta, effusioni sanguinis comparatur. Ecclesiast. 7. & c. 34. di-

cit: Servus sensatus sit tibi dilectus, quasi anima tua. Non defraudes eum libertate: neque inopem derelinquas. Et Tob. 4. Non morabitur opus mercenarii tui apud te usque mane.

STATUTUM I.

Homicidam sine nostra, vel Pœnitentarii nostri reconciliatione, nullus Presbyter ad Communionem admittat.

II.

Infantem qui opprimendo, vel aliter, extinxerit, mittatur in die Cinerum ad Ecclesiam Metropolitanam.

III.

Nefando flagitio Sodomix corruptos, ne quis tentet absolvere: sed remittantur ad Ordinarium.

DE USURA.

Quintum inter peccata clamantia in cœlum nonnulli ponunt usuram. Scribitur enim eodem c. 22. Exod. Si pecuniam mutuum dederis populo meo pauperi, qui habitat tecum, non urgebis eum, quasi exactor, nec usuris opprimes. Si pignus acceperis a proximo vestimentum ejus, ante Solis occasum reddes ei: ipsum est enim solum, quo operitur, indumentum carnis ejus. Si clamaverit ad me, exaudiam eum: quia misericors sum. Detestantur autem Sacræ Literæ Usuram multis (s) in locis: & gentibus omnibus invisa semper fuit. Fur apud Romanos cum dupli pœna puniretur, fœnerator quadrupli fiebat reus, Catone teste, qui & apud Ciceronem, hominem occidere, esse ait fœnerari.

Dicitur usura ab usu, respectu quidem ejus, qui re mutuo accepta utitur: Fœnus autem, a fœtura, (quasi fœnum) respectu fœneratoris. Namque sicut dormienti Domino fœnum in prato succrescit; sic dormienti fœneratori fœnus in usura. Græcis dicitur *τὸ σπέρμα*, a gignendo. Quod cum contra rei naturam sit, ut metalla pariant: non mirum videri debet, quod femina nunc terræ nihil producant, vigentibus passim in populo usuris. Hæc eadem dicitur Hebræis nefech, id est, morsus. Quam metaphorum videtur non ignorasse Græcus Aristophanes

(n) Conc. Ancyr. c. 22. Epan. c. 31. Conc. Tribur. c. 54. 55. 56. 57. 68.

(o) Lev. 20. Exod. 22.

(p) L. Cum vero nubis, ca. Ad leg. Juliam de adul.

(g) Hier. in c. 5. ad Eph.

(r) Esa. 1. Zac. 7. Jer. 27. 29. Psal. 95.

(s) Exod. 22. Levit. 25. Deut. 23. 29. Nehem. 5. Psal. 14. 54. 71. Prov. 28. Ezech. 18.

phanes; quando Strepfidem, fœnore prefum, inducit subinde exclamantem in lecto, morderi se ab usuris, & excitari a fœmno. D. Chrysostomus pariter in Matth. c. 5. Similem esse ait morsui Aspidis. Nam qui ab aspide percutiuntur, præ voluptate fœmno se dedunt, & cum suavitate fœporis moriuntur, veneno serpente per membra oïnnia dormientis; sic qui mutuum accepit sub fœnore, beneficium quidem aliquantisper sentit, sed usura per ejus facultates interea grafando, omnes consumit, & in se convertit. Sed ut Curati miseros ab hoc ære alieno deterreant, legant Homil. Basilii, in Psal. 14.

Verum quia ignorare non decet eosdem, an liceat dare unquam sub usura, vel censu aliquo: scito aliter paulo sumi hoc nomen a Theologis (præsertim Scholasticis) quam a legum Professoribus. Hi quidem largius accipiunt, pro accessione, vel augmento successive appositò fortè principali pecuniæ (vel rei alterius) debitæ secundum proportionem sortis, & temporis, seu moræ, sub qua ratione redditus & pensiones omnes collocant. Theologi autem omne pretium constitutum pro mortuo (sive semel solvendum, sive successive, id est, sive præstituta die, sive non præstituta) usuram vocant, eamque generaliter condemnant. Dicitur enim in Conc. Agath. usuram esse, ubi amplius requiritur, quam quod datur. Et August. in Psalm. 36. Si plus quam dederis, expectes accipere, fœnerator es: quicquid illud sit, sive pecunia, sive vinum, sive triticum. Negare autem hujusmodi usuram non esse peccatum, hæresis est jam damnata in Conc. Vien. sub Clemente V. Nam ratio justitiæ vetat, ut pretium de nihilo accipias: de usu scilicet rei, quæ usu consumitur. Qui equum locat, vel domum, rei locatæ usum tradit, sed non dominium: ideo potest pro usu earum rerum aliquid exigere. Qui vero pecuniam, vel rem aliam usum absumendam; sibi nihil reservat. Perit enim res ipsa cum usu suo, & usus una cum re ipsa. Et fieri quidem necesse est, ut qui acceptis decem aureis (verbi gratia) obligatur ad reddendum ultra fortem, quinque: is obligetur ad reddendum eandem summam bis; quod iniquum est. Si dices, gratiam referendam esse pro beneficio, concedo: sed gratis referendam, non pacta mercede: alioqui certe gratia non erit, sed mercatura perversa, & rapina. Tantum hoc distat a consilio Christi, [x] ut ne idem, vel æquale ejus quidem, quod mutuo dederis, expectandum consulat. Nam & Ethnici hoc faciunt, æqualia tantum expectantes. Tu gratiam

vendis? Ubi Christiana perfectio? ubi charitas? Dices adhuc: Si malum esset ex se, non permetteretur in lege [u] Mosaica, ut extraneis fœnerarent Judæi. Hoc argumentum se ipsum evertit. Nam quod permittit lex, de se bonum non videtur. Permisit libellum repudii: permittuntur in civitate lupanaria: sed ad evitandum majora mala. Dices adhuc; Gratiam referre vult amicus. Potes accipere: sed vide, ne vel ille referat invitus; vel tu remunerationis spe mutaveris. Nam si sic, non evades crimen usuræ: saltem mentalis. Sit regula generalis: Si contractus habet rationem mutui, propter quod promittatur aliquod pretium: dicito usurarium. Sed aureorum summam potes commodato dare amico, ad ostentationem, vel ad alium usum, constituto pretio: non tamen erit mutuum; quia non transulisti ejus dominium. Contractus quoque societatis non transferunt dominium: quoniam societatis pecunia sociorum periculo perit. Ob hanc causam non licebit tibi pecuniam conferre in societatem, ea conditione, ut tibi salva maneat capitalis. Videlicet, ut non exponatur tuo periculo, sicut sociorum. Sic enim non societas esset, sed mutuum. Eadem causa, si oves vel armenta des in societatem, & Pastori imponas subire periculum earum, usurarius diceris.

Atque hæc quidem hæctenus Theologice. Legistæ autem census etiam omnes & redditus, sub usuris ponunt. Horum alii reales sunt (ut qui supra rem certam fundati: vulgo vocant fœncias rentas) alii personales: qui personæ generali obligatione bonorum contrahuntur. Hos nostri vocant rentas viagerias, alii vagas, alii volantes. Alii sunt fœneratorii redditus omnino: qui supra pignus constituuntur. Quanquam vero legibus Civilibus non prohibeantur absolute atque simpliciter usuræ: non permittuntur tamen omnes, nec omnibus eadem. Quin infames habentur, qui usuras usurarum sumunt, vide propterea ff. de Usuris. l. Placuit. & l. Uti nullo. C. & l. Improbum. & l. Quibus causis. & l. Eos.

Genus hoc superfoetantium usurarum, lex Civilis improbum scenus nominat: Græci ἀνάλκυστον: nostri tocomoron, Græce: id est, usuræ insaniam: peccatum sane gravissimum, & in republica non ferendum omnino.

Erant autem licitæ usuræ centesimæ, quæ & dragmales dicebantur: pendentes videlicet singulis mensibus unum, pro centum mutuo acceptis: Fructificabant hæc 12. pro 100.

(x) Luc. 6.

(u) Deut. 23.

100. in annos singulos. Sed non concedebantur, nisi in negotiis trāiectilis: tanquam prēmium periculi perdendæ fortis in mari. Censebantur enim gravissimæ omnium: idcirco finito negotio, cessabant. Mercatoribus autem, actu mercaturam facientibus (lucri cessantis causa) concedebatur centesima hujus, bes: nimirum, quæ in annos redderet 8. pro 100. Nobilibus vero, trientantum, id est 4. aliis semis, id est, 6.

Personarum distinctio optimo jure facta fuerat. Siquidem mutuandi inter cives liberalitas, atque beneficentia, optanda est in societate humana. At vero æquum non est, alterum alterius damno ditari. Quod sane fieret, nisi pro damno, & (ut vocant) interesse creditoris, aliquid debitor refundere. Pensanda igitur fuit personarum differentia: & quibus præsentis pecuniæ usus magis necessarius est, (vel damni emergentis causa, vel lucri cessantis) his plus debeatur, quam aliis. Exemplum esto damni emergentis: Paratam si habeo pecuniā ad reparandum ædes meas, quæ ruinam imitantur, vel ad comparandum triticum, alimentæ familiæ necessarium: tuque interea precibus a me extorques mutuam illam pecuniā: & ædes ruunt, vel annona fit carior: beneficium certe meum mihi in damno erit. Pariter lucrum mihi cessabit, nisi pecuniā reddas in tempore, quo mercaturā sum facturus. Nemo autem tenetur de proprio facere beneficium, & ex suo damno commodare facere aliena. c. Precariæ. 10. qu. 2. & 2. Cor. 8. Non ut aliis sit remissio, vobis autem tribulatio.

Ex definitione igitur Legistarum colliges, quid differat usura Theologorum a legali. Hæc siquidem successive debetur secundum proportionem fortis capitalis & temporis, uti diximus: sive annuatim, sive mensuatim. Et duplex quidem reperitur: una, quæ jam pene exolevit, licet concessa olim: altera, quæ nunc in usu est, vocatur census, & redditus, & renta vulgo. In illa obligabatur debitor ad reddendam sortem cum usuris: in censu, ad solvendas usuras tantum: non sortem, nisi velit redimere obligationem: quia pecunia fortis integre alienatur hic per emptionem census. Item usuræ illæ, cum primum æquabant sortem, cessabant: census sunt perpetui.

Hinc orta quæstio inter Doctores, an liciti essent census isti personales, & rentæ volantes. Fuerunt enim, qui damnarent: videntur enim non minus iniqui, quam contractus alii usurarii: quia non minus contraturam pecuniæ in his nummi emuntur nummis, & pecunia pro pretio pecuniæ datur, quam in illis. Imo (quod gravius est) in

his accessio procedit infinite: in illis æquata sorte finitur. Cæterum Martinus V. & Calixtus III. Pontifices Romani, licitos responderunt. Nam si obligare me possum ad solvendum pensionem aliquam: cur vendere obligationem non potero? Si cum pacto redimendi sortem obligarer, non venditio certe esset, sed mutatio cum fenore. Cum igitur compertum fuerit expedire reipub. ut aliquid detur mutantibus ad compensationem usus alienæ pecuniæ: census hæc obligatio, (usura honestior ratio) inventa est: per emptionem, & venditionem redditus annui, redimibilis perpetuo a debitore. Sed cave tu lector, ne hinc pallium sumas improbæ usuræ. Deus videt omnia. Leges quoque municipales, ne licentia hæc emendi census perpetuos, alimentum daret avaritiæ, limites posuere, quos impune non transibis. Carolus V. Imperator memoriæ æternæ, ne excederet 8. pro centum, cavuit in Burgundia. Antea defuncti fuerant in Francia ad duodecimam fortis.

Frumentarios autem census, qui pro pecuniā constituti fuerunt; quia variante subinde caritate, varie taxari contingebat a iudicibus, ut intra limites legis determinarentur: sanctum fuit in Gallia, ut optio sit debitoris solvere in ære ad duodecimam partem sortis; vel in tritico, quantum tritici est in obligatione. Apud alios remissa est ad decimam quartam. Quod si debitor per aliquot annos cessaverit solvere: non propterea tenetur ad pœnam quanti plurimi: (fieret enim nova accessio in rebus accessoriis, quod lex vetat) sed reductio fiet ad communem æstimationem totius temporis moræ.

Ex his Curati decident multos casus conscientiæ. Usurarium dicent cum, qui emendo censum 8. librarum pro centum, statim retinet octo, primæ pensionis. Nam tanto minoris emit, quam lex permittit.

Omnis quoque conditio redimendæ fortis intra tempus certum (quomodoque coloretur) usuraria est: & in sortem numerari facit soluta jam arreragia. Pacifici tamen cum debitore, quod nisi præstito die sortem restituat, teneatur ad censum (modo id ne fiat in fraudem regendæ usuræ) nihil prohibet. Non tenetur enim cum injuria, pecunia sua carere creditor invitus. Quare distinguere solent hic Doctores: Si lucratória est usura, vel compensatoria, vel punitoria: Lucratória damnant: quia lucrum tantum causa contrahitur. Compensatoria iusta est, si lucrum cessantis vel damni emergentis iusta insit causa. Punitoria vero non ob lucrum creditoris, sed propter moram debitoris infligitur.

Si

Si rem fructiferam pignori accepisti, teneris fructus reddere, deductis tamen expensis. (x) Parum namque differt a turpissimo, Judaicoque scœnore, quo pignore dato pecunia sumitur ad usuram.

Vendere carius justo, expectandæ solutionis causâ: vel vilius vendere, anticipatæ usuræ est: si non formalis, at certe interpretativa. (y) Sed pretia rerum scito non consistere in indivisibili: ne temere hic iudices de iustitia vel iniustitia pretiorum.

Uno igitur verbo dices omnes contractus usurarios quocunque pallio tegantur, qui vel censum majorem imponunt debitori, quam de jure emi concessum est: vel ad restitutionem obligant fortis, nullo damno emergente, vel lucro cessante creditori.

De monte pietatis dubitarunt nonnulli: nam a formali usura non videtur differre. Sed Pius II. Papa, & Concilium deinde Lateran. sub Leone decimo approbarunt. Et habita quidem fuit ratio tenuitatis usurarum, quæ sunt unum pro viginti: deinde, quod nihil hic lucri faciat creditor. Omnes enim fructus in hospitalis, & pauperum usum infumuntur. Sed ut intelligas hæc, Præfecti hospitalis pecuniam pauperum his duabus conditionibus locant. Prima, ut debitor pignus det sufficiens: altera, ut id vendi possit intra tempus. Et usuræ currunt mensuræ, duodecimæ partis vigesimæ.

Dicit forte aliquis: Si peccatum est in his, peccabit ergo, qui mutuum accipit, Causam namque peccandi dat: qui autem consentiunt facientibus, non modo qui agunt, digni sunt morte. Rom. 10. Ad hanc quæstionem distinguunt aliqui, Si alter paratus non est dare scœnori, non licet eum ad hoc inducere: si vero paratus est, licet. Quia uti alieno peccato in bonum non prohibetur. Sicut iudex juramento per falsos Deos utitur hominis infidelis. Urgebis forte adhuc, Non sunt faciendæ malæ, ut eveniant bona. Ad hoc respondimus supra, Tit. De peccato. Pœnas porro usurariorum habes apud Sylvest. usura.

STATUTUM. I.

USurarii ne absolvantur, nisi facta prius restitutione lucri excedentis & iniqui: vel certe serio promissa.

DE PECCATO IN SPIRITUM SANCTUM.

Peccatum in Spiritum Sanctum gravissimum est, quod Salvator noster, nec in hoc sæculo, nec in alio dicit remitti: & Johannes: Est peccatum ad mortem: non pro illo [inquit] dico, ut roget quis. (z)

Sex ponuntur species peccati in Spiritum Sanctum, quæ & peccata Blasphemiae appellantur, & irremissibilia: non quod remitti non possint, aut quod omnino non unquam remittantur a Deo, si quis perfectam de his contritionem habeat: [Deus enim nemini suam misericordiam negat contrito] sed ideo dicuntur irremissibilia, quia ex se peccata huiusmodi contra causam & rationem veniæ pugnant, quæ est pœnitentia: & Spiritui Sancto, qui fons est misericordiæ, adversantur. Sunt autem hæc:

1. Præsumptio: qualis hæreticorum, qui putant se absque ullis meritis salvari: Deo iustitiam detrahentes.

2. Desperatio de misericordia Dei: qualis Judæ proditoris, & Cain.

3. Impugnatio veritatis agnitæ: qualis fuit Judæorum, qui opera Christi manifestissime tribuebant principi dæmoniorum. Talis etiam fuit Iamæ & Mambæ, qui Moysi restiterunt: talis etiam hæreticorum, qui nolunt veritatem intelligere.

4. Invidentia fraternæ gratiæ. Hac primus Cain diabolum (cujus invidia peccatum in mundum introivit) imitatus est, moleste ferens fratrem suum a Deo diligere. Saul contra Davidem: quia videret, quod esset Dominus cum David. Item omnes, qui piorum hominum sanctam conversationem criminantur, & quæ dona Spiritus sunt Sancti, perverse & malitiose interpretantur.

5. Obstinatio in peccato: ut qui perseverant in peccato, & statuunt ab eo, non desistere in futurum reiectis omnibus admonitionibus: ut populus Israeliticus, quando ductus est in captivitatem. 4. Reg. 14.

Item Sedechias, qui non erubuit faciem Prophetæ, loquentis ex ore Domini. 2. Paral. 36.

6. Finalis impenitentia. Hæc nunquam de peccato pœnitere statuit: ut qui gloriatur cum malefecerint, & exultant in rebus pessimis. Hos solet mors cum æter-

III

(x) C. 1. de Usu. (y) S. Tho. 2. 2. q. 78.

(z) Theod. in 2. Sent. d. 43. March. 2. Marc. 3.

na damnatione interciperet. Talis forte Herodes Agrippa, Act. 12.

Ex his pater unum esse proprie, & per se, peccatum irremissibile, finalem impœnitentiam: reliqua, non nisi in quantum ad hanc pertinent, & in hanc definiuntur, vocantur irremissibilia. Illa enim ante vitæ finem deleri possunt per pœnitentiam: quamquam difficulter, quia, uti diximus, contra causam veniæ pugnant, arque ab ea longe recedunt, quæ est pœnitentia. Siquidem peccatum ex ignorantia (quod contra Filium Dei comitti dicitur) remissibile est: quia errore cognito, sequitur pœnitentia. Quod ex passione, & animi impotentia contra Patrem patratum est: extincta passione, & quasi luce Solis depulsa caligine, damnata recta ratio. At vero, ubi hæc desunt, in Spiritum Sanctum peccatur: & pœnitentiæ raro locus conceditur. Quoniam melius hic nihil videtur: & respicientiæ viæ omnes fere obstruuntur ei, qui ex certa scientia male agit, nec facinoris sui damna sentit.

DE GRATIA SPIRITUS Sancti.

Gratia Dei, inquit D. Aug. (a) donum Dei est: donum autem maximum ipse Spiritus Sanctus est: & ideo gratia dicitur, quia gratis datur. Sed duplex gratia ponitur a Theologis. Una dicitur gratis data, alia gratum faciens. De illa dicit Apostolus, (b) Divisiones gratiarum sunt: idem autem Spiritus. Et sequitur: Alii quidem datur per Spiritum sermo sapientiæ, alii sermo scientiæ secundum eundem Spiritum, alteri fides in eodem Spiritu, alii gratia sanitarum in uno Spiritu, alii operatio virtutum, alii Prœphetia, alii discretio spirituum, alii gratia linguarum, alii interpretatio sermonum: hæc omnia operatur unus atque idem Spiritus, dividens singulis prout vult.

Alia, quæ dicitur gratum faciens, Dei charitatem significat, & benevolentiam: per quam homo iustus fit, & regno cœlorum dignus. Huic peccata omnia mortalia cedunt. Hæc arrhabo Spiritus Dei dicitur ad Corinthios; [c] id est, pignus futuræ gloriæ. Et ad Rom. 5. Spes autem non confundit, quia charitas Dei diffusa est in cordibus nostris, per Spiritum Sanctum, qui datus est nobis.

Datus autem Spiritus Sanctus est in die (d) Pentecostes visibiliter. Datus nobis est deinceps singulis, in Baptismo, & Confir-

matione. Datus etiam Apostolis (e) post resurrectionem: quando insufflavimus, & dixit: Accipite Spiritum Sanctum, quorum remiseritis peccata, &c. Verum cum sit Spiritus Sanctus Deus, (Credimus enim in Spiritum Sanctum, qui ex Patre Filioque procedit, qui cum Patre & Filio simul adoratur: & ita definitum in magnis illis 4. Conciliis fuit, Nicæno, Constant., Ephesino, & Chalcedonensi: quia baptizari nos Christus iussit in nomine Patris, & Filii, & Spiritus Sancti: & Ananiam mentitum Deo pronuntiavit Petrus (f): & 1. Cor. 3. corpora nostra Tempia Spiritus Sancti dicuntur) quæstio aliquando mora fuit, quomodo datus nobis est Spiritus, in substantia suæ, an in donis suis, & charismatibus?

Bessarion Cardinalis, genere Græcus, Latine doctissimus, plurimis Sanctorum Patrum autoritatibus & scriptis probare nititur, eum ipsum Spiritum Sanctum, quem certam in Trinitate personam credimus, vere & realiter habitare in nobis, non tantum per charismata, sed per substantiam. Et adfert præcipue verba Cyrilli in epistola septima ad Hermiam, qui ad gratiam Spiritus omnia referebat, quæ de hac re dicuntur. Et inter alia verba Patris Cyrilli, hæc subdit: Si gratia esset distincta a substantia Spiritus, dixisset sane Moyses: Sufflavimus Creator, omnium gratiam per Spiritum vitæ: & Christus dixisset, Accipite gratiam per mysterium Spiritus. Sed illic dictum est, Spiritus vitæ: hic vero per Salvatorem: Spiritus Sanctus, ipsum procul dubio Spiritum credentium animabus emittentem. Postea, Tempia vero Dei, nec non dii & vocamur & sumus: Qua de causa quæras ab adversariis: si gratia participamus nuda & non subsistente? At non ita se veritas habet. Tempia namque existentis & subsistentis Spiritus sumus. Idem in Joan. c. 1. Si Deus ex Deo secundum naturam, & Spiritus, quo & per fidem in Christo participamus, dii nos etiam efficitur, tanquam jam in nobis habentes Deum, secundum illud, Inhabitabo & inambulabo in eis. Quo namque modo Tempia Dei esse mus, nisi Spiritus natura Deus esset? Hæc ex Bessarione. Videntur autem & plerique antiquorum in hac fuisse sententia: maxime Basilus, quem idem Bessarion adfert dicentem, insufflatum Spiritum a Christo discipulis, qui & cum Patre & Filio commorabatur in creatione. Et libr. 3. contra Eunomium: Principatus, & Potestates, & omnis creatura, cum ex attentione & diligentia sanctificatæ sint, non jure naturæ sanctæ dicerentur. Appetentes enim bonum secundum amoris,

(a) De verb. Domini, ser. 61. & de gratia & lib. arb. cap. 9.

(c) 2. Cor. 5.

(d) Act. 1.

(e) Joan. 20.

(b) 1. Cor. 12.

(f) Act. 5.

quem ad Deum habent, proportionem, sanctitatis mensuræ participant : & sicut ferrum, quod in medio ignis jacet, ferri naturam non amisit, vehementi tamen ignis actione ignitum, cum universam ignis naturam in se ipsum acceperit, & colore & actione ad ignem transit: sic sanctæ. Virtutes ex communicatione, quam cum illo habent, qui natura Sanctus est, per totam suam substantiam acceptam jam & quasi innatam sanctificationem habuit: diversitas tamen ipsius a Spiritu Sancto est, quod Spiritus natura Sanctus est: illis vero participatione inest sanctificatio. Postea pergit probare Spiritum Sanctum esse Deum, ex eo, quod D. Joannes (g) scribit: Ex hoc scimus, quod in nobis est, ex Spiritu, quem dedit nobis. Nam si Deus dicitur habitare in nobis per Spiritum, non est ergo expers Divinitatis Spiritus. Similia multa reperias apud eundem: Et quidem nisi diligenter & cum iudicio tractes, error videatur Eunomii, & eorum, quos vocarunt pneumatomachos: qui Spiritum Sanctum dicebant esse creaturam, non Deum, nisi abusive, propter energiam, id est, efficaciam. Dicebant enim hæretici illi solam esse virtutem sanctificativam. Refert Epiphanius, qui etiam locis quibusdam dari nobis Spiritum Sanctum opinatur, Deum verum adorandum, & per Spiritum ipsum dona: veluti scientiæ, sermonis, sanitarum, prophetiæ. Hæresi enim 74. lib. 3. sic loquitur de Spiritu Sancto: Non alienus sanctificationis, non distans nomenclatura, non alienus doni: Sed unus Deus, una fides, unus Dominus, &c. D. Augustinus (h) ejusdem plane videri fuisse sententiæ: maxime in lib. de Trinitate. Cujus auctoritate subnixus (i) Magister sent. eum ipsum sensit Spiritum Sanctum (qui a Patre, Filioque procedit) nostram esse charitatem, & dilectionem, qua Deum diligimus. Loca vero Scripturarum, quæ pro hac faciunt, multa sunt: maxime 2. Corint. 6. Quis autem consensus Templo Dei cum idolis? vos enim estis Templum Dei vivi, sicut dicit Deus: Quoniam inhabitabo in illis, & inambulabo inter eos, & ero illorum Deus. Id enim nisi de Spiritu Sancto nequit intelligi. 1. Joan. c. 4. In hoc cognoscimus, quia in ipso manemus, & ipse in nobis, quia de Spiritu suo dedit nobis. Item, Vos ex Deo estis filii, & vicistis eum, quoniam major est, qui in vobis est. Et rursum, Deus enim charitas est: & qui manet in charitate, in Deo manet. Joan. 7. Nondum erat Spiritus datus, quia nondum JESUS erat glorificatus. Et c. 14. ubi loquitur de Spiritu Paraceto: Vos autem cognos-

cetis eum, quia apud vos manebit, & in vobis erit. Rom. 8. Non enim accepistis Spiritum servitutis iterum in timore, sed Spiritum adoptionis Dei, in quo clamamus Abba Pater: & ipse Spiritus postulat pro nobis gemitibus, &c. Atque hæc quidem satis pro illa sententia.

Ambrosius (k) autem aperte docet Spiritum pro gratia spirituali poni: sicut Apostolus dicit, Spiritus postulat pro nobis, &c. Licet idem habitare dicat in nobis Deum Patrem, & Deum Filium: sicut dicitur, Ad eum veniemus, & apud eum mansionem faciemus. Chrysost. hom. de Spiritu Sancto, ait: Quando Spiritus Sanctus dicitur mitti, non de Divinitate est sermo, sed de donis ejus: non enim mittitur Divinitas, nec Filius dicitur missus a Patre secundum Deitatem. Probat ex Luc. 24. Manete in Hierusalem, donec induamini virtute ex alto. Hieronym. ad Hedibiam prorsus de gratis Spiritus Sancti ea intelligenda putat: ut cum Apostolus dicit, Spiritum nolite extinguere, & similia. Nec alium modum agnoscit schola. Nam si dicitur nobis datus Spiritus Sanctus, aut procedere in creaturam: creatura certe non habet rationem subiecti: ut sic nobis detur, vel ponatur in nobis, sicut calor in corpore. Cum sit enim Christus Sanctus ipse suppositum, & res per se subsistens, nec in subiecto dicitur, nec datur in unitatem simplicitatemque suppositi: Quid enim id aliud esset, quam alia Spiritus Sancti incarnatio? Datur ergo nobis Spiritus, per donum aliquod spirituale: & merito est rejecta opinio Lombardi, (l) qui Deum ipsum esse senserat charitatem & dilectionem, qua Deum diligimus: cum sit Dei donum potius, & doni donum, ut Aug. loquitur 15. de Trin. c. 19. Quia Spiritus Sanctus donum dicitur. Datur autem Spiritus Sanctus, rei amati director, & gubernator, & protector: qui custodit, dirigit, protegit, docet, tanquam tutor pupillum, quem suscipit. Sic datur nobis. Et uno quidem modo per gratiam, alio per auxilium externum, & favorem. Priori modo Beseleel (m) architectus tabernaculi, impletus fuit Spiritu Dei, sapientia, & intelligentia. Per favorem Christus nobiscum est usque ad consummationem sæculi. Utroque modo fuit cum Stephano, qui plenus gratia, & Spiritu Sancto, faciebat &c. Habitat etiam per fidem (n) in cordibus nostris: tam quia fides Dei donum est, quam quia per fidem recolimus Dei memoriam in animis nostris, sicut habere in animo dicimur, quem amamus. Ac de hac quidem

O 3

quaestio-

(g) 1. Joan. 3. & 4.

(h) Lib. 7. c. 7.

(i) Magist. lib. 1. d. 17.

(k) Ambr. lib. 3. de Spir. S. cap. 12. Tom. 5.

(l) Dist. 17. l. 1. sent.

(m) Exod. 31.

(n) Ephes. 3.

quæstione hætenus. Et Sanctos illos Patres, qui aliter videntur loquuti, puta ad asserendam Spiritus Sancti Divinitatem ea attulisse. Non quod sentirent, donum Spiritus Sancti esse Deum: sic enim creatura esset, non Creator.

Est ergo gratia qualitas quædam spiritualis, a Deo creata in anima nostra, & habitus infusus a Deo in animæ potentia. Nam si ex odio in amorem, vel ex amore in odium venimus Dei: id non mutatione aliqua fit Dei, sed nostri. Ego Deus, [o] inquit, & non mutor. Vocatur hæc gratum faciens iustitia: quia per eam iustificatur homo formaliter. Dicitur pignus vitæ æternæ: quia gratia Dei vita æterna. Et quia solus Deus est, qui iustificat impium per gratiam: ideo & a solo Deo gratia confertur. Gratiam & gloriam dabit Dominus, inquit [p] David. Ex quo fit, ut opera nostra in gratia facta, meritoria sint vitæ æternæ. Dicunt non differre a charitate realiter, quia Dei amor est: & Deo charum reddit, qui eam habet. Dicitur libertas, quia liberat a servitute Diaboli, & peccati. Dicitur, sicut supra docuimus, Spiritus Sanctus, quia donum est appropriatum tertiæ personæ in Trinitate. Unde & Templâ efficitur Spiritus Sancti. Quare cum peccato mortali esse nunquam potest: quis enim consensus Dei cum idolis? Alia dona possunt. Quo fit, ut docet Aug. [q] ut quidam indigni vita æterna & regno cælorum, aspergantur tamen quibusdam Spiritus Sancti muneribus, non habentes charitatem: sed nihil eis profunt.

Dividitur rursus Gratia Dei a D. Augustino [r] in prævenientem, & subsequenter, seu cooperantem. Nam sine Deo nihil boni possumus, inquit, neque incipere, neque perficere, ut incipiamus, enim dictum est: Misericordia ejus præveniet me: ut perficiamus, dictum est: Misericordia ejus subsequetur me. Bonum propositum hominis adjuvat subsequens gratia: sed nec ipsum esset, nisi præcederet gratia. Esa. 26. Omnia opera nostra operatus es in nobis Domine. 1. Cor. 15. Non ego, sed gratia Dei mecum. 1. Cor. 3. Dei enim Coadjutores sumus. 1. Cor. 2. Nemo potest dicere Iesus, nisi in Spiritu Sancto. 1. Cor. 3. Non quod simus sufficientes aliquid cogitare ex nobis. Joan. 6. Nemo potest venire ad me, nisi Pater meus traxerit eum. Rom. 10. Non est volentis, neque currentis, sed miserentis Dei. Sequitur ergo, ut postquam ex Dei gratia boni quippiam agere cœperimus: si-

ne ejus gratia, specialique auxilio, non possimus in bono perseverare. Idcirco idem Apostolus, Phil. 2. Deus est, qui operatur in nobis velle, & perficere pro sua voluntate. Atque hæc est Catholica doctrina.

Sed insurgunt hic male sani homines. Si sine Dei gratia bene agere non possum, frustra ergo quæritur. Nemo peccat in eo, quod vitare non potest. Quali vero non paratus semper sit Deus ad ferendam opem. Ego ad ostium sto, & pulso, ait, Apoc. 3. & Proverb. 1. Vocavi, & renuistis: depexistis omne consilium meum. Dic fodes, si in foveam imprudens delapsus esses, ex qua non posses exire per te ipsum: alio quopiam tibi porrigente manum, per quem posses: opem respuendo, nonne esses accusandus? Si Divinæ admonitioni, vel inspirationi, vel attractioni non consentis: per te profecto stat, quo minus recte agas. Perditio tua ex te Israel, tantum auxilium tuum ex me. (s)

Nec si indurare aliquem aliquando dicitur Deus, id per se & proprie interpretemur. Deus enim intentator malorum est. Alioqui peccaret ipse, qui causa peccandi esset: & culpa careret homo, qui non libera voluntate ageret. Verum indurare corda sic dicitur, sicut indulgentia nimia parentes sæpe faciunt deteriores suos liberos. Et sol eodem calore indurat lutum, & emollit ceram. Hæc sententia est (t) Origenis, Basilii, Chrysostomi, Hieronymi, atque aliorum. Quamquam peccatorum tanta aliquando existit gravitas, ac multitudo: ut gratiæ mereatur omne auxilium amittere. Eam ob rem tradi deprehenduntur aliqui in reprobum sensum: quia sublata gratia [quasi liberi habentur] in omne flagitium ruunt præcipientes. Psalm. 80. Dimisi eos secundum desideria cordis eorum: ibunt in inventionibus suis. Tertull. contra Marcion. l. 2. Greg. in Job. 30. c. 11. & Aug. passim.

DE GRATIA PRÆDESTINATIONIS, & REPROBATIONE.

Disputationi de gratia iusti hominis, & obduratione peccatoris proxima est de prædestinatione ac reprobatione. Locus sane arduus & difficilis, nec parum periculosus. Sed quia hæc transeundum nobis est, eum nos cum Dei auxilio ita prætercurremus, ut quæ tutò dici possint, in illis sententiam libere ponamus: cætera ad Ecclesiæ deter-

(o) Malach. 3.

(p) Psal. 83.

(q) August. ad Simpl. lib. 2.

(r) Aug. lib. 2. contra epi. Pelag. c. 9.

(s) Hiere. 17.

(t) Orig. Periarch. lib. 3. Basil. hom. 9. Hexa. Chrys. in 9. c. Ro. Hieron. in 7. Ecclesi.

determinationem remittamus : cujus est de dubiis certos reddere credentes. Ac tota quidem hujus rei difficultas, ex duabus sententiis existit. Una est, quæ causam nullam agnoscit in homine, vel salutis, vel damnationis. Altera ex diverso, merita esse prævisâ ab æterno tener, cur a Deo alii electi fuerint, alii reprobat. Quæ autem suadent priorem, multa sunt. Probat enim nos esse in manu Dei, non secus quam lutum in manu figuli. Sed multa secum fert incommoda ea opinio. Tollit enim liberum arbitrium : acceptionem personarum in Deo probat : obscurat Dei misericordiam : inducit denique Atheismum, & Epicuræorum impietatem confirmat. Ex altera resurgit Pelagiana hæresis. Namque salutis, ac damnationis cujusque causam refert ad liberum hominis arbitrium, ut ille.

Pro illa tamen stant, quæ scribit Apostolus ad Rom. 9. De Jacob & Esau : qui anrequam nati fuissent, aut aliquid boni egissent, aut mali, dictum est, Jacob dilexi, Esau autem odio habui. Et Rom. 8. Diligentibus Deum omnia cooperantur in bonum, iis, qui secundum propositum vocati sunt sancti. Nam quos præcivit & prædestinavit, &c. & sequitur epiphonema : Si Deus pro nobis, quis contra nos? cap. 9. Nunquid dicit figmentum e, qui se fingit, Cur me fecisti sic? idem Deuter. 32. & Hierem. 9. Item Rom.

11. Reliquiæ secundum electionem gratiæ salvæ factæ sunt. Ephes. 1. Elegit nos ante mundi constitutionem. 2. Timoth. 1. Vocavit nos, &c. non secundum opera nostra, sed secundum propositum, &c. & c. 2. Firmum fundamentum Dei stat, novit Dominus, qui sunt sui. Exemplum quoque de vasis aureis & fictilibus, quam vim habet apud aliquos? quamquam similitudo illa parum juvat, si legas, quod sequitur: Si quis mundaverit se ab istis, fiet vas in honorem. Addunt c. 1. ep. 1. Petri : Benedictus Deus, qui, &c. Matth. 11. Ita Pater: quia sic placitum ante te. & 13. Ut videntes non videant. Joan. 6. & 8. Omne, quod dat mihi Pater, &c. & 15. Non vos me elegistis, sed ego, &c. & 17. Manifestavi iis, &c. nec orat, nisi pro iis, quos &c. Exod. 4. Et sequentibus narratur obduratio Pharaonis. In Psalmis multa sunt & in Esaia. [u] Ecclesiast. 7. Nemo potest corrigere, quem Deus despexit. Proverb. 16. Omnia propter se operatus est, etiam impius. Sapient. 4. Raptus est, ne malitia, &c. Alia multa præter hæc asserri possunt, quia voluntati ejus quis resistit?

Sed ex altera parte ubique clamant Scripturæ non esse personarum acceptorem Deum. Quod si sic, cur hunc magis, quam illum

eligit? Item 1. Timoth. 2. dicitur velle omnes homines salvos fieri. Et additur ratio, quia unus Deus, unus & mediator Dei & hominum, Christus Jesus. Ergo si multi pereunt, peccatum in causa est, cum sit stultorum infinitus numerus. Matth. 23. Quoties volui congregare, sicut gallina pullos suos, & nolui. Luc. 19. Venit salvum facere, quod perierat. 2. Petr. 3. Non tardat Deus promissionem suam, sed patienter agit propter vos, nolens aliquos perire. Genes. 4. Si bene egeris, recipies: si autem male, &c. & c. 14. Propter decem justos pepercisset civitati. Exod. 33. Qui mihi peccaverit, eum delebo. Esa. 65. Expandi tora die manus, &c. Hierem. 7. Vocavi, & non audistis, & 18. Si penitentiam egeris, &c. Ezech. 18. Anima, quæ peccaverit, ipsa morietur. Justitia justi super eum. & 33. Nolo mortem peccatoris. Osee 13. Perditio tua ex te. Jon. 4. Tu doles super hedera, & ego non parcam Ninive civitati? Proverb. 1. Vocavi, & renuistis, ego quoque in interitu vestro ridebo. Sapient. 12. Misereris omnium, dissimulans peccata: & nihil odisti eorum, quæ fecisti. Ecclesiast. 15. Non dixeris per Deum abest. Non dicas ille me explanavit: non enim necessarii ei sunt impii. Et sequitur: Deus ab initio constituit hominem, & reliquit eum in manu consilii sui.

Sequitur itaque (si Deus non est acceptor personarum) & prædestinationis, sive electionis, & reprobationis causas in hominibus fuisse prævisas a Deo, propter quas alii ad vitam, alii ad mortem destinati fuerint ab æterno. Nam parabola de semine juxta terræ, in quam ceciderat, naturam, fructum docet provenisse. Et paratum, ait Dominus, regnum iis, qui opera charitatis exhibuere: aliis in ignem mittendis. Et videtur quidem Paulus ad Rom. 8. Ideo dixisse, quos præcivit & prædestinavit: id est, illos prædestinavit, quos præcivit: id est, quorum opera bona prænovit.

In hanc sententiam inclinasse videntur antiqui. Justinus martyr Deum ait prænovisse improbos obstinato fore animo: Quin etiam Dei præscientiam non esse causam rerum futurarum, sed e diverso. Idem Origenes, ad Rom. 8. 12. 9. Chrysostomus hom. 16. in ep. ad Rom. & aliis locis aperte tradit Deum prænovisse eos, qui digni sunt corona vel supplicio. Item Damascenus & Theophylactus. D. Ambrosius per hanc rerum præscientiam vindicari vult Deum ab acceptione personarum. Hieronymus in eandem, si ejus est opus, & ad Galatas, expressissime docet Deum hunc diligere, quem scit futurum esse justum, odisse vero, quem peccatorem.

(u) Psal. 32. 43. 46. 77. 148. Esa. 4. 6. 14. 45.

rem. Placuit hæc eadem sententia etiam nunc multis: & ideo dilectum fuisse ajunt Jacob, odioque habitum Esau, quia prænovit Dominus, quales futuri essent. Et ad illa tam multa, quæ in Bibliis videntur, tribuere omnia Dei præscientiæ ac prædestinationi: respondent illa velle innuere, quod Deus falli non potest in iis, quæ ab æterno novit: ut neque plures, neque pauciores salventur, quam ipse vidit. Et vas, quod dicitur in manu figuli: Hierem. 18. citra figuli voluntatem dissipatum videri. Et quamvis Apostolus non respondeat interrogationi illi (cur adhuc quæritur?) propterea quod reprimere volebat audaciam importuni interrogatoris: ramen ad Timoth. 1. c. 1. satisfecit, cum ait: Misericordiam consequutus sum, quia ignorans feci. Et eodem modo respondit Deus Moyfi: Miserebor (x) cujus miserebor. Quasi dicat: Non tuum est hoc scire. Non semper expedit, ut servus sciat Domini sui consilia. Sic Sancti illi Ambrosius & Chrysostomus.

Collidentibus itaque inter se duabus his sententiis B. Augustinus, (y) suo more medius incedens, rem distinxit: & salvari quidem prædestinatos ait Dei gratia, quam dat electis suis: reliquos autem iuste damnari: quod cum in illa peccatorum massa ex primi parentis peccato culpabiles inveniantur, queri non debeant, si aliis electis, alii sibi relinquuntur. Tali enim res humanas agitare Deum iudicio, ut debitas penas aut iuste reddat, aut misericorditer donet: nec audere debitor potest creditorem arguere iniquitatis, si alteri donans, ab eo, quod debebat, exegerit. Sic Aug. multis in locis ad peccatum originale referens, quod multi non sint electi.

Sed subsistit adhuc eadem quæstio. Quæritur enim; Cur hunc potius, quam illum ex eadem massa eligit? cur dicitur velle omnes salvos fieri? cur addita ratio ab Apostolo rei hujus est, quod est unus Deus, si non idem est omnibus? Præterea Angelorum alii electi fuerunt, alii reprobati: ergo reprobationis causa non est peccatum originale, quia non erat hoc in Angelis. Imo etiam ex iis, qui a peccato originali per Baptismum mundati sunt, multi damnantur. Non ergo reprobati propter illud peccatum. Ergo acceptionem personarum non potes evadere: quoniam omnibus in eadem conditione peccati prævisis, hic eligitur, alter reprobat.

Sanctus Thomas in opere contra genti-

les, Deum perpetuo pulsare ad januam cordis nostri, ait: eosque ad salutem perducere, qui sibi aperiunt: reliquos in cæcitate relinquere. Quare sua culpa, non tantum originali, sed etiam actuali hac (quia non aperiunt) damnari. Nam licet omnium corda sic moveat Deus, ut duritiam mollire possit: tamen sunt, qui novam adhuc duritiam apponunt. Hi dicuntur præsciti: quia supplicio æterno obnoxii præsciuntur. Alii ad salutem deliguntur: non propter opera sua, vel voluntatem: sed Dei gratia, quæ voluntates eorum anteit. Et sane Patres omnes antiqui (z) sic de Dei providentia senserunt, ut auxilium & gratiam dari omnibus putarent, necessariam ad salutem. Nam qui præcepta posuit sub pena observanda, nisi ea concedat, sine quibus observari illa nequeunt, vel condonare oportet omittenti, vel iniquum esse, si infert iram. Quo pacto volabit avis, si alas detrahis? D. Hieron. (a) vel etiam perditis ipsis ait dari gratiam. Namque & Deus proprio Filio suo non pepercit. Sed uti diximus B. Aug. non omnibus dari sufficientem ad salutem prædestinationem sensum: nec teneri Deum, ut derelicti. Quis enim prior illi dedit, & retribuetur ei? ad adimplenda vero præcepta sua, omnibus præsto adesse, non negat. Sed non hæc illi est gratia prædestinationis. Prædestinatio illi est Dei voluntas & propositum dandi vitam æternam, & media omnia conducentia ad illam: non omnibus quidem, sed iis, quos ex illa massa corruptionis elegit. Itaque electio prior est prædestinationum, deinde prædestinatio, post hæc prædestinationis illorum prævisio.

Doctrinam Sancti Thomæ de addita duritia Contarenus Cardinalis similitudine declaravit. Sicut lateres ad ædificium præparati, quia graves natura sunt, nunquam super apte vi ascendant in murum, nisi ab aliquo tollantur: si vero præditos iudicio fingamus & voluntate quadam, ut ascendere nolint, & ne attollantur, nova gravitate resistent: Sic licet ex nobis sine Dei ope nihil possumus, adjuti tamen Dei gratia omnia possumus: sed si resistamus Spiritui Sancto, & duritiei nostræ, duritiam addamus, culpa nostra fuerit. Rem hanc in colluctantibus experimur adhuc evidentiis. Nam, ut uterque gravis sit: tamen ab Hercule sublati Antheus, in altum vincebatur: qui si majorem gravitatem potuisset addere, non fuisset a matre terra evulsus, neque ab Hercule victus, ut est in fabulis. Urimur re fabulosa ad argumenti evidentiam.

Sed

(x) Exod. 33.

(y) De prædestin. c. 3. & epist. 105.

(z) Chrysost. hom. 32. in 19. Matth. Ambros. in Psal. 118. & de vocat. gent. c. 9. Cypr. lib. 4. ep. 7. Origen. 1. Periarch. Basil. hom. Quod Deus.

(a) Hieron. in Ecclef. 7.

Sed neque similitudo hæc satisfacit. Extat enim adhuc duplex difficultas. Utramque docet idem Contarenus. Una est, quod videtur in electis, qui novam duriciam non apponunt, actus aliquis motionem præcedere gratiæ Dei: saltem privativus. Nam cum possint resistere, non resistunt. Hoc repugnat iis, quæ de gratia Dei dicta sunt, ut videtur. Altera, quod voluntas Divina minus efficax in juvandis reprobis, quam electis videretur, quod impium est: vel certe redit eadem personarum acceptio.

Joannes Damascenus, quem sequuntur multi, duas voluntates in Deo ponit: unam vocat antecedentem, alteram consequentem. Antecedens est, quæ vult omnes homines salvos fieri, & ad agnitionem veritatis venire: quæ Divinæ gratiæ operatio est in nobis sufficiens ad consequendam salutem, si ei non resistatur. Per consequentem condemnat eos, qui gratiam hanc repudiant: servat autem eos, qui recipiunt, & cum ea fructum faciunt. Aliter eadem voluntates dicuntur, signi, & beneplaciti.

Sed neque hæc explere possunt animum hominis multa sciscitantem. Insuper enim hic humana arrogantia, & urget: si prædestinatus es, quid satagis? nonne quicquid agas, salvabere? & si reprobatus, quid prodest virtus? vana est sollicitudo. Fructus bonis præsentibus. Nam quæ semel in illa Divina, simplici quæ sapientia, atque immutabili, definita, constitutaque sunt, non amplius consilio subjacent hominis, vel providentiæ. Hæc est, lector optime, hæreticorum ratio. Græce dicamus ἀεὶ καὶ ἀπολύτως: quia nec ægrotus medicum accersit, nec agricola sementem facit, nec ardentibus quis ædibus incendium extinguere curabit. Definitum enim in Divina præscientia dicit, an extinguetur incendium: & quos fructus sit, vel non sit percepturus agricola: & læstone surget, vel non surget ægrotus. Et alia multa, quæ afferre solita sunt apud Philosophos quæstio de futuro contingenti. Equidem nisi hac tempestate talia apud plebem scandala disseminata fuissent: ut etiam sint, quos non pudet affirmare prædestinatum peccare non posse: imo quod etiam absurdus est, ejus peccata Deo placere, præter alias horrendas plurimas blasphemias: abstinuissimus sine dubio ab hac de prædestinatione, disputatione. Nam temeritatis maximæ est, ea in vulgus asserere, quæ non intelligas: & vanitatis extremæ, ea publice tradere, quæ vulgus percipere non possit. Sed ut teneant Pastores nostri, quibus resistunt vicinis quibusdam importanis, pauca hæc accipiant, sub censura tamen Sedis Apostolicæ. Tenendum pro certo est, Deum rerum omnium

principium, simplici unaque actione omnia, quæ sunt, producere, atque conservare: ejusque actionem idcirco nullo tempore, nec temporis parte aliqua contineri. Namque in illa naturæ Divinæ Majestate non est, quod quæras, vel fuit, vel erit: tantum invenias esse & est nullius temporis vicissitudine comprehensa. Quam ob rem B. Augustinus, Divinitas, inquit, omnibus rebus & antiquior est, & junior. Antiquior quidem, non quod fuerit, sed quia est ante res omnes: junior vero, quia est, non erit post res omnes, ad extremum ultimi judicii diem. Dei ergo effectrix rerum ratio simplicissima est, una, immutabilis, & infinita: quæ in æternitate operatur omnia, quæ sunt, fuerunt, atque erunt. In illo est, Divinæ causæ, continentur omnes causæ, necessariæ, contingentes, liberæ, coactæ, certæ, casuales. Sed ad esse Dei hoc ineffabile, intellectus humanus ex se ipso non potest attolli: quod rebus corporeis & sensibilibus immersus, omnia cum tempore & materia & loco cogitat, & cognoscit. Ac sumus quidem in hoc mundo visibili non dissimiles fratribus illis, qui apud Platonem sibi adnexi sedebant in antro Trophonii. Qui cum umbras rerum solum in antro viderent, reliqua quæ sub cælo fieri, atque esse narrabant, omnia umbras esse putabant: & insanire alios dicebant, qui aliter sensissent: Sic certe sumus nos, cum de Divinis, supernisque differimus, sic de illis loquimur atque cogitamus, atque de his, quæ in mundo inferiori, ac materiali sunt. Quare cum quis de prædestinatione verba facit, illico ad res notas respicimus: & de Divina virtute (licet immensa) perinde putamus, atque de ea, quæ ad determinatos effectus naturæ ordine procedit. Dicimus quidem in sensu composito (quod verum est) unum aliquem hominem, quem digito ostendimus, vel salvandum, vel damnandum esse: sed neque salvum adhuc, neque damnatum audemus affirmare. Et tamen est illud Divinum, æternumque, in quo salus illius hominis decreta est, omnia, quæ sunt, & fuerunt, & quæ erunt, complectitur, & excedit: nullo ipsum comprehensum tempore. Et quia in verbo hoc prædestinationis aliquid prius cogitamus, & aliud posterius, [qui nos elegit, inquit Apostolus, ante mundi constitutionem, ut essemus, &c.] & in causis, quarum definitus est effectus, necessitatem naturæ ponere solemus, in aliis contingentiam: ideo in prædestinatione necessitatem Divini decreti, cum libertate arbitrii conducentes, tanquam in præcipitum aliquod deducti, & barathri voraginem intuiti, tanta vertigine corripi-mur: ut in terram quasi prostrati, solam terram cogitemus. Hæc ideo voragine, de-

territus Apostolus, exclamat: O altitudo divitiarum sapientiæ & scientiæ Dei: quam incomprehensibilia sunt iudici ejus, & investigabiles viæ ejus! Nam si sine penitentia fuat dona Dei & vocatio: certe igitur, qui prædestinati sunt, finem consequentur. Si vero liberum arbitrium: ergo peccare possunt, & a sine illo decidere: aut certe peccatum eis non imputabitur.

Tenendum igitur secundo est, primam illam, æternamque rerum omnium causam, singulis suis fines præscripsisse, & ad eos consequendos media dedisse commoda, & conducentia. Sic quos prædestinavit & vocavit, inquit Apostolus. Rebus etiam quibusdam fines & media proposuit excellentiora, & supra naturam earum, ut in animantibus quibusdam videmus mirabilia. Ut docentur equi, & canes, & elephanti quædam agere, quasi ratione utentes, quod supra naturam brutorum est. Produxit quoque Deus hominem rectum. Addidit autem (quod supra naturam hominis erat) gratiam, qua Deo charus erat: justitiam originalem, quæ inferiores animæ facultates rationi parebant. Dedit scientiam rerum omnium naturalium: dedit prophetiæ Spiritum, & multa alia. Quin & capacem fecit Divinæ atque æternæ felicitatis. Ad hæc enim, nisi collata a Deo specialiter fuissent, non poterat vi sua pervenire natura primi hominis Adam. Quin etiam hic, qui cum perfectione maxima naturæ humanæ creatus fuerat, ingratus tantis beneficiis, non solum illa amisit, quæ supra naturam acceperat: sed etiam in iis, quæ naturæ propria erant, damnum fecit maximum. Nam relicto summo fine, qui Deus est, ad res caducas animum convertit: ad quas mutæ instar pecudis inhians, comparatus est jumentis insipientibus, & similis factus est eis. Licet enim libero simus a natura arbitrio, ægro tamen adeo, & tanquam faucio: ut ad bene agendum semper indigeamus gratia Dei.

Tenendum tertio, quod licet uni tantum fini addictam & infixam voluntatem quis habeat [veluti Angeli boni, summo bono: diabolus & damnati, malo] non ideo tamen libertate arbitrii, vel ii, vel illi privati sunt: quia utrique proprio impulsu, proprioque iudicio, atque electione, non alieno agunt: & ex multis & variis finem consequendi rationibus, eam tenent & consectantur, quam maxime probant. Hæc optime persequutus est idem Contarenus.

Ex his igitur tria eliciemus fundamenta doctrinæ præsentis. Primum, quod liberum est hominis arbitrium, potest quisvis sanæ mentis non solum male, sed etiam recte

agere cum Deo, si velit. Hoc enim subrito fundamento, quis vitam instituet ex Christi legibus, & doctrina? Majorem locum habeant, necesse erit dogmata Epicuri, aut Philoxeni: quam Christi, aut Apostolorum. Secundum est, quod cum libertate arbitrii non pugnat non posse peccare. Secus enim non fuisset suæ voluntatis Salvator noster Jesus Christus. Tertium est, quod parere nequeunt (id est, infallibiliter salvabuntur) omnes illi, qui secundum Dei æternum propositum electi & vocati sunt. Iis enim omnia cooperantur in bonum. Roman. 8. Fundamentum, inquit 2. Timot. 2. firmum stat: novit Dominus, qui sunt sui. Et Joan. 10. Non peribunt in æternum, & non rapiet eos quisquam de manu Domini. & 17. Pater sancte, serva eos in nomine tuo. Et alio loco: Ex nobis exierunt, quia non erant ex nobis. Nam si fuissent ex nobis, mansissent utique nobiscum. Quartum, quod sunt nonnulli electi & prædestinati: quibus ut vasis misericordiæ Deus uni voluit, ad ostendendum suæ gloriæ, & Majestati. immensæ divitias. Ideoque sine ullis operibus electi sunt, & sine meritis prædestinati. Ephes. 1. Sicut elegit nos in ipso ante mundi constitutionem, ut essemus sancti & immaculati in conspectu ejus in charitate: qui prædestinavit nos in adoptionem filiorum per Jesum Christum in ipsum, secundum propositum voluntatis suæ, in laudem gloriæ gratiæ suæ, in qua gratificavit nos in dilecto filio suo. Et Christus: Multi sunt vocati, pauci vero electi. (b) Quintum, quod qui prædestinatus est, potest peccare. Peccavit enim Paulus, persequens Ecclesiam Dei. Peccavit David, & extra Dei gratiam fuit. Nam gratia Dei donum est in homine: non in Deo passio, vel motus aliquis, qui immutabilis est. Sextum, quod neminem Deus ab spe felicitatis & gloriæ prædestinatorum, quam diu in hoc mundo sumus, abiecit. Quinimo dedit omnibus hominibus, quæ necessaria sunt & conducunt ad hunc finem. Quanquam non omnibus eadem, vel æqualia, quoniam multos reliquit tanquam in communi grege, in naturæ communi ordine & ratione: omnia tamen ad gloriam suam dirigendo. Universa, inquit Sapiens, propter semetipsum operatus est Dominus (c): impium quoque ad diem malum. Quia pena impii in gloriam justitiæ Divinæ cedit. Neque enim justum est, nec decet, ut omnes eodem honore subditos dignetur Princeps: quia Majestas in distinctione graduum, dignitatumque cernitur. Et in magna domo multa vasa. Atque hoc nunc erit septimum postulatam. Ultimum sit, quod nomen prædestinationis, ordinata

(b) Matth. 20.

(c) Proverb. 16.

dinationem notat ad aliquid, quod in intentione prædestinantis est, antequam fiat. In gratia ergo prædestinationis duo considerantur. Unum est, æternum Dei propositum, de quo jam egimus: alterum sunt media conducentia ad beatitudinem. Deus dare solet hæc electis suis; ut sunt vocatio, justificatio, perseverantia, & similia. Non omnes autem quicumque vocati sunt, sunt etiam electi: nec omnes in accepta justitia perseverant usque in finem. Quapropter licet in proposito Dei æterno multi ad Christi gratiam & fidem (qui status electorum est) sint prædestinati: non omnes tamen ii sunt ad felicitatem æternam. Quia exiis, qui fidem Christi receperunt, & charismatum ejus dona, quique filii Dei, secundum præsentem (ut dicitur) justitiam, facti fuerunt: non aliter multi ad vitam æternam prædestinati sunt, quam si compatiantur Christo, & in fide permaneant, nec indignos se reddant hæreditate paternæ. Huc pertinet illud Apocalyp. 3. Tene, quod habes, & nemo accipiat coronam tuam. Si namque omnia (ut quidam volunt) necessitate, ex illo Dei proposito evenirent: quis, rogo, huic quaestioni respondeat: Hic prædestinatus est, ergo timere nihil debet, ne coronam sibi quis accipiat? Quod si non est prædestinatus: quorsum hortatur, Tene, quod habes? nihil namque habet. Ergo utrumvis dicas (vel prædestinatum, vel non prædestinatum) nugatoria esset admonitio, Tene, quod habes.

Quare recens quidam author (d) non male sentiendum putat, quod Deus neminem, antequam delictis propriis poenam committerent viderit, supplicio præparari æterno: vel (ut loquimur) præciverit, aut reproboverit. Quamquam gratis omnino multos ad gloriam suam prædestinavit: & ex non prædestinatis simpliciter, multos rursus coronabit: quos scilicet non speciali illa prærogativa, gratiaque elegit. Sic author hic particularem prædestinationem, simplicem & absolutam ponit: universaliorem, sub conditione. Doctrinam hanc, quia nondum sit [quod sciam] a Sede Apostolica approbata (cui omnia nostra subijcimus, & a cujus regula ne latum quidem unguem declinare vel le protestamur) non equidem, ut ratam atque infallibilem asserimus hoc loco: sed tantum, ut Epicureis illis, & eorum Sophistis, quod respondere possis, habeas: sicut agimus in Scholis, quando argumenti fallaciam prodimus data instantia. Qui ergo sic respondendo, prædestinationem generalem, ad adoptionem filiorum Dei, & particularem, ad gloriam æternam referant: ii non

sumunt verbum prædestinationis simpliciter & absolute, sicut sumi solet a Theologis pro proposito Divino dandi felicitatem, & media ad eam: sed determinate ad aliquid: ut certe nomen ipsum importat; & in Sacris Literis semper ad aliquid refertur. Itaque generalis illa erit; Qui prædestinavit nos, ut essemus sancti & immaculati: quamquam non omnes in sanctitate permanfuri simus. Nam quemadmodum nec populus Israel simpliciter electus, nec omnes simpliciter progenies Abraham: sic nec omnes Christiani simpliciter electi sunt: sed qui compatientur Christo, & in fide ejus perseverabunt, salvabuntur. De populo Israel dicit Apostolus: Non omnes, qui sunt ex Israel, ii sunt Israelitæ: nec qui sunt semen Abraham, omnes filii. Idem tamen Paulo ante innuit omnibus factas esse promissiones. Oportam anathema esse a Christo pro fratribus meis, inquit, (e) qui sunt cognati mei secundum carnem: qui sunt Israelitæ: quorum adoptio est filiorum, & gloria, & testamentum, & legislatio, & obsequium, & promissa. Hic enim Judæorum sortem deplorat: ut quibus essent factæ promissiones, indigni tamen reperirentur promissionibus, & adoptione: quamvis non taliter fecerit omni nationi. Namque populus ille, licet habuerit hanc electionis gratiam, atque adoptionis, non omnes tamen consequuti sunt effectum adoptionis. Quia alia fuit electio, & adoptio totius populi illius in generali, [quem multis beneficiis & prærogativis gratis prosequutus Deus est] alia singulorum ex populo. Eodem modo Corinthios (uti Christianos jam) sanctos appellat: In quibus tamen erant peccatis gravissimis obnoxii nonnulli. Particularis autem illa est, de qua dixit Dominus: Non peribunt in æternum. [f] Et: Pater sancte, serva eos, [g] & Apostolus: Omnia cooperantur in bonum iis, qui secundum propositum vocati sunt, (b) &c. Et, Fundamentum firmum stat: novit Dominus, qui sunt sui. Et de utrisque dicitur: Ex nobis exierunt, quia non erant ex nobis. Sententia quidem hæc non abhorret a sensu communi, neque a Sacra Scriptura: & pacem atque tranquillitatem aliquam asserere potest animo multa sciscitanti. Sed, amice, te etiam atque etiam monemus, ne plus sapias, quam oportet sapere. Puta Dei sapientiam ineffabilem esse, tuique ingenioli angustias comprehendendi non posse. Quid nisi qui ne ea quidem, quæ quotidie cernimus, atque adeo manibus tractamus, assequitur? Non dicam nostram ipsam mentem, qua sapimus, quæ providemus, qua hæc ipsa agimus, quæ nunc legis.

(d) Cathar. Polyus.

(e) Rom. 9.

(f) Joan. 10. 17.

(g) Rom. 8.

(b) 1. Tim. 2.

Tomus VIII. Concilior. German.

legis. Hanc enim, quis vider? aut plane qualis, aut ubi sit, quis sentire potest? Omitto illa, quæ a nobis remota, magno cum miraculo fiunt in cælo, in aere, in mari. Cujus Philosophi sententia dum probata manet, de ratione visus? Quis demonstravit hæcenus Magnetis illam tam conspicuam vim? quis animorum motus? Quis motus corporis nostri? Quis gravitatem lapidis? Quis causam ejus impetus, quo procul a projiciente deferretur jaculum? Omitto disputationes de republica, de bello, de moribus, de officiis. Omitto incrementa Synapii, & differentias formarum. Omitto denique, ne aliud dicam, calcei tui attritionem. Nam neque hoc quidem satis notum est? Quid magis nosse existimamur, quam objecta ipsa seorsum? Ea, inquam, quæ ipsa per se naturalibus facultatibus percipiuntur? Hinc, velut e prima scaturigine, demonstrationes humanæ sapientiæ suæ exordia sumunt, & inde auspicantur. At vero, quid obscurius? Quid incertius, si Pyrronicas illas, & aliorum Academicorum disputationes nostri? Quid magis obnoxium contradictioni? Si album quid dixeris, ille falli oculum tuum argumentabitur. Si sphericum, ostendet ille angulosum. Cum videberis tibi quiescere, motu agiteris. Quæ videbuntur tibi circumduci, ea maxime itabunt. Quid ergo temens? minimam naturæ lucem ferre non possumus: & miraris, si ad immensam caligant oculi? Age ergo. Missam faciamus inquirendi curiositatem. Timeamus in Esau severitatem judicii: in Jacob electionis gratiam agnoscamus. Sinamus justum Abel occidere: fervari Cain parricidam: Irum in mendicitate agere: Cræsum opibus gravari. Nam & qui apibus dedit solertiæ: idem muscas & fucos condidit inertes. Quorum omnium, & si causæ nobis ignotæ sunt: nihil tamen sine Dei nutu, sineve æquitate summa, summaque ratione contingit. Itaque pro iis, quæ discis, gratus esto: ob ea, quæ ignoras, ne sis ægro animo: compertum habens, nihil citra rationem accidere, etiam si rationes hujusmodi te lateant. Dei mysteria [quantum ad captum nostrum attinet] duorum videntur esse generum. Unum eorum, quæ necesse est pro salute nostra, ut cognoscantur: Alterum arcanum, reconditum, & minime sciri necessarium. Quæ etiam duo ita sapientissimus dispensavit: ut quæ sciri necesse est, ea sine magno studio nostro aut labore discantur: alia autem (id est, non necessaria) a nostro conspectu remotissima sunt. Nec modus tamen in inquirendis his, nec finis ullus invenitur. Non dissimile sit in victu. Nam quæ natura corpori maxime necessaria produxit, ea in

promptu cunctis proponuntur animantibus, cælum, terra, aer, aqua, fruges: supervacua vero, & quibus sine magno detrimento carere licet, longissime a nobis posita absunt. Adeo ut nisi cum vitæ periculo ad victum nunquam perquirantur: raræ aves, feræque, & pisces admirandæ magnitudinis: purpura, gemmæ, & in terræ visceribus delitescens aurum. Cogitanti aliquando Divo Antonio [ut referunt] de statu mundi: quomodo alii fideles essent, alii infideles, responsum fuit: Antoni, Antoni, cogita de salute tua: Deus satis potens est & sapiens, ut mundum regat absque te. (bb)

STATUTUM I.

Gratiam Dei prædicabunt Curati, & commendabunt populis: ut ab ea in omnibus rebus semper dependant: de prædestinatione autem & præscientia Dei æterna, ne loquantur ad plebem.

DE SIGNIS GRATIÆ DEI.

Nemo debet de Prædestinatione suâ, vel gratia præsumere: nec etiam de salute desperare. Ququam esse possint aliqui certi de ea, ex privilegio Dei. Quantum ad primum dicitur Ecclesiastici 9. Nemo scit, odio, an amore dignus sit: sed omnia in futurum servantur incerta. Job. 9. Si venerit ad me, non videbo eum: si abierit, non intelligam. Idem: Si simplex fuero, hoc ipsum ignorabit anima mea. 1. Cor. 4. Nihil mihi conscius sum, sed non in hoc justificatus sum. Nam Luc. 17. Cum feceritis omnia, quæ præcepta sunt vobis, dicite adhuc, quia servi inutiles sumus. Quia (Rom. 8.) non sunt condignæ passionis hujus mundi. Et Psal. 142. Quia non justificabitur in conspectu tuo omnis vivens.

Ex his sequitur, quam sint perniciosæ hæreses nostri temporis. Sunt enim quidam schismatici, qui certos de prædestinatione esse jubent omnes eos, qui secum a Fide Ecclesiæ Catholicæ Romanæ deficiant. Debuerant potius de damnatione. Nam quæ ipsi faciunt, indicia sunt reprobationis. Docemus autem nos, credendum esse verbo Dei: non utique securos esse vel gloriari, sicut ille Phariseus, (i) qui alios præ se peccatores ducebat. Beatus Petrus satagere nos potius, & sollicitè quærere salutem per bona opera consulit: quod faciendo, inquit, [k] non pecca-

(bb) Gerson. I. Serm. de S. Ant.

(i) Luc. 18.

(k) 2. Per. 1.

peccabitis aliquando. Cæterum nihil prohibet, quin possit aliquis per revelationem certus fieri. Paulo enim dictum est: Sufficit tibi gratia mea. (1) & ad Timoth. scribens, ait: Scio cui credidi: & certus sum, quia potens est depositum meum servare in illam diem. [m] & 2. Cor. 13. Nunquid experimentum quæritis ejus, qui in me loquitur Christus?

Verum ad confirmandos in spe animos fluctuantes metu: tum etiam ad meliora semper incitandos; Caput hoc unum lege libri De perfectione charitatis Dionysii Cartusiani, quod Gallice quidam reddiderunt.

Signes par lesquels on conjecture si quelqu'un est en charité.

PAR la Loy commune personne ne peut savoir ces signes, pour en avoir une certitude. Ce neantmoins il y a quelques exercices spirituels, par lesquels on peut conjecturer, que celui qui est fréquent & assidu en iceux, & y persevere jusques à la fin, est en Charité. Pour exemple: Considere soigneusement en toy, si tu es tousiours, ou au moins le plus souvent Dieu devant tes yeux, en toutes tes pensées, paroles & actions: le croyant present en tout lieu, & scrutateur, & sondeur des reins & des cœurs (n) de toutes personnes, à raison dequoy tu luy portes humblement honneur & reverence en toute place: cela est un tresbon signe, que tu n'es sans charité.

De rechef, c'est un bon signe que tu as quelque estincelle de charité, & que tu n'es hors de la grace de Dieu, si tu parles volontiers à Dieu, par devotes prieres & meditations: si tu prens plaisir à parler de luy en toute compagnie: si tu oys volontiers parler de luy en predications & leçons. Plus si tu contemples & regardes volontiers Dieu en ses œuvres admirables, & au Venerable Sacrement de l'Autel, luy en rendant graces. Si pareillement tu visites volontiers les lieux, esquels Dieu est le plus souvent trouvé, comme es Eglises, Chapelles des Saints, & autres lieux sacrez. Outre si (selon la coustume d'amis) tu envoies souvent au Seigneur ton Dieu presens de Saints souspirs, gemissemens, & larmes de devotion & ferventes oraisons. Et si d'autre part, tu recois gracieusement les dons, desquels il honnore coustumièrement les siens, c'est à savoir, reproches, injures, moc-

queries, travaux, douleurs, maladies, & toute sorte d'adversité corporelle ou spirituelle: attendu que ce n'est grande œuvre de rendre grace par benefices & prosperitez, veu que mesmes les Gentils & Idolatres ont ceste coustume de n'estre ingrats des biens, qu'on leur a fait: ains recognoissent & remercient leurs amis & bienfauteurs. Ce pendant tu pourras avoir ceste confiance, que tu n'es entierement sans la grace de charité. Pareillement si tu as joye & liesse, quand tu oys louer Dieu par ses fideles: & d'ailleurs es merueilleusement desplaisant & fusché, quand tu le vois desbonnorer per les pecheurs: cela est un grand argument, que tu as quelque chose de charité.

Semblablement si tu te resjois de bon cœur, du bien & prosperité de ton prochain, comme de ta propre félicité: & que tu ayes dueil & compassion de la misere d'autrui, tant corporelle que spirituelle, à sçavoir de ses maladies, infirmités & tentations comme des tiennes propres: cela te soit en bon signe que tu n'es du tout void de charité. De rechef si tu es zelateur du salut des ames, attirant à Dieu tous ceux, que tu peux par oraison, parole & bon exemple, tantost les reprenant, tantost les priant & suppliant, à ce que Dieu soit loué en tous: c'est un argument de quelque charité qui est en toy. D'avantage si tu t'esvertues [selon ta puissance] de suivre JESUS Christ en vertus, mesmement en celles qu'il t'a enseigné de parole & d'exemple, sçavoir est, mansuetude & humilité: c'est un evident signe, que tu es son Fils, attendu que les Enfants doivent ressembler à leurs Peres: & cela ne se fait sans notable grace de charité. Et si outre les signes precedens, tu sens encores en toy celui qui s'ensuyt, c'est à sçavoir, que pour l'honneur de Dieu tu aymes de vray amour & non feinct ne simulé ton ennemy: ne te dueillant ny ressentant des torts & injures qu'il t'a fait: mais que plustost estant passionné du danger auquel il est, (pour l'offense à toy faite) tu pries de cœur affectionné pour la remission de son peché: tu pourras avoir grande esperance, que tu n'es du tout sans charité.

DE SEPTEM DONIS SPIRITUS SANCTI

SEptiformis Dei Spiritus Sancti dona per Esaiam Prophetam enumerantur. *Quæ con-*

P 3

(1) 2. Cor. 12.

(m) 2. Tim. 1.

(n) Psal. 7.

contra septem peccata capitalia generaliter nos corroborant & munire possunt. Egre dienur, inquit, (o) virga de radice Jesse, & flos de radice ejus ascendet : & requiescet super eum Spiritus Domini, Spiritus sapientiæ & intellectus : Spiritus consilii, & fortitudinis : Spiritus scientiæ, & pietatis : & replebit eum Spiritus timoris Domini. Hæc dona Dei sunt : quæ veluti septem lucernæ ab Austro ardentes, Aquilonares tenebras (inquit Hieronymus) expellant in tabernaculo Domini. Hæc nemo utiliter accipit, nisi in Ecclesia Catholica, quæ Corpus Christi est. Nam sine charitate nihil profunt : qui Ecclesiæ unitatem non tenet, in charitate non est.

Itaque contra superbiam postulemus Spiritum timoris Domini : contra invidiam, Spiritum pietatis : contra iram, Spiritum scientiæ : contra pigritiam, Spiritum fortitudinis : contra avaritiam, Spiritum consilii : contra gulam, Spiritum intellectus : contra luxuriam, Spiritum sapientiæ.

Comparat septem hæc dona Spiritus, cum septem beatitudinibus Augustinus in sermone de Sanctis, 17. & docet, quomodo timor Domini, qui in ultimo loco positus est, (respondens tamen primæ beatitudini) sit initium sapientiæ. Sed Bernardus copiosius in tractatu de donis Spiritus Sancti. Quamquam numerus beatitudinum non respondet : nam Spiritus Sancti dona septem apud Esaiam invenit Origenes : in Hebræo nunc non invenitur nomen pietatis. Et sex tantum eo loci, conjugatione tripla numerantur.

Sapientia lumen mentis est, quo illustrati Deum cognoscimus & veneramur. Intellectus facilitas ad percipiendum omnia, quæ nobis necessaria sunt ad salutem. Fortitudo constantia animi in periculis & perfectionibus, quam consilium, id est, consulendi vis prudens a Deo data moderatur & regit. Scientia ascensus erga ea, quæ doctrina continet pietatis. Pietas autem affectus ad cultum Dei. Initium his omnibus præbet timor Dei. Sed quia nihil horum sine Christo habere possumus : (in quo fuit plenitudo Divinitatis) ideo in eo dicitur Spiritus horum donorum dator manere.

Porro autem donorum Spiritus Sancti ea vis est, ut per illa virtutes omnes facilius exerceamus Spiritui Sancto. Sunt enim habitus in anima, quibus homo perficitur ad obediendum prompte. Qui credit in me (inquit) flumina de ventre ejus fluent aquæ vivæ. (p) Hoc autem dixit de Spiritu, quem accepturi erant credentes in eum, id est, de donis gratiæ Spiritus Sancti. Ex hisce do-

nis spirituales efficiuntur & filii Dei. Nam qui Spiritu Dei aguntur, hi sunt filii Dei. (q)

Fructus Spiritus Sancti.

EX his Spiritus Sancti donis fructus sequuntur Deo grati & suaves. Videlicet, charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Adversus hæc non est lex. Contra vero opera carnis sunt fornicatio, immunditia, impudicitia, luxuria, idolorum servitus, veneficia, inimicitia, contentiones, emulationes, iræ, rixæ, dissensiones, sectæ, invidiæ, homicidia, ebrietates, comestiones, & his similia. Hæc Paulus. (r) Cum ex fructu cognoscatur arbor, jam unusquisque fodes scrutetur in se, num sequatur magis carnem, an Spiritum Dei : ut si secundum carnem se vivere deprehendat, mutet mores : alioqui morietur. Si enim (inquit Apostolus) secundum carnem vixeritis (s), moriemini. Si autem spiritu facta carnis mortificaveritis, vivetis. Paulo ante dedimus signa gratiæ : eadem ex fructibus his Spiritus Sancti sumimus, & ex fructibus carnis. Cæterum aliter vivere secundum carnem definire potes, facere quicquid lubet. Ut dormire quando vis, & quantum vis : edere & bibere, quod vis, & quando vis : vestiri quomodo vis, &c. Sed Christus non venit, inquit, facere voluntatem suam.

De octo Beatitudinibus.

MATTHÆI 5. scribitur Dominum in monte docuisse discipulos suos his verbis : Beati pauperes, &c.

Lucæ autem 6, quatuor tantum ponuntur ; Beati pauperes ; Beati, qui nunc esuritis, Beati, qui nunc fletis, Beati eritis, cum vos oderint homines &c. sed in his quatuor ille octo continentur, ut docet Ambrosius.

Beatum dicimus eum, qui summo bono opinione nostra fruatur : unde divites vulgus beatos nominat, & intemperans, eos, qui corporis voluptatibus pro libidine potiuntur. Sed falluntur. Vera beatitudo in visione Dei est, & Christi ejus, quam in regno cælorum sperare possunt, non qui rebus optatis in hoc sæculo potiuntur, sed magis, quos miseros vulgus existimat in hac vita.

Sed ne quis fallatur, non omnis, qui ea, quæ hic narrantur, patitur, felix erit : sed qui pro Christo in fide. Nam multi hære-

(o) Esa. 11.

(p) Joan. 7.

(q) Rom. 8.

(r) Gal. 5.

(s) Rom. 8.

hæretici nomine Christiano, animas decipientes, multa talia patiuntur : sed ideo excluduntur ab ista mercede, quia non dictum est tantum, Beati, qui persecutionem patiuntur; sed additum est, Propter iustitiam. Ubi autem sana fides non est, non potest esse iustitia: quia iustus ex fide vivit. (†)

Doctrinam hanc beatitudinum ideo tradere debent Curati, ut intelligat populus primum, nobis propositam esse vitam beatam, si Christi sequamur vestigia : deinde quod corona proponitur & merces, non si credamus tantum, sed si laboremus & compatiamur Christo. [u] Quoniam, ut S. Jacobus docet, Beatus vir, qui suffert temptationem, quoniam, cum probatus fuerit, accipiet coronam vitam.

De gloria & vita æterna plura inferius dicentur.

DE QUATUOR NOVISSIMIS, Morte, Judicio, Inferno, & Vita æterna.

Ecclésiasticus cap. 7. In omnibus (inquit) operibus tuis memorare novissima tua, & in æternum non peccabis.

Ultima hæc (sive novissima) a Theologis plerisque ponuntur quatuor : Mors, Judicium, Infernus, & Gloria cælestis. Hæc sæpius repetita memoria cum teneant hominem inter spem, metumque dubium : cautionem in vita reddunt, & sibi magis attendentem, nec prosperis efferri, vel rebus finunt adversis frangi, sed ubique decorum servare, officiumque meri faciunt.

Hinc enim [ut de Morte primum agamus] si valerudo, vel ætas spem promittunt vitæ longioris: illinc tamen casus innumeri, quos subiri omnino in horas videmus, mortis mille species proponunt ob oculos. Quare cogitatio de Morte digna Philosopho semper habita est : imo vera Philosophia, si credimus (x) Platoni. Quis enim adeo felix, vel contra miser, sub hoc cælo degit, qui cum vitæ annos considerat, moriendique necessitatem, non protinus utrumque, & felicitatem & miseriam perinde ducat momentaneum nescio quid, nec ulla ex parte firmum ? Ubi, quæso, sunt Imperatores illi tam multi ? Somnium : quanquam Imperatorum [umbrarum dico] catalogus descriptus exstat apud multos. Ubi sunt illi tam multi Reges Hispaniæ, Galliæ, Angliæ,

Ungariæ, Italiæ, Africæ, Ægypti, Syriæ, Ponti ? Ubi illorum opes ? ubi exercitus ? ubi gloriæ ? Nemo illa nostrum vidit. Instat fabulæ est, quod de uno aliquo narratur. Descende paulatim ex illis ad Principes, ci-ves, agricolas : omnes hi ad mortem, tanquam flumina ad mare, cursu præcipiti properando devenerunt. In quo & formam, & nomen non aliter amiserunt, quam in mari flumina tam magna, quam parva solent. Homo vanitati similis factus est : dies ejus sicut umbra prætereunt. Rex hodie est, & cras morietur. Et cum morietur homo, hæreditabit serpentes, & bestias, & vermes.

Cum sit autem morte nihil certius : tamen hora mortis nihil incertius. Vigilate ergo [ait Dominus] & estote parati : quia qua hora non putatis, filius hominis veniet. Et certe cæcitas illa multorum reprehendenda sæpe venit a Pastoribus : qui ad extremum vitæ spiritum differunt tam de anima sua & corpore, quam de bonis acquisitis disponere : quando nec sensus integri recte deliberare, nec assistentium inhiantium hæreditatibus importunitas libere quicquam constituere patiuntur. Quantas vero turbas relinquunt hæredibus, qui decedunt intestati ? Quantas quoque lites, qui male testati ? Simile quid patimur circa mortem, quod pueri circa somnum. Iis licet necessarius sit somnus, tamen nisi victi & pene prostrati somno, nunquam lectum petunt : sic licet mors necessaria nobis sit, & ad quietem malorum, & ad gloriæ fruitionem, tamen nisi morbo victus extremo, & prope animam agens, ad bene moriendum nemo se comparat. Sed de meditatione mortis, in libello precum scriptum est.

Tria igitur hoc loco circa infirmum agenda, antequam vita defungatur, quæ Curatos scire oportet : videlicet formam testamenti, leges servandas in cessione bonorum, & doctrinam bene moriendi. Post hæc Statuta reponemus de Sepulchris. Nam de forma administrandi Sacramenti Penitentiae infirmo, & Sacrae Eucharistiæ, atque Unctionis extremæ, omnia suis locis descripta invenies.

DE JUDICIO EXTREMO.

De Judicio extremo [quod alterum novissimorum est] ita loquitur Dominus Matth. 16. Filius hominis venturus est in gloria Patris sui cum Angelis suis. Tunc reddet unicuique secundum opera ejus. Et Apostolus 2. Cor. 5. Omnes nos manifestari oportet.

(†) August. in libr. 1. c. 9. de sermone Domini in monte.

(u) Rom. 8. Jacob. 1.

(x) Plat. de anima.

oportet ante tribunal Christi, ut referat unusquisque propria corporis prout gessit, sive bonum, sive malum. Et 14. Omnes stabilius ante tribunal Christi. Itaque unusquisque nostrum pro se rationem reddet Deo.

Sed notandum, quod in Scripturis Sacris duplex invenitur adventus Domini, & duplex etiam Judicium. Unus adventus est, cum salutis nostræ causâ carnem assumpsit, Alter erit in consummatione sæculi, quando ad judicandum homines veniet. Hic adventus dicitur: Dies Domini. Qui quidem dies ut impiis & iniquis horrendus erit, sic Sanctis optabilis, expectantibus beatam spem & adventum gloriæ magni Dei, qui reformabit corpus humilitatis nostræ configuratum corpori claritatis suæ. Sed duo tempora sunt, in quibus unumquemque nostrum necesse est in conspectum Domini venire, & singularium tam cogitationum, quam operum & verborum rationem reddere, & iudicis sententiam subire. Unum est, cum unusquisque migrat e vita. Mox enim sistitur ad Dei tribunal, ubi de omnibus, quæ gessit, quaestio iustissima habetur. Hoc privatum iudicium vocatur. Alterum est generale & extremum, quod in fine sæculorum de omnibus fiet hominibus, ut omnes intelligant Dei summam iustitiam & æquitatem, & causas cognoscant, quarum ignorantie multi, de Dei iustitia hæsitant, videntes bonis aliquando male, malis autem bene esse. Sunt multa delicta, quorum autores fuisse jam vita defunctos non debet impune esse, ut hæreses, & alia, quæ post mortem inventorum non statim adimpleri solent. De hoc extremo iudicio Psal. 95. Esa. 3. Daniel. 12. Paulus Timot. 4. & Christus Matth. 25. abunde loquutus est.

Quis Iudex.

Christo Domino non solum ut Deo, sed etiam ut homini, hoc iudicium datum esse Sacre Literæ declarant. Quamvis enim iudicandi potestas omnibus Sanctæ Trinitatis personis communis sit; præcipue tamen Filio tribuimus, cui & sapientiam convenire profitemur. Quod autem ut homo mundum iudicaturus sit, docet Joan. 5. Sicut, inquit, habet vitam in semetipso; & potestatem dedit ei, iudicium facere, quia Filius hominis est. Et æquum est, ut iudicem oculis videant iudicandis, & audire auribus possint, & ut, quem iniqui opprobriis affecerunt, iudicantem cum Majestate agnoscant. Quia ipse est, qui constitutus est a Deo Iudex vivorum & mortuorum.

Tunc erit Iudex causæ tuæ, qui nunc est testis vitæ tuæ.

Qui iudicandi.

Duo sunt differentiae, vel ordines hominum in hoc extremo iudicio, scilicet electorum & reproborum. (y) Qui tamen in quatuor dividuntur. Nam perfectorum ordo unus cum Domino iudicabit: alius iudicabitur: sed uterque regnabit postea cum Christo. Ordines quoque reproborum duo erunt. Nam qui in Ecclesia nunc sunt mali, iudicandi venient & damnandi: qui vero extra Ecclesiam reperti fuerint obisse, non iudicandi erunt, sed solum damnandi. Ergo qui nunc nequiter opprimuntur, (inquit B. Greg.) nunc super oppressores suos Iudices erunt. Iudicium pauperibus tribuit Job. Et Matth. 19. Amen dico vobis, quod vos, qui reliquistis omnia, & sequuti estis me, in regeneratione, cum sederit filius hominis in Sede Majestatis suæ, sedebitis & vos super sedes duodecim, iudicantes duodecim tribus Israel. Iudicandi autem & damnandi ex altera parte venient illi, quibus dixerat a Domino: Esurivi, & non dedistis mihi manducare; sitivi &c. Qui peribunt non iudicandi, sunt illi, de quibus Propheta ait: Non resurgunt impii in iudicio: & de quibus Dominus, Qui autem non credit, jam iudicatus est: & Paulus, Qui sine lege peccaverunt, sine lege peribunt. Itaque resurgent omnes infideles, sed ad tormentum, non ad iudicium. Professionem vero fidei retinentes, sed professionis opera non habentes, redarguentur & peribunt. Qui denique nec fidei Sacramenta tenuerunt, increpationem iudicis in extrema examinatione non audient: quia præiudicati infidelitatis suæ tenebris, ejus, quem despexerunt, redargutionem non merentur.

Tempus iudicii extremi.

Quando futurum sit, omnino ignoratur. Sic enim ait (z) Dominus: De die autem illo nemo scit, neque Angeli, sed Pater solus. D. Augustinus (a) ait: Frustra annos, qui huius sæculo remanent, computare ac definire conemur, cum hoc scire non esse nostrum, ex ore veritatis audiamus: quos tamen alii quadringentos, alii quingentos, & alii etiam mille ab Ascensu Domini ad ejus ultimum adventum compleri posse dixerunt. Sed conjecturis unius humanis: non ab eis certum aliquid de Scripturæ Canonicae veritate profertur. Hæc August. Quæ omnia vir eruditissimus non sine causa attulit.

(y) Isidor. lib. 1. c. 30. de summo bono.

(a) Civit. lib. 18.

(z) Matth. 15. 24.

attulit: nam antiqui illi Patres & Scriptores Ecclesiastici, ut Tertullianus, Lactantius, Irenæus &c. instare suo tempore omnes putabant diem judicii. Quod Irenæus libr. 5. multis probare nitebatur. Cum enim mundum sex diebus creatum sciret, & mille anni sint in conspectu Dei (b) sicut dies unus: horam pro quingentis annis sumendam existimabat. Methodius, Eusebius, Beda, & alii idem senserunt.

Fabulosi quoque Judæi ex libro suo Seder olam 6000. dant durationi mundi. Cumque anno Christi nuper elapso 1502. a fabulis suis fascinati, omnes cujuscunque ætatis & sexus jejuniis afflixissent, ludibrio omnibus gentibus fuere: quia nihil eorum accidit, quæ sperabant.

Has Judæorum fabulas Germani quidam Semijudæi pro Prophetia Eliæ acceperunt. Et ignorantes earum, non Eliam Thesbitem Prophetam, sed Thalmudicum authorem esse: durationi mundi sex millia tribuunt, sic distincta, ut legis naturæ fuerint duo millia, Mosaicæ alia duo, & Christi alia duo. Attrologi quidam septem millia ex motu parvi circuli octavæ Sphæræ conjectant: sicut alii multo majorem numerum. Alii rursus magis mystice philosophantes, a nativitate Christi ad mundi finem numerant 1700. annos, sicut a creatione ajunt ad diluvium 34. Jubilæa enumerantur ex Philone, ut sicut per aquam fuit olim iniquitas mortalium in 34. Jubilæo post primum Adam: ita delebitur per ignem trigésimo quarto Jubilæo post secundum Adam. Nam Christus, inquit, de die judicii loquens, remittit ad Daniele Prophetam: Daniel autem c. 12. prædicat maledictionem ultimam post dies 1335. ab egressu verbi. Ait enim: Et a tempore cum ablatum fuerit jüge sacrificium, & posita fuerit abominatio in desolationem, dies mille ducenti nonaginta. Beatus, qui expectat & pervenit ad usque dies mille trecentos triginta quinque. Dies isti (ut putant) pro annis sumpti eam faciunt summam annorum.

Sed frustra torquentur omnes, qui hæc investigare hæcenus conati sunt, & in errores plurimos inciderunt: quia, quod sciri nefas est, inquirere tentarunt. Deus enim in sua hæc posuit potestate: & Danieli dictum est: Vade Daniel, quia clausi sunt, signatique sermones usque ad præfinitum tempus. Ideo præstat nos semper paratos exhibere, ut semper vigilemus: quam ad tempus aliquod, tanquam certum, respicientes, cum aliis multis insanire. Hoc ignorari voluit Deus, ut semper parati essemus. Nec

si dicatur cito venturus dies judicii, ideo falsum putemus, si non cito videatur venire: quoniam si ad æternitatem respiciamus, mox erit, quandocunque erit.

Tamen ante judicium generale hæc tria inter alia præcipue veniunt notanda: prædicatio Evangelii per universum mundum: discessio (id est, apostasia) ab Ecclesia, vel ab Imperio Romano, & Antichristus. Per fidei prædicationem convertentur Israelitæ in fine sæculi. De Antichristo, & Apostasia dicit Apost. 2. Timoth. 2. Nisi venerit discessio primum, & revelatus fuerit homo peccati, filius perditionis, qui adversatur & extollitur supra id, quod dicitur Deus: cujus adventus secundum operationem Satanae in omnibus signis, &c. Et Matth. 24. Ego veni in nomine Patris mei, & non recepitis me: Veniet alius in nomine suo, & illum recipietis. De origine autem Antichristi, & aliis rebus ejus contrariis omnino Christo, Damascenus lib. 4. c. 27.

Veniet & Elias Thesbites, & Enoch quos, ut Theologi contemplatores ajunt, occidet Antichristus. Sed ipse occidetur spiritu oris Christi. Fiet separatio bonorum a malis, tanquam agnorum ab hædis: & orbis universi conflagratio. Nam elementorum qualitates, quæ corporibus nostris corruptibilibus congruebant, ardendo penitus interibunt: atque ipsa substantia eas qualitates habebit, quæ corporibus immortalibus convenient. Ante omnia hæc, fides multorum deficiet, ut docet Christus Luc. 18. Matth. 24. & Paul. 1. Timoth. 4. Magna erit bellorum commotio. Matth. 24. Marc. 13. Luc. 21. Tertio fames: Quarto pestis: Quinto terræ motus. Hæc oportet fieri, sed non statim finis. Erunt enim etiam signa in Sole, & Luna, & Stellis: & ignis denique conflagratio.

Quo loco.

Joelis 3. Congregabo omnes gentes, & deducam eas in vallem Josaphat, & disceptabo cum eis; &c. Infra, Confurgent & ascendant gentes in vallem Josaphat: quia ibi sedabo, ut judicem omnes gentes in circuitu. Ex his verbis locum judicio extremo putarunt designatum in Judæa. Sed sicut tempus nemo novit, nisi Deus, sic neque locum quis temere definire debet. Nam & dictio Hæbraica Josaphat, sonat, judicium Domini: & inferius eodem capite dicitur: Juxta est dies Domini in valle concisionis Heb.

Quale

(b) Psal. 89.

Tomus VIII. Concilior. German.

Quale & quomodo fiet Judicium.

Sophonias 1. Juxta est dies Domini magnus, juxta est, & velox nimis. Vox diei Domini amara: tribulabitur ibi fortis. Dies iræ, dies illa tribulationis & angustiae, dies calamitatis & miseriae, dies tenebrarum & caliginis, dies nebulae & turbinis, dies tubae & clangoris. Et Dominus apud Matthæum: Cum venerit Filius hominis, &c. (c)

Notanda sunt ergo quatuor judicii generalis mysteria. Primum est trina citatio: sed bina jam præcessit. Per Prophetas enim vocavit Proverb. 11. Vocavi, & renuistis. Deinde per Apostolos Luc. 14. Misit servos suos hora cœnæ. Tertia erit, in voce tubae peremptoria: de qua B. Hieronymus dicebat: Sive comedam, sive bibam, sive quid aliud faciam, semper insonare videtur auribus meis illa terribilis tuba, & verba, Surgite mortui, venite ad judicium. Secundum mysterium est separatio, quæ fiet tanquam ovium ab hædis, bonorum a malis. Tertium, examinatio & discussio omnium actionum singulorum. Ultimum, retributio pro meritis singulorum.

In die Judicii extremi nihil, nisi opera nostra bona juvabunt: Futurum est enim, ut unusquisque nostrum & actus suos, & cogitationes ante tribunal Judicis tremendi afferat. Contremiscit cor, & renes mei resolvuntur, quoties cogito revelandas esse cogitationes meas, & sermones atque actiones meas in illo die. Sicut arbores fructiferæ primo fructum concipiunt intra se, postea proferunt extrinsecus secundum propriam cujusque naturam & folia & fructus: sic in die illa terribili omnes homines quæcunque bona vel mala gesserunt in hoc sæculo occulte, ibi quasi fructus proprios ante Tribunal Domini proferent. Iusti quidem bonos & jucundos: Sancti similiter suavissimos, & omnibus gratiarum floribus ornatos: Martyres vero suppliciorum & penarum fructus patientiæ gloriosos: Monachi autem sanctæ conversationis suæ, id est, continentiae, humilitatis, vigiliarum, orationum, & obedientiæ immarcescibiles fructus. Peccatores vero impii ac prophani proferent turpissimos & execrandos, cum confusione, & ululatu, & luctu. Tremendum est judicium, in quo sine testibus omnia manifesta erunt. Ibi assistent millia millium Angelorum & Archangelorum: ibi iustorum chori Patriarcharum, Prophetarum, Apostolorum, Martyrum, Virginum, & omnium omnino ag-

mina Sanctorum. Beatus homo, qui invenerit fiduciam in illa hora, & qui audierit vocem illam: Venite benedicti Patris mei, percipite regnum, quod vobis paratum est ab origine mundi. Apparebit Crux lucidissima in cælo adventum Christi significans ad judicium, quæ inimicos quidem Crucis terrore & confusione replebit, fideles autem gaudio atque lætitia. Accedent tubæ, quarum sonitu terribili, omnes, qui in monumentis sunt, excitabuntur. Cælestis iussu Regis terra mortuos suos reddet: mare itidem. Quicquid humanorum corporum vel bestia rapuit, vel piscis voravit, vel avis disceperit, in statum suum pristinum remanebit. Omnes in ictu oculi resurgent, & ante tribunal stentur. Qui status erit mentis miseris, [fratres] cum viderint igneum fluvium ab ortu Solis ad occasum, procumbentes montes & culmina devorantem, omniaque, quæ in terris sunt, consumentem? cum fidera de cælo cadent, cum Sol & Luna deficiant & in sanguinem vertentur? cum cælum sicut liber aliquis complicabitur? cum viderint Angelos huc atque illic cursitantes cum festinatione, & electos Dei ex quatuor angulis mundi congregantes? Cum viderint solum sublime Judicis terribilis & severi? cum viderint aperiri libros illos, in quibus descripta sunt cujusque hominis facta, verba, atque cogitationes? O quantus erit gemitus, quam miserabiles lacrymæ, cum oculis nostris videbimus hinc cælorum regnum, illinc æterna inferni supplicia. Tunc separabuntur boni a malis, sicut oves ab hædis, Episcopi ab Episcopis, Presbyteri ab aliis Presbyteris, uxor a marito. Ingemiscunt Principes & Reges, nudi & miseri discurrunt: namque opes & majestas nulla illic Principum movebit Judicem æternum. Quæ in corpore existentes gesserint bona vel mala, recipient. Dicit enim Dominus: Ego te, o homo, de limo terræ manibus meis formavi: ego animi & corporis bonis ornavi: pro te passus sum: irridentium palmas & spura suscepi: acetum cum felle bibi: flagellis cæsus sum, spinis coronatus, cruci affixus, vulneribus perfossus: ut tu eripereris morti, animam in tormentis dimissi. En clavorum vestigia, quibus affixus pependi. En perfossus vulneribus latus. Suscepi dolores tuos, ut gloriam tibi darem. Cur quod pro te peruli, perdidisti? Cur ingrate redemptionis tuæ munera renuisti? Et quia ad medicamenta penitentiae confugere noluisti, ab auditu malo non mereberis liberari: Ite maledicti in ignem æternum, &c.

Ut ergo hæc tam dura & tam terribilia ante illud tribunal æterni Judicis audire non merea-

mereamur, dum adhuc licet, & cum Dei adjutorio in potestate nostra est, considerare conscientias nostras, & si aliqua crimina, vel peccata capitalia, nec dum elemosynis vel orationibus purgata, nobis adhuc dominari cognoscimus: portum pœnitentiæ, devictis peccatorum fluctibus, Christo juvante, intrare festinemus. An ignoras, eos, qui judicem mitigare volunt, non ipso in examine causæ, sed priusquam iudicii ingrediantur locum, benevolum sibi faciunt? Ergo præoccupemus faciem ejus, & dicamus: Ne intres in iudicium cum servo tuo, Domine, quia non justificabitur in conspectu tuo omnis vivens. Si justus vix salvabitur, impius & peccator ubi apparebunt?

STATUTUM I.

Prohibemus prognosticationes de die iudicii extremi, quas ad demerendos homines, falsi sæpe Prophetæ ex Sacris Literis, in suum sensum detortis, vel ex motuum cœlestium calculacione, nescio, qua comminiscuntur.

DE INFERNO, ET POENA Damnatorum.

Sic esse Sanctorum animas in cœlo credimus, oportet omnino, credamus & iniquorum animas esse in inferno: quia ex retributione æternæ justitiæ, ex qua justis gloriantur, necesse est, ut & iniusti crucientur. Ideo Matth. 23. Christus monet nos extremi iudicii, quando dicitur iis, qui a sinistris erunt: Discedite a me maledicti in ignem æternum, qui paratus est diabolo & angelis ejus. Et ibunt hi in supplicium æternum: justis autem in vitam æternam.

Inferorum locus creditur esse sub terra, secundum illud Esaia 41.: Infernus subter conturbatus est in occursum adventus ejus. Et c. 7. Pete tibi signum a Domino in profundum inferni, vel in excelsum supra. Quanquam omnis locus reprobus est pœnalis, qui semper secum deferunt cruciatum, & ubique contra se tormentum incurrunt. Hieronym. super illud Matth. 12. Sicut fuit Jonas in ventre ceti, &c. dicit infernum esse in medio terræ, sicut cor est in medio animalis. Quare sentiunt pii Doctores, terram

in medio sui cavam esse, ibique habere plura receptacula: præsertim vero quatuor. Unum intra alia, qui damnatorum locus sit. Alterum, puerorum limbum, qui sine Baptismate vel circumcissione decesserunt: quem ideo limbum vocarunt, quod instar limbi planispermii ambiat pœnarum locum. Tertium, Purgatorii. Quartum, Patrum veteris testamenti, quem Christus post mortem suam evacuavit.

De pœnis autem inferni ex rerum corporalium, quas videmus in hoc mundo comparatione & similitudine Sancti Doctores multa tradidere: ut horrore intolerabilis supplicii nos a peccatis & impietate revocarent. Sed putandum minora profecto esse, quæ dicuntur omnia, quam res ipsa habeat, cum & Sacra Litera supra terribilia omnia eas exaggerarint. August. (d) Hujus pœnæ & ignis illius potentiam nulla vox exponere, nullus poterit sermo explicare. Nichil est enim in rebus corruptibilibus, quod conferri possit incorruptibilibus, sive bonis, sive malis.

Idem tamen duo principalia dicit esse tormenta in inferno: frigus intolerabile, & calorem ignis inextinguibilem. Unde in Evangelio dicitur: Illic erit fletus & stridor dentium. Et Job. 24. De aquis nivium transibunt in calorem nimium. Innocentius III. in lib. De contemptu mundi: Prima pœna, inquit, est ignis: secunda frigoris. De eo dixit Dominus: Ibi erit fletus & stridor dentium, propter frigus. Tertia erit fœtor. De his tribus dicitur in Psalmo, [e] Ignis, sulphur & Spiritus procellarum, pars calicis eorum. Quarta, vermes indescientes. Unde Esaia, (f) Vermis eorum non morietur, & ignis eorum non exstinguetur. Quinta, mallei percutientes. Unde (g) Salomon: Parata sunt damnationis judicia blasphematibus, & percutientes mallei stultorum corporibus. Sexta, tenebræ palpabiles exteriores & interiores. Unde (h) Job: Terra miseriæ & tenebrarum: ubi umbra mortis, &c. Vadam ad terram tenebrosam & opertam mortis caligine. Septima confusio peccatorum. Tunc enim (ut legitur in Daniele) libri aperti: id est, conscientiæ hominum erunt omnibus manifestæ. Octava, horribilis visio dæmonum. Nona, igneæ catenæ, quibus impii constringentur. Singula enim membra pro suis peccatis sustinebunt sua tormenta: ut in eo puniantur, in quo peccaverunt. Scriptum est enim: Per quæ peccat homo, per ea puniatur. Nec erit æqualis omnium pœna: sed sicut sunt pecca-

(d) Serm. de temp. 181.

(e) Psal. 10.

(f) Esaï. ult.

(g) Prover. 19.

(h) Job. 10.

peccatorum differentiæ, sic erunt & cruciatum. Aliter cruciatur adulter, aliter fornicator, aliter homicida, aliter fur, aliter ebriosus, aliter mendax, aliter perjurus, aliter hæreticus, aliter apostata. Unus est gehennæ ignis, ait Gregorius, sed non uno modo cruciatur peccatores. Uniuscujusque, quantum exigit culpa, tantum illic sentitur pœna. Ut ergo in summa dicamus, triplici pœna puniuntur damnati in inferno, etiam ante judicium extremum: prima dicitur pœna damni, quia privantur visione Dei beatifica. Secunda sensus, quia licet animæ illic sensus corporeos non habeant, sentiunt tamen ab igne impressionem qualitatæ ejusdam afflictivæ secundum qualitatem peccati. Tertia dicitur vermis, quem remorsum conscientie vocamus. Vexantur enim damnati assiduo illo torture conscientie, penitentes, sed frustra, quod ita se a Deo averterint in vita sua, & ad malum converterint, nec de peccato penitentiam, cum poterant, egerint. Post judicium autem universale, quando corpora receperint, multo majore cruciatu afficientur: quia in singulis sensibus corporeis patientur. Nec tamen deficient. Ignis enim inextinguibilis erit: quia non ipse extinguetur, nec eos, quos suscipiet, extinguet, aut perimet: talis a Deo creatus ab origine mundi, qui nec lignis alitur, nec statu indiget, ut succendatur. Scriptum est enim: (i) Devorabit eum ignis, qui non succenditur. Ardebit autem, & non lucebit ultrix flamma illa vitiorum, inquit B. Gregorius: Concremationem habet, & lumen non habet. Hinc est enim, quod Veritas dicit: Discedite maledicti in ignem æternum. (k) Et: Ligatæ ejus manus, & projicite in tenebras exteriores. Quanquam, ut sentit Isidorus, eatenus lucere poterit, ut offendant impius, unde doleant, non unde gaudeant.

Sed quæras adhuc, qui fieri potest, ut rem incorpoream ignis corporeus teneat? Respondet idem Gregorius: (l) Si viventis hominis tenetur in corpore incorporeus spiritus: cur non post mortem corporeo igne reneatur? Et si spiritus malus, qui incorporeus est, ab igne torquendus reservatur, cur non & anima?

De pœna autem demonum sic Theologi tradunt. Quod in supplicio semper sunt: nec si post judicium majori pœna essentiali punientur, accidentali tamen graviore non torquebuntur: eo quod omnes, qui modo sunt in aere caliginoso, & aliis locis, ubi hominum genus vexant, post judicium detruentur in tartarum in perpetuum, quod gravissimum erit eis, propterea quod non licebit eis nocere amplius hominibus. Hoc

enim, ut videtur ex cap. 8. Matth. maxime torquet eos. Clamabant enim: Fili David, quid tibi & nobis? Venisti ante tempus (scilicet judicii) torquere nos: cum aliud supplicium de illis non sumeret Dominus, quam quod impediēbat energiam eorum. Erunt tamen executores judicii extremi, sicut interpretatur Hieronymus illud Matth. 13. Exhibunt Angeli (hoc est, demones executores) & separabunt malos de medio justorum. Justum est enim, ut cum homines peccatores ipsi se demonibus subdiderint peccando, subdiciantur etiam eisdem in pœnis peccatorum.

Apud inferos ponitur limbus puerorum, qui sine Baptismate (ut diximus) decedunt. Sed pœna horum est tantum pœna damni; quod visione Dei beata privantur. Sensus nulla pœna torquentur: propterea quod actu propriæ voluntatis caruerunt. Fruentur quidem (ut quidam volunt) contemplatione rerum naturalium, sed procul a regno Dei, & hereditate Christi.

Purgatorium quoque dicitur infernus, cum canit Ecclesia: Libera animas fidelium defunctorum a pœnis inferni, & de profundo lacu. Sicut etiam limbus Patrum, ad quem Christus descendit, dicitur infernus, vel inferi: ut articulo fidei confitemur descendisse eum ad inferos.

Probant autem Theologi purgatorium esse, primum universalis Ecclesiæ consensu, deinde hac ratione: Cum contingat aliquando existentem in gratia Dei, defungi vita, non soluta pœna temporali peccatis antea commissis debita: necesse est locum vel tempus restare, ut satisfaciatur, antequam ingreditur civitatem sanctam Hierusalem: in qua nihil intrare potest coinquinatum. Alias enim injuria fieret Divinæ justitiæ: vel enim maneret peccatum impunitum, vel existens in gratia Dei sine novo peccato excluderetur a regno Dei. Hæc est Ecclesiæ Catholicæ doctrina multum pia & utilis populo Christiano: quam post alia Concilia, Oecumenicum Tridentinum confirmavit. Nam & Sacra Litera eam probant & Doctores Sancti. Malach. 3. Ecce venit, (in hora mortis scilicet) & quis stabit ad videndum eum? Ipse enim quasi ignis conflans, & quasi herba fulgonum: & sedebit conflans & mundans argentum, & purgabit filios Levi. 2. Maccab. 12. Sancta & salubris est, &c. Matth. 12. Verbum, quod quis dixerit contra Spiritum Sanctum, non remittitur nec in hoc sæculo, nec in alio. 1. Pet. 3. In quo iis, qui in carcere erant, Spiritu veniens prædicavit: qui increduli fuerant aliquando, quando expectabant Dei patientiam in diebus Noe. Non enim

(i) Job. 20.

(k) Matth. 25.

(l) Greg. lib. 4. dialo.

enim de damnatis hoc dicitur : ad eos enim non descendit Christus. Nec de sinu Abraham : quia non increduli fuerunt. Ergo de purgatorio. Apocal. 5. Joannes vidit subtus terram animas benedicientes Deum. Quod non potest de damnatis intelligi, quia superbia eorum ascendit semper : neque de Patriarchis, quia non erant amplius tunc sub terra : neque de pueris, quia non cognoscunt Christum. Ergo de iis, qui sunt in purgatorio. Paulus ad Corinth. Fundamentum aliud nemo potest ponere, quam quod positum est, quod est Christus Jesus, &c. Sequitur, Uniuscuiusque opus quale sit ignis probabit, &c. Si cuius opus arserit, detrimentum patietur : ipse autem salvus erit, sic tamen quasi per ignem. Hæc verba Pauli licet principaliter de doctrina fidei intelligantur : Hieronymus tamen contra Jovinianum, (m) aurum & argentum & lapides pretiosos ad bona opera : lignum & stipulam ad mala refert. Et Theodoretus in eum locum inquit : Hunc ignem credimus esse purgatorium, in quo animæ tanquam aurum in confatorio purgantur. August. in sermone de Sanctis loquens de peccatis venialibus : Quicquid de istis peccatis a nobis redemptionem non fuerit, illo igne purgandum est, de quo inquit Apostolus : Quia in igne purgabitur. Ambrosius in hunc locum : Ideo autem dixit, sic tamen quasi per ignem, ut salus hæc non sine pœna sit. Ostendit saluum quidem illum futurum, sed pœnas ignis passurum, ut per ignem purgatus fiat salvus : & non sicut perferri æterno igne in perpetuum torqueantur. Locum Zachariæ, c. 9. Basilis de purgatorio interpretatur, ubi dicitur : Eduxisti eos de lacu, in quo non erat aqua. Nec prodest negantibus purgatorium, quod Apocal. 14. dicitur : Beatos esse, qui in Domino moriuntur, quod requiescant a laboribus : requiescent enim aliquando. Nec argumentum valet : Omnes nos manifestari oportet, &c. Ergo si liberarentur orationibus vivorum, locus esset merito. Nam August. eos meruisse ait, ut precibus vivorum juvarentur, quod intellige, quando a Sacerdotibus absolutionem petierunt : ut infertur ex Dionysio.

Falsum est, quod hæretici, ut suum errorem tueantur, ajunt, D. Augustinum dubitasse, an esset purgatorium : id nusquam inveniant, nisi in suis fortasse falsis indicibus. Nam Augustinus (n) passim docet in suis libris, rem serio tractans, aliam sententiam. Falsum quoque, quod ajunt, Græcos negare purgatorium. Non negant Græci purgato-

rium : sed per ignem fieri, & ignem esse, quo animæ in purgatorio affligantur : hoc contra Latinos negant aliqui ex eis, sicut elici potest ex actis Conc. Florentini. Et Ugo quidem de S. Victore nullum admittit locum determinatum esse purgationi animarum : sed esse probabilius, ait ; ut in iis potissimum locis pœnas sustineant illæ animæ, in quibus culpam commiserunt : sicut multis id documentis probatum esse ait. Et Gregorius in 4. Dialogorum scribit de Paschasio Cardinali, quod in thermis pœnas purgatorii sustineret. Sed Ricardus de media Villa hanc difficultatem sic componit : quod de lege communi, animæ fidelium in gratia Dei defunctorum, pro peccatis venialibus, & etiam pro illis mortalibus, quorum sufficientem pœnitentiam non egerunt, in loco ad hoc deputato pœnas luunt : licet ex aliquibus causis specialibus, alii alibi purgentur, ut viventibus aliquid nuncient, vel ut suffragia pro se impetrent : & ut patiendo, ubi peccaverunt, Dei iustitiam sensibilibus manifestent. Vide Petrum de Palude, 4. d. 21. q. 1. & Bonaventuram 4. d. 20. ar. 1. q. 2.

Sed hæc forte, ut curiosa nimis sciri licet a Curato, non omnia expedit exponi populo. Illud curæ erit, quicquid ad edificationem facit : quibus rationibus charitas augeatur erga fideles defunctos : quibus pœnarum, præmiorumque fides fiat simpliciter : quibus resurrectionis omnium spes confirmetur. Hæc sunt nostri muneris. Quæstiones autem nondum ab Ecclesia decissas, devita.

DE INCOMPREHENSIBILI gloria beatitudinis æternæ.

PERfecta beatitudo [o] in eo sita est, ut post hoc exilium, in Dei gloriam translati & assumpti, Deum clare videamus, amemus, ac æterna fruitione possideamus. Etenim supra omnia Deus ipse essentiale præmium est : quod ubi nacti erimus ac possederimus, tunc omnia summo ac excellentissimo modo perfecta & consummata erunt. Tunc Deum in perenni charitatē cognoscemus, & intima cum delectatione amabimus, & sine ulla defatigatione laudes, gratiasque ei semper agemus. Singuli autem Sancti speciale suum habebunt præmium pro dignitate & sanctitate sua. Quilibet de aliorum beatitudine perinde, ut de propria, gaudebit ac gratulabitur. Erit autem in illa beata vita omnimoda

Q 3

(m) Lib. 1. (n) Tom. 2. fol. 110. Tomo 4. de cura pro mor. c. 1. & q. 11. Ad dulci. Tom. 10. de verb. Apo. 34. Lib. 2. de Sacramentis, par. 15. c. 7. 4. Sent. d. 21. art. 1. q. 3. (o) Ex Joanne Rusbochio.

sapientia, omnimoda potestas: quandoquidem Reges erimus & filii Dei, & quicquid libuerit, faciemus. Erit omnigena opulentia, eaque longe ultra, quam capere possumus, abundabit. Ad hæc erit pulchritudo sempiterna & immarcescibilis: Itemque æterna & imperturbabilis pax. Denique erit ibidem omnium affluentia divitiarum, omnigenarum influxus deliciarum, omnis boni accessus, atque florida juvenus omnis expers mortalitatis. Nihil ibi erit, quod quemquam male habere, aut molestia afficere queat: abundabit autem, quicquid possit adferre lætitiā. Atque istud gaudium, ista beatitudo, tam multiplex erit, ut nec enumerari, nec mensura comprehendi, nec cogitari, nec verbis exprimi, nec ulla demum ratione satis ostendi queat. Major est enim & cumulator, quam vel spe, vel desiderio, vel cunctis simul viribus nostris capere queamus. Enimvero Deus ipse incomprehensibilis, & immensus nostrum vult esse præmium, nostrum gaudium. Contuebimur Divinæ sapientiæ speculum, in quo quicquid unquam factum est, quod nos exhilarare queat, relucebit. Contemplabimur corporalem, gloriosamque faciem ipsius Domini Jesu, & ejus gratissimam vocem audiemus, unde cor, omnesque sensus nostri illius gloria complebuntur: atque ita præ gaudium & amore nos in eum, & ipse in nos colliquecet. Conspiciemus & beatissimam, dulcissimamque ejus Genitricem Virginem Mariam, unaque Spiritus Angelicos, & omnes Sanctos, qui nobiscum perenni Deum laude, atque amore prosequuntur. Præclarissimus Sancti Spiritus odor nos penetrabit, omni balsamo & quibuscunque aromatibus longe suavior: qui etiam nos extra nosipsos in æternam Dei trahet & rapier charitatem. Gustabimus sempiternam bonitatem Dei omni melle dulciorem, eaque pascemur ac cibabimur, & ejus perpetua fame ac siti tenebimur: sicque fiet, ut perennem esuriem etiam perpetua cibatio comitetur, semperque renoveatur; quæ est vita æterna. Amore comprehendemus, & ab amore comprehendemur, denique possidebimus, & vicissim a Deo possidebimur in unitate, Deoque perfruemur: & illi uniti in beatitudine quiescemus. Quæ quidem fruitio & quies in supereffentiali Divinitatis substantia, altissimum beatitudinis fundum est: siquidem hic supra famem in satietatem absorbebimur.

Atque hæc quidem hætenus ex pio quodam viro.

Supereff, ut pauca solita methodo tradamus: præterea, quæ supra de octo beatitudinibus, quibus loca Scripturæ Sanctæ de

hac re interpretando, populum possint in sana Ecclesiæ doctrina Pastores instituere. Beatitudo sumitur aliquando pro via & dispositione ad beatitudinem, ut: Beati pauperes spiritu, &c. Beatus vir, qui non abiit in concilio impiorum. Et fides hoc modo dicitur aliquando vita æterna. Joan. 3. Qui credit in Filium, habet vitam æternam, & (juxta interpretationem Cyrilli & Hilarii) Hæc est vita æterna, ut cognoscant te solum Deum verum, & quem misisti Jesum Christum. Alio modo proprie, ut: Beati, qui habitant in domo Domini, in sæcula sæculorum laudabunt te. Beatitudinem desinit Boetius, statum omnium bonorum aggregatione perfectum. Ambrosius, Claram notitiam cum laude. Augustinus lib. 1. de Trinitate dicit, contemplationem præmitti, quæ actionum omnium finis est, atque æterna perfectio gaudiorum.

Ex his dicimus, Sanctorum felicitatem claram Dei visionem esse cum laude. Unde duplex gloria inferitur essentialis & accidentalis. Essentialis est visio Divinæ essentiæ, qui & denarius diurnus [o] appellatur. Accidentalit in multis aliis bonis consistit pro meritorum cujusque ratione. Sic essentialis appellatur aurea corona. Accidentalit aureola, & dotes tam animæ, quam corporis, quæ ab essentiali illa efflorescunt.

Duabus autem de causis dicitur corona. Prima est dignitatis Regiæ, qua beati donantur. Et hæc est aurea. Altera victoriæ, qua nemo coronabitur, nisi qui legitime certaverit. Et laurea dici potest: quali victores in triumpho coronati incedunt. Ferunt victores quoque in manibus suis palmas, induti veste candida. Ideo dicitur Apoc. 7. Posthæc vidi turbam magnam, &c. amicti stolis albis: & palmæ in manibus eorum. Nec solum victoriæ signum est vestis albæ, sed etiam innocentie, quam in Baptismo mundati ab omni peccato accepimus. Virginum corona (aureola appellata) gloria est de incorruptione corporis, attestante mentis integritatem. Martyrum, de victoriæ tormentorum pro Christi nomine. Prædicatorum vero, de victoriæ doctrinæ Catholicæ. Sic propter tres potentias animæ [concupiscibilem scilicet, & irascibilem; & rationalem] heroice, fortiterque domitas, atque exercitas, tres coronæ propositiæ sunt piis hominibus. Quod si pro meritis dari coronas putamus, non ita senties, ut meritum respondeat generi operis, sed radici charitatis: quoniam non sunt condignæ passionibus hujus mundi ad futuram gloriam, quæ revelabitur in nobis. Ideo Christus ad opera charitatis spectans, dicit: Venite benedicti Patris mei, possi-

(o) Matth. 20.

possidere regnum. Esurivi enim, & dedistis mihi manducare, &c.

Dotes ergo gloriæ aliæ erunt corporis, aliæ animæ. Et corporis quidem sunt quatuor: claritas, agilitas, subtilitas, & impassibilitas. De quibus loquitur Apostolus 1. Corinth. 15. Seminatur corpus in corruptione, surget in incorruptione: seminatur in ignobilitate, surget in gloria. Vide reliqua in illo cap. Et Sap. 3. Fulgebunt iusti, & tanquam scintillæ in arundinetis discurrent. Si quæris, cur vocentur hæc dona gloriæ, dotes; duæ causæ sunt, una, quod bona post resurrectionem ornabunt nos, sicut ornati dicimur in hac vita bonis naturæ, ut forma, viribus iudicii, ac memoriæ felicitate. Altera, quod sicut mulier nuptui data, quo majorem affert dotem marito, eo honoratior est: ita erit fidelis anima in regno celorum. De claritate corporum gloriosorum, præter alia loca, habes Matth. 13. Fulgebunt iusti, sicut Sol. Esa. 30. & 1. Cor. 15. Stella differt a stella in claritate: sic & resurrectio mortuorum. Hanc declaravit Dominus noster Matth. 17. in Transfiguratione. De agilitate autem exemplum dedit ambulando super mare, Marc. 6. De subtilitate, quando clauso sepulchro, resurrexit, & integra virginitate matris natus est, Luc. 2. Impassibilem quoque se docuit, quando se manducandum tradidit discipulis, Matth. 26. &c.

Dotes animæ sunt tres, in quibus vera sita est beatitudo: Cognitio Dei, dilectio, & fructio. De cognitione dicitur 2. Cor. 13. Tunc cognoscamus, sicut cognitus sum. Cognoscemus enim clare Dei naturam, sapientiam, potentiam, bonitatem: & in eo omnia alia. Hæc Dei cognitio nos mirum in modum trahet in ejus amorem. Quare Joan. 17. dicebat Christus, Hæc est vita æterna, ut cognoscant te solum Deum verum. Psal. 16. Satiabor, cum apparuerit gloria tua. Videbimus autem clare & evidenter, quæ nunc in hac vita tantum credimus, & in ænigmate cognoscimus: veluti quomodo æternus est, unus in substantia, trinus in personis: quomodo Filius a Patre nascitur, & Spiritus Sanctus ab utroque procedit: quomodo Divinitas immensa cum humanitate Christi unita fuit. Cognoscemus omnia, quæ lumine supernaturali revelabuntur nobis opera Dei, & iudicia, & rerum naturalium causas atque effectus; de quibus anxie se torquent Philosophi in hac vita. Omnia denique, quæ nunc latent, in gloria patebunt nobis: idque cum voluptate, & lætitia inenarrabili. Et cognoscemus quidem omnia hæc in Deo, per Deum ipsum, qui lumen intellectus no-

stri erit. Psal. 35. In lumine tuo videbimus lumen, id est (ut interpretantur aliqui) Deum Patrem in Deo Filio, & Filium in Patre Deo, & Spiritum Sanctum in utroque. Dicit enim Apostolus: Tunc cognoscamus, sicut cognitus sum. (p) Deus autem cognoscit nos per se: Sic ergo Deum cognoscemus per Deum ipsum. Hæc est gloria & felicitas summa. Jere. 9. Qui gloriatur, in hoc gloriatur, se scire & nosse me. Joan. 17. Hæc est vita æterna, ut cognoscam te solum Deum, id est, videam, ut communiter accipitur.

Beati ergo diligunt Deum perfecta charitate, non qua nunc diligimus imperfecte. Quem cum habeant, eo fruuntur. Nam frui, aliud non est, quam rem amatam possidere, & in ipsa quiescere. Propterea Christus, cum de dilectione verba fecisset Joan. 15. subdit: Hæc loquutus sum vobis, ut gaudium meum in vobis sit, & gaudium vestrum impleatur. Gaudium namque filii Dei est, Patrem suum amare, & ab eo mutuo amari, in quibus & amans, & amatus, & amor ipse idem sunt, una essentia, una natura, una voluntas. Sic Deum amando anima beata ad Deum trahitur, & Deum ad se trahit. Quia qui manet in charitate, in Deo manet, & Deus in eo: (q) quoniam Deus charitas est. Ergo ex dilectione hac fit beata fructio: id est, delectatio & voluptas suavissima ex conjunctione intellectus nostri & affectus omnis cum Deo. Complacebit sibi tenerrime anima beata contemplando charissimi sui Dei immensam gloriam, admirabilem pulchritudinem, summam bonitatem, inexhaustam sapientiam, ac denique præcipuam erga se charitatem atque amorem. Laudabit Deum, gratias agendo, cum se viderit in cætu, atque concilio Sanctorum; liberam ab eorum, qui in inferno sunt, damnatione. Gaudebit de gloria & felicitate non solum sua, sed etiam aliorum omnium Beatorum. Ad quam nos perducere dignetur Dominus noster Iesus Christus, cum Patre & Spiritu Sancto regnans in sæcula sæculorum, Amen.

DE OFFICIIS MORIENTI- bus necessariis.

MOrti proximis omni ope subveniri debet. Tunc enim consilio, si unquam, indigent quam maxime. Hinc enim morbi doloribus, illinc sollicitudine eorum, quæ relinquunt in mundo, vexari, vix quæ agenda sunt, vel pro salute animæ, vel pro suis, advertunt. Ideo dum sensibus sunt integris

ad

(p) 2. Cor. 13.

(q) 1. Joan. 4.

ad disponendum de bonis suis, inducendi sunt ad testamenti confectionem: aut certe si alieno ere onusti sint, cedant bonis, ne excommunicati decedant ex hoc mundo. Hoc enim miseris remedium unum restat, ne contumaces erga Ecclesiam habeantur & iniqui. Post hæc, sepositis curis omnibus sæculi, ad meditandum deducantur de salute animæ, & ad suscipienda Sacramenta Pœnitentiæ, Eucharistiæ, atque Unctionis extremæ. Sed primum de Testamento agamus. Et ut idiotæ etiam rem intelligant, lingua omnia trademus vernacula.

DU TESTAMENT.

Pour la validité d'un Testament nuncupatif, est requis le nombre de sept tesmoins masles & majeurs de quatorze ans, avec le Notaire, lesquels (Notaire & tesmoins) conviennent estre priez & requis par le Testateur: & le doit dire le Notaire en la fin de son instrument dudit testament, ainsi: Tesmoins à ce priez & requis.

Et si c'estoit en temps de peste, le Cuvé ou Vicaire du lieu (à faute de Notaire) pourroit recevoir ledit testament, y appellant trois tesmoins, si plus il n'en peut avoir: car en ce cas vaudroit le testament.

Aussi est il requis que le Testateur face institution d'heritiers: & qu'il nomme de sa bouche son heritier, ou ses heritiers.

Item que s'il y a enfans, un ou plusieurs, que à un chacun d'iceux soit donné & legué quelque chose à titre d'institution, au cas que le testateur ne les ferait (ou aucun d'eux) heritiers universel ou universels. De mesme en fera, s'il y a posthum, ou posthumes: car il en faut user comme des desia nez, pour la validité dudit testament.

Du Testament nuncupatif peut estre la forme suivante.

AU nom de la Sainte & Indivisee Trinité du Pere, du Fils, & du Saint Esprit, Amen. Je N. de N. laboureur (ou marchand, ou de mestier, qu'il est) considerant que par tribut de nature, convient à un chacun mourir & rendre l'esprit à son souverain Createur, pendant que de sa grace je suis sain, de sens, & de pensée, combien que je sois constitué en grievue maladie du corps, desirant non deceder de ce monde en l'autre, sans avoir testé & disposé des biens, qu'il a pleu à mon

souverain Createur & Redempteur me presler: Je fais mon testament & ordonnance de dernière volonté, comme s'en suit. Premièrement je vends & recommande mon ame à mon souverain Createur & Redempteur des maintenant, & quant elle sortira de mon corps, à ce que par le merite de la Sainte Passion de Jhesus Christ, & par l'intercession de la benoïste & glorieuse Vierge Marie, & de tous les Saints & Saintes de Paradis, il luy plaise la recevoir en son Royaume de Paradis. Item j'eslis la sepulture de mon corps en l'Eglise, ou cimetiere dudit N. au lieu & place où sont inhumés mes Predecesseurs. Item je donne & legue à N. Hic ponuntur legata, quæ testator fieri jubet, sive pia, sive alia: & post ipsa legata dicetur: Et au demeurant de tous & singuliers mes biens, desquels je n'ay testé ou disposé, tesseray ou disposeray cy apres, je fais, nomme de ma propre bouche & institue mon heritier universel (s'il n'y a qu'un heritier) ou mes heritiers universels, chacun par egale part, & portion (s'il y en a deux ou plusieurs) moyennant qu'ils seront tenus appaïser & payer mes debts, & accomplir tout ce mien testament, duquel je nomme Executeur N. Et veux que mondict present testament s'il ne vult par forme de & comme testament nuncupatif, vaille comme codicille, ou autrement par les meilleurs voyes, droit, forme, & maniere qu'il peut & doit mieux valoir: remettant sur ce toute rigueur du droit civil, & implorant la benignité du droit Canon. Ce fut fait & passé audict lieu de N. en la maison de moy testateur, en la chambre regardant sur N. par devant discrete personne N. Notaire de la Court dudit Seigneur Official de Besangon, & en presence de N. N. N. N. N. N. tesmoins à ce spécialement priez & requis: le... Jour du mois de N. l'an, &c.

STATUTUM I.

QUoniam Episcopi executores sunt omnium piarum voluntatum, ideo ne pia decedentium legata per hæredum iniquitatem maneat inutilia: cum quis facto testamento obierit, Curati moneant hæredes de publicatione testamenti. Quod si neglexerint, referent Procuratori nostro, vel Decano rurali.

DE CESSIONE BONORUM,
aut cautione, quæ fit ab infirmis in articulo mortis.

STATUTUM I.

CUrati, si quos habeant Parochianos infirmos excommunicatos, qui in infirmitate volunt confiteri & absolvi, mediante cessione bonorum suorum ad opus creditorum suorum, aut interveniente cautione idonea: ministrentur eis Sacramenta Pœnitentiæ, Eucharistiæ, & extremæ Unctionis.

II.

Infirmus igitur, qui est excommunicationis sententia innodatus a Canone, five a jure, si petat humiliter & devote absolutionem, debet absolvi sub hac forma, ac præcepto, quod si Dominus dederit ei vitam, statim, & quam cito potuerit, post recuperatam sanitatem, ibit ad illum; a quo erat absolvendus, suscepturus mandatum ejus super illis, pro quibus erat excommunicatus: Quod si non fecerit, statim relabatur in pristinam sententiam.

III.

Infirmus excommunicatus a Judice, five ab homine, pro delicto seu debito, si petat humiliter & devote absolutionem a prædicta sententia, debet absolvi: ita tamen, quod primo det pignora, vel cautionem idoneam, videlicet responsalem sufficientem vel juratorem, quod parebit mandatis Ecclesiæ & satisfaciet creditoribus, seu his, ad quorum instantiam excommunicatus erat.

IV.

Si pignora dederit infirmus, illa recipiat Sacerdos Parochialis ad manus suas, & fideliter describat, ut de eis rationem reddere possit tempore debito ad opus illorum, quorum intererit: & illum absolvat: injungendo ei (ut supra dictum est) quod si supervixerit, satisfaciet Ecclesiæ & suis creditoribus. Alioquin eo ipso, postquam evaserit mortis periculum pro illa vice, (licet

Tomus VIII. Concilior. German.

infirmus longius duraverit) in pristinam sententiam relapsus sit: & pro tali relapso habeatur & teneatur.

V.

Si infirmus cautionem (id est, responsalem) pro debito dare voluerit, Sacerdos non recipiat, nisi talis responsalis idoneus sit, & potens pro satisfaciendo: quia alias facile esset illudere creditoribus.

VI.

Is, qui cautionem, seu responsalem se constituerit pro debitore infirmo excommunicato, moneatur sub excommunicationis pœna, ut infra quindecim dies post decessum infirmi (si ex illa infirmitate moriatur) satisfaciat creditoribus, qui illum tenebant excommunicatum. Quod si non fecerit, elapsis dictis quindecim diebus, talis responsalis denunciatur excommunicatus pro debito dicti infirmi, ad instantiam dictorum creditorum.

VII.

Sive cautionem præstiterit infirmus, five cessionem bonorum fecerit, repræsentetur illa in scriptis in forma debita per Sacerdotem Parochialem, qui illam receperit, infra quadraginta dies a die obitus dicti infirmi excommunicati, Officiali Curiae nostræ Bisuntinensis, sub pœna arbitraria, si negligens fuerit.

VIII.

Si infirmus, post cautionem, vel cessionem præstitam in forma prædicta, humiliter & animo contrito petierit Sacram Eucharistiam sibi dari: illam recipere poterit.

IX.

Si vero infirmus usum loquendi perdiderit, ita ut cautionem, seu cessionem prædictam præstare non possit, tamen signa contritionis ostendit, elevando manus junctas ad cælum, percutiendo pectus, & alia hujusmodi signa contritionis faciendo, absolvi debet a prædicta sententia excommunicationis, & Eucharistia Sacra sibi dari; atque etiam sepultura: sed hæc, dummodo parentes, liberi, aut amici ejus, ad quos

R

quos bona ejus venire debent, dent pignora, fidejussores, aut idoneos responsales de satisfaciendo illis, ad quorum instantiam dictus infirmus excommunicatus erat, si pro tunc decesserit ab humanis.

X.

Si autem dictus infirmus nihil intelligat, sed amiserit usum rationis: veruntamen si constet Sacerdoti, quod in eo signa contritionis & penitentiae præcesserint, debet absolvi & communicari: recepta prius cautione per pignora, vel fidejussores, aut responsales idoneos de satisfaciendo, ut in proximo præcedenti articulo dictum est.

XI.

Statuta Prædecessorum nostrorum Archi-Episcoporum Bisunt. contra sustinentes sententiam excommunicationis per annum & ultra, confirmando, & quatenus opus est, innovando, prohibemus districte sub gravi pœna arbitraria elemosynæ nostræ applicanda, ne excommunicati, qui per annum continuum & ultra sententiam excommunicationis sustinuerint, si decedant, sepeliantur in Ecclesiis, aut Cœmeteriis: licet in infirmitate cessionem bonorum suorum fecerint, aut cautionem dederint, ut supra: nisi prius absolutionem meruerint, de consensu creditorum suorum, & de nostra, aut Vicarii nostro Generalis licentia speciali processerint. Ut per hoc magis timeatur Ecclesiastica censura, & creditoribus satisfiat de debito, & ipsi excommunicati in vita procurent absolvi: ne post eorum obitum creditores affici videantur injuria. Nec literæ aliæ de non obstante sufficient, quæ aliquando obtineri solent subreptitiæ: sed fiant sub sigillo Cameræ nostræ, in cera rubra.

DOCTRINA MORIENDI IN DOMINO.

Magni meriti opus est, infirmos visitare: majus opus adhuc, eis opem ferre. Quod si ad vitam æternam consilio tuo perducas, quid esse potest Deo gratius? nam Dei charitas in tali opere regnat præcipua. Igitur extremum hoc officii doceamus. Jo-

annes Gerson quatuor doctrinæ moriendi capita dedit: quæ quia magnæ energiæ videntur, summatim nos Gallice reponemus. Ea sunt exhortationes, interrogationes, orationes, & observationes: quas prudens Pastor, & alius quivis consolator, habita ratione personæ & temporis, contrahet, vel dilatabit pro suo judicio. Habebit autem cautionem hanc semper, ut a caducis rebus & temporalibus laborantem avertat, & ad Deum, atque ad cœlestis patriæ desiderium convertat: ut desideret, quantum obtineri possit, Deo ac Domino suo dulcissimo gratias agere, eundemque perpetuo in cælis laudare, & perfecte amare.

Exhortations ou mourant.

Considère, mon bon ami, la condition de nostre pauvre vie, comme tous sommes en la main de Dieu.

Quant il luy plait, il nous appelle, & quant il luy plait nous laisse, &c. Encor nous fait il plus grande grace, quand il nous oste de ce monde, auquel n'a autre chose que douleurs, soucis & larmes.

Tenez pour certain, que ne sommes, que pelerins en ce monde, & n'avons que nostre passade, pour y faire ce que Dieu nous commande, & quelle œuvre digne de louange envers Dieu, &c.

Rendez graces à Dieu, qui vous donne congnoissance de luy, & ne vous a laissé surprendre de la mort, devant que, &c.

Souvenez vous, que vous avez commis beaucoup de pechez; De quoy vous repentez, pour avoir offensé Dieu, vostre doux & gracieux Pere, &c.

Priez Dieu, qu'il prenne en remission de vos pechez ceste maladie, qui vous tient en si grande peine, à celle fin que ne soyez damné en enfer. Car tous les maux & douleurs de ce monde ne sont à comparer, &c. Et si vous les prenez en patience pour l'amour de luy, croyez qu'il vous pardonnera. Autrement si vous vous despitez, il y a danger que vous ne le fustiez, &c.

C'est maintenant l'heure, qu'il vous faut penser au salut de vostre ame, &c. Car vous n'êtes certain d'avoir le loisir d'y penser après ce peu de temps, que Dieu vous donne de bon sens, &c.

Laissez à part tous autres pensemens & tous autres soucis, &c. Car il vous faut à ceste heure laisser toutes choses, &c.

Recommandez vous à Dieu, & recom-
mandez luy tous vos affaires: car il est bon &
saige pour vous y satisfaire, &c.

Ne voulez vous prier les assistans icy qu'ils
prient Dieu pour vous?

Or mettons nous tretsous à genoux,
& prions Dieu, &c.

Interrogations au mourant.

Voulez vous vivre & mourir en la confes-
sion de la foy Catholique? Ne deman-
dez vous pas pardon à Dieu de vos pechez,
&c.

N'avez vous pas propos de changer vostre
vie, si Dieu vous laisse? &c. Et ne priez
Dieu qu'il vous maintienne par sa grace en tel
propos & bonne volonté? &c.

Avez vous encores quelque remords de
conscience pour quelque peché, que n'avez con-
fesse? &c.

Voudriez vous bien vous souvenir de tout
pour le confesser? &c.

Ne voulez vous rendre & restituer tout
ce, que pouvez avoir de l'autrui? Et si ne
pouvez, il faut ceder. Voulez vous faire ces-
sion? &c. Mais il faut crier mercy à Dieu
& aux hommes, auxquels avez porté interest.

Ne pardonnez vous de bon cœur à tous,
&c. & ce pour Dieu?

Ne demandez vous pardon à tous, &c.

Observationes in moriente.

Si infirmus nondum recepit Sacramentum
Eucharistiæ: vide, an velit recipere.

Si non responderit sufficienter interro-
gationibus factis: instabimus admonendo.

Si sit excommunicatus, submittat se or-
dinationi Ecclesiæ, & absolvat juxta Sta-
tura.

Si non inter hora mortis, legantur
coram eo historiæ piæ, vel orationes, qui-
bus antea delectari solebat, vel interpreta-
tiones Præceptorum Dei: ut meditetur in
eis, vel si quid oblitus sit, ut confiteatur fa-
ctus memor.

Consulemus tandem, ut meditetur de
gloria Dei & Sanctæ Trinitatis, & Angelo-
rum, & Sanctorum, qui sunt in cælo: me-
diteretur de vita & morte Christi cum delecta-
tione.

Præsentetur imago Crucifixi.

Removeantur amici carnales.

Nec fiat mentio absentium amicorum,
vel inimicorum.

Tomus VIII. Concilior. German.

Non detur spes nimia vitæ, aut conva-
lescentiæ.

Nec permittatur cum Diabolo disputa-
re confidens in Christi passione & miseri-
cordia, quæ major est, quam sint iniquita-
tes omnes.

Orationes morientis.

Mon Dieu tout puissant, tout misericor-
dieux, ayez pitié de moy.

Pere celeste, je vous crie misericorde.

In manus tuas commendo spiritum
meum.

Mon doux JEsus aidés moy.

Sauveur du monde, Fils de Dieu, mon Re-
dempteur, par le merite de vostre benoïste
Passion recevez moy au nombre de vos esleux.

O mon Seigneur & mon frere, je me donne à
vous, ne me refusez point: je recours à
vous, ne me rejetez point.

Donnez moy vostre paradis, vous n'en ferez
plus pauvre, ny vostre royaume plus estroit,
ny vos amis moins honorez.

Roy des Roys, je vous demande paradis, non
pas par mes merites, mais par le merite
de vostre Passion. Vous avés racheté ce
pauvre & miserable serf de peché, & esclave
de malheur.

Vous m'avez acquis par vostre pretieux sang
le Royaume: baillés le moy donc, & bien tost.
In manus tuas, Domine, commendo
spiritum meum.

O Saint Esprit, fontaine de grace Divine,
vray consolateur, aidés moy. C'est l'heure
maintenant, que j'ay grand besoin de vostre
grace. Secourés moy, que le malin Esprit
ne me surmonte. Sanctifiés moy. Allumés
mes entrailles du feu de vostre amour.
Donnés moy ferme foy, & esperance avec
charité parfaite.

Ne permettés point, que je sois puni & tor-
menté, selon mes demerites: car je serois
damné eternellement sans le grand abisme
de vostre misericorde.

In manus tuas, Domine, commendo
spiritum meum.

Ad Mariam Virginem, & Sanctos.

O Royne glorieuse, je vous salue.
Je vous recommande mes prieres.

*Soyés mon Advocate vers vostre benoist Fils
JEsus.*

*O Anges de Dieu, Esprits bien heureux, assis
sés moy.*

Defendés moy de Satban & de ses embusches.

*O mon bon Ange, ne m'abandonnés point.
Et pardonnés moy, si je n'ay suivi vos bons
admonestemens.*

*O Saint N. mon bon Patron & Advocat, je
vous ay souvent invoqué en ma vie, c'est
l'heure maintenant plus que jamais, que je
vous prie.*

Deus in adiutorium meum intende: Domine ad adjuvandum me festina. Gloria Patri, & Filio, & Spiritui Sancto, sicut erat in principio, & nunc, & semper, & in sæcula sæculorum, Amen.

DE SEPULTURA ET EXE- quijs Defunctorum. (r)

Sancte ac religiose sepeliendi mortuos ritus solennis tam in novo, quam in veteri Testamento commendatur. Saram uxorem suam magnifico condidit sepulchro Abraham Genes. 23. Et de sepultura Abraham scribitur Genes. 25. De Jacob Genes. 49. De Moysè Deuter. 34. De sepultura Saulis laudat David viros Iabes 2. Reg. 2. Laudat Tobiam Angelus de sepultura, quam ille impendebat defunctis, Tob. 12. In novo Testamento exponitur ab Evangelistis (s) diligenter officium hoc Christo Domino exhibitum a Nicodemo & Josepho ab Arimathea, qui corpus illius in sindone munda, & centum libris aromatum, in sepulcro novo de petra exciso sepelierunt. Et Magdalenam laudat Christus Matth. 26. Quod unguentum pretiosum illud servasset ad sepeliendum se. Beatus Dionysius, c. ult. Ecclesiasticæ Hierarchiæ recitat ritum & ceremonias, quas servabant Apostoli sepeliendo suos. Historiæ denique Sanctorum Martyrum curam hanc sepeliendorum mortuorum aperte docent. Quare & nos pietatis officium hoc commendamus. Ait enim Augustinus (2): Solennitatem sepulturæ observari fuisse propter vivos & mortuos. Propter vivos quidem quadruplici ratione. Prima est naturalis horror: quando ex aspectu corporum hominum tabescentium oculi offenduntur, & ferore inficiuntur sani. Se-

cunda ratio est Fidei professio nostræ, qui resurrectionem speramus. Nam sicut, qui locum aliquem, aut rem, se recuperaturum aliquando sperat, is diligenter eam notat & curat: sic Sancti Patres fidem atque spem resurrectionis quam habebant, hoc officio ostendebant, curantes diligenter & cum honore fidelium suorum sepulturam. Unde idem Augustinus 1. de Civit. docet, Jacob & Joseph, aliosque Patres veteris Testamenti voluisse in terra promissionis sepeliri, ubi credebant Christum nasciturum, cuius & resurrectio esset causa resurrectionis nostræ. Tertia ratio est, ut honore, iusto afficiamus instrumenta misericordiæ. Nam corpora Sanctorum templa fuerunt & vasa Spiritus Sancti. Quarta est utilitas viventium: quando occasio datur multis accedendi ad monumentum, ubi conditionis humanæ admoneamur, ex memoria defuncti. Alloquitur enim quodam modum viatorem sepulchrum, cum Ecclesiastico: (u) fili heri, & tibi hodie. Præter hæc etiam sepultura inter alia opera misericordiæ merito recensetur, quod in ea preces & suffragia sunt pro defuncto, & elemosynæ dantur pauperibus. Unde Damascenus in Sermone de Innocentibus verba Athanasii referens, ait: Licet in arca, qui in pietate consummatus est, positus fuerit, ne renuas oleum & ceras; Deum in sepulcro invocantes: accepta enim sunt ista Deo, & multam ab eo recipiant retributionem. Et Augustinus (x) docet, quod quodam vitæ genere acquiritur, dum in hoc corpore vivimus, ut aliquid juvent ista nos defunctos, secundum ea, quæ per corpus gessimus in vita.

Sed quærat aliquis, quomodo liberari possint animæ defunctorum a penis purgatorii? Respondet Card., eas liberari duobus modis, vel per satisfactionem propriam (adimplere scilicet pœna pro peccatis, a iustitia Dei imposita) vel per suffragia vivorum. Sed hæc quidem quatuor modis, ut docet B. Gregorius in 4. Dialogorum, Oblationibus Sacerdotum, precibus Sanctorum, elemosynis amicorum, & jejuniis cognatorum. Idem tamen Cardinalis quatuor hæc ad duo reducit, scilicet, ad modum meriti, & ad modum suffragii: quæ nimirum inter se multum differunt. Nam meritum innaturale iustitiæ, suffragium vero liberalitatis. Per modum ergo meriti suffragia vivorum proficiunt animabus defunctorum. vel ad expiationem pœnæ, vel ad augmentum gloriæ, seu præmii. Juxta illud, (y) Particeps ego sum omnium timentium te. Nam & Sancti gaudent

(r) Ex Card. Aræ cœli de Pœnitentia.

(s) Lib. de cura pro mor. ag.

(y) Psal. 118.

(x) Matt. 27. Marc. 15. Luc. 23. Joan. 19.

(u) Eccli. 38.

(x) Eod. de cura. pro mor.

dent ob salutem nostram, Luc. 15. Ad expiationem ergo peccatæ defuncti profunt pia opera viventium facta in Dei gratia, quando qui ea faciunt, ad remedium defuncti applicari intendunt, & ita pro defuncto illa faciunt. Sic enim opera vivorum sunt propria defunctorum, pro quibus fiunt. Huius argumenti fundamentum sumitur ex 1. Corint. 12. ubi Paulus Ecclesiam dicit esse unum corpus in Christo. Nam sicut in corpore sunt multa membra, quorum alterum alteri suffragatur, & operam suam præstat: sic fideles omnes per gratiam & charitatem Christo conjuncti, & ab eo tanquam capite, vitam spirituales accipientes, aliis fidelibus, eidem capiti Christo unitis, mutuum operam præstant, & suffragantur. Animæ autem in purgatorio posita, nequaquam separata sunt a capite Ecclesiæ, nec a corpore. Permanent enim in fide, spe, & charitate Christi, ferentes patienter pro suis delictis Divinam iustitiam: quæ certe non est rigorosior, quam humana esse solet. Si ergo inter homines captus aliquis pro debito est, alius pro eo potest satisfacere: quidni igitur existens in gratia obtineat amico suo, sicut & sibi obtineret, veniam? Nec refert, viuentes sint, aut mortui illi, quibus applicantur: dummodo juncti sint in charitate, quæ nunquam excidit. Nec suffragia modo facta ab iis, qui sunt in gratia, profunt defunctis, sed etiam Ecclesiæ suffragia, quæ fieri solita sunt ab iis, qui sunt in gratia, facta per Sacerdotes & Ministros in peccato mortali existentes, quæ non ut peccatores exequuntur, sed tanquam Ecclesiæ Ministri, cuius personam gerunt, veluti celebrando Missam, vel Vigiliis decantando, & exequias persolvendo: ille enim facere intelligitur, in cuius nomine faciunt, ut ait Dionysius in lib. Eccles. Hierar. Peccatum enim servi non impedit meritum Domini, cuius nomine & iussu elemosynam ille facit. Atque hætenus quidem tractavit Cardinalis suffragii meritum. Sed per modum suffragii suffragia prodesse, & vivis & defunctis tradit: quando orationes Sanctorum, qui sunt in Patria cælesti, atque etiam vivorum, applicantur defunctis, vel etiam vivis: atque indulgentiæ. Sed de Indulgentiis infra agemus.

Supereff, ut reliqua Ecclesiæ præcepta de Sepulturis exequamur. Primum, quod quilibet, tam masculus, quam femina, ætatis sufficientis, non professus religionem, habens usum liberi arbitrii, potest sibi eligere sepulturam: etiam uxor sine consensu viri, & filius, vel filia sine consensu parentum. Servis autem & filiis impuberibus & uxori, Domini & parentes & maritus eligunt, etiam si post annos pubertatis morian-

tur, non electa sepultura. Electio autem sepulturæ non potest fieri extra Cæmeterium, vel Ecclesiam. Probatio quoque electionis fieri potest per testes, & per signa. Nam si Pater filio elegerit, & ipse nulla facta electione moriatur, censetur eandem sibi elegerisse. [2]

Secundum est, quod si quis testamento elegit sepulturam, & ratione ejus aliquid legaverit Ecclesiæ, in qua sepeliri decreverat, veluti ornamenta, aut alia ad exequiarum cultum pertinentia, ut oblationes, & similia; si postea mutet sepulturam non mutato testamento, censetur mutasse etiam legatum illud.

Tertium, quod non debet vendi, vel aliquid exigi pro ea, nec pro actu, seu officio Clericorum; propter suspicionem Simoniacæ: gratis tamen oblata recipi possunt. Licet locus sepulchri, sicut & calix consecratus materialiter vendi possunt: nihil tamen pro benedictione, aut consecratione recipere fas est. Abraham enim emit agrum speluncæ duplicis in possessionem sepulchri, Gen. 23.

Quartum est, quod jus sepulturæ competit Ecclesiis Parochialibus, licet ex privilegio concedatur domibus Mendicantibus. Clem. Dudum, de Sepulturis.

Quintum, quod hæretici, & infideles, & filii Christianorum non baptizati, sepeliri non debent in loco sacro: nec mortui in torneamentis, aut desperati, vel raptores. Suspensi vero, aut aliter supplicio extremo affecti, qui non mortui fuerint impenitentes, de licentia Judicis possunt. Leprosi Christiani de consuetudine sepeliuntur in cæmeterio separato, benedicto tamen. Excommunicati, donec obtinuerint absolutionem, in terra prophana sepeliuntur: post adeptam vero absolutionem, si videtur Prælato, transferri possunt in locum benedictum.

STATUTUM I.

SI quis intestatus decesserit, vel non electa sepultura: apud Ecclesiam suam Parochialem, in qua vivens recepit Ecclesiastica Sacramenta, sepeliatur.

II.

Defunctus, qui elegit sepeliri apud aliam Ecclesiam, quam apud Ecclesiam suam Parochialem: repræsentetur in Ecclesia Parochiali, in cuius Parochiatus defunctus est, & in qua Sacramenta Ecclesiastica suscepit, ut in ea ultimum vale

R 3

faciat,

(2) C. Licet, de Sepul. in 6. C. Nullus. & c. Non æstimemus 13. q. 2.

faciat, antequam deferatur in Ecclesiā, in qua elegit sepeliri : quæcunque fuerit illa Ecclesia, in qua elegit sepulturam, sive sit secularis, vel regularis cuiuscunque ordinis, sive mendicantium, sive non mendicantium. Alioqui interdicta sit per præsentem Ecclesiastica sepultura tali defuncto, & facultas Ecclesiæ, in qua elegit sepeliri, illum sepeliendi : sub pœna interdicti Ecclesiastici.

III.

Sepultura non denegetur defuncto per Sacerdotem Parochialem propter non solutionem jurium funeralium : sed sine mora aut contradictione devote secundum ritum Ecclesiæ impendatur.

IV.

Et si eidem Sacerdoti secundum piam & laudabilem consuetudinem debitum fuerit, sine strepitu & figura iudicii, nostra auctoritate, seu Vicarii nostri Generalis, & Officialis consequi poterit : si per hæredes defuncti negatum fuerit ei.

V.

Idem statuimus & ordinamus observandum fore in aliis Sacramentis Ecclesiasticis, & pro administratione eorundem.

Forma literarum Testimonialium de bono Statu.

Constitutum fuit in Laodicensi Concilio, ne quis laicus (ne dum Clericus) ad peregrinandum proficisceretur sine licentia & forinatis, id est, dimissoris literis. Harum conceptio tradita fuit in Concilio Nicæno. Differunt tamen formatae a commendatis & pacificis, quod formatae a solis Episcopis dantur : & vocantur dimissoriae.

[a] Curatus Ecclesiæ Parochialis de Abbenanco, in Decanatu de Rubeomonte Bisuntini Dioecesis, Omnibus Curatis & Presbyteris, curam & regimen animarum habentibus, ad quos præsentem literæ pervenerint, salutem & Dei gratiam. Probus atque honestus vir N. professionem suscepturus, & iter ad Sanctum Claudium religionis ergo, a nobis postulavit testimonium de suo statu : quod nos per præsentem da-

mus, fidemque vobis facimus, quod nullo est excommunicationis sententiæ vinculo innodatus, sed est bonæ famæ & conversationis : nec scimus in eo aliquod impedimentum Canonicum, propter quod debeant ei denegari Ecclesiastica Sacramenta, aut sepultura, vel omnino detardari. Quare vobis dictum N. commendamus per Christi charitatem, ut eundo vel redeundo, cum ad vos converterit, eum excipiat tanquam vere Christianum & Catholicum : eique Sacramenta & sepulturam, si petierit, impendatis, excepto Matrimonio. Datum die . . . mensis . . . Anno, &c.

*DE TRIBUS HOSTIBUS NO-
stris, Carne, Mundo & Dia-
bolo.*

C A R O.

Canitur in Ecclesia diebus festis Martyrum & Confessorum :

*Caro, Mundus, Dæmonia :
Diversa movent prælia :
Incursu tot phantasmatum
Turbatur cordis Sabbatum.*

Cum tribus his nobis certamen est assiduū : quibus cum Dei gratia superatis, proposita est nobis corona gloriæ. Conjurant autem hæc in perniciem animæ hominis ; sic ut unum illorum aliquando solum ab arce mentis ac rationis deturbet hominem, aliquando duo, aliquando tria : quamquam semper omnia concurrunt in consummationem peccati. Res autem tota sic procedit. Appetitus noster depravatus jungi optat cum aliqua voluptate huius mundi, quæ se menti nostræ offert instar meretricis prostitutæ. Diabolus autem veluti leno quidam, sollicitè procurat eorum cum peccato conjunctionem : non ob aliam mercedem, quam mortem hominis, quam expectat ex tali lenocinio : sive id pollicitationibus agat, sive terroribus. Per carnem igitur intelligimus concupiscentiam & fornicationem peccati, qui ad Divinæ legis prævaricationem assidue nos stimulat, & impellit hostis domesticus. De hoc Apostolus Rom. 7. Ego autem carnalis sum, venundatus sub peccato : quod enim operor, non intelligo. Non enim quod volo bonum, hoc ago, sed quod odi malum, illud facio. Et iterum, Scio enim, quia non habitat in me, hoc est, in carne mea, bonum. Nam velle adjacet mihi, perficere autem bonum, non invenio. Et iterum, Video aliam legem in membris meis,

(a) De Conf. d. 5. c. Non oportet, dist. 73. 68. d. c. Ecclesiis.

meis, &c. Infelix ego homo, quis me liberabit a corpore mortis hujus. Gratia Dei per Jesum Christum Dominum nostrum.

MUNDUS.

PER mundum intelligimus, opes, honores, voluptates, prospera atque adversa, quæ mundus habet, & propter quæ homo insipiens legem Dei prævaricatur. Quibus certe nihil vanius est, si ad futurum sæculum, quod nos post hanc vitam manet, respiciamus; nihil miserius, si ad calamitates, quibus obruitur: nihil detestabilius, si ad scelera, quæ in eo committuntur. Mundi amatoribus hæc bona videntur, comestationes, concubitus, ludi, choreæ, cantus, sales, plausus, spectacula, venationes, luctæ, lavacra, deambulationes, unguenta, honores, dignitates, viætorie, triumphus, salutationes, præminentie, lucra, divitiæ, possessiones, & similia: quæ tamen trahunt post se malorum ingentium iliadem. Sequuntur enim hæc, ebrietates, fornicationes, stupra, adulteria, incæstus, veneficia, homicidia, proditories, animositates, mendacia, furta, rapinæ, usuræ, fraudes, invidiæ, vindictæ, rixæ, odia, similitudines, contentiones, vulnera, lites, sectæ, falsa testimonia, sacrilegia, oppressiones, detractiones, æmulationes, & alia. Inopinati jam casus ex altera parte terrent: infamia angit, infirmitas atterit, fames & frigus cruciant, frangit egestas, dolores torquent, mortis timor exanimat. Age jam, nisi omnino desipiens, quis mundum hunc amet? Quis non potius pietatis studia sectetur? Vis scire, quid spiritalis vita ferat? Audi Apostolum: fructus autem spiritus sunt, charitas, gaudium, pax, patientia, longanimitas, bonitas, benignitas, mansuetudo, fides, modestia, continentia, castitas.

Sciens ergo Dominus noster Jesus superbenedictus, mundum hunc visibilem in maligno positum esse, & laudabiliter in Deo vivere volentibus esse contrarium, ad ejus contemptum, primum exemplo suo, deinde proposita mercede hortatus est. Primo nullam ejus habere dignatus est substantiam in vita sua, non agros, non vineas, non oliveta, non possessiones, non aurum, non gemmas, non ad commorandum ædes. Mercede autem duplici, quando Matth. 19. dicit: Omnis, qui reliquerit domum, vel fratres, vel sorores, vel patrem, aut matrem, aut uxorem, aut filios, aut agros, propter nomen meum, centuplum accipiet, & vitam æternam possidebit. Nolite diligere mundum, [inquit (b) B. Joannes]

neque ea, quæ in mundo sunt. Mundus transit & concupiscentia ejus. Qui autem facit voluntatem Dei, manet in æternum. Et (c) Paulus, Nolite conformari huic sæculo: sed reformamini in novitate sensus vestri, ut probetis, quæ sit voluntas Dei. Et alibi: Christus mihi crucifixus est, & ego mundo. Mundus fallax est: multa promittit, sed nihil præstat. Filii hominum [inquit Propheta David] usquequo gravi corde, ut quid diligitis vanitatem, & queritis mendacium? Quicquid enim in mundo est, vel est concupiscentia carnis, vel concupiscentia oculorum, vel superbia vitæ. Hæc autem omnia vanitas, (d) & afflictio spiritus. Avarus non repletur pecunia: gloria fugientem sequitur: voluptas concupita anxietatis plena est; satiata, poenitentia: ut omittamus malorum lernam, quam secum omnia hæc, dum peruntur, ferunt. Unde & sapientiores Philosophi plurimi, ac Poetæ, in bonis reponenda hæc non putarunt, quæ incerta essent, & quæ nec bonum habentem se facerent, nec beatum; sed miserum sapiens & infelicem. Hæc dicuntur a Philosophis bona fortunæ: quæ vitrea certe est: nam cum splendet, frangitur. Munera fortunæ insidiæ sunt. Christi consilium, quod tutius est, accipiamus: Ne solliciti sitis animæ vestræ, (e) quid manducetis; nec corpori vestro, quid induamini: scit enim Pater vester, quia his indigeris. Querite primum regnum Dei & justitiam ejus: & hæc omnia adjicientur vobis. Videntur mundo felices esse divites, quasi rerum omnium copia affluentes; At, inquit Ambrosius (f), tu, quantis abundes, vides; quantis egeant, non vides. Non opibus mentes hominum, curæque levantur. Quocirca vir sapiens nec extollitur, si bona hæc fortunæ adsint: nec deprimitur valde, si absint. Quoniam magis opinione, quam re vera, bona sunt, quæ bona videntur stultis.

DIABOLUS.

AUCTOR, & princeps omnium peccatorum, diabolus est, teste Augustino contra duas Epistolas Petiliani. Et Sap. 2. Invidia diaboli mors intravit in orbem terrarum. Imitantur autem illum, qui sunt ex parte illius. Unde autem tanta iniquitas in diabolo, accurate Laurent. Justinianus, in fasciculo (g) amoris. Ex originalis, inquit, causa delicti tenebrarum princeps sum in mundo, dilatavit imperium, solis tantummodo Divinæ legis prævaricatoribus prædens: quia in iustorum sede, cogereterna Deo sapientia præsideat. Hinc livore succensus inimi-

(b) 1. Joan. 2.

(c) Rom. 12.

(d) Eccl. 1.

(e) Matth. 6.

(f) 6. Hexam. c. 8.

(g) Cap. 11.

inimicatur eidem : & cum sentit aliquem, justitiæ semitas ingredi velle, diro certamine tentationum illum appetit. Confunditur etiam, cum in carne passibili videt hominem inter tot mundi discrimina custodire conditoris sui obedientiam, quam in cælo positus ipse servare neglexit. Implacabili quoque odio & livore tabescit, quoties illuc homines ascendere conspiciat, unde turpiter ipse superbiendo descendit.

Paret igitur se ad diaboli perferendas insidias, quisquis legi Dei parere decrevit. Fili, accedens ad servitutem Dei, sta in justitia & timore : & præpara animam tuam ad tentationem, inquit [b] Sapiens. Quis ergo tam demens, qui pacem in hoc mundo sperare velit? Mundus, (hoc est, mundi amantes) membra sunt diaboli : nos ergo odio habebunt, & usque persequentur. Ipse diabolus, ut Dei laudes e mundo procul eliminet, in justos omnes debacchatur, per quos Dei laudes celebrantur : persequitur in servis Dominum, & in fidelibus Christum. In professoribus veritatis, &c. Hactenus ex Justiniano.

Quin etiam si veterum monumenta legas, illorum præsertim Philosophorum, qui dæmonum sunt diligentius scrutati mysteria; invenies profecto eos in hac sententia, ut in perniciem hominum omnia moliri dæmones putent : nunc illecebris voluptatum, nunc mendacis oraculorum, nunc etiam vi manifesta. Unde Porphyrius (i) apud Eusebium : Dæmones vitiis dediti, quicquid mali excogitare, atque efficere possunt, libenter aggrediuntur : violenti enim omnino, atque simulatores cum sint, privatique luce meliore, insidiosè aggrediuntur : nunc occulte adulescentes, modo manifeste cogentes. Et paulo post : Alliciunt enim multos ardore cupiditatum, divitiarum, potentiae, voluptatum, inanis præterea appetitu gloriæ. Unde seditiones, rixæ, bellaque nascuntur. Hæc ille.

Reges & Principes ad sibi, non solum servos, sed filios etiam charissimos sacrificandum atque jugulandum inducebant : tanta hominum cæcitate atque vecordia, ut quamvis scirent, eos in responsis suis (vel quod conjectura consequi futura non possent) mentiri, vel (quod aliud non possent) de sua ignorantia fateri : tamen ad scelera delubra, lucos, atque speluncas, rerum cognoscendarum spe futurarum ; turmatim ventitarent gentiles, superstitionibus nefandis dementati.

Atque his etiam omnibus modis, quos enarravimus, mendacissimus ille diabolus Filium Dei ipsum (k) tentavit. Primum sce-

lestus ille veterator veritus non fuit, Jesum Dominum, in aera sublatum, transferre in pinnaculum templi ; & rursum in montem excelsum valde : quod ei permisit Deus ad nostram instructionem. Illecebris ad voluptatem, sicut alios de vulgo solet, etiam Dei Filium illicere conatus est. Si Filius Dei es, [inquit] fac, ut lapides isti panes fiant. Quasi more meretricio diceret : Cur voluptati non indulges? cur te fame conficis? cur te maceras? Depone istam religionem. Indulge genio. Potes enim : & te decet : & res postulat. Ecquis reprehendet Dei Filium famescentem, rebus uti concessis? Hoc diaboli lenocinium fuit. Rursum inanis gloriæ vento tentavit præcipitare. Sic enim etiam solet multos in pericula mittere sola inanis gloriæ ostentatione. Magni Filius Dei es, inquit; age igitur, quæ te decent : magna scilicet, heroica : stupenda, horrendaque, quæ videantur cæteris. Projice te deorsum. Nihil time. Degeneres animos timor arguit. Famuli etiam parvis tui, & tota familia auxilio erit. Non patientur te cadere. Pro te pectora sua objicient periculo. Manibus suis portabunt te. His, ac similibus oraculis solebant dæmones ad nefanda quæque atque horrenda incitare olim mortales : quibus plenæ sunt Poetarum tragediæ. Restabat superstitiōis idololatria : Hæc etiam Dei Filium improbus tentator, sicut olim genus hominum fere universum induxerat, ad se adorandum (o facinus audax) tentare non erubuit. Siquidem cupiditate rerum accensos quam multos inflammavit? Quot hominum myriades ad idolorum servitutem & impietatem traxit? Quid non promisit, ut pro Deo haberetur Dei hostis? ut pro benefico maleficus?

Dicimus ergo diabolum lenonis instar ad voluptates appetendas sollicitare, sed non gratis utique. Mundi namque commoda quam maxime potest, fucata, & quasi corollis ornata, ostentat, & promittit; modo velimus ea agere, quæ ipse requirit. Si vis, inquit, illas ædes obtinere, suppone falsum testamentum : si potiri illa muliere, occide virum. Hæc merces lenocinii. Quam certe tanto flagrat odio in hominem diabolus : ut licet ea omnia facias, quæ ille consulit, raro tamen potiaris re concupita : quod hanc etiam tibi insensus ille hostis invideat voluptatem. Atque hic unus est nocendi modus. Aperta autem vi, instar feræ truculentæ hominem sæpe aggreditur & vexat : ut cum arreptitios, seu dæmoniacos, torquet : cum corpora morbis affligit : cum bonis omnibus spoliat, vel fama, vel amicis, vel etiam viâ : cum grandines & fulgura concitat : cum mare turbat, montes ex-

imo

(b) Eccli. 2.

(i) De Præpa. l. 4. c. 11.

(k) Matth. 4.

imo evertit: incendia & strages facit. Quam nihil horum sine permissione & jussu Dei. Psal. 77. Misit in eos iram indignationis suæ: indignationem & iram & tribulationem, immisiones per angelos malos. Diabolus enim, licet inemendabilis sit, & omnino malus: tamen jussu Dei, tanquam lictor & carnifex, peccatoribus penas infligens, occasionem dar aliis, ut recte vivant. Est ergo executor Divinæ justitiæ. Ob hanc vim tantam atque potentiam, quam habet in hoc mundo, dicitur mundi Princeps, Deus hujus sæculi, 2. Cor. 4. Fortis armatus, Luc. 11. Paulus & Sancti sæpe tanquam mancipio, utuntur diabolo. Unde mos tradendi Satanae fuit in Ecclesia primitiva magni terroris contra inobedientes. Quos (l) tradidi, inquit Satanae, ut discant non blasphemare. Ejusdem quoque expellendi potestas, quæ Apostolis & Discipulis data fuit a Domino, [m] magnam comparavit Christi fidelibus auctoritatem. Hæc omnia sciunt perlicque vestrum, [n] inquit Arnobius] dæmones de se fateri, quoties a nobis, & meritis verborum, & orationis incendiis, de corporibus exiguntur, victi dolore, quod sunt, loquuntur. Et Cyprianus Demetrio, O si audire eos velles & videre, quando a nobis adjurantur: torquentur spiritualibus flagris, verborum tormentis de obsessis corporibus ejiciuntur, ejulantes & gementes voce humana: veni & cognosce vera, quæ dicimus. (o) Tertullianus: Dæmonas, id est, genios adjurare consuevimus; ut illos de hominibus exigamus. Et alibi: (p) Enimvero cur dæmonia affirmamus esse? quasi non & probemus, qui ea soli de corporibus ejicimus? Lactantius; (q) Maximis sæpe ululatibus editis verberari se & ardere, jamque exire proclamant. Negantibus Arrianis (sicut & nunc nonnulli negant) dæmonum ad monumenta Sanctorum, & suffragia, clamores & confessiones vera esse tormenta, sed ficta, compositaque ludibria afferentes, S. Ambrosius (r) sic loquitur: Audi vi multa componi, hoc umquam nemo finxit, aut dæmoniacum esse se simulavit: quid illud, quod ita eos exagitari videmus, quibus manus imponuntur? ubi hic locus fraudi? ubi suspicio simulandi?

Confitendum igitur est, Satanam posse multa incommoda ferre hominibus: qui, ut loquitur (s) Augustinus, animam invadit extrinsecus, sensusque conturbat, & hominibus furores infert. Potest tempestates & procellas in aere movere, ut patet Job. 1. &

2. ubi impetrata licentia a Deo (postquam Sabæi 500. juga boum & 500. asinas abegissent) ignem de cælo misit, qui septem millia camelorum consumpsit: & ventum, qui ruina domus filias septem, & tres filios Job, cum famulis oppressit. Hæc narrantur in Scriptura Sacra: licet enim corporea natura non obediat ad nutum Angelis (neque bonis, neque malis) ad susceptionem formæ essentialis, sed Deo soli, qui creavit eam: tamen ad motum localem spiritali pareat naturæ. Indicium sumas ex homine. Membra enim hominis ad solum imperium voluntatis moventur. Venti ergo, & grandines, ex vaporibus coeuntibus cum generentur: potest ea procurare dæmon, adductis ex variis locis terræ exhalationibus, vel vaporibus multis, in unum locum. Ex his etiam sequitur, non esse omnino pro fabulis habenda, quæ ab strigis & maleficis [quæ membra & vasa diabolica sunt] dicuntur fieri. Nam Deo propter justas causas, & sibi notas, permittente, & omnia diabolo sua opera perpetrante, lædere possunt homines in corpore, & in bonis, in usu rationis, & in vita, & in fama. Hæc enim omnia potest dæmon, ut patet Job. 1. & 2. In fama, ut cum scelera occulta manifestat malorum hominum: vel justis infamiae notam inurit fraudulenter: [z] sicut quando se Sanctum Episcopum Silanum esse mentiebatur, cum impudica muliere cubantem, ut Virum Sanctum de impudicitia traduceret apud populum.

Usum rationis perturbare docent arreptitii, seu energumeni, de quibus supra, & in historia Evangelica frequens mentio. Quod vita privent homines Deo permittente, patet Tob. 6. quando septem viros indignos conjugio Saræ malus genius suffocavit. Quod in corpore animalis loquatur, docet serpentis tentatio in Genesi: & quod sub diversorum animalium figuris appareat, tentationes Sancti Antonii.

Quæ igitur patrare dicuntur maleficæ mulieres, dæmonis opera sunt, ad mulierum illarum preces obtemperantis. Quamquam & ipsæ propriis manibus infantes necare possunt, & fascinare oculis. Nam naturalis etiam aspectus malevolæ anus noxius est: ut tradit S. Thomas 1. q. 117. art. 3. quoniam ex forti imaginatione animæ immutantur spiritus, quorum ex oculis fluxus est plurimus. Unde, rogo, fit, ut morbo oculorum laborans, aliis sæpe morbum communicet: & menstruatæ inficiant specula? Pueri autem,

(l) 1. Tim. 1. (m) Matth. 10. Luc. 10. Marc. 3. 16. (n) Lib. 8. contra gentes.
(o) In Apolo. 1. 32. 37. (p) De anima c. 33. (q) Lib. 2. ca. 6. 18. lib. 4.
(r) Serm. 91. (s) Lib. de vita beata. (t) In vita D. Hieronym.

tem, utpote teneri natura facile afficiuntur. Est aliud genus fascini: ludificatio sensuum: ut cum pro homine lupum, vel aliud quid oculis ostendit dæmon. Idque duplici potest modo agere: uno intrinsecus immutando phantasiam hominis, & sensus: alio extrinsecus, adaptato corpore aliquo simili, aut ex aere formato. Vide Aug. l. de Civit. 18. c. 17. 18. De hac fascinatione loquitur ad Galatas Apostolus: Quis vos fascinavit, inquiens, veritati non obedire? Hoc modo visiones multæ Sanctis Viris, & sceleratis etiam factæ sunt a diabolo: qui se aliquando (u) transfiguratur in Angelum lucis. Sic maleficæ illæ Strigæ, Lamæ, & Bruxiæ, invisibiliter feruntur, quando Deus id patitur in maiorem ipsarum damnationem. Portantur aliquando per aera. Neque enim digniores sunt, quam Dominus ipse, qui se portari passus ab illo est super pinnaculum templi. Reddunt aliquando impotentes viros ad Venerem, ex pacto, quod cum diabolo fecere. In quo ille quidem promissis stare non differt, non studio veritatis ac bonæ fidei, [qui mendax est & perfidus ab initio] sed ut ad eadem fœdera nefanda alios alliciat, cum promissis stare comperiatur. Et quia pactum huiusmodi cum signis quibusdam fieri solet, (veluti imagine ceræ, vel acu curvata, vel simili) ideo docet Scotus curandum esse, ut tale signum quam citissime destruat. Et addit ad hæc Gabriel Biel, dæmones habere cum maleficis sic pacta sua, ut dum verba aliqua proferuntur tali modo, vel tali tempore, vel loco, acum incurvent, vel aliud quid simile agant, ad quod sequatur effectus: non vi verborum, vel rerum, quas tractant malefici, sed dæmonis, qui ut leo discurret per elementa omnia, omnesque naturas, ad rem illam facientes, per glossam in c. 7. Exodi. Non caret enim ille peritia rerum naturalium: ut plantarum, lapidum, metallorum. Nec si hæc omnia sunt a diabolo, ideo impune esse debet ipsis maleficis: Quinimo legibus Civilibus plectuntur propter perfidiam, & opus diabolicum, cui inserviunt. L. fin. C. de Maleficiis.

Præterea ut omni ex parte malas istas mulieres corrumpat hostis ille humani generis: sub assumpto virili corpore & figura, eas sibi supponit, & quasi constuprat. (x) Qua de improbitate Aug. lib. 15. de Civitate, c. 23. loquens, non negat Sylvanos & Faunos (quos vulgo Incubos vocant) improbos sæpe extirpsisse mulieribus: & earum appetiisse, & peregisse concubitum. Et quosdam dæmones, quos diuos Galli nuncupant, hanc assidue immunditiam, & tentare

& efficere, plures, talesque, inquit, asseverant, ut hoc negasse impudentiæ videatur.

Sed putant multi, quæ de Strigis dicuntur, omnia vana esse, imaginaria, & phantastica, nec omnino credenda: ut quod fere idiotæ sint hæ mulierculæ, mania potius, aut melancholia laborantes, quam iudicio præditæ. Tum vero præcipue, quod in c. Episcopi, 26. q. 5. hæreticum esse dicatur, fidem his adhibere mulieribus, quæ dicunt se cum Diana, & Herodiade, nocte equitare super bestias quasdam, multaque terrarum spatia intempestæ noctis silentio pertransire: eaque illusiones esse & phantasmata, a diabolo irrogata: atque ideo in spiritu, non in corpore geri. Eadem Aug. lib. de Spiritu & anima. c. 28.

Verum quando experientia harum rerum sæpe a viris sapientissimis comprobata est, potius negare oporteret & dæmones esse, & Angelos, more Seducæorum. Non desunt enim etiamnum Seducæi. Verum, ut Arnal. Alberti [y] declarat, caput illud causæ 26. q. 5. impietatem damnat, quam malæ illæ mulieres astruebant: nempe Dianam esse deam, cum idolum nihil sit: & Herodiadem, scelestam illam mulierem, quæ in tartara conjecta est, ad lufus cum hisce venire: & quod creaturam dicerent a diabolo mutari in speciem aliam. Hæc enim omnia falsa sunt, & mera somnia.

Ex hoc tamen capite colligere licet, multa sæpe huiusmodi mulieres maleficas pati in phantasia, quæ re vera non sunt in corpore: ut duplici errore plectantur impiæ illæ. Aliæ causæ ad excusationem cujuscunque maleficii facere possent: sed magis credendum probationibus evidentissimis, quam dubitationibus incertissimis.

Supereft quæstioncula una, Utrum liceat uti colloquio, vel opera dæmonum ad aliquid non malum, nec ad malum finem? Ex Cajetano in quæstionem 90. Sancti Thomæ 2. 2. sic dicemus. Cum Apostolus scribit (z): Nolo vos fieri socios dæmoniorum: nec invocare, nec venerari dæmones, nec ullo modo cura illis nos pacisci voluit. Cum autem contingat cum arreptitiis aliquando bonos viros loqui, & idem Thomas secunda secundæ quæstione 95. artic. 4. dicat, inquirere aliquid a dæmone sponte occurrente, quandoque licere propter utilitatem aliorum: distinguendum est: Tanquam cum hoste nostro si agamus, peccatum non erit: quia hostiliter ad eos nos semper habere oportet. Sic in exorcismis & orationibus alloquimur diabolum: Ergo maledictæ diabole &c. Compellendo etiam Divina potestate alloqui possu-

(u) 2. Cor. 11.

(y) De asser. 1. ath. & here. 4. 25.

(x) De incubis & succubis glo. in Cle. 18.

(z) 1. Cor. 2.

possumus, aut præcipiendo, ut se prodant, ut loquantur &c. sicut discimus ex B. Cypriano, (a) & aliis Sanctis, qui vel ex revelatione, vel speciali instinctu aliquid imperarunt diabolo. Ut Beatus Jacobus per dæmonem legitur venire fecisse ad se Hermogenem. Et de S. Antidio multa hujusmodi traduntur: cui gratia data fuit supra spiritus malignos: quoniam Deus & Angeli boni dæmonibus uruntur tanquam servis & captivis suis. Aliter vero, id est, non tanquam hostibus, nulla sit conventio. Est enim hostis Dei, & patriæ cælestis, & noster: qui ab obstinata voluntate inimicitiarum nunquam recedit. Potest tamen peccatum fieri veniale: veluti, si quis ex levitate, vel curiositate, non credens, se Divinam offendere Majestatem, vel charitatem, cum occurrente dæmone in assumpto corpore, vel arreptitio homine per modum transeuntis loquatur, inquirat leve aliquid leviter: credendo eum esse semper mendacem. Unde colligitur, cur Dominus tacere jussit, Luc. 4. Mar. 13. ut ne etiam vera dicentibus credamus.

Spiritus sunt erroris 1. Joan. 8. astutia seducientes, 2. Cor. 11. Ministri mendacii, 3. Reg. 2. 3. & 2. Paral. 18. Vanum autem omnino est, putare eos cogi per superstitiones vanas & observationes: quoniam libertatis voluntatis sunt: non per lapides vel herbas, vel etiam verba: quamvis se cogi fingant per incantationes, & alia deliramenta hominum perditorum. Sed nemo cum diabolo unquam commercium habuit, qui non tandem ignominiose deceptus sit. Exemplum habes in Saule; Josia, Juliano apostata: Et contra in Sancto Antonio, antagonista diaboli invictissimo.

DE CÆREMONIIS, SEU Ritibus Sacris.

OMnis approbata consuetudo ac mos, dicitur ritus: quasi ratus, id est, certus, firmus, & constans: Sed Sacros Latini appellarunt cæremonias, sive a carendo, ut tradit (b) Gellius, sive a Cære oppido, ut Livius. Hinc D. Augustinus (c) retractavit, quod voce hac aliquando usus fuerit, quæ in Literis Sacris non inveniretur. Quamquam si a carendo deduceretur, nihil deprecatur. Sed nomen usu jam tritum est & factum familiare, undecunque deductum sit.

Quicunque autem cæremonias in Ecclesia damnant, plane desipiunt. Res est, qua religio fovetur: quaque sublata oblivioni tradatur pietas necesse sit. Figuræ etenim & similitudines rerum visibilibus, ad invisibilem amorem & considerationem excitant: veluti eloquentia quædam doctrinæ salutaris, ut docet Aug. (d) Deus enim vel sacrificiis, vel Sacramentis olim non egebat, nec modo eget ullo modo: sed ea voluit, ut signa salutis celebrantes, utilia nobis officia salutis exerceremus. Sic genua flectimus: orantes manus in cælum tendimus: solo etiam prosternimur: licet Deo nota sit alioqui voluntas nostra. Sed per hæc excitatur homo ad orandum humilior, atque ferventius. Et mirum est, cur non omnia simul Sacramenta tollant, qui cæremonias tollendas putant. Namque Sacramenta ritus sacri sunt. An confertur apud ipsos Baptisma sine ritu; an cæna? anne orantes flectunt genua? anne conventus faciunt solemnes? Sed excæcantur odio: & quæ sensu percipiunt, mentis oculo non vident. Nos autem Ecclesiæ ritus observabimus. Hos nobis tanquam per manus tradidere Apostoli. Nam ut multos acceperint a Sacris Bibliis olim Patres: ad bonam eorum partem usu atque imitatione constituerunt, quæ tenere ac revereri decet, sicut diximus de traditionibus. Jubet Apostolus, puras levare manus in orationibus: ut stantes autem aliquando oremus, nusquam præcipit. Per manus impositionem Ministros constitui, in multis locis docet Scriptura: Chrisma Sanctum in Ecclesia consecrare, traditionis habetur Apostolicæ. Nec tamen Chrismatis consecratio, vel stantium oratio non magis, quam manuum impositio, vel levatio, quamdiu Christi Ecclesia in terris peregrinabitur militans, abrogabuntur.

ECCLESIA.

Eκκλησία Græce, Latine est evocatio, concio, convocatio, congregatio, cærus. Sumitur non raro pro templo ipso & loco, ubi fit congregatio: ut Judith. 6. Sæpe etiam pro toto Clero & Ministris Ecclesiæ, quod sit ea pars Ecclesiæ potissima: ut Deut. 23. Definitor ergo Ecclesia, congregatio fidelium: vel universitas credentium in Christum, qui sub iisdem Sacramentis, & eadem doctrina Apostolica degunt. Cyprianus (e) definit: Plebs Sacerdoti adunata & Pastori suo grex adherens. Olim sub lege dicebatur Synagoga, id est, congregatio.

(a) Ad Demetrium Cecilium.

(b) Gell. lib. 4. c. 9.

(c) S. Aug. retra. lib. 2. c. 37.

(d) Aug. Epist. 119. ad Janua. c. 7. Idem ad Marcell. Epist. 5. Idem de cura pro mortuis. c. 5.

(e) Cyp. libr. 4. epist. 9.

congregatio, seu coadunatio: verum per Christum ipsum in libertatem Evangelii vocata, non amplius Synagoga, sed Ecclesia, id est, evocatio dicitur. Vocati enim sumus in spem & adoptionem filiorum Dei, per Christum, per Apostolos, per Spiritus Sancti inspirationes. Paulus ideo multis in locis vocationis verbo usus reperitur. Gal. 5. Vos in libertatem vocati estis. 1. Cor. Vocatis Sanctis. Rom. 11. Sine pœnitentia sũnt dona Dei & vocatio.

Hæc igitur Dei Ecclesia dicitur in Symbolo, Una, Sancta, Catholica, & Apostolica. Ac primum quidem una: quia unus Deus, una Fides, unum Baptisma. Una est columba mea, una est speciosa mea. Cant. 6. Hujus unum Caput Christus est: invisibile nunc nobis, sed visibile est Petri Successor Pontifex: quem Christus Dominus suæ potestatis Vicarium atque Ministrum visibilem visibili Ecclesiæ præfecit. Hic sedem suam Romæ posuit. Ex quo primatum Romanæ Ecclesiæ Patres agnovērunt in Conc. Nicæno, c. 6. & antea Can. Apost. 34. & omnes Catholici a primo ad ultimum. Ad Sedem Romanam referunt Ecclesiarum omnium Prælati causas, controversiasque omnes doctrinæ. Et merito quidem. Namque dictum Petro fuit (cum fidei mirabilem illam confessionem fecisset: Tu es Christus, Filius Dei.) Tu es Petrus: & super hanc petram ædificabo Ecclesiam meam: & portæ inferi non prævalebunt adversus eam. Et tibi dabo claves regni cælorum &c. Et Luc. 22. Ego rogavi pro te, ut non deficiat fides tua: & tu aliquando cõversus confirma fratres tuos. Ob hæc dicunt Doctores Catholici, Ecclesiam Christi fundatam esse supra petram hanc. Si namque Petrus confirmare debuit fratres suos: qui potestatem habet confirmandi, nonne fundamentum est? Certe in fundamento firmatur ædificium. Ad hanc similitudinem alludens Dominus Joan. 1. nomen ejus, quod fuerat ante Simon, mutavit in Cephas, id est, Petra, seu Petrus, Chaldaice. Et in loco citato Matth. 16. cur Petram vocarit, causam subdit: Et super hanc petram ædificabo Ecclesiam meam. Nec obstat, quod Paulus ait: Fundamentum aliud nemo potest ponere, quod est Christus JESUS. Alioqui enim neque lucis nomen, neque Sacerdotis alii competere posset, quam Christo, neque claves habere: quod falsum est. Donat quidem Christus dignitates suas: non quod inde maneat ipse exhaustus & vacuus: sed habens largiter: de plenitudine ejus omnes accipiunt. vide Basil. in ferm. de Pœnitentia, & recentiores multos. Ergo sicut largitus est Petro claves regni cælorum propter confessionem illam sublimem fidei, quam nec caro, nec sanguis

ei revelaverat: sic & Ecclesiæ suæ petram & fundamentum posuit: supra quam Ecclesiæ omnes, quæ ædificatæ non fuerint, corruent omnino, nec Ecclesiæ Christi esse poterunt. Hæc hætenus. Ergo Ecclesia unum corpus in uno Spiritu dicitur Ephef. 4. Nec alia est nunc, quam quæ fuit olim, ac erit post mundi consummationem, sicut una est arbor, & una vinea, & una civitas: licet alij aliis cives succedant, & arboris rami. Sicut nec alius homo est, qui fuit antea infans, deinde puer, nunc autem vir.

Dicitur deinde Sancta, non quod Sancti & Electi solum, aut iusti in ea, non etiam peccatores inveniantur: sed quia Deo consecrata est in Sanguine Christi, & sanctificata: & quia Caput habet Christum ipsum, Sanctum Sanctorum, & thesaurum meritorum ejus: & quia extra eam non est salus, nec sanctitas. Sola enim hæc legitimum servat Sacrificii cultum, & justificationem Sacramentalem. Non ab re igitur similis facta est sagenæ missæ in mare, & ex omni genere piscium congreganti; & arcæ, in qua triticum cum paleis mixtum est; & decem virginibus, quarum quinque fatuæ erant; & arcæ Noe, in qua munda & immunda animalia contenta fuere; & magnæ domui, in qua sunt vasa aurea, & argentea, sicut August. & Cyprianus, & alii interpretati sunt. Quod si aliquando in sacris eloquiis vocatur munda, sine macula, sine ruga, tota pulchra: de illa ejus parte intellige, quæ cum Christo jam regnat, & quæ post mundi consummationem in æternum regnabit: cum tradiderit Dominus regnum Deo & Patri: quæ & ideo triumphans appellatur, quod superatis hostibus suis, scilicet carne, mundo, & diabolo, secura pace, gloriaque immortalis potitur. Sed quæ in hoc mundo versatur, purificationem faciens quotidie veterum delictorum, cui semper pugnandum est, militans dicitur. In hac parte sunt, uti diximus, mixti cum bonis mali & peccatores. Et sicut in vite non omnes palmites fructum ferunt: & in corpore membrum esse potest aridum, vel sine sensu: sic nec omnium, qui intra Ecclesiam sunt, opera bona inveniantur in die judicii: cum sit tamen Christus ipse vitis, & nos palmites: sed extra Ecclesiam nulla inveniantur opera, digna vita æterna. Psalm. 28. Adorate Dominum in atrio sancto ejus. Extra atrium sanctum (ait Basilus) non oportet adorare Dominum, hoc est, non excedere congregationem Ecclesiæ, & per seipsum Synagogam, aut sectam auspicari, qui vere Divinum cultum debet perficere. Sed quærat forte aliquis: Qui sunt extra Ecclesiam? Responde: Primo infideles: ii intra Ecclesiam nunquam fuerunt. Deinde hæretici: hi ab Eccle-

Ecclesia sua sponte recefferunt. Tercio excommunicati: hi ab ea ejecti sunt. Sequitur ex his, quod etiam si Pastores Ecclesiæ mali sint, & iniqui, non ideo desinunt esse membra Ecclesiæ, & vere Prælati, nisi ab Ecclesia separentur.

Dicitur tertio in utroque Symbolo: Catholica græce, id est, universalis, & perpetua, sicut vocem interpretatur Quintilianus. Notat autem universitatem & nationum, & sæculorum. Psalm. 144. Regnum meum regnum omnium sæculorum, & Dominatio mea in omni generatione & generationem. Et Psalm. 21. Apud te laus mea in Ecclesia magna. Augustinus: Ecclesia magna quid est, Fratres? nunquid exigua pars orbis terrarum Ecclesia magna est? Ecclesia magna totus orbis est. Omnes fideles, qui ab Adam fuerunt, & futuri sunt, ad hanc Ecclesiam pertinent, quæ super fundamentum Apostolorum, & Prophetarum fundata est in illo lapide angulari, qui fecit utraque unum, & pacem iis, qui prope, & iis, qui longe. Et contra Petilianum, ideo Catholicam dici, ait, quia palmites suos in omnia tempora, in omnia loca, omnemque nationem extendat.

Dicitur denique in Symbolo majori: Apostolica. Hæc ei proprietates ideo competit, quod inde ab Apostolis revelata Christi gratia ad hæc usque tempora, legitima successione Ministrorum pervenit. Primo enim post Christi ascensionem Spiritus Sanctus, qui Ecclesiam gubernat, Apostolis datus est. Deinde & credentibus per ipsos Apostolos. De eo, quod additur (Sanctorum communionem) infra agemus in titulo de Sententia excommunicationis.

Ex his quatuor Ecclesiæ proprietatibus duo licet colligere. Unum est, quod Ecclesia errare non potest, intellige in fidei doctrina & morum: regitur enim ab uno Spiritu Sancto, ubicunque fuerit. Eo duce quis erraverit? Quare obediendum Ecclesiæ est, nisi velis tanquam ethnicus reputari. Proverb. ultimum. Conserva, fili mi, præcepta Patris tui, & ne dimittas legem Matris tuæ. Christus ad Apostolos, tanquam Ecclesiæ Prælatos, ait: Qui vos spernit, me spernit: & qui vos audit, me audit. Et Paulus: (f) Scitis, quæ præcepta tradiderim vobis: itaque qui hæc spernit, non hominem spernit, sed Deum. Et Dominus: (g) Super cathedram Moysi sederunt Scribæ & Pharisei, quæ dicunt, facite, secundum opera illorum nolite facere: dicunt enim, & non faciunt. Idcirco scribebat Paulus (h) Timotheo: Si tardavero, ut scias, quomodo oporteat te

in domo Domini conversari, quæ est Ecclesia Dei vivi, columna & firmamentum veritatis. Dicunt Doctores Ecclesiam in iis, quæ juris sunt, pertinentia ad fidem, & bonos mores, errare non posse: sed in iis, quæ facti, nihil prohibet. Hinc fit, ut cum secundum allegata, & probata judicet, rem aliquando vel personam ei adjudicet, cui non debeat.

Alterum, quod ex illis quatuor proprietatibus discas, est, quod Ecclesia non est [ut quidam falluntur] res ficta, & imaginaria tantum; sed visibilis & cognita, [alioqui enim quomodo referrentur ad eam, quæ referri oporteret? quomodo obediretur ei, quam nemo sciret?] ut ne pro vera Ecclesia sequaris Synagogas schismaticorum. Habes enim hic signa certa veræ Ecclesiæ. Sed audi, quam disertis hoc ipsum verbis docuit Beatus Augustinus in libro contra epistolam Fundamenti, cap. 9.:

Ut ergo omitam sapientiam, quam esse in Ecclesia Catholica non creditis: multa sunt alia, quæ in ejus gremio me iustissime teneant. Tener consensus populorum, atque gentium. Tener autoritas miraculis inchoata, spe nutrita, charitate aucta, vetustate firmata. Tener ab ipsa Sede Petri Apostoli (cui Dominus pascendas oves suas post resurrectionem commendavit) usque ad præsentem Episcopatum, successio Sacerdotum. Tener postremo ipsum Catholicæ nomen: quod non sine causa inter tam multas hæreses sic ista Ecclesia obtinuit: ut cum omnes hæretici se Catholicos dici velint, querenti tamen peregrino alicui, ubi ad Catholicam conveniatur, nullus hæreticorum Basilicam suam, vel domum audeat ostendere.

Vides, quam diserte Augustinus quatuor illas proprietates (Unam, Sanctam, Catholicam, & Apostolicam) per consensum, autoritatem, universitatem, successionem exposuit: quibus vera Ecclesia a falsis dignoscatur. Quoniam igitur hæreticis in more semper fuit, usurpare sibi nomen Ecclesiæ: dicentibus, Hic est Christus, non illic, sicut jam futurum prædixerat Dominus, Matth. 24.; ideo observanda hæc, quæ tradit Augustinus. Quæ licet sufficere possint singula: tamen præter cætera, successio Pastorum legitima, atque Ministrorum (quam ante Augustinum, etiam [i] Irenæus, & Tertullianus objecerunt suis hæreticis) continuata ab Apostolis, & a Christo, ad nostra usque tempora, sine intermissione ordinantium & ordinatorum, obturare poterit omnium obloquentium, & contradicentium ora. Quare rejiciendus omnis homo, qui

S 3

non

(f) 1. Theff. 4.

(g) Matth. 24.

(h) 1. Tim. 3.

(i) Iren. lib. 1. c. 15. & 4. & 1. 4. c. 42. Tertul. de præf. Ang. col. 3. dici.

non legitime vocatus, nec a superioribus Ordinariis missus, nomen sibi Pastoris, aut Doctoris Ecclesiæ usurpaverit. Cantorum primo rogat sponsum suum Ecclesiæ: Indica mihi ubi pascas, ubi cubes in meridie: ne vagari incipiam post greges sodalium tuorum. Et responderet: Si ignoras te, o pulcherrima inter mulieres: egredere, & abi post vestigia gregum, & pascæ hædos tuos juxta tabernacula Pastorum. De aliis dicitur: Ego non mittebam eos, & ipsi currebant. Et Apostolus Rom. 10. Quomodo prædicabunt, nisi mittantur? Nam si qui mittunt, potestatem mittendi non habent: quomodo dignoscuntur a legitime electis, intrusi?

Dantur alia signa veræ Ecclesiæ: veluti continuum Missæ Sacrificium, quod prædictum erat a Malach. cap. 1: Continua prædicatio Evangelii, sicut promiserat Dominus Joan. 17. & Matth. 28. Diffidia hæreticorum, qui, ut Jerem. 2. foderunt sibi cisternas dissipatas, quæ continere non valent aquas: Apostasia multorum. 1. Petr. 1. Persecutio, quam patitur ab Agar, id est, Agarenis, Turcis & Arabibus Mahometistis: de qua Paulus Galat. 4. Invidia & odium Judæorum, de quibus Deuteron. 32. & Rom. 10. Latibula hæreticorum, cum sit Ecclesiæ supra montem posita, & lumen super candelabrum, Luc. 2. De miraculis meminit August. jam supra & lib. 9. cap. 7. confess. & de Civitate lib. 22. cap. 9.

Sacramentorum denique usus separatur vere Catholicos ab schismaticis, & hæreticis, præsertim in iis, quæ sunt essentialia. Unde merito quidam tria esse tradit, quæ perseverare aliquem in Ecclesia Catholica doceant: Confessionem rectæ fidei, Sacramentorum communionem, & consensum in ordine hierarchico juxta instituta tradita divinitus.

Ex jam ergo expositis proprietatibus nomina sortita est varia Ecclesiæ Christi. Dicitur enim Corpus Christi. Ephes. 1. Coloss. 1.: quia in Spiritu Christi coaluit. Dicitur regnum Dei, propter leges & politiam ejus, Matth. 5. 23. Dicitur Sponsa Christi, propter fidem mutuo datam, & prolem in ea susceptam, Ephes. 5. Dicitur amica ejus, Cantic. 1. dicitur columba, propter simplicitatem & gemitus assiduos: turtur, propter castitatem: civitas, exercitus, hortus, vinca, mons. Etiam Apocalyp. 12. Mulier amicta sole, &c. ubi militantis hujus describuntur labores: & cap. 21. Civitas Sancta Hierusalem, descendens de cælo, triumphans proponitur.

DE TEMPLO.

TEmplum, quod Ecclesiam vocant Patres, quod domus Dei est, quod domus orationis a Christo dictum est, ut locus re vera sanctus, devotè adeundum est, teste Augustino, (k) ideo magna cum religione dedicari oportet: non a quocunque, sed ab Episcopo: ædificari autem sic, ut ad altare orantes, convertantur ad orientem, ad Christum scilicet, solem in animabus nostris orientem, quique ascendit ad orientem. Formam quoque ut plurimum navis damus ex Clementis Decreto, ut admonemur, nos tanquam navi vectos in Ecclesiâ assidue fluctuare. Templi Salomonis ostium ad orientem spectabat, & in æquinoctio Sol oriens mane subito illud illustrabat usque ad Sancta Sanctorum. Sed nos alio respicimus. Cæmeterium (l) non debet majus esse, quam laterum quatuor quadragenorum passuum: nec minus, quam trigenorum: nec sine altari: (procul ab Ecclesiâ si fuerit) ut vere religiosus esse locus possit: & in ea re Sanctorum exempla sequamur, qui ad sepulturas Martyrum Ecclesias ædificabant.

Jure ideoque optimo tanta immunitate gaudet Ecclesiâ, & libertate: quam qui violant, excommunicantur a jure. Sed scito immunitatem dici exemptionem loci sacri: libertatem vero personæ, in se, & in iis, quibus libere utitur, docet Benedictus xi. in extr. c. Inter cunctas. Sed Canones libertatis Ecclesiæ invenies in Summula Cajetani, de excommunicatione.

Si scire vis, quoties ædificatum fuit templum in Hierusalem: Primum a Salomone in Monte Moria: deinde post reditum a captivitate Babylonica restauratum a Zorobabel. In cujus reedificatione consumpti fuerunt 46. anni. Antiochus hoc profanavit: sed purgatum fuit a Maccabæo, reposito altari, sicut erat prius. Deinde dirutum & reedificatum ab Herode: factumque multo magnificentius, quam esset antea: ad similitudinem illius primi Salomonis, ut ipse agebat. Hujus lapides & structuram, mirabundi ostendebant Christo discipuli ejus, cujus ne lapidem quidem mansurum super lapidem respondit. (m)

STATUTUM I.

UBi ob locorum distantiam, vel difficultatem populus ægre potest ad Ecclesiam Parochialem convenire,

(k) August. ad Cresc. l. 4. c. 40. & Ep. ad Bonifac. 187. De dogm. Eccles. & aliis in locis Conc. Hipp. de conf. d. 3.

(l) Part. 1. leg. Hisp.

(m) 3. Reg. Agge. 1. Eld. 1. 4. Joan. 6. Macca. 2. cap. 10. Joseph. 2. 14. Matt. 24.

nire, novas Parochias etiam invitis Rectoribus erigemus. In quibus vero populus numerosior est, cogentur Rectores secum alios Presbyteros assumere, qui sufficiant Sacramentis administrandis, & cultui Divino celebrando. Et ubi magna erit Ecclesiæ paupertas, plures in unam convertemus, sed sine præjudicio tamen obtinentium.

Transferemus quoque Beneficia simplicia ex Ecclesiis, quæ vetustate, vel alias collapsæ, nequeant restaurari, in alias, cum eisdem oneribus & emolumentis. Sed Parochiales recti procurentur ex fructibus ipsarum Ecclesiarum, vel Parochianorum. Quod si nimia egestate omnes laborent, ad viciniore, vel matrices transferantur.

SUPER ECCLESIIS POLLUTIS Anno 1569.

Calamitatis recens memoria, quam a nonnullis exercitum Volsangi Gemini pontis, Ducis Palatini sequentibus in mense Martio proximo accepimus, omnes movere debet: præcipue vero nos Ecclesiæ Ministros, quorum odio flagrantæ hæretici bonam Bisuntinæ Dioecesis partem, cæde, incendio, atque ruina devastarunt. Nullum namque exemplum ab his prætermisum est sævitæ in Dei Ministris. Et videntur certe in hoc tantum convenisse, ut memoriam Christi omnem extinguant. Nam Jesu Christi Redemptoris, & gloriosæ Matris ejus, atque Sanctorum, imagines contumeliose fregerunt: Ecclesias, & domos Divino cultui dicatas incenderunt: Sacerdotes trucidarunt: Altaria diruerunt: Sepulchra everterunt: Sacra omnia profanarunt. Et, quod horrendum dictu est, nefariis manibus suis Sacrosanctum Jesu Christi Domini nostri Corpus arripientes, perque pavimenta projectantes, pedibus insultando conculcarunt. Et ne quid etiam omitterent impietatis, Baptisteria (quæ ad ablutionem peccati & mundiciam animæ in Ecclesiis præparantur) in usus illi non tantum sordidos verterunt, sed & stercore repleverunt & sordibus. Hæc illi. Sed eorum mens, & conscientia cum sordida sit, & immunda, pollvere ipsos tantum auctores tantorum scelorum potuit: Ecclesia Sancta, Christi Sanguine mundata, quanto majora ab infidelibus probra sustinet, tanto gloriosior evadit: & quanto magis conculcatur ab hostibus, tanto nitidior

solet ac fulgentior consurgere. Isti occidunt corpus, sed animam non possunt occidere. Ecclesias violant, sed Templi Dei violatoribus nunquam prospere successit. Cæterum quia super hoc tanto scandalo maxima pars Dioecesis nunc turbata est: & in multis incerti, quid agere debeant Viri Ecclesiastici remedia poscunt, & Prælati sententiam;

STATUTUM I.

Idcirco Pastores omnes, & Ministros Ecclesiarum nostræ Dioecesis monemus, & hortamur in Domino, ut plebes suas, & populos sibi subditos, tum in concionibus, tum in privatis confessionibus, hæc doceant, & similia, pro ut Spiritus Sanctus dabit: Hortentur omnes in fidei constantia manere: a vitiis abstinere, & peccatis: maxime vero mortalibus, propter quæ venit ira Dei. Perpendentes secum singuli, & conscientiam quisque suam examinantes, quod si pro commissis nostris nos punire Dominus decrevisset: multo graviora his commuerimus. Sed speremus magis in eo, & in Christo Jesu: qui lavit nos a peccatis nostris in sanguine suo, ut simus sancti & immaculati in conspectu ejus.

II.

Prohibemus ergo imprimis, ne Missæ in altaribus fractis, nec in Ecclesiis, ruina vel incendio vastatis, aut pollutis, Divina celebrentur: nec in earum Cæmeteriis sepeliantur fideles, donec reconciliata hæc omnia sint Episcopali benedictione. Reconciliationem autem per omnia illa loca brevi facturus est R. D. Suffraganeus, visitando sicut incepit, & sine sumptu, quantum poterit.

III.

Pollutæ autem Ecclesias declaramus, & Cæmeteria denuo consecranda, in quibus hæretici, vel excommunicati (quales sunt isti hostes fidei Catholicæ) sepulti fuerint: deinde in quibus cædes factæ, vel sanguis violenter effusus, vel Veneris quæcunque opera perpetrata. Quarum quoque altare loco morum est, vel altaris reliquiæ extractæ: omnes hujusmodi reconciliatione

tione indigēt. Sed in quibus equi, boves, fues, aut alia animalia, stabulata fuerint: vel in quibus ipsi milites, five propter suas necessitates, five in contumeliam loci sacri turpe, aut fœdum quidvis commiserint: hæc poterunt pro hac vice tantum Sacerdos, Curatus, vel Decanus, & Abbas, vel Prior in Regularibus, propter populi scandalum expiare cum aqua Gregoriana, seu exorcizata.

IV.

Ciboria & fontes Baptismi mudentur diligenter: hoc enim sufficiet, nisi populus nova malit facere. Quoniam sicut hæc ipsa non consecrantur ab Episcopo, sic neque polluta declarantur ab Ecclesia. Super altare autem fractum poterit tabula marmorea consecrata: (altare vocant portatile) parari, atque in ea Missa celebrari, donec Ecclesiæ ipsæ restaurentur: & ubi pollutum sit Cœmeterium, non polluta Ecclesia; permittitur nunc, ut in Ecclesia sepeliantur fideles, qui hinc ad duos menses vita decesserint.

V.

Atque hæc quantum ad reconciliationem locorum Sacrorum. Pro administratione autem Sacramentorum, quam cessasse hoc vastationis tempore in multis locis dolendum est: hæc, quæ sequuntur, observanto.

VI.

Imprimis parvuli (qui baptizati non sunt) baptizentur statim, vel in propria Ecclesia, vel in alia, nisi polluta sit. Et communicabunt sibi mutuo Curati non solum Ecclesias, sed alia omnia ad hæc necessaria, benigne & sine spe ulla quæstus. Ubi vero vastari sunt Sacri Fontes, poterit nihilominus benedictio solennis fieri in vase mundo, super altare, vel loco convenienti, intra Ecclesiam servando.

VII.

Eucharistiæ quoque & Pœnitentiæ Sacramenta, qui in hoc Paschate propter eadem impedimenta non receperunt, confiteantur jam propriis Sacerdotibus: & Dominica proxima com-

municentur: nisi majoris excommunicationis sententia sint innodati. Alias enim expectandum eis erit remedium salubre absolutionis, vel suspensionis. Cumque dies quadragesimalis jejunii jam omnino transacti nunc sint, & jejunium solverit ubique Ecclesia: declaramus, licuisse his vesci carnibus, & aliis omnibus, licet adhuc confessi non fuerint. Quamquam decebit maxime, qui confiteri deliberant, ut ob reverentiam suscipiendi Corporis Domini, die aliquo se præparent antea cum jejunio.

VIII.

Matrimonii denique benedictio in Ecclesia fiat non polluta, sicut res aliæ omnes sacræ.

IX.

Intelligent autem Curati, quod Ecclesia polluta, pollutum quoque habetur cœmeterium, non contra; quia pollui potest cœmeterium, non polluta Ecclesia. Quare si qua est Capella, vel ædificium aliud honestum, quod hujusmodi sacrilegorum manus, vimque evaserit: poterunt Venerabiles Abbates, & Religiosi, ac Curati, & Cappellani, atque alii ad Divinum officium deputati (viri, atque feminae) Horas Canonicas, & preces facere in eo. Non autem in polluta.

DE SACRAMENTIS IN GENERE.

Sacramentum Latine, Græce dicitur Mysterium. Et hoc quidem generaliter significat, quicquid sub figura rem continet admirabilem: ut Dan. 2. Eph. 1. & 5. Col. 1. 1. Tim. 3. Apoc. 2. Nos arctius accipimus, pro signo rei Sacræ. Estque Sacramentum (ut ex Divo Augustino, & aliis sumpserunt Theologi) invisibilis gratiæ visibilis forma. Dominus enim noster Iesus Christus novum suum populum non solum notis quibusdam exterius, colligari in unam societatem & congregationem voluit, numero paucissimis, observatione facillimis, significatione præstantissimis: sed etiam mysteriis, hoc est, ceremoniis, & signaculis sanctificantibus, sibi devotos initiari, atque dedicari sibi: Sanctificantibus, inquam, non propria quidem rerum externarum virtute, aut meri-

merito Ministri: sed Domini instituentis, atque secretius operantis. Itaque quamvis deceat bonum esse Sacramentorum Ministrum: tamen malus potest ea utiliter, digne suscipientibus, dispensare, faciens ea, quæ ex Christi institutione Ecclesia declaravit. Atque hoc est, quod dicunt ex opere operato gratiam conferre: non operantis Ministri vi, vel suscipientis. [n]

Sunt Sacramenta Ecclesiæ Catholicæ septem: scilicet, Baptismus, Confirmatio, Eucharistia, Pœnitentia, Extrema Unctio, Ordo, & Matrimonium. Et unum quodque horum suæ institutionis causam habet: vimque suam rebus, quibus conficitur, velut in enigmate ostendit. Siquidem Baptismus instituit Christus, ut per illud regeneremur in novam creaturam, qui antea eramus filii iræ: & sit lavacrum nostræ regenerationis, abluendo nos a sordibus peccati originalis. Per Sacramentum Confirmationis datur Spiritus Sanctus ad robur & constantiam, & conservationem gratiæ acceptæ in Baptismo. In cuius rei signum unguuntur veluti athletæ, & in mala percutiuntur. Eucharistia nos pascit alimonia Corporis & Sanguinis Domini. Pœnitentia in remedium instituta est, si quando in crimen & peccatum incidimus: ut hac, veluti in naufragio secunda tabula apprehensa, salvemur. Per extremam Unctionem subsidium animæ, & corpori habemus in articulo mortis (tempore illo periculosissimo) contra hostis iniqui relâ ignita: & si in peccatis fumus, remittuntur nobis. Ordinibus Sacris gratiam quoque accipimus, qua ad ministeria Ecclesiæ obeunda apti efficiuntur, habiles & idonei. Matrimonium honorabile, & thorus immaculatus: si in Christo fiat, gratiam confert, & efficit, ut ipsis conjugibus legitimus congressus non imputetur ad culpam. Nullum denique est, cuius virtus, vel iustitia non esse incipiat in fumento absque impedimento, vel non augeatur incepta, vel non reparetur amissa. Atque hæc quidem vis est Sacramentorum. Multæ dantur præterea causæ congruentes a Theologis institutionis Sacramentorum, quæ brevitatâ causâ omittimus.

Ex quo patet, non tantum duo esse ponenda Sacramenta: licet D. August. Epist. 118. & lib. 3. de doctr. chr. c. 9. aliter videatur quibusdam sentire. Nam de duobus Baptisma & Eucharistia, ita sæpe loquitur, ut duo hæc necessaria omnibus affirmer, etiam infantibus. Nec in his locis alia secluit, dicendo: Et si quid aliud in Script. Can. commendatur, &c. Hoc uno verbo dictum sit contra adversarios Ecclesiæ.

Nec illud repetamus, quod in unoquoque Sacramento duo sunt spectanda. [o] Unum est, externum Sacramenti signum, influens oculis & auribus: alterum vero res Sacramenti, hoc est, Divina & spiritalis illa vis, quæ per Sacramentum efficitur, & significatur. In signo rursus duæ res adhibentur: una materialis, analogiam aliquam habens ad id, quod fieri per Sacramentum creditur: altera est verbum, quod id ipsum significat expresse. Ut in Baptismo [quo a peccato tanquam lavamur] aqua est materiale signum: verba sunt hæc: Ego te baptizo &c. quæ tanquam forma addita materiæ Sacramenti substantiam perficiunt. Effectus est in Baptismo mundatio a peccato, & character impressus: quanquam certe non omnia Sacramenta imprimunt characterem, ut neque omnia reiterari possunt.

Et quanquam Sacramenta salutem operantur, quam fieri significant: non ideo tamen Catholici in Sacramentis ipsis acquiescimus, sed in Christo, qui Sacramentorum author existit. Ea nos pro instrumentis habemus; & vasis quibusdam, per quæ Dei gratia & Christi meritum, applicantur. Applicantur, inquam, via ordinaria: nam & sine Sacramento res Sacramenti dari a Deo potest, per privilegium: & signum visibile fieri absque vera sanctificatione in ponente obicem peccati, vel fide accedente. Doctrina est D. Augustini in multis locis. Nec desinunt propterea esse Sacramenta, quod effectus careant: nam qui non dijudicat Corpus Domini, non tamen non manducat illud.

De differentia porro Sacramentorum novæ legis atque veteris, sic loquitur Aug. in Psal. 73. quod illa salutem dant, hæc Salvatore promittebant, quia umbra erant, corpus autem Christi. Ideo dicimus nos Sacramenta novæ legis ex opere operato iustificare: illa per fidem: quia opus erat perfectæ religionis.

Ex hoc igitur, quod actus essent ex virtute veræ religionis, meritoria censenda fuerunt. August. quoque lib. de pecc. orig. cap. 30. datam ait circumcisionem ad abluendum peccatum orig. sicut Baptismum. Idem ait Greg. lib. 4. Moral. c. 2. An vero ex vi sua peccata eluerent, hoc opus hic labor est. Justinus argumentatur: Si ex vi sua circumcisio dedisset gratiam, non fuisset data folis masculis, sed etiam feminis. Quare in signum tantum datam fuisse ait, non in salutem. Idem Origenes, Tertul., Cypr., Chry. Nam carnalia erant, & egena, & infirma elementa, & umbra, quæ neminem

ad

(n) Cypr. serm. de Cœna. Aug. lib. 3. contra Donat. c. 10. & lib. 5. c. 19.

(o) Aug. Epist. 23. & de Catech. rud. c. 26.

ad perfectum adducere potuerunt, ut Apostolus testatur. Ministri quoque eorum litteræ occidentis erant, nos vero Spiritus vivificantis. Atque hæc quidem obiter. Nunc ad propositam materiam redeamus, & adea, quæ requiruntur in administratione Sacramentorum.

Intentionem requiri intellige non actua-lem semper, sed sufficit virtualis: quæ tunc adesse dicitur, cum actio nostra ab alia intentione præcedente procedit. Ut si quis Missam celebrare, & pro aliquo orare decrevit: omnia, quæ ab hac deliberatione postea sequuntur, & si actuali intentione ad voluntate careant, non tamen virtuali, quæ satis est.

Quantum vero ad cæremonias, & ritum attinet, quoniam Ecclesia sola est, quæ a Christo Sacramentorum thesaurum accepit, & verum ac legitimum usum eorum tenet, & novit: ideo Minister in omnibus se Ecclesiæ conformabit, non solum in iis, quæ sunt essentialia Sacramentorum: sed etiam in accidentalibus, quæ plerumque significationis causa, aut pietatis excitandæ gratia, instituta sunt, aut ex veteri traditione Apostolorum accepta: & aliquando etiam mutata, pro ædificatione fidelium. (p)

STATUTUM I.

Debet Minister Sacramenti intentionem habere agendi illud, quod Christus instituit, & Ecclesia facit.

II.

In his omnibus, quæ ad ritum & cæremonias pertinent, mutare aliquid nemo privatus audeat, sub pœna suspensionis ab Ordine: si id ignavia, vel ignorantia, aut alio vicio commiserit. Nam ex pertinacia hoc faciens, tanquam schismaticus punietur: quod Ecclesiæ sensum perturberet.

III.

Quia igitur in Sacramentis aliud videtur oculis, atque aliud agitur Divina gratia secretius; ne tanta Dei beneficia ignorentur, aut putentur otiosa esse spectacula, nec suo habeantur in honore, aut indigne tractentur: instruendus est populus in cujuslibet administratione: ubi commode fieri poterit: frequenter etiam docendus in concionibus, ubi inciderit locus: quid in

Sacramenti cujusque collatione agatur: quis sit ejus fructus: quid velint signa externa: quomodo Dei virtus præsens invisibiliter eis adsit: quomodo etiam digne vel indigne percipiantur, & similia.

DE BAPTISMO.

Sacramentum Baptismi, janua dici solet omnium Sacramentorum: quia nullum confertur aliud Sacramentum ante Baptismum: institutum quidem a Christo, ut ablueret nos a peccatis, sanctificaret, & justificaret. Hoc Sacramentum facit, ut consequamur remissionem peccatorum nostrorum, originalis, scilicet, & actualium, si actuale aliquod commiserit quis ante Baptismum. Per hoc nos Christum induimus: per hoc filii efficiamur Dei, & fratres Christi per adoptionem, atque hæredes regni celorum. Nec sine Baptismo quis salutem consequi potest, sive adultus sit, sive parvulus. Alios multos effectus recenset Aug. lib. contra Jul. c. 2. & Chrys. de Bapt.

Baptismus tamen triplex est: fluminis, fluminis, & sanguinis. De Baptismo autem fluminis hic intendimus tractare, & non de aliis: quia alii per analogiam ad hunc dicuntur. Unus enim Deus est, una fides, unum Baptisma. Martyrum passio, Baptismus dicitur sanguinis. Fluminis est Spiritus Sancti. Act. 1. cap. Baptismi autem fluminis, sive aquæ, nomina multa recitat Chrys. hom. 4. ad baptizandos.

In hoc Sacramento Baptismi quædam sunt de substantia: alia de solemnitate solum: quæ si emittantur, nihilominus veris esse potest Baptismus: licet peccet mortaliter, qui ea omittit, ut supra dictum est. Sine substantialibus autem esse non potest Baptismus.

De substantia hujus Sacramenti sunt quinque, & necessaria omnino. Primum expressio formæ vócalis, quæ est hæc: Ego baptizo te in nomine Patris, & Filii, & Spiritus Sancti. Vel lingua vernacula ab idiotis: *Je te baptize au nom du Père, & du Fils, & du Saint Esprit.*

Secundum est ablutio vel elementum aquæ fontis, vel fluminis, vel putei, vel pluvie, vel nivis resolutæ, vel maris, vel paludis, vel lacus, sive frigidæ, sive calidæ: quæ ablutio fiat vel in toto corpore, vel in parte corporis digniore scilicet, ut in capite.

Tertium est, quod ablutio ista fiat una & eodem tempore, quando forma verborum

(p) Tertul. l. de Baptif. Refor. Cler. sub Carolo.

rum supradicta exprimitur : non ante , nec post, neque sic, ut unus puerum abluat, alter verba proferat: sed unus & idem teneat, altera manu puerum & abluat, & verba proferat.

Quantum est intentio faciendi id, quod facit Ecclesia: & specialiter hic in Baptismo est, ut baptizandus abluatur a peccato originali, & aliis omnibus peccatis, si adultus fuerit. In quo etiam (adulto scilicet) requiritur similis intentio: quoniam ab invitis non recipitur aliquod Sacramentum. Quapropter quaeri solet, an possint invitis parentibus, in quorum potestate sunt, baptizari pueri. Communis opinio est, non debere fieri, sed factum tenere.

Quintum est fides explicita, vel implicita ipsius baptizandi: quoniam in adultis requiritur fides propria: in parvulis vero fides aliena sufficit, scilicet susceptorum, qui totius Ecclesiae nomine pro eis abrenunciant, credunt, & spondent. Quamquam videtur nonnullis non magis requiri fidem in susceptore, quam in baptizatore.

Parvuli enim in fide Ecclesiae baptizantur. Sed Christus Iesus respiciens fidem offerentium infantes, ut eos tangeret, complexatus, dixit illorum esse regnum celorum. Ex hoc videtur (q) Iustinus, qui Augustino dicuntur semper Susceptores, vocasse Offerentes: Tertull. (r) Sponsores: Nos vulgo Patrinos, a Dionysio (s) sumpto vocabulo, quasi genitores secundarios appellamus.

Atque hæc quidem omnia necessaria sunt ad verum Baptisma. Sunt alia octo de solennitate, significantia res, quæ in Baptismo fiunt. Unde Versus:

Chrisma, sal, atque oleum, cereus, chrismale, saliva,

Flatus, crux: virtus baptismatis inde notatur.

Siquidem ex veteri traditione, & ritu Ecclesiae, duo præcedere debent Baptismum: Catechismus, & exorcismus. Antequam enim baptizandi sisterentur ante fontem baptismalem, [quod fieri solebat in Sabbato Sancto Paschæ, & Pentecostes] aliquo tempore antea, ante fores Ecclesiae instituebantur, ac docebantur rudimenta fidei, elementaque doctrinæ Christianæ, & vitæ melioris: quæ institutio dicitur Catechismus: & ipsi, qui edocti baptizari postulabant, competentes & catechumeni: id est, audientes: & penitentes, seu resipiscentes propter vitæ conversionem, & jejunia, & orationes, quibus vacabant. Dicebantur etiam signati, quod signo Crucis frequenter signarentur.

Dant hic baptizandi sua nomina, tanquam novæ militiæ se Sacramento obligantes: abrenunciant diabolo, & pompis, atque operibus ejus, tam verbo, quam gestu exsufflantes in illius detestationem: & signaculo crucis sæpius impresso, armantur contra diabolum: qui virgam, qua percussus est, semper timet. Salem dabat Minister catechumenis inter solennes Paschales dies: (non Sacramentum) quia sapientia condiri oportet deinceps actiones, & cogitationes hominis Christiani, quem Baptismus a corruptione, & fetore peccati liberavit. Dabatur quoque panis benedictus, sive sanctificatus, qui panis dicebatur catechumenorum, & figura corporis Christi: sed non corpus ipsum.

Exorcismo, id est, adjuratione, (qui sermo increpatorius est spiritus immundi) per manus impositionem & Crucis signum, tanquam flagello, expellitur diabolus: in cuius potestate eramus propter peccatum. Et licet nunc orationes, adjurationesque simul mixtæ habeantur cum Catechismo: tamen olim fiebant per rotam Quadragesimam: maxime vero quarta feria post Dominicam Quadragesimæ de Lætare: & quinta feria majoris hebdomadæ fidem reddebant verbis conceptis, sicut didicerant. Alii etiam octo diebus ante Pascha. Vocabant mysterium hoc, apertionem aurium: quia in hoc tangit Sacerdos luto ex saliva aures, & nares: ut catechumenus præparetur ad audiendum legem Domini, & orandum. Ubi rursum abrenunciant Satanae, facta renunciatione convertuntur ab occidente in orientem, quasi a diabolo ad Christum.

Exorcismis factis, introducuntur baptizandi in Ecclesiam, & unguntur oleo catechumenorum in pectore, tanquam athleteæ Christi: & inter scapulas, ut patienter ferre possint labores & ærumnas hujus vitæ pro Christo. Et rursum, antequam baptizentur, dant sua nomina: rursumque profitentur fidem, juxta interrogationem Sacerdotis. Sic fieri solet, quando recensentur milites post magnum certamen.

Paratus ergo Sacerdos abluere, interrogat semel, iterum, & tertio: Vis baptizari? quia nemo invitus baptizari debet. Quod si velit, abluatur in nomine Patris, &c. Post hæc tandem ungitur Chrismate in vertice, tanquam in Regem & Sacerdotem, & veste candida induitur: quia quicumque in Christo baptizati sunt, Christum induerunt. Et lampadem accipit offerendam mysteriis: ad significandum lumen fidei, qua illuminatus est per Baptisma. Quare Sancti Patres (præsertim Græci) Sacramentum Baptismi, præter

(q) Justin. q. 56.

(r) Tertull. de Baptism.

(s) Dion. de Bapt.

Tomus VIII. Concilior. German.

ter alia nomina, quæ recitat Chrysost., sæpe Sacramentum luminarium appellarunt; & Paulus illuminatos, baptizatos: quia Baptismus in nocte Sancti Paschæ, cæro Paschali, & multis luminibus illustrata celebrabatur, quando magna solennitate fontem baptismalem, cum sanctis precibus, & cum cæro Paschali, invocatione Sancti Spiritus, & cum Chrismate consecrabant. Quod etiam observavit semper Ecclesia, inde ab initio, ad nostra usque tempora. Chrismate enim significatur Spiritus Sancti gratia: ut intelligamus sicut Sanctus Hieronymus ait: non aquam esse, quæ lavat animam, sed lavari eam potius a Spiritu Sancto, ut alios lavare spiritualiter possit. Et ideo Augustinus: Unde ista tanta virtus aquæ, ut corpus tangat, & cor abluat, nisi faciente verbo? Non quia dicitur, sed quia creditur. Nam & in ipso verbo aliud est sonus transiens, aliud virtus manens. Per cæro Paschalem accensum & deductum super fontem in Crucis modum, significatur hoc vere agi in Baptismo, quod præfiguratum Apostolus tradidit fuisse, in transitu maris rubri, per columnam nubis, quæ interdum velamento erat contra ardorem Solis, & noctu syderei splendoris vicem gerebat peregrinis.

Fiebant adhuc plures olim cærimonie in Baptismo, ut majoribus, pluribusque actionibus devincerentur, devinctosque se esse agnoscerent baptizati. Lavabantur siquidem eorum pedes: dabatur eis lac & mel, tanquam infantibus recens natis. Ad quod respexisse videtur Apostolus Heb. 6. & 10. ubi renovari posse negat aliquem per penitentiam: id est, baptizari denuo. De trina immersione usus apud nos abolevit, non item apud Anglos. Fiebat autem in mysterium Trinitatis, ut docet Basilius. Videtur hic ritus primum cessasse in Hispania, propter Arrianos, qui tres naturas in Trinitate per trinam immersionem signari volebant.

Fontem baptismalem nos Baptisterium, a Græcis vocamus. Qui etiam aliter nominant *κολυμβήθων*: id est, lavatorium, vel natatorium. Dionysius, *μύληα τῆς ὑδαρίας*, matrem adoptionis. Alii *ψαλτήριον*, ab illuminatione. Ambrosius regenerationis Sacramentum.

De Baptismo Joannis, & Circumcisione, & de pueris sine Baptismo decedentibus.

Cæterum hic duæ existunt res examinandæ: Baptismus Joannis, & Circumcisio: habent enim affinitatem magnam cum Baptismo Christi. Ac primum quidem quaeritur, quo differat ab hoc, Joannis Baptisma:

quid quoque valebat Circumcisio: & quaestio ex his emergens, quid dicendum de pueris sine Baptismo decedentibus. Quamquam perplexæ quaestiones sunt, & quibus implicari curiosius non expedit Curatos: tamen ut sapientibus & insipientibus morem geramus, quia lectorum non idem genius unquam reperitur; Ad primam dicimus: Sicut fuit Joannes præcursor Christi: sic ejus Baptisma fuisse veluti Catechismum quandam, præparantem discipulos ejus ad Christi Baptismum: nec gratiam contrulisse, nec abstulisse peccata. Ego [inquirebat] baptizo in aqua. Et sequitur: Qui misit me baptizare in aqua, ille dixit mihi: Super quem videris Spiritum descendantem, & manentem super eum, hic est, qui baptizat in Spiritu Sancto. Quasi dicat: Ego corpus lavo: sed ille spiritum mundabit. Et Dominus Jesus: Joannes quidem baptizavit aqua: vos autem baptizabimini Spiritu Sancto. Ergo gratiam non conferebat, sed præparabat ad gratiam: & penitentiae professionem in illo faciebant baptizati, in remissionem peccatorum, quam obtinere se sperarent per Christum. Quare & Baptismus penitentiae dictus est, sicut etiam Christi Baptismus: sed diversa ratione. Ille ad penitentiam invitabat: id est, non solum ad mutantem vitam in melius, sed ad agendum fructus dignos penitentiae. Hic autem antequam recipiatur, penitere oportet candidatos. Hic quoque in remissionem sumitur: quia in eo peccata omnia remittuntur. Ille quoque ideo in remissionem, quod hortaretur ad penitentiam, ut remissionem obtinerent. Quare nec Sacramentum existimandum volunt: licet quidam aliter senserint. Ex his multum probabile colligitur, baptizatum fuisse Joannem a Christo, postquam Christum ipse baptizasset. Dicit enim: Sine modo: quasi velit: Postea ego, quod meum erit, faciam. Siquidem Apostoli, quos in Joannis Baptismo tantum baptizatos intellexerunt, baptizarunt in nomine Domini JESU. Act. 19. Aliis tantum manus imposuerunt, qui in nomine Jesu baptizati erant. Act. 8. Ob hanc rem proprie appellatur Baptismus Christi lavacrum regenerationis: illud Baptisma penitentiae. Scripserunt multi de hac materia: Cyrillus in Joan. c. 1. August. contra Donat. lib. 5. c. 9. & seq. contra epist. Petil. l. 2. c. 37. Hieron. in Joel. c. 2. & contra Lucif. Damascenus lib. 4. Theol. c. 10. Chryf. in Matth. hom. 14. Beda in Matth. 3.

Quando ergo Apostoli baptizati fuerint a Christo (renasci enim & ipsos oportuit) variant sententiæ. Vide Tertull. de Bapt. Aug. de orig. animæ. lib. 3. c. 9. lib. 5. contra Donat. c. 10. Chryf. in Act. c. 1.

Ad quæstionem igitur de pueris non baptizatis, respondet (t) D. Augustinus: Quisquis dixerit, quod in Christo vivificabuntur etiam pueri, qui sine Sacramenti ejus participatione de hac vita exeunt: hic contra Apostolicam prædicationem venit, Rom. 4. Judicium ex uno in omnes in condemnationem. Cæterum ne quis putet iniquiorem fuisse Augustinum erga pueros sic decedentes, videat, quæ antea Origenes lib. 6. in Epist. ad Rom. & Dionysius Hierar. c. ult. Pelagiana hæresis est dicere, quod pueri etiam sine Baptismatis decedentes gratia possint præmiis vitæ æternæ donari. Nam illud palam est, quod loquitur [z] Christus: Nisi quis renatus fuerit ex aqua & Spiritu Sancto, non potest introire in regnum Dei. Si fides parentum (ut hæretici arbitrantur) liberaret nunc a peccato & a morte liberos eorum: liberasset profecto eadem ratione & filios Abraham non circumcisos. Sed aliter docet Scriptura: Masculus cujus præputii caro circumcisus non fuerit, peribit de populo meo. At [inquirunt] si parentes sancti sunt, & filii sancti erunt, ut videtur ex 1. Cor. 7. O arguam rationem! Quasi vero unius semper modi discurat sanctificatio. Primi Reg. 21. Vasa puerorum David sancta dicuntur: id est, munda ab ea re, qua de Sacerdos loquebatur. Sic sanctum dicimus, quod sine macula, vel nota est. Sic filios illic sanctos, id est, sine nota vel macula illegitimorum intellige: & virum infidelem a muliere fidei sanctificari, ut in honorem conjugii, non ob sit fidei consuetudo infidelis: & catechumeni secundum modum quandam sanctificantur: & quod accipiunt, inquit B. August., quamvis non est corpus Christi, sanctum tamen est: & cibum sanctificari verbo Dei auctor est Apostolus. Quare Apostolus (x) illic non de justitiæ sanctificatione, aut gratiæ Dei loquitur: neque enim filii eo loco sancti magis dicuntur, quam vir infidelis [quem sanctificari per mulierem docet] nisi fidem habeat in Christo. Potest quidem salvare omnes Deus: quoniam virtus ejus Divina non est alligata Sacramentis. Sed quamdiu legitur Christi Evangelium [nisi aliter revelatum fuerit] perire omnes pronuntiabimus, quos sine lavacro regenerationis mors intempesta occupavit. At, inquit, quod apud nos valet aqua Baptismi, teste magno Gregorio, hoc agebat apud veteres, vel pro parvulis sola fides, vel pro majoribus virtus sacrificii, [sive oblationis] vel pro his, qui ex Abraham stirpe prodierant, mysterium circumci-

sionis: Ergo a fortiori nunc, qui sub gratia, si deest Baptismus, fides sufficit parentum. Namque remedium nunquam defuit contra peccatum orig. In Lege naturæ Sacrificia & Oblationes erant: in Mosaisca Circumcisio: in Evangelica Baptismus. Ergo in utero periclitantibus nullam ne erit solatium? Responde cum Paulo (y): Quam incomprehensibilia sunt judicia Dei! Sanctificavit certe aliquos Deus ex utero: sed privilegio paucorum. Dictum Gregorii, quod citavit Gratianus, (z) non magni fit a Durando: qui Judæorum filios opinatur ante circumcisionem salvari: non per solam fidem tamen parentum, sed per fidem, & signum aliquod exterius. [a] Sequi videtur is Alexandrum de Ales. Eum sequitur Adrianus sextus: hunc etiam (b) Cajetanus. Hanc sententiam refert S. Thom. in quodlib. 6. art. 4. Sed non subsistit: quia non invenitur præceptum aliquod signum fuisse aliud, præter circumcisionem. Idem Bonavent. & Richard. Biel. (c) Soro autem acriter hic pugnat cum Cajetano: aliis licet parcens. (d)

Idem S. Bonaventura rem hanc ingeniose distinguit. Proponit enim considerandum triplicem hominis statum. Unus est in utero matris: alter extra uterum, in infantia: tertius in ætate jam adulta. In primo, soli Deo notus est: in secundo, notus est Deo & Ecclesiæ: in tertio, & Deo, & Ecclesiæ, & sibi ipsi. Existens in primo ab uno Deo solum salvari potest, cui soli notus est: in secundo, per Ecclesiæ Sacramenta: in tertio etiam per fidem propriam, ubi copie deest Sacramenti. Sed requiritur in adulto præter Sacramentum etiam fides propria, quæ in puero sufficit aliena: nempe Ecclesiæ cum Sacramento.

De Circumcisione autem hæc scire convenit. Data fuit circumcisio Abraham in signum justitiæ fidei, & in fœdus, quod percussit Deus voluit cum eo: ut esset memoriale fidei, per quam meruerat Abraham, adhuc in præputio existens, ut sibi servarentur promissiones. Rom. 4. Signum accepit circumcisionis, signaculum justitiæ fidei, quæ fuerat in præputio. Gen. 17. Circumdetis carnem præputii vestri, ut sit in signum fœderis inter me & vos: eritque pactum in carne vestra in fœdus æternum.

Habes institutionem & originem Circumcisionis: sed cur in ea parte fieret, mullæ dantur causæ. Una est, ut per occultum membrum, in quo figura quædam cordis occulta est, occulta mentis atque cordis circum-

T 3

cum-

(t) De fide ad Pet.

(u) Joan. 3.

(x) 1. Tim. 4.

(y) Rom. 11.

(z) 4. Sent. d. 1. q. 8.

(a) 4. de Sacramentis.

(b) In 3. part. S. Thom. q. 68. 4. Sent. d. 1. art. 11.

(c) Biel. 4. d. 4. q. 2.

(d) Soto. libro. 2. de natura & gratia. cap. 10. 4. d. 5. q. 1.

circumcisio signaretur. Sic enim Apostolus: Non quæ in carne est circumcisio, sed circumcisio cordis in Spiritu, non litera. Altera, quod sicut per circumcisionem expiatur tunc peccatum originale: sic fieret in ea parte signum ejus, & tanquam cauterium imprimeretur, unde propagationis morbus sumit originem. Atque ob hanc causam feminae ejus non fuerunt capaces. Quia generandi vis in viro est maxime, non sic in femina. Quare etiam illud factum est, ut succedente Baptismo Christi, nocua sit circumcisio. Galat. 5. Si circumcidimini, Christus vobis nihil prodest. Fuit & alia causa. Dei namque populum electum symbolo aliquo distingui oportuit, cum in bello ab hostibus, tum a cæteris gentibus in pace. Quapropter in deserto, cum soli agerent Israelitæ, circumcidi cessarunt 40. annis. Nulla vero pars corporis notam poterat accipere, quam hæc, vel cum minori incommodo, vel cum minori turpitudine: quæ semper seposita servatur sollicitè ab hominum aspectu. Turcæ adhuc, & Mahometani omnes, se ab Abraham & Sara oriundos jactantes (unde Saraceni) circumciduntur: non octavo quidem die, sed pubertatis anno primo. Porro id ne ignorent idiotæ, nos circumcisos vocamus, a recisa pelle, recutitos: Horatius ut pelle diminutos, vocat apellas, & curtos.

*SEQUUNTUR CAPITA QUÆ
dam ex veteri Statuto in tit.
de Baptismo.*

STATUTUM I.

Baptismus, Confirmatio, & Ordo nunquam iterantur, id est, non conferuntur uni personæ singulari nisi semel, seu unica vice: quia quodlibet ipsum imprimit characterem indelebilem in anima.

Character in præsentī proposito, est quædam qualitas & facultas spiritalis: per quam suscipiens Sacramentum potest aliquid facere vel recipere, quod non poterat antea. Et ideo dicitur signum spirituale, distinguens eum, qui Sacramentum accepit ab aliis. Meminit D. Augustinus characteris in multis locis, præcipue contra Donatistas. Et videtur Ecclesia notionem accepisse hujus rei ex c. 1. Epist. 2. ad Cor. 11. & 4. ad Eph.

II.

Baptismi materia, qua utimur in Ecclesia, est aqua, simplex, naturalis (seu elementalis) benedicta, seu sanctificata sollemniter, secundum ritum Ecclesiæ in Sabbato Sancto Paschæ, & Sabbato Pentecostes.

III.

Baptismus tamē administrari potest in casu necessitatis aqua naturali, elementalī, pura & simplici, non benedicta seu sanctificata sollemniter.

IV.

Baptismus non debet fieri in saliva, in aqua rosacea, ardenti, vel alia artificiali, nec in cervisia aut vino: sed in lixivio fieri potest, si alia aqua non posset inveniri, quia aqua est naturalis colata per cineres: sicut in aqua naturali & pura, quæ per venas sulfureas transit.

V.

Baptismi forma hæc est: Ego baptizo te in nomine Patris, & Filii, & Spiritus Sancti, Amen. Quæ omnino debet observari, nihil addendo, minuendo, transferendo vel immutando de eadem: ut tollatur omnis dubietas, vel opinionum diversitas. Ea uno contextu debet proferri, ita ut non sit, aut fiat interruptio notabilis per longam pausam, & moram temporis. Quamquam verborum corruptio non vitiat Sacramentum, modo sensus maneat: virtus enim verbi tanta est (Augustino teste) ut justum faciat, non quia dicitur, sed quia creditur.

VI.

Minister Baptismi proprius, specialis, & ordinarius, est Sacerdos, extra casum necessitatis: sed in casu necessitatis, omnis alia persona sive fuerit vir, sive mulier, sive fidelis, sive infidelis, Judæus, Paganus, hæreticus, possunt baptizare: dummodo baptizent in aqua, & verba debite proferant, cum intentione faciendi, quod facit Ecclesia.

Ecclesiastici olim Canones non nisi Episcopo & Presbytero dabant hoc ministerium: propter Ecclesiæ honorem: quo salva

pax est, inquit Tertulianus. Sed in necessitate Eunuchus a Philippo Diacono baptizatus fuit, & a Laurentio multi. Ananias quoque Paulum baptizavit. Ab hæreticis baptizatos, non esse baptizandos iterum, definitivit Conc. Nicænum. Quare non refert qualem doctrinam is habeat, modo in nomine Patris, &c. August. contra Donat. li. 3. c. 14. licet dubitaverit aliquando antea de eo Ministro, qui ipse baptizatus non esset. [e]

VII.

Pater & mater infantis in extrema necessitate possunt baptizare infantem suum: si non sit alia persona præsens, quæ baptizare sciat, aut possit, & non alias.

VIII.

Doceant Curati obstetrices & suos Parochianos, integre, fideliter, & devote proferre verba formæ Baptismi in vulgari sermone, *Je te baptize au nom du Pere, & du Fils, & du Saint Esprit, Amen:* ut ministrare possint illud in forma Ecclesiæ, si casus necessitatis emerferit. Et doceant eas, quod simul cum prolatione verborum debent tenere infantem, & immergere illum in aquam secundum consuetudinem Ecclesiæ suæ, & quod habeant intentionem baptizandi secundum ordinationem universalis Catholicæ Ecclesiæ.

IX.

Consuetudo Ecclesiæ est observanda in Baptismo, quo ad immersionem vel asperersionem; videlicet, quod ubi est consuetudo, quod puer immergatur in aquam, debet immergi: nisi timor esset de vita ex causa rationabili & evidenti. Et ubi est consuetudo, quod aspergatur, sive effundatur aqua super caput sine immersione, illa etiam observanda est.

X.

Si puer dolore partus appareat vivus esse in utero matris, nec potest exire totus, sed apparet una pars corporis: Si caput apparet, debet baptizari, quia in capite vigent omnes sensus hominis exteriores & interiores. Si

autem pes & mantus appareant, & non caput, (si constet de vita, & periculum sit de expectatione totius ab utero) debet baptizari, secundum communioem & humaniorem sententiam Doctorum.

XI.

Si mulier præ angustia pariendi moriatur, & appareat partus in utero vivus: debet os ejus teneri apertum, ne suffocetur partus: & per probatum atque expertum chirurgum, aut incisorem, debet cum diligentia venter matris aperiri, & infans inde extrahi, ac baptizari.

Adde hinc veteri Statuto, ad majorem declarationem, quod si certum sit infantem non vivere, non scindatur mater: sed una cum infante ponatur in terra benedicta, quia corpus infantis quamdiu in utero est, censetur pars esse viscerum matris.

XII.

Sacerdos interroget diligenter obstetrices, & alias personas, quæ deferunt infantes ad baptizandum: si propter aliquod periculum vitæ infantis, de quo dubitaverint, illum baptizaverint, an non. Si responderint, quod non: procedat ad exorcismos, & alia per ordinem, prout in libro manuali continetur. Si vero infans baptizatus fuerit: interroget de forma verborum prolatorum. Quæ si integre & debito modo prolata fuerint, non erit infans ulterius baptizandus: quia Sacramentum est non reiterabile, ut dictum est. Debet autem catechizari & exorcizari, ut ritus Ecclesiæ fervetur. Si vero re diligenter perquisita dubitet Sacerdos probabiliter, quod verba & alia necessaria non fuerint prolata & observata: baptizet sub hac forma: Si tu es baptizatus, ego non baptizo te: sed si tu non es baptizatus, ego baptizo te; In nomine Patris, & Filii, & Spiritus Sancti, Amen. Aliiter vero nunquam ei fas erit.

XIII.

(e) Clem. lib. 3. c. 10. 11. & lib. 11. & 8. Epiph. heres. 79. Tertull. de Bapti. De Conf. d. 4. c. Romanus, c. Quod est. c. Mulier. Conc. Carth. 4. c. 99. Aug. contra opin. Parm. c. 13. & lib. 2. cont. Don. c. 53. Hieron. cont. Lucif.

XIII.

Infans, qui reperitur expositus, nec scitur a quo, nec apparent signa, vel testimonia, sitne baptizatus, nec ne: debet baptizari sub conditione, videlicet: Si tu es baptizatus, ego non intendo te baptizare: sed si tu non es baptizatus, ego baptizo te, &c. Et Gallice, si Laicus hoc faciat, dicat: *Enfant, si tu es baptizé, je n'entens pas de te baptizer: mais si tu n'es baptizé, je te baptize au nom, &c.*

XIV.

In parvulis, qui baptizantur, sufficit fides & intentio recta illorum, qui ipsos offerunt ad Baptismum: quorum fidei professio parvulum obligat ad observantiam, quia pro salute ejus fit obligatio.

XV.

Levantes puerum de Sacro Fonte, debent eum docere Orationem Dominicam, Pater noster: Salutationem Angelicam, Ave Maria: Symbolum Apostolorum, in quo continentur articuli fidei: scilicet, Credo in Deum Patrem omnipotentem, & Credo in Spiritum Sanctum: justitiam servare, charitatem tenere, & castitatem custodire.

XVI.

Quia in Baptismo contrahitur cognitio spiritualis inter plures personas, propter quam multa Matrimonia impediuntur fieri: idcirco non admittantur plures, quam duæ personæ: videlicet, unus vir, & una femina, in levatione unius infantis ad summum. Scisciterur autem Parochus diligenter, antequam ad Baptismum accedat, quisnam electus sit ad suscipiendum infantem de Sacro Fonte: ne alius se pro Patrino gerat, licet puerum tangat, vel teneat.

XVII.

Deinceps Sacerdotes Parochiales habeant librum, seu registrum, in cuius principio scribant annum, in quo inchabitur, & consequenter mensē & diem Baptismi cujuslibet infantis, nomen ipsius, & nomina genitorum ip-

fius, nomina patrinorum & matrinorum; sic scribendo:

Petrus, Filius Joannis & Mariæ, natus die tertia Maji, baptizatus die vigesima ejusdem mensis. Cujus patrini fuerunt Gerardus talis & Catharina talis.

XVIII.

Religiosi non debent pueros in Baptismo tenere, neque commatres habere, dum alii reperiri possunt.

XIX.

In plerisque locis nostræ Dioecesis (ut accepimus) Sacerdotes quidam male docti baptizare præsumunt infantes mortuos ab utero matris: quos quædam vetulæ mulieres ebriolæ & modicæ conscientiæ, in Ecclesiis per duos, tres, vel plures dies observant, & postea testificantur signa vitæ in eis apparuisse, & post hæc in loco religioso & sacro sepeliunt: cum præmissa (si vera essent) miraculosa deberent merito dici. Ad quorum approbationem major indagatio & verificatio requiritur, quam sit testimonium vetularum. Cum igitur cum fidelibus nisi fideles sepeliuntur; ideo, ne talia de cætero fiant, sine nostra, aut Vicarii nostri Generalis, seu Officialis, licentia, omnino prohibemus. (f)

XX.

Baptizati inungantur in locis ordinatis Chrismate novo: id est, consecrato illo anno: & non Chrismate veteri. Sed illud comburatur in Ecclesia: & cineres in piscina aut juxta altare recondantur.

XXI.

Baptismus celebretur in Ecclesia, & non extra: nisi in casu necessitatis. Et tunc fiat, ut supra dictum est, aut alio casu permissa a jure: & non alias.

Hactenus ex veteri Statuto Capitulum, ordine parum immutato. Quibus hoc solum addimus.

XXII.

Si baptizatus a Sacramentariis, aut aliis hæreticis, Ecclesiæ Catholicæ reconcili-

(f) De Consec. dist. 1. c. Infideles, cum sequenti. Lappus in alleg. 83.

conciliationem postulet, & vere baptizatum esse constet, adeat Episcopum. Per eum inuncta pœnitentia reconciliabitur. Si vero facta inquisitione diligenti, dubitetur esse baptizatum, & baptizari secundum ritum Ecclesiæ Romanæ velit: eadem observabuntur illa, quæ supra diximus facienda circa illos, qui a laicis personis non certo baptizati offeruntur in Ecclesia. Quia licet hæretici plerique nostri temporis vere baptizent: a cæremoniis tamen nostris, & Ecclesiæ Romanæ dissentiant. Quo fit, ut aliqui se baptizatos vere dubitent. Quod facere non debent, si de forma & materia adhibita certi sint. Quare interrogabuntur ipse baptizandus & Patrini, de modo & forma, quibus ab hæreticis baptizatus fuerit. Si vero dubitetur de forma: tunc utitur forma condicionali superius tradita: *Si tu es baptizatus, je ne te baptize pas: Et si tu n'es baptizé, &c.* Et cæteris, ut dictum est, peractis, inducus baptizatus suis indumentis, audiet Missam tenens facem accensam in manibus, quam offeret in Offertorio. Patrini vero levantes offerent panem & vinum: & accepta Communionem & benedictionem Sacerdotis, dimittentur in pace.

XXIII.

Curati scire debent, quod ex Ecclesiæ Statuto (g) cognatio spiritualis contrahitur in Baptismo, & in Confirmatione; quæ impedit Matrimonium contrahendum, & dirimit contractum: nempe baptizans & suscipiens (vel levans de fonte) cum suis uxoris, & maritis jam cognitis dicuntur compadres parentum, id est, genitorum baptizati: & iidem patrini parentes spirituales sunt ejusdem baptizati. Filii quoque baptizantis & levantis fratres spirituales ejusdem baptizati dicebantur hætenus. Cæterum in Concilio (b) Trident. prohibitionum multitudinem contrahentes Patres, statuerunt, ut posthac inter levantes & baptizatum ipsum, & hujus patrem & matrem,

nec non inter baptizantem & baptizatum, baptizatique patrem & matrem, spiritualis cognatio contrahatur tantum, quæ impedimento sint Matrimonii.

XXIV.

Pro Baptismo nihil exigatur, sed si quid offeratur, illud accipiat Sacerdos secundum laudabilem consuetudinem, quæ observanda erit. (i)

XXV.

In horum convivii modestia agnoscatur, luxu superfluo rejecto: maxime vero Presbyteri in his ab omni sermone abstineant impudico & vano.

XXVI.

Fontes post solennem ipsorum benedictionem, & Chrisma, & Sanctum Oleum, sub clave & seratura custodiantur diligenter, & aqua ipsorum renovetur in Paschate & Pentecoste (k): quin etiam (quod absit) si casu aliquo corrupta fuerit, (ne quis ob corruptionem scandalizetur) renovari poterit: nec permittat Sacerdos, postquam Sacrum Chrisma admiscuerit, de aqua quenquam accipere, quia multa fortilegia & maleficia ex diabolica suggestionem fieri & procurari cum aqua hujusmodi, docuit experientia. Curatus autem circa hanc custodiam negligens, etiam si nihil nepharium inde contigerit, tamen suspensionis pœnam a jure incurrit.

XXVII.

Chrismalia infantium, & aliorum baptizandorum, munda & nova habeantur, & tam magna & lata, ut loca Sacro Chrismate & Oleo Sancto illita, regi omnino possint, ne alii panni eo pertingant.

XXVIII.

Illi vero, qui in die Cœnæ, vel alias mittuntur ad Ecclesiam Cathedrallem Sacrum Chrisma & Oleum petitori, in Sacris, vel minoribus Ordinibus sint constituti; ne indigni habeantur rem tam sacram deferre, & sciant discer-

(g) S. Thom. 4. d. 42. & alii Theologi c. Contracto. de cognat. spirit. & eodem titul. lib. 6. 30. q. 1. & 2. 3. 4.

(i) 1. q. 1. Baptizandis, c. Ad Apostolicam. de Simon.

(k) De celebr. Miss. c. Sane.

cernere vasa, ubi Chrisma, & ubi Oleum Sanctum contineatur, & cautè in via, & in hospitiiis custodiant. (1)

Quando videbitur expedire, ut offerentes puerum, vel adultum ad Baptisma, exhortatione aliqua admonerentur, & de Sacramento ipso doceantur: (veluti quando magna est multitudo populi congregata) poterit Curatus, omnibus ante se positus, ante valvas Ecclesiæ lingua vernacula hæc recitare, vel memoriter, vel ex libro.

MES Iveres & Sœurs en JESUS Christ, combien que je sçay, que plusieurs de ceste compagnie n'ignorent la raison du mystere, pour lequel nous sommes icy: toutesfois pour satisfaire à tous, je vous dis, que nous sommes assemblez icy avec la compagnie des Anges pour administrer le premier Sacrement de l'Eglise de JESUS Christ nostre Seigneur: sans lequel nul des autres peut estre receu. Nous sommes icy, pour laver ceste creature du peché originel: pour l'oster du pouvoir du diable, & tirer de l'estat de perdition, & la rendre pure & nette par le moyen de la grace du Saint Esprit, & la faire enfant de Dieu. Car par la desobeissance de nostre premier père Adam nous, qui sommes descendus de luy, avons esté conceus en peché & corruption; & sortons du ventre de nos meres, enfans d'ire, de malediction, & enclins à mal faire. Mais nostre Seigneur Dieu par sa grande & excessive charité, ne nous a voulu laisser en ceste misere, & damnation: ains pour nous en tirer, nous a envoyé son benoist Fils JESUS Christ, unique & seul remede de nostre salut, qui a prins au ventre de la benoiste Vierge Marie, humanité toute semblable à la nostre, excepté qu'en luy n'y avoit point de peché; & avec sa mort nous a racheté de la mort éternelle, à laquelle nous estions condamnés, & avec l'effusion de son sang, qu'il a espendu en la croix, a nettoyé & lavé nos ames, & effacé la sentence, qui avoit esté donnée contre nous d'estre damnés éternellement: & a voulu, que nous qui désirons estre participans du fruit de sa mort, soyons baptizés au Saint Baptême, au nom du Père, & du Fils, & du Saint Esprit. Lequel Baptême est comme un pacte qui se fait entre Dieu & nous. Nostre Sauveur qui ne peut mentir, accepte pour sien celui, que vous voyez baptizer: l'incorpore, le conjoint

& unit à son corps, qui est la Sainte Eglise. Et comme vous voyez, que l'eau lave la saleté & ordure, qui est au corps: aussi nostre Sauveur lave & repurge l'ame par le Baptême en vertu de son sang: efface le peché, qu'il trouve en luy, le justifie, & le rend participant de ses graces & de tous ses biens & merites.

D'autre costé, celui que vous presentez au Saint Baptême, se dedie, & vous pour luy le dediez entièrement au service de JESUS Christ: renonce au diable, à ce monde, & à toutes les vanités: s'oblige de non recognoistre, tant qu'il vivra, autre Dieu, autre Maître & Sauveur, que JESUS Christ, au nom duquel il sera baptizé. S'oblige aussi, quant il sera en eage de garder les commandemens de Dieu, de mortifier sa chair: assavoir de n'obeir à ses affections desordonnées, & mettre peine de sçavoir, tant qu'il luy sera possible, la pureté & innocence de vie, que Dieu demande de nous, pour estre ses enfans. Et en promettant pour luy, souvenez vous aussi de ce, qui a esté promis pour vous en vostre Baptême: parquoy soyez attentifs & assisez à ceste sainte œuvre, avec reverence & bonneur, & prions tous nostre Seigneur, qu'il donne grace à cest enfant, & à nous aussi, que nous ne perdions par nostre infidélité & mauvaise vie, le fruit des biens, que Dieu nous fait en ce Saint Sacrement.

Hoc factò procedet ad opus, juxta id, quod habetur in libro Manuali.

DE SACRAMENTO CONFIRMATIONIS.

IN Confirmatione, sicut didicimus ab exemplo Apostolorum, & ex Christi institutione, Episcopus baptizatis imponit manum: & ex Ecclesiæ traditione, eorum frontibus cum Chrismate crucem imprimit. Quo significatur, quod Spiritum (quem accepimus in Baptismo ad purificationem, & regenerationem) in Confirmatione accipiamus ad robur & augmentum gratiæ, ad tutelam, defensionem; & ad consolationem. Idcirco dat Episcopus confirmatio alapam, dicens: Pax tecum; ut meminerit se paratum esse debere, in patientia sua possidere animam suam, & percutienti maxillam præbere & alteram: denique gloriari in Cruce Domini nostri

(1) De Confec. dist. 1. c. In sancta. & c. Vestimenta.

nostri Iesu Christi, qui consolatur nos in omni tribulatione.

Vocarunt Sancti Patres hoc Sacramentum, Ambrosius quidem Confirmationem: Augustinus Sacramentum Chrismatis, & Operationem Spiritus Sancti: Cyprianus, Signaculum: Clemens Rom. Sigillum promissionum, & Confessionis confirmationem: Dionys. Perfectionem. Nam sine eo perfectus esse non censebatur, nec Eucharistiam accipere poterat, nec inter perfectos sedere, nisi posteaquam regeneratus esset quis, & septiformis gratiæ Spiritu ab Episcopo confirmatus, ut patet ex Clemente, Epist. 4. & eodem Dionysio. Unde Cornelius ad Fabium scribit apud Eusebium, lib. 6. c. 44. Hist., Novatum nunquam fuisse perfectum Christianum, quia non fuerat ab Episcopo confirmatus. Solebant olim statim a Baptismo offerri Episcopo baptizati. Dominus enim noster mox a Baptismo in desertum assumptus est; ut tentaretur a diabolo, ut doceret nos paratam illico nobis esse tentationem, postquam nati per Baptismum sumus. Ob hanc igitur causam, die Jovis in Cæna Domini consecratur Chrisma, ut præsto esset in die Paschali: ut ex Fabiano didicimus, Ep. 2. Et Cypriano lib. de consecratione Chrismatis. Dari quoque consuevit hoc Sacramentum iis, qui ab hæreticis baptizati essent. Aug. ep. 39. & 42.

Forma hujus Sacramenti est: Signo te signo Crucis, & confirmo te Chrismate salutis, in nomine Patris, &c. Ambrosius: Consignavit te Deus Pater, confirmavit te Christus. c. 7. De iis, qui.

Minister Confirmationis, ordinarius quidem est Episcopus. Nam in Actis Apostolorum invenimus, remissos esse baptizatos ad Apostolos, ut ab eis per impositionem manuum acciperent Spiritum Sanctum. Et ne Presbyteri hoc agerent, prohibuit olim Eusebius Papa Ep. 3. & Conc. Hispal. c. 7. & Greg. lib. 3. ep. 9. Sed idem Greg. eam postea facultatem dedit Presbyteris Sardinæ, lib. 3. ep. 25. Licet enim in Baptismo Presbyteris pueros ungere Chrismate: sed non in fronte, ut solent Episcopi, verum in vertice.

STATUTUM I.

In Confirmatione contrahitur cognitio spiritualis sicut in Baptismo, impediens Matrimonium contrahendum, & dirimens contractum: & non

debet admitti, nisi una persona ad tenendum confirmandum.

II.

Mutus, in quo apparent signa confessionis, potest & debet confirmari.

III.

Suscipientes Sacramentum Confirmationis, si sint adulti, debent esse confessi, ut illud digne suscipiant: & de honestate debent esse jejuni.

IV.

Pueri confirmandi debent secum portare bandellos lineos, mundos, seu fasciolas albas, quibus circumligentur frontes eorum, postquam Chrismate Sancto fuerint consignati, propter reverentiam Sacramenti: ne manibus pollutis frontem detergant, & sordes contrahant.

V.

Sacramentum Confirmationis nec reiteratur, nec sumi debet, nisi semel in vita.

VI.

Laici admoneantur, ut pueros suos ad Episcopum adducant, quando eum prope esse intellexerint.

VII.

Decorum est, bandellos per triduum portent: & post triduum ad Ecclesiam deferant: & in fronte, ubi sunt Chrismate liniti, sale & aqua laventur: & aqua in loco mundo effundatur, ubi nequeat conculcari pedibus.

VIII.

Pueris non conferatur, donec memoriam habeant competentem, ne ignorantes se esse confirmatos, faciant se denuo confirmari. Ideo admoneantur de alapa, quam daturus est Episcopus, ut ex eo metu se recepisse recordentur hoc Sacramentum. (m)

DE

(m) Archid. & gloss. ma. de Conf. d. 5. c. Spiritus Sancti.

Tomus VIII. Concilior. German.

DE SACRAMENTO EUCHARISTIÆ.

Eucharistiæ Sacramentum instituit Christus sub specie visibili panis & vini: quo verum Corpus suum & Sanguinem nobis præbet, & spiritali hoc cibo nos sibi unit, veluti capiti & membris corporis sui mystici: ut in ipso nutriamur, & augeamus, in communione Sanctorum per gratiam & charitatem.

Est enim triplex hujus Sacramenti vis. Primum per hoc Christo archissimo & naturali quodam modo, non tantum spiritali conjunctione copulamur: participes effecti veræ vivificatricis carnis & sanguinis ejus pretiosi. Quæ sumpta faciunt (ut D. Hilarius (n) inquit) ut & Christus in nobis sit, & nos in Christo, non animum tantum reformante, sed & carnem nostram ad vitam, incorruptionem & immortalitatem præparante. (o) Secundo hoc eodem Sacramento corpori mystico (quæ est Sanctorum omnium societas) archissime conjungimur; participes bonorum omnium, quæ hæc sancta societas possidet, & unum corpus, veluti unus panis ex multis granis conficitur. Tertio accendimur ad dilectionem & charitatem Christi alendam, qui nobis tantum beneficium conferat, Sacramenti virtute & efficacia. Idcirco dicitur Communio, per antonomasiam: & excommunicari, extra Ecclesiam positi, maxime hinc agnoscuntur, quod arcentur ab hac mensa cælesti. Dicitur eadem ratione a Græcis Synaxis: quia nos Deo conciliat, & cœtui fidelium, ad participationem hujus Sacramenti congregatorum. Dicitur imprimis Eucharistia, id est, bona gratia, & gratiarum actio. Primum, quia per hanc ad amandum Deum, & proximum accendimur, & Dei amorem in nos provocamus propter memoriam passionis ejus (quæ fit in hoc Sacramento) per quam liberati sumus. Gratiarum vero actio proprie duabus de causis: Prima, quia in ejus institutione Christus Dominus gratias Deo Patri egisse legitur. Altera, quia gratias Deo agere debemus pro tanto beneficio. Et ita Sacerdos ex antiquissimo ritu Ecclesiæ, post Communionem, gratiarum actione Missam finit. Ex his omnibus sequitur merito dictum esse a Justino Martyre *ἐν ἡγιασμένῳ ἄρτον, καὶ οἶνον*, quasi dicas, cum gratiarum actione factum. Sed de Missa nos alio loco tractavimus proprio.

Materia hujus Sacramenti est panis & vinum. Panis quidem debet esse ex farina

tritici, non fermentata: quia Christus in azimo fecit, ut ex novi & veteris Testamenti colligitur historia. Vinum autem de vite, non alio: quia & vitis meminit Christus: nec in aceto (quod omnino acetum est) nec in agresta fieri potest hoc Sacrificium: quia hæc alterius speciei sunt. In musto non decet, ut fiat, propter ejus impuritatem, & fæcis copiam; nisi defæcatum sit: quare in eo potest, si aliud non habetur.

Vino debet admisceri aqua, sed in parva quantitate, respectu vini. Et licet aqua non sit de substantia hujus Sacramenti: tamen graviter peccaret, qui omitteret, propter mysterium, quod in hac mixture notatur.

Et quanquam post consecrationem non maneant substantiæ panis & vini, sed eorum species & accidentia, sicut definitum est ab Ecclesia: tamen nomine panis & vini (ex quibus fit Sacramentum) appellari solent in Sacris Literis & Sanctorum Patrum: non aliter, quam virga Aaron dicitur devorasse virgas Ægyptiorum, quæ tamen versa erat in colubrum, nec amplius erat virga. Sed nunc propter hæreticos non est usurpandus passim talis sermo.

STATUTUM I.

Minister hujus Sacramenti est Presbyter, rite & Canonice ordinatus, qui potest & debet Missam celebrare.

II.

Hæretici, schismatici, excommunicati, notorii fornicatores, Simoniaci, apostatæ, & hi, quibus a suis Superioribus prohibetur ex causa, non debent celebrare.

Forma autem hujus Sacramenti sunt verba illa solennia, quæ Christus ipse dedit: Hoc est Corpus meum. Et iterum: Hic est enim Calix Sanguinis mei, novi & æterni testamenti mysterium fidei, qui pro vobis & pro multis effundetur in remissionem peccatorum. Quibus verbis nihil debet addi, vel detrahi.

Quamvis autem ex virtute verborum Sacramentalium consecrationis Corporis Christi sub speciebus panis sit tantum Corpus Christi, est tamen etiam ibi sanguis, ex naturali quadam concomitantia. Et similiter, licet sub speciebus vini ex vi verborum consecrationis; sit tantum sanguis Christi: ex concomitantia tamen est ibi corpus: quia non

(n) Hilar. de Trinit. lib. 5.

(o) Cyrill. in Joan. c. 6. Irenæ. lib. 4. & 5.

non est corpus sine sanguine, nec sanguis sine corpore. Et sane Christum crucifigunt iterum [ut nobis videtur] hæretici, putando se in speciebus panis, corpus sine sanguine fumere: & in speciebus vini, sanguinem sine corpore: ab ejus corpore sanguinem iterum educentes falsa sua opinione.

Et ideo credendum est, hoc Sacramentum etiam sub una specie sumptum prodesse fumentis ad salutem: juxta verbum Christi: Qui manducat hunc panem, vivet in æternum: Et: Panis, quem ego dabo, caro mea est pro mundi vita. Ipse etiam Christus suum corpus porrexit duobus discipulis in Enaas, sub specie panis tantum, ut communiter teneretur.

III.

Hoc Sacramentum sumi debet a jejunis, (p) (id est, ante cujuslibet alterius rei cibum vel potum) exceptis infirmis, & in necessitate constitutis: in quibus periculum est de vita. Quia talibus, si humiliter petant, debet ministrari, sive ante prandium, sive post, sive de die, sive de nocte, nisi sit periculum, quod statim post sumptionem illud evomant: quia tunc non esset dandum.

IV.

Mutus, in suis negotiis discretus, potest recipere Corpus Christi, si petat, & in eo appareant signa devotionis & fidei. (q)

Accedentes (r) ad sumptionem Corporis Christi, moneantur: Primo, ut veniant cum conscientia mundata & purgata ab omni peccato mortali. Secundo, quod remittant de corde suo omnem rancorem & odium. Tertio, quod nullus excommunicatus, vel interdictus fumere præsumat. Quarto, quod ab uxoribus abstineant per aliquot dies [scilicet duos, vel tres ante & post] sicut consulerunt Sancti Patres. Quinto, quod post sumptionem Corporis Christi, non spuant in loco immundo, neque in loco alio, qui possit pedibus conculcari: præsertim antequam alium cibum comedederint, vel digestionem factam esse putaverint. Et, quod se servant, quantum poterint, a vomitu & nausea. Sexto addimus, ut antequam in os Sacramentum accipiant, supplices adorent Christum in ipso Sacramento præsentem, & se ipsi exhibentem.

Debent ergo tria habere communicaturi. Primum fidem verbis Domini dicentis: Hoc est Corpus meum, quod pro vobis datur: Hoc facite in meam commemorationem. Deinde timorem ex verbis Apostoli dicentis: Qui manducat & bibit indigne, judicium sibi manducat & bibit, non disjucans Corpus Domini. Tertio dilectionem & charitatem erga Deum, qui Filio suo non pepercit, sed pro nobis omnibus tradidit eum: & cum gratiarum actione denique hoc Venerandum Sacramentum manducare, quod est Eucharistia.

Quando datur Eucharistia infirmo, dici poterunt hæc, vel similia a Sacerdote, lingua vernacula, præmissa Salutatione aliqua, & alia præfatione, aut exhortatione.

ET avant le vous distribuer, sieyant la doctrine de l'Apostre, je vous admoneste d'examiner vostre conscience, recognoistre & confesser, que vous avez tant offensé Dieu, mesprisé & oublié, que s'il avoit esgard à vostre mauvaise vie, il vous rejetteroit, comme indigne du fruit de ses Saints Sacrements, de sa misericorde, & de sa grace: mais vous esperez, que JEsus Christ vous rendra digne de le recevoir, par le merite de sa Passion & du Sacrifice, qu'il a fait de son Corps en la croix, où il a souffert mort honteuse & ignominieuse, pour vous racheter de la mort & damnation eternelle, & vous reconcilier avec Dieu son Pere.

Vous suppliez donc à Dieu, qu'il luy plaise, avec le Sang de JEsus Christ effacer tous vos pechez, & preparer vostre ame à dignement recevoir vostre Createur, & goustier le fruit de ce Saint Sacrement: & avec la reverence, qu'il vous est possible, adorer le precieux Corps de JEsus Christ, que je vous porte, & presenteray tantost.

Mais tout ainsi que de bon cœur & humblement vous suppliez Dieu, qu'il vous pardonne, & vous aussi pardonnez à tous ceux, qui vous ont offensé: & remettez toute rancune & vengeance. Vous demandez aussi pardon à tous ceux, que vous pourriez avoir offensé, soit de fait, ou de paroles. Et s'il y a quelqu'un, qui ait esté injurié par vous, dont

V 3

vous

(p) Statut. vetus.

(q) Statut. vetus.

(r) Statut. vetus.

vous ayez souvenance, me donner vous charge de luy demander pardon de vostre part? Et de l'amener icy devers vous, si faire se peut, pour vous en acquiter vous mesmes? Ouy.

Croyez vous pas que nostre Sauveur JESUS Christ, outre qu'il a sacrifié soy mesme pour nostre salut, il a ordonné Et institué ce Saint Sacrement, auquel il est contenu vrayement Et réellement sous les especes visibles de pain Et de vin?

Croyez vous pas cela? Ouy. Pensez aussi mon amy Et contemplez, que le recevant nous renouvelons la souvenance de sa passion Et de sa mort jusques à ce, qu'il viendra, pour nous juger. Et il nous donne son précieux Corps Et son Sang pour nourrir Et alimenter nos ames, nous unir Et conjoindre à soy, comme membre de son Corps mystique, à celle fin, qu'au jour de la Resurrection nous puissions estre vestus de l'immortalité, qu'il nous a promis, Et estre participans de son Royaume eternal. Au regard de quoy personne ne se doit decourager, s'il se sent membre infirme Et debile: car nous avons un chef tout puissant, qui est nostre Sauveur Et nostre Dieu. Or dictes vostre Confiteor.

Adorez vostre Redempteur, car c'est ce luy, que les Anges adorent: Et en joignant vos mains corporelles, humiliant vostre cœur devant luy, recongnoissez (en luy remerciant) le bien, qu'il vous fait. Dites: Mon Createur, mon Redempteur, je ne suis digne, que vous entriez chez moy, mais dictes seulement vostre sainte Parole, Et mon ame sera sauvée. In manus tuas, Domine, commendo spiritum meum.

Post Communionem dicit infirmo:

Oy mon frere, vous avez receu le pain des Anges Et ceste douce viande celeste, qui est JESUS CHRIST nostre Seigneur, qui donne la vie à toutes choses: Et à ceux, qui l'ayment Et qui mettent leur esperance en luy, les delivrant des miseres de ce monde, il leur donne la vie perdurable Et joye Et repos sans fin. Pour autant remerciez luy de bon cœur de ce qu'il vous a fait digne de le recevoir. L'ayant receu il est en vous, Et vous en luy. Donc vous pouvez dire avec David: Si ambulavero in medio umbræ mortis, non timebo mala: quoniam tu mecum es.

Mon amy, nostre Createur a le pensement Et soing de vostre ame, Et aussi de vostre corps: a vostre vie Et vostre mort en sa puissance. Vous estes sa creature, Et ne debuez desirer, sinon ce qu'il luy plaira ordonner. S'il luy plaît vous rendre la santé, sa volonté soit faite: s'il luy plaît vous appeler à soy, il fera beaucoup pour vous: car il vous otera du lieu, où vous estes toujours en peine, Et vous mettra en un perpetuel repos. Il vous otera du lieu, où vous offensez tous les jours, Et vous mettra avec JESUS Christ, en la compagnie des Anges Et des ames de ses saints eleuz, pour luy rendre toujours bonneur, gloire Et louange. Toutefois remettre le tout à son bon plaisir: car il scait bien ce qui vous convient Et qui vous est profitable. C'est nostre Dieu, nostre Pere, Seigneur Et Maître. Recommandez vous à luy devotement, Et mettez en sa main Et en sa garde vostre ame, vostre corps, vostre vie, Et vostre mort, Et tout, tant qui est de vous: luy suppliant, que par sa pitié Et clemence il vous pardonne vos pechés, Et vous vueille recevoir au nombre des siens.

La grace du Saint Esprit soit avec vous Et y demeure toujours, Amen.

DE SACRAMENTO Pœnitentiæ.

Quoniam contingit, ut homines per Baptismum, & alia Sacramenta gratiam adepti, sæpenumero tamen in gravia peccata incidant: [Quis enim est, qui non peccet?] ne sublata puretur spes salutis, aut contra pericula mortis æternæ omne remedium detractum esse; (quoniam Baptismus iterari non potest) instituit Christus Redemptor noster Sacramentum Pœnitentiæ, quod post Baptismum sit nobis instar secundæ tabulæ in naufragio. In hunc enim usum tradidit Apostolis suis claves, id est, potestatem solvendi & ligandi, dicens: Accipite Spiritum Sanctum. Quorum remiseritis peccata, remittuntur eis. Et Petro: Tibi dabo claves regni cælorum: quodcunque ligaveris super terram, erit ligatum & in cælo, &c.

Est autem quedam pœnitentia ante Baptismum in adultis, ad detestandam quidem prioris vitæ, quæ non requirit Sacramentalem confessionem, nec aliam satisfactionem, quo ad Deum. Pœnitentia vero post Baptismum exigit. Nam illic omnia peccata remittuntur nobis gratis: cum per Baptismum Christo morimur, & ad vitam resurgimus spiri-

spiritualem, virtute mortis & resurrectionis ejus. Hæc vero secunda tabula non solum detestationem vitæ prioris exigit, & confessionem delictorum: sed etiam satisfactionem, & fructus dignos pœnitentiæ: ut memores, unde exciderimus, faciamus prima opera. Justus enim Dominus, & justitias dilexit; & justum est, ut qui Divinam Majestatem opere, verbo, vel cogitatione offendimus, vel populum scandalizamus: sic opere, verbo, vel cogitatione, (quantum in nobis est) offensionem vel scandalum reparemus. Si nos (inquit Apostolus) judicaremur, non utique judicaremur a Domino: dum judicamur, a Domino corripimur, ne cum hoc mundo damnemur.

Fructus autem Pœnitentiæ, si nosse desideras, enarrat Apostolus in 2. Cor. 7. Qui sunt: sollicitudo atque anxietas de propria salute: indignatio contra peccatum: timor iræ Dei: desiderium veniæ: zelus provocandi alios ad salutem: vindicta de propriis delictis in corpore suo: & denique emendatio vitæ. Eadem describuntur a Luca, c. 3. in vita Joannis Baptistæ: ut cognoscas, quam Scriptura Sacra secum congruit. Interrogabat enim ille: Quis docuit vos fugere a ventura ira? illi autem anxii interrogabant, Quid faciemus, &c. Afflictionem, & vindictam, sumendam de se, exemplo suo docebat, non manducans, neque bibens: indutus pilis camelorum, deserta colens. Hæc non probantur profecto Epicureis. Sed arcta est via, quæ ducit ad vitam. Et violenti rapiunt cælum. Ninivite præcedent eos: & David in sacco & cinere coarguet.

Pœnitentiarum alia est solennis, alia publica, alia privata. Pœnitentia solennis ideo dicitur, quod, cum quadam solennitate a jure introducta, imponitur pœnitenti per Episcopum: ut cum hæretico abjuranti, imponitur habitus deferendus semper: vel frenum in ore coram populo: vel, ut pedibus nudis, & flexis genibus expectet pro foribus Ecclesiæ: maxime in capite jejunii: quæ die omnes, quibus talis pœnitentia imponenda est, debent comparere personaliter ante fores majoris Ecclesiæ Bifunt, & ibi expectare, donec introducantur per Episcopum, vel ejus commissum, sicut ab Ecclesia ordinatum est. In his omnibus non solum pœnitentia populo manifesta fit, sed etiam peccatum ab Ecclesiæ Ministro declaratur.

Pœnitentia solennis imponi debet pro gravi & enormi crimine, quod totam urbem vel communitatem commovit, & scandalizavit. Idcirco, ne simplex Curatus in hoc erret, cum audierit aliquod grave cri-

men a confitente commissum, remittat illum ad Ordinarium: is discernet, qualis pœnitentia imponenda fuerit. Casus referatos tam Papæ, quam Ordinario, invenies infra.

Pœnitentia publica est illa, quæ fit in facie Ecclesiæ, non cum ea solennitate, de qua in præcedenti dictum est: sicut quando injungitur peregrinatio cum baculo cubitali, vel cum aliqua veste, vel cum aliquo signo distinctivo pœnitentis ab aliis. Et tutius est, ut per Episcopum imponatur (qui debet cognoscere de gravibus criminibus) quam per simplicem Sacerdotem.

Pœnitentia privata est illa, quæ fit singulariter & secrete. Hæc frequentanda venit. Qualis, cum quis peccata sua Sacerdoti secrete confitetur: & pœnitentiam hæc simplex Curatus imponere solet.

Pœnitentiæ sunt tres partes: videlicet cordis Contritio, oris Confessio, & operis Satisfactio.

CONTRITIO.

Contritio, est illa tristitia secundum Deum, quæ juxta Apostoli (1) Pauli sententiam, pœnitentiam in salutem stabilem operatur. Dolor hic est vel tristitia voluntarie suscepta, qua nos pœnitenter peccasse: hoc est, nollemus peccasse, & Deum (qui est summa Bonitas) offendisse: propositum habentes (saltem virtuale) & voluntatem confitendi & satisfaciendi, nec amplius posthac peccandi mortaliter. (2)

Et admonendi sæpius sunt fideles, ut cupiant potius omne malum pati, quam offendere Divinam Majestatem: quoniam illic apparet vera charitas, sine qua nemo potest dici verè contritus. Debetque verè contritus semper dolere, & displicentiam habere, quodcumque recordatur se offendisse Deum per peccatum suum: licet non semper actu desceat peccatum suum. Et admonendi sunt omnes, ut simul ac cognoverint se peccasse mortaliter, conterantur: quia possunt gratiam Dei & veniam mereri per contritionem ipsam, quæ propositum habeat confitendi, & satisfaciendi; etiam si non statim confiteantur, nec satisfaciant, ut est communis opinio Theologorum. Voluntas enim grata est secundum id, quod habet, dicit Apostolus. Nec negligere aut differre debemus pœnitentiam: quia periculosum est: & dubitat D. Augustinus de salute eorum, qui

(1) 2. Cor. 7.

(2) Ex Ambrosio, Augustino, Chrysostomo, Magistro sententiarum, Thoma, Scoto, Antonio, & aliis.

qui pœnitentiam differunt, donec positi in extrema necessitate ægritudinis, non ipsi peccata, sed peccata ipsos derelinquant.

Ad pœnitendum de peccato, veniunt hæc consideranda a peccatore: vilitas & turpitudine ipsius peccati, pudor noster. Quem fructum (inquit Paulus) habuistis, in quibus nunc erubescitis? Item timor extremi iudicii: amissio gloriæ cœlestis: offensio Divinæ Majestatis: & spes denique consequendi veniam & gratiam Dei, ac post hanc vitam æternam. Hactenus de Contritione.

CONFESSIO.

SECUNDA pars Pœnitentiæ est Confessio vocalis & Sacramentalis. Estque legitima peccatorum coram Sacerdote, qui claves Ecclesiæ habet, & potestatem absolvendi, declaratio, & accusatio. (u)

Confessionem instituit Christus; non homo aliquis purus, aut Ecclesiæ consuetudo: debet enim accusatio præcedere, & delictorum enumeratio, super quibus Sacerdos peccatorum ferat, qui a Christo potestatem accepit ea remittendi, atque etiam retinendi. Hæc ratio evidens est. Inducunt aliqui locum Jacobi 5. Confitemini alterutrum peccata vestra: ex eo, quod præcedit: Infirmus quis: inducat Presbyteros. Et sequitur: Multum enim valet deprecatio iusti assidua. Et postea: Si quis converti fecerit ab errore viæ suæ peccatorem, salvabit animam ejus. Ex his namque apparere possit, sermonem esse de confessione, quæ fit Presbytero: in quo duæ claves requiruntur, scilicet scientiæ & potestatis. Potestas in oratione intelligitur: scientia in conversione peccatoris. Johannes in prima Cam. c. 1. Si confiteamur peccata nostra, fidelis est & iustus, ut remittat nobis peccata nostra, & emundet nos ab omni iniquitate. De hac auriculari confessione intelliges, quæ Basilius in regula Monachorum, cap. 21. & Leo ad Episcopos per Campaniam & Piscenam: & Hieron. in regula ad Eustochium. Clemens Roman. in Epistola Petri, nauseantibus in mari comparat confitentes peccata sua. [x]

Confessio fructuosa debet habere conditiones contentas in versibus sequentibus:

Sit simplex, humilis confessio, pura, fidelis,

Atque frequens, nuda, discreta, libens, verecunda,

Integra, secreta, lachrymabilis, accelerata,

Fortis & accusans, & sit parere parata.

Quorum sensus est, SIMPLEX, id est, ut facile intelligi possit: non generalis, nec ambigua. HUMILIS, qualis illa Publicani, qui non audebat oculos levare in cœlum. PURA, quæ nihil habeat admixtum superflui, & rerum impertinentium. FIDELIS, id est, verax, non ficta, hæc a fide Catholica dissentiens, (qualis hæreticorum) & sub spe veniæ. FREQUENS, quia, qui frequenter recidunt in peccatum, frequenter etiam remedium quaerere debent: NUDA, ore proprio, non per literas aut nuntium: nec peccatorum circumstantiæ palliari debent, aut actu aliquo regi & velari. DISCRETA, verbis honestis & decentibus, & neminem offendentibus. LIBENS, id est, voluntaria, ex contritione peccatorum magis procedens, quam ex peccato alio. VERECUNDA, non jocosa, veluti rem narres levem, aut ludicram: sed cujus te pudeat, & vultu demisso. INTEGRÆ, omnia peccata (saltem mortalia,) quorum memineras, uni Confessori rectes: non dividendo, nec aliquod subtrahendo. SECRETA, ne quem scandalizet. LACHRYMABILIS, ut signa præ se ferat contriti animi. ACCELERATA, ne differatur in longum tempus post commissum peccatum. FORTIS, ne timore vel pudore revoceris a confessione. ACCUSANS, debet confitens se ipsum accusare & suam malitiam, non alios: neque excusationes quaerere in peccatis. PARERE PARATA. Debet paratus esse confitens ad obediendum iudicio Sacerdotis, quicquid ille sibi injunxerit pro salute animæ suæ. Nemo autem adeo rudis est, qui peccata sua, saltem mortalia, non possit nisi interrogatus, recitare. Quis enim nesciat, an sequutus ipse sit hæreticos? an concionibus vel conventiculis eorum interfuerit? Quis nesciat, an nomen Dei blasphemaverit? Quis nesciat, an Festa Ecclesiæ non servavit? an parentes injuria affecerit? an eadem fecerit, vel facere voluerit, vel aliquem percusserit injuria? an opus libidinis patravit? an furto quid cepit, vel alienum retinuerit? an falsum testimonium dixerit? an denique vanis cogitationibus mentem & animam occupaverit, & desideriis impudicitiae, vindictae, avaritiæ, & impietatis? Dic igitur simpliciter: Ego hæc & hæc feci, & me poenitet. Nec puta, excusando te meliorem existimari a Confessore: imo nequiores & vere hypocritam, quando te justificas. Scimus enim, quod nemo sit sine peccato: & ad confessionem venimus, non ut justificemus nos, sed ut accusemus, & veniam ex Christi merito atque justitia postulemus. STA-

(u) Stat. vetus.

(x) V. S. Tho. 3. par. q. 64. art. 2. & communis opin. in 4. dif. 17. & in Conc. Trident. & Colom.

S T A T U T U M I.

OMnes utriusque sexus homines habentes annos discretionis, tenentur semel saltem in anno in Quadagesima (ut possint Christi Corpus in Paschate recipere) confiteri proprio Curato, seu Pastori. In periculo quoque mortis probabili, quilibet confiteri tenetur: & quando quis accepturus est Eucharistiam vel Missam celebraturus, sicut tenet communis opinio. (y)

II.

Mutus potest per signa confiteri, (z) & homo linguæ extraneæ potest confiteri per interpretem, qui linguam utramque calleat: ut inter utrumque sedens, referat utrique, quicquid sibi dictum fuerit: & talis interpretis secretum tenere debet confessio nem, sicut Sacerdos.

S A T I S F A C T I O.

Tertia pars Pœnitentiæ Satisfactio dicta est: propria autem satisfactio & vere propitiatoria pro nostris & totius mundi peccatis, Christus dicitur. Satisfactio vero hæc Sacramenti pœnitentiæ, vindicta est quædam, de nobis suscipienda propter peccatum: & recompensatio ex præscripto Sacerdotis (veluti Medici spiritualis) nobis injuncta & præcepta. Per hanc Deum placamus, causas & reliquias peccatorum excindimus: pœnas peccatis nostris debitas aut redimimus, aut mitigamus: & Ecclesiæ nostro malo læsæ, contrario exemplo satisfaciendum, quem injuria affecimus; sed etiam Deo, quem inobedientia mandatorum ejus offendimus: etiam si alteri nihil nocuissimus. Quocirca non immerito D. Augustinus, jejunium, eleemosynam, & orationem, tres litas res (quibus pœnitentiæ satisfactio imponi solet) justitiam hominis in hac vita esse dixit. Sed contra errorem eorum, qui partem hanc pœnitentiæ negant, lege cap. 8. Sess. 14. Conc. Trident. Et Turrianum Jesuitam lib. 4. de dogmat. charact. & lib. 4. pro Epist. Pont. ubi ex loco Pauli 2. Cor. 7. satisfactionem pœnitentiæ deducat apertissime, & nomen satisfactionis in

Act. 17. & 2. Cor. 7. reperiri contra Lutherum, *inaviv.*

Satisfactio tribus modis fieri solet: oratione, jejunio, & eleemosyna. Quæ tribus contrariis peccatis, mortalibus & capitalibus [in quibus alia continentur] opponi possunt: nempe oratio superbiæ: eleemosyna avaritiæ: jejunium luxuriæ. Nam quicquid est in mundo, vel est concupiscentia carnis, vel concupiscentia oculorum, vel superbia vitæ. Reliquæ omnes satisfactiones ad illas tres reducantur: veluti ad jejunium, vigiliæ, peregrinationes, &c. ad eleemosynam omnia opera misericordiæ corporalis: ad orationem opera misericordiæ spiritualis. Sed de his supra Tit. De operibus satisf.

MINISTER PœNITENTIÆ.

Minister Sacramenti Pœnitentiæ est proprius Sacerdos, hoc est, Presbyter, habens jurisdictionem actualem, ordinariam vel delegatam. Licet enim Presbyteri omnes potestatem habeant remittendi peccata: non omnes tamen habent ejus potestatis executionem, nisi Pastores ordinarii: videlicet, Curatus, Episcopus, Summus Pontifex, & qui ab his delegantur vel committuntur. Nec refert, quo tempore velis, Quadagesimæ, vel alio: nisi in periculo mortis. Quo casu omnis Sacerdos potest non solum a peccatis omnibus absolvere, sed etiam ab omni excommunicatione.

Quamvis, ut perfecte officio suo possit fungi Confessarius, seu Confessor, distinguendi inter lepram & lepram, scientiam habere debeat perfectam, propter difficultates rerum, quæ in confessione possunt occurrere: tamen ut idoneus haberi possit, sufficit, ut sciat Constitutiones Synodales loci, ubi audiet confessiones, & quæ peccata sint mortalia, quæve venalia inter ea, quæ plurimum committuntur ab hominibus ejus loci, cum circumstantiis aggravantibus peccatum, quas confiteri oporteat. Item quæ peccata habeant adnexam excommunicationem aut irregularitatem, & quæ sint reservata Superiori: de quibus infra titulo De Sententiâ Excommunicationis, & in fine hujus tituli De Pœnit. Item quæ restitutionem possulent. Quod si dubitet super his, consulat peritiores.

III.

Sacerdos requisitus ab aliquo ad audiendum confessionem, debet statim an-

(y) C. Omnis, de Pœn. & Remiss. Theo. in 4. distin. 18. Pan. in ca. Pastoralis, de offic. Ordin. Glof. in c. De homine, de celeb. Miss.

(z) Stat. vetus.

Tomus VIII. Concilior. German.

animo ad Deum converti, & devote orare: ut Deus sibi det virtutem & constantiam; ne moveatur desiderio rei turpis aut malæ, aut vanæ gloriæ: sed salutis ipsius confitentis tantum & gloriæ Divinæ, dicendo:

COR mundum crea in me Deus, & Spiritum rectum innova in visceribus meis. Ne projicias me a facie tua, & Spiritum Sanctum ne auferas a me. Redde mihi lætitiā salutaris tui, & Spiritu principali confirma me. Docet iniquos vias tuas, & impii ad te convertentur.

IV.

Sacerdos excipiat confitentem (a) vultu gravi, & blandis benignisque verbis, exhortans eum cum pietate, ut vulnera sua, tanquam Medico spirituali, fiducialiter & integre revelet, cum spe veniæ & salutis, quia Deus semper recipit peccatores ad se conversos quantumcunque peccaverint enormiter: ut David, Petrum, Paulum, Mariam Magdalenam, Latronem in Cruce, & alios innumeros.

V.

Si peccator titubet, (b) aut dubitet adhuc confiteri peccatum suum, nec istis exhortationibus induci possit: declarat ei Confessor terrorem judicii extremi, penas inferni, perpetuitatem damnationis: totis viribus eruat animam peccatoris a faucibus inimici.

VI.

Audiens vero confessionem Sacerdos, non aspiciat confitentem in facie (c): multo minus etiam aspiciat mulierem: nec signum aliquod faciat audiens peccatum confitentis, quo videatur detestari & abominari peccatum, quod audit: ne per hæc retrahantur, aut terreantur a confessione integra peccatorum.

VII.

Sacerdos non audiat confessiones in domo sua, aut camera, nisi confitentes sint infirmi, sed in Ecclesia, & in loco omnibus parenti: & non in angulis, aut loco obscuro: ut tollatur

omnis occasio malignandi & obloquendi.

VIII.

Nec audiat Sacerdos confessionem alicujus personæ, de quo peccato ipse sit agens, vel consentiens: sed talem personam remittat ad alium Confessorem, data licentia, si opus sit.

IX.

Sacerdos discrete interroget confitentem secundum conditionem & statum ipsius. Quia alia interrogatoria facienda sunt Religioso, alia Militi, alia Sacerdoti, alia agricolæ, alia Advocato, alia mercatori, alia diviti, alia pauperi, alia seni, alia juveni, alia viro, alia mulieri: ut nihil impertinenter quærat, sed juxta cujuscunque statum, gradum, sexum, & qualitatem. Cujus conditionem & statum si ignoraverit Confessor, peret ante omnia ab eo.

X.

Præstat, ut ipse pœnitens enarret sua peccata, quam Sacerdos. Ideo facta confessione generali, vel si nesciat confessionem, si ipse incipiat peccata sua enarrare, permittatur: sive ordine agat, sive absque ordine. Tantum admoneatur, ut nullam personam accuset in confessione, quam se ipsum: & sua tantum, non aliena peccata, revelet: alioqui peccaret sic revelando peccatum alterius. Postea poterit Sacerdos diligentius eum examinare: sed discrete, ne eum scandalizet, & seipsum.

XI.

Cavebit Confessor, ne inquiret (d) de omnibus, quæ potuit pœnitens commisisse: sed tantum de iis, quæ solent frequentius fieri ab hominibus illius conditionis, vel status.

XII.

Secundo, ne de aliis peccatis inquiret, quam de iis, quæ passim & vulgo fiunt, quæque nota sunt omnibus: ut de transgressione mandatorum Dei: de septem peccatis mortalibus.

(a) De pœn. d. 6. S. Tho. 4. d. 17.
(d) Manual. Confess.

(b) Stat. vetus.

(c) Idem Stat. vetus.

bns. Interroget de articulis fidei, de Sacramentis, quomodo hæc suscepit: de operibus misericordiæ: de quinque præceptis Ecclesiæ. Non autem inquirat (nisi fortasse quam prudentissime) de occultis, quæ malicia hominum excogitavit: sed illa relinquat nudæ confessioni pœnitentis: hortando tamen, ne quod prætermittat peccatorum.

XIII.

Tertio, in peccatis luxuriæ, seu carnis non descendat nimis ad particulares circumstantias, minutim omnia & singula examinando; quando conscientia horum ipsa de se multam pœnitentiam habet, & exponendis istis adeo diligenter, nec pœnitens melior, & Pœnitentiarius deterior, fieri possunt.

XIV.

Inquirat vero diligenter de his quinque, quibus plerique teneri solent. Primo de excommunicatione. Quia si confitens est excommunicatus majori excommunicatione, remitti debet ad Superiorem, instruendus tamen ab ipso Sacerdote, quomodo agendum ei sit, ut absolutionem consequatur. Secundo de ira, seu odio, & rancore, quem homines frequenter invicem gerunt. Ii multum hortandi sunt, ut partant aliis offensas, sicut petunt in Oratione Dominica: Dimitte nobis debita nostra, sicut & nos dimittimus debitoribus nostris, &c. Alioqui Deus nunquam dimittet eis. Tertio interrogetur pœnitens, an aliquid retineat alieni: Si retineat, injunget, ut illud restituat, cum primum poterit. Quarto interrogetur de fortilegiis & observationibus, divinationibus, & similibus superstitionibus. Quod si quid in eo peccaverit, admonendus erit, quomodo non est danda fides hujusmodi rebus, quas diabolus suggerit ad decipiendum homines exiguæ fidei: sicut videmus omnes tales esse miserrimos: sed Deum timendum & amandum ex toto corde & tota anima, & fidem ejus tenendam. Quinto interrogetur de votis emissis, quomodo ea adimpleve-

rit: & quomodo satisfaciatur officio suo, ad quod se obligavit (sive sit onus spirituale, sive temporale) & monebitur, ut fideliter exequatur officium suum.

XV.

Si in confessione occurrat aliquis casus reservatus, si persona est juvenis (maxime vir) non multum distans a civitate: remittat eum Sacerdos ad Vicarium Generalem, vel Pœnitentiarium nostrum reclusum. Sin vero sit mulier nupta (contra quam posset oriri suspicio & periculum a marito) vel persona debilis, vel pauper: tunc Curatus ipse veniat, vel mittat per literas & Nuntium ad civitatem, ad obtinendum pro illis personis dispensationem & licentiam absolutionis. Quam tamen postulabit in generali sic: Confessus est quidam mihi peccatum vobis reservatum, peto, ut placeat vobis licentiam mihi dare absolvendi, quia pœnitens commode non potest isthuc se transferre.

Audita confessione (e) pœnitentis, Sacerdos prudens, habita ratione qualitatibus ejus, utetur levitate, vel severitate. Alii enim hortandi sunt ad majorem contritionem: alii excitandi ad spem: alii consolandi: alii commemoratione Divinæ Bonitatis laudandi: alii docendi: alii (videlicet docti & timorati, ut quidam Sacerdotes) tantum absolvendi injuncta pœnitentia.

XVI.

Postulabit Sacerdos ante absolutionem, an pœniteat eum de peccatis, & an proponat abstinere cum Dei gratia aliis, quæ confessus est, & ab alio omni peccato mortali. Si affirmet, absolvetur perficiendo confessionem, hoc pacto, vel simili: In quibus omnibus, & aliis multis, quorum non recordor, ego miser peccator peccavi corde, verbo, opere, & omissione, mea culpa, mea maxima culpa: ideo deprecor te (Gloriosissima Virgo MARIA) & vos omnes (Sancti Dei,) & te (Pater) orare pro me ad Dominum DEUM, ut ipse misereatur mei. Vel idem

(e) Manuale Confess.

Tomus VIII. Concilior. German.

idem dicat lingua vernacula, si vernacule tenuerit.

XVII.

Si vero non pœniteat, nec velit vitam emendare: veluti relinquere aliquid impedimentum, propter quod non debeat absolvi, (ut si habet concubinam; quam nolit relinquere: si est usurarius, nec velit ab eo lucro desistere: si odium gerit capitale, & voluntatem offendendi proximum, nec velit illud deponere: si Ecclesiasticus habeat plura beneficia incompatibilia sine dispensatione, nec velit dimittere, & alia pro conditione & statu pœnitentis) in hoc casu si confitens nolit inutare vitam, & desistere ab his, quæ non potest sine peccato retinere; non absolvetur, quantumvis requirat: sed poterit ei Sacerdos dare consilium, & injungere aliquam pœnitentiam, declarando ei, quod propter hoc non est absolutus, nec satisfecit mandato Ecclesiæ: & admonebit, ut frequenter audiat sermones, vel legat pios auctores, eleemosynis, & orationibus, & aliis bonis operibus nitatur obtinere, ut Deus convertat eor ejus ad contritionem, & veram pœnitentiam.

XVIII.

Non debent absolvi (ne a Superioribus quidem suis) excommunicati propter offensam notoriam, nisi antea satisfecerint: neque incendiarii injusti: neque mutilatores membrorum: neque violatores Ecclesiarum: neque usurarii manifesti: neque injuria notabili afficientes personas Ecclesiasticas, arma non deferentes.

XIX.

Si confitens sit excommunicatus, & Confessor habeat potestatem absolvendi eum a tali excommunicatione: Confessor debet eum prius absolvere ab excommunicatione, quam a peccatis, sive hoc faciat in principio confessionis, sive in fine. Sed hoc non satis est, quod promittat pœnitens, quod non amplius committet illud: sicut in absolutione a peccatis sufficit, sed requiritur, ut juret, quod obediet post-

hæ præceptis Ecclesiæ, & debet prius satisfecisse parti læsæ, de principali, vel de expensis, prout erit causa excommunicationis.

Si non sit opus absolutione ab excommunicatione, Sacerdos ante absolutionem a peccatis imponet pœnitentiam. Quamquam potest etiam postea: sed necessarium est, ut absolvat antea ab excommunicatione minori, (si quam incurrit) quia potuit communicare pœnitens cum excommunicato majori excommunicatione, propter quod esset excommunicatus minori: vel ob aliam causam. Et sic est uno contextu positum in forma sequenti: ubi post *Miseretur tui, &c.* & *Indulgentiam & remissionem, &c.* imponi debet pœnitentiam, sive satisfactionem, quam judicaverit Sacerdos adimplendam a pœnitente. Et quæ sit non tantum ad novæ vitæ custodiam, & infirmitatis medicamentum, sed etiam ad præteritorum peccatorum vindictam & castigationem. Nam claves Ecclesiæ non ad solvendum tantummodo datae sunt Sacerdotibus, sed ad ligandum etiam.

Pœnitentiam injungere debent Sacerdotes per contrariam, sicut solent Medici: ut avaro eleemosynam, guloso abstinentiam cibi, luxurioso carnis macerationem & studia literarum. Sed sic, ut pœnitens illam acceptet: alioqui cavebit, ne nimis graves imponat, aut difficiles. Item neque tales, quæ sint alicui alteri personæ oneri, aut præjudicio: Velut si injungeret marito aliquid, quod esset uxori onerosum.

XX.

Non inducat Sacerdos pœnitentem, ad dandum sibi aliquid pro Misericordia, vel aliis orationibus: nisi ipse ultro offerat: ad evitandam suspicionem sortium.

XXI.

Non cogat confitentem jurare, vel vovere, quod adimplebit injunctam pœnitentiam: satis est, quod eam acceptarit.

XXII.

Caveat Sacerdos, ne verbo aut signo, aut alio quovis modo, prodât peccatorem. (f) Quoniam qui peccatum in pœnitentiali judicio detectum revelat, vel revelare præsumit, gravissime peccat: hunc non solum a Sacerdo-

(f) S. Tho. 2. 2. q. 33. & in 4. dist. 21. & communiter.

cerdotali officio deponendum, sed etiam in arctum Monasterium detrudendum esse Jura Canonica statuerunt ad agendum pœnitentiam perpétuam.

FORMA ABSOLUTIONIS.

XXIII.

Quamvis de substantia formæ absolutionis sunt verba duntaxat: Ego absolvo te a peccatis tuis: (g). tamen de congruitate præmittuntur orationes deprecativæ. Misereatur tui Omnipotens Deus. Indulgentiam &c. Et his dictis subjungitur: Passio Domini nostri Jesu Christi, & merita omnium Sanctorum, ac bona, quæ fecisti, & facturus es, & adversa, quæ sustinisti & sustinebis, sint tibi in pœnitentiam & remissionem peccatorum tuorum, & in augmentum gratiæ Divinæ. Et ego autoritate mihi commissa, absolvo te a vinculo minoris excommunicationis (si quam incurristi) & restituo te Sacramentis Ecclesiæ, & insuper eadem autoritate a peccatis tuis, in nomine Patris, & Filii, & Spiritus Sancti, Amen.

XXIV.

A sententia excommunicationis majoris absolvendi forma nulla certa est: quoniam sufficit quodcumque verbum significans eam absolutionem, quod fiat cum intentione requisita, veluti: (b) Ego te absolvo ab excommunicatione: vel, Restituo te Ecclesiæ Sacramentis, & communioni fidelium: vel aliud quodcumque. Tamen ex veteri ritu absolvendi requiruntur hæc: Primo juret, quod parebit mandatis Superioris. Item requiritur, quod habeat consensum partis læsæ. Hoc est, quod appareat eum satisfecisse parti læsæ. Hoc Jureconsulti multis ex locis deducunt. (i) Item promittat, quod nunquam contraveniet illi Canoni, contra quem faciendo incurrit excommunicationem. Post hæc nudatos de-

super humeros ejus (maxime in viris) Sacerdos virga, vel fune, vel alia re percutit, dicendo Psalmum: Miserere mei Deus: Et post, Gloria Patri: (k) Kyrie eleison. Christe eleison. Kyrie eleison. Pater noster. Et ne nos &c. Salvum fac seruum tuum Domine. Respon. Deus meus speranter in te. Vers. Nihil proficiat inimicus in eo. Respon. Et filius iniquitatis non apponatur nocere ei. Domine exaudi orationem meam. Dominus vobiscum. Oremus. Deus, cui proprium est, misereri semper & parcere, suscipe deprecationem nostram, & hunc famulum tuum, quem excommunicationis sententia ligatum tenet, miseratione tuæ pietatis absolvas. Per Christum Dominum nostrum, Amen. Denique adjiciet: Autoritate Omnipotentis Dei, & Beatorum Apostolorum Petri & Pauli, mihi commissa, absolvo te a vinculo excommunicationis, quam incurristi, propter causam talem: & restituo te Sacramentis Ecclesiæ, & communioni fidelium, in nomine Patris, & Filii, & Spiritus Sancti, Amen. Hæc est forma, quam referunt Doctores: quamquam nullum jus scriptum invenitur, quod sit necesse hic nudari corpus: & ideo mos ille fere exolevit.

XXV.

Prostrato igitur pœnitente ad pedes Sacerdotis in loco patenti, ita ut a multis videri possit (maxime si sit mulier) & facta benedictione solita, atque invocatione Sancti Spiritus, & confessione generali: exigit Sacerdos ab eo Symbolum Fidei, & Orationem Dominicam, & suffragia, si qua teneat, hoc pacto:

Pource, mon amy, que vous vous presentiez devant moy, comme bon Chrestien, pour obeyr à Dieu & à son Eglise, & obtenir de luy sa grace & la remission de vos pechez: il faut que je sache de vous, si avez la doctrine & le mot du guet, par lequel l'on connoist les Chrestiens de ceux, qui ne le sont pas.

X 3

(g) C. Omnis. de Pœnit. & Rem. cap. Sacerdos. d. 6.

(b) Sylv. absolutio 3.

(i) C. Porro. & c. Parochianos. de sentent. Excomm. c. Cum desiderio. c. Ex parte. de verb. sig. c. Ex literis. de offic. deleg. c. Odoardus. de solv. c. Venerabilibus. C. Porro. de sent. excomm. lib. 6. c. Ex tenore. de sent. excomm.

(k) C. A nobis. de sent. excomm. S. Antoninus 3. part. tit. 24. c. 7.

pas. *Savez vous vostre creance, Ou le Credo in Deum? &c.*

Si confitens sciât, recitabit: & Sacerdos (si sit pœnitens idiota & simplex, & liceat per tempus) simpliciter lingua vernacula, singulos articulos declarabit: & idem postea de oratione, Pater noster: quam omnis Christianus scire debet, tanquam nobis a Christo traditam formam orandi. Salutationem quoque Angelicam scire debet: cujus recitatione præter alia commoda, propter memoriam beneficii Incarnationis, quod in corpore Sacratissimæ Virginis Mariæ Spiritus Sanctus operatus est, devotio multum sollet augeri.

XXVI.

Si confitens ista nescierit, docendus erit a Sacerdote, qui eum hortabitur, ut veniat in domum suam, vel Ecclesiam, & instruetur per Sacerdotem, vel per ejus Diaconum, vel Clericum.

XXVII.

Facient quoque confessionem generalem idiota lingua vernacula, hac forma: *Je me confesse à Dieu, à la glorieuse Vierge Marie, & à tous les Saints & Saintes de paradis, & à vous mon Pere spirituel, de mes pechez, que j'ay commis de volonté, de bouche & d'œuvre.*

XXVIII.

Recitatis ergo his a confitente, Sacerdos petet, an sit excommunicatus sententia aliqua Judicis, vel propter aliquod crimen putet se esse excommunicatum. Si fuerit, non absolvetur a Sacerdote, sed remitteretur suo Judici, sicut dictum est, nisi in casu extremæ necessitatis. Poterit tamen (si velit) confiteri sua peccata, ut a Sacerdote accipiat salubre consilium & consolationem. Si dicat, nescire se esse excommunicatum: tunc Sacerdos perget in hunc modum:

Mon amy, vous avez ouy souvent au prone reciter les dix commandemens de Dieu: à l'observance desquels vous & moy & toutes personnes sommes obligez. Aussi avez ouy les commandemens de l'Eglise, lesquels tous bons Catholiques sont obligez garder. Et

pour les vous reciter de nouveau en vostre maniere accoustumee, ce sont,

Un seul Dieu tu adoreras, &c.

Or vous pouvez penser, mon amy, combien de fois vous avez contrevenu aux commandemens de Dieu, non pas à un seul, mais peut estre à tous; & si souvent, qu'il vous seroit impossible de savoir dire le nombre: & avez abusé de la patience de Dieu, qui vous a tant de fois pardonné, & longuement attendu, & donné de loysir de vous repentir & reconnoître. Donques humiliez vostre esprit, vostre pensée, & vostre cœur devant luy: qui se montrera bon & misericordieux Pere; si vous estes un vray pœnitent, & luy découvrez vos fautes, & accusez vostre conscience, en luy criant mercy: assurez vous, qu'il vous pardonnera & remettra en sa grace, par le merite de son benoist Fils JESUS CHRIST: selon que par sa parole & de son auctorité j'en prononceray tantost la sentence. Dites donc en vous mesmes tout ce, qu'avez resolu de me dire: car il n'y a personne, qui sache vostre conscience, que Dieu & vous mesme.

XXIX.

Si fuerit simplex & idiota, tunc Sacerdos discurrendo per singula præcepta, ut supra dictum est, examinabit, in aliis non amplius, quam putaverit necesse esse.

His peractis dicet Sacerdos:

Vous congnoissez maintenant la grace, que Dieu vous a fait, quand il vous a donné le loysir de vous reconnoître, apres luy avoir promis au Baptisme & aux autres confessions, qu'avez faictes par cy devant avec sa sainte grace de luy obeir: vous avez tant souvent méprisé les bonnes inspirations, qu'il vous a baillé pour changer de vie, & n'en avez tenu compte: & est à craindre, qu'une partie de vos fautes viennent d'une accoustumee & enracinée maniere de mal vivre. Mais si vous en demandez pardon à Dieu de bon cœur, avec volonté de non plus l'offenser, tant que vous pourrez, & par sa grace, suez vous en luy & en sa Parole, qu'il vous pardonnera. Et si par adventure vous n'avez ceste repentance pour maintenant, ou celle, qu'avez, n'est pas bien entiere & parfaite, priez le de bon cœur, qu'il ta vous donne: & considerez le danger, où vous estes tous les jours de mourir soudainement

nement & n'avoir loyſſer de luy crier mercy. Vous luy criez donc mercy. Et dicat confessionem generalem. Reliqua, ſicut ſupra traditum eſt, exequatur Sacerdos.

DE CASIBUS RESERVATIS.

Sunt quædam peccata, quorum abſolutio prohibita eſt ſimplici Curato, & Presbytero, jure Canonico, vel Conſtitutione Synodali & conſuetudine. Sunt & quædam cenſuræ [ut excommunicationis majoris, ſuſpenſionis, interdicti, & irregularitatis] quæ reſervantur Superioribus. Item diſpenſatio jurisjurandi, & voti: atque ejusdem commutatio, vel redemptio ad Superiores ſpectant.

CASUS RESERVATI AD Papam, ex veteri Statuto.

XXX.

Falſarius literarum Apoſtolicarum, (1) incendiarius Eccleſiarum, & locorum Deo dedicatorum, verberans Presbyterum, aut Clericum, aut religioſam perſonam atrociter, videlicet cum effuſione ſanguinis, aut membri mutilatione, Simoniacus in Ordine, aut beneficio Eccleſiaſtico, excommunicatus, interdictus, vel ſuſpenſus ſe immiſcens Divinis. Communicans in crimine ſcienter cum excommunicato a Papa in contemptu ſententiæ.

XXXI.

Generaliter autem Confefſor ſit diſcretus & attentus in hoc, ut pro omni caſu gravi, enormi, inaudito, inopinato, & inſolito, remittat pœnitentem ad Nos, vel Vicarium noſtrum Generalem, ut tali pœnitenti ſecure, provide, ac prudenter poſſit conſuli, pro ſalute animæ ſuæ, ſecundum doctrinam ac traditionem juris: cujus peritiam ut plurimum non habet ſimplex Curatus, aut alius Sacerdos Confefſor.

CASUS RESERVATI Episcopis ex Statuto veteri.

XXXII.

Inceſtus, ſtuprum, adulterium, fornicia, & ſacrilegium. Sacrilegium committitur tripliciter. Scilicet, auferendo rem ſacram de loco ſacro, rem ſacram de loco non ſacro, rem non ſacram de loco ſacro.

Mentita fides, ſive perjurium: per quod inferitur damnum, vel nocumentum proximo.

Falſum teſtimonium; per quod Deus contemnitur, juſticia decipitur, & veritas occultatur: & instrumento- rum falſificatio.

Oppreſſio, ſeu ſuffocatio puerorum, quæ accidit propter negligentiam, ſeu non debitam cuſtodiam puerorum per parentes. Tales debent remitti ad Matricem Eccleſiam in capite jejunii, id eſt, prima die Quadrageſimæ, quæ dicitur dies Cinerum, ſuſcepturi pœnitentiam publicam in forma juris.

Offendens patrem aut matrem, pœde vel alias injurioſe.

Incendiarii locorum non ſacrorum: niſi fuerint denunciati excommunicati: quia poſt denunciationem abſolvendi ſunt a Papa.

Blaphematores Dei, Virginis Mariæ, & Sanctorum: quia tales ſcandalizant fideles populos.

Hæreticus omnis male credens, & male ſentiens in fide, in Sacramentis, in doctrina Eccleſiæ.

Percutens Presbyterum aut Clericum, ſine membri mutilatione, aut notabili ſanguinis effuſione.

Matrimonium clauſtrine contractum, vel contra interdictum Eccleſiæ.

Homicidium in ſe, vel in alio, ſub quo comprehenduntur procurantes extinguere partum conceptum in utero, ſive dantes pocula, ne mulier concipiat.

Omnes

(1) Statut. vetus.

Omnes denique excommunicati a jure, sive per Statuta Provincialia, aut Synodalia, quorum absolutio non est reservata Papæ.

Sed de Casibus reservatis plura in Tit. de Excommunicatione, infra. Et observandæ semper Bullæ Cœnæ Domini.

DE SACRAMENTO EXTREMÆ UNCTIONIS.

Quanquam aliorum Sacramentorum vis atque utilitas patet latissime per omnem vitam : tamen ne, cum ægrotat homo, subsidium desideret eo tempore periculosissimo, quo mortis horror invadit : quando potestates tenebrarum machinas omnes admovent ad hominis salutem extinguendam : cum terroribus & visis horrendis animum frangere conantur, & in desperationem adducere : Unctio Sacra instituta est a Christo, (m) & ab Apostolo promulgata, quæ adhibitis orationibus Ecclesiæ, corpori subveniat, & animam muniat contra tela hostis ignita. Certe multis in Sacramentis & Mysteriis Ecclesiasticis unctio fit. Cujus rei causas dederunt Sancti Patres, Clemens, Dionysius, Cyrillus, Ambrosius, Augustinus, & alii. Sicut enim illa in Baptismo corporis ablutio in ænigmate vitam repurgari significat : sic unctio eum, qui baptizatur, ad certamen & sacrum pugilatum vocari sub Christo agonotheta, inferique nos in novam olivam, fierique participes pinguedinis ejus, qui est Christus. Verum ultimum Sacramentum hoc nomine designatur, quia in Litteris Sacris ita dictum est : Infirmatur quis in vobis : [inquit B. Jacobus Apostolus] inducat Presbyteros Ecclesiæ, & orent super eum, ungentes eum oleo in nomine Domini : & oratio fidei salvabit infirmum, & alleviabit eum Dominus : & si in peccatis sit, remittentur ei. Atque hæc quidem efficacia est Unctionis Sanctæ.

STATUTUM I.

Idcirco extremam Unctionem solis infirmis adhibemus, & majoribus quatuordecim annis : non tamen omnibus, sed tantum iis, qui periculose laborant : ubi de morte probabiliter timetur, quasi extremum Sacramentum. Minoribus autem quatuorde-

cim annis, vel furiosis (qui nihil peccarunt) non debet dari : nisi hi lucida habeant intervalla, & periculum non sit de scandalo. (n)

II.

Nec per alium administrari potest, quam per Sacerdotem : qui secum deferre debet crucem, & habere lumen & aquam benedictam : ut aqua benedicta aspergatur locus, ubi infirmus decumbit, ad expellendas omnes diabolicas potestates. Hanc vim habet aqua benedicta, ut Sancti Patres (o) testantur. Crucem quoque ostendat infirmo Sacerdos : ut in qua vicit Christus, & inde spem quoque ipse victoriæ concipiat.

III.

Mortuo dari non debet : sed si inter ungendum moriatur, cessandum est. Si vero dubitetur, an mortuus sit, hac verborum forma ubi licebit : Si mortuus es, non te ungo, sed si non es mortuus, &c. (p)

IV.

Minister hujus Sacramenti est proprius Sacerdos, quia is tenetur scire, qui idonei sunt ad Sacramenta Ecclesiastica, qui indigni ab eisdem repellendi : nec dari debet, nisi iis, quibus alia Sacramenta conceduntur. (q)

V.

Inungantur partes corporis præcipuæ : ut oculi, aures, nates, labia, pectus, renes, manus, pedes : sed in harum partium unctione mos patriæ est tenendus. Manus Sacerdotum ungi non solent, quod jam unctæ fuerunt ab Episcopo. Eodem modo laicorum frontes, qui confirmati non fuerunt, ungi debent. (r)

VI.

Sacerdos admoneat infirmum ante & post unctionem, si sensum nondum amiserit, ut in fide Ecclesiæ perseveret : quod pœniteat peccatorum præteritorum : & proponat, si supervixerit, vitam emendare : & spem omnem salu-

(m) Marc. 6. Jacob. 5.

(n) S. Tho. 4. d. 23. Pet. de Palud. eod.

(o) Euseb. hist. libro 7. Epiph. contra Hære. lib. 1. Greg. dial. lib. 3.

(p) Pet. de Palud. & Archi.

(q) Ianoc. ad Decent.

(r) Groper. in Euch.

salutis suæ reponat in merito Passionis Christi. Congratulari etiam ei debet, quod Sacramentum hoc sibi administrari postulaverit. Est enim signum magnæ fidei & sp̄ei, quam infirmus habet in auxilio Christi, & unctione Sancti Spiritus. In hac fide confirmet eum Sacerdos, & consoletur.

Administratis Sanctis Unctionibus, sicut est in Manuali, si frequentes fuerint assistentes, lingua vernacula eos alloquetur in hunc modum Sacerdos :

Mes amis & amies, pour la Charité que devons à nostre prochain, & la crainte de Dieu, je vous prie tous avoir pitié de ce pauvre malade, & représentés à vostre esprit le jour & l'heure, que peut estre sera bien tost que vous serez en pareil estat, auquel temps vous voudriez avoir donné tout vostre bien & estre secouruz des oraisons de l'Eglise, & prieres des gens de bien. Supplions Dieu doncques tres-humblement, que par sa misericorde il accompagne ceste pauvre creature de sa force & de son S. Esprit, & de sa grace, luy soient parfaite foy & esperance au merite de la Passion de J̄esus Christ, & qu'il le preserve des assaux & tentations de l'ennemy : à fin qu'à l'article de la mort il die & retienne en son cœur l'oraison que nostre Seigneur nous enseigne, quand il passa de ce monde: Pater, in manus tuas commendo spiritum meum. Mon Pere, je recommande mon esprit en tes mains. Mon ame est à vous Seigneur, vous l'avez créée & mise en ce monde: J̄esus Christ l'a rachetée. Je vous supplie l'accepter en vos mains. J̄esus Fils de Dieu prenez par vostre pitié mon esprit, & le présentés à Dieu vostre Pere, revestu de vos merites, & lavé de vostre sang. Glorieuse Vierge Marie soyés mon Advocate envers vostre beneist Fils, Michel Archange victorieux, & mon bon Ange assistants moy, & avec tous les Saints & Saintes de Paradis, aidés moy en ma priere. Atque hæc quidem poterunt sapius repeti. Sed exhortatione facta procedet Sacerdos ad alias preces; sicut in Manuali continentur.

Reliqua, quæ faciunt ad doctrinam bene moriendi, quæque morientibus necessa-

ria sunt, habes inter Quatuor novissima superius.

DE SPONSALIBUS & MATRIMONIIS.

STATUTUM I.

Sponsalia sunt futurarum nuptiarum promissio. (s) Et fiunt per verba de futuro : ut cum vir dicit mulieri: Accipiam te in uxorem : & mulier dicit viro: Accipiam te in maritum. Et fiunt quandoque per simplicem promissionem de futuro sine juramento, aliquando cum juramento: Et quamvis possunt sine Sacerdote contrahi, congruum tamen est & decens, ut per Sacerdotem Parochialem fiant, in præsentia honestarum personarum : ut bonum testimonium haberi possit (si opus sit) de forma, modo, & verbis contractus. Et non debent fieri ante septimum annum contrahentium.

II.

Matrimonium contrahitur per verba de præsentis maritali affectu: ut cum vir dicit mulieri: Accipio te in uxorem meam: & mulier dicit: Accipio te in virum meum: vel alia verba æquipollentia & denotantia consensum mutuum de præsentis. Sed non aliter posthac ratum fore declaramus, nisi præsentem Parocho, & duobus saltem testibus hæc fiant. (t)

III.

Matrimonium (u) per Sponsalia initium capit : per consensum animorum, expressum per verba de præsentis, uti diximus, ratificatur : per carnalem vero copulam consummatur & perficitur.

Causæ principales, propter quas contrahitur Matrimonium, sunt duæ. Prima est procreatio proles. Secunda est vitatio fornicationis & adulterii, quæ est mortale peccatum: quia omnis copula carnalis viri cum muliere, præter matrimonialem, est mortale peccatum. Aliæ sunt causæ secundariæ, sive minus principales, de quibus nihil in præsentia.

Potest

(s) Stat. vetus.

(t) Conc. Trid. Sess. 24. c. 1.

(u) Idem Stat. vetus.

Potest quis accedere ad uxorem quatuor de causis : scilicet causa proles , causa vitandæ incontinentiæ , causa reddendi debiti , & causa explendæ libidinis. In tribus primis non est peccatum , sed in quarto esse solet aliquando mortale , aliquando veniale. unde versus :

*Quinque modis peccat a uxore maritus abutens,
Tempore, mente, loco, conditione, modo.*

Tria sunt bona Matrimonii, scilicet fides, ne post vinculum conjugati cum alio, vel alia partem habeant: proles, ut suscipiatur, ametur, & religiose, id est, probe, & in bonis artibus ac moribus instituantur. Sacramentum, ut instar conjunctionis Christi & Ecclesiæ, inseparabile vinculum maneat Matrimonii usque ad mortem alevitius ipsorum. (x)

Quos enim Deus conjunxit [inquit Dominus] homo non separaret. Et si propter fornicationem separatio fiat a thoro, manet tamen vinculum Sacramenti perpetuum, viventibus ambobus. Hæc est doctrina Catholica, quam docuerunt Hilarius, Epiph. Theodoret, Basilus, & alii. *Licet Lactantius lib. 6. Divin. instit. aliter.* Sed falsus hic. Nam quomodo reconciliari poterit resipiscens uxor, si vir aliam duxerit? Reconciliari autem voluit Apostolus: in lege lapidabatur adultera,

li conjugio procreari; habentur illegitimi, quamdiu in facie Ecclesiæ non celebratur.

Dicuntur autem Matrimonia clandestina, quoad præsens, & illa, quæ de facto sunt non factis tribus bannis & proclamationibus publicis in Ecclesia Parochiali, per tres dies Dominicos aut alios Festivos, ut moris est & juris, nulla habita dispensatione bannorum prædictorum.

Unò verbo clam fieri dicuntur illa, quæ celantur timore alicujus controversiæ & impedimenti, quod jure timeri debuit. Nam qui nihil timeret, non fugit lucem.

Solemnitas requisita præcipue est, ut mulier petatur ex iis, qui curam ejus habent. Deinde [ut legibus (a) docetur] a propinquis, & præsentibus Parocho, vel alio Presbytero sponsetur, [quod vocatur affidatio.] Tertio, ut publice in Ecclesiis banna pronuntientur per Curatum, præfinito termino competenti & spatio dierum inter ipsa banna aliquo, ut legitimum impedimentum opponere queat, qui volet. Quarto, ut a Sacerdote coram testibus multis, benedicatur in Ecclesia, & tempore non prohibito. Denique, ut a paranymphis secundum consuetudinem patriæ custoditam, solenniter a viro accipiatur. Et biduo, vel triduo [si fieri poterit] orationi vacantes, castitatem ambo custodiant: vel ipsa nocte prima saltem, pro reverentia benedictionis.

IV.

Masculus major annis quatuordecim, (y) & puella major annis duodecim, potentes ad carnalem copulam, possunt Matrimonium contrahere, etiam si muti sint, dummodo signa consensuum demonstrent.

Matrimonium licet possit contrahi absque consensu parentum, & amicorum contrahentium, & sine aliqua publicatione bannorum, & nihilominus habeatur ratum, nec unquam dissolvi ab hominibus possit: (ideo dicit Scriptura: Relinquet homo patrem & matrem, & adhærebit uxori suæ) tamen quia honestum, congruum & decens est, ut tanti momenti contractus non temere fiat, & inconsulto: Sancti Patres, inde a principio Ecclesiæ, omnino clandestina conjugia damnarunt, (z) nec minus quam adulteria & fornicationes tamdiu rejecerunt, donec solennitatibus adhibitis celebrarentur. Quapropter filii ex ta-

V.

Mandamus etiam, (b) & districte præcipimus Curatis Nobis subditis, ut frequenter hortentur publice in Ecclesiis suis Parochianos suos, & præcipue juvenes adolescentes, ne contrahant Matrimonia, sine consensu & beneplacito parentum suorum, aut illorum, a quibus gubernantur & reguntur. Adde, quod ii melius providere possint, & cognoscere, quid expediat in tali re, quam adolescentes ipsi, passione stulta sæpenumero decepti & amoris furore.

VI.

Matrimonium debet in facie Ecclesiæ publice solennizari, per Sacerdotem Parochialem post tria banna publice proclamata in prono Missæ, præsentibus populo tribus Dominicis, vel Festis, non immediate sesequentibus, in Ecclesia loci,

(x) Aug. de gene. ad literam libr. 9. cap. 7.

(z) S. Evaristus 3. q. 5. aliter.

(a) 30. qu. 5.

(y) Stat. vetus.

(b) Stat. vetus.

loci, ubi morari sunt soliti contrahentes & parentes ipsorum. (c)

VII.

Qui aliter, quam præsentè Parocho, vel alio Sacerdote, de ipsius Parochi vel nostra licentia, & duobus vel tribus testibus Matrimonium contrahere attentabunt: eos ad sic contrahendum Sancta Synodus Tridentin. inhabiles omnino reddit, & hujusmodi contractus irritos & nullos esse decernit, ipsosque aliter contrahentes, & Parochum sine testibus, & testes sine Parocho assistentes, graviter puniendos esse declarat.

VIII.

Si autem durante proclamatione bannorum (d) apparuerit opponens, vel contradictor proponens & allegans causam, propter quam Matrimonium hujusmodi non debeat de jure fieri: Sacerdos Parochialis citet contrahere volentes & opponentem, ad certam & comperentem diem, tunc futuram coram Officiali nostro, ad prosequendum negotium, & procedendum, prout juris fuerit. Nec procedat Sacerdos ulterius ad solemnizationem dicti Matrimonii, vel alicujus contradictorum, donec & quousque sibi constiterit de mandato dicti Officialis nostri.

IX.

Et cum ad Nos, (e) vel ad nostram Sedem pertineant causæ matrimoniales: prohibemus sub excommunicationis pena, ne quis cujuscunque gradus, conditionis vel dignitatis existat, cognoscere præsumat, aut judicare de causis matrimonialibus: Neque partes Matrimonium contrahere volentes concordent, vel transigant inter se, super ipsis causis, absque judicio Ecclesiæ.

X.

Multa sunt impedimenta Matrimonii, impediencia contrahendum, & dirimentia contractum: super quibus antequam contrahantur, consuli Sacerdotes solent. Et a versibus his comprehenduntur:

Error, conditio, votum, cognatio, crimen, Cultus disparitas, vis, ordo, ligamen, honestas, Addito nunc, Parochus, binis cum testibus, absens: Si sis affinis, si forte corpe nequibis. Hæc faciendæ vetant connubia, facta retractant.

XI.

Sunt alia, quæ impediunt contrahendum; sed non dirimunt jam contractum.

Ecclesiæ vetitum, nec non tempus feriarum, Ista vetant fieri, permittunt facta teneri.

Omissis autem nunc aliis impedimentis Curatus scire debet, quod cognationis & affinitatis gradus ascendentes & descendentes, prohibiti sunt a natura: & in illis copulam omnes sanæ mentis homines abhorrent. Collaterales cognationes prohibentur partim Sacris (f) Literis, partim (g) Canonicis: sed ab his, usque ad quartum gradum inclusive. Et in cognatione quidem spirituali primus gradus prohibetur, sicut supra dictum est in titulo de Baptismo. Sed in affinitate expenduntur gradus cognationis alterius conjugum: quia toto gradu distat vir a cognatis conjugis suæ, quoto conjunx ipsa distat ab eisdem cognatione. Estque primus gradus cognationis inter patrem & filium: primus quoque inter fratres, secundus autem inter avum & nepotem, & inter filios fratrum: & sic deinceps. [h] In his gradibus cognationis, vel affinitatis, contrahentes, eo ipso facto sententiam excommunicationis a jure latam incurrunt. Et Matrimonium nullum faciunt. Lege Mosæica prohibebatur nepos ducere amitam, vel mariteram. Levit. 18. Sed permittebatur avunculo & patruo, ducere neptem ex fratre vel sorore. Nam Josue 15. Othoniel duxit filiam Caleb fratris sui: & Abraham Sarai filiam Aram fratris sui. Gen. 12. Rationem hujus dispensationis dat Liranus Josue 15. quia caput uxoris est vir, & debetur viro reverentia ab uxore. Idem docet Petrus de Pal. 4. d. 41. q. 1. Licet contra doctrinam glossæ c. Litteras. de rest. spol. & cap. Gaudemus. de divort. & c. Per venerabilem. qui fil. sunt leg.

XII.

(c) Ext. De electio. c. Postquam. Pan. c. Cum inhibitio extr. Declande. despons. Synod. Mogun. (d) Stat. vetus. (e) Idem. (f) Levit. 18.

(g) Ext. De consan. & affin. (h) In Clem. 1. De consan. & affin.

XII.

Tempora feriarum, quibus prohibebatur celebratio nuptiarum, sunt in toto Adventu usque ad octavam Epiphaniæ exclusive: & a Septuagesima usque ad octavam Paschæ, inclusive, & a tribus diebus ante Ascensionem, usque ad octavam Pentecostes, exclusive. Sed per Concil. Trid. sublata est prohibitio post Epiphaniam: & a Septuages. usque ad diem Cinerum. In jejuniis Quatuor temporum: & Vigiliis Sanctorum, in quibus jejunium est de præcepto, non fiunt nuptiæ. Quia propter jejunia, & Communionem Sacram, etiam Matrimonio conjuncti (ut vacent orationibus) deberent a maritali thoro abstinere, tanquam uxores non habentes: multoque minus illa exempla dissolutionis exhibere, quæ solent lætitiæ causa in nuptiis. (i)

XIII.

Nullus Sacerdos Parochialis (k) recipiat alienum Parochianum nostræ Civitatis & Dioecesis, ad Sacramentum Matrimonii, nisi habeat literas dimissorias, & testimoniales sui Curati: seu Vicarii illius, per quas appareat, quod talis Parochianus alienus, idoneus sit, nec in eo obstat impedimentum, quominus licite Matrimonium possit contrahere: vel nisi certis de causis Nos, aut Vicarius noster Generalis mandemus fieri per patentes literas signatas & sigillatas in cera rubea: veluti fieri solet pro Magnatibus, & aliis nonnullis.

XIV.

Si vero Parochianus alienus sit alterius Dioecesis, (l) licet habere dicatur literas testimoniales sui Curati: non tamen admittatur sine nostris, aut Vicarii nostri Generalis, vel Officialis literis de Placet, adnexis ad tales literas dimissorias: ad obviandum fraudibus & malitiis, quas experientia docet sæpe in talibus literis esse commissas.

XV.

Pro literis, quas vocant: De relatione boni status Parochiani sui, quibus

scribitur (sicut in forma sequenti traditum est) quod ipse prior Curatus nullum scit, vel intellexit impedimentum, propter quod tali Parochiano suo debeant denegari Sacramenta Ecclesiastica: (sive antequam recedat, has petierit literas, sive postea multo tempore) Curatus tales dans literas, non exigit plus, quam quatuor albos. Si vero Parochianus, vel Parochiana absque licentia sui Curati recesserit, vel cum licentia, pro bannis, quæ fiunt in priori Parochia, & literis super hoc a Curato datis, solvet sex albos: nisi per has literas simul detur licentia recedendi a Parochia: quæ dicuntur literæ de recedo. In sua Parochia, ubi residet quis, nihil tenebitur solvere Curato suo pro bannis: nisi aliter habeat consuetudo. Pro literis vero de recedo, quibus Curatus dat licentiam Parochiano suo aliam Parochiam acquirendi, & eum ex sua dimittit & liberat, servabitur consuetudo loci absque ulla querimonia: alioqui de nimia exactione, si quis conquestus fuerit, graviter punietur a Nobis Curatus, vel Vicarius in hoc delinquens.

XVI.

Mulieri secundo nubenti nullus Sacerdos benedictionem impendat nuptialem: quia jam in primo Matrimonio fuit benedicta. (m)

XVII.

Quando aliquis vir alicui mulieri fidem de Matrimonio contrahendo dedit, nullatenus debet eum Sacerdos alteri mulieri matrimonialiter conjungere, etiam, si is primam non cognoverit: nisi evidens impedimentum Canonicum interesset inter primos, propter quod non possent, seu deberent Canonice copulari. Ubi si dubitetur de impedimento, consuli Nos oportebit. (n)

Præsentatis pro foribus Ecclesiæ Sponsis, & ultimo banno proclamato, in hunc modum procedetur.

Les

(i) S. Tho. 4. dist. 32. 33. qu. 4. Non oportet, ext. De fer.

(k) Stat. verus.

(l) Stat. verus.

(m) C. Vir autem, de sec. nupt.

(n) 21. dist. De consang. & affin. c. 1. c. De exceden. de excess. Prælatorum.

Les bans ont esté faictz & proclaméz en nostre Mere Sainte Eglise par trois jours solennels, entre N. & N. encorés les denouçons nous pour la quarte fois, & commandons sur peine d'excommunication, s'il y a aucuns ou aucunes, qui sachent cause pourquoy le mariage ne se doive faire, qu'ils le dient avant, qu'on procede plus avant audict mariage.

Hoc facto si nihil opponatur, Curatus seu Pastor interrogabit eos, petito prius nomine utriusque, in hunc modum :

Jean & toy Pernelle, avez vous la volonté de vous marier ensemble? Respond. Ouy. P a il entre vous quelque empeschement de parenté ou d'affinité, ou autres descenduz par l'Eglise? Toy Jean, tenendo ejus manum dextram, par le serment, que tu as presté à Dieu & à son Eglise, as tu faictz promesse, &c. Quod si quis opponat; cessabit Sacerdos, & fœscitabitur: Quel empeschement y a il? Si respondeant Matrimonium esse cum alio factum: remitter eos Curatus ad Officiale nostrum, assignando diem ipsis partibus coram dicto Officiali: & dabit partibus literas hujusmodi :

Venerande Domine Officialis, noverit vestra discretio, quod cum paratus essem Matrimonium in facie Ecclesiæ meæ celebrare inter N. & N. P. se opposuit. Quare partes ad vos remisi cum his literis, assignando eis diem N. Vos oro habeatis ipsos commendatos. Datum, &c.

Si vero impedimentum objiciatur sanguinitatis vel cognationis: tunc Curatus describet arborem in charta, sicut ipse comperit rem se habere, & mitter ad dictum Officiale, si res fuerit ipsi Curato dubia: sin vero manifestum sit impedimentum, cessabit omnino a celebratione dicti Matrimonii.

Postea altiori voce, si videatur opportunum, dicet, quæ sequuntur.

Le souverain Createur apres la creation du monde a institué le saint mariage, le premier entre Adam & Eve, eux estans encorés en paradis terrestre, & en l'estat d'innocence: qui n'est pas sans grand mystere. Hic poterit Curatus, si velit dilatare sermonem,

exponere quo pacto Deus creavit Evam: quid dixit Adam, visa uxore, &c. Item quo pacto Filius Dei de cœlo descendit, ut Ecclesiam sibi desponsaret. Quocirca Apostolus ait: Sacramentum hoc magnum est. Eph. 5. Amplificabit dignitatem Matrimonii a significatione & mysterio conjunctionis illius invisibilis Christi & Ecclesiæ, ex qua confertur gratia in hoc Sacramento. Depuis nostre Sauveur & Redempteur JEsus Christ, estant en ce monde, & conversant parmi les hommes a tant honoré ceste sainte œuvre, que luy mesme a assisté à la celebration des nopces, & au convive, où feit son premier miracle. Luy mesme a prononcé la loy de mariage, & ordonné, qu'il seroit indissoluble: Nul ne separera (dit-il) ceux que Dieu a conjointz. Parquoy vous A. & E. qui desirez vous assembler, & vous marier l'un avec l'autre, devez avant toutes choses prendre garde, que ceste vostre intention ne procede de mauvaise source, comme de la volupté desordonnée, de l'avarice, de l'ambition, de la contraincte des parens, ou autres: mais il faut, que ce soit selon Dieu, avec simplicité d'esprit, & de pensée, comme en l'estat que Adam & Eve noz peres estoient au paradis terrestre, & aux fins, que le mariage est ordonné: à savoir pour avoir des enfans, pour vous accompagner l'un de l'autre, & faire que le mal & le bien qui vous adviendra, soit commun à tous deux, & aussi pour vous préserver d'estre fornicateurs, ou adulteres. Exaggerare hic poterit crimen adulterii: primum ex dignitate Matrimonii. Quod tantum mysterium sic contemnatur, non solum perjurio, sed etiam sacrilegio: deinde ex scandalis & malis, quæ sequuntur adulteros: veluti infamia, non solum adulteri, sed totius familiæ: odia affinium & cognatorum: incertitudo proli. Item pericula, rixæ, inimicitia, zelus, cædes, strages, urbium aliquando, & populorum everisiones. Doncques vous A. prenez E. pour vostre femme & espouse & compagne, luy donnez la puissance de vostre corps, avec la promesse, que vous faictes à Dieu, à son Eglise, & à elle de luy garder loyauté & fidélité, & ne vouloir jamais autre femme qu'elle, pour acte illicite: ou pour mariage, tant qu'elle vivra. Dieu vous commande de l'aymer comme vostre propre chair, de la nourrir, de la consoler, & de l'instruire & corriger gratuitement & doucement ses imperfections, si aucunes en y a: non pas

comme vostre esclave, mais comme vostre seur
& compagne.

Vous, E, en prenant, A, pour vostre
mary & espoux luy fûtes don de vostre corps,
& luy donnez pareille puissance qu'il vous
donne sur le sien. Vous vous obligez à Dieu,
à son Eglise, & à luy, de luy garder loyauté,
& fidélité, & ne vouloir jamais autre homme
quel-qu'il soit, pour acte illicite, ne pour ma-
riage, tant qu'il vivra. Dieu vous commande
de l'aimer, honorer, le servir, & luy obeir
comme nous voyons, que les membres du corps
servent à la teste de l'homme. Vous mettrez
peine de le consoler, & contenter en tout ce
qu'il sera possible; & patiemment supporter ses
imperfections, si aucunes en y a. Le promet-
tez vous ainsi? Respond. Ouy. Gardez vous
donques mes enfans de contrevenir à ceste
promesse, que vous faites icy à Dieu: car il
se venge de ceux, que le trompent & mesprisent.

Hic desponsabit eos juxta ritum
Ecclesiæ, absolutos prius ab excom-
municatione minori, vel majori, si
possit, benedictis annulis de more, &
prolatis verbis ab ipsis sponsis, scilicet:
N. Je te prens pour ma femme & mon espou-
se, & te promets, que je te porteray foy &
loyauté de mon corps & de mes biens, & si te
garderay saine & malade en quelque estat
qu'il plaise à Dieu que tu sois, ne te changeray
jusques à la mort.

Et rursus idem dicetur ad Spon-
sum. Quo facto dicet: Et ego vos in
Matrimonium conjungo in nomine Pa-
tris, & Filii, & Spiritus Sancti,
Amen.

Priez Dieu tout deux, qu'il vous donne
grace de vivre en bonne paix & en bonne union:
& garder & tenir fidelement ce que vous
promettez l'un à l'autre; autrement la bene-
diction de Dieu, que vous recevrez maintenant,
sera convertie en malediction sur vous.

Si fuerint viri literati, exhortari eos
poterit, ut legant historiam Tobiae: ut illius
exemplo sanctum, & in Domino conjugium
aspiciantur.

XVIII.

Et caveat diligenter Curatus, ne
Sacramentum hoc Matrimonii admini-
stret excommunicatis, vel interdictis:
sub pœnis à jure positis.

Forma literarum testimonialium de bannis proclamatis pro Matri- monio contrahendo.

Curatus Ecclesiæ Parochialis de Changis
juxta Arbosium, in Decanatu de Salinis,
Bisunt. Dioecesis, Charissimo in Christo
Fratri nostro Curato de Sancto Moncejo,
Lugdunensis, vel alterius Dioecesis, salutem.
Notum facimus vobis, quod in nostra Eccle-
sia proclamavimus tria banna per tres dies
Dominicos, seu Festivos solennes, ad solen-
nizationem Matrimonii inter N. filium N. Pa-
rochianum nostrum, & N. filiam N. quibus
nemo se opposuit aut contradixit. Evol-
vimus etiam registra nostra, ubi nullius ex-
communicationis sententia invenitur in-
nodati, nec scimus nos in eis aliquod impe-
dimentum Canonicum, propter quod Eccle-
siastica Sacramenta eis debeant denegari, aut
deferri. Hoc nos omnibus, quorum interesse
poterit, testamur, sub nostro signo manua-
li, die N. mensis N. Anno, &c.

Henry de Guillot Presbyt. Curatus.

Forma literarum de Recedo, seu missionis a Parochiatu

Curatus Ecclesiæ Parochialis de Cyrodo,
in Decanatu de Montana, Bisuntinæ Dioe-
cesis, Charissimo in Christo Fratri nostro Cu-
rato de Montemartino, Lugdunensis, vel alte-
rius Dioecesis, salutem. Petuit a nobis dimissio-
nem Joannes N. Parochianus noster: quod in
vestra Parochia jam ab aliquo tempore mo-
retur, vel perpetuo morari deliberet. Quam
nos ei libenter concedimus: eumque per
præsentes a nostra cura & regimine dimis-
sum, vobis tradimus & commendamus in
visceribus charitatis, nullius sententiæ ex-
communicationis vinculo innodatum, aut
alio impedimento, quo minus ei Sacramen-
ta Ecclesiæ & sepulturam impartiri, tanquam
vere Catholico, debeatis. Datum sub signo
Manuali nostro, die . . . mensis N. Anno ab
Incarnatione Domini, &c.

Claudius Bruillon, Presb. Curatus.

Si vero excommunicatus sit, ponetur
sic: Vobis tradimus, sed excommunicatum
ad instantiam talis, pro summa tali, vel pro
contumacia, sicut in registro nostro compe-
rimus. Datum, &c.

Formam literarum testimonialium de
bono statu, invenies in titulo de Sepulturis.

DE

DE SACRAMENTO ORDINIS.

Septem sunt Ordines Ecclesiæ: Ostiarius, Lector, Exorcista, Acolythus, Subdiaconus, Diaconus, & Presbyter. Primi quatuor dicuntur Minores, & non sunt Sacri: tres autem ultimi dicuntur Sacri. Adde quod, qui in Sacris sunt Ordinibus, uxores habere non possunt. Et ita statim vivere coguntur, cum primum Subdiaconatus ordinem suscipiunt. Alioqui non admittuntur ad eum Ordinem, nisi qui cœlibem vitam agere promittunt.

In ordinatione autem hæc requiruntur: Episcopus, qui ejus rei Minister est: vir examinatus: manus impositio, cum verbo: & in Presbytero atque Episcopo ordinando etiam unctio. [o]

Esse autem ordinem unum e septem Sacramentis Ecclesiæ, hinc patet: quod verbis & signis exterioribus ac visibilibus conficitur, & gratiam confert, sicut docet Apostolus, 2. Timoth. 1. & 4. Admoneo te, ut resuscites gratiam Dei, quæ est in te per impositionem manuum Presbyteri, id est, Episcopi. Septem vero esse, & quomodo conferri debeant, Concilium Carth. 4. jam olim definit. Ignatius quoque ad Trall. & Antioch. aliquot recenset.

STATUTUM I.

An tequam se Episcopo offerant ordinandi, debent ei, vel Penitentiario, vel alii potestatem habenti confiteri: ne forte indigni accedentes ad Ordines, ex ignorantia vel simplicitate, irregulariter ordinentur.

II.

Qui autem a jure ordinari prohibentur, sunt ii: Primo, ætate minores, quam ad Ordinem requiratur, ut supra dictum est. Secundo, imperiti, seu illiterati. Tertio, criminosi. Existentes enim in peccato mortali non debent promoveri. Quarto, bigami, id est, qui duas uxores habuerunt, vel viduam. Quinto, solenniter penitentes. Sex-

to, neophyti: hoc est, recenter in fide Catholica plantati. Septimo, curiales, qui propter aliquod officium curiæ sunt obligati. Octavo, ratiociniis obligati. Nono, servi. Decimo, corpore vitiiati. Undecimo, filii illegitimi. Duodecimo, ignoti & peregrini. Decimo tertio, infames. Decimo quarto, irregulares. Decimo quinto, suspensi, & interdicti, vel excommunicati. Decimo sexto, hermaphroditi. Decimo septimo, conjugati: nisi velint ingredi religionem, & habito consensu uxorum. Decimo octavo, histriones, quia habentur infames. Denique qui per saltum, vel furtive contra voluntatem Episcopi promoti sunt, vel duos Ordines Sacros eodem die susceperunt, vel quatuor minores cum Subdiaconatu eodem die. Omnes hi prohibentur ordinari: & si ordinati fuerint, prohibentur in suscepto ordine ministrare. (p)

DE EXAMINE ORDINANDORUM.

Jubet Apostolus, ut qui ad Sacros Ordines admitti debent, probentur primum, & sic ministrent, nullum crimen habentes. Quia non paucos ad hoc obtrudit minus idoneos vel ambitio, vel avaritia, vel spes otii.

STATUTUM I.

Idecirco ne cui manus cito imponatur, & communicemus peccatis alienis; statuimus, & ordinamus, quod nullus Episcopus Ordines celebret in nostra Dioiceli, nec Pontificalia exerceat, absque nostra licentia, & permissione, sicut est de jure prohibitum. (q)

II.

Episcopus per seipsum Ordines celebret, statutis a jure temporibus, in Ecclesia Cathedrali, & publice: vocatisque & presentibus Canonicis, nisi ægritudo, vel alia causa impediatur.

III.

(o) Stat. vetus. (p) De temp. ord. lib. 6. 26. dist. 50. Ex presentibus. 36. dist. II. literatos 40. dist. c. 1. 2. 3. De legen. Extr. de oblig. 51. dist. Extr. de servis non ord. Extr. de corpore int. de reg. jur. lib. 6. Argu. extr. de temp. ord. cap. ultim. Extr. de Cleric. excom. Extr. gloss. 4. q. 3. Hermaphroditus c. si. de temp. ord. lib. 6. 86. dist. 4. q. 1. cap. 1. Denis, qui not. infra.

(q) Canon. Apostolorum 34. & Nicæna. 17. Trid. Sess. 15.

III.

Literæ dimissoriæ non concedantur amplius, nec concessæ admittantur: nisi in quibus mores & sufficientia promovendi commendentur ab Ordinario. Quare forma illa, quæ olim erat usu, onerandi conscientiam Episcopi ordinantis, abrogetur: & pro illa fiat posthac commendatitia, causam continens; cur a proprio Episcopo promoveri non possit. Promovendi ad singulos Ordines Sacros examinentur prius: nec ordinetur quisquam sine diligenti examine, nec in minori ætate, quam oportet: vel etiam Regulares, & Religiosi.

IV.

Ad Primam Tonsuram.

Ad primam Tonsuram Clericalem, idonei erunt adolescentes ex legitimo Matrimonio procreati: septem annos nati: Sacramentum Confirmationis adepti: legere atque scribere non profusus ignari: & qui simpliciter Symbolum fidei tenuerint, Orationem Dominicam, Salutationem Angelicam, Confessionem generalem, & Benedictionem, non alii. Et ponantur posthac omnia hæc in literis formatis tonsuræ, alias pro nullis habeantur.

V.

Ad Quatuor Minores.

Ad minores Ordines promovendi, bonum habeant testimonium a Parocho, & Magistro scholæ, in qua educantur. Sint duodecim annorum: saltem qui futuri sunt Lectores & Exorcistæ, quamvis in minori ætate liceat. Secundo, ostendant literas tonsuræ, sintque ex legitimo thoro. Tertio, sint membris integris, non careant oculis, vel naribus, vel manibus, vel pedibus: nec sint valde deformes corpore. Quarto, sciant expedite legere, ut hinc appareat eos non ignorare linguam latinam.

VI.

Promoveantur autem ad quatuor istos Ordines per intervalla temporum, quoties fieri poterit: ut in uno quoque Ordine exercitati, de gradu in gradum ascendere merito possint.

VII.

Ad Tres Sacros.

Ad singulos Ordines promovendi (scilicet Presbyteratum, Diaconatum, & Subdiaconatum) per mensem ante ordinationem Episcopum adeant, vel ejus Vicarium Generalem, qui vel Curato, vel alii committet, ut nominibus ac desiderio eorum, qui volent promoveri publice in Ecclesia promulgato, de natalibus, ætate, vita, & moribus a fide dignis inquirent, & de servitio exhibito in Ecclesia per unum annum in Ordine recepto, & literas inquisitionis transmittant: ipsi vero ordinandi se præsentabunt examini tempore aliquo ante celebrationem Ordinum, ut tempestive possint dare nomina sua Examinatoribus.

VIII.

Ad Subdiaconatum.

Promovendi ad Ordinem Subdiaconatus primo exhibeant titulum Beneficii, aut pensionis, vel Patrimonii sufficientis, cuius copiam relinquent penes Sigilliferum Curæ. Sub Patrimonii vero titulo vel pensionis, non alios ordinabit Episcopus, quam quos maxime necessarios, vel utiles judicaverit Ecclesiæ. Secundo, sint xxii. annorum: licet ante Concilium minores admittebantur. Tertio, ostendant literas aliorum Ordinum. Quarto, sciant grammaticam, & cantum, & parvum Catechismum, qui describitur in Statutis nostris Synodalibus. Quinto, habeant bonum testimonium.

IX.

Ad Diaconatum.

Primo, sint ætatis xxiii. annorum. Secundo, ostendant literas aliorum Ordinum. Tertio, teneant grammaticam, & cantum, & Catechismum, & computum Ecclesiasticum, & Breviarii Bistuntinensis cognitionem aliquam.

X.

Ad Presbyteratum.

Primo, sint ætatis xxv. annorum. Secundo, ostendant literas aliorum Ordinum. Tertio, afferant secum Breviarium

rium & Statuta Synodalia, ut rursus de officio Ecclesiastico, atque aliis Presbytero necessariis examinentur. Quarto, habeant bonum testimonium, maxime de officio exhibito in Ecclesia, & de Sacrae Communionis Eucharistiæ frequentatione.

XI.

Ad Curam animarum.

Ne alius, quam maxime idoneis, cura animarum committatur; servabitur ad unguem forma examinis, quam tradiderunt Patres in Concilio, Sess. xxiv. cap. 18. nec omnes oportet idoneos existimare, ad Ecclesiam Parochialem administrandam, quod ad Presbyteratus ordinem promoverimus. Plura enim ab illo exiguntur in die iudicii, cui cura populi commissa est, quam ab eo, qui ad sacrificandum, & orandum pro defuncto Fundatore Sacelli alicujus, ordinatus sit.

Statuimus ergo & ordinamus, ut (r) nemo electus confirmetur, nemoque præsentatus ad dignitatem, vel curam animarum instituatur, (vel simpliciter, vel causa permutationis) priusquam sit examinatus, & comprobatus idoneus: possitque, & velit muneri, ad quod vocatur, pro virili satisfacere. Qui si præfens instituatur, fidei professionem faciat statim in manibus nostris, vel ejus, qui ad hoc fuerit deputatus: si per Procuratorem, intra duos menses id præstare teneatur.

XII.

Nemo ad dignitatem aliquam (s), cui cura animarum adnexa est, promoveatur, nisi saltem xxv. annum attigerit: doctrina, moribusque commendatus. Archidiaconi etiam, qui oculi sunt Episcoporum, sint graduati.

XIII.

Docet Sacrosancta Synodus in ordinatione Episcoporum, Sacerdotum, & cæterorum Ordinum, nec populi, nec cujusvis secularis Potestatis & Magistratus consensum, sive auctoritatem ita requiri, ut sine ea irrita sit or-

dinatio. Quin potius decernit, eos, qui tantum modo a populo, aut seculari Potestate a Magistratu vocati & instituti, ad Sacerdotum exercenda ministeria ascendunt: & qui ea propria temeritate sibi sumunt: omnes non Ecclesiæ Ministros, sed fures & latrones per ostium non ingressos habendos esse, & deponendos. (t)

XIV.

Sacrosan. Chalcedonenfis Concilii in hac saltem parte inhærendo vestigiis, nullus in Presbyterum ordinabitur, qui Ecclesiæ, aut pio loco, non inscribatur: ut illic suo fungatur munere, nec incertis vagetur sedibus. Quod si locum inconsulto Episcopo deferuerit, ei sacrorum exercitium interdicatur. Nec resignare beneficium poterit, sub cuius titulo promotus fuerit: nisi habeat, unde vivat aliunde.

XV.

Qui autem in ordine Presbyteratus constitutus est, videat, ne Sacrum Ordinem ob avaritiam, aut aliam causam non piam ambiisse iudicetur. Ideo diebus saltem Dominicis & Festis Missæ Sacrificium offerat, & celebret frequenter.

XVI.

Nemo jus præsentandi (u) occupet, nisi de novo Ecclesiam vel beneficium fundaverit, & construxerit, sive erectam, sed indotatam, de suis patrimonialibus bonis competenter dotaverit. In casu autem foundationis, soli Episcopo, non inferioribus reservatur institutio. Nec juris Patronatus titulus cuiquam proderit, nisi ex fundatione sit vel dotatione, & ex authentico documento, aliisque jure requisitis ostendatur: sive ex multiplicatis præsentationibus, per antiquissimum tempus continuatis. Quicumque etiam jus aliquod Patronatus venditionis, aut alio quocunque titulo, in alios contra Canonicas Sanctiones transferre præsumpserit, excommunicacionis & interdicti pœnis subicietur, & jure ipso privatur.

XVII.

(r) Colon. Synod.

(s) Trid. Sess. 24. c. 12.

(t) Can. Apost. 30. Athan. Epi. ad orthodoxos.

(u) Trid. Sess. 14. c. 12. Sess. 25. c. 9.

Tomus VIII. Concilior. German.

XVII.

In pœnas & censuras varias, veluti excommunicationis, suspensionis, irregularitatis, incidunt, qui per Simoniam propriam Sacros Ordines adipiscuntur: (x) aut per saltum: (y) aut eodem die duos: (z) & qui contra prohibitionem: (a) qui ab Episcopo simoniaco, (b) deposito, vel de hæresi, aut Simonia delato: qui homicidium voluntarium perpetraverint: qui nati ab illegitimo thoro absque dispensatione: (c) qui ante legitimam ætatem: (d) qui extra tempora: (e) qui sine licentia sui Ordinarii: (f) omnes hi si celebrarint, sunt irregulares.

DE SIMONIA.

Nulla ex re tantum detrimenti capit Hierarchia Ecclesiastica, quam ex labe Simonia. Ubi enim pretio & ambitu, Ordines Sacri, honores, & dignitates conferuntur, ac non meritis personarum, & iusto examine; necesse profecto est, ut omnis ordo, & inter homines iustitia subvertatur: Non aliter, quam si in corpore humano membrorum munia transferrentur, & manus ad ambulandum applicarentur, pedes ad audiendum, aures ad videndum. Fit enim in Ecclesia per Simoniam, ut qui parere debuerat, jubeat: & qui doceri, doceat: & qui sanctificari, sanctificet. Quam id verum sit, ortæ nostris temporibus hæreses ac seditiones declararunt. Quare non immerito in eam armatos videmus tot Canones. Ad cuius accusationem non aliter, quam in crimine læsæ Majestatis testes admittuntur, non tantum servi adversus Dominos, sed & criminosi, & infames. Et in detestationem tanti criminis, vocarunt hæresim. Flagello ex funiculis facto ejecit Dominus cum terrore spectantium vendentes in templo columbas, id est, S.S.

Dicta est a Simone illo Mago, de quo scribitur Act. 8. Cum vidisset autem Simon, quod per impositionem manus Apostolorum daretur Spiritus Sanctus, obtulit eis pecuniam, dicens: Date & mihi hanc potestatem, ut cuicunque imposuero manus, accipiat Spiritum Sanctum. Ad quem Petrus

dixit: Pecunia tua tecum sit in perditionem; quoniam donum Dei existimasti pecunia possideri.

Ex his verbis sumpta est definitio Simonia hæc: Voluntas studiosa (seu deliberata) emendi, vel vendendi aliquid spirituale, vel spirituali adnexum. Nomine autem emptoris & venditionis omnem commutationem intelligimus rei spiritualis pro temporalis: non modo videlicet pecuniam in pretio habendo, sed rem aliam quamcunque: imo preces, quæ pretio æstimari queunt, & servitia, & affinitates, quoties in compensationem sumi possunt rei spiritualis. Qui ergo munus alteri dat, ut pro se orer beneficii Collatorem, Simoniam committit: preces enim pretio redimit. Virtute (inquit Comicus) ambire oportet, non favioribus.

Res autem spiritualis intelligitur hoc loco, quæ vel gratiam Spiritus Sancti continet, ut sunt Sacramenta, & dona gratiarum: vel quæ functionibus spiritualibus destinata sunt, ut Sacerdotia, Patronatus, Altaria, Calices, & similes res sacræ. Functiones quoque, ex autoritate spirituali dependentes: ut benedictiones, dispensationes, absolutiones, reconciliationes, & similes: quas quia gratis accēpimus, gratis dare debemus.

Ergo pretii ratio sola est, quæ Simoniam facit. Nam pretio æstimari nullo possunt spiritualia. Hinc sequitur pactum omne super re spirituali & conventionem, conditionemque, de Simonia argui posse. Veluti: dabo ego beneficium meum Petro, tu dabis tuum Joanni. Dare autem aliquid in elemosynam, vel in sustentationem Ministris Sacramentorum, vel ob reverentiam, vel ex obligatione legitima aut consuetudinaria, non putatur Simonia: nisi forte vel qui dat, vel qui accipit, id pro pretio habeant. Mentalis namque Simonia voluntate committitur & deliberatione, etiam si res effectum non consequatur: Quamquam censuris non subjiçatur, nisi sit consummata pacto præcedente: pœnæ enim restringendæ sunt ad actus consummatos. Patet ex cap. ult. extr. de Simonia. Calices quoque, & indumenta sacræ, vendi possunt pro pretio materiæ: sed non pluri, propter consecrationem. Quæ si laicis vendantur, frangi prius oportet, ne in usum convertantur profanos.

Quam-

(x) C. Illiteratos 36. distinctio. & Innoc. in c. Tantum. de exce. præd.

(y) C. Unico. de Cler. per saltum pro.

(z) C. 2. De eo, qui fur. or.

(a) C. Vel non est compos. de temp. ord. & c. Inno. de eo, qui furtim ord. susc.

(b) Si quis a Simoniacis. Trid. Sess. 14. cap. 7.

(c) C. 1. De fil. Presb. in antiq. & li. 6.

(d) De ætate & qualir.

(e) De temp. ord. cap. Vel non est compos.

(f) Manual. Confess. c. 27. nu. 244.

Quamvis autem pro celebratione Missæ vel Baptismi, vel alterius rei similis accipere aliquid pretii, vel dare, simoniacum re vera sit: tamen stipendia accipere a populo & alimenta; non prohibetur. Dignus est enim operarius mercede sua, Matth. 10. id est, cibo suo, ut Luc. 10. Accipiant, inquit Augustinus, sustentationem necessitatis a populo, mercedem dispensationis a Domino.

Quæret aliquis: Si hæc vera sunt, sequitur nullo modo licitum esse pacisci pro hisce laboribus. Atqui videmus fieri quotidie, & sine reprehensione, ut Presbyteri, se obligent pro mercede ad celebrandum in Sacellis privatis, & ad vigiliis defunctorum, & ad administranda Sacramenta pro Curatis absentibus. Sane D. Thomas (g), quem sequitur Durandus, nullum pactum venditionis posse intervenire docet pro labore hoc, quin simoniacum sit. Labor enim non solet unquam vendi, sed id, quod labore quæritur: nempe opus. Quid conductoris operarum tuarum interest, multum vel parum labores, modo fiat, quod optat? Item labor in celebratione, vel administratione Sacramenti ab administratione & celebratione, non separatur: & celebratio Missæ, Missa est: sicut administratio Baptismi, Baptismus. Quod si pro Baptismo non potes pretium accipere, sequitur, quod neque pro labore. Verum Dom. Soto (h), cum quibusdam aliis, distinguit hoc loco: si tanquam laboris pretium intelligas, non licet pacisci pro labore: sed bene pro obligatione. Siquidem potest obligatio ipsa vendi per se, quæ privatio libertatis quædam est. Ipsa quoque Ministri sustentatio, si pretio æstimari potest, quid prohibet, quin in pactum duci queat? Confirmantur hæc per c. Significasti, de Præbend. Ad ampliorem quoque declarationem, considerandum, alios esse labores, qui celebrationem antecedunt: alios qui comitantur, nec separari possunt. Illi quidem locari possunt, non autem alii. Veluti, si longum iter sit, & difficile ad Ecclesiam. Sic cantorum musica & opera locari potest: quia non est essentialis Missæ. Sic sepultura, licet, quæ necessaria est, vendi non possit, at locus magnificentior, & pompa funebris ad sepulturam, possunt. Sequitur, Pastores Ecclesiarum jure exigere laborum suorum mercedem, nimirum, ut sustentationis suæ stipendium: non tamen ut pretium rerum spiritualium. Sic nos existimet homo (inquit Apostolus) sicut Ministros, &c. alioqui si talem habeant mentem, ut se spiritualia vendere censeant, Simoniaci erunt, & ad restitutionem tenebuntur. Canonici autem, qui

pro primo & principali fine officii sui pretium in mente habent, atque stipendium distributionum, Simoniam committunt. Verum si non pro fine principali, sed accessorio quodammodo, tanquam rei necessariae ad sustentationem ordinatæ, nihil peccant. Tener quoque Scorus, spem solam mercedis licite eos ad Ecclesiam aliquando adducere: quando scilicet ex officio non obligantur alias venire.

STATUTUM I.

Pœnæ Simonix est excommunicatio Papalis, privatio a Beneficio, suspensio ab Ordine, & obligatio ad restitutionem. (i) Nec solum ipsi contrahentes excommunicantur, sed etiam mediatores, qui consilium dant vel favorem.

DE DIFFERENTIA MINISTRO- rum Ecclesiæ.

Sicut in uno corpore [k] multa sunt membra, non omnia tamen eandem functionem habent: sic in Ecclesia Dei (quæ corpus Christi mysticum est) multi sunt gradus & diversa officia. Alii præsent, alii parent: & alii ministrant, aliis ministratur: & inter Ministros, quosdam quidem dedit (inquit (l) B. Paulus) Apostolos, quosdam autem Prophetas, alios vero Evangelistas: alios autem Pastores & Doctores, ad consumptionem Sanctorum, in opus ministerii in ædificationem Corporis Christi.

Ministrorum itaque Ecclesiæ differentiarum multæ sunt. Sunt enim quidam Ministri Sacramentorum, alii Ministri doctrinæ, alii Ministri iustitiæ, alii Ministri laudum Divinarum & orationis: alii ministrant mensis, alii ministrant infirmis & pauperibus, alii ministrantibus ipsis opitulantur, & subseruiunt. Omnibus his & universis unus præest velut caput, Summus Pontifex.

Ministri Sacramentorum Sacri Ordinis & Confirmationis soli sunt Episcopi, qui Apostolos repræsentant, & illorum loco successerunt: ideo illis solis reservatur potestas, confirmandi pueros, & instituendi Pastores & Ministros in Ordine Ecclesiastico: & præterea Sacramentalia quædam, ad hæc ordinata præparandi: qualis est confectio Chris-matis, dedicatio & consecratio Ecclesiæ, & Altaris: benedictio cæmeterii, calicis, & vestimenti,

(g) 2. 2. qu. 100. art. 3. ad 2.

(i) Per totam 1. causam Decr.

Tomus VIII. Concilior. German.

(h) Libr. 9. de Instit.

(k) 1. Cor. 12.

(l) Ephel. 4.

stium, seu paramentorum Sacerdotalium. Quanquam consuetudo habet, ut Abbates hoc postremum possint, & quidam Religiosi ex privilegio: excepto tamen corporali & calice, quorum benedictio Episcopis reservata est.

Sacerdotes (quos Presbyteros Græce, id est, Seniores appellamus) Ministri sunt Sacramenti Corporis & Sanguinis Domini: iidem etiam Ministri Sacramenti Pœnitentiæ, & extremæ Unctionis. Accipiunt enim potestatem a Deo in suo ordine, in Corpus Christi verum (ut loquuntur Theologi) & in Corpus Christi mysticum: id est, in Christi fideles. Sed potestas ista, quæ est in Corpus Christi mysticum (remittendi peccata) non potest redigi in actum, nisi edit materia subjecta, hoc est, nisi Sacerdos habeat personam sibi subditam ex officio: ut sunt omnes Pastores, & Presbyteri, curam animarum habentes ex officio, vel ex licentia Superioris. Quare nullius momenti absolutio erit, quam Sacerdos in eum profert, in quem ordinariam aut subdelegatam non habet jurisdictionem: nisi in mortis articulo.

Ideo proprium est Pastorum Ecclesiæ, ministrare Sacramentum Pœnitentiæ suis Parochianis, casibus reservatis exceptis: eorum est etiam Sacramentum extremæ Unctionis.

Matrimonii quoque Minister est solus Pastor, qui oves suas debet cognoscere. Nam Matrimonium jure niti debet naturali, Divino, Civili, & Canonico: contra quæ jura, si quid intervenerit, in culpa erit Pastor, qui volens, sciens, illud solennizaverit.

Sacramentum Baptismi, janua omnium Sacramentorum, quia omnino necessarium est ad salutem, ideo in promptu esse debuerunt tum materia, tum Minister. Quare quivis baptizare potest in nomine Patris, & Filii, & Spiritus Sancti. Sed quia in hoc agendo Ministrum se præstat Ecclesiæ ille quicumque sit: ideo præsentem Ministro ordinato in superiore gradu, inferior non debet usurpare sibi talem honorem.

Atque hæc quidem hæcenus de Ministris Sacramentorum. Sequuntur doctrinæ Evangelicæ, & Verbi Divini, atque alii Ecclesiæ Ministri.

Et Evangelistæ quidem sunt Prædicatores deputati ad annunciandum fidem & Christi doctrinam, tam apud fideles, quam apud infideles: qualis erat Philippus Diaconus, unus ex septem, Act. 21. Sed licet iidem Doctores re vera sint, & dicantur: tamen Apostolus ad Pastores videtur munus docendi retulisse, cum duo conjunxit supra, Pa-

storem & Doctorem. Quare proprie munus est Pastorum docere plebem, legendo & interpretando Sacras Literas, & partim timore pœnæ, partim spe præmii, eam continere in officio. Sic idem Apostolus in examine Episcopi doctorem esse jubet. Quanquam & Diaconorum quoque fuit hoc munus docendi plebem (uti diximus) & declarandi Evangelium: sed jussu tamen & auctoritate Pastoris: sicut septem illi Diaconi ab Apostolis acceperunt, Act. 6. Unde illud est, quod ante Offertorium Missæ, Diaconus petita licentia & benedictione a Presbytero, alta voce legit Evangelium, & Subdiaconus Epistolam, aut Prophetiam. Sed & in aliis horis Lectores in Prophetarum locum succedentes, & in minoribus Ordinibus constituti, populo prælegant aliquid vel ex Sacris Literis, vel ex gestis Martyrum ad instructionem auditorum: qui est ordo nunc unus ex quatuor minoribus: & in officio matutino ejus functionem etiam nunc videmus. Hunc ordinem habere debent, quos in majoribus Ecclesiis vocamus Scholasticos.

Propter energumenos & oppressos a maligno spiritu, constitutus est auctore Christo ordo Exorcistarum. Hi præscriptas habent preces, & conjurationes: quibus orantes & jejunantes, sic a dæmone vexatos & illusos in Christi nomine liberare possunt. Et horum munus erat olim, in Ecclesiâ baptizandos aliquanto tempore ante ingressum Ecclesiæ exorcizare: quod etiam nunc ante Baptismum fieri videmus a Presbytero. Ejus quoque munere fungitur is, qui in officio Ecclesiastico thuribulum & acerram fert, & Chorum atque Ecclesiam thurificat.

Custodes Templi, seu Aeditui, in ordine ponuntur Hostiariorum, accipientes in sua ordinatione claves Ecclesiæ: ut Ecclesiam claudant vel aperiant dignis: custodiant Ecclesiæ thesauros & Sanctuaria. Parant & ornant hi Ecclesiam juxta solemnitates dierum. Quin etiam populum ad Ecclesiam convocant campanarum signo. Dicuntur ergo hi Hostarii, & Aeditui, & Matricularii, & Sacristæ, & Custodes, & Thesaurarii, pro diversitate locorum.

Aliis Ministris Ecclesiæ ministrant specialiter Diaconi, Subdiaconi, & Acolythi. Subdiaconi quidem Diaconis subserviunt: maxime in Altaris ministerio, oblationes fidelium recipiendo, & tantum de oblaris, quantum populo communicaturo suffecerit, Diacono suggerendo. (m) Tenentur calicem & patenam, & urceolos, ad Missæ Sacrificium deferre, & Diacono tradere, & corporales lavare.

Aco-

(m) Hieron. ad Rusticum. Anacletus Epist. 1.

Acolythorum, id est, Sæctatorum, vel comitantium, officium est, in ministerio Ecclesiastico adesse, Episcopo fervientes, luminaria præferentes. Ea, quæ ad Missæ Sacrificium necessaria sunt, subministrare debent Diacono, vel Subdiacono: veluti urceolos vini & aquæ, mappas, pelves, & similia. Olim nuntii erant & tabellarii Prælatorum: ut patet ex D. Cypriano maxime. (n)

Varium ergo & difficile adeo cum sit munus Pastoris: nemo illud sibi usurpet, aut assumat, nisi vocatus, tanquam Aaron: qui oves sibi creditas pascere verbo possit, & opere; & tam sibi, quam suis cavere ab hæreticis & apostaticis hominibus, qui veniunt in pellicibus ovium, cum sint intrinsecus lupi rapaces.

Jurisdictio Ecclesiæ fundatur in verbo Christi, Matth. 18. Si peccaverit in te frater tuus, &c. Et Apostoli postea nos suo exemplo docuerunt, qui fuerunt hujus rei Ministri. Itaque Ministri justitiæ sunt Episcopi, & superiores Prælati, ut Archi-Episcopi, Primares, Summus Pontifex: quam exercent per Archi-Diaconos, Vicarios, Officiales, & similes alios ad hoc deputatos, vel delegatos.

Ministros laudum & orationis in Ecclesiis assidue psallentes, merito nunc Prophetas nuncupemus: qui die noctuque Psalmos Propheticos, & Dei gloriam in choris suis decantant, & preces pro populo faciunt, a mundanis occupationibus, curisque semoti: choros inquam Monachorum, & Virginum, & Collegiorum Canonicorum. Qui illis præfunt, sicut Samuel & Heliseus [tanquam Prophetarum choros ductantes] Diaconi, id est, Ministri, & Diaconissæ, Abbates & Priores, Decani & Præpositi appellantur. Licet enim Prophetæ donum ponatur in primis (o) in interpretandis Divinis mysteriis ad ædificationem, exhortationem, & consolationem populi: tamen Cantores Ecclesiæ dicuntur Prophetæ: ut 1. Paralip. 25. Segregavit David filios Asaph, qui prophetarent in citharis, & psalteriis, & cymbalis, in confessionibus & laudibus Divinis. Idem prope, c. 15. & D. Hieronymus, filios Prophetarum Monachos fuisse sentit Epist. 4. Et Paraphrastes Chaldeus prophetare, vertit Deum laudare. 1. Reg. 19. Et Prophetæ Baal prophetabant frustra Deum suum invocando. 3. Reg. 6. Sed ne nomen Prophetæ aliter accipiatur: nos prophetandi munus hoc psallentium dicemus in hoc opere.

Crescente numero Christianorum [p], nec sufficientibus Apostolis ad omnia mini-

steria: elegerunt septem viros, quos orando, & manus eis imponendo, ordinarunt Diaconos, ut ministrarent mensis: & hi non solum in mysteriis serviebant Presbytero, sed etiam curam gerebant pauperum in hospitalibus & privatis locis. Itaque Diaconi panem & vinum, quæ ad Missæ sacrificium populus offerebat, in altari [sicur dicimus] collocabant ante Presbyterum, & post consecrationem in Communionem distribuebant fidelibus, orante Presbytero, & intendente Verbo Dei. Nunc autem cum plures sint Presbyteri: quod fieri potest per Presbyteros, non oportet, ut ab aliis tractetur Sacrosanctum Christi Corpus, nisi necessitate urgente.

Ministerium colligendæ, atque distribuendæ elemosynæ in pauperes, non indignatur suscipere (q) Apostolus. Neque enim parvi momenti meritum est in cura pauperum & infirmorum. Itaque ad hoc munus ordinantur etiam Diaconi. Hi nunc sunt Magistri hospitalium: quorum est collectas, vel redditus fundatos, recipere, & ex illis pauperes sibi concreditos alere, vel infirmos & defunctos curare, juxta intentionem eorum, qui suas opes in hos usus erogant.

Diaconorum etiam munus est, bona Ecclesiæ dispensare in Ecclesiæ Ministros, & Christi pauperes alios, jussu Episcopi: (r) Episcopum prædicantem a malis hominibus custodire, testesque Episcopo esse conversationis ipsius. Est denique Archi-Diaconus velut oculus quidam Episcopi, omnia perhistrans, de omnibus commonefaciens Episcopum. Hujus vices committi solent Procuratoribus fiscalibus, Decanis ruralibus, seu Archi-Presbyteris. Sic videmus ordinem Diaconorum (id est, Ministrorum Ecclesiæ) latius patere, & ad multa officia extendi. Erant enim in primitiva Ecclesia multi Diaconi; pauci Presbyteri. Fere omnes Presbyteri erant Pastores: nunc contra videmus multos Presbyteros, paucos vere Ministros, & ex animo. Plura de officio singulorum ordinum in Decreto Gratiani, dist. 25. leges.

Reliquit Dominus tandem in hoc mundo Vicarium suum universalem Petrum, quasi Ducem atque Pastorem Supremum, & Caput totius Ecclesiæ militantis: cui, & Successoribus ejus, dedit claves regni Cælorum. Hic primo Sedem habuit Antiochiæ, deinde Romæ: ubi & passus est, sicut omnes tradunt historiæ Ecclesiasticæ, & libri Patrum. Negare enim Petrum fuisse Romæ, hæresis est perfecta: cum ex Roma primam suam

Z 3

Epi.

(n) Cypr. lib. 3. 11. & 24. epist. 3. & lib. 2. epist. 8.

(p) Act. 6.

(q) 1. Cor. 1. Gal. 2. Act. 9.

(o) 1. Cor. 4. 1. Tim. 4.

(r) Conc. Carthag. 4. (s)

Epistolam scripserit : quam vocat cap. ultimo, Babylonem, propter superstitionem & idololatriam urbis.

STATUTA SIMPLICIUM Presbyterorum.

Presbyterum simplicem vocamus (aliter Capellanum) eum, qui licet in Ordine Sacro Presbyteratus positus sit, nulli tamen addictus est Ecclesiæ Parochialis curæ : sed tantum inscriprus Sacello alicui, vel Cæmisterio, vel Capellaniæ, ad Missas in eo celebrandum, juxta beneficii fundationem. Ab hac veteri Patrum institutione nata est alia consuetudo & mos (præsertim in Dioiclesi Bisuntina) ut ordinentur etiam Presbyteri sub solo titulo patrimoniali. Solept enim sæpenumero parentes, pietatem ac religionem viri probi ac Deo devoti amplectentes, de reditu aliquo providere ei, quo vitam procul a sordido ac servili labore tolerare possint, unique contemplationi vacare, & Missarum Sacrificio. Sed scire debent, quod sine licentia ejus, qui Ecclesiæ præest, nemo potest in Ecclesia celebrare, nec aliud quicquam officii facere. Nam neque fundationes ipsæ Missarum sine assensu Rectoris Parochiæ fieri debent : ne Divinum confundatur officium, per Ministrorum, aut ministrorum inordinationem.

Horum itaque simplicium Presbyterorum quamvis non tanta exigatur doctrinæ sufficientia : morum tamen probitas & religio requiruntur. Nam licet docere verbo non teneantur : multum tamen nocere exemplo possunt, si vita officio, quod sanctum est, non respondeat. Et quia in subsidium sumuntur plerique Rectorum, ut in audientis confessionibus, & Sacramentis administrandis : idcirco prorsus idiotæ non admittantur : alioquin pro lumine, tenebræ erunt.

STATUTUM I.

Presbyter celebraturus Missam, provideat sibi prius de uno, vel duobus Ministris : de lumine & paramentis necessariis ac benedictis : & cum reverentia ad Altare accedat. (s)

II.

Nullus Presbyter præsumat celebrare super Altare non consecratum, aut in Ecclesia polluta, aut coram interdicta persona, aut excommunicata,

sub pœna suspensionis, quam tales incurrunt. Nec nisi in Ecclesia, non extra eam : nisi in casu necessitatis, licentia nostra super hoc habita, in loco decenti : & super altare lapideum consecratum, aut in quo sit tabula lapidea consecrata : non alias.

III.

Presbyter in celebrando Missam, totum officium in libro dicat : nihil sine libro : (t) quantumcunque sit peritus. Quia etiam in apertione & compilatione libri, sunt notata sua mysteria. (u) Nec ritus aut orationes de suo sensu faciat.

IV.

Quod si forte aliquis defectus in celebrando (quod cavendum est) acciderit, ut ei occurrere possit, habeat articulos, qui super hoc descripti sunt in magnis Missalibus nuper impressis.

V.

Simplex Presbyter nulli Euchariam administret, aut aliud Sacramentum, nisi prius, obtenta licentia. Excepto casu necessitatis.

VI.

Nullus Presbyter duas Missas celebrare præsumat eodem die, nisi necessitate compulsus, (x) & in die Nativitatis Domini; & tunc non debet in prima abluciones sumere : ut sit jejunus in alia.

VII.

Nullus Presbyter Missas celebrare præsumat tempore, quo Curatus, seu Prædicator Verbi Dei sermonem habet ad populum : ne per hoc impediatur, sed currat & clarificetur Verbum Dei.

VIII.

Presbyter volens celebrare, & super Altare plures habens hostias consecrandas, diligenter attendat, ut intentionem suam dirigat ab initio officii, & perseveret ad consecrandum omnes hostias præsentis (quotquot sunt) nec curam habeat de numero certo & speciali ipsarum.

IX.

(s) De Consec. dist. 1. hoc quoque.

(x) De celebr. Miss. c. Consulisti.

(t) Stat. verus.

(u) Rationale Divin. Offic.

IX.

Omnia verba Canonis cum magna reverentia & devotione dici debent : maxime vero infra actionem, cum intentione actuali, quantum fieri potest.

X.

Caveant ab avaritia, quæ est idolorum servitus: ab irreverentia, quæ ab impietate vix sejuncta est: & a superstitione, veræ pietatis falsa imitatrix. Quare pacta & mercedis conditiones pro Missis non fiant. Rejiciantur, qui non decenti cum habitu ad celebrandum accedunt. Ritus novòs, vel cæremonias, vel preces ne faciant. Missarum & candelarum certum numerum, tanquam a superstitione deductum, Synodus Tridentina damnavit.

XI.

Calix debet esse de auro, aut de argento, seu etiam urgente necessitate & paupertate, de stanno. Sed non debet esse de vitro, de lapide, de ligno, de aurichalco, de plumbo, de ære, de cupro, aut de ferro. (y)

XII.

Corporalia de lino, non de serico: quia Christus in sepulchro fuit involutus in syndone munda. Et semper debent alba, & munda teneri. (z)

XIII.

Celebrans post ablutiones ne tergat manus in mappis, vel lineaminibus Altaris: sed habeat manutergia munda ad hoc parata: & calicem cum patena post Missam involvat in panno mundo, quem calicem nullus Minister tangat, nisi sit in Sacris: nec vendat aut impignoret. (a)

XIV.

Ampullas quoque mundas habeat: quas ligneas aut cupreas, esse non licet.

XV.

Inhibemus omnibus & singulis Presbyteris, qui Dioicesi Bifunt. non sunt oriundi, nec in Dioicesi Beneficia

ti, ne Missas, aut alia Divina officia celebrent in dicta Dioicesi sine nostra, vel Vicarii nostri Generalis licentia (b): omnibus Curatis sub gravi poena inhibentes, ne tales Clericos transeuntes in suis Ecclesiis ad celebrandum admittant: nisi viros magnæ dignitatis esse cognoverint, & venerabiles personas.

XVI.

Idcirco præcipitur vobis Decanis, & Curatis, seu Vicariis vestris, ne ulum patiamini celebrare, vel in ordine aliquo ministrare (c) promorum extra Dioicem; quin prius habeat a Nobis permissionem, aut a Vicario nostro generali: etiam si literas nostras dimissionarias obtinuerit ad Ordines suscipiendos. Quoniam nostrum est examinare, num tales rite & Canonice promoti sint. (d)

XVII.

Curati, vel eorum Vicarii post hac, si in suis Ecclesiis aliquæ fundationes Capellaniarum, vel Collegiorum factæ fuerint, earum copiam authenticam ferant in proxima Synodo, & tradant Secretario nostro, ut repellantur in Archivis Palatii Archi-Episcopalis, ad perpetuam rei memoriam. Nec Secretarius, aut alius quisquam aliquid accipiat propter ea: quia sic fieri iussimus, & ita Nobis placet.

DE CAPELLANIS FAMILIARIBUS.

DUæ causæ sunt, propter quas Capellanorum familiaritates constituuntur in Ecclesiis Parochialibus. Una est charitas, & dilectio fraternitatis: quando communio bonorum, & æqua dispensatio ministeriorum efficit, ut omnium sit cor unum, & anima una. Altera causa, seu finis est, Cultus Divinus. Quod enim solus Rector, seu Curatus Ecclesiæ non potest, per adiutores suos familiares, subsidiaria tanquam opera exequitur, & adimplet. Atque hæc quidem sanctæ & iustæ causæ sunt: sed non raro aliter contingit. Nam communio discordias sæpe parit: ubi pecuniæ studium pietati dominatur, & avaritia. Et quando confamiliares Rectorem, Pastoremque suum con-

(y) Stat. vetus.

(z) Stat. vetus.

(a) 23. d. Sacrasas.

(b) Ex Concil. Chalced. c. 13.

(c) In c. 2. de Cler. excom.

(d) Stat. vetus.

contemnunt: omnia ministeria perturbantur.

STATUTUM I.

Vlsum itaque est in hac Sancta Synodo, admonere omnes hujusmodi Capellanos familiares, primum ut fines istos considerent cum timore damnationis æternæ, si contra deliquerint.

II.

Deinde mandatur (quia Curatus eorum Caput & Pastor est, totius Parochiæ Rector, ipsi vero in subsidium ejus assumpti, & bonorum Ecclesiæ ipsius participes effecti) ut ei honorem deferant & reverentiam in omnibus tanquam Patri. Nec verbo vel facto contumeliam ei inferant, sub pœna excommunicationis ipso facto.

III.

In obeundis quoque muneribus Ecclesiæ (ne in officio Pastoris impediat) ab obligationibus aliis familiaritatis excusetur: ut quando est Missa Parochialis, non cogatur ad celebrandum pro familiaritate. Et si in confessionibus, vel administrandis aliis Sacramentis occupatus fuerit, non teneatur assistere in Choro. Idque ejus conscientia remittatur: nisi (quod absit) tanta appareat negligentia, quæ ad Vicarium generalem deferenda veniat. Sic neque cruciferi, neque choralis pueri provincia graveretur: quæ sunt inferiorum Clericorum munera. Sic cultus Divinus rite peragetur, & fraternitatis charitas integra cum pace servabitur.

IV.

Damnavit Sancta Synodus, sicut & Nos damnamus, conditiones illas illicitas, quæ in promissionibus & admissionibus ad habitum Ecclesiæ, vel distributiones quotidianas, apponi solent, deducendi aliquid ex fructibus, vel solvendi, vel compensandi: easque revocandas, & abolendas censemus.

V.

Comestiones quoque & convivia, ad quæ recens admissus Presbyter

compelli solebat, cum ad pietatem nihil hæc faciant, nec ad utilitatem Ecclesiæ, sed potius ad manifestandum vulgo immodestiam Sacerdotum & luxum, prohibemus.

VI.

Ac multo minus ferendæ illæ leges sunt, quibus familiares quidam Presbyteri compellebantur, prandia vel cœnas sumptuosas dare aliis familiaribus per ordinem diebus festis quibusdam, ut Paschatis, Natalis Domini, & similibus. Quasi festa Ecclesiasticis viris in tabernis, comestationibus, & ebrietatibus (quæ damnat Apostolus) non in orationibus & elemosynis & piis operibus magis peragenda sint.

STATUTA PASTORUM, seu Curatorum & Rectorum Ecclesiarum Parochialium.

UT ea omnia præstare queant Pastores, quæ in examine approbationis exiguntur, quoniam nunc Ecclesiarum Rectores (præsertim ruralium) omnia gerere debent officia, non solum Presbyterorum, sed etiam Diaconorum, & Subdiaconorum, & Aëdituorum: quia his creditum est non solum ministerium Sacramentorum & Benedictionis, sed etiam prædicationis Verbi Dei, & laudum Divinarum, & curæ pauperum atque hospitalitatis, imo & custodiendæ Ecclesiæ: idcirco plura eis imponuntur, quam quæ olim erant muneris solius Presbyteri.

STATUTUM I.

Statuimus & ordinavimus (ne per ignorantiam in Divinis officiis peccetur) ut omnes & singuli Curati, seu Vicarii curam populi gerentes, habeant Missale & librum Manualem (quem Theutonice vocant, handas, a manibus) & Breviarium, secundum usum Dioecesis Bifuntinæ, & librum Statutorum Synodaliū: sub pœna suspensionis, & alia arbitraria. (e)

II.

Et ut rite Dei Verbum dispensare possint: doctrinamque populo salutarem

rem depromere : Statuimus & ordinamus, ut volumen Bibliorum Sacrorum, vel partem ejus habeant ; cum libris aliis Catholicis : illud Prophetæ semper in animo versantes : Si non fueris loquutus, ut impius se custodiat a via sua ; ipse in impietate sua morietur : sanguinem autem ejus de manu tua requiram. Ezech. 3.

III.

Curati, qui Ecclesiarum Rectores esse voluerunt, & procuraverunt, ad personalem residentiam tenentur sub pœna privationis fructuum & beneficiorum.

IV.

Curati non assumant Sacerdotem in Vicarium suæ Ecclesiæ, vel ad administrandum aliqua Sacramenta, nisi antea per Nos, vel de mandato nostro, vel Vicarii nostri Generalis talis Sacerdos fuerit examinatus, & pro idoneo ad hoc specialiter approbatus : quamvis fuerit hujus Dioecesis, & a Nobis ad Sacros Ordines promotus. Quoniam plura exiguntur ab eo, qui curam animarum suscepturus est, quam a simplici Presbytero.

Multo experimento edocti, quantum detrimenti afferat non solum Ecclesiasticæ politię, sed etiam sæculari, (f) quod peregrini & ignoti quidam, nullis suffulti præfidiis virtutis vel fortunæ, Vicarii (vel ut melius dicam) conductores Ecclesiarum Parochialium, quibus Rectores ipsi & Curati, conscientię suæ & officii immemores, solius lucri, quæstusque causâ, oves sibi creditas, & pro quibus rationem in judicio Dei reddaturi sunt, crudeliter & citra omnem sollicitudinem Pastoralem, quasi rem plane quæstuosam committunt & commendant : quibus [utpote mercenariis] nulla cura est de ovibus, modo lac & lanam habeant, & quod pingue est, occidant : quoties vel abliguritis, & consumptis omnibus facultatibus, vel aliis causis moti & compulsi, solum vertere coguntur, & susceptam Ecclesiæ gubernationem relinquere, insalutato (ut dicitur) hospite recedentes : omnia confusa, perturbataque dimittunt : præcipue vero registra & libros dierum, in quibus baptizatorum nomina & susceptorum describi, ad perpetuam

rei memoriam debent : & præterea excommunicatorum, qui ob aliquam causam a communione fidelium separati sunt, abjiciunt, veluti res nullius momenti, vel secum asportant, cum majori aliquando malitia.

V.

Statuimus & ordinamus, & districte prohibemus ; ne Curati posthac suas Ecclesias, extraneis aut ignotishominibus committant, sed ita notos Vicarios sibi assumant : ut pro illis respondere, & damna, quæ Ecclesiæ attulerint, præstare possint. Alioqui Curati ipsi rationem reddere tenebuntur totius damni dati.

VI.

Idcirco etiam præcipimus & mandamus sub pœna suspensionis ad tempus (a dicto Vicario Generali, vel Officiali moderandum) ut singuli Curati, vel Vicarii, duos habeant codices paratos, & in archa honeste, secureque repositos : in quorum altero (juxta Constitutiones Synodales) nomina baptizatorum & susceptorum, ipsi Curati vel Vicarii scribant, sua manu, vel signent ab aliis descripta : cum die, mense, & anno, quibus baptizati fuerint. In altero vero excommunicatorum nomina, eodem modo tempore notato, & nominibus eorum, quorum instantia excommunicati sunt, & causâ instantiæ.

VII.

In adipiscenda possessione beneficii curati, quoties novus quis Rector institutus fuerit, Presbyter, vel Notarius ponet in instrumento, quod dicta registra receperit novus Curatus, vel quod per eum non steterit : ut in casu, quo Curatus obtinere dicta registra non possit, per Nos tunc provideatur super regimine ipsorum. Cujus instrumenti forma sequitur.

*Forma Instrumenti tradendæ
possessionis.*

R Everendissimo in Christo Patri, Domino Archi-Episcopo Bisunt., vel ejus
in

(f) Vide Conc. Lateran. part. 2. c. 2. & Damasi Epist. 4.

Tomus VIII. Concilior. German.

in Spiritualibus & temporalibus Vicario, salutem & révérentiam. Notum sit vobis, quod ego Stephanus de Lieberfat, humilis Presbyter Dioecesis Bisunt., requisitus & rogatus a discreto viro, Domino Guillelmo Champion, Presbytero curato Ecclesiæ Parochialis de Cramens dictæ Dioecesis, in virtute literarum suarum institutionis, vestra auctoritate in forma solita expeditarum, eum posui in realem, actualem, & corporalem possessionem dictæ Ecclesiæ de Cramens, in Decanatu de Salinis: idque per ingressum Ecclesiæ, tactum Altaris, calicis, & libri, & pulsationem campanæ. Præterea juxta formam Statuti Synodalis, jussi Domino N. Vicario defuncti Curati, ut traderet dicto Domino Guillelmo novo Curato, registra baptizatorum & excommunicatorum. Quod fecit. Acta fuerunt hæc die 18. Septemb. 1572. præsentibus N. N. testibus vocatis & rogatis, & aliis pluribus. In cujus rei testimonium ego supradictus instrumentum hoc meo signo manuali signavi eodem die & anno.

Steph. de Lieberfat, Presbyter.

Si per Procuratorem sumatur possessio, dicitur: Rogatus & requisitus a N. Procuratore discreti viri Domini N. Curati, &c. Si Vicarius noluerit tradere registra, dicitur: Quod se facere non posse respondit propter aliquam causam, vel noluit. Si Vicarius affuerit, dicitur: Et dixi N. assistenti, ut vestra auctoritate juberet Vicario defuncti, &c. Si per Notarium publicum fiat instrumentum: Notarius sequetur formam suæ artis.

VIII.

Curati non admodum, seu dent ad firmam fructus beneficiorum suorum laicis, sub pœnis juris. Locationes factæ a defunctis in præjudicium Successorum nullæ sunt.

IX.

Curati tenentur in singulis diebus Dominicis, majoribus Festivitatibus, & aliis Festivis diebus (secundum usum nostræ Dioecesis) nec non diebus Anniversariorum fundatorum, congruis horis, Missam in sua Ecclesia celebrare, & pro illa pulsare (si ab antiquo onus habeant pulsandi) aut per matricularios pulsari faciendi, per competens intervallum: ut Parochiani possint se commode disponere & præparare ad veniendum ad Ecclesiam. Idem intelligimus de Vigiliis, seu Vesperis

pro defunctis fundatis. Quibus districte præcipimus, ut ita faciant: nisi locus, aut eorum Ecclesia interdicto Ecclesiastico subiaceat.

X.

Quando Curatis, seu eorum Vicariis, præcipitur, ut cessent a Divinis: sic intelligendum est, ut clausis januis Ecclesiæ suæ, Missam, aut Vesperas, submissa voce (quasi legendo) dicant: nullis campanis pulsatis, sed excommunicatis & interdictis exclusis: nec sint in januis Ecclesiarum suarum, aut in parietibus fenestræ, per quas existentes foris audire possint, & videre Divina, & Officia, & Sacramenta.

Cætera, quæ Curati scire tenentur ad exequenda mandata Curæ Bisuntinæ, inferius scripta sunt, in titulo de Exequutione mandatorum, & sequentibus.

XI.

Curati se conformantes in omnibus Ecclesiæ nostræ Bisuntin. (quæ est omnium Ecclesiarum Civitatis & Dioecesis Matrix) de nullo alio Sancto celebrent, quam de nominatis in Calendario Bisunt. & qui sunt de Ordinario: nisi tales Sancti sint Patroni Ecclesiarum suarum, aut eorum officia ex speciali devotione fundata sint in Ecclesiis ipsorum per aliquos fideles Catholicos: & in hoc casu nostra licentia speciali requisita & concessa.

XII.

Curati præcipiant, moneant, & hortentur Parochianos suos, ut singulis diebus Dominicis, & festivitibus præcipuis conveniant in Ecclesiam suam Parochialem: vir & uxor (aut saltem unus eorum) asperisionem aquæ benedictæ recipiant, & panem benedictum: liberos suos secum ducant (si commode fieri potest) ut frequenter erudiantur in fide Catholica, & doctrina Sanctæ Matris Ecclesiæ, audiendo verba sacræ prædicationis & mandata sui Pastoris. Nec recedant ab Ecclesia, ante finem Missæ, saltem ante peractam communionem.

XIII.

XIII.

Singulis annis in Sabbato Sancto Paschæ, & in Sabbato ante Pentecosten, solenniter benedicant fontes suos baptismales (g), secundum ritum & traditionem Sacrosanctæ Romanæ & universalis Ecclesiæ, & renouent aquam dictorum fontium, in piscinam projiciendo veterem aquam. Similiter Chrisma, & Oleum Sanctum præcedentis anni comburant super piscinam: & Oleo atque Chrismate benedicto in die Cœnæ Domini, pro illo anno utantur, & non alio.

XIV.

Curati singulis diebus Dominicis (b) denuntient Parochianis suis in Mis-
sa Festa Sanctorum, quæ erunt in proxima hebdomada sequenti: præcipiendo eis, ut devore illa colant, abstinendo ab omni opere servili. Similiter denuntient jejunia Quatuor temporum, & Vigiliarum Apostolorum, & aliorum, quæ cadunt sub præcepto Ecclesiæ.

XV.

Faciant singulis diebus Dominicis aquam benedictam, cujus virtutes magnas esse scimus: & processionaliter populum circum Ecclesiam ducant cum supplicationibus & anticis. (i)

XVI.

Singulis diebus Dominicis postquam præcepta sua denuntiaverint, dicant Orationem Dominicam: videlicet Pater noster: Salutationem Angelicam, Ave Maria: & Symbolum Apostolorum, Credo in Deum Patrem, &c. Credo in Spiritum Sanctum, &c. alta & intelligibili voce tractim, cum pausa, & per clausulas & articulos non inculcando, vel decurrando verba: ut juvenes & senes discant, quomodo perfecte & plene debeant pronunciare & recitare: & in fine doceant eos facere signum Sanctæ Crucis, dicendo: In nomine Patris, & Filii, & Spiritus Sancti, Amen.

Atque hæc quidem sufficiant hactenus ad instructionem Curatorum, quantum ad

ea, quæ agere debent in Ecclesiis suis, & intra claustra sacra domus, vel in administratione Sacramentorum: De exequendis mandatis Curia, infra dicemus. Cæterum de Prædicatorum officio, & de Prono, quia utrumque a Curatis præstari, quoties fieri potest, oportet: his aliquid de forma habenda in Prono adjiciemus. Sed si quis scire cupit, quam sint Deo ingrati mali Pastores, legat c. 34. Ezechiel. 56. Esa. 1. Petr. 5. 2. Timot. 4.

Jam formam accipe Proni habendi.

DE PRONO.

Vocabulum istud Proni vel Gorthicum est, vel certe corruptum pro throno: nam aliæ nationes thronum vocant, & cathedram, & pulpitum. Videri posset compositum pronæon, & per contractionem pronon, id est, ante templare: sed longe peteretur etymologia. Habendi vero proni singulis diebus Dominicis post Offertorium, formam hanc, quæ sequitur, poterunt servare simplices Curati & Vicarii.

Prima Pars Proni.

Principio signando se Crucis signo: In nomine Patris, & Filii, & Spiritus Sancti, Amen, dicent:

Les priez & oraisons accoustumees de faire en nostre Mere Sainte Eglise, je les vous recommande. Et premierement nous rendrons graces à Dieu chacun en particulier de tant de biens, que nous recevons tous les jours de luy jusques à ceste heure sans l'avoir merité, ains plustost l'offensé en plusieurs manieres. Et en general nous luy rendrons graces de ce, qu'il nous a donné la cognoissance de son benoist Fils JEsus Christ: par lequel avons la remission de nos pechez, l'espoir de la vie eternelle, estans faits enfans de Dieu & freres de JEsus Christ par grace, & beritiers de son Royaume des cieux. Puis apres nous prions pour l'estat, & union de la foy Chrestienne, & de l'Eglise Catholique, que Dieu par sa grace la vuille maintenir: & ramener à la congnoissance de la verité, ceux qui sont en erreur, seduits par faulces opinions & detenus en tenebres par leurs pechez, ou par le mauvais conseil & suggestion des ministres du diable, ennemy du salut des hommes.

Nous

(g) Statut. vetus.

(b) Statut. vetus.

(i) Epiph. lib. 1. contra hæret.

Alexan. 1. Enfeb. li. 5. cap. 1. histor.

Clemen. li. 8. confit.

Tomus VIII. Concilior. German.

Nous priérons Dieu pour la paix: qu'il luy plaie par sa miséricorde la nous envoyer du ciel en terre, telle qu'il scait nous estre nécessaire.

Nous priérons Dieu pour la bonne disposition du temps, pour les fruits de la terre y estans, & que lon y mettra: qu'il luy plaie par sa grande liberalité & bonté les garder & multiplier, pour la nourriture & sustentation de son pauvre peuple.

Nous ferons aussi prieres & oraison à Dieu pour tous Superieurs, Seigneurs, Prelats, & Princes, & pour tous ceux, qui sont constitués en dignité tant corporelle que spirituelle: Sçavoir est pour nostre Saint Pere le Pape, pour tous Archevesques, Evesques, Curés & Pasteurs ayans charge d'ames. Pource que d'autant qu'ils ont plus grandes charges, d'autant ils ont plus besoing de la grace & assistance du Saint Esprit, & de vos bonnes oraisons & prieres.

Et pource nous priérons Dieu pour Monsieur de Besançon nostre Pere en Dieu & Prelat: que Dieu par sa sainte grace le vueille garder & conduire en ses bonnes intentions: à celle fin qu'il nous puisse bien regir & gouverner en l'obéissance de l'Eglise, & à la foy Catholique à la louange de Dieu & salut de son ame.

De mesmes priérons Dieu pour l'estat temporel, assavoir pour nostre souverain Prince N. pour toute sa Maison & Conseil, & pour tous autres Princes & Seigneurs temporels: spécialement pour Monsieur de ce lieu: que Dieu par sa grace leur doient si bien regir, gouverner & garder leurs sujets de tort & d'oppressions, en administrant bonne justice, qu'ils puissent vivre en paix & tranquillité, & eux acquérir le vray royaume de Paradis.

Paveillement nous priérons Dieu pour ceux & celles, qui sont detenus en maladie. En especial je vous recommande N. nostre Paroissien qui est en extremité: que Dieu luy doient patience & confort au merite de nostre Seigneur JEsus Christ. Aussi pour toutes femmes grosses d'enfant, que nostre Seigneur les vueille delivrer à joye: & leur fruct condescendre aux saints fons de Baptême.

Aussi devons nous faire prieres & oraisons pour tous nos bienfaiteurs de quelque estat qu'ils soient, nobles, laboureurs, marchands, gens de mestier: & en especial pour celui ou celle, qui a fait & offert le pain be-

nist & charité en l'Eglise de ceans, que son oblation soit agreable devant Dieu & meritoire pour son salut: & que l'oraison qu'il fera soit exaucée.

Nous priérons pour tous pelerins, qui par dévotion ont entrepris le saint voyage, que Dieu les conduise en bonne santé: & vueille accepter leur dévotion en satisfaction & accomplissement de leur veu au salut de leurs ames, & accomplissement de leurs saints desirs.

Finablement nous priérons Dieu pour tous nos bons parens & amis trespassés: & généralement pour tous ceux & celles, qui sont enterrez en ceste paroisse, si estans en ce mortel monde ils firent choses pourquoy leurs ames soient detenues es peines de purgatoire: que par le merite de la Passion de son benoist Fils, par les prieres & intercessions de nostre Mere Sainte Eglise, puissent estre abregées leur peines, & eux colloquer au royaume de Paradis.

Secunda Pars Proni.

ET avant que commencer nos prieres, ny proceder au Saint Sacrifice de la Messe, je vous denonce pour excommunier, tous charmeurs, charmeuses, devineurs, devineuses, sorciers & sorcieres, & ceux qui croient en eux: tous usuriers & reneviens manifestes: tous ceux qui traittent mariages clandestins: tous ceux qui mettent les mains sur clercs ou prestres, si ce n'est en leur corps descendant: tous ceux qui mettent empeschement à la Jurisdiction Ecclesiastique de Monsieur de Besançon, & tous ceux qui malicieusement retiennent les biens & droictures de l'Eglise. Telles manieres de gens sont excommuniez & maudits s'ils ne viennent à amendement. Et de l'autorité de Monsieur l'Official de Besançon, je vous denonce pour excommunié N. (Hic publicantur, qui specialiter excommunicati sunt.) Et pour ce s'il y a en ceste Eglise aucun, ou aucunes, qui soient en sentence d'excommunication, je leur commande, qu'ils aillent dehors, jusques à ce, que le service Divin soit fait: car s'ils y demeuroient, ce seroit à leur damnement: & quand je le scaurois, je ne procederois plus avant au Divin service. J'admoneste tous ceux, qui sont en excommunication, que s'ils ne procurent le benefice de leur absolution, ils seront enterrez aux champs (venans à mourir) comme des bestes, & non pas en l'Eglise, ny au cimetiere avec les bons Chrestiens.

Tertia

Tertia Pars Proni.

NOus avons Lundy prochain la Feste de N. Elle est de commandement : & pource je vous commande la solemniser, & cesser de tous labeurs & œuvres serviles pour l'obéissance que devez à Dieu & à son Eglise. Jeudy aussi l'Eglise celebrera la feste de N. mais elle n'est point de commandement : ceux qui y auront devotion, la pourront faire. Combien que tous jours nous doivent estre sanctifiez, pour nous garder de peché, & travailler de nous mettre en estat de grace. Le Lundy (qui sera de demain en huit jours) nous aurons la feste de N. laquelle porte vigille & jeûne de commandement. Pour ce je vous commande, mesmes à tous ceux qui sont en aage & estat de jeuner, que Samedi prochain vous ayez à jeuner.

Ad la Messe du jourd'hui l'Eglise nous recite en l'Evangile que nostre Sauveur Jhesus Christ, &c. Dont nous en pouvons prendre instruction & doctrine salutaire pour nos consciences : Que si nous voulous estre ses disciples & bons Chrestiens nous devons, &c.

Et applicabit Curatus huic argumento aliquem locum communem ex his, qui descripti sunt in hoc volumine: veluti de fide, vel de spe, vel de charitate, vel de operibus misericordiae, vel de peccatis, vel de præceptis Decalogi : cum exhortatione brevi ad pietatem. Simpliciter tamen non sine magno apparatu, pro populi captu. Nam quemadmodum cibo valde delicato non reficiuntur rustici: sic rustico offendi solent delicati.

Quarta Pars Proni.

HOc factò populus flexis genibus cum Curato orabit: veluti cum Psalmo: Ad te levavi oculos meos, &c. vel alio (ut videbitur Curato) cum Gloria Patri, Kyrie eleison, Christe eleison, Pater noster: Et ne nos, &c. Salvos fac servos tuos & ancillas tuas Domine. Resp. Deus meus sperantes in te. Vers. Esto nobis Domine turris fortitudinis. Resp. A facie inimici. Vers. Fiat pax in virtute tua. Resp. Et abundantia in turribus tuis. Vers. Domine exaudi orationem meam. Respon. Et clamor meus ad te veniat. Dominus vobiscum, &c. Ecclesiae tuae quæsumus

Domine, &c. Pro fidelibus defunctis. Requiem æternam dona eis Domine. Resp. Et lux perpetua luceat eis. De profundis clamavi, &c. Oremus: Deus veniæ largitor, &c. Fidelium, &c.

Eriget se Curatus postea, & dicet:

Pour satisfaire à mon devoir & au commandement de nostre Reverend Prelat, vous direz avec moy Pater noster, &c. Ave Maria, &c. Credo in Deum, &c. Les dix commandemens de Dieu, &c. Benedicite, &c. Omnia ad longum distincte & articulate.

Quinta Pars Proni.

Leste vous notifier & faire savoir, que mariage est promis & accordé si plait à Dieu, & nostre Mere Sainte Eglise, entre N. & N. S'il y a aucun, ou aucunes, qui sachent aucun empeschement pourquoy le mariage ne se puisse faire entr'eux, je luy fais commandement souz peine d'excommunication qu'il le die: & c'est pour le premier ban, ou pour le second, ou tiers, ou quart. Sed quantum bannum fieri solet pro foribus Ecclesiæ hoc modo:

En l'Eglise de ceans a esté publié le mariage & faict les premier, second, & tiers bans entre N. d'une part, & N. d'autre: s'il y a personne, qui sache pourquoy le mariage ne se doive faire ou accomplir, vienne en avant. Car s'il venoit apres, il ne seroit pas creu: mais en demeureroit pour excommunié.

Bannis publicatis, & mandatis Prælati ad eum missis (si qua acceperit) Curatus faciet, ut populus dicat Confessionem generalem, ipso Curato alta & intelligibili voce præeunte, sicut fecit in Oratione Dominica, & aliis. Qua confessione facta, absolvet generaliter, & benedicet: injuncta aliqua oratione brevi.

XVII.

Experti alias in quibusdam locis a frequentioribus civitatibus, & populis remotioribus hujus Bisuntinæ Dioecesis, tantam esse doctrinæ Christianæ ignorantiam, ut non solum pueri, sed etiam adulti quidam prima rudimenta fidei Catholicæ penitus ignorarent, aut perperam tenerent, quod a suis Pastoribus raro docerentur: idcirco ut insti-

tutionis Christianæ prima elementa juvenus nostræ Dioecesis quam primum acciperet, & ediceret, Statuto Synodali, post longam & maturam deliberationem, præcepimus & ordinavimus, & sub gravissimis pœnis arbitrio nostro adversus inobedientes declarandis, quatenus in singulis Parochiis ruralibus (in quibus pædagogia, seu ludi literarii non aperirentur) Curatus, seu Vicarius, singulis hebdomadis, diem unum, non festum, seu feriatum eligeret, in quo hora meridiana dato signo campanæ, convocaret pueros omnes utriusque sexus, suæ Parochiæ, ætatis septem annorum, & infra: quos ipse dictus Curatus, aut Pastor expectaret sedens in prono seu in pulpito solito, suæ Ecclesiæ, apertis & patentibus omnino foribus, seu janua ipsius Ecclesiæ. Quibus pueris sic vocatis, & sedentibus in Ecclesia, per ordinem, facto primum signo Crucis, in nomine Patris, & Filii, & Spiritus Sancti, Amen, inciperet alta, distincta; & intelligibili voce recitare semel, atque iterum, vel pluries Orationem Dominicam: Pater noster, qui es cœlis, &c. cum Salutatione Angelica. Deinde Symbolum Apostolorum: Credo in Deum, &c. Et postea Confessionem generalem: Confiteor Deo, &c. Latine, vel Gallice. Denique lingua vernacula, seu Gallica recitaret decem Præcepta Decalogi: *Un seul Dieu, tu adoreras, &c.* Quo facto ex eodem loco juberet unum ex pueris (quem magis idoneum existimaret) surgere, & eodem modo recitare, quæ audivisset. Et si fieri posset, unum alium, aut duos interrogaret: ad hoc ut cæteri domi suæ, vel alibi, diligentiam & studium adhiberent ad illa ediscenda: ut si quando in Ecclesia interrogarentur, idem postea recitare possent. Hanc puerilis Catechismi formam nunc quando Patribus in Concilio placuit, quæ neque gravis profecto Curatis videri debet, (iis saltem, qui vere curam gerunt suorum populorum) denuo præcipiendam ducimus, & statuendam: sicut in hac Synodo statuimus & ordinamus. Cavebit autem diligenter idem Pastor, ne severitate, minis, vel difficultate doctrinæ, pueros deterreat ab ea Schola: sed cum mansuetudine,

& honesta gravitate, curabit ea doctrinæ Christianæ Rudimenta, in animos suorum adolescentium paulatim & simpliciter instillare: habita ratione capacitatis, & ingenii ipsorum. Quo facto dimitter eos cum benedictione solita. Prohibebit autem, sicut Nos per præfatis mandatum sub pœna excommunicationis prohibemus, toto illo tempore, quo Catechismus iste, seu institutio fiet, ne adultus aliquis, & major octo vel novem annis, Ecclesiam ingrediatur: ut puerilis institutio pueriliter & libere tradi possit: ne per grandiorum superbiam & insolentiam Curatus perturbetur, aut altiora tractare cogatur. Præterea ut omnes Patres familias certiores fiant hujus ordinationis & Statuti nostri, & habendæ disciplinæ in posterum, singulis diebus Dominicis Curatus ipse, seu Vicarius, declarabit in prono, diem non feriatum ejus hebdomadæ, in qua mittere debebunt suos liberos ad institutionem supradictam.

XVIII.

In locis vero & Parochiis habentibus Magistrum & Ludum literarium, præcipimus & ordinamus omnibus Curatis & Rectoribus Ecclesiarum dictæ Dioecesis Bisunt., ut moneant Patres familias, quatenus liberos suos ad Seminaria seu Pædagogia mittant, ut discere possint, & doceri eadem rudimenta fidei Christianæ. Alioquin in negligentes juxta culpæ gravitatem per censuras Ecclesiasticas animadvertetur.

DE PRÆDICATORIBUS.

STATUTUM I.

PRæterea ne pravis doctrinis hominum mente corruptorum simplices inficiantur, ordinamus, & districte præcipimus vobis Curatis & Rectoribus Ecclesiarum nostræ Dioecesis, aut Vicariis vestris; ne ullos Prædicatores aut Concionatores admittatis in vestris Ecclesiis ad prædicandum, nisi literas nostras, vel Vicarii nostri Generalis, in forma authentica habuerint: nec in hoc negotio cujusquam persuasionibus vel diplo-

diplomatibus (quæ nisi tacita veritate ab indignis extorqueri verisimile non fit) pareatis.

II.

Diligenter præterea observabitis datam ipsarum literarum, an ne sint pro anno, in quo ad Ecclesias vestras acceperint: & ne sit aliqua in ipsis rasura vel falsi suspicio.

III.

Si quos autem prævaricantesprehenderitis, illos cum suis literis & bonis capiat, arcesteris, & ad Nos adducatis fideliter & secure.

Ut autem Prædicatores Verbi Dei, & Evangelistæ, ac etiam Pastores, certam habeant rationem & methodum, quam sequi possint præter ea, quæ jam in Prono diximus: pauca hic subijcimus loca & capita, ad quæ in suis concionibus respiciant.

SEQUUNTUR CAPITA
quædam argumentorum, & materialium, quæ Concionatoribus Verbi Divini commendamus, tanquam metas & fines certos, atque scopos, ad quos in suis concionibus dirigant doctrinam suam, & exhortationes, oblata occasione.

PRIMUM CAPUT.

UT populus obedientiam & reverentiam præstet Principibus, & Magistratui, & Prælati Ecclesiæ. Ipsi enim (inquit Apostolus Hebr. 13.) per-vigilant, quasi rationem reddituri pro animabus vestris. Et docebunt omnem potestatem, tam sæcularem, quam Ecclesiasticam esse a Deo.

Ad quod probandum facere poterunt hæc loca, Rom. 13. Omnis anima potestati-bus sublimioribus subdita sit, &c. 1. Petri 2. Subjēcti estote omni humanæ creaturæ, &c. De spirituali vero potestate, illud est, quod Paulus scribit ad Corinthios: Vultis in virga veniam ad vos, an in spiritu mansuetudinis? & quod adulteros, blasphemos, & similes tradidit Satanæ: & quod Christus

Jesus, cum Phariseorum & Scribarum facta reprehendisset, tamen quia super cathedram Moysi sederunt, obediendum ille esse censuit.

SECUNDUM CAPUT.

NE laici Sacerdotum & Ecclesiasticorum facta temere judicent, & reprehendant: sed si quid eos pati humanum viderint, omne id in partem meliorem (quantum in ipsis est) interpretentur: considerantes, quod solus Christus Jesus fuit sine peccato, Sacerdos, & Pontifex: nos autem servos esse Christi, cui cadimus, vel stamus. Tu (k) vero quis es, qui judicas alienum servum? Unus est Legislator (l) & Judex, qui potest perdere & liberare.

TERTIUM ET PRÆCIPUUM.

NE doctrinis variis & peregrinis abducti, fidem Ecclesiæ deserant: considerantes, quod populus Israel propter infidelitatem periiit totus in deserto, ut scribit Apostolus ad Hebræos. Quod extremum malorum omnium est, fidem amittere. Quia peccator, cum in profundum venerit, contemnit. Et quod sine fide (m), impossibile est placere Deo.

QUARTUM CAPUT.

ET quia infidelium triplex genus esse solet: Unum eorum, qui omnia negant, ex Philosophia sæculari superbientes, & plus sapientes, quam oportet sapere, cum fides ex auditu sit, auditus autem per verbum Christi: Alterum eorum, qui tanquam Milites incerti & erronei, nullius militiæ se Sacramento addicunt, sed de omnibus perinde existimant, Epicuri de grege porci: Tertium eorum, qui pertinaciter errorem tuentur aliquem, sub specie Religionis, & zelo aliquando fidei: Idcirco Prædicatores triplici ratione fidem conservare in populo conabuntur: subinde inculcantes, quod propter peccata enormia, & malam conscientiam, homines solent in errorem incidere, & circa fidem naufragium facere, ex primæ Apostoli ad Timot. 1. capit.

Prima

(k) Rom. 14.

(l) Jacob. 4.

(m) Hebr. 11.

Prima ratio erit, ut exhortentur populum, ut diebus Dominicis & Festivis in Ecclesiam conveniant, ad Divina & concionem audiendam, vel primum: quam memoriæ mandent, ne frustra & sine fructu semen Dei jaciatur. Ecclesiæ præcepta de Festis, jejuniiis, confessione, Sacramentis, & similibus, pie observent. A libris abstineant suspectis.

Deinde altera erit, ut hortentur Patres & Matres familias, ut liberos & familiam domi erudiant ad pietatem, per hæc præcepta, scilicet:

1. Deum timeant & ament: & ad eum omnia sua consilia referant.
2. Deo singulis diebus salutem suam commendent, per orationes mane & vespere.
3. Injuriam nemini inferant: quia vindex est Deus.
4. Ab omni juramento abstineant, & a mendacio.

Tertia ratione fidem stabilire & conservare licebit, ut moneant servare præcepta Christi: & præterea etiam præcepta Apostolorum, & seniorum Doctorum Ecclesiæ, sicut ab Apostolis decretum fuit, Actor. 15. Neque deficere a veteri consuetudine: signaque quædam observent, quibus hæretici & novatores doctrinarum discerniprehendique possint a quocunque, veluti:

1. Si Sanctorum Patrum antiquorum auctoritatem contemnant.
2. Si in docendo modestiam non servant, & cum contumeliis de simplicitate veterum Doctorum loquantur.
3. Si a simplicitate veteris fidei & receptæ, dissonantia probare nitantur.
4. Si in loquendo phrasas hæreticorum imitentur, veluti: *Le Seigneur Dieu: Christ: Paul: Pierre: La parole: Les Ministres de la parole:* & similes, quas hæretici hujus tempestatis tenent. Quia ex hoc apparet illos versatos esse potius inter hæreticos, quam inter Catholicos Christianos.

Et hæc hæcenus.

STATUTUM IV.

Ipsi vero Predicatores juxta Statuta Synodalia, neque apocrypha, neque obscura nimis, aut difficilia, & alta mysteria, simplici populo enarrare præsumant: sed tantum ea, quæ fidem confirmare possint, ut duodecim articulos fidei, & bonos mores commendare, ut præcepta Dei & Ecclesiæ, tam augendo spem vitæ æternæ in bonis, quam timorem supplicii æterni in malis.

V.

Argumenta & rationes hæreticorum ne referant, nisi fuerint viri doctri- & autoritate præstantes: sed potius orthodoxorum Patrum sententias: & multo minus phrasas eorum retineant. Quales sunt, quas reculimus. Sed loco illarum dicant: *Jesus Christ, nostre Seigneur, Saint Paul, Saint Pierre, la Parolle de Dieu &c.*

VI.

In diebus Dominicis commendent orationibus populi statum Principum & Prælatorum, & in Festis Sanctorum recitent vitas Martyrum: gesta ipsorum, cum laude, ad exemplum auditorum. Nihil tamen admiscentes fabulosum.

VII.

Quantum fieri poterit, sæcularium fugiant consuetudinem & convictum: sed maneant cum Ecclesiasticis. Caveant etiam congressum hominum hæreticorum. Quia incorrigibiles sunt, contumaces, & contumeliosi: ex quorum contentionibus sæpe auditores pervertuntur.

STATUTA SCHOLASTICORUM.

Sunt in Ecclesiis Cathedralibus & Collegiatis quibusdam SCHOLASTICI, hoc est, Scholarum Præfecti, quorum officium est docere indoctos, præsertim juventutem: eique Pædagogos bonæ vitæ simul & doctrinæ Catholicæ præficere: ut sub eorum disciplina, bonis literis pietate & morum honestate, imbuatur. Nec contemnendum hoc docendi munus. Quandoquidem in Scholis Seminarium fit, non solum Præla-

rum & Ministrorum Ecclesiæ, verum etiam Magistratum, & eorum, qui consiliis suis Republ. gubernant. Quæ si negligantur, aut depraventur: necesse erit & Ecclesias, & Republ. periclitari, & confundi.

STATUTUM I.

Provideant Scholastici & solcite procurent, ut erudiendæ juventuti non tantum docti, sed imprimis Catholici & pii, nullo modo fide suspecti præfiantur.

II.

Habento autem in Scholis suis, qui præter grammaticam, & alias artes, doceant etiam cantum & computum Ecclesiasticum: idque rudi (ut dicitur) Minerva. Duo enim hæc non solum necessaria sunt futuris Presbyteris, sed etiam omnibus utilia, & ad pietatis amorem, & ad usum vitæ humanæ. Quæ tamen, nisi in pueritia discantur, nunquam certe discantur.

DE MAGISTRIS.

STATUTUM I.

A Nimadvertentes, quantum momenti habet ad veram pietatem Catholica & fidelis institutio puerorum, ut qua imbuti semel ab adolescentia rudes, simplicesque animi, ad reliquam ætatem perseverent, cum studiis eisdem vel pietatis, si bona fuerit, vel nequitia, si perversa: vos omnes Ludimagistros nostræ Dioecesis Bisuntinæ, necessarium duximus admonere, & obsecrare in Domino, ne docendi munus (quod propter ingenii gloriam cenodoxia vitio sæpenumero obnoxium est) propter humanam gloriam, & vanos fumos popularis commendationis, sed propter utilitatem publicam, & Deo soli probari cupientes vestram operam atque labores exerceatis. Quoniam ille solus est, qui potest laboribus vestris iusta præmia reponere: populi autem favor nihil aliud, quam curas augere, & sui Studiosos in mille difficultates conjicere, sollicitos & instabiles tanquam vento circumactos.

Tomus VIII. Concilior. German.

II.

Juxta igitur doctrinam Ecclesiastici, (Altiora te ne quæsieris, & fortiora te ne scrutatus fueris: sed quæ præcipit Deus, cogita semper, & in pluribus operibus ejus ne fueris curiosus) monemus & hortamur vos omnes & singulos Ludimagistros, primum, ne subtiliora aut obscuriora doceatis, quam pro captu auditorum: deinde ne falsa aut perversa, quæ animos corrumpere possint adolescentum. Sed omnem vestram doctrinam atque studia eo dirigatis, ut discant adolescentes servare præcepta Dei, & per bona opera promereri gratiam apud Deum, & homines. Hic est fructus vel præcipuus sanæ doctrinæ. Curiosæ autem disceptationes non faciunt, nisi ad subversionem audientium.

III.

Eapropter, ut occasio primum tolleretur omnibus ex suo sensu & persuasione (quæ non raro fallitur) reipublicæ plantas tenellas effingere, atque efformare: Statuimus & ordinamus, & sub pœna præstiti juramenti prohibemus, ne libros alios vestris auditoribus interpretemini, aut interpretari patiamini, quam quos in Collegiis Universitatum Catholicarum notum fuerit publice interpretari solere: novos autem, qui recentius editi fuerint, nisi habita prius licentia a Nobis, aut a Vicario nostro, vel Officiali, ad quos exemplar ipsum mitteris videndum, & examinandum.

IV.

Deinde ut habitus religionis & cultus Divini contrahatur a pueritia, jubemus vobis, ut omnibus diebus Festis discipulos adducatis ad Ecclesiam cum modestia & gressu composito (quantum ætas ferat puerilis) cantaturos scilicet cum Clero in Missa, & Vesperis: nec patiamini aliquem ex iis, qui norunt legere, carere precibus horariis, aut saltem septem Psalmis penitentialibus, in quibus legant Divinum officium, aut cantent. Singulis vero diebus sub noctem, domi, vel in Ecclesia (si populus soleat tunc

B b

con-

congregari) una cum Præceptore cantent Salve Regina, aut aliam Salutationem Mariæ Virginis pro tempore.

V.

In quatuor quoque anni temporibus, scilicet Quadragesimæ, Pentecostes, Nativitatis Domini, & omnium Sanctorum, juxta laudabilem consuetudinem, quæ hætenus servata est, facite eos confiteri Curato, vel alii Presbytero: petita licentia & facultate prius a Curato. Hanc, si Magister, vel alius perierit, pro omnibus tenebitur Curatus sine aliqua mora concedere.

VI.

Et ne post hæc temere & sine delectu, erronee & vagi quicumque, ad munus adeo honestum admittantur: Statuimus & ordinamus, ut antequam cuicumque Magistro literarium ludum aperire liceat, Rector, seu Curatus Parochiæ (seu is, ad quem de jure vel consuetudine pertinet) ipsum instituunt, recepto prius jurejurando ab ipso, quod servabit fideliter hæc, quæ in hac Sancta Synodo statuimus.

DE HOSPITALIBUS, & locis piis.

Curatos omnes in Domino hortamur, ut exemplo magni Patriarchæ Abraham, servant hospitalitatem: Christum se recipere arbitantes, quoties pauperes & peregrinos in domum suam excipiunt. Magistri vero Hospitalium meminisse debent, quæ potissima causa fuerit erigendæ, constituendæque cujusque domus. Sunt enim aliæ ad recipiendum peregrinos: aliæ ad curandum ægrotos: aliæ demum ad alendum pauperes, senes, orphanos, invalidos, infantes expositos, furiosos, leprosos, contagiosisque, vel horrendis morbis affectos, & alias similiter miserabiles personas deputatæ. Ideo has, & non alias personas tenentur Magistri alere. Quas etiam ad Ecclesiasticam disciplinam pertinere, ac nostris, aliorumque piorum hominum largitionibus victitare voluerunt. Meminerint etiam hospitalium Magistri, quod Sancti Patres dixerunt, eos, qui ex bonis parentum atque suis sustentari possunt, si quod pauperum est, accipiunt, sa-

crilegium committere, seque tali muneri addictos, ut non sui, sed ut pauperum curam gerant: quos neglexisse, occidisse est. (2)

STATUTUM I.

Sint Mendicantibus validis clausa hospitalia. Nam & publice ostiatim mendicare istis, est a jure (o) interdictum. Et Apostolus (p) denunciatur: Quoniam si quis non vult operari, nec manducet. Pietatis tamen ratio, eos, qui non possunt discernere, an vere pauper sit, qui petit elemosynam, commendat apud Deum, quia in nomine ejus petit. Dicit enim Dominus: (q) Petenti da.

II.

Magistri hospitalium curent ante omnia, ut in suis domibus ea, quæ ad salutem animarum pertinent, minime negligantur. Sed de Sacramentorum administratione, pauperibus debilibus & ægrotis, provideatur. Et ubi corporis infirmitas Medicum postulaverit; ibi prius animæ, deinde corporis Medicus accersatur. Nec aliquem recipiant, nisi eodem die vel postmodum confiteantur.

III.

Quod sapientissime in Colonienſi Synodo constitutum fuit, ut Magistri hospitalium singulis annis, aut sæpius Magistratui ipsius loci præſente Parocho, rationem reddant de sua administratione: Nos cum iis, quæ in Sacro Oecumenico Concilio (r) Tridentino lata sunt, & in nostra Provinciali publicata; quoniam curæ nostræ commissa sunt omnia hæc: quocumque nomine eorum Administratores censeantur, & quomodolibet exempti sint: statuimus & ordinamus, ut singulis annis rationes reddantur a Magistris, & Curatoribus hospitalium, Nobis, vel personis a Nobis deputatis cum locorum Magistratibus: aliter factæ liberationes non suffragabuntur, nisi secus in fundatione, seu erectione eorum a Nobis, vel Prædecessoribus nostris approbata, cautum expresse sit.

IV.

(n) Hieron. & Prosper. Conc. Colon. c. 6, 7.

(p) 1. Theſſ. 3.

(q) Matth. 5.

(o) C. De Mend. un. l. lib. 12.

(r) Sess. 7. c. 15.

IV.

Et ne in posterum abusus, qui fieri solent, ignoratis foundationibus, committantur: statuiamus & ordinamus, ut vacante Hospitali Procuratore legitimo, antequam alius institutur, fiat copia foundationis ejus Nobis, vel Vicario nostro.

DE FABRICIS, & CONFRATRIIS, & aliis pietatis officiis.

Supra de iis Ministris, qui aliis Ministris Ecclesiæ subseruiunt, tractantes, præter Diaconos, Hypodiaconos, Acolythos, & alios, officia Otiarii (minimi inter alios Ordines Ecclesiasticos) diximus esse Thesaurarium, Sacristam, Aedituum, Matricularium: adde & Fabricarium & Confratriæ receptorem, seu priorem. His omnibus, utcumque nominentur, cura mandata est ædificiorum, & suppellectilis Ecclesiæ, & pecuniæ, ad hanc rem destinatæ. Quod munus quia sanctum est, debent etiam ipsi sancti esse (quantum fieri potest) & sine querela, (r) ut simplices filii Dei: unusquisque sicut accepit gratiam, (z) illam in alterutrum administrantes, sicut boni dispensatores multiformis gratiæ Dei.

STATUTUM I.

Quando per Pastores fieri non poterit, curabunt Fabricarii, ut populus facta recta conservet, Ecclesiam & Cæmeterium, ornamenta etiam Altaris, & reliqua necessaria ad cultum Dei pro loci facultatibus procurabunt, & munda omnia servabunt.

II.

Immunda animalia ab Ecclesia expellunt: & excommunicatos atque infideles, tempore Sacrificii Missæ ingredi non patientur: nec fieri in ea sæcularia spectacula, aut actus dissolutos aliquos: quoniam domus Dei, domus orationis est.

III.

In Presbyterio ubi Missæ celebrantur, ne ferant sedilia fieri mulierum, sed si qua posita jam fuerint, auferantur:

quia juxta Presbyterum celebrantem, stare non decet fœminas.

IV.

Auferantur ab Ecclesiis (hostili cessante timore) arcæ illæ, sive granaria, quas instante aliquo periculo, plenas critico, vel suppellectilibus, eo importarint Parochiani: quia impedimento hæc sunt & dedecori in domo Dei, ubi nonnisi spiritualia, tractare convenit.

V.

Curati autem, seu eorum Vicarii, per Diaconos, vel Subdiaconos, vel per se (non per mulieres) abluant quater in anno ad minus, mappas altaris, amictum, albam, & corporalia. Hostias vero altero quoque mense renouent in ciborio: ne putrescant, aut situm contrahant, diutius servatæ.

VI.

Episcopi Exequutores sunt, uti Concilium (u) docet, omnium piarum dispositionum tam ultimæ voluntatis; quam inter vivos. Et quia propterea jus illi habent visitandi Hospitalia, Collegia quæcunque, Confraternitates Laicorum, & pia loca omnia, etiam si eorum cura laicis demandata sit: idcirco jubeatur Curatis, ut de administratione locorum piorum, quæ in suis fuerint Parochiis, frequenter admoneant Decanos rurales: qui referent in Synodis, vel Episcopo, sicut se res habeant: ut provideatur eis.

VII.

Item mandare poterunt Episcopi, quando vacaverit eis, omnibus Hospitalariis, ut deferant ad se foundationes: ut, si qui committantur abusus, corrigantur. Et juxta foundationes, vel erectiones ipsorum provideat Episcopus.

VIII.

Et reddant Episcopo rationem singulis annis Administratores omnes Fabricarum, Hospitalium, Confraternitatum, Eleemosynarum, & piorum locorum omnium. Nec, si fundatio-

nes

(r) Phil. 2.

(z) 1. Petr. 4.

(u) Trid. Sess. 13. c. 8.

nes aliis hæc reddi constituerint, ideo sine Episcopo factæ liberationes suffragentur.

IX.

Locationes rerum Ecclesiasticarum factæ a defunctis, nullatenus validæ sunt in præjudicium Successorum: etiam si solutio anticipata sit. Et quæ ad longum tempus etiam autoritate Apostolica confirmatæ sint, Synodus Provincialis (quando in damnum Ecclesiæ factas noverit) damnabit. (x)

X.

Quarta funeralium, quæ solita erat perfolvi ante quadraginta annos Ecclesiæ Cathedrali, vel Parochiali, redintegretur, non obstantibus quibuscunque. (y)

STATUTA RELIGIOSORUM, & Sanctimonialium.

Vitæ monasticæ genus ad perfectionem Evangelicam (z) ut maxime commodum, ita res est [licet possibilis] tamen ardua & difficilis. Ideo in eam nemo intrudatur invitus, vel fraude pellectus: & multo minus suscipiatur a Præfatis, nisi mature, cum examine probatus: ut non alii, quam qui possunt capere, capiant hoc verbum. Nam voluntarie Domino sacrificandum: & voluntaria fieri beneplacita oris sui postulat. Ex contrario sequitur, quod Apostolus scribit de adolescentibus, quæ eum luxuriatæ fuerint in Christo, nubere volunt, habentes damnationem, quia primam fidem irritam fecerunt.

Omnis cura & diligentia adhibeatur a Prælati, tam in Capitulis generalibus & Provincialibus, quam visitationibus, (quas suis temporibus facere non prætermittant) ne illa, quæ ad substantiam regularis vitæ pertinent, negligantur: quæ sunt, Obedientia, Paupertas, & Castitas: & si qua sunt præterea alia vota peculiariora Ordinum: quia nulla potest ab his fieri relaxatio.

STATUTUM I.

Nulli igitur liceat Regulari, bona mobilia, vel immobilia, etiam ab Episcopo acquisita, tanquam propria possidere, vel tenere; sed incor-

porentur omnia statim conventui, Superiori tradita. Nec Superioribus licet bona stabilia Religiosis concedere, etiam ad usumfructum, vel administrationem, vel commendam: sed omnia per Officiales gerantur ad nutum Superiorum amovibiles.

II.

Nulli item Religioso liceat, sine sui Superioris licentia se subicere servitio alicujus Prælati, vel Principis, vel Universitatis. Qui sine mandato Superiorum in scriptis obtento, a Monasteriis egressi reperiantur, punientur ab Ordinariis locorum.

III.

Sit aliquis in Monasteriis virorum (a) pius ac doctus, qui doceat Monachos ab adolescentia meditari in Lege Domini die ac nocte. Ad quod quidem munus in Monasteriis Monialium Sanctimonialis, cæteris vita & doctrina præstantior, deligatur ab Abbatissa, nisi ipsa per se hoc queat præstare.

IV.

Et quoniam Sanctimonialium clausuram omnem restitui jubet Sancta Tridentina Synodus; decrevit Sancta Synodus nostra Provincialis, quod Episcopi, tanquam a Sede Apostolica delegati, Abbatissas omnes monerent, ut intra tempus aliquod pro ratione rerum & locorum præfigendum, Monasteria sua claudant. Quod si illæ non fecerint, Episcopi fieri procurent. Id Nos omnibus & singulis notum fieri ordinamus, & præcipimus per hoc Statutum nostrum.

V.

Statuit eadem Synodus (b), ut Monasteria Sanctimonialium, Sedi Apostolicæ immediate subiecta, visitentur ab Episcopis, tanquam Sedis ejusdem delegatis: & bis, vel ter in anno offeratur aliquis Confessor per Ordinarium, qui earum confessiones audiet, si velint. Admonemus igitur omnes, ut singulis mensibus semel saltem confessionem peccatorum faciant, & Sacrosanctum

(x) Trid. Sess. 25. c. 11.

(a) Conc. Colon.

(y) Sess. 25. c. 13.

(b) Trid. Sess. 25. c. 10.

(z) Sess. 25. c. 1. 2. 3. 4. 5.

sanctum Eucharistiæ Sacramentum suscipiant : quo salutari præsidio se muniant ad omnes oppugnationes dæmonis fortiter superandas. Præter ordinarium autem Confessorem alium extraordinarium bis aut ter in anno : qui omnium confessiones audiat , offerri procurabimus.

VI.

Sacras Apostolicas Constitutiones executioni mandantes, hoc nostro Statuto inhibemus, ne Sanctimonialia post Professionem factam, quocunque prætextu, etiam ad breve tempus, nisi ex aliqua legitima causa a Nobis approbanda, Monasterii claustra egrediantur, ut a mundanis & publicis spectaculis separata, Deo liberius servire valeant, & immaculatas se in hac vita conservare.

VII.

Universis etiam & singulis Ecclesiasticis & regularibus personis, nostræ Jurisdictioni subjectis, interdicens & prohibemus, ne absque rationabili & manifesta causa, nec sine Superioris, ad quem pertinet, licentia speciali, nec sine religione, & testimonio bono (ne aliqua sinistra oriatur suspicio) ipsa Monasteria Sanctimonialium subintrent, sub pena excommunicationis, ipso facto incurrenda.

VIII.

Nec Abbatiſſa cum aliquo loquatur sola : nec Monialem aliquo, vel etiam intra claustra Monasterii, mittat solam : sed vel ipsamet comiteretur eam, vel aliam vetulam adjungat sociam.

IX.

Statuit Sacrosancta Tridentina Synodus, ut si puella, quæ habitum regularem suscipere voluerit, major XII. annis sit : non ante eum suscipiat, nec postea professionem emittat, quam exploraverit Episcopus, vel ejus Vicarius, virginis voluntatem, an coacta, an seducta sit : an sciat, quid agat. Cujus professionis tempus ne ignoremus, jubemus, ut Præfecta Monasterio Nos ante mensẽ certiores faciat, sub pena suspensionis.

X.

Prælatos Monasteriorum per viscera misericordiæ Domini nostri JESU Christi requirimus & hortamur, ut personas regulares sibi subjectas ad observantiam regularum suarum & statutorum regularium diligentius inducant, moneant, & alliciant : Et si opus est, strictius compellant : ut de officio sibi commissio dignam Deo possint reddere rationem. Quod si ultra prævaricatores fuerint Ordinis sui, aut contemptores, seu negligentes & remissi : pro certo se noverint, non solum ab officio deponendos, sed alias secundum regulam suam castigandos. Nos etiam eorundem Prælatorum negligentiam, si opus fuerit, supplebimus juxta Canonicas Sanctiones.

XI.

Denique hortamur omnes religiosos viros & virgines sanctimonialia, ut meminerint, quod B. Petrus in Actis Apostolorum testatur, eos, qui communem vitæ societatem (qualis nunc etiam apud Religiosos conservatur ad instar illius, quæ fuit olim apud Apostolos, quando erat multitudinis credentium cor unum, & anima una, nec quisquam eorum, quæ possidebat, aliquid suum esse dicebat) qui, inquam, societatem semel receptam deferunt, tentare Spiritum Sanctum, & mentiri non hominibus, sed Deo.

XII.

Considerare etiam ad virginitatem servandam, quod D. Cyprianus ait : Virginitas excellentior, quam non cogit necessitas, aut mandatum, sed perfectionis suadet consilium. Quod si Divinis consiliis obviaverint, tentamenta & liberas mentes ad carnales revocaverint appetitus : adest Deus fortis. Nec spem ponat homo in homine, nec in brachio carnis suæ confidat : quia qui mundum vicit, & victoriam suis promittit militibus.

XIII.

Quin etiam illud ad obedientiam servandam considerent, quod B. Basiliius ait : Quod a Superioribus & Præpositis committitur & mandatur, qui recusat,

& aliud requirit; primum obedientiam corrumpit, & se declarat abnegasse: deinde etiam aliorum plurium malorum sibi ipsi, & aliis auctor fit, quando janua contradictionis plerisque aperit, & se ipsum ad hanc alluefacit: & quia non potest quivis, quod utile est, probare, sæpe, quod nocivum est, eligit.

XIV.

Et illud D. Augustini (c) timeant omnes Religiosi, (quod ille iurejurando affirmat) Difficile sum expertus meliores, quam qui in Monasteriis profecerunt: ita non sum expertus peiores, quam qui in Monasteriis ceciderunt. Quapropter & si contristamur de aliquibus purgamentis: consolamur tamen etiam de pluribus ornamentis.

DE MINISTRIS CANTUUM

Divinorum, sive de Psallentibus.

Cantorum, & Psallentium munus [quod Prophetarum quodammodo officium esse diximus] quam sanctum sit atque utile, non potest sane carnalis homo gustare, qui spiritualia non dijudicat, sed carnalia. Apostolus (d) cum Ephesios veller a carnalibus operibus revocare: Implemini (inquit) Spiritu Sancto, loquentes vobismet ipsis in Psalmis & hymnis, & canticis spiritualibus: cantantes & psallentes in cordibus vestris Domino. Hæc Paulus. Nam qui sine Spiritu Dei canit, [hoc est, sine fide & charitate] non intelligens, quæ sit voluntas Dei, non ut Deo placeat, profecto canit, aut ut se, vel proximum ædificet, sed ut vino (hoc est, cibo & potu) replere se queat, & carnis suæ perficere desideria. Qui autem sic agunt, errant: partem enim non habent in regno Christi & Dei. At beati, qui habitant in domo tua Domine: in sæcula sæculorum laudabunt te. Si Religiosi & Canonici, alique Clerici sæculares, huic officio deputati, perpenderent felicitatem suam, nunquam tæderet profecto Chori. Annon in Choro, quasi in Cælo sunt? Annon Angelorum munus obeunt? Annon munus Angelorum est, laudare Deum, & canere perpetuo Sanctus, Sanctus, Sanctus, Dominus Deus Sabaoth?

De cantu Ecclesiæ, Augustinus [e] librum scripserat contra quendam Hilarium. Quantum quoque commoveretur suavitate cantuum in Ecclesia, scripsit lib. 9. confess. moremque ait ab Orientalibus accepisse Mediolanenses.

Sed neque ab hoc psallendi munere exempti sunt Curati. Canunt enim & ipsi, nam Symbolum, & Psalmos, & Hymnos canenti populo, ipsi (tanquam revera Choragi) præire debent, & tonum vocis in Missa dare ad Hymnum illum: Gloria in excelsis, & ad Credo: qui scolii cantus doctissimi in Ecclesia sunt: juxta quos & respondeat populus assistens. In ministerio quoque habendi sunt cantorum & psallentium; licet ab aliis psalmodia plerique eximantur. Sed Canonicorum proprium in primis est, unde vocatos Canonicos putatur. Quanquam antiquius Græce *κατοικησι* dicti sunt, a communi vita: unde formatum nomen Canonici. Olim namque Collegia Ecclesiarum Cathedralium in communi vita vixisse, & adhuc nunc quadam vivere, notum est. Canonicos regulares postea dixerunt eos, qui præter communem victum etiam votum regulæ paupertatis fecerunt. Ergo canonice vivere, est in communi vivere.

STATUTUM I.

Canonici ergo, quoniam (f) ad hoc instituti sunt, ut laudes Deo singulis horis decantent, nisi legitima causa impediens, chorum sequantur: in quo modeste se habeant, & cum decenti gravitate: non garrientes aut rixantes in eo, sed Deum reverentes, in cujus conspectu siti sunt. Celebranti Episcopo, aut alia Pontificalia exercenti, assistant, & inserviant. (g)

II.

Nulli in Sacris Ordinibus constituto, (h) vel beneficiato, in nostra Dioecesi, aliud officium dicere liceat, quam secundum usum Ecclesiæ Bisuntinæ, nisi ad hoc dispensationem habeat a Sede Apostolica: sub pœna privationis beneficii, & suspensionis ab Ordine: sed Romanum commendamus.

III.

Et cum psallendi gratia chorus (i) fiat, nemo labia sua muta aut clausa teneat.

(c) Epist. 137.

(d) Eph. 5.

(e) Aug. lib. 10. Retract. c. 33.

(f) Concil. Basil. & Colon. & Refor. Cler. sub Carolo.

(g) Sess. 24. Trid.

(h) 12. dist. c. De his. & c. fi.

(i) Conc. Agath. C. Presbyter. de celebr. Miss. Concil. Basil. c. 15.

nuerit; sed omnes pariter cum simili & decenti alacritate modulentur: sic tamen, ne boatus solum sine intelligentia audiat. Quod fiet, si non cursum, nec festinanter: sed tractim & cum pausa decenti (præsertim in medio cussilibet versiculi Psalmorum) debitam inter solenne & feriale exhibeant differentiam.

IV.

Nemo cum publice, vel preces horariæ, vel Missæ Sacrum cantando peraguntur, legat, vel dicat privatim officium. Nam is non solum choro subtrahit illud, quo obnoxius est, & ad quod tenetur: sed alios psallentes perturbat, vel a psallendo retrahit. (k) Quare si urgetur aliqua causa, ut officium suum absolvat: egrediatur chororum, & oret in abscondito.

V.

Organorum melodia & cantus figuratus, sic in templis adhibeatur, ne lasciviam magis, quam devotionem exciter: (l) ne præter hymnos Divinos, ac cantica spiritualia, quicquam resonet, aut repræsentet.

VI.

Processiones Ecclesiarum aliarum ad summum templum, quæ (diebus maxime celebribus) fiunt, quia institutæ sunt causa conveniendi ad Missas Episcopales, & recipiendi communionem, vel benedictionem Episcopalem: monemus omnes, ut aliquid saltem veteris instituti retineant, ne vagandi solum causa venisse videantur. (m) Quando autem Generales extraordinariæ indicuntur, officium in Ecclesia fit solenne.

VII.

Super his (n) debite observandis, aliisque ad Divini officii prosecutionem, ac chori disciplinam spectantibus, Decanus, vel Præpositus, aut alius, cui onus incumbit, diligenter invigilet, hinc inde, ne quid inordinate fiat, circumspiciens. Horum autem trans-

gressores, illius horæ (in qua circa prædicta exceßerint) vel alia majori (prout transgressionis gravitas exegerit) plectentur poena.

VIII.

Qui in Matutinis (o) ante finem Psalmi Venite exultemus, in aliis horis ante finem primi Psalmi, in Missa ante ultimum Kyrie eleison, & usque in finem, Divino officio non interfuerit, (nisi forte, necessitate cogente, ac petita a Præfide chori licentia, discedere oporteat) pro illa hora absens censetur: Salvis Ecclesiarum consuetudinibus, & privilegiis. Lex enim, teste Apostolo, iis, qui sub lege sunt, loquitur. Idem in Processionibus generalibus observetur in iis, qui a principio usque ad finem non permanferint. Pro cuius rei executione deputeretur aliquis, habens hoc onus notandi, singulos statuto tempore non convenientes: qui juramento adstrictus erit agere fideliter, absque gratia vel odio.

IX.

Quicumque in Ecclesia Beneficiatus (præsertim Divinorum tempore) per Ecclesiam, vel foris circa ipsam, sine iusta causa deambulando, aut cum aliis colloquendo, vagari visus fuerit: non solum illius horæ, sed totius diei præsentiam ipso facto amittat.

X.

Regulares, qui in Conventualibus Ecclesiis circa prædicta exceßerint, graviter Superioris arbitrio castigantur.

XI.

Cumque in Ecclesiis tam Collegiatis, quam Cathedralibus, diversi habeantur gradus & nomina. Ministrorum: inter Canonicos siquidem sunt Decani, Præpositi, Archidiaconi, Cantores, Thesaurarii, Scholastici, Canonici, Vicarii, atque id genus, interpretetur quisque suum vocabulum: nec vanum dignitatis esse nomen putet, sed officii. Idcirco curet esse, quod dicitur

(k) Conc. Basil. c. 15. Hildesem. 36. Colon. de Metrop. c. 5.

(l) Conc. Basil. & Colonien. & Refor. Cler. sub Carolo.

(m) Conc. Hagath. c. 63. 64. Conc. Colon. de Metrop. c. 24.

(n) Conc. Basil. 18. (o) Conc. Basil. & Hildesem.

dicitur secundum veterem Patrum institutionem ac regulam.

XII.

Si quos (p) Decanus vel Superior, rebelles cernat, si Divini cultus atque sui officii negligentiores: si rixosos, litigiosos, si percussores, si aleatores, si scorta foventes, aut aliis publicis criminibus irretitos: atque hi fraternam correptionem audire recusaverint: agat in Capitulo, quomodo Paulus jubet: Peccantes coram omnibus argue. Tum si nolint respicere, arceat a Sacris, prohibeat participare fructus, donec ad meliorem vitæ frugem revertantur. Sic tamen, ut hæc servetur regula Apostolica: Corripite inquietos, consolamini pusillanimes, patientes estote ad omnes. Neque ira, neque odium, neque rancor ullas sibi partes vendicent. Et salva ubique serventur sua cuique privilegia, legitimæque consuetudines.

XIII.

Canonicus vocem in Capitulo non habeat, nisi in Sacro solum Subdiaconus ordine positus sit. In Cathedrali autem, non nisi Presbyter; propter ordinis hujus dignitatem. Nec inter Presbyteros sedeant Diaconi, vel Subdiaconi.

DE HORIS CANONICIS, ET Cantu Ecclesiastico.

LAudes Dei in Ecclesia decantatæ, mentem ad superna erigunt, inflammant Dei charitatem, compungunt, & contemptum excitant terrenarum rerum. Scribit [q] Apostolus: Implemini Spiritu Sancto, loquentes vobismet ipsis in Psalmis, hymnis, & canticis spiritualibus, cantantes, & psallentes in cordibus vestris Domino, & gratias agentes semper pro omnibus, in nomine Domini nostri Jesu Christi, Deo & Patri. Hoc idem interpretatur ad Timotheum, ubi fieri jubet in Ecclesia obsecrationes, orationes, postulationes, gratiarum actiones pro omnibus hominibus. Hinc ritus Horarum Canonicarum. Hinc consuetudo conveniendi & pernoctandi in Psalmis, lectionibus, & orationibus, quam ab Apostolis acceptam, Ecclesia semper retinuit. Cum (r) conve-

nit, inquit ad Corinthios, unusquisque vestrum psalmum habet, doctrinam habet, apocalypsin habet, linguam habet, interpretationem habet: omnia ad ædificationem fiant. Philo Judæus, qui temporibus vixit Apostolorum, diversis in locis meminit Psalmorum, vigillarum, & jejuniorum, quæ primi illi Philosophi Christiani exercebant. Eadem de re scripsit Plinius secundus ad Trajanum, ut omitamus vetustissimos Justinum, Clementem Alexan. Dionysium, Tertullianum, & alios: & quod Ecclesiæ morem hunc etiam Ariani & Pagani olim aliquando imitari; sæpius & inturbare conati sunt, sicut faciunt etiam nunc hæretici. Fuit ergo divisum primo officium hoc in Diurnum & nocturnum. Nocturnum quidem nocte Sabbati, & in vigiliis magnorum Festorum pernoctantes tripliciter distinguebant: & sicut etiam nunc monumenta Ordinarii nostri Bisuntini docent, primum incipiebant circa primam vigiliam noctis: secundum in secunda: & tertium in tertia: per vices dispositis Clericis, qui alii alii in officio nocturno & vigiliis succedebant, vocabantque ideo primam vigiliam, secundam vigiliam, tertiam vigiliam, quas nocturnos, vel nocturna nunc dicimus. Sub auroram vero in galli cantu læti ovantesque Deo laudes cantebant in memoriam Dominicæ Resurrectionis. Aliis autem feriis unicam fiebat officium nocturnum: sive id a prima vigilia inciperet, sive a canticinio: frequenter tamen exemplo David media nocte surgebant ad confitendum Deo. Nunc totum officium nocturnum cum laudibus, vocamus matutinas. Quod ideo videtur factum: quod cum in Paschate major pars noctis in consecratione fontium baptismalium, & Baptismo catechumenorum, & Ordinibus Sacris, atque aliis Divinis officiis, officium illud nocturnum traduceretur: quod in aliis vigiliis noctu fieri solebat, quia mane diluculo opus erat absolvi, vocatum postea fuit matutinum. Hoc nomen adhuc perseverat. Et idem nunc matutinæ vigiliæ, quod nocturnum. Sed succedente tempore factum est, ut in Calendario, vigilia notet jejunium, (excepta apud nos Epiphania) & nocturnum, Psalmos feriales: & Matutinæ pro officio accipiantur, quod olim erat nocturnum, distinctum a Laudibus. Quanquam in veteri ordinario Laudes tantum dicantur Matutinæ, & Matutinæ Laudes. Atque hæc quidem de nocturno officio. Jam diurnum partitum sunt Patres (exemplis variis edocti) in horas septem. Primam inchoarunt orto Sole: Tertiam ab hora naturali diei tertia: Sextam a meridie: Nonam a Tertia naturali post meri-

(p) Conc. Agath. c. 2. Conc. Lateran. cap. 7. Colon. eodem.

(q) Ephe. 5.

(r) 1. Corint. 14.

meridiem: Vesperas quoque, sub vesperam: & tanquam completis omnibus, Completorium sub ipsam noctem, daturi corpora quieti.

Et notandum, quod in omnibus horis sunt Lectiones aliquæ post Psalmodiam. In nocturnis proprie dicuntur Lectiones, sed in aliis horis Capitula: quia caput aliquod tantum legitur breve. Post Lectiones, Responsorium canitur, & denique Oratio. Miscetur quoque Hymni & prosæ [quas vocant] & Versus, & Antiphonæ puræ, aliquando cum pneumate & alleluja.

Sunt ergo partes horarii officii, præter genuflexiones, & stationes, & signum Crucis, quæ interea fieri oportet: Oratio Dominica, Symbolum fidei, peccatorum confessio, Psalmi & cantica, Hymni & prosæ, orationes, preces & litanæ, absolutiones & benedictiones, lectiones & capitula, versus & responsoria, ac rursus responsoria & versus, antiphonæ, invitatoria & pneumata. De illis, quæ supersunt, sigillatim dicemus.

Primum Psalmi CL. per ferias distributi sunt, secundum ordinem Bibliorum, vel certe proxime ad illum ordinem. Nam aliqui, asterisco notati, præmittuntur, quod in aliis horis canantur: & centesimus decimus octavus: Beati immaculati, quotidie dicitur ad quatuor horas, cum quinquagesimo tertio, ad Primam. Differt autem Psalmus a Canticis (licet ambo canantur psallice) quod Psalmus ex libro David: cantica ex aliis locis Bibliorum veteris & novi Testamenti sumantur.

Hymnos reliquerunt nobis Patres distinctos periodis, more lyrico. Scripti sunt aliqui stylo puro, & eleganti; modulatione quoque suavisima excepti. Alii tamen plerique numero syllabarum [non tam quantitate] contenti, & similitudine desinentium, ad modos elegantissimos facti sunt.

Prosæ, vel prosodia (Hymno non dissimile carmen) numeris fertur lege solutis. Eoque differt ab Hymno, qui certa semper metrorum periodo recurrit. Quanquam posterioribus temporibus, quasdam huiusmodi prosas hymnice composuerunt nonnulli: numero quidem syllabarum tantum, & [ut vocant] rythmo, id est, cadentium similitudine: non perinde quantitatē. Et cum antiquissimæ quæque in a vocalem concidant: dictas putarunt Græce *περὶ α.* id est, ad a. Sed proprie *περὶ ὀδία*, nuncupata sunt: Librariis pro prosodia, prosa scribentibus, compendii causa. Et si ve per omicron scribas, si ve per omega, utrumque carmen est, in Deorum sacris adhibendum; modis lyricis, ad verba & dictiones aptato cantu. Quia

vero nec saltatoria est, nec stataria, sed inter hæc medium sortita genus: idcirco nec ab hymno separarunt grammatici prosodion. Utrumque enim poemata est ad Deorum laudem compositum. Sed separavimus nos. Et scilicet putamus. Nam si solutæ orationi similis videatur Prosa, non ideo tamen soluta est: non magis, quam Pindaricæ odæ, ut chori cantus apud Græcos Poetas. Atque hinc quidem est, cur jam sordere ceperint. Sed immerito. Amisus hominibus crimen condonamus. Detergant eas docti, si quæ vitium contraxere: & Ecclesiarum Præfecti cantari jubeant diligentius. Agnoscent profecto in his metrorum multa genera, sibi invicem respondentia: interdum singula, interdum bina, sæpius plura sub uno ambitu: nonnunquam etiam varia ultro procedentia, unde dicta etiam fuit sequentia.

Diximus itaque Prosam nec saltatoriam esse, nec statariam: propterea quod Poetarum interpretes tria tradiderunt Melorum genera. In uno ponuntur Hyporchemata: in altero Stasima. Tertiæ generis sunt Prosodia. Sine motu quidem multa canimus, stantes in templo: veluti introitus Missarum, & Responsoria. Nullus enim hic numerus, vel pedes, vel brachia excitat ad prosiliendum. Sunt alia, quæ nos audita gestire cogunt, & tanquam in chorea moveri: veluti cantus ille: Ad cænam agni providi. Sed hæc rara admodum. Magna enim vis illa commensurationis temporum ad emolliendum animum. Ecclesia autem non sine magna causa a gravitate atque perfectione rythmi desilect.

Graduale ergo statarium carmen est. Constat solum verbo & harmonia: nullo rythmo, saltem evidenti. In singulis enim signis vel chordis, vox una subsistit: tanquam per gradus suos, cum dignitate ascendendo, atque descendendo, motu æquabili. Et hæc quidem cum harmonia diatonica flexa frequenter, sine verbo. Aliquando etiam recta; solo verbo, absque harmonia.

Hujus ergo generis sunt Tractus, & Responsoria, & Alleluja, & Introitus.

Pneuma autem (perinde ac si sermo, ac ratiocinandi vis omnis nos deficiat: quia major omni humana laude Deus est) eodem modo statarie, loca consonantiæ in Antiphona designata pervestigat. Est enim Pneuma [id est, spiritus] vocis continuatio, quantum spiritus durare potest, sine verbo, appensa antiphonæ, juxta tropum [si ve tonum] Psalmi decantati. Adhibetur autem in solennitatibus tantum. Et sane, qui pneumatibus ritum contemnunt, ipsi turpiter desipi-

tunt. In choro enim, cum stamus, canentes, de Deo meditamur, vel cum Deo loquimur: Loquentes vobismet ipsis (inquit Apostolus) in Psalmis, hymnis, & canticis spiritualibus. Ad tantam vero Majestatem oculos mentis attollentes, jam plane deficimus, quare gestus potius, quam verba desiderium nostrum effert: vel certe vox inarticulata, sicut olim Prophetæ clamabant, a, a, a, nescio loqui. Ac si diceres, enarrare nequeo Domine, quæ opto. Incomprehensibilis est mihi gloria tua. Reple os meum laudibus; saltem more vagiam infantium: aut, ut filii corvorum, ore aperto benedictionem cæli postulabo.

Ergo inter Chori cantus, præter Psalmos, & cantica, & hymnos, & scolia, in Ecclesia sunt Antiphonæ, & pneumata, & versus, & responsoria. Sed de Antiphonis hæc accipe: nam de spiritu satis dictum est. In libro David quidam psalmi inveniuntur, quibus præponitur titulus Alleluja. Idem etiam in fine reperitur aliquando, & aliquando resumitur in medio: ut in centesimo quadagesimo octavo. Verum psalmi Allelujatici [sic appellat D. Augustinus] omnes habent in fine vocem illam hebraicam alleluja: licet non omnes in principio. Significat laudate existentem, laudate Dominum, vel Deum. Vocem hanc Ecclesia retinuit per universum orbem. Nec nisi cum magna veneratione: sicut & alias quamvis peregrinas. In temporibus magnæ lætitiæ [inquit idem Aug.] non sine Sacramento, secundum Ecclesiæ antiquam traditionem solenniter cantare nobis moris est Alleluja. Et ad Januarium Epist. 119. (loquens de diebus illis 50. a Paschate ad Pentecosten) Qui celebrantur, inquit, post Domini resurrectionem, jam in figura non laboris, sed quietis & lætitiæ. Propter hoc & jejunia relaxantur, & stantes oramus: quod est signum resurrectionis. Unde etiam omnibus diebus Dominicis id ad altare observatur: & Alleluja canitur, quod significat actionem nostram futuram non esse, nisi laudare Deum, sicut scriptum est: Beati, qui habitant in domo tua, Domine, in sæcula sæculorum laudabunt te. Hactenus August.

Hunc igitur solum titulum Alleluja tempore Paschali, Psalmis præponimus in omnibus horis, diurnis, & nocturnis. Sed aliis temporibus ad ejus instar alios versiculos & sententias pro titulo Psalmis præmittimus, quos in fine integros repetimus canendo. Horum alios vocant Antiphonas, seu Antiphona: alios Invitoria. Ratio nominum est. Psalmos in Ecclesia alternatim canendos Beatus Ignatius Martyr tradidit, edoctus (sicut habent Ecclesiasticæ historiæ) revelatione Angelorum: quos Antiphona

(hoc est, responsoria) inter se canentes videbat. Psalmis itaque, quorum membra, seu versus, alternatim & vicissim cantamus, titulum præponere Antiphona: Quod significat psalmum alternatim canendum.

Quia vero semper titulus aliquis præponitur: (scilicet Alleluja, vel alius versiculus) hinc factum est, ut ipse titulus jam vulgo dicatur Antiphona: non utique, quod sit re vera antiphonon, sed quia præponitur psalmo, qui cantari debet per antiphona. Potius enim proodion, vel proæmium, vel epifodion, id est, intonatio dici debuisset, quod modum præscribat in cantu tenendum. Quoniam si naturam modorum observes, quoniam Psalmus in prima meditatione tunc intrat, quam incipit antiphona: non injuria titulus iste nomen illud accepit: collaterali, scilicet, vel simili modo carmen auspicando ei, quem psalmus assumit.

Contra vero psalmo illi vigiliarum, qui ad jubilandum Deo hortatur, atque invitat: non antiphona præponitur, sed invitorium. Non enim per antiphona canitur, sed ab uno solo, vel duobus, vel pluribus simul. Et reperitur invitorium in medio & in fine.

Sunt alii quidem versus, quos Cantores modulantur duo vel unus: & ad eos continuata musicæ consonantia chorus per versum alium responderet, & ob hanc vicissitudinem & alternam responsum dicti sunt versus responsorii, vel responsoria. Et horum quidem majores canuntur in matutinis post Lectiones: minores autem in aliis horis post Capitula. Sunt chori cantus, ut diximus, sine evidenti rythmo: sed partibus constant quatuor: nempe Strophe, Antistrophe, Ecstasis & Epodo. Quod proprie responsum scribitur, hoc est, Strophe. Ejus repetitio Antistrophe est: Versus, Ecstasis, seu Parabasis: Gloria Patri, dicitur Epodos. Namque Epodos ante aram Deorum canebatur. Quod reliquum additur, repetitum a responso, repræsentant dicunt. Est autem apocope & exodion, seu finis totius odæ. Hactenus de carminibus dictum sit: quod musicæ artis erit, docebimus statim.

Delectionibus autem & orationibus non opus est, ut multis agamus. Hoc unum scitote, utilitates magnas in duabus hisce partibus esse officii Divini. Legendo enim nos ipsos tanquam in speculo contemplamur. Orando cum Deo loquimur: legendo, Deus loquitur nobiscum. Sed de oratione & meditatione supra dictum est suo loco. Ne quis autem a lectione sacra propter obscuritatem avocetur: vide, quod Origenes in Josue, lectionem Sacrarum Literarum Deo & Angelis pro-

probari scribit , nobisque perutilem esse , etiam si illam non plene intelligamus. Certe studium & intelligendi cupiditas , reverentiaque mysteriorum prodesse solent. Nec defuit gratia Eunuchorum, Candacis Reginae, legenti Prophetam, quem non intelligebat.

Distributæ ergo sunt lectiones in ordinario per totum annum hoc pacto. Ab octavis Paschæ ad Pentecosten leguntur Acta Apostolorum, & Epistolæ Canonicae, & Apocalypsis. Ab octavis Pentecostes ad Calendas Augusti (id est, ad Dominicam proximam principio mensis) libri Regum & Paralipomenon. Hinc ad Calend. Septembris, libri Salomonis. Inde ad Cal. Octobris, Job, Hester, Judith, & Esdras. Dehinc ad Cal. Novembris, libri Maccabæorum. Et ad Cal. Decembris, Ezechiel, Daniel, & minores Prophetæ. A Calendis Decembris ad Nativitatem Domini, Esaias. Poitea usque ad Septuagesimam Epistolæ Pauli. Quanquam domi hæc potius, quam in templo legi solent : quia singulis diebus hoc tempore usque ad octavas Epiphaniæ proprium sit officium. Ideo differtur lectio Epistolarum ad Dominicam post Epiphan. A Septuagesima usque ad xv. ante Pascha, legimus Pentateucum, & Josue, & Judicum, & Ruth. Et denique a die hac ad feriam quintam in Cœna Domini, Jeremiam. Hæc quidem lectiones per annum. Verum proprias quoque habent singulæ celebritates : de quibus illud Augustini in 1. Joan. Epistolam : Quod in solennitatibus sacrorum dierum certas Evangelii lectiones in Ecclesia oportet recitare. Quæ ita sunt annuæ, ut aliæ esse non possint. Nam & in Nativitate Domini & Epiphania, capita quadam præscribuntur ex Esaiâ, sicut & in Cœna Domini : & duabus sequentibus feriis ex Lament. Jeremiæ, cum certis quibusdam Homiliis, sive Sermonibus. Tria enim sunt Lectionum genera. Quædam sunt novi vel veteris Testamenti : aliæ historiæ Martyrum : aliæ sermonum, sive Homiliarum ad Evangelii expositionem, quod in Missa legendum venit eo die : et si historias Martyrum non nisi paucorum legimus in templis, propter incertitudinem aliquando fidei eorum, qui scripsere : & sufficere arbitramur passionis ejus, qui occurrat summariam memoriam fieri ad primam, in Martyrologio. Nota etiam, lectiones multas de Sacra Scriptura improprie vocari de historia corrente : veluti libros Salomonis, Epistolas Pauli, &c. fortasse quod bona pars Bibliorum est historica. Unde & illud notandum, quod cum in rubricis remitteris ad eas lectiones, non lectionis, sed responsorii fiat mentio. Propterea quod responsorium idem canitur per totum tempus illius historiæ : non autem legitur ex eodem libro.

Tomus VIII. Concilior. German.

Absolutionem hoc loco vocamus orationem illam, quæ dicitur ante lectionem Evangelii. Exaudi Domine Jesu Christe : & in officio nostræ Dominicæ : Precibus & meritis, &c. Reliqua discuntur facile ex regulis Ordinarii. Quare hæc dicta sufficiant de horis Canonicis. Quæ vero pœna sit in omitendis, supra statuta est, restituendi fructus ex beneficio perceptos. Sed in Sacris positus, mortaliter peccat, si sine necessitate omittat officium hoc.

Orationes, quas Collectas vocant, a Presbytero stante dicuntur : præterquam in triduo ante Pascha. Preces prostrati facimus, præterquam diebus Dominicis & Festis : Sabbatum enim Dominicæ est Profestum. Sic & cantica novi testamenti, & Psalmum ultimum in laudibus, stantes canimus. Nec nisi mutato Choro incipitur antiphona alia, vel commemoratio, postquam Presbyter dimiserit populum per : Dominus vobiscum.

Ritum denique flectendi genua vel standi, solennem esse debere, docent omnes Sancti Doctores. Vide Justinum, Irenæum, Origenem, Epiphanium, Ambrosium, Hieronymum, Augustinum &c. Genuflexio, nostri lapsus signum est, statio resurrectionis. Et quia tempore Paschali stantes oramus, visitationes Ecclesiarum, quæ eo tempore sunt, Romæ Stationes vocatæ sunt a posteris.

DE MUSICA.

Nihil omnino prætermisit Ecclesia artificii in cantu. Nam, quod natura docet, id Ecclesia sola præstitit : ut voce, quam a Deo articulatam accepimus, omnis generis laudes & gratias Deo referamus. Musica enim dicta a Plutarcho est *ἐνυμνική ἀρμολογία*. Videas sane in officio nostro prænum species omnes : odas omnis generis, & profodia, & antoda, epichæmata, & parabases, & scholia : cum strophis, antistrophis, ecbasis, epodis, apocopis : & quicquid denique est, quod Græcorum diligentia invenit. Nam nisi plane asinus sis ad lyram ; omnia hæc in cantibus nostræ Ecclesiæ observare queas. Novatores nostræ tempestatis ea non agnoscunt. Hinc fit, ut in Ecclesiis suis barbarum, nescio, quid, arque effæminatum, malint congeniscere : & sotadæum, carmen elumbe, mulierculis puerisque lascivientibus acceptum, obgannire, quam *σύνων* illud cantuum nostrorum, & decorum, imitari.

Sed nos de Musica jam pauca referamus. Primum quidem claves, quas Cantores

C c 2

ob.

observant semper canendo, distinguamus literis, nominibus, & syllabis per scalas. Deinde chordarum seu vocum proportiones rudi saltem Minerva demonstrabimus. Signorum quoque quantitates & qualitates: ut sunt alia longa, alia brevia: juncta alia, alia separata: perfecta & imperfecta. Ad hæc tonorum exempla proponemus, quibus in Ecclesia Bisuntina canuntur Psalmi & cantica. Hos enim numeris duobus post antiphonas in Breviariis nostris adnotavimus. Denique si vacat, etiam symphoniarum, seu contrapuncti, pauca præcepta colligimus.

Pareretur ergo instrumentum. Sit hoc quindecim chordarum, vel vocum quindecim, veluti cithara, vel tibia bisseptem distincta cicuris. Adscribantur his septem literæ, per ordinem, semel quidem repetitæ, sed prima ter accepta. Sic: A B C D E F G a b c d e f g a. Tendentur autem chordæ hæc ad sonos monochordi (id est, unius chordæ sonore) per proportionem musicarum divisæ.

Sunt autem proportionum musicarum omnes in primo numero perfecto, & primis duobus cubis: videlicet senario, octonario, & novenario. Ducendo igitur & reducendo ponticulo (magadam vocant Græci) per partes monochordi istis numeris divisi: nempe duas, tres 4. 5. 6. 7. 8. 9. invenies duplam proportionem, triplam, quadruplam, sesquialteram, sesquiterciam, sesquiquartam, sesquiquintam, sesquiseptimam, sesquioctavam: bipartientem tertias, bipartientem quintas, tripartientem quintas: duplam sesquialteram, duplam sesquiterciam, duplam sesquiquartam, triplam sesquiterciam: Quadruplam denique sesquialteram. Verum, quia diatonico solo vivit Ecclesia, hoc est, genere cantus, quod cum dignitate & majestate magna, per tonos atque hemitonia procedit: idcirco ex partibus, chordæ sonoræ illas tantum portiones sumimus, quæ primæ occurrunt, vel primis proximæ sunt, & sensui cæteris magis notæ. Sunt hæc, Dupla, Tripla, Quadrupla, & earum differentiæ. Differt autem tripla a dupla, ratione sesquialtera: & quadrupla a tripla, proportionem sesquitercia: & rursum dupla a sesquialtera, sesquitercia. Hæc pariter minor est, quam sesquialtera sesquioctava ratione: quod intervallum appellamus tonum. Duo insuper toni minores sunt, quam una quarta, & tres, quam una quinta (id est, quam epitrita, & quam hemiola: qui concentus dicuntur Diatessaron & diapente) ea proportionem, quæ est inter istos numeros primos, 256, & 243: quorum major minore major est partibus 13. Hæc distantia est hemitonii. Ratio, inquam,

spatii illius, quo Diatessaron superat ditonum, & diapente tritonum. Cogimur enim vocem eo etiam spatio meriri: non ratione quidem numerorum ejus, quæ obscura est, & inventu difficilis: sed quia per tonos ad perfectas consonantias progredienti [diapason, disdiapason, diapente, diatessaron, & triplam] necesse est, quod restat spatii, post duos aut tres confectos tonos; uno saltu vocis conficere. Hoc vocant semitonium minus: spatium sane non minimæ dignitatis, virtutis autem tantæ, ut unum modum omnes & mores carminum definiant pro suo situ. Toni autem alteram ab hoc partem apocopen, five semitonium majus dixere vulgus cantorum, Diesin. Sed majus hoc nusquam concinit, nec in usum usquam venit, nisi in Chromate. Si igitur singulorum spatiorum proportionem diatonice constitutionis habere in promptu cupis: ut duarum inter se collatarum differentias elicias; multiplica denominatores; (ut ab Arithmetica docetur) per numeratores vicissim. Ut vero compositiones: numeratores per numeratores, & denominatores per denominatores. Sic invenies in systemate nostro proportionem in his numeris: duo ad unum: tria ad unum: quatuor ad unum: 3. ad 2. & 4. ad 3. & 9. ad 8. & 256. ad 243. & 81. ad 64. & 32. ad 27. & 27. ad 16. & 112. ad 81. & 2187. ad 2048.

* * * * *

Duo hic exhibentur Schemata, quibus auctor hujus Tractatus de Musica sui Systematis paradigma proponit: plura alia deinceps etiam in eodem hoc Tractatu aliis in locis, quos asteriscis notavimus, exhibentur: Sed hæc a nobis prætermissa sunt, cum lamellis, quibus ista inculpra sunt paradigma, careamus; nova vero non sine magnorum impendiorum sumptu, sculpi & excudi, minime necessarium arbitrati sunt, qui a nobis consulti fuere, rei Musicæ periti, propterea, quod vel nunquam omnino, vel vix unquam eadem putaverint usui esse futura; cum principii auctor nitatur, nunc penitus obsoletis.

Habes in Schematibus his quinque tetra-chorda, scilicet gravium, mediarum, conjunctarum, disjunctarum, & acutarum. Habes & tres deductiones asperam, mollem, & naturalem. Quarum naturalis incipit a litera c, mollis a litera f, aspera a g. Et in tribus hisce literis ponuntur claves. Itaque singulis notis in linea vel in spacio positis, tot syllabas dabis, quot deductiones hexachordorum in eam concurrunt. Hinc compositio illa

illa manus, in qua pueros diu torquere solent Magistri: gamma ut, a re &c. Præstaret profecto scalam hanc ubique depingere, non in digitis,

Dominante igitur in eo genere spacio tonico, locum nullum habere potuerunt proportionēs, sesquiquarta, sesquiquinta, ac reliquæ: quantumvis proxime accedant ad illas. Proxima namque est ditono sesquiquarta: & hemiditono, sesquiquinta: & sextæ majori bipartiens tertias. Quo primum fit, ut cantantes ascendant imprudentes. Vox enim frequenter in ascendendo collimat ad sesquiquintam, & in descendendo ad sesquiquartam. Fit deinde, ut citharædi sæpe nervos male tendant imperiti. Aurem enim particulares proportionēs potius delectant, quam ditonus & hemiditonus (differentiæ obscuriores) quando seorsum & per se solæ audiuntur. Et differentiæ in vocibus acutioribus minus percipiuntur, quam in gravioribus: quanto majores sunt partes chordæ sonoræ in gravitate, quam acuminē.

Hanc ob rem observanda media est inter omnes: idque præceptum sit semel non modo cantoribus, sed etiam (quod pauci norunt) organorum fabris. Nam, sicut res habet, & veteres Philosophi observarunt: humana vox bene temperata spatium xv. nervorum cantando non excedit. Adeoque intra primum & ultimum definitur: ut si ab infimo velis descendere, deficiat: si supra acutissimum ascendere, tussis, vel gannitus erit. Tendemus ergo primum & ante omnes mediam. Non temere profecto: (hoc imperitorum est) sed qui sonum imitetur, ejus quæ in vocum humanarum xv. media, sine flexu, & conatu omni prodit, & effertur. Unus hic nervus si dissonet, omnes dissonant. Hic duplo altior est, quam infimus: & item duplo gravior, quam supremus. Et ad utrumque consonantiam reddit Diapason: id est, octavam. Vocatur a Græcis ΜΕΣΗ nobis est a la mi re. Reliqui sua obtinuerunt olim nomina apud Græcos, sicut proposito schemate cernes. Nam Græci totum Systema in Tetrachorda quinque divisere. Primum, quod gravissimum est, dixerunt ὑπάτων, id est, principalium: secundum μέσων, id est, mediarum: tertium διεzeugμένων, id est, disjunctarum: supremum ὑπερβολαίων, id est, excellentium. Sed quintum supra mediam situm, συκμμένων, id est, conjunctarum, quia eadem MESE principium ejus est, & finis alterius, in deductione b mollis. Nostri nunc Musici pro tetrachordis hexachorda sumunt. Et syllabis sex inferibunt: ut re mi fa sol la. Author dicitur fuisse Guido quidam Monachus Are-

tinus: sumptis primis syllabis hemistichiorum hymni illius:

*Ut queant laxis Resonare fibris,
Mira gestorum, Famuli tuorum
Solvī polluti, Labii reatum.*

Vocant autem systema hoc sex chordarum, scalam deductionum trium. Et tria quidem ejus principia designant, quas claves vocant C. F. G. id est, C fa ut: F fa ut: G sol re ut. Hoc præceptum si observes, in dispositione literarum cujuscunque systematis non modo Pythagorici nostri, quod humana voce conclusimus: sed in immensum poteris & ascendere & descendere: literas disponendo per suas deductiones asperas, molles & naturales: sicut idem Guido infra prosalamvanomenon addidit Græcam literam Gamma: & supra Neren ultimam quatuor b, c, d, e. Anselmus Georgius adhuc inferne addit octavam, & superne aliam: ut proportio fieret, 16. ad 1. Potuisset quidem in infinitum etiam descendere, si chorda dari possent infinita.

Cæterum & si literæ omnes septem dici claves possint: tamen duæ præsertim notari solent in libris. Et hæ quidem supra lineas, non inter lineas. Veluti, si infra mediam chordam canendum est, notatur linea f fa ut: si supra mediam, c sol fa ut. Reliqua ex his facile intelliguntur in suis quæque lineis, vel spatiis.

Hactenus de nominibus & quantitativis chordarum. Sed antequam de temporum dicamus, jubemus in vocibus referendis exerceri pueros sic, ut primum discant, intrinsece octavas: deinde quintas, poitea quartas: tum tonos & semitonia, ditonos & hemiditonos. Nec tam attendant aures ad syllabas scalæ, quam ad differentias sonorum ejus, quorum tinnitus in aure relictus sit. Hac nimirum exercitatione facilius reddent verba carminum cum suis sonis, quam balatu illo ineptissimo cui assuevere, fa fa fa.

Ad temporum itaque proportionēs exprimendas in syllabis, notulas quasdam excogitarunt Musici non ita pridem, non nihil differentes a vetustioribus. Has vocant longas, breves, semibreves, minimas, semiminimas, & suas multiplici ratione. Formæ notæ sunt, vel ipsis pueris. Continet brevis tempus unum, (quod signum vocamus, Græci σημεῖον) & tactum unum. Quanquam si recte metiri carmina opus sit, singulis pedibus sub uno tactu duas partes dabimus: arsin & thesin. Sed notularum minima dicitur prolatio: nimirum syllabæ. Quia cum sæpe metri ratio & harmoniæ plures verbi syllabas sub uno signo proferri velit, sicut & sub pluribus signis & temporibus unam: unicuique tunc syllabæ tantum

C.c 2

tempo-

temporis damus, quantum minima prolatio ostendit. Ac deinceps per minores sæpe una syllaba decurrit: sæpe etiam diversæ: non aliter, quam per minimas, temporum ratione imminuta. Porro autem in proportionem notularum Musici rationes posuerunt perfecti, atque imperfecti: ut variari queat mensura ejusdem notulæ: & perfecti quidem rationem in ternario collocant: imperfecti in binario. Itaque si perfecto tempore canatur brevis hæc *, tribus semibrevis æqualis erit: si imperfecto, duabus. Prolatio perfecta in semibrevis ponit tres minimas. Propter longas vero, perfectas vel imperfectas: dicunt modum. Ex quo modum perfectum initio cantilenæ notant numero ternario, imperfectum binario: tempus perfectum circulo, imperfectum semicirculo. Prolationem perfectam puncto in medio circuli vel semicirculi, imperfectam tracta linea transversa.

Ponitur etiam numerus ternarius, ut tres minimas signet dandas uni mensuræ. Hoc genus rythmi vocant triplam: sed improprie.

Ut autem e contrario uni syllabæ plures notæ accommodentur, ascendentes vel descendentes, sæpe plures notulæ quadrare connectuntur. Vetus codices Ecclesiæ has ignorabant. Signabant autem connexas easdem voces sinuosis quibusdam lineolis super verba & syllabas, non infelicitè. Fit autem ex ligatura, ut eadem notulæ mutant subinde quantitatem. Canones hujus præcepti erunt. Primus. Inter connexas, mediæ omnes sunt breves. Secundus. Prima sursum caudata semibrevis est cum sequenti: sed descendente cauda, brevis. Tertius. Prima sine cauda, cadente secunda, longa est: sed ascendente, brevis. Quartus. Ultimæ aliæ cadentes, longæ sunt: & omnes, quæ dextro latere descendunt.

Pausarum necessitatem natura docuit. Nam silentio definiri cantum, cogit respirandi vicissitudo. Idcirco versus omnis clauditur semipede. Quod reliquum pedis est, silentio completur. Ex hac lege, cum Divo Augustino, metiri discas hexametrum duobus hemistichiis: scilicet dactylico, & anapestico, cum pausis semipedum duorum:

*Arma virumque cano: Trojæ, qui primus
ab oris.*

Idem & per tria potes, silendo tribus in locis. Ut:

*Tempus erat: quò prima quies: mortali-
bus agris.*

Ubi autem sine silentio metra continuatur, non sane versus erunt, sed rythmus solum. Ut exemplum vides in hac lege pavanæ. Nam si locum ultimum voce repleas, rythmus est: si silentio, membrum: ex duobus membris versus erit.

* * * * *

Quia ergo necesse est, aliquando resumere spiritum ante finem: punctus ideo poni solet inter notas, quo temporis mensura sesquialtera detur præcedenti notæ. Alias enim sine puncto hoc divisionis, alteratur: & sequens minima imperfectam reddit semibrevis præcedentem. Quæ rursus si perfectæ prolationis erit: terna momenta continebit. Sic ergo, quæ tribus minimis erat æqualis, fit una minor. Pariter longiores a brevioribus omnibus minuuntur, nisi separentur puncto aliquo. Indicium silentii ponitur in medio cantilenæ & in initio: brevis quidem junctis parallelis linea transversa: semibrevis ex superiore pendente perpendiculari: minima, stante. Color quoque quantitatem mutat notarum. Siquidem nigra præcedentium tertiam partem adiungunt, si perfectio signata est in cantu: si vero imperfectio, quartam. Nisi certe brevis cum semibrevis ponatur. Namque eo loci semibrevis æqualis erit minimæ. Vocant denique syncopen (id est, concisionem) cum velut in animi deliquio, rythmus interrumpitur. Et mox redit ad quadrarum numerum suum. Fit frequenter hæc in clausulis, quando penultima minima invenitur inter duas breves. Sed magis proprie dicimus syncopen suspirium. Res facilis est.

Supereff, ut de ductu melopæjas loquamur. Sciant ergo Musici, quatuor esse figuras in monodia. Prima Græcis dicta est *πλοκή*: Latinis copulatio. Sed vulgus nunc cantorum fugam nominat. Est autem plocce, vocum repetitio similium aliquo modo parallela, hoc est, partium collatione æquali, vel simili, sibi inter se respondentium. Et hæc quidem triplex inventa est: in rythmo, in systemate, & in syllaba seu verbo. Sed verborum repetitione omissa, quatuor modis fieri potest fuga. Primo, secundum rythmum tantum. Secundo, secundum harmoniæ spatium tantum: quando scilicet idem tonorum atque hemitoniorum ordo recurrit. Tertio, secundum harmoniæ non idem, sed simile spatium tantum: quando, inquam, æquale vocum systema est, & ordo Syllabarum vel signorum idem, sed non idem ordo tonorum, atque semitoniorum. Quarto fit, quando rythmus idem est, & spatium harmoniæ similis, non ejusdem. Ergo in monodia

nodia repetitio juvat. Sed quoniam in re musica varietas prima est, quæ in similitudine delectat; quæ vero sine varietate & sine modo aliquo novo atque inexpectato continuantur, satietatem pariunt: repeti licebit frequenter idem prorsus vocum systema: sed utique ex uno loco transpositum in alium, ne idem omnino canamus, sed aliud: & una cum similitudine, dissimilitudo agnoscat. Exemplum fume in hoc choriambo: SANCTIFICA.

* * * * *

Sunt aliæ tres figuræ melopæjas: τὸν, ἀγῶγῃ, & ἀνίστα. Et tunc quidem, tanquam figura plana, quadrataque, ac parallela; in diversorum locorum spatii æqualibus, voces easdem repetit: Agoge autem consequentes se sigillatim colligit: Pectia, omittas inter alias saltim. Sed in omni opere opranda facilitas est: non peritis & exercitatis tantum, sed etiam rudibus. Nam ut in aliis rebus multa concedat natura: in concentu, vel minimum fastidit errorem. Nec satis est (inquit Horatius) docta esse poemata, dulcia, sunt.

Restat jam de tonis agere. Doctrina multum necessaria psallentibus. Græci tropos vocant: nos nunc tonos, id est, intentiones. Nominum differentia hinc facta est, quod antiqui ad vocis flexus varios respectabant: nostri vero ad principalis & dominantis in quoque modo vocis tenorem. Et primum dixerunt, in quo præcipua systematis chorda (quæ media dicitur) frequentius sonat: non ab ordine earum, quæ sunt in systemate. Antiqui autem modos ex consonantiarum spatii differentibus definierunt. Quare si species omnes Diapason & diapente, ac diatessaron, excutias: plures invenies tonos, quam qui vulgo traduntur, octo tantum. Nec in istis quidem octo totum aliquod systema compleri videas Diapason. In Disdiapason duodecim distinxit Franquinus. Totidem numerat Glareanus. Nec plures invenit Zarlinus. Porro hi omnes in authentos & plagios distincti sunt. Illi principales habentur, hi collaterales principalium. Constatque differentia in hoc, quod authentici dividuntur chorda sua media harmonice: nimirum posita diapente in parte inferiori: plagios autem media chorda dividit arithmetice; posita inferne diatessaron. Hæc omnia in schemate ipso cernas facillime. Primus vocatur Dorius. Secundus, qui huic collateralis est, Hypodorius. Tertius, Phrygius. Quartus, Hypophrygius: sub phrygio scilicet. Quintus, Lydius. Sextus, Hypolydius. Quan-

quam non nihil hic differat Glareanus. Sed parum refert. Septimus sit, si lubet, Iastianus, vel Ionius. Octavus, Hypoastianus. Adde novum, quem nos octavum irregularem dicimus: eum scilicet, qui continetur inter a, & a diapason, divisus harmonice. Ea namque ratione differt ab hypodoria constitutione: & vocetur, si lubet, Æolius. Sub hoc erit Hypoæolius, in systemate lydio diviso, tamen arithmetice. Præterea quem nos quartum irregularem nominamus, is mihi vere mixolydius est. Symbolizat enim cum lydio in tetrachordo conjuncturum. Si adhuc addas hypermixolydium: complebitur numerus troporum duodenarius. Primus ergo continetur in systemate D. d. cujus media est, quæ totius Disdiapason, Mese: vulgo A la mi re. Ideo & primus omnium & laudatissimus cantus Dorius. Nam media ejus, quam frequentius cæteris percutit, vocem refert humanam illam mediam, quæ sine conatu prodit, & ubique dominatur. Secundus inter A & a continetur, media D: in quam desinunt natura sua hi duo modi. Ac merito proximus hic primo est propter a & D mediarum consonantiam inter se diapente. De reliquis pari modo judica, ascendendo gradatim per claves, seu chordas totius systematis in authentis: & dando singulis suos plagios inferne ad Quartam.

Sed regulas Cantorum accipe: Pri. re. la: Sec. re fa: Tert. mi fa: Quart. mi la: Quint. fa fa: Sext. fa la: Sept. ut sol: Ogdones, ut fa. Sensus est. Primi toni antiphona definit in re (hoc est, in D sol re) & ultimum Psalmi metrum incipit ab a la mi re. Secundi toni antiphona definit in eadem D sol re. Sed ultimum Psalmi metrum incipit in f fa ut. Ac ita de aliis interpretare. Initia autem, quamquam varia sunt: tamen in Ecclesia nostra Primus & Sextus inchoant, fa sol la. Secundus, Tertius, & Octavus, ut re fa. Quartus, la sol la. Quintus, ut mi sol. Septimus, fa mi fa sol. Quod si in versu metrum interponatur, mediationem voca. Quæ varie etiam fit. Nam in Primo, Sexto, Septimo, per hemidionum hunc fit: fa mi re mi. In Secundo, Quinto, & Octavo, per tonum: fa sol fa. In tertio, per Quartam & tertiam minorem: sol fa re fa. In quarto tonus est: sol la sol. Fines autem maxime variant. Sed metrum omne hujusmodi ultimum sex syllabis definierunt. In hac syzygia pedum ultima exponentes Sæculorum, amen. ut paucioribus literis eas signent, solas vocales usurpare solent: Eu ou ae. Quamvis certe non omnes metrorum clausulæ sex finiuntur semipedibus: & si sex syllabis his contractis, productisque in fine versus fiat semper ultima

fy-

lyzygia Psalmodum, pro cantus genere. Quocirca attendito in omni conjugatione ultima metri cujuscunque ad accentum acutum, qui ante ultimum occurrit. Nam ab eo inchoatur semper catalexis. Quare si breves, vel alioqui pro brevibus aliæ syllabæ interponantur plures, quam tres ab illo accentu: prolatione minuantur: & sub uno tempore proferantur plures. Exemplum accipe facile in clausula Epistolæ in Ecclesia Cathedrali: Hic integre proferentur Quatuor syllabæ eæ, Ad Romanos. Sed Quintæ eæ, Ad Corinthios, penultimam brevem jungunt cum antepenultima, propter eam, quod ultima ascendit. Sed in rythmo sequenti jungitur. Nam si descenderet, quæ sequitur, tunc brevis jungeretur utroque modo sequenti. Ad Philippenses: tertia a fine dividitur. Deuteronomi: secunda & tertia. Ad Titum, & ad Galatas: primæ dabis tria tempora, seu notas breves, una separata, ut finis quadratus compleatur. Simili uteris ratione in cantu Psalmodum. Brevem syllabam, quæ penultima fuerit, junges ultimæ non ascendenti: & quæ inter ultimum accentum & penultimum invenientur, uno tempore metieris. Ultima demum acuta, varionam amittit notam finalem. ut: Qui abduxerunt nos.

Sequuntur singulorum Tonorum formæ, quibus canuntur Psalmi in Ecclesia Bifuntina: appositis numeris in suis cujusque metris differentibus: ut qui in Brevis nota fuerint, facile inveniuntur.

Sed ne qua in re desideres nostram operam: de contrapuncto aliquid accipe. Vocant alii discantum. Hæc est plurium vocum differentium mixta harmonia. Præcepta erunt hæc. Primum: Initium carminis & finis poni debent in consonantia perfecta, vel unisono. In fuga tamen celeri admittuntur concinna: id est, tertiæ, sextæ, decimæ. Secundum: Duæ consonantia perfectæ nunquam se consequantur ascendendo vel descendendo simul. Concinnitates autem suaviter ascendunt & descendunt simul: propterea, quod spatia earum variantur ex majoribus in minora, & contra. Tertium: Sic inclinet, ut voces diversis motibus contra-

riisque (quantum fieri potest) progredientes, tandem perfectis consonantiis conjungantur: & alicujus toni finem referant. In rythmo autem continuo clausulam fugies: ut fiat, quam vocant musicam reservatam. Quartum: Mutationes generum, ut ex diatonico in chromaticum, seu ex retrachordo disjuncto in conjunctum & contra, suaves sunt: etiam in monodia. Siquidem mutationes, quas b molle vocant, si loco suo fiant; non sinunt torpere auditorem, sed ad attendendum soni novitate excitant. Ut in hoc choriambos; tam quiescentio, quam procedendo.

Juvat enim audisse ditoni additionem post hemiditonum, ut ad consonantiam perveniretur: perinde ac si divideris diapason, per hemiditonum, & ditonum (in quibus est diapente) & diatessaron. Quintum: Fugientæ igitur secundæ, septimæ, nonæ & similes. Quanquam in fufis notulis celeritas dissonantiam excusar; dum modo prior semipedis pars non dissonet. Sextum: Quarta sola dissonat. Ideo vel quinta ei supponatur, vel tertia. Et sextam, si sub reno rem esse contingat, sequatur illico octava.

DE MINISTRIS JUSTITIÆ.

Ecclesiæ jurisdictionem & auctoritatem condendi leges, & puniendi inobedientem, hæretici tantum negant. Id autem faciunt, ut obedientia ejus excusso timore, vitis omnibus laxare possint habenas. Sciunt enim sæcularem potestatem non solere, nisi in ea animadvertere, quæ palam perturbant statum Reipub. ac societatem: quæ Deo tantum teste fiunt, Deo vindicti relinquunt. Sed invitis hæreticis, Verbum Dei manebit in æternum: & libertate conscientiarum, quam sæpe invocant scelerati homines, inimici crucis Christi, nunquam fruuntur. Potestas hæc Ecclesiæ verbo Dei nirtur: contra quod portæ inferi non prævalebunt. Qui vos spernit, inquit Christus, me spernit: & qui me spernit, spernit eum, qui misit me. [a] Et alibi: Si Ecclesiam non audierit, sit tibi sicut ethnicus & publicanus. Et Paulus [b]: Itaque qui hæc spernit, non hominem spernit. Episcopi & Prælati positi sunt a Deo regere Ecclesiam suam, ut loquitur Petrus Apost. Act. 20. Si regere; ergo

(a) Joan. 13. Luc. 10. Matt. 18.

(b) 1. Theff. 4.

ergo jubere possunt, & eis obedire oportet: & qui obedire noluerit, nonne puniendus erit? Si puniendus, ergo Judex Ecclesiasticus potestatem habeat oportet puniendi. Noli quærere fieri Judex (inquit (c) Salomon) nisi potestatem habeas infringendi injuriam. Petrus Apost. annon morte multavit Ananiam (d) & Saphiram? Qua de causa? Quia fraudaverant de pretio agri. Et si Ecclesiæ quis debeat decimas, vel aliud quid, non puniri poterit saltem excommunicatione is, qui decimas negat? Paulus (e) fornicatorem tradidit Satanae: Hymenemque & Alexandrum blasphemos; (f) & nobis non licebit saltem ab Ecclesia expellere sceleratos Ecclesiæ hostes? An potestas aliqua, vel autoritas pœnæ erat in Apostolo, quando scribebat [g] Corinthiis: Vultis in virga veniam ad vos? Omitto, quod in lege veteri nulli fuit impune contra Sacerdotum dignitatem egisse. Exemplo sunt Dathan, Abiron, Chore, Ozias, Saul, &c. (h) Neque aliunde hæreses obortæ sunt; aut nata sunt schismata, (inquit (i) D. Cyprianus) nisi inde, quod Sacerdotibus Dei non obtemperatur, nec unus in Ecclesia ad tempus Sacerdos & Judex vice Christi judicatur. At, inquiunt, hæretici, Christus prohibuit judicia secularia. Principes gentium, inquit, dominantur eorum. &c. Et Clemens a Petro didicisse se, ait, ne Judex fieret aut cognitor de pecuniis. Sed videant, quid idem Clemens in libro magis ab eis probato dicat de Const. Apost. l. 2. c. 4. & 5. Pulchra laus, inquit, est Christiani hominis cum nemine litigare: sin autem factum fuerit, ut incidat ei lis, det operam ut dirimatur, & ne adeat ad Judicem gentium. Imo ne patiamini, ut sæculares Magistratus de causis vestris judicent. Et in eadem Epistola: Si qui ex fratribus negotia habent inter se, apud cognitores sæculi ne judicentur, sed apud Presbyteros Ecclesiæ. Idem: Assistenti judicio Diaconi & Presbyteri: & date operam, ut antequam Episcopus provideat, fiant amici. Idem fere Anacletus, epist. 1. sed optime extr. De foro comp. c. Novit. Ut in peccato ad mortem non maneat frater, licet Episcopo de secularibus causis cognoscere. Sed actor laicus, si dolo vel malicia, relicto suo foro, adeat Ecclesiasticum, rejiciatur. Finis ergo judicii Ecclesiastici est, ut litigantes reconciliantur, & ne quis maneat in peccato. Nam ex peccatis impiorum oriuntur lites. Prov. verb. 28.

Sciant autem omnes, qui jurisdictionem exercent, non de omnibus habere se

potestatem absolvendi, de quibus judicant. Nam & Episcopus de hæresi inquit, & de Simonia, & de irregularitate, & de criminibus multis, & reos condemnat, & obstrictos brachio tradit sæculari: non tamen absolvere eosdem potest Ordinaria autoritate. Sic Archi-Diaconi, Decani, Præpositi, & alii Judices, in criminosos inquirunt, sæpe suæ jurisdictionis contumaces excommunicant, & absolunt: sed graviorum excessuum absolutione reservata ad Episcopum, ipsis inferioribus Judicibus interdicta.

Cum sit ergo res adeo seria, videant, quid agant Judices Ecclesiastici. Vicarii, Officiales, Procuratores, Decani, Scribæ, Advocati, cæterique Officarii nostri, se Dei Ministros esse arbitrentur, non mammonæ: electos ad animadvertendum in discolos, & Ecclesiæ rebelles: favendumque simplicibus & piis. Caveant sibi a muneribus, non minus, quam a gravi peste: ne corrumpantur. Siquidem munera excæcant etiam prudentes, & subvertunt verba iustorum. Exod. 23.

STATUTUM I.

Judices omnes tam nostri, quam delegati observabunt diligenter Cap. XX. Sess. XXIV. & Cap. X. Sess. XXV. Sacri Concilii Tridentini, ut legitime in judicio, & breviter procedatur: & litigatorum artibus, seu in litis contestatione, seu alia parte judicii differenda, modis omnibus, aut termini præfixione, aut competenti alia ratione occurratur.

II.

Nemini suffragentur (k) literæ conservatoriæ cum quibuscunque clausulis, aut decretis, ad hoc, ut coram suo Episcopo, sive alio Superiore ordinario in criminalibus & mixtis causis accusari & conveniri, ac contra eum inquiri & procedi non possit: aut quo minus, si quæ jura ei ex cessione competierint, super illis libere valeat apud Judicem ordinarium conveniri. In civilibus etiam causis, si ipse actor extiterit, neminem licet ei apud suos conservatores trahere. Nec ultra quinquennium quis similium literarum bene-

(c) Eccl. 7. (d) Acto. 5. (e) 1. Cor. 1. (f) 1. Tim. 1.
(g) 1. Cor. 4. (h) Num. 16. 2. Para. 26. 1. Reg. 13. (i) Cypr. lib. 1. epist. 3.
(k) Conc. Trident. Sess. 4. cap. 5.

beneficio gaudeat. Prohibetur insuper ipsis conservatoribus Judicibus habere tribunal aliquod erectum. Universitas tamen & Collegia Doctorum, seu Scholarium, & regularia loca, nec non Hospitalia actu hospitalem servantia ab hoc Canone eximuntur.

III.

Authoritate Sacrosancti Concilii Trident. excommunicantur, maledicuntur, & anathematizantur omnes cujuscunque ordinis, gradus, dignitatis, tam Ecclesiasticæ, quam sæcularis: qui Ecclesiasticam jurisdictionem vi vel metu, tollere vel impedire præsumunt.

IV.

Ne remedio appellationis, quod ad innocentiam præsidium institutum est, ad iniquitatis defensionem abutantur improbi: statuit Sancta Synodus (1), ut in causis visitationis, correctionis, inhabilitatis, nec non criminalibus ab Episcopo, seu ejus Vicario, ante definitivam sententiam ab interlocutoria, vel alio quocunque gravamine non appelletur: nec appellationi deferatur, nisi gravamen ipsum per definitivam reparari, vel a definitiva appellari non possit.

V.

Ordinarij authoritate Sedis Apostolicæ, & ab ea jus & potestatem habentes, etiam tanquam Sedis Apostolicæ delegati Ecclesias omnes, Hospitalia, pia loca, etiam Abbatias & Prioratus, in quibus non viget regularis observantia, visitent, ordinando in illis, moderando, puniendo, & exequendo, juxta Canonum Sanctiones, quæcunque duxerint salutaria. Nec in his, ubi de visitatione & morum correctione agitur, exemptio, aut ulla inhibitiõ, appellatio, seu querela, executionem impediat aut suspendat: salvis cuicque suis juribus. (m)

STATUTA de MANDATIS exequendis.

AD exercendam jurisdictionem Ecclesiasticam, & jus cuicque

reddendum: Statuta Curia Bisunt. & Officialatus, a bonæ memoriæ D. D. Antonio de Vergayo, Francisco Buslaidio, Carolo de novo Castro, & aliis quondam Archi-Episcopis Bisunt. Prædecessoribus nostris edita, volumus observari.

Mandata Curia nostræ Bisunt. continent vel monitionem, vel citationem, vel diffinitionem, vel informationem, vel solam notificationem faciendam. Et monitionem quidem plerumque habent sub pœna aliqua: veluti excommunicationis, suspensionis, privationis, multæ pecuniariæ. Nec tamen incurritur omnis ea pœna statim: nisi dicatur incurrenda ipso facto.

Citatio autem vocatio est juridica, rei ad judicium. Quæ cum de jure inventa sit naturali, omitti per Principem non debet. Adam ubi es? Quicunque igitur litigare velit; ante omnia citabit adversarium suum: idque non modo in primo actu, sed & in singulis. Clem. Pastoralis. de rejud.

Fieri citatio potest viva voce Judicis pro tribunali sedentis. Juber quoque viva voce Judex nuncio, seu viatori, ut citet, absque literis: sæpius tamen in Curia nostra per literas citamus. Quæ commissionem continent Judicis; de citando, nomen citantis, & citati: diemque & tempus, cum hoc verbo: Peremptorie comparendi. Alias non valet citatio. Sed hæc ordinarii Judicis citatio est. Nam delegati, & extraordinarii, non solum actoris nomen, & rei: sed etiam Judicis, & causæ, & loci, & temporis, & horæ: quoniam ordinariorum Judicum nota sunt omnibus tribunalia, & judicii horæ certæ: non extraordinariorum. Per tex. cap. Cum parati. de Appell. Nec de stylo hætenus Curia nostræ fuit, ut causæ exprimeretur, vel articulus, ad quem quis citatur: propterea, quod in ordinario citante semper præsumitur causæ: modo fiat ad instantiam alicujus: præter quam in casu præventionis judicii seu tribunalis. Hic enim causæ exprimenda est: quod libellare citationem dicimus vulgo.

Regulariter quoque citatio tribus editis fit: & tertium est peremptorium, etiam si non exprimatur verbum peremptorie, ut not. in Sum. §. q. 2. Potest tamen ex causâ unicuique edictum sufficere peremptorium: sed quod contineat competentia interstitia: saltem trium temporum intervalla sufficiant, pro Judicis arbitrio: c. Cum ex literis: de in integ. rest.

Distri-

(1) Sess. 13. c. 1.

(m) Sess. 7. c. 8. & 24. c. 3. & 25. c. 8.

Districcio, realis citatio dicitur. Hac rapitur reus invitus ad iudicium, per capturam (ut dicitur) personæ. In causis civilibus non procedit, nisi præcedente iudicis commissione: veluti cum reus per sententiam diffinitivam condemnatus est. Potest enim pro sententiæ executione capi: servato tamen juris ordine, & legis a D. Pio, §. In venditione, ff. De re iudicata. Alias non licet incipere a captura personæ secundum gloss. & Bart. in l. 3. §. Tutor. ff. De susp. tut. & alios. Sed si debitor sit suspectus de fuga: districcio personæ fieri potest, etiam propria autoritate per privatum sine commissione speciali iudicis. l. Ait prætor, ff. Quæ in frau. cred. In criminalibus vero, sine correctoris, Iudex ea uti potest: etiam edictis tribus omisiss: secundum Bal. in l. Plerique, ff. De in jus vocan.

Ad hoc autem, ut quis vere citatus dici possit, tria consideranda sunt, unum ex parte iudicis mandatum decernentis, scilicet commissio: & duo ex parte nuncii, nempe executio mandati, & relatio executionis factæ. Alias citatio non valet. Bal. in l. fin. C. De feriis. & Fel. in c. Gratum, de off. delegati.

Concurrentibus ergo prædictis tribus: si reus tribus edictis citatus, nec in primo citationis termino comparuerit: reputabitur contumax ad hoc, ut teneatur actori comparenti ad expensas. Non tamen ut excommunicatio debeat ferri in eum, vel missio fieri. c. Querelam, de procur. sper. tit. De expens. §. Juxta, c. ult. De dolo & contru. Nisi ad primam citationem aperte declaraverit nolle comparere. Tunc enim ob notoriam contumaciam excommunicari potest.

Quod si ex causa citatio fit unica peremptoria, licet tres contineat terminos: sufficit, ut in uno termino compareat: nec reputabitur contumax, nisi post ultimum terminum non compareat: præsertim si apprehensus fuit personaliter, & citatus. Tunc enim vere contumax erit, & præsumptive. Spec. titu. De cita. §. Viso, c. Ex literis, de excess. Prælatorum.

Informationis mandatum committit aliquem fide dignum ad inquirendum de persona, vel de facto, de re, de loco, de tempore, de modo, de materia, de causa, de occasione: idque vel palam, vel secreta, productis, juratisque testibus vel secus.

Notificationem solam sæpe faciunt Curati mandatorum Superioris: quorum executioni opus non est relatione. Veluti ut denunciarent populo Indulgentias, vel festum, vel processiones, &c.

STATUTUM I.

Curati, seu eorum Vicarii diligenter & prompte exequantur mandata Cameræ nostræ, & Curia nostræ Bisunt. Nec notificent parti contra quam fiet executio, donec portitor, seu nuntius mandatorum longam fecerit viam: id est, donec procul jam recesserit a loco, ne is male tractetur. Si vero dicti Curati, aut eorum Vicarii præsentem ordinationem non observaverint, restituent omne damnum, & interesse partis læsæ: & Fisco nostro rationem districcam reddent pro sua inobedientia.

II.

Curati, & Decani nullos recipiant pro Procuratoribus Cameræ, aut Curia nostræ: Nec eos permittant citare aliquos verbo aut viva voce: nisi ipsis constet per Literas nostras patentes, quod a Nobis habeant hoc officium, & hanc facultatem. Idem quoque statuimus & ordinamus de iis, qui se dicunt Substitutos & Scribas causarum Procuratorum nostrorum: & omnino eis non credatur, nisi fides fiat de commissione ipsorum, sed Nobis, aut Vicario, seu Officiali nostro volumus illico nomina talium abusorum in scriptis denunciari & intimari.

III.

Curati, seu eorum Vicarii exequentes mandata nostra a tergo ipsorum, scribant nomen officii sui sic: Executum est præsens mandatum per me talem Curatum (vel Vicarium) talis Ecclesiæ, in prono, vel ad personam ipsius: vel in domicilio ejus, ad personam uxoris, vel talis famuli: (si persona non potest apprehendi) quia illum reperire non potui: aut quia ad eum mihi tutus non patebat accessus: teste signo meo manuali, tali die, & anno tali. Et signet suo signo manuali, nomen suum & cognomen scribendo. Si vero talis Executor non sit Curatus, vel Vicarius, scribet nomen suum & cognomen, & signabit ut supra.

IV.

Curati, seu eorum Vicarii duos habeant libros papyri albæ sibi paratos, & bene servatos sub clave; in quorum altero nomina baptizatorum scribant: in altero registrent fideliter nomina excommunicatorum, diem executionis, personam, ad cujus instantiam, & causam, propter quam facta est excommunicatio. Sic scribendo: Excommunicatus est talis pro tali summa, vel pro contumacia, vel tali re, ad instantiam talis, die tali, anno tali. Et similiter fiat de absolutione vel relaxatione.

V.

Quas quidem absolutiones vel relaxationes cum consensibus, diligenter & studiose custodiant, nec recipiant consensus aliquorum, qui se fortes faciunt pro creditoribus absentibus: nisi sint eorum Procuratores sufficientes, vel negociorum gestores, & quod in consensibus hujusmodi ponantur saltem duo testes: Alias tales consensus irritos decernimus & nullius roboris.

VI.

Curati, seu Vicarii non exequantur literas citatorias (a quibuscunque Judicibus emanaverint) ad citandum extra nostram Dioecesim, vel ad excommunicandum illos, quos Judices hujusmodi contumaces reputaverint: nisi ipsis constet de literis nostris de Placet, seu Vicarii nostri Generalis, aut Officialis.

VII.

Curati, seu eorum Vicarii, quibus semel præsentabuntur literæ excommunicatoriæ pro altera parte, de eadem data, neutras illarum exequantur, sed remittant partes coram Officiali nostro, assignando eis certum diem competentem, ad recipiendum appunctamentum juridicum super dictis literis.

VIII.

Curati, seu eorum Vicarii, cum receperint tertiam monitionem exequendam contra aliquem excommunicatum, moneant Dominos temporales dicti excommunicati, aut suos officia-

rios illius loci, in quo habitat talis excommunicatus, ut illum compellant satisfacere suo creditori, per captionem bonorum ejus, & personæ, secundum formam dictæ monitionis. Et de hujusmodi executione ad personam Dominorum, aut suorum Officiorum, fiat expressa mentio in certificatione, seu executione, a tergo dictæ monitionis: ne ipsi habeant occasionem excusandi se, neque occasionem conquerendi, quando cessus a Divinis apponetur.

IX.

Curati, seu Vicarii habitantes in castris, aut locis, ad quos non est accessus, exhibeant se in publicum circa horam primam circa meridiem, & circa horam vespertorum, ut mandata nostra exequantur.

X.

Ad hæc quarundam vicinarum Diocesium laudabilem consuetudinem commendantes, ut ab expeditionibus, quæ sunt alicujus momenti, omnis suspicio tollatur cum falsitatis, tum surreptionis: Statuimus & ordinamus, quod posthac in omnibus hujusmodi instrumentis, quæ speciale mandatum nostrum, vel Vicariorum nostrorum requirunt, nomen scribatur ipsius mandantis. Veluti, si a Nobis procedant, Claudius a Bauma, &c. Si a Vicario nostro Generali, Antonius Lullus, Vicarius Generalis, &c. Si ab Officiali, hoc modo: Nos Joannes Renard, Juris Utriusque Doctor, Officialis, &c. In literis quoque Ordinum, quos celebraverit Reverendus Pater Suffraganeus noster, sic dicetur: Nos Nicolaus Gue- rin, Episcopus Alexiensis, Suffraganeus, &c. Si vero alius non Suffraganeus noster fuerit, dicetur hoc modo: Claudius a Bauma, &c. vel: Vicarius Generalis, &c. Notum facimus universis, quod Reverendus Pater Franciscus Henricus, Episcopus Damasci, de licentia nostra Sacros generales Ordines celebrans, &c. Quod si in principio dictarum expeditionum nostrarum, vel Vicarii nostri, aut Officialis nomen proprium positum non fuerit, tunc volumus, ut manu propria ipsius mandantis subscribantur: alias cum suo periculo obtinebuntur.

DE SENTENTIA EX- communicationis.

OPeræ pretium erit jam paucis cum Dei gratia, exponere, quid sit excommunicatio, & quotuplex sit: & quid differat ab anathemate, irregularitate, suspensione & interdicto.

Articulus Fidei est, quem confitemur, CREDO unam Sanctam Ecclesiam Catholicam, Sanctorum communionem. Licet enim multæ sint Ecclesiæ particulares, ut erant septem in Asia: tamen una est Universalis, seu Catholica collectio fidelium in fidei & Sacramentorum communione. Potest quidem vox ista: Sanctorum, in genere neutro sumi, pro: rerum Sanctorum. Ut sicut Aët. i. dicitur: Omnes, qui credebant, erant pariter, & habebant omnia communia: sic in Ecclesia Christi bona omnia spiritualia omnibus communia sunt, ut nemo suum quid esse solius dicat: Quæ sunt dona Dei, Passio, Redemptio, Sacramenta, Evangelium, Promissio, Tempus, Sacrificia, Ministri, & reliqua, quæ nobis Crux Christi beatissima produxit. Hi sunt fructus ligni vitæ, a quibus ingrati Christiani arcantur per excommunicationem, sicut primi parentes a paradiso voluptatis prohibiti sunt per flammeum gladium atque versatilem Cherubin. In hanc sententiam hortatur Apostolus, Eph. 4. Solliciti servare unitatem Spiritus, in vinculo pacis: unum corpus, unus spiritus, una fides, sicut vocati estis in una spe vocationis vestræ: unum Baptisma; unus Deus & Pater omnium, qui est super omnia, & per omnia, & in omnibus nobis. Potest & Sanctorum, personarum sanctarum esse, quæ in una communione & societate degunt: qualis in corporis nostri membris reperitur, de qua idem Apostolus, 1. Cor. 12. Quia in commune omnia membra agunt, & se invicem juvant. Nam si patitur unum membrum, alia compatiuntur: unde mos est in Ecclesia, ut orationes fiant in communi. Sed utroque modo sumpta idem significat, & eodem spectat: Unio, seu unitas Ecclesiæ in tribus consideratur: ut facile est colligere ex vetustissimo Tertulliano in Apolog. C. 39. Primo in communione virtutum Fidei, spei, & charitatis: deinde in communione Sacramentorum & orationis: tertio in convictu, seu consuetudine humana. Qui in aliquo istorum non communicat in Ecclesia, re ipsa excommunicatus est, & licet nullius Prælati Ecclesiæ sententia ejiciatur, veluti hæreticus, extra communionem est Ecclesiæ, & suo ipsius iudicio condemnatus, id est, excommunicatus. Qui non communicat in fide, desperans de misericordia & merito Christi, excommunica-

tus est: (hoc est, extra communionem) quia non communicat in spe cum Ecclesia Catholica, ut Judas, qui se ipsum condemnavit. Peccatores, qui Dei & proximi charitatem abjecerunt, licet in fide communicent, & propter hoc tanquam membra mortua adhuc in corpore hæreant Ecclesiæ & Christi: tamen extra communionem sunt gratiæ Spiritus Sancti, quæ influit a capite Christo in membra Ecclesiæ non mortua, nec a corpore ejus separata. Discedite a me, inquit, omnes, qui operamini iniquitatem. Alia est communio in Sacramentis Ecclesiæ, & orationibus, de qua dicitur, quod erant discipuli perseverantes in doctrina Apostolorum, & communicatione fractionis panis, & orationibus. Ab hac communione etiam separati sunt schismatici, & omnes illi, qui aliis Sacramentis utuntur, quam Ecclesia, & qui vera Sacramentorum & necessaria susceptione abstinent sine iusta causa. Tertia est in consuetudine, convictu & commercio, seu negotiis humanis: a qua omnes perturbatores pacis publicæ re ipsa & a se ipsis separati sunt. Per sententiam quoque Judicis & Ecclesiæ, separantur: sicut Apostolus jubet, cum fratribus fornicariis ne cibum quidem sumere.

Ex his patet quotuplex sit excommunicatio. Verbum namque istud excommunicationis, licet apud Sanctos Doctores antiquos reperiat: tamen frequentius invenitur cum periphrasi: velut non communicare, removeri a communione, privari communione, rejici a communione, suscipi a communione, & similibus. Et quia maxime apparebat communis Fidei professio Christianorum in Sacramenti Eucharistiæ perceptione: idcirco Patres Sacramentum hoc communionem appellarunt merito, & Græce etiam (ut supra diximus) synaxin: quasi coadunationem, seu congregationem. Separationem quoque ab hoc, & aliis Sacramentis excommunicationem dixere: quæ prima est significatio hujus vocabuli. Deinde excommunicati dicti sunt, quorum convictu & commercio interdicitur fidelibus. Tertio hi, pro quibus etiam in particulari, Ecclesia prohibet orare. Orare, inquam, publice. Nam privatim licet: & generaliter pro hæreticis & schismaticis orat Ecclesia publice in Parasceve. Nec ii, qui in Dei gratia sunt, licet per errorem, aut injuste excommunicati sint, suffragiis Ecclesiæ omnino exclusi sunt. Siquidem iusti communicantes in fide & charitate, participes sunt orationum Sanctorum: ut Propheta testatur: Particeps ego sum omnium timentium te, & custodientium mandata tua: ita ut non solum vivi, sed etiam defuncti fructum capiant orationum

num nostrarum, & nos ipsorum omnium, qui in corpore Christi permanent, (tam in Ecclesia militante, quam in illa triumphante) atque etiam eorum, qui cum spe certa suæ beatitudinis, iusto Dei iudicio peccatorum suorum pœnas pendunt in purgatorio, quas in hac vita non perfolverint: ob eamque causam in Missa (tanquam præcipuo communionis Sacramento) memoriam facit Ecclesia Sanctorum, per hæc verba: Communicantes, & memoriam venerantes in primis gloriosæ, semperque Virginis Mariæ, &c. Quod si Ecclesia iusta aliqua de causa aliquem non solum e commercio fidelium, & Sacramentorum perceptione separaret, proque eo orare prohibeat: sed etiam diris devoteat, & in potestatem Satanæ tradat ad interitum carnis, ut spiritus ejus salvus fiat in die iudicii: jam hæc sane major pœna erit. Quæ vocatur hæc? anathema. Neque enim idem dicitur excommunicari (vel communione privari) atque anathematizari. Licet confundantur aliquando: ut ex uno Concilio Romano patere potest, sub Symmacho: ubi de contemptoribus Statutorum illorum sic scribitur: Si Clericus est, gradu proprio penitus careat. Si vero Monachus, aut laicus, communione privetur: & si non emendaverit vitium, anathemate feriat. Et Basilus ad Greg. Presbyt. Eris universo populo anathema: ut qui te receperint, omni Ecclesiastica communione priventur. Dicebatur enim Anathema id, quod diis dicarum, nemini licebat contingere: qualia in templis donaria suspensa ex voto. Sic Josue 6. dicitur: Sit civitas ipsa anathema. Erat enim igne consumenda ipsa Hierico, & omnia, quæ in ea erant: ex quibus populo fas non fuit quicquam attingere. Sic homo Sacer, ac diris & interniciei devotus: quales illi, quos olim gentiles sacrificabant idolis suis, ad expiandum aliquod crimen, aut luem publicam. Atque is quidem maxime proprie hic dicitur anathema: quamquam confundantur, ut dixi, hæc vocabula. Nam Aug. ita loquitur: Omnis Christianus, qui a Sacerdotibus excommunicatur, Satanæ traditur: quia extra Ecclesiam Diabolus est, sicut in Ecclesia Christus. Ac per hoc quasi diabolo traditur, qui ab Ecclesiastica communione removetur, 11. qu. 3. Joannes tamen Papa VIII. causâ 3. q. 4. dicit: Engeltrudam uxorem Bufonis, noveris non solum excommunicatione, quæ a fraterna societate separat, sed etiam anathemate, quod ab ipso Christi corpore, quod est Ecclesia, recidit, crebro percussam esse.

Habes ergo, quid sit excommunicatio, & quor modis accidat: quid anathema, quid suspensio, quid depositio, quid irregularitas, quid interdictum, omnes censuræ Ec-

clesiasticæ. Siquidem suspensio proprie & principaliter respicit administrationem ordinis vel jurisdictionis: depositio beneficium vel dignitatem: irregularitas tam ineptitudo est ad suscipiendum Ordinem, quam ad exercendum: per interdictum Sacra fieri prohibentur in aliqua Ecclesia, vel communitas aliqua privatur Sacris. Atque hæc quidem sunt omnes censuræ, id est, pœnæ Ecclesiasticæ.

Cæterum usus habet, ut dupliciter distinguatur excommunicatio. Una dicitur minor, alia major. Et major quidem non solum a perceptione Sacramentorum privat, & communione bonorum spiritualium, quorum participes sunt, qui ab unione Ecclesiæ non sunt separati, sed etiam a convictu & omni commercio fidelium: adeo ut sic excommunicatus ab omnibus vitari debeat: in iudicio agere non potest: non potest esse Procurator, non Advocatus, non testis. Et si Clericus est, & actum alicujus Ordinis Sacri exerceat, aut Ordinem suscipit: efficitur irregularis, & a solo Papa dispensatur publico delicto.

Excommunicatio minor tantum separat a susceptione passiva Sacramentorum, & passiva electione Canonica: ita quod peccat suscipiens, vel administans Sacramenta. Et incurritur ob participationem cum excommunicato majori excommunicatione. Excommunicato, inquam, publice & nominatim: vel a jure propter crimen aliquod, cujus censura a nemine ignoretur: veluti propter manum violentam in notorium Clericum.

Cum vero nitatur excommunicatio Verbo Dei, nulla potestas secularis potest eam impedire, nec infernalis: quoniam ex clavis una est, quæ dicitur jurisdictionis, data Ministris Ecclesiæ, contra quam portæ inferi non prævalebunt. Quapropter Imperatores potentissimi censuram hanc excommunicationis patienter tulerunt, ut legitur de Magno Theodosio, quem S. Ambrosius Episcopus Mediolanensis ab ingressu prohibuit Ecclesiæ, propter cædem, quam fieri jusserat Thessalonicæ: & Philippus Imperator, cum in die Vigiliæ Paschæ ultimæ vellet orationibus cum reliqua multitudo, tanquam concors, addi, non fuit admixtus a Fabiano Pontifice, nisi prius confiteretur, & pœnitentibus se conjungeret: quia in multis culpabilis esset. Et obsequutus est Imperator. Sic Sanctus Babylas Julianum prohibuit ingressu Ecclesiæ: Stanislaus Boleslaus. Et optimus atque Sanctissimus quisque Princeps Matris Ecclesiæ monitis salubribus semper paruit.

Duæ præterea causæ sunt, propter quas censura fertur excommunicationis. Una est, pecca-

peccatum grave & magni scandali : Altera, contumacia seu inobedientia, quæ etiam ipsa peccatum grave est, & quasi ariolandi ; ut loquitur Sapiens. Si quis non obedit verbo nostro (inquit Apostolus), per Epistolam, hunc notate, & ne commisceamini cum eo, ut confundatur : & nolite existimare inimicum, sed corripite ut fratrem. Ex verbis istis Apostoli inferunt Doctores ; nos posse cum excommunicato communicare, etiam absque peccato : si causæ insint, quæ hoc versu continentur :

Utile, lex, bumile, res ignorata, necesse.

Sententia excommunicationis alia dicitur a jure, alia ab homine : hoc est, a Judice, causâ cognita. Illius materia est peccatum, seu actio, aut omissio, de genere peccati alicujus gravissimi, ut sacrilegii, homicidii, falsitatis, & similibus. Quæ vero per sententiam Judicis tertur, contumaciam habet pro causâ : quia excommunicatus noluit Ecclesiam audire, ut penitentiam ageret. Veluti de hæresi, aut alia re : vel ut fratri restituere pecuniam, vel famam, vel aliud, in quo eum offendit, & secundum Evangelii præceptum fuit interpellatus, & requisitus. Inter illas quoque, quæ a jure feruntur, vel per Statuta Synodalia, quædam sunt, quæ ipso facto incurruntur : & sic excommunicati vitari debent ab omnibus sub pœna excommunicationis minoris. Ut si quis Presbyterum vulneraverit. Aliæ requirunt declarationem Judicis : quod licet excommunicatus sit a jure, qui deliquit : tamen ad hoc, ut vitetur ab aliis, opus est declaratione : ut Simoniacus occultus, falsarius, &c.

Sed declamant nonnulli ; Non est ferenda hæc gravis Ecclesiastica denunciatio ; maxime propter debitum pecuniarium. Quasi vero, qui rem proximi detinet, eo invito (sive id sit ex contractu, sive ex judicato, sive alio modo, ut supra dictum est) non faciat injuriam fratri : quasi correctione fraterna non indigeat, qui in fratrem peccat : & processu Evangelico judicari non possit frater, si de eo frater conqueratur.

Sed notandum est, non eodem animo omnes esse ; qui de censura hac obloquuntur. Alii enim male affecti in Ecclesiam, ejus auctoritatem omnem & jurisdictionem vellent penitus sublatam, & extinctam. Cum his nobis nihil est, quoniam qui non credit (dixit [n] Salvator) jam judicatus est. Alii sub prætextu serviendi Principibus & Magistratui, magis rem suam quærunt, quam Reipub. utilitatem : Quorum voces, quam audiendæ sint, nemo sani judicii non

videt. Ipsi enim Principes Illustrissimi, & Magistratus Catholici, omni semper studio clavem hanc, & potestatem Ecclesiæ, tutati sunt, & gladio suo protexere : tantum abest, ut cupiant deterere. Alii ære alieno oppressi, quos Ecclesiæ Prælati cogunt creditoribus satisfacere, cuperent profecto, aut subito de medio rerum tolli omnem excommunicationem, aut omnino (si Deo placeret) novas tabulas fieri : omnino ne ad restitutionem tenerentur. Idem vero contra, cum licitorum & servientium multitudinem domi offendunt, supellectilem omnem domesticam describentium, & asportantium, atque distrahentium viliori pretio, quam sint : equos, asinos, boves, currus, vestes, lintheamina, lectos, se denique in carcerem detrudentium. Hem quam benigna est, inquit, Ecclesia : quam multis modis nos expectat : quam nullo sumptu ! Certe illud Prophetæ dici potest : Per jurisdictionem Ecclesiasticam sublatum onus humeri, [o] virgam exactoris superatam. Nam si solvendo non sint, etiam hic remedium habetur cessionis bonorum : quæ facta amplius nihil habet creditor, quam ut sibi damnum imputet, qui rem suam male collocavit. Creditores ipsi quoque multo commodius & utilius (tam sibi, quam debitori) se experiri putant processu Evangelico, quam alio. Potentes enim debitores (ad quorum personam, vel domos non audent accedere Ministri justitiæ, pignoris accipiendi causâ) timore infamiæ & confusionis, (quam omnis Christianus timere debet, justâ sit, sive injusta causâ) cum actore coguntur convenire & decidere : ne res ulterius procedat aut promoveatur. Sufficit enim huic, qui hujusmodi est, objurgatio, quæ fit a multis, [ut loquitur [p] Apostolus.] Pauperes vero subtrahendo nunc aliquid sibi de demerso suo, nunc supellectilem suam impignorando, vel vendendo, paulatim satisfaciunt, cum multo minori damno, quam si bona ab aliis distraherentur. Et maxima pœna est in locis, ubi habitantes omnes sunt indigenæ, multis cognationibus & affinitatibus devincti, & noti, (qualis est nostra Dioecesis) quod omnibus Parochianis in Ecclesia congregatis, solus in domo, vel in platea, vel sub arbore cogaris abesse a cœtu fidelium, cognatorum tuorum & amicorum : & ab omnibus notari, tanquam indignus communione. Hoc enim fortasse parum haberet momenti in civitatibus & populis frequentioribus, ubi Parochiæ ni non solum Curato, sed etiam interesse parum noti sunt. Itaque sive magnum sit debitum [ita ut nequeas exolvere] sive parvum [ita ut tanta pœna indignum videatur] nihil

(n) Joan. 3.

(o) Esa. 5.

(p) 2. Corint. 2.

nihil tamen justius processu Evangelico. Nam in magno ære cessionis remedium in promptu est, quando præ paupertate non potest quis restituere. In parvo magna apparet contumacia, & argumentum animi obstinati, & inobedientis, qui malit omnem infamiam, & ab Ecclesia abjectionem expectare, quam reconciliari fratri suo: præcipiente Christo, ut percutienti unam maxillam, potius alteram præbeas: & penitenti tunicam, des & pallium: & si quis te angariaverit mille passus, eas etiam duo millia.

Atque hæc sufficient his, qui malo animo de excommunicatione loquuntur. Aliis (qui zelo quodam, sed non secundum scientiam offenduntur, quando multos vident ea sententia publicari irretitos) hoc dictum sufficiat: Multos esse in Ecclesia peccatores: nec tamen de omnibus desperandum. Nec ficut omnes, qui Ecclesiam frequentant, in Dei gratia sunt: ita nec omnes, quos sententia excommunicationis ligat, extra spem vitæ futuræ esse, si patienti animo eam sustineant cum obedientia: si quando parere mandatis Ecclesiæ (quæ de occultis non judicat, sed de manifestis) non possunt. [q] Ita enim ex B. Paulo, & Sanctis Patribus Doctores tradiderunt, excommunicationem medicinale esse: licet magna sit miseria, a communione fidelium segregari. Quoniam uri, & secari (licet malum sit) oportet tamen aliquando fieri, ad vitam redimendam. Augustinus de correptione & gratia: Nec scimus quid contingat sequenti die: nec ante finem vitæ hujus de aliquo desperandum est: aut contradicere Deo potest, ne recipiat & det penitentiam, & a reatu, quamvis justæ damnationis absolvat, damnatumque non damnet, accepto Sacrificio Spiritus contribulati, & cordis contriti. Ambrosius in Psal. 118. Sermo. 8. In Ecclesia, ubi decet maxime misereri, quam maxime debet justitiæ forma servari, ne quis a communione consortio abstentus, brevi lachrymula, ad tempus parata, aut etiam uberius fletibus, quod plurimis debet postulare temporibus, facilitate Sacerdotum extorqueat. Facilitas, veniæ, incentivum præbet delinquenti. Hæc Ambrosius.

Quod autem D. Chrysostomus tantis cum affectibus dehortatur, ne quem vel in vita, vel in morte anathemate feriamus, etiam hæreticum, qua de re tractatum etiam peculiarem scripsit: nos non ita temere accipiemus, quasi quod non liceat omnino, neque viventem, neque mortuum, anathematizare quenquam. Hoc sane damnatum est in quinta Generali Synodo: & in Tridenti-

na docetur contrarium: Sess. 25. cap. 3. Serviebat Chrysostomus causæ, more suo. Ejus quoque verba magni momenti esse possunt ad dehorrandum inhumanos creditores ab omni exactiōe parum humana. Prælati autem aliter non potest, quam vel damnare eum, vel absolvere. Damnare quidem contumacem, absolvere innocentem. Cyprianus excommunicationem custodem fidei vocat, retinaculum spei, indicem itineris salutis, fomitem virtutum, & omnis corruptelæ repurgationem: quam, qui dimiserit, instabili cursu erret necesse sit: & huc atque illuc impulsus variis dissidentium malorum tempestatibus dissipabitur: & quasi extorto de manibus Conciliorum gubernaculo, navem Ecclesiasticæ salutis illidet in scopulos. Hæc ille.

Hæc omnia Curati possunt scire, ut in confessionibus, si res postulaverit, doceant confitentes. Alioquin enim disputatio difficilior fortasse est, quam quæ in proutis populo exponatur. Ipsis satis erit exequi mandata Superioris, cum omni obedientia.

STATUTUM I.

EXcommunicatus per sententiam Judicis non absolvitur, nisi ab eo, a quo excommunicatus est, vel a Superiōri. Excommunicati vero a jure, alii ab Episcopis suis absolvi possunt, alii non nisi a Summo Pontifice. Ex utrisque quædam Nos referemus ad Curatorum instructionem.

II.

Excommunicationes illæ, quæ monitionibus præmissis ad finem revelationis, aut pro deperditis, seu subtrahitis rebus, fieri solebant, non nisi a Nobis posthac decernentur: nec alias quam ex re non vulgari, causa diligenter & magna maturitate pro persona, tempore, loco, & aliis circumstantiis per Nos examinanda.

III.

Noverint quoque omnes Curie nostræ postulantes & Clerici, quod in causis judicialibus, quandocunque executio realis vel personalis in qualibet parte judicii, nostra auctoritate, a Nobis, vel Vicariis, aut Officialibus nostris, fieri poterit; tam in procedendo, quam

[q] 24. q. 4. A nobis. de sententia excom. c. Lator. c. Confanguinei. de re jud.

quam in definiendo, a censuris Ecclesiasticis abstinemus: sed per multas pecuniarias, quæ Hospitalibus, Fabricis, Seminariis, & similibus locis piis reorum, applicabuntur, vel per captionem pignorum, vel distractionem personarum, vel privationem beneficiorum, aliaque juris remedia procedemus. Contra contumaces autem, cum aliter non poterimus, gladio certe anathematis (licet inviti) utemur, & pœnis aliis, ac censuris, sicut censebimus, magis expedire.

CASUS, IN QUIBUS IN-
curritur ipso facto excommuni-
catio reservata ad Sedem
Apostolicam a jure.

PRIMUS CASUS.

HÆretici de hæresi sententialiter condemnati, delati, seu publice diffamati, & eorum fautores, receptatores, ac defensores, excommunicati sunt ipso facto: & eorum absolutio reservatur Papæ. (r)

II.

Et Schismatici pertinaciter ab obedientia Sedis Apostolicæ se subtrahentes. (s)

III.

Inquisitores hæreticæ pravitatis, qui odio, vel favore, vel spe lucri temporalis, omiserint procedere contra hæreticos, aut inculpabiles injuste vexaverint. (t)

IV.

Qui suadente diabolo in Clericum, vel Monachum manus violentas intulerit, vel in Sacris Ordinibus constitutum occiderit, vel mutilaverit. (u)

V.

Similiter qui Cardinalem percus-

serit, vel captivaverit, vel persecutus fuerit: & sit perpetuo infamis. (x)

VI.

Et qui Episcopum suum. (y) Quin etiam Potestas, Consiliarii, Ballivi, Scabini, Advocati, Rectores, Consules & Officiarii sæculares & Ecclesiastici, qui hoc fecerint, vel mandaverint, aut factum ab aliis ratum habuerint, vel consilium, vel favorem dederint.

VII.

Mutilantes, vulnerantes, interficientes seu capientes, aut depredantes eos, qui devotionis, seu peregrinationis causa Romam perunt. (z)

VIII.

Et qui litigantes in Curia Romana quomodolibet offendunt, causa ipsius litis. (a)

IX.

Piratæ, hoc est, latrones maritimi. (b)

X.

Qui equos, ferrum & arma deferunt Turcis, & hostibus Christi.

XI.

Falsarii Literarum Apostolicarum, & eorum fautores. (c)

XII.

Sedis Apostolicæ auctoritatem offendentes, tam in suis, suorumque literis, processibus & executionibus impediendis, quam in jurisdictionum, fructuum, reddituum & proventuum non vacantium occupatione. (d)

XIII.

Qui compellunt Presbyteros celebrare in locis interdictis: quique excommunicatos vel interdictos ad Divina evocant audienda: vel excommunicatos publice, & a Celebrantibus monitos, egressi prohibent: ipsique excommu-

(r) Sixtus IV. in ext. Et si Dominici. Honor. III. de sent. excom. c. Noverit.

(s) In processu Cænæ Domini.

(t) In Clem. de hæret. c. Multorum.

(u) 17. q. 4. Si quis. & Sixtus IV. in ext. Et si.

(x) Bonifac. VIII. ext. De pœnis. c. Felicitis. li. 6.

(y) Ext. de Pœnitent. c. Si quis. in Cle.

(z) In processu Cænæ Domini.

(a) Ibidem. (b) Ibidem & in Conc. Later. de Judæis. c. Ad liberandam.

(c) Innoc. III. de crimin. fal. c. Falsariorum.

(d) In processu Cænæ Domini.

communicati publice, vel interdicti, qui nominatim a Celebrante moniti, ut exeant, tempore Missarum remanere præsumpserint. (e)

XIV.

Religiosi, vel Clerici sæculares, qui temere aliquos inducunt ad vovendum, jurandum, vel promittendum, quod sepulturam in suis Ecclesiis eligant, vel electam non mutant. (f)

XV.

Religiosi, qui Clericis aut laicis Sacramentum Unctionis extremæ, vel Eucharistiæ ministrare, vel Matrimonium solemnizare, non habita super his Parochialis Presbyteri licentia: aut quenquam excommunicatum a Canone (præterquam in casibus a jure expressis, & per privilegia Sedis Apostolicæ concessis) vel a sententiis per Statuta Provincialia, aut Synodalia promulgatis, seu si a poena & a culpa absolvere quenquam præsumpserint. (g)

XVI.

Clerici, qui scienter & sponte participant cum excommunicatis a Summo Pontifice, eos recipiendo ad Divina officia. (h)

XVII.

Qui in locis Christianorum defunctorum corpora inhumaniter tractando exenterant, concidunt in frustra, elixant, exossant, ut alio transferre possint. (i)

XVIII.

Qui in terris suis nova pedagia imponunt, vel prohibita exigunt. (k)

XIX.

Qui nova onera imponunt realia vel personalia Ecclesiis, vel Ecclesiasticis personis. (l)

XX.

Per Simoniam dantes, vel recipientes Ordines vel beneficia. (m)

XXI.

Ex pacto dantes vel accipientes aliquid pro ingressu religionis, nisi aliter nequeant in Monasterio nutriri. (n)

XXII.

Religiosi mendicantes, sine licentia Sedis Apostolicæ transeuntes ad alium Ordinem (excepto Carthusiensem) tam ipsi recipientes, quam transeuntes. (o)

XXIII.

Intrantes Monasteria Sanctæ Claræ in casibus non concessis in regula ipsarum, vel sine licentia eorum, qui dare possunt. (p)

XXIV.

Quicumque libellos famosos, nec non cantilenas, rithmos, edere vel publicare præsumunt in infamiam status Ordinis Prædicatorum, vel Minorum. (q)

XXV.

Confessores (r) denique absolventes ab his casibus supradictis, Sedi Apostolicæ reservatis, nisi in articulo mortis: & nisi quod excommunicatus promittat se præsentare, & satisfaciat, vel promittat satisfacere data cautione idonea, pignoratitia, vel fidejussoria, vel juratoria, quam poterit.

CASUS, IN QUIBUS INCURRIT EXCOMMUNICATIO A JURE, & ABSOLUTIO REFERATUR EPISCOPO.

ARTICULUS I.

Hæretici omnes & fautores eorum ipso facto excommunicati sunt, & a solo Episcopo absolvi possunt occultis, non a Vicario. Qui vero per sententiam fuerint jam condemnati, ad Papam remittuntur. (s)

II.

(e) De senten. excom. c. Gravis, in Cle.

(g) Ext. de Privil. c. Religiosi, in Cle.

(i) Bonifac. viii. ext. de sep. c. Dereftandæ.

(l) Sixtus in extr. Et si Dominici.

(n) Urbah. V. in extr. Sane, ne in vinea.

(p) Refert S. Anto. in 3. parte summæ.

(r) Sixtus IV. in ext. Et si Dominici.

(f) Ext. de Pœnitent. c. Cupientes, in Clem.

(b) Clemens. iii. de sent. exc. c. Significavit.

(k) In processu, Cœnæ Domini.

(m) Matth. 5. In Concil. Constan.

(o) Martin. V. in ext. Viam ambitiose.

(q) Alexand. in priv. ex alto & non sine multa.

(s) De sent. exc. c. Noverit. Conc. Trid. Sess. 24. c. 6.

II.

Inquisitores pecuniam modis illicitis extorquentes, si plene satisfecerint, absolvuntur ab Episcopo: alioquin ad Papam remittuntur. (t)

III.

Qui Christianos naufragantes in rebus suis spoliant. (u)

IV.

Qui autoritate propria incendunt villam, domum, mansionem, segetem. (x)

V.

Statuta condentes contra libertatem Ecclesiasticam, & secundum illa iudicantes. (y)

VI.

Qui repressalias concedunt contra personas Ecclesiasticas, vel bona Ecclesiasticum. (z)

VII.

Qui compellunt Prælatos, vel personas Ecclesiasticas ad submittendum Ecclesias, vel earum bona laicis. (a)

VIII.

Qui modis illicitis impediunt litigantes in foro Ecclesiastico in causis, quæ de iure vel consuetudine ad dictum forum pertinent. (b)

IX.

Qui lædunt, occidunt, vulnerant, capiunt eos, per quos, vel propter quos excommunicati sunt: nisi intra duos menses satisfaciant, ad Papam remittuntur. (c)

X.

Qui temporale Dominium obtinentes, prohibent suis subditis, ne Prælati aut Clerici quicquam vendant,

aut emant, ne bladum molant, aut panem coquant. (d)

XI.

Qui impediunt sequestrationem beneficiorum contra mandata Apostolica, vel fructus occupant. (e)

XII.

Qui regalia, custodiam (sive guardiam) advocacionis, seu defensionis titulum in Ecclesiis vel Monasteriis vacantibus de novo præsumunt occupare. (f)

XIII.

Qui pedagia ab Ecclesiasticis exigunt de rebus, quas non negotiandi causa important, vel exportant. (g)

XIV.

Qui jurisdictionem Ecclesiasticam evacuant, & qui Ecclesias vel personas Ecclesiasticas oneribus & angariis gravant, nisi moniti intra mensem desistant. (h)

XV.

Qui vi vel metu absolutionem excommunicationis, vel revocationem interdicti extorquent. (i)

XVI.

Qui Visitatores Monialium, aut mulierum (quæ vulgo Canonice sæculares appellantur) impediunt, nisi moniti resipiscant. (k)

XVII.

Qui hæreticos, vel eorum fautores, in loco sacro scienter præsumpserint sepelire. (l)

XVIII.

Qui scienter quoque sepelire præsumunt in Cœmeteriis tempore interdicti, vel excommunicatos publice, vel nomi-

(t) De hæreticis. c. Nolentes. in Cle.

(x) 2. quæst. 8. Si quis. & c. Pessimam.

(z) Greg. IX. de injuriis. lib. 6. c. Et si pignorationes.

(a) Idem de reb. Eccles. non alien. ca. Hoc consultissimo.

(b) Bonifac. VIII. ext. De immunit. Eccles. c. Quoniam. lib. 6.

(c) Greg. IX. de sent. exc. c. Quicumque. li. 6. (d) Bonif. VIII. de imm. Eccl. c. Liberrates. li. 6.

(e) Ext. de Sequest. c. 1. in Clem. & in veteri Statuto.

(f) Idem de Elec. c. General. lib. 6.

(g) Ext. de Cens. c. Quancumque. li. 6. (h) Ext. de Imm. Eccl. c. Non minus. & c. Adversus.

(i) Gregor. X. ext. De iis, quæ vi vel met. lib. 6.

(k) Ext. De stat. Monach. c. Attendentes. in Clem.

(l) De hæret. lib. 6.

nominatim interdictos, vel manifestos usurarios. (m)

XIX.

Qui scienter in gradibus consanguinitatis, vel affinitatis interdictis, aut in Monialibus contrahere Matrimonium non verentur: nec non Religiosi, Moniales & Clerici, in Sacris Ordinibus constituti, Matrimonium contrahentes, & inter eos, qui scienter ea celebrant. (n)

XX.

Religiosi, qui decimas, & alia, quæ Ecclesiis debentur, sibi usurpant dolo & injuste: nisi desistant intra mensem. (o)

XXI.

Religiosi mendicantes, qui domos vel loca ad habitandum de novo suscipiunt, vel olim suscepta dimittunt. (p)

XXII.

Qui scienter cum nominatim excommunicato communicat in crimine criminoso, ei consilium, auxilium vel favorem impendendo. (q)

XXIII.

Qui fraude & fictione Judicem adducunt ad aliquam mulierem ejus pudicitia insidiantes. (r)

XXIV.

Religiosi, in scholis vel alibi habitum suæ religionis dimittentes, vel sine licentia suorum Superiorum studia frequentantes; & Doctores, qui eos scienter docent, vel retinent. (s)

XXV.

Religiosi in suis sermonibus aliqua proferentes, ut auditores detrahant a solutione decimarum. (t)

XXVI.

Religiosi, tam exempti, quam non exempti, qui interdictum; quod Ecclesiam Cathedralem fervare, vel Pa-

rochiale loci intellexerint, non servant. (u)

XXVII.

Sacerdos officium gerens Vice Comitis, vel Præpositi sæcularis, nisi monitus desistat. (x)

XXVIII.

Qui vocati ad dirigendas in electionibus suis Moniales, discordias nutriverint. (y)

XXIX.

Monachi, qui sine licentia Prælatorum suorum intra septa Monasterii tenent arma. (z)

CASUS ALIQUOT, IN QUIBUS ferebatur excommunicationis sententia per Statuta Synodalia diversis temporibus edita, quorum pars bona antiquata est.

Qui non permittunt solvi decimas, nec solvunt de animalibus juxta consuetudinem loci: sed in fraudem tradunt aliis tenenda, nisi moniti desistant, excommunicantur.

Incendarii non solum sacrorum locorum, sed etiam aliorum.

Archidiaconi & Decani, qui causas de cætero audire præsumunt, excepto Officiali Archidiaconi Bisuntini.

Abbas, Prior, Decanus, Archidiaconus, Canonicus; vel alius Ecclesiæ Prælatus sæcularis, vel Religiosus, aut laicus, qui aliquem citari faciet, & per literas Apostolicas, vel Legatorum Sedis Apostolicæ, contra quem non habeat causam, propter quam faciat ipsum citari tempore impetrationis literarum.

Nullus Presbyter utatur literis, quibus non fuit usus contra illum, quem

(m) Ext. De sepulturis, c. 1. in Clem.

(o) De decim. c. Religiosi. in Clem.

(q) Innoc. III. de sent. exc. c. Nuper.

(s) Ne Cleric. vel Monac. c. Ut periculosa. lib. 6.

(u) De sent. excom. c. Ex frequen. in Clem.

(y) De elec. c. Indemnitatibus. lib. 6.

(n) De consang. & affin. c. 1. in Clem.

(p) c. Cum ex eo. de excess. Præl. lib. 6.

(r) De judic. c. Mulieres. lib. 6.

(t) Ext. De pœnis. c. Cupientes. lib. 6.

(x) Ext. Ne Cler. vel Mon. c. Clericis.

(z) Ext. De stat. Monac. c. Ne in agro. in Clem.

quem vult per dictas literas ante mortem mandatoris, seu etiam antequam legatus exiret Provinciam, suæ legationis officio deputatam: & hoc intelligimus de literis ad causas, & ad lites impetratis. Alioqui excommunicationi subjaceat.

Nullus utatur literis Apostolicis citatoriis, in quibus continetur hæc clausula generalis: Quotiescunque fueritis requisiti: sub excommunicationis poena, prohibentes illis, quibus præsentabuntur ad exequendum, quod illas nullatenus exequantur.

Excommunicamus Archidiaconos, qui contra inhibitionem nostram alias in Synodo recitam, imposuerunt tallias Presbyteris in suis Archidiaconatibus constitutis, & receperunt ab eisdem.

Oppressores orphanorum, pupillorum, viduarum, & aliarum miserabilium personarum: & qui, seu quæ eorum jura surripiunt scienter & injuste, donec de prædictis destiterint, & ad satisfactionem venerint.

Religiosi suspensi sunt, si officiant Parochiales Ecclesias, aut Parochianis ministrant Ecclesiastica Sacramenta: nisi a Nobis cura Parochialis commissa sit eisdem.

Qui frangunt vel violant Ecclesias, & Cæmeteria, capiendo & extrahendo ab eisdem res depositas sine voluntate illorum, quorum sunt illæ res: nec ad communionem admittantur, donec a Nobis, vel mandato nostro Spirituali fuerint absoluti.

Excommunicati etiam denunciuntur singulis diebus Dominicis & Festivis usurarii manifesti.

Excommunicati sunt omnes illi, qui portitores literarum nostrarum, seu Curiae nostræ Bisuntinensis, verberant, & alias quovismodo impediunt & damificant: & illos, qui procurant, consulunt, aut adjuvant hæc fieri directe vel indirecte: & qui literas ipsas rapiunt, dilacerant, vel alias apud se retinent spoliando portitores earum.

Excommunicamus omnes illos, qui falsient seu bona illorum, qui ad-

versarios suos trahunt coram Nobis ad judicium, vel propter hæc trahent coram Judice sæculari: vel qui occasione hujus capient personas, vel bona amicorum suorum.

Excommunicamus & a gremio Sanctæ Matris Ecclesiæ segregamus, Ballivos, Majores, Præpositos, & alios ministros sæculares, qui impediunt, perturbant, prohibent & contradicunt, ne aliqui veniant ad Curiam nostram Bisuntin. pro justitia super his, de quibus cognoscere possumus & debemus.

Excommunicamus sacrilegos, & fortilegos, & eos, qui fovent eos, & eis credunt.

Excommunicamus omnes Clericos & Religiosos, qui contra Clericum vel Religiosum, seu aliam quamcunque personam Ecclesiasticam coram Judice sæculari litigaverint in personalibus actionibus: & eos præcipimus excommunicatos publice nunciari singulis diebus Dominicis & Festivis.

Excommunicamus, & excommunicatos publice nunciari præcipimus omnes hæreticos cujuscunque sortis existant, & quocunque nomine censeantur, fautores & receptatores eorum, & credentes ipsis hæreticis.

Excommunicamus omnes falsarios quarumcunque literarum in litera & sigillo: & specialiter falsarios Curiae nostræ Bisunt. & monitione quindecim dierum præmissa, omnes illos, qui scienter utuntur literis sic falsificatis, & qui sciunt, vel sciverunt aliquos falsarios, nisi Nobis, vel Officiali nostro manifestaverint sine mora.

Excommunicamus authores libellorum famosorum, & publicatores eorum.

Excommunicamus omnes illos, qui celebrant Matrimonia clandestina, & qui Matrimonii clandestinis scienter ex proposito intersunt, & intererunt. Matrimonia clandestina intelligimus, quæ fiunt per verba de presenti in occulto: vel quæ fiunt bannis non legitime præmissis in facie Ecclesiæ: vel extra tempora, non obtenta dispensatione: seu quæ celebrata fuerint de personis nondum in ætate legitima con-

stitutis. Et postquam vobis Curatis, vel Vicariis de talium personis constitit, eas nominatim excommunicatas publice nuntietis, & nomina talium infra quindecim dies, postquam vobis constitit, Officiali nostro fideliter rescribatis. Alioquin dictam pœnam incurratis eo ipso.

CASUS, IN QUIBUS PETITUR ab Officiali nostro forma Concilii Bisuntini.

Sed primum, ut intelligatis, quid sibi volunt hæc verba: Forma Concilii Bisuntini, sciendum est, quod anno Domini M. CC. LXXXII. sub bonæ memoriæ Odone de Rubecomonte, Archi-Episcopo Bisuntino, congregatum fuit Concilium Provinciale: in quo præter cætera tractatus fuit Canon ille Innocentii Secundi: Si quis suadente diabolo: qui scribitur in Decreto Gratiani, causa 17. qu. 4. contra sacrilegos omnes, & manus violentas inferentes in viros Ecclesiasticos. Et ut magis pœna illa excommunicationis Papalis (quam tales incurrunt) timeretur: decretum fuit eo Concilio Provinciali, quod non solum ipsi verberatores ac interfectores Presbyterorum ac personarum Ecclesiasticarum, excommunicati sunt, sed etiam omnes, consilium, auxilium, vel favorem dantes ad eadem, vel verbera. Quin etiam præterea in eo Concilio, quod si locorum Domini rei comperirentur ejus facinoris, loca ipsa, seu terræ, interdicto Ecclesiastico supponenda essent.

Item constituerunt, quod Domini temporales, in quorum potestate essent, tenerentur compellere verberatores ipsos ad satisfaciendum læsis, & injuriam passis reparandam: sin minus, si moniti & requisiti ab Ordinario id negligerent, ipsi Domini excommunicationi, & eorum terræ interdicto, subicerentur. Atque hæc quidem decreta tunc primo fuerunt.

Postea vero, cum videretur ratione dignitatis personæ graviolem aliquando censeri injuriam, vel minus gravem, declarationem addiderunt Statutis Concilii: nempe, quod si caperetur Decanus, vel Canonicus Cathedralis Ecclesiæ, vel Abbas aliquis, illico interdicerentur omnes Ecclesiæ. Si Canonici alii, Ecclesiæ Archidiaconatum, in quibus essent Canonici, eodem modo interdicerentur. Si alii Presbyteri, Ecclesiæ Decanatus: & ubi capti essent. Si alii Clerici, tantum in ipsis locis fieret interdictum. Sed si Cle-

rici non dimitterentur intra quindecim dies, tunc interdictum extendéretur per totum Decanatum. Atque hæc fuit declaratio Concilii.

Clericus ergo injuria affectus, petebat ab Archi-Episcopo, vel Officiali formam Processus Concilii: ut juxta eam moneretur Dominus loci, aut poneretur interdictum, nisi sibi satisfaceret. Eratque forma intentionis ejus hæc: *Ego N. humilis Presbyter Diœcesis vestræ Bisunt. vulneratus fui cum injuria a N. Idcirco peto a vobis, ut mittatis Curato N. vel Decano formam Concilii Bisunt. &c.* Officialis vero ad hoc committebat aliquem, ad inquirendum de veritate rei. Facta inquisitione & visa, mittebat Officialis ipsam formam ad Curatum loci, vel ad Decanum, ut juxta ea procederet. Sed hæc consuetudo bona ex parte exolevit: cum quia Principes nostri non minus, quam nos ipsi, cupiunt libertatem Ecclesiasticam sanctam testam servare: tum etiam, quia parum expedit nunc (propter quotidie suppullantes errores in grege Domini, & schismata, & hæreses) adeo frequenter interdicti Ecclesias aut populos: sed facinorosi ipsi & sacrilegi, puniendi relinquuntur Curæ nostræ Bisunt. Et in illos feruntur aliæ censuræ excommunicationis, nisi satisfaciant: videlicet anathematis, & maledictionis, & interdictæ familiæ, & requisitionis brachii secularis, ut a loco & communitate expellantur.

SEQUUNTUR ARTICULI formæ supradicti Concilii, cum declarationibus ex veteri Statuto: tantum ad hoc descripti, ut omnes intelligant, quanta fuerit olim Ecclesiasticæ libertatis atque immunitatis cura.

Excommunicati sunt verberatores ac interfectores Presbyterorum, Clericorum, & personarum Ecclesiasticarum: nec non dantes auxilium, consilium, vel favorem interfectioni, seu verberationi.

Si Dominus aliquis temporalis verberaverit aut interfecerit, seu verberari aut interficere mandaverit, aut in præmissis consilium, favorem vel auxilium dederit: terra ei subiecta ipso facto supposita est Ecclesiastico interdicto.

Domini temporales, sub quorum dominio & potestate sunt verberatores aut interfectores

Stores prædictarum personarum, si moniti aut requisiti nostra auctoritate, vel Officialis nostri, quod compellant hujusmodi delinquentes sacrilegos satisfacere injuriam passis, per captionem bonorum ac personarum, si necesse fuerit, non obedierint: ipsi Domini ipso facto post viginti dies excommunicationis, & terræ, hominesque interdicti Ecclesiastici sententiæ & censuræ subiaceant.

Cæterum circa captivitates, seu detentiones personarum Ecclesiasticarum laudabilis & antiquæ consuetudinis circa hoc editæ memoriam recolentes, sic duximus statuendum: ut si Decanus, aut alius Canonicus Ecclesiæ Cathedralis Bifunt, captus fuerit a quocunque in Civitate & Dioecesi Bifunt, seu Provincia, aut etiam extra dictam Provinciam, ab aliquo nostræ Civitatis & Dioecesis Bifunt, nulla Ecclesiastica Sacramenta celebrentur, exceptis Pœnit. & Baptismo: quousque dictus Decanus, seu Canonicus captus, una cum omnibus rebus & bonis sibi ablati occasione captionis, amissis, datis, vel promissis restitutus fuerit plenariæ libertati, & de injuria læso & Ecclesiæ Bifunt, fuerit satisfactum. Hoc idem extendimus ad Abbates.

Pro captione vero cæterorum Canoncorum, Priorum, Decanorum, & Curatorum Civitatis & Dioecesis Bifunt, cessetur, ut supra, in locis & Archidiaconatibus, in quibus Ecclesiæ, quarum sunt Canonici, Priores, Decani & Curati, constitutæ fuerint: in Archidiaconatibus, in quibus etiam capti detinebuntur.

Pro captione autem aliorum Presbyterorum & Clericorum in Sacris Ordinibus constitutorum, cessetur, ut supra, tam in Decanatibus, ubi degunt, quam in locis, ubi capti detinebuntur.

De Clericis vero inferiorum Ordinum, & aliis simplicibus captivatis statuimus, ut cessent, prout supra, in locis, in quibus ipsos capti contigerit, seu etiam detineri.

Postquam vero capti & detenti fuerint per quindecim dies, in Decanatibus, ubi degunt, & in quo capti detinebuntur: ex tunc cessetur penitus a Divinis.

Quia per impunitatis audaciam fiunt, qui nequam fuerant, nequiores: attendentes, quod in nostra Dioecesi quamplures, imo quasi omnes communiter majoris excommunicationis sententiam in ipsos latam adeo vilipendunt, quod excommunicatio, quæ ab initio medicinalis fuerat, per diuturnam inobedientiam & contemptum fit mortalis: volentes super hoc salubrem adhibere medelam, statuimus, ut postquam aliquis per annum (*in*) excommunicatione persistit, Dominus ejus temporalis, vel Superior, Bail-

livus, vel Præpositus, Castellanus, vel alius in eum jurisdictionem habens, moneatur & requiratur auctoritate ordinaria, ut ipsum excommunicatum, cujuscunque conditionis exstiterit, infra mensem a tempore monitionis ejusdem compellat per bonorum captionem & personæ (si necesse fuerit) redire ad Sanctæ Matris Ecclesiæ unitatem. Alioquin ipse Dominus, vel Superior monitus, ex tunc excommunicationis sententiæ se noverit subiacere: & per singulas Ecclesias excommunicatus publice nunciatur.

Additum etiam fuit præsentis Statuto, quod si aliquis Sacerdos sacris vestibus indutus; volens Missam celebrare, viderit vel sciverit, aliquem excommunicatum esse in Ecclesia, in qua vult Missam celebrare, ipso excommunicato præsentem Missam nulloatenus celebrare præsumat: & quamvis sacris vestibus indutus Missam inceperit, & dictus excommunicatus contumaciter exire noluerit: Missam (nisi sit in Canone) dimittat, & sacris se exuat vestimentis. Cæteri vero fideles in Ecclesia præfentes, si talem excommunicatum, vel tales excommunicatos in Ecclesia viderint, vel sciverint, hoc Sacerdoti celebranti, vel celebrare volenti manifestent: & nisi dictus excommunicatus exierit, omnes alii fideles exeant, & nullus cum ipso excommunicato Missam, vel alia Divina audire præsumat, si similem sententiam voluerint evitare.

Præfentes autem Constitutiones ad Religiosos etiam exemptos, qui eas, & præfentes sententias ac præmissa servare voluerint, extendi volumus & mandamus.

Sane de Canonicis & Abbatibus, Prioribus, Decanis nocte; vel in itinere extra villas, a laicis verberatis, seu captis, vel rebus aliquibus spoliatis: Statuimus, ut eis super verberatione, captione, seu spoliatio- ne de verberatoribus, captoribus & spoliatoribus sine aliqua probatione credatur suo simplici juramento.

Abusores, & qui de cætero abutentur dicto Concilio, & qui super hoc falsum perhibuerint testimonium, & perhibent, excommunicamus.

Illis sub pœna prædicta præcipimus, & expresse inhibemus, ne quis impetrare præsumat dictum Concilium, præterquam persona læsa, vel spoliata, vel habens super hoc procuratorium, vel speciale mandatum ab eadem: vel nisi fuerit læsus in tali statu, quod non possit impetrare: quod si secus factum fuerit, illud irritum decernimus & inane, & tales impetratores, consilium & auxi-

auxilium super hoc præbentes, excommu-
nicamus.

Item præcipimus & mandamus vobis & singulis Ecclesiarum Parochialium nostræ Civitatis & Dioecesis Bisuntinen. Rectoribus, Vicariisque, & aliis eorum loca tenentibus sub pœna suspensionis & excommunicationis (quam monitione trium dierum præmissa preemptoria & monitione Canonica vobis præfigimus, in vos ferimus in his scriptis, nisi feceritis, quod mandamus) ut quamprimum sciveritis, aliquos Decanos, Archidiaconos, seu Canonicos, nostræ Cathedralis Ecclesiæ Bisunt. Abbates, Curatos, vel Presbyteros, aut alios Clericos cujuscunque status, aliamve personam Ecclesiasticam nostræ Civitatis seu Dioecesis, a quocunque capi, seu captivari, vel captivam detineri: sine expresso mandato nostro, vel Officialis nostri, per quamcunque personam sæcularem seu Ecclesiasticam, absque expectatione alicujus literæ Concilii Bisuntinensis, vel alterius mandati: tales sacrilegos captivatores, derentores, & in his opem, auxilium, consilium, favorem, & juvamen (de quibus vobis constiterit, secundum formam Concilii Bisuntinensis, inspecto solo textu ipsius Concilii) nominatim & alios in generali excommunicatos de Canone publice nuntietis. Et nihilominus secundum illius Concilii textum, tenorem ad unguem firmiter observantes, & quæ inde fueritis executi, contra quem, & causam seu veritatem facti ipsius cessario-
nis, quanto otius poteritis, Nobis, vel Officiali nostro, fideliter rescribatis.

Hactenus ex veteri Statuto de forma processus Concilii Bisuntinensis, sicut dictum est. Unde apparere potest, quantum nostra tempestate decesserit ex veteri honore Sacerdotum, bona parte horum Statutorum, quæ dignitatis Ecclesiasticæ causa condita fuerant, antiquata.

NOS IGITUR CLODIUS ARCHI-
Episcopus supradictus Statuta hæc at-

que ordinationes, quemadmodum jam alias pro maxima parte descripta erant & distincta, nunc denuo examinata & communicata cum Reverendis & Venerabilibus Dominis Deputatis a *Provinciali Synodo*, & aliis, tam ex fratribus nostris, Ecclesiæ nostræ Metropolitanæ Canonicis, quam aliis Consiliariis nostris, Sacræ Theologiæ, & utriusque Juris Professoribus, stabilienda decrevimus, & tanquam salutaria Clero & Ecclesiæ nostræ, auctoritate nostra corroboranda, prout ea in præsentia corroboramus & stabilimus, statuimus & ordinamus: aliis præceptis doctrinæ, quæ ab ipsis Statutis & ordinationibus, literarum forma & charactere distincta sunt, & separantur, in suo genere (doctrinæ scilicet loco tantum) relictis. Quare ad Dei gloriam, & Sanctæ Ecclesiæ ejus Sponsæ honorem, fidei Catholicæ exaltationem, subditorumque nostrorum instructionem, & salutem, ea omnia, tam vetera Statuta Prædecessorum nostrorum confirmantes, quam nova (quæ nuper lata fuerunt) decernentes, legi & publicari in singulis Synodis posthac jussimus & mandavimus, volumusque & mandamus, & ubi & quando, quotiesque Nobis, aut Vicario nostro expedire videbitur, denunciari decernimus: Ut per subditos nostros, perpetuo inviolabiliterque observentur. In hujus vero rei testimonium & robur, Nos manu nostra propria ipsis subscripsimus, & Sigillum Cameræ nostræ huic paginæ impressimus: Bisuntii in Palatio nostro Archiepiscopali, Calendis Julii, Anno Domini M.D.LXXIII.

C. ARCHI-EP. BISUN-
TINUS.

*Recognitum post Impressionem
ANT. FOLLIUS mpp.*



SYN-

SYNODUS ATREBATENSIS

Anno Christi MDLXX. Pii V. Papæ VI.
Maximiliani II. Imp. VI.

STATUTA SYNODALIA DIOECESIS ATREBATENSIS,

Per Reverendissimum in Christo Patrem FRANCISCUM RICHARDOTUM, (*) ejusdem Diœcesis Episcopum ordinata, cum veteribus Prædecessorum suorum piæ memoriæ Statutis adjectis.

FRANCISCUS RICHARDOTUS, DEI ET APOSTOLICÆ SEDIS GRATIA,
Episcopus Atrebatensis, universo Clero sibi commissio & credito,
Salutem in Domino.

Non temere factum esse credimus, quod Legislator Moses, majore studio, ac numero, gerendi Sacerdotii leges, quam Magistratus administrandi sanxerit, quanquam hæc omnium ministeriorum culmina ejusmodi sunt, ut neutrum sine altero stare possit. Ille quidem qua lege Regibus, ac Reipublicæ Principi, vivendum sit, & imperandum, diserte præscripsit, ne sibi scilicet, uxorum magnum numerum aggreget, ne superbe & petulanter effera-

tur, neve a via recta declinet: sed in legis volumine versetur, totamque servet. In Sacerdotio autem constituendo, id ipse tradidit, non modo Sacerdoti quid esset agendum; sed quo cultu, quoque ornatu in templum prodire, quo ritu ac tempore Sacris operari, quibus hostiis aras imbuere, quoque mundicia ministerium obire suum deberet, Divino monitus oraculo mandavit: idque non una, aut altera, sed innumeris propemodum legibus. Illud ve-

ro

(*) Franciscus Richardorus, Burgundus natione, omni genere disciplinarum egregie excultus, partaque hinc sibi fama scientiarum, virtutumque celeberrimus fuit. Adolescens Eremitarum S. Augustini Institutum complexus in Patria: inde Tornacum, ac dein Parisios missus, ibidem Epistolas S. Pauli explicuit. Reversus suis apud Philippum II. consiliis plurimum contulit, ut nova apud Duacenses Universitas excitaretur, primusque in eadem Sacræ Theologiæ Doctoris personam & munus gessit. Circa annum 1554. Antonio Perennotto, Cardinali Granvellano, cui suæ merito virtutis, doctrinæque charissimus erat, adnidente, Episcopus Nicopolitanus consecratus, Bisuntina in Metropoli Suffraganeum egit: Anno vero 1561. quo idem Granvellanus Cardinalis & Episcopus Atrebatensis ad Archi-Episcopatum Mechliniensem evectus fuit, eidem in Cathedrali Atrebatensi regenda successit. Difficillimo bellici in Belgio tumultus tempore, cum maxima prudentiæ laude per annos tredecim suæ Diœcesi sic præfuit, ut omnes boni Pastoris partes impleverit. Mirifica in eo fuit sermonis facundia, qua optimis inculpatæ vitæ exemplis animata, id evicit, ut commissum sibi populum non solum ab hæresi vindicaverit, sed in servanda etiam Principibus fide continuerit. Tridentinam ad Synodum cum aliis Belgii Episcopis ac Doctoribus missus, luculentissimam ibidem ad Patres, quæ etiamnum existat, Orationem habuit. Dixit & aliam in Concilio Provinciali Cameracensi, relata a nobis Tomo præcedente, eximii laudibus a Paulo Manutio in Epistola ad Richardorum scripta commendatam, ut videre est in Manutii Epistolar. L. VI. Epist. 11. Plura alia reliquit publicis edita typis Ingenii sui, zeliqve monumenta, quorum catalogum vide in Bibliotheca Belgica Clar. Francisci Foppens Tomo I.

Obiit die 26. Julii anno 1574. Sepultus in Cathedrali suæ Odeo, sub eleganti Mausoleo, quod ex marmore & alabastrite, Joannes Richardorus, Sororis ejus

Tomus VIII. Concilior. German.

F f

filius,

ro eam potissimum ob rem ita factum, constitutumque esse iudicari recte potest; quod cum in omni vitæ genere, servari integritas debeat, tum ea in ordine Sacerdotii maxime servanda sit, virtusque per omnes sui partes colenda: vix enim ulla ex re major ad hominum mores pernicies redire potest, quam ex Sacerdotii corruptela. Nam si ve id quaeritur, ut doctrinam cælitus traditam, & ore Sacerdotio depromptam, populus approbet; si ve id spectatur, ut & auctoritas ministerii nostri, & rerum sacrarum dignitas, in populo valeat; nihil bonum consequi possumus, nisi & doctrinam Sanctitatis commendet, & ministerium nostrum integritas illustret. Heli Sacerdotis seculo in Laicos Israël tædium colende religionis irrepserat, sed id improbitate filiorum ejus acciderat: quorum sordes, luxus & quæstus, ambitiose, procaciterque petitus, rerum Divinarum contemptum intulerat in populum. Malachias quoque dure, & acerbè, sui temporis Sacerdotes increpat, quod amplissimis ac sanctissimis Ceremoniis instituti Sacerdotii dignitas, eorum sceleribus viluisset, quorum virtute illustrior esse debuerat. Gemmas fulgoris, raritas, venustas, commendat; at hæc tamen in luto & stercore provolutæ, sordent: sic cum nihil sit Sacerdotii dignitate clarius & augustius, ea tamen nihil est inter homines abjectius, nisi sanctitate & moribus nostris excolatur. Hujus autem incommodi periculum, hac æta-

te, magno nostro malo facimus; nec spes est ulla, id abigi posse, quicquid offerri rebus nostris præsidii queat, dum ipsi ordini nostro nequitia nostra, labem aspergimus. Quoniam vero, ex deterrimis sæpe moribus, optima nascuntur leges; hæc improbitas multorum, tandem effecit; ut bonas, piasque mentes studium veteris disciplinæ revocanda concitaret, & ad salutaria consilia captanda semel adduceret. Servavit sibi enim semper Deus, rebus ad exitium propemodum adductis, viros iusto numero, pietatis & salutis publicæ studiosos, ut Eliæ seculo factum legimus; segetem scilicet ubertatis futuræ, per quos suo tempore, majorum virtus resplereat in posteris, & veteris excuti ille possit, quo misere hominum pars bona laborabat. Quid igitur actum? quæve antidota quæsitæ, quibus hic morbus publicus depelli possit? Sancta Sedes Apostolica, & amplissimus ille Ecclesiæ Romanæ Senatus Concilium Oecumenicum collegit, quo de doctrina & moribus eorum, qui nomen Christo dedissent, de veteri disciplina revocanda, de Sacramentorum usu, cultuque diceretur; in quo Patres ex orbe toto Christiano, Evidenti congregati, id inter cætera censuerunt oportere, singularum Provinciarum ac demum Diocesum Synodos & Conventus, negligentia diutius intermissos, haberi; ut quicquid, vel temporum injuria collapsum, vel impostura præpositæ receptum, vel improborum licentia neglectum esset

filius, qui Richardori adoptavit nomen, Artesiæ primo, post intimi Præfæs Concilii poni curavit, hoc addito Epitaphio:

D. O. M. S.
FRANCISCO RICHARDOTO BURGUNDO,

ATREBATIUM EPISCOPO,

VIRO IN OMNI DISCIPLINARUM GENERE

VERSATISS. ET CONCIONATORI ELOQUENTISS.

QUI OB SINGULAREM DOCTRINAM,

ET PRÆCLARAS ANIMI DOTES

OMNIBUS ORDINIBUS UNICE CHARUS,

POSTQUAM HANC ECCLESIAM PERICULOSIS

TEMPORIBUS INGENTI DEXTERITATE, ET

ASSIDUIS CONCIONIBUS

ANNOS IPSOS XIII. FELICITER REXISSET,

MAGNO SUI RELICTO DESIDERIO

ANNUM ÆTATIS AGENS LXVIII.

E VIVIS EXCESSIT:

JOANNES RICHARDOTUS

PHILIPPO II. HISPANIARUM REGI

A RERUM STATUS SECRETISQUE CONSILIIIS

AC LIBELLIS, ET ARTESLÆ PRÆSES,

AVUNCULO OPT. NEPOS MOESTISS. POS.

OBIIT VII. KAL. AUG. MDLXXIV.

Vide *Moreri Dict. Histor.* Foppens *Bibliothec. Belgic.* & Joann. Bapt. de Castillon *Sacram Belgii Chronolog.* P. II.

esset in Ecclesiis, id posset communibus votis & auctoritate publica restitui, corrigi, reduci. Neque sane hæc fuit penitus supervacanea, & inanis opera. Nam singulari DEI Optimi, Maximi beneficio, jam videtur sydus aliquod propitium nobis affulgere, quod hanc deformatæ vitæ prioris caliginem, ex Christiana Republica sensum abigat; & priscæ sanctimonie, saltem vestigia reponat. Jam ardere multos gloria Divinæ propagandæ desiderio majore, quam prius, cernimus. Jam Pastores, multis locis cum doctrina sana, tum moribus integris, præluere conspicimus. Jam pleraque Monasteria, Canobia, Collegia, Specimen præbere laicis ceperunt, virtutis, ac pietatis excolendæ. Jam timor Numinis animos in Clero multorum afficit. Se Episcopi non ad ocium, sed negotium vocatos intelligunt, & Provinciam suam labore, ac diligentia fidei obseunt. Nos itaque, quia in eadem sorte ministerii, Christus Pastorum Princeps censeri voluit, inducimus jam pridem in animum, si qua ratione illorum conatus affectari, vel imitatione quadam possemus, ac semel perficere, ut Clerus, populusque noster ad eas res, studium intendat: quibus & Christiani nominis bonos & salus Christi merito parva, comparari queat. Synodum itaque nostram, frequenti consensu, per DEI gratiam celebravimus, quod DEUS bene vertat; & veteribus Majorum ac Prædecessorum nostrorum Statutis quædam, ut res & occasio postulare visa est, adjecimus; quæ eo maxime spectant, ut fides, Verbo DEI & Apostolica doctrina stabilita, pias mentes, adversus omnes hæreticorum technas & machinas, muniat: ut Ecclesiæ Sacramenta recte & erudite tradantur, cultus Divinus, pie ac religiose procuretur: vita & mores instituto, & ordini nostro respondeant. In quo tametsi progressus sit languidior, quam vellemus, tamen nos fructum aliquem nostræ hujus propensionis, DEO incrementum dante, ad borrea Domini redivitum speramus. Ea est quidem humanarum virium imbecillitas, ut ultro præcipientes ruamus ad deteriora, anxie autem & ægre, ad potiora conscendamus. Sed omnia tamen in eo possumus, qui nos confirmat. Quare enitendum nobis est nervis omnibus, ut studium semel ingressi, propositum nobis bravium constantia, & perseverantia, fortiter apprehendamus. Animum vero nobis, & spiritus augere facile possunt, ne ordinem, stationemque deseramus, neve gradum revocemus, Sanctorum exempla, merces sempiternæ felicitatis prius proposita, periculum, quod cervicibus

Tomus VIII. Concilior. German.

bus officii desertorum, imminet. Sacerdos, in iis quæ sunt ad DEUM, constitutus est; non tantum autem in iis, quæ sunt ad homines: quanta igitur munditia, quanta innocentia præditus, quam defæcatus, & excoctus, ac ob omni macula repurgatus, in Divinum conspectum prodire debet sacrificaturus, oblaturus, interpellaturus? Demus esse aliqua ex parte tolerabile, si Pastor, Doctor, Parochus, ad plebem concionetur vicio aliquo notatus, at si in aditum ac penetrale Divini colloqui se conferat illotus, si scelere & flagitio contaminatus, quibus panis hæc temeritas satis expiari potest? Voce Domini territus generis humani parens ab eo profugit: pudebat enim hominem nuditatis suæ. An nos non pudeat, vultui Divinitatis astare, sordidos & impuros? Exhorruit Esaias, quod Majestatem Divinitatis aspexisset, cum pollutus esset labiis. Quid si polluta conscientia, prodeas in Domini Sanctuarium? Perspicite Fratres, quanta sedulitate, quantisque jejuniis, vigiliis, meditationum exercitiis, Moses, Daniel, Hesdras, se ipsos ad Angelorum congressus, & oracula componebant: quorum nos exemplo summam tota vita degenda, innocentiam colere, & si quid maculæ, per infirmitatem, aut inficitiam, contractum est; penitentia illud eluere, mentemque ad cælestes delicias, precibus erigere, res sacras aggressuri, & in arcanum Sanctuarii subituri debemus: id est, Mysteria Corporis & Sanguinis Christi celebraturi. Considerate, quantum referat Ecclesiæ ac salutis publicæ, nostri ordinis homines, quocumque gradu sint constituti, servare fidem in religione, pietatem in caeremoniis, gravitatem in moribus, diligentiam in ministeriis, charitatem in officiis: quæ omnia quo facilius & melius exequi possimus, Scriptura præceptis, Ecclesiæ traditionibus, Patres Canonibus, Decretis, ac Statutis, nos erudiant & instituunt. Quare vos in Domino monemus, obsecramus, & obtestamur, uti per omnia, decorum personæ servetis, quam agendam in hac scena suscepistis. Mandamus autem omnibus, in Clero nostro jurisdictioni nostræ, subditis, ac maxime Decanis & Pastoribus, ut diligenter hæc nostra Statuta teneant, observent, & observari curent. Cæterum, cum Illustrissimus ac Reverendissimus Dominus Antonius Perenotus, Cardinalis Granvellanus, quo tempore hujus Ecclesiæ gerebat Episcopatum, pro sua pietate ac diligentia, antiqua Majorum nostrorum Statuta recognosci per homines pios & doctos curaverit, ea ipsa Statuta nostris adjungi volumus

F f 2

luimus

luimus, quæ servari mandamus, ut nostra: ita tamen, ut si quid contineatur in illis, quod Tridentino atque Cameracensi Conciliis mutatum, aliterve constitutum fuerit, locum non habeat, sed auctoritati cedat Sanctæ Matris

Ecclesiæ Catholicæ & Apostolicæ. Faxit autem Christus, idem Rex, idem Pontifex nos, ut post tantas tenebras, optata luce & tranquillitate frui ac gaudere possimus.

INDEX TITULORUM.

- I. De Fide Summæ Trinitatis, & doctrina Religionis Catholicæ.
- II. De Sacramentis in genere.
- III. De Baptismo.
- IV. De Sacramento Confirmationis.
- V. De Sacramento Penitentiae.
- VI. De Eucharistia.
- VII. De Sacramento Ordinis.
- VIII. De Matrimonio.
- IX. De Sacramento Extremæ Unctionis.
- X. De Vita & honestate Clericorum.
- XI. De Decanis Christianitatis, seu Archipresbyteris.
- XII. De Pastoribus.
- XIII. De Visitationibus.
- XIV. De Cultu & Officio Divino.
- XV. De Lectionibus.
- XVI. De Fundationibus & Exequiis.
- XVII. De Monasteriis.
- XVIII. De Hæreticis, & eorum libris.
- XIX. De Excommunicatione, Censuris & monitione.

INDEX STATUTORUM ANTIQUORUM.

- I. De modo veniendi ad Synodum.
- II. De Sacramentis in genere.
- III. De Baptismo, & ejus effectu.
- IV. De Confirmatione.
- V. De Sacramento Confessionis.
- VI. De Casibus reservatis Episcopo.
- VII. De Eucharistia.
- VIII. De Celebratione Missarum.
- IX. De Oblationibus in Missa faciendis.
- X. De Celebratione Horarum Canonicarum.
- XI. De Processionibus.
- XII. De Predicatione Verbi Dei.
- XIII. De Matrimonio.
- XIV. De Sacramento Ordinis.
- XV. De Sacramento Extremæ Unctionis.
- XVI. De Penitentis & Remissionibus.
- XVII. De non residentibus in suis beneficiis.
- XVIII. De Receptione Clericorum, & eorum Presentatione.

- XIX. De pluralitate Beneficiorum.
- XX. De rebus Ecclesiæ non alienandis.
- XXI. De Vita & honestate Clericorum.
- XXII. De Scholis & Magistris.
- XXIII. De cessione bonorum facienda.
- XXIV. De Usuris & usurariis contractibus.
- XXV. De Testamentis.
- XXVI. De inhumatione Corporum.
- XXVII. De Privilegiis & Privilegiatis.
- XXVIII. De Veneratione Ecclesiarum vel Cæmeteriorum.
- XXIX. De Immunitate Ecclesiarum vel Cæmeteriorum &c.
- XXX. De Refectione Ecclesiarum.
- XXXI. De Domibus Beneficiorum.
- XXXII. De Festis colendis.
- XXXIII. De Observatione Jejuniorum.
- XXXIV. De Purificatione post partum.
- XXXV. De Domibus Religiosorum.
- XXXVI. De Mandatis Curie observandis & exequendis.
- XXXVII. De Executione Mandatorum Judicum delegatorum.
- XXXVIII. De Abusoribus.
- XXXIX. De Portitoribus Literarum.
- XL. Qualiter venientes ad Curiam debent plena libertate gaudere.
- XLI. De Clericis captis, & eorum bonis.
- XLII. De Sententia Excommunicationis, & ex quibus causis &c.
- XLIII. De Interdicto non violando, & qualiter interdicto durante sit celebrandum.
- XLIV. De tribus Conciliis Provincialibus, & primo de Concilio Compendiensi &c.
- XLV. Concilium Sylvanectense.
- XLVI. Concilium Novionense.
- XLVII. De Promotoribus.
- XLVIII. De Procuratoribus.
- XLIX. De Revocatione Gratiarum.
- L. De Quæstoribus & Abusoribus.
- LI. Constitutiones Synodales MARTINI Episcopi.
- LII. Statuta Concilii Remensis.

1. De Fide Summæ Trinitatis, & Doctrina Religionis Ca- tholicæ.

CAPUT I.

Fides initium est ædificationis Ecclesiasticæ, sine qua in oculis Domini nulla virtus, nullumque meritum potest subsistere: est enim rerum sperandarum Hypostasis, ita, ut spes futuræ vitæ nulla certa esse queat, nisi fide vera, non ficta: integra, non mutila sustentetur. Quare mandamus in primis omnibus personis Ecclesiasticis, curam animarum & regimen Ecclesiarum habentibus: uti per omnia doctrinam fidei, juxta Verbum Dei, & Sanctæ Matris Apostolicæ & Catholicæ Ecclesiæ traditionem, solide teneant, Symbola tum Apostolorum, tum Nicenæ Synodi, & Athanasii sciant, & pro suo quisque captu intelligere contendunt, sequanturque per omnia, quæ de Sancta Trinitate & Fide Catholica; Innocentius Tertius in Concilio Generali, Gregorius Decimus in Lugdunensi, Clemens Quintus in Viennensi Conciliis, tradiderunt.

II.

Volumus insuper; ut quotquot regundis Ecclesiis præfecti sunt, & Pastoris in Ecclesia nomen sustinent; hi doctrinam Articulorum fidei, Præceptorum Decalogi, Sacramentorum Ecclesiæ, vim & rationem Orationis Dominicæ probe perdiscant & teneant: quam doctrinam frequentius populis suis explicent, simulque Præcepta Sanctæ Matris Ecclesiæ doceant, benignitatisque Divinæ largitatem erga pios, misericordiæ promptitudinem erga poenitentes, furorisque sui pondus adversus impios, sceleratos & contumaces exponant, & in suis concionibus ad officia virtutum alliciant, a vitiis autem serio deterreant.

II. De Sacramentis in genere.

CAPUT I.

Quoniam Pastorum interest, non tantum plebem docere, sed fidelibus rite pieque Sacramenta &

Mysteria Ecclesiæ ministrare, nec spes est, posse ex illis tam uberem fructum percipi; nisi accedat doctrina, qua rudiores aliqua ex parte vim, efficaciam & usum legitimum intelligere queant; hinc fit, ut serio præcipiamus omnibus Pastoribus, ut in Sacramentorum administratione, semper aliquid adferant ad explicandam institutionem & utilitatem Sacramenti; ex quo præsentis ædificationem aliquam capiant: uti jam a nobis alias constitutum est, traditis ad compendium hujus rei formulis.

II.

Cæterum mandamus, ut hæc Sacramenta reverenter, cordate & diligenter ministrent; ne temere & negligenter tam Sanctum Ministerium obeant: omnes autem avaritiæ sordes, & quæstus inhonesti & reprobatæ suspiciones evitent; ne mercedem (quasi in rebus Sanctis & Spiritualibus commutatio ulla justa esse queat) vel capient procaciter, vel exigant sordide.

III.

Sed tamen, ubi solidi fructus nulli sunt, aut exigui beneficiorum curatorum, & minores, quam ut sufficiant alimonix Pastorum: si populus se durum & avarum præbeat, nec liberaliter pro suo quisque modulo aliquid conferat Pastoribus, Sacramenta ministrantibus; agi debebit cum Majest. Regia, ut iisdem Pastoribus, greges necessaria commode provideant, sive per decimas personales, quas certum est cessisse consuetudini laudatæ, qua populus pro ministratone Sacramentorum liberaliter honorarium aliquod impendere solebat: sive alia quavis ratione: alioqui valde esset inhumanum, laborem Pastoralis officii requirere sine justa mercede, & sublata omni ratione parandi victus & vestitus.

III. De Baptismo.

CAPUT I.

Baptisaturus Presbyter se præparet oratione, sit sobrius, ac, si fieri potest, jejuns: cæremonias honeste, ac reverenter expleat: Catechismum non perfunctorie, sed distincte pronun-

nunciet. Verba autem Sacramentalia attente & distincte proferat: nec ferat Pastor Baptismum quavis de causa differri, sed propter periculum moneat Parentes infanctum, ut primo quoque tempore eos baptisari curent. Baptismus autem in Ecclesia conferatur, nisi gravis aliqua causa & necessitas potestulet. Plures susceptores, aut susceptrices, quam ex Concilio Tridentino conceditur, non admittant. Qui hoc mandatum contempserit, castigabitur Canonica pena.

II.

Præcipimus item, ut antequam accingatur Presbyter ad Baptismum conferendum, si dubitatur de Parentibus; ut auctoritate nostra Ordinaria sub pena excommunicationis, obstetricibus mandet & susceptoribus, declarare nominatim Parentes infanctum, locum ubi habitent; ut possit inscribi, quo die baptisati, quibus Parentibus orti, quibus Susceptoribus in Ecclesiam adducti & ad Baptismum oblati fuerint.

III.

Pastor, aut quivis Presbyter baptisans, susceptores, ac susceptrices admoneant officii sui: publiceque usum, efficaciam, institutionem & fructum Baptismi (ut locus, tempusque ferre poterunt) breviter explicet.

IV.

Servet Pastor registrum (quod vocant) in quo nomina Baptisatorum, Parentum & Susceptorum inscribantur: quod registrum teneatur exhibere cum opus fuerit, & integrum successori relinquere. Explicet præterea, cum quibus personis susceptores cognitionem spiritualem contrahant ex præscripto Decreti Tridentini. Scilicet quod cum baptisato, & ejus parentibus & baptisante tantum, ineant ejusmodi cognitionem & propinquitatem spiritua-lem.

V.

Reliqua autem, quæ pertinent ad hujusmodi Sacramenti ministrationem, servare præcipimus, juxta Prædecessorum nostrorum piæ memoriæ Statuta Synodalia. Sed illud inprimis serio

mandamus, ne pueros, aut prorsus ignaros susceptores admittant; aut qui Symbolum fidei, & Præcepta Decalogi, & Orationem Dominicam probe non teneant.

IV. De Sacramento Confirmationis.

CAPUT I.

Confirmationis mysterium & Sacramentum magnas utilitates rite suscipientibus adfert, propter donum roborantis & Confirmationis Spiritus Sancti, qui haud dubie piorum animis jam in Christo renatis, ad uberiores gratiam per impositionem manuum & hujus Sacramenti ministrationem, & Ecclesiæ orationem illabitur. Propterea præcipimus omnibus Pastoribus, & Ecclesiarum Rectoribus, ut sæpe moneant populares in Parochiis suis; ne hujus Sacramenti susceptionem negligant, aut in extremam senectam differant. Hortentur quoque, ut ad hoc suscipiendum, oratione & affectu pio, atque peccatorum confessione, si adsit opportunitas, se præparent: atque ante omnia curent, ut quotquot se huic Sacramento offerunt; teneant latina, & vernacula lingua Orationem Dominicam, Symbolum Apostolorum, Præcepta Dei & Ecclesiæ: sciantque confessionem dici solitam initio Missæ.

V. De Sacramento Pœnitentiæ.

CAPUT I.

Sacramentum Pœnitentiæ, ejusque partes, Pastores sæpius ovibus suis explicent: maxime vero circa ea tempora, quibus aut ex præcepto, aut ex laudabili & religiosa consuetudine, solent populares confiteri peccata sua; ut intelligant, quæ sit vera contritio, quamque sit efficax seria præteriti peccati detestatio. Doceant omnes veræ integræque confessionis circumstantias, quanta humilitate scilicet, quanto animi dolore, quanta spe misericordiæ; quantaque integritate & veritate, in explicandis latebris conscientiarum suarum ad hoc Sacramentum accedere debeant. Doceant insuper, quam religiose satisfactionem explere, & quam

firmiter

firmiter proposito statuere debeant, ne rursus in peccatorum sentinam recidant. Sed ante omnia doceant, remissionem peccatorum & expiationem, merito Sanguinis Christi Domini nostri præcipue niti, & ab eo pendere, etiam si necessaria sit satisfactio, quæ auctoritate clavium imponitur.

II.

Pastores diligenter considerent ovilia sua & inscribant singulos, qui (semel in anno saltem) confessi fuerint peccata propria, idque proprio Sacerdoti, aut alteri idoneo, qui hujus rei potestatem habeat ab ipso Pastore; ut intelligat, & plane cognoscat in suis gregibus, an sint aliqui, qui hoc Sanctum Ecclesiæ Præceptum negligant; quos tenebitur notare ac deferre. Quod si quis contumaciter contempserit, Ecclesiæ mandato parere; prohibeatur aditu & ingressu ipsius Ecclesiæ, dum vivit, & non resipit; mortuus Ecclesiastica sepultura privetur.

III.

Mandamus præterea Pastoribus, ne suo loco ullos Sacerdotes ad confessiones audiendas admittant, nisi probatos & admissos; si secus fecerint, puniantur graviter: quia valde dedecet, nec sine gravi periculo permittitur, ut rudes & indocti hoc ministerium subeant: quando quidem ea in re opus est magna diligentia, cautione & peritia ad consulendum, increpandum, consolandum & leniendum, ut res & occasio postulaverit.

IV.

Nemo præterea, sive Regularis, sive Laicus circa festum Resurrectionis Domini (id est, tempore Quadragesimæ) confessiones pœnitentium audiat, sive absolvat; sine scitu & licentia Pastoris: cujus unius interest, saltem semel in anno, suas oves recognoscere.

V.

Et quia Nobis relatum est nonnullos Sacerdotes tam Religiosos, quam laicos; officium Pastoris in purificandis puerperis usurpare (quamvis id sub sententia excommunicationis sit prohibi-

tum) Nos propterea denunciavimus eandem sententiam a jure latam, contra quoslibet, cujuscunque sint conditionis, qui id attentaverint, qui hanc Constitutionem contempserint, statim Officiali nostro renuncient, ut declarentur excommunicari.

VI.

Præcipimus præterea omnibus Pastoribus, ut diligenter pœnitentes admoneant, ne per incuriam ea peccata putent esse nulla, quæ tamen gravia sunt in oculis Domini: cujusmodi sunt illa omnia, ex quibus incurritur in excommunicationis sententiam. Cujusmodi etiam sunt fraudes, imposturæ, & rerum alienarum, sive sacrarum, aut prophanarum, sive sint publicæ, sive privatæ, detentiones injustæ, nec eos temere absolvant, nisi firmiter proposito restituendi, quod injuste detinetur.

VII.

A sententia autem majoris excommunicationis non absolvant, sive sit a jure, sive sit ab homine lata; quod idem prohibemus districte tam Religiosis, quam sæcularibus Sacerdotibus, ne quid hujusmodi audeant.

VIII.

Permittimus autem tantisper, dum ita videbitur fieri convenire, ut Pastores, & alii hujus rei potestatem habentes, a casibus Nobis alias reservatis, pœnitentes absolvant; præterquam ab excommunicationis sententia, hæresis crimine, homicidio voluntario, & nephanda libidine.

IX.

In Ecclesiis Cathedralibus, & aliis Collegiis Canonicorum, qui curam animarum gerunt, sive Præpositi, sive Decani, habito Capituli consilio, quosdam viros bonos; probos Presbyteros eligant, qui, de licentia tamen nostra, prius accepta, possint confessiones audire suorum, & eosdem absolvere ab iisdem casibus, ut prædictum est.

X.

Nemo, nisi obtenta Pastoris, propriique Sacerdotis facultate ad munus absol-

absolvendi poenitentes, confessionesque audiendi, se conferat: nisi eam potestatem a Nobis acceperit. Quam potestatem si cui concedemus, ita tamen concedemus, ut proprio Sacerdoti semel in anno confiteri debeant.

VI. De Eucharistia.

CAPUT I.

Sacrosanctam Eucharistiam, qua Corpus & Sanguis Christi continetur, summa religione, pietate, & reverentia consecrandam, offerendam, fumendam, ac distribuendam esse, certissimum est. Qua in re si quid vel per incuriam, vel per contemptum, aut quavis alia indignitate peccetur, tum gravissime & perniciosissime peccatur. Quare districte mandamus & præcipimus, ut Sanctissimum hoc, ac Divinissimum Sacramentum Sacerdotes celebraturi, se præparent & probent. Et idcirco mandamus, ne cui liceat in Diocesi nostra, Missas & Sacrificia celebrare, de cujus vita, moribus & fide, etiam per literas a Nobis concessas & fidem facientes, non contiterit.

II.

Teneant Presbyteri, & diligenter advertant omnia Sacrificii Missæ mysteria, quo majore reverentia & cultu, majoreque fructu hanc salutarem Hostiam, Deo pro salute fidelium offerre queant, in memoriam ejus cruenti Sacrificii, quod Christus pro salute generis humani in Crucem sublatus obtulit.

III.

Frequenter hujus tanti Sacramenti sublimitatem, institutionem, usum legitimum & fructum pie sumentibus exponant; ac præcipue, quando fidelibus sumendum distribuitur. Ceremonias autem in Missa servari solitas (ne propter hæreticorum probra & contumelias in contemptum veniant) Pastores subinde suis popularibus, pro captu & ratione loci ac temporis exponant.

IV.

Præterea idem Sacramentum servetur loco mundo, & vase honesto ac puro, renoveturque bis, ut minimum,

singulis mensibus: feratur ægrotis, sed reverenter, ut decet, & a Majoribus Nobis traditum est: caveaturque, ut vel plures, vel saltem duæ Hostiæ ferantur, ne in redeuntis Ministri manibus inane & vacuum vasculum populus adoret, deturque laborantibus & ægris, modo nullo vomitus periculo, liceat; sed ita tamen detur, ut intelligant esse viaticum salutis, tesseram remissionis peccatorum, symbolum & signaculum testamenti Christi, ad firmandum animum ægrotantium & de vita periclitantium, & fidem, spemque illorum fulciendam adversus insultus Satanæ. Propterea dent operam Pastores, ut viva & pathetica oratione, ægrotos excitent, quo firmissime credant, hoc Sacramento piis mentibus Christum cum suis donis exhiberi.

V.

Pastores etiam moneant Patresfamilias, ut liberos, ubi ætatem idoneam nacti fuerint, ad hujus Sacrosancti Mysterii perceptionem inducant, & offerant Ecclesiæ, ut hoc sanctissimo pabulo pasci & educati, in omne opus bonum crementa suscipiant.

VII. De Sacramento Ordinis.

CAPUT I.

Quotquot ad Sacros Ordines promovendi ad Nos, vel Vicarios, Archidiaconosve nostros se conferent examinandos; volumus literas testimoniales exhibere, quibus certum fiat de vita & moribus, qua in re ne qua fraus committi queat, servari præcipimus Decretum Concilii Cameracensis Provincialis, ut uno mense, priusquam sint ordinandi, in Ecclesia publice significetur, quod ad Sacros Ordines proxime futuros cupiant admitti, ut, si quod impedimentum produci queat, ne promoveri debeant, Nos, nostrique Vicarii certiores facti, vel differamus, vel omnino remittamus.

II.

Tonsura non detur, nisi ætate idonea, quam exprimi volumus in literis, nec admittantur, nisi qui legere expedite norint, quique fidem faciant, se

eo animo hunc gradum optare, ut Deo & Ecclesiæ serviant.

III.

Præcipimus item, ut pridie ejus diei, quo Ordines celebrari debent, adfint hora octava ante meridiem in æde Episcopali nostra, non tantum examinandi, sed instituendi, si facultas dabitur.

IV.

Titulos Patrimoniales a Decanis, seu Archi-Presbyteris Christianitatis approbandos offerri Officiali nostro volumus & diligenter examinari, ut sit in Metropolitana Ecclesia Cameracensi, & reliquis Episcopatibus hujus Provinciæ: nec non jusjurandum interponi ab his, qui eos titulos habebunt: quod eos servabunt, nec ejurabunt, aut in alios conferent, nisi obtento beneficio ad alimoniam sufficienti.

VIII. De Matrimonio.

CAPUT I.

Quod attinet ad Sacramentum Matrimonii, præcipimus ea omnia servari, quæ Decretis Conciliorum Tridentini & Cameracensis constituta sunt. Caterum Pastores doceant, vinculum esse Divinitus firmatum, & in Matrimonio Christiano imaginem extare Sacrosancti Conjugii, quod inter Christum & Ecclesiam intercessit.

II.

Doceant, præterea Ecclesiæ benedictionem in Sacramento contrahendo nullo modo contemni debere: quia ea plurimum conferre potest ad incolumitatem & felicitatem rei familiaris, ad pacem & concordiam fovendam inter partes, ad prolem suscipiendam, & cætera omnia Matrimonii bona.

III.

Doceant insuper, Matrimonium rem esse sacram, ac præterea loco sacro celebrari debere, quoad fieri possit.

IV.

De impedimentis autem Matrimonii, quoniam iisdem Conciliis Tridentino & Cameracensi abunde definitum

Tomus VIII. Concilior. German.

est, ea omnia ita observanda declaramus, ut rectissime constituta sunt.

IX. De Sacramento Extremæ Unctionis.

CAPUT I.

Hoc Sacramentum religiose ferant Pastores laborantibus in extremis, qui eundo, Psalmos, precesque consuetas devote & attente recitent. Ægrotis omnia ex Sacris Scripturis & traditionibus adferant, quibus fides spesque in Deum stabiliri possit: moneantur ægroti suam fidem, quam in Baptismo susceperunt, aperte & libere profiteri, Christi & Sanctorum Patrocinium interpellare, promissiones Divinas pœnitentibus factas, & in Christum credentibus oblatas & consignatas, revocent in memoriam: ostendant, non esse in potestate cujusquam, oves Christi rapere de manu ejus, nec posse perire animam, quæ toto corde per Christum (qui est ostium) feratur in Deum Patrem.

II.

Quoniam vero & charitas, & ratio Pastoralis officii requirunt, ut sæpius ægrotantes invisamus, ac eos maxime, qui versantur in mortis periculo: eosdem Pastores in nomine Domini nostri JESU CHRISTI monemus & hortamur, ut ægrotos suos frequenter visitent; & initio ad pœnitentiam & confessionem hortentur: quibus ostendant, quàm lubrica sit & incerta hujus vitæ statio: ut pie disponant res suas; ut, si quid est injuriarum, aut malevolentia, quibus in propinquos suos peccaverint; in tempore rationem ineant, qua parva benevolentia & reintegrata concordia omnem similitudinem deponant, & pro injuria satisfaciant: sed ante omnia beneficium Christi proponant, & Dei erga pœnitentes misericordiam.

X. De Vita & Honestate Clericorum.

CAPUT I.

Clerum oportet non tantum doctrina, sed vitæ integritate cæteris prælucere, & iis dotibus animi orna-

G g tum

tum esse, quas Apostolus in Episcopis, Presbyteris, Diaconis ostendit. Quare omnes & singulos Ordines Ecclesiasticos, quemcunque locum teneant, monemus in Domino, ut vitam omnibus virtutibus informatam, nullis autem sceleribus contaminatam ducant: ne qui reliquis exemplo esse debent, sint scandalum. Ante omnia, ut Deum religiose colant: gravitatem in gestu & moribus externis, ordini suo convenientem, retineant: castitatem ac sobrietatem præseferant, officia charitatis præbeant, nec verbo, nec facto ullam injuriam inferant.

II.

Si quis autem vel Pastor, vel Presbyter, vel in Sacris Ordinibus constitutus, in tabernis potioriis versetur extra necessitatem, & præter ordinis honestatem; præcipimus nulla dissimulatione a Pastoribus & Decanis, huic Officiali nostro deferri, & pro ratione peccati severe puniri. Quicumque autem remulentus fuerit, contumelia ordinis Ecclesiastici, carcere & jejuniis puniri mandamus: ebriosos autem, id est, quibus consuetudo est, ebrietatem sectari, nisi castigati ac moniti resipiscant, volumus omnino Sacrorum ministeriis arceri. Quod si hujusmodi aliquos vel Decani, vel Pastores per dissimulationem tolerant, eosdem ut sceleris fautores per Officiale nostrum castigari & puniri mandamus: atque eo severius, quod nullum peccati genus sit, quo solutius & laxius se polluant Ecclesiastici, quam ebrietatis vicium, cum gravissima & intolerabili contumelia Ordinis Ecclesiastici.

III.

Si quis Sacerdos, aut in Sacris constitutus, aut laicus, mulieres quocunque prætextu apud se retineat, quarum fama maculam turpitudinis inter populares habeat, aut quæ vehementi suspitione incontinentiæ laborent, moneantur illas a se removere: ipsæ vero mulieres ita suspectæ, ter monitæ, nisi decesserint, agi cum Magistratu debebit, ut exire loco compellantur, ut auctoritate ejusdem ejiciantur.

IV.

Quicumque autem in crimine incontinentiæ deprehensus fuerit, carcere & jejuniis ad sceleris castigationem, juxta Concilii Tridentini Sanctiones nulla remissione punietur: nec ipse tantum, sed si qui peccatum dissimulent, cum prodere deberent, arbitrio nostro, vel Officialis nostri castigabuntur.

V.

Prohibemus præterea, ne Sacerdotibus liceat secularia ministeria, aut exercitia minus honesta, aut quæ statui Presbyterii derogent, subire, aut exercere commercia contra decorum Ordinis Ecclesiastici.

VI.

Pastores, seu Sacerdotes Notarii munus non exerceant, nisi in casibus a jure permixtis & concessis.

XI. De Decanis Christianitatis, seu Archi-Presbyteris.

CAPUT I.

Decani omnes Christianitatis nostræ Diocesis serio moneant Rectores Parochialium Ecclesiarum suorum Decanatuum; ut solliciti considerent & observent, sintne aliqui in suis Parochiis, qui sinistre & male de Fide Catholica sentiant; sine ulla dissimulatione quotquot hujusmodi homines repererint hoc vicio laborare, renuntient nominatim eisdem Decanis, qui tenebuntur singulis mensibus semel dictos Curatos monere, & ab eis sciscitari super hoc, & ubi informatione facta compererint aliquos, teneantur statim Officiale nostrum certiore facere, ut præcludatur via omnibus scandalis & hæresibus.

II.

Decani diligenter advigilent, ne in cultu Divino, cæremoniis, aut hujusmodi rebus, quæ ad religionem pertinent, ullus abusus aut superstitio possint irrepere, aut si qua irreperit, statim nos moneant, ne hoc malum per incuriam radices agat.

III.

III.

Curent ipsi quoque, ut cultus Divinus pie & religiose in Ecclesiis Parochialibus perficiatur, ac idoneo tempore, ut in Cameracensi Provinciali Synodo præcipitur.

IV.

Dicti Decani & Curati advertant super ratione instituendi juvenes in literis, & maxime de religione, moribus & doctrina Ludimagistrorum, certiores fieri curent. Inprimis autem sciant, qui libri legantur, neque patiantur legi aut doceri, ex quibus ingenia pueritiæ corrumpi possint: moneantque eosdem Ludimagistros, ut discipulos doceant Præcepta Dei, Symbolum Apostolorum, Orationem Dominicam Latine & Gallice, & alia, quæ pertinent ad pietatem, & ne ab eisdem Decanis contemnatur hic Articulus:

Præcipimus quoque, ut ipsi Decani renuncient per literas, aut alio modo, quomodo procedatur in institutione dictæ juventutis.

V.

Iidem Decani considerent diligenter, an Pastores exequantur, quæ prius a Nobis mandata fuerunt, scilicet, ut singulis saltem mensibus die Dominico jubeant congregari minores Parochiarum suarum; ut cognoscant, an iidem juvenes teneant memoria Symbolum Apostolorum, Orationem Dominicam, Præcepta Dei & Ecclesiæ, ut jam dictum est. Qua in re si qua negligentia committatur ab eisdem Pastoribus, iidem Decani certiores nos faciant. Ut autem pueritia & minor ætas commodius possit institui, hortamur Patres-familias, Præceptores & Ludimagistros, ut libellum, cui titulus est: *L'Enfance du Chrestien*, Duaci ad hanc rem judicio nostro editum, tradant pueris, filiis, discipulis, cum literarum rudimentis ediscendum; ut ab ineunte ætate sementem veræ pietatis & religionis capiant.

VI.

In Capitulis Decanatum ruralium sumptus fiant moderati ac tenues: servetur frugalitas & honestas: caveant-

Tomus VIII. Concilior. German.

que Decani, ne quid exigant a Pastoribus præter ea, quæ jure & legitime recipi debent. Cujus rei Officialis nostro curam suscipiat, Nobisque renunciet, an iidem Decani, aut Promotores, præterquam, quod æquum est, & constitutum fuerit in formulis Curiae nostræ, a Pastoribus extorqueant, ut huic malo tempestive provideatur.

XII. De Pastoribus.

CAPUT I.

Rectores Ecclesiarum non permittant concionari, nisi eos, qui mandatum & concessionem nostram, aut Vicariatus nostri habuerint, & eos, qui concionabuntur, diligenter audient: quos si deprehenderint aliquid dixisse, quod videatur parere offendiculum, alienare Laicos ab Ecclesiastica obedientia, & verisimiliter induere aliquam falsam opinionem de fide; tunc sine strepitu Nobis, aut Officiali nostro renunciare mandamus, cum nomine & ordine personæ, quæ hæc concionando protulerit.

II.

Ipsi Pastores, ut rite Provinciam suam sustineant & expleant, non tantum ministrando Sacramenta, sed docendo populum sibi commissum, idque diebus Festis & Dominicis, maxime si desint Concionatores, utantur Catholicorum Catechismis, homeliis Patrum & piis tractatibus Sanctorum: quod si dederit occasio, ut Sectariorum opiniones refutent, id ita faciant, ut explicare & solide Sanctæ Matris Ecclesiæ sententiam tueantur, ad quod perficiendum, utantur libris ad hanc rem editis & evulgatis.

III.

Si Pastorum penuria laboretur, placeatque Capellanos Ecclesiarum, sive Cathedralium, sive Collegiatarum ad hoc ministerium advocare, illi tantisper dum Pastoris officium sustinebunt, fructus beneficiorum suorum integros accipiant.

IV.

Mandamus item omnibus Curatis, seu Ecclesiarum Rectoribus, ut libellos

G g 2

habeant

habeant, quibus continetur summa doctrinæ Christianæ, sive Latinos, sive Gallicos, quorum magna est copia ubique; ut assiduitate lectionis illorum libellorum possint religiose ministrare Sacramenta, maxime autem Sacramentum Pœnitentiæ, Matrimonii, Eucharistiæ, & Extremæ Unctionis: in quorum ministerio & collatione debent dicti Rectores, seu Cûrati, docere, monere, cõsolari, & terrere, pro casus & rei exigentia. Quod tamen præstare minime poterunt, nisi assuescant lectionibus, & discant ea, quæ conveniunt eorum officio.

V.

Ne Rectores Ecclesiarum adhibeant sibi Sacerdotes Coadjutores in administratione Sacramentorum, nisi quos sciverint esse probos viros & idoneos, & nulla causâ excommunicationis sententia innodatos, nec transfugas, aut Religiosos, literis suorum Majorum minime munitos.

VI.

Pastores si quos habent Sacerdotes, aut Sacellanos immorigeros, moneant illos: quod si non respiciant moniti, non patiantur eos in choro esse & Divinum servitium peragere, priusquam Officiali nostro fuerint denuntiati, & ab eo correcti & restituti.

VII.

Mandamus itaque, ne iidem Rectores, aut per se, aut per alios Coadjutores faciant Sponsalia in tabernis potioris & publicis diversoriis, maxime post comportionem & comessationes, ne fraus ulla intendi possit partibus contrahentibus, & ut honor habeatur Matrimonio.

VIII.

Nemo ad Pastoratus officium admittatur, quin inter cætera sancte quoque promittat, ter, quaterve in anno Statuta Synodalia diligenter lecturum, ut & ea studiosius observet, & nihil prætermittat, quod ex frequenti dictorum Statutorum lectione, cognoverit ad officium suum pertinere. Qua in re quoque præcipimus; ut eadem Statuta in Capitulis omnibus per Pasto-

rem aliquem, a Decano nominandum, præsentibus aliis omnibus legantur.

IX.

Ne Sacerdoti, aut ordinato in Sacris, liceat incedere aut peregre proficisci, præcipimus, nisi in tonsura Ecclesiastica & habitu decenti, scilicet pro ratione temporis & locorum; alioqui si hanc ordinationem contempserint, per Decanos, aut Curatos deferantur puniendi.

X.

Moneant dicti Decani eosdem Curatos & Rectores, ne permittant celebrari Missas in Ecclesiis suis tempore concionis, seu sermonis publici; ut ministerium prædicationis non inturbetur: sed possint laici audire, & erudiri absque impedimento.

XI.

Omnes, qui ratione ordinis, aut beneficii tenentur horas Canonicas legere, eas legant secundum ritum & usum Atrebatensis Ecclesiæ, aut ex præscripto Romani Breviarii, nuper in lucem emissi, & auctoritate Sanctæ Sedis Apostolicæ confirmati & approbati.

XII.

Ut Decani moneant dictos Curatos & Rectores, ne patiantur Sacerdotes & Clericos, maxime in Sacris constitutos, libere versari & colloquia secreta inire cum mulieribus, unde sinistra aliqua suspicio nasci possit: & ut non a malo ipso, sed a specie mali se abtineant, alioqui deferantur; qui admoniti non destiterint.

XIII.

Præcipimus etiam iisdem Decanis & Rectoribus, ut admoneant Patres familias Parochiarum suarum, ne quoquo pacto ferant suos liberos assuescere contumeliis probrosis & nefandi sceleris, quibus passim abutuntur etiam pueri, cum magno dedecore nominis Christiani; & ubi intellexerint, eosdem liberos, aut famulos licentiose uti hujusmodi contumeliis, neque tamen castigari a parentibus, Nobis, aut Officiali renuntient. Quod idem mandamus

damus de blasphemia & execrandis juramentis.

XIV.

Mandamus itaque, ut iidem diligenter confiderent, sintne aliqui inter laicos, maxime focum & larem habentes, qui negligent diebus Dominicis & Festis Missæ Parochianæ adesse; & quos noverint hujusmodi contemptores, moneant familiariter & amice primum, deinde si pergant Ecclesiam contemnere, deferantur Officiali nostro.

XV.

Item, ut diligenter inquirent de delictis commissis, tam laicorum, quam Clericorum, ac maxime de his, quæ iram Dei confestim provocant, cujusmodi sunt: Adulteria, incestus, blasphemix & abominandæ libidines, usuræ, & reliqua hujusmodi.

XVI.

Relatum Nobis est, quosdam Pastores agros & prædia suorum beneficiorum clam elocare, & minoris multo, quam deberent; quo fit, ut proventus sit minor, quam ut sufficiat eorum alimonix. Quare præcipimus, ut dictæ locationes semper posthac publica auctione fiant, vocato etiam Decano rurali.

XVII.

Patroni, & qui decimas recipiunt, portionem Canoniam pro rata Pasto-ribus sufficienter provideant, æstimatione tamen facta frumenti pro ratione annonæ annicujuslibet, deductis etiam oblationibus; ne dicti Pastores, coacti penuria, sordes quærere, & suum officium negligere cogantur.

XVIII.

Cæterum quia Laici magna ex parte contemnunt contra juris Divini sententiam decimas Ecclesiasticas reddere, idque propterea, quod non tangantur conscientia hujus peccati; Mandamus, ut omnes Decani & Curati moneant diligenter populares suos, & doceant, jus decimarum esse institutum a Deo, quod sine negligatur, grave peccatum committunt. Propter quod sæpe Dominus infert calamitates publicas in agros, & dat cælum ferreum, &

tertiam æream. Super quo debebunt dicti Rectores Ecclesiarum monere Concionatores, ut sic doceant præstita occasione, reddere, quæ sunt Cæsaris, Cæsari, & quæ sunt Dei, Deo.

XIII. De Visitationibus.

CAPUT I.

Cum in hac Dicecesi nostra Parochialium Ecclesiarum visitatio ex antiqua consuetudine sit penes Archidiaconos Ecclesiæ nostræ, quibus ex Decreto Tridentini Concilii mandatur, ut hanc visitationem adjuncto Notario nostro personaliter obeant, volumus, & præcipimus, hanc visitationem diligenter fieri, non autem perfunctorie, neque tantum, ut cognoscatur de bonis Ecclesiasticis, quomodo insuntantur, aut de Ecclesiarum rebus, cujusmodi sunt ornamenta, libri, altaria, aut de Sacrosanctæ Eucharistiæ honesta conservatione, aut Baptisteriis, & hujusmodi aliis; sed de Sacerdotum, Clericorum & Laicorum fide, vita, & moribus. Sed quia tamen accidit sæpe, ut per ætatem, aut alia vitæ incommoda, non liceat iisdem Archidiaconis personaliter eandem visitationem perficere, tenebuntur hoc casu aliquem probum virum a Nobis approbatum & acceptum, constituere, qui hujusmodi visitationem obeat, & eorum loco rite & legitime suppleat, adjuncto Notario nostro, qui, ne sumptu gravent dictos Archidiaconos, poterunt uno die plures visitationes perficere. Tenebuntur autem eadem Parochiales ecclesiæ dictis Archidiaconis jus visitationis suæ omnino persolvere.

II.

Cæterum mandamus iisdem Archidiaconis, ut in hac visitatione sua, aut ejus, quem ad hoc negotium commiserunt, sollicitè cognoscant & inquirent, quam rectè ac diligenter Decani, seu Archi-Presbyteri, officium præstent, & juramento suo satisfaciant, & an vita statui respondeat. Quod si quid in eis deprehenderint, quod corrigi, castigare debeat, illud teneantur sine ulla dissimulatione Nobis, aut Officiali nostro significare. Quia fieri non potest, ut

ut disciplina Ecclesiastica in Clero nostro vigeat, nisi iidem Decani probe & fideliter officium suum obeant, qui sunt speculatores & oculi, & quasi cor Episcoporum nostri.

III.

Visitent etiam Ecclesiarum sacra recta, Capellas, quas vocant, ædes tam Pastorum, quam Capellanorum.

IV.

Cæterum cum multi beneficia simplicia, veluti Capellanas obtinentes in Diocesi nostra, in suis beneficiis non resideant, aliosque subrogent quoslibet, sine electu, qui Missas fundationis celebrent, scilicet, ut minoris possint hoc onus Missarum celebrandarum redimere, minime curantes, sintne probi, aut improbi ii, quibus id negotii committunt. Cumque fructus beneficiorum suorum laicis elocent, ex quo Sacella & ædes sæpe per avaritiam aut negligentiam corrunt, quæ omnia magnum detrimentum adferunt, & scandalum sæpe gravissimum pariunt; hinc fit, ut districte præcipiamus & mandemus, ne hæc sua beneficia, quantumlibet exigua, relinquunt, aut aliis ad deserviendum committant, sine expressa licentia nostra, & literis super hac re confectis. Quod quia recte & iuste observatur in Ecclesiis Metropolitana & Suffraganeis hujus Provinciæ, idem quoque hic volumus observari.

XIV. De Cultu & Officio Divino.

CAPUT I.

Quæcunque ad Cultum & Officium Divinum pertinent, ea integre servari & fieri præcipimus, quæ Conciliis Generali Tridentino & Provinciali Cameracensi statuta sunt; scilicet, ut in Collegiis & Capitulis, Canonici, qui choro adesse debent, non absint diutius ab Ecclesiis, quibus sunt designati, quam ab eisdem Conciliis concessum est; ut iidem Canonici suo quisque ordine & loco, quoad fieri per valetudinem, vel alias liceat, propria Ecclesiastica munia per se devote & religiose obeant: ut distributiones constituentur, & in Choro honestas &

reverentia semper servetur; & ut potius Religionis pius motus & affectus in Officio Divino perficiendo, ad ædificationem Ecclesiæ eluceat; quam affectatio supervacanea, aut aliud quicquam, quod rem non pertineat.

II.

Quod vero ad Officium Parochialium Ecclesiarum pertinet, quoniam maxime dedecet, id ex cuiusque arbitrio ac voluntate fieri; Nos ut suis honores Pastoribus, eorumque ministerio tribuatur; volumus statim horis Missas, Vesperasque celebrari, Missas quidem ætate, scilicet a die Paschæ usque ad festum Remigii, hora octava: hyeme a festo Remigii usque ad diem Paschæ hora nona, Vesperas autem perpetuo hora secunda, neque cuiquam licere eum ordinem intervertere.

III.

Quia vero magna est diversitas in Festorum & Jejuniorum observatione, putamusque valde convenire, ut hac in re Provincia Cameracensis conformitatem servet ad vitandam popularem invidiam, placuit, hac de re ut referatur ad proximam Synodum Provincialem.

XV. De Lectionibus.

CAPUT I.

IN Ecclesiis Cathedralibus, Collegiatis, & Monasticis Lectiones Theologicæ, & sancta Studiorum exercitia, ut iisdem Conciliis præscriptum est, fiant: id enim plurimum refert, cum ad mores instituendos, tum vero ad veram religionem & pietatem fovendam; hoc autem qui negligunt, cum hujus rei causa præbendas obtineant, certum est, eos id officii bona conscientia contemnere non posse. Eadem Ecclesiæ veteres Bibliothecas suas restituant, componant & ordinent; quibus omnibus viam muniant junioribus ad sacra studia capeſcenda.

II.

Cum Patres in Sacrosancto Concilio Tridentino diserte mandarint, ut in Monasteriis literarum Professores ad juventutem instituendam habeantur, quod

quod tamen negligi videmus in nonnullis hujus Diocesis Monasteriis; propterea mandamus, ac districte præcipimus, sub pœnis in eisdem Decretis contentis, ut Abbates curent rite & diligenter doceri suos Monachos, maxime eos, quibus ex usu & consuetudine cura animarum committitur.

XVI. De Foundationibus & Exequiis.

CAPUT I.

Suffragia piorum fidelium, quorum nomine aliquid impartiti sunt Ecclesiis & Ministris earum, omnino servari & fieri præcipimus. Mandamusque, ne Missarum, suffragiorumque fundationes, præter Fundatorum mentem in aliud quodcunque opus convertantur, nisi cognoscere & ita decernente Ordinario.

II.

Si quis fidelium testamento, aut alio quovis pacto Ecclesiæ & pauperibus erogandum mandaverit, idque hæredes perficere negligant, aut per fraudem differant, cogantur satisfacere piæ voluntati Majorum suorum, ac præcipue exequias celebrandas non differant. Quod si fecerint, denuncientur, ut cogi & redigi ad officium debitum possint.

III.

Sacerdotes ne comeant ad Ecclesias vicinas, ut quæstum faciant ex Missis pro defunctis; nisi vocati fuerint vel a Pastore, vel ab his, qui exequiis præsumunt; sive hæredes, sive testamentorum Executores fuerint.

XVII. De Monasteriis.

CAPUT I.

IN Monasteriis tam virorum, quam mulierum, sublati comestationibus, mensisque privatis, nisi de licentia Prælati ex causâ multum rationabili, proprietatis, seu incontinentiæ suspicione, omni denique dissoluta libertate recisa, regulæ observationem, victus communionem, vitæ integritatem, & omnia exercitia spiritualia, quibus ad perfectionem tenditur, ex præ-

scripto Conciliorum Tridentini & Cameracensis servari, aut si desierint, restitui mandamus.

II.

Rationes, seu computa bonorum temporalium in Monasteriis ipsis, non autem in domibus laicorum, reddi singulis annis præcipimus.

III.

Et quoniam in nonnullis Monasteriis Abbates nullos libros computorum, seu rationum suarum faciunt, sed per semetipsos, non adhibita receptoris diligentia fructus Monasteriorum suorum recipiunt; ex quo verisimile est, ea bona tandem deperitura esse; propterea quod mortuis eisdem Abbatibus nulla supererunt monumenta, quibus Successores plane cognoscant, qui, quantique sunt redditus; hinc fit, ut districte præcipiamus omnibus hujusmodi Prælati, Abbatibus, & Abbatissis, ut intra trimestre ab exitu hujus Synodi confici curent libros rationum, sive computorum, qui singulis annis renovari debeant & reddi, idque præsentibus aliquibus senioribus Religiosis, maxime si Monasteria sint onerata debitis.

IV.

Prioratus Abbatiarum, quoniam ad liberam Abbatum dispositionem pertinent, visitent ipsi Abbates quotannis vel per se, vel per alios, audiantque rationes omnes computorum, atque Priores ad eas rationes exhibendas, singulis annis compellant: ut remotis Administratoribus negligentibus, prudentiores statim præfiant, nec quicquam eis liceat ex Prioratu bonis assumere, priusquam æs alienum, si quod justum contractum sit, exsolverint, & ædificiorum facta tecta conservarint.

V.

Quoniam vero magno Ecclesiarum detrimento audimus acciderè aliquando, ut nonnulli Abbates propria sua auctoritate ac literis, solo suo sigillo & Conventus munitis, temere Monasteriorum res alienent, Nos præsentis hoc Decretò in usum revocamus solemnitates, Canonibus in rerum Ecclesiasticarum alie-

alienatione expressas, easque tam Sancte observari præcipimus, ut iis non adhibitis, quæcunque gesta erunt, irrita & inania fore declaremus.

XVIII. De Hæreticis, & eorum Libris.

CAPUT I.

DE scriptis & libris hæreticorum, ne venum exponantur, aut in publicum, sive patenter, sive occulte spargantur, volumus ea omnia, quæ super hac re decreta sunt in eisdem Concilii Tridentino & Cameracensi, valere, & imprimis, ut agatur cum Magistratibus, ne Bibliopola libros ullos importent, quorum Catalogus visus non sit & approbatus.

XIX. De Excommunicatione, censuris & monitione.

CAPUT I.

MAndamus, ut frequenter Pastores suis populis ostendant, quantum opere ea peccata vitari debeant, quorum causa peccantes extra consortium fidelium per excommunicationem ejici debeant: sive sit a jure, sive sit ab homine lata: & ea peccata nonnumquam exponant publice, quo magis ab illis abhorreere discant.

II.

Doceantque, quam terribilis & execranda sit excommunicationis sententia, qua quicumque iuste feriuntur, exclusi Christi merito, Sanctorumque & Ecclesiæ communione, ut membra putrida resecti, traduntur Satanæ potestati, ut tandem resipiscant.

III.

Mandamus præterea, ac sub pœna arbitraria præcipimus, ne ulla sententia excommunicationis quoquo modo feratur, nisi cognoscente, sciente, & expresse mandante Officiali nostro, Nobis, aut Vicario nostro Generali.

IV.

In omni hujusmodi sententia ferenda, declaretur factum cujus causa

fit, contumacia & monitiones præcedentes, neque leviter, aut præcipitanter, aut in fraudem cujusquam ferantur, sed omnino agatur ex scripto Concilii Tridentini.

V.

Pastor, antequam publice moneatur, qui sit excommunicandus, nisi resipiscat, eundem benigne & patenter prius adeat, & secreto colloquio moneatur, horteturque, ne in hoc excommunicationis baratrum per contumaciam incidat, ut sic Pastor bonus lucratur ovem suam, si fieri possit.

VI.

Prohibemus, ne quis excommunicatus absolvatur, nisi præsentem se constituat Nobis, aut Officiali nostro, a sententia contra ipsum lata non perfuntorie, sed legitime, ubi resipuerit, absolvendus, de cujus pœnitentiâ & resipiscentiâ prius constare debebit, quam in gremium Ecclesiæ per absolutionem assumatur.

VII.

De ordine autem, modo, & jure, Curia nostra Atrebatensis volumus servari, quæ a Majoribus nostris piæ memoriæ constituta sunt, quantum scilicet licebit. Et quoniam conventum est inter Ecclesias Metropolitanam Cameracensem & Suffraganeas; ut aliqua forma constituatur communis in hac Provincia de modo, de ratione hujusmodi Curia exercendæ; volumus eam formam integre conservari, ubi constituta & evulgata fuerit, ac maxime, ut omnes ejusdem Curia Procuratores promittant, se Statuta nostra lecturos & servaturos, ut Constitutione PETRI Prædecessoris nostri piæ memoriæ cautum est.

VIII.

Cæterum omnia eorundem Prædecessorum nostrorum Statuta, ea scilicet, quæ nulla ex parte dissident a Decretis Conciliorum Tridentini & Cameracensis, confirmamus & approbamus, quorum Compendium probe & diligenter recognitum, præsentibus nostris Statutis adjecimus, præcipientes omnibus Decanis, Pastoribusque Eccle-

Ecclesiarum Nobis subiectis, ut ubi impressa fuerint, habeant sibi, & sedulo legant, curentque servari in hac

Dieceſi noſtra ab omnibus, pro ratione cujusque ſtatus & ordinis.

FINIS STATUTORUM SYNODALIIUM Rmi IN CHRISTO PATRIS
FRANCISCI RICHARDOTI.

SEQUUNTUR AUTEM

STATUTA PRÆDECESSORUM. (*)

I. De modo veniendi ad Synodum.

STatuimus & diſtrictè præcipimus, ut (a) omnes, qui tenentur (b) Sanctæ Synodo intereſſe, compare- ant coram Nobis, vel a Nobis deputandis (c), quando per Nos, vel Vicarios noſtros evocabuntur in Eccleſia Attre-

(*) Eadem Statuta antiqua, quæ, prout ſub Granvellano Cardinali & Epifcopo Attrebatenſi, Richardoti Prædeceſſore, collecta ſunt, hoc loco referimus, edita jam antea fuerunt Sæculo XV. cum ſequenti Titulo & Præſatione, non addito Epifcopi nomine, cujus cura collectio illa perfectæ, nec loco designato, in quo impreſſa fuit. Quæ, facta utriusque editionis collatione, notabiliores repertæ fuerint mutationes, ſuis locis indicabimus. Illud univerſim notandum, quod editionis recentioris Statuta prolixiora ut plurimum ſint, quam antiquæ: in hac vero e diverſo non pauca exhibeantur Conſtitutiones Synodales Eccleſiæ Attrebatenſis, quæ poſteriori in editione fuerunt prætermiſſæ. Quas ſuo ſingulas loco & ordine dabimus, ſervata ubique & ſcribendi, & interpungendi methodo, quam anteriore in exemplari invenimus. Hoc illarum initium:

INCIPIUNT CONSTITUTIONES SYNODALES

EPISCOPATUS ATTREBATENSIS.

Pæſtoralis cura ſollicitudinis, Dei, & Apoſtolice Sedis gratia nobis injuncta: continua & aſſidua meditatione nos urget, & hortatur: ut juxta nobis credite diſpenſationis officium: ſubditorum noſtrorum commodis: jugi ſtudio intendamus. Sane cum a prædeceſſoribus noſtris epifcopis Attrebatenſibus: & eorum Vicariis in ſpiritualibus & temporalibus, tam provide quam utiles nonnullæ Conſtitutiones Synodales diverſis temporibus emanaverint: quarum aliquæ propter ſimilitudinem nimiam: & quedam propter contrarietatem indiſſolubilem. Nonnullæ etiam propter ſui proximitatem conſuſionem inducunt: & laqueum poſſunt animabus parare. Nos ſuper hoc a multis noſtris ſubditis cum inſtantia requiſiti: conſuſionem & ambiguitatem tollere cupientes: per dilectum nobis in Chriſto Dominum Joannem de Graveria priorem de oratorio Horbonienſi in jure canonico Licentiatum: & Vicarium noſtrum in ſpiritualibus & tempo-

ralibus generalem: conſtitutiones hujusmodi diligentius fecimus reſcenſeri. Et tandem quibusdam ex ipſis (cum vel temporales, aut ſibi ipſis vel aliis contrarie ſeu omnino ſuperſue viderentur) penitus reſecatis: reliquis quibusdam ex ipſis abbreviatis, multisque detractio- nibus interpretationibus & additionibus, prout expedire vidimus factis in ipſis: in unum libellum una cum tenore trium conciliorum provincialium: in quibus ad correctionem ſubditorum noſtrorum & quietem: multa ſtatuantur ſalubria: fructus uberes Deo propicio in domo domini allatura: redigi mandavimus: & ſub debitis titulis collocari. Statuentes & mandantes, quod conſtitutiones contente in hujusmodi libello: diligenter a noſtris ſubditis obſerventur. Nullas alias conſtitutiones præter inſertas in eo a noſtris prædeceſſoribus ante editionem hujusmodi libelli promulgatas, recepturi ulterius: aut pro conſtitutionibus Synodalibus, ſub pena canonica habituri.

Sequuntur deinde Tituli ipſorummet Statutorum, quos nos ſub initium hujus Synodi præmiſimus.

(a) In exemplari antiquo: quod, pro: ut.
(c) Feria 3. poſt feſtum B. Dionyſii

(b) in Sancta Synodo

Tomus VIII. Concilior. German.

H h

Attrebatensi ad Sanctam Synodum peragendam, iusto impedimento cessante, de quo sufficiens (d) fiat fides, quo casu excusator teneatur (e) facere, quæ mittens teneretur, si præsens in Sancta Synodo adestet. (f) Item Prælati, Patroni, Curati, & cæteri Beneficiati, licet sint in inferioribus ordinibus constituti, ad dictam Sanctam Synodum honeste veniant. Prælati videlicet regulares in eorum vestimentis regularibus: seculares (g) in honesto & decenti habitu, prout conditioni propriæ & qualitati decens arbitrabuntur, & in suis beneficiis dimittant Vicarios idoneos, qui in dicta die Sanctæ Synodi & sequentibus, valeant suis beneficiis loco ipsorum deservire. Item Sanctam Synodum omnes intrent jejuni, Præpositus, Decanus & Canonici Ecclesiæ nostræ Cathedralis Attrebatensis cum cappis pretiosis, Abbates (h) autem cum insignibus Abbatialis dignitatis, sive mitris: Decani & Canonici Collegiarum Ecclesiarum extranearum, cum superpelliciis, & amussis: Decani rurales cum albis manipulis & stolis, absque casulis: Priores & Monachi in suo habitu consueto regulari; Curati cum superpelliciis, & stolis pendentibus. (i) Omnes diligenter Statuta Synodalia & attente audiant, & ad ea, quæ dicuntur, advertant, nec ante finem dictum locum exeant, & postmodum honeste ad sua hospitia revertantur, (k) locaque aliquatenus suspecta ne ingrediantur, & a Synodo sine nostra licentia ne recedant. Interim tamen expresse & solenniter protestamur, intentionis nostræ non esse, ad hanc Synodum admittere quenquam, per se, vel Procuratorem comparere debentem, aut habere pro excusato, qui sit a jure &

ab homine aliquo vinculo excommunicationis innodatus. Omnes quoque & singulos, qui de jure vel consuetudine ad hanc præsentem nostram Synodum venire, & eidem interesse tenentur, & non comparuerint tamen in eadem, nisi fuerint per Procuratorem idoneum, & sufficiens mandatum habentem, legitime excusati, contumaces reputamus. Prohibemus etiam, ne quis præsumat aliquid proponere, quod præsentī Synodo sit impertinens. Declaramus insuper & volumus, ut Decani sive Archi-Presbyteri procurent, ut habeant Synodi prædictæ Constitutiones ante elapsos octo dies, postquam impressæ ad nostram Civitatem Attrebatensem fuerint illarum, ut eas suarum regiuncularum Pastoribus ad hoc specialiter convocandis, publicent & non intellectas exponant. Si autem ipsi met Decani, vel Archi-Presbyteri quid dubitent, ad Nos, vel ad nostrum Vicarium, aut Officialem recurrent, pro vera intelligentia.

Qualiter Synodus teneatur.

Primo Dominus Episcopus, vel ejus, quoad hoc Commissarius de Revestuario venire debet, (l) Diacono, Subdiacono, duobus Clericis portantibus duos cereos, & tertio crucem deportante ipsum præcedentibus, & decantabitur responsorium, incipiente Cantore.

Responsorium.

Honor virtus & potestas, & imperium sit Trinitati in Unitate, Unitati in Trinitate, in perenni seculorum tempore. Versus, Trinitati lux perennis, Unitati sit decus perpetua. In perenni. Gloria Patri, & Filio, & Spiritui Sancto. In perenni.

Postea

- (d) In exemplari antiquo: sufficienter. (e) teneatur facere ea.
 (f) In antiquo exemplari inseruntur sequentia: Quod verum, nisi per nos, seu nostros Commissarios dies supradicta fuerit transmutata: ad quam diem omnes comparere debent, ut superius est expressum.
 (g) super tunicis & Wardecoris induti, clausis vestimentis, puta huncis vel cappis.
 (h) in stolis albis & cappis sericeis: Decani christianitatis albis & stolis.
 (i) Cæteri in superpelliceis almucis, vel birretis, sive capuciis sub amissione capuciorum prædictorum.
 (k) tabernas & lupanaria non intrent: sed ea prorsus evitent. *Cætera, quæ in recentiori editione supra sequuntur, non leguntur in antiqua.*
 (l) diaconus subdiaconus. Duo clerici portantes duos cereos: & tertius crucem deportans: ipsum debet præcedere: & cantatur responsorium. & incipit Cantor scilicet Responsorium: *Honor Virtus &c.*

Postea incipit Dominus Episcopus
Hymnum:

Veni Creator Spiritus, mentes tuorum visita &c.

Suscepta Benedictione ab Episcopo, legat
Diaconus Evangelium secundum Joan-
nem. *Evang. Ego sum Pastor bonus.*
quo lecto fiet Concio. (m)

De Summa Trinitate & Fide Catholica.

Inprimis præcipimus, & districte
omnibus Prælatibus, Abbatibus & Ec-
clesiarum Parochialium Rectoribus in-
jungimus, quatenus istud Generale
Concilium, quod incipit: *Firmiter cre-
dimus*, quod est in antiqua compilatio-
ne decretalis sub hoc titulo collocatum:
ac Constitutionem sælicis recordationis
Bonificii, quæ incipit: *Fidei ac devota*,
in sexto libro. Nec non Concilium
Viennense, quod incipit: *Fidei Catholi-
cæ fundamento*, sub eodem titulo reposi-
ta, quorum tenores (n) fini Capitulis præ-
sentis adjunguntur, penes se habeant,
attente legant, & frequenter juxta ca-
pacitatem sui ingenii, quæ capere po-
terunt, capiant, & sæpius commen-
dant memoriæ. Si quæ vero dubia
habuerint, consulant peritiores. Sym-
bolum Apostolorum, Credo in Deum
Patrem. & Credo in unum Deum. Et
illud Achanasii: Quicumque vult sal-
vus fieri, cordetenus sciant, frequen-
terque in corde revolvant, & contenta
in eisdem firmiter & districte credant.
Debent etiam firmiter credere, quod
in Sacramento Altaris conficitur, & est
verum Corpus Christi & verus Sanguis.
Et suadere, & inducere debent perso-
nas sibi subditas, ut circa præmissa &
singula districte credenda studeant, &
instruant, secundum sui ingenii capaci-
tatem & eorum facultates; nam alias af-
fectatores ignorantia viderentur. Præ-
cipimus insuper omnibus curam anima-
rum habentibus, quatenus sciant & me-
moriter teneant decem Præcepta Deca-
logi, eaque frequenter populo sibi
commisso exponant, maxime, quod

illis contraveniens damnabitur in per-
petuum, nisi fuerit vere pœnitens &
confessus. Et idem præcipimus fieri
de septem peccatis mortalibus: item
supra dictis præcipimus, quatenus sæ-
pius exponant populo, qualiter pec-
catur contra quinque sensus corpora-
les.

INNOCENTIUS TERTIUS in Concilio Generali.

Firmiter credimus & simpliciter confitemur,
quod unus solus est verus Deus, æternus,
immensus, & incommutabilis, incomprehen-
sibilis, omnipotens & ineffabilis, Pater, & Fi-
lius, & Spiritus Sanctus, tres quidem perso-
næ, sed una essentia, substantia, seu natura,
simplex omnino, Pater a nullo, Filius a Pa-
tre solo, ac Spiritus Sanctus pariter ab utro-
que, absque initio, semper, ac sine fine: Pa-
ter generans & Filius nascens, & Spiritus
Sanctus procedens; consubstantiales & coæqua-
les & coomnipotentes & coeterni, unum uni-
versorum principium, Creator omnium visibi-
lium & invisibilium, Spiritualium & corpora-
lium, qui sua omnipotentia virtute simul ab ini-
tio temporis utramque de nihilo condidit crea-
turam spirituales & corporales, Angelorum
videlicet & mundanarum, ac deinde humanarum,
quasi communem ex spiritu & corpore constitu-
tam. Diabolus enim & alii demones, a Deo
quidem natura creanti sunt boni, sed ipsi per se
facti sunt mali, homo vero diaboli suggestionem
peccavit. Hæc Sancta Trinitas secundum com-
munem essentiam individua & secundum perso-
nales proprietates discreta, primo per Moysen
& Sanctos Prophetas, aliosque famulos suos
juxta ordinatissimam dispositionem temporum,
doctrinam humano generi tribuit salutarem. Et
tandem Unigenitus Dei Filius, JESUS Chri-
stus a tota Trinitate communiter incarnatus,
ex Maria semper Virgine, Spiritus Sancti co-
operatione conceptus, verus homo factus, ex
anima rationali & humana carne compositus,
una in duabus naturis persona viam vite ma-
nifestius demonstravit. Qui cum secundum
Divinitatem sit immortalis & impassibilis:
idem ipse secundum humanitatem factus est
mortalis & passibilis, qui etiam pro salute hu-
mani

(m) Sequuntur Abbates, Abbatissæ, Capitula & alii, qui interesse tenentur in Synodo Atræ-
batenfi. Horum Catalogum vide sub finem eorum Statutorum.

(n) Antiqua: causa brevitas non inferimus: quia dictas tres constitutiones in suis anti-
quis Synodalibus poterunt reperire.

mani generis in ligno crucis passus & mortuus, descendit ad inferos, resurrexit a mortuis, & ascendit in cælum, sed descendit in anima & resurrexit in carne, ascenditque pariter in utroque, venturus in fine seculi iudicaturus vivos & mortuos, & redditurus singulis secundum opera sua, tam reprobis, quam quam electis, qui omnes resurgent cum suis propriis corporibus, quæ nunc gerant, ut recipiant secundum opera sua, sive bona fuerint, sive mala, illi cum diabolo penam perpetuam, & isti cum Christo gloriam sempiternam.

Una vere est fidelium universalis Ecclesia, extra quam nullus omnino salvatur, in qua idem ipse Sacerdos est Sacrificium Iesus Christus, cuius Corpus & Sanguis in Sacramento Altaris, sub speciebus panis & vini veraciter continetur, transsubstantiatis, pane in Corpus, & vino in Sanguinem, potestate Divina, ut ad perficiendum mysterium unitatis, accipiamus ipsi de suo, quod accepit ipse de nostro, & hoc utique Sacramentum nemo potest conficere, nisi Sacerdos, qui rite fuerit ordinatus, secundum Claves Ecclesiæ, quas ipse concessit Apostolis, eorumque Successoribus Iesus Christus. Sacramentum vero Baptismi, quod ad Dei invocationem & Individuæ Trinitatis, videlicet Patris, & Filii, & Spiritus Sancti, consecratur in aqua, tam parvulis, quam adultis in forma Ecclesiæ, a quocumque rite collatum, proficit ad salutem. Et si post susceptionem Baptismi, quisquam prolapsus fuerit in peccatum, per veram potest semper penitentiam reparari. Non solum autem virgines & continentis, verum etiam conjugati, per rectam fidem & operationem bonam, placentes Deo ad æternam merentur Beatitudinem pervenire.

GREGORIUS DECIMUS in Generali Concilio Lugdunensi.

Fideli ac devota professione fatemur, quod Spiritus Sanctus, æternaliter ex Patre & Filio, non tanquam ex duobus principiis, sed tanquam ex uno principio, non duabus spirationibus, sed unica spiratione procedit, hoc professus est hæcenus, prædicavit & docuit: hoc firmiter tenet & prædicat, proficitur & docet, Sacrosancta Romana Ecclesia, Mater omnium fidelium, & Magistra: hoc habet orthodoxorum Patrum, atque Doctorum, Latinorum pariter & Græcorum, incommutabilis & vera

sententia. Sed quia nonnulli, propter irrefragabilis præmissæ veritatis ignorantiam, in errores varios sunt prolapsi; Nos, huiusmodi erroribus viam præcludere cupientes, hoc Sacro approbante Concilio, damnamus & reprobamus omnes, qui negare præsumserint, æternaliter Spiritum Sanctum ex Patre & Filio procedere, sive etiam temerario ausu asserere, quod Spiritus Sanctus ex Patre & Filio, tanquam ex duobus principiis, & non tanquam ex uno procedat.

CLEMENS V. in Concilio Viennensi.

Fidei Catholice Fundamento, præter quod (teste Apostolo) nemo potest aliud ponere, firmiter inherentes, aperte cum Sancta Matre Ecclesia, consistimus, unigenitum Dei Filium in his omnibus, in quibus Deus Pater existit, una cum Patre æternaliter subsistentem, partes nostræ naturæ simul unitas, ex quibus in se verus Deus existens, fieret verus homo, humanum videlicet corpus passibile, & animam intellectivam, seu rationalem, ipsum Corpus vere per se & essentialiter informantem, assumpsisse ex tempore in virginali thalamo ad unitatem suæ hypostasis & personæ, & quod in hac assumpta natura ipsum Dei Verbum, pro operanda salute non solum affigi cruci, & in ea mori voluit, sed etiam emissio jam spiritu perforari lancea sustinuit latus suum, ut exinde profluentibus undis aquæ & sanguinis, formaretur unica, & immaculata, ac Virgo Sancta Mater Ecclesiæ conjunx Christi. Sic de latere primi hominis soporati, Eva sibi in conjugium est formata, ut sic certæ figuræ primi & veteris Adæ, qui (secundum Apostolum) est forma futuri, in nostro novissimo Adam: id est, Christo veritas responderet. Hæc est, inquam, veritas illius prægrandis aquilæ vallata testimonio, quam Prophetæ vidit Ezechiel, animalibus ceteris Evangelicis transvolantem, Beati Joannis videlicet Apostoli & Evangelistæ, qui Sacramenti hujus rem gestam narrans & ordinem, in Evangelio suo dixit: Ad Iesum autem cum venissent, ut viderunt eum jam mortuum, non fregerunt ejus crura, sed unus militum lancea latus ejus aperuit, & continuo exivit sanguis & aqua, & qui vidit, testimonium perhibuit, & verum est testimonium ejus, & ille scit, quia vera dicit, ut & vos credatis. Nos igitur ad tam præclarum testimonium, ac Sanctorum & Doctorum communem sententiam, Apostolica considerationis (ad

(ad quam duntaxat hæc declarare pertinet) aciem convertentes, Sacro approbante Concilio declaramus, prædictum Apostolum & Evangelistam Joannem, rectum in præmissis factæ rei ordinem tenuisse, narrando, quod Christo jam mortuo, unus militum lancea latus ejus aperuit. Porro doctrinam omnem, seu positionem temere asserentem, aut verentem in dubium, quod substantia animæ rationalis, seu intellectiva, vere ac per se, humani corporis non sit forma, velut erroneam, ac Fidei Catholicæ inimicam, prædicto approbante Concilio, reprobamus. Diffinientes, ut cunctis nota sit fidei sincera veritas, ac præcludatur universis erroribus aditus, ne subintrent: quod quisquis deinceps asserere, defendere, seu tenere pertinaciter præsumpserit, quod anima rationalis, seu intellectiva, non sit forma corporis humani per se & essentialiter, tanquam hæreticus sit censendus. Ad hoc Baptisma unicum, Baptizatos omnes in Christo regenerans, est, sicut unus Deus, ac fides unica, ab omnibus fideliter consistendum. Quod celebratum in aqua in nomine Patris, & Filii, & Spiritus Sancti, credimus esse tam adultis, quam parvulis, communiter perfectum remedium ad salutem. Verum quia quantum ad effectum Baptismi in parvulis, reperiuntur Doctores quidam Theologi, opiniones contrarias habuisse, qui quidam ex ipsis dicentibus, per virtutem Baptismi parvulis quidam culpam remitti, sed gratiam non conferri; aliis contra asserentibus, quod & culpa eisdem in Baptismo remittitur, & virtutes ac informans gratia infunduntur quoad habitum, etsi non pro illo tempore quoad usum. Nos attendentes Generalem efficaciam mortis Christi, quæ per Baptisma applicatur pariter omnibus baptizatis, opinionem secundam, quæ dicit, tam parvulis, quam adultis, conferri in Baptismo informantem gratiam & virtutes, tanquam probabilior, & dictis Sanctorum & Doctorum modernorum Theologiæ, magis consonam & concordem, Sacro approbante Concilio duximus eligendam.

II. De Sacramentis (o) in genere.

Sacramenta, quæ sunt signa rei sacræ homines sanctificantes, gratis exhibeantur, id est, sine pecunia, vel

muneris recepti, seu recipiendi exactione, promissione, seu petitione eorundem, nisi ultro hujusmodi aliquid offeratur, aut pia consuetudine debeatur. Quo casu ante omnia sunt Sacramenta administranda: & ipsis exhibitis, quod introduxit consuetudo, potest peti, & si denegatum fuerit, ad Nos, vel Officiale nostrum super hoc habeatur recursus: alias autem pecuniam, vel munera exigentes pro Sacramentis ministrandis, Symoniacos reputamus, & ab officio suspendimus, & tam diu volumus manere suspensos, quousque sic receptam pecuniam, a quibus receperint, plenarie restituerint, promissaque quittaverint, & ad arbitrium nostrum, vel Commissariorum nostrorum, fecerint propter hoc emendam, & cum ipsis fuerit canonice dispensatum. Quod si ante restitutionem, quittance, emendam & dispensationem prædictas, Divinis se immiscuerint, in suo agentes officio, sicut prius, irregularitatis laqueum non evadent. (p) Denunciamus quoque gravissimam ultionem capiendam de Sacerdotibus, qui indigne auferint Sacramenta administrare. Mandamus item Parochis, ut instituant plebem suam, cum ipsa Sacramenta administrant, vel in concionibus, si argumentum præsens patitur, quid in cujusque collatione agatur, quis inde fructus manat, quid sibi velint, quæ sic visibiliter exhibentur, ad quæ invisibiliter Dei virtus efficacius operatur, deinde quando digne, aut indigne percipiantur.

III. De Baptismo, & ejus effectu.

Baptismus, cum sit janua omnium Sacramentorum, cum reverentia & honore celebrari debet, (q) mane potius, quam tempore pomeridiano, nisi aliud postulet necessitas, ut a jejunis & sobriis ad res tantas veniatur. Sacerdotem oportet esse attentum, præsertim in prolatione verborum & distinctione, in quibus virtus Sacramenti

H h 3

con-

(o) Antiqua editio: De Sacramento in genere. Tum sic orditur: Sacramenta gratis exhibeantur: id est, sine pecunia &c.

(p) Quæ deinceps apponuntur in editione recentiore, hoc capite, non habentur in antiqua.

(q) Antiqua præsertim in prolatione verborum & distinctione, cæteris, quæ hic inseruntur, prætermisiss.

confistit, videlicet in his verbis: (*) In nomine Patris, & Filii, & Spiritus Sancti. Serios quoque & animadvertentes, esse decet susceutores, qui in quiete, & silentio, omnibus, per ipsos agendis, intendant. Quare prohibemus sub pœna Canonica, ne quis ad levandum masculinum de Sacro Fonte, ultra duos viros & unam mulierem, & ad levandum mulierem, ultra duas mulieres, & unum virum, admittat, nisi de nostra, vel Officialis nostri licentia speciali. (r) Admonebit autem Curatus susceutores, ut meminerint, filiolos, postquam ad eam pervenerint ætatem, quæ institutionem admittit, docendos esse per ipsos, si opportunum esse potest, vel saltem eorum cura per alios, Precationem Dominicam, Salutationem Angelicam, cum Articulis Fidei, sedulo quoque & frequenter exhortandos, vel vitam Christiano homine dignam, a teneris studeant meditari. Ad hæc, quia novimus Sacris Canonibus, Abbatibus, Prioribus, ac aliis Religiosis, interdictum, in Baptismo parvulos suscipere, aut nuptialibus conviviis interesse; ideo monemus, & præcipimus, ne in huiusmodi Canonum, hætenus a multis neglectorum, præscripta & Sanctiones peccare, quanta vis necessitudine desponsatis, vel parvulis jungantur, præsumant. Nam pro transgressione & scandalo dato, severiores penitentiae poenas sumus per Nos, aut nostros Vicarios posthac exacturi. Item si dubitetur, an aliqui fuerint baptizati, sub his verbis debebunt baptizari, dicendo: Si non es baptizatus, ego te baptizo in Nomine Patris, & Filii, & Spiritus Sancti, amen. Item præcipimus singulis curam animarum habentibus, quatenus instruant matronas obstetrices, qualiter tantum impellente necessitate, pueros habeant baptizare, videlicet sub hac forma, & non alia, sive lingua laicali, sive latina: Ego baptizo te in Nomine Patris, & Filii, & Spiritus Sancti. Amen. Et

faciant (s) cum immersione & aspersione in aqua, neque dubitent Parentes in absentia obstetricum, & aliorum, extrema huiusmodi necessitate occurrente, proprio puero Baptismum impendere & mutuis conjugii officiis, ut ante fecerunt, nihilominus postea indulgere. Et si contigerit, puerum baptizatum per personas prædictas ad fontes deferri, ante omnia quærat Sacerdos, sub qua forma fuerit baptizatus: quod si invenerit formam debitam observatam fuisse, ipsum non baptizet, (t) baptizatum. Sin autem, baptizet ipsum, ut superius est expressum. (u) Si infantis nascentis caput appareat extra, vel aliud membrum principale, & timeatur de morte infantis, antequam perfecte nascatur, infundat, qui adfuerit, aquam super caput nascentis, vel membrum principale, dicens: Infans ego te baptizo in Nomine Patris, & Filii, & Spiritus Sancti. Si autem pervenerit vivus ad ortum legitimum, de novo baptizetur sub his verbis: Si es baptizatus, ego te non baptizo; sed si non es baptizatus, ego te baptizo in Nomine Patris, & Filii, & Spiritus Sancti. Amen. Item si mulier prægnans decesserit & partus credatur vivere, aperiatur mulier & partus baptizetur. Item linitus saliva, in quacunque parte corporis, licet in huiusmodi linitione verba fuerint prolata, quæ requiruntur in Baptismo; non est baptizatus, sed baptizandus. Cum ad esse Baptismi requirantur verbum & elementum, quod est aqua, quod quidem elementum in hoc casu deficit. Item juxta tenorem Concilii Viennensis prohibemus, ne quis alibi, quam in Ecclesiis, in quibus ad hoc fontes sunt specialiter deputati, aliquem baptizare præsumat, vel suam præsentiam exhibeat personalem, nisi Regum, vel Principum liberi exstiterint, aut talis emerferit necessitas, propter quam nequeat ad Ecclesiam absque periculo accessus haberi. (x) Proinde sollicitudinem volumus adhibere

(*) Scriptoris incuria, aut errore Typographi prætermittæ videntur hæ voces: *Ego te baptizo*, quarum legitima pronuntiatio non minus, quam aliarum supra relatarum, ad constituendam Baptismi essentiam requiritur.

(r) *Sequitur*: Item si dubitetur &c. *omissis aliis, quæ interposita sunt in edit. recent.*

(s) *Antiqua*: cum trina immersione in aqua. *Dein subjungitur*: Et si contigerit.

(t) *Antiqua*: sed approbet baptizatum.

(u) *In antiq. edit. omissis, quæ hic sequuntur, subditur*: Item si mulier prægnans decesserit &c.

(x) *Sequitur in ant. edit.* Item præcipimus, quod curati de novo Chrismate &c.

re Parochum, seu Curatum, ut fontes firmiter clausi teneantur, ne sordidentur, aut fortilegis pateant. Renoventur autem aquæ fontium, ut minimum bis in anno pridie Festorum Paschæ, & Pentecostes, ac tum mudentur, antequam recens aqua infundatur. Item præcipimus, ut Curati de novo Chrismate, quod in die Ccenæ singulis annis conficitur, citius quam poterunt, anno quolibet post diem dictæ Ccenæ a deputato nostro (y) inungant, quoniam de antiquo Chrismate non debent inungere, sed ipsum in suis Ecclesiis concremare: (z). Mandamus insuper Presbyteris curatis, ut quando vascula mundant pro novo Chrismate, vel oleo, habeant aliqua alia vascula, in quibus antiquum Chrisma & oleum reponant, donec novum Chrisma sit allatum in Ecclesiam: tunc enim primum, cum novum fuerit allatum, concremabitur antiquum, & hoc propter frequentem necessitatem infirmorum & baptizandorum, ne, videlicet infirmi sine Sacra Unctione decedant, & ne pueri sine Chrismate baptizentur. Et quando prædicti veniunt ad habendum dictum Chrisma, honestas ampullas, mundas & bene clausas, apportent; quod si personaliter non veniant, mittant suo loco honestas personas, in Sacris Ordinibus constitutas, & non alias, scientes, quod si secus egerint, aut in hoc negligentes fuerint, vel remissi, sic eos puniemus, quod cedet aliis in exemplum.

IV. De Confirmatione.

Quoniam Confirmationis Sacramentum est Sacramentum (a) magnæ utilitatis, & ideo omnibus Christi fidelibus exhibendum, nunquam autem contemnendum: præcipimus omnibus Curatis, ut suos Parochianos sæpe moneant, ne hoc Sacramentum a Nobis recipere negligant, sed ad Nos, qui soli hoc Sacramentum

hic conferimus per Nos ipsos, aut nostrum Suffraganeum, veniant, nec non pueros, ut minimum septennes, aut alios majoris ætatis, adducant Sacro Chrismate unguendos: qui memoriter teneant Articulos Fidei, Præcepta Decalogi cum Precatione Dominica, & Salutatione Angelica. Adducti autem si sint doli capaces, ad Confirmationem accedere ne præsumant, nisi jejuni & confessi, ut mundi sint, ne conferendæ gratiæ præstent impedimentum: doceantur etiam populi, hoc Sacramentum, in quo Episcopus nomina confirmandorum mutare potest, non posse iterari. Unus confirmandum teneat, ac Episcopo præsentet, qui tali susceptione contrahere se sciat spirituales compaternitatem: ideoque ab hoc susceptionis officio arcendi sunt eorum parentes. Nemo præter Sacerdotem, vel in Sacris Ordinibus constitutum, tollat, vel solvat fasciolas confirmati, idque post triduum: ac tunc frontem confirmati sale defricatam lavabit, ipsam ligaturam, sive fasciolum comburendo, ipsosque cineres cum aqua lotionis frontium, in piscinam reponendo; nisi cineres in aliquem usum oporteat reservare. Et ne Curati possint justam ignorantiam prætexere, quibus modis cognatio spiritualis contrahatur, & sic Matrimonio jungant eos, qui jungi non possunt; ideo subjecimus Decretalem: *Nedum inter. Tit. De cognatione Spirituali, L. VI.* Nedum inter baptizatum, & illum, qui eum suscepit de Baptismo, ac inter eundem baptizatum & susipientis filios, & uxorem, ante susceptionem carnaliter cognitam ab eodem, imo etiam inter susipientem, patremque baptizati & matrem, cognationem spirituales in Baptismo contrahi, jure constat, quæ cognatio & contrahendum Matrimonium impedit & dirimit post contractum, & eadem, quæ de suscipiente sunt dicta, sunt etiam de baptizante censenda. Ex Con-

(y) *In antiqua*: a deputato nostro super hoc recipiant, & habeant: & de dicto novo inungant.

(z) *Ant.* & quando prædicti venient ad habendum dictum crisma, honestas ampullas & bene clausas apportent &c.

(a) *In antiquo exemplari initium hujus capituli sic habet*: Quoniam Confirmationis Sacramentum est Sacramentum necessitatis, præsertim si contemnatur. *Quod in posteriore editione merito, recteque eo, quo hic legitur, modo emendatum.*

Confirmatione quoque, seu frontis Chrismatione, spiritualis cognatio iisdem modis contrahitur: Matrimonia similiter impediens contrahenda, & dirimens post contracta. Caveant autem, qui ad primam Tonsuram aspirant, aut ad Ordines Sacros cupiunt admitti, ut non nisi confirmati audeant accedere.

V. De Sacramento Confessionis.

Cum Sacramentum confessionis sit secunda tabula, per quam nobis in huius mundi pelago navigantibus, & quandoque fluctuantibus, nec non per peccatum mortale naufragium passis, paratur reconciliationis remedium apud DEUM per JESUM Christum; idcirco omnibus districte præcipimus, quatenus quilibet, prout ad ipsum pertinet, diligenter attendat, & faciat a suis subditis observari ea, quæ in Decretali continentur, cujus tenor sequitur in hæc verba: Omnis utriusque sexus fidelis, postquam ad annos discretionis pervenerit, omnia peccata sua (saltem semel in anno) solus fideliter confiteatur proprio Sacerdoti, & injunctam sibi pœnitentiam propriis viribus studeat adimplere, suscipientes reverenter, ad minus in Pascha Eucharistiæ Sacramentum, nisi forte de proprii Sacerdotis consilio, ob aliquam rationabilem causam ad tempus ab ejus perceptione duxerit abstinendum. Alioqui & vivens ab ingressu Ecclesiæ arceatur, & moriens Christiana careat sepultura. Unde hoc Statutum salutare frequenter in Ecclesiis publicetur, ne quis ignorantia cæcitate velamen excusationis assumat. Si quis alieno Sacerdoti voluerit iusta de causa confiteri peccata, licentiam prius postulet & obtineat a proprio Sacerdote, cum aliter ipse illum non possit absolvere, vel ligare. Sacerdos autem sit discretus & cautus, ut more periti medici super infundat vinum & oleum vulneribus fauciat, diligenter inquirens & peccatoris circumstantias & peccati, quibus prudenter intelligat, quale debeat ei præbere consilium, & cujusmodi re-

medium adhibere, diversis experimentis utendo ad salvandum ægrotum. Caveat autem omnino, ne verbo, aut signo, aut alio quovis modo aliquatenus prodatur peccatorem: sed si prudentiori consilio indiguerit, illud absque expressione ulla personæ, caute requiratur. Quoniam eum, qui peccatum in pœnitentia judicio sibi detectum præsumpsit revelare, non solum a Sacerdotali officio deponendum decernimus, verum etiam ad agendam pœnitentiam perpetuam (b) in arctum Monasterii detrudendum. Sacerdos audiens confessionem, personarum qualitates & exercitia prudenter explorans, secrete & sigillatim audiat peccata, & sedeat in Ecclesia in loco publico, ut ab omnibus videri possit, nisi contrarium suadeat necessitas, aut infirmitas, vel alia iusta causa. Insuper in confessione audienda, Sacerdos habeat vultum humilem, oculos ad terram demissos, nec frequenter aspiciat vultum confitentis, & præsertim mulieris. Præterea competenter audiat, quæ confitens dixerit, in spiritu lenitatis, & eum moneat pro viribus, ut integre sua peccata confiteatur, alioqui confessionem fore nullam: peccata usitata diligenter inquireat, & inusitata, non nisi a longe: unde caveat, ne det occasionem in novis adinventionibus peccatorum. In confessione quoque & extra eam, suos Parochianos moneat & inducat, ut confiteantur de transgressione fidei & iuramenti, si aliquoties ipsos contigerit, non adimplevisse promissum, nisi continua inopia ipsos excusasset; nam si cessante inopia continua terminum labi permiserint, etiam si postea pacificaverint, vel conventiones adimpleverint cum effectu, & in foro contentioso absolutionem ab excommunicatione, si quam incurrerant hac de causa auctoritate cujusvis Judicis impetraverint: in foro tamen pœnitentia a peccato, quod ratione transgressionis commiserint, non sunt immunes. Districte etiam præcipimus omnibus Presbyteris, curam animarum gerentibus, & eorum loca tenentibus, ut a constitutionibus, tam Provincialibus, quam Synodalibus, extrahant omnes casus, in

(b) *Antiq.* in carcere perpetuo detrudendum.

in quibus sui subditi possunt excommunicationis sententia innodari, quos sic extractos in uno rotulo habeant, ut dum confessiones audierint, super illis in ipsorum quolibet interrogent confidentes. (c) Prohibemus insuper prædictis, ne absolvant eum, qui a peccato abstinendi propositum non habet: nihilominus diligenter moneant, ut quicquid boni poterit, faciat, ut Deus ad veram penitentiam cor illius illustret: eum tamen sine injunctiōe penitentiae non dimittant. (d) Curati docere debent Parochianos suos, ne rem furtivam, vel suspectam, quod furtiva sit, emere audeant; ut non audiant illud Psalmistæ: *Videbas furem & currebas cum eo*, quia ipsi ad restitutionem tenentur. Præcipimus etiam & statuimus, ut Sacerdotes in procuranda ablatorum restitutione hunc modum servant: primum injungant penitentibus, ut damnum passis, vel eorum hæredibus faciant restitutionem, cum non dimittatur peccatum, nisi restituatur ablatum. Quod si non inveniuntur hæredes, jubebunt, ut restituenda applicent in usum fabricæ Ecclesiæ nostræ Cathedralis: & si non habent faculta-

tem impræsentiarum restituendi, curent, ut promittant, se restitutos prædictis modis, ubi & quando facultatem habuerint: & tunc licite poterit absolvere Sacerdos a peccatis. Porro quia repertum est aliquando inconveniēns aliquod evenisse propter casus reservatos, vel juris dispositione, vel per Statuta Synodalia: cum enim essent vel minoris ætatis aliqui, vel mulieres, qui Sacerdotem in hisce casibus in promptu non haberent, cui confiterentur: ideoque, aut omnino non confiteri mallent, aut sane longius differrent, quam ex animarum salute esset: non enim videri poterat parva suspitionis macula hinc oriri, si homines (maximeque mulierum genus) ad Nos, seu Vicarios nostros, relictis propriis Curatis, proficiscerentur. Hac de causa volentes verecundiæ consulere & famæ, Curatis & Parochis, nec non eorundem vicem gerentibus, cum quatuor ordinum mendicantium Prioribus ac Guardianis, ita ut etiam liceat iisdem, unum aut alterum adhuc Nobis nominare, quibus similem absolvendi facultatem tuto impartiri possimus, cum ad id per Nos fuerint omnes prævia

exa-

(c) *Antiq.* Si quos sententiam incurrisse cognoverint, nobis absolvendos remittant.

(d) *Reliqua hic apposta non inveniuntur in editione antiqua. Subnectuntur autem casus reservati hoc modo:*

Primus casus. In solenni penitentia imponenda. Secundus. In absolutione a symonia canonis impendenda. Tercius. In irregularitate contracta dispensando. Quartus. In incendiario absolvendo. Quintus. In blasphematoribus Dei & Sanctorum. Sextus. In voti transgressione & commutatione. Septimus. Si episcopus de consuetudine vel statuto aut superior certa debeat audire peccata. Octavus. Si episcopus vel superior confessionem audivit de aliquo peccato. Nonus. De parentibus qui filios oppresserunt. Decimus. In homicidiis. Undecimus. De sacrilegiis. Duodecimus. De falsariis. Tercius decimus. De violatoribus ecclesiarum & immunitatum, ac ecclesiasticæ libertatis. Quartus decimus. De sortilegiis. Quintus decimus. De vicio contra naturam: & præsertim cum brutis. Sextus decimus. De corruptione Sanctimonialium. Septimus decimus. De incestu. Octavus decimus. De perjurio. Nonus decimus. De clandestina matrimonia contrahentibus. Vicesimus. De expositione filiorum. Vicesimus primus. De dicentibus falsum testimonium. Vicesimus secundus. De deflorantibus mulieres. Vicesimus tertius. De percussoribus parentum. Vicesimus quartus. De venientibus contra fidem prestitam. Vicesimus quintus. De hereticis. Vicesimus sextus. De committentibus adulterium. Vicesimus septimus. Ablatorum, sive subtractorum vel alias illicite acqvisitorum restitutionibus: quando sunt incerta vel non extant hi, quibus restitutio est fienda. Alias si certa fuerint: & extent hi, quibus debent restitui: ante omnia sacerdotes injungat: quod fiat restitutio. Quia non dimittitur peccatum nisi restituatur ablatum. Et tunc licite poterit absolvere a peccato. Vicesimus octavus. De contrahentibus matrimonium contra ecclesie vel judicis interdictum. In his omnibus casibus: & ipsorum quolibet curati, & capellani nullam habent potestatem: nisi fuerit eis specialiter a superiore concessa.

examinatione admissi in nostra Diocesi: istud ex nostra potestate munus delegamus: ut ab omnibus peccatis, Nobis ex jure, vel Statutis Synodalibus reservatis, possint absolutionis beneficium impendere, manumque imponere poenitentibus. Quod si quippiam sit, quod scrupulum injiciat, poterunt Curati & Religiosi præfati consilium Vicariorum nostrorum, ad hoc delegatorum, requirere. Cæterum, ut omnes intelligant, quantum Curatis, aut eorum vicem gerentibus, Guardianis, nec non Prioribus mendicantium, ad utilitatem populi, auctoritatis indulgeatur, casuum Nobis reservatorum indicem, seu titulos, hic subnotandos duximus.

VI. Casus reservati Episcopo.

Incendium, homicidium, sacrilegium, peccatum contra naturam, incæstus, blasphemia in Deum & Sanctos, violatio voti, perjurium solenne, adulterium, defloratio virginis, sortilegium, hæresis, apostasia, divinatio, usura, injectio manuum in parentes, oppressio, seu suffocatio parvulorum, etiam per negligentiam, injectio manuum violentarum in Clericos, crimen falsi, procuratio sterilitatis, vel abortus, violatio Ecclesiarum & Ecclesiasticæ libertatis, corruptio Monialium, clandestini Matrimonii contractio, expositio filiorum, falsum testimonium, matrimonium contractum contra Judicis vel Ecclesiæ interdictum. In his omnibus casibus & ipsorum quolibet Curati & Capellani nullam habent potestatem, nisi fuerit eis specialiter a Superiore concessa. Districte quoque præcipimus Curatis, & eorum vicem gerentibus, ac mendicantibus, ut, cum audierint confessiones suorum subditorum, eos moneant & inducant, ut decimas solvant Ecclesiis Parochialibus de omnibus & singulis, ^(e) quæ secundum jura, aut secundum loci consuetudinem decimantur: & alias ipsos non absolvant a peccato detentionis decimarum, nisi ut minimum restituere promittant. Item sollicitè Sacerdotes Parochianos

suos, quicumque fuerint doli capaces, moneant, ut sæpe confiteantur peccata: & præsertim in principio Quadragesimæ, ipsos instruant, qualiter, & de quibus debeant confiteri, puta de septem peccatis mortalibus, & eorum circumstantiis, de quinque sensibus corporis, de decem Præceptis legis: & de aliis peccatis, simpliciter & pure fatendo veritatem, non autem peccatum palliando. Item statuimus & ordinamus, quod Curati Parochiales, Presbyteri, Capellani in eorum Parochiis moram facientes, & in eisdem Capellas habentes confiteantur suis Decanis; & non aliis, nisi de nostra processerit, vel dictorum Decanorum licentia speciali. Monachi vero & Canonici Regulares, suis Superioribus, vel ab eis deputandis, secundum consuetudinem laudabilem in eorum Ecclesiis observatam; Abbates vero, & Decani Nobis, aut in nostra absentia, nostro Vicario Generali. Per hoc tamen præjudicare non intendimus illis, quibus a Sede Apostolica est indultum, quod confessiones audiant, vel audire valeant sibi confiteri volentium, quominus ea potestate uti valeant, non obstante hujusmodi prohibitione, sicuti antea de jure poterant & valebant. Quia vero, saltem semel in anno, debite non accedens, potest non immerito de hæresi suspectus esse; Statuimus & districte præcipimus Curatis, & cuilibet eorum, quod negligentiam in hac parte suorum subditorum, Nobis infra mensem, postquam eis legitime constiterit, studeant revelare, ut delinquentes puniamus in exemplum aliorum, & ipsorum salutem. Præcipimus etiam Medicis corporum, ut ante omnia, cum venerint ad infirmos, ipsis suadeant confiteri, nec eis aliquid pro sanitate recuperanda suadeant, quod vergat in animæ detrimentum, juxta Decretum Innoc. Tertii in Concilio Generali latum sub hujusmodi tenore: "Cum infirmitas corporalis nonnunquam proveniat a peccato; dicente Domino languido, quem sanaverat: *Vade, & amplius noli peccare, ne deterius aliquid tibi*

con-

(e) *In antiq.* Seminibus & fructibus quos terra, aer, aqua, animalia, arbores producant, alias ipsos non absolvant a peccato detentionis decimarum.

"contingat; præfenti Decreto statuimus,
 " & diftrictè præcipimus Medicis cor-
 "porum, ut cum eos ad infirmos vo-
 "cari contigerit, ipfos ante omnia mo-
 "neant & inducant, ut Medicos advo-
 "cent animarum: ut poftquam fuerit
 "infirmo de fpirituâli falute provifum,
 "ad corporalis medicinæ confilium fa-
 "lubrius procedatur, cum caufa cel-
 "fante ceffet effectus." Huic quæ-
 "dam inter alias caulam dedit edicto,
 "quod quidam in ægri tudinis lecto ja-
 "centes, cum eis a Medicis fuaderetur, ut
 "de animarum falute difponant, in de-
 "fperationis incidunt periculum, unde
 "facilius formidinem mortis incurrunt.
 "Si quis autem Medicorum hujus trans-
 "greffor extiterit, tam diu ab ingreffu
 "Ecclefie arceatur, donec pro transgreffio-
 "ne hujusmodi facti fecerit emendam
 "competentem. Cæterum cum anima
 "fit multo pretiofior corpore, fub pœna
 "anathematis prohibemus, ne quis Me-
 "dicus pro corporis falute aliquid ægro-
 "to fuadeat, quod in periculum animæ
 "convertatur. Inhibemus quoque om-
 "nibus Religiofis, cujuscunque religio-
 "nis exiftant, ne aliquos auctoritate no-
 "ftri mandati generalis, vel Officialis
 "noftri excommunicatos, abfolvere præ-
 "fument: excepto mortis articulo, &
 "tunc præftita ab eis cautione, quod fi
 "a periculo, vel infirmitate illa valeant
 "liberari, impenfè abfolutionis appro-
 "bationem a Nobis, vel Officiali no-
 "firo, quam ciuifime poterunt, impetra-
 "bunt. Inhibemus etiam omnibus Pres-
 "byteris, fubditis noftris, ne quis ex-
 "communicatos pro recognito, vel con-
 "temptu præfumat abfolvere, nifi fuper
 "hoc a Nobis, vel Officiali nofiro. re-
 "cepto mandato; fed tales ad Nos, vel
 "Officiale noftrum remittant abfolven-
 "dos; nifi fit periculum in mora. Quo
 "cafû recepta cautione idonea; & de im-
 "petranda approbatione abfolutionis, &
 "de mandatis noftris juxta formam Ec-
 "clefiæ fibi factis parendo, per fe, vel
 "hæredes fuos, licitum erit, ipfos ab-
 "folvere; fed non Ecclefiafticæ tradere

feputuræ, nifi Nobis, vel nofiro Of-
 "ficiali confultis, & Curie literis im-
 "petratis. (f) Volentes, quantum in no-
 "bis eft, omnium confcientiis bene con-
 "fulere: diftrictè præcipimus omnibus
 "quorumcunque Monafteriorum noftræ
 "Diocefis Vifitatoribus, feu Superiori-
 "bus, Patribus Confefſariis Moniali-
 "um, claufuram Profefſarum, ut ex no-
 "ftra indulgentia fub fufpenſionis a Di-
 "vinis Officiis pœna, concedant, ut bis
 "vel ter in anno alicui alteri honeſto ab
 "illis (g) & difcreto Confefſario, fuas
 "confcientias revelare poſſint. Et quia
 "multi per negligentiam, vel imperi-
 "tiam, fæpe & periculofe valde peccant,
 "circa formam abfolutionis impendendæ
 "iis, quorum confeſſiones audiunt; ideo
 "volumus & ordinamus, ut omnes
 "Confefſarii poſt falutares monitiones,
 "ac injunctam pœnitentiam urantur for-
 "ma abfolutionis ſequentis: " Indulgen-
 "tiam, abfolutionem & remiſſionem
 "omnium peccatorum tuorum, ſpa-
 "tium veræ pœnitentiæ, & emendatio-
 "nem vitæ, gratiam & conſolationem
 "Sancti Spiritus Paracleti, & perfeve-
 "rantiam in bonis operibus, largiarur
 "tibi Omnipotens Pater, pius, & mi-
 "ſericors Dominus. Dominus noſter
 "Jeſus Chriſtus, qui eſt verus Abſo-
 "lutor omnium criminum, per ſuam
 "ſanctam miſericordiam te abſolvat:
 "Et ego auctoritate mihi commiſſa,
 "abſolvo te a vinculo excommunica-
 "tionis, ſi incidifti; (b) In Nomine
 "Patris, & Filii, & Spiritus Sancti.
 "Amen.

VII. De Euchariftia.

Cum inter omnia Sacramenta, Eu-
 "chariſtiæ Sacramentum omnium
 "longe fit digniſſimum: exiſtens ve-
 "rum, vivum, & efficaciſſimum animæ
 "alimentum, ſub viſibilibus ſpeciebus
 "totum Jeſum Chriſtum, Propitiatorem
 "& Redemptorem noſtrum, Deum ac
 "hominem occultans: ideo maxime ve-
 "nerandum erit. Quod ut fiat propenſius,
 "ſemper

(f) *Sequentia non leguntur in editione antiqua.*

(g) *forte omiſſum: eleſto*

(b) *Recte hic antiqua manu adſcriptum a margine: Et ab omnibus peccatis tuis, quod Li-
 brariorum, ſeu Typographorum errore prætermiſſum fuiſſe, evincunt alia formæ, quæ
 ſub finem harum Conſtitutionum ſequentur.*

semper illud in Ecclesia, loco honesto servari, propendente lumine, volumus: in eo hostiarum numero, qui ad aliquam necessitatem occurrentem bene putatur posse sufficere, ne hostiæ debeant aliquando frangi. Statuimus enim, & ordinamus; quod, quacunque hora infirmus Communionem petierit, omnibus aliis omiſſis, Sacerdos ad eum accedere sit paratus, hostiam deferens in vase honesto, mundo, & bene clauso: dicendo septem Psalmos pœnitentiales, aut alias orationes salutare, in vultu humili & demisso, cum alicujus campanulæ pulsatione. Item frequenter Sacerdos doceat plebem, ut in elevatione Corporis Christi, flexis genibus adorando, reverenter se inclinet. Similiter quando in solennitate publica circumfertur, & etiam dum portatur ad infirmum, post signum sonitu campanæ datum, ad Ecclesiam (si quo modo commodum est) veniant, comitaturi cum lumine reverenter, & pro infirmo, eundo ac redeundo deprecaturi. Antequam autem Sacerdos Eucharistiam communicet infirmo, consideret, si frequentem vomitum levi occasione patiat: & tunc non conferat: sed jubeat infirmum credere, & sic spiritualiter illud manducare. Verum si quo casu contingat, ut communicatus evomat partes Corporis Domini, religiose & diligenter colligendæ erunt, & quæ reperiri possunt, cum vino a Sacerdote, vel ab aliquo alio fidei fumentur, ac residuum vomitus comburendum, ponendumque in terra juxta altare, vel alibi in sacro loco, ubi fieri id commode poterit. Videat autem, ut tot hostias consecratas in vase prædicto deferat; ut saltem una remaneat in eodem: ne homines in reditu decipiantur, adorando creaturam, & non Creatorem. Et si propter multitudinem infirmorum, aut aliam causam totum expenderit, cesset in revertendo sonitus campanulæ, & lumen extinguatur, aut aliud signum fiat, per quod certificentur Parochiani, ne se inaniter, sicut idololatræ, inclinent. Omnibus autem vere pœnitentibus, & confessis, seu proponentibus

confiteri, quam primum opportunitatem habebunt, qui Corpus Christi (quando per Presbyteros ad infirmos portatur) reverenter comitati fuerint, viginti dies, de injunctis sibi pœnitentiis misericorditer relaxamus. (i) Quisque Sacerdos, sive Curatus, suos Christi fideles summa veneratione & modestia communicet; idque sub una tantum specie, postquam illi ad annos discretionis pervenerint; si modo excommunicati, interdicti, vel ob aliquod notorium crimen notati non sint. Velut publice fornicantes, meretrices, ganeones, mimi, histriones, usurarii, Divini, sortilegi, aut de quibus alias constat, quod publica malicia sunt infames. Item, mandamus Sacerdotibus Parochialibus, ut regulariter de octavo in octavum diem Eucharistiam renoveant, ne propter nimiam vetustatem horror recipientibus ingeneretur, & proinde affectui devotionis aliquid decedat.

VIII. De celebratione Missarum.

Scire debent Sacerdotes, quod non licet, nec permittitur alicui de jure, celebrare in die plures Missas: imo debet sufficere unicuique semel celebrare; quia valde felix est, qui celebrat digne unam. Excepto die Nativitatis Domini, in qua quilibet Sacerdos potest ter celebrare: in die vero Paschæ & in magna necessitate, potest celebrare bis Sacerdos, nisi vinum perfusionis in prima Missa receperit: quo recepto, nullo modo eodem die permittitur ulterius celebrare. Sacerdotes Sacerdotalibus integris & mundis induti ornamentis, ad Missæ Sacrificium peragendum, mundi quoque & confessi accedant: Altare tectum sit, ut minimum duabus pallis, cortinæ utrimque dependeant, ne Sacrificantis visus distrahi possit. Calicem & patenam aurea, argentea, vel stannea esse volumus: bene ac honeste (cum illorum usus non est) lineis involuta sacculis, aut

(i) *Sequentia non leguntur in antiqua editione. Caput de celebratione Missarum, quod proxime sequitur, invenitur in antiqua editione post Caput de Penit. & Remiss.*

aut sudariolis. Ampullas vini & aquæ perpetuo mundas decet conservari. Vinum (si fieri potest) volumus esse rubrum, ne sit acidum, aut adeo insuave, ut vomitionem, aut nauseam provocet. Hostia integra, solida & rotunda sit, nullum vetustate situm ducens. Universæ Missæ officium legatur distincte, attente, & intelligibiliter; excepto Canone, quem oportet, ut semper in Ecclesia factum est, submisso recitari, nihil in eo mutando, aut omittendo. Totus habitus, vultus, gestus Sacerdotis, devotionem, religionem, reverentiamque in tam tremendorum Mysteriorum tractatione præ se ferant: ut populus, qui Sacris interest, inflammetur ad orandum, & una saltem in spiritu communicandum, cum desiderio fructus Sacramenti & unionis cum Christo. Imago Crucifixi & Pacificatoris nostri ab ore Sacerdotis ad præsentem Officio Missæ circumferatur. Magna quoque cum cautione Sacerdos ante Missæ initium ea præparet, quæ circa Sacrificium sunt necessaria: si autem e venerit per negligentiam Sacerdotis, aut illi ministrantium, quod perlecto Canone, consecrationeque peracta, nec vinum, nec aqua reperiantur in calice, utrumque statim debet apponi & infundi, & reiterabit Sacerdos verba consecrationis, ab illa parte Canonis: *Simili modo*, usque in finem; ita quod illas duas cruces omittat, quæ singulariter fiunt super hostiam. Sciendum, quod si de tenui vino fiat consecratio, reputatur pro Sacramento: quod si sola aqua apponeretur, non reputaretur Sacramentum: unde nunquam in majori quantitate debet apponi aqua, quam vinum. Quod si magis apponeretur de aqua, adeo quod ipsa dominaretur, totamque vini substantiam consumeret; non conficeret Sacerdos Sanguinis Sacramentum. Et sciendum est, quod si aqua tantummodo in calice ponatur, & post susceptionem Eucharistiæ reperiatur aqua tantummodo in calice: aqua debet amoveri, & poni in loco mundo, vel reservari usque

in finem, & postea sumi, ob reverentiam particulæ, quæ posita fuit in calice: & amota aqua de calice ponantur vinum & aqua, & incipiantur verba a capite Consecrationis Sanguinis cum orationibus sequentibus. Si autem Sacerdos sumpserit aquam, & adhuc in ore habeat, non expuat, quia si expueret aquam, quam in ore retinuit, illa aqua viliter tractaretur, quod fieri non debet, ob reverentiam Corporis Christi, quod fuit positum in calice cum aqua: & tunc ponatur vinum & aqua in calice, & incipiantur verba de illa parte Canonis. *Simili modo*: Si autem Sacerdos biberit de illa aqua sine vino; ita quod descenderit ad stomachum (k); ponantur vinum & aqua in calice, & incipiantur verba ab illa parte Canonis. *Simili modo*, usque in finem, ut perficiatur Sacramentum sub utraque specie, sicut Christus instituit. Sciant etiam Sacerdotes, quod Corpus Christi elevare non debent, nisi consecratione completa, & verbis; quæ ad eam faciunt, formaliter & integraliter prolatis. Similiter, nec calicem, antequam finierint verba substantialia consecrationis Sanguinis, ne populum idolatrare faciant; cujus contrarium multi faciunt ignorantes: quibus præcipimus, ut a talibus studeant propensius abstinere: alias propter Divinam offensam, quam exinde incurrunt, se noverint graviter puniendos. Item, si de Sangune Christi super Corpore stillaverit, scienda est pars illa, & in loco reliquiarum reponenda. Si palla altaris intincta fuerit, fiat consimiliter. Si vero super casulam, seu aliquod vestimentum, comburatur illa pars, & cinis in Sacrario reponatur. Si autem ad terram ceciderit, lingendus, tergendus, & radendus est locus ille, & pulvis in Sacrario ponendus. Cæterum si musca, vel aranea, aut aliquid tale ceciderit in calicem, quod vix sine vomitu vel periculo corporis sumi potest, igne comburendum est illud, & Sanguis debet sumi: Rei vero talium negligentiarum subiaceant ultioni. Adjici-

li 3

cimus

(k) In antiquo exemplari sic legitur: Si autem sacerdos biberit de illa aqua sine vino: ita, quod descenderit ad stomachum, melius est abstinere a consecratione. Recte hæc corriguntur in editione recentiore, in qua nova consecratio præscribitur, ob causam subjunctam.

cimus etiam, quod nullus Missam celebrare audeat, nisi jejunos, & nisi prius dixerit saltem Maturinas, & Primam. Si autem Sacerdos sit in tanta necessitate constitutus, quod Missam non possit perficere, suppleat alius, si præsens fuerit, diligenter attendens locum, ubi alius dimittit. Item quia exigit perverforum audacia, ut non simus sola delictorum prohibitione contenti, sed & penam delinquentibus imponamus: Omnibus & singulis Presbyteris & Capellanis Civitatis & Dioecesis Attrebatensis sub excommunicationis pena, & quadraginta librarum, piis usibus applicandarum præcipimus, ne bis in die celebrare præsumant, nisi in casibus supradictis, & a jure permissis: & nisi etiam a Nobis, vel Vicariis nostris, super hoc obtinuerint gratiam specialem. Quibus sub prædictis poenis inhibemus, ne Missas celebrent in præsentia mulierum, quæ post partum ad Ecclesiam accedere solent: nisi postquam eisdem constiterit, easdem purificatas debite fuisse a proprio Curato, seu proprio Sacerdote. Similiter & sub iisdem poenis inhibemus, ne Missas celebrent in præsentia eorum conjugatorum, qui in sua Parochiali Ecclesia non receperunt benedictionem nuptialem, nisi super hoc a Nobis, vel Officiali nostro licentiam habuerint specialem. Præterea caveant Sacerdotes, ne scientes celebrent unquam, præsentibus excommunicatis: quorum nomina Pastores, singulis Dominicis, in Sacra Concione, aut Missæ officio debent publice denunciare. Nemini liceat domi suæ, sine nostra, aut Vicariorum nostrorum licentia Capellam extruere: qui contra fecerit, gravi poena ferietur. Item sub poena excommunicationis, & decem librarum, omnibus & singulis Presbyteris mercenariis inhibemus, ne præsumant in quavis Ecclesia, Oratorio, seu Capella nostræ Dioecesis celebrare Divina, seu ministrare Ecclesiastica Sacramenta, nisi in casibus a jure licitis, & permissis, nisi prius a Nobis, & nihilominus postea a Curatis, seu loca tenentibus eorum petita licentia & obtentâ. Et sub eisdem poenis inhibemus dictis Curatis, &

omnibus aliis Ecclesiasticis personis, regentibus Capellas vel Temples; ne talia fieri patiantur in suis Ecclesiis, nisi prius eisdem Curatis constiterit evidenter, eosdem mercenarios a Nobis (ut præmittitur) obtinuisse gratiam specialem. Hortamur etiam omnes & singulos Decanos, Curatos, & eorum loca tenentes, ut quotiescunque commodè poterunt, intra Ecclesiam, quæ Domus orationis dicitur, sacro attestante eloquio, dicant Horas Canonicas, & Divinum Officium: quod sub præcepto eis damus, saltem quoad dies Dominicos & Festivos. Inhibemus insuper dictis Curatis, sub poenis suspensionis ab officio, & centum solidorum Parisiensium, ne sine literis nostris, admittant ad Divina aliquam personam, de qua ad eorum notitiam pervenerit probabiliter, etiam per famam publicam solum, quod excommunicationis sententiam a Canone incurrerit propter injectionem manuum violentarum, factam in Clericum, vel Ecclesiasticam personam. Hortamur quoque omnes & singulos puberes & adultos, tam Clericos, quam Laicos Civitatis & Dioecesis Attrebatensis, ut singulis diebus Dominicis & Festis, a Clero & populo coli, & etiam celebrari debitis, ad Ecclesiam suam Parochialem conveniant, Divinum Officium, Missamque integraliter audituri, cum præceptis Festorum, & juniorum, ac aliorum, quæ in Ecclesiis denunciari solent. Cæterum sicut in majoribus & insignioribus Ecclesiis Divinum Officium & solennius, & cum majori reverentia celebrari convenit (idque certis, statutisque diei horis, ut plebs Christiana se se ad Missarum solennia, & debitas Deo offerendas preces, præparare possit) ita & in subalternis Parochialibus Ecclesiis nostræ Dioecesis, hoc omnino observari volumus: tunc etenim populus fidelis debito modo & ordine, quæ agenda sunt, persolveret. (1) Quod ut facilius fieri possit, statuimus & ordinamus; ut in Ecclesiis Parochialibus (in quibus ex antiqua & non recta consuetudine, statutis horis, Festis diebus, aut Dominicis Missa Parochialis non celebratur, sed nunc serius; nunc tempestivius; pro

(1) *Sequentia hujus Capituli non habentur in editione antiqua.*

pro libito & arbitrio quorundam: quod quidem tendit in negligentiam, & vilipendium Divini Cultus; statuiamus, inquam, ut in æstare in dictis Ecclesiis Parochialibus, Missa Parochialis non ante octavam celebretur, in Hyeme autem non ante nonam: ita enim fiet, ne rei domesticæ negotiis quid depereat populo ipsi, nec quod de Divino cultu neglecto quæri possit, relinquantur. Sed quia subinde neglecta Ecclesia Parochiali, hi qui de propria salute non multum solliciti sunt, diebus Festis & Dominicis, dum Sacro Parochialis Ecclesiæ interesse deberent, discurrunt per Capellas quasdam, ibidemque sese Divina audire jactitant; volumus deinceps, ne neglectis Parochialibus Ecclesiis populus per Capellas, aut alia privata Oratoria, discursat, eo præsertim tempore, dum Verbi Divini prædicationi in Ecclesia Parochiali interesse deberent: sed nec in præfatis Oratoriis, aut Capellis, aut in ipsis Ecclesiis Parochialibus; etiam ex fundatione, deinceps solennia Sacra celebrentur, diebus præsertim Dominicis & Festis, nisi post Missam Parochialem, vel ante eandem, ubi populus de his, quæ salutis sunt, admoneri per Curatos & instrui debet: ita enim fiet, ut Pastor oves sibi creditas, facile cognoscat, ut possit, quod infirmum est, consolidare: & quod ægrötum, sanare: & quod contractum, alligare.

De Parochialibus Missis etiam hoc amplius præcipimus; ut in Missis solennibus, quæ cantantur, Sacerdos nullo modo Symbolum Apostolorum, Præfationem aut Precationem Dominicam prætermittat, nisi forte deficiente voce tacere cogatur: ubi organa sunt, efficiatur, ut nihil seculare sonent, seu aliud, quam Cantum Ecclesiasticum: omnino autem ne pulsantur ab elevatione Eucharistiæ usque ad Agnus Dei: quo interea ab omnibus, sub alto silentio, religiosa ac devota Dominicæ Passionis, & nostræ Redemptionis memoria recolatur. Ut autem populus solito religiosius & libentius quæcunque Sacerdotes in Missa agunt, obser-

vet, mandamus omnibus Curatis, ut frequenter & admodum prudenter doceant, de adorandis Mysteriis Missæ, juxta Sanctorum Patrum doctrinam, & ea, quæ in formula Cæsareæ Majestatis (cujus præscriptum sæpe multumque in toto hoc Synodali Statutorum libello sequimur) de Missa traduntur. Quo tempore Missa Parochialis celebratur, aut Evangelii prædicatio durat, neque tabernæ, cauponæ aut cenopolia foris pateant, neque in Templo aut in Cæmeterio populus ambulare permittatur; ne qua occasione Officia Divina alicui vilescant, & hæc inhibeant Parochi sub pœnis negandæ absolutionis, aut Communionis. Quare nec conventus Capitulares in Ecclesiis tempore Divinorum tolerare ullo pacto volumus, ut conjunctæ omnium Christi fidelium preces in Ecclesia ardentes sint, ac efficaciores apud Deum.

IX. De Oblationibus in Missa faciendis. (m)

Quia didicimus ex Sacris Bibliorum voluminibus, fuisse in lege veteri, præter varia Sacrificia, plurimas Primitiarum, Decimarum & aliarum rerum liberales Oblationes, ex quarum consideratione fluxit consuetudo in nova lege, ut in primitiva Ecclesia, in usum Ministrorum magnis studiis populus in Missa multa offerret, rationes quorum, & Orationes, quæ vocantur Secretæ, quibus oblaciones populi Ded commendantur, sub Offertorio legendæ, a Sanctis & antiquis Patribus Missæ adjunctæ sunt: ideo volumus, & mandamus, ut Concionatores, qui de populi oblacionibus non participant, hortentur omnes, ad revocandam oblacionum consuetudinem, & doceant, ut & pro vivis & pro mortuis offerant: quo preces & orationes illæ, quas Sacerdos post Offertorium legit, in illos quadrent, & suffragiis orationum, & oblacionis Christi non fraudentur. Doceant quoque populum, ut ad Altare offerant suis Pastoribus, in quatuor Festis principalibus anni, & alia Parochialia jura persolvant, secundum laudabilem morem

(m) In antiqua editione non invenitur hoc Caput, nec sequens de celebratione Horarum Canonicarum, nec tertium de Processionibus, nec quartum de prædicatione Verbi Dei.

morem in Ecclesiis hæcenus observatum.

X. De celebratione Horarum Canonicarum.

Cum Divini Verbi testimonio doceamur, etiam maledictum esse hominem, qui fecerit opus Dei negligenter, & experientia quotidiana tantum neglectum in celebrandis Divinis Officiis committi comperimus, non sine provocatione iræ Dei, & summo totius populi Christiani scandalo; præsentibus malis volentes remedio opportunum occurrere: Statuimus, ut non solum Missæ Officium omni reverentia celebretur horis & temporibus, ut prius constitutum est, congruis, sed ut reliquum Divinum Officium, preces scilicet Canonicæ, aliæque Divinæ laudes, modo debito & honesto in templis celebrentur, in cantu debito, tractim & integre, si non per Canonicos, aut Curatos, prout Ecclesiæ curatæ tamen, aut Collegiatæ fuerint, saltem per diligentes & bonos Vicarios: qui omnino curare debent, ut nomini suo respondeant; præsentibus, & ipsi Divino Officio continuo interessentibus omnibus, qui horæ illius, qua illud officium celebratur, distributione gaudere volunt: nisi quem forte excuset infirmitas, seu iusta & rationabilis corporalis necessitas, aut evidens Ecclesiæ utilitas. Interesse Divinis illos putamus, qui continuo tempore, quo fit Officium Divinum, aut canuntur horæ Canonicæ, in choro manent, aut non nisi ad modicum ab eo absunt; ubi, aut cum aliis psallendo, aut privatim meditando sese occupant. Quare ne quis de Clero, vagationibus & obambulationibus in templo, aut intra immunitates ejus vacet: districtè præcipimus, ut taliter facientes priventur distributione illius horæ, in qua peccasse inveniuntur; aut animadvertatur in eos, juxta Concilii Basiliensis, cujus verba hic sequuntur, Decretum: Quicumque in Ecclesia Beneficiatus, præsertim de Majoribus, Divinorum tempore per Ecclesiam, vel foris circa ipsam deambulando, aut cum aliis colloquendo, vagari visus fuerit; non solum illius

horæ, sed totius diei præsentiam ipso facto amittat: qui si semel correctus non destiterit, per mensem distributionibus careat: vel graviore, si pertinacia exegerit, pœnæ subiaceat; ita ut tandem desistere cogatur. Prohibeatur etiam, ne Divina Officia, tumultuosi quorumcunque per Ecclesiam discursus, impediant, aut perturbent. Regulares, qui in conventualibus Ecclesiis circa prædicta exceßerint, gravi pœna Superiorum arbitrio castigentur.

XI. De Processionibus.

Processiones, & supplicationes, quæ ad excitandam multitudinis devotionem, olim rectè institutæ, & hominum vanitate nunc in varios abusus tractæ sunt, religiosius posthac volumus observari: prohibentes, ut nihil petulans, scurrile, aut prophanum in illis admittatur: cessent otiosa spectacula, ut seriæ, graves, compositæ, & quod dicuntur, supplicationes sint. Quare jubemus, ut Curati diligenter doceant, cur institutæ, & quid significant solennes Processiones: Clerus quoque in his studeat se religiosum præstare, cum gravitate ambulans, & sicut res ipsa postulabit, aliquid pium legens, cantans, aut meditans, optimis exemplis modestiæ, sanctitatis, præsentis ædificando: nullo autem modo, aut prophanis colloquiis vacet, aut curiose, huc, illuc circumspiciens, obambulet, nec ad jentacula delabatur; sed finita supplicatione, unde processerunt, revertantur Clerici pariter & Laici.

XII. De Prædicatione Verbi Dei.

Cum Verbi Dei Concionatorem meminisse oporteat, quanta fungatur pro Christo apud populum legatione: ad quam non debet temerario ausu profligare, sed expectare, donec ad munus, tantæ in Ecclesia difficultatis, utilitatis, necessitatis & dignitatis, vocetur; idcirco inhibemus, ut sive sæculares Sacerdotes sint, sive Religiosi, cujuscunque ordinis, status, aut conditionis, ne præsumant prædi-

prædicationis officium obire in Ecclesijs Parochialibus, Capellis, aut Cœmeteriis, antequam exacto ac diligenti per Nos facto examine, ad prædicationem Verbi Dei, specialiter nostrarum literarum testimonio, fuerint admissi: qui præscriptum instructionis, in Formula Reformationis Cæsareæ Majestatis sub Tit. *Dispens. Verbi Dei.* (n) positæ, in omnibus suis articulis servare tenebuntur, in exhortando, monendo, objurando, Scripturas Sacras interpretando. Caveant incerta, fabulosa, vel suspecta proferre, difficiles quæstiones, & quæ non ædificant rudem populum, sed prolixas contentiones potius provocant, in concionem ne adducant. Omnem servant in gestu, vultu modestiam, docentes sanam doctrinam Ecclesiæ Catholicæ, Scripturis Sanctis, & Ecclesiasticis Doctoribus conformem.

XIII. De Matrimonio.

Matrimonii vinculum ab ipso Ecclesiæ capite, rerum omnium conditore, ipsum in paradiso, & in statu innocentiae instituentem, unionem, & indissolubilitatem accepit. Et idcirco statuimus & ordinamus, quod cum reverentia & honore, tempore ab Ecclesia non interdicto, palam & publice, & interdiu, in facie Ecclesiæ, coram alterius contrahentium Pastore, aut Vice-Pastore ante Missam, quam audire tenebuntur, aut ut ad minimum post Missam, in Ecclesia auditam, celebretur, ne contractum vinculum negari valeat; Et antequam fiat, tribus diebus Dominicis, aut Festivis, a se distantibus, Presbyter denunciaret Matrimonium contrahendum, inter Missarum solennia ante summum Altare, seu ante chorum, post decantatum Evangelium, vel post Dominicam matutinam concionem e suggestu; prout fuerit loci laudabilis consuetudo: Nominando personas, & sub pœna excommunicationis omnibus injungendo, quod impedimentum sciens, quare initiatum Matrimonium perfici non debe-

at, revelet, antequam dicta tria banna, seu edicta fuerint in Ecclesia publicata: (o) Nam etiam cum tantum apparuerit Sacerdoti impedimentum ex probabili conjectura; non licebit illi conjungere, aut illis conjungi, sub pœna excommunicationis, donec per Nos, aut nostrum Officialem (quos occurrente tali casu adire debebunt) de agendis fuerint instructi. Cæterum, quia multos rudiores Curatos esse in hac nostra Dioecesi timemus, qui nesciunt populo aliquando publicanda impedimenta Matrimonii; non gravamur hic paucis ea commemorare. Impossibilitas carnaliter cognoscendi, cum propter defectum naturalis caloris, tum propter passum maleficium: cuius procuratorem excommunicamus, & excommunicatum denunciamus: suscepta, ac professæ Religio: susceptio Ordinis sacri Subdiaconatus, & supra: cognatio spiritualis, consanguinitas intra quartum gradum, cognatio carnalis, affinitas: votum solenne factum in manu Episcopi, vel alicujus, ex parte ejus destinati: dispar cultus paganismi, vel Judaismi: vis, coactio, violentia: error personæ, inhonestas, seu contra publicæ honestatis instituta. Qui scienter contraxerint contra hæc Canonica interdicta, a Canone se non ignorent excommunicatos. Sacerdos itaque si noverit aliquos illicite conjunctos, sub pœna excommunicationis ne differat nobis indicare: & ante hujusmodi trium bannorum publicationem, seu proclamationem, etiam se nemine opponente, nullus audeat celebrare Matrimonium, seu solennizare, nisi super hoc a Nobis, vel Officiali nostro, petita licentia, & obtenta. Et quia in horum trium bannorum remissione subinde hætenus peccatum est; & sic per indirectum Concilii Generalis Constitutioni nequitiam satisfactum, quod ante Matrimonii solennizationem, congruum vult terminum publice constitui per locorum Sacerdotes, ut infra illum, qui voluerit, aut valuerit, legitimum impedimentum opponat; ordina-

(n) Vide Tom. VI, Conciliorum German. pag. 752.

(o) Plevaque ex sequentibus non leguntur in antiqua edit.

Tomus VIII. Concilior. German.

dinamus, & deinceps volumus, ne super his tribus bannis amplius dispensari possit per Officialem, aut Vicarios nostros, quin saltem unum supersit, quod publice fiat, in die Festo; sitque spatium sufficiens, ut infra illud commode possit impedimentum, si quod sit, annuclari, puta trium dierum. Illudque salutare Statutum, quod sæpe in Sacris Canonibus reperitur, omnino servari volentes, præcipimus, & districte statuimus, ut deinceps Matrimonia, nisi in facie Ecclesiæ contrahantur: ne deinceps in domibus privatis, prout sæpe contigisse repertum est, celebrari Matrimonia permittantur: sed qui nubere vult, benedictione accepta a Sacerdote publice & clara luce, nubat in Domino. Hoc autem Statutum adeo districte observari volumus, ut Decani, aut Archipresbyteri, super eo dispensare non valeant. Serio vetamus, ne pro proclamatione, aut registratione bannorum, & concessione testimonialium, si contrahentes diversarum Parochiarum, aut Diocesum fuerint, Decani rurales, aut Pastores pro sigillo aut cera accipiant plusquam.... Ex alia quoque Parochia, vel Diocesi venientem non conjungant, nisi conjungendus, conjungendave habuerit literas sui Parochi, testantis, proclamationibus bannorum per se factis, nullum se scire, aut intellexisse Canonicum intervenisse, aut interventurum impedimentum. Quare excommunicatos a Canone, per Sedem Apostolicam tamen absolvendos, nunciamus, Religiosos, seu alios quoscunque, qui auferint solennizare Matrimonia alienorum Parochianorum, non habita super hoc Presbyteri Parochialis Ecclesiæ licentia. Item, quia Matrimonia clandestina adeo sunt in jure reprobata, quod proles exinde secuta & suscepta, eo durante, si postmodum impedimentum appareat, quare Matrimonium non possit stare inter eos, prorsus censetur illegitima, nec succedet parentibus, de parentum ignorantia nullum subsidium habitura: & Parochialis Sacerdos etiam, aut quilibet regularis, qui talibus Matrimoniis præsumpserit interesse, sit per triennium ab officio suspendendus: idcirco districte præci-

pimus & prohibemus sub excommunicationis pœna, quam in contrarium facientes, propter culpas præcedentes, ferimus in his scriptis, ne quis, vel qua clandestinum Matrimonium contrahat, aut tali Matrimonio, dum contrahitur, intersit. Quod si Parochialis Sacerdos, Capellanus, aut Regularis fuerit, qui in talibus interesse præsumpserit, ipsum ab officio suspendimus, & si suspensione durante, Divinis se immiscuerit, irregularitatem ipsum incurrisse ipso facto declaramus, a qua non poterit liberari, nisi per Sedem Apostolicam. Matrimonia vero clandestina appellamus, quæ per verba de præsentibus, sine proclamatione bannorum contrahuntur, & sine solennitate Ecclesiæ: vel quæ per verba de futuro, per carnalem copulam, ante lapsum proclamationis bannorum, & benedictionem, subsequuta præsumptione juris, & de jure contracta consummantur. Quia vero subinde varix & frequentes contentiones coram Officiali nostro Attrebatensi oriuntur, idque ex sponsalibus, quæ vulgo affidationes vocantur, dum in locis privatis, non præsentibus fide dignis testibus, aut post ebrietates celebrantur; dignum duximus, hujusmodi promissis temere subinde emissis, omnino obviare; statuentes, ne tales promissiones aut affidationes exinde fiant, nisi aut in loco sacro, aut alio honesto prophano, tuncque præsentibus parentibus contrahentium. Et prorsus in re tam seria & magni momenti, cessent ludi aut joci parum honesti, & inutiles illæ computationes, quæ cum sæpe (*) dederint, ut ab hujusmodi affidationibus subinde altera pars resilire tentarit, quod videlicet in probatione clam emissæ, testante Sacro Concilio Arelatensi, aut nulla prorsus existente, aut dubia, variaque, oriretur altercatio: necessarium visum fuit, commodum ad hanc rem hujusmodi adferre remedium. Si autem fidem dederint per verba de futuro, & ante copulam carnalem, fidem datam mutuo, velint remittere, non fiat hæc remissio, nisi conscio Episcopo, ejus Officiali, aut loci Archidiacono. Item caveant sibi Sacerdotes sub pœna suspensionis, ne in Sponsalibus, quæ solent con-

(*) *Supple: anam.*

contrahi ante proclamationem bannorum, utantur verbis de presenti, sed verbis de futuro duntaxat, his aut similibus: N. vis promittere, quod accipies N. quæ hic est, in uxorem, si Canonicum impedimentum non obstat: & e converso. Quibus dictis, accipiet manus contrahere volentium, & dicet: N. tu promittis, quod accipies N. in uxorem, si Canonicum impedimentum non obstat? & e converso: ac prohibebit, sub pœna excommunicationis, ne ante Matrimonium legitime in Ecclesia celebratum, se carnaliter cognoscant. Mandamus quoque Presbyteris, Curatis aut Vice-Curatis, ut patriam, parentes, nomina & cognomina affidorum diligenter inquirant, & sic libro suo, ad hoc particulariter destinato, inscribant, quem in necessarium usum nostrorum Promotoris aut Decanorum, legendum, inspiciendumque conservare debemus. Item Curatis Nobis subditis, vel eorum loca tenentibus, præcipimus, quatenus publicando hujusmodi, de non contrahendo clandestine, Statutum, suis Parochianis prohibeant sub excommunicationis pœna, ne fidem sibi ad invicem tribuant de Matrimonio contrahendo, nisi coram Sacerdote, & testibus, vel amicis utriusque partis. Quod si contra fecerint; sub eadem præcipimus, hoc infra duos menses, coram Sacerdote curato, vel ejus Vicario, si prædicti Curati copia haberi non possit, publice recognosci: alioquin contra partem, per quam stabit, ad pœnas graviores procedemus. Item quia causæ matrimoniales, non per quoslibet sunt tractandæ, sed per Judices discretos, qui potestatem habent judicandi, & Statuta Canonica non ignorant: & quia etiam in causis prædictis arbiter nequit assumi; sub pœna excommunicationis & suspensionis, quas in contrarium facientes ipso facto incurrant, districte prohibemus, ne quis alius de causis matrimonialibus, dependentiis, accessoriis, vel concomitantibus eas cognoscat, sive tractet, tanquam amicus compositor, seu etiam arbitrator; vel amicabile compositor compromittat: sed si aliquod dubium in hujusmodi causis interven-

rit, ad Nos, ad quem spectat, vel Officiale nostrum, habeatur recursus: & Nos, vel dictus Officialis noster, simpliciter & de plano, sine strepitu & figura judicii, procedemus in iisdem. Item nullus Curatus aut Capellanus, secundo nubentem, vel eum, aut eam, qui cum tali contrahit, audeat benedicere: alioqui ab officio noverit se suspensum. Item moneant sæpe Curati subditos suos sub pœna excommunicationis, ut sua Matrimonia legitima custodiant, & cum aliis stuprum, adulterium, sive incestum, non committant. Ne aliquis aliam, quam uxorem, & econtra uxor, quam maritum superinducat: alioqui ipsos & ipsas superinducentes, quos in his scriptis excommunicamus, a Nobis palam & publice excommunicatos nuncient, nec ipsos facile absolvant, sed prædictos publicos & manifestos adulteros, ad Nos, vel Vicarios nostros remittant absolvendos, nisi essent in mortis articulo constituti. Quo casu etiam ordinamus, quod jungatur eis, quod si de illa infirmitate convalescerint, ad Nos, vel dictos nostros Vicarios accedant, quam cito commode poterunt, absolutionis impensæ approbationem petituri. Alioquin in eandem sententiam excommunicationis se incidisse noverint ipso jure. Ac quia in eandem fere sententiam extat Constitutio Synodalis, Reverendi Patris Domini Petri Mansuerii, utriusque Juris Doctoris Excellentissimi, & Prædecessoris nostri, quam publicavit Anno Domini 1375. ideo, ut antiquitati suæ quoque honor tribuatur, subijciendam duximus. "Ad audientiam nostram fide digna relatione pervenit, quod nonnulli uxorati, relictis de facto; & licentiatis suis legitimis uxoribus, aliis subinductis, in suis domibus, sive lectis palam & publice (ac si essent eorum uxores desponsatæ) tenent: & econtra mulieres conjugatæ, maritis suis legitimis abjectis de facto, & alios viros assumere, & cum eis residere, ac si essent earum mariti, non verentur in grave scandalum plurimorum; Ea propter, cum tales manifesti adulteri sunt perjuri, & per dictum statutum excommunicati, præcipimus, in his scriptis, omnibus Ecclesiarum

Reſtoribus, ſub obedientiæ debito, quatenus in ſuis Eccleſiis diebus Dominicis, tales denuncient excommunicatos adulteros & perjuros, palam & publice nominatim, ex quo delictum eorum eſt notorium, publicum & manifeſtum, & perevidentiam facti conſtat, & ab omnibus tanquam excommunicatos faciant arctius evitari, donec ſuper hiſ, Nobis, ſeu Curiaſ noſtræ, ad emendam venientes, a præmiſſis adulteriis penitus deſiſtendo, & ceſſando fuerint literatorie abſoluti: de qua abſolutione Curatiſ ſuis fidem facere teneantur, priusquam ipſi, vel eorum liberi ad aliqua jura Eccleſiaſtica, vel Sacramenta per eosdem Curatos admittantur, taliumque adulterorum nomina per Decanos, ſeu Curatos, infra menſem a die notiæ volumus Curiaſ noſtræ referri, ut contra eos ad alias pœnas graviorẽs procedatur."

XIV. De Sacramento Ordinis. (p)

Non mirum, aut novum facturi Nobis videmur, ſi in impertiendo Sacramento Ordinis, quod in Eccleſiaſtica Hierarchia merito magnæ dignitatis habetur, quodque a Chriſto in nova lege inſtitutum legimus, plus non ſolicitudoſis tantum, ſed & ſeveritatis, juxta veteres & Canonicas Sanctiones, uſurpemus; cum ex ejus neglectu male hætenus audire Eccleſiam ſciamus. Inhibemus itaque, habentes imprimis rationem perſonarum, ut nullus irregularis, vel filius Sacerdotis, aut alias illegitime natus, niſi prius habita diſpenſatione, ad Sacros Ordines præſumat accedere. Ad avertendam quoque morum & doctrinæ corruptelam, quam nunc dolentes experimur in Eccleſiam irrepiſſe, inſequentes ordinationem Formulæ Reformationis Cæſareæ Majeſtatis, diſtriſte mandamus: ne quis ad Sacrorum Ordinum perceptionem admittatur, niſi diligentiffime per Nos, aut Vicarios noſtros, bonos & doctos, quibus hoc onus impoſemus, examinatus de ætate, fide, moribus ac eruditione, nec non animo, ſeu affectu, quoad petendos & ſuſcipien-

dos Ordines venit. Maximam quoque curam haberi volumus, conditionis, ſtatus, aut dignitatis examinandorum: Nam quo quisque major, aut dignior eſt, eo rigidiori examini, ſine aliqua conniventia ſubjicietur. Quia autem experientia compertum eſt, nonnullos fide data contraxiſſe ſponſalia, aut matrimonium, qui poſtea ad Sacros Ordines promoveri præſumunt; congruum eſt, ſtatuerẽ, ut publice in Eccleſia Parochiali, per Curatum loci, tribus diverſis edictis, ſuper quibus non intendimus diſpenſare, per ſingulos dies Dominicos, aut Feſtos, ordinandi ad Sacrum Subdiaconatus ordinem, proclamantur: prout in-bannorum matrimonialium proclamatione fieri præcipimus. Nullo autem reperto impedimento, aut vinculi alterius alicujus, aut defectus notorii, ætatis, morum, aut ſcientiæ, promovendus, de dicta proclamatione ſic rite facta, a loci Paſtore testimonium de fide factarum proclamationum modo prædicto, ad examen ſecum adferat: quod quidem, quantum ad ætatem, & mores attinet, continere etiam debet duorum aut trium teſtium probatorum testimonium, deponentium ſolenni juramento, de ſufficientia ætatis promovendi, & de probata & inculcata illius vita. Pro quo quidem ſuo reſcripto dictus Curatus habeat duos ſuppheros. Inſuper præcipimus, ut ordinandi ad Subdiaconatus, aut Diaconatus ordinem, nomina ſua dent Examinatoribus, feria quarta antecedente diem ordinationis ſuæ futuræ, & eodem, & ſequenti die examinentur: illi vero, qui ordinandi ſunt ad Sacerdotium, dabunt nomina ſua feria quinta ante diem ordinationis, quibus commoda hora examinationis ſtatuetur. Et antequam quis recipiat Sacrum Ordinem, confeſcatur ſua cum devotione peccata: nam, cum Sacri Ordines conſolationem cœleſtis gratiæ tribuant, ſuſcipientem eſſe convenit ſine macula mortalis peccati, quia ſimul eſſe non poteſt gratia cœleſtis, & macula peccati. Nullus Sacros Ordines ſuſcipiat, ſeu etiam minores, ab Epifcopo alieno, niſi literas dimiſſorias a No-

(p) Caput hoc multis partibus auctius eſt, quam in editione antiqua.

a Nobis, vel Vicariis nostris meruerit obtinere, nec etiam Clericalem tonsuram: & qui contra fecerit, executione sui ordinis careat: monemusque talem, ne executioni se immisceat, aut tonsuram taliter receptam radi faciat; donec a Nobis, post debitum examen boni testimonii, de vita, moribus, ætate, ac doctrina, cum ipso fuerit misericorditer dispensatum. Verum ne dimissorialium concessio, alicujus malitiæ, aut inidoneitatis prodesse possit; declaramus, Nos post hac nemini dimissoriales indulturos, nisi postquam Nobis, aut Vicariis nostris sufficienter constiterit, per justum ordinandorum Examen: vel, si absint a Patria, per alias legitimæ testimonium fide dignorum, bona ac rationabili causa eas postulari. Præterea cum Ecclesiæ non parva irrogetur ignominia, si ipsius Ministri, velut pannoſi & mendicantes, eleemosynis victum queritare cogantur, aut sane ei intendere quæstui, qui Sacerdotalem dignitatem non deceat; fuit ab Ecclesia antiquitus statutum, ne Episcopi Clericos ad Sacros Ordines promoveant, nisi sub titulo, eoque sufficienti, beneficii aut patrimonii. Quæ de causa ne in nostra Dioceſi hujusmodi scandala in Ecclesiæ dedecus & vituperium amplius contingant; prohibemus, ne deinceps promovendi, ad Sacrum Subdiaconatus Ordinem ullo modo admittantur, nisi sufficientem titulum, quem usque ad viginti librarum Turonensium valorem idoneum esse judicamus, aut beneficiale, aut patrimoniale exhibeant, super quo per Vicarios nostros, vel Officiales, diligens fiat inquisitio. Quod si ergo beneficiale promovendus produxerit; præstet coram Examinatoribus Sacramentum, quod hunc titulum canonice sit adeptus. Quod si patrimoniale ostendat, diligenter inquiratur, an legitimo titulo, cessionis forte, aut donationis, aut alio loco eum sit adeptus, & super hac re legitimæ etiam exigatur Sacramentum, nullam in tali cessione, aut donatione, aut alio titulo intervenisse fraudem, dolum, aut simulationem: deponatque similiter,

quod illum titulum non alienabit, antequam alium legitimum & sufficientem præacti valoris fuerit assecutus. Quare etiam præcipimus, quod nulli ad Ordines admittantur per titulum Vicariæ, nisi sit perpetua, & a quâ submoveri non possit. Præpositi, Decani, & quicunque curam habent animarum, ad Ordines Sacros suscipiendos se præsentare debent, & in Ecclesiis suis facere residentiam, nisi per Nos, aut alium potestatem habentem, desuper ex rationabili causa cum eisdem legitime fuerit dispensatum. Item prohibemus, sub pœna excommunicationis & decem librarum Parisiensium, piis usibus applicandarum, ne aliquis ad Clericalem tonsuram per aliquem præsentetur, aut eandem recipiat, nisi major infante fuerit, & etiam literatus. Nullus conjugatus ad Clericalem tonsuram recipiendam in nostra Dioceſi, Nobis aut alteri, seu aliis loco nostri præsentetur quovis modo, aut eandem recipiat. Quod si secus a quoquam attentatum fuerit; præsentans, & recipiens, excommunicationis sententiam ipso facto incurrant: talesque privilegio Clericali in nullo gaudere volumus; imo sic de facto tonsuratos, a foro seculari nullatenus exemptos, nec Clericali militiæ sociatos, sententialiter decernimus in his scriptis; seu, quod verius est, declaramus, & idem censemus de illo, qui sponsalia per verba de futuro contraxerit. Item volumus omnes & singulos, privilegio Clericali insignitos, singulis diebus, Psalmum (q) pœnitentialem quinquagesimum: *Miserere mei Deus* &c. dicere. Acolythi Horas Virginis Gloriosæ, Subdiaconi, & alii in superioribus Ordinibus constituti Horas Canonicas legent, ad quas etiam dicendas, omnes & singuli beneficia obtinentes sunt propensius obligati, licet non sint in Sacris Ordinibus constituti: (r) & cum propter officium detur beneficium, merito tales Divinum Officium negligentes, & pensum servitutis Deo debita non solventes, possent suis beneficiis spoliari: insuper adjicimus & consulimus, quod propter inadvertentias, quas circa Ho-

K k 3

(q) In antiquo exempl. Septem Psalmos penitentiales.

(r) Additur in antiquo: quod nisi fecerint, peccant mortaliter.

ras Canonicas faciunt, post Vesperas qualibet die dicant Antiph. *Salve Regina &c.*

Custodes Ecclesiarum & Sacristæ, sint Clericali habitu incedentes decenti & honesto. Cum enim ipsi sint, qui operam suam etiam Divinis rebus præstant, & Curatis Ecclesiarum Parochialium in re sacra peragenda auxiliantur: indecorum esse arbitramur, si Laicorum more converſentur. Volumus ergo, ut huiusmodi ædiles aut Ecclesiarum Sacristæ, sint ad minimum, Clericali tonsura insigniti, dumque Sacris peragendis interſunt omnino habitu Clericali ornati, ministeria sua in superpelliceis exhibeant, lintheaque Sacrarum, Ecclesiæ pallas ac mappas, vestes quoque sacras satagant mundas asservare: de quorum lotionem, quando sordida erunt, debent admonere illos, quibus hæc cura incumbit, & quibus per Canones licet, sub pena suspensionis ab officio, & emolumentis, donec pareant.

XV. De Sacramento Extremæ Unctionis.

Insistentes huic Sanctissimi Apostoli Jacobi sententiæ: *Infirmatur quis in vobis? inducat Presbyteros Ecclesiæ, & orent super eum, ungentes eum oleo in nomine Domini: & oratio fidei salvabit infirmum, & allevabit eum Dominus, & si in peccatis sit, remittentur ei;* Ordinamus, ut juxta Catholicæ Ecclesiæ vetustissimam consuetudinem, cum reverentia & honore, Oleum Sacrum ad infirmos deferatur per Sacerdotem, dicentem inter eundem septem Psalmos, cum aliis orationibus consuetis: idque fieri volumus præſenti aliqua multitudo fidelium, quæ Sacerdoti inungenti adſit, & cum infirmo, aut etiam nomine infirmi, possit religioſe, & devote, flexis genibus, alternos Psalmorum, aut Litaniarum versus recitare, aut ſaltem una orare. Studeant Presbyteri infirmos sæpe visitare, & eis prædicent Verbum Dei, & eos ad meditandum de animarum suarum ſalute gratioſis, benevolis, ac piis exhortationibus ſolicitent; eos ad fidem, devotionem, contritionem, & integram peccatorum confessionem incitando, & propenſius erigendo jam

contritos & confessoſ, ad ſpem veniæ per Christum obtinendæ. Doceant Parochi, iſtud Sacramentum, a puberibus in gravissimis ægritudinibus ſuſcipiendum eſſe, ac etiam iterari poſſe in diverſis, ac periculosis morbis; præmiſſa tamen ſemper confessione, niſi forte illam excludat ægri ex nimia mortis inſtantiâ procedens imbecillitas. Inuncti extergantur ſtuppis, quarum exuſtarum cinis in ſacrum locum rejicietur. Librum etiam habeant, qui dicitur Manuale, ubi continetur ordo Extremæ Unctionis, Catechiſmi, exorcismi, & Baptismi, & huiusmodi. Qui hoc Sacramentum contemptibili neglectu ſuſcipere prætermiſerit, Eccleſiaſtica carebit ſepultura.

XVI. De Pœnitentiis & Remiſſionibus.

Docere debent Sacerdotes ſuos Parochianos, quod vera Pœnitentia regulariter conſiſtit in tribus, & habet tres partes: ſcilicet Confessionem, Contritionem, & operis Satisfactionem. Et dico regulariter: Quia ubi neceſſitas, non contemptus, excluderet confessionem & ſatisfactionem, ſufficeret ſola contritio ad expiationem peccati: unde verum eſt, quod ſola contritio, in tali caſu, cum propoſito confitendi, & ſatisfaciendi, tollit peccatum & reddit hominem vivum, qui per peccatum fuerat mortuus. Alias vero contritio non ſufficeret, ex quo poſt contritionem, haberetur tempus opportunum confitendi & ſatisfaciendi, quo tamen non confiteretur, vel ſatisfaceret. Itaque quamvis melius ſit, quod ſtatim quilibet, dum poteſt, poſt lapſum confiteatur: ſi tamen ſtatim quis non confiteatur: caveat, ne aliquod opus interim exerceat, in quo reverentia requiratur, videlicet ne Corpus Chriſti conſecret, aut aliquod Sacramentum in tali ſtatu adminiſtret. Et ideo Sacerdotes curati, quibus incumbit quotidiana Sacramentorum collatio, ſtatim, quando poſſunt, neceſſario tenentur confiteri. Item ſciendum eſt, quod quamquam ſatisfactionis pœnitentiæ pars dicatur, non tamen ſemper pœnitentibus & confessoſ eſt ſatis-

satisfactio injungenda; sicut est videre in infirmis in mortis articulo constitutis, a quibus licet vera confessio peccatorum sit requirenda, quantitas tamen pœnitentiæ, vel satisfactionis non est eis imponenda; sed duntaxat dicendum: *Pro istis peccatis, talem satisfactionem, seu penitentiam deberes peragere, quam tibi propter infirmitatis periculum de presenti non injungo, sed si divinitus ereptus convalesceris, dictam penitentiam & satisfactionem fideliter adimpleas & observes.*

Quod si infirmus a seculo migraverit, pondus pœnitentiæ est amicorum orationibus, jejuniis, elemosynis, Sacramentis in altari offerendis sublevandum. Quod onus pœnitentiæ etiam sublevatur Sacra Unctione Olei & Sancta Communionē viatici, quam percipit moriturus. Sciendum præterea est, quod ex tribus rebus debet fieri satisfactio, scilicet aut de bonis fortunæ, quæ nobis subtrahimus, dando scilicet elemosynam: aut de bonis naturæ seu corporis, scilicet per jejunium: ut subtrahamus necessaria corpori, & ut carnem castigemus & affligamus per jejunia, vigiliæ, & alios labores: aut de bonis animæ, ut vacemus orationi & devotioni. Et ex his omnibus, & eorum singulis debet discretus Sacerdos injungere pœnitentiam, & satisfactionem pro peccatis commissis; consideratis diligenter persona peccantis, & circumstantiis peccatorum. Item scire debent Sacerdotes curati, quod pœnitentiæ & satisfactiones sunt regulariter arbitrariæ, juxta Canonicas Satisfactiones, & ad arbitrium Sacerdotis regulariter imponendæ. Debet tamen arbitrans discrete respicere quantitatem & qualitatem peccati, seu delicti; & ætatem, scientiam, sexum, & conditionem delinquentis, nec non locum & tempus, quo delictum commissum est. Et secundum ista, arbitretur pœnitentiam & satisfactionem imponendam; quoniam quandoque pensatis præmissis, unus & idem excessus, magis est in uno, quam in alio puniendus. Unde consideratis præmissis, discretus Sacerdos potest dispensative satisfactionem & pœnitentiam moderari; dum

tamen multum non erret, nec Divina justitia infringatur. (c)

XVII. De non residentibus in suis beneficiis.

Sciant Curati, beneficia Ecclesiastica obtinentes, quod omne beneficium quantumcunque modicum, etiam viginti solidorum, requirit residentiam: nisi per ordinationem in fundatione appositam, privilegium seu specialem consuetudinem, ad residentiam minime sit adstrictum. Et idcirco omnibus & singulis in Civitate & Diocesi Attrebatenſi beneficia Ecclesiastica obtinentibus, quæ residentiam requirunt ex consuetudine, vel de jure, præcipimus & mandamus: quod in suis beneficiis residentiam faciant personalem, & continuam, deserviendo laudabiliter eisdem in Divinis, & aliis prout decet, & onus beneficii requirit. Non residentes, maxime Curati, & alii, qui in eorum ingressu jurant residere continue, ultra pœnas juris, privationem beneficii debent merito formidare, nisi cum eis, super non residentia, per Nos, vel Vicarios nostros fuerit dispensatum, & quia residentiam facere nihil aliud est, nisi Ecclesiæ deservire, & curam Ecclesiæ personaliter gerere, ita quod quilibet per se & in propria persona, Ecclesiæ suæ debet deservire, cum ad hoc ejus industria sit electa; idcirco inhibemus, sub excommunicationis pœna & quadraginta librarum, universis & singulis Decanis, Curatis & Capellanis, ac aliis beneficia Ecclesiastica obtinentibus, requirentia continuam residentiam de consuetudine vel de jure, ne alicui exercitium curæ suæ, Capellanæ, seu beneficii committant, etiam ad modicum tempus, nisi a Nobis, vel Vicariis nostris licentiam obtinuerint specialem. Et quia dubium esse potest, quod tempus dici modicum debeat: declaramus, modicum tempus id esse, quod est ultra spatium quindecim dierum: nec etiam illud modicum tempus volumus indulgere sæpius, quam bis in anno, nisi accedente nostra licentia speciali; ne

(c) Additur in editione antiqua Decretum Innocentii III. editum in Conc. Gen. de Medicis; quod vide supra Cap. de Sacramento Confessionis post Casus reservatos.

ne aperiatur via volentibus evagari, & scandalosas invenire cautelas, per quas se possint a personali officio & residentia diutius excusare. Item licet beneficia obtinentes, quæ ex aliqua rationabili causa residentiam non requirunt, excusentur a personali residentia; propter hoc tamen non excusantur, quominus teneantur per alium, seu alios, eisdem facere deservire, & onera eisdem incumbentia debite supportare. Item si ex aliqua iusta causa oporteat, Curatos, & alios Beneficiarios, extra sua beneficia proficisci, honesta quarant hospitia, & quam citius poterunt, ad suas redeant Ecclesias. Vicariis ibidem dimissis, de licentia nostra, seu Vicariorum nostrorum.

XVIII. (t) De Receptione Clericorum, & eorum præsentatione.

Presbyteri curati, & Capellani, seu Clerici, qui a Nobis institutionem seu collationem Ecclesiarum, seu Capellaniarum debent recipere: Nobis rite, canonice & infra tempus juris, per eos, ad quos, ratione juris patronatus, seu ex alia causa iusta & rationabili, spectat præsentatio, legitime præsententur, vel in nostra absentia Vicariis nostris, seu Vicario Generali, firmiter statuentes, ut hi, ad quos dictorum spectat præsentatio, ut præfertur, pro qualitate beneficii, seu beneficiorum nobis præsentent idoneas personas, scientia moribus, & ætate. Quod si personas nobis indignas repræsentaverint, si personæ Ecclesiasticæ fuerint, ea vice potestate præsentandi, per has nostras Synodales Constitutiones, declaramus privatas. Caveant etiam huiusmodi personæ præsentandæ, ne ante receptionem suam, vel post, obligationem, promissionemque, sive iuramentum personæ faciant, vel patrono, quia illud continet speciem Symoniæ. Quod si contrarium fecerint, ultra pœnas juris, privationem beneficii possunt non immerito formidare: Curati

vero, cum ad curam recipiuntur, examinatione præmissa, jurare debent obedientiam Nobis, & Successoribus, ac Vicariis nostris, Nobis absentibus, nec non Officiali Curæ nostræ, & quod mandata Curæ cum reverentia & promptitudine exequentur. Jurabunt etiam in suis Ecclesiis personaliter residere & ad Synodum venire, nisi cum eisdem fuerit per Nos misericorditer dispensatum: Jurabunt etiam, quod jura, possessiones seu redditus, & bona suæ Ecclesiæ bona fide & diligenter observabunt: nec alienabunt, seu alienari permittent, vel procurabunt; sed alienata pro viribus ad jus & proprietatem Ecclesiæ revocabunt. Cateri vero ad Capellanias præsentandi, seu præsentati jurabunt obedire, ut præfertur, & residentiam facere, si ad hoc de jure vel consuetudine Capellania astringatur, & jura Capellaniæ servare illæsa & non alienare, sed alienata revocare, ut superius enarratur. Et si Clerici non constituti in Sacris, fuerint præsentati ad Capellanias, jurent cum prædictis, quod promotionem suam de ordine in ordinem prosequantur, nisi alias eisdem de non promovendo, ex iusta & rationabili causa, specialis licentia sit concessa. Nullus alienos Capellanos recipiat in sua Ecclesia seu Capella, nisi de assensu nostro: alioqui tam recipientes, quam recepti pœnas incurrant, contra tales promulgatas supra in eisdem Constitutionibus, in titulo: *De celebratione Missarum*. Illi vero, qui ad curam animarum admissi fuerint, nisi infra annum, a tempore sibi commissi regiminis & possessionis adeptæ, ad Sacerdotium sint promoti, suis Ecclesiis sint privati ipso jure: nisi Canonicum impedimentum habeat eos excusatos, prout in Constitutione Gregorii Decimi, edita in Concilio Lugdunensi, quæ incipit: *Licet Canon*; juxta Bonifacianam Constitutionem, quæ incipit: *Commis*; situatam in titulo de Electione libro sexto plenius continetur: & nisi causa studiorum, juxta Decretalem: *Cum ex eo*. situatam eodem titu-

(t) *Mutatus hic est, uti & alibi antea, ordo Caputum. Nam in antiqua editione ponitur hoc loco Titulus: De rebus Ecclesiæ non alienandis, quem vide inferius post Caput: De pluralitate beneficiorum.*

titulo, & eodem libro, per Nos fuerit cum eisdem Curatis misericorditer dispensatum.

Non est æquum, ut quæ Spiritualia existunt, pro his turpis cujusdam quæstus gratia, plus æquo quid exigatur. Quare, quamvis jus Patronatus non omnino spirituale existimandum sit; quod nempe & Laicis competit; est tamen rei spirituali multum assimile: testantibus id variis Sacris Canonibus. Nihil ergo Patronus ex dotatione, quasi præstiti muneris mercede, sibi competere agnoscat, nisi processionis aditum, qui Christianis omnibus in commune debetur. Ex licentia tamen & auctoritate Episcopi, aut ipsius Ecclesiæ fundatione, aut ex pia consuetudine (si quid pro præsentatione gratis dari consuevit) grati muneris oblationem non damnamus, modo non excedat id, quod Episcopus pro collatione habere consuevit. Haud prætereunda est hoc loco vetustissima quædam Constitutio, ante annos plus minus ducentos quinquaginta, in Synodo quadam Atrebatensi decreta: qua cavetur; ne absque Episcopi licentia quispiam curam animarum, aut Sacramenta administrare præsumat. Cujus, ob venerandam antiquitatem; repetitionem, de verbo ad verbum faciedum duximus.

"Cum non sit Pastoris excusatio, si oves, ipso nescio, lupinis moribus devorentur. Pro eo, quod ex debito Pastoralis officii, de gregis custodia teneamur, Nobisque licet immeritis animarum regimen & Pastoralis cura sollicitudinis totius Atrebatensis Diocesis, generaliter & universaliter, sit Divina permissione commissa: adeo quod nullus alius præter Nos, & illi, qui per Nos ad singularem animarum custodiam, committuntur, Deo respondere teneantur: non est mirum, si de dicta cura solliciti, curiose scire volumus, qui sunt illi, qui singularem Ecclesiarum nostræ prædictæ generalis sollicitudinis gerunt custodiam, sive curam, ne forte sub Pastoris specie lupi rapaces, dolose custodiam usurpantes, lupina rabie devorent totum gregem. Cujus

ad nos periculum dinoscitur pertinere. Audivimus enim nuper, quod cedentibus, seu decedentibus, Rectoribus Ecclesiarum prædictæ nostræ Diocesis Atrebatensis, vacantibus dictis Ecclesiis Rectoribus seu Ministris, quidam curam animarum, auctoritate, seu verius, temeritate propria, gerere, seu Rectoris officium assumere non verentur. Et licet a nobis in messem nostram generalem non fuerint speciales operarii instituti, falcem suam tamen in eandem damnabiliter ponere non formidant, & sub specie Pastoris, dolosi mercenarii sævitiam exercentes, animas nobis commissas decipiunt fraudulose, cum eas prætextu cujusvis consuetudinis, absque nostra Auctoritate speciali, solvere non valeant, vel ligare; neque non suis subditis, excluso tamen necessitatis articulo, ministrare Sacramenta Ecclesiastica, supposito etiam, quod fuerint in Sacris Ordinibus constituti, & in ordine Sacerdotii; Sacerdotalis tamen ordinis executionem, quoad præmissa, in nostra Diocesi habere non possunt, nisi eisdem a Nobis specialiter committatur. Ne igitur prætermisso caritatis ordine nostris negligamus obviare periculis, universis Presbyteris nostræ Diocesis cujuscunque status & conditionis existant, districtius inhibemus, ne talia de cætero præsumant recipere, seu alias attentare. Contrarium vero facientes, ultra alias pœnas juris, nec non & Constitutionum Provincialium, & Synodali-um Statutorum, excommunicationis sententiam eo ipso incurrant." Cum hodie res Ecclesiastica in eum statum pervenerit, ut omnia rapiente avaritia merito dici possit, omnes quærunt muna & sequuntur retributiones: Sollicitudinis Pastoralis esse arbitramur, ea, quæ dignam requirunt correctionem, omnino in melius reformare. Considerantes itaque esse per Dioecesin nostram permultos Pastores, seu Vicarios perpetuos, qui gregem Dominicum sibi commissum (pro suscepti muneris debito) pascere cupientes, quasi manum ad aratrum ponentes, retro respicere coguntur; quod nempe a Monasteriis,

steriis, Capitulis, aut Collegiis, quibus decimæ olim aut in totum, vel in parte incorporatæ esse dignoscuntur, quod videlicet ad eos antiquitus cura animarum spectabat; ipsis ita parva assignetur portio, ut contra Clericalem dignitatem, & debitum Pastorale pascendis ovibus non commode invigilare queant: injungimus omnibus Abbatibus, Monasteriis, Capitulis, Collegiis, ad quos decimæ ex incorporatione olim facta, spectant sub pena inobedientiæ: ut deinceps hujusmodi Parochis seu Vicariis perpetuis, eam assignent portionem Canonica, super proventibus dictorum Collegiorum, aut Monasteriorum, quatenus possint gregi Domini recte vacare. Idem etiam statuere volentes in aliis Pastoribus & Curatis proprietariis, ut Vicariis temporalibus, quos in curam Pastoralem delegarunt, congruum dent portionem & stipendium, ne turpibus exactionibus & questu parum honesto cogantur oves sibi commissas gravare. Ut autem hæc salutaria præcepta melius servari possint, injungimus Vicariis nostris in hoc constitutis, ne de cætero curam animarum committant Vicariis perpetuis, aut Vice-Pastoribus, in absentia verorum Pastorum, nisi Canonica portione assignata, eaque sufficienti judicio nostro, aut Vicariorum nostrorum.

Præterea cum vel dicente Domino, os bovi trituran- non sit alligandum, rationi sane dissonum, & contra Canonicas Sanctiones videtur, ut qui altari inserviat, ipse de altari non participet. Quapropter volentes extirpare perver- sam & iniquam quorundam Capitulo- rum consuetudinem, statuimus deinceps, ut omnes Canonici, qui persona- liter residentes, Ecclesiis ut cæteri Canonici, inserviunt, quamvis sint novi- ter recepti, grossos fructus suorum be- neficiorum & alios quoscunque lucrentur: damnablem illam consuetudinem judicantes, qua prædicti fructus in lucrum & augmentum jam receptorum cedunt, vel quod jam de novo recepti sint ad tempus expectantes. Sane si ex fundatione quorundam locorum spe- ciali & legitima, quæ tamen sufficien- ter probari debet, aliis Ecclesiis, aut piis

usibus prædicti grossi fructus reservari soleant, hanc piam fundatorum inten- tionem omnino impleri desideramus.

XIX. De pluralitate Beneficio- rum.

EX animo quoque cupientes refræ- nare insaniam quorundam incon- gerenda, detestanda & scandalosa mul- titudine Beneficiorum, maxime eo- rum, quibus animarum cura annexa est, nostra & Synodi præsentis auctori- tate statuimus, ut nemo post hac in aliquo beneficio, in nostra Diocesi in- stituatur, nisi præstito juramento de numero beneficiorum a se possessorum. Et si quis plura beneficia possidere in- ventus fuerit; exhibere & præsentare tenebitur Nobis, aut Vicariis nostris dis- pensatorias literas sibi per Sedem Apo- stolicam, aut alias super tali pluralitate indultas: ut, vel induci possit, si ad impetrandum inveniatur non fuisse qualificatus, uno, quod maluerit, re- tento, alia libere resignare, aut di- mittere viris idoneis, personaliter re- sidere volentibus: absque præjudicio tamen præsentantium, eligentium, aut collatorum: vel, si sic honeste talis induci recuset, ut Summo Pontifici de- ferri per nostrum Promotorem possit, tanquam surreptitie impetrans, ut ali- cui digniori de beneficiis reliquis pro- videatur per alios, quibus alias com- petit jus eligendi, conferendi, vel præ- sentandi.

XX. De rebus Ecclesiæ non alienandis.

NON debet latere omnes & singulas personas Ecclesiasticas, quod Gregorius X. prohibuit, ne Abbates, Præla- ti, cæterique Monachi, Clerici & Pres- byteri Ecclesiarum & Monasteriorum, Ecclesias & Monasteria, vel quæcun- que alia loca pia sibi commissâ, jura, redi- tus, seu possessiones, ac alia bona mo- bilia & immobilia eorundem, Laicis sup- ponerent & submitterent, de novo re- cognoscerent, seu profiterentur, se te- nere a prædictis Laicis, tanquam a Su- perioribus, seu aduocarent, (prout vul-

vulgariter in aliquibus partibus dicitur) aduocare e tenir a Seigneur) seu quomodolibet procurarent, sub quocunque colore custodiæ, guardiæ, regaliæ, advocacionis, seu defensionis titulo. Et Nos etiam, addendo dicto Statuto Gregorii, præmissa sine consensu nostro, & nihilominus Capituli, vel Conventus, in illis locis, ubi sunt Capitula, vel Conventus, fieri prohibemus: si pœnam statutam in Decretali dicti Gregorii, quæ incipit: *Generali Constitutione* &c. & hæc est, situata in titulo de *Electiōe*, sexto libro, voluerint evitare. Et quoniam omnes ad istam Decretalem forte nescirent, aut non possent habere recursum, ne prætextu ignorantiae incidant in laqueum: sciant omnes & singuli; quod præmissa facientes, aut fieri procurantes, excommunicationis sententiam incurrunt ipso facto. Eandem quoque sententiam excommunicationis per hanc nostram Constitutionem se noverint incurrisse ipso facto, Abbates, Prælati, Presbyteri, cæteræque personæ Ecclesiasticæ Nobis subditæ, quæ de novo dabunt in feudum Laicis, jura, redditus, seu possessiones, aut bona Ecclesiarum, vel suorum Monasteriorum. Capitula, seu Conventus præmissa facientes, seu consentientes, interdicto Ecclesiastico subponentur. Cæterum quoniam per redditum, jurium & possessionum, bonorum Ecclesiasticorum venditiones, seu concessiones ad vitam, vel ad aliud longum tempus factas per Administratores, seu Rectores Ecclesiarum, Monasteriorum, seu Collegiorum, & præcipue per Regulares sub prætextu & colore utilitatis, vel necessitatis eorundem, magna dispendia & detrimenta quam plurima eisdem Monasteriis, & Ecclesiis cognovimus provenisse: adeo quod plures Ecclesiæ, & maxime Regulares, in nostra Diocesi constitutæ, propter præmissa depauperatæ sunt, & tanta paupertate depressæ, quod jam quasi ad ultimum defolationis opprobrium sunt deductæ: idcirco cupientes indemnitatibus dictarum Ecclesiarum & Monasteriorum ex debito Pastoralis officii (quantum cum Deo possumus) providere, & contra talium venditionum incommoda, utilis provisionis

adhibere remedia; imprimis illud, quod in *Concilio Viennensi*, quoad Religiosos statuitur, super præmissis, cum quibusdam additionibus, his nostris Synodalibus Constitutionibus duximus inferendum. Unde sciant cuncti Religiosi, nostrarum Civitatis, & Diocesis, quod statutum est in dicto Concilio, ne quis Religiosus, Monasterio, Prioratu, Ecclesiæ, seu administrationi præsidens, jura, proventus, aut redditus, sive possessiones ejusdem, alicui ad vitam ejus, seu ad aliud certum tempus, pecunia exinde recepta, quovismodo concedat; nisi necessitas locorum, aut utilitas hoc exposcat; quo casu etiam non fiat, nisi de consensu Conventus, si Præsidens Conventum habet: & si non habet Conventum, de consensu Prælati proprii. Contrarium vero facientes pœnam suspensionis eo ipso incurrunt, per prædicti Concilii Statutum: nec recipienti jus aliquod acquiritur, ex concessione prædicta. Nos autem nostra auctoritate ordinaria, dicto Statuto per hæc nostras Constitutiones Synodales annectimus: Quod præmissa, in Civitate, seu Diocesi Atrebatensi, non possunt fieri quomodo: etiam intervenientibus dictis solennitatibus & conditionibus, appositis in Concilio supra dicto, etiam si esset utilitas, vel necessitas, ut præferatur, absque nostris licentia & assensu. Contrarium vero facientes, ex nunc ab officio suspendimus, & recipientibus absque nostra auctoritate, decernimus jus aliquod non acquiri. Prohibemus insuper, ne quis dictas concessiones aliter, quam dictum est, recipiat, sub pena excommunicationis: quam in contrarium facientes ferimus in his scriptis; ne impune transeant nonnulli, qui ad faciendum tales concessiones, quam plures personas Ecclesiasticas fraudulenter & malitiose frequentius inducunt. Cæterum quia, quod supra statutum & ordinatum est, quoad Ecclesias regulares, ad sæculares quoque Ecclesias Collegiatas & non Collegiatas nostrarum Civitatis & Diocesis duximus extendendum. Inhibemus insuper, ne quis Ecclesiæ sæculari Collegiatæ, seu non Collegiatæ præsidens, venditiones, seu concessiones ad ali-

quod certum tempus, seu ad vitam faciat, omiſſis ſolennitatibus ſupradictis. Contrarium vero facientes, ſeu tales conſeſſiones, aliter, quam dictum eſt, factas, recipientes, poenas ſupradictas eo ipſo incurrant. Collegia vero, ſeu Capitula, formam non ſervantia prædictam in talibus venditionibus, ſeu conſeſſionibus, eo ipſo ſint ſuppoſita Eccleſiaſtico interdicto. Statuentes etiam, cum neceſſitas & utilitas exegerit, tales conſeſſiones, ſeu venditiones fieri ad vitam, vel aliud certum tempus, ſolennitates, quæ ſequuntur, ut præcludatur via fraudibus, obſervari. Et primo: quod in ipſis Eccleſiis Collegiatis, tam ſecularibus, quam regularibus, aliquid de bonis, juribus, vel redditibus, ad tempus, vel ad vitam vendere volentibus, ut præfertur, ſolennis & diligens capitulariter habeatur tractatus: ſcilicet, utrum neceſſitas hujus Eccleſiæ vendere volentis, vel utilitas exigat, aut ſuadeat, quod talis venditio, ſeu conſeſſio celebretur: declareturque per eundem tractatum, certa ſumma vendenda. Secundo: quod ſi per hujusmodi tractatum, ſic capitulariter factum, viſum fuerit expedire, talem conſeſſionem vel venditionem debere fieri, & concordatum etiam de ſumma; tunc vendere volentes ad Nos, vel Nobis abſentibus, ad noſtrum, ſeu noſtros Vicarios Generales accedere habeant, ad declarandum cauſas & rationes inſpectas in capitulari tractatu, quæ neceſſitatem, vel utilitatem inducant, vendendi dictam certam ſummam, de qua vendenda deliberatum eſt: quæ etiam nobis debeat declarari, & dictis declarationibus, Nobis, vel Vicariis noſtris factis, ut præmittitur, petita licentia & obſenta vendendi taliter & talem ſummam. Tertio: quod dicta licentia petita & obſenta, & non ante, habeatur cum emptoribus, ſeu emere volentibus, venditionis tractatus, prout diligentius & utilius poterit: omnis ſingularis avaritiæ, commodique, vel utilitatis affectione ceſſante, Eccleſiarum vendere volentium utilitate penſata duntaxat: ſuper quibus eorum conſcientias oneramus. Dictoque tractatu inter vendentes & ementes concor-

dato, ſcribantur in ſchedula dicti tractatus, & declarentur in ſcriptis redditus venditi, cum certis circumlocutionibus: designentur precia conventa, obligationes, conventiones, ſubmiſſiones, contractum vallantes, ac omnia & ſingula, quæ inter hujusmodi contrahentes fuerint ſuper his venditionibus concordata. Quarto: quod ad Nos, vel Vicarios noſtros dicta ſchedula, ſeu ſcriptura minuta, antequam groſſetur, deferatur vel mittatur, per Procuratorem vendere volentem, habentem ſpeciale mandatum ſuper hoc, nec non poteſtatem jurandi in animas Domino-
rum ſuorum, quod præmiſſa ſolennitas fuerit obſervata, pravitatem & fraude ceſſantibus, abſque privatis commodis & ſingularibus affectionibus, ad utilitatem Eccleſiæ fideliter & diligentius, quam fieri poterit, cum matura deliberatione, adhibita ſolennitate præſata, venditio prædicta tractata fuerit, & etiam concordata: ut tam per ſchedulæ inſpectionem, quam per Procuratoris juratam aſſertionem, comprehendere poſſimus, an dictus tractatus, ſine fraude & deceptione, fideliter & utiliter fuerit adhibitus: & utrum in dictis conventionibus, ſubmiſſionibus, ſeu obligationibus ſit aliquid illicitum, quod Canonice obviet inſtitutis, Eccleſiæ oneroſum, diſpendioſum, vel alias reprobandum. Quinto: quod tunc demum, viſis & inſpectis præmiſſis, ad libram juſtitiæ ponderatus, literæ dictæ venditionis groſſentur, & per easdem Nobis, ut moris eſt, ſupplicetur, quatenus venditionem, ſeu conſeſſionem, ſic rite, utiliter & ſolenniter celebratam, dignemur noſtra auctoritate ordinaria confirmare, ſigilloque vendentium, una cum noſtro, ſigillentur, & etiam in veritatis teſtimonium roborentur. Et tunc demum, ſubſequura confirmatione, & non ante, literæ tradantur emptoribus ſupradictis. Conſeſſiones vero, ſeu venditiones aliter factæ ad vitam, vel ad certum tempus longum, quod nunc interpretamur ultra triennium, careant robore firmitatis, ne per eas emptoribus jus aliquod poſſit acquiri: dictosque venditores, ſeu emptores, ultra poenas juris & Conſtitutio-

tionum Synodaliū, decernimus arbitrarie puniendos. Statuimus præterea & ordinamus: quod nulli ex aliqua causa libros; calices, aut alia ornamenta Ecclesiastica audeant obligare. Quod si fecerint, cum non sint Domini Ecclesiarum, sed Procuratores tantum, furum videntur committere, rem alienam, invito Domino quodammodo contrectando. Etiam caveant Prælati, Sacerdotes, Capellani, cæterique Ministri Ecclesiæ, quod officia, seu beneficia sibi commissā, seu res Ecclesiasticas, pro alienis debitis non obligent: quod si fecerint, sententiam excommunicationis, & suspensionis ab administratione Spiritualium, se ipso jure noverint incurrisse. Et si, durante tali suspensione, se Divinis immiscuerint, irregularitatis laqueum non evadent. Et nihilominus Ecclesiæ & beneficia pro alienis debitis obligata, ad solutionem nullatenus obligentur. Creditores etiam, res Ecclesiæ si titulo obligationis scienter recipiant, sciant se excommunicationis laqueo innodari. Beneficiati insuper immoderata debita non contrahant, ne propter defectum solutionis exinde scandalum oriatur. Inhibemus quoque sub pœna excommunicationis & privationis beneficiorum, ne quis in vita, vel in morte, bona Ecclesiastica, in fraudem, vel læsionem Ecclesiæ det fratribus, vel amicis carnalibus, aut liberis, seu etiam extraneis, aut de hoc aliquid acquirat eisdem: at per hoc, moderatam curialitatem faciendam prædictis personis, causa indigentia sublevandæ, vel servitii adhibiti, seu elemosynæ, dum non sit in gravamen, seu læsionem Ecclesiæ, eisdem non intendimus prohibere. (x)

XXI. De Vita & Honestate Clericorum.

Nullus Sacerdos, aut alius Clericus beneficiatus, in domo sua teneat concubinam, fornicariam, aut mulierem suspectam, sub pœna excommunicationis, quam pœnam incurrunt ipso facto, tenentes notorie concubi-

nam, aut continue mulierem in domo suspectam. Et non obstante, quod a Nobis, vel Vicariis nostris fuerint moniti, quod mulieres hujusmodi abjiciant, si post hujusmodi monitiones easdem mulieres duxerint retinendas, non propter hoc pœnas juris contra concubenarios latas tollere intendimus. Neminemque lateat, quod publici concubinarij, ipso jure a Divinis sunt suspensi: & si durante suspensione Divinis se immiscuerint, irregulares sunt, & etiam deponendi. Presbyteri quoque & Clerici, officia seu commercia sæcularia non exerceant, maxime inhonestā. Scribitur enim tam in Canone, quam in Sacra Scriptura, quod nemo Deo militans, debet se ipsum sæcularibus negotiis implicare. Tabernas prorsus evitent, nisi forte necessitatis causa, vel sint in itinere constituti. Inhibemus Curatis, Decanis, & aliis Beneficiatis nostræ Dioecesis, ne in domibus Ecclesiarum tabernas, vel vinum venale teneant, & hoc sub pœna excommunicationis & decem librarum Parisiensium. Evitent perjuriam, scientes, quod perjurus est infamis, nec potest ferre testimonium, etiam si fuerit de perjurio emendatus, & inhabilis ad obtinendum beneficium Ecclesiasticum, & privandus obtento: quia perjurus & infamis portæ dignitatis patere non debent. Ad aleas, seu taxillos non ludant, nec eisdem interfint. Clerici conjugati gaudere non possunt Privilegio Clericali, nisi tonsuram & vestes deferant Clericales: & tunc trahi non possunt criminaliter vel civiliter ad judicium sæculare, pro commissis ab ipsis excessibus, vel delictis, nec pro eisdem etiam pecunialiter ab eis quovis modo condemnari. Et quicumque tales percusserit, seu in eos manus violentas injecerit, ipso facto sententiam excommunicationis incurrit, prout in Bonifaciana Constitutione, situata in titulo: *De Clericis conjugatis, Libro sexto*, continetur. Quare Decanis & Curatis districte præcipimus, & mandamus, quatenus hoc Statutum, saltem semel in mense, in Ecclesiis suis publice & intelligibiliter exponant, ad finem,

L 1 3

quod

(x) In antiq. sequitur: De observatione Juniorum, quod Caput vide hic post Tit. De Feltis colendis.

quod dicti conjugati Clerici sint magis cauti, per delationem habitus & tonsuræ sibi providere contra malitiam iustitiæ sæcularis : quia Clericis Laicos oppido infestos testatur antiquitas, cui merito est fides & reverentia adhibenda. In Bonifaciana Constitutione situata: *De vita & honestate Clericorum*, *Libro sexto*, caveretur expresse: quod Clerici, qui abjecta Clericali dignitate, se goliardos exhibent, aut buffones : si per annum artem illam exercuerint; eo ipso perdunt privilegium Clericale: & si tempore breviori, & tertio mōiti, non resipuerint, similiter ipso jure amittunt dictum privilegium. Et quia per inhonestatem indecentem, & minus curiosam formam vestium, Ecclesiasticæ quam plurimum detrahitur honestati, statusque personarum Ecclesiasticarum vilipenditur in immensum, non sufficimus admirari, quod Presbyteri, Curati, & Capellani, & alii Beneficiati, vestes adeo indecentes & inhoneste ac curiose formatas deferunt. Ita ut magis ex forma habitus milites, scutiferi, meri laici, seu sæculares apparent, quam Clerici & Ecclesiasticæ personæ. Unde inspecto eorum elato & superbo habitu, sæculares scandalizantur, & assumunt exempli perniciem, & inhonestatis signum ab illis, a quibus merito deberent accipere normam totius humilitatis, ac devotionis exemplum: ita quod pereunti populo viam perditionis ostendunt, qui debuerunt esse ductores ad vitam. Hinc est, quod nos (quantum ex alto conceditur) perniciosam curiositatem talium refranare volentes, omnibus & singulis personis prædictis sub pœna Canonica præcipimus & mandamus: quatenus in colore, & forma honesta de cætero deferant indumenta non lon-

gitudine nimia aut brevitate notanda. Pannis viridibus aut rubeis excessive non utantur: sint vestes superiores prædictarum personarum talaris, clausæ, & si non clausæ, saltem non strictæ, sed largæ & honestæ, secundum quod decet statum Clericalem. (y) Sciant autem Clerici quicunque, quod in Concilio Viennensi statuitur, sub certis pœnis, hic inferius contentis: & nos illud Statutum sub eisdem pœnis præcipimus, exacta diligentia observari; ne Clerici, quicunque sint, virgata, radiata, seu partita veste utantur, nisi rationabilis causa subsit, puta timoris, vel alia, quæ jussu possit rationabilis arbitrari. Alioquin tales vestes deferentes, si fuerint Beneficiati, per sex menses a perceptione fructuum beneficiorum, quæ obtinent, sint ipso facto suspensi. Si vero non Beneficiati fuerint, tamen in Sacris Ordinibus circa Sacerdotium constituti, per idem tempus redduntur eo ipso inhabiles ad Ecclesiasticum beneficium obtinendum. Si simplex Clericus est, non Beneficiatus, nec in Sacris constitutus, qui tales vestes insimul & tonsuram portaverit publice Clericalem, & non alias, per sex menses pœnas prædictas inhabilitatis incurrit. Obtinentes vero dignitates, personatus, seu beneficium, cui cura animarum imminet, nec non cæteri Sacerdotes & Religiosi, quilibet Beneficiati, qui per exteriorem habitum morum intrinsecam debent prætere hanc honestatem, si tales vestes (nisi ex rationabili causa) publice portaverint, ut præfertur, per annum a perceptione fructuum suorum beneficiorum suspensi sunt eo ipso. Sacerdotes vero Religiosi, non Beneficiati, per annum similiter pœnam inhabilitatis incurrant. (z) Prohibemus insuper, quod Clerici, præ-

(y) *Additur in antiq.* Vestes strictas a parte anteriori boutonatas, longas manicas in supertunicalibus: cornetas longas capuciorum: sub pœna excommunicationis, & decem librarum Parisiensium penitus prohibentes, nisi equitando: vel si causa timoris contigerit, habitum transformari.

(z) *Additur in antiq.* Sed & tales, & quicunque Clerici, utentes epitogio, seu tabardo fuderato: usque ad oram: & ita brevi, quod vestis inferior notabiliter videatur: ipsum epitogium Clerici sæculares & Religiosi, administrationem habentes: teneantur infra mensem pauperibus erogare. Ceteri vero Religiosi administrationem non habentes: teneantur illud Superioribus suis infra idem tempus assignare, in pios usus convertendum. Alioquin beneficiati pœnas prædictas suspensionis: non beneficiati inhabilitatis per idem tempus se noverint incurrisse.

præsertim Beneficiati, caligis sericeatis, rubeis, aut viridibus publice non utantur. Et sciendum est, quod Innocentius III. statuit in Concilio Generali; quod Clerici, maxime in Ordinibus constituti, & Ecclesiastica beneficia obtinentes, coronam & tonsuram deferant congruentem, se Divinis officiis, & aliis bonis studiis exerceant diligenter, & quod pannis rubeis aut viridibus, seu sericeis, frenis, fellis, pectoralibus, calcaribus deauratis, aut aliam superfluitatem habentibus, non utantur, nisi eis de dignitate Ecclesiæ, vel nobilitate scientiæ competere valeant. In his vero & aliis ornatibus, & curiositatibus excessivis, præcipimus & mandamus prædictis personis Ecclesiasticis, tantam tenere moderantiam, & honestatis mensuram; quod non solum ab intus, sed ab illis, qui foris sunt, possint habere testimonium totius honestatis. Ita quod incessus, status, & habitus eorum, nullius offendat aspectum: sed afferat sanctitatis & sanctæ conversationis exemplum. Præterea inhibemus districte, & sub pœna excommunicationis, & centum Solidorum Parisiensium; ne quis Sacerdos propriæ fornicationis filios, aut filias in domo sua, vel Parochia tenere præsumat: quoniam ex hoc scandalizatur populus, & eorum peccatum in Cleri opprobrium divulgatur. Sub pœna quoque excommunicationis, & viginti librarum, omnibus Clericis & Presbyteris, nec non & Religiosis firmiter inhibemus, ne arma ulla deferant: (a) nisi casibus a jure permissis. Presbyteri curati, seu Religiosi honeste in suis domibus & hospitibus conversentur, nec teneant in eisdem turpia officia, per quæ Clericis & eorum ordini scandalum generetur. Suspecta hospitia non habeant, nec lutores, aleatores, meretrices, & hujusmodi viles personas, recipiant, nec cum eis conversentur. Contrarium verò facientes, pœnam privationis a beneficio (si Beneficiati fuerint) poterunt formidare. Non Be-

neficiati vero sint inhabiles per quatuor menses, ad beneficium Ecclesiasticum obtinendum; conjugati autem Clerici, in decem libris monetæ currentis multentur: & quia ex præmissis solent evenire pericula quamplurima; idcirco Decanis, Curatis, & eorum loca tenentibus, sub pœna excommunicationis præcipimus & mandamus: quod moneant etiam Laicos Parochianos publice in Ecclesiâ, auctoritate nostra, quod nullus, etiam Laicus, teneat in domo sua ludum taxillorum, nec recipiat in domum suam meretrices, cum ex talibus plura scandala sape, nec non pericula soleant evenire. Alioqui trina monitione sic publice facta, dictos Laicos, talem domum tenentes, & præmissas viles personas tenentes, & frequenter recipientes, diebus Dominicis & Festivis excommunicatos denuncient: quia eos in his scriptis excommunicamus; absolutionem talium, Nobis, aut Officiali nostro penitus servantes. Clerici, Presbyteri, Beneficiati, vel in Sacris Ordinibus constituti, non debent esse mercatores, vel mercimoniis intendere, nec vilius emere, ut carius vendant: ista enim sunt negotia sæcularia, quibus militans Deo non debet se implicare. Non sint errabundi, nocte incedentes, rixosi, vel ebriosi, laudabiles & honestas consuetudines locorum, & Ecclesiæ, in quibus habitant, servent, si Divinam & nostram volunt effugere ultionem. Circa vero Regulares, quantum ad formam, & honestatem vestium & habitus, decretalem: *Ne in agro*, una cum Constitutionibus Benedicti, nec non & consuetudines laudabiles suæ religionis præcipimus diligentius observari.

XXII. De Scholis & Magistris.

CUM intelligamus, quantum ad vitam, morumque honestatem promovendam momentum adferat teneræ ætatis prima educatio: Quantum quoque

(a) In antiq. Videlicet cultellum magnum, cuspidatum, misericordiam, ensen, gladium, bouquellarium aut alias armaturas: nec vadant armati, seu armis predictis: aut aliis non utantur, nisi proficiscendo pedes vel eques de villa ad villam. Et tunc liceat eis solum portare ensen cum bouquellario: seu cultellum, vel misericordiam, & non alias armaturas absque nostra, vel Officialis nostri licentia speciali.

que interfit Reipublicæ Christianæ, quomodo & a quibus, & quos auctores doceatur rudis adhuc, tenacissima semel conceptarum opinionum juvenus: e qua quidam vel ad Ecclesiarum regimen, vel administrationem Reipublicæ, aliquando assumendi erunt, statuimus & ordinamus, ut nemo posthac in nostra Diocesi, ad trivialem Scholam regendam admittatur, quolibet etiam prætextu, nisi qui de eruditione, moribus, vita, fide, ac religione sua, probe fuerit examinatus ab illo, vel illis, cui vel quibus in singulis urbibus, aut celebrioribus pagis nostræ Diocesis, nostra auctoritate hoc examinationis munus delegabimus, qui soli idoneos admittere, & inidoneos rejicere debebunt, & eos tantum liberos juveni prælegendos dictabunt, quos Catholicarum Academicarum ac Universitatum judicio probatos esse cognoverint, secundum Catalogos, cum Lutetiæ, tum Colonia, & Lovanii evulgatos, atque excusos; si qui autem Ecclesiarum Scholastici, Magistratus civiles, ædiles, aut Provisores, etiam qui suis propriis impensis Scholas exercent, præsumpserint Scholis præficere Præceptores aut Rectores, qui non fuerint, ut præscriptum est, per nostrum Commissarium, aut Commissarios prævia legitima præsentatione sic examinati & admissi, sciant se pro illa vice præsentationis aut institutionis jure privandos, ipsosque Magistros a sua præfectura dejiciendos.

XXIII. De cessione bonorum facienda.

Quia plerique Curati, Capellani, & alii Beneficiati nostræ Diocesis famæ suæ prodigi, indifferenter facultatum suarum faciunt cessiones, (quas vocant distributiones) cum talia facere nequeant, quin apud bonos & graves saltem facti infames sint, & eorum opinio gravata remaneat. Idcirco circa hunc abusum (prout possumus) providere volentes: statuimus & ordinamus, ut nullus Curatus, seu Capellanus, se debitis onerare valeat absque nostra, vel Officialis nostri licentia speciali, ultra medietatem valo-

ris sui beneficii. Quam quidem estimationem, secundum taxationem decimæ haberi volumus: scilicet, ut summa debiti, medietatem taxationis decimalis nequaquam excedat. Species namque dilapidationis est, majora contrahere debita, quam requirat potentia facultatis: & quisque juxta eas facultates debet expensas suas omnibus modis mensurare. Contrarium vero facientes, tanquam dilapidatores, decernimus pœna Canonica feriendos. Cæterum ut circa miserabiles cessiones, quas frequenter debitores faciunt contra suos Creditores, in Curia nostra Atrebatensi: viam malitijs & fraudibus, prout est nobis possibile, præcludamus; Statuimus, ut nullus debitor ad bonorum cessionem per Officiale nostrum de cætero admittatur, nisi prius proclamatione facta publice, plebe astante, aliqua die Dominica in Ecclesia, ubi dictus debitor Parochianus existit, per Rectorem Ecclesiæ, vel ejus Vicarium, dum Missarum solennia celebrantur, statim post Offertorium, dicendo: quod talis in Curia nostra vult facere cessionem contra talem. Et de hoc Officiali constet legitime per rescriptionem Curati: quas proclamationem & rescriptionem, per dictum Curatum decernimus faciendas, sub excommunicationis pœna. Die vero ad cessionem faciendam assignata, coram Officiali nostro, antequam recipiatur cessio hujusmodi, cedere volens, scalam ascendere habebit in ingressu portæ claustrum ad hoc deputatam: & ibi stabit a prima pulsatione tertiæ, usque ad finem magnæ Missæ, & his peractis ad cessionem admittatur, & non ante, alijs solennitatibus, hætenus circa talem cessionem in nostra Curia observatis, nihilominus in suo robore duraturis.

XXIV. De Usuris & usurariis contractibus.

Usurarum vorago, quæ animas devorat, & exhaurit damnablem facultatem, est in partibus istis tanto studiosius inhibenda, & tanto curiosius compescenda, quanto in eisdem partibus magis, quam alibi pullulat, & for-

fortius invalescit. Quapropter omnibus & singulis tam Clericis, quam Laicis subditis nostris inhibemus, ne usuras, aut contractus usurarios exercent quoquo modo. Et ne quis hujusmodi nostram prohibitionem infringere valeat; mandamus Decanis, Curatis, aut eorum loca tenentibus sub excommunicationis poena; quatenus hujusmodi prohibitionem nostram, singulis diebus Dominicis & Festivis, in Ecclesiis suis studeant publicare. Qui vero contra prohibitionem prædictam usuras aut contractus usurarios exercuerint, (ut præfertur) excommunicationis sententiam eo ipso incurrant: uxorque ejus, & familia, sint etiam suppositæ Ecclesiastica interdictione: & tales denuncientur per Decanos & Presbyteros curatos, interdicti & excommunicati publice, talibusque, Decani & Curati prædicti, ingressum Ecclesiæ interdiciant: quousque ad emendam competentem devenerint, & absolutionis beneficium meruerint obtinere: restitutis prius usuris, vel cautione idonea, secundum juris dispositionem præstita Nobis, vel Officiali nostro de restituendo easdem. Cæterum illi, quos fama publica attestatur usurarios, nec eorum familia, quoquo modo ad Communione altaris, seu Ecclesiasticam sepulturam admittantur, nec oblationes talium recipiantur in Ecclesia. Recipientes vero talium oblationes, restituere compellantur. Et qui eos Ecclesiasticæ traderit sepulturæ, donec ad arbitrium nostrum, vel Officialis nostri satisfecerit, juxta Lateranense Concilium ab officii sui maneant executione suspensus. Et nihilominus hodie, per Decretalem Clementis quinti, eo ipso sententiam excommunicationis incurrat. Et sciendum est, quod usurarii publici & manifesti, quamquam in ultima voluntate mandaverint, de receptis usuris satisfieri, indistincte vel expressa certa quantitate: Nihilominus tamen debet eis Ecclesiastica sepultura denegari, donec de usuris, prout suppetunt facultates eorum, plenarie fuerit satisfactum illis, a quibus extortæ fuerint, vel cautio sufficiens Nobis, vel Officiali nostro sit præstita, vel Curato loci de mandato nostro, vel nostri Officialis,

Tomus VIII. Concilior. German.

juxta dispositionem Decretalis Gregorii decimi, quæ incipit: *Quonquam*; & situata est in titulo: *de Usuris, Libro sexto*. Ubi etiam prohibetur, quod nullus testamentis manifestorum usurariorum interfit, aut ad confessionem admittat eosdem, sive eos absolvat, nisi de usuris satisfecerint, vel de satisfaciendo pro suarum viribus facultatum idoneam præstiterint cautionem. Cujus contrarium faciunt multi Curati, qui tales, nobis inconsultis, absolvent, & ad Ecclesiastica Sacramenta recipiunt, licet eis denegent sepulturam. Quod fieri sub poena gravissima, pro nostro arbitrio moderanda, firmiter prohibemus. Et caverur ibidem etiam, quod testamenta usurariorum prædictorum facta aliter, quam sit dictum, sunt irrita ipso jure: Et quia posset esse dubium apud multos, qui dicantur usurarii manifesti; usurarios manifestos volumus intelligi, de quibus constat per confessionem eorum, extra Confessionem Sacramentalem factam, vel per sententiam Judicis, quod sunt usurarii, & illos etiam, qui super usuris sunt publice diffamati, vel qui ita publice se exhibent usuris, quod omnibus apparet ipsos esse usurarios manifestos. Sciendum, quod illi tenent fenestras publicas, vel mensam numulariam ad exercendas usuras, vel aliud quodcumque signum, per quod usurarii cognoscuntur. Sunt vero quidam, qui in contemptum Dei & Ecclesiasticæ disciplinæ de Ecclesiis, vel Cæmeteriis propriis Parochialibus, excommunicatos & usurarios prædictos, eorum uxores aut familiam defunctos, in fraudem volentes circumvenire vindictam, & usuram damnabiliter retinere, antequam restituant usuras, vel idoneam præstiterint cautionem, ut præfertur, deportant; vehunt, quadrigant, vehi, portare, seu quadrigari faciunt, ad aliquas Ecclesias vel cæmeteria, exemptas & non exemptas in nostra Diocesi, & extra, ut ibidem Ecclesiasticam recipiant sepulturam: tales & dantes auxilium, vel favorem; eo ipso sententiam excommunicationis incurrunt: eandemque poenam incurrunt, si prædictos, modis præmissis, transferant, vel transferri faciant, ut præfertur, vel ad hoc

M m dent

dent auxilium, consilium, vel favorem, etiam si non fuerint mortui, sed infirmi, in mortis articulo constituti: & quos super præmissis culpabiles sciveritis, nominatim excommunicatos nuncietis publice, donec ad emendam venerint competentem. Insuper sciendum est, quod communitas locorum, aut quicumque Judices seculares, quovis nomine nuncupentur, vel eorum Vicarii, dictantes, vel scribentes statuta super usuris, cum juramento, vel sine juramento solvendis, vel solutis non repetendis, vel judicantes secundum prædicta statuta, vel non delentes ea de suis libris infra tres menses, vel illa servantes, excommunicati sunt ipso jure. Usurarii quoque edere debent, & tenentur contra se, in causis usurarum, codices suarum rationum: & sustinentes pertinaciter, quod exercere usuras non sit peccatum, sunt velut hæretici puniendi; prout hæc omnia in Decretali unica, situata in titulo: *de Usuris, in Clemen.* plenius & seriosius continentur. Et quia nonnulli iniquitatem suam palliare sub dissimulatione volentes, cum ad usuras exercendas intendunt, & usurarios contractus exercent, licet revera hujusmodi faciant, contractus, puta, emptionis, vel depositi, aut similes confingunt: aut si instrumentis, aut literis, sive chartis, tales contractus simulatos inscribi faciunt: idcirco cum magis attendi debeat: quod agitur, quam quod quadam dissimulatione concipitur, tales non obstantibus dictis simulationibus, usurarios reputamus, & pœnis ligatos decernimus, supra contra usurarios inflictis, fulminatis, & etiam promulgatis. Notarios vero, tales contractus simulatos scienter recipientes, & etiam conscribentes, tanquam falsarios, decernimus puniendos. Decernimus etiam, ne Usurarii publici, vel supra hoc diffamati, ut supra, ad levandum prolem de Sacro Fonte, nullatenus admittantur.

Ut vero (b) minor sceneratoribus scenerandi tribuatur facultas, & in odium usurarum in hac præsentī Synodo statuimus, & etiam prohibemus sub pœna interdicti, suspensionis, & excom-

municationis, nec non quadraginta librarum Parisiensium piis usibus applicandarum, ut nec Collegium, nec alia Universitas, nec singularis persona, personas alienigenas, vel alias, ab ipsorum terris non oriundas, pecuniam scænebrem publice exercentes, recipiant ad morandum in terris suis, domos conductas, vel alias nullo modo habere permittant, sed hujusmodi usurarios expellant a suis terris, & domibus. Nemo talibus de cætero domos locet, vel sub alio titulo concedat. Qui vero contra hujusmodi nostram Constitutionem & inhibitionem attentare præsumperit, si Collegium sit, vel Universitas, in ipsos interdicti: si vero personæ Ecclesiasticæ, suspensionis: & si personæ singulares laicæ fuerint, in ipsas excommunicationis sententiam promulgamus, & declaramus, eas dictam pœnam quadraginta librarum Parisiensium incurrisse, nisi tamen infra mensem a die notitiæ hujusmodi usurarios expulerint, eorum loca, & terras Ecclesiastico interdicto supponentes. Mandamus præterea omnibus Ecclesiarum Rectoribus, quatenus tales, si eorum notitiam habuerint, nec non omnes & singulos usurarios palam & publice excommunicatos, in suis Ecclesiis diebus Dominicis publicent & nuntient, eorum liberis, & uxoribus, & familia interdicto Ecclesiastico suppositis nostra auctoritate, sine alterius expectatione mandati. Quibus dicti Curati Sacramenta Eucharistica præbere, aut sepulturam ministrare nequaquam præsumant, absque nostra, seu Curie nostræ licentia speciali, de qua per literas suis Curatis fidem facere teneantur.

XXV. De Testamentis.

Libera sit voluntas decedentibus ordinandi de rebus suis, & Executores eligendi fideles, qui bona testatoris post mortem recipiant, & describant ac distribuunt secundum rectam dispositionem ipsius. Electi vero Executores onus executionis in se suscipientes, de bonis testatoris, præsertim mobilibus, & ad executionem spectantibus, infra mensem a die obitus defuncti,

(b) Paragraphus hic excerptus est ex Constitutionibus Synodalibus Petri Mansuerii, Episcopi Atrebatensis, editis anno 1375.

functi, numerandum, sub manu publica, vel saltem in præsentia Curati loci, & sub sigillo Parochialis Ecclesiæ, vel, ubi fieri præmissa non possent commodè, sub fide dignorum testimonio, inventarium facere teneantur, in quo omnia bona prædicta & nomina debitorum, executores scribant, & eorum valores seu precia, juxta æstimationem, per æstimatores locorum super hoc juratos, plenarie declarentur. Factoque inventario, executores hujusmodi per se, vel per alium, cum testamento & inventario prædictis, ad Officialem Curiae nostræ Atrebatensis se transferant, & coram eo se præsentent infra alium mensem. Et de hujusmodi testamento, & inventario copiam faciant, & eidem Officiali tradant, quam penes Curiam nostram prædictam volumus remanere, ut per hujusmodi copiam possit Officialis prædictus plenius informari de fidelitate, diligentiaque dictorum Executorum, & ut negligentiam, seu defectus eorum melius deprehendere valeat, & etiam corrigere & supplere, nec non & dictos Executores, si necesse fuerit, utilius possit instruere, qualiter se habere debeant in executione prædicta. Statuimus etiam & ordinamus, quod hujusmodi executores, voluntatem testatoris infra annum a die mortis adimpleant, & teneantur juxta provisionem Canonica & civilem, executioni debitæ demandare; alioqui ad Nos, seu Officialem nostrum, ex tunc hujusmodi executio totalis, si in nullo fuerit adimpleta, vel in parte restante adimpleri (ubi in parte fuerit executà) devolvatur. Statuimus præterea & præcipimus, quod executores hujusmodi de suscepto, vel suscipiendo in posterum executionis officio, infra annum a die executionis susceptæ, vel saltem post lapsum anni, (quam cito commodè poterunt) Nobis, vel Officiali nostro prædicto teneantur reddere rationem: quod si non fecerint, una monitione pro omnibus peremptorie præmissa, si Prælatus est, vel Presbyter, eo ipso suspensus sit a Divinis: alia vero persona quæcunque sententiam excommunicationis incurrat. Et est sciendum, quod Religiosus in sua ultima voluntate ab

aliquo executor deputatus, non potest, cum nec velle, nec nolle habeat, hujusmodi onus executionis in se suscipere, vel exequi hujusmodi voluntatem: nisi primo a Superiore suo petita licentia, & obtenta: sed si prædicti Religiosi, etiam exempti de voluntate & licentia suorum Superiorum, onus alicujus executionis in se susceperint, tenentur absque dolo & fraude, etiam si Prælationis fungantur officio, non obstante exemptione quacunque, de suscepto executionis officio, locorum Ordinariis reddere rationem: Et si contra id reperti fuerint deliquisse; per eosdem Ordinarios, quocunque non obstante privilegio, pœna debita castigari. Prout hæc, & alia plura statuuntur in Concilio Viennensi: & Nos juxta idem Concilium statuimus; quod dicti Religiosi quicunque nostræ Diocesis executores, ut præmittitur, deputati, vel deputandi, inventarium facere, copiam dare, & rationem reddere infra annum, ut præmittitur, teneantur, non obstante privilegio, seu exemptione quacunque: alioqui pœnis subjaceant prædictis. Insuper sciendum est, quod si plures executores fuerint a testatore simpliciter deputati, uno eorum mortuo, aut in remotis agente, vel alias legitime impedito, vel exequi nolente, alius potest voluntatem prædictam exequi & libere adimplere, nisi aliud fuerit a testatore ordinatum, prout in Bonifaciana Constitutione continetur plenius.

Præcipimus quoque Curatis nostræ Diocesis, & eorum loca tenentibus, ut Testamenta, quæ scient non esse infra annum executioni demandata, vel de quibus non est ratio reddita, Decanis denuncient infra mensem a tempore notitiæ, ut iidem Decani infra alium mensem Nobis, vel Officiali nostro non differant nunciare; quo id, quod statutum est, de inventario, & copia ipsius faciendâ, diligentius observetur. Præcipimus omnibus & singulis Presbyteris, Curatis, Civitatis & Diocesis Atrebatensis, & eorum loca tenentibus, sub pœna inobedientiæ & sexaginta solidorum, quatenus Executores testamentorum suarum Parochiæ moneant diligenter, & præ-

cise super dicto inventario (ut præmittitur) faciendo, & copia ipsius, nec non & testamenti, ut supra tangitur, Nobis, vel Officiali nostro facienda: & Nobis rescribant de huiusmodi monitione & nomina dictorum executorum insinuent, & certificent, an monitioni suæ parere velint, an non, & responsionem plene conscribant. Quoniam si lapsis temporibus, quo ad præmissa, ordinationem dicti executores non adimpleverint, quod de inventario & copia superius extitit ordinatum, diligenter ut præfertur, moniti per Curatos, ex tunc sententiam excommunicationis ipso facto incurrunt. Insuper ordinamus, & præcipimus sub pena quadraginta solidorum, Curatis, Decanis, & eorum loca tenentibus, quod copiam testamentorum factorum, vel autorizatorum, Nobis infra mensem a tempore mortis testatoris, tradant & faciant. Et hoc idem sub pena privationis officii Notariis Curiae nostræ, nec non Tabellionibus publicis duximus injungendum.

XXVI. De inhumatione corporum.

Bonifaciana Constitutione cavetur, & etiam inhibetur universis Religiosis & Sæcularibus, Presbyteris & Clericis, cujuscunque status & conditionis existant, ne aliqui ad vovendum, jurandum, seu fide interposita promittendum, aliquem, seu aliquos inducant, quod apud eorum Ecclesias eligat, seu eligant sepeliri, vel jam electam sepulturam non immutent: & si secus fuerit attentatum, electio nulla est ipso jure. Et hi, qui sepulturam sic eligunt, apud Ecclesias electas sepeliri non possunt: nec alibi eligere possunt sepulturam, sed debent sine quocunque obstaculo, sepeliri apud illas Ecclesias, apud quas essent sepeliendi, si sepultura non electa decessissent. Et si dicti Religiosi vel seculares, prædictos, sic eligentes sepulturam, sepeliant: tenentur & sunt obligati, tam ad restitutionem corporum, si petantur, quam aliorum omnium, quæ huiusmodi occasione sepulturæ provenierint quomodolibet, infra decendi-

um integraliter faciendam: quam nisi fecerint, elapso dicto decendio; Ecclesiæ ipsæ, apud quas sepulti fuerint, nec non & Cæmeteria eorundem, ipso facto & tam diu maneat Ecclesiastico suppositæ interdicto, donec ab eis facta fuerit plenaria restitutio omnium prædictorum. Et nihilominus ultra istam penam, violatores primæ partis hujus constitutionis: nempe inducentes aliquos ad vovendum, jurandum &c. per Decretalem Clementis V., quæ incipit: *Cupientes*, excommunicationis sententiam ipso facto incurrant, a qua per alium, quam per Sedem Apostolicam (præterquam in mortis articulo) absolvi non possunt. Sub pena quoque excommunicationis prohibemus, ne quis infra Ecclesiam, vel Capellam tradatur, seu tradi permittatur Ecclesiasticæ sepulturæ, sine nostra, vel Officialis nostri licentia speciali, & nisi dotaverit Ecclesiam, ad minus de tribus solidis redditibus bonæ monetæ; nisi tamen fuerit Dominus loci, villæ, seu primogenitus ejus, Patronus, aut Sacerdos, sive Capellanus Ecclesiæ, seu Capellanæ. Item sub pena excommunicationis prohibemus, ne quis excommunicatus, suspensus, vel suppositos Ecclesiastico interdicto, aut non Christianos, nec eos, qui subitanee discesserint, sine nostra licentia cum illa clausula, *si Catholicæ vixerint*, &c. aut suspensos in patibulis, tradat, vel tradi faciat quomodolibet, aut procuret tradi Ecclesiasticæ sepulturæ, seu in hoc faciendo det auxilium, consilium, vel inventionem, quousque fuerint a præmissis Canonice absoluti, seu a Nobis de ipsis inhumandis obtenta fuerit licentia specialis. Caveant omnes Sæculares, & Religiosi quicunque, ne quem sepeliant extra Parochialem Ecclesiam, sine Curati licentia, aut nostra, aut Officialis nostri. Et Sæculares, aut Religiosi quicunque, etiam exempti, qui sine proprii Curati licentia, seu nostra, vel Officialis nostri, Matrimonii solennizationem, benedictionem nuptialem, sepulturam, administrationem Sacramenti Extremæ Unionis, & Eucharistiæ, aut aliqua alia Sacramenta Eucharistica alibi, quam in Parochiali Ecclesia, cujus recipiens Paro-

Parochianus extiterit, conferunt, faciunt, vel impendunt, aut aliquos ad præmissa admittunt, & quicumque alibi, & alias, quam dictum est, præmissa recipi, conferri, aut impendi sibi facit, vel ad ea recipienda quovis modo procurat, dantes & recipientes huiusmodi, aut etiam procurantes, & dantes in præmissis opem, consilium, aut favorem; per has nostras Synodales Constitutiones, sententiam excommunicationis ex eo ipso incurrant, illis duntaxat exceptis, quibus præmissa ex speciali licentia a Sede Apostolica sunt concessa. Et idcirco districte præcipimus Curatis, ut in Ecclesiis suis tales excommunicatos publice denuncient diebus Dominicis & Festivis, nec illos, quos tales sciverint, ad Divina officia, seu Ecclesiastica Sacramenta admittant, & eisdem ingressum Ecclesiæ nominatim interdiciant, & moneant omnes Parochianos suos: ut quicumque de prædictis transgressionibus habebit, vel habet notitiam, quidquid sciverint, Nobis, vel Officiali, seu Promotori Curiae nostræ infra septem dies significant, ubi requisiti fuerint; alioqui excommunicationis sententiam eo ipso incurrunt. Per hoc autem Statutum non intendimus, quin Prædicatores, & Minores, Nobis debite præsentati, & a Nobis licentiam obtinentes, possint audire confessiones, & ad Ecclesiasticam sepulturam (sine præiudicio Parochialis Ecclesiæ) recipere eos, qui apud ipsos eligunt, seu eligunt sepeliri. Insuper inhibemus districte, & sub pœna suspensionis (quoad personas in Sacris Ordinibus constitutas) & excommunicationis (quoad alias) ne de cætero fiant pacta, aut conventiones inter Prælatos, & Rectores Ecclesiarum, & hæredes, seu executores defunctorum, videlicet, super funeralibus, pannis sericeis, cereis candelis, quæ circa funera in Ecclesiis debent apponi; sed cum gratiarum actione, recipiant personæ Ecclesiasticæ illa, quæ circa funerals apponentur, nec prædicti hæredes compellantur apponere, nisi quod eis placuerit, & quod est in talibus fieri consuetum. Tales enim conventiones non carent specie Symoniæ, & multoties

sunt in Ecclesiarum dispendium, & gravamen. Statuimus, quod dicti Curati Civitatis, Villæ & Dioecesis Atrebatensis, vel eorum saltem Capellani, cum corporibus, seu cadaveribus Parochianorum suorum (dum ad sepulturam deferentur) personaliter incedant, eadem conducendo in habitu decenti capæ, vel superpellicei cum stola, aqua benedicta, & cruce antecedentibus, dicentes orationes, ad hoc dici consuetas, & ordinatas, propter animarum utilitatem, Ecclesiæ honestatem & populi devotionem.

XXVII. De Privilegiis & Privilegiatis.

Quoniam Religiosi, maxime privilegiati & exempti, prætextu suæ exemptionis & privilegiorum, multa committunt, quæ ipsis infamiam pariunt, & aliis inferunt læsionem, sciunt Curati, quod Religiosi, etiam exempti, aut privilegiati, qui Clericis, aut Laicis Sacramentum Unctionis extremæ, vel Eucharistiæ ministrare, Matrimonia solemnizare (sine Parochialis Presbyteri licentia speciali) præsumpserint, eo ipso, per Constitutionem Clementis V., editam in Concilio Vienne[n]si, sententiam excommunicationis incurrunt, a qua nisi per Sedem Apostolicam absolvi non possunt. Religiosi quoque prædicti, qui excommunicatos a Canone, præterquam in mortis articulo, & in casibus a jure permissis, vel per privilegia concessis eisdem, vel a sententiis per Statuta Synodalia promulgatis, seu a pœna & culpa (ut verbis eorum utamur) absolvere præsumpserint, eandem sententiam excommunicationis incurrant ipso facto, per Sedem Apostolicam absolvendi. Quare omnibus Decanis & Presbyteris curatis, & eorum loca tenentibus, districte præcipiendo mandamus; quatenus eos (quos constiterit esse tales) nominatim, & nihilominus in generali omnes in præmissis excedentes, in eorum Ecclesiis diebus Dominicis & Festivis excommunicatos palam & publice studeant nunciare, nullo eis super hoc exemptionis, vel alio privilegio suffragante. Exempti & Privilegiati,

giati, & quicumque alii, qui sepeliunt in cœmeteriis corpora defunctorum, tempore interdicti (nisi in casibus permissis a jure) vel excommunicatos publice, aut manifestos usurarios scienter, excommunicati sunt ipso facto, nec possunt absolvi, donec satisfecerint (ad arbitrium Dioecœsanum) eis, quibus præmissa injuria fuerit irrogata, ut in Decretali prima, *de Sepulturis*, in Clementinis plenius continetur. Præterea quantumcunque exempti gaudeant libertate, nihilominus tamen ratione delicti, siue contractus initii, aut rei, de qua agitur contra ipsos, possunt coram Episcopis, & eorum Officialibus, seu locorum Ordinariis conveniri, & illi quoad hoc in eos, suam jurisdictionem exercere, prout fieri rationis, ut caveatur expresse in Constitutione Innocentii IV., edita in Concilio Lugdunensi, quæ incipit: *Volentes*. Quod debet intelligi, nisi contra illam Decretalem, privilegium obtineant speciale, quod, per hæc privilegia ostendenda, juxta Bonifacianam Constitutionem, quæ incipit: *Cum personæ*, poterit apparere.

XXVIII. De veneratione Ecclesiarum, vel Cœmeteriorum.

Signum indevotionis est in sacris locis sordes negligere, quæ non decent in prophanis: Et idcirco statuimus, & præcipimus, quod Cœmeteria honeste claudantur, ne bestiarum, sicut porci, anseres, & animalia bruta, ibidem faciant suam immunditiam, & ea fordident. Et quia Ecclesia Domus orationis, quæ non negotiationis esse debet, moneant sæpe Presbyteri suos Parochianos, ne in Ecclesiis, & Cœmeteriis commercia sæcularia faciant, seu exercent, seu causæ, vel sæcularia placita ibidem tractentur, & ne etiam rixæ, contentiones, seditiones, choreæ, seu proclamationes, vel banna, parlamenta proclamantur, aut aliqui contractus sæculares, per quoscunque Ballivos sæculares, Majores Præpositos, Scabinos, & alios quoscunque Judices sæculares, vel eorum servientes, vel per alios fiant in eisdem locis, sub pœna

excommunicationis, & quadraginta librarum: ne prædicti, seu quivis alii per tumultum suum, vel alias perturbent Divinum Officium, sub pœnis prædictis. Ecclesiæ, seu Cœmeteria sanguinis, seu seminis effusione polluta, reconcilientur per Nos, vel Deputatos nostros, siue fuerint consecrata, siue non: Et interim Divina officia (nisi in casibus a jure permissis) non celebrentur ibidem, nec aliquis ibi sepeliatur, donec reconciliata fuerint, ut præfertur. Et sciendum est, quod Ecclesia polluta, Cœmeterium contiguum est pollutum: secus si fuerit remotum ab eadem: sed non convertitur, quia polluto Cœmeterio, etiam contiguo, polluta propter hoc Ecclesia non existit: quia sequeretur absurdum; scilicet, quod accessorium ad se traheret principale.

XXIX. De Immunitate Ecclesiarum, vel Cœmeteriorum.

Confugientes ad Ecclesiam Decreta Sanctorum Patrum sanxerunt, plenissima libertate gaudere. Et idcirco statuimus, & præcipimus, ac etiam ordinamus, quod quicumque fugientes ad Ecclesiam, vel Cœmeterium protutela refugii, a dicto Cœmeterio, vel Ecclesia extraxerit, aut ad extrahendum dederit opem, consilium, vel favorem, vel manus violentas in tales confugientes intulerit, mutilaverit, seu occiderit, vel impederit, quo minus confugientibus prædictis, in dicto Cœmeterio, aut Ecclesia, victualia ministrantur; cum sic indirecte libertas Ecclesiæ infringatur, excommunicationis sententiam incurrant ipso facto, & per Decanos, Presbyterosque, & Curatos, tales, sic facientes, excommunicati publice nuncientur, & cessetur a Divinis, quousque dicti abstracti, prædictæ libertati fuerint restituti, a qua abstracti fuerunt: vel donec cessent ab impedimento, quando impediunt dicta victualia ministrari: & donec venerint ad emendam competentem.

XXX. De refectione Ecclesiarum.

Patroni, personæ, cæterique, qui participant in oblationibus & decimis Parochialium Ecclesiarum; juxta quantitatem suæ portionis conferant ad refectionem Cancellorum, sive Chori Ecclesiarum prædictarum: Parochiani, de Calice, Missali, Breviario, casulis, albis, & aliis necessariis, ad cultum Divinum, provideant competenter debonis Ecclesiæ, quæ colligunt vel de elemosynis, seu de communi contributione. Provisores Ecclesiæ de perceptis & administratis ipsius Ecclesiæ bonis coram Presbytero curato loci annis singulis teneantur computare, & legitimam rationem reddere: Presbyter autem summam computi Decano tradat, qui Nobis, vel Officiali nostro respondere possit, cum ab eo requiremus. Ecclesiæ campestris, de die & de nocte sub bonis ferraturis claudantur, saltem de nocte, ne malefactores ibidem faciant sua conventicula. Doceant insuper, & moneant Curati & Presbyteri populum sibi subditum, ut quotiescunque in Ecclesia audierint, nominare nomen illud, quod est super omne nomen, scilicet nomen Domini nostri JESU Christi, per quem salvati sumus & liberati, aliquod signum reverentiæ faciant, genua flectendo, vel capita inclinando, seu pectus percutiendo: scriptum est enim: *In nomine Domini omne genu flectatur*. Idem præcipimus, quoties nominari audient nomen Virginis Gloriosæ. Et quia sunt quidam Ecclesiarum Parochialium Rectores, qui Ecclesias suas replent eorum bonis propriis, aut repleti permittunt alienis: blada, sasena, (e) vasa, stramina, aut alias res prophanas ibidem ponendo, aut poni permittendo: ita quod domus laicæ potius, quam DEI Ecclesiæ videantur. Quod fieri sub pena excommunicationis de cætero prohibemus: monentes ex nunc dictos Curatos, ut talia, si qua sunt in suis

Ecclesiis reposita, extrahant, nec de cætero talia infra dictas Ecclesias reponant, & reposita ibidem per alios, extrahi faciant, atque mandent. Et si quos in præmissis rebelles invenerint, qui in hac parte noluerint suis monitionibus aut mandato obedire, Nobis, aut Officiali nostro denunciare procurent.

XXXI. De Domibus Beneficiatorum.

DE Domibus Beneficiatorum statuendum Nobis videtur; ut Presbyteri, Capellani, Curati, vel alii Beneficiati, domos beneficiis adjunctas possidentes, sive resideant in suis beneficiis, sive de nostra licentia & speciali permissione, ex rationabili causa absint, factas, rectas, & integras eas semper studeant conservare: quod si facere prætermiserint; volumus, quod Decani locorum, de fructibus dictarum Ecclesiarum, vel Capellaniarum, domos reparari (si ruinam minantur) & reedificari, (si corruerint) faciant: si, & prout (ultra salarium deservientium eisdem Ecclesiis) Ecclesiarum & Capellaniarum ipsarum suppetant facultates: quod, nisi fecerint, & ex lata eorundem Decanorum, qui eas visitare tenentur, culpa contigerit, deteriores factas, pro nunc volumus ejusmodi Decanos, propriis sumptibus & impensis dictas domos instaurari curare.

XXXII. De Festis colendis.

Esta vero, quæ nunciare debetis Parochianis vestris, absque omnibus operibus forensibus excolenda, & cum debita veneratione celebranda, sunt hæc: Nativitas Domini, cum tribus sequentibus diebus. Circumcisio. Epiphania. Conversio Pauli. Purificatio Beatæ Mariæ. Mathias. (d) Annuntiatio ejusdem Mariæ. Resurrectio Domini, (e) cum tribus sequentibus. Apostolorum Philippi & Jacobi. Ascensio Domini. Dies Pentecostes, (f) cum tribus

(c) Sasena, *missiam reperi hanc vocem. In antiqua editione sic legitur*: blada, vasasena, forsan: vasa, fena, stramina &c.

(d) Festum S. Mathiæ in antiqua editione non ponitur.

(e) In antiqua editione: Resurrectio Domini, Quarta feria sequens.

(f) In antiq. Dies Pentecostes. Quarta feria sequens.

tribus sequentibus. Festum Sanctissimi Sacramenti. Festum Beati Barnabæ Apostoli. Nativitas Beati Joannis Baptistæ. Apostolorum Petri & Pauli. Mariæ Magdalenæ. Jacobi & Christophori. Laurentii Martyris. Assumptio Beatæ Mariæ. Nativitas ejusdem. Bartholomæi (g) Apostoli. Matthæi, Lucæ, Marci Evangelistarum. Inventio (h) Sanctæ Crucis. Simonis & Judæ. Omnium Sanctorum. Commemoratio omnium fidelium defunctorum. Martini Episcopi. Nicolai Episcopi. Andreæ Apostoli. (i) Thomæ. Omnes dies Dominicales. Dies principales Sanctæ Ecclesiæ. & Dedicatio Sanctæ Ecclesiæ, cum festo Sanctæ Catharinæ Virginis. Et sciendum est, quod Festa Apostolorum, nec non & quatuor Doctorum Ecclesiæ, scilicet Gregorii, Ambrosii, Augustini & Iheronymi debent solenniter, sub officio duplici, per universas Ecclesias celebrari: prout in Bonifaciana Constitutione (quæ incipit: *Gloriosus*) plenius continetur. (k) Sed quia in Ecclesiarum Dedicationibus; quæ variis, diversisque diebus, per nostram Diocesim celebrari solent, magis conventicula malefactorum haberi soleant, quam quod dictæ solennitates debita reverentia & honore celebrentur: ideoque quod recte, piaque consuetudine noscitur institutum, ludis quibusdam prophanis, choreis, computationibus, unde subinde cædes, rixæ, & homicidia perpetrantur, impendantur: dum in uniuscujusque Ecclesiæ celebranda Dedicatione, per omnes Civitates & pagos nostræ Diocesis, sub specie quadam devotionis, quasi per circulum malefactores conveniunt; Statuimus, ne deinceps ita circulatim, & quasi per orbem hujusmodi Dedicationes Ecclesiarum fiant: sed omnes uno, eodemque die, septima videlicet Julii, quæ est ipsius matricis Ecclesiæ Atrebatensis Dedicatio, exinde celebrentur.

XXXIII. De observatione Jejuniorum.

PRæcipimus & mandamus omnibus & singulis Decanis & Curatis Nobis subditis, sub obedientiæ debito, ut jejunia ab Ecclesia indicta mandent a Parochianis suis adultis, seu puberibus utriusque sexus (cessante impedimento legitimo & Canonico) fieri & cum debita devotione celebrari, ac etiam observari. Et intimare debent dictis Parochianis, quod talia jejunia sunt necessaria, & sub præcepto: adeo quod qui non observant, peccant mortaliter, nisi senectus, debilitas, infirmitas, paupertas, ac alia iusta causa & rationabilis, vel necessitas excusaret, nec possunt talia redimi pecunia, vel aliquo modo, nisi causa valde rationabilis, seu necessitas in jejuniis voluntariis, quæ auctoritate Superioris, etiam sine tali casu, redimi possunt, ac etiam commutari, dum tamen illud sit majus, aut æquale, aut quantum præstare possunt, in quod talia commutantur. Jejunia indicta ab Ecclesia sunt ista: Quatuor temporum, Vigiliæ Apostolorum (præter Vigiliæ Philippi & Jacobi, Beati Joannis Evangelistæ, & Beati Bartholomæi, circa quæ nos remittit decretalis ad consuetudinem regionis) Vigilia Nativitatis Domini, & Beati Joannis Baptistæ: Vigilia Omnium Sanctorum, Ascensionis Domini, Pentecostes, Beati Laurentii, Assumptionis Beatæ Mariæ, & tota Quadragesima. Ista sunt jejunia indicta ab Ecclesia, & sub præcepto.

XXXIV. De Purificatione partum.

Nullus Presbyter, Curatus, aut alius quicumque, mulierem jacentem in puerperio purificet, nisi tum demum cum per mensem jacuerit: & hoc

(g) Post S. Bartholomæi Apost. additur in antiq. Ludovici.

(h) Festum hoc in antiqua non legitur.

(i) In antiq. post S. Andreæ Apostoli, scribitur: S. Eligii. S. Nicasii. de S. Nicolao, & S. Thoma nulla mentio.

(k) Sequentia non habentur in editione antiqua: nec sequens Caput de observatione Jejuniorum.

hoc etiam fiat de die, & in Ecclesia propria Parochiali, & non alibi, nisi in mortis articulo: & tunc petita a Nobis vel Officiali nostro licentia & obtenta. Nullus Presbyter, Curatus, Capellanus, Religiosus, etiam exemptus, aut alius quicumque, mulierem jacentem de partu ex damnato coitu, & nefario, vel fornicario, seu alias quovis modo damnato, excommunicatam, aut interdiktam purificet, seu alienam Parochianam, sine nostra, vel nostri Officialis licentia speciali. Contrarium vero facientes, etiam si exempti fuerint, cum etiam exemptos non liceat Statuta nostra Synodalia violare, excommunicationis sententiam incurrant ipso facto: Absolutionem vero talium, Nobis, vel Officiali nostro, modis omnibus reservamus. Videant etiam Curati, quid de hoc caveatur super iisdem Constitutionibus, in titulo: *De inburnatione corporum & sepulturis*. Deinde sciant Curati, quod absolutis excommunicatis, vel usurariis manifestis, vel alio impedimento diu detentis, propter quæ uxores eorum fuerunt non purificatæ de uno partu, vel pluribus, supposito, quod præmissi absolutionem a Nobis, vel Officiali nostro obtinuerint, mulieres tamen non sunt purificatæ: imo debent purificari, quia absolutio non dat purificationem in hoc casu. Non tamen est necesse, quod pro unoquoque partu purificentur. Caveant tamen Presbyteri curati, ne dictas mulieres, aut alias quascunque sine purificatione recipiant ad Ecclesiastica Sacramenta.

XXXV. De Domibus Religiosorum.

IN Domibus Religiosorum, aut Religiosarum, teneatur & observetur numerus Religiosorum taxatus, & tentus, aut certus, sive etiam consuetus. Et si diminutus fuerit, redintegretur, & etiam restauretur, ne propter paucitatem servitorum cultus Divinus minuatur. Debent enim poni Regulares in Monasteriis, etiam si non sit ibi numerus certus institutus, quot consueverunt esse: dum tamen ad hoc suppetant facultates: alias debet fieri juxta

Tomus VIII. Concilior. German.

Concilium Generale, scilicet, quod non amplius ponantur in Monasteriis prædictis, quam quot de bonis Ecclesiæ sine penuria se regere possunt. Volumus tamen & præcipimus, quod absque nostra speciali auctoritate, numerus consuetus non diminuat, seu etiam augeatur, aut augmentetur. Contrarium vero facientes graviori subjaceant disciplinæ.

XXXVI. De Mandatis Curie observandis & exequendis.

Dilicte in virtute sanctæ obedientiæ, & sub poena transgressionis Nobis præstiti juramenti, nec non & excommunicationis præcipimus, ut Abbates, Decani, Sacerdotes, Capellani, & Clerici Nobis subjecti, ad quem, vel ad quos mandata Curie nostræ pervenerint exequenda, ea fideliter & diligenter, secundum formam & tenorem eorundem, cum promptitudine reverentiæ exequantur. Et quod diebus Dominicis & Festivis, secundum tenorem dictorum mandatorum, nomina excommunicatorum, alta & intelligibili voce nominentur, ita quod ab omni populo in Ecclesia existente possint audiri. Et si timeant verisimiliter aliquod malum per adversarium, vel Judicem sæcularem, Portitori literarum debere, aut posse inferri; ipsum caute expediant, & rescriptionem faciant, aut sigillent. Et cum nuntius recesserit: adimpleant mandatum. Quod si per eorum incuriam, negligentiam, aut incautam executionem, dicto portitori quicquam mali acciderit; noverint, quod eos graviter puniemus, in aliorum exemplum. Nihil recipiant executores prædicti nostrarum literarum, sive a portitore, sive a litigante, nisi duos denarios, scilicet pro qualibet citatione sigillanda, & Clericus pro qualibet persona citanda unum denarium. Decani Christianitatis pro suis sigillis, quibuscunque literis apponendis, ultra tres denarios non recipiant, nisi pro suis literis testimonialibus & matrimonialibus faciendis: quo casu, pro eisdem literis possunt recipere duos solidos, & non ultra. Et

N n

quia

quia nonnulli, citationes aut monitiones auctoritate Judicum delegatorum, Executorum, Conservatorum, Ordinariorum, seu etiam aliorum quorumcunque, in locis publicis, vel in Ecclesiis, ad infamiam personæ citandæ vel monendæ, seu contra quas processus intenditur; malitiose exequuntur, seu exequi faciunt, aut procurant; licet personæ citandæ, vel monendæ faciliter copia haberi valeat: Nos hujusmodi malitiis, quæ frequenter in nostris civitate & Diocesi, ut audivimus, committuntur, obviare volentes, præmissa districte fieri, aut procurari de cætero prohibemus, sub pœna excommunicationis, quam in contrarium facientes, seu fieri procurantes, ferimus in his scriptis. (1)

Cum vero fides literis ex appensione sigilli habeatur, & jurgia quamplurima atque lites, coram Nobis, & Officiali nostro, quotidie, pro Sigillorum incognitorum, quibus Presbyteri nostri subditi utuntur, diversa ac varia mutatione oriantur & emergant, & ad Nos gravis querela nonnullorum subditorum nostrorum sit propter hoc perlata; ea propter volentes super his remedium apponi opportunum, provida deliberatione statuimus & ordinamus, quod singuli Curati Nobis subiecti, infra unius mensis spatium a die nostræ Synodi computandum, sub pœna excommunicationis, & viginti solidorum Nobis (si secus fecerint) applicandorum, habeant artum & proprium sigillum, quo utantur communiter, & non alio: cujus impressio penes Curiam nostram in cera remaneat, propter falsitates sigillorum incognitorum evitandas. Proinde, sicut intelleximus, nonnulli Presbyteri, moniti, quod recognitiones, contumacias, & taxationes Curia nostræ exequi differunt, & prætermittunt, multotiens ob favorem, & aliquotiens ex negligentia, metu, aut periculo excommunicationis, in creditorum subditorum nostrorum & Curia nostræ contemptum, damnum, præjudicium, & gravamen, expedit, ut talibus malitiis & periculis via præcludatur. Ea propter volentes

super his remedium apponi opportunum, provida deliberatione statuimus & etiam ordinamus: quod, super quibuscunque recognitionibus, contumacialibus, & taxatorialibus, antequam monitus valeat excommunicari, impetrentur & obtineantur ab Officiali nostro, & a Curia nostra literæ, quæ in eisdem literis infigantur (termino monitionis elapso) sub hac forma:

Officialis Atrebatensis omnibus Presbyteris &c. Cum nobis constet per rescriptionem vestram, vel talis Presbyteri, talem monitum fuisse & esse, ad instantiam talis pro contentis in literis his presentibus annexis: & tempus hujusmodi monitionis sit elapsum, dicto tali de præmissis minime satisfacto, vobis mandamus, quatenus dictum talem, qualem in his scriptis excommunicamus, excommunicatum publice in facie Ecclesie nunciatis: quod inde feceritis &c.

Tenentes tamen illos monitos, fore excommunicatos, qui infra triduum sibi assignarum, de his, pro quibus moniti fuerunt; minime satisfecerunt. Prohibemus vero, ne quis Presbyterorum nobis subditorum, aliquem monitum, virtute & prætextu literarum quarumcunque monitorialium, excommunicatum denunciaret, sine literis prædictis: quæ in eisdem monitoriis infigantur, ac signis audientiarum, & apparitoris nostrorum signentur evidenter, ac sigillo Curia nostræ sigillentur: exceptis tamen literis monitoriis pro Clericis, & bonis eorundem; ac literis, ad instantiam Curia & monitoris nostri, quarum formam & tenorem præcipimus inviolabiliter observari, secundum quod est hætenus consuetum, & prout in eisdem continebitur, quod sic fieri volumus, decernentes irritum & inane, si secus contigerit, quomodo libet indebitè attentari. (2)

Multorum ad Nos gravis querela perduxit, quod nonnulli Curati, & Capellani, Executores mandatorum Curia nostræ, aliquotiens prece, vel favore, & aliquando munere, vel contemptu, seu etiam vano metu, mandata & literas Curia nostræ exequi differant, & negligant: & si aliquantulum exequantur,

(1) *Sequentia ex additionibus Synodalibus anni 1364. deprompta sunt.*

(2) *Paragrapheus, qui sequitur, excerptus est ex Constitutionibus Synodalibus D. Petri Mansuerii, Episcopi Atrebatensis, editis anno 1375.*

quantur, hoc fit ita generaliter, & confule & obscure, præsertim in denunciatione excommunicatorum, dicendo sic: *Illos denunciamus excommunicatos & aggravatos, de quibus mandata recepimus.* Vel alias nequaquam intelligibiliter, adeo, quod frequenter patiuntur, & permittunt scienter, excommunicatos cum fidelibus in Ecclesiis suis esse, quando celebrant juxta & prope eos in Choro, & circa Altare, cum eisdem excommunicatis participantes, & in sua malitia, & errore ipsos damnabiliter sustinentes, in grave præjudicium animarum suarum, & scandalum plurimorum: unde censura Ecclesiastica disciplina vilescit, & autoritas Mandatoris ducitur in contemptum, Curiaque nostræ (quæ ex hoc culpabilis non existit) detrahitur per culpam, seu negligentiam dictorum Curatorum; propterea volentes super his providere, in virtute sanctæ obedientiæ, & sub pœna transgressionis nobis præstiti juramenti, nec non suspensionis & excommunicationis, ac sub pœnis privationis & amissionis beneficiorum suorum, ac decem librarum Parisensium, piis usibus applicandarum, præcipimus & iungimus omnibus & singulis Presbyteris subditis nostris, quatenus hujusmodi mandata nostra, & literas, quæ sibi exequenda deferuntur, diligenter & fideliter exequantur, secundum tenorem ipsorum mandatorum, adeoque per eorum incautam seu negligentem executionem, Portitoribus, seu Procuratoribus literarum hujusmodi, nulla injuria inferatur, eosdém Portitores & Procuratores celeriter expediendo, juxta formam dicti Statuti, quod excommunicatos, aggravatos, nominatim, & specificè denuncient & publicent, in suis Ecclesiis diebus Dominicis, omni favore postposito, & a participatione excommunicatorum se abstineant, nec celebrent scienter in eorum præsentia; alioqui ipsos curatos Presbyteros, & Executores, præsentis nostræ intentionis, inunctionis & præcepti transgressores, & contemptores pronunciamus & declaramus in his scriptis, ex nunc, prout ex tunc dictas sententias & pœnas, perjuriique reatum damnabiliter ipso facto incurrisse, & in casu, quo ad personas partium,

Tomus VIII. Concilior. German.

per eorum ferocitatem, seu temerariam præsumptionem, vel ob inhibitionem Domini, seu Dominorum temporalium loci, vel alia de causa non audent mandata hujusmodi exequi: statuimus & ordinamus, quod talium executiones fiant in Parochiali Ecclesia, vel in propinquiore, ubi tute fieri possunt, & ad valvas Ecclesiæ copia hujusmodi mandatorum per Curatos affigatur, de hisque rescribant Officiali Curia nostræ. Talium vero executiones, literas; & processus super his factos, decernimus validos ac valere, ac si & prout dictæ executiones factæ forent, & existerent ad personas, contra quas mandata hujusmodi impetrantur.

In executione mandatorum Curia graviter peccari nonnunquam constat, dum Curati locorum Clerici, Notarii, vel dictorum mandatorum Executores, sese dicta mandata executos esse, vel propriis signis testantur, antequam tamen citationem ipsam personæ citatæ indicaverint; cum enim ad eos hujusmodi executio, per Statuta Synodalia propriumque juramentum pertineat, ut apparitores vel portitores dictorum mandatorum, quasi probe functo munere, citius possint domum remeare, sæpius falso chirographo de facta dicta executione testantur, quapropter, quum hac de causa rei (qui in judicium vocati sunt) sæpius, nunc velut contumaces mulcentur, nunc sententia excommunicationis innodentur, quasi legitime citatione facta; notorium illum abusum ex Curia nostra auferre volentes, Statuimus & ordinamus, ne deinceps ex solius exequentis chirographo ad hujusmodi gravamina procedatur: Sed in executione quorumcunque mandatorum, literarum & processuum, a nobis, seu Officiali nostro emissorum, dies, mensis, annus, nomen exequentis, locus & modus executionis: an ad personam, vel ad domicilium facta fuerit, adponantur; ut sic videlicet executor a tergo mandati scribat: *Executum est præsens mandatum, per me N. Plebanum Ecclesiæ N. Clericum, aut Notarium ad personam, aut ad domicilium talis: nomen suum, & Ecclesiæ ad cognomen proprium exprimendo anno infra scripto, die tali, mensis talis: ut videlicet de hujusmodi executione legitima fiat fides.* Cum

N n 2

autem

autem jura etiam decernant, ut qui alium in jus vocat, ipse actionis suæ speciem edat, quo reo possit esse clarum, utrum liti cedere, an actione experiri malit, & jura (præsertim Canonica) manifeste, ex facti ratione speciem Judicii demonstrari velint; injungimus omnibus actoribus, & Procuratoribus Curiae nostræ Atrebatensis, ne citationes aliquas decernant, nisi legitima expressa causa, ut citato facile constare possit, qua de re in judicio futura sit controversia: turpe enim est & calumniam sapere videtur, comparente reo in judicio, deliberare velle, quid, aut qua de causa petatur.

XXXVII. De executione Mandatorum Judicum delegatorum.

Mandatum alicujus, qui se executorem, conservatorem, aut delegatum a Sede Apostolica asserit, aut affirmat: firmiter & districte exequi prohibemus, nisi prius de authentico fiat ostensio exequenti: prohibemus etiam, ne ad mandatum prædictorum citetur aliquis, donec primitus facta fide de jurisdictione, & potestate mandantis, citandus vel citatus (si eam habere voluerit) de eisdem suis expensis copiam integram habeat: nec alias Curati, vel alii Executores, eum citasse referant, seu rescribant, seu ipsum habeant pro citato, nisi forte aliquem absentem, vel contumacem, seu impedientem, ne possit ad eum citatio pervenire, citarent publice ad domicilium, vel in propria Ecclesia, reperto Procuratore ejusdem, seu aliquo de familia, vel quavis alia persona petente, vel recipiente dictam copiam de hujusmodi literis vel mandato. Per præmissa enim jurisdictionem Apostolicam (qua tales fungi se asserunt) non intendimus impedire, seu perturbare, sed potius abusibus fraudulosis, & malitiosis vexationibus (quæ frequenter circa præmissa fiunt) pro viribus obviare.

XXXVIII. De Abusoribus.

Item abusores literarum Apostolicarum quarumcunque, seu legatorum,

vel subdelegatorum (si dictus abusus in gravamen, injuriam, seu detrimentum juris alicujus fiat) nec non & dantes ad dictum abusum consilium, & favorem, excommunicationis sententiam ipso facto incurrunt, a qua (nisi in mortis articulo) per Nos, vel Officialem nostrum absolvi non possunt; & tunc, & primitus refusus expensis & damnis læso. Et si in mortis articulo ab aliis absolvantur, si recuperata sanitate non satisfecerint infra mensem, in pristinam sententiam eosdem reducimus ex tunc in his scriptis: Mandantes nihilominus Decanis, & Curatis locorum, ut saltem semel in quindecim diebus die Dominico, seu Festivo tales abusores in Ecclesiis suis excommunicatos publice studeant nunciare.

XXXIX. De Portitoribus literarum.

Præcipimus etiam prædictis Curatis & Decanis, quod si alicui portitori nostrarum literarum, seu Curiae nostræ injuria inferri contigerit; utpote ipsum verberando, capiendo, seu detinendo, aut literas ipsas lacerando, moneant malefactores, seu injuriatores hujusmodi, ut infra triduum post monitionem suam, Nobis, vel Officiali nostro præmissa competenter emendant, & nihilominus injuriato portitori satisfaciant. Quod si non fecerint, moniti prius, elapso triduo, ipsos (quos in his scriptis excommunicamus) excommunicatos, palam & publice non differant nunciare. Præterea nomina talium, Promotori Curiae nostræ (quam cito commode poterunt) adferant, vel transmittant. Quod si detenti fuerint dictarum literarum monitores; moneant detentores, ut ipsos indilate expediant, alioqui ipsos statim dicti Curati excommunicent, & cessent a Divinis, quousque restituti fuerint, & Nobis, vel Officiali nostro fuerit emendatum.

XL. Qualiter venientes ad Curiam debent plena libertate gaudere.

Item si quis veniendo ad suam diem coram Nobis, vel ad Curiam nostram,

fram, existens in conductu nostro, vel Curia nostra prædicta captus fuerit, arrestatus, aut detentus, aut infidiose, qua veniebat ad Curiam, vel ibidem litigabat, verberatus, moneantur per Decanos, seu Curatos, arrestatores, seu detentores, & omnes, quorum ope, consilio; vel favore præmissa fuerint facta, ut indilate post monitionem eis factam; detentores dictum citatum, seu venientem ad suam diem, dearestent, & deliberent, ac infra triiduum tam Nobis, quam injuriato emendam faciant competentem. Alioqui ipsos omnes & singulos excommunicent sine alterius expectatione mandati, & cessent a Divinis, quousque ad emendam venerint humiliter & devote.

XXI. De Clericis captis, & eorum bonis.

Item si quis Clericus, vel persona Ecclesiastica, aut eorum bona mobilia, seu caella, per laicalem justitiam capti, & arrestati fuerint, ipsos moneant indilate, ut post monitionem hujusmodi dictos Clericos, vel personas Ecclesiasticas & eorum bona delibereint, & dearestarent; alioqui exer-

centes dictam justitiam, prædicti Decani, & Curati excommunicent, & excommunicatos a Canone nuncient, & cessent a Divinis, quousque deliberati, & dearestati fuerint: servantes in hac parte Constitutiones Conciliorum Provincialium, quæ sunt Compendiensis, Silvanestensis, & Noviomenis. Nobis tamen, & Officiali nostro primitus consultis, quoad terram Comitum Atrebatensis. (m)

XLII. De Sententia Excommunicationis, & ex quibus causis, tam per Synodales Constitutiones, quam Provinciales, quis incurrit sententiam excommunicationis ipso facto.

Scire debent Sacerdotes, & personæ Ecclesiasticæ, maxime Curati, quod duplex est excommunicatio, scilicet major & minor: & licet etiam tertia species possit assignari, quæ est anathema, in hoc tamen non est vis facienda: quia anathema major est excommunicatio, & non differt a majori quoad effectum, sed solum in eo, quod cum majori solennitate fulminatur. Et est notandum, quod major excommu-

nica-

(m) In editione antiqua, inseritur hoc loco sequens Caput:

De contumacia non venientium ad Synodum, vel minus debite recedentium ab eadem.

Omnes, qui ad nostram Sanctam Synodum venire tenentur de consuetudine, vel de jure, personaliter compareant, & intersint in eadem: nisi corporalis infirmitas vel alias urgens necessitas, seu evidentissima causa eos habeat excusatos. Quo casu per procuratorem legitimum cum mandato, continente specificæ & expresse causam & impedimentum, quare personaliter non venerint: & cum potestate audiendi, referendi, & consentiendi mittere teneantur. Alioquin contumaces reputamus eosdem. Statuentes ex nunc, quod dicti contumaces sub pena decem librarum parisiensium, infra mensem a die Synodi numerandum: compareant personaliter coram nobis facturi emendam congruam de contumacia seu contemptu. Item precipimus Prelatis, abbatibus, decanis, & curatis: quatinus synodales constitutiones secum afferant: & antequam recedant: nobis, vel illi, seu illis, quem seu quos ad hoc deputavimus, eas exhibeant, & hoc sub pena excommunicationis, & quadraginta solidorum piis usibus applicandorum. Nullusque dum venerit ad synodum, presumat sub eadem pena recedere, sine nostra licentia speciali. Item monemus omnes & singulos, qui ad sanctam synodum venire tenentur: ut hæc nostra statuta synodalia in hac presenti compilatione contenta habeant: & sub penis in eisdem contentis teneant inviolabiliter, & observent: & quantum poterunt, procurent inviolabiliter observari. Item ordinamus & precipimus prædictis personis; que constitutiones synodales habere & observare tenentur: ut in eisdem frequenter studeant, ne per ignorantiam contentorum in eisdem ipsos errare contingat: seu aliquid eorundem omittere: vel pretextu ignorantie committere, quod sibi vel suis subditis pariat periculum animarum. Et quod saltem semel in mense eas integraliter videant & perfecte legant.

nicatio separat hominem a Corpore Christi, quod est Ecclesia, hoc est, a communione fidelium, & administratione & perceptione Sacramentorum, nec non a quolibet alio actu legitimo. Unde excommunicatio diffinitur: excommunicatio est a communione quolibet licita, & quolibet legitimo actu separatio. Doceant ergo Curati Parochianos suos, quod nihil tantum debet timere Christianus, quam excommunicationem majorem, cum per eam Christianus separatur a corpore Christi. Si enim est Christianus separatus a corpore Christi, jam non est membrum Christi, & si non est membrum Christi, non vegetatur, non vivificatur Spiritu Dei: & quisquis (secundum Apostolum) non vivificatur Spiritu Dei: & quisquis (secundum Apostolum) Spiritum Dei non habet, is non est ejus membrum, nec filius. Prædicent ergo intelligibiliter & sensibiliter suis Parochianis, quod, ut membrum separatur a corpore humano, efficitur putridum, nec vitam, nec humorem habet; sic nec alicujus boni operis, aut gratiæ spiritualis communionem anima, quæ est separata per excommunicationem a corpore Christi, scilicet ab Ecclesia: & nisi per reconciliationem & satisfactionem dicto corpori confederata fuerit, & introducta intra Ecclesiam; in fine janua Regni cœlestis eidem claudetur. Ista ergo pœna multum debet timeri, scilicet excommunicatio, qua (juxta Canonicas Sanctiones) in tota Dei Ecclesia, non est dare majorem & periculosiorem, si sustineatur animo indurato. Minor autem excommunicatio separat tantum a perceptione Sacramentorum, & infligitur quandoque ab homine, quandoque a jure, sicut major excommunicatio. Quandoque ab homine, scilicet, quando Sacerdos confitentem & pœnitentem ex certa causa suspendit a perceptione Sacramentorum, & quandoque loco pœnæ, scilicet quando confitens non vult pœnitere. Quandoque infligitur a jure per sententiam Canonis, ut cum quis participat scienter cum excommunicato majore excommunicatione a Judice, vel a jure. Et ideo docere debent Parochiales Sacerdotes populum suum, quod non

participent cum excommunicatis, quia sic faciendo privati sunt ab omni perceptione Sacramentorum, nec possunt ea recipere, nisi fuerint prius absoluti. Sacerdos tamen curatus, ab illa minore excommunicatione potest eos absolvere. Sciendum est etiam, quod nullus debet participare cum excommunicatis, orando in Ecclesia cum eis: imo statim debet exire, si viderit eos: salutando, quia non debet eos salutare: communicando, quia non debet cum eis communicare, nec loqui cum eis, nec habitare in domo, in qua ipsi habitant, nec comedere in mensa, nec exercere in eorum societate aliquem actum, quem ipsi exerceant, nec in aliquo alio casu, nisi loquendo de salute animarum eorum, & de illis, quæ prosunt ad salutem, & absolutionem obtinendam.

Hanc minorem excommunicationem debent multum timere Presbyteri, qui frequenter celebrant: quia talis excommunicatio est multum vicina irregularitati, unde non debent celebrare in præsentia excommunicatorum, quod si faciant, prima vice est eis ingressus Ecclesiæ interdictus, secundum unam opinionem, per *Capitulum. Episcoporum. de Privilegiis. Libro sexto.* Et quicumque postea celebrant, nisi ab illo interdicto fuerint absoluti, sunt irregulares: quia is, cui ingressus Ecclesiæ est interdictus, si celebrat in Ecclesia, irregularis est per *Capitulum: li. cui. de sententia excommunicationis. Eodem Libro.* Quare in his summe debent cavere, tum propter periculum prædictum; tum etiam, quia per se ipsos docere debent, qualiter alii debeant excommunicatos evitare: quia quod agitur a Superioribus, de facili trahitur a subditis in exemplum. Statuimus etiam, & districtè præcipimus omnibus & singulis Decanis, & Parochialium Ecclesiarum Rectoribus nostræ Civitatis & Diocesis sub pœna excommunicationis, & viginti librarum, quod quilibet eorum registrum habeat, supposito etiam, quod in sua Parochia excommunicatos non haberet, in quo registro nomina excommunicatorum Parochiæ suæ (si qui sunt) nomen Judicis excommunicantis, & personæ,

ad cuius instantiam, quis excommunicari mandatur, ponant & inscribant, nec non diem, mensem, & annum: & utrum pro re cognita, iudicata, & confessata, vel manifesta ostensa: an pro contumacia, vel contemptu: & in principio huius tituli, seu registri ponatur, de grossa litera titulus: *Hoc est Registrum Excommunicatorum.* Et illud registrum ponatur in certo loco & publico, seu sapius frequentato, utpote, consuant in principio Breviarii, seu Missalis, si necesse fuerit, ad finem, quod si aliquis dictorum Curatorum decesserit, dictum registrum a successore valeat reperiri, ut etiam faciliter possit informari, si in sua Parochia sint aliqui excommunicati, nec non: quia alias possint exinde multa pericula & inconvenientia provenire. Successor vero nomina excommunicatorum ignorans, & eadem inregistrata minime reperiens, possit (non sine magno periculo & scandalo) plurimos excommunicatos, cum non excommunicatis admittere, ad Ecclesiastica Sacramenta, & eosdem tanquam absolutos, in morte recipere ad Ecclesiasticam sepulturam. Sub prænominis quoque prædictis, eisdem Decanis & Curatis præcipimus, ut postquam aliquis per annum in excommunicatione steterit, hoc Curati denuncient Decano loci, infra octo dies a lapsu anni numerandos: & Decani ex tunc infra alios octo dies, Officiali nostro, vel Promotori Curiae nostrae significare studeant diligenter: & cum hoc etiam, an dictus excommunicatus potens sit ad satisfaciendum creditoribus, & facere se absolvi: nec non ut ex hoc, contra dictum excommunicatum, de majori, vel minori contemptu, vel vilipensione censuræ Ecclesiasticæ præsumatur. Prima enim facie talis videtur sapere hæresim, saltem contemptum non modicum Dei, & Sanctæ Matris Ecclesiæ. Nam quisquis ab Ecclesia Dei, & communione fidelium, tam diu voluntarie remansit separatus, hæresim sapere videtur. Districte etiam præcipimus, scire casus, in quibus ipso facto incurritur sententia excommunicationis tam per Synodales Constitutiones, quam Provinciales. Et quia cavetur supra in titulo, de Confessionibus,

& districte præcipitur omnibus curam animarum habentibus, quod extrahant ab omnibus Constitutionibus Synodalibus & Provincialibus, omnes & singulos casus, occasione quorum subditi possunt sententia excommunicationis, per easdem Constitutiones ipso facto ligari, & ad finem debitum (in dicto versiculo) qui incipit: *Districte etiam præcipimus*, comprehensum: idcirco ut facilius possint eosdem casus extrahere, quoddam repertorium eisdem in isto titulo duximus consultius ordinandum. Primus enim casus habetur in titulo: *de Matrimonio*, circa finem. Secundus casus in titulo: *de Sacramento Ordinis*, circa medium. Quatuor casus habentur in titulo: *de rebus Ecclesiæ non alienandis*: videlicet duo circa principium, unus prope medium, & quartus in fine. Duo casus habentur in titulo: *de vita & honestate Clericorum*, scilicet unus circa principium, & alius circa finem. Quinque casus habentur in titulo: *de Usuris*. Duo in titulo: *de Testamentis*. Et alii tres in titulo: *de inhumatione corporum & sepulturis*. Tres casus habentur in titulo: *de Privilegiis*. Unus in titulo: *de Immunitate Ecclesiarum*. Quatuor in titulo: *de Mandatis Curiae observandis*. Tres in titulo: *de Interdicto*. In Concilio Compendiensi septem, in Concilio Novionensi novem: quorum primus casus continet in se septemdecim articulos. Et licet in pluribus aliis locis per dictas Constitutiones infligatur dicta excommunicatio comminatorie, nec non & aliæ pænæ tam suspensionis ab officio, & a fructibus beneficii, & a perceptione eorundem, quam aliæ pænæ pecuniariæ, secundum quod videre poterit diligens inspector Constitutionum prædictarum; credo tamen, quod non in pluribus aliis locis reperietur excommunicationis sententia, ipso facto lata. Si tamen per oblivionem, in isto repertorio non fuerit, nihilominus alibi reperta timeatur, & etiam evitetur. Districte præterea præcipimus, quod (saltem semel in mense) in Ecclesiis nominent & publicent dictos casus, & eos intelligibiliter Parochianis suis exponant, dicendo per hunc modum: *Quicumque fecerit sic, & sic, per Synodales Constitutiones & Provinciales,*

les, *sententiam excommunicationis eo ipso incurrit.* Et nos omnes & singulos tales excommunicatos publice nunciamus, specificando singulariter singulos. Deinde omnibus Curatis districtè præcipimus, & mandamus sub obedientiæ debito, & sub pœna transgressionis juramenti, qua nobis astringuntur: quatenus omnibus & singulis diebus Dominicis & Festivis, publice, infra Missarum Solennia, excommunicatos denuncient in Ecclesia sua, verbis Gallicis illos, qui sequuntur, sic: *De l'autorité de Monsieur l'Archevesque de Reims, & du Concille Provincial, & de nostre Reverend Pere en Dieu, Monsieur l'Evesque d'Arras, nous denonçons pour excommunier tous ceulx, qui empeschent la jurisdiction de l'Eglise en ce, que lui appartient de droict, ou de coustume. Item tous ceulx, qui empeschent, ou font empescher, que on ne face point semondre l'ung, l'autre en la court de l'Eglise, & qui font cesser les proces encommerchiez, au cas dessusdictz, Item tous juges seculiers, qui font paier au Clercs amendes, en les constraining a composer a eulx, & les font purger devant eulx de cas: dont la cognoissance ne appartient a eulx. Item & tous Clergs, qui paient amendes ausdictz juges, & qui a eulx se composent, ou purgent devant eulx.* Et præmissa verba ponantur in una scedula, quæ publice & intelligibiliter prædictis diebus Dominicis legantur.

*XLIII. De Interdicto non violando,
& qualiter Interdicto durante
sit celebrandum.*

TEmpore interdicti, non tantum morientes, sed etiam viventes, tam sani, quam infirmi, ad pœnitentiam & confessionem per consequens admittantur, excommunicatis exceptis, qui non nisi in mortis articulo admittuntur. Illis etiam exceptis, quorum culpa, dolo, fraude, occasione, seu causa, ope, favore, vel consilio latum est interdictum: quia tales ad pœnitentiam nullatenus admittuntur, nisi prius satisfecerint, si sint tales, quod satisfacere valeant de edicto hujusmodi, vel de satisfaciendo dederint idoneam cautionem, aut si satisfacere nequeant, vel hujusmodi cautionem præstare, ju-

raverint, quod, cum poterunt, satisfaciant; & ad satisfaciendum, quam cito poterunt, dabunt auxilium, consilium, vel favorem. Et instabunt apud eos, qui satisfacere possunt, quam cito poterunt, quod satisfaciant de delicto prædicto. Nec tunc etiam quoad aliquem prædictorum, ubi Civitas, vel locus alius, seu Universitas extiterit interdicta, facienda est relaxatio interdicti, sed solum recipiatur ad pœnitentiam salutarem, nisi is (propter cujus culpam latum est interdictum) satisfaciat: tunc enim tollitur interdictum. Glo. in C. *Alma Mater.* de Sententia excommunic. in VI. Eodem tempore interdicti in Ecclesiis Collegiatis, & Monasteriis, singulis diebus Missa, & alia Ecclesiastica officia debent dici submissa voce: Interdictis tamen & excommunicatis exclusis, januis clausis, & sine sonitu campanarum, & tam Canonici, quam Clerici, eisdem debent interesse: alioqui distributiones perdunt, sicut perderent, si eisdem officiis non interessent, interdicto non existente. Sed in quatuor Solennitatibus, scilicet Nativitatis Domini, Paschæ, Pentecostes, & Assumptionis B. M., apertis januis, alta voce Divina officia celebrari possunt, excommunicatis prorsus exclusis, sed interdictis admittis; quibus ob reverentiam dictarum solemnitarum (ut ipsi ad humilitatis gratiam, & reconciliationis affectum facilius inclinentur) præfatis diebus participationem permittimus Divinorum: sic tamen, quod illi (propter quorum culpam, interdictum est latum) altari nullatenus appropinquent. In cæteris vero servandum est ab omnibus interdictum, non obstantibus quibuscunque privilegiis concessis, quibuscunque personis, seu locis exemptis, & non exemptis, prout in Decretali Bonifaciana, quæ incipit: *Alma Mater.* situata in titulo, de Sententia excommunicationis, Libro sexto, serius continetur. Quæ quidem Decretalis, & ejus moderatio, locum sibi vindicat in generali interdicto. Et est generale interdictum, cum interdicatur Regnum, Provincia, villa, seu castrum. Non autem in particulari interdicto, puta, cum interdicatur, particulariter una

una Ecclesia: ut, quia Rector non solvit portionem, vel decimam: vel Collegium, vel Capitulum. Tunc ipse Rector, nec ullus alius, (quia de Rectore non est dubium, cum sit in culpa) possit celebrare submissa voce singulis diebus, vel in Festivitatibus quatuor, ut supra dictum est: cum præmissa de generali intelligantur interdicto, & non de particulari. Et nota, quod tempore interdicti, possunt administrari Ecclesiastica Sacramenta, quæ sequuntur: Baptismus, Pœnitentia, una cum Viatico morientibus, sanis autem sine Viatico: Confirmatio, confectio Chris-matis, & Matrimonium, de quo est altercatio inter Doctores, utrum possit fieri tempore interdicti: De hoc non dubito, sed credo, quod non debet solemnizari juxta opinionem Hostiensis. Et sciendum est, quod Religiosi quicunque exempti & non exempti, quibuscunque privilegiis & exemptionibus gaudeant, & cujuscunque ordinis, aut conditionis existant, violantes vel non observantes interdictum positum per Sedem Apostolicam, vel per Ordinarium loci, vel per cessationem generalem Divinorum, factam per Provinciale Concilium, vel per Judicem ordinarium, & Capitula, Collegia, vel Conventus, qui hanc possunt facere, vel indicare, de consuetudine, vel de jure, & qui fraudulenter violare procurant, vel non seryare, januis suarum Ecclesiarum perforatis, aut in eis fenestris fractis, seu modis aliis exquisitis, dum vident Cathedralē, seu Ecclesiam maternam loci servare interdictum, vel cessationes prædictas, excommunicationis sententiam incurrunt ipso facto. Non obstantibus quibuscunque appellationibus, antea ad Sedem Apostolicam, vel alibi (*) interdictis, prout hæc omnia in Concilii Vienneſis Constitutione, quæ incipit: *Ex frequentibus*, plenius continentur. Insuper Nobiles, & Domini temporales, qui in terris eorum Ecclesiastico interdicto suppositis, nedum in Capellis suis, sed etiam in Collegiatis, & aliis locis insignibus Missas, & alia Officia publice, & cum solennitate faciunt celebrari, ad eadem Officia celebranda, nunc hos, nunc illos vocantes, & in-

terdum (quod deterius est) compellentes, & ad ea per campanarum pulsationem, seu voce præcon s evocantes, vel facientes evocari; nec non & illi, qui prohibent subditis suis excommunicatis & interdictis, dum Missarum solennia celebrantur, ne exeant, licet fuerint cum instantia moniti, quatenus exirent: omnes tales prædicti, nec non etiam excommunicati, seu interdicti, qui post monitionem, ut exirent, in eisdem Ecclesiis præsumperint remanere, excommunicationis sententiam meruerunt ipso facto: a qua non nisi per Sedem Apostolicam absolvi possunt, ut in Constitutione Concilii prædicti, quæ incipit (*Gravis*) plenius continetur. Fratres quoque Minores recipientes in suis Ecclesiis, tempore interdicti ad Divina officia Fratres & Sorores de tertio Ordine, quem Sanctus Franciscus instituit, qui pœnitentes, seu de pœnitentia nuncupantur, vel aliquem eorundem, etiam super hoc ille, vel illi privilegiati essent, eo ipso sententiam excommunicationis incurrunt: a qua non nisi per Sedem Apostolicam absolvi possunt; aut nisi satisfactione præmissa per locorum Episcopos (qui in hac parte Apostolica auctoritate funguntur) possunt beneficium absolutionis obtinere. Præmissa autem de interdicto & cessationibus diligenter attendant Curati, vel alii Nobis subditi, ut sciant, qualiter celebrare debeant, & quando, tempore interdicti, seu cessus. Et etiam caveant, & advertant, quod, quando celebrabunt januis clausis tempore cessus, vel interdicti, quod nullos admittant ad Divina, etiam non excommunicatos, vel interdictos, nisi super hoc privilegiati extitissent. Sciendum est autem, quod si sententia interdicti, proferatur in Clerum, propter hoc non interdicatur populus, nec econtra. Cæterum cum propter delictum Domini, vel Rectoris, civitas, vel terra est interdicta, Civēs, vel incolæ possunt alibi audire Divina, nisi propter delictum Domini puniendum, in eis fuerint interdicti. Sed cum populus alicujus terræ est interdictus, singulares personæ de populo non possunt (etiam extra illam

ter-

Tomus VIII. Concilior. German.

(*) forte: interpositis.

terram) audire Divina, nisi in casibus a jure permisiss.

XLIV. De tribus Conciliis Provincialibus: & primo de Concilio Compendiensi per Archiepiscopum Remensem.

STatuimus & decernimus, auctoritate Concilii: quod si in aliqua Civitate, vel Dioecesi, seu loco nostræ Provinciæ Remensis, contingat aliquem Clericum detineri per laicalem justitiam, postquam dictus Clericus fuerit a Presbytero illius loci, vel Officiali, seu Decano rurali, ex parte alicujus eorum legitime requisitus, cessetur a Divinis in loco captionis, seu detentionis, quousque fuerit competenter restitutus: & si dictus Clericus capiatur in una Dioecesi, & extrahatur ab ea, ut ad aliam ducatur, cessetur a Divinis in loco, ubi captus fuerit, & in locis, ubi fuerit translatus: quousque ad locum captionis fuerit reductus, & competenter restitutus. Deinde, cum per laicalem justitiam non debeant puniri Clericorum excessus, nec ab eis emenda levare per Judices sæculares; monemus auctoritate, qua supra, omnes & singulos Judices sæculares nostræ Provinciæ (quovis nomine nuncupentur) ne pro præmissis, seu occasione præmissorum, ab eisdem aliquid exigant, levent, vel recipiant quoquo modo. Contrarium facientes excommunicationis sententia innodamus auctoritate prædicta.

Additio Synodalis:

Et Nos huic articulo addimus, quod Clerici nostrarum Civitatis & Dioecesis Atrebatensis, qui pro delictis, criminibus, maleficiis, excessibus & factis, ab eisdem commissis, jurisdictioni Judicum sæcularium quorumcunque voluntarie se submitunt; subjiciunt, submiserint, seu subjecerint, super præmissis coram eis se purgantes, emendas gagiantes, & solventes compositionem per se, vel alios cum eis facientes, aut factam, vel factas ratificantes, & solventes (cum talia cedant quam plurimum in detrimentum Ec-

clesiæ & libertatis Ecclesiasticæ) eo ipso sententiam excommunicationis incurrun: & super præmissis excessibus, pro quibus præmissa fecerint, habeantur eo ipso convicti. Mandantes districte omnibus & singulis nostræ Dioecesis, quatenus prædictam Constitutionem, cum præsentis nostræ additione, sæpe in suis Ecclesiis solenniter publicent: ne quis possit se ab eisdem (prætextu ignorantia) excusare: & quia nonnulli Scabini, Gubernatores, Rectores, Judicatores aut Communitates locorum & Civitatum, seu Territoriorum & Villarum nostræ Provinciæ (prout intelleximus) conspirationem fecerunt, aut facere nituntur: quod si aliquis de Civitate communitate, territorio, seu loco a suis, seu de suis subditis conveniatur in foro Ecclesiastico, aut contra eum procedatur in dicto foro in causa, in qua potest ibidem de jure, vel de consuetudine conveniri, quod eum ad sumptus communes descendant: propter quod non est dubium, quod jurisdictionem Ecclesiasticam volunt impedire. Et idcirco monemus in his scriptis omnes & singulos Judices sæculares prædictos nostræ Provinciæ, qui talia fecerint, ea revocent infra mensem, de cætero a talibus abstinentes, taliaque, vel consimilia facere non præsumant, nec præmissis utantur: alioquin excommunicationi subiaceant ipso facto. Item cum nonnulli Domini temporales suis inhiabant subditis, ne quis eorum alium trahat in foro Ecclesiastico, in causa a jure, vel consuetudine concessa: quinimo contra sic trahentes procedatur frequenter ad captionem personæ trahentis, & honorum ejusdem, seu amicorum; Nos, ne talia fiant, districte prohibemus, & contrarium facientes excommunicationis vinculo innodamus, & a Canone excommunicatos nunciamus.

Additio Synodalis.

Et Nos huic Statuto adjicimus: Quod ubicunque per Dominos temporales, seu quoscunque Judices sæculares, quovis modo nuncupatos, Civitatis & Dioecesis nostræ Atrebatensis fiant, & proclamantur banna, præcep-

ta, proclamationes, ordinationes, seu inhibitiones contra jurisdictionem Curiae nostrae, vel quasi possessionem ejusdem, seu contra Ecclesiasticam libertatem & prædictam jurisdictionem sunt statuta, seu ordinationes fidei interpositae, seu quacunque alia firmitate vallatae. In primo Casu: in loco, ubi præmissa banna, proclamationes, præcepta, seu inhibitiones publicae fiunt, cessetur a Divinis, donec præmissa revocent, & donec a Nobis, vel Officiali nostro, aliud receperint in mandatis. In secundo Casu: facientes statuta & ordinationes prædictas (nisi destruant hoc infra mensem) & ea servantes, seu secundum ea judicantes, eo ipso sententiam excommunicationis incurunt. Item nonnulli Abbates hujus Provinciae juraverunt & ordinarunt, seu conspirationem fecerunt (ut præfertur) quod si contingat aliquem Episcopum, contra aliquem Abbatem sibi subditum, velle procedere pro suis excessibus, vel ad puniendum eum, quod ad defensionem ejus contribuunt, & ad sumptus communes ipsum defendunt. Quod non est dubium fore in præjudicium sui Episcopi, & contra suae professionis Juramentum, per quod suo Episcopo est astrictus, nec non contra suae Ecclesiae libertatem. Monemus ergo tales, quod hoc revocent infra mensem, alioqui excommunicationi subiaceant ipso facto. Item, si excommunicati publici per biennium sententiam excommunicationis, & amplius animo sustinuerint indurato; vocentur ad primum Concilium, tanquam de hæresi suspecti: Et in eodem Concilio contra tales, prout fuerit rationis, & prout justum videbitur, procedatur. Quæ omnia & singula præmissa volumus in scriptis redigi, & in primo Concilio solenniter publicari: Præcipientes, & districtius mandantes, auctoritate præsentis Concilii, universis & singulis nostrae Remensis Provinciae, quatenus hæc, quæ pro defensione Ecclesiasticæ libertatis, & ipsarum Ecclesiarum statu pacifico duximus ordinanda, (prout decet) servant, teneantque illæsa. In quorum testimonium &c. Datum apud Compendium,

Anno Domini millesimo, ducentesimo primo. Die Mercurii ante Clementis.

XLV. Concilium Sylvanestense.

Quoniam primus articulus hujus Concilii de Generali, quasi de eadem materia, loquitur cum primo articulo Novionensi: idcirco volentes superflua rescare, dictum primum articulum hic non duximus inferendum, & ibidem in suo loco ponemus, quod plus hic continebatur, quam ibi, secundum & ultimum Articulum Sylvanestensis Concilii, qui talis est, solummodo scribendo hic, & etiam recitando. Ad hæc autem Statuta addimus, statuentes & præcipientes, ut omnes & singuli Rectores Ecclesiarum Parochialium nostrae Provinciae, singulis diebus Dominicis & festivis, palam & publice in suis Ecclesiis denuntient excommunicatos, auctoritate Apostolica, & nostri præsentis Concilii omnes, jurisdictionem Ecclesiasticam de jure, vel de consuetudine eisdem Ecclesiis competentem, impediunt, directe, tacite, vel expresse, aut alias quovismodo. Ipsos enim impediunt eandem jurisdictionem; auctoritate præsentis Concilii, sententiam excommunicationis, & anathematis incurrere volumus ipso facto. Hanc autem nostram sententiam in virtute sanctæ obedientiae præcipimus publicari. In cujus rei testimonium &c. Datum in Concilio nostro Generali apud Sylvanestum, Anno Domini Millesimo trecentesimo, decimo septimo, die 22. mensis Martii.

XLVI. Concilium Novionense.

Cum ad nostram pluries pervenerit audientiam, ex querimonia & relatione plurimorum, quod nonnulli tam Domini temporales, quam eorum Judices & Ministri sæculares, pluresque pacis turbatores, non solum contra jura, sed & Sedis Apostolicæ Legatorum, Conciliorum Provincialium ordinationes, & Statuta, nec non contra prohibitiones prædictorum, damnabiliter, in suarum animarum periculum, timore Dei postposito multipliciter delinquentes, pœnas in eisdem juribus, & statu-

tis appositæ, sæpius incurrentes, easque animo indurato non verentes diutius sustinere, quam plures pressuras, injurias, oppressiones, gravamina, transgressiones & offensas viris Ecclesiasticis non solum in eorum bonis, sed in propriis personis, nec non & turbationes & impedimenta multiplicia, & diversa, contra libertatem Ecclesiasticam inferre, vel inferri facere per suos Satellites & Ministros non formidant. *Additionem Synodalem habes in Concilio Compendiensi quoad bannum, & proclamationes. Vide licet:*

Quidam faciendo per eorum Villas, & Castra publice proclamari, ne aliquis de eorum subditis, aut Burgenſibus sub certis pœnis obligent se coram Judicibus Ecclesiasticis, seu deputatis ab ipsis, vel sub literis suarum Curiarum, aut citari faciant unus alterum coram ipsis: nec non inhibendo, seu inhiberi faciendo Curatis, in eorum terris vel Dominis temporalibus constitutis: ac etiam Tabellionibus, Notariis & Commissariis dictarum Curiarum, ne recipiant, aut sigillent, aut quoquomodo exequantur: quodque Tabelliones, Notarii, aut alii Commissarii in terris, Dominio, seu districtu dictorum Dominorum temporalium, seu Judicum secularium, non faciant informationes, auditiones enquestas, & ne officium suum exercent in locis supradictis. Pluresque de supradictis Tabellionibus, Notariis, Commissariis, exercentes ibidem sua officia, vel negotia sibi commissa (prout licebat, & licet) carceribus, propter hoc, mancipando, gravesque injurias, & minas tales eisdem faciendo, & inferendo, quod eos justo metu ductos recedere oportuit, & oportet. Dictis suis auditionibus, vel enquestis, officiis, & negotiis, sibi commissis non inceptis, vel saltem imperfectis: ac etiam plures dictorum Curatorum & Notariorum, & Tabellionum, nec non Portitorum literarum, seu Commissariorum interdum carceri mancipando, mutilando, graviter verberando, viliterque tractando, & quod horribilius est, aliquos morti tradendo, bonaque prædictorum saisiando, capiendos, devastando, capientium vel eo-

rum Dominorum usibus applicando, occasione præmissorum. Nonnullosque prædictorum Curatorum, Tabellionum, Notariorum, Portitorum, seu Commissariorum, ex causis prædictis compellendo ad emendam eis faciendam: Literas plures & registra dictarum Curiarum, a Curatis, Portitoribus, & aliis personis, seu Commissariis violenter extorquendo, dilacerando, ac etiam in locis publicis, seu coram pluribus comburendo: Nonnullosque Presbyteros, Clericos, seu Viros Ecclesiasticos pro delictis & excessibus, eis per ipsos impositis coram se trahendo, & carceri mancipando, & eos in præmissis casibus, nec non in contractibus & actionibus personalibus respondere compellendo, ac ipsos ad emendas pecuniarum condemnando, peregrinationes, aut alias pœnas eisdem injungendo, aut de facto eos banneando, nec non & eosdem coram se purgari faciendo: bonaque mobilia de domibus eorundem, vel in quibus moram trahunt, ejiciendo, & quandoque de dictis domibus eos expellendo, ac dictas emendas ab ipsis personis Ecclesiasticis, tam per captionem corporum & detentionem bonorum, quam per alias vias obliquas extorquendo, nec non & prædictos Clericos & personas Ecclesiasticas pro excessibus & delictis sibi impositis, pro quibus fuerunt a suis Judicibus Canonice puniti, seu etiam absoluti, pro libito temerariæ voluntatis, capiendo, incarcerando, & de facto ad emendas supra dictas, aut earum aliquam compellendo: dictosque Clericos, & personas Ecclesiasticas extra legem ponendo more suo, qui potius dicendus est abusus, & sic prætextu suæ prætexæ consuetudinis, quæ potius potest dici & debet corruptela, talibus personis Ecclesiasticis, sic extra legem positis injuriantes, aut eos occidentes, verberantes, seu etiam mutilantes, per eos nullatenus, aut modicum puniuntur: pluresque personas, debita sua in dictis Curiis petentes, vel jus suum in eisdem Curiis debite prosequentes, & interdum contra suos adversarios, rationabiliter excommunicationis sententiam impetrantes, per captionem corporum, & bonorum eorundem, compellendo,

lendo, ut desistant a suis processibus antedictis: & quod nequius est, ut prædictos suos adversarios, ad eorum instantiam excommunicatos, ut præfertur, absolvi faciant, aut procurent suis sumptibus & expensis; quæ omnia & singula, non solum in detrimentum jurium Ecclesiasticæ libertatis, sed in opprobrium, vituperium, gravamen & damnum ejusdem cedere dignoscuntur. Hinc est, quod nos damnis; & indemnitatibus Ecclesiasticis succurrere volentes, malignantiumque perversitates, temerarios abusus, & nefarios sub loris justitiæ, prout possumus, refrenare: & sub prædictis oppressiōibus, pressuris & injuriis, & cuilibet earundem (prout ex debito tenemur officii) providere volentes: deliberatione super hoc in præsentī Concilio habita pleniori, de totius Concilii providentia unanimi & concordī Statuimus, decernimus & ordinamus: quod quodocunque prædicta gravamina, vel aliquod eorundem, per aliquem Dominum temporalem, vel Judicem sæcularem, aut eorum servitores, & ministros; aut ab ipsis Dominis, seu Judicibus deputatos perpetrari contigerit, vel committi, & hoc Judici ordinario loci, vel Decano rurali, seu Curato Parochiali manifestum, per evidentiam facti, fuerit, seu de hoc eisdem, aut eorum alteri, per juramentum paritis, si fuerit fide digna, cum unius testis adminiculo, vel favore, publice aut alias constiterit competenter; quod tunc juxta formam, & tenorem Concilii Provincialis, tempore bonæ memoriæ Roberti, quondam Remensis Archiepiscopi, celebrati apud Sylvanectum, Anno Domini Millesimo, trecentesimo decimo septimo, quod Statutum fuit editum contra bonorum Clericorum & locorum Ecclesiasticorum occupatores, cessetur a Divinis. Et nihilominus, nisi prædicta gravamina, vel gravamen, sic commissæ, vel commissum, infra octo dies, dicti, reus sive rei, revocaverint cum effectu, & emendam condignam fecerint realiter & de facto, ipsos vel ipsum, qui illud, vel illa perpetraverint, seu perpetraverit, & eisdem dantes auxilium, consilium, vel favorem, auctoritate præsentis Concilii

decernimus & volumus incurrere sententiam excommunicationis ipso facto. Ad cujus sententiæ publicationem juxta dictam Constitutionem Concilii Sylvanectensis procedatur, altero mandato nullatenus expectato. Tenor vero hujusmodi partis Concilii Sylvanectensis, contra dictos occupatores editæ, noscitur esse talis:

STATUIMUS, ut si Dominos temporales, eorum Servitores, aut aliam personam, pia bona Ecclesiarum, Monasteriorum, locorum Religiosorum, Hospitalium, aut aliorum locorum, aut personarum Ecclesiasticarum invadere, rapere, vel occupare contigerit, & hoc Judici ordinario locorum eorundem, vel Decano rurali, seu Curato Parochiali manifestum fuerit per evidentiam facti, & de hoc eisdem constiterit evidenter; si quidem persona invadens, occupans, vel rapiens, quæ per se, vel per alium, ipsa mandante, præmissa perpetraverit, vel perperrata nomine ipsius rata habuerit, vel Dominium, vel jurisdictionem temporalem habeat in loco invasionis, occupationis vel rapinæ, donec spoliato restituere, vel eidem satisfecerit competenter, ibidem & in domo raptoris, invasoris, vel occupatoris (dum tamen sit Dominus temporalis loci, vel jurisdictionem habeat ipse) cessetur a Divinis penitus: nec non & in loco, ubi res invasa, vel occupata detinebitur: & etiam in locis, in quibus invadens, vel occupans extiterit, licet ibi domicilium, vel jurisdictionem non habeat temporalem. Sed in his ultimis duobus casibus, quando res occupata, seu occupator, vel raptor, ibidem erunt, & detinebuntur, tam diu cessetur a Divinis. Si vero persona invadens, rapiens, vel occupans privata fuerit, vel jurisdictionem non habuerit, licet eam exerceat nomine alieno, in quo vel invasa, vel occupata extiterit, in loco, ubi persona invadens vel occupans extiterit, & in loco, ubi invasa detinebuntur: solum quamdiu ibi erunt res prædictæ, vel prædones, & non ultra, similiter cessetur a Divinis: nec non & in loco domicilii ipsius (dum tamen dominium loci, vel jurisdictionem habeat temporalem) donec (ut prædictum

Æum est) spoliata res, quibus spoliata fuerant, integre fuerint restituta, vel ipsis de eisdem fuerit satisfactum. Salva tamen in omnibus moderatione Decretalis: *Alma mater*. Porro ne delictum raptoris in propria persona remaneat impunitum, volumus, ut si infra octo dies a tempore cessationis indicta contra eum, res per ipsum invasas non restituerit, cui tenetur, ex tunc incurrat sententiam excommunicationis ipso facto: ad cujus sententia proclamationem contra ipsum procedatur, altero mandato nullatenus expectato: a qua non absolvatur, nisi prius Ecclesie Parochiali, dicti loci, de suo interesse satisfecerit competenter. Et ne aliqui, obtentu hujus Constitutionis, calumniose occupationem, vel invasionem præstant, statuimus, ut si aliqui reperti fuerint, cessationem a Divinis, contra aliquem indebite procurasse, per Ordinarios locorum, ad expensas legitimas, nec non ad interesse partis, sine juris dispendio condemnentur, & alias graviter puniantur.

Concilium Novionense.

CÆterum, quia tanta personarum prædictarum delicta remanere non debent impunita; volumus, & ordinamus, reos prædictos personaliter fore citandos, ad certam diem, quam Ordinarius loci, juxta personarum qualiter, & locorum distantiam duxerit arbitrandam pro tantis & talibus excessibus, correctionem debitam secundum eorum demerita recepturos, & quod justum fuerit, responsuros: verum quia propter austeritatem & immoderatam potentiam aliquorum Dominorum temporalium, & Judicum secularium antedictorum, Nuntii dictarum Curiarum, de factis præteritis perterriti, verisimiliter dubitantes de futuris, terras, vel districtus eorundem pro personis aliquibus, & præsertim pro dictis Dominis, & eorum Judicibus, aut fervientibus citandis, adire non sunt ausi, propter metum corporis, vel membrorum. Nos volentes contra tales morbos pestiferos, prout est nobis possibile, de salubri remedio providere: Statuimus auctoritate nostri Con-

cilii, & etiam ordinamus; dictas citationes, ad personas dictorum reorum citandorum, si commode valeant apprehendi, alioquin ad eorum domicilia, vel publice in Ecclesia Parochiali dicti loci, dum tamen secure & absque periculo possit haberi accessus, fore faciendas, alioquin videlicet, ut Nuntii dictarum Curiarum, tute vel secure, ad dictos reos, vel eorum domicilia, sive loca, vel ad Ecclesias prædictas non possent accedere, vel auderent, auctoritate, qua supra, decernimus, dictas citationes, monitiones, & processus, cum debito temporis intervallo publice fieri in Consistorio, vel Curia Ordinarii dicti loci, & publice in Ecclesiis Cathedralibus fiant citationes supra dictæ, vel ad valvas Ecclesiarum Cathedralium, aut alio loco eminenti & patenti, scedula, vel litera citationum publice affigantur, ut verisimiliter possint citationes, & processus inde sequuti, ad citatorum, vel citandorum notitiam pervenire: volentes, citationes & processus hujusmodi tantam efficaciam obtinere, sicut si personæ propria dictorum reorum forent apprehensæ.

Nota de aggravatione cessus:

Statuentes ulterius, quod si dicti rei prædicta gravamina cum effectu non revocaverint: si per quindecim dies a tempore cessationis, contra sic interdictæ personæ dictum cessum sustinuerint, absque eo, quod dicta gravamina fuerint per ipsum inferentem totaliter revocata, ac etiam damnorum restitutio & emenda propter hoc realiter facta Judici Ecclesie, & etiam parti læsæ, quod prædictus cessus totaliter aggravetur; quod in loco, sive locis, ubi sic cessabitur, corpora quorumcunque defunctorum, nec corpora totaliter delinquentium decedentium, etiam si fuerint absoluti, in locis prædictis, vel aliis nostræ Remensis Provinciae (nisi de licentia & assensu Diocesani loci, ubi gravamina supra dicta fuerint perpetrata) non tradantur Ecclesiasticæ sepulturæ. Corpora vero Clericorum, qui causam, vel occasionem in præmissis non dederint, sine pulsatione campanarum tumulentur,

tur, etiam in locis prædictis, in quibus dictus cessus observabitur: Matrimonia non solennizentur, nec mulieres post partum ad purificationem admittantur. Quod si Domini temporales, in quorum dominio, vel districtu dicta gravamina, vel aliquod eorundem illata extiterint, vel illatum, ad reparationem dictorum gravaminum per eos, aut eorum Judices, seu ministros, ut præfertur, damnorum restitutionem & emendam competentem, propter hoc realiter faciendam, infra quindecim dies a tempore cessationis prædictæ, taliter, ut præfertur, aggravata non fecerint; sed dictam cessationem, per dictos quindecim dies animo sustinuerint indurato: hoc Sacro approbante Concilio, concorditer ordinamus, quod eorum terra, quam in Dioceſi (qua gravamen fuerit perpetratum) obrinebunt; Ecclesiastico subiaceat interdicto: donec eos ad prædicti gravaminis reparationem realem, damnorum restitutionem, & emendam condignam Judici ordinario dicti loci, Ecclesiæ, seu parti læsæ confiteri pervenisse: salva tamen in omnibus Constitutione, quæ incipit: *Alma mater*. Prædictis omnibus sic delinquentibus penas alias, tam a jure, quam a Sedis Apostolicæ, Legatorum, & Conciliorum Provincialium Constitutionibus contra tales appositas & promulgatas, nihilominus incurſuris. Eos autem, qui prædictas sententias incurrerint, faciant Ordinarii per suas Civitates & Dioceſes publice nunciari. Item ordinamus, quod personæ Ecclesiasticæ diffidationes non faciant, prava consuetudine, quam quidam allegant in contrarium, non obstante. Contrarium vero facientes, sententiam excommunicationis incurrere decernimus ipso facto. Ecclesiasticæ personæ diffidare non debent. Diffidentes autem ipsas personas Ecclesiasticas, & diffidationes jam factas prosequentes, etiam si laici fuerint, eandem sententiam incurrere volumus ipso facto. Item hoc Sacro approbante Concilio ordinamus, & volumus per singulas Ecclesias cujuslibet Civitatis & Dioceſis, tam Collegiatis, quam Ordinarias, quod usus Divini Servitii, in modo officandi, & qui in Ecclesiis

Cathedralibus observari consuevit, & teneri, inviolabiliter observetur: quia conformare se debent officio Cathedralis Ecclesiæ. Item aliqui Domini temporales, multoties occasione quæſita, suis subditis inhiſcent, & defendunt, ne ipsi quicquam vendant Clericis, vel Ecclesiasticis personis, seu aliquid emanant ab ipsis, & ne aliqui eorum terras colant, aut alias cum eis communent: propter quod, sententiam excommunicationis incurrunt ipso facto. Præcipimus tales excommunicatos publice nunciari. Item Judices sæculares, qui pro detentione Clericorum ab ipsorum Ordinariis pro dictorum Clericorum restitutione eis faciendam, Canonicè fuerint requisiti, seu moniti; si dictos Clericos recepta pecunia, vel alias malicioſe abire permiserint, dictis Ordinariis restitutione non facta, excommunicationi subiaceant ipso facto. Item, sicut audivimus, in multis Villis nostræ Provinciæ Joculatores, sive Hiſtriones, de novo candelas cereas tanquam res sacras deferunt, & nituntur proceſſionaliter portare, & dictas candelas, tanquam res sacras, adorare, populum ad idololatriam inducendo: Quod nos de cætero prohibemus, injungentes districtè Ordinariis locorum, quatenus dictos Hiſtriones, seu Joculatores, & eorum fautores taliter puniant, & compellant cessare a dictis idololatriis, & ab eisdem consimilibus, quod cedat aliis in exemplum. Excommunicati sunt tales Concilio Compendienſi. Item volumus & ordinamus, quod Clerici, qui injunctas peregrinationes, vel penas a laicis Judicibus latas sponte peregerunt, vel qui emendas pecuniarias pro excessibus eisdem impositis sponte persolverunt, gravissime puniantur. Item Mendicantes, Curati, & alii Verbum Dei proponentes, populum moneant, & hortentur, informant, & inducant ad decimas persolvendas, intimantes eisdem, quod nisi decimas persolverint, interdiciantur eis ingressus Ecclesiæ, & carebunt Ecclesiastica sepultura. Et licet prædicti Mendicantes hoc facere teneantur, volumus tamen, quod, quotiescunque prædicabunt, hoc faciant sine fraude, alias non habeant potestatem absolven-

di de Casibus Episcopis reservatis. Et maxime in dictas decimas retinentes, dictam potestatem Diocesis specialiter reservamus. Item cum facultas probationum non debet angustari, decernentes ordinamus, quod Capitula compositiones inter Prælatos & Episcopos, ac etiam privilegia, vel alia instrumenta (cum necessitas id exegerit) dictis Prælati, pro causis eorum exhibeant sine fraude, & econtra Prælati faciant Capitulis pari forma. Item statuimus injungentes omnibus Decanis, Capitulis, & Judicibus Ecclesiasticis, in virtute sanctæ obedientiæ, quatenus Clericos & Canonicos sibi subditos moneant, ut incedant in tonsura & habitu congruis & decentibus, eosdem ad hoc per subtractionem distributionum, & alias Canonice compellentes. Item inhibemus omnibus Presbyteris & personis Ecclesiasticis, ne miracula, quæ de novo dicuntur evenire, in suis locis vel Ecclesiis solennizent, Ordinario super hoc inconsulto.

Nota excommunicatos Judices laicos, qui auferunt Tonsuram Clericis per eos detentis.

Item quod nonnulli Domini temporales, & Judices sæculares, seu eorum ministri, cum Clericos quandoque pro excessibus aliquibus de facto sibi impositis capiunt, & detinent, vestes Clericales & tonsuram auferunt, aut utrumque, crines eorum radendo, aut radi faciendo, vestesque radicatas dictos Clericos induendo: ipsos omnes & singulos, cum eorum fautoribus, præstantibus auxilium, consilium, & favorem in præmissis, volumus sententiam excommunicationis ipso facto incurrere. Item Laici se fingentes Clericos fraudulenter, tonsuram Clericalem propria auctoritate, immo verius temeritate, assumptes, excommunicationis sententiam cum suis participantibus incurrunt ipso facto. Item, cum (sicut intelleximus) quidam Domini temporales, eorum Judices, & laicalem justitiam exercentes, Constitutioni Sylvanestensi fraudem facientes, quandoque Clericos, vel eorum bona detinent, pro sua temeraria voluntate, & ante octavam diem illos reddunt,

ut sic Ecclesiarum Curati, absque Ordinarii mandato, organa Divinæ laudis resumant, ut excommunicationis sententiam dicantur evitasse, quam post illos octo dies ipso facto incurrentes, resumptis Divinæ laudis organis, iterum dictos Clericos capiunt, seu eorum bona saisunt pro causis eisdem, pro quibus ipsos ipsi primi tenuerant: quod est in illusionem dictæ Constitutionis, atque fraudem. Statuentes igitur decernimus, quod qui perpetraverint talem fraudem, excommunicationis sententiam incurrant ipso facto.

XLVII. De Promotoribus.

Cæterum, quam plurimorum Dominorum & Judicum quorumcunque sæcularium, gravem querimoniam accepimus, continentem, quod nonnulli Promotores Curiarum Ecclesiasticarum, & etiam Procuratores, ad excessus eorum, homines & subditos, ac burgenſes, varia & diversa crimina & excessus, exquisitis coloribus fictis eisdem imponendo, non solum corporibus propriis, & cum gravi scandalo, eos damnificant, & fatigant, sed etiam cum magnis, & gravissimis sumptibus, & expensis; Nobis supplicantes, ut vellemus circa hæc de remedio opportuno providere. Nos vero attendentes fore rationi contrarium, ut exinde nascantur injuriæ, unde deberet justitia provenire, statuimus: quod de cætero nullus Promotor, aut Procurator ad excessus aliquem citari faciat; aut procuret contra eum super aliquo crimine, vel excessu, & præsertim tali, ratione cujus persona ipsius citari posset in posterum denegari, seu scandalum contra ipsum oriri, nisi verisimiliter videatur eisdem, quod justam causam habeant procedendi contra tales: super quo eorum conscientias oneramus. Et ad hoc cum ad dictum officium assumuntur, per juramentum astringantur; nec tunc etiam ultra primam citationem, procedatur per eosdem, Officiali loci super hoc inconsulto.

XLVIII. De Procuratoribus.

Item quia Procuratorum cæcitas, & vorago, adeo pullulavit, quod nullis injustis, vilibus, seu minimis causis immoderatam multitudinem sumptuum, & expensarum lupina crudelitate cumulare cessat: Nos dictorum Procuratorum calliditatibus (prout est nobis possibile) obviare volentes; iungimus omnibus & singulis Iudicibus ordinariis, quatenus ipsi provideant diligenter, præcavendo, ne dicti Procuratores Curiarum, ac literarum Portitores, sumptus & expensas immoderatas faciant, ut est dictum, sed ipsi Ordinarii taliter provideant, more Patrum, quod ipsorum subditi malitiosis cupiditatibus talium indebite non vexentur: injungentes, & districte præcipientes Officialibus, & aliis Ecclesiasticam jurisdictionem exercentibus, nec non Decanis ruralibus, & Curatis Provinciæ Remensis, quatenus nostram Constitutionem, seu Constitutiones diligenter, prout ad quemlibet pertinuerit, exequantur, & observent, ac easdem Constitutiones per loca Ecclesiarum suarum & jurisdictionum publicari faciant, & exequi, ac inviolabiliter observari. Datum apud Novionium anno Domini MCCC. quadragésimo quarto, 26. Junii. Et Nos omnibus & singulis Abbatibus, Decanis, Curatis, & aliis personis Ecclesiasticis quibuscunque, Civitatis & Dioecesis Atrebatensis præcipimus, & mandamus, quatenus has Constitutiones Conciliorum prædictorum habeant, ac omnia & singula in eis contenta quilibet eorum, prout ad suum spectat officium, legat, publicet in sermonibus & Ecclesiis suis sæpe & sæpius, dum populus convenerit ad Divina, ad finem, quod nullus ignorantie causam valeat allegare, exequantur inviolabiliter, & observent, & Synodalibus Constitutionibus adungere non postponant, alioquin Nos etiam præter penas in eisdem Constitutionibus contentas, eos graviter puniemus, prout cujuslibet negligentia, seu contemptus suadebit.

XLIX. De Revocatione Gratiarum.

Cum reducimus ad exactæ considerationis examen, propter importunitatem potentium, nonnulla frequentius concedi, quæ forent rationabiliter deneganda. Monemus (nec immerito) ut gratiæ maximæ, quæ quandoque, propter importunitatem prædictam, nec non & quandoque surreptitice, veritate tacita, & falsitate nonnunquam expressa, tam a Nobis, quam a nostris Vicariis & Prædecessoribus, seu Vicariis eorundem, in læsionem & præjudicium Ecclesiarum, & dispendium salutis subditorum hætenus concessæ sunt, & in posterum concedentur, tempore brevi finiantur: quo dicta importunitas impetrantium, seu petentium (cum viderint easdem modico tempore duraturas) ab impetratione earundem propensius compescatur. Et ideo hac nostra Synodali Constitutione, provide ac salubriter ordinamus: quod omnes gratiæ, de & super non residentia concessæ, & in posterum concedendæ quibuscunque personis Ecclesiasticis in Diocesi nostra beneficiatis: celebrandi in Oratoriis, seu Capellis, celebrandique bis in die: audiendi confessiones, indulgentias pro quæstis exponendi: aut quæcunque gratiæ, sub quacunque forma verborum, quibuscunque personis sæcularibus & Regularibus, mendicantibus, & non mendicantibus, exemptis, privilegiatis, seu aliis non exemptis, ad tempus concessæ, seu in posterum, ut dictum est, concedendæ durent, & durare intelligantur solum a tempore concessionis usque ad Synodum immediate sequentem: advenienteque Synodo, careant omni robore & firmitate, etiam si ad prolixius tempus dictæ gratiæ fuerint ordinatæ: etiam si caveretur in eisdem, quod per revocationem generalem, in Synodo faciendam, forent minime revocatæ, familiaribus nostris, nec non & Domini Cardinalium duntaxat exceptis. Quorum gratias per modum concessionis, & ad tempus eisdem limitatum valere volumus, hac Constitutione edita in contrarium non obstante. Nullus ergo subditorum no-

P P

stro.

strorum has Constitutiones nostras Synodales audeat temere violare; nec alias Constitutiones, præter istas, pro Constitutionibus Synodalibus recipere, sub pœna inobedientiæ, nec non & gravissimæ ultionis.

Cæterum nostræ intentionis existit, quod omnes pœnæ contentæ seu positæ in Statutis Prædecessorum nostrorum, & nostris, correctis tamen prout sunt, & sicut in præsentibus plenius continetur, siue sint sub pœnis ab ingressu Ecclesiæ interdicti, excommunicationis, vel pecuniarum, aut alterius cujusunque conditionis latæ comminatorie, vel ferendæ, vel quovis modo comprehensæ, eo modo quo statutæ sunt, stent, & habeant roboris firmitatem, & ligent rebelles, & contemptores Statutorum eorundem: quibuscunque revocationibus per Nos, vel nostros Vicarios, aut Officialem nostrum in contrarium factis, vel editis non obstantibus: præcipientes vobis omnibus & singulis, Archi-Diaconis, Abbatibus, Decanis, Curatis, & aliis, sub pœna quadraginta librarum Parisiensium in pios usus convertendarum, quatenus infra tres menses, a die datæ præsentium computandos, de ista nostra revocatione & aliis Statutis conditis, nisi alias habuerint, copiam habeant de eisdem, ne prætextu ignorantie quis se valeat excusare.

Anno Quinquagesimo quinto in Sancta Synodo.

Cæterum, quia in quadam nostra Constitutione Synodali, titulo: *de Vita & honestate Clericorum*, continetur, quod Clerici conjugati, gaudere non possunt privilegio Clericali, nisi vestes, & tonsuram deferant Clericalem: occasione cujus nonnulli curiosi de his, quæ non multum impediunt, disputantes, & contra doctrinam Apostoli plus sapere, quam oporteat, affectantes, altruere satagunt, & nituntur, consuetudinem contrariam continentem dictos Clericos conjugatos, foro Ecclesiastico, pro excessibus commissis ab ipsis criminaliter, subiacere, ac privilegio Clericali gaudere, licet vestes non deferant Clericales, dum tamen de titulo doceant Clericatus, per dictam nostram Consti-

tutionem Synodalem fore penitus abrogatam, aut saltem per hanc eidem consuetudini derogatum. Nos considerantes consuetudines esse facti & in factis consistere persæpe, Constitutiones non tolli, nisi de ipsis, & per eum, qui eas tollere potest, in ipsis Constitutionibus fiat mentio specialis, ut unde jus prodiit, interpretatio quoque procedat, declaramus nostræ intentionis non fuisse, neque esse, dictas consuetudini, persæpe factam Constitutionem in aliquo derogare, neque volumus per istam Constitutionem, seu Statutum Synodale, dictam consuetudinem laudabilem, & Ecclesiis utilem, per quam res, quæ de facili ad sui naturam revertitur, in statum pristinum noscitur rediisse, sicut nec possumus, ulla-tenus abolere.

L. De Quæstoribus & Abusoribus.

Quia ex relatione fide dignorum intelleximus, & Nos ipsi experientia certa probavimus in minoribus constitui, quod quam plures quæstores (immo potius mercatores, vel censarii) per Ecclesias nostrarum Civitatis & Diocesis, pro petendis elemosynis accedentes, multotiens eligunt præcipuas & majores Dei, vel Sanctorum Solennitates, & Festa, vel dies, in quibus Religiosi Verbum Dei populo prædicare, & exponere pro salute fidelium hætenus consueverunt; quando fideles debent Divinis laudibus insistere devotius, & spiritualia meditari; nituntur Prædicatoribus hujusmodi se præferre, & eos, a prædicatione Verbi Dei pluries desistere coegerunt, etiam inter Missarum solennia, unde fidelium quies, propter scandali materiam, quæ inde confurgit, per eosdem quæstores nimium perturbatur: hisque non contenti in suarum expositione quæstarum, pro majori parte mendacia & abusiones, ut decipiant simplices, & pecunias a fidelibus subtili & fallaci ingenio extorquere valeant, proferunt, errores seminant, & inducunt: quorum aliqui in Decretali, quæ incipit: *Abusoribus*, de Pœnitent. & Remiss. in Clementin. serioius continentur, fallæque mi-

racula

racula narrant & exponunt : ac Verbum Dei, quamvis nesciant hoc, & si sci-
rent, tamen interdicitur eis a jure
& vetatur, populo prædicant, sæpe-
que Sacram Scripturam pervertunt, &
multa alia detestanda, non sine magnæ
temeritatis audacia, & deceptione mul-
tiplici animarum dicunt, & faciunt in
offensam Divinæ Majestatis, & scanda-
lum plurimorum: idcirco tales abusio-
nes, per quas Clavium Ecclesiæ au-
ctoritas ducitur in contemptum, & præ-
judicium animabus fidelium generatur,
omnino aboleri, & tam nefarios con-
temptores, Ecclesiastica animadversio-
nis mucrone ferire, ut metus pænæ
meta hujus præsumptionis existat, pro-
vida deliberatione præhabita, in hac
Sancta Synodo; per hanc præsentem
Synodalem Constitutionem, quam va-
lere perpetuis temporibus volumus, &
servari, omnibus & singulis quæstori-
bus, ne unquam deinceps talia facere,
vel attentare audeant, aut Verbi Dei
prædicationes facere solitos, seu Divi-
num Officium impedire, vel perturba-
re, vel quæstas suas, in quavis Eccle-
sia, nisi prius nostras, seu Vicariorum
nostrorum literas, super hujusmodi quæ-
stas eis concessas, de data ejusdem anni
post Synodum habuerint, antequam
quicquam aliud, quam in nostris, seu
Vicariorum nostrorum literis concessis
eisdem continebitur, facere, vel expo-
nere, aut asserere, omni Verbo prædi-
cationis excluso, vel aliquem de no-
stris subditis citari, seu vexari facere,
alibi quam coram Nobis, seu Officiali
nostro præsumant: districtius inhiben-
tes. Et hæc omnia & singula statuimus,
inhibentes & præcipientes sub pœnis
suspensionis & excommunicationis la-
tæ sententiæ in his scriptis, & sub pœna
quadraginta librarum Parisiensium, si
secus egerint, Nobis applicandarum:
quas quidem sententias & pœnas, trans-
gressores hujusmodi Constitutionis no-
stræ, & inhibitionis, declaramus &
pronunciamus incurrisse ipso facto. Et
nihilominus talium literas sibi concessas
in dicto casu revocamus. Curatos,
qui quæstos ipsos sine nostris literis,
datis post Synodum nostram ejusdem
anni, recipere præsumperint, pari
pœna decernimus puniendos. Præte-

Tomus VIII. Concilior. German.

rea nostræ intentionis existit, quod
dicti Quæstos, seu aliqui quicunque
pro suis quæstis faciendis inter Missa-
rum solennia minime recipiantur, &
per Curatos minime in hac parte ad-
mittantur, exceptis duntaxat Nuntiis
Ecclesiæ Atrebatensis, Sponsæ nostræ,
quibus ob reverentiam Virginis Glo-
riose volumus deferri, & eos inter
Missarum Solennia recipi de gratia spe-
ciali: non alios, cujuscunque status,
vel dignitatis existant, etiam si contra-
rium in concessis sibi literis concessum
appareret, & caveretur in eisdem, quod
admitterentur, non obstante Constitu-
tione Synodali: quia non volumus no-
stræ hujusmodi Constitutioni derogari.
Quam quidem Constitutionem nostram
præcipimus diebus Dominicis sæpe &
frequenter publicari, una cum supra-
dictis Constitutionibus nostris: ne quis
ignorantiæ prætextu, velamen excusa-
tionis assumat. Uterius præcipientes
omnibus & singulis, qui ad nostram
Synodum venire tenentur, sub pœna
suspensionis & excommunicationis, nec
non 40. librarum Parisiensium, piis
usibus applicandarum, quatenus has
nostras præsentis Constitutiones Syno-
dales, per Nos editas, sub debitis titu-
lis infra mensem, penes se cum aliis
Constitutionibus Prædecessorum no-
strorum in uno libro, seu volumine
habeant, & in eis libris sæpe & frequen-
ter legant, studeant, & advertant dili-
genter: alioqui dictas pœnas non eva-
dent. Nos enim omnia Statuta & Con-
stitutiones Synodales, a bonæ Memo-
riæ Reverendo Patre & Domino, Do-
mino Aginerico, & aliis Prædecessori-
bus nostris Episcopis Atrebatensibus, re-
cte & salubriter editas, ratificamus,
approbamus, & etiam confirmamus.

*LI. Sequentes Constitutiones Syn-
odales per bonæ memoriæ Do-
minum MARTINUM, Epi-
scopum Atrebatensem, Ordinis
Prædicatorum, Sacræ Theolo-
giæ Professore, fuerunt editæ
& publicatæ in Sancta Synodo
Atrebatensi, feria 3. post festum
Beati*

*Beati Dionysii, Anno MCCCC.
decimo.*

Quia negligentia noverca virtutum, & cunctorum genitrix vitiolorum, nonnullos in nostra Dioceſi, (prout facti evidentia demonſtrat, & ad noſtram pervenit proh dolor, notitiam) ſic invaſit Parochiales Sacerdotes, ut jam ſuæ ſalutis immemores eos fecerit Decretorum Sanctorum Patrum, & Statutorum Synodaliū temerarios transgreſſores, perverſores Religionis, Chriſtianæ fidei & devotionis orthodoxæ contemptores, ſectatores quodammodo hæreticæ pravitatis, male ſentiendo de Sacramentis novæ legis. Dum Sacroſanctum Corpus Chriſti, pro communione fidelium in ſuis Eccleſiis, ſub ſpeciebus Sacramentalibus reſervatum, adeo negligenter, incaute, immunde, & irreverenter tractant, & conſervant illud, non debite viſitantes, neque renovantes, prout tenentur juxta Concilii Aurelianenſis, & Synodaliū Statutorum tenorem, quod præfatæ ſpecies Sacramentales corrumpuntur, pulveriſiunt, aut totaliter alterantur, in aliam ſpeciem tranſeunt: quo caſu deſinit eſſe Corpus Chriſti ſub eiſdem, ex quibus abominabilia frequenter generantur: quod cedit in grave Fidei Catholice opprobrium, ſcandalum Eccleſiæ, contemptum Sacramentorum, deſiſionemque cultus Divini, & ad idolatriam inducit populum Chriſtianum. Nos igitur, quem ſuſcepti regiminis, imo verius Dei amor, fidei & Sacramentorum reverentia & devotio ſolicitat, & compellit, ut illa excludamus (pro viribus) a populis Nobis commiſſis, per quæ detrahitur venerationi Dei, fidei, honori, & reverentiæ Eccleſiaſticorum Sacramentorum; ſana conſcientia præmiſſam negligentiam tolerare non volentes, ſed illi (quantum cum Deo poſſumus) obviare cupientes: Mandamus, in virtute ſanctæ obedientiæ & ſub pœna ſuſpenſionis, Parochialibus Sacerdotibus noſtræ Dioceſis univerſis, quatenus inviolabiliter obſervent Statutum *de renovatione Eucharistiæ*, de octavo in octavum diem mentionem faciens, in Capitulo: *de Celebratione Miſſarum*, expreſ-

ſum. Adjicientes, quod quilibet Sacerdos, per cujus negligentiam, & in cautelam contingeret pulveriſieri ſpecies Sacramentales, alterari, aut corrumpi (ut præfertur) triginta diebus continuis in pane & aqua jejunans, tribus menſibus manebit ab officio ſuſpenſus, cum eadem pœna plecti debeat, etiam ſi nihil horroſis exinde contingeret, aut neſandi; niſi per Nos, aut Vicarios noſtros cum eo fuerit miſericorditer diſpenſatum.

*Conſtitutio facta in Sancta Synodo,
a Reverendo in Chriſto Patre ac
Domino, Domino MARTINO,
Atrebatenſi Episcopo, Anno
Domini M. CCCC.
decimo.*

Fide dignorum relatu multiplici auctivimus, quod quidam, titulo alieno, per noſtram Dioceſim pro libito ſuæ voluntatis diſcurrunt, aſſumptis ſecum quibusdam noſtrorum Officiariorum, ut prætextu noſtræ auctoritatis, per huiusmodi aſſumptionem rite agere ea, quæ perperam faciunt, videantur: cum ſine ſtatu, & licentia noſtra ſibi adjungunt, ut eis a noſtris ſubditis melius pareatur, quos in opus noſtri miniſterii per Nos agnoſcunt deputatos, viſitationis, aut alius executionis titulo (ut dicitur) quamvis nulla ſit eis attributa facultas, occasione ſuæ commiſſionis generalis (ſi quam habent) viſitandi, nec non procuratores recipiendi, ſeu alia exercendi: & quia non omni ſpiritus credendum eſt, & cum teneamur probare, qui, & cur aliqui intrant in noſtrum ovile, an tales ſufficienti auctoritate fulciantur per noſtras literas, aut alio evidenti teſtimonio, noſtris debet ſubditis apparere; præcipimus in virtute ſanctæ obedientiæ ſub pœna ſuſpenſionis, ac decem librarum piis uſibus applicandarum, Abbatibus, Prioribus, Decanis Chriſtianitatis, noſtræ Dioceſis, ac Sacerdotibus Parochialibus univerſis, ne tales ſine noſtro ſpeciali mandato recipiant, aut eis obediant quovis modo: quod ſi ſecus factum fuerit, per quemcunque Nobis, aut Vicariis noſtris

nostris significant indilate, ut providere possimus præmissis, prout fuerit juris & rationis.

*LII. Statuta Concilii Remensis
Provinciae, apud Sueffionem, die
Veneris, undecima mensis Julii,
anno Domini M. quadringentesimo
quingagesimo sexto
celebrati.*

Universis præsentis literas inspecturis, JOANNES miseratione Divina Archi-Episcopus Remensis, Joannes Sueffionensis, Antonius Laudonensis, Joannes Ambianensis, & Joannes Sylvanectensis, Episcopi Sutraganei Remensis Provinciae, una cum aliorum Suffraganeorum ejusdem Provinciae absentium, & Cathedralium Ecclesiarum Procuratoribus, in Concilio Provinciali apud Sueffionem congregati, aliis omnibus, qui potuerunt, & debuerunt interesse, debite convocatis in Domino salutem. Cum per longam celebrationis Conciliorum Provincialium intermissionem in hac Remensi Provincia, Status Ecclesiasticus gravem ruinam, & multiplicia incommoda, ac innumera detrimenta patiatur: vepribus & spinis vitiorum per defectum culturæ agri Dominici undique pullulantibus, ac variis oppressiōibus, & gravaminibus ultra modum adversus jura, libertates, & auctoritatem Ecclesiæ excrecentibus, ex quibus Divinus Cultus minuitur, atque in diversis partibus prophanatur, & ipsius Christi Sponsæ splendor atque dignitas plurimum denigratur in offensam Omnipotentis Dei, ad perditionem animarum: Nos in hac Synodo, favente Altissimi gratia, congregati, ad restaurationem Domus Dei, & salutem gregis Dominici, quantum in Nobis est, intendere cupientes: Primo statuimus, ut in singulis Ecclesiis Cathedralibus, ac Collegiatis, atque Monasteriis hujus Provinciae Remensis, Divinum servitium in cantus prolatione, habituum honestate, & aliis ad debitam venerationem Divini cultus pertinentibus, decenter & reverenter, celebretur: cui omnes de Ecclesia debite intersint, Domino servientes

conformiter, ad intentionem Decreti, quod incipit: *Si quis Principem sæculi* &c. deliberationem in congregatione Bituricensi dudum super acceptionem ejusdem Decreti, & aliorum celebrata, ad consuetudines laudabiles singularum Ecclesiarum, monentes Decanos, Cantores, & alios, ad quos pertinet, corrigere defectus Chori, sub obtestatione Divini Judicii, ac pœnis, per eorum Superiores arbitrandis, perturbantes Divinum Officium, cum fabulationibus, risibus, aut alias in eo deliquentes & deficientes, diligenter puniant & corrigant. Præcipimus insuper, & mandamus, hoc inviolabiliter observari, ut vagantes per Ecclesiam deambulando, seu etiam sedentes extra Chorum otiosi, ad invicem confabulando tempore Divinorum Officiorum, præsertim dum Matutinorum, Missæ majoris, & Vesperarum Officia celebrari contigerit, totius diei immolumentum, tam in pane, quam in distributione amittant: & hoc per illos, ad quos pertinet omnino, executione demandetur. Advertantque in singulis Ecclesiis Canonici privati, ut tali hora, sua Capitula tenere incipiant, quod non impediatur ab interessendo majori Missæ, conformiter ad ea, quæ in prædicto Decreto sunt ordinata. Tenor vero Decreti (de quo supra) sequitur sub his verbis: Si quis Principem sæculi rogaturus, habitu honesto, gestu decenti, prolatione non præcipiti, sed distincta, attenta quoque mente, se ipsum ad verba studet componere: quanto diligentius, in hoc Sacro loco, Omnipotentem oraturus DEUM, hæc omnia facere curabit? Statuit igitur hæc Sancta Synodus, ut in cunctis Cathedralibus, ac Collegiatis Ecclesiis, horis debitis, non cursim, ac festinanter, sed attractim, & tractim, cum pausa decenti, præsertim in medio cuiuslibet versiculi Psalmorum, debitam faciendo inter solemne & feriale Officium differentiam, reverenter ab omnibus persolvatur: Horas Canonicas dicturi, cum tunica talari, ac superpelliceis mundis, ultra medias tibias longis, vel cappis juxta temporum, vel Regionum diversitatem, Ecclesias ingrediantur, non capucia, sed

almucias, vel bireta tenentes in capite; qui, cum in choro fuerint, gravitatem servant, quam & locus & officium exigunt: non infimul cum aliis fabulantes, seu colloquentes, aut literas, seu scripturas alias legentes, & cum psallendi gratia ibidem conveniant, muta & clausa labia tenere non debent; sed omnes (præsertim, qui majori funguntur honore) in Psalmis, Hymnis, & Canticis Deo alacriter modulentur. Cum dicitur: *Gloria Patri, & Filio, & Spiritui Sancto*; omnes consurgant: cum nominatur illud Gloriosissimum Nomen, JESUS, in quo omne genu flectitur celestium, terrestrium, & infernorum, omnes caput inclinent. Nemo ibidem, dum horæ in communi publice cantantur, legat & dicat privatum Officium: nam non solum obsequium (quo obnoxius est) Choro subtrahit, sed alios psallentes perturbat. Super his debite observandis, aliisque ad Divini Officii prosecutionem, ac Chori disciplinam spectantibus, Decanus, vel cui onus incumbit, diligenter invigilet, hinc inde, ne quid inordinate fiat, circumspiciens. Horum autem transgressores, illius Horæ, in qua circa prædicta exceßerint, vel alia majori (prout transgressionis gravitas exigit) plectantur poena, salvo tamen laudabilibus consuetudinibus, & statutis, ac observantiis spectabilibus Ecclesiarum singularum Regni & Delphinatus. Insuper mandat & præcipit hoc Sacrum Concilium, ut turpis ille abusus in alio Decreto, per dictam Congregationem acceptato prohibitus, omnino a singulis Ecclesiis, a Monasteriis quorumque Religioforum, & Religiosarum hujus Provinciæ extirpetur: quo larvales & theatrales joci, choreæ, mercimonia, negotiationes, & alia, Ecclesiam, Divinum Officium, vel ejus honestatem perturbantia, fieri prohibentur. Quodque poena contra Ordinarios, Decanos, & Rectores, qui talia fieri permittunt, in eodem Decreto contenta, de suspensione a perceptione omnium proventuum Ecclesiasticorum per trium mensium spatium, etiam in realem executionem demandetur: adjicientes, quod etiam mercimonia & negotiationes intra Ecclesiam fieri nullatenus de cate-

ro permittantur: quodque infra septa, seu clausuram Monasteriorum, tam virorum, quam mulierum, choreæ & tripudia nullo tempore exerceantur per quoscunque; nec enim extra ipsa Monasteria liceat Religiosis personis in quibuscunque locis, præfatas choreas, & tripudia agere. In contrarium facientes, per Superiores eorum debite puniantur. Item Ordinarii & alii Judices, diligenter puniant Clericos, aleæ & ebrietati servientes, ac tabernas etiam frequentantes, & acrius eos, qui tempore jejunii hoc faciunt. Et quoniam Domini Episcopi, qui cæteris exemplum honestatis esse debent, & ea, quæ in Divinis Scripturis, & Sacris Canonibus, ac Juribus statuuntur, in se ipsis maxime observare, ipsi habitus honestos superlunaribus amictos, prout jura volunt, tam in suis Diocesis, quam extra deferant, non nimis breves aut viles, sed nec nimis curiosos: modestiam in incessu & verbis habeant: sinque tales in omni conversatione, quales eos Apostolica regula esse jubet, & Canonica Sanctiones. Hortamur etiam Dominos Episcopos prædictos, quatenus in Ordinibus, etiam prima tonsura, conferendis, ad servitium Dei & honorem Ecclesiæ vigilanter & discrete intendant: talesque ad ipsos Sacros promoveant Ordines, quos & vitæ honestas, & idoneitas personæ, tam in literarum scientia, quam ætate commendent: juxta juris dispositionem, abusus omnes circa præmissa vitantes. Insuper mandamus, & districte præcipimus, Decretum, per Ecclesiam Gallicanam, Bituris acceptatum, intitulatum: *De Concubinariis*, per totam Remensem Provinciam, ab omnibus quibuscunque, etiam si Episcopalis dignitatis, aut alterius præminentia existant, inconcussæ, & inviolabiliter observari: cujus quidem Decreti tenor sequitur: Quicumque Clericus cujuscunque conditionis, status, religionis, dignitatis (etiam si Pontificalis, vel alterius præminentia existat) qui post hujus Constitutionis notitiam (quam habere præsumatur) per duos menses post publicationem ejusdem, in Ecclesiis Cathedralibus, quam ipsi Diocesani omnino facere teneantur, post-

postquam eadem Constitutio ad eorum notitiam pervenerit, fuerit publicus concubinarium, a perceptione fructuum omnium beneficiorum suorum, trium mensium spatio, sit ipso facto suspensus; quos si suus Superior in fabricam, vel aliam evidentem Ecclesiarum utilitatem, ex quibus hi fructus percipiuntur, convertat. Nec non & huiusmodi publicum concubinarium, ut primum esse innotuerit, mox suus Superior monere teneatur, ut infra brevissimum terminum concubinam dimittat. Quod si non dimiserit, vel dimissam, ut aliam publice resumpserit: jubet hæc Sancta Synodus, ut ipsum suis beneficiis privet omnino. Et nihilo minus hi publicum concubinarium (usquequo cum eis per suos Superiores, post ipsarum concubinarum dimissionem, manifestamque vitæ emendationem fuerit dispensatum) ad susceptionem quorumcunque bonorum, dignitatum, beneficiorum, vel officiorum sint inhabiles. Qui si post dispensationem, reciduo vomitu, ad huiusmodi publicum concubinarium redierint, sine spe alicujus dispensationis ad prædicta prorsus inhabiles existant. Quod si hi, ad quos talium correctio pertinet, eos, ut prædictum est, punire neglexerint: eorum Superiores, tam in ipsos de neglectu, tam in illos pro concubinato, modis omnibus digna punitione animadvertant. In Conciliis etiam Provincialibus, Synodalibus, adversus tales punire negligentes, vel de hoc crimine diffamatos, etiam per suspensionem a collatione beneficiorum, vel alia condigna poena severiter procedatur. Et si hi, quorum destitutio ad Summum Pontificem spectat, per Concilia Provincialia, aut suos Superiores propter publicum concubinarium reperiantur privatione digni, statim cum processu inquisitionis ipsi Summo Pontifici deferantur. Eadem diligentia, & inquisitio in quibuscunque Capitulis Generalibus & Provincialibus, quo ad suos, servetur, poenis aliis contra prædictos, & alios, non publicos concubinarium, statutis in suo robore permanentibus. Publici autem intelligendi sunt non solum hi, quorum concubinarium, per sententiam, aut confessio-

nem in iure factam, seu per rei evidentiam, quæ nulla possit tergiversatione celari, notorius est; Sed qui mulierem de incontinentia suspectam, & infamatam tenet, & per suum Superiorem admonitus, ipsam cum effectu non dimittit. Quia vero in quibusdam regionibus, nonnulli jurisdictionem Ecclesiasticam habentes, pecuniarios quæstus a concubinariis percipere non erubescunt, patiendos eos in tali sceditate sordescere; sub poena maledictionis æternæ præcipit, ne sub pacto, compositione, aut spe alicujus quæstus, deinceps talia quovis modo tolerant, aut distimulent: alioqui ultra præmissam negligentiae poenam, duplum ejus, quod propterea acceperint, restituere ad pios usus omnino teneantur. Ipsas autem concubinas, seu mulieres suspectas, Prælati modis omnibus curent a suis subditis, etiam per brachii secularis auxilium, si opus fuerit, penitus arcere. Quod etiam, a tali concubinato procreatos filios, apud Patres suos cohabitare non permittant. Jubet insuper hæc Sancta Synodus, ut etiam in prædictis Synodis & Capitulis hæc Constitutio publicetur: & quilibet suos subditos, ad ipsarum concubinarum dimissionem moneat diligenter. Injungit præterea omnibus sæcularibus Viris, etiam si Regali præfulgeant dignitate, ne ulum qualecunque inferant impedimentum, quocunque quæsito colore, Prælatis, qui ratione officii sui adversus subditos suos, pro huiusmodi concubinato procedunt. Et cum omne fornicationis crimen lege Divina prohibitum sit, & sub poena peccati mortalis necessario evitandum, monet omnes laicos, tam uxuratos, quam solutos, ut similiter a concubinato abstineant: Nimis enim reprehensibilis est, qui uxorem habet, & ad alienam uxorem accedit: Qui vero solutus est, si continere nolit, juxta Apostoli doctrinam, ducat uxorem. Pro huiusmodi autem observatione præcepti, hi, ad quos pertinet, tam salutaribus monitis, quam aliis Canonice remediis omni studio laborent. Et ut nullus, quantumque præfati Decreti prætereundum ignorantiæ, jubemus hoc Decretum per Dominos Episcopos, & tam Cathedra-

thedralium, quam Collegiatarum Ecclesiarum Capitula, nec non Abbates, & cæteros jurisdictionem Ecclesiasticam habentes, infra duos menses a fine præsentis Concilii numerandos, suis subditis intimari: Et deinde in singulis Synodis Dioecesanorum, nec non generalibus quarumcunque Ecclesiarum Capitulis, etiam evocatis ad hoc singulis suppositis earundem, alta & intelligibili voce publicari. Moneant insuper dicti Domini Episcopi, Capitula, Abbates, nec non jurisdictionem habentes, omnes & singulos suos subditos concubinariorum notorios generaliter, quatenus infra trium mensium spatium concubinas suas, seu mulieres suspectas, & diffamatas abjiciant & dimittant. Et quoniam nonnulla Capitula Ecclesiarum ad subditorum suorum, de hoc crimine diffamatorum, correctionem minus diligenter hactenus compereimus processisse; unde peccata indices magis foventur, & deterioribus adaugentur incrementis, in grave scandalum Ecclesiastici Status, & perditionem animarum: præcipimus & mandamus omnibus & singulis Ecclesiarum Cathedralium & Collegiatarum Capitulis, ac Præfidentibus in eisdem, sub pœnis ipsorum suspensionis a Divinis, & aliis per suos Superiores arbitrandis, quatenus post supradictorum trium mensium, a tempore præmissæ monitionis generalis spatium elapsum, infra quindecim dies proxime sequentes, contra singulos subditos suos de hoc crimine diffamatos (qui prædictas concubinas suas realiter & cum effectu non dimiserint) procedant via juris, specialiter & nominatim, ad declarandum eos prædictam suspensionem fructuum spatio trium mensium incurrisse, nec non consequenter, ad ultiores pœnas, juxta tenorem Decreti superscripti, eisdem infligendas. Et si hoc facere neglexerint, Superiores eorum, ad executionem pœnarum prædictarum contra ipsos negligentes sine dissimulatione procedant, ac etiam Episcopos, & alios quoscunque Ecclesiasticam jurisdictionem habentes, qui in ejusdem criminis punitione negligentes invenirentur, Superiores eorum puniant: de neglectu & in defectu ipsorum, pœ-

nas contra concubinariorum supra dicto Decreto positas, cum omni diligentia realiter exequantur. Injungimus universis Episcopis, & aliis jurisdictionem Ecclesiasticam exercentibus, quatenus ad correctionem fornicatorum, & maxime adulterorum publicorum intendant, & invigilent, prout animarum saluti viderint expedire. Monemus omnes & singulos Dominos Episcopos, Capitula, Abbates, & alios jurisdictionem Ecclesiasticam exercentes, quatenus suos subditos Ecclesiasticos, ad honeste & cum habitu decenti incedendum compellant, tunicas nimium breves, aut in spatulis elevatas, vel capellos, sive pilea in capitibus, seu sotulares, rostratos, vel rubei, cælestis, purpurei, viridisve, aut crocei colorum caligas eos deferre, aut ad pilam maxime, usque ad camisiâ exutos in theatris, vel locis publicis ludere non permittant: sed potius ea omnia sic indecentia prohibeant: Sacerdotesque, & alios quoscunque Ecclesiasticos, a mercantiis publicis & negotiationibus secularibus exercendis præcipiant abstinere. Contra facientes, prout eorum transgressio exegerit, debite puniendo. Item cum in multis partibus Rectores Ecclesiarum Parochialium, adeo modicam provisionem habeant, quod non reperiuntur, qui ipsis Ecclesiis deservire velint, quod cedit in grave præjudicium animarum: provideant omnes Prælati, & Patroni, quatenus secundum dispositionem jurium in Capitulo: *De Monachis, de Præbendis in antiquis, & Capitulo, suscepti Regiminis*, eodem titulo, & in Sexto, & in Clement. id est, de jure patronatus, congrua portio præfatis Rectoribus assignetur, ne pro defectu administrationis ipsarum animarum, prædicti Prælati & Patroni, apud Deum & homines veniant reprehendendi. Item ad obviandum exquisitis & abusivis modis, quibus nonnulli quæstores, pecunias a pauperibus extrahere conantur, contra dispositionem jurium, utentes, seu uti facientes prædicatione Verbi Dei, finem quæstus eorum, ipsam principaliter applicando; Prohibemus quibuscunque Quæstoribus, ne in hac Provincia Remensi prætextu Indulgentiarum, vel alio-

aliorum quorumcunque, faciendo suas quasas prædicent Verbum Dei. Sed solum negotium suum verbis planius exponant, vel etiam literas, si quas habeant, legant, seu legi faciant: & si forsitan aliqui Doctores, vel alias, qui ad prædicandum idonei cum ipsi venerint, & prædicare velint, nihil in suo sermone quasuosum exponant, & contra eqs servetur Cap. *Cum ex eo.* & Clement. *Abusionibus. de Peniten. & Remissione.* Nostramque præsentem prohibitionem Ordinarii locorum faciant diligenter observari. Item quia ex inordinata multitudine Religiosorum, qui ad confessiones audiendas deputantur, plurimum utriusque sexus nimia libertate utentes, pro libitu suo, quibus volunt, confitendi & absolutionem obtinendi, præsertim in casibus reservatis, audaciores sunt ad graviora peccata perpetranda; admonemus omnes Episcopos hujus Provinciæ, quatenus juxta formam Clementinæ: *Dudum.* & Decretal. *Supra Cathedralam.* in eadem insertæ, personis taliter qualificatis, & in tali numero ex Conventibus Religiosorum mendicantium, licentiam audiendi confessiones concedant, sicut in prædicta Decretali continetur. Et illis non ita indifferenter Casus Episcopales concedant, sicuti hætenus in multis Diocesis fieri consuevit. Sed ubi necessitatem viderint, aliquos Casus particulariter concedendi, cum tanta discretionem hoc faciant, ut per hoc non detur subditis occasio liberius ad peccata & crimina graviora prorumpendi. Item licet in antiquis iuribus salubriter instituta fuerint tempora, in quibus non debent Matrimonia celebrari, tamen nonnulli per abusum, in hujusmodi temporibus prohibitis, contra ipsorum iurium intentionem, festa & convivia, choreas & tripudia, tanquam pro solennizatione ipsorum Matrimoniorum exercent. Inhibemus, ne de cætero in prædictis temporibus, neque etiam die Trinitatis talia fiant, & interefferentes talibus conviviis, & festis per Ordinarios debite corrigantur, & gravius Ecclesiastici, si talibus interfuerint. Insuper præcipimus, quod aliis temporibus Matrimonia non fiant in omnibus, sed tantum in Ecclesiis,

Tomus VIII. Concilior. German.

ac hora competenti, & die clara celebrentur, advertantque Domini Episcopi, ne super bannis, ante Matrimonium fiendis, sine causa rationabili dispensent. Præterea Constitutiones Conciliorum Provincialium, tempore bonæ memoriæ Dominorum Roberti de Cathenayo apud Sylvanectum, Anno Domini Milleesimo trecentesimo quadagesimo quarto, tam super libertate, jurisdictione, & immunitate Ecclesiarum, & Ecclesiasticarum personarum, ac pœnis contra perturbatores earum, quam super reformatione morum editas laudamus, approbamus & ratificamus, & quantum opus est, hujus præsentis Concilii Decreto renovamus: Mandantes, ut deinceps in nostra Provincia, serventur & executioni demandentur. Cæterum, & si contra Dominos sæculares, Ecclesiasticam jurisdictionem impediētes, excommunicationis & aliæ pœnæ per dicta Statuta Provincialia sint adjectæ, tanto magis in Ecclesiasticos, qui eandem jurisdictionem Ecclesiasticam non solum non impedire, sed & promovere, & exaltare tenentur, locum habere debent: idcirco sub excommunicationis pœna, & aliis, in prædictis Conciliis Provincialibus, declaratis pœnis, universis & singulis Prælati, & Ecclesiasticis personis, totius Provinciæ Remensis, cujuscunque dignitatis, siue præminentia existant, prohibemus, ne in terris, quibus ad eos & eorum Ecclesias, Monasteria, & dignitates jurisdictio temporalis pertinet, directe vel indirecte, quovis quasito colore, tacite vel expresse, per se, vel alios, prohibitiones fiant, aut per alios quoscunque Judices, vel Officiarios temporales fieri procurent; subditis suis Judicibus Ecclesiasticis, vel aliis quibuscunque aut pœnas, minas, vel terrores adjiciant, quominus in terris hujusmodi, in suo dominio temporali subjectis, citationes, monitiones, & mandata Curiarum Ecclesiasticarum, etiam in personalibus actionibus, & alias libere possint executioni demandari. Et si hætenus tales prohibitiones fecerint, aut minas, aut terrores incutiant, infra unum mensem a die publicationis præsentis Statuti, in singulis Diocesis, quam Ordinarii diligenter facere tene-

Q 9

antur,

antur, sub eadem pœna, publice revocent, aut faciant revocari. Item, quia nonnulli, tam Clerici, quam Laici, sentientes, se super suis excessibus, delictis seu debitis, coram Judice Ecclesiastico esse citatos, de suæ causæ justitia diffidentes, ad Dominorum temporalium, seu Officiariorum, aut servitorum eorundem potentiam recurrunt, literasque comminatorias, aut minas verbales impetrant, & armatos adducunt, & alias faciunt, quia timor tam Judicibus, quam Officiariis suis, ac partibus incurritur, unde non modicum Ecclesiastica jurisdictio perturbatur & læditur: Prohibemus sub pœna excommunicationis: ne Clerici, vel Laici, coram Ecclesiastico Judice tracti, armatos adducant: literas comminatorias, seu minas verbales hujusmodi, aut alia quæcunque impetrent, vel procurent, unde directe vel indirecte Ecclesiastica jurisdictio aliquatenus valeat impediri. Item statuimus, quod in causis, summam duorum Francorum monetæ loci non transcendentibus, libellus inscriptus non admittatur, & in talibus tanquam minimis, ad discretionem Judicum summarie de plano procedatur: qui tam in his, quam aliis, omnes frivolas dilaciones studeant refecare. Et ut Religiosæ personæ Deo dicatæ, sicut præ cæteris districtius Domino votis solennibus mancipantur, sic earum vita, & conversatio honeste refulgeat, & aliis bene vivendi propitium indicent exemplum; statuimus & ordinamus: quod omnes & singuli Abbates, Abbatissæ, Priores, & Præpositi quorumcunque Monasteriorum, Ordinum Sanctorum Benedicti, & Augustini, Provinciæ Remensis, tam in se, quam in suis Religiosis, & subditis, omnem evagandi, levitatisque materiam evitent, & faciant evitari. Jejunia ab Adventu usque ad Festum Nativitatis Domini, & a Septuagesima usque ad Festum Sancti Paschæ, abstinentiamque ab esu carniū, singulis quartis feriis, totius anni, tam in publico, quam in privato diligenter observent. Computa & rationes præsentibus Religiosis reddant, in vestibus & habitibus, juxta suorum ordinum observationem, ac in gestibus & verbis honestatem & gravi-

tatem gerant. Zonas argenteas, sotulares laqueatos, breves tunicas, & alia, quæ vanitatis pompæ indicia sunt, evitent. Religiosos, sine quæstu pro ingressu Religionis recipiant secundum Canonicas Sanctiones: Novicios, & alios in cultu Divino & Sacrarum lectione Scripturarum instrui faciant. Regulas suorum Ordinum, juxta limitationem Constitutionis, felicis recordationis Domini Benedicti Papæ XII. circa Reformationem Religiosorum eorundem Ordinum editas, & appositas teneant. Quas Constitutiones singuli Abbates, Abbatissæ, Priores, & Præpositi, prout sunt editæ, in vulgari expostas juxta sui Ordinis qualitatem, saltem ter in anno legere teneantur, habitusque suarum Religionum non deferant: apostasiam (cui excommunicationis sententia ipso facto annectitur) prorsus evitent. Maxime vero Religiosi mulierum, & Religiosæ virorum frequentationem & consortia effugiant, ac alias juxta suorum Ordinum laudabilia constituta, ac Sanctorum Patrum Decreta, nec non Canonicas Sanctiones vivere studeant. Ita ut servitium exhibeant Deo gratum, ac ex eorum bona conversatione, cæteri valeant ad honestatis & munditiæ zelum ferventius incitari. Mandantes universis eorundem Abbatum, Abbatissarum, Priorum, & Præpositorum Superioribus, quatenus ipsos, ad præmissorum observationem (si aliquatenus defecerint) via juris vigilanter coerceant: Et nihilominus dicti Religiosi, Capitula suorum Ordinum observent, dictis aliis Statutis Provincialibus, circa præmissa omnia & singula in suo robore permansuris. In quorum omnium & singulorum testimonium & munimen, Nos Archi-Episcopus, & Episcopi præfati, literis præsentibus sigilla nostra duximus apponenda. Datum Sueffione Anno Domini M.CCCC.LV. Indictione tertia, mensis vero Julii die Veneris undecima: Pontificatus Sanctissimi in Christo Patris & Domini nostri, Dni Calixti, Divina Providentia Papæ tertii, anno primo.

FINIS.

Sequuntur.

Sequuntur Abbates, Abbatiffæ, Capitula, & alii, qui interesse tenentur in Synodo Atrebatensi.

Abbas Aquiscin&tenfis.
 Abbas montis S. Eligii.
 Abbas Ayulcurtenfis.
 Abbas de Hyniaco.
 Abbas de Viconia.
 Abbatiffa de Strumis.
 Abbatiffa de Avennis.
 Abbas de Femy.
 Abbas de Nongento.
 Abbas S. Amandi in Pabula.
 Abbas in Blangiaco in Ternefio.
 Abbas S. Andreæ de Caftello in Cameracefio.
 Abbas de Chifomo.
 Abbas S. Auberti Cameracenfis.
 Abbatiffa de Melbodio.
 Capitulum Cameracenfe.
 Capitulum S. Amati Duacen.
 Capitulum Lenfenfe.
 Prepositus Arietum.
 Prepositus de Everfen.

Abbas de Arovasia.
 Abbas de Marchienis.
 Abbas de Marolio.
 Abbas de Hanonio.
 Abbas de Caftro juxta Moritaniam.
 Abbatiffa de Donomo.
 Abbatiffa de Syn.
 Abbas de Hamo in Viromandia.
 Abbas S. Vincentii Sylvanectenfis.
 Abbas S. Nicolai in Bofco.
 Abbas de Hem juxta Villers.
 Abbas S. Petri de Gandavo.
 Abbas Sancti Sepulchri Cameracenfis.
 Abbas montis S. Quintini juxta Peronam.
 Prior S. Vedasti Atrebatenfis.
 Capitulum S. Crucis Cameracenfis.
 Capitulum S. Petri Duacen.
 Capitulum S. Bartholomæi Bethunien.
 Prepositus Yprenfis.
 Decanus Lenfenfis.

**APPENDIX VARIARUM SYNODORUM
 ATREBATENSIIUM.**

Referuntur hæ in citata sæpe a nobis editione antiqua fere sub finem Constitutionum præcedentium: In posteriore vero, quam fecuti hic sumus, pleraque earundem Decreta ad suos redacta Titulos, locis opportunis inserta sunt, ut mox indicabimus.

Anno Domini M. CCC. quinquagesimo quarto
 in SANCTA SYNODO.

SUſcepti regiminis nos cura ſollicitat, & inducit, ut utilitatibus ſubjectorum in illis precipue, per que animarum ſaluti conſulitur: nunc ſtatutorum antiquorum & penarum contentarum in iisdem recitatione: nunc penarum aliarum appoſitione & comminatione ſollicite providere curemus. Sed quod dolentes referimus: ad aures noſtras pervenit: quod nonnulli ſtatuta noſtra a juribus Divinis & canonicis ſanctionibus per predeceſſores noſtros & per nos cum maximis penis & laboribus abſtracta habere contemnant & de novo: & nihilominus qui habent: legere nolunt, & forte neſciunt, & qui ſciunt, non curant alios informare ut debent: in grave dam-

Tonius VIII. Concilior. German.

num & periculum animarum ſuarum & ſcandalum univerſalis Eccleſie ac etiam plurimorum.

Nos volentes ſaluti eorum conſulere meliori modo quo poſſumus & debemus; precipimus & mandamus omnibus, qui tenentur de jure vel conſuetudine in noſtra Sancta Synodo intereſſe: licet ſæpe & pluries ſit preceptum ab antiquis noſtris predeceſſoribus, & etiam a nobis: quatinus Statuta portent Synodalia: & ea diligenter legant: tam Archidiaconi: Abbates, Priores, Decani, Curati & ceteri univerſi. Scientes, quod anno futuro, & aliis ſequentibus: annuente Domino tam per Abbates, quam per alios ſingulariter prout nobis viſum fuerit, palam & publice in Synodo legi faciemus. Et contra non habentes ea, aut

Q 9 2

lege-

legere nescientes, aut nolentes, juxta penas in eis contentas, & alias prout fuerit rationis graviter procedemus, & ut ad presens pauca de multis, in quibus forte magis delinquitur in nostra Diocesi eliciamus, Idcirco aliqua legemus ad que attendatis, & diligenter advertatis.

Sequitur deinde Confirmatio penarum, a Prædecessoribus, Episcopis Atrebatensibus latarum. Cæterum nostræ intentionis existit &c. quod Statutum vide supra sub Titulo XLIX. De revocatione Gratiarum, pag. 298. Huic subjungitur:

* * *

Anno Domini M. CCC. Quingagesimo quinto in SANCTA SYNODO.

Cæterum, quia in quadam nostra Constitutione Synodali, Titulo de Vita & honestate Clericorum, continetur, quod Clerici &c. Vide supra ead. pag. jam cit.

* * *

Additiones factæ Anno M. CCC. Sexagesimo quarto.

AD nostrum pervenit auditum quod quamplures nostri subditi Sacerdotes: magnani negligentiam, & periculosum defectum committunt circa formam absolutionis eorum: quorum audiunt confessiones. Nam aliqui solum utuntur verbis deprecativis, dicendo absolutionem & remissionem omnium peccatorum tuorum tribuat tibi Omnipotens & Misericors Dominus Amen. Alii dicendo solum: Misereatur &c. & absolvat te Omnipotens Deus. & non addunt Absolvo te de omnibus peccatis tuis. Nec utuntur aliquibus verbis indicativis. Absolvo te a peccatis tuis de quibus contritus es & confessus. Et hoc modo non absolvent non contritum, & tamen tenent Doctores, quod virtute Sacramenti de attrito cito fit contritus: etiamsi aliquis omittat aliqua confiteri non per negligentiam: sed ea sit paratus confiteri: si occurrerent sue memorie: si absolvatur in debita forma: remanet absolutus. licet ea non confiteatur de presenti proponens ea confiteri, quan-

do ad suam memoriam reducentur. Item licet excommunicatus minori excommunicatione pro participatione cum excommunicatis non sit susceptivus Sacramentorum: immo separatus est a perceptione Sacramentorum ut in Capitulo. *Si quem*, de sententia excommunicationis. Nihilominus ligatum excommunicatione minori dicti Sacerdotes absolvent a peccatis, antequam absolverint ab eadem excommunicatione, cujus absolutionis peccator non est capax. Ideo ut talibus defectibus & periculis obviamus, volumus & ordinamus, quod omnes subditi nostri Sacerdotes: forma absolutionis (que sequitur) de cetero utantur: & nullatenus obmittant: & ponant eam per modum additionis in suis Constitutionibus Synodalibus sub titulo de Sacramento Confessionis. Ita quod postquam audita confessione dixerint verba, que consueverunt dicere, videlicet Absolutionem & remissionem. Aut illa verba. Misereatur tui Omnipotens Deus, aut consimilia: nullatenus in fine obmittant dicere sic: Auctoritate qua fungor ego absolvo te a sententia minoris excommunicationis, si quam incurristi, pro participatione cum excommunicatis, & a peccatis tuis in Nomine Patris, & Filii, & Spiritus Sancti Amen. Et sciant illam formam cordetenus. Et Decani sint diligentes in diebus in quibus tenebunt sua capitula particularia de Sacerdotibus instruendis & examinandis super dicta forma: & maxime quos confiterit, seu contigerit de novo ordinari.

Addatur in Titulo de Mandatis Curie.

Item cum fides Literis ex appensione sigilli habeatur &c. *Additionem hanc vide supra pag. 282.*

Subnectitur Statutum de Sepulturis: Statuimus, quod dicti Curati Civitatis &c. quod vide supra sub Tit. XXVI. de inburnatione Corporum. pag. 277.

Sub finem additur:

Item quod singuli Decani in Synodo legant nomina Curatorum in suo Decanatu defunctorum, & quod dicant ibidem: *De profundis.* cum oratione: *Fidelium*, pro hujusmodi defunctis.

* * *

Con-

*Constitutiones Synodales per Reverendum Patrem D. PETRUM MANSUE-
RII(*) Utriusque Juris Doctorem excellentissi-
mum Episcopum Atrebatensem. Anno Do-
mini Millesimo trecentesimo septuagesimo quin-
to, edite & publicate in Synodo Atreba-
tensi: per eundem Reverendum Patrem
in Ecclesia Atrebatensi
celebrata.*

Primo de Sacramento Confessionis.

Proborum relatione didicimus, quod in pluribus villis & locis nostrarum civitatis & Dyocesis sunt quamplures Clerici & seculares, qui immemores salutis eterne: nedum per annum sine confessione: immo per duos vel tres: alii per septem annos & amplius in gravem contemptum hujusmodi Sacramenti: & etiam a perceptione Eucaristie sine consilio proprii Sacerdotis abstinuerunt. Idcirco cum per tales: Ecclesiastica Sacramenta & præcepta vilipendantur. Nos pene exaggeratione adjecte volentes eos compelli ad viam salutis eterne redire: tales preter alias penas que in dicto Statuto exprimuntur: excommunicatos pronunciamus: districte precipientes omnibus ecclesiarum rectoribus: quatinus hujusmodi contemptores in suis ecclesiis denuncient in generali & publicent excommunicatos auctoritate nostra: singulis diebus dominicis & festivis: nec in talium excommunicatorum presentia, scienter celebrent: eosque non absolvant: nec recipiant ad ecclesiasticam sepulturam. Hocque & idem precipimus de omnibus & singulis, qui nostram jurisdictionem turbaverint, seu impederint, aut ad impediendum dederint consilium, seu juvamen. Prohibentes omnibus Presbyteris: ne tales absque nostre Curie licentia speciali absolvant: quia talium absolutionem penes nos re-

servamus. Et nihilominus nomina talium referant seu mittant per Decanos infra mensem a die noticie sine fraude promotori curie nostre: ut contra tales excommunicatos: ad alias penas graviores procedi valeat: prout justitia suadebit.

De Sacramento Matrimonii.

Ad audientiam nostram fide digna relatione pervenit, quod nonnulli uxorati &c. *Vide supra pag. 259.*

De Usuris.

Ut minor foeneratoribus foenerandi tribuatur facultas &c. *Vide supra pag. 274. sub eod. Titulo.*

De Mandatis Curiae exequendis.

Multorum ad nos gravis querela perduxit, quod nonnulli Curati &c. *Vide pag. 282.*

De Questoribus & Abusoribus.

Quia sicut ex relatione fide dignorum intelleximus &c. *Vide pag. 298.*

* * *

*Constitutiones Synodales per Bonæ
Memoriæ Dominum MARTINUM(**) Epi-
scopum Atrebatensem, Ordinis Prædicatorum,
Sacrae Theologiæ Professorem, editæ & pub-
licatæ in Sancta Synodo Atrebatensi feria
tertia post festum Beati Dionysii Anno
Domini Millesimo quadringente-
simo decimo.*

Quia negligentia noverca virtutum &c. *Vide supra pag. 299. & 300.*

* * *

*Constitutio facta in Sancta Synodo
a Rever. in Christo Patre ac Domino D.
MARTINO, Atrebatensi Episcopo,
Anno MCCCC. decimo.*

Fide dignorum relatu multiplici audi-
vimus &c. *Vide ead. pag. 300.*

* * *

(*) Petrus Mansuerius (Joanni Bapt. Castillonæo Masœsius) Patria Arvernensis, Legum Doctor, & olim Gregorii XI. Pontificis Max. institutor, ex Archidiacono Cameracensi Atrebatensis Ecclesiæ, quæ Gerardo Dainvillio ad Morinorum Cathedram promotus vacaverat, Antistes renunciatus est anno 1370. Obiit A. 1391.

(**) Martinus Poræus, Ordinis S. Dominici in oppido Senensi Religiosus, S. Theol. Doctor, in Joannis Canardi Episcopi Atrebatensis locum suffectus fuit anno 1408. Interfuit Concilio Pisano, quod anno 1409., ac dein etiam Constantiensi, quod anno 1416. congregatum fuit. Obiit anno 1426. die 6. Septembris, in Templi sui Odeo honorifice tumulatus. *Joann. Bapt. Castillon in Sacra Belgii Chronologia P. II.*

*Aliæ Constitutiones Synodales per
eundem Rever. Patrem Dominum MARTI-
NUM Episcopum Atrebatensem factæ & pub-
licate in Synodo Atrebatensi: celebrata feria
tercia post Dionysii mensis Octobris decima
Sexta Anno Domini millesimo qua-
dringentesimo vigesimo
quinto.*

GRaves atque crebras querelas do-
lenter suscepimus: quod quidam
mercennarii Sacerdotes tam de Diocesi
nostra quam de alienis: prætextu no-
strarum literarum gratiose eis concessa-
rum: ut valeant in nostra Diocesi (infra
tamen juris dispositionem) missas cele-
brare: fallaciter subditos nostros & cu-
ratorum nostrorum sibi alliciunt: in
Dei opere, sue salutis immemores,
fraudem faciendo: dum temerarie se
ingerunt ad officium alienum exercen-
dum: ministerium dictorum nostro-
rum curatorum damnabiliter usurpan-
do: confessiones suorum Parochiano-
rum utriusque sexus audiendo: vel au-
diendi modum mendaciter contingen-
do: penitencias eisdem injungendo, mu-
lieres post partum purificando, aquam
cum solennitate consueta in capellis aut
oratoriis, seu etiam in domibus priva-
tis (si detur eis quandoque facultas
propter aliquas justas causas Missas ce-
lebrandi) in eisdem benedicendo &
spargendo, ac multa alia faciendo: in
quibus maxime consistit jurisdictio &
potestas predictorum nostrorum cura-
torum, pertinens ad regimen anima-
rum eisdem commissarum. Unde non-
nulli boni Parochiani & fideles, a fre-
quentatione suarum ecclesiarum & mis-
sarum parochialium periculose retra-
huntur. Et quasi uniuscujusque pro-
pria jurisdictio, ordo atque gradus pre-
lationis sue non servantur, nil aliud agi-
tur, nisi ut per eos penitus confundan-
tur: per quos deberent inviolabiliter
tueri & conservari. Nos itaque, qui
uniquique jus suum intendimus illibate
conservare: & præsertim illorum qui
partem sollicitudinis gerunt nobiscum:
in regimine nobis commissi populi chri-
stiani: pretextu aut colore nostrarum
literarum gratiose quibuscunque pres-
byteris concessarum, atque conceden-
darum: talia aut similia per quoscun-

que Sacerdotes mercenarios, aut fora-
neos, cum ad eos de nostris ovibus non
pertineat: sub pena suspensionis (quam
in contra facientes ferimus in his scrip-
tis:) de cetero fieri prohibemus: nisi
certis de causis, de præactis aut aliquo
eorum: in nostris literis impetrandis
specialem fecerimus mentionem. Item
quia nonnulli predictorum Sacerdotum
specialiter foraneorum: hoc est aliarum
Dyocesum aut provinciarum: frequen-
ter reperti fuerunt apostate: aut fugi-
tivi a sua religione. Alii fuerunt in-
venti excommunicati: suspensi: aut
propriis beneficiis privati: suis exigen-
tibus demeritis: quorum aliqui literas
promotionis ad sacros ordines & (etiam
usque ad presbyteratum inclusive) alio-
rum verorum Sacerdotum furripuerunt
furtim, aut alias illicite: & se faciunt
fallaciter appellari nominibus & cogno-
minibus in dictis literis descriptis.
Alii post decessum quorundam sic pro-
motorum litteras ceperunt, detinue-
runt, & detinent. Et quamvis tales
derentores sint quandoque laici, aut in
Sacerdotium non promoti, assumptis
tamen nominibus talium Sacerdotum
defunctorum: mendaciter fingunt se
esse Sacerdotes illos, de quibus in tali-
bus litteris fit mentio: in damnatio-
nem suarum & populi nostri grave pe-
riculum animarum. Quapropter: ut
de cetero talibus fallaciis, fraudibus,
& mendaciis atque perniciosis obvieu-
mus: omnes gratias factas cuicunque
Sacerdotum predictorum verorum, aut
pretenso-
rum: celebrandi missas in no-
stra Dyocesi: aut aliqua alia spiritualia
officia in ea exercendi penitus revo-
camus & cassamus. Significantes qui-
buslibet: quod de cetero non inten-
dimus quemcunque admittere ad pre-
missa: nisi cum litteris suorum sacro-
rum ordinum: litteras approbatorias
suorum ordinum de eorum statu
& personis secum detulerint: & nobis
aut vicariis nostris in nostra absentia
de eisdem fecerint plenam fidem.

• • •

Statu-

Statutum Synodale de novo editum
Anno Domini Millesimo quadringentesimo
quadregesimo secundo per Dominum FOR-
TIGARIUM () Episcopum At-*
trebatensem.

Quia valde decens & honestum cen-
 setur: quod dum & quando cu-
 rati, seu vicegerentes ecclesiarum
 parochialium, in Dyocesi nostra Attre-
 batenſi existentes & residentes: nec
 non clerici provinciales earundem Di-
 vinum officium celebrant: sint vestiti
 superpelliceis: habentes super capita
 ſua almucium & biretum. Et intel-
 leximus (quod dolenter referimus)
 quod quamplures curati: eorumque
 vicegerentes, ac clerici ipſarum eccle-
 ſiarum: dum divinum officium faciunt:
 cantando matutinas, vesp̄as, & alias
 horas diei: incedunt cum magnis ca-
 pellis nigris, quorum uſus eſt ad pre-
 ſens in curſu: nec non cum capuciis,
 quorum cornettas circa colla ſeu eo-
 rum facies habent tortas: adeo quod
 melius videntur & apparent ſeculares,
 ſeu galandi, quam presbyteri ſeu viri
 eccleſiaſtici: quod cedit in vituperium
 & dedecus totius ordinis, ſeu ſtatus
 eccleſiaſtici. Propterea nos episcopus
 volentes & cupientes (prout noſtro
 incumbit officio paſtorali) circa hunc
 abuſum providere. Mandamus & pre-
 cipimus omnibus & ſingulis curatis,
 eorumque vicegerentibus, ac clericis
 eccleſiarum parochialium: etiam ſub
 pena ſuſpenſionis a Divinis (quoad
 presbyteros) & excommunicationis
 (quoad clericos): quatinus deinceps
 dum Divinum ſervitium in ſuis eccle-
 ſiis facient, & celebrabunt: ſint veſtiti
 ſuperpelliceis: habentes ſuper capita
 ſua ipſorum almucium vel biretum.
 Contra facientes vero preceptis penis
 ſubjacere volumus, a quibus (niſi per
 nos vel officialem noſtrum) abſolutio-

nis beneficium minime valeant obti-
 nere.

Nos vero conſtitutiones provin-
 ciales & ſynodales: a reverendis in
 Chriſto patribus & dominis remenſibus
 archiepiſcopis, & eorum ſuffraganeis,
 editaque in conciliis generalibus re-
 menſis provincie: & in ſynodis bone
 & recolende memorie predeceſſorum
 noſtrorum, dudum episcoporum attre-
 batenſium, & a nobis rite & ſalubri-
 ter edita ratificamus, approbamus, &
 etiam confirmamus. Precipientes vo-
 bis & ſingulis abbatibus, archidiaconis,
 decanis & curatis, ac aliis ſub
 pena viginti librarum pariſienſium, in
 pios uſus convertendarum: quatinus
 infra tres meſes a die ſancte ſynodi
 computandos copiam de eiſdem con-
 ſtitutionibus, ſtatutis, & edictis ha-
 beant: niſi alias habuerint: ne pretextu
 iguorantie: valeant ſe excuſare ea-
 rundem transgreſſores.

Nos non intendimus aliquem per
 ſe vel procuratorem in hac ſancta ſyn-
 odo attrebatenſi comparere debentem:
 admittere: aut habere pro excuſato:
 qui ſit a jure vel ab homine aliquo ex-
 communicationis vinculo innodatus,
 & de hoc expreſſe proteſtamur.

Omnes & ſingulas gratias per nos
 ſeu vicarios noſtros quibuſcunque per-
 ſonis religioſis & ſecularibus in ge-
 nerali vel ſpeciali conceſſas & factas,
 cujuſcunque tenoris exiſtant: in hac
 ſancta noſtra ſynodo revocamus: &
 penitus annullamus.

Omnes & ſingulos, qui de jure
 vel conſuetudine ad hanc preſentem
 noſtram ſynodum attrebatenſem intereſ-
 ſe & venire tenentur: qui non com-
 paruerint in eadem, niſi fuerint per
 procuratorem idoneum: ſufficiens man-
 datum habentem: legitime excuſati:
 contumaces reputamus in hiſ ſcriptis.

Sequuntur.

(*) Fortigarius de Placentia, Flander, Philippi Burgundiæ Ducis Sacellanus, eidemque
 primus ab Eleemoſynis fuit, Archidiaconus item Atrebatenſis & Præpoſitus Inſu-
 lenſis. Anno 1438. Episcopi Atrebatenſis dignitatem ex Canonicorum omnium
 ſuffragiis obtinuit. Præſuit annis circiter tredecim: cujuſ intervallo temporis præ-
 ter Episcopalem domum, Mareolenſem etiam, Becrianenſem, atque Bronnenſem
 reparavit. Vivere deſiit 21. Februarii Anno 1452. & in Cathedralis Eccleſiæ ſuæ
 Sacello S. Vedasti, quod ſuis pariter ſumptibus reſtauraverat, marmoreo ſub tu-
 mulo ſepultus fuit. *Joann. Bapt. Caſtillon. in Sacra Belgii Chronologia P. II.*

Sequuntur STATUTA CONCILII REMENSIS PROVINCIÆ APUD SUESSIONEM. quæ supra retulimus.

Subneantur pro instructione Curatorum, seu curam animarum habentium Formule Testamenti, Literarum testimonialium Ban- norum proclamatorum pro Matrimonio contrahendo: boni status: Rescriptum de ponendo aliquem in possessionem: pro citatione: aliud item Rescriptum commune aliud per Notarium Apostolicum &c.

In fine additur, quam integram exhibemus,

DE PENITENTIA

Generalis instructio pro Sacerdotibus.

PLebanus in primis diebus Dominicis presertim ante magnas solennitates populum sibi commissum habet admonere, ut sepius peniteant: precepta Dei & ecclesie custodiant. Et in generali peccatores arguere, minari penas male agentibus, & premia recte viventibus polliceri.

Veniens autem quis ad penitentiam seu confessionem dicat presbitero, Benedicite, Et presbiter inquit. Dominus sit vobiscum & maneat in eternum, Amen. In nomine Patris. Sci- at seu inquirat propriam conditionem artem vel industriam & modum vivendi ut facilius peccatis confitendis possit mederi: diligenterque presbyter inquirat a confitente secundum persone varietatem peccata usitata figillatim, inusitata autem cum discretione. & non nisi a longe per aliquam circumstantiam: ut expertius detur modus & materia confitendi, & eliciendi peccata, que habentur & latent in corde cuilibet generi confitentium. Discat prudenter consulere, & instruere, primo senibus qui pro consuetudine habent sensus exercitatos ad discretionem boni & mali: ut sobrii sint & pudici, atque prudentes & sani in fide: quia maledicetur puer centum annorum, perseveranter in dilectione & patientia. Robustioribus autem ut timeant Deum, de crastino non confidant, paveant projici in jehennam. Juvenibus simplicitatem servare, ocium fugere, juvenilia desideria temperare,

a turpiloquio abstinere, sobrios esse, tabernas abhorrere, pacem diligere, mores ad bonum convertere. Junioribus disciplinam diligere, parentes amare, ac eis obedire & honorem deferre, verecundos fore, ludos contemnere. Mulieribus doceant viros suos diligere, revereri, & timere, verecundiam & sobrietatem semper observare, preciosas vestes & inhonestas non appetere, domus curam gerere, non incarmatrices fore, castas & modestas existere. Servis autem suadeant Deum timere, obsequiis diligenter insistere, Magistros honorare, diligere & timere, fideles & sobrios esse, non rebelles sed patientes, humiles & obedi- entes fore. Divitibus non superbire, sensu vel verbo nunquam superbe sapere. bonis operibus insistere: facile tribuere & communicare. Ne que possident bona, perdant & eterna. Pauperibus aliena non concupiscere. sufficientiam & patientiam habere. laborare, operari. & ut pueri non sint. Curam gerere, fideles esse. & cum pauperes in terra, desiderant esse divites in celo. Summopere omnibus, peccata mortalia timere: causas & occasiones peccatorum fugere. virtutibus adherere. penas internales horrescere. fraternitatem diligere. unicuique jus suum reddere. forsacta restituere. neminem ledere. nec verbo nec opere. Prelatum suum revereri. Jura ecclesiastica conservare, decimas solvere. dominis obedire. Deum timere. ecclesiam diligere. Dei & ecclesie mandata custodire. & gloriam sempiternam concupiscere. Audiatque presbiter in ecclesia in loco eminenti confessiones. vultum mulieris non respiciens. omnes patienter audiens. veniam petentibus promittens. penas portabiles infligens. verbi gratia pro superbia humiliare. pro rixa & odio peregrinari. pro invidia egenis & ministris subvenire. pro avaricia pauperibus & locis piis elemosynas facere. pro gula jejuna- re. pro luxuria carnem domare. pro accidia bonis operibus diligenter insistere. Observetque tamen quisque Sacerdos, ne de majoribus peccatis sacrosancte Sedi apostolice, vel episcopo tantummodo reservatis quemquam absolvere, cum ejus potestas quoad hoc sit

fit ligata, videlicet de fractione voti, de perjurio solemni, de blasphemia in Deum & Sanctos, de homicidio, de peccato contra naturam, de adulterio, de defloratione virginum, de sortilegio, de heresi, de divinatione, de incestu, de injectione manuum in parentes, de oppressione & suffocatione parvulorum, de injectione manuum in Clericos: & aliis pluribus criminibus que inferuntur juri prohibito. Et in his verbis aliqua continentur. Unde versus:

Per Papam Clerum feriens, falsarius, urens

Solvitur. & quisquis audet celebrare ligatus.

Symon si fueris. Sed fallit regula talis.

Impubes, monachus, mulier, vetulus, quoque pauper.

Janitor, hostilis tu revelabis eos. (Episcopo.)

Qui facit incestum, deflorans aut homicida,

Transgressor voti, perjurus, sortilegusque.

Sacrilegus, patrum percussor, vel sodomita

Et mentita fides, faciens incendia, prolis

Oppressor, blasphemus, hereticus omnis adulter.

Pontificem super his adeas, Clerum feriensque.

In mortis tamen articulo quorumcunque peccatorum & excommunicationum a quocumque presbitero non deneganda est absolutio. Ab infirmitate vero convalescentes absolvi de quocumque criminum predictorum a non habente potestatem sciant episcopum, vel sanctam sedem apostolicam postmodum fore consulendum. Sed si quis fuerit excommunicatus ab homine: non potest corpus Christi, nec unctionem sanctam, aut sepulturam recipere tanquam catholicus, donec fuerit a suo excommunicatore absolutus. Et

dicat penitens, confiteor Deo. Presbiter, Frater vel Soror Misereatur tui omnipotens Deus & dimissis omnibus peccatis tuis perducatur te Jhesus Christus Filius Dei vivi ad vitam eternam. Amen.

Absolutio.

Indulgentiam absolutionem & remissionem omnium peccatorum tuorum, spatium vere penitentiae & emendationem vite, gratiam & consolationem Sancti Spiritus paracliti & perseverantiam in cunctis bonis operibus largiatur tibi Pater pius & misericors Dominus Amen.

Oratio.

Dominus noster Jhesus Christus, qui est verus absolutor omnium criminum, per suam sanctam misericordiam te absolvat: Et ego auctoritate michi commissa ab omnibus peccatis tuis michi dictis, ore confessis, corde contritis, & negligenter oblitis: te absolvo, & restituo te ad Sacrosancta Sacramenta nostre sancte matris ecclesie. In nomine † Patris & Filii & Spiritus Sancti Amen. Tunc dicat. Amice, vel domine & magister. . . vel aliter. . . In multis Deum offendisti: & tuam salutem impedisti. Caveas de cetero a peccatis, & a laqueis dyaboli, & bonum facere studeas. Deus tibi concedat ut bona que fecisti & que facies in posterum, per Dei misericordiam convertantur in penitentiam & remissionem peccatorum tuorum Amen.

Tunc pro speciali penitentia quam levem secundum peccata tua tibi imponam. Tu dices sic & sic: & facies sic vel sic. Et injuncta penitentia, & a penitente suscepta dicat presbiter: Vade in pace: & noli amplius peccare. ne deterius tibi contingat: Deus det tibi gratiam suam Amen.

Tempus feriarum continetur in isto metro:

Aspiciens. veterem. circum quasi quis benedicta.

Ita editio antiqua Sæculi XV., cujus varissimo exemplari ex Bibliotheca Clarissimi Dni Ponchel usi sumus, retenta, quam in eadem invenimus & scribendi & interpungendi forma. Ceteras vero Constitutiones deprompsimus ex recentiore Sæculi XVI. editione, asservata in Bibliotheca Ecclesie Cathedralis Tornacensis, singulari benevolentia Rmi Capituli nobis commodata.

Tomus VIII. Concilior. German.

Rr

SYN.

SYNODUS LEOVARDIENSIS

Eodem Anno Christi MDLXX.

STATUTA PRIMÆ SYNODI LEOVARDIENSIS
sub Reverend. D. CUNERO PETRI a BROUWERSHAVEN, ()*
primo ejusdem Diœcesis Episcopo, assistentibus illi vigilantissimo Do-
mino Dominico Bendixio, Pastore in Oldenbove & Canonico, ad suæ
R. petitionem, atque Clarissimis Viris Doctore Petro a Fritema,
M. Foccone Rommarts, Reg. Majest. Curiae Frisicæ Consilia-
riis ad hoc deputatis, die mensis Aprilis vige-
sima quinta. 1570.

P R Æ F A T I O.

CUNERUS PETRI, DEI ET APOSTOLICÆ SEDIS GRATIA EPISCO-
 PUS LEOVARDIENSIS, UNIVERSIS ET SINGULIS DOMINIS PRÆLATIS, PRÆPOSITIS,
 ARCHI-DIACONIS, DECANIS, PRIORIBUS, ET PASTORIBUS QUIBUSCUNQUE
 PER JURISDICTIONEM NOSTRAM OCCIDENTALIS FRISIÆ, SALU-
 TEM IN DOMINO SEMPITERNAM.

TAmetsi quæ Sacro Concilio Tri-
 dentino decreta sunt, generatim
 sufficiant, ut in recta fide vitam omnes
 honestam transigamus; pro antiquo ta-
 men aliarum Diœcesum more necessa-

rium erat, ut etiam quæ pro nostræ
 Diœcesis statu, particulatim viderentur
 expedire, quibusdam Statutis decer-
 neremus: partim ea, quæ in magno
 illo & celeberrimo Concilio statuta sunt,
 me-

(*) Ad Leovardiensem Episcopalem Sedem, a Paulo IV. Papa institutam, nominatus qui-
 dem Episcopus fuerat Remigius Driutius, ab adeunda tamen ejusdem possessione
 cum temporum iniquitate fuisset impeditus, Brugenſium Præful consecratus fuit.
 Vide, quæ de illo diximus *Tomo præcedente pag. 802.* ad primam *Synodum Brugen-*
sem, anno 1571. sub ipſo celebratam.

Non diu post autem, cum sopito factionum æstu, serenior aliquantulum rerum facies
 apud Leovardienſes appareret, eadem in Sede primus Episcopus collocatus fuit
 Cuncerus Petri a Brouwershaven, Zelandus, Ss. Theol. Doctor, ac Lovanii antea
 Decanus ad S. Petrum. Pontificale munus suscepit anno 1570. 1. Februarii, ac
 mox inſequenti menſe Aprilis ejusdem anni hanc Synodum celebravit: cujus Statuta,
 Lovanii eodem ipſo anno Hieronymi Wellæi typis excuſa, hic damus. Multa dein
 alia ad Cleri ſui populique ſalutem pertinentia ſalubriter inſtituit, nullam, quoad
 præfuit, veri Episcopī, ſedulique Paſtoris partem prætermittens. Verum non
 diu illi pacato, Paſtoralibus his inſiſtere officiis licuit: Nam poſt octo annorum
 decurſum, invaleſcente rurfus factionum vi, occupataque a Fidei Catholicæ ho-
 ſtibus Leovardia, captus, Harlinganæ arcis incluſus, dein poſt biennii captivitatem
 ſua Sede ſpoliatus, totaque Diœceſi ejeſtus fuit. Ita exul ac proſugus Monafterii
 Weſtphaliæ aliquamdiu ſubſtitit, Suffraganei munere functus. Quod reliquum
 fuit vitæ, Coloniam apud Ubios exegit, ubi Sacras Literas publice interpretatus eſt.
 Multa pie, doctæque conſcripſit, ac typis tum Lovanienſibus, tum Colonienſibus
 vulgavit. Novitatum omnium præſertim in doctrina & dogmatibus fidei oſor-
 ſuit. Operum ejus elenchum vide apud *Franc. Foppens Bibliotheca Belgicæ Tomo I.*
Ærumnis conſectus obiit Colonia anno Chriſti 1580. die 15. Februar. *Ætatis anno*
quadragelimo nono, in Templo Metropolitano ad aram Ss. trium Regum humili
ſarcophago conditus. Vir & vita longiore & fortuna meliore dignus.

Joann. Bapt. Caſſillon, in Sac. Belgii Chronolog. P. II. Franc. Foppens L. cit.

memoriæ causa inferendo, partim quæ pro loci & temporis ratione judicata sunt, convenire, juxta ejusdem Concilii Tridentini sententiam addendo. Neque enim quisquam eo consilio hæc edita existimare debet, quasi ex iis, quæ augustissima illa Synodo statuta sunt, hæc sola observari velimus: ea enim velut bases & fundamenta, quæ nullius auctoritate convelli possunt, hic præsupponimus, eoque inviolata ab omnibus juxta publicationem nuper factam servari cupimus. Itaque pro munere Divinitus Nobis incumbente, & cura, quam pro totius Diœcesis salute mandato Apostolico gerere tenemur, tum hæc, tum illa omnia, vobis omnibus & singulis servanda in Domino præcipimus. Hortantes, ut Divini

præcepti memores, sincera conscientia, sine præjudicio in alteram partem declinando ea custodiat; scientes, quæ a Præpositis Ecclesiæ constituuntur, Dei auctoritate a Vicariis suis constitui, ideoque non humana, sed Divina præcepta censerî debere. Quibus non propter iram, aut ex necessitate, sed propter conscientiam parendum est. Sive enim Deus, ait præclarus ille (C) Ecclesiæ Doctor, sive homo Vicarius Dei mandatum quodcunque tradiderit, pari profecto obsequendum est cura, pari reverentia deferendum. Datum Leovardiæ, 25. Aprilis 1570.

CUNERUS PETRI, de BROU-
WERSHAVEN, Episcopus
Leovardienfis.

INDEX TITULORUM.

I. De Synodo.
II. De Sacramentis in genere.
III. De Baptismo.
IV. De Confirmatione.
V. De Eucharistia.
VI. De Penitentia & Confessione.
VII. De Extrema Unctione.
VIII. De Ordine.
IX. De Matrimonio.
X. De Purificatione Puerperarum.
XI. De Vita & honestate Clericorum.
XII. De Beneficiis.

XIII. De Exequiis.
XIV. De Religiosis.
XV. De Templis & Cemiteriis.
XVI. De Hæreticis & Apostatis.
XVII. De Ludimagistris.
XVIII. De Aedituis.
XIX. De Testamentis.
XX. De Decanis.
XXI. De Libris.
XXII. Mandatum de Apostatis.
XXIII. Mandatum de Presbyteris.
XXIV. De Monialibus.

STATUTUM I.

De Synodo.

Statuimus & ordinamus, ut singulis annis, feria tertia post Dominicam Cantate Synodus celebretur: ad quam omnes Prælati, & qui curam animarum habent, in habitu Ecclesiastico comparebunt.

II. De Sacramentis in genere.

Cum Sacramentorum administratio res sancta sit, ideoque sanctè tractanda, meminerint, quibus ea commissæ est, ut magna cum reverentia, gravitate, in statu gratiæ, sobrii & pru-

dentes, ea administrent: cumque in omnibus rebus pro pace & tranquillitate debeat esse legitimus ordo, Statuimus & ordinamus, ut nemo curam animarum habens, cessante periculo extra limites suæ Parochiæ Ecclesiastica Sacramenta administrare præsumat, absque Pastoris loci licentia speciali. Ubi tamen Ecclesiam vacare contigerit, poterit implorari ministerium proximi Pastoris.

Item mandatur, ut Pastores nullum usurarium ad Sacramenta admittant, nisi usuras restituere voluerit & promiserit. Similiter nullum hæreticum, aut alium publice facinorosum, sine legitima pœni-

(C) Bernardus de præcepto & præcepti dispensatione.

Tomus VIII. Concilior. German.

poenitentia & confessione, ad Sacramenta, vel sepulturam Ecclesiasticam admittant, sub pœna suspensionis ipso facto incurrendæ.

III. De Baptismo.

Quia maxima est Sacramenti Baptismi necessitas, injungitur sub pœna arbitraria omnibus curam animarum habentibus, ut subditis suis præcipiant, ut ipsi diligenter curent, ut infantes quam citissime a die partus ad Ecclesiam baptizandi deferantur, serioque suos adhortentur, ut quos sciunt parvulos suos ad Ecclesiam non mittere, sine dissimulatione Pastori suo, vel Decano, vel Episcopo denuncient, scientes se gravissime reos futuros in Judicio Dei, qui hac ratione proximum suum perire sinunt. Porro quibus administratio hujus Sacramenti committitur, curent, ut illud cum omnibus Ecclesiæ solitis caeremoniis administrent, ac verba illa, sine quibus Sacramentum non perficitur, videlicet: Ego baptizo te in nomine Patris, & Filii, & Spiritus Sancti, tractim & perfecte pronuncient, quæ in casu necessitatis cum ablutione aquæ sola sufficiunt.

Proinde fontem ipsum consuetis temporibus consecrent, & mundum servant. Chrisma quoque & Oleum Sacrum semper honesto loco custodiant.

Item præcipitur, ut secundum Decretum Sacri Concilii Tridentini, unus tantum, sive vir, sive mulier, vel ad summum unus & una, baptizatum de Baptismo suscipiant, inter quos ac baptizatum, & illius patrem & matrem spiritualis cognatio, Matrimonium impediens, & initum dirimens, contrahitur.

Volumus etiam, ut diligenter in usu retineatur, quod nomina baptizatorum cum nominibus susceptorum & parentum, fideliter describantur.

IV. De Confirmatione.

Doceant Pastores frequenter suos subditos, & instruant de fructu & utilitate Sacramenti Confirmationis, quod sicut Baptismus iterari non potest: morianturque, ut adulti non nisi jejuni ac confessi a suo Episcopo id petant, ad-

juncto sibi aliquo, qui confirmandum sustineat: inter quem & confirmatum, confirmatique patrem & matrem, sciant contrahi cognationem spirituales, quæ Matrimonium contrahendum impedit, & dirimit contractum.

Item, quando ferendum est Christma, volumus, ut non nisi a Sacerdotibus, sine convivio & sumptibus adferatur. Feretur autem deinceps feria sexta post Pascha ex Leovardia, & feria septima sequenti ex Bolfuardia.

V. De Eucharistia.

Præcipitur omnibus Sacerdotibus sub pœna excommunicationis ipso facto incurrendæ, ut Sanctam Eucharistiam non nisi ex legitima materia, id est, pane azymo, & vino naturali, de vite expresso consecrent. Et si quis in Missa non serio consecrare, aut Sacram Communionem non recipereprehenditur, præter suspensionem ab officio, arbitraria pœna gravissime punietur.

Item Decani diligenter advigilabunt, ut Pastores sancte & reverenter mysteria hæc pertractent, mundo & honesto loco asservent, præsentem semper lumine. Et quando ad ægrotos deferunt, ea gravitate & honorificentia id fiat, quæ tantæ Majestatis præsentia digna sit.

Singulis mensibus hostiæ pro infirmis servatæ renoventur.

Nemo in mortale peccatum lapsus, sine Sacramentali confessione hæc sancta contingere audiat.

Nullus Sacerdos, nisi horis suis Canonici ad Primam usque prælestis, celebrare præsumat. Et in toto officio devote, humiliter & graviter se gerant, nec fabulas ullas cum quoquam admisceant, donec Missa sit perfoluta.

Observent Decani, & corrigant eos, qui in Festo Paschæ a Dominica Palmarum usque ad octavas Paschæ non communicant, vel etiam diebus Festis Missam non audiunt.

VI. De Pœnitentia & Confessione.

Doceant Pastores, ut subditi, contrito corde, integre confiteantur omnia pecca-

peccata mortalia, quorum post diligentem sui discussionem memoriam habent, una cum circumstantiis, quæ speciem peccati mutant, vel multum aggravant, specificando quantum fieri poterit, quoties in illa inciderint, ut pro qualitate delictorum salutaris pœnitentia imponatur.

Observent etiam, ut non nisi in Ecclesia palam & publice, præterquam in articulo necessitatis, confessiones excipiant.

Provideant etiam, ne quæ salutem subditorum, aut confessionem haud concernunt, admisceantur, & maxime ne a contentibus, aliorum nomen & fama lædantur.

Inprimis vero caveat Confessarius, ne contententem, aut ejus peccata, quovis signo aut nutu quoquo modo prodatur, sub pœnis a Sacris Canonibus constitutis, & ne ullo modo in absolutione principalia verba omittat: Ego te absolvo a peccatis tuis in nomine Patris, & Filii, & Spiritus Sancti.

Item statuimus & ordinamus, ut omnes semel in anno suo proprio Sacerdoti confiteantur, vel, si alicui alteri cupiant confiteri, ab eo licentiam petant, vel saltem testimonium ad eum deferant, quo de legitima confessione constet: quod qui non observant Decani corrigant.

VII. De Extrema Unctione.

Pastores sapius, & maxime apud infirmos ex Apostolo Jacobo declarent, quam salutare infirmis sit Sacramentum Extremæ Unctionis. Et omnibus suis subditis, qui annum decimum quartum attigerunt, præcipiant, ut quoties in gravem aliquam infirmitatem, unde timetur mortis periculum, inciderint, statim curent se hoc Sacramento, præmissa confessione, muniri.

Qui vero notabili tempore infirmus fuerit, & vel confiteri, vel hoc Sacramento inungi non petiverit, loco sacro non sepeliatur.

VIII. De Ordine.

Nemo ad Tonfuram Clericalem & Ordinis Sacramentum, nisi secundum

præscriptum Concilii Tridentini, & ad Sacros Ordines, nisi debite confessus, accedat.

IX. De Matrimonio.

Statuimus & ordinamus, ut ad Matrimonium, præcedentibus secundum Decretum Concilii Tridentini proclamationibus, procedatur, idque non nisi sub Missæ Sacrificio, palam in Ecclesia, præmissa confessione celebretur.

Item, ne quis per ignorantiam decipiat, bis in anno populus illius Decreti admoneatur, quod nullum Matrimonium ratum est, quod aliter, quam præsentem Parocho & duobus testibus contrahitur.

Noverint etiam Pastores, & diligenter observent Matrimonii impedimenta, quæ subiectis versibus solent comprehendendi:

Error, conditio, votum, cognatio, crimen,

Cultus disparitas, vis, ordo, ligamen, honestas,

Affinis, si jura pari nequeat persolvere sueta.

Deinde magna habeatur ratio extraneorum, ne, qui alibi forte conjugati sunt, nostros adulterio commaculent. Quapropter ad conjugium non admittantur, nisi proclamationibus in iis Parochiis factis, ubi quatuor postremis annis habitaverunt.

X. De purificatione puerperarum.

Volumus antiquam Ecclesiæ consuetudinem in usu retineri, ut mulieres post consuetum tempus, aut saltem triginta dierum spatium a partu, sollemniter in Ecclesia compareant, acturæ gratias Omnipotenti Deo, & prolem suæ Bonitati per merita Gloriosæ Mariæ Virginis commendaturæ.

XI. De Vita & honestate Clericorum.

Meminerint Clerici, ut secundum doctrinam Apostoli, in omnibus se præbeant exemplum bonorum operum, in pietate, in doctrina, in integritate,

in castitate, & sobrietate, nequaquam laicorum more conditionis suæ obliuiscantur, sed sine barba cum tonsura & habitu Clericali, ab omni levitate, choreis, aleis, lufibus illicitis, ac negotiis sæcularibus, mercatura & servilibus abstineant: potationes & comestationes vitent: tabernas non nisi necessitatis causa ingrediantur.

Curent etiam summa diligentia, ut templa, altaria, locus Sacræ Euchariſtiæ, Chriſmatis, fontes, ornamenta, & alia, quibus in Divino Officio utuntur, munda & integra ſint.

Præcipitur etiam omnibus Clericis, ſub obteſtatione Divini Judici & pœna maledictionis æternæ, ne concubinas aut ſuſpectas mulieres in domo vel extra detineant, aut cum eis conſuetudinem habeant: & contra eos ſecundum formam Concilii Tridentini ſine diſſimulatione procedatur.

Item, ne aliter de Sacramentis, aut aliis Eccleſiæ dogmatibus doceant, quam Sancta, Catholica, & Romana Eccleſia, ac Sacrum Concilium Tridentinum tradit, ſub pœnis arbitrariis, & a Sacris Canonibus conſtitutis.

Item, ſi quis in Sacris conſtitutus, aut Beneficiarius Horas Canonicas non legerit, per privationem fructuum, & ipſius beneficii, adverſus eum procedatur, & multo magis contra eos, qui Sacra, Conciones, aliaque debita officia non perſolvunt.

Rurſus, ſi quis in turpe ebrietatis vitium inciderit, prohibemus ſub pœnis arbitrariis, ne ipſe proſtridie celebrare audeat, & Decanis injungimus, ut ſuper hoc diligenter invigilent.

Quum vero accedit, quod deplorandum eſt, Clericos ſuæ vocationis obliſos, poſtpoſito timore Dei, non aliter vixiſſe, quam ſi Matrimonio juncti fuiſſent: Præcipimus ſub graviſſimis pœnis, ne proliſus in Baptiſmo, aut nuptiis ſolemnitas aliqua per ipſos adhibeatur.

Item, volumus, & juxta Decretum Sacri Concilii ordinamus, ut ante decimum quartum annum nemo Eccleſiaſticum beneficium obtinere poſſit: qui etiam Horas ſuas Canonicas legere, con-

ſuram & habitum Clericalem deferre teneatur, ſub pœnis in Sacris Canonibus conſtitutis.

XII. De Beneficiis.

Item ſtatuiſmus & ordinamus, nominationes ad Paſtoratus, vel alia beneficia, fieri debere ſine pacto aut pollicitatione dandi, vel accipiendi: neque nominati ad aliquos ſumptus obligentur, Sympoſia, quæ in iis fieri conſueverunt, ſub graviſſimis pœnis arbitrariis penitus abrogantes. Quod etiam in electionibus Decanorum volumus obſervari. Statuentes, ut nominationes & electiones per unum & alterum deferantur nominato.

XIII. De Exequiis.

Item volumus exequias, ſeptenarium, trienarium, & anniverſarium juxta antiquam Eccleſiæ conſuetudinem & patriæ morem, ſicubi exoleverint, in uſum revocari, & diligenter obſervari. Jura quoque, Eccleſiæ vel Presbyteris antiquitus poſt triceſimum diem debita ex conſuetudine, ſicuti & alia univerſa jura, integre perſolvi.

XIV. De Religioſis.

Inherentes iis, quæ a Sancto Concilio Tridentino de Religioſis ſunt conſtituta, volumus inviolabiliter obſervari: Ut nemo aliquid ſine ſui Superioris conſenſu habeat, aut retineat, ſed quicquid vel dono, vel quacunque alia ratione receperit, Superiori exhibeat, ejusque diſcretionis & diſtributioni committat. Et ut Sacræ Virgines, quarum pudicitiam Chriſtus nimium æmulatur, nunquam mixtim cum viris; ſed ſeparatim comedant & bibant.

Perverſum quendam abuſum, quo Monaſteria Divino cultui dedicata, aliquando tabernarum more ad ſympoſia & comotationes eliguntur, deteſtantes, prohibemus, ne extra horam prandii & ſine naturali neceſſitate, alimentorum aliquid ſumatur.

Item irreligioſum quendam abuſum abolentes, Præcipimus, ne qui Sacerdotum demortuorum domos (ut fieri ſolet) potaturi aut comestaturi irruant,

irruant, aut quicquam faciant, quod Christiano luctui adversetur, sub gravi pœna arbitraria, invocato, si opus sit, brachio sæculari.

Hortamur in Domino Prælatos, ut dispensationis suæ memores, utiliter bona Conventus ad communem utilitatem expendant. Et præcipimus, ut computum singulis annis legitime factum Episcopo exhibeant.

Caveant etiam, ne bona Conventus, repræsentata pecunia, in notabile Successorum præjudicium elocentur.

XV. De Templis & Cæmeteriis.

Statuimus & ordinamus, ut Tempia ac Cæmeteria ad nullos prophanos usus applicentur. In Templis juridica exercitia non habeantur, Cæmeteria non elocentur, nec a bestiiis depascantur. Quod si quis in Templis sub Divino Officio, aut in Cæmeteriis sub concione, aut summa Missa deprehenditur ambulare, duobus stuferis singulis vicibus, invocato ad hoc brachio sæculari, mulctetur.

Festa & Vigiliæ volumus juxta antiquam Ecclesiæ consuetudinem observari, in quibus Pastores populo serio præcipiant, ut integram Missam audiant, neve ante benedictionem Sacerdotalem exeant. Ab operibus servilibus, negotiatione & mercatura abstineant, officinas claudant, & non nisi usui humano necessaria sobrie vendant.

XVI. De Hæreticis & Apostatis.

Decani & Pastores diligenter advigilabunt, & a fide dignis sæpius investigabunt: An inter subditos aliqui sint Hæretici vel Apostatæ, quos summo studio, quanta possunt cum modestia & charitate studebunt ad Ecclesiam & ordinem suum reducere, eosque ordine Evangelico denunciabunt Episcopo.

XVII. De Ludimagistris.

Mandamus & præcipimus, ut Pastores, locorum Præfeti, & Aeditui diligenter curent, quo Scholam, & ho-

nestum Ludimagistrum in suo loco habeant, qui fidem in manu Episcopi sit professus. Et juventutem in timore Domini & rudimentis Catholicæ fidei instituat. Quod ut expeditius fiat, & firmitus observetur, ordinamus, ut singuli immobilium possessores unum aut reum viginti stuferorum in singulis pagis ad tam pium ac necessarium opus erogent. Et electio (salva examinatione & admissione Episcopi) & destitutio (cum consensu & requisitione Episcopi præcedente) sit penes Pastorem, loci Præfectum, Nobiles & Aedituos.

XVIII. De Aedituis.

Aeditui singulis annis legitimum computum illis exhibeant, ad quos de consuetudine pertinet, & nequaquam suum Pastorem excludant.

XIX. De Testamentis.

Præcipimus, ut intra anni spacium a morte testatoris pro ejus voluntate fatiatur, alioqui anno finito ad Nos executio deducatur.

XX. De Decanis.

Decani advigilabunt, ut omnes suo officio legitime perfungantur: omnes excessus & defectus, transgressiones præceptorum Ecclesiæ, Statutorum Concilii Tridentini, & hujus nostræ Synodi, sine dissimulatione corrigantur: ita tamen ut causas criminales & matrimoniales ad Episcopum referant. Et, si in aliis negligentiam eorum Advocatus Fiscalis prævenierit, studium ejus locum habeat.

XXI. De Libris.

Quod ad libros attinet, volumus inviolabiliter sub gravissimis pœnis observari Indicem, a Patribus Concilii Tridentini autoritate Sanctissimi, & mandato Catholicæ Majestatis, cum appendice jam proxime editum & publicatum.

XXII. Mandatum de Apostatis.

Decani nostro nomine requirent & hortabuntur omnes, qui ab Ordine Sacer-

Sacerdotali, vel Professione monastica defecerunt, ut intra sex septimanas ad suum quisque ordinem & statum revertatur; alioqui limites nostræ Dicesis, invocato ad hoc brachio sæculari, egredi compellantur. Idem etiam hæreticis denunciari volumus, ut ad Ecclesiam Catholicam, accepto a Pastoribus consilio, quam citissime revertantur.

XXIII. Mandatum de Presbyteris.

Mandatur omnibus, qui se Presbyteros asserunt, ut legitimo docu-

mento de ordine suo & consecratione Decanis fidem faciant, qui ad Episcopum una etiam cum suis transmittant.

XXIV. De Monialibus.

Porro Sanctimonialis, juxta Sacrum Concilium, a Monasterio non exeant, nisi ex legitima causa ab Episcopo approbanda. Neminem etiam intra septa Monasterii sui admittant, sine ipsius Episcopi, vel Superioris licentia in scriptis obtenta.

FINIS.

Ex editione Lovaniensi apud Hieron. Wellæum. A. 1570.

SYNODUS DIOECESANA OLOMUCENSIS

Anno Christi MDXCI. Innocentii IX. Papæ I.
Rudolphi II. Imp. XVI.

Acta & Constitutiones Synodales Diœcesis Olomucensis.

LITERÆ INDICATIONIS & CONVOCATIONIS SYNODI.

STANISLAUS PAWLOWSKY, DEI, ET APOSTOLICÆ SEDIS GRATIA Episcopus Olomucensis, Princeps, Regalis Capellæ Bobemiæ Comes, Sacræ Cæsareæ Majestatis Consiliarius. Universis, & singulis Reverendis, Venerabilibus, Honorabilibus, Religiosis, Devotis, Discretis, in Christo Nobis Charissimis, & sincere Dilectis, Dominis Decano, & aliis Cathedralis Ecclesiæ nostræ Olomucensis Prælati, & Canonicis, Abbatibus, Præpositis, Prioribus, nec non Collegiatarum Ecclesiarum Prælati, & Canonicis, atque tam ejusdem Cathedralis nostræ, quam Collegiatarum Vicariis, Altaristis, Choralistis, Præbendaris, Parochialium, & aliarum quarumvis Ecclesiarum Rectoribus, Sacellanis, Concionatoribus, Ludimoderatoribus, & aliis quibusvis Ministeria Ecclesiastica in Diœcesi nostra quomodocunque obeuntibus, Salutem in Domino sempiternam.

Pastoralis officii, in quo nos Dominus posuit regere Ecclesiam suam, simul & ipsa temporum nostrorum ratio, a debita gregis fidei nostræ commissi cura & sollicitudine, minime nos quiescere sinit: quin potius urget ac admonet, ut ea, quæ ex re & utilitate ovium nostrarum futura cognoscimus, vigili lanti studio prosequamur. Et quia ad fidelis populi in orthodoxa Religione, Christianaque

pietate eruditionem, vix magis opportunum, & efficax dari posse videtur medium, quam si illi, quos ad docendum alios Divina Bonitas e populo sublato, in altiori dignitate, Sacerdotii nempe gradu collocare est dignata, non solum verbo, & doctrina, sed etiam inculpatæ & a terrenarum rerum contagione vacuæ vitæ salutari exemplo, subjectis sibi populis prære, & splendida virtutum omnium face

face præluere summo animorum conatu intendant: equidem discipline Ecclesiasticæ in Clero nostro reformandæ, Sanctæque Religio nis Catholicæ in Diœcesi hac nostra propagandæ causa, Synodum Diœcesanam, cujus habendæ summa necessitas etsi mentem nostram gravi ter tuncque semper sollicitam reddidit, tem porum tamen calamitas, & communis boni promovendi non exigua, omnibusque perspecta moles, conatibus ea in parte nostris obstitit: tandem aliquando, auxiliante Domino, stu diumque nostrum ad Divini sui Nominis glo riam, cultusque sui instaurationem, missio e Cælis auxilio, in viam salutis populi nostri, & futura prosperitatis dirigente, celebrandam constituimus. Quomodo per præsentis nostras Lateras, eandem Synodum, hoc anno, die duodecima Novembris, Divo Christino, & Fratribus Patronis nostris Sacra, festum Divi Martini immediate sequutura, in Cathedrali nostra Olomucensi Ecclesia, feliciter auspice Deo inchoandam, & duobus sequentibus diebus continuandam atque absolvendam, indicimus, intimamus, convocamus, & decernimus: paterne monitos, & per viscera misericordiæ Dei nostri fraterne oratos volentes, omnes & singulos exemptos, nostræ vero jurisdictioni immediate subiectis, auctoritate ordinaria in virtute sanctæ obedientiæ mandantes, ut Olo mutis, pro Divi Martini Festo, omnes, & sin guli congregentur, ac denum die sequenti ad sonum campanæ, in Cathedrali nostra conve niant, & personaliter compareant, iis, quæ in utilitatem Ecclesiarum Diœcesis nostræ per Nos in prædicta Synodo salubriter proponuntur & statuuntur, interfuturi, nostrosque pro or thodoxæ Fidei augmento, in disciplina Eccle siasticæ instauratione, ex muneris Pastoralis officio, susceptos conatus, consiliis suis pro parte sollicitudinis adjuvaturi. In quo etsi omnes supra scriptos faciles, obedientes, & morige ros sese exhibituros, atque pro die præfixa ad Synodum conventuros non ambigimus: si qui tamen ordinariæ auctoritatis contemptores, bonique publici atque officii sui minus memo res, legitimis non obstantibus impedimentis, ex mera negligentia, aut contumacia (quod absit) dictæ Synodo personaliter interesse, vel per Procuratores suos legitimos, impedimen torum causas sufficienter probare neglexerint; Jure pro eo ac Sacrorum Canonum jubent De creta, contra tales, tanquam contumaces, & inobedientes, per censuras Ecclesiasticas, alias que penas Canonicas, debite processuri sumus. In quorum fidem hæc Literas manu propria

subscriptas, sigillique nostri appensione roboratas, in vobis Cathedralis nostræ Olomucensis affigi, & per districtus Diœcesis nostræ, ad om nes Prælatos, & alios quosque Clericos per Archi Diaconos eorundem districtuum mitti mandavimus. Data in arce nostra Cremsi riensi die XIII. Octobris, anno Domini M. D. LXXXXI.

Quibus quidem Literis Indictionis, & Convocationis Synodi in Cathedralis Eccle siæ Olomucensis, nec non aliarum ejusdem Civitatis præcipuarum Ecclesiarum, demum & Brunæ in Collegiata Sancti Petri valvis, alibique affixis, atque ad Prælatos tam sæcu lares, quam Regulares Marchionatus Mora viæ, simul etiam ad Decanos rurales ac Pa rochos, aliosque, quorum intererat, opera Archi Diaconorum districtuum transmissis, legitimeque intimatis: tandem Anno supra dicto M. D. LXXXXI. die XII. mensis Novem bris, Indictione quarta, Pontificatus Sanctissi mi in Christo Patris & Domini nostri, Domini Innocentii, Divina providentia Papæ no ni, anno primo, cum jam plurimi juxta Indi ctionis Synodi Literas ex Prælati regulari bus & sæcularibus, Parochis, aliisque Cleri cis Diœcesis Olomucen. pro Synodo habenda in Cathedrali Olomucensem S. Wenceslai Martyris Ecclesiam, ad sonum campanæ convenissent, hora decima quinta præfatus Illustrissimus, & reverendissimus Princeps, Pontificalibus indutus, ad celebrandum solenni ritu Sacrosanctum Missæ Sacrificium, ex Sacratio ad altare majus ejusdem Ecclesiæ prodiit, præeuntibus & ministrantibus in apparatu Levitarum, Reverendis Dominis, Magistro Mathæo Strikovio, & Joanne Martini, Canonicis prædictæ Cathedralis Ecclesiæ, nec non aliis quatuor Clericis, Levita rum quoque habitu indutis, Venerabilibus Dominis, Joanne Schidlovino, & Michaeli Regulino, ejusdem Ecclesiæ Honoris Vica riis, atque Joanne Schemelka, Canonico Cremfiriensi, prædicti Illustrissimi Domini Sacellano, ad infulam, pedum, & gremiale ministrantibus: Missa itaque solemniter, ope rante Sacris ipsomet Illustrissimo Principe, de Spiritu Sancto, cum commemoratione Fe sti Sanctorum Christini, Benedicti, Mathæi, Joannis, atque Isaac Patronorum Moraviæ; cantata fuit. Qua debite peracta, post Benedictionem Episcopalem populo datam, præfatus Illustrissimus Dominus ad Sacra rium rediens, casula deposita, pluviali ex ma teria aureis filis, & serico rubro contexta in dutus, rursus ex Sacratio ad altare majus Ecclesiæ progressus est, & in faldistorio ante idem altare præparato, sub infula conse dit. Populo deinde per Promotores Synodi admonito, ut ad partem secedens, Ec clesia

clerificis viris locum daret, seque Sacerdotibus non immisceret, loca convenientia Admodum Reverendis Dominis, Decano, totique Capitulo Olomucensis Ecclesiæ, nec non Reverendo Patri Bartholomæo Villerio Societatis Jesu, Provinciali, aliisque ejusdem Societatis Patribus, ad cornu Evangelii; Admodum vero Reverendis Dominis Abbatibus, Præpositis, Prioribus, Provincialibus, & Monasteriorum Præfectis, aliisque Regularibus, quorum nonnulli, qui nimirum benedictionis munus jam receperunt, infusati, alii in solo duntaxat Religionis, Ordinumque habitu comparuerunt, ad cornu Epistolæ: in inferioribus vero scabellis in medio, Decanis ruralibus: extra Chorum autem minorem, Parochis, & aliis Clericis, per eosdem Promotores assignata fuerunt. Quo factò Illustrissimus Princeps assurgens, flexoque poplite exorsus est Antiphonam: *Exaudi nos Domine*. Choro ad finem usque prosequente; demum cantati sunt Psalmi, Litanie, & Orationes, juxta præscriptum libri Pontificalis Romani. Quibus finitis, Reverendus D. Mathæus Strikovius, Evangelium ex præscripto Pontificalis Romani cantavit, & tandem Illustrissimus Princeps incepit canere Hymnum: *Veni Creator*. Prosequente Choro, & Clero universo. Absolutis tandem cæremoniis solitis, Illustrissimus Princeps in Faldistorio confedit, una & omnes Prælati loca sibi assignata occuparunt. Cæterum antequam ad Synodaliū ulteriorem progressum procederetur, Admodum Reverendus Dominus Eggerdus a Schwoben, Abbas Welegradensis, Ordinis Cisterciensis assurgens, facta Illustrissimo Principi debita reverentia, protestationem solennem interposuit, nimirum *se in Statutis Ordinis sui Cisterciensis habere, ut si quando Abbates ejusdem Ordinis ad Synodos Diocesanas veniunt, solemniter protestentur, se id non ex debito, (cum exempti sint ab Ordinariorum jurisdictione, & soli Sedi Apostolicæ immediate subiecti) sed ad paternam invitationem Ordinariorum facere, proindeque præjudiciū aliquod privilegii exemptionis suæ, tali factò fieri, aut renuntiare iisdem privilegiis non intendere, ideoque se etiam solemniter de tali exemptione protestari, atque ut protestatio Actis Synodalibus inferatur, petere instanter.*

Tunc Illustrissimus Dominus adhibitis ad consiliū super dicta protestatione, Admodum Reverendis Dominis Decano, & aliis Prælati, atque Canonicis Ecclesiæ Olomucensis, nec non aliis Abbatibus, Præpositis, Prioribus, Provincialibusque Ordinum, ac per Reverendum D. Joannem Jergerum, J.

U. Doctorem, Scholasticum Olomucensem, & Canonicum Brunensem, Cancellarium suum, Synodique præsentis primum Promotorem, responderi fecit prædicto Domino Abbati Welegradensi, nempe:

Celsitudinem ipsius Illustrissimam protestationem ipsius, una cum Dominis assidentibus, diligenter expendisse, eamque supervacaneam visam, vel eo nomine, quod ipsimet Domino Abbati probe constaret, se per Literas Indictionis Synodi, una cum aliis exemptis, ab Illustrissimo Domino non citatum, sed amanter & paterne invitatum, ac monitum saltem fuisse, ut pro die statuta ad Synodum veniret. Illustrissimum porro Dominum, non ignorantem, quid exemptio Ordinis Cisterciensis secum ferat, quid etiam Sacrorum Canonum, & Sacri Concilii Tridentini Decreta, in hoc puncto statuant: non cogitare quidem Privilegiis Sacri Ordinis Cisterciensis præjudiciū aliquod facere, quin potius eundem Ordinem, pro pietate sua, sortum testum conservare malle, suæ tamen jurisdictioni, & auctoritati Ordinariæ legitime exercendæ, nulla ratione deesse posse, proinde hanc protestationem Domini Abbatis insinuari Actis Synodalibus permittere, valituram in tantum, quantum de jure valere potest.

Hoc responso accepto, Dominus Abbas Welegradensis, Illustrissimo Principi, & Sacræ Synodo prolixis verbis gratias egit. Ac demum Illustrissimus Princeps ad omnes, qui Synodo intererant, conversus in hæc præfatus est verba:

Allocutio Reverendissimi ad Clerum.

Feliciter sane mihi & vobis omnibus [Fratres in Christo Charissimi, vosque cæteri Consecratos Nobis sincere dilecti] hodiernus illuxit dies. Quod enim actorum temporum injuria, pro communi Sanctæ Catholicæ Religionis in Diocesi hac nostra propagandæ & conservandæ bono, ex voto nostrum omnium hucusque ad optatum finem & exitum minime deduci potuit: id utique Divino aspirante Numine hodie faustis inchoari auspiciis videmus, subindeque pie in Domino exultari, bonam in spem erigimur, conventum hunc nostrum communem, orthodoxæ Religionis promovendæ, nec non disciplinæ Ecclesiasticæ revocandæ, tam profuturum esse, quam ardentibus votis hætenus bonis omnibus, eum jam pridem expetiturum fuisse non ignoramus. Ut enim quælibet bene instituta Respublica tam diu in floren-

florenti statu perseverare solet, quam diu sanis civium suorum regitur consiliis, communibusque omnium indigenarum studiis juvatur: ita quoque Ecclesiastica hæc nostra, propter regale, quod gerit, Sacerdotium, aliis quibuscvis dignior, & officii amplitudine augustior, nisi eorum, penes quos rerum omnium summa versatur, frequentibus juvetur consiliis, dubium non est fore, ut neglecto & penitus everso bono, debitoque ordine turbetur, eaque turbata inde tandem incommoda proveniant, unde maxima sperari commoda debuissent: inde oriantur scandala, unde salutis plurimorum medelam depromi: inde lapidem offendiculi evolvi contingat, unde certam honestatis Christianæ normam profluere, atque ad omnes derivari par fuisset. Consiliorum porro Ecclesiasticorum rationem universam, ut olim a primis nascentis Ecclesiæ exordiis, ex celebratissimis illis Sanctorum Patrum conventibus, quos Concilia hucusque vocamus, depromi solitam fuisse, nemini non constat: ita quoque calamitosissimo hoc nostro ævo nusquam saniora pro rebus Ecclesiæ Dei juvandis consilia peti posse quisque intelligit, quam ex Synodis: quas vel ea potissimum de causa Sedis Apostolicæ & Sacrorum Conciliorum Generalium autoritas, singulis annis per Diceceses quasque haberi decrevit, ut in iis, conventu Patrum facto, id quod tam crescentibus in domo Dei bonis promovendis, quam orientibus scandalis radicitus extirpandis & evellendis, aptum est, communicatis consiliis indagari, & reperiri queat. Atque utinam in Dicecesi hac nostra tanta non fuisset temporum iniquitas, ut non minus aliquot Prædecessoribus nostris, quam nobismet ipsis, Pastoralem, quam indigni gerimus curam, ea quoque in parte, quæ annuas Synodos de jure celebrandas spectat, sine gravioribus impedimentis, distractionibus variis, & publicarum occupationum mole non obstante, exercere integrum fuisset. Aliam enim nunc forte rerum faciem in patria hac, ratione augmenti Sanctæ Catholicæ Religionis videremus, neque tanto dolore ob dissolutionem Cleri nostri vitam, moresque incompósitos Sacerdotum afficeremur. Nam quotus quisque vestrum est, quæso, qui vel conscientia propria teste, palam fateri non ausit, defectibus, scandalis, & excessibus hisce, quos partim circa negligentem cultus Divini, Sacrorumque administrationem: partim circa vitam ipsam & mores in Clero Dicecesis hujus nostræ videre est, sicut ansam præbuisse tam diu intermissam visitationum & Synodorum celebrationem, ita etiam emendationem & correctionem, nihil aliud, quam Sacra ejusmodi Concilia afferre posse? Magnis proinde, alacribusque ani-

mis nos ad primam hæc Synodum, duce & auspice Deo, pro felici aliarum, Christo Domino adjuvante, celebrandarum ingressu, ferri, & properare operæ precium est, & pro sublevando calamitoso isto Religionis orthodoxæ statu, maxime necessarium, ut quod totus Christianus orbis admirabili animorum consensione, devitandorum errorum causa, & veritatis retinendæ studio, est complexus, nos quoque communem Ecclesiæ sensum secuti, pro eo, ac fideles Christi, Sanctæque Matris obedientes filios decer, amplectamur. Jam vero communia Patrum nostri ævi consilia ad normam exactissimam veterum Conciliorum, quæ Catholicæ Ecclesiæ censura, & autoritas approbavit, gravissime in rem totius Ecclesiæ Dei, in Sacro Oecumenico Concilio Tridentino expressa, isthucque tam ad veram fidem, quam ad mores Cleri, & vitæ honestatem, adeoque ad omnia munia Ecclesiastica rite obeunda pertinentia, optimo ordine per Canones & Decreta comprehensa esse, quis non vider? O felix Tridentum, cui vel id calamitosissima hac tempestate solatii obigit, ut tot doctissimorum pene ac piissimorum totius Orbis Christiani Virorum, de rebus gravissimis, nimirum de Summa Christianæ Fidei, deque aliis fidem ipsam, non secus, ac corpus quodque umbra sequi solet, concomitantibus, consultantium, deliberantium, ac tandem salutaria Decreta, Legesque saluberrimas figentium capax fieres, adeo ut in te Augustissimus ille Conventus feliciter, sancteque inchoatus, felicissime quoque concluderetur. Felicem Summum Romanæ Ecclesiæ Pontificem Paulum III. cujus auspiciis hic Conventus inceptus, non mediocrem sub eodem & Julio III. sumpsit progressum, multo vero feliciter Pium IV. quo Sanctæ Ecclesiæ clavum tenente, ad optatum finem, id Sacrum Concilium deductum fuit. Felices quoque nos ipsos, qui alias inter errores variarum sæculi hæresum, in ipsorum hæresiarcharum ceu meditullio creditam nobis a Domino spartam, pro virili defendentes, non levia arma & tela retundendis adversariorum Dei, & Ecclesiæ ejus, impiis conatibus opportuna, ex Sacri hujus Oecumenici Tridentini Concilii salutiferis Decretis hausimus, & depromptimus, ita, quod jam omni propemodum potentia hostium protrita, nihil aliud nobis curandum superesse videatur, quam ut salutari huic doctrinæ, quæ in dicto Tridentino Concilio sancte traditur, constanter inhærentes, id in usum (quod etsi pridem jam fieri debuisset, temporum tamen minime permisit calamitas) inducamus, inductum sanctissime servemus, ab omnibusque nostris tam in judiciis, quam in Sacramentorum administratione,

myfteriorumque Dei difpenfatione accurate, & diligenter obfervari faciamus. Prima itaque hæc fit noſtræ hujus Synodi in Dei præpotentis nomine in unum collecta, & coadunata voluntas, primariumque & immutabile confilium, ut Sacroſancta hæc Oecumenica & Generalis Tridentina Synodus, quam merito veræ fidei, & debitæ honeſtatis Magiſtram non injuria quiſque dixerit, nobis poſthac & credendi, & vivendi, certiffimam præbeat normam & regulam, ita ut niſi fides cujuſque ad examen ipſius ſubſiſtat, ædificium id, quod per eum ſtruitur, in gehennam ſtrui certo omnes exiſtiment & ſciant. De cujus quidem Sacroſanctæ Synodi & Concilii laudibus, eſſi multa nobis dicenda forent, quia tamen fratrum noſtrorum tanta eſt erga nos charitas, & obſervantia, ut ipſi quoque inter ſe labores, in hac Synodo obeundos, nobiſcum partiendos, noſque ſublevandos cenſuerint, cæpropter hanc in ſententiam Reverendum Decanum Eccleſiæ noſtræ, non minus graviter, quam diſerte, ad vos verba facturum, attentis benevolisque animis audiat, paterne cupimus, atque hortamur: inque hac Synodo nullis præcedentiæ, aliarumve rerum ambitionem redolentium quæſtionibus motis, ea una nobiſcum ſtatueri conemini, quæ nobis omnibus, ordinique noſtro, inprimis vero cultui Divino inſtaurando, & Catholicæ Religioni promovendæ, nec non diſciplinæ Eccleſiaſticæ reformandæ, neceſſaria, & opportuna fore agnoſcimus, quotidianaque experientia deprehendimus.

Fine dicendi per Illuſtriſſimum Principem impoſito, Admodum Reverendus Dominus Melchior Pirneſius a Pirn, Artium, & Philoſophiæ Doctör, Eccleſiæ Olomucenſis Decanus, & Wratſlavienſis Canonicius, conſenſa Cathedra ex oppoſito Cyborii collocata, de Sacroſancto Concilio Tridentini laudibus, Orationem habuit, cujus tenor eſt, ut ſequitur:

ORATIO.

Eſt quod tibi grataler, Illuſtriſſime Princeps, & Reverendiſſime Antiſtes, STANISLAE, de hujus ornatiffimæ coronæ, atque conſeſſus, quem præſentem ad eſſe cernis, ſumma erga te obſervantia, ac integerrima fide. Quanti enim te ille faciat, quanti Decreta & Mandata æſtimet tua, hoc ſuo adventu non obſcure teſtatur. Anne vides, quam ad primum ediſtum, ne dicam unicuique nutum tuum, facilem, promptum, obedientem ſe exhibuerit, & privatis emolumentis, commodis, ſacris juxta atque profanis negotiis relictis, huc advolaverit,

de Eccleſiæ S. progreſſu, de ſua ac commiſſarum ovium ſalutē, de Dei Opt. Max. honore, ac gloria promovenda, atque propaganda, tua auditurus conſilia, omnemque ſolicitudinem, curam & cogitationem, ad Sanctiſſimæ Religionis noſtræ dignitatem tuendam, tecum traducturus? An ego, Præſul Ampliſſime, Solem te alterum dicam? ad quem unum, tot Religioſiſſimi Domini, Abbates, & Monaſteriorum Præpoſiti, & ex cætera Sacerdotum, atque Parochorum turba, tot egregii viri, tanquam ſydera quædam circumfulſa, oculos, & ora converterint, a quo clariſſimam ſalutaris doctriinæ hauriant lucem? An te eum eſſe palam faciam omnibus, in quem natura parens, ſuas eſſuderit opes, ut eſſes huic Diceceſi admirationi, & ornamento, quemque Deus hoc calamitoſo ſæculo; & ſibi gloriæ, & Eccleſiæ ſuæ præſidio, & huic univerſo gregi voluerit eſſe exemplo. Verba tibi dare merito poſſim videri, niſi Cæteris hic lectiſſimis, hanc ſuam erga te propenſionem, hanc cum tua voluntate conſpirationem, hoc inſtaurandæ eccleſiaſticæ diſciplinæ commune ſtudium, hac ſua alacritate, & ad ſatisfaciendum tibi promptitudine teſtaretur. Gratulor & vobis Chariſſimi Confratres, de tanta Venerabilium Patrum, Religioſorum Virorum, ac piorum Sacerdotum fréquentia, quibuſcum de Marcomannæ Diceceſis inſtauratione, communibus ſuffragiis, ac votis, præſto eſſe poſſitis, easque calamitates, atque pericula, quibus tantum non eſt obruta, cum communi Paſtore, ac parenti Illuſtriſſimo Principe noſtro, propulſetis. Atque utinam multo plures amantiſſimi Parentis literis invitati, huc una conveniſſent, ſpeſſaſſent utique, telephia hæc vulnera, ad intima uſque præcordia, S. Religioni inſiſta, tot tantorumque virorum prudentiſſimo conſilio, & præſentiſſimo auxilio, brevi perſananda. Sed neque animum deſpondeo proſus: tamen enim hoſtes noſtri, omnia Divina pariter, ac humana jura miſcere, & tantum non terram cum cælo committere moliantur, aderit tamen, uti optamus, afflictiſ, & pene jam deſperatis Religionis S. rebus, præpotens Deus, qui in medio ſe affuturum ſpouddit, ubi duo, aut tres, in ejus nomine fuerint congregati. Aderunt & hujus Auguſtiſſimi Templi, Clementiſſimi Patroni, & Tutelares, tuque imprimis Sancte Chriſtine cum Fratribus tuis, quorum hodierna die annuam memoriam ſolenni ritu celebramus, qui Sanctiſſimis ſuis precibus, apud Deum, ſtrenue, conatus noſtros promovebunt. Alacri igitur animo, ſpe pleni, in eam omnes curam, pro virili noſtra incumbamus, ut quæ in hac Sancta Synodo, ab Illuſtriſſimo & Reverendiſſimo Præſule noſtro,

ex ipsissimo Concilii Tridentini fonte, proponitur, maturo, ac prudenti consilio, expendamus, expensa acceptemus, acceptata exequamur, atque perficiamus. Et ut ad certum quasi scopum, studia vestra, & cogitationes collimare possitis, illud vobis, hoc loco in memoriam revocandum videtur, quod Ss. Concilium Tridentinum Sessione XXIV. de Reformatione, Capite secundo, præscribit, de tribus potissimum Capitibus, in Provincialibus, ac Diocesanis Synodis tractandum esse: de moderandis Cleri moribus, de corrigendis excessibus, & de controversiis componendis. Vos igitur ad hæc tria, vestra omnia revocate consilia & ordinate, certo certius persuasi, his tribus recte constitutis, tres præcipuas malorum omnium lernas, quæ Dei Ecclesiam, & Sanctæ Religionis nostræ puritatem contaminant, pessundant, evertunt, vos confecturos. Faceffet enim illico omnis morum rursipitudo: corrigentur, aut etiam penitus tollentur, gravissimi plerique in Divino cultu excessus, ac corruptelæ: discordiæ, ac lites omnes, adhibita æquitaris trutinæ, sopientur, ac conquiescent. Denique scandala omnia, ex Dei Ecclesia profligata, exulabunt: Est, fateor, id quod dico, si miseram horum temporum conditionem, & calamitosum istius Diocesis statum spectemus, difficile, laboriosum, arduum, & ceu humanas excedens vires, nisi sublimior Dei sapiennia, ac bonitas, quæ jam ante piis conatibus Majorum nostrorum, nunquam defuit, promptum, & expeditum remedium monstrasset. Solebant autem Religiosissimi Prædecessores nostri, in omnibus fluctuantis Religionis periculis, calamitatibus, impressionibus, ac procellis, ad cæleste in primis confugere præsidium, & æstuantem DEI Opt. Max. iram, piis restringere lachrymis. Deinde vero, anteaetæ vitæ nuncio remisso, severiorem illam, unanimi consensu morum revocare disciplinam, ad placandam Divinam indignationem, hanc vel solam sufficere existimantes. Hac sane, gravissimi Patres, & nobis via est progrediendum; his vestigiis insistendum, hoc Thesi filo, ex tanto abusu, corruptelarum, & periculorum labyrintho evadendum, hoc vel hostium nostrorum, quotidie nobis occurrunt, & inculcant voces. Quam sæpe illos audimus, illud usurpare, & repetere: Fides antiqua, mores antiqui; quorum ut primum illud est nobis gloriosum, ita & illud posterius, infame est, & probrosum. Significant enim illi illi verbis, se non propter aliud, ab antiqua fide descivisse, quam ob nostram a veteri disciplina, ac sanctissimis moribus, & institutis, quæ nobis Majores nostri, quasi certam, & firmam hære-

ditarem reliquerunt, defectionem. Quod etsi diffiteri nequeamus, inique tamen tanti sui sceleris culpam, in aliorum depravatos mores transferunt. An quia me vident militem ignavum, illis transfugas, & proditores esse licet? Quia ambitiosus ego, illi paricidæ esse volunt? Quia veterno laboro ego, in Deum blasphemi illi esse pergent? Quia gubernator dormit aliquando, & qui in navibus feruntur, profligatis sunt moribus; illi ideo totam navim perforabunt? Quia cives plerique improbi; civitatem totam hostibus diripiendam tradent? Miseros & infelices, ne dicam stupidos illos, qui hæc intelligentes, ob aliquorum e Clero depravatos mores, ab Ecclesia Dei se præciderunt, & ex sancto ejus gremio profugerunt! Sed quavis horum stupiditas, & hebetudo, helleboro potius, quam argumentis est corrigenda, nec eorum hoc probum, apud Deum momenti quicquam habet. Nos tamen expostulationem eorum, tacitas quasdam Dei voces, per adversarios nos monentis, & excitantis, existimare debemus: cum his illi machinis, in perniciem aliorum utantur, & præsertim imperitæ multitudinis aures, & animos percellant, atque in ruinam, & præcipitium, impellant: ut si quid in sacris personis deformæ, sordidum, corruptum in moribus, ac a conditione, ac sui status dignitate abhorrens videant, illud curiosissime notatum in angulis, in circulis, in templo, in foro, rudi plebeculæ obtrudant, & inculcent: maledictis, & probris incessant, & insultabundi invehantur, multisque verborum phaleris, ac mendaciorum plaustris amplificent, & modo tuti suos errores tueantur, quacunque tandem arte omnes simul Catholicos in odium inducant.

Hæc itaque, ut illis arma, & quasi Herculi clavam, extorqueamus, adsciscenda est rursus vetus illa, & severior disciplina, vitæ integritas, & sanctimonia procuranda. Memoria repertæ per Deum jam illud vitiis hominum invalescentibus, lectissimis Ecclesiæ membris usu venisse, quod in speciosa, & scite quidem depicta tabula, quæ nitorem suum, & pulchritudinem primam, sensim amiserit, quæ si non denuo repingenda, ad minus certe situ, & squalore deterso, est instauranda, & quod fuit sedatum, & obsecratum, rursus est innovandum, & collustrandum. Renovemus ergo & nos vitam nostram, ut ubi hostes in eam oculos conjecerint, se deceptos misere intelligant, & erubescant. Vincemus mihi credere, vinceamus eos, hac bona vitæ demonstratione, nec arma illis solum, sed & captivos, & spolia, adimemus. Ne autem quenquam vestrum illa perturbet, aut dererreat molestia, quæ in rebus arduis aggrediendis, magis quam

prosequendis, ac superandis, multorum animos languidos, & desides, efficere solet, ut nimirum non desit ad perficiendum, certa ratio, ac norma; eam ego vobis in præsentia offero lubens, non ex cerebro, aut ingenio meo; quod tantæ suppellectili construendæ impar est, depromptam, sed in Sanctissimorum, simul ac Doctissimorum Patrum, ditissimo Archivo, admirabili Sancti Spiritus opificio elaboratam. Offero, inquam, vobis, celeberrimi illius Sacrosancti Oecumenici Generalis Concilii Tridentini, Sanctissimas Leges, Statuta & Decreta, ad quæ vos, tanquam certissimam amussim, & lesbiam regulam rectissimam, omnes functiones vestras, & mores, exigere valeatis. Ad illud Concilium amplectendum, ego vos provoco, & mecum invito, Patres gravissimi, quo vix ullum aliud Majorum nostrorum, & nostra memoria fuit, vel Authoribus, vel Promotoribus, vel Assessoribus angustius, gloriosius, illustrius.

O bone DEUS, quæ in illo adfuit genitium, populorum, nationum multitudo, & varietas? qui Episcoporum ex toto orbe delectus? quæ Pontificum, & purpuratorum Patrum Majestas? quæ Theologorum medulla? qui flores Academicarum? quis Christianorum Principum, & rerum publicarum splendor? Celebratum est autoritate, & auspiciis trium Pontificum Sanctissimorum, Pauli III. Julii III. Pii IV. & quidem studio & opera duorum Augustissimorum, & Inviectissimorum Imperatorum Caroli V. & Ferdinandi, qui tanquam Ecclesiæ Romanæ Primogeniti, & præcipui Advocati, illud omnibus modis tutari sunt, & promovenerunt.

Actum autem ab Illustrissimis Cardinalibus sex; quatuor Pontificiis Legatis, tribus Patriarchis, Archi-Episcopis triginta duobus, Episcopis ducentis viginti octo, Abbatibus quinque, Ordinum Ministris septem, Sacrosanctæ Theologiæ Doctoribus, Episcoporum Procuratoribus, Principum, & Rerumpublicarum Legatis pene innumeris. Inter quos tanta fuit unitas, ac consensus judiciorum, ac voluntatum, ut merito fateri debeamus, isthic adfuisse multitudinis credentium cor unum, & animam unam, populum & civitatem labii unius, & eorundem sermonum, Deum ipsum pacis, & dilectionis, qui ærtissimo vinculo, flagrantissimi sui amoris, per diversitatem linguarum cunctarum gentes in unitate fidei, congregavit. In hujusmodi igitur loco a tot, & tantis, & talibus viris, frustrane coiventum agitarum, disserarum, & per viginti fere annos defudatum putatis? Nunquid eis defuit ad suum munus peragendum, vel facultas; vel fides, vel voluntas?

Facultas certe deesse non potuit. Viris doctissimis, prudentissimis, ac multo rerum usu; ac experientia cumulatissimis. Sed nec fides, propter quam illi præstandam, domos, patriam, amicos, seipsos, suæque omnia Ecclesiæ Dei consecrarunt, & devoverunt. Multo vero minus defuit illis voluntas salutis animarum, & Dei gloriæ amantissimis, cupidissimis, sitientissimis, quorum propterea non pauci ut hanc suam erga Ecclesiam fidem, observantiam, & obedientiam testarentur, morte eam oppetita consignarunt. Nosne adhuc dubitabimus, eos omnes vires, ac nervos intendisse, ut Ecclesiasticam disciplinam, pædore, squalore, & pulvere oblitam, pristinae integritati, flori, ac splendori, restituerent, id quod infirmum erat, consolidarent, quod ægrotum, sanarent, quod confractum, alligarent, quod abjectum, reducerent, quod perditum, quærerent; Præterea, vacillantium fratrum animos confirmarent, probitatem complectentes impellerent, sub onere fluctuantes sublevarent, omnes vero Spiritu lenitatis, & mansuetudinis, patientia, alacritate & constantia, tanquam fortissimi Antesignani, & Duces præirent. Fecerunt sane, & quidem diligenter id omne, quod ex suscepti oneris officio illis incumberebat: & revera, se nulla alia de re magis, quam de commodis nostris laborasse, & sollicitos fuisse, declararunt: cum se Patres esse intelligerent, de hoc solum cogitabant, ut liberorum salutem esset prospectum: cum infirmitates nostras animadverterent, se vere Evangelicos Medicos esse agnoverunt, & ideo oleum, & vinum, corporis nostri vulneribus, & scissuris infuderunt: cum Pastores, ovium curam susceperunt, ad pascua pingua deduxerunt, a luporum, & aprum insultibus, & incursionibus nos liberarunt. Cum viderent cadentem, & labentem Rempublicam, officii sui esse existimarunt, ut tanquam Arce Noe, & Templi Dei Architecti, eam erigerent, fulcissent, sustentarent. Sunt plurimi fateor, insignes Authores, qui sparam sibi commissam, ut ornarent, de corrigendis Ministrorum Ecclesiæ moribus, & languore, docte, acute, enucleate, satis dissolverunt; verum hoc apud me certissimo est persuasum, nullum unquam privatum Doctorem, atque Scriptorem, aut tot in Ecclesiæ corpore nævos, aut tam dissidentium populorum, quot sunt in Ecclesia mores, ac instituta, aut tam convenientia grassantibus in membris Ecclesiæ morbis remedia observare, intelligere, providere potuisse, atque Sacrosancti Concilii Tridentini Sanctissimorum Virorum oculis lynceos, experientiam, judicium, sapientiamque pene Divinam: Ubi, quæso, enim alias unquam quid officii

officii Pastor, quid ovis, quid Prælati, quid subditus, quid Sacerdos, quid populus, quid celebs, quid conjugii vinculis affectus, quid Clericus, quid Laicus agat: quas functiones legitime obire, quas curas suscipere, quas consuetudines admittere, quas leges exsequi, quos duces in via sibi spirituali proponere, sequi & assequi liceat, clarius, luculentius, locupletius fuerit demonstratum. Tantum non digito Concilii Tridentini Patres monstrarunt. Nec id sane mirum, nam Concilium fuit Generale, Universale, & Oecumenicum: fuit mandato Summi Pontificis convocatum, & inceptum, & ejusdem Sedis Apostolicæ, prout fieri debet, & solet, autoritate confirmatum: in eo, ex totius Orbis Christiani Regnis & Provinciis, tantus Prælatorum, & Præsidentum Ecclesiæ numerus, quantum ad hoc satis erat, extitit, ut hoc etiam nomine, primis illis laudatissimis superioribus temporibus celebratis Conciliis, merito queat comparari, & annumerari. Non in eo, ut in aliis sæpe, unius, aut alterius hæresiarchæ saltim, sed varii variorum pertinaces errores, opiniones impie, & monstrofi partus: neque duntaxat in una, sed in diversis, iisdemque difficillimis, & abstrusis subjectis per innumerabiles Canones sunt notati, in lucem producti, damnati, & anathematizati. Hinc datus campus latissimus, & horrea refertissima aperta Ss. Theologiæ Doctores, & Juris Canonici Professoribus, in quibus jucundissime exspaciari, & quantum perplacet, de humidissimo celi rore, & de tritico purissimo, sibi sumere possunt. Nonne huic rei institutiones, & compendia, ipsum denique integrum juris, ut vocant, Canonici Corpus, a Gregorio XIII. Pontifice Max. maximo cum commodo bonorum omnium, nuper editum, nobis testimonio esse possunt, dum videmus, in hac, ad regimen Ecclesiæ apprimè necessaria disciplina, horum temporum, personarum, etiam locorum aliquorum habita ratione, quasdam Constitutiones sublatas, & antiquatas, quasdam enucleatas, quam ante, traditas, & explicatas, plurimas vero, de novo in hoc Concilio editas, in jus illud Canonicum ex Capitulis de Reformatione, translatas, & insertas, ad quarum præscriptum, nostra hæc præsens debet regi, atque, qui in fortem Domini vocati sumus, merito instrui vita. Sed ad contemplanda altiora ascendamus, nec solum Concilio Tridentino nobis, ut hæretici falso fabulantur, de dignitate nostra speciose tuenda, non etiam, & multo quidem magis, de animæ salute, perpetuaque felicitate adipiscenda provivum esse putetis. Vos ego Sacratissimos, Sacratissimi Verbi, & eloquiorum Dei interpretes interrogo: utrum non vestra

dogmata, & Christianæ doctrinæ capita, post examina Sacrarum Scripturarum, hoc magis, & frequentius, quam ullo alio adstruimus, & approbatis Concilio. Vos, inquam, Theologos alloquar, nonne disputationes vestræ acutissimæ, conciones eloquio superiori ferventissimæ, & eruditissimæ Lectiones vestræ, quas in Universitatibus profiteremini, & scriptis etiam libris publicatis, magna ex parte hujus Sacratissimi Concilii fundamentis, atque locis innituntur: ex quibus validissimis sumptis argumentis, fraudes, atque dolos adversariorum detegitis, ipsamque perspicuam, & illustrem veritatem, aperte, & verè, in hoc Concilio applicatam atque definitam, docetis? Nonne hinc etiam liquido apparet, quod hoc Concilium, & ipsismet hæreticis, si modo voluissent, aut vellent, fructum magnum allaturum esset? Nam cum variis inter se ipsos opinionibus digladiantur, nec omnino in omnibus adhuc conveniant, facile, si æquissimum hujus Concilii judicium agnoscere vellent, diffidiis, & controversiis illorum, debitus finis imponeretur. Quod si enim purum Dei Verbum, quis Scripturæ Sacræ germanus sensus, atque consensus, quis controversiarum nodus, atque status, ab hac collocata in eminenti loco cathedra, verissima sententia, a qua quidem appellare non licet, pro consolatione conscientiarum suarum, impartirentur? quam reverenter suscipere, & ei stare in omnibus, nonne satius foret, & magis ex re illorum, quam semper in incertum currere, umbras affectari, & dubio eventu de propriæ animæ salute periclitari? Novistis enim, quomodo exterminium, ejectionem, & sublationem de medio Israël, denique mortem ipsam Deus graviter denuntiat, & minetur istis, qui eorum, qui supra Cathedram Moysis sedent, & Domino Deo suo pro tempore deserviunt, mandatis & dictis, superbiæ vitio elati, obedire recusant. Quod ut propitius, procul a nobis Deus avertat, hoc nobis curarum, & sollicitudinis pondus incumbit, ut hoc Concilium, quæ decet, pietate veneremur, illi nos permittamus, illi credamus, illud audiamus, illud secundum Deum ipsum vereamur: quæ de rebus Divinis illud sentit, sentienda, quæ de humanis præscribit, facienda, quæ prohibet, fugienda, sine ulla dubitatione statuamus. Statuamus & hoc, quod quæ semel sunt de consensu omnium constituta, ea non modo convellere, aut labefactare, sed ne in dubium quidem, amplius cuiquam revocare permisissum esse. Quis enim non videt, quæ sit ex eo rerum & humanarum, & Divinarum confusio sequutura, si cuilibet arbitrio suo, secus aliquid de his, quæ in Conciliis constituta sunt, decernere fas esset?

quid

Quid fide nostra incertius? quid institutis mutabilis? quid futurum esset Ecclesiae statu perturbatus? quis dubitandi? quis inveniendi? quis quaerendi finis esset expectandus? Animadvertit id Sanctissimus Papa Gelasius, & propterea inquit: Patres nostri Catholici, Docti videlicet Pontifices, in unaquaque haeresi, quolibet tempore suscitata, quicquid pro fide, quicquid pro veritate, pro communione Catholica, atque Apostolica, secundum Scripturarum tramitem, praedicationemque Majorum, facta semel congregatione sanxerunt, id inconvulsam deinceps voluerunt, firmumque constare, nec in eadem hac causa denuo, quae praefixa fuerunt, retractare qualibet recenti praesumptione permiserunt, sapientissime providentes, quoniam si Decreta salubriter cuiuslibet liceret retractare, nullum contra singulos quosque errores stabile persisteret Ecclesiae constitutum, ac semper iisdem furoribus recidivis, omnis integra definitio turbaretur. Nolite ergo, inquit D. Augustinus, nolite esse ingrati tantae misericordiae Dei, quae per illam diligentiam nobis ministrata est: nulla exculatio jam remansit: nimium dura, nimium diabolica sunt hominum corda, quae adhuc tantae manifestationi veritatis obstitunt. Animadvertit hoc humanissimus omnium, & prudentissimus Imperator SIGISMUNDUS noster (domesticis enim libentius utor exemplis) ad quem ex Concilio Constantiensi reversum, cum Brunam Ordines, & Proceres Regni Bohemici, ad Regni gubernacula capeienda eum invitari venissent, atque inter alia Communionem utriusque speciei, iniquo animo Hussii & Hieronymi supplicium ferentes vehementer urtissent; Superfedere istis, inquit Imperator, chari Bohemi, nihil ad rem in praesens pertinentibus, quae non hic Brunae, sed potius Constantiae, dicenda erant, ubi ad ista omnia, vobis Concilium respondere potuisset: cuius si exemplum hoc tempore Reges, & Principes, qui ad gubernacula evocantur, aut rerum jam potiuntur, studiosè imitarentur, minus certe haberent animi subditi, ut ab eis tanta cum instantia, & importunitate petere auderent, Augustanae, Vittembergenfis, & nescio non quarum confessionum, ac confusionum, permissionem, praecidereturque hac ratione, perniciosissima illa, quod valde impium est, quidlibet impune credendi, aequa concessa potestas; Animadvertit hoc prudentissimus, & acerrimus in rebus dijudicandis arbiter, & Iudex Sacratissimus Imperator FERDINANDUS, qui suis Legatis, a Tridento reversis, illis potissimum verbis, est gratularus: Aluimus vos, inquit, in Schola optima, optima sane Schola, in qua Doctor ille summus, non aliis

discipulis, quam Apostolorum Successoribus suggerit, & communicat omnia, qui eo Spiritu edocti, nil nobis de proprio adferunt, nihil proponunt, nihil enarrant, nihil edocent, quam quod ab ipso audiverunt, intellexerunt, & a Patre largitore bonorum omnium, desuper est illis revelatum. Animadvertisti hoc ipsum, Antistes, & Princeps Illustrissime, cum tu quoque singulari ingenii tui bonitate, acumine, dexteritate, quod dixi, probe assequeris, intelligeres, agitares, & probares: Nunquam tamen haecenus id, quod animo conceperas, fuit tibi facere licitum (injuriam haec fuit temporis, & perversitas status praeteriti) nunquam pro tuo desiderio, & arbitratu concessum, ut tam locuples Spiritus Sancti Sacrarium, & Sacra Marcomannica Diocesi erigeres, tam necessariam, & utilem officinam, tuis subditis aperires, tantas Sanctissimorum, & Sapientissimorum Virorum merces ovibus tuis distrahas proponeres. Non tua id, fateor, accidit culpa. Sed vicit tamen labor improbus, vicit tua patientia, vicit tuus constantissimus zelus, & id effecit, ut haec Moravica Provincia, quae circumjacentibus Regionibus, & Provinciis, a septingentis, & ultra annis, Authoribus, & Apostolis DD. Cyrillo, & Methodio, Fidei, & Religionis extitit Magistra, & Informatrix, hoc Sacrosanctum Concilium Tridentinum, si non primo, attamen non ultimo loco reciperet, & approbaret. Illud enim tu hodierna hac die in tuam Diocesim plenè velis, ac remis invecum nemine penitus resistente, nobis universis, quos tua pastoralis regit cura, suscipiendum, & deinceps in omnibus (exceptis iis, quae speciali Sedis Apostolicae indulgentia ininteritum) serio praecipis, & demandas, observandum. Sit Nomen Domini in omnes aeternitates benedictum! Felicitas haec est tua, STANISLAE, ut quod tuis aliquot Praedecessoribus laudatissimis facere non licuit, id tibi, benigne spirante Dei aura, sit concessum. Favores enim Divorum, & hominum, ipsaque temporum momenta, deservire tibi videntur. Dicam breviter: *Ad res magnas natus es.* Quamobrem sicut mihi de te, Princeps Illustrissime, hoc persuasissimum est, quod haec ipsa a DEO Opt. Max. in te profecta cognoscas, atque propterea illi gratias immortales referas semper: sic etiam de vobis gravissimi Patres, & Fratres Observandi & Charissimi, nihil ad dubio, vos Sanctae Romanae, & Orthodoxae Ecclesiae, cujus Alumni, & Filii esse, & nominari vultis, vocem, monita, iussa, & decreta, quae nobis per Illustrissimum, & Reverendissimum Principem STANISLAUM, Filium suum charissimum, exhibet, & porrigit, summa alacritate, promptitudine, fide,

obedientia, & observantia, quæ filios decet charissimos, obviis, ut ajunt, ulnis, complexuros esse, in quibus Ecclesiæ ipsius Matris vestræ, incolunitas, vestra perfectio ac dignitas, innumerabilium hominum salus, tanquam radius a Sole dependet, dubio procul, eam apud universam posteritatem vobis laudem, & nomen, comparaturi, ut præter vos, nullos alios in hac Dicecesi, Ecclesiæ Dei, & salutis animarum amantiores, neque præteritis temporibus, neque præsentibus, fateantur extitisse omnes. Precor ergo CHRISTUM JESUM, Instauratorem vitæ, & salutis nostræ Vindicem Optimum Maximum, ut eam vobis omnibus mentem inspiret, eam suggerat alacritatem, eas vires suppediet, quibus tantopere exulceratis, & pene jam perditis rebus, dissensionibus nimirum in Religione, & in vita communi malis moribus, salutare auxilium & solatium, ex hoc præsentis in Christi nomine congregato conventu afferatis, Dixi.

Finita Oratione, Reverendus Dominus *Joannes Feger*, Promotor Synodi, jussu Illustrissimi Principis ex eodem suggestu legit *Præfationem Synodi, publicationem Concilii Tridentini completentem*, ut sequitur:

P R Æ F A T I O.

IN NOMINE SANCTISSIMÆ ET INDIVIDUÆ TRINITATIS, PATRIS, ET FILII, ET SPIRITUS SANCTI, AMEN.

Cum Doctrina Christiana, ea parte, qua sua præcepta certa quadam methodo, modo, ac ratione tradit, humanis quibusque disciplinis non sit absimilis, necesse est, ut quemadmodum istæ, ita & illa, certa quoque ac propria principia habeat, a quibus & ortum suum, atque incrementa agnoscat, & simul arma oppugnandis, proterendisque hostibus necessaria, depromat. Itaque porro principia sunt, primo quidem ac maxime proprie, res omnes Symbolo Fidei Sanctorum Apostolorum traditæ, deinde ea universa, quæ Divinitus inspirari loquuti sunt Sancti Dei omnes. Quæ etsi primævæ originis, ab ipsis Apostolis deductæ, demum & firma Sacrorum Conciliorum, & Sanctorum Patrum authoritas, indubitata, atque certissima efficit: Non desunt tamen corruptissimum hoc ævo plurimi,

qui certas fidei doctrinæque Christianæ bases humanæ sapientiæ viribus evertere moliuntur, quamque exquirere velle videntur doctrinam, ejus principia non minus impie & pertinaciter, quam imprudenter, & maliciose impugnant.

Quorum omnium principiorum (ut & ipsius legis) fundamentum ac Caput unum est *Christus Jesus*, Mediator Dei, & hominum, qui in sinu Patris existens plenitudine temporis adveniente, hæc omnia non quibusvis promiscue hominibus clarius revelavit, & uberius impertivit, sed præelectis tantum a se Apostolis, per quos etiam traditam cœlestem doctrinam in omnem terram sub Petro Principe disseminavit, iisdem docentium verbis, quos orbi universo assignavit, finibus constitutis. Licet autem per doctrinam hujusmodi eadem illa Ecclesia, quæ prius ab ipso met Christo Domino, super petram fundata erat, tantæ semper fuerit firmitatis, ut illi per milites suos certanti, fortiterque agenti, ipsæ portæ inferi non prævalerent, & infernus ipse victas manus daret; nunquam tamen inquietus humani generis osor, & capitalis hostis Satan ab illa oppugnanda destitit, excitatis etiam hac nostra ætate hominibus Philistæis, quorum armis unica hæc columba impeteretur. Sed qui sponsam suam ad exercitum tentari permisit Dominus, idem ille tentationem supra vires procedere haud passus, ut olim, ita quoque nostro hoc ævo, eidem cymbæ suæ, inter tot procellas & fluctus protervi maris graviter fluctuanti, ac periclitanti, jamque propemodum fessæ, præsens auxilium & remedium benigne afferre est dignatus. In viris namque Apostolicis velut dormitans expergefactus, per Sacrum illum totius orbis Christiani Conventum, Tridenti nuper habitum, doctrinam a se olim Divinitus traditam, ita confirmavit, & stabilivit, ut non cæcutientium duntaxat Hæreticorum oculos ejus clarissima luce mire perstrinxerit, verum etiam in densissima infidelitatis caligine, apud Antipodas viventes homines longe lateque illuminaverit, illamque ipsam credentium unitatem in una fide Petri restitue-

rit, in qua olim prima Ecclesiæ suæ jecerat fundamenta. Quam fidem Nos STANISLAUS, Episcopus Olomucensis, sincero corde amplectentes, ac unice cupientes, ut oves curæ nostræ creditæ, quarum plerasque non sine magno dolore nostro per errorum avia, furacium luporum multitudo ferri cœgit, ad hanc Christi Domini & Dei nostri beneficio restitutam unitatem reducantur, in præsentia Reverendorum, & Venerabilium Fratrum nostrorum, Dominorum Decani, & Capituli Cathedralis nostræ Olomucensis, Abbatum, Præpositorum, Priorum, Collegiarum Ecclesiarum Deputatorum, Archidiaconorum districtuum, Decanorum Ruralium, Paræciarum Rectorum, ac aliorum Sacerdotum, totiusque Cleri cujuscunque gradus, ordinis, & conditionis, in hac Synodo nostra Olomucensi congregatorum, de communi eorundem consilio, assensu, & astipulatione, exemplo Christi Jesu Dei, & Servatoris nostri, a quo fermento cavendum, quæve doctrina non sincera, & falsa vitanda esset, monentis, atque ut D. Mathæus scribit, confessionem veræ fidei ab Apostolis exigentis, tum etiam Sacris Legibus edocti, ac instituti, ut Summi Pontificis Pii IV. fel. rec. mandato, tanquam Filii Ecclesiæ obedientissimi, pareamus, in hac nostra prima Synodo, ad Majorem Dei Gloriam, nostrum omnium salutem, Sanctæque Orthodoxæ Religionis propagationem, felicibus (quod Deus gloriosus bene vertat & faxit) auspiciis inchoata, prompto & alacri animo, Sacrosanctum Oecumenicum, & Generale Concilium Tridentinum Sancte & reverenter palam recipimus, atque amplectimur, a Nobis, Successoribusque nostris, nec non universo Diœcesis nostræ Clero, in judicio, & extra judicium sancte & inviolabiliter in posterum sine ulla exceptione vel tergiversatione servandum: Rati ex eo tanto certiores rite credendi, ac bene, honesteque vivendi normam nos deprompturos esse, quanto majori totius Christiani orbis consensu, Spiritus Sancti nutu, universa ejus Decreta novimus emanasse. Hujus itaque Sacrosancti Oecumenici Con-

cilii Tridentini Canones, & Decreta vobis omnibus præsentibus, qui Sancte, & religiose moniti, una nobiscum in ejusdem receptionem consensistis, sicut & aliis quibusque absentibus in præsentiarum proponimus, promulgamus, in usum inducimus, publicamusque, omnes & singulos paterne in Domino monentes, atque etiam in virtute sanctæ obedientiæ præcipientes, ut in posterum secundum eadem vos gere, inque munerum vestrorum ministeriis & officiis quam maxime iisdem conformare apprime studeatis: sicut & nos, ut ab omnibus Diœcesis nostræ subiectis observentur, pro virili nostra, & quoad fieri poterit, curaturi sumus. Et si quæ difficultates super eorum executione subortæ fuerint, Reverendissimum, & Illustrissimum Dominum, ad Sacram Majestatem Cæsaream, Dominum nostrum Clementissimum, Nuncium Apostolicum, vel etiam ipsum Sanctissimum Dominum nostrum, Sedemque Apostolicam, si necesse fuerit, consulturi, atque earum declarationem, moderationem, & limitationem, quemadmodum id ipsum idem Sacrum Concilium Tridentinum indulget, (a) demisse peturi. In præsentī vero nostra Synodo, in omnibus iis, quæ orthodoxam, Catholicam, Romanam Fidem concernunt Decreta, & placita ejusdem Sacrosancti Concilii Tridentini sine ulla hæsitacione amplexi, ea, quæ ad Cultum Divinum rite, & decenter peragendum, disciplinæ Ecclesiasticæ reformationem, & vitæ, morumque Cleri nostri correctionem, ex moderni status, & necessitatis Diœcesis nostræ ratione pertinere visa sunt, inhærendo Sacrorum Canonum, & præfati Sacri Concilii Tridentini Decretis, nonnullas salutares Constitutiones sancientas & edendas duximus.

Leſta Præfatione, & publicatione Concilii Tridentini facta, Illustrissimus Princeps, primam Constitutionem Synodalem per prædictum Promotorem Synodi clara voce ex loco eminentiore legi mandavit, Promotorque eam legit, ut sequitur:

CA-

(a) Concil. Trid. Sess. 22. de recipiend. & observand. Decret. Concilii.

CAPUT I.

De Professione Fidei ab omnibus facienda.

Quia corde creditur ad justitiam, ore autem confessio fit ad salutem, idcirco in hac nostra Synodo in primis statuimus, & decernimus, ut ad testificandam unitatem fidei, quæ in unica Christi Ecclesia statim ab ipso sui exordio invariabilis semper fuit, & ad finem usque sæculi post Beatum Petrum Apostolorum Principem continua Romanorum Pontificum successione, secundum Servatoris nostri repositionem, eidem Petro factam, est duratura; universi, & singuli Prælati, alique Presbyteri, nec non reliqui Clerici, tam sæculares, quam Regulares ad unum omnes, qui Synodo huic interfunt, ex formula per Pium, felicis recordationis Papam quartum præscripta, & edita, ante ulteriorem Synodali tractationem Fidei Professionem emittant, idque in locis coram personis per Promotorem Synodi demonstrandis, & assignandis.

Ejusdem quoque Sacri Concilii Tridentini innixi Decreto ^(b) statuimus, ut omnes & singuli Prælati, Canonici, Parochi, Presbyteri, Clerici tam sæculares, quam Regulares, nec non omnes, qui beneficia Ecclesiastica cum & sine cura animarum habent, vel habituri sunt: item Magistri, Licentia- ti, Doctores, in quacunque Facultate promovendi, vel jam promoti, Scholarum Rectores, Baccalarei, Pædagogi, nec non ii, qui artem scribendi in lingua Bohemica, & Germanica, & Arithmeticam in oppidis ac civitatibus profitentur: similiter & alii quicunque, qui munus alios verbo, aut scripto docendi, instituendi, & prædicandi habent, dictam Fidei Professionem, antequam ad exercitium suorum officiorum, dignitatum, & beneficiorum Ecclesiasticorum possessionem admittantur, emittere, omnesque ii, qui in Synodo Diocesana posthac convenire debebunt, idem facere teneantur.

Qua Constitutione perlecta, Illustrissimus Dominus, nec non Domini Prælati sæculares, & Regulares, alique omnes Clerici, qui Synodo interfuerunt, flexis genibus fecerunt Professionem Fidei, secundum formulam Bullæ PII Papæ Quarti, una omnes clara voce, præeunte in verba ejusdem Professionis Reverendo Domino *Georgio Sekera*, Sacræ Theologiæ Baccalareo, Canonico Olomucen. dictæque Synodi altero Promotore, ac demum tactis Scripturis, singuli jurarunt in omnia contenta, in dicta formula Professionis Fidei, dicendo: *Sic me Deus adjuvet, & hæc Sancta Evangelia,*

Forma autem Professionis Fidei hæc est: *Ego N. firma fide credo, & profiteor omnia, & singula, quæ &c.*

Facta per omnes, & singulos Fidei Professione, jussu Illustrissimi Principis lecta fuit secunda Constitutio Synodalis per primum Promotorem, una cum Bulla PII Papæ Quarti, ut sequitur:

CAPUT II.

De Libris hæreticis & prohibitis non legendis, neque retinendis.

Sicut turpe, indecorum, & periculosissimum est, eum, qui militari obstrictus Sacramento, in bellum sine armis, tam proprii corporis defensivis, quam adversarii viribus retundendis necessariis prodire: ita sane & Sacerdotem, ex cujus labiis Divinæ Legis requiritur scientia, opprobriosum & periculosum est, sine libris, qui contra spiritualia nequitæ adversariorum humani generis tela, defensiones ac arma subministrant, in officio suo versari. Proinde statuimus, ut quilibet nostræ Diœcesis Sacerdotum, & Clericorum sæcularium, & regularium libros Catholicos, & approbatos duntaxat, pro sui quisque captu ingenii, & officii ratione legat, omnes vero eos, quorum authores Sancta Mater anathematizat, & rejicit Ecclesia, & Sedes Apostolica, uti hæreticos, & erroneos, quemadmodum & Magicos, ac superstitiosos, nec non obicænos quosque fugiat, neque eos legere, aut retinere, sine expressa

(b) Sess. 23. Cap. 12. de Reform.

Tomus VIII. Concilior. German.

pressa Sedis Apostolicæ, aut nostra ejusdem Sedis autoritate, licentia in scriptis obtenta, sub pœna excommunicationis ipso facto incurrenda præsumat.

Archidiaconi proinde districtum, visitationes facturi; diligenter Bibliothecas Sacerdotum perlustrabunt, & si quos prohibitos tam in indice librorum vetitorum, ex Decreto Sacri Concilii Tridentini edito, contentos, quam eos, qui postea emanarunt, & hucusque in lucem prodeunt, libros invenerint, auferent, atque contra eos, qui Decreto huic in abjiciendis talibus libris non paruerint, tanquam contumaces, & de hæresi suspectos, diligenter juxta tenorem Bullæ Pii IV. Pontificis Maximi, inquirent, procedant, & in eos animadvertant. Et ne forte ignorantia, etiam hac in parte, excusationem aliquibus, facile ad effugia quæcunque pronis pariat, mandamus, ut exempla Concilii Tridentini quisque Sacerdotum, & aliorum quorumvis Clericorum sibi emat, quo & salutaria ipsius Decreta edificare, & librorum prohibitorum Catalogum, qui ad calcem ejusdem Concilii, una cum prædicta Bulla Pii IV. extat, ad manum semper habere possit, cujus Bullæ tenorem hic pro majori omnium cautela, & ejus rei evidentia subjici mandavimus.

PIUS Papa IV. ad futuram rei memoriam. Dominici gregis custodiæ, Domino disponente, Præpositi, &c. Vide Tomo nostro VI. pag. 945.

Aboluta lectione secundæ Constitutionis, & Bullæ prædictæ, Illustrissimus Princeps, peractis ceremoniis, admodum Reverendos Dominos Prælatos, tam sæculares, quam Regulares clara voce interrogavit, an illis placeat, ut primæ Sessioni finis imponatur: quibus respondentibus: *Placet*, alteram Sessionem, pro die crastina, nempe XIII. Novembris indixit, utque hora solita ad sonum campanæ omnes & singuli convenirent, injunxit: & antequam congregatio soluta esset, Judices Synodales, qui causas & controversias Cleri audirent, examina- rent, & sine Canonico terminarent, per Cancellarium suum publice nominari mandavit, nimirum admodum Reverendos Dominos, *Melchiorum Pirnesium*, Decanum:

Joannem Styrnski a Styrn, Præpositum: *Theodorum Engls*, LL. Licentiatum, Archidiaconum & Officalem: *Ulricum Rittmannum*, J. U. Doctorem, Canonicum præfatæ Ecclesiæ Olomucensis. Qua publicatione facta, omnes discesserunt in pace.

SESSIO SECUNDA.

De XIII. Mensis Novembris Admodum Reverendi Domini Prælati sæculares, & Regulares, Parochi, Presbyteri, alique Clerici, qui die præcedenti Synodo interessant, ad pulsus campanæ in præfata Cathedrali Ecclesia Olomucensi congregati fuere. Tunc Sacro Missæ Sacrificio ad summum Altare, per Admodum Reverendum Dominum Decanum Olomucensem, de Sancto Spiritu cantato, ac decenter solenni ritu peracto, Illustrissimus Princeps pluviali albo amictus, sub Pontificali insula, cumque pedo ex Sacrario egressus, altare majus accessit, frequentibus se Dominis Prælati sæcularibus & regularibus, singulisque loca sibi per Promotores assignata occupantibus. Tunc Illustrissimus Dominus incepit Antiphonam: *Propitius esto*, ut in Pontificali habetur; Choro prosequente: demum Hymnus, *Veni Creator*, cantatus fuit a Choro, & toto Clero, aliæque cæremoniæ, & orationes, juxta Pontificalis tenorem decenter sunt peractæ. Reverendus itaque Pater *Leonardus Rubemus*, Societatis *Jesu Theologus*, & *Seminarii Olomucen. Regens*, ex suggestu orationem habuit de officio Pastoris & dignitate Sacerdotali, in hæc verba.

ORATIO.

Et si verear, Reverendissime, & Illustrissime rerum Divinarum Antistes, Venerabiles, Reverendi, & Ecclesiastici Viri, cæterique Auditores, ne turpe sit, de officio Pastorum Ecclesiæ dicere incipientem, pertimescere; multa tamen sunt, quæ præter rei ipsius, de qua dicturus sum, excellentiam, mihi timorem hoc loco hodierna luce afferunt. Etenim video me corona confusus vestri cinctum amplissima, conspicio me antehac vix usitata Religiosorum Ordinum & Prælatorum frequentia stipatum, cerno complures pietate, vitæ & morum integritate, doctrina ipsa & dicendi facundia, me longe superiores adeste, ut me, si non perorantem, atram balbutientem, vel lingua hæsitantem audiant. Ante oculos mihi versatur is, qui rem Ecclesiasticam universam per omnes Moraviæ fines, quasi in specula constitutus, cum spectata virtute, singulari doctrina, rara pietate, tum & ipsa specie corporis tuetur. Adest, qui ut agnoscat vultum peco-

pecoris sui, & oves omnes suæ fidei concreditas, in suum ovile congreget, hanc Sanctam Synodum constituit, ut penitus introspiciat, vel quibus insidiis grex sibi commissus antehac petitus, vel certe quibus præfidiis a luporum rabie septus in posterum esse queat. Dignæ Pastore, Præsule, Episcopo, Principe, partes. Quæ quidem omnia, nescio, quid dicenti horroris afferant, nescio, quam novi hujus judicii novæ forma oratoris terreat oculos. Sed me recreat, & reficit, quod non mea, sed Illustrissimi Principis voluntate & arbitrio, huic locum ad dicendum ornatissimum concesserim, quæ res non periculum mihi, sed præsidium denunciat, neque solum, ut quieto, sed etiam ut magno sinu animo, hortatur, neque auxilium modo orationi meæ, sed & benevolentiam, & silentium pollicetur. Fretus etiam vestro, cæteri Auditores, in me studio, omnem mihi attentionem pollicetur, cum aliis de causis, tum vel maxime, quod de Sacerdotum & Pastorum munere sum verba facturus hic, ubi locus huic orationi datus ab amplissimorum Ordinum lectissimis Viris.

Ut vero rem hanc scitu dignissimam aggrediamur, id velim intelligant, si qui auditorum adsunt, vel qui minus huic Sanctissimæ Præfultum, & Sacerdotum coronæ faveant, vel omnino cum hæreticis sentiant, Ordines Sacros omnes in eo tantum consistere, ut sint Ministri, uti vocant, verbi, nos id, qua ii temeritate astruunt, eadem fidei constantia inficiari. Novimus nos in Ecclesia Pastores, Prælatos, Præpositos, Episcopos: novimus D. Paulum non tantum dicentem, *qui docet in doctrina*, [c] sed etiam subjungentem, *qui præest in sollicitudine*: novimus eundem hortatum Hebræos: *Obedite Præpositis vestris*, (d) & subjacete illis, *ipsi enim pervigilant, quasi rationem reddituri pro animabus vestris, ut cum gaudio hoc faciant, & non gementes*. Idem non tantum Ministros, sed & dispensatores Mysteriorum Dei requirit. Idem Miletæ coacto Episcoporum Concilio, eos vel hoc nomine ad rem Ecclesiasticam digne administrandam cohortatus est, quod a Spiritu Sancto positi fuerint, regere Ecclesiam Dei. Age vero, unde initium administrationis hujus sument? Utrique a domo propria, & familia suæ fidei concredita. Hinc totam domum evertere oportet, cum muliere non carnali, sed Evangelica scopas adhibere, admoveere falces, illustrare focos, triclinia, cubacula; demum ædium angulos omnes, si quid latitare conspexerint, quod salutis tum propriæ,

tum aliorum obicem constimulat, id scopis etiam adhibitis evertere, quo drachma perditum inveniat: videre, quos alant, qua fide, qua in Deum pietate & conscientia integritate, demum quibus moribus conspicuos. Itane vero? ita profecto. Si enim D. Paulus a vidua singularem domus gubernationem requirit, dum inquit: *Si quis [e] suorum, & maxime domesticorum, curam non habet, fidem negavit, & est infideli deterior*; quid a Sacerdote, quid ab animarum Præfule exiger, cum eum vult suæ domui bene præpositum, quod usque adeo necessarium ostendit, ut sine eo Pastor minime esse possit. Si enim quis suæ domui præesse nescit, (f) quomodo Ecclesie Dei diligentiam habebit? Erit is quidem Pastor, sed adumbratus, sed adulterinus, sed, ut cum Zacharia loquar, Pastor & idolum, non dissimilis moribus Sobnæ Præposito templi, quem Isaïas, jubente Domino, gravissimis verbis coarguit. Ut vero magna cum domesticorum, tum aliorum cura teneantur, quis ambiget necesse fore, ut Divino imprimis amore sint incitati, atque adeo inflammati? Etenim quid aliud, dum Filius Dei optimi Pastoris partes Petro detulit, tertio repetito sermone in eo expectat, nisi amorem Christi? Quo tertia quoque responsione confirmato, audit: *Pasce oves meas*. (g) Dignum te mearum ovium Pastorem, Apostolorum Collegio, imo universo terrarum orbi, renuncio, a quo non vereor, oves ad sanguinem emulendas, non timeo lanam una cum pelle tendendam, nedum viscera ipsa eruienda; verum, quem arbitror, anima & sanguine proprio, a luporum nefaria rabie oves meas vindicaturum; ac proinde te, uti prudentem, & fidelem mihi servum, supra familiam meam, Vicarium, Rectorem, & Pastorem constituo. Hinc illæ voces D. Pauli, omnibus Præfulibus dignissimæ, posita prius infinitorum pro Christi Evangelio susceptorum periculorum serie, *Quis, inquit, infirmatur*, (h) & ego non infirmor? *Quis scandalizatur*; & ego non uror? Nec hic amoris suo terminum, metamque figendam putat, nisi etiam alibi asserat, se *anathema futurum a Christo*, (i) pro fratribus suis, qui sunt secundum carnem. O quanta tibi D. Paule amoris, & exactorum certaminum gloria manet? Nobis vero, ut eandem cum D. Paulo assumamus, pari studio contendendum erit. Ac proinde e re nostra fuerit, ut omnibus iis negotiis, quæ vel specie ipsa nos ab animarum cura avocant, nuncium mittamus.

Jam enim, o querimoniam, assiduo
T 1 3 fieri

(c) Rom. 12.

(d) Hebr. 13.

(e) 1. Timoth. 5.

(f) 1. Timoth. 3.

(g) Joan. 21.

(h) 2. Cor. 11.

(i) Rom. 9.

fleru, lachrymisque dignissimam ! videre est plurimos, qui ordinis, dignitatis, & Magistratus sui obliti, iis negotiis, quæ olim, nec ipsis quidem, qui in Ecclesia erant contemptui, concedebantur, ultro citoque se ingerunt, & summo laicorum scandalo sese implicant. Nobis certe aliud acclamat D. Paulus: *Nemo militans Deo [k] implicat se negotiis secularibus, ut ei placeat, cui se probavit.* Sed ubi nunc illa tua, D. Paule, Timotheo tradita doctrina? Adhibe, quas potes faces, circumspice omnes angulos, vide, si est, qui ex his negotiis sese expediat. Non quidem negaverim, esse; at paucissimos. Ad vivos revertatur oratio. His expediti, negotia agent Dei, & imbuent se scientia Sacerdote digna. Quid enim Ezechiel a Sacerdote requirit, ut inter pollutum & immundum dijudicet? Scientiam. Quid Malachias ab eodem, cum Angelus Domini exercituum sit? Scientiam. Id vero verius esse, ex eo constabit, si Deo, Divisque omnibus invisam Sacerdotum ignorantiam æqua iudicii trutinæ examinaverimus. Etenim quam graviter eorum inscientiam ferat Dominus, testis est Isaïas: *Speculatores, inquit, ejus omnes cæci, (l) nescierunt universi: canes muti, non valentes latrare: videntes vana, dormientes, & amantes somnia. Et canes impudentissimi, nescierunt saturitatem. Ipsi Pastores ignoraverunt intelligentiam, omnes in viam suam declinaverunt, unusquisque ad avaritiam, a summo usque ad novissimum. Venite, sumamus vinum, & impleamur ebrietate, & erit sicut hodie, sic & cras, & multo amplius. Quid vero Jeremias? Sacerdotes [m] non dixerunt, ubi est Dominus? Et tenentes legem, nesciunt me, & Pastores prævaricati sunt in me.... Propterea adhuc iudicio contendam vobiscum, ait Dominus, & cum filiis vestris disceptabo. Quid Ezechiel: Sacerdotes [n] ejus contempserunt legem meam, & polluerunt Sanctuaria mea: inter sanctum, & profanum, non habuerunt distantiam, & inter pollutum & immundum non intellexerunt. Quid ergo? Et effudi super eos indignationem meam, [o] in igne iræ meæ consumpsi eos: viam eorum in caput eorum reddidi, ait Dominus Deus. Has minas justitiæ (p) Sacerdotum intentatas, quis non stupefactus exhorrescat, quæ ipsorum demonum nos filios constituit? Filii siquidem Heli, (q) filii Belial, nescientes Dominum, neque officium Sacerdotum ad populum. Sumite itaque optimi Pastores, Sacrorum Bibliorum volumina: vol-*

vite Ecclesiasticos & Sacrorum Conciliorum, imprimis Concilii Tridentini Sacros Canones: sumptus præcipuos in colligendis & conservandis Bibliothecis, ut sempiterna studii, & doctrinæ vestræ vigeat memoria, impendite: date operam, ut nihil vos lateat eorum, quæ ad tuendam cum propriam, tum proximi (r) Sancti Patres tradiderunt. Fugite animis vestris, Apostolorum facile Principe Petro dignam sententiam: *Domini autem Christum sanctificate in cordibus vestris, (s) parati semper ad satisfactionem, omni poscenti vos rationem de ea, quæ in vobis est spe, & fide.* Perterriti dictum [t] Prophetæ: *Quia tu scientiam repulisti, repellam te, ne Sacerdotio fungaris mihi.*

Hac vero scientia acquisita, necesse est, ut quivis in hanc cogitationem veniat, se speculatorem gregis Christi constitutum, & sibi id, quod Ezechiel, dictum existimet: *Fili hominis: (u) Speculatorem dedi te domui Israel.* Quid ita? Ut enim speculatoris est, de editori loco plus omnibus contemplari; ita necesse est, ut Pastor proposita dignitatis sublimitate & altitudine, majori scientia instructus sit, quo aliorum miseriis & necessitatibus valeat prospicere, & clamet cum Isaïaco Leone: *Super speculum Domini ego sum, (x) stans jugiter per diem: & super custodiam meam ego sum, stans totis noctibus.* Qua in specula constitutus, videat, quam parum tutus grex Domini sit a fraude nequissimorum Demonum: videat, ex quo occultis insidiis in apertum larrocinium conjiciatur. Quo viso acclamet, ut is apud Isaïam in specula constitutus: *Surgite Principes, arripite clypeum.* Quid est hoc? Defigite oculorum aciem in terribiles adversariorum copias, intrucamini phalanges asperas, non ex senibus desperatis, non ex agrestibus luxuria, non ex hellsuonibus, decoctoribus, vadimonii desertoribus collectas, non ferro, scuto, telisque hisce vilioribus circumseptas, sed exercitus omni armorum genere, quibus non provocari nos lasciant, instructos, quibus ad intendenda omnia nobis adversa, ingenium ipsis suum abunde satis est. Non enim est nobis cunctatio [y] adversus carnem & sanguinem; sed adversus Principes & Potestates, adversus mundi Reges tenebrarum harum: contra spiritualia nequitiae in caelestibus.

Vis alium exercitum spectare, immanem ac crudelem, gregi isti insidiantem? Hunc ipsum tibi de eadem specula spectare licebit. Caro, inquit, concupiscit adversus spiri-

(k) 2. Tim. 2.

(l) Ibid.

(m) Supple: salutem, vel quid simile.

(n) Ezech. 3.

(l) Isa. 56.

(p) Legendum arbitror: inscientia.

(q) filii Belial.

(x) Isa. 21.

(m) Jerem. 2.

(s) 1. Petr. 3.

(y) Ephes. 6.

(n) Ezech. 22.

(q) 1. Reg. 2.

(t) Osee 4.

spiritum, (z) & spiritus adversus carnem: hæc enim sibi invicem adversantur. Quod quam grave sit duellum, vis, & eventus ipsi enunciant. *Manifesta enim sunt opera carnis, [a] quæ sunt fornicatio, immunditia, & quæ sequuntur.* Hinc oritur vigilantia cum cura, quanta potest esse maxima, cum sciat sibi rationem de singulis animabus reddendam exactissimam. Etenim qui oves perdiderit, vel lupis rapientibus, vel latronibus adorientibus, vel lue aliqua, aut alio id genus casu sævientem, is forte aliquam a Domino gregis veniam impetret: si vero penas exiger, damnum non nisi pecunia contat; At vero, si cui Christi grex commendatus, is animam pro anima reddat, necesse est. Nam si is, qui scandalum dederit uni ex minimis agniculis gregis hujus, id consequitur pænæ; ut Divino judicio dignus censeatur mola afinaria, qua collo ejus alligata, in profundum maris præceps agatur; quid de eo statuendum, cujus supina negligentia anima minima ex altissimo dignitatis gradu ad tartara præcipitatur? Neque enim sine causa gravissimi periculi denuntiatione terret Ezechiel, dicens: *Si me dicente ad impium: (b) Impie, morte morieris; non fueris locutus, ut se custodiat impius a via sua; ipse impius in impietate sua morietur, sanguinem autem ejus de manu tua requiramus.*

Videor mihi videre, aliquos magno animi mei sensu, harum rerum commemoratione excitari, ad functionem hanc, quam ante hac, majori diligentia obeundam: alios vero munus hoc susceptum, ob rei cum dignitatem, tum gravitatem reformidare. Ex his primos perbeat, postremos infelicitissimos merito dixerim: quod ex iis, qui etiam inviti ad dignitates evehi sunt, facili conjectura assequemur. Nam si ii hoc nomine excusari non potuerunt, nos qua ratione crimen hoc a nobis removebimus, aut a gravissima culpa eximemus? Reclamavit vocationi suæ Ezechiel, at compulsus ire ad gentes Apostatrices, ad filios dura cervice & indomabili corde, ad domum exasperatricem, & exasperantem, ad subverfores & scorpiones, ad domum Israël attrita fronte, ac ita quidem compellitur, ut ni eat, ni dicat, ni arguat, se in perpetuum animæ discrimen adductum iri sentiat. Moyses unus, & facile primas e sacrorum virorum numero, tantum abfuit a Judæorum præfectura, quod eam etiam detrectarit, ita ut Deum pene iratum in se conseatit; nihilominus cum ad aquas contradictionis deliquisset, nihil illi assidue principatus sui recusationes profuerunt. Neque etiam Heli, studio aut cupidi-

tate honorum & ambitione ductus dignitatem Judicis & Sacerdotis sibi paravit; hic tamen ob male in filios administratam functionem, cervice contracta, periit. Quid Saulem commemorem, qui omnium Regum Judæorum primus, tantum abest, ut Regni Israelitici gubernacula ambierit, ut errantes potius Patris afinas quæsierit, quemque cum a Samuele Rex renunciaretur, domi latitantem Dominus manifestaverit. Ast nunquid hæc cunctatio, hæc declinatio Regni suscipiendi, post ejus patrata in regno administrando crimina, obicem objecit Divinæ vindictæ? Nunquid repressit, a Domino in Saulem laram severam, gravemque sententiam? Quare nullus se extra omnem causam, culpamque positum arbitretur, si coactus ad hanc functionem suscipiendam, eam postmodum non ea vigilantia & singulari virtute, qua debuit, administraverit. Hac itaque quisque vigilantia, ubi aliquid videtur deesse gregi, quam celerrime advolet, & sibi id Sapientis dictum arbitretur: *Discurrere, (c) festina, suscita amicum tuum: ne dederis somnum oculis tuis, nec dormitent palpebræ tuæ. Erue quasi damula de manu, & quasi avis de manu aucupis.* Tum aggredienda ovis, summa inprimis lenitate animi. Aliter enim cum ovibus, & iis perditis, aliter cum lupis rapacibus agendum esse censeant. Videant, quam leniter aggressus sit Corinthios D. Paulus: Spero, inquit (d), quod usque in finem cognoscetis, sicut & cognovistis nos ex parte, quod gloria vestra sumus, sicut & vos nostra, in die Domini nostri JESU CHRISTI. Et infra: *Adjutores (e) sumus gaudii vestri.* Cujus animus ad hæc similia Pastoris colloquia non exardeat, & studio emendationis inflammetur? His succedant admonitiones, exhortationes, conciones, summa cum doctrina conjunctæ, Arma siquidem militiæ nostræ non carnalia sunt, sed potentia Deo ad destructionem munitionum, consilia destruentes, & omnem altitudinem, extollentem se adversus scientiam Dei, & in captivitatem redigentes omnem intellectum in obsequium Christi. Oportet enim Pastorem continentem esse, amplectentem eum, (f) qui secundum doctrinam est, fidelem sermonem: ut potens sit, exhortari in doctrina sana, & eos, qui contradicunt, arguere: oportet, ut sermo Christi habitet in nobis cum omni sapientia. Quantum vero interfit, hoc medio esse instructum: idem testis est. Attende tibi, (g) & doctrinæ: insta in illis: Hoc enim faciens, te ipsum saluum facies, & eos, qui te audiunt: siquidem, qui bene [b] præsumt Presbyteri, duplici honore digni sunt,

(z) Gal. 5.

(a) Ibid.

(b) Ezech. 33.

(c) Prov. 6.

(d) 2. Cor. 1.

(e) Ibid.

(f) Tit. 1.

(g) 1. Tim. 4.

(b) 1. Tim. 5.)

sunt, maxime qui laborant in verbo, & doctrina. Rem hanc, vita & tactis illustrasse D. Paulum, D. Lucas testis est. Hic enim teste conscientia, Episcopis omnibus, Mileti congregatis, ausus fuit dicere: *Vigilate, memores, quod per (i) triennium nocte ac die non cessaverim, cum lacrymis monens unumquemque vestrum: Ita vult, ut accedat inprimis vitæ & morum nostrorum integritas, & clarissimis monumentis testata, consignataque vitæ Sanctitas. Qui enim alios doces, [k] te ipsum non doces. In omnibus, inquit (l), te ipsum præbe exemplum bonorum operum, in doctrina, in integritate, in gravitate, verbum sanum, irreprehensibile; ut is, qui ex adverso est, vereatur, nihil habens malum dicere de nobis.* Ac talis, cum & faciat, & dicat, magnus; ut Christi (m) fert sententia, in regno colorum censebitur. Huic si accedat singularis animi sensus, qui ob res adversas, & peccata populi suscipitur, similes erunt Davidi, qui luxit interitum Absolonis: Moyfi, qui populi scelus in idololatria patratum, decessit, & rerum novarum & exitialium studiosum, multis lachrymis prosequutus est: similes Patriarchæ Jacob, qui visa tunica Joseph, sanguine conspersa, querebatur. Erit ex eorum numero, de quibus (n) Malachias: *Inter vestibulum & altare plorabunt Sacerdotes, Ministri Domini, & dicent: Parce populo tuo: & ne des hereditatem tuam in opprobrium, ut dominantur ejus nationes.*

Accedat postremo Sacramentorum quam fidissima dispensatio. In quorum administratione linceos oculos adhibeat ad summam animi munditiam, & vitæ Sanctitatem, & corporis puritatem: *Sacerdotes, inquit ille, qui accedunt ad Dominum, sanctificantur, ne forte percutiam eos.* Et: *Qui habuerit maculam, panes non offerat Deo suo, nec accedat ad ministerium ejus: memores simul illius* Poetæ:

Vos quoque abesse procul jubeo: discedite ab aris

Quis dedit besterna gaudia nocte Venus. Casta placent superis. Pura cum mente venite,

E manibus puris sumite fontis aquam.

Quid ita? Etenim si Moyses legem Domini accepturus, omnibus triduo interdixit usum Matrimonii: *Esote, (o) inquit, parati in diem tertium, & ne appropinquetis uxoribus vestris;* quid Sacerdotibus nostris fugiendum statueris, qui non legem, sed Legislatorem susceperunt? Unde & D. Paulus vult, ut nos Ministros Christi in castitate exhibeamus. Advertant deinde, ne exteriorum

res in templo, rebusque Divinis, interiorum in corde sordium sint indices. Quare si suppellectilem suam nitidam, comptam, & sordibus omnibus deterfam volunt; agant Dei negotia, adfit templis ornatus, qui aulam, qui mensam Dei deceat. Laventur pallæ sacræ altarium, mappæ, strophiole: purgentur calices, patenæ, ciboria: Tum vero ornatus Sacerdotalis munditiam singularem præferat, cum multorum Angelorum frequentia stipatus, Sacris operaturus, templum, chorum, ipsas sacras aras accedit. Mirum enim dictu est, quantum conferat, his quasi armis septum, ad legationem istam procedere, & impetum Divinæ contra nos sævientis iræ a cervicibus hominum; ipsis Angelis obstupescitibus, arcere. Etenim jam Chore, Dathan, & Abiron nefandæ conjurationis Principibus æternis suppliciis, vivis mortuisque mactatis, cum plurimi acervatim ex populo concidissent uortui; Aaron interfuit, & vim ignis cohibuit. At qua ratione? *In veste, inquit Sapiens (p), poderis, quam habebat, totus erat orbis terrarum* (ut in Sacerdotum veste rota Christi passio) *& parentum magnalia in quatuor ordinibus lapidum erant sculpta, & magnificentia tua in diademate capitis ejus scripta. His autem cessit, qui exterminabat, & hæc extimuit.* O Sacerdoti! incredibilem vim, cujus sanctitas non modo in anima, sed corpore, & vestimentis ipsis elucescit! Etenim si in veteri hæc acta sunt; quid in nova lege tempore nostro fiet, ubi Principis Sacerdotum sanctitas, & animi splendor, non Ovidiana quedam, sed Divina metamorphosin in corpus, & vestimenta Christi, transmissa est? Quid ergo mirum, si sacris Sacerdotum vestibus, tanta sanctitatis Deus edat insignia, quibus non orbis terrarum, non parentum magnalia, sed Christi Servatoris de mundo, carne, peccato, Diabolo parva victoria, non alienis stipendiis, sed proprio sanguine comparata trophæa conscripta sunt? Videor mihi jam videre, Illustrissime Princeps, & penitus intueri, animos Pastorum omnium mirifice incitatos, nihil moliri amplius, quam ut in eo curam, cogitationemque omnem defigant, ut considerata dignitatis excellentia, quivis eorum ad gloriam Divinæ Majestatis, ad Ecclesiæ Catholicæ splendorem & amplitudinem, ad salutis cum propriæ, tum alienæ defensionem, indies contendat. Video vos singulari, rerum domesticarum studio, ovium amore, contemptu rerum secularium, scientia, vigilantia, zelo Divino, vitæ exemplo, administratione rerum Divinarum, cum omni munditia instructos, obviam

(i) Act. 20.
(n) Joel. 2.

(k) Rom. 2.
(o) Exod. 19.

(l) Tit. 2.
(p) Sap. 18.

(m) Matth. 5.

viam ire sponso, & sponsæ. Videor audire D. Paulum vobis acclamantem: *Qui bene [q] ministraverint, bonum gradum acquirunt, & multam fiduciam in fide, quæ est in Christo JESU, Domino nostro.* Videor videre Principem Pastorum omnium accurrentem, vos obviis ulnis excipientem, & super omnia bona constituentem. Quare agite, agite, inquam, & injuria horum temporum considerata, Ecclesiæ tot hæresum tempestatibus expositæ, tot schismaticorum injuriis, procellisque agitæ, vestra diligentia, vigilantia, doctrina, integritate vitæ, solatio, præsidioque sitis: & Christi Domini, & Antistitum vestrorum expectationi, satis superque fide & amore in oves vestras incitati, satisfaciatis. Tum tu, Christe, quem propter beneficia Optimum, propter vim vero Maximum semper nominavimus, hos omnes insignes animarum præfides, a nefariorum luporum scelerata societate sequestratos, æternis trophæis, tuo studio, merito, & Sacrosancto Sanguine partis, auctos, cælestibus domiciliis excipies, & ubertate domus tuæ repletos, corona, & aureola Doctoribus & Pastoribus digna, redimitos, ad dextram tuam constitues, ut qui speculatores ovium suarum in militanti, iidem speculatores æternæ tuæ Majestatis, in triumphanti Ecclesiâ, iterum sine fine sempiterna & lætitia exultent, & gaudio triumphant. Dixi.

Oratione finita, Reverendus Dominus Cellarius ad mandatum Illustrissimi legit, & promulgavit *Caput III. 1^a. V. VI. VII. Statutorum Synodaliū,* ut sequitur:

CAPUT III.

De Sacrosancto Missæ Sacrificio debite, ac reverenter celebrando.

Divinissimum Sacræ Eucharistiæ Sacramentum, quanto reliquis novæ legis Sacramentis a Christo Domino institutis, nobilitate & dignitate, propter realem ipsiusmet Domini in eo præsentiam, antecellere non ambigitur; tanto majori quoque veneratione & cultu exquisitiori est prosequendum ab iis, quorum salutis causa institutum fuit. Ac proinde (r) & actus ipse mysticus, quem Missam vocant, in quo per consecrationem, oblationem, &

communione, Passionis Dominicæ jugis in Ecclesiâ Dei, juxta præceptum ejusdem Domini fit memoria, eo majori cum dignitate ac decentia est peragendus: quo solenniores cæmonias olim circa illa, quæ hujus incruentæ Hostiæ umbræ & significationes erant, Dei ipsius jussu adhibitas fuisse, luculenter sacra Pagina testatur. Sacerdos itaque, rem Divinam factururus, non ignarus, se pro conditionis humanæ fragilitate tam mundum esse non posse, ut de meritis suis præsumens, haud præmissa debita Exomologesi, ad altare summi Dei accedere queat; primo conscientiam suam diligenter examinet, atque ea, in quibus a Divinæ legis mandatis se declinasse adverterit, per Sacramentum confessionis expiare non prætermittat: ac demum puro corde, ac animo ad superos erecto, ad Mysteria tractanda accedat. Et quamvis tanta Sacratissimæ hujus actionis sit Majestas & dignitas, ut merito summam in animis Sacerdotum, per quos celebratur, devotionem excitare, neve immundis ad eam obeundam conscientiis propere audeant, Apostoli Pauli minacibus verbis in memoriam reductis, eosdem detertere debeat; ut tamen legis rigor ad bene agendum eos penæ metu inducat, quos Divinus amor & ipsa rei tractandæ dignitas in officio non continet: Statuimus, & decernimus, ut singuli tam Cathedralis Ecclesiæ nostræ Prælati, Canonici, Presbyteri, quam alii, quibus animarum cura ex Parochiali, vel alio quolibet munere incumbit, peccata sua semel ad minimum quolibet mense (nisi delicti cujuspiam commissi conscientia maturiorem poenitentiam sacræ medelam exposceret) confiteantur, ac Sacrosanctum Missæ holocaustum frequenter, pro suis & commissorum sibi populorum peccatis offerant. Cujus quidem Sacrificii uniformiter, quo ad externas attinet ceremonias, peragendi ritum & normam, ex nostro, quem edituri sumus propediem, Missam celebrandi modo, deponent, eumque & non alium quempiam peregrinum, & inusitatum, diligentissime, atque exactissime servabunt: &

(q) 1. Tim. 3.

(r) Concil. Trid. Sess. 22. in doctrina de Sacrificio Missæ.

Tomus VIII. Concilior. German.

& id quidem sub pœnis , Canonibus Sacris contra Presbyteros, irreverenter ad Missam accedentes, latis, sub aliisque gravioribus arbitrio nostro pro irreverentiæ qualitate imponendis.

CAPUT IV.

Quomodo & qualiter Sacerdos ad Altare accedens circa Divina se gerere debeat.

Siquidem externorum corporis humani gestuum compositio, non vulgare ad cognoscendam internam animi dispositionem indicium facit, ea propter Sacerdos Divina peracturus, absolutis primum iis, quæ ex præscripto a Nobis Missam celebrandi modo, ante accessum altaris sunt dicenda, curet diligenter, ut in Sacratio vestis sacræ apparatus omnem, nitida ex cultum munditiæ, ita per artus suos disponat, sicque induatur; quo Sacer hic cultus & ornatus, Dominicæ Passionis mysteria representans, pietatis (s) Christianæ religiosam inspectantis populi animis excitare queat meditationem. Prodi- bit igitur Sacerdotalis officii amictus insignibus, cavens accurate, ne vel humerali per scapulas fluctuante, vel aliqua Albæ non bene succinctæ parte, ad unum latus longius æquo prominente, syrma trahere, aut attracta anteriori ex parte eadem Alba, tibias pavonum more spectandas proponere videatur. Ex Sacratio ad Altare prodeundo, oculos, modestiæ Sacerdotalis indices, in circumstantes non jactitet, nec caput hanc vel in illam partem, puerorum instar, circumvertat; sed demisso ante pectus obtutu, gravitate incessus, muneris quoque sui excellentiam & sublimitatem testetur. Dehinc iis, quæ in genuflexionibus, aliisque reverentis erga Deum animi signis consistunt, non prætermittis, ubi jam Divinum Officium aggressus fuerit, quæ clara voce juxta Missalium rubricas legenda sunt, clare, distincte, intelligibiliter, & devote legat, nec festinando nimium, nec etiam verba languidius & exquisitius, quam convenit,

protrahendo, in illis etiam proferendis, quæ majoris reverentiæ causa præfiori voce dici solent, talem vocis moderationem adhibeat, ne, quod submis- sisse legendum venit, mentaliter dun- taxat percurrat. In conversionibus de- mum ad populum faciendis, manibus extendendis, complicandis, aliisque circa Missæ Sacrificium exterioribus cæ- remoniis caveat, ne vel ludicra capi- tis in diversum jactatione, vel impudica fluctuantium huc & illuc oculorum con- torsione, aut gesticationum indecen- tium scurrilitate, hominem minime præsentem sibi, vel histrionem quempi- am, agere videatur: sed per omnia gravitatis memor existat, decenterque non solum manus complice, vel exten- dat, sed etiam Cruces, inconcinna digitorum divaricatorum velocitate, quasi præruptas, & consequenter semi- perfectas non faciat; at digitorum honeste extensorum, atque in perfectam Crucis formam ductorum ministerio, ad efformanda hæc sacra signacula utatur, aliaque omnia circa hoc tremen- dum Sacrificium (t) ita devote, decen- ter, reverenterque peragere studeat, ne a quopiam ministerium ipsius re- prehendi, sed potius tam internæ de- votionis, quam externi cultus stu- dium, digne laudari & commendari possit.

CAPUT V.

De Altari, Ciborio, atque omni Ecclesiastica suppellectili mun- de conservanda.

ET si munditiem, quam Dominus per Prophetam ab iis, qui vasa ipsius ferunt, requirere dignatur, in cordis & animi ab omni criminum labe purgati candore & puritate, inprimis consistere, dubium non est; nec illud tamen omittendum erit a fido quoque Ecclesiæ, quod & Salomon ille sapi- entissimus pro augustiori Dei Optimi Maximi cultu, diligens decorem Do- mus Domini, ex ejusdem Dei præcep- to olim abunde legitur præstitisse, & ipsa novæ legis mysteriorum amplitudo

ex-

(s) Concil. Trid. Sess. 21. de Sacrific. Missæ Can. 7.

(t) Concil. Trid. Sess. 22. in Decreto de observand. in celebr. Missæ.

exposcit. Altare itaque, in quo incruentum illud Sacrificium tradito a Majoribus ritu peragitur, Pontificalis benedictionis autoritate consecratum esse debet: alias in eo rem Divinam fieri Sacrorum Canonum præscripta, nisi superimposito portatili, vetant. Unde non nisi in Altari consecrato, cujus nec lapis fractus, nec suo loco motus, nec sigillum sepulchri violatum esse debet, vel certe altare viaticum, seu portatile habenti, quisque nostrorum celebrabit Sacerdotum: qui secus fecerit, per Sacros Canones constitutis penis omnino mulctandus. Mappis porro ad minus binis, altare conteget, easque puras & nitidas conservabit, similiter & ornamenta Altaris, quæ vulgo Antipendia vocant, decenter inferni, & utroque ex latere æqualiter a facie mensæ altaris ita, ne distortum aliquid isthic appareat, appendi curabit. Candelabra, seu cerofera, nitide (si ex metallo quopiam conflata fuerint) expoliet, quemadmodum etiam urceolos, vel ampullas, aquæ & vino pro Sacrificii Missæ usibus sacris excipiendo necessarias, munde ita, ne vel pulverum asperginem contrahant deforis, vel intus mucorem ex longo situ redoleant, aservabit: Calices, & patinas sacras, adeoque omnem pallarum, corporalium supellectilem, absterget frequenter, & abluet, nitidissimeque conservabit: atque aquam ablutionis eorum, in secretiorem Sacrarum partem (prout fieri solet) effundet, ne foras projecta, transeuntium pedibus, non sine injuria & irreverentia tanti Sacramenti, conculcet. Purificatoria quoque, id est, strophiola, ex tenuiori tela, Crucibus ex omni latere in extremitatibus insignita, confici faciet, quibus non solum in extergendo & siccando ante & post Communionem, atque ablutionem calice, sed etiam in ore abstergendo, circa Divinorum operationem utetur, aliudque mantile, seu linteolum oblongum, ad sinistram latus altaris dependens, pro manibus abstergendis habebit, depravatumque aliquorum, mappas majores Altarium commaculantium, & sacculis, qui recondendis facti sunt calicibus, ipsos calices ante & post ablutionem munda- re indecenter consueverunt, morem

unice vitabit. Casulas, pluvialia, & alias vestes sacras, a tinearum injuriis & situ, frequentiori excussione & ventilatione defendet, ac tuebitur. Cymelia, seu Clenodia, præsertim vero ea, quibus Sanctorum inclusæ sunt reliquiæ, non in obscuro aliquo (uti multi consueverunt) angulo, sed in armario decenter, mappa linea, vel serica intus circumquaque suffulto aservabit. Locum vero ipsum, in quo Divinissimum reponi solet Eucharistiæ Sacramentum, ab araneorum telis, pulveribus, aliisque id genus fordibus, diligenter custodiet, isthicque tabernaculum, seu vasculum, cui Eucharistia includitur, corporali suffultum, & tunicella, atque velo, ex pretiosa, quoad ejus fieri poterit, materia deforis ornatum, non nisi super corporali substrato collocabit: quo loci, etiam sacros liquores, suis distinctos vasculis, reverenter servare poterit, unice curaturus, ne unquam Ciborii cuiquam homini laico concedat, cum valde sit indignum, profanorum hominum contrectari manibus ea, quorum ministerium præter solos Sacerdotes, etiam Angelicæ non est concessum sublimitati. Tantum adest, quod digne sit ferendum, si forte facta laicis Sacrorum contrectandorum, vel pro libitu adeundorum potestate, in supersticiosos abusus quidpiam horum (ut sæpe evenit) suffurari ab aliquo scelesto homine contingeret. Sacramentum porro Eucharistiæ, quod pro quotidianis infirmorum usibus, in templis religiosissime consuevit aservari, singulis quatuordecim diebus hostias recentes consecrando, & vetustiores, earumque fragmenta reverenter ante ablutionem sumendo, renovabit Sacerdos; ne, si forte diutius hostiæ consecratæ aserventur, ex humiditate loci mucorem contrahant, vel omnino corrumpantur. Lampadem quoque ante Ciborium appensam sedulo curabit, & lumine Sacrum Corporis Dominici pignus nunquam carere patietur. Fontem quoque Baptismalem, in Parochialibus Ecclesiis haberi solitum, operam dabunt Parochi, ut una cum lustralibus undis clausum, honesteque coopertum, munde conservent. Tandem eos se in con-

servandis pure ac nitide rebus, ad Sacros Ecclesiæ usus destinatis, exhibebunt, quos debita reverentia, merito Creatori impendenda & præstanda, illos esse, sui ipsius ampla Majestate ob oculos posita exposcit, ne opus Domini negligentius, quam par est, tractantes, maledictionem filiorum Heli, gravi salutis propriæ cum dispendio, incurrant.

CAPUT VI.

De Horis Canonicis.

HOrarum Canonicarum, sive Officii nocturni, diurnique quotidianum pensum, Clericis cum ratione Ordinum Sacrorum, tum etiam propter Beneficia Ecclesiastica, Sacrorum Canonum, & Conciliorum autoritas adeo necessarium facit, ut quicumque id mera ex negligentia & væcordia, & quotiescunque prætermittit, toties peccato mortali obnoxius reddatur, atque ad restitutionem partis fructuum beneficii, pro rata omisæ recitationis earundem Horarum computandæ, teneatur. Quocirca statuimus, atque ultra gravem Dei indignationem, quam qui in obsequiis Divinis oscitantes, & desides sunt, incurrunt, sub pœna amissionis fructuum, & suspensionis a beneficio, aliisque pœnis, arbitrato nostro infligendis, omnes & singulos Prælatos, Canonicos, Presbyteros, tam curatos, quam eos, quibus nulla animarum cura ex officio incumbit, reliquosque omnes, Clericali adscriptos militiæ, in Sacris actu existentes, ac beneficia Ecclesiastica possidentes, paternè in Domino hortamur; ut conscientiarum suarum, & debiti officii habita ratione, Horas Canonicas statim, quoad ejus fieri potest, temporibus, debita cum attentione ac devotione quotidie recitent, neve labiis in laudes Divinas resolutis, mentem per ludicra evagari patiantur: sed animo recollecto, atque ad Deum, cui decora, jucundaque præstari debet laudatio, erecto, distincte orationes, preces, ac Psalmos, aliæque omnia juxta rubricarum Breviarii tenorem, per totius anni Festos, profestosque dies disposita legant: ita ut nec verba nimia linguæ præcipatione

ac volubilitate obtruncent, & absorbeant, nec nimium mulitando ita mentaliter duntaxat, verbis non expressis, orare videantur, quo nec seipso audire, nec prolata intelligere queant. Quæ ratione enim a Deo audiri postulabunt, cum se ipsi non audiant? Aut quomodo Horas Canonicas fructuose recitasse dici poterunt, qui mimica labiorum velocitate plus, quam linguæ officio, in alloquendo Creatore suo uti, eidemque ceu illudere non verentur? Quemadmodum etiam illi præfatis pœnis se se obnoxios reddunt, qui Horas Canonicas, derestabilem illam, & depravatam consuetudinem sequuti, non nisi tunc, dum celebraturi sunt, putant recitandas: sicut & ii, qui dum peregre proficiunt, ab earum recitatione, Officio de Beata Virgine, vel septem Psalmis, aliisve precariunculis recitatis, se immunes & exemptos arbitrantur; cum tamen Deum offendant, & conscientias suas non levi reatu gravent, fructusque beneficiorum, si quæ habent, non faciant suos, sed eos tanquam injuste perceptos ad fabricam Ecclesiæ, in qua beneficium obtinent, vel in pauperes erogare teneantur. Ut itaque huic salutari Constitutioni, debite ab omnibus satisfiat, monemus tam Cathedralis nostræ Decanum, quam Collegiatarum Præpositos, Archidiaconos districtum, & Decanos rurales, ut bono suo exemplo alios in id excitantes, vigilanter attendant, & quos ea in parte negligentes repererint, præmissis pœnis in eos animadvertant.

CAPUT VII.

De Agendis & Breviario Romano recipiendo.

CUM in Sacramentis administrandis, ceremoniisque Ecclesiasticis peragendis, uniformitas merito requiratur, quo ii, qui unius moris in domo Dei sunt, diversitatis cujuspiam internæ, per externorum variam functionem minime notentur, eapropter libros Agendorum, tam Sacramentalium, quam Ceremonialium, recens impensâ nostrâ typis edendos curavimus: & quemadmodum propositis iisdem tunc tempo-

temporis, ex eorum præscripto, tam Sacramenta administrari, quam ceremonias omnes peragi, a Diœcesis nostræ Clero expetiimus; ita nunc statuimus, & decernimus, ut nullo alio Agendorum Sacramentalium & ceremonialium libro, quisquam Sacerdotum, & aliorum quorumvis Diœcesis nostræ Clericorum, quam eo, qui autoritate nostra in lucem prodiit, uti præsumat, utque ab omnibus curam animarum gerentibus, in Ecclesiis fidei ipsorum commissis, & extra, pro quotidianis usibus habeantur, & infra mensem a publicatione Constitutionum hujus Synodi, ab unoquoque emanatur, vel a vitricis Ecclesiarum comparari curentur, sub pena duarum marcarum, in usus Seminarii Cleri nostri convertenda, & per Archidiaconos & Visitatores exigenda, serio injungimus. Breviarii vero, quod ante plures annos, Prædecessorum nostrorum labore, ad Diœcesis hujus usum accommodatum & excusum fuerat, atque etiamnum aliquorum manibus teritur, cum tam pauca jam extent exemplaria, ut vix decimus quisque reperitur in Diœcesi nostra Sacerdos, qui id habeat, multique subinde visi hæcenus fuerint, libellos qualescunque precarios Breviariorum loco circumferre, & negligentiam ea in parte intolerabilem, solo exemplarium Breviarii defectu excusare: nonnulli aliarum Diœceseon Breviariis uti, adeo quod non solum summam Divini cultus, una eademque in Diœcesi perturbationem inde sequi, sed etiam periculosissimum discrimen animarum Sacerdotes omissione officii incurrere, non sine gravi dolore adverteremus; idcirco hujusmodi defectui debite occurrere volentes, in eam quantocius curam Nobis incumbendum, operæ pretium duximus; quo & uniformitas in persolvendo hoc Sacerdotali penso servari, & tam supinæ, crassæque negligentiae aliquorum posthac allegandæ, omnis præsciendi occasio posset.

Considerantes proinde Breviarii veteris ad ritum Diœcesis nostræ, olim sub Antecessore nostro Stanislao Turfione, bonæ & sanctæ memoriæ editi, non minus inconcinnam quibusdam in

locis compositionem, quam etiam Lectionum & Historiarum, non satis probatarum simplicitatem, demum & indecoram partim brevitatibus, partim prolixitatis officiorum dispositionem: cupientes præterea sine longiori dilatione, periculo animarum, quod negligentes ex parte Horarum Canonicarum omissionis incurrunt Sacerdotes, pro Pastoralis nostri officio providere; siquidem dicti veteris Breviarii emendandi, corrigendi, atque decentiorem in ordinem redigendi, tam laboriosa foret cura, ut vix annorum plurium spatio corrigi, ac typis mandari posset: aliarum Diœcesum præclarum exemplum, nobis quoque tanta in necessitate sequendum, atque Breviarium Romanum, ex Decreto Sacrosancti Concilii Tridentini restitutum, jussuque PII Quinti Pontificis felicis recordationis editum, abolito, & abrogato veteri Diœcesis nostræ Breviario, recipiendum: idque in usus officii privim recitandi, apud Clerum Diœcesis nostræ inducendum, constituimus: nihil tamen in Ecclesiis nostris, ratione officiorum Divinorum, juxta veteres rubricas decantandorum innovantes, vel eo quod id temporis minus possibile futurum videatur, propter librorum Ecclesiasticorum, uti Gradualium, Antiphonariorum, atque aliorum ad persolvenda solenniter Divina officia destinatarum defectum, & non minus maximos, qui infumendi in iis recuendis forent, sumptus, quam longam annorum, operi tam laborioso necessariorum seriem. Cæterum ne Patronorum Moraviæ, Divorumque Ecclesiæ nostræ Tutelarium particularia officia, quæ alias in Breviario Romano non habentur, omitti contingat, debitæ erga Patronos devotioni, & venerationi pro eo, ac par est, esse nolentes, officia de illis optimo, prout fieri poterat, ordini restituta, novis eorundem Sanctorum historiis, ex fide dignis annualium regionum harum nostrarum codicibus depromptis, atque in Lectiones Matutinarum precum distributis, ornavimus & auximus, specialemque rubricellam officiorum de Patronis, una cum indice Festorum, simul & vigiliarum, seu

jejuniorum, in Diœcesi nostra observari solitorum, sub prælum primo quoque tempore daturi sumus, quo ad calcem Breviarii Romani adjuncto, uniformi modo in celebratione Sacrificii Missæ observando, qui prope diem quoque jussu nostro ad usum Cleri nostri in lucem edetur, compacta, vel seorsim in forma libelli colligata, pro temporum opportunitate a Sacerdotibus, aliisque Clericis, qui ad Horas Canonicas recitandas obstringuntur, officia de Patronis Provinciæ, non jam sub communi Sanctorum, sed particulariter recitari queant. Ne itaque in posterum exemplarium Breviarii penuria & defectus, negligentia, vel potius impietati Clericorum, in Diœcesi hac nostra suffragari & patrocinari posse videatur; Statuimus, ut universi & singuli ejusdem Diœcesis nostræ Clerici, quos Horarum Canonicarum quotidie dicendarum contrahit necessitas, non alio posthac Breviario in recitatione officii extra Chorum, & Ecclesiam utantur, quam Romano, officia majora publice in Ecclesiis more antiquo nihilominus decantaturi. Qua in parte sicut ab omnibus voluntati ac Decreto nostro obedienter satisfieri, sub pœnis arbitrato nostro per Archidiaconos districtum, in visitationibus infligendis, præcipimus, & mandamus; ita nobis de universo Clero nostro pie in Domino pollicemur, neminem, favente Deo, repertum iri, qui consilio, ac ordinationi huic nostræ non obsequatur: præsertim cum facile quisque videat, quam bono ordine prædictum Breviarium Romanum sit dispositum, quantumve fructus, Horas Canonicas ex eo quotidie recitaturis obvenire possit: cum nimirum Scripturæ pro tempore occurrentis sacras Lectiones, demum Sanctorum Patrum authenticas explanationes, atque insuper Sanctorum vitas, ex fide dignis depromptas authoribus, in eo sint habituri: adeo quod vel sola in terendo quotidie statis horis Breviario diligentia, iis, qui fertiliori, faciliorque sunt ingenio, non difficile recte, honesteque vivendi monitionem gravissimam, quotidie instillare, & materiam, doctrinæ salutis populo proferendæ, uberime sine multorum libro-

rum laboriosiori revolutione suppeditare queat. Ut itaque salutare hoc, & necessarium Romani Breviarii in usum apud nos inducendi consilium ac decretum eo faciliorem progressum sortiatur, certo Bibliopolæ id negotii dedimus, ut primo quoque tempore plura exemplaria ejusdem Breviarii Olomucium advehat, eaque venum exponat: ita ut singuli de exemplari, quod edendis per nos officiis de Patronis conveniat, infra spatium unius mensis a tempore eorundem exemplarium copiarum factæ, sub pœna trium marcarum, in usus Seminarii Cleri nostri convertendarum, & per Archidiaconos districtum, talium inobedientia & negligentia deprehensa, exigendarum, sibi providere teneantur.

Absoluto per Dominum Cancellarium septimo Capite Constitutionum Synodali, Admodum Reverendus Dominus Abbas Welegradensis Illustrissimo Domino, & Sacræ Synodo luculentis verbis defectum Breviarii sui Ordinis Cisterciensis exponens, instantissime petit, ut juxta tenorem Bullæ PII Papæ Quinti, quæ incipit: *PIUS Episcopus, Servus Servorum Dei. Ad perpetuam rei memoriam. Quod a nobis postulat ratio Pastoralis officii, in eam curam incumbimus, &c.* Permissu Illustrissimi Domini, uti loci Ordinarii, & Venerabilis Capituli Olomucensis, Breviario Romano ipse & alii Monasterii ipsius Fratres libere uti possint, donec illis de propriis sui Ordinis Breviariis fuerit provisum. Quam petitionem dicti Domini Abbatis Illustrissimus Princeps ex consilio Admodum Reverendorum Dominorum Decani & Capituli Ecclesiæ Olomucensis, atque Virorum Religiosorum, eidem consilio adhibitorum, justam & rationi consentaneam, licitamque judicans, eidem Reverendo Domino Abbati, & Fratribus Monasterii ipsius, usum Breviarii Romani concessit, donec de Breviariis Ordinis Cisterciensis iisdem fuerit provisum. Quo facto Cancellarius prosequutus est, & continuavit lectionem Statutorum Synodali, & legit, ut sequitur:

CAPUT VIII.

De prædicatione Verbi Dei.

Quemadmodum humani corporis vires imminui & labefactari est necesse, nisi naturæ humanæ convenientibus sustententur alimentis: non ali-

aliter sane animas Christi fidelium lenta quasi tabe extenuari, & deformari credibile est, si diuturniori fame Verbi Dei torqueantur. Ovium itaque fidei nostræ concreditarum saluti ac emolumento spirituali hac in parte prodesse ac providere cupientes, decernimus, ut nemo in posterum per Diocesim nostram, tam ex Regularibus, quam ex secularibus ad prædicandum prodire præsumat prius, quam se coram Nobis, uti Ordinario, vel licentiam, vel benedictionem (prout id per Sacrum Concilium Tridentinum *Sess. V. Cap. II. de Reformat.* statuitur) petiturus præsentet, & post examen debitum a Nobis approbeatur; idque sub carceris pœna, & aliis durioribus animadversionibus, quibus Ordinariæ auctoritatis contemptores Sacrorum Canonum Decreta perstringi volunt. Illis porro, qui uti ad Parochialia munia obeunda, animarum curam gerendam, ita consequenter ad prædicandum Dei Verbum per Nos approbati fuerint, hoc primario curæ esse debet, ut lectioni Sacræ Scripturæ & Sanctorum Patrum diligenter incumbant, & non nisi bene præparati in publicum prodeant: firmiterque sibi proponant, & diligenter elaborent, ne contra communem sensum & consensum Ecclesiæ Catholicæ, quæ columna & firmamentum est veritatis, aliquid in medium proferant, neve in explanandis Scripturis proprii capitis conceptus, sed Sanctorum Patrum & Doctorum Ecclesiæ mentem sequantur: ne si contrariam (quod Deus avertat) Apostolicæ Ecclesiæ doctrinam astruere conentur, tanquam non acquiescentes sanis sermonibus Domini nostri Jesu Christi, & ei, quæ secundum pietatem est, doctrinæ, superbi, nihil scientes, languentes circa quaestiones & pugnas verborum, ex quibus oriuntur insidiæ, contentiones, blasphemix, suspensiones malæ, conflictationes hominum mente corruptorum, & qui veritate privati sunt, reputentur, & a cætu fidelium explodantur. Quid vero pro concione sit loquendum ad ædificationem proximorum, facile charitas, quam Spiritus Dei puris pectoribus infundere solet, edocebit.

Evangelium enim ex ipsis Christi Domini præcepto omni creaturæ annunciandum & prædicandum esse per orbem universum, nemo Christianus est, qui non norit. In quo prædicando hanc periculosissimo istorum temporum nostrorum ævo methodum ab Ecclesiasticis servari expedit & decet, ut primo fundamentum fidei recte stabiliatur: deinde charitas per exhortationes pias in mentibus hominum excitetur. Conciones itaque singulæ eo dirigendæ erunt, ut ex iis salutaris doctrinæ ad fidei stabilitum peritinentis copiosius hauriatur fructus simul, & charitatis Christianæ præceptorum necessaria compendia resultent. Quod utique fiet, si Concionatores Evangelia pro tempore occurrentia, aliasve Scripturas Canonicas populo explanaturi, verum & genuinum Scripturarum sensum, menti Sanctorum Patrum congruentem, fideliter reservaverint, ac demum moralia, vitæ ad Christianæ Religionis normam componendæ, præcepta ex ipsis Sacræ Scripturæ verbis & explicationibus elicere, populoque proponere haud prætermiserint. Curare propterea debent, ut diebus Dominicis ^(u) & in Quadragesima una ad minimum pars concionis ea, quæ ad doctrinam Christianam pertinent, in se contineat, ad quod Catechismo Romano, ad Parochos ex Decreto Sacri Concilii Tridentini edito, commodissime utentur. Demum Catechismum Catholicum Canisii minorem, cujus exemplaria, tam Bohemica, quam Germanica venalia facile haberi possunt in locis, in quibus Scholæ sunt, a pueris memoriæ mandari, ac demum in Templis per interrogationes ac responsiones mutuas in lingua vernacula recitari curabunt, diligenterque ipsimet explicabunt, adeoque unice incumbunt, ut anno quolibet, delecto ad id quadragesimali tempore, circa Salve, vel etiam alias, prout illis commodius visum fuerit, universam doctrinam Christianam percurrant: quo ea non solum in puerorum, sed etiam eorum, qui maturiori sunt ætate, mentibus plantata, ad reddendam rationem suæ fidei instructi reddantur.

C

(u) Conc. Trid. Sess. 24. Cap. 4. de Reformat.

CAPUT IX.

De Sacramentorum administratione.

Cum in Sacrosancta Tridentina Synodo, quam communi consensu, Domino inspirante, in omnibus & per omnia sanctissime servandam suscepimus, doctrina vera de Sacramentis Ecclesiæ, aliisque ad fidem Catholicam pertinentibus, plenissime sit tradita, Nos circa ea, quæ tam doctrinam de iisdem Sacramentis, quam de articulis fidei spectant, nihil plane hic statuere volumus, nisi ut in Sacramentis dispensandis non aliam normam Sacerdotes nostræ Diocesis sectentur, præter eam, quæ in eodem Sacrosancto Concilio Tridentino sancte traditur, idque sub anathematis poena. Statuimus quoque, ut pro administratione Sacramentorum Ministri eorum nihil prorsus exigant, neque verbis, neque signis, directe vel indirecte aliquid eo nomine petentes; ne videlicet ex turpi licitatione, & Sacrorum mercatu perniciosam Simoniam labem incurrant, pœnisque contra nefarios ejusmodi homines in Canonibus Sacris contentis se se obnoxios reddant. Ritus quoque & formulas Sacramentorum administrationis non vulgari aliquo, & a sectariis usurpato, sed approbato Cathedralis Ecclesiæ nostræ more, a Romano in essentialibus minime dissentiente, nec discrepante, ex præscripto Agendorum libri, usu & sumptu nostro editi, observent: atque ceremoniarum circa id adhiberi solitarum significationem ac vim (x) rudi plebeculæ pro Concionibus opportune explicare non prætermittant, & ad debitam earum observantiam ac venerationem frequentibus monitionibus inducere contentur. Circa Baptismi vero & Matrimonii Sacramenta hoc exactissime observent ii, qui curam gerunt animarum, ut libros conficiant, (y) in quibus baptisatorum, eosque ex Fonte Sacro levantium, nec non eorum, qui Matrimonium contrahunt, nomina (prout id ipsum Sacrosanctum Concilium fieri districte præ-

cipit, & mandat) annotent, quo de parentela & cognatione cujusque facile constare possit. Quod autem ad confessionem Sacramentalem attinet, nullos plane turmatim, sed seorsim singulos audiant, diligenterque peccata, & eorum circumstantias, habita semper ratione ætatis & conditionis personarum, examinent ac inquirent: formam solitam absolutionis, quam memoriæ fideliter mandare debent, observent, idque nullatenus committant, ut retro Altare, vel in Sacrario, aliove abstruso Templi angulo, confessiones penitentium, præsertim feminarum excipiant; verum in loco parenti, & omnibus conspicuo, ad Exomologesin accedentes audiant. Parochiam quoque unius alter invadere, vel Parochianos alienos ad Baptismi, Penitentiae, Eucharistiæ, atque Matrimonii (z) Sacramenta, sine licentia proprii eorum Parochi, admittere non præsumat. Si culpabilem se ea in parte aliquis exhibuerit, præter id, quod suspensionem ipso jure incurreret, & tam diu ea innodatus ex ejusdem Sacri Concilii Tridentini Decreto remanebit, donec a Nobis absolvatur: etiam ad restitutionem eorum, quæ nonnullis in locis ex antiqua & laudabili consuetudine Parochiis, Sacramenta administrantibus, pie offerri solent, injuriam passio tenebitur, & trium marcarum multa, in usum Seminarii Cleri nostri convertenda, punietur.

CAPUT X.

De sacris liquoribus quolibet anno renovandis.

Siquidem aliquorum Sacramentorum debita administratio sine sacris liquoribus expediti Catholico more non potest, eapropter decernimus, ut singuli Parochi, aliarumque Ecclesiarum Rectores, omnesque illi, ad quos Sacramentorum administratio ex officio curæ animarum spectat, quotannis tempore debito, & solito, nimirum intra octavam Paschæ, liquores sacros ab Archidiaconis districtum suorum petant, & accipiant: prohiben-

(x) Conc. Trid. Sess. 24. C. 7. de Refor.

(y) Conc. Trid. Sess. 24. C. 1. de Refor. Matrim.

(z) Conc. Trid. Sess. 24. Cap. 1. de Reform. Matrim.

bentes serio, ne, quemadmodum hætenus indigne factitarum novimus, homunciones prophanos, pro ejusmodi liquoribus expediant, sed si Clericorum copia haberi non possit, ad minus Aëdituorum, vel Vitricorum Ecclesiæ, qui eos dedita cum reverentia in pixidibus, sigillo Archidiaconi districtus obsignatis, perferant, opera utantur: qui secus fecerint, pœnis pro arbitrio nostro Canoniciis mulctandi.

CAPUT XI.

Ne Prælati Sacerdotes peregrinos, sine commendatitiis priorum Ordinariorum suscipiant.

QUOS vaga mens honesti bonique propoliti minus tenaces factos, certis sedibus consistere non finit, atque ad mutandum crebro domicilium inordinata animi levitas impellit, experientia quotidiana didicimus, non exiguum scandalorum fomitem ex his, facile ad Sacra exercenda receptis, ac admissis, in vulgus prodiiisse: quin potius id aliquando evenisse, comperitum est, quod nonnulli deplorati homines, nullis insigniti Ordinibus, ut collapsis vitæ sceletæ rationibus qualicumque modo consulerent, Sacerdotalis officii dignitatem mentiti; ab incautionibus quibusdam Ecclesiarum Præfibus sine testimonii legitimi productione recepti, Sacramenta illicite & sacrilege administrarint, & Presbyterorum munus, ad quod legitime vocati minime fuerunt, obierint. Nonnulli præterea, aliis ex Diocesium, ob scelerum admissorum enormitatem, in exilium acti, vel etiam religionum votis impie violatis, ex Monasteriis elapsi, vita in hac quoque Diocesi nostra non minus, quam in Patria sua licentiose traducta, variisque scandalis datis, summum Clero nostro apud seculares odium confluxerunt, magnamque infamiae notam suis moribus toti Ordini nostro inusserunt. Quorum malitiis ut debite obvietur, & occasiones prædictorum inconvenientium præcidantur; statuimus, ne quisquam Prælatorum tam secularium, quam Regularium

Tomus VIII. Concilior. German.

Diocesis nostræ in posterum Sacerdotem, vel Clericum alterius Diocesis ad Parochialem, Sacellanalem, vel aliam quampiam functionem Ecclesiasticam obeundam, sine formatis, suspicionis omni prorsus carentibus, & proprii ipsius Sacerdotis, vel Clerici Ordinarii commendatitiis literis, non solum liberam ipsius dimissionem, verum etiam vitæ honestatem & bonam conversationem attestantibus, suscipiat, aut ad Sacra exercenda, Divinaque celebranda admitrat. Sic enim futurum pie in Domino confidimus, ut commissæ hætenus per externos errores scandala tollantur, dum vel Domestici fidei duntaxat, vel ii, quorum vitæ innocentia & sanæ doctrinæ studium, fide dignorum commendabitur testimoniis, in partem sollicitudinis Pastoralis adsciti fuerint & vocati.

Lectis Constitutionibus & promulgatis, Illustrissimus Princeps ex sede sua confurgens, solitas ceremonias continuavit, iisque peractis, Sessioni secundæ ex placito Patrum finis est impositus, tertiæque Sessio pro die sequenti ad horam decimam quintam indicta fuit.

SESSIO TERTIA.

DIE XIV. Novembris hora præfixa ad pulsam campanæ majoris vicissim omnes Prælati sæculares & regulares, Canonici, Parochi, alique sæculares & regulares Clerici, qui primis duabus Sessionibus Synodi interfuerunt, in dictam Ecclesiam Cathedralē convenere, tunc a Sacro solenniter per Reverendum Dominum Joannem Rosenbluth, Præpositum Sternbergensem, Ordinis Canonicorum Regularium Sancti Augustini, sub Infula ad summum Altare decantato, Illustrissimus Princeps, albo pluviali auro contextro indutus, atque Pontificalem gestans insulam, solitas, juxta Pontificale Romanum, ceremonias exorsus est: iisque peractis, Reverendus Dominus Petrus Grodecus, Præpositus Brunensis, & Canonicus Olomucensis accepta ab Illustrissimo Benedictione, cecinit Evangelium, ut in Pontificali præscribitur. Finito Evangelio, Illustrissimus Dominus incipit Hymnum: *Veni Creator!* Choro & Clero occinente usque ad finem. Tunc in suo quisque sedili se collocavit, ac illico Reverendus Dominus Theodorus Englis LL. Licentiatum, Archidiaconum & Curiae Episcopalis Olomucensis Officialis, consensu

X x

ambo:

ambone, Orationem de Disciplina Ecclesiastica ad Clerum habuit in hæc verba:

ORATIO.

Cum turbulenta Arriani furoris tempestate Dei Ecclesia jactaretur, Reverendissime Antistes, Reverendi Patres, ceterique Sacerdotes, & Auditores Ornatissimi, Aphraatem, unum ex primi Ægypti Monachis, a Valente Imperatore interrogatum, cur e solitudine Antiochiam divertisset, respondisse ferunt: nulli e domesticis, si quod fulgur in ædes paternas incidisset, esse cessandum: verum his, ut aquam hauriant, festinandum: illis, ut ignem proserpentem suffocent, accurrendum: omnibus, ut domum, in qua sint & nati & educati, sanctam rectam habeant, enitendum. Atqui nunc tam acerbis errorum incendio Ecclesiæ culmen conflagratum incidit, tam funesto flagitiorum igne, Domus Dei fulcra inflammata corrumpunt, tam pestifero calore fundamenta correpta concutiuntur, ut si ullo sæculo, hoc certe maxime tristem illam Prophetæ [a] orationem, usurpare liceat: *Quanta malignatus est inimicus in Sancto! Et gloriati sunt, qui oderunt te, ... Incenderunt igni Sanctuarium tuum, polluerunt tabernaculum nominis tui, quasi in sylva lignorum... exciderunt januas ejus, in securi, & ascia dejecerunt eam.* Nemo itaque opinor; erit, Patres, quem vel cum Valente isto capiet admiratio, vos hodierno conventu, in publicum prodisse ad ea capienda consilia, quibus, si non incendium restingui, saltem ne flammæ impetus longius pervadat, impediri possit. Multa sunt, quorum sollicitudo ad Ecclesiæ salutem saltem est utilis: & nihil tam necessarium, quam ut gregis Dominici Pastores, frequenter, libenterque conventus celebrent, quibus & pia, & sana, de ovium pastu inter se consilia agitent, & quod e re sit Ecclesiæ, non modo votis consentientibus decernant, sed & viribus conjunctis, exequantur. Hoc vobis præcipuum nobis præsidium relictum, ad hortum Dominicum, a noxiis vitiorum, errorumque herbis purgandum, quod & legibus non Apostolicis & Ecclesiasticis tantum, sed & Imperatoris Decretum, & exemplis vetustissimis usurparum, quanti Majores nostri fecerint, & opinio declamat, qua summam, si libere ad Concilia convenire liceret, Ecclesiæ felicitatem prædicabant: & desiderium indicat, quo in summis periculis Synodos frequentabant: & studium indefessum, in Decretis Patrum exequendis, ostendit. Atque istorum vestigiis vos hodierno die insistere probatis, adeoque istam negligentiam culpam, a vobis depellit. Etenim cum duo

sint, quæ Patres Toletani jam olim ad Ecclesiam conservandam, & restituendam necessaria, judicabant, Conciliorum coactio, & ad disciplinam Ecclesiæ retinendam, executio; Vos, Patres, ad Dominici ovilis inspectionem convenisse videmus, consilia de lupis abigendis, morbidis ovibus ejiciendis, cepisse, haud obscure intelligimus; leges, ad diruta septa reficienda sanctitas, advertimus. Verum in re tanta, cum Orator adhibendus sit, qui tum ornate ac prudenter, tum pie ac graviter verba faciat; ac illud mihi dicendi imperitia, judicii inopia, ac infantia neget: hoc vero neque mea ferat ætas, neque oratio sine Dei memi esse possit; erit, Auditores, vestri candoris, ac pietatis, me dicentem in altero benigne sublevare, in altero religiose adjuvare. Statuite ergo, vos non meam, sed eorum orationem audire, quorum authoritati, & vos plurimum deferitis, & ego in hoc dicendi onere, etiam arduo, viribusque impari, suscipiendo, cedere debui, aut potius Sanctorum Patrum sententias vobis annunciari & recitari, rectæ rationis judicium explicari existimare, neque a quo profisciscatur, sed quid ferat, attendite. Cogitate Divinissimum Moysen, propheta hominis Jethro admonitionem admisisse, & quod Cicero ait, summos Gubernatores, in magnis tempestatibus, a vectoribus nunquam utiliter admonitos fuisse. Itaque diu mihi cogitanti; qua in re, aut materia, exilem & jejunum hunc meum sermonem consummare velim, ratio in eam sententiam deduxit, neque hoc loco indignam, neque a studiis vestris alienam fore orationem, si cum & Patres Calcedonenses conventus habere sanxerunt, ut, quæ correctione opus habent, ex Patrum regulis, Sacrisque Canonibus & Constitutionibus emendentur, & in hanc curam, celeberrima quæque Concilia hujus generis incubuerint, ut mores fidelium integri conserventur, de disciplina Ecclesiastica verba faciam.

Primum itaque ostendam, Ecclesiæ disciplinam a Deo institutam, Præsulumque curæ mandatam: deinde explicabo, quantopere ea, quorundam negligentia, & conniventia, summo & suo & Ecclesiæ malo collapsa sit: denique, quid ad eam instaurandam opus sit, breviter monebo.

Magna est rerum humanarum varietas, nihil in iis tam bene constitutum, nihil tam valide munitum, quod non in deterius probabatur, quod non concidat; nisi & assidua cura sustentetur, & subinde renovata solitudine erigatur. Malum hoc, tam est pervagatum; ut non modo florentissimis Imperiis, ornatissimis Rebusp. ac Illustribus Familiis

(a) Psal. 73.

millis sit & infestum, & exitiosum; sed in Christi Regnum, in Dei Domum, quæ cœlesti Panoplia ab ipso Deo firmata, tam truculenter grassetur, ut non solum misere perturbata, sed prope etiam eversa videatur. Itaque quemadmodum Viri prudentes, ut Regna & familias, ob improbas hominum machinationes nutantes, ab interitu vindicarent, sive a Deo impulsu, sive a natura edocti legum vincula, ac suppliciorum metum, invenerunt; sic Divino beneficio, ne acerbior aliquis casus Ecclesiam involveret, disciplina Canonica in eam injecta est: res, si D. Augustino credimus, tam ad omnem administrationem necessaria, ut, non dico, sine ea, Episcopus plebi, non Rex genti, non Judex provinciae, recte præesse possit; sed neque maritus conjugem, neque Pater filium, neque Dominus servum, cum laude regat. Atque istius tam præclari ac Divini inventi curam, vos Patres, & Pastores sustinetis: vobis apud Prophetam (b) Dominus locutus est: *Ecce ego dedi verba mea in ore tuo: ecce, ego constitui te super gentes, & regna, ut evellas, & destruas, & disperdas, & dissipes, & ædifices, & plantes.*

Nolite ergo hanc curam abjicere, si non & Divinum mandatum negligere, sanctissima exempla Ecclesiae contemnere, & cum certissima ratione pugnare velitis. A vobis Deus exigit, ut incessanter clametis, quasi tuba vocem elevetis, populo sua scelera annuncietis: vobis mandavit, ut vulpeculas vineæ suæ infestas capiat, gregem suum solcite visitetis. Prædicare igitur, Pastores, verbum, instate opportune, importune: cum omni imperio arguite, peccantes corripite, apprehendite disciplinam, ne irascatur Dominus, & pereatis de via iusta: utimini potestate, quam vobis Deus, non in destructionem, sed ædificationem tribuit: injicite contumacibus frenum Ecclesiasticarum censurarum, quo tanta audacia reprimatur, & ferocia mitigetur. Hoc agite in animarum curatione, quod in corporum medicis videmus, qui morbi ratione, non dulces modo, sed & acerbis potiones ægrotis propinant, & vulnera nunc leniunt, nunc exasperant. Scio, Auditores, gravissimis Pontificibus videri, plus in corrigendis improbis interdum agere benevolentiam, quam severitatem: plus exhortationem, quam comminationem: plus charitatem, quam potestatem. At mansuetudo Medici, si morbi vim confirmet, carnificina est: Regis clementia in regni hostes, tyrannis est: Pastoris bonitas in lupos sevientes, in oves contagiosas, est crudelitas. Ergo cum multi oratione neque blanda, neque acerba flectan-

tur, viam disciplinæ ingrediemini, non certam modo, quæ a Deo monstrata, sed & planam & expeditam, quæ omnium vestigiis trita est. Usque enim adeo, ipsa etiam natura facem vobis præfert, ut in ea sequenda ab hominibus a fide & pietate dimotissimis, tum præcepta, tum exempla petere liceat. Memoria aliquis secum, obsecro, repetat, quæ Plato, quæ Aristoteles, quæ alii in effingenda Reip. absolutæ forma, literis mandarunt: cogitet, quæ a barbaris legum-latoribus de religione & iustitia sunt sancita: perpendat, quam severi impietatis extiterint vindices, & videbit in eorum decretis & studiis, non claram modo civilis administrationis effigiem, sed ne minime obscura Ecclesiasticæ disciplinæ vestigia reperiet. Quid enim aliud volebat Templi Epidaurici inscriptio, quæ sceleratis aditum intercludebat? Quid illa XII. Tabulæ, quæ impios donis iras Deorum placare vetabat? Quid censoria Romanorum potestas, quæ populi mores regebat, in Magistratu probum non ferebat. Utinam vero cujus umbram tanto studio prophani isti homines, ad ementitas religiones propagandas, ad fucatam probitatem mortalibus instillandam consecrati sunt; ejus veram rationem mediocri diligentia ad Christianæ pietatis ac iustitiæ fructum aliqui tenerent! Utinam pudorem in his excitet disciplinæ studium, ab illis naturæ ductu susceptum, vobis vero Divinis decretis, & exemplis propositum. Invenimini, Auditores, veterem Synagogæ gubernationem: inspicite primam Ecclesiæ & institutionem & administrationem; semper apud Dei populum Divinum hoc institutum viguisse animadvertitis. Moyses Deo autore mandavit, ut, qui in Legem graviter peccasset, instar immundi, & abominandi haberetur, a tabernaculi aditu ad tempus arceretur: qui gravius deliquisset, & Synagoga ejiceretur, e Dei populo excisus, cum Israeliticis non censeretur: qui morum flagitio minime destitisset, diro anathemate percussus, æternis suppliciis adjudicaretur. Et hæc sanctissima Christi instituta, in ipsis Ecclesiæ cunabulis quanta cura excoluerint primi a Deo relictæ Pastores, Apostoli, Episcopi: quanta sollicitudine Pontifices ad disciplinam augendam, firmandamque incubuerint, Canones Apostolici, Conciliorum Decreta, Pontificiæ Sanctiones, non obscure id declarant, tot in errata populi censuris referta, ut undique improbis suspensiones, undique irregularitates, & interdicta infligant. Agite igitur ista tuendæ fidei, servandæ pietatis arma, Divinitus nobis tradita, semper a piis Pastoribus exerta, nolite depo-

(b) Jerem. i.

Tomus VII. Concilior. German.

deponere; sed quod Deus apud Prophetam jubet, accingite lumbos vestros, agite & loquimini omnia, quæ Deus nobis præcepit. Imitamini in coercendis excessibus Divini Moysis fervorem: Josuæ industriam vobis proponite: Phinees induite zelum, opitulamini pietatis cultui, jam pene deflorescenti: quod illi ferro, quod igne in vitiis vindicandis cum laude egerunt, vos nequaquam armis disciplinæ, delictis puniendis intermitte. Sequimini Duce[m] vestrum Jesum, flagello in sacrilegos Domus Dei prophetares sævientem, templo, everfis mensis, effuso ære, impuros mercatores ejicientem. Veniant vobis in mentem sanctissima Majorum exempla, Cypriani, Ambrosii in Theodosium, Augustini in Bonifacium Comitem. Istorum vobis in disciplina, magnis etiam periculis custodienda, imitandus est zelus: istorum vobis revocandum studium, si eum vestræ administrationis fructum Ecclesiæ ferre cupitis, quem veterum sollicitudo & constantia reliquit. Inspicite, quæso, mores, & vitam Sacerdotum antiquorum: integritatem & innocentiam plebis animo volute: reducite in memoriam florentem præfæ Ecclesiæ faciem; & quid diligentia, solertique opera animadversionis effectum sit, colligite. Quamdiu illa pudoris & modestiæ magistra viguit, vere Pastores forma erant, exemplum facti: in omni pietate, morum integritate, & honestate vivebant: quod nomine, quod ore, quod habitu proferebantur, in eorum vita lucebat: vere de Sacerdotibus affirmabatur, quod ligneis utens calicibus, ipsi essent aurei: tanta & mysteriorum eruditione, & Majorum pietate fulgebant. Et quod istis studiis & Cleri & populi, magnus Christiano nomini splendor allatus, magna Ecclesiæ tranquillitas accesserit, & parta sit, nemo tam est ignarus, quin probe calleat. Testis est ipsa rerum natura, disciplinæ beneficio ista vel maxime comparata. Quid enim non magis constitutis improborum ausibus bonorum floreat pietas, cum evulsis zizaniis, suspenso lolio, ager cultior, seges lætior videatur? Testis est nefarius apostata Julianus, non solum Christianis Legibus, Sacerdotum innocentiam, plebis pietatem, Ecclesiæ fines proferri querens, sed & similem disciplinæ formam Ethnicis instituendam, Arsatio Gallitiæ Pontifici mandans. Testes sunt denique ipsi hæretici, qui ut perditionis sectas introducant, ut infaustam sobolem propagent, annon sacrilegas errorum furorum officinas, velut subdola Christianorum simiæ, confectis disciplinæ umbris obducunt? Quantum ea in re, veterum quorundam hæreticorum fuerit studium, ex Novatianis apud Cyprianum, ex Donatistis apud Augustinum, ex

aliis apud Epiphanium discere licebit. Nostrorum vero, quis non perspexit fraudem? Intuemini immanes istos cyclopos, an non diligentissime speluncis suis prospiciant, ne quis avitæ pietati deditus, pedem in iis figat? An non advigilent, ut coercendis publicis flagitiis, larva honestatis se obtegant? Proinde si unquam solícite attendere, diligentem curam adhibere oportuit, jam vero potissimum, quando tor hostes, ut diximus, & inimici Crucis Christi, variis, pestiferisque doctrinis, fideles inficere, atque in suam massam pertrahere moluntur. Ad canem ut cædas, baculus requiritur: Ecce vobis baculus ille Pastoralis, censuræ salutares Ecclesiæ, quibus tanquam struma civitatis & pestis Christianæ Reipub. sunt exsecandi. Iis tanquam arundineis bacillis, si non furgentur, quid enim tartarei illi Cerberi non spernunt? Accingite vos gladio spiritus, penetrabiliore omni ense accipiti, gregem vobis commissum a lupina direptione illatum conservate: Agnellos ex immanium ferarum trisulcibus eripite, stygios Leones ope & gratia Divina, ejusque sanctissimi sermonis virtute confodite, jugulare, ac demum, ut obmutescant, cogite. Qua in re quanta discretio, prudentia quanta requiratur, multis persequi, neque res, neque tempus postulat: quod omnes tanquam experitissimi Medici, diversis morborum generibus, diversa antidota noveritis præparare, & severitatis rigorem æquitate, & lenitatem quadam severitate moderari. Audistis, Patres, cæterique Auditores, disciplinæ severitatem a Domino Pastoribus mandatam, audistis, quibus ea Sanctionibus contineatur.

Audite nunc, quomodo ea, quorundam negligentia & conniventia collapsa sit. Nolim hic meum sermonem ita accipi, ac si omnes officii minus debite administrati arguam: quam plurimos enim muneri commissi gnaviter & strenue incumbere, apparer. Porro per omnia, Apostolus inquit, temetipsum præbeas formam bonorum operum. Nihil [vult dicere] est virtutis præconium foris, nisi vitæ innocentia domi. Destinati estis in Republ. Christiana censores morum, accusatores scelerum, & omnis iniquitatis extirpatores; cavete igitur omni studio, ne, quod in aliis cupitis ademptum, in vobis tenacius hæreat: prospicite, ne quod verbis recte & sancte plantetur, prava & dissoluta vita eradicetur. Sal terræ & lux mundi cum sitis; quid vita indecenti, puro sermoni tenebras offunditis? ac non magis gregi universo faciem præfertis ad justitiæ opera? Cur non saltem sapientiæ super fideles infunditis, ut omnes vitæ vestræ exemplo etiam tacite moveantur, nihil efferre, quod sanctitatem non sapiat; nihil agere, quod cœlestem ju-

stitiam

titiam non redoleat? Populus enim ob ingeniū stuporem, ex vita Doctorum, omnem doctrinæ veritatem metitur: nullum tenet inter Doctorem & doctrinam discrimen: pie admonitus iussu Sacerdotum ridet, jure castigatus eorum vitia regetit. Quis enim aures benignas præbebit homini ambitioso, de contemnendis honoribus disputanti? Quis avarum, quis superbum, quis perfidum, & ad genus sceleribus coopertos homines, de liberalitate, humilitate, doctorum ac factorum constantia, de honestate, ac reliquis virtutibus differentes ac perorantes attente audiet? Audite, quid non humana, sed Divina vox apud Malachiam edicat: Sacerdotes esse a Deo repudiatos, Sacerdotio excidisse, cunctis honoribus exutos, & vice versa affectos ignominia, quod scientiam a se abjecerint, Legem Dei ventis tradiderint. Testis est futurorum præcisi Daniel, Sacerdotes ob scelera contemptissimos fore, ac mundi fabulam, quod pactum Domini irritum fecerint. Testis Hieremias in Threnis, Sacerdotes ob flagitia sua, tanquam lapides platearum dispersos iri. Testis tota antiquitas, testes omnes Orthodoxi Patres, Sanctimoniam Clericorum, Religionem stabilivisse; eorundem peccata hanc ipsam evertisse. Omittite exempla, ne sit infinitum. Tantum hoc a vobis peto, ut taciti de omnibus, quos quondam in Clero fuisse cognitum est, cogitetis; intelligetis unumquemque illorum prius a sua vita, quam vulgi opinione esse laudatum. Attendite ergo vobis, attendite gregi vestro, super quem vos Christus posuit, regere Ecclesiam Dei, quam acquisivit sanguine suo. Diligenter agnoscite vultum pectoris vestri, greges vestros considerate: Omne (c) caput languidum, & omne cor mœrens. A planta pedis usque ad verticem, non est sanitas in eo: vulnus & livor, & plaga tumens, non est circumligata, nec curata medicamine, nec fota oleo. Considerate, quanta, dum non vigent leges, Sacerdotalem ordinem, in quo sanctitatis exempla lucere oportebat, improbitas invaserit: quanta populum Christianum occuparint flagitia, quantis Dilecta Dei Sponsa involuta miseriis? Quos Deus lucem mundi esse voluit, ignorantie tenebris immergi sunt; quos oportebat esse lucernam, toti domui lucentem, imperitia cæcuerunt: quos sal terræ esse decebat, parum Christo dignum sapiunt. Stare quidem adhuc ex parte videmur, dum veteris status vestigium servatur. Verendum tamen, ne consummatum Ecclesiæ naufragium eveniat. Id jam instat nobis præfens: instat, inquam, o Pastores, porrigite manus, in genua inclinate, paterna vestra viscera commoveantur, lacrymas profundatis. Quid

enim aliud agitis, dum in domo Dei scelera cernitis, & flagellum, quod Christus vobis tradidit, continetis? dum pestem, qua oves corruptæ sunt, sentitis, & contagionem fovetis? Audite ergo Sacerdotes, quoniam vobis est judicium: quia laqueus facti estis speculationi, & rete expansum super Thabor. *Vae Pastoribus Israel, qui pascunt semetipsos & solos, a duobus Sanctissimis Vatribus Ezechiele & Jeremia infertur: Nonne greges a Pastoribus pascuntur (d)? Lac comedebatis & lanis operiebamini, & quod crasum erat, occidebatis, gregem autem meum non pascebatis. Quod infirmum fuit, non consolidastis: quod agrotum, non sanastis: quod confractum, non alligastis: quod abjectum, non reduxistis.... Et dispersæ sunt oves meæ, factæ sunt in devorationem omnium bestiarum agri... Erraverunt greges mei in cunctis montibus.. & super omnem faciem terræ dispersi sunt, eo quod non erat, qui requireret. Cogitate igitur, quæ sit muneris vestri amplitudo, quæ dignitas & honor, atque ingratum animum exhorrescite: percellat illum horrenda illa Dei vox: Audite Reges, (e) & præbete aures, qui continetis multitudinem: quoniam vobis data est potestas à Domino, & virtus ab Altissimo, qui interrogabit opera vestra, & cogitationes scrutabitur, quia cum essetis ministri eius, non recte judicastis, neque custodistis legem justitiæ, neque secundum Dei voluntatem ambulastis. Agnoscite itaque, quid fieri debeat: expavescite, qui salutem animarum incuria impeditis. Parcite, obsecro, parcite sanguini, qui pro vobis effusus est: cavete periculum, terreat vos horrendum illud Divinæ comminationis fulgur. O Pastor, (f) o idolum derelinquens gregem! gladius super brachium tuum, & super oculum dextrum: brachium tuum ariditate siccabitur, & oculus tuus dexter tenebrescens abscurabitur.*

Restat nunc postremum, in quo disciplinæ reparandæ spes omnis sita est. Qua in re cum & si vos salvos cupitis, jam tutos vos esse oporteat; id vobis providendum est, ut quibus disciplina profligata est, hæc a vobis quam longissime dimoveatis, vigent vero, quibus ipsa jam olim constituta, & longo tempore conservata est. Atque tribus istis omnem non modo disciplinæ interitum, sed honestatis eversionem debere, & ratio & experientia convincit, quorundam dico inscitia, vitæ scandalosa, & desidia. Quod si ergo eam Ecclesiæ restitutum cupitis, id unice curandum erit, in Clero sint homines ornati doctrina, pietate fulgeant, zelo Dei inflammantur, vitæ innocentia, in qua omnis doctrinæ instaurandæ spes collocata est, præ omnibus polleant; ut quod

verbo fieri jubent, factis ipsis, vitæ innocentia, & sanctimonia contestatum reddant. Istis septi præfidiis, nulla eos difficultas, in suscepto onere remorabitur: quibus destituti, non dico disciplinæ fructum, sed ne formam quidem sperare licebit. Vultis Ecclesias bene verbo veritatis instrui, vultis enutrirî filios in correptione, non vultis figulinam (ut ait ille) in dolio discere, hoc est, cum animarum periculo pietatem meditari; animarum Curatores, quantum fieri potest, exhibete, qui sacras literas didicerint: sciant, quomodo oporteat conversari in Domo Dei: sciant decenter gregem Dominicum pascere, ut possint præesse in sollicitudine. Illud tamen etiam stantite, literarum scientiam, solum pietatis studium ad mores hominum corrigendos, non sufficere; nisi sopitus in animis Sacerdotum fervor rursus exsuscitetur, nisi extinctus religionis, & innocentiae zelus mentes eorum inflammet, nisi ab isto negligentiae somno excitati, diligentius posthac evigiletis. Apostoli igitur consilium secuti, operam date sollicitudini, exhortationi, doctrinæ. Hoc unum meditemini, in hoc uno estote, ut profectus vester notus fiat omnibus. Operarios vos præbete, non erubescites: stete in fide, viriliter agite, & confortamini, omnia vestra in caritate fiant. Excutite istum ab animis vestris languorem, emulamini vos Dei emulatione: Divino zelo armati, non collaborate modo Evangelio; sed bonam in eo militiam militate. Erratis, erratis inquam, si vos in tam periculoso Christiani orbis bello, spectatores exhibere satis esse ducitis. Intuemini, intuemini, ad vos igitur hujus rei consideratio pertinet. Conventum hodierna die agitis, auditis, quanta Ecclesiam mala occuparint, quanta nos pericula infestent, & dum non datis operam, ut fibras flagitiorum excindatis, ut omnem furoris materiam, illud miseriarum Seminarium extirpetis, Catholicæ fidei & integritatis plantaria seminetis; tam horrendis erroribus implicamini, ut non jam ab Ecclesia, sed Deo ipso, a Christo Salvatore, manifestam defectionem nonnulli moliri videantur. Quod si ergo neque Dei mandatum, quo vobis cura commissæ est, neque Majorum exempla, quæ vos ad diligentiam cohortantur, ut tandem manus auxiliatrices adhibeatis, vos excitant; obsecro, inconfutulis Christi tunica tam misere dilacerata, grex Dominicus, qui instructione cumpnimis indiget, denique salus propria, quæ cuilibet quam maxime cordi esse debet, vos moveant & inflamment. Date, date, inquam, operam, quantum vires & facultates sinunt, ut ista Sathanæ mœnia convellatis, arcem ipsius vestro conatu diruatis, Dei

domicilium in animis hominum exciteris, pietatis fundamenta in moribus jaciatis. Nihil majus, aut Divinius excogitari potest ad coercendas hominum cupiditates, ut ea vitia, quæ legibus humanis, & judiciis emendari nullo modo possunt, istis vestris censuris expedite: primum latenter ac amice, tum paulo acerbius, demum graviore animadversione ex potestate Divinitus vobis tradita utimini. Habetis Præfulem, absit hic omnis assentationis nota, si fervor religionis, si pietas, si eruditio, si eloquentia, si cæteræ dores Episcopo dignæ spectentur, nulli secundum. Habetis ducem memorem vestri, vestras liberates summa cum laude tutantem; quæ non semper facultas datur. Omnes boni, quorum nec contemnenda pars in Clero, ad reformationem mente, voluntate, studio, virtute, voce consentiunt. Vineæ Christi a pessimis feris depasta, oppressa noxiis humoribus Ecclesia, vobis supplex manus tendit mater communis: vobis se, vobis salutem filiorum, vobis ipsam Ecclesiam, vobis & vigilanti vestræ custodiæ, muros atque urbis recta commendat. Tot igitur piis Ecclesiæ lachrymis, tam paterno Præfulis animo, tantæ veri Antistitis vigilantia, tot fidelium suspiriis ut digne respondeatur, vobis hodierna die providendum est. Retinenda est vobis constantia, gravitas, perseverantia; repetenda; & quasi postliminio reducenda est vetus illa severitas. Tum tu, Sancte Deus, nobis illa Saturnia regna, & tuis Vicariis autoritatem debitam restitues: Cunctos perfidiæ socios, a tuis aris, & templis, a rectis urbis, ac mœnibus, a vita, fortunisque fidelium omnium arcebis, & omnes inimicos Catholicorum, hostes religionis, scelereum frœdere inter se nefaria societate conjunctos, mactabis. Vos, Auditores, capietis denarium, pro fideli navata opera in vinea Domini, æternam atque immarcescibilem celestis gloriæ coronam: audietisque gratissimam illam Christi æterni Judicis vocem: *Euge serve bone (g) & fidelis, quia super pauca fuisti fidelis, supra multa te constituam, intra in gaudium Domini tui*, ad quod nos omnes deducar, qui est benedictus in sæcula.

Ubi perorasset Archidiaconus, Illustrissimus Princeps ex consilio & placito Patrum Cancellarius injunxit, ut suggestu consensu Statutorum Synodaliū residuam partem legeret, & publicaret, quæ quidem per illum lecta & promulgata fuere, ut sequitur.

CAPUT

CAPUT XII.

*De Vita & honestate Sacerdotum,
& aliorum Clericorum.*

QUæ de orthodoxæ fidei mysteriis, nec non de Christianæ charitatis officiis per Sacerdotes populo proponi solent, longa experientia compertum est, vix debitam persuasionis vim ac efficaciam sortiri, nisi illorum tradendorum ratio universa vitæ inculpatæ exemplo saluari, ab iis, per quos traduntur, comprobetur. Unde qui in sortem Domini vocati sunt, Divinorumque ministerio addicti, si morum gravitate atque honestatis studio dignitatem ipsimet suam tueantur, non parum autoritatis ad pie honesteque vivendum aliis præstat; si vero a vocationis suæ religioso instituto deflectentes, vel in minima re delinquant, adeo ordinis sui diminuunt autoritatem, ut illum dignitatis decorem & splendorem retinere nequeant, quæ ad seculares in officio continendos, maxime utilis, imo plane necessarius esse videtur. Sic enim natura comparatum videmus, ut quisque etiam ex infima plebe, facilius fidem accomodet iis, quæ sequenda proponuntur, ubi cum dictis Magistri facta quoque ipsius convenire, & non aliud verbis doceri, aliud vero vita exprimi advertit. Doctrinam itaque suam efficacior fore intelligens Sacerdos, eam, quæ ex vitæ laudabilis uberrimo fonte deprompta, atque ad alios derivata fuerit, diligenter in eam incumbet curam, ut omnes vitæ suæ actiones ad exactam pietatis, & honestatis componat normam, sicque in luce & celebritate hominum versetur, ne Christianam aliis suadens modestiam, eosque in lege Domini erudiens, in compositorum morum offendiculo, animos populi a doctrina sua tanto reddat magis averfos, quanto minus verba ipsius factis respondere fuerint visa. Cogitet, turpe esse Doctori, quem culpa redarguit ipsum: consideret, quanta sit officii sui dignitas & majestas, cumque non ignoret, se mediatorem inter Deum & homines constitutum esse, ita dignitatem suam tueatur, ne se

tanto honore indignum præbeat. Dies & noctes in lege Domini meditetur, quidque ipsum facere conveniat, sedulo attendat: ita ut lucem & faciem quandam ad vitam beatam tendentibus præferre videatur. Ille siquidem unus ex illis est, quos Dominus sal terræ in Evangelio, & lucem mundi appellat. Ille pro universo terrarum orbe legatione ad Deum fungitur, deprecatorque est apud Dominum, ut peccatis mortalium propitius fiat. Ille, quod purissimis ac beatissimis denegatum est Spiritibus, Sacrosanctum Corporis & Sanguinis JESU CHRISTI Sacramentum Divini verbi virtute conficit. Ille peccati labe oppressos homines, concessa sibi cœlitus ligandi & solvendi potestate, in spem Regni cœlestis erigit, & cum Deo Optimo Maximo, qui se a peccatoribus avertere solet, in gratiam eosdem redire facit, eosque ad tartara ruentes, e medio cursu revocatos, vitæ æternæ restituit. Officii itaque Sacerdotalis sublimitatem sanctitate morum eo magis ornandam convenit, quod severiore vindicta negligentia & contemptus Sacrorum, qui ex Ministri impuritate resultat, a Deo iustissimo punietur.

CAPUT XIII.

*De castitate Clericorum, & ne
cum suspectis mulieribus
conversentur.*

Continentiæ studium quemadmodum etiam in iis, qui nullo ejus servandæ voto, aut necessitate adstringuntur, maxime laudabile est, & commendabile; ita eos imprimis decet, quorum pars hæreditatis ipse Dominus est, in cujus sortem vocati, vasa corporum suorum in sanctitate possidere, seque ab omni carnalium desideriorum impuritate & immunditie diligenter custodire debent. Ut igitur Diœcesis nostræ Clericorum mores & actus in melius reformatur, neve eorum inhonestæ conversationis suspicio, offendiculi ansam præbeat secularibus, statui-
mus, ut nullus Sacerdos aut Clericus (b) cum fœminis suspectis conversatio-
nem

(b) Conc. Trid. Sess. 25. Cap. 14. de Reform.

nem habere, easque nec domi retinere, nec earum domos frequentare præsumat: & si forte aliqui ex naturalis pietatis officio matrem, amitam, sororem, aut alias consanguineas, Canonibus Sacris concessas, in domibus retinendas atque alendas duxerint, meminisse debent, & in his aliquando instigante diabolo, aut in pedissequis earum scelus perpetratum fuisse, atque proinde præstare, periculi evitandi causa; tales personas extra domos Clericorum, degere, ne vel consanguinitatem ignorantibus sinistra suspicio ingeratur, vel turpe aliquid contra conscientiam, & Dei mandatum committendi occasio relinquatur. Atque infelici hoc quidem ævo adeo Clericorum Diocesis nostræ mores depravatos esse non sine justo animi dolore advertimus; ut in carnalium concupiscentiarum cœno sepulti, plus libidinibus nefandis vacare, quam Divinorum, ad quæ tractanda vocati sunt, pia exercitatione occupari videantur. Hinc nonnulli ad Matrimonia præterita post Ordines Sacros susceptos convolare, atque eas, quibus illicite copulati sunt, legitimarum uxorum loco habere, nec minus cum illis, quam cum liberis incontinentiæ nefandæ testibus, publice circumvehi non verentur. Nonnulli etiam, si talia Matrimonia de facto non contrahunt, muliercularum tamen inhonestarum pravam & impudicam non evitant cohabitationem, ac sub matrum-familias, vel coëtricum prætextu, eas in domibus suis magno cum scandalo plebis, & totius Ordinis Ecclesiastici dehonestamento retinent.

Quorum perversitati ut tandem opportunis remediis obvietur; moneamus serio Archidiaconos, aliosque omnes Prælatos, ad quos jus visitandi, aut etiam corrigendi aliqua ratione pertinere dignoscitur, ut quoscunque in districtibus suis repererint Clericos cujuscunque gradus, dignitatis, & eminentiæ, qui inhonestas mulieres in domibus suis retinent, aut etiam in alienis specioso quovis prætextu foveant, vel earum commercia, atque consortia quovismodo affectant, memores officii sui, eosdem ad Nos deferant, quo secundum Sacrorum Canonum Decreta

contra tales diffidentiae filios legitime procedere, & impudicitiam ejusmodi pœnis pro delictorum enormitate infligendis compescere, ac exterminare possimus. Dignum est enim, ut quos ad vitæ decora domesticæ laudis exempla non revocant correctionis, saltem medicina compellat, utque ferro abscindantur vulnera, quæ fomentum non senserint medicinam.

CAPUT XIV.

Ne Clerici noctu per plateas vagentur, sed in domibus suis pernoctent.

Quia tenebræ ad malum fabricandum, atque honestati adversas actiones obeundas sunt accommodatissimæ; Satuimus & districtè præcipimus, ne posthac Clerici nocte intempesta, & hora suspecta, per vicos & plateas locorum, in quibus commorantur, noctuarum, aut vespertilionum more, oberrent: imo nec in domibus secularium sine gravi causa, & summa necessitate, pernoctare audeant; sed domi suæ quisque præsertim eorum, quibus animarum cura incumbit, se contineat: ut si forte aliqua vel confessionis infirmorum excipiendæ, vel alterius Sacramenti administrandi ex inopinato ingrueret necessitas, non per alienas domos quærri, sed propriis in ædibus illico reperiri, officiumque suum exequi possit. Qui contra fecerit, seque culpabilem ea in parte exhibuerit, sciat, se pœna inobedientiæ debita, ad primam Archidiaconi sui denunciationem a Nobis correptum & coercitum iri.

CAPUT XV.

De sobrietate a Clericis servanda, tabernis non frequentandis, & convivii ac comessationibus fugiendis.

Cum D. Hieronymo teste, luxuriosa res sit vinum & tumultuosa ebrietas, cumque venter mero æstuans cito despumat in libidines, idemque Apostolus

stolus moneat dicens: *Nolite (i) inebriari vino, in quo est luxuria*; ea propter Clerici, quorum sensus ad obeunda ministeria sacra vigere, & mentes ad Deum erectas esse convenit, sobrietatis studio omnibus antecellere, & ebrietatis, quæ mentis inducit exilium, libidinisque provocat incendium, cane pejus & angue fugere debent. Animadverso itaque, remulentia vitium adeo Cleri nostri mentes, ad enormia quævis perpetranda pronas & faciles jam reddidisse; ut verecundia Sacerdotalis immemores, talia committere palam non vereantur, qualia in hominibus secularibus quivis Magistratus, impunita nullo modo relinquere solet: laudabile temperantia studium restituere, multisque ex ebrietate provenientibus malis occurrere cupientes, mandamus, & statuimus, ut Clerici sanctam, & Ministris Dei dignam sobrietatem, tanquam honestatis magistratam colant, ejusque, sive in domibus privatis, sive apud alios observentur, apprimē (k) existant.

Tabernas itaque publicas, bibendi vel edendi causa, nisi peregrinationis necessitate compellantur, ingredi, atque ibidem cum hominibus prophanis, ad patinas variis odoribus fumantes, meroque aut cerevisia spumantes pateras, turpiter hæere sibi nefas putabunt: convivia, & comestiones, choreas, aleas, aliosque infames lusus, omnino vitabunt (l), & si forte honesti cujusdam viri mensa adhibiti fuerint, modestia ac gravitatis Clericalis memores, caveant diligenter, ne tantopere vel epularum illecebris, vel fecundiorum calicum ubertate, atque vini potentia obruantur, ut distento ventre, & mente poculorum calore perturbata, in plausus & risus inconditos solvantur, & fabellas inanes ibidem referendo, aut in cantus lascivos prorumpendo, scurras & histriones potius, quam Sacerdotes se exhibeant.

Si vero plures Sacerdotes, aliosve Clericos ad anniversarium alicujus defuncti, vel Dedicationis Ecclesie diem,

vel ad primum novelli Sacerdotis Sacrum, aut alia quavis honesta de causa congregari, & refectionem necessariam, absolutis primum iis, quæ munus eorum concernunt, sumere contigerit, sine benedictione mensæ non accumbent, neque etiam sine gratiarum actione isthinc recedent. In convivio autem id omnibus curæ erit, ne se invicem indeora ad potus æquales invitatione & obligatione gravent: neve pro salute aliorum (ut inter seculares fieri solet) immania pocula exhauriant: id enim sicut indecens est & onerosum, ita a servis Dei remotissimum esse debet. Barbaricum namque ingurgitandi se se morem, cum ii omnes, qui excelsiorum quorumvis officiorum functionibus exercendis destinantur, studiose fugere soleant; equidem Sacerdotes, quorum muneris amplitudinem humanis verbis explicare difficile est, foetidam ingluviem sectari, & nocturno (ut ille) fœtere mero, certare diurno, non solum minime decet, sed abominabile inprimis est ac horrendum. Expendant accurate Sacerdotes, quam multa olim mala pepererit ebrietas, quantave clade sequaces sui quotidie afficiat. Noe, quem universo genere humano naturæ summus opifex Deus pro ejusdem generis conservatione, cataclysmo vel diluvio subduxerat, vino pressus nudavit fœmora. Loth, quem Sodomorum iniquitas, a recto bene vivendi proposito abducere non potuit, vicit ebrietas. Holofernem bellicosissimum, imbellis fœminæ manu truncari fecit ebrietas, nuncque tantam in genere humano stragem facit, ut plures vino obruti pereant, quam hostili perimantur ferro. Et quamvis de Cleri nostri pietate nil, Domino juvante, diffidimus, adeo ut unumquemque vocationis suæ debitam habiturum rationem, & sicut alia fœda vitia, ita crapulam & ebrietatem, quæ ad turpitudinem omnem fores patefaciunt, vitaturum esse non ambigamus; si qui tamen (quod absit) conditionis suæ immemores hac in parte se se exhibuerint, sciant, severiores penas inobedien-

(i) Ephes. 5.

(k) *Supple*: Studiosi, vel quid simile.

(l) Conc. Trid. Sess. 22. Cap. 1. de Reformat.

dientia, temeritatisque eorum coer-
cendæ per nos adhibitum, belluinam-
que hanc carnalium sensuum exorbita-
tionem, ultra distributionum quoti-
dianarum & aliorum proventuum sub-
tractionem, atque ab officio & benefi-
cio (ut Canones Sacri decernunt) sus-
pensionem, commensuratis delicto ani-
madversionibus, ultum iri.

CAPUT XVI.

*Ne Clerici in ædibus suis vina
aut cerevisiam propi-
nent.*

Humanæ leges cauponum sus-
pectam habentes fidem, non pau-
ca contra eosdem edidere Statuta:
adeo, ut jam tam vilis negociationis
genus etiam apud inconditum vulgus
male audiat, subindeque ergasteria ex
necessitate adeuntes, non minus con-
tra lucri avidos tabernarum exercito-
res, armare se se consueverint, quam
si sub Jove frigido, inter spæcia fera-
rum pernoctandum foret. Et de tali
proinde illicito quæstu, suspicionis, &
scandalorum, facile inde provenientium
vitandorum, causa statuimus; ne
quispiam ex Prælatiis tam secularibus,
quam regularibus *Canonicis*, Parochis,
aliisque Diocesis nostræ Clericis, publi-
cam tabernam, in qua vinum aut cere-
visia venum exponatur, domi suæ,
quam incolit, habere præsumat: neve
privilegiis, quæ olim Majorum nostro-
rum fundis Ecclesiæ concessit pietas, in
grave animæ suæ periculum, totius-
que Ordinis Ecclesiastici dedecus maxi-
mum abutatur. Si enim Clerico, ex-
tra peregrinationis necessitatem, taber-
nas edendi, bibendive causa ingredi Sa-
cra Canones prohibent; quanto minus
tabernas exercere, & vile cauponis
ministerium obire, eidem ex dictorum
Canonum præscripto licebit. Id tamen
non prohibetur, ut si forte Prælati re-
gulares vina, ex propriarum cultu vi-
nearum, ex decimis, vel etiam alia
quæcumque habuerint, ea in locis op-
portunioribus, extra clausuram Con-
ventus, sine scandalo, sæcularium
opera requisita propinari curari possint.
Si qui reperti posthac fuerint, Statuti

hujus immemores, vino ipso, quod
sic venum exponere ausi fuerint, per
Fiscalem nostrum privandos, ac pœna
Canonica, pro arbitrato nostro insuper
se irremissibiliter multandos, certo sci-
re debent.

CAPUT XVII.

*Ne Clerici comam nutriant aut
barbam.*

Antiquis Statutum novimus Ca-
nonibus, ne Clerici barbam, co-
mamve nutriant: quod cum eo dun-
taxat intelligendum sit modo, ut non
plane derasis capitibus, mentoque gla-
bro, & quasi pilotro levigato, Cleri-
cos incedere oporteat, sed ne comam
ita relaxent, ut concinnati & calami-
strati appareant, vel barbas, præsertim
labro superiori insitas, adeo produ-
cant, quo irreverentiam Sacris Myste-
riis altaris Domini irrogent; idcirco
decernimus, ut tam in coma, quam in
barba, Diocesis nostræ Clerus, præ-
sertim vero Sacerdotes, debitum non
transcendant modum, ac modestiam:
ne hirsutioribus barbis sylvæstres homi-
nes, comave laxiori fœminas referant,
ac non minus Sacramentis, quæ tra-
ctant quotidie, injurii fiant, quam lai-
cis scandalosi. Quod si qui nihilomi-
nus post Decretum hoc nostrum im-
modestiam hac in parte suam corrige-
re, debiteque ac congruenter tonderi
noluerint, post primam Archidiaconi,
aliorumque Visitatorum monitionem,
inviti ab iis tonderi poterunt, pro ar-
bitrio insuper nostro inobedientiæ no-
mine multandi.

CAPUT XVIII.

*Ne Clerici armis offensivis
utantur.*

Armorum usum præternaturalis
hominum, in genus proprium
sævientium, induxit crudelitas: eo lap-
su temporis progressa, ut non solum
illatas sibi injurias, parvi vi repellere;
sed etiam non lacescita aliorum bonis,
& salutis insidiari præsumeret. Cum
itaque Sacerdotis sit, obesse nemini,
prodesse vere velle omnibus, serio prohi-
be-

hibemus Clericis Diœcesis nostræ, ne extra peregrinationis & viarum longiorum periculi necessitatem, in locis, quæ inhabitant, arma offensiva, uti bombardas, frameas, machæras, ficas, aliaque id genus necis inferendæ instrumenta deferant, sed quemadmodum Evangelium pacis concredito sibi populo, tanquam fideles ipsius summi pacis Authoris ministri, annunciant; ita quoque, beatæ pacis studio sibi nihil antiquius esse, re ipsa declarent, ac testentur: memores ejus, quod B. Ambrosius in oratione contra Auxentium dicit, nempe suas sibi lachrymas arma, hæcque duntaxat Sacerdotis munimenta esse, aliter autem, se nec posse, nec debere resistere. Quod si quis vocationis ea in parte suæ debitam habere nolens rationem, talia arma deferre, sequæ tumultibus hominum seditiosorum data opera immiscere præsumpserit, pœnas Canonicas se nullatenus effugiturum, atque ad aliorum exemplum castigandum fore sciat. Nec enim decet eos, qui in Spiritu lenitatis errores populi corripiendo, mansuetudinis cultores se se exhibere debent, secularis Magistratus instar gladii, atque aliis id genus telis, non secus, quam fascibus, securibusque, eidem populo formidabiles reddi, cujus Pastores, non percussores, a Deo sunt constituti.

CAPUT XIX.

De habitu & tonsura Clericorum.

EX habitu corporis, diversas humanorum officiorum functiones, etiam ab iis, apud quos ignotus sit quisque, agnosci solere, tam verum est; ut jam vix aliter, quam ex vestium differentia, nobilis ab ignobili, doctus ab indocto, pauper a divite, primo intuitu discerni queat, imo & diversarum nationum populi, non secus ac certo quodam discrimine, a se invicem separentur. Ne itaque Clericalis vocationis dignitatem indecentis habitus dehonestet ratio, neve in eos, qui in

sortem Domini vocati sunt, quidpiam tanto indignum munere, per homines prophanos committi contingat, si Clerici neglecto professionis suæ indice vestitu, secularium more induantur; districte præcipiendo statuimus, ut quilibet Diœcesis nostræ Clerici, immunitate libertatum & privilegiorum Clericalium gaudere cupientes, vestes (m) ordini, statuique suo competentes, nimirum talares deferant, nimia brevitate, vel longitudine non notandas. Pannis rubeis, aut viridibus non vestiantur, atque omnia, quæ secularem redolent pompam, prorsus abjiciant & devitent. Cæterum cum Hierarchicus Ecclesiæ ordo etiam in minimis merito servari debeat, ut pro eo, ac in domo Dei distincta cernuntur officia, vestitus quoque disparis, minoris vel majoris cujusvis Personæ Ecclesiasticæ dignitatem demonstrantis, certa ratio ineatur, quove facilius Magister a Discipulo, Prælatus a subdito, Sacerdos ab eo, qui in aliis inferioribus est ordinibus, dignoscatur; decernimus, ut sericeas vestes, nullus Sacerdos deferre posthac audeat, nisi sit Cathedralis Ecclesiæ Canonicus, aut in Cathedrali, vel Collegiata Prælatus, aut Doctor, vel alias in aliqua Facultate promotus: quibus quidem cum ejusmodi habitus in signum Prælatuæ vel dignitatis duntaxat concedatur, unice curæ esse debet, ne vanæ gloriæ & elationis animi vitio tentati, debitæ immemores reddantur demissionis. Nullus præterea Clericorum, exceptis privilegiatis, ut paulo ante dictum fuit, personis, deferat orificia & fimbrias de pellibus sebellinis vel marturinis, sive circa collum, sive in anteriori suffultura, aut in manicis. Indusiis quoque acu elaboratis, & coloribus crispatis lactucarum instar, sibi interdixtum omnino putabunt Clerici nostri omnes: talia enim vanitatis & levitatis cum non obscura sint argumenta, a Clero gravitatis debitæ studioso & modestiæ sectatore aliena esse debent. Anulos plures nemo eorum gestet, nisi cui id tanquam Prælato, vel Doctori,

aut

(m) Concil. Trident. Sess. 14. Cap. 6. de Reformat.

Tomus VIII. Concilior. German.

aut Magistro in aliqua facultate convenit: imo & hos quoque unico saltem annulo contentos esse decet, ne dignitatis signo ad factum inanem abuti videantur. Quod si forte aliquando longioris itineris suscipiendi ingruerit necessitas, ii, qui in Sacris sunt, recutitis, & medias coxas vix contegentibus vesticillis, inflatis femoralibus, & palliolis brevibus non utentur, ne milites potius, aut quosvis laicos, quam sacris initiatos Ordinibus referant. Calcaria inaurata & fibulas aureas, vel alio precioso ex metallo factas non gestabunt. Clericalem tonsuram, quæ coronæ Servatoris nostri spineæ gloriosam repræsentat memoriam, singuli pro susceptorum Ordinum ratione deferent. Secus qui fecerint, & neque tonsuram, neque habitum Clericalem deferentes, secularium hominum commerciis ac consortiis se se implicaverint, aut etiam vestes preciosiores, quam dignitatis eorum postulat ratio, gestaverint, post primam admonitionem ab Archidiaconis talibus vestibus in usum pauperum arbitrio nostro convertendis privari poterunt, & tanquam indigni privilegiis Clericalibus, sibi imputabunt, si forte per ignorantiam a laicis verbo, vel facto eos contigerit offendi: frustra enim legis implorat auxilium, qui in legem committit: & indecens est, eum protectionis Ecclesiasticæ gaudere beneficio, qui Clericalis militiæ nota suppressa, inconvenienti vocationi suæ corporis cultu dignitatem, in qua positus est, dehonestare non veretur.

CAPUT XX.

Ut Clerici mutuo se se honorent.

Honor, qui Majoribus per minores exhiberi solet, a natura ipsa hominibus etiam iis, qui alias barbariem innatam spirant, insitus esse videtur. Unde valde inconveniens est; illos debita non affici a minoribus reverentia, quos ad Sacerdotalis fastigium dignitatis Divina providentia evehere est dignata. Quocirca monemus omnes & singulos Diocesis nostræ Prælatos, Presbyteros, aliosque cujusvis

ordinis Clericos, ut subditi quidem & inferiores id, quod officii eorum exposcit ratio, in honorandis Prælati, Superioribusque suis non prætermittant, sed eis debitam reverentiam domi & foris exhibeant: hi vero vicissim mansuetudinis & charitatis, qua merito Ecclesiastici Dynastæ subiectum sibi Clerum paterne complecti, ac fovere tenentur, immemores haud existant. Si enim a laicis debite honorari volunt, ut se se mutuo honore invicem complectantur, bonumque iisdem laicis ea in parte præbeant exemplum, necesse est. Cogitent Prælati, idem plane esse infimorum quorumvis Sacerdotum officium, quod & ipsi gerunt, ac ea propter honorem, qui ipsis per inferiores impenditur, servata debite dignitate sua, pari officio compensare non verecundentur. Considerent itidem & inferioris conditionis Sacerdotes, alique Clerici, Hierarchicum Ecclesiæ militantis ordinem id exposcere, ut togatis hisce satellitibus, sui non desint Præsides atque Duces, quorum cura & sollicitudine universa Ecclesiastica Respublica gubernetur: ideoque illis tanquam Magistratui a Deo constituto, obediant in rebus iustis ac honestis, & honorem, quem dignitas atque auctoritas eorum meretur, filiali ex amore deferre non recusent; ne si vel immergeri Majoribus suis fuerint, vel eos despexerint, dignas inobedientiæ & sprete Numinis Divini, quod in Magistratu legitimo honoratur, & despiciatur, pœnas incurrant.

CAPUT XXI.

De Clericis ad Iudicium seculare provocantibus, & Institutiones aut Beneficia Ecclesiastica a Secularibus petentibus.

Ampla Clericalis militiæ dignitas quemadmodum ex multis aliis prærogativis aperte colligitur, ita vel inde manifeste apparet, quod nec Legis humanæ, nec alicujus consuetudinis tanta possit esse auctoritas, quæ efficiat, ut Clerici coram seculari Iudice tam de crimine, quam in civili causâ conveniri queant. Qua in re non so-

lum

lum Canoniarum Sanctionum, verum etiam Legum Civilium Clericali ordini suffragatur munimen, utpote cum antiquorum Ecclesiæ Patrum Decretis & Imperatorum perpetuis Edictis abunde sit cautum, ne Clerici alibi, quam coram Ecclesiasticis Iudicibus conveniantur, ipsique Clerici nullam habeant Iudicem laicum sibi constituendi facultatem. Unde magno animi dolore nonnullorum ex Diocesis nostræ Clero pusillanimitatem, animique dejectionem vel potius temeritatem hætenus advertimus, dum ii vocationis, dignitatisque propriæ immemores, jurisdictionem implorare haud vererentur seculari, seque mutuo in causis sine Canonico terminandis, ad iudicium pertraherent laicorum, & a laicis se se eodem trahi paterentur. Quæ res cum non exiguum toti Ordini Ecclesiastico, gignat præjudicium; Nos tallum exorbitationi obviare cupientes, nihil aliud hic decernendum putamus, quam quod olim in Milevitano & Cartaginensi Conciliis eo in genere constitutum fuisse, Sacri Canones testantur: nempe ne Clerici Clericos, relicto suo Pontifice, ad iudicia publica pertrahant, alioquin causam perdant, & a communione habeantur extranei, sique in criminali, seu in civili negotio, derelicto Ecclesiastico iudicio publicis iudiciis se purgare voluerint, quanquam pro eis lata sit sententia, locum suum amittant, & hoc quidem in criminali; in civili vero perdant quod evicerint, si locum suum maluerint obtinere. Cauti ergo sint in posterum Diocesis nostræ Clerici, ne brachii secularis inopportune implorantes auctoritatem, non solum causarum, sed, quod majus est, ordinis proprii patiantur jacturam, nec putet quisquam, privilegio in favorem suum inducto, se hac in parte renunciare posse, cum privilegium, quo Ecclesiasticus ordo a laicali eximitur iudicio, personale minime sit censendum, sed toti Ecclesiastico ordini concessum, adeo ut illi, tanquam juri publico, privatorum pactis nequeat derogari. Quod vero ad eos attinet, qui cum non ignorent, nullam circa spiritualia disponendi laicis concedi potestatem, sed

potius eos, non imperandi auctoritatem, & obsequendi necessitatem manere, animarum tamen curam, & Ecclesiarum regimen ab illis suscipere, sique sine institutione Canonica, quæ ad Ordinarios, (n) vel eorum jure hac in parte fruenter, spectat, dicta beneficia retinere, in iisque Sacramenta administrare non reformidant: cum tam temerarii Ecclesiasticæ disciplinæ & Canoniarum Sanctionum contemptus, poenis ab iisdem Canonibus Sacris constitutis merito puniri debeat, tantaque Clericorum, Magistratus suos vilipendentium, præsumptio sit refrenanda; statuiamus & decernimus, ut nullus in posterum beneficium Ecclesiasticum ex manu laici, siue is Patronus sit, siue simplex territorii, in quo id beneficium situm est, tenutarius, suscipere audeat, cum Patronis laicis non nisi jus præsentandi competat, institutio vero ad Ordinarium spectet, quemadmodum etiam ad illum personæ præsentatæ de jure pertinet examen & approbatio, seu improbatio. Quocirca monemus Archidiaconos districtum, ut inter alia visitationum suarum capita illud inprimis diligenter perquirant, an Patrochus; aliusve quispiam Sacerdos, Ecclesiastico gaudens beneficio, Canonice sit institutus, quove titulo sui possessionem obtineat beneficii: quoscunque a laicis, sine Ordinarii voluntate ac investitura, beneficia obtinere reppererint, contra illos Canonice, tanquam intrusos, processuri.

CAPUT XXII.

Ut Clerici secularibus negotiis se non immisceant. & illicitas venationes devitent.

Cum secundum Apostolum nemo militans Deo negotiis secularibus se immiscere debeat, sane Clerici, quos togatæ militiæ Summo rerum omnium Opifici obstrinxit Sacramentum, ab iis, quæ vocationi ipsorum minime conveniunt, quæve eos a tractandis Divinis distrahunt, plane abstinere debent.

Primum igitur Clericus dignitatis suæ memor, siue in minoribus, siue

Y y 3

(n) Conc. Trid. Sess. 25. cap. 9. de Reform. cap. 18. de Reform.

& Sess. 14. cap. 13. de Reform. & Sess. 24.

in majoribus sit Ordinibus, nulli laico operam suam eo modo addicendam putabit, ut negotia ipsius administrans, in famulatu & ministerio laici esse videatur. Quam enim sit indignum, Summi Dei Ministros vel ad ratiocinia obligari, vel objurgationes herorum duriorum sufferre, aliaque vilia obire officia, facile quisque conjicit. Unde & Sacrorum Canonum cautum est Decretis, ne iis, qui aliena negotia aliquando tractarunt, & ad rationes ex administratione sua dandas obligantur, Sacrorum Ordinum suscipiendorum deus facultas prius, quam rationes reddant, & secularibus negotiis omnino nuncium remittant. Ad hæc cum, Imperatore teste, opprobriosum sit Clericis, si peritos se monstrare velint rerum forensium, ea propter officia Procuratorum, Syndicorum, Causidicorum, Tabellionum, aliaque id genus non sustinebunt, neque etiam justam alicujus defensionem in judicio publico suscipere præsumunt; nisi Ecclesiæ, & personæ miserabilis, uti sunt orphanæ & viduæ: idque servata semper ordinis Clericalis dignitate, quo illos non spe lucri cujuspiam temporalis, sed amore duntaxat Dei & proximi, patrocinium impendisse facile appareat. A negotiationibus quoque illicitis, quæ etiam nonnunquam ex se licitæ sint, diversis tamen ex causis inhonestæ & injustæ efficiuntur, abstinere. Circa rem familiarem curandam ea moderatione utentur, ut non ex radice cupiditatis & avaritiæ, sed partim otii fugiendi, partim vitæ honeste sustentandæ causâ, ad exercitia economica descendere nonnunquam videantur. Quocirca illi merito sunt reprehendendi, qui ad domesticarum rerum curam omnes animi & corporis conatus conferunt, neglectisque spiritualibus, ad quæ vocati sunt, primariam de agris, vineis & pecoribus sollicitudinem gerunt, plusque temporis stivæ premendæ, & fulcis ducendis, quam Sacerdotalis officii exercitio impendunt. Quemadmodum & illi sua digni sunt reprehensione, qui clamorosis & oppressivis venationibus indulgere non verecundantur, officiique

Sacerdotalis gravitatem indigna circa feras insequendas & canes urgendos levitate dehonestant. Quæ quidem omnia supradicta, pro eo ac servis Dei minime conveniunt, atque vocationi eorum plane repugnant, diligenter a Diœcesis nostræ Clericis caveri debent. Quod si quispiam eorum, salutis, vocationisque propriæ immemor, a proposito eâ in parte suo desistere noluerit, seque nihilominus secularibus implicaverit negotiis, sciat se Canonice ultioni ad exemplum aliorum subjiendum, ad officiumque debitum pœnæ severitate revocandum.

CAPUT XXIII.

Ne Clerici Sanctimonialium claustra intrent.

Quia in femineo sexu tanta est naturæ imbecillitas, ut plerumque ex judicii fragilitate, etiam contra propria laborare soleant commoda, idcirco tam humanis, quam Divinis legibus multa eidem sexui concessa fuerunt, quæ viris negantur, quemadmodum quoque vice versa nonnulla interdiciuntur, quæ viris solis obeunda relinquuntur. Quas itaque ad virginitatem perpetuo colendam, Summoque Deo consecrandam singularis induxit devotio, adeo ut mundi contemptis illecebris, castissimarum mentium acie, in Sponsum cælestem Christum Jesum defixa, cultui Divino ultro sese mancipandas duxerint; earum pium institutum juvandum, obicesque omnes & obstacula, nec non impedimenta universa, casto adversantia proposito, tanto majori cura sunt amovenda, quanto facilius ipsas ab incepta sanctæ vivendi norma declinare possent, vel ipsa naturæ earum fragilitas sat superque insinuare videtur. Sacrorum ergo Canonum, & Sacrosancti Concilii Tridentini (o) inhærentes Decretis & dispositioni, omnia, quæ de clausura Sanctimonialium ibidem statuuntur, pro majori domus Dei decore, & suspitionum malarum vitandarum gratia, diligentissime in Diœcesi nostra observari statuimus, serio sub excommunicationis

(o) Conc. Trid. Sess. 25. cap. 5. de Reformat.

nis latæ sententiæ pœna, omnibus tam Secularibus, quam Regularibus cujuscunque status & conditionis Clericis (præter eos, qui ex ordinum suorum privilegiis jus visitandi claustra ejusmodi obtinent, quos tamen officii sui diligenter, & sine offensione præstandi, commonitos esse velimus) prohibentes, ne sine expressa nostra, aut Ordinarii, aut Visitatoris ab ordine deputati, licentia, in scriptis concessa, claustra Monialium, aliquo negotiorum vel etiam consanguinitatis prætextu, intrare præsumant, multoque minus Deo dicatas virgines, literarum missionibus, vel per internuncios inquietare attentent. Quod si forte aliquis temerario ausu hanc Sacrorum Canonum, dictique Concilii, demum & nostram violare præsumperit Constitutionem, noverit se pœna carceris, aliisque durioribus animadversionum generibus corporis afflictivis coerciturum iri: dignum siquidem, ut quos ipsa Ecclesiasticæ honestatis ratio non permovet, pœnarum saltem acerbitas ad meliorem vitæ frugem reducat.

CAPUT XXIV.

De Constitutionibus præsentis Synodi observandis, & Archidiaconorum circa visitationes peragendas diligentia.

QUæ ad majorem præpotentis Dei gloriam, ex Diœcesis nostræ præsentis necessitate, pro cultus Divini instauratione, disciplinaque Ecclesiastica revocanda, in Synodo hac nostra, Domino inspirante, statuimus, ea omnia una cum Actis Synodalibus per suas distincta Sessiones & Capitula, post absolutam prædictam Synodum, primo quoque tempore Typis mandari, utque omnes & singuli Diœcesis nostræ Clerici exemplaria dictorum Statutorum Synodaliū (quæ Officialis noster venum exponi curabit) emant, penes se habeant, & exactissime universa in iis contenta observent, discernimus, paterneque ad id omnes in Domino hortamur, & monemus. Quia vero frustra essent in Rebuspublicis Leges,

nisi forent ii, qui eas exequerentur, & contra eorundem transgressores debitam exercerent auctoritatem; eapropter serio monemus Archidiaconos districtum, ad quos munus visitationum obeundarum de jure & antiqua Diœcesis hujus consuetudine pertinet, ut officii sui, quod sane non exiguum est, utpote eorum, qui ob partem solitudinis Pastoralis, oculi Episcoporum non immerito vocantur, apprime memores, temporibus commodis, visitationes Ecclesiarum & Parochiarum faciant: per quam diligenter, in iisque omnia, quæ ad cultus Divini incrementum, instaurationemque; nec non ad animarum curam debite a Parochis administrandam, demum & vitæ, morumque Cleri honestatem reducendam, & manutenendam spectant, accuratissime provideant, ac demum peracturum annis singulis visitationum processus Nobis præsentent, quo defectibus occurrere, morbisque animarum mederi in tempore pro muneris nostri ratione possimus. Qua in parte etsi de fedulitate ac diligentia prædictorum Archidiaconorum pie in Domino meliora quæque nobis pollicemur, si tamen (prout hucusque accidit) aliquem eorum in officio, munereque proprio debite obeundo remissorem & oscitantorem in posterum fore contigerit, contra talem uti ignavum, vocationique suæ minime satisficientem ad fructuum sui Archidiaconatus; imo etiam crescente (quod absit) negligentia, ipsius officii Archidiaconalis privationem Canonice processuri sumus.

Lectis per Cancellarium Constitutionibus superscriptis, & per omnes Prælatos, Clericosque tam seculares, quam Regulares, qui Synodo intererant, approbatis, Illustrissimus Princeps ex faldistorio suo ad omnes Prælatos & totum Clerum præsentem conversus, sequenti usus est Peroratione.

PERORATIO

Illustrissimi Principis.

QUæ navium gubernandarum Præfecturam suscipiunt (Fratres in Christo Charissimi) etsi navigandi

di rationem universam eorum duntaxat arbitrio institui adeo est necessarium, ut eos, qui sese navigiis commiserunt, non nisi de portu assequendo cogitare sit opus; quia tamen communis est tam nauclero ipsi, quam navigantibus salutis & periculi ratio, si forte insperata mari tempestas ingruat, si compactæ vi sævientium ventorum nubes, offusis tenebris, cælum diemque ex oculis navigantium eripiant: si antenarum gemitus, rudentum stridor, malique nutantis horribilis aspectus, dissecti artemonis fissuræ, ipsaque rotius navalis machinæ, inter æstuantis pelagi fluctus & procellas jactatio, præsentissimum naufragii periculum denunciant, ac improvise mortis incutiant metum, quis, obsecro, navigantium tam prodigus salutis propriæ fuerit, qui periclitanti mari, & pro communi bono laboranti nauclero, auxiliatrices ultro non afferat manus? Communis equidem periculi timor, communisque spes anxia salutis, etiam inertis & pigerrimi cujusque manus ad durissimos labores obundos, celeriter expedit, atque non assuetum remis & conto, ad transtra & puppim cito ferri cogit. Hæc certe navis Ecclesiæ Dei est: cujus in hac Provincia gubernandæ clavum, nobis immeritis, præpotens tradidit Deus, quæ vos una cum concedito fidei nostræ populo, non jam pro vellere aureo, ad Colchos, ut olim de Jasone, Ælsonis filio, prodiderunt fabulæ, sed pro immarcescibili vitæ æternæ corona, ad cœlestem illam Hierusalem navigantes, per æstuos maris procellas, perque mundi istius fyrtes & charibdes periculosissimas defert, atque optatum, superatis, juvante Domino, fluctibus, portum indubie pollicetur. Quam vero hæc navigatio, nobis qui naucleri vices agimus, simul & vobis omnibus sit periculosa, videte. En vix a continente in altum progressi, velis & remis instamus, cum illico immanes sævientium ventorum fluctus, variarum nempe hæresum infernalium monstra, nutantem huc & illuc cymbam exagitare, & in commotos fluctus impellere incipiunt, adeo ut non levi naufragii metu etiam animosissimus quisque corripere facile posset;

nisi summi illius Navarchi Christi Domini, hanc navem D. Petro Apostolorum Principi, legitimisque ipsius Successoribus commissam: fluctuum quidem imperu concutiendam, non tamen unquam mergendam fore, certissima promissione solaretur. Nobis itaque pro salute vestra gnaviter laborantibus, navigiumque hoc pro virium tenuitate dirigentibus, etsi confurgentium tempestatum discrimina magnam ingerunt animi perturbationem; vestram tamen ad conatus nostros promovendos, & juvandos fidem atque alacritatem intuiti, præ gaudio vix molestiarum tanti laboris non obliviscimur. Si enim id, quod nobis justæ lætitiæ materiam subministrat, aliquantulum commemorare liber, vestrum omnium, singulare ad ferendas prædictæ navi fluctuanti suppetias, studium in hac nostra Synodo, quam, Domino auxiliante, non infauste jam peregrinum, abunde, fatque luculenter contestatum, qua laude, quibus encomiis efferendum erit? Et quia calamitosus Orthodoxæ Religionis, in Patria hæc nostra tot hæresibus infectæ, status, pro extirpandis novorum dogmatum letalibus plantis, seria tandem consilia a nobis suscipi; & contra violentos hæresum turbines, navigio isti, quod nos omnes aluo suo continet, provideri exposcebat; vos una nobiscum in hoc tam necessario, quamdiu exoptato, nostro communi Conventu, Catholicæ fidei professionem, tanquam communis militiæ tesseram, unanimiter fecistis, ipsumque Sacrosanctum Concilium Tridentinum, quod rite credendi, ac recte vivendi, non secus, quam pixis nautica trans fretandi certissimas proponit normas, lætis mentibus, pro eo, ac obedientes Sanctæ Matris Ecclesiæ filios decet, acceptastis, & firmissime amplexi estis. Insurgant itaque jam venti, commoveatur mare, ebulliant vesani fluctus, ipseque infernalis Æolus obscuros ex carcere Austros, Africos, Notos, Aquilonesque omnes relaxet, nec non densam turbati aeris caliginem furientium nimborum fragore commisceat: nobis enim salutare fidei scuto munitis, naveque nostra certissimis provisâ fidei velis, rudentibus & anchoris, nulla pror-

prorsus naufragii faciendi incumbet sollicitudo : quin potius ipsissima salutis spes perpetuo affulgebit. Sed ad sedulitatem diligentiamque vestram in defendenda hac nave revertemur. Et quia in navigantibus Divini Numinis placandi studium elucere debere, sapienter animadvertistis ; in hac nostra Synodo non pauca Divini cultus, rite & uniformiter peragendi statuta, a nobis pro domus Dei decore proposita, pie approbavistis : utque in posterum eorum præscripto Divinorum peragendorum ratio, in Dicecæsi nostra dirigatur, unanimiter consensistis. Et quemadmodum navigantes, submersionis vitanda causa, sæpenumero mercium pondere navem exonerare, salutique propriæ, facultatum jactura consulere solent ; haud aliter vos quoque detestanda vitia, quæ in Clerum nostrum irrepsérunt, non exiguo sui pondere, hanc sanctam præmure, cursumque ipsius præpetem remorari cernentes, Decreta, vitam, & honestatem Cleri concernentia, per nos oblata, ultro acceptavistis, vestraque vitæ rationem ad eorum normam vos composuituros esse, unanimi consensu professi ac polliciti estis : quantumque in vobis fuit, nos dirigendæ huic navî intentos, unice consiliis, operaque vestra juvavistis.

Quo nomine licet vos a nobis aliquam expectare gratiam non existimamus, quin potius eam ab illo recipere malle putamus, cujus causam egistis : cujus gloriam potissimum spectastis : cujus denique honorem promovistis ; vel ob id tamen vobis, quantas maximas valemus, non agere haud possumus gratias ; quod tanta animorum promptitudine ea, quæ per nos pro communi bono in consiliis deducta fuere, promoveritis, vosque salutaribus hujus Synodi Statutis & Decretis obedienter submiseritis. Agite ergo jam, Fratres Dilectissimi, agite, & pro ut sacram hanc Cymbam variis agitatum procellis vestra ope juvare cepistis, ita eidem certissimam spem salutis æternæ post tot discrimina vobis afferenti, de velis & remis bonorum operum vestrorum, vitæque honestæ & inculpatae, nec non de veræ doctrinæ ancho-

ris providete. Luceat sic lux vestra, ut hisce variarum sectarum tempestatibus obortis, atque ingruente errorum tetra caligine, sacra hæc navis, extra quam nulla est salus, infestos scopulos evitare, & luce probitatis, pietatis, honestatisque vestræ inter densas tenebras adjuta, gloriosum de procellis, & tot lernæis irati maris monitris, triumphum agere valeat. Nihil equidem vocationi vestræ magis convenit, quam ut ea, quæ populo vobis commissio quotidie sectanda proponitis, honestæ vitæ exemplis, in vobis ipsis contestemini & probetis. Munia enim, officiaque vestra, etsi per se sint excellentissima ; non parum tamen dignitatis accedet iisdem, ubi vos morum honestas & vitæ Sacerdotalis integritas, illis sustinendis idoneos esse comprobaverit. Præcingite igitur lumbos vestros, & exorbitantibus sensibus carnalium desideriorum, arctos lupatos, & fræna injicite : futurum est enim, ut doctrina vestra tanto acceptior evadet populo ; quanto vos studiis virtutum se se eminentiores adverteret. Ad hæc conatus vestros, pro salute ovium fidei vestræ concreditarum susceptos, puritatis amator Deus eo facilius promovere dignabitur ; quo clementius & benignius vos per tot Sacrarum Scripturarum oracula ad innocentiam vitæ & munditiam cordis invitare non cessat. Si enim sobrie, iuste & pie, ut Apostolus monet, vixeritis, fideliterque & diligenter gregibus vobis commissis invigilaveritis, iisque morum integritate, & vitæ innocentia, nec non salutaris doctrina præfulseritis ; dubium non est, quin tandem ex hoc mortalium corporum ergastulo evocati, a summo illo ovium nostrarum Pastore Christo Domino, vocem illam jucundissimam audituri sitis : Euge serve bone, quia in pauca fuisti fidelis, supra multa te constituam, intra in gaudium Domini tui. Quod ut mihi & vobis omnibus contingat, præstare dignetur is, qui omnis perfectionis est Author. Cui honor sit & gloria in ævum, amen.

Aboluta Peroratione, ad laudem & gloriam DEI Omnipotentis, totiusque celestis Curia, finis Synodo est impositus,

Z z

omni-

omnibusque Parochiis ex mandato Illustrissimi Principis per Cancellarium significatum & injunctum fuit, ut antequam ex Civitate Olomucensi excederent, singuli ad Archidiaconos districtuum, vel Decanos suos rurales venirent, iisque nomina, cognominaque sua, atque etiam nomina Parochiarum, quibus præfunt, vel locorum, in quibus operam suam Ecclesiæ Dei locant, inscribenda darent: tandemque Indulgentiæ quadraginta dierum toti Clero auctoritate ordinaria per Illustrissimum Principem sunt concessæ, & per dictum Cancellarium publicatæ. Quibus omnibus peractis, Domini Prælati & totus Clerus, congregatione soluta, ad Curiam Episcopalem, invitati jussu Illustrissimi Principis, refectionis sumendæ gratia conveniunt, iisque lautum epulum exhibitum fuit.

Acta & gesta sunt hæc Olomucii in Cathedrali Ecclesia, præsentibus ibidem Admodum Reverendis Dominis Melchior Pirniseo a Pirn, Decano. Joanne Styrsky a Stirn, Præposito & Archidiacono Brunense. Theodoro Engels a Gymnich, Jurium Licentiatum, Archidiacono & Officiario. Joanne Ferger J. U. Doctore, Scholastico & Campanico Brunense. Wenceslao Chyba a Kouaczow, Seniore. Ulrico Ritmano J. U. Doctore, Luca Leto, Christophoro Stredelio, Sac. Theologiae Baccalaureo & Archidiacono Znoymense. Mathæo Strikovic, Artium & Philosophiæ Magistro. Joanne Tarnawsky, J. U. Doctore.

Georgio Sekera, Sac. Theologiæ Baccalaureo. Petro Grodecio de Brod, J. U. Baccalaureo. Joanne Martino & Alberto Cossubio, Præposito Cremfiriensi, Canonicis: Item admodum Reverendis, Venerabilibus & Religiosis Dominis, Eggerdo a Schwoben, Protonotario Welegradense. Paulo Grunwaldt a Grunwaldt, Gradicenses. Sebastiano, Badense, Lucense, Abbatibus. Joanne Rosenbluth a Schuartzzenbach, Sternpergense, & Joanne Fulnecense Præpositis. Bartholomæo Villerio. Joanne Wernero, Leonbardo Rubeno. Hurtado Perez, Societatis Jesu, Provinciale, Regiore, Regente, & Theologis. Ludovico Romano, Hieronymo Jacobello. Joanne Conrado Han, Dionysio. Dominico. Joanne Baptista, Ordinum DD. Dominici, Francisci, & Carthusiæ Provincialibus, Prioribus & Guardiano. Christino Neuserle. Joanne Fischero, Ecclesiæ Collegiæ Brunensis Canonicis. Joanne Schidlovino. Michaële Regulino honoris Vicariis. Paulo Brojovic. Thoma Krentzio. Nicolao Judice. Joanne Stirnitzko. Egidio Fabro. Leopoldo Cesare. Georgio Kosteletz. Olomucensis, Brunensis, Znoymensis, & Oppaviensis districtuum Decanis ruralibus. Et aliis Parochiis, Presbyteris & Clericis, ad minus trecentis, quorum nomina brevitate studio hic omittere visum fuit.

Lunig Spicilegii Ecclesiastici Continuat.
III. in appendice pag. 150.

Mentio Synodi Diocesanae Olomucensis

Anno Christi M.D.LXVIII. celebrata

Sub Revmo **GUILIELMO PRUSSINOUSKY** de **WICZKOVA**,
Olomucensis Ecclesiæ Episcopo.

Meminit hujus Synodi P. Joannes Schmidl in sua Historia Provinciæ Bohemiæ, Societatis JESU, Parte I. Lib. III. a N. 121. Ex cujus narratione sequentia, quæ ad Synodæ notitiam faciunt, excerptenda, & hoc loco inferenda duxi: Acta authentica una cum Constitutionibus Synodalibus daturus, ubi eadem amicorum opera accepero.

Guilielmus Episcopus, ut erat commodum Ecclesiæ suæ studiosissimus, Synodum universi Cleri Diocesani, ab annis fere quinquaginta intermissam, convocare jam pridem decreverat. Sed quod eo usque non potuit aliarum mole rerum impeditus, id anno tandem Millefimo quingentesimo sexagesimo octavo perfecit. Diem Conventui fixerat decimam Maji, qua & Synodo initium datum.

Tria præcipue fuere, de quibus coram se agitari Præsul voluit: de obedientia nimirum Ecclesiæ, ejusque Prælati exhibenda: de

servanda Fidei unitate: ac demum de honestate vitæ, rectaque Cleri disciplina restauranda: atque ad hæc eadem Capita Constitutiones plerasque omnes referri placuit, quas Joannes Grodecius, Vir eruditus, Brunensis tunc Præpositus, futurus non diu post Guilielmi in Olomucensi Cathedra Successor, scripto consignandas, & Synodo, ut probarentur, offerendas susceperat.

Dictam igitur ad diem convenere in Cathedrali S. Wenceslai Templum Olomucense ducenti & quinquaginta de Clero, Hos inter Doctores quinque, aliique plures e Societate

cierate Jesu numerabantur, quos Episcopus non ex Diœcesi tantum sua, sed Praga etiam, Viennaeque ad suam hanc Synodum invitandos censuit. Ante omnia Episcopus pro impetranda *Spiritus Sancti gratia* Missam decantavit: tum compositis omnibus, & subfelliis, quæ in medio Templi gradibus aliquot assurgebant, occupatis, Archidiaconus Capituli, *Martinus Smalcerus* Orationem de obedientia Ecclesiae, ejusque Præsulibus præstanda recitavit. Cantata dein Sanctis in auxilium advocandis *Litanie*, atque aliæ solennes *Synodorum ceremonie* peractæ. Post hæc *M. Sigismundus Dominatius*, Soc. Jesu, Professor Rhetoricæ, de instituto & utilitate Synodorum dixit. Demum ex Seminarii Alumnis quispiam, idemque *Canonicus Olomucensis*, cui demandatum id munus fuit, primam Statutorum partem, quæ de Fide agebat, legere aggressus est, eamque lectionem ad continuas aliquot horas perduxit. Rogatis ad extremum Cleri sententiis, omnia placere sibi, una omnes voce professi sunt. Solus fuit *Prostannensis Curio*, qui cum pauculis suis contra nitebatur; sed hunc, quia manifestum esse hæreticam pridem constabat, non ceu partem Synodi, sed ut auditorem, si forte respiceret, Episcopus adesse permiserat. Ita Conventus illo die dimissus est.

Alter Synodi dies eundem Matutini temporis ordinem, eandemque fere actionum seriem habuit. Sacre *Præmonstratensis Familiae Abbas Gradicensis*, Episcopali ritu solenne Sacrificium obtulit, cæteræque secutæ ceremoniæ. *P. Wolfgangus Piringer*, Soc. Jesu, Convictus Olomucensis Regens, de calamitatibus, Ecclesiae & Regionis ab hæresi insistentis, deque Summi Pontificis Auctoritate peroravit. Altera etiam pars Statutorum de Sacramentis lecta: quam communi acclamatione: *Placet*, omnes probare. Ipse dein Episcopus, postquam de Sacramentorum dignitate multa fuisset præfatus, ad Disputationem, pomeridianis horis instituendam a *P. Adalberto Baussëck*, Soc. Jesu, Theologiae apud Viennenses Professore, quem cum in finem, ut Synodo adesset, Præsul expetierat, universos invitavit.

Venere post prandium omnes. Cum assedissent, *M. Bartholomæus Weissagi*, Soc. Jesu, sermone prævio de utilitate Disputationum disseruit. Tum *P. Adalbertus* destinatum sibi locum conscendit, omnesque prælectos hucusque ac promulgatos Synodi articulos defendendos ac propugnandos suscipiens, postquam eosdem Sacrorum Bibliorum testimoniis, Sanctorum Patrum sententiis, Conciliorum œcumenicorum au-

thoritatibus, variisque argumentis aliis stabilivisset, *Thesesque Theologicas* inter præsentibus distribui curasset, provocavit ex cœtu universo, ut si forte adessent, qui secus opinarentur; suam quisque mentem coram expromerat. Cum nemo omnium, nec illorum etiam, qui die præcedenti adversabantur, obloqui quidpiam veller; *P. Henricus Blyssenius*, Patria Colonienfis, tunc Collegii Soc. Jesu Pragensis Rector, dilucidandæ potius, quam impugnandæ veritatis gratia nonnulla opposuit. Similis disputatio sequenti etiam biduo instituta: pluresque fuerunt, qui exercitationis pariter causa adversariorum vices agerent: Inter cæteros *Propositus Sternbergensis*, & *Canonici quidam*, tum & e Societate Jesu *P. Laurentius Magius Provincialis*; *P. Baltasar Hostovius*, Sr. Theol. Doctor, ejusdemque apud Olomucenses Professor, atque alii duo.

Ultima Synodi die turbatum quidpiam fuit. Post Missam ex more decantatam, auditus iterum est *M. Sigismundus Dominatius*, qui de Sacerdotii dignitate, orationem, publicis deinde typis vulgatam, ad congregatos habuit. Secuta Lectio partis ultimæ Statutorum, qua de Reformatione, Clerique restauranda disciplina agebatur. In hac cum præter cætera habitus modestior, & qui Clericis magis congrueret, præscriberetur, vano ac superfluo multorum luxu damnato; tam odiosum istud plerisque est visum, ut vix clamoribus abstinere. At Episcopus gravi oratione interlocutus, cum, quid Ordo Clericalis, quid ejusdem dignitas & Professio postularer, insigni eloquentia declarasset, cunctos in sententiam adduxit. Sic concordia, communique omnium lætitia Synodus soluta est, & Canticis *Ambrosiano* terminata.

Unum notari hic velim; quod & Laudatus supra Author observat, Concilium Tridentinum, quod ante quadriennium finitum modo fuerat, in hac tamen Olomucensi Synodo anni 1568. communi solennique Decreto publicatum non fuisse. Quanquam enim *Gustelmus* Episcopus nihil optaret vehementius, quam ut œcumenici ejusdem Concilii Canones, cæteraque Statuta unanimi Cleri sui, totiusque Diœcesis conspiratione reciperentur; quia tamen ad illum usque diem nihil ab Imperatore *Maximiliano*, nihil a Proceribus aliis, ad quos id negotium pertinebat, vel actum hanc in rem, vel constitutum fuerat, (*) habita ante Synodum cum primoribus Cleri, aliisque viris, sapientia ac doctrina claris consultatione, illud optimum factum visum, ut, ne qua daretur *Cæsari* offensionis occasio, ab expressâ Tridentini & solenni receptione absti-

(*) Quam multis aliis in Provinciis Germaniæ Concilium Tridentinum receptum fuerit ante annum 1568., vide in Synodis prioribus Tomi præcedentis.

abstineretur quidem, tam crebra tamen illius, ac singulis repetita pagellis fieret mentio, ipsæque Constitutiones ad normam Tridentinarum ita aptarentur, ut publicam receptionem, quanquam solenniter facta fuisset in hac Synodo dici non posset, placere tamen *Olomucensibus*, imo & optari ab eisdem, desiderarique, non obscure appareret. Unde & illud demum evenit, ut *receptio ista solennis, & Generalis Concilii promulgatio publica* apud Olomucenses ante Synodum anni 1591. quam supra retulimus sub Episcopo Stanislao Paulowsky, peracta non fuerit.

Cujus tamen dilationis causa nec Guilielmi, nec aliorum, qui eum secuti sunt, Episcoporum socordia, sed deproperatis potius eorundem funeribus tribuenda est: cum intra unius sexennii non integri spatium Ecclesia Olomucensis, quatuor præstantissimis Episcopis, continuo ordine, inopinato prorsus ac repentino fati genere se viduatam luxerit. Veneni eisdem propinati suspicio vel ea de causa vehementior fuit, quod *inter Sacerrimos viros* (verba recito Patris Schmid) *perditissimus quidam parricida, Joannes (cognomen & conditionem hominis, etsi sciam, meum non est referre) versaretur: homo ingenio quidem præstans, ob quod Philoponi agnomen adsciverat; at fastidiosus in primis, & in venenis miscendis artifex habitus; quæ scelerata scientia quatuor continenter Olomucenses Episcopos se sustulisse, postea in tormentis fassus esse dicitur: ob quod a Wenceslao Brzezan, Historiæ Rosenfis Scriptore, Episcopica vocitatur.*

Primum hæc inter funera fuit ipsiusmet, quem sæpe jam commemoravimus, *Guilielmi Prussinovski de Wiczkowa*. Hic quarto post celebratam Olomucii Synodum, anno, nimirum 1572. die Sabbathi post Ss. Corporis Christi Octavam, quam supplicatione publica Olomucii honoraverat, Crematorium, Episcoporum Sedem, reversus, gravissima subito ægritudine corripiebatur, pluribus simul malis, podagra, colica, continuo insuper vomitu, stomachique, mirum in modum intumescens, doloribus dire adeo exagitatus; ut cum Sabbatho ægrotare cepisset, die Lunæ, quæ in 16tam Junii incidebat, grassanti per viscera veneno succumbens, maximo bonorum omnium luctu vivere desierit. Circa annum 1534. ex vetustissima, notissimaque in Historiis *Equitum Prussinoviorum* gente apud Moravos natus, splendorem sui generis, ingenii præstantia, prudentiæque ac doctrinæ laudibus egregie illustravit, sæpe ob eas dotes Cæsareas ad Legationes adhibitus. Maxime tamen pietate in Deum, avitæ Religionis, Catholicæque Fidei, & Ecclesiæ propugnandæ stu-

dio, ac cæteris, quæ Præsulem ornant, virtutibus enituit. Anno Christi 1565. quem ætatis suæ primum æ trigessimum numerabat, ex *Brunensi* ac *Litomericensi Præposito, Olomucensem* ad *Cathedram* evectus, curandis Diocesis suæ commodis, subditorumque salutis promovendæ, ita se se impendit; ut nec suscipiendis eum in finem laboribus, nec sumptibus liberalissime expendendis pepercit. Tercio ab adito Episcopatu anno Synodum, cujus acta paulo ante enarravimus, celebravit. Ad hæreses, quæ in variis Moraviæ locis jam invaluerant, aut inde profligandas, aut ne ad ulteriora subjeclarum sibi animarum damna se fe extenderent, prohibendas, *Societatis Jesu Patres, Olomucium*, Collegio ibidem, quod incoherent, Academia, quam administrarent, Scholisque magnifice constitutis, ac dein etiam *Brunam* advocavit. Rectam juventutis, ut una cum literis etiam sanis veræ fidei principiis, probaque morum ac virtutum disciplina imbueretur, institutionem primis in curis habuit: atque ut ista ad studia tenellos animos vehementius incitaret, ipse traditis Patribus discendum Scholas invisere, positaque in medio sella disputantes audire, segniores animare, proficientes ulteriorem ad progressum impellere, bene meritis præmia largiri non dubitavit. Porro ne aliquando Moravis suis probatorum deesset copia Magistorum, quorum tunc penuria maxime laborabatur; plura ejusdem Societatis Religiosis ædificia moliri, aut eorum curæ gubernanda tradere, tum *Olomucii*, tum *Brunæ* ingentis animi excelssitate meditabatur. Sed his ejus consiliis, aliisque magnis, quæ pro Deo & Ecclesia, ac Diocesi præferim sua exequi decreverat operibus, ne ab ipso perficerentur, præmatura, quam dixi, mors intervenit. Defuncti corpus *Crematorio Olomucium* deportatum, ibidemque, ut jusserat, in erecti a se, fundatique *Collegii Templi* depositum fuit, ut eos inter Patres, quibus eum ejusdem Religionis & Instituti consors vivere sæpe antea, sed in cassum optaverat, saltem post mortem requiesceret. Sepulchro ab *Helena, Sorore* appositum hoc fuit Epitaphium, æri incisum:

REVERENDISSIMO ET ILLUSTRISSIMO
PRINCIPI AC DOMINO,
D. GUILIELMO PRUSSINOWSKY
A WICZKOWA,
EPISCOPO OLOMUCENSI,
DIVORUM CYRILLI ET METHUDII
PRÆSULUM MARCOMANNORUM IN RECTA LINEA
SUCCESSORI DIGNISSIMO, HUIUS COLLEGII, ET
SCHOLARUM SOCIETATIS JESU FUNDATORI,
TEMPLIQUE INSTAURATORI LIBERALISSIMO: FI-
DEI

DEI CATHOLICÆ ACERRIMO PROPUGNATORI, NEC
NON STUDIORUM ATQUE PAUPERUM OMNIUM
MECENATI, AC PATRONO BENIGNISSIMO.

HELENA SOROR UNICA, UNICO FRATRI
PIENTISSIMO, GEME BUNDA POSUIT.

OBIIIT ANNO DOMINI MDLXXII. DECIMO
SEXTO CAL. JULII, ÆTATIS SUÆ XXXVIII.
EPISCOPATUS VERO SEPTIMO.

Hæc de Pruslinovio ex occasione Syn-
odi ab ipso celebratæ paulo prolixius: cæ-
tera brevius prosequemur.

Secutus *Pruslinovium* fuit in Cathedra
Olomucensi, qui eidem jam antea in digni-
tate & Officio Præpositi Brunensis successe-
rat, *Joannes Grodecus* de Grody, gente *Sil-
esius*, eruditissimis merito Præsulibus an-
numerandus. Par illi cum Antecessore nobi-
litas, par virtus, & animi magnitudo, nec
minus etiam Religionis ac Fidei tutelæ stu-
dium: quo jam diu antea cum illo ad procu-
randas Moraviæ Ecclesiæ e Societate JESU
suppetias, pia quadam æmulatione munifi-
centiæ convertaverat, meritis propterea,
ut sicuti Pruslinovius Collegii Olomu-
censis, ita ipse Brunensis Domus Funda-
tor agnosceretur & honoraretur. Multa,
quæ Antecessoris præcipitata mors aut abru-
pit, aut imperfecta reliquit, ipse perfecit,
consummavitque: plura facturus, si vita illi
diutius superstes fuisset. Tenuit Cathedram
anno unico & mensibus fere quatuor. Eun-
dem, cujus antea funesta facta est mentio,
Philoponum adversarium habuit, qui cum
Episcopum suum lite vincere non potuisset,
parricidalis ipsum veneno creditur consopi-
vissit. Episcopatum adiit anno 1572. 15.
Septembris. Deservit anno 1574. die octa-
va Januarii.

Non diu post rursus alia duorum secuta
fuit Præsulum Olomucensium funera. Pri-
or horum fuit *Thomas Albinus*, natione
Bohemus, J. U. Doëtor, Archiepiscopi Pra-
genfis antea Vicarius, & Regius Decanus in
Carlslein: magnæ vir eruditionis, & egre-
giæ in rebus Ecclesiasticis tractandis dexteri-
tatis. Anno 1574. mense Martio in Gro-
decii locum susceptus, anno mox infe-
quente, cum idem Martius recurreret men-
sis, simili fere, qua bini Antecessores, mor-
te sublaſus fuit, anni unius, non prorsus in-
tegræ, Episcopus.

Alter *Joannes Mezon*, Telecensis ap-
pellatus, eo quod Telecium Moraviæ oppi-
dum natale illi fuerit solum. Romæ in Col-
legio Germanico, nuper a Gregorio XIII.
Papa erecto, studiis, sacrisque disciplinis ex-
cultus, cum adhuc ibidem versaretur, *Gro-
decio* Episcopo suggerente, Decanus Colle-
gii Canonicorum ipsomet a Pontifice nomi-

natus fuit: paucosque dein post annos Olo-
mucensis Capituli votis ad vacantem ab *Al-
bini* morte Cathedram evectus. Perjuncta
fuit eidem Gregorio Papæ ista eligentium
suffragatio propterea, quod Mezonius pri-
mus fuerit, qui ex fundati a se Germanici
Collegii Alumnis Episcopalem ad dignitatem
emerſerit. Cum dotibus omnibus ad Anti-
stitis munus digne obeundum insigniter ef-
ſet exornatus, Diceſin univerſam in mag-
nas magnarum rerum ſpes erexerat; Verum
has, cum vix biennium in Cathedra exegif-
ſet, iſpius quoque deſperata mors abſtu-
lit. *Nimirum*, inquit P. Schmidl, *inter vene-
na ſedebant Optimi Præſules, ejus arte para-
ta, ut conſtans ſuſpicio fuit, qui ita dolorem ſu-
um ulciſci, ut inimicitias ſiniri gaudebat.*

Post hæc tamen quatuor, quæ recensui,
Episcoporum intra annos non omnino ſex
ſublatoꝝ funera, Divino tandem benefi-
cio, ſua reſtituta fuit Olomucenſi Sedi ſecu-
ritas, & ab ulteriori maleficio immunitas.

Obierat *Mezonius* Anno 1578. die 6.
Februarii: ejusdem anni die 25. Martii novi
Antiſtis ſuſcepta electio. Diviſo in par-
tes Capitulo, concertatum aliquamdiu: tan-
dem tamen cordatiorum Electoꝝ præva-
lente ſuffragio, Episcopale munus STA-
NISLAO PAULOWSKY delatum fuit,
viro magnis, multisque meritis eo honore
digniffimo, quique viginti, quibus Dice-
ceſim Olomucenſem glorioſiffime rex-
it, annorum ſpatio feliciter ſupplevit ea, quæ
tor aliis a Prædeceſſoꝝibus ob ſubitanea
eorundem ſata præſtari non potuere. Cum
celebratam ſub ipſo Synodum ſupra a
pag. 320. exhibuerimus, pro mōre noſtro,
pauca quædam adhuc de rebus ab eo præcla-
re geſtis hic nobis commemoranda ſunt, quod,
non immemor tamen præſcriptæ mihi bre-
vitatis, perlubenter faciam hoc loco, tum
ut magni illius viri glorioſior vigeat apud
poſteros memoria ob ingentia ejusdem in
Chriſti Eccleſiam merita; tum vero ſimul,
ut in opere hoc noſtro tenue ſaltem aliquod
exſtet grati animi monumentum, ob pluri-
ma, maximaque, quæ ab eodem in mini-
mam Societatem noſtram proſecta ſunt be-
neſicia.

Ortus erat STANISLAUS ex Equeſtri, & an-
tiquiſſima apud Polonos, Sileſiosque *Paulo-
viorum* familia, indeque indolem hauſit ge-
neroſis natalibus parem. Conſecto curſu
ſtudiorum, juris utriusque Laurea inſignitus,
ac Eccleſiaſticæ Militiæ adſcriptus, Præpoſiti
Brunenſis munus per decennium, Scholaſti-
ci Olomucenſis per biennium, atque inſuper
ſub quatuor Episcopis, qui eum præceſſe-
rant, arduum Cancellarii officium ita geſſit,
ut per harum functionum veluti gradus, vi-
am ſibi ſtraverit, qua ad Cathedram fuit elu-
atus.

status. Eximium semper in eo, uti virtutum omnium, ita fidei Catholicæ adversus hæreses propugnandæ, provchendæque studium eluxit: quod Episcopali dein in Cathedra constitutus, quanto sublimiori loco confederat, tanto luculentius fecit effulgere, latiusque diffudit: nullis A catholicorum minis, aut machinationibus contrariis deterritus. Vix ullum suorum in numero Aulicorum tolerare diu potuit, qui ejurata hæresi, cum Catholica reconciliari Ecclesia non vellet. Imo hoc unum habuit in Votis, ut ad illam, tanquam unicum verumque Christi ovile, gregem suum universum reduceret. Illud certe feliciter effectum vidit, ut in omnia Diocesis suæ oppida, pagosque Catholicus Sanctissimam Eucharistiam sumendi ritus denuo inveheretur: Patrum Societatis JESU, ad id evincendum usus opera, quos eum in finem amplissima instructos potestate, functiones sacras pro Societatis more ubilibet obeundi, publicoque ad Curiones comiteatu munitos, per Moraviam omnem misit. Iisdem Patribus (multum enim ipsorum laboribus indefessis, docendique methodo delectabatur) Catechesis Christianæ Olomucii quotidie explicandæ munus demandavit, cui quidem explicationi ipse, cum vacabat, interesse voluit, pulchro non minus, quam potenti ad rudiorem plebem excitandam, convocandamque exemplo. Munia Episcopalia tanta animi promptitudine, imo & voluptate peragenda suscepit; ut ab iisdem, si quo modo posset, obeundis, nulla difficultate, nulla corporis ægritudine, impediri se sineret. Tridentini Concilii Canones & decreta, quod eo usque Olomucii factum non fuerat, Anno 1591, in congregata a se Synodo promulgari, perque Diocesin universam recipi fecit. Eadem in Synodo quam multa alia tum ad abusus tollendos, tum ad restaurandam Cleri disciplinam, præclare constituerit, facile intelligent, qui ejusdem Acta, Statutaque voluerint perinsfrare.

Jurium, possessionumque Ecclesiæ suæ tutandorum, vindicandorumque studiosissimus, pro ea, quæ apud Rudolphum Cæsarem valebat, gratia, impetravit, ut quæcunque Antecessoribus suis concessa olim fuerant privilegia ac prærogativæ, novo Diplomate, autoritate Imperatoria stabilirentur. Titulos *Principis Imperii, & Regiæ Capellæ Bohemiæ Comitis*, injuria temporum fere oblitos, ab oblivione vindictos, in usum revocavit, & Successoribus restituit. Arces & oppida suæ Cathedralis vetustigia, sed jam pridem alienata, aliisque oppignorata, præstito Lytro redemit, plura alia suo studio, curisque acquisita veteribus adjecit: omnia denique, quæ vitium contraxe-

rant, aut ruinam minabantur, refecit, instauravit: Merito propterea Olomucensis Episcopatus Restaurator appellatus.

Nec illud silentio prætereundum, quod eloquentiæ suæ vi, gravissimarumque causarum momentis, Catholicos Moraviæ Proceres eo adduxerit, permoveritque, ut si quod illis competeret Ecclesiæ Pastores nominandi jus; istud integrum in Olomucensem Episcopum ultro volentesque transferrent. Quod ejus consilium in maximum Rei Catholicæ emolumentum, & in æternam plurimarum animarum salutem cessit. Hac enim ratione cautum sapientissime fuit, ne, si forte, qui Patronorum in jus essent successuri, ad hæreticos deficerent; ab his pro Pastoribus lupi Catholicis obruderentur communitatibus, sed ut e diverso Episcoporum providentia, probatæ fidei, vitæque Parochi Ecclesiis præficerentur.


Atque ex hac ejus vita publica facilis conjectura est, qualis fuerit privata. Integritatis, puritatisque morum, uti amator eximius, ita custos sollicitus, castimoniam intaminatæ nitorem non conservare solum, sed etiam perpolire studuit: Hunc in finem veterum Patrum de ea virtute sententias, propria manu descriptas circumferebat in Brevariis sui libro, quo mentem & oculos per intervalla reflexit, tanquam ad speculum, ut se lustraret. Ob sincerum, qui insigni prudentiæ jungebatur, animi candorem hæreticis pariter, atque Catholicis charissimus erat: fecitque harum connexio virtutum, ut non solum versutiorum technas eluderet, sed & ut omnes sibi devinciret. Multus erat in legendis illis, quæ tum ad eruditionem, tum ad pietatem augendam facerent, semperque inter prandendum, cenandumque anagnosten adhibebat, quem legentem auscultaret. Inter Sanctos Cælestes Divam Annam, Deiparæ Virginis Matrem, & Christi Aviam, præcipue venerabatur, ejusque cultum in subditis etiam suis promovere plurimum adnitebatur. Famulitium Aulicum, quod numerosum habuit, non verbis tantum, sed, quæ multo plus movent, exemplis ipse suis omnem ad virtutem incitavit: fuitque illud plane singulare, quod indies eosdem, antequam illos ad somnum a se dimitteret, in destinato ad id loco congregaverit, ubi ipse tantæ Autoritatis Præsul, omnibus ad recitandas secum Litanias, aliasque preces, in verba prævit. Quæ una res quantum & propriæ pietatis fovendæ, & ejusdem apud alios extimulandæ desiderium indicet, nemo non videt.

Demum ut de ipsius in Societatem JESU amore, quidpiam dicam; hanc ille sicuti ad sua studia Fidei, pietatisque percommodam

consequitur, ita ardentissime dilexit, eique beneficiandi occasiones non tantum oblatas arripiebat, sed etiam quærebat. Collegiis *Pra-genſi*, *Brundenſi*, & *Olomucenſi* plurima beneficentiae suae reliquit argumenta: & postremum hoc quidem annuo perpetuoque quingentorum florenorum censu donavit. Convectoribus nostris domum propriam & Templum attribuit: Alumnorum Episcopatum, jam antea inibi constitutorum numerum auxit. His, aliisque pluribus cum sibi Socie-

tatem obstrinxisset meritis: Ipsum vicissim, P. Claudius Aquaviva Generalis meritorum universae Societatis consortem ac participem rehuntiavit. Post vitam tot piis operibus, torque rebus præclarissime gestis illustratam, quartana novem fere mensium febri exhaustus, piensissime obiit, perenni apud posteros memoria dignissimus.

Plura de illo vide apud P. Schmidl, Hist. Soc. Jesu Prov. Bohemia Parte I. & II.



SYNODUS DIOECESANA WRATISLAVIENSIS

Anno Christi M.D.XCII. Clementis VIII. Papæ I.
Rudolphi II. Imp. XVI.

ACTA ET CONSTITUTIONES SYNODI DIOECESANÆ,

*Quæ fuit celebrata Wratislaviæ in Insula S. Joannis,
Anno M.D.XCII. Mense Octobri.*

*Præsidente Illustrissimo & Reverendissimo Principe ac Domino, Domino
ANDREA (*), Episcopo Wratislaviensæ, Coronæ Regni Bohemiæ
Principe Ligio, Superioris & Inferioris Silesiæ
Capitaneo Supremo.*

P R Æ F A T I O,

PRIMÆ SYNODI HUIUS EDITIONI PRÆMISSA.

NOS ANDREAS, DEI GRATIA EPISCOPUS WRATISLAVIENSIS, CORONÆ
Regni Bohemiæ Princeps Ligius, superioris & inferioris Silesiæ Capitaneus, toti
Clero Diœcesis nostræ, cujuscunque dignitatis & gradus, Salutem in Domino.

Quo Instituto & consilio Synodum Diœcesanam celebraverimus, prolixiori aliqua & supervacanea repetitione opus esse, non existimamus. Præter id enim, quod a nobis evidentissima & gravissima rationes & causæ in ipso Synodi celebrandæ initio expositæ fuerunt; neminem ex vobis reperiri arbitramur, qui non vel ipse summam, urgentemque utilitatem hujus instituti, nullo etiam monente agnoscat, vel ex Sacrosancti Concilii Tridentini Decretis & Sanctionibus: exemplo item Ecclesiæ Catholicæ Antisistum, & laudabili, utique consuetudine intelligat. Nos sane hoc respeximus maxime, ut Majorum insistentes

vestigiis, communicato consilio & accurata deliberatione, in Synodo nostra ea constituere-mus, quæ huic Diœcesi publice, privatimve prodesse viderentur: quo nomine easdem deliberationes de Synodi voluntate scripto comprehendendi curavimus, ut ad multorum pervenirent notitiam, & perpetuitati inservirent. Quia vero docuit, monuitque nos ea fides & obedientia, qua Sanctæ Sedi Apostolicæ devincti sumus, & quam hactenus integram & illibatam conservavimus, ut quid in Synodo Diœcesana actum esset, quidve conclusum, iustissimo ejusdem Sedis Apostolicæ judicio & censuræ subji-ceretur: omnia ea, sicut gesta & conscripta fue-

(*) De Andrea Jerino, Episcopo Vratislaviensi, vide sub finem hujus Synodi.

fuerunt, Sanctissimo & Beatissimo in Christo Patri ac Domino, Domino CLEMENTI, Divina Providentia hujus nominis Papæ octavo, Sacrosanctæ Romanæ ac Universalis Ecclesiæ Pontifici Maximo, Domino nostro Clementissimo, Romam transmissimus. Sua autem Sanctitas, licet aliis gravissimis totius Christianæ Republicæ oneribus & difficilissimis negotiis, si unquam alias, nunc maxime implicata esset; tamen sicut fidelissimus Christi ovium Pastor, nostræ Diœcesi deesse noluit: quin ex Paterna benignitate Processum & Decreta Synodi nostræ Sacræ Congregationi Illustrissimorum Patrum, Tridentini Concilii Interpretum, judicio expendenda dedit. Quo factò Illustrissimus & Reverendissimus Dominus, Dominus Hieronymus, Tiruli Sancti Pancratii S. R. E. Presbyter Cardinalis Matthæius, tandem ad nos ex Urbe remisit, cujus Illustrissime D. Literas, quod iis Synodi nostræ Decreta auctoritate S. Sedis Apostolicæ approbentur & confirmentur, una sub initium

imprimi curavimus: sicuti etiam ad finem adjecta sunt, quæ idem Illustrissimus Dominus Cardinalis, Constitutionibus Synodalibus expresso Sigillo Romæ subiecit.

Eadem Decreta igitur nunc typis Nissenfis in publicum damus, ac benevole hortamur, monemus, ac mandamus serio omnibus Diœcesi subiectis nostræ, præsertim vero, qui Deo & Sacris suam consecraverunt vitam, ut non solum has Constitutiones diligenter manibus volvant & revolvant; verum etiam reipsa specimen edant ejusmodi, unde appareant, facta & opera optime nostræ, & Synodi voluntati & Sanctionum præscripto, consona esse & respondere. Quod eo magis futurum arbitramur, cum Sanctissimi D. N. & Sanctæ Sedis Apostolicæ auctoritas & approbatio accesserit. Optamus vos omnes in Domino recte vivere & valere. Datum ex Civitate nostra Nissenfi die 28. Septembris, Anno Millefimo quingentesimo nonagesimo quinto.

EPISTOLA

Illustrissimi Cardinalis MATTHÆI ad Reverendissimum D. Episcopum Wratislaviensem de Synodi approbatione.

PERILLUSTRI ET REVERENDISSIMO DOMINO, UTI FRATRI,
DOMINO EPISCOPO WRATISLAVIENSI, &c.

Perillustri & Reverendissime Domine, uti Frater.

Synodum Diœcesanam Wratislaviensem, ab Amplitudine T. istic nuper habitam, & ad Sanctissimum Dominum nostrum missam, Illustrissimi Patres Tridentini Concilii Interpretes, quibus id munus a Sanctitate Sua mandatum fuit, accuratè perlegerunt, & mature examinarunt: in eaque Summam Amplitudinis T. pietatem, devotumque in Catholicam Religionem, & in banc Sanctam Sedem studium agnoverunt. Itaque non admodum multa necesse fuit immutare, vel corrigere.

Eam ipsam Synodum nunc ad Amplitudinem T. mittimus, paucis in locis aptatam & emendatam, sicut in ejus margine descriptum videre licebit. Nihil autem opus esse existimamus illam cobortari, ut curet tam salutaria ipsius Synodi sic aptata Decreta a suis subditis diligenter custodiri, atque executioni mandari; quandoquidem eam ad suum Pastorale munus, grave quidem & laboriosum,

in istis præsertim locis sibi impositum, sedulo ac solícite explendum, satis per se ipsam incitatum scimus.

Tantum Divinam Clementiam rogamus, Amplitudini T. concedat, ut ex pio hoc labore, & egregia opera, quam in suorum subditorum salute procuranda suscepit, uberrimum fructum percipere queat. Quæ in re Illustrissimi Patres, ubi opus erit, sua officia & studia Amplitudini T. libenti animo pollicentur, & omnia prospera & salutaria a Domino precantur.

Romæ die XXV. Augusti M.D. XCIV.

Amplitud. T. Perillustri
& Reverendissime

Uti Frater Studiofiss.
HIER. Cavd. MATTHÆIUS.

ORDO

ORDO ET PROGRESSUS

Synodi Diœcesanæ.

IN NOMINE SANCTÆ, ET INDIVIDUÆ TRINITATIS, DEI PATRIS,
ET FILII, ET SPIRITUS SANCTI. AMEN.

IN tam dubia, & ancipiti res humanæ omnes positæ sunt conditione, ut nihil in iis tam perfecti reperiarur; nihil vel Legum vel Sanctionum repagulis; solerti, ac prudenti Legislatorum industria tam munitum; quin lubrica, ac præcipiti, malorumque plurimorum instigatrice, & effectrice cupiditate, novisque artibus, aut callide multa eludantur, aut malitiose pervertantur.

Quocirca omnibus iis, qui ad aliquod primariæ Dignitatis fastigium evecti sunt, perpetua quædam incumbit necessitas, ne unquam securitati, aut Legum confissi constantiæ, somnolentos, parumque perspicaces gubernationi afferant oculos; sed eorum aciem hinc inde magna cum vigilantia circumferant, ut exigente usu, & succrescente malitia, quovis tempore novis legibus condendis, antiquis vero restaurandis, atque ad usum revocandis, si communi consulendum saluti sit, perpetuo excubias agant. Quod cujuscunque ordinis excellentissimos semper Magistratus feliciter cepisse, & magno cum successu Imperia, Regna, Ditionesque stabilisse, & in exoptata tranquillitate, & harmonia conservasse, Historiarum tam Sacrarum, quam profanarum Codices illustribus exemplis passim referunt, & testantur.

Hunc præclarum imitatus morẽ Reverendissimus, & Illustrissimus in Christo Pater, ac Dominus, Dominus ANDREAS, Dei, & Apostolicæ Sedis grãtia Episcopus Wratislaviensis, Coronæ Bohemianæ Princeps Ligius, Sacræ Cæsareæ Majestatis Consiliarius, & Supremus superioris, & inferioris Silesiæ Capitaneus, cum magno animi dolore videret, & re ipsa experiretur, labascente prisca pietate, & Catholicæ Religionis disciplina corruente, hisce temporibus Ecclesiæ membra suæ Diœcesis utili aliqua correctione & reformatione omnino indigere; nihil quidquam ab ipso statim initio accepti Episcopatus, sibi præclarioris, aut optabilioris judicavit, quam ut, sicuti in politica gubernatione, ita in Ecclesiastico munere, quoad ejus fieri possit, omnia pristinae integritati restitueret, & agrum Domini a sentibus, & zizaniis emundaret. Itaque accurata, & diligenti cum Venerabili Capitulo Cathedralis Ecclesiæ Wratislaviensis deliberatione suscepta, publica citatione ad valvas Ecclesiæ Cathedralis Sancti Joannis Wratislaviæ, & alibi etiam in Collegiatis, & primariis Ecclesiis

Parochialibus affixa, vocatis omnibus, & singulis legitime, qui de jure, vel consuetudine fuerant vocandi, Synodum Diœcesanam Wratislaviæ celebrandam indixit: ut, Deo annuente, communi consilio propositum suum exequi inciperet, & quæ ab antiquo sancte, & salutariter constituta quidem; fragilitate tamen, & perversitate humana neglecta, & corrupta fuerunt, opportunis remediis, novisque, si opus esset, Constitutionibus in pristinum statum, & integritatem revocaret.

Die Synodi adveniente, Reverendissima Celsitudo Sua in Profecto Sancti Michaelis, maturatione Wratislaviam venit, & seposita omnium Politicorum negotiorum cura, quæ ad Synodi celebrationem secundum Prædecessorum Episcoporum Wratislaviensium morem ususui, & commodo essent, in ordinem redegit.

Promotorem Synodi Dominum Paulum Albertum S. Theologiæ Doctorem; Scholasticum: Bonaventuram Han. J. U. Doctorem, Decanum Sanctæ Crucis, Secretarium: Lectorem vero Dominum Conradum Waibelium, S. Theologiæ Doctorem, Vicarium in spiritualibus, ac Officialem Generalem, omnes Cathedralis Ecclesiæ Wratislaviensis Prælatos, & Canonicos instituit. Duo præterea Notarii publici, qui Synodi acta diligenter annotarent, fuerunt requisiti, Dominus Adamus Kesselius, Ecclesiæ Collegiatae Sanctæ Crucis Canonicus, & Daniel Zwick, utriusque Capituli Wratislaviensis Notarius juratus.

Priusquam de Articulis, Religionem, Cultum Divinum, mores Clericorum, & temporalia concernentibus consultatio institueretur, Reverendissimus Dominus Episcopus singulari in Religionem Catholicam zelo & cura, vero animarum Pastore digna, a precibus initium fieri debere censuit: ob id supplicationes, seu Litanias tribus diebus ante Synodum decantari, & jejunia pro fausta, & felici continuatione Synodi devoto peragi jussit, ipseque Episcopus, audito prius magna devotione Ss. Missæ officio, institutæ ex Cathedrali S. Joannis Ecclesiæ in Collegiata S. Crucis Processioni, subsequenter Prælati, & Canonici, ac Aulica suæ Reverendissimæ Celsitudinis Familia interfuit. Collegiata Ecclesiæ S. Crucis similiter Processionem pari cum devotione in Cathedrali Ecclesiæ absolvit.

*Ipsa indictionis Synodi die, mane hora quinta, & sexta, campana majori ad Synodum duabus vicibus signum datum est: ultimo vero & tertio impulsu circa horam septimam dato, Reverendissimus Dominus Episcopus, comitantibus eum Reverendissimo Domino Adamo Episcopo Nicopolienſe, Abbate in Arena, & Suffraganeo Wratislaviensi, DD. Prælati, & Canonicis Ecclesiæ Wratislaviensis, atque septem Abbatibus, aliisque Clero subsequente, Ecclesiam Cathedralem Wratislaviensem Divi Joannis ingressus est, & cum precēs Domino Deo, flexis genibus, peculiari scabello, ad inferiorem gradum ad hoc disposito, obtulisset, Chorus incepit Hymnum: *Veni Sancte Spiritus*. Quo finito Reverendissimus D. Episcopus Versum: *Emitte Spiritum tuum*, &c. una cum oratione: *Deus, qui corda fidelium* &c. &c. Choro debite correspondente, devote decantavit. Postmodum recedente Reverendissimo Domino Episcopo in Sacristiam, Promotor Synodi per Venerabilis Capituli Notarium omnes ad Synodum spectantes ex scheda ordine conscripta evocavit, atque cuilibet locum suum assignavit, in stalli videlicet dextro versus Altare prope stallum, aut Sedem Reverendissimi Domini Episcopi, primo loco Reverendissimum Dominum Suffraganeum Infula, & Stola ornatum, ad latus demissiore tamen loco cum Pede Episcopali Sacellano assistente.*

Deinde Dominos: *Joannem Sixsch Præpositum, Adamum Landeck Decanum, Christophorum Gerstmannum Custodem, Andreæ Bogursky J. U. Doctorem, Vincentium Salinum, Magistrum Balthasarem Habicht, Bonaventuram Han J. U. Doctorem, Georgium Scholtz S. T. Doctorem, & Magistrum Casparum Hiltprandum Prælatos, & Canonicos Ecclesiæ Cathedralis Wratislaviensis: Adamum Kesselium Ecclesiæ Collegiæ S. Crucis Canonicum, præterea Concionatorem, & Penitentiarium Ecclesiæ Cathedralis. Item Magistri Hospitalis S. Mathiæ ablegatum, & Andreæ Rosnecium Præpositum Falkenbergensem collocavit. Sinistri vero lateris Sedes Domini Abbates, sine Infulis tamen, occuparunt: videlicet D. Hieronymus, Lubensis, D. Joannes, S. Vincentii Wratislaviæ, Jacobus, Saganensis, Dominus Nicolaus, Heinrichoviensis, D. Antonius, Camenicensis, D. Casparus, Grissoviensis, D. Georgius, Femelnicensis, & Laurentius Girlicius, ablegatus Abbatis Raudensis.*

Nomine Capituli Ecclesiæ Glogoviae majoris Georgius Schulteti Præpositus, Martinus Lembusius Decanus, & Casparus Sellius Archidiaconus.

Nomine Capituli Nissensis Nicolaus Tinczman Medicinæ Doctor.

Nomine Capituli Opolienſis Jacobus Zuretius, Decanus, Joannes Kuna, Archidiaconus, Joannes Zwick, Custos.

Nomine Capituli Rathiborienſis Petrus Sebiſch, Decanus, & Sebastianus Tieffowsky, Custos.

Nomine Capituli Glogoviae superioris Albertus Petricius, Decanus, Matthæus Adam, Præpositus Cruciferorum Nisse valitudine adversa impeditus absuit. Infra Abbates ipsorum Sacellani ordine stabant, baculos manibus sustinentes.

Commendatores Lignicensis, Schwidnicensis, & Cventzbergenſis exultatione absentiae usi sunt.

Ex Præcentoribus adfuerunt Chori minoris Cathedralis Ecclesiæ, & minoris Chori Collegiæ Ecclesiæ S. Crucis, & in Crypta: Postea Archi-Præbyteri, Parochi, & alii Sacerdotes ab utraque parte fuerunt locati.

Cum suo jam quisque loco confedisset, Reverendissimus Dominus Episcopus Pallio, Myrra, aliisque Pontificalibus amictus, solita cum ceremonia, & Sacrorum Ministris Ecclesiasticis Viris stipatus, ex Sacristia ad Altare processit, ubi faldistorio inclinat us incepit Antiphonam: *Exaudi nos*. Respondentibus duobus Canonicis Wratislaviensibus Dominis Doctore Nicolao Tinczmanno, & Magistro Casparo Hiltprando, Regentibus: *Domine* &c. reliquum Chorus: *Quoniam, & Salvum*, cum Clero absolvit. Poit: *Exaudi*, Reverendissimus Dominus Episcopus Orationem: *Omnipotens sempiterne Deus* &c. ex Pontificali Romano recitavit. Qua oratione finita, Reverendissimus ministrantes Vicarii duo flexis genibus Litaniam *Kyrie eleison* inceperunt, toto Choro correspondente usque ad Versum: *Ut hanc præsentem Synodum visitare, dissonere, & benedicere digneris*, quem Versum ter Dominus Episcopus facta cruce repetiit, Choro correspondente: *Tè rogamus audinos*. Deinde Vicarii prosequerantur Litaniam usque ad finem. Tandem Reverendissimo incipiente: *Oremus*, duo Vicarii simul respondebant: *Flectamus genua: & Levate*. Absolvit Reverendissimus orationem ex Pontificali Romano, depositoque pluviali, accipiebat Casulam a duobus Canonicis, & incipiebat Missam solemnem de Spiritu Sancto, more Romano. Ad Agnus Dei Domini Canonici ministrantes Reverendissimo pacem dederunt, unus Suffraganeo, alter Lubensi Abbati. Absoluto Ss. Missæ Sacrificio, Reverendissimus dedit Benedictionem, quam circa *Pax Domini* juxta Pontificale Wratislaviense omisit. Porro in Sacristia Pontificalem ornatum exiit Reverendissimus Episcopus, & sedem præparatam

tam accessit, ibique confidens Dominum Doctorem Georgium Schultetum Canonicum, de Synodo prudenter, & docte perorantem, & integre absolventem audivit. De Cathedra autem, aut suggestu descendente Schulteto, Reverendissimus per Promotorem proposuit, suam Reverendissimam, & Illustrissimam Celsitudinem desiderare, quo omnes ad Synodum spectantes cum sua Reverendissima Celsitudine in Curiam Episcopalem se conferrent, ut Synodus iusto ordine, & legitimo modo inciperetur. Omnes itaque, & singuli Clerici, cujuscunque status, ac dignitatis, Aulicis Reverendissimi D. Episcopi præcedentibus, & tandem solo Promotore Cappa, & Almutio induto, præeunte Reverendissimum D. Episcopum in Hypocaustum Curie suæ subsequébantur. Prælati, & Canonicis solis habitum rubeum deferentibus, alii enim cappas, & superpellicea sua deposuerant. In eodem Hypocausto Reverendissimus D. Episcopus solus ad mensam decenter ornatam, illique imagine Crucifixi apposita confedit, rocketo, & cappa rubea, & mucetto rubro indutus. Et laus quidem unum Prælati, & Canonici Ecclesiæ Cathedralis, alterum vero Domini Abbates occupabant, reliquis suo ordine, ut in Ecclesia confederant, medium diligentibus Hypocausti locum. Cumque omnes intentos oculos, & mentem haberent; a Regii vatis dicto initium sumens Reverendissimus Dominus Episcopus: Ecce quam bonum, & quam jucundum sit, habitare fratres in unum: piam, & gravem exorsus est ad Clerum orationem:

Itaque ab initio statim accepti Episcopatus totam ingenii vim, & mentis aciem eo intendisse, agebat, ejusmodi ut reperiret medicinam, quæ Cleri discipline excuscitandæ, & restaurandæ conducere videretur. Quam ob rem cum Clerum convocari necesse esset omnino: se quidem diutius id in animo habuisse, ut Synodus celebraretur Diocesana, verum multa longe necessarium, & honestum propositum impedivisse.

Principio quidem pestem hinc inde miserabili multorum strage grassantem; quam paulo post gemina Regum Poloniae electio, tum multusque Belli in hac Provincia, & Regno Poloniae subsecuti essent. Pace tandem cum eodem Regno Poloniae conclusa, difficile Legationis munus a Sacra Cæsarea Majestate Domino nostro Clementissimo ad Serenissimum Poloniae Regem, & Regni Ordines sibi fuisse demandatum, ad certo confirmandas juramento pacis condiciones: non multo post iterum ad Regni Poloniae fines se missum ad Serenissi-

um Sacra Cæsarea Majestatis Fratrem Maximilianum reducendum. A publicis itaque negotiis ubi paulum nancisci otii, & veluti respirare licuerit, nihil se reliqui fecisse, ut aliquando tandem inductione Synodi, & conventu tam præstantium Ecclesiastici Ordinis Virorum, voti sui, & expectationis optatæ compos redderetur. Quem felicem, & diu desideratum diem cum hodie intueatur, Venerandum etiam laudabili numero aspiat Clerum, plurimum se letari, & sibi ex animo gratulari dicebat, atque pluribus demonstrabat, non tantum bonum, & jucundum esse fratres habitare, sed in unum etiam convenire: Exemplo id Apostolorum fieri, qui suborta difficultate aliqua, & exigente nascentis Ecclesiæ usu convenirent; quemadmodum Historia de Circumcisione Judæorum tollenda, & apud Christi sectatores abroganda luculenter testetur, ubi re examinata, Apostoli his concluderunt verbis: VISUM EST SPIRITUI SANCTO, ET NOBIS. Hinc a Successoribus Apostolorum Generalia Concilia, ab inferioribus vero Provinciales, & Diocesanas Synodos fuisse celebratas: sicut etiam in politica gubernatione, & in Imperiis, Regnis, ac Ditionibus, rite ad normam, & justæ Lancis æquitatem constituendis, regendoque dignis Legum repagulis populo, ab Imperatore Comitibus, a Regibus & Principibus Dieta, & Conventus, poscente usu, indicantur. Ob similes causas, & Ecclesiæ utilitatem se omnes, qui Synodo interesse tenentur, convocasse, ut salutaria omnium consilia coram audiret de iis præcipue rebus, de quibus in hac Synodo agere constituisset, quæ potissimum quatuor Capitibus essent comprehensa.

Primo: quomodo Religio Catholica Adversariorum variis artibus, & machinationibus collapsa restaurari, & S. Concilii Tridentini Decretis constans autoritas, ita quidem ut ibidem a Patribus sancte constituta in posterum in hac Diocesi observentur, conciliari, & stabiliri possit.

Secundo: Cultus Divinus, qua ratione recte, ac decenter peragi debeat.

Tertio: Corrupti Clericorum mores quomodo reformandi.

Quarto: In Temporalibus quid commodo Ecclesiarum statui debeat, tum Clericorum certi redditus quibus modis conservandi, incerti vero, ac dubii ad certitudinem, quantum fieri liceret, reducendi, & stabilendi.

Atque ita si communicatis prudenti circumspeditione, & examine accurato tot Sapientum consiliis, ac habito inde justo delectu de hisce Sanctiones conscriberentur, & ab earum observatione in posterum non discederetur; censuit Reverendissimus D. Episcopus, nihil aliud, quam optimum successum certo expectandum esse, idque præter alias in Sacris Bibliis Historias, Josue testari exemplum, cum Divina memor Legis Judaicum populum, ne Deos colerent alienos, hortaretur &c.

Quibus sic propositis, Reverendissimus per Lectorem Decretum de modo vivendi, & aliis in Concilio servandis, Sessione secunda Concilii Tridentini legi curavit; idque præcipue propter Sessionem Clericorum, quod nulli propterea præjudicium generetur, nullique novum jus acquiratur; quod tota Synodus per verbum Placet approbavit. Quæsiivit dehinc Synodi Promotor, utrum omnes, qui de jure, vel consuetudine Synodo interesse deberent, præsentibus essent; monuitque, ut absentium Procuratores, aut Ablegati absentiae certam redderent rationem. Omnibus ex scheda per Notarium evocatis, præsentibus vocati honorifice assurgebant.

Postmodum oblatae fuerunt literæ Michaelis Waltheri, Abbatis Raudensis, qui infirmitatis excusatione usus, loco suo Laurentium Girlicium Sacellarum ablegaverat. A Magistro Hospitalis S. Mathie Wratislaviae per Fratrem Joannem Prussium idem factum. Similiter & a Zarenfis Districtus Archi-Presbytero, qui nomine suo, ut Synodo interesset, Antonium Parochum Tostensem Wratislaviam misit. Pauci (incertum, qua de causa) sine ulla excusatione emanferunt: ii si ex inobedientia, & contumaci neglectu, aut sine justa causa alia, id fecisse deprehenderetur, in eos animadvertere Episcopus constituit, & Clero per Promotorem mandavit, ne aliquis ante finitam Synodum, nisi speciali Suae Reverendissimæ Celsitudinis licentia Wratislavia discedat.

Et cum fides sit fundamentum salutis æternæ, Reverendissimus D. Episcopus, Ss. Oecumenici Concilii Tridentini pium institutum, tum etiam Provincialis Petricovienfis, & a Prædecessore suo Episcopo MARTINO piæ mem. celebratæ Synodi Diocesanae consuetudinem observare volens, flexis genibus, tactis Ss. Dei Evangelii, Professionem fidei prius solus, & consequenter totus Clerus simul, prælegente Synodi Lectore, eandem Professionem juxta PII QUARTI fel. record. præscriptum fecit.

Exhibebant deinde, requirente hoc Reverendissimo Domino Episcopo, DD. Archidiaconi suas visitationes: D. Julius Landus,

Archidiaconus Wratislaviensis, propter morbum, quo domi detinebatur, per D. Doctorem Georgium Schultetam, Canonicum Wratislaviensem, visitationem suam obtulit: subsecutus est D. Adam Landeck Legnicensis, hinc Casparus Sella Glogoviensis, & Joannes Kuna Oppolienfis Archidiaconi, suas quisque Reverendissimo Domino Episcopo obtulit visitationes. Iis Reverendissimus Dominus Episcopus ob hanc diligentiam gratias egit, hortatusque est eosdem, ut parem in posterum pro ipsorum munere adhibere non prætermittant.

Exhibitæ quoque fuerunt variae Parochorum querelæ, quæ cum in magnum crescerent numerum, Reverendissimus D. Episcopus tribus ex DD. Canonicis Cathedralis Ecclesiæ Wratislaviensis, Nicolao Tincmanno, D. Bonaventuræ Han, & D. Conrado Waibelio id dedit negotii, ut supplices libellos, & querelas reviderent, & Suae Reverendissimæ Celsitudinis referrent, quo Cleri querelis tempestive, & cum fructu succurreretur.

Conscripserat Reverendissimus D. Episcopus ante Synodi congregationem Constitutiones, vel Articulos quosdam, qui ad institutum Ecclesiasticum, & ad conservandam, & augendam Catholicam Religionem necessarij erant visi. Ex iis, quæ fidem, & Religionem Catholicam concernerent, legi curavit: post omnium consilia audire cupiens, primo Prælatorum, & Canonicorum Ecclesiæ Cathedralis, quid de his videretur, sententiam rogavit: qui omnes Constitutiones utiliter promulgari posse, unanimi consensu judicabant.

DD. Abbates vero semel atque iterum seorsim deliberandi, & consultandi quoddam spatium sibi petebant concedi. Quam rem novam, nec ante prioribus in Synodis usitatam cum Reverendissimus D. Episcopus arbitraretur; eosque moneret, ut quilibet in libero dicendi, & consultandi loco libere suam sententiam proferret: tunc DD. Abbates, Reverendissimi Domini Episcopi se submittentes voluntati, per D. Abbatem Vincentinum, virum doctrina, & rerum usu amplissimum, egerunt gratias Episcopo pro Paterna ista cura, quam in conscribendis, & proponendis illis Articulis, & Constitutionibus de Religione, Sua Celsitudo habuisset. Videre ipsos in lectis Articulis præter reliqua, Reverendissimum Dominum Episcopum ex præscripto Concilii Tridentini urgere, ut D. D. Abbates juxta ejusdem Concilii Decreta Magistrum in suis quisque Monasteriis alerent, qui noviter receptos Ordinis Fratres pietatis, & bonarum artium fundamenta fideliter doceret.

ceret. Id DD. Abbatibus bucusque summa cura fuisse, quemadmodum qui *Wratislavia* sua haberent *Monasteria*, nunquam utile hoc institutum prætermisissent. Et licet etiamnum domi Præceptoribus non desisterentur, se tamen uberius discipline gratia aliquos in *Seminarium* Episcopale *Nissam* mittere velle. Omnia itaque Decreta, maturo consilio a Reverendissimo Domino Episcopo conscripta, & jam lecta, ipsos Dominos Abbates approbare: unicum solummodo Caput, quo jus instituendi, seu investendi Parochos, Reverendissimo Domino Episcopo reservaretur, in ipsorum Abbatum præjudicium positum videri: Eos bucusque a longo tempore viros pios, & doctos Parochos præfuisse sine aliqua Domini Episcopi institutione, & quandoquidem in tanto Clericorum defectu seculares Sacerdotes habere non potuerint, se fratribus interdum *Monasteriorum* Parochias regendas commississe, eamque possessionem ipsos ex longa consuetudine obtinuisse, rogare itaque DD. Abbates, ut Reverendissimus D. Episcopus jus illud instituendi Parochos, sicut bucusque ab ipsis observatum esset, integrum Abbatibus relinquere velit. Deinde quando visitationes Parochorum in *Monasteriorum* fundis per Dominos Archidiaconos in posterum instituerentur, ut DDn's Abbatibus visitationibus hujusmodi interesset liceret.

Ad ea Reverendissimus D. Episcopus respondit: Se nihil novi constituere, sed ex Concilio Tridentini Decretis (sicut ex eodem Concilio Sess. 14. cap. 10. & Sess. 25. cap. 9. de Reformatione fuerant lecta) nihil aliud optare, quam ut sit Hierarchia bene ordinata: nihil quidquam in præjudicium DD. Abbatum fieri, neque eos juris alicujus facere hac in parte jacturam: quin imo liberum permanere DD. Abbatibus Præsentationis jus, si quod haberent: non iniquum vicissim esse, ut Episcopo loci ordinaria auctoritas salva conservetur, eique investendi jus integrum permaneat, & relinquatur. (Videndæ sunt hac de re Sacræ Congregationis Notæ infra Tit. de Parochis.) Pontifices enim Maximos suas Bullas Collationum & Provisionum, Sacratissimos Cæsares, Serenissimos Polonia Reges (ut de aliis nihil dicatur) Præsentationes Episcopo mittere, ac misisse; multo magis ergo Abbates id decere, ut Episcopo investendos præsentent, ne ordo Hierarchicus quovis modo turbetur.

Et quamvis DD. Abbates affirmarent, non semper expedire, ut Præsentationes essent

perpetuæ propter Religiosos Fratres, quibus interdum Parochiæ conferuntur, & ad *Monasteria* revocantur, ut existiment majus etiam commodum *Monasteriis* hac ratione accedere, atque ideo denovo illos rogare, sui ut ratio habeatur, & Privilegia confirmantur ipsorum, quibus a tam longo tempore integrum fuisse jus investendi.

Tamen Reverendissimus Dominus Episcopus, a S. Concilio Tridentini Decretis recedere se nec velle, nec posse respondit.

Quandoquidem præterea in Constitutionibus prælectis, secularibus Clericis liberam testandi facultatem concessam esse intellexerant DD. Abbates, si Religiosi in Parochiis & vivis excederent, ad quem relicta pertinerent, rogabant; Reverendissimus Dominus Episcopus ad hæc: *Monasterio*, inquit, Fratrum res derelictas accrescere, cum Testamenti ob paupertatis votum non habeant factionem: Si vero seculares Clerici in Parochiis, non condito Testamento decederent; Statuta Provincialia & Synodalia juxta praxin quotidianam observanda esse, ut scilicet post sumptus funebres debita exsolvantur: deinde Consanguineis aliqua hereditatis pars; Fabricæ item & Ecclesiæ, in quo intestatus obiit, vel vel Parochiæ portio quedam relinquatur.

Post acclamationem Placet Reverendissimus Dominus Episcopus proponebat: Magnam esse penuriam Catholicorum Servitorum, quorum opera Domini Abbates, & Abbatissæ in Præfecturis, & aliis officiis uterentur; cogitasse itaque se, non convenientius huic malo remedium reperiri, nisi ut certus nobilium puerorum numerus, scilicet viginti quatuor, honeste alerentur, qui in fide, moribus, & disciplinis Catholice instructi suo tempore tum aliis, tum ejusmodi officiis præstarentur: in quem finem ædes *Nissæ* jam emisisset: saltem a Clero consilium se requirere, utrum magis conferat, sumptus facere in Nobiles vel plebeos. Venerabili Capitulo Cathedralis Ecclesiæ placuit Reverendissimi Domini institutum, ut Nobiles præcipue, si haberi possint, in eum finem alantur: cum in Episcopale Seminarium nonnisi juvenes, qui in Ecclesiastico statu Deo, & Ecclesiis suo tempore inserviant, recipiantur.

Domini Abbates, hoc unum se dolere, dicebant, quod non habere possent Catholicos: esse in Aulis Principum magis gratos homines Nobiles, quam plebeos. Rogabant itaque Dominum Episcopum, ut Nobiles convenientis ætatis reciperet, ipsos suam operam offerre.

Abba.

Abbatem enim Sancti Vincentii in eum finem quatuor buccisque aluisse, ut ipsorum opera aliquando uteretur.

Reverendissimus Dominus Episcopus respondit: *Non minores XVIII. annis recipi in Seminarium Clericorum: in receptione Nobilium se observaturum, ut XIV. sint annorum, qui si aliquot annis pietati, ac studiis operam dent, futurum, ut vel circa XX. ætatis annum commode servitiis Principum, & Abbatum adhiberi queant.*

Porro Clericorum Seminarium Episcopalis sumptum annuum Reverendissimus Dominus Episcopus tribus millibus florenorum æstimabat, imo eundem etiam superari numerum, & quatuor millia non raro excedere, Expositorum consignationes, & regesta testari. *Quandoquidem vero difficile sibi esset, in utroque Seminario Clericorum scilicet & Nobilium sæcularium sarta tecta omnia conservare, tot Scholares Clericos, & Laicos cum ipsorum Doctores, Magistros, Præceptoribus, & Servitoribus alere: petere se vigore Constitutionis Concilii Tridentini Sess. XXIII. Cap. XVIII. de Reformatione, ut Prælati, & Canonici præcipue, ac totus Clerus ad Seminarium Clericorum contribuere velint.*

Capitulum Cathedralis Ecclesiæ Wratislaviensis Prælatorum, & Canonicorum decumbentium absentiam inprimis allegabat; rogans, ut Reverendissimus tantum concederet spatii, donec cum aliis Confratribus hac de re consilium capere possit: tamen cum Reverendissimus responsum a Venerabili Capitulo urgeret, Capitulum asseverabat: *Reverendissimi Domini Episcopi Proventus, Capitulares redditus longe superare, decimis ubique collapsis, & infertones Episcopales commutatis; rogare se, quandoquidem Venerabili Capitulo Proventus tertia partis Episcopatus competant, ut Reverendissimus retentis duabus partibus, tertiam Venerabili Capitulo juxta Conc. Trid. assignet, inde ad Seminarium conservationem partem adjici posse.*

Reverendissimus Episcopus Venerabilis Capituli Responsum non satis æquo animo ferre visus est, æstimavitque merito, se aliud Responsum expectare debuisse. *Nam quod de tertia parte Proventuum Episcopatus, seu mensæ Episcopalis Capitulo assignanda dictum sit, illud sine ullo fundamento prolatum esse. Capitulum enim proprias habere villas, sylvas, & alia bona divisa, & distincta a bonis, quæ ad mensam Episcopalem pertinerent: de proventibus & bonis mensæ Episcopalis ne Te-*

runcium quidem competere Capitulo, neque Concilium Tridentinum quidquam de hac re constituisse. Quod vero de collapsis Decimis dictum sit, illud quidem non negari, sed Episcopi quoque Decimas, quæ amplissime fuerint, ad eundem modum sicuti Capituli collapsas esse. Recordari se inter alia Statuta Ecclesiæ Cathedralis unum extare, quo Episcopus ad certa quædam onera sit obligatus, ad simplum Capituli contribuere duplum: æquum igitur, ut ad Seminarium etiam ad duplum Episcopi, Capitulum contribuat simplum. Quod si illis grave hoc videretur, ac existimarent, æquam non servari proportionem, petiit Reverendissimus, ut quilibet Prælatus, & Canonicus Cathedralis Ecclesiæ de suis proventibus contribuat decimam, vigesimam, trigessimam, vel quinquagesimam partem, se ad eundem modum paratum esse de proventibus mensæ Episcopalis decimam, vigesimam &c. contribuere, & hunc modum esse longe iustissimum, ut quo plures quis habeat redditus, eo plus etiam conferat.

Venerabile Capitulum tempus deliberandi in alterum diem petiit, & impetravit.

DDnis Abbatibus placuit institutum Reverendissimi, operamque suam non denegarunt, sperantes, si quid contributorint, Reverendissimum Dominum Episcopum contentum fore, ut in Clericorum Seminario Nussensi suos alumnos alant, quorum opera uti possint.

Capitulum Glogovia majoris de collapsa Religione, & Censusum imminutione conquestum est, atque hinc fieri, ut, unde commode vivant, vix suppetat: Scholæ Rectores, & Professores stipendio commodo destitui, Ecclesiam etiam ipsam mutam quodammodo manere: excusari itaque sese petierunt in iis, quæ de contributione proposita essent.

Capitulum Nissense, & Oppoliense certum responsum ad ulteriorem cum fratribus absentibus consultationem rejecit.

Capitulum Ratiborienſe, & Glogovia superioris summam allegarunt paupertatem, quam excusationem, ut certam, Reverendissimus Dominus Episcopus non gravatim admisit.

Præpositus Rosenbergenſis se ex Prælati sui Domini Abbatis in Arena voluntate dependere, ait.

Vidit Reverendissimus Dominus Episcopus, pro Seminario Clericorum inanem contributionis spem esse; nihilominus se a pio proposito suo in alendis Clericis, & pueris Nobilibus desistere nolle asseveravit.

Et quia major diei pars rerum tractatione consumpta esset, dimisit Clerum Reverendissimus Dominus Episcopus, Abbates vero apud se in prandio retinuit. Commisit autem Reverendissimus DD. Archidiaconis, ut suis Archipresbyteris demandarent, quo absentes Sacerdotes, qui Synodo huic non interfuissent, suo tempore convocarent, atque ab eis professionem fidei exigèrent. Synodi etiam Promotor, innuente Reverendissimo Domino Episcopo, jussit, ut sequenti die, hora septima ad sonum campanæ majoris totus Clerus ad Sacrum Missæ officium, & tandem in Curiam ad Synodum vicissim reverterentur.

SECUNDA DIE SYNODI mane vicissim campanæ impulsu signum dabatur; sub tertium pulsus, eodem ordine, quo præcedente die, eodemque Prælatorum, Canonicorum, & Abbatum, totiusque Cleri comitatu, in Cathedralē Ecclesiam ingressus Episcopus Sacrum Missæ officium de Beata Maria Virgine, quod a Reverendissimo Domino Adamo Episcopo Nicopolienſe, & Suffraganeo Wratislaviensē celebrabatur, devote audivit, ac in Curiam reversus, ut cœptam Synodi tractationem continuaret, per Promotorem diversâ Capita de Cultu Divino rite peragendo, ut de illis deliberaretur, proponi jussit: & cum ad *Caput de Cantilenis*, in Ecclesia ante Concionem decantandis, perventum esset, placuit Synodo, idque devotioni plebis plurimum conferre quidem cœnsuit, ut omnibus universim Ecclesiis Cantiones ejusmodi concederentur: evitandæ autem confusionis, & disparitatis causa, opportunum esse, ad unam certitudinem redigi cantilenas, in quibus, ut certitudini, & conformitati devotio conjungeretur, Reverendissimus Dominus Episcopus curam eandem Dominis Doctori Andree Bogursky, præterea Concionatori, & Penitentiario majoris Ecclesiæ commisit, qui utroque & Germanico, & Polonico idiomate cantiones probatas, & pietati inservientes colligerent, & Episcopo afferrent, illi tum curæ fore, ut in usum multorum typis Nissenſibus excusæ in publicum prodirent.

Baptizandi ritum quod attineret, DD. Abbates gravibus, & urgentibus de causis, ac rationibus consultum existimabant, in Sacramento Baptismi Joannis Jesucentriti, Episcopatus Misnensis Administratoris, Viri in Religione juvanda probatissimi, Germanica baptizandi forma magis, quam Latina hæcenus consueta, urendum esse. Quam difficultatem Dominus Reverendissimus eximit, cum diceret: *Formam baptizandi potius secundum Agendam Metropolitane Eccle-*

sie Gnesnensis ubique servandam, quam novi aliquid statuendum esse: non displicere tamen, quin imo hortari, ac monere, ut paulatim & adhibita in consilium prudentia, a Parochis Germanico, aut etiam, ubi ejus linguae usus sit, Polonico sermone, populo Ceremoniæ opportunis verbis explicentur: ita enim futurum, ut modus Germanice baptizandi in iis locis, ubi partim a Parochianis desideraretur, partim in quibusdam locis nunc in usu esset, pedetentim diligentia Parochorum tolli posset.

De Breviario Wratislaviensī, cujus exempla desiderarunt, Reverendissimo Domino Episcopo, approbante, Synodo placuit, usum Romani Breviarii esse introducendum, non ut Wratislaviensē tollatur, sed ut propter defectum Wratislaviensī Breviarii, recens ordinandi ad recitationem Breviarii Romani assuefiant.

Placuerunt etiam Synodo *Articuli de Cultu Divino* omnes: Ad Reformationem Clericorum condescendum erat: ejus a Capite initium sumendum, judicabat æquum Reverendissimus D. Episcopus, ac hortabatur, ut libere, ac confidenter omnes, & singuli publice indicarent, si quid in Sua Reverendissima Celsitudine emendatione dignum animadverteretur. Cum autem tota Synodus uno ore profiteretur, omnia, quæ hæcenus gesta essent, Episcopali officio, ac muneri convenientissima, & cum pietate conjuncta fuisse: preces adjiciebant, ut quemadmodum sancte cœpisset, progrediretur, mercedemque a Deo Optimo Maximo expectaret.

Capita deinde de moribus Clericorum approbant, præcipue vero ea Constitutio, ne Clerici pro aliis in causis pecuniariis fide juberent, DD. Abbatibus plurimum placuit, se unicum hoc optare, ut a fidejussionibus liberentur.

Cum autem ex Abbatibus quidam subsequenti die certis de causis abitum pararent, rogabant Reverendissimum Dominum Episcopum, ut quibus in rebus a secularibus gravarentur, benigne audire, consilium impartiri, & auxiliatrices porrigere manus dignaretur. Aquisitissimo desiderio Abbatum benigne annuit Reverendissimus, & ad omnia, & singula partim e vestigio in Synodo publice, partim etiam altera die privatim sufficienter respondit: ac in omnem eventum nec consilio, nec auxilio DD. Abbatibus quovis tempore, & occasione sese defuturum, humanissime est pollicitus, monuitque paterne, ut sequenti die omnes mane campanæ signo dato ad rem Divinam faciendam redirent, & residuis Synodi negotiis incumberent. Cate-

rum

rum insumpta jam majori parte diei, humaniter Clerum, ut cibo, & potu reficeretur, Episcopus invitavit.

Pulsu campanæ tertio, *die etiam Synodi tertia*, præcedente, in præsentia Reverendissimi Domini Episcopi, & Cleri totius, D. Abbas Vincentinus officium de S. Joanne Baptista, Patrono Ecclesiæ Wratislaviensis, celebravit. Post hæc in Curia Episcopali de temporalibus quædam proposita, eaque post diligens examen approbata fuerunt.

Tum Ecclesiæ Cathedralis Capitulum Seminarii faciens mentionem; *si idem Clericorum augetur numerus, consultum arbitrabatur, atque ob id, cum Concilium Tridentinum Sess. XXIII. cap. XVIII. de Reformatione, certum præscribat, ad Seminarii sumptus contributionis modum, rogabat, ut Reverendissimus ex Prælatiis, vel Canonicis Ecclesiæ Cathedralis unum, alium etiam Capitulum nominaret, qui postmodum ea de re consultarent, suæque Reverendissimæ Celsitudini, quid fieri expediat, referrent.* Quod Venerabilis Capituli Responsum Reverendissimo D. Episcopo non displicuit, adjecitque, Dominos Archidiaconos nudius tertius Visitationes suas obtulisse; quæ propter occupationes, sicuti oportebat, accurate revideri nondum ponerint, sed adhibiturum se Viros doctos, qui diligentius hæc expendant, & in medium consulant, qua ratione petitionibus Clericorum satisfiat.

Et cum Reverendissimus D. Episcopus tum a Prælatiis, tum ab aliis Clericis aliquoties intellexisset, quædam in Concilio contineri Tridentino, quæ non modo difficilia, sed quasi impossibilia in hac Provincia observatu essent: Episcopus, utrum ea scriptis consignata in promptu haberent, interrogabat; quæ aliqua moderatione indigerent, & quorum præcedente etiam Synodo mentio facta esset; ea enim de re ad Ss. Sedem Apostolicam tempestive ut referretur, se non prætermittendum. Cathedralis Ecclesiæ Capitulum aliquot Capita in scriptis Reverendis-

simo obtulit, rogavitque, ut dispensationem, si ita S. Reverendissimæ Celsitudini visum esset, apud Ss. Sedem Apostolicam urgeret. DD. Abbates, & Collegiatarum Ecclesiarum Capicula difficultates quasdam ex Concilii Tridentini Decretis allegabant, eas ut similiter in scriptis exhiberent, Episcopus commodissimum judicavit. Ad extremum; ubi gravamina Clerus exhibuisset, Reverendissimus Dominus Episcopus sese una cum aliquot Prælatiis & Canonicis ex Ven. Capitulo legere, ad amussim expendere, & necessitatibus eorum consulere vellet, clementer promissit.

Quibus ita peractis, cum Reverendissimo Domino Episcopo interrogante, utrum Decreta his diebus lecta approbarent, ita, ut emendata imprimi possint, reliqui annuissent: DD. Abbates conditionem adiciebant, sibi Decreta placere, in omnibus, in quibus non sint contra jura, immunitates, & Privilegia Monasteriorum, de quo solenniter protestabantur. Reverendissimus D. Episcopus protestationem eatenus admisit, quatenus non præjudicaret juri, & libertati Reverendissimi, tanquam loci Ordinarii: item Ss. Canonum, & Concilii Trid. Decretis, de quo se in contrarium solenniter protestationem interponere, ajebat.

Et hæc Reverendissimus Dominus Episcopus omnibus benignissimis verbis gratias egit; *quod ad citationem, & requisitionem ipsius, Synodi Diocesanae negotiis, quæ ex Sacris Canonibus, Provincialibus, & Synodali-bus Constitutionibus, & Concilio Tridentino sua habuerint fundamenta, interfuerint. Nihil amplius nunc superesse, quam ut ea, quæ pie, & sancte a Diocesana Synodo unanimiter constituta sint, firmiter, & inviolabiliter ab omnibus observentur, Deusque pro augmento Religionis, & Fidei Catholicæ sedulo implore-tur.*

Dataque Benedictione, omnibus licentiam abundi concessit, præterquam iis, quibus ad querelas, vel consilium impertien-dum, vel auxilium afferendum erat.

NOMINA PRÆCIPUORUM, QUI AD SYNODUM hanc Diocesanam Wratislaviæ convenerunt.

Reverendissimus, & Illustrissimus in Christo Pater, ac Dominus D. ANDREAS, Dei gratia Episcopus Wratislaviensis, Coronæ Bohemiæ Princeps Ligius, Sacræ Cæsareæ Majestatis Consiliarius, atque Supremus superioris, & inferioris Silesiæ Capitaneus, Præficiens in Synodo.

Reverendissimus D. Adamus, Episcopus Nicopolensis, & Suffraganeus Wratislaviensis.

EX CAPITULO CATHEDRALIS Ecclesiæ Wratislaviensis.

Reverendi Domini
Joannes Sitcb, Præpositus.
Adam Landeck, Decanus.

Paulus Albertus, S. Th. Doctor, Scholasticus.
Christophorus Gerstman, Custos.
Andreas Bogursky, J. U. Doctor.
Vincentius Salnius.
Balthasar Habicht, Artium liberalium Magister.
Bonaventura Han, J. U. Doctor.
Georgius Schultetus, S. T. Doctor.
Conradus Waibelius, S. T. Doctor, Vicarius in Spiritualibus, & Officialis generalis.
Casparus Hiltprandus, Art. liber. Magister.
Georgius Andreades, S. T. Doctor, Can.

EX DOMINIS ABBATIBUS.

DD.

Hieronymus, Lubensis.
Joannes, S. Vincentii Wratislaviæ.
Jacobus, Saganensis.
Nicolaus, Heinrichoviensis.
Anthonius, Camenicensis.
Casparus, Grissovensis.
Gregorius Stojanus, Zemelnicensis.
Laurentius Girlicius, Ablegatus Michaelis Walteberis, Abbatis Raudensis.
Prior in Pratis ad Glogoviam Superiorem, Ordinis Sancti Pauli, primi Eremitæ.

COLLEGIATARUM ECCLESiarUM ABLEGATI.

Glogoviæ Majoris.

Georgius Schultetus, Præpositus.
Martinus Lembusius, Decanus.
Casparus Sella, Archidiaconus.
Sanctæ Crucis Wratislaviæ.
Adamus Kessel, Artium liberal. Magister.
Nissensis.

Sebastianus Hartman, S. T. Doctor, Præpositus.

Nicolaus Tinczman, Medicinæ Doctor.
Oppoliensis.

Jacobus Zuretijs, Decanus.
Joannes Kuna, Archidiaconus.
Joannes Zwick, Custos.

Rathiboriensis.

Petrus Sebisch, Decanus.
Georgius Stephetius, Custos.

Glogoviæ minoris.

Albertus Petritz, Decanus.
Magistri Hospitalis S. Mattheæ, Ablegatus
Fr. Joannes Prussius.

Tomus VIII. Concilior. German.

Cathedralis Ecclesiæ Wratislaviensis
 Concionator, & ejusdem Ecclesiæ
 Pœnitentiarius.

Falkenbergensis.

Andreas Rosnecky, Præpositus.

PRÆPOSITI MONASTERIORUM.

Frat. Wenceslaus, Præpositus Rosenbergenfis.
Fr. Joannes Fuchs, Præpositus Zortensis.
Fr. Franciscus Welle, Præpositus in Seitsch.
Fr. Georgius Faber, Præpositus in Novo Castro.

PRIORES, & FRATRES.

Fr. Martinus Opicz, Prior ex Conventu S. Vincentii Wratislaviæ.
Fr. Albertus, Concionator Rosenbergenf.
Fr. Matbias Bütner, Senior Conventus Saganensis.
Fr. Balthasar Rothentorn, Prior ad Divam Virginem in Arena Wratislaviæ.
Fr. Paulus Soraviensis, Prior Conventus Sancti Adalberti Wratislaviæ, Ordinis Prædicatorum.
Fr. Dominicus Wansovita, Prior Conventus Suidnicensis S. Crucis, Ordinis Prædicatorum.
Fr. Blasius Gedanensis, Prior Ordinis Prædicatorum ad Ss. Petrum & Paulum Glogoviæ majoris.

PRÆCENTORES.

Zacharias Felckel, Sanctæ Crucis Superioris Wratislaviæ.
Albertus Molitorius, Sanctæ Crucis in Crypta Wratislaviæ.

ARCHI-PRESBYTERI, SEU DECANI RURALES.

Ex Wratislaviensi Archi-Diaconatu.

Melchior Jentsch, Parochus ad S. Mauritium.
Casparus Schorefius, Parochus Grotkoviensis.
M. Christophorus Lachuit, Parochus Cantensis.
Jacobus Ariemus, Parochus in Czirkowicz.
Albertus Tricesius, Richtalensis.
Stanislaus Podolsky, Ostroffoviensis.

Ex Archi-Diaconatu Glogoviæ majoris.

Matbias Heinicius, loco Parochi in Hoßkirch.
Georgius Weigel, Parochus in Preichaw.

B b b

Ex

Ex Archi-Diaconatu Legnicensi.

M. Laurentius Jonischer, Virginum in Lubenthal Pœnitentiarius.

Matthias Renner, Parochus in Olbersdorff.

Ex Archi-Diaconatu Oppoliensi.

Ex Sede Rosenbergenſi Vitus Badeslo, Parochus in Dobrodczin.

Ex Sede Streleceſi Clemens a Stock, Parochus in Groſſowicz.

Ex Sede Thoſtenſi Joannes Prziſſowsky, Parochus in Thoſt.

Ex Sede Gleywicenſi Joannes Servacius, Parochus ibidem.

Matthias Mazurek, Parochus in Petri Villa, Senior.

Ex Sede Zarenſi, & Wladislavienſi Joannes a Ploſta, Parochus in Jadlownick.

Ex Sede Ratiboriſi Georgius Richtneck, Parochus in Lyſcky.

Valentinus Sartoris, Senior.

Ex Sede Ugeſenſi Petrus Cervus, Parochus Leſnicenſis.

Ex Sede Coſlenſi Caſparus Leſſius, Parochus ibidem.

Stanislaus Wartman, Parochus in Koſtenthaal, Senior.

Ex Sede Glogoviæ minoris Sebaſtianus Radolphi, Parochus Schönoviſis.

Ex Sede Ciliçenſi loco Jacobi Rudolphi, Vincentius Matthæi, Canonicus Ratiboriſis.

Adamus Chavinus, Parochus Ciliçenſis Senior.

Ex Sede Falckenbergenſi Petrus Zmarcky, Vicarius Falckenbergenſis.

Præter ſupraſcriptos Prælatos, & Sacerdotes, in dignitatibus, & officiis conſtitutos, ex Religioſis Fratribus, Eccleſiarum Vicariis, Altiſſis, & Parochis Villarum, magnus adfuit numerus, quorum Nomina recensere ſupervacaneum videretur.

CONSTITUTIONES SYNODI DIOECESANÆ.

DE FIDE, ET RELIGIONE CATHOLICA.

De Professione Fidei.

CAPUT I.

Qui Sacras ædes, Theatra, privatasque domos magnifici alicujus operis erigere, & ſtructurarum, ſuique Nominis perpetuitati, ac memoriæ inſervire volunt, in fundamentum primo cogitationes, & labores convertunt: idque ut omni ſtudio firmant, & ſtabiliant; circulos, aliasque ex Geometrica diſciplina convenientes figuras mutuati; ad earum normam, & artificis certam delineationem, ſolum aut ante firmum occupare, aut fragile ſaxis, aliaque materia accommodata firmare conſueverunt. Fruſtra enim duraturæ molis, & ædificiorum conſtantiam ſibi pollicerentur; niſi fundamenti immobilis certitudo omnes reliquas ſtructuræ partes ad operis uſque abſolutionem, & humeris velut in ſeſe reciperet, & ſuſtuleret. Cum igitur omnes, qui Chriſti Eccleſiæ in-

ferti, ejus profeſſioni nomen ſuum vere dederunt, magnam animo moliantur felicitatis perpetuæ ſtructuram, quæ in omnem æternitatem duratura ſit; a fundamento, quod eſt FIDES CHRISTIANA, & CATHOLICA, ſine qua impoſſibile eſt placere Deo, ad imitationem Sanctorum Patrum, in hac Synodo noſtra exordium ſumendum erit: ut hoc idoneo, & inſallibili fundamento poſito, reliqua omnia facilius ſuperſtrui, & ſine ullo ruinæ metu firmius, certiusque ſtabiliri poſſint. Eſſi autem in ea Synodo, quæ Anno M.D.LXXX. (*) ab Illuſtriſſimo Principe, ac Reverendiſſimo Domino MARTINO, Epiſcopo Wratſlavienſi, proximo Anteceſſore noſtro, pia, & felicitis memoriæ celebrata eſt, omnes, qui interſuerunt Synodo, Fidei Catholicæ Profeſſionem ſecundum Bullam, ſive Præſcriptum

P II

(*) Vide Synodum hanc Tomo VII. præcedente, a pag. 873.

PII QUARTI Pontificis Maximi, solenniter præstiterunt; quia tamen ab eo tempore non pauci Prælati, Canonici, & alii Beneficiati in Domini sortem vocati accefferunt, eos fidei Professionem facere; & quæ corde credunt, tum aliis gravibus de causis, tum ut omnes intelligant, perpetuam esse debere in Ecclesia Dei concordiam, unanimitatem, & consensum, Nobis præeuntibus, ore idem profiteri, & alios etiam repetere, in hac Synodo, sicut paulo ante dictum est, æquum censuimus. Quoniam autem non sufficit, ut Ecclesiastici, quorum exiguus numerus est, soli credant, aut soli officii ac muneris sui admoncantur; sed ad Dei Optimi Maximi gloriam, ad Catholicæ Religionis propagationem, & ad Christianæ Reipublicæ utilitatem pertinet; ut in hac fide Catholica omnes, qui Christi Ecclesiæ inferi sunt, illique nomen dederunt, instruantur; sequentes *Articulos*, seu *Constitutiones*, in Synodo conscriptas, salvis tamen prioribus Decretis, tam Diocesana, quam Provincialium Synodorum, ac reliquis Ss. Ecclesiæ Catholicæ, inprimis vero Oecumenicis, & Ss. *Concilii Tridentini* Præceptis, Sanctionibus, & Ordinationibus, ubi a Ss. Sede Apostolica justissimæ censuræ trutina examinata, & approbata fuerint, imprimi, & publicari curabimus, ut ad omnium æque notitiam perducantur. Omnes igitur Christianos, & præcipue Ordinis Ecclesiastici Viros, sicuti Catholicam Religionem profiteri, & pro illa etiam laudabili Sanctorum Martyrum exemplo vitam, & sanguinem profunderè paratos esse decet; ita Salvatoris nostri Præceptis, qui pollicitus est, coram Patre suo eos sese agniturum, qui in hoc mundo ipsum confessi essent, & Sacrosancto *Concilio Tridentino Sess. XXIV. Cap. XII. de Reformatione*, adducti statuimus, ut in posterum nemo ad quancunque Prælaturam, Canonicaum tam in Cathedrali, quam Collegiatis Ecclesiis, ad Parochiam Mansionariam, vel Vicariam, vel ad munus concionandi, priusquam solennem Fidei Professionem fecerit, ullo modo admittatur. Et quoniam experientia constat, tenella puerorum ingenia, quidquid in puerili

ætate imbibunt, tenacissime retinere, & ad Præceptorum nutum atque exemplum sese conformare; statuimus, ut Scholarum Rectores, Magistri, Baccalaurei, & alii, qui pueros literis Germanice legendis, & scribendis, atque in Arithmericis rationibus instituunt, ab Archi-Diaconis, & Visitatoribus compellantur, quo hanc Fidei Professionem faciant, ut securius, & tutius pueri illorum institutioni concedi possint. Inposterum etiam ad hujusmodi officia exercenda in Civitatibus non admittantur, nisi fidei Professionem faciant, atque etiam, si Ordinario visum fuerit, stipulata manu promittant, se nec libros lascivos, aut suspectos, illis prælecturos, aut quidquam contra Catholicam Fidem unquam docturos. Idem observari volumus de Fidei Professione in iis, qui Religionem aliquam ingredi volunt, idque, ut ante annum probationis fiat: cum indignum censeamus, ut, qui ad perfectiorem statum aspirant, de Fide, & Religione veluti dubios suos Superiores relinquant. Et hæc quidem Fidei Professionem coram Nobis, vel nostro in Spiritualibus Vicario Generali, flexis genibus, & debito cum reverentiæ honore præstanda erit.

De forma Professionis Fidei.

CAPUT II.

Forma autem hujus Professionis nulla alia sit, quam quæ Bulla, sive Rescripto PII QUARTI Pontificis Maximi hæc, quæ sequuntur, verbis est comprehensa:

Ego N. firma fide credo, & profiteor omnia, & singula, quæ continentur in Symbolo Fidei, quo Sancta Romana Ecclesia utitur, videlicet:

Credo in unum Deum Patrem omnipotentem, &c.

Nomina eorum, qui Fidei Professionem quovis in loco fecerint, Tituli item Beneficii, seu Parochiæ, sive Ecclesiæ, ad quam quisque promovendus, vel jam promotus sit, Episcopalis Cancellariæ regestis peculiaribus inferantur, nemoque sine Authentico Professionis Fidei Testimonio ad pos-

sessionem Prælatuſ, Canonici, vel Parochiæ Manſionariæ, Vicariæ admittatur.

De Concionatoribus.

CAPUT III.

Qui agris conferendis occupantur, in ſemine deligendo non poſtremam, imo præcipuam ſerme curam habent, quod alias feraciſſimum, & bene excultum ſolum, ob ſeminis imperfectionem ſpem ſerentis fruſtratur. Seminis autem perfectæ vivaciſſimam tantam norunt eſſe vim, & efficaciam, ut terræ etiam qualitate non nihil reſiſtente, ipſa cultura lætis culmis, ac ariſtis proveniat, & enaſcatur, fructu copioſo abundet, & meſſe locupletet. Ut igitur in agro fidei apud populum noſtræ Diœceſis ſimilis fructus exſpectari poſſit: præter Symbolum Fidei, quo Sacroſancta Romana Eccleſia utitur, & præter Articulos omnes in eo contentos, quos populus firmiter credet, vivo & vivifico Verbi Divini ſemine opus erit. Statuimus itaque, ut omnes Prælati, Parochi, & alii, ad quos munus docendi ſpectat, diligenter omnia dogmata Catholicæ Religionis populo ſummo ſtudio, & cura, cum in publicis Concionibus, tum privatim etiam quavis commoda occaſione proponant, & ut quam plurimos Chriſto lucrifaciant, perennem, & ſalutarem operam navent. Fieri enim non poteſt, quin ex aſſidua cultura in cordibus humanis ſeges læta proventura ſit; cui pullulanti, & naſcenti Miſericors Deus rorem Benedictionis aſperget, & fructum æterna beatitudine fœcundabit. Ad hanc rem & cumprimis ad prædicandi officium ſeligantur Viri Catholici, pii, graves, & maxime idonei, qui tam vita, quam doctrina populo præeant, & qui morum integritate, & cognitione Scripturarum Utriuſque Teſtamenti, quam maximam in Vineâ Domini facere conentur meſſem.

Quid docere debeant Concionatores.

CAPUT IV.

Articulos de hominis juſtificatione; de Miſſæ Sacrificio: de Sa-

cramentis: de invocatione Sanctorum: de veneratione Reliquiarum, & Imaginum: de Purgatorio: de Indulgentiis, & Votis: & ſi qui ſunt alii, qui a ſelectis Neotericis in dubium impie vocantur, Parochi fideliter explicant; quid credendum ſit, doceant; prudenter etiam calumnias diluant Hæreticorum, qui Sacramenta, & Articulos Fidei, & Ceremonias Eccleſiaſticas, & totum denique Cultum Divinum, ac Religionem Catholicam cum aliis paſſim, tum præcipue ad imperitam, & nimis credulam multitudinem plebis indefinenter calumniari non verentur. Dum diebus Dominicis, & aliis diebus Feſtis Evangelica Hiſtoria populo legitur, Parochi, & Concionatores circumſpecte quippiam ex controverſiis pro Auditorum capto explicabunt. Quodſi Parochus ejus eruditionis non ſit, ut dilucide, ac ſolide ejusmodi quæſtiones tractare poſſit: ſatius erit ab ipſo ſimpliciter veritatem, omiſſa diſputatione proponi. Hortetur autem populum ad timorem Domini, ad Religionem Catholicam conſtanter retinendam: vel ſi Catholicus non ſit, ad amplectendam eandem, ad bona opera exercenda, & ad pie vivendum: dehortetur contra ab omni ſcelere, flagitio, atque ab his maxime vitiis, ad quæ peculiariter homines ſuæ Parochiæ ſenſerit propendere.

Ordo quis a Concionatoribus ſit obſervandus?

CAPUT V.

Prædicationis in Eccleſia Dei munus præcipuum, ac pernecceſſarium cum magno adminiſtretur fructu, ac utilitate, ſi modo recte, & ex ſincera charitate erga Deum, & proximum, & ſecundum præcepta, & exempla Sanctorum Patrum, qui hæc profitentes, fidei Catholicæ propagatione plurimum Eccleſiæ contulerunt, exerceatur; neceſſarium eſſe duximus, Curatis omnibus, iis præſertim, qui parum moratæ plebis Reſtores ſunt, certum modum præſcribere, quo ad utilitatem eorum, quos inſtruunt, ipſorum officium poſſimum dirigatur. Idcirco ſtatuimus, & ordinamus: ut Paro-

Parochi auditoribus suis præter Evangeliorum explicationem partes Catechismi Romani certis anni temporibus, & hoc quidem ordine, explicandas sibi sumant: A die Epiphaniæ ad Quadragesimam usque, decem Præcepta Dei: In Quadragesima de Poenitentia, & Eucharistiæ Sacramento: Tempore Paschæ de Baptismo, & Confirmatione: Circa Festum Pentecostes de Oratione Dominica: Post Festum Trinitatis Symbolum Apostolorum. Et sic unius anni circulo reliquas Catechismi partes absolvant. Expedi etiam, ut doceant plebem Apostolicarum Traditionum, & Sacrarum Ceremoniarum ordinem, vim & institutionem: quo religiosus, & majori cum reverentia, omnes pietatis capaces illam excellentem harmoniam penitus cognoscant, & amplectantur. Indulgentiarum literas in omnibus passim Ecclesiis revideri ab ordinariis Visitatoribus, & ad consolationem animarum a Parochis, & aliis Concionatoribus certo tempore, quod ex circumspccto Visitatorum arbitrio constituetur, ex Cathedra publicari, & promulgari jubemus. In genere autem ex Sacrosancti Concilii Tridentini Decretis statuimus, ut nemo, Nobis contradicentibus, prædicare præsumat.

De Concionatoribus Regularium.

CAPUT VI.

Idem quoque observandum est quoad Regulares ex Decreto Concilii Tridentini, quod etiam cautum est, ut nullus Regularis Canonicus, aut Monachus, cujuscunque ordinis, prædicare præsumat, ne in suis quidem Ecclesiis, nisi Superiorum suorum licentia, & morum, vitæ, & scientiæ examen, & approbatio præcedat. Qua in re longe utilis adhibenda erit cautio, ut eorum quilibet ejusmodi consensus apud Nos fidem faciat, & benedictionem petat. In aliis autem Ecclesiis, quæ Ordinum non sunt, præter concessionem suorum Superiorum, eamque recentem, & legitimam, sine licentia nostra nullo modo possunt prædicare. Monachi autem erronei, qui,

nomine solum Regulares, extra claustra, & obedientiam Religionum suarum hinc inde oberrant, & divagantur: Presbyteri item, ejus conditionis sæculares (nisi sint Nobis noti) ne in Civitate, vel Diœcesi conciones faciant, sunt prohibendi. Ne Parochi, aut Concionatores sedulitatis, & laboris jacturam faciant, suoque munere sine fructu fungantur, quod fit, si plebs a Sacris, & concionibus absit: Præfatis, & Magistratui in omnibus Ditionibus nostris serio injungimus, ut tempore Concionum & Divinorum Officiorum, otiosam, & bibulam turbam a tabernis, e foro, & plateis abigant, & ut concionibus, & Divinis Officiis intersint, nisi legitimis causis impediuntur, diligentissime hortentur, vel potius autoritate sua omnino curent.

Hortamur autem omnes alios, cujuscunque ordinis, vel status fuerint, ut in locis, & Dominiis sibi subiectis idem fieri curent. Id cum Christianæ pietati convenientissimum sit, omnino futurum, Nobis plane persuasum habemus.

A quibus Concionatores abstinere debeant.

CAPUT VII.

Cum homo omnis ad humanitatem, & bene dicendum natus sit potius, quam ad insigendum mordacis linguæ aculeum, aut ad inspergendam factis alienis labem; id præ cæteris Concionatores Religiosi, & sæculares meminisse debent: quos serio moneamus, ut in suggestu a scommatibus, maledictis, & convitiis omnino abstineant. In confesso est enim, si semel, atque iterum ejusmodi dictis asperiores infixerint morsum; vulnus aut difficillime per sanari, aut, si sanetur, cicatricosum nihilominus relinqui locum; quod in publico convitia passi exacerbatiores magis ac magis redantur, eosque odio habeant, quos veluti Patres, & salutis assertores, alias venerati fuissent. In quæstionibus controversis si mentio pro concione fiat, moderata linguæ temperies adhibenda, & cavendum est, ne temere convitia jactent, sed salva Catholicæ

unitatis veritate charitatem, & benevolentiam eiga omnes præ se ferant. In reprehendis criminibus gravitatem adhibeant, & prudentem aliquam vehementiam, iracundiæ omnis expertem, & vitia quidem redarguant solum, neminem autem unquam nominatim perstringant, nec ullo signorum genere detegant: nullum ordinem, statum, aut tribum asperius appellent, multo minus aperte & nominatim vel Ecclesiasticum, vel Civilem Magistratum reprehendant. Nocturno tempore nemini liceat concionari, nec, dum die habetur Concio, in eadem Ecclesia clara, vel submissa voce Missæ legentur, vel Horæ Canonice decantentur, nec Baptismi Sacramentum eadem hora, nisi necessitate aliud exigente, administretur, vel quidquam aliud agatur, quod Concionatorem ipsum, vel Auditores turbare possit.

Si Concionator errores aut scandala in populum disseminare deprehendatur, aut alius Sæcularis, vel Regularis, contradicentibus Nobis, prædicare præsumat, iis sine mora conciones interdici mandamus.

Quales Libros Parochi habere debeant?

CAPUT VIII.

UT Rectores Ecclesiarum secundum sanam Scripturæ intelligentiam Verbum Dei annuntient, librorum vere Catholicorum honesta suppellectili instructos esse eos oportet: Statuimus igitur, & mandamus, ut omnes Parochi præter *Sacra Biblia* unam, & alteram *Postillam* Catholici Scriptoris, qualis est *Thomæ Stapletonii*, *Ludovici Granatensis*, *Jacobi Feuchtii* &c. &c. *Catechismum* item *Concilii Tridentini*, *Summam Sylvestrinam* *Francisci de Victoria*: *Doctores Navarra* *Rationale Divinorum Officiorum*. *Directorium audiendi confessiones Polanci*; & *Authorem* præterea approbatum, qui fidei tractet controversias, sibi comparent: neque alicui Parochiam credi volumus, qui aliquos saltem prædictorum librorum non habeat. Curæ autem erit Nobis, ut apud Bibliopolas Nissenfes tales libri venales reperiantur: ne apud

Parochos ob penuriam exemplorum exculationi ulli supersit locus. Parochi villarum, qui legitimo impedimento tempore pomeridiano Christianam doctrinam, & Catechismum juventutem docere non possunt, ante concionem Orationem Dominicam, & Salutationem Angelicam: post concionem Symbolum Apostolorum, alio vero tempore Præcepta Decalogi, quinque Præcepta Ecclesiæ articulata voce recitent, & juvenus præeuntem imitetur, & paulatim adducat.

De Proclamationibus post Concionem.

CAPUT IX.

INdecorum, quinimo ineptum est, Sacra profanis misceri. Huic, ut salubri occurratur remedio, Statuto nostro expresse, & serio cavemus, ne proclamationes fiant in templis quarumvis rerum, quæ ad sæcularem magis negotiationem quandam, quam ad Ecclesiam pertineant: ut sunt: venditiones domorum, agrorum, & ejus generis etiam leviorum.

De Lectionibus Sacris.

CAPUT X.

CONsueverunt Medici peritiores in periculosis, & acutis morbis omni cura variarum medicinarum compositiones, ex artis suæ penetralibus desumptas, in promptu habere, ut contumacium morborum lethalem vim frangant, usu medicinæ præstantis arceant, aut corpus jam ægrum restituant sanitati. Id in hæresum quoque morbis, ubi cum corpore anima in periculo versatur, faciendum esse, Ss. Concilium Tridentinum censuit: cuius Decretis insistentes statuimus, ut a Parochis quidem ubique pro concione Evangelium explicetur, Fides Catholica doceatur; apud Ecclesiam vero Cathedralē, tanquam in loco ob majorem frequentiam Prælatorum, Canoncorum, aliorumque Sacerdotum magis celebri & honorato, singulis septimanis bis, vel semel ad minus legatur *Lectio Theologica*, qua contro-

versi

verſi articuli hujus temporis explicen-
tur, & Adverſariorum argumenta,
Catholicorum dogmata impugnantia
refutentur, & velut antidotus præſen-
tiſſima veneno ſectariorum oppona-
tur. Hora lectionis ea præſigatur, quæ
Vicariis Manſionariis, & reliquis Sa-
cerdotibus, & Clericis in præſendis
Horis Canonicis, & Cultui Divino
in Eccleſia, nullum afferat impedinen-
tum.

In Schola Civitatis noſtræ Niſſen-
ſis, ubi propter Seminarium Clerico-
rum, & Pædagogium Nobilium ſæcula-
rium major eſt Scholaſticorum nûme-
rus, & frequentia: præter Lectiones
controverſiarum, caſuum etiam conſci-
entiæ Lectione bis vel ter in ſeptimana
ſecundum captum auditorum adjicia-
tur.

Abbates Wratiſlaviæ commoran-
tes, Fratres ſuos, qui nec in Semina-
rio noſtro Niſſæ, nec in aliqua Aca-
demia ſtudent, ad Lectiones in Inſula
Wratiſlavienſi audiendas mittant. De
reliquo omnes Abbates juxta antiquas
conſuetudines, & Statuta Provincialia,
& *Concilii Tridentini Decretum*, in ſuis Mo-
naſteriis, & Conventibus Magiſtrum
Theologiæ, qui Sacram Scripturam
interpretetur, alant, ut ſuo tempore ex
ipſorum gremio idonei ad Monaſteria
gubernanda, aut Eccleſias Parochiales
regendas inveniantur.

Sed & Catechiſmum Parochi, ma-
xime in populosis oppidis, & locis,
vel mane, vel a prandio doceant: vel
certe advigilent, ut Ludimagiſtri, &
Pædagoi in Scholis pueris fidei Rudi-
menta ſedulo inculcent.

De Libris.

CAPUT X.

Celebrium Rerum publicarum Hi-
ſtoriæ præter cætera laudabiliter
conſtituta, hoc non in poſtrema po-
ſuerunt laude, quod ſcurriles libros
ob dicacitatem & ingenii virulentiam
urbe ſua interdixerint; ne illorum le-
ctione caſtis, & honeſtis civium mori-
bus aliquid venenatæ mordacitatis in-
ſtillaretur. Eandem enim cautionem
adhibendam in moribus, & vita cen-

ſebant; quam peſtis contagioſa lue ſæ-
viente, alii naturæ ductu ad conſerva-
tionem ſui adhibere conſueverunt: cu-
jus ut ſævitiæ effugiant, antidotis ex
variis terra naſcentibus utuntur, &
fructus, odores, liquores, peſti ſpe-
cifica vi adverſantes, ab extremis
Indis petunt; inprimis vero cavent, ne
in loco infecto commorentur, cum ex
aëris contagioſi attactu nihil niſi certum
veneni periculum, & mors ob oculos
verſetur. Hanc induſtriam Nos quo-
que imitari æquum eſt, ut & morum
honeſtatem, vitæque integritatem, po-
pulo Chriſtiano dignam; in Diœceſi
noſtra conſervemus: arceamus autem
potiſſimum ea hæreticorum librorum
venena, ex maledici, & blaſphemi pro-
fecta ſpiritus ſuggeſtione, quæ peſte
eo nocentiora ſunt, quo magis præci-
puam humanæ eſſentiæ partem, ani-
mam videlicet, invadunt, ac æternæ
damnationi, & cruciatibus obnoxiam
reddunt. Remedium autem vix ullum
efficacius reperitur, niſi ut infeliciffi-
mæ hujus infectionis occaſio evitetur:
quod fiet, ſi Concionatores, & Parochi
ſedulo invigilaverint, ut hæreticorum
libri improbatæ lectionis extirpentur:
ſicut Nos vigore hujus Conſtitutionis
ſerio omnibus mandamus, inprimis
vero Clericis, qui populum docent,
ne libros ejusmodi apud ſe retineant,
aut alios ſuæ commiſſos fidei habere
patiantur: neque illos libros interno-
ſcere difficile erit, cum jam pridem in
certum catalogum relati, & a Patribus
Sr. Concilii Tridentini, ac a Pontificibus
Maximis damnati fuerint; quod Ss.
Sedes Apoſtolica videret, omnes lucu-
brationes, ex Hæreticorum prodeun-
tes officina, perennes eſſe fontes, qui
perpetuum ſcaturiunt virus, & inſtar
aconiti ſuccum proferunt lethalem.
Hujus præcavendi cauſa iterum man-
damus, ne Prælati, & Curati ullo mo-
do in locis eorum juridiſctioni ſubje-
ctis, eos importari, aut publice vendi,
aut quovis modo in fidelium manus
devenire patiantur. Qui monitis ob-
ſecundare noluerint, ii Commiſſariis,
& Officialibus denuntientur, ut contu-
maci licentiæ huic opportunum fræ-
num injiciatur. Et ne ignorantia ſit
excusaio, operæ pretium erit, cata-
logum

logum librorum prohibitorum singulis annis Nissæ in convocatione Parochorum post Ss. Paschæ festivitatem; per Archidiaconos vero Archipresbyteris, & per hos reliquis subjectis Parochis in suis congregationibus, quas certis anni temporibus habere tenentur, publicari. Nemo etiam Curatorum propria auctoritate ad ejusmodi librorum lectionem accedat, sitque memor gravissimarum Constitutionum, quæ a JULIO TERTIO, & a PAULO QUARTO, aliisque Romanis Pontificibus, fel. rec. hac de re editæ sunt. Quod si quis damnatæ illius lectionis libros aliquos scienter apud se retinuerit: intra octodecim dies a fine hujus Synodi, sub pena & multa arbitraria Visitatoribus ordinariis tradi volumus.

De Parochis.

CAPUT XII.

Qui in civilibus vitæ humanæ actionibus, muniisque gubernandis prudentiam consultricem adhibent, eo respiciunt maxime, ut rebus gerendis dignos, & idoneos præficiant; rati hoc valde opportunum felici successus medium esse, & imperitos, parvique judicii homines plus sæpius detrimenti, quam commodi publicæ rei afferre.

Id in Ecclesiæ negotiis similiter ut observetur, cum magna æquitate, ac usu maximo conjunctum censemus. Sicuti igitur in tota passim Diœcesi exactissimum habere delectum volumus, dum animarum cura sæcularibus Sacerdotibus credenda est, ut præstantiorum, potiorumque habeatur ratio; ita similiter in Monasteriorum Parochiis hanc desiderari circumspectionem novimus; ideoque ex *Ss. Concilio Tridentini* præscripto sancimus, ut occurrente vacatione Parochialium, quæ juris Patronatus Abbatiarum, aut alias Ecclesiasticæ fuerint, servetur ad unguem, quod salubriter constituit idem Concilium Tridentinum *C. XVIII. Sess. XXII. Vers. Si vero juris Patronatus*: In Beneficiis autem curatis, unitis Abbatibus, aut aliis Regularium Monasteriis, servetur Decretum ipsius Concilii *C. VII. Sess. VII.*

atque *Constitutio PII V. fel. rec. de Vicariis perpetuis*. Si vero ipsismet Monasteriis, aut domibus Regularium cura animarum imminet, observandum utique esse, quod habetur Decreto *Cap. XI. Sess. XXV. de Regularib.* Nulli autem Parocho, vel Rectori Ecclesiæ admissio, & approbatio, suam Parochiam, Beneficium, Ecclesiam sine licentia nostra expressa deferere, & alio migrare liceat. Monachi vero, vel Regulares, cujuscunque sint ordinis, aut status, rejecti a suis Abbatibus, Superioribus, vel Prælatibus, Paræcias sub aliis non obtineant, nisi causam dimissionis in scriptis legitimam probent. Meminerint autem Abbates, ne Fratres suos jam Professos, licet inobedientes, aut etiam rebelles, ex Monasteriis ita dimittant, ut neglectis votis, sæcularium vivendi morem sibi assumere ausint: sed juxta Ordinis sui Regulam digna animadversione in viam revocent, vel contumaces, addito vitæ, ac morum vero testimonio, ad aliud Monasterium Ordinis ejusdem dimittant.

Eam si habet negotiorum multitudo peculiarem veluti viam in plerisque humanis rebus; ut varietas, & copia accuratam, quæ alias adhiberi poterat, diligentiam excludat, aut torpidiorem reddat; multo magis in Ecclesiasticis muniis id usu venire certo constat. Bene igitur cum Ecclesiis agi arbitramur, si unica ab unico Rectore, curam animarum habente, pie, fideliter, & sufficienter gubernetur. Occasio alicujus incommodi ut evitetur; volumus, ut nemo plures Ecclesias Parochiales etiam juris Patronatus obtinere possit, quamvis earum fructus valde tenues existant, nisi a Sede Apostolica dispensationem obtinuerit: cum multitudo segniora efficiat officia, & necessum sit, quosdam subditos aliquot Dominicis diebus prædicatione Verbi Dei, & Ss. Missæ Sacrificio, & Sacramentorum administratione negligi, & defraudari.

De Archi-Diaconis, & quod præcipuum eorum in Visitatione officium esse debeat?

CAPUT XIII.

BOni Pastores præter eam, quam adhibent curam, ne oviculæ pascuis commodis, ac pabulo sufficienti destituantur, sylvarum quoque latebras indagare, & perferutari soliti sunt, an lupus aliquis in insidiis ibidem lateat, qui prædæ causâ gregem invadere, & oves rabido dentium morfu dilaniare possit; cognita enim luporum vicinitate Pastores diligentius excubias agunt, canum custodias adhibent, & malum a grege arcent, & averunt. Parem sedulitatem, imo accuratorem ab animarum Pastoribus requiri, & Salvatoris nostri admonitio, & ipsa ratio docet. Idcirco statuimus, ut Archidiaconi in suo quisque Archidiaconatu, Parochos Catholicos & obediētes non solum visitet, lepram a non lepra dijudicet, & Christi, ejusque Ecclesiæ Catholicæ insertas oves a sectariis secernat, & tueatur; verum etiam lupis illis pro viribus omnem in gregem Dominicum irruendi præcludat vigilanti oculo commoditatem. Opportunum erit hac de causâ, Archidiaconatum Ecclesias, & Paracias annotare, quæ & quo tempore a Fidei Catholicæ unitate desciverint, cujus jurisdictioni in temporalibus subjecti sint, quam sectam Lutherine, Calvini, aut Schwenckfeldii &c. &c. amplectantur. Ad hæc an Parochiani omnes ea sectariorum lue, & luporum morfibz infecti sint: an aliquibus pestiferum vulnus perlanari, & ex famelicis faucibus bestiarum eripi possint. Ita enim jacula prævisa minus ferient, & notæ Sectariorum latebræ minus extimescendæ erunt: quin contra, circumstantiæ certa consignatione exhibitæ, ad defendendum, tuendum, & augendum ovile, magnum adjumentum præbebunt.

De Scholis.

CAPUT XIV.

Julianus Imperator, magnus ille apostata, & acerrimus Christianorum persecutor, omnem Christi

Tomus VIII. Concilior. German.

doctrinam radicitus evellere, & extirpare volens; callidissimum reperit inventum; & in toto Romano Imperio Christianis Scholas interdixit. Animadvertit astutus veterator, frustra adultiores, & constantis ætatis homines dogmate imbutos esse, si juventutis institutio tolleretur. Quo enim fundamento niti debebat Religio, si illud dirueret, brevi temporis spatio, maximam doctrinæ Christianæ jacturam in Christiano populo futuram, argutis oculis prospiciebat. Neque res humanæ rationis calculo, successu fuisset destituta; nisi idem apostata Julianus, qui ex Persico rediturus bello, funera crudeliter voverat Christianis, & excidium minatus erat; in conspectu sagitta lethaliter vulneratus, cælos aspiciens, & impiis his verbis: *Vicisti Galilæe*, sermonem ad Christum convertens, crudelem animam efflasset. Evidentissima igitur Scholarum necessitas, vel Nobis tacentibus suadet: idque etiam hac Constitutione sancimus, ut tanti ædificii tam in Ecclesiastica, quam Politica Republica fundamentum primum ubi vis conservetur, & opportunus ad id in civitatibus, oppidis, & pagis etiam majoribus, ubi prius non sit, eligatur locus, & hæc prior adhibeatur cura; secundaria, ut in Scholis habeantur Præceptores Catholici, probatæ vitæ, ætatis justæ, eruditionis, ut locus & officium exigeret, sufficientis. Hique cum ad id muneris eliguntur, fidei Professionem juxta Constitutionem Sanctæ mem. PII Vri, & Decretum a Nobis superius editum, emittant: Iis mandamus serio, ut unum, eundemque Catechismum Petri Canisii prælegant, cum variis Authorum Catechismis ingenia puerorum confundantur. Universim Scriptoribus Catholicis solummodo locum in Scholis concedimus, suspectos autem omnes plane proscribimus, & perpetuo exilio mulctamus. Nam ut Theologica omittantur, plerumque etiam Grammatici, Dialectici, & Rhetorici libri, a Sectariis vario errorum cumulo contaminati in lucem prodeunt, unde infectionis periculum imminet juventuti: Superiorum inspectio, a quorum voluntate in assignandis prælectionibus, & Authoribus probatis,

C c c

Præ.

Præceptores nunquam recedent; huic malo occurret, & salutarem manum adhibebit. In Germanicis Scholis idem Catechismus germanice proponendus, & explicandus est.

Porro Præceptores diebus Festis, & maxime Dominicis, hora aliqua conveniente Symbolum Apostolorum, Orationem Dominicam, Salutationem Angelicam, Decalogum, Præcepta Ecclesiæ, & alia, quæ in Catechismo continentur, pro captu, & ingenio puerorum pueris, qui literas non didicerunt, explicant. Atque huic negotio in oppidis, & pagis Pastores, ac Sacellani, aut Clerici, Scribæ, aut alii ad hoc idonei incumbant. Prælati Ecclesiarum tam Cathedralis, quam Collegiatarum, & Monasteriorum, subditorum suorum filios ad Scholas Hæreticorum mitti serio prohibeant, eosque potius Catholicis Præceptoribus instruendos mandent tradi. Plurimi inopes, cum numerosa prole abundant, quorum indoles magnum in literis progressum pollicetur, ac paupertas parentum, quo minus ad frugem perveniant, & emergant, filiis obstaculo sit: hortamur omnes Ecclesiastici ordinis Viros, aliosque ex bonis Ecclesiasticis viuentes, ut ipsi in tanta necessitate Ecclesiæ, & Religionis Catholicæ iuvandæ commoditate, promptos, hilares, ac liberales se præbeant, & pauperum, & vilioris conditionis hominum filios in studiis liberaliter juvent. In primis ferme Rudimentis literarum indoles quemque commonstrabit, an ad graviores disciplinas idoneus videatur. Si ad altiora aspirantes in mediis subsistent, vel id non infrugiferum erit. Visitatores cum alias visitant, Scholas non prætergrediantur: idem faciant sapius, quibus ex officio id peculiari-ter incumbit.

De Librariis.

CAPUT XV.

Non liceat cuivis, de rebus Fidei & morum, ad ædificationem doctrinæ pertinentium, quidlibet ulla ratione scribere, vel imprimere, vel impressos libros divendere, aut apud se retinere, aut scripta etiam commu-

nicare, sine Superiorum Ecclesiasticorum licentia, & examine, ac nostra approbatione (quæ in fronte, vel sine libri scripti, vel impressi apponenda est) sub pœna anathematis, ac arbitraria pecuniæ, & amissionis librorum. Similiter nec Librariis, Bibliopolis, & Typographis concessum sit, in nostras Ditiones ullos Sectariorum libros importare, advehere, & ibidem exponere venales. Quocirca vetustiorum Provincialium Synodorum exemplo statuimus, ut singulis annis ab iis, quibus munus visitandi incumbit, vel quibus Nos hoc committimus, Bibliopolarum libri venum expositi visitentur. Quilibet autem Parochus apud suæ Parochiæ Patresfamilias caute inquirat, an libros hæreticos in suis domibus habeant, & si quos deprehenderit, Visitatoribus, vel Nobis significet.

Ne in locis, jurisdictioni Ecclesiasticorum subjectis, dissensionis, & perfidiæ spiritus disseminetur, injungant omnes suis Præfectis, ut quoad ejus fieri potest, neminem jus Civitatis acquirere, aut in Senatum cooptare sinant, aut ad officia honoratiora admittant, qui non prius, se Ecclesiæ obtemperaturum, receperit.

DE CULTU DIVINO, ET ECCLESIIIS.

CAPUT I.

Cum omne illud, quod in Templis manufactis agitur, totum in nobis spiritali reædificatione compleatur: ipsaque Domus Dei in terris constituatur, ut in ea fidelium suorum exaudiat preces, visitet animum, excitet affectum, suæ gratiæ surroget auxilium, & Nominis conservet cultum; merito sane ejusmodi locorum dignitatem, & reverentiam pro viribus tuemur. Et quoniam compertum est, non raro Ecclesias sine Antecessorum nostrorum licentia, ac sine ulla dote ædificatas esse, quæ sanctæ testæ conservari, & pro decore Domus Dei exornari nequeunt; Statuimus, ut nulla Ecclesia de novo in posterum a quocunque quan-

quantumvis pio ducatur zelo, absque permissione nostra, extruatur. Cum vero ex nostra licentia constituenda fuerit, fidelium in hac Diœcesi auctior numerus, & insignis, ac manifesta utilitas novam erigi Ecclesiam veluti coheret; ad hanc litus decens, honestus, & populi capax deligendus erit, ab aliis ædibus tantum distans, ut commodò circumiri spatio possit: Altare vero majus Orientem versùs in ea constituitur. Ante doris vero assignationem sufficientem, ullum construi Templum prohibemus; quia enim ad rem Divinam faciendam, & cultum peragendum, conservandam etiam ipsam Ecclesiæ structuram, redditibus opus est; ne, si his careat Ecclesia, posteaquam ædificata, & consecrata fuerit, in profanum usum vicissim converteretur. Domicilia nostra maximis sæpe sumptibus exornare, & aeris intemperiem, ac injuriam arcere consuevimus: majorem adhibemus solertiam ad corporis deperditas, aut labascentes vires recuperandas: quanto æquius est, in ædibus Deo constructis, & dedicatis fieri, in quibus preciosissima salutis nostræ pharmaca conficiuntur; ipsa nimirum Sacramenta administrantur, animæ Dei Verbo pascuntur; ut nimirum integræ ab omni detrimento, & injuria conserventur. Et Collegiatis, vel alicujus Monasterii, vel Prælati ruinas, vel collapsas Ecclesias, Capitula, vel Prælati earum; Parochiales autem instaurentur ex fructibus & proventibus, ad easdem Ecclesias quomodocunque pertinentibus: qui (*) non fuerint sufficientes, omnes Patroni, & alii, qui fructus aliquos ex dictis Ecclesiis provenientes percipiunt, aut in eorum defectum Parochiani opportunis mediis reficere, & restaurare cogantur, quacunque appellatione, exemptione, vel contradictione remota, quemadmodum opportune sancitum est Decreto Tridentini Concilii Cap. VII. Sess. XXI. Ab iisdem nundinationes, & mercatus Laicorum arceantur: accessus, in villis præsertim, muniatur, ne brutis animalibus ullus pateat ingressus: & eo tempore, quo Divina celebrantur offi-

cia, aut conciones ad populum habentur, deambulationes, nugæ, & risus minime tolerantur, ut Domus DEI domus orationis & videri, & dici vere possit.

Non sine dolore intelleximus, quasdam Ecclesias, & Oratoria publica in profanos usus converti, ita ut in iis deponantur, quæ ejusmodi locum minime decent, utpote ligna, asseres, cementum, grana, arma bellica, &c. Hæc ut deformitas tollatur, ex omnibus Ecclesiis omnino hujusmodi amoveri, aut alias opportune accommodari mandamus, ne Domus Dei suo decore destituatur. Quod si in villis, præter Ecclesiam, nullus reperitur ad arma bellica aservanda locus, in secretiorem aliquam Ecclesiæ partem, ne in conspectu sint, poterunt reponi. Nemo etiam absque dote idonea, & licentia nostra, Oratorium aliquod publicum constituat.

Ciborium picturis Sacris ejusmodi exornetur, quæ populum doceant, in eo Venerabile Sacramentum Corporis Christi aservari, & quæ ad adorandum incitent. Lychnus olei, in lampade, vel candela accendatur; ad minus tempore Divinorum officiorum, si tenuitas proventuum non fert, ut perpetuo ad honorem tanti Sacramenti ardeat.

Curati omnes certum aliquem locum ad confessiones excipiendas in Ecclesiis suis constituent, neque is retro Altare, aut in obscuro aliquo Ecclesiæ angulo existat.

Suggestus pariter, ex quo Conciones ad populum habentur, opportune, & decenter per Vitricos Ecclesiæ, Parocho monente, erigatur.

De Altaribus.

C A P U T II.

Cum plerique Beneficiatorum, piarum oblii foundationum, Altaria sua, ornamenta, sacramque suppellectilem vel negligent omnino, vel minus æque curent, minusque instructam, aut

(*) Supple: si.

Tomus VIII. Concilior. German.

aut ornatam habeant; mandamus, ut intra tres menses post hujus Synodi publicationem, ornamenta sacra Beneficiati reficiant, & Altaria exornent, prout honestas, & loci pietas postula-verit: alioquin per alios, Beneficiato-rum tamen impensis, cavebitur, ne quid indignum patiatur Domus Domini: in quem usum & fructus arrestare licebit. Idem faciendum de domibus Beneficia-torum, ut tempestive instaurentur, perpetuoque, usufructuarius sump-tibus, conserventur in debito suo statu; sic tamen, ut habeatur ratio proven-tuum, ne, plusquam par est, sese gra-vari Beneficiati conquantur.

De suppellectili Ecclesiarum.

CAPUT III.

Patresfamilias, civilitatis, & mun-dicie in re domestica studiosi, suppellectilem etiam mundam amant; nec satis censent, reliquam domum cœnaculis, & cubiculis exornatam esse, nisi mundities in utensilibus appareat. Non absimili modo Nos quo-que æquum censemus, ut in re sacra administranda, præter templi structu-ram, arasque affabre, Sculptoris, & Pictoris, aliorumve Artificum manu præparatas, & devotioni accommoda-tas, supellex quoque Ecclesiæ munda, & nitida fervetur. Quare in Ec-clesia Cathedrali, Collegiatis, & Mo-nasteriis Sacristanis, in Parochialibus vero Parochis curæ erit, ut corporalia, & purificatoria, quæ ubi aliquando ob frequentem communionis usum im-munda fuerint, a Clerico, saltem Dia-cono, laventur, in vase ad hoc pecu-liariter destinato; postea vero Monia-libus dentur, ut purius lavent. Ubi Moniales non sunt, dentur alicui honestæ matronæ; quod si vetustate attrita fuerint, in cineres concrementur, qui in Sacrario, in locum peculiarem projiciendi erunt. Quæ nova substituantur, ea ex purissimo, & mundissi-mo linteo fiant, & in medio actu non pingantur.

Monemus omnes, quibus Eccle-siæ commissæ sunt, ut paramenta, & ornamenta omnia, ad Ecclesias spectan-tia, ut sunt: Cruces, vexilla, thuri-

bula, vasa aspersoria, imagines, sive sculpriles sint, vel depictæ, pulvina-ria, mappas, seu vela, calices, & pa-tenas, manutergia, capsulas, ampul-las, corporalia, superpellicea, albas cum stolis, manipulis, casulis, fim-briis amictis, Monstrantiis, & quibus-cunque aliis, ad cultum Divinum, & ministerium pro Sacerdotibus necessa-riis, recte, munde, & tute conservent, eademque reficere, & augere studeant. Vestes Sacerdotales, & ad cultum Di-vinum benedictæ, in profanos usus non convertantur; sed ex antiquis cas-ulis, dalmaticis, & pluvialibus, pulv-inaria, bursæ corporalium, cooper-toria librorum, reliquiarum, antipen-dia, & alia hujusmodi fiant. Et quæ non sunt consecrata, consecrentur ad-huc, reparentur vastata, & destructa, atque diligenter prospiciatur, ne ro-dantur per mures, vel per vermes. In Sacristiis habeantur cistæ, & almaria ad hæc sufficientia, & munda, & recte disposita. Si aliquid pareretur novi, non prius sacris adhibeatur usibus, quam ab Episcopo, vel ejus Suffraganeo be-nedictum fuerit. Nullæ imagines, quæ imperitæ plebi ad obscœna magis, quam ad devotionem, & pietatem in-citamentum præbent, in Ecclesiis sta-tuantur. Quæ vero antiquitate viden-tur esse consumptæ, renoventur; mul-tilæ autem, & truncatæ, aut reparentur, aut tollantur, neque in Processionibus publicis hujusmodi deformes imagines circumferantur.

Sancta antiquitas organorum con-centum, & instrumenta musica in Ec-clesiis ad meræ devotionis, & pietatis usum haberi jussit; nihil igitur sæcu-lare, vanum, aut amatorium, organistæ atque musici unquam sonent, aut can-tent.

Cœmeteria, fidelium dormitoria, ne in vanos, & seculares convertantur usus, tuto claudantur; ne quadrupe-dibus pateat ingressus: atque in eorum medio, ubi loci commoditas tulerit, Crux erigatur.

Baptisteria servantur munda, caute clausa, ac ita parata, ne aqua effluat, habeantque opercula non spurca, sed honesta, ornata, & aliquo colore de-picta.

pieta. Rector etiam Ecclesiæ claves ad Baptisterium solus custodiat, & nemini concedat.

Aquam benedictam, quæ singulis annis, adhibitis Oleis Sacris renovanda est, ex Baptisterio nemini dent, vel concedant, postquam Sacrum Chrisma est admixtum; cum notorium sit, homines sæpissime iis ad superstitiones, fascinationes, & maleficia horrenda abuti.

De Sacramento Baptismi.

CAPUT IV.

Cum Ceremoniæ, quæ in Sacramenti Baptismatis administratione adhiberi solent, ab hæreticis rideantur, eamque ob causam nonnulli in baptizandis infantibus easdem prætermittant, aut ad libitum mutant; mandamus omnibus Curatis, & Rectoribus Ecclesiarum Parochialium, ut quando antiquissimos Ecclesiæ ritus in Baptismo parvulorum exhibent, sicuti eos sancte observari volumus, nonnuncquam brevem aliquam catechesin de eorum origine, institutione, seu fine, ad susceptores, & astantes faciant, maxime eo loco & tempore, ubi & quando aliquem contemptum & horum rituum, & Latinæ linguæ, in qua peraguntur, oriri posse probabiliter subvererentur. Parochus cum honore & reverentia Baptismum conferat, diligenterque advertat, ut unus tantum Patrinus, vel ad summum unus & una admittatur, qui infantem de fonte levent, inter quos spiritualis cognatio contrahitur, ut *Concilium Tridentinum in Cap. II. Sess. XXII.* habet. Et quia in hac tota Provincia a multis jam annis usitatum est tam apud Nobiles, quam apud plebeios, ut ad infantum suorum Baptisma quamplurimos invitare soleant: diligenter Parochi sciscitabuntur, quos ex illis pro veris Patrinis habere velint, eosque in librum, quem peculiarem ad hoc habere tenentur, una cum nomine infantis, Patris item & Matris, & certa anni ac diei consignatione annotabunt. Advertent autem, ne Baptismi formam immutent, aliquid addendo, minuendove; eandemque obsterices, quæ aliquando,

dum Sacerdos tanta celeritate adesse non potest, & mora periculo non vacat, infantes baptizant, doceri curent. Quod si infans in necessitatis articulo ante baptizatus, ad Ecclesiam deportaretur, & dubium esset, an obsterix rectam Baptismi formam observasset, eum nonnisi adjecta conditione baptizent: nimirum: *Si non es baptizatus, ego te baptizo In Nomine Patris, & Filii, & Spiritus Sancti. Amen.* Adhortentur Curati suos Parochianos, ne infantes ad Sacrum Baptismi fontem, & lavacrum deferendos diu detineant; sed quanto citius baptizare curent, nec ullo modo ultra octavam diem Sacramentum, tam ad salutem necessarium, differri patiantur. Præterea Susceptores, seu Patrinos infantis erudiant de ipsorum officio: quod baptizato, tanquam filio spirituali, impendere, & Christianæ Religionis rudimentis fideliter imbuereteneantur. Nec permittant illis ridicula, vel gentiliū, & impiorum hominum nomina imponi; sed eorum potius, quorum fidem, & virtutem Christianam in cœlis jam dudum novimus esse remuneratam.

De Confirmatione.

CAPUT V.

Quandoquidem illis, qui a Christo Rege in militiam conscripti, & adversus spirituales nequitias, & tenebrarum potestates, dum vivunt, continuo pugnare coguntur, salutariter provisum est per Confirmationis Sacramentum; quo fortiores, & confirmatiores ad profitendum Nomen Domini JESU CHRISTI efficiantur: illud sane cum devotione amplectendum est. Singulis itaque annis opportunis temporibus, & maxime, si fieri potest, circa Festum Paschæ, & Pentecostes Dominus Suffraganeus ad celebriores, & magis populosas Civitates se conferat, & id Sacramentum administret: per Parochos autem populus de dignitate & præstantia hujus Sacramenti prius erudiatur, quem & ad eam Civitatem certa præscripta die evocare Parochi debent. Quo vero majori cum fructu, & utilitate hoc Sacramentum a fidelibus percipiatur, omnes

Curati adultos admoneant, ut nonnisi post peccatorum suorum confessionem, & si placuerit, Eucharistiæ sumptionem, ad Confirmationis Sacramentum accedant. Infantes rationis impotes, & qui ad septimum ætatis annum nondum pervenerunt, non confirmantur; nisi rationabilis aliqua causa contrarium suadet; quod confirmantis prudenti arbitrio relinquitur. Observabunt etiam, ne confirmandi absque Susceptore, vel Patrino compareant, qui dextra suscipiat, confirmandum teneat, offeratque Episcopo administranti hoc Sacramentum. Admonendi etiam sunt, ex Confirmationis Sacramentum inter confirmantem, & confirmatum, illiusque patrem, & matrem, ac tenentem, cognitionem spiritualem contrahi, & Sacramentum hoc, sicut Baptismum, reiterandum non esse.

De Eucharistia.

CAPUT VI.

Cum Divinum illud, & admirabile Sacræ Eucharistiæ Sacramentum, panis Angelorum, animarum nostrarum salutare medicamentum, Viaticum salutis æternæ, & pretiosum futuræ gloriæ pignus, summa cum religione, & cultu administrari debeat: & a fidelibus participari tanto frequentius, quo majori cum dispendio animæ illius usus intermittitur; Idcirco Parochi, omnes laicos homines utriusque sexus adhortabuntur, ut Sacrosanctam Eucharistiā, nisi legitimum adsit impedimentum, ad minimum quater in anno, in Pascha quidem ex præcepto; in Festis vero Pentecostes, Assumptionis Beatissimæ semper Virginis Dei Genitricis MARIÆ, & Nativitatis Domini nostri JESU CHRISTI, ex pia devotione sumant. Licet autem ab initio Christianæ Religionis aliquando unius, aliquando utriusque speciei usus fuerit; progressu tamen temporis Sancta Mater Ecclesia, gravibus & iustis causis adducta, consuetudinem sub altera specie communicandi approbavit, & pro lege habendam decrevit. Quoniam vero ex indulto quodam a felicis record. PIO PAPA QUARTO concessio Regno Bohemiæ, cui Pro-

vincia hæc & Dicecesis Wratislaviensis incorporata est, laicis Calicis usus sub certis forma & conditionibus permixtus fuit; quæ tamen in ejus exhibitione, quantum experimento comperimus, non servantur, seu a communicantibus implentur: nec plerumque usus hujusmodi recte aut decenter, ut deberet, a Sacerdotibus administratur; idcirco Nos Sanctæ Catholicæ, & Apostolicæ Ecclesiæ veterem generalem, atque approbatam consuetudinem, quoad, Domino suffragante, poterimus, servare, & restituere cupientes, Dilectis Nobis in Christo Scholarum Rectoribus & Magistris, præsentis Decreti tenore præcipimus, & mandamus, ut, quos instituunt, vel erudiunt Scholares in Scholis parochialium Ecclesiarum, ad unius speciei usum sedulo adhortentur, & suo, aliorumque exemplo assuesciant, & fideliter de ejus veritate pro capto eorundem informant: & quia parentes, & propinqui Scholarum a Communione unius speciei filios subinde retrahere solent, Parochus, & Scholæ Magister, communicatis consiliis, cum parentibus, & propinquis agant, eosque diligenter, & benigne admoneant, ne huic ordinationi, quæ inter cætera ad ipsius scholasticæ disciplinæ conformitatem retinendam plurimum facit, contradicant. Quod tum obtinebunt facilius, ubi illos accurate docuerint, ex fide Catholica esse, tantum sub una, quantum sub utraque specie contineri, ac ita Sanctam Ecclesiam semper credidisse. Parochi etiam & Confessarii in audiendis confessionibus, confitentes, ubi opus erit, de veritate hujus Sacramenti, & legitimo ejus usu instruant, eisque sedulo inculcent, magis necessarium, & tutius esse; ut se religiose, & antiquissimæ consuetudini Sanctæ Matris Ecclesiæ accommodent, quam ut paucorum Neotericorum, non recte utentium, exemplum perperam imitentur. Omnes jejuni, parati, ac ab omni prius peccati letiferi sordibus per confessionem expiati, ad hoc Sacramentum accedant, admoneanturque universi a suo quisque Parocho, ut in Sacramenti Eucharistiæ dispensatione astantes, genua flectant, atque pio cordis affectu Sanctissimum

sumum hoc Sacramentum adorent. Ad infirmos Venerabile Sacramentum, una ad minimum Hostia in Ciborio relicta, deportetur debita cum reverentia, luminaribus videlicet accensis, & signo campanulæ adhibito : Sacerdos vero stola, & superpelliceo decenter ornatus, inter eundem Psalmos recitet, moneatque Parochianos suos, ut illud devote comitari non intermittant; neque properanter, sed moderato & gravi incessu progrediatur. Et cum Summos Principes advenientes, summo honore excipere, & comitatu nos adungere soleamus; summum quoque honorem huic Sanctissimo Sacramento, in quo Rex Regum præsens est, ut exhibeamus, recta ratio, & Sacri Canonos nos docent. Quocirca diligentem operam dabunt omnes ii, ad quos hujus Sacramenti administratio pertinet, ut in iis Ecclesiis, ubi fieri potest, sub baldachino, seu umbella, tam ad ægrotos, quam in Processionibus publicis deferatur. Cubiculum quoque infirmi ab omnibus fordidibus, & inquinamentis purgetur, atque sacris exornetur imaginibus. Mensa etiam, in qua hoc Sacramentum reponi possit, munda, mappa recta, & luminaribus accensis sit parata. In Ecclesiis habeantur vascula argentea, in quibus utraque species tuto, absque effusione, & corruptione conservari, & ad infirmos deferri possit, maxime in iis locis, ubi utriusque speciei usus adhuc retinetur. Sacra Hostiæ bis, vel semel in mense renoventur. In eorum vero gratiam, qui sub utraque specie hoc Sacramentum sumere contendunt, in frequentioribus communitatibus, utpote Civitatum, & oppidorum, utraque species asservari poterit, & sæpius renovari. In locis vero ruralibus nonnullorum infirmorum consuetudini, qui utramque speciem petunt, annuendum est, si prius Missæ Sacrificium Pærochus celebraverit: ubi infirmi, ne ad extrema vitæ momenta hujus Sacramenti usum semper differant, a Pærochis sunt admonendi.

De Sacrificio Missæ.

CAPUT VII.

UT eorum rationem haberemus, ad quos animæ cura in communitatibus duntaxat agricolarum pertinet, hunc certum ordinem circa Missarum Solemnia, diebus Dominicis & Festis peragenda, inter ipsos observari volumus, eumque maxime ad eorum, quibus præsent, devotionem accommodatum, quæ multis adminiculis, ut infirmitati & simplicitati eorum consulari, suffulcienda est. Post tertium campanæ pulsus, & aquæ lustralis benedictionem, peracto circuitu, in quo publice preces ab Ecclesiâ de more instituuntur; Sacerdos pluviale, quo indutus erat, ante altare deponat, casulam assumat, & Missam continuo exordiat, Schola, vel Ministro Ecclesiæ Introitum Missæ, *Kyrie eleison*, & *Gloria* concinente: quibus finitis, & Epistola jam lecta, Præcentor cum tota communitate aliquem Sacrum Hymnum in vernacula lingua ipsis familiarem, loco Gradualis decantet: Post Evangelium, & Symbolum decantarum, Sacerdos casulam ante altare deponat, suggestum ascendat, & plebem Verbi Dei prædicatione reficiat. Absoluta concione, & precibus de more dictis, ad altare iterum accedat, & assumpta casula Sacrum continuet. Post elevationem Ss. Eucharistiæ, quam populus flexis genibus adorare debet, alius hymnus in lingua vulgari decantetur, & Sacro finito, populum data benedictione in pace dimittat. In illis vero Ecclesiis ruralibus; in quibus hymnos vulgari lingua decantari consuetum non fuit, sed ubi totum Officium latine canitur, nihil immutandum est: quin imo Pærochos hortamur, ut in Ecclesiis ruralibus, ubi Scribæ, & Scholares sunt, omisiss germanicis Hymnis; dum celebrant, consuetudinem latine cantandi totum officium Missæ introducant. Curabimus autem eorum, qui maxime huic Mysterio, & Fidei Catholicæ integritati congruunt, delectum fieri, & quemadmodum ordine secundum Missæ partes, & Festi solennitates decantari debeant, typis excudi.

Sanci-

Sancimus præterea, & præcipimus, ne quis Sacerdos solus ad celebrandam Missam accedat, sed ad minimum unum adhibeat Ministrum, qui eum modeste una cum libro, dum e Sacrastia ad Altare progreditur, antecedit, & ad publicas orationes Ecclesiæ nomine det responsum. In Altari, quod decenter ornatum, & duabus mappis, seu tobaleis tectum esse debet, duæ candelæ ardeant. Præter corporale mundum sit etiam substratorium: palla, qua calix tegitur, non ex membrana, sed puro sit linteo, & cum purificatorio, non cum sacculo, calix mundeatur. Sacris vestibus iidem, nec laceris, nec sordidis, nec male compositis se induant: sic induti nemini loquantur, aut per Ecclesiam discurrant, vel inter celebrandum inquiete circumspectent.

Cum de Sacrario egrediuntur, id faciant demissis oculis, non festinanti, & incomposito incessu: genuflexiones in actione Sacri Canonis circa consecrationem hostiæ, & calicis: item quotiescunque post consecrationem hostiæ, & calix est tractandus, decenti motu corporis fiant, manibus altari innixis, & scabellum subpedaneum flexo genu dextro attingant.

De Pœnitentia.

CAPUT VIII.

Cum regeneratos, postquam ad rationis usum pervenerunt, ex Dæmonis suggestionem, erga Deum infestet ingratitudo, ut iustitiam ipsius beneficio, & gratiam in Baptismo susceptam ægre conservent, & tueantur, sæpe etiam prorsus amittant eandem; noluit sane omnipotens, & in misericordia mitissimus Deus, opus manuum suarum omnino perire, qui ob peccati servitutem in Dæmonis potestatem devenissent: sed Pœnitentiæ Sacramentum, quo lapsis post Baptismum beneficium mortis Christi applicatur, in remedium vitæ instituit. Ab illius igitur salutari usu & fructu, ne aliquis ignorantia vel errore, quod hoc sæculo frequenter evenire solet, desistat, sed ad eum quærendum utiliter excite- tur; idcirco statuimus, ut posthac in

iis locis, ubi major necessitas, vel evidens utilitas propter populi frequentiam id postulaverit, de confessione peccatorum instituenda in initio Quadragesimæ Catechismus hunc in modum doceatur. In Ecclesia inter pueros duos prius ad hanc rem instructos, & idoneos, dialogus fiat, de requisitis, & ad confessionis integritatem, & pœnitentiæ veritatem pertinentibus: idque in præsentia Parochi, cui curæ erit, aliquid explicatus, si tantum utilitas id requireret, adjicere. Parochis ad hoc utile erit, ut diligenter se exercent in lectione alicujus Summæ casuum conscientiæ, & librorum superius a Nobis nominatorum.

In administratione hujus Sacramenti eandem omnes & formam verborum, & absolvendi observent modum. Forma talis sit: *Ego te absolvo ab omnibus peccatis tuis in Nomine Patris, & Filii, & Spiritus Sancti, Amen.*

Modus autem hic est: *Miserere tui omnipotens Deus, & dimissis omnibus peccatis tuis perducatur te in vitam æternam. Amen. Dominus noster JESUS CHRISTUS, qui est Summus Pontifex, te absolvat, & ego auctoritate illius, licet mihi indignissimo, concessa, absolvo te inprimis a vinculo excommunicationis, suspensionis, interdicti, & quantum possum, & tu indiges, deinde te absolvo ab omnibus peccatis tuis in Nomine Patris, & Filii, & Spiritus Sancti, Amen. Passio Domini nostri JESU CHRISTI, & merita Beatissimæ, semperque Virginis MARIÆ, & merita Sanctorum omnium, & quidquid boni feceris, & mali sustinueris, sit tibi in remissionem peccatorum, in augmentum gratiæ, & premium vitæ æternæ. Amen.*

Ante festum Paschæ, aut in Quadragesima singuli Parochi singulas ob- eant domos, inquirantque diligenter, & inscribant numerum eorum, qui & confiteri, & Sacram Eucharistiam sumere teneantur. Animadvertant deinde, an confessi fuerint, & communicaverint: hoc enim modo agnoscant oves suas, & eos, qui ad Eucharistiam non accedunt. Non prætermittant etiam parochianos suos exhortari, ut ad hoc Pœnitentiæ Sacramentum (cujus administratio laboriosissima est) non demum in Vigilia S. Paschæ accurrant, sed

sed potius, si fieri possit, in oppidis certis tribus: in villis vero, ubi ad unam Ecclesiam plures villæ pertinent, communitatibus villarum certos nominant dies, quibus ad conscientias exonerandas Ecclesias accedant: præter id integrum erit cuivis, animi sui puritatem frequenti peccatorum confessione conservare.

Medici advertant, ne facile ægroti suscipiant curam, antequam ipsi de spiritali salute fuerit provisum, a qua ad corporalem medicinam salubrius proceditur; & salubrem PII V. sanctæ mem. observent Constitutionem de ægrotis post triduum non confessis, per Medicos non invisendis.

Quotiescunque evenerit, ut Confessarius pœnitentem, qui in casum reservatum incidisset, absolvere non possit, eum ad Nos, vel ad alium, habentem facultatem absolvendi, mittat; sin pœnitens id facere recuset, suscipiat illi curæ Confessarius, ut tacito nomine illius, & caute, ne sigillum confessionis violetur, casum referat ad eum, qui ejusmodi facultatem habet, & absolutionem impetret.

De Extrema Unctione.

CAPUT IX.

Quemadmodum Clementissimus Salvator noster servis suis quovis tempore voluit de salutaribus remediis adversus omnia omnium hostium tela esse prospectum; ita Extremæ Unctionis Sacramento finem vitæ, tanquam firmissimo quodam præsidio munivit, maxime cum vehementissimos adversarii nostri insultus sub finem vitæ experiamur. Non igitur intermittant Parochi hoc Sacramentum fidelibus administrare periculose infirmantibus; idque decenter peragant, stola, & superpelliceo induti, capite detecto, lumine accenso, adhibita unctione Sacri Olei sub consueta forma: Per istam unctionem indulgeat tibi Deus, quidquid oculis, auribus, & similibus deliquisti: neque omnes corporis partes intungant, sed eas duntaxat, quibus natura hominis tanquam organis sensuum prædita est: videlicet oculos, pedes &c. sicuti in Agenda habe-

tur: partes inunctas bombyce, aut stipa abstergant, ejusque combusti cineres in Sacrum mittantur.

De Sacramento Ordinis.

CAPUT X.

Um Sacri conferuntur Ordines, character invisibilis animæ imprimitur, magnæque ad Sacra Mysteria peragenda, & dispensanda tribuitur potestas; ideo tanto magis ordinandorum qualitas attendenda est, quanto ex illis, dum minus caute discernuntur, majora in mentibus fidelium scandala, & Divini cultus contemptus deinceps generantur. Quia igitur a minoribus Ordinibus ad altiores gradus, & Sacra Mysteria ingressus obtinetur; neminem iis initiari volumus, quem non scientiæ spes majoribus Ordinibus dignum ostendat, quemadmodum *Tridentinum Concilium* constituit. Hi vero ad Sacros Ordines Presbyteratus posthac non admittantur, nisi absque mora Diaconi facti, & nisi aliter Nobis visum fuerit, ad nostrum Seminarium Clericorum se recipiant, atque in eo tam diu, donec totum illud tempus, quod pro majoribus Ordinibus consequendis a jure statutum est, ibidem commorentur. Quo fiet, ut accuratius, quantum sit hujus disciplinæ pondus, edoceantur, ac in unoquoque munere juxta præscriptum Superiorum istius loci exerceantur: & Sacramentorum præterea tradendorum, maxime quæ ad confessiones audiendas, videbuntur opportuna, & rituum, & ceremoniarum formas ediscere queant. Regularibus duntaxat exceptis, qui tamen, nisi institutionis suæ, morum, & doctrinæ coram Examinatoribus nostris sufficientem rationem dederint, nequaquam in Ordinandorum numerum adscribantur. Convenit autem ad majorem reverentiam, & majestatem huic Sacramento conciliandam, ut cum cantu solemniori Sacri Ordines in Ecclesia Cathedrali, nisi Nobis, vel Suffraganeo nostro aliud visum fuerit, conferantur præsentibus & assistentibus Ecclesiæ Canonicis, & Prælati. Cum ab Archidiacono ordinandi examinantur, Suffraganeus una cum Domino

Scholastico, Officiali, & Cathedralis Ecclesiæ Concionatore, & Notario Capituli ab ipso Archidiacono vocentur, simulque in Curia nostra, vel alio loco commodo conveniant: ii interrogent ordinandos de omnibus, quæ ipsos scire oportet. Quod si quis prædictorum Dominorum iusta de causa examini interesse non potest, alius, ut substituat, licebit.

De Matrimonio.

CAPUT XI.

Hortamur contrahentes Matrimonium; ut in Ecclesia, non alibi contrahant; eosdemque monemus, quod, nisi ex *Tridentini Concilii* præscripto Parochum, & testes adhibuerint, Matrimonium irritum erit, & contrahentes, ad sic contrahendum erunt inhabiles. Ut impudentium hominum vitetur temeritas, qui frequenter per fraudem ac nefas, multas diversis locis uxores ducere audent: mandamus, ut *Concilii Trid.* ea de re servetur Decretum, ne temere Pastores homines ignotos cum Sacramenti contumelia conjungant: & ne quis alterius Parochianos, sine expressa Parochi, aut nostra licentia ac facultate, audeat copulare.

Proclamationes ante Matrimonium veteri more consuetas, & Decreto *Concilii Trid.* demandatas, non omittant Pastores; examinenturque contracturi, num aliquo impedimento prohibeantur, ut conjuges inter se esse non possint. Si conjecturam habeat Pastor impedimenti, Nos, seu Archidiaconos, & Commissarios nostros consulat, antequam Matrimonio jungat, de quibus dubitat. Qui legitimum impedimentum sciens reticuerit, & nihilominus conjunxerit, arbitrariam, certam tamen pœnam, incurret.

De Ceremoniis, & Officiis Divinis.

CAPUT XII.

Ceremoniæ Catholicæ in multis Ecclesiis nostræ Diocesis negligenter peraguntur. Cum autem his pietatis, & Religionis Christianæ signaculis simplicium mentes in Dei cogni-

tione eleventur, aliorumque Christianorum corda in commemorationem beneficiorum, a Divina Bonitate collatorum evehantur, & ubi fides, & devotio accrescat, Spiritus Sanctus operetur, ac præsentium animos moveat efficaciter; convenit sane, ut illæ sic in Ecclesiis religiose conserventur. Nullæ vero ceremoniæ noviter inventæ, & non approbatæ in Ecclesiis peragantur, aut recipiantur sine nostro iudicio, & approbatione. Et cum non raro contingat, ex aliena Diocesi Parochos in hac Diocesi Parochiis præfici, & eosdem, ritus in celebratione Missarum, ac aliarum Ceremoniarum, ac Sacramentorum administratione diversos adferre, diversis etiam Agendis uti; operam dabunt Archi-presbyteri, ut ab omnibus uniformis modus, & ratio observetur, quæ in Agenda Ecclesiæ Metropolitanæ Gnesnensis de Ceremoniis Ecclesiasticis fuit promulgata.

De Processionibus.

CAPUT XIII.

IN publicis supplicationibus, ac stationibus obeundis, quarum Scriptura attestante, magna est, & utilis necessitas, adhortamur omnes in Domino, ut in iisdem supplicationibus modestiæ, & pietatis memores, a qualunque levitate, risu, colloquio, & confabulatione abstineant, eaque devitent, quibus Divina Majestas magis ad iram provocatur, quam ad miserationem inducitur. Quilibet propterea Clericorum habitu decenti, & Ordini suo convenienti induatur, locum suum competentem occupet, Rosaria, vel Breviaria in manibus gestet.

De Cantilenis Germanicis.

CAPUT XIV.

Cum etiam ex antiquo more juxta diversitatem temporum diversæ cantilenæ in lingua vernacula in Ecclesiis hujus Diocesis a fideli populo vel ante, vel post concionem soleant decantari; eam sane consuetudinem, ut laudabilem, & devotioni plebis inferviemtem approbamus; & perseverare cupi-

cupimus : ita tamen , ut nulla cantio cantetur , quæ non in libello , quem in hunc usum singulariter imprimi curabimus , contineatur . Porro illi cantionum libri , qui ab hæreticis sunt compositi , vel qui hæresin sapere videntur , quibus Ministri Ecclesiarum in quibusdam locis uti consueverunt , omnino tollantur .

Ministri Parochiarum , quos Scribas vocant , absque vestitu , & habitu corporis decenti , quo se Ministros esse Dei & Ecclesiæ demonstrent , in Choro psallere , aut cantare non audent .

De Reliquiis.

CAPUT XV.

UT Reliquiis veris Sanctorum , in quibus Spiritus Sanctus aliquando habitavit , & quæ de futura corporis glorificatione nos commonefaciunt , debitus honor exhibeatur ; eas in honestis loculis asservari , in loco conspiciue ornato collocari , nec non in publicis fidelis populi deprecationibus & supplicationibus cum omni veneratione circumferri mandamus . Prohibemus etiam , ne a Laicis , cujuscunque sint ordinis , vel dignitatis , Reliquiæ parum reverenter attingantur , tum ne quisquam ex capsulis , vel reliquiariis , absque nostra licentia aliquid eximere præsumat : secus facientes dignis pœnis coercerentur .

De Horis Canonicis.

CAPUT XVI.

AB eo tempore , quo divinitus , primum e medio plebis selecti sunt , qui essent Sacerdotes Dei Altissimi , Sacerdotum semper fuit officium , orare pro populo : quamvis enim Christus vere Summus Sacerdos tempore novæ Legis uno Sacrificio sui Corporis in Cruce mundi peccata tulit ; orationis tamen necessitas neganda non est , cujus certe præcipua cura Ecclesiæ Ministris incumbit .

Meminerint igitur omnes , & singuli in Sacris Ordinibus constituti , Sanctionis illius , in *Lateranensi Concilio* promulgatæ , & a PIO V. Pontifice felicis recordationis amplius declaratæ ,

Tomus VIII. Concilior. German.

quomodo illi , qui in precibus Canonicis absolvendis negligentiores reperiuntur , pœnas amissionis fructuum Beneficii incurrant , noverintque , tales cum condigna satisfactione ad restitutionem esse compellendos .

De Breviario Romano.

CAPUT XVII.

INTER multa , quæ Religionis Catholice commendant unionem , plurimum etiam facit uniformis precandi , & orandi ratio , & modus . Cum Romana igitur Ecclesia in dicendis , psallendisque Horis Canonicis conformitatem inducendam laudabile censemus , cum quod Breviarium Diocesanicum a nonnullis minus castigatæ lectionis infimuletur ; tum quod Romani Officii accuratior perfectio , & integritas usum ejus omnibus Ecclesiis commendet , facile in promptu sit , jamque a multis Diocesanicis , & inprimis *Nissa in Seminario Clericorum* recitetur . Idcirco statuiimus , & ordinamus , ut ab omnibus Clericis sæcularibus , quocunque nomine censeantur , hujus officii usus posthac recipiatur . Ad officia vero quod attinet , quæ in Choro Ecclesiæ sub Notis Gregorianis decantantur , dabimus operam , ut primo quoque tempore ad Romani Breviarii formam , quoad fieri potest , accommodentur . Quemadmodum & ea , quæ de Patronis hujus Provinciæ peculiariter habentur , seorsim imprimi curabimus , ut Breviariis Romanis apte inferi queant .

DE MORIBUS.

CAPUT I.

SI diligenter ea expendimus vitia , quæ passim his deploratis Sæculis selectissimum Christi ovile infestant , vix gravius , aut perniciosius sese offert , quam quod in ipsis Dominici gregis Ductoribus reperitur , a quibus præclara bonorum operum exempla , & vitæ merita expectanda erant . Quare diligentiori opus esse censemus admonitione , ut si totum ovile sanum , & integrum cupimus , omnia ea a Pastoribus rescemus , unde infectionis in

D d d 2

grege

grege periculum metuat. Si enim unica ovis morbida a toto gregis corpore secernitur, & removetur; ne contagio in reliquis serpat, cum unius, quam multorum jactura levior sit; quis non videt, in ovili Christi multo majorem sollicitudinem requiri, ut non solum morbida oves excludantur, verum etiam opera detur, ut cujus manu, & ore pascendæ & nutriendæ sunt oves; a cujus dispensatione & cura, gregis vel salus, vel perniciēs dependet, is integra sit valetudine, incorruptis moribus, planeque vitiis vacuam, & insontem afferat mentem. Quod facile eveniet, si & officii sui, & se Pastores, & Sacerdotes Dei esse, sanguinemque ovium ab eorum manibus requirendum meminerint: si Sanctorum Patrum exempla in memoriam revocaverint, qui corpus, & animam Deo consecrantes, exteriores etiam sensus & affectus ita refrænarunt, ut luculentissimo sui exemplo cum intima humilitate, & conspicua integritate omnia ad gloriam Dei, & proximi ædificationem conferrent.

Neque vero sufficit Sacerdotem a vitiis immunem esse; quinimo decet, ut virtutum gemmis exornatus in populi conspectum prodeat, & munere suo fungatur: certoque sibi persuadeat, nullum rei Ecclesiasticæ bene feliciterque administrandæ, & populi procurandæ salutis efficacius præsidium esse, quam si de virtutibus differenter, velut speculum virtutum coram inspiciant, & admirentur.

Admiratio enim ad imitandum incitat, & allicit, mirabilem amoris nexum conciliat, acciditque, ut ad monitoris, vel ducis exemplum suos quoque mores componere, & accommodare conentur, & in emendationis progressu inter sese certent.

De Castitate.

CAPUT II.

OMnes, & singulos Clericos, inprimis vero Prælatos, & Canonicos serio monemus, & adhortamur, ut se ipsos omni tempore & moribus conspicuos, & pietati, castitati que deditos

exhibeant. Contra eos autem, qui in conspectu populi decus Sacerdotale per sceleratam concubinitas sceleratam turpiter prostituere non verentur, & in maximum animarum suarum detrimentum in eo perseverant, cum scandalo suspectas personas in domo, vel extra detinentes; Constitutionem Sacri Concilii Tridentini, tanquam salubre remedium opponimus: ut, nisi infra mensem unum post hujus Synodi publicationem, quam vim habere volumus preceptoris monitionis, ab hujusmodi excessu reipsa, ac serio destiterint, atque personas hujusmodi penitus dimiserint, pœnas in Concilio Tridentino, & in priori Synodo Diocesana constitutas, ipso facto incurrant.

De Sobrietate.

CAPUT III.

Qui ebrietatem voluntariam dixerunt insaniam, eamque si in pauciores producat dies, sæpius in manifestum evadere furorem; plurimum historiarum tam sacrarum, quam profanarum exemplis edocti retulerunt. Quotquot enim ex summis Monarchis, & terrarum Principibus turpi huic ingurgitationis vitio obnoxii fuerunt, ii cum alias nec numerofo hostium exercitu, nec imbrium æstu, aut frigoris inclementia & horrore vincebantur, hoc unico bibendi insatiabili ardore & scypho fatali victi, Majestatem suam vario vitiorum genere labe factatam prostituerunt; ut de plebis fece mentionem faciamus nullam, apud quam eo turpiora flagitia ex hoc vinoso ebrietatis fonte scaturiunt, quo plus affectuum imperio regitur: ut in omni genere detestandus sit ingurgitationis luxus, quod tam corporis, quam animæ infirmitatis causam, & materiam tribuat. Tum vel maxime in Ecclesiastici Ordinis hominibus, quorum sensus in perpetua Divini Ministerii actione vigere debet.

Ad evitandum vero ingens, & periculosum malum occasiones primo abruptendas esse censuimus. Itaque si aliqui ex Clericis, dignitatis suæ immemores, in publicis tabernis ex amore luxus, non necessitatis alicujus even-

eventu, versari, & scandalosius vivere præsumant, in eos per Officiales, seu Commissarios nostros, diligentius animadverti, & deprehensum, pro qualitate delicti, arbitraria pœna volumus mulctari. Multo major pœna illos maneat, qui pridie inebriati ad tremenda Mysteria peragenda accurrerint, non expiati legitima pœnitentia, & ab aliquo designatorum Confessariorum absoluti. Est enim valde absurdum, præposterum, & indignum, quod Sacerdotes velint omnem reverentiam huic Sacramento a laicis exhiberi, quam tamen ipsi moribus, ac religione sua non declarent; & impudentissimo audiant ore, quod crapulam pridianam non decoxit, ad tantum Sacrificium accedere.

De Confessione.

CAPUT IV.

AD animi puritatem conservandam cum maxime valeat peccatorum confessio, præcipimus omnibus, & singulis Sacerdotibus, ut quater ad minimum intra anni circulum peccata sua vere confiteantur suis Archi-Presbyteris, vel alteri Sacerdoti licentiam habenti: & de hoc requisiti a Visitatoribus per Schedam fidem facere teneantur subsequenter tenoris: *Anno tali &c. die tali &c. Sacramentaleni peccatorum confessionem mihi N. fecit N., quod ego propriæ manus subscriptione testor.* Quod si quis salutis suæ deprehenderetur æquo negligentior, nec huic ordinationi nostræ locum dederit, ut impietatis suæ pœnam aliquam luat, illi partem fructuum suorum ipsi defalcandam statuiamus, quæ fabricæ Ecclesiæ, aut alteri pio loco, arbitrio nostro, applicetur.

De Habitu.

CAPUT V.

ET si habitus non facit Monachum, oportet tamen Clericos tam sæculares, magis autem Regulares, & Monachos, vestes proprio congruentes Ordini semper deferre, ut per decentiam habitus extrinseci morum honestas intrinseca ostendatur: & cum inoleverit tanta non solum Clericorum

sæcularium, sed & Regularium, & Monachorum temeritas, Religionisque contemptus, ut vestes etiam deferant publice, statui suo non convenientes, pedes in diversis ponentes, unum in Divinis, alterum in carnalibus; monemus omnes, qui nostræ jurisdictioni subsumt, ut habitum honestum Clericalem, illorum Ordini, ac dignitati congruentem deferant sub pœna a Nobis, seu nostro Vicario, vel Commissariis infligenda. Quia vero Regularibus, ac Monachis ex Regula cujusque Ordinis determinatus est habitus in colore, materia, & forma: de sæcularibus vero Clericis multa tum antiquiora Concilia, tum Provinciales, & Diœcesanæ Synodi decreverunt; iis adhuc insistendum censemus, & quicumque contrafecisse deprehensus fuerit, five Sæcularis, five Regularis, puniatur.

Sacerdote Primitias celebrante, æquum est, auspiciis tanti Ministerii gratulatione publica hilariter excipi: sed ita tamen concedendum, ut eam gratulationem, ac lætitiâ nulla turpitudine vitiet. Absit igitur in convivio temulentia, ludicra omnia, cujusmodi sunt saltationes, choreæ, & hujusmodi alia, prorsus tollantur. Serveatur autem decorum per omnia, ac Sacerdotalis ratio habeatur dignitatis.

Qui detractores, & diffamatores aliorum existunt, & publice, vel secrete rixas disseminant, acerbè puniuntur.

Cavebunt etiam, ne ad sæculare tribunal mutuo sese Clerici vocent: ne pecuniam ad usuram præstent, aut contractus illicitos constituent, sub pœna amissionis pecuniarum, similiter & fideiussiones pro sæcularibus evitent.

In iis causis, quæ vinculum, aut fœdus Matrimoniale concernunt, aut ab ea dependent, nemo cognoscere, concordare, transigere, aut definire præsumat, qui non ad hoc a Nobis, vel a Sede Apostolica facultatem obtinuerit: alias processus, sententias, concordias, & transactiones ejusmodi judicamus, & decernimus nullas & frivolâs, & quæ merito nullum debent sortiri effectum.

Judices ordinarii causarum Matrimonialium ante omnia curent, ne ignorent ea, quæ ad Sponsaliorum justitiam requiruntur: sententiam latino vel germanico sermone publicent, eamque omiſſis in ea decidendi rationibus, claram, & absque omni verbo- rum ambiguitate concipiant.

Nemo in tantæ avaritiæ prorumpat cupiditatem, ut lucri gratia aliena prædia conducat, vel alia re illicita, & a Sacris Canonibus prohibita, cupiditati suæ satisfacere studeat.

Cumque omnes Religiosi, qui se Divino cultui, spretis mundi illecebris, devoverunt, in altiore sublati locum conspiciantur, & in eos, tanquam perfectionis speculum, reliqui oculos conjiciant, & ex iis sumant, quod laudabiliter imitentur; decet omnino, ut ipsi status, & obligationis suæ sint memores, eaque devitent, quæ ab illius dignitate aliena sunt; quæque ad eandem tum augendam, tum retinendam faciant, sedulo exequantur.

Inprimis igitur *Decretis Tridentini Concilii* inhaerentes, ordinamus, ut Monasteria, in quibus viget Regularis observantia, si eorundem Superiores admoniti, infra sex menses non visitaverint, ut ad Nos visitatio, & correctio illorum devolvatur.

Quod si prætenderint se a jurisdictione nostra esse exemptos, neque eam admittere vellent, aliud Nos facere non poterimus; nisi ut secundum *Concilii Tridentini* præscriptum contra ipsos procedamus.

Qui extra Monasteria viventes, ita notorie deliquerint; & populo scandalum exhibeant; a suis Superioribus dignis poenis coerceantur: quod si a Nobis moniti illud facere Superiores intermiserint, ne peccata impunita maneant, Nos ipsi in illos animadvertemus, auctoritate Nobis a *Tridentino Concilio* tributa.

Ea autem loca, quæ a devoto femineo sexu religiose inhabitantur sub Monastica disciplina, aut Regulari observantia; nemo ingrediarur, sed ex PII V. felicitis rec. Constitutione Mona-

stica clausura perseveret, nec sibi liberius extra divagandi licentiam assumant, neque aliquo modo Monasterio egredi permittantur.

DE TEMPORALIBUS.

Collatores Beneficiorum Ecclesiasticorum, aut qui jus præsentandi habuerint, caveant, ne lucri alicujus gratia aliquem ad ea promoveant, nec quidquam, vel ultro oblarum, accipiant, dignis tantum & habilibus personis ea conferant.

Quicumque jus habent præsentandi Nobis, aut aliis; quibus jus investiendi legitime competit, præsentent, non autem de facto conferant.

Illud etiam in communi præcipimus, & serio mandamus quibuscunque Sacerdotibus, ne Parochias ullas sine Canonica institutione, servata forma concursus, a *Concilio* præscripta accipiant.

Ubi etiam habenda est ratio eorum, qui continuis, & perpetuis obsequiis deserviunt Ecclesiis, ne ipsis, cum pondus diei, ac æstus ferunt, in Beneficiorum, ac Altarium collatione præferantur alii, qui propter otium, & pigritiam non merentur, aut quos jura etiam, quo minus capaces sint, excludunt.

Neque ulla electio in quibuscunque Monasteriis, siue exemptis, siue non exemptis per absentiam Commissariorum nostrorum administrata, Canonica & legitima censeatur; sique Constitutioni huic alicubi non obtemperatum, sed secus aliquid factum fuerit, solenni præmissa protestatione, de nullitate actus procedatur.

Cum ferme omnes Parochi, aut de tenuitate suorum proventuum, aut de alienatione quorundam censuum, fructuum, agrorum, & similium: aut de tarda, ac molesta decimarum solutione conquerantur; volumus, ut omnes Parochi sua vera gravamina conscribant, eaque quot annis in convocationibus suis Archi-Presbyteris tradant, hi autem cum suis Archi-Diaconis, & Commissariis nostris eam rationem ineant, qua

qua his incommodis succurri possit, demum Nobis rem omnem integre indident, & exponant.

Et cum post obitum Altaristarum, & Sacerdotum, multorum beneficiorum, & Altarium regeſta ſupprimantur, & beneficia Eccleſiaſtica ſic paulatim intereant, aut in laicorum, ſeu etiam hæreticorum veniant manus: omnibus ſub pœna amiſſionis, ac privationis injungimus, ut Regeſta, vel literas cenſuum ſuorum, reddituum, ac proventuum in originali Nobis intra tri-meſtre ſpatium exhibeant, quæ in noſtra Cancellaria, aut in Eccleſiæ Cathedralis Archivis aſſerventur: copia autem, ſeu tranſumptum authenticum Regeſtorum, & literarum, ex noſtra Cancellaria Beneficiatis petentibus concedatur.

Ne etiam propter imperitos, ac illiteratos Eccleſia detrimentum aliquod patiatur, aut animarum negligatur cura; Archidiaconis, & Viſitatoribus noſtris injunctum volumus, & cum ſcitu, & voluntate noſtra iis, qui Parochiis præſunt, & vel ob ingenii exiguitatem, ac doctrinæ tenuitatem, vel populi numeroſam multitudinem tanto oneri non ſufficiunt, cogant Rectores adjungendos ſibi Coadjutores, & Vicarios idoneos, & his congruam fructuum portionem aſſignent, & alias juxta *Tridentini Concilii Decretum*, quod diligenter exequi curent.

Sæpius Parochorum negligentia, & incuria ædificia ſarta teſta non conſervantur. Unde fit, ut Parochiani aliquando nimium graventur, ſi domus, horrea, ſtabula a fundamentis veluti ædificanda ſint: Archidiaconi itaque, & Viſitatores Parochos admonent, ut ſarta teſta conſervent, aut Patronos Eccleſiæ mature, & in tempore certiorem reddant, qui efficient, ut ea mature, & opportune inſtaurentur.

In omnibus univerſim Parochiis obſervari volumus, aliquot ut Regeſtorum libri perpetuo extant, & a Parochiis aſſerventur.

In *priori* omnia, Eccleſiæ ejus Parochialis pretioſiores res, vaſa aurea, argentea, & clinodia, veſtes ſacras,

aliaque cujuſcunque generis fideliter annotatas habebunt.

In *ſecundum*, baptizatorum, patrinorum, ac parentum nomina diligenter inſcribent, cum anni, menſis ac diei certa ſignatione.

Tertius liber nomina Matrimoniorum contrahentium (ubi temporis etiam exacta mentio adjicienda eſt) ſibi vendicabit.

Quartus nominibus eorum, qui ex hac vita decedunt, cum ſimili temporis annotatione inſerviet.

Quantum ſolers Parochorum Oeconomica diſciplina adjiciet, in quem redditus, cenſus, fructus, proventus omnes accurate & integre conſcribent, & ſingulis annis repetent.

In *prioribus quatuor* Libris conſciendis ſi perſpicax Archidiaconorum oculuſ calamum parochorum oſcitantiorem, aut negligentiorum repperit; non impune quidem evadent Parochi; gravior tamen, & quidem deſalcatione quartæ partiſ fructuum eos puniri mandamus, qui in *quinto* libro conſciendo voluntati noſtræ, & Conſtitutioni huic non ſatiſfecerint; ſed tam in Eccleſiæ, quam propriis commodis ſocordes, & dormitantes fuerint reperi.

Ea bona, quæ ad Eccleſias, Monaſteria, vel Beneficia ſpectant, non tanquam propria, & ſua, ſed ut Chriſti Patrimonium tractare, uſurpare quivis meminerit: inque eum convertat uſum, in quem Fundatores olim humili in Deum obſervantia converti voluerunt; omnino autem non alienet, niſi in caſibus a jure permiſſis: qui ſecus fecerint, pœnam privationis, adminiſtrationis, & ſuſpenſionis officiorum ſuorum incurrant.

Statuimus præterea, & ordinamus, ut eo tempore, quo Beneficiatis ſuorum beneficiorum poſſeſſio datur, præter antiqua, quæ extare volumus, nova iterum Inventaria, & inſcriptiones omnium bonorum tam immobiliu, quam mobiliu ad ipſa Beneficia ſpectantium conſciantur, vel per Notarium publicum, ſi haberi poterit, aut alium ex illa communitate hominem fide dignum, aut per Vicricos etiam

etiam Ecclesiæ, qui omnia vasa sacra, vestes, fundos, agros, domos cum qualitatibus & confiniis suis accurate annotabunt.

Omnes etiam Clerici Beneficiati studiose inquirent, ut detentores injustos, seu occupatores bonorum Ecclesiasticorum, seu Decimarum, allodiorum, domorum, & censuum ad Nos deferant, re prius cum Officialibus, & Commissariis nostris communicata: Idem fiet in eo casu, in quo impedimentum, seu diminutio aliqua in rebus ad Ecclesiam, vel Beneficium spectantibus, infertur.

Ne Ecclesiarum, atque Ecclesiasticarum personarum immunitates, & privilegia violentur, Præfctis nostris serio mandamus sub gravissima indignatione, reliquos vero Magistratus seculares una cum *Ss. Concilio Trid.* obnixè rogatos esse volumus, ut ea, quæ non solum a Summis Pontificibus, sed etiam Supremis Principibus concessa sunt, secundum Juris Civilis, & Canonici dispositionem integra permanere patiantur.

Nemo Beneficiatorum debita enormia, & quæ facultatibus, & fructibus sui beneficii non respondent, contrahere præsumat: Quod si quis modum excessisse comperietur; Officialibus, Commissariis, & Archi-Presbyteris iungimus, ut absque ulteriori dilatio-

ne rationem administrationis ab illo exigant, & terminum solutionis certum constituent. Quo elapso, si creditoribus non fuerit satisfactum, certa fructuum suorum portio per Curatores a Nobis constituendos in hunc usum defalcabitur.

Si qui etiam ex Clericis, pupillorum, personarum miserabilium sunt Tutores, vel in posterum fient; serio prohibemus, ne absque facultate nostra, vel nostrorum Officialium, vel Commissariorum bona mobilia, vel immobilia, multo minus pecuniam, quovis modo, ratione tutelæ, ad se recipere præsumant.

Cum munera excæcent oculos Sapientum, & mutant verba iustorum, ultima hac Constitutione monemus, caveant Judices in foro Ecclesiastico, ne a partibus coram se litigantibus munera quæcunque, & quovis etiam prætextu accipiant; si enim delinqui hac in parte aliquid animadverterimus, ne impune ferant, Nobis curæ erit.

HAs Constitutiones huic Provinciæ, hisque hominum moribus accommodatas, Illustrissimus, & Reverendissimus in Christo Pater ac Dominus, Dominus ANDREAS, (*) Dei, & Apostolicæ Sedis gratia Episcopus Vratislaviensis, Coronæ Bohemiæ Princeps Ligius, Sacræ Cæsareæ Majestatis

(*) ANDREAS JERINUS, Episcopus *Vratislaviensis XL.*, industriæ suæ, doctrinæque, ac virtutum meritis ad culmen istud Cathedræ Episcopalis ascendit. *Reudlingæ*, Sueviæ oppido, Patre Senatore natus, cum acri perspicacique polleret ingenio, post navatam felici successu literis operam, aliquamdiu apud Nepotes *Othonis Truchsessii*, Cardinalis Angustani, dum Studiis Lovaniensi in Academia vacarent, præceptorem egerat. Inde Romam profectus, Septennium posuit in Collegio Germanico, quod olim ex S. Ignatii, Soc. JESU Fundatoris, consilio sub annum 1552. a *Julio III.* Papa, maximo totius Germanicæ Nationis emolumento erectum, dein vero, deficiente censu annuo, prope collapsum, recentissime tunc, anno nimirum 1573. a *Gregorio XIII.* ex integro restauratum, censuque & perpetuo, & amplissimo dotatum fuit. Ex eo Collegio eductus, Prætorianam Pontificis Maximi Helvetiorum cohortem sacris concionibus excolendam accepit. Tum *Ss. Theologiæ Doctor Bononiæ* renuntiatus, rediit in Germaniam, ac *Dilingæ* Parochi munus gessit, donec ejusdem, quem supra diximus, *Gregorii XIII.* favore Canonicorum *Vratislaviensium* Collegio adscriptus fuit: ex quo tempore altiora continuo ad subsellia eluctari cepit, ac veluti saltu quodam Episcopalem ad gradum sese extulit: Nam non diu post Præpositi dignitate auctus, ac demum ad ipsam Cathedram *Vratislaviensem*, quæ a *Martini Gerstmanni* morte vacaverat, communi atque unanimitate Electorum suffragio promotus est anno 1585. Ad has, intervallo non longo congestas in eum dignitates cumulus dein accessit ex benevolentia *Rudolphi Cæsaris*, qui viri merita civili etiam honore coronaturus, Utriusque

is Consiliarius, & Supremus superioris, & inferioris Silesiæ Capitaneus, in Diocesana Synodo unanimi omnium approbatione publicari curavit, reservata, humili obsequendi studio, & singulari observantia Sanctissimo Domino nostro, & Sanctæ Sedi Apostolicæ liberrima censura, & iudicio. Sicuti enim seipsum Reverendissimus, & Illusterrimus Dominus Episcopus Sanctitatis Sux voluntati permittit: ita expressa, & semel, atque iterum solenniter repetita protestatione, testatum publice fecit Reverendissimus Dominus Episcopus, si quidquam S. D. N. Sanctæque Sedes Apostolica reperiat, quod Fidei Catholicæ articulis, Sacro-

rum Canonum Sanctionibus, Unitati & consensui Ecclesiæ; inprimis *S. Oecumenico Concilio Tridentino* quovis modo repugnare, aut hæresis contraxisse saporem videatur, se id omne pro non dicto, non scripto habere, censuræ subicere, & S. Sanctitatis clementem, & benignam voluntatem, cui omnino obsecundare velit, expectare.

NOS HIERONYMUS, Tituli Sancti Pancratii S. R. E. Presbyter Cardinalis MATTHÆIUS, fidem facimus, & attestamur, Decreta facta in *Synodo Diocesana Wratislaviensi* a Perillustri, & Reverendissimo Domino Episcopo Wratislaviensi, & ad S. D. N. missa:

que Silesiæ Præfectum constituit: ac multis dein sæpe laudibus ob res domi, foris- que, in Legationibus præsertim quintum obitis, præclare ætas, condecoravit. Statim a suscepto Episcopatu pro insigni suo in Religionem studio, duo hæc sibi, quanto citius posset, curanda proposuerat: Primum erat, ut ad stabiliendam in subditorum animis Fidem Catholicam, ac simul ad restaurandos in Clero, populoque mores Diocesanam Synodum cogeret. Sed hanc ante annum 1592, qui ab obtenta Cathedra septimus erat, congregare non potuit, tum grassante per Silesiam peste, tum tumultibus belli Polonici, ex duplici Regis electione nati: tum denique variis, quas pro Cæsare, ad pacem componendam, confirmandamque, in Poloniam suscipere debuit, Legationibus impeditus: prout hæc ipse testatur in Præfatione sua ad Synodum habita. *Vide supra pag. 371.*

Alterum erat, ut strenuus e Societate JESU operarios, qui gregem suum diligenter excolerent, atque adversus Neotericorum, & fidei hostium errores sana & orthodoxa doctrina communirent, Wratislaviam accerferet, stabili ibidem in sede, constituto pro eisdem Collegio, collocandos. Verum huic ejus consilio A Catholicis Silesiæ Status omni contentione, viribusque sese opposuere, pauculosque illi duntaxat, qui Wratislaviæ, tanquam in temporanea statione subsisterent, habere permissum fuit, qui non diu post ejus obitum, cum necessario præsidio, tutelaque adversus insectantium persecutiones destituti essent, loco cesserunt.

Anno 1596. nova in Poloniam Legatione perfunctus, cum contracto jam morbo æger in Silesiam rediisset, obiit 15ta die Novembris, postquam Ecclesiam suam annis undecim administrasset magno pacis studio, nec minore cum commendatione pietatis, ac sapientiæ.

JERINO mortuo, tribus annis vacavit Sedes ob graves altercationes, tricasque in novi Præfulis electione exortas. Tandem ex Pontificia, Cæsareaque autoritate PAULO ALBERTO Suevo collata est dignitas Episcopalis, qua tamen gavissus diu non fuit, cito ex Cathedra ad æternitatem avocatus: cui demum successit JOANNES A SITSCH.

Hæc de JERINI Successoribus adnectere placuit, ut manifestum fiat, quam parum fidendum sit Episcoporum Wratislaviensium Catalogo, quem Author *Hist. Ecclesiæ Germaniæ*, idiomate Gallico *Typis Bruxellensibus Francisci Foppens* anno 1724. editæ, vulgavit: in quo substitutis variorum Episcoporum nominibus, quos alii Scriptores ignorant, non tantum nulla Joannis Sitschii, & Pauli Alberti, sed neque *Andræ Jerini* & *Martini Gerstmanni* sit mentio, quos tamen circiter ab anno 1574. ordine continuo Wratislaviensi Ecclesiæ præfuisse, partim publica fides celebratarum ab ipsis Synodorum, quarum alteram sub *Jerino* jam dedimus, alteram sub *Gerstmanno*, Tomo præcedente retulimus: partim etiam domestica Societatis nostræ monumenta, grataque & frequens in Annalibus nostris beneficiorum ab eisdem acceptorum memoria, ut nihil de Scriptioribus aliis dicam, evincit. *Vide Hubnerum Quæstion. Politico-Historicarum Lib. IV. P. Schmidl Hist. Soc. JESU Provinc. Bohem. P. I. & II.*

Tomus VIII. Concilior. German.

E e e

missa: a Sacra Congregatione Illustrissimorum Patrum *Tridentini Concilii* interpretum, emendata, atque aptata fuisse, nec non eorundem Decretorum originale apud ipsam Congregationem remansisse: cum quo hujusmodi Decreta hoc libello Chartarum XXXVI. quarum prima incipit: *Ordo, & Processus Synodi Diœcesanæ &c. &c.* postrema vero: *Has Constitutiones &c. & definit: Velit expectare.* descripta, & collata in omnibus

& per omnia concordant. In quorum fidem his propria manu subscripsimus, & ab infra scripto Secretario item subscribi, Sigillique nostri impressione communiri mandavimus. Datum Romæ die XXV. Augusti M. D. XCIV.

HIER. Card. MATTHÆIUS.

Bernardinus Rossius pro Secretario.

SYNODUS TRIDENTINA DIOECESANA

Anno Christi MDXCIII. Clementis VIII. Papæ II.
Rudolphi II. Imp. XVIII.

LUDOVICUS, (*) MISERATIONE DIVINA S. R. E. TIT. S. LAURENTII IN LUCINA, PRESBYTER CARD. MADRUTIUS, EPISCOPUS TRIDENTINUS, & C. UNIVERSIS ET SINGULIS SÆCULARIUM ET REGULARIUM ECCLESiarUM PRÆLATIS, DECANIS, PRÆPOSITIS, CANONICIS, PRIORIBUS, PLEBANIS, PAROCHIALIUMQUE ECCLESiarUM RECTORIBUS, CAPELLANIS, CÆTERISQUE BENEFICIATIS, CURATIS ET NON CURATIS QUIBUSCUNQUE, PER CIVITATEM, ET DIOECESIN NOSTRAM UBILIBET CONSTITUTIS, SALUTEM, ET SINCERAM IN DOMINO CHARITATEM.

Cum primum, sic DEO disponente, ad hujus Ecclesiæ Episcopale munus admoti fuimus, illud præcipue studuimus, ut illius regiminis rationem ad Divini Nominis gloriam, & populi Nobis commissi salutarem dire-

ctionem, juxta Sacri Trid. Concilii præscriptum, institueremus. Quum enim immensa DEI clementia ad totius orbis Christiani salutem illud in hac nostra Civitate inchoatum, & perfectum vidissemus, facile intelligere potui-

(*) LUDOVICUS MADRUCIUS, Cardinalis CHRISTOPHORI MADRUCH, civis & Episcopi Tridentini, cujus in Historia Sacri Oecumenici Concilii, eadem in urbe celebrati, perfrequens est mentio, ex fratre nepos erat, & æmulator egregius, iisdemque, quibus ille, viis, virtutum scilicet, scientiarumque, & rerum magnarum bene gerendarum studiis, ad maximas dignitates eluctatus est.

Anno 1561. 26ta Februarii a PIO IV. Papa Cardinalis Diaconus Tit. S. Callisti, postea Tit. S. Onuphrii: dein Cardinalis Presbyter S. Anastasiæ, mox S. Laurentii in Lucina: demum Episcopus Cardinalis Sabinus, & supremus hæreticæ perfidiæ Inquisitor constitutus: Christophoro Patruo suo, anno 1578. defuncto, in Episcopatu Tridentino regendo successit, ibidemque anno 1593. Cleri sui Dioecese Synodum habuit, in qua sequentia edidit Statuta.

Floruit in eo Viro cum doctrinæ, prudentiæque laude conjuncta, ut *Ciaconus* ait, plena antiquitatis auctoritas, gravitasque Senatoria, sententiarum ac verborum librata ponderibus, unde factum, ut ejus judicio & effatis plurimum ab omnibus tribueretur. Variis per Germaniam Legationibus, arduis pro Ecclesia DEI laboribus, amplissimisque Magistratibus egregie perfunctus, obiit Romæ anno sæculari 1600, tam rebus, quam honoribus gestis clarissimus. Successorem habuit in Sede Tridentina Carolum Gaudentium Madrucium, qui & ipse dein Cardinalis Episcopus Sabinus creatus fuit. Hunc quartus ex eadem familia Antistes exceptit Carolus Emanuel Madrucius. *Alphonsus Ciaconus de Vita & rebus gestis Summorum Pontific. & S. R. Eccles. Cardinalium. Histoire Ecclesiastique d'Allemagne Typ. Bruxellensib. Franc. Foppens a. 1724.*

tuimus, ultra obedientiæ debitæ rationem (quæ nobis cum omnibus Episcopis, in gratia, & communione Sedis Apostolicæ constitutis, communis est) ipsum hujus Sacri Concilii nomen nos quasi specialiter admonere, ut promptiori studio saluberrimas illius Constitutiones, & Decreta, tanquam falcem quandam assumeremus, quæ sentes, & vepres, qui temporum injuria in hac vinea, quæ Divina voluntate nobis excolenda obtigit, excinderentur. Ubi itaque per difficultates, & impedimenta, quæ regiminis nostri initia exceperunt, licuit, per plures visitationes, quas partim per Nos ipsos, partim per deputatos idoneos viros obivimus, per diversa etiam Decreta, ac serias admonitiones id, quantum in Nobis fuit, egimus, ut ipsius Episcopalis officii functiones ita dirigerentur, ut quoad fieri posset, tam Clerus, quam populus nostræ Diocesis, traditæ a Sacro Concilio Tridentino disciplinæ, vita & moribus responderet. Unde etiam sæpius Prædecessorum Synodales Constitutiones, quibus hujus Episcopatus regimen maxime niti videbatur, ad prædicti Concilii præscriptum reformare cupivimus. Verum cum publicis, iisque gravissimis de causis, sæpius hinc advocati fuerimus, diutius, quam volebamus, id differre coacti fuimus: tandem vero Dei benignitate opportunitatem toties desideratam nacti, una cum Ven. Capitulo Cathedralis Ecclesiæ nostræ, & totius Cleri Synodali præsentia Constitutiones a bonæ mem. CARDINALE (*) BERNARDO, & pluribus aliis Prædecessoribus nostris longa serie ad hujus Diocesis usum, & necessitatem accommodatas, Divino implorato auxilio, matura deliberatione præhabita, prout horum temporum ratio exigere videbatur, juxta Sacri Concilii regulas, & dispositiones innovavimus, ampliavimus, ac reformavimus, prout etiam præsentis earum publicatione & editione innovamus, ampliamus, & reformamus, auctoritate nostra ordinaria. In virtute sanctæ obedientiæ, ac sub penis & censuris in il-

lis contentis, vos districtius requirentes, quatenus hujusmodi Constitutiones, & Statuta prompto affectu suscipiatis, & pro Statutis Synodalibus observetis. Omnia tamen, ut debemus, Sanctæ Sedis Apostolicæ judicio submitrendo, ac salvis etiam Patriarchalibus ordinationibus, dispositionibus, nec non aliorum Prædecessorum nostrorum constitutionibus, quatenus in usu sunt, & per præsentis has nostras non sunt aliter declarata, seu correctæ, quibus derogare non intendimus.

De Professione Fidei.

CAPUT I.

CUM eorum, qui JESU CHRISTI Salvatoris nostri gregi pascendo, præpositi sunt, præcipua cura esse debeat, ut Fidem, sine qua impossibile est placere Deo, unam, illibatamque conferrent, ac fideli populo proponant & prædicent: Nos hanc Fidei unitatem, in Diocesi nostra, quoad favente Deo, possumus, integram & ab omni labe sinceram servare volentes, duximus Constitutionibus nostris Synodalibus præmittendam esse ejusdem Fidei Professionem, ex forma, quam sanctæ mem. PIUS IV. Pontif. Max. ex Generalis Concilii Tridentini sententia præscripsit, videlicet:

Credimus, & profitemur omnia, & singula, quæ continentur in Symbolo Fidei, quo Sancta Romana Ecclesia utitur: Credo in unum Deum, Patrem omnipotentem, factorem cæli & terræ, visibilium omnium & invisibilium, &c.

Volumus autem, ut qui in hac nostra Diocesi ad Canonicatus, & dignitates quascunque, etiam Regulares, ac beneficia curata promoti fuerint, hanc Fidei Professionem emittant, secundum præscriptum Conc. Trid. Sess. XXIV. Cap. 24. incip. *Cum dignitates in Ecclesiis &c.*

Et quia in hac nostra Diocesi multis locis contingit, Parochos ob populi frequentiam, & Parochiarum amplitu-

(*) Fuit is Bernardus de Glöfs, Christophori Madrucii Antecessor: Cardinalis creatus anno 1530. Obiit 1539. Constitutiones ejus Synodales, quarum hic, & postea sæpius fit mentio, hucusque non reperi.

plicudinem, plures habere cooperatores, quibus confessiones audiendi, & Divini Verbi prædicandi munus communicatur; statuimus, ne quis in cooperatorem assumatur, nisi prius in nostra, aut Vicarii nostri mandato, in alterius manu, Fidei Professionem emisserit.

Monemus vero omnes, qui ex præcepto Sacri Concilii Tridentini Fidei Professionem emittere tenentur, præcipue autem illos, quibus animarum cura quoquomodo incumbit; ut attente & diligenter emissæ Professionis fidei formam, & quæ in illa continentur, considerent, curentque ore prolata, opere adimplere, docendo subditos suos; & plebem sibi commissam, ut in suscepta a Majoribus fide constanter perseverent: Constitutiones, Traditiones, Statuta, & Cæremonias Sanctæ Matris Ecclesiæ observent: Summo Pontifici, tanquam vero Christi in terris Vicario, debitam obedientiam præstent.

De Hæreticis.

CAPUT II.

ET cum hæresis Fidei Catholicæ, ut certissima pestis, advensetur, omni studio est elaborandum, ne illius contagione grex fidei nostræ commissus iniciatur. Statuimus itaque, ne quis in hac nostra Diocesi, ea docere, tenere, credere, aut asserere, quovis modo præsumat, quæ Sancta Catholica Romana Ecclesia damnat, & anathematizat. Libros item, Scripta, & Tractatus, ea continentem, nullus importare, vendere, emere, recipere, legere, aut quomodolibet penes se tenere audeat, sub pœnis, quæ tam in Summorum Pontificum, & Sacri Concilii Trid., quam orthodoxorum Imperatorum, & Catholicorum Principum Constitutionibus, nec non nostrorum Antecessorum Decretis continentur. Quare universis & singulis, tam Ecclesiasticis, quam sæcularibus personis districte in virtute sanctæ obedientiæ, & sub censuris Ecclesiasticis præcipimus, ut exclusa omni malitia, si quos sciunt hæreticos, vel de hæresi qualitercunque suspectos, eos Nobis, aut Vicario nostro, sine mora revelare procurent.

Prælati insuper, & Ecclesiarum Parochialium Rectoribus committimus sub eisdem pœnis, & aliis, arbitrio nostro infligendis, ut si quos intellexerint diffeminare errores, aut hæreses, conventicula facere, de Fide & Religione obloqui, prohibita & damnata lectionis libros, tractatus, aut scripta palam, vel occulte tenere, aut legere, tales Nobis quamprimum denuncient: tum vero diligenter vultum sui gregis observent, & si quos inordinate ambulare, neque per omnia ad fidelium usum juxta Statuta, Ordinationes, & laudabilem antiquam Catholicæ Romanæ Ecclesiæ consuetudinem se se conformare cognoverint; eos in Christi visceribus moneant, & corrigant: quos si contumaces, ac depravato affectu perspexerint, de eo Nos, vel Vicarium nostrum quanto citius edoceant.

Moneant etiam confidentes, ut si quos noverint de hæresi suspectos, Ecclesiastico judicio denuncient, ostendantque, ex charitate, & obedientia erga Sanctam Matrem Ecclesiam, eos ad hoc teneri, cum & errantium ipsorum correctio, & reliquorum salus ex eo pendeat, ut latens virus detegatur: intimando pœnitentibus, illos beneficium absolutionis obtinere non posse, si hæreticos, & ab Ecclesia desciscientes scienter occultaverint.

Et quia publici commercii ratio in his locis, secum trahit promiscuum quandoque hominum concursum, etiam ex locis, ubi hæresis impune grassatur; Curati diligentiores sint, præcipue nundinarum tempore, in investigando, an per diversoria, de Religione sermones habeantur, & a quibus, & quales: an libri prohibiti adferantur, disseminenturque: an diebus, quibus ab Ecclesia interdictum est, vesci carnibus, illæ mensis apponantur: & similia. Et si quid tale repereint, Nos, aut Vicarium nostrum certiores reddant, suos subditos frequenter, ac diligenter admonentes, ut stabiles in fide, aures nullis novitatibus accommodent.

Quod si Parochi compererint, opinioniones damnatas diffeminari, vel alias perverforum hominum dictis, aut factis tentari, ac labefactari fidem pusillorum;

lorum; tales redarguere, & Catholicæ veritatis rationibus confutare studeant, impiisque eorum conatibus se se opponant, etiam invocato (si opus fuerit) brachii sæcularis auxilio, Nosque, aut Vicarium nostrum Generalem de eo quanto citius admoneant.

Cum etiam aliquibus hujus nostræ Diœcesis partibus mercimoniorum, vel aliis de causis, contingat, pueros, & adolescentes ad civitates, & loca hæresi infecta, a suis ablegari; Parochi sollicitè parentes, vel majores, aut in quorum sunt potestate, dehortentur, ne juvenes, vel pueros ad hujusmodi loca mittant, vel certe eos probatis, & Catholicis viris diligenter commendent; ipsos vero juvenes efficaciter obtestentur, ut in Religione Catholica constanter persistant, ne, dum momentaneum commodum sectantur, æternæ salutis jacturam faciant, seque semper, dum in locis suspectis commorantur, virorum Catholicorum, & proborum consortio adjungant, hæreticorum familiaritatem, & consuetudinem, quantum possunt, devitantes.

Deinde domum reversos Parochi diligenter examinent, an monitioni ipsi factæ satisfecerint, hoc est, an Catholice vixerint: an statutis ab Ecclesia temporibus peccata sint confessi, & Sacram Eucharisticam sumpserint. Et si quos a via recta deflexisse, hæreticisque imbutos esse opinionibus cognoverint; eos Nobis, vel Vicario nostro quamprimum denuncient.

Tunc vero Parochi gravibus verbis dehortentur parentes, vel majores, seu in quorum potestate sunt juvenes, ne omnino ad illas partes eos mittant, in quibus nullum Catholicæ Religionis exercitium est relictum. Si vero Parochi viderint parentes, vel majores, tanquam salutis suorum impie prodigos, hanc dehortationem contemnere, suumque mittendi propositum exequi, tales, ut de hæresi vehementer suspectos, non tantum diligenter observent, sed etiam Nobis, vel Vicario nostro denuncient.

Et quia non solent deesse, qui ipsam teneram juventutem erroneis opinionibus inficere conantur; ordinamus, ne quis posthac ullo prætextu

ad docendi munus admittatur, ne ad ipsa quidem prima literarum elementa tradenda, nisi prius Professionem Fidei in manibus Parochi, in cujus Parochia munus exercere volet, emisserit; quam si eorum quis facere detrectaverit, illico Nobis, vel Vicario nostro denunciatur.

Mandamus proinde, ut Parochi diligenter pernoscere studeant Institutores puerorum suæ Parochiæ, videantque, ut se se huic Constitutioni per omnia conforment. Et qui ab Ecclesiis, vel Parochis stipendium accipiunt, præsertim per districtum Atheismum, nisi quæ ad Latinam linguam pertinent, diligenter docuerint, Parochi eos propria auctoritate ab officio removeant. Super omnia autem curent Parochi, ne quid a Magistris Catholicæ fidei, & bonis moribus contrarium prælegatur, aut in discipulorum manibus versetur: Scholam etiam cum oratione: *Veni Sancte Spiritus*, inchoent, & cum *Oratione Dominica*; *Salutatione Angelica*, *Symbolo Apostolorum*, & *Decem Præceptis*, ac aliqua gratiarum actione terminent.

De Libris prohibitis, & Typographis.

CAPUT III.

Cum etiam ex nimia Librariorum, & Typographorum licentia magna immineant pericula; Nos, ut illis, juxta Decretum Sacri Concilii *Trid.* opportune occurramus, statuimus, & prohibemus, ne quis, sive incola fuerit, sive peregrinus, libros damnatorum, aut suspectorum secundum Indicem Romanum, & ejus regulas, in hanc nostram Diœcesim, & Ditiones inferre, aut venales tenere audeat, sub pœnis confiscationis librorum, & aliis, nostro, seu Vicarii nostri Generalis arbitrio infligendis.

Statuimus item, & ordinamus, ne Parochi locorum, in quibus, statim anni temporibus, nundinæ celebrantur, ullos libros venales proponi patiantur, nisi Bibliopolæ ipsis eorum indicem, seu catalogum prius exhibuerint exami-

minandum; ut perniciosi a bonis, & probatis discerni queant.

Quod ut accuratius observetur, districtè præcipimus omnibus cujuscunque status Præfectis, & Judicibus terrarum, jurisdictionum, & locorum temporalis Dominii hujus Ecclesiæ Tridentinæ, cæteros vero serio in Domino requirimus, ut Parochis in hujus nostri Decreti executione, sua auctoritate, & auxilio adsint, ut si contigerit, damnatæ lectionis libros penes aliquem reperiri, curent juxta præmissa, contra importantes, & tenentes severe procedi.

Si item reperti fuerint libri, aut scripta, sive tractatus, cantilenæ, aut similia, vernacula, & vulgari lingua composita, in quibus contineantur hæreses, seu errores, aut scandalosa; ea, licet Indice Romano non contineantur, Parochi diligenter colligant, neque patiantur evulgari: curentque, ut contra similia importantes, ut supra dictum est, pro modo culpæ severe procedatur.

Idem facient de picturis, quibus vel Religio Catholica traducitur, aut hæresis simplici populo obtruditur.

Admonemus etiam Decanos rurales, ut pro viribus & ipsi non tantum in propriis Parochiis, sed etiam in totis suis Decanatibus in hoc advigilent, ipsos Parochos sui officii admonendo, & si necessitas postulabit, brachium sæculare contra inobedientes invocando. Quod si in hoc remissius viderint procedi, de eo quamprimum Nos, seu Vicarium nostrum certiores faciant.

Impressores vero, juxta modum eis a *Sancta Tridentina Synodo* præscriptum, nullum librum, vel quodcunque scriptum, tam antea ubivis locorum impressum, quam non impressum, excudere possint sine nostra, vel Vicarii nostri licentia: ipsa vero originalia cum exemplis concordantia, in Archivio nostro reponi volumus, ne cui fraudi locus relinquatur. Contra facientes, præter exemplorum amissionem, alias pœnas nostræ arbitrio luent.

De Blasphemis.

CAPUT IV.

UT populus a blasphemiam abominabili peccato se se contineat, Parochi & Verbi Dei Concionatores ejus enormitatem sæpe exponent; pœnas a Lege Divina, a Sacris Canonibus, a Summis Pontificibus, ac nostris etiam Antecessoribus in blasphemos promulgatas, ipsis ob oculos ponendo.

Interim etiam in Domino moneamus, & districtè mandamus quibusvis Judicibus tam Ecclesiasticis, quam sæcularibus, ut contra hujusmodi Majestatis Divinæ contemptores debitæ pœnis procedant.

Et quoniam reprimenda est etiam eorum temeritas, qui Sacræ Scripturæ verbis, & sententiis abutuntur, ad profana, fabulosa, scurrilia, vanitates, ac scommata, contumeliasque eas convertentes; si quisquam id facere deprehensus fuerit, pœnis debitæ severe contra eum, juxta supra dictorum Legum rigorem, procedemus.

De Superstitionibus.

CAPUT V.

Licet Divina Lex maxime detestetur magos, striges, ariolos, incantatores, divinos, forilegos, & id genus superstitiosos, ac maleficos homines: ac contra tales, & illis credentes, illos consulentes, eorum opera utentes, non tantum extent severæ Dei comminationes, sed etiam Legibus tam Ecclesiasticis, quam Sæcularibus gravissimæ illis pœnæ infligantur; nihilominus intelligimus, hujuscemodi diabolicas impietates & abominationes nondum a nostro Episcopatu plane exulare. Proinde districtè mandamus, ut contra quoscunque maleficos, striges, incantatores, necromantas, divinos, & id genus sacrilegos impostores, ligaturis, characteribus, incognitis figuris, imaginibus, verbis ignotis, demonum invocationibus, adorationibus, Sacramentorum, aut Sacramentalium abusu, & profanatione, aut quolibet alio modo superstitioso, de futuris contingentibus investigantes, thesauros, &

& res perditas simili modo inquirentes, pluvias, siccitates, tempestates procurantes, maleficia inducentes, aut etiam maleficio solvantes, aut quomodolibet supersticiosa, vana, perniciofa, ut præfertur, attentantes, nec non illos de his, & similibus consulentes, illis faventes, & cooperantes, severe secundum Sacrorum Canonum præscripta, & Summorum Pontificum Constitutiones, pro modo culpæ, etiam tanquam contra suspectos de hæresi, aut apostasia a fide, procedatur.

Moneantque Parochi fideles omnes, sub pœna excommunicationis, ut si tales noverint, illos Nobis, aut Vicario nostro denuncient.

Et quia plerumque contingit, aliquos animi simplicitate in hæc delabi, non attendentes delicti gravitatem; injungimus Parochis & Curatis, nec non Verbi Dei Concionatoribus, ac Confessoribus, ut fidei populo, etiam in casu amissionis rerum suarum, accessum ad divinatores prohibeant, sæpeque in mentem reducant, quam Deo abominabile sit hoc delictum, quod cum manifesta, aut certe occulta demonum societate conjunctum, illaqueatas animas tenebrarum potestati mancipat. Ac propterea moneant eos, ut non solum graviores, & atrociore species supersticiosarum impietatum, sed etiam illas evitent, quæ leviores & vanæ videntur: cum ubique se se his inimicus demon sua operatione, ad fallendas, & in præceptis trahendas animas, immisceat. Si vero moniti non respuerint, tunc Nobis, aut Vicario nostro sine mora eos indicare teneantur.

Si cui Parocho, aut Curato, vel Confessario instrumenta, scripta, aut alia, ad hujuscemodi artium diabolicarum exercitium facta, a pœnitentibus, aut aliis exhibita fuerint, ea quamprimum Vicario nostro Generali tradant.

De Prædicatione Verbi Dei.

CAPUT VI.

QUONIAM ad culturam agri Domini, ipsi Verbo Dei inest vis incomparabilis, admonemus cu-

ram animarum exercentes; ut præcipuam officii sui, ac sollicitudinis partem positam esse meminerint in ejusdem Verbi prædicatione. Ex qua, ut populus ipsis commissus majorem fructum capiat, eos in Domino hortamur, ut sermonem suum captui ejusdem populi accommodent, præcipue huc respicientes, ut fidei Christianæ rudimenta, & salutis monita tradentes, pietatis, & Religionis documenta fidelium animis, Deo cooperante, imprimant: ac proinde in Dei Verbo meditentur die, ac nocte, scientes, omnem Scripturam, Divinitus inspiratam, utilem esse ad docendum; & Verbum Dei esse malleum, conterentem petras; & sæpe in simplicitate suscipi a pusillis & parvulis, tremantibus sermones ejus.

In exponendo vero Sacro Evangelio, & Verbo Dei annunciando, nulli ab intelligentia Sanctæ Matris Ecclesiæ desistant, unanimes Sanctorum Patrum, ejusdem Ecclesiæ Doctorum interpretationem, & sententiam, sine hæsitacione sequentes: atque hac salutari doctrina innixi, Dominicis, & Festivis diebus, quando populus majore frequentia ad Ecclesiam confluit, ea præcipue explicabunt, quæ omnes scire necessarium est ad salutem.

Tum vero diligenter meditentur, quæ Sacrum Concilium Tridentinum fidelibus a Parochis, diversis occasionibus potissimum exponi, & doceri mandat. Quare Catechismus Romanus, & ex modernis illos auctores, qui omnis superfluis quæstionibus, ea tractant, quæ fidei populo his temporibus pro recta fidei, & pietatis instructione sunt proponenda, assidue perlegant.

Maxime vero curabunt, ut populus intelligat gravitatem delictorum, eorum præcipue, quæ frequentius in ipsorum Parochiis committuntur: ea denique sæpius inculcabunt, quæ ad vitam pie, & Christiane instituendam requiruntur. In fine autem sermonis semper vulgari lingua Orationem Dominicam, Salutationem Angelicam, Symbolum Apostolorum, & Decem Præcepta subjungant.

Obscuras, ac indeterminatas quæstiones, audientium captum excedentes,

tes, quæ ad pietatem parum, vel nihil faciunt, omittant.

Apocrypha, vana, fabulosa, & Evangelicæ prædicationis gravitate indigna, evitent.

Hæreticorum opiniones, & argumenta e suggestu non referant, nisi quando id necessitas postulat: atque tunc ita sint instructi, ut dilucidis, & claris responsionibus ea diluere valeant; ne ullus in mentibus audientium scrupulus hæreat.

Amarulentias, aut inconcinnum rigorem, quo auditores non ædificantur, fugiant: ubi vero verborum acrimoniam res ipsa postulat, sit sermo sale conditus, & spirans charitatem: severitas pungat, & dirigat: percutiat, & sanet.

In summa, hoc tantum munus ea charitate, prudentia, & assiduitate exequantur, quam fidelis populi instructio, & ad salutem per mandatorum Dei observantiam, directio postulant: sciantque, ad id efficiendum, magnum pondus accessurum esse, si vitæ innocentia, integritateque ministerium Verbi commendetur. Quod si Parochi huic ipsorum Divini Verbi prædicandi officio non satisfecerint, contra eos severe procedemus, & ad illa remedia deveniemus, quibus ipsorum negligentia, ac defectus suppleantur, juxta *Tridentini Concilii præscriptum Sess. V. Cap. II. de Reform. & Sess. XXIV. C. IV.*

De Doctrina Christiana.

CAPUT VII.

UT teneræ ætatis animis Fidei, & Religionis, unde universæ vitæ pie instituendæ ratio pendet, rudimenta instillantur; omnes Rectores, Capellanos, & alias personas Ecclesiasticas hortamur, & in Domino iis injungimus, ut huic tam necessario operi diligenter invigilent: parvulos, & quoscunque alios, rudimentorum fidei ignaros, Dominicis & Festivis diebus in Ecclesiis congregent, ac contenta in libello sub nostro nomine, ea de re edito, studiose iisdem prælegant, & interpretentur.

Quod ut majori fructu præstare

possint; parentibus, tutoribus, ac patribus familias serio mandamus, ut filios suos, & alios sibi subiectos, ad saluberrimum hoc exercitium mittere non prætermittant.

De Prædicatoribus extraordinariis examinandis.

CAPUT VIII.

Quia sæpe usuvenit, ut diversorum Ordinum Prædicatorum, Quadragesimali tempore ad villas, & Parochias per Diocesim nostram destinantur, admodum exiguo populorum fructu: dum vel nimium juvenes mittuntur, vel in iis, quæ ad veram pietatem tradendam spectant, parum instructi;

Ideo præcipimus, & ordinamus, ut Vicarius noster, & qui ad hoc deputati sunt, juxta locorum necessitatem, & qualitatem personarum, illos dirigant, & si quos noverint alias scandalose se gessisse, vel non illa esse eruditione, & prudentia, ut prædicandi munus decenter exequi possint; tales non admittant, neque eis literas, aut patentes concedant, sine quibus a nullo Parocho nostræ Diocesis quemque Religiosum volumus ad munus prædicandi extra Regulares Ecclesias admitti.

Qui vero ad prædicandi munus per Diocesim destinabuntur, serio a Vicario nostro admoneantur, ut tam Parochos, quam populos, ad quos mittuntur, paterna benevolentia, & pietate prosequentes, munus suum cum charitate, & prudentia exequantur. Illa missa faciant, quæ rudis populi intelligentiam excedunt. Verum cognito ex Parochis, & probis viris statu, & conditione populi, ad ejus se caput accommodent: de Christianis virtutibus, & oppositis vitiis, prout necessitas exigit, ita tractent, ut ad salutaria auditores dirigant, & ab illis peccatis, & vitiis, ad quæ procliviores noverint, avocent.

Et quia admissi ad concionandi munus, etiam ad confessiones audientas approbantur, volumus, ut illis districtè inhibeatur, ne se in casibus, Episcopo, nedum Summo Pontifici Roma-

Romano, reservatis, ingerant. Et si quem ex rationabili causa a proprio Parocho absolutionem non impetrare cognoverint, talem neque ipsi absolvant. Venientes ab aliis Parochiis sine ipsorum Parochorum licentia, omnino non absolvant, sub poena suspensionis ab officio prædicandi, & confessiones audiendi in nostra Diocesi, & aliis ad arbitrium nostrum, vel Vicarii nostri.

Moneantur, ut tam in Concionibus, quam in Confessionibus salutari cum rigore tractent casus usurarios, & illicitos: & quæ in præsentī Synodo statuta sunt, atque in admonitionibus ad Parochos, & Curatos editis continentur, diligenter observentur; tum etiam edicta, quibus damnatorum contractuum species proponi curabimus, attente meditentur.

Si quis autem ex istis Concionatoribus (quod absit) in concionibus, vel alias se scandalose gesserit, id Nobis a Parochis indicari volumus, ut contra eos juxta dispositionem *Concilii Tridentini Sess. V. Cap. II. de Reform.* procedi possit.

De Sacramentis in genere.

CAPUT IX.

Quia fidelis populi sanctificationem, & justitiam Sacramenta Ecclesiæ regulariter operantur, augent, & amissam reparant; Parochi docebunt juxta Sacri *Concilii Tridentini* præscriptum, hæc ipsa Sacramenta a Christo Domino nostro ad lapsum per peccatum naturæ reparationem instituta, Divinæ gratiæ esse instrumenta, quibus inexhausta virtus Passionis & Mortis ejus digne suscipientibus applicatur.

In administrandis vero Sacramentis, volumus per Parochos, & animarum curam gerentes, exacte eum modum, & caeremonias observari, quæ tum e Sacris Canonibus per *Oecumenicum Concilium Tridentinum*, tum in *Rituale* nostro præscribuntur: in primis diligenter observando, ut ante cujuscunque Sacramenti administrationem, breviter lingua vernacula ad captum ipsorum suscipientium, explicetur vis, & usus ipsius Sacramenti.

Tomus VIII. Concilior. German.

Fugiant vero in administratione Sacramentorum, omnem speciemavaritiæ, neque quicquam ex pacto, vel conventionē exigant: sed Sacramenta ipsa bene dispositis, absque dilatione, pro loco, tempore, & necessitatis exigentia, pie, prompteque administrent juxta Ecclesiæ institutum.

Post ipsa vero Sacramenta administrata non prohibentur recognitionem ex consuetudine debitam exigere, juxta *Cap. Ad Apostolicam. de Simon.* In quo tamen caveant, ne offendiculum, aut scandalum præbeant.

De Sacramento Baptismi.

CAPUT X.

Doceatur populus, natura filios iræ per Baptismum regenerari in filios & hæredes vitæ æternæ: qui cum propterea differri minime debeat, statuimus, natum infantem quamprimum, vel ad summum intra octiduum, ad Ecclesiam esse deferendum & baptizandum. Parochus autem, antequam ad baptizandi actum deveniat, diligenter inquirat, an infans ob aliquod periculum fuerit baptizatus, & si repertus fuerit rite esse baptizatus, eo casu, ne sub conditione quidem amplius baptizet, sed tantum imposito nomine infanti, consuetas preces, Sacram Unionem, atque alia adhiberi solita, juxta ipsum *Rituale* adjungat.

Et quia experientia docet, aliquando constare vix posse, an a laicis baptizatus, Baptismum vere susceperit; ideo ad medendum in hoc Sacramento tam periculose incertitudini, Parochus quomodolibet baptizatum, ubi probabiliter de Baptismi validitate dubitat, baptizet juxta modum præscriptum in *Rituale*.

Doceant etiam Parochi diligenter formam & materiam hujus Sacramenti, admoneantque omnes viros juxta ac mulieres, ne facile moveantur ad baptizandum infantem: sed tunc tantum, quando probabiliter periculum mortis timetur, nec copia est præsentis Sacerdotis, aut alterius Sacris initiati: & tunc adhibita aqua naturali, & simplice, accurate utantur integra forma:

F f f

Ego

Ego te baptizo in Nomine Patris, & Filii, & Spiritus Sancti: verba ipsa formalia semel tantum proferendo.

Moneant præterea Parochi infantum parentes, ut baptizandis Sanctorum potissimum nomina imponi curent, in quorum tunc sortem vocantur.

Ad levandos de Sacro Fonte infantes sit tantum unus Compater, aut una Commater, vel ad summum unus & una: Neque admittantur publice criminosi, hæretici, aut excommunicati: imo neque illi, qui absque legitimo impedimento omiserint semel saltem in anno, tempore ab Ecclesia constituto, peccata sua confiteri, & Sacram Eucharistiam sumere.

Item moneri volumus compatres, & commatres de spiritali cognatione, quæ in susceptione contrahitur, ac illius impedimento, juxta *Concilii Tridentini declarationem Sess. XXIV. Cap. II.*

Statuimus etiam, ut compatres, & commatres, non impuberes deligantur; ne videatur infans infantem offerre, ac sponso rem se Deo pro alio constituere, qui quod promittit, non intelligat.

Insuper improbamus illorum factum, qui citra casum necessitatis ambitiose curant, suos infantes in domibus privatim baptizari, post habito Templo Domini.

Et cum baptizandi renuncient diabolo, & pompis ejus, fideles admonentur, ut filios regenerandos offerant cum devotionis affectu, eas pompas devitantes, quæ jactantiam & ostentationem præ se ferunt.

Habeant insuper Parochi librum bene ligatum, & qui possit conservari, & cum necessitas postulat, ad manus etiam post longum tempus haberi, in quo annotent nomen baptizati, patris, matris, & susceptorum, diem quoque, mensem, & annum: tum etiam, si infans illegitimus, aut ex incerto patre natus est.

Reliqua ad Sacramentum hoc rite administrandum pertinentia, ex *Catechismo Romano*, & *Rituali* nostro petantur.

De Sacramento Confirmationis.

CAPUT XI.

PER Baptismum renati, Sacramento Confirmationis augmentur in gratia, & perfectum animi robur accipiunt, ac ad luctam contra diabolum, mundum, & carnem armantur, quo stabiles in fidei susceptæ confessione, perfectos se Christi milites exhibeant: quod a Parochis populo Dei diligenter inculcari volumus.

Moneant pariter, Sacramentum hoc summa reverentia, devotione, humilitate, ac omni puritate, prævia in adultis confessione, suscipiendum esse. Nulli minori septennio præbeat.

Parochi, priusquam Sacrum Chrisma sit administrandum, doceant confirmandos de hujus Sacramenti institutione, materia, effectu, & ministro, juxta illa, quæ in Catechismo ad Parochos traduntur. Quod etiam Episcopus, hujus Sacramenti Minister ordinarius, de more præstare solet.

Teneant Parochi librum, in quo nomina confirmatorum, & comparum describantur, uti de baptizatis injungitur.

Admoneantur præterea susceptores, & suscepti, de spiritali cognatione, quam contrahunt; & de onere, ac obligatione, doctrinam Christianam confirmatos docendi.

Decet etiam, ne mulieres adultas, neque viri adultas, teneant, sed in utrisque servetur sexus conformitas: & ne junior seniore offerat: atque in universum, qui non fuerit confirmatus, & eo anno non fuerit sua peccata confessus, & Eucharistiam non sumpserit: qui Orationem Dominicam, Salutationem Angelicam, Symbolum Apostolorum, & Decem Præcepta non calleat: item publice criminofus, hæreticus, aut alias excommunicatus. Hi, inquam, nullo pacto confirmandum offerre præsumant. Pater, & mater filium, aut filiam non offerant. Denique offerentes quicumque, nullis armis instructi accedant.

De

De Sacerdotibus, ad Sacrum Chrismi conficiendum mittendis.

CAPUT XII.

NE propter defectum Clericorum, qui in die Cœnæ Domini ad Sancti Chrismatis confessionem necessario requiruntur, aliquod scandalum oriantur; Prædecessorum nostrorum Decreto inhærentes, mandamus, ut in illam diem per Rectores Ecclesiarum Parochialium, & alios ex infra scriptis sex Decanatibus, & aliis Ecclesiis nostræ Dicecesis mittantur Sacerdotes viginti quatuor: videlicet ex *Præpositura Sancti Michaelis ad Athesim*, mittatur Sacerdos unus: ex *Decanatu ad longum Athesim* quinque: ex *Decanatu Bulzani* duo: ex *Decanatu Vallium Annaniæ & Solis*, quinque: ex *Decanatu Judicariarum*, quinque: ex *Clero Archiepiscopi*, unus: ex *Decanatu Ripano*, unus: ex *Decanatu Vallis Lagarinæ*, quatuor. (Cura autem, & munus deputandi eos, qui quotannis mittendi sunt, Decanis Ruralibus incumbat.) Qui quidem Sacerdotes hora congrua, sub pulsu campanæ magnæ, ut moris est, præsto adsint in Ecclesia Cathedrali, cum aliis officium peracturi. Et eo finito, ac Chrismate consecrato, teneantur pro omnibus illis, a quibus missi sunt, secum Chrisma deferre: districte prohibentes, ne ab illis, aut aliis nostræ Dicecesis Sacerdotibus, & Curatis, ad Chrisma recipiendum laicus ullus mittatur, neque Sacrista ulli laico illud deferendum dare præsumat. Contrafacientes poena decem librarum mulcentur, applicanda eorum Parochiali Ecclesiæ.

Quod si forte contingat, Tridenti Chrisma non confici; tunc ipsi Decani foranei pro tempore providebunt, ut Tridento deferatur, & classes singulæ prædictorum Decanatum mittant Sacerdotem ad suum Decanum, a quo Chrisma accipiat pro sua classe: contribuendo ipsi Decano libras singulas in singulos suæ classis Plebanos, pro sumpibus in deferendo factis.

De Sacramento Eucharistiæ.

CAPUT XIII.

DE Sacro hoc, admirabili, & tremendo Mysterio, vix paucis dici possunt, quæ populo fideli a Parochis sunt inculcanda, ut condecenter se se præparet ad fruendum mystico hoc Angelorum cibo, quo mens omnium spiritualium charismatum abundantia impinguatur. Hortentur ergo ante omnia plebem Parochi, ut prævia diligenti discussione propriæ conscientiæ, & per integram, & fructuosam poenitentiam, cum timore, & tremore accedant ad tanti Regis mensam.

Quadragesimali vero tempore, diebus Dominicis, & ante hebdomadam sanctam, sæpius omnes moneant utriusque sexus fideles, in legitima ætate constitutos, ut se se præparent per Sacramentalem Confessionem ad sumendum tempore Paschali Sacramentum Eucharistiæ. Quod si quis Sanctæ Matris Ecclesiæ præcepto in hoc non paruerit; semel, aut iterum infra octavam Paschæ admoneatur: si ne tum quidem evigilaverit, Parochus, vel Curatus ejus nomen ad Nos, vel Vicarium nostrum Generalem quamprimum deferat.

In illis Ecclesiis, in quibus animarum cura exercetur; tam in Civitate, quam extra per Dicecesim, asservetur Eucharistia in vase argenteo intrinsecus deaurato, super Altari majore, in Tabernaculo, quoad fieri potest, ornatisimo, lampasque coram eo perpetuo luceat: & quum ad ægrotos deferretur Sacramentum hoc, evocetur populus campanæ sono, & præsertim societates, si quæ sunt: Sacerdos devote & reverenter psallendo illud deferat, cota, stola, & pluviali indutes: adsint item cerei, & umbella. Pluviale tamen, & umbella alicubi per Dicecesim, ex causa omitti possunt.

Processio, quæ singulis annis in festivitate Corporis Christi fit, celebretur devote, & reverenter: adsit per vias, & congruis locis ornatus, quam fieri potest, decentissimus. Nil exponatur, agatur, vel repræsentetur, quod risum, seu irreverentiam moveat, aut profanam sapiat vanitatem: nec tor-

menta, aut bombardæ in ipsa Proceffione difplodantur.

De Sacrificio Miſſæ.

C A P U T XIV.

QUoniam vero his temporibus exulceratiffimis hoſtes Eccleſiæ nihil acrius impugnant, quam Sacrificium Miſſæ; Parochi, & alii curam animarum gerentes, diligenter meditentur, quæ de Sanctiſſimo hoc Sacrificio Oecumenicum *Concilium Tridentinum* ſtatuit, quidque doceri de eodem poſtuler. Circa quod etiam Catechiſmum Romanum conſulant, fideles populos crebro admonendo, ut tremenda hæc Myſteria pie venerentur, illorum vim, fructumque ineffabilem, quantum quidem fieri poteſt, & intelligere ſtudeant, & ardenti animi deſiderio ad illum anhelent.

Tum vero diligenter attendatur Decretum *de obſervandis, & evitandis in celebratione Miſſæ. Seſſ. XXII.* quibus adiungenda eſt diligens lectio, & cognitio *Rubricæ* ipſius *Miſſalis* reformatæ.

Sacerdos celebraturus, ſi conſcius ſibi fuerit peccati mortalis, Sacramentaliter confeſteatur, juxta Decretum *Conc. Trid. Seſſ. XIII. Cap. VII. incip. Si non decet.*

Noverint etiam Sacerdotes maxime decere, ut qui frequentius, vel ex devotione, vel officio celebrant, ſingulis hebdomadibus Sacramentaliter confeſteantur.

Nullus Sacerdos, ut aliam Eccleſiam honoret, propriam deferat ſine Sacrificio Miſſæ diebus Dominicis, aut aliis Feſtivitatibus, quibus ex præcepto Eccleſiæ populus Miſſæ Sacrificio intereſſe debet, niſi Eccleſia, quam honorare intendit, ſit vicina, & ad illam populus ſuæ Eccleſiæ tunc confluere ſoleat.

Nullus Sacerdos ſæcularis audeat primam Miſſam celebrare ſine noſtro, aut Vicarii noſtri conſenſu: quo obtento, juxta Decretum *de obſerv. & evitand. in celebrat. Miſſæ.* omnino abſtineat ab omni illiberali elemoſynarum exactiōe: quæ cum a ſordido quæſtu non abſit, pari modo fugienda eſt in omni celebratione Miſſarum.

Muſici & Organiſtæ a cantu laſcivo, a profanis carminibus ad choreas accommodatis, in Eccleſia abſtineant.

Statuimus præterea, & ordinamus, ut Miſſas debitas quilibet Sacerdos, aut Beneficiatus per ſe, vel per alium idoneum, perſolvat ſuis Altaribus, & Capellis, juxta eorum fundaciones.

Idemque in Eccleſiis, ubi diebus Dominicis, & aliis ſolemnitatibus Miſſæ Sacrum, & Veſperæ decantari ſolent, inpoſterum diligenter ſervetur.

Volumus etiam, ut juxta *Tridentini Concilii* Decretum, fidelium vivorum ſuffragia, Miſſarum ſcilicet Sacrificia, orationes, elemoſynæ, aliaque pietatis opera, quæ pro defunctis fieri conſueverunt, ſecundum Eccleſiæ inſtitutum pie, & devote fiant, ipſique Rectores, Parochi, & Beneficiarii fideliter & diligenter juxta Teſtatorum fundaciones, ea præſtent & perſolvant.

Præterea populus moneatur, ut diebus ſaltem Dominicis, & majoribus Feſtis, ad proprias Parochias accedat ad audiendum Verbum Dei. Ipſi autem Parochi, & Curati infra Miſſarum Solemnia ex iis, quæ in Miſſa leguntur, aliquid exponant, arque inter cætera ipſius Miſſæ myſterium aliquod declarent.

Damnanda vero eſt illorum irreverentia, qui Dominicis, aliisque Feſtis diebus, quibus ex Sanctæ Matris Eccleſiæ præcepto in ſuis Eccleſiis Miſſam integram audire cum teneantur, nihilominus temere de Templo ante Miſſam finitam, & Sacerdotis benedictionem recedunt: & pariter illorum, qui dum Miſſa celebratur, & Divinum Verbum prædicatur, fabulis & nugis in cæmiterio tempus extrahunt, ple-rumque ſæcularia tractantes, malo fidelium exemplo, & contra Sacrorum Canonum Sanctiōnes. Cui malo Nos opportune providere cupientes, ſtatui-mus, ut Parochi, & Curati omnes aliquando per annum in Eccleſiis publicent Canonem antiquum *Cap. Miſſas, Diſtinct. I. de Conſecrat.* cujus tenor eſt: " Miſſas die Dominica ſæcularibus to-tas audire, ſpeciali ordine præcipi-mus: ita ut ante benedictionem Sa-cerdotis egredi populus non præſu-mat:

"mat: quod si fecerint, ab Episcopo publice confundantur."

Qui igitur admoniti in prædictis contraherint, subjaceant, præfatorum Canonum pœnis, atque insuper multam incurrant librarum duarum per Syndicos exigendarum, & Parochiali Ecclesiæ, vel alii pio usui, ad arbitrium Parochi, applicandarum, quibus etiam pro ipso labore exigendi, dentur quaterni cruciferi ex hujusmodi multa.

Moneant Parochi, & Rectores ingredientes Ecclesias, ut omnino bombardas, hastas, & alia arma infueta deponant; qui si non obedierint, tantam contumaces, Nobis, vel Vicario nostro deferantur.

Si vero scandala, vel pericula ab hujusmodi contumacibus verisimiliter oritura timeantur, Sacerdotes etiam a celebrando abstineant.

De Ara portatili.

CAPUT XV.

Insuper omnibus & singulis Sacerdotibus sub pœna excommunicationis, & marcharum quinque prohibemus, ne in nostra Dicecesi super Ara portatili, ad requisitionem cujusquam celebrare præsumant, sine speciali nostra licentia, in scriptis habita; & non nisi in dedicato ad hoc oratorio, a Nobis, vel Vicario nostro, visitando.

In visitationibus etiam Altaria portatilia perquirantur: & quæ non ampla, & commoda reperta fuerint, tollantur.

De cætero vero lapis consecrandus pro Altari portatili sit longitudinis unius saltem palmi cum dimidio, & latitudinis unius palmi, ita ut commode calicem cum hostia capiat.

De Altarium ornatu, Imaginibus, & cultu Reliquiarum Sanctorum.

CAPUT XVI.

Altaria decenti ornatu, quantum fieri potest, exculta & nitida sint,

& ante omnia salutiferæ Crucis signo condecorata, ac pari studio Ecclesiæ ipsæ, sicut decet domum Dei, ab omni situ, & squalore vindicentur, puræque, ac mundæ conserventur.

Si quæ fuerint in Ecclesiis imagines verultate, aut alias indecoræ, & offensionem præbentes, eæ debito modo tollantur.

Ne (*) vero in cultu Reliquiarum Sanctorum, quæ in aliquibus Dicecesibus nostræ Ecclesiis reconditæ reperiuntur, abusus ullus oriat, vel minus decenter custodiantur; mandamus, illas per Sacerdotes, quorum curæ sub inventario authentico committantur, diligenter & honorifice in loco sacro, & sub diligenti clavium custodia in capsulis, vel pyxidibus, ne a manu laica contrectentur, conservari, & non nisi cum reverentia ostendi, in visitationibus vero ordinariis eas diligenter recenserimus volumus.

De Sacramento Pœnitentiæ.

CAPUT XVII.

Cum Sacramento Pœnitentiæ, lapsis post Baptismum, beneficium Mortis Christi applicetur, alia tamen ratione, quam in Baptismo: Parochi, & alii, curam animarum exercentes, sæpius per annum, præcipue vero tempore Quadragesimæ diligenter populo explicabunt saluberrimi hujus, & maxime necessarij Sacramenti virtutem & efficaciam.

In primis vero docebunt, quid ab illis, qui a suscepta semel gratia excidentibus, peccatorum sordibus Spiritum Sanctum contristaverunt, requiratur, Quod ut efficacius præstare possint Parochi, habeant in promptu Sacri Concilij Tridentini de Sacramento Pœnitentiæ & justificatione impii doctrinam, meditentur etiam diligenter, quæ in Catechismo ad Parochos de his traduntur. Quibus omnibus adhibeant probationes Summas, illos Auctores, qui dilucide, pie & erudite de Sacramento Pœnitentiæ, ejusque partibus tractant: illud præcipue intendentes; ut cum timore, & tremore discant fideles reco-

F f f 3

gitare

(*) Cap. 2. de Reliq. & vener. Sanct. C. Corpora. de Consecr. Dist. 1.

gitare dies suos in amaritudine animæ suæ: quo excitati, Dei miserantis auxilio, per veram contritionem, integram confessionem (qua distincte & sigillatim peccata sua enumerent, & in specie recenscant) & operis satisfactionem, possint pervenire ad eam gratiam, quæ ex Dei institutione, Sancto hoc Sacramento, administratur.

Quapropter primis statim diebus Quadragesimæ publicabunt Capitulum: *Omnis utriusque sexus, &c.* (*), populumque monebunt, ut tempestive se præparet ad confessionem.

Habeant casus Episcopo reservatos: item Bullam in Cæna Domini, ut si qui eos adeunt, huiusmodi casibus irriteri, sciant eos cum charitate, & opportunis monitionibus, consilio etiam, & auxilio, ad illos dirigere, qui facultatem habent tales absolvendi, in quo magna circumspectione curabunt, ne aliis innotescat, tales reservatis casibus esse illaqueatos.

Si qui rationabili causa petunt a propriis Parochis licentiam alteri Sacerdoti confitendi, ea non gravate concedatur; ita tamen, ut probato Sacerdoti confiteatur, ab eoque fidem habeant in scriptis de confessione facta.

Et quia nonnunquam contingit, aliquos a proprio Parocho absolutionem Sacramentalem non obtinere, si causa negata absolutionis sunt manifestæ; puta contractuum damnatorum, vel concubinatus, vel quævis alia Canonica; tunc nullus alius Sacerdos secularis, aut Regularis, tales absolvat, ne sub prætextu quidem Jubilæi quantumvis ampli, cum nullæ facultates illi suffragentur, qui absque debita satisfactione prætendunt informi confessione effugere pœnas Cap. *Omnis utriusque sexus.*

Et quia difficillimum est, delicta intelligere, & pœnitentium animos, tot & tam diversis peccatorum involutis involutos, fructuose tractare; Confessarii ad audiendas confessiones approbati, diligenter & attente considerabunt casus difficiliore, ut sunt, qui ab usurariis, & aliis illicitis, & injustis

contractibus: item a materia restitutionum, censurarum Ecclesiasticarum, & similibus pendent: quos si de sua peritia, & scientia diffidentes, evolvere non poterunt, alios peritiores, & magis expertos consulant.

Quapropter injungimus etiam De canis foraneis, ut aliquando per annum Sacerdotes congregent, & si quid obscurum aut difficile occurrerit circa casus conscientiarum, inter se conferant, & si necessarium videbitur, ad Nos, vel Vicarium nostrum Generalem referant.

Et quia Sacerdotes vice Dei Salvatoris nostri, hoc fori conscientiarum iudicium exercent; meminerint, sibi inevitabilem impositam esse necessitatem, ut vitæ, & morum integritate muneri tam sublimi respondeant; proinde in primis Dei auxilio se se exhibeant ut Ministros Christi, in patientia, & charitate.

In audiendis confessionibus eam adhibeant gravitatem, quæ Divinum hoc Tribunal decet.

Non nisi in Ecclesia confessiones audiant, exceptis casibus necessitatis. Sint induti corta & stola, sedentesque audiant confitentes.

Mulieres tantummodo clara luce (nisi gravis causa excuset) audiant, idque in loco patente, & in sedibus confessionalibus, ad hoc deputatis.

Et quia experientia docet, multos salubrius confiteri, si animi eorum apposite, & cum charitate tractentur; ideo secundum necessitatem locorum, temporum, & personarum, Confessarii advertant ad ea peccata, quibus confitentes magis obnoxios conspiciunt, ac quanta possunt diligentia, prudentia, & charitate, nunc mansuetudine, & commiseratione, nunc etiam (si id necessitas postulabit) salutari cum rigore, quærant animarum lucrum, & pœnitentium salutem.

Proinde curabunt, ut ipsi pœnitentes sinceram eorum erga se charitatem agnoscentes; vulnera animarum, & angustias conscientiarum liberius, & fidelius detegant.

Et

(*) Cap. de Pœn. & Remiss. peccat.

Et quia non defunt, qui arbitrentur se satisfacere præcepto & necessitati Sacramentalis confessionis, per quandam generalem confessionem; Parochi & Concionatores, ubi id maxime necessitas postulat, monebunt de integritate confessionis partibus, tum præcipue, de ipsa peccatorum, & circumstantiarum eorundem necessaria enumeratione: ac propterea Parochi non admittant penitentes catervatim, videantque, ut tanta distantia a confitente cæteri absint, ut quæ dicuntur tam a penitente, quam Sacerdote, a circumstantibus audiri non possint. Et populum suum moneant, ut tempestive ad confitendum accedant, nec ad ultimos Quadragesimæ dies differant.

Non raro etiam contingit, ut adversa valetudine laborantes, majorem curam gerant corporis, atque externorum bonorum, quam ipsius animæ. Ut igitur eorundem imbecillitati consulatur, serio monendos esse duximus Medicinæ Professores, ut cum primum ad ægrotos vocati fuerint, omni studio eos inducere nitantur, ne animæ minus, quam corporis salutem quærant: quod futurum est peccatorum sincera confessione, & Eucharistiæ sumptione: Nam & hæc ad sanitatem corporalem recuperandam, via est valde expedita. Quod quidem si infirmi facere negligant; Nos inhærentes *Constitutioni sel. rec. PII V.* quæ incipit: *Supra gregem Dominicum*, &c. Omnibus & singulis Medicis nostræ Diœcesis mandamus, ut post secundum diem (nisi Confessarius ægroti ex rationabili causa, longius ad confitendum spatium concesserit) infirmum amplius non visitent, donec peccata sua sit confessus, & Sacram Eucharistiam sumperit. Alioquin poenas in supra dicta Bulla contentas, ipso facto Medici ipsi incurrant.

Vetamus autem sub interminatione Divini Judicii, ne ullus Sacerdos tam regularis, quam sæcularis, terminos Parochiarum, qui a Majoribus nostris, aut a Nobis sunt constituti, transgredi (sola necessitatis causa excepta) & alienæ curæ subiectos, ad

confessionem admittere; aut alia Sacramenta administrare præsumat, nisi desuper proprii Parochi petita licentia. (*)

De Examine eorum, qui ad audiendas Confessiones deputantur.

C A P U T XVIII.

Concilium *Tridentinum Sess. XXIII. Cap. XV.* prohibet, ne ullus Sacerdos, etiam Regularis, possit sæcularium, nec Sacerdotum quidem confessionem audire, nec ad id idoneus reputari, nisi aut Parochialem Ecclesiam regat, aut ab Episcopo per examen (si illi videbitur esse necessarium) aut alias idoneus judicetur, & approbationem, quæ gratis danda est, obtineat. Extat præterea *Constitutio PII Quinti Anno M.D.LXXI.* edita, quæ incipit: *Romani Pontificis Providentia* &c. qua declarat loco citato Concilii, comprehendendi etiam Regulares mendicantes, & consequenter jubet, omnes hoc Episcoporum examen subire.

Quocirca Nos etiam gravibus scandalis, quæ ex illorum aut ignorantia, aut negligentia oriuntur, qui se se audiendis confessionibus ingerunt, occurrere volentes: Statuimus, & vetamus sub poena excommunicationis, ne ullus Sacerdos tam sæcularis, quam Regularis, beneficium curatum non obtinens, audiendis confessionibus se se immisceat, nisi primo a Nobis, vel Vicario nostro fuerit approbatus.

Et ut fructuose hæc audiendarum confessionum facultas iis tantum impertiatur, qui possint debito modo animarum languoribus, salutaris penitentiae medicamentis succurrere, admonemus omnes, ad audiendas confessiones approbatos, nec non illos, qui ad hoc munus destinantur, aut aspirant, ut diligenter Catechismum Romanum, & approbatas Summas perlegant, multiplices conscientiae casus attente considerent, se seque ita, Domino juvante, præparent, ac disponant, ut possint cum spiritali animarum lucro hoc Dei Tribunal exercere.

Volu-

(*) Trid. Sess. XIV. Cap. VII.

Volumus etiam, ut qui audienturum Confessionum facultatem requirunt (nisi sint ejus doctrinæ, & experientię, ut examini subijciendi non videantur) diligenter interrogentur de forma absolutionis; de peccatorum differentiis, & circumstantiis; de excommunicationibus, irregularitatibus, de casibus, reservatis, de satisfactionibus, pœnitentiis, & aliis, quæ necessario hoc conscientię judicium exercentes, scire debent.

Quod si ex responsionibus apparuerit, aliquem Catechismum Romanum, vel non legisse, vel non percepisse, nec studium adhibuisse, ut ex lectione, & meditatione probatarum Summarum, aliorumque piorum Tractatum potuerit instrui, ad hoc munus non indigne tractandum; is omni respectu postposito, repellatur, neque prius admittatur, quam constiterit, eum tantum profecisse, quantum muneris hujus recte exequendi ratio exoptulat.

De Sacramento Extremæ Unionis.

CAPUT XIX.

Parochi congruo tempore fidelibus hujus Sacramenti virtutem & efficaciam explicabunt, illosque monebunt, ut procurent, illud infirmis in tempore adhiberi, quo percipientes, quæ circa ipsos hoc extremo pietatis officio aguntur, intelligant, se hujus Sacramenti gratia munitos, ex hac mortali vita expeditiorem viam ad Cœlum habere.

Ipsos infirmos verbis placidis, & piis erigent in spem exuberantis Misericordiæ Dei; illos exhortantes, ut hoc Sacramentum ea devotione suscipiant, ut & corporis & animæ salutem Benignissimæ Dei voluntati resignent. Hæc autem, & alia his accommodata, Parochis abunde suppeditabit diligens lectio Catechismi Romani.

Quod si Regularis ad alicujus infirmi Confessionem audiendam vocatus fuerit, is, si periculum mortis infirmi imminere cognoverit; moneat adstantes, ut tempestive Parochum de lan-

guentis periculo certificent. Si vero probabiliter possit præsumere, ipsos id in tempore forsitan non facturos; ipsemet Parochum adeat, ne ex ignorantia periculi contingat, infirmum absque Extremæ Unionis solatio decedere.

Atque ut hoc Sacramentum in debita reverentia habeatur, statuimus, ut Sacrum Oleum in tuto & honesto loco, & vasculo argenteo, vel stanneo, mundo & decenti, ab aliis Sacrorum Oleorum vasculis distincto, honorifice servetur, & qua decet reverentia, deferatur.

In cæteris ad Ritualis nostri præscriptum, & cæremonias Ministri recurrant.

De Sacramento Ordinis.

CAPUT XX.

Parochi, & alii omnes, quibus Verbi Dei populo annunciandi cura commissa est, doceant juxta *Sacri Concilii Tridentini* præceptum, JESUM CHRISTUM salutis nostræ Auctorem, ut dilectæ Sponsæ suæ Ecclesiæ visibile reliquit Sacrificium, sic etiam visibile instituisse Sacerdotium.

Ac propterea populum diligenter monebunt, ut spirituales hanc potestatem non hominum meritis; aut conditione metiantur, sed potius in ipsis Ministris, Dei ministerium venerantes, omnibus tam Sacerdotibus, quam iis, qui in aliis Ordinibus Ecclesiæ (quibus quasi gradibus ad Sacerdotium ascenditur) constituti sunt, debitam reverentiam exhibeant. Et quia non omnes Sacerdotes pari sunt potestate, ratione jurisdictionis tam fori interioris, quam exterioris; Ideo moneantur populi, ut suis propriis Parochis, quibus curæ salutis animarum ipsorum est commissa, non solum reverentiam, sed & obedientiam exhibeant, ipsorumque monita libenter suscipiant. Quod multo idem magis locum habet in consideratione Episcopalis dignitatis, cui ultra proprias functiones Pontificales, ratione plenariæ potestatis jurisdictionis in utroque foro; competit alios graviore casus, prout regiminis ratio

exigit,

exigit, reservare, aliaque ordinare, & statuere, ad quæ fideles omnes Diocesani obligantur, & in quibus inferiores Sacerdotes, etiam Curati, se se ingerere non possunt. Unde monendi sunt populi, ut Episcopi sui constitutiones, ordinationes, reservationes, edicta, interdicta, & excommunicationes venerentur, sollicitèque ad illum recurrant in iis, quæ ipsius auctoritati reservata cognoverint.

Quod item longe magis in his observandum, quæ Summo Pontifici Romano noverint reservata.

In summa docebunt, in Dei Ecclesia (quæ est ut castrorum acies ordinata) Divina institutione differentibus functionibus, & potestatibus, sub uno in terris Christi Vicario, omnia esse ordinate disposita, in opus ministerii, ad consummationem Sanctorum.

Præcipimus autem Parochis, ut quotiescunque intelligent, ordinationes esse habendas (quod per edictum illis innotescet) id populo, ubi aliqui fuerint ordinandi, annuntient, atque hortentur, ut Deum orent, quo in tanti ministerii partem ii tantum assumantur, qui & vitæ exemplo, & doctrina salutare populo præluce possint.

Edictum, in quo ordinandorum nomina continebuntur, ita promulgabunt, ut de Sacramenti dignitate, & utilitate, aliqua præmittant: moneant etiam omnes, ut si quid habent adversus aliquem ex ordinandis, ob quod tanquam indignus repelli possit, aut alias noverint, aliquo impedimento irrecitum, id secreto, omni odio, ac passione sepositis, ipsi Parocho denuncient: quod si causa sublit, cur Parocho id forte aperire nolint, Vicario nostro Generali, vel Decano rurali significant.

Parochi autem ipsi sub Divini iudicii interminatione, si quid intellexerint, aut noverint de promovendis, quo indigni possint judicari, id tempestive denuncient, omni personarum postposito respectu.

Observent etiam suæ Parochiæ pueros, & alios, qui ad Clericalem statum, & ordinem aspirant; illosque ex charitate salutaribus monitis diri-

gant, & quantum possunt, juvent, ac parentes moneant, ut si filios suos cupiunt Clericali statui adscribi, eorum exactiorem tam in literarum, quam morum disciplina curam habeant.

De observandis in collatione Ordinum.

CAPUT XXI.

CUM disciplina Ecclesiastica nulla re magis labefactetur, quam cum indigni promoventur ad Clericalem statum, & Doctor gentium moneat, manus nemini cito imponendas esse; Nos, ut ea adhibeatur diligentia in Ordinum collatione, quam rei ipsius gravitas postulat, monemus omnes, & quoscunque Diœcesis nostræ Clericos in minoribus Ordinibus constitutos, qui ad majores aspirant, ut juxta Sacri Concilii Tridentini determinationem *Sess. XXIII. Cap. V.* se se per mensem ante ordinationem, Nobis, aut Vicario nostro, nec non Archidiacono præsentent; quo Parocho, aut cui magis expedire videbitur, possit committi inquisitio de natalibus, ætate, moribus, & vita: neque ullus præsentetur, aut admittatur ad ordinationem, qui literas testimoniales, inquisitionem, juxta nostram, vel Vicarii nostri commissionem factam continentes, non exhibuerit, ad quod Archidiaconus pro muneris sui ratione, diligenter advertat.

Parochi (si inquisitione diligenter facta, nullus quicquam opponet) inquisitionem ipsam obsignatam Nobis, vel Vicario fideliter mittant, vel ipsi ordinandi deferant.

Præsentatis autem omnibus, qui ordinari intendunt, præfigetur certus dies, quo ad examinationem faciendam, tempestive compareant.

Curet autem Archidiaconus, ut in ipsa examinatione ea omnia diligenter observentur, quæ Sacrum Conc. *Trid.* statuit *Sess. XXIII. Cap. XI. XII. XIII. & XIV.*

Et quia in Ecclesiæ Ministrorum ordinatione, nihil aliud attendi debet, quam ipsius Ecclesiæ utilitas, ante collationem Ordinum magna est adhibenda cautio in examine, maxime eorum,

G g g qui

qui ad Sacros Ordines assumuntur; an videlicet illa intelligant, & sciant, quæ ad Ordinem illum exercendum requiruntur. Et in primis, an Breviarii, & Missalis ipsius Rubricas reformatas norint, & quæ ulterius hac de re Cærimoniale continet, & docet.

De Sacramento Matrimonii.

CAPUT XXII.

Parochi opportunis occasionibus de Sacramento Matrimonii ea docebunt juxta Sacri (*) *Concilii Trid.* Decreta, quæ fideles scire tenentur. Utque Sacramentum hoc in nostra hac Dicecesi in debita veneratione habeatur, præcipimus Parochis, ut quoties necessarium duxerint, Decretum ipsius Concilii de *Matrim. Sess. XXIV. C. I.* publicent & explicant: Tum vero exeunte interdicti tempore, videlicet, Dominica præcedenti Epiphaniam Domini, & secundo vel tertio Festo Paschatis populum diligenter moneant, ut accurate observent, quæ de Sacramento Matrimonii sunt constituta, & uti Sancti hujus Sacramenti dignitas postulat, cum omni honestate, in timore Domini Matrimonia rite & legitime contrahant. Non solum a clandestinis, & invalidis Matrimoniis, sed etiam a clanculariis, & furtivis promissionibus & patetis de contrahendo abstineant.

Quod si Parochi, fama, aut aliis argumentis cognoverint, istis viis rudem, & simplicem juventutem circumveniri; parentes, & eos, in quorum potestate sunt, admoneant, ut caute periclitantium pudori & famæ consulant.

Ut vero hac in re audacia quorundam debite coerceatur: si qui occultis, & dolosis promissionibus suæ cupiditati viam aperire tentaverint, & a Parochis moniti, eas promissiones legitimis solemnitatibus Matrimonio rite contracto stabilire detrectaverint; hos Nobis, vel Vicario nostro Parochi ipsi denuntient ad hoc, ut contra ipsos, tanquam pudoris, & honoris circumventores, & qui impie, & impudenter venerando Matrimonii nomine abutun-

tur (reservata parti actione) juxta Canonum dispositionem, pœnis tam pecuniariis, quam etiam carceris, & bani, prout rei, & personarum qualitas postulabit, procedatur.

Denunciations super contrahendo Matrimonio non fiant, nisi prius certus sit Parochus de consensu contrahentium.

Si contrahentes fuerint diversarum Parochiarum, non deveniatur ad ipsum Matrimonium, nisi Parochus, ubi solemnizandum erit, certior sit factus ab alio Parocho de publicationibus etiam ab illo jam factis, & quod nullum sciatur legitimum impedimentum.

Interdicti tempore nullus Parochus Matrimonium absque speciali nostra, vel Vicarii nostri licentia, sub pœna viginti florenorum, ad opus pium arbitrio nostro applicandorum, audeat solemnizare.

Qui aliquod sciverint impedimentum legitimum, illud Parocho tempestive denuntient, sub pœna mortalis peccati, aliisque pro personarum, & facti qualitate nostro arbitrio, vel Vicarii nostri infligendis.

Impedimentum inter se extare scientes, nullo modo sub spe dispensationis obtinendæ contrahant, sed prius dispensationem obtinere curent.

Si scientes impedimentum, de facto contraxerint, pœnam decem; quod si etiam ausi fuerint consummare, viginti florenorum ad opus pium nostro arbitrio applicandam incurrant, ultra alias pœnas, & penitentias, juxta scandali, & personarum qualitatem infligendas.

Si Sacerdos sciens impedimentum, solemnizare Matrimonium ausus fuerit; præter pœnam suspensionis a Sacris Canonibus constitutam, multam quinquaginta florenorum, nostro arbitrio applicandam, incurrat.

In Sponsalibus, Parochi moneant contrahentes, mulieres præsertim, per ipsa verba de futuro non contrahi tunc Matrimonium, sed obligari tantum ipsas partes ad contrahendum (si nullum extiterit impedimentum) forma *Concilii Tri-*

(*) Sess. XXIV. Cap. I. de Reform. Matrim.

Tridentini servata; ubi Parochi, quando interveniunt sponſaliorum contrahendi, diligenter caveant, ne verba adhibeant, quibus per conſenſum contrahentium ipſum Matrimonium contrahitur.

Serio etiam, ac frequenter Parochi inculcabunt, ut qui tantum per verba de futuro contraxerunt, quatenus ſalutem animæ ſuæ charam habeant, in eadem domo minime cohabitent, atque a copula carnali, donec Matrimonium legitime contractum ſit, abſtineant.

Parochi ſedulam operam præſtent, ut ſponſi antequam contrahant, vel ſaltem triduo ante Matrimonii conſummationem conſiteantur, & Sanctam Communionem accipiant, juxta piam *Concilii Trid.* exhortationem.

Prohibeatur per Parochos dam-
nabilis ille abuſus, quo vulgus alicubi in nuptiis ad ſecunda vota tranſeuntium, vel alias polygamorum, tintinabulis, & id genus aliis rebus importune perſtrepere conſuevit ad domum ipſorum ſponſorum, contra Sancti hujus Sacramenti dignitatem. Et in ſumma ea omnia Parochi prohibeant, quæ in contrahendis matrimoniis Sacramenti reverentiam videntur imminuere, nihilque, in Eccleſiis præſertim, fieri permittant, quod indecentiam, aut petulantiam præ ſe ferat.

Parochus in celebrando Matrimonio, ſi tempus id patitur, brevi ſermone aliquo, ipſius Sacramenti Sanctitatem commendat; de bonis Matrimonii, fide, prole, & Sacramento, juxta id, quod abunde Catechiſmus Romanus ſuppeditabit, ſermone inſtituto.

Præterea Prædeceſſorum noſtrorum Conſtitutionibus inhærentes, etiam ſub excommunicationis pœna interdiciamus omnibus tam Clericis, quam laicis per Diœceſin noſtram ubilibet conſtitutis, ne ullus eorum de cauſis matrimonialibus cognoscere, concordare, ſeu diſſinire judicialiter præſumat, abſque noſtra licentia & mandato ſpeciali.

Contra conjugatos utriusque ſexus, qui nulla legitima cauſa, ſed pro-

Tomus VIII. Concilior. German.

pria temeritate, ſibi mutuo cohabitare nolunt (etiãſi a fornicatione alias abſtineant) niſi infra terminum a Parocho præſcriptum, ad cohabitationem redierint, arbitrariis pœnis præcedi volumus. Quibus etiam obnoxios eſſe declaramus, qui eos fovere in domibus ſuis auſi fuerint.

Parochi denique ſæpius per opportunitatem moneant fideles in ſtatu matrimoniali degentes, ut maritali caſtitate & charitate honorabile ſuum conjugium comprobent. In primis vero eos diligenter monebunt, ut filios in timore Domini inſtituant, ut videantur intelligere, illos ad Matrimonii bonum tum demum pertinere, ſi per rectam educationem Chriſtianæ pietatis & religioni inferantur.

De Feſtis, & diebus jejuniorum.

C A P U T XXIII.

PRÆTER Feſta, quæ ex præcepto Eccleſiæ celebranda ſunt, & in quorum vigiliis (legitimo impedimento deſſante) jejunandum, a cibis ex uſu Eccleſiæ Catholicæ vetitis, abſtinendo, ac ſemel tantum in die, circa meridiem cibum ſumendo; in Episcopatu noſtro Tridenti, ſolemniter ab omnibus celebrandum eſt Feſtum Divi Vigili Episcopii & Martyris glorioſi, Patroni ipſius Civitatis, ac totius Diœceſis.

Qui vero in diebus præſatis, ex præcepto Eccleſiæ celebrandis, nec non Sancti Vigili, opus ſervile, ſine urgenti neceſſitate feciſſe, deprehenſus fuerit, præter Divinam ultionem, & amiſſionem animalium ac instrumentorum, quibus uſus fuerit, Eccleſiæ locorum, vel alias arbitrio noſtro, vel Vicarii noſtri applicandorum, pœnam etiam duorum florenorum incurrat; quorum quarta cedat denuncianti, reliquæ vero tres partes fabricæ Eccleſiæ loci applicentur. Ad quam multam exigendam teneantur Syndici, ſeu Maſſarii Eccleſiarum, quibus fuerit applicata: habeantque exactores pro ſuo labore, quaternos cruciferos: & ſummarie, ac de plano, ſine figura judicii in his procedatur.

G g g 2

Si

Si qua vero inciderit ingens necessitas operis alicujus faciendi; Parochi, alique Curati, habita ratione loci, rei, temporis, & personarum, poterunt (dummodo id caute & citra scandalum fiat) dispensare; in quo ipsorum conscientiam oneramus.

Festa autem Sanctorum Sisinnii, Martirii, & Alexandri Martyrum: Item Sanctæ Maxentiæ Matris Sancti Vigili, Sancti Romedii Confessoris, & Sancti Simonis innocentis Martyris, ejusdem Tridentinæ Civitatis & Diocesis Advocatorum, in Ecclesiarum Dedicationibus, & juxta piam cujusque loci consuetudinem, observanda sunt; quemadmodum Festa Sancti Martini, Catharinæ, Antonii, Mariæ Magdalene, Rochi, Agnetis, Gregorii, & similia.

De Ecclesia Cathedrali.

CAPUT XXIV.

Cum Venerabile Cathedralis Ecclesiæ Capitulum Nobis, uti capiti, arctissime sit conjunctum, meritoque illius exemplo, & auctoritate fideles totius Diocesis plurimum moveantur: Nos Decanum, & Canonicos in Domino monemus, ut ea, qua decet eorum ordinem, gravitate, habitu, incesso, & conversatione se vere Ecclesiæ Senatum exhibeant, curentque non tantum aliis præluere observatione eorum, quibus Ecclesiasticæ dignitatis status continetur, augetur, & observatur; sed in illud etiam incumbant, ut inferior Clerus Cathedralis Ecclesiæ statuta, & ordinata circa vitam, mores, honestam cohabitationem, habitum & tonsuram, diligenter observet.

Nos quoque, quotiescunque id justitiæ ratio postulabit, officio nostro, secundum Sacrorum Canonum & Concilii Tridentini dispositionem, pro debita salubriter ordinatorum observantia & executione non deerimus.

Et quia assidua Canonicorum Reversentia cum ipsius Ecclesiæ dignitate, & decore maxime est conjuncta, ac Divinus cultus ab ea plurimum pendet; Ideo eam juxta antiquam hujus Ecclesiæ consuetudinem, & Concilii Tri-

dentini præscriptum diligenter præstabunt.

Sciant autem, Concilii dispositione Canonicos teneri ita suam præsentiam Ecclesiæ debitis temporibus exhibere, ut quæ hebdomadatim, ex præbendarum onere incumbunt, Missas, & officia accurate præstent. Ac proinde in ordinariis sextarum feriarum Capitulis, sæpius diligenter providebunt, ut propriis functionibus, & officiis omnes tam de gremio Capituli, quam Capellani, & inferiores Sacerdotes Cathedralis Ecclesiæ satisfaciant.

Videant, ut in Choro diligenter secundum Romanæ Ecclesiæ ritum, Divinæ laudes persolvantur: tum Cærimoniarum concinne, & cum dignitate observentur: & si quid temporum injuria irrepsit, quod Romanæ Ecclesiæ consuetudini non correspondeat, id emendetur.

Circa animarum curam, quæ Cathedrali Ecclesiæ conjuncta est, aut Ecclesiis ipsi Capitulo incorporatis competit, ea observentur, quæ in visitationibus, juxta Sacri Concilii Tridentini dispositionem diffusè præscripta fuerunt: quæque in proxima futura præscribentur: idemque de Mansionariorum, & Capellanorum officio dicimus.

Et quia distributiones diebus feriatis valde sunt exiles, ordinamus, ut congruæ portionis accessione augeantur.

In collationibus, & provisionibus Canonicatum ea servantur, quæ Sacrum Concilium Tridentinum statuit, tam circa ætatem, quam alias qualitates. Serventur etiam diligenter, particularia Summorum Pontificum indulta, huic Ecclesiæ circa Canonicorum assumptionem concessa, in quo si se aliquæ difficultates objicerent, ad S. D. N. erit pro congruo remedio, aut dispensatione recurrendum.

Et quia gravitas Collegii Canonici maxime pendet ex dignitate personarum, quæ assumuntur; decori illius maxime videtur convenire, ut in Capitulo adsit Theologus præbendatus. Ideo juxta Decretum Concilii Tridentini Sess. V. Cap. I. de Reformatione, ordina-

dinamus, ut prima vacatura præbenda promotio in Sacra Theologia in universali Academia conferatur. Qui tamen secundum indultorum præscriptum, illius capax sit, & cui lectionis Theologicæ munus incumbat.

Item etiam de secundo loco vacatura præbenda statuimus de Pœnitentiario, qui qualitates habeat a Sacro Concilio requisitas, quique præbendam secundum indulta sit capax.

Demum quando Statuta Ven. Capituli sunt maxima ex parte conflata ex Synodalibus Antecessorum nostrorum Constitutionibus; Capitulum curabit, ut illa, juxta *Sacri Concilii Tridentini* dispositionem, & præsentis Constitutiones, reformentur, & ampliuntur, prout præsentium temporum ratio postulat.

Laudabilem, longævam, & præscriptam consuetudinem circa primarios fructus, a nostris Prædecessoribus Episcopis Tridentinis confirmatam: Nos etiam confirmamus, videlicet: ut omnes Beneficiati cum cura, vel sine cura, exempti, vel non exempti, primarios fructus beneficiorum, & Ecclesiarum quarumcunque, per mortem, aut permutationem, vel qualitercunque vacantium, ac toties quoties ea vacare contigerit, in collatione, seu investitura eorundem beneficiorum teneantur, ac debeant, & quilibet eorum teneatur, & debeat Massariis Ecclesiæ nostræ Cathedralis Sancti Vigili, secundum eorum taxam dare, & respondere, seu super hoc cum eis concordare. Quam consuetudinem, a nostris Antecessoribus acceptam, volumus inviolabiliter observari; omnibus exceptionibus juris & facti remotis.

Et cum Ecclesia hæc nostra Cathedralis ita nobis sit cordi, ut eam quam ornatissimam, & omnibus necessariis instructissimam esse desideremus: hortamur, & requirimus Vener. Decanum, & Canonicos ejusdem, ut officia omnia, præsertim Massariatus, personis integritate, fide, & industria præstantibus committant, quæ non per substitutos, sed per (*) ipsos ea administrant.

De Visitatione Ecclesiæ Sancti Vigili.

CAPUT XXV.

ANtecessorum nostrorum Decretum sequentes, mandamus omnibus & singulis Plebanis, & Rectoribus Ecclesiarum, qui annuatim Ecclesiam matricem Sancti Vigili cum plebibus sibi commissis, visitare consueverunt, ut singulis annis, in Festivitatibus Sancti Vigili, seu in Anniversario Dedicationis, vel in Festivitatibus Paschatis Resurrectionis, aut Pentecostes, juxta morem & consuetudinem eorundem, una cum laicis utriusque sexus ad hoc aptis, uno nimirum pro qualibet domo, se Tridentum conferant, ac præsentent ad tumulum, & Altare Sancti Vigili, in signum subjectionis, & reverentiæ, sub pœna decem librarum fabricæ Sancti Vigili applicanda, quam quemlibet Presbyterorum, ac etiam laicorum; huic nostro Decreto contravenientium incurrere volumus. Alii vero Plebani de mandato nostro, Parochianos suos adhortentur, ut & ipsi Ecclesiam Sancti Vigili supra dictis diebus visitent.

De vita & honestate Clericorum.

CAPUT XXVI.

CUm ad Divini cultus observatorem & augmentum in primis pertineat, adscriptos Ecclesiastico Ordini cæteris vita & moribus prælucere, ac quodammodo præire: Nos CARDINALIS BERNARDI Constitutionem novantes, omnibus Clericis per Diocesim nostram ubilibet constitutis, cujuscunque gradus, vel conditionis existant, præcipimus, & mandamus, ut, qua decet in sortem Domini vocatos, gravitate, modestia, & inculpabili conversatione (quemadmodum etiam Sacrum *Tridentinum Concilium* pie requirit) irreprehensibiles se se exhibeant.

Abstinencia a comessationibus, comotationibus, & intempestivis conviviis, choreis, lufibus, spectaculis,

G g g 3

taber-

(*) forte: se ipsos.

tabernis, illicitis venationibus, usura, mercatura, & aliis negotiis, & exercitiis sæcularibus, quibus Sanctitas Clericali statui debita contaminatur: Armorum etiam deportatione, rixis, & aliis, de quibus Sacri Canones, præsertim *Trid. Concilium* salubriter & copiose statuit.

Et quia per decentiam exterioris habitus, compositi animi affectus potissimum declarantur; ordinamus, ut omnes Clerici coronam gerant decentem & conspicuam juxta cujusque Ordinis gradum. Barbas vero tales gerant, ne videantur partium quarundam rasura, militares homines imitari; vel plane abrasas, vel circumtonsas gerant, præcipue vero pilorum præcisione superiora labra appareant.

A sericis præsertim pretiosioribus abstineant: in Ecclesiis & in publico vestes gerant talares nigras, juxta hujus Episcopatus consuetudinem: subtraneas habeant ad talos usque demissas, vel quæ genua ad minus contegant; vel saltem superiores vestes talares portent clausas, ita ne inhoneste pectus, ventrem, & femora ostendant.

In villis & pagis tamen pro necessitate aliquando brevioribus uti poterunt. Nunquam incedant thorace & caligis solis induti. Birreta habeant quadra, nec in Ecclesia, aut coram Episcopo utantur galero: Camisiarum collaria deferant non crispata, neque admodum elaborata, quæ lasciviam præferant.

Parochi, Cooperatores, & Beneficiati, quum ex obligatione foundationis Divino Officio interfunt, cottis sint induti. Quod si qui huic Constitutioni non paruerint, contra eos procedatur, juxta Sacri Concilii *Tridentini* Decretum *Seff. XIV. Cap. VI.* cujus circa hæc tenor talis est:

"Propterea omnes Ecclesiasticæ personæ quantumcumque exemptæ, quæ aut in Sacris fuerint, aut dignitates, personatus, officia, aut beneficia quæcumque Ecclesiastica obtinuerint, si postquam ab Episcopo suo etiam per edictum publicum moniti fuerint, honestum habitum Clericalem, illorum ordini, & dignitati congruen-

"tem, & juxta ipsius Episcopi ordinationem, & mandatum non detulerint, per suspensionem ab Ordinibus, ac officio, & beneficio, ac fructibus, redditibus & proventibus ipsorum beneficiorum: nec non (si semel correpti denuo in hoc deliquerint) etiam per privationem officiorum, & beneficiorum hujusmodi coerceri possint, & debeant, secundum Constitutionem CLEMENTIS V. in Concilio Viennensi editam, quæ incipit: *Quoniam immovando, & ampliando.*"

In minoribus Ordinibus constituti, sciant maxime decere, ut ad minus omnibus Solennitatibus, & Festis præcipuis Beatæ Virginis, Sacram sumant Eucharistiam, quod si non faciant, tales ad aliores Ordines non facile admittantur.

De Clericorum & mulierum suspecta, & prohibita cohabitatione.

CAPUT XXVII.

CUM deceat Clericos non solum malo, & culpa, sed etiam omni culpæ suspitione vacare, prohibemus eisdem, omnem suspectam mulierum cohabitationem: statuentes, ut nullus Sacerdos, sive Clericus de cætero mulieres apud se habere, & tenere audeat, præter matrem, sororem, amatam, aut aviam; vel extraneam, quæ excedat annum quadragesimum quintum, eamque bonæ famæ, sub pœna florenorum decem, quotiescunque contra factum fuerit, in pios usus applicandorum.

Declarantes etiam illarum cohabitationem esse pro suspecta habendam, quæ alias in eorundem, aut aliorum concubinato fuerint, licet ob senium de præsentem videantur carere suspitione; Item & illas suspectas dicimus, quæ de lenocinio diffamata existant.

Quantopere vero detestandus sit concubinatus in his, qui Divinis officiis, ac ministeriis sunt adscripti, nullis nos verbis aptius explicare posse arbitramur, quam quibus utitur Sacrum *Concilium Tridentinum*, cujus hac de re Decretum ideo de verbo ad verbum his

his nostris Constitutionibus inferi volumus, ut omnes intelligant, Nos juxta illius præscriptum, contra quoscunque, nullo personarum habito respectu, ut officii nostri ratio exigit, processuros: cujus tenor est:

Quam turpe, ac Clericorum nomine, qui se Divino cultui addixerunt, sit indignum, in impudicitiae sordibus, & concubinato versari, &c. *Vide Tomo nostro VI. pag. 930.*

De ebrietate Clericis vitanda.

CAPUT XXVIII.

Quia etiam in Clericali ordine inveniuntur aliqui ita vino dediti, ut limites temperantiae, & honestatis transgredientes, ipsos seculares, alioquin erga religionem bene affectos, sua temulentia ita offendant, ut debitum Ordini Ecclesiastico reverentiae affectum exuant; Nos huic malo occurrere volentes, Clericos cujuscunque ordinis serio monemus, ut ab hujusmodi vitio sibi caveant: Statuentes, & ordinantes, quod si quis Sacerdos, aut Clericus in Sacris constitutus, post debitam admonitionem (quæ etiam auctoritate præsentis Decreti facta censeatur) ab ebrietate, nec non tabernis, & diversoriis (excepta causa necessitatis) aliisque intempestivis conviviis, & comotationibus non abstinuerit; prima vice, qua in aliquo præmissorum deliquerit, ultra alias penas delicti, si quod ibi per eum committi contigerit, poenâ decem librarum mulctetur, fabricæ Ecclesiæ, cui inservit, pro duabus tertiis, & alia tertia parte denunciatori etiam secreto, applicanda. Si secundo deliquerit, mulcta duplicetur, ac jejuset semel in pane, & aqua sub reatu peccati mortalis. Si tertio, mulcta & jejunium triplicentur. Si vero ulterius in hoc vitio infortuerit, tanquam incorrigibilis, graviore poenâ, etiam privationis officii, vel beneficii, nostri, vel Vicarii arbitrio puniatur. Verum si Clericus, Sacro Ordine non initiatus, vel beneficium non obtinens, in præmissis, vel aliquo præmissorum deliquerit; penas vel multas per Nos, vel Vicarium nostrum arbitrandas, se noverit incurfu-

rum: Quod si his modis correpti tales se se non correxerint, vel ob solum hoc ebrietatis crimen rejiciantur, quotiescunque se examinandos, vel suscipiendorum Ordinum, vel concursus ad beneficium obtinendum occasione, præsentaverint.

Volentes insuper, & serio mandantes, quod in quolibet casuum præmissorum, tam ex mero officio, quam alio quocumque modo, Vicario nostro benevisso, contra transgressores summarie & de plano procedatur.

De Horis Canonicis dicendis.

CAPUT XXIX.

Antecefforum nostrorum vestigiis inhærentes, statuimus, & ordinamus, ut Rectores tam Collegiatarum, quam Parochialium Ecclesiarum, procurent in Ecclesiis suis haberi libros Horarum, secundum usum Ecclesiæ Romanæ, juxta cujus styllum, officium rite peragi possit; idque integre, distincte, intelligibiliter, atque attente, tanquam cum Deo colloquentes, persolvant.

Qui vero Horas Canonicas, aut domi, aut foris, seu in itinere, absque legitimo impedimento omiserint, ultra peccatum, quod incurrun, poenis *Constitutionis PII V.* quam hic subjungendam duximus, subjaceant, quæ sic habet:

" Ex proximo Lateranensi Concilio pia, & salubris Sanctio emanavit,
" ut quicumque habens Beneficium Ecclesiasticum cum cura, vel sine cura,
" si post sex menses, quam illud obtinuerit, Divinum Officium, legitimo cessante impedimento, non dixerit, beneficiorum suorum fructus pro rata omissionis, & temporis, suos non faciat; sed eos, tanquam injuste perceptos, in fabricas ipsorum beneficiorum, vel pauperum eleemosynas erogare teneatur. Verumtamen ne multorum animi suspensi teneantur, cujusmodi ratæ prædictæ ratio sit habenda, Nos huic rei evidentius, atque expressius providere volentes, statuimus, ut qui Horas omnes Canonicas uno, vel pluribus diebus in-

termi-

" termiserit, omnes beneficii, seu beneficiorum suorum fructus, qui illi, vel illis diebus responderent, si quotidie dividerentur : Qui vero Matutinum tantum, dimidiam : qui cæteras omnes Horas, aliam dimidiam : qui harum singulas, sextam partem fructuum illius diei amittat.

" Item, si aliquis Choro addictus, omnibus Horis Canonicis, cum aliis præfens adsit, non tamen recitans; fructusque & distributiones sola præsentia, juxta Statuta, consuetudinem, foundationem, vel forte aliter assignatas, sibi lucrificasse prætendant : is etiam præter fructuum, & distributionum amissionem (sicut ille, qui primis sex mensibus officium non dixerit) nisi legitimum impedimentum ipsum excusaverit; grave peccatum se intelligat admisisse.

" Declarantes præstimoniam, præstimoniales portiones, ac qualiacunque alia beneficia, etiam nullum omnino servitium habentia obtinentes, cum prædictis pariter contineri.

" At quicumque pensionem; fructus, aut alias res Ecclesiasticas, ut Clericus percipit, eum modo prædicto ad dicendum Officium parvum Beatæ Mariæ Virginis, decernimus obligatum, & pensionum, fructuum, rerumque ipsarum amissioni obnoxium."

De Seminario.

CAPUT XXX.

Seminarium ex sententia Sacri Concilii (*) Tridentini stabilire cupientes, ultra Prioratum Sanctæ Crucis extra muros Tridenti, & alia, jam ante ad ipsum Seminarium destinata; eidem in præsentem Synodo, infra scripta beneficia, una cum oneribus suis, in perpetuum applicamus, & incorporamus, sine præjudicio tamen in præsentia possidentium.

Videlicet:

Hospitale, seu Prioratum *Campellii*, cum suis annexis.

Prioratum *S. Thomæ, Ripæ, & Archi.*

Hospitale, seu Prioratum *Sancti Hilarii Roboreti.*

Prioratum *Sanctæ Margaritæ*, vallis *Lagarinæ.*

Hospitale, seu Prioratum *Sancti Martini Tridentini.*

Prioratum *Sancti Thomæ*, in plebe *Romani*, vallis *Annaniæ.*

Prioratum, seu Capellam *Sanctæ Brigide*, in plebe *Maleti*, vallis *Solis.*

Prioratum in *Tonalo.*

Beneficium *Sancti Danielis*, plebis *Flavoni.*

Beneficium *Sancti Galli*, in plebe *Revodi.*

Beneficium *Sancti Lazari*, ibidem.

Beneficium, seu Clericatum in Ecclesia Parochiali *Leudri.*

Beneficium *Sancti Jacobi de Airono*, plebis *Thioni.*

Ut autem interea temporis (videlicet donec præfata beneficia cum effectu Seminario per vacationem applicabuntur) illud sustentari queat; Nos temporarie providentes, juxta ejusdem Concilii præscriptum, deputamus Ven. & Nob. Hieronymum a Roccabruna, Canonicum & Archidiaconum, nec non Hon. Presbyterum Pompeum Arnoldum, Beneficiatum Ecclesiæ Sancti Vigili, Oeconomum nostrum, qui pro parte nostra, pensatis necessariis sumptibus, una cum Ven. Nob. Sylvio de Prato, Canonico & Vicario nostro Generali, ac Hon. Presbytero Bartholomæo Bonetto, Deputatis pro parte Capituli, & Cleri Civitatis, definiant portionem ex mensa Episcopali, & Capituli, ac fructibus quorumcunque beneficiorum nostræ Diocesis detrahendam, & eidem Seminario (ut præmittitur) medio hujusmodi tempore præstandam.

De Collatione Beneficiorum, examine, & Examinatoribus.

CAPUT XXXI.

UT animarum cura, quæ merito ars artium a Sacris Canonibus appellatur, a dignis & idoneis personis administretur, in collationibus, seu provisionibus quorumcunque Beneficiorum curatorum, etiam juris Patronatus,

(*) Sess. XXIII. C. de Reform.

natus, formam Sacri Concilii Tridentini servari volumus, quæ præscribitur in Cap. XVIII. Sess. XXIV. incip. *Expedi*.

Examinatores autem, qui concurrentium sufficientiam explorent, in futurum quoque, sicut jam observatum fuit, in Synodo, aut alias, prout expediet, etiam extra Synodum subrogari volumus, servatis omnibus in eorum electione, quæ in eodem Decreto Concilii statuuntur.

Qui per Examinatorum approbationem, Beneficium Ecclesiasticum obtinuerit, si ad aliud postmodum, vel per concursum, vel aliter promoveri volet, teneatur rursus se examini subicere, in quo tam ejus sufficientia, quam antea vitæ series exploretur, maxime si a Beneficio simplici ad curatum aspirabit.

Nullus illegitime natus, in Ecclesia, in qua pater beneficium obtinet, beneficium possideat; aut patri in illa serviat in Altaris ministerio: & districte servetur Constitutio Concilii Tridentini Sess. XXV. Cap. XV. de Reform. incipiens: Ut paterna.

Ut obtinentes Beneficia incompatibilia de dispensationibus doceant.

CAPUT XXXII.

Antecefforum nostrorum Decreto circa Beneficia incompatibilia inhærentes, & Sacri Concilii Tridentini ordinationi satisfacere volentes; statui-mus, & ordinamus, ut quicumque Clerici in nostra Diœcesi plura beneficia obtinent, infra quatuor menses a publicatione præsentium in Synodo præsentia facta, immediate sequentes, de legitimis suis titulis, & compatibilitate; & si incompatibilia, de dispensationibus doceant: alioquin ex sententia Decreti Tridentini (*) Concilii, juxta Constitutionem Gregorii X. in Conc. generali Lugdun. editam, quæ incipit: *Ordinarii*, contra ipsos procedemus.

De Residentia Curatorum.

CAPUT XXXIII.

Quicumque in hac Civitate ac Diœcesi nostra, beneficia obtinent,

quibus animarum cura incumbit, in iis personaliter resideant: quod qui non præstiterint, præter mortale peccatum, quod committunt, noverint beneficii etiam fructus pro absentia ratione, suos se non facere, nec tuta conscientia, alia etiam declaratione non secuta, illos sibi retinere posse; tum etiam contra absentes procedendum esse juxta Tridentini Concilii determinationem Sess. XXIII. Cap. I. incip. *Cum præcepto Divino* &c. ad finem §. *Eadem omnino*.

Proinde habentes curam Ecclesiæ Parochialis, vel alterius, ab ea non discedant absque nostra, vel Vicarii nostri licentia in scriptis obtemperata.

Si vero ex causa Nobis, vel Vicario nostro cognita, & approbata, alicui licentia discedendi a Parochiali fuerit concessa (quæ bimestre tempus, nisi ex gravi causa non excedat) Substitutum idoneum a Nobis, vel Vicario nostro approbandum, cum debita, & certa mercedis assignatione relinquunt, ut ab eodem Concilio ordinatum est; teneanturque, qui discedendi tales obtinuerunt licentias, de reditu suo Nos, vel Vicarium nostrum quamprimum certiores facere.

Quod si ob gravem causam contigerit discessio repentina, infra sex dies curent id Nobis, vel Vicario nostro significari, nec ultra terminum a Nobis, vel Vicario nostro, aut Decano foraneo præscriptum absint.

Sed ne tum quidem Ecclesiam suam absque Sacerdote, ad Sacramenta administranda approbato, relinquunt. Quod si approbatus a Nobis, vel Vicario nostro haberi non poterit, ad breve illud tempus, quo abesse contigerit, aliquem substituant Decani ruralis judicio & consensu.

Illis temporibus, quibus Sacræ Confessiones frequentantur, nullus facile, nisi statim eodem, vel ad summum sequenti die rediturus, a propria Parochia discedat.

Qui Beneficium curatum obtinuerit, si intra annum a die commissæ sibi administrationis, Sacerdotii ordinem non

(*) Sess. VII. C. V. de Reform.

Tomus VIII. Concilior. German.

non susceperit, nulla etiam prævia monitione, beneficio se privatam intelligat, juxta *Cap. Licet Canon. & Cap. Cum in cunctis.*

*Curatis Vicariis, & Coadjutores
quando deputandi.*

CAPUT XXXIV.

QUoniam vix provideri potest, ut non aliquando etiam ad curata Beneficia imperiti, & parum idonei irrepant, & indigni, quibus animarum cura relinquatur; Volumus, ut si qui tales in hac nostra Diocesi reperi fuerint, contra eos procedatur juxta *Decretum Concilii Tridentini Sess. XXI. Cap. VI. de Reformatione*, tenoris infra scripti, videlicet: "Quia illiterati & imperiti Parochialium Ecclesiarum Rectores Sacris minus apti sunt Officiis, & alii propter eorum vitæ turpitudinem, potius destruunt, quam ædificant; Episcopi etiam, tanquam Apostolicæ Sedis delegati, eisdem illiteratis, & imperitis, si alias honestæ vitæ sint, Coadjutores, aut Vicarios pro tempore depurare, partemque fructuum iisdem pro sufficienti victu assignare, vel aliter providere possint, quacunque appellatione & exceptione remota.

"Eos vero, qui turpiter & scandalose vivunt, postquam præmoniti fuerint, coerceant & castigant, & si adhuc incorrigibiles in sua nequitia perseverent, eos Beneficiis juxta Sacrorum Canonum Constitutiones, exceptione & appellatione quacunque remota, privandi facultatem habeant.

Et quia contingit aliquibus in locis, ob iterum difficultatem & longinquitatem, ut fidelis populus ægre ad Parochiales Ecclesias pro Baptismi, & aliorum Sacramentorum susceptione; cultusque Divini frequentatione possit convenire: ob id in diversis locis, ac villis extent controversiæ & lites inter ipsos populos, ac inter populos & Parochos; ordinamus, ut in futura proxima visitatione, inspecta locorum distantia, iterum difficultate,

plebis frequentia, & aliis circumstantiis, juxta Sacri Concilii (*) *Tridentini* dispositionem provideatur.

*Curati subditos suos ne gravent
in exactione Jurium Parochialium.*

CAPUT XXXV.

UT Parochi, & omnes curam animarum exercentes, sive in ea cooperantes, non tantum ab avaritia, ac labe Simoniaca, sed etiam ab omni hujusmodi vitiorum detestabilium suspicione, se plane illibatos servant; attente *Concilii Tridentini Decretum, de observand. & evitand. in celebrat. Miss. meditentur.* Nos autem, ut saluberrimam hanc doctrinam factis comprobent, volumus, ut suæ curæ commissos nullatenus gravent in Juribus Parochialibus, de sepulturis, & aliis spiritualibus quibuscunque, ullo modo etiam paciscendo. Sed & in specie Confessarii caveant, ne penitentias pecuniarias contentibus imponant, quæ in suam utilitatem quomodocunque vergere possint; sed pro qualitate contentium forsitan impositas, eorundem conscientiarum, vel in elemosynas miserabilium personarum, vel piorum locorum erogandas, penitus relinquant.

De Foro Ecclesiastico.

CAPUT XXXVI.

CUpientes, ut in foro nostro Ecclesiastico omnia quam minimis sumptibus, brevissimoque tempore peragantur; Statuimus, ut tam in causis summariis, quam ordinariis, probatoriæ dilationes per dies continuos utrique parti communes constituantur, servando tamen, ut dilationes in ordinariis, dies viginti non excedant; & in summariis duodecim, nisi ex aliqua legitima, & rationabili causa Judici videantur longiores concedendæ: idem etiam servetur in reprobatoriis dilationibus.

In causis summam florenorum decem non excedentibus, si Clericus Clericum, vel Laicus Laicum conveniet, sum-

(*) Sess. XXI. Cap. IV.

summarie, simpliciter, & de plano sine figura iudicii, sed sola veritate rei inspecta, dirimendi, & decidendi facultatem etiam Decanis foraneis in suo Decanatu concedimus.

Advocati, Procuratores, & Notarii publice criminosi ad forum Episcopale non admittantur: admissi vero, si tales sint, etiam ex officio rejiciantur: & admittendi jurent in manibus nostris, vel Vicarii nostri, omnia se servaturos, quæ in ipsâ Juramenti formula, eisdem proponenda, continentur.

Idem Notarii pro mercedibus suis non recedant a Sacri (*) Concilii Tridentini præscripto. Et cum ab officio decedunt, omnia instrumenta, aliasque scripturas in dicto foro a se confectas, aut in acta relatas, Vicario nostro consignent, qui diligenter curet & instet, ut mortuo aliquo eorum Notariorum, statim omnes scripturæ sub inventario consignentur, ac penes ejus officium conserventur, donec de loco idoneo Archivii provideatur.

De Ecclesiastica Libertate & Immunitate.

CAPUT XXXVII.

Quæ Sacrum Concilium Tridentinum statuit de Ecclesiastica libertate, ea nostris etiam Constitutionibus de verbo ad verbum inferenda duximus: ut omnes gravissimum dicti Sacri Concilii iudicium intelligentes, sciant, qualiter se circa personas Ecclesiasticas, earumque libertatem, ac immunitatem gerere debeant.

" Cupiens Sancta Synodus Ecclesiasticam disciplinam in Christiano populo non solum restitui, sed etiam perpetuo firmam, testam a quibuscunque impedimentis conservari, præter ea, quæ de Ecclesiasticis personis constituit, sæculares quoque Principes officii sui admonendos esse censuit, confidens eos, ut Catholicos, quos Deus Sanctæ Fidei, Ecclesiæque protectores esse voluit, jus suum Ecclesiæ officii non tantum esse concessuros; sed etiam subditos suos

" omnes ad debitam erga Clerum, Patrochos, & superiores Ordines reverentiam revocatuos; nec permitturos, ut Officiales, aut inferiores Magistratus, Ecclesiæ, & personarum Ecclesiasticarum immunitatem, Dei ordinatione, & Canonici sanctionibus constitutam, aliquo cupiditatis studio, seu inconsideratione aliqua violent; sed una cum ipsis Principibus debitam Sacris Summorum Pontificum, & Conciliorum Constitutionibus observantiam præstent.

" Decernit itaque, & præcipit, Sacros Canones, & Concilia generalia omnia, nec non alias Apostolicas Sanctiones in favorem Ecclesiasticarum personarum, libertatis Ecclesiasticæ, & contra ejus violatores editas, quæ omnia præsentibus etiam Decreto innovat, exacte ab omnibus observari debere. Propterea admonet Imperatores, Reges, Respublicas, Principes, & omnes, & singulos cujuscunque status, & dignitatis extiterint, ut, quo largius bonis temporalibus, atque in alios potestate sunt ornati, eo sanctius, quæ Ecclesiastici juris sunt, tanquam Dei præcipua, ejusque patrocinio tectæ, venerentur, nec ab ullis Baronibus, Domicellis, Rectoribus, aliisque Dominis temporalibus, seu Magistratibus, maximeque Ministris ipsorum Principum lædi patiantur; sed severe in eos, qui illius libertatem, immunitatem, atque jurisdictionem impediunt, animadvertant; quibus etiam ipsimet exemplo ad pietatem, Religionem, Ecclesiarumque protectionem existant, imitantes anteriores optimos, religiosissimosque Principes, qui res Ecclesiæ suæ imprimis auctoritate, ac munificentia auxerunt, nedum ab aliorum injuria vindicarunt: Adeoque ea in re quisque officium suum sedulo præstet, quo cultus Divinus devotè exerceri, & Prælati, cæterique Clerici in residentiis, & officiis suis quiete, & sine impedimento, cum fructu, & ædificatione populi permanere valeant." Hætenus Concilium Tridentinum. (**)

Et

(*) Sess. XXI. Cap. I. de Reform.

Tomus VIII. Concilior. German.

(**) Sess. XXV. Cap. XX.

Et quoniam non raro contingit, aliquos ex diversis causis, manum Judicis sæcularis pertimescentes, ad Ecclesias, Sacraque loca confugere; ut Ecclesiastica immunitas juxta Sacros Canones illæsa, inviolataque conserveatur, mandamus Presbyteris, atque Clericis quarumcunque Ecclesiarum, ut Nos, seu Vicarium nostrum in Spiritualibus quamprimum de confugientibus ad Ecclesias suas, certiores faciant, quo considerata personarum, locorum, factique qualitate, decerni possit, quod Sacrorum Canonum dispositioni consentaneum est. Non possit autem sæcularis potestas citra Ecclesiasticæ Superioritatis licentiam (quæ non detur, nisi in casibus a jure permissis) fugientes ad Ecclesiam inde extrahere.

Ne Clerici ad Judicia sæcularia trahantur.

CAPUT XXXVIII.

Quia ad Ecclesiasticam libertatem imprimis pertinet, ut Clerici Ecclesiasticis, tanquam propriis Judicibus, subiciantur: præsentī Decreto statuimus, ne quis Clericum, cujuscunque gradus sit, ad tribunal Judicis sæcularis trahere præsumat, neque Judex sæcularis suæ cognitionis officium contra eum ullatenus interponat. Si secus factum fuerit, tam actor, quam Judex sententiam excommunicationis ipso facto incurrant, nunquam ad absolutionis beneficium admittendi, donec parti læsæ de injuriis, & expensis satisfecerint, vel caverint, æstimatione, & declaratione coram Nobis, vel Judicibus nostris legitime faciendā; salvis Constitutionibus aliis super hoc promulgatis.

De Officio Decanorum Ruralium.

CAPUT XXXIX.

Quoniam Decani Rurales ideo potissimum constituuntur, ut Clericorum honestatem, & confraternitatis suæ utilitatem procurent, mandata nostra, & Vicarii nostri debite exequantur, & singula, quæ a Superioribus injunguntur, ad notitiam

confratrum suorum deducant, ipsos serio admonitos volumus, ut meminerint se in partem sollicitudinis nostræ esse vocatos. Quare eis districte præcipimus, & in vim juramenti Nobis præstiti, mandamus, ut si quos excessus sciverint, quibus Ecclesia scandalizetur, quales sunt, si quid (quod Deus avertat) circa Sacramenta, & eorum administrationem sacrilege, vel irreverenter committatur, hæresis suspicio, furtum manifestum, homicidium, incestus, concubinatus, notoria fornicatio, manifesta usura, aut alia delicta tam Clericorum, quam aliorum: præterea si Clericus excommunicatus se publice Sacris administrandis ingereret: si usuram qualitercunque exerceat: si post monitionem Decani, tabernis, aut aliis locis inhonestis, ludis publicis, comestationibus, potationibus, & aliis actibus illicitis palam se immisceret: si in habitu laicali, aut inhonesto incederet, & id genus alia, diligenter ea omnia Nos, aut Vicarium nostrum edoceant.

De Ecclesiis, quæ sunt obnoxie Juri Patronatus, earumque Patronis, & bonis.

CAPUT XL.

Juris Patronatus Ecclesia, seu Beneficio aliquo vacante, volumus, Patronum tam laicum, quam Ecclesiasticum, infra tempora a jure præscripta, præsentare; alioquin Nos juxta Sacrorum Canonum dispositionem, ea conferemus.

Prohibemus insuper, ne ullus Patronus sub prætextu juris Patronatus, vel quovis quæsito colore, quicquam occupet, seu usurper eorum, quæ ad ipsa beneficia spectant, sed Sacerdotibus, seu Clericis, ad beneficia admittendis, atque institutis, omnes proventus, res, & bona quæcunque integra relinquat: neque ausu sacrilego ex eisdem pensionem, partemve ullam reservare, vel aliam quamcunque portionem similem apponere præsumat; alioquin tam recipiens, quam dans, uti Simoniacæ labis rei, eo ipso excommunicationis pœnam incurrisse censeantur, & infu-

insuper Patronus omni suo, quod superinde habebat, jure : instituendus vero, nominationis, seu præsentationis commodo, ipso facto sit privatus.

Præterea Patroni in iis, quæ ad Sacramentorum administrationem, & Divinum Officium peragendum spectant, nullatenus se præsumantingere; neque visitationi ornamentorum Ecclesiæ, aut bonorum stabilium, seu proventuum fabricarum se se immisceant. Si quid tamen aliqua reformatione dignum animadverterint; id Nobis, aut Vicario nostro quam primum significent.

Insuper vacante quacunque hujusmodi Ecclesiâ, de nostro, vel Vicarii nostri, & nullatenus Patroni ordine, Vicarius constituatur idoneus, & fidelis, qui regat Ecclesiâ, necessitatibus provideat, fructusque percipiat, & usque ad nostram, vel Vicarii nostri deliberationem, fideliter reservet, rationem debitam de iis redditurus.

Denique omnino prohibemus, ne quis, prætextu juris Patronatus, præfatos Clericos, & per Nos admissos, ac institutos audeat amovere, aut in exercitio officii sui quovis modo impedire, vel alios auctoritate propria assumere, sine nostro consensu, sub pœna amissionis juris Patronatus: contra intrusum vero pœnis suspensionis a Divinis, & aliis arbitrio nostro, vel Vicarii nostri, procedi volumus.

Propterea Visitatoribus nostris mandamus, ut si quid fraudis, vel suspitionis in Bullarum recognitione, aut alias repererint, opportune juxta Sacrorum Canonum regulas providere non omittant.

De Ecclesiis fartis tectis conservandis, & reparandis; si quæ vetustate sint collapsæ.

CAPUT XLI.

UT Ecclesiæ fartæ tectæ custodiantur, Constitutionem *Cardinalis BERNARDI* sequentes, tectæ, ex quorum neglectu & vitio plerumque ruinarum initium contingit, per commu-

nitates sub excommunicationis, & interdicti pœnis arbitrio nostro infligendis, refici mandamus: si quæ vero de præsentis sint in nostro Episcopatu, aut futuris temporibus erunt Ecclesiæ ruinossæ, & quæ reparatione indigeant, volumus in iis restaurandis, servari Decretum *Concilii Tridentini Sess. XXI. Cap. VII. de Reform.* incip. *Cum illud quoque.* Ac proinde præcipimus, ut in proxima futura visitatione hujusmodi Ecclesiarum status, ac necessitas diligenter consideretur, eaque omnia remedia adhibeantur, quæ dicti *Concilii* Constitutione proponuntur.

De novis Ecclesiis erigendis.

CAPUT XLII.

PRÆSENTI Constitutione declaramus, ut juxta Canonicas Sanctiones nullus intra fines Parochiæ erigat, vel erigi patiatur novas Ecclesias, vel in campis icones, vel capitellos sine licentia nostra. Cum populus novitate gaudeat, & matrices Ecclesiæ talibus occasionibus fraudentur debitis honoribus, & sæpe numero hominum temeritate, falsa pro veris in his locis publicari compertum sit; volumus, & mandamus, ut Rectores Parochialium Ecclesiarum, ubi similia attentantur, ad Nos, vel Vicarium nostrum recurrant: ut cum causæ cognitione, quod cum pietatis, & servitii Divini commodo conjunctum erit, decernere possimus.

De occupationibus Decimarum, & aliorum bonorum Ecclesiasticorum.

CAPUT XLIII.

USQUE adeo inexplēibilis & cœca temporalium rerum cupido quorundam hominum animos occupat, ut nec ab iis, quæ Dei sunt, ejusque præcepto Ecclesiis, illarumque Ministris debentur, non secus ac si profana, & in nullius Dominio essent, invadendis, se contineant.

Quod cum alicubi in hac nostra Diocesi circa Decimas, & nonnulla alia bona Ecclesiarum evenire deprehenda-

mus Constitutionem bonæ mem. *Cardinalis BERNARDI* innovando, eos, qui occupant, aut detinent bona Ecclesiæ Sancti Vigili, aut aliarum Ecclesiarum Civitatis, vel Diocesis nostræ, nisi infra spatium trium mensium a publicatione præsentis Decreti (quem terminum eis, & eorum cuilibet pro preemptorio, ac monitione Canonica assignamus) ea restituerint, Decreto Sacri *Concilii Tridentini* (cujus normam in exequendo sequi volumus) inhærentes; quod propterea hic de verbo ad verbum inferendum duximus. Videlicet:

" Si quem Clericorum, vel Laicorum, quacunque is dignitate, etiam Imperiali, aut Regali præfulgeat, in tantum malorum omnium radix, cupiditas occupaverit, ut alicujus Ecclesiæ, seu cujusvis Sæcularis, vel Regularis beneficii, montium pietatis, aliorumque piorum locorum jurisdictiones, bona, census, ac jura, etiam feudalia, & emphyteutica, fructus, emolumenta, seu quascunque obventiones, quæ in Ministrorum, & pauperum necessitates converti debent, per se, vel alios, vel timore incusso, seu etiam per suppositas personas Clericorum, aut Laicorum, seu quacunque arte, aut quocunque quæsito colore, in proprios usus convertere, illosque usurpare præsumpserit, seu impedire, ne ab iis, ad quos jure pertinent, percipiantur; is anathemati tamdiu subiaceat, quamdiu jurisdictiones, bona, res, jura, fructus, & redditus, quos occupaverit, vel qui ad eum quomodocunque, etiam ex donatione suppositæ personæ pervenerint, Ecclesiæ, ejusque Administratori, sive Beneficiato integre restituerit, ac deinde a Romano Pontifice absolutionem obtinuerit. Quod si ejusdem Ecclesiæ Patronus fuerit, etiam jure Patronatus, ultra prædictas pœnas, eo ipso privatus existat. Clericus vero, qui nefandæ fraudis & usurpationis hujusmodi fabricator, seu consentiens fuerit, eisdem pœnis subiaceat, nec non quibuscunque beneficiis privatus sit, & ad quacunque alia beneficia inhabilis efficiatur, & a suorum Ordinum

" executione, etiam post integram satisfactionem, & absolutionem, suis Ordinarii arbitrio suspendatur." *Hæc ænus Concilium Tridentinum.*

Pari etiam pœnæ subijcimus eos, qui sciunt tales detentores, & occupatores bonorum hujusmodi, sive feudorum, nisi infra præfatum tempus illos manifestaverint. Et si occupatores & detentores hujusmodi bona restituere neglexerint, ultra præfatas pœnas, omnibus aliis juribus, quæ ab Ecclesiis tenent, hoc nostro Decreto eos perpetuo privamus, & privatos esse decernimus. Volentes, ut hæc Constitutio ter in anno publicetur, quum major verisimiliter populi multitudo in Ecclesiis reperitur: Denunciatores autem, etiam secretos, talium occupatorum, ultra mercedem Divinam suis præmiis non-frustraturi.

Statuimus item, & ordinamus, ut Beneficiarii, & alii Clerici studeant indagare, si qui sint detentores bonorum Ecclesiarum, aut Decimarum; oppressores piorum locorum, & miserabilium personarum, viduarum, pupillorum, & orphanorum; & si quos repperint, illos Nobis, aut Vicario nostro in Spiritualibus notificent, ut contra eos, prout justitia postulat, procedi possit, in quo si negligentes fuerint, eorum conscientias oneramus; reservata etiam Nobis, vel Vicario nostro, arbitraria punitione.

Et quia Sæcularium nonnulli interdum temeritate propria Decimas, quas omnium Dominus solvi præcepit, in totum, vel pro parte subtrahere, vel per fraudem diminutas, & viciatas præstare non verentur, in animarum suarum grave periculum; Præcipimus cunctis Prædicatoribus & Confessoribus, tam Religiosis, quam sæcularibus in virtute sanctæ obedientiæ, quatenus in Prædicationibus, & Confessionibus, fidelem populum studiosius moneant, & inducant, ut memores salutis animarum suarum, Decimas omnium terrarum nascentium, sine ulla diminutione, & fraude: personales vero secundum laudabilem consuetudinem persolvant, si pœnas damnationis æternæ voluerint evitare.

Et

Et quoniam magni momenti esse putamus, quod ultra jam superius dicta saluberrimum etiam *Concilii Trident. Decretum de Decimis*, ad fidelis populi noticiam deducatur, illud hic de verbo ad verbum subiungi volumus. Videlicet:

" Non sunt ferendi, qui variis artibus Decimas Ecclesiis obvenientes, subtrahere moliantur, aut qui ab aliis solvendas, temere occupant, & in rem suam vertunt; cum Decimarum solutio debita sit Deo: & qui eas dare noluerint, aut dantes impediunt, res alienas invadunt. Præcipit igitur Sancta Synodus omnibus cujuscunque gradus, & conditionis sint, ad quos Decimarum solutio spectat, ut eas, ad quas de jure tenentur, in posterum Cathedrali, aut quibuscunque aliis Ecclesiis, vel personis, quibus legitime debentur, integre perfolvant. Qui vero eas aut subtrahunt, aut impediunt, excommunicentur, nec ab hoc crimine, nisi plena restitutione secuta, absolvantur."

Omnibus igitur tam Ecclesiasticis, quam sæcularibus Judicibus, Officialibus, & Ministris nostris serio præcipimus, quatenus gratiam nostram caram habent, ut Ecclesiasticis personis, & earum Ministris, pro ipsarum Decimarum consecutione, omnino præsto sint, auxilium eis præbendo adversus pertinaces, & quovis modo in solvendis Decimis fraudem committere attentantes.

De Novalibus.

CAPUT XLIV.

Placuit, bon. mem. *Cardinalis BERNARDI* Decretum super Novalibus, per Nos innovatum, hic subiungere. Videlicet:

Licet Laici in Ecclesiarum Parochiis Decimas possideant ab antiquo, Novalium tamen Decimas, quæ in Parochiis ipsis insurgunt, nullo modo, seu titulo valent possidere. Præsenti itaque Constitutione decernimus, Novalia hujusmodi non ad Laicos, prætextu Decimarum, sed ad Ecclesias, sub earum districtu crescunt, pertinere,

juri communi, ac Constitutionibus quondam bon. mem. *Episcopi ALEXANDRI*, ac aliorum Prædecessorum nostrorum, inhærendo, mandamus Laicis, & Novalium ipsorum detentoribus, ut ea libere Ecclesiis dimittant, sub pœnis in eisdem Constitutionibus contentis; in quibus præcipitur omnibus & singulis Plebanis nostræ Diocesis, sub excommunicationis pœna, ut postquam tales detentores legitime declarati fuerint, excommunicationis sententiam incidisse, publice diebus Dominicis, & Festivis, candelis accensis pariter & extinctis, & campanis pulsatis, excommunicati denuncientur. Quibus pœnis successores & hæredes Novalia ipsa usurpantium, pari judicio volumus subjacere.

Insuper mandamus universis & singulis colonis, & affictalibus, qui agros convertunt in prata in fraudem, ne Decimas solvant, sub excommunicationis pœna, ut ab ejusmodi fraude desistant; sed de fructibus, etiam secundariis, quotiescunque etiam in anno nascuntur, & quibus de jure tenentur, Decimas dent, & sine aliqua diminutione perfolvant.

De bonis Ecclesiæ non alienandis.

CAPUT XLV.

UT bona, quæ pia fidelium devotio Ecclesiis contulit, illæsa & integra custodiantur, bon. mem. Antecessoris nostri *Cardinalis BERNARDI* Decreto inhærentes, vetamus omnibus Præpositis, Prælatibus, Decanis, Prioribus, Beneficiatis, & aliis quibuscunque tam sæcularium, quam Regularium Ecclesiarum Rectoribus, ne Beneficiorum suorum bona tam immobilia (qualiacunque ea sint) quam mobilia; præsertim ad Canonicæ, vel Ecclesiæ ipsius usum pertinentia, citra nostrum consensum in scriptis habitum, alienare audeant; sed contra, omni studio advigilent, ne ipsorum incuria, aut culpa dissipentur, aut ab aliis usurpentur.

Prohibemus præterea omnibus antedictis, ne caducitates, & devolutiones

nes bonorum Ecclesiarum, & Beneficiorum remittere, aut super his transigere, vel novas locationes perpetuas sine nostra licentia, ipsis contractuum instrumentis inferenda, concedere possint: Decernentes, huiusmodi citra nostram licentiam celebratos contractus quoscunque, licet aliis solennitatibus aliqui sint vallati, nullius esse roboris & efficaciz. Notarios autem, tales contractus scribes, suspensionis ab officio per annum, & insuper quinque marcarum pena multari volumus. Mandantes, ter in anno, tempore congruente, hanc Constitutionem per Parochos publicari.

De bonis Ecclesiarum administrandis.

CAPUT XLVI.

CUM Ecclesiarum bona in Dominio Dei sint posita, possessio eorum apud Ecclesiam, administratio vero apud Rectores; omnes Clericos, & Sacerdotes beneficiatos admonemus, & serio eis præcipimus, ut bonorum huiusmodi diligentem curam habeant, studeantque & invigilent, ne a quocunque usurpentur. Quod si vero in hoc ab aliquo impediatur, Nobis id denunciet. Et si per eorum negligentiam, Ecclesiæ passæ fuerint damnum, pœnis juris, & aliis, nostro arbitrio afficiantur.

Districte prohibentes Laicis, ne de sepulturis dandis se intromittant: nec campanas, aut alia ad cultum Divinum deputata, contra voluntatem Presbyterorum, quocunque modo contrectent, sed eorum usum integrum Parochis permittant: nec in Ecclesiis, & rebus earundem quicquam propria auctoritate ipsi statuere, aut ordinare præsumant. Quod Decretum sæpius per annum in Ecclesiis publicari mandamus.

De consiciendis Inventariis reddituum Ecclesiarum.

CAPUT XLVII.

NE bona Ecclesiarum iniuste occupentur, Antecessorum nostro-

rum menti inhærentes, statuimus sub pœna quinque florenorum, ut quilibet Beneficiatus infra annum a publicatione præsentis Constitutionis, bonorum, tam mobilium, quam immobilium Ecclesiæ, & beneficiorum suorum per Notarium publicum, Inventarium authenticum curet faciendum: in quo bonorum mobilium quantitates, & confinia accurate describantur. Quod quidem Inventarium, seu copia ejus authentica, Nobis in dicto termino præsententur, originali apud Ecclesiam, seu Beneficiatum remanente; contra negligentes autem Vicarius noster ad pœnas prædictas, aliasque graviores pro qualitate contumaciæ, procedat.

De Locationibus bonorum Ecclesiarum.

CAPUT XLVIII.

Eadem ratione prohibemus, ne quis Clericus, cujuscunque ordinis existat, redditus, aut bona ad Beneficium, vel Ecclesiam suam pertinentia, ad longius tempus, quam ad triennium locare possit, neque factam jam locationem renovare, aut prolongare ad longius spatium, quam de triennio in triennium: decernentes, ut contractus huiusmodi locationum factus ad longius tempus, validus non sit, nisi consensus & beneplacitum a Nobis obtentum sit, & instrumento insertum.

Similiter prohibemus Beneficiatis quorumcunque Beneficiorum, & Ecclesiarum, anticipate aliquid recipere a conductoribus suis, ne qua successoribus fraus, aut præjudicium fiat, juxta Decretum Concilii Trident. Sess. XXV. Cap. XI. incip. Magnam Ecclesiis.

Ne vacantes Ecclesiæ spoli-entur.

CAPUT XLIX.

Statuimus, ne ullus Ecclesiasticus, vel secularis, quocunque officio in Parochia fungatur, sive dignitate præemineat, Ecclesiarum vacantium, aut Clericorum decedentium, maxime Paro-

Parochorum, bona rapiat, dissipet, aut invadat, juris Patronatus, aut alio quocunque prætextu. Contrafacientes, si jus Patronatus habeant, illud eo ipso amittant, & ut alii quicunque anathemati, & aliis pœnis subjaceant, juxta *Decretum Concilii Trident. Sess. XXII. de Reform. Cap. XI. incip. Si quem Clericorum.* Quod Decretum aliquoties per annum publicari volumus.

Curet autem Decanus Ruralis, vel ipso absente, Commissarius, aut proximior Parochus, quem ædituus Ecclesiæ ægrotantis, de periculosa ejus infirmitate, & obitu (si sequatur) quamprimum certior faciat: omnia bona mobilia, & scripturas ipsius defuncti in tuto loco reponi, & obsignari, quousque Nos, vel Vicarius noster certiores facti simus. Interim ipse Decanus provideat de idoneo Sacerdote pro populi, & beneficii exigentia, usque ad ulteriorem nostram, vel Vicarii nostri deliberationem.

De Syndicis, & Juratis Ecclesiarum.

CAPUT L.

Eccliesiarum indemnitati providere cupientes, præsentî Constitutione ordinamus, ut præter Rectorem, sive Plebanum, tanquam principalem, quorundam duo laici bonæ famæ & conversationis, & qui solvendo sint, vel tot, quot fuerint necessarii, & opportuni Syndici, seu Jurati fabricæ ejusque nostræ Diocesis Ecclesiæ constituentur. Qui quidem laici hujusmodi Syndicatus, seu procurationis officia, citra eorum privata commoda, fideliter, cum scitu, & consensu Plebani, exerceant; rationem de singulis per eos collectis, levatis, distributis, & factis, in præsentia ipsius Rectoris, sive Plebani, tanquam principalis Procuratoris, & aliorum, juxta laudabilem cujusunque loci consuetudinem, singulis annis, temporibus consuetis, una cum residuis reddendo. Quæ residua, & in universum, omnia fabricæ credita, sub ipsorum Syndicatu facta, intra trimestre Successoribus exacta consignent; sin minus, de suo ea præstare teneantur.

Tomus VIII. Concilior. German.

Successores vero munus hujusmodi suscipientes, jurent in manibus Parochi, se fideliter officium suum facturos. Parochis vero præsentis Decreti auctoritate, hujusmodi juramentum recipiendi, etiam mulcta retinentibus Syndicis indicta, facultatem impertimur. Quod nostrum Decretum qui transgredi ausi fuerint, si per Rectorem, seu Plebanum Canonice moniti, si in præmissis non satisfecerint, eo ipso Sacrorum Canonum pœnas incurrant: Plebani vero de his ad Nos, vel Vicarium nostrum referant.

Qua in re serio monemus ipsos Rectores, ut diligenter officio suo satisfaciant, alioquin & Deo, & Nobis negligentiae rationem reddituri, condignamque punitionem recepturi.

Et ut Ecclesiarum necessitatibus opportune subveniatur: ordinamus, ut pecuniæ ad eas pertinentes, scripturæ item, & quæcunque literarum monumenta asserventur in capsis firmiter ad hoc constructis, & loco tutiore positis, quæ, uti & gazophylacia, duabus, vel tribus clavibus, pro locorum consuetudine, obserentur: quarum unam Parochus, alteram sæcularis Potestas (ubi ita consuetum est), tertiam Syndici habeant: ita ut neque dicti Syndici, neque alii possint iis pecuniis uti, aut aliis utendas dare.

Et qui hætenus pecunias hujusmodi penes se habuerunt, cogantur sub pœna duplici, fabricæ applicanda (quam etiam duplicem pœnam, novo Syndico, intra dictum bimestre exactiorem negligent, applicandam eisdem fabricæ, imponi mandamus) infra idem spatium omnino eas reddere novis Syndicis, ad necessarios Ecclesiarum usus reponendas, & ubi occasio tulerit, impendendas.

Prohibemus etiam, ne oblationes, quæ in gazophylaciis, & capsis in Ecclesiis constitutis sunt, a laicis, etiam jus Patronatus habentibus, occupentur; neve propria auctoritate in illis se ipsi ingerant, quacunque arte, vel quæsito colore, in proprios usus illas convertendo, seu impediendo, ne ab iis, ad quos de jure pertinent, percipiantur, sub pœna excommunicationis, & aliis

l l l

juxta

juxta *Decretum Concilii Trident. Sess. XXII. Cap. XI. §. incip. Si quem Clericorum.*

Et quia sæpe magnæ quibusdam in locis fieri consueverunt impensæ, in adhibendis Notariis, & conficiendis instrumentis & scripturis: item in aliis rebus, quæ in libris Ecclesiarum scribuntur: Cupientes ipsarum Ecclesiarum indemnitati consulere; statuimus, quod scripturis & libris ipsarum Ecclesiarum, nec non locationibus temporalibus, & affectibus (quos vocant) perpetualibus, secundum Constitutiones nostras faciendis, usque ad summam viginti quinque Rhenensium, Plebani manu coram Syndicis ipsius Ecclesiæ, aut Regularis, seu Juratis villarum, vel duobus saltem idoneis testibus, notatis, plena adhibeatur fides, non secus ac si Notarii publici manu scriptæ essent. Id quod etiam ad scripturas, eadem solennitate antehac factas, extendi volumus. Mandantes etiam, ut impensæ, quæ in rationibus Syndicorum recipiendis, fieri consueverunt, quantum fieri potest, moderentur, ac superflue tollantur: præsertim illæ, quæ in comestationibus & computationibus, in Ecclesiarum detrimentum fieri solent.

De Legatis ad pias causas, & ad quæ teneantur Notarii.

CAPUT LI.

Volumus & mandamus, inhærendo Constitutioni bon. mem. *Cardinalis BERNARDI*, ut nullus Notarius per totam Diocesim nostram præsumat conficere ullum testamentum, nisi aliquid fabricæ Ecclesiæ Cathedralis Sancti Vigili Tridenti sit legatum, sub pœna decem florenorum.

Mandamus etiam districte eisdem Notariis, sub pœna rescindi Ecclesiæ de suo, quanti illius intererit, nec non peccati mortalis (cujus absolutionem Nobis, vel Vicario nostro expresse reservamus) ne animos testantium avertant, quominus legata ad dictam fabricam, ac alias Ecclesias, & pias causas, faciant.

Præterea dolenter audivimus, quod fidelium, tam Clericorum, quam Laicorum testamenta, atque ultimæ vo-

luntates, & maxime pro animarum salute, ad pios usus legata, & relicta, suis debitis executionibus perverte, & negligenter multis in locis multipliciter frustrentur, & retardentur.

Cum itaque ultima voluntas testantium, & præsertim ad pias causas, debita executione nullo modo sit fraudanda, & nostro incumbat officio Pastoralis, talibus providere, testamentaque defendere, & exequi; universis nostræ Diocesis & jurisdictionis Ecclesiasticis, & Sæcularibus sub interminatione Divini Judicii & aliis pœnis, quæ Nobis, vel Vicario nostro, pro qualitate facti, & personarum, insignendæ videbuntur, inhibemus, ne testamenta & ultimas voluntates Ecclesiasticarum, vel sæcularium personarum, maxime ad usus pios, earumque executionem negligant, retardent, vel impendant: Nec testamentorum & legatorum, quæ ad Divinum cultum pro animarum salute sunt facta, & causarum occasione ipsorum, pro tempore motarum, & movendarum cognitioni se intromittant; sed eam ad Nos, vel Vicarium nostrum remittant.

Mandantes etiam sub eadem pœna omnibus Notariis, ut hujusmodi legata pia, quæcunque in suis instrumentis habent, intra duos menses, a publicatione præsentis Decreti computandos, omnino in scriptis exhibeant (etiam si antehac aliquando ea exhibuerint) Parochis, seu Curatis locorum, ubi degunt hæredes ad ipsa legata obligati; & in posterum etiam successive, quæcunque legata pia habebunt, intra duos menses computandos a die mortis ipsorum Testatorum, seu Codicillantium, exhibeant dictis Parochis, seu Curatis: Qui pariter, tanquam de animabus sibi commissis, districte rationem reddituri, seriis adhortationibus efficere studeant, ut legata hujusmodi infra idoneum tempus, juxta Testatorum dispositionem, executionem habeant. In quibus exequendis si Notarii, & hæredes ad legata obligati, culpabiles fuerint; ultra præfatas pœnas, incurrant multam unius floreni, fabricæ Ecclesiæ Parochialis applicandam: & nihilominus per ipsos Parochos, vel Cura-

Curatos Nobis, vel Vicario nostro quamprimum denunciatur, ad hoc, ut officio nostro satisfacere valeamus.

Ipsi quoque Parochi, & Curati, in prædictis negligent, eandem pœnam incurrant.

Insuper Decretum hoc integrum saltem bis per annum publicetur in Ecclesiis.

De Legatorum piorum commutatione.

CAPUT LII.

QUoniam omnium piarum dispositionum in casibus a jure concessis executores sunt Episcopi; propterea si quæ commutationes Legatorum ad pias causas faciendæ videbuntur, mandamus, eas ad Nos referri, ut possimus juxta *Decretum Concilii Trid. Sess. XXII. Cap. VI.* circa eas providere.

Sicubi vero vel propter magnum numerum Missarum ex legatis, vel propter tenuitatem eleemosynarum aliqua opus fuerit nova provisione, ut piis testamentium mentibus satis fiat; mandamus pari modo, de iis ad Nos referri, ut possimus in Synodo, prout expedire videbitur, providere.

De Testamentis Clericorum.

CAPUT LIII.

NE circa Clericorum testamenta, & eorum executiones ullæ fraudes committantur, & bona per eos relicta ad alios usus, quam sunt destinata, dispensentur; statuimus, ut quicumque in nostra Diœcesi extra Civitatem Executor, seu Commissarius bonorum relictorum per Clericos decedentes, se intromittere velit, in executione facienda, antequam manum ad aliqua bona detrahenda apponat, omnino conficiendum curet Inventarium authenticum bonorum in hæreditate defuncti Sacerdotis repertorum (si quidem ad valorem Rhenensium quinquaginta ascendant) illudque ad Nos mittat, & de obitu Nos, vel Vicarium nostrum, quamprimum certiore faciat, & ubi legitime requisitus fuerit, Nobis, aut dicto Vicario integram de inventis, vel distributis, reddat rationem.

Tomus VIII. Concilior. German.

Si vero probabiliter ad valorem quinquaginta Rhenensium non ascendant, Executor ipse, præsentibus Syndicis, vel duobus testibus fide dignis, Inventarium conficere possit: quo casu etiam supra scripta servare obligatus sit.

Si quis vero præmissis non servatis, bona cujuscunque Clerici, Nobis immediate subiecti, dispensare præsumperit, ultra refectionem de suo proprio, arbitrio nostro puniatur.

Mandamus insuper omnibus Parochis, per Diœcesim nostram ubilibet constitutis, ut si quem Regularem cujusvis Ordinis extra claustra, & suorum obedientiam in hac nostra Diœcesi mori contingat, ejus bona quæcunque quamprimum annotent, & Nobis Inventarium transmittant, eaque diligenter custodiant; donec a Nobis aliud desuper statuatur, sub pœnis arbitrio nostro exigendis.

De portione fructuum, post mortem Clerici restantium, Successori assignanda.

CAPUT LIV.

QUia vero frequenter controversiæ inter Clericos noviter promotos ad Beneficia, & Executores defunctorum, super fructibus restantibus occurrunt, cuinam debeant applicari: proinde Nos Canonum Sanctiones imitando, ordinamus, hujusmodi inter præmissos nostræ Diœcesis, extra Civitatem nostram, faciendam esse divisionem: Videlicet, ut de superexistentibus fructibus, talis Successoribus assignetur portio, unde judicio Vicarii nostri, vel Decani Ruralis, honeste sustentari valeant, usque ad integrorum, & novorum fructuum perceptionem, quocunque anni tempore decedere contingat Antecessorem, ne plebs occasione tali debito fraudetur obsequio.

De Sepulturis.

CAPUT LV.

STatuimus & ordinamus de occisis, seu præventis mortuis in enormibus & manifestis peccatis, cujusmodi sunt interdicti, excommunicati, seipsos

ex desperatione interimentes, Hæretici (quorum sepultura in Ecclesia, (*) ipso facto, Ecclesiastico interdicto subijcitur) publici concubinarij, & usurarij manifesti; quod in Cœmeterio non sepeliantur, si sine confessione, vel saltem signis contritionis decesserint: Et qui scienter tales sepelierint absque speciali licentia nostra, vel Vicarii nostri, sententiam excommunicationis, hac nostra monitione præmissa, ipso facto, & ulteriorem pœnam, etiam arbitrio nostro infligendam incurrant. Adjicientes, ut cadavera contra hanc nostram Constitutionem sepultorum exhumentur, & sepultura careant Ecclesiastica.

Ut insuper occurramus nimis quorundam ambitioni, qui non contenti fidelium Cœmeterio, loco ad hoc destinato, in ipsis Ecclesiis, atque adeo juxta altaria volunt sua, suorumque cadavera tumulari; serio prohibemus, ne ullus posthac cujuscunque conditionis, vel gradus existat, sepulchra nova in Ecclesiis condere præsumat, sine nostra, vel Vicarii nostri licentia speciali. Qua obtenta teneantur nihilominus sepulchra ipsa, solo æquata, lapide ita plano regere, ut vel annorum, vel aliarum imaginum sculptura desuper transeuntium pedes non offendant, nec Divinum Officium impediunt.

Parochi non permittant ulla in Ecclesiis, aut Capellis depingi arma, nisi ab iis, qui eas fundaverint, aut in toto, vel majore parte dotaverint, restauraverint, aut alias notabiliter de iis sint benemeriti.

De Regularibus.

CAPUT LVI.

UT, qui Regularem vivendi normam elegerunt, secundum Regulas suas, & Decreta Sanctæ *Oecumenicæ Synodi Trid.* vivant, decernimus, atque mandamus omnibus Præpositis, Prioribus, Guardianis Civitatis nostræ, ut ultra professionis suæ Regulas, omnia ea & singula, quæ in eodem *Concilio Tridentino de Reformatione Regularium* sancita, quæque per Summos Pontifices decreta sunt, tum in admissione ante Religionis Professionem, tum etiam in electionibus ad regimen Monasterio-

rum, & reliqua vitæ norma instituenta, plene & exacte observent. Qua in re, ne quis negligentia, aut inobedientia suæ impunitatem speret, præsentis Decreto scire volumus Regulares omnes, Nos in casibus, quos Nobis dictum *Concilium Trident.*, tum fel. record. Pont. Maxim. PIUS V, & GREG. XIII. suis Constitutionibus hac in parte delegant, contra transgredientes severe esse processuros. Ante omnia vero caveant, ne ulla mulieres, cujuscunque conditionis sint, intra Monasteriorum suorum septa admittant; alioqui pœnis in dictis Bullis contentis severe puniendi.

Ut autem Novitii in Monasteriis, præsertim Sancti Michaelis, & Sanctæ Mariæ in *Gries* admissi, utiles evadant Religioni; Præcipimus Præpositis, ut provideant de Ludimagistris sufficienter eruditis, & bonæ famæ, qui eos tam bonis literis, quam moribus instruant, & doceant; qui in manibus ipsorum Præpositorum Professionem fidei ante omnia emittant. Habeant etiam Theologum, qui Religiosos in iis, quæ regulam, Conciones, conscientia casus, & id genus alia respiciunt, omni, qua potest, diligentia instruat, juxta *Sacri Concilii Trid. Decretum, Sess. V. Cap. I. de Reform.*

De Monialibus.

CAPUT LVII.

MONiales etiam ad Regulæ, quam professæ sunt, præscriptum, vitam suam componant, Ordinumque suorum vota custodiant: ante omnia vero clausura, sicubi neglecta fuit, restituatur, & inviolate observetur, juxta præscriptum supra dictarum Constitutionum PII. V. & GREG. XIII.

Serio etiam mandamus, sub eisdem censuris, & pœnis, omnibus & singulis personis, cujuscunque status & conditionis sint, tam Ecclesiasticis, quam laicis, ne ullo quæsito colore, audeant ingredi Sanctimonialium septa, sine nostra, vel Vicarii nostri licentia in scriptis obtenta, sub excommunicationis pœna ipso facto incurrenda, juxta *Trid. Conc. Sess. XXV. Cap. V. de Regul. & Monial.*

In

(*) *Supple: hæc.*

In aliis, quæ ad Sanctimonialium disciplinam spectant, ea servantur, quæ Sacrum *Trid. Concilium*, & supradicti Pontifices in allegatis Constitutionibus præcipiunt, quorum omnium observationem, & executionem Nos exacte prosequemur.

Is tantum numerus Monialium constituatur, & in posterum conserveatur, qui vel ex redditibus propriis Monasteriorum, vel ex consuetis eleemosynis commode sustentari possit, juxta *Decret. Conc. Trid. Sess. XXV. Cap. III.* incipiens: *Concedit Sancta Synodus*,

De Clericis ignotis, & peregrinis, ac Regularibus extra claustra degentibus.

CAPUT LVIII.

NE quis Clericus, aut Religiosus profugus, aut alias criminofus in Episcopatu nostro posthac refugium, aut latibulum quærat; Statuimus & ordinamus, ut de cætero nullus Religiosus extra claustra degens, aut ignotus, sive peregrinus Sacerdos, nedum ad ullam partem curæ animarum exercendam, sed nec ad Sacrum celebrandum (Itinerantibus, qui suorum Ordinariorum, aut alio, qui fide dignas literas exhibeant, exceptis) sine nostra, aut Vicarii nostri licentia, in scriptis habita, admittatur. Si secus factum fuerit, qui id permittit, si quidem Beneficiatus fuerit, quoties contravenerit, pœnam decem floren. incurrat: si non fuerit Beneficiatus, arbitrio nostro, una cum ab ipso admissio, puniatur.

Licentiam autem hujusmodi nulli, neque sæculari, neque Regulari Sacerdoti peregrino concedi volumus, nisi & formatas, & sui Ordinarii testimoniales ac commendatitias exhibeat.

Si qui vero Religiosi extra claustra ad præsens in Diocesi nostra moram trahunt, etiam si alias a Nobis, vel Vicario nostro commorandi licentiam impetraverint, volumus, ut infra duos menses a præsentium publicatione, se coram dicto Vicario sistant, licentiamque obtentam exhibeant. Quod nisi fecerint, contra eos, juxta Sacros

Canones procedemus, procedique mandamus; nulla eis licentia, aut tolerantia, elapso dicto termino, suffragatura.

Porro si quis hujusmodi Religiosos contra hanc nostram prohibitionem fovere præsumpserit, contra eum per Vicarium nostrum debitis pœnis, etiam excommunicationis (si opus fuerit) procedatur.

De Quæstuariis Ordinum mendicantium.

CAPUT LIX.

TAmeresi Quæstuariorum nomen, atque usum *Concilium Trid.* penitus abolevit, nihilominus Bullæ III V. inhærentes admittimus, ut Fratres Ordinum mendicantium nostræ Diocesis, possint eleemosynas solitas per Episcopatum nostrum petere, & qui Sacerdotes fuerint, Divina Officia interpetendum celebrare, ad quod tamen licentiam (quæ ultra annum se non extendat) in scriptis a Nobis, vel Vicario nostro obtinere, & Parochis, ac aliis quibuscunque, animarum curam gerentibus, ad quos divertent eleemosynas petitori, ostendere, eleemosynasque per se ipsos, non autem per personas substitutas, colligere teneantur.

Quibus per licentiam hujusmodi, Missas tantum celebrandi, non autem concionandi, aut confessiones audiendi facultas data intelligatur, aliis quibuscunque, præter antedictos Religiosos mendicantes, penitus interdictis, & exclusis. Indulgentias autem publicare, aut icones, cruces, vel similia, occasione illa vendere, nulli supradictorum liceat.

De Confraternitatibus.

CAPUT LX.

CUm per Diocesim nostram Confraternitates multæ institutæ reperiantur ad pia opera exercenda; easdem per Rectores vitæ, & morum integritate probatos, pie ac recte gubernari cupimus: Mandantes, quod cum earum privilegiis diligenter examinen-

tur, ac visitentur: & quæ negligenter, vel indecenter haberi compertæ fuerint, si nulla alia ratione ad observantiam condecentem reduci poterunt, tollantur: de cætero vero nullæ absque auctoritate nostra institui, vel erigi possint.

Parochi vero ac Decani, intra quorum fines Confraternitates constitutæ reperiuntur, eandem adhibeant diligentiam, ut omnia in eis decenter, & pie peragantur.

Et si quos redditus, aut alia bona possident, ea omni studio conservari, & singulis annis per Massarios administrationis exactam rationem reddi volumus.

De Hospitalium, & aliorum piorum locorum administratione.

CAPUT LXI.

Quia Sacrum Trident. Concilium Nobis imponit curam providendi, ut Hospitalia, & alia loca pia fideliter administrarentur; statuimus, ut qui ad Hospitalium, Montis pietatis, & piarum Confraternitatum quarumcunque regimen assumentur, jurent, in manibus Vicarii nostri, vel ab eo deputati, se fideliter officium suum facturos, bona ipsorum locorum ad deputatos usus dispensaturos, & si quæ indubitate alienata fuerint, recuperaturos.

Ne vero bona hujusmodi locorum piorum, & eleemosynas ad privata sua commoda convertant, omnia mobilia & immobilia bona in inventarium diligenter redacta, durante eorum administratione (quæ ultra triennium non extendatur) nullatenus conducere, vel suis usibus accommodare possint; ac singulis annis Nobis, vel Subdelegatis nostris administrationis rationem reddere teneantur: recusantes Ecclesiasticis censuris compellantur.

Qui vero Hospitalia, ad pauperum usum instituta, in Prioratum, administrationem, vel quemcumque alium titulum obtinuerint, fabricas ruinosas restaurent, & sanctas relictas custodiant, debitaque onera præstent. In quo si

negligentes fuerint, secundum Sacrorum Canonum, & Concilii Trident. dispositionem contra eos procedemus.

Mons pietatis Civitatis nostræ (unde mutuas pecunias gratis pauperes accipiunt) & si quæ sunt alia hujusmodi, in Dicecesi nostra, a Præfectis, quorum fides, innocentia, & charitas graviorum virorum testimonio commendata fuerit, studiose ac fideliter administrantur. Et omnia juxta Concilium Trident. a Vicario nostro visitentur, & recognoscantur.

De Adulteris & Concubinariis.

CAPUT LXII.

Fœdum adulterii, & concubinitus peccatum a nostro Episcopatu eliminatum cupientes, Sacri Trident. (*) Concilii præscriptum inviolabiliter observandum duximus: Cujus Decretum ob id hoc loco inferi volumus, ut sciant omnes, Nos contra eos processuros secundum dicti Concilii regulas, cujus Decreti tenor est:

"Grave peccatum est, homines solutos concubinas habere: gravissimum vero & in hujus magni Sacramenti singularem contemptum admissum, uxoratos quoque in hoc damnationis statu vivere, ac audere eas quandoque domi etiam cum uxoribus alere, & retinere. Quare ut huic tanto malo Sancta Synodus opportunis remediis provideat; statuit hujusmodi concubenarios tam solutos, quam uxoratos, cujuscunque status, & dignitatis, & conditionis existant, si postquam ab Ordinario, etiam ex officio, admoniti ea de re fuerint, concubinas non ejecerint, seque ab earum consuetudine non sejunxerint; excommunicatione feriendos esse, a qua non absolvantur, donec re ipsa admonitioni factæ paruerint. Quod si in adulterio, vel concubinato per annum, censuris neglectis, permanserint, contra eos ab Ordinario severe pro qualitate criminis procedatur. Mulieres, sive conjugatæ, sive solutæ, quæ cum adulteris, seu concubinariis publice vivunt, si ter admonitæ non paruerint, ab Ordinariis locorum, nullo etiam requirente,

ex

(*) Sess. XXIV. Cap. VIII. de Reform. Matrim.

" ex officio graviter pro modo culpæ
 " puniantur, & extra oppidum, vel
 " Diocesim, si id eisdem Ordinariis
 " videbitur, invocato (si opus fuerit)
 " brachio seculari ejiciantur: aliis pœ-
 " nis, contra adulteros, & concubina-
 " rios inflictis, in suo robore perma-
 " nentibus."

*Ne Parentes cum filiis, aut filia-
 bus, aut fratres cum sororibus
 in uno lecto dormiant.*

CAPUT LXIII.

Quandoquidem intelligimus, in hac
 nostra Diocesi parentes cum fi-
 liis, vel filiabus, fratres cum so-
 roribus, & aliis consanguineis suis
 proximis, adultis præsertim, in uno
 lecto interdum dormire, cum evidenti
 incestus, & animarum suarum pericu-
 lo; ne id in posterum fiat, vel pauper-
 tatis, vel alterius cujuslibet necessitatis
 prætextu, monemus Parochos, ut suos
 Parochianos, posito ipsis ob oculos pe-
 riculo peccati horrendi imminenti,
 minis, & pœnis ab hujusmodi condormi-
 tione deterreant, & si necessitatem
 ita exigere videant, Nobis, vel Vicario
 nostro denuncient, pro qualitate facti
 coercendos, & puniendos. Pariter
 matres, & nutrices hortentur, ne in-
 fantulos noctu in lecto secum habeant,
 propter periculum suffocationis: vel
 saltem ita eos accommodent, ut non
 periclitentur: quemadmodum etiam
 in nostro Rituali monentur, & pote-
 runt Parochi opportune Dominicis die-
 bus per annum aliquoties hoc Decre-
 tum insinuare.

*De Usuris, & illicitis con-
 tractibus.*

CAPUT LXIV.

Quamvis usuraria pravitas, quanto
 pluribus Constitutionibus reprimi-
 tur, tanto acrius per novas
 fraudes erumpit; solerter nihilominus
 cupidorum hominum avaritiæ & ini-
 quitati obviam eundum esse, & Divi-
 næ, & humanæ leges admonent. Ac
 proinde Nos, Cardinalis BERNARDI, &
 aliorum Prædecessorum nostrorum

Constitutiones renovantes, statuimus,
 ut juxta Canonicas Sanctiones contra
 quoscunque manifestos usurarios seve-
 re procedatur.

Et quia cupiditatis stimulis acti
 avari, & omnis Christianæ pietatis ob-
 liti, lucris per fas, & nefas inhiantes,
 variis technis, & fraudibus usurariam
 pravitatem contegunt, & obvolvunt;

Quandocunque contractus aliquis,
 sub titulo & nomine venditionis, emp-
 tionis, locationis; societatis, permu-
 tationis, aut quovis alio celebratus fue-
 rit, si ex circumstantiis personarum,
 rerum, temporis, pretii, lucri, aut
 aliis verisimilibus conjecturis constite-
 rit, secundum latentem contrahentium
 mentem, contractum diversum esse a
 substantia realis, puri & legitimi con-
 tractus, sub cujus nomine celebratus
 fuit; Declaramus usurarium esse, &
 pro tali haberi debere, ac contra ita
 contrahentes, ut contra usurarios, esse
 procedendum (etiam si tales contra-
 ctus, ut injusti, & illegitimi, fuerint
 in judicio rescissi) ob lucrum certum,
 vel probabile, habitum, aut expecta-
 tum, ex pecunia, re exhibita, vel non
 exhibita, vel ejus pretio.

Quod si Notarii scienter celebra-
 verint contractus tales, aut ubi etiam
 res, de quibus contrahitur, non ex-
 tant, vel ubi pecunia, de qua fit men-
 tio in instrumento, realiter non exhi-
 betur, aut non integre exhibetur, vel
 pro pecunia diversæ merces, res mo-
 biles, aut se moventes juxta pretio
 etiam non æstimatæ repræsentantur, aut
 pro repræsentatis habentur; declara-
 mus illos teneri in conscientia ad dam-
 na parti læsæ rescindienda: Et tales No-
 tarios ipso jure, & facto censeri priva-
 tos, tamquam indignos officio tabel-
 lionatus, eosque a matricula Notario-
 rum deleri volumus. Decernentes
 etiam, quod testes, qui scienter inter-
 venerint talibus fraudulentis, & simu-
 latis contractibus, item proxenetae,
 qui tales contractus tractaverint, tan-
 quam participes pravitatis usurariæ,
 velut usurarii puniantur.

Quia vero multiplices istæ simula-
 torum contractuum fraudes, vulgo
 notæ non sunt, Parochi, Concionato-
 res,

res, & Confessarii per occasiones eos ardenti stylo infectentur, detestabilem eorum iniquitatem, & pœnas gravissimas exaggerando.

Quod ut facilius præstare queant, Nos per speciale edictum Visitatoribus in hoc Episcopatu damnatorum hujusmodi contractuum speciebus propositis, ipsis normam, quam sequantur, suggeremus.

De Judæis.

CAPUT LXV.

QUoniam honestas exigit, & universalis Ecclesiæ consuetudo servat, ut Judæi a Christianis aliquo notabili signo discernantur: Volumus, & ordinamus, signum illud esse debere circulum de filis croceis in veste extrinseca ante pectus quoad masculos, & duas rigas flavi coloris in peplis mulierum. Volumus etiam Cap. *Post miserabilem, De usuris*, huic Statuto esse annectendum, & inferendum, & cum eo publicandum: cujus tenor subsequitur:

Post miserabilem, & infra. Judæos ad remittendas Christianis usuras per Principes & Potestates compelli præcipimus sæculares, & donec eis remiserint, ab universis Christi-fidelibus tam in mercimoniis, quam in aliis, per excommunicationis sententiam, eis

jubemus communionem omnimodam denegari.

Famulatum autem Christianorum, præter quam in casibus a Sacris Canonibus permisis, penitus eis interdicimus, sub pœnis ipsorum Canonum, arbitrio nostro aggravandis.

Capitulum: *Omnis utriusque.*

De pœnit. & remiss.

CAPUT LXVI.

OMnis utriusque sexus fidelis, postquam ad annos discretionis pervenerit, &c.

De Constitutionibus.

CAPUT LXVII.

NE quis autem harum Constitutionum Synodaliū ignorantiam prætere valeat, præcipimus omnibus tam Religiosis, quam sæcularibus Presbyteris, nostræ jurisdictioni subiectis, cujuscunque status & dignitatis existunt, sub pœna duorum florenorum, fabricæ S. Vigiliū applicandorum, (*ut earum*) exemplum infra spatium duorum mensium, postquam impressæ fuerunt, habere procurent, vitamque suam ac mores juxta earum ductum & normam ita instruant, ac reforment, ut quibus præsent, iisdem & præluceant ad laudem & gloriam Dei, qui sit benedictus in sæcula. Amen.

ILLUSTRISSIMI ET REVERENDISSIMI CARDINALIS CHRISTOPHORI MADRUTII &c.

Declaratio circa normam constituendi census, sive affictus.

CHRISTOPHORUS, DEI GRATIA EPISCOPUS TRIDENTI,
ADMINISTRATOR BRIXINENS. AD PERPETUAM REI MEMORIAM.

ET si ex Pastoralis officio teneamur omnia promovere, & toto mentis conatu intendere, quo subditorum nostrorum utilitati, & commodo generaliter consulatur; tamen specialiter humeris nostris incumbit, diligenti custodia invigilare, ne in sæcularibus negotiis, quæ singulis diebus homines pro augmento bonorum temporalium inter se tractant, & celebrant, aliquid

committatur, quod animos in gehennam præcipientes trahat. Cujus quidem sollicitudinis Prædecessores nostros fuisse diligentissimos animadvertimus, dum pro temporum qualitate ipsos varias, & diversas Constitutiones promulgasse videmus, quibus omnes usurariæ pravitates penitus e mentibus hominum evellerentur: sed usu venit (ut a natura omnis ætas ad malum proclivis est)

est.) quod quanto plures ederentur inhibitiones, tanto majores excogitentur fraudes, colores, quibus non solum animæ a præcipitio non sunt retractæ, sed etiam pauperum subditorum nostrorum irreparabilis jactura est subsequuta. Quum vero necesse sit, ut aliquis modus contrahendi existat, & novissima Constitutio per immediatum Prædecessorem nostrum felicis recordationis promulgata, etsi in se sanctissima fuerit, tamen male interpretantium technis, & cautelis adeo periculosa, & damnosa effecta sit; ut nisi efficacia remedia adhibeantur, totalem ruinam ipsis pauperibus sit allatura.

Nos vero Prædecessorum nostrorum vestigia laudabilia imitando, negotium hujusmodi maturo consilio sæpius discussimus, & tandem omnibus circumstantiis, quæ pro temporum qualitate erant considerandæ, diligenter consideratis: statuimus, ordinamus, & decernimus, ut infra.

Quia cassamus, abrogamus, & tollimus omnes, & singulas Constitutiones, per Prædecessores nostros qualitercunque emanatas, & editas circa contractus affectuum bladorum, & vini generis cujuscunque celebrandos, & maxime Constitutionem novissimam, & volumus, disponimus, & ordinamus, ut in antea affectu generis cujuscunque impune fieri, & celebrari possint, dummodo fiant in ratione Rhenensium sex pro stario frumenti, siliginis quin-

que, milii quatuor: Bladi vero alterius generis cujuscunque Rhenensium trium; vini Theroldici Rhenensium septuaginta quinque, bulliti septuaginta, dulcis sexaginta. Pecuniæ vero in ratione quinque pro centenario, cum pacto tamen perpetuo redimendi, non obstante præscriptione aliqua juris municipalis, vel communis.

Item, quod in casu devolutionis propter Canonem non solum, Dominus agere possit ad devolutionem cum defalcatione tertiæ, respectu duntaxat capitalis, in quo tertio etiam intelligantur inclusi affectus retenci, quos Dominus aliter consequi non possit, nisi præcedente de anno in annum mandato de solvendo affectum affectalini facti, de quo appareat legitime, quibus mandatis non præcedentibus ut supra, devolutio locum non habeat.

Item quod ab affectibus celebratis ab anno Millesimo, quingentesimo citra, affectalini omnes possint, & valeant se affranchare, & Domini ad id teneantur.

Item quod prædicta omnia & singula intelligantur locum habere, & habitura solum, & duntaxat in affectibus habentibus præambulam venditionem, ab eodem affectalino, & non in iis, qui propria bona ab aliis, quam a conductore acquisita, locant.

Publ. die 19. Januarii 1545. ut in actis d. Francisci Zelli Not. Malef.

Moderatio affectuum, sive censuum

Illustrissimi & Reverendissimi Cardinalis

LUDOVICI MADRUTII.

LUDOVICUS, MISERATIONE DIVINA S. R. E. TITULI S. HONORII PRESBYTER CARDINALIS MADRUTIUS, EPISCOPUS TRIDENTINUS &c.

CUM a nonnullis annis citra nonnullas querelæ exorta fuerint inter debitores & creditores annuorum affectuum, qui in hoc nostro Episcopatu Trident. celebrari consueverunt, super qua controversia alias coram tunc temporis Commissario Cæs. fuerunt

ab utraque parte plures supplicationes, & scripturæ allegationum productæ, ac processus formati, qui postea ab eodem Commissario fuit transmissus ad Suam Cæsaream Majestatem, quæ deinde causam ad Nos remisit, Nobis mandando, ut super ea provi-

Tomus VIII. Concilior. German.

K k k

sionem

sionem opportunam faceremus, ne subditi contra honestatem, & æquitatem gravati remanerent. Proinde Nos considerata ipsa commissione, consideratoque diligenter tenore Constitutionis, per proximum Prædecessorem nostrum super affectibus promulgatæ, ac partibus in contradictorio, & seorsum sæpe auditis, & causâ maturo consilio ad longum discussa: volentes assiduis querelis, & indemnitati pauperum subditorum, juxta prædictam commissionem Cæs. prospicere: hoc præsentî Decreto affectus omnes redimibiles, & secundum formam dictæ Constitutionis celebratos de cætero reducendos, & moderandos esse duximus, prout eos scilicet ex nunc & pro anno præsentî, & pro aliis annis futuris moderamus in hunc modum.

Videlicet:

Frumenti ad rationem grossorum .	26	} pro stario.
Siliginis ad rationem grossorum .	21	
Miliî ad rationem grossorum .	17	
Vini bulliti pro plastro ad rationem Rhenensium quinque pro plastro.		
Vini dulcis ad rationem Rhenensium	4.	
Librarum 1. pro plastro.		
Olei pro Galeta ad rationem Librarum	4. gross. 3.	
Butyri ad rationem Librarum	4. gross. 3. pro pondere.	

Possint tamen creditores recipere solutiones in speciebus, si maluerint, sed ad ratam precii prædicti, & non in majore quantitate. Et hanc nostram mo-

derationem tam diu servari volumus, donec generali Constitutione super creandis novis affectibus per Nos provisio fiat.

Quo vero ad affectus factos per nonnullos præter, & contra formam Constitutionis prædictæ, & qui a debitoribus allegantur illiciti, & usurarii, committimus omnibus Judicibus ordinariis nostri Episcopatus, ut super eis justitiam summariam administrent, tam in irritando contractus irritandos, quam in puniendo, prout juris erit.

In quorum fidem & testimonium præsentibus fieri, Sigillique nostri appensione jussimus muniri.

Datum Tridenti in arce nostra boni consilii XI. Septembris 1579.

Ad Mandatum Illustrissimi & Revmi Dni Cardin. pr. &c.

CAROLUS GROTTA, &c.

Declaratio prædictæ clausule:

Possint tamen &c.

Supra dicta clausula declaratur, & intelligitur, quod creditores possint recipere solutionem in speciebus, si maluerint, sed ad ratam pretii prædicti, hoc est, quod possint recipere tantum vini, & frumenti, seu aliarum specierum ad pretium commune currentis tempore solutionis, quantum importat pretium in pecunia taxatum, in ipso Decreto; Non autem quod possint recipere species in majore quantitate.

Decretum in Cancellaria boni consilii, die 23. Septembris 1579.

Forma constituendi Censuum in Episcopatu Tridentino, & declaratio nonnullorum casuum, & contractuum illicitorum.

Juxta intentionem datam in Synodo Diocesana sub Cap. LXIV. de Usuris, & illicitis contractibus habita de anno 1593.

CAROLUS, MISERATIONE DIVINA S. R. E. TITULI S. THOMÆ IN PARIONE PRESEYT. CARD. MADRUTIUS, EPISCOP. TRIDENT. &c.
AD PERPETUAM REI MEMORIAM.

ET si Prædecessores nostri animarum salutis, ac commodis subditorum summa cum diligentia invigilantes, diversas pro temporum qualitate San-

Sanctiones, & Constitutiones in publicum edere non neglexerint, quibus avaritiæ libidinem extinguere, & usurarum pravitatem e subditorum mentibus funditus evelerent; tamen cum ex fide-dignorum relatione didicerimus, & ex usurariis criminationibus diebus superioribus jussu nostro peractis, compertum habeamus, avaritiæ fomitem animos subditorum nostrorum adeo incitasse, ut postpositis omnibus piissime editis Sanctionibus, & Constitutionibus, non vereantur, variis, occultis, & palliatis modis pauperes in censum, sive affectum creationibus defraudare, & circumvenire: maxime dum mercibus & rebus ad eorum rem non facientibus, injusto, excessivoque valore ad libitum taxatis, & pretiis confessionis loco numerata pecuniæ decipiuntur. Nos pro debito muneris nostri, Prædecessorum nostrorum laudabilia vestigia sequendo, ut hujusmodi circumventiones eliminentur, & animarum saluti pro posse nostro salubriter prospectum, ac indemnitati pauperum, ne inexplibili usurarum voragine miserabiliter absumantur, consultum sit; statuendum esse duximus, ut statuimus, ordinamus, & decernimus, quatenus deinceps census, sive affectus constitui debeant super re immobili, certis limitibus designata.

I. Fructifera de sui natura, & apta ad reddendum affectum.

II. Quæ solum maneat obligata solutioni census, non autem alia ipsius venditoris bona, nisi ratione evictionis, & ad securitatem rei, nimirum quod ea sit vendentis, & fructifera, & capax ad illius census solutionem.

III. Valeatque tantum, quantum capitale affectus, & tertium de pluri, ob casum repetitionis sortis, ut infra dicitur.

IV. Deinde vero integrali pretio in pecunia numerata, coram testibus, & Notario tempore Instrumenti, & non confessionato, aut quod dicitur anticipato interveniente: quod quidem pretium revera, quacunque fraude, simulatione, & fictione remota venditor accipiat. Præterea sub pacto de re-

trovendo quâdôcunque, nulla obstante præscriptione, non coacto venditore ad redimendum.

V. Ad hæc si res periret in parte, vel in totum, pro parte, vel in totum respective periisse intelligatur periculo emptoris: aut si pro parte, vel in totum, casu tamen fortuito, efficeretur instructuosa, ad ratam emptoris quoque periculo Canon cesset.

VI. Quod si dolo, vel culpa venditoris id contigisse probatum fuerit; is teneatur præcipuum census reddere, aut illum super alia re immobili, ad superius traditam normam, constituere.

VII. Si autem Dominus rei censuariæ illam vendere voluerit, Dominus census præferendus erit cuicunque alteri emptori, eique denunciato pretio & conditionibus, quibus res est vendenda, dies quindecim expectentur, num ipse velit eam emere. Reliqua vero circa taxam, & devolutionem, seu verius sortis repetitionem, ob Canonem non solum, tribus successivis annis factis mandatis, & alia præsentibus non contraria, expressa in Constitutionibus Prædecessorum nostrorum, firma volumus, usque ad aliam nostram deliberationem permanere.

VIII. Declarantes bona ob Canonem non solum devoluta, seu loco sortis propter moram, ut supra, extracta, posse redimi, & recuperari per censuarium quâdôcunque soluta sorte, affectibus incurfis, ac omnibus expensis. Decernentes proinde, quod affectus, sive census, sub alio modo, & forma, aut pactis in futurum celebrandi, nulli sint, ac fœneratitii esse intelligantur, ita ut pœnis quoque debitis subjaceant.

IX. Nempe ut principales contra præscriptam formam affectus constituentes, pro singulo affectu mulctam decem, viginti quinque, quinquaginta, & centum marcarum, & plus & minus, juxta casuum, & personarum qualitatem, Fisco applicandarum, incurrant, &c.

Notarii eos scribentes, præter alias pœnas, pro arbitrio infligendas,

K k k 2

ipso

ipso jure, & facto. censeantur privati officio tabellionatus.

Testes quoque & Proxenetæ, tanquam participes pravitatis usurariæ, veluti usurarii puniantur. Census vero, præter juris dispositionem, & Constitutionem Prædecessorum nostrorum, præteritis temporibus celebratos, subjacere volumus debitis juris censuris.

Ut autem magis cognoscatur, quibusnam modis sub palliata emptione, & venditione censuarius contractus, contra, & præter supra expositam normam in fraudem usurarum celebrari consueverit, diversisque aliis figmentis, & simulationibus usura in his Regionibus committatur; nonnullos, magisque frequentes casus subjicere operæ pretium duximus, ut etiam causa supradictæ nostræ Constitutionis de censibus constituendis magis cognoscatur, ab ejusmodique illicitis, & fœneratiis contractibus abstineatur, & ignorantæ crassæ objectio neminem excuset.

X. Quidam enim ab indigentibus pecunia emunt fundum, vel aliud stabile, & eodem contextu illud locant venditoribus sub annuo affectu, & cum pacto redimendi. In quo quidem genere fraus, vel saltem injustitia multifariam committitur. Primo, quia pretium non solvitur secundum qualitatem, & quantitatem fundi, nec emptor habet intentionem emendi, quia in se non retinet fundum, sed locat venditori: nec venditor pariter habet intentionem vendendi, quia non vult a se abdicare, sed in se retinere, sub ficto nomine conductionis: Item quia pensio, seu affectus non constituitur habito respectu ad fructus fundi, prout haberi debet, sed habito respectu ad pecuniam: Item quia onera, & pericula rejiciuntur in conductorem, cum tamen pertinerent ad locatorem, quando vere esset Dominus rei locatæ: Item, quia per pactum oneratur venditor ad expensas instrumenti emptionis; ad quas tamen tenetur emptor, qui libere, & absque ullo onere lucratur fructus. Ex quibus, præsertim ex depravata voluntate contrahentium, eorumque intentione contractus eviden-

ter redditur illicitus. Nec illum excusant Constitutiones anni 1545. quia illæ præsupponunt rectam intentionem in contrahentibus semper adesse.

XI. Nonnulli consueverunt emere annuos redditus, seu census pro pretio quidem a Constitutionibus præscripto; sed obstringunt venditorem ad retro emendum, & ad pretium restituendum infra tot menses, post monitionem sibi factam, & interim emptor percipit redditus: Quod pactum a jure improbat, quia ex eo detegitur depravata intentio contrahentium, non quidem emendi vendendi, sed mutuum exercendi. Contractus enim hujusmodi recedit ab emptione annui census, cujus natura est, ut fors perpetuo alienetur, & redemptio pendet a libera voluntate, & facultate venditoris; sed quando repetitio sortis pendet a voluntate emptoris, contractus resolvitur in mutuum usurarium, licet effigiem emptionis præ se ferat.

Alii ob affectus per triennium non solutos, agunt ad devolutionem omnium bonorum obligatorum, putantes ea indistincte in commissum incidisse, cum tamen devolutio non debeat admitti, nisi in contractibus emphyteuticis, & in affectibus celebratis cum præambula, & vera emptione, ex qua dominium directum vere fuerit translatum in emptorem.

In affectibus autem constitutis super rebus alienis, qui mos est frequens in hac regione, scilicet, ubi quis emit affectus, seu jus percipiendi affectus, pro quibus venditor supponit, & pro pignore obligat fundos; tunc cum emptor non emat fundos, nec dominium directum acquirat, sed solum emat affectus, non potest habere locum pœna commissi, saltem ex æquitate, nec consolidatio utilis cum directo. Et quamvis ex stylo quorundam Notariorum, ea pœna in contractibus aliquando inferatur, non est tamen observanda, cum naturæ, & substantiæ contractus adverfetur, ac repugnet pacto redimendi, quod per devolutionem extinctum remaneret. Emptori autem absque devolutione competunt alia remedia, ad consequendum affectus non solutos.

Aliqui autem vendunt animalia, vina, grana, & alias merces, pro gravi & excessivo pretio, & quia emptores non habent tunc pecuniam paratam, eos constringunt ad solvendum, & constituendum annuos affectus. In qua re venditor duplicem quæstum facit: primo in sorte, quam integram, & solidam non solvit: deinde in redditu annuo, qui in hac angusta, & sterili regione ascendit ad rationem septem pro centum ad minus: & post ali-quod tempus sortem augent ex his excessivis affectibus decursis, & non solutis, simul cum augmento novorum affectuum.

Quidam etiam anticipata solutione emunt vili pretio fruges tradendas a venditore eo tempore, quo verisimile est, eas majori pretio esse valituras, & quas venditores plerumque venales non habent: quæ anticipatio solutionis habet mutui rationem, quia ementes, antequam res possint eis tradi, censentur mutuare pecunias venditoribus, ut recipiant lucrum, quod est ultra veram æstimationem.

XII. Alii e converso vendunt vina, grana, & alias merces carius, quam omnino valeant tempore contractus, ob datam emptoribus dilationem ad solvendum: qui contractus etiam mutui rationem implicat, quia perinde est, ac si emptor statim numerasset pretium venditori, & venditor illud mutua-asset emptori, usque ad terminum, cum lucro, quod pariter erat ultra verum pretium.

Aliqui habentes granum venale, illud vendunt tempore hyemis, nulla tunc facta æstimatione, sed postea pretium taxant quanti plurimi eo anno, usque ad novas fruges venierit.

Plerique vero pecunias mutant, cum pacto, ut mutuarius emat ab eis vinum, bladum, pannum, & animalia, vel nomina debitorum suscipiat, & quo melius fraudem cooperiant, imprimis conficiunt instrumentum sub figura & nomine venditionis, pro majori pretio, quam res tunc vendi possent, & quibus emens non indigebat, deinde certam pecuniæ quantitatem mutuo persolvunt. Et licet videantur duo

contractus, tamen cum sint facti eodem contextu, & in eodem instrumento, censetur unus factus contemplatione alterius, quia emptor eas res non emisset, nisi venditor ei pecunias mutuaasset, nec ipse quoque mutuaasset, nisi alter quoque emisset pro eo pretio, & ita vendens lucrum acquirit ex mutuo, & usuram committit.

XIII. Quidam alio genere fraudis utuntur, præsertim contra rusticos, quia emunt ab eis oves, vel boves, aut alia animalia, quæ sciunt, aut credunt eos non habere, eademque fide eisdem locant, sub annua pensione, vel si emunt animalia revera extantia, aut propria habent, ea locant cum pacto, ut fors sit salva, seu illius valor, & pretium, & animalia sint periculo conductoris, quod tamen ad locatorem uti Dominum pertinere deberet, & in his casibus latet usura.

Et idem censendum est de locantibus propria animalia revera extantia, ac æstimata: quæ etiam si pereant citra culpam, & fraudem conductoris, volunt tamen, præter annuam pensionem antea perceptam, dictorum animalium æstimationem a conductore sibi persolvi: quod, ut patet omnino iniquissimum est.

Alii tradunt alteri frumentum, seu filiginem sub nomine mutui; sed pretio summæ taxato, cum pacto, ut tempore messis restituatur frumentum novum: usque ad quantitatem dicti pretii. Qui contractus claudicare videtur: quia si est venditio, emptor tenetur ad pretium, non autem ad frumentum: si est mutuum, debitor tenetur restituere frumentum in eadem mensura, & qualitate, & non pretium.

Quidam autem credunt alteri pecunias, & conficiunt instrumentum sub nomine gratuiti mutui; sed post discessum Notarii & testium recipiunt ex pecunia numerata septem, aut decem ex centum, pro interesse anticipato, & tamen mutuarius remanet debitor de tota summa contenta in instrumento.

Aliqui apertas exercentes usuras mutant pecunias ad tempus, modo sub fide, modo sub pignore rei mobi-

lis, vel stabilis, ad rationem septem pro centum, & pro excusatione obijciunt consuetudinem regionis, & Constitutiones Trid. & quia beneficienti naturaliter liceat beneficium rependi. Quæ tamen consuetudo ab eis introducta, cum sit irrationabilis, & Divino juri contraria, non excusat, præsertim in foro poli; nec similiter Constitutiones, quia non loquuntur de mutuo repetibili, sed de redemptione annui census pecuniarii, ad rationem quinque pro centum. Et cum mutuatio sit opus charitatis, debet gratis fieri, & conferens beneficium, non debet plus accipere, quam dedit; nec quæstum facere ex necessitate alterius. Imo quod gravius est, plerumque ex decurso hujusmodi interesse augent sortem, & ex usuris in capitale redactis alias renovant, & exigunt usuras sub nomine interesse.

Propterea his calliditatibus occurrere, & subditorum commodis, ac animarum saluti prospicere volentes, ut pro debito Pastoralis nostri officii tenemur,

Admonemus imprimis omnes Christi-fideles, ut ab ejusmodi contractibus omnino abstineant, & inertio otio relicto, honestis exercitiis incumbant, ne dum reprobis artibus lucrum temporale acquirere procurant, proprias animas in æternum amittant.

Et ulterius considerantes Nos, usurarum crimen in hac regione eo usque invaluisse; ut neminem fere jam id committere pudeat; prohibemus omnes & singulos prædictos contractus, tanquam illicitos, sceleratissimos, & simulatos: Mandantes, ne quis usurarium manifestum, sive sit manifestus de jure, sive de facto, vel quovis alio modo convictus, ad Ecclesiasticam recipiat sepulturam, nisi idonea præstita cautione de usuris restituendis.

Insuper declaramus, omnes & singulos usurarios subiacere debere quibuscunque pœnis, & censuris Ecclesiasticis, infra describendis, contentis in *Constitutione Lugdunensis Concilii*, quam singulis annis in prima Dominica Quadragesimæ, per Rectores animarum publicari mandamus, & inviolabiliter ob-

servari; ultra multam pecuniariam marcarum decem, viginti quinque, quinquaginta, & centum, in præmissa Constitutione afflictuum impositam, quæ etiam in præmissis casibus locum habeat.

Similiter observari mandamus contra omnes Usurarios Statutum sub *Cap. 68. Lib. primo Civilium*.

XIV. Idcirco omnibus, & quibuscunque Judicibus, potissimum vero Vicario nostro in Spiritualibus Generali districtè injungimus, ut contra usurarios, Notarios instrumenta scribentes, proxenetas, mediatores, consultores, & alios quoscunque, qui ejusmodi contractibus illicitis, quoquo modo interfuerint, auxilium, & opem præstiterint, diligenter inquirant, & procedant, ac ultra debitam restitutionem, censuris Ecclesiasticis, & aliis pœnis, tam juris Canonici, quam Civilis, & Statutariis, ac præsentis Constitutionis omnino coerceant: Alioquin si in hoc tam detestabili vicio compefcendo desides erunt, indignationis nostræ penam sciant se incurfuros.

Cujus nostræ Constitutionis, & dispositionis, & declarationis tenorem in omnibus locis, qui sub nostra ditione continentur, publice manifestari mandamus.

Constitutio Concilii Lugdunensis.

Quamquam usurarii manifesti, de usuris, quas receperant, satisfieri expressa quantitate, vel indistincte in ultima voluntate mandaverint; nihilominus tamen eis Ecclesiastica denegetur sepultura, donec de usuris ipsis fuerit, prout patiuntur facultates eorum, plenarie satisfactum: vel illis, quibus est facienda restitutio, si præfesto sint ipsi, aut alii, qui possint eis acquirere, vel eis absentibus, loci Ordinario, aut ejus vices gerenti, sive Rectori Parochiæ, in qua testator habitat, coram aliquibus fide dignis de ipsa Parochia. Quibus quidem Ordinario, Vicario, aut Rectori, prædicto

Et modo, cautionem hujusmodi eorum nomine liceat præsentis Constitut. auctor. recipere: ita quod illis perinde actio acquiratur, ac si servò publico de ipsius Ordinarii mandato idonee de restitutione facienda sit cautum. Cæterum si receptarum usurarum sit quantitas manifesta, illam semper in catione prædicta exprimi volumus; alioquin aliam recipiens cautionem hujusmodi arbitrio moderandam; ipse tamen scienter non minorem; quam verissimiliter creditur, moderetur: & si secus fecerit, ad satisfactionem residui teneatur. Omnes autem Religiosos, & alios, qui manifestos usurarios, contra præsentis Sanctionis formam ad Ecclesiasticam ausi fuerint admittere sepulturam, pœnæ Lateranen. Concilii, contra usura-

rios promulgatæ, statim subiacere. Nullus manifestorum usurariorum testamentis interfit, aut eos ad confessionem admittat; sive ipsos absolvat, nisi de usuris satisfecerint, vel de satisfaciendo pro suarum viribus facultatum præstent (ut præmittitur) idoneam cautionem. Testamenta quoque manifestorum usurariorum aliter facta, non valeant, sed sint irrita ipso jure.

Dat. Trid. ex Arce nostra boni consilii, die XIII. Januarii 1609.

Ad Mand. Illustr. & Rev. D. D. Card. Episc. Princip. Trid. &c. pr.

PETRUS ALLEXAN-
DRINUS DE NEU-
STAIN, Cancell.

GRAVAMINA

Proposita per Mag. D.D. Cons. Civitatis, adversus novam formam constituendi Censùs, sive Affictus in Episcopatu Tridentino.

§. I. Fructifera de sui natura; &
apta ad reddendam affictum. Et paulo inferius: Fructifera, & capax ad illius censùs solutionem.

Primo. Pare aggravio, che per detta Costituzione sia esclusa l'antica consuetudine, & usanza approvata di poter constituir censù sopra le case, il che però da molti summistì viene admesso, & tollerato; & anco in se è ragionevole; poiche occorrerà, che molti poveri Cittadini, & Artigiani ritrovandosi quella sol casa, con la commodità di poter constituir sopra censù, cavaranno danari da porfi a traffico tale, che sarà causa in buona parte di sustentar la famiglia loro. Et non dimeno non saranno privi d'habitarla; cosa, che non haverebbero, quando astretti à venderla, dovessero privarsi di quella, & del solito, che lor causa la commodità del traffico, & consequentemente l'utile, & guadagno.

§. II. Quæ solum manean obligata
solutioni censùs, non autem alia ipsius venditoris bona, nisi ratione evictionis, & ad securitatem rei.

Secundo. Se considera, che, stante queste Constitutioni, il Padrone del censù volendo conseguir l'annual suo fitto, sarebbe sforzato con grave suo scommodo, & disturbo (non potendo proceder contra altri beni per non esser sottoposti ad obligo, se non per l'evittione) far pignorar l'affittalino ogn'anno sopra le frue del luogo obligato, il che, manco potrebbe fare, essendo notorio, che nel tempo solito delle scosside de censù, sono no solo di già raccolte tutte l'entrate, mà etandio in buona parte consumate. Donque per valersi del suo, doverebbe necessariamente procedere alla subhastatione di parte del luogo obligato. Onde oltra li gravi litigii, ipese, e travagli auverrebbe, che in puoco tempo la proprietade, & fondamento del censù resterebbono estinte à evidente, & enormiffi.

missimo danno d'ineauti compratori; confidando perciò, che sarà provisto, permettendo, che resti si l'ypotheca speciale nel luogo, ove sarà fondato l'affitto, si anco la generale sopra li altri beni del venditore, non solo per l'evittione, mantenimento, & validezza totale del contratto, mà anco per l'annual interesse, & frutti correnti, spese, & danni; che per conseguir quelli vengono patiti dai Patroni.

§. III. Valeat tantum, quantum capitale afficitur, & tertium de pluri.

Tertio. Vedendo, che oggidì li stabili, & possessioni sono in prezzo tale, che à voler constituir l'affitto sopra'l valor del capitale col terzo di più, senza dubio il fondo non farà atto, ne capace, à render il 7 pro cento, detratte le spese, è parte colonica; onde si deve conchiudere, che per esse Constitutioni più tosto sono costituiti li cenfi sopra le fatiche del povero contadino, che sopra'l fondo; non essendo quello atto per se alla rendita di tre, overo quattro per cento, contra l'espressa mente, & parola della Bolla; onde si desidera, che fosse lecito costituirli sopra tal quantità, che sia atta à render frutto equivalente all'interesse del capitale sborsato: tanto più ch'in esse Constit. vien statuito, che se in parte si facesse infruttuoso'l fondo, ciò s'fai anco in pregiudicio del Patrone del censo, havendo in ciò riguardo alli frutti, & non al capitale, & valor del fondo.

§. IV. Deinde vero integrali pretio in pecunia numerata, non confessionata, aut, quod dicitur, anticipata.

Quarto. Par non leggiero aggravio, attesa la strettezza del denaro, & del paese, non poter almeno con legitimo, & liquido credito, & con il valor vero, & real di robba constituir il censo; il che non solo per il passato è stato sempre osservato; mà anco da Dottori in materia de cenfi in termine della Bolla adnesso, & tollerato, massime potendosi (per oviare alle fraudi) ritrovare strada, & mezzo, che in caso de far Constit. de cenfi in questa guisa,

si debba dal giudice interponere il Decr. causa cognita.

§. V. Ad hæc si res periret in parte, vel in totum efficeretur infructuosa, casu tamen fortuito.

Quinto. Ne questa Constitutione par esser senza aggravio considerabile, per le chiare regole in jure, & opinione de Scriventi, che vogliono, che possi liberarsi l'emphiteuta, d'livellario in tutto, e non in parte; altrimenti s'il fondo non perisse in tutto, e non in parte, non essendo convenevole, che'l livellario giochi al sicuro. Et in ciò il livellario & censuario convengono insieme probabilmente. Et meno può star l'altra, che se la cosa in tutto, overo in parte fortuitamente, si facesse infruttuosa, parimente debba cessar il censo pro rata al compratore. Conciosiache quindi si causerebbe senza dubio introduzione nuova di liti infinite, & immortali; Poiche la maggior parte de censuari per porre intrico, & sotterfuggere i pagamenti de cenfi usand'ogni cautela, & astucia s'opporrebbero à i Patroni, con dire di non haver cavato dal fondo obligato frutto bastevole alla reintegrazione dell'affitto per siccità, freddi, geli, copia sopra-bondante d'acque, tempeste, & altri simili accidenti, ascrivendo il tutto (ancorche fosse più presto per difetto, & colpa sua, ch'altrimente) benchè indebitamente, in tutti li accidenti accennati per scudo di quella general parola: infruttuosa, senza farne la ragionevole distinzione, pretendendone perciò ristoro, d' remissione. Nelche quali litigii auverrebbero? quai spese? quai travagli? ciascun può giudicare, se non volesse il Padron del censo del continuo far custodire le frue, & assistere al raccolto di quelle, come se del loco, ne fosse egli assolutamente Padron; il che gli sarebbe di troppo grave scommodo, e danno; Et quando in tempo d'infruttuosità si dovesse permetter ristoro all'affittalini, porterebbe l'onesto, che li Padroni parimente in tempo di fertilità sentissero ristoro, e reintegrazione de danni patiti; acciò concorresse trà di loro parità nel bene, & nel male, per le tritte regole in jure; meglio

meglio sia dunque per ischivar questi, & altri disturbi, & travagli, che resti presso gl'Affittalini incommodo, & comodo. Che s'il fondo gli apportarà frutti in quantità, e di gran prezzo il tutto cede à beneficio suo, & se per contrario, n'habbi pazienza, & nell'uno, & nell'altro caso ringracii il signore.

§. VI. Quod si dolo, vel culpa venditoris id contigisse probatum fuerit, is teneatur pretium census restituere.

Sesto. Si duolo che considerandosi la malitia dell'Affitalino nel peggiorar il fondo, & luogo soggetto all'affitto, se gli lasci in libertà, se per esse parole come per raggion commune sopra quelle fondata di potere, ovvero restituire il danaro, ovvero fondar l'affitto sopra altri beni, dovendo per ogni ragione in pena de fraude commessa solo esser in libertà del Patron del censo, over di repeter il danaro, over far quello costituire sopra altri beni; poiche altrimente facendo il Contadino, che nelli tempi presenti è molto sagace, & accorto potrà trovar mille occasioni (danneggiando il luogo) di rimover l'affitto d'un luogo, & riporlo nell'altro.

§. VII. Si autem Dominus rei censuarie illam vendere voluerit.

Settimo. Che venendo 'l caso che l'Affittalino in fatto, avanti li quindici giorni statuiti à deliberare al Padrone del censo, ovvero avanti la denontia alienasse il fondo soggiogato, non sia per qualche clausula annullativa, ovvero legale impediante la translatione del dominio provvisto, a fine, che volendo il Padrone rihaver il fondo non s'ia astretto à porsi in lite, & intentar un giudizio ordinario, potendogli esser soccorso con un summario possessorio effecutivo.

§. VIII. Declarantes bona ob canonem non solutum devoluta. Alii ob affitibus per triennium non solventes agunt ad devolutionem.

Ottavo. Pajano notabilmente gravatorie le sudette Constitutioni, perche

Tomus VIII. Concilior. German.

in esse non solo si concede patto alli censuali di redimer il fondo devoluto dopò li trè mandati, alterandosi in ciò gl'ordini, & constitutioni già da passati Statuenti in questa materia introdotti; quali è da credere, che habbino molto ben pelato, & considerato questo negotio, & perciò, per raggione probabile meno, habbino concesso patto alcuno da redimere, dovendosi vedere, che li Censuarii puoco si curarebbono di pagar il censo, mà il tutto con varie cavillationi, & ostacoli ingiusti, & illeciti sotterfugendo i pagamenti, lasciarebbono scorrer alla peggio, giovando loro, in caso de devolutione haver il patto di redimer; mà anco si concede perpetuo, e non à tempo limitato, che se pure si voleva conceder questo patto (ancorche gravatorio) poteva scorrere, quando s'havesse concesso conforme lo stile, & Constitutione delle subhastationi; ne quali da Raghesi cento in giù, li debitori hanno patto da redimer la cosa subhastata di mez'anno, & da detta somma in sù, sia quanto si voglia, d'un anno intiero, & non oltra. Venendo in ciò parimente alterati li Statuti di questa Città in materia de prescittioni, & anco le leggi communi, da cui vien admissa la prescittione, 'anco contra la Chiesa Romana, ne' suoi casi: oltra che restando il dominio del fondo in dubio, & incerto, si causerà, che 'l più delle volte saranno, ovvero dal Padrone, ovvero d'altri lasciati deserti li Luoghi, & Possessioni devolute; & di più per non lasciar venir questo caso, si causeranno asperità contro poveri Fittalini, che pure nel termine di trè anni, over nel fine potranno ritrovar danari per pagare gl'affitti incorsi, & sollevarsi dalla devolutione. Aggiungendosi, che gli Affittalini, in cui pregiudicio occorrerà la devolutione, habbino non solo il patto suddetto perpetuo de rescotere la cosa devoluta; mà anco agiovolezza di far ciò con il sborsar solo la sorte con l'incorsi & spese, nel che vien ad'essere levato al creditore anco quel poco beneficio del terzo di più, che si dava dalle passate Constitutioni, nel qual però venivano computati gli affitti in-

corsi triennali. Quindi resullerà che all'Affittalini molte volte tornerà a conto di non curarsi delle devolutioni, potendo riaver il fondo devoluto, & a beneplacito suo, & in tempo forsi di maggior rendita, prezzo, & stima, senza sottogiacerne a pena alcuna, mà solo pagando (come s'è detto) la sorte incorsa, & spese à evidente danno solo de creditor. Restando oltra di ciò notabil aggraviò, che nell'affitti ordinarii, non s'admette la devolutione, mà solo nelli contratti Emphiteotici, & quelli ch'hanno preambula, & vera venditione, contra l'ordine di Statuenti passati, quali in questa materia non fanno distinctione, ò differenza alcuna trà quelli, e questi, mà tutti indifferentelemente comprendon sotto'l capitolo. Item quod in casu devolutionis; & si deve conchiudere certamente, ch'anco ne i censu ordinarii si faccia translatione del dominio diretto per l'antico stile, & approvata osservanza di questo Paese praticata universalmente ne i contratti, Instrumenti pubblici di constitutioni, & cessioni d'affitti ordinarii, ove specificatamente quella si scopre in quelle parole, dedit, vendidit, cessit, transulit unum affictum una cum proprietate, & directo dominio, unde solvitur; & anco in altre clausule solite di tali Instrumenti, che non si transferisse il dominio diretto, si dourebbe dire più tosto obligo personale, e reale insieme, secondo l'opinion de Dottori; E perciò ne i censu ordinarii ancora deve havere luogo la pena del commesso, & consolidatione del dominio utile col diretto; la quale tanto più viene à esser ammissibile, quando, che già dalle passate Constitutioni raggionevolmente fù introdotta à terrore delli Affittalini, acciò che più facilmente pagassero li censu, & successivamente à beneficio loro, & de creditor insieme, & doppo, che sono state fatte esse Constitutioni passate, quando devolutioni sono mai occorse? Certo puoche, percioche ciascun Affittalino, benchè debole, volendo però pur nel termine d'anni tre (come s'è detto di sopra) haver tempo, & comodità de far danari per pagar li restanti, senza cascar nella devolutione

sodetta; quale se non fosse, in vero li Padroni di censu farebbono à guisa delli Affittalini strusciati ne i pagamenti, che di raro, ò non mai restarebbono da quelli compiramente soddisfatti. Et perciò niuno, ò puochi si ritrovarebbono; che sotto questa constitutione (ritrovandosi puochi parimente hoggi ch'ancor sotto le passate vogliono comprar fitti, così difficili sono di scuoterli, e mantenerli, come è notorio) vogliono far simili acquisti de censu, & affitti: Ilche redondarà finalmente tutto à danno, & rovina de poveri Contradini, che nei lor bisogni gli sovenghi, se non alienando totalmente le proprie sostanze; tanto più sentendosi gravata questa Città, che per essa dichiarazione viene non solo dato legge alli censu futuri; mà anco alli passati; quali essendo stati fondati da Padroni, mentre v'era una forma di constitutioni diversa dalla presente, nondimeno esser sottoposti (altrimente sarebbe notabilissimo danno, & universal pregiudicio di questo Paese) à queste novamente publicate, mà restar solo sotto le passate, in quei stessi termini, modo, via, & forma, ne quali fin qui sono state praticate & osservate senz'alteratione alcuna, ch'ation seguita nanzi à chiara prova sottogiacer non deve a legge nuova. Dovendosi, e potendosi restringere essa dichiarazione solo a censu futuri, & non à passati.

§. IX. Nempe ut principales contra prædictam formam affictus constituentes, pro singulo affictu, Et Notarii eos scribentes, Testes quoque, & Proxenetæ tanquam participes.

Nota. Ci preme non solo la gravità delle pene, dovendo bastar le statutarie & legali, mà anco che indifferentemente li Notari, Testimoni, & Sensali à quelle soggiaciono; potendo occorrer (come occorrono) casi, che non solo li Testimoni, e Sensali, che per il più sono persone idiote, mà anco li Notari, Dottori, & persone capaci non sappino cognoscer la qualità delli casi, & varietà de contratti, & paliate usu.

ufure, solo con grande confideratione & studio, & fatica. Oltra che effendo per li Statuti de questa Città al cap. 68. in civilibus, & legal intelligenza de Dottori, & in vero con raggione applicata la pena che ad Ufurari si leva alla parte, in sollevatione del danno patito, quella venghi hora levata, sperando ch'in ciò meno verrà pregiudicato in conto alcuno a effi Statuti.

§. X. Quidam enim ab indigentibus emunt fundum.

Decimo. Che per la generalità delle parole habbia ad esser prohibito (cessando le fraudi narrate in detto Capit.) il comprar il fondo, & poscia incontenente il relocarlo al venditore per temporale, over perpetual affitto, & livello. Ilche come usitato da tempo, che non vi è memoria in contrario, & adnesso dalle passate Constitutioni in questo distretto, non conviene ch' hora sia indifferentemente prohibito; massime potendo, & dovendo li contrafacenti esser penitentiati in foro poli; & quelli anco potendosi in caso di fraude, e di malicia castigare senza simili prohibitioni in foro fori di pene statutarie, & legali comminate in altre Constitutioni.

§. XI. Nonnulli consueverunt emere annuos redditus, seu census pro pretio.

Undecimo. Che dovendo esser la legge chiara, sii nella generalità delle fodette, & sequenti parole prohibito il comprar il censo già costituito d'altri, con il patto, del quale si fa mentione; non potendosi considerar fraude, inganno, ò malicia; nè meno ritrovandosi ciò esser vietato per qual si voglia legge Canonica, overo Civile; perciò sarà necessario, nel presente soprascripto capo dichiararsi talmente, che contra la mente non sii restretto il commercio, & contrattar trà le persone.

§. XII. Alii e converso vendunt vinum, grana, & alias merces carius, quam omnino valeant tempore contractus, ob datam emptoribus dilationem ad solvendum.

Duodecimo. Si pone per reverente ricordo, che si resta con grandissimo dubio, che per non esser prescritto modo, & meta à quelli, che danno in credenza, di qualche lecito, & honesto guadagno, qual anco in foro conscientie si suol admettere, considerata la qualità delle perf. in caso di penurie, & carestie, li poveri Contadini non troveranno robbe in credenza; Ilche causerà loro, che dovendo alienare li stabili, viveranno in continua miseria con le famiglie loro: onde gli Gentil' huomini, & Cittadini non ritrovaranno sicurezza ne' Contadini di poter locar li suoi masi.

§. XIII. Quidam alio genere fraudis utuntur, &c. quod tamen ad locatorem.

Terzodecimo. Che sii giudicata usura, s'il Padrone nel locar, ò affittar un suo maso, overo possessione, con effi parimente consegnasse al conduttore alcuni animali stimati, de quali valendosi egli ne suoi bisogni per la vecchiaja, overo difetto naturale morissero, solo il Padrone habbia da sentir il danno, volendo ogni honesta raggione, che ponendovi il Padrone il capitale, & il conduttore la fatica, à quello resti il capitale sicuro, & à questo la metà de nodrumi; overo almeno, che si come il conduttore ne cava la metà del frutto, & non del suo, mà di metà concorresse nella perdita fatta dell'animali. Et però si giudica, che sarebbe meglio, postposta simil prohibitione, fargli ordine, e prescrivervi modo di fare foccide d'animali, quale si somministrerà d'approvarsi, à fine che, per la fodetta inhibitione generale, non sia causato danno à poveri Contadini, che altrimenti non ritrovaranno soccorso così facilmente in simili bisogni.

§. XIV. *Idcirco omnibus, & quibuscumque Iudicibus, potissimum vero Vicario nostro in Spiritualibus.*

Finalmente. Si reputa notabil, e praticabil aggravio, che l'officio spirituale, presa quindi occasione, vogli non solo conoscere le cause mere spirituali; mà anco le laicali in termine di lesione, errore di calcoli, conti di partide, & simili, & quelle avocare da Giudici secolari; il che vien à causar gravame notabile, non solo per particolari, per le spese eccessive, ch'occorrono; mà anco generale, sì alla Città, & Podestaria, sì anco alla temporal giurisdizione di questo Vescovado; levandosi in questa maniera l'appellazioni, & ricorsi; & quelle introducendosi avanti il Metropolitano.

Alche si spera, che sarà provisto, & oviato.

DECRETA, sive RESPONSES
ad singula Capita
Gravaminum propositorum
per Mag. DD.
Cons.

Ad Primum.

Non prohibet Constit. census super domibus, quia inter res fructiferas censetur: dummodo in illius estimatione habeatur ratio ad id, quod locari potest, juxta infra declarata ad tertium Caput.

Ad Secundum.

Non est restricta facultas consequendi census non solutos super aliis bonis stabilibus, quam mobilibus ipsius constituentis census; sed hypotheca restringitur, ut in Constitutione, super re certis finibus designata ratione capitalis, & si alia bona per censuarium possiderentur, consulere sibi Dominus poterit, absque diminutione fundi obligati, per dimissionem ex Salviano interdicto in rem hypothecatam, tamdiu retinendam, donec de fructibus fuerit ei integre satisfactum, & ideo vana est proposita speculatio.

Ad Tertium.

Quia fundus vere non emitur, sed jus percipiendi annuum census, estimatio facienda erit, non habita ratione pretii fundi; sed juris exigendi illum annuum census, qui vere emitur, & proinde justum pretium erit, designando, & obligando tantam quantitatem fundi, de qua percipi possit census, qui solvi promittitur, ex quibus cessat dubium propositum.

Ad Quartum.

Licet in foro conscientiae in casibus sinceris compensatio fieri possit; tamen in foro fori indistincte ad tollendas palliatis fraudes, quæ ut plurimum fieri solent, non admittitur: & si secus determinaretur; contrariaretur Bullæ Summi Pontificis, quæ ubique terrarum servari debet.

Ad Quintum.

Male conqueritur: quia fundus non dicitur fieri infructuosus ratione grandinis, pruinae, vel siccitatis; sed ex aliis casibus, quibus fundus ipse perit in totum, vel in partem: nec bene inferitur de emphyteusi ad census; quia, ut notorium est, differunt.

Ad Sextum.

Per illa verba non gravantur Domini census: & fraudibus, si opus erit, aliis etiam opportunis remediis, & modis occurratur.

Ad Septimum.

Non est prohibitum contrahentibus adicere in instrumento opportunas clausulas ad corroborationem eorum, quæ in Constitutione conceduntur.

Ad Octavum.

Pactum redimendi est de substantialibus census, adeo quod, illa pactione sublata, contractus haberet vim mutui, & esset usurarius, contra quem nulla cadit præscriptio legis communis, nec municipalis, aut pacto vel consuetudine induci potest, nec potuit, quæ, uti corruptela nil in esse posuit, ut etiam dictum est in Constitutione sub §. Alii ob affectus per triennium. Propterea non admissibilia petuntur: prout male con-

conqueruntur, Constitutionem extendi ad præteritos census; quia aliter ex ejusdem lectura constat.

Ad Nonum.

Nihil derogatur Statuto Capit. 68. quod firmum manet respectu pœnæ parti applicandæ, sed disponitur de pœna Fisco debita, in qua arbitrandæ Judices discrete, & moderate, habita ratione qualitatis, casuum, & personarum procedant.

Ad Decimum.

Non prohibetur sincera fundi emptio, & ejusdem non simulata locatio sub pensione, correspondente fructibus de jure permissa.

Ad Decimum primum.

Superflua & minus necessaria declaratio petitur, cum satis recte intuen-

tibus Constitutionem pateat, in ipsa fieri dispositionem de creandis censibus, & non de emendis jam creatis.

Ad Decimum secundum.

Notetur verbum *omnino*, quo excluditur nimius excessus, & non honestus, & licitus, & cessabit dubium.

Ad Decimum tertium.

Caveant a prohibitis in præsentī Constitutione; ceterum modus constituendi societas licitas a legibus satis præscribitur.

Ad Ultimam.

Causæ non spectantes ad forum spirituale, remittantur ad Judicem sæcularem, prout ita mens fuit; & est Illustrissimi & Reverendissimi Domini.

QUESITA facta per Notarios Judicariarum: super forma novissime edita constituendi Census, super primo Capite incipiente:

Quatenus deinceps census. §. Præsupponendo, quod constituitur affectus, sive census capitalis Rhenen. centum.

Primo. Quæritur, an tertium de pluri, de quo fit mentio in dicta forma, debeat esse Rhenen. 33. & car. 20. An quinquaginta & sic petia terræ, super qua dictus census fuerit constitutus, debeat esse valoris dictorum Rhenen. 133. gr. 20., an 150. an aliter?

Secundo. An dicta petia terræ debeat æstimari per probos viros? & quatenus debeat ita æstimari; An dicti probi viri possint eligi a partibus, vel a Judice, & a quo Judice? Et an dicta res possit æstimari per contrahentes?

Tertio. Præsupposito, quod dicta res fuerit æstimata juxta dictam formam; videlicet æquo & justo pretio, & quod tamen ex ea non perciperentur tot fructus; ex quibus dictus affectus, sive census juxta tenorem Constitutionum, ac earum moderationem posset solvi integre, & sic non esset capax ad illius solutionem; poteritne accipi ex alia petia terræ in majore quantitate pretii supradicti, limitati in prædicta forma, seu ex prædicta, si esset majoris pretii? Et pro

quanta quantitate ad hoc, ut sit capax ad solutionem dicti census juxta dictam formam?

Quarto. Ulterius quæritur, si pretium liquidarum, seu limitatum petiæ terræ, super qua fuerit constitutus census, decreverit pro medietate, sive plus, vel minus, & censuarius vellet ipsam Domino dicti census renunciare, & amplius dicto censui non subjacere; an Dominus dicti census tenebitur eam acceptare minoris valoris, & pretii capitalis, & affectuum recentorum, & sic de dicto capitali census, & affectibus occurrentibus amittere? Stante, quod si pretium dictæ rei creverit, Dominus census a censuario invito eam habere non poterit; & ita in hoc casu, Dominus census esset pejoris conditionis, quam ipse censuarius, quod non videtur juri consentaneum.

Quinto. Item, an in Instrumento constitutionis affectus tritici, & vini graspati, licet celebretur in quolibet mense anni, debeat poni & scribi, quod dictus affectus debeat dari & solvi per censuarium Domino singulis annis in-

tra octavam S. Michaëlis respectu tritici : respectu vero vini graspati in vindemia proxima, prout ante hac fuit observatum : & si ita fieri non debeat ; quid in hoc fieri, & observari debeat ?

Sexto. Item, an censuarius pro majori cautione, & securitate Domini, debeat jurare, rem, super qua constituit censum, esse suam liberam, & expeditam, & nulli alii obligatam, saltem pro quanto ipse sciat.

Super secundo, incipiente : Deinde vero integrali pretio.

Septimo. Præsupponendo, quod emptor affectus, sive census, contraheret cum suo debitore liquido, & claro, ex causa legitima, & solveret eidem venditori, sive censuario in præsentia Notarii, & testium, pretium capitalis affectus, constituti juxta dictam formam ; an creditor possit expedito negotio in præsentia dicti Notarii, & testium, recipere ex dictis pecuniis a dicto censuario, & debitore, volente satisfacere dicto suo debito : & quatenus non posset recipere eo momento, id est, expedito dicto negotio a dicto debitore, quando possit, & si nunquam ex dictis pecuniis posset recipere in solutum, ex qua causa hoc a jure reprobatur ? Et quid in dicto casu agendum sit, ut dictus creditor consequatur a dicto affectualino, & debitore creditum suum liquidum, ut supra dictum fuit, & de quo non est aliqua inter contrahentes controversia ?

Octavo. Item si Titius volet cedere Sejo affectum, quem ipse a Sempronio emit ; an ipse Sejus in solutum pro dicto affectu mobilia, & se moventia dare poterit ? Et si poterit, cur non poterit etiam dare in emendo similem affectum, ut in prædicta cessione : & casu, quo mobilia, ac se moventia in cessione dicti affectus, dari non possent, & quod Dominus dicti affectus (ut quotidie occurrit) ob necessitatem propriam, talem affectum vendere, aut cedere cogatur, & non inveniat promptam pecuniam, quid agere debeat ?

Nono. Item an per prædictam formam censuarius tenebitur (prout antehac observatum fuit) solvere mercedes instrumenti constitut. dicti affectus ? Et

an in dicto instrumento id licite Notarius scribere poterit de voluntate contrahentium, prout pariter antehac observatum fuit ? Cum id in dicta forma non videatur prohibitum in contractibus censuum.

Decimo. Item an Notarius, qui est confecturus instrumentum super dicto affectu, & testes debeant continue interesse ad videndum fieri, & observari contenta in aliquibus ex supra scriptis Capitulis, &, quatenus debeant interesse, ad quæ debeant : an vero sufficiat, quod sint præsentibus publicationi instrumenti, prout antehac observatum fuit ?

Super quibus omnibus & singulis

Quæstis

Quæritur, quid agendum sit ; ne contrahentes, Notarius, & testes incendant in penas contentas in dicta forma ?

RESCRIPTA ad dicta QUÆSITA, facta per Notarios Judicariarum.

Ad Primum.

Tertium capitalis Rhen. centum, in præsentis proposito sunt Rhen. 33. car. 30. & non quinquaginta, qui efficiunt dimidium capitalis prædicti : & petia terræ, super qua constitutus erit talis census, debebit ad minimum valere 133. car. 20. & reddere fructus sufficientes ad solutionem census, ut in tertio Capitulo infra declarabitur, licet possit etiam valere de pluri in modico excessu.

Ad Secundum.

Non est necessaria æstimatio, quotiescunque sciunt contrahentes verum pretium : & illius in creatione census habeatur debita ratio : & in casu, quo partibus non liqueat de valore, æstimatio poterit fieri omni meliori modo contrahentibus bene viso ; dummodo sincere fiat, & absque fraude, & dolo.

Ad Tertium.

In æstimando valore bonorum, super quibus constituendus est census, attendendum est potissimum ad pretium, quo ipsa bona venundari, & communi-

munitur æstimari possent, & quos red-
ditus, & fructus quotannis afferant.
Nam si fundus valuerit quingentis flo-
renis, & redderet solummodo fruges
valoris Rhen. 14.; non debet in æsti-
matione faciendâ ad hunc effectum ap-
pretiari ultra Rhenen. 200. & ita intelli-
gitur illa clausula in Constitutionibus,
quod res censualis sit apta ad reddend-
um affictum.

Ad Quartum.

Valor rei censuariæ attenditur, &
æstimatur tempore, quo constituitur
census: & si postea auctus, vel dimi-
nutus fuerit, exinde nullum Domino
oritur præjudicium; reliqua declarata
sunt a jure communi.

Ad Quintum.

Quamvis pacisci liceat inter con-
trahentes, ut solutio affictus fiat tem-
pore eis bene visô, dummodo annus
integre expleatur; tamen magis con-
gruum, & veniens est, ut affictus tri-
tici, & vini graspati, cum possint a
Dominis prætendi in specie, solvantur
tempore, quo prædictæ fruges solven-
dæ extant.

Ad Sextum.

Non est necessarium iusjurandum.

Ad Septimum.

Non prohibetur censuarius distra-
here pecuniam receptam pro venditio-
ne census in exolutionem æris alieni,
& in alios ejus usus; dummodo spon-
te id faciat, nulla præcedente, aut
subsequente, ad id coactus conventio-
ne, aut obligatione, idque fiat post
perfectum contractum.

Ad Octavum.

In constitutione census debet inter-
venire realis numeratio, & solutio pe-
cuniæ: secus in cessione, aut venditio-
ne census jam constituti, in qua dari
poterunt aliæ res, quam pecuniæ, juxta
conventa.

Ad Nonum.

Censuarius de jure non potest gra-
vari ad solutionem mercedis instru-
menti.

Ad Decimum.

Facta publicatione, & stipulatio-
ne instrumenti partibus præsentibus,
non est ulterius necessaria Notarii præ-
sentia, & testium.

Alia QUÆSITA facta per Notarios Judicariarum.

Primo. **Q**uæritur, an verba illa,
tempore solutionis, posita in
declaratione clausulæ (*post*
sint tamen creditores) intelligantur, & in-
telligi debeant tempore S. Michaelis,
quo tempore censuarii tenentur solve-
re affictum, seu interesse: vel tempore,
quo effectualiter fit solutio?

Secundo. Quæritur, an censuarii
tempore affrancationis, & liberationis
affictus, sive census, teneantur, & de-
beant solvere mercedes instrumento-
rum constitutionis dicti affictus, ad for-
mam hanc novissimam celebratorum;
prout & an. hoc fuit observatum, cum
sint ex conventionem, & pacto expresso
obligati.

Tertio. An dicti censuarii tenean-
tur, & debeant tempore affrancationis
affictus constituti post novissimas Consti-
tutiones, solvere saltem pactum retro-
vendendi, cum sint propria jura sua.

**RESCRIPTA ad dicta QUÆ-
SITA facta per dictos
Notarios.**

Ad Primum. **I**ta intelliguntur verba,
ut attendatur tempus,
quo fit per mandatum a creditore cen-
sus specialis interpellatio, & declaratio,
ipsum velle solutionem in specie, non
autem in pecunia.

Ad Secundum, & Tertium. Merces
Notariorum sunt solvendæ per empto-
rem census, cujus gratia fit instrumen-
tum, prout jura disponunt, quibus
per novissimam Constitutionem nihil
additum fuit: sed quod fieri debuit, ac
debet, ad tollendos abusum, declara-
tum; & idem intelligatur de exigua
mercede pacti, cum pactum ipsum sit
accessorium, & de summa essentia con-
tractus; prout e converso venditor
census tenebitur integras solvere mer-
cedes instrumenti liberationis, quia fit
in ipsius favorem.

Sign. 17. Aprilis 1612.

CON-

CONSTITUTIO NOVA SUPER DISSOLUTIONE CENSUS.

Quomodo scilicet, & quando in alia specie, quam in pecunia numerata, invito Domino census, illius redemptio fieri debeat, & possit.

CAROLUS EMANUEL MADRUTIUS, DEI GRATIA, EPISCOPUS,
PRINCEPSQUE TRIDENTINUS &C.

Licet in census redemptione pretium Domino censuali contradicenti, in alia specie, quam in pecunia numerata alioquin restitui nequeat; sæpius tamen contingere rerum magister usus testatur, quod iusta necessitatis causa impellente, potissimum vero, ubi debitoris inopia, vel hæreditatis aditio cum benef. l. & invent. facta, iudiciali separationi, seu bonorum diffussioni inter concurrentes creditores locum aperit, ille volens, nolens, adversus censualis contractus naturam, cogatur vel prædia censita, vel alia debitoris bona, etiam in sortis censualis extinctionem, in solutum accipere pro æstimatione a peritis facta: Qua in re plures indebite se gravari conqueruntur, dum illa non ex fructuum quantitate (quos in hac regione censuales conventiones ex Antecessor. nostror. Constitut. in ratione septem pro centum producere solent) sed ex quodam commercior. abusu desumitur, ita ut qui redditum annuum florenorum septem pro centum ab initio adepti fuerant, vix tres, vel quatuor ex bonis postmodum in solutum acceptis in fructibus percipiant. Idcirco subditorum nostrorum commodo & cujusque indemnitati prospicere volentes, Antecessor. nostror. placito inhærentes, qui in constitutione census ineunda illud iustum pretium esse decreverunt, cui fructuum ex fundo censito percipiendorum modus respondeat, jubemus, & statuimus, eandem æstimationis normam in census quoque dissolutione observari; proindeque deinceps ubicunque supervenientis necessitatis causa censuales creditores compulerit ad restitutionem sortis in alia specie, quam in pecunia numerata, recipiendam,

pretium bonorum in solutum illis assignandorum, ex fructibus, quos antea proferre solent, vero valore ita liquidari, ut cui addicuntur, ex illis proventum annuum consequatur æquipollentem emolumento, quod ex censu constituto ante resolutionem annuatim percepisset. Ad fraudes porro propellendas, quæ in debitorum perniciem facile construi possent, volumus, & mandamus, antequam bona, juxta normam hic præscriptam æstimanda, censualibus creditoribus in solutum addicantur, eadem per dies novem publicæ hæstæ subjacere, trinoque edicto voce præconis ter in diversis diebus intra proximos sex dies publice, & palam in locis solitis venalia proclamari, illicque venditionis jure assignari, qui in una, vel alterna ex publicis auctionibus plurimum licitando obtulerit: dummodo licitationis pretium æstimationis ex ratione fructuum desumptæ modum excedat: neque cuiquam præsentem Constitutionem suffragari decernimus, nisi ordinem, & formam præfatarum subhastationum ad amissum observaverit. Declarantes, eandem ad sortem duntaxat censualem pertinere, neutiquam vero ad fructus, siue affectus censuales decursos proterendi; salvo semper, & in quocunque casu, jure offerendi posterioribus creditoribus, ex juris vel Statutorum providentia competente, cui derogatum nolumus.

Dec. in Conf. die Merc. XI. Feb. 1637.

*Ad Mand. Illustriss. & Rev. D. D.
Episc. & Princ. in consilio.*

FELIX ALBERTI,
Cancell.

CON-

CONTRACTUS AD CAPUT SALVUM.

Præter Summistas, in verbo *Usura*, sciendum est, *Sixtum V.* edidisse *Constit.* super Contractibus, societatum *ad Caput Salvum*, vel alia pacta illicita continentibus, & quomodo imposterum iniri debeant, ut patet ex ejus *Constitut.* publicata Romæ die 25. Octobris 1586. fol. 154. in Bullar. incip. *Detestabilis avaritia ingluvies*, & infra.

HAc nostra perpetuo valitura Constitutione damnamus, & reprobamus omnes, & quoscunque contractus, conventiones, & pactiones, posthac ineundos, seu ineundas, per quos, seu quas, cavebitur personis, pecunias, animalia, aut quaslibet alias res, societatis nomine tradentibus, ut etiam si fortuito casu quamlibet jacturam, damnum, aut amissionem sequi contingat, fors ipsa, seu capitale semper *salvum* sit, & integrum a socio recipiente restituatur: sive ut de certa quantitate, vel summa in singulos annos, aut menses, durante societate, respondeatur. Statuimusque, hujusmodi conventiones, & pactiones, usurarios & illicitos posthac censeri debere, atque imposterum non licere iis, qui pecunias, vel animalia, aut alias res in societatem tradent, de certo lucro, ut præfertur; percipiendo, inter se pacisci, & concordare: neque etiam sive ad certum, sive ad incertum lucrum convenerint, socios, qui ea recipient, ad sortem seu capitale *salvum*, & integrum, ubi illud casu fortuito perierit, vel amissum erit, reddendum, quovis pacto, aut promissione sibi obligare. Ac ne de cætero societates ineantur sub hujusmodi pactis, & conditionibus, quæ usurariam pravitatem sapiunt, districtè interdicimus, & prohibemus. Sed potius cuncti noverint, societates hujusmodi, cum imposterum unus pecuniam, animalia, aut alias res, & bona, alter vero operam, vel industriam confert, pure, sincere, & bona fide, sicut decet, justis, & æquis conditionibus, & pactis, secundum juris dispositionem, ac sine ulla prorsus fraude, palliatione, aut usurariæ pravitatis labe, aut suspitione, ineundas, seu contrahendas esse: ita, ut non ad certam summam, aut quantitatem, ab omni periculo, & damno, ut præfertur, immunem, luci nomine persol-

vendam, neque ad capitale, si casu fortuito perit, restituendum, socius accipiens teneatur. Si vero finita societate ipsum capitale exstat, ei, qui illud in societatem contulerit, restituatur, nisi socio recipienti fuerit communicatum, aut aliter inter ipsos contrahentes super eo legitime conventum sit. Ac præterea iidem contrahentes fructus, expensas, & damna in commune conferant, & prout æquum, & justum fuerit, sibi communicent, atque dividant. Decernentes, si qui contractus, conventiones, & pactiones in futurum contra nostram hujusmodi prohibitionem de facto initi fuerint, nullam ex eis, tanquam per hanc eandem Constitutionem nostram damnatis, & reprobatis, etiam si juramento, aut in forma Camere Apostolicæ, vel alias quomodolibet roborati fuerint, obligationem civilem, aut naturalem oriri, nullamque actionem realem, aut personalem, nec Judicis officium, neque aliud quodcunque jus cuiquam competere, neque quoad sortem, seu capitale integrum recuperandum, quod casu fortuito perierit, aut amissum erit, neque quoad certas summas, & quantitates in singulos annos, aut menses luci socialis nomine promissas. Si quis vero imposterum sub prædictis conditionibus, & pactis contrahere præsumpserit, aut prætextu similium contractuum, conventionum, & pactiorum, societatis nomine initorum, qui hucusque durant ad exactionem dictæ sortis, seu capitalis, sive illius pretii, & valoris, postquam illud in toto, vel in parte casu fortuito perierit, aut amissum sit, aut certa summa, vel quantitatis annuæ, aut menstruæ sibi promissæ, in futurum procedere ausi fuerint, eos universos, & singulos in penas, contra manifestos usurarios, & feneratoros a Sacris Canonibus, & Con-

ciliis Generalibus latas & promulgatas, diis procedi posse, & debere; sicque eo ipso incurrere, & contra illos, uti omnibus &c.
manifestos usurarios, & feneratores, *Lünig Continuat. III. Spicileg. Eccle-
via juris, aliisque opportunis reme-
fist.*

SYNODUS VIRDUNENSIS

Anno Christi MDXCVIII. Clementis VIII. PP. VII.
Rudolphi II. Imp. XXIII.

SUB ERRICO (*) A LOTHARINGIA, EPISCOPO.

CONSTITUTIONES

*Editæ & promulgatæ in Synodo Virdunensi, celebrata per ILLUS-
TRISSIMUM & REVERENDISSIMUM PRINCIPEM,
ERRICUM a LOTHARINGIA, Episcopum, & Comi-
tem Virdunensem anno Domini 1598. die 15. Julii.*

ERRICUS A LOTHARINGIA, DEI ET APOSTOLICÆ SEDIS
GRATIA EPISCOPUS, ET COMES VIRDUNENSIS, AC SACRI IMPERII PRINCEPS,
UNIVERSIS AC SINGULIS DOMINIS ABBATIBUS, PRIORIBUS, DECANIS, ARCHI-
DIACONIS, ARCHI-PRESBYTERIS, SEU DECANIS RURALIBUS, RECTORIBUS
ECCLESiarUM PAROCHIALIUM, SEU EORUM VICARIIS, CAPELLANIS,
PRESBYTERIS ET CLERICIS NOSTRARUM CIVITATIS ET
DIOECESIS, SALUTEM IN DOMINO.

Quamvis onus Nobis imponat Episcopalis officii ratio cogendæ Synodi Diocesanae, satis declarat Sacrosanctum *Tridentinum Concilium*, cum eam plerisque in locis ab Episcopis celebrari quotannis præcipit. Quare cum primum ad hanc Civitatem nostram accessimus, impositam humeris nostris, licet tanto oneri ferendo imparibus, officii Pastoralis curam obituri, in

(*) Nicolao Bocherio, Episcopo Virdunensi, anno 1593. e vivis crepto, ex nominatione Clementis VIII. Papæ, successit ERRICUS, Dux Lotharingiæ, filius Principis Nicolai, Comitis Vaudemontii, frater Caroli Cardinalis ac Tullensis Episcopi, & Aloysiæ Reginæ Galliarum. Is adolescentiam egit sub institutione præstantissimi viri Christophori de la Valle, Tullensium postea Antistitis, quo Præceptore ad omnem disciplinam ac virtutem, quæ Ecclesiæ Præfulem ornaret, egregie formatus fuit. Verum vix tertius ab oblata illi Episcopali dignitate transierat annus; cum oneris Pastoralis & curæ, quæ huic dignitati annexa est, expensa gravitate territus, ut onus tam arduum excuteret, ipsi renuntiare honori, & alicubi Religiosa in domo abdere se se meditabatur. Præ cæteris Ordinibus Societatem JESU amplectendam sibi statuit, in qua nimirum interposita voti Religione præclusum Sacris dignitatibus aditum noverat. Romam igitur cum in finem iter suscipere instituit, ut veniam a Romano Pontifice peteret, Pastorale deponendi pedum, aulamque Episcopalem cum Societatis domicilio commutandi. Quod quidem consilium etsi dissimulare omni studio niteretur; celare tamen omnino non potuit. Nam Mussipontani Collegii Rector illud subodoratus, ad Claudium Aquavivam Societatis Generalem scripserat, quanti interesset publicæ rei, ut vir tantus Ecclesiæ sibi commissæ gubernacula non abjiceret. Illud plus admirationis habuit, quod viginti adolescentes nobiles, qui de isto Errici, Societatem amplectendi desiderio inaudierant, ipsius incitati exemplo, comites illi se se, & non itineris tantum, sed ejus-

in id maxime animum intendimus, ut hanc vel præcipuam officii nostri partem expleremus: quam licet multis implicatam difficultatibus cerneremus propter intermissam a 13. vel circiter annis ob bellicos tumultus cogendam Synodi consuetudinem, ob idque fieri non posse videremus, ut tot incom-

moda, quæ tam longa secum intermissio afferre solet, absumque multiplicem, qui tum in Clerum, tum in populum irrepsit, tam cito tolleremus: Ne tamen in dies omnia in pejus ruerent, in longius tempus differendum non duximus. Quapropter ab iis, quæ vel majoris sunt momenti, vel prom-

ejusdem etiam propositi socios adjunxerint, una cum ipso a Generali Claudio flagitaturi, ut inter Societatis Tirones adlegerentur. Tam pulchro comitatu stipatus Romam pervenit anno 1596. Sed neque Pontificem, jam antea a Claudio de re tota edoctum, neque ipsum Claudium in vota flectere, immo nec ab Aula Romanæ Proceribus impetrare potuit, suas ut preces intercedendo fulcirent. Una erat omnium vox, multo plus eum ad DEI gloriam collaturum boni, si in suscepta jam dignitate Ecclesiastica peristeret, quam si abditus viveret in statu religioso. Longe faciliorem ad concedendum petita, experti sunt Claudium Generalem aliqui ex Errici, quos dixi, comitibus: Nam eorum quinos Romanis Tironibus addidit: alios Virdunense ad tirocinium probandus destinavit: cæteros vero, quod insciis plerique parentibus ac invitis, Romam abiissent, partim ad suos remisit, partim aliud in tempus distulit.

Erricus interim Princeps ab ista in Societatem JESU ingrediendi spe dejectus, anno 1597. Virdunum rediit, atque altero mox anno (1598) Dicecesano Clero congregato, Synodales, quas infra referemus, Constitutiones promulgavit.

Eodem anno arduum aggressus est negotium introducendæ Reformationis in Monasteria Ordinis Sancti Benedicti, restaurandæque Disciplina Regularis in iis præcipue Abbatibus, quarum illi, *Commendæ*, ut vulgo dicitur, nomine, demandata fuerat administratio. Quam rem, maximis licet implexam difficultatibus, quantis illa animis urgendam susceperit: quam strenue fortiterque promoverit, ac demum confecerit, vide apud *Augustinum Calmet*, *Ord. S. Bened. Abbatem Nanceji ad S. Leopoldum*, *Historie Lotharing. Eccles. & Civil. Tomo III.*

Verum hos ipsos inter sacros labores & curas, identidem adhuc pii Principis animum antiqua stimulant desideria, quibus mundanarum rerum ac tumultuum pertæsus, Religiosam solitudinem anhelabat. Quare anno 1601. Literas ad Cardinalem Bellarminum dedit, sperans, eo sequestro ac deprecatore impetraturum se, quod suis ipse precibus ante quadriennium a Clemente Papa obtinere non potuit. Sed irritum rursus conatu, ut datæ ad ipsum a Ven. Bellarmino Responsorie docent, quas ex *P. Jof. Juvencio, Histor. Soc. JESU Part. V. Lib. XXV.* integras exhibeo:

HENRICO a LOTHARINGIA, EPISCOPO VIRDUNENSI.

ILLUSTRISIME, & REVERENDISIME DOMINE.

Binas uno tempore ab Illustrissima D. Vestra literas accepi, quibus mihi duo negotia commendabantur, & præterea desiderium Sanctæ animæ Vestræ aperiebatur, veniendi ad Urbem, dimittendæ curæ Pastoralis, & collocandi in tuto salutem sempiternam. Quod ad negotia attinet, faciam o. m. n. quod potero. Sed non multum potero; quia pendet ab aliis permultis, qui non facile juriis suis cedunt. Cum de re pecuniaria agitur, mirum est, quam multis difficultatibus negotia impediuntur.

Quod vero ad pium desiderium pertinet adipiscendi pennas columbarum, & volandi ad locum dulcissimæ quietis; dicam Illustrissime D. V. quod mihi occurrit. Non existimo solidiorem quietem, & veriorum salutis securitatem in ulla re posse reperiri, quam in Dei voluntate, tota animi devotione perficienda. Illam Domini vocem præter ceteras semper amavi: Pater, transfer calicem hunc a me: Veruntamen non mea, sed tua voluntas fiat. Empti sumus pretio magno: proinde ut servi emptitii simplicem obedientiam Domino nostro debemus. Dum nobis conscientia nostra vere renuntiet, nos non quæsiisse, non optasse, non elegisse locum altiorum: nunc etiam honorem temporalem nobis cordi

Tomus VIII. Concilior. German.

M m m 2

787

promptiori egent remedio, initium sumentes, hæc, quæ sequuntur, his nostris Constitutionibus, pro ea, quam hæcenus de statu nostræ Diteceseos cognitione habere potuimus, statuenda iudicavimus, cæteris incommodis, quæ in dies Nobis clarius innotescunt, diligentius provisiuri tum in sequentibus Synodis, tum etiam universam Dite-

cesim nostram generali & solemnî visitatione illustraturi: quod propediem, Deo favente, Nos facturos speramus.

De Fidei Professione.

I.

Considerantes, quanti sit momenti, ut hæc nostra Ditecesana Synodus (in

non esse, hunc libentissime depositaris, si liceat; non video, cur in Dei voluntate, per imperium Vicarii sui nobis expresse proposita, acquiescere non debeamus. Pastorale onus grave est: sollicitudine & periculo plenum: Nec minus fortasse gravis, & periculosa est dignitas Cardinalitia. Si Opifici atque Emptori nostro placuit, nos in has angustias & pericula vocare; qui sumus nos, qui dicamus illi: Cur ita fecisti? Qui nos dilexit, & animam suam pro nobis posuit, dicere dignatus est Petro, & in eo Pastoribus omnibus: Si amas me, pascere oves meas. Quis igitur erit, qui audeat Domino respondere: Nolo pascere oves tuas, ne perdam salutem meam; nisi qui non Deum, sed se ipse amat? Verus Dei amator cum Apostolo dicit: Malo anathema esse a Christo pro fratribus meis, quam non subire sarcinam, quam mihi Dei amor imposuit.

Sed neque periculum salutis ullum esse potest, ubi regnat Caritas. Nam etsi ex ignorantia, vel infirmitate humana in multis labamur; tamen Caritas operit multitudinem peccatorum.

Illustrissime & amantissime Domine, si ulla spes esset, ut cum DEI beneplacito, & Vicarii ipsius benedictione ad quietem Religionis D. V. venire, & ego redire possemus, id certe omnino eligendum esset: Sed quia spes ejusmodi nulla affulget; propterea scripsi, quod scripsi: & quod mihi frequenter dico, Sanctæ animæ Vestræ, quam propter onus Pastorale angustio video, discere volui. Si per negotia huiusmodi, D. V. Romam venire, rem gratissimam non solum mihi, sed & Cardinali Baronio, & aliis permultis fecisset. Sed quando præsentia Vestra frui nobis non licet; saltem orationum Vestrarum suffragio non destituamur. Romæ diē 6. Novemb. 1601.

His Bellarmini literis levati aliquantisper fuerunt Errici Episcopi angores, sed non ante, quam post Clementis VIII. obitum penitus sublati. Nam Anno 1609. de-novo Romam profectus, a Paulo V., Clementis Successore, impetravit, ut translato in Carolum a Lotharingia, Comitem de Chaligny, nepotem suum, Episcopatu, Pastoralis onere, quod eum tamdiu excruciatum, tandem solveretur. Data ea de re Literæ Pontificiæ anno 1610. DEO igitur soli deinceps, ac sibi vixit usque ad annum 1623., quo obiit die Aprilis 27. Nanceji.

Author *Histor. Ecclesiæ Germaniæ*, editæ Bruxellis idiomate Gallico apud Franciscum Foppens anno 1724. ait, Erricum, Episcopatu deserto, ingressum fuisse Ordinem Capucinatorum; Augustinus autem Calmetus *Histor. Ecclesiæ & Civil. Lotharingicæ Tomo III.* factam illi quidem a Paulo V. potestatem, scribit, Religiosum istud Institutum amplectendi; id vero quominus exequeretur, debilitatem valetudinis, ac virium obstitisse. Post mortem tamen Capucinatorum indutum habitu, & ad S. Nicolaum in ejusdem Sacri Ordinis Cœnobio, quod magna ex parte fundaverat, fuisse sepultum.

Pauca nunc etiam commemoranda veniunt de CAROLO, Errici Nepote & Successore, tum, quod cum iis, quæ modo narravimus, quodammodo connexa sint rerum similitudine, tum, quod singularia, quibus eminuit, ornamenta virtutum dignissima sint, ut imitanda aliis proponantur. Educatus hic Princeps teneris ab annis fuerat ad confectandam laudem bellicam, gloriosissimæ illi familiæ hæreditariam, ad quam illustrandam omnibus etiam naturæ præfidiis comparatus videbatur. Sed maturiorem ad ætatem provento Erricus Patruus, qui ipsum sibi Successorem optaverat, suavit, ut sacram in Ecclesia militiam sequi mallet, quam profanam in castris. Nec multis opus erat, ad id persuadendum Principi, suapte indole ad omnem virtutem propenso. Anno igitur 1617. cum ad Sacras functio-

(in qua ad DEI Omnipotentis gloriam, tam de moribus reformandis, Christianeque instituendis, quam de avita Religione, Fideque orthodoxa, in commissio Nobis grege, conservanda, & corroboranda, acturi sumus) rite instituat: antequam ad singulas res pertractandas accedamus, Sanctorum Patrum vestigiis inhærentes, qui in

sacrationibus consiliis in principio suarum actionum, Confessione Fidei, tamquam scuto quodam tutissimo munire se consueverunt, statuimus, ut ab omnibus Professio Fidei (sine qua placere Deo impossibile est) juxta formam traditam a Sanctissimo D. N. bonæ memoriæ PIO QUARTO, & receptam in hac nostra Diœcesi a Prædecessoribus nostris,

nes jam esset idoneus, ab eodem Errico Viridunensis Episcopus consecratus fuit. Atque ex eo tempore hoc unum egit, ut verum se Ministrum Dei Altissimi, dignumque Ecclesiæ Præsulem exhiberet. Eum in finem viros pietate non minus, quam doctrina claros sibi adjunxit, quibuscum consultaret assidue, eorumque ex institutione disceret, quæ sive Episcopum, quæ facere oporteret. Præter hos Sapientem delegit sibi conscientiæ arbitrum, quem veluti Angelum tutelarem, ac Divinæ voluntatis interpretem venerabatur, cujusque sine consilio agebat nihil. Unde factum, ut tota ejus vivendi ratio ad prudentiæ, virtutisque regulas composita, exemplum esset omnibus & norma, quam imitarentur. Nihil illi jucundius erat, quam ea, quæ Pastoralis sunt muneris, per se ipsum exercere. Ipse pro concione dixit ad populum: Ipse SSma Sacramenta petentibus administravit: Ipse parvulos, rudemque plebem Sacra Catechesi imbuit: Ipse hæreticos reconciliavit cum Ecclesia: Ipse Diœcesim suam visitando lustravit: quod, dum faceret, oculos suas non tantum doctrinæ & Verbo Dei pavit, sed largas etiam eleemosynas in pauperum sinus effudit. Vitam aulicam adeo non amavit, ut etiam perhorresceret. Quod si vel occurrentis aliquando negotii magnitudo exposceret, vel officii ratio postularer, ut ad Aulam Lotharingiæ Ducis inviseret; invito id penitus, ac refugiente animo fecit. Heus! inquiebat sibi, quo imus? Aëri miscemur, qui quanto suavior, tanto insalubrior est: quem vix quisquam sibi familiarem fecerit, quin contagionem inde & noxam contrahat. O quam timendum istud est mihi, ne Princeps Episcopum damnet. Consimilia his sensa ut aliis quoque inspiraret, quos ad aulicam vitam ipsa adstringit prosapia & nascendi conditio; egregiam pro eorumdem institutione lubricatiunculam composuit, in qua hunc unicum sibi præfixit scopum, ut offenderet Principibus, eosque doceret, qua ratione possint, debeantque cum nobilitate virtutem, cum aularum illecebris pietatem, cum Principali supra subiectum sibi populum jurisdictione & auctoritate debitam Summo DEO, ejusque mandatis obedientiam conjungere. Illustrata sunt, inquit Calmetus, quæ in eo opusculo proponuntur principia, nobili etiam stilo, & qui dignus sit auctore suo, pertractata.

Quinquennio circiter eo fervore Diœcesim administraverat Carolus, cum paribus stimulis, ac olim Erricus, Patruus, ad Religiosam solitudinem, sectandamque in Societate JESU vitæ sanctioris perfectionem impellebatur: qua quidem in re consequenda multo, quam ille, felicior extitit: quod enim Errico a Clemente VIII. semper negatum, supra vidimus; mox Carolus, ac petiit, a Gregorio XV. impetravit.

Non abs re erit, si quæ ejus consilii suscipiendi occasio illi fuerit, qua simul promptitudine & constantia id fuerit executus, breviter commemorem. Solenne Carolo erat, Spiritualibus, ut loquimur, exercitiis vacare quotannis, octo vel decem diebus in recessu pio. Anno tamen 1622, hujus consuetudinis quodam quasi horrore perfusus, imperare sibi non poterat, ut abruptis suo more negotiis reliquis, notam peteret solitudinem, licet ad eam interne se vocari & impelli adverteret. Ter, quaterve Nancejum hac mente venerat, ut Sacrarum exercitationum moderatorem exquireret e Collegio Societatis; semper re infecta redierat. Id cum animo suo reputans vir prudens, facile intellexit, istam inconstantiam non aliunde oriri posse, quam a malo dæmone. Quare obnitendum contra existimans, sepositis tantisper aliarum rerum curis, adhibitisque præter usitatum modum precibus, tanto majore fervore & contentione pietatis, sacris istis commentationibus excolere animum cepit, quanto potentius inde retrahere malignus hostis conabatur. Vix primos in eo recessu dies exegerat, cum afflari se sensit rerum Divinarum sensu prorsus insolito, eoque tam suavi, ut cohibere se non posset, quin in lachrymas præ

nostris, clare & distincte emittatur, juramentumque juxta formam ibi traditam a singulis præstetur, de retinenda inviolabiliter Fide Catholica. Est vero hujusmodi: Ego N. firmissima fide credo & confiteor omnia & singula, quæ continentur in Symbolo Fidei, quo Sancta Romana Ecclesia utitur, videlicet: Credo in unum DEUM Patrem Omnipotentem, factorem cæli & terræ, visibilium omnium & invisibilium, &c.

I I.

Statuimus autem convenienter Decretis Sanctorum Conciliorum & Summorum Pontificum; ut provisi de Beneficiis quibuscunque, curam animarum habentibus, dignitatibus, Canonicatibus, Monasteriis, Conventibus, Domibus, & aliis quibuscunque locis Regularium quorumcunque Ordinum, teneantur a die adeptæ possessionis, intra duos menses coram Nobis, vel Vicario nostro Professionem Fidei juxta for-

præ mentis dulcedine erumperet. Istam animi suavitatem excepit desiderium vehementis vitæ sanctioris, cum certa deliberatione obsequendi in rebus omnibus Divinæ voluntati, quoties hæc sibi innotesceret. Absolutis Exercitiis cum Viridunum rediisset, accidit paulo post, ut ibidem in Collegio Societatis scenæ committeretur Alexius ex domo Paterna profugus. Pio huic & jucundo spectaculo cum interesset Episcopus, novo repente pietatis ardore succenditur. Pervolutar animo excellens illud Christianæ virtutis exemplum, quod aspectui subjiciebatur: exardescit imitandi studio: demum voto se obstringit, in Religiosa Societatis septa transfigurum, si modo votum probaret P. Fagotius, quo arbitro conscientiæ utebatur; si Pontifex Maximus pateretur. Ubi ratum haberi votum audit, nihil cunctatus, misit illico Nancejum, qui Lotharingiæ Ducem arrepti consilii certiorum faceret, datisque per Tabellarium Literis ad Ludovicum Galliarum Regem, sibi ut liceret cum bona ejus venia Viridunenses Insulas transmittere Francisco, fratri suo natu minori; hominem sibi fidum legavit Romam, ut rei exequendæ veniam a Rom. Pontifice exoraret. Dux difficilem se præbuit initio, multaque per aliquot dies molitus est, ut eum a proposito dimoveret. Magis obstitit Caroli Mater vidua, quæ tamen & ipsa demum non solum oblectari desistit, sed generosum filii exemplum imitata etiam fuit: dum mundo pariter valedixit, Deoque se in Monasterio Sancti Sepulchri, quod Carolo-villæ condiderat, Religiosam complexa vitam, devovit. Illud mirum permultis est visum, quod ipse Pontifex Gregorius intellectis Caroli Episcopi votis precibusque, confestim annuerit, ne audito quidem, ut moris est, Purpuratorum consilio: prolixè etiam eidem per literas gratulatus, quod aulæ splendorem cum paupertate Christi permutare, ipsiusque nominatim in Societate militare Deo decrevisset. *Agnosce te, (scribit inter cætera) felicitatem illius, gratiasque DEO agere, qui per illum velit augere Sanctorum artium, Christianorumque triumphorum exempla &c. Demum, Proficiscere, inquit, ad eam Sacræ militiæ Societatem, Catholici nominis defensione, & hæreticorum excidiis clarissimam. &c.* His acceptis SSmi Literis Carolus dimisit illico opima, quibus instructus erat, Sacerdotia, & Testamentum condidit, cui subscribens exclamasse fertur: *Utinam hoc puncto temporis amplissimas Ecclesiæ dignitates, atque adeo regnum opulentissimum possiderem: quam libenter omnia dimitterem. Christe gratia!*

Tandem compositis Nanceji, Viridunisque rebus, omnibusque obstaculis, quibus ejus constantia tentata diu fuit, feliciter superatis, maximo sui apud Dicecesanos relicto desiderio, magnis itineribus Romam perrexit, ut ibidem remotior a suis vitæ religiosæ tirocinium poneret. Oblatam Societatis tunicam tam cupide arripuit, toties ac tam suaviter exosculatus est; ut Patribus, qui circumfusi aderant, multum lachrymarum excussit. Nec vero de hoc animi ardore unquam remisit: quia potius ex continuo cum Deo commercio, tam suavis consolationibus, animique deliciis perfusus fuit; ut dicere soleret, vel unici momenti in spiritualibus istis suavitatibus transacti præmio, quam abundantissime sibi retributum esse promissum a Christo centuplum pro omnibus, quæ deseruisset in mundo bonis. Annis aliquot præterlapsis, cum amici cujusdam sui literis ad se Romam perscriptis accepisset, rumorem increbuisse in Aula Lotharingica, se minus tranquille vivere in Societate, ac suppœnitere jam consilii sui: Rescripsit ad eundem libere, non modo falsa esse, quæ jactarentur: sed præterea se, si nondum esset in Societatem receptus, nec recipi

formam positam emittere, sub pœnis in jure contentis, privationis nimirum fructuum, & aliis, arbitrio nostro imponendis. Nulli vero ad prædicandum Verbum Dei, vel Confessiones audiendas, ante emissam eandem Fidei Professionem admittantur. Nisi alia de causa eam prius coram Nobis emiserint.

III.

Quia vero multum refert, ut puerilis ætas a teneris annis Christianis moribus & præceptis rite instituat, multumque ad hoc conducit, ut qui eos instituunt, in fide stabiles sint; Statuimus, ut quicumque juventuti erudiendæ quoque modo præficiantur in hac Civitate, coram Nobis, vel Vicario nostro: in aliis vero locis coram Decano, vel Parocho loci cum duobus testibus teneantur eandem fidem profiteri.

IV.

Nullus vero in posterum ad eamunera admittatur, qui testimonio sui Parochi, & duorum, triumve virorum fide dignorum non manifestet, se in Ecclesia Catholica semper perseverasse, quique secum non habeat testimonium ab iisdem vitæ honeste & Catholice actæ. Mandamusque omnibus Presbyteris Parochialibus, & aliis, curam animarum gerentibus, ut hæc nostra Constitutio diligenter observetur, Nosque quamprimum certiores faciant, si ab his, quorum est Ludimagistrorum

institutio, vel approbatio, aliter, quod absit, attentari contingat: fratresque nostros Archidiaconos, aliosque Visitatores in Domino rogamus, ut inter visitandum sollicitos se præbeant; ne Parochi hac in parte suo officio desint, eosque, qui contra fecerint, ad Nos deferant puniendos.

De Hæreticis manifestandis & vitandis.

V.

Ad eandem fidei firmitatem inviolabiliter conservandam, mandamus omnibus Decanis, Parochis, & eorum Vicariis, ut diligenter inquireant, an in plebe sibi commissa, ullus vel hæreticus, vel suspectus de hæresi resideat, Nosque quamprimum, Synodo absoluta, certiores faciant: Statuimusque in posterum, ut bis in anno circa Festum Paschatis, & Sanctorum omnium, vel etiam sæpius, si opus sit, teneantur singuli Parochi suo Decano deferre, an in suis locis quispiam hæreticus, vel suspectus hæreticæ pravitate reperiatur; ut Nos ab eodem Decano sine mora certiores facti, remedium promptum adhibeamus. Et quamvis nulli tales (quod esset optandum) reperirentur; volumus nihilominus, ut dictis temporibus Parochi Decanos, Nos vero Decani etiam ea de re certiores faciant: ut illa cura levati, Domino Deo pro tam singulari beneficio gratias pro virili parte agamus.

VI.

recipi aliter posset, quam usque ad Japonem peregrinando; nihil dubitaturum, sortem hanc optatissimam usque in Japoniam per sexcenta vitæ pericula quasitum ire. Adidit, nec recusaturum se remigum ministerio addici, ut Societatis veste donaretur. Adeo de statu suo judicium non mutaverat.

Anno 1628. die 8. Decembris, anticipato ex singulari privilegio tempore, cum quatuor Societatis vota emitteret, quintum adiecit, & scripto complexus fuit, se semper quasiturum majorem DEI gloriam in rebus gravibus, & semper defensionem immaculatæ Beatissimæ, & dulcissimæ Virginis, Matris suæ, Conceptionem &c. Ex voluntate Superiorum, quorum ab arbitrio totus pendeat, Roma reversus in Galliam, Burdigalensi primum, dein & Tolosanæ Societatis JESU Professorum domui præfuit, illustribus ubique nobilissimarum virtutum præluces exemplis. Postquam annis non plus undecim in Societate cum insigni sanctimonie laude vixisset, Tolosæ morbo correptus, ex quo se moriturum prædixit, cum annum ætatis quadragesimum nondum penitus compleisset, felici & pretiosa in conspectu Domini morte obiit anno Christi 1631. 28. Aprilis: quo die ejusdem etiam apud nos memoria quotannis ex Menologio Societatis recolitur.

P. Jos. Juvenius Hist. Soc. JESU Parte V. P. Julius Cordara ejusd. Hist. Parte VI. Augustin. Calmet. Hist. Ecclesiast. & Civil. Lotharing. Tom. III. P. Nadasi. anno dierum Memorabil. Soc. JESU.

Plura de P. Caroli a Lotbaringia virtutibus vide in ejus vita, a P. Condé conscripta.

V I.

Ad hæreticorum conventicula, & conciones, multo minus ad profanam eorum cœnam, nemo accedat: qui se-
cus fecerit, ipso facto ab officio & be-
neficio per sex menses suspensus mane-
at, si Sacris sit initiatus, vel Benefi-
ciarius: si laicus, triginta Francorum
multam, & aliam corporalem, si No-
bis videbitur, subeat.

V I I.

Hæretici, qui ad Ecclesiam Catho-
licam redeunt, publice vel privatim,
prout Nobis in Domino videbitur, co-
ram Nobis, vel Vicario nostro, præ-
sentibus Notario, & duobus saltem te-
stibus, errores omnes & hæreses abju-
rabunt juxta formam in Pontificali
præscriptam, Fidemque Catholicam
profitebuntur secundum tenorem Bul-
læ PII QUARTI, de Fidei Professione,
quam in eum finem in linguam vulga-
rem converti curabimus, eamque ma-
nu propria subsignabunt.

*De Fidei Articulis, a Parochis
populo tradendis.*

V I I I.

Quoniam quorundam Fidei Arti-
culorum cognitio ita est ad salu-
tem necessaria, ut sine illa nemo,
si adultus sit, salutem consequi possit;
ideo in id diligentius incumbunt Paro-
chi, ut eorum facilem explicationem
populo rudi & imperito tradant. Li vero
præcipue continentur in Symbolo
Apostolorum, quod singulis diebus
Dominicis, vel decimo quinto quoque
saltem die, tam latine, quam lingua
vernacula volumus palam recitari. Im-
primis vero sequentium Articulorum,
maxime ad salutem necessariorum, me-
moriam populo sæpe erit refricanda, ut
eorum cognitionem sibi frequenti illa
repetitione acquirat.

1. Deum esse unum, eumque re-
muneratorem juxta Apostoli senten-
tiam.
2. Mysterium Sanctæ Trinitatis, id
est, in Deo unam esse Essentiam & tres
Personas distinctas, scilicet Patrem,
Filium, & Spiritum Sanctum.
3. Has tres Personas, unum tan-

tum esse Deum, ejusdemque essentia &
potentia. Non autem esse plures Deos.

4. Patrem esse Creatorem rerum
omnium, primamque Trinitatis Per-
sonam.

5. Filium, nempe secundam Tri-
nitatis Personam, suscepisse carnem hu-
manam, ut nos liberaret e potestate
diaboli (cui propter originale pecca-
tum, in quo omnes nascimur, propter
prævaricationem primorum parentum,
subjiciebamur) incarnatumque esse de
Spiritu Sancto, natum ex MARIA
Virgine, hominem factum, passum
sub Pontio Pilato pro universi generis
humani liberatione: descendisse ad in-
feros, ut Patres, qui in lymbo detine-
bantur, redimeret: tertia die resur-
rexisset, in Cælos ascendisse, ubi sedet
ad dexteram Patris, interpellans pro
nobis apud Patrem gemitibus inenar-
rabilibus: unde venturus est ad judi-
candos vivos & mortuos (qui omnes
resumptis corporibus ad vitam revocan-
di sunt: reddendumque unicuique jux-
ta opera sua, nempe vitam æternam
iis, qui recte: & supplicium sempiter-
num iis, qui male vixerint.

6. Spiritum Sanctum tertiam esse
Trinitatis Personam, ex Patre, Filio-
que procedentem, sanctificantem tum
singulos Christianos, qui se a peccati
mortalis reatu puros & integros ser-
varint, tum universam Ecclesiam, Chri-
sti Sponsam.

7. Hanc Ecclesiam unam esse, &
Catholicam, nec errare posse: extra
quam non magis salus esse possit, quam
extra Arcam Noe tempore diluvii: &
e contrario in ea omnium peccatorum
quorumcumque gravium veniam & re-
missionem obtineri posse.

I X.

Quæ omnia fidelis populus modo
simul, modo per partes a suis Parochis,
vel aliis idoneis clare edoceatur in lin-
gua vulgari, & eodem fere modo, quo
hic explicata sunt, cum vix rudis po-
pulus altioris explicationis capax esse
possit.

X.

Quia vero parum conducit scire,
quæ credenda sunt, nisi etiam probe
intel-

intelligentur, quæ ab unoquoque fidelium fieri & vitari convenit; præcipimus iisdem Parochis, eorumque Vicariis, ut in omnibus Ecclesiis Parochialibus, & illis annexis, Oratio Dominica, qua quid sperare debeamus a Domino Deo discimus, Dei mandata, & Ecclesiæ septem Sacramenta, quæ præsertim ad quemlibet pertinent: septem opera misericordiæ, tam spiritualia, quam corporalia, ceteraque præcipua Capita doctrinæ Christianæ Festis, Dominicisque diebus tam latine, quam in lingua vernacula recitentur.

X I.

Quæ omnia, si propter populi tædium quolibet die Dominico recitari non possint, ita saltem distribuuntur, ut omnia decimo quinto quoque die, vel saltem semel in mense percurrantur.

XII.

Moneant vero Parochi sibi commissos, ut diligenter supra dicta memoriæ commendent, tum ut ea opere exequantur, tum etiam, ut liberos, famulos, ancillas, & alios suæ curæ commissos, edoceant. Sic vero in omnibus suprascriptis subditos instruant Parochi, ut non tantum ipsa verba psittacorum more exterius percipiant, sed etiam verborum vim & sententiam.

XIII.

Parochi neminem ex suis subditis ad Matrimonium contrahendum admittant, aut cuiquam literas testimoniales ad Ordines præbeant, qui in suprascriptis non fuerit sufficienter instructus.

De Prædicatione & expositione Verbi Dei.

XIV.

Provideant Parochi, ut singulis Dominicis & Festis diebus, aut saltem semel in mense, extra Quadragesimam, in Quadragesima vero sæpius Verbum Dei populo prædicetur: quod si hoc ipsi facere non possint, curent, ut per idoneos id præstetur; Ne populus spirituali alimento destitutus, justam habeat occasionem de ipsis conquerendi.

Tomus VIII. Concilior. German.

XV.

Nullus, siue Regularis sit, siue secularis quantumcumque exemptus, audeat prædicationis munus sibi usurpare, nisi a Nobis approbatus sit & examinatus, si ita videbitur, approbationemque in scriptis habeat, a Nobis, vel a Vicario nostro gratis obtinendam. Et ut abusus, qui hætenus irreperere potuerunt, prorsus aboleantur; revocamus hac nostra Constitutione omnes facultates hætenus vel a Nobis, vel a Prædecessoribus nostris concessas quibusvis personis, cujuscunque conditionis existant, prædicandi Verbi Dei: ita ut si deinceps voluerint concionandi munus exercere, a Nobis, vel Vicario nostro de novo approbationem petere (quam sane nemini, qui idoneus repertus fuerit, intendimus denegandam) teneantur. Quare monemus omnes Superiores Religioforum, & alios quosvis, qui vel concionari, vel alio quovis modo Verbum Dei publice, vel per se, vel per sibi subditos disseminare solent, ne vel ipsi concionentur, neve suos ad id dimittant, antequam de novo a Nobis, vel dicto Vicario nostro, vel dictum est, approbentur. Singulis vero Presbyteris Parochialibus, & eorum Vicariis, sub pœnis arbitrio nostro imponendis, mandamus, ut neminem ad prædicandum Verbum Dei, vel publice populum docendum admittant, nisi prius scripto illis constet de approbatione a Nobis, vel a Vicario nostro, a publicatione præsentium facta.

De Libris prohibitis.

XVI.

Non liceat in hac nostra Dicecesi ullos libros venales proponere, sub pœna confiscationis librorum, & aliis, nisi prius juxta Indicem, jussu Tridentini Concilii factum examinati fuerint. Cujus rei curam Vicario nostro committimus, ejusque conscientiam oneramus.

XVII.

Volumus autem, ut statim, absoluta Synodo, is aliquos deputet, qui visitent officinas Bibliopolarum, ut si quos libros prohibitos ibi repererint,

N n n

cos

eos statim postposita omni mora amoveant, curentque, ut in singulis officiis habeatur supradictus Index, ut juxta ejus tenorem, & non aliter, libri deinceps venales proponi possint. Cum primum vero extraneus Bibliopola in hanc Civitatem, ad libros vendendos appulerit, statim antequam libros venales proponat, Vicarium nostrum adeat, ut ab eo facultatem, post examinatos libros accipiat: in aliis vero locis Parochum loci, sub pœna confiscationis librorum, & incarcerationis ad nostrum arbitrium.

De Beneficiariis.

XVIII.

Nullus ad Parochiale beneficium obtinendum in hac Dicecesi admittatur, qui minimum annum studio casuum conscientie, vel Juris Canonici non vacaverit, aut sui Præceptoris testimonio munitus non fuerit, quod in dictis scientiis satis profecerit ad alios docendos.

XIX.

Qui vero Vicarii munus obire voluerint, tantumdem dictis studiis tribuisse debebunt: nec ullis precibus admittantur ad ea munera obeunda, nisi constet per examen, scientia sufficienti præditos esse. Super quo conscientiam Examinatorum oneramus.

XX.

Omnes Parochi in Ecclesiis sibi commissis resideant, officiumque suum per se, quantum fieri potest, exercent: pœnas vero statutas a *Tridentino Concilio* contra non residentes, incurere se sciant, qui sine facultate abfuerint ultra tempus in jure permisum. Quasunque vero facultates, hætenus a Nobis, vel Prædecessoribus nostris de non residendo concessas, hac nostra Constitutione revocamus, volumusque, ut intra quindecim dies post Synodum finitam Decani Nos certiores faciant, nisi jam fecerint, quinam in suo districtu, & quas ob causas non resideant, eosque (ipsorum tamen expensis) monendos curent, ut quam primum ad Ecclesias suas revertantur, vel certe Nobis suæ absentie rationem reddant.

XXI.

Quicumque beneficium, qualecunque sit, in nostra Dicecesi deinceps consequetur, jurabit ad Sancta DEI Evangelia, se per Simoniam labem beneficium non obtinuisse, neque possit facere suos fructus, nisi coram Nobis, Vicario nostro, vel alio Deputato, iuramentum tale præstiterit.

XXII.

Nemini Beneficium Ecclesiasticum, quodcunque illud sit, conferatur, qui decimum quartum ætatis annum non attigerit. Curatum vero ante vigesimum quintum obtinere nemo possit, juxta Summorum Pontificum Decreta.

De Dominicis, Festisve diebus rite observandis.

XXIII.

Dolendum est, Dominicis, Festisve diebus Divinis Officiis, præsertim vero Augustissimo Missæ Sacrificio, & Sacræ Concioni plerosque vel omnino non interesse, vel eo imperfecto abscedere. Quod malum ne longius serpat in dies, Mandamus, ut Parochi diligenter observent, quinam a Divinis sine justa causa aberunt, sibi que subditos moneant, ut in suis Parœciis, quantum fieri poterit, Officia Divina, maxime vero Sacrum Missæ Officium audiant: abscedentes autem, eo imperfecto, Parochi severe increpent. Qui ter moniti si se non corrigant, ad Vicarium nostrum, ab eo graviter puniendi, deferantur.

XXIV.

Moneant vero Parochi Patres-familias, ut filios & famulos, quos in animalibus pascendis occupant, Dominicis, Festisve diebus Missæ jubeant interesse, cum illis salutis suorum major cura, quam lucri cuiuspiam temporalis esse debeat.

XXV.

Mandamus autem sub pœnis arbitrio nostro imponendis, ne quid Festis diebus vendatur, aut ematur, quod ad victum, aut ægrotorum curationem necessarium non sit.

XXVI.

XXVI.

Nundinæ autem & mercatus, si qui in Festum diem inciderint, in antecedentem, vel sequentem, qui Festivus non sit, transferantur.

XXVII.

Choreæ & saltationes, vel alii ludi, quantumlibet honesti tempore Divini Officii, vel Concionis non fiant. Qui secus fecisse deprehensus fuerit, gravi poenæ subiaceat.

De blasphemia & juramento vitando.

XXVIII.

ÆGre & dolenter audivimus, Sanctissimum DEI & Sanctorum nomen palam sine ulla reverentia usurpari: imo vero plerisque ad singula pene verba (non sine perjurii periculo) in ore esse: quodque dolendum magis est, sæpe etiam blasphemari. Quapropter volentes ex commissâ Nobis plebe pessimam jurandi consuetudinem penitus eliminari, cum juxta Ecclesiasticum, Vir multum jurans repleatur iniquitate, juxta Concilii Lateranensis Decreta, & bonæ memoriæ NICOLAI PSALMÆI Prædecessoris nostri Constitutionem, statuimus & mandamus, ut quicumque Deo maledixerit, contumeliosisque aut obscænis verbis Dominum Nostrum JESUM CHRISTUM, vel Gloriosam Virginem ejus Matrem, ullumve Sanctorum, aut Sanctorum Dei blasphemaverit: prima vice fructibus unius anni beneficiorum Ecclesiasticorum, quæcunque obtinuerit, si Clericus sit, mulctetur, & secunda dignitates & beneficia omnia ipso facto amittat, ad eaque retinenda sit deinceps inhabilis. Si vero Laicus sit, secundum Canonicas & Civiles Constitutiones severe puniatur.

XXIX.

Parochi Patres-familias moneant, ne patiantur ullum genus juramenti, vel maledictionis a filiis, famulis, ullove ex familia usurpari: & ne ipsi parentes malum exemplum supra dictis præbeant, ab omni juramento prorsus abstineant.

Tomus VIII. Concilior. German.

XXX.

Doceant vero populum, quot mala ex frequenti juramento proveniant, quod tam variis locis Scripturæ (quæ plagam a domo sæpe jurantis nunquam discessuram asseverat) quam variis exemplis ex Patrum historiis decerptis illustrabunt: varias autem jurandi formulas, a populo usurpari solitas, Parochus data occasione aperiet, damna-bitque.

De Sacramentis.

XXXI.

Cum Sacerdotum, præsertim vero Parochorum præcipua functio sit Sacramentorum administratio, toti in id incumbant, ut, qua par est, reverentia & cultu ea pertractent. Et, quoniam, cum Dei Ministri sint, Domino, qui sanctus est, conformare se debent; caveant diligenter, ne ullo lethali crimine irretiti, ullius Sacramenti, quodcunque illud sit, functiones obeant: Id enim sine alio peccato mortifero, gravissimoque sacrilegio, facere non possunt. Quare primum confiteantur, vel, si copia Confessarii desit, saltem animo, cum proposito confitendi con-terantur.

XXXII.

Cum Sacramenta Ecclesiæ non solum sine Simonia labe, verum etiam sine avaritiæ suspitione ministrari debeant, caveant iidem Parochi, cæterique, qui quoquo modo Sacramenta ministrandi facultatem habent, ne populum, præsertim vero pauperes, importunis exactionibus gravent: quamvis ab iis, qui solvendo sunt, non prohibeamus eos debitum stipendium exigere.

XXXIII.

Ægrotos, etiam non vocati, sæpius invitant, & ad Sacramentorum suspensionem hortentur, eorumque animabus impense provideant, scientes, se pro eis rationem, juxta sententiam Apostoli, Domino Deo reddituros.

De

De Sacramento Baptismi.

XXXIV.

Quamvis Sacramentum Baptismi, quantum fieri potest, sine sacris ritibus & ceremoniis, vel extra Ecclesiam ministrari non debeat: quia tamen interdum id non patitur baptizandi necessitas; permessa est eo casu baptizandi facultas in privatis ædibus; Sacerdoti primum, vel, si is absit, alteri Sacris initiato: qui si item abfuerit, Laicis, primum mari, deinde femina, non tamen patri vel matri baptizandi, si alii reperiantur; qui rite tenuerint veram baptizandi formam, quam fusa in caput pueri aqua sic proferat: *Ego te baptizo in Nomine Patris, & Filii, & Spiritus Sancti. Amen.* Cui nihil vel addant, vel detrahant. Sint vero solliciti Parochi, ut præsertim obsterices doceant dictam baptizandi formulam, idque tam latina, quam vernacula lingua, eamque, aquam effundendo, simul pronuntient.

XXXV.

Quod si baptizatus postea vixerit, cum primum per valetudinem licuerit, eum parentes in Ecclesia Parochiali fistant: ubi si rectam baptizandi formam servatam esse, post diligentem inquisitionem constiterit, ei tantum omnes ceremoniæ Baptismi adhibeantur, & ne quidem sub conditione (quod fieri a quibusdam ignaris Parochis intelligimus) verborum forma repetatur.

XXXVI.

Parochi nullius precibus, vel auctoritate induci se patiantur, ut plures, quam unum, vel ad summum unum & unam, compatrem, & commatrem admittant, juxta *Tridentinam Synodum*. Sint vero hi susceptrores, seu susceptrices, adulti bonæ æstimationis, nec ullo modo de hæresi suspecti: eosque sui officii moneant, quamve affinitatem contrahant, edoceant: Monachos vero, Monialesve ad id nullatenus recipiant.

De Eucharistiæ Sacramento.

XXXVII.

Parochi neminem publice a Communionem repellant, qui publi-

cus, vel notorius peccator non sit: peccatores autem manifestos & notorios nullo modo ad eam admittant, nisi publice constet, quod pœnitentiam egerint, vitæque melioris propositum fecerint.

XXXVIII.

Curent, ut tabernaculum, in quo Sacra Eucharistia servatur, ornatum & bene septum, ac munitum, vasque, in quo asservatur, mundum sit: & ante illud, quantum per Ecclesiæ facultates licebit, lampas accensa coluceat.

De Celebratione Missarum.

XXXIX.

Sacerdotibus alienæ Diœcesis rei Divinæ faciendæ facultatem non faciant Parochi in suis Ecclesiis, nisi ostensis literis testimonialibus & dimissoriis Ordinarii, ultra sex menses a data non valituris.

XL.

Nullus Sacerdos in privatis ædibus, vel extra Ecclesiam & Oratoria, Divino tantum cultui dicata, quæ vel a Nobis, vel Prædecessoribus nostris designata, aut visitata non sint, Missam celebret.

XLI.

Nemo bis eodem die sacrificare præsumat, nisi in casibus a jure permisis, vel quibus id ex officio incumbit, quorum non est, aliis potestatem facere, suo loco iterum celebrandi. Qui secus fecerit, pœnis arbitrio nostro taxandis, subiacebit.

XLII.

Ornamenta, & instrumenta altarium pro celebratione Missæ pura & munda servantur, sed maxime corporalia, & purificatoria: quæ in posterum non ex serico, sed ex linteo fieri mandamus. Dabuntque operam Curati, ut semel, vel sæpius in hebdomada, ubi plures Missæ celebrari solent: ubi vero pauciores, decimo quinto quoque die diligenter abluantur, neque in usum profanum ulla ratione convertantur.

XLIII.

XLIII.

Volumus, Vicarium nostrum Generale in singulis Decanatibus Magistrum caeremoniarum idoneum constituit, idque intra tres menses: qui omnes novos Sacerdotes, antequam primum Sacrum celebrent, cæterosque, qui minus decenter id præstant, Missæ ritibus ac caeremoniis instituat. Nullusque sub gravi pœna præsumat primum Sacrum facere in hac Diœcesi, nisi syngrapha præfati Magistri caeremoniarum manifestet, se in prædictis ritibus & caeremoniis satis instructum esse.

XLIV.

Irrepsit error in Missale nostrum (Librarium, ut credimus, incertum) cum in officio diei Parasceves ante illa verba (Pax Domini) dicitur consecrari vinum per mixtionem Corporis Christi cum vino. Id enim falsum est, cum vinum non consecratur nisi per formam. Quare omnes ex suis Missalibus hæc verba: *Quia hic consecratur vinum per Corpus Domini*, deleant intra quindecim dies.

XLV.

Qui vero bis dicto die Parasceves Officium facere tenentur, secundum Sacrum statim post adorationem Sanctissimi Sacramenti factam terminabunt, diligenterque cavebunt, ne secundo communicent cum (ut ex prædictis patet) non sint amplius jejuni. Sed adoratione facta Sanctissimum Sacramentum cum omni devotione in Ciborio, seu capsula reponent.

XLVI.

Sacerdotes celebraturi, quo puriores ad rem Divinam faciendam accedant, saltem semel in hebdomada peccata sua confiteantur, nisi eos propter lethalem culpam frequentius id facere oportuerit.

Nemo vero præsumat ad tremendum hoc Mysterium cum peccati mortiferi conscientia accedere, quantumcumque sibi contritus videatur, si quidem habeat Confessarii copiam, quæ si desit, abstinendum omnino erit, nisi ratione officii ad vitandam populi offensionem ad id cogantur, & nullus sit, qui id muneris obire velit.

XLVII.

Curent Sacerdotes, ut hostiæ, quibus uti debent ad sacrificandum, nimis vetustæ non sint: ex puro tritico fiant, & singulis mensibus novas fieri curent, vinum vero purum sit & recens haustum. Urceoli denique, quibus vinum & aqua conservantur, semper sint mundi.

De Sacramento Pœnitentiæ.

XLVIII.

Nemo sub pœna suspensionis ab officio per sex menses, ipso facto incurrendæ, & aliis pœnis arbitrio nostro imponendis, in hac nostra Diœcesi præsumat ullas confessiones nostrorum subditorum audire, nisi vel beneficium Parochiale obtineat, vel a Nobis approbatus sit per examen juxta *Tridentinum*: Declarantes absolutiones nullas aliter factas. Facultates autem hæcenus concessas revocamus, Ecclesiarumque Rectoribus mandamus, ne ullum ad audiendas confessiones admittant, qui novam approbationem a data præsentium non habeat.

XLIX.

Parochus unius loci (quod sibi nonnulli falso persuadent) non possit audire confessiones alienorum Parochianorum, etiam extra tempus Paschæ sine licentia proprii Parochi: cum juxta *Tridentinum* nullius sit momenti absolutio, quam Sacerdos in eum profert, in quem jurisdictionem Ordinariam, vel delegatam non habet.

L.

Non sint vero difficiles Parochi in concedenda suis subditis facultate, alteri Sacerdoti a Nobis approbato confitendi, siue in Paschate, siue extra illud tempus. Quando tamen in Paschate alteri confitebuntur, debebunt Parocho manifestare, quod confessi sint: alioqui contra eos, tamquam non confessos, procedent juxta *Lateranensis Concilii Decretum*.

LI.

Irrepsit quidam error & abusus intolerabilis in hanc nostram Diœcesim, audiendi in Paschate multos pueros,
N n n 3 etiam

etiam doli capaces, simul confitentes. Quare propter gravissima incommoda, quæ ex talibus confessionibus promanare posse intelligimus, sub pœna excommunicationis ipso facto incurrendæ, prohibemus, ne ullus Sacerdos plures pueros simul, postquam octavum ætatis suæ annum attigerint, audiat: minores vero ætate ita Parochus simul audiat, ut nullam Confessionis Sacramentalis formam præ se ferat, sed omnibus simul iussis Orationem Dominicam recitare benedictionem largiatur.

LII.

Penitus vero eliminetur is, qui ex diaboli officina processit, interrogandi modus, quo ignari quidam Sacerdotes pœnitentes sub conditione interrogant: si hoc vel illud feceris, confiteris? Ea enim interrogandi ratio, nisi in dubiis, præterquam quod confessionem irritam, & nullius valoris faciat, tam Confessarium, quam pœnitentem, gravissimo sacrilegio obstringit.

LIII.

Quoniam magnopere confert ad populi Christiani disciplinam, ut *Tridentinum Concilium* monuit, graviora quædam scelera non a quibusvis: sed a summis tantum Sacerdotibus, Episcopis nempe, remitti: ideo mandamus in virtute obedientiæ omnibus Sacerdotibus, nulla ratione casibus in *processu Bullæ Cane*, vel quomodolibet Apostolicæ Sedi reservatis, nisi in mortis articulo, se immisceant. Quorum casuum catalogum, cum semper Confessarii præ oculis habere debeant, ad levandam eorum memoriam his Constitutionibus addi, Deo dante, curabimus. Ut porro munus hoc audiendarum Confessionum Sacerdotes suscipiant alacrius, præter eos casus, quos jus commune, ratione alicujus censure annexæ, reservat Episcopis, circa quos nihil intendimus innovare, hos dumtaxat Nobis censuimus reservandos.

1. Homicidium voluntarium.
2. Raptus Virginum & Monialium, violentaque earum oppressio, vel defloratio.
3. Incestus cum matre propria, vel cum matre conjugis.

4. Percussio Patris & Matris, si sit formalis: non autem, si casu, se defendendo, vel fugiendo, quis Patrem aut Matrem læserit.

5. Usura manifesta & notoria, sive notoreitate juris, sive facti.

6. Publice perjuri in judicio, & ea de re convicti in judicio publico, & non aliter.

7. Percussio & violenta detentio Clericorum.

8. Ecclesiasticæ libertatis oppressio, seu violatio.

9. Ecclesiam polluentes per sanguinis vel seminis effusionem manifestam & notoriam.

10. Qui ad magicas artes, veneficia, & superstitiones, Eucharistia & Chrismate abutuntur.

11. Peccatum Sodomiticum cum qualibet persona, & bestialias.

12. Adulterium publicum, manifestum, & notorium.

Præter supra dictos autem, respectu Sacerdotum tantum, & aliorum, qui sunt constituti in Sacris Ordinibus, sequentes casus Nobis duximus reservandos.

1. Concubinarius publicus, id est, qui concubinam secum domi habet, vel eam alibi palam frequentare dignoscitur.

2. Qui mulierem quamcumque gravidam reddidit, postquam factum in populi notitiam venit. Antequam autem id populo innotescat, non reservatur.

3. Qui explevit fornicationem cum filia spiritali, id est, cum ea, quam vel baptizavit, vel cujus confessionem audit, vel quæ in fornicatoris Parœcia quomodocunque domicilium habet.

4. Ebrietas usque ad crapulam & vomitum, si id in populi notitiam venerit.

5. Clerici per saltum scienter promoti, vel ab alieno Episcopo, sine nostra licentia, quomodolibet ordinati.

6. Qui aliqua censura excommunicationis, suspensionis, interdicti, vel aliqua irregularitate irretiti, Missam celebrarunt, vel aliam Ordinis Sacri functionem scienter exercuerunt.

LIV.

LIV.

Hos omnes casus tantum hac præfenti Constitutione Nobis, & Successoribus nostris reservamus, priores quidem respectu omnium tam Laicorum, quam Clericorum; posteriores respectu Sacerdotum, & aliorum Sacris Ordinibus initiatorum, a quibus nemo, sine speciali facultate nostra, vel Vicarii nostri poterit absolvere, nisi in articulo mortis: irritum declarantes, quod secus a quocunque fuerit attentatum.

LV.

Parochi, aliive Sacerdotes, semel in anno, idque circa festum Paschæ, Decanis vel confiteantur, vel ab iis facultatem petant, alium Confessarium, a Nobis approbatum, adeundi: reliquo vero tempore anni permittimus, ut aliis approbatis a Nobis, ad confessiones audiendas, confiteri possint. Extraneis autem, nisi in itinere, vagabundis, vel non approbatis, nulla ratione confiteantur.

LVI.

Hortetur Parochus populum suæ curæ commissum; ut cum primum quis in aliquem morbum inciderit, Confessarium accersere curet, ostendatque se non minus sollicitum de animæ, quam de corporis salute. Evellat vero Parochus e suorum mentibus pravam illam opinionem, quod Sacramentorum suscipiendorum memoria mortem acceleret.

De Extrema Unctione.

LVII.

EXtremæ Unctionis Sacramentum curet Parochus, ut ægrotò, dum integris est sensibus, quantum fieri potest, exhibeatur.

LVIII.

Parochus ministraturus Extremam Unctionem non destillet in posterum Sacrum Oleum in palmam suam sinistram; ut habetur in Rituali: tum ne Sacrum Oleum in terram effundatur, tum ad evitandam populi offensionem, qui ea occasione minoris, quam par est, hoc Sacramentum facit; sed juxta Pastorale Romanum virgulam stan-

neam, vel argenteam intingat in Oleum Sacrum, ejusque extremitate ægrotum in partibus debitis ungat.

LIX.

Curatus, antequam hoc Sacramentum conferat, interroget decumbentem, an recordetur alicujus peccati, habeatque aliquid, quod conscientiam gravet: qui si affirmat, abscedant afflicti, ejusque confessionem excipiat. Si neget, eum confoletur, ad agendumque Deo gratias hortetur, recitataque a Ministro generali confessione super ægrotum hanc absolutionem generalem recitet: *Miserere tui &c. Indulgentiam & remissionem &c.* per modum orationis, non autem per formam Sacramentalem Sacramenti Pœnitentiæ, quod quidam sacrilege faciunt. Multo vero minus Sacerdos ægrotis indulgentiam plenariam (quod male nonnulli faciunt,) largiatur, nisi eam indulgentiam æger a Summo Pontifice obtinuerit.

LX.

Parochi ante Extremam Unctionem ægrotos moneant, ut testamenta conficiant, domuique suæ ita disponant, ut meminerint, se in die judicii Deo reddituros rationem, de oblata sibi & neglecta bene merendi occasione.

De Sacramento Ordinis.

LXI.

AD Sacros Ordines non admittantur, qui beneficium Ecclesiasticum, quo honeste sustentari possint, non obtinent. Si qui vero alii judicio nostro admittendi videantur; id non fiat, nisi vel Patrimonium, vel pensionem sexaginta aureorum annuatim liquide obtineant: quod patrimonium, seu pensionem alienare nequeant, nisi Nobis manifestarint, quod aliunde honeste vivere possint. Aliter facta alienatio irrita sit ipso facto, juxta Tridentinum.

De vita & honestate Clericorum.

LXII.

Renovantes, quæ in Sacris Canonibus de vita & honestate Clerico-

ricorum habentur, mandamus omnibus Archidiaconis & Decanis, ut diligenter invigilent; ne Clericorum vita aliis offensionem, scandalumque pariat, cum primumque Nos certiores faciant, si quæ offensio ex Clericorum depravatis, corruptisque moribus in populo exorta fuerit: super quo ipsorum conscientias oneramus.

Quæ vero specialiter duximus hoc loco constituenda, hæc sunt.

LXIII.

Sacerdotum & aliorum Clericorum vestitus sit honestus, & statui conveniens.

Omnes talarem vestem, & pileum quadratum ordinarie gestent. Si vero rus proficiantur, tunicella ad poplitum saltem producta, utantur.

LXIV.

Ferant omnes Tonfuram Clericalem, eamque satis latam: crines vero & barbam non nutrant saltem in superiori parte labiorum.

LXV.

Mulierum consortium, multo magis contubernium, fugiant, nisi quæ ætas & mores suspecti non sunt.

LXVI.

Si quem vero contra hanc nostram Constitutionem deliquisse constiterit, eo ipso pœnis in *Tridentino*, contra fornicarios statutis, sine alia monitione, quam tenore præsentium suppleri volumus, subjaceat, aliisque pœnis arbitrio nostro imponendis.

LXVII.

Choreas nec privatim, nec publice agant Sacerdotes, vel Sacris initiati, gravissimas alioquin pœnas subituri.

LXVIII.

Alearum ludum, & venationem, præsertim clamorâ, sibi prohibitam noverint Clerici: qui secus fecerint, graviter se sciant a Nobis castigandos.

LXIX.

Sacerdotes, aliosve in Sacris constitutos, cauponarum aditu & usu, quibus, non sine gravi laicorum scandalo, nonnullos nimis addictos audimus,

præter itinerantes interdiciamus: ab omni vero crapula & ebrietate de cætero abstineant.

De Sacramento Matrimonii.

LXX.

MEminerint Parochi, juxta *Tridentini* mandatum, sæpe in memoriam revocare commissio sibi populo, Matrimonium contractum sine Parochi præsentia cum duobus, tribusve testibus, invalidum esse.

LXXI.

Moneant iidem futuros conjuges, ut antequam Matrimonium contrahant, peccata sua confiteantur, Sacramque sumant Synaxim, quo abundantiorum ad Matrimonii onera gratiam consequantur.

LXXII.

Sacramentum Matrimonii nullo modo in Monasteriis, aliisque locis, quam in Ecclesiis Parochialibus, sine licentia nostra celebretur.

De Ludimagistris.

LXXIII.

Sint in singulis Parochiis, quantum fieri poterit, Ludimagistri, qui pueros scribere & legere, primaque fidei rudimenta & principia docere possint.

LXXIV.

Expeditet puellarum institutioni præfici probatam viduam, aut puellam grandiorum, maturam tamen, quæ eas honeste vivendi formam, & legendi rationem studiose doceat. Quare videant Parochi, an id commode fieri possit, in magnis præsertim Parochiis & urbibus.

De Rebus ad Ecclesiam pertinentibus.

LXXV.

Parochi, præsentibus tribus honestis viris, quos ipsi seligent quorundam, dati & accepti a Scabinis computum exquirant. Id autem quam primum faciant, ut in proxima visitatione ejus rei Nobis ipsi rationem reddant.

LXXVI.

LXXXVI.

Parochi ad proximam Synodum secum deferent Catalogum, tum baptizatorum, tum etiam conjunctorum Matrimonio: præter quem Catalogum Decani alium secum deferent Sacerdotum, qui in suo districtu mortui sunt, a quo tempore id non est factum. Si quis vero id non egerit, decem Francorum mulctam subibit; applicandam operibus piis, ad nostrum arbitrium. Inventarium item bonorum mobilium Ecclesiæ singulis annis renovabunt, & cum Inventario superioris anni conferent; ut intelligant, an aliquid deperierit.

Si quid vero refectione egeat, curent, id ab iis, quorum interest, fieri.

LXXXVII.

Curent ex Ecclesia & Cœmeterio exportari, seu extrahi suppellectilia, aliasque res prophanas, si quæ adhuc illis locis reconditæ sint; neque in posterum in Ecclesia hujusmodi res afferrentur, nisi propter hostiles incurfus, vel gravem necessitatem.

LXXXVIII.

Registrum præterea censuum suarum Ecclesiarum diligenter servent, & unum exemplar manu Notarii publici signatum, ad visitationem proxime futuram fieri curent. Si quæ vero bona a Scabinis bellorum prætextu, aut alienata, aut obligationibus supposita sint, ea de re Nos etiam Curati moneant, ut damna Ecclesiarum reparari provideamus.

Non intendimus autem his nostris Constitutionibus quicquam vel innovare, vel immutare circa Decreta, Statuta, & Constitutiones, a Prædecessoribus nostris in præcedentibus Synodis latas & promulgatas, præterquam in casibus reservatis; ad quos reformatos & moderandos permultorum Nos preces & rationes permoverunt. Cæteris omnibus, quorum in his Constitutionibus mentio facta non est, in suo robore permanentibus, maxime vero, quæ respiciunt Fidem Catholicam, Sacramentorum administrationem, examen promovendorum, Decanorum & Curatorum officium, Sacri Concilii Tridentini observationem, cum singulos articulos, Prædecessorum

Tomus VIII. Concilior. German.

nostrorum vestigiis inhærentes, tam ad Fidei integritatem, quam morum correctionem pertinentes, cæteraque Sacrorum Canonum Decreta & Statuta recipi, & inviolabiliter custodiri præcipimus. Iis, inquam, omnibus in suo robore permanentibus, omnia & singula, his nostris Constitutionibus contenta, tamquam juri & æquitati consentanea, vobis supradictis, & cuilibet vestrum intimamus, insinuamus, & ad vestram notitiam deducimus: eaque, qua debemus obedientia & reverentia, auctoritati & judicio S. Romanæ Ecclesiæ, omnium Ecclesiarum Matris & Magistræ, emendanda & corrigenda submittimus.

Acta, lecta, & publicata in Synodo Dicecesana Virdunensi, die 15. Julii Anno 1598.

REVERENDISSIME PATER, & Venerabiles Domini: PLACENTINE HÆC VOBIS?

Quibus respondentibus, (PLACENT) vel annuentibus.

Lector subjungit:

DEO GRATIAS.

De Mandato Reverendissimi & Illustrissimi Principis, Domini mei, ERICII & LOTHARINGIA, Episcopi & Comitum Virdunensis.

EXAMINATORES PAROCHORUM
& promovendorum ad Ordines & Beneficia.

D. Nicolaus Henart, Archidiaconus de Volsago in Ecclesia Tullen.

D. Petrus Chenetius, Archidiaconus de Vepria.

F. Nicolaus Malteste, Doctor Theologus, Religiosus Ordinis S. Augustini.

F. Servatius la Rue, Doctor Theologus, Religiosus Ordinis Præmonstratensis.

Magister Jacobus Boucherius, Sacræ Theologiæ Baccalaureus.

P. Carolus Benedictus, Rector Collegii Societatis JESU, qui & Pœnitentiarius.

P. Herveus Torontius, Presbyter ejusdem Societatis, vel eorum loco alii duo ex eadem Societate.

Ex editione antiqua Virdunensi ejusdem anni 1598., curata per Joannem Wap Typographum Episcopali., commodata nobis ex Bibliotheca Collegii Trevirensis Societatis JESU.

O o o

SYNO.

SYNODUS TORNACENSIS

Anno Christi MDC. Clementis VIII. PP. VII.
Rudolphi II. Imp. XXIV.

SUB MICHAËLE DESNE, (†) EPISCOPO TORNACENSI.

S T A T U T A

SYNODI DIOECESANÆ TORNACENSIS,

*Inchoatæ Anno Domini Millesimo sexcentesimo, Feria tertia post
Dominicam secundam post Pascha, & finitæ die sequenti.*

MICHAEL DESNE, DEI ET APOSTOLICÆ SEDIS GRATIA
EPISCOPUS TORNACENSIS, UNIVERSO CLERO CIVITATIS ET DIOECESIS
TORNACENSIS, SALUTEM IN DOMINO.

INter alia, quæ a frequentissimo Patrum S. Concilii Trident. conventu ad restituendam Ecclesiasticæ disciplinæ integritatem præclare instituta fuerunt, apposite ad DEI gloriam, & lucrum animarum, ut Synodi Provinciales, singulis trienniis, Dioecesanæ vero quotannis celebrentur, decretum fuit, cujus instituti haud dubie; Auctor est CHRISTUS Dominus, qui Patribus in salutari hujusmodi tractatione congregatis (cum dixit: Ubi sunt duo, vel tres congregati in Nomine meo, ibi Ego sum in medio eorum,) sese adfuturum promisit. Et Apostoli, licet uberrime Spiritus Sancti gratiam singuli acceperint, tamen in rebus gravioribus hanc consultandi rationem non omiserunt, ac ne eorum Successores eam omitterent, ut bis in annos

singulos Concilia ab Episcopis haberentur, sanxerunt: plurimæ consecutæ deinde sunt Constitutiones SS. Pontificum, & Conciliorum Generalium, & Provincialium de frequenti Synodorum usu constanter retinendo.

Quibus Sanctissimis Decretis ut satisfaceremus, de consilio Venerabilium Virorum, Confratrum nostrorum Decani & Capituli Ecclesiæ nostræ Tornacensis, feria tertia & quarta post Dominicam secundam post Pascha (ut scitis) Synodum Dioecesanam habuimus. Verum quum parum profint etiam optimæ Leges, nisi diligenter observentur, & executioni mandentur, immo vero noceant tam illis, quibus positæ sunt, quam illis, ad quos pertinet curare, ut executioni mandentur; cura Nobis fuit ad communem utilitatem, De-

(†) Michael (vulgo *Grand Michel* dictus) Esnea, nobili admodum apud Belgas gente natus, Benthencuriæ & Serenvillerfii in Cameracensi Toparcha, profana aliquamdiu castra secutus fuerat: sed bellicos brevi perturbatus tumultus, vitæ sanctioris, væque virtutis sectandæ studio ad sacram Christi militiam se transtulit, unique DEO, Regi Regum, Ecclesiastico in Statu se se devovit. Postquam Sacerdotio fuisset initiatus, ex nominatione Philippi II. Hispaniarum Regis, cui jam pridem, dum ejusdem in Aula inter honorarios Ephebos versaretur, ob inculpata vitæ laudem percharus fuerat, Tornacensis Ecclesiæ Episcopus circa annum 1597. ab Illustrissimo D. Octavio, Nuntio Apostolico, consecratus fuit. Anno 1600. secunda post Paschalem solennitatem hebdomada, hanc Synodum habuit, in qua Antecessorum suorum Statuta non innovavit solum, suæque auctoritate firmavit; sed novis etiam additis auxit. Multis rebus præclare gestis, præfuit Episcopatu usque ad annum 1614, quo obiit 1. Octobr. plenus dierum ac meritum: ab eximia in Deum pietate & liberalitate in pauperes præcipue commendatus.

Jacob. Le Groux in Synopsi Vit. Episcoporum Tornacensium. Rasisi Belg. Christ.

Decreta in eadem Synodo promulgata (quam primum per occupationes licuit) prælo committere, ut a vobis legi, & executioni demandari possint. Quocirca omnes Prælatos, Archi-Presbyteros, Pastores, & quosvis alios Ecclesiæ Ministros, aliosque omnes & singulos, quos dicta Decreta concernunt, in Domino cohortamur, ut memores vocationis suæ sæpe ad animum revocent (juxta excellens Decretum Sacrosancti Concilii Trid. Cap. I. Sess. XXII.) nihil esse, quod magis alios ad pietatem & Dei cultum assidue instruat, quam eorum vita & exemplum, qui se Divino ministerio dicarunt; cum enim a rebus sæculi in altiore[m] eve[n]ti

locum conspiciantur, in eos, tanquam speculum, oculos reliqui conjiciunt, ex iisque sumunt, quod imitentur; quapropter sic decet vos in sortem Domini vocatos, vitam, moresque vestros omnes componere, ut in habitu, gestu, incessu, sermone, aliisque omnibus rebus, nihil, nisi grave, moderatum, ac Religione plenum præ vobis feratis. Levia etiam delicta, quæ in vobis maxima essent, fugite, ut vestræ actiones cunctis adferant venerationem: ad quæ (Domino adjuvante) copiose præstanda non parvo vobis erit auxilio diligens lectio atque observatio Statutorum hujus Synodi.

INDEX TITULORUM HUIUS SYNODI.

- TITULUS PRIMUS.**

 - De Professione Fidei, & de his, quæ ad ejusdem Fidei integritatem tuendam & conservandam pertinent.*
 - II. De Doctrina & prædicatione Verbi Dei.*
 - III. De Divinis Officiis.*
 - IV. De observatione Festorum & Jejuniorum.*
 - V. De Sacramento in genere.*
 - VI. De Sacramento Baptismi.*
 - VII. De Sacramento Confirmationis.*
 - VIII. De Sacramento Pœnitentiæ.*
 - IX. De Sacramento Eucharistiæ.*
 - X. De Sacramento Ordinis.*
 - XI. De Sacramento Matrimonii.*
 - XII. De Sacramento Extremæ Unctionis.*
- XIII. De Sepulturis.*
 - XIV. De Oblationibus.*
 - XV. De recta bonorum Ecclesiasticorum administratione.*
 - XVI. De Clericis in genere.*
 - XVII. De Episcopis.*
 - XVIII. De Capitulis & Canonicis.*
 - XIX. De Pastoribus, Decanis, & Custodibus.*
 - XX. De Regularibus.*
 - XXI. De Scholis.*
 - XXII. De Foro, jurisdictione, & immunitate Ecclesiastica.*
 - XXIII. De Usuris.*
 - XXIV. De Synodali Congregatione.*

TITULUS I.

De Professione Fidei, & de his, quæ ad ejusdem Fidei integritatem tuendam & conservandam pertinent.

CAPUT I.

UT quæ de Fidei Professione II. Camerac. Synodo Tit. I. Cap. I. decreta sunt, facilius executioni mandentur, deputandos censuimus aliquos, qui Fidei Professionem (juxta formam contentam in Bulla PII IV.) ab illis, qui ad eam tenentur, accipere possint & debeant. Atque imprimis ab ordinandis omnibus finito examine eam accipiemus Nos ipsi, vel noster Vicarius Generalis. Similiter a Pastoribus in eorum institutione, etiam a Concionatoribus, Confessariis & Professoribus, is videlicet, qui eos admittet, eam accipiet. Bibliopolæ autem in Civitate Tornacensi istam Professionem singulis annis semel (in Vigilia nempe S. Joannis Baptiste) in manibus nostris, vel Nobis impeditis, vel absentibus, in manibus Vicarii nostri Generalis, secundum formam brevior[m] per Edictum Regium præscriptam, renovabunt. Infulis vero & Contraci eadem Professio Fidei fiat in manibus Decani Christianitatis: Scholarum vero Magistri & Magistræ istam Professionem facient in

manibus Scholastici, ubi Scholasticus est, alias in manibus Decani Christianitatis, aut Pastoris loci.

CAPUT II.

Omnes, qui ad Fidei Professionem faciendam tenentur, ejus exemplar, seu copiam descriptam habeant, & interdum relegant, ut videant, & ad memoriam revocent, quid professi sint, quidve sancte juraverint.

CAPUT III.

Ut *Caput II. secundæ Synodi Provinc. Cameracensis* (cui accessit *Artic. I. Edicti Regii*, facti ad commodiorem executionem Decretorum dictæ Synodi) debite mandetur executioni, Tornaci Episcopus, aut eo absente, vel impedito, Vicarius Generalis; Infulis autem & Contraci Decanus Christianitatis quotannis, sub tempus renovandi Magistratum, moneant Commissarios Principum, ut illam Fidei Professionem a novo Magistratu exigant. In oppidulis autem & pagis, ubi non est Decanus Christianitatis, idem officium præster Pastor loci apud eos, qui habent jus renovandi Magistratum, & si quis de novo Magistratu absit, cum sit Professio Fidei, hujusmodi Professionem faciat in manibus novi Magistratus, antequam se rei judiciariæ immisceat.

CAPUT IV.

Et ut ad effectum deducatur *Art. III. ejusdem Edicti Regii*, instent iidem quotannis apud novum Magistratum, ut præcipui officarii perpetui, nempe Baillivi, Consilarii, Scribæ, seu Grapharii, & Syndici, seu Procuratores Communitatum, illam Fidei Professionem in ipsius novi Magistratus manibus renovent.

CAPUT V.

De libris prohibitis diligenter observentur, quæ constituta sunt in utraque Synodo Cameracensi, & Indice librorum prohibitorum a PIO IV. comprobato, una cum appendice adjuncta, quod ut melius obtineatur, quando Bibliopolæ librorum sarcinas accipient, antequam illæ aperiantur, præsentibus sint, ut minimum duo Deputati, qui

omnes libros diligenter inspiciant, nec ullos vendi permittant, qui suspecti sunt, sed eos secum auferant.

CAPUT VI.

Ne habeant, & multo minus communicent Bibliopolæ Indicem librorum prohibitorum, qui singulis annis in nundinis Francofordiensibus, & alibi apud Protestantes venales prodeunt, quia talis Catalogi inspectio infirmis in fide facile scandalum parit, & nonnullis curiosis parum doctis præbet occasionem ruinæ, & si mittatur Bibliopolis, eum tradant statim in manibus Visitatorum, etiam ipsis non petentibus.

CAPUT VII.

Hortentur Pastores suos Parochianos, ut si quos habeant libros prohibitos aut suspectos, eos ipsos exhibeant, exposito animæ periculo, quod incurunt non illi tantum, qui libros tales legunt, sed & qui eos habent, propter censuras, in quas ipso facto incidunt.

CAPUT VIII.

In domibus mortuariis, si qui sint libri, caveant Executores & Pastores loci, ne distrahantur, nisi ab illis, qui deputati sunt ad visitationem librorum, visitati & vendi permitti fuerint, quæ visitatio fiet gratis.

CAPUT IX.

Cum multi etiam Catholici contra prohibitionem Summi Pontificis, & *II. Synodi Provinc. Tit. I. Cap. IV.* non sine magno animæ suæ periculo legant libros Sacræ Scripturæ lingua vernacula, non obtenta in scriptis hoc faciendi potestate, de eo moneant Pastores suos Parochianos, eosque serio & frequenter exhortentur, ne deinceps id faciant, & ut qui fecerunt, de eo poenitentiam agant; Et in venia concedenda observabitur forma præscripta a Summo Pontifice in *IV. Regula Indicis librorum prohibitorum*, & non permittant eis, alia versione uti, quam approbata: idem fiat de libris, qui tractant de controversiis, juxta Regulam VI. Indicis librorum prohibitorum, & Caput illud populo Pastores publicent singulis annis circa Festa Paschalia & Nativitatis Domini.

CAPUT X.

Diligenter observetur *Caput VII. II. Synodi Provincialis*, & hortentur Pastores suos Parochianos, ne homines vel animalia sua tuta reddere tentent a quolibet morbo, vel periculo per verba quædam magica, aut quascunque superstitiosas observationes. Et generaliter, ne aliquo medio extraordinario utantur hujusmodi in rebus, nisi consultis Superioribus. Ne consulant etiam ariolos (quos vocant Divinos) ad cognoscendum, quis rem furripuerit, cum detestabile sit, & homine Christiano indignissimum, ad utilitatem aliquam consequendam uti mediate vel immediate diaboli auxilio & opera.

CAPUT XI.

Et quia experientia quotidiana docet, nihil esse, in quo etiam prudentissimi, ac valde probi viri facilius fallantur, quam in ea cura, quam in exorcizandis spiritibus impendunt; nulli liceat exorcizare in nostra Diœcesi, nisi licentia in scriptis obtenta, solis Pastoribus exceptis, quibus licebit in sua Parochia, & non aliis Parochianis a Dæmone infestatis succurrere, non aliis tamen exorcismis, quam iis, qui continentur in Manuali, a Dno Rmo VEDULLIO Prædecessore nostro pie memorato edito. Si quis aliis exorcismis uti desideret, eos nostro examini prius offerat. Exorcismi autem personarum, non alio in loco fiant, quam in Ecclesiis, vel Oratoriis ab Ordinario approbatis.

CAPUT XII.

Decretum ultimum *Tituli I. II. Synodi Provinc.* factum contra blasphemos, diligenter observetur; moneant etiam Pastores & Concionatores populum, graviter eos peccare, qui sine justa causa jurant, & Nomen Dei sumunt in vanum, foreque, ut promotor contra eos procedat, nisi deinceps abstineant.

TITULUS II.

De Doctrina & Prædicatione Verbi Dei.

CAPUT I.

Sufficere videntur, quæ in *Synodo II. Cameracensi* ordinata fuerunt: ea diligenter observentur.

TITULUS III.

De Divinis Officiis.

CAPUT I.

Similiter hic diligenter observentur, quæ in *II. Synodo Cameracensi* statuta sunt.

CAPUT II.

Certam horam in pagis & Parochiis Missam celebrandi constituimus a Festo S. Remigii usque ad Pascha, nominam, a Paschate vero usque ad Sancti Remigii Festum, octavam & pro Vesperis, secundam, a qua Constitutione, quacunque in contrarium allegatione non obstante, non recedant.

CAPUT III.

In illis locis, ubi Dominicis & Festis diebus tantum una Missa celebratur, moneant Pastores Patres- & Matres-familias, ut tempore Missæ Parochialis unum tantum (si necessitas aliquem manere requirat) domi relinquunt, neque semper eundem, sed vicissim nunc hunc, nunc illum, qui per Pastores admoneantur, ut domi manentes animo Divinis Officiis interfint, & cum Sacerdote, & iis, qui in Templo sunt, sua vota jungant, & orent. Quod si loco aliquo vicino duæ Missæ diversis horis eo die celebrentur, ad eam, quæ ante Missam Parochialem absolvitur, mittatur is, qui tempore Missæ Parochialis domi mansurus est. Quod ubi non continget, mittatur ille idem ad Vesperas suæ Parochiæ.

CAPUT IV.

Instruatur populus, quomodo tempore tremendi Sacrificii Missæ se gerere debeat, & quam reverenter, quamque perseveranter in spiritu humilitatis, & in animo contrito a principio usque ad finem adesse: eosque non satisfacere præcepto Ecclesiæ, qui ad Orationem Dominicam, sicuti plerisque moris est, ac si esset absolutum Sacrificium, templo egrediuntur.

CAPUT V.

Deambulationes in Templis non tantum tempore Divini Officii, sed & etiam extra illud prohibemus, item-
O o o 3 que

que confabulationes: cum enim domus Dei domus orationis sit, & fideles Dominum & Deum suum illic in Euchariſtiæ Sacramento vere præſentem eſſe firmiter credant; indigniſſimum eſt, ea illic agi, quibus tanta Maieſtas of- fendatur.

CAPUT VI.

Et cum intellexerimus, in nonnullis Parochiis hujus Diceceſis raro decantari Veſperas diebus Dominicis & Feſtis, enixe præcipimus, ut deinceps decantentur, idque hora ſecunda pomeridiana, uti di- ſtinctum eſt. Eodemq; tempore Parochus, ubi non eſt Schola Dominicalis, a pran- dio, commodiore ante & poſt Veſperas hora, pueros campanæ pulſu convoca- tos, prima Fidei rudimenta doceat; ſi quis autem Parochus, non legitime im- peditus, hoc tam neceſſarium officium, quod etiam ex *Concilii Trident.* Decreto præſtare debet, prætermiſerit, is toties unius floreni mulctam fabricæ ſuæ Ec- cleſiæ applicandam incurrat.

CAPUT VII.

Ac ne ulla ratione unquam ſeſe ex- cufare poſſint Paſtores a ſalutari Cate- chiſationis officio, id uſque adeo præ- ſtari volumus, ut etiamſi unus tantum, aut duo ad Catechiſmum veniant, illis doctrinæ Chriſtianæ initia tradere ne negligent, qua diligentia Paſtoris con- tinuante, & Deo (haud dubie) incre- mentum dante, paulatim auditorum numerus accreſcet. Quod ſi aliquis Paſtor donum linguæ non habeat, eos ſaltem nuda Catechiſmi lectione inſtru- at, ita fiet, ut cum legem Dei cognove- rint, non facile in eam impingant.

CAPUT VIII.

Baillivos & Magiſtratus omnes per viſcera JESU Chriſti obſecramus, at- que adeo obreſtamur, ut magno piera- tis ſtudio tam ſalutare, tamque neceſſa- rium Reipublicæ officium promoveant, ac juxta Edictum Regium paren- tes, heros & heras, pueros, mini- ſtros & ancillas, quæ institutione in- digent, ad doctrinam Chriſtianam mite- re cogant.

CAPUT IX.

In Eccleſiis, ubi celebratur Divi- num Officium, Canonici, Paſtores, &

Capellani Divino cultui pariter intenti reverenter concinant, & ſingulos Ver- ſus parvula pauſa claudant, ne præci- pitatio inchoantis Verſum finire volen- tis mutilet.

CAPUT X.

Et quo vigilantius id obſervetur in quavis Eccleſia Nobis ſubdita, tam Canonici, quam Capellani ſingulis ho- ris majoribus diſtributiones fiant, Con- ſtitutione *Concilii Tridentini* diligenter in hoc obſervata.

CAPUT XI.

Incepta Canoniarum Horarum a- liqua, ante eam completem nemini (ſal- va neceſſitate) Choro egredi liceat, niſi diſtributionibus illi horæ assignatis fru- ſtrari velit.

CAPUT XII.

Quas eorum percipiet nemo, niſi qui ante primi Pſalmi finem, & in Miſ- ſa ante Epiſtolam abſolutam in Chorum ſe receperit, & totius ejus Officii finem exſpectarit.

CAPUT XIII.

Supplicationes ſolennes, quæ in honorem Venerabilis Sacramenti, ſeu B. MARIE Virginis, aliorumque Sanctorum fieri ſolent, in quibus Divo- rum imagines & feretra circumferun- tur, priuſquam fiant, denuntiatione præmiſſa, illarum cauſæ populo aperi- antur, ut majori cum fervore populus aſſiſtat.

CAPUT XIV.

Celebrare nemo præſumat, niſi in calice aureo, vel argenteo, & niſi Canonicas Horas ſaltem uſque ad pri- mam exclusive perlegerit; calicum au- tem ſtanneorum uſum, ob tanti Sacra- menti reverentiam oparemus aboli- tum; ſed quia plurimum Eccleſiarum paupertas, nec non pericula direptio- num hoc adhuc ferre non videntur: hortamur omnes, ut paulatim alios, quorum cuppa ſaltem ſit argentea, ſub- ſtituant, & interea, qui diſtis ſtan- neis utuntur, ut ſingulis menſibus eos quam diligentiffime mudent.

CAPUT XV.

Preces autem, quas Canonicas vocamus, secundum ritum & usum Romanum, jussu PII V. Pontificis S. receptum, de cætero persolvantur, eo quoque suppresso, quem dicti Pontificis abrogavit auctoritas. Qua in re si qui negligentes comperiantur, nostro, vel Officialis arbitrio castigentur.

CAPUT XVI.

In solemnibus Missæ Sacrificiis præfatio, Dominicaque Oratio a Celebrante, Gloria in excelsis, & Symbolum Apostolorum a Clero integre decantentur, nec organis supprimantur, nec aliis cæremoniis, quam in Missali Romano præscriptis, utantur.

CAPUT XVII.

Quia in quibusdam Ecclesiis contingit, vel tam magnum Missarum celebrandarum numerum ex variis defunctorum relictis impositum esse, ut illis pro singulis diebus a testatoribus præscriptis nequeat satisfieri: vel eleemosynam hujusmodi pro illis celebrandis adeo tenuem esse, ut non facile inveniantur, qui velit se huic oneri subicere: unde depereunt piæ testantium voluntates, & datur occasio onerandi conscientias eorum, ad quos prædicta spectant; Monemus omnes & singulos, in quorum Ecclesiis hujusmodi foundationes sunt, ut earum declarationem Nobis exhibeant, ut auctoritate, quam Nobis Sacrosancta Synodus Sess. XXV. Cap. IV. tribuit, circa præmissa statuamus, quidquid magis ad Dei honorem & cultum, atque Ecclesiarum utilitatem expedire videbitur. Neque ante nostrum Decretum quemquam beneficio reductionis gaudere posse declaramus.

TITULUS IV.

De observatione Fæstorum & Jejuniarum.

CAPUT I.

Prohibemus, ne aurigæ, nautæ & similes Dominicis & Fæstis diebus merecium sarcinas navibus, aut curribus imponant, vel vecturam incipiant: & ne cum ad locum destinatum pervene-

rint, iisdem diebus onera deponant. Item prohibemus agrorum culturam, messem, molitorum, coctorumque cerevisiæ, lanionum & pistorum operas (nisi ob notabilem necessitatem) cujus cognitio ad Ordinarium, vel Decanum Christianitatis, aut, eo absente, ad Pastorem loci spectabit.

CAPUT II.

Prohibemus etiam, ne die Dominico aut Fæsto vendantur carnes in macello, vel etiam in domibus privatis, nisi superveniente necessitate, & obtentâ venia in scriptis, ut supra.

CAPUT III.

Item vetamus subhastationes, vel auctiones publicas fieri diebus Dominicis & Fæstis; & nundinas annuas ac forum rerum venalium hebdomadarium, cum in idem Fæstum incidet, in alium diem transferri volumus.

CAPUT IV.

Cum duo sint Ecclesiæ præcepta præcipua, omniumque vetustissima, & incredibilis plane momenti ad promovendam salutem animarum, quæ in Ecclesia primitiva & media a nostris Majoribus ad hæresim usque Lutheri, & aliquot annis post, diligentissime fuerunt observata: unum de Sanctificatione dierum Dominicorum & Fæstorum, alterum de observatione Jejunii Quadragesimalis, & aliorum jejuniarum ab Ecclesia indictorum: eorumque diligens observatio sit efficacissimum remedium ad bene observanda Dei mandata, & utrumque hodie perniciosissime, frequentissimeque violetur, atque adeo (proh dolor) diebus Dominicis & Fæstis, & Jejuniarum ab Ecclesia indictorum, ad nostram Sanctificationem institutis, Deus præcipue offendatur; diebus quidem Dominicis & Fæstis per ebrietatem, comestiones, & alia plurima peccata gravissima, quæ ex his fontibus oriuntur: diebus autem jejuniarum violatione jejunii ab Ecclesia indicti; Nos nolentes in hac Dicecesi diutius tolerari tantas, tamque frequentes Dei offensiones, tantumque abusum, & ea tolerando communicare peccatis alienis, qui, quantum possumus, debemus salutem animarum Nobis commissa-

missarum consulere; imprimis præcipimus omnibus Pastoribus, Concionatoribus, & Confessariis nostræ Diœcesis, ut frequenter & acriter hortentur populum & Clerum ad diligentem illorum Sanctissimorum, maximique momenti præceptorum observationem, eos etiam admonentes, fore, ut contra illos procedatur, qui ea violarint: idque præcipue faciant in quinque præcipuis Solemnitatibus anni, quo tempore Clerus & populus solent esse animo melius præparato ad amplectenda salutaria consilia.

CAPUT V.

Et præcipimus omnibus curæ nostræ commissis, ut deinceps dies Dominicos & Festos diligenter sanctificent, & tota Quadragesima, præter dies Dominicos, aliisque diebus jejuniorum indictorum ab Ecclesia jejurent, illis exceptis, qui propter ætatem, morbum, vel aliam causam legitimam a jejunando excusantur, qui tamen ita sumant, quod postulat eorum necessitas, ut alios non scandalizent, & ut paulo minus sumant, quam facerent, si jejuniū non esset, hortamur. Qui dies Dominicos & Festos non sanctificaverint, quin imo opere prohibito violaverint, vel jejuniū ab Ecclesia indictum non observaverint, pro modo delicti poena Ecclesiastica puniantur.

CAPUT VI.

Contra Ecclesiæ Constitutionem omnino graviter peccant, qui celebratis in Quadragesima, vel die jejunii ab Ecclesia indicto exequiis, præter convivium prandii etiam cœnam parant, Dominum Deum, quem defuncto propitiū in Ecclesia reddere conati sunt, offendendo, & proximum scandalizando, de quo intolerabili abusu Pastores Parochianos suos frequenter, & serio moneant, & Promotor contra hujusmodi delinquentes procedere non omittat.

CAPUT VII.

Prohibemus, ne quis Dominicis & Festis diebus tempore Summi Sacri, Concionis, aut Vesperarum ludat, vel ambulet in foro, vel alio loco publico, vel prope Ecclesias, vel in taberna ali-

qua, vel popina, aliove loco potitet, qui contra fecerint, puniantur, & similiter tabernarii & caupones, qui hoc in ædibus suis passi fuerint.

CAPUT VIII.

Et cum frequentissima sit ebrietas, idque præcipue diebus Festis & Dominicis, & per ebrietatem plurima gravissima peccata committantur, ut rixæ, pugnæ, & multa etiam homicidia; summo opere hortamur, & rogamus omnes in Domino Christi-fideles, curæ nostræ commissos, ut per (*) ebrietatem, quæ (ut non semel monet B. Paulus) excludit a Regno celorum, & proinde peccatum mortale est, & plurimorum, aliorumve causa & scaturigo, studiose caveant quovis tempore.

CAPUT IX.

Et cum intelligamus, in quibusdam Parochiis, præsertim diebus Dominicis & Festis, puellas & viduas, vel etiam conjugatas, sine suis maritis deduci ad tabernas, vel popinas, vel publica diversoria, & illic cum juvenibus, aut viris potitare magno cum pudicitie suæ periculo; præcipimus Pastoribus, & Concionatoribus illorum locorum, ut acriter hortentur parochianos suos, & parochianas, ne deinceps tale quid faciant, aut fieri permittant: ostendentes, quam sit turpe & periculosum pudicitie puellarum, & mulierum, & tristissimos eventus inde provenire. Adhortantes omnes & singulos, ne tale quid fiat, itemque ne tabernarii, vel caupones illud domi suæ fieri patiantur.

CAPUT X.

Interdicimus etiam, ne confraternitates sclopetariorum, vel arcubalistarum diebus Festis aut Dominicis suæ certamina, vel recreationes exercent ante absolutam Missam parochialem.

CAPUT XI.

Quoniam Fectorum multitudine populum plus æquo gravari animadvertimus, justis de causis eam duximus coarctandam, nec alios dies solemnes per Pastores populo denuntiandos, quam hos: Circumcisionis Domini, Epiphaniæ, Purificationis B. Mariæ, Mat-

(*) Ita quidem habetur in editione Synodorum Tornacensium Insulensi, anni 1726. Legendum tamen arbitror: ab ebrietate.

Matthiæ Apostoli, Annuntiationis B. MARIE, Paschæ cum duobus sequentibus diebus, Apostolorum Philippi & Jacobi, Ascensionis Domini, Pentecostes cum duobus sequentibus diebus, Sanctissimæ Trinitatis, Venerabilis Sacramenti, Nativitatis B. Joannis Baptistæ, Ss. Apostolorum Petri & Pauli, B. Magdalenzæ, S. Jacobi Apostoli, S. Laurentii, Assumptionis B. MARIE, S. Bartholomæi Apostoli, Nativitatis B. MARIE, Exaltationis S. Crucis, B. Matthæi Apostoli, S. Michaelis Archangeli, Apostolorum Simonis & Judæ, Omnium Sanctorum, S. Martini, S. Catharinæ, S. Andreæ Apostoli, S. Nicolai, Conceptionis B. MARIE, S. Thomæ Apostoli, Nativitatis Domini, S. Stephani, S. Joannis Evangelistæ, & Ss. Innocentium, omnesque dies Dominicales, Translationis S. Eleutherii 25. Augusti, & S. Pii 1. Octobris, & Dedicationis Ecclesiæ Cathedralis in Civitate Tornacensi 9. Maji, & Patroni cujusque Ecclesiæ in sua parochia.

CAPUT XII.

Festis autem sequentibus Marci scilicet, quo fit a carnibus abstinencia cum processione, Barnabæ Apostoli, Lucæ Evangelistæ, Commemorationis fidelium Defunctorum, & Parasceves, absoluta Missa parochiali ad suæ vocationis operas redire cuilibet liberum fit.

CAPUT XIII.

Et si forte contingat, Festos dies Purificationis, Conceptionis, & Annuntiationis B. MARIE Virginis ab Ecclesia transferri, eo die servantur a populo, quo celebrantur ab Ecclesia, cum benedictione cereorum ipso die Purificationis, reliqui vero eo die, in quem cadunt.

CAPUT XIV.

Festa etiam Ss. Episcoporum Tornacensium, Medardi videlicet die 8. Junii, & Eligii 1. Decembris duplici officio, Sanctorum vero Mommoleni 16. Octobris, & Acharii 27. Novembris simplici Festo per totam Diocesim celebrabuntur.

CAPUT XV.

Cum ex multorum gravium & fide dignissimorum virorum relatu & querimoniis intellexerimus, quod ex ludis theatralibus, qui diversis in locis hujus Diocesis exhibentur, alii sint hujusmodi, vel sic agantur, ut in eis doceantur quædam, quæ hæresim sapiant: vel res Sanctas, quasque Sancta Religio Catholica merito veneratur, in contemptum adducant: alii vero lasciviam doceant, vel aliquin bonos & Christianos mores corrumpant; ne deinceps ulli ludi theatrales exhibeantur, nisi visitati & approbati per Nos, vel aliquos ad hoc a Nobis specialiter deputandos, & nisi actiones omnes sint extra suspensionem hæresis, & de eo Nobis, vel a Nobis deputandis sufficienter constet.

CAPUT XVI.

Dies observandi Jejunii sunt Quadragesima tota, Quatuor tempora, Vigilia Pentecostes, Vigilia Nativitatis S. Joannis Baptistæ, Ss. Apostolorum Petri & Pauli, S. Laurentii, Assumptionis B. MARIE Virginis, Matthæi Apostoli & Evangelistæ, Ss. Apostolorum Simonis & Judæ, Omnium Sanctorum, S. Andreæ Apostoli, Nativitatis Domini: Quæ si diebus Dominicis, vel Lunæ evenerint, Sabbatis præcedentibus jejunentur. Diebus vero S. Marci, & Rogationum, quibus fit a carnibus abstinencia cum processionibus confuetis, usque ad prandium jejunetur. Si vero Festum S. Marci incidat infra Octavam Paschæ, transferatur ipsum Festum cum jejuniis & processione in primum diem post *Quasimodo* non impeditum, si vero in aliam Dominicam incidat post *Quasimodo*, Festum ipsa Dominica celebretur, abstinencia vero cum processione in feriam secundam transferatur.

CAPUT XVII.

In hærendo ordinationibus Prædecessorum nostrorum, monemus Pastores omnes, ut juxta consuetudinem generalem hujus Diocesis, iis diebus, quibus a carnibus abstinendum est, etiam a pinguedine, & jure carnis abstinendum esse, sedulo doceant.

TITULUS V.

De Sacramentis in genere.

CAPUT I.

Diligenter hic observentur, quæ *Synodus Cameracensis secunda* ordinavit.

CAPUT II.

Quamdiu in illis Parochialibus Ecclesiis, quæ magnam partem populi extra mœnia, seu portas oppidorum habent, Sacellanus constitutus non erit, qui nocturno tempore ejus loci incolis Sacramenta administret; occurrente noctu necessitate, recurratur ad Pastorem viciniorem, quem etiam requiratur Pastor oppidanus: ut occurrente tali necessitate, Parochianis suis paratus esse velit ad Sacramenta administranda.

CAPUT III.

Sacramenta administraturi sint in veste decenti, neque unquam Baptismum, Eucharistiam, aut extremam Unctionem ulli administrent, vel aliquos Matrimonio jungant, nisi induti superpelliceo, vel faroto & stola.

CAPUT IV.

Ut Ecclesiarum Rectoribus non desint necessarij adjutores, decernimus, ut omnes possidentes Capellani- am aliquam fundatam in Ecclesia Parochiali, cujus fundatio non invenitur, si tam sit opima, ut ex ejus fructibus Sacellanus honeste sustentari possit, personaliter resideant, vel alius aliquis eorum nomine & expensis, qui Pastorem in Divinis Officiis, Sacramentorum administratione, & Catechisatione juventutis adjuvet: si vero fructus Capellaniæ tam tenues sint, ut ex illis quis ali non possit, permittimus, ut per Pastorem, vel alium quemvis, eo loco non residentem Missæ exonerentur, de quarum exoneratione fidem facient, cum pro gratia non residentis supplicabunt. Si tamen ex fundatione non appareat, quibus diebus Missæ sint celebrandæ, & per alium, quam per Pastorem loci, valde tenuiter dotatum celebrentur; volumus, eas diebus Dominicis & Festis mane celebrari, pro famulis & famulabus, cæterisque,

qui Missæ Parochiali interesse non possunt. Hactenus dicta intelligi volumus eo casu, quo unica Sacellania est fundata in Ecclesia Parochiali. At si in ea fundatæ sint plures, poterunt Sacellani omnes contributione facta illic constituere unum Sacellatum, qui Pastorem adjuvet.

CAPUT V.

Quando Sacrorum Oleorum vascula evacuanda erunt, ut eis novum oleum imponatur, alia honesta vascula sint parata, in quibus pro ea, quæ occurrere posset, populi necessitate, vetera tantisper conserventur, donec nova olea allata sint: quibus allatis, vetera in Ecclesiæ lampadibus comburantur. Curent autem Pastores omnes a suis Decanis olea nova accipere feria quarta paschali, ad quem finem omnes unius districtus convenient in Ecclesia parochiæ, ubi Decanus residet, ut Sacra Olea ab eo cum reverentia accipiant: & ante celebretur Sacrum, cui omnes in habitu honesto cum stola sub poena 30. stufferorum intersint. Infusio autem oleorum in fontem benedictum differatur, donec nova olea accepta fuerint, & tantisper pro necessitate superveniente in vase honesto aqua veteris fontis conservetur, qua pastor uti possit, donec nova olea acceperit.

TITULUS VI.

De Sacramenta Baptismi.

CAPUT I.

Hic diligenter observentur, quæ in *II. Synodo Cameracensi* statuta sunt.

CAPUT II.

Ut Baptismus, qua debet, reverentia administretur, caveant diligenter pastores, ne ad proles suscipiendas admittant eos, qui ebrii, vel semiebrii sunt.

CAPUT III.

Cum autem Susceptores & Susceptrices sint tanquam parentes spirituales eorum; quos suscipiunt, ac fidei eorum sponsores: & curare debeant, ut cum per ætatem poterunt, addiscant & teneant prima elementa Christianæ Religionis.

ligionis, Christianeque vivant, ut etiam pulchre monet Catechismus Romanus *Tit. de Sacram. Baptismi*; ad hoc munus non admittantur, nisi adulti & adultæ, qui probe norint Christianæ Religionis rudimenta, & sint Sacro Chrismate confirmati, ut de Susceptoribus confirmandorum statuitur *Tit. 7. II. Synod. Provinc. Camerac.* Si qui pastores alios deinceps admiserint, puniantur.

CAPUT IV.

Dehinc ut incommoda, quæ ex suscipientium multitudine provenire solent, vitentur, duo tantum, vir scilicet unus, & mulier una (Catholici tamen) ad suscipiendum de Sacro Fonte parvulum admittantur, nominaque paganorum nulla ratione parvulis indantur, imo ne veteris testamenti: non quod per se improbandum sit; sed quia id hæreticis peculiare est, etiam ab eis abstinendum edicimus.

TITULUS VII.

De Sacramento Confirmationis.

CAPUT I.

Cum summa sit utilitas Sacramenti Confirmationis, Pastores & Concionatores eam interdum populo declarent, & præsertim sub tempus visitationis Episcopalis vehementer adhortentur adultos nondum confirmatos; ut prima quaque opportunitate Sacramentum hoc suscipiant: & patres & matres familias, ut curent suos liberos: & Curatores & Tutores fidei suæ commissos, prima quaque occasione confirmari. Ad quod ut facilius inducantur, admoneant, nullos posse deinceps admitti in patrilos & matrilas, vel tonsura Clericali insigniri, vel ad professionem vitæ regularis, seu religiosæ admitti, nisi in Fide Christiana per Sacramentum Confirmationis roboratos & roboratas, ut partim *II. Synodo Provinc. Tit. 7. Cap. 1. & Tit. 20. Cap. ult.*, partim hac Synodo decretum est.

TITULUS VIII.

De Sacramento Pœnitentiæ.

CAPUT I.

Quamvis non sit confitendi necessitas iis, qui non sunt contaminati

Tomus VIII. Concilior. German.

peccato aliquo mortali, vel de quo dubitent, sine mortale; tamen quia etiam venialia peccata, quando negliguntur, multum diminuunt charitatis fervorem; serio monemus & hortamur pastores, & alios Sacerdotes omnes, qui frequentius celebrant, ut saltem octavo quoque die peccatorum suorum confessionem facere non omittant: & ut bonum, probumque Confessarium sibi deligant, cum bonus Confessarius magno sit auxilio ad obtinendam veram contritionem, & seriam vitæ emendationem.

CAPUT II.

Cum autem multi veniant ad Confessionem Sacramentalem nimium imparati, nempe non contriti, & etiam non præmissis debito examine conscientiarum; Confessarii ne tales facile absolvant, sed in aliud tempus rejiciant, ut alio die redeant melius præparati: ne si aliter fecerint, communicent illorum peccatis, & eos, quos absolvunt, decipiant, pacem dantes, accipientibus non profuturam, & dantibus periculosam, ut dicit *Cyprian. Serm. 5. de Lapsis.*

CAPUT III.

Et quia tales magno numero solent venire Vigilia Paschæ & Nativitatis sub Vesperam, ne talium multitudine nimium graventur pastores, & ad officium posttridie bene faciendum minus apti reddantur; optamus, ne diebus illis serius confessionem audiant, quam in horam septimam, vel octavam vespertinam. Confessarii autem, cum Judicis officium præstent, nonnisi sedentes confessiones excipiant.

CAPUT IV.

Pro meliori observatione ejus, quod ordinatum est hoc *Tit. Cap. 9. in I. Synodo Camerac.*, insistentes antiquis Decretis nostrorum prædecessorum, mandamus omnibus pastoribus, quatenus registrum conficiant omnium; quorum tempore Quadragesimæ confessiones excipiunt, & eos, qui aliis, ad confessiones audiendas admissis, confessi fuerint, serio moneant, ut allato testimonio Confessarii, cui confessi sunt, se in dicto registro describi curent, nec alios, quam hic descriptos, ad Sacra-

menta, aut Matrimonium, aut Sepulturam admittant.

CAPUT V.

Ministri, ancillæ, studiosi, & similes, qui aliquo in loco morantur, non animo ibi residendi, sed ad propria redeundi, debent confiteri & communicare in illo loco, ubi morantur. Quod si voluerint in loco originis, vel alio, præcepto Ecclesiæ de confitendo & communicando tempore paschali satisfacere, petant licentiam a pastore loci, ubi morantur, eique referant testimonium illius pastoris, ubi præceptum adimpleverint.

CAPUT VI.

Sacerdotibus etiam indifferenter, cuicumque velint, confiteri liberum non sit, sed illis tantum, qui per Nos, vel nostros Deputatos ad audiendas pœnitentium confessiones fuerint admissi, demptis tamen pastoribus, quos Sacramenta administrare sæpius compellit necessitas, quibus, cum non facile Confessoris per Nos approbati copiam habere possint, alium quemvis idoneum, qui eos absolvat, deligere sibi permitimus.

CAPUT VII.

Cæterum, ne quis solita casuum reservatione a salutari confessionis remedio retrahatur, vel quia Sacerdotem, qui eum absolvat, in promptu non habet, vel quod propter sumptus ad Nos, vel Delegatos nostros proficisci differat, huic rei consulere volentes, potestatem absolvendi a casibus Nobis reservatis omnibus parochis, usque ad nostram revocationem committimus, exceptis tamen hæreticis, qui a Nobis absolvendi veniant: homicidis, quos ad pœnitentiarium: excommunicatis, suspensis, ac nostra auctoritate interdictis, vel quibus sollemnis pœnitentia foret imponenda, quos ad Officiale nostrum remittimus.

CAPUT VIII.

Casus autem Nobis reservati, a quibus pastoribus damus licentiam absolvendi, sunt hi: Apostasia, sortilegium factum cum Eucharistia, aut Chrismate, perjurium solemne, viola-

tio voti solennis, injectio violenta manuum deliberato proposito cum læsione in parentes: veneficium, procuratio sterilitatis, vel abortus, sacrilegium excedens 40. solidos, usura notoria, incendium voluntate deliberata procuratum, adulterium notorium, incestus cum Sanctimonialibus, & consanguineis intra tertium gradum: Sodomia, raptus virginum, falsum testimonium in judicio datum, crimen falsi, Simonia realis, & prædictis graviora in eodem genere peccati: Apostolicæ tamen Sedis suis semper salvis.

CAPUT IX.

Prædecessorum nostrorum Decretis inhiærendo ordinamus, ne Sacerdotes mulierum, cum quibus prævalente tentatione carnaliter vixerunt, vel quas ad peccatum forte induxerunt, confessiones audiant, sed ad honestos Confessores transmittant: & qui contravenire præsumpserint, pœnis contra spirituales incestum decretis, vel his gravioribus plectentur.

TITULUS IX.

De Sacramento Eucharistiæ.

CAPUT I.

Diligenter observentur, quæ hoc Tit. habentur in *Concilio II. Cameracensi.*

CAPUT II.

Cum ad infirmos deferretur Eucharistia, moneantur vicini ejus, ad quem deferretur, ut accensis tedis, si quas habent, Venerabile Sacramentum comitentur: ut autem magis incitentur fideles ad comitandum hoc Venerabile Sacramentum, dum ad infirmos deferretur, de potestate Nobis concessa elargimur 40. dies Indulgentiarum singulis, qui illud comitantur.

CAPUT III.

In die Nativitatis Christi, palmarum, & paschatis, illis in parochiis, ubi major est populi frequentia, quo majori cum devotione ac reverentia, ac sine pressura ad Sacram Communionem veniatur; volumus, ut saltem unus Sacerdos constituatur, qui continue a mane usque ad meridiem petentibus Eucharisti-

charitiam administret, etiam extra Mis-
sarum solemniam.

CAPUT IV.

Dum primum adolescentes, vel
puellæ ad hujus Augustissimi Sacramen-
ti susceptionem admittendi sunt, curent
pastores, & Confessarii, ut antequam
eos admittant ad Communionem, sint
mediocriter instructi de hujus Sa-
cramenti Mysterio, sciantque Religio-
nis Christianæ rudimenta, nimirum
Symbolum Apostolorum, Orationem
Dominicam, Salutationem Angelicam,
decem præcepta Dei, & quinque præ-
cepta Ecclesiæ.

CAPUT V.

Pastores hortentur fideles ad fre-
quentem Confessionem & Communio-
nem, & ut saltem quinque præcipuis
anni Festivitatibus communicent, vi-
delicet paschatis, pentecostes, Assump-
tionis B. Mariæ Virginis, Omnium
Sanctorum, & Nativitatis Christi. Sa-
cerdotes autem, ut minimum singulis
diebus Dominicis, & Festis solemnio-
ribus celebrent, Diaconi vero & Sub-
diaconi frequenter communicent.

CAPUT VI.

Sacræ Hostiæ, quæ pro infirmo-
rum Viatico preparatæ sunt, fidei cu-
stodia conserventur, & per Parochos
mensibus singulis renoventur.

TITULUS X.

De Sacramento Ordinis.

CAPUT I.

Diligenter serventur, quæ in II.
Concilio Cameracensi hic ordinata
sunt.

CAPUT II.

Ad primitiarum Solemnia infra 40.
dies a susceptis Ordinibus presbyteros
teneri palam sit & manifestum, a
quibus comessationes, crapula & luxus
procul exulent.

TITULUS XI.

De Sacramento Matrimonii.

CAPUT I.

Sponsalia contracturi jurent in mani-
bus pastoris, se plane existima-

re, non subesse aliquod impedimentum,
quo minus Matrimonio jungi possint:
quod si pastor audierit, inter eos ali-
quam esse cognationem, vel affinita-
tem, sed dicatur, eam esse remotio-
rem, quam ut conjungi non possint; di-
ligenter inquirat, sitne illa cognatio,
vel affinitas intra gradus prohibitos: &
si de hoc aliquo modo dubitet, eo quod
non satis cognitam habeat rationem
computandorum graduum cognatio-
nis, vel affinitatis, consulat suum De-
canum: Decanus, si & ipse dubitet, D.
Officalem. Idemque faciant pastores,
si dicatur subesse aliud aliquod impedi-
mentum, de quo dubitent, sit verum
impedimentum, nec ne. Sed qui
non obstante qualicunque oppositione
(etiam si levissima conjectura contra Ma-
trimonium fuerit) antequam hujus-
modi oppositio vel conjectura in Curia
nostra diluta extiterit, ulterius pro-
cedat, excommunicationis pœnæ sub-
jacebit.

CAPUT II.

Moneant pastores eos, qui Spon-
saliis junguntur, ut antequam Sacra-
mentum Matrimonii suscipiant, confi-
teantur peccata sua, præmissis diligen-
ti examine conscientiæ, ut ea repur-
gata, uberiorem gratiam accipiant ad
bene & Christiane vivendum in con-
jugio.

CAPUT III.

Sed & Sponsalia de futuro, quas
affidationes vocant, non aliter fiant,
quam in loco Sacro, & in manibus pa-
rochi, vel alterius Sacerdotis ex no-
stra, vel parochi licentia, duobus præ-
sentibus. Et si quis contraveniat, &
clandestine in privatis ædibus, vel ta-
bernis contrahat, tam contrahentes,
quam Sacerdos, cæterique præsentis,
& consentientes, nostri Officialis arbi-
trio graviter plectantur.

CAPUT IV.

Quod si contrahentes diversarum
Parochiarum, ejusdem tamen Decana-
tus existant, alterius Parochus eos af-
fidare poterit, modo alterius Parocho
super bannis utrobique præclamandis
rescribat. Si vero diversorum Deca-
natuum fuerint, nonnisi receptis pri-
us sui Decani literis ad affidationem
pro-

procedat, & si alienæ Diœcesis persona cum alia nostræ Diœcesis contrahere velit, absque nostra, aut Sigilliferi nostri licentia, easdem affidare Parochus non attentet.

CAPUT V.

Parochus autem sub arbitraria pœna neminem ante Matrimonio conjungere auit, quam tribus proclamationibus, tribus diebus festivis a nostra Synodo per Diœcesim nostram observari præceptis, die semper intermedio, infra Missarum solemnia factis, & editis, atque die post tertiam publicationem interposita, nisi causâ cognita aliter fuerit dispensatum.

CAPUT VI.

Favore tamen prolis superstitis, nulla proclamatione facta, in duorum testium præsentia concubinam cum viro, non sine periculo mortis ægotante, Parochus Matrimonio conjungere poterit: ea etiam cautela, ut si postea convaluerit, proclamationes rite fiant.

CAPUT VII.

Et quod attinet ad bannorum proclamationes, eas fieri volumus tam in parochia, ubi personæ annos nubiles, vel viduitatis transegerint, quam in loco, ubi contraxerint Sponsalia, ut fraudibus omnibus & imposturis obvietur.

CAPUT VIII.

Nomina Matrimonio junctorum, nec non testium præsentium, dies & locus contracti Matrimonii, in registro ad id specialiter ordinato per parochos describantur.

CAPUT IX.

Interim ut Matrimonii vim indissolubilem quisvis intelligat, rite semel conjuncti propria auctoritate separari non possunt. Quare si subditorum nostrorum quispiam absque Ecclesiæ judicio seorsum habitare attentet, excommunicetur.

CAPUT X.

Pari modo non solum is, qui in gradu prohibito contrahere volentes, conjunget, sed & parochus, qui horum rite junctorum separationem ad

Nos confestim non deferet, imo qui fidei datæ privatas remissiones super Matrimonio contrahendo aliquo modo recipiet, excommunicetur.

CAPUT XI.

Nullus præterea subditorum Matrimonium contrahere, vel Matrimoniorum solemnisationes facere, nuptiarum convivia celebrare, tripudia admittere: nec Sacerdos ullus Matrimonio aliquos conjungere, vel prædictis solemnisationibus consentire tempore prohibito, a prima scilicet Dominica Adventus in Epiphaniam, & a die Cinerum in octavas paschæ inclusive, sub pœna Canonica præsumat.

CAPUT XII.

Denique (ne) Sponsus ante solemnisationes Matrimonii & Benedictionem Sacerdotalem, a parocho in Templo solemniter susceptam, cum Sponsa carnaliter conversetur, aut invicem cohabitent, sub eadem excommunicationis pœna vetamus.

CAPUT XIII.

Quas solemnisationes omnes intra dies 40. a die contractæ affidavitionis executioni demandandas censemus, alioquin tam contra defectuosos, quam contra Parochos, qui statim hos defectus ad Nos non detulerint, rigoroſe procedatur.

TITULUS XII.

De Sacramento Extremæ Unctionis.

CAPUT I.

Hortentur pastores infirmos, ut ad susceptionem hujus Sacramenti non expectent tempus extremum, sed tempestive illud suscipiant, vigente adhuc usu rationis, quo majorem ex eo fructum percipiant. Et ut Christi fideles licentius Sacerdoti se jungant, qui Extremam Unctionem ægotis defert, & cum eo pro salute ægri deprecantur, omnibus, qui hoc charitatis officium præstiterint, singulis vicibus 40. dierum Indulgentias in Domino largimur.

CAPUT II.

Cum hoc Sacramentum infirmos tantum concernat, furiosis & mente captis

capitis (qui tamen sanæ mentis nunquam fuere, nec ad Confessionis & Eucharistiæ Sacramenta admissi sunt) gladio feriendis, suspendendis, vel aqua submergendis, & similibus, cum non reputentur infirmi, non debet administrari.

CAPUT III.

Nullus ægrotus in eadem infirmitate sæpius ængatur. Si tamen post Unctionem, semel in periculo mortis factam, infirmitas ita se remittat, ut censeatur infirmus periculum mortis evasisse, & postea contingat, ut in idem periculum mortis incidat, iterum poterit inungi, quia secundum D. Thomam, est alius infirmitatis status.

TITULUS XIII.

De Sepulturis.

CAPUT I.

Corpora fidelium defunctorum ex domibus mortuariis per plateas ad locum sepulturæ non deferantur sine Sacerdote, & Custode ad minimum assistentibus.

CAPUT II.

Taxa Exequiarum, quæ in oppidis constituta est, observetur, in pagis autem ea, quæ a Domino Rmo VEDULLIO piæ mem. prædecessore nostro constituta fuit, & est talis: pro pauperibus non amplius pastores, quam 15. stuferos exigant, pro mediocribus 30: pro divitibus 3. florenos: pro opulentis autem & nobilibus 6. florenos. Custodes autem dimidium obtineant, Sacellani vero pro infimo gradu duos stuferos: pro reliquis vero proportionabiliter. Et ad evitandas in supradicta personarum qualitate omnes difficultates, declaramus censeri pauperes, qui nihil, aut domunculam possident: mediocres, qui domum, & ultra eam tria aut quatuor jugera: in hoc gradu comprehendimus fabros lignarios, ferrarios, molitores, & similes: divites, qui domum, equorum juga, octo, duodecim, aut quindecim terræ jugera possident, vel sunt notabiles coloni: opulentos, sive nobiles, qui fructus ex propriis agris distrahunt, & qui plura, quam quæ supra dicta sunt, pos-

sident, quique in redditibus annuis 200. florenos, & supra percipiunt.

CAPUT III.

Et quia intelleximus, in diversis pagis Ecclesias parochiales mirum in modum gravari sumptibus campanarum, visum fuit expediens ordinare, prout ordinamus, ut deinceps juxta qualitatem personarum etiam pulsantur campanæ, observatis quatuor gradibus jam nominatis: hoc adjecto, ut. pro qualitate mortui pro inferiori 15. grossi, pro secundo 30., pro tertio 60., & pro quarto gradu Ecclesiæ pro pulsui campanarum solvantur sex libellæ parisienses, remanente nihilominus in suo robore, consuetudine, si quæ sit, ut amplius Ecclesiæ pro hujusmodi onere a defunctis solvatur.

CAPUT IV.

Inhibemus etiam, ne deinceps redditus Ecclesiæ pro novis campanis absque nostro Decreto onerentur, declarantes, irritum & inane, quidquid in contrarium cum præjudicio Ecclesiæ attentatum fuerit.

TITULUS XIV.

De Oblationibus.

CAPUT I.

Serventur, quæ de his in I. & II. *Cameracensibus Synodis* ordinata sunt.

CAPUT II.

Quoad gazophylazia, sive truncos, ut vocant, oblationum, clavus una sit penes pastorem, alia penes ædituos, ut administratio eorum fiat communi manu, & non per solos laicos.

TITULUS XV.

De recta bonorum Ecclesiasticorum administratione.

CAPUT I.

Quo citius revocari possint alienationes bonorum Ecclesiasticorum, antehac indebite factæ, Decani Christianitatis & Episcopus ipse in suis visitationibus de illis etiam diligenter inquirat.

CAPUT II.

Ut saluberrimum Decretum *Synodi II. Provinc. Cap. 7.* hujus Tit. primo quoque tempore executioni mandetur, conficiant pastores & Sacellani, qui necdum fecerunt, & suo Decano Christianitatis tradant intra 4. menses a die hujus Synodi, inventarium omnium bonorum, pertinentium ad suum beneficium, sub pœna 20. florenorum: & Decani idem inventarium intra quintum mensem tradant Nobis, aut Vicario nostro Generali, ut cum aliis in registro describantur.

CAPUT III.

Ne computus fabricarum, piorumque locorum, qui quotannis reddi debent, omittantur, vel in longum tempus differantur, Pastores Nobis denuntient, si Ecclesiarum æditui redditionem rationum distulerint ultra duos menses, ab eo die, quo reddi consueverunt, idem fiat de bonis pauperum.

CAPUT IV.

Curent Pastores & Decani Christianitatis, ne æditui Ecclesiarum bibendo & comessando cum venditoribus candelarum cerearum, aliarumque rerum Divino cultui necessariarum, & cum conductoribus bonorum Ecclesiæ ad onus ejus sumptus faciant, neque in auditione computuum ullorum sumptuum ratio habeatur, nisi fuerint valde moderati, & facti ex justa causa: & hac de re ædituos serio admoneant pastores & Decani Christianitatis.

CAPUT V.

Ut autem piæ testatorum voluntates plene executioni mandentur, diligenter observentur, quæ hac de re in *II. Camerac. Synodo hoc Tit. Cap. 16.* ordinata sunt.

CAPUT VI.

Parochi quoque nostri legatorum ad pias causas factorum diligentem curam habeant, sic ut ante finem anni piis testatorum voluntatibus hac in re fiat satis.

CAPUT VII.

Verum ne hæc nostra Constitutio illusoria permaneat, si forsitan & præ-

dicti provisorios, & piorum legatorum executores ante revolutum annum munus sibi injunctum non compleverint, Parochi suis respective Decanis rescribant, de quo Nobis suo tempore rationem reddere teneantur; alioquin, tanquam nostri Statuti transgressores, pœna arbitraria corrigantur.

CAPUT VIII.

Et cum de legatis ad pias causas factis de jure cognoscere debeamus, multosque hoc tempore turbulento Ecclesiæ Dei minus favere intelligamus; ne hac ratione morientium bona defraudetur intentio, Parochi ad tam pium opus morituros adhortentur, & post mortem diligenter inquirant, si defunctus testamentum condiderit, piave legata reliquerit: quo casu hæc omnia Officiali nostro quotannis ante Festum Nativitatis Christi per dictos Parochos intimentur.

CAPUT IX.

Receptores piarum foundationum advigilent, antequam, quæ fundatores ordinaverunt solvenda, persolvant, an completa fuerint tam in Missis, quam in elemosynis, quæ defuncti ordinarunt, quod si in illis defectus deprehendant, ad Nos, aut Vicarium nostrum Generalem, seu Officiale deferant.

TITULUS XVI.

De Clericis in genere.

CAPUT I.

AD declarationem *I. Cap. Synodi Provinc.* adjicimus, ne Clerici Sacris initiati, & maxime Sacerdotes decimas conducant, Pastoribus tamen permittentes, ut ipsi per se suam quotam, & Patroni colligere possint.

CAPUT II.

Iisdem inhibemus, ne tabellionum munus exerceant in negotiis profanis extra casus a Canonibus permisos, neque se se occupent procurandis negotiis profanis hominum laicorum, sive nobilium, sive aliorum; cum Clerici non debeant se negotiis sæcularibus immiscere, sed intendere lectioni, orationi & meditationi rerum Divinarum & Sanctis precibus.

CAPUT III.

Clerici omnes in acquisitionibus & resignationibus beneficiorum magnam sinceritatem adhibeant; ne cum magno animæ suæ detrimento per Simoniam labem, vel aliquid Simoniam vicinam, beneficium, vel aliud quid acquirant.

CAPUT IV.

Lapsus carnis, notamque libidinis maxime scandalosam esse in iis, qui Sacris initiati sunt, cum certo certius sit, eoque magis, quod incestum spirituale, sacrilegiumque committant; idcirco omnibus Nobis subditis in virtute sanctæ obedientiæ mandamus, ne in domibus suis concubinas, aut alias mulieres suspectas ætate, aut moribus, retineant, alioquin contra delinquentes per irrogationem pœnæ a Concilio Trident. statutz sine ulla dissimulatione procedemus.

CAPUT V.

Horum vero concubinæ, si semel monitæ, ab eorum conversatione non abstineant, præter excommunicationis sententiam, quam incurrunt, nostro territorio, brachio sæculari (si opus sit) invocato, expellantur.

CAPUT VI.

Decanos, Promotoresque nostros, ut sedulo circa hæc advigilent, admonemus: alioquin, qui sic delinquentes Curia nostrâ non detulerint, tantamquam consentientes, vel saltem negligentes, arbitraria pœna punientur.

CAPUT VII.

Quod supra de concubinariis statutum fuit, ad Clericos ebriosos, & crapulæ deditos extendimus: & Officiali nostro injungimus, ut contra eosdem penes, a Sacrosancto Concilio Trident. contra concubinarios constitutis, successive præcedat. Et meminerint omnes, juxta antiquos Canones (quos II. Synod. Prov. innovavit) nullo prætextu Clericis licere, tabernas potitandi gratia ingredi, nisi peregre proficiscantur.

CAPUT VIII.

Cum Clerici, qui ad lectionem Canoniarum Horarum tenentur, earum lectionem sæpius omittingendo gra-

Tomus VIII. Concilior. German.

vissime peccent, & pro rata temporis fructus suos non faciant, ideoque ad eorum restitutionem teneantur, sine qua non dimittitur peccatum: & tamen sint, qui cum summo animæ suæ periculo earum lectionem frequenter omitant in totum, vel ex parte; decernimus, ut Clerici beneficium Ecclesiasticum habentes, si sint suspecti, quod Horas Canonicas non legant, vel eorum lectionem frequenter omitant, citentur, ut fidem faciant; se legisse, vel saltem jurejurando se se expurgent: alioquin cogantur pro rata temporis restituere fructus perceptos secundum Constitutionem PII V.

CAPUT IX.

Clerici, præsertim Sacris initiati, & maxime Sacerdotes, diligenter observent, quæ pulcherrime, utilissimeque de vita & honestate Clericorum constituta sunt in I. Synodo Provinciali Tit. de vita & honest. Clericorum, & quæ habet eadem Synodus Tit. de Cæremoniis & Officio Divino, quæ magna ex parte eo spectant.

CAPUT X.

Decet Clericos vestium gravitate & honestate ab aliis semper distingui, quocirca Decretum Sacri Concil. Trident. Sess. XIV. Cap. 6. hic de verbo ad verbum inseruimus, & diligenter observari volumus: Et est tale:

” Quia vero, etsi habitus non facit Monachum, oportet tamen Clericos vestes proprio congruentes ordini semper deferre, ut per decentiam habitus extrinseci morum honestatem intrinsecam ostendant: tanta autem hodie aliquorum inolevit temeritas, Religionisque contemptus, ut propriam dignitatem & honorem Clericalem parvipendentes, vestes etiam deferant publice laicales, pedes in diversis ponentes, unum in Divinis, alterum in carnalibus; propterea omnes Ecclesiasticæ personæ, quantumcunque exemptæ, quæ aut in Sacris fuerint, aut dignitates, personatus, officia, aut beneficia qualcunque Ecclesiastica obtinuerint, si postquam ab Episcopo suo etiam per edictum publicum moniti fuerint, honestum habitum Clericalem, illo-

Q q q

rum

"rum ordini & dignitati congruentem,
 "& juxta ipsius Episcopi ordinationem
 "& mandatum non detulerint, per
 "suspensionem ab ordinibus, ac officio,
 "& beneficio, ac fructibus, redditibus,
 "& proventibus piorum beneficio-
 "rum, nec non si semel correpti de-
 "nuo in hoc deliquerint, etiam per pri-
 "vationem officiorum & beneficiorum
 "hujusmodi coercere possint & debe-
 "ant secundum *Constitutionem CLEMEN-*
 "*TIS V. in Concilio Viennensi editam, quæ*
 "incipit: *Quoniam innovando & ampli-*
 "andò.

CAPUT XI.

Juxta dictam *Constitutionem* ordina-
 mus, ut vestes ejus sine longitudinis,
 ut ad talos usque diffundantur, quan-
 quam interior poterit esse ad tibiæ me-
 dium. Itineris vero causa licet sint bre-
 viiores, omnino tamen sint infra ge-
 nuæ.

CAPUT XII.

Quoniam Ecclesiastica beneficia
 magis instituta sunt, ut Ecclesiis de
 idoneis Ministris, quam ut Ministris
 de beneficiis provideatur; vehementer
 Ecclesiasticum Ordinem pervertunt,
 Divino honori plurimum detrahunt,
 intercessoribus Ecclesiam minuunt, &
 maximo scandalo vivis & defunctis fa-
 ciunt injuriam, sibi que turpissimam
 avaritiæ inurunt notam, quorumque me-
 diocri bonorum Ecclesiasticorum por-
 tione non contenti, officia vel benefi-
 cia, pluribus personis destinata, soli
 occupant.

CAPUT XIII.

Quod malum ut ex hac Dicecesi au-
 feratur, imprimis persuasum esse omni-
 bus cupimus, hoc, quod multitudine
 beneficiorum Ecclesiasticorum conse-
 qui laborant, per eam obtineri non
 posse: cupiditas enim habendi hac ra-
 tione non satiatur, & impletur illa pro-
 phetæ vox: *Respexistis ad amplius, & ecce*
factum est minus.

CAPUT XIV.

Cæterum, ut infirmas quorun-
 dam voluntates Ecclesiæ autoritate
 confirmemus, ordinamus (juxta *Sacri*
Concil. Trident. Constitutionem) ne deinceps
 aliquis, habens beneficium, quod ei

ad honestam sustentationem sufficiat,
 ad aliud beneficium, etiam si simplex
 sit, promoveatur, vel instituitur; nisi
 jurejurando promiserit, se beneficium,
 quod habet (antequam fructum ex
 posteriori beneficio recipere possit)
 resignaturum esse, & sine legitima
 ac necessaria dispensatione a Nobis visa
 (prout a *Concilio Trid. Sess. 7. Cap. 5.* con-
 stitutum fuit) nemo conscribatur.

CAPUT XV.

Quando ob proventuum tenuita-
 tem unum alicui beneficium sufficere
 non potest ad honeste vivendum, lice-
 bit aliud simplex eidem conferri; dum-
 modo utrumque personalem residenti-
 am non requirat, vel alterum alterius
 ministerium aut officium non impediat,
 nec sub eodem tecto fuerint.

CAPUT XVI.

Non tamen in his quidquam agen-
 dum est sine legitima declaratione ejus,
 cui incumbit, de hujusmodi judicare:
 manifestum enim est, si proprio uni-
 uscuque judicio standum sit, quod
 frugali cujusque sustentationi satis est;
 hoc parum videri cupiditati, & sub præ-
 textu honestæ sustentationis, vel pru-
 dentia, regi negotium timiditatis aut
 cupiditatis. Et cum idem Sacrum *Con-*
cil. Trid. Cap. 12. Sess. 24. Ordinem Eccle-
 siasticum perverti confirmet, quando
 unus plurium Clericorum officia occu-
 pat, quisque sine legitima auctoritate
 aliter faceret, magnæ improbitatis, at-
 que adeo impietatis notam contrahe-
 ret, aliisque liberius peccandi causam
 daret.

TITULUS XVII.

De Episcopis.

CAPUT I.

Quæ de Episcopis Oecumenica *Syno-*
dus Trid. pro Ecclesiæ collapsæ re-
 formatione salubriter statuit & or-
 dinavit, similiter quæ hoc *Tit. in Synod.*
Camerac. decreta sunt, hic repetenda &
 renovanda non duximus.

TITULUS XVIII.

De Capitulis & Canonicis.

CAPUT I.

QUæ hic per *Concil. Cameracense* ordinata sunt, diligenter observentur.

CAPUT II.

Quia autem in beneficiorum provisione seu collatione, nisi diligens cautio adhibeatur, Simoniaca labe contrahi facile solet in maximum animarum periculum, & Divini Cultus detrimentum, ideo adhibendum est studium, ut omnia rite ex Sacrorum Canonum præscripto, & Summorum Pontificum Constitutionibus fiant, expeditanturque. Cum igitur de aliquo simplici, etiam de Jure Patronatus Ecclesiastico beneficio quomodolibet facienda erit provisio, vel præsentatio, collatio aut nominatio admittenda: ordinamus patronis (inhærendo *Sacro Concil. Trident. Sess. 24. Cap. 14.*) ne quisquam, quicumque ille sit, ab eo, qui præsentationem concedit, vel ab alio, ejus nomine quidquam accipiat. Pro literis autem & sigillis, ac registratione, cæterisque eodem spectantibus, qui id oneris habent, & instrumenta examinare, registra conficere & conservare debent, ratione illius sumptus, & pro qualitate laboris, quem subeunt, stipendium moderatum pro consuetudine accipere possint, sed quod in communibus & mediocribus negotiis non excedat summam 20. vel 30. stuferorum, nunquam vero ne in maximis quidem accipere possint ultra coronarum. Quod si ab aliquo præsentationem petente plus exigatur, ad Nos recursum habeat, nec prius amplius solvat.

CAPUT III.

Quæ de residentia Canonicorum & aliorum Beneficiorum in *Concil. Trident.* salubriter statuta fuerunt *Sess. 24. Cap. 12.*, ad executionem deducantur.

TITULUS XIX.

De Pastoribus, Decanis & Custodibus.

CAPUT I.

SI qui Pastores nondum habent Sacra Biblia, primo quoque tempore

Tomus VIII. Concilior. German.

illa sibi comparent, neque enim Sacerdos, & præsertim pastor, illo cœlesti thesauro carere potest. Habeant & Catechismus Romanum, & Summam doctrinæ Christianæ *Petri Camisii*, & ejusdem parvum Catechismus, vel Catechismus Ecclesiæ *Parmensis*, ad institutionem & examen puerorum & adolescentum.

CAPUT II.

Juramentum, quod quisque Parochus post institutionem vel collationem sibi factam præstare tenebitur, in manibus nostris, vel Vicarii nostri Generalis, vel a Nobis deputandi, formula hac observetur:

" Ego N. accepturus institutio-
" nem & possessionem Parochialis Ec-
" clesiæ N., juro & promitto obedien-
" tiam, reverentiam & honorem Sedi
" Apostolicæ Romanæ, ac Episcopo
" Tornacensi; & ejus Successoribus,
" Juro & promitto fideliter dictæ Ec-
" clesiæ deservire secundum oneris illi
" annexi exigentiam: non alienabo,
" aut distraham, vel in Emphytheusim
" concedam Ecclesiæ meæ bona, & quæ
" alienata aut distracta cognovero,
" quantum in me erit, fideliter recu-
" perare studebo: fructus anni, in quo
" me mori, aut meam Ecclesiam dimit-
" tere contingeret, subjicio & obligo ad
" laudabilem deservitutam usque ad
" festum Nativitatis S. Joannis, mor-
" tem meam, aut dimissionem proxi-
" me secuturum. Sic me Deus adju-
" vet, & omnes Sancti ejus.

CAPUT III.

Interim dictos Parochos studiose monemus, ne magis temporalium bonorum aucupium, quam salutis animarum sibi commissarum studium amplecti videantur, ut de fide suorum, si omnes articulos Fidei, Dominicam & Angelicam orationes, Dei & Ecclesiæ mandata probe teneant, sedulo inquirent. In quibus si aliquos ignorantes repererint, vel eos instruant, vel instrui saltem curent.

CAPUT IV.

Moneant Pastores populum diligenter, ut frequenter ad suas Parochias, saltem diebus Dominicis & majoribus

Festis accedant, & unumquemque teneri Parochiæ suæ interesse, ubi id commode fieri potest, ad audiendum Verbum Dei juxta *Concil. Trid. Sess. 22. de observandis & evitandis in Sacrif. Missæ, & Sess. 24. Cap. 4.*

CAPUT V.

Observent quoque diligenter, qui ad suas Parochias habitationis causa, aut alias commigrent, & ab iis literas testimoniales ultimi ipsorum Pastoris super vita & moribus illorum requirant, quas si exhibere aut negligant, aut contemnunt, Curia nostræ infnuent, ut eas exhibere compellantur.

CAPUT VI.

Cæterum, ut Prædicatoribus peregrinis & ignotis, ac quibusvis mendicantibus, qui singulis annis ad prædicandum per Nos admitti solent, omnis divagandi tollatur occasio; non liceat cuicumque etiam quomodolibet exempto, in Ecclesiis Nobis subditis Verbum Dei annuntiare, nisi per literas de consensu nostro Parochis ipsis fidem faciant: & si id non præstiterint, per Parochos rejiciantur.

CAPUT VII.

Quæstores autem ad prædicationis officium per Parochos non admittantur: quia tamen Indulgentiarum usus fidelibus est maxime salutaris, & Sacrorum Conciliorum autoritate probatus, in nostra Dicecesi cum *Concilii Trid. moderatione* per Ecclesiarum Rectores retineatur, sed nullæ indulgentiæ, nisi visis literis nostris, publicentur.

CAPUT VIII.

Presbyteri autem extranei, per quos (proh dolor) diversa hæcenus in Ecclesia Dei orta sunt scandala, ad Missæ Sacrificium peragendum, aut ullius Sacramenti administrationem subeundam, nisi literas nostras Decanis primo præsentandas obtinuerint, sub pœna duarum librarum grossorum per Parochos solvendarum non admittantur.

CAPUT IX.

Transfuentes vero per viam Sacerdotes celebrare perentes, servata super hoc Sacri *Concil. Trid.* Sanctione per Parochos nostros admitti possunt.

CAPUT X.

Ad satisfaciendum Decreto *S. Concilii Trid. Sess. 24. Cap. 18.* pro examine Pastorum nominamus infrascriptos: Dnum ac Magistrum Laurentium Malcot, *S. Theol. Licent.*, Ecclesiæ nostræ Cathedralis Decanum, Vicarium, nostrum Generalem: *D. Magistrum Michaelem Navreum, J. U. Licent.*, *Archid. Torn.*: *D. ac Magistrum Joannem Lescaillet, S. Theol. Licent.*, *Archidiac. Flandriæ*: *D. ac Magistrum Petrum Courouble, J. U. Licentiatum*: *D. ac Magistrum Dionysium de Villers, Decretorum Doctorem & Ecclesiæ nostræ Tornac. Cancellarium*: *D. ac Magistrum Nicolaum Joes, J. U. Licent.*, *Officialem nostrum*: *D. ac Mag. Petrum Coretum, S. Theol. Licentiatum*, & *D. ac Mag. Joannem Boucher, S. Theol. Doctorem*, respectivè *Canonicos Ecclesiæ nostræ Tornac.*

CAPUT XI.

Quemadmodum Examinatores ab Episcopo nominati & deputati, tenentur sub juramento quacunque humana affectione postposita, fideliter munus suum exercere, ita in beneficiis Juris Patronatus Ecclesiastici, ubi institutio ad Nos pertinet, Patronus, quem digniorem inter probatos ab Examinatoribus judicabit, Nobis præsentare teneatur, ut instituat.

CAPUT XII.

Quoad Custodes diligenter observentur, quæ *Cap. 8. II. Synodi Camerac.* super eo ordinata sunt.

CAPUT XIII.

Et cum ad bene promovendum honorem Dei in aliqua Parochia, urque cultus Divinus bene & reverenter peragatur, & juvenus bene instituat, necessarium sit, ut inter Pastorem & Custodem Ecclesiæ bene conveniat, statuimus, ut deinceps illius, ad quos pertinet electio Custodum, eam faciant de Pastoris consilio.

CAPUT XIV.

Cum de jure communi nemo debeat admitti ad officium Custodis, qui bigamus sit, nulli deinceps admittantur tales: quod si bigami fuerint admissi, aut electi a tempore postremi *Concilii Proviuc. Camer. anno 1586.* publicati, eorum

rum admissionem & electionem nullam & irritam declaramus, Custodem etiam institui tabernam, hospitiumque tenentem, aut officium aliquod laicale vel mechanicum exercentem ab eis, qui jus institutionis habent, inhibemus, sed is demum instituatur, qui Clericus sit, & acta habitum Clericalem gerat.

CAPUT XV.

Et cum Custodibus, præsertim in pagis Scholarum regimen committi solet, nullus instituatur, qui sufficientis non sit ætatis, & ad minimum annorum octodecim, quo Fidei articulos, & Dominicam orationem, septem Psalmos, & hujusmodi docere valeat.

CAPUT XVI.

Sed & eundem debite institutum, hujusmodi officium exercere non volumus, priusquam in nostris, vel Vicariorum, aut saltem Decanorum nostrorum manibus ad illud fideliter exercendum, & de sua administratione Officiali nostro respondendum, quoties opus fuerit, juramentum præstiterit.

CAPUT XVII.

Cæterum, quia totius Ecclesiæ ornamenta ejus fidei & custodiæ committuntur, & se totum quodammodo in Parochianorum gratiam negotiis Ecclesiæ mancipare debet, rationis est, ut & condignis salariis muneretur. Quare Ecclesiarum, Aeditui, cæterique Parochiani de honesto stipendio eidem quotannis provideant.

CAPUT XVIII.

Hortamur eos, ad quos spectat electio Custodis, ut eligant (etiam aucto stipendio Custodis) Sacerdotes, ubi fieri potest: qua ratione fiet, ut habeatur commoditas habendi Sacrum diebus Dominicis & Festis pro ancillis & famulis, eruntque ii magis idonei ad instituendam juventutem.

CAPUT XIX.

Quæ de officio Decanorum Christianitatis *Cap. 12. hujus Tit. & sequentibus*, salubriter ordinata sunt in *Conc. Camera-*

CAPUT XX.

Capitula Pastorum celebrentur bis quotannis in omnibus Decanatibus hujus Diocesis, primum quidem paulo ante Quinquagesimam, alterum vero paulo post Festum S. Remigii.

CAPUT XXI.

In his autem convocationibus ante omnia palam & intelligibili voce per unum ex Parochis, quem Decanus nominaverit, nostra Statuta, Synodalesque Constitutiones legantur: & si quos abusus contra has commissos,prehenderit Decanus, suos Parochos, recepto a singulis juramento, dictos abusus scripto fideliter tradere compellet, quos postmodum cum sufficienti instructione ad Curiam nostram corrigendos referat.

CAPUT XXII.

Ad Decanorum etiam officium pertinet, omnium beneficiorum sui Decanatus bona & onera cognoscere, & si hujusmodi beneficia debitis non defraudentur obsequiis, perquirere; ne videlicet bona hujusmodi per alienationes, locationes, similesque contractus, aut Rectorum negligentiam depereant.

CAPUT XXIII.

Decani domos & ædificia ad Ecclesiam pertinentia diligenter visitent, & per arrestum etiam bonorum reparari procurent, alioquin ob admissam negligentiam, nisi tempestive ad officarios nostros in hujusmodi reparationibus defectuosos detulerint, ædificia per Decanos eorum expensis reparantur.

TITULUS XX.

De Regularibus.

CAPUT I.

Quod in *II. Cap. Synodi Prov.* Prælati concessum legitur, ut suis subditis Confessarios deputare possint, ad Abbatissas, & alias Sanctimonialium præfectas trahendum non esse, declaramus.

CAPUT II.

Omnes Religiosi & Religiosæ votum paupertatis, tanquam ineffabilis

& dulcissimæ quietis causam custodiant, neque proprietatis vitio violent. Caveant igitur, ne quid pecuniæ, si-
ve labore, si-ve industria, si-ve amico-
rum liberalitate, seu quavis alia occa-
sione acquisita fuerit, penes se detine-
ant; sed statim Superiori tradant, ita
ut ad nutum ejus tanquam res commu-
nis expendatur. Sciant autem Superi-
ores juxta *Decretum S. Conc. Trid. Sess. 25, Cap. 2. de Regularibus*, sibi non licere, alicui
Religioso, aut Religiosæ, peculium
permittere, & administrationem bono-
rum Monasteriorum ad solos officiari-
os ad nutum ipsorum amovibiles per-
tinere. Vestes, libros, & similia, scien-
te & consentiente Superiore, retinere
poterunt, non tanquam sua, sed tan-
quam res communis, ac proinde iis
non utantur ad res peculiares, sine Su-
perioris consensu & eorum usus ita per-
mittatur, ut statui paupertatis, quam
professi sunt, conveniat, nihilque su-
perflui in iis sit.

CAPUT III.

Prohibemus Abbatibus, ne pati-
antur alicui portionem vini anticipari,
aut eam, quæ in Refectorio propinari so-
let, pecunia redimi, vel extra Refecto-
rium bibendam servari.

CAPUT IV.

Cum plurimum momenti positum
sit in recta institutione & reformatio-
ne Novitiorum, præcipimus, ut Su-
periores Monasteriorum magnum de-
lectum agant in præficiendo bono Ma-
gistro Novitiorum, eumque præficient,
qui sit pius, gravis & maturus, qui-
que exemplo & verbo eos bene insti-
tutus videatur in mortificatione, sui-
que abnegatione, humilitate & chari-
tate Dei & proximi, quod etiam obser-
vent in suo genere Præfectæ Sancti-
monialium.

CAPUT V.

Et quia homines discoli, vani, &
non timentes Deum, suis sermonibus
& colloquiis multum nocent Religio-
sis, mandamus Abbatibus & Prioribus,
ne sine delectu patiantur quoslibet in-
vivere Religiosos: multo magis idem
servent Præfectæ Religiosarum, in re-
liquis servantur, quæ in *I. & II. Camerac. Synodo* de his ordinata sunt.

TITULUS XXI.

De Scholis.

CAPUT I.

Sufficiunt, quæ de his in *Concil. Came-
rac. II.* ordinata sunt.

TITULUS XXII.

De Foro, Jurisdictione & Immunitate Ecclesiastica.

CAPUT I.

AD Ecclesiasticam libertatem in to-
tum vindicandam, spectat pro-
videre, ne in Ecclesiis, Cæmeteriis,
aut locis sacris merces venales exponan-
tur, & ne Domini temporales suis
Edictis subditos iisdem locis congre-
gent.

CAPUT II.

Nefas etiam est, confugientes ad
ædem Sacram, tanquam asylum, a Ju-
dice laico violenter extrahi.

CAPUT III.

Quod si quadam animi impotentia
hujus gratiæ beneficio indignos se red-
diderint; Officialis noster de causa
prius certior fiat, quam a quoquam
avellantur.

CAPUT IV.

Personas quoque Ecclesiasticas apud
alium, quam Judicem suum Ecclesia-
sticum, pro quacunque causa & Edicto
conveniri non posse, explorati juris est:
Quo fit, ut sub pœnis & censuris legi-
timis omnibus inhibeamus, ne Clericos
nostros alibi, quam coram Nobis con-
veniant, neque se conveniri permit-
tant: Judicesque sæculares monemus,
ne in hoc ulla ratione consentiant; alio-
quin, tanquam libertatis Ecclesiasticæ
effractores, sciant se excommunicatio-
nis sententiam incursum.

CAPUT V.

Cæterum cum bona, præsertim
mobilia, personam sequantur, eodem-
que jure ac privilegio merito gaude-
ant; præfatos Judices (nisi nostra au-
thoritate) Ecclesiæ, vel Nobis subdi-
torum bona, quemadmodum nec per-
sonas ipsas capere, arrestare, detine-
re, vel detineri facere non posse, certi
juris est.

CAPUT VI.

Quod si aliquos nostræ Dicecesis Clericos, vel etiam extraneos in flagranti delicto apprehensos detineri contigerit, per Parochum Decano insinuetur, ut cum de captivi Clericatu sufficiens constiterit, eundem pro meritis puniendum, ad Curiam nostram remitti, Judicem ipsum nostra auctoritate requirat.

CAPUT VII.

Verum, ne quis hoc privilegio abutatur, & *Synodus Tridentina* recte statuit, ne deinceps quis eo gaudeat, nisi beneficiatus is fuerit, aut in Scholis, aut alias de Ordinarii licentia; quasi in via ad majores Ordines suscipiendos versetur, vel saltem Ecclesiæ ministerio deputatus, habitu & tonsura utatur Clericali.

CAPUT VIII.

Quæ *Cap. 16. hujus Tit. in II. Synodo Camerac.* ordinata sunt, exacte observentur.

CAPUT IX.

Ut juris est, illegitimos, absque dispensatione, ad Sacros Ordines pertingere non posse, sic Sacris initiati, de bonis suis, præsertim mobilibus, sine speciali nostra licentia in scriptis obtenta, testamento disponere non possunt.

CAPUT X.

Legitimos vero Clericos, in Sacris Ordinibus constitutos, de bonis suis testari posse, eorumque testamenta valere, si modo in Notarii, aut alterius personæ publicæ, duorumque testium præsentia confecta reperiantur, hac nostra Constitutione declaramus: quamvis ea quoque testamenta, quæ propria testatoris signatura legitime notantur, ultimæ voluntatis favore non improbemus.

CAPUT XI.

Nullæ tamen horum voluntates ultimæ vim & robur testamenti obtineant, nisi quæ per patentes Officialis nostri literas approbatæ sint & roboratæ.

CAPUT XII.

Nec Executorum testamentariorum fidei, vel aliorum per Officalem

nostrum eorum loco surrogandorum, testatoris bona prius committantur, quam ipsi in Decani præsentia de prædictis bonis inventarium fecerint, atque de debita eorum administratione secundum testatoris voluntatem, & infra annum a die obitus de rationibus reddendis, vocatis pro suo interesse vocandis requisitum juramentum præstiterint.

CAPUT XIII.

Quæ sane corroboratio, si non intervenierit, bona defuncti, tanquam si intestatus decesserit ab ipso Decano, sub pœnis juris, & 30. librarum Paris. in inventarium redigantur & arrestentur, donec Officialis noster, vel Decanum, vel alios hujusmodi ad voluntatem ultimam executioni demandandam nominaverit: qui debite suæ administrationis in fine anni rationem reddere teneantur.

CAPUT XIV.

Præterea si quis Sacerdotum Nobis subditorum testamentum non condiderit, vel alias de suis bonis non disposuerit; secundum antiquam nostræ Dicecesis consuetudinem, ære alieno deducto, omnia mobilia tanquam ab intestato Nobis competant.

CAPUT XV.

Quod si parentes, vel quosvis propinquos in suum convictum receperint, inventario facto, bona per ipsos illata in præsentia testium describantur; ne forte cum Ecclesiasticis bonis eorum bona commisceantur, & pars alterutra rerum suarum jacturam faciat; alioquin omnia bona, in domo mortuaria reperta, defuncti esse non immerito præsumuntur.

CAPUT XVI.

Prudenter Sacrosanctum Concilium *Trid. Sess. 24. Cap. 4.* statuit, sobrie & magna circumspeditione exercendum esse excommunicationis gladium, nervum alioquin disciplinæ Ecclesiasticæ, & ad continendos in officio populos valde salutarem: cum experientia doceat, si temere, aut levibus ex rebus incutiat, magis contemni, quam formidari, & perniciem potius parere quam

quam salutem. Quocirca, quia multorum querimoniis didicimus, multos ex subditis nostris facile, & infcio Officiali nostro, Promotore, vel Procuratoribus reportantibus suis literis, & petentibus in contumaciam non comparentium ulteriores, excommunicationis vinculo astringi, & postea contra eos ulterius non procedi, non sine magno periculo tam eorum, qui excommunicatione feriuntur, quam qui cum eis conversantur, indeque nasci censurarum contemptum, præsertim cum fere excommunicationes ferantur in contumaces, quia vocati in iudicium non veniunt: Re mature deliberata, ordinamus, ut *ejusdem Sacri Concilii forma servata*, quodcumque executio realis, vel personalis in qualibet parte iudicii propria auctoritate fieri poterit, abstinetur, tam in procedendo, quam in definiendo a censuris Ecclesiasticis. Quodsi executio realis, vel personalis adversus reos hac ratione fieri non potuerit, & de contumacia constiterit; tunc prævis monitionibus, hætenus fieri consuetis, earum executione reportata, Officialis noster in scriptis, & pro tribunali sedens, pro arbitrio suo præter alias penas sententiam excommunicationis ferat: quæ sententia sic lata, non tantum per affixionem copiarum ad valvas Ecclesiæ, sed & a Pastoribus octo diebus post, secundum formam & tenorem literarum publicabitur.

CAPUT XVII.

Cupientes autem salutem animarum, Nobis commissarum, more pii Patris, & boni Pastoris providere, omnes & singulos utriusque sexus personas nostræ Diocesis, sententiis interdicti & excommunicationis quoquo modo, nostra, vel Curie nostræ auctoritate innodatas, hortamur, ut se Nobis, vel Officiali nostro, infra quadrimestre a die publicationis Synodi, pro absolutione præsentent, de gratia speciali indulgentes, ut sine præiudicio illorum, quorum interest, sine punitione, & ulterioribus expensis pro hac vice absolutionem obtineant. Mandamus autem omnibus & singulis Pastoribus nostræ Diocesis, ut huiusmodi gratiam in Ecclesiis Parochialibus, & aliis, ubi

opus fuerit, quamprimum, & repetitis vicibus, publice notificent.

CAPUT XVIII.

Et quia post sententiam suspensionis a Divinis, debite licet executam, suspensi non curant a Sigillifero obtinere absolutionem: sed duntaxat se ex registro deleri; declaramus, eos posthac non absolutos, nisi debitam a Sigillifero absolutionem obtineant.

CAPUT XIX.

Quoniam ob malitosam petentium suggestionem, & quandoque ob locorum longinquitatem noticia personarum, quibus causæ auctoritate Apostolica mandantur, haberi non potest: hincque interdum iudicibus non undequaque idoneis, causæ in partibus delegantur, statuit *S. Trid. Synodus Sess. 25. Cap. 10.*, aliquot personas aptas & idoneas nominari, quibus causæ Ecclesiæ, & ad forum Ecclesiasticum pertinentes in partibus delegandæ committantur, in quem finem nominamus Venerabilem Virum ac Dominum Magistrum Laurentium Malcot, *S. Theol. Licentiatum*, Ecclesiæ nostræ Cathedralis Decanum, Vicar. nostrum Generalem: *D. Michaelem Navenum, J. U. Licent.*, Canonicum & Archidiaconum Tornacensem: *D. Carolum Ladsenre, J. U. Licent.*, Canonicum & Thesaurarium Tornac.: *D. Petrum Courouble, J. U. Licent.*, Canonic. Torn.: *D. Nicolaum Joes, J. U. Licent.*, Canonic. & Officialem Tornac.: *RR. DD. Jacobum de Marquis*, Abbatem S. Martini: & *Simonem Chevalier*, Abbatem S. Nicolai in Civitate Tornacensi.

TITULUS XXIII.

De Usuris.

CAPUT I.

Quoniam non obstante excommunicatione contra manifestos usurarios lata, illi a populo non vitantur, atque adeo non tantum a plebeis, verum etiam a ditioribus & honoratioribus ad convivia invitantur, & ad familiaritatem admittuntur, tanquam nulla labe aspersi, non sine magna Dei offensione, & censurarum Ecclesiasticarum

rum contemptu; Præcipimus omnibus Pastoribus, & illis præsertim, in quorum Parochiis hujusmodi homines tolerantur, ut privatim & publice Dominicis diebus ante 4. præcipuas anni festivitates, nempe Paschæ, Nativitatis Domini, Pentecostes, & omnium Sanctorum, suos Parochianos moneant, ne extra necessitatis causam cum publicis usurariis (quos lombardos vocant) colloquantur, aut conversentur: eisque declarent, illos, qui aliter faciunt, Deum graviter offendere, & in excommunicationem minorem incidere, ideoque a Sacramentorum participatione arcendos esse.

CAPUT II.

Et cum intelligamus, dictos usurarios manifestos, & alios etiam excommunicatos, sese interdum ingerere Divinis Officiis, districte vetamus ipsis, & omnibus excommunicatis, ne deinceps Divinis Officiis intersint, antequam impetraverint absolutionem. Qui contra fecerint, graviter puniantur poena pecuniaria, arbitrio nostro, vel Officialis nostri taxanda.

TITULUS XXIV.

De Synodali Congregatione.

CAPUT I.

Cum Concilium Trident. Sess. 24. Cap. 2. & 3. insequendo Canones Apostolorum, & varia scripta œcumenica, quotannis Synodos Diocesanas celebrari mandaverit; DEO juvante, Synodum nostram quotannis celebrare decrevimus. Quo circa feria III. post Dominicam, qua in Ecclesia in initio Missæ *Misericordia Domini* cantari solet, quæ est II. post Pascha (quo die ex antiqua hujus Diœcesis consuetudine Synodi fieri consueverunt) singulis annis Synodum Diocesanam celebrandam esse ordinamus, indicimus, & publicamus. Et RR. ac Venerabiles Viros Dominos, Decanum, & Capitulum Ecclesiæ nostræ Cathedralis Tornacensis, Abbates, Abbatissas, Præpositos, Priores, Collegiarum Ecclesiarum Capita,

Decanos Christianitatis, Ecclesiarum Parochialium Rectores, atque in universum omnes & singulos, tam exemptos, quam non exemptos, qui ad Synodum Diocesanam Tornacensem de jure, consuetudine, aut ex Sacri Concilii Trident. dispositione venire tenentur, ex nunc, prout ex tunc requirimus & monemus: ut absque alia convocatione, aut monitione, personaliter pridie illius diei adsint, non obstantibus quibuscunque gratiis, hætenus concessis, quas revocamus.

CAPUT II.

Quod si aliqui legitimo impedimento detenti, comparere non valeant, Procuratorem id ipsum præstare permittimus, ut quidquid S. Synodus statuerit, suscipere possint, & de Canonico impedimento in eorum animam (si opus sit) jurent.

CAPUT III.

Præterea comparentes ad Synodum, ad honesta se recipiant hospitia, sumptus moderatos faciant; honeste incedant, nec eis absque nostris licentia & consensu recedere liberum sit.

CAPUT IV.

Decanis autem nostris injungimus, ut cum alba & stola, Parochis vero cum superpellicio jejuni & rasi Synodum intrent, usque ad finem permansuri atque audituri, quidquid in ea stabilietur & constituetur.

Lectæ & publicatæ fuerunt hæc Decreta de mandato Reverendissimi Domini in Ecclesia Cathedrali per me Adrianum Canis J. U. Licentiatum, Reverendissimi Domini præfati Secretarium & Notarium publicum. Anno Domini Millesimo sexcentesimo, Mensis Maji die decimo nono.

Scriptum erat

A. CANIS Secret.

Prædictæ Publicationi Ego Joannes de Male, Juratus Scriba Curie Tornacensis, & Notarius publicus similiter interfui.

Monasterienſem, Oſnaburgenſem, Paderbor-
nenſem, Leodiienſem, Luxemburgenſem, ca-
terasque inferioris Germaniæ ac Belgicarum, &
Duci Cliviænſi & Juliacenſi, ſubjectas Pro-
vincias, Ducatus, Civitates, & loca omnia,
cum poteſtate Legati de Latere, deſtinaverim-
us, qui mandatis, conſiliisque noſtris inſtru-
ctus, Sanctæ Romanæ Eccleſiæ, & noſtra, or-
thodoxæque Fidei negotia, ad totius Rei-
publicæ Chriſtianiæ ſalutem pro viribus exequare.
Sed ut harum quoque Provinciarum, ac per-
ſonarum, & locorum eorumdem ſaluti & ſta-
tui, opera tua conſulatur, hoc tuum munus
ſpecialibus facultatibus proſequendum cenſui-
mus, ut Tu illis ſuffultus juxta datam Tibi
a Domino ſapientiam, utaris mo-
derate & prudenter cum ad DEI gloriam,
populorum ſolamen & adſpectionem, ipſiusque
Sedis videris expedire, itaque ut
Tu perſonis Provinciarum, terrarum, & lo-
corum prædictorum opportune conſulere, Teque
. utilem & benignum exhibere poſ-
ſis, non Concilii Tridentini De-
cretis Fraternitati tue Legatione tua bujus-
modi durante, & intra illius fines, atque
erga ejus perſonas & loca ibi exiſtentia dum-
taxat, per Te ipſum, vel alium, ſeu alios viros
probos & idoneos Patriarchales, Primitiales,
Metropolitanas, & alias Cathedrales ac Col-
legiatas & Parochiales Eccleſias, nec non Mo-
naſteria tam virorum, quam mulierum, Pri-
oratus, Præpoſituras, Præpoſitus, & loca
ſæcularia, & quorumvis Ordinum & mendi-
cantium Regularia, nec non Hoſpitalia & ex-
empta, dictæque Sedis immediate ſubjecta, vel
quocunque alio privilegio ſuffulta, eorumque
Capitula, Conventus, Univerſitates, Collegia
& perſonas, tam ſæculares, quam Regulares,
etiam, ut præſertur, exemptas & ſubjectas,
quoties Tibi videbitur, auctoritate Apoſtolica
viſitandi, ac in illorum ſtatum, formam, re-
gulas, inſtituta, regimen, Statuta, conſue-
tudines, vitam, ritus, mores & diſciplinam
tam conjunctim, quam diviſim, ac tam in Ca-
pite, quam in membris diligenter inquirendi,
nec non Evangelicæ & Apoſtolicæ doctrinæ,
Sacrorumque Canonum & Generalium Conci-
liorum Decretis, ac Sanctorum Patrum tra-
ditionibus atque inſtitutis inherendo, & pro-
ut occaſio, verumque qualitas exegerit, qua-
cumque, mutatione, correptione, emendatione,
revocatione, renovatione, ac etiam ex integro
editione indigere cognoveris, reformandi, mu-
tandi, corrigendi, ac etiam de novo condendi,
condita Sacris Canonibus non repugnantia,

Tomus VIII. Concilior. German.

conſirmandi, abuſus quorumque tollendi, Re-
gulas, inſtitutiones, obſervationes, & Eccle-
ſiaſticam diſciplinam, ubicumque illa excide-
rint, modis congruis reſtituendi & reintegran-
di, præſati Concilii Tridentini Decreta, ubi
nondum introducta ſunt, proponendi & cuſto-
diri præcipiendi, ipſasque perſonas, tam ſæ-
culares, quam Regulares, & exemptas ad de-
bitum, honeſtumque vitæ modum revocandi,
& quicquid inde ſtatueris & ordinaveris, per-
petuo obſervari faciendi; contra inobedientes,
& etiam contra falſarios, uſurarios, raptores,
incendiarios, & alios criminoſos & delinquentes
quorumque, & exemptos, eorumque ſutores
& receptatores, cujuſcumque dignitatis, or-
dinis vel conditionis fuerint, per viam accu-
ſationis vel denunciationis, aut ex officio ſim-
pliciter, & de plano, ac ſine ſtrepitu & figura
judicii inquirendi, & procedendi; reosque,
prout Canonica requirunt Sanctiones, & alias
Tibi videbitur expedire, puniendi, nec non
horum criminum & matrimoniales, & quas-
cumque alias Eccleſiaſticas propbanas, non ta-
men Beneficiales cauſas, Civiles, Criminales,
& mixtas, ad forum Eccleſiaſticum quomodoli-
bet pertinentes; ſine præjudicio Ordinario-
rum, quoad cauſas bujusmodi in prima in-
ſtantia coram eis, juxta præſati Concilii Tri-
dentini Decretum, cognoscendas, tam per viam
ſimplicis querelæ, quam etiam quarumcum-
que appellationum, a quibuſcumque Judicibus
ordinariis, & etiam a Sede præſata delega-
tis, interpoſitarum; & dicta Legatione du-
rante, interponendarum, motas, & inchoa-
tas, ac interim movendas cum earum inci-
dentibus, dependentibus, emergentibus, an-
nexis & connexis, etiam ſummarie, ſimplici-
ter, & de plano, ac ſine ſtrepitu & figura ju-
dicii, ſola veritate inſpecta, ac terminis ſub-
ſtantialibus unico contextu vel etiam non ſer-
vatis, ſed illorum loco præfixo termino, ar-
bitrio tuo procedendi, audiendi, & ſine debito
terminandi. Et ad hunc caterorumque con-
tingentium effectum quorumque etiam per
Edictum publicum, conſtituo prius etiam ſum-
marie & extrajudicialiter de non tuto accuſu
citandi & monendi, eiſque, ac etiam quibuſvis
Judicibus, cæterisque perſonis, quibus & quo-
ties opus fuerit, etiam per ſimile Edictum,
ac etiam ſub cenſuris & penis Eccleſiaſticis,
nec non pecuniariis, Tuo, vel delegatorum tuor-
um arbitrio, moderandis & applicandis inhi-
bendi, ac contra inobedientes & rebelles quos
libet cenſuras & penas ipſas, etiam iteratis
vicibus, aggravandi, interdictum Eccleſiaſti-

R r r 2

sum

cum apponendi & relaxandi, auxiliumque brachii secularis invocandi, seu causas ipsas alii, vel aliis idoneis, modo & forma præmissis, ac cum desimili vel limitata potestate pariter audiendas, & terminandi, delegandi. Quas cumque personas adversus sententias, res judicatas, & contractus quoscumque, prout juris fuerit, in integrum restituendi, Juramenta quacumque ad effectum agendi dumtaxat quibuscumque relaxandi, quoscumque a quibusvis censuris & penis simpliciter vel ad cautelam, prout juris fuerit, absolvendi, præterea quoscumque ad Te recurrentes, qui homicidium etiam voluntarium, sacrilegium, Symoniam, & perjurii reatum, quomodocumque commiserint, aut in apostasiam incurrerint, si tamen apostatæ ad ovile redierint, qui bellis interfuerint, qui manus violentas in Clericos & Presbyteros, non tamen Episcopos injecerint, qui ad Ordines etiam Sacros per saltum, aut furtive, vel alias minus rite promoti fuerint, & qui ratione Beneficiorum Ecclesiasticorum, etiam Curatorum, per eos obtentorum, Horas non dixerint, & intra tempus a jure statutum, vel fundationem, aut alias requisitum, se ad Sacerdotium promoveri non fecerint, etiamsi post ipsum lapsum tempus Beneficia hujusmodi retinuerint, fructus tamen Ecclesiasticos indebite non perceperint, & præterea eos, qui adulterium, incestum, fornicationem, aut aliud quodcumque flagitium carnis perpetraverint, nec non usurarios, raptores, incendiarios, & aliorum quorumcumque criminum, ad forum Ecclesiasticum quomodolibet pertinentium, reos, si hoc a Te humiliter petiverint, ab Excommunicationis, aliisque sententiis, censuris & penis Ecclesiasticis & temporalibus, quas propterea quomodolibet incurrerint, injuncta inde pro culpæ modo penitentia salvari, & aliis, quæ de jure fuerint indulgenda, & voluntariis hujusmodi homicidiis, si Presbyteri, aut alias in Sacris Ordinibus constituti sint, ab Altaris ministerio & Sacrorum Ordinum suorum executione perpetuo suspensi, ita ut promoti in susceptis non ministrent, nec ad superiores Ordines hujusmodi ascendant, etiam in utroque foro absolventur, ac cum supradictis & prorsus cum quibusvis aliis Clericis & personis Ecclesiasticis secularibus & Regularibus, super quacumque irregularitate per eos, non tamen occasione homicidii voluntarii, hæresis, læsæ Majestatis, vel Bigamiae contracta, etiamsi ipsi, censuris hujusmodi ligati, Missas, & alia Divina Officia, non tamen in contemptum clavium, celebraverint, vel alias Divinis

se se immiscuerint, ita quod nondum promoti omnes etiam Sacros & Presbyteratus Ordines suscipere, & tam ipsi, quam alii in susceptis, etiam in Altaris ministerio ministrare, ac quacumque Beneficia Ecclesiastica cum cura, & sine cura recipere, & illa ac etiam ab eis alias Canonice obtenta, ex quibus tamen fructus indebite non perceperint, & dummodo plura simul non sint, quam quæ a dicto Concilio permittuntur, retinere, libere & licite valeant dispensandi, ac quibusvis in ætate legitima constitutis, & alias idoneis Sacerdotali militiæ adscribi volentibus, qui competentem Beneficiati, & archiat fuerint, ut ad omnes etiam Sacros & Presbyteratus Ordines a suo in unitate Fidei, & dictæ Sedis obedientia persisterint; Alioquin, a quocumque alio maluerint, Catholico Antistite gratiam & communionem dictæ Sedis habente, extra Romanam Curiam & in propria Diocesi residente, tribus Dominicis, vel aliis Festis diebus, etiam continuis, extra tempora a jure statuta, ac etiam quibusvis aliis, juxta Canonicas Sanctiones, qualificatis, earum Civitatum & Diocesis, in quibus similes Antistites non fuerint, ut pariter a quocumque alio voluerint Catholico Antistite Clericali characterem insigniri, & ad omnes etiam Sacros & Presbyteratus Ordines promotos promoveri, & in illis sic promoti etiam in Altaris ministerio ministrare possint, licentiam tribuendi, Et cum patientibus defectum natalium, si consideratis diligenter circumstantiis universis, quæ circa idoneitatem personarum, fuerint attendende, si paternæ non fuerint incontinentiæ imitatoris, sed bonæ conversationis & vitæ, & alias eis merita suffragentur, ad dispensationis gratiam obtinendam, ac cum corpore vitiatas, dummodo in his tanta non sit deformitas, quæ scandalum generet in populo, vel vitium tale non sit, quod in Sacris agendi præstet impedimentum, ut pariter ad omnes etiam Sacros & Presbyteratus Ordines promoveri, ac cum graduatis, quorum centum, cum aliis vero, quorum quinquaginta Ducatorum auri de Ca. Se. Com. extra valorem annum fructus, redditus & proventus Beneficia Ecclesiastica cum cura, & sine cura, etiam si Parochiales Ecclesie, vel eorum perpetuæ Vicariæ, aut Canonicatus & Præbendæ, dignitates, Personatus, administrationes vel officia in Cathedralibus & Metropolitanis, & dignitates ipsæ non tamen quoad defectum natalium patientes post Pontificales majores, vel Collegiatis Ecclesiis hujusmodi principales fuerint, si sibi alias

Canonicæ conferantur aut eligantur, præsententur vel assumantur ad illa, & instituantur in eis recipere, & dummodo plura simul non sint, retinere. Et super impedimento publicæ honestatis iustitiæ, ubi solum Sponsalia intercesserint, ut Matrimonium inter se contrahere, & in facie Ecclesiæ solemnizare, ac postquam contractum, in eo remanere, ac pariter cum illis, qui huiusmodi impedimento non obstante, illud alias tamen rite jam contraxerint, & carnali copula consummaverint, & prolem exinde susceperint, ipsos ab incestus reatu & excommunicationis sententia, aliisque censuris Ecclesiasticis absolvendo, ut Matrimonium de novo inter se contrahere, & ut perfertur, solemnizare, ac pariter in eo remanere, libere & licite valeant, dispensandi, prolemque exinde susceptam & suscipiendam legitimam decernendi, atque nunciandi, ad hæc quæcumque Beneficia Ecclesiastica cum cura, & sine cura, secularia, ac quorumvis Ordinum Regularia intra limites Tue Legationis consistentia, etiam si secularia Vicarie, aut Capellanie perpetuæ, vel Officia in Cathedralibus & Metropolitanis, vel Collegiatis Ecclesiis, aut Parochiales Ecclesiæ, vel earum perpetuæ Vicariæ, regularia vero Beneficia huiusmodi, Prioratus, Præposituræ, Præpositus, Dignitates, Personatus, administrationes vel officia, etiam claustralia fuerint, & ad Dignitates, Prioratus, Personatus, Præposituras, administrationes & officia huiusmodi consueverint, qui per Electionem assumi, eisque cura imminet animarum; dummodo secularia Canonicatus & Præbendæ, seu Dignitates aut Personatus in Metropolitanis, aut aliis Cathedralibus seu Collegiatis Ecclesiis, Regularia vero Beneficia huiusmodi Monasteria aut dignitates Conventuales non sint, ac nulla Beneficia præfata dispositioni Apostolicæ aliter, quam ratione vacationis illorum in mensibus, in quibus vacantium Beneficiorum Ecclesiasticorum dispositio Nobis, & Apostolicæ Sedi reservata existit, vel pro tempore erit reservata aut affecta existant, per obitum illorum possessorum, aut aliis quibuscvis modis, & ex quorumcumque personis, & extra Romanam Curiam, & intra limites Tue Legationis vacantia & vacatura, personis idoneis juxta dicti Concilii, & alias Canonicas Sanctiones qualificatis, ac servata in Parochialibus Ecclesiis dicti Concilii Tridentini forma conferendi, & de illis etiam providendi, ac quibusvis personis Ecclesiasticis. Beneficia Ecclesiastica, secularia, vel Regularia in titulum, vel commendam obtinentibus, ac conditionem illorum meliorem efficere volentibus, ac Mona-

immobilia Beneficiorum suorum in Emphyteusim, non tamen perpetuam, nec ultra tres generationes sub annuo canone sive censu, non tamen quinque Ducatos excedente, in evidentem ipsorum Beneficiorum utilitatem, alienare vel permutare possint; licentiam concedendi, vel alienationes & permutationes usque ad dictam summam duntaxat jam factas confirmandi, etiam cum juris & facti defectuum suppletionem, ita tamen, quod concessio, seu confirmatio, ac totius negotii huiusmodi cognitio non minus, quam duobus delegatis conjunctim processuris, & forma Constitutionis fel. record. PAULI PP. II. super rebus Ecclesiæ alienandis, in quinterno Cancellaria Apostolicæ designatæ, servata committatur, præterea quascumque monitorias, penalesque literas in forma significavit consueta, contra occultos & ignotos malefactores detenta, restituere, & scientes repellere differentes, servata forma præfati Concilii Tridentini, nec non Constitutionis piæ mem. PII PP. VI. Prædecessoris nostri, super hoc editæ, & in Cancellaria præfata publicatæ concedendi, nec non officium Tabellionatus & Notariatus quibuscumque personis idoneis, receptis prius ab eis Professione Fidei, juxta formam a Sede prædicta propositam, & juramento in forma solita concedendi, eosque Notarios & Tabelliones constituendi. Item omnibus utriusque sexus Christi Fidelibus ad pia & salutaria opera exercenda, centum aut plures dies citra annum, nec non vere penitentibus & confessis, qui quascumque Regulares & seculares Ecclesias seu Capellas, in una, vel duabus anni Festivitatibus, duntaxat a primis Vesperis usque ad secundas Vesperas & occasum Solis cujusque diei Festi visitaverint, & pro unione Principum, ac Fidei Catholica propagatione preces Altissimo effuderint, quo die Festo id fecerint, septem annos & septem quadragenas, aut infra de injunctis eis penitentibus, seu quæ merito injungi deberent, misericorditer in Domino relaxandi, ita ut relaxatio huiusmodi semel tantum pro una Ecclesia vel Capella fiat, & si pro duobus Festis diebus concedatur triennium, pro uno vero Festo concessio quinquennium tantummodo debeat perdurare, nec non vota quæcumque ultra marina visitationis liminum BB. Petri & Pauli Apostolorum de urbe, S. Jacobi in Compostella, castitatis & Religionis votis duntaxat exceptis, in alia pietatis opera commutandi, ac quibuscumque utriusque sexus personis Ecclesiasticis & secularibus, quas ad loca Ecclesiasticæ interdictæ auctoritate Apostolica supposita declinare contigerit, ut in eis januis clausa

non pulsatis campanis, excommunicatis & interdicitis personis exclusis, in sua, domestico-
rumque & familiarium suorum præsentia, dummodo ipsi causam non dederint interdicto, nec contingat eis specialiter interdici, celebrare & celebrari facere licite possint, facultatem concedendi, ac quibuscumque utriusque sexus personis, non tamen Regularibus, Sepulchrum Dominicum visitare volentibus, ut ad illud, & alia loca pia ultramarina absque alicujus censura aut pene incursum accedere possint, dummodo aliqua prohibita non deferant, ac senibus, & aliis valetudinariis, ut quadragesimalibus, & aliis prohibitis temporibus & diebus ovis, butyro, caseo, & aliis lacticiis, ac etiam carnibus de utriusque Medici consilio, ac secreto & sine scandalo, uti & vesci libere & licite valeant, concedendi: denique omnibus & quibuscumque personis Ecclesiasticis & Presbyteris, ut de bonis & rebus Ecclesiasticis, juxta formam in quinterno Cancellariæ Apostolicæ annotatam testari, & disponere libere & licite possint, facultatem concedendi, & ut concessionibus gratiæ, & literæ per Te vigore præsentium concedendæ, sublati obstaculis suum sortiantur effectum, quascumque personas ad effectum dumtaxat omnium & singulorum præmissorum consequendum ab omnibus, & quibuscumque excommunicationis, suspensionis & interdicti, aliusque Ecclesiasticis sententiis, censuris & penis, a jure, vel ab homine quavis occasione, vel causa latis, si quibus quomodolibet inmodati fuerint, dummodo in eis per annum non inforuerint, absolvendi, & absolutos fore censendi, vicesque tuas in præmissis in toto, vel in parte committendi; Judices, Assistentes, Commissarios, & Exequutores pro prædictorum & literarum tuarum executione & observatione delegandi, mandata, prohibitiones & monitoria, etiam sub censuris, & aliis penis prædictis, cæterisque benevisis remediis, & etiam appellatione postposita, decernendi, & omnia quæcumque alia in præmissis, & circa ea necessaria, & quomodolibet opportuna faciendi, decernendi & exequendi, & per alium, seu alios, auctoritate Apostolica, tenore præsentium plenam & liberam licentiam, facultatem, & auctoritatem concedimus: decernentes, Te omnibus facultatibus & concessionibus prædictis, etiam cum derogationibus, suspensionibus, indultis, irritantibus, aliisque Decretis & clausulis necessariis & opportunis, ac in Literis Apostolicis concedi, & extendi solitis in quibuscumque partibus Tuæ Legationis præfate libere & li-

cite, non autem aliis etiam prætextu tituli Legati de Latere uti posse, ac in concessionibus, gratiis, dispositionibus per Te auctoritate præsentium tuarumque Legationis faciendis soli narrativæ tuæ, ac etiam solis concessionibus & Literis tuis absque alia præsentium insertione, seu exhibitione aut Notarii, testiumve adhibitione stare, nec ad id alterius probationis adminiculum requiri, sicque per quoscumque Judices ordinarios & delegatos, etiam Causarum Pallatii Apostolici Auditores, ac Sanctæ Romanæ Ecclesiæ Cardinales, in quavis causa & instantia, sublata eis & eorum cuilibet quavis aliter judicandi & interpretandi facultate & auctoritate ubique judicari & definiri debere, irritumque & inane, si secus super his a quocumque, quavis auctoritate, scienter vel ignoranter contigerit attentari, non obstantibus Literis recolendæ memoriæ SIXTI PP. IV.: quibus inter alia cavetur expresse, quod Nunciis dictæ Sedis, etiam cum potestate Legati de Latere, tam quoad Beneficia conferenda, quam dispositiones, & alias gratias concedendas, facultatibus uti non possint, nec quævis clause in Literis facultatum hujusmodi appositæ adversus dictas Literas cuiquam suffragentur, nec non defectibus, & aliis præfatis, & quoruncumque Conciliorum Universalium, Provincialium, & Synodalium, nec non præ memoriæ BONIFACII PP. VIII., etiam Prædecessoris nostri, de una, & in Concilio Generali edita de duabus dietis, aliisque Apostolicis Constitutionibus, nec non Cancellariæ prædictæ regulis nullis prorsus exceptis, & quæ sigillatim in quaque re extendendi & exprimi possint, Statutis quoque & consuetudinibus Ecclesiarum, Monasteriorum, Universitatum, Collegiorum, Civitatum & locorum hujusmodi, nec non Ordinum quoruncumque Juramento, Confirmatione Apostolica, vel quavis firmitate alia roboratis, etiam si de illis servandis & non impetrandis Literis Apostolicis contra ea, & illis etiam ab alio vel aliis impetratis, seu alias quovis modo concessis, non utendo personæ persistiverint eatenus vel imposterum persistere contigerit Juramentum, & aliis Privilegiis & Indultis Apostolicis generalibus vel specialibus quoruncumque, etiam Cisterciensium & Cluniacensium Ordinum, quæ præmissis quovis modo obsistere videantur, per quæ præsentibus non expressa, vel omnino non inserta effectus impediri valeat quomodolibet vel differrî, & de quibus quorumque totis tenoribus ad verbum habenda sit in nostris, Tuisque Literis mentio specialis, quæ quoad hoc nullatenus cuique volumus

SIXTUS PAPA V.

VENERABILIS FRATER, SALUTEM
& Apostolicam Benedictionem.

lumus suffragari quibusque omnibus, cæterisque contrariis quibuscumque, ubi & quando expediet secundum rei & casus exigentiam in genere vel in specie, ac tam conjunctim, quam divisim, prout Tibi placuerit, valeas derogare, ac super iis indulgere, atque alicui super provisionibus sibi faciendis de hujusmodi, vel aliis Beneficiis Ecclesiasticis in illis partibus generales vel speciales dicte Sedis, vel Legatorum ejus Literas impetrarint, etiamsi per eas ad inhibitionem, reservationem & decretum, vel alias quomodolibet sit processum, quibus omnibus personas, in quarum favorem per Te de Beneficiis præfatis providetur, aut alias disponetur, in eorum assensione volumus ante ferri, sed nullum per hoc eis quoad assensionem Beneficiorum aliud præjudicium generari, seu si locorum Ordinarius & Collatoribus, vel quibusvis aliis communiter vel divisim ab eadem sit Sede indultum, quod ad receptionem vel provisionem alicujus minime teneantur, & ad id compelli, aut quid interdici, suspendi, vel excommunicari non possint, quodque de hujusmodi vel aliis Beneficiis Ecclesiasticis ad eorum collationem, provisionem, presentationem, electionem, seu quamvis aliam dispositionem, conjunctim vel separatim spectantibus, nulli valeat provideri per Literas Apostolicas, non facientes plenam & expressam & ad verbum de indulto hujusmodi mentionem. Volumus autem, ut præsentium transumptis, etiam impressis, manu Tua, aut Regentis Cancellarie tue, ac Sigillo tuo obsignatis, eadem illa prorsus fides in Judicio, & extra illud ubique locorum adhibeatur, quæ adhiberetur eisdem præsentibus, si essent exhibitæ vel ostensæ. Datæ Romæ apud Sanctum Petrum, Anno Incarnationis Dominicæ Millesimo, quingentesimo, octingentesimo quarto, quarto decimo Kal. Februarii, Pontificatus nostri anno Tertio decimo, signatum ut sequitur M. Prodat; deinde sic Jo. Baptista Canobius, & A. de Alexes, evantique præfentes Literæ more Romanæ Curie sub plumbo expeditæ. In dorso erat signat. Rta apud Jo. Baptistam Secretarium. Signatum Lamb. Doupey, publicis Sacris Apostolica & Imperiali auctoritatibus, nec non Insignis Capituli Cathedralis Ecclesiæ, ac Curie Spiritualis Leodiensis Notarius juratus, per Copiam concordantem cum originalibus Literis, sub plumbo more Rom. Cur. expeditis.

UT animarum saluti & populorum, qui sub Tua sunt Legatione, commodo confidere uberius valeas, Fraternitati Tue, ut in istis partibus, in quibus Nuncii nostri munus geris, quibuscumque personis Ecclesiasticis, quæ fructus Ecclesiasticos quomodolibet indebite perceperint, eosdem fructus omnes, sine eorum partem, arbitrio tuo remittere & condonare, seu alicui fabricæ, vel Hospitali, aut pio operi applicare: ac etiam, quia redditus Ecclesiastici, ob diuturnum in istis Regionibus bellum, valde fuerunt imminuti, plura Beneficia incompatibilia obtinentibus, ut illa simul pro eorum congrua sustentatione, ad tempus Tibi benevisum, & alias, prout temporum, locorum, & personarum qualitate pensata noveris expedire: & pariter illegitimis, cum quibus Tibi facultas jam est tradita ad Beneficia Ecclesiastica, quæ plura non sint, dispensandi etiam plura, quæ habuerunt, non tamen incompatibilia, ad eorum sustentationem, retinendi licentiam concedere, nec non super impedimentis quarti & tertii ac quarticon-sanguinitatis, seu affinitatis gradum cum personis, quæ scienter, vel ignoranter Matrimonium contraxerint, & etiam carnali copula consummaverint, iis prius ab excommunicationis sententia, & incestus reatu salutari penitentia injuncta, absolutis, ut in Matrimonio sic contracto remanere libere & licite valeant, dummodo mulieres propterea captæ non fuerint, dispensare, prolemque susceptam & suscipiendam exinde legitimam decernere, ac quascumque uniones de Beneficiis Ecclesiasticis juxta jus commune & Concilii Tridentini Decreta facere, præterea quosvis hæreticos & schismaticos, si ad cor reversi, errores suos recognoverint, & ad Ecclesiæ gremium admitti humiliter petierint, per Te, seu quoscumque Sacerdotes idoneos, sæculares, vel cujusvis Ordinis Regulares, arbitrio Tuo deputandos, in foro conscientie dumtaxat, injuncta eis penitentia salu- tati, absolvere libere & licite valeas, auctoritate Apostolica tenore præsentium facultatem tribuimus, non obstantibus præmissis, ac Constitutionibus & Ordinationibus Apostolicis, Statutisque & consuetudinibus, cæterisque contrariis quibuscumque. Datum Romæ apud Sanctum Petrum sub annulo Piscatoris, die XII. Octobris M. D. LXXXV., Pontificatus nostri anno

anno Primo. Sic subscriptum : Joannes Baptista Canobius. A tergo : Venerabili Fratri Joanni Francisco, Episcopo Vercellensi, nostro & Apostolicæ Sedis ad partes Germaniæ Nuncio.

VENERABILI FRATRI ERNESTO,
EPISCOPO LEODIENSI,
GREGORIUS PP. XIII.

VENERABILIS FRATER, SALUTEM
& Apostolicam Benedictionem.

Tamet si nemini dubium esse potest, quin Sacri Concilii Tridentini Decreta omnem vim habeant, etiam in iis Diocæsis, in quibus non fuerunt hætenus publicata, neque probabilis sit ulla omnino cujusque ignoracionis excusatio; tamen volumus his literis monere Fraternitatem Tuam, & mandare, ut ex Concilio ipsius præcepto, cui multo ante satisfactum esse oportuit, quamprimum licebit, habeas Synodum Diocesanam, inque ea tum ipse, tum ceteri, quos convenire oportuerit, omnia & singula, quæ in Sancto illo Concilio sunt decreta & constituta, palam recipiatis, veramque obedientiam Romano Pontifici spondeatis, præstaturusque Vos profiteamini, hæreses omnes, Sacrorum Canonum, Tridentinique Concilii, cæterorumque Oecumenicorum Conciliorum Decretis damnatas; publice detestemini, anathematizetisque: neque ulla dissimulatione patiatui Fraternitas Tua, hæc ipsa Decreta a quoquam violari aut depravari, operamque des, ut ab omnibus quam diligentissime fidelissimeque ferrentur, impedimenta omnia amoveas; recusantesque omnes & contumaces, Tua, ut debes, auctoritate comprimas. Non dubitamus Fraternitatem Tuam nostris monitis a summa nostri munus necessitate, & Dei gloriæ zelo profectis, quam libentissime obtemperaturam esse. Datum Romæ apud Sanctum Petrum sub annulo Piscatoris, die secunda Junii M. D. LXXXII, Pontificatus nostri anno Viceſimo. Sic signatum: Ant. Buccapadulius, eratque expeditum sub annulo Piscatoris more Romane Curie. Signatum Doupey, Notarius per Cop.

ERNESTUS, ELECTUS ET
CONFIRMATUS ARCHI-EPISCOPUS
Colonienſis, S. R. I. per Italiani Archi-Cancellarius & Princeps Elector, Electus & Confirmatus Episcopus Leodiensis, Postulatus Monasteriensis, Administrator Hildesheimensis, Frisingensis & Stabulensis, Comes Palatinus Rheni, Dux utriusque Bavariæ, Westphaliæ, Angariæ & Bulloniæ, Marchio Franchimontis, Comes
Loſſenſis &c.

Reverendi, Generosi, Spectabiles, sincere Dilecti, significavit Nobis Illmus & Rmus D. Episcopus Vercellensis, Nuncius Apostolicus, se a Severissimo Principe Pavmenſi in Civitatem nostram Leodienſem reversum aliquamdiu ibi moraturum, ut pro munus sui functione reformationem Ecclesiasticam ibi instituat, atque inprimis ut ad sancendam & promulgandam in Diocesi nostra Leodiensi Sacri Oecumenici Concilii Tridentini observationem, Synodum Diocesanam sub beneplacito nostro ibidem promoveat, de quo ei respondimus, Nos ad ipsius simul & vestram deliberationem atque resolutionem Nos referre, id quod vobis etiam his nostris Literis indicare volumus, vos hortantes & requirentes, ut cum ipso Domino Nuncio in hac deliberationem venientes, ea per Dei gratiam suadere & concludere studeatis, quibus Divine ipsius Majestatis gloria, & Ecclesiæ salus atque honestas in Diocesi nostra Leodiensi augeantur. Cum qua fiducia omnia vobis Reverendi, Generosi, Spectabiles, sincere Dilecti, salutaria & prospera a DEO Omnipotente toto animo precamur. Datum in Opido nostro Bonnenſi, XXIX. Junii 1585. Signatum ERNESTUS.

IV. Julii anno 1585.

Reverendissimus & Illustrissimus D. Episcopus Vercellensis, Sanctissimi Domini nostri Nuncius, ad has partes & alias Provincias missus, vocato per eum Clero primario ac secundario, intraneo & extraneo, ad Monasterium Sancti Jacobi Leodii hora nona de mane, atque ejusdem Cleri Deputatis, Decanis, Abbatibus & Prælatibus inibi comparentibus in aula superiori exposuit magna oratione primo, benevolentiam & promptum animum, quem Sua Sanctitas erga hanc Ecclesiam Leodiensem, quæ semper Romanæ Ecclesiæ unica Filia fuit, gerit, deinde causas suæ Missionis & Legationis, & hanc præcipuam, quod Sua Sanctitas desideret & velit, ut Decreta Sacri Concilii

lil Tridentini, in multis Provinciis, eas repetendo; publicata & recepta, ita quoque ea hic in Diœcesi Leodiensi publicentur & recipiantur, & ob id, juxta Suae Sanctitatis mandatum, continuasse in fine mensis Septembris proxime futuri, vel principio Octobris sequentis Synodum servare pro publicatione hujusmodi facienda, & Reformatione aliqua pro DEI cultus & Status Ecclesiastici honore statuenda, addiditque, se audivisse, Clerum præfatum conqueri super eo, quod fructus & proveniunt unius tantum Beneficii, ut sustinendo decenti Canonicorum gradui non sufficiant, habita ratione qualitatum earundem personarum, ac attentis præsentibus tumultuosis temporibus, rerumque, quo ad hoc dixit, se firmiter credere, Suae Sanctitatem desuper informaram, statim provisuram de aliquo remedio, ita quod de eo non erit locus querelæ. Ulterius declaravit, dictam Suae Sanctitatem Jubilæum concessisse ad implorandum sibi a Deo lumen & auxilium pro bono Catholicæ Ecclesiæ regimine, Bullam desuper expeditam exhibens. Et his dictis, atque finita oratione, impetratque per dictum Nuncium Benedictione, Rduus Dnus Sigitt, Suae Celsitudinis Vicarius, in pedes surgens, summas totius Cleri nomine Suae Sanctitati, & deinde ipsi Dno Nuncio egit gratias de labore impenso, & quantum ad ea, quæ placuissent ipsi Dno Nuncio exponere, Dnos Prælatos ea omnia ad sua Capitula relatuuros, & sperare ipsum Dnum Nuncium benignum & favorabilem rursus accepturum, & sic ideam Dnus Nuncios prædictos Dnos Prælatos apud se in prandio manere iussit.

V. Julii anno 1585.

LECTIS coram RR. DD. meis Literis, per Suae Celsitudinem ad Capitulum datis, quibus significat, Rmum & Illmum D. Episcopum Vercellensem, Nuncium Apostolicum cupere pro muneris sui functione Reformationem Ecclesiasticam in Civitate Leodiensi instituere, atque in primis ad faciendam & promulgandam in Diœcesi Leodiensi Sacri Oecumenici Concilii Tridentini observationem, *Synodum Diœcesanam* sub beneplacito Suae Celsitudinis in Civitate promovere, eandemque Suae Celsitudinem respondisse, ad illius simulque & Dominorum deliberationem atque resolutionem se referre, audiatque relatione Domini Scholastici super iis, quæ per Nuncium præfatum hesternio die apud Sanctum Jacobum Clero primario atque secundario, intraneo & extraneo, seu eorundem Deputatis, atque Abbatibus & Prælati, inibi præsentibus, exposita fuere, primo affectum & benevolentiam, quam Sua Sanctitas, simulque & ipse

Tomus VIII. Concilior. German.

Nuncius erga hanc Ecclesiam gerit, deinde Suae Sanctitatem cupere & velle, Canones & Decreta Sacrosancti Oecumenici & Generalis Concilii Tridentini in Civitate & Diœcesi Leodiensi publicari, & ob hoc circa mensem Septembris proxime futuri Synodum pro publicatione fienda servari, deinde eundem Nuncium Jubilæum Ssmi Dni nostri Papæ moderni ad implorandum eidem Ssmo, a Deo lumen & auxilium, pro bono Catholicæ Ecclesiæ Regimine exhibuisse, rogans Dominos, ut hujusmodi Jubilæum sequi vellent; Rdi Dni, omnibus auditis, deputaverunt Dnos Sigilliferum, Cancellarium, Præpositum S. Martini Gaverum, Officialem Leodiensem Goem, Scholasticum Carondelet, & D. Vice-Decanum D. Anthoniū Ghennart, ad super præmissis cum Deputatis Cleri secundarii intranei & extranei communicandum & discipiendum, quid conveniat & referendum.

Ad hæc decreverunt significandum secundariarum Ecclesiarum Decanis & Capitulis, atque Conventuum & Monasteriorum Civitatis Leodiensis Abbatibus & Prælati, Capitulum primarium decrevisse, proxima die Dominica Jubilæum publicare, atque hebdomada sequenti, diebus videlicet feria quarta post Missæ celebrationem, Processionem ad Sanctos Dionysium, Paulum & Joannem, atque secunda feria sexta deposit. Venet. ad Ecclesias Ss. Crucis & Martini, & demum die Sabbati ad S. Petrum & Bartholomæum devote celebrare, eosdem propterea monere, & ad Ecclesiam Leodiensem comparere, & Processionibus interesse dignentur; & velint ad implorandum sibi Summo ac moderno Pontifici a DEO lumen & auxilium pro bono Catholicæ Ecclesiæ regimine.

Significatum ut supra emissis Schedulis per Claustrarium Vandermissen.

VI. Julii anno 1585.

IN Congregatione Dominorum Deputatorum Capituli quo ad propositionem Rmi & Illmi Domini Joannis Francisci, Episcopi Vercellensis, Legati Apostolici novissime factam, post multas ac diversas adductas rationes super publicatione Concilii Tridentini hic in Civitate Leodiensi & Diœcesi fienda vel non fienda, simulque de die, qua esset observanda Synodus, visum est, quod ad ipsam Synodum servandam posse dies constitui in initio Octobris proxime futuri, ac in medio ejusdem.

Et interim quoad publicationem Concilii Tridentini cum Deputatis Cleri secundarii communicandum, singulaque Capita, quæ viderentur publicationem prædictam

S s s

posse

posse præjudicium adferre Jurisdictioni spiritali Leodiensi, & etiam toti Clero, colligenda, ut singulis bono ordine redactis possit desuper cum Domino Legato conferri.

Rdus Dnus Decanus Leodiensis insequendo ordinationem Rmi Domini nostri Episcopi Leodiensis de approbatis Confessoribus, ad tres hebdomadarios nostros Vicarios, adjungit, D. & M. *Joannem Huyners, Petrum Vandersmissen, Petrum Leveryck, Antonium Tilon, & P. Oems*, quibus concedit facultatem excipiendarum Confessionum Rdorum Dominorum Canonicorum suorum Confratrum, Beneficiatorum & Officiatorum Ecclesiae omnes & singulos adhortans, ut studeant se tanti doni plenariae nimirum omnium suorum peccatorum Indulgentiae facere participes, ea sedulo præstando, quæ pro ipsis consequendis S. Sanctitas in suis Literis requirit: si quis forte cujuspiam alterius Ecclesiae Sacerdotis operam hac in re uti maluerit, illi petita licentia non gravatim concedetur, dummodo probum & minime scandalosum deligat. Datum anno Domini XV. octuagesimo quinto, mensis Julii die duodecima.

NOTA. Servatae fuerunt Processiones per Clerum primarium & secundarium, atque Abbates & Conventuales Monasteriorum intraneorum & extraneorum: videlicet *Laurentii, Egidii & Sancti Leonardi*, & hoc successivis vicibus, videlicet *Feria quarta ad S. Dionysium, Joannem & Paulum, Feria sexta ad S. Crucem & Martinum, Sabbato ad S. Petrum & Bartholomæum*; adiuque in omnibus Processionibus & quibuscumque Ecclesiis supradictus Legatus, & Collectas decantavit, præsentem populo in magna congregatione, & magna cum devotione. Quibus factis, die *Dominico* sequenti idem Nuncius, Missam in Ecclesia Leodiensi in Pontificalibus celebravit, & finito Evangelio, Concionem latino sermone, sedens in Pontificalibus ante Altare majus, Clero primario & multis Civibus in magna copia inibi congregatis, fecit, & in ea declaravit, quam vim & efficaciam Jubilæum concessum habeat, & demum finita Missa, multis Officialis Ecclesiae, & aliis Civibus, Sacrosanctam Eucharistiam ministravit, valde devote.

Die vigesima quarta mensis Julii anno 1585. Rmus Dnus Nuncius procuravit affigi valvis Mandatum, per quod significat, se servaturum Synodum tertia die mensis Octobris proxime futuri, citando ob hoc omnes Prælatos, Diaeces Leod., ut ad hanc diem adsint.

Die decima quinta Julii anno XV. octuagesimo quinto, Rdus D. Sigillifer exposuit

Dominis meis, statim a Marutinis decantatis Capitulariter congregatis, Rmum Dominum Episcopum Vercellensem, Nuncium Apostolicum, hoc mane suum Datarium ad eum misisse cum facultatibus per Summum Pontificem in sua ad has & alias Provincias Legatione sibi datis, eas in Capitulo Leodiensi legendas, maxime quod intelligeret a nonnullis de eis dubitari, super qua expositione habita deliberatione, acceptis dictis facultatibus ordinarunt per me Notarium copiam inde fiendam, crastinoque in Capitulo legendam & publicandam.

Die decima septima Julii anno 1585. lectæ & publicatæ in Capitulo dictæ Facultates Nuncii, quæ manserunt in manibus Domini Levini Torrentii, Vicarii S. Celsi in modum munimenti scriptæ.

Die ultima Julii anno 1585. quoad deambulationes in insigni Ecclesia Leod., quas Rmus & Illmus D. Nuncius Apostolicus, Episcopus Vercellensis, summopere cupit tolli & amoveri, Reverendi Domini mei, postquam Reverendus Dominus Præpositus brevi in civitatem expectatur, censuerunt illius adventum expectandum, & in illius præsentia de omnibus mediis, quibus hujusmodi deambulationes tolli poterunt, dispiciendum, ut, quanto fieri poterit, petitioni dicti Domini Nuncii in hac parte satisfiat.

Ad hæc cum jam diu ex parte Capituli deputati sint ad communicandum cum Clero secundario, vel illius Deputatis super publicatione Concilii Tridentini, & iis, quæ ex ea dependere videbuntur, ordinarunt intimandum D. Decano Sancti Petri, & Decanis Ecclesiarum secundariorum, significet dictam deputationem factam, utque iidem in effectum præmissum suos velint dare Deputatos.

NOTA intimatum D. Decano S. Petri per Schedulam sequentem.

EX parte Insignis Capituli Leodiensis significatur Reverendo D. Decano Divi Petri Leodiensis, dictum Capitulum suos dedisse Deputatos, ad communicandum cum Dominis Ecclesiarum secundariorum Decanis, aut earundem Deputatis super publicatione Concilii Tridentini, & iis, quæ ex ea dependebunt; itaque placeat præfato D. Decano intimare prædictis Dominis secundariorum Decanis, ut suos quaque Deputatos, in finem & effectum prædictum, dare velint. Actum in Capitulo, die ultima Julii 1585.

Intimavit Walterus.

Penul.

Penultima Julii anno 1585.

NOTA. D. Officialis Leodiensis exposuit Dominis meis, Capitulariter congregatis, Rmum D. Episcopum Vercellensem, Nuncium Apostolicum, sibi declarasse; ut cum intelligeret nonnullos conquiri publicationem Concilii Tridentini posse magnum adferre præjudicium Jurisdictioni Ecclesiasticæ Rmi Episcopi Leodiensis quoad Clericos, & etiam Privilegiis Ecclesiæ & Patriæ Leod. per Summos Pontifices & Imperatores concessis, itaque se cupere omnia hæc scripto sibi tradi, ut illa apud Summum Pontificem mittere posset, addens se sperare, eundem Dnum Pontificem pro sua, quam erga Ecclesiam Leodiensem gerit, fiducia, & intellectibus rationibus, futurum benevolum: sic videbatur Dominis meis, non fore abs re, si Vicarius Rmi cogitaret Prælatos totius Cleri ad se vocare, ut mutua communicatione singula colligerentur, & capitulatum scripto redigerentur, atque Nuncio ante diem futuræ Synodi communicarentur.

EXEMPLAR LITERARUM
Patentium Reverendiss. in Christo
Patris & Illustriss. Domini JO-
ANNIS FRANCISCI, Episcopi
Vercellensis; Sanctissimi Domini
nostri Papæ, & Sanctæ Sedis Apo-
stolicæ Nuncii cum potestate Le-
gati de Latere, Indictionis Synodi
Diocesane Leodiens. ad tertium
diem proximi mensis Octobris
M.D. LXXXV. in Civitate
Leodiensi habendæ &
celebrandæ.

IN NOMINE SANCTÆ ET INDIV-
 DUE TRINITATIS, PATRIS, ET FILII, ET
 SPIRITUS SANCTI. AMEN.

J. FRANCISCUS, DEI ET APOSTO-
licæ Sedis gratia Episcopus Vercellensis & Co-
mes: in tractu Rhenano, inferiorisque Germa-
niæ, ac Belgarum & præcipue Leodiens., &
Provinciis, Civitatibus &c. locis omnibus
Nuncius Apostolicus cum potestate
Legati de Latere.

Cum in præcipuis curis Nobis a Sede Apo-
 stolica una cum hac Legatione impositis,
 illa non postremum locum teneat, ut Diocesanas,
 Provincialesque Synodos, ad Sacrorum
 antiquorum Canonum & Tridentini Concilii
 Tomus VIII. Concil. German.

præscriptum in usum revocemus, quæ una
 prope est ac necessaria quidem hac exulceratissi-
 ma tempestate Dei gloriæ, Ecclesiasticæ disci-
 plina, Catholicæque etiam Religionis promo-
 vendæ, instaurandæque ratio, committere
 non possumus pro singulari nostro erga Nobili-
 ssimum hunc Clerum, inlytanque hanc Leodi-
 ensis Patriam affectu, quin hoc tam saluta-
 re, tamque necessarium cbaritatis, sollicitudi-
 nisque Pastoralis officium Ecclesiæ huic Leodi-
 ens. primum præstaremus, ea præsertim spe
 ducti, ut in hac vinea longe uberiores fructus;
 quam aliunde percipiamus, & aliæ finitimæ
 Ecclesiæ, quæ cum a tumultibus bellicis non-
 dum sint immunes (quod tamen Dei gratia,
 brevi futurum speramus) non ita facile hos
 Clericorum Conventus admittere nunc possent,
 pio Leodiensis exemplo excitatæ, paulo post
 ipsæ, & hanc eandem, omnemque aliam rectius
 conformandæ Cleri disciplinæ, cultusque Divi-
 ni restituendi rationem studiosius atque adeo
 ardentius amplectantur, Synodum igitur Dia-
 cesanam ita sane Sanctissimo D. N. SIXTO
 Papa Quinto jubente, Serenissimoque ac Re-
 verendiss. Domino ERNESTO Episc. Leodi-
 ens., Archi-Episcopoque Colonienf. & Princi-
 pe Electore &c. non modo consentiente, verum
 etiam fortassis adfuturo (si tamen Colonienfis
 belli, aliæque gravissimæ curæ id illi permit-
 tent) habere statuimus hic Leodii in Ecclesia
 Cathedrali Sancti Lamberti, ad primam fe-
 riam quintam Octobris proxime futuri, quæ
 quidem erit tertia ejusdem mensis dies, quam-
 obrem ipsam Synodum ad illum tertium Octo-
 bris diem celebrandam auctoritate Apostolica
 indicentes, universos & singulos, qui in hac
 Civitate, ac Diocesi Leodiens. dignitates, vel
 Beneficia quævis Ecclesiastica, & sine ulla curâ
 animarum obtinent, omnesque tam Regulares,
 quam seculares, qui quovis jure, vel consuetu-
 dine Diocesana Synodo interesse debent, mone-
 mus in Domino, eisdemque in virtute san-
 ctæ obedientiæ, ac sub penis Sacrorum Cano-
 num jure constitutis, injungimus, & manda-
 mus, ut ipsi decenti habitu, nempe talari ve-
 ste, ac superpelliceis mundis induti, præstituta
 illa die, summo mane in Cathedrali Ecclesia
 Sancti Lamberti conveniant, non ante Synodi
 finem, ac sine permissu nostro ex hac Civitate
 abituri, si qui vero Prælati sunt seculares aut
 Regulares, Abbates, Præpositi, Priores, vel
 alio quovis nomine nuncupati, qui Diocesanis
 Synodis eam ob causam, quod ab omni ordina-
 rio jure exempti sint, tantumque Sedi Aposto-
 licæ subjecti, minime interesse soleant, eos nihil-
 ominus, eosdemque propositis penis, ut ad-
 sint, monemus; volumusque omnino, ut cum
 auctoritate Apostolica a Nobis evocentur, in-
 teresse etiam ipsi una cum aliis, ne ulla ratione
 prætermittant. Declarantes tamen nullum
 inde inferri, occurrere unquam posse eorum juri-
 bus,

bus, privilegiis, vel exemptionibus præjudicium, ne vero si omnes ad unum Parochi conveniant, tempore Synodi interdum contingat aliquos Christi fideles absque necessario Sanctissimorum Sacramentorum subsidio ex hac vita decedere, ideo Decanorum prudentia & arbitrio illud permittimus, ut aliquibus Parochis, qui ejusmodi necessitatibus incidentibus subvenire non incommodè queant, id curæ mandare, atque committere, eisque ne Leodium ad Synodum accedant, veniam possint concedere, ut autem feliciter Synodalis hujus tractationis eventum impetremus a Domino, illud edicimus atque expresse mandamus, ut tam in Cathedrali, quam Collegiatis quibusque & Parochialibus, nec non & Regularium quorumcumque Civitatibus ac Diocesis universæ Leodiens. post indictam Synodum, quinta quaque feria, triplici officio non impedita, Missa de Spiritu Sancto celebretur, at ubi ob Festum aliquem incidentem diem sollemnis Sacrum erit faciendum, Commemoratio saltem de eodem Sancto Spiritu ne prætermittatur, quarum in rerum omnium fidem, ac testimonium, has Literas nostras, nostrique Secretarii manu signatas, confici, Sigilloque nostro muniri & promulgari jussimus, Cathedralisque Ecclesiæ, & Officialis Curia, nec non Sancti Jacobi valvis affixas, eandem vim habere volumus & declaramus, ac si ipsis omnibus & singulis supradictis, aliisque omnibus, quorum interest, vel interesse potest, rediditæ essent, ac denunciatæ. Datum Leodii in ædibus Sancti Jacobi, V. Cal. Sextil. M. D. LXXXV. Habebatur J. FR. Ep. Vercellensis. Nunciusque Apostolicus, J. Antonius Carejana Secretarius. Leodii typis Gualteri Morberii.

MEMORIALE.

Nullo modo prætermittes, quin ad hanc Epistola hæc nostra, cui hæc Schedula inclusa est, memoratam Synodum personaliter venias; nisi detinearis infirmitate gravi, vel inevitabili necessitate, quod si venire non poteris, mites ad Synodum cum Literis tuis patentibus causam infirmitatis tuæ, vel necessitatis expresse continentibus tuo sigillo; vel alio autentico sigillatis, per quas te obligabis ad Statuta ipsa Synodalia observanda, Capellanum, vel Clericum, vel alium idoneum habentem, per ipsas Literas potestatem te absentem excusandi & Canonicum impedimentum in animam tuam jurandi, & Mandata Synodi ad te referendi, porro quod ad Decanatus tui Pastores attinet, bene erit, si ob causas Literis pten-

tibus dicti Domini Nuncii Apostolici hic per Copiam excusam, similiter adjunctis expressas potiores tantum, ac principales aliquot ipsius tui Decanatus Pastores pro arbitrio tuo tecum adduces.

Ad comparandum ad Synodum.

ERNESTUS, DEI & APOSTOLICÆ SEDIS GRATIA, ELECTUS & Confirmatus Archi-Episcopus Coloniensis & Princeps Elector, Confirmatus Episcopus Leodiens., Hildesheimens. & Frisingens., Postalatus Monasteriensis, Administrator Stabulensis, Comes Palatinus Rheni, Dux utriusque Bavariæ, Wucspbalice, Angariæ & Bulonii, Marchio Franciomontanus, Comes Lossensis; Longiens. Hornens. &c.

REVERENDE NOBIS IN CHRISTO, Jucere Dilecte:

Mittimus Devotioni Tuæ Exemplar typis excusum, ac de speciali nostro Mandato per Sigilli nostri ad causas Notarium signatum Literarum patentium Rni & Illmi Domini, D. JO. FRANCISCI, Episcopi Vercellensis, ac Sanctissimi D. N. Papa, & Sedis Apostolicæ Nunciam cum potestate Legati a Latere, Synodi nostræ Diocesanæ Leodiens. in tertium diem proximi mensis Octobris indictæ, habendæ & celebrandæ, ad finem & effectum eisdem Literis expressos, quarum Literarum tenore considerato, Tibi auctoritate nostra Episcopali & ordinaria de consilio & assensu Reverendorum, Nobilium & Spectabilium Confratrum nostrorum Decani & Capituli Ecclesiæ nostræ Cathedralis Leodiens. tenore præsentium, præcipimus & mandamus, ut juxta eundem tenorem in dicta nostra Synodo Diocesana ad diem superscriptum compareas, aliasque & alia facias, quæ & prout in dictis Literis ad Devotionem Tuam & officium Tuum pertinentia videbis, plenius contineri, quod a Devotione T. nullo modo & sub pena inobedientiae in eventum Tui hac in parte defectus prætermitti, prout prætermittere non potes, nec debes, volumus: Devotionem T. in Domino recte valere optamus. Datum in Civitate nostra Leodiens. sub Signatura Vicarii nostri in Spiritualibus Generalis. XV. Septemb. 1585.

Signatum L. TORRENTIUS Vicarius.

ARTICULI GRAVAMINUM

Quorum supra facta est mentio.

I.
TAm Cathedralis, quam aliarum Ecclesiarum personæ eximuntur ab omni Juris-

I.
Ecclésiæ Cathedralis Leod. & tot aliarum Insignium Collegiatarum Ecclesiarum in

Jurisdictione Episcopi. Sed Conc. Trident. Sess. VI. C. 4. & Sess. XIV. C. 4. idem Sess. XXV. C. 6. abrogat omnia hujusmodi Privilegia, imo secundum præfatum Capitulum sextum Capitulis sive Decanis non subessent Capellani.

II.

Archidiaconus de matrimonialibus & criminalibus causis, præsertim ex incontinentia provenientibus, cognoscendi potestas adimitur, Sess. XXV. C. 14. & Sess. XIV. C. 20.

III.

Pluralitas Beneficiorum cum perceptione fructuum grossorum per PP. SIXTUM IV. & NICOLAUM V. conceditur Canonicis Cathedralis Ecclesiæ, sed Decreto Concil. Sess. XXIV. C. 17. tollitur.

IV.

Omnes Canonici sunt hætenus ab Ordinibus liberi, & in aliquibus Ecclesiis, etsi non sint in Sacris constituti, tamen habent vocem in Capitulo. At Sess. XXIV. C. 12. decernitur omnes in Cathedralibus cogendos esse Presbyteros Præbendarum Leodiensium, ubi minor est numerus, nisi ex Statutis provisorium sit, in Synodo provideri poterit.

V.

Ex antiqua observatione vere Nobiles quanquam alioqui idonei non suscipiunt gradum: ne ergo per indirectum priventur, dignitati Archidiaconali sufficere debet, probari eos ab Episcopo, quemadmodum & cum Episcopus dispensatur, in Germania modo congruentem doctrinam habeant, etiam sine gradu, ut vero Diaconatus Ordinem suscipiant intra annum, nemo poterit prohibere.

VI.

Ad distributiones, quod attinet, difficulter fieri posset distinctio, seu divisio tertiae partis, sufficiat notabilem aliquam portionem statui pro absentibus in majoribus officiis Matutinis, Missa, Vesperis, præsertim in tam frequenti numero.

in hac Diocesi tam Canonici, quam alii subditi, præsertim actu servientes, plurimorum Pontificum Privilegiis ab omni pene tempore exempti fuerunt a Jurisdictione Episcopi, nec sine gravi perturbatione eidem nec subjici possent, neque Episcopus, qui & ibidem Princeps est, hanc curam sibi committi postulat, quin & Rmus & Illmus D. Nuncius expresse declaravit, se hujusmodi Privilegiis nolle contravenire, quare satius est Decanis hanc curam committi, qui si forte per se sufficere non possint, aut si negligentes notabiliter insignis aliqua persona, vel etiam plures, qui tanquam Delegati Apostolici jurisdictionem exercent Privilegiis salvis.

II.

Archidiaconi Ecclesiæ Leodiens. a primæva foundatione concurrunt cum Episcopo, non tamen gravioribus delictis & carcerem merentibus se immiscant, leviora autem tuto cognoscunt, præsertim in tam lata Diocesi.

III.

Istud Privilegium peculiariter competit Canonicis Cathedralibus, nec est in usu ideoque de novo, si ita videatur, petendum esset.

IV.

In Cathedrali Ecclesia, qui majorem Ordinem non habent, nec integros fructus faciunt, nec Capitulares sunt. Idem in reliquis servari posset, & ad Presbyterales Præbendas, quod attinet, nullus notabilis defectus est, ob multitudinem vel Subdiaconos fieri, ita ut media pars sint Presbyteri, maxime in illis Ecclesiis, ubi Beneficia habent hujusmodi onera, ut alii Missas, alii Evangelium, alii Epistolam cantent, alioquin Conc. permittit Canonicos manere in minoribus Ordinibus, modo vocem in Capitula non habeant, juxta C. 4. Sess. XXII.

V.

Archidiaconi debent esse Magistri in Theologia, vel Doctores aut Licentiat in Jure Canonico, & debent promoveri intra annum. C. 12. Sess. XXIV.

VI.

Ex antiqua consuetudine certa quædam portio præsentibus Canonicis in Ecclesia distribuitur. At Conc. vult tertiam partem distributionibus impendi, Sess. XXI. C. 3. & Sess. XXII. C. 111. & Sess. XXIV. C. 12.

VII.

Jura Receptionis in Canonicum in Ecclesia Cathedrali, & plerisque aliis applicantur ad pios usus, atque Ecclesiæ necessitatem: idem statuatur in omnibus.

VIII.

Sacerdotes passim audiunt confessionem Sacerdotum, licet Beneficium Parochiale non habeant, & approbati vel admissi non sint, contra C. 15. Sess. XXIII.

IX.

Hactenus Archidiaconi & alii instituendi provisos aut præsentatos habuerunt potestatem, quæ videtur sublata per C. 13. Sess. XIV. Existimo tamen dictam potestatem remanere penes Archidiaconos; cum Conc. permittat inferioribus, ad quos spectat institutio, eandem potestatem reservato examine instituendorum Episcopo.

X.

Conservatores suos quæque Ecclesia habuit. Verum Sess. XIV. C. 5. eorum potestas restringitur maxime in criminalibus & mixtis causis, quas cognoscere debet Episcopus, vel ordinarius Superior.

XI.

Clerici conjugati ex longo usu Ecclesiasticæ jurisdictioni subjiuntur, licet habitum & tonsuram non deferant, aut alicui Ecclesiæ vel Episcopo non deserviant, quod est contra C. 6. Sess. XXIII.

XII.

De Seminariis suo tempore agi poterit.

XIII.

Usu obtentum est, ut Ordines in Ecclesia Cathedrali non conferantur, nec multum interest, cum tot aliæ Ecclesiæ sint ac Monasteria valde insignia, statuatur tamen, ut Suffraganeo Ordines conferenti assistant, præcipuè quinque Ecclesiæ, in qua id fieri contingit.

XIV.

Non potest hic Articulus alicui displicere.

XV.

De Scholastici officio sufficere videtur, ut dignis & sine gradu conferatur, præsertim

VII.

Hactenus aliquid pro Receptione Canonicorum aut Capellanorum solvi consueverunt, id per Conc. Sess. XXIV. C. 14. abrogatur, nisi in pios usus convertatur.

VIII.

Hic defectus corrigi poterit in Constitutionibus Synodalibus brevi, ut speratur, publicandis.

IX.

Institutiones Beneficiorum consuetudine merito penes Archidiaconos remanere debent, attento quod concurrunt ab origine cum Episcopo, qui idem etiam Princeps cum sit, pluribus negotiis distrahitur, accedit Collegium ad hoc ordinatum, ut sine maturo consilio nemo instituatur, sed & jura consuetudine merito solvenda sunt, quia valde moderata & aliquin Archidiaconi nihil fixi emolumentum habent.

X.

Ad Conservatores Ecclesiarum quod attinet, Clerus secundarius simul omnis habet, Abbatem S. Laurentii, Episcopus & Clerus primarius Abbatem S. Jacobi, nec sane convenit ut Regulares, cum sint causis criminalibus vel mixtis, se immisceant.

XI.

Per reformationem Curiae spiritualis Leod. providetur, ne in criminalibus pro Clericis habeantur alii, quam qualificati juxta Conc. Trid., quod vere ad conjugatos & alios similes attinet Episcopus, qui etiam ut Princeps utramque jurisdictionem habet statuere, merito potest, ut coram Officiali suo in civilibus conveniatur, & non alibi, nisi velint.

XII.

Onera Seminarii omnes communiter coguntur sustinere tam Episcopi, quam Capitula, Abbates regulares, & quicumque Beneficiarii officia habentes & exempti, C. 18. Sess. XXIII.

XIII.

Suffraganeus in quacunque Ecclesia confert Ordines, at Conc. Sess. XXIII. C. 8. vult Ordines in Ecclesia Cathedrali presentibus Ecclesiæ Canonicis, extra vero Civitatem in Ecclesia digniori celebrari.

XIV.

Una Præbenda Doctori Theologo, & alia Praeidentario erit conferenda, C. 1. Sess. V. de Reform. C. 8. Sess. XXIV. de Reform.

XV.

Scholasticæ debent conferri Magistris in Theologia, aut Doctoribus vel Licentiatis

si in Ecclesiis singulis sit Præbenda Theologalis.

XVI.

Episcopus omnium piarum dispositionum est Executor, C. 8. Sess. XXII. sicque hic non observatur.

XVII.

Clausura Sanctimonialium non est in observantia, & quicunque septa Monasterii ingreditur, quod est contra C. 5. Sess. XXV.

XVIII.

Passim Monachi & Moniales proprium habent. Conc. C. 2. Sess. XXV. de Reg. & Mo.

XXIX.

Unus Susceptor & una Susceptrix in Baptismo permittitur. C. 2. Sess. XXIV.

in Jure Canonico, vel aliis idoneis, qui per se ipsos docere queant, C. 18. Sess. XXIII.

XVI.

Optandum sane esset, ut hic Articulus (quod hic Leodii erit difficile) observaretur.

XVII.

Utilissime erit hunc Articulum observari per discretionem Rmi & Illmi Nuncii.

XVIII.

Hoc quoque remittitur discretioni & prudentiæ Rmi Nuncii.

XIX.

Pars Concilii Tridentini, quæ Matrimonia & Baptismus concernit, publicata fuit Leodii, mandetur serio, ut observetur.

Cum exemptio Cathedrali & Collegiatis Ecclesiis Civitatis & totius Patriæ Leod. ex iustis & rationabilibus causis concessa, & correctio delinquentium partim per Summos Pontifices, partim per Statuta nonnullis Prælati & Capitulis ipsis demandata fuerit, habeantque singulæ Ecclesiæ sua Statuta, quibus delicta & excessus corrigi mandantur, vitæque & morum probitas commendatur, similes & jam generales unius ditionis exemptiones per Concilium Tridentinum abrogatæ, non credantur exemptiones huiusmodi & correctiones firmæ & illæ persistant, quod si forte (quod non creditur) aliqui eorum, ad quos correctio spectat, officio suo deessent, illud ipsum per Ss. Petri & Martini Collegiatarum Leod. Decanos, illud auctoritate Apostolica per fel. rec. JULIUM Secundum, & utrimque postea per totum Clerum secundarium Leod. Deputatos suppleatur, & ne ullomodo delicta impunita maneant, ipsi provideant.

Pluralitas Beneficiorum simplicium & compatibilium ex æquo omnibus propter fructuum eorundem ut plurimum tenuitatem, annonæquæ in Belgio caritatem, promittatur.

Nullus Canonicus Civitatis Leod. in aliquo ex Sacris Ordinibus non constitutus, sit Capitularis, nullusve Sacris ante vigesimum tertium suæ ætatis annum initietur, initiari vero in vigesimo tertio anno constituti sint omnium fructuum Canonicatum & Præbendarum suarum capaces, non initiati autem ante trigessimum quartum annos completos fructus non habeant, & Statuta ecclesiarum hic serventur.

Quicumque residentes Canonici tribus Horis majoribus seu Officiis intererunt loco, distributionum quotidianorum condignam portionem, per Capitula ordinandam & sta-

tuendam, habeant jura receptionum, ubique simplicia sint, & fabricæ aut piis usibus applicentur.

Anni gratiæ & fabricæ a Majoribus non sine iusta causa instituti, ac etiam auctoritate Apostolica indulti, immobiles & continui juxta institutionem & indultum persistant, sed a die vacationis, & non aliter, currere incipiant.

Archidiaconi, & alii inferiores, qui in possessione, seu quasi juris sibi præsentatos, instituendi, & jura eapropter elolvi solita recipiendi, necnon causas desuper moras & movendas cognoscendi & decidendi existunt, in eadem sua possessione & consuetudine in præmissis dumtaxat permanent, sic tamen quod ista per se ipsos, vel alios de jure habiles & qualificados exercere, & cognoscere, & in reliquis omnibus officia sua observare debeant & teneantur.

Quicumque Conservatores hactenus auctoritate Apostolica dati munus suum obire continent & perseverent.

Piarum dispositionum executio, in Collegiatis penes Capitula esto, in aliis vero jux commune servetur.

Super his omnibus ante publicationem Concilii per Summum Pontificem provideatur.

XXVII. Septembris anno 1585.

Comperuit personaliter ad Capitulum Reverendissimus & Illmus Dominus Episcopus Vercellensis, Nuncius Apostolicus coram reverendis Dominis meis Capitulariter congregatis, atque omnium initio Literas Sux Celsitudinis, ad Capitulum scriptas, infractas reddidit, quibus eadem Sua Celsitudo præfatos Dominos meos hortatur, ut pro reverentia & obedientia Sanctæ Sedi Apostolicæ post-

postolica debitis ipsius Nuncii voluntati obtemperare studerent, arque ulterius brevi oratione eosdem Dominos meos admonuit, ut cum brevi instaret dies celebrandæ Synodi, atque hæcenus inter ipsum, & præfatos Dominos meos propemodum conveniret super eis, quæ in eadem Synodo proponenda forent salvo articulo frequentationis Horarum dignarentur, quantum fieri posset, se accommodare maxime, quod omnia in honorem Dei & conscientiarum Dominorum exoneratione tenderent, subjungens ulterius, ut si qui ex Dominis essent, qui se gravatos aut oppressos prætenderent, ad illum comparere vellent illos libenter auditurum, uade Reverendus Dominus Scholasticus eidem Domino Nuncio rotius Capituli nomine summas egit gratias de benevolentia & promptitudine Dominis præsentibus offerendi quæcumque obsequia, & eodem Domino Capitulari loco egresso, & habita super præmissis deliberatione, Domini mei ordinaverunt omnes ad crastinam diem hora nona de mane ad Capitulum in vim iuramenti, & sub pœna trium fluserorum vocandos, ad super negotio prænotato mature & penitus deliberandum & concludendum, & interim Deputatos dicta crastina die statim a Marutinis, ad Capitulum convenire debere, & singula adamussim & penitus examinare, ut maturo consilio omnia fiant.

ERNESTUS, ELECTUS ET CONFIRMATUS ARCHI-EPISCOPUS
Coloniensis, S. R. I. per Italiam Archi-Cancellarius & Princeps Elector, Electus & Confirmatus Episcopus Leodiensis, Administrator Hildesheimensis, Frisingensis & Stabulensis, Comes Palatinus Rheni, Dux utriusque Bavariæ, Westphaliæ, Angariæ & Bulloni, Marchio Franchimontis, Comes Lothensis &c.

REVERENDI, GENEROSI, SPECTABILES, sincere Dilecti,

Quoniam Rmus & Illmus Dnus Episcopus Vercellensis, Nuncius Apostolicus; istuc proficiscitur, ut juxta commissum sibi a Sanctissimo Domino nostro Papa, & Sancta Sede Apostolica munus institutum a se, & propositam ibi nuper Ordinationem Ecclesiasticam in Diocesi nostra Leodiensi Divina favente gratia perficiat, omittere nolumus, quin has ad Vos Literas daremus, quibus Vos hortamur, ut pro reverentia & obedientia Sanctæ Sedis Apostolicæ a Vobis nobiscum debitis, de quibus

ipse D. Nuncius Clerum & populum nostrum Leodiensem debementer laudat, ipsius, ut par est, voluntati obtemperantes, ejusque, ut Nos scribi, rationem habentes, reliquum Clerum & populum nostrum in Vos respicientem, hoc exemplo nostro in eodem officio confirmetis. Quod superest, omnia Vobis Reverendi, Generosi, Spectabiles, sincere Dilecti salutaria & prospera a Domino DEO precamur. Datum in oppido nostro Bonnenfi, secunda Septembris 1585.

Signatum ERNESTUS mpp.

Vigesima octava Septembris anno 1585., statim a Marutinis decantatis, convenerunt in Capitulo in parte Deputati, & nonnulli & colloquio habito ad invicem super multis, quæ concernebant Synodum Anno quadragesimo octavo servaram, videlicet de comparitione Prælatorum, & super articulis, quos correxit D. Vicarius, super scriptis abinde recesserunt nulla capta conclusionem.

XXVIII. Septembris anno 1585.

Lectis coram Reverendis Dominis meis articulis superscriptis ex Decretis Concilii per Deputatos extractis, cum annotatione Gravaminum ad quemlibet articulum hujusmodi placuit sententia Deputatorum, salvo articulo de pluralitate Beneficiorum cum perceptione fructuum grossorum Præbendæ, in quo censuerunt privilegiis per Summos Pontifices concessis, omnino inhærendum, & illis insistendum nec recedendum, & ob id publicationem hujusmodi articuli suspendendum, salvo tamen de Beneficiis incompatilibus, item articulo frequentationis Horarum, ad quam nullo modo attingere intenduntur, nisi ad unius Horæ dumtaxat frequentationem, per eos, qui in civitate erunt, salvo tamen quatuor mensibus, quibus ex Statuto abesse licet, & præsentibus aliquam honestam portionem constituendi, extra tamen massam Præbendarum, quam intactam ea ratione intelligunt.

II. Octobris anno 1585.

in Capitulo,

Lectis coram Reverendis Dominis meis articulis infra scriptis ex multis & crebris Deputatorum habitis congregationibus, conceptis, cum Scheda per Reverendissimum & Illmum Dnum Nuncium pro securitate Cleri signanda, videlicet, delationis, executionis Concilii Tridentini, quoad hujusmodi articulos, placuerunt Dominis hujusmodi articuli salvo articulo finali de Judicibus delegatis, quem Domini attentis suis & Ecclesiæ privilegiis expunctum volunt, & suis privilegiis inhærendum.

ARTI-

**ARTICULI CONCERNEN-
tes Gravamina, & quorum mo-
deratio petitur, signati
per Nuncium.**

Cum Illustrissimus & Reverendissimus Dominus Nuncius Apostolicus in futura Synodo non putet expedire, ut de iis Articulis & Gravaminibus, quorum moderatio & declaratio ex parte Cleri primarii & secundarii Leod. petitur, fiat aliqua vel protestatio, vel exceptio in publico, ne in plebe & alibi aliqua scandala oriantur, & Cels. S. Illmæ & Rmæ cupiat nihilominus petitionibus Cleri, quantum in ipsa est, satisfacere, & paratus sit articulos, de quibus est difficultas, sua manu signare, ne scilicet Clerum ad eorum observationem adigat, donec & de iis a Sede Apostolica aliter statuatur; placuit Dominis Capitularibus primariis & secundariis, sequentes hos articulos Suae Rmæ & Illmæ Celsitudini offerre, eandem humillime, & qua decet, reverentia rogantes, ut eos in bonam & benignam partem accipere, & signatam promissionem dare non dedignetur.

Primus itaque Articulus est de Exemptionibus, quas uterque Clerus sibi a pluribus Rom. Pontificibus concessas, & ab omni ævo, atque hominum memoria observatas, cupit conservari, nec privilegiis quibuscumque derogari: præsertim cum Clerus non credat, mentem Patrum Concilii Tridentini fuisse, ut iis derogaretur, vel ut illæ tollerentur. Ne tamen sub prætextu Exemptionum delicta maneant impunita, concipietur quædam formula, ac Cels. Suae Illmæ exhibebitur, juxta quam in delinquentes animadverti poterit, quam sperat Clerus C. S. non displicituram.

Secundus Articulus Archidiaconos cernit, in quo cupiunt DD. prædicti omnia jura & qualicumque Archidiaconis competentia, & quæ ab omni tempore, ac ab origine foundationis Ecclesiæ Leodiensis habuerunt, illæsa & integra retineri, exceptis tamen gravioribus delictis. Item, quod in posterum Archidiaconorum Collectores, *Vicarii & Officiales, Ecclesiastici erunt.* Videtur etiam Dominis sufficere, si Archidiaconi idonei sint doctrina & eruditione, licet gradum non susceperint. Et quod ad fructus Beneficiorum litigiosorum attingat, cupiunt Domini, ut omnia in eo statui, quo inde sunt, permaneant; donec Sanctæ Sedis Apostolicæ decisio & determinatio habeatur.

Tertius est de pluralitate Beneficiorum. Cupiunt Domini, & non diffidunt, se obtenturos, ut hic articulus suspendatur; cum impossibile sit, aliquem ex unico Beneficio

ob fructuum tenuitatem vivere; nisi tamen sint duo Beneficia, curam animarum habentia, quæ sine dispensatione obtinere non licet.

Quartus est de Canonicis, extra Sacros Ordines constitutis. Videtur utrique Clero æquum, ut tales non sint Capitulares: Item, ut non nisi dimidiatos fructus habeant.

Quintus ad quotidianas distributiones pertinet, de quibus in singulis Capitulis prospicietur & statuatur, ut eæ fiant pro modo facultatum, quæ tamen tales sint, ut verissimiliter non contemnantur.

Sexto Articulo agitur de juribus Receptionum, quæ cupiunt Domini manere, & ea quidem simplicia, ut applicentur ad necessarios fabricæ & Sacrificiæ usus. Intelligunt autem simplicia jura, ut si quis habuerit aliquod Beneficium, & postea resignaverit, & is Resignatarius etiam resignaverit, nihilominus ultimus veniens ad possessionem, non nisi semel jura persolvat, manentibus tamen duobus annis gratiæ & fabricæ ex antiqua observatione, ita ut a die vacationis Beneficii per obitum, incipiant currere.

Septimo agitur de Clericis conjugatis. Rogetur S. C. Rmæ, ut sit contenta veteribus Statutis, quæ in hoc mandentur observari, ut & nova Reformatio, quæ etiam promulgetur.

Octavus Articulus concernit Seminarium, cujus cura singulis Capitulis per primam occasionem erit.

Nonus & ultimus est de Scholaribus studentibus, ut censeantur debere gaudere plenius fructibus. Rogetur, ut sint contenti consuetis absentis & portionibus.

Hic articulus obelo notatur in originali.

Judices delegati Apostolici nominentur Suae Cel. Illmæ Decanus Leod., Vicarius, Officialis Leod. & Capituli, & Scholasticus: præterea semper Decani Cleri secundarii, omnes numero duodecim.

NOS JOANNES FRANCISCUS, Episcopus Vercellensis, ac Nuncius Apostolicus &c. super Articulis præscriptis Concilii Tridentini Executionem differimus, neque eandem urgebimus, donec a Sanctissimo D. Nostro certius de eis habeatur responsum, sive rescriptum. Quod quidem ut ad vota Incltyti bujus tam primarii, quam secundarii Cleri, atque ad totius Ecclesiæ Leodiensis tranquillitatem impetretur, quemadmodum fore speramus, apud illius Sanctitatem sedulo ipsi inter-

T t t

cedemus,

cedemus, omnemque operam dabimus. Signatum: J. FRAN. Episcopus Vercellensis, Nuncius Apostolicus.

& dictis suis Privilegiis inhærendum putarunt.

III. Octobris anno 1585.

Celebrata Synodus per modum, ut sequitur. (*)

II. Octobris anno 1585.

Lectis coram Reverendis Dominis meis, Capitulariter congregatis, suprascriptis Articulis, ex multis hætenus habitis congregationibus, tandem conceptis, cum Scheda Rmi & Illmi Domini Nuncii dilationis videlicet executionis Concilii Tridentini, quo ad præscriptos Articulos, placuerunt hujusmodi Articuli, salvo finali Articulo, de Judiciis delegatis, quem Domini mei præfati, suis Privilegiis attentis expungendum,

XVI. Octobris anno 1585.

Ad sollicitandum Responsum, sive Rescriptum super moderatione Articulorum suprascriptorum per Dominum Nuncium signatorum, ante publicationem Decreti Concilii Tridentini, primario & secundario Clero sub signatura ipsius Nuncii traditorum, visum est scribendum ad Dominum Stravium, & sollicitationem hanc eidem committendam.

Ex

(*) Præter paucula hæc verba, quæ hic retulimus, nihil amplius de ipsa Synodo, ejusque celebratæ modo memoratur in transmissio ad nos apographo: sed a 3. Octobris mox transiit ad 16tam Octobris; quæ die quid actum sit, modo vidimus.

Interim Synodum 3. Octobris ceptam, ac subsequenter tribus diebus continuatam, præfixus Actorum relationi titulus probat: In eadem vero Concilium Tridentinum fuisse promulgatum, constat ex Joannis Chapeavilli narratione de gestis Episcoporum Leodiensium in Ernesto. Cui Scriptori tanto magis adhibenda est fides; eo quod eorum, quæ refert, testis ocularis fuerit, & eadem in Synodo a Bonhomio Episcopo Vercellensi, Nuntioque Apostolico, Penitentiarii munere in Ecclesia Cathedrali Leodiensi donatus. Quare ejus verba, additamenti loco, ad suppleendum ea, quæ prætermissa hic sunt, Lectorum in gratiam subjungo:

"Iisdem diebus, inquit, Joannes Franciscus Episcopus Vercellensis, Nuntius Apostolicus, Leodium appulsus, Indulgentias plenarias ad instar Jubilei a Sixto V. ex Ecclesiæ thesauris depromptas promulgat, magno ab omnibus cum honore, prætio & æstimatione habitas.

"Deinde Diocesanam Synodum, nomine Præfatus, rebus bellicis distenti, celebrat, & in eadem ante omnia Concilium Tridentinum promulgat, lectis illius Capitibus præcipuis, quæ Fidei doctrinam, morumque reformationem concernebant. Cumque nonnulla Capita Privilegiis & Libertatibus Ecclesiæ Leodiensis adversari, & Jurisdictionem ordinariam minuere viderentur; nonnulli Ecclesiæ Prælati, ut in eis dispensaret, aut ut eorum publicationem vel executionem suspenderet, magna contentione postularunt. Ad quæ ille, nudum se executorem esse, nullam in Concilio dispensandi facultatem habere, respondit. Protestati sunt interim, rogaruntque, ut ad Pontificem in eam rem allatas rationes perscriberet, & pro gratia, ac dispensatione supplicaret; quod se facturum recepit, scripto in eam rem Officiali Leodiensi, Henrico Dorneo, ad D. Lamberti Canonico, tradito, quod est tale:

"Credimus, per Concilii Tridentini Decretum, quod est in Cap. Nullus Sess. XXIII., non posse esse derogatum juri Episcopi Leodiensis, cum præsertim ipse etiam Princeps sit Imperii, & utrumque gladium in Clericos & Laicos gerat. Si quid tamen difficultatis hac de re suboriri potest, id totum ad Summi Pontificis arbitrium referimus. Interim declaramus, nostræ intentionis non fuisse, nec esse, Concilium Tridentinum promulgando, circa Clericos conjugatos, maxime in habitu & tonsura, juxta Sacrorum Canonum Sanctionem incedentes, Episcopalem jurisdictionem aliqua ex parte imminueret; sed eam in eodem statu, in quo hætenus fuit, integram, illasque relinquimus, donec aliter ab illius Sanctitate decernatur. Sic signatum: Joannes Franciscus Episc. Vercellensis, Nuncius Apostolicus.

"Porro cum nihil ex Urbe hac de re mandaretur, nec Pontifex, quamvis per Nuncium, Cleri instantis nomine interpellatus, quicquam rescriberet, illis expostulantibus, respondit:

"Quod

Ex Literis Richardi Stravii ex
Urbe ad Dominum Præpositum die XXII.
Martii anno 1586. scriptis.

Egi hic & insiti pro Confirmatione Apostolica super Articulis nuper in executione Conc. Tridentini Nuncio Apostolico concedente suspensis, & per eundem scriptis. S. D. N. respondit, non posse, hoc est, non velle ipsam confirmare Privilegia, Statuta, Articulos, aut consuetudines contrarias Sacro Conc. Tridentino. Satis esse, si relinquantur in possessione, in qua estis, & si occurrente casu necessaria sit Sedis Apostolicæ auctoritas, suam Sanctitatem Ecclesiæ & Clero Leodiensi non defuturam, atque de his Illnus & Rmus Cardinalis Allinius prolixè jussu Sanctissimi ad Reverendissimum Percellensem scripsit.

Ex Literis Domini Stravii ad
Præpositum datis & scriptis ex Urbe
die XXIX. Martii 1586.

Egi hic pro Confirmatione Privilegiorum & Articulorum, nuper per Nuncium subscriptorum. Respondit Papa se nolle rescribere adversus Conc. Trident., sed occurrente casu

se habiturum rationem præfatorum Privilegiorum, uti etiam ad eundem Nuncium scribi insiti.

ORATIO ad finem Synodi habenda

Leodii apud Gualtherum Morberium M. D. LXXXV.

FRATRES CHARISSIMI, toto mentis affectu orate, ut hæc Sacra Synodus, auctoritate Apostolica congregata, cum in hac Civitate, ac Dicecesi Leodiens. uberrimos spiritales fructus afferat, tum finitimas Provincias sancto imitationis desiderio accendat.

FRATRES CHARISSIMI, toto mentis affectu orate pro SANCTISSIMO D. N. D. SIXTO PAPA QUINTO, ut cum diuturna & felicissima Pontificatus administratione omnium meliorum charissimum plenitudinem a Domino consequatur, atque ad vitam una cum grege sibi credito perveniat sempiternam.

FR-

" Quod a me petiistis, quodque in me fuit, præstiti. Nihil equidem impetraturum me non ignoravi, neque enim solet adversus Concilii Oecumenici Decreta dispensare Pontifex, sed quandoquidem Concilium aliter recipere refragabamini, cum astutus esset, (*) dolo cepi vos. Atque hæc subridens sæpius ex Apostolo discitabat.

" Examinatores quinque jam ante per bon. mem. Cardinalem Groesbekanum deputatos renovavit, eisque duos adjecit, exacto ab omnibus jurejurando de forma examinationis, per Sacrum Concilium præscripta (quam per concursum vocant) inviolate observanda: quod & ego tunc cum aliis, uti illorum unus præstiti: Canonicum Theologalem & Pœnitentiarium in Cathedrali juxta Concilium esse voluit, pro quibus duos primo vacaturos Canonicatus ab Ernesto Præsule impetravit: quorum primum D. Georgius Thurinus, uti Theologalis, & perexcellens Concionator, Verbique Dei Minister; ego alterum, uti Pœnitentiarium obtinui.

" Voluit quoque speciatim relegi Decretum circumductionis, seu annulationis Matrimonii clandestinorum, quod jam ante, juxta ejusdem Concilii præscriptum, per singulas Dicecesis Parochias, Groesbekani Præsulis jussu, fuerat promulgatum.

" Conclufa Synodo, cepit in quosdam, concubinatorios suspectos, juxta formam a S. Concilio præscriptam, procedere: tantumque brevi tempore profecit; ut pauci concubinas habere convicti, eas a se etiam extra urbem, ad omnem evitandam suspicionem dimitterent: Ut etiam quod Clerici, Canonici, & alii de habitu Clericali gerendo admoniti, habitum Clericalem, & verticis iniuncti tesseram Clericalem, modo & forma in Canonibus præscripta gererent.

" Inquisivit & in Simoniacos, quos satis severe ad restitutionem fructuum male perceptorum multavit. Habebat civem, virum probum, plerisque omnibus notum, qui multas Simoniacorum, concubinatoriorum, & aliorum colligebat, & fideliter afferabat: e quibus montem pietatis, more Italico, Leodii erigere, & usurarios, qui pauperum fortunas exedunt, civitate excludere meditabatur. Sed morte præventus, quod pio animo destinarat, perficere non potuit. Hucusque Chapeavillius de Gest. Episcoporum Leodiens. Tom. III. in Ernesto Barro. Cap. IX.

(*) 2. Cor. 12.

Tomus VIII. Concilior. German.

T t t 2

FRATRES CHARISSIMI, toto mentis affectu orate pro Reverendissimo & Illustrissimo D. JOAN. FRANCISCO EPISCOPO VERCELLIENSI, APOSTOLICO NUNCIO, Sanctæque hujus Synodi PRÆSIDE; ut opus, ac præsens ministerium sibi commissum digne impleat, ac pares tanto oneri vires a Domino impetrare mereatur.

FRATRES CHARISSIMI, toto mentis affectu orate pro SERENISSIMO PRINCIPE ET EPISCOPO VESTRO; ut victoriam contra suos Christianique hostes tandem obtineat, atque in pace & tranquillitate degens, spiritualibus in dies crescat augmentis, & iis, quibus præfectus est a Domino, non modo præsit, verum etiam prosit ad perpetuam Catholicæ Religionis propagationem.

FRATRES CHARISSIMI, toto mentis affectu orate pro Ministris Ecclesiasticis, ejusdem Episcopi & Principis, quatenus in rectam veritatis & justitiæ viam, duce Domino, dirigantur, dumque manus in bonis operibus elevent, laborum suorum benedictionem a Domino largissimam consequantur.

FRATRES CHARISSIMI, toto mentis affectu orate, ut qui huic Civitati, vel ditioni præficiuntur, sapientia, justitia, omnique virtute præfulgeant; ac bonorum operum exemplum toti populo indefinenter præbeant.

FRATRES CHARISSIMI, toto mentis affectu orate Deum Patrem misericordiarum, ejusque Filium unigenitum, Salvatorem nostrum, Sanctumque Spiritum, qui nos huc ad Sanctissimæ Trinitatis laudem convenire voluit, ut in hac Synodo Apostolica ad Spiritum Sacerdotalem excitati, latam spatiosamque viam, quæ ad perditionem ducit, omnino relinquamus; tandemque ingredi plane statuamus per illam angustam, quæ ad vitam ducit, eamque usque ad obitum pergere non desinamus, quousque ad Celestem Patriam, quo tendimus, & in qua cives conscripti sumus, auxiliante Divina gratia, perveniamus.

ACCLAMATIONES in Synodo.

Sanctissimæ & Individuæ TRINITATI sempiterna laus & gloria.

Respons. Magna est misericordia tua, Domine, super nos; quemadmodum speravimus in te: qui ad optatum finem hanc Sacram Synodum perducere dignatus es, tibi gratiarum actio in sæculorum sæcula.

Smo D. N. D. SIXTO PAPÆ QUINTO, Christi in terris Vicario, & Petri Clavigeri Successori, Summo universalis Ecclesiæ Pontifici, cunctarum gentium obedientia.

Respons. Domine Deus! supremum tui gregis Pastorem gratia tua custodi ac dirige; ut eo gubernante universæ gentes sancto veræ fidei lumine illustratæ, in unum Ecclesiæ tuæ ovile colligantur.

Clementissimo & Serenissimo IMPERATORI summa felicitas, & contra infideles perpetua victoria!

Respons. Rex Regum & Dominantium Domine, Augustissimum Imperatorem tua celestis gratia & felici Regnorum propagatione semper auge!

Reverendissimo & Illustrissimo Domino, D. JO. FRANCIS. Episc. Vercellen. Nuncio Apostolico, & Sacræ hujus Synodi Præfecto, sancta in ferendis laboribus tolerantia, & perpetuum Pastoralis sollicitudinis incrementum!

Respons. Deus misericordiarum Pater, humiles servi tui preces propitius exaudi, piaque illius vota ac desideria ad Nominis tui gloriam, & Ecclesiarum, illius curæ creditarum, instaurationem benignus adimple!

Serenissimo ac Reverendissimo Domino, D. ERNESTO EPISCOPO & Principi Leodienf. salutaris vigilantia, vita longæva & prospera gubernatio!

Respons. Omnipotens Deus, super eo benedictionis tuæ dona perpetuo multiplica, ut greges tuos sibi commissos secundum beneplacitum tuum hic diu pascas, ac demum ad celestia pascua secum feliciter perducas.

LEO-

LEODIENSI POPULO pax Christi æterna, & perpetuum Catholicæ Religionis studium!

Respons. Memento Domine in beneplacito populi tui, ac perpetuum tuæ benedictionis rorem, tuumque amorem simul ac timorem illi infunde.

Nos Dei voluntatem pie, sancteque implentes, Sancta hujus SYNODI Decreta ad DEI gloriam, & salutem animarum sedulo exequentes, digni reddamur misericordia & gratia magni & Supremi Sacerdotis JESU Christi, intercedente simul ejus Genitrice Beatissima Virgine, ac Beato Lamberto Episcopo & Martyre, omnibusque aliis

hujus Ecclesiæ Patronis, una cum omnibus Sanctis!

Respons. Amen. Amen. Amen.

(L.S.)

Per Copiam, quantum fieri potuit, conformem manuscripto, in Secretaria Perillustri Capituli Cathedralis Ecclesiæ Leodiensis asservato, quod testor H. Mouillard, præfati Perillustri Capituli Notarius & Secretarius.

Hoc Exemplar quadraginta quinque foliis constans, accurate a me cum originali manuscripto collatum, testor cum eodem concordare. Leodii die 23. Martii 1767. Carolus Wastelain S. J.

SYNODUS DIOECESANA COLONIENSIS

SUB ERNESTO, BAVARIÆ DUCE, (*) ARCHIEPISCOPO,

Anno Christi MDXCVIII. Clementis VIII. PP. VII.
Rudolphi II. Imp. XIII.

Statuta Synodi Diœcesanæ Coloniensis Anni 1598.. 2da Octobris.

DE CANONICIS.

TITULUS I.

I. **P**recipimus observari Canones & Statuta Provincialia, quæ de vita & honestate Clericorum edita sunt, ac imprimis innovamus ea, quæ contra Simoniacos, concubinarios, fornicarios, ebriosos, coronam, tonsuram, & habitum Clericalem non gestantes, vagantes, non residentes, Horas Canonicas non recitantes, Monasteria Virginum absque licentia & rationabili causa frequentantes, sæcularibus negotiis sese immiscuentes, olim salubriter decreta & promulgata fuerunt.

II. Quo vero strictius ista omnia observentur, mandamus Decanis, &

aliis Ecclesiarum Prælati, ut in suorum Canonicorum & Vicariorum vitam & mores sedulo animadvertant, & quos in prædictis culpabiles offenderint, debitis pœnis coërceant, memores Heli Sacerdotem (a) pro filiorum iniquitate damnatum: alioqui Nos illorum negligentiam supplentes, ad censuras & pœnas Canonicas ferio procedi faciemus.

De Pastoribus, Decanis ruralibus, Concionatoribus & Confessariis.

TITULUS II.

I. **I**mprimis volumus, ut omnes Pastores per Diœcesim Coloniensem
T t t 3 fem

(*) Vide notata sub finem Statutorum.

(a) 1. Reg. 2.

sem de sua jurisdictione & Canonica institutione, five investitura, coram suo quisque Archi-Presbytero, five, ut vocant, Decano rurali, per legitima instrumenta fidem faciant. Deinde ad manus eorundem Professionem Fidei edant, secundum formam a Sacra Tridentina Synodo præscriptam. Qui si ne Canonica institutione curam animarum administrare præsumperint, aut Fidei Professionem edere detrectaverint, eos dicti Archi-Presbyteri ad proximam Synodum Nobis scripto denuntiabunt.

II. Qui ad curam animarum (b) legitime vocati sunt & admissi, apud Ecclesias suas, sicut jure Divino tenentur, residere, atque oves suæ fidei commissas per se ipsos pascere compellantur.

III. Mandamus (c) & præcipimus universis Parochis & Presbyteris, ut non nisi publice in Ecclesia infantes baptizare, aut Sponsos Matrimonio jungere præsumant, casu necessitatis excepto, ut sic reprimatur quorundam Laicorum fastus & superbia, qui ista Sacramenta sibi, suisque, in privatis domibus ministrari postulant, quos in Corinthiis graviter perstringit Apostolus: (d) An Ecclesiam Dei contemnitis? Nec volumus per Officiales nostros cum quovis, nisi ex causis gravissimis & urgente magna necessitate dispensari.

IV. Meminerint (e) quoque Pastores, sui muneris esse, ad promovendam Juventutis rectam institutionem sollicitè providere, ut Ludimagistri non tantum literis sufficienter instructi, sed Fide Catholica imprimis, vitæque integritate commendati, Scholis Parochialibus præficiantur. Itaque non admittentur posthac, nisi examinati ab ipsis Pastoribus, vel extra Coloniam a Decanis Ruralibus, atque ad eorundem manus Fidem Catholicam secundum præscriptum Concilii Tridentini professi fuerint. Si quis inveniat de hæresi suspectus, aut qui recuset Fidei

Professionem edere, ab officio depellatur, alio Catholico & idoneo in ejus locum substituto.

V. Nullus in posterum Sacerdos five secularis, five Regularis, etiam exemptus, administrationem Sacramentorum, & præcipue Confessionum audiendarum munus, aut prædicationem Verbi Dei publice in Ecclesia sibi sumere audeat, nisi doctrina, moribus & vita probatus, & ad id muneris idoneus visus fuerit Examinatoribus, quos ex Colonienfium Pastorum & Theologorum ordine duximus deputandos, ac Vicarii approbationem, quæ gratis dabitur, in scriptis obtinuerit, privilegiis contrariis quibuscumque, & consuetudine etiam immemorabili non obstantibus.

VI. In Casibus Episcopalibus, qui Nobis de jure, vel consuetudine, vel per Statuta Synodalia reservati sunt, in foro conscientie absolvendi potestas jam olim pluribus aliis benigne admodum, salubriterque communicata fuit; Suffraganeo scilicet, Metropolitana Ecclesie Presbyteris Canonis, Theologis, intraneis & extraneis tam Collegiorum, quam ruralium Pastorum Decanis, quatuor primarum Parochiarum urbis Colonienfis Pastoribus, quatuor Ordinum Mendicantium Prioribus, & ædis Metropolitanæ Penitentiariis. Nos tamen attendentes horum temporum iniquitatem & iterum pericula, quod durante isto exitiali bello, non semper, neque ex omnibus locis penitentes ad dictos Commissarios in casibus reservatis accedere valeant; ex multis aliis gravibus causis animum nostrum moventibus, potestatem absolvendi in gravioribus delictis Nobis reservatis, occultis tamen, idque in foro conscientie duntaxat, ulterius extendere, omnibusque Nobis subjectis Parochis legitime vocatis impertiri volumus, quo facilius omnibus vere penitentibus ad gratiam & remissionem peccatorum aditus concedatur, inhærentes Placitis & Decretis Concilii Provincialis.

(b) Concil. Trid. Sess. III. de Reform. cap. 2.

(c) Conc. Prov. Colon. A. 1536. Part. 7. c. 7. & An. 1549. in Censur. & Decr. sub Num. XV.

(d) 1. Cor. 2.

(e) In Statutis Provinc. sub Adolpho anno 1550.

vincialis anno 1536. celebrati, quod sic habet:

In occultis delictis ex reservatione casuum compertum habemus, nonnihil mali interdum accidere, vel quod peccator non habens in promptu Sacerdotem, qui illum absolvat, confiteri vel differt, vel contemnit; vel quod minores ætate sunt, vel mulieres, difficile adducantur, ut ex suis Parochiis non sine levi suspitione ad Nos, seu Commissarios nostros proficiantur. Quare ut consulamus & verecundiæ & famæ, visum Nobis est hanc potestatem nostram absolventi peccatis & casibus nostræ absolutioni reservatis, occultis tamen, omnibus Parochis per Dioecesim nostram constitutis, rite vocatis, delegare: modo tamen Vicarium nostrorum in Pontificalibus consilium requirant ac adhibeant.

VII. Archi-Presbyteri, sive Decani Rurales, Statuta sive Decaniarum revidenda Nobis tradant, Capitula sua bis in anno convocent, in quibus Canones & Statuta Synodalia publicabunt, & contra ea delinquentes, quæ dignum est severitate, corripient & punient. Omnes item & singulas causas Beneficiales, Matrimoniales, & reliquas Ecclesiasticas ad tribunal Archi-Episcopi, vel Archidiaconi pro ea, quæ illis etiam juramento obstricti sunt obedientia, remittent.

VIII. Decretum denique Concilii Tridentini de reformatione Matrimonii, sæpius & suggestu a Pastoribus & Concionatoribus publicetur, ne simpliciores & populo ignorantiam prætere possint. Quod ob id visum est in fine, Latina & Germanica lingua, Statutis his Synodalibus subijcere.

De Regularibus Monachis, & Sanctimonialibus.

TITULUS III.

I. **Q**uamvis Superiores Ordinum, pro suorum subditorum confessionibus audiendis, Confessarios designare possint, eos tamen sive

per se, sive per alium idoneum examinare tenentur.

II. Ne Monialium ordinarii Confessarii seu Rectores, jurisdictionis potestate careant, legitima auctoritate instituantur, & ab Ordinario, aut ejus Vicario approbentur.

III. Ac quoniam (g) de Sanctimonialibus, dum ad unum aliquem Confessarium perpetuo adstringuntur, verendum, ne subinde aut metu, aut pudore in confessione peccata aliqua reticere, & conscientiam non plene exonerare inducantur, & tamen postea ad Sacrosanctam Communionem statutis temporibus cum aliis accedere non pertimescant: idcirco præter ordinarium Confessarium, bis aut ter in anno, offeratur alius extraordinarius, ab Ordinario loci deputatus, aut saltem approbatus, qui omnium confessiones audiat.

IV. Regulares (h) cujuscunque Ordinis, nisi a suis Superioribus de vita, moribus & scientia examinati, & approbati fuerint, ac de eorum licentia, etiam in Ecclesiis suorum Ordinum prædicare non possint: sed cum ea licentia personaliter se coram Episcopo, aut ejus in Spiritualibus Vicario præsentare, & ab eis benedictionem petere teneantur, antequam prædicare incipiant; In Ecclesiis vero, (i) quæ suorum Ordinum non sunt, ultra licentiam suorum Superiorum, etiam Episcopi licentiam habere teneantur, sine qua in ipsis Ecclesiis non suorum Ordinum nullo modo prædicare possunt. Episcopo autem contradicente nullus sive secularis, sive Regularis, etiam in Ecclesiis suorum Ordinum, prædicare præsumat.

V. Clausuram Sanctimonialium, (k) ubi violata fuerit, diligenter restitui, & ubi inviolata est, conservari maxime desiderantes, statuimus & ordinamus, quod ingredi intra septa Monasterii nemini liceat, cujuscunque generis aut conditionis, sexus vel ætatis fuerit, sine Episcopi vel Superioris licentia in scriptis obtenta, sub excom-

muni-

(g) Conc. Prov. sub Adolpho III. an. 1549.

(h) Conc. Trid. Sess. V. de Refor. c. 2.

(k) Conc. Trid. Sess. XXV. c. 5.

Conc. Trid. Sess. XXV. cap. 10.

(i) Conc. Trid. Sess. XXV. c. 4. de Refor.

municationis pœna ipso facto incurrenda. Dare autem tantum Episcopus, vel Superior licentiam debet in casibus necessariis. Pari ratione & pœna mulieres virorum Monasteria ingredi prohibeantur.

VI. Nemini quoque Regularium (l) tam virorum, quam mulierum liceat bona immobilia, vel mobilia, cuiuscunque qualitatís fuerint, etiam quovis modo ab eis acquisita, tanquam propria, aut etiam nomine Conventus possidere vel tenere: Sed statim ea Superiori tradantur, Conventuique incorporentur. Nec deinceps liceat Superioribus bona stabilia alicui Regulari concedere, etiam ad usum fructum, vel usum, administrationem, aut commendam. Administratio autem bonorum, Monasteriorum aut Conventuum ad solos Officiales eorundem ad nutum Superiorum amovibiles, pertineat.

De vagis & peregrinis Sacerdotibus.

TITULUS IV.

I. **N**ulli vago, (m) ignoto & peregrino Sacerdoti, sive seculari, sive regulari sit, in ulla Ecclesia celebrare, aut alios Sacros actus exercere liceat, priusquam de ordinatione sua rite adepta, deque vita, moribus, eruditione ac titulo fidem fecerit, per sui Ordinarii literas, aut publica instrumenta: docueritque nullo Ecclesiastico impedimento se ab executione ordinis arceri. Quibus quidem literis atque instrumentis exhibitis a nostro in Spiritualibus Vicario, vel si extra Coloniam versetur, a Decano Rurali, ad quem istius loci cura spectabit, licentiam in scriptis petere debet.

De his, quæ ad populum pertinent.

TITULUS V.

I. **M**onendus (n) populus diligenter, teneri unumquemque

Parochiæ suæ interesse, ubi commode id fieri potest, ad audiendum Verbum Dei.

II. Monendus (o) idem populus (quod Sacrosancta Synodus Tridentina Decreto de observandis & evitandis in celebratione Missæ constituit) ut frequenter ad suas Parochias, saltem diebus Dominicis & Festis accedant.

III. Quæ sint Festa celebria Ecclesiæ Colonienſis, præscriptum & definitum est in Statutis Provincialibus sub HENRICO anno 1397. & ADOLPHO Archi-Episcopis anno 1549., ac tametsi ea omnia, ut a Majoribus præscripta sunt, non tantum a Clero nostro, sed ab omni populo etiam in foro debite observari cuperemus: tamen & Festorum hujus Patriæ mediocrem multitudinem, supra morem aliarum Ecclesiarum excreſcentem, & populi in eorum observantia flaccescentem devotionem attendentes, peccati periculum ab infra scriptis duximus removendum: Videlicet, Agneris, Cathedræ & Vinculorum Petri, Georgii, Pantaleonis, Exaltationis S. Crucis, Gereonis, undecim millium Virginum, Severini, Cuneberti, Cæciliæ, & Innocentium. Itaque propter varias hujus vitæ & temporum necessitates, in prædictis Festis obligationem feriandi relaxamus, ut culpa vacent, qui iisdem diebus laboraverint: sed maneat tamen per omnia eorundem in Ecclesiis consueta observantia. Ad excitandam autem fidelium pietatem, omnibus, qui Sacrificio Missæ, cæterisque Officiis Divinis prædictis Festis interfuerint, suas preces cum Ecclesia ad Deum pie attenteque fundentes, 40. dies Indulgentiarum pro qualibet vice de Omnipotentis Dei misericordia confisi, auctoritate nostra ordinaria clementer concedimus.

IV. Mandamus quoque & præcipimus, ne in Civitatibus & vicis nostræ Diœcesis Dominicis & Festis diebus sub Concione & Missa cenopolia & cervisiariorum officinæ, nisi viatoribus & peregre advenientibus aperiantur, ne popu-

(l) Conc. Trid. Sess. XXV. cap. 2.

(m) Conc. Provinc. Colon. an. 1536. Parte 1. cap. 31. & Trid. Sess. XXII. in Decreto de observandis & evitandis in celebratione Missæ.

(n) Conc. Trid. Sess. XXIV. cap. 4. de Refor.

(o) Ibid. Sess. XXII.

populus a cultu Divino ad compotationes cum insigni profanatione Festorum; & Dei offensâ pertrahatur. Contra delinquentes pœnis arbitrariis procedi faciemus.

V. Pastores item frequenter (p) & diligenter subditos suos utriusque sexus admoneant; quotquot ad annos discretionis pervenerunt, teneri, ut omnia sua peccata, humiliter, integre, aperte, & distincte minimum semel in anno confiteantur proprio Sacerdoti, aut de ejus, vel Superioris licentia, alteri seculari, vel regulari Presbytero, per Ordinarium loci admissio & approbato, utque ad minus in Paschate Sacrosanctam Eucharistiæ Communionem, non nisi de manibus proprii Sacerdotis reverenter accipiant; alioqui viventes ab ingressu Ecclesiæ arceantur, & moventes Christiana careant sepultura.

VI. Alioqui nemo Christianus, (q) qui in communione decessit Ecclesiæ, ab Ecclesiastica sepultura arceatur, etiamsi casu & repentina morte extinctus fuerit. Soli vero hæretici, excommunicati, publici latrones, & hi, qui sibi mortem criminis conscientia adacti consciverunt, & quos in peccato lethali, nullis pœnitentiæ signis præcedentibus, decessisse constiterit, prohibeantur.

Sequitur Decretum Concilii Tridentini de Reformatione Matrimonii.

Tamet si dubitandum non est, (r) clandestina Matrimonia, libero contrahentium consensu facta, rata & vera esse Matrimonia, quamdiu Ecclesia ea irrita non fecit, & proinde jure damnandi sint illi, ut eos Sancta Synodus anathemate damnet, qui ea vera ac rata esse negant, quique falso affirmant, Matrimonia a filiis-familias sine consensu parentum contracta, irrita esse, & parentes ea rata vel irrita facere posse; nihilominus Sancta Dei Ecclesia ex justissimis causis illa semper de testata est, atque prohibuit. Verum cum Sancta Synodus animadvertat, pro-

hibitiones illas propter hominum inobedientiam jam non prodesse, & gratia peccata perpendat, quæ ex eisdem clandestinis conjugiiis ortum habent; præsertim vero eorum; qui in statu damnationis permanent, dum priore uxore, cum qua clam contraxerant, relicta, cum alia palam contrahunt, & cum ea in perpetuo adulterio vivunt. Cui malo cum ab Ecclesia, quæ de occultis non judicat, succurri non possit, nisi efficacius aliquod remedium adhibeatur: idcirco Sacri Lateranensis Concilii sub Innocentio III. celebrati, vestigiis inhærendo præcipit, ut in posterum, antequam Matrimonium contrahatur, ter a proprio contrahentium Parocho tribus continuis diebus festis in Ecclesia, inter Missarum solemnias publice denuntietur, inter quos Matrimonium sit contrahendum: Quibus denuntiationibus factis, si nullum legitimum opponatur impedimentum, ad celebrationem Matrimonii in facie Ecclesiæ procedatur; ubi parochus viro & muliere interrogatis, & eorum mutuo consensu intellecto, veldicat: Ego vos in Matrimonio conjungo, in nomine Patris, & Filii, & Spiritus Sancti: vel aliis utatur verbis, juxta receptum uniuscujusque provincie ritum. Quod si aliquando probabilis fuerit suspicio, Matrimonium malitiose impediri posse, si tot præcesserint denuntiationes, tunc vel una tantum denuntiatio fiat, vel saltem parochus, & duobus vel tribus testibus præsentibus Matrimonium celebretur: Deinde ante illius consummationem denuntiationes in Ecclesia fiant, ut, si aliqua subsunt impedimenta, facilius detegantur; nisi Ordinarius ipse expedire judicaverit, ut prædictæ denuntiationes remittantur, quod illius prudentiæ & judicio Sancta Synodus relinquit. Qui aliter, quam præsentem parochus, vel alio Sacerdote de ipsius parochi, seu Ordinarii licentia, & duobus vel tribus testibus Matrimonium contrahere attentabunt, eos Sancta Synodus ad sic contrahendum omnino inhabiles reddit, & hujusmodi contractus irritos & nullos esse decer-

(p) In Statutis Sifridi cap. 8. de Pœnitentia, & Henrici anno 1310. Statuto 20.

(q) Conc. Provinc. an. 1536. Part. 7. c. 15.

(r) Trid. Sess. XXIV. c. 1. de Refor. Mat.

Tomus VIII. Concilior. German.

decernit, prout eos præfenti decreto irritos facit & annullat. Insuper parochum, vel alium Sacerdotem, qui cum minore testium numero; & testes, qui sine parochio vel Sacerdote hujusmodi contractui interfuerint, nec non ipsos contrahentes graviter arbitrio Ordinarii puniri præcipit. Præterea eadem Sancta Synodus hortatur, ut conjuges ante benedictionem Sacerdotalem in Templo suscipiendam, in eadem domo non cohabitent; Statuitque, benedictionem a proprio Parocho fieri; neque a quoquam, nisi ab ipso Parocho, vel ab Ordinario licentiam ad prædictam benedictionem faciendam, alii Sacerdoti concedi posse; quacunque consuetudine, etiam immemorabili, quæ potius corruptela dicenda est, vel privilegio, non obstante. Quod si quis Parochus, vel alius Sacerdos, sive regularis, sive secularis sit, etiamsi id sibi ex privilegio vel immemorabili consuetudine licere contendat, alterius Parochiæ sponfos, sine illorum Parochi licentiâ, Matrimonio conjungere, aut benedicere ausus fuerit, ipso jure tamdiu suspensus maneat, quamdiu ab Ordinario ejus Parochi, qui Matrimonio interesse debe-

bat, seu a quo benedictio suscipienda erat, absolvatur. Habeat Parochus librum, in quo conjugum & testium nomina, diemque & locum contractus Matrimonii describat, quem diligenter apud se custodiat. Postremo Sancta Synodus conjuges hortatur, ut antequam contrahant, vel saltem triduo ante Matrimonii consummationem sua peccata diligenter confiteantur, & ad Sanctissimum Eucharistiæ Sacramentum pie accedant. Si quæ Provinciæ aliis, ultra prædictas, laudabilibus consuetudinibus & cæremoniis hac in re utuntur, eas omnino retineri Sancta Synodus vehementer optat. Ne vero hæc tam salubria præcepta quemquam lateant; Ordinarius omnibus præcipit, ut cum primum poterunt, curent hoc Decretum populo publicariæ explicari in singulis suarum Diocesium Parochialibus Ecclesiis, idque in primo anno quam sæpiissime fiat; Deinde vero quoties expediri viderint. Decernit insuper, ut hujusmodi Decretum in unaquaque Parochia suum robur post triginta dies habere incipiat, a die primæ publicationis in eadem Parochia factæ numerandos.

NOTATIO EDITORIS

De causa intermissarum Coloniae ab anno 1551. usque ad annum 1598. Synodorum.

OMnes inter Germaniæ Ecclesias nulla est, quæ per priores quinque Sæculi XVI. Decades Synodos tam multas a se celebratas exhibeat, quam Colonienfis. In hac enim ab anno 1513. usque ad annum 1551. Diocesanas decem, ac duas insuper Provinciales habitas fuisse, Tomo nostro VI. ostendimus, allatis, quæ in eisdem editæ & promulgatæ fuerunt, Constitutionibus. Harum Provincialium primam anno 1536. convocavit Hermannus a Weda, funestissimi fati Præsul, qui vix elapso post eam Synodum quadriennio, Bucerî fraude circumventus, gravissimo Provinciæ Metropolitanæ detrimento, maximoque fidelium omnium scandalo a Catholica fide defecit, factus apostata: ac propterea ex Rom. Pontificis, Cæsarisque sententia damnatus, Ecclesiastica simul & Principali, Electoralique dignitate ac Jurisdictione privatus est. *Vide, quæ de illo diximus eod. Tom. VI. pag. 236.*

Alterâ Provincialis habita fuit ab Hermannî Successore, Adolpho e Comitibus de Schawenburg. In hac cum Clero Provinciali deliberatum de mediis, quibus restaurari possent, quæ ab Antecessore depravata per hæresin fuerant. Saluberrimæ eum in finem editæ Constitutiones, quæ ut inducerentur in usum, Clerum suum bis duobus annis subsequenteribus Diocesanam ad Synodum congregavit Vigilantissimus Archi-Episcopus, & ut Turckius in MSS. inquit, inter maxime eximios Ecclesiæ Colonienfis Antistites jure numerandus. Ad cujus cæteras laudes illud etiam pertinet, quod ultimus ipse Colonienfis inter Archi-Episcopos exiit eo sæculo, qui solenni consecrationis ritu Episcopalis Ordinis caractere fuerit insignitus, quo honore, ut Gelenius, ac Turckius asserunt, integro centum prope annorum spatio caruerunt, quotquot post Adolphum ad Sacra apud Ubios moderanda electi sunt, donec

donec Maximilianus Henricus Bavarus, Ferdinandi Successor, anno 1651. istam Episcopalis consecrationis gloriam, quam a Fabio Chisio, Apostolico tunc Nuntio, accepit, Sedi Colonienſi denuo vindicavit.

Eodem Adolpho, anno 1556. mortuo, interrupta etiam fuit apud Ubios, utilissima, & nunquam satis prædicanda Synodorum celebrandarum consuetudo. Nam ab anno 1551. quo ultima, ut opinor, Diocesani Cleri Comitia sub Adolpho Colonia coacta fuere, nullum amplius longo, circiter quadraginta ac septem annorum intervallo, Synodalem Cleri conventum ibidem congregatum inveni usque ad annum 1598. sub Ernesto Bavaro Archi-Episcopo, cujus Synodi Constitutiones mox dabimus.

Interruptionis hujus tam diuturnæ multiplices recenseri causæ possunt: quarum aliæ omnibus Germaniæ Ecclesiis fuere communes, publicæ nimirum Germanorum, post inuestum a Luthero schisma, a se invicem circa fidei dogmata dissidentium discordiæ, & internecina, quæ inde nata sunt, bella: aliæ particulatim ad Ecclesiam Colonienſem pertinere, quæ eo tempore Episcopos habuit aut valetudinarios & brevissimi regiminis, aut communis belli curis impeditos: unum etiam de fidei sinceritate non leviter suspectum: alium manifestum apostatam, ac lupum potius, quam Pastorem, qui Diocesin universam scdissime laceravit, ac tantum non penitus pessumdedit.

Non aberraverim a scopo hujus operis, si, quo manifestior Lectoribus fiat Colonienſis Ecclesiæ status, Episcoporum horum nomina ac seriem, rerumque ab ipsis gestarum ideam quandam breviter exhibuero.

Quinque fuerunt, qui post Adolphum Schawenburgicum, ad regendam hanc Metropolim delecti fuerunt, Archi-Episcopi. Primus hos inter fuit Adolphi frater, Antonius Schawenburgicus. In hunc Cleri Primates tanto propensius sua vota contulerunt, quanto recentius adhuc apud eosdem vigeat desiderium Adolphi, quem nuper amiserant, quemque in fratre superſite spiraturum, recturumque opinabantur, cum illi par fere inesse cernerent ingenium, indolemque. Nec fortasse spes ipsos sua sefellisset; si Antonio suppetiisset aut ætas vegetior, aut vita diuturnior. Verum non diu gaudere eo Præsule Colonienſibus concessum fuit: Nam cum anno 1558. Francofurtensibus & Comitibus, in quibus una cum aliis VII. viris Majestatem Imperii in Ferdinandum Regem tranſtulit, ad suos rediisset, solennemque pro more in Urbem Colonienſem ingressum pararet: in gravissimum morbum incidit, quo Medicorum artem atque industriam omnem superante, die 18. Junii in arce Godesbergenſi, præpropere fato diem extremum clausit: (P. Mich. Mörckens Carthusian, apoplexia extinctum scribit) cum Ecclesiæ præfuisset anno uno, & mensibus circiter novem.

Huic eodem anno 1558. VII. Kal. Augusti subrogatus est Joannes Gebhardus & Comitibus de Mansfeldt, Trajecti ad S. Servatium, & Coloniae ad S. Georgium Præpositus, idemque binis Antecessoribus affinitate conjunctus. Præter claritudinem generis egregios mores atque indolem ad oblatum sibi Principatum attulit, naturam nactus, modestiæ, pacis ac tranquillitatis, insitæque clementiæ dotibus egregie exornatam. Et quanquam Gentilitiæ domui labe non modica ab hæresi Lutherana adhæreret, ipse tamen in fide Orthodoxa, quoad vixit, constantissime perſtitit: Vir, ut a Cleinsorgio, Mersæo, aliisque prædicatur, splendidus, magnificus & liberalis. Brevitas imperii, uti Antecessorem, ita & ipsum a rebus magnis gerendis impedit: nam annis tantum quatuor, ac tribus mensibus tenuit Episcopatum, incommoda diu valetudine usus, inclinante in hydropisim corpore, quo ex morbo demum Brulæ occubuit anno 1562. IV. Nonas Novembris, eidem sepulchro illatus, quod non ita pridem Antecessoribus suis & Affinibus Schawenburgicis Metropolitano in Templo erigi, magnificeque exornari curaverat.

Extat gravissimum ejus edictum, adversus Sectam Anabaptistarum, anno 1560. promulgatum Kempenæ, in *Wilmi Chron. MS.*

Decimo post Joannis Gebhardi sepulturam die, maturatis Cleri Comitibus, Successor illi datus est Fridericus, e Wedanorum Comitum stirpe ortus. Parentes habuerat Joannem Wedæ Comitem, Runckelii Dynastam, & Elisabetham, Joannis Nafſovici, Vianæ & Diezii Comitibus filiam. Nepos erat infelicis Hermannii Wedani, Colonienſium pariter Archi-Episcopi, cujus e Sede sua propter hæresim deſecti supra meminimus. Unde mirum videri merito potest, quod Ecclesiæ Colonienſis Primates, Apostasiæ tam recentis immemores, ex eadem familia, Lutheri dogmatibus

bus addita, Antistitem sibi deligere non dubitaverint. Sed fuerint forte superstites in Clero, qui ejusdem Hermanni partibus olim adhærentes, iisdemque cum illo opinionibus imbuti, novum in Friderico Hermannum optaverint. Ut sit, non ipsimet Friderico ista sui electio magnopere placuit, & invitusque ad oblatam sibi Provinciã administrandam accessit. Erat enim jamtum senectã invalidus, languido corpore, animoque, & auditu prope destitutus. Quare ejus etiam regimen nulla pene a rebus præclare gestis laude nobilitatum, & nec utile subiectis, nec ipsi gloriosum fuit.

Ad fidem ejus quod attinet, sunt, qui in Catholica constanter perstitisse contendunt: sunt alii, qui in suspensionem illum adducant, tanquam si propenso nimium erga Protestantes fuerit animo, iisdemque favorit. Illud certum, quod eo permoveri potuerit nunquam, ut præceptam a Tridentino Concilio, & a Pio IV. Papa præscriptam Catholicæ Fidei Professionem emitteret: malueritque demum amplissimam Archi-Episcopali, Electoralique dignitati renuntiare; quam Catholicum se ex ea, quam dixi, formula, juramenti religione interposita, profiteri. Multum in eo, ab ista animi fluctuatione avocando S. Pius V. Pontifex Max. laboravit. Literas ad eum dedit plenas amoris & benevolentiae: Rationes, quibus isto juratæ Professionis edendæ præcepto, non teneri se existimaverat, evertit: Cardinali Commendone, Apostolico Augustanæ ad Comitã Legato, istud singulari cura in mandatis dedit, ut omni meliore, quo posset, modo Friderici animum expugnaret, atque ad præstandam Rom. Pontifici ea in re obedientiam inflecteret: Immo & ipsius Imperatoris imploravit operam, ut Suae Majestatis autoritate eandem ad saniora sequenda consilia adducere non gravaretur: ut ipsa, quæ mox afferemus, literarum monumenta ostendent. Sed irriti fuere conatus. Nihil precibus, nihil monitis, nihil minis profectum. Tandem cum Fridericus Romanum Pontificem ab exigenda ea Fidei Professione nunquam destitutum: nec alia via se, factæ in sui favorem electionis confirmationem ab eodem impetraturum, jamque de altero sibi in Sede Colonienſi substituendo agi adverteret; ut istam a se amoliretur infamiam, seu sponte sua motus, seu inductus ab aliis, anno 1567. VIII. Kal. Januarii oblato sibi Pontificatu ultro se abdicavit, facta Metropolitana Ecclesiæ Canonicis potestate, alium, quem vellent, eligendi. Abdicationem hanc Patres, volentes, lubenresque accipere, privatoque deinceps victuro, trium millium aureorum florenorum pensionem annuam adstipulati sunt: cui tamen summæ intercessit Successor. Litem mors diremit. Nam anno postero exeunte, X. Kal. Januarii, cum totus sacris voluminibus lectandis vacaret, tenuique cum familia frugalem prorsus vitam instituisset, subito extinctus est. Administravit Ecclesiam Colonienſem Annis IV. Menses XI. dies duodeviginti.

Literas nunc subjiciam, quarum antea memini.

EPISTOLA FRIDERICI a WEDA, COLONIENSIS ARCHIEPISCOPI electi, ad S. PIUM V. Pontificem Maximum, quæ causas exponit, cur Fidei Professione superſedendum censeat.

BEATISSIME PATER, AC DOMINE CLEMENTISSIME!

Post beatorum pedum oscula, & debitam promptissimamque erga Sanctam Sedem Apostolicam reverentiam, & observantiam. Quandoquidem Omnipotens, & misericors Deus post obitum felicitis recordationis PII IV. Pontificis Maximi, Sanctitatem Vestram, ut excellenti doctrina præditam, & vitæ innocentia insigniter ornatam, ita Summo Pontificatu maxime dignam, ad regimen Ecclesiæ suæ vocavit, non possum nisi & Divinæ ejus Majestati, ac bonitati ex animo gratias agere, & Sanctitati Vestre eo nomine reverenter & humiliter

gratulari, faustaque & felicia omnia illi precari. Quamvis autem maturius aliquanto hoc ipsum facere, & pro impetranda confirmatione devote, humiliter & diligenter instare constitueram; cum tamen intelligerem, Sanctitatis Vestre, Sanctæque Sedis Apostolicæ Legatum bisse Augustanis Comitibus interfuturum, non inconvemens existimavi, hanc rem in hæc Comitibus rejici, humiliterque hinc petere, ut Sanctitas Vestra illud, quicquid est moræ, atque dilationis, patienter ferat, mihi bique pie ignoscatur.

Porro

Porro Sanctitatis Vestræ clementissimas literas, per ejusdem Legatum Reverendissimum, & Illustrissimum Dominum Joannem Franciscum Cardinalem Commendatum, in hisce Comitiis mihi præsentatas, ea, quæ decet, reverentia & humilitate accepi. Ex quibus Sanctitatis Vestræ Summo Pontifice dignam curam, sollicitudinem, & vere paternum affectionem erga gregem sibi commissum, & me (cui & filii nomen clementer tribuit, & paternis adhortationibus ad præstandum id, quod officii suscepti ratio exigit, non leve calcar addidit, & promptissimum animum suum gratiosissime significavit) facile intellexi. Quo nomine Sanctitati Vestræ summas merito gratias ago, humiliterque, ac reverenter polliceor, me & hisce tam salutaribus, piis ac paternis adhortationibus, quantum in me erit, ea, quæ decet, obedientia pariturum, & Deo volente, usque ad extremum vitæ spiritum in obedientia Sanctæ Romanæ, & Catholicæ Ecclesiæ, Se disque Apostolicæ constanter permanfurum, & nihil, quod ad ejus auctoritatem, ac dignitatem conservandam, & gregis mihi concediti salutem, Ecclesiæque commissa utilitatem pertinebit, & in mea potestate erit, intermissurum.

Cæterum cum ad has tantas res, quas officium meum posulat, rite peragendas, Electionis meæ confirmatione summopere opus habeam, non potui non cum præfatis Reverendissimo Domino Legato de hujusmodi confirmationis negotio diligenter conferre, illique omnes difficultates, quæ hactenus circa idem negotium intercederunt, & causas, propter quas nihil insoliti, & inusitati a me exigendum existimem, plene & confidenter recensere. Quamvis autem idem Reverendissimus Dominus Legatus, Vir integerrimus, ad hanc rem promovendam sese perquam benigne, amanter, ac fraterne obtulerit; ne tamen mandati sui fines excedere videretur, ad Sanctitatem Vestram me remisit, promissitque, se in hac re facturum, quæ posset, omnia. Cum igitur, Sanctissime Pater, omnibus aliis difficultatibus superatis, hæc sola supersit, quod non tantum vetus juramentum, ad quod præstandum me semper obtuli, nec ea tantum obedientia, quam Prædecessores mei hactenus præstare consueverunt (cujus in Brevis Sanctitatis Vestræ sit mentio) sed præterea insolita quidem, atque jurata Fidei Professio a me exigitur; ea autem vel hanc ob causam, quod electio de me facta, & negotii confirmationis

plena instructio, ab ejusdem impetratione (quam nihil, quod in mea potestate fuit, impedivit) benigna juris interpretatione non differens, & existimationis, ac fidei meæ sufficiens defensio, & professio, Summi etiam Pontificis calculo approbata, dudum ipsius Concilii Tridentini conclusionem, & confirmationem præcesserit, in hoc casu nec necessaria sit, nec infelici ac turbulento hoc tempore sine summo Catholica Religionis & Ecclesiæ afflictissimæ, mihi commissæ detrimento a me præstari possit: ut hæc omnia prædictus Dominus Legatus ex me, meisque plenius intellexit, & Sanctitati Vestræ procul dubio fideliter relaturus est. Idcirco, quanta possum, & debeo, humilitate, & reverentia peto, ut tandem Sanctitas Vestra solito juramento a Procuratore meo, Romæ excolente, (*) recepto, omnique difficultate, & mora submota, confirmationem tantopere desideratam, & periculosis hisce temporibus Ecclesiæ Colonienſi adeo necessariam, gratiose mihi concedere, & benigna legis sequentis interpretatione, totque relevantium causarum ratione habita, hac vice insoliti, & inusitati juramenti præstationem clementer remittere dignetur. Quod si, ut spero, fiat, non poterunt illi, qui posthæc eligendi, & confirmandi sunt, quorum par similisque causa non erit, hoc ipsum in exemplum trahere. Ego certe non eo minus Catholica Fidei, & Religionis, quam toties & verbis & scriptis, & re ipsa professus sum, sectator, & propugnator ero, & ab eo, Deo me favore suo prosequente, nunquam recedam. Spiritus Domini nostri JESU CHRISTI animam, & omnes conatus Sanctitatis Vestræ ad DEI gloriam, & salutem Christiani Orbis dirigere, & Sanctitatem Vestram du nobis incolumem servare dignetur.

Datum Augustæ Vindelicorum VI. April.
MDLXVI.

Sanctitatis Vestræ

Devotissimus Filius
FRIDERICUS, Electus
Colonienſis.

RESPON-

(*) forte: Romam incolente.

RESPONSORIA S. PII V. PAPÆ
ad FRIDERICUM a WEDA, electum Coloniensis Ecclesiæ
Archi-Episcopum.

DILECTO FILIO FRIDERICO, ELECTO COLONIENSI, SACRI ROMANI
IMPERII PRINCIPI, ELECTORI.

PIUS PAPA V.

Dilecte Fili! &c. Cuperemus admodum, Te Fratris nomine posse honorare, sicut mos est Romanorum Pontificum, eos, qui consecrationis munus jam susceperunt, Archi-Episcopos, & Episcopos appellare. Sed Te, donec id suscipias, filium ad Paternæ nostræ erga Te benevolentie indicium appellamus, confisi fore, ut utrumque erga Te & Patris, & Fratris affectum conservantes usitatio Te nomine appellemus. Accepimus Literas tuas, quibus primum nobis gratularis, quod ad Apostolatus officium assumpti fuerimus. Gratum fuit nobis, perinde ac debuit, illud tuæ erga nos pietatis indicium. Hoc autem Dei de nobis iudicio ita demum nos quoque letabimur, si quid dignum hoc loco, in quo sine meritis nostris constituti fuimus, ad Divinæ Majestatis honorem, & Ecclesiæ Catholicæ utilitatem agere, Divina gratia favente, ac Te, ac cæteris, qui nobis adesse debent, iuvantibus, poterimus, omnes labores, ac molestias, quas tecum (*) tantæ servitutis officium offert (**), patientissimo, ac libentissimo animo excepturi. Cum Dilectionem Tuam de assumptione nostræ certiorum per literas fecissemus, grato quoque animo acceptam abs Te fuisse hortationem nostram libenter cognovimus. Cui corroborationi nostræ quod ea, qua decet, obedientia obtemperaturum Te esse polliceris, laudamus admodum in Domino istud pium propositum tuum, & magnam in spem venimus, ut nostris salutaribus monitis acquiescas. De Professione Fidei, secundum Tridentini Concilii Decretum faciendam, intelleximus, quæ Tu excusandi Tui causa attulisti: sed in ea exigenda perseverare compellit nos commissum nobis officium. Etenim curare debemus, ut, cum omnia, quæ

tam salubriter, & sapienter, non sine Spiritus Sancti instinctu, in eo fuerunt Concilio statuta, atque decreta, ab omnibus, & ubique suscipiantur, tum ea maxime, quæ ad fidem pertinent, inviolata servantur, nec quicquam eis gratia concedatur. Nec ullam Tibi in eo injuriam facimus. Etsi enim electio Tua istud Concilii Decretum præcessit, tamen, cum non fueris adhuc confirmatus, non tempus, quo electus fuisti, sed quo confirmandus es, spectari debet. Neque est, quod verearis, ne fides tua ob eam causam in dubium vocari videatur. Non enim lædetur fama tua, non æstimatio violabitur. Læderes eam Tu ipse potius, & quadam nomen tuum labe commaculares, si, quod omnibus electis in universum perscriptum est, ipse exsequi pertinacius recusares. A nobis quidem si quis nostræ Fidei Professionem exigeret, eam, juxta Apostoli præceptum, reddere sine mora, & cunctatione ulla parati essemus. Quocirca Te etiam atque etiam hortamur, & admonemus, ut hac in re non audias, qui Te sincere in Domino diligimus, & id tibi suademus, quod si feceris, ut speramus, omnes recte, pie, sapienterque abs Te factum judicaturi sunt. Consules honori tuo, consules conscientie, consules Ecclesiæ tam nobili, cui officium Pontificale præstare non potes, sicut a Prædecessore nostro monitus fueras, nisi confirmationem obtinueris, ut consecrationis munus postea suscipere, atque ita Ecclesiam, sicut decet, administrare possis. Sed de hac re Tecum pluribus agat Legatus noster, cujus orationi fidem habebis. Datum Romæ apud S. Petrum sub annulo Piscatoris die XIII. Junii 1566. Pontificatus nostri anno primo.

EPISTOLA Ejusdem PII V. P. M. ad MAXIMILIANUM II.
Imper., qua rogat, ut conetur Confessionem Fidei ex Frid-
rico Wedano exprimere.

CHARISSIME IN CHRISTO FILI NOSTER SALUTEM!

Quanti momenti sit negotium, de quo ad Majestatem Tuam scribendum esse duximus, & quantæ curæ Nobis esse debeat, Majestas Tua pro sua sapientia facile intelliget. Coloniensis Electus abhinc triennium, & eo amplius, cum ad eam Ecclesiam electus fuit, etiam

initio

(*) forte: secum.

(**) forte: assert.

initio confirmationem suam ab Apostolica Sede, Prædecessorum suorum, & aliorum Catholicorum more, petiit; tamen quo minus eam obtineret, duo impedimenta, ac difficultates ipsemet objecit: quarum altera, quæ ad jura Cardinalium, & aliorum Curie Romanæ Officialium pertinet (quæ levior fuit) fel. record. PII Papæ IV. Prædecessoris nostri hortatu, & ipsorum Cardinalium æquitate ac benignitate minui facile potuisset; sicut ipsi significatum fuit. Altera ejusmodi fuit, ut eam nemo Catholicus, nedum Prælati obicere debuerit. Cum enim deberet juxta S. Tridentini Concilii Decretum Sanctissimum, & his temporibus maxime necessarium Fidei suæ Confessionem facere, priusquam confirmaretur, & de ea faciendâ non semel admonitus fuisset, eam facere recusavit; tametsi ea suscepta, & usu recepta fuerit juxta formam ab ipso Prædecessore nostro approbatam, non in Italia solum, & Franciæ, Hispaniæ, ac Poloniæ Régis, sed in ipsa etiam Germania. Quia in re ejus recusatio, & tam diuturna contumacia fidem ejus non parvam in suspensionem adduxit, & maximum Colonienfibus, & omnibus Catholicis scandalum peperit: quod Nos scandalum pro Pastoralis officii munere removere compellimur. Sed, quia invitæ ad acriora remedia ejusmodi descensuri, testandum prius duximus, sicut hujus S. Sedis, ac nostra mansuetudo, ac moderatio postulat, si ipsum lenibus remediis adducere possimus, ut errorem suum agnoscat, ac Catholici viri ac Prælati officio fungatur. Quocirca Majestatem Tuam,

cujus auctoritate magnopere eum commotum iri speramus, hortandam in Domino duximus, & rogandam, ut eum benevole officii sui admoneat, & ad hujusmodi confessionem faciendam, ac parendum Apostolicæ Sedis tam æquis, & salutaribus monitis adhortetur, & illis eum rationibus, quas Majestati Tuæ suæ sapientia suggererit, inducat: ac, si de hac re in Comitibus agere tentarit alicujus Principis favore nixus, sicuti eum in animo habere certiores facti sumus, ab hac eum temeritate deterreat. Erit hoc pietatis Majestatis Tuæ dignum officium, & illi gratissimum esse debet, nobis certe erit, qui nolumus ullam necessitatem nobis imponi, cum eo severius agendi, ac parati sumus, si ille officio, quo debet, functus fuerit, & debitam huic S. Sedi obedientiam præstiterit, paterna illum cbaritate complecti. Sed, si in contumacia perseveraverit, nec Apostolica monita, nec Cæsareæ Tuæ Majestatis auctoritas satis apud eum valuerit, non poterimus officium ejus prætermittere, & juxta Canonicas Sanctiones necessitati tam nobilis Ecclesiæ, quæ tamdiu Pastore caret (tametsi si se pro Archi-Episcopo gerere minime vereatur) providere, & ne id malum propter exemplum latius serpat, occurrere, Deo juvante, curabimus: Majestatis Tuæ, & omnium Catholicorum favorem Nobis juxta, quod justum fuit, facientibus, ipsiusque imprimis Omnipotentis auxilium non defuturum esse confisi. Datum Romæ apud S. Petrum sub annulo Piscatoris die 23. Mart. MDLXVI. Pontificatus nostri anno Primo.

Porro, ut elucescat magis, quanta fuerit hujus Pontificis pro Ecclesiâ Colonienfî sollicitudo; binas adhuc alias Literas adjiciam, quibus idem Sensus, postquam illi de ultronea Friderici Wedani abdicatione renuntiatum fuit, tum Cleri primores, tum ipsum quoque Imperatorem Maximilianum II. adhortatur ad omnem operam adhibendam, ut proxima in electione de digno idoneoque Præfule, in Friderici locum substituendo, Ecclesiæ illi Metropolitanae provideatur.

DILECTIS FILIIS DECANO, ET CAPITULO

ECCLESIAE COLONIENSIS.

DILECTI FILII, SALUTEM ET APOSTOLICAM BENEDICTIONEM.

Non parva animi molestia, ac solitudine liberati fuimus, postquam ex literis Nuntii nostri, apud Cæsaream Majestatem residentis, cognoverimus, eum, qui a vobis electus Archi-Episcopus fuerat, suo tandem jure cessisse. Gaudemus admodum, & Deo gratias agimus, quod jam de integro potestas ad vos delata sit, novum Archi-Episcopum eligendi. Hortamur autem in Domino, & omni

studio vos admonemus, ut officii vestri inmemores, matura deliberatione adhibita, & eo, quo decet, consensu, ejusmodi personam eligatis, ut electionis vestræ & Deo & hominibus rationem reddere possitis. Agitur, ut videtis, bonor Dei, agitur animarum salus, agitur officium & existimatio vestra. Cogitate, quam hac turbulenta sint tempora: Mementote, quanto in periculo alias ista Ecclesiâ versata sit:

quæ.

quanta damna & detrimenta acceperit quorundam Præfulum culpa. Si unquam Capitulum istud in eligendo Archi Episcopo curam & diligentiam adhibuit; nunc multo maiorem, quam antea, adhibeat, necesse est. Proinde Dei tantum obsequium, & animarum salutem, atque utilitatem Ecclesiæ, propositam ante oculos habete, & eligite, seu postulate viram, cujus exploratum & plane compertum habeatis Catholicæ fidei zelum: qui præterea vita, & moribus, & rerum usu, atque prudentia, ad tantæ Ecclesiæ regimen, non solum in Spiritualibus,

sed etiam in temporalibus, quam maxime aptus, atque idoneus sit. Talem si, ut speramus, vestra fide, probitate, prudentiaque confisi, elegeritis; Electio vestra Deo grata, Ecclesiæ salutavis erit. Vos autem Iudicii Vestri non solum a Nobis, & ab omnibus aliis, magnam laudem, sed a Deo etiam præmiura consequemini.

Datum Romæ apud S. Petrum, sub annulo Piscatoris, die 29. Novembr. 1567. Pontificatus nostri anno secundo.

AD MAXIMILIANUM IMP.

CHARISSIMO IN CHRISTO FILIO NOSTRO, MAXIMILIANO, UNGARIÆ ET BOHEMIÆ REGI ILLUSTRIS, IN ROMANORUM IMPERATOREM ELECTO.

PIUS PAPA V.

CHARISSIME &c.

GRavi admodum cura levati fuimus, postquam certiores facti sumus, Electum a Capitulo Colonienſi, electionis suæ juri ceſſiſſe. Qua in re, ſicut Maj. Tuam perſuaſum habemus ſunctam eſſe officio, quod ipſius ſapientia ac pietate dignum erat; ita conſidimus, curæ ei quoque futurum eſſe, ut ad Eccleſiæ tantæ regimen ejusmodi perſona a Capitulo eligatur, cujus integritas Fidei, ac Religionis orthodoxæ zelus, cum vitæ & morum honeſtate conjunctus ſit, quæque præterea atate, ac rerum uſu apta ſit ad tantum onus ſubeundam. Etenim ſi unquam adhibita in eligendo cura fuit, hoc maxime tempore curandum & providen-

dum eſt, ut quam optimo Præſuli, ac Paſtori ea Eccleſia committatur: ad quod Nos quidem pro eo ac debuimus, ipſum Capitulum hortati ſumus: ſed ſperamus, ut diximus, Majeſtatem Tuam quoque ſtudioſe curaturam, ut hac in re DEI Omnipotentis honori, & animarum ſaluti, quam optime conſulatur. Quod cum faciet, gratiſſimum DEI obſequium præbebit, & maximam ab hominibus laudem merebitur.

Datum Romæ apud S. Petrum, ſub annulo Piſcatoris die VI. Decembris 1567. Pontificatus noſtri anno ſecundo.

Eodem die, quo ſe imperio exuerat Fridericus, vel, ut alii volunt, tertio poſt, concordibus primarii Cleri votis, Archi-Epiſcopus renuntiatus eſt Salentinus, Comes Iſenburgicus, Metropolitane Eccleſiæ Colonienſis, ac ſimul Moguntine Canonici, idemque ad S. Gereonem Colonia Decanus, & in Argentinenſi Cathedrali Eccleſiaſtici theſauri Cuſtos. Magna omnium gratulatione ejus excepta fuit electio: Nam præter nobiliſſimæ ſtirpis claritatem & formam Imperio dignam, multis fuerat egregiis virtutibus Divinitus ornatus, cujus heroica decora & res, tum apud Colonienſes intra decennium, tum etiam aliquamdiu apud Paderbornenſes egregie geſtas, coram ſpectaſſe ſe gloriatur celebris ejus temporis Scriptor, Gerardus Cleinſorgius, qui illi a conſiliis fuit.

A reformatione Cleri regimen exorſus, viros probos, ſapientesque & eruditos conſtituit, qui Ordinem Eccleſiaſticum ad præſcriptam a Tridentino Concilio normam revocarent. Selecta etiam ex eodem Sacro Concilio Decreta anno 1569. promulgavit, eademque in ordinem digeſta ad Eccleſiarum Præſides tranſmiſit, ut inducenda in uſum, conſtanterque obſervanda curarent. Idem Eccleſiam Kempenſem ſuæ Diceceſis, a Bucero, qui novi Evangelii præconem ibidem egerat, prava doctrina infectam ac depravam, opera Joannis Geyer Colonie ad Ss. Apoſtolos Decani, & ad S. Albanum Paſtoris, ad Catholicæ Fidei integritatem revocavit. Teſte Wilmio, Patria Kempenſi, ac dein in Cæſaris Inſula Decano in MS. Chronico rerum Colonienſium L. II.

Nec minor illi de iurisdictione temporali, possessionibusque suæ Ecclesiæ vel tuendis, vel recuperandis cura fuit. Acceperat Archi-Diœcesin, multis prædiis, villis, oppidis, ditionibusque accisam & mutilam: quæ ille paucorum spatio annorum, prudenti, minime tamen sordida, œconomia usus, reddita creditoribus pecunia redemit, suæque Ecclesiæ iterum adiunxit. Commemorandum hæc inter præcipue venit Horneburgum arx cum tota Vesta Recklinghusana. Hanc ab annis fere centum & quinquaginta possidebant Comites Schawenburgici, quibus ea ditio quondam sub Theodorico de Mersa Archi-Episcopo Colonienfi pignori tradita fuerat pro septendecim florenorum aureorum millibus, ac præterea quingentis & quinquaginta: neque ullus Theodorici Successorum fuit, qui debitum istud conaretur expungere: indignum illud, imo & probrosum Salentino visum. Quare magnis animis rem aggressus, anno 1576. totam eam Summam Comitibus Schawenburgicis, multum quidem reluctantis, Cæsaris tandem auctoritate ad eam recipiendam coactis, reddidit, sicque nobilem hanc Archi-Episcopalis iurisdictionis portionem Ecclesiæ suæ possidendam restituit. Pari ratione Urdingam oppidum una cum Castro, Præfecturam & arcem Erpradiensem haud procul Novesio, Wichternichium in Præfectura Legionacensi, aliaque, ære alieno liberata Colonienfi Cathedræ rursus vindicavit.

Septennio circiter Ecclesiæ Colonienfi jam præfuerat Salentinus tanta laude sui nominis, ut inter optimos ejus temporis Præsules censeretur mereretur. Qua fama excitati Paderbornensis Ecclesiæ Primates, quibus avitæ vigor Religionis cordi erat, Joanni ab Hoja, Osnabrugensi Episcopo, Paderbornensi simul ac Monasterienfi Administratori, anno 1574. vita functo Successorem, qui votis suis responderet, daturi, Salentinum una omnes voce postulavere. Non displicuit Rom. Pontifici Gregorio XIII. ista postulatio: etsi enim is Salentinum sciret ab Ordinibus sacris eo usque abstinuisset, ut Familiam Isenburgicam, quæ in ipso, ceu ultimo, unicoque nobilissimo Stemmatis surculo nitebatur, ab interitu vindicaret; facile tamen & postulantium subcripsit sententiæ, & Salentino pro auctoritate sua Apostolica, curaret Ordinis Episcopalis munia per Episcopum Suffraganeum exerceri, potestatem fecit, datis, quas hic subnectimus, ad eundem literis.

Venerabili Fratri SALENTINO, Archi-Episcopo Colonienfi,

GREGORIUS PAPA XIII.

*VENERABILIS FRATER, SALUTEM ET APOSTOLICAM
BENEDICTIONEM.*

CUm, sicut accepimus, nuper Dilecti Filii Decanus & Capitulum Ecclesiæ Paderbornensis, Ecclesia ipsa tunc per obitum b. m. Joannis olim Episcopi Monasteriensis, qui, dum viveret, ex concessione Apostolica eandem Ecclesiam Paderbornensem in administrationem obtinebat, extra Romanam Curiam defuncti, Pastoris solatio destituta, Te, qui Ecclesiæ Colonienfi ex simili concessione Apostolica præer, etiam in Episcopum Paderbornensem postulaverint: Nos, qui nostri universalis Pastoris officii sollicitudine utilitati Ecclesiarum omnium, præsertim Cathedralium, quantum cum Deo possumus, his potissimum turbulentis & periculosis temporibus, ne illa longæ vacationis exponantur incommodis, neve propterea in spiritualibus aut temporalibus detrimenta patiantur, diligenter providere studemus, sperantes, quod, dirigente Domino actus tuos, præfata Ecclesia Paderbornensis sub tuo felici

regimine utiliter regetur, & prospere dirigetur: Te dictæ Ecclesiæ Paderbornensis in eisdem spiritualibus & temporalibus Administrationem auctoritate Apostolica tenore præsentium ad nostrum & Sedis Apostolicæ beneplacitum facimus, constituimus, & deputamus: Tibique possessionem ipsius Ecclesiæ Paderbornensis & illius bonorum, seu quasi, vigore præsentium per Te vel alium, quem ad hoc duxeris deputandum, capiendi & retinendi, nec non illius mensæ Episcopalis fructus, redditus & proventus petendi, exigendi, & percipiendi, ac debitis consuetis ipsius Ecclesiæ Paderbornensis supportatis oneribus, quod superaverit, in tuos licitos & honestos usus convertendi, ac Pontificalia officia, quo ad ea, quæ sunt Ordinis, durante tua administratione hujusmodi, per Suffraganeum a Te deputatum in Civitate & Diœcesi Paderbornensi exerceri faciendi, cæteraque in præmissis & circa ea

X x x

necessa-

necessaria seu quomodolibet opportuna gerendi, mandandi & exequendi, plenam & liberam facultatem & potestatem concedimus.

Mandantes Dilectis Filiis Capitulo & Vasallis dictæ Ecclesiæ Paderbornensis, ac Clero & Populo Civitatis & Diocesis Paderborn., ut juxta præsentium tenorem Tibi, tanquam Ecclesiæ hujusmodi Administratori, ac Patri & Pastori animarum suarum, burniliter intendentes, exhibeant Tibi obedientiam ac reverentiam debitas ac devotas: Vasalli vero & subditi sancta servitia & jura Tibi ab eis debita integre exhibere procurent. Non obstantibus Apostolicis, in Provincialibusque & Synodalibus ac Generalibus Conciliis, editis specialibus vel generalibus Constitutionibus & Ordinationibus, & Ecclesiæ Paderbornensis prædictæ etiam juramento, confirmatione Apo-

stolica vel quavis firmitate alia roboratis statutis & consuetudinibus, privilegiis quoque indultis & literis Apostolicis illi concessis & confirmatis, & cæterisque contrariis quibuscunque. Hortamur igitur Te plurimum in Domino, ut hoc munus regendæ & administrandæ Ecclesiæ Paderbornensis, tuis per Nos impositum bumeris, sic exercere studeas sollicite, fideliter ac prudenter, quod illa, sicut speramus, provido & fructuoso Administratori gaudeat se commissam; Tuque in nostro & ejusdem Sedis conspectu Te semper meritorum præmiis digniorem constituas, Nosque prominde ad uberiores gratias Tibi faciendas per amplius invitetur.

Datum Romæ apud S. Marcum sub annulo Piscatoris die IV. Septembris 1574. Pontificatus nostri anno Tertio.

Literæ hæ ex Urbe vix advenerant, cum Salentinus, egregio mille equitum comitante agmine, non Episcopali in habitu (nullis enimvero adhuc erat Ordinibus Sacris insignitus) sed in sago, lorica indutus ferream, Paderbornam ingreditur, vel suo hoc declarans apparatu, quam strenue sit, & constanter pro Diocesis sibi commissæ & Fidei Orthodoxæ juribus atque incolumitate pugnaturus. Hærebant insolito perstricti lumine Aatholici, effulus in lætitiâ Catholicis, & in spem erectis amplissimam, fore, ut sua propediem veræ Religioni integritas sub tanto Principe rediret, ac Patria universa omni felicitate cumularetur. Nec falsi spe sua fuissent Paderani, si diutius sedere ad clavum imperii Salentino libuisset. Profecto inter cætera, quæ in Reipublicæ emolumentum, & Religionis utilitatem gessit, præstantissimum illud, grataque & intermoritura nunquam apud posteros memoria celebrandum, quod novum Paderbornæ Gymnasium, nuncupatum Illustri deinceps ab Auctore *Salentinianum*, invalescenti quot diebus ac late grassanti hæresi obijciendum erexit pro meliori juventutis instructione, opulentaque etiam, datis ea de re A. 1577. sexta Febr. literis, quas videre est apud *Strunck Annal. Paderb. P. 3. Lib. XXII. pag. 438.*; dote ac proventibus sapientissimus Princeps instruxerit, primo ejusdem Rectore designato Hermanno Kerfenbrochio, viro inter Westphalos eximio, de totaque fere Westphalia cum ob Anabaptistarum sectam a se historiam, tum ob editum Episcoporum Monasterienfium, Paderbornensiumque Catalogum Scriptore merito, cui & alios Scholarum Magistros, laborum periculosis istis temporibus necessariorum focios adjunxit. Anno tandem 1577. die 5. Sept. remisso Paderbornensi Ecclesiæ, cui annos tres, menses quatuor, dies quindecim summa laude præfuerat Episcopus ordine secundus & quadragesimus, nuncio, convocatisque Coloniam totius Archi-Diocesis Ordinibus, in splendidissimo Procerum consensu Vilviratum, quem maxima sui commendatione ac Patriæ totius utilitate annos decem, mensibus tribus & diebus duodecim demptis, gesserat, Brulæ abdicavit, ducta Bonnæ, ut emorienti familiæ succurreret, Antonia Wilhelmina, Joannis Arembergæ Comitis filia.

Dolere boni omnes, scribit in *Chron. MS. Colon. Wilnius*, tanti Viri abscessum usque adeo, ut vel uxurato obtulerint (Paderbornenses) Provinciæ administrationem: id cum obtinere non possent, quem ante triennium venientem maximo applausu exceperant, recedentem ingenti luctu ac mœrore sunt profecuti. Non modo sibi, sed & utrique Episcopatu a se dimisso, odiosa hac renuntiatione Salentinum vehementer nocuisse, testatur *Strunck cit.* "Sibi quidem, quia e tanta dignitate ad exigui Comitatus angustias devenit; & Familia Ilsenburgica, quam ab interitu vindicare voluit, postea tamen in Ernesto ipsius filio prorsus intercidit: suis vero Episcopatibus, quia tam Colonix, quam Paderbornæ, infelicissima Capitularium electione tales (pro dolor!) Successores habuit, qui suis Diocessibus extremam fere perniciem adtulere." Ita ille.

Quam

Quam gravis porro Dicecesim Paderbornensem, subrogato in Salentini locum Henrico e Ducibus Saxoniae Lauenburgicis orto, Bremensi Archi-Episcopo, fortuna concusserit, quisquis inspicere propius & explorare voluerit, eundem ad *vit. Strunckii Annales Paderbornenses*, variis ex Scriptoribus, ac monumentis MS. confectos remitto, Lectoribus interim meis, quis rerum sub illa tempora Coloniaensi in Ecclesia status fuerit, ob oculos, quantum hic loci opus est, positurus.

Successit Isenburgico Gebhardus Truchsesius ex Illustrissima Waldburgensium Equitum familia in Suevia natus, & Ottonis Truchsesii, Magni illius Principis (*de quo vid. Tom. VII. præc. pag. 213.*) ex fratre nepos, Augustani tum Collegii Præpositus, Argentinenfis Decanus, Metropolitanae Colonienfis Ecclesiae Canonicus; qui nonnisi uno Serenissimum Ernestum, Bavariae Ducem, cuius postea dotes, meritaque recensēbo, suffragio antecesserat: quod quidem tum opera Hermanni Nuenarii Comitis, & sibi & Protestantibus suis a Bavaro, Religionis Catholicae studiosissimo male metuētis, tum facundia ejusdem, subdolisque machinationibus facile effectum.

Novi Præfatis optima sese prodebant initia. Certe Gregorius XIII. P. M. perinde ac Rudolphus II. Rom. Imp. eam de prudentia ipsius, de morum integritate, de pietate & religione existimationem conceperant; ut quidem Gregorius anno 1578. suis in literis testaretur, aut *Religionis Orthodoxae studiosiorem*, aut *Ecclesiasticae disciplinae observantiorē*, Gebhardo, fore neminem: Rudolphus vero illum, cui gravissimam Belgicos tumultus componendi Provinciam, vicesque suas gerendi, anno insequente committeret, inter Imperii Procures dignissimum arbitraretur.

Locus, revocandæ Philippum inter Hispaniarum Regem & Belgicos Ordines paci, designatus Augusta Agrippinensium erat. Convenere illuc viri ex utraque Germania illustrissimi, qui ut tanti momenti negotium, Cælo favente, auspicarentur, felicitique coronarent exitu, supplicationem, Gebhardo authore ac socio, pridie Cal. Majas adornarunt & ab hominum multitudine frequentissimam, & a delectu Virorum splendidissimam. Processum ab hac ad consultationem labore maximo, fructu nullo. Mirum est, quod, dum ista agitabantur, præ se Gebhardus tulit Fidei Orthodoxae Belgas, inter stabiliendæ desiderium ac studium. Palam asseverasse fertur: *Malle se in furcam ac crucem agi, quam a Fide Catholica vel latum unguem desciscere, aut libertatem Religionis, pro qua tam acriter Belgæ pugnarent, ullo pacto permittere.*

Susceptis jamtum antea Sacris Ordinibus, ipsoque etiam Sacerdotio initiatus, Rudæ, Ducatus Westphalici oppido, ne quis, nisi probe Catholicus, Senatorum adscriberetur Ordini, edicto cavit; author fuit Werlensibus, ut, quo demum studio possent, fidem orthodoxam colerent ac propugnarent; Sulsatis, ut Novatorum amicitiam, doctrinamque fugerent. Ad hæc Visitationem, per Westphaliæ Paræcias instituendam, (*Mich. ab Isselt de bello Colon. L. IV. pag. 490.*) sanam adeo conceperat & integram, ut, quod ab Ecclesiæ Romanæ sensis alienum esset, penitus nihil contineret. Plura sunt, quæ edidit propensi in Religionem animi specimina. Quid igitur hisce initiis, ni dolos Gebhardus dolis consuerit, præclarior? quid optabilior?

Verum didicit mox ipse infelix Princeps, & luctuosissimo suo alios exemplo docuit, quo male cautum, suique negligentem familiaritas cum A Catholicis nimia, atque epularum assidua luxuries, tum vel maxime amoris impuri vis abripere tandem aliquando valeant. Summa Truchsesio cum Solmensi, Nuenario, Saynio, Wittgensteinio, & aliis Novatorum Patronis intercedebat consuetudo, cum iisque immanibus non raro poculis certabatur. Baccho se facile dat comitem Venus. Conjecerat inter illa Gebhardus oculos in Agnetem Mansfeldiam, Joannis Georgii Comitis filiam, Gerresheimiano prope Dusseldorpium Monasterio adscriptam sub id temporis virginem, quæ visendæ sororis causa Coloniam venerat. Obrutus ei, ut quondam pluribus, fatalis fuit: ita enimvero illam deperire puellam cepit, ita inescari elegantis formæ amoribus, ut, superante rationem libidine, contractas clam anno 1582. nuptias, altero statim anno celebravit, ab avita defecerit Religione, & hujus destitutus luce, ex alio aliud in scelus proruerit, nec Pontificis expugnatus literis, nec Legationibus Cæsareis ad saniora reductus. Crescebat cum fama horrendum ubivis scandalum; cui ut iretur obviam, Apostolico fulmine uterendum erat. Unius illo Romæ Cal. April. A. 1583. Gregorius, & Archi-Episcopali Gebhardum Sede movet, absolutam ab ejus fide & obedientia patriam declarat, deni-

que Collegio Canonorum, alium, præcisa mora, Antistitem ejus in locum designent, imperat. Sententiam hanc Supremi Pontificis, quam Rudolphus Imp., uti decuit religiosissimum Ecclesiæ Catholicæ Advocatum, querulo licet Novatore contra fremente, ratam habuit, ad Ubios pertulit Joannes Franciscus Bonhomius, Vercellensis Episcopus, (cujus elogium extrat *T. CC. Germ. VII. pag. 995.*) Metropolitanique mox Collegii Clerum primum admonuit, ut Comitibus pro novo eligendo Archi-Episcopo maturaret; Hanc esse Pontificis voluntatem, hoc Imperium. Obtemperat Capitularium Senatus eo promptius, quo diutius Pastorem alium optaverat, & quo jam ante generosius causam Gebhardo abjudicaret, nobili hac Antonii Comitibus Schawenburgici, Decani, oratione animatus:

"Nemini vestrum, ut opinor, ambiguum esse potest, quin moderne machinationes
 "Archi-Episcopi nostri directe pugnent cum antiquis Provinciarum nostrarum statibus
 "et conventionibus, quas vulgo *STATUUM UNIONEM* (vid. *Erklarte Lando vereinigung* de anno 1550. apud Cleinsorg, cit.) vocant. Ab hac autem unione
 "ut recedatur, et pro antiqua, Sanctissimæque Religione Catholica jam nobis perperam
 "obtrudatur novitia quædam fides Confessionis Augustanæ: id enimvero nec ego,
 "quantum in me est, permitti patiar; neque vos pariter, si viri esse vultis, per salutem animæ vestræ concedere poteritis aut consentire. State igitur in hac Unione
 "tam sancta et antiqua! Id enim Comites, id viros Nobiles et Generosos, id fidelem
 "Reipublicæ Magistratum decet."

Obtemperat, inquam, Capitularium Senatus, & mirabili consensu, omniumque suffragiis Ernestum Bavarie Ducem, Eburonum ac Frisingensium Episcopum, Hildesheimensium Administratorem, Principem optimum Truchsesio, inter Urbis totius atque Ordinum gratulantium voces ac plausus, sufficit X. Kal. Junii.

Nova hæc Cleri Metropolitanæ electio, auctoritate Pontificis, consensu Imperatoris, Patriæque Ordinum adstipulatione fulta, certi etiam manifestique juris confirmata adminiculo, tantum absuit, ut Gebhardo & ejus fautoribus probaretur; ut belli etiam non diuturni quidem, sed peracris tamen ac funesti, postmodum ab ipsis excitati, esset origo. Quod cum ab ovo integrum ex Ilfeldio, scriptore Synchrono, repetere quivis possit, explanare hic loci superfedeo.

Adspirante interim Ernestinis armis Divino Numine, coactus Provinciam deserere Truchsesius, ne cum Principatu vitam amitteret, Delphos ad Araucanum se recepit; qui victum exuli ac hospitium tantisper præbuit; causam tueri armis nunquam voluit. Spem deinde, votaque in Angliam transmisit infelix, ab Elisabetha Regina ut susciperetur. Verum & istic repulsam passus, nihilque præter duo Imperialium millia ac plenas aculeorum literas, in quibus misero objiciebatur, fieri haud posse, ut, quæ cæca animi perturbatione et impetu nituntur, feliciter eveniant, adeptus, Argentinam suam ad Decanatum secessit: ubi (*) mœrore primum, post calculi & cholici doloribus confectus, vitam in squalida 17. annorum quasi caligine actam, inglorius posuit XII. Kal. Junii anno 1601., Ecclesiæ Colonienfis per septennium Archi-Episcopus: cum Carolum octennio ante & Ferdinandum anno 1585. Germanos, & Joannem Casimirum, Palatinum Comitem, unicum pene in causa sua fulcrum, 1592. acerbis fatibus amisisset, expertus damno suo gravissimo & alios erudiens, in quale, quamque truculentum possit monstrum libido adolescere, nisi in ipso statim ortu suffocetur. *Maimb. Hist. Lutheran. T. II. L. VI. pag. 356.* Adde cit. AA. *Wilmii Chron. MS. Turckii Hist. MS. Eyzingeri Hist. Truchses. Kobleri Dissert. de fatibus Gebh. Thuan. Struv. Flor. Rem. & alios.*

Pontificias jam pro more meo adjungam literas.

EPIS-

(*) Cum Maimburgio errat *Hist. Eccles. Germania*, 1724. *Bruxellis galice edita apud Franc. Foppens*, dum scripsit Truchsesium in Hollandia extinctum.

EPISTOLA GREGORII XIII. P. M.

ad GEBHARDUM TRUCHSESIUM, Colonienſem Archi-Epiſcop.
qua eundem a Schiſmate debortatur.

GREGORIUS PAPA XIII.

VENERABILIS FRATER, SALUTEM ET APOSTOLICAM
BENEDICTIONEM.

TRuchſeſtorum domum, non minus gene-
ris nobilitate, quam fidei Catholice ſtu-
dio & conſtantia antebac floruiſſe, teſtis eſt
inſignium Virorum, qui ex ea prodierunt, tum
antiqua, tum recens memoria, præcipue vero
Cardinalis Auguſtani, qui Principem in ea
locum obtinuit, apud quem Tu pie & religioſe,
& quaſi in conſpectu ac gremio Sanctæ Ro-
manæ Eccleſiæ educatus, non parvam olim
præbuſti ſpem, fore, ut dignus tali genere,
ac diſciplina evaderes: Hinc noſtra erga Te
propenſio, noſterque Paternus amor initium
habuit, qui poſtea, ex gravium virorum te-
ſtimonio, non ſolum confirmatus, ſed etiam
auctus fuit, ut de Te Nobis viciffim optima &
rectiſſima quaque polliceremur.

Succeſſit tempus illud, cum electus fuiſti
a Capitulo Colonienſi in Archi-Epiſcopum illius
Eccleſiæ, quæ electio, cum maximis implica-
retur difficultatibus, & vehementiſſime op-
pugnaretur; tamen ea erga Te uſi ſumus be-
nignitate, ut, ſublatis omnibus impedimentis,
Capituli iudicium, & electionem de Te factam,
approbaremus, confirmationisque Apoſtolice
robur adjiceremus. Ex his putabamus nemi-
nem Te aut Religionis orthodoxæ, aut S. bu-
jus Sedis, aut etiam diſciplinæ Eccleſiaſtica
ſtudioſiorem, vel obſervantiorẽ fore.

Sed dolemus, & quidem graviter dole-
mus, noſtram ſane exſpectationem ex his, quæ
de Te multorum literis, ſermonibus, & fama
ipſa quotidie ad Nos perferuntur, non ſolum
labefactatam & imminutam, ſed pene deletam,
ac illa, quæ circumferuntur, talia eſſe, & loco
munereque tuo adeo indigna, ut ſine magno
pudore exprimi non poſſint.

Suſtinuimus Nos certe, quoad potuimus,
ne quicquam, quod de Te indignum eſſet, crede-
remus. Sed cum rumor quotidie magis in-
graveſceret, coacti ſumus ſuſpenſo ac ſollicito de
Te animo eſſe, nec diutius diſſimulare volui-
mus.

Monemus igitur Te, ut famæ ac ſaluti
tue, in tempore conſulas, & ſi fortæſſe lon-
gius, quam oportuit, progreſſus es, Te revoces:

ſin vero falſa ſunt, quæ obijciuntur, quod po-
tius vellemus, animum ac ſenſum tuum ape-
rias & declares, nec patiaris ex malevolorum
ſermonibus perpetuam notam ac ignominiam
Tibi, tuæque agnationi, & Ordini Eccleſiaſti-
co iniri. Cogitesque, quid Deo, qui Te ad
iſtum ſublimem gradum evexit, quid Sedẽ
Apoſtolice, quæ Te ſingulari quodam amore, &
gratia complexa eſt, quid Patriæ, quid generi,
quid Chriſtiano nomini, quid publicæ utilitati,
quid denique Tibi ipſi debeas. Qui, cum bo-
norificentiffimum locum teneas, non alii ma-
gis, quam Tibi ipſi inimicus fueris, ſi ita Te
geſſeris, ut merito inde exturbandus ſis: cum
tamen nullo negotio eum Tibi conſervare &
magnus in Eccleſia Dei, & ſumma cum aucto-
ritate inter Imperii Principes eſſe poſſis.

Memineris, quam difficiles & periculoſi
ſint novarum rerum exitus, & quantopere ca-
vendum ſit prudenti & pio viro, ne temere fa-
mam, rem, ſtatum, dignitatem, animam,
que denique ipſam, in extremum diſcrimen ad-
ducatur, cujus rei non deſunt noſtra ætate ex-
empla, quibus doceri poſſis.

At ſi longius fortæſſis progreſſi ſumus;
amori noſtro, dignitatisque ac ſalutis tue de-
ſiderio id assignabis. Non enim dubitamus,
quin Paterna hæc monita noſtra, id apud Te
pondus habitura ſint, quod omnibus nominibus
& juſtiſſimis de cauſis debent, atque reiſpſa, ean-
pietatem & reverentiam erga Sacram hanc
Sedem ſis oſtenſurus, qua Nos recreari, Te in
dilectiſſimi filii loco, ſicut antea, ita & poſt hæc
habere; & ea re letari magnopere poſſimus.

Sed hoc literarum officio non contenti;
mandavimus Venerabili Fratri noſtro Archi-
Epiſcopo Trevirenſi, ut ad Te proſcificetur,
Tecum ſuſius, eadem de re, quam diligentiffi-
me agat, ac conſilium, deliberationemque no-
ſtram clarius pateſfaciat. Cui plenam fidem
Te habiturum non dubitamus.

Datæ Romæ apud S. Petrum ſub annulo
Piſcatoris die 17. Dec. MDLXXXII. Ponti-
ficatus noſtri anno undecimo.

JOH. BAPT. CANOBIUS.

Pro Responsorio Gebhardi ad Pontificem data, quæ valde prolixa & indignis scripta modis, extare T. I. operis, inscripti: *Litteræ Procerum Europæ*. Lipsi. ed. 1712. pag. 27. a Reiffenbergio *Hist. Soc. JESU ad Rhenum Infer. T. I.* in Mant. Diplom. dicitur, si præcipua Legationum Cæsarearum capita Lectoribus meis adtulero; rem ipsi gratam facturus mihi videor.

Rudolphus II. Imp. postquam intellexerat, quo cruda spectarent & impia Truchsesii molimina, Legatum ad eundem misit Andreæ Gailium, Agrippinatem, Virum Clarissimum, per eumque moneri serio voluit, perpenderet gnauiter, quam turpe, quam omni juri, consuetudinibus, Sacris Canonibus, Imperii Constitutionibus, & communis Patriæ pacis conditionibus esset contrarium, quod tam constanti de ipso fama divulgabatur: quæ pericula & damna, quod probrum, quas calamitates non ipse tantum, sed antiquissima etiam nobilissimaque ejus familia, sed totus pariter Archi-Episcopatus Colonienfis incurrerent, si ab illo, quod animo volebat, proposito non recederet. Quantis denique & corpus & animam obiectaret periculis.

Alter, quem Cæsar ablegavit, erat Jacobus Curtius, vir integerrimus; cui hæc perferenda ad Archi-Episcopum mandata: Non tantum confirmari novis rumoribus prima, quæ de Electore ad se venerant; sed alia multo graviora adjici: ipsum videlicet, excusso turpiter statu Ecclesiastico, ad profanum rediisse; versare nunc secum dies noctesque, & omnem movere lapidem, ut idem pænes se Imperium, eadem auctoritas maneat: quosdam eo fine Capitulares suam in sententiam pellere; cogere ad hæc, ubicunque posset, militem, quo voti sui compos ex integro fiat. Res veteri Truchsesiorum nomine tam indignas, ut credat Sua Majestas; induci vix posse. At vero, pro officii sui ratione vigilandum sibi, ne, si ita se habeant, ingens ex iis periculosi belli tempestas oboriatur. Quare se totum aperiat Elector, & quæ vera sint, quæ falsa, planissime explicet.

Legationis tertiæ ad eundem, jussu Imperatoris, ab Joanne Preinero, viro nobili, Hungaræ, Fladnizii, & Rabensteinii Domino susceptæ, hæc summa erat: De Religionis mutandæ; & ineundi Matrimonii proposito nihil ad se. Revocare interim in memoriam non posse pervertitam, celeberrimamque illam utroque in foro Truchsesiorum, Comitum Waldburgensium Familiam, non animo repetere, quid in ipso aditi Regiminis vestibulo primum Capitulo, inde Dicecesi, post Electoratus Collegio, præprimis vero Pontifici, jurejurando solenni interposito, sponderit, atque a se indultum administrationis politicæ obtinuerit, non, inquam, ista animo repetere posse, quin præcipitem illam atque in domo Truchsesia inauditam voluntatis mutationem summopere admiretur. Cæterum non disputare ea de re Cæsarem. Sed enim quod, ejurata Fide Catholica, retinere Archi-Episcopatus, Viri viraque dignitatem velit, & decernat quæ opibus, qua sanguine propugnare, id Cæsari non ferendum. Reclamat approbata, totiesque repetita, & confirmata toties concordia Religionis; ipsiusmet repugnant Archi-Episcopi promissiones & juramenta, Statuta Ecclesiæ, Aurea Bulla, Electorum unio; jura denique tam politicæ, quam Ecclesiastica reluctantur. Ad hæc nonne causam Gebhardi decidit vel solus ille, in quem juravit, pacis articulus Religionis: "Si quis Archi-Episcopus, Episcopus, Antistes, aut alius Ordinis Ecclesiastici, a Religione veteri deficiat, is continuo discedat ab Episcopatu suo, Præfectura, beneficio. . . Et Collegio, sive iis, ad quos ea res jure vel consuetudine pertinet, liceat in ejus locum eligere seu constituere alium, qui sit veteris Religionis?"

Cedar igitur Dicecesis administrationi, Patriam Sacramento liberet, S. R. I. feuda atque Regalia deferat, armaque deponat.

Monita hæc Imperatoris, sana quantumvis & amorem potius, quam severitatem spirantia, quod in Truchsesii animo ne tantillum quidem evicerint, res est Orbi notissima, quam ignorare nemo potest.

Ex iis porro, quæ de Adolphi Schawenburgici Successoribus obiter tantum attigimus, pronum Lectoribus erit, causam, cur optimo cum Principe mos ille Synodos celebrandi, Ecclesiæ Colonienfi tam honorificus, tam utilis Reipublicæ ac pene necessarius, tantum non prorsus occubuerit; ab anno certe 1551. ad 1598. interciderit, genuinam perspicere.

Ad Ernestum nunc redeo. Erat is Monachii Anno 1554. XVI. Cal. Januar. Clarissimis in Imperio orus e Boica Domo natalibus. Patrem habuit Albertum V. Bavaricæ Ducem, Matrem Annam Austriacam, Ferdinandi I. Imp. filiam. A teneriori jam

jam ætate ad Insulas, resque pro Ecclesiæ bono gravissimas aliquando conficiendas Divina Ipsum providentia designasse videtur. Annos enim duodecim natus, Frisingensis creabatur Episcopus; octennio post, anno videlicet 1573. Hildesheimensis; tum Leodienfis pridie Cal. Februar. A. 1581.; & pridie Idus Febr. ejusd. anni Administrator Stabulensis. Denique A. 1583. Gebhardi, ut supra meminimus, substitutus in locum, Provinciam suscepit; non una ex parte difficilem. Arma opponenda armis erant; revocandæ ab erroribus oviculæ; expellenda variis ex locis hæresis, Fides orthodoxa velut ab exilio reducenda. Vicit, quidquid difficultatem sese objiciebat, Religiosus Princeps, DEI O. M., cujus res agebatur, auxilio confusus. Eundem sibi, publicis per Diocæsin supplicationibus, orationibus, jejuniis, aliisque piis exercitationibus conciliare ac facilem in vota sua efficere adlaboraverat. Nec incassum: Urbes enim & oppida vel a Friderico Saxone, Colonienfi Chorepiscopo Truchsesianis erepta, ad obsequium redigebantur, vel a Salentino Ifenburgico, olim Archi-Episcopo, in fide novi Principis conservabantur. Totus Westphaliæ Ducatus sine ullo armorum strepitu in illius potestatem venit: revocati Myltæ Catholici, a Truchsesio proscripti; redditi suis officiis Procures; reducti variarum urbium Consules ac Judices, ob antiquam fidem exulare jussi; renovatum Catholicæ Religionis exercitium, diu pulsus; subditi ad veræ Religionis cultum, ad pristinam pietatem, eliminata, quam novella quorundam annorum fides permiserat, noxia libertate, ductu præstantium, quos inter Joannes Nopelius, Lippia, non ignobili Westphaliæ Civitate ortus, Coloniam Trajanæ, seu in Cæsaris Insula Decanus, eminebat, virorum & opera redierunt.

Rebus jam feliciter compositis, Leodium repetiit Ernestus, dictoque ex Canonum Sanctionibus juramento, a Joanne Schœnenbergio, Trevirensi Electore, VIIviratum obtinuit anno 1584. IX. Cal. Sept. Ad Monasteriensem quoque Insulam altero mox anno XV. Cal. Jun. evocatus; fidumque expertus in frangenda Martini Schenkii, hominis levissimi, acerrimi tamen Truchsesianarum partium defensoris arrogantia, Farnesium Parmensem, Novesium anno 1586.; deinde Bonnam a Carolo Croyo, Chimacensi Principe, quem & ipsi sui loco Parmensis submiserat, ad deditionem X. Cal. Oct. 1587. compulsam recuperavit.

Accusarant interea, nescio, qui, Ernestum apud Sixtum V. Pontificem tum ambitionis nimix, tum cupiditatis. Vocatus idcirco in Urbem, comparere tum quidem haud potuit, gravissimis ipsum curis alio avocantibus. Anno nihilominus 1593. ineunte, per Hartgerum Henothum J. U. D. ac Metropolitanæ Colonienfis Canonicum, Romam a se ablegatum, Clementi VIII. de utroque accusationis capite se totum purgavit, tamque cumulate satis fecit, ut non modo is collatas tot uni Præfui dignitates non improbareret, sed suum etiam ipse calculum adjiceret.

Ejusdem Pontificis literas, quibus singularem Ernesti tum in Imperii juribus, tum in Fidei Catholicæ integritate defendenda prudentiam ac fortitudinem sub Comitibus Ratisbonensibus Orbi manifestatam, egregie commendabat, ex *Wilmii Chronico MS.* huc transcribimus.

LITERÆ CLEMENTIS VIII. P. M.

ad ERNESTUM, Archi-Episcopum Coloniensem, S. R. I. Electorem,
quibus res ab ipso in Comitibus Ratisbonensibus contra Protestantes & prudenter & fortiter gestas, mirifice
illustrat.

VENERABILIS FRATER, SALUTEM ET APOSTOLICAM
BENEDICTIONEM.

DEcebat sane animi tui magnitudinem, & quam præ Te semper tulisti in Catholica Religione constantiam, ut talem Te præberes in Ratisbonensi Conventu, qualem Te multa tua cum laude præstitisti. Accepimus enim crebris literis & honorifica admodum de Te te-

stificatione, non solum a dilecto filio nostro Ludovico Cardinale Madrutio, nostræ Apostolicæ Sedis de latere Legato, sed etiam a Venerabili fratre Cæsare, Episcopo Cremonensi, cæterisque Apostolicis Nunciis, qui in eodem Conventu interfuerunt, quanto studio, quanto animi

animi ardore & zelo Catholicæ Religionis causam defendendam susceperis, Tuæque auctoritate & gratia procuraveris, ut Catholicorum Principum salutaris concordia & consensu conservaretur: qua nimirum, Deo juvante, factum est, ut impii Sathane conatus eluderentur, & iniustitia contra justitiam non prævaleret, & Ecclesiastici Ordinis jus & dignitas retineretur. Sed & in gravissimo negotio, quod cordi nostro penitus infixum est, de bello nimirum contra terribiles Turcas gerendo, quam præclaram operam navaveris, non ignoramus. Utinam vere Germani Principes intelligant, quanta occasio Divinitus oblata immortalis gloriæ cum summa utilitate consequende! quod nos omni loco contestari non cessamus. De Te vero, Frater, plane Nobis per-

suademus, quod causæ Dei, Patriæ, & totius Christianæ Reipublicæ nullo loco deeris, curabisque omni diligentia pro tua virili parte, ut Catholicorum Germaniæ Principum consensus atque unio & conservetur & augeatur.

Tibi interea pro nostra perpetua erga Fratritatem tuam, totamque inclitam Domum vestram paternæ charitate gratulamur, quod merita tua erga Catholicam Ecclesiam quotidie adaugeas; quibus etiam majora ad publicum bonum & ad peculiarem insignis Ecclesiæ tuæ Colonienfis utilitatem, quæ Nobis merito charissima est, a tua virtute & pietate expectamus.

Datum Romæ apud S. Marcum sub annulo Piscatoris, die secunda Septembris M.D. XCIV. Pontificatus nostri anno tertio.

Alias ejusdem argumenti literas, amoris, observantiæ ac gaudii plenissimas ad Ernestum exaravit Alanus Cardinalis Anglus. Vide Chapeavill. Hist. Leod. Pontif. Tom. III. in Ernest. C. 22. pag. 588. Meminit earundem etiam Mörckens in Indic. Chronol. apodict.

Plura de Ernesto Bavaro, Principe sapientissimo ac religiosissimo, apud Adlzreiterum P. II. Annal. Boic. Lib. 12., Stradam de bello Belg., Haraum in Annal. Brab., Fullonium Hist. Leod. Tom. II. in Ernest. Lib. 8.

Pro coronide juvat hic in rem nostram adjicere, immortalī Ernestum laude & gloriosa apud posteros memoria esse dignissimum, propterea quod auctoritate illius, & solertia studioque factum, ut jacentem tot annis ac pene emortuam, Synodos cogendi consuetudinem erigere sese & ad Patriæ universæ felicitatem revivescere Colonienfis Ecclesia viderit.





CONCILIA GERMANIÆ SÆCULI XVII.

SYNODUS BRIXINENSIS

Anno Christi MDCIII. Clementis VIII. Papæ XII.
Rudolphi II. Imp. XXVII.

SUB CHRISTOPHORO (*) ANDREA, BRIXINENSI EPISCOPO,
MENSE SEPTEMBRI CELEBRATA.

LITERÆ CLEMENTIS VIII. PAPÆ AD CHRISTOPHO-
RUM ANDREAM, Episcopum, & Clerum Brixinensem.

CLEMENS PAPA VIII.

VENERABILIS FRATER, ET DILECTI FILII, SALUTEM ET APOS-
TOLICAM BENEDICTIONEM.

Nihil ardentius pro nostra omnium Eccle-
siarum cura, & solitudine expetimus,
& optamus, quam ut Fratres nostri Episcopi,
& Filii nostri Canonici, tum Prelati, &
Clerici omnes in sortem Domini vocati, ex suo
quisque loco & munere, pro DEI bonore,
& animarum salute, strenue atque unanimes
collaborent. Bonum est enim, & jucundum
habitare fratres in unum, & in domo Dei am-
bulare cum consensu, & frater, qui adjuva-
tur a fratre, quasi civitas fortis, quæ diaboli
machinis, & oppugnationibus facile resistit.
Propterea ex antiquissima Ecclesiæ consuetudi-
ne, & Sacrorum Conciliorum & Canonum
Decretis institutæ sunt Provinciales, & Diece-
sanæ Synodi, ut multi in nomine Domini con-
gregati, Spiritus Sancti gratia invocata, tan-
to facilius, tantoque fructuosius Dei glo-

riam, & fidelis populi utilitatem procurent.
Cum igitur, Frater Episcopè, allatum ad
Nos esset, velle Te ex tuo Pastoralis officio, &
ad Sacri Tridentini Concilii præscriptum, Syno-
dum Diocesanam celebrare, non mediocrem
cepimus voluptatem: Nam cum Fraternitatis
Tuae prudentiam, pietatem, zelumque perspe-
ctum habeamus, plane in Domino confidimus
fore, ut, Deo juvante, uberes fructus ex ea
salutari actione exsistant: Tuis nimirum etiam
Canonicis, Prelatis, Parochis, cæterisque
omnibus Tecum pariter, ut Nobis certo per-
suademus, ad eundem Divini honoris & Reli-
gionis scopum collineantibus. Quare ex no-
stra paternæ erga Te, atque illos charitate,
has Literas voluntatis nostræ testes placuit jam
nunc dare, quæ tunc, cum omnes simul in
loco benedictionis, & pacis confidebitis, atten-
tius

(*) Vide sub finem Synodi.

tias perlegantur. Te igitur, Venerabilis Frater Episcopo, Vosque ceteri Dilecti Filii, etiam, atque etiam hortamur, ut ad animum vestrum revocetis, Vos in hoc loco insigni in Ecclesia positos esse, tanquam signum ad sagittam, ac Vos sal, & lucem esse, qui omni vitæ integritate, & bonorum operum luce fidelem populum quasi condire, eique præluce debetis. Attendite igitur diligenter vobis, & gregi, atque ovibus Christi, quæ fidei vestræ sunt credita, pascite illas exemplo, pascite verbo, & doctrina, pascite pabulo, & alimonia cælesti Divinorum Sacramentorum. Ea vero cura sit Vobis antiquissima, quæ est de Catholica Fide conservanda, & propaganda: Nostis enim astutias Satanae, & quibus assidue machinationibus conetur eam in Provinciis istis oppugnare, & animas Christi Sanguine redemptas devorare. Cui pro virili vestra resistite fortes in Fide, præclaram Majorum vestrorum hereditatem, unitatem, & obedientiam erga Sanctam, Catholicam, Romanam Ecclesiam, Matrem vestram omni constantia conservantes. DEI autem cultus ut augeatur, & ubique emineat, Divinorumque officiorum frequentia & dignitate, præsertim in Sacrosancto & Augusto Missæ Sacrificio, ut Ecclesiæ DEI colluceant, diligenter curate; denique diligite decorem Domus DEI: Quod si Templum manifestata DEO dicata munda, & ornata esse decet, quanto magis Vos; qui viva DEI templi estis, qui peculiari Clericalis vitæ professione DEO Altissimo mancipati, & consecrati estis? Ecclesiastica igitur disciplina restituenda, mores conformandi, cæteraque ad Sacri Tridentini Concilii normam dirigenda, ut vere luceatis, sicut lucernæ ardentes in Domo Dei, & sitis bonus Christi odor, qui ad salutarem virtutis, & pietatis imitationem, fidelem populum mirabiliter excitetis, ut glorificetur DEUS & Pater Domini nostri JESU CHRISTI. Hec, & alia complura a Tua, Frater Episcopo, Pastoralis vigilantia, a vestra, Filii, opera, & diligentia, a vestra omnium concordia, & charitate, Divina adjutrice gratia, expectamus. Estote igitur concordēs, & pacem, & charitatem habete, quæ est vinculum perfectionis, & Deus pacis erit Vobiscum, ut omnia rite, pie & fructuose a Vobis fiant, ut maxime optamus, & speramus. Et Nos, qui Vos omnes paternè amamus in visceribus Christi, corpore quidem absentes, sed Spiritu Vobiscum præsentēs, Vos nostra Apostolica benedictione in nomine Sacrosanctæ & Individuæ Trinitatis benigne benedi-

cimus. Datum Romæ apud Sanctum Petrum sub annulo Piscatoris, die 22. Maji MDCIII. Pontificatus vestri anno duodecimo.

SILVIUS ANTONIANUS
Card.

Venerabili Fratri CHRISTOPHORO,
Episcopo Brixinensi, & Dilectis Filiis
Canonicis, & Capitulo ejusdem Eccle-
siæ, nec non Prælati exemptis, &
non exemptis, cæterisque omnibus in
Diocesana Synodo ibidem congregatis.

Perillustri ac Reverendissime Do-
mine, Vosque Venerabiles, ac Reverendi
Domini.

ET si Sanctissimum D. N. confidit, Vos ad celebrandam Diocesanam Synodum sic animatos convenisse, ut suas quisque partes, quæ decet, fide præstiturus sit; tamen piæ sedulitati vestræ stimulos paternæ cohortationis suæ ad-movendos existimavit; ut videlicet, quæ auspice Christo a vobis instituta sunt, hortatore ejusdem Christi in terris Vicario, feliciter procedant & perficiantur. Mitto igitur Sanctitatis Suae ad Vos ea de re Literas vere Apostolicas, & ardentis in Vos charitatis refertissimas. His, quid ego addiderim, præter vota Sanctitatis Suae menti; vestræque pietati consentanea? Ego hæc lubens addo, DEUM Opt. Max. precatus, ut omnia consilia, omnesque actiones vestras ad eum exitum perducat, qui sibi acceptissimus sit, vobisque maxime salutaris. Romæ, die 21. Maji an. 1603.

Perillustri ac Rmæ Ditionis
Vestree, Vestrarumque Venera-
bilium ac Rdisinarum DDnum

Uti Frater studiosissimus

CINTHIUS. Cardinalis Sancti
Georgii.

Perillustri ac Reverendissimo Domino Epi-
scopo Brixinensi, & Reverendis Do-
minis Canonicis, & Capitulo ejusdem
Ecclesiæ, nec non Prælati exemptis,
& non exemptis, cæterisque omnibus
in Diocesana Synodo ibidem congrega-
tis, &c.

CHRIS.

CHRISTOPHORUS ANDREAS, DEI ET SEDIS APOS-

tolice gratia Episcopus Brixinensis, & S. D. N. CLEMENTIS, Providentie
Divina Papæ VIII. Assiliens.

Ad Religiosos, & Clerum Diocesenum.

Quandoquidem nulla Respublica sine Legibus bene sussistit; idcirco Nos in Synodo Diocesana, mense Septembri proxime elapso, Brixina juxta Sacros Canones legitime & solenniter celebrata, Leges aliquas certas, quibus Diæcesis nostra in posterum gubernaretur: quasque Clerus universus in docendo populo, in Sacramentis ministrandis, in officiis Divinis peragendis, in regendis Ecclesiis, in piis locis administrandis, in Monasteriis dirigendis, in contractibus hominum dijudicandis, in salute animarum procuranda, denique in suis, ac subditorum suorum moribus conformandis, uniformiter ubique sequeretur; de unanimi omnium Patrum ibidem congregatorum, ac plane Synodali consensu sancimus, promulgavimus, ac Ordinaria quoque auctori-

tate nostra confirmavimus. Has nunc typis expressas ad vos mittimus, qui eas in Synodo presentes, non semel, sed sæpius Synodaliter approbastis, collaudastis, ac pro viribus observare sancte promissistis, ut ad eos, absentes vestram, omniumque aliorum, quos cura vestra commisimus, vitam instituentes, Ecclesiasticam disciplinam exemplo & zelo vestro adversus Ecclesiæ hostes & alios obtrectatores, si minus in integrum, aliquando tandem in statum meliorem vindicetis. Accipite, legite, facite.

Datum Brixina ex arce nostra Episcopali die V. Octobris, anno reparatæ salutis M.DC.III. Pontificatus vero S. D. N. Clementis VIII. anno duodecimo.

CONSTITUTIONES SYNODI

BRIXINENSIS, Anno Domini M.DC.III. Die 23. 24. 25.

& 26. Septembris celebratæ.

IN NOMINE SANCTÆ ET INDIVIDUÆ TRINITATIS, PATRIS, ET FILII,
ET SPIRITUS SANCTI, AMEN.

De Religione Catholica.

Fides & vera DEI Religio mandatum illud est & depositum Apostolicum, de quo ad Timotheum Apostolus: Præcipio tibi, inquit, coram DEO & CHRISTO JESU, ut serves mandatum sine macula, irreprehensibile usque in adventum Domini nostri JESU CHRISTI. O Timothee depositum custodi. Ut igitur Religio Catholica, quam ab Apostolis accepimus, illibata & incorrupta in Ecclesiis nostris conservetur; ut nihil irrepat, quod ejus Sanctitatem & Majestatem quoque modo deformare queat; & si quid vel culpa hominum, vel negligentia invexisset, id salutari remedio citius emendetur: sed ut ad posteros quoque nostros, qualis a Majoribus Nobis commendata & tradita fuit, facta testis propagetur: Nos in hac Synodo Diocesana legitime congregati, ita decernimus, statuimus, & definimus.

Tomus VIII. Concilior. German.

I. Fidei Catholicæ Professionem, antequam officiis suis fungi cœperint, ex formula PII IV. jurati faciant omnes Parochi, Curati, Sacerdotes, Concionatores, Confessarii, Magistri Scholarum quarumcunque, Typographi, Bibliopola, Medici, & Chirurghi. Clerici quidem seculares in manibus nostris, aut Vicarii nostri Generalis: Regulares in manibus suorum Superiorum: Laici coram suo Parocho, aut Decano rurali. De omnibus autem semper ad Nos referri volumus, ut sciamus, quibus neglecti officii poena sit infligenda.

II. Libros hæreticos nullis legere, aut retinere apud se, vel alios liceat, nisi facultatem ad id, a Sede Apostolica impetratam in scripto Nobis exhibuerint. Qui vero ejusmodi libros de facto habent, nisi eos Decano, vel Sacerdoti Parochiæ suæ, aut Vicario nostro

Y y y 2

(qui

(qui Nos deinde certiores facient) intra menses duos ab hujus Synodi publicatione tradiderint, illos pro excommunicationis præsentis Decreto nominamus, ac publicamus. Apud quem vero post mortem reperti fuerint, (nisi vel animo simplici, vel ignorantia, quæ peccatum excuset, retinuisse probari possit) ejus cadaver more Christiano in loco sacro ne sepeliatur, sed afini sepultura condatur. In conficiis autem omnes, nisi detexerint, præsertim vero in illos, qui in defunctorum inventaria ejusmodi libros scienter inscribentes, vel in supellectili reperientes, rem ad Parochum loci, aut Decanum non rulerint, tanquam in suspectos de fide, agatur.

III. Qui libros, impuros, amatorios, inhonestos, famulos, superstitionem, artem magicam, divinationem, & his similia docentes, vel quavis de causa alia prohibitos, legerint, vel habuerint: Item qui petulantes, & obscenas imagines, vel ad ludibrium Religionis, aut ad Ecclesiasticorum hominum infamiam effigatas, vendiderint, emerint, vel apud se retinuerint, in eos severissime animadvertatur. Sed Parochi & Decani, qui ista nesciverint, vel scientes dissimulaverint, Nos multo severiores experientur.

IV. Nulli libri usquam venales exponantur, quos Parochi, Decani, vel alii Censores a Nobis designandi, non approbaverint. Qui secus fecerit, librorum omnium amissione, & pœnis aliis pro arbitrio nostro plectetur. Censores vero, si vel scienter approbaverint, quos non oportebat; vel in expositos libros non inquisiverint; neglecti officii Nobis rationem reddent.

V. Nemo temere de fide, præsertim inter pocula disputet, aliosve sermones misceat. Nemo Sacræ Scripturæ sententiis, aut verbis Sacris ad jocos, profana atque aliena proverbialibatur.

VI. Peregrini, artifices, mercatores, & id genus alii, qui ex suspectis locis adveniunt, vel in Dicecesi nostra morantur, si quid adversus Religionem Catholicam moliri, vel palam agere compertum fuerit, pœnis gra-

vissimis coercantur. Qui tales in domum receperit, foverit, defenderit, contra eum, tanquam in hæreticum, aut de hæresi suspectum procedatur.

VII. Ne parentes filios suos ad Hæreticorum scholas, vel alia quavis de causa ad hæreticos habitatum ablegent. Quod si missionem ejusmodi necessitas exegerit, id non fiat, nisi de consilio Parochi proprii ac Confessarii: a quibus deinde domum reversos diligentissime rursus examinari volumus; ac si qua opinione hæretica, aliove errore imbutos compererint, eos, ut Nobis, aut Vicario nostro quamprimum denuntient, districte mandamus.

VIII. Hospites, tabernarios, cautiones in Domino obligamus, & pro autoritate nostra quoque mandamus, ne peregrinis, qui quavis de causa ad eos diverterint, aut de fide disputare, aut libros de hæresi, vel alias suspectos aliis vendere, donare, legere patiantur: Neve eis cibos vitatos coquant, vel aliud quidpiam superstitione faciant, ne alieni sceleris participes fiant. Quare principio tales amice monebunt, in Ecclesia Dei non esse talem consuetudinem. Si quos vero pertinaciores nacti fuerint, eos si hospitibus suis excludere commode non poterunt, ut etiam opera secularis Magistratus reprimantur, ad Parochos suos recta deferant. Parochorum autem & Magistratuum aliorum fidem imploramus, præsent se viros, & fidem, quam DEO & Ecclesiæ suæ obligarunt, Divini judicii memores, nefarie ne prodant, obtestamur.

IX. Populus sæpe pro concione moneatur, magni sceleris reos esse, qui aliena crimina, in certam Reipublicæ perniciem vergentia, ut sunt hæreses, superstitiones, maleficia, & his similia, non patefaciunt. Parochi autem ipsi sub pœna privationis, & aliis arbitrariis, de hujusmodi criminibus, aut malis artibus constanter diffamatos, quamprimum per Vicarium, aut Decanos suos Ordinario denuntient, ut quod ipsi a suis ovibus malum arcere non possunt, nostra autoritate efficacius removeatur.

X. Ec-

X. Ecclesia DEI usque ab origine sua ciborum delectum instituit, & sancte semper observavit; Festos dies magna religione coluit. Quibus duabus in rebus, quantum a Majoribus nostris plerique recefferint, magno cum dolore nostro videmus. Diebus juniorum, præsertim autem Sabathinis, esus carniū apud quosdam æquo licentior est: diebus Festis cultus Divinus passim negligitur: ad sacras Conciones, ad Divina Officia, ad Missas rari concurrunt: qui Ecclesias frequentant, vel ad initium rei Divinæ non adsunt, vel ante finem excurrunt: Catecheses Christianæ nihil penduntur: Nundinationes impune celebrantur; sub Officiis Divinis officinæ mercatorum aperiuntur: hilariter vivitur in hospitibus publicis, choreæ & saltationes agitantur, & alia plurima, quæ referenda non sunt, & ad Divinam offensionem, & ad certam animarum perniciem, in quibusdam locis publice fiunt. Quocirca omnibus & singulis animarum pastoribus, & Ecclesiarum Rectoribus, sub interminatione Divini iudicii præcipimus, ut se se pro gloria & Ecclesia Dei fortiter opponant: non sint canes muti, sed latrant: Ciborum vitiorum usum, Festorum irreverentiam, contaminationem, abusum, opportune, importune redarguant; populum docentes, debere unumquemque eo tempore in Divinis Officiis & Concionibus audiendis frequentem esse, ac in precibus, recolendisque Dei beneficiis assidue versari. Contumaces & refractarios debitis poenis coerceant; ac demum incorrigibiles denuncient, ut pro officii nostri ratione, quid de illis statuendum sit, mature dispiciamus. Magistratus autem civiles, ac Principes enixe in Domino rogamus, ut si quid illorum autoritate, vel ad Fidem Catholicam tuendam, vel ad disciplinam Ecclesiasticam conservandam, aut restituendam opus fuerit, pie, prompte & alacriter opem ferant, ut communibus studiis & laboribus, honor Dei & animarum salus, quas Deus, sanguine suo redemit, efficacius ac cærtius procuretur; cogitantes, se hac in re Deo rem gratissimam, & subditis suis utilissimam facturos, ac navatæ tam præ operæ

mercedem uberrimam aliquando se a Domino Deo, qui nihil omnino irremuneratum relinquit, accepturos.

De Sacramentis Ecclesiæ.

DEcebat quidem Sanctissime tractare, quæ Deus ad hominum sanctificationem & salutem in Ecclesia sua Sanctissima Sacramenta reliquerat, vel eo nomine, quod ea tanto uberiores & efficaciores fructus in hominibus producant, quanto purius & religiosius administrantur & usurpantur. Sed vel hominum culpa, vel negligentia, secus hoc tempore, evenisse palam est; quando maximas rerum Divinissimarum profanationes intueri necesse est. Quare ut rebus Sacris sua reverentia constet, & rectus earum usus, sublati abusus, sicubi irrepererunt, in Ecclesiis nostris confirmetur & stabiliatur; omnibus & singulis, qui ea tractare vel usurpare debent, certas quasdam regulas præscribere placuit.

I. Sacramenta Divina omnibus Christi fidelibus ex æquo, juxta Ecclesiæ Catholicæ institutum bene dispositis sine dilatione, pro loco, tempore, necessitate, pie & prompte ministrantur. Nullis quavis de causâ negentur, qui ad ea suscipienda digni fuerint.

II. Ante cujusque vero Sacramenti administrationem, ubi rudes sunt, lingua vernacula ad caprum suscipientium, breviter & dilucide vis ac usus exponatur, ut norint, quid suscipiant, aut quantum fructum inde referant, & quomodo ad ejus usum sese digne præparent.

III. Inferiores Ecclesiæ, quæcumque illæ sint, ritus & cæremonias Ecclesiæ Cathedralis sequantur, nec unguem latum ab ejus præscripto ullatenus discedant: Ecclesia autem Cathedralis ritus Sacramentorum ex more Romanæ Ecclesiæ adhibeat, prout in libro Agendorum, seu Sacerdotali Brinenfi recuso, traduntur.

IV. Omnia Sacramenta, stola & superpellicio induti, Sacerdotes reverenter, summaque cum honestate administrant, mortali peccato, quoad ejus fieri possit, vacui. Sint mundi, qui

portant vasa Domini, vasa gratiæ, vasa benignitatis cœlestis, ex quibus hauritur peccatorum venia, & confertur vita æterna.

V. Cum exorcizant, vel catechizant infantes: cum liniunt, cum abluunt, cum Sacris operantur, vel alias sacras functiones obeunt; curent, ut omnia & singula, quæ ad rem præsentem pertinent, non obiter, non præcipitanter, sed graviter & reverenter faciant: ab omnibus gestulationibus, seu gestibus Clericos dedecentibus abstineant, ut populus eos religiose agere videns, tangatur & ipse Religione, magisque in Sacramentorum amorem rapiatur.

VI. Sanctissimum Domini nostri JESU CHRISTI Corpus, aqua Baptismi, Sanctum Chrisma, Olea Sacra, cæteraque ad res Sacras pertinentia, sub diligentibus, fortique custodia semper habeantur. Claves sint penes Pastorem, magnæque fide custodiantur, ut ne ulla vel injuria, vel profanatio tremendis Christi mysteriis, rebusque Sacris irrogetur.

VII. Chrisma Sanctum, Oleaque Sacra, quorum in Sacramentis usus est, quotannis renoveantur; ac alia nova, (veteribus exustis) ab Ecclesiæ matrice rependantur. Caveant vero omnes, ne alibi, quam in Ecclesiâ, & (si alius locus honestus non fuerit) in tabernaculo una cum Venerabili Sacramento, in mundis, ac distinctis tamen vasculis, & loco etiam inferiore, quo decet honore, reserventur.

VIII. Vasa, loca, vestes, totaque supellex sacra, semper munda, ac nitida sit. Quod domi tuæ non ferres, in domo Dei tolerabis? Nec ullis prophanis, sed Sacris solum usibus accommodentur. Immemores officii sui, puniuntur.

IX. Mappæ, pallæ, & aliæ vestes lineæ laventur quater ad minimum in anno: Corporalia & purificatoria sæptus. Calices, patenæ bis terve: urceoli, quoties in eis vinum, vel aqua ad Sacrificium apponetur, accurate eluantur. Candelabra, cruces, tapetia, & alia, sive vasa, sive ornamenta, tam sæpe laventur, purgentur, excutiantur, &

mundentur, ut nunquam sordida, immundave in domo Dei appareant. Corporalia, Purificatoria, Calices, Patenæ, &c. primum per Sacerdotem, vel Subdiaconum abluantur; deinde per alias honestas personas ablutio absolvetur: alia lavent, seu purgent alii.

X. Ut autem vasa ministerii sacri non una materia constant, ita non eadem est omnium lavandi ratio. Nam quæ ex ære, cupro, vel simili metallo sunt, fere creta, latere, lixivio, vel similibus rebus purgantur: quæ vero aurum, vel argentum habent, ne detrimentum res tam prætiôsæ patiantur, alio modo sunt tractanda. Calices igitur 1. bis, terve in tepidam aquam immergantur. 2. Sapone cum lixivio peracri in pulvis decocto, obli- ti, & bene inuncti per noctem integram, vel saltem, horas aliquot extra aquam relinquantur. 3. Ter, quaterve, aut sæpius aqua calida abluantur. Quo aqua & manus pertingere non poterunt, scopulæ fetacæ, quales aurifabris in usu, servantur. 4. Sic loti in aquam rursum frigidissimam, quæ haberi possit, reponantur. 5. Denique ex frigida extracti, sole, cum aër ferenus est, alias in loco calido siccantur. Eodem modo patenæ, & alia aurea, vel argentea, cum immunda fuerint, repurganda sunt.

XI. Sed hoc loco illud quam diligentissime observari volumus, ut semper lotio prima vestium, & vasorum, quæ Corpus & Sanguinem Christi Domini, vel alia Sacramenta contingunt, aut continent, in Sacrarium, vel piscinam sacram (quæ, ut in quavis Ecclesiâ sit, serio mandamus) effundatur. Piscina autem locus sit sub terra fornice tectus, in quem juxta Sacros Canones, aquæ, cineres, & id genus Sacra, ut terra hauriantur, demitti debent: qui fere in Sacristiâ, vel pone Altare, vel in alio Ecclesiæ angulo, vel etiam in Cœmeterio, pro loci cuiusque conditione, constitui solet. Clavem, qua referatur, semper habeat Parochus.

XII. Materiæ, formæ, cæremoniæ Sacramentorum, quales in Rituali nostro, aut Missali Romano describuntur,

buntur, ab omnibus & singulis quam diligentissime adhibeantur. Nulloque modo ferendi sunt; qui vel alterius Diceceſeos, unde in noſtram venerunt, ritibus utantur; vel novas & peregrinas cæremonias ſibi pro arbitrio ſuo fingunt; ſed quotquot in Eccleſiis noſtris ſerviunt, juxta earum duntaxat ritus, Sacramenta miniſtrare, & Divina Officia peragere, omnes uniformiter volumus: ut ſicut omnium eſt una profeſſio, ita quoque apud omnes una eademque ſit cultus Divini ratio.

XIII. Sacramenta Divina ante meridiem potius, quam poſt epulas, & prandia (niſi aliud poſtulet neceſſitas, vel approbata loci conſuetudo) & a valde ſobriis adminiſtrentur. Pertinet hoc inprimis ad reverentiam rerum Divinarum: rum ad ſecuritatem conſcientiarum; deſſique etiam ad communem hominum ædificationem. Quod ſi quis plus æquo potus (quod Deus clementiſſime avertat) vel Baptiſmum, vel aliud Sacramentum miniſtraſſe, vel confeſſiones excepiſſe deprehenſus fuerit, is carcere in pane & aqua per decem dies puniatur.

XIV. Conſuetudo pervulgata eſt, pro Sacramentis, & aliis Eccleſiæ miniſteriis pecuniam dare, & accipere; quæ ex pietate primam ſuam originem traxit; poſtea vero in varios abuſus degeneravit. Ut Nos pias, & laudabiles conſuetudines neutiquam improbamus, ita pravas, & iniquas minime laudare poſſumus. Statuimus ergo, & ordinamus: ſponte oblata ſemper accipere liceat; de re nulla paſſi. Quæ juræ uſus jam recepit, & debeatur ei, qui altari ſervit, non abrogamus; ſed nimias duntaxat exactiones vetamus: & ut poſt adminiſtrationem primum exigantur, declaramus. Inter divites quoque & pauperes, ſive Sacerdotes ii ſint, ſive laici, diſcrimen ſtatui volumus. Nam divites facilius, quæ dant, donare præſumunt: Et Sacerdotes egentiores majus jus ad exigendum habent, quam locupletiores; cum ſtolæ (ut vocant) jura Sacerdotibus haud alio, quam gratitudinis, vel neceſſarii viſtus nomine debeantur. Ubi enim de re agitur, quæ pretio non

æſtimatur, niſi hiſce duobus nominibus ſubnixæ fuerit, conſuetudo non magis pia, quam impia cenſeri ſolet. Quod ſi quis operas ſuas, ad quas ex officio ſuo alioquin non obligatur, extraordinarie alteri velit locare, quin ita faciat, non prohibemus, modo juſte, & citra ſcandalum id fiat, & quidquid accipitur, non pro re ſpirituale, ſed vere pro labore temporali recipiatur. Qui huic noſtræ ordinationi contravenerint, graviſſimis pœnis ſe puni- tum iri minime ambigant.

De Baptiſmo.

I. Singulæ Parochiales Eccleſiæ, vel alias Curatæ, ſingulos fontes habeant lapideos, in quibus aqua Baptiſmatis toto anno, & non in aliis vafiſ aut locis, ſumma diligentia, & munditia ſervetur. Abuſus contrarii, ſi qui irreperunt, penitus tollantur.

II. Fontes bene clauſi & muniti ſint, ne ad illos aditus profanis pateat; ne qua ex eis ad profanum, vel ſuperſtitioſum uſum afferatur; ne quæ ſordes aquam immundent; vel aliquid ſit, quod aſtantium oculos offendat. Quod ſi quid caſu in fontes inciderit, ut ii a ſolo Sacerdote quantocius expurgentur, jubemus.

III. Aqua vero bis in anno, Paſchæ videlicet, & Pentecoſtes Sabbatis (veteri in piſcinam effuſa, & fontibus bene purgatis) renovetur, ac ſolemni benediſtione & Sacri Chriſmatis unſtione, a Parochis ex Canonum præſcripto confeſcretur. Nec in alia aqua extra caſum extremæ neceſſitatis baptizare quemquam liceat.

IV. Infantes recens nati, quam citiſſime fieri poteſt, baptizentur; nec cujuſquam Baptiſmus, niſi de expreſſa licentia Parochi, ultra octiduum differatur: quæ tamen licentia brevis eſſe debet, & non niſi ob rationabilem cauſam, & ubi periculum nullum timeatur, conceſſa. Dum autem baptizatur, infantem manu ſua Patrinus, non Sacerdos ſuſtineat.

V. Extra Eccleſiam baptiſmalem baptizare non liceat. Excipimus caſum neceſſitatis; ut cum hyems riget, vel

vel mortis periculum urget: & Principum ac Illustrium personarum liberos, quos in privatis Oratoriis; a proprio tamen Parocho, vel ejus Vicario baptizari permittimus.

VI. Quocunque tempore infans ad Baptismum defertur, sine mora, & tergiversatione ulla baptizetur. Si per negligentiam cujusquam; vel avaritiam, sine Baptismo quispiam mortuus fuerit, is a Divinis perpetuo suspendatur, & beneficio suo privetur. Idem de aliis quoque Sacramentis intelligatur.

VII. Quando periculum urget, ubivis, & cuivis baptizare libertim sit, ita tamen, ut præsentem Sacerdote, ne mo alius id præsumat: si vero absit omnis Sacerdos, primum Clericus, deinde mas, demum fœmina, qui, vel quæ veram Baptismi formam recte noverit, baptizare possit. Quod si ita baptizatus, postea supervixerit, is quamprimum in Ecclesia sistatur, ut in eo ceremoniæ ob necessitatem omisæ, rite suppleantur. Nunquam autem, ne quidem sub conditione, ullus iterato baptizetur, quem semel rite baptizatum fuisse constiterit: Examinentur proinde ii, qui in necessitate Sacramentum ministrarunt, an, & quomodo id fecerint, & si dubium probabile subsit, sub recepta conditione Baptismus repetatur.

VIII. Qui parentes infantem infra primum ætatis annum, sine cunis lecto suo noctu exceperint, ii pro rei gravitate puniantur.

IX. Obstetrices a Magistratu sæculari delectæ, ad obstetricandum non admittantur, nisi a Curione loci de fide, & moribus examinatæ, formam Baptismi veram didicerint: & præterea juraverint, se mensibus singulis cujusque loci Pastori puerperas, quibus adfuerint, cum numero prolium susceptarum denunciaturas.

X. Puerperæ vero certo post partum die ad Missæ Sacrificium, & benedictionem a Sacerdote in Ecclesia suscipiendam pro more veniant. Ut autem mos antiquissimus, & Ecclesiæ Catholicæ probatissimus conformiter ab omnibus ubique servetur, Parochi invigilent. Nihil vero pro hujusmodi

benedictione accipere liceat, nisi quod sponte, & mere liberaliter oblatum fuerit.

XI. Unus tantum sive vir, sive fœmina, vel ad summum duo, vir scilicet & mulier, in Baptismo, aut Confirmatione susceptores sint. Neque ab eodem plures vel ex Baptismo levati, vel Episcopo ad Confirmationem offerri convenit; ne spiritualis cognatio forte subsequenti Matrimonio impedimentum afferat.

XII. Patrini autem sint homines pii, & Catholici, ætatis provectæ, bonæ vitæ & famæ, in fide bene instructi, & ab Ecclesia non abstinenti, nec Monachi, vel Monachæ, vel alii ab officii hujus functione, jure prohibiti; demum tales, qui non solum ore, sed & mente, ac serio ad interrogata respondere, suum munus intelligere, & magis filios suos spirituales fide, & moribus bonis imbuere, quam donis cumulare queant, ac velint. Cujus officii eos a Parochis sæpius etiam admoneri serio cupimus.

De Sacra Confessione, & Communione.

I. **P**aschalis Communio quotannis in Curata, seu Parochiali Ecclesia fiat: Nec confessio fiat alibi, sine expressa licentia Parochi proprii. Quo tamen Canone nihil omnino iis, qui peculiararia privilegia, sive ab Episcopo, sive a Sede Apostolica habent, adimere intendimus. Hoc solum requirimus, ut Parochi & Curati de suorum obedientia certi esse queant.

II. Nemo Paschalem Communionem, & Confessionem intermitrat, aut differat, sine proprii Parochi approbatione.

III. Tempus autem Paschale, intra quod ex præcepto Ecclesiæ communicare, & confiteri fideles omnes oporteat, septem hebdomadis integris definimus, a Dominica *Invocavit* videlicet usque ad Dominicam *in Albis*. Qui intra hoc tempus sine justa causa, a Parocho, vel a Nobis comprobanda, ad Communionem non acceperit, & vel generatim solum monitus ad officium

non

non redierit, is ad nullum Sacramentum, etiam Matrimonii, donec resipiscat, admittatur, & vivus ab ingressu Ecclesiæ arceatur, post mortem autem sepultura sacra careat.

IV. Ut autem certe constet, qui eo tempore communicaverint, statui-
mus, & ordinamus, ut si quis Confessionem, & Communionem extra Parochiam suam obierit, Parocho suo de eis fidem faciat. Qui vero intra Parochiam id fecerint, certum aliquod signum afferant, vel accipiant, quod Parochus præscripserit, ac pro concione promulgaverit. Parochi autem sexto die post octavam Paschæ, eos, qui officium hominis Christiani tunc neglexerint, ad Decanos suos in scripto deferant, qui deinde Nos certiores faciant; alioquin penas dabunt unius floreni toties, quoties neglexerint.

V. Horratur autem in Christo Domino omnes fideles, ut qui per ætatem possunt (nisi eodem anno sæpius id facere malint) per Quadragesimam bis confiteantur; semel in illius principio, & iterum in fine, cum ad Sacram Synaxin accedent. Interjectum tempus expiandis per penitentiam vitiis deputetur, ut ita demum puriores facti, Sacra Eucharistia majori cum fructu potiantur.

VI. Ægroti, Puerperæ, & alii in probabile vitæ periculum deducti, adversus ingravescentia mala sese tam salutaribus remediis muniant, nec in ultimum diem differant, ne iis præoccupati, una cum corpore, animæ quoque jacturam faciant. Hoc Parochi imprimis urgeant, & morem tam antiquum, imo & necessarium, revocent, aut, ne penitus aboleatur, attendant; ipsi alioquin eorum, qui negligenter perierint, rationem Deo reddituri.

VII. Magnus abusus & grande piaculum est, peccata sua Sacerdoti solum in genere exponere, & nihil in specie velle fateri. Quem Nos eliminare cupientes, eos, qui aliter non confitentur, a Sacra Communionem tanquam indignos rejciendos decernimus. Parochis autem, & Concionatoribus, ut hoc nostrum Decretum populo sæpius inculcent, & de modo

specialis confessionis eundem magnam diligentiam instituunt, præcipimus. Confessariis denique injungimus, ut rudes in re tam necessaria pro viribus suis adjuvent, peccatorum species, numerum, & circumstantias necessarias ab eis diligenter, & sollicitè exquirentes. Negligentes moniti ab officio removeantur.

VIII. Pueri, cum primum accedere voluerint ad Sacram Communionem, nisi bene prius examinati, & de vi, ac ratione Sacramenti diligenter instructi, ne admittantur. Infames, concubinatii, feneratorum, & similes peccatores notorii, antequam publice de eorum penitentia constet, publice etiam rejiciantur. Qui raro sumunt, ii diligenter exsuggeant, vel in confessione moneantur, quanta reverentia, & humilitate ad tremendum illud Sacramentum venire debeant, quantaque supplicia, juxta Apostoli sententiam, illos maneant, qui indigne suscipiunt.

IX. Piam Sacramentorum frequentiam in Ecclesias nostras introduci cupientes, omnibus & singulis Curatis, & Concionatoribus mandamus, ut suos quisque verbo, & exemplo ad crebrum eorum usum, præsertim vero in solennioribus anni Festis privatim, & publice invitent, ac incitent.

X. Nemo est, qui cibum, aut medicinam, ad corporis salutem aut conservandam, aut recuperandam non cupidissime, & sæpiissime usurpet. Animas fidelium pascit Corpus & Sanguis Domini nostri Jesu Christi, ac in vitam æternam custodit: Salutaris penitentia omnium morborum animi præsentissima est medicina. Hæc, & alia commoda, quæ Eucharistiæ, & Penitentia dignus usus secum affert, sæpe proponant Parochi, ut populus ad frequentiore eorum usum accendatur.

XI. Cæterum, quando fideles ad Sacram Communionem accedunt, ut omnia summa cum reverentia, & honestate peragantur, curandum est. Candelæ ab Elevatione ad finem Communionis ardeant: Communio laicorum Sacerdotis Communionem sequatur:

Z z z

tur: Communicantes ad cancellos ligneos (qui, ut in omnibus Ecclesiis fiant, serio mandamus) genibus nites, Venerabile Sacramentum ex manu Sacerdotis reverenter accipiant: Cancellis mappæ mundæ supersternantur, vel donec cancelli parentur, ab innocentibus pueris utrinque inter Sacerdotem & communicantes, expansæ sustineantur, ut si quæ hostia casu excideret, eam mappæ exciperent. Postquam Venerabile Sacramentum ex ore fumensis descenderit, ordine singuli ad locum ablutionis accedant, ubi stantes (non est enim Sacramentum, quod tunc sumunt) quod porrigetur, bibant. Post Communionem vero non solum in Ecclesia, sed etiam toto die piis precibus & operibus vacare, itaque deinceps vivere studeant, ut ne Christum Dominum, quem pie susceperunt, ex suo hospitio impie rejiciant.

XII. Et hæc quidem communicantes. Sacerdos autem principio populum, maxime aggreßem & rudem jam ante aram procumbentem, brevi aliqua exhortatione, ad dignam Communionem præparabit: Deinde generali confessione germanicæ, pie & clare pronuntiata, dataque generali absolutione, & ter verbis Centurionis pro more pie repetitis, in ora singulorum cum summa reverentia, & modestia Sacram Eucharistiam immittat. Caveat autem, ne iis, digitis, quibus Venerabile Sacramentum attigit, antequam vino, more jam recepto, abluantur, quicquam aliud contingat. Quare ciborium, ex quo Venerabile Sacramentum dispensat, vel indice, & pollice sinistræ manus non disjunctis sustineat; vel iis in calicem ablutis, toto pugno, quamdiu communicat, apprehendat: Sed & ciborium ita circumferre studeat, ne communicantium halitu, vel suspirio, aliqua ex Sacris Hostiis ejiciatur. Finita denique Communione, micis etiam minutissimis, quas summa cura colliget, reverenter absumptis, primum ablutionem (nisi enim aliud necessitas, vel paucitas, vel multitudo communicantium requireret, non nisi hoc modo Communio erit peragenda) suam bibat, ac Sacrificium Missæ absolvat.

XIII. Vinum post Communionem Sacram vulgo non in calice, nec a Sacerdote, sed ab alio honesto viro ex alterius formæ poculo porrigatur, ne sc. Christi Domini sanguinem bibere putet. Poculum autem illud sit argenteum, vel saltem deargentatum: vinum album, non rubeum, ne forte vulgus imperitum colore decipiatur.

XIV. Tot Hostiæ Sacræ pro morientium viatico, vel alios in usus semper reserventur, quot præsentī necessitati sufficere videbuntur: sed non asserventur ultra diem decimum quintum, quin prioribus reverenter consumptis, recentes substituantur, ut nunquam defuit, quod vel ex hac vita abituris præbeatur, vel communicaturis porrigatur, vel adoraturis proponatur.

XV. Ut recentium Hostiarum consecratio, ita quoque veterum consumptio sit a solo Sacerdote celebrante. Consecratio quidem hoc modo: Hostiæ laicæ, & Sacerdotales unica, eademque oblatione, & consecratione offeruntur, & consecrantur, extensa nimis intentione ad totam materiam propositam. Solæ Sacerdotales elevantur, & simul a Sacerdote celebrante absumuntur, nisi vel una, vel plures quandoque in alios usus consecrantur; ut sit in festo Corporis Christi, & in Cena Domini. Laicæ, quando plurimæ sunt consecrandæ (nam quando una consecratur, vel pauca, semper ponuntur juxta Sacerdotalem) in vase peculiari Sacerdoti celebranti apponuntur; Vas extra corporale in altari consistit, usque ad tempus consecrationis; postea semper in corporali: In Consecratione juxta calicem: postea vero pone, ne Sacerdotem celebrantem impediatur. Ubi vas peculiare non est, Calix vel Patena adhibeatur. Consumptio vero hoc modo: Post Communionem suam Sacerdos, omnes Hostias in pyxide reliquas, quantumvis recentes videantur, reverenter sumit una cum micis sacris: Deinde pyxidi purgatæ recentibus impositis, primum manus suas abluit, ablutionemque suam bibit; demum Sacro absoluto, pyxidem in suum locum reverenter reponit.

XVI.

XVI. Quod si ex negligentia crassa Sacerdotis Hostiæ omnes, vel saltem aliquæ (quod ne fiat, severissime prohibemus, & cum factum fuerit, gravissimis pœnis vindicabimus) computruissent, vermes, si qui nati fuissent, comburantur, cineribus in piscinam abjectis: Hostiæ vero integræ, vel earum partes reverentèr a Sacerdote absumantur, nisi sine horrore, & stomacho sumi nequeant. Tunc enim in vase aliquo peculiari, donec omnino corrumpantur, in tabernaculo Venerabilis Sacramenti cum reverentia reponi volumus.

XVII. Quæ Hostiæ per angariam unam, vel alteram in Sacristia remanserunt, ad consecrationem a Sacerdotibus adhiberi nullo modo volumus; quæ unius, vel alterius mensis fuerint, eas solum consecrandas esse statuentes. Ut autem recentes semper in promptu habeantur, ordinavimus, ut in Dicecesi nostra sex ad minimum deligantur, qui eas coquere norint; duo in valle Oeni inferiori: duo in superiori: & duo in Pultriffa. Qui si ex Religiosis non fuerint, ii sint saltem Piores, vel tandem Aeditui jurati, de quorum fide dubitare non liceat: a quibus omnes, & singuli Sacerdotes secundo quoque mensis competenti pretio, tot Hostias emere teneant, quot communibus duorum mensium necessitatibus sufficere posse judicabuntur.

XVIII. Quoties viaticum ad ægros deferitur, comitetur populus Sacerdotem, campanæ alicujus sonitu præmonitus. Candelæ, vel lampas accensæ præferatur; alius æris pulsu det signum præsentis Sacramenti Venerabilis, ut omnes ei honorem exhibeant. Cum Sacro ferculo Sacerdos stola & superpellicio indurus sequatur. Idem servetur in reditu. Quare duæ semper ad minimum Hostiæ ferendæ erunt, aut sine solemnî apparatu revertendum. Quod tamen fieri non debet, nisi loci distantia, itineris, temporisque difficultas aliud postulet.

XIX. Lumen ante Sacramentum semper ardeat: ubi id fieri non potest, fiat, quod Ecclesiæ facultates ferunt. Id vero Archi-Decanus, Decanus, & Parochus arbitrentur.

Tomus VIII. Concilior. German.

De Missæ Sacrificio.

I. Missa Deo Sacrificium est gratissimum, in quo Filius Deo Patri incruente immolatur; ad quod, quoties accedunt Sacerdotes, pro hominibus apud Deum legatione funguntur. Quare summa, qua possunt mentis puritate, & externa quoque reverentia Sacrosanctum hoc munus absolvant, ut &, quæ volunt, a cœlesti Patre obtineant, & populum amore tanti Sacrificii inflamment.

II. Missæ in solis Ecclesiis, vel Oratoriis dedicatis fiant: & hora stata, præsertim die festo, quæ toti communitati ad conveniendum sit commoda; nec ad instantiam ullius, unquam suo Sacro totus populus defraudetur.

III. Ab Altaribus procul arceantur femina. Qui ministrat, Celebranti simul respondeat; locum enim idioræ supplet: quod in Civitatibus, oppidis, Collegiis, Monasteriis, & aliis locis celebrioribus, ut fiat, omnino præcipimus. Neque id sane difficile erit, si vel nullus ad Sacristiæ munus in posterum admittatur, qui latine legere nescit: vel Scholæ Parochiales quantocius restaurentur. Ubi vero minister respondens haberi nullo modo potest, singuli Parochi, & Curati suos Aedituos ita instituant, ut saltem apte, opportune, ac devote Celebranti inserviant. Curent Decani, ut Canon iste in usum veniat, contumaces etiam debitis pœnis coercentes.

IV. Duæ ad minimum candelæ ex pura cera, neque nimium exiles ad singulas Missas accensæ sint, quæ ab initio ad finem usque Evangelii S. Joannis, ardeant.

V. Quoties genu in Missa flectendum est (quod circa Consecrationem Hostiæ & Calicis: item quotiescunque Sacra Hostia tractanda est, ante & post fieri debet) Sacerdos genu dextro, cum decoro corporis motu, manibus altari innixus, quasi terram attingat.

VI. Symbolum Fidei & Oratio Dominica semper integre pronuncientur. Qui inter legendum, aut cantandum aliquid scienter omiserit, vel abrupter, severe castigetur.

Z z z 2

VII.

VII. Circa Elevationem Sacræ Hostiæ, antiphonæ, vel alia carmina intempstiva ne intercinantur. Altum silentium, quod præsentibus mysteriis tunc debetur, paulisper ab omnibus servetur; Sed elevato Calice, si musice cantandum fuerit, id devote & submissa voce fiat.

VIII. Canon uterque tacite recitetur, reliqua voce clariore: Omnia vero tractim, integre, distincte, graviter, religiose, atque ex instituto Cathedralis Ecclesiæ, juxta rubricas Missalis Romani, peragantur.

IX. Ut uniformes ubique Cæremoniæ sint, in Ecclesia Cathedrali, & Collegiis semper deligatur unus, qui sit Cæremoniarum Magister: cujus officium erit, instruere eos, qui de novo ad Sacerdotium accedunt; alios minus perite Celebrantes monere; ut omnia recte, decenter, ordinarie fiant, attendere: quando sedere, stare, genu flectere in Choro oporteat, docere; Cui omnes alii obedire teneantur. In aliis Ecclesiis idem officium gerant Decani rurales, vel alii ab eis delecti.

X. Nemo Missam primam insulto, vel non approbante Vicario nostro Generali per totam Diocesin nostram faciat. In Missis autem novis, sive (ut vocant) Primitiis, omnes comestationes, ebrietates, saltationes, omnem denique luxum interdicimus. Nefas enim est eo die, quo primum tremendi Sacrificii auspiciū faciunt, Sacerdotes rebus prophanis seque indignis operam dare. Qui contravenerit, decem aureis, & aliis pœnis arbitrariis mulsetur.

XI. Nemo celebret in ara portatili, vel in ædibus privatis, sine libro Missali, mundo & sacro vestitu, lumine ceræ, cæremoniis in Missali Romano, aut Brixinenfi novo Sacerdotali expressis.

XII. Hostiæ sint azymæ, hoc est, fermenti expertes, ex sola aqua naturali, & farina triticea coagulata: non atræ, non mucida, non putres, non maculis aspersæ, non rimis fissæ, quæ vel aspectum astantium offendant, vel fumentis stomachum moveant. Si quid

peccatum a quoquam fuerit, carcere vindicetur.

XIII. Vinum autem sit de vite, clarum, album, vel aliud; optimum tamen, quod haberi possit. Optimum namq; ad optimum Sacrificium adhiberi convenit. Quandoquidem autem non expedit vinum ex publicis cauponis afferri, statuimus & ordinamus, ut unaquæque Ecclesia suum proprium vinum habeat: Aut si hoc fieri non possit, ex hospitio non accipiat, nisi quod Aedituus ipse in cellam vinariam descendens, ex dolio quotidie hauritum esse oculis suis viderit.

XIV. In posterum nemo plures Missas suscipiat, quam commode celebrare possit. Qui secus fecerit, a Divinis suspendatur.

XV. Sicubi numerus Missarum ita magnus est, ut dici juxta fundatoris dispositionem non possint; aut elemosynæ ita tenues, ut oneri ferendo non sufficiant, ad Nos clare in specie & numero referri volumus, ut, quid ad gloriam Dei fieri deceat, mature statuamus. Interim vero a Fundatorum pia voluntate ne latum unguem discedatur.

De Extrema Unctione.

I. **P**ER Sacramentum exeuntium (ita veteres appellant) gratia Dei confertur, quæ peccata præsertim leviora remittit; & animam a languore ex peccatis innato liberat, & in supremo mortis agone certantem animat: nec solum animæ, sed sæpenumero etiam corpori salutem affert. Hæc fidelibus diligenter explicanda sunt, ut quod hætenus, vel ex falsa persuasione, vel ignorantia neglexerunt, edocti ardentius expetant.

II. Curent Pastores, ne quis sine Viatico, vel Extrema unctione ex hac vita abeat. Si quis dare petenti neglexerit, is beneficio suo: si vero quis monitus suscipere contempserit, is sepultura sacra privetur.

III. Cæterum Sacro unctionis Oleo ne ungantur pueri, amentes, furiosi impenitentes, & desperati homines, qui nullum pœnitentiæ signum dederint; sed

sed ii solum, qui illud petiverint, & in præfenti mortis periculo versantur, dum integris adhuc sunt sensibus, & postquam jam Pœnitentiæ, & Eucharistiæ Sacramenta præceperunt, inungantur.

IV. Inter ungendum ægrotum nihil præpostere, nihilve inordinate fiat, sed uti Agenda præscribunt, ritus omnes religiose & decenter, ac in locis corporis debitis adhibeantur. Post unctionem absolutam, ægrotus ad extremum illud certamen paucis animetur, & instruatur; astantes vero infirmitatis humanæ admoneantur, & ut pro laborante in extremis ferventius orare studeant, regentur.

V. Vasculum olei Extremæ unctionis sit argenteum. Si cum Eucharistia simul effertur, servetur, quod supra de Viatico efferendo statuimus. Sin autem separatim deportatur, omitatur campanulæ sonus, & minister linteatus sine lumine, cum sola aqua benedicta Sacerdotem sequatur, ne populus genibus flexis adoret. Ut enim alia quædam Sacramenta, ita & hoc, sola capitis aperiuntur honorare sufficit. Semper autem efferatur vel in bursa serica, funiculo serico ad collum appensa, vel in pyxide grandiore, pro loci cuiusque consuetudine, magna cum reverentia.

De Sponsalibus & Matrimonio.

I. **N**Overiat fideles, Sponsalia non esse Matrimonium, sed Matrimonii futuri duntaxat mutuam promissionem: Ideo Sponsorum cohabitatio in Ecclesia Dei minime toleratur. Qui enim revera conjuges non sunt, jure Matrimonii nullo modo gaudere possunt. Hoc vero ad Parochos, Decanos, & Magistratus civiles pertinet, ut hujus generis scandala quovis modo e medio tollere curent. Nos certe præsentium tenore omnibus Pastoribus sub pœna suspensionis injungimus, ut quos ante nuptiarum solennitatem cohabitare cognoverint, si vel semel moniti se non disjunxerint, eos a Matrimonii conjunctione etiam publice repellant.

II. Si Sponsos liberos procreasse, aut turpem aliquam consuetudinem ha-

buisse, publicum fuerit, ii sine publica pœnitentiâ nec ad Matrimonium, nec ad Ecclesiam recipiantur: & præterea pro gravitate criminis ad arbitrium Judicum Curia nostræ mulctentur. Quod Decretum nostrum in singulis Parochiis, quoties nuptiæ denuo aperiuntur, pro concione proponi, ac exponi populo volumus.

III. Si sponsalibus Sacerdos proprius interfit, eum non ut Parochum, sed veluti testem (quo nomine etiam alii quidam acceruntur) duntaxat adesse præcipimus. Quare nec stola, nec superpelliceo tunc utetur, nec sponso ullo modo per verba de præfenti conjunget, diserte protestatus, illum actum Sponsalia, non Matrimonium esse, neque conjunctione, neque benedictione Sacerdotali indigere.

IV. Futuri conjuges semper de libero consensu, aliisque impedimentis a proprio Parocho privatim examinentur, antequam ad proclamationes procedatur. Nulli autem in Ecclesia proclamentur, quos verisimile est, aliquo legitimo impedimento a nuptiis prohiberi. Alii quidem proclamentur, sed si postea impedimentum aliquod deprehensum fuerit, tales inconsulto Ordinario, aut Vicario ejus, non copulentur. Sed neque facile credatur cuiquam dispensationem jactanti; nisi literas Judicis fide dignas exhibuerit.

V. Trinæ autem proclamationes fiant ante nuptias, tribus festis continuis, a Parocho, vel Concionatore in publica Ecclesia, & concione frequentissima; nulla ipso die nuptiarum. Ab hac lege nulli omnino excipiantur sine speciali mandato nostro, sub pœna suspensionis ab officio. Qui vere Christiani sunt, legi tam necessariæ, ac utili facile parituros speramus, scientes tales magis Dei, quam hominum gloriam amare, & Christianam obedientiam etiam Sacrificio præferre.

VI. Si contrahentes diversarum Parochiarum fuerint, in utraque publicationes fiant, nec ulterius procedatur, nisi ex mutuis Parochorum illorum literis, & publicationes rite factas, & nullum subesse Matrimonii impedimentum, certo constiterit.

VII. Matrimonium clandestinum, quod sine proprii Parochi, vel alterius Sacerdotis de ejus, vel Ordinarii licentia, ac duorum, vel trium testium præsentia contrahitur, non solum est peccatum mortale, sed etiam coram Deo, & Ecclesia Dei irritum, ac in utroque foro nullum.

VIII. Hortamur Sponsos, ne ipso nuptiarum die, sed triduo ad minimum ante expiatis per Sacramentalem Confessionem rite peccatis, ad Sacramentum Corporis Domini nostri JESU CHRISTI reverenter accedant, ut rem tanti momenti cum Deo incipiant; & per gratiam Dei, quæ illis dabitur, grave jugum Matrimonii suavius efficiatur. Et nisi certam fidem Confessionis, & Communionis, saltem ante nuptiarum solemnia factarum, fecerint Parocho, non admittantur ad Matrimonii solennitatem.

IX. Nuptiæ a proprio Parocho, vel ab alio Sacerdote, de ejus, vel Ordinarii consensu, benedicantur. Benedictio autem fiat in Missa, cui contrahentes ab initio ad finem usque interesse oportebit.

X. Cum per Diocesin universam, maxime inter locupletiores, Matrimonia in facie Ecclesiæ fere fiant vesperi præcedenti, & benedictiones nuptiales primum mane sequenti in Ecclesia suscipiuntur, quod tamen ægre, & sine licentia speciali Ordinarii, vel ejus Vicarii Generalis, omnino non permittendum est, hortatur, ac serio monet Synodus Diocesana, auctoritatem Concilii Tridentini secuta, ut conjuges ante Benedictionem, mane in templo suscipiendam, non consumment Matrimonium; speratque, fideles tam sacra monita facile admissuros.

XI. Nuptiæ die festo, vel non celebrentur, vel ea hora ad Ecclesiam duccantur, quando etiam totus populus Sacrum, & concionem audire commode potest. Volumus insuper, & ordinamus, ne unquam nuptiæ die festo ultra horam nonam: die vero profesto ultra decimam, a Sacerdotibus expectentur. Quæ serius venerint, non copulentur sub pœna suspensionis; nisi alius Sacerdos, qui nuptiale Sacrum

faciat, in promptu sit, ad id ab ipsis conjugibus antea specialiter rogatus, atque a Parocho proprio, vel Ordinario deputatus.

XII. Qui coactas nuptias conjungere præsumperit, pœnam suspensionis ab officio, & beneficio incurrat: qui autem liberos suos, aut alios subditos, nuptias, ubi & quomodo nolebant, contrahere coegerint, sive privati, sive Magistratus fuerint, anathematis pœna coërceantur.

XIII. Caveant Parochi omnes, ne ullos, cujuscunque etiam dignitatis existant, in privatis ædibus per verba de præsentis matrimonialiter conjungant, sed neque in Ecclesia, quæ propria non sit, vel tempore interdicti sine expresso nostro consensu. Qui secus fecerit, per Diocesin nostram ad omne officium, vel beneficium ad arbitrium nostrum sit inhabilis.

XIV. Ignotos, vel ex alia Parochia, aut regione venientes, Matrimonio nemo facile jungat: multo minus vagos, & eos, qui nullam certam habent sedem, nisi post diligentem Inquisitionem, & re ad Ordinarium delata, ab eo licentiam id faciendi impetraverit.

XV. Nemo conjungat eos, inter quos impedimentum esse, certo noverit, sub pœna privationis beneficii: qui autem eos ad rem tam nefariam coegerint, cujuscunque status, dignitatis, & conditionis sint, ii anathemate irretiti, donec Ecclesiæ reconcilientur, ab omnium Sacramentorum usu excludantur.

XVI. Ut ii, quos semel legitime conjunctos publice fuisse constat, separatim vivere non debent, nisi a Magistratu Ecclesiastico legitime, & justam ob causam separati fuerint: cujus facere fidem indubitatam debebunt literis authenticis, in quibus & causæ justæ, & separationis concessæ expressa mentio fiat: Ita, qui prohibitas nuptias contraxerint, simul cohabitare nullatenus sunt permittendi. Tales ergo Parochi, si quos noverint, nobis recta denunciabunt, ut contra eos, quæ juris sunt, persequamur.

XVII.

XVII. Conjunctio unius non potest cum altero contrahere, nisi certus de morte prioris conjugis fuerit. Non igitur quinquennium, aut septennium absentem expectare sufficit, sed certitudo juxta leges Civiles æque, ac Canonicas requiritur, ut ad alias nuptias convolare possit: quam Judex æquus arbitrabitur.

XVIII. Causæ matrimoniales, & ab eis dependentes, ad solius Episcopi cognitionem pertinere dignoscuntur. Idcirco nullus sive Ecclesiasticus, sive secularis, sine peculiari commissione ipsius facta, de impedimentis, divortii, & aliis ejus generis, quæ jus, & vinculum Matrimonii contingunt, sub pena excommunicationis, cognoscere, aut judicare præsumat.

XIX. Matrimonia non alibi, quam in Curatis Ecclesiis, nisi quid impedierit, celebrentur. Impedimenti autem cognitionem Nobis, & Vicario nostro reservamus.

XX. Probare nullo modo possumus tam varias, & perniciosas corruptelas, quæ passim in nuptiis licenter, & improbe committuntur, sed eas detestamur, & corrigi vehementer optamus! Non decet enim filios Sanctorum Matrimonia sua auspiciari, sicut gentes, quæ ignorant Deum. Quare aut penitus tollantur, aut saltem temperentur illa levitatis, vanitatis, prodigalitatis, & lascivix studia, quæ tam in Ecclesia, quam domi, sub prætextu nuptialis hilaritatis fiunt, dum plerique abjecto Dei timore, voluptatibus, & aliis carnis operibus indulgentissime, & stultissime vacant.

De Ministris Ecclesiæ, eorumque officiis.

Ecclesiæ incolumitatem, totamque salutem Christiani populi a Ministrorum qualitate, maxima ex parte pendere, quis inficietur? Ut si boni, & idonei præsent, Religio incolumis persistat, & Christiani populi salus in tuto permaneat: Si mali, & negligentes, mox universa morum corruptela populos occupet, & malis agminatim irrudentibus, Ecclesiæ salvæ esse ne-

queant. Quapropter Nos pro Pastoralis cura Ecclesiis nostris recte consulere volentes, de iis, qui Ecclesias gubernaturi, Divinaque mysteria dispensaturi sunt, ut sequitur, statuimus & ordinamus.

I. Nullus ad Ordines deinceps admittatur sine testimonio legitimæ ætatis, probitatis, & literaturæ a proprio Parocho, & Magistro Scholæ; in qua studuit. Huic legi satisfaciunt Religiosi, ubi legitima Superiorum suorum testimonia Nobis exhibuerint.

II. Nullus ordinetur posthac sine Beneficio, aut Patrimonio, aut pensione, unde annuatim ad minimum triginta Coronati ad ipsum redeant: aut denique sine titulo mensæ, eoque perpetuo. Abusus enim perniciosus irrepserit, titulos temporales, & mere fictitios offendi, quem Nos, Sacerdotali dignitati consulere cupientes, ex tota nostra Diœcesi penitus exterminatum esse volumus.

III. Ad ministeria Ecclesiæ soli digni, & idonei recipiantur, tantoque major delectus habeatur, quanto digniora officia eis injunguntur. Nihil hic examinatores: carni, & sanguini, nihil amicitix, odio, vel gratiæ tribuant: In quo eorum conscientias quam maxime obstrictas esse volumus.

IV. Nullus ad curam animarum, vel Confessiones audiendas, vel prædicandum Verbum Dei (quantum fieri potest) assumatur, qui unum annum integrum in Theologia, saltem morali, perdiscenda non expleverit.

V. Apostatas, fugitivos, & vagabundos Monachos in nostra Diœcesi nullatenus esse ferendos, decernimus. Deprehensi severissime castigentur, & ad sua loca relegantur.

VI. Nullus in Diœcesi nostra Ecclesiis, Beneficiis, vel officiis ullis Ecclesiasticis deservire ultra octiduum permittatur, qui admissionem a Vicario nostro Generali, vel ejus Delegato, in scripto obtentam non ostenderit. De repentinis necessitatibus, & quando Vicarius, vel Delegatus ejus, adiri commode non poterit, statuunt Decani.

VII.

VII. Qui ad certam Ecclesiam, Beneficium, aut officium a Vicario nostro semel admissus fuerit, is ad aliam Ecclesiam, officium, vel beneficium, sine nova ejusdem admissione, commissione, aut investitura, & præterea testimonio, ex quo liquido constet, quomodo priorem Ecclesiam administraverit, & reliquerit, per totam Diocesim nostram non recipiatur.

VIII. Nullus Parochorum ex nostra Diocesi, cui semel adscriptus fuerit, in aliam sine nostro, sive Vicarii nostri Generalis consensu expresso, migrare præsumat. Quod si fecerit, ipso facto suspensus sit. Idem de Curatis, & Cooperatoribus, qui vel in nostra Diocesi nati, vel alias eidem obligati existunt, decernimus.

IX. Qui Beneficia habent, in quibus vel de jure, vel consuetudine residere debent, ut in Ecclesiis eorum personaliter munera obeant, necessarium est. Nam qui otiose resident, abesse potius, quam adesse censemus.

X. Nullus Clericorum Magistratui civili, Patronis, aut Dominis temporalibus plus æquo se subiciat, aduleatur, vel ne Nos in illum auctoritatem nostram exerceamus, adhæreat, aut ab iis contra Nos patrocinium quarat. Qui secus fecerint, ut & ii, qui tales receperint, foverint, defenderint, se in excommunicationem latæ sententiæ incurrisse noverint.

XI. Nullus Ecclesiam suam sine facultate nostra relinquat: nullus beneficium, aut officium Ecclesiasticum resignet, nisi in manus ejus, ad quem institutio de jure pertinet. Alias ipso facto ad omnia officia, & beneficia per totam Diocesim nostram omnino inhabilis censeatur.

XII. Horas Canonicas attente, & devote quotidie recitet, nec sine justa causa ullus intermittat. Qui post monitionem negligentes, aut contumaces reperti fuerint, præter juris penas, beneficio priventur.

XIII. Beneficia inter se nulli permuteant sine consensu legitimi Superioris.

XIV. Qui plura beneficia in posterum habebunt, præsertim incompati-

bilia, sive in eadem Diocesi, sive in diversis, iis, ut dispensationes suas Nobis examinandas intra semestre exhibeant, sub pœna in Constitutione GREGORII Decimi expressa, præcipimus.

XV. Bona Ecclesiæ immobilia, vel mobilia: item fundationes, jura, aut privilegia ne pignori dentur, vel accipiantur, neve ea commutentur, donentur, vendantur, aut quocunque modo obligentur.

XVI. Beneficia sua ære alieno non gravent, aut majori debito onerent, quam ex perceptione fructuum, vel ex lege, vel consuetudine ad ipsos spectet.

De Sacerdotibus.

I. Sacerdotes simplices diebus Dominicis, & Festis anni solennioribus Missas celebrent: qui curam animarum, beneficium, vel officium habent, toties, ut satisfaciant: Cateri autem Clerici, quater ad minimum in anno publice communicent.

II. Omnes, & singuli ordinarie singulis mensibus Sacramentaliter confiteantur: extraordinarie quoties in peccato mortali celebraturi essent. Ordinariæ Confessionis testimonium scriptum semper exhibeant in Capitulis, vel quoties ab ipsis requiretur, sub pœna quatuor librarum ad pias causas: Si qui semel in anno, aut nunquam confitentur, non sunt ferendi.

III. Cooperatores suis Parochis ad nutum obediant: Nihil certi sibi vendicent; sed quidquid a Parochis injungatur, id prompte faciant. Si quis propterea discesserit, quod pro arbitrio suo omnia agere non permittitur, is a Vicario nostro severe puniatur.

IV. Diebus Festis nullus Ecclesiam suam deserat, ut alienam honoret, nisi populus tunc ad vicinam venire soleat.

De Parochis & Curatis.

I. Nullum Cooperatorem, Capellanum, vel Sacerdotem alium, quocumque nomine censeatur, recipiant, foveant, retineant, inscio, aut invito nostro Vicario Generali; sed eos tantum, quos ei corporaliter stiterint, ab

ab eisque, ut illis in cura animarum, vel aliis Ecclesiasticis officiis adiutores essent, expresse, & in scripto approbati fuerint.

II. Tot Sacerdotes quilibet alat, quot & ad Sacramenta Parochianis propriis administranda, & ad curam animarum exercendam satis esse possunt. Victus autem eis honestus, & necessarius præbeatur, & præterea stipendium liberale, (juxta taxam videlicet, a Vicario nostro præscribendam) ne, dum fordide eos habent, Sacerdotes idoneos, & quos oporteret, habere minime queant. Attendant Decani, & peculiare examen in quovis Capitulo instituunt; in quo, qui rei inventi fuerint, vacantis officii pecunia non illis, sed vel domus Canonica, vel Ecclesiæ fabricæ accrescat.

III. Omnia, & singula officia, quæ vel ex fundatione, vel laudabili consuetudine obire debent, statim diebus & horis studiose exequantur, ut tam Deo, quam Decanis, & Vicario nostro, quoties opus fuerit, justam sui rationem reddere possint.

IV. Scholæ in singulis Parochiis sint: ubi collapsæ sunt, restituantur: ubi conservatæ, colantur, & augeantur. Ab institutione enim inchoanda est disciplina, ut juvenus a teneris annis assuescat Religionis initiis, ac ignorantia, omnium malorum origo, exterminetur.

V. In pagis, vallibus, & montibus, ut Scholæ ejusmodi, saltem per hyemem habeantur a Parochis, & Curatis, vehementer optamus: ut habeant ipsi, unde commodius vivant; & quomodo otium, & quæ ipsum comitantur, prudenter caveant. Sed & juvenus agrestis, dum legere, & scribere discet, etiam in Fidei articulis, orandi modis, & alijs pietatis Christianæ exercitiis, ac hominis Christiani officiis instituetur; & ad cultum civiliorum, & vitam Christiano homine dignam, multo facilius assuescet. Quos amore agere omnia decet, ii timore non sunt trahendi.

VI. Quoniam vero in Diœcesi nostra plures Ecclesiæ unicum habent Sacerdotem, qui in omnibus simul ad-

esse non possit: & subditi sæpenumero nolunt ad vicinas Ecclesias diebus Fests se conferre: unde fit, ut Sacerdos unus binas conciones habere cogatur, unam in una Ecclesia cum Missa, alteram in alia sine Missa; vel in altera Missam; in altera Benedictionem aquæ cum processione: & plurimus populus sine cultu Divino dies Festos transigat. Quam consuetudinem, vel rectius corruptelam, Nos abolere cupientes, statuimus, & ordinamus: ubi plures Ecclesiæ sunt, quæ singulæ singulos Sacerdotes alere vel non possunt, vel nolunt, diebus Fests in earum singulis cultus Divinus per vices agatur: & populus semper ad eam convenire cogatur, in qua Missam & concionem simul audire possit; non obstante quacumque consuetudine. Non est enim æquum, Sacerdotem discurrendo, & concionando in pluribus locis eadem die plus æquo defatigari: & populus præceptum Ecclesiæ Dei prævaricando, Deum tam graviter offendere desinet. Ubi vero plures Ecclesiæ sunt, quæ singulos Sacerdotes commode alere possunt, ut quæque suum Sacerdotem proprium habeat, volumus. Neque dubitamus, quin apud fidelem populum tam paterna ordinatio locum habitura sit, ne, quos ut filios amare debemus, in eos tanquam in servos animadvertere cogamur.

VII. Ægrotos Parochiæ suæ quisque sollicitè inquirat, & non vocatus etiam sæpius inviset. Neque putent se Parochi satis officio suo functos fuisse, si infirmis Confessionis, Communionis, & Extremæ Unctionis Sacramenta impertiverint; sed adsint præterea morientibus, ea omnia præstantes, quæ ad animæ salutem tali tempore requiruntur.

VIII. Caveant vero Parochi, ne oves suas periculo morbi alicujus, aut mortis metu unquam deferant. Bonus Pastor animam suam ponit pro ovibus suis, mercenarius autem fugit. Unde etiam ex officii sui obligatione peste laborantibus opem ferre tenentur. Quod nisi fecerint, Deo, & Nobis deserti officii poenas gravissimas dabunt.

IX. Dies Dominicos, & alios Festos in solis defunctorum exequiis, ne

in pagis quidem impendi volumus. In parentalibus vero, & aliarum exequiarum convivii comestiones, ebrietares, & alias nugæ, quibus aliqui stultissime indulgent, omnino interdiciamus. Illud enim ad Festorum: ista etiam ad mortuorum injuriam pertinent. Current ergo Parochi, ut mortuis iuxta sua aliquo die profesto, etiam in pagis solvantur: & ut funebria convivia, vel omnino tollantur, vel, si illud fieri non possit, saltem ea sobrietate, & modestia, quæ Christianos decet, habeantur.

X. Sacramenta Baptismi, Pœnitentiæ, Eucharistiæ, Extremæ Uctionis, & Matrimonii per se, & Cooperatores suos propriis duntaxat subditis administrent, non alienis: neminem iis quavis de causa defraudent, vel ex negligentia, vel culpa sua privati patiantur: ne & Nos pro tanti sceleris gravitate in eos animadvertamus.

XI. Ex Cancellis, aut pro Concone, vel in Cœmeteriis, vel aliis locis sacris, forensia, & profana nec ipsi promulgent, nec alios publicare permittant; sed ea tantum, quæ sacra & pia sunt, ac ad cultum Dei, & pietatis opera pertinent. Ubi vis infertur, ad Ordinarium confugiant.

XII. Bona, & jura Ecclesiæ suæ quisque pro viribus propugnet, potius vitam suam amitti, quam CHRISTI Jesu patrimonium patiantur. Deperdita inquirere, & recuperare satagant. Quam ad rem Nos illis fidam operam pollicemur.

XIII. Ut pœnitentiæ publicæ in usum, ad malorum terrorem revocentur, omnibus modis studeant. Nec peccata, ac scandala ulla dissimulent, sed Magistratus etiam civilis opera severissime vindicent. Verum pœnitentiam publicam nulli injungent inconsulto Vicario Generali, hoc ad solius Episcopi officium pertinere humiliter recognoscences.

XIV. Pauperum, Viduarum, & aliarum miserabilium personarum curam peculiarem suscipiant, scientes se pauperum parentes a piis Fundatoribus esse relictos.

XV. Decimas, census, atque proventus alterius nemo intercipiat. Et

quia non desunt, qui fructus Ecclesiarum filialium (ut vocant) totos sibi vendicent, onere toto in alios derivato, ordinamus, & mandamus, ut infra semestrem a Synodi hujus publicatione, sua cuique Ecclesiæ citra moram restituantur. Quid autem in recognitionem Pastorum, ab ejusmodi Ecclesiis reddendum sit, nostræ cognitioni referamus.

XVI. Ab Ecclesiâ sua nemo discedat sine licentia Canonice obtenta. Si necessitas abesse ad unam hebdomadam cogat licentiam in scripto dabit Decanus: sin ad longius tempus, Vicarius Generalis. Absentia vero nulli permittatur diebus solennioribus anni, nec sine cognitione causæ, nec sine Vicarii idonei, & a Nobis approbati, vel approbandi deputatione. Si quis contra facere attentaverit, sacrorum Canonum pœnas experietur.

XVII. Ecclesias sibi subiectas ad minimum bis in anno quisque visitet: quæ emendatione indigere perspexerint, ad Visitationis, & Synodi hujus Statuta quantocumque reforment; quæ recte se habere viderint, conservare studeant. Idem de beneficiis, ædibus, bonis, ac juribus eorum statuimus.

XVIII. Domus Parochiales ordine, ac disciplina sint reliquis exemplum. Non ascendant in eas quavis de causa infantes, suspecti, blasphemi, scelerosi. Fœminæ omnes penitus excludantur, quas Decani non probaverint.

XIX. Urbarium authenticum quicquid confici curet, in quo Prædia, decimæ, census, agri, eorumque fines, ac termini, jura, privilegia, obligationes perspicue inscripta legantur, unde distincte cognosci queat, quos proventus & onera quælibet Ecclesiâ habeat. Cujus exemplum alterum apud Ecclesiam maneat; alterum ad Archiepiscopum Dicecesis mittatur.

XX. Illiteratos ineptos, ac inutiles, si qui forte superioribus temporibus irrepserunt, modo bonæ vitæ sint, & Vicarios idoneos, aut Coadjutores a Nobis approbandos, sibi ascendant, toleramus: Alios in damnum Ecclesiarum, & animarum perniciem ferre non possumus.

XXI.

XXI. Cum primum possessionem adierint, in præsentia testium rerum omnium Ecclesiæ Inventarium conficiatur.

XXII. Familiæ suæ mercedem annuam semper integre solvant; nec eam in tempus longius protrahant.

XXIII. Ecclesias, aut earum bona pignori non supponant: nec debitis onerent: nec decimas, aliosque proventus in damnum successorum vendant. Hæc enim omnia irrita decernimus: ne autem fiant, Decani in Capitulis diligentissime dispiciant.

XXIV. Nemo ad curam animarum posthac admittatur, nisi post accuratum examen idoneus repertus, fidem suam Ecclesiæ Catholicæ & Nobis probaverit; ac in iis, quæ ad officium suum, & jura Ecclesiastica pertinent, se fidelem fore, ac vitam Sacerdote & Pastore dignam se acturum, solenniter juraverit.

De Prædicatione Verbi Dei.

I. **A**D Prædicationis Divinæ Officium nemo absque diligenti probatione, benedictione nostra, & testimonio literis consignato, in posterum recipiatur. Et tales sint, quos & pietas, & vitæ honestas, & doctrinæ puritas commendat: & qui populum tam lingua, quam exemplo ædificent. Pulchrum enim est, cum de Concionatore illud dicitur, quod olim de quodam ex veteribus dictum legimus: Hic est, qui quale habet verbum, talem habet & vitam.

II. Conciones singulis diebus Dominicis, & Festis, in omnibus Parochialibus, & Curatis Ecclesiis (quæ Sacerdotem proprium habent) habeantur. In urbibus, & oppidis etiam in Adventu Domini, & Quadragesima trinx, aut binæ per hebdomadam, ubi in usu fuere, retineantur; ubi fieri non consueverunt, juxta Tridentinum Concilium, si ullo modo fieri possit, instituantur.

III. Parochi, & Curati munus concionandi per se obeant: absque nostra facultate, ne Cooperatoribus quidem ordinarie committant. De re-

pentinis necessitatibus præcipimus, ne quisquam infra Sacerdotem; vel cujus vita, & doctrina non sit explorata, in suggestum admittatur.

IV. Ubi Parochi, & Concionatoris officia diversis committi solent, Parocho Concionatorem subijcimus: neve plures (*in*) partes scindatur Ecclesia, ejus judicio, in rebus controversis hunc omnino acquiescere volumus.

V. A prædicandi munere neminem omnino idoneum, & alias approbatum excludi volumus; Statuta omnia, & privilegia in contrarium abrogantes, & irrita declarantes.

VI. Fideles pro Concione de fide, & moribus diligenter instituantur; & semper aliquid ex Catechismo Romano, præsertim extra civitates, agresti populo proponatur, ac ad rudium captum explicetur, ut, quæ scire omnium interest ad salutem, omnes addiscant.

VII. In reprehendendis vitiis ita se gerant, ut pietatis, & charitatis studio adducti, non hominum, sed peccatorum odio, id facere videantur. Ea vero vitia præ cæteris exagitant, quæ populus frequentat, aut in quæ procliviores esse vident; ut populus eorum gravitatem intelligens, ab iis avocetur. Neminem nominatim perstringant, aut quasi digito demonstrent: ab Episcopis & Magistratibus abstineant. Quin tamen omnes sui officii commonefaciant, ejusque obligationem, suo loco & tempore, omnibus & singulis graviter, & serio inculcent, non interdiciamus.

VIII. Nemo causam suam, sed solius Dei, & animarum ex suggestu tractet: ad captum auditorum se quisque accomodat: omnibus omnia, exemplo Pauli, facti, omnes Christo lucrifaciant: ab omni furo, & orationis pigmentis abstineant, sed potenter, & prudenter officio suo fungantur, nihil aliud quærentes, quam auditorum suorum utilitatem, & animarum salutem.

IX. Fabulæ aniles, sales, scommata procul a concionibus absint; immodestas invectivas, historias suspectas,

incertas, orationem nimis aculeatam omnino prohibemus. Omnis concio ut charitate, & prudentia condita, ac doctrina referta sit, præcipimus. Qui secus fecerint; in eos, juxta Concilii Tridentini Sanctionem, animadvertemus.

X. Fideles autem omnes, & singulos, qui per ætatem, & negotia necessaria possunt, non solum diebus Dominicis, sed omnibus etiam Festis, ad rem Divinam, & conciones frequentes concurrere, & ab initio ad finem usque cum summa modestia, attentione, ac devotione adesse volumus.

XI. Quoniam autem intelleximus, populum rudem, & simplicem (ut supra quoque monuimus) præter dies Dominicos alia festa nihili pendere; nec iis ad Ecclesias suas venire, aut si veniant, pro libitu excurrere, in cœmeteriis circumambulare, fabulari, prophana tractare; in Ecclesia dormire; altarius instar trunci incumbere; nihil orare, nullas prope actiones in Missæ Sacrificio observare; conciones oscitanter auscultare: e salute fore populi fidelis existimavimus, si hoc vitium gladio spiritus excinderetur. Idcirco Pastoribus ac Concionatoribus omnibus injungimus, ut ubi iste tam irreligiosus abusus irrepsit, frequenter eundem pro concione redarguant, populum de tremendis Missæ mysteriis, de modo orandi, Festa colendi, Sacrum & conciones audiendi instructos: & quod Christianorum sit, quolibet die Festo, integro Sacro interesse, quo participes fiant ejus oblationis, quam Sacerdos pro tota plebe facit, & omnium orationum, ac benedictionis, qua eos dimittit, accurate docentes, ac identidem inculcantes. Et si quidem ea in re tota communitas rustica peccat, censemus Magistratum, sive Præfectum loci requirendum, ut abusum tantum prohibeat, ac coerceat: qui si forte recusaverit, ne quis eum absolvat, donec se regulis istis paritutum, certa fide polliceatur, præcipimus. Quod si vero paucorum istud vitium est, nisi moniti emendentur, cera, vel rebus aliis in usum Ecclesiæ, aut pauperum, pro arbitrio Parochorum, & Decano-

rum mulcentur: incorrigibiles ad Nos deferantur.

De Catechismo.

I. **U**T tenera ætas, pene cum lacte materno, Religionem Christianam imbibat; Catechismum & in Scholis privatim, & publice in Ecclesia omnibus diebus Dominicis, in singulis Parochiis si non totius anni, saltem Adventus, & Quadragesimæ ordine, quo decet, exerceri, & doceri mandamus; neque in oppidis, & civitatibus solum, sed etiam in villis & pagis.

II. A prandio igitur signo campanæ Curati pueros in Ecclesiâ convocent; ubi convenerint, Catechista 1. Clara voce & lenta prolatione recitet Orationem Dominicam, Salutationem Anglicam, Symbolum Apostolorum, pueri præeuntem sequantur. 2. Recitationes, & pia æmulandi studia disponat. 3. Facilem, & qualem illa ætas admittit, explicationem subjungat, ad gustum aliquem intelligentiæ, ut omnes rebus sacris debitam reverentiam ab initiis primæ ætatis tribuere condiscant. 4. Lectionem juventuti præscribat, ab ea sequenti conventu memoriter exigendam. 5. Denique Orationem Dominicam cum decem Præceptis, vel alia quadam Catechismi particula, ipso præeunte, pueri ubi clare & pie pronunciaverint, Scholæ dimittantur.

III. Curet autem Catechista, ut parvum Petri Canisii Catechismum juvenis ab initio ad calcem usque memoriter discat, ac quantum capere potest, intelligat. Non vagetur ad alia, nisi admodum raro, cum adultiores intervenerint; sed intra fines sese contineat.

IV. Ut autem Scholæ hujusmodi non frustra institutæ videantur, sed cum fructu frequententur; 1. Pastores tam in concione, quam privatim, parentes admoneant frequenter, ut ad Catecheses proles suas, & familiam ipsi adducant, vel saltem mittant. 2. Publicent frequenter, nec ad Eucharistiæ, nec ad Matrimonii Sacramenta admitte-
tendos, qui in primis fidei rudimentis sufficienter instructi non fuerint. 3. O-

eorum, ut deprehendi possint, qui negligentiores fuerint. 4. Diligentia summa, qua poterunt, officium suum hac in re præstent, ut exemplo suo alios ad imitationem invitent. Munusculis, aliisque variis modis, pro temporum ratione, juventutis studia excitare nitantur.

V. Has easdem exercitationes juventutis, pluribus quoque modis Magistratus secularis excitare, & provehere poterit. 1. Si mandet parentibus, ut liberos suos ad has Scholas diligenter venire curent, idque sub certa multa, si moniti, officium suum negligant, ab eis exigenda. 2. Si in omnibus Ecclesiis, eo tempore, quo juventutis instituitur, sub pœnis eorum arbitrio imponendis, a tripudiis, & aliis insolentis abstinere præcipiant. 3. Si sumptus, qui necessarii erunt, ut honorariis donentur, qui labores subeunt (si forte non inveniantur, qui pietatis intuitu, gratis facere velint) ex publico ærario, (ut in aliis quibusdam locis fit) subministrent: cum nihil in meliores usus collocari possit, quam quod ad recte instituendam juventutem, & a teneris annis ad pietatem imbuendam, impenditur. Neque dubitare possumus, quin Magistratus Catholicus, in re tanti momenti, quod ab eo requireretur, pie ac prompte sit exhibiturus.

VI. Denique Pastores hoc munus per se exerceant, vel alios substituant ad juventutem instituendam aptos: qui more parentum, blande, & humaniter pueros tractent, ad discendum alliciant. Qui negligentes erunt, pro singulis lectionibus singulis libris mulcentur: Quam pecuniam Syndici Ecclesiarum ab iis, quorum negligentia per Decanos damnata fuerit, exigant, ac in munuscula, quibus juvenus allicitur, vel ad alia, ad hanc rem necessaria, expendatur.

De Confessariis.

I. Qui audiendis confessionibus præficiuntur, sint viri integri, eruditi, prudentes, zelum Dei, & animarum habentes, amore flagrant, silentii tenaces, non ad quæstum inten-

ti, sed ad profectum animarum: In explorando non plus æquo curiosi, non leves; non ebriosi, vel quovis alio vitio notabiles.

II. Confessarius Patris, Judicis, & Medici personam sustinet: quare gravitatem benignitate temperatam habeat; nec eorum rudis sit, quæ ad judicium faciendum, & ad morbos curandos pertinent; ut inter lepram, & non lepram; inter veniale & mortale, inter omisum, & commissum discrimen faciat: ut sic agro condoleat, quod possit magis indulgens Pater, quam severus Judex videri.

III. Nemo, sive Regularis, sive Sæcularis sit, ad confessiones audiendas accedat, nisi Sacerdos rite ordinatus, & Canonice non impeditus, ac beneficium Parochiale habeat; vel alias Canonice approbatus sit.

IV. Ordinarii igitur Confessarii sunt Parochi; delegati, alii, qui vel a Parochis, vel ab Episcopis, vel ab Apostolico, privilegium habent: Qui eos solum, in quos potestatem acceperint, audire poterunt, non alios. Cæterum Parochi suam potestatem non possunt amplius delegare, nisi ab Episcopo suo approbatis, & ad id per examen admittis.

V. Nemo in mortali peccato constitutus confessiones audiat, ne & ipse peccet mortaliter.

VI. Confessiones in sola Ecclesia (exceptis casibus necessitatis) & in aperto loco, & conspectu fidelium audiantur; non in Sacristia, vel obscuris Ecclesiæ angulis. Quod si alius commodus locus haberi nequeat, confessionale saltem idoneum, in quo pro Confessario sedile, pro penitente vero scabellum, ubi genua flectat, & tabula intermedia rite accommodata sint, in Sacristia ita collocetur, ut aperta Sacristiæ janua Confessarius, & penitens ab aliis in Ecclesia expectantibus, commode videri possint. Si quis aliter mulierum confessiones audire præsumpserit, ipso jure, & de facto ab audiendis confessionibus, & ab omnibus Divinis sit suspensus.

VII. In audiendis confessionibus eam adhibeant gravitatem, quæ Divi-

num hoc tribunal decet: Vultum humilem, & oculos in terram defixos gerant, nec faciem confitentis indiscrete inspiciant: omnes patienter, & in spiritu lenitatis audiant.

VIII. In casibus gravioribus, vel ipsi peritiores consulant, vel poenitentes ad eos dirigant; quorum sententia, qui se staturos promittunt, absolvi poterunt; nisi quid aliunde impediatur: alii absolvi non debent.

IX. Animas quærant, non pecunias: unum, duos, quinque cruciferos, imo vel unicum reruntium pro confessione audienda exigere, turpe lucrum est, & Simoniacum, nec ulla ratione ferendum. Quod sponte, & liberaliter datur, nec signo, aut verbo petitur, quin accipiatur, non prohibemus; cum hoc a consuetudine, & pia fidelium devotione non abhorreat.

X. Semper prius excommunicatio tollenda, quam absolutio a peccatis impenditur.

XI. Semper poenitenti potius, quam aliis credatur.

XII. Non omnes sunt examinandi, sed illi soli, quos vel ex ipsorum confessione, vel aliunde constat non integre confiteri, vel omnia habere, quæ oporteret. Absit curiositas; modus debitus servetur; ne poenitentem doceat, & se ipsum Confessarius in periculum coniciat: sequi debet poenitentem, non præire: a communissimis, & notissimis ad minus obvia prudenter descendat.

XIII. Verbis semper honestissimis utatur, quantum fieri potest, & uti decet.

XIV. Nullo signo, aut verbo, vel ulla alia ratione, quæ vel ad peccatum, vel infamiam poenitentis faciunt, sine expresso ejus consensu, manifestare licet. Poena manifestantis, præter peccatum mortale, est depositio, & poenitentia perpetua in Monasterio.

XV. Qui casus Sedi Apostolicæ reservatos afferunt, ad Apostolicum, vel qui ab eo habent absolviendi potestatem, remittendi sunt. Habet etiam Episcopus quilibet, quos ipse in Dicecesi sua absolvit. Ne errent igitur Con-

fessarii, & casus Summo Pontifici, & Episcopo suo reservatos, apud se scriptos habeant.

XVI. Casus autem Episcopo in nostra Dicecesi reservari, sunt numero decem. 1. Hæresis. 2. Librorum hæreticorum lectio, aut retentio voluntaria. 3. Homicidium; factum, præcepto, consilio, consensu, vel quovis alio illicito modo commissum, etiam casuale voluntarium, sive in actu, sive in causa tantum. 4. Incestus primi, & secundi gradus. 5. Procuratio abortivi, aut sterilitatis, quovis tandem medio ad alterutram instituto, sive effectus subsequatur, sive non. 6. Falsum testimonium, aut perjurium in judicio. 7. Decimarum, aliorumque jurium Ecclesiæ notabilis defraudatio. 8. Adulterium notorium, eoque majora delicta, ut concubinatus, Simonia, usura, Sodomia, cum similiter publica, & notoria fuerint. 9. Omnis excommunicatio major, quæ nimirum S. Pontifici non reservata, nec a Judice lata est. 10. Contractus mutui, in quo sine legitimo titulo supra sortem aliquid exigitur.

XVII. Noverint autem Confessarii, 1. In extremo mortis periculo nullam esse casuum reservationem. 2. Casum primum, secundum, quintum, nonum, & decimum soli Episcopo Brixinensi reservari, & quorum absolutioni ipse eos specialiter commiserit. 3. Absolutionem aliorum omnium, qui hic reservantur, relinqui Decanis ruralibus, & Confessariis Capitularibus, iis nimirum, qui Capituli sui Clerum de peccatis confitentem, præsertim tempore Congregationis audient. 4. Omnes alios casus, qui alias de jure, vel consuetudine ad Ordinarium (*) Episcopi absolutionem pertinent, omnibus omnino Confessariis usque ad nostram revocationem, vel aliam dispositionem plenarie committimus. 5. Si quis sine infamia, vel ob aliud legitimum impedimentum, ad Nos, vel alios, propter dictos casus mitti non possit, si se Ordinarium suum, sublato impedimento, auditurum promittit, a suo Confessario absolvi posse decernimus; sed si prima vice, aut tertia fefellerit, ei non facile amplius fides habeatur. 6. Quod si quis ad

(*) *Legendum arbitror:* ad Ordinarium, vel Episcopi absolutionem pertinent.

ad Superiorem suum ire recusaverit, rem ad Nos, vel ad eum, qui facultatem absolvendi habet, absque notificatione personæ, Confessarii perscribant, ut illis eo etiam casu, vel vices nostras committere, vel id statuere possimus, quod magis expedire videbitur. 7. Mulieres quoque ad Nos, vel alium mitti non debent, nisi casus earum fuerit peccatum publicum. 8. Qui absolverit scienter a casu, Episcopo Brixinensi, vel Summo Pontifici reservato, incidet in excommunicationem latæ sententiæ; a qua solus Episcopus, vel Papa possit absolvere; ejusque absolutio nulla erit.

XVIII. Nullus, qui in statu sit peccati mortalis, absolvi potest, nisi & peccatum, & statum peccati relinquat. Tales sunt meretrices publicæ, concubinariæ & concubinæ, apostatæ, usurarii, aleatores, ebriosi: breviter, quicunque in peccato mortali publice ita vivunt, ut consuetudo peccandi, & peccantium impudentia statum videantur facere peccati.

XIX. Qui sunt gravati ære alieno, vel aliis debitis, & possunt restituere, ne absolvantur, donec restitutionem, quam primum fuerit possibile, faciendam serio promiserint: deinceps non absolvendi, si hujusmodi promissione culpabiliter non steterint: Si restituere non possunt (hoc est, non habent, nisi unde vivant ipsi, & quos tenentur alere) promittant se daturus operam feriam, ut possint restituere, aut solvere: quæ promissione habita, poterunt absolvi.

XX. Clerici in Sacris, vel Beneficiati, qui Horas Canonicas non recitant, aut recitare nolunt, non sunt absolvendi, donec facere velint, quod debent. Idem intelligatur de iis, qui obtinent plura beneficia absque legitima dispensatione, vel non debite serviunt beneficio, quod legitime habent.

XXI. Qui habet aliquod beneficium, vel officium, & tamen nescit facere, ad quæ ex illo obligatur, non potest absolvi, nisi polliceatur, se cessaturum ab officii, vel beneficii sui exercitio, donec didicerit, quæ necessaria sunt, ut rite ministret; ac interim pro-

videat, per quem suppleatur, quod ipse non facit.

XXII. Clerici habitum Clericalem non ferentes, vel consuram congruentem Ordini; ne absolvantur, donec honestatem Clericorum præ se ferant.

XXIII. Qui proximam peccandi occasionem relinquere nolunt, absolutione sunt indigni, amantes periculum, in quo peribunt.

XXIV. Pœnitentiæ, quæ injunguntur, pœnæ sunt, & medicinæ: Puniunt enim peccatum; sanant infirmitatem animæ; & a recidivo præservant: Ideo contrariæ esse debent, & æquales peccato, ac convenientes peccatori. Quod si hoc ignoretur, ut plerumque, fiat, quod peccator possit, aut facere velit.

XXV. Non una, eademque satisfactio est omnibus injungenda, sed diversis diversæ pro qualitate peccatorum, & pœnitentium: Gravia gravem pœnitentiam, publica publicam requirunt, (quanquam publica injungi cuiquam non debet, nisi ab Episcopo; vel sine ejus consensu) semper tamen videatur, quid, & quantum peccator exequi possit.

XXVI. Confitentes non admittantur catervatim, tantumque a confitente absistant ceteri, ut, quæ dicuntur utriusque, non audiantur. Moneatur quoque populus sæpius, ut tempestive ad confessionem se conferat, nec ad ultimum diem, vel horam differat.

XXVII. Denique omnibus, & singulis Medicis, & Chirurgis nostræ Diœcesis mandamus, ut ægrotos suos de Confessione facienda juxta Sacros Canones tempestive admoneant, nec amplius visitent, qui moniti, ultra quartum diem Confessionem & Communionem distulerint.

De Gubernatione Diœceseos.

UT Clerus, qui rure degit, commodius regi, & in officio contineri possit, universum in plura Capitula descripsimus, unicuique tot Parochias cum omnibus annexis Ecclesiis, officiis, & beneficiis attribuētes, quot commode regi poterunt, Capitulorum autem

autem nomina hæc sunt: Clusinense, Livinalis longi, Toblacense, Brunegianum, Sterzingense, Matranense, Oenipontanum, Schwazense, Telfense, & Imbstense. Singulis Capitulis singulos Decanos præfecimus: Decanis singulis singulos Assistentes, Camerarios, & Confessarios adjunximus. Decani vitam, mores, & singulorum officia curabunt: Camerarii multas, debita, collectas, fabricam, bona, & jura Ecclesiarum: Assistentes consilio, & auxilio Decanos juvabunt: Confessarius Capituli sui Clerum de peccatis consistentem, præsertim tempore congregationis audiet. His omnibus, sicut & toti Clero Vicarius noster Generalis nostro loco, & nomine præsidebit: Hic mandata nostra ad Decanos deferret: Decani ad Clerum: & viceversa, quæ Clerus Nobiscum, aut Vicario nostro tractare volet, id per Decanos suos faciet: ita tamen, ut si cum Decanis suis ille convenire non possit, vel alias suum illi officium non fecerint, unicuique liberum sit, ad nostrum tribunal appellare. Præter hos reservamus Nobis etiam Archidiaconos, etiam pro locorum, & temporum ratione creari Archidecanos, qui pluribus regionibus cum potestate pleniore præ sint. Et Decani quidem, Archidecani, ac Confessarii Capitulorum pro nostro arbitrio constituentur, ac destituentur: Reliqui Officiales communibus suffragiis in pleno Capitulo delecti, a Nobis solum confirmationem accipient. Porro quam potestatem Capitula, eorumque Præfecti habeant, & quid ab unoquoque requiratur, id ex legibus, quas subjungimus, planum erit.

De Capitulis Ruralibus.

I. **A**D Capitula universus Clerus conveniat; iis solum exceptis, quos impedimentum Canonicum, aut præsens Ecclesiæ necessitas (de quibus cognoscat Capitulum) venire non permittet: quare tales loco suo excusatores, aut literas mittere oportebit. Pena negligentium pro prima vice erit una libra, pro secunda tres, & sic crescente negligentia, & contumacia, semper crescat & multa.

II. Capitula ruralia singulis semestribus celebrentur, die aliquo profesto, qui ad conveniendum sine detrimento Ecclesiarum, omnibus commodus judicabitur; nempe feria quarta post Dominicam in Albis; Et iterum, quando alias ad Sacra anniversaria Serenissimæ Domus Austriacæ, omnes convenire oportet; vel alio denique tempore magis opportuno, quod Decanus tempestive nominabit.

III. Non fiant in hospitii, aut cauponis publicis congregationes, sed vel in Ecclesia Parochiali, vel in domo Canonica: Nec semper in uno, eodemque in loco, sed in diversis, nempe apud singulas Parochias per orbem; vel ubi magis commodum videbitur. Sumptus convivii faciet Parochus, apud quem conventus agitur; aut pro se quisque solvet. Moderatum vero, & honestum prandium esse oportebit, a quo omnis ebrietas, levitas, rixa, immodestia procul exulet. Qui contra fecerint, pro arbitrio nostro punientur; maxime vero Decani, & Parochi, apud quos alii deliquerint.

IV. Pridie Capituli omnes Confessario Capitulari, vel alteri, Sacramentalem Confessionem faciant: & sequenti die pro fratribus defunctis, & simul benefactoribus, Sacrum Missæ Officium offerant. Unus, vel alter deligatur, qui Celebrantium ritus observet, ac postea de defectibus singulos moneat, ac instruat.

V. Missa quoque conventualis pro mortuis, vel de Spiritu Sancto solenniter cantetur: qua finita circa horam octavam, omnes & singuli superpelliciiis induti, ex Templo processionaliter locum Capituli ingressi, in suo quisque loco (quem singulis in primo post hanc Synodum conventu, secundum antiquitatem officii sui, ita tamen, ut Parochi Curatos; hi semper alios Sacerdotes, & Sacerdotes alios, qui tales non sunt, antecedant, Capitulum assignabit) consideat: tum ad omnes Decanus, vel alius ab eo mature constitutus, brevem sermonem habeat, de officiis, & virtutibus Sacerdotum, de cura, & zelo animarum, vel aliis, quæ tempori magis convenire videbuntur.

VI. His peractis. 1. Legentur Statuta nostra Synodalia, vel omnia, vel media eorum pars. 2. An, & quomodo illa, vel alia Visitatorum, & nostra mandata ferventur, omnes & singulos Præsidentes Decani per ordinem interrogabunt. 3. De Horis Canonis, an, & quomodo recitatur, quas ob causas omittantur. 4. De Sacramentorum administratione. 5. An Fundatorum voluntatibus singuli satisfaciunt. 6. An Parochi tot, ac tales Sacerdotes alant, quot, & quales debent. 7. An singuli confiteantur Sacramentaliter, quoties deberent, ejusque testimonia petantur. 8. An Catechismum doceant, & quomodo. 9. Quam familiam quisque habeat, & præsertim de feminis. 10. De vita, habitu, & honestate Cleri, ac populi, de litibus, gravaminibus, injuriis, scandalis, & his similibus tractandum erit. 11. Negligentes denique, & defectuosi pro qualitate criminis mulcentur.

VII. Ante omnia vero hoc diligentissime observetur, ut ab oratione quæque congregatio inchoetur, & simul terminetur. Omne namque bonum a Patre luminum descendit. Quare ubi ad locum convenerint, omnes alternatim & flexis genibus Hymnum: Veni Creator Spiritus, recitabunt. Collectam de Spiritu Sancto subjunget Decanus. Omnibus finitis, similiter quisque semel Pater, & Ave, secum devote dicet: Decanus denique clara voce orationem de tempore subiciat.

VIII. Decani interdum uno mense ante congregationem, Clero suo exhibeant duos vel tres casus conscientiarum, in congregatione excutiendos & decidendos.

IX. Capitula ruralia potestatem definiendi non habent, sed tantum inquirendi, referendi, exequendi, quæ illis mandata fuerint, ac puniendi. Nihilque omnino facient, quod eis, vel eorum Decanis, in his Synodalibus Decretis, vel alias expresse permiffum non fuerit.

X. Sigillum proprium singula habeant, & carcerem: sed carcere non utantur ipsi, vel ipsorum Decani, nisi

Tomus VIII. Concilior. German.

in quatuor casibus. 1. Cum scandalum ebrietate, fornicatione, blasphemia, vel aliis peccatis publicis, a Clero populo dabitur. 2. Quando officium suum non faciunt Clerici, & quæ his statutis cuique præscripta fuere, publice negliguntur; & alia poena non fuit opposita. 3. In causis rixarum, pugnarum, æris alieni, debitorum. 4. Cum eis a Generali Vicario nostro injunctum fuerit.

XI. Matricula habeatur, in qua omnium Sacerdotum nomina inscribantur, officia, Patria, Diœcesis, mors & tempus ingressus in Capitulum, vel in hanc Diœcesin. Ex hac mortui vivis commendentur tempore congregationis.

XII. Acta Capitulorum singulorum præsertim majoris momenti in librum peculiarem referantur, cum querelis & difficultatibus propositis, ut Vicario nostro facile, quid actum fuerit, constet.

XIII. Præter ruralia Capitula & particularia, generale semel quoque in anno in Urbe nostra Brixinensi, vel ubi Nobis commodius videbitur, cogatur; semper a Dominica post octavam Corporis Christi feria tertia: ad quod soli Archidecani, & Decani cum singulis sociis (si quos eis Capitula adjungere voluerint) convenient. Omnibus præsidebit Vicarius Generalis. Si tamen casus incideret, qui præsentiam tantæ congregationis exposceret, non ægre ferent, si a Vicario nostro sæpius convocati fuerint.

XIV. In his congregationibus generalibus singuli referent statum suæ regionis, necessitates, difficultates, lites. Deinde plurium suffragiis (quæ decisiva esse volumus, non solum consultiva) quæ ad bonum Diœcesis statum pertinent, definiantur: Quorum definitionibus, modo ab Ordinario approbatæ fuerint, reliqui omnes parere tenebuntur.

De Decanis ruralibus.

I. **H**Os viros prudentes, magnæ doctrinæ, & vitæ probatæ, ac multæ experientiæ esse oportet: sunt enim Pastores Pastorum quodammodo

B b b b

&

& ipsi: & alios exemplo, consilio, verbo, ope juvare debent.

II. Ut alii Pastores in suis Ecclesiis, ita Decani in sua regione, ad personalem residentiam compellantur.

III. Christma Sacrum, aliaque Olea Sacra, quibus utitur Ecclesia, quotannis ex Ecclesia Cathedrali accipiant: ex eo tradat deinceps quisque suis Curatis, quantum satis erit: pro traditione nihil omnino accipiant, præter sump-tus ejus causâ necessario factos.

IV. Semel ad minimum quotannis omnes ecclesias suæ regionis obeant, una cum Camerariis: non omnes quidem simul, sed modo hanc, modo illam, prout occasio se obtulerit. Victum frugalem præbunt Parochi. Idem fiat, cum alias, officii tamen sui causâ, per regiones suas excurrent. Tum enim præter victum a Parochis vel Ecclesiis, ne sponte quidem oblatum, quicquam accipere licebit.

V. Ecclesias, Sacristias, Vasa, Vestes, Ornamenta, Cœmeteria, Sepul-turas, Prædia, totamque familiam Parochi, & aliorum Clericorum, cum omni diligentia inspiciant; quid in eis desit vel desideretur, accurate considerent. Dispiciant etiam Decani in visitatione sua, an Clerus officium suum faciat; an vera sint, quæ quisque in Capitulo de observatione Decretorum nostrorum, & aliis, de se ipso deposuit, oculis inspiciant: in singulis Parochiis, a viris ætate, usu, & probitate commendatis de omnibus subtiliter inquirent, quæ eos pro officii sui munere scire oportebit: videant, an in populo sint hæretici, concubinarij, alij flagitiosi, qui Quadragesimam, aliaque jejunia, Festos dies non servant, & his similia. Quæ ipsi poterunt, statim corrigant: cætera ad Nos referant.

VI. Mandata nostra, & Vicarii nostri Generalis cum debita reverentia excipiant: ad eorum notitiam, quorum intererit, deducant. Quæ ipsis Superiores mandaverint, debite exequantur: Quæ vero ipsi suo, vel Superiorum nomine jusserint, an & quomodo executioni mandentur, sæpe videant.

VII. Vitam, mores, habitum, conversationem, suspiciones rationabiles de Clericis intra fines suos inspiciant; extrajudicialiter cognoscant, emendare contendant: Majora ad nostram cognitionem referant. Quæ autem in hoc genere fecerint, & curarint, ea scripto comprehendant, ut suo tempore rationem reddere administrationis suæ valeant.

VIII. Cum aliquis ex Curatis suæ regionis ægrotare ceperit, eum invitant: si gravius habuerit, curent diligentius, ut necessaria tam spiritualia, quam temporalia illi suppeditentur. Si obierit, rerum relictarum Inventarium conficiant, & omnium quæcunque in vita possederat, curam diligentem habeant. Ne autem cura animarum detrimentum patiatur, Vicarium idoneum interea substituunt, qui etiam post mortem vices defuncti gerat, donec de alio provisum fuerit. Semper autem de Substituto, ejusque qualitatibus informetur Vicarius Generalis. Idem de aliis Sacerdotibus suo modo intelligatur.

IX. Nullos Sacerdotes in suo districtu ministrare permittant, qui ipsis a Parochis præsentati non fuerint, & literas admissionis a Vicario nostro; & simul dimissionis a Parocho, aut Episcopo, ex cujus Diocesi discesserunt, non ostenderint. A Religiosis, quas a Superioribus suis attulerint, literæ requirantur.

X. Singulis annis Nobis, aut Vicario nostro de illis, quæ in cujusque Decanatu gesta sunt, rationem reddant, cum videlicet ad generale Capitulum convenerint.

XI. Sacerdotes omnes, reliquique ex Clero, Decanis suis morem gerant, ad Capitulum vocati, conveniant: si legitime impediuntur, excusatores mittant: visitantibus Decanis operam suam præstent: ad interrogata bona fide respondeant; alias penam arbitriariam subibunt: correptiones, admonitiones, & mandata eorum reverenter excipiant: ab iisdem, vel a Camerariis moniti æs alienum dissolvant. Inobedientes, si qui fuerint, graviter a Nobis puniuntur.

XII.

XII. Decanus quilibet, antequam officio suo fungi cœperit, Professionem Fidei coram Notario & testibus, juxta formulam PII Quarti, in manibus Vicarii nostri Generalis faciat. Et deinde fidelitatem stipulata manu, aut juramento promittat.

De Camerariis.

I. **C**amerarii arario Capitulari Præfetti, & jurium Ecclesiasticorum præcipui Custodes, ac Patroni, suæ administrationis singulis semestribus toti Capitulo rationem reddant.

II. Multas, quæ quavis ratione debentur, suis temporibus exigant. Idem de collectis ordinariis, vel extraordinariis statuimus.

III. Ut res & jura Ecclesiastica servantur, vel amissa recuperentur, sollicitè Parochos, aliosve Beneficiarios urgeant, ne quid vel negligentia pereat, vel aliorum vi usurpetur. Si quid insolentius alicubi fiat, id statim Episcopo significent.

IV. Cum Parochi, elocationi prædiorum & pecuniarum Ecclesiæ cujusque adsint: curent etiam ea tolli, quæ vel impedimentum afferunt, vel damnum inferunt.

V. Confinia terrarum & bonorum Ecclesiæ præcipiant Beneficiorum diligentia perfici, negligentes excitent.

VI. Ædes Canonice sæpius inspiciant, & si qua reparatione indigent, eas refici opportune procurent.

VII. Quid quisque in ædium suarum reparationem, aut conservationem quotannis impenderit; attendant.

VIII. Ne Ecclesiæ, vel beneficia debitis onerentur, neve fructus in damnum Successoris ab Antecessore vendantur, aut prædia elocentur, aut male tractentur, invigilent.

IX. Eos potissimum fructus, per Camerarios exigi volumus, quos Sacerdotes & Beneficarii, propter iniquam Horarum Canonicarum, vel aliorum officiorum omissionem in conscientia retinere non possunt: Item quas pecunias Parochi, cum sua culpa Collaboratores non habent, restituere debent. In quos etiam singulis Ca-

pitulis summa cum diligentia inquiri, nec nulli pœnam Canonis remitti præcipimus.

X. Inconsulto Decano nihil statuant, faciantve.

XI. Idem, quod Decani, juramentum fidelitatis, aut promissionem faciant, fidem prius solenniter professi.

De Archi-Decanis, si aliquos aliquando constituerimus.

I. **U**T Parochis, & Clero inferiori, Decani; ita Archidecani, Decanis præerunt. Nihil ergo cum inferiori Clero ex officio agent, nisi aliter a Vicario Generali specialiter fuerit mandatum; aut in mora fuerit periculum; aut Decani moniti, nihilominus officium suum non fecerint.

II. Horum officium erit, Capitulis generalibus interesse, referre, & exponere illic suæ regionis statum: Capitula particularia dirigere, modo huic, modo illi præsidendo: Synodalia, vel Capitularia Decreta, placita quoque Episcoporum, Visitationum, Vicariorum, suæ curæ commissis publicare & exequi: Decanos visitare; admonere, corrigere, reformare: contra publicos peccatores, hæreticos, usurarios, superstitiosos, & omnium criminum reos in causis ad forum nostrum pertinentibus, processus conficere, confectosque ad Nos mittere: expedire quæcumque eis specialiter ab Episcopo, aut ejus Vicario commissæ fuerint. Denique omnia & singula, quæ ad Ecclesiæ gubernationem in sua regione pertinent, inspicere, considerare ac deferre.

III. Penes eosdem liber quoque erit, in quo privilegia Cleri Dicecesani descripta sint. Item Statuta & Leges Capitulorum singulorum, ad suam jurisdictionem pertinentium.

IV. Tres autem Archidiaconi esse poterunt. 1. Oeno inferiori, 2. Oeno superiori. 3. Pustriissæ, & locis adjacentibus, cum potestate præsidebit.

De Ecclesiis & aliis piis locis.

UT re ipsa appareat, quod jam per doctrinam omnes norunt; Ecclesiam Domum Dei, & orationis esse, non negotiationis; & ut loca alia pia abusus, si qui irrepsérunt, e medio sublatis; ad legitimum & pristinum situm usum reformentur, de illis statuimus, & ordinamus, ut sequitur.

I. Ecclesiæ novæ sine nostro consensu & dote sufficienti nullæ fiant: vetustate, vel alias collapsæ restaurentur, vel juxta Sacros Canones alio transferantur.

II. Omnia loca pia summa munditia semper excellent. Sæpe igitur scopis mudentur, pulveres a sedibus, parietibus, fenestris, altaribus, imaginibus, picturis, vulpium caudis, aut panno aliquo, vel scopis accommodatis abstergantur, aranearum telæ undiqueque studiose tollantur. Hæc cura ad Oeconomos & æditos potissimum pertinet; qui, si negligentes fuerint, ut octavo quoque die ad minimum verri expurgarique non curaverint, his ex salario pro rata, sine remissione detrahatur.

III. Deambulationes, prophana colloquia, acta judicialia, tractatus sæculares, repositiones mercium, vel aliarum rerum nundinationes, pauperum concursationes, mendicationes civiles, & id genus alia in Ecclesiis ne fiant.

IV. Solum semper bene stratum sit: fornix & parietes purgati; & vel dealbati niteant: vel sacris historiis depicti, oculos hominum simul & animos pascant.

V. Fenestræ reticulis ferreis muniuntur, ne cujusvis injuriæ vitra pateant; nevé aviculæ in Ecclesias involare queant. Altius a terra tollantur, quam ut quis per eas introspiciat: & ita constituantur, ut semper aliquæ commode claudantur, vel aperiantur: quarum beneficio humiditates, vapores, fumi, pulveres, & his similia exhalent facilius: nec ita apertæ, vel Sacerdoti sacrificanti, vel rebus Divinis ventus, vel vis quævis alia injuriam faciat.

VI. Januæ Ecclesiarum clausæ sint, quamdiu in iis cultus Divinus non agitur. Non procul a januis sit aqua benedicta, qua se, qui ingrediuntur, vel egrediuntur, pie conspergant: vel ea etiam ad usum aliquem pium domum secum auferant. Vas singulis hebdomadis expurget diligenter Æditus, & aqua recenti, quæ die Dominico semper consecrabitur, repleat.

VII. Testum reliquarum partium Ecclesiæ præcipuum munimentum, sæpe a Syndicis inspicatur, ne ex ejus neglectu in torum ædificium vitium promanet. Si negligentes fuerint, pœnas luant promeritas.

VIII. Inter Chorum & Ædem sacram ubique Crucifixi imago locetur, quæ prima in oculos ingredientium incurrat, & precantem populum continua intuens, ejus quam Christus nobis in Cruce salutem peperit, commonefaciat; & quis Ecclesiæ Dominus, cum quo illic agendum & tractandum sit, rpdiores etiam sine voce doceat.

IX. Altaria mappis lineis iisque ternis (quarum intimam semper certam esse volumus) strata sint: nec tempore celebrationis asseribus cooperta, sed nuda ad linea usque, Cancelli lignei non nimis alti, nec nimium altaribus vicini, ut Sacerdotem celebrantem impediunt. Quibusdam in Ecclesiis ab altero latere sistenda candelabra ferrea, ne matronæ candelulas suas ipsi altari, sed dictis candelabris sine periculo incendii, affigant.

X. Crux ex ligno, lapide, vel alia materia assabre facta in omni omnino altari collocata perpetuo cernatur, eaduntaxat excepto, in quo alias efficta, vel picta fuit.

XI. Tabernaculum Venerabilis Sacramenti clavis ferreis, iisque valde angustis constet, ne mures, vel alia sese ad injuriam inferant; intus panno serico rubei coloris vestiatur: vel saltem colore caruleo ac stellis aureis ornentur; ac valde mundum sit extrinsecus velis adversus pulveres muniatur: locus sit amplus & altus, ut in eo, (ubi alius commodior non est) infra octa-

ostavam Corporis Christi, Venerabilis Sacramenti Monstrantia, post Divina officia recondi queat: solum tabula quadrata populea. (nucea enim & querna contra humiditates vim nullam habent) serico panno vestita sternatur, tabulæ corporale mundum (sine quo nunquam & nusquam Venerabile Sacramentum, aut vasculum illud continens, deponi vel colloqui debet) supponatur: in supposito corporali pyxis locetur, in pyxide Sacramenti Hostiæ resideant. Hoc vero vel ad cornu Evangelii in pariete more Germanico; vel (quod mallems) semper in summo Altari, more Romano constitutum erit.

XII. Sacræ Campanæ sacris, & non prophanis (quoad id fieri potest) significationibus deserviant. Nec ullæ ad Divina officia pulsentur, quam ab Episcopo benedictæ fuerint.

XIII. Ter in diē, mane, meridie, & vespere signo campanæ populus ad orationem moneatur, ut meminerit, si non sæpius, saltem his tribus temporibus esse orandum.

XIV. Reliquiæ novæ sine nostro consensu ne proponantur, veteres in loco sacro decenter & cum honore convenienti retineantur, & populo devoto ad minimum semel in anno, præscripto aliquo diē solenniori ex ordine & nomine demonstrantur, facibus accensis, vel candelis; Sæpius autem, in solennioribus nempe Festivitatibus omnes, vel aliquæ earum ad venerationem in altaribus exponantur.

XV. Imagines laceræ, indecoræ, procaces, obscenæ, ignotæ, novæ, superstitiosæ, aliæque omnia, quæ fidelium mentes distrahunt aut offendunt, ex omnibus locis sacris ejiciantur.

XVI. Albæ, & cæteræ vestes sacrae, non laceræ, non sordidæ, non indecentes sint, sed pro facultate cujusque loci honestissimæ. Ex albis & humeralibus scutula auferuntur: crux acu picta, amictui, stolæ, manipulo inseratur.

XVII. Colores Ecclesiastici sunt, albus, niger, rubens, viridis & violaceus. Hi in casulis, stolis, manipulis, velis, ornamentisque aliis apparere

debent, & pro temporum ac solennitatum varietate adhiberi. Quorū autem colores sunt, tot genera vestium, aliorumque paramentorum in singulis Ecclesiis esse præcipimus.

XVIII. Tot, & tam pretiosos calices quæque Ecclesia habeat, quot, & quales cultus illius Divinus, Missarum frequentia, & redituū amplitudo requirit. Unusquisque calix habeat ad minus tria corporalia: totidem pallas, & octo purificatoria. Reliqua suppellex pro facultate cujusque loci paratur.

XIX. Corporalia fiant ex tela candida & tenuissima; longa duabus spithamis & semisse: paulo latiora: simplicia omnia, nulla duplicata; amylo post lotionem leniter roborata, ne intrastabilia evadant. Aurum, sericum, vel ullum aliud ornamentū genus, non nisi in eorum simbris toleretur. Quæ rimas habent aut foramina, maxime circa medium, ab altaris ministerio penitus removeantur. Alternis semper mensibus mutantur: summa semper mundities niteat. Et quoniam quorundam crassa & pudenda hac in re est negligentia, districtæ & sub penis arbitrio nostro infligendis præcipimus, ut, quæ de his statuimus, in continenti executioni mandentur, ac inviolate servantur. Quod si qui segniores reperti fuerint, pecuniarias & corporales penas, omni excusatione seclusa, irremissibiliter experientur.

XX. Pallæ sint ea magnitudine, ut calicem ubique contegant: ex eadem tela constent, qua corporalia, seu duplicata, & amylo uberius forficentur, ut firmitus extensa permaneant: formæ quadratæ.

XXI. Purificatoria, quibus calix extergitur, ex pura & candida tela, ut non nimis crassa, ita nec omnino tenui confici volumus longa duabus spithamis, una & semisse lata: in cujusque medio, & simul in quatuor iniis, sive angulis crux serica, vel ex simplici filo acu pingatur, ut ab aliis panniculis discerni queant. Ubi plures eadem diē, ex eodem calice sacrificant, purificatoria singulis septimanis mutantur, alias alternis hebdomadis, vel singulis mensibus

sibus, prout usus eorum frequentior aut rarior fuerit, renovari satis erit. Denique quæ de corporalium munditie paulo superius ordinavimus, eadem de purificatoriis, & aliis vestibus, ac sacri ministerii vasis omnino intelligi volumus. Turpissimum nempe est, mensas prophanas elegantius ac nitidius instructas videre, quam Divinam, in qua sacrum illud convivium, in quo Christus sumitur, mens impletur gratia, & pignus futuræ gloriæ datur, spectante Deo ac Angelis, peragitur.

XXII. Urceoli tot sint in quaque Ecclesia, quot Missarum & Sacerdotum frequentia requiret; literis A & V in summo operculo inscripti, ut qui vino; quive aquæ fundendæ serviant, primo aspectu discerni possit. Ex stano fiant vel argento: aqua vinumve per noctem, vel etiam magnam diei partem in iis ne relinquatur, sed illico post Missarum finem quotidie magna cura ablui, abstergi, ac in locis suis reponi debent, ut in suo semper nitore, quantum fieri poterit, perseverent.

XXIII. Ampullæ Chrismales sint tres digitos transversos alte, tam vero amplæ, ut pollicem Sacerdos inferre & referre commodè possit. His Olea Sacra bombyci, ne affluant, superinfusa, conserventur. Tres autem esse debent; in quarum prima S. C. in secunda O. C. in tertia O. I. majusculis literis incisæ legantur; ut quæ Sacrum Chrisma; quæ oleum Catechumenorum; denique quæ oleum Infirmorum contineat, statim dignosci queat. Quas ampullas bene mundatas mittent Parochi & Curati ad Decanos suos quotannis in hebdomada sancta, ad olea recens consecrata ab eis auferenda: mittent autem in capsella lignea inclusas: capsella in tres partes distincta sit, quarum quælibet ampullam unam capiat: & intus quidem serico rubeo circumamicta, foris autem corio decenter contexta, seraque ac clave munita sit. Ne autem fraudis, alteriusve injuriæ suspicioni locus aperiatur, capsulæ apertæ (clavi domi tetenta) a Parochis mittantur; clausæ vero remittantur a Decanis.

XXIV. Quæ vasa, vel vestes benedici vel consecrari, juxta Ecclesiæ

præscriptum debent, prius ne ad usum sacrum adhibeantur. Calices, patenæ, & alia, quæ Chrismate liniuntur, a sole Episcopo consecrantur: nullis aliis consuetudo etiam longissimi temporis suffragetur. Alia ab iis benedici poterunt, quibus hanc facultatem ex antiquissima & immemorabili consuetudine facultatem dederimus, vel qui privilegia habent, de quibus Nobis fidem fecerint.

XXV. Cœmeteria septa sint & semper clausa, ne pecudes illic pascantur: omnibus foribus & arboribus proflus vacua: nihilque in eis prophanum fieri permittatur.

XXVI. Intra Cœmeteria sit 1. locus aliquis, in quo mortuorum ossa Majorum more, tum ad expurganda sepulchra: tum ad fidelium mentes movendas apto ordine componantur. 2. Locus alius, ubi feretrum & alia instrumenta funeralia recondantur. 3. Vas unum (vel plura majuscula) pro aqua benedicta cum aspersorio, quod auferri nequeat. 4. Si non Capella, vel Ecclesia, certe Christi Salvatoris crucifixi imago ex lapide lignove pro loci magnitudine erigatur. 5. Sepulchris singulis singulæ Cruces, Catholicæ fidei, spei & charitatis monumenta, imposita conspiciantur.

XXVII. In Cœmeteriis, aliisve locis sacris, infideles, hæretici, schismatici, publice excommunicati, nominatim interdicti, blasphemi, omnesque alii absque ullo pœnitentiæ signo vita perfuncti, humari nullo modo debent: sed Catholici duntaxat, quos probabile est ex hac vita ad beatam illam abiisse. Quod si quis scienter contrarium fecerit, is hoc ipso ab officio & beneficio suspensus sit.

XXVIII. Infantes Christianorum ante Baptismum decedentes non in communi fidelium Cœmeterio, sed in loco separato, neque tamen consecrato sepeliantur. Hunc autem locum muris septum; extra vel etiam intra consecrata Cœmeteria, ubi nondum est, primo quoque tempore ubique parari, nec interea ea in sacrum locum ullum talem infantem inferri sub pœna privationis, & aliis arbitrio nostro repetendis, serio mandamus.

XXIX. Denique, si quæ Coemiteria sunt ab Episcopis nondum consecrata, vel post consecrationem quovis modo prophanata, de iis ad Nos, Pastores quamprimum referre volumus: Interim vero dum consecrentur, aut reconcilientur, in iis fidelium nullus sepeliatur.

De Festis Ecclesie.

I. **Q**uia dies Festi in qualibet Diœcesi, juxta Sacros Canones, uniformiter observandi sunt, ne confusio accidat, Nos præter Dominicos dies, ab omnibus per Diœcesin nostram observandas decernimus, septem Solennitates Christi: videlicet Nativitatis, Circumcisionis, Epiphaniæ, Ascensionis, Sacramenti Corporis ac Sanguinis ejusdem: Resurrectionis, & Pentecostes cum duabus diebus immediate sequentibus. Quatuor Festivitates B. Mariæ Virginis, nempe Annunciationis, Purificationis, Nativitatis & Assumptionis: omnia Natalitia Apostolorum: Conversionem S. Pauli: Nativitatem S. Joannis Baptistæ: Festum S. Stephani Protomartyris: Sanctorum Innocentium, S. Georgii, S. Viti, S. Mariæ Magdalenz, S. Laurentii, S. Michaelis, S. Martini, S. Catharinæ, S. Nicolai, & Festum Omnium Sanctorum.

II. Præter hos sunt quidam alii dies, qui locorum particularium devotione aut voto coluntur, hos iis in locis, ubi ab antiquo recepti fuerunt, totos ad instar aliorum celebrari ab omnibus uniformiter tam in Choro, quam in foro præcipimus.

III. Quoniam autem Sanctus Cassianus, Ingenuinus, & Albinus Patroni sunt præcipui Ecclesiæ Brixinensis, per quos Evangelium ad nos præcipue pervenit: ideoque eos merito veneramur, ordinamus & statuimus, ut per totam Diœcesin nostram, Festum S. Cassiani 13. SS. Augusti, Ingenuini & Albuini 5. Februarii tanquam duplex in Choro, & simul in foro, solenniter celebretur.

IV. In prædictis vero Festis interdiciamus omnibus & singulis omnia opera servilia, aliaque omnia illicita,

ut comestationes, ebrietates: Contra vero ut quisque rei Divinæ, orationi, & pietati vacet, Concionem, Missæque Sacrificium integrum audiat, edicimus.

V. Prohibemus etiam omnibus Magistratibus, & Judicibus sæcularibus, ne cuiquam ex prædictis Festis violandi, seu prophanandi licentiam concedant, sed eos, qui ab ipsis licentiam, hujusmodi requirunt, ad Episcopum, ejusve Vicarium, vel Pastorem loci, ad quorum cognitionem Festa pertinere dignoscuntur, remittant.

VI. Festum Annunciationis B. Mariæ Virginis, si quando in hebdomadam Sanctam ante Pascha inciderit, Sabbato, aut feria sexta (si Sabbato illo Festum novem Lectionum occurrat) ante Dominicam Palmarum, tam a populo, quam a Clerico in utroque foro celebretur.

VII. Festum S. Gregorii more jam recepto, 24. Aprilis die, ab omnibus conformiter celebretur. In Festorum concursu & translatione Rubricæ Romanæ ferventur.

De Jeuniis Ecclesie.

I. **O**mni feria sexta & Sabbato (excepi festum Nativitatis Domini, quando in eos dies incurrit) cujusvis septimanæ; & diebus Dominicis Quadragesimæ per totum diem solum est abstinencia a carnibus. Supra quam omnia reliqua jejunia (delectus enim ciborum istis in locis servari commode non potest) unicam præterea refocillationem corporis circa meridiem duntaxat admittunt. Quæ ab universis ætatem habentibus, nec legitime excusatis sub periculo peccati mortalis observanda sunt.

II. Jejunia vero ex præcepto Ecclesiæ servanda, (præter Quadragesimam & quatuor anni tempora) sunt Vigiliæ Pentecostes, Nativitatis Domini, Nativitatis Joannis Baptistæ, Apostolorum omnium (exceptis Philippo & Jacobi, ac Joannis Evangelistæ) Assumptionis B. Mariæ Virginis, S. Laurentii Martyris, & omnium Sanctorum. Hæc mature pro concione denuntiabunt Parochi & Concionatores, ne quis forte cum non jejunat, ullum ignorantiz

rantia & inobedientiæ suæ prætextum obtendere possit.

III. Si feria secunda Festum occurrerit celebrandum, quod habet Vigilanti, Sabbato præcedenti jejunetur, nec ulterius trahatur vigilia, quamvis in Sabbatum aliud jejunium incidat.

IV. Caveant fideles, ne dum a cibis sese abstinere, aliarum rerum delicias confectentur, genioque suo indulgentes in ebrietates & alia peccata prolabantur, sed in jejunio id præcipue studeant, ut dum corpus ab alimentis abstinet, mens pariter a culpa jejundet. Parum enim prodest homini corporis abstinencia, si animus peccatis indulgeat: & hoc est jejunium, quod Dominus apud Esaiam delegit; bonis operibus studere.

V. Si qui (quod Deus avertat) ita se immorigeros exhiberent, ut non solum jejunia ab Ecclesia præscripta suseque deque haberent, sed etiam diebus prohibitis carnis usum sibi nefarie permitterent, eos si publice deprehensi, aut diffamati sunt, sine publica penitentia in Ecclesiam non esse recipiendos; & quamdiu eam non obierint, neque post mortem ad sacram sepulturam admittendos esse decernimus.

De Jure Patronatus.

I. **P**atroni Ecclesiarum, aut beneficiorum quorumlibet Ecclesiasticorum, sive Ecclesiastici, sive sæculares, solum jus habent nominandi & præsentandi Beneficiarium Episcopo loci: alia omnia jura beneficiorum de jure ad Episcopum pertinent.

II. Literæ, seu jura Patronatum, juxta Concilium Tridentinum recognosci volumus; quare omnes & singuli eas Visitatoribus nostris in visitatione proxima exhibeant, vel ipso facto jus suum amittant.

III. Mandamus etiam omnibus Ecclesiasticis Patronis, ut intra sex menses; Laicis vero, ut intra quatuor menses a die vacationis cujuslibet beneficii idoneam personam Nobis præsentent, quam Canonice examinatam vel admittamus, vel repellamus: quod si ipsi neglexerint, Nos eorum negligentiam auctoritate nostra supplebimus.

IV. Semel præsentatos, & per Nos legitime admissos, vel investitos, nemo audeat amovere, vel in officio suo impedire, vel ullo modo, sive publice, sive occulte, per se, vel alios divexare, vel ad resignationem cogere; vel alios auctoritate propria assumere sine nostro consensu, sub pœna excommunicationis & amissionis Patronatus. Contra intrusos vero, pœnis suspensionis & aliis arbitrariis procedi volumus.

V. Neque Clerici beneficia sua Patronis resignare, neque Patroni ejusmodi resignationes acceptare præsumant: sed nec post resignationes Ordinario loci factas, prius alium offerant, quam Nos eas; earum causis examinatis, approbaverimus.

VI. Nemo juramenta aut promissiones Simoniacas, vel alias illicitas a Præsentandis extorqueat, vel etiam sponte oblatas acceptet: Nemo pensionem præsentatis imponat sine nostra, aut Sedis Apostolicæ auctoritate: nemo de bonis Ecclesiæ quidquam quovis prætextu sibi usurpet; sed omnia Sacerdoti legitime instituto integre relinquatur. Si qui secus fecerint, contra eos debitis pœnis progrediemur.

De Vicariis & incorporatis Ecclesiis.

Vicarii perpetui vel temporales sine nostro, aut Vicarii nostri, vel Archidiaconorum, si qui fuerint, quibus id specialiter concedetur, expresso consensu, nec assumantur, nec amoveantur. Tantam autem illis proveniunt portionem assignare convenit, quanta ad jura Episcopalia solvenda, & vitæ sustentationem commodam sufficiat. Quod nisi fiat, Nos ex officio nostro, ut Ecclesiæ debitis officiis non fraudentur, juxta S. Concilium Tridentinum primo quoque tempore ei rei modum statuimus.

De Immunitate Ecclesiæ.

UT Ecclesiæ ipsæ, ita & bona ac personæ ejus, juxta Leges Canonicas & Civiles, ad solum forum Ecclesiasticum pertinent; pœnæque gravissimæ in eos decretae sunt, qui alio trahunt: quas Nos hic omnes expresse reno-

renovamus, & statuimus, quæ sequuntur.

I. Ne Clerici se mutuo ad sæcularia judicia trahant : aut si ab aliquo isthuc citentur, ne compareant, neve respondeant, sed ad Nos id deferant.

II. Ne quis Clericum ad sæculare tribunal trahere præsumat ; neve Clericus ad Judicem civilem confugiat, vel appelleret : si quis attentaverit, eo ipso causâ cadat.

III. Ne quis Clericum in vincula, contra nostram voluntatem, & Canonicas Sanctiones, conjiciat, aut injuriose percutiat, tractetve : nemo Clericos ad munera vel officia civilia, præsertim fordida, aut prophana, ludicra, eoquæ statu indigna cogat ; nec ad ea Clerici se demittant.

IV. Si quem delinquere contingat, is ad Nos, aut Vicarium nostrum deferatur, ut eum vel simpliciter citari, vel personaliter apprehendi curemus. Quod si in mora periculum sit, etiam Magistratui civili fas sit, talem vinctum ad Nos transmittere.

V. De iis, qui ad Ecclesias, vel alia loca sacra confugerint, Vicarium nostrum quam primum certiores fieri volumus ; ut, quid fieri debeat, decernamus. Non possit autem civilis Magistratus (extra casus a jure permisos) citra nostram expressam licentiam, quemquam inde extrahere.

VI. Decimæ integræ & sine fraude solvantur. Hoc Confessarii & Prædicatores urgeant. Speramus etiam Judices civiles in causâ tam pia & iusta Ecclesiæ non defuturos. Defraudatores a Nobis excommunicabuntur, eorumque absolutio ad Nos, vel quibus Nos eandem commiserimus, pertineat.

VII. Qui bona Ecclesiarum scienter occupant, aut injuste detinent, nisi infra annum a Synodi hujus publicatione restituerint, eos excommunicationis pœnam eo ipso incurrisse declaramus. Eidem pœnæ subijcimus, qui scienter ejusmodi bonorum occupatores, vel detentores non manifestaverint. Hoc vero Decretum, semel ad minimum in anno in singulis Parochiis publicetur.

Tomus VIII. Concilior. German.

VIII. Quod Magistratus civilis in ædibus Canonicis ex officio disponat, agatve, nihil omnino est : cum hujusmodi domus non minus, quam Ecclesiæ ipsæ immunitatis jure gaudeant. Si quis prophanus in Sacra involare præsumpserit, gladio spirituali arceatur.

De bonis & juribus Ecclesiæ.

I. NE jura Ecclesiarum minuantur, pereantve, sed integra conserventur, summopere cavendum est. Quod Nos omnibus & singulis Prælati, Decanis, Capitulis, Beneficiariis in virtute obedientiæ injungimus.

II. In singulis Ecclesiis, Monasteriis, aliisque locis piis liber sit, in quo bona, redditus, census, domus, terræ, prædia, decimæ, aliaque jura quæcunque clare, & distincte conscribantur, ne quid cedente, vel decedente Beneficiario, ad Ecclesiam damni reddundet.

III. Bona Ecclesiæ hypothecæ ne subjiciantur, nisi gravissima necessitas, eaque Nobis proposita & approbata urgeat ; & utilitas evidens Ecclesiæ suadeat. Obligationes, quæ alio quocunque modo fiunt, irritamus, & nullas esse declaramus.

IV. Literæ originales, Registra, & alia quæcunque munimenta, quæ vetustate facile consumuntur, & quæ jam quasi consumpta sunt, infra semestrem, post Synodi hujus publicationem in authenticam formam transumpta, ac Prælati signo obsignata, in qualibet Ecclesia, vel loco, cujus propria sunt, sub tuta & fideli custodia trium clavium, (quarum unam Prælati vel Parochi, alteram Oeconomi, tertiam Decani habeant) cum aliis munimentis conserventur.

V. Literæ beneficiorum non apud Beneficiarios, sed in Ecclesiæ cujusque Archivio asserventur : ad quam custodiam, ut intra sex menses omnes & singuli suas literas authenticas deferant, sub pœna arbitrio nostro eis infligenda mandamus. Quas Decani in domibus mortuorum forte invenerint, in eandem recludi curent : & neque illas, neque alias inde sine speciali Vicarii Ge-

C c c c

nera.

neralis, aut Archidecani sui mandato, unquam efferrī patiantur. Negligentes, si quid interim perierit, omne damnum refarciant, & graviter puniantur.

VI. Oeconomī, Syndici, Administratores officio suo ne desint, bona Ecclesiarum justis modis augeant: non in usum suum, vel alterius, sed in Ecclesiæ & cultus Divini convertant: singulis annis accepti, & expensi rationem eorum deputatis faciant.

VII. Abusum autem illum grandem, quo post rationes abusus ratioconiorum, &c. etiam profusa convivia, aut compotationes, Ecclesiæ sumptibus fiunt, omnino sublatum volumus. Indignissimum quippe est, eleemosynas piorum toto anno congestas, uno die tam indigne, quam in quibusdam locis fieri accepimus, abliguriri. Quod si Christiana charitas ita refrixit, ut Ecclesiæ suæ nemo sine mercede, ac superfluis sumptibus servire velit, servetur, quod hac de re etiam lege municipali statutum est.

VIII. Ultra triennium uni eidemque homini administratio citra nostrum consensum ne committatur, aut relinquatur. Qui debita non solidarunt in singulos annos: vel reliqua non integre persolverunt; tam ipsos, quam hæredes ipsorum ad illius Ecclesiæ administrationem, cui aliquid debent, donec integre debitum persolverint, omnino inhabiles esse declaramus.

IX. In Villis, & Pagis, ubi, qui legere, & scribere norint, pauci sunt, Oeconomis electis Curatus loci semper adjunctus esse intelligatur; qui unam ex clavibus gazophylacii, seu trunci, & capsæ pecuniarum habeat, accepta, & impensa omnia, & singula clare, distincte conscribat, ut rationum tempore omnia inspicere queant.

De Monasteriis.

Quod arces bene munitæ sunt in Regno, id faciunt Monasteria bene instituta in Ecclesia Dei; ac proinde totius etiam populi Christiani interest, de Monachorum, aliorumque Religiosorum reformatione, serio cogitare; ac quæ ea de re jam sancte con-

stituta sunt, executioni mandare. Quod, ut citra dilationem fiat, districte præcipimus, quæ sequuntur.

I. Vota substantialia in omnibus Cœnobiis tam virorum, quam mulierum, veraciter observentur.

II. Regularis vitæ pestis perniciosissima, est proprietas: hujus nomen ne quidem ferendum censemus: & quæ ei occasionem, & fomenta subministrant, ex omnibus Monasteriis penitus auferenda decernimus.

III. Viçtus, vestitus, cæteraque vitæ subsidia singulis ex communi pro necessitate indigentia, & Monasterii facultatibus, prompte, hilariter, non fordide, nec in pecuniis, sed in specie rerum præbeantur.

IV. Pensiones vitales, aut redditus perpetuos nullus quovis prætextu recipere, neque ratione officiorum, vel ministeriorum pecuniam corradere, aut conservare permittatur, sed omnia in communem usum convertantur.

V. Nemo pecuniam, vel aliud quidpiam proprium apud se, vel alium habeat: imo ne quidem apud Priorem suum, vel alterius nominis Superiorem, ut vere dicere possit: hoc est meum, & non commune, ac pro sua voluntate uti queat: nec bona immobilia ad usumfructum, vel administrationem possideant.

VI. Ut viri a mulierum, ita mulieres a virorum Cœnobiis penitus excludantur, nec intra claustrum eis ullus pateat aditus, nisi de Superioris, vel Episcopi licentia in scripto obtenta, & in causis plane necessariis.

VII. Hospites in virorum Monasteriis, juxta Regulam excipiantur in mensa Superioris, vel alio honesto loco: sit tamen mensa frugalis; absit ebrietas, & potatio ad æquales haustus, & alia omnia Religiosis indigna: sed nec nimium protrahatur refectio; nec desit sacra lectio. In Monasteriis vero Monialium nulli omnino recipiantur hospites, per noctem illic mansuri.

VIII. Ad Divinum Officium omnes simul in Ecclesia conveniant: in eodem refectorio omnes comedant: & in eodem dormitorio cubent: nisi quos

etas,

ætas, aut infirmitas, vel aliud legitimum impedimentum excuset. Ad dormitorium autem se recipiant mox post Completorium, & sic claudatur, ut nemo inde exire possit, sine Superioris consensu. Omnia juxta Regulam cujusque Ordinis, & Monasterii foundationes, & laudabiles consuetudines intelligendo.

IX. Bibliotheca ubique bonis libris instruantur; a prohibitis repurgentur.

X. Officia Monasterii pro cuiusque dignitate: non ex gratia, vel alia quavis de causa distribuantur.

XI. Qui bona temporalia curant, ut Cellerarii, Bursarii, alique quotannis coram Superiore, & Senioribus accepti, & expensi rationem reddant. Prælatus autem eandem quotannis Conventui suo faciat: & deinde a Conventu subscriptam ad Episcopum mittat; vel quando Episcopus requisiverit, eidem reddere paratus sit.

XII. Monachi, alique Religiosi non in Ecclesiis incorporatis, sed omnes in Monasteriis vitam communem agant, nisi aliud Regula permiserit, & Superior cum Capitulo suo expresse consenserit, ac Nos eorum sententiam approbaverimus. Quin tamen curam animarum in iis exerceant, non prohibemus, modo alias apti sint, & a Nobis approbati. Qui vero alia de causa extra Monasteria sua degunt in nostra Dicecesi, ut intra tres menses se Superiorum suorum obedientiæ subijciant, sub poena carceris, & relegationis imparamus.

XIII. Vagabundi Monachi in habitu Sacerdotum inquirantur, & ad Monasteria sua omnibus modis revocentur, ac mitrantur. Apostata, & fugitivi juxta cuiusque Ordinis disciplinam, Regulam, & probatum morem, pœnitentes benigne recipiantur, nec pro excessibus graviore eis pœnæ, quam in Canonibus Sacris, & Regulis expressæ sunt, imponantur.

XIV. Quæ Monasteria Parochias incorporatas habent, ut idoneos Parochos habere queant, duos ad minimum juvenes in celebri aliquo Gymnasio alere teneantur: alioqui Nos illis Ec-

clesiis pro autoritate nostra providebimus.

XV. Virtus, & doctrina præcipua sunt Monasteriorum ornamenta: virtutem docent Regulæ cujusque Ordinis, quas Nos ab omnibus exactissime servari volumus. Ut docti autem viri parentur, semper duo ex junioribus Professis, vel si id nulla ratione fieri possit, saltem unus ex omnibus & singulis Cœnobiis in Studiis usque ad secundum Theologiæ annum alantur. Quod ut faciant Prælati, id omnibus & singulis in virtute obedientiæ injungimus, ac sub pœnis arbitrariis etiam districtè præcipimus.

XVI. Capitulares congregationes ad disciplinæ monasticæ conservacionem singulis septimanis ad minimum bis, vel juxta cuiusvis Ordinis Regulas etiam sæpius habeantur; in quibus, quæ contra honestatem, vel Ordinis Regulam admissa fuere, puniantur. His etiam ipsos Prælatos interesse, volumus.

XVII. Nullos Prælatorum mutuum sumere, vel æs alienum contrahere supra centum Rhenenses, sine nostro speciali consensu præsumat.

XVIII. Intelligant Religiosi, se nihil possidere proprium, usum habere in vita, post mortem nullum testandi, aut disponendi actum habere, aut habere posse, etiam consensiente Superiore. Quin nec inter vivos sine licentia Superioris suis quidquam donare valent, omni rerum proprietate per professionem exuti.

XIX. In mensa communi (cui etiam Superior intererit, quoties per alia licebit) ne desit spiritualis lectio, qua corporales cibi suaviter condiantur. Liber autem nullus legatur, quem Superior, & Confessarius ordinarius non approbaverit.

XX. Silentium, Obedientia, Charitas, Humilitas, ac reliquæ Christianæ virtutes Religionum gemmæ sunt: quibus Religiosos imprimis exornatos esse desideramus.

XXI. Regula Ordinis omnibus, & singulis intra mensem prælegatur, ita ut singuli singulis mensibus eam vel legendo, vel audiendo absolvant: id,

C c c c 2

quod

quod in Triclinio, vel Capitulo, ubi omnes convenire solent, fieri commode poterit.

XXII. Qui Sacerdotes non sunt (nisi sapius ex Regula sua obligentur) saltem semel quot mensibus Sacramentalem peccatorum suorum confessionem faciant, & Sacrosanctam Eucharistiam suscipiant. Sacerdotes autem ter ad minimum per hebdomadam celebrent; & Sacramentaliter confiteantur, quoties peccati mortalis conscientia eos urgebit, sed ita tamen, ut confessionem ejusmodi ultra decimum quartum diem nunquam differant. His attribuaturs Confessarius prudentia maturus, vita, & doctrina probatus. Ut secularibus Sacerdotibus, vel quilibet cuilibet confiteatur, non est ferendum. Si domi aptus non sit, asecratur communi consensu aliunde, præsertim vero ex Religione aliqua, cui omnes simul confiteantur.

XXIII. In singulis Monasteriis sit locus aliquis separatus, in quo Novitii instituantur; in quo omnes quamdiu in probatione erunt; hoc est, per annum integrum morentur. Quin ad publicos tamen Conventus, ut & alii omnes, qualis est Capitulum, Chorus, Refectorium, exeant, non impediuntur.

XXIV. Novitiis assignetur vir pius, prudens, ac doctus, qui eis Regulam explicet; ad vitam Regularem verbo, & exemplo instituat; ad pietatem informet; ad virtutis amorem inflammet; & in iis, quæ Ordinis sunt, & Regularum, exerceat; ut quid professuri sunt, non tantum sciant, sed etiam usu & experientia didicerint.

XXV. Novitiatum singulis mensibus Abbas, vel Superior cum uno ex Senioribus visitet; & statum illius, & Novitiorum disciplinam, & Magistri eorundem diligentiam ad minimum bis in anno Episcopo significet.

XXVI. Curent Abbates, Præpositi, alique Regularium Superiores habere Ludimagistrum aliquem eruditum, & bonæ famæ, qui juniores statim a Professione, imo, & Novitios (si expedire videbitur) saltem in Grammaticis instituat, atque ad Scholas, ad quas mitti debebunt, altiores disponat.

Habeant præterea Theologum, qui Sacerdotes, aliosque in iis, quæ Regulam, conciones, casus conscientiarum, & id genus alia respiciunt, omni, quæ potest, diligentia, juxta S. Tridentini Concilii dispositionem instruat.

XXVII. Nemo Professionem Religionis faciat ante decimum sextum annum ætatis expletum, & qui per annum integrum post habitus susceptionem in probatione non steterit. Professio autem antea facta sit nulla. Ita Sacra Tridentina Synodus sanxit, & multa alia eodem pertinentia, quæ omnia Nos inviolabiliter servari præcipimus.

XXVIII. Nemo, cujuscunque dignitatis, vi, metuve aliquem cogat, vel dolo malo ad Religionis professionem inducat; maxime vero id in virginibus, viduis, & quibuscunque mulieribus caveri volumus; cum Tridentinum Concilium eos, qui id fecerint, excommunicationis vinculo constringat.

XXIX. Nihil a Regularibus in ingressu Monasterii præter honorem Dei, & salutem animarum quaratur: sed nec ipsa Monasteria, vel eorum Præfecti, aut Præfectæ, vel aliquis eorum nomine, ab illis, qui professionem faciunt, professionis nomine pecuniam aliquam, aut quævis bona Novitii, aut Novitiæ, neque convivia cujusque consuetudinis prætextu exigant. Nihil etiam ex Novitii, Novitiæve bonis ante illorum professionem, etiam si sponte offeratur (excepto victu, & amictu illius temporis, quo in probatione sunt) accipiant.

XXX. Caveant Prælati, ne ex bonis, aut fructibus Monasterii sui, dent suos amicos, vel propinquos, neve quidquam ut proprium ipsi possideant, vel aliis possidendum, aut donandum relinquunt.

XXXI. Regulares, ad quos cura animarum quovis jure pertinet, ut muneræ Parochiæ, sicut & seculares Curiones, cum omni diligentia exerceant, autoritate Concilii Tridentini præcipimus: Ad congregationes Capitulares cum aliis Parochis conveniant, & in Ecclesiis suis dictos Conventus habeant; prandium etiam, cum opus fuerit, præbeant.

XXXII. Si qui vero (quod absit) audiendarum confessionum, aut concionandi officium non ita sincere, & cum ædificatione gererent, aut impetiores essent, eos quamprimum ab officio suspendi, vel omnino removeri volumus.

XXXIII. Habitu & vestitu utantur omnes decenti juxta Regulæ præscriptum & consuetudinem laudabilem; neque tam vestibus, & corporis cultu ac munditie, quam vitæ innocentia, ac morum integritate & simplicitate hominibus placere studeant. Unius autem, & ejusdem Ordinis ac Regulæ uniformis sit habitus; quem Sacri Canones sine legitima causa absque periculo censurarum, ne ad breve quidem tempus deponi permittunt. Idcirco ordinamus, & mandamus, ut habitus domi, & foris ab omnibus, & singulis, tam Superioribus, quam inferioribus conformiter gestetur, nec ita deponatur, vel deformetur, vel transformetur, vel occultetur unquam, ut certum, & notorium indicium Ordinis non sit.

XXXIV. Magna cura habeatur ægrotantium, & debilium: iis Religionis præscripta relaxentur, potus, vitus, locus; & omnia alia, quæ sanitas exigere videbitur, prompte, hilariter, & magna cum charitate subministrantur: atque id fiat de Medici consilio, ne morbus incrudescat, & radices agat. Ordinentur quoque ad eorum curam personæ idoneæ, ex eodem Ordine, vel aliunde (non tamen fœminæ viris, aut fœminis viri) quæ non sint morosæ, nec difficiles, sed in omni mansuetudine & lenitate iis inserviant, ac necessaria ministrent.

XXXV. Religiosi singuli singulas suas cellas, & lectos habeant: duo in eadem cella simul, multo minus in eodem lecto ne dormiant: Examen conscientiæ ad minimum semel in die faciant: colloquia vana, inutilia, turpia, petulantia sermones, jocos obscenos, &c. abominentur, sanctum silentium juxta Regulam sancte colentes: a chartarum, aliisve inhonestis, vel illicitis ludis penitus abstineant: otium tanquam pestem fugiant, honestis exer-

citiis (exceptis horis, quæ cultui Divino, studio literarum; lectioni librorum, præsertim spiritualium, honestæ post cibum recreationi, ac propriorum officiorum functionibus dantur) sese occupantes. Nihil in Templo, Choro, vel Monasterio agant, quod illic expedire non conveniat, vel indecorum, aut turpe sit: sint omnes unanimis, ita ut plures cor unum, & animam in Domino habeant: absint procul lites, jurgia, odia, invidiæ, & similes Religionum pestes, sed omnes fe mutua charitate & dilectione in Domino complectantur.

XXXVI. Abbates, Præpositi, aliique Religionum Præfecti nusquam a suis Monasteriis abeant, nisi prius causa per Episcopum cognita & probata discedendi licentiam Canonice obtinuerint: quæ Nos superius de Ministrorum Ecclesiæ residentia ex Sacris Canonibus sancivimus, ad se imprimis pertinere intelligentes.

De Monialibus.

QUæ de viris ordinavimus, eadem & de mulierum Cœnobiis suo modo intelligi volumus. Et quæ in S. Tridentina Synodo de utrisque sancte statuta sunt, eadem ab utrisque sancte servari cupimus. Propria autem Sanctimonialium sunt, quæ sequuntur.

I. Præter ordinarium Confessarium, cui singulis mensibus omnes simul confiteantur, ut eis ter, aut quater in anno Extraordinarius offeratur, qui similiter omnium confessiones excipiat, Vicarius noster Generalis diligentissime curet.

II. Clausuram Conventus mulieres æque, ac viri strictissime servant, nullum virum, puerum, nuncios, literas, munera, fœminas sine expressa Abbatissæ, Matris, aut Præfectæ licentia, & in causis extreme necessariis admittentes: nunquam exeant (quæ alioquin omnino clausæ non sunt) nisi vel omnes simul, vel major earum pars cum legitima facultate, vel Religionis, vel sanitatis causa ad hortum, vel Ecclesiam aliquam ire voluerint.

III. Ubi perfecta clausura in usu est, ea integre juxta Tridentini Concilii dispositionem servetur; ubi vero non est, quandoquidem Sacri Canonēs omnia mulierum Monasteria claudere strictissime jubent, Nos præsentium tenore omnibus & singulis denunciamus; si sponte non suscipitur, cum primum gravius quid contra disciplinam Regularem hac in parte (quod Deus avertat) admissum fuerit, omnimoda clausura, etiam invicis (nulla alia monitione præmissa) imponetur.

IV. Nulla Monialis puellam ullam, five ex consanguineis, five ex alienis apud se educare, & usque ad professionem in Monastica disciplina in propria cella exercere præsumat, sed omnes ad Novitiatum, uti de viris præcepimus, remittantur.

V. In Novitiatum autem nulla recipiatur sine habitu Regulari; ad habitum nullā, nisi duodecim annis major admittatur; ad Professionem vero duntaxat post annum probationis absolutum, & decimum sextum ætatis expletum, quæ Episcopo, vel ejus Vicario de libero suo consensu, & voluntate pia certam fidem fecerint, recipiantur. Professio autem fiat solenniter, & verbo expresso.

VI. Puellæ, quæ educationis, pro ut moris, & disciplinæ causā in Cœnobiiis degunt (quod non improbamus) in aliqua Monasterii parte a Monialium habitatione, separate degant, & ibidem erudiantur. Magistra omnium sit una, quæ doctrinam Christianam, modos orandi Ecclesiæ probatos, Litanias, Rosarium, Officium B. Mariæ Virginis, Psalmos pœnitentiales, &c. recitare doceat: Item acu pingere, & alia, quæ locum, & sexum illum deceant. Salarium pro qualibet assignatum totum Abbatissæ solvatur, unde victus puellis; & Magistræ præterea laboris stipendium congruum suppeditetur. Alium educandarum puellarum omnem modum abrogamus, ac tollimus.

VII. Moniales solæ foras ne egrediantur: ad convivia, & nuptias sæculares ne exeant. Extra Monasterium ne pernoctent. Pecunias mutuo sumere, æs consilare, proprias pecunias ha-

bere, nugigerulas alere; per inter-nuncios sæcularia tractare, & id genus alia, non Religionis, sed mundi sunt opera: Quæ Nos omnia, & singula sub pœna excommunicationis prohibemus.

VIII. In ministerio Abbatissæ, vel alterius Præfectæ viri, puerive ne ulli sint.

De Hospitalibus.

I. **P**rima cura piis in locis sit de animarum salute. Habeant ergo singula proprios Sacerdotes, vel si habere non possunt, a Parochis, in quorum jurisdictione sunt, qualibet hebdomada semel saltem, & frequentius etiam, si opus fuerit, invisantur, qui infirmos verbo Dei, Divinorum Sacramentorum administratione, aliisque modis consolentur.

II. Omnes, qui locorum piorum sumptibus aluntur, Festis anni solennioribus confessi, Sacram Eucharistiam reverenter sumant; statā vero hora quotidie in Ecclesia congregati, pro Benefactoribus piis ad Deum preces effundant.

III. Bona ad alium usum, quam instituta sunt, ne avertantur; ad primam institutionem omnia citra moram revocentur; quæ viduis designata, iis viduæ solum alantur; quæ aliis deputata fuere, ex iis illi, non alii vivant. Neque in posterum ulla mutatio circa res piæ ejusmodi fiat, nisi Nos ex causā legitima eam faciendam decreverimus.

IV. Hospitalarius, seu Paterfamilias vir sit, cujus fides, pietas, innocentia, sedulitas, charitas, gravium virorum testimonio commendata sit: Matres vere sint, quod appellantur, id est, pietate, & charitate flagrantes.

V. Mendicantes robusti, indiffusa causā ne recipiantur: personæ suspectæ, vel inhonestæ penitus excludantur; miserabiles solum admittantur. Nihil ab advenientibus, vel advenientibus peregrinis accipiatur, nec ullæ turpes pactiones cum mendicis ineantur.

VI. Curent Hospitalarii, ne quid peregrini, advenæ, pauperes hospitio

excepti contra Christianam pietatem, bonosque mores admittant. Quos possunt, corrigant, alios Nobis, aut locorum Curionibus denuncient, ut sæcularis brachii opera coerceantur.

De disciplina Cleri.

CLerici lux mundi, sal terræ, exemplum fidelium, & alia passim summa cum laude audiunt: quæ nomina ut re ipsa tueantur, vehementer optamus; & ut facere velint, in Domino rogamus: neque impune ferent, qui tam paterna monita non audierint.

I. Nemo mysticem alat; nemo barbam indecoram, vel quovis modo Ordine suo, indignam nutriat: labra præcis pilis paululum aperiuntur, ne qua inter sacrificandum Sacramento injuria fiat.

II. Collaria plana sint, quæ comode, & apte super veste reflecti possint: crispata, lactucata, nimiumque elaborata, quæ militem, vel aulicum ornent, in Clericis omnino detestamur.

III. Colorem nigrum solum permittimus, alios quoscunque prohibemus.

IV. Habitus sit honestus, & simplex, non limbis, aut scissuris comptus; mundus tamen. In oppidis, & locis celebrioribus vestem talarem requirimus; in nullis paulo brevior: sine qua nec domi se conspici, ab aliis patiantur. In itinere vestis genua stantis saltem operiat: & brevem ensẽ, qui pallio tegatur; non alia arma permittimus: domi omnia, quæ gerant ipsi, omnibus prohibemus. Arma namque Clericorum lachrymæ sunt, & orationes.

V. Omnes coronam in vertice conspicuam, & Sacerdotes quidem Hostia magna, qua sacrificantes utuntur, majorem; reliqui sensim minorem; quisque videlicet pro gradu Ordinis sui, perpetuo gerant: quam alternis semper hebdomadis renovari curent.

VI. Mensa sit frugalis. Exquisite delicias, longiores accubitus, comestiones, ebrietates, comotationes

ad æquales haustus provocationes, in omni Christiano, quanto magis in Clerico damnamus, atque detestamur.

VII. Qui choreas duxerit, aut larvatus per plateas, vel domos nocte, vel interdiu incesserit, fructibus beneficii, vel officii sui per unum mensem privetur, & crescente contumacia, crescant similiter & pœnæ.

VIII. Si ad nuptias invitati fuerint, vel alia convivia publica, quæ propinquitatis, vel alia honesta de causa declinare non poterunt, possint quidem accedere; memores tamen Ecclesiastici decoris, a choreis, & rixis abstineant; nec ullos alios, nisi Clericali honestate dignos gestus præferant; verbo, & exemplo se ipsos exhibeant, sicut Dei Ministros, nemini dantes ullam offensionem, sed modestia & sobrietate omnes in Domino ædificent.

IX. Extra causam itineris necessariam, vel casus alios extreme necessarios in Tabernis, seu Cauponis publicis potitantes, seu comestantes, pro prima vice, qua fuerint deprehensi, damnamus in uno floreno ab eis irremissibiliter auferendo: pro secunda vice ad carcerem per quinque dies: pro tertia vice ad carcerem per decem dies: quarto denique, tanquam incorrigibiles, omni officio & beneficio privamus. In eos vero, qui publice ebrii fuerint, vel post ebrietatem sine prævia confessione, & penitentia Sacramentali tremendum Missæ Sacrificium offerre non verentur, easdem omnino pœnas decernimus, volentes ut 1. Pœna pecuniaria. 2. & 3. Carcere puniantur. 4. Denique omni officio, & beneficio priventur, uti & de iis, qui in tabernis publicis comestantur, statuimus.

X. Præterea paci, & tranquillitati publicæ consulere cupientes, ordinamus, ac decernimus: si Clericus Clericum, vel Laicum probris, vel maledictis, aut convitiis incesserit, sub duorum aut trium testimonio, ab omni proventuum Ecclesiasticorum perceptione per unum mensem suspendatur: si manus violentas, citra vulnus tamen, intulerit, jam dictam pœnam sustineat duplicatam: si vulnus inflixerit, ultra pœnam excommunicationis, quam ipso

so facto incurrit, ad quatuor menses fructuum privatione mulctetur: si membrum mutilaverit, vel inutile reddiderit, omni beneficio Ecclesiastico sit ipso facto privatus. Et nihilominus in omnibus illis casibus, juxta Confistorii nostri arbitrium læso satisfacere, pro injuria illata semper cogatur; & pro delicti qualitate a Vicario nostro, si videbitur, etiam gravius puniatur. Quod si linguam petulantem, aut manus violentas in Prælatum aliquem intorserit, in omnibus casibus proxime memoratis pœnæ geminentur. Denique rixarum, pugnarum, tumultuum authores, carceris pœnam subeant. Qui contra alios jurgius, vel armis contenderint, per Prælatos suos pro excessuum gravitate plestantur. Salvo semper jure, quod vim vi repellere permittit: salvis item Religionum privilegiis, Regulis, ac Statutis, quibus hac in re nihil omnino derogatum volumus.

XI. Negotiationes, mercaturas, alienæ rei procuraciones, tutelas, advocaciones, actiones causarum apud Judicem sæcularem, Notariatus, & Tabellionatus officia prophana, artem medendi, & cauponandi, & his similia, a Clericorum professione declaramus esse aliena, minimeque ferenda.

XII. Simonia, ambitio, tûrpilorum, scurrilitas, inter Clericos ne quidem nominentur.

XIII. Clerici Ordinis sui memores, homines leves, viles, in quibus nihil singularis pietatis, Christianæ virtutis elucet, quo possunt studio fugere debent: Ad eorum convivia, compotationes, ludos, ne accedant: a nimia familiaritate omnino abstineant. Haud enim aliunde Clericalis Ordinis gravitas magis offensa fuit. Cum piis, & honestis, & cum sui Ordinis hominibus eorum conversationem præcipuam esse volumus.

XIV. Erga populum gravitatem, mansuetudine temperatam servant, & conservent: se ipsos propter temporalia odiosos ne reddant. Si quid fieri debeat in hoc genere, per tertium potius faciant. Scandala evitent, morum integritate, & vitæ exemplo omnibus

præluceant, ita ut eos populus amara, vereri, & revereri merito possit. Quomodo enim ei conscientiam meam aperuero, cui propter avaritiam, aut morum corruptelam ostium domus merito clausero?

XV. Adversus concubinarios juxta Canonem S. Tridentini Concilii cetera remissionem procedemus, ut tam fecundum scandalum e medio tollamus. Itaque prima vice, qua deprehensi fuerint, ejecta concubina, tertiam partem omnium fructuum suorum amittent: si facinus repetiverint, suspensionem ab officio, & beneficio incurrent: ubi vero apparuerint incorrigibiles, nec pœnis abarceri a scelere, tertio denique omnibus beneficiis suis privatos ad omnes omnino honores, officia, & beneficia Ecclesiastica perpetuo inhabiles esse decernimus. Pari modo in eos, qui fornicationis, aut suspectæ familiaritatis convicti fuerint, procedetur.

XVI. Si Decani, vel Archidecani unum, vel plures Clericos in suis regionibus concubinarios, aut fornicarios degere noverint, neque Nobis eum, vel eqs manifestaverint, illi ad Nos delati, ac convicti, si non eandem pœnam, quam concubinarii, quos celarunt, experientur, saltem ad arbitrium nostrum gravissime, & irremissibiliter plectentur. Quod ipsum etiam de quocumque alio Sacerdote, sui vicini amicam, vel concubinam Nobis, vel saltem Decano, vel Archidecano non revelante, intelligi omnino volumus.

XVII. Sed & concubinas, quæ posthac cum Clericis cohabitaverint, per excommunicationem ab Ecclesia expellimus. Si vero nihil istis proficiamus, ut ejusmodi mulieres denique pœnis temporalibus subjiciantur, decernimus. Quam ad rem, uti speramus, Nobis Magistratus civiles sedulam operam præstabunt. Quod ut facere velint, cum id ab eis requiretur, etiam atque etiam in Domino omnes exhortamur, & obsecramus.

XVIII. Ludum alexæ, talorum, taxillorum, tesserarum Dicecesis nostræ Clero penitus inhibemus. Honestis tamen recreationibus, quas jura permittunt, quo minus utantur, non impedimus.

XIX. Denique quæ a Summis Pontificibus, & Sacris Synodis, maxime vero a Synodo Tridentina de Clericorum honestate, ac modestia retinenda, & simul de luxu, & quibuscumque criminibus vitandis copiose, & salubriter sancita sunt, eadem sub iisdem, aut etiam majoribus pœnis, tanquam hic verbatim repetita & inserta, integre servari præcipimus.

XX. Quod si qui in Clero; vel etiam populo sint, qui (quod non expectamus) reformari desistant, Principes, & Magistratus civiles monemus, & obsecramus, ne eis patrocinentur, sed Episcopo, Vicario ejus, Decanis, ac aliis Prælatiis sint auxilio, eorumque Decreta fideliter exequi mandent, & ordinem præscriptum cogant servare. Neque dubitare possumus, quin Magistratus Catholici, a quibus omne genus officii erga Matrem Ecclesiam merito expectatur, pro sua pietate, & zelo, quod Nos erixe hortamur, ac petimus, prompte & alacriter efficiendum suscepi sint.

De Testamentis Clericorum.

I. Clerici, uti hætenus per Dioecesin nostram liberam testandi facultatem habeant; Volumus tamen, & ordinamus, ne de bonis Ecclesiæ nomine acquisitis restentur, nisi quatenus Sacri Canones, & legitima ipsorum privilegia id permittunt.

II. Quicumque Sacerdos, vel Clericus primum de morbo, aut morte Clerici alterius cognoverit, de eo Archidecanum, Decanum, vel Cameraarium suum quamprimum certiores faciat. Quod si casus tam citò ad eos deferri nequeat, præsertim si nullum testamentum sit factum, aut testamentarii non sint præsentibus, vel ignorentur, ipsi Sacerdotes proximi, & primi ejus obitus scientiam habentes, nomine Ordinarii universa obsignent, remque statim ad Consistorium nostrum referant.

III. Concubinarum, vel aliarum turpium personarum in testamentis Clericorum ne mentio quidem fiat. Quod si quis quacunque de causa, vel modo concubinæ suæ, sive ancillæ, sive

alio quovis ficto nomine quid legaverit, id non concubinæ reddatur, sed in pios usus convertatur.

IV. Executores testamentorum hujusmodi, intra annum de omnibus, & singulis, quæ invenerint (quorum omnium Inventarium authenticum extare volumus) an, quibus, & quomodo ea distribuerint, testamentumque executioni mandarint, Nobis, aut Vicario nostro, rationem reddant. Negligentiæ pœna quinque Marcæ.

V. Quocumque anni tempore Clericus quispiam mortuus fuerit, ex fructibus defuncti semper congrua portio relinquatur Successori usque ad novi anni initium. Si inter Successorem, & Executores non conveniret, litem dirimat Vicarius Generalis. Anus autem quoad fructuum perceptionem in Civitate nostra Brixinensi a die S. Helenæ; sed per vallem Isaci, & Pistrissæ a S. Georgii; per valles Oeni a die Purificationis B. Virginis principium habere censeatur. Quantum vero Successori relinquendum sit, id ex loco, tempore, & oneribus colligatur. Qui huic nostræ ordinationi contraverint, triginta libras pœnæ nomine solvent.

VI. Ne quis bona Clerici vivi, vel defuncti invadat, aut quoquo modo subtrahat: si quis attentaverit, cum in pœnas Canonis incidisse, præsentis Canonis declaramus.

De Libris Clericorum.

UT Parochi, & alii Clerici has nostras Constitutiones, & ea, quæ officii sui sunt, rectius obire, & exequi possint, ac simul literarum studio incumbere assuescant, ordinamus, ac volumus, ut inter alios libros, quos quisque sibi arbitrato suo comparare voluerint, etiam istos, quos subjungimus, habeant, ac sedulo legant:

Biblia Sacra.

Breviarium Romanum, vel ex quo Horas recitare debent.

Catechismus Romanum auctoritate Concilii Tridentini editum, latine & germanice, cum indice, & distributione omnium materiarum pro omnibus Dominicis, & præcipuis Festis

D d d d

per

per Concionem explicandarum : vel cum dilucidatione ejusdem, authore Joanne Chapeaville: vel cum explanatione Sebastiani Catanei.
 Catechismus Trevirensis Archiepiscopi cum praxi Catechistica.
 Catechismus Petri Canisii saltem minorem.
 Epistolam Antonii Possevini de Catechismo docendo.
 Concilium Tridentinum.
 Constitutiones Metropolitanas Salisburgenses.
 Constitutiones nostras Diœcesanas, quæ deinceps apud Ecclesiam maneant, cujus sumptibus cœmpræ sunt.
 Manuale Parochorum Feliciani Episcopi Scalensis.
 Agenda Brixinensia a Nobis recusa.
 Directorium Joannis Polanci, & librum ejusdem de juvandis moribus.
 Methodum Confessionis.
 Rationale Officiorum Divinorum.
 Institutiones Sacerdotum Francisci Toleti Cardinalis: vel Petri de Soto.
 Theologiam Pastoralem Petri Binsfeldii.
 Manuale Navarri, vel aliquem alium ex iis, qui de casibus conscientiæ scripserunt; quo in genere plures excellunt.
 Scutulum Fidei Laurentii Hermanutii germanice.
 Controversias Francisci Costeri germanice, vel latine.
 Pro Concionibus unum, vel plures probatos Authores, ut Homilias Joannis Eckii de Tempore, & Sanctis, ac Sacramentis.
 Postillam Petri Canisii germanicam, Friburgi Brisgoviz impress. 1602.
 Post illam Georgii Schereri germanicam.
 Epitomen Friderici Nauseæ, & id genus alios.

Item pro excitanda mente in Dei amorem, opuscula Granatæ, latine vel germanice. Institutiones, Meditationes Francisci Costeri. Libellum Thomæ de Kempis de Imitatione Christi, & alia ejusdem opuscula; & his similes libellos spirituales sedulo lectitari a Clericis cupimus.

Omnes præterea Parochi, & Curati sub pœnis gravibus pro arbitrio nostro infligendis, intra duos menses post hujus Decreti publicationem, duos sequentes libros sumptibus Ecclesiæ compingi, vel emi curabunt, qui deinde penes illam Ecclesiam semper maneant. Primus est, in quo Baptizatorum nomina in hunc, qui sequitur modum, describantur. Die 24. Augusti anni 1603. Ego N. Parochus, Curatus, vel Cooperator Parochialis Ecclesiæ Sancti N. in Velthurns, baptizavi filium N. & N. conjugum; natum die 23. Augusti ejusdem anni: eique fuit Pauli nomen impositum. Patrini autem fuere Joan. N. filius N., & Anna uxor N. & filia N. Quod si filius non fuerit legitimus, nomen solius matris, si quidem de ea constiterit, inscribatur. Quod si expositus, & ideo, vel alia quavis de causâ sub conditione iterato baptizatus; vel in quo ceremoniæ ob necessitatem omisæ, supplendæ erunt; hæc omnia erunt in eodem libro exprimenda: nempe; Inventus fuit de sexto Julii, & quia nesciebatnr esse baptizatus, sub conditione eum baptizavi; vel baptizatus fuit ab obstetrice N. N. die nono Januarii, & postea omisâ supplevi, die quarto Augusti anni 1603. In alterum librum deferenda sunt nomina, qui Matrimonia legitime contraxerunt: modus autem iste servari poterit. Die nono Septembris anni 1603. Jacobus filius N. contraxit Matrimonium de præsentî cum Anna filia N. in Ecclesiâ Parochiali Sancti N. (vel in ædibus privatis, vel in alia Ecclesiâ de licentia Ordinarii) in Albis præsentem me N. Rectorem (vel Sacerdote N. de mea, vel Ordinaria licentia) prædictæ Parochiæ, & N. atque N. testibus præsentibus, & aliis multis de populo, qui ad Ecclesiam conveniant: præmissis jam tribus (aut duobus, aut una, concessu Ordinarii) solitis inter Missarum solennia denunciationibus, quarum prior facta est die Dominico 23. Augusti proxime præterito: altera die festo N. & nullo prorsus inter eos detecto impedimento, quo minus libere contrahere possent.

*De usuris, & aliis contractibus
illicitis, & licitis.*

Usuræ vitium in utroque Ordine, Ecclesiasticorum & Laicorum latissime patet; estque adeo pervulgatum, ut jam prope omnem vitii naturam, eorum judicio exuisse videatur. Contra vero non desunt, qui usuram esse, sentiant, quidquid præter sortem provenit: utrique in errore, tamen non pari cum periculo, versantur. Quocirca Nos pro Pastoralis cura nostra ad subditorum nostrorum mentes tranquillandas, matura ac diuturna deliberatione cum viris eruditis habita, de hac re Canones sequentes edidimus; & singulis nostræ Diœcesis fidelibus, fideliter & integre servari præcipimus.

I. Nullus contractus, in quo sex, vel septem, vel amplius pro centum quot annis exiguntur, in posterum ineundus, toleretur. De præteritis judicent conscientiarum Judices.

II. Qui pecunias suas sine ullo dilectu personarum, solius lucri intentione, cuilibet mutuo dant, qui pro centum quot annis quinque salvo semper capitali & lucro quinario stipuletur, ac solvere paratus sit, eos proprie usurarios esse, & in æternam damnationis periculo versari declaramus.

III. Ne frumentum, vinum, vel aliud quippiam mutuum detur, ut eo, quod datum est, ex obligatione solius mutui aliquid amplius reddatur; sive ejusdem, sive diversi generis, etiamsi sint operæ, vel onera, quæ pretio æstimentur. Usura enim est (inquit Agathense Concilium) ubi amplius (vi mutui) requiritur, quam datur.

IV. Ne cui cum altero ita contrahere liceat: do tibi mutuo centum vel mille, ut justa mercede mihi servias; in meo prædio labores; ut justo pretio frumentum mihi vendas, vel meum emas; ut mihi cum indiguero, vicissim mutues; ut mihi beneficium, vel officium, sive sæculare, sive Ecclesiasticum conferas, vel impetres: hæc enim & similia pacta in mutuo sunt usuraria.

V. Qui frumentum, vinum, ligna, vel alia quævis ob solam expectationem

solutionis, justo pretio carius vendunt, usurarii sint.

VI. Qui præcise ob anticipatam solutionem minoris, justo pretio emerint, vel minus solverint, quam debebant, usurarii censeantur.

VII. Pecuniam præsentem quærenti, ne quid carius credito vendatur, ut statim præsentem pecunia a venditore per se, vel per interpositam personam vilius ematur.

VIII. Non liceat vendere dilata in tempus solutione, ita ut precium, quod interim merci accreverit, solvatur venditori: nisi precii diminutio, quæ æque timeatur, ejusdem quoque periculo fiat.

IX. Omnia monopolia, quæ auctoritate privata sunt, aut in manifestum damnum Reipublicæ conceduntur, rejicimus & damnamus.

X. Ne mercatores inter se conspirent de non vendenda merce aliqua infra certum precium, aut non emenda ultra precium certum.

XI. Ne artifices inter se conveniant, opus ab uno eorum inceptum, ab alio non continuari vel absolvi; aut non laborare infra certam mercedem: & ne similia pacta fiant, quæ constat esse iniqua.

XII. Qui vina, frumenta, vel alia præsertim vitæ humanæ necessaria, cum eorum magna copia est, coemunt, ut penuriæ tempore pro sua voluntate & avaritia divendant, in Republ. nullo modo sunt ferendi.

XIII. Nullus post hac contractus in nostra Diœcesi feratur, qui non possit ad eas formulas revocari, ad quas omnes contractus, ut justus sint, reduci debeant: quas apud omnes & singulos Decanos, Archidecanos, Parochos, & Ecclesias Curatas perpetuo extare volumus, ut sciant, quos contractus probare, vel improbare debeant. Quod si, qui aliter contraxisse deprehensi fuerint, eos absolvi prohibemus; volentes non solum contrahentes ipsos, sed etiam testes, subscribentes, obfignantes literas, & quomodolibet coadjuvantes, vel approbantes, ad Nos, vel eos, quibus absolutionem eorum

expresse commiserimus, remitti. Ad Regulas autem prædictas revocentur contractus, quos subjungimus, vel iniusti erunt.

XIV. Census ex agris, pratis, prædiis, aliisque rebus fructiferis emere & vendere per se non est illicitum: sed horum plures sunt differentiae.

XV. Census perpetui, vel a venditore solum redimibiles, citra controverfiam iustis lucrando modis accensentur.

XVI. Census utrimque redimibilis, non est contra jus naturæ, vel Divinum: & ideo, ubi leges humanæ, quibus prohibetur, non sunt in viridi observantia; ac requisitæ conditiones adhibentur, præsertim in Regionibus istis; satius est isto, quam aliis aperte usurariis modis, rem suam facere.

XVII. Emere certa pecuniæ summa censum ad vitam suam aut venditoris, ex se quidem non est illicitum.

XVIII. Porro censuum fundamentum, cui eorum iustitia præcipue innititur, est res fructifera, sive certa, sive incerta, ut domus, aut omnia generatim bona alicujus: quam vere habet, qui censum vendit; & quæ vere fructus illos reddat, in quos jus ab altero emitur. Nam si venditor vel rem vere non habeat; vel annuus census, ad cuius solutionem res obligatur, superet æstimationem fructuum, quos ex ipsa re Dominus solet aut potest percipere, fictus ille contractus erit, & minime iustus.

XIX. Non improbamus contractum societatis cum duplici affecuratione, fortis nempe & lucri certi, quando cum mercatoribus, vel artificibus, vel agricolis, vel aliis id genus notabilem industriam ad lucrandum habentibus celebratur: nec altera pars præter æquum gravatur.

XX. Contractus damni emergentis, & lucri cessantis, quando prior contractus est vere causa damni sequentis, neque id contrahentes tempore contractus ignoraverunt; adeo non sunt improbandi, ut etiam eorum ratione ex mutuo liceat lucrum quærere.

XXI. Si pecunia mutuo accepta tempore præfixo non redditur, teneatur

debitor ad omnia damna, quæ ex tali mora in creditorem sequuta fuerunt; si quis vero oblatas re ipsa, loco & tempore, etiam dotales pecunias sibi debitas accipere reculaverit, præter sortem nihil accipere iuste possit, etiam si revera illi ex eo, quod pecunia sua careat, aliquod lucrum cesset, damnumve emergat.

XXII. Si quis de damno tempore contractus expresse pactus sit (ut sane tuta conscientia potest,*) qui mutuum recepit, ad æstimationem damni tenebitur, etiam quod creditor ante moram incurrit; alias non tenebitur.

XXIII. Neque damnandi sunt, qui hoc modo inter se contrahunt: do tibi centum, ut quotannis des mihi quinque, meliori modo; quod id fieri iuste poterit; quando rerum quidem & personarum circumstantiæ omnes fuerint ejusmodi, ut saltem a doctioribus contractus eorum ad aliquem lucrando modum iustum revocari possit, tamen ipsi contrahentes id bona fide ignorent. Nam talis contractus re minime est diversus ab iis, ad quos revocabitur.

XXIV. Quantum autem istis, vel aliis similibus modis lucrari quotannis liceat, id certo non constat. Nos omnibus consideratis, quæ hic attendi necessario debent, salvo semper capitali & lucro, amplius quinque ex centum tuto quæri non posse, per Diocesin nostram definimus: Imo nec semper quinque, nisi rerum & personarum circumstantiæ aliud permittant.

XXV. Tenentur quidem Tutores & Curatores pupillorum, locorum piorum, aut Ecclesiarum bona augere, sed honestis, & iustis modis, quos jura permittunt: ad usuram modo pervulgato exponere, quia nullo jure licet, sub interminatione æternæ damnationis & poenis aliis strictissime prohibemus.

XXVI. Omnes Ecclesiasticos, sive pauperes, sive divites, ab omni lucro sordido inprimis abstinere convenit; ut eorum exemplo Laici provocati, hoc malum tanto libentius fugiant, & detestentur. Ne igitur pecunias suas ad usuram, vel aliquo alio contractu illicito,

cito, mutuo dare præsumant, sub poena amissionis pecuniarum, & privationis omnium dignitatum & beneficiorum prohibemus.

XXVII. Denique Principes & Magistratus in Domino hortamur, & obtestamur, ut & ipsi huic pesti, quæ non minus conscientias hominum, quam bona depopulatur, quibus tandem poterunt modis, sese opponere velint.

De Constitutionibus Synodalibus.

HAs Constitutiones in Synodo Diocesana sancitas, & publicatas, ab omnibus & singulis, cujuscunque Ordinis sint, Religiosis & Clericis exactissime observari mandamus, ac juxta eas totam Diocesin nostram administrari & gubernari volumus. Obligandi autem vim habebunt, statim post secundum a die promulgationis mensem, ita ut post illud tempus omnes & singuli poenis in eis expressis, vel aliis arbitrariis teneantur; ac contra quemlibet illorum, tanquam inobedientem, inquiri & procedi possit. Quæ his Decretis comprehensa non sunt, juris communis dispositio-

ni subjacere declaramus. Si quæ vero declaratione, moderatione, interpretatione, dispensatione indigebunt, ea omnia Nobis solis, & Successoribus nostris reservamus. Quod si quid his nostris legibus defuerit (neque enim simul omnia statui possunt) de iis postea deliberatione suscepta viderimus. Denique omnibus & singulis Regularibus & sæcularibus Clericis, cujuscunque gradus & dignitatis sint, ut hunc Synodalem libellum omnes habeant sub poena duorum florenorum in pios usus, injungimus: illum legant, ad illum vitam suam, studia docendi populi, Sacramentorumque ministrandorum, rationem instituant, nec ab ejus præscripto usquam discedant.

Datum in Synodo nostra Diocesana Brixinæ, die 26. Septembris, anno 1603. Pontificatus S. D. N. Clementis VIII. anno duodecimo.

NOTA. Recusa & emendata sunt hæc Decreta Brixinæ, ex mandato Celsissimi & Reverendissimi Domini, Domini PAULINI, Episcopi & Principis Brixinensis, die 29. Junii anno 1679.

CHRISTOPHORUS ANDREAS, ex Illustri Familia Baronum de Spaur & (Valör), Gurcensis antea Episcopus, indeque anno 1601. ad Brixinensem postulatus, utramque Ecclesiam ea laude administravit; ut in Serie Episcoporum Brixinensium, quæ anno 1721. in Cancellaria Episcopali Brixinensi digesta, ac dein Typis publicis missa fuit, breve hoc illi, maximum tamen adscribi potuerit elogium, quod fuerit Pater pauperum, & viva virtutum imago. Anno 1603. Synodum hanc Clemente VIII. Papa probante, celebravit, in eaque multa admodum, saluberrima Decreta, & ad corrigendos Diocesis suæ mores utilissima edidit & promulgavit. Præter Monasterium RR. PP. Capucinorum, quod Brixinæ fundavit, Seminarium etiam Clericale ibidem erexit, dotavitque, in quo adolescentes, ad Ecclesiasticæ vitæ statum aspirantes, enutrientur, atque omni genere Sacrarum disciplinarum ad Sacerdotalia munia digne, sanctæque obelunda formarentur. Vitam laudatissime transactam, felici beataque morte finivit anno 1613.



SYNODUS DIOECESANA CAMERACENSIS

*Per Illustrissimum & Reverendissimum Dominum D. GUILIELMUM
DE BERGES, DEI & Apostolicæ Sedis gratia Archi-Episco-
pum & Ducem Cameracensem, Sacri Imperii Principem,
Comitem Cameracensii &c. celebrata mense
Octobri.*

Anno Christi MDCIV. Clementis VIII. Papæ XIII.
Rudolphi II. Imp. XXIX.

O R A T I O

*Habita ab Illustrissimo & Reverendissimo Domino D. ARCHI-
EPISCOPO, in apertione Synodi.*

Cum Clarissimus ille architectus Dinocrates Macedo polliceretur Alexandro Magno, se montem Athon in statum virilem formaturum, cuius læva amplissimæ Urbis mœhia sustineret, dextera autem pateram, quæ montis flumina exciperet, ac in mare profunderet; delectatus Alexander ratione formæ, quæsit, essentne agri, qui re frumentaria Civitatem illam alerent? Cumque respondisset Dinocrates subventionibus transmarinis opus esse; Rex ait, Iudicium illud non esse probum: Nam ut natus puer nec vivere, nec crescere sine nutricis lacte potest, ita nec Civitas sine agrorum fructibus. Digna tanto Principe sententia. Sciebat profecto Alexander, parva esse Urbis præsidia, parum admodum Leges, Sanctionesque & bonum ordinem Civitatis prodesse, si populus esuriret; nil esse populo famelico periculosius, quem non arma, non Magistratus, non Jura Divina vel humana, non leges vel pudor aliquis coercere possunt. Nescit enim (ut quidam Poeta *(a)*) plebs jejuna timere. Cui Alexandri sententiæ non est absimile consilium magni illius Patriarchæ Joseph, *(b)* qui cum prævidisset post septem fertilitatis annos, Ægyptum totidem annis gravissima fame affligendam; constitutus a Pharaone de consilio ministrorum suorum, totius Ægypti Præfectus, per cunctas Regiones præpositos ordinavit: qui quintam partem fructuum, per septem fertilitatis annos in horrea congregarent: ita ut omne frumentum sub Pharaonis potestate conderetur & servaretur in urbibus, ad obviandum & succurrendum futuræ fami & sterilitati. Hoc Alexandri dictum & me-

morabile illius Patriarchæ factum (quo Ægypti Salvator esse, & appellari meruit) imitari omnino nos convenit, ut quam illi pro bono publico rei frumentariæ curam gesserunt, eandem & nos in procuranda animabus nobis commissis spiritali annonâ, omni conatu & studio, adhibeamus. Quem ob finem maxime hanc Synodum de consilio Venerabilium Confratrum nostrorum, Præpositi, Decani, & Capituli Ecclesiæ nostræ Metropolitanæ, iussimus convocari, ut in ea tractemus non de nova aliqua Civitate ædificanda, cuius mœnia statua aliqua sustineat, sed ut huic Diœcesi & Ecclesiæ ante tot sæcula fundatæ, ac meritis Patronorum tutelarium; & inprimis potentissima Gloriosissimæ Virginis protectione, hætenus in Fide Catholica, Apostolica, Romana conservatæ, sufficiens ad nutriendas & reficiendas animas procuretur & subministretur annonâ; flumina etiam Babylonis ab hac eadem Diœcesi avertantur, & in ea erigatur fons aquæ salientis in vitam æternam. Ad hunc scopum vos omnes, qui huc in Spiritu Sancto tanquam præpositi spiritalis annonæ convenistis, collimare, & actiones vestras dirigere debetis; reddentes nunc de cura vobis imposita rationem; & si quid ad procurandam aut conservandam annonam, ejusque utilitatem judicaveritis pertinere, idipsum nobis libere in hac Synodo significare, prout in foro fori & conscientiæ obligati estis. Si enim inter Servum & Dominum constituitur Legis Juliæ de annonâ iudicium, servo asserentem Dominum annonam publicam fraudasse, imo & mulieres, quæ alias accusare non possunt, ad hoc genus denuntiatio-

(a) Lucanus.

(b) Gen. 41.

tiationis admittantur, uti Impp. Verus & Antonius rescripserunt, qua nos aetione non conveniendi, aut a quibus non accusandi, quorum plerique aut curam animarum habemus, aut peccata populi comedimus, si annonam spiritualem defraudasse, aut subditis curæ nostræ commissis non tempestive eandem procurasse, convicti fuerimus? Periculosior siquidem in Ecclesia defectus annonæ quam in Civitate. Nec enim novit plebs Christiana jejuna Deum timere, Leges Evangelicas, & Ecclesiasticas Constitutiones observare, & Superioribus debitam reverentiam exhibere.

Quæ cum ita sint, nos qui (licet immeriti) locum Patriarchæ Joseph in hac Dicecefi obrinemus, aliquot selectiores cibos, quibus Christi fideles nutrirî & refici oporteat, in medium proferemus. Cum enim vel ipsa experientia sit manifestum, cibis valde juvari, vel corrumpi spiritus animales, & interiorum sensuum organa, quorum bona constitutio ad bonitatem actuum mentis misce confert; sintque cibi, qui valde proficiunt, sintque, qui ingenio & memoriæ valde nocent, ac ut brevius dicam, aperte constet, pro varietate alimentorum variari ingenia hominum & mores; & quod id ipsum cibi spirituales in anima præsent, & operentur. Certe in hac Synodo, in qua de reformatione morum præcipue agitur, omnis opera adhibenda in cibis spiritualibus appandis, condiendis, & apponendis; ut nobis ipsis primum, deinde ovibus curæ nostræ commissis, veri cibi spiritualis desiderium & gustum procuremus.

Dicemus igitur primum de qualitate & varietate annonæ spiritualis, qua Pastores suum gregem nutrire & pascere tenentur. Secundo, causas in medium proferemus, ob quas hanc spiritualem escam tot Christi fideles tam parum appetant, aut illa animas suas non reficiant; seque in tanta rerum spiritualium abundantia, fame ac siti perire sinant.

Idque, ut cum fructu & utilitate fiat, imploremus supplices opem Gloriosissimæ semper Virginis, Matris magni illius Salvatoris, quem Patriarcha Joseph præfiguravit, dicentes: Ave MARIA &c.

Quem primum in Ecclesia Dei cibum spirituales invenio, is est, de quo Ecclesiasticus: Cibabit illum (c) pane vitæ & intellectus: de quo & Salvator noster (d): Non in solo pane vivit homo, sed in omni verbo, quod procedit de ore Dei. Merito cibis Verbi Divini primum locum obtinet. Fides siquidem est spiritualis vitæ principium; Justus enim ex fide vivit, illamque aliter consequi non possumus, quam per internam Dei revelationem, vel Angelorum ministe-

rium hominibus Divina revelantium, aut per externam Verbi Dei prædicationem, quæ fidem dispositive inducit: Fides enim ex auditu, (e) auditus autem per Verbum Dei. Neque vero ob id tantummodo cibus animarum nostrarum est Verbum Dei, sed etiam quia animas per fidem vivificatas reficit, nutrit, fovet, impinguat & delectat. Hoc cibo jubet Petrus (f) Apostolus pasci gregem Dei. Hoc cibo erat enutritus Timotheus, ad quem scribit Paulus: Enutritus verbis fidei & doctrinæ, quam assequutus es. Hunc cibum vocat idem Paulus, Verbum vitæ. De hoc & Psalmista (g): Quam dulcia faucibus meis eloquia tua super mel ori meo: dulciora super mel & favum. Hujus cibi defectum querulis vocibus lamentatur Hieremias (h): Parvuli petierunt panem, & non erat, qui frangeret eis. Hoc cibo populum privare maximam esse penam, asserit Amos Propheta: Immittam famem in terram, non famem panis aut sitim aquæ, sed famem audiendi Verbum Dei. Hunc cibum omnibus ita distribuerunt Apostoli: & eorum Successores, quod totius Orbis nationes, eum aliquando gustasse, & jam gustare videamus: dum nostro Sæculo in maxime diffusas Regiones, & veteribus prorsus incognitas, per Viros Apostolicos esse illatus, & subministratur (Laus Deo) hisce in partibus satis copiose, sed, proh dolor! a paucis gustatur, masticatur, ruminatur, & digeritur. Gustaretur autem, si cum suavitate spiritus exciperetur: masticaretur, si quid faciendum, aut quid fugiendum sit, ex eo disceretur: ruminaretur, si mente versaretur, & teneretur: digeretur autem & concoqueretur, si per fervorem charitatis conceptum boni desiderium executioni mandaretur. Nec enim docuisse, excepisse, mente retinuisse sat est, nisi opere ipso impleatur.

Hinc elicitur alius Christi fidelium cibus in Ecclesia relictus, a curam animarum habentibus sæpe proponendus, cibus nempe meritorie operationis, de quo Psal. 12. Beati omnes, qui timent Dominum, qui ambulant in viis ejus, labores manuum tuarum quia manducabis. Sane cibus in stomachum trajectus, hominem operationi aptum non efficit, si superfluis humoribus cibi efficacia impediatur: idem evenit, si quis stomachum mentis pravis humoribus, hoc est, vitiis & peccatis habeat gravatum; is ad bene operandum est ineptus, ideoque hujusmodi humores quantocius per veram compunctionem & confessionem purgandi, quo sic Deo reconciliari per gratiam ipsius ambulemus in viis ejus, & exemplum simus fidelium, non in verbo solum, sed & in pia conversatione, in charitate, in fide & castitate, in omnibus præbentes nosmetipsos exemplum bono.

bonorum operum, in doctrina, in integritate, in gravitate. Ita enim labores manuum nostrarum manducabimus, beati erimus, & bene nobis erit. Ad hunc cibum meritorie operationis invitat nos Salvator: Operamini, inquit, non cibum qui perit, sed qui permanet in vitam æternam. Similiter & Ecclesiasticus: Operare iustitiam ante obitum, quia non est apud inferos invenire cibum, id est, opera iustitiæ, quibus anima mereri aut refici possit.

Ut præfati cibi facilius in animabus nostris operentur, humectandi sunt. Quid enim prodesset cibus siccus in stomacho, nisi aliquando humectaretur? Accipite igitur cibum lachrymarum, non internæ solum, sed extrinsecus erumpentis compunctionis, de quo David: Fuerunt mihi lachrymæ panes die ac nocte; quando, nimirum, a Nathan Propheta ob adulterium & homicidium reprehensus, dixit: Peccavi Domine. & alibi: Cibabis nos pane lachrymarum, potum nobis dabis in lachrymis in mensura. Hunc cibum mirifice gustavit post trinam illam negationem D. Petrus Apostolus. Quin & eundem Judæis statim apposuit, quando exposita gravitate delicti in Christum Crucifixum admissi, ipsos eo adduxit, ut dicerent: Quid faciemus Viri Fratres? Et in hoc incumbere debent omnes Pastores, & Verbi Dei Prædicatores, ut in suis subditis & auditoribus lachrymas excitent, ac inprimis semetipsos cibo lachrymarum pascant; exemplo Christi, qui videns Hierusalem, flevit super eam. Hoc ipsum frequenter Hieremias præstitit: Quis dabit, inquit, capiti meo aquam, & oculis meis fontem lachrymarum? Neque hoc ei satis, sed ad id alios incitat, dicens eodem capite: Deducant oculi nostri lachrymas & palpebræ nostræ defluant aquis. Nonne Sacerdotes plorabant, dicentes: Parce, Domine, parce populo tuo, & ne des hereditatem tuam in perditionem. Per triennium non cessavit D. Paulus nocte ac die cum lachrymis, monens unumquemque; & alibi: Flens commemorat inimicos Crucis Christi. Cum multis etiam lachrymis scribit Corinthiis, ob fornicationem illam admissam. Plenæ sunt Sacre Scripturæ ejusmodi exemplis.

Dicite mihi, Fratres Charissimi, annon regnant hoc tempore peccata gravissima, quæ lugemus? Annon Ecclesiæ eadem, & major calamitas imminet, quam olim Hierosolymis? An populus noster non est flagellis & peccatis attritus, uti Judæi tempore Hieremiæ? Nonne filii & fratres nostri in perditionem ruunt præcipientes? Nulline inimici Crucis Christi, nulli fornicarii, adulteri, incestuosi, blasphemæ, Simoniaci, qui aliunde, quam per ostium, ovile Christi in-

gressi, miseras oves excoriant, deglubunt & occidunt? Quid dicam? nunquid plures de Clero, qui piis vitæ exemplis, doctrina, orationibus Ecclesiam, tamquam firmæ columnæ sustinere, & iram Divinam ab ea avertere deberent, conjurasse videntur in ipsius Ecclesiæ ruinam? Et ubi lacrymæ? ubi tristitia? ubi dolor? ubi gemitus, lamentatio & planctus? Non secus nos gerimus, ac si contritio populi Dei ad nos non pertineret, aut nos minime tangeret. Sentiemus tamen (uti metuo) citius, quam existimamus. Res enim nostra tunc agitur, paries cum proximo ardet. Hæc itaque flamma fonte lachrymarum est extinguenda, si velimus periculum imminenti ignis evadere, & illum a nobis arcere. Pascamur igitur, & alios pascamus isto pane lachrymarum, ut sic causæ, quæ Deum ad iracundiam provocant, tollantur, & disponamur cum subditis nostris ad gustandum panem adhuc longe præstantiorem.

Est autem cibus ille præstantior, quem Ecclesia vocat cibum viatorum; Panis, inquam, qui de cælo descendit, qui datus est pro mundi vita, & dat vitam mundo, quem Christus in ultima cena pinxit & igne ardentissimæ charitatis excoxit, & nobis pro viatico reliquit; ut illo refecti (sicut Helias cibo ab Angelo allato corroboratus, ad montem Oreb pervenit) ita possimus & nos ad montem Sion, ad cælestem illam Hierusalem pervenire. Dedit se ipsum nobis Christus in pabulum, ut qui per cibum vetitum homo in mortem corruerat, per panem, qui de cælo descendit, relevaretur ad vitam. Cecidit enim homo per cibum ligni mortiferum, relevatus est per cibum ligni vitalem. In illo pependit esca mortis, in isto pependit vitæ alimentum: illius esus meruit lætationem, istius gustus intulit sanitatem: gustus fauciat, gustus sanavit. De illo gustu dicitur: In quacumque die comederis ex eo, morte morieris. De isto legitur: Si quis manducaverit ex hoc pane, vivet in æternum. Hic est cibus, qui plene reficit, vere nutrit, summeque impinguat, non corpus, sed cor, non carnem, sed animam, non ventrem, sed mentem.

Si quis hoc Viatico Sacramentaliter, vel spiritualiter sumpto, ex hac vita decesserit, pane Beatorum & regnantium in cælis, in æternum reficietur, & sic ab uno pane ad alium perveniet. Cibus, cibum quodammodo pariet: Cibus nempe viatorum pariet cibum Angelorum, quo nunc in æterna illa beatitudine Sancti fruuntur; qui præstantissimus est inter omnes jam dictos cibos. Licet enim in hac vita nihil beatius nobis contingere queat, quam Sacrosancti Corporis Christi perceptio, per quam spiri-

tualis

tualis dulcedo in suo fonte gustatur; longe tamen beator, beatè illius gloriæ fruido, ac Supremæ Majestatis contemplatio, quæ beatas illas animas & spiritus cœlestes dulcissime reficit, & in continuo vigore ac indeficiente vita conservat. Hunc cibum nobis præparat, qui dicit: (i) Ego dispono vobis, sicut disposuit mihi Pater regnum, ut edatis & bibatis super mensam meam in regno meo. Beatus autem, Fratres, qui manducabit panem in Regno Dei. Non enim erimus ibi, ut ait Augustinus (k), sine esca & potu. Ipse erit cibus noster Deus & potus noster, solus ille cibus reficit, nec deficit.

Et hæc quidem de qualitate & varietate ciborum spiritualium sufficiant. Nunc investigemus, cur tam pauci illos appetant & gustent, aut nullum fructum spiritualem sive gratiæ augmentum, ex hujusmodi alimentis consequantur. Id evenire puto aut culpa sumentium; aut apparantium cibos spirituales, Pastorum videlicet, & aliorum Ministrorum Ecclesiæ, ad quos cura pascendi pertinet.

Et culpam quidem sumentium, quis melius describat, quam Salvator noster, Lucæ 8. ubi ait de femine, quod cecidit secus viam, supra perram & inter spinas; ideoque huic parabolæ non immorabor, tantum referam, quod desuper scribit Gregorius Magnus (l): Sunt, inquit, nonnulli, qui præcepta Dei nec aurē corporis percipere dignantur, quos egregie suis coloribus depingit Apostolus (m): Erit tempus, cum sanam doctrinam non sustinebunt, sed ad sua desideria coercerabunt sibi Magistros (ipsi) prurientes auribus, & a veritate quidem auditum avertent, ad fabulas autem convertentur. Et sunt nonnulli, qui hæc quidem aure corporis percipiunt, sed ea nullo mentis desiderio complectuntur; illi semini similes, quod secus viam cum cecidisset, terra non excepit, nec sinu fovit, sed concalcum est, & volucres cœli comederunt illud: Non enim audiunt Verbum Dei, ut vitia deponant; aut aliquam vitæ legem accipiant; ad quam mores suos componant, aut animas suas reficiant, sed propter aliquem humanum respectum, aut ut oblectamento aurium perfruantur. Sunt etiam nonnulli, qui libenter Verbum Dei suscipiunt, ita, ut etiam scriptis compungantur, sed post tempus lacrymarum ad iniquitatem redeunt. Hi nimirum cum gaudio suscipiunt Verbum, sed quia radices non habent, ad tempus credunt, & in tempore tentationis recedunt. Et quamvis fructus aliquis exiguus subsequatur, a sollicitudinibus, divitiis & voluptatibus vitæ præsentis suffocatur; quia interna mentis cogitatio, externorum sollicitudine interpellatur; uti

pulchre Gregorius Nazianzenus ait: Recte proinde quidam monebat mel summo digito, non cava manu gustandum; ne nimia voluptatis illecebra rerum magis utilium sensum auferat.

Sed ad Pastorum culpam, uti magis huic loco propriam, veniamus, qua sæpe contingere solet, ut cibi spirituales Christi fidelibus non sapiant. Id ex tribus causis potissimum oritur; vel quia Pastores sunt ignorantes; vel quia gregem lucris causa pascunt; vel quia cibos præbent & apponunt, quos ipsimet non prægustant aut præmandunt. Ignorantia autem Pastorum in eo maxime consistit, quod naturam, vim & qualitates ciborum spiritualium ignorent. Tales sunt, qui cum Deo militare deberent, ita se implicant negotiis secularibus, ut legis Dei obliviscantur, & sic propter ignorantiam, tanquam canes muti, non valeant latrare, & tanquam idola, nec linguam moveant, neque os aperiant, multo minus manus, nisi ad malum. Qui si aliquando moneantur, ut subditos suos Carechesi aut verbo doceant, metuendum, ne ex ignorantia pro laete venenum propinent; uti puer ille Eliæ, qui iussu pulmentum filiis Prophetarum coquere, collegit in agris ex vite Silvestri Colocynthidas, quas conscissas misit in ollam: nesciens (uti refert Sacra Scriptura [n]) quid esset, cumque gustassent filii Prophetarum de pulmenti coctione; & sensissent illius amaritudinem, clamaverunt: Mors in olla: quæ quidem amaritudo per invectionem farinæ in ollam, statim fuit sublata. Metuendum, prohi dolor, ne Pastores, qui aliquin dum ad Sacerdotium & curam animarum admittebantur, fuerunt idonei reperti, postea lege Dei derelicti, idolis servientes, maxime impudiciæ, gula, mammonæ, & ob id ignavi, ignari, desides, & mancipia tabernarum facti; Metuendum, inquam, ne tales Pastores pro pabulo salutari, herbas mortiferas propinant suis subditis gustandas, ideoque consultum erit, si Parochi & Concionatores scripto annotent, quibus cibis oves suas pascant; quo tempore & loco constare possit, de ipsorum diligenti cura & doctrina; ut si quid hæc amarum aut mortiferum contineat, id ipsum juxta verum Sacre Scripturæ sensum (quæ per farinam ollæ injectam designatur) tempestive sanet, corrigat, & emendet is, qui in suo districtu Eliæ officio fungitur.

Quantum ad illos, qui boni Pastoris nomine gaudere volunt, interea re ipsa contrarium præstant: non est mirum, si oves talibus commissæ fame pereant: licet enim plurimi ex ipsis naturam & vim ciborum spiritualium norint, & latrare valeant, mune-

ris

(i) Luc. 22. (k) Super Psal. 50. (l) Lib. 1. Homil. 18. in Evang.

(m) 2. Tim. 4.

(n) 4. Reg. 4.

Tomus VIII. Concil. German.

ris tamen sui obliui, gregem Domini non pascant, quia Mercenarii sunt, & non pertinet ad eos, de ovibus, lac comedunt, lanis operiuntur; & sufficit ipsis, si ita Præpositi sint, & dignitate gaudeant, aurem popularem capient, honorem suum & consanguineorum quærant, lucrum & commoda sua solum respiciant, se pascant, & non oves; quia ut ait D. Gregorius, Plus terrenam substantiam, quam oves diligunt. Audite, quid D. Augustinus (o) de his scribat ad Valerium Episcopum: Ante omnia peto, cogiter religiosa prudentia tua, nihil esse in hac vita, & maxime hoc tempore facilius, lætius, & hominibus acceptabilius Episcopi, aut Presbyteri, aut Diaconi officio, si perfunctorie & adulatorie agatur, sed apud Deum nihil miserius, tristius & damnabilius: contra autem, nihil esse in hac vita, & maxime hoc tempore difficilius, laboriosius & periculosius, Episcopi, aut Presbyteri, aut Diaconi officio, sed apud Deum nihil beatius; si eo modo militetur, quo noster Imperator jubet. Hunc Imperatorem imitatur D. Paulus, & ut eundem imitemur, nos invitat, dicens (p): Imitatores mei estote, sicut & ego Christi. Quod an præstemus, an bonum certamen cum eodem certemus; an fortiter Deo militemus, & non potius transfuge simus, unusquisque secretum conscientie sue ingrediatur, reperiet, prohi dolor! plurima nimis perfunctorie & adulatorie agi, maxime dissimulando cum reis criminum; inveniet plerosque nostrum non belligerantes, sed cauponantes prælia Domini, hoc lucri causa, & ad oculum tantum militantes, & Deo servientes: sed is falli non potest: ipsi enim cognita sunt opera nostra, & verendum, ne nos evomere incipiat, eo quod nec calidi, nec frigidi, sed tepidi simus.

Tertio culpa Pastorum inde oritur, quod licet pascant gregem salutaribus verbis, & Christianæ doctrinæ rudimenta recte doceant, cibum tamen, quem ad reficiendum animas apponunt, pauci præmandunt, aut prægustant: hoc est, quod non omnes, qui alios docent, se ipsos prius doceant: quod qui prædicant non furandum, furentur; qui dicunt non mœchandam, mœchantur; qui abominantur idola, sacrilegium faciant, & qui in lege gloriantur, per prævaricationem legis Deum inhonorent; id est, quod aliter vivant, quam doceant.

Eheu! quam magnum ejusmodi Prædicatorum & Pastorum numerum esse dolens audio, de quo hominum genere quam graviter conqueratur Deus per Ezechielem (q) audite: Nonne, inquit, satis vobis erat, pascua bona depasci? Insuper & reliquias pascuarum vestrarum pedibus conculcastis, & cum purissimam aquam biberitis, reliquam

pedibus vestris turbabatis. Et miramur, si tam pauci in pietate proficiant, cum optimum pabulum animarum condimento, seu potius toxico malorum morum, & scandalosæ vitæ corrumpant ii, qui subditos suos tenentur pascere & nutrire? Quanto rectius faciunt matres & nutrices, quæ puerulis suis adhuc tenellis cibum præmandunt, & præmansum in os ingerunt, imo & tanto amore proles suas prosequuntur, ut si quando videant eas morbo laborare, qui sine medicinae sumptione curari nequeat, ipsæmet matres, five nutrices illam sumant, quo sic curentur proles infirmæ; fugentes cum lacte medicinam salubrem. Utinam nos id ipsum præstaremus! utinam nihil unquam verbo doceremus, quod prius vita & moribus non expressissemus! utinam dignos fructus penitentiae (quæ animæ est medicina) pro peccatis populi nobis commissi, sæpius faceremus! Longe aliam Ecclesiæ faciem cerneremus; longe alios in Christiano populo mores. Prius igitur Pastores debent comedere, & postea alios pascere, prius saturari, & postea eructare. Hunc ordinem D. Paulus præscribit Timotheo (r): Attende tibi & doctrinæ: hoc est, attende tibi, ut comedas, & doctrinæ, ut postea alios erudias.

Nostro ergo vitio evenit, quod greges nobis commissi non melius pascantur; aut quod tam multi, in tanta annonæ spiritualis abundantia, sit & fame (adinstat Tantalus) misere pereant; verendum, verendum certe, ne sceleris arguamur. Quarti Regum septimo legitur, Rege Syriæ, qui Samariam obsidebat, in fugam converso, leprosos illos transfugas, expleta qua premebantur fame, sublati auro & argento, & aliis spoliis in castris repertis, existimasse se sceleris arguendos; nisi Regem Samariæ obsessum, & populum extrema fame laborantem, de hostium fuga, & abundantia in castris reperta, redderent certiorem. Certe cum mecum perpendo deplorandum hujus Dicecesis & Civitatis statum, non ita dudum ab extraneis occupatum, nunc autem Gloriosissimæ Virginis Mariæ, & Patronorum Tutelarum patrocinio, nec non Regis Hispaniarum Philippi II. potenti manu liberatum, non possum non animo exultare. Verum cum ex altera parte diligentius oculis meis intueor hinc maximam animarum famem; & ab hostibus invisibilibus obsessionem, quam plerique subditorum nostrorum patiuntur: inde magnam omnium rerum, quæ ad refocillandas, nutriendas & liberandas animas sunt necessariae, abundantiam in Ecclesia relictam, est, quod maxime doleam nostram negligentiam, & me gravissimæ culpæ reum existimem, si vobis non annuntiavero hujusmodi obsessionis solutionem, nec non a fame

(o) *Epist.* 148.(p) *1. Cor.* 11.(q) *Ezech.* 34.(r) *1. Tim.* 4.

fame spirituali liberationem, jam in nostra esse potestate: dummodo obfessi cupiant liberari, spiritualiter refici; & qui curam animarum habent, Pastorali strenue fungantur officio. Mihi itaque hanc annonæ abundantiam publicanti credite, eamque opportune distribuere, ne cum Duce illo, qui Eliseo copiam hordei & similitæ in crastinum prædicenti, credere volebat, mala morte puniamini. Vestrum igitur erit, qui per regiones vobis commissas, spiritualis annonæ Præpositi constituti, & cooperatores assumpti estis, si quos subditorum veterum obfessos, hoc est, vinctulis peccatorum ligatos esse cognoveritis, eosdem quam citissime fieri poterit, liberare, & cibis spiritualibus reficere: interim colligentes etiam in horrea, quæ ad pascendum gregem vobis commissum erunt necessaria, & opportuna, ut tanquam fideles servi possitis dare in tempore tritici mensuram.

Curate, ne cibis Verbi Dei unquam desit, & quod ore doceris, exemplo vitæ integrè exprimitis; cibum a vobis præmansum, subditis, & maxime adhuc infantibus, gustandum præbere; & panem lacrymarum frequenter sumite, animas vestras & subditorum, Divini Corporis Christi viatico sæpius reficite, & ad illum cibum supernum, ad beatificam illam visionem totis animi conatibus & viribus aspirate; & alios, ut ad eandem aspirent, docete & exhortamini. Quod si præstiteritis, non deerunt in hac Diocesi, qui parvulis panem frangant: non erit plebs Christiana famelica; timebit Deum & mandata ejus, non timore servili, sed filiali; hoc est, sponte & non coacte observabit; Pastores & Superiores suos tanto subsequetur honore & amore, quod nullo modo ab ipsis volerit avelli, aut alium, quam ab eisdem præparatum spirituales cibum accipere. Quemadmodum enim nihil Reges aut Principes populo magis amabiles reddit, & gratos efficit, quam si procurent abundantiam annonæ; uti & turbæ restantur, quæ, post multiplicationem panum, Christum secutæ; voluerunt illum Regem constituere; sic etiam nihil Episcopos ac Ministros Ecclesiæ gratiores reddit suis subditis, quam si eis copiam spiritualis annonæ sedulo subministrant. Credite mihi, oculos suos eruerent Christi fideles, & suis Pastoribus darent etiam nunc, si tales haberent, qui verbo & exemplo ipsos pascere, prout olim habuerunt, & adhuc Dei beneficio habentur, sed pauci.

Scribit D. Augustinus (s): Si Poetæ dicere licuit, trahit sua quemque voluptas, non necessitas, non obligatio, sed delectatio, quanto magis nos dicere debemus, trahi ho-

mines ad Christum, qui delectantur virtute, delectantur justitia, delectantur beatitudine, delectantur æterna vita; quod totum Christus est, & cibus spiritualis. Et post pauca adjicit: Ramum ostendis ovi, & trahit illam, nuces puero demonstrantur, & trahitur. Hanc trahendi rationem ad Christum panem vivum, qui dat vitam mundo, hanc rationem inescandi Christi fideles, si, qui curam habent, diligenter & exacte observarent, felicissima foret Christiana Respublica, & multo felicior, quam si Legibus aut Statutis in suo continerentur homines officio; quorum quidem Statutorum & Legum multitudinem dicebat Plato: Signum esse mali status Reipublicæ: ideoque ad officium prudentis Magistratus pertinere, non potius implere Legibus aut Statutis; sed ad hoc adniti; ut subditi instum justitiæ studium habeant, eo quod homines male instituti Leges etiam exquisitissimas audeant contemnere. Hoc igitur sedulo agamus, ut primum in nobis ipsis, dein in subditis curæ nostræ commissis, sanctitatis & justitiæ, nec non æternæ beatitudinis studium inseratur, ut ipsi eandem esuriant & sitiant, & nos illam abundanter subditorum animis inferamus & instillemus.

Ad hoc cum pia juventutis institutio & educatio maxime Catechismi doctrina plurimum proferat, eandem vobis, quantum in me est, commendo, & ut sedulam ad id operam impendatis, mando & præcipio. Quod si hanc pascendi populum nobis commissum rationem servaverimus, certe is voluptate & delectatione trahetur ad Christum, illum tanquam Imperatorem sequetur, & imitabitur: Pastoris sui vocem audiet, in pascuis ejus manebit, & se felicissimo illius Regimini (sub quo nihil deesse potest) sponte subjiciet.

Licet autem hæc via facillima sit ad nutriendas animas, & illas in suo spirituali vigore conservandas, nec non ad vitam & mores hominum reformandos, quia tamen pauci, prohi dolor! hoc tempore inveniuntur, qui sua sponte cibos spirituales & salutem animarum appetunt, aut reformationem vitæ & morum desiderant, periculum autem sit, ne tales bonorum Pastorum conatus everant, & disciplinam Ecclesiasticam pessumdeant; ideoque quædam statuenda duximus, quibus ii, qui voluptate & ciborum spiritualium suavitatem ad pascua Domini non trahuntur, eadem ingredi, ac inibi salubri animarum pabulo se se reficere cogantur & compellantur; aut tanquam cadavera fetida (ne sua contagione gregem inficiant) ab ejusdem communione arceantur, & separantur: ut sic juxta Psalmistæ votum & desiderium

(s) Ad cap. Joan. 6.

Tomus VIII. Concilior. German.

rium (utinam & omnium nostrum, quorum est Jurisdictionem Ecclesiasticam promovere) in chamo & freno maxillæ eorum constringantur, qui sponte appropinquare nolunt ad Dominum, aut Divinæ voluntati & Ecclesiæ mandatis obedire recusant. In quo unusquisque nostrum officio suo satisfaciatur, ne si contingat oves nobis commissas, culpa nostra perire, sanguis earum de manibus nostris requiratur, & pars nostra sit cum hypocritis in stagno ardentis, igne & sulphure, quæ est mors secunda, a qua Deus per suam infinitam misericordiam nos liberet. Sed spero jam nos omnes firmum concepisse propositum emendandi culpam, vel negligentiam in officio nostro Pastoralis,

aut ministerio Ecclesiastico, hactenus commissam, Nosque Ordinationes & Statuta per Prædecessores nostros edita, & alia per Nos in hac Synodo promulganda, exacte observaturos: Pascendo maxime juxta doctrinam D. Petri [†] gregem Dei, providentes non coacte, sed spontanee secundum Deum; neque turpis lueri gratia, sed voluntarie; neque ut dominantes in Cleris, sed forma facti gregis ex animo.

Sic pœnam horrendam Pastoribus negligentibus statutam evitabimus, & cum apparuerit Princeps Pastorum, percipiemus immarcescibilem gloriæ coronam, quam nobis tribuere dignetur Pater, & Filius, & Spiritus Sanctus, Amen.

(†) 1. Petr. 5.

D E C R E T A

SYNODI DIOECESANÆ CAMERACENSIS

ANNI MDCIV.

INDEX TITULORUM.

- | | |
|--|---|
| <p><i>TIT. I. De Fide & ejus integritate conservanda.</i></p> <p><i>II. De Doctrina & prædicatione Verbi Dei.</i></p> <p><i>III. De Officio Divino.</i></p> <p><i>IV. De dierum Fæstorum cultu, & jejniis.</i></p> <p><i>V. De Sacramentorum administratione.</i></p> <p><i>VI. De Baptismo.</i></p> <p><i>VII. De Sacramento Confirmationis.</i></p> <p><i>VIII. De Sacramento Pœnitentiæ.</i></p> <p><i>IX. De SSmo Eucharistiæ Sacramento.</i></p> <p><i>X. De Sacramento Ordinis.</i></p> <p><i>XI. De Sponsalibus, & Sacramento Matrimonii.</i></p> <p><i>XII. De Sacramento Extremæ Unctionis.</i></p> <p><i>XIII. De Funeribus, Sepulturis, & Exequiis.</i></p> | <p><i>XIV. De Oblationibus, Decimis, & Portione Canonica.</i></p> <p><i>XV. De recta Bonorum Ecclesiasticorum administratione.</i></p> <p><i>XVI. De Clericis in genere.</i></p> <p><i>XVII. De Episcopis.</i></p> <p><i>XVIII. De Capitulis & Canonicis.</i></p> <p><i>XIX. De Pastoribus.</i></p> <p><i>XX. De Regularibus & Monialibus.</i></p> <p><i>XXI. De Scholis.</i></p> <p><i>XXII. De Foro, Jurisdictione & Immunitate Ecclesiastica.</i></p> <p><i>XXIII. De Usuris.</i></p> <p><i>XXIV. De Synodo.</i></p> <p><i>Lectio & Publicatio Decretorum hujus Synodi</i>
6ta Octobr. 1604.</p> |
|--|---|

TITULUS PRIMUS.

De Fide & ejus integritate conservanda.

CAPUT PRIMUM.

QUæ posteriori Synodo Provinciali (a) Cameracensi constituta, & ad Fidei integritatem tuendam & conservandam ordinata sunt; ea ab omnibus inviolabiliter observari volumus & mandamus, sub pœnis inibi decretis. Et quia plures ejusdem & præcedentium Synodorum Decreta, licet salubriter condita, hominum &

temporum injuria & malitia, vel nondum suum sortita sunt effectum, vel observari desierunt: idcirco hæc, quæ sequuntur, statuenda & renovanda duximus, prout præfenti Synodo statuumus & renovamus.

CAPUT II.

Cum non minus nocuementi adferant damnatorum Authorum Libri, quam vox viva; observetur quam exactissi-

(a) Hæbita Montibus anno 1586. sub Ludovico de Berlaymont, Archi-Episcopo & Duce Cameracensi. Vide illam Tomo VII. præcedente pag. 991.

actissime Decretum dictæ posterioris Synodi Cameracensis Tit. I. Cap. 3. quo Decreto etiam teneantur circumforanei & vagi librorum venditores. Habeantque præterea penes se omnes Typographi, Bibliopola & Librarii Catalogum librorum prohibitorum, aliumque omnium omnino, quos in sua officina venales habent: neque de cætero Catalogos librorum noviter impressorum absque licentia nostra, aut Censorum nostrorum exponant.

CAPUT III.

Eisdem prohibemus, ne deinceps Biblia vernacula, aut eorum partem aliquam vendant, nisi emptores ea legendi potestatem sibi a Nobis, aut Vicariis nostris datam in scriptis exhibeant.

CAPUT IV.

Moneant autem sæpe Parochi, Concionatores suos Parochianos, auditores & pœnitentes, maxime circa initium Adventus & Quadragesimæ, ne qui apud se libros prohibitos, aut pravis opinionibus resperfos habeant, vel legant; propter periculum excommunicationis, ut si quos habent vernaculos de Sacra Scriptura & vitæ Christianæ institutis tractantes, de quibus certo non constat, an sint approbati, eos Parocho suo, aut Censoribus a Nobis deputatis ostendant examinandos.

CAPUT V.

Executores testamentorum libros defunctorum non distribuunt, aut venales exponant, nisi Censoribus a Nobis deputatis eorundem Catalogum, ac etiam, si opus sit, ipsos libros ostenderint. Neque deinceps sine Censorum licentia, ulla scripta, documenta, tabulæ, regulæ, exhortationes, & alia ejusmodi, quocumque nomine censeantur, non in forma libri tantum, sed nec in extenso chartæ folio impressa vendantur. Imagines autem, quæ falsitatem aliquam, adversus sanam fidem & probatas Sanctorum historias, continent, nullo modo exponantur, aut vendantur.

CAPUT VI.

Figuræ lascivæ, & quæ intuentium mentibus, obsceni aliquid inge-

rere possent, sive ob pudendam nuditatem, seu alias, in processionibus & supplicationibus publicis, non exponantur. Si quæ vero tales in templis reperiantur, Nobis denuntient Parochi, ut eæ aut omnino tollantur, vel saltem reformentur: neque novæ ullæ in loca sacra figuræ inferantur, nisi approbatæ.

CAPUT VII.

Diffimulari non debet a Nobis insignis illorum temeritas, qui magno sui nominis, maximo vero salutis filiorum suorum periculo; ipsos ad loca hæresi infecta, qualibet occasione transmittant: proinde parentes omnes hortamur, ut filios suos mercaturæ, aut opificii exercendi, aliave causâ ad loca hujusmodi proficisci non patiantur omnino, & certe, nisi de eorum fidei soliditate constet.

CAPUT VIII.

Excommunicatos a Canone pro suggestu denunciari volumus (ita tamen, ut nominatim id non fiat absque speciali nostro mandato) omnes & singulos, qui Magos, Divinatores, Sages, Egyptios (ut vulgus vocat) aliosve similes, super futuris eventibus, qui a libera pendent hominum voluntate, super furto ablatis, absconditis thesauris, rebus deperditis, aliisque occultis consulunt, aut consuli mandant: quique rerum occultarum cognitionem, per cribri, annuli, vel alterius rei agitationem explorant, & illos, qui ligaturis, signis, maleficiis, aliisve modis Matrimonii actum impediunt, etiam si animo illa dissolvendi, aut cito tollendi id fecerint.

CAPUT IX.

Ea omnia, quæ certas personarum, temporum, numerorum, locorum, & similium rerum observationem, corporisque compositionem, ac certorum esculentorum & poculentorum sumptionem ita requirunt, ut qui ea prætermiserit, expectato fraudetur effectu; tanquam vana & superstitiosa, vel de superstitione admodum suspecta, de medio tollantur, nisi arte medica, Ecclesiæ constitutione, aut consuetudine

dine per eandem approbata, præscribuntur.

CAPUT X.

Cum autem adversus mala per maleficos & sortilegos hujusmodi illata, remediis Ecclesiasticis uti oporteat: caveant ii, quibus exorcizandi licentia concessa est, seu deinceps a Nobis concedetur, ne superstitiosis precationibus, aut exorcismis non approbatis, utantur.

TITULUS II.

De Doctrina & prædicatione Verbi Dei.

CAPUT I.

AD prædicationem Verbi DEI, & Christi fidelium confessiones excipiendas, non admittantur per Parochos Terminarii, aut alii Concionatores & Confessarii; nisi de admissione fidem fecerint: Sæculares quidem per literas nostras, Regulares vero per similes, aut earum copiam sigillo Convenus sui munitam, & Superiorum suorum manu subscriptam.

CAPUT II.

Quod si ex admissis hujusmodi plures simul ad prædicandum concurrant: ut omnis dissensio & scandalum tollatur, Terminarius, qui ordinariam ex consuetudine stationem tunc obtinet; præferatur, sive pro illo, sive pro sequentibus ejusdem stationis diebus; alioquin is, qui a Parocho fuerit requisitus: & extra hos casus, qui primus in Ecclesiam venerit.

TITULUS III.

De Officio Divino.

CAPUT I.

INstruatur diligenter populus a Parochis & Concionatoribus, quomodo, quam reverenter & devote Missam audire debeat: & severe pro concione reprehendantur omnes, qui vix consumpta a Celebrante specie panis, ante calicis sumptionem surgunt, vel disce-

dunt, nec usque ad finem Missæ permanent.

CAPUT II.

Doceant iidem Parochi & Concionatores populum, maxime decere, ut Missæ privatae genibus flexis audiantur ab omnibus.

CAPUT III.

Doceant præterea, quantæ sit utilitatis Ecclesiam Parochialem frequentare; tum ut populus monitioni Concilii Tridentini *(b)* satisfaciatur, & inter Missarum solemnias Evangelicam doctrinam hauriat, tum etiam ut quisque intelligat, quomodo tota septimana in sua familia se se gerere debeat, ex iis, quæ Parochus in sua concione annuntiaverit; videlicet, quæ jejunia, quæ festa, quæ publicæ supplicationes, quæ Missæ votivæ, & quæ alia pietatis & charitatis Christianæ officia sint agenda: ut audiant publicationes bannorum, tam eorum, qui Sacris Ordinibus sunt initiandi, quam qui Matrimonio sunt conjungendi, ut impedimenta, si quæ sint, denuntientur: denique ut Christi fideles de pluribus aliis instruantur, quæ ad suam & proximorum salutem, & bonum publicum pertinent.

CAPUT IV.

Deambulationes in templis, etiam extra Divinum Officium sub pœna excommunicationis prohibemus: eurent proinde Ecclesiarum Superiores, etiam pœnis pecuniariis appositis, ejusmodi abusum penitus abolere.

CAPUT V.

Saluberrimam Catechismi doctrinam nunquam intermittant Parochi, etiam si paucissimi forent auditores: sed singulis diebus Dominicis ante & post Vesperas diligenter eo munere fungantur, magnam a Domino mercedem tam pii operis recepturi.

CAPUT VI.

Ballivos, & alios locorum Magistratus rogamus & hortamur, ut juxta Regium Edictum, in re tam pia operam suam Parochis impendant, puniantque graviter illos parentes, heros & heras, qui

(b) Sess. XXII. in Decreto, de observ. & evitandis in celebrat. Missæ.

qui filios, famulos, famulas, ad Catechismum non miserint.

CAPUT VII.

Omnes obituum Anniversarium, Missarum & Capellaniarum, aliasque fundationes ad Nos quamprimum referri fideliter volumus, ut auctoritate Nobis per Concil. Trid. (c) concessa statuamus, quod magis ad Dei honorem & cultum, atque Ecclesiarum utilitatem viderimus expedire: nemini suffragari declarantes quamlibet reductionem sine nostra, aut Prædecessorum nostrorum, vel Vicariorum auctoritate factam.

CAPUT VIII.

Dum Missæ Sacrificium celebratur, non minus, quam duo cerei sint accensi: sintque cætera altarium ornamenta munda & decencia, juxta præcedentium Synodorum Constitutiones.

CAPUT IX.

Curent Parochi, ut in locis, in quibus unica Missa diebus Dominicis & Festis celebratur, famuli, famulæ, & alii legitime impediti, alternis saltem vicibus Missam audiant, alternisque diebus Dominicis, vel Festis, etiam Catechismi lectioni intersint.

CAPUT X.

Statuta Synodalia, tam Provincialia, quam Diocesana, de Horis in hieme & æstate servandis in Missarum Parochialium celebratione, & Vesperarum decantatione, sub pena suspensionis, & alia, arbitrio nostro imponenda, observari mandamus.

CAPUT XI.

Raro, & non nisi gravibus de causis extra Ecclesias processionaliter effertur Venerabile Sacramentum, curentque Parochi, & Ecclesiarum Aeditui, ut cum sufficienti cædarum aut cereorum lumine id fiat.

CAPUT XII.

In supplicationibus laici suum ordinem servant, Clerumque & Magistratum sequantur, nec ulli inter Ecclesiasticos se se ingerant.

CAPUT XIII.

In iisdem supplicationibus nulla exhibeantur spectacula, quæ a cultu Venerabilis Sacramenti, Sanctorumque Reliquiis debito, Christi fidelium animos avertant.

TITULUS IV.

De dierum Fæstorum cultu, & jejuniis.

CAPUT I.

UT abusus ille, Divino & Ecclesiastico præcepto contrarius, semel tandem penitus aboleatur, quo se plerique existimant probe suo functos officio; si Missa, etiam privata tantummodo, diebus Dominicis & Festis audita, reliquum diem perfectioni, negotiationi, lusu, choreis, potitationibus, & aliis secularibus, vel etiam illicitis actionibus impendant: Parochi suis subditis frequenter inculcent ea, quæ in Catechismo Romano ad tertium præceptum Decalogi, & aliis authoribus, de recta dierum Fæstorum observatione traduntur.

CAPUT II.

Si quando ob celi inconstantiam & imminentes tempestates, maturas fruges ex agris asportari diebus Sacris fuerit necessarium, id non sine expressa Parochorum licentia fiat.

CAPUT III.

Ebrietatis vitium adeo enorme, ut S. Paulo teste, a Regno sæculorum homines excludat, multo majori reprehensione dignum est, si diebus cultui Divino, & animarum saluti deputatis, committatur: propterea Parochis & Concionatoribus mandamus, ut tam grave peccatum diligenter pro concione exaggerent, & illius deformitatem, pericula, ac incommoda ostendant.

CAPUT IV.

Festa tam majora, quam minora in Dicecesi Cameracensi hætenus celebrari consueverunt, ea, quæ decet, reverentia coli, & indicta jejunia observari volumus & mandamus.

CAPUT

CAPUT V.

Festa autem Majora, præter Dominicas, sunt hæc: Festum Circumcisionis Domini, Epiphaniæ, Purificationis B. Mariæ, Annunciationis ejusdem, Paschæ cum feria secunda sequente, Ascensionis Domini, Pentecostes cum feria secunda sequente, Ss. Trinitatis, Sanctorum Philippi & Jacobi Apostolorum, Inventionis Sanctæ Crucis, Venerabilis Sacramenti, Nativitatis Sancti Joannis Baptistæ, Petri & Pauli Apostolorum, Visitationis B. Mariæ Virginis, B. Mariæ Magdalenæ, Jacobi Apostoli, Laurentii, Assumptionis B. Mariæ, Bartholomæi Apostoli, Nativitatis B. Mariæ, Exaltationis Sanctæ Crucis, Matthæi Apostoli, Michaelis Archangeli, Simonis & Judæ, Omnium Sanctorum, Martini Hyemalis, Catharinæ, Andreæ Apostoli, Nicolai Hyemalis, Conceptionis B. Mariæ, Thomæ Apostoli, Nativitatis Domini, Stephani Protomartyris, Joannis Evangelistæ, Patroni & Dedicationis cujusque Ecclesiæ semel in anno. In Civitate autem nostra Cameracensi, inter majora etiam observari præcipimus, Festum Processionis postridie Ss. Trinitatis, Sancti Gaugerici undecima Augusti, & Sancti Auberri decima tertia Decembris.

CAPUT VI.

Minora vero Festa sunt, Conversionis Sancti Pauli, Cathedræ Petri die vigesima secunda Februarii, Matthiæ Apostoli, Marci Evangelistæ, feria tertia & quarta Paschæ & Pentecostes, Petri ad Vincula, Decollationis Sancti Joannis Baptistæ, Lucæ Evangelistæ, & Sanctorum Innocentium: quibus diebus Christi fideles Missam audire tenentur.

CAPUT VII.

Si Festum Purificationis B. Mariæ Virginis inciderit in Dominicam Septuagesimæ, Sexagesimæ, & Quinquagesimæ, non transferatur, sed celebretur cum commemoratione Dominicæ. Si autem Festum Annunciationis ejusdem B. Virginis inciderit in aliquam Dominicam Quadragesimæ, transferatur in feriam secundam proxime sequentem, & a populo ferietur. Si ve-

ro inter Dominicam Palmarum & Dominicam *Quasimodo* inclusive e venerit, feria secunda post *Quasimodo* celebretur, & a populo ferietur.

CAPUT VIII.

Si Festum S. Marci in die Paschæ, vel ejus octavis e venerit, celebretur cum jejuniis, Litanis & Processione in proxima feria post *Quasimodo* non impedita Festo Ss. Philippi & Jacobi, vel Exaltationis S. Crucis. Si autem in aliquam Dominicam post Pascha incidit, eadem die celebretur: sed jejuniis, ac Processio & Litanie in proximam sequentem feriam alterutro dictorum festorum non impeditam transferantur. Sed si alterutrum ex dictis Festis Ss. Philippi & Jacobi, & Exaltationis S. Crucis incidit in diem Ascensionis Domini, eorundem officium fiat feria sexta sequente, sed a populo non ferietur. Dedicatio vero nostræ Ecclesiæ Metropolitanæ Cameracensis, & omnium simul totius Dioceseos Ecclesiarum, celebretur Dominica proxime sequente diem tertium mensis Julii.

CAPUT IX.

Grave nimis & intolerabile scandalum præbent plerique Catholici, qui diebus Quadragesimæ & Jejuniorum, etiam publice comessari, inebriari, vel saltem jejunia ab Ecclesia præscripta violare non verentur, in animarum suarum manifestum periculum, aliorum offensionem, & Ecclesiastici præcepti contemptum maximum. Idcirco omnibus Parochis & Concionatoribus serio præcipimus, ut populo frequenter exponant & doceant, eos, qui morbo, ætate, aliave legitima a Parochis vel Confessariis probata causa non impediti, dictum jejunandi præceptum scienter transgrediuntur, toties graviter peccare: volentes insuper, ut publici hujusmodi jejunii violatores, per Parochos & Decanos ad Nos, aut Officiale nostrum, sine ulla dissimulatione deferantur, pro modo culpæ puniendi: hortantes locorum Magistratus, ut in tam pia causa suam etiam civilem auctoritatem interponant, & contemptores puniant.

CAPUT X.

Indicta autem jejunia præter Quadragesimam & quatuor tempora, hæc sunt: Vigiliæ Pentecostes, Nativitatis B. Joannis Baptiste, Petri & Pauli Apostolorum, Laurentii Martyris, Assumptionis B. Mariæ Virginis, Matthæi Apostoli, Simonis & Judæ Apostolorum, Omnium Sanctorum, Andreæ Apostoli, & Nativitatis Domini. Si quæ ex his Vigiliæ in Dominicam inciderint, Sabbato præcedenti jejunetur. In Festo autem S. Marci, & tribus diebus Rogationum abstinenceat ab esu carniū per totam diem, & jejunetur usque ad prandium.

TITULUS V.

De Sacramentorum administratione.

CAPUT I.

NULLUS Parochus, aut Presbyter extra casum necessitatis alienis Parochianis Sacramenta administret, sine Parochi ipsorum, aut nostra licentia: si quis autem in extrema necessitate constitutis, etiam non subditis, hanc operam Christianam negaverit, præter peccatum gravissimum quod committit, ab iis, qui conscribi fuerint, ad Decanos & Promotores deferri jubemus.

CAPUT II.

Parochi, eorumque Vicarii ad Sacramentorum administrationem a subditis in eorum necessitate vocati, illam nullo prætextu differant: alioqui pro modo culpæ graviter puniantur.

CAPUT III.

Publicæ meretrices, usurarii, & alii quilibet peccatores notorii, etiam sanctissime confessi, ad publicam Sacramentorum perceptionem non admittantur, nisi publice poenitentiam egerint, aut ex ipsorum bona conversatione, aliove legitimo modo, de vitæ ipsorum emendatione publice constet. Occulti autem peccatores ne publice a Sacramentis arceantur.

TITULUS VI.

De Baptismo.

CAPUT I.

AD proles de fonte baptismatis suscipiendas non recipiant Parochi eos in paternos & maternos, quos Orationem Dominicam, Salutationem Angelicam, Symbolum Apostolorum, & Præcepta Decalogi & Ecclesiæ ignorare, aut in postremo Paschate ex præcepto Ecclesiæ peccata sua confessos non fuisse, & Sacram Eucharistiam (si in ætate competenti existant) non sumpsisse, aut excommunicatos, publice denuntiatis, esse constiterit.

CAPUT II.

Ad obstetricis officium nulla in posterum admittatur, quæ etiam coram Parocho suæ residentie, juramentum secundum formam, a Nobis in Manuali nostro præscriptam, non præstiterit.

CAPUT III.

Nulla deinceps obstetrix, aliave mulier, puerperam ullam, ad Templum purificandam, inconsulto Parocho audeat adducere: alioqui taliter adducta ad purificationem non admittatur.

CAPUT IV.

Non liceat ullis Sacerdotibus præter Parochos, aut eorum Vicarios Saccellanos (nisi de ipsorum consensu) mulieres a puerperio purificare.

TITULUS VII.

De Sacramento Confirmationis.

CAPUT UNICUM.

QUæ ad dispositionem hoc Sacramentum suscipientium, & alia huc spectantia pertinent, petantur ex Synodis præcedentibus, & nostro Manuali.

TITULUS VIII.

De Sacramento Poenitentiae.

CAPUT I.

NE multitudine casuum reservatorum infirmi, & nimis verecundi, a salutari Poenitentiae Sacramento retrahantur, reservamus Nobis, Vicariis

F f f f nostris,

nostris, & Pœnitentiario, ea tantummodo peccata, quæ sequuntur. (d)

1. Hæresim, 2. Apostasiam, 3. Publicam & enormem in Deum & Sanctos blasphemiam, 4. Homicidium voluntarium, 5. Incendium etiam voluntarium, 6. Incestum cum patre, matre, filio, filia, fratre, sorore, & cum mulieribus religiosis professis, 7. Maleficia, 8. Voluntarias parvulorum oppressiones, 9. Simoniam realem, 10. Sodomiam, & ejusdem generis graviora.

Similiter reservamus peccata mandantium, consulentium, auxilium & favorem præstantium in hæresi, homicidio, incendio, maleficiis, & oppressione parvulorum supradictis.

CAPUT II.

Permittimus nihilominus, ut in unoquoque Decanorum Christianitatis districtu quatuor Parochi prudentiores, locis opportunis residentes, in eorum congregatione Capitulari eligantur, & electorum nomina ad Nos referantur, qui accepta a Nobis licentia, sicut & ipsi Decani a supradictis casibus, suorum respective districtuum Christi fideles, in foro conscientie tantum, absolvere possint ac valeant.

CAPUT III.

Nemo tamen prædictorum Confessoriorum, virtute ejusmodi confessionis, permissionis ac facultatis nostræ, quemquam præsumat ab hæresi absolvere, nisi specialem licentiam id faciendi in scriptis obtinuerit.

CAPUT IV.

Quamquam Prædecessores nostri excommunicationes omnes, suspensiones, & interdicta Synodalia sibi & Successoribus suis reservaverint: Nos tamen humane fragilitati consulere cupientes, ea tantummodo reservamus in posterum, quæ in antiquis eorundem Prædecessorum nostrorum Decretis propediem recudendis, reservata declarantur: a cæteris absolvere poterunt omnes Sacerdotes a Nobis ad confessiones audiendas admissi, & deinceps admittendi, idque in foro conscientie tantum. (e)

CAPUT V.

Parochianos suos ad frequentem confessionem sæpe hortentur Parochi, modumque & necessitatem confitendi eos publice doceant, imminente potissimum Adventu Domini & Quadragesima.

CAPUT VI.

Confiteri volentes in aliud tempus non rejiciant, nisi ob ministerium publicum in Ecclesia exercendum, aut aliquod Sacramentum necessario administrandum, sed faciles & benignos omnibus se præbeant, sciantque, se medicos esse animarum Christi Sanguine redemptarum.

CAPUT VII.

Confessarii sedulo pœnitentes interrogent (nisi aliunde constet) num Orationem Dominicam, Salutationem Angelicam, Symbolum Apostolorum, Præcepta Dei & Ecclesiæ exacte norint, & ignorantibus præcipiant, ut primum omnia supradicta diligenter addiscant: se alioqui negligentibus beneficium absolutionis denegaturos.

CAPUT VIII.

Prohibemus omnibus Confessariis, etiam Regularibus, ne unquam de peccatis in confessione exauditis, inter se conferant. Si tamen interdum necessitas id postulerit, tam discrete faciant, ut in personarum cognitionem, ne per suspicionem quidem, venire possit.

CAPUT IX.

Nulli Confessario liceat eorum, quibus ipse in delicto præsertim graviore socius fuit, confessiones audire.

CAPUT X.

Prætextu confessionum excipientiarum nullo modo prætereant Parochi horam celebrandi Missam parochialem diebus Dominicis & Festis.

CAPUT XI.

Mulierum confessiones nemo audiat, nisi in loco omnibus conspicuo, & adhibito lumine, si tenebræ fuerint, uti nec in ædibus privatis extra casum infirmitatis.

CA-

(d) Vid. Rituale Cameracense novissimum.

(e) Vide ibid.

CAPUT XII.

Dum penitentium etiam Sacerdotum confessiones audiunt Confessarii, tanquam Iudices sedent.

CAPUT XIII.

Hortamur Sacerdotes omnes, ut saltem semel in hebdomada confiteantur.

CAPUT XIV.

Studioſi, famuli & famulæ in Paſchate confiteantur, & communicent in loco reſidentiaſ ſuæ. Quod ſi in loco Nativitatis, vel alio, quo fortassis tunc diverterint, confessi fuerint, ac communicaverint, teſtimonium Parocho dictæ ſuæ reſidentiaſ referant.

CAPUT XV.

In Eccleſiis, in quibus magnus eſt Sacerdotum numerus, ſi Collegiatæ fuerint, Decani & Capitula; ſi Parochiales, ipſi Parochi præſentent Nobis doctiores & prudentiores aliquot ex iis, quibus (ſi idonei reperti fuerint) confessiones audiendi facultatem commitamus.

CAPUT XVI.

Initio cujuſque Quadrageſimæ publice moneantur omnes, qui a poſtremo Paſchate non ſunt confessi, ut in hebdomadam majorem, illiusque ultimos dies confessionem non differant: alioqui in dies ſequentes expectare cogantur, quo eorum ſaluti melius conſulere, & eorum conſcientiam diſcutere valeant Confessarii.

CAPUT XVII.

Optamus omnes Religioſos, etiam exemptos, obſervare Anteceſſorum noſtrorum Decreta, de deſcribendis in Quadrageſima continentium nominibus.

CAPUT XVIII.

Confessarii, etiam Regulares, non quantur alia forma abſolutionis, quam ea, quæ in Manuali noſtro præſcripta eſt.

TITULUS IX.

De Sanctiſſimo Eucharistiæ Sacramento.

CAPUT I.

Parochi omnes, alique locorum Superiores, ſemel ſaltem in men-

Tomus VIII. Concilior. German.

ſe Hoſtias confecratas, quæ ad uſum infirmorum aſſervantur, conſumant, & novas confecrent: ubi vero loca ſunt humidiora, ſæpius id fiat.

CAPUT II.

Ad frequentem & ferventem Communionem populum ſæpe hortentur Parochi & Concionatores.

CAPUT III.

Qui, vel quæ ex conſuetudine potius, & ad aliorum imitationem, quam ex devotione frequenter, aut quotidie communicare advertuntur, ad tam frequentem Communionem non facile admittantur.

CAPUT IV.

Doceant Parochi populum in abſolutione, quæ datur poſt Sacram Communionem, non eſſe niſi purum vinum: & proinde, quantum fieri poterit, non ex calice ſacrato, ſed alio vaſculo porrigatur.

CAPUT V.

In patenis calicum nullæ deinceps ſiant ſculpturæ, vel cœlaturæ: ipſæ autem patenæ, quantum fieri poteſt, ſint inauratæ.

CAPUT VI.

Ubi magnus eſſe ſolet in Paſchate, Natali Domini, & alias communicantium numerus, conſtituatur in loco ad hoc commodo Sacerdos aliquis, qui qualibet hora, etiam extra tempus Miſſæ, omnibus advenientibus Sacram Eucharistiæ adminiſtret.

CAPUT VII.

Prædeceſſorum noſtrorum veſtigiiſ inhærentes, comitantibus Venerabile Corpus Chriſti, quando ad infirmos deſertur, eundo decem, & redeundo etiam decem dies; iis vero, qui de nocte comitati fuerint, vel de die cum cædis aut candelis accenſis, viginti dies Indulgentiarum eundo, & totidem redeundo, concedimus.

CAPUT VIII.

Adoleſcentes, qui prima vice Eucharistiæ ſumere voluerint, ad eam non admittantur, niſi eos Parochus, Confessarius, vel Catechiſta, aliquot ante die-

F f f f 2

bus

bus examinaverit, & de vi & ratione Sacramenti diligenter instruxerit. Ut autem hoc observent fideles, Statutum illud frequenter pro suggestu inculcent parochi.

CAPUT IX.

Confraternitates Corporis Christi in omnibus locis, saltem celebrioribus, erigi optamus.

TITULUS X.

De Sacramento Ordinis.

CAPUT I.

Ordines suscepiendi accedant cum tonsura & habitu decenti, Ordineque suscipiendo convenienti.

CAPUT II.

Parochi, & alii, ad quos spectat, nomina & desiderium eorum, qui ad singulos majores Ordines volent promoveri, publice in Ecclesia intra Missarum solemnias proponant: & de ipsorum ordinandorum natalibus, ætate, moribus & vita a fide dignis diligenter inquireant: ac literas testimoniales ipsam inquisitionem factam continentes, parochi quidem ad Decanum Christianitatis clausas & subsignatas, ipsius Decani testimonio roborandas, alii ad Nos etiam subsignatas; Decani vero easdem suo testimonio roboratas & clausas, per ordinandos ad Nos transmittant. Quod si ordinandi extra locum Nativitatis habitent, a parocho, vel alio Superiore loci residentie suæ, morum & vite testimonium similiter clausum adferre teneantur.

CAPUT III.

Qui ad Subdiaconatus Ordinem erunt promovendi, præter testimonia jam dicta habeant etiam Titulum Beneficii Ecclesiastici, vel Patrimonii: & si quidem titulus Beneficium fuerit, ejus valorem examinant Decani, suaque subscriptione illius veritatem testabuntur, aut literis clausis defectum, quem adverterint, Officiali nostro significabunt; omnino autem insufficientem rejicient. Si vero Patrimonium fuerit, literas authenticas adferant in pergamento a Scriba Magistratus subsignatas, vel alias, pro consuetudine loci vali-

das, quæ contineant hypothecam Tituli, ejusque valorem, ac patris, matris, vel alterius donatoris ex præscripto legum municipalium realem cessionem, vel successionem, cum simili subscriptione Decani.

CAPUT IV.

Qui autem ad Diaconatus, vel Presbyteratus Ordines erunt assumendi, etiam ministrationis in Ordine suscepto, testimonium a Parocho, vel alio fide digno subscriptum adferre teneantur.

CAPUT V.

Sacro Presbyteratus Ordine initiati, primam suam Missam intra quadraginta dies ab ordinatione celebrent: neque diutius sine nostra licentia differant: ac in hujusmodi celebritate ab omni insolentia, excessu & choreis abstineantur.

TITULUS XI.

De Sponsalibus, & Sacramento Matrimonii.

CAPUT I.

AD Sponsalia contrahenda, nulli in posterum admittantur, nisi in manibus parochorum affirmant, se vere existimare nullum inter ipsos Canonicum impedimentum intercedere, ratione cujus Matrimonium contrahere non possent.

CAPUT II.

Si quis in extrema ægritudine constitutus, in favorem legitimandæ prolis Matrimonium contrahere cupiat, & non possit ad Nos ejus desiderium commode referri; permittimus, ut ommissis tribus proclamationibus, præsentem parochum, & duobus vel tribus testibus, etiam in privatis ædibus (nisi Canonicum illud obster impedimentum) Matrimonio conjungi possit.

CAPUT III.

Quod alias constitutum est, & quibusdam in locis minus exacte observatum, innovantes, omnibus parochis prohibemus, ne quos ad Matrimonium contrahendum admittant, nisi Orationem Dominicam, Salutationem Angelicam, & Symbolum Apostolorum,

præcepta Decalogi & Ecclesiæ sciant, & pro suo capto intelligant.

CAPUT IV.

Si contrahentes diversarum Parochiarum, Decanatum, & Episcopatum existant, sine literis alterius parochi, Decani vel Episcopi, eorum sigillo munitis, ad Matrimonium non admittantur; ita quod parochus parochus, Decanus Decano, & Episcopus Episcopo literas suas dirigant. Parochus vero, qui sine huiusmodi literis eos Matrimonio conjungere, aut benedicere præsumpserit, a Divinis uno mense suspendatur, aut alias arbitrio nostro, seu Officialis nostri puniatur. Continebunt porro dictæ literæ præter testimonium vitæ, etiam quamdiu personæ desponsæ, aut earum altera, in parochia, Decanatu, Episcopatu habitaverint.

CAPUT V.

Omnibus parochis præcipimus, ut his saltem in anno pro suggestu populo impedimenta, quæ Matrimonium impediunt, vel dirimunt (ut in Manuali nostro recensentur) diligenter exponant: in quo, si negligentes deprehensi fuerint, severe ab Officiali nostro eos puniri mandamus.

CAPUT VI.

Antequam ad Matrimonium admittant affidatos, diligenter etiam secreta ab iis (& præsertim puellis) inquirant parochi, an libere, an vero coacte, contrahant: & si quomodolibet coactos deprehenderint, aut minus liberos, vel Matrimonium differant, vel omnino illud non celebrent. Et si ipsi parochi (quod absit) illius coactionis complices, focii aut conscii fuerint, & nihilominus ad Matrimonii contractum processerint, præter excommunicationem, quam ipsi de jure ipso facto incurrunt, volumus, ut ab Officiali nostro graviter puniantur. Excommunicationem etiam incurrunt omnes illi, qui quovis modo, directe vel indirecte subditos suos, vel quoscunque alios cogunt, quominus libere Matrimonia contrahant. (f).

CAPUT VII.

Parochi sæpe hortentur patres & matres, ne ullo modo liberos ad Matrimonium cum certis personis cogant, sed obtemperare nolentes rationibus ad consensum inducant. Filios autem & filias vicissim admoneant, doceantque non esse contemnenda in re tanti momenti & parentum & seniorum sana consilia.

CAPUT VIII.

Matrimonium, libertati consulere volentes, penas pecuniarias in contractu antenuptiali, quarum metu contrahentes ad Matrimonium inviti, aut minus liberi compellantur, improbamus: ideoque tam contrahentes, quam huiusmodi contractibus assistentes, & Notarios monemus, ut a tali penarum appositione & stipulatione penitus abstineant.

CAPUT IX.

Sponsalia contracta non dirimant Parochi, sed rei cognitionem ad Officiale nostrum remittant.

CAPUT X.

Eos, qui sceminam quamcunque uxoris loco publice fovent, si liberi sunt, ad Matrimonium contrahendum hortentur parochi: parere nolentes, ad promotores, aut Officiale deferant.

TITULUS XII.

De Sacramento Extremæ Unionis.

CAPUT I.

Sacramentum istud quamquam non sit de necessitate salutis absoluta, diligenter administrent Parochi: & quatenus fieri potest, per se, raro autem per Substitutos morientibus adfint: eum in extremo huiusmodi conflictu, pastorum opera maxime indegeant fideles.

CAPUT II.

Frequenter moneant subditos suos, & ostendant non esse differendum tam salutare Sacramentum ad extremam ægritudinem, salamque illorum opinionem convellant, qui arbitrantur iis

Fff f 3

(f) Conc. Trid. Sess. XXIV. C. 9. de Reform. Matr.

ex hac vita necessario migrandum esse, qui hoc Sacramento sunt muniti: cum nimis impium sit existimare, Sacramenta ad animarum salutem instituta, corporibus mortem adferre, aut accelerare.

CAPUT III.

Doccantur autem omnes, hujus Sacramenti susceptione, neminem impediri a condendo testamento, seu alia bonorum temporalium dispositione.

CAPUT IV.

Omnibus nostræ Diœcesis Christi fidelibus, qui Sacrum infirmorum Oleum, quando ad ægrotos inungendos deferretur, comitati fuerint, eundo decem, & redeundo etiam decem dies Indulgentiarum in Domino conferimus: iis vero, qui id de nocte præstiterint, viginti dierum Indulgentiarum eundo, & totidem redeundo, impartimur.

CAPUT V.

Piam & olim usitatam consuetudinem aliquid ex testamento legandi Ecclesiæ Cameracensi ut matri, in usum revocari curent Parochi, & Notarii testamentorum Scriptores; idque ad conservandam Ecclesiæ matri debitam reverentiam.

TITULUS XIII.

De Funeribus, Sepulturis & Exequiis.

CAPUT I.

IN sepeliendis corporibus defunctorum, etiam infantium, servantur formulæ in nostro Manuali præscriptæ.

CAPUT II.

Brevem semper exhortationem habeant Parochi in sepultura & exequiis defunctorum, antequam populum a loco sepulture dimittant; in eaque ad seriam mortis cogitationem, & præparationem, atque ad orandum pro defunctis omnes hortentur.

CAPUT III.

In orationibus funebribus ita discrete se gerant Concionatores, ut assentionem omnem fugiant, & non nisi ob veras & compertas virtutes defunctos laudent.

TITULUS XIV.

De Oblationibus, Decimis, & portione Canonica.

CAPUT I.

NOva gazophylacia, seu truncos (ut vocant) in Ecclesiis sine nostra licentia poni vetamus.

CAPUT II.

Antiquo Diœcesis nostræ Decreto & dudum receptæ consuetudini inhaerentes, excommunicatos a Canone declaramus, & excommunicatos generaliter denunciari mandamus, quotquot fraudem & dolum in decimis lanarum, vellorum, agnorum, & aliarum rerum committunt.

CAPUT III.

Quæ de portione Canonica salubriter sunt constituta, ea observentur, & debitæ executioni mandentur.

TITULUS XV.

De recta Bonorum Ecclesiasticorum administratione.

CAPUT UNICUM.

ECclesiarum bona a fidelibus in animarum suarum refrigerium, atque ad Catholicæ Religionis, Divinique cultus perpetuationem relicta, & a Prædecessoribus diligenter conservata & aucta, qua par est diligentia etiam Nos conservari cupientes; mandamus, ut quæcumque ab iisdem sunt constituta, exacte observentur; & insuper Decanis Christianitatis præcipimus, ut eos, qui hac in re negligentes deprehensi fuerint, ad Nos deferant, pro modo culpæ arbitrio nostro puniendos.

TITULUS XVI.

De Clericis in genere.

CAPUT I.

Qui in Sacris sunt constituti, habitu Ordini suo conveniente utantur, ac non nisi cum pileo, seu bireto Clericali in populum prodeant, & ad Ecclesias accedant.

CAPUT II.

Cum indecorum sit Ecclesiasticos se se negotiis sæcularibus immiscere, multo

multo minus decet eos alienas decimas colligendas, terras aut prædia excolenda accipere: a qua negotiatione & rebus sæcularium tractandis ut in posterum abstineant, districte mandamus.

CAPUT III.

Ad officium Clericaturæ, Matricularii, seu Custodis, non admittantur, nisi prima tonsura insigniti: neque vilem aliquam artem exercent.

TITULUS XVII.

De Episcopis.

CAPUT UNICUM.

QUæ de officio Episcopali in Generali Tridentina Synodo, & Provincialibus Cameracensibus, sancte fuerunt constituta, quantum cum Divinæ gratiæ adiutorio in Nobis erit, operam dabimus, ut ea exacte observentur: in Domino confidentes, Clerum nostrum, & maxime Prælatos, ac alios in Ecclesiastica dignitate constitutos, ad eorum executionem Nobis futuros fideles & voluntarios Cooperatores.

TITULUS XVIII.

De Capitulis & Canonicis.

CAPUT I.

OMnes Divina per se, & non per Substitutos compellantur obire officia.

CAPUT II.

Curent Ecclesiarum Superiores exacte observari Decreta postremæ Synodi provincialis, tum alia hujus Tituli, (g) tum ea, quæ sunt C. 15. & 17.

CAPUT III.

Fidei professionem ab omnibus Canonicis in prima eorum receptione, juxta formam a PIO IV. præscriptam, integre fieri mandamus.

CAPUT IV.

Distributiones, quæ in Ecclesiis fieri solent, vel debent, in posterum non fiant; in Matutino quidem Officio, ante *Benedictus*, & in Vespertino, ante *Magnificat*; in Missa vero ante Communionem Sacerdotis: nec earum participes esse censeantur, qui ab initio

cujusque Officii, ad finem usque (legitimo cessante impedimento) Choro non interfuerint.

CAPUT V.

Singulæ Ecclesiæ Collegiatæ habeant Synodalia Decreta, compacta, & in Capitulo asservata.

TITULUS XIX.

De Pastoribus.

CAPUT I.

ANtecessorum nostrorum Decreta tam antiqua, quam nova, ac etiam Concilii Tridentini, quæ nostræ Dicecesis parochos concernunt, in singulis Decanorum, Capitulis, successive per partes saltem legantur: sintque congregationes seriæ; refectio autem brevis & sobria.

CAPUT II.

Habeant omnes Parochi ut minimum Biblia Sacra, Catechismum Romanum ad parochos, & parvum Catechismum vernaculum, Concilium Tridentinum, Directorium Polanci, & alium Summistam, ac Homiliasten aliquem probatum in totius anni Evangelia.

CAPUT III.

Nunquam intermittant Parochi, quin per se, vel per alios idoneos, si legitime impediti fuerint, saltem Dominicis & Festis solemnioribus plebes sibi commissas pro sua & earum capacitate pascant salutaribus verbis.

CAPUT IV.

Conciones autem eorum sint brevæ, nervosæ, & horæ unius spatium non excedant, etiam inclusis monitionibus Dominicalibus, seu mandatis, quæ juxta instructionem in Manuali nostro præscriptam, & laudabilem ac antiquissimam Ecclesiæ consuetudinem, fieri præcipimus.

CAPUT V.

Doceant, quæ scire omnibus necessarium est, annuntiando eis cum brevitate & facilitate sermonis salutarem fidei doctrinam, vitia, quæ declinare, & virtutes, quas sectari oporteat, ut poenam æternam evadere, & cælestem gloriam consequi valeant.

CAPUT

CAPUT VI.

Populum cohortationibus & admonitionibus ad religionem & pacem, innocentiamque accendant, dissidentes ad concordiam revocare studeant: sint proinde ipsi vel maxime religionis, vel veræ pietatis insignes cultores, pacis studiosi, innocentia & puritatis nomine commendabiles: a dissidiis vero & odiis ita prorsus abhorreant; ut se se veros animarum Curatores, non autem in Clero dominantes exhibeant: Qui in his deliquerint, sine ulla dissimulatione aut privata affectione a Decanis ad Nos deferantur.

CAPUT VII.

Nemo de cætero virtute solius admissionis, vel etiam collationis alicujus beneficii curam animarum annexam habentis, in Ecclesia ipsius beneficii administrare præsumat, nisi prius institutionem Canonicam, possessionem, & curam animarum acceperit: alioqui fructibus illius anni privatus existat eo ipso.

CAPUT VIII.

Decani Christianitatis singulis annis suos Districtus visitent, & suarum visitationum articulos in scriptis (eorum copia sibi retenta) ad Nos ante Kalend. Septemb. transmittant.

CAPUT IX.

Prohibemus Parochis, ne pastoralibus domibus, quæ exstant, relictis, alias inhabitent: & ubi est fundus pastoralis, in alio non ædificent. Si fecerint, arbitrio nostro multa indicta puniantur.

CAPUT X.

Si quando Presbyteri curam animarum habentes, ex causa legitima a suis Ecclesiis ad breve tempus abesse debebunt, alium Sacerdotem idoneum, & a Nobis ad Sacras Confessiones audiendas, & Sacramentorum administrationem admissum, substituant: vel vicino Presbytero curato suas vices committant.

TITULUS XX.

De Regularibus & Monialibus.

CAPUT I.

Non patiantur Sanctimonialium Præfecti & Præfectæ quemquam,

etiam ejusdem sexus, ad loca regularia admitti, quovis prætextu vel colore etiam vestitionis aut professionis, sub poena excommunicationis, tam in admittentes, quam in ingredientiæ: currentque dicti Superiores Decretum istud publicari; quotiescunque ejusmodi solemnitates occurrunt, & ejus copiam valvis clausuræ affigi.

CAPUT II.

Religiosorum Superiores nonnisi graves, pios, maturos, & observationum Regularium studiosos viros, Novitiis formandis præficient, qui eos in mortificatione, humilitate, charitate, cæterisque virtutibus, probe instituant; tales quoque Magistras suis Novitiis præbeant Sanctimonialium Præfectæ.

TITULUS XXI.

De Scholis.

CAPUT I.

Scholis etiam, in quibus prima literarum rudimenta docentur, nonnisi matura ætate viri præficiantur, si possint haberi.

CAPUT II.

Easdem Scholas in oppidis præferim, & aliis locis celebrioribus simul non frequentent pueri & puellæ: sed viri masculis, feminæ puellis, quantum fieri potest, instruendis præsent.

CAPUT III.

Curent ejusmodi Scholarum Præfecti & Præfectæ singulis diebus Profectis ex Catechismo vernaculo aliquid a singulis recitari; diligentemque navent operam, ut quamprimum sciant omnes memoriter Orationem Dominicam, Salutationem Angelicam, Symbolum Apostolorum, & Præcepta Dei & Ecclesiæ: diebus vero Dominicis, & aliis, quando lectio Catechistica habetur, discipulos suos ad eam deducant.

TITULUS XXII.

De Foro, Jurisdictione, & Immunitate Ecclesiastica.

CAPUT UNICUM.

Decreto S. Concilii Tridentini inhaerentes, quo statuimus, ut in singu-

singulis Conciliis Provincialibus aut Diocesanis, aliquot personarum, quæ qualitates habeant, juxta Constitutionem BONIFACII VIII. quæ incipit: *Statutum*, & alioquin ad id aptæ designentur, ut præter Ordinarios locorum, iis etiam causæ Ecclesiasticæ & spirituales, atque ad forum Ecclesiasticum pertinentes, in partibus delegandæ committantur; nominamus infra scriptos, videlicet Venerabiles Viros & Dominos, *Robertum de la Hamaide*, Præpositum: *Carolus du Cornet*, Archi-Diaconum Cameracensii, J. U. Licentiatos: *Valerianum du Flos*, Archi-Diaconum Brabantiae, Decretorum & Legum Doctorem: *Valentinum Collart*, Archi-Diaconum Hannoniae: *Nicolaum Goubille*, Decanum: *Petrus Preud' Homme*, *Amandum Marlart*, *Adolphum Blyleven*, & *Gabrielem Broude*, etiam J. U. Licentiatos, & Ecclesiæ nostræ Metropolitanæ Canonicos.

TITULUS XXIII.

De Usuris.

CAPUT UNICUM.

UT, qua possumus ratione, occurramus usuris, quæ hoc calamitoso tempore in mutuo, venditione, & aliis contractibus palliatis & simulatis invaluerunt: omnes illos & singulos, qui hujusmodi contractus inierint, ac Notarios & testes, qui doli ac fraudis consensu interfuerint, excommunicationem ipso facto incurrere declaramus.

TITULUS XXIV.

De Synodo.

CAPUT I.

CUM ex antiqua & laudabili consuetudine Synodus, & Congregatio Decanorum Christianitatis nostræ Diocesis ad diem S. Remigii in capite

Octobris quotannis haberi soleat: declaramus eam Synodum fore apertam non solum ipsis Decanis, sed etiam aliis omnibus, quos ad præsentem Synodum convocavimus, eosque ex nunc, prout ex tunc convocamus, ut personaliter, vel per Procuratores legitimos, singulis annis compareant, aut si quid exponendum habeant, id tempestive rescribant, ut desuper in ea Congregatione, quod æquum fuerit, statuere valeamus.

CAPUT II.

Et quia frustra conduntur Leges, nisi etiam obtineantur: omnibus Prælati, Decanis, Parochis, Concionatoribus, aut aliis Presbyteris & Beneficiariis Nobis subditis, mandamus, & exemptos in Domino hortamur; ut præter duas Provinciales Synodos, etiam hujus Decreta intra duos menses a tempore editionis eorundem, sibi comparent, & quæ populum concernunt, in suis concionibus exponant; etiam omnia (sicut & antiqua quatenus eis derogatum non sit) ipsi diligenter perlegant & observent, & a suis subditis observari curent, sub penis in iisdem contentis.

LECTA & publicata fuere hæc Decreta, de mandato Illustrissimi & Reverendissimi Domini, Domini GUILIELMI DE BERGES, (C) Dei & Apostolicæ Sedis gratia Archi-Episcopi & Ducis Cameracen. &c. in Aula Synodali Palatii Archi-Episcopalis, per Nos *Adolphum de Blyleven*, & *Jacobum Franco*, Ecclesiæ Metropolitanæ B. MARIE Cameracen. Canonicos, dictæ Synodi Secretarios, anno Domini M. DC. IV. mensis Octobris die sexta.

ADOLPH. DE BLYLEVEN.
JAC. FRANÇO.

(C) GUILIELMUS DE BERGES, quem avito Baronum Grimbergenfium atque Illustri ortum Steminate, Brabantia vidit, Generis sui splendorem miris, quæis & animos in se omnium & amores convertebat, virtutibus, variisque, ad quas non uno eventus Belgii loco fuit, dignitatibus haud parum auxit. Leodii in Cathedrali S. Lamberti Decanum agens, Antverpiam evocatur, Pædo ibidem Episcopali ac Mitra exornandus. Inde Archi-Episcopali huic præfectus Sedi, dignissimum se se tanto officio Virum, Pastorem, Patremque exhibuit. Pietatem in eo singularem, & assiduum Sanctimoniam studium non Domestici solum, sed & exteri mirabantur. Gregem curæ suæ creditum dum piis pascibat, recreabatque monitis (quod quidem pro muneris sui conditione agebat frequentissime) eadem, quo saperent me-

Tomus VIII. Concilior. German.

G g g g

lius,

lius, ac felicius prodesse, orationis suavitate, comitate morum & modestia, pulcherrimo demum infantis vitæ exemplo, ceu totidem lectissimis condire aromatis prius ipse adlaborabat. Sensere Præfulis optimi munificentiam Ecclesiæ Leodienfis, Antverpiensis, & Cameracensis, quas pretiosis, & excitandæ Christiani Gregis religioni aptis ornamentis instruxit. Palatio Episcopali non ita sibi, quam Successoribus suis ampliato, obiit quinto post Synodum hanc Provinciale, cujus ipse Autor Caputque fuit, anno, 25. Aprilis 1609., ætatis supra quinquagesimum octavo, Antistes vita longiore dignus.

Vide Moreri Dict. Castil. Sac. Belgii Chronol. Foppens Biblioth. Belgicam.

SYNODUS NAMURCENSIS

Eodem anno MDCIV. 17. Octobris

IN ECCLESIA CATHEDRALI CELEBRATA,

Præsidente Reverendissimo in Christo Patre & Domino, D. FRANCISCO BUISSET, Episcopo Namurcensi.

FRANCISCUS BUISSET, DEI ET APOSTOLICÆ SEDIS GRATIA
EPISCOPUS NAMURCENSIS, UNIVERSO CLERO AC POPULO SUÆ
DIOCESES.

Quemadmodum sapientes olim viri dixerunt; Leges esse animam Civitatis, & scilicet esse ejus statum, prout bonis aut malis Legibus gubernatur: ita non minus vere dici potest, ipsarum Legum animam esse promptam ac voluntariam earundem observationem. Nam & Civitas muris cincta, sed omni Legum ac civilis politiæ præsidio destituta, in qua proinde suo quisque vivit arbitrio; Civitatis quidem nomen retinet, sed re ipsa Civitas non est, & Leges etiam pulcherrimis verbis conceptæ, & gratissimo ordine dispositæ, quamdiu chartis aut libris clauduntur, nec ipsa praxi in publicum prodeunt, ultimam suam formam seu perfectionem non habent, ideoque Sapientum judicio, honorificam illam Legum appellationem non merentur. Quæ causa fuit, cur omnis sapientiæ fons & auctor Deus, tanto studio olim Legum suarum ac cælestium præceptorum observationem, etiam amplissima mercede proposita, & populo suo promissa, passim in Scripturis Sanctis, & maxime per os sapientissimi Salomonis commendaretur. Sic enim ille suavissimis verbis, & miro certe affectu: (a) *Fili mi, ne obliviscaris legis meæ, & præcepta*

mea cor tuum custodiat; longitudinem enim dierum, & annos vitæ, & pacem apponent tibi; misericordia & veritas te non deserant, circumda eas gutturi tuo, & rescribe in tabulis cordis tui, & invenies gratiam & disciplinam bonam coram Deo & hominibus. Et iterum: (b) Conserva, fili mi, præcepta Patris tui, & ne dimittas legem Matris tuæ, ligæ ea in corde tuo jugiter, & circumda gutturi tuo. Cum ambulaveris, gradientur tecum, cum dormieris, custodiant te, & evigilans, loquere cum eis: quia mandatum lucerna est, & Lex lux, & via vitæ increpatio discipline. Quo admirabili loquendi genere non aliud insinuat, quam summa cura ac diligentia, & assiduo studio, mandata Dei, qui primus ac præcipuus nobis Pater, & præcepta Ecclesiæ, quæ charissima Mater nostra est, servanda esse, sicut pretiosissimæ gemmæ & aurea monilia, quæ collo appendi & circumdari, ac die ac nocte diligentissime asservari solent. Causam autem elegantem subdit Rex prudentissimus, ob quam hoc tanto studio urgeat & commendat, quia mandata Divina sunt nobis loco lucernæ, & cælestes illæ Leges loco lucis, quæ depulsis ignorantie tenebris viam nobis ostendunt, qua incedendum, ut secure aliquando perveniamus ad vitam æternam.

(a) Prov. 3.

(b) Prov. 6.

æternam ; quod thesauri omnes, ac gemmæ etiam preciosissimæ, in quibus custodiendis tantopere laboratur, præstare non valent. Inter cætera autem Sanctæ Matris Ecclesiæ præcepta semper habita fuerunt, quæ Summi Pontifices, atque inferiores Episcopi, alique Prælati Ecclesiam regentes & representantes, in suis Conciliis Generalibus aut particularibus legitime congregatis suis subditis tradiderunt, de quorum numero hæc sunt, quæ nuper in prima nostra Synodo Diocesana de consilio atque unanimi consensu Patrum, qui eidem interfuerunt, ad maiorem Dei gloriam, & Sanctæ Ecclesiæ decus atque ornamentum, nec non communem vestram omnium salutem decrevimus, atque edidimus. Sed quis erit fructus laborum nostrorum, si Leges tantum mortuas, ac prorsus inanimas condiderimus, si Statuta, quæ fecimus, nullum spirant virtutis odorem, nullum edant motum seu mutationem vitæ in melius, nec ullo alio signo testentur sibi infusum spiraculum vitæ ? Non alius certe, quam fructus abortivus, quem non sine dolore pro-

pria intuetur Mater, nec nos intueri unquam poterimus. Superest ergo, ut quod nos (materiam his Legibus aut Statutis subministrasse contenti) vobis reliquimus, illis infundatis animam : hic vester honos, hæc vestra gloria, quam non tantum non invidemus vobis, sed etiam ardentibus votis optamus, speramusque aliquando fore, ut & nos votorum compotes, & vos tanti honoris participes effecti Sanctissimæ Trinitati, in cuius nomine fuimus congregati, gratias simul omnes referamus, quod his Legibus pœna constituta, sed secuta non fuerit, quod iis magis virtutis amore, quam formidine pœnæ obtemperaveritis, quod antequam plenum ac consummatum Ecclesiam DEI opprimat naufragium, prout tam diuturna tempestas huic afflictissimo Belgio incumbens jam dudum minatur, vos una mecum hanc exiguam ratem mihi commissam velis ac remis in portum tranquillum ac securum deduxeritis, gaudium meum & corona mea, valete in Domino, & eundem pro me orate, Amen.

O R A T I O

*Habita a Reverendissimo Domino EPISCOPO NAMURCENSI
prima die Synodi, quæ fuit 17. Octob. anno 1604.*

O Præm, Reverendi Patres, & in Christo carissimi Fratres ac Filii mei, talem esse totius hujus meæ Diocesis statum, quod nulla penitus reformatione, nulla ad reformandum consultatione, nullo denique ad consultandum labore indigeret : sed quando in hæc tam infelicia Sæcula incidimus, ut, si unquam alias, certe nunc passim bono femini, quod optimus Pater familias in agro Ecclesiæ seminavit, inimicus homo superseminavit zizania ; vos in hunc finem huc alacres convenisse gaudeo, ut conjunctis animis atque consiliis, qua meliore ratione ista extirpari, & fructus optimus ex bono illo semine expectari, & aliquando a nobis omnibus & subditis nostris cum exultatione plenius manipulis colligi possit, serio dispiciamus. Hæc enim semper fuit via, a Majoribus nostris sapientia & sanctitate admirabili præditis viris, probata & electa, ut in summis Ecclesiæ periculis, modo ad Generalia ex toto orbe Christiano a Summis Pontificibus, modo ad Provincialia ab Archiepiscopis convocata Concilia, modo etiam

ad particulares ab Episcopis in suis Diocesisbus coactas Synodos libenter & frequenter convenirent : multis quidem, sed tribus potissimum de causis. Primum ad condemnandas, & extinguendas nascentes hæreses : deinde ad sopiendas Catholicorum inter se dissensiones & controversias : postremo ad extirpandas spinas vitiorum, inferendaque animis mortalium nova semina cælestium, Divinarumque virtutum. Non quod Summus Pontifex non possit solus aut hæreses condemnare, aut controversias componere, aut toti Ecclesiæ utiles Leges præscribere, & quivis Episcopus Clero & populo suo, salutaria Decreta condere & promulgare, sed quod, ut in morbis & vulneribus corporibus, ita & in spiritualibus frequenter eveniat, ut qui illis sanandis adhibetur, non sibi soli fidere auit, sed cum aliis peritis communicato consilio, sibi persuadeat, majori securitate agrotis suis etiam alias sibi cognita applicare se posse remedia. Unde Sancta Dei Ecclesia tanti semper fecit periculum novarum hæresum, ut non putaverit eis

Tomus VIII. Concilior. German.

G g g g 2 aliter

aliter posse resisti, quam si omnes, aut certe permulti Principes Ecclesiæ, conjunctis viribus & quasi agmine facto irruerent in hostes fidei. Hinc legimus septem prima Concilia Generalia congregata fuisse, ut ejusmodi hæreses novas condemnarent. Nec minus cordi habuerunt præsci illi Patres sanctam morum reformationem, de qua omnia fere Concilia pulcherrimos & maxime salutares Canones ediderunt, adversus corruptelas & abusus suorum temporum. Quod si Summus ille Christi in terris Vicarius, cui soli in persona Petri dictum est: (c) *Pasce oves meas*, cui ipse Christus suum nempe solidæ & immobilis Petræ nomen imposuit, adversus quam *Portæ inferi non prævalebunt*, (d) qui solus Judex est omnium controversiarum, & cui (ut D. Cyprianus loquitur (e)) obtemperare debet fraternitas universa, in rebus tamen magni momenti soli suo judicio non fedit, sed adhibet in consilium Sacrum Cardinalium Senarum, convocat Episcopos, & alios Ecclesiæ Prælatos, & ex eorum suffragiis suas leges condit, & judicia decernit; quid nos facere par est, qui quanto inferiores & infirmiores sumus, tanto pluribus auxiliis indigemus? Hoc certe olim etiam Sanctissimi & Sapientissimi Episcopi non solum ingenue fassi sunt; sed etiam re ipsa comprobaverunt. Nam idem Clarissimus Martyr Cyprianus (f) ad Stephanum de se ipso & contemporaneis Episcopis scribit: *Necesse habuimus, convenientibus in unum pluribus Sacerdotibus, cogere & celebrare Concilium*. Sed quid opus est aut Episcopos, aut Summos Pontifices proferre in medium, cum salutaris hujus institutionis Christum ipsum Dominum nostrum autorem habeamus? Ut apertissime colligitur ex ejus doctrina, qua correptionis fraternæ & modum & ordinem præscribit: (g) *Si peccaverit in te frater tuus, vade & corripe eum inter te & ipsum solum, si te non audierit, adhibe tecum adhuc unum vel duos, ut in ore duorum vel trium stet omne verbum, quod si non audierit eos, dic Ecclesiæ*. Quod idem est, ac si ipse, ut futurorum omnium præsciis, nos instruens aperte diceret: cum posthac, aucto discipulorum meorum numero, multa contingant, quæ singuli per vos haud facile poteritis componere aut definire, recurrendum vobis erit ad communem Prælatorum conventum. Sic enim intelligenda esse verba illa: *dic Ecclesiæ*, ipsemet paulo post insinuat, cum subjungit: Ubi sunt duo vel tres congregati in nomine meo, ibi sum in medio eorum. Et Apostoli sic interpretandum esse locum, suo exemplo docuerunt: quia

cum possent etiam seorsim definire controversias, quæ in ipsis nascentis Ecclesiæ initiis oriebantur; tamen ne viderentur negligere medium ordinarium ipsis a Christo demonstratum, controversiam de Legalibus Antiochiæ exortam, non sine Concilio definire voluerunt, sed eam ad congregationem Apostolorum & Seniorum, quæ Hierosolymis erat, retulerunt, quo & Paulus & Barnabas cum quibusdam aliis profecti sunt: ut patet ex Actis Apostolorum Cap. 15. ubi etiam & pluribus aliis locis ejusmodi congregationes, ab Apostolis factæ, Ecclesiæ appellantur.

Quamdiu autem laudabilis illa consuetudo ab Apostolorum Successoribus observata est, tamdiu Ecclesiastica disciplina in suo vigore permansit: at cum dormire, hoc est, ut Augustinus interpretatur, negligentius agere ceperunt Præfecti Ecclesiæ, suo forsitan judicio plus æquo fidentes, nec magnopere solliciti de aliis viris sapientibus & prudentibus in consilium adhibendis, facile fuit inimico homini bono semini superfeminare zizania pravarum opinionum, ac spinas & tribulos omnis generis vitiis. Non alium producum hujus rei testem, quam Augustissimum Imperatorem Justinianum, testem sane irrefragabilem, & ut dici solet, omni exceptione majorem: is enim novella sua constitutione 123. peccata, in quæ multi inciderant, in hanc unam causam rejecit, quod Synodi Religiosissimorum Sacerdotum, secundum eam, quæ a Sanctis Apostolis & Sanctis Patribus dicta sunt, non celebrarentur. Unde non mirum, si Sacrosancta Synodus Tridentina Metropolitanos moneat, ut pro moderandis moribus, corrigendis excessibus, controversiis componendis, aliisque a Sacris Canonibus permixtis, quolibet triennio Synodum in sua Provincia cogere non prætermittant, quo Episcopi omnes, & alii, qui de jure vel consuetudine interesse debent, convenire omnino teneantur: Synodos vero Diocesanas quotannis celebrari jubeat, & tam Metropolitanos, quam Episcopos, & alios hæc in parte negligentes, pœnas Sacris Canonibus sancitas incurrere declaret. Quod si ullis unquam sæculis necessarium fuit, ut Archi-Episcopi, & Episcopi, alique Prælati in hanc curam moderandi mores & corrigendi excessus suorum subditorum incurrerent, hoc certe tempore, quo orbem Christianum ante oculos nostros ruentem quotidie videmus, hoc onus omnibus incumbit, nisi velint perire cum perirentibus, & tanto majora aliis sustinere tormenta, quanto ipsi eos honore ac dignitate ante-

(c) Joan. 21.

(d) Marc. 16.

(e) Epist. 3. Lib. 1.

(f) Epist. 1. Lib. 2.

(g) Matth. 18.

antecellunt. Sed & Canonicis, Decanis ac Pastoribus, & Clericis omnibus hæc reformationis materia non minus cordi esse debet, si proprio suo honori ac salutis probe consultum esse velint, & Christi Sponsam Matrem suam Sanctam Ecclesiam aliquando videre optent suo honori & pristinae tranquillitati restitutam. Quod certe nunquam sperare debent, quamdiu ipsi Episcopis, aliisque suis Prælati, quantum in eis est, non cooperantur, nec prælucent populo sanæ doctrinæ radio, & sanctæ conversationis exemplo; ad quod etiam ipso jure naturæ obligantur: una enim est omnibus filiis obligatio communem Matrem fovendi, ejus honorem tuendi, ejus salutem procurandi. Certe Sancta Ecclesia nos omnes in utero suo cum labore portavit, & quamvis sine dolore peperit, ut quæ non tenetur sententia ob inobedientiam primæ Matris in alias omnes prolata, tamen non absque magnis impensis & sollicitudinibus nos hætenus educavit, & in hanc usque ætatem provexit, ab omnibus etiam jure suo reposcit in senectute suam illam antipelargiam, qua vicissim portetur, & quotidie generetur, nutriatur & protegatur a nobis: quod cum noverit a singulis præstari non posse, hoc expectat ab omnibus. Quis enim est, qui tanto oneri ferendo se parem agnoscat? Quis montem magnum, qualis Ecclesiæ Mater nostra fuit, suis humeris solus gestare possit? Certe sicut non simplex Clericus, non Sacerdos, non Religiosus, ita nec Pastor, nec Abbas, nec Episcopus. Quemadmodum enim generosus & fortis equus, quamvis omnes sui corporis nervos intendat, ut currum trahat per vias rectas, parum promovet, si alii plures etiam minores equi in contrariam partem nitantur: ita parum proficiet Episcopus, Abbas, aut Pastor, etiamsi toti in hoc incumbant, ut salutaribus monitis & aliis curæ Pastoralis officiis dirigant pedes subditorum suorum in viam pacis ac salutis, ni & alii inferioris ordinis Sacerdotes, eundem cursum teneant, & ad eandem metam ardentibus & continuis votis aspirent. Quod ne cui mirum fortasse videatur, rationem subjungam ex magno illo Gregorio, qui ab insigni rerum Divinarum scientia Theologi nomen accepit: is enim oratione funebri in Divum Basilium, & in suo Apologetico notat malitiam sæcunditate excellere probitatem. Ideoque facilis esse exemplis malorum bonos inquinari, quam bonorum stimulis malos ad virtutem impelli. Ergo necesse est, ut quotquot ab Ecclesiâ nomen habemus, simul eundem Ecclesiæ cursum trahamus, idem Christi jugum portemus, eandem viam, quam ipse nobis & verbo & exemplo monstrare dignatus est, simul omnes

sequamur, ut aliquando ad eandem, quæ nobis omnibus communis est, cælestem Patriam simul omnes pervenire valeamus. Quod si impedimenta nonnunquam occurrant in via, non ideo desperemus, non Principes, non Pastores nostros, tanquam malos viæ ductores, aut culpelemus, aut calumniemur, quin potius unusquisque nostrum sibi attribuere & imputare debet, quod in via Domini non progrediatur, quod adverso plerumque flumine naviget, quod etiam publica negotia felices non fortiantur successus, quod Ecclesiâ ipsâ diuturniorem persecutionem patitur, quod hostes ejusdem frequentibus victoriis inflantur, quod Tempia Deo ac Divis ejus dicata ab illis profanantur, vastantur, concremantur, quod imagines Sanctorum confringuntur, quod etiam in ipsum Christum impie sævitur, quod Divina & humana jura violantur, denique quod populus fidelis misere affligitur, & quodammodo opprimitur. Hæc omnia, & si quæ sunt graviora mala, sibi merito attribuent etiam viri Ecclesiastici, quoties omni proprio affectu deposito, attente meminisse volent officii sui. Quod enim est Ecclesiasticorum omnium proprium munus, etiam illorum, quibus animarum cura commissa non est? Nonne pro populo orare? pro ejus salute Deo Sacrificia offerre, ipsius iram placare, & pro avertendis a Republica Christiana ejus flagellis, eum assidue deprecari? Et quare preces eorum non exaudiuntur? quare tot Sacrificia, summæ alioquin virtutis & efficacis, suos, ut olim, hæc in parte effectus non operantur? quare post tot supplicationes publicas & privatas, Dei flagella, quæ cessare debuerant, potius in dies augentur & multiplicantur? & adhuc manus ejus extensa, gladiusque evaginatus ex utraque parte acutus, & arcus ejus continuo tensus, ac in eo aptatæ sagittæ non communes, sed quas ipse carbonibus ardentibus effecit, quæ proinde rotæ ignitæ sunt, & vera vasa, seu jacula, aut instrumenta mortis? Nonne ideo quia victimæ impiorum abominabiles Deo sunt, & cum is, qui displicet, ad intercedendum mittitur, irati animus ad deteriora provocatur? Nemo ergo jam mihi dicat: ego his malis principium non dedi, nullius hæreseos auctor fui, sed nec hæreticos aut alios impios homines ad sacrilegia illa, cæterosque excessus incitavi. Nam tu qui Prælati, aut Pastor es, agrum Domini colendum suscepisti, nascentes proinde in animis subditorum tuorum vepres & spinas pravarum opinionum, perversarum affectionum, & quorumcunque vitiorum salutaribus tuis monitionibus, ac bonæ vitæ exemplis, illiis extirpare debuisti: excute ergo primo te ipsum, antequam excutes, inter-

roga conscientiam tuam, quomodo in illo agro Domini excolendo, quomodo in illis vepribus, & spinis extirpandis, quomodo in feminandis bonis feminibus, te gesseris. Invenies fortassis te malis illis herbis non minus principium dedisse, quam si illas feminassēs, aut plantassēs, & tunc colligere poteris, an non aliqua grassantium jam passim hæresum culpa ad te pertineat. Tu vero, qui Sacerdos es, nullam animarum curam gerens, vel etiam simplex Clericus, bonis tamen Ecclesiasticis gaudens, ut minimum ingruente, aut jam præsentē persecutione, iram Dei adversus populum suum conceptam, tuis orationibus & Sacrificiis, jejuniis, ac aliis operibus bonis placare debuisti. Attende igitur, an in eum finem cum Daniele Propheta (b) posueris unquam faciem tuam ad Dominum Deum tuum, ut eum rogares & deprecareris, in jejuniis, sacco & cinere: Peccavimus, iniquitatem fecimus, Domine, in omnem justitiam tuam, avertatur, obsecro, ira tua & furor tuus a civitate tua Hierusalem, & a monte sancto tuo: propter peccata enim nostra, & iniquitates Patrum nostrorum, Hierusalem & populus tuus in opprobrium sunt omnibus per circuitum nostrum: nunc ergo exaudi Deus noster orationem servi tui, & preces ejus, & ostende faciem tuam super Sanctuarium tuum, quod desertum est, propter temetipsum inclina Deus aurem tuam, & audi, aperi oculos tuos, & vide desolationem nostram. Attende etiam diligenter, an priusquam orares, aut Sacrificia tua offerres, audieris Dominum per Isaiam tibi, cæterisque Ecclesiæ suæ Ministris dicentem: (i) *Lavamini, mundi estote, auferte malum cogitationum vestrarum ab oculis meis, quiescite agere perverse, discite benefacere, alioqui cum extenderit manus vestras, avertam oculos meos a vobis, & cum multiplicaveritis orationem, non exaudiam.* Recogita, an Beatissimi Apostoli consilium secutus adieris cum fiducia ad thronum gratiæ Dei, ut misericordiam consequeris, & gratiam invenires in auxilio opportuno: & an juxta Beati Jacobi doctrinam postulaveris in fide nihil hæsitans, alioqui non mirum, si nihil acceperis a Deo, quia, ut D. Bernardus ait, *indignus celesti benedictione esse convincitur, qui Deum dubio quarit affectu.* Postremo expende, an ipsius Christi exemplum secutus fueris, qui pernoctabat in oratione Dei, & an viduam severum Judicem interpellantem, & hominem ad apicem suum media nocte venientem, ac commodato tres panes petentem & obtinentem; denique an Chananeam mulierem post duram Apostolorum repulsam ad ipsum Christum pro filiae sanitatem clamantem, imitatus

fueris, hoc est, an cum perseverantia oraveris, quæ sola impetrat, & sola virtutum coronatur. Quod si aliter ad orandum, & Sacrificia tua Domino offerendum accesseris, non est, quod tibi blandiaris, quasi tu in culpa non sis, quod bellum, & pestis, & caritas rerum omnium, cæteraque Dei flagella tamdiu perseverent, & populus gemat sub pondere miseriarum omnium: tuum enim erat, non Episcoporum aut Pastorum tantum, his malis occurrere, ac Dei iram prævenire, aut saltem eundem jam iratum placare. Si vero non tantum hæc neglexeris, sed etiam tuis propriis peccatis eundem ad majorem iracundiam provocaveris, vel sero tandem te tantorum malorum causam agnosce, & oblata tibi a summo Medico efficacissima adversus hos morbos remedia, obviis ulnis amplectere. Sic sane olim Sanctissimus & Clarissimus Martyr & Episcopus Cyprianus Africæ calamitatem & devastationem Presbyteris & Diaconibus suis adscribebat, & imputabat, ut eos ad remedia opportuna querenda compelleret. Eos enim sic alloquitur: (k) *Intelligendum est & confitendum pressuræ istius tam turbidam vastitatem, quæ gregem nostrum maxima ex parte populata est, & adhuc usque populatur, secundum peccata nostra venisse, dum viam Domini non tenemus, nec data nobis ad salutem celestia mandata servamus: fecit Dominus noster voluntatem Patris, & nos non facimus Domini voluntatem, patrimonio & lucro studentes, superbiam sectantes, emulationi ac dissensionis vacantes, simplicitatis & fidei negligentes, sæculo verbis solis & non factis renuntiantes, unusquisque sibi placentes, & omnibus displicentes.* Vapulannus itaque. ut meremur, cum scriptum sit: *Servus qui cognoscit voluntatem Domini sui, & non paruerit voluntati ejus, vapulabit multis.* Quas autem plagas, quæ verbera non meremur, quando nec Confessores, qui exemplo cæteris ad bonos mores esse debuerant, teneant disciplinam? Itaque dum quosdam insolenter extollit confessionis sue tumida & inverecunda jactatio, tormenta venerunt, & tormenta sine fine tormentis, sine exitu damnationis, sine solatio mortis, tormenta quæ ad coronam non facile dimittant, sed tamdiu torqueant, quamdiu desiciant, nisi si aliquis Divina dignatione substractus, inter ipsa cruciamenta profecerit, adeptus gloriam non termino supplicii, sed celeritate moriendi. Hæc patimur delicto & merito nostro, sicut præmonuit Divina censura dicens: *Si dereliquerint legem meam, & in judiciis meis non ambulaverint, si justificationes meas profanaverint, & præcepta mea non observarint, visitabo in virga facinora eorum, & in flagellis delicta eorum.* Virgas igitur & flagella senti-

(b) Dan. 9.

(i) Isaiæ 1.

(k) Epist. 4. Lib. 4.

*sentimus, qui Deo per bonis factis placemus, nec pro peccatis satisfacimus. Hæc S. ille Episcopus de sui temporis persecutione, in qua multi vi ac diuturnitate tormentorum deficiebant a fide, & ideo suis privabantur coronis. Nos vero in hunc usque diem per Dei gratiam, tormenta non superant, sed a nostris vitiis omni torture crudelioribus turpiter superamur; tormenta quidem vicinorum nostrorum frequenter audimus, & eadem nostris cervicibus impendere non ignoramus, & tamen nec aliorum exemplis erudimur, nec nostris periculis emendamur, sed tales nos exhibemus, quales D. Gregorius (1) Sacerdotes sui temporis describit his verbis: Nullum puto, Fratres charissimi, ab aliis majus præjudicium, quam a Sacerdotibus tolerat Deus, quando eos, quos ad aliorum correctionem posuit, dave de se exempla pravitatis cernit, quando ipsi peccamus, qui compescere peccata debemus, nulla animarum lucra querimus, ad nostra quotidie studia vacamus, terrena concupiscimus, humanam gloriam intenta mente captamus, & quia eo ipso, quo cæteris prelati sumus, ad agenda quelibet, majorem licentiam habemus, susceptæ benedictionis ministerium vertimus ad ambitionis argumentum; Dei causas relinquimus, ad terrena negotia vacamus, locum sanctitatis accipimus, & terrenis actibus implicamur. Si Sanctissimus ille Pontifex ante annos mille hæc dixit, & vere dixit de Sacerdotibus sui temporis, quid dicturus esset de nobis, qui plura fortassis & pejora committimus, quæ hujusmodi acrem reprehensionem justius mereantur? Quis ergo jam miretur diuturnam Ecclesiæ persecutionem? quis obmurmuret de felici hæreticorum contra Catholicos successu? quis non potius cum B. Hieronymo omnem rei veritatem ingenue fateatur, & dicat: *Nostris peccatis Barbari & Hæretici fortes fiunt, nostris vitiis Catholicus superatur exercitus; infelices nos, qui tantum displicemus Deo, ut per rabiem barbarorum & hereticorum illius in nos ira deserviat.* Alioqui nunquid abbreviata est manus Domini, ut salvere nequeat, aut aggravata est aures ejus, ut non exaudiat? Sed iniquitates nostræ diviserunt inter nos & Deum nostrum, & peccata nostra absconderunt faciem ejus a nobis. Illud unum nobis reliquum est, ut si Deum metuere in tranquillitate nolimus, eum saltem vel percussionibus attriti timeamus. Quod si & hoc facere renuimus, procul dubio erunt novissima nostra pejora prioribus: plus nempe exacerbat Deus, ut idem Cyprianus ait: quando nihil talia & tanta proficiunt: nam de eo graviter apud Jeremiam conqueritur: *Sine causa percussi filios vestros, disci-**

plinam non receperunt. At nos Reverendi Patres, Charissimi Fratres & Filii, si pœnas illas tam acriter ab ipso comminatas evadere volumus, disciplinam de paterna ejus manu libenter & alacriter recipiamus, agnoscantes nos mereri, quod patimur, & plura mereri, quam patimur; humiliemus ei, non tam corpora, quam animas nostras, hoc signo significantes, nos ab eo expectare remedium, qui intulit damnum. Denique tanquam veræ obedientiæ filii, obvis ulnis amplectamur omnium supradictorum malorum nostrorum remedia, quæ ipsæ per Spiritum suum Sanctum nobis exhibere dignatus est; pulcherrima videlicet & maxime salutaria Generalis Concilii Tridentini Decreta, eadem non tam memoriæ nostræ imprimamus, quam moribus nostris exprimamus, ad eorum normam totius vitæ nostræ cursum componamus, & alios, ut hoc ipsum præstent, serio & frequenter exhortemur: habemus in illis optima & sufficientia ad bene beateque vivendum Divinitus nobis tradita præcepta; non enim sine singulari Dei providentia factum est, ut celeberrimum illud Concilium tanto zelo a Paulo III. Summo Pontifice inchoatum, & injuria temporum toties intermissum, tandem aliquando, & quidem in diebus nostris a Pio IV. felicissime fuerit absolutum & confirmatum, ac ejus jussu per totum orbem Christianum publicatum. Quod summi beneficii loco omnes accipere, & pro eo summas quoque Deo Opt. Max. gratias agere debemus. Hic ergo sit præcipuus noster scopus in hac solemnî Congregatione, ut Decreta illius, quæ hætenus in hac Diocesi per Dei gratiam observata fuerunt, imposterum adhuc exactius ab omnibus observentur; quæ vero variis ex causis in hunc usque diem executioni demandata non sunt, conjunctis animis & viribus procuremus, ut quanto citius fieri poterit, debitæ executioni demandentur. Si quæ etiam alia sint, quæ pro felici directione hujus Diocesis digna sunt hoc confecti, convenienti ordine proponantur, & super omnibus ac singulis omnium vota ac suffragia exquirentur. Vestrum erit, Reverendi Patres, & Filii Charissimi, qui pro salute universæ Ecclesiæ, & maxime particularis istius, quæ mihi commissæ, & vobis tanquam in partem sollicitudinis meæ vocatis, commendata est, huc convenitis, toto hoc tempore, quo in hanc curam maximi sane momenti, simul incumbemus, purgatis primum ab omni forde peccati vestris mentibus, modestis, sobrietatis, castitatis, & pacis, seu mutæ concordie exemplis, omnibus prælucere, nec non assiduis, & ab humili ac contrito corde profectis precibus

Spiri-

Spiritum Sanctum invocare, ut huic congregationi prædicat, ut nos in omnibus propositionibus, consiliis ac resolutionibus nostris ad maiorem Sanctissimæ Trinitatis gloriam, & veram Ecclesiæ utilitatem dirigat; denique ut lucem suam cordibus no-

stris infundat, quæ ea; quæ agenda sunt, sine ullo errore videamus, & ad impienda, quæ viderimus, fortes & alacres, ejus quoque dono efficiamur. Quod nobis concedat, & vos benedicat, qui est benedictus in sæcula sæculorum. Amen.

INDEX TITULORUM

SUBSEQUENTIS SYNODI.

- | | |
|--|--|
| <i>TIT. I. De Professione Fidei, & eam conservandi studio.</i> | <i>VII. De prima Tonsura, Minoribus & Sacris Ordinibus.</i> |
| <i>II. De Scholis Parochialibus & Dominicilibus.</i> | <i>VIII. De vita & honestate Clericorum.</i> |
| <i>III. De Seminario Clericorum.</i> | <i>IX. De Canonici, Decanis ruralibus, Pastoribus & Mutriculariis.</i> |
| <i>IV. De Officio Divino.</i> | <i>X. De Regularibus & Monialibus.</i> |
| <i>V. De diebus Festis & Jejunis.</i> | <i>XI. De Bonorum Ecclesiasticorum conservatione.</i> |
| <i>VI. De Sacramentorum administratione.</i> | <i>XII. De Visitatione.</i> |

DECRETA

SYNODI DIOECESANÆ NAMURCENSIS,

ANNO DOMINI M.DC.IV. IN ECCLESIA CATHEDRALI
CELEBRATÆ,

Præsidente Reverendissimo in Christo Patre ac Domino, D. FRANCISCO BUISSET, Episcopo Namurcensi.

TITULUS PRIMUS.

De Professione Fidei, & eam conservandi studio.

CAPUT PRIMUM.

PRæmissa per Nos & universam hanc Synodum in nomine Sanctæ & Individuæ Trinitatis congregatam, publica Fidei Catholicæ & Apostolicæ Professione, juxta formam Constitutionis felicis recordationis PII Papæ Quarti, ut eadem fides, quæ hætenus per Dei gratiam in hac nostra Dicecesi pura & illibata permanfit, nostris etiam & futuris temporibus ab omni hæresum infectione præservetur: insequendo saluberrimum Generalis Concilii Tridentini Decretum, statuimus & ordinamus, ut similibus Fidei professio fiat ab omnibus, quibus deinceps in hac nostra Dicecesi de Dignitatibus, sive Regularibus, sive Sæcularibus, Canonicanibus, & aliis quibuscunque Beneficiis Ecclesiasticis curam animarum habentibus providebitur, idque in manibus nostris, vel coram Generali nostro Vicario, seu

Officiali, alioquin fructus non faciant suos, nec illis possessio suffrageatur.

CAPUT II.

Eandem Fidei professionem facient, quicunque ad Sacros Ordines promovebuntur, & omnes, qui posthac ad Synodum Dioecesanam convenient, & præcedenti non interfuerint, & qui in hæresim lapsi ad Ecclesiæ gremium revertentur.

CAPUT III.

Concionatores vero & Confessarii, cum ad prædicandum Verbum Dei, vel confessiones audiendas admittentur, Ludimagistri, Typographi & Bibliopola, fidem suam profiteri poterunt sub hac breviori forma. Ego N. omnia & singula, quæ continentur in Symbolo fidei, quo Sancta Romana Ecclesia utitur, & quæ a Sacris Canonibus, & Generalibus Conciliis, & præcipue a Sa-

cro-

crofancta Tridentina Synodo tradita, definita & declarata fuerunt, indubitanter recipio atque profiteor, necnon Romano Pontifici Summo in terris IESU Christi Vicario veram obedientiam spondeo ac iuro, simulque hæreses omnes ab Ecclesia damnatas & rejectas ego pariter damno & rejicio. Sic me Deus adjuvet, & hæc Sancta Dei Evangelia.

CAPUT IV.

Scabini autem, seu Senatores tam pagorum, quam urbium, aliæque publicæ personæ in Edicto piæ memoriæ PHILIPPI Secundi, Hispaniarum Regis, specificatæ; profiteantur fidem suam juxta similem formulam ibidem ad instantiam novissimi Concilii Provincialis Cameracensis insertam.

CAPUT V.

Quia vero parum prodesset Superiores ac Præfectos fidem Catholicam profiteri, ni & populus universus a teneris annis eam imbibat, & ipsorum Superiorum vigilantia in eadem facere & sedulo perseveret, monemus Prælatos omnes ac pastores, ut per se ipsos, aut alios viros doctos, Articulos fidei, Orationem Dominicam, Salutationem Angelicam, præcepta Decalogi, & Sanctæ Matris Ecclesiæ, & omnium Sacramentorum doctrinam populis sibi commissis frequenter explicant, & diligenter advigilent, ne ullus lupus inter oves versetur aut latitet, quod nulla meliori ratione deprehendent, quam si studeant cognoscere vultum pecoris sui, frequentiusque visitent domos & familias suorum subditorum, nec non singulis annis universos suæ curæ commissos doli capaces describant, & in Paschate Eucharistiæ Sacramentum non aliis, quam sibi confessis, aut alicui ex Confessoribus approbatis, administrent, & de ipsa confessione aliis facta fidem scriptam exigant, quam ipsi Confessores dare tenentur. Quod si qui tempore paschatis absuerint, quotusque in propria Parochia Eucharistiam sumant, nisi fidem authenticam adferant, quod alibi eam sumpserint, cum iis, qui non sumpserunt, ab Ecclesia arceantur vivi, & morientes careant Ecclesiastica sepultura, juxta Cap. *Omnis utriusque sexus*. De Penit. & Remiss.

Tomus VIII. Concilior. German.

CAPUT VI.

Cum autem periculosus sit venenum, quod acribus, quam quod ore hauritur, non sufficit, quod populus sana doctrina instruat, nisi etiam librorum, quorum lectio ei conceditur, diligens ratio habeatur: quocirca præcipimus Decanis & Pastoribus, ut sedulo intendant Librariis & Bibliopolis, ne ullos libros in suos districtus inferant, aut venales exponant, antequam eorum Catalogus sit a Nobis, aut nostris Vicariis approbatus. Ipsi vero Librarii & Bibliopolæ, præter prædictam Fidei professionem, juramentum præstent de non invehendis, nec secreto distribuendis libris prohibitis.

CAPUT VII.

Et quoniam pestiferi quoque sunt libri, qui continent magicas præstigias, diabolicas artes, & varias superstitiones, prohibemus etiam eos versari in manibus nostrorum Dicecesanorum, eosque frequenter doceri volumus a Prædicatoribus & Pastoribus, quam grave peccatum sit lectione ejusmodi librorum, ac multo magis praxi eorum, quæ continent, Christianum hominem occupari. Quod si nihilominus aliquos deprehenderint, qui hoc parvi pendentes, ejusmodi libros penes se habeant, & semel moniti eos dimittere nolint, Nobis significant, prout & eos, qui Sacra Biblia vulgari lingua penes se habent, absque nostra, aut Deputatorum a Nobis in scriptis obtenta facultate.

CAPUT VIII.

Eos vero, qui morbos aut vulnera tam hominum, quam brutorum animalium superstitionis remediis, quæ expressum vel implicitum pactum cum demonibus continent, curare præsumunt, vel ut in rerum deperitarum notitiam deveniant, divinatores consulant, seu alias superstitionibus utuntur, juxta Sacros Canones & Decretum prædicti Concilii provincialis Cameracensis excommunicatos in suis concionibus, publice denuntient, & gravitatem hujus delicti, quia hodie frequens est, frequenter suis subditis & auditoribus exponant, & si quos hoc vitio notatos norint, eosdem privatim mo-

H h h h

neant,

neant, in quam periculoso salutis suæ statu versentur, & ad confitendum peccata sua, petendumque beneficium absolutionis a dicta excommunicatione eos hortentur. Quod si hujusmodi salutarem monitionem contemnant, Nobis deferantur.

TITULUS II.

De Scholis Parochialibus & Dominicalibus.

CAPUT I.

PLurimum interest ad Catholicam Fidem conservandam & propagandam, ut recte instituaturs juvenus, quæ, ut eleganter dixerunt Patres Generalis Concilii Tridentini, nisi a teneris annis ad pietatem & religionem informetur, antequam vitiorum habitus totos homines possideat, nunquam perfecte ac sine maximo & singulari propemodum Dei Omnipotentis auxilio, in disciplina Ecclesiastica perseverat: proinde optamus in omnibus Diocesis nostræ urbibus ac pagis, Scholas Parochiales, quæ injuria temporum collapsæ sunt, quæcunque fieri poterit, restitui. Quod ut fiat, Pastores, Magistratus, & notabiliores singularum parochiarum personæ moneantur a Decanis, in proxima sua visitatione, ut conjunctis animis & viribus serio inter se agant, de inveniendis & præceptoribus assignando justo stipendio, quo mediante si fieri potest, doceantur gratis; sic enim fiet, ut a parentibus pueri libentius ad Scholas mittantur, eos etiam hortentur, ut in eum finem confraternitates erigant, quas Nos libenter & approbavimus, & Sacris Indulgentiis donabimus.

CAPUT II.

Præceptores autem non alii assumantur, quam qui probatæ sint fidei, vitæ & doctrinæ, qui prævio sui Pastoris testimonio a Nobis, aut Decano Concilii sui ad hoc munus admittantur, ac juxta formam præscriptam ipsius, fidei sui professionem præstent, nec aliter, quam servatis præmissis omnibus, in Diocesi nostrâ quisquam docere permittatur.

CAPUT III.

Hunc servabunt ordinem in docendo. Primum assuefacient pueros discere & perfecte recitare Orationem Dominicam, Salutationem Angelicam, Symbolum fidei, decem præcepta Dei, & quinque Ecclesiæ, septem Sacramenta, & septem peccata mortalia: & si eos capaces invenerint, ulterius pergent ad reliqua capita doctrinæ Christianæ.

CAPUT IV.

Deinde docebunt eos formulam peccata sua confitendi, ac mane ac vespere orandi, nec non modum respondendi Sacerdoti, & eidem interserviendi Sacrosanctum Missæ Sacrificium peragenti. Quæ dum pueri exacte norint, poterunt eosdem docere artem legendi & scribendi. Quod si aliqui dictorum præceptorum aliter fecisse, vel vitæ scandalosæ esse deprehendantur, si primum a pastore moniti non resipuerint, docendi facultate priventur.

CAPUT V.

Dictæ Scholæ sæpius visitentur in urbibus a Scholasticis Ecclesiæ nostræ Cathedralis, & Collegiatarum Ecclesiarum, & in pagis a Decanis Conciliorum ruralium, qui de præmissis omnibus, an observentur, diligenter inquirent, libros, qui docentur, visitent, pueros examinent, & si quos defectus aut excessus deprehendant, ad Nos referant. Curent iidem cum Pastoribus locorum, ut, quantum fieri poterit, separatim a pueris puellæ instituantur per honestas matronas, quæ teneantur etiam fidem suam profiteri, & reliqua observare, quæ Ludimagistri.

CAPUT VI.

Porro cum habenda sit non minor ratio salutis pauperum, quam divitum, in illorum gratiam juxta Decretum dicti Concilii provincialis erigi volumus & mandamus Scholas Dominicales; ut minimum in hac Civitate, & omnibus oppidis ac celebrioribus pagis, ad quas venire compellantur omnes pueri, qui diebus ferialibus parochiales illas Scholas non frequentant, doceanturque prædicta omnia doctrinæ Christianæ.

TITULUS III.

De Seminario Clericorum.

CAPUT I.

næ capita, ad salutem unicuique necessaria. Quæ Scholæ Dominicales ut magis frequententur, non solum ab ipsa juventute, sed etiam a præcipuis viris & matronis, qui eas sua auctoritate sustentare, ac suis divitiis dotare possint, erigantur Sodalitates doctrinæ Christianæ, quibus adscripti Sacris Indulgentiis a variis Pontificibus concessis, & a Nobis quoque auctoritate nostra ordinaria concedendis, frui & gaudere possint.

CAPUT VII.

Ne qui vero sint, sive parentum, sive puerorum, qui tam salutare opus negligant aut contemnunt, visitentur familiæ singulorum a Præfectis ejusmodi Sodalitatum, ubi illæ erectæ fuerint, alias a Pastore; aut Ludimagistro cujusque loci, adjuncto uno ex Magistratu: & Catalogus conficiatur puerorum & puellarum cujusque familiæ, quo absentes facile cognosci & puniri possint, etiam subtractione eleemosynarum, quæ in singulis locis pauperibus assignari & distribui solent.

CAPUT VIII.

Ubi commoditas non erit erigendi ejusmodi Sodalitates, Pastor loci, una cum Capellanis suis & vicinorum locorum, ac Ludimagistris, hanc provinciam subeat, & si quis (quod absit) Pastor legitime non impeditus, tam præclarum pietatis & veræ charitatis opus facere neglexerit, unius floreni multam ad opus fabricæ Ecclesiæ suæ, toties, quoties a Decano in sua visitatione irremissibiliter exigendam, incurrat. Capellani vero, quibus hoc ipsum in virtute sanctæ obedientiæ, quam Nobis in sua ordinatione præstiterunt, injungimus, si hac in parte fuerint refractarii aut negligentes, arbitrio nostri Officialis puniantur.

CAPUT IX.

Quo tempore fiet hæc puerorum institutio, abstineatur in plateis a tripudiis, & a lusu, quibus avocari possent pueri ab hac utilissima lectione doctrinæ Christianæ, & implorecur ad hoc auxilium brachii secularis.

Maximum quoque præsidium conservandæ Catholicæ Religionis, & restituendæ Ecclesiasticæ disciplinæ dicti Patres Concilii Tridentini in Clericorum Seminario collocarunt, quod tanto studio omnibus Episcopis, Archiepiscopis, & his Majoribus commendarunt, ut si negligentes hac in parte fuerint, Episcopos ab Archi-Episcopis, Archi-Episcopos ac Superiores a Synodo Provinciali acriter corripere, & ad omnia, quæ ea de re præscribunt adimplenda cogi velint. Ne Nos itaque in re tanti momenti, & quæ usque adeo cordi fuit sanctæ illi congregationi, quæque Dicecesi nostræ est pernecessaria, officio nostro defuisse videamur, de consensu hujus Synodi declaramus, hujusmodi Seminarium in loco convenienti a Nobis eligendo, quanto citius fieri poterit, erigendum, nec non ad ejusdem fabricam instituendam, & ad mercedem Præceptoribus & Ministris solvendam, & ad alendam juventutem, & ad alios sumptus juxta præscriptum ejusdem Concilii ex fructibus mensæ nostræ Episcopalis, & Capituli Ecclesiæ nostræ Cathedralis, & quarumcumque dignitatum, personarum, officiorum, præbendarum, portionum, Abbatiarum & Prioratum, & Hospitalium, quæ dantur in titulum vel administrationem, & quorumcumque Beneficiorum, nostræ aut nullius Dicecesis, cum consilio duorum de Capitulo Ecclesiæ nostræ Cathedralis, & duorum de Clero, sexagesimam partem vel portionem detrahendam, & huic Seminario applicandam & incorporandam: quæ tamen in totum vel in parte remittetur aut diminuetur, cum Seminarium ipsum per viam unionis simplicium beneficiorum, vel aliter in totum vel in parte dotatum fuerit.

CAPUT II.

Dicto Seminario non alius præficietur, quam qui sit Sacerdos, & si commode reperiri possit, Sacræ Theologiæ, aut Juris Canonici Doctor aut Licentiatus, qui Catechismum aut casus

H h h h .2

con-

conscientiæ juventutem docere possit, promittatque in sua receptione se singulis annis coram Nobis, aut Vicario nostro, & Cleri & Capiculi deputatis, totius suæ administrationis rationes fideliter redditurum. Cui ultra victum suum cum bursariis communem, in singulos annos competens honorarium assignabimus: Professoribus quoque certum stipendium annum concedetur, ut Juventus gratis & absque ullo parentum sumptu docere possit.

CAPUT III.

Bursariorum, qui ibidem alentur, numerus constituetur, pro modo facultatum ipsius Seminarii, nonnullis aliis in diminutionem suarum expensarum erogabuntur triginta aut quadraginta floreni communi suffragio omnium deputatorum; ita tamen, ut pauperum filii juxta ordinationem dicti Concilii Tridentini, cæteris paribus, aliis præferantur.

CAPUT IV.

Dicti Bursarii sint sexdecim ad minus annorum, & de legitimo Matrimonio procreati, ex nostra Diocesi oriundi, Clericali tonsura insigniti, & ut Sacrorum Ordinum capaces esse possint, nullum in manibus, aut alia corporis parte notabilem defectum habentes, qui præter studia literarum, doceantur cantum Gregorianum, computum Ecclesiasticum, homilias Sanctorum, ritum & formam tradendorum Sacramentorum, cæterasque caeremonias Ecclesiasticas, habita tamen diligenti ratione capacitatis eorundem, ne ingenia lectionum multitudine obruantur; singulis diebus intersint Missæ Sacrificio, & singulis, ut minimum, mensibus peccata sua confiteantur, & juxta Confessoris judicium Corpus Domini nostri JESU CHRISTI sumant, & Sacerdotibus Missæ Sacrificium celebrantibus cum superpelliceo diebus festis interserviant.

CAPUT V.

In dicto autem Seminario remanebunt, donec studia bonarum literarum absolverint, postea ad Universitatem Studii generalis sumptibus ejusdem Se-

minarii mittentur illi, de quibus spes sit, quod in Philosophiæ ac Sacræ Theologiæ studiis insignem fructum facient, quo Ecclesiæ Dei utiliores esse possint: reliqui simul atque ætatem a Sacro Concilio Tridentino præscriptam attigerint, ad Sacros Ordines suscipiendos mittentur, & ea munia Ecclesiastica sine ulla contradictione amplectentur, ad quæ obeunda nostro, aut Successorum nostrorum judicio idonei judicabuntur, quod se facturos sub pœna refusionis expensarum, quas in ipso Seminario fecerint, in sua ad bursam admittance promittent.

TITULUS IV.

De Officio Divino.

CAPUT I.

Cum jamdiu Ecclesia nostra Cathedralis Romani Officii usum receperit, & secuta fuerint plures Collegiæ: mandamus, ut juxta Decretum Concilii provincialis Cameracensis reliquæ Collegiæ, & omnes Ecclesiæ parochiales eundem usum suscipiant, & sequantur. Quod ut minore sumptu fieri possit, de consensu totius hujus Synodi, typis excudatur Summarium Antiphonarum, & Gradualis Romani cum suis notis, quod omnia, quæ Pastoribus necessaria sunt, pro utrisque Vesperis & summa Missa Dominicorum & Festorum dierum complectatur, quod simulatque excusum fuerit, interdiximus omnibus Rectoribus Ecclesiarum parochialium Diocesis nostræ, tam Regularibus, quam secularibus, ne alio Officio utantur, sub pœna unius scuti aurei, in manus Decanorum, quoties suas visitationes facient, consignandi, & arbitrio nostro piis usibus applicandi. Dicta vero Summaria sumptibus eorum, qui ad libros præstandos ex consuetudine locorum tenentur, pro singulis Ecclesiis comparentur.

CAPUT II.

Quo pacto autem sit persolvendum Divinum Officium, ipsum nomen satis indicat, significans, quod eo tempore negotium nobis sit cum Deo ipso, quem in celis laudant Angeli, adorant Dominationes, tremunt Potestates. Unde

Unde cum procul abesse debeant a Christianis hominibus, dum in Dei laudibus occupantur, omnes irreverentiæ, risus, confabulationes, deambulationes, cæteraque ejus generis, non solum ordine Ecclesiastico; sed etiam Christiano nomine indigna; præcipimus, ut in parochialibus Pastor severe prohibeat ejusmodi abusus, etiam sub pena pecuniaria fabricæ Ecclesiæ applicanda, cujus executionem, si Pastor ipse eam exequi non possit, Officiali nostro committimus. In Cathedrali vero & Collegiatis Ecclesiis, præter Decanum, aut eum, qui de jure aut consuetudine oculus Chori esse solet, duo Canonici vicissim designentur, qui omnibus diei Horis interfint, defectus observent, insolentias compescant, & delinquentes signo aliquo officii sui admonent, & monitionem contemnentes ad Capitulum deferant, qui statim ad capitularem congregationem evocentur, & arbitraria pena castigentur. Quod si Canonici ad hoc deputati a Choro simul abesse cogantur, aliis idoneis vices suas mandent, alioquin & ipsi moneantur, & si monitionem quoque contemnant, tota hebdomada suis distributionibus priventur.

CAPUT III.

Potissimum autem, dum Sacrosanctum Missæ Sacrificium peragitur, tam a Clericis, quam a Laicis summam reverentiam, silentium, devotionem, & humilitatem requirimus; optaremusque omnes eidem assistere genibus flexis a principio usque ad finem, saltem in Missis privatis, excepto dum ad Evangelium assurgitur; sed si hoc populo persuaderi non potest, moneatur tamen sæpius a pastoribus & prædicatoribus non probari a nobis eam consuetudinem, quæ plerique ante consecrationem in genua procumbentes paulo post assurgunt, & reliqua Sacrificii parte etiam sedere præsumunt, quod admodum indecorum est, præsertim quamdiu immaculata illa Hostia permanet in altari, seque ipsam offert Deo Patri in remissionem peccatorum nostrorum. Quapropter ut dicta corruptela penitus aboleatur, jubemus statim post præfationem, dum Sacerdos dicit:

Sanctus, Sanctus &c. sono campanulæ admoneri populum, procumbendum esse in genua, nec assurgendum, donec Christi Sanguinem sumpserit, nec etiam prius extinguantur tædæ, quæ in plerisque locis ex laudabili consuetudine ad elevationem Sacræ Hostiæ accenduntur. Quod ut facilius usu recipiatur, concedimus omnibus toto illo tempore genibus flexis orantibus, decem dies Indulgentiarum.

CAPUT IV.

Non est ferendus abusus, quo pauperes per Ecclesias mendicare permittuntur, quod dum faciunt, & ipsi in locis sacris irreverentia peccant, & aliorum devotionem frequenter interturbant: quapropter omnibus Ecclesiarum Superioribus præcipimus, ut aliquem constituant, qui particularem curam suscipiat dictos pauperes ab Ecclesia repellendi; etiam ipsi assignato, si opus fuerit, certo stipendio ex mensis pauperum, aut bonis fabricæ. Quod ut eo promptius exequantur, quo intelligent rem Deo gratam se facturos, hic adjiciendum duximus extractum Bullæ Summi in terris Christi Vicarii, & Sanctissimi Pontificis PII V. datæ Romæ Kalendis Aprilis anno 1566. qua idem districtè præcipit hujusmodi sub tenore: *Mandamus præterea omnibus & singulis Cathedralium, Collegiarum & Parochialium Ecclesiarum Capitulis, Rectoribus, Vicariis, Sacristis, Ostiariis, & aliis ipsarum Custodibus, quatenus præfatos omnes in Ecclesiis delinquentes admonent, & ut in eis vetita fieri non permittant, vel saltem ipsis Ordinariis, vel Officialibus nostris puniendos deferant, quod si facere neglexerint, penam duorum aureorum vice qualibet incurvant. Pauperes quoque mendicantes, seu elemosinas petentes, per Ecclesias tempore Missarum prædicationum, aliorumque Divinorum Officiorum ire non sinant, sed eos ad valvas Ecclesiarum stare faciant, sub pena duorum aureorum Capitulis infligenda pro qualibet vice, nisi eos ejici curaverint, & Parochis dimidiū aurei: Religiosis vero claustralibus, sive Regularibus præcipimus in virtute sanctæ obedientiæ, ut in Ecclesiis suis deputent aliquem, qui tales ejiciat, & si negligentes fuerint, gravissime ab Ordinario corripiantur, quod si illi parere recusaverint, gravissimas penas incurvant, & pro*

pro qualitate personarum etiam corporaliter punientur arbitrio nostro, sive Superiorum suorum.

CAPUT V.

Sacerdos vero dum ad illud Augustissimum Missæ Sacrificium Deo offerendum accedit; neque in sua præparatione ac vestitione, & calicis, corporalis ac Missalis dispositione, neque in verborum pronuntiatione, ulla unquam præcipitatione utatur, sed eam semper præ se ferat in vultu maturitatem, in gestibus reverentiam & gravitatem, in loquela aut cantu modestiam & attentionem, quæ illum decet, qui Christi personam non solum coram hominibus, sed maxime coram Deo & Angelis ejus repræsentat.

CAPUT VI.

Nullus Sacerdos Missam celebrare præsumat, nisi eam ante præviderit, sintque hæc omnia ante præparata, candelæ, si facultates Ecclesiæ ferant, ad minimum duæ accensæ super altare, corporale mundum cum simili purificatorio, calix si non aureus semper aut argenteus, propter quotidiana variis in locis hostium aut latronum pericula, certe stanneus, sed mundus integer & relictus, mantile aut linteolum pariter mundum ad detergendas manus, panis integer & incorruptus, vinum recens, & aqua pura disposita in urceolis. Quod si quis his non præparatis Missam inchoare præsumpserit; aut eandem cum calice seu patena aliqua ex parte ruptis, vel corporali aut purificatorio immundis celebraverit, denique ad mappam altaris manus suas deterferit, aut mantili sordido usus fuerit (cum etiam minimi defectus graves sint in re maximi momenti) ab Officiali nostro graviter puniatur. Et quia res est plena periculi, si quis vino, quod facile accescit, ad multos dies extra vas servato utatur, expedit, ut Pastores pagorum, quibus non est vinum recens ad manum, convenient cum decimatoribus, qui ad illud ministrandum tenentur, in singulos menses, aut pro integro vel medio anno, & sibi ipsi comparent vinum optimum, si fieri potest, Hispanicum, quod recondant & asservent in vasculis convenientibus, aut

lagenulis bene obferatis, seu alio convenienti modo provideant, ne vino acetoso uti unquam cogantur. Quod si faciant, graviter eos peccare declaramus, & si resciri possit, condignis penis puniri ordinamus.

CAPUT VII.

Duas vero in diē Missas celebrare nemo audeat, nisi licentia in scriptis obtenta, ne quidem prætextu supplendi defectum Parochi vicini, absentis, aut ægroti, ejusdem, vel alterius Diocesis: sed hoc casu parochiani ad vicinam Ecclesiam Missæ audiendæ gratia accedant, aut Pastor ægrotus vel absens tempestive provideat de alio Sacerdote, vel si nullo modo reperiatur, dictam licentiam a Nobis, aut Vicario nostro impetret cum causæ cognitione.

CAPUT VIII.

Non sine causa Episcopus Sacerdotes omnes recenter a se ordinatos diligenter admonet, ut honeste totius Missæ ordinem, & Hostiæ consecrationem & fractionem ab aliis jam doctis Sacerdotibus discant, priusquam ad celebrandam Missam accedant. Quia ramen experientia cognovimus, sæpe eos deligi Sacerdotes, qui magis egerent doceri, quam docere, cum ipsimet in cæremoniis ac ritibus, præsertim Romanæ Ecclesiæ, parum sint exercitati, scimusque difficillimum esse ab iis, quibus primum quis assuevit, se se revocare; decernimus omnes, qui deinceps in hac Diocesi ordinabuntur Sacerdotes sæculares, assumere debere unum ex Deputatis a Nobis in unoquoque Decanatu, a quo instructionem & perfectam intelligentiam hauriant omnium cæremoniarum, & aliarum observationum, quæ a nullo Sacerdote ignorari debent. Cæteris Sacerdotibus interdiximus, ne huic muneri se immisceant, ut aliquando omnes iisdem plane ritibus & cæremoniis in re tanti momenti utantur, quod hac ratione, & non alias brevi futurum speramus.

CAPUT IX.

Quemadmodum indecorum est, Sacerdotem usque adeo alta voce Missam legere, ut alios in eadem Ecclesia celebran-

lebrantes conturbet: ita indecens est, ipsum tam submissa voce loqui, ut a nemine circumstantium intelligatur. Servanda ergo in his mediocritas, & quidem vox ita temperanda, ut cum Sacerdos ad ea, quæ secreto dici debent, pervenerit, ea sic pronuntiet, ut distinctum quidem verborum sonum ipse percipiat, at nulla ratione ab aliis intelligatur: Canonem vero maxima cum modestia, & attentione pronuntiet, ac præsertim Sacrosancta illa verba, quibus Corpus & Sanguis Christi conficitur, quæ nullus unquam memoriter recitare præsumat, sed vel ex ipso Missali, vel ex tabella, quæ in multis altaribus non inutiliter oculis Sacerdotis opponi solet, quod ex gravibus causis animum nostrum moventibus, omnibus tam Regularibus, quam sæcularibus Sacerdotibus, in virtute sanctæ obediendi, quam Nobis in sua ordinatione promiserunt, & sub pœna arbitrarie præcipiendum duximus.

CAPUT X.

Insequentes ordinationem Concilii Tridentini interdiciamus, ne quis vagus & ignotus Sacerdos in hac nostra Diœcesi ullo modo Missam celebrare permittatur, nisi exhibitis sui Ordinarii dimissoriis literis, & si a propria Diœcesi diu absens, & in alia commoratus fuerit, etiam Ordinarii illius literas testimonium suæ honestæ conversationis continentes, exhibere teneatur. Qui ejusmodi vagum & ignotum Sacerdotem, non visis prædictis, aut nostris literis, admiserit, unius floreni multam fabricæ Ecclesiæ applicandam incurrat.

CAPUT XI.

Si quis Sacerdotum (quod absit) impuro concubitu infamis, aut cum pridie remulentis notabile scandalum dederit, Sacrosanctum Missæ Sacrificium celebrare præsumserit, ad integrum mensem ab ejusdem Sacrificii celebratione suspendatur. Qui enim Sacra illa Mysteria sic tractat, Deum, quem tanto Sacrificio debuerat sibi & populo reddere placatum, ad iram magis provocat, & ipse reus efficitur Corporis & Sanguinis Domini.

CAPUT XII.

Verum quia plerumque accidit, ut ejusmodi scandala ac crimina, neque ad nostram, neque Vicariorum nostrorum notitiam deveniant, districtè præcipimus talium Sacerdotum Confessariis, ut pro meritis eos graviter increpent, & satisfactionem illis tanta irreverentia dignam injungant. Quod si in tali præsumptione perseverent, denegent eis tanquam impœnitentibus beneficium absolutionis, donec ex animo resipuerint.

CAPUT XIII.

Missæ Parochiales a Festo Paschæ usque ad Festum Sancti Remigii circa horam octavam ubique celebrentur: a Festo vero Sancti Remigii usque ad Pascha circa horam nonam, sub pœna suspensionis a Divinis, Pastoribus contravenientibus, juxta Decretum præacti Concilii Provincialis Cameracensis, infligenda. Vesperas quoque, ob causas animum nostrum moventes, in omnibus Ecclesiis parochialibus quovis tempore eadem hora, nempe secunda pomeridiana decantari ordinamus. Nec ullum Pastorem ab illis decantandis excusari hoc prætextu, quod medias, ut vocant, Ecclesias, aut quartas Capellas duntaxat possideant. Diebus enim Dominicis & Festivis omnes ad hoc obligari declaramus, & sic a nostris Officialibus judicari præcipimus.

CAPUT XIV.

Qui contra laudabilem hujus Diœcesis consuetudinem, in præcipuis anni Festivitatibus Ecclesiam suam Parochialem non frequentant, aut tribus continuis Dominicis diebus a Missa Parochiali absunt, admoneantur primum a suis Pastoribus, & si monitionem contemnant, citentur coram Officialibus nostris, & in aliquam emendam, fabricæ Ecclesiæ ejusdem applicandam, eorundem arbitrio condemnentur, nisi ob causam rationabilem excusentur.

CAPUT XV.

De his omnibus, an exacte per totam Diœcesim observentur, Reverendus Dominus Archidiaconus, & Decani Conciliorum in suis visitationibus

bus se diligenter informant, & ad Nos deferant, quos invenerint defectus aut excessus, ut coram Nobis, aut Vicario nostro delinquentes evocati, rationem reddant suæ negligentiae aut contemptus.

TITULUS V.

De diebus Fests & Jejuniis.

CAPUT I.

Summopere dolendum est, iis diebus, qui ad Divinas laudes decantandas, & ad peccatorum veniam impetrandam instituti sunt, fideles Christi ad graviora scelera committenda, Divinamque iram magis incitandam nefarie abuti: ideoque sæpe & graviter reprehendant Pastores & Prædicatores abusum illum, quo plerique a servili quidem opere Festis diebus abstinent, sed majorem illorum partem deambulationibus, lusibus, comestationibus, & choreis impendunt, cum econtra ideo cessandum sit ab omni opere servili, ut universus populus absque ulla distractione orationi vacet, & Missæ Sacrificio, ac cæteris Divinis Officiis, nec non Sacris Concionibus diligenter interfuit.

CAPUT II.

Quare ut supradicta impediatur, & avaritia quoque eorum mercatorum, qui iis diebus merces suas vendere præsumunt, nec non agricolarum, aurigarum, nautarum, molitorum, pistorum, piscatorum, & aliorum ejus generis hominum, qui absque notabili necessitate & licentia suas operas exercent, coerceatur; præcipimus Promotoribus nostris, ut diligenter advigilent, quo in prædictorum abusum notitiam devenire possint, authores coram Officialibus nostris citari curent, qui eos pecuniariis poenis, piis usibus applicandis, puniant. Magistratus autem urbium, & Ballivos, Majores, aliosque in pagis justitiæ Præfectos, paterno affectu rogamus, ut juxta Edictum Regium his etiam malis sua autoritate mederi omnibus modis annituntur, ac præsertim tempore summæ Missæ & Vesperarum, deambulationes in foro, aut aliis locis pu-

blicis, potationes in tabernis, lusus in sphæristeris, venditiones carniū in macellis, non permittant, majores urbium portas clausas teneant, nec currus oneratos mercibus ullo pacto diebus Dominicis ac Festis egredi, multo minus iis diebus a rusticis grana ad publicum forum adduci, & ea divendi patiantur: sed si in consuetum ac ejusmodi publicæ venditioni præfixum diem, Festum aliquod inciderit, uti & nundinæ similiter incidentes, in sequentes dies, juxta præfatum Edictum Regium transferantur. Gratuitæ vero operæ Dominis a colonis suis præstari solitæ, quas vulgo *Corvées* vocant, iis quoque diebus, nisi in casu necessitatis, & habita Superiorum licentia, non præstentur.

CAPUT III.

Festi autem dies ultra Dominicos per universam hanc Diocesim nostram solemniter observandi hi sunt: Dies Nativitatis Domini nostri Jesu Christi. S. Stephani Protomartyris. S. Joannis Evangelistæ. Sanctorum Innocentium. Circumcisionis Domini. Epiphaniæ. Purificationis Beatæ MARIE Virginis. Sancti Matthæ Apostoli. Annuntiationis ejusdem Beatæ MARIE. Paschæ, & Pentecostes cum feria secunda & tertia sequentibus. Ascensionis Domini. Sanctissimæ Trinitatis, & Venerabilis Sacramenti. Sanctorum Apostolorum Philippi & Jacobi. Inventionis Sanctæ Crucis. S. Albani Martyris, Patroni Ecclesiæ nostræ Cathedralis, cujus festum celebratur vigesima prima Junii. Nativitatis S. Joannis Baptistæ. Sanctorum Apostolorum Petri & Pauli. Visitationis B. MARIE Virginis. S. Mariæ Magdalenæ. S. Jacobi Apostoli. S. Laurentii Martyris. Assumptionis B. MARIE Virginis. S. Bartholomæi Apostoli. Nativitatis B. MARIE Virginis. S. Lamberti Episcopi & Martyris. S. Matthæi Apostoli & Evangelistæ. S. Michaelis Archangeli. Sanctorum Apostolorum Simonis & Judæ. Omnium Sanctorum. S. Martini. S. Catharinæ. S. Andræ Apostoli. S. Nicolai. Conceptionis B. MARIE Virginis, & S. Thomæ Apostoli. Quos dies Festos juxta Concilii Tridentini Decretum ab omnibus etiam emptis

emptis & Regularibus servari mandamus.

CAPUT IV.

Si prædictum Festum Annuntiationis B. MARIE Virginis inter Dominicam *Palmarum* & *Quasimodo* inciderit, juxta Decretum Concilii Provincialis Cameracensis, feria secunda post dictam Dominicam *Quasimodo*, etiam a populo celebretur.

CAPUT V.

Jejunia in hac Dicecesi servanda, præter Sacrum Quadragesimæ & quatuor anni temporum jejunium, sunt: Vigiliæ Nativitatis Domini. Sancti Joannis Baptistæ. Sanctorum Apostolorum Petri & Pauli. S. Laurentii Martyris. Assumptionis B. MARIE Virginis. Sancti Matthæi Apostoli & Evangelistæ. Sanctorum Apostolorum Simonis & Judæ. Omnium Sanctorum, & Sancti Andreæ Apostoli. In festo Beati Marci Evangelistæ, & tribus diebus Rogationum, juxta laudabilem Ecclesiæ consuetudinem usque ad meridianum tempus jejunetur, & tota die ab esu carniū absteineatur. Quod si dictum festum S. Marci in hebdomada Paschæ evenerit, ad feriam secundam post Dominicam *Quasimodo* transferatur, & ea die supplicationes fiant, & dicta a carnibus abstinentia observetur.

CAPUT VI.

Cum autem multum hodie se miserit antiquus Christianorum in jejuniiis exacte servandis fervor & devotio, præcipimus Pastoribus & Prædicatoribus Verbi Dei, ut sæpius populo inculcent teneri omnes sub pœna peccati mortalis jejunare prædictis diebus, nisi ob' impotentiam, necessitatem aut majus bonum excusentur, & graviter peccare caupones & hospites, qui aliis, quam peregrinis, iis diebus cibos ministrant, nulla consideratione habita, an habeant justam causam non jejunandi: multo vero magis, si cibos veritos (quod absit) etiam petentibus in diebus jejuniorum ministrent, non visa legitima dispensatione. Quod si hoc quocunque Dicecesis nostræ loco fieri contingeret, pastorum erit Nos illico ejus rei reddere certiores.

Tomus VIII. Concilior. German.

CAPUT VII.

Ut aliquod vestigium antiquæ pietatis in hac Dicecesi observari solitæ imposterum remaneat, laudabilem consuetudinem feria quarta Cinerum, & feria sexta Parasceves ab omnibus lacticiis abstinendi, retineri, & ubique servari, & de illa per Pastores aut Prædicatores tempestive populum moneri volumus, nisi per Nos fuerit super hoc dispensatum. Aliis Quadragesimæ diebus lacticiiniorum usum toleramus, dummodo ii, qui illis utentur, alia pietatis opera faciant, in quæ jamdiu obligatio juris communis strictius jejunandi noscitur esse commutata, doceanturque non aliter satisfacere præcepto Ecclesiæ de Jejunio Quadragesimæ.

TITULUS VI.

De Sacramentorum administratione.

CAPUT I.

QUæ ad Sacramentorum administrationem pertinent, tam exacte & dilucide in Sacrosancta Tridentina Synodo, Catechismo ad Parochos, & Concilio provinciali Cameracensi explicantur, ut Parochos nostros, & alios, quibus hæc cura commissa est, ad illa remittere, quam eadem inculcare satius existimemus: pauca tamen variis de causis utiliter ipsi præscribi posse censemus.

CAPUT II.

Imprimis, ut nullus eorum, neque aliorum Sacerdotum ullum Sacramentum unquam administret, nisi alba, aut mundo superpelliceo & stola indutus, ut meminerit se intus candida innocentie stola exornatum esse debere.

CAPUT III.

Deinde ut, quamdiu hæc Dicecesis proprium Manuale non habet, in administratione Sacramentorum, Manuali Ecclesiæ Metropolitanæ Cameracensis juxta Decretum dicti Concilii provincialis omnes utantur.

CAPUT IV.

Ut diligentissime præcaveant, ne alienis parochianis absque proprii illo-

rum Parochi, aut nostra licentia Sacramenta administrent, præsertim Pœnitentiæ & Matrimonij; scire enim debent invalidas, imo de jure nullas esse alienorum parochianorum extra casum necessitatis absolutiones, & quod ii Sacerdotes, qui ipsos Matrimonio sic conjungunt, ipso jure sint suspensi, quamdiu ab Ordinario ejus parochi, qui Matrimonio interesse debebat, absolvantur.

CAPUT V.

Summo quoque studio invigilent, ne quisquam parochianorum suorum, per ipsorum negligentiam absque Sacramentorum perceptione decedat e vita, & si alicujus Parochi culpa aliquis infans sine Baptismo, aut adultus sine confessione, aut Extrema unctione decesserit, ab administratione Sacramentorum ad mensem suspendatur, aut alias arbitrio Judicis puniatur.

CAPUT VI.

Hæreticos, quamdiu non abjura-verint hæresim, usurarios manifestos, quamdiu pro usuris non satisfecerint, aut de restituendis bonis per usuras injuste acquisitis, sufficientem non dederint cautionem, & excommunicatos a Judice, quamdiu de absolutione, ab eodem, aut ejus Superiore obtenta non docuerint, ad Sacramentorum perceptionem & Ecclesiasticam sepulturam non admittant, excepto mortis articulo, quo casu usurarii, quibus facultas non superpetit prædictam cautionem dandi, admitti possunt, mediante promissione, quod si convaluerint, ab usuris prorsus abstinebunt, & lucra ex eis acquisita restituent, quamprimum hoc eorum facultates ferent; excommunicati vero præstita prius per ipsos obligatione, & quatenus possint, etiam cautione, quod si periculum mortis evadant, statim se a censuris absolvi curabunt.

CAPUT VII.

Eosdem usurarios, manifestos hæreticos & excommunicatos, a susceptione Baptizandorum, & a præsentatione Confirmandorum prorsus repellant.

CAPUT VIII.

Diligenter instruant mulieres, quæ obstetricis officio funguntur, quibus casibus illis baptizare liceat, & qua verborum forma, ac materia uti oporteat, nec ulla admittant, imo ab ingressu Ecclesiæ, cum infantem baptizandum deferunt, prohibeant, nisi prius sic fuerint instructæ, & exhibuerint testimonium suæ fidei, ac juxta Edictum Regium in manibus Magistratus juraverint, se ante diem tertium fideliter denuntiaturas Pastoribus infantes, quos in eorum parochiis scient esse baptizandos.

CAPUT IX.

Sedulo admoneant parentes ac nutrices, ne infantes anno juniores secum in cubili excipiant, ne forte, quod nimis frequenter accidere compertum habemus, incaute illos suffocantes, gravissimum peccatum admittant, cujus absolutionem, si in hac nostra Diœcesi contingat, Nobis reservamus.

CAPUT X.

Antequam pueros parochiarum suarum ad Nos mittant pro Sacramento Confirmationis suscipiendo, diligenter præmoneant populum suum de iis, quæ dictum Concilium provinciale sigillatim præscripsit, addantque ob defectum illorum, quæ ex parte parentum aut puerorum requiruntur, ipsos pueros pro ea vice a tanti Sacramenti susceptione repellendos.

CAPUT XI.

In privatis ædibus, nisi ob ægritudinem, confessiones nunquam audiant; cum Ecclesia sit proprius Sacramenta administrandi locus, nec in quolibet Ecclesiæ loco, sed in aperto & claro, & quidem in sedilibus ad hoc specialiter destinatis, quæ in omnibus Ecclesiis, quarum facultates hoc ferre possunt, fieri optamus.

CAPUT XII.

Omnes eadem forma absolutionis utantur, quam idcirco hic inferendam duximus, scilicet his verbis: *Dominus noster JESUS CHRISTUS, qui est Summus Pontifex, te absolvat; Et ego auctoritate ipsius te absolvo imprimis ab omni vinculo ex-*

communicationis, in quantum possum, & indiges, deinde eadem auctoritate absolvo te ab omnibus peccatis tuis in nomine Patris, & Filii, & Spiritus Sancti, Amen. Quod si quis sit etiam absolvendus ab aliis censuris, dicat hoc modo: Dominus noster &c. ab omni vinculo excommunicationis, suspensionis & interdicti &c.

CAPUT XIII.

Non præsumant absolvere a casibus Summo Pontifici, aut Nobis reservatis. Hos autem casus Nobis reservamus. Imprimis omnem casum, cui annexa est excommunicatio major, Nobis de jure aut ex Decreto Concilii Tridentini reservata, hæresim, apostasiam, homicidium, incendium voluntate deliberata procuratum, concubitum contra naturam, raptum virginum, incestum cum Sanctimonialibus, vel consanguineis, aut affinibus in primo aut secundo gradu, adulterium manifestum, injectionem manuum violentam in parentes, veneficium, ligaturam & omne maleficium, quo impeditur actus matrimonialis in conjugibus, & oppressionem prolis etiam ignoranter a parentibus factam.

CAPUT XIV.

Quoties deferunt ægrotis Sanctissimum Eucharistiæ Sacramentum, aut Extremæ Unctionis, eorundem vicinos ad comitandum exhortentur, sed & hoc populo pulsu campanæ paulo ante significant, ut ex pio charitatis affectu plures comitentur, aut certe in domibus suis pro salute corporali & spiritali ipsius ægroti Dominum deprecantur, & ipsi Indulgentias hoc facientibus a Summis Pontificibus concessas, lucrari mereantur. Nos quoque iis, qui comitabuntur, quadraginta, iis vero, qui suis præpediti negotiis, ut supra, orabunt, viginti dies Indulgentiarum impartimur.

CAPUT XV.

In Paschate a matutino tempore usque ad meridiem dictum Eucharistiæ Sacramentum per se, aut suos Capellanos administrarent, nec ullo modo expectent finem concionis aut Missæ solemnæ, quod sine gravi Parochiano- rum, adeoque ipsius Parochi incommo-

do fieri non potest, & Nos sub pœna unius scuti aurei fabricæ ejusdem Ecclesiæ applicandi, fieri prohibemus.

CAPUT XVI.

Dictum Eucharistiæ Sacramentum non deferant in iis processionibus, quæ per agros ad magnum spatium se extendunt, nisi hoc cum omni modestia ac reverentia fiat, præcedente semper lumine ac campanula sonante, & populo sequente, sicut in civitatibus fieri solet & debet.

CAPUT XVII.

Eos, qui necdum sunt confirmati, vel adeo rudes sunt, ut ignorent Orationem Dominicam, Salutationem Angelicam, Symbolum Apostolorum, præcepta Dei & Ecclesiæ, latina aut vulgari lingua, nec ad Eucharistiæ, nec ad Matrimonii Sacramentum admittant, sed eos prius de prædictis omnibus instruant, vel per aliquem alium instrui curent, & instructos pro Sacramento Confirmationis ad Nos remittant, extraneos autem in eorum Parochiis commorantes, non nisi visis Ordinariis, aut Parochorum suorum literis, quod soluti & liberi sint, fidem facientibus, Matrimonio jungant. Quod si eas ob nimiam distantiam habere non possint, ab eis solemne juramentum exigent, quod nullum norint impedimentum, quominus inter se Matrimonium contrahere possint.

CAPUT XVIII.

Proclamationes bannorum matrimonialium nunquam omittant, nisi visis literis dispensationis, quas, qui obtinere voluerint, adferent testimonium a suis Parochis, quod nullum sciant Canonicum impedimentum.

CAPUT XIX.

Omnes Parochi exacte sciant impedimenta Matrimonii, saltem quæ usitatus eveniunt, qualia sunt, consanguinitas usque ad quartum gradum inclusive, affinitas orta ex legitimo Matrimonio usque ad similem gradum etiam inclusive: si vero orta sit ex fornicatione duntaxat, usque ad secundum inclusive, cognatio spiritualis, five per Baptismi, five per Confirmationis Sacra-

mentum contracta, Ordo Sacer, omne votum castitatis, impotentia, validæ promissiones priores matrimoniales, iustitia publicæ honestatis ex validis Sponsalibus proveniens quo ad primum gradum tantum. Quod si aliqui Parochorum hæc impedimenta discernere non norint, peritiores consulant, alioquin si scienter aliquos sic impeditos conjunxerint, juxta Decretum Concilii Provincialis Cameracensis, ad annum ab officio pastoralis suspendantur, aut alia arbitraria poena puniantur.

CAPUT XX.

Si vero contingat impedimentorum istorum aliquod denunciari, aut Matrimonio desponsorum oppositiōnem aliquam fieri, vel rumor sit publicus impedimentum aliquod subesse, etiamsi nulla sit oppositio, non prius a parochis ad ultiores proclamationes aut Matrimonii solemnizationem procedatur, quam re ad Nos, aut Officiale nostrum delata, ut, quid sit agendum, decernatur: non enim permittimus, ut de causis ejusmodi parochi cognoscant, sed omnem decisionem nostro, aut dicti Officialis judicio referamus.

CAPUT XXI.

Ad exterminandum gravissimum abusum, qui temporibus nostris passim irrepserit, singulis diebus Dominicis denuntient, excommunicatos esse eos, qui ligaturis aut quibuscunque maleficiis actum Matrimonii inter conjuges impedire conantur, quos etiam Nos ex nunc, prout ex tunc excommunicamus, & tam peccati ipsorum, quam excommunicationis nostræ absolutionem Nobis reservamus.

CAPUT XXII.

Sed & alium abusum dissimulare non possumus, quo nova nupta postridie suarum nuptiarum e templo (ubi Sacrosanctum Missæ Sacrificium audit) egrediens, excipitur a mimis & larvatis, seu aliis petulantibus hominibus, & cum multis irreverentiis & insolentis abducitur, donec a suo conjugē redimatur; quæ omnia tanquam Matrimonii Sacramento, imo Christiano nomine indigna, deinceps sub eadem

poena excommunicationis fieri prohibemus, & ne eam in authores fulminare cogamur, Judicium sæcularium, ut aliis convenientibus modis has insolentias repriment, auxilium imploramus.

CAPUT XXIII.

Postremo statuimus, ut dicti parochi quatuor libellos conficiant, in quorum primo, nomina omnium ab eis baptizatorum & parentum & patrinorum eorundem describant, diemque Baptismi & nativitatis annotent. In secundo, nomina omnium tempore sui regiminis confirmatorum, cum nominibus parentum & patrinorum, ac Episcopi confirmantis, & loci, ubi hoc Sacramentum ipsis contulit. In tertio, nomina omnium, qui Matrimonium coram ipsis contraxerunt, & testium, qui contractui interfuerunt, diemque & locum contractus Matrimonii. In quarto, nomina omnium, quorum ipsi corpora sepelierunt in suis Ecclesiis aut Cæmeteriis, cum die mortis seu obitus eorundem: quæ descriptio exigui erit laboris, & minoris impensæ, magni autem fructus, & maxime interdum iis, quorum interest consolationis. Quos libros dicti parochi Nobis, aut Deputatis nostris cum occasio se offerret, nec non Decanis in suis visitationibus, exhibere tenebuntur.

TITULUS VII.

De prima Tonsura, minoribus ac Sacris Ordinibus.

CAPUT I.

AD primam Tonsuram nemo se præsentet, qui non sit confirmatus, & linguæ latinæ jactis fundamentis; coram Nobis testari sit paratus, se non judicii sæcularis fugiendi causâ, sed Deo liberius serviendi, hoc primo Clericorum charactere insignire velle, & testimonium habeat a proprio Parcho, quod sit de legitimo matrimonio natus, & ratione originis aut domicilii noster Diocesanus: alioquin sciat se a tonsuræ susceptione arcendum, quemadmodum & eos, qui ad illam suscipiendam sine superpelliceo & cereo comparebunt.

CAPUT II.

Promovendi ad minores Ordines compareant ad minus summo mane illius diei, qui sacras ordinationes præcedit, & quidem cum literis suæ tonsuræ, ac bonæ & honestæ conversationis; nec ullus se præsentet ad plures Ordines minores simul suscipiendos, nisi Ecclesiæ necessitas aut utilitas hoc postulaverit, cum extra hunc casum, Sacrum Concilium Tridentinum in minoribus non minus, quam in majoribus Ordinibus interstitia servari voluerit.

CAPUT III.

Quod si quis illegitimus a bona indole & vitæ honestate commendetur, ut primam Tonsuram ac minores Ordines suscipere, & simplex beneficium possidere possit, dispensationem super defectu natalium in scriptis habeat, priusquam ad Tonsuram se præsentet, alioquin ab illa repellendus.

CAPUT IV.

Qui vero ad Sacros Ordines se præsentare voluerint, multo magis intelligant in re tanti momenti non esse festinandum; ideoque interstitia inter singulos Ordines exactissime a Nobis esse servanda. Adferant ergo ultra literas susceptionis Ordinum, competens testimonium; quod a novissimo Ordine suscepto, sæpius Sacram Eucharistiam sumpserint, & novas proclamationes fieri curaverint, & interim honeste & laudabiliter vixerint; denique testimoniales literas habeant ætatis suæ, per suos Superiores, Decanos aut Parochos, auditis parentum vel susceptorum, vel iis deficientibus, aliorum fide dignorum testimonio depositionibus, aut inspecto libro baptismali, fideliter expeditas.

CAPUT V.

Qui ad Ordinem Subdiaconatus se præsentare voluerint, mature prius examinata illius muneris, ad quod aspirant, dignitate, & si onus, quod ultro appetunt (nempe perpetuam castitatem servandi, & Dei servitio, atque Ecclesiæ ministerio se totos mancipandi) vires eorum non excedat, compareant aliquot diebus ante ipsam ordinationem

coram Officiali nostro, cum attestationibus valoris sui beneficii aut patrimonii, ad cuius titulum promoveri intendunt: quas si sufficientes judicaverit, hoc suo Decreto testabitur, ne cum ad examen vitæ & doctrinæ venietur, hæc inquisitio, Nos, seu Examinatores ad hoc deputatos, diutius remoretur.

CAPUT VI.

Sufficientiam autem Tituli æstimabit dictus Officialis, juxta Decretum dicti Concilii provincialis, prout & juramentum exigit ab iis, qui promoveri intendunt sub titulo patrimonii, juxta formam ibidem præscriptam, & de illo præstito, fidem faciet.

CAPUT VII.

Ad Ordinem Diaconatus promovendi, diligenter secum perpendant, ad quantum gradum Ecclesiæ ascendant; nam ut olim Levitæ arcam fœderis, ita nunc ipsi Ecclesiam Dei portare & munire debent, ornatu sancto, prædicatu Divino, exemplo perfectò, ut vere testentur se esse Levitas, hoc est, assumptos a carnalibus desideriiis, & a terrenis concupiscentiis, quæ militant adversus animam, ut hæreditas & tribus amabilis Domini esse mereantur, & tanquam Ministri & Cooperatores Corporis & Sanguinis Domini, sint ab omni illecebra carnis alieni, & quibus Evangelium ore annuntiant, vivis operibus exponant, habeantque pedes suos calceatos Sanctorum exemplis, in præparationem Evangelii pacis.

CAPUT VIII.

Qui vero ad Sacrum Presbyteratus Ordinem se præsentare intendunt, meminerint, quod cum magno timore ad tantum gradum ascendendum est, atque providendum, ut celestis sapientia, probi mores, & diuturna justitiæ observatio ad id electos commendent, & advocati in adiutorum Episcoporum cognoscant quod agunt, imitentur quod tractant, quatenus mortis Dominiæ mysterium celebrantes, mortificare membra sua a vitiis & concupiscentiis suis omnibus procurent, sitque doctrina eorum spiritualis medicina populo Dei, si odor vitæ eorum dele-

Stamentum Ecclesiæ Christi, ut prædicatione atque exemplo ædificent domum, id est, familiam Dei, eluceat in eis totius forma iustitiæ, ut bonam rationem dispensationis sibi creditæ redditori, æternæ beatitudinis præmia consequantur.

CAPUT IX.

Nullus autem speret se ordinandum a Nobis, nisi alicui Ecclesiæ ascribatur, hoc est, ni Ecclesiam deligat, in qua se ministraturum spondeat Ordine suscepto, doceatque se hoc fecisse, priusquam ad altiorem gradum promoveatur, ne dictam Ecclesiam deserere possit nobis inconsultis sub pœna interdictionis exercitii Sacrorum Ordinum, a Sacrosancta Tridentina Synodo præscripta.

TITULUS VIII.

De vita & honestate Clericorum.

CAPUT I.

Quamvis habitus non facit Monachum; oportet tamen Clericos, vestes proprio convenientes Ordini, semper deferre, ut per decentiam habitus extrinseci, morum honestatem intrinsecam ostendant. Quapropter ad praxim pulcherrimi Decreti Generalis Concilii Tridentini, & CLEMENTIS V. in Concilio Viennensi procedentes, monemus eos, qui Sacris insigniti sunt, vel Beneficium Ecclesiasticum possident, & in Civitate aut oppidis degunt, ut vestibus talaribus cum bireto Clericali ad crucis similitudinem confecto, quod est Ecclesiasticorum hominum proprium, vel chlamydibus usque ad talos, aut circiter, & veste interiori, ut minima ultra genua propendente, semper utantur, sub pœna suspensionis a suis Ordinibus, officiis, beneficiis, fructibus, redditibus, & proventibus ipsorum beneficiorum, nec non, si semel correpti denuo in hoc deliquerint, sub pœna privationis officiorum & beneficiorum huiusmodi ab eodem Concilio Tridentino præscriptis. Cum autem extra Civitatem, aut oppida profiscerentur, prout & ii, qui ruri vitam agunt, brevioribus chlamydibus uti poterunt, ita tamen, ut interiorem semper ha-

beant vestem, quæ thoracem & caligas contegat.

CAPUT II.

Prædictas pœnas multo magis incurrant, qui dissectas vestes, aut variis coloribus distinctas (quod absit) deferre ausi fuerint.

CAPUT III.

Tonsuram quoque Clericalem pro uniuscujusque Ordinis ratione latam & patentem, omnes semper gerant, & ut minimum, in singulos menses, & omnibus præcipuis anni festivitibus renoveant, ut hoc antiquissimo Ecclesiæ ritu significent, se superflua omnia, curasque omnes sæculares ac terrenas sollicitudines abjecisse, & ea, quæ sursum sunt, quarerè & sapere. Barbam etiam non aliam nutriant, quam suo Ordini congruentem, eamque singulis etiam mensibus, si non radere, saltem concinnare & honeste præscindere teneantur.

CAPUT IV.

Clericorum arma esse debent orationes & jejunia, quibus recte communiti securiores erunt adversus omnes hostes, quam clypeis, gladiis aut sclopetis armati; quare omnibus usum armorum interdiximus, nisi ob itinerum pericula expressam ad illa gerenda, a Nobis, aut Vicario nostro in scriptis obtinuerint licentiam, cujus tamen prætextu, nullus Clericus templum ipsum cum armis ingrediatur. Huic Decreto contravenientes pro prima vice pœnis pecuniariis mulcentur.

CAPUT V.

Tabernæ vero, tanquam malorum omnium fontes, non solum prohibemus, sed etiam serio injungimus Promotoribus nostris, ut si quos resciverint Clericos nostræ Dicecesis, qui eas frequentent, excepta sola itineris necessarii causa, eos statim hoc nomine coram Officialibus nostris evocari curent, quibus præcipimus, ut eos pœnis primum pecuniariis, deinde etiam, si abstinere noluerint, carceribus ad meliora compellant.

CAPUT VI.

Quia vero incontinentiæ crimen maximum dedecus parit Ordini Ecclesiastico, ita ut sola illius suspicio Laicos homines graviter offendat; prohibemus, ne quis Clericorum cujuscunque ordinis fuerit aut dignitatis, mulierem in suam familiam quocunque servitii prætextu assumere audeat, quæ antea fuerit vel convicta, vel etiam de incontinentia suspecta, sub pœna suspensionis ab exercitio suorum Ordinum, aut a suis officiis & beneficiis, si primum amabiliter monitus, eam non dimiserit, & ne deinceps eo nomine vituperetur ministerium nostrum, præcipimus, ut nullus habeat ancillam quadraginta aut circiter annis juniorem, etiam ab omni incontinentiæ suspitione alienam, nisi sit ipsi consanguinea in primo aut secundo gradu consanguinitatis: qui secus fecerit, primum moneatur, ut ejusmodi ancillam juniorem dimittat, deinde, si non paruerit, arbitrio sui Superioris graviter puniatur; contra concubinariorum vero secundum formam a Sacrosancta Tridentina Synodo præscriptam (a), sine ulla dissimulatione procedatur.

CAPUT VII.

Non solum contra Apostolicum præceptum faciunt Clerici; qui negotiationibus operam dant, & quæstum captant, sed etiam qui alienos agros, aut decimas conducunt, & illis colendis, his vero colligendis maximam sui temporis partem, quam orationi & sacris studiis impendere deberent, inutiliter impendunt; nec non ii, qui Dominorum temporalium obsequiis se tradunt, & in eorum negotiis curandis toti occupantur. Proinde omnes Clericos monemus, ut deinceps ab iis abstineant. Parochis tamen ruralibus, qui partem decimarum suarum parochiarum, ratione sui pastoratus possident, permitimus, ut reliquam partem ab iis, ad quos pertinet, conducere possint, quo minori impensa suas decimas colligant, & ipsi commodius sustententur.

TITULUS IX.

De Canonicis, Decanis ruralibus, Pastoribus, & Matriculariis.

CAPUT I.

OMnia, quæ dictum Concilium Provinciale præscripsit Capitulis & Canonicis, observari volumus & mandamus in nostra Ecclesia Cathedrali, & omnibus Ecclesiis Collegiatis nostræ Diœcesis, quibus hoc solum adjicimus, Canonicos semper meminisse debere beneficium dari propter officium, nec sufficere, si per Vicarios Horas Canonicas decantari, & Missas celebrari curent; sed omnes teneri ad Divina per se, & non per substitutos officia obeunda, atque in Choro ad psallendum instituto, hymnis & canticis Dei nomen reverenter, distincte, devotèque laudandum. Quod etsi semper rationi & juri, atque antiquorum observationi consentaneum fuit; non frustra tamen a Patribus Sacrosancti Concilii Tridentini expresse & in particulari Canonicis est præscriptum (b); ut omnes intelligant, sed ad prædicta præcise obligari, nullusque eorum, quocunque prætextu se a Divinis Officiis per se obcundis, excusare possit.

CAPUT II.

Sed & in reliquis suis actionibus ita se habere debent, ut respondeant suæ dignitati & institutioni, de qua pulchre olim & graviter Patres Concilii Aquisgranensis sub Ludovico Pio sic scriptum reliquerunt. (c) "Quia evidenti auctoritate liquet, Canonicam institutionem præstare cæteris institutionibus debere, necesse est, qui hujus professionis censentur nomine, procurare, qualiter in semetipsis eandem institutionem vitam & moribus exornent potius, quam dehonestent." Quod quamvis ad omnes Canonicos pertineat, præcipue tamen ad eos, qui prærogativis Ecclesiæ Cathedralis honorantur, qui cum unum corpus cum Episcopo conficiant, ipseque Episcopus in statu perfectionis sit positus, præ cæteris ad ejusdem perfectionis gradum aspirare, & quantum in eis est, continue ascendere tenentur, ut non

(a) Sess. 25. C. 14.

(b) Sess. 24. de Reform. C. 12.

(c) Cap. 115.

non tantum populo, sed etiam Collegiarum, & totius Civitatis ac Dicecesis Clero, vitæ sanctitate & zelo Divini honoris præluceant, sui que nominis dignitatem, virtutum splendore tueantur, ne si ab Antecessorum suorum magnanimitate degenerarint, aliquando contingat eos, qui in Ecclesia militante post Episcopos primum obtinent, in triumphante cum rubore novissimum locum tenere, aut etiam (quod absit) in æternum omni honoris gradu & Sanctorum societate privari.

CAPUT III.

Quæcunque in prædicto Concilio Provinciali Cameracensi de Decanis ruralibus & Pastoribus habentur, Decani & Pastores nostræ Dicecesis diligenter observent; quibus adjicienda duximus, quæ sequuntur. Imprimis, ut ipsi Decani in prima congregatione Capitulari Pastorum sui districtus, curent omnes, qui huic Synodo non interfuerunt, publicam fidei suæ facere professionem, juxta formam a felicis recordationis Pro Papa Quarto præscriptam: deinde legi & publicari hujus Synodi Decreta, & serio tractari de eorundem executione, quatenus eos & populum eis commissum tangunt, aut concernunt.

CAPUT IV.

Et cum dicti Decani constituti sint a Nobis tanquam Pastores dictorum Pastorum, sollicitos se exhibeant de eorum salute & spiritali profectu. Ideo singulis annis, dum suas visitationes faciunt, non solum ad præcavendum & fugiendum crimina omnia, & occasiones eorundem, sed etiam ad fortiter pugnandum prælia Domini, & viriliter in ejus vinea laborandum, paterno eos affectu cohortentur. Ut tanquam boni milites victoriam reportare, ac triumphum agere, & tanquam boni agricolæ suavissimum aliquando laborum suorum fructum percipere mereantur. Econtra mandamus Pastoribus, ut Decanos suos pro suis Pastoribus agnoscant, eos ut tales honorent & ament, ipsisque aliquoties in anno, ut minimum semel, peccata sua confiteantur.

CAPUT V.

At præter supradicta, etiam ad officium Decani pertinent, quæ sequuntur: campanas novas benedicere, beneficiorum omnium sui Decanatus curam habere, eadem singulis annis visitare, & de eorum statu, an videlicet satisfiat foundationibus & oneribus, & an Sanctissimum Eucharistiæ Sacramentum, & Sacrum Chrisma, atque Oleum catechumenorum, & infirmorum honorifice asserventur, & quidem hæc tria separatim ab ipso Sanctissimo Sacramento: An Ecclesiæ ipsæ debite reparentur, altaria decenter ornentur, cœmeteria sufficienter claudantur, aliaque ejusmodi, quæ ad decorem Domus Domini pertinent, nec non de ipsorum Pastorum, Capellanorum, Matriculariorum, imo & Parochianorum vita & moribus diligenter inquirere, defectusque omnes, quos deprehenderit, ad Nos referre, eos, quibus de Ecclesia Parochiali, aut alio Beneficio sui Decanatus recenter provisum est, visis literis institutionis debite expeditis, in possessionem mittere; hoc enim ad evitandas multas fraudes, ipsi Decanis reservamus, aliisque Presbyteris, etiam si literæ expediantur in forma *Universis*, ne se huic missioni in possessionem, nisi de ipsorum Decanorum consensu immisceant, expresse prohibemus.

CAPUT VI.

Decani quoque est, Pastorum sibi subditorum, nec non aliorum Sacerdotum, vel in aliis Sacris Ordinibus constitutorum, Nobilium & leproforum exequias celebrare, & mimenta bonorum ad Pastoratus ipsos spectantium, nec non & registra Baptizatorum, Confirmatorum, Matrimonio conjunctorum, & sepultorum, ne ab ipsorum pastorum hæredibus, aut aliter distrahantur, & si quæ alia sint, quæ Ecclesias ipsas concernunt, sub inventario, Successori, cum institutus fuerit, tradenda, aut in Archivum nostrum referenda, conservare. Insuper omnia defuncti mobilia describere & sequestrare, ac sequestrum statim Promotori nostro denunciare, ut jura nostra, si quæ sint, tueatur, &

& Pastorales domos debite reparari curet, donec omne æs alienum persolutum fuerit, aut pro his omnibus ab hæredibus præstita fuerit sufficiens cautio. Nos autem labores eorundem Decanorum, prout juris & rationis fuerit, taxabimus, & eisdem persolvi curabimus.

CAPUT VII.

Acceptum a Nobis in die Cœnæ Domini Sacrum Chrisma, & alia Sacra Olea, non alibi, quam in templo loci Decanalis distribuunt, & quidem in capsulis, quantum fieri potest, mundissimis, nec aliis ea deferenda tradant, quam personis Ecclesiasticis, quas monebunt, ut statim ea reverenter deferant ad propriam Ecclesiam, nec cum illis in via, maxime in tabernis hære, & computationibus se se dare audeant, sub gravi pœna, arbitrio nostro infligenda. Pastores autem iis acceptis, nullo pacto utantur veteribus, sed quidquid ex iis superfuerit, lampadi, quæ lucet ante Venerabile Sacramentum, infundant, aut super piscinam comburant.

CAPUT VIII.

Quoad portionem Canonicam Pastoribus nostræ Diœcesis assignandam exacte servari jubemus Decreta dicti Concilii Provincialis Cameracensis, & Officialibus nostris præcipimus, ut quanto citius fieri poterit, ejusmodi causas terminari curent, nec Procuratorum, aut aliorum quorumcunque artificii eas protrahi patiantur.

CAPUT IX.

Magnam præbuerunt occasionem hæreticis suos errores disseminandi, & rudem populum pervertendi, qui olim Ecclesiis Parochialibus viros ignaros, & ad Pastoralis muneris functionem ineptas præfecerunt, ideoque prudentissime Concilium Tridentinum statuit, ut vacatione alicujus Ecclesiæ parochialis occurrente, etiam per edictum publicum vocentur omnes, qui ad illam obtinendam volent examinari, & peracto examine renuntientur, quotquot ab Examinatoribus idonei judicati fuerint, ætate, moribus, doctrina, prudentia, & aliis rebus ad vacantem Ec-

clesiam gubernandam opportunis, ex hisque Episcopus eum eligat, quem cæteris magis idoneum judicaverit, aut Patronus digniorem inter illos Episcopo præsentare teneatur, ut ab eo instituatur. Cum autem hoc saluberrimum Decretum, magno cum fructu, juxta ejus tenorem jamdiu in hac nostra Diœcesi usu receptum sit, hæc Synodus, cujus judicio dictum Concilium ipsorum Examinatorum nominationem reliquit, ad hanc functionem exercendam communi nomine omnium Prælatorum, & aliorum, quibus Ecclesiarum provisio incumbit, nominavit Reverendos & discretos Viros ac Magistros, *Nicolaum Causin* Decanum, *Joannem Dauvin* Archi-Diaconum, Sacræ Theologiæ, *Lambertum Paradisum* Juris utriusque, *Ægidium Bosman* Archi-presbyterum, Sacræ Theologiæ, & *Jacobum Cassot* Scholasticum, Juris respectively Licentiatos, & Ecclesiæ nostræ Cathedralis Canonicos, qui omnes juraverunt ad Sancta Dei Evangelia, se, quacunque humana affectione postposita, fideliter hoc munus executuros.

CAPUT X.

Matricularii autem, qui cum Parochis Divinum Officium decantant aut peragunt, de numero sint Ministrorum Ecclesiæ: proinde necessarium fuit, ut antequam admittantur, testimoniales exhibeant literas suæ vitæ, & honestæ conversationis, subsignatas a Pastore & Magistratu suæ ultimæ residentiæ, & quod sint tonsurati, nec non semper conspicuam tonsuram gerant cum habitu decenti: expediret etiam eos minores Ordines suscipere: unde apparet, quam indecens sit caupones, aut alterius vilis professionis ad id muneris admitti, quod deinceps omnino prohibemus; sed nec Ballivos, Scabinos, aut Scribas Curiae sæcularis eos esse convenit, quia tamen multis in locis, virorum ad hoc officium in Ecclesia peragendum penuria est, poterunt ejusmodi admitti, sed non sine nostra, aut Vicarii nostri licentia, quam ut obtineant, promittere debebunt se in omnibus, quæ hoc ministerium Ecclesiasticum concernent, Pastori suo fore obediens, & ad ipsi inservendum paratos.

K k k k

CA-

CAPUT XI.

Iis in locis, ubi Matriculariis committitur cura & custodia ornamentorum, & aliorum mobilium bonorum Ecclesiae, non admittantur ad hoc munus, nisi sufficientem, iudicio Pastoris, & praecipuorum Parochianorum, de iis fideliter conservandis & restituendis, praestiterint cautionem.

CAPUT XII.

Moneantur autem diligenter & frequenter a Pastoribus, ut ornamenta ipsa, quantum fieri potest, integra & munda conservent, & quae lacera deprehenderint, statim resarciri aut reparari, quae sordida, protinus mutari, lavari aut mundari curent; denique ut nullas in altaribus aut parietibus, nec in ipso Templi pavimento, imo nec in coemiteriis notabiles sordes pariantur, sed re ipsa omnibus testentur se diligere decorem domus Dei, cujus ministerio haud contemnendo sunt mancipati.

TITULUS X.

De Regularibus & Monialibus.

CAPUT I.

Abbates, ceterique Monasteriorum Superiores omnem curam & diligentiam adhibeant, ut in Monasteriis sibi subjectis, ea, quae ad regularis vitae substantiam pertinent, qualia sunt obedientiae, paupertatis, & castitatis, & si quae alia sunt alicujus Regulae & Ordinis peculiaria vota & praecepta, nullo unquam tempore relaxentur, sed exacte & fideliter observentur: si enim illa, quae bases sunt & fundamenta totius regularis disciplinae, non fuerint conservata, totum corruat aedificium necesse est.

CAPUT II.

Hoc autem a suis subditis nulla alia meliori ratione ne unquam impetrabunt, quam si ipsi ex animo forma sui gregis fiant, & in se ipsis, tanquam in lucidissimo speculo, omnes illas virtutes ac perfectiones repraesentent, quas in aliorum animis imprimere conabuntur: non ergo praecipua illis sit rerum temporalium cura, sed potius

hoc mente & cogitatione revolvant, hoc assidue meditentur, in hoc die ac nocte versentur, ut praesint verbo & exemplo, & ad eum finem officium Divinum frequentent, Missae Sacrificium sapientius Deo offerant, & non minus humilitate, quam auctoritate superent omnes, charitatis vero officii a nemine superentur, castitate etiam aliis praemineant, & in mediis divitiis, si per Dei gratiam, ac propriam, & Praedecessorum industriam & parsimoniam, Monasterio suo forsitan abundant, se vero pauperes esse ac mundi, & terrenorum omnium bonorum contemptores re ipsa testentur, ideoque a pretiosa supellectile omnino abstineant. Subditis quoque suis mobilium bonorum usum ita permittant, ut eorum suppellex statui paupertatis, quam professi sunt, conveniat, nihilque superflui in ea sit, nihil etiam, quod sit necessarium, eis denegetur. Quod si quem aliter quippiam tenere deprehendant, eundem biennio activa & passiva voce privent, atque etiam juxta suae Regulae & ordinationis Constitutiones, puniant, prout voluerunt, & expresse statuerunt S. Patres praetacti Concilii Tridentini. (*) Nec existimet Abbas, seu quivis alius Superior, quod super habenda proprietate cum aliquo Monacho dispensare possit, quia abdicatio proprietatis, sicut & custodia castitatis, adeo est annexa regulae Monasticae, ut INNOCENTIUS III. asserat, nec Summum Pontificem contra eam posse licentiam indulgere, & CLEMENS III. jubeat Religiosum, qui proprium, quod contra Regulam latenter habuerat, noluit resignare, & sic diem clausit extremum: non tantum Christiana sepultura privari, verum etiam, si sine maximo scandalo fieri posset, de ipsa Ecclesia projici. Unde non immerito damnanda est illa consuetudo, qua in nonnullis Monasteriis certa pecunia singulis Religiosis pro vestimentis assignatur, cum non minus vestiri, quam nutrirı debeant in communi, & nequidem permitti possit, ut ullam penes se pecuniam habeant, sed si quam habent, vel a parentibus aut amicis sibi donatam, vel propria industria acquisitam, eam in manus Superioris, aut ab eo

(*) Sess. 25. Cap. 2. de Reg. & Monial.

eo deputati, consignare, aut certe ab eo licentiam impetrare teneantur, eam in usus sibi necessarios convertendi, sub pœna violationis voti paupertatis, in quo non minima pars perfectionis regularis vitæ consistit.

CAPUT III.

Expedit etiam, ut Religiosi omnes reipsa testentur se esse, quod dicuntur, nempe Monachos, seu Solitarios, hoc est solitudinis amatores, & mundi ac rerum mundanarum contemptores: ideoque, quam rarissime fieri potest, septa Monasterii egrediantur, cum non sit necesse ea videre crebrius, quorum contemptu Monachi esse cœperunt, quin potius semper contemnere debeant, quod semel contempserunt.

CAPUT IV.

Sicut pro receptione Monachi, aut Monialis, etiam paupertatis Monasterii prætextu, nihil exigi potest, ita indecorum est in die vestitionis aut professionis eorum adeo magnos sumptus fieri, ut hoc & parentibus onerosum, & apud alios sit mali exempli, quasi hac via pauperibus ad Monasteria aditus præcludatur: itaque Abbates & Abbatissæ, alique Monasteriorum Superiores, e domibus suis hanc consuetudinem, seu potius corruptelam prorsus eliminant, parentesque etiam volentes ejusmodi facere sumptus, prohibeant, maxime in vestitionibus, ne dimissis postea, aut sponte recedentibus Novitiis, aliqua inde exprobatōis aut oblocutionis materia oriatur, aut certe in præjudicium honoris eorundem Superiorum & Monasteriorum arripiatur.

CAPUT V.

In omnibus virorum Monasteriis, lectionem Sacræ Theologiæ haberi non frustra statuit Tridentina Synodus, quam cum non solum utilem, sed etiam necessariam esse huic nostræ Diœcesi compertum habeamus, omnes Abbates monemus, ut infra tres menses a die publicationis horum Decretorum, de Lectore regulari, aut sæculari sibi provideant, alioquin a Nobis, tanquam Sedis Apostolicæ delegatis, ad id opportunis remediis compelliendi.

Tomus VIII. Concilior. German.

CAPUT VI.

Extra horam refectionis non sit liberum cuiquam Religiosorum, etiam prætextu adventus parentum, aut amicorum suorum, comestationibus aut computationibus indulgere, sed ipsi parentes aut amici a Superiore aut ab Oeconomo excipiantur, Religiosis ad prandium aut cenam duntaxat evocatis: qui nihilominus, quacunque occasione extra commune refectōrium cenati fuerint, ante horam nonam dormitorium repetere compellantur, quod semper clavibus obseretur, ita quod nullus Religiosus, nisi confcio & consentiente Superiore, unquam egredi possit.

CAPUT VII.

Res est plena periculi & mali exempli, quod in Monasteriis tam virorum, quam Sanctimonialium, hospitibus advenientibus vina vendantur, ideo hæc Synodus omnibus eorum Superioribus interdicit, ne hæc deinceps fieri ulla ratione patiantur, alioquin contra ipsos, tanquam principales causas abusus, qui ex hoc consequuntur, sine ulla dissimulatione procedatur.

CAPUT VIII.

Mulieres ad loca regularia Monasteriorum virorum extra tempus supplicationum aut processionum sub pœna excommunicationis contra easdem mulieres, & suspensionis a Divinis contra Superiores eorundem Monasteriorum, quocumque prætextu ne admittantur.

CAPUT IX.

Cum autem idem Concilium Tridentinum sub obtestatione Divini iudicii, & interminatione maledictionis æternæ, omnibus Episcopis præcipiat, ut in omnibus Monasteriis sibi subiectis ordinaria, in aliis vero Sedis Apostolicæ autoritate clausuram Sanctimonialium, ubi violata fuerit, restituant, & ubi inviolata est, observari maxime procurent, inobedientes atque contradictores per censuras Ecclesiasticas, aliasque pœnas quacunque appellatione proposita compescendo, invocato etiam ad hæc, si opus fuerit, auxilio brachii sæcularis: Nos ne nostro officio hac in

K k k k 2

parte

parte defuisse inveniamur, dictamque maledictionem æternam (quod absit) incurramus, cum omnia Monasteria Sanctimonialium nostræ Diœcesis a nostra subjectione sint exempta, omnes eorundum Superiores ex intimo charitatis affectu requirimus, & sub eadem obtestatione & interminatione moneamus, ut tam salutare Decretum statim post publicationem hujus Synodi summo studio exequantur, ne Nos ipsi, tanquam ejus Sanctæ Sedis delegati, ad dictas censuras, aliasque pœnas, aut ad prædicti brachii sæcularis invocationem procedere compellamur; prout tenemur, ex ordinatione dicti Concilii Tridentini, ne nostram hac in parte, & omnibus aliis, quæ dictos Regulares concernunt, negligentiam, Concilium Provinciale supplere & coercere cogatur, quod de dictorum Superiorum pietate ac religionis zelo confidimus.

CAPUT X.

Ut autem dicti Monasteriorum Superiores, tanto se promptiores & ferventiores ad dictam executionem exhibeant, quanto majus periculum ipsis & aliis ex ejus neglectu imminere cognoscent, ultra prædicti Concilii Tridentini præceptum, adjiciendam hic duximus Bullam felicitis recordationis GREGORII Papæ XIII. continentem revocationem omnium licentiarum ingrediendi Monasteria Monialium & Virorum, & prohibitionem, ne habentes licentias ab Episcopis vel Superioribus in casibus necessariis, ingrediantur Monasteria Monialium, pro libito, nec necessitatibus urgentibus duntaxat, hujusmodi sub tenore:

GREGORIUS EPISCOPUS, SERVUS
servorum Dei, ad perpetuam rei memoriam.

Ubi gratia & indulta ab hac Sede concessa successu temporis incommodum adferre noscuntur, expedit illa salubri præsentis consilio submoveri. Proinde Sanctimonialium quieti & tranquillitati consulere, ac omnia, quæ illas a spiritualium rerum cogitatione, & exercitio avocant, impedimenta tollere, periculaque & scandala ab eis removere cupientes, auctoritate præsentium revocamus & abolemus omnes & quascunque licentias ac facultates

ingrediendi Monasteria, domos, & loca Monialium, ac etiam virorum quorumvis Ordinum, quibusvis etiam Comitibus, Marchionibus, Ducibus, & aliis cujuscunque status & conditionis mulieribus, ac etiam omnes & quascunque licentias ingrediendi Monasteria, domos, & loca ipsarum Sanctimonialium, quibuscunque viris, etiam ejusdem status & dignitatis, tam a Prædecessoribus nostris, quam etiam a Nobis & Sedis Apostolicæ Legatis, aut aliis, ex quibusvis, quantumcunque urgentibus causis, sub quibuscunque tenoribus, & etiam derogatoriis derogatoriis, revocatoriis restitutoriis, aliisque efficacioribus clausulis, irritantibusque & aliis Decretis, etiam motu proprio, & ex certa scientia, deque Apostolicæ potestatis plenitudine, atque ad Imperatoris, Regum, Reginarum, aliorumque Principum contemplationem vel supplicationem concessas, confirmatas, ac etiam iteratis vicibus renovatas, cassamusque & annullamus literas desuper confectas, & processus habitos per easdem. Inhibemus eisdem, qui illas obtinuerunt, sub excommunicationis pœna, ipso facto incurrenda, super qua, a nemine, nisi a Romano Pontifice, præterquam in mortis articulo absolutionis beneficium possit impetiri, ne ipsarum licentiarum prætextu, Monasteria hujusmodi quovis modo ingredi audeant: Abbatibus vero, nec non Abbatibus, Conventibus, ac aliis Monasteriorum utriusque sexus Superioribus, & personis, quocunque nomine vocentur, districte præcipimus, sub eadem excommunicationis pœna, nec non privationis dignitatum, beneficiorum & officiorum suorum, ac inhabilitatis ad illa & alia imposterum obtinenda, ne in Monasteria, domos, & loca sua, quemquam, prætextu hujusmodi licentiarum & facultatum ingredi faciant, vel permittant, quin etiam sub eisdem pœnis ipso facto incurrendis, prohibemus atque interdiciamus omnibus, & quibuscunque personis Ecclesiasticis, & sæcularibus, ac etiam Ordinum quorumcunque, etiam mendicantium Regularibus, ne prætextu licentiarum ab Episcopis vel Superioribus (quibus illas concedendi in casibus necessariis tantum ex Decreto Concilii Tridentini tribuitur) Monasteria ipsa Monialium, pro libito, sed necessitatibus urgentibus duntaxat ingredi, neve Moniales sub eisdem pœnis illos aliter admittere præsumant: non obstantibus præmissis, ac Constitutionibus ac Ordinationibus Apostolicis, Monasteriorumque & Ordinum prædictorum, juramento, confirmatione Apostolica, & quavis firmitate alia roboratis,

boratis, statutis & consuetudinibus, privilegiis quoque, exemptionibus, & indultis Apostolicis, illis, eorumque Superioribus prædictis, ac aliis quibuscunque, per quoscunque Romanos Pontifices, Prædecessores nostros, ac Nos, & dictam Sedem, sub quibuscunque tenoribus & formis, ac cum quibuscunque clausulis & Decretis concessis, confirmatis, ac etiam iteratis vicibus innovatis; quibus omnibus, eorum tenores, perinde ac si ad verbum infererentur præsentibus, pro sufficienter expressis habentes, illis alias in suo robore permansuris, hac vice duntaxat specialiter & expresse derogamus, cæterisque contrariis quibuscunque. Quoniam autem difficile esset præsentibus ad omnia loca perferri, volumus earum exemplis, etiam impressis, manu Notarii publici, & sigillo personæ in dignitate Ecclesiastica constitutæ munitis, eandem fidem in iudicio, & extra illud ubique locorum adhiberi, quæ præsentibus adhiberetur, si essent exhibitæ vel ostensæ. Nulli ergo hominum liceat hanc paginam nostræ revocationis, abolitionis, cassationis, annulationis, inhibitionis, præcepti, prohibitionis, interdicti, derogationis & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum ejus, se noverit incursurum. Datum Romæ apud S. Petrum Anno Incarnationis Dominicæ 1575. Idibus Junii, Pontificatus nostri anno IV.

CAPUT XI.

Superiores dictarum Sanctimoniarum, moneant Præfectas earundem, ut non permittant puellas habitum regularem suscipere, vel professionem emittere, quin exploraverit Episcopus, vel eo absente aut impedito, ejus Vicarius, aut aliquis ab eis deputatus, virginis voluntatem, cæteraque examinauerit, quæ præscribit dictum Concilium Tridentinum, ex quo evidenter apparet, Episcopum tam de vestitione, quam de professione reddi debere certiorum, & quidem uno ante ipsam professionem mense, sub pena suspensionis ipsius Præfectæ ab officio suo, quamdiu ipsi Episcopo videbitur.

CAPUT XII.

Illud postremo adjiciendum duximus, non convenire Regularibus, ut iis, quæ propria sunt muneris Pastoralis, se immisceant, proinde ipsis absti-

nendum ab administrando secularibus, tempore Paschatis Eucharistiæ Sacramento, & a purificatione mulierum post partum, quod relinquere debent proprio eorum Pastori, seu ejus vices gerenti, juxta Decretum dicti Concilii provincialis Tit. de Bapt. Cap. 13. Sed nec audiant ægrotorum confessiones in domibus privatis, nisi hoc prius significaverint proprio eorum Pastori, & multo minus præsumant eis deferre secreta & sine lumine Sacrosanctam Eucharistiam, quod nequidem ipsis Pastoribus permittitur, nec sollicitent ipsos ægrotos ad eligendum in ipsorum Ecclesiis sepulturam, & si sponte eam elegerint, ferventur nihilominus Ecclesiæ Parochiali sua jura.

TITULUS XI.

*De Bonorum Ecclesiasticorum
conservatione.*

CAPUT I.

INanis futura est personarum Ecclesiasticarum, de quibus hætenus, reformatio, ni bonorum, quibus honeste sustententur, diligens ratio habeatur: itaque non minima cura Prælatorum, & aliorum quorumcunque Ecclesiastici Ordinis, circa hoc versari debet, ut quæ illis, vel antiquorum pietas donavit, vel Antecessorum industria acquisivit, summo studio ab iis conserventur: eum in finem Decani in hoc incumbant, non tantum ut Beneficiorum omnium sui districtus notitiam habeant, sed etiam eorundem qualitates, valorem videlicet & onera norint, an hæc persolvantur, & an ipsa bona, juxta verum valorem elocentur, num etiam alienationes perpetuæ, aut ad longum tempus de iis fiant: quæ omnia redigant in scriptis cum nominibus & cognominibus eorum, qui dicta Beneficia curata aut simplicia possident, & infra sex menses a die publicationis hujus Synodi, eorundem terras, redditus, proventus, cæteraque bona omnia, per modum inventariorum aut registri, exacte & sigillatim describant, & ipsa inventaria a Majori Ballivo aut Scabinis, seu aliis publicis personis, quæ ejusmodi bonorum notitiam habent, subsignari curent,

rent, eaque suis Decanis tradant, sub pœna suspensionis a perceptione dictorum proventuum.

CAPUT II.

Decani vero ejusmodi registra in Archivum nostrum reponenda Nobis transmittant, & si qui Possessores Beneficiorum hujusmodi huic Statuto non obtemperaverint, fructus eorundem a Decanis arrestentur & sequantur.

CAPUT III.

Et quia experientia cognovimus, in curia Pastorum, & aliorum, qui Beneficia simplicia obtinent, aut malitia hæredum eorundem, qui literas originales, registra, & alia munimenta in domibus mortuariis inventa, non restitunt eorum successoribus, denique injuria bellorum dum ad varia loca transferuntur, magnam partem bonorum ad dictas Ecclesias Parochiales, aut simplicia Beneficia spectantium, perire, aut certe ignorari, & pro derelictis haberi, in grave præjudicium Collatorum, seu Decimatorum, qui postmodum pro portione Canonica Pastorum, aut reparatione Ecclesiarum seu Capellarum variis modis molestantur & vexantur, ut huic malo aliqua ratione succurramus; volumus, ut literæ originales, registra & alia munimenta eorundem bonorum, in formam authenticam transumantur, & originales quidem in Archivum nostrum reponantur, inde retrahendæ, quoties opus fuerit, relictis eorum loco dictis transumptis, quæ alias in manibus dictorum Pastorum & aliorum Beneficiatorum, ad quotidianos usus remanebunt, quibus tamen dicta originalia non consignabuntur, nisi scripto se illa recepisse testentur, & de illis restituendis seu referendis fidem suam præstent.

CAPUT IV.

Prælati vero & Capitula simili aliqua ratione provideant, ut omnia munimenta Ecclesiarum suarum ab hac diuturna bellorum tempestate vendicentur, & in tuto conserventur, & si quæ ob nimiam vetustatem consumptioni proxima sunt, transumi, & in formam authenticam redigi curent,

etiam implorata Principum autoritate, ut ipsis transumptis, in judicio & extra, plena & indubitata fides adhibeatur, quod & Nos (si opus fuerit) pro præactis bonorum ad Ecclesias Parochiales & simplicia Beneficia pertinentium transumptis, fieri omnino curabimus.

CAPUT V.

Si quæ bona ad dictas Parochiales Ecclesias, aut simplicia beneficia pertinentia, non ob solutionem censuum ab ipsis Pastoribus aut Beneficiatis evincantur, aut evictione ab aliis facta, ab ipsis recuperentur, non ideo liberum sit ipsis Pastoribus, aut Beneficiatis, pignora sic evicta sibi retinere, aut ea transferre in suos hæredes, sed suis Ecclesiis reacquisita esse censeantur: si quis aliter fecisse deprehendatur, condignis penis afficiatur, & contra hæredes, tanquam detentores bonorum Ecclesiasticorum, procedatur.

CAPUT VI.

Porro cum non sufficiat præcavisse, ne bona Ecclesiastica deperdantur, sed æque nostrum sit providere, ne a possessoribus, in præjudicium successorum notabiliter imminuantur; declaramus exacte observanda per universam Dicecesim nostram, quæ Concilium Provinciale Cameracense, Tit. *De relictis Bonorum Ecclesiasticorum administratione*, prudenter sanxit de alienationibus & locationibus bonorum Ecclesiasticorum, quæ etiam piissimæ memoriæ PHILIPPUS II. Hispaniarum Rex suo edicto stabilivit, sub pœna nullitatis contractuum aliter factorum absque Superiorum Decreto, cum causæ cognitione interposito. Quæ omnia hæc etiam Synodus probat, & tam a Prælatibus & Capitulis, quam ab aliis inferioribus & singularibus personis Ecclesiasticis, imo & Administratoribus bonorum, quæ fabricæ Ecclesiarum, vel pauperibus relicta sunt, terminos locationi domorum & terrarum arabilium, pratorum & decimarum ibidem præscriptos, deinceps inviolate observanda fore declarat.

CAPUT VII.

Dicti vero Prælati & Capitula, current in singulos annos reddi computus suo.

suorum bonorum, in quibus de novennio in novennium specificentur quantitas & limites terrarum arabilium, & pratorum, nec non limites decimarum & fundi, super quibus hypothecati sunt census & redditus eorum Ecclesiis debiti.

CAPUT VIII.

Hoc ipsum facere teneantur omnes Administratores bonorum fabricis Ecclesiarum, mensis pauperum, aut piis locis relictorum, & computibus eorum intersint Decani aut Pastores cuiusvis Ecclesiæ, & si bona ipsa secundum verum valorem, & factis proclamationibus, non elocari, aut in alios, quam debent usus converti, vel expensas inutiles in præjudicium piarum fundationum fieri, aut pecunias ex redemptione censuum seu reddituum provenientes, in emptionem aliorum reddituum aut bonorum immobilium non converti animadverterint, Nos de prædictis diligenter informetur, ut quantum in Nobis est; his abusibus prospiciamus, prout de jure tenemur, & ex Decreto Concilii Tridentini.

CAPUT IX.

Ut autem dicta bona rectius administrantur, eorum administratio viris bonis & timoratis de consilio Pastorum & præcipuorum parochianorum semper committatur, qui jurent in sua admissione, se eandem diligentiam adhibituras in dictis bonis curandis, recuperandis & conservandis, quam in propriis adhiberent, seque de illis in singulos annos integrum & fidelem computum reddituros.

CAPUT X.

Domorum quoque pastoralium, quarum ruinæ non solum Pastoribus, sed & Parochianis omnibus præjudicium adferunt, diligentissima cura habenda est, proinde dictis Pastoribus serio præcipimus, ut eas integras conservent: Decanis vero, ut dum Ecclesias visitant, dictas quoque domos visitare non omittant, & si quid collapsum aut ruinofum deprehenderint, statim per Pastores reparari curent, alio-

quin hoc in relationibus suarum visitationum sigillatim annotent, ut Pastores ad eas reparandas, prout juris fuerit & rationis, compelli, & ob præteritam negligentiam, arbitraria pœna puniri possint. Quod si aliqui sint, qui pastorales domos non habeant, vel temporum injuria funditus everse sint, provideant cum suis Parochianis, & aliis, qui de jure aut consuetudine in hoc pium opus contribuere tenentur, ut quanto citius fieri potest, in fundo pastoralis aut alio commodiori loco Ecclesiis ipsis proximo ædificentur. Quæ vero ante obitum Pastoris debite non fuerint reparata, sumptibus domus mortuariæ eorundem reparentur. Arrestatis & sequestratis per Promotores nostros ad eum finem fructibus & emolumentis, ad ipsam spectantibus, implorato etiam, si opus fuerit, ob commune & publicum bonum, brachio sæculari.

CAPUT XI.

Si qui vero Ecclesiarum & quorumcunque Beneficiorum, aut piorum locorum jurisdictiones, bona, census, ac jura in proprios usus convertere, illaque usurpare præsumpserint, seu impedire, ne ab iis, ad quos jure pertinent, percipiantur, sciant se anathemati tamdiu subiacere, quamdiu jurisdictiones, bona, res, jura, fructus & redditus, quos occuparunt, Ecclesiæ ejusdem Administratoribus, sive Beneficiato integre non restituerint, ac deinde a Romano Pontifice absolutionem obtinuerint, & si Clericus sit, ultra dictas pœnas, etiam quibuscunque Beneficiis se privatum, & ad quæcunque alia Beneficia inhabilem effectum esse cognoscat, per expressam ordinationem Concilii Tridentini (*), & ita a Prædicatoribus Verbi Dei doceri, & sæpius inculcari, nec non a Confessoribus sic poenitentes moneri cupimus & mandamus.

CAPUT XII.

Porro si tanta diligentia bona Ecclesiarum temporalia conservanda sunt, quanto magis advigilandum est, ut Ecclesiæ ipsæ, & alia loca Deo sacra ab omni

(*) Sess. 22. Cap. 11.

omni periculo profanationis, exustionis, aut direptionis, & quacunq̃ue ruina & damno præserventur: ideo tam Rectoribus earundem & aliis Clericis, quam locorum incolis prohibemus, ne in illa cum suis pecoribus & aliis bestiis ac domesticis utensilibus se recipiant, sed nec in illis dormire, comedere aut bibere præsumant. Quod si absoluta necessitas ob vim aut incursus hostium, aliquos ipsorum ad hoc compellat, statim illa cessante, non solum pecora, sed & dicta utensilia, quæ magnum præstant Divinis officiis impedimentum, amoveant, Templaque ipsa diligenter mundentur, priusquam in illis Sacrosanctum Missæ Sacrificium celebretur, sub pœna suspensionis a Divinis in Clericos, & excommunicationis in Laicos decernendæ.

CAPUT XIII.

Non parum quoque damni accedit Sacris Templis, quod multis in locis per totam diem aperta relinquantur, & non solum furum direptionibus, sed etiam variis profanationum periculis exponantur. Quod ne deinceps contingat, omnibus Ecclesiarum Præfectis nostræ Diœcesis, & Pastoribus & Matriculariis Parochialium Ecclesiarum præcipimus, ut extra tempus Divini officii, easdem clauſas semper teneant, seu claudi curent, sub pœna unius floreni toties quoties a negligentibus exigendi, & fabricæ ipsius Ecclesiæ applicandi.

CAPUT XIV.

Cœmeteria vero, muris, fossis aut sepibus, ac de nocte etiam portis ita muniantur, ut nec contentiosis ac dissolutis hominibus, qui eadem sæpius profanant, nec feris aut fœdis animalibus ad illa pateat ingressus, sed nec in hortos redigantur, nec bestię in illis pasci ulla ratione permittantur, & si ibidem repertæ fuerint, comprehendantur, nec suis possessoribus restituantur, donec quinque stuferos pro singulis animalibus eidem fabricæ applicandos persolverint, in hanc enim emendam seu multam pecuniariam ex nunc, prout ex tunc eos condemnamus, ut hæc irreverentia erga loca ab Epi-

scopis solemniter in sepulturam Christianorum dedicata, aliquando refrænerur: multo magis prohibemus, ne in eisdem cœmeteriis ante aut post Divinum Officium, seu alio quovis tempore, insolentiæ fiant, sed in illis prout & in ipsis Ecclesiis, cum omni reverentia ac modestia incolæ omnes sub eisdem pœnis converſentur. Ad quarum executionem, Matricularium cuiusque Ecclesiæ deputamus, & pro suo salariò ei quartam partem earundem assignamus. Quod si ipsemet Matricularius, aut etiam Pastor, suas in cœmeterio bestias depasci permittat, in duplum condemnatur.

CAPUT XV.

Diligenter etiam advigilandum est, ne in dictis cœmeteriis vendantur merces cuiusque generis, sed nec in vicinis locis expedit venale exponi vinum, aut cerevisiam, iis diebus, quibus Dedicatio Templi, aut sollemnis processio celebratur, propter insolentias & enormia peccata, quæ ex ea re plerumque accidunt. Quare hæc Pastores fieri prohibeant, & quatenus opus sit, invocent auxilium brachii sæcularis.

CAPUT XVI.

Cum autem immunitatis Ecclesiasticæ non minor habenda sit ratio, hæc Synodus diligenter servari optat & præcipit, quæ de eadem, & de jurisdictione Ecclesiastica, Sacri Canones & utrumque Concilium provinciale decernunt & statuunt.

CAPUT XVII.

Porro ut satisfiat Decreto Concilii Tridentini, *Sessio 25. Cap. 10.* quo iubet in singulis Conciliis provincialibus aut Diœcesanis, aliquot personas, quæ qualitates habeant, juxta Constitutionem Bonifacii Octavi, quæ incipit: *Statutum*: & alioquin ad id aptas designari, quibus causæ Ecclesiasticæ in partibus delegandæ committantur, præiens Synodus designavit & nominavit in Comitatu Namurcensi Reverendos & Venerabiles Viros, Magistrum *Nicolaum Causin*, Sacræ Theologiæ Licentiatum, Ecclesiæ Cathedralis Decanum, Magistrum *Jacobum Cassot*, Juris utriusque Licentiatum, ejusdem Ecclesiæ Canonicum

nicum & Scholaſticum, Floreſſienſem & Boneſſienſem Abbates: & Magiſtrum Joannem Sowet, Eccleſiæ Collegiatæ Beatæ Mariæ Virginis Decanum & Canonicum. In Gallica vero Brabantia Reverendos Dominos, Gemblacenſem & Villarienſem Abbates, ac Magiſtrum Nicolaum j Ardeur, Juris utriuſque Licentiatum, & Eccleſiæ Collegiatæ Beatæ Gertrudis oppidi Nivellenſis Decanum: quorum nomina ad Summum Pontificem, & ejus ac Sanctæ Sedis Apoſtolicæ in his partibus Nuntium, transmittimus, ut juxta prædictum Decretum delegationes quæcunque, aliis, quam his factæ, ſubreptitiæ cenſeantur. Interim admonemus eosdem, uti & ordinarios Judices noſtræ Diœceſis, ut terminandis cauſis, quanta fieri poſſit brevitate ſtudeant; ac litigatorum artibus, competenti aliqua ratione, ut eadem Synodus Tridentina præſcripſit, occurrant.

TITULUS XII.

De Viſitatione.

CAPUT I.

CUM fruſtra condantur Leges ac Statuta, niſi poſtmodum debitæ executioni demandentur, reliquum eſt, ut, qua via ſacroſancti Concilii Tridentini, Provincialis Cameracenſis, & hujus Synodi noſtræ, ac Prædeceſſorum noſtrorum Decreta in praxim deduci poſſint, provide ordinetur: nec alia melior & facilior viſa eſt, quam ut ultra viſitationes, quas Nos ipſi per DEI gratiam perſonaliter facere intendimus, Decani, ſingulis annis, Archidiaconus vero ſingulis triennii, ſuos diſtriſtus viſitent, juxta formulam illis a Nobis præſcribendam, Paſtores, alioſque Sacerdotes, nec non Matricularios ſui officii diligenter admo-
neant, exceſſus ac defectus eorum an-
notent; & ad Nos referant, quibus ſua ſalaria per eos, qui tenentur, ſolvi mandamus.

CAPUT II.

Promotoribus etiam noſtris injungimus, ut diligenter & aſſidue ſe informent, num prædicta Decreta per univerſam noſtram Diœceſim, obſerventur, & ſi quam reſciverint in Prælatiſ aut Capituliſ negligentiam, de illa Nos reddant certiores, alios citari curent coram Officialibus noſtris, quibus mandamus; ut pœnas ipſiſ Decretiſ ap-
poſitas, prout jacet, exequantur, reli-
quis caſibus punitionem exceſſum aut defectum eorundem arbitrio re-
linquentes.

CAPUT III.

Ne quis autem ignorantia prætex-
tu, a prædictorum Decretorum obſervatione ſe excuſet, dictorum Con-
ciliorum, quatenus opus ſit, & hujus Synodi Decreta publicamus & promul-
gamus, & pro legitime publicatis, ab omnibus haberi, & ita per quoscun-
que Judices judicari volumus, ac om-
nibus Prælatiſ, Canonicis, Paſtoribus, ac aliis Sacerdotibus noſtræ Diœceſis præcipimus, ut eadem penes ſe habeant, legant & obſervent, nec non a ſuis ſubdiſtis obſervari faciant. Nos uti prævaricatores & contemptores earum condignis pœnis coerceri mandamus, ita omnibus eadem obſervantibus noſtram benediſtionem impartimur, quam vobis concedet ſons omnis benediſtionis, qui eſt benediſtus in ſæcula. Amen.

LEcta & publicata fuerunt hæc Decreta in Eccleſia Cathedrali Sancti Albani Martyris, Civitatis Namurcenſis, præſidentibus Synodi Patribus, de mandato Reverendiſſimi Domini Episcopi (*) eidem præſidentis, anno Domini Miſleſimo ſexcenteſimo quarto, die vigeſima menſis Octobris.

JACOBUS FABRI, Synodi
Secretarius.

LEO DE HACCURIA, dictæ
Synodi Scriba.

(*) Fuit iſ FRANCISCUS BUSSERETUS (*de Buifferet*), quem Nobiliſ, eaque Patri-
cia familia Montibus Hannoniæ Orbi dedit. Prima domeſticos intra parietes hau-
ſit Latini ſermonis elementa, quia & omnem humaniorum Litterarum, quibus
imbui adoleſcentia formarique ſolet, curſum non ſine magna ingenii ſui commen-
datione præclariffime confecit. Annum ætatiſ agebat viciſimum, cum Lovanii

sub Liliensis Gymnasii Præceptoribus eos faceret in Philosophia progressus, ut locum inter artium Magistros bene multos vix non principem affecurus, scientiæ istius arcana palam explicandi facultatem, ex arbitrio eruditorum Virorum & calculo, facile sibi comparavit. Post arduum quinquennii laborem tum Utriusque Juris Licentia, ut vocant; eadem in Urbe, tum Canonico in Metropolitana beneficio Cameraci A. 1574. potiebatur. Romam dein petiit, Bononiæque in J. U. Doctorum Ordinem solenni est ritu collocatus. Cameracum e Latio redux, a virtute magis, quam ab illa doctrinæ Laurea (cum *Morero* loquor) commendatus, ad amplissimos Senatus Ecclesiastici honores, veluti per gradus ascendit. Officialis enim primum, tum Archidiaconi A. 1583., post Decani & Vicarii Generalis A. 1586. Splendida administravit munia, in iisque partes suas tam egregie sustinuit, ut, quod suspicerent in Eo omnes, atque imitarentur, desiderari nihil posset. Namurcenses certe, ad quos præcellentis fama Viri pervenerat, aptiorem illo ac digniorem, cui Episcopalem imponerent Insulam A. 1602. seque regendos darent, reperere neminem. Quo quidem in officio ad annum 1614, *Morero* teste, perstitit. S. Concilii Tridentini sapientissima Decrèta quanti cum faceret Ipse, tum ab aliis fieri percuperet, testatur satis præfixa Synodalibus hisce Statutis atque ab Eodem habita Oratio elegans, accommodata temporis, idoneis Sanctorum Patrum sententiis exornata. Fulgere vix in Archi-Episcoporum ac Ducum Cameracensium Sede virtus FRANCISCI ceperat A. 1615., & ecce, sub ipsa Pontificatus auspiciis VI. Nonas Majas ejusdem anni, acerbissimo summorum imorumque luctu Valencenis occubuit, mirum apud omnes sui desiderium relinquens. In æde Metropolitana Cameracensi, ubi Præsulis optimi exuviae quiescunt, hanc videre est tumuli inscriptionem:

EPITAPHIUM

ILLUSTRISSIMI ET REVERENDISSIMI DOMINI
FRANCISCI BUISSET, ET,

QUI METROPOLITANÆ HUIUS ECCLESIAE

MUNIUS FUNCTUS PRÆCIPIUS,

AB ANNO M. D. LXXIV. CANONICUS,

OFFICIALIS, ARCHIDIACONUS MAJOR,

DECANUS, ET SEDIS VICARIUS GENERALIS,

INDE ANNIS QUINDECIM

EPISCOPUS NAMURCENSIS;

TANDEM

ARCHIEPISCOPUS ET DUX CAMERACENSIS

ASSUMPTUS,

PRIMO PONTIFICATUS SUI ANNO OBIT,

ÆTATIS LXVI. SALUTIS HUMANÆ

M. D. C. XV. Maji II.

TU ANIMÆ LECTOR

BENE APPRECARÉ.

Cl. Foppens Biblioth. Belg. P. I. pag. 288. Sac. Belgii Chronolog. de Castillion Part. ult. pag. 358. Præ cæteris Nicol. de Guise in suo, quem A. 1616. publici juris fecit, libello: ubi vitam, virtutes, resque præclare gestas Illustrissimi hujus Archi-Episcopi compendio quidem, sed tanto tamen expressit haud dubie verius ac felicius, quanto easdem licuit propius, cum Ipse ab secreta, imo a latere quasi assiduissime esset, intueri. Opusculum mihi hæc adnotanti deerat.

Ex Decretis & Statutis omnium Synodorum Diæcesanarum Namurcensium &c. de jussu & mandato Illmi & Rdmī Domini FERDINANDI COMITIS DE BERLO Episcopi Namurcensis &c. A. 1720. Namurci recens.



DECRETA & CONSTITUTIONES

SYNODALES

JOANNIS V. CURIENSIS EPISCOPI,

Pro Vicariis foraneis, Decanis, Camerariis, aliisque Sacerdotibus

Anno Christi MDCV. Pauli V. PP. I.

Rudolphi II. Imp. XXIX. editæ.

JOANNES, DEI & APOSTOLICÆ SEDIS GRATIA EPISCOPUS CURIENSIS,

Dilectis Nobis in Christo Vicariis foraneis, Decanis, Camerariis, cæterisque Sacerdotibus, Curatis, & non Curatis per Diocesim nostram Curiensem ubique constitutis, Salutem in Domino sempiternam.

Œpientis illud verbum: *judicium durissimum in his, qui præsunt, fiet, quod frequentius ruminare usu venit, Nobis & timoris & sollicitudinis plurimum parit: Timoris quidem, nam ad hoc onus, munusque nostrum minus sufficientes Nos agnoscimus: Sollicitudinis vero, quia de vobis strictissimam sumus reddituri rationem. Hinc fit, ut ex quo tempore placuit S. P. N. CLEMENTI VIII. Pont. Max. electionem per Reverend., Nobiles, Doctissimosque Viros hujus Almæ & antiquissimæ Ecclesiæ Canonicos, ad quos ea spectat, in Nos factam confirmare, atque adeo Episcopalem nobis Cathedram & vestrum omnium curam committere, nullam fecerimus moram, quin ad Ecclesiæ nostræ & Pastoralis curæ functiones obeundas festinavimus. Verum ea in re, multum Nos terruit, & nostra ad tantum onus imparitas, & zizania super seminata, præ quorum multitudine triticum vix cernitur. Qui vero Spiritum bonum dat petentibus se, qui confert robur infirmis, qui semen administrat seminanti Deus, ille mirum in modum Nos consolatus est, cujus quippe ope freti animus sumpsimus ad ea, quæ Nobis concredita sunt, alacri studio & animi ardore amplectenda, sperantes per ejus gratiam declaravuros Nos, quantum de vobis sumus solliciti.*

Cum vero Pastoralis officii ratio dicet, ut, qui præsunt aliis, quæ per semetipsos expe-

dire nequeunt, per alios substitutos & idoneos ea curent, voluimus pro munere nostro, ac tranquilliori conscientiæ statu, nec non Cleri, populi que comodo aliquas Constitutiones ac Decreta præscribere, & per Substitutos nostros strictè exequenda mandare, cum præsertim videamus multa in nostro Episcopatu reformatione ac correctione indigere, multosque Sacerdotes, quæ ad mores tum suos, tum aliorum reformandos, pietatem inducendam, Ecclesiæque libertatem tuendam pertinent, vel ob ignorantiam negligere, vel ob malitiam despicere. Quæ Decreta latius post totius Episcopatus visitationem, & Synodi Diocesane, quam, Deo dante, brevi intendimus, celebrationem, extendere statuimus, ut omnes Sacerdotes gregem sibi concreditum custodiant, salutari pabulo, fidelique Sacramentorum administratione, ad vitam æternam alant, & nutriant: Se ipsos vero tales illis exemplo præbeant, ut qui a foris sunt, de iis conqueri non habeant.

Quapropter optima spe nitimur, hæc nostræ Decreta, Deo probata, vobis, populoque nostro salutaria fore, Divinam nobis desuper, gratiam cælestemque benedictionem deprecantes: Curia 7. die Junii, Anno 1605.

JOANNES, Episcopus Curiensis &c. &c.

DECRETA ET CONSTITUTIONES

de Sacerdotibus generatim.

Quicumque ad curam animarum, vel ad alia Beneficia Ecclesiastica deinceps promovebuntur, examinati, & approbati prius coram Nobis, vel Vicariis nostris, quibus hoc

munus specialiter demandabitur, faciant Professionem Fidei, juxta Bullam PII IV. Pont. Maximi: Ac Nobis, & Successoribus nostris debitam obedientiam spondeant, ac jurent.

Tomus VIII. Concilior. German.

L I I I 2

Horas

Horas Canonicas quotidie integre, ac devote dicant, quas nec in itinere ullo modo omittent, cum iter a recitandis Horis non excuset. Iter itaque facturi Breviarium semper secum deferre meminerint: cum vero iustis, & rationalibus causis intendamus Breviarium Missaleque Romanum in omnibus Dicecesis nostræ locis introducere, mandamus omnibus Sacerdotibus & Ecclesiarum Syndicis, ut illi pro se, & isti pro Ecclesiarum indigentis Breviaria, & Missalia Romana, cæteraque ad Divinum cultum spectantia sibi cõmanent, & tam in Choro, quam extra illum, illis solis utantur, contravenientes volumus debitis subiacere pœnis.

Noverint etiam febri, vel alia infirmitate leviter laborantes a dicendis Horis non excusari: suas itaque conscientias adeant, videantque, quid præstare possint, ne omitendo graviter peccent.

In Sacrosanctæ Missæ Sacrificio peragendo sint imprimis attenti, & devoti, neque faciem jam in hanc, jam in illam partem leviter convertant. Cæremonias ab Ecclesia præscriptas, & approbatas ex Romani Missalis Rubricis dicant, atque diligenter observent, quibus nihil nec addant, nec demant.

Semper celebrent adjuncto sibi Clerico, vel alio ministrante, ac ad Missam respondente, quantum ullo modo fieri potest.

Accessum altaris pro opportunitate devote dicant, recessum vero nunquam intermittant, & plusculum finita Missa in gratiarum actione persistant; nihil enim magis intuentium offendit oculos, magisque tremendo hoc Sacrificio est indignum, quam Sacrificantem necdum forte consumptis Sacramentalibus speciebus vel statim sedere, vel etiam (quod longe pejus) in prophana cum obviis quibusque colloquia effundi, quod jejuna & incompolitæ mentis non leve est argumentum.

Calices, patenæ, corporalia, purificatoria, albæ, humeralia, mappæ altarium, cæteraque ad Divinum cultum spectantia, munda sint & decora. Quapropter sæpius mudentur, ac laventur.

Ut autem puriores ad hæc tremenda Mysteria accedant, singulis mensibus deputandis a Nobis Confessariis accurate confitebuntur. Quod si vero quis se intra hoc menstruum tempus lethalis peccati stimulo urgeri senserit, ac celebrare necesse sit, is ne celebret prius, quam salutari confessione peccata expiaverit, nisi occurrens necessitas tantum ipsi temporis neget: quod si eveniat intentum saltem contritionis actum eliciat, & antequam denuo sacrificet, priores noxas confessione eluat, statimque non expectato mense eidem suo Confessario, aut si ejus copia commode haberi non possit, alii Sacerdoti (docto tamen, pio ac approbato) confiteatur, ne iudicium sibi sumat, factus reus Corporis & Sanguinis Domini.

Testimonium peractæ confessionis menstruæ annuatim quisque suo Decano, vel Vicario nostro ostendat.

Toties celebrent in hebdomada, quoties suorum beneficiorum fundatio, & approbata consuetudo præscribit: Neque enim in conscientia securi esse possunt, aut suorum beneficiorum redditus, tuto & iuste percipere, *de iis disponere*, nisi fundationibus satisfecerint. Prout enim volumus & præcipimus, ut secundum mentem Fundatorum omnes fructus & proventus suorum beneficiorum, nemine impediante, inquirere teneantur, eos percipere, de iis disponere, & iisdem gaudere possint, ita vicissim etiam serio mandamus, ut in executione officiorum eandem adimpleant.

In domibus, seu locis privatis extra Ecclesiam absque speciali nostra facultate ne celebrent.

Magni certe interest, qualiter ille vivat, qui pastorale Magisterium suscipit, ita ut, cum Pastor per abrupta graditur, ad præcipitium grex sequatur, & cujus vita despicitur, necesse sit, quod etiam prædicatio ejus contemnetur; inter alias autem dotes, quibus Clericus ornatus esse debet, maxima reputatur castitas animæ & corporis: quam vero turpe sit Sacerdotem Dei Altissimi toties immaculatum Agnum in altari tractantem, cæteraque Sacramenta a JESU CHRISTO Salvatore nostro

stro instituta administrantem immunditiæ sordibus coinquinari, res ipsa satis, tanto populi scandalo, loquitur. Quocirca si quem turpi concubinatus crimine irretitum deprehenderimus, contra eum juxta Sacrorum Canonum, & maxime Concilii Tridentini Decreta severe procedemus, utque Vicarii, & Decani nostri contra tales de facto, citra ullum personarum respectum procedant, eis in virtute sanctæ obedientiæ mandamus atque præcipimus.

Luxuriosa res, vinum, & tumultuosa ebrietas, quicunque his delectatur, non erit sapiens. Prov. 2. Et Augustinus ad Sacras Virgines: Ebrietas est flagitiorum omnium mater, culpæ materia, radix criminum, origo vitiorum, turbatio capitis, subversio sensus, tempestas linguæ, procella corporis, naufragium castitatis, amissio temporis, infamia voluntaria, ignominiosus languor, turpitudine morum, dedecus vitæ, honestatis infamia, animæ corruptela, quibus nos addimus Sacerdotes propter eam destruere opus Dei, seipsos perdere, & salutem hominum negligere.

Quare cum in plerisque execrabilis is vivendi modus sit, ut publicas tabernas, aliaque loca insueta ingrediantur, vino indulgeant, & post comestiones, & frequentata pocula, rixari, canere, inepta effutire, scurras agere, populo gravissima scandala parere, ac ea, quæ eorum officium concernunt, vel omnino negligere, vel ineptissime exercere soleant; his opportunis remediis obviare cupientes, volumus & stricte mandamus, ut universus noster Clerus hospitia publica, tabernas & omnia conventicula (necessitatis & honestatis causis exceptis) ebrietatemque ac comestiones fugiant. Si qui vero reprehensibiles in hoc genere fuerint reperti, gravem nostram animadversionem experientur.

Convenientes vero Exequiarum, Capitularium, Congregationum, Confraternitatum, aut aliorum negotiorum tractandorum causa, volumus, ut nulli, quam in Presbyteri domo prandium fumant, mensam sacra lectione condiant, & sumpta refectio, quæ hone-

sta & sobria esse debet, quisque ad suum locum se recipiat.

Prohibemus etiam serio, ne Clerici nostri in contemptum suæ fortis, exercitiis & negotiis sæcularibus & illiberalibus dent operam. Audimus enim aliquos chirurgos, medicos, tabernarios, mercatores, laniones, venatores, conjuratores, divinatores, veridicos, pro pudor! agere. Alios autem aliena prædia conducere, pro aliis fidejubere, coram Judice sæculari advocare, procurare &c. Quæ omnia uti a Clericali statu aliena, ut omnino vitentur, sub gravissimis pœnis, mandato præcipimus. In sua tamen vel Ecclesiæ suæ pauperum aut propinquorum causa, nostra licentia prius obtenta, quin opem & patrocinium præstent, non impedimus. Sicut etiam artes honestas, & ut aliquid manibus lucrentur suis, quo ad victum necessaria facilius sibi conquirant, permitimus.

Multo minus, ut choreis, saltationibus, lusbis, præsertim tesserarum & talorum, larvis, jocisque ineptis & inanibus spectaculis, levitatibus, & scurrilicibus vacent Clerici, ferendum est.

Quin potius lectioni, meditationi, orationi, scriptioni, aliisque piis & honestis studiis, & exercitiis se totos tradant. Hinc doctorum pariter, & piorum librorum bonam supellectilem sibi comparent, & supra omnia otium socordiamque, omnium malorum scaturiginem, devitent.

Inter alios vero libros sibi parabunt Biblia Sacra, Catechismum Romanum, Concilium Tridentinum, Armillam, Directorium Polanci e Societate JEsu, Rationale Divinorum Officiorum, Sacerdotale Romanum, Enchiridion controversiarum Patris Francisci Costeri, Institutiones Sacerdotum Francisci Toleti S. R. E. Cardinalis, expositores aliquos super Scripturam, aliosque libros pios, quos suavis, & consilio doctorum Virorum, præsertim Patrum Societatis JEsu, emant.

Clericorum arma, sunt orationes, & lachrymæ. Idcirco edicimus, ne Clerici cujusvis generis arma nec offensiva, nec defensiva (exceptis cultellis ad

usum quotidianum necessariis) secum ferant, nisi forte extra locum, quem inhabitant, longius abeundum esset. Bombardis vero, balistis, hastis, telis, & similibus ipsis omnino interdicimus.

Habitum, eorum statui, & dignitati congruentem, semper domi forisque deferant, qui sit oblongus ad talos usque defluens. Niger autem tantum color in vestitu adhibeatur, in quo ut sordes respuimus, ita exquisitam nimis sæcularem elegantiam improbamus. Indusia ad collum & ad manus crispata & rugosa aut nimium elaborata abjiciant. Collare sit simplex, modice latum, & honeste super veste reflexum. Armillis ac monilibus ne se ornent. Annulum digitis ne inferant, nisi quibus ob officii dignitatem aut honoris gradu sit jure concessus, quem solum digito dextræ manus quarto gerant, & dum Missæ Sacrificium faciunt, deponant.

Tonsuram, & coronam convenientem gestent, curentque, ut barba a superiori labro ita rescindatur, ut pili in Sacrificio Missæ Corpus Christi, & Sanguinem fumentem non impedi-
ant.

Quisque beneficium sive curatum, sive simplex possidens, ut in ædibus beneficii sui resideat, volumus. Et cum nobis constet hujusmodi ædes Parochorum, Primissariorum, seu qualiumcunque beneficiorum multis in locis ruinam minari, ac Sacerdotes magis sibi, & suis, quam Ecclesiæ providere, ordinamus, ut omnes Parochi & Beneficiarii, qui per biennium Parochiam, vel beneficium possederunt, eas ædes propriis expensis pro sua & successorum habitatione decenti restaurent, ad nostrum & Visitatorum judicium.

Promovendi vero ad beneficia, ut easdem ædes ita bene ædificatas suis expensis factas testas semper conservent, & necessaria ædificent: negligentiam autem Sacerdotum, vel inde discedentium, vel morientium, ex bonis eorum, aut propriis, aut relictis compensari, præcipimus.

Nullus se ullo beneficio aut Curato, seu non Curato intrudat, sed ab

iis, ad quos spectat, legitime præsentetur, ac a Nobis, vel Vicario nostro, investiat.

Quocirca omnes titulum possessionis sui beneficii, seu literas investituræ Nobis, Vicariis, seu Visitatoribus nostris quamprimum exhibeant. Si quis autem has nondum haberet, eas a Nobis dari curabunt. Si quis vero obtento beneficio statuto tempore se Nobis, seu Vicario nostro non præsentaverit, beneficio se carere, & debitis pœnis subjacere sciat. Beneficium autem suum quisque retineat, nec sine auctoritate nostra permutet aut deferat.

Patronis seu Collatoribus nullus se pro præsentatione seu collatione beneficii obliget ad quicquam dandum, aut de juribus & redditibus beneficii remittendum, neque spondeat se detracta beneficio non repetiturum, aut ad Collatoris arbitrium cessurum, nec ullam obligationem (quam vocant Reverfales) nisi a Nobis jussam & approbatam tradat. Sed jura Ecclesiæ, ipsamque libertatem Ecclesiasticam, & bona sibi commissæ pro viribus defendat. Reditus tamen sibi beneficii non male & scandalose, sed pie ac utiliter dispense.

Coram Judice laico ab eo ad causam dicendam vocati, non compareant, neque sæculari ulli multas unquam solvant, neque pœnam infligere sibi fiant. Quod si vis cuiuspiam inferetur, Ordinario significabit.

Sed si quis forte Clericorum (quod Deus avertat) in contemptum libertatis Ecclesiæ spretis debitis clavibus ad laicos confugeret, illorumque patrocinium procuraret, ipso facto a Divinis sit suspensus.

Omnes Clerici per Dicecesim Curiensem jussis & mandatis nostris obtemperant, memoria teneant juramentum per eos Ordinario præstitum, & nullo prætenso fūco ab Ordinarii obedientia se subtrahant.

Monitiones ad totum Clerum nostrum.

Semper memores estote vocationis vestræ, qua vos dignatus est Dominus

minus noster. Cœlestem in terris vitam, tamquam Angeli Dei, moribus vestris exprimere studete. Divino cultui, cœlestium rerum meditationibus, orationi, & litterarum studiis vacate. Charitatem tanquam seminarium omnium virtutum omni studio amplectimini.

Humilitatem, patientiam, justitiam, temperantiam, & reliqua officia Christianæ pietatis colite: quæcunque sunt vera, pudica, sancta & religiosa, ea cogitate, & agite.

Ut Deus misereatur populi sui, ut fidelium animos ad concordiam sectandam, ad vitia fugienda, ad virtutes amplectendas; ut e Regum, & Principum animis evellatur, si quæ sunt, discordiæ semina; pro dilatatione fidei Catholicæ, hæresum extirpatione, pro Romani Imperii victoria contra Turcarum feritatem Deum semper & devoto orate.

Otium vitare semper studete, singulis diebus Dominicis, Festis Beatæ Virginis, Apostolorum, & Sanctorum, quæ feriantur, etiam tempore Adventus & Quadragesimæ sitis populo a concionibus.

In incessu, statu, gestu, victu, doctrina, & exemplo, ita vos præbete, ut ab ordinis nomine, & ratione nullo modo discrepetis.

Nihil scurriliter, nihil jocosè, nihil indecore, nihil turpiter loquamini.

Maledicta, obsecrationes, curiositas, levitas, nugæ absint a vobis.

In excipiendis hospitibus intra parimoniam fines vos continete.

Mutuum dantes nolite nec petere, nec accipere aliquod interesse, sub pœna amissionis & summæ & census.

Sub prætextu tenuis beneficii nihil, quod speciem avaritiæ habeat, tentate.

Erga pauperes misericordes estote, eorumque indigentis pro posse subvenite.

Instruite subditos vestros religiose non solum in Missæ Sacrificio, verum etiam in Divinis aliis Officiis, quando versandum, quando standum genua flectenda, & assurgendum. Quod in

Templis sint fugiendæ confabulationes, deambulationes, strepitus, &c.

Quam sancte & religiose in concomitatu Eucharistiæ, supplicationibus, litanis versandum sit.

Parentes monete, ut filios, totamque familiam ad statâ doctrinæ Christianæ loca ipsi conducant, & domi semper pie ac religiose instruant.

Quando dies festi colendi & sanctificandi sint, docete & monete.

Libros prohibitos de eorum manibus omnino tollite.

Ut suis creditoribus (quod & vos facite) juste satisfaciant, præcipite.

Quicquid facitis ad laudem Dei, & salutem animarum facite, non vero studio aucupandi hominum gratiam. Servus Dei enim non essem, si hominibus placerem, ait S. Apostolus.

De Parochis.

NULLUS ad regimen animarum admittatur, nisi prius per Nos, vel Vicarium nostrum examinatus & approbatus fuerit. Qui vero curam gerunt, denuo stricte pro ea examinentur; minus idonei a cura amoveantur. Et si qui Parochi Coadjutores habere teneantur, eos sine mora Nobis, vel Vicariis nostris pro cura examinandos, & approbandos omnino & sub pœna arbitraria præsentent. Nullus item Sacerdotem vagantem in Ecclesia sua celebrare permittat, nisi visis prius ejus formatis, & nostra in scriptis obtenta licentia. Apostatæ, etiam Monachi nudam eorum Prælatorum demonstrantes licentiam; item Sacerdotes aliarum Diocesum ab eorum Ordinariis non dimissi, Nobis inconsultis ad nullum admittantur beneficium.

Admonitio ad Parochos.

PARochi toti in eo erunt, ut populum sibi commissum, (*) & potissimum comestiones & ebrietates, rixas, blasphemias, perjuriam, imprecationes, obscena verba, detractiones, inimicitias, & similia, quæ Deum offendunt, animam perdunt, & proximum lædunt, fugiant.

Per plures ex ignorantia, ex malitia

(*) Subintelligendum; quod forte omissum: *sedulo curent.*

litia aliqui, & quidam ex levitate Sacre Scripturæ verbis & sententiis ad jocum & prophanos sensus pessime abutuntur. Quæ detestabilis licentia ut prorsus tollatur, studebunt Parochi tam in concionibus, quam in confessionibus. Omnes tam Sacerdotes, quam laici ab omni usu benedictionum, quæ ab Ecclesia approbaræ non sunt, abstineant; conjurationibus ullis, sive verbo, sive scripto ne utantur: magos & maleficos, vulgo *die Beschwörer und Segner*, ligaturis, nodis, characteribus, verbis occultis, nominibus ignotis, superstitionibus & observationibus tam temporis, quam loci, mentes hominum perturbantes, morbos, & cætera adversa accidentia amovere promittentes, a societate fidelium, nisi resipiscant, ex nostro mandato amovebunt Parochi.

Nulla modo patiantur sub altarium mappis herbas, cereos, aut alia hujusmodi supponi.

In hoc desudent Parochi, ut plebem suam Legem Dei & præcepta Ecclesiæ observare, justitiam & pietatem colere doceant.

Moneant patresfamilias, (*) suos liberos, servos & ancillas diebus festis Sacrificio Missæ & concioni interesse. Si aliquos vero vel pro domus custodia, vel pro pascendis bestiis domi remanere necesse sit, ut saltem mutatis vicibus Sacrum non negligant.

Curabit Parochus, ut populus in Ecclesia pie versetur, Divinis Officiis diligenter & devote ad finem usque intersit, processiones ab Ecclesia institutas; etiam devotionis ergo susceptas non negligat, ut strepitus & confabulationes in Ecclesia vitet, eumque, quando standum, genua flectenda, & assurgendum sit, accurate doceat. Quæ omnia facile Dei ope consequentur Parochi, si prædicandi muneri diligenter invigilaverint, moresque suos ita composuerint, ut subditi eorum ab eis modestiæ, temperantiæ, castitatis, concordie, humilitatis, charitatis, devotionis, cæterarumque virtutum exempla petere possint.

Denique sine intermissione considerent Parochi, & universi Sacerdotes se non ad propria commoda, non ad

divitias & luxum, sed ad labores & sollicitudines pro Dei gloria vocatos, si-bique muneris sui strictissimam coram Deo rationem aliquando reddendam, & animas sibi commissas, ac pretioso Christi Domini Sanguine redemptas, ex manibus eorum requirendas esse.

Doctrina Christiana.

STricte mandamus, ut in Parochiis vestris doctrinam Christianam, vulgo *die Kinderlehr* introducatis, ac introductam conservetis: dici enim vix potest, ac ipsi probe experimini, quantum ea res plebi vestræ spiritualis emolumenti sit allatura, præcipue autem vobis sit in manibus Catechismus Romanus, ac D. Petri Canisii, quem sedulo populo vestro proponetis, ac declarabitis.

Ubi Horæ Canonice sine cantu dicuntur, volumus, ut Parochi primas & secundas Dominicas & Festorum Vesperas in Ecclesia decantent, ad quas omnes ejusdem loci Beneficiati accedere & in cantando juvare teneantur. Si ubi vero Parochi soli essent, & magnam in cantando difficultatem paterentur, eas saltem alta voce tractim legant.

Diebus Dominicis & Festis competenti hora dato signo ad Ecclesiam se conferant, Divinum Officium decantent, vel si soli sint, legant, ac ut omnia ordine ac rite peragantur & decantentur, curabunt. Credo vel Symbolum in Sacro-Sanctæ Missæ officio ut integrum & non medium, ut in multis Ecclesiis factum deprehendimus, cantetur, strictè & sub pena arbitraria fabricæ applicanda mandamus.

Conciones suas (quas singulis diebus Dominicis ac Festis solennibus habere debent) & rebus & verbis aptis instruent, populumque vehementi cohortatione, ac fervore ad pietatem ac religionem, vitæ puritatem, ac innocentiam, pacem & concordiam adhortabuntur, eique bonæ vitæ exempla (quod perpetuum prædicandi genus dicitur) prælucebunt, & inflammabunt.

Ut autem tanto rectius commissum sibi populum salutari doctrinæ pabulo pascant, Catholicos & præstantes

Autho-

(*) Addendum: *debere eorum liberos &c. vel: quo curent, suos liberos &c.*

Authores tam vernacula, quam latina lingua conscriptos coemant, ex quibus & potissimum ex Catechismo Romano, quod maxime captui auditorum accommodatum, ac eis utile esse perspexerint, decerpent, ac proponant.

Evangelia Dominicalia e suggestu secundum præscriptum Missalis Romani in lingua vernacula populo prælegent, & explicabunt.

Parochus ultra diem a sua Parochia non absit: Si autem eum necessitate exigente diutius abesse, vel morbo corripui contigerit, alium sufficientem, qui interim Parochiæ præsit, substituat.

Dum Parochus vel alius concionatur, nulli Sacerdoti liceat Missæ Sacrificium facere, aut Baptismi Sacramentum extra mortis periculum administrare.

Invigilent Parochi, an in populo sint hæretici, vel in fide suspecti, libris prohibitis utentes, usurarii, concubinari, blasphemi, adulteri, matrimonio juncti non cohabitantes: item inimicitias gerentes, Festa, Quadragesimam, & alia ab Ecclesia instituta jejunia non servantes, maxime abstinentiam ab esu carniū diebus Veneris & Sabbati, ac similes; quos si incorrigibiles extiterint, Nobis, vel Vicario nostro quamprimum denuncient.

Inprimis vero accurate animadvertant Curati, an aliqui in eorum Parochiis inveniantur, qui annuatim non confiteantur, nec communient, ac eos (præterquam quod tales etiam ad Magistratum sæcularem deferre oporteat) Nobis omnino significari volumus.

Munera & officia parochialis curæ, non per alios (nisi infirmitas, vel summa necessitas aliter exiget) sed ipsimet Parochi obeant ac præstent.

Capitulum rurale.

Annum Capitulum ad hunc finem institutum est, ut ad laudem Dei talis actio perficiatur, & omni studio ac diligentia fidelium animarum auxilia, Ecclesiarum necessitates, & totius Cleri status in iis facilius exquiri & proponi possint. Quare volumus, ut omnes Sacerdotes per Vicarium, seu Decanum, ad Capitulum vocati, eo-

dem loco, die & hora, sub pœna arbitraria piis locis applicanda, compareant, una secum decorem externum & mundiciam internam deferentes. Peracto Missæ Sacrificio de Spiritu Sancto, & finita brevi concione, omnes superpelliceis induti processioni interfint. Finitis Litanis cantabitur Hymnus: *Veni Creator Spiritus*, cum oratione: *Deus, qui corda fidelium*. Tunc Vicarius, seu Decanus, in loco eminentiori sedens, lectis Capitulo, si quæ sunt perlegenda, instituet primo examen vitæ, & morum tam Sacerdotum, quam populi (*) debitis mediis tollere studebunt. Deinde habebit Decanus, per se, vel alios idoneos juratos, absque omni humano respectu, examen doctrinæ juxta Sacrum Tridentinum Concilium, & Catechismum Romanum. Examen vero erit præsertim circa Sacramentum Pœnitentiæ. Ad quem finem instituta sint Sacramenta novæ Legis? An illa tria, materia scilicet, forma, & Minister requirantur in Sacramento Pœnitentiæ?

An per Sacramentum Pœnitentiæ deleatur omnis culpa & pœna integre, aut quo modo?

De Confessario.

Quæ conditiones requirantur in Confessario?

In quo differat potestas Ordinis a potestate jurisdictionis?

Quæ scientia in Ministris pœnitentiæ requiratur?

Quæ regulæ sint ad discernendum peccatum mortale a veniali?

Quæ bonitas in Confessore necessario requiratur?

An excommunicatus possit esse minister Sacramenti?

An debeant interrogari pœnitentes de peccatis, quando, quomodo, & quo ordine?

De Contritione.

Quæ dispositio requiratur necessario in pœnitente?

In quo differant contritio & attritio?

Quomodo cognoscat quis probabiliter se habere contritionem, vel attritionem?

(*) Sensus ille mancus & mutilus. Addeadum videtur: *Quos irrepisse abusus deprehendunt, debitis &c.*

tritionem, vel quibus mediis obviari possit?

An contritio sit aliquando in præcepto, & quando?

An debeat quis conteri distincte de singulis peccatis, vel satis sit de omnibus conteri in communi, & quo tempore hoc sit faciendum?

An formale propositum cavendi a peccato in futurum sit de necessitate contritionis?

Quæ peccandi occasio a pœnitente sit necessario relinquenda?

De Confessione.

AN Confessio generalis totius vitæ sit necessaria ante mortem?

An in ea possit quis omittere aliquod peccatum alias confessum?

Quæ peccata sint confitenda de necessitate, quæ de congruitate, & cum quibus circumstantiis?

Quomodo differant circumstantiæ mutantes speciem ab his, quæ aggravant?

Quibus casibus teneatur quis statim confiteri, quibus iterare confessionem, & quæ perfecta confessio dicatur?

De Satisfactione.

Qualis & quanta pœnitentia debeat a Confessore injungi pœnitenti, & an ab ejus arbitrio pendeat, aut aliter?

Ad implendam Satisfactionem Sacramentalem quæ requirantur, & quot modis satisfacere possimus, & quid operetur hæc satisfactio?

An Confessor possit commutare, vel tollere pœnitentiam injunctam ab alio Confessore? in quo differat restitutio a Satisfactione Sacramentali?

An per opera alias debita possit fieri satisfactio?

Quid efficiant indulgentiæ ad hanc Sacramentalem Satisfactionem?

De Absolutione.

Quæ verborum forma in absolutione requiratur de essentia, & quæ de congruitate, & quis ordo servandus tam in absolutione a peccatis,

quam ab excommunicatione aut irregularitate?

Qui casus reservati Papæ, qui Episcopo?

Quomodo sint absolvendi in articulo mortis, qui confiteri nequeunt, sed signa contritionis solum ostendunt?

An absolvendi, qui in idem peccatum sæpius confessum incidunt?

An aliqua cautio sit petenda a pœnitente ante absolutionem, & in quibus casibus?

De Sigillo.

Quomodo differat sigillum secreti a sigillo confessionis?

An hujusmodi sigillum sit de necessitate confessionis?

An illa, quæ sciuntur in confessione præter peccata, cadant sub sigillo confessionis?

An liceat detegere peccata in confessione audita, quæ publica sunt, aut saltem non nominando personam, sed in communi?

An peccet mortaliter revelans ea, quæ sibi dicta sunt extra confessionem sub conditione, ut teneret ea sub sigillo confessionis?

An in aliquo casu possit confessum peccatum revelari?

Quas pœnas incurrat hujusmodi sigilli fractor?

Quæ cadant sub sigillum secreti; & an omnis secreti detectio sit mortalis?

An, quod occultum est, vel secrete scitur, revelari debeat ad præceptum Judicis?

De Restitutione.

AN peccans contra charitatem debitam proximo, ut qui ei in necessitate posito non subvenit, vel ad peccatum illum inducit, teneatur ad aliquam restitutionem?

An consentiens in damno dato teneatur ex æquo restituere, an teneatur is solus, qui damnum dat?

Qui sint illi novem modi, quibus quis dicitur consentire delinquenti?

An Confessor, qui per ignorantiam, vel per negligentiam absolvit aliquem ante restitutionem, maneat obligatus ad restituendum?

An

An qui furatus est rem aliquam, & illam non habet, satis ei sit, quod restituat æquivalens?

An locans rem furatam debeat restituere pretium locationis vero Domino?

Qui pro committendo aliquo peccato pretium suscepit, an illud restituere teneatur?

Quæ causæ non restituentem a peccato excusent?

Bonorum incertorum restitutio quomodo facienda?

Infamans proximum de delicto vero, an restituere teneatur, & quomodo?

De Usura.

Quid sit Usura, & in quibus rebus consistat?

Pro re accommodata aliquid ultra sortem accipere, an sit usura?

Quod dicatur justum pretium rei venditæ?

An donare aliquid, ut reddatur duplum, si moratur ante tale tempus, sit licitum?

Quomodo in pacto retrovendendo committatur usura?

Quid sit cambium, & quæ cambia sint licita?

Societatis contractus quid, & quis licitus, & ut talis ineundus?

Quis Usurarius dicatur manifestus, & a quo absolvendus?

Vendere rem carius credito, quam numerata pecunia, an sit usura?

In quo differant lucrum cessans, & damnum emergens?

An pro pecunia dotali liceat aliquos fructus accipere?

De Simonia.

Simonia quid, & quoruplex?

An conferens beneficium indigno ob consanguinitatem, amicitiam, vel preces, sit Simoniacus?

Quomodo dignoscetur, qui inseruit alicui Prælato pro beneficio obtinendo, an sit Simoniacus? & quomodo per manus a manu, a lingua, & ab obsequio committatur Simonia?

Quis Simoniacus sit ipso jure suspensus vel excommunicatus?

Tomus VIII. Concilior. German.

De Censuris.

Quot sint censuræ Ecclesiasticæ?

Quid sit excommunicatio major; quid minor?

Quot sint irregularitatis species?

An Confessarius tempore Jubilæi possit cum irregulari dispensare?

Cætera committuntur discretioni Examinatorum, qui pro temporum, locorumque varietate, & casuum necessitate Curatos stricte examinabunt.

Quibus omnibus expletis, Vicarius & Decanus genu flexus, *Te Deum laudamus* incipiet, cujus primo Vers. dicto, surgent omnes, & Hymnum proficientur. Quo finito, dicat Vers. *Ostende nobis Domine misericordiam tuam. Resp. Et salutare tuum da nobis. Oremus: Exaudi, quesumus Domine, supplicum preces &c. Vers. Recedamus cum pace. Resp. In nomine Christi.*

De Congregatione Casuum conscientie.

Cum ratio bene, riteque administrandi Sacramentum Pœnitentiæ pendeat præcipue ex casuum conscientie cognitione, & frequenti eorundem examine, statuimus & volumus, ut omnes Parochi & Sacerdotes singulis mensibus semel dictæ congregationi interfint, tempore & loco, ubi congregationis Præsidi placuerit.

Volumus item, ut aliquot ante congregationem diebus ab unoquoque Præsidi ad minus tres casus in praxi occurrentes proponantur, & ad omnes Parochos & Sacerdotes suæ congregationis mittantur, ut ab iisdem possint legi & examinari. Præsides vero tales casus singulis angariis ad Cap. Vicarium, vel Decanum una cum notula, cujuscunque Sacerdotis profectu & scientia mittent.

Stata die & hora omnes compareant sub certa pœna ad pia loca applicanda.

Mandamus item, ut omnis Sacerdos congregationis librum habeat, in eoque propositos casus, & eorundem resolutionem a Præsidi approbatam diligenter scribat.

M m m m 2

In

In initio, dicto Sacro de Spiritu S., de B. Virgine, vel ad libitum Præfatis preces præmittantur, & iis finitis, casus proponantur.

Interrogatus scientiam suam latine proferat.

Congregationes oratione finiantur, & refectio omnino sobria in ædibus Parochi loci, vel alterius Sacerdotis, cum sacra lectione, sumatur: qua sumpta, se quisque honeste ad propria recipiat; quod de fine Capituli, & omnium Congregationum & Confraternitatum dictum volumus.

Ubi apparuerit aliqua difficultas conveniendi, Decembri & Januario mensibus ob dierum breviteratem, & itineris difficultatem, prætermitti concedimus.

De Sacramentis in genere.

Sancta Sacramenta a Christo Domino instituta, & ad communem omnium salutem proposita, cum celestia munera sint, & instrumenta Divinæ gratiæ, ut administratio sancta sit, & perceptio religionis plena, omnino oportebit. Sacerdos igitur, cuius est Sacramenta administrare, meminisse debet sancta se tractare, omnique fere temporis momento paratum esse oportere ad tam sanctæ administrationis munus.

Quare cum alios per Sacramenta purget, studebit ipse, adjunctice Dei gratia, animum ab omni peccati labe purum semper habere. Qui si reum se noverit, prius Sacramentali confessione se expiare studeat. Nam etsi Sacramenta Divinam virtutem, quæ illis inest, nunquam amittunt, impure tamen ea ministrantibus æternam mortem afferunt. Parochus igitur domi, vel in Ecclesia, ut vigilantem Pastorem decet, semper sobrius expectabit, & petentibus hilari vultu occurret, ac Sancta Sacramenta, prout necessitas vel devotio exiget, prævia semper oratione pie ministrabit. In omni Sacramentorum administratione semper superpelliceum, & stolam adhibebit.

Sacramenti, quod ministrabit, vim, rationem, usum, salutareque fructus

diligenter explicabit, & ut sancte suscipiantur, populum admonebit. Ritibus, cæremoniis utetur, prout in Sacerdotali.

In via nihil loquatur, verum meditetur, & attentus sit ad rem, quam sancte acturus est. Caveat, ne aliquid exigat, sed quæ gratis accepit, gratis ministret. Curet, ut viri armis depositis, & mulieres velato capite, devote & modeste accedant.

Sacerdos cum administrat aliquod Sacramentum, ut id cum magna religione præstet, singula verba, quæ ad illius formam rationemque pertinent, omni animi attentione & pietate distincte pronunciabit, & clara voce, ut ab illis audiri possit, quibus ministratur. Sacras item prædicationes sancte, graviter, & distincte dicat.

Studebit præterea assiduis orationibus, doctrina & omni Sacerdotali industria fideles sibi commissos tales efficere, quibus digne utiliterque Sacramenta ministrari possint. Ad quæ ne debitus externus cultus omittatur, suscipientes non parietur accedere, nisi exteriori habitu, vestiumque modestia debitam illis venerationem præ se ferant.

De Sacramentis in specie, & primo quidem de Baptismo.

Parochi pro concione admoneant parentes, ut in baptizandis filiis eos potius elegant compadres, qui eorum animæ consulere, quam inopiæ subvenire possint. Quod vero patronorum officium sit, sæpius admoneant. Levantes seu compadres non sint; qui confirmari non sunt, nec minores natu 14. annis, & qui non intelligunt a se suscepti muneris partes.

Clericis infantem de Sacro Baptismatis fonte suscipere vetitum sit, & in Confirmationis Sacramento sine licentia compadres ne sint.

Nullus Sacerdos sciens infantem vere riteque a mari, vel a femina baptizatum, eum baptizare præsumat, nec etiam sub conditione: *Si es baptizatus, ego te iterum non baptizo*, &c. Alias præter irregularitatem, quam incurrit, gravi

gravi etiam pœnæ subiacebit. Si vero dubium esset, sub conditione baptizetur infans, ut infra dicitur.

Sacerdos baptizare paratus (quod etiam in administratione omnium Sacramentorum requiritur) sciat suas partes esse, non solum hoc Sacramentum juxta formam Ecclesiæ, & præscriptos ritus administrare; sed ne januam cœli, quam aliis aperit, sibi ob sordes peccatorum obstruat. Quare in tam sancto, & necessario actu mentem erigat, spiritumque colligat, & quid sibi agendum sit, devote cogitet: Sacerdotes enim accedentes ad Dominum sanctificentur, ne forte percutiat eos.

Vocatus Parochus, superindutus superpelliceo & stola, ad januam Ecclesiæ quærat de nomine infantis, qui sint patrini, & an domi ob aliquem casum fuerit baptizatus.

Quantum ad nomen, ne imponatur infanti nomen incognitum seu gentiliū, qui Christum Salvatorem non cognoverunt.

Numerus patrinorum amoveatur. Unus vero patrinus & una matrina ad summum admittuntur.

Admoneat levantes affinitatem seu cognationem spiritualem in illa sacra regeneratione contrahi inter patrilos, & baptizatum, ejusque Patrem & Matrem, atque idcirco Matrimonium inter ipsos omnino prohiberi.

Frequenter obstetrices circa materiam & formam hujus Sacramenti examinent, & instruant, doceantque obstetrices, & alias personas graviter peccare, si domi quempiam baptizant, nisi urgente necessitatis casu.

Obstetrices officium non præstarent, nisi per Parochum instructæ, & idoneæ probatæ ad Sacramentum Baptismi, cum necesse erit, ministrandum.

Si instat periculum, permittitur facultas baptizandi in domibus privatis, I. Sacerdoti, in absentia ejus sacris initiato; si is non adsit, laicis, & quidem primo mari, deinde fœminæ, qui rite noverint formam Baptismi, quæ est: *Ego te baptizo in nomine Patris, & Filii, & Spiritus Sancti.*

Materia autem est, aqua naturalis, pura, munda, & sincera, absque mixtione alicujus materiæ, quæ solvat speciem.

Quod si baptizatus domi, postea vixerit, eum in Ecclesiam deferant, ubi si rectam formam Baptismi servatam esse constiterit, reliqua adhibeantur.

In repentino casu, & mortis periculo, si nemo alius adest, non prohibetur parentibus baptizare eorum filios, qui parentes debent, quamprimum eis licuerit, Confessario detegere.

Casus periculi mortis sunt varii, quos quilibet Sacerdos ex probatis auctoribus discet tam pro se, quam pro obstetricum necessaria informatione.

Moneant Parochi puerperas, ut, cumprimum post partum exierint, mox ad Ecclesiam Deo acturæ gratias accedant, & benedictionem suscipiant. Puerperæ domo ne egrediantur, etsi mulier ob infirmitatem Ecclesiam adire nequeat.

Moneat sub pœna excommunicationis ipso facto subeunda, ne ante annum exactum puerpera, nutrix, quævis mulier, aut vir infantem in lecto teneat.

Expositi infantes, quorum certa scientia non habetur, an sint baptizati, licet habeant scriptum collo appensum, quo baptizati significantur, si post diligentem inquisitionem adhuc dubium reperiatur, ea conditionis formula baptizentur: *Si es baptizatus, ego te iterum non baptizo, & si nondum baptizatus es, ego te baptizo in nomine Patris, & Filii, & Spiritus Sancti.*

Quam formam etiam Sacerdotes coram Ecclesia servare debent, ubi Baptismi rectam formam servatam esse non constiterit.

Claves tabernaculi, fontis baptismalis, & sacrorum oleorum a solo Parocho custodiantur, & eorum januæ aperiantur.

De Baptismo Adultorum.

Parochus in iis omnibus diligens erit, ut baptizandis adultis præter doctrinæ Christianæ rudimenta, quæ necessario scire debent, admissio-

rum scelerum, & malæ actæ vitæ peccant, & ut in posterum a peccatis omnibus abstinere statuunt.

Cum adultus Baptismum petit, primo quærantur testimonia certa ejus conditionis actæ vitæ & status, ejusque voluntas diligenter exploretur, utrum ex animo & vera pietate Baptismum petat, qui si recte pieque sit paratus, tum idoneo religiosoque viro committatur; (Si femina femina) a quo per aliquot menses (nisi tempus aliud postulerit) fidei doctrina & institutionibus accurate erudiatur, & congrua abstinentia exerceatur. Tum ad Ecclesiam ducatur communi vestitu, post Baptismum mox alba veste induendus.

Statæ cæremoniæ adhibeantur ex ordine Baptismi parvulorum. Ad majorem Sacramenti cultum, nisi necessitas aliud exegerit, unum ex statis temporibus Paschatis, & Pentecostes expectari poterit.

Interroganti respondeat ipse & non patrinus, assistat tamen semper patrinus, tanquam qui pro baptizando spondeat.

Qui baptizandus est, debet genuflexus fidem profiteri, & Baptismum petere. Baptizatus curæ alicujus viri probi, saltem per annum committatur, qui vitam illius piis rationibus regat, & moderetur.

Habeant Parochi librum, in quem baptizatos, & eorum parentes & patrilinos scribant, cum annotatione diei, mensis, & anni, tali forma:

Ego N. Parochus, Coadjutor, Beneficiarius Ecclesiæ N., Anno, Mense, Die baptizavi N., filium N. & N. conjugum, secundum ritum & præscriptum S. Romanæ Ecclesiæ. Patrinus & Matrinx fuerunt N. & N.

Ritus administrandi Sacramentum Baptismi, reperiuntur in Sacerdotali, seu Obsequiali.

De Sacramento Confirmationis.

Quisque Parochus postquam de constituto die Chrismatis administrandi ex Reverendissimi Ordinarii indictione admonitus fuerit, iis

diebus, qui hujus Sacramenti administrationem præcedunt, debet populum suæ curæ commissum inter Missarum solennia diligenter edocere ea omnia, quæ ad Sacramentum hoc rite administrandum & recipiendum pertinere intelliget.

Primo, ut fideles paratiores ad hoc Sacramentum se conferre possint, illiusque sanctitatem, & necessitatem recte expendere, ex Romano Catechismo, aliisque Catholicis Authoribus eos instruat, doceatque opportune, quam necessaria sit hujus Sacramenti doctrina, declaret nomen ipsum Confirmationis, ipsiusque vim. Aperiat quid inter Baptismum & Confirmationem intersit; quæ sit ejus materia, quæ forma, quis Minister, quosque effectus pariat, ut fideles intelligentes se Christi Milites fieri ardentiori animo, totisque viribus ad dimicandum contra humani generis hostem, & contra peccata semper sint parati.

Cum per hoc Sacramentum Spiritus Sancti gratia in corda fidelium infundatur, hortatur Parochus confirmandos, ut, si idonea sint ætate, per sanctam confessionem corda purificent, ut apta Sancti Spiritus vasa, templaque efficiantur.

Ut jejuni accedant, aut saltem sobriam corporis refectionem adhibeant; moneat, ut confirmandi & patrini ad Ecclesiam devote, & ubi fieri poterit, processione ritu, veniant; & prius matres, deinde feminae ad Confirmationem recipiendam accedant.

Confirmandos moneat, cum hoc Sacramentum characterem imprimat, ipsum iterari esse nefas.

Quod si autem quis confirmatum esse ignoret, de hoc certior fieri studeat, quod si nequiverit a parentibus, amicis, vel aliis, sequatur consilium Ordinarii.

Nullus ad Confirmationem adducatur, qui annis septem minor sit natu, ut aliqua ex parte illius Sacramenti vim intelligere possit, & se illud percipisse reminiscatur.

Nullus, qui ex Episcopatu oriundus non est, accedat, nisi reficiat Reverendissimus, ut possit admitti, vel dimitti.

Cura-

Curabunt Parochi, ut confirmandi secum schedam ferant, sub hac formula: N. filius N. Parochiæ N. Patrinus N. filius N. Parochiæ N.

Accedant primo mares, deinde feminae, quorum frontes lana gossipina seu bambacio primo, deinde mantili madido, ultimo sicco abstergantur.

Viri pueros, feminae puellas in hoc Sacramento suscipere debent, ad puerum unus patrinus, ad puellam unica matrina requiritur, qui confirmatos non solum in spiritualibus instruere, verum, ubi necessum fuerit, etiam temporali ope juvare tenetur.

Confirmandus coram Episcopo stetat genua, quem patrinus dextera supra humeros ejus posita teneat.

Patrinæ & Matrinx majores natu esse debent ipsis confirmandis, ut officio suo erga eos, quos suscipiunt, melius satisfacere possint. Sint ad minus ætatis sedecim annorum, nisi necessitas aliud postulaverit.

Iisdem eodem die, duos aut tres pueros, puellasve suscipere licebit, non plures, nisi ex licentia Ordinarii.

Patrinus, seu Matrina esse non possunt, nisi sint ipsi prius confirmati. Patrini docendi sunt, eandem inter ipsos & confirmatum, & parentes confirmati, quam in Baptismo spirituales cognitionem intercedere.

Omnes Parochi habeant libros, in quibus nomina confirmatorum notent, tali forma:

Die-- Menfe-- Anno-- ætatis annorum, filius N. & N. ex Parochia N. Chrismatismis Sacramento fuit confirmatus a Reverendissimo Domino, Domino JOHANNÉ, Episcopo Curienfi. Patrinus fuit N. ex Parochia N. Administratum fuit hoc Sacramentum in Ecclesia Parochiali S. N.

Post Confirmationem acceptam, ut nemo ab Ecclesia recedat, curet Parochus, nisi urgente aliquo casu, antequam a Reverendissimo Ordinario benedictio de more sit data.

De Sacramento Pœnitentiæ.

Cum Christianus homo confiteri teneatur, & postea Eucharistiam

sumere, prius de Pœnitentia pauca dicere placuit.

Confessarius, qui & Judicis & Medici personam gerit, ex variis peccatorum generibus, ut Judex, quæ gravia, quæ levia sunt, quomodo ea corrigere, & pro cujusvis hominis ordine & genere judicare. Ut Medicus autem ea remedia, quæ ad illius animam sanandam, & contra vim morbi muniendam aptiora videantur, adhibere possit, opus est, ut is scientia & prudentia præditus sit, quam primo assidua ad Deum oratione, tum auctorum probatorum continua lectione sibi comparare poterit.

Quare pro majori securitate volumus & serio mandamus omnibus Vicariis, & Decanis cujuscunque Capituli, ut annuatim tempore Quadragesimali loco menstruæ congregationis, omnes Confessarios ipsi, vel per ordinarios Examinatores stricte examinent, & prout Confessarii idonei reperti fuerint, dent vel auferant facultatem audiendi confessiones.

Curati bis, tertiove ad summum, examinati, & minus idonei reperti, ut ad Nos mittantur, omnino volumus.

Parochi maxime circa Pœnitentiæ Sacramentum elaborare debent, utpote adultis inprimis necessarium ac salutare, & populum instruere, quid sit pœnitentia, quot & quæ ejus partes, & quæ ad eam recte peragendam requirantur: potissimum vero, in quo magni apparent defectus, eum ad veram & Sacramentalem, quæ in peccatorum connumeratione in specie & figillatim coram Sacerdote faciendâ consistit, confessionem inducere omnino studeant: quod sæpenumero & maxime Quadragesimæ tempore, & quando hoc Sacramentum frequentandum erit, pro concione & alias faciendum est.

Nullus præsumat intra domesticos parietes (infirmis exceptis) confitentem audire, nec etiam feminas præsertim, surdastris item demptis, in Sacristia, sed quemlibet publice in Ecclesia seorsim audiat, eumque paterne & graviter moneat, ut integrè & debitis cum circumstantiis sua peccata confiteatur. Rudes autem, & in specie confi-

confiteri nescientes instruant, & per singula præcepta Decalogi (ad quæ etiam præcepta Ecclesiæ revocanda erunt) itemque circa peccata capitalia caute & prudenter examinent & interrogent, prout Catechismus Romanus, Directorium P. Joannis Polanci, Institutiones Francisci Costeri, & aliorum bonorum authorum libelli de confessionum audiendarum ratione conscripti edocent.

Confessarius superpelliceo & stola violacei coloris indutus, prius genuflexus orabit, ut tanto ministerio satisfacere possit. Regulares vero vestitum adhibeant, quem ex regulæ præscripto in choro adhibent.

In penitentiis imponendis adhibebit prudentiam, pietatem, & industriam, habebit rationem status, conditionis, sexus, & ætatis : talem vero confitenti penitentiam imponet, qualem ab eo posse præstari judicabit, & utrum possit, interrogabit.

Considerabit item animum penitentis, fletum, gemitum & lachrymas, intimi doloris indices. Videat, ne pro peccatis gravibus penitentias levissimas imponat, & e converso.

Confessarius facultatem habens in votorum commutatione, ea non commutet, nisi in alia majora pietatis opera, vel Deo gratiora, vel saltem, quæ tantidem valeant : qua in re judicanda rationem habeat sumptuum, laborum, molestiarum, & omnium incommodorum, quæ penitentes in persolvendo voto passuri erant.

Noverint Parochi casus Summo Pontifici, aut Nobis reservatos, & si quempiam in eos incidisse perspexerint, ne absolvant, sed eum ad Nos, vel Vicarium nostrum Generalem remittant.

Nullus, cui animarum cura non incumbit, confessionem ullius (nisi in articulo mortis) excipere audeat.

Nullus item in ulla Sacramento administratione in alterius Parochi agrum falcem (proprio Parocho inconsulto) sub gravi pœna imponat.

Nullus item Parochus audiendarum confessionum munus suis Coopera-

toribus, Primissariis, aut Sacellanis, aut quibusvis Presbyteris imponat, nisi ii prius a Nobis, vel Vicariis nostris fuerint ad id idonei reperti & approbati.

Ut autem una eademque in hoc Sacramento absolvendi forma ab omnibus observetur, eam hic subicere placuit.

Sedens & recto capite, posteaquam dixerit Sacerdos : *Miseretur tui Omnipotens Deus, & dimissis peccatis tuis perducatur te ad vitam æternam, Amen* : extendat manum supra caput confitentis, & dicat : *Dominus noster Iesus Christus te absolvat, & ego auctoritate ipsius te absolvo primum a sententia excommunicationis, in quantum possum & indiges; deinde te absolvo a peccatis tuis in nomine Patris, & Filii, & Spiritus Sancti, Amen.*

Postea sublata manu dicat : *Passio Domini nostri Iesu Christi, & merita Beatæ Virginis & omnium Sanctorum, & quicquid boni feceris, & mali sustinueris, sit tibi in remissionem peccatorum, augmentum gratiæ, & premium vitæ æternæ. Amen.*

De Sacramento Eucharistiæ.

Eluceat pietas pariter, & industria Parochi in explananda huiusce Sanctissimi Eucharistiæ Sacramenti dignitate, veritate, adoratione, fructu & effectu, ac populum devote & digne ejus sumptionis modum edoceat, eumque, ut non solum semel in anno, quod præcepti est, sed, quantum fieri potest, sæpius, quod pietatis est, inducere studeat.

Communicaturus ergo populus in loco debito genua flectat, ac Minister Altaris, vel ipse Sacerdos loco populi Confessionem generalem dicat : *Confiteor Deo Omnipotenti &c.* Qua finita, Sacerdos ad populum conversus, eum Generali Absolutione absolvat, dicendo : *Miseretur vestri, &c. Indulgentiam & absolutionem, &c.* ac omnes sub una duntaxat specie communicent, dicatque ostendendo : *Corpus Domini nostri Iesu Christi, &c.* Domine non sum dignus, & præbendo Communionem, dicat : *Corpus Domini nostri Iesu Christi custodiat animam tuam in vitam æternam, Amen.*

Cum

Cum Venerabilis Eucharistia ad ægrotos deferatur; honorifice ac pie id fiat fidelium prosequente eomitatu, pro facultate regionis, lumine ac campanella præcedentibus, ac Sacerdote graviter incedente.

Hoc salutare viaticum in vasculo argenteo abintus deaurato, decenti & nitido asservetur, coram quo lumen diu noctuque ardeat semper.

Singulis etiam sex septimanis, & quoties necessitas postulaverit, renovetur.

Vascula item Oleorum & Chrismatis sint argentea, munda & decentia, quæ quidem Olea & Chrisma singulis annis tempore Paschatis, secundum Decretum FABIANI Papæ, mutantur.

Adolescentes, qui primo Eucharistiam fumere desideraverint, aliquot diebus ante modum & rationem recte confitendi, ac Sacram Eucharistiam digne percipiendi doceant, eosque super his examinent, & non nisi bene instructos admittant.

Reus capitis eo die, quo Eucharistiam sumpsit, supplicio non afficiatur, ob honorem tanti Sacramenti.

De Extrema Unctione.

EX pastoralis cura vobis incumbente statim atque sciveritis aliquam personam ex vestris Parochianis ægrotare, cujuscunque conditionis illa sit, eam visitabitur rarius aut sæpius, prout recta dictabit conscientia. Ideoque frequenter e suggestu populum vestrum admonebitis, ne suos ægrotos subtrahant, verum in tempore vobis significant, ut munus vestrum erga eos explere possitis. Cum autem hujusce visitationis finis potissimus ille sit, ut animæ ægroti consulat Parochus, eamque ad salutis portum dirigat, ante omnia cum ægrotato agat de Sanctorum Sacramentorum perceptione, illumque in ea infirmitate piis colloquiis, præpositis exemplis, & aliis spiritualibus documentis juvare & solari, atque ad patientiam, firmam spem in Deum, atque sui resignationem inducere satagat, & morientium animas, secundum præscriptum Breviarii, Deo commendare studeat.

Tomus VIII. Concilior. German.

Non prætermittat etiam monere ægrotum, ut disponat domui suæ, testamentum condant, pauperesque (si alicujus facultatis sit) Ecclesias, Xenodochia, & pia loca commendata habeat.

Volumus autem, & in virtute sanctæ obedientiæ præcipimus, ne quis ex vobis in iis, quæ munus vestrum concernunt, aliquid sub quovis prætextu, consuetudine, via, modo, & colore, quod avaritiæ speciem habeat, exerceat.

Cum intelligamus hoc Extremæ Unctionis Sacramentum in aliquibus locis in exiguo usu esse, volumus & præcipimus, ut id omnino ad usum revocetur: quod facile fiet, si populo ejus virtutem & efficaciam frequenter exposueritis.

Ministratur hoc Sacramentum adultis periculose ægrotantibus, senio confectis, in diem morituris, peste laborantibus, licet ita infirmi non videantur.

Non ministratur iis, qui non habent usum rationis, neque peccata admittunt, nec furiosis & amentibus toto vitæ tempore, nec excommunicatis, interdictis, & impænitentibus, neque mulieribus in partu laborantibus, nec ultimo supplicio afficiendis.

Cæcis, mutis, surdis, paralyticis, claudis, quamvis eo sensu caruerint, præbatur; peccare enim potuerunt per internas potentias, quibus ea membra respondent.

Durante eadem infirmitate semel tantum inunguntur. Si vero infirmus convalescit, & iterum in eundem, vel aliud morbum inciderit, rursus ungi debet.

Æger, si dum Sacro Oleo ungitur, moritur, Parochus ungere desistat: si vero ob vim morbi dubitetur, vivusne sit, an mortuus, ea ungatur conditione: *Si es vivus, per istam Sanctam Unctionem &c. &c.*

Curet tamen Parochus, ut hoc Sacramentum ægrotato, dum integris est sensibus, ministraretur.

Si infirmus Catholicus præ infirmitate id petere non possit, nihilominus, amicis & vicinis pro eo petentibus,

N n n n

Sacra

Sacra Unctio administranda erit, dummodo pie vixerit & pœnitentiæ signa in eo apparuerint.

Hujus, & cæterorum Sanctorum Sacramentorum administrandi rationem Sacerdoteale edocet.

De Sacramento Ordinis.

Cum administratio Confirmationis & Ordinis solius Episcopi sit, de illis pauca dicere volumus, ut cum ea Episcopus solenniter administrabit, Parochi sciant suscipientes recte instruere.

Ubi primo Parochus aliquem norit sponte ad Clericalem statum adspirantem, eundem instituat, ut paulatim in Clericalis vitæ officiis, & laboribus obeundis assuefiat, & ad pietatem, vitæ innocentiam cum literarum doctrina conjunctam edoceatur.

Impediuntur autem ab Ordinum susceptione, minores natu, non confirmati, ignari, criminosi, solenniter pœnitentes, neophyti, ebrietati & gulæ dediti, impudici, lapsi post susceptum Ordinem, perjuri, usurarii, manifesti, infames, servi, corpore vitiati insigniter deformes, illegitime nati, ignoti, bigami, irregulares, suspensi, interdicti, excommunicati, amentes, morbo caduco laborantes, energumini, non examinati, & probati.

Subdiaconatum suscepturus admoveatur a Parocho, ut purior ad tantum onus accedat, priusquam eo Sacro Ordine initietur, exercitia spiritualia consilio & auxilio alicujus viri religiosi, cui ad nutum obtemperabit, subeat. Horas Canonicas orare sciat, alias ad gradum Subdiaconatus minime promovendus.

Ordinandus, ut de vitæ suæ disciplina, moribusque testatum fiat, ferat secum literas tam a Parocho, quam a Ludimagistro; Literas item legitimisationis, ætatis, & tituli mensæ, seu patrimonii.

Ex præscripto Sacrosancti Concilii Tridentini nullus, nisi post annum a susceptione postremi gradus minorum Ordinum, ad Sacros Ordines promoveatur, nisi necessitas, aut Ecclesiæ utilitas judicio Episcopi aliud exposcat.

Ætatis annos, viginti duos, si Subdiaconatum: viginti tres, si Diaconatum: viginti quinque attigisse, si Sacerdotium quis suscepturus est, oportebit: qui omnes habita ratione, & officii & beneficii curati, seu non curati, examinandi erunt.

Omnes item in habitu Clericali accedent, alias repulsam passuri.

De Sacramento Matrimonii.

Advertent non segniter Sacerdotes, ne in gradibus prohibitis, aut aliis impedimentis Matrimonia contrahantur.

In dubiis ad nuptias non progrediantur, nisi inquisitione diligenter facta, impedimentum nullum subesse.

Quamvis Matrimonia a filiis familias absque parentum consensu ea rata vel irrita facere non possint, dummodo libero contrahentium consensu facta sint; suadendum tamen iis omnino est, ne insciis parentibus ullo modo contrahant, sed eorum voluntati ac consiliis in re tam gravi subjaceant & pareant.

Vagantium, & eorum, qui certas sedes non habent, Matrimoniis Parochus ne intersit, nisi prius diligentem de personis conjungi volentibus inquisitionem fecerit, ac a Nobis desuper licentiam id faciendi obtinuerit.

Certum & firmum esse debet, propter absentiam quantumvis diuturnam non licere alterutri conjugi cum ullo alio Matrimonio conjungi, ac proinde, nisi de morte alterius conjugis moraliter certa constiterit, ad alia vota transire nullo modo poterit.

Contrahentes in doctrina Christiana sint instructi, alias Matrimonio non jungendi.

Posteaquam Parochus cognoverit Matrimonium denunciari posse, id fiat tribus Dominicis diebus, vel Festis, quæ ab Ecclesia feriantur, inter Missarum solennia: quæ denunciationes non fiant, nisi ex petitione contrahentium. Ultima autem denunciationis die, nisi ex nostra licentia, nuptiæ non celebrentur.

Si in diversis Parochiis contrahentes

tes habitant, utriusque item Parochus hoc observet.

Denunciationibus factis, si nullum opponatur impedimentum, ad celebrationem Matrimonii in faciem Ecclesiæ procedatur.

Sacerdos post brevem sermonem de sanctitate hujus Sacramenti primo sponsum, deinde sponsam vulgaribus verbis interrogabit: *N. vis accipere, & jam nunc accipis: N. hic præsentem in tuam legitimam uxorem, sicut præcipit S. Mater Ecclesiæ?* ubi sponsum clare respondebit: *Volo*, ut ita iisdem verbis interrogabit sponsam.

Quibus consentientibus Parochus dicat: *Quod Deus conjunxit. homo non separet*, Et aperte dicat: *Ego auctoritate S. Matris Ecclesiæ, qua fungor, conjungo vos in Matrimonium in nomine Patris † & Filii † & Spiritus Sancti † Amen.*

Cætera ut in Sacerdotali.

Habeat Parochus librum, in quo contrahentium & testium nomina, & cognomina, denique & locum contracti Matrimonii describat; & diligenter asservet.

Qui falsum impedimentum malitiose attulerit, ut Matrimonium impediat, præter alias juris pœnas, excommunicationis etiam pœna afficiatur.

Serio mandamus, ne sponsum & sponsam, antequam Matrimonium inter eos celebratum sit, una cohabitent, secus si fecerint, gravis illis a Nobis pœnitentia injungenda erit.

Volumus item, ut sponsum & sponsam ante celebrationem Matrimonii confiteantur, & nisi prævia confessione, minime intronizentur. Ut etiam communicent, illis suadeat Parochus biduo vel triduo ante nuptiarum diem.

Contra simul cohabitantes ante solennizationem Matrimonii, superiori anno edidimus mandatum, quod ut a Parochis sæpius publicetur, & stricte observetur, præcipimus.

Si qui laici, quod Deus avertat, sive soluti, sive uxorati reperirentur, contra hujusmodi juxta præscriptum Sacrosancti Concilii Tridentini *Sess. 24. C. 8.* procedendum statuimus. Quare præcipimus, ut prædictum *C. de Reformatione Matrimonii*, in Ecclesiis Parochialibus inter Missarum solennia sæpius publicetur.

Tomus VIII. Concilior. German.

matione Matrimonii, in Ecclesiis Parochialibus inter Missarum solennia sæpius publicetur.

Causæ matrimoniales ut ad forum Ecclesiasticum pertinent, ita eas ad Nos, vel Vicarios nostros (& nullo modo ad Judicem sæcularem) deferri, & per eos decidi volumus.

Præcipimus itaque omnibus Laicis, ut intra limites jurisdictionis ipsis delatæ consistentes, a rerum Ecclesiasticarum tractatione ac diffinitione, se abstineant, ne illis, quod Ozæ & Ozizæ accidit, eveniat. Memoria etiam repetentes illud Sancti Concilii Tridentini *Sess. 24. Cap. 12.* Si quis dixerit causas matrimoniales non spectare ad Judices Ecclesiasticos, anathema sit.

Ad Sponsalia, seu promissionem de futuro Matrimonio, si Parochus tanquam testis vocatus fuerit, quin pro consuetudine regionis accedat, non prohibemus.

Nuptiæ juxta Decreta Concilii Tridentini a Dominica prima Adventus usque in diem Epiphaniæ, & a feria quarta Cinerum usque in octavam Paschæ inclusive, a Sancta Synodo prohibentur. In aliis vero temporibus nuptias solenniter celebrare permittit.

De bonis Sacerdotum defunctorum.

CUM aliqui homines, inter cætera, quæ sibi contra libertatem Ecclesiasticam usurpant, etiam ad id temeritatis sæpe veniunt, ut Clerici defuncti bona relicta invadant, de iis disponant, & ad libitum sacrilege subripiant. Nos huic malo prævenire & mederi volentes, sub pœna excommunicationis latæ sententiæ vetamus omnibus tam spiritualibus, quam sæcularibus personis, ne Clerici mortui, qui, dum viveret, Ecclesiasticum beneficium obtinebat, bona sua relicta quisquam temere invadat, auferat, vel dividat, sed Vicariis, Decanis, seu Substitutis nostris talem dispositionem relinquunt: qui visa prius Clerici defuncti licentia testandi a Nobis obtenta, & testamento coram Nobis, seu Vicario nostro erecto de illis bonis, etiam cum interventu brachij sæcularis, si opus fuerit, bene & fecundum

cundum piam testatoris mentem disponant, & ut sumptibus, in quantum fieri poterit, parcat, serio mandamus.

Bona Fabricarum.

CUm Nobis certo constet, multis in locis bona fabricæ pessime dilapidari, ad varios usus, & comessationes, præsertim circa festum Purificationis Beatæ Mariæ, tempore rogationum, & processionum inutiliter consumi: hujusmodi abusus tollere volentes serio mandamus, ne bona, census, proventus, oblationes piorum, aliaque ejus generis, quæ ad Ecclesiarum fabricas quavis ratione pertinent, ab earum Præfectis, seu Ministris secundum præscriptum Sancti Concilii Tridentini, ad alios usus, nisi Ecclesiæ necessarios & utiles, avertantur.

Volumus item, ut rationes fabricæ a Præfectis, seu Syndicis Ecclesiarum coram nostro Vicario, seu Decano, vel ex nostra licentia Parocho loci, etiam cum interventu Magistratus sæcularis, si id necessitas postulaverit, annuatim dentur, qui de fidei administratione Nos quamprimum admoneant. Mandamus insuper rationem hujusmodi petentibus & dantibus, ut parcant sumptibus, ne per eos sub hoc prætextu Ecclesiæ aggraventur.

Ad eleemosynas, oblationes, & paratam pecuniam Ecclesiarum habeat Parochus loci unam clavim, quam nemini committat, sed personaliter cum cæteris clavigeris archivum ingrediat, illudque aperiat & claudat.

Nova Ecclesia ulterius non ædificetur inconsulto Ordinario, & licentia ab eo in scriptis data.

Ordo servandus circa funeralia.

Pietas illorum, qui defunctos rite sepelire consueverunt, Deo Creatori nostro accepta semper fuit.

Invigilabunt tamen Parochi, ne sub specie pietatis superstitiones, abusus & inutiles observationes a quovis homine, nec in obitu, nec post obitum defuncti introducantur.

Rationem servandam in deferendo defuncti corpore ad sepulturam in di-

spotionibus, vigiliis, septimis, tricesimis, & anniversariis habetis in Sacerdotali seu Exequiali, ad quod vos remittentes, volumus, ut omnia, quæ ibidem notantur, pie ac devote, tanquam Deo rationem daturi, expediatis.

Exactiones pro funeribus omnino prohibemus. Quare mandamus universo nostro Clero, ne ab hæredibus defuncti, non obstante quacunque consuetudine Nobis, vel Vicario nostro inconsultis ad libitum nihil exigant, sed stent ordinationi per Nos declarandæ.

Volumus autem, ut Vicarii nostri, Decani & Camerarii cujusvis Capituli ruralis habentes rationem & loci, & beneficiorum, & cum interventu Magistratus sæcularis, si opus fuerit, certam eleemosynam pro funeralibus dandam, & per Nos ratificandam statuunt, ne populus hujusmodi exactionibus graveatur, & Parochus suis viribus defraudetur.

In locis vero, ubi de consuetudine pro funeralibus cera seu fixa eleemosyna datur, eam interrompere.

Tempore Pestis quid observandum.

SI unquam Parochi, Sacerdotes & Magistratus sæculares indigent forti, magno & paratissimo animo ad omnia ministeria, charitatis officia exercenda, indigent præsertim pestis tempore, ubi deficiente eorum fortitudine, constantia, sollicitudine, & erga omnes diligente cura, in utriusque hominis sustentatione ut omnia ruant, oportet.

Quare Parochis & universo Clero mandamus, ubi infirmitas illa grassatur, ut publicas processiones indicant, quas, ut pœnitentes decet, profusis lachrymis, precum studio, & interno pietatis affectu, celebrare, & sæpe frequentare studeant. Universum autem populum ad confessionem, Sanctam Communionem, & salutarem pœnitentiam admoneant.

Magistratum Parochi sollicitabunt, ut publica peccata, quibus Deus offenditur, funditus evellere studeat, pauperes & infirmos alat, & omni pietatis studio eis subvenire curet.

Paro-

Parochus animabus sibi in curam a Christo Domino traditis pœnitentiæ, Eucharistiæ, & Extremæ Unctionis Sacramentis taliter subveniat, ne quis eorum omnibus iis non munitus, moriatur: eisque afflictis ac pene prostratis consolationes, remedia, subsidia, & alia dilectionis officia præstet, eorumque inopiam Magistratui & dirioribus significet.

Pestis periculò DEI benignitate sublato, populum excitabit ad orationem, obsecrationem, & gratiarum actionem: inter alia vero bonorum operum exercitia, ut omnes confiteantur, & certa die Sacram Communionem sumant, & ne amplius peccent, nè quid gravius eis contingat, pie & frequenter admonebit.

Experientia didicimus, populum ob imminentem calamitatem, vel aliam causam emittere vota, eaque postmodum non observare. Quare Parochis mandamus, ut Nos consulant pro voti formula rite concipienda. Si vero temporis angustia non patitur, pestis præsertim tempore, votum sententiæ & iudicio Ordinarii relinquatur, ut illud Deo factum pie servetur.

Voti instrumentum Notarii manu confectum, Vicario vel Decano custodiendum, a Parocho loci tradatur.

Placuit hisce Constitutionibus addere Tabulam dierum, Festorum, & Vigiliarum, quæ ex præcepto S. Matris Ecclesiæ, & ex consuetudine hujus almæ Ecclesiæ

Curienfis feriantur & servantur.

Januarius.

Circumcisio Domini. Epiphania. Sancti Sebastiani in multis locis ex voto.

Februarius.

Purificatio Gloriosissimæ Virginis Mariæ. Sancti Matthiæ Apostoli.

Martius.

Annunciatio Beatissimæ Virginis Mariæ.

Aprilis.

Sancti Marci Evangelistæ, & Sancti Georgii Martyris simul.

Majus.

Sanctorum Jacobi & Philippi Apostolorum. Inventio Sanctæ Crucis.

Junius.

Nativitas Sancti Joannis Baptistæ. Sanctorum Apostolorum Petri & Pauli.

Julius.

Sanctæ Mariæ Magdalenz. Sancti Jacobi Apostoli.

Augustus.

Sancti Laurentii Martyris. Assumptio Beatæ Virginis Mariæ. Sancti Bartholomæi Apostoli.

September.

Nativitas Beatissimæ Virginis Mariæ. Sancti Matthæi Apostoli & Evangelistæ. S. Michaelis Archangeli.

October.

Sanctorum Simonis & Judæ Apostolorum.

November.

Omnium Sanctorum. S. Martini Episcopi. S. Florini Patroni. S. Catharinæ Virginis. S. Andreæ Apostoli.

December.

Sancti Lucii Regis, Confessoris, Apostoli Rhetiz, & Sanctissimi Patroni nostri. Conceptio Beatissimæ Virginis Mariæ. Sancti Thomæ Apostoli. Nativitas Domini. S. Stephani protomartyris. Sancti Joannis Apostoli & Evangelistæ. Ss. innocencium.

Festa mobilia.

Pascha Resurrectionis Domini, cum duobus diebus proxime sequentibus.

Ascensio Domini nostri JESU Christi.

Pentecostes, cum duobus diebus proxime sequentibus.

Solennitas Sanctissimi Corporis Christi.

Omnes dies Dominici.

In unaquaque Parochia feriat proprius Patronus.

Item Festa solenni voto ferianda suscepta.

De laudabili consuetudine feria sexta Parasceves, & Commemoratio omnium Fidelium Defunctorum.

N n n n 3 ferian-

feriantur usque post peractionem Divinorum Officiorum, ut Christi Fideles omnes eo commodius Divinis Officiis interesse possint.

In plerisque locis usurparunt superiores Laici, quod sub excommunicationis pœna inhihemus, potestatem dandi licentiam opera fervilia in diebus Festis exercendi. Hanc potestatem facimus Parochis, quibus serio mandamus, ne sint faciles in danda hujusmodi licentia, nisi necessitate, aut publica utilitate id exigente, quam etiam non dabunt, nisi a prandio, & peractis in Ecclesia omnibus Divinis Officiis.

*Tabula Vigiliarum, seu Jejuni-
rum, quæ ex præcepto S. Matris Ecclesiæ
servantur, & etiam de consuetudine
Ecclesiæ Curienfis.*

Vigilia Nativitatis Domini : Pentecostes : Assumptionis Beatissimæ Virginis Mariæ : Omnium Apostolorum, præter Ss. Joannis Evangelistæ, Philippi & Jacobi : Vigilia Omnium Sanctorum : Nativitatis Sancti Joannis Baptistæ : S. Laurentii : Jejunium singulis diebus Quadragesimæ, exceptis Dominicis.

De Quadragesima additio.

Jejunium quadragesimale est institutum ad Christum imitandum, & ad hoc, quod fideles disponantur ad Redemptionis nostræ mysteria devote recolenda, & ad reprimendas concupiscentias, ad ferenitatem, & elevationem animi, nec non ad placandum Deum & reatum pœnæ delendum. Ad quod tria requiruntur. 1.) Unica comestio. 2.) Abstinencia carnum, ovorum, & lacticiniorum. Butyrum vero & lacticia in locis, quibus consuetudo propter defectum olei est introducta, non inhihemus. 3.) Competens hora, quæ in toto Episcopatu nostro est in meridie in undecima hora.

Jejunia item quatuor Temporum, & jejunia solenni voto suscepta.

Quatuor Tempora celebrantur IV. & VI. feria, atque Sabbato post tertiam Dominicam Adventus : post primam Dominicam Quadragesimæ : post

Pentecosten : post festum Exaltationis Sanctæ Crucis.

*Sequentes Vigiliæ non sunt de præcepto, quæ
tamen pie possunt observari.*

Vigilia Epiphaniæ, Ascensionis, Corporis Christi, Nativitatis Sanctissimæ Virginis Mariæ, Sancti Martini, Sanctorum Lucii & Florini Patronorum.

In diebus jejuniorum a Quadragesima possunt jejunantes & non jejunantes uti ovis & lacticiis, in Quadragesima autem non, ut dictum est.

Omnes sub pœna peccati mortalis obligantur ad jejunium de præcepto, a quo tamen nonnulli excusantur. 1.) Infirmi & debiles. 2.) Ostitim mendicantes, nisi sufficienter inveniant ad sustentationem naturæ, & alias robusti sint. 3.) Prægnantes & lactantes. 4.) Pueri usque ad 21. annum : si tamen proclives sint ad luxuriam, tenentur jejunare & præcepto juris naturæ & Divini ad domandam carnem. 5.) Senes, aliquibus videtur ab anno 70. tutius tamen standum erit judicio conscientie : quidam enim in 50. anno sunt debiliores, quam alii in 80. 6.) Laborantes seu operarii labores graves perficientes. 7.) Itinerantes. 8.) Omnes, qui propter jejunium impediuntur a majori bono, ut Cantores, Prædicatores, & natura debiles, Doctores in Scholis.

Singulis feriis sextis & Sabbatis (nisi festum Natalis Domini incidit in eis) ab estu carnum abstinendum erit, per totum annum.

Cum Ecclesia sit Mater & non noverca, facimus facultatem omnibus Parochis per totam Diocesim nostram, dandi licentiam infirmis, debilibusque personis, vescendi cibis prohibitis, ubi judicium periti & jurati Medici acceperit.

Admoneant Parochi subditos, ut omni tempore, præsertim autem Quadragesimæ, se in vestitu, cibo, potu, eleemosynæ elargitione, cæterisque Christianis exercitiis vere pœnitentes ostendant, singulis diebus Sacrificio Missæ interfint, frequenter confiteantur, orationi, & meditationi vacent, a

conviviis, spectaculis, & mundanis vanitatibus, & ab omni peccandi occasione, taliter abstineant, quatenus actus eorum a pœnitentiæ regulis nunquam discrepent.

Quæ hisce nostris Constitutionibus & Decretis comprehensa non sunt, juri communi subjacere declaramus, ad quod vos remittimus.

Interpretationem vero eorundem, si quæ in his difficultas orta erit, prout etiam moderationem, & dispensationem, si aliquando necessitas id postulaverit,

Nobis reservamus, salvo semper Sanctæ Sedis judicio, & autoritate.

Ut autem hæc nostra Decreta eam, quam optamus, habeant executionem, vobis Vicariis, Decanis, & Officialibus nostris, tanquam eorundem a Nobis deputatis Executoribus serio mandamus, ut ea annuatim in vestro Capitulo perlegi, ac stricte observari faciatis: eorum enim transgressores nostram indignationem, ac severam animadversionem nequaquam effugient.

Ex Lunig Contin. II. Spicil. Eccles. P. I. pag. 441.

JOANNES, (hujus nominis V.) Flugiurum ab Aspermont de Familia, electus MDCI. Cal. Febr. Sedis Curienfis Episcopus, qualis, quantusque fuerit, paucis ostendit *Bucelinus* Germaniæ Sacrae Part. I. pag. 4, ubi meritiissimi illum religiosissimique appellatione Pontificis exornatum, satis concessisse scribit 30. Aug. MDCXXVII. De hoc porro Episcopatu & ipsa Rhetorum Metropoli Curia videri possunt *Stumpf* Hist. German. Helv. L. XIX. *Bucel.* cit. *Diction. univers. Gall. & Lat.* vulgo *Diſtionar.* Trevolt. Tom. II. *Adrian. Daude* S. J. Majestas Hierarchiæ Eccles. pag. 305.

SYNODUS DIOECESANA CULMENSIS

Eodem Anno Christi MDCV.

SUB LAURENTIO GEMBICKI, CULMENSI ET POMESANLÆ
EPISCOPO.

LITERÆ INDICATIONIS SYNODI.

LAURENTIUS GEMBICKI, DEI GRATIA EPISCOPUS CULMENSIS ET Pomesaniensis, universis & singulis Prælatiſ, Canoniciſ, Præpoſitiſ, Archi-Præſbyteriſ, Præſbyteriſ, Pærochiſ, Commendariis, Vicariis, Altariſtiſ, cæteriſque, qui de jure vel conſuetudine, noſtræ Diaceſanæ Synodo intereſſe debent vel tenentur, per utramque Diaceſim noſtram, tam Culmenſem, quam Pomeſaniſem Nobis in Chriſto Dilectiſ Salutem in Domino.

Cum in curam, gubernationemque noſtram, Divina ita diſponente providentia, Eccleſiæ Culmenſiſ & Pomeſaniſiſ, a Chriſti Domini in terris Vicario collatæ eſſent: omni ſtudio in id incumbendum eſſe putavimus; ut eas virtute Cleri florentes, tanquam Sponſam immaculatam, ſine ruga, priſtinaque dignitate, ac Sanctæ Religioniſ integritate, Chriſtianique officiis conſpicuâ, adjuvante Domino, redderemus. Itaque quadriennio iſto, quo illiſ non noſtriſ meritiſ, ſed dignatione Divina præſumus, non prætermiſimus iſ, qui Duces dati ſunt, vitæque Magiſtri populo No-

biſ commiſſo, inculcare eorum officia, eoſque ad vitæ morumque innocentiam, ac Sanctæ doctrinæ propagandæ ſtudioſ hortari: cum intelligeremus, a Sacerdotum vitæ & moribus, ſive vitia, ſive virtutes Chriſtianas in plebem, quæ ab eorum ore pendet, eorumque facta intuetur, dimanare. Attamen per difficultatem ſuperiorum temporum, maxime autem peſtilentiam, ſinguliſ pene anniſ graſſantem, id quod unum vel maxime opportunum a Sanctiſ Patribus, Matreque ipſa Eccleſia, Spiritu Sancto auctore, ad reformationem morum, ad fidei propagationem atque piſtatiſ, ad res Eccleſiarum

clesiarum stabilendas & institutum, generalem Cleri huius utriusque Conventum habere minime poteramus: jam autem, Deo bene juvante, indicimus, & instituimus ad diem XXI. Junii Culmsæ, quem locum & tempus, communi Venerabilis Capituli, & Archi-Presbyterorum nostrorum consilio addidit delegimus. In qua quidem Synodo ea, quæ partim quorundam Sacerdotum negligentia, partim hominum aut temporum iniquitate, sive perturbata & confusa sunt, sive ab Ecclesiis nostris alienata, collatis in commune sententiis componi, & restitui curabimus, & quæ salubriter a nostris Prædecessoribus statuta in desuetudinem, aut oblivionem abiisse videntur, in usum revocabimus, Deo bene juvante, & vobis suadentibus.

Quapropter vobis omnibus & singulis supradictis, in virtute sanctæ obedientiæ mandamus, ut ad hanc futuram Synodum Culmsam, tempore præstituto mature veniatis, Sanctas Constitutiones inde, quibus unusquisque ad officium suum recte obeundum, ac ad reformationem morum, extirpationemque vitiorum, Sanctissimæque Religionis doctrinam, ad animarum salutem utiliter proponendam, & prava dogmata convellenda instruatur, accepturi. Ut autem nostri conatus, nostraque consilia feliciter ad DEI gloriam, stabilendumque statum Ecclesiarum, prospere eveniant, ad illum ipsum, a quo omni donum perfectum, & omne datum optimum, Patrem luminum, confugiendum nobis est, ejusque imploranda per supplices preces, celestis gratiæ auxilia. Idcirco in celebrioribus Civitatibus utpote Culmsæ, Torunii, Culmæ, Lubaviæ, Mariaburgi, ac aliis item oppidis, ubi ob frequentiam Cleri id commode peragi potest, quadraginta horarum orationes institui ante Synodum commodis temporibus cupimus, in quibus toto corde ad DEUM Optimum Maximum conversi, summam ac infinitam ejus Bonitatem suppliciter rogabitis, ut respiciat nos indignos servulos suos, quos in opus ministerii sui vocavit, irrigationique nostræ, quam, officio exigente, commisisse nobis vinea adhibemus, ipse benignus & misericors præstet incrementa; ac Pontificatum recens electi Pontificis Maximi fortunet; Christianos populos ab immanitate barbarorum tueatur; Principibus donet concordia spiritum; Regnum hoc magnis undequaque periculis circumvallatum, tutum inviolatumque conservet. Ceterum hunc nostrum processum juxta morem antiquitus receptum, volumus, ut alter alteri vici-

riori Parocho transmittat; ultimus vero eandem ad Cancellariam nostram, vel ad Synodum, Culmsæ proximè celebrandam, deferat. Volumus item, & auctoritate nostra ordinaria decernimus & mandamus, ut præsentis ejus processus nostri litera ad valvæ Ecclesiæ Cathedralis nostræ publice affigantur, quo omnibus prædictis istic accedentibus, indictio nostræ Synodi patere possit, ne videlicet quicumque illorum ignorantiam de præmissis quocummodo præterdere, aut se contra præmissa excusare valeat. In quorum omnium fidem præsentibus, manu Notarii nostri subscriptis, sigillum nostrum apprimi iussimus.

Datum in arce nostra Lubaviensi, die XIV. Maji Anno Domini MDCV.

Die itaque XXI. Junii, quæ fuit feria tertia post octavas Corporis Christi, Synodus feliciter inchoata fuit. Ubi celebrata Missa per Reverendissimum Dominum Episcopum, Pontificio habitu, rituque solenni, imploratque auxilio Spiritus Sancti, habita fuit ad Clerum Concio, a R. P. MARTINO LASCIO, Societatis JESU Presbytero. Qua peracta, progressum fuit ad Supplicationes & Litanias, ac alia in Pontificali Romano in Synodo servari præscripta. Tum ipse Reverendissimus ad Clerum in hæc verba sermonem suum exorsus.

SERMO REVERENDISSIMI DOMINI EPISCOPI.

MAGNUM & difficile munus, Fratres in Domino Charissimi, mihi infirmo, peccatisque cooperto impositum est, voluntate providentiæque Divina. Posuit enim me Spiritus Sanctus Episcopum & Pastorem regere Ecclesiam, quam acquisivit Redemptor noster Sanguine suo. In quo munere attendere me oportet, non modo mihi ipsi, sed & universo gregi, qui hisce binis Diocesibus continetur, atque adeo vobis etiam, qui Rectores ejus estis & Magistri. Quodsi propriam animam custodire operosum est: quantum & quale esse putatis custodire vestras, custodire totius populi, ac non modo propria, verum etiam aliena peccata portare? Grave profecto id onus, Angelicis etiam humeris, ut pius Doctor censuit, formidandum. Ingemisco igitur sub tanto pondere, exhorresco ad illas Domini per Prophetam voces: *Speculatorem in Israel posui te, & sanguinem ipsius de manu tua requiram*. Vigilandum igitur mihi est, exploranda diligenter omnia, Fratres; providendum, ut

vos, per quos populum mihi commissum condire debeo fidei, puræque doctrinæ & iustitiæ Christianæ, ne putrefatis & sca-teatis fordibus vitiorum: nam a vestra pie-tate & virtute salus eorum, quibus præcitis, dependet. Quapropter ut primum in hanc meam Diocesim veni, non cessavi vos in charitate & mansuetudine officii admonere, adii ipse Ecclesias plerasque, omnes quotan-nis per Archi-Presbyteros lustravi. Cog-novi autem esse in hoc cætu vestro Viros eruditione probitateque insignes, qui pie ac solicite in ministerio suo, animarumque cu-ra versantur. Sed & hoc quoque dissimula-re minime possum, quod angit & cruciat, esse aliquos ignaros officii, immemores dig-nitatis, torpentes otio, luxu disfluentes, ventri gulæque deditos; sua lucra, non ani-marum salutem procurantes; ut minime mirum sit, talibus Pastoribus aberrare oves a via Domini recta, dari in devorationem lupis, languescere hæreses iterum revivi-scere, vestigalia, decimas, & reditus Eccle-siarum parcius jam a fidelibus præstari. Hæc ego cum partim ipse animadvertissem, par-tim a Visitatoribus accepissem, jam pridem de cogenda Synodo cogitavi. Quod unum remedium, tum ad integritatem sanctæ do-ctrinæ Catholicæ retinendam, tum ad disci-plinam Ecclesiasticam sancendam, tum ad instauranda Christiana officia, pietatemque in populo excitandam, Spiritu Sancto au-ctore, est jam inde ab Apostolicis temporibus salutariter institutum. Sed variae præ-teritorum temporum difficultates, maxime autem pestilentia, late annis hisce quatuor per has regiones diffusa, consilium volun-tatemque meam remorata fuerunt. Nunc gratias ago Domino DEO JESU CHRIS-TO, qui nos huc incolumes congregavit, & vos laudo, qui prompte mihi evocanti paruisistis. Et precor te, Supreme Pastor & Magister noster, qui promissisti, si duo vel tres in tuo nomine congregati fuerunt, in medio eorum te futurum, ut nobis indignis servulis clemens & benignus adesse digneris, nostraque consilia Divino Spiritu ad lau-dem & gloriam tuam, nostramque & eorum, quorum curam gerimus, salutem dirigas & modereris. Vos autem, Fratres Charissimi, adesse animis, & supplicibus votis Divinam opem implorate, ut & videatis, quæ recta, illique placita sunt, & ad ea peragenda ro-bur & gratiam divinitus, Christianæ Rei-publicæ tranquillitatem, Regno huic salutem & pacem, Ecclesiæ Sanctæ Summum Pasto-rem secundum cor Domini, in hac iniqui-tate temporum, tantisque tempestatibus im-petretis.

Tria autem nobis in hac nostra Synodo tractanda existimo. Primo ea, quæ ad cu-

Tomus VIII. Concilior. German.

ram de vobis ipsis referuntur. Secundo de cura gregis, cui præestis. Tercio de Ec-clesiarum statu, rebusque temporariis ad eas pertinentibus. Ac principio quidem de no-stra cura, authore Apostolo. Quid enim prodest, si universum mundum lucrémur, animarum autem nostrarum detrimentum patiamur? Et quæ spes de felici successu curæ gregis, si non illi ad virtutem & ho-nestatem nostris exemplis præibimus? Ne-cesse sane est, ut cuius vita despicitur, ejus-dem prædicatio contemnatur. Porro ita ex sententia Sanctorum Patrum ego quoque statuo, ipsam dignitatem Sacerdotalem, si eam cognoscamus & diligenter expendamus, ad nostræ salutis curam, nobis summo in-ciramento esse futuram. Angelum Domini exercituum Sacerdotem Malachias appellat, cujus labia custodiunt scientiam, & de cu-jus ore legem populi requirunt, Angelum igitur purum & immaculatum ab omni pec-cati contagione esse pare est, nuntium Altissi-mi, præditum ipsius gratia, non inimico ipsius Satanæ, aut corpori, mundoque servi-entem. Ne, dum legatione ad Deum fungi-tur pro populo, quod ipsius munus est, proque peccatis ipsius deprecatur, repulsam ferat, tanquam ingratus & hostis, & sibi quo-que graviores iram in die iræ Omnipoten-tis thesauriset. Addo, eam dignitatem esse Sacerdotum, ut eam Angeli ipsi superio-rem esse sua censeant, nempe, qui eam, quæ illis data est in terris, potestatem non habeant, ipse quoque Dominus eo honore prosequatur, ut eorum contemptum suum ducat, seque sperni dicat ab iis, qui eos spernant. Tu igitur, o Sacerdos, quem An-geli, quem ipse Deus Angelorum honorat, honorem tuum prostitues? Tu Sacerdota-lem dignitatem in crimen vertes? Tu im-pura flagitiosaque vita contaminabis? Non sic, obsecro, non sic; audi potius Docto-rem gentium, & sequere: *Quamdiu sum, inquit ille, gentium Apostolus, honorificabo ministerium meum.* Tu quoque ita te com-ponere, ut idem dicas animo constanti; quamdiu sum Prælatum, quamdiu Canonicus, quamdiu Parochus, quamdiu Sacerdos, honori-ficabo ministerium meum, id est, nunquam prætermittam; non me ab exercendo vis aut metus, non voluptatum illecebræ, non en-piditas, aut studium immoderatum rerum mundanarum, avocabunt. Hæc utinam fi-denter dicere possimus, o Sacerdotes. Pu-ritatem quidem tantam a nobis requirit D. Bernardus, ut nugas appellet in ore nostro blasphemias. Quid vero ebrietates, jurgia, multaque fœda, quæ commemorare etiam tur-pe & indecorum? Talem profecto oportet esse Sacerdotem, ut ad solum ipsius memo-riam, fideles ad pietatem inflammentur, ut

O o o o

in

in benedictione sit perpetua, & nomen ejus celebretur a generatione in generationem, ut inquit idem Apostolus: *Mementote Præpositorum vestrorum, qui verbum Domini vobis locuti sunt, & quorum exitum intuemini, imitamini fidem.* Atque hæc, ne plura commemorem ad vestræ salutis curam diligentem excitare posse vos videntur, nisi prorsus obtorpuistis. Jam ad ea, quæ ad curam pertinent gregis, quem pascendum accepistis.

Grege fidelium, Ecclesia Salvatoris est, Sponsa ipsius dilecta, pro qua ille non septem, ut Jacob olim Patriarcha, aut XIV. annis, sed XXXIII. summos labores in medio terræ Dominus Dominantium servilem formam indutus summa patientia & humilitate pertulit, quam denique sanguine suo mercatus est, quam a sempiterna morte, sua morte, ad sempiternam vitam revocavit, quam corpore, sanguineque pretiosissimo, per ministerium vestrum, quos dispensatores Sacramentorum suorum delegit, pascit & nutrit. Hanc discedens vestræ fidei commendavit o Sacerdotes! vobis dixit: *Curam illius habe*; vobis talenta ad eam curandam, nutriendamque reliquit, vobis promisit se cumulate redditurum, si quid supererogaveritis.

Deferetis igitur Sponsam Domini vestri? Non operam dabit, ut castam & immaculatam ab omni labe terribiliorum peccatorum, pestiferarumque opinionum exhibeatis Christo, cum ad rationes a nobis omnibus exposcendas tremendus Judex apparebit? Absit hoc a vobis, Fratres Charissimi, coronam potius & præmia sempiterna sectemini, quam tenebras illas & suppellicia, in quas conjectus est servus, qui talentum Domini defodit. Et is quidem ob solam inertiam additus est æternis pœnis. Quid illis putamus futurum, qui patrimonio Ecclesiæ ad luxum libidinesque suas abutuntur? Fovete, obsecro Charissimi! per viscera misericordiæ Dei nostri sponfam hanc Domini salutaribus Sacramentis: nutrite cibo doctrinæ cœlestis, exornate virtutum omnium monilibus, per exempla vestræ conversationis. Neque enim ulla ad docendum efficacior est via. Hoc facitis aliqui, Fratres, adjuvante Domino; sed sunt aliqui pigri, sunt flagitiis dediti, sunt, quod nollem, qui Sponsæ huic, ordinique vestro sunt dedecori, qui Sacerdotalem stolam imbuunt scelere, & dignitatem vertunt in deformitatem. Recensendi igitur estis; laudandi boni, puniendi mali. Quapropter initium harum Synodaliū actionum, a cognitione, & examine visitationum peractarum sumendum existimavi, ita quidem, ut prolixis relationibus tempus extrahi nolim, sed Archipresbyteri notatos brevioribus scriptis excessus, quos corrigi auctoritate nostra judicaverint oportere, nobis offerant. Ad-

jungant etiam de injuriis, si quas Sacerdotes nostri, aut Ecclesiæ ipsorum, a quopiam patiantur. Dabitur etiam locus querelis, si quas Sacerdotes ipsi, vel contra Officiales meos, aut etiam me ipsum, qui homo sum infirmitate circumdatus, habebunt. Neque cuiquam fraudi erit, libera voce exposuisse, in quo se læsum existimabit. Vos igitur, Archi-Presbyteri! moneo, ut nihil occultetis: dissimulare enim peccata, quæ arguere debeas, est illis consentire, quod scelus esse non ignoratis. Expedit autem Christi Ecclesiæ, quæ sancta & immaculata est, ne scelera maneat impunita. Væ igitur vobis, si tacueritis. Porro et si & ex Divinis Literis; & ex Sacris Sanctionibus, atque adeo ex Constitutionibus Synodalibus, ab Antecessore nostro, felicis recordationis Reverendissimo Petro Kostka Episcopo olim editis, suppetunt præcepta vitæ instituendæ, officiorumque peragendorum: visum tamen est mihi partim in ordinem ea sub certis titulis redigere, partim addere nonnulla ex Sacris Canonibus, quæ accommodata visâ sunt stabiliendæ Ecclesiasticæ disciplinæ, quæ quidem omnia craftina die peragentur, ut vestro quoque judicio, qui in Lege Divina, Canonibusque versari estis, examinentur.

Proponentur jam etiam vobis puncta nonnulla ad res Ecclesiarum, aut firmandas aut vindicandas spectantia, de quibus per noctem hanc deliberabit, & nobis deinde per Archi-Presbyteros vestros explicabit, quid sentiat.

Quoniam autem non habitat in corpore subdito peccati Spiritus sapientiæ, & consilii, expiate conscientias vestras, parate puras mentes Domino, ut craftina die intra vestra viscera Dominum salutis vestræ authorem, de manibus meis recipiatis, illique concorporei; ut Apostolus ait, effecti, in ipsius amorem inflammemini, & Spiritus Sancti & cœlestis gratiæ lumen accipiat. Porro ita demum recte ac salubriter consilia vestra procedent, si quod jubet Divus Paulus, mutuam charitatem habeatis, unanimes idipsum sentientes, nihil per contentionem, aut inanem gloriam, sed in humilitate, Superiores sibi invicem arbitantes, non, quæ vestra sunt, querentes, sed quæ aliena; supportantes alter alterum in charitate, solliciti servare unionem fidei vinculo pacis. Ego quidem libentissime omnia impendam, & superimpendar ipse pro animabus vestris, licet fortasse, ut ait idem Apostolus, plus vos diligens minus ipse diligar. Vos quidem estis ipse mea & gaudium meum, si Sacerdotalem dignitatem non modo bene docendo, sed & bene vivendo, integram inviolatamque conservabitis, sique in eam curam sedulo incumbetis, ut plebem vobis commissam reddatis Domino populum

lum acceptabilem, sectatorem bonorum Quod Dominus vobis ipse concedat, qui
operum, scientianque salutis illi præsteris. est DEUS in sæcula benedictus.

SEQUUNTUR

CONSTITUTIONES

IN SYNODO COMMUNI OMNIUM SENTENTIA

COMPROBATÆ.

De Fidei Professione.

Quoniam Fides fundamentum est humanæ salutis, recte ab ejus Professione, juxta præscriptum Sacrorum Canonum, omnia Sacerdotalia munia, functionesque curam animarum sustinentium & dispensantium Divina Mysteria, debent inchoari. Quocirca tamen bene omnes utriusque Dicecesis nostræ Sacerdotes, præferim curam animarum obtinentes, eam esse jam professos, existimemus: attamen ab omnibus jam hic congregatis iterandam etiam & voce unanimi declarandam, & pium & consentaneum esse indicamus. Inposterum autem nullus ad Sacerdotium sive curatum, sive sine cura admittatur, nisi prius in manibus nostris, Successorumque nostrorum, vel Vicarii in Spiritualibus sive Officialis, eam præstiterit, ac ad obedientiam Sanctæ Romanæ Ecclesiæ, ejusque Pontificis & Ordinarii sese obstrinxerit.

Hoc ipsum de Vicariis Ecclesiæ Cathedralis, aliisque omnibus Sacerdotibus & Ministris Ecclesiarum, ac etiam Scholarum Rectoribus statutum esse volumus, ut nimirum omnes a Professione Sanctæ Fidei Catholicæ sua munia aufpicientur.

De Canonicis Ecclesiæ Cathedralis.

Quoniam autem Ecclesia Cathedralis caput est aliarum, & Canonici nostri, ordine dignitateque primi cooperarii in hac Domini Sabaoth vinea, æquum & conveniens est, ut omnium etiam virtutum splendore cæteris præluceant, & quam fidem, dum in Ecclesiam cooptantur, juxta Statuta sua, Canonesque Sacros, profiteri solent, eam etiam factis expriment, integritate vitæ, pietatis studiis,

zelo Divinæ gloriæ propagandæ, diligentia defendendi patrimonii Ecclesiarum, alios inferioris Ordinis Ecclesiasticos viros ad idem studium excitent.

Ideo curent, ut non modo nomine, sed re ipsa sint Canonici, id est, regula & canon vitæ aliorum, secundum Sacros Canones, mores & vitam suam instituant, ac Constitutiones ex Sanctorum Patrum doctrina, ac Summorum Pontificum Decretis in Sacra Synodo sancitas, quæ ad ipsos pertinent, pariterque Statuta Capitularia ab Ordinarii approbata sancte observent.

Cum autem munus sit Canonico-rum, Episcopis suis in arduis & gravibus Ecclesiæ negotiis consilium præbere; monemus illos in Domino, ne bonas horas inaniter & sine fructu abire patiantur, sed eas in Sacræ Scripturæ, ac Sacrorum Canonum, jurisque communis lectione collocent, ut eum scientiæ thesaurum sibi comparent, ex quo ad omnia, quæ occurrunt, negotia, expedita consilia depromant. Non enim sibi persuadeant eo quod præstent dignitate cæteris Sacerdotibus, otiosis illis esse licere, sed potius secum reputent, se in editiore quodam loco esse, ex quo & lucere totius virtutis forma, & universæ Ecclesiæ prudentia autoritateque prodesse possint.

Statuta sua, tum omnia, tum præcipue ea, quæ de residentia ex Concilii Tridentini Decretis pie utiliterque sancita sunt, nequaquam labefactari permittant, curentque, ut in tam exiguo eorum numero, omnes apud Ecclesiam præsentem permaneant, quo Divinus cultus & officia omnia Ecclesiastica sine intermissione majori cum dignitate obeantur, utque possessiones Ecclesiæ, hac injuria temporum & hominum rectius administrari, fortiusque defendi possint. Quodsi aliquando aliquem

necessaria aut publica aut privata negotia ab Ecclesia avocabunt, volumus, ne ultra spatium trium mensium, juxta dispositionem Statutorum Capitularium, quolibet anno ab Ecclesia absint, alias cum diutius abesse voluerint, id illis nequaquam licebit, nisi prius a Nobis, nostrisque Successoribus licentiam obtinuerint, sub pœnis per Concilium Tridentinum de ea re statutis. Itaque qui jam absunt, peracta Synodo admonendi erunt, ut & Statutis & præsentì Constitutioni obtemperent, si pœnas ab eadem sancitas, atque etiam Capitularibus Statutis jam pridem decretas, velint evitare.

Bona Ecclesiæ suæ, tam ea, quæ in communi possident, quam quæ specialiter a singulis Canonicis loco præstimoniorum tenentur, certis temporibus, per Statuta Capitularia designatis revideant, aut etiam, si fieri possit, frequentius: quibus si damnum aliquod per aliquem Canonicum illatum fuerit compertum, contra eum Capitularia Statuta sine ullo respectu extendantur.

Fundationes veteres in Ecclesia Cathedrali, ne prorsus obsolescant, aut intereant, diligenter provideant Canonici, caveantque, ne quid in eo genere contra Decretum Concilii Tridentini in *Sessione XXII.* quod incipit: *Si quem Clericorum* &c. ab ipsis peccetur.

Capitularem conventum bis ad minimum in mense, si singulis septimanis commode non poterunt, habeant, in quo de negotiis Capituli & Ecclesiæ quam diligentissime agant, juxta præscripta Statutorum suorum: jura omnia & privilegia Ecclesiæ Cathedralis primo quoque tempore revideant, & cognoscant; indicem eorum conficiant: actiones Capitulares, & deliberationes, in monumenta librumque per Notarium fidelem referant, ut habeant eorum posteri, unde depromant consilia, ac rerum gerendarum exempla.

Ad extremum aliud quoque Capitulum, præter superius jam dictum semel quolibet trimestri Canonicus senior convocabit. Qualibet feria quarta incidentium quatuor temporum post Missam matutinam, cui omnes Canonici, ac reliquus item Cathedralis

Ecclesiæ Clerus cum aliis Ministris interesse omnino tenebuntur, idque pro executione nostrarum Constitutionum Synodaliū, & conservatione disciplinæ Ecclesiasticæ: in quo quidem Capitulo spiritualia tantum tractabuntur; an videlicet Decreta Constitutionum Synodaliū circa Divina Officia executioni demandentur: an omnes tum Sacerdotes, tum Clerici, tum Ministri alii Ecclesiæ adstricti, rite & ordine sua munia, ac ea, qua debent, diligentia exercent. Si autem quempiam five per negligentiam, five aliam culpam aliquod deliquisse fuerit compertum, si is Vicarius sit, aut inferior aliquis Ecclesiæ Minister per Officialem nostrum, cui animadversionis potestas a Nobis delegatur, juxta Canonum aut Statutorum ipsorum præscriptum, vel rei exigentiam, puniatur: sin vero Canonicus fuerit, & præter Diocesanas Constitutiones Capituli quoque Statuta adimplere neglexerit, ad Nos quoque primo tempore deferatur. Quodsi forte aliqui reperti fuerint, qui hæc a Nobis pro conservanda in Ecclesia circa Divina Officia diligentia, decreta, in usum deducere noluerint, illi omnes tanquam Canoniarum Sanctionum, disciplinæque Ecclesiasticæ violatores, Dei Omnipotentis indignationem, & nostram severam animadversionem, sentiant.

De Vicario in Spiritualibus, seu Officiali Generali.

Vicarius noster in Spiritualibus, seu Officialis Generalis, qui loco nostro jus dicit, hoc maxime curabit, ut causas ad judicium nostrum spirituale spectantes audiat, & decadat, consilio & deliberatione matura adhibita, erroresque & excessus, si qui ad eum, ejusque judicium delati fuerint, juxta juris præscriptum puniat, etiam, si opus fuerit, carceris pœna, ut disciplina Ecclesiastica a Sacerdotibus nostris, ac aliis Ecclesiasticis Ministris observetur. Sicut autem nostrum Magistratum gerit, nostramque in suis judiciis personam refert, ita eum decet in summa haberi ab omnibus veneratione. Si enim quidpiam in ipsum fuerit

fuerit commissum, quo autoritas ejus lædi possit; in Nos ipsos commissum, ac nostra autoritas læsa videbitur.

Et quamvis ipsi ex injuncto officio multiplex potestas competat, cum eandem Nobiscum habere dicatur jurisdictionem, ad ea tamen, quæ specialia mandata requirunt, nisi ea a Nobis habuerit, manum non mittet. In iis namque non ordinariam jurisdictionem, sed delegatam habebit, quam a Nobis ipsum expectare convenit.

Commendas ne ultra tempus in Concilio Trident. præfixum, neve amplius, quam semel concedat. Ac instituendi quidem jus illi erit, cæterum resignationes recipiendi absque speciali nostro mandato, minime.

Vicario porro Pomesaniensi, cum illius Diocesis ratio diversa habenda sit, specialem instructionem ad ipsius officium spectantem in scriptis dabimus.

De Archi-Presbyteris.

Archipresbyteri, qui alibi Decani rurales vocantur, delecti sunt ex Sacerdotum cœtu, quasi oculi nostri & cæterorum Inspectores, ut non modo Ecclesias, quas ipsi obtinent, pia sollicitudine gubernent: verum etiam in Presbyteros, præcipue in Parochos, qui per minores titulos habitant intra terminos cujusvis Archipresbyteratus, assidue oculos habeant intentos, eorum vitam & mores inspiciant, & tanquam solliciti Rectorum Inspectores & Magistri, sine intermissione vigilant, ut nec in plebe, nec in Sacerdotibus sibi commissis aliquid aut indecorum aut flagitiosum appareat, utque Parochi rite & legitime officio suo perfungantur, curamque animarum recte administrant.

Ac imprimis ipsis in Dei nomine injungimus & mandamus, ut ad minimum semel in anno Ecclesias, earumque Rectores visitent, & de omnibus tam ad rem Ecclesiasticam, nimirum dotacionem, redditus, suppellectilem, quam ad Parochorum vitam pertinentibus diligentissime inquirent, provideantque & satagent, ne qua in re Ecclesiæ illæ vel in temporalibus, vel in spiritualibus, detrimentum patiantur.

Porro perlustrata regione sibi commissa, bis in anno convocent Clerum, præmissoque Sacro de Spiritu Sancto, oratione gravi admonebunt de iis, quæ a quoquam aut negligi, aut contra officium fieri cognoverint, tum Constitutionum Synodaliū, Divinæque Legis, ac Sacrorum Canonum præscripta, ipsis diligenter inculcabit, ac hortabuntur, ut si qui in ea peccaverint, delicta corrigant, ac in viam redeant. Et idcirco confessiones eorum vel ipsi excipient Archipresbyteri, vel cuique suum assignabunt Confessarium, quem ita assignatum, non vero alium, adire tenebuntur, ipseque peccata religiose confiteri. Graviora autem delicta, & scandala, quibus ipsi sua admonitione, vel correctione & impositione pœnitentiæ pro qualitate culpæ, mederi non poterunt, ad Nos, sive Officialem nostrum, sive scripto, sive ore tenus, sine mora deferent, ut in contumaces Sacerdotes juxta Canonum præscripta, gravioribus pœnis animadvertatur.

Diligenter quoque invigilabunt, ne quid in illorum districtu adversus fidem aut pietatem emergat, quin non statim Nos certiores reddant, ut si quis sub eorum cura Parochus, vel alii Sacerdotes, aut Scholæ Rector, in articulis Catholice Fidei aliquid peregrinum sapiat, & alienum ab Ecclesiæ Romanæ doctrinā, si quis curiosius de fide disputet, & simplicibus injiciat scrupulos, ne id latius serpat, & animos simplicium in errorem inducat, mature autoritate nostra provideatur. Itaque ea diligentia, qua debent, & tenentur, Nobis ejusmodi personas manifestabunt. Moneant itidem Sacerdotes, ut si quando in disputationem aliquam cum hæreticis, aut eorum ministris ipsis descendendum sit, id caute & sobrie, locis idoneis, non in comestationibus, faciant; a jurgiis & contentionibus prorsus abstineant, sed veram doctrinam Catholicam Scripturarum, Sanctorum Patrum, Conciliorum Oecumenicorum, & venerandæ antiquitatis autoritate confirment.

Provideant etiam, ne vagi Sacerdotes sive Regulares, sive sæculares, in

Ecclesias nostras se se obrudant, ne quis Parochorum aut Commendatorum etiam, aut quorumvis Sacerdotum ad curam animarum, administrationem Sacramentorum, prædicationis officium, ministerium altaris, admittatur, sine prævio examine, & nisi sufficienter probaverit, se legitime ordinatum esse, probatæque fidei Sacerdotem, neque ulli pro Capellanis aut Vicariis recipiantur, nisi prius Nobis, aut Officiali nostro fuerint præsentati.

Inquirent etiam diligenter, quomodo Hospitalia & Capellæ, ex quibus aliqua elemosynæ colliguntur, administrantur, & quam honeste vitam pauperes in ipsis ducant, dabuntque operam, ut rationes ex administratione eorum, in præsentia Parochi quotannis, ab iis, quibus commissæ sunt, etiam ipsi Visitatori reddantur. De indulgentiis etiam diligenter inquirent, & si forte abusus aliquos in illis repperint, vel ipsi tollent, vel Nos de ipsis informabunt. Maxime autem vetabunt cõtiones & comestiones Sacerdotum, quas in Patrocinii & Dedicationibus Ecclesiarum fieri intelligimus.

Providebunt etiam, ut Parochi nunquam ab ovibus suis recedant, sed perpetuo apud ipsas resideant, & in Pastoralia munia diligenter incumbant; quapropter in omnibus suis tam visitationibus, quam congregationibus nostro nomine id ipsis denuntiabunt, ne per totum annum ultra mensem quicquam ab Ecclesia sua se absintet, sine nostra, vel Officialis nostri licentia, quæ ex iustis causis non gravatim concedetur, & in scriptis extradi mandabitur.

Ad Archi-Presbyterorum quoque curam ac sollicitudinem pertinet, ut in Scholis Parochialibus juventus in omni pietate, ac morum integritate recte informetur & instituat. Qualis enim illius a primis annis institutio fuerit, tales Ecclesiis Dei suppeditabuntur Ministri. Quapropter dum Parochorum curæ suæ commissorum, visitationem obibunt, simul etiam de Rectorum Scholæ vita, moribus, doctrina, ac quid juventuti, cujus erudiendæ curam gerunt, proponere soleant, dili-

genter inquirent. Commonefacient autem eos serio, ut ipsis Catechisticam lectionem quam sapissime proponant, fidei articulos eosdem edoceant, & explicant.

Porro quæ de officio Archi-Presbyterorum nostrorum hic scripsimus, ita esse scripta volumus, ut ea, quæ ex Sacris Canonibus, quæque ex præscriptis informationibus visitandi, & muneris sui obeundi, tam ab Antecessoribus nostris, quam a Nobis ipsis jam ante data sunt, non excludamus.

De Parochorum officio.

OMnes Parochi nostri id curabunt, ut oves suas cibo cœlestis doctrinæ pascant, utque salutaribus reticiant Sacramentis, ac rite ordineque juxta præscriptum in libro Agendorum, ministrent: idque faciant semper prompte, dum ab aliquo requisiti fuerint, & gratis. Summo autem studio, ac omni sollicitudine providebunt, ne qui in eorum Parochiis infantes sine Baptismo moriantur: quin potius Parochianis suis illud inculcabunt, ut postquam infans aliquis natus fuerit, illum statim uno vel duobus patrinis rogatis, parentes ipsius Sacerdoti præsentari curent, ac illum baptisari postulent. De iis vero, qui jam sunt adulti, & usum rationis habent, satagant, ne sine perceptione Corporis Domini & Extremæ Unctionis Sacramento ex hac vita decedant. Domos suorum Parochianorum sæpe visitabunt, attendentque, ne habeantur apud ipsos libri hæreticorum, quos, si invenerint, eos auferri curent, & illis persuadeant, ut in locum eorum Catholicos, maxime vero vitas Sanctorum Patrum, & libros aliquos piarum orationum, & exercitorum spiritalium domi suæ teneant, & legant.

Ss. MISSÆ SACRIFICIUM ut singulis diebus Dominicis & Festis solennibus, ac præter Festa bis in septimana, præcipue vero feria quarta & sexta in Ecclesiis suis per se, vel per alium faciant, serio præcipimus. In illo autem faciendo ita versabuntur, ut Sacri Canones, & Missalis Romani ritus, ac ista istius Divini Sacrificii Majestas

jeſtas expoſcunt: nemo peccato mortali contaminatus, niſi prius confefſione integrâ per eum, qui ei designatus eſt, Sacerdotem expietur, nemo non jejunus; nemo niſi ad minus Matutinis precibus & Laudibus recitatis accedat, ac meminerit, ſe inſpectantibus Angelis ſtare in conſpectu Altiffimi, & immaculatam Hoſtiam Corporis & Sanguinis Domini noſtri tremendo myſterio, pro ſuis, populique peccatis, modo incruento offerre. Quocirca ſervet ea omnia in celebratione, quæ quoad ritus & cæremonias, dignitatemque actionis & venerationis, ac confeſſationis, oblationisque in rubrica Miſſalis (quam diligenter frequenterque evolvat) ſunt præſcripta. Avaritiæ omnem ſpeciem, aut illiberales exactiões eleemoſynarum ejus Sacrificii nomine, & aliorum Sacramentorum adminiſtrationis, ſevere prohibemus. Tempora itidem nempe pomeridiana, veſpertina, nocturna, præterquam in nocte Natalis Domini, cavenda eſſe ſciant.

Porro ſingulis diebus Dominicis & Feſtis celebribus, ac per Quadrageſimam etiam feria quarta & ſexta, præſertim in oppidis habendæ ſunt conciones ad populum, quibus is & ad ea credenda, quæ Catholica docet veritas, & ad ea agenda, quæ Chriſtiana requirunt officia, informetur. Materia autem & argumentum concionum petenda erunt ex Evangelio occurrenti, cujus explicationem Parochi, vel ex approbatis ab Eccleſia Sanctis Scriptoribus, vel ex Poſtillis Polonico idiomate, a Theologis Societatis Jeſu Jacobo Wieco, & Petro Skarga editis, vel aliis idoneis tam Germanicis, quam Polonicis (ſuſpectis omnibus rejeſtis) petent, ſermoneque patrio & ad captum audientium tota materia ac ſerie, orationeque maxime accommodata, populo proponent: ita ut meminerint, ſe verbi Dei fideles eſſe debere relatores: ſcommata, convicia, fabulas, jocos ineptos, inanes quæſtionēs, verborumque contentiones, omnemque levitatem fugiant. Unum id habeant propoſitum, ut rudes edoceant, doctos confirmant, errantes in viam reducant, ac omnibus ad por-

tum ſalutis viam commonſtreant. Quam ad rem accommodatum eſt, ut per certa anni tempora doctrinam diſpertiantur: ita ut a diē Epiphaniarum ad Quadrageſimam Decalogum explicent, moresque populi inſtruant, & quæ cavenda ſint, quibusque offendantur Divina Majeſtas, ita doceant, ut ea rudes quoque percipiant, Divinaque præcepta ac vitæ officia prorsus ex hujusmodi doctrina hauriant & imbibant. Per Quadrageſimam de Pœnitentia, Sanctiſſimæ Eucharistiæ diligentiffime tractent, tempore Paſchatis de Baptiſmo, Confirmatione, & Extrema Unctione inſtruant, verbaque faciant, a Pentecoſtes autem diebus Orationis Domini cæ ſenſum interpretabuntur, poſt Trinitatis Feſtum, in duodecim Symboli Apoſtolici articuloſum expoſitionem verſentur, hæc autem ſemper, Evangelio perite convenienterque explicato, in ſecunda Concionis parte adjungant. Cæterum vel poſt maturas Miſſas, vel pomeridiano tempore, pro hominum & temporum commoditate e Catechiſmo Ledesmi, vel Cardinalis Bellarmini in Polonicum idioma jam translato, rudimenta Chriſtianæ Fidei a Scholariſſimis recitari curabunt, eaque ipſi, vel eorum Vicarii, junioribus aut ſimplicioribus fidelibus accurate explicabunt.

Quoties item ſe occaſio dederit, doceant populum, quid Miſſa ſit, ad quam oves ſuas cum devotione audientiam excitabunt, docentes eas, quæ, & quanta myſteria contineat, quam ob rem in Eccleſia quotidie celebretur, quid fideles, dum peragitur, meditari oporteat, qui fructus ad eos redeant, qui devote aſſiſtunt, & audiunt.

CONFESSIONES accurate excipiant: animarum hanc eſſe medelam, ſe Medicos agnoſcant, & artem omnium vel maximam tractandarum conſcientiarum. Modum igitur recte conſtitendi plebem ſuam accurate doceant. In exquirendis peccatis cauti ſint & ſolertes, in pœnitentiis imponendis prudentes, neque a caſibus reſervatis abſolvendi poteſtatem ſibi, niſi conceſſa a Nobis, vel Officiali noſtro (excepto mortis articulo) fuerit, uſurpent. Porro

Porro utantur Directorio Polanci, ad examinandas conscientias, & ordinem eum teneant, ut si qui imperiti ad confitendum accefferint, per Decalogi feriem, vel per peccatorum capitalium ordinem, qua parte quisque doleat, quoque morbo laboret, & caute & sine offensa aut scandalo explorent, aptamque ad sanandam accommodent, pœnæ consiliique medicinam.

Caveant, ne gregatim confiteantur, sed singulatim, neve communem omnibus, quod aliquando evenisse intelligimus, absolutionem impertiant.

Curent, ut omnes eorum Parochiani ex consilio & devotione frequenter, ex præcepto, sub peccati mortalis reatu, ac excommunicationis pœna circa festum Paschæ (quod tempus habita Provinciæ istius Sacerdotumque paucitatis ratione, a Dominica Passionis incipi posse, & pro Dominica conductus Paschæ terminari declaramus) confiteantur & communent. Quocirca eos vim execrationis Ecclesiasticæ doceant, & semel minimum in anno circa festum Paschæ; præcipua Bullæ CENÆ DOMINI Capita diligentissime explicant, verbisque planis omnes, qui jurisdictionem Ecclesiasticam violant, qui decimas, & alia debita Christi Ministris stipendia; aut agros Parochorum sibi quomodolibet usurpant, qui res morte Parochorum relictas diripiunt: omnes item usurarios, incestuosos, incantatores, maleficos, sortilegos, homicidas, viduarum & virginum raptos; Sacramenta singulis annis non sumentes, excommunicationi subjace-
re edoceant.

FESTI DIES, quos semper in hac Diœcesi nostra pius populus summa cum reverentia celebravit, ut inviolati sint, attendant; monebuntque plebem, ut eos non in ebrietatibus, sed in pietatis officiis, Divinoque cultu traducat. Sunt autem, ut sequuntur: Circumcisio Domini. Epiphania. Purificatio B. Mariæ Virginis, cujus vigilia jejunetur. Divi Matthiæ Apostoli cum jejuniis. Annuntiatio B. Mariæ Virginis. Festum Paschæ cum sequentibus duobus diebus, cujus vigilia jejunetur. D. Alberti. (Marci Evangelistæ ad me-

ridiem) Philippi & Jacobi. Stanislai. Inventio S. Crucis. Ascensio Domini. Pentecostes, cum duobus sequentibus diebus, cujus vigilia jejunetur, jejuniis Paschali in lacticiniis. Trinitatis. Corporis Christi. S. Joannis Baptistæ, cujus vigilia jejunetur. Petri & Pauli, quorum vigilia jejunetur. Visitationis Beatissimæ Virginis cum jejuniis consueto. Mariæ Magdalene. S. Jacobi, cujus vigilia jejunetur. S. Laurentii Martyris, cujus vigilia jejunetur. Assumptio B. M. V. cujus vigilia jejunetur. S. Hyacinthi, cujus festum celebratur Dominica infra octavas Assumptionis B. M. Virginis juxta Breve Apostolicum. S. Bartholomæi Apostoli, cujus vigilia jejunetur. Nativitatis Beatæ M. V. cujus vigilia jejunetur. Exaltatio S. Crucis, in Culmen Diœcesi ex consuetudine. Matthæi Apostoli & Evangelistæ, cujus vigilia jejunetur. Dedicatio S. Michaelis. Simonis & Judæ, quorum vigilia jejunetur. Omnium Sanctorum, quorum vigilia jejunetur. S. Martini Episcopi. S. Catharinæ. S. Andreæ, cujus vigilia jejunetur. S. Nicolai. Conceptio B. M. V. cujus vigilia jejunetur, propria consuetudine veteri. Thomæ Apostoli, cujus vigilia jejunetur. Nativitas Domini nostri Jesu Christi, cujus vigilia jejunetur. S. Stephani Protomartyris. S. Joannis Evangelistæ. Præterea Festa Patronorum in Ecclesiis ad memoriam eorum consecratis.

De Festo Annuntiationis B. M. V. celebrando, quando illud transferri contingit, servantur Rubricæ Breviarii Romani.

Habeant autem in suis Ecclesiis opportuno loco appensam tabellam, quæ hæc omnia Festa superius descripta contineat, ut in promptu Festa populo denuntianda ex ambone habeant: adnotatis ibidem Casibus Papalibus & Episcopalibus, ut sciant Sacerdotes, a quibus peccatis suos consistentes absolvere possint.

Tum etiam, ut jejunia Quatuor temporum, & feriarum sextarum religiosè, secundum Provinciæ consuetudinem, observentur, Sacerdotes pro concionibus populo inculcabunt, & ipsi ea sanctè observabunt.

Immi-

Imminentibus quatuor anni temporibus, quibus in Ecclesia, ex instituto Ss. Canonum; Ordinum collatio fieri solet, ex ambona denuntiabunt illis, qui animum suscipiendi Ss. Ordines habuerint, ut tempestive feria quarta ad Ecclesiam nostram Cathedralē, vel ad locum ordinationis, per literas intimationis a Nobis designandum se fistant. Admonebunt autem similiter eosdem, ut quisque a Rectore Scholæ, ac a Parocho suo testimonium conversationis, morum; a Magistratu autem civili natalium; alia itidem requisita adferat. Cætera item, quæ de ea materia in Concilio Tridentino *Seff. XXIII.* traduntur, ordinandos edocebunt.

DE DOMIBUS PAROCHIALIBUS reparandis, ne collabantur, servant Statutum Reverendissimi Domini PETRI KOSTKA nostri Prædecessoris. Inventaria autem habeant omnium rerum non modo Ecclesiæ, sed etiam Parochiæ. Quæ Ecclesiis vel antiquitus descriptæ sunt, vel legantur, ea sibi nullatenus usurpent, quin imo omnium Legatorum rationem Archi-Presbyteris reddant, salva portione Canonica Parocho.

Canonicam porro portionem istis definimus finibus, arque ita de ea statuimus, ut, si quis ratione sepulturæ alicui Ecclesiæ res aliquas reliquerit: earum rerum conjunctione, & computatione facta, pars quarta detrahi debeat, & Curato vel Rectori Ecclesiæ Parochialis concedi: si quis vero sanus & nulla ægitudine correptus, alicui Ecclesiæ quid reliquerit, cum bona sint sua, & quibuslibet etiam privatis ea conferre possit, nulla ex hoc detrahetur Canonica portio. Similiter si pro fabrica Ecclesiæ cuiuspiam anniversario vel aliis piis operibus, aut ad perpetuum cultum Divinum, in infirmitate constitutus aliquid reliquerit, nihil inde percipit Parochus, nisi in fraudem Parochialis Ecclesiæ hoc factum probetur.

Et quoniam solent interdum aliunde Religiosi quidam confluere ad Dicecesis nostræ oppida & civitates, ad mercatus; & alias solennitates, ibi sti-

pem colligere, potitare, & victum etiam Religiosis, qui in nostra Dicecesi versantur, præripere. Igitur ubi tales Parochi nostri animadverterint, exquirent ab illis testimonium Superiorum: quod si scandalose se gesserint, eos prorsus vel carceribus coerceant, vel ex oppidis extrudi curent, quemadmodum Nos quoque, autoritate nostra ordinaria, tales erroneos & scandalosos, ex nostræ Dicecesis locis hoc Decreto nostro proscribimus.

Volumus ad extremum, ut Sacerdotes pro concione, ex aliqua occasione, moneant graviter populum, ut se a cursitationibus, dum Sacra peraguntur, & Divina Officia celebrantur, penitus abstineant, utque pueros & canes, quos clamoribus, strepitu, latratu, continere non valent, in domibus suis relinquant, memores verborum Domini, domum suam orationi addictam esse asserentis.

De Vicariis & Choralistis Ecclesiæ Cathedralis Culmensis.

IN Ecclesia nostra Cathedrali Culmensi, quæ primaria est, & officiorum Ecclesiasticorum Magistra, omnia tanto magis ad normam Ss. Canonum fieri, Divinaque Officia cum majori diligentia & attentione peragi debent, quanto magis in eam omnes Sacerdotes, qui per minores titulos habitant, oculos intendunt, exemplumque pietatis ab ea requirunt. Quemadmodum igitur primaria ipsius membra, Canonicos, officiorum commouimus, ita Vicarios & Choralistas hortamur, ut in ministeriis, quibus se se addixerunt, diligentes, vigilantesque sint, Horas Divinarum laudum designatas observent, & in peragendis Officiis Divinis, ac Hymnis, Psalmisque decantandis ita versentur, ut ipso etiam exteriore cultu corporis & habitu, præ se ferant, se intus animo Deum venerari, ac promptissimam mentem habere ad Divinas ipsius laudes celebrandas.

Quare adveniente hora cantandi Divini Officii, ad initium statim campanæ pulsus, quisque illorum domo

P p p p

fiu.

sua tempestive egrediatur, ne pulsu finito, certatim ad Ecclesiam primo eurrant, & ex celeri illo cursu, anheli ad Chorum ad cantandum veniant. Porro in ipso Ecclesiæ aditu superpellicia sumant; a fabellis & colloquutionibus abstinentes, in Chorum recta eant, atque istic coram Sanctissimo Eucharistiæ Sacramento aliquantisper orent, se se ad devotionem disponentes, tamdiu, donec ab Hebdomadario officium fuerit inchoatum. Qui secus fecerint, in Capitulo, quod propter retinenda officia in Cathedrali Ecclesia statis temporibus superius institutum est, arbitrio Dominorum Canonicorum diurna portione salarii sui mulctabuntur.

De cætero autem, posteaquam Divinas Horas absolverint, otiosi ne sint, neque ebrietati dediti, nec per oppidum discursent, sed eam modestiam & honestatem servant, quam in cæteris Clericis nostris exigimus, & lectioni, & aliis honestis occupationibus se dedant. Qui secus fecerint, in eos Officialis noster congruis pœnis animadvertat.

*De vita & honestate Clericorum
in communi.*

Cum ab honestate pietateque Clericorum & Sacerdotum, vita Christiani populi vel maxime ad virtutem informetur, dent operam Clerici & Sacerdotes nostri, ut luceant omnibus exemplo modestiæ & castimoniæ; crapulam & ebrietatem, vitiorum omnium vel maxime fomitem, devitent, poculis ne certent, nec æqualibus haustibus indulgeant; choreas ne ducere, aut quid insolens aut scandalosum agere, in comestationibus audeant; cantilenas turpes, jocos scurriles, verba procacia, omnesque nugas, quæ in ore Sacerdotis sunt blasphemiarum, cane pejus & angue fugiant; meminerint se esse gentem sanctam, regale Sacerdotium, lucem mundi, saltem populorum. Habeant animum castum, os purum, & ad solas Divinas laudes promptum, linguam continentem & modestam, gravitatem, modestiam, innocentiam, mundiciem, adjuvante Domino, in omnibus actionibus, totaque vita,

summo studio colendam sibi esse censeant. Aleam, & omnes indignas Presbyteris (qui Senes populi sunt & Doctores) occupationes prorsus neattrectent. Si quando nuptiis aut conviviis sæcularium, aut affinitatis, aut necessitudinis aliquo respectu, interesse eos contigerit, ubique præ oculis habeant dignitatem, qua ornati sunt, Sacerdotalem.

Qui novas Missas recenter ordinati celebrant, ne stipem pro eo colligant, neve convivia in ipsis peragant, sub pœna suspensionis ad arbitrium nostrum.

Nominatim districte vetamus, ne qui aliquo modo suspectas mulieres in domibus suis foveant, nec cum iis multum converſentur, nec ad publicos mercatus, vel quoquam alio una proficiſcantur, quod quidem puniendi Archiepresbyteris potestas esto.

Incorrigibiles etiam privationibus beneficiorum ex Concilii Tridentini præscriptis, vel ex Synodalibus Constitutionibus, tum sequestrationibus fructuum, tum carceris, ac aliis gravioribus Canonicis pœnis, a Nobis, vel Officiali nostro, plectentur.

Horas Canonicas, quas tum ob Ordines susceptos, tum ratione beneficiorum Clerici recitare tenentur, caveant, ne ullo modo omittant, aut negligant.

Nullus Sacerdotum autoritate propria Nobis, vel Officiali nostro inconsultis, ab Ecclesiæ ingressu quenkum prohibeat, aut excreetur, neque denegat Sacramenta, nisi in casibus a jure permissis. Nullus interfit sententiæ sanguinis, neque pro exequenda literas scribat: reorum suppliciis non aliter interfit, nisi pro consolatione, aut exhortatione moriturorum.

Vestitu insuper statui suo Sacerdotali convenienti utantur, & ejusmodi quidem, qui sit coloris duntaxat nigri, & ad talos usque pertingat; binas vestes in publico portent; tunicam nimirum talem, & pallium, vel Sacerdotalem togam; neque solis domesticis vestibus, quæ Czamaræ vocantur, toraces contexti, per oppida currant.

fitent. Pileorum hyemalium pelles non nimium exponant; barbas contra Canonum Decreta ne nutriant: turpe enim est Sacerdoti, ab istis potius dignitatem aut decorem querere, quam a virtute actionumque pulchritudine; & exterior habitus cultusque corporis indicat, quomodo intus animus sit effectus. Igitur hanc quoque modestiæ partem pœna Synodali sancimus.

De Provisionibus & Institutionibus.

INolevit a multo tempore in hac nostra Diœcesi consuetudo, Canonibus, ac Ss. Patrum institutis inimica, quod multi Sacerdotes, magno cum animi nostri dolore, reperiuntur, qui Ecclesias nullo jure, nulla prævia institutione, possident. Quæ cum sit janua quædam ad obtinenda Ecclesiastica beneficia, & citra quam plebanalis jurisdictio, & animarum cura, legitime haberi non possit; ideo statuimus, ut quilibet Archi-Presbyter, infra sex septimanas a publicatione præsentis Synodi, omnes Parochos curæ suæ Archi-Presbyterali commissos, de quorum titulis, institutione, aut legitimis provisionibus sibi non constat, ad exhibendum infra XI. dies titulos, institutiones, sive provisiones legitimas beneficiorum auctoritate nostra sub pœna suspensionis, per eundem Archi-Presbyterum ferenda, compellat. Inposterum autem provideant, ne quis ad Ecclesias a quoquam intrudatur, vel sponte invadat, nisi prius aut Nobis, aut Officiali nostro, fuerit præsentatus, & institutionem legitimam vel Commendam obtinuerit.

Quia autem aliquarum Parochiarum & Ecclesiarum bona certi sæculares homines audent occupare, panemque e domo Domini Ministris tollere, & præripere; tales quidem in pœnas Canonice. Sacri Concilii Trident. *Sess. XXII.* incipien. *Si quem Clericorum* &c. indicidisse declaramus; quem Canonem jubemus etiam pro concione, semel a Nobis in mense, idiomate vernaculo populo explicari; Nos quæque Patrones beneficiorum monebimus per litteras nostras, ut, quantum id peccatum

fit, recogitent, ablataque restituant. Quodsi contempserint, juridicæ eis actiones eo nomine intentandæ erunt, in quibus auctoritatem, patrocinium, opem, consiliumque nostrum, sive Parochis, sive Sacerdotibus aliis, qui eas prosequuntur, præstabimus.

De Scholis.

Scholæ Catholicæ, non modo doctrinæ, verum & pietatis debent esse officinæ. Curent igitur Parochi diligenter, ut pro ratione locorum idonei Rectores ab illis, quorum interest, illis præficiantur. Professionem fidei ab illis exigant, apposita ibidem clausula, de reverentia & obedientia Reverendissimo loci Ordinario, & Parcho proprio pro tempore existenti exhibenda. Volumus autem omnino, ut jurisdictioni Parochorum, non autem Magistratus, licet ab eo salarium percipiat, quivis Rector una cum Collega, sibi cum habet, Cantoreque & juvenibus, qui eum in cantu juvant, subjaceat. Modum instituendæ & erudiendæ juventutis Parochi ipsis præscribant, ita ut is ad Concilii Trident. Decreta conformetur. Curent etiam, ut non modo Grammaticam, humanioraque studia proponant, verum etiam rudimenta Christianæ doctrinæ. Prohibeant etiam, ne, quod fieri in quibusdam oppidis parum honeste intelligimus, puellæ cum pueris, in eodem contubernio legere doceantur, unaque versentur.

Providendum etiam esset, ut in Scholis honesti, modestique adolescentes, præsertim in oppidis, Cantori & Rectori Scholæ adsint, tot, quot commode, vel ex facultatibus Ecclesiæ illius, vel ex liberalitate Parochi, vel ex benignitate, munificentiaque piorum sustentari possint. Qui quidem Divinas laudes decantent, Ministeriis Ecclesiasticis & ritibus ac cæremoniis assuescant. Ac deinde, posteaquam mores suos probaverint, tyrociniumque istud exegerint, inter alumnos nostros recipi, ad Gymnasia ampliora pro Sacrarum Literarum studio mitti, & deinceps Ecclesiasticæ militiæ adscribi possint. Hortabuntur autem Archi-Pres-

byteri eo nomine Magistratus oppidorum, & hujusmodi Constitutionibus nostris obtemperant.

De Seminario.

Propositum fuit ad deliberandum Sacerdotibus in Synodo congregatis, ut pium de erigendo Seminario, aut saltem reformandis Scholis in civitatibus amplioribus institutum, jam ante a Reverendissimo olim piæ memoriæ PETRO KOSTKA inchoatum; tum etiam de Domo Hospitali pro Sacerdotibus senio confectis, & ad Ministeria Ecclesiastica inhabilibus, pro qua jam, Authore Reverendissimo PETRO TILICKI (*) Antecessore nostro, aliquantum pecuniæ collatum fuit, ad effectum deduceretur: & ut contributio aliqua certa pecuniaria, a Sacerdotibus utriusque Diocesis annuatim eo nomine pendenda, communibus suffragiis sanciretur. Quam contributionem cum Sacerdotes Diocesis Culmensis, utpote hac injuria hominum & temporum iniquitate, graviter oppressi, maximo sibi oneri fore quererentur, peterentque deliberationem istam cum toto suo effectu, in aliud commodius tempus differri: supplicationi hujusmodi illorum datus est locus & deliberatio ea de re ad futuram, Deo volente, Synodum dilata. Non derogantes quicquam Constitutioni superius factæ, nimirum, in qua modum reformandarum Scholarum omnibus Archiepiscopis apud majores Ecclesias manentibus præscripsimus. Cum autem reliqui Diocesis Pomesanienfis, tum paucitate Cleri laborantes, tum mole magna jurium & negotiorum Ecclesiasticorum prosequendorum pressi, ultro se se ad hujusmodi contributionem submiserint; idcirco ex majori quidem & minori Insula; ubi pinguior gleba, & fertiliores agri, ex singulis mansis, singulos florenos Polonicos; in montibus autem, ubi res Parochorum angustiores sunt, itidem ex singulis mansis unam Marcam Prutenicam annue, sive id in unam ratam pro Festo Sancti Martini summatim, sive in singula quartalia per partes pendere malint, ad manus eorum, qui hujusmodi census Quæstores eligentur, re-

præsentare tenebuntur. Ex cujus contributionis summa, & ad negotia, sive juridicas causas Cleri illius, & ad alimenta Sacerdotum senio confectorum, aut etiam inhabilium ad Officia Divina peragenda, præsertim, qui operam suam Ecclesiæ fideliter præstiterunt: tum etiam in alios communes Ecclesiarum illarum usus, ac illius Diocesis commodum, pecunia illa, ex arbitrio Reverendissimi Domini Episcopi, præstabitur. Idque tamdiu, quoad res communes illorum Sacerdotum eam contributionem postulare videbuntur, & quoad aliquid aliud de ea a Nobis, vel nostris Successoribus, non fuerit constitutum.

De Matrimonio.

DE Matrimonio servent diligenter Parochi Decretum Sacri Concilii Tridentini, *Sessione XXII*. Idque nemo eorum ignoret, ac ne temere quosquam, nisi præmissis ternis bannis, separatis festivis diebus, testimoniis exquisitis, viliores præsertim, & vagas personas, Matrimonio conjungant, sub poena arbitraria. Tempora nuptiarum ab Ecclesia prohibita diligenter observent.

De Testamentis.

DE ordinandis Testamentis, tum etiam be bonis eorum conscribendis, qui intestati decedunt, volumus ab omnibus Statutum nostri Prædecessoris Reverendissimi PETRI KOSTKA servari.

Quoniam autem in inventariis Parochiarum tam a decedentibus, quam a resignantibus, & a novis Parochis multa peccantur, non sine injuria & detrimento Ecclesiarum; statuimus, ut novus parochus cum Archiepiscopo, vel alio quovis Sacerdote, qui ipsum introducit, præsentibus vitricis & primoribus Ecclesiæ, vel Parochiæ illius, vel ultimæ voluntatis Exequutoribus Antecessoris ejus, in primo ingressu suo, inventarium omnium pecorum, jumentorum, frumentorum, supellectilis, & aliarum quarumvis rerum ad parochiam pertinentium, conficiat, easque res in potestatem suam reci-

(*) Tilickius Episcopatum Warmiensem anno 1599., Vladislaviensem 1604., Cracoviensem 1606. adeptus.

recipiat, & omnia in tres codicillos describat, ac a se, & ab introducente Sacerdote subscriptos. Unum quidem vitricis Ecclesiæ statim tradat; alterum vero intra XV. dies Nobis, vel in absentia nostra, Officiali nostro Generali offerat, vel transmittat; tertium vero sibi seruet, ac deinceps secundum ejusmodi inventarium decedens, in parochia illa, si non meliora, non deteriora tamen Successori suo relinquat: si autem ultra tres annos eam parochiam obtinuerit, additamentum aliquod pro parochiæ redditibus ipse, vel exequutores ejus, faciant: si ultra sex annos parochus fuerit; majus aliquanto additamentum, idque non tantum introducens, verum Officialis ipsius, vel Archi-presbyteri illius, sub quo Sacerdos quispiam decesserit, arbitrio relinquat; quæ omnia ea & singula, quæcunque relinquuntur, justis pretiis æstimari debebunt, pretiaque in supradictos codicillos sive inventaria inscribent.

Si autem in aliquo supra memoratorum negligens compertus fuerit, dimidia parte anni gratiæ multabitur, quæ eidem Parochiæ cedit, & in inventarium Successori redigetur.

Hoc autem pro locupletiori Statuti, de ordinandis Testamentis infirmorum, Decessoris nostri declaratione

annotamus, quod, etiam si Sacerdotes viciniore infirmus non advocaverit, ultro etiam non vocati debent, & ea, quæ in dicto Statuto præscribuntur, peragere.

Forma absolutionis, qua Sacerdos uti debet apud infirmum in articulo mortis.

Misereatur nostri &c. Indulgentiam &c. ut supra. Dominus noster JESUS Christus, qui est Summus Pontifex, te absolvat; & Ego auctoritate Omnipotentis DEI, & ejusdem Domini nostri JESU Christi, qua fungor hac in parte, absolvo te ab omnibus excommunicationis majoris, suspensionis, & interdicti sententiis, & censuris Ecclesiasticis, a jure vel ab homine, contra scienter vel ignoranter latis, & ab omnibus peccatis tuis, DEO per te coram me confessis & oblitis, ut sis absolutus hic, & in futuro seculo ante tribunal ejusdem Domini nostri JESU Christi. In nomine Patris, & Filii, & Spiritus Sancti. Amen.

Commodavit Synodi hujus exemplar Illmus, Excellmus ac Rdms Dnus Kioviensium Episcopus, Comes de Zaluski, Abbas grati animi memoria dignissimus, & vel sub ipsa hæc, quæ labuntur, turbida Regni Polonici tempora, ab singulari Religionis orthodoxæ tuendæ studio percelebris.

Facta LAURENTII GEMBICKII, harum Constitutionum & auctoris & editoris, mentio fuit Tomo præcedente pag. 990. Culmensis ascendit Cathedram A. 1599. Haud multo post egregium ipsi Pro-Cancellarii munus delatum. Tum evectus ad Sedem Vladislavensem est anno 1610. Tandem, lapso quinquennio, virtus illum cara omnibus dignum reddidit, qui Gnesnensium Archi-Episcoporum in numerum adscriberetur. Quibus tamen, licet amplis honoribus, diu uti non licuit. Suorum enim laborum, vitæque cursum anno 1624. Antistes piissimus confecit.

Vir. Hartknockii Dissert. XIV.



SYNODUS ARCHI-DIOECESANA PRAGENSIS,

HABITA

AB ILLUSTRISSIMO ET REVERENDISSIMO DOMINO,

D. SBIGNEO BERKA,

DEI ET APOSTOLICÆ SEDIS GRATIÆ ARCHI-EPISCOPO PRAGENSIS,
PRINCIPE, LEGATO NATO &C.

Anno Christi eodem MDCV.

In Feslo

S. WENCESLAI PRINCIPIS, MARTYRIS ac PATRONI. (*)

LITERÆ CLEMENTIS VIII. PAPÆ ad SBIGNEUM,
Archi-Episcopum Pragensem.

CLEMENS PAPA VIII.

VENERABILIS FRATER, SALUTEM ET APOSTOLICAM
BENEDICTIONEM.

QUO loco sint Ecclesiastica res hoc tempore in Regno Boëmia, ea præsertim, quæ tum ad Catholica Fidei ibi variis modis collapsæ restitutionem, tum ad morum correctionem, & moderationem excessuum pertinent, Fraternitas Tua omnium optime novit, & ipsi nuper ex multorum relatione cognovimus. Cum autem Nos, pro Pastoralis nostro officio, eam curam, & cogitationem jam diu susceperimus, ut in universis Provinciis, ac Regnis, quæ Christiano nomine censentur, quantum cum Domino possumus, hæreticæ pravitatis erroris extirpemus, & corruptos mores emendemus; cumque ex Sacrorum Canonum præscripto, intelligamus, ad hæc mala sananda, illud inter cætera aptissimum esse remedium, quod plerique Ecclesiarum Præsules non sine magno emolumento adhibuerunt, Provincialis nimirum Concilii; ejus in Provincia Tua, cogendi, & Deo, ut confidimus, juvante, celebrandi Concilium (**) non modo utile, verum etiam necessarium esse arbitramur. Pestis enim hæresum tam longe lateque progressa est, & Ecclesiasticarum personarum corrupti, & depravati mores adeo ibi excreverunt, ut (quod sine magno animi morore, nec meminisse possumus, nec referre) nulla fere Ecclesiasticæ disciplinæ vestigia supersint, nec (quod sciatur)

aliquod unquam Provinciale Concilium ibi indictum & celebratum fuerit. Quantopere autem hæc Concilia referant ad tanta & tam perniciose mala tollenda, ipsa Decreta Generalium Conciliorum declarant, quæ ubi adhuc recepta non sunt, eadem institui, ubi vero omissa fuerunt, renovari jubent; & variæ morborum hujusmodi in plerisque Provinciis curationes per hoc salutare remedium adhibitæ, & Ecclesiarum reformationes consecuta testantur. Atque hæc nos ratione ducti, maximam in spem venimus, ipsius misericordia freti, qui etiam cum hæc mala permittit, & irascitur, misericors est; fore, ut tantis hujusce Provinciae malis eadem Concilii Provincialis ratione inita, medela salutaris adhibeatur. Nos itaque indicationem ejus duximus non esse diutius differendam. Te igitur in Domino hortamur, ut postpositis cæteris curis, nulla propriæ valetudinis, laboris, aut incommodorum ratione habita, Synodum Episcopis Comprovincialibus tuis omnibus, qui de jure, vel consuetudine illi interesse debent, in Tua Provincia primo quoque tempore indicas, & statuto tempore, pro commodo Provincia, in summa extirpandis hæresibus, moderandis moribus, corrigendis excessibus, controversiis componendis, aliis denique ex Sacrorum Canonum dispositione muni-

(*) Die 28. Septembris, nuac 23.

(**) Error typi. Lege: consilium.

Adnotanda in hanc Synodum vide sub finem.

neribus præstandis, diligenter incumbas. Neque vero est quod corporis, & virum imbecillitate, & rei novitate, aut difficultate deterearis, bonorum siquidem omnium parens, & auctor Deus, ut speramus, vires corporis augebit, difficultates omnes de medio tollet, captis hisce tuis favebit sublati omnibus impedimentis, & pro subditorum tuorum salute, pias cogitationes tandem ad optatum exitum perducet. Qua in re dedimus in Mandatis Venerabili Fratri JOANNI STEPHANO Episcopo Vercellen, nostro & Apostolicæ Sedis apud Cæsaream Majestatem Nuntio, ut qua pollet,

prudencia, consilio & dexteritate, susceptam hanc deliberationem juvet; & quæ ad eam rem perficiendam necessaria fuerint officia, ea nostro nomine præstet, & diligentissime exequatur.

Datum Tusculi sub Annulo Piscatoris, die XIV. Octobris, M.DCIV. Pontificatus Nostri Anno tertio decimo.

M. VESTRIUS BARBIANUS.

A tergo.

Venerabili Fratri SBIGNEO,
Archi-Episcopo Pragensi.

SBIGNEUS, DEI ET S. SEDIS APOSTOLICÆ GRATIA
ARCHI-EPISCOPUS PRAGENSIS, ET PRINCEPS,
LEGATUS NATUS, &c.

Universo Clero nostro, in visceribus misericordiæ DEI Dilectissimo, Salutem in Domino, & omnis felicitatis incrementum.

Quam religiosum, quam Divino cultui ad dictum, quam denique Catholicæ Fidei propaganda studiosum antiquitus fuerit Bohemæ Regnum, cum multa alia ostendunt, tum illud imprimis perspicuo docet, quod nulla fere in toto terrarum orbe Civitas, natio, vel gens reperitur, quæ Templâ Divino cultui dicata tam assabre, tam artificiose, tam magnifice, tam denique regie extruxerit, ornavit, & locupletavit. Neque vero in hoc demonstrando multum immorari necesse est; res enim ipsa loquitur, & omnium, qui varias terrarum orbis Regiones peragravunt, testimonio comprobatur. Extant etiam luculentissimi historiæ Scriptores, qui hoc ipsum æternis literarum monumentis commendarunt, omnibusque & posteris & exteris nationibus notum esse voluerunt. Jam qui & quales fuerint eisdem temporibus ejusdem Regni Clericorum mores, vita ac disciplina, si nulla alia ex re cognosci posset, facile ostenderent, quæ apud Nos conservantur, ERNESTI primi Archi-Episcopi Constitutiones: illæ enim ita plene, atque ita cumulate omnes Clericorum muneris partes complectuntur, & sanciant, ut necesse sit, & qui tam egregias Constitutiones composuerit, Antistitem valde egregium, & quibus ad observandum proposita fuerint, Clericos plusquam mediocri virtute præditos fuisse. Unde autem sit, ut populus Religione, pietate, ac Divino cultu florentissimus, ab illa sua pristina consuetudine, & candore desciverit, moresque antiquissimis ejus moribus longe contrarios imbibierit, & Clerus, a quo antea

sanctitatis, justitiæ, charitatis, atque omnium virtutum exempla externa nationes petere consueverant, tantam repente morum, ac vitæ mutationem passus sit, ut nullam ferme antiquæ religionis, & pietatis imaginem retinuerit. Id adeo clarum, & notum est, ut nulla prorsus explicatione indigeat, Nosque tantam hujusce Metropolitanæ Ecclesiæ nostræ calamitatem tacitos potius præterire, quam eam commemorando acerbiorum reddere oporteat. Illud tamen tacere nullo modo possumus, vel debemus, inter cetera, quæ tantam morum, & disciplinæ mutationem in populum, & Clerum invexerunt, illud non in postremis collocandum esse, quod cum Ecclesiæ hæc suis veris & legitimis Pastoribus per centum quadraginta circiter annos privata fuerit, nullus interim in hac urbe Antistes fuit, qui nascenti morbo occurreret, eique sensim irrepenti, antequam penitus invalesceret, remedium aliquod afferre curaret. Vidit hoc Sacratissimæ memoriæ FERDINANDUS I. Romanorum Imperator, Hungariæ & Bohemæ Rex: is enim cum singulari quodam Religionis, & Fidei Catholicæ propaganda studio arderet, omnesque sibi rationes ineundas duceret, quibus Divinus cultus in pristinum splendorem suum restitui posse videretur; eam ad id consequendum longe præcipuam, & quasi compendiariam viam judicavit, si Ecclesiæ Pastorem suum restitueret, & quæ antea Pastore carebat, eam paternæ Antistitis proprii curæ, & sollicitudini concrederet. Neque vero tantum vidit, sed etiam pro ea, qua in primis florebat, pietate.

pietate, ac Religione, summo studio, ac singulari diligentia præstitit; statim enim cum Summo Pontifice egit, ab eoque, ut certum huic Archi-Episcopali Sedi Antistitem daret, qui scilicet oves suas agnosceret, easque in æternæ vitæ pastua recta conduceret, impetravit. Creatus igitur fuit ANTONIUS Archi-Episcopus, qui cum primum Tridento rediit, quo ejusdem FERDINANDI Imperatoris Orator ad Sacrum Tridentinum Concilium accesserat, confestim in eam curam incubuit, ut Clerum, quam optimis moribus imbueret, eumque quantum humanis viribus consequi posset, ad pristinum illum pietatis, Religionis, & sanctitatis nitorem traduceret; illico enim universum Clerum per singulos Archi-Decanatus visitavit, deinde ad Diocesanam Synodum cogendam animum applicuit. Verum tamen inexpectata illius mors effecit, ne tam pium, tam religiosum, & tam salutare consilium ad optatum exitum perducere potuerit. Eodem prorsus desiderio, ac studio affectus fuit MARTINUS Prædecessor noster; verum ea tempora consecuta sunt, ut ne ipse ullo modo valuerit. Nos quoque cum ad hoc Archi-Episcopale munus, Dei & Apostolicæ Sedis gratia, assumpti sumus, nihil antiquius habuimus, quam ut omnes eas difficultates, quibus tantum, tam excellens, ac tam Divinum bonum impediatur, superareamus. Et quamvis fel. rec. CLEMENS Papa VIII. tum per suas literas, quorum exemplum superius videre potestis, tum per illustrissimum ac Reverendissimum D.D. JOANNEM STEPHANUM FERRERIUM, Vercellen. Episcopum, & Comitem, ac suum, & Sedis Apostolicæ ad S. C. M. cum potestate Legati, de Latere Nuncium, Nobis significasset, idemque Nobis pariter in optatis fuisset, ut Provinciale Concilium primo quoque tempore celebraremus; quia tamen multa fere quotidie emergebant, quæ desiderium nostrum longe diutius, quam volueramus, retardare videbantur; animum ad Diocesanam Synodum congregandam convertimus; in eoque nos Summo Pontifice, si non penitus, at maxima saltem ex parte obediisse existimamus. Porro maxime animati fuimus, quod cum primum hac de re cum RUDOLPHO II. Romanorum Imperatore semper Augusto, Hungaria & Bobemia Rege gloriosissimo egimus, eum sicuti pro certo Nobis polliciti fueramus, ad Synodi celebrationem adjuvandam, pro ejus eximia pietate, & Religione paratissimum invenimus. Accessit etiam, quod Sanctiss. D. N. D. PAU-

LUS Divina providentia Papa V. statim ut Summus Pontifex creatus fuit, Nosque Synodi celebrationem instituisse intellexit, Nobis per eundem Illustrissimum, ac Reverendissimum Dominum Nuncium suum Apostolicum, significandum curavit, sibi gratissimum fore, si susceptum & inchoatum opus quam primum ad optatum exitum perduceremus. Maturavimus igitur, ac tandem, quo totis animi nostri viribus contendebamus, Divina adjuvante misericordia, pervenimus; Synodum Diocesanam, videlicet, quæ per annos ferme trecentos nunquam celebrata fuit, congregavimus, in eaque breviter ac dilucide illa omnia complexi sumus, ac constituimus, quæ ad pietatem in hominum animis excitandam, Clericorum mores emendandos, ac Divinum cultum promovendum magis necessaria judicavimus. Reliquum est, ut quæ Nos non exiguo labore collegisse animadvertitis, ad vos assidue & attente cogitatis, in iisque vos ita diligenter exercetis, ut neque industria, ac vigilantia nostræ Nos penitent, & ad vos ex laboribus nostris quam uberrimus fructus perveniat. Et quoniam Divino numine, factum est, ut omnia & singula, quæ a Sacrosancta Tridentina Synodo definita & statuta sunt, ea vos omnes, nullo penitus excepto, ac summa vestra voluntate, retereptis, vos omnes in Domino hortamur, ut ejus quoque Concilii librum assidue in manibus habeatis, ejus Decreta & Constitutiones singulatim, ac diligenter examinetis, eaque ut vestrarum omnium actionum norma, & regula sint; procuretis: nunquam enim errabitis, si vitam vestram ad Sanctissimas illius Concilii Leges, & præscriptiones direxeritis. Agite igitur, Fratres Charissimi, Majorum nostrorum disciplinam, pietatem, & Religionem imitemur. Si quid in Nobis est, quod emendatione indigeat, id quamprimum emendemus: fieri enim non potest, ut reliquos ad pietatem, Religionem & Divinum cultum amplectendum traducamus, nisi Nos ipsos prius pietatis, Religionis, ac Divini cultus amatores comprobemus. Nostra nos charitas, humilitas, patientia, & benignitas omnibus commendat: Tales denique Nos in omnibus præbeamus, ut solus aspectus noster Nos veros Christi Ministros esse convincat: ita semper animo affecti simus, ut omnibus in Domino inserviamus. Hæc videlicet arma illa sunt, quibus Nos testos esse oportet, & quibus si pie, prudenter, ac studiose usi fuerimus, quamplurimos profecto populos Christo Salvatore nostro lucrificemus. Gratia DEI cum omnibus vobis, Amen.

STATUTA SYNODI ARCHIDIOECESANÆ PRAGENSIS.

INDEX TITULORUM.

- | | |
|---|--|
| <p>TIT. I. De Professione Fidei, & ejus tuendæ cura.</p> <p>II. De Doctrinæ Christianæ initiis.</p> <p>III. De Predicatione Verbi Dei.</p> <p>IV. De Sanctorum Reliquiis.</p> <p>V. De Sacris Imaginibus.</p> <p>VI. De Blasphemia.</p> <p>VII. De Superstitionibus.</p> <p>VIII. De Indulgentiis.</p> <p>IX. De diebus Festis.</p> <p>X. De Sacris Ecclesiæ Jejunis, ciborumve defectu.</p> <p>XI. De Ecclesiarum cultu, piaque in eis versandi ratione.</p> <p>XII. De Altaribus.</p> <p>XIII. De Sacrificiis.</p> <p>XIV. De Sacramentalibus.</p> <p>XV. De Sacramentis generatim.</p> <p>XVI. De Baptismo.</p> <p>XVII. De Confirmatione.</p> <p>XVIII. De Sacra Eucharistia.</p> | <p>XIX. De Sacrosancto Missæ Sacrificio.</p> <p>XX. De Penitentia.</p> <p>XXI. De Extrema Unctione.</p> <p>XXII. De Ordine.</p> <p>XXIII. De Matrimonio.</p> <p>XXIV. De Divinis officiis.</p> <p>XXV. De Vita & honestate Clericorum.</p> <p>XXVI. De Parochiis.</p> <p>XXVII. De Beneficiorum collatione, & Jure Patronatus.</p> <p>XXVIII. De Monasteriis Virorum.</p> <p>XXIX. De Monialibus.</p> <p>XXX. De Archidiaconis Diæcesanis.</p> <p>XXXI. De Decanis ruralibus.</p> <p>XXXII. De Testamentis Clericorum.</p> <p>XXXIII. De Clericorum Seminario.</p> <p>XXXIV. De Penis, & aliis, quæ generatim ad has Constitutiones pertinent.</p> <p>XXXV. De Sacri Concilii Tridentini acceptatione.</p> |
|---|--|

IN NOMINE SANCTÆ ET INDIVIDUÆ TRINITATIS, PATRIS,
ET FILII, ET SPIRITUS SANCTI. AMEN.

NOS SBIGNEUS, DEI & Apostolicæ Sedis gratia Archi-Episcopus Pragensis, & Princeps, Legatus natus, Sacræ Cæsareæ Majestatis Consiliarius, & Supremus ac Generalis Magister Ordinis Crucigerorum, cum rubea Stella per Bohemiam, Moraviam, Silesiam, Poloniam &c. ad DEI Omnipotentis, Beatæque MARIE semper Virginis, ac Beatorum Martyrum Patronorum nostrorum Viti, Wenceslai, Adalberti, Sigismundi, Procopii, Benedicti cum fratribus, ac Ludmillæ, & omnium Sanctorum laudem, hæc pro Christianæ morum disciplinæ conformatione, qua Clerum, populumque Fidei nostræ concredidit præluce totis in Christo visceribus expetimus, in nostra Synodo Diæcesana decernimus, statuimus, ac sancimus.

I. De Professione Fidei, & ejus tuendæ cura.

UNam, Sanctam, Fidem Catholicam, quam unigenitus Dei Filius in terris docuit, quamque Sacrosancta, Apostolica, Romana Ecclesia, omnium Ecclesiarum Mater, & Magistra, unice colit, ac tuetur, omnes, qui Christiano nomine censentur, uno ore profiteri debent. Quare ut ab illa, sine qua, ut ait Apostolus, impossibile est placere Deo, initium sumamus, hæc ad ejus Professionem, & conservationem pertinentia edicimus, & jubemus.

De Professione Fidei.

I omnes, qui Abbatis, Præposituras, Canonicatus, Dignitates, Ecclesias Parochiales, aliave Beneficia Ecclesiastica cujusvis generis obtinent, in hac Synodo Diæcesana, quive hujusmodi beneficia in posterum obtinebunt,

Q q q

in

in ea Synodo, quæ eorum provisionem proxime sequetur, illam Fidei Catholicæ præstent Professionem, iisque verbis conceptam, quæ a fel. record. PIO Quarto Pontifice Maximo literis, eo nomine editis, præscripta sunt, cujus quidem Professionis formula hæc est:

Ego N. firma fide credo, & profiteor omnia & singula, quæ continentur in Symbolo Fidei, quo Sancta Romana Ecclesia utitur, videlicet: Credo in unum Deum, Patrem, Omnipotentem factorem cœli & terræ, visibilium omnium & invisibilium. Et in unum Dominum JESUM CHRISTUM, &c. *Vide supra.*

Ecclesiastici omnes hujus Civitatis & Archidiecefis, qui huic Sanctæ Synodo non interfunt, cum supradictam Fidei Professionem in ea non præstiterint, non solum eam in nostris, nostrive Officialis, seu alicujus ex Visitatoribus nostris manibus, infra sex menses proximos emittant, sed etiam in proxime sequenti Synodo Diocesana nostra eandem profiteantur.

Qui de Beneficiis curatis, aut Canonicatibus, seu dignitatibus providebuntur; præter eam, quam in Synodo Diocesana obire debent, Fidei Professionem, eandem etiam profiteantur in nostris, nostrive Officialis manibus, intra duorum mensium spatium a die aditæ possessionis beneficii obtenti, alioquin fructus non faciant suos. Provisi autem de Canonicatibus vel dignitatibus, ipsammet Fidei Professionem intra eundem terminum in Capitulo jurent.

Sacerdotes item sæculares, ac cujusvis Ordinis & Instituti Regulares, qui ad confessiones audiendas, seu ad Verbum Dei prædicandum admittuntur, hujusmodi Fidei Professionem in manibus nostris emittant, priusquam id muneris aggrediantur.

Idem præstent ii, qui absque Titulo, aut aliorum vice, certo, aut incerto tempore ad animarum curam gerendam assumuntur.

Nemo præterea ad aliquem Ordinem majorem, vel minorem promoveatur, nisi prius, si decimum quar-

tum suæ ætatis annum expleverit, eandem fidem, modo quo supra, professus fuerit.

Regulares autem ad Sacras Confessiones audiendas, Verbive Dei prædicandi munus suscipiendum, seu ad Ordines assumendi, huic Decreto satisfaciant, si testimonium Nobis exhibuerint, se in sui Superioris manibus id obivisse, alioquin coram Nobis eam præstent.

Qui Doctoratus, vel Baccalaureatus, aut alios gradus suscipere, seu ad Notariatus officium assumi voluerint, nullo modo admittantur, priusquam eandem Fidei Professionem emiserint.

Quicunque Laici, vel Clerici quovis pacto legendi, aut interpretandi, vel docendi munus exercent publice, vel privatim; Medici item omnes, & Chyrurgi; quive literarias, vel liberales artes exercent, etiam si prima Grammatices doceant Rudimenta publice, vel privatim; quovis nomine Pædagogi, vel Ludimagistri; Bibliopolæ, & alii libros venales exponentes, & librorum Impressores legitime eorum munera exercere volentes, duorum mensium spatio vel ostendant se Fidei Professionem præstitisse, vel eam re ipsa præstent in nostris, nostrive Officialis manibus. Qui vero aliquod ex hujusmodi muneribus in posterum suscepturi sunt, non ante illud exercent, quam fidem Catholicam eadem ratione professi fuerint.

Quorum omnium & aliorum item, qui hanc Fidei Professionem præstabant, nomina diligenter, ordineque notata Curie nostræ Archi-Episcopalis Cancellarius in librum certum referet, qui in Archivio nostro perpetuo asservetur.

Qui ab emissa Fidei Professione recedat, sit officiis omnibus ac beneficiis Ecclesiasticis ipso facto privatus absque alia declaratione, nec possit ab aliquo in hac Civitate, ac Archi-Diecepsi recipi, sed statim ad Nos deferatur, ut debitæ poenis contra eum agamus.

Ludimagistri, & alii, qui docendi munus exercent, Catholici sint, & Catholicam Religionem profiteantur, atque eos tantum libros, qui sanam & Catho-

Catholicam doctrinam continent, in Scholis suis adhibeant. Librorum, qui ab Ethnicis conscripti sunt, is delectus habeatur, ut non prælegantur, neque explanentur, qui de rebus obscenis, ac turpibus tractant. Eorum autem præcipua cura sit, ut discipuli in fidei rudimentis, & Catholicæ Religionis præceptis erudiantur, ac bonis moribus una cum literis imbuantur.

Ut autem fideles nostræ pastoralis curæ concrediti in fidei Catholicæ puritate facilius conserventur, parentibus omnibus, pupillorum tutoribus, ac patribus familias interdiciamus, ne filios suos, aliosve, quorum curam gerunt, ad Hæreticorum scholas, sive ad ipsorum, ut vocant, Academiæ accedere, vel ad eorum loca habitatum iri permittant. Pueri enim, si in tenera ætate, adolescentiave nullos fidei errores imbiberint, ad omnes pietatis, & Religionis Catholicæ fructus consequendos, toto vitæ suæ curriculo, faciles se reddent.

Cum in comædiis, ludis scenicis, aliisque repræsentationibus aliqua interdum misceantur, proponanturve, quæ Catholicæ Religionis, morumve honestati repugnant, hoc perpetuo Decreto inhibemus, ne in hac Civitate, & Archi-Diecepsi nostra, aliquæ comædiæ, ludi scenici, seu repræsentationes sacræ, vel profanæ, publicæ, vel privatim exhibeantur, nisi prius a Nobis, Officialive nostro recognitæ, & scripto comprobatæ fuerint.

Ut spiritualium damnorum, quæ ex nimia Judæorum consuetudine, nimioque commercio fidelibus afferri solent, occasionem adimamus, prohibemus, ne Christiani ad convivia, nuptias, vel dies Festos, & Synagogas Judæorum accedant, aut cum eis ludant, choreasve agant, seu in eorum famulatu sint. Neve Christianæ mulieres Judæorum nutrices in eorum domibus esse ullo pacto possint. Parentes autem, ne filios suos, filiasve mittant ad aliquam artem, sive liberalem, sive alterius generis a Judæis discendam.

Nulli Clerici, vel Laici, pecuniam apud quemvis Judæum deponant, ut ratione mutui, vel depositi aliquid,

præter sortem ex convento, vel principaliter ab eo, alioque homine sperent, alioquin usuram committunt.

Perniciosorum & falsorum librorum lectionem, & usum perpetuam esse pestem animarum pretioso Christi Sanguine redemptarum, nemo est, qui nesciat. Ideo huic tanto malo remedium adhibere volentes complures Summi Romani Pontifices, ac fidei Catholicæ, doctrinæque integritatem salvam & incorruptam in Ecclesia Dei retinendam, adversus ejusdem fidei hostes se ipsos opposcentes, ne illorum dolis, & insidiis, imprudentes & simplices homines caperentur, probatos, laudabiles, & orthodoxos libros, ad ulterius, perniciosos & apocryphis distinxerunt. Et ut facilius omnibus innotescerent libri, & scripta, quæ improbata sunt, sive ut hæretica pravitate suspecta, sive ut pietati ac morum honestati inutilia, aut aliqua saltem correctione indigentia; confectus est eorum Index, sive Catalogus, a PIO Papa Quarto peculiari Constitutione promulgatus, & SIXTI Papæ Quinti, ac CLEMENTIS Octavi jussu auctus. Quem Indicem cum aliquot declarationibus ad hujus Metropolis & Archi-Diecepsis nostræ usum accommodatis, Typis deponi, & quæ in eo præscripta sunt, ab omnibus perpetuo observari volumus, ac mandamus.

Ut autem Parochi, Confessarii, Verbi Dei Concionatores, Ludimagistri, librorum Impressores, & alii libros venales quovis modo proponentes, in re tam seria, partes suas facilius cognoscere possint, præfatum Indicem penes se habeant, & quidquid in eo præscribitur, exequantur, atque pro ut uniuscujusque eorum munus requirit, ab aliis in usum deduci procurent.

Præterea cum post prædicti Indicis editionem & promulgationem, alii etiam libri, tanquam doctrinas falsas, hæreticas, erroneas, scandalosas, bonisque moribus, ac pietati Christianæ contrarias continentes, a Sancta Sede Apostolica prohibiti fuerint, ut ad omnium notitiam facilius pervenire valeant, illos ad ejusdem Indicis Romani finem notari mandamus, atque quod

ad eorum lectionem, & usum spectat, idem servetur, quod de aliis libris, scriptisve prohibitis præscripsimus.

Qui absque Sedis Apostolicæ facultate Nobis exhibenda hæreticorum libros, seu cujusvis authoris scripta, propter hæresim, vel falsi dogmatis suspicionem damnata atque prohibita legerit, seu penes se retinuerit, excommunicationis sententiam ipso facto incurret, Sedi Apostolicæ reservatam, præter alias penas a Constitutionibus Apostolicis, Sacrisve Canonibus constitutas. Qui vero libros alia de causâ ab Ecclesia prohibitos legerit, habueritve, cum peccati mortalis se reum constituat, a nullo Confessario sæculari, vel regulari absolvi poterit, nisi prius illos Nobis consignaverit, seu cum effectu transmiserit.

Qui libros aliquos, seu scripta hæreticorum, aliosve quovis modo prohibitos habet, ipsos infra mensem proximum Nobis, Officialive nostro consignet, seu cum effectu transmittat; alioquin penas & censuras contra hujusmodi inobedientes (ut supra) infligat, ipso facto incurrat.

Nemo Sacræ Scripturæ verbis, vel sententiis, ad jocum, assentionem, contumeliam, superstitionem, impietatem, aut ad quosvis profanos sensus abutatur, alioquin in ejus nefariam temeritatem ad Sacrorum Canonum præscriptum severe animadvertemus.

Nulli libri, scriptave cujusvis generis imprimantur, nisi a Nobis, nostrove Officiali recognita, & scripto comprobata fuerint. Librorum autem, qui imprimantur, exemplum auctoris manu signatum Nobis statim tradatur, ut in Archivo nostro Archi-Episcopali perpetuo asservetur.

Nemo opuscula, libros, commentarios, aliave id generis quovis titulo, & nomine, quæ manu scripta sunt, evulget, nisi prius a Nobis recognita sint, & nostra subscriptione approbata.

Quicumque artem librariam exercent, quive libros vendendos circumferunt, ne eos venales proponant, priusquam illos, seu eorum Indicem Nobis, vel Officiali nostro præsentent, nostra subscriptione comprobandum.

Nullos autem libros hujusmodi indice non notatos vendere, seu alia ratione alicui tradere, neque venales proponere audeant.

Parochus, in cujus Parochiæ finibus venales libri exponuntur, seu circumferuntur, eos de improvviso visitet, & si hujusmodi exponentes librorum indicem a Nobis subscriptum non exhibuerint, aut libros eo indice non descriptos habuerint, illos vendi, aut aliqua ratione tradi non permittant, & eorum nomina ad Nos illico deferant.

Præterea hospites, tabernarii, & cauponæ, si qui ad eos diverterint, ut de fide disputare, aut hæreticorum libros vendere, seu spargere facilius possint, illos Nobis statim denuntient.

Inter alia, quæ in subditis gubernandis attendere debent Barones, & Nobiles Catholici, unum illud est præcipuum, ut in omnibus locis eorum jurisdictioni subiectis Catholica Religio conservetur, ac propagetur; quamobrem eos omnes in Domino monemus, & per viscera Christi Domini obtestamur, ut si quos subditos hæreticos habent, eos respicere, & ad gremium Sanctæ Matris Ecclesiæ redire, debita diligentia & singulari pietate curent.

Idem Barones, & Nobiles Catholici, si quos habent, hæreticos sibi in domestico usu inservientes, eos omni diligentia inducant, ut Catholici fiant, & Catholice vivant.

Abbates item, & alii Ecclesiastici, sive sæculares, sive cujusvis Ordinis, & Instituti Regulares, qui in aliquibus locis, Parochiisve hujus Metropolis, & Archi-Diœcesis nostræ jurisdictionem temporalem habent, omnem operam, omneque studium exhibeant, ut subditi sui in Catholica fide & doctrina pie instituuntur, & ab hæreses labe, omnique hæretica pravitate liberi, Catholicam Religionem profiteantur, & Catholice vivant. Si in hoc negligentes se ostenderint, meminerint se Christo Domino, qui vivos & mortuos est judicaturus, strictissimam rationem reddituros.

II. De Doctrinæ Christianæ
initiiis.

AD æternam vitam cum nati sint fideles, illud diligenti, sanctaque sollicitudine providendum fuit, ut ab ineunte usque ætate, doctrinæ Christianæ, quæ ad illam cœlestem vitam hominum mentes in terris instruit, rudimentis, atque institutis plane imbuantur. Quamobrem & Sanctorum Patrum Sanctionibus, & Generalibus Conciliis, pie & salubriter sancitum est, ut saltem Dominicis, aliisque Festis diebus Christianæ fidei initia in unaquaque Ecclesia fidelibus tradantur. Quod necessarium, salutareque institutum, ut vehementius excitaret PIUS Quintus Pontifex Maximus, Christi fidelibus vere pœnitentibus, & confessis, firmum propositum habentibus, confitendi temporibus a Sacris Canonibus statutis, qui aliquam Christianæ doctrinæ Societatem ingredientur, & in discendo, vel docendo articulos fidei, & Sanctæ Matris Ecclesiæ præcepta, operam suam navaverint, quoties in hoc sancto exercitio se occupaverint, quadraginta dies de sibi injunctis pœnitentiis relaxat. Ut igitur pro debito Archi-Episcopalis vigilantia nostræ munere, iis salutariter consulamus, quibus in Domino ministramus, Parochis omnibus, etiam Regularibus edicimus, ac jubemus, ut Dominicis, Festisque diebus, a prandio, in sua quisque Ecclesia, dato de more campanæ signo, fideles sibi commissos ad doctrinæ Christianæ Scholas convocent, & ad Petri Canisii Catechismi præscriptum, ipsi rudimenta fidei tradant, & vernacula lingua exponant.

Præterea Parochorum cura in omnibus Ecclesiis parochialibus, ubi doctrinæ Christianæ Societas erecta non est, intra duorum mensium spatium erigatur, & Adjutores, Operarii que ac Officiales convenienti numero eligantur, ac regulæ, præscriptionesve observentur, quæ jussu nostro edentur. Scholæ autem puellarum distinctæ sint & separatæ, quoad fieri poterit, a Scholis puerorum.

III. De prædicatione Verbi
Dei.

Verbi Dei prædicationem in Ecclesia sancta maxime utilem, & necessariam esse, non est qui dubitet, ideo quicunque parochiales, vel alias animarum curam habentes Ecclesias quocunque modo obtinent, quive certo vel incerto tempore, etiam aliorum nomine, onus habent parochialia munera obeundi, per se, vel per alios iudicio nostro idoneos, si legitime impediti fuerint, diebus saltem Dominicis, & Festis solennibus; tempore autem jejuniorum, Quadragesimæ, & Adventus Domini quotidie, vel saltem tribus in hebdomada diebus, nempe die Dominico, feria quarta & sexta, plebes sibi commissas, pro sua & earum capacitate pascant salutaribus verbis, docendo ea, quæ scire omnibus necessarium est ad salutem; aliquid ex iis, quæ in Missa leguntur, exponant; Sanctissimi Missæ Sacrificii Mysterium aliquod declarent, annunciandoque eis cum brevitate & facilitate sermonis, vitia, quæ eos declinare, & virtutes, quas sectari oporteat, ut pœnam æternam evadere, & cœlestem gloriam consequi valeant.

Si qui autem ad id munus obeundum minus apti reperiuntur, ad peritos confugiant, quorum auxilium implorantes, vel homilias sibi præscriptas, vel latino sermone auctoris ab Ecclesia recepti, in vulgarem linguam conversos, a Nobis tamen approbatos, aut memoriter aut de scripto pronuntient.

Tam Parochi, quam alii Concionatores Catechismum Romanum Sacri Concilii Tridentini auctoritate editum, penes se habeant, & ad ejus præscriptum, quæ quilibet Christianus scire, credere, amplecti, & vitare tenetur, ut æternam salutem consequi valeat, pro temporis, loci, & personarum ratione accurate explicet.

Nemo, qui parochus non sit, concionandi munus aggrediatur, absque facultate a Nobis scriptis obtenta, medio examine.

Regulares cujuscunque Ordinis, & Instituti, nisi a Superioribus suis

de vita, moribus, & scientia examinati, & approbati fuerint, ac de eorum licentia, etiam in Ecclesiis suorum Ordinum prædicare, seu Sacræ Scripturæ lectionem habere non audeant; cum qua licentia se coram Nobis præsentare, & benedictionem petere teneantur, antequam prædicare incipiant. In Ecclesiis vero, quæ suorum Ordinum non sunt, ultra licentiam suorum Superiorum, etiam nostram habere teneantur, sine qua nullo modo prædicent, neque Sacræ Scripturæ lectionem publice vel privatim habeant.

Idem Regulares nullis in Ecclesiis, etiam in iis, quæ sunt suorum Ordinum, prædicare audeant, Nobis, aut Officiali nostro contradicentibus.

Qui concionandi officio fungentur, eam inibunt rationem, ut ne quidquam ab Ecclesiæ Catholicæ sensu, aut a consentiente Sanctorum Patrum auctoritate, alienum proferant; neve futura ex Sacris Literis divinare, vel alicui eventui certum diem statuere audeant.

Ne historias apocryphas, neve miracula minus probata narrare assuecant.

Ne ridicula, aut levia, vel inanes fabulas, aliave risum moventia recenseant, sed graviter, pure, sincere, & qua fieri potest, facilitate, Verbum Dei pronuntient.

Cum impia hæreticorum dogmata apud imperitam multitudinem erunt confutanda, id non prolixa disputatione, sed gravibus faciant ac solidis rationibus, & argumentis, ex Sacræ Scripturæ & Sanctorum Conciliorum, ac probatæ antiquæ consuetudinis auctoritate, & Catholicorum Patrum consensu depromptis. Hæreticos autem convitiis seu contumeliis non afficiant, sed eorum sectam, prætensamque religionem tanquam non sanam, & Catholicæ Fidei, ac Religionis contrariam damnent, & improbent.

Ne quid obscure, vel ambigue exponant, quod auditores incertos, aut suspensos reddere, seu in eis varie intelligendi occasionem præbere possint.

Ne fucata oratione, aut inanibus

utantur verbis, quibus se magis ostendendæ eloquentiæ, vel doctrinæ, quam salutis animarum causa, id muneris obire ostendant, suique ipsius esse potius, quam JESU Christi Prædicatores; sed Evangelia & Epistolas, quæ in Missa recitantur, dilucide ac fideliter explicant, oblationibus in dicendo occasionibus, ad Orationis Dominicæ, Apostolicique Symboli, & Decalogi, nec non ad septem Sacramentorum Ecclesiæ, Sacrorumque rituum, & solennitatum explanationem frequenter divertant.

Cum de Salvatoris nostri morte verba habere voluerint, eam docte, graviter & pie eatenus exponant, ut pietatem, ac lachrymas commoveant auditoribus, iisque externis actibus, qui ex Sanctæ Ecclesiæ ritu probati, ad risum, vel ad jocum nequaquam commovere animos possunt.

In arguendis autem vitiis, ut aciores se præstare debent, ita etiam se pietatis & charitatis studio, non hominum, sed peccatorum odio adductos, id facere significant. In ea autem vitia, in quibus populos frequentius peccare intelligunt, vehementius invehantur, & præsertim in ebrietates, quæ animas & corpora maxime lædunt; atque in ludos, ex quibus sæpe blasphemix, rixæ & homicidia proveniunt; & inter alia sæpe declarent populo, usuram Jure Divino naturali vitatam esse, ideo nihil lucri ultra sortem in contractu mutui, vel depositi pacto, vel intentione principali interveniente, percipi posse absque peccato mortali, & obligatione restituendi. Dereferantur contractus illicitos, & præsertim eos, qui non solum Divino Jure, sed etiam hujus regni Constitutionibus prohibentur. In emptionibus etiam & venditionibus, moneant res non posse carius vendi justo pretio ob dilatatam solutionem, neque ob anticipatam minoris emi, quam valeant.

Ne quenquam expressis aut tacitis verbis commonstrantes insectentur, ne aliquo odio potius, quam animarum salute ad id adduci videantur.

Ne ullos in dignitate Ecclesiastica, aut sæculari constitutos asperius reprehendant.

prehendant, sed pia potius, ac miti moveant oratione, populos autem ipsos doceant, Præpositis suis, qui a Deo sunt, potius obedire, quam eorum nomini aut exultationi quidquam unquam detrudere.

In id autem præsertim, omni animi contentione, & omnibus orationis nervis intendant, ut ad solidæ Christianæ pietatis studium, animos auditorum incendunt, ita, ut cum ex his assiduis cohortationum sermonibus, sui muneris partes intelligant, se quisque pro sui Ordinis, generis, & status ratione, in omnes recte, Christianoque more, vivendi partes excitent, ac tandem, Divina benignitate pie factorum præmium sempiternum consequantur.

Dei præcepta non solum servanda esse doceant, sed & modum ostendant, quo servari illa Deus voluerit.

Sæpe autem fideles ad perfectiorem vitam amplectendam efficacius hortentur, ut non mortalia tantum, sed etiam venialia peccata sibi fugienda proponant; quod ut facilius præstent, frequenter peccatorum suorum Sacerdoti approbato faciendam confessionem, & Sacrosanctam Eucharistiam sumendam commemorent, ac sæpius inculcent.

Indulgentias populo ne promulgent, priusquam a Nobis recognitæ sint, de quibus cum sermo inciderit, illarum concedendarum potestatem, in Ecclesia a Christo Domino relictam, & earum usum fidelibus maxime salutarem esse doceant.

Neminem paupertatis nomine commendent, nisi quem certo sciunt vere pauperem esse, nullamque fraudem, abusumve in huiusmodi commendatione intercedere posse.

Imprimis autem id sibi cavendum statuunt; ne quod verbis ædificaverint, id moribus destruant, neve cum aliis prædicaverint, ipsi reprobi fiant.

Aboluta concione, Concionatores omnes, sive Parochi sint, sive non, ex antiquissimo huius Sanctæ Ecclesiæ Præsentis instituto, Generalem Confessionem lingua vernacula populo indicent,

ipsis alta voce illam insinuantes: & preces præscriptas super populum recitent, nempe: *Misereatur, & Indulgentiam &c.* subjungant: *Pax & benedictio † DEI Omnipotentis descendat super vos, & maneat semper vobiscum. R. Amen.*

Videant autem, ne ea verba absolutionis Sacramenti Pœnitentiæ proferrant, quæ tantummodo in Confessione Sacramentali adhiberi debent. Imo moneant populum, hanc confessionem generalem ad concipiendam contritionem peccatorum mortalium, & remissionem venialium fidelibus prodesse, sed non esse Sacramentalem; ideo iis, qui alicujus peccati mortalis conscientiam habent, non sufficere, quod hanc confessionem generatim & publice faciant, sed illud Pœnitentiæ Sacramento diluere teneri, prout inferius dicemus sub Titulo de hoc Sacramento.

Ut autem unusquisque sciat præcipua capita, super quibus examinantur ii, qui ad Verbum Dei prædicandum, vel ad Sacram Scripturam interpretandam, admittendi erunt, ea hic notari volumus.

Primo de Doctrinæ articulis, dogmatibusve Sacro Concilio Tridentino explicatis, utpote de Canone Scripturæ, de peccato originali, de justificatione, de Sacramentis; & generatim de Sacrificio Missæ, de purgatorio, de invocatione, & veneratione Sanctorum, de Sacris Reliquiis, de potestate & auctoritate Papæ, de Jejuniiis, & de diebus Festis.

An præterea habeat reliquos Theologiæ notos, & tractatos locos.

Quibus in Gymnasiis, Scholisve studiis operam dederit.

Quem in Scholasticis præsertim auctorem familiarem habeat.

An sæpius Sacrorum Bibliorum volumina cum glossa, aliove commentario studiose evolverit; anque in iis ipsis ita diligenter versatus sit, ut inde locos facile, apteque promere possit, ad omne sacræ tractationis genus.

An sanctarum interpretationum usu sit literate peritus.

An ex antecedentibus & consequentibus; verum Scripturæ sensum elice-

elicere possit; an item ex Evangelistis in eodem genere versantibus.

An rursus temere pro suoque libris Sacram Scripturam a vero sensu detorqueat.

An tropologicos, moralesve sensus, cum literalis sensu non coherentes commentetur.

An in explicandis parabolis, re-ctum, præcipuumque rerum sensum spectet, prætermittis explicationibus, quæ nihil ad propositum faciunt.

An traditionum Apostolicarum, Ecclesiasticarumque notitiam teneat.

An in Sanctorum Patrum scriptis atque sermonibus perite versatus sit.

Quem item e Sanctis Patribus maxime in concionando sequatur, atque imitetur.

An sacrorum temporum mysteria norit, anve sacrorum rituum significationes habeat.

An rerum in Ecclesia sancta gestarum, & Conciliorum præsertim universalium, cognitionem teneat.

An Sanctorum vitas, historiamque veram norit.

An congruam Sacrorum Canonum scientiam teneat.

An Summorum Pontificum jura, atque instituta sciat.

An casuum conscientie doctrina instructus sit.

An Theologiæ illius mysticæ, quæ tota in spiritualis vitæ Constitutis tradendis, quæque in purgandis affectibus; atque in reformatione interiori versatur, præcepta atque exercitationes bene intelligat.

An denique sanctarum meditationum, orationisque mentalis usum habeat.

An morum doctrinæ, Christianæque disciplinæ locos, non solum ordine collectos, sed recte notos habeat.

Quos locos teneat, quibus auditorum animi excitantur vel ad Dei amorem, vel ad cælestis Patriæ desiderium, vel ad virtutum studium, vel ad detestationem scelerum, vel ad misericordiam, vel ad certas præterea affectio-

nes, quæ ad Cælum excitatæ, Christianas virtutes pariunt.

An aptus denique sit ad concionem concipiendam, & explicandam, non solum Theologiæ locorum tractatione, sed similitudinibus, quæ ab agricultura, vinea, semine, aliisque rebus ducuntur, quæ sub sensum cadunt, atque intelligentiam præsertim eorum, etiam rudium, ad quos concio habetur.

An ad concionis ingressum recta ratione utatur.

An totam concionem recte, ordineque disponat.

An dilucide, distincteque enarret.

An bene pronuntiet.

An illius verba pondus habeant, an vim item, ut non solum audientium aures attingant, sed animos intime penetrent.

An in tota concione pro cuiusque rei, de qua agit, ratione, recte, apte, decore, & congruenter agat.

IV. De Sanctorum Reliquiis.

Gloriosum adeo se ostendit DEUS in Sanctis suis, ut non solum eos in cælis gloria ejus beatissima perfruentes, in terris coli, sed illorum etiam corpora, nempe quæ viva Christi membra fuerunt, nec non pura Spiritus Sancti tabernacula, quin ossa singula, ac cineres, Reliquiasque omnes a fidelibus suis in magna veneratione, ac religione haberi voluerit. Quare ut debitus eis cultus adhibeatur, hæc statuimus.

Ut in honestioribus locis, atque in vasculis decentibus, & quo per facultates licuerit, pretiosioribus asserventur, at nunquam una cum Sanctissimo Sacramento reponantur.

Atque ut inter se distincte internoscantur, eorum nomina in membrana sigillatim descripta, ipsis arte, recteque alligantur.

Quo vero insigniores fuerint Reliquiæ, utpote Sanctorum capita, crura, brachia, aliave membra, vel etiam corpora integra, eo diligentius in capsulis, vasis, arcisque ex ære, auratis, aut etiam argenteis recondantur, earum nomi-

nominibus distincte in ære, vel lapide sculptis, aut exaratis.

In pariete a dextro Evangelii cornu collocentur, loco scilicet tabulis intrinsecus septo, pannoque serico obtecto, atque extrinsecus firmis valvis, sera & clave bene munito, & clauso, vel in Sacristiæ armario, & in loco eminenti, bene ac firmiter occluso, ubi nihil aliud cum eis habeatur.

Non levem ob causam, sed pietatis tantum gratia exponantur, diligenti habita dierum, & personarum, quibus ostendendæ erunt, ratione, tumque cum luminibus accensis.

Cum autem aliqua occasione in altari erunt exponendæ, vel in processionibus circumferendæ, per Clericos tantum in Sacris Ordinibus constitutos deferantur.

Nec unquam quæstus gratia, qui Christianam pietatem, ac devotionem in animis fidelium imminuat, ostendantur.

Ad tutiorem Sacrarum Reliquiarum conservationem hoc perpetuo Decreto inhibemus, ne absque nostra, nostrive Officialis facultate scripto exarata, extra nostram Archi-Diœcesim eas transferri, nec vero quæ etiam aliunde allatæ sunt, intra nostræ Archi-Diœcesis fines ab una Ecclesia, ejusque Rectore, etiam de consensu Capituli, alteri Ecclesiæ donari, minus vero cuiquam Ecclesiastico vel laico homini, earum particulam aliquam privatim concedi, tradi, donarive liceat. Idque omnes ut Regulares, etiam exempti, servant, eos in Domino monemus.

V. De Sacris Imaginibus.

Sanctorum Imagines uti mirum in modum animos fidelium ad Christianam pietatem excitare & inflammare solent, si rite, pieque pictæ ac sculptæ sint, ita studendum est, ut in iis effingendis omnis lascivia & procax venustas vitetur.

Nullæ Sacræ pingantur Imagines, quæ vel falsum aliquod dogma continere, vel periculosi erroris occasionem præbere posse rudibus videantur.

Neve quæ Sacræ Scripturæ, vel Ecclesiæ ritui, seu Traditionibus non convenient.

Tomus VIII. Concilior. German.

Ne item quæ apocryphas historias referant, aut aliquid falsi, aut superstitiosi contineant, vel piorum oculis aliquam afferre possint offensionem.

Neve humi, sordidoque aut uliginoso loco, neque sub fenestris, unde pluvia stillare possit, effingantur, neve eo loco, ubi clavi finguntur, ne indecenter transfigantur.

Neque vero cum Imaginibus Sanctorum, jumenta, canes, aliave bruta animalia in sacro loco appingantur, nisi quæ vel historiæ veritas, vel Ecclesiæ consuetudo approbaverit.

At corona, quæ Sanctorum capiti, ex antiquo Ecclesiæ ritu, imponi solet, ne iis, qui ab Ecclesia Catholica in Sanctorum numero relati non sunt, imponatur.

Id autem præcipue caveatur, ne dum Sacra Imago Beatissimæ Virginis, aliorumve Sanctorum exprimitur, alterius hominis viventis effigiem ex industria repræsentare artifex studeat; neve quivis alius id fieri curet.

Ne in Sacra Imagine quidquam, quod turpe, quod prophanum, vel inhonestum sit, appareat.

Quod si quæ imagines jam pictæ, sculptæve ita sint, ut Sacris Literis, vel Ecclesiæ ritui, aut pietati Christianæ, honestative aliquo modo repugnent, eas statim aboleri omnino volumus, ac jubemus.

Si quæ vero fractæ, aut diminutæ, vel vetustate corrosæ, seu situ, sordibusve obductæ sint, eas vel restaurentur, vel, si fieri id minus potest, convenienti loco custodiantur, ne vulgo appareant. Id autem imprimis per eos, quorum interest, curetur, ut illæ a situ, squalore, sordibus, carie, cæterisque id generis integræ conserventur.

Præterea pro Sacrosanctæ Crucis cultu & veneratione jubemus, ne ea humi exprimat, neve sordidis, & aliqua labe inquinatis locis.

VI. De Blasphemia.

Grave nimis ac detestabile est scelus, quod eum, quem cælum & terra, & omnia, quæ in eis sunt, per-

R r r r

petuo

petuo venerantur, ac laudant, & ut piissimum Conditozem, ac Redemptorem cognoscunt, ingratiſſimi, atque impiſſimi homines blaſphemare, aut execrari non exhorreſcunt. Quare ut hæc nefanda peſtis omnino eradicetur, iis, quæ a Sacris Canonibus, & præſertim a LEONE Papa X. in Concilio Lateranenſi, & noviffime a PIO Papa V. Conſtitutiſſime eo nomine edita, contra blaſphemos conſtitutæ ſunt, pœnis, in huius criminis reos ſeveriſſime animadvertatur.

Nemo præterea proximo maledicat, aut aliquod malum affectu injurioſo impreceatur, imo penitus abſtineat a ſolitis male imprecandi juxta patriæ morem modis, ne Deus offendatur, aut malum eveniat, vel ſcandalum detur proximo.

VII. De Superſtitionibus.

Cum in Dominico grege ſpeculatores conſtituti ſimus, accurate videre tenemur, ne inimicus noſter ſub Religionis ſpecie falſum cultum clam, & fraudulentè inducat. Quare ad evitandas Diaboli fraudes, & eradicandos errores, ubi jam orti ſint, hæc de Superſtitionibus præſcribenda duximus, quæ animarum curam gerentes, & Confeſſarii Sacerdotes ſedulo ab omnibus ſervari curent. Eam tamen cautionem adhibeant, ne dum ſimplicium animos inani cultu expugnare quærunt, ſimul etiam veræ pietatis radices convellant.

Signa igitur vel imagines, annulive, orationes ſcriptæ, vel, ut vocant, brevia, characteribus aut nominibus incognitis impreſſa, ne ad alicujus morbi, hominis, jumentive curationem adhibeantur.

Ne veneficia, faſcinationes, vel ligaturæ certa quavis obſervatione, aut etiam medicamentiſ incognitiſ diſſolvantur.

Ne vulnera, aut plagæ ullæ certo adhibito ſignorum, verborum, aut precum numero, vel alia, quæ a Medicis comprobata non ſint, ratione, curentur.

Ne aliquæ herbæ, aut fructes, certo aliquo die, vel nocte, ea con-

ditione colligantur, ut alio die irrita, atque inanis futura ſit cura illa, ac labor.

Et quia varia nimis, ac multiplicia ſuperſtitionum genera, hoc Decreto comprehendere facile non poſſunt, id ſummatim decernimus, ut omnia, quibus certa temporis, numeri, locive obſervantia, quam præſumere minime licet, tanquam a vero Religionis cultu, Sanctæque Eccleſiæ Catholicæ inſtituto, vel ratione naturali aliena, ſuperſtitioſa cenſeantur.

Omnino autem retinenda eſt pia, & laudabilis conſuetudo benedictionum panis, vini, & aliarum rerum, etiam herbarum, quæ certis ſolennitatibus, & præſertim Paſchæ, Nativitatis Domini, Aſſumptionis Beatæ Virginis, S. Joannis Evangeliftæ, aliisque feſtivis diebus a Parochiſ ex ſacris ritibus non ſine myſterio, uberrimæque fidelium utilitate fieri ſolent, dummodo nihil indecens hac de cauſa ſuper altari collocetur, veluti eſculenta; ſed quod ejusmodi eſt, ponatur ſuper aliquo ſcamno, loco convenienti.

VIII. De Indulgentiis.

Indulgentiarum uſus Chriſtiano populo maxime ſalutarem, & Sacrorum Conciliorum auctoritate comprobatum eſſe, Catholica Eccleſia ſemper docuit, eosque anathemate damnat, qui illas aut inutiles aſſerunt, vel in eis concedendis ejus poteſtatem negant. Ut igitur fideles ad eas tam plenarias, etiam in forma Jubilæi conceſſas, quam alias conſequendas, promptiores ſe reddant, ipſarum valorem, fructus, & utilitates Parochi, ac Concionatores ſæpe declarent.

Abuſus omnes, quorum occasione inſigne earum nomèn ab hæreticis blaſphematur, tollantur, & pravi quæſtus in iis percipiendis aboleantur.

Non publicentur, neque earum conceſſiones typis depromantur, niſi prius a Nobis, noſtrove Officiali recognita fuerint. Quod etiam ab omnibus cujuſcunque Ordinis, & Inſtituti Regularibus ſervari præcipimus.

Indulgentiæ, etiam perpetuæ, peccatorumve remiſſiones, quibuſcunque Hoſpi-

Hospitalibus, Monasteriis, Ecclesiis, domibus, Militiis, Ordinibus, etiam mendicantium Ordinum Regularibus personis, tam singulariter, quam universaliter, per quoscunque Romanos Pontifices quavis occasione, vel causa concessæ, pro quibus consequendis manus sunt porrigendæ adjutrices, & quæ facultatem quættuandi, colligendique eleemosynas quomodolibet continent, PII Papæ Quinti Constitutione, revocata, cassata, & annullata fuerunt; ideo nullo modo publicentur. Hortandi tamen sunt fideles, ut Indulgentiarum occasione, Ecclesiis, piis locis, ac pauperibus largas eleemosynas erogent.

IX. De Diebus Festis.

EA est morum corruptela, atque ab omni Divina, & humana lege aliena, ut qui Deo dicati sunt dies, & ad ipsius & Sanctorum celebrandas laudes instituti, ii non modo sancte, pieque, ut par est, non colantur, sed servilibus etiam operibus, vilibusque officiis violentur, iisque ipsis homines ad Divinam iram & suarum animarum perniciem abutantur.

Nos igitur Sacrorum Conciliorum auctoritate, ac Summorum Pontificum Decretis innixi, Patrumque institutis adducti, hæc Christi fidelibus in Festis diebus sanctificandis proponenda censuimus; ut quæ sacris his diebus agenda, quæve fugienda sunt, unusquisque perspiciat.

Primum igitur pridie Festi, omni pietatis studio fideles se parent, atque instituunt ad illius sanctificationem, & religiosum cultum, his præcipue piis exercitationibus, atque officiis inferius descriptis. Confessione, oratione crebriore, atque ardentiore, meditatione celebritatis, quæ agitur, & præcipue imitatione alicujus virtutis Sancti, aut Sanctæ, cujus dies festus colitur, jejunio, vel præcepti, vel devotionis, vel saltem aliqua abstinencia; firma, fixaque deliberatione progrediendi in vitæ sanctioris via.

Ipo vero die Festo Missæ reverenter ac religiose intersint, quod prætermitti non potest absque peccato mor-

tali. Idque ut in Parochiali Ecclesia præstent ad Sacrorum Canonum præscriptum, vehementer in Domino monemus.

Patres autem familias filios suos, ac famulos, etiam eos, quos in pectoribus, aliisque animalibus pascendis occupant, Missæ jubeant interesse.

Oblationes pro facultatibus, Ecclesiæ Parochiali ex instituto faciant.

Sacramentaliter confessi Sacram Communionem sumant, aut summo dolore ex peccatis affecti, intimeque contriti, fide viva accensi, spiritualiter Sacram percipiant Eucharistiam.

Missæ etiam solemnī, quæ collegiatim canitur, præsentēs adsint, præsertim in Anniversariis majoribus Solennitatibus.

Divinis Horarum Canonicarum officiis, ac præcipue Vesperis, Christiano devotionis studio intersint. In Solennitatibus majorum celebritatibus ad Matutina Officia convenire studeant.

Concionem sacram attentissime audiant, monitaque Concionantis exquantur, aliis etiam, tum filiis, cæterisque domesticis, tum externis salutariter narrando, quæ disciplinæ usui opportuna audierint.

In doctrinæ Christianæ Scholis & discendo & docendo versentur; idemque ab iis, quorum curam habent, sive filii sint, sive alii, præstari curent.

Egentibus, & præsertim iis, quos ad fores Ecclesiæ repererint, aliquid pro facultatibus in eleemosynam conferant.

Pauperes non solum, qui in publicis Hospitalibus sunt, sed etiam alibi visitabunt & adjuvabunt, re, consilio, atque consolatione.

Monasteria Religiosorum, sanctioris vitæ laude præstantium adibunt, & cum eis aliquid temporis in salutaribus colloctionibus expendant.

Abstineant autem diebus Festis ab omni opere servili, mundanoque, atque a quavis illiberalis artis exercitatione, nec non a cujuslibet rei emptione, & venditione, præter id, quod ægrotis aut illius diei victui necessarium sit.

Ea vero cautio omnino adhibeatur, ut in huiusmodi casibus officina nullo modo aperta sint, sed earum ostium tantummodo pateat.

Præterea Parochi, ac Concionatores sæpe populum præmoneant, ne Festis diebus personati homines incedant, neve tripudia, choreas, seu saltationes exercent, aut cuiusvis generis ludis incumbant, neque tandem actiones aliquas, aut opera ulla faciant, quæ fidelium animos a Christianæ pietatis officiis abstrahere possint.

Circumforanei, circulatores, digladiatores, & alii id generis homines, ne diebus Festis præstigias suas, inanisque spectacula agant; neque quidquam omnino vendant, ne medicamenti quidem prætextu.

Si quis autem ex aliqua gravi causa, seu necessitate huiusmodi diebus aliquod servile aut vetitum opus aggredi voluerit, idque non faciat absque facultate a Nobis, aut nostro Officiali in hac Civitate & per Archi-Diœcesim a proprio Parocho impetranda.

Ut autem uniformi ratione a Parochis dies Festi denuncientur, eos omnes, qui in hac Civitate & Archi-Diœcesi tota, præcepto, aut consuetudine, seu voto ad Rubricæ Pragensis præscriptum sanctificari, colive debent, hic notari volumus.

Pascha cum duobus diebus proxime sequentibus.

Triduum ante Ascensionem usque ad meridiem propter processiones Litaniarum minorum.

Ascensionis Domini.

Pentecoste cum duobus diebus proxime sequentibus.

Solemnitas Sanctissimi Corporis Domini.

Præterea Mense Januario.

Circumcisio Domini die primo.
Epiphania Domini die sexto.

Mense Februario.

Purificatio Beatæ Mariæ Virginis die 2.
S. Matthiæ Apostoli die 24.

Mense Martio.

Annuntiatio Beatæ Mariæ Virginis die 25.

Mense Aprili.

S. Marci Evangelistæ die 25. usque ad meridiem propter Processiones Litaniarum.

Mense Maio.

Ss. Philippi & Jacobi Apostolorum die primo.

Mense Junio.

S. Viti Martyris die 15.
Nativitas S. Joannis Baptistæ die 24.
Ss. Petri & Pauli Apostolorum die 29.

Mense Julio.

S. Margaritæ Virginis Martyris die 13.
S. Mariæ Magdalænæ die 22.
S. Jacobi Apostoli die 25.

Mense Augusto.

S. Laurentii Martyris die 10.
Assumptio Beatæ Mariæ Virginis die 15.
S. Bartholomæi Apostoli die 24.

Mense Septembri.

Nativitas Beatæ Mariæ Virginis die 8.
S. Matthæi Apostoli & Evangelistæ die 21.

S. Wenceslai Martyris die 28.
S. Michaelis Archangeli die 29.

Mense Octobri.

Ss. Simonis & Judæ Apostolorum die 28.

Mense Novembri.

Celebritas omnium Sanctorum die primo.
Commemoratio omnium fidelium defunctorum die 2do usque ad meridiem.

Mense Decembri.

S. Thomæ Apostoli die 21.
Nativitas Domini die 25.
S. Stephani Protomartyris die 26.
S. Joannis Apostoli & Evangelistæ die 27.

Festum Patrocinii, atque Anniversarium Consecrationis Ecclesiæ in propria Civitate, Oppido, & Parochia. Festa item, quæ in unoquoque loco ex consuetudine, aut voto celebrari consueverunt.

Nullibi tamen celebrentur dies festi in honorem eorum, qui ab Ecclesia Catholica in Sanctorum numero relati

lati non sunt; neve in Calendario, neque etiam literis manuscriptis, connotentur.

Ut autem omnis in posterum tolleretur scrupulus, declaramus dies Festos incipere a media nocte antecedente usque ad mediam subsequentem. Eorum vero pietatem, qui a primis Vesperis, seu ab occasu Solis diei antecedentis ab operibus servilibus abstinere incipiunt, ut ad Festum celebrandum diligentius se præparent, summopere laudamus.

X. De Sacris Ecclesiæ Jejuniis, aut ciborum delectu.

Omnis Sacrorum temporum celebritas, cum ab Episcopis, animarumque Pastoribus, singularem sollicitudinem; tum a populi observantiam, cultumque ei solennitati debitum plane deposcit. Atque in iis quidem unum est, quod pie, religiose, sancteque coli a fidelibus maxime oportet, totum Quadragesimale tempus, virtutum Christianorum disciplina, atque exercitationibus dicatum; est enim plenum Sacris Mysteriis, propter quæ magnam illam Paschæ solennitatem, qua una omnium celebritatum dignitas, ut inquit LEO Pontifex, consecrata est, proxime præcedit. Fuit porro jejunium Quadragesimale a Christo Domino constitutum, & ab Apostolicis usque temporibus in universa Ecclesia Dei religiose observatum perpetuo, atque ita quidem, ut qui in Quadragesima (quemadmodum olim Canone Toletano cautum fuit) neglexerit, aut contempserit, Quadragesimalis abstinentiæ, & jejunii disciplinam, prohibitisque cibis illam violarit, is non solum reus censeatur Resurrectionis Dominicæ, sed etiam alienus fieret a Sacra ejusdem Communionem, ac præterea toto illo anno, a carnium esu abstineret. Quare ut tempus hoc Sacrum, tamque religiosum, in quo colendo sancteque observando veterum pietas mirifice eluxit, a fidelibus nostræ sollicitudini commissis, majoris obvantia studio, abstinenda, jejuniis, eleemosynarum largitionibus, oratione, continentia, carnis maceratione,

omnique salutaris pœnitentiæ disciplina colatur, hæc sancimus, atque edicimus, quæ ab animarum curam gerentibus, ac Concionatoribus quotannis die Dominico Quadragesimæ initium proxime antecedente, intra Missæ celebrationem, sacramve concionem populo præponantur.

Omnis, quem urgens necessitas, vel imbecilla ætas a quadragesimali lege non eximit, quocunque etiam gradu, ordine, potestate, vel dignitate præditus sit, carnibus, cæterisque omnibus, quæ a carne originem trahunt, upote ovis, lacte, caseo, & aliis id generis, toto Quadragesimæ tempore, videlicet a feria quarta Cinerum, usque ad Sabbatum Sanctum inclusive abstineat. Quicumque autem absque notabilis salutis corporalis detrimenti verisimili periculo, hujusmodi cibis vesci non poterit, de proprii Parochi vel Medici consilio, & non aliter ipsis utatur, facultate tamen scriptis obtenta a Nobis in hac urbe, & per Archidiecepsim a proprii districtus Archidicono, vel a Decano, sive saltem a proprio Parocho.

Omnis præterea, quicumque sit, qui jejunii lege adstrictus est, singulis Quadragesimæ diebus (Dominicis exceptis) jejunium servet, aliquin peccati mortalis reum se constituit.

Præter Quadragesimæ institutum, jejunium etiam servare tenentur fideles, & a carnibus abstinere, statis quatuor anni temporibus, videlicet feriis quartis post primam Dominicam Quadragesimæ, celebritatem Pentecostes, Exaltationem Sanctæ Crucis, ac Festum Sanctæ Lucie immediate concurrentibus, ac feriis sextis & Sabbatis hujusmodi ferias quartas sequentibus; in vigiliis autem Nativitatis Domini, Pentecostes, Apostolorum omnium (exceptis S. Joannis Evangelistæ, & Sanctorum Jacobi & Philippi) Nativitatis S. Joannis Baptistæ, S. Laurentii Mart., Assumptionis B. Mariæ Virginis, & omnium Sanctorum.

Si aliquod Festum occurrat celebrandum, feria secunda cujusvis hebdomadæ; non die Dominico, sed Sabbato præcedenti; ejus vigilia ex pio

Sanctæ Matris Ecclesiæ instituto; colatur.

Quod si diebus jejunium tam Quadragesimæ, quam quatuor temporum, & vigiliarum aliquis dies festus, etiam ex solemnioribus, inciderit, jejunium nihilominus iisdem diebus, sub peccati mortalis pœna, servari debet; nisi vigilia Nativitatis S. Joannis Baptistæ in Solennitate Corporis Christi occurrerit, quo casu eam in antecedentem diem transferendam declaramus.

Feriis autem sextis, & Sabbatis totius anni (excepto die festo Nativitatis Domini) abstinere debent fideles ab esu carnum sub eadem pœna peccati mortalis. Laudabilis autem consuetudo supra hominum memoriam in hac Metropoli, & Archi-Diecesi Pragenſi, jejunandi singula quaque feria sexta per totum annum, perpetuo retineatur.

Cum autem in die jejunii unica comestio fieri debeat hora præscripta, videant fideles, ne in permixta refectiuncula vespertina, in qualitate, & quantitate cibi excedant; ideo proprium Parochum, aut Confessarium, qui scientia & pietate præditus sit, consulant, ut animæ salutis tutius satisfacere valeant. Nullo enim modo ferendum est, ut cibus coctus, pisces; seu aliud ferculum sumatur, sed panis tantummodo, fructus, herbæ, & similia leviora, in ea quantitate, quæ prudentis iudicio modica censeatur.

In die Litaniarum majorum, quæ in festo S. Marci Evangelistæ celebrantur, & præterea triduo ante Ascensionem Domini, Litiis minoribus dicto ex Sanctæ Pragenſis Ecclesiæ instituto, usuque immemorabili, in hac Metropoli, & Archi-Diecesi tota, abstinere debent fideles ab esu carnum; qui mos fere per universam Germaniam ex prisco usu observari consuevit. Omni autem cohortationis officio inducant Parochi eosdem Christi fideles, ut iis diebus processionibus intersint, Sacrasque Reliquias, ac pia loca, Litaniarum causâ, religiose visitent.

Si quis salutis suæ immemor fuerit, ut Quadragesimæ tempore, aut aliis diebus ab Ecclesia statutis, publice, cum scandalo, & absque licentia

nostra, seu Archi-Diaconi Dicecesani, aut saltem Parochi sui, carnibus vesci præsumpserit, a nullo Confessario absolvi poterit, absque nostra, aut nostri Officialis facultate scriptis obtenta, & alias pœnas incurret a Sacris Canonibus inflictas.

Nihil non aggrediuntur, atque omni actu semper agunt hostes fidei Catholicæ, ut impietatum suarum virus effundant, ideo Ecclesiæ Pastoribus maximo studio elaborandum est, ut omni tempore, & præsertim in Quadragesima, Verbi Dei prædicatione, tanquam pabulo vitæ, fideles nutriantur ac confirmentur. Quamobrem quod multis bene institutis civitatibus & locis, antiqui, religiosique moris est, ut dum sacra concio habetur, nullæ tabernæ aut officinæ patentes unquam sint, id in hac Metropoli, aut Archi-Diecesi tota servari maximopere optamus, quo fideles ad prædicationem frequentissimi conveniant. Omnem igitur curam adhibeant animarum Rectores, & Concionatores, ut ab omnibus id in usum deducatur, & perpetuo observetur. Confidimus etiam Magistratum sæcularem in hoc opem omnem pro sua pietate & religione adhibiturum.

XI. De Ecclesiarum cultu, piaque in eis versandi ratione.

Ecclésiæ, quæ Domus Dei sunt, decet sanctitudo, omnisque honestas, ac cultus: quare Sacri Canones, Apostolicæ Constitutiones, Sacraque Concilia, multa Ecclesiarum cultum concernentia constituerunt Decreta, quæ ab omnibus executioni sunt demandanda. Inter alia autem hæc fidelibus nostræ Ecclesiasticæ jurisdictioni subiectis observanda proponimus, atque mandamus.

Nemo novam Ecclesiam, seu Oratorium, Capellamve atque Altare ædificare, vel construere audeat, absque nostra, nostrive Officialis facultate scriptis obtenta.

Ecclesiæ humiliter ac devote quilibet ingreditur; atque in eis quiete & sancte converſetur, piisque orationibus incumbat.

Flexis

Flexis genibus Sanctissimum Sacramentum omnes venerentur, & adorent; Divinis Officiis & præsertim Sacrosancto Missæ Sacrificio, assistant, ea pietatis exterioris specie, qua se non tantum corpore, sed etiam mente, devotoque cordis affectu adesse declarant, aperto scilicet capite, & utroque genu, non altero tantum, flexo, nisi dum recitatur Evangelium, quod ad medium, quodque ad finem Missæ dici solet; Quo enim tempore Sacri Evangelii verba recitantur in Ecclesia, ex ANASTASII Summi Pontificis Decreto, stare debent fideles; quod etiam servandum est, cum & in Vesperis, *Magnificat*, & in Completorio, *Nunc dimittis*, & in Matutinis, *Benedictus*, recitentur, quæ ex Evangelio excerpta sunt.

Ne mendici, eleemosynæ causa in Ecclesiis vagentur, sed ad januam consistant.

Ne quis præterea, quovis tempore in Ecclesiis deambulet, aut negotiis secularibus operam det, seu cum mulieribus colloquatur, vel ad Sanctissimum Sacramentum terga vertat, aliudve quidpiam, quo Divina impediuntur aut turbentur officia, excitet, nec super altare se ponat, aut quod absurdius esset, super illo sedeat.

Neque Baptismi fontis, aquæve benedictæ vasis innitatur, vel inhæreat.

Ne in Ecclesiis, earumve ambitu, seu in cæmeteriis res aliquas venales vel proponere, seu emere cuivis liceat, neve comestiones, choreæ, seu profani quicquam ludi fiant. Permittimus tamen, ut candelæ, cereivæ Ecclesiæ usui, officiisque Ecclesiasticis destinandi extra Ecclesiam vendi, & emi possint.

Ne quis aliquam Ecclesiam ingreditur cum hastis, sclopetis, balistis, aliisque huiusmodi armis, nisi Magistratum publici ministri sint. Ne item cum venaticis, vel cuiusvis generis canibus, accipitribus, ejusmodive vocucribus.

Nulla sepulchra construuntur sub altaribus, altariumve gradibus; sed loco ita remoto sint, ut eorum os a cu-

jusvis altaris gradu distet saltem dimidia ulna.

Lapides autem sepulchrales solum Ecclesiæ adæquent, illudque nullo modo superent; non Sacerdotibus, aliisque per Ecclesiam incedentibus, ullo sine impedimento, aut incommodo.

Cum in Epitaphiis construendis, alicujus defuncti imago super sepulchri operculo, aliove loco sculpenda est, ea ineatur ratio, ut nullam præbeat offensionem; sed tota huiusmodi sculptura ea forma sit, ut vere fideles ad pietatem modendi vim habeat.

Quavis in Ecclesia, præsertim Parochiali, loco eminenti & congruo, Crucis, ac Christi Domini in ea affixi imago, ligno, aliove genere pie, decoreque expressa, proposita, atque collocata perpetuo habeatur.

Ad dexteram cuiusvis portæ Ecclesiæ ingressu, positum sit vas aquæ benedictæ, ad usum consperisionis fidelium, quod æneum sit, vel stanneum, seu lapideum, decenti columella suffultum. In eo habeatur continuo aspersorium decens, quo utantur fideles ad se pie conspergendos, cum in Ecclesiam ingrediuntur, & ab ea exeunt.

Vasa aquæ benedictæ intus in Ecclesia collocentur, nec vero foris ullo modo, ac singula quaque hebdomada diligenter laventur, & aqua huiusmodi ex sacrorum rituum præscripto, renovetur. Præterea tam in Metropolitana nostra Basilica, quam in Collegiatis & Parochialibus omnibus Ecclesiis, singulis diebus Dominicis, ante summæ Missæ celebrationem, aqua præscriptis precibus benedicatur, & ea altare, se, & populum conspergat Celebrans ex Sanctæ Ecclesiæ instituto. Et nullo modo intermittatur processio cum vexillis, & cruce more consueto.

Ut autem fideles magis excitentur ad fructus consequendos, qui ex aquæ benedictæ usu proveniunt, Parochi omnes eos omni cohortationis officio inducant, ut non solum in ingressu Ecclesiæ ea se devote aspergant, sed ipsam domi in cubiculis, vase decente inclusam habeant, seque ac filios suos, & familiam mane & vesperi etiam consper-

spergant, atque item greges & armenta, ac fruges, ut a periculis, quæ demonum fraude evenire possunt, tutæ sint.

Aqua benedicta e vasis tollenda eum reanovatur, in Sactarium, vel in cœmeterium ea parte, qua defunctorum ossa reconduntur, projiciantur.

In uniuscujusque Ecclesiæ frontispicio, a superiori scilicet parte portæ majoris, extrinsecus pingatur, aut sculptatur decore, ac religiose imago Beatissimæ Mariæ Virginis, Jesum filium in complexu habentis; a cujus latere dextro exprimatur effigies Sancti, Sanctæve, cujus nomine illa Ecclesia nuncupatur, a sinistro alia item Sancti, cui præ cæteris Parochiæ illius populus venerationem tribuit. Aut saltem, si totum id triplicis imaginis opus fieri non potest, Sancti solius figura fiat, cujus nomine ipsa Ecclesia appellatur.

Cujusvis Ecclesiæ Rector, illius tanquam Sponsæ suæ carissimæ decorem, & ornatum summopere diligere debet; quare omnem in eo curam ponat, ac diligentiam; ut tum ex Ecclesiæ redditibus, si sufficiant, tum ex piorum hominum oblationibus, tum ex ære publico, debitis temporibus provideatur, ut illa semper undequaque facta, tecta que sit, & ab omni sordida expurgata; ut nihil in ea appareat, quod intuentium oculos possit offendere.

Præcipua autem cura adhibenda erit, ut a superiori parte tegulis, asserebusve decentibus bene sit tecta, ab intus vero fornice, vel tabulatis. Ejus parietes si non picti, at non rudes sint, neque inæquales, sed incrustati, & decenter calce liniti.

Clave semper & sera in foribus munita sit, ut tuto opportunis temporibus obserari possit.

Fenestræ, ex quibus a foris stantibus in Ecclesiam intusprospicere, & Missam videre licet, tollantur omnes, neque in posterum ædificentur; aliæ autem clathris ferreis clausæ sint, & vitreis specularibus munitæ.

Ecclesiæ omnes summa munditiæ semper excellent, octavo quoque die, & sæpius item scopis (*) mundetur; pul-

veres e sedibus, parietibus, fenestris, altaribus, ac picturis, vulpium caudis, aut panno aliquo, vel scopis ad id aptatis abstergantur, atque arenearum telæ undique studiose tollantur.

Frumenta, siligines, ligna, fenum, & omnem prophanam supellestem, instrumentaque cujusvis artificii, ab Ecclesiis, Oratoriis, locisve sacris, ubi illa asservata sint, quamprimum exportetur (**); neque in posterum illa ibidem recondi, custodiri a quoquam liceat.

Parochi, cæterique Ecclesiarum Præfeti ab earum cœmeteriis, atriis, vestibulis, parietibus, tectisque sordes, aliamque omnem sordidam turpitudinem per eos amoveri quamprimum curent, ad quos pro officii munere pertinet; videantque in futurum, ne sordibus inquinentur, obsolescantve; quæ loca, cum sancta sint, ab omni labe pura esse debent.

Suggestus, si elegantior non habetur, saltem ex tabulis scetilibus iisdemque firmioribus decenti opere, & forma ab Evangelii latere Altaris majoris, exstructus sit, & loco conspicuo, unde Concinator ab omnibus conspici & audiri possit, apte collocatus. Pro ejus ornatu pannus e serico, vel ex alia materia juxta facultates, decentis magnitudinis habeatur.

In singulis Ecclesiis tot desiderantur sedes confessionales, quot Confessarii in frequentiori populi concursu adhiberi solent. At in quavis Parochiali, si non duæ, ut certe expediens esset, saltem una habeatur ex tabulis scetilibus constructa, quæ a parte anteriori aperta sit.

In medio tabulæ inter Confessarium & pœnitentem interjectæ, fiat fenestella magnitudinis ab omni parte dimidiæ ulnæ; cui a parte pœnitentis affigatur lamina ferrea plena parvulorum foraminum ad instar cribri confessorum. Unicuique autem confessionali affixa sit imago Christi Domini Crucifixi versus pœnitentem.

Præter illud, quod Baptisterio junctum est Sacrarium, alterum etiam aliis usibus destinatum, quavis in Ecclesia habeatur, in Sacrificia, si ampla sit, vel alio commodiori loco, non tamen in aliquo

(*) Subintelligendum forte: *pavimentum*.

(**) Melius: *exportari curet*, scil. Rector.

aliquo altari. Illud autem fera, clavi-
que continuo claudatur.

Turris campanilis ostium valvas
habeat, quæ pessulo, feraque continuo
claudantur.

Campanæ nullo modo pulsantur
ad quævis opera profana significanda,
& præcipue ad ea, quas Robotas vo-
cant; neque item ad dandum signum
mortis, seu sepulturæ eorum, qui ex
Sacrorum Canonum Sanctionibus Ec-
clesiastica sepultura carere debent.

Pulsantur autem in adventu Le-
gati Sedis Apostolicæ, Antistitis, &
Regis; & præterea cum nimbi, pro-
cellæ, turbines aut grandines impen-
dent; sonus enim earum adhiberi solet
ad tempestates repellendas, ut ex Epi-
scopali earum benedictione appareat.

Cœmeteria omnia undique sint mu-
ro circumcincta, & qua ad ea ingressus
patet, non solum valvæ ex asseribus
habeantur, sed etiam supereffossa ad
ulnam unam cum dimidia humo, po-
natur ferrea crates, aut lignea saltem;
ut in illa omni ex parte brutis anima-
libus impediatur accessus.

XII. De Altaribus.

Altaria omnia lapidea sint, vel sal-
tem latericia, quæ tamen si con-
secranda sint, tabulam lapideam & so-
lidam habeant totum altare contegen-
tem; eaque extruantur ratione, ut in
ipsis nihil subtus recondi, aut poni
possit, nisi forte pro reponendis Sacris
Reliquiis locus aptus relinquatur. Ea
autem a scabelli, quam gradum vo-
cant, solo, superficie in altitudinem
erecta, sint aliquantulum minus dua-
bus ulnis; longe pateant ulnis tribus,
lata sint sesqui ulna.

Scabellum, seu gradus altaris ex
asseribus, solidove lapide, vel costili-
bus lateribus confectus sit, latitudinis
sesqui ulnæ; altitudinis quartæ partis
ulnæ, longius præterea, quam altare
ita pateat, ut unumquodque ejus latus
excedat dimidia ulna, rursusque ab
utroque latere, si fieri poterit, illud
cingat.

Altaria singula, quæ non tota cum
Sacerdote item celebrante, opere con-

camerato, sed tecto laqueato teguntur,
aut fornice ita alte exstructa, ut ea for-
nix commode, sæpiusque purgari non
queat, umbella, quam cælum dicunt,
operiantur; idque e lapide, aut saltem
e panno serico, seu ex tabulis festilibus,
vel e tela decenter depicta fieri poterit;
quod e ligno aut tela integumentum
cum catenis ferreis e tecto, vel e pa-
riete pendentibus, aut alia firma stru-
ctura sustineatur. Hoc autem integu-
mentum, cujusmodi sit, undique ita
late patere debet, ut altare ipsum, &
Sacerdos ibi Missæ Sacrum faciens om-
nino contegatur, quo diligentius &
ille & altare a pulvere, omnique laben-
te forde defendantur.

Curetur, ut, ubi fieri poterit, unum
quodque altare habeat sepimentum e
clathris ferreis, vel e cancellis ligneis
opere tornatili decenter constructum;
& in hujus sepimenti modio sint valvæ
pessulo ac fera jugiter claudendæ.

Fenestula urceolorum, ampulla-
rumve non in altari, sed in pariete a
latere, ubi Epistola legitur, ornate, po-
liteque fiat. A solo alte exstruatur
ulna una cum dimidia; ejus vero lati-
tudo sit dimidia ulna, altitudo paulo
minus una ulna, sitque distincta lapi-
deo opere, vel saltem asseri decenti
transverso. Ejus autem pars inferior
usui sit ad projiciendam aquam abluti-
onis manuum Sacerdotis Sacrum facien-
tis; & ideo foramen habeat exiguum
in medio, unde illa defluat in cister-
nulam suffossam. Superior vero pars
usui sit ad pelviculam cum urceolis,
ampullisve, dum Missæ Sacrum sit, re-
ponendam.

Altaria omnia, quæ nondum con-
secrata sunt, quamprimum ad sacro-
rum rituum præscriptum consecrantur.
Eorum autem, quæ consecrata non
sunt, unumquodque petram habeat
sacratam, quod altare portatile dicunt,
longitudinis trium quadrantium ulnæ,
latitudinis paulo amplius dimidia ulna.
Ea autem tela cerata cooperta sit, atque
in altaris medio iusta dimensione ita
inserta, ut nequeat amoveri, & ali-
quantulum promineat ab illius mensa,
quo Celebrans certo dignoscere valeat,
se super ipsa Sacramentum perficere.

Altaria singula picturam habeant decentem. Crucem item elegantem, quæ saltem ænea sit. Candelabra duo, saltem ænea, cum vasculis etiam æneis ad sustinendas candelas. Duo extinctoria e lamina ferrea tenui confecta, cum suis baculis parvulis, & decentibus. Cartulam cum secretis orationibus super tabella, quæ aliquo vel modico circumdata sit ornamento, extensam. Mappas numero convenienti, ut cum erunt abluendæ, mutari possint, quarum aliquæ longiores sint, ita ut altaris latera usque ad terram contegant. Pulvinaria congrua e serico, vel e corio inaurato, aut alia decenti materia, ad librum missalem sustinendum; eorum autem loco haberi poterunt parva pulpitæ, saltem lignea politè elaborata. Telam viridem, aut alterius coloris, qua semper contextæ sint altarium mensæ post celebratam Missam, ut mappæ a pulvere, fordibusve præserventur. Ubi vero altarium mensæ non ejusmodi tela, sed asseribus cooperiri solent, quo tempore in eis Missa fit, asseres ita tollantur, ut nulla ipsius mensæ pars ab illis occupata remaneat.

Antependia omnium colorum Ecclesiæ ritui convenientium, cum elegantiora pro solennioribus, tum congrua pro ferialibus diebus. Duo candelabra decentia ad sustinendas faces, vel cereos cum duobus extinctoriis.

Unicuique altari a parte, unde Evangelium legitur, tintinnabulum parvum, parieti laterali affixum hæreat, appenso funiculo tam longo, quo Clericus Minister uti possit, cum Corpus Domini elevatur in Missa, ad illud certis distinctis ictibus pulsandum.

XIII. De Sacristia.

Sacristiam, in qua & supellex omnis Ecclesiæ servari debet, & Sacerdos celebraturus sacras vestes induit, habeat unaquæque Ecclesia, in qua Missæ Sacrum celebratur. Ea autem ab altari majori paululum distet, & ad Orientem, ac Meridiem spectet, loco non humido, non uliginoso, ne sacra indumenta corrumpantur. Pavimentum habeat ab humo aliquanto altius exstructum. Tectum vero sit fornica-

tum, aut saltem asseribus politè elaboratis constet. Duas saltem habeat fenestras, unde aer facile exire valeat, quæ ferreis clathris, opereque vitreo munitæ sint. Ostium valvis decentibus pessulo, serraque munitis occludatur.

In qualibet Sacristia, loco magis conspicuo, sit Sacra Imago, tum etiam altare, Cruce & candelabris munitum, & mappa contextum, ad quod Sacerdos celebraturus sacras vestes induat, vel ubi, præ situs angustia, altare construere non possit, armarium, seu vestiarium illius altaris vicem gerat. Ad Crucem, vel regione Sacerdotis se induentis posita sit tabella, orationes continens ad singula indumenta recitandas, & eas item, quæ ante & post Missam recitari debent.

Sit præterea Oratorium ab aliqua Sacristiæ parte, sive prominens, sive intus decenti loco, idque instar parvi cubiculi, quo Sacerdos Missæ Sacrum facturus se recipiat, ibique se se colligens paulisper meditetur, & oret. Præterea altare parvum habeatur, in quo proposita Christi effigie, aut alia pia imagine sancte precetur, & gradus ligneus, ubi orando genua flectat. Si vero Sacristia ita exigua & angusta est, ut ejusmodi Oratorium habere nullo modo possit, ab aliquo ejus latere, quod orationi commodius sit, gradus ligneus apto loco, tela saltem vel panno obducto, collocetur, ubi Sacerdos genua flectens oret, affixa in pariete aliqua imagine Sacra, & tabella item earum orationum, quæ ante, quæve post Missam recitari solent.

Vas aquarium, quod manibus abluendis usui sit, e stanno solidove lapide fiat, cui papilla una, seu fistula, aut prout opus erit, plures intignantur. Ab inferiori parte sinus aquarius concavus ad excipiendam aquam, quæ inde affluit e lapide item solido, vel stanno sit, foramenque habeat, unde per fistulam aqua in parvulam cisternam subterraneam, vel alio derivetur. Ubi vero exiguus est redditus, superioris vasis vice adhibeatur fistula, cui papilla, sive fistula instar gallinæ hæreat, unde aqua ad abluionis usum sensim affluat, subjecto labello, sinuve aquario, vel

vel alio vase in parietis concavitate, quæ hemicycli exigui formam præbeat, ornate exstructo, ne Sacristiæ situm impediatur.

Ad abstergendas manus manutergium linteum prope vas aquarium ab opere, instrumentove tornatili pendeat; idque sæpe mutetur, ut semper mundum, nitidumve habeatur. E tela congrua confectum sit, tantæ latitudinis, quanta est telæ latitudo; longitudinis vero ulnarum sex.

Armarium item ad indumenta, vestes, & ornamenta Ecclesiæ asservanda, ex firmis tabulis sit confectum, a pavimento Sacristiæ altitudinis ulnæ unius cum dimidio, cum capsulis ductilibus pro colorum varietate sacras vestes asservantibus. Cui armario loculi etiam adjuncti sint, quibus Sacri Calices, patenæ, corporalia, vela, & alia id generis recondantur. Alii præterea, in quibus libri ad Chori, Ecclesiæve usum collocentur, ubi scilicet, vel loci angustia, vel census tenuitas proprium, præcipuumve librorum armarium fieri non patitur.

In Sacristia Parochialis Ecclesiæ habeantur, si fieri potest, paramenta integra omnium colorum, qui ex sacrorum rituum præscripto in Divinorum celebratione adhiberi solent, & solenniora, & feritalia item. Omnino autem casulæ cum stolis & manipulis saltem duplices sint omnium colorum; decentiores scilicet aliæ pro diebus solennioribus, & congruæ pro ferialibus.

Præterea tam in insignioribus, quam in aliis Ecclesiis, necessaria est omnis supellex, qua Ministri Ecclesiastici, in Divinis Officiis celebrandis uti solent. Ut autem in hac Metropoli, & Archi-Diœcesi nostra, uniformis in eatur ratio in hujusmodi supellestili construenda; hæc summatim præscribenda censuimus, quæ ab omnibus in usum deduci jubemus.

Amictus, quem humerale vocant, e tenui, candidaque tela construat, longitudinis ulnæ cum dimidio, latitudinis unius ulnæ, cum cruce parva in ejus medio. Habeat autem in duobus ejus angulis funiculos, qui ad crucis

Tomus VIII. Concilior. German.

instar supra Sacerdotis pectus transverfi, indeque in tergum ducti, & mox revocati connectantur.

Alba e tela tenui, candidaque sit, longe tres ulnas producta, & late tres item circumquaque pateat.

Cingulum e candido filo conficiatur longitudinis ulnarum quinque. Ejus autem capita globulis ejusdem materiæ inferantur, filamentorum manipulis, floccisve appensis.

Stola extrinsecus ejusdem materiæ & coloris sit cum planeta, intrinsecus autem tenui serico vestiatur ejusdem coloris, longe ulnis quatuor cum dimidio producat; late vero pateat quinta parte ulnæ. Ab utraque autem extrema parte sensim latiuscule patens, laciniis ornetur congruæ longitudinis. Stola vero cruces tres annectantur, una in medio, reliquæ duæ in ejus partibus extremis.

Manipulus sit ejusdem materiæ & coloris ab utraque parte cum stola, longitudinis unius ulnæ cum dimidia, habeatque tres cruces annexas, unam scilicet in medio, & alias duas in partibus extremis, quæ sensim latiuscule patentes laciniis exornentur, longitudinis decimæ partis ulnæ. In ejus medio a parte inferiori funiculi annectantur cum globulo e serico filamentorum manipulo, floccove appenso; quibus funiculis, ac globulo ita Sacerdotis brachio manipulus hærebit, ut firmior reddatur.

Casula, quam alii planetam vocant, longe pateat saltem ulnas duas, fasciamque habeat decentis latitudinis assutam, & ab anteriori & posteriori parte usque ad extremum dependentem, cui altera fascia transversalis in summa prope parte a fronte adjuncta, cruce exprimat.

Vestis pluvialis, quam cappam dicunt, longitudine ulnarum duarum cum dimidio constet, & pro semicirculi ratione late pateat. A fimbriis ornatum laciniarum habeat, a parte solum anteriori, tota ab summo ad extremum usque aperta, hinc & inde auriphrigio, sacris etiam imaginibus intexto, decoretur; a posteriori parte, insigne, quod caputium sive scutum vo-

S s s s 2

cant,

tant, brevibus admodum laciniis, ornatu vero auriphrygiato, qui anteriori respondeat : a summa parte anteriori fibula inconsuta connectatur, intrinsecus vero serico tenui, aut tela bombyce texta ejusdem coloris circumvestiatur.

Dalmaticæ, seu tunicellæ longitudinis sint duarum ulnarum, cum auriphrygiis sive quadris particulis, ejus panni & artificii, ut cum fasciis casulæ, & pluvialis omnino conveniant.

Antependium altaris, vestimentum scilicet, quod ante altare tenditur suspensum ad ejus ornatum, paulo longe quam altare patere debet ; eoque altius, ut ab una parte paululum sub corone gradus ejusdem altaris occulretur. A superiori parte palmum a summo distante, laciniis auro, sericove elaboratis pro colorum ratione ex Ecclesiæ ritu præscripta, ornetur. Intrinsecus tela bombycina, aliave decenti vestitum sit, quæ a superioris parte palmo uno excedat, ut sub mappis reflecti possit.

Superpelliceum ex tela linea decenti esse debet ejus longitudinis, ut a terræ solo non amplius, quam quadrante ulnæ distet ; cujus manicæ sint latitudinis in omnes partes amplæ duarum ulnarum, & quadrantis.

Calix ex auro, vel argento, aut saltem ex aurichalco, dummodo cupa sit argentea, ab interiori saltem parte inaurata, confectus sit. Ejus pes ample pro illius magnitudine ita pateat, ut firmissime, ubi collocatur, consistens cadere non queat. Cupa forma antiqua constet, nempe aliquantulum in fundo angusta sensim usque ad summum labrum latior fiat.

Patena ex auro, vel argento sit, aut saltem ex ære undique inaurata ; labrum extremum circulare ita subtile habeat, ut eo Sacræ Hostiæ fragmenta facile colligi possint. Illam mediam tenuem concavitatem habeat, quæ amplitudinem labri calicis fere adæquet.

Sacculus calicis & patenæ e tela tenui sit, late tam patens longeque productus, ut minime arcte calicem capiat. Ita confusus erit, ut duo angu-

li fiant, & transversus calix in ipsum sacculum constringatur.

Theca lignea ad calicem una cum sacculo condendum comparata, opere tornatili conficiatur magnitudinis competentis cum operculo, quo compressæ claudatur. Intrinsecus panno laneo, vel holoserico, extrinsecus corio circumvestiatur, & cingulum ex corio ad eam gestandam adhibeatur.

Velum calicis, quod strophium dicitur, ab omni parte ulnæ, & aliquanto amplius pateat ; & ab oris undique sit opere serico, auro argentove tenuiter ornatum, etiam si e tela tenui sit, decenter elaborata.

Corporale e tela linea pura & candida sit, ac simplex item ; nihilque elaboratum, & nihil sericum intextum habeat. Ab oris autem acus opere simplici punctum solum retortum sit, longe, lateque pateat ulnam unam ; ita vero complicatum, ut nulla ejus extremitas appareat.

Palla ex eadem tela constet, quæ corporale, sed duplicata, longitudinis & latitudinis tertiæ partis ulnæ. Ea autem magis munda habebitur, si nulla ex parte serico elaborata sit, & semper cum corporali lavetur, atque amilo iliniatur.

Sacculus, bursæve corporalium a fronte sit cruce, vel alia sacra imagine in medio intexta, a tergo etiam ex eadem materia & colore ; intrinsecus vero subserico aut tela tenui candida circumvestitus ; late autem undique pateat circiter dimidia ulna.

Purificatorium e tela non crassa admodum, neque tenui nimis & simplici acus opere confectum, latitudine sit ab omni parte saltem dimidiæ ulnæ. Ei autem Crux parvula in medio, vel in quatuor summitatibus, quos angulos appellant, acu pingatur.

Urceoli, ampullæve ex argento sint, vel e stanno, aut vitro ab omni parte sordibus puri ; ea latitudine, ut in eos digitus immitti possit, cum lavabuntur, quo nitidiores habeantur.

Pelvicula urceolorum, ampullarumve, si aurea vel argentea non sit, e stanno sit, opere autem cælatò piam spe-

speciem exprimente; fundo intrinsecus constet lato, ac plano, non elaborato, quo firmitus ampullæ impostæ hæreant. Permittitur etiam pellicula ex argilla, fictilisve, si congrua sit.

Missale opere librario bene firmiterque compactum, & conglutinatum tenuioribus tabellis sectilibus, corio, sericove intectis operiatur, & ad ejus ornatum folia inaurata existant.

Signaculum, sive registrum Missalis cornu transversale, unde cordulæ pendent, habeat e sericis filamentis confectum, atque ita latum, ut ejusdem Missalis crassitudinem adæquet; funiculos vero, cordulasve sericas duodenas colore diverso distinctas, ac longe ita ductas, ut Missalis longitudinem octava parte ulnæ excedant.

Pulvinar, quod Missali supponitur, plenum sit, non pluma, pilisve animalium, sed lana solida, aut bombyce, longe patens tribus quadrantibus ulnæ, late dimidia ulna.

Thuribulum, navicula, & cochleare, si pretiosiora haberi non possint, ex aurichalco singula sint artificiose cœlata, atque ornata periti artificis judicio. Quod sane thuribulum cum quadruplici catenula sit, & operculo ejusdem metalli; longitudo autem catenularum sit ulnarum duarum.

Lintheum, quod manibus abstergendis in Missæ Sacro usui est, ex lino tenui contextum, longitudine ulnæ unius cum dimidio, latitudine vero paulo amplius quam ulna, tum præterea ab uno & altero capite ornatum laciniis, & filamentis ejusdem materiæ, & ab extremitatibus lateralibus acus opere simplici punctum retortum sit.

Tabella gestatoria, quam pacificale vocant, si ex auro haberi non potest, saltem sit ex aurichalco conflata, & aliquæ piæ cœlaturæ ornatu insignis, imaginem pietatis condecens, egregieque expessam exhibentis. A tergo manubrium habeat ejusdem metalli. In ea autem includi poterunt aliquæ Sacræ Reliquiæ, ad fidelium devotionem magis augendam.

Vas gestatorium aquæ benedictæ ex argento opere cœlato, si fieri po-

test, habeatur, alioquin ex ære, aurichalco, vel stanno conflatum permittitur.

Vascula sacrorum liquorum usui Ecclesiæ Archi-Diaconalis grandia sint, pro Ecclesiarum eidem Archi-Diaconatui subjectarum numero, quibus distribuenda sunt. Quæ vascula argentea sint, aut saltem e stanno pretiosiori; inscriptionibus inter se distincta, quibus singula Sacra Olea internoscantur.

Capsula habeatur lignea opere tornatili confecta, decenter quæ servandis, portandisque sacrorum liquorum vasculis usui sit, cum ad ea ab Ecclesiâ Metropolitana accipienda statò Paschæ tempore mittetur.

Vascula autem Parochialis Ecclesiæ ad usum Sacra Olea servandi, ubi præ inopia ex argento fieri non possunt, e stanno, tum perpolita, mundaque omnino sint. Tria desiderantur, forma rotunda, atque ejusmodi, quæ inter se nulla plane dissimilitudine sint, sic quidem apte coagmentata, conjunctave, ut trianguli figuram exhibeant. Inscriptiones aperte expressas habeant, quibus uniuscujusque Sacri Olei vasculum distincte internoscatur.

Habeatur vasculum ligneum congruum opere tornatili confectum, quod Scatulam vocant. Idque a parte interiori aliquo ornamento serico vestitur. Habeatur præterea sacculus e serico confectus, in quo scatula cum Sacrorum Oleorum vasis includatur.

Vasculum, quod hostiis asservandis paratur, ex operculo constans, forma rotunda sit, ex argento, aut saltem ex polito ligno tornatili, aliave decenti materia, decoroque item ornatu, & opere confectum; intrinsecus vero serico panno vestitum, late ita pateat, ut hostiæ inde promi commode possint.

Alterum item vasculum minoribus hostiis asservandis habeatur, quod ex eadem materia, eodem opere, & ornatu constet, ac amplitudine majore, nempe quintæ partis ulnæ per diametrum ducta.

Vas ad usum abstergendi calices, & lavandi corporalia ex aurichalco, stannove confectum, aut æneum paratur

retur in iniqua quæ Ecclesia, instar pelvis binis manubriis constans, atque ab uno labro ad aliud una ulna late pateat: osque habeat eminens, per quod quasi per canalem aqua inde paulatim in Sacrarium effundi possit.

Capsulæ corporalium e specioso ligno, aut certe condecoratæ ornato sint, intus vero serico, aut tenui panno lineo, circumvestitæ, forma quadrata. Habeantur autem capsulæ purificationum, quæ itidem vestitæ, atque expolitæ sint.

In singulis Sacristiis appendatur loco conspicuo tabella, in qua sigillatim descripta sint omnium Missarum, & Anniversariorum onera, quæ in illa Ecclesia ex obligatione celebrari debent, & dies itidem adnotati, quibus illa sunt persolvenda.

Habeatur præterea liber, in quo Missæ, quæ indies fiunt, a quolibet Sacerdote proprio chyrographo notentur; ut scire possimus, an Missarum obligationibus debite satisfiat.

XIV. De Sacramentalibus.

Christianæ pietatis ornamentum, in quo populum fidelem gloriari oportet, altare est cœlestis holocausti, Sacrosancta illa arbor Crucis, in qua Author humanæ redemptionis pependit Christus Dominus. Quare ad Catholicæ Religionis gloriam insignis admodum fuit ea veterum pietas, ut Crucis signum non in Templis solum, sed domi, forisque in parietibus, ac vestibulis, passimque in Civitatibus, expressum appareat, tanquam & præclarum populi Christiani trophæum, & clarissimum Divinæ misericordiæ monumentum, & sempiternum denique testimonium, quo palam fieret, fideles cum inimicis Christi nihil habere commune; sed contra eos omnes libere profiteri, quem colunt, Dominum JESUM, & hunc crucifixum. Hoc igitur Majorum religioso exemplo atque instituto excitati, Parochi omnes, in suæ quisque Parochiæ cœmeterio, vel alio insigniori loco, ex ære, vel ex lapide, aut saltem ex ligno præcipuis Christi Passionis mysteriis expressum, in foris, viisque publicis, præsertim

vero in biviis, & triviis, eminentiori loco, erigi curent: idque, ut a populis sibi creditis sedulo præstetur, frequenti admonitione efficient omnino.

Die SACRO PURIFICATIONIS Beatissimæ MARIÆ Virginis, usus ritusque benedictionis candelarum, cereorumve, cum plenus mysteriorum est, tum salutarium utilitatum, quas non solum ex orationibus, quibus Ecclesia in ea benedictione utitur, sed ex omni Rituali libro probato, Parochus, Concionatorve, eo ipso die fidelibus studiose exponat, quo religiosius illas & gestent, & habeant: nam cum illius benedictionis precatio ad alia multa referatur, tum ad hæc in primis:

Ut candelæ valeant ad sanitatem animæ, & corporis, terra, marique.

Ut de locis, ubi accenduntur, Dæmon, & quidquid Dæmonis ars molitur, depellatur.

Ut mentes, & corda fidelium igne & splendore Sancti Spiritus accendantur, illustrenturque, ac depulsis vitiorum tenebris, videant, quæ sunt Deo grata & salutaria utilia.

Ut ignis caritatis cum lumine fidei in animis accendatur, quo ad lumen æternum vitæ cœlestis perducantur.

Hæc sibi omnia a Christo Domino, qui est Deus verus, & splendor lucis æternæ, concedi precantur, intercessionem & sanctissimis meritis Beatæ MARIÆ Virginis, quicumque fideles in illius honorem candelas, quibus benedictionis preces eo die adhibitæ sunt, devote gestant.

Sacrorum CINERUM usus in Ecclesia Dei antiquissimus est, ac non solum ad significandam, sed etiam ad excitandam penitentiam introductus. Quare Parochi & Concionatores, die Dominico, qui feriam asperfusionis Cinerum proxime præcedit, salutare eas utilitates populum doceant, quas in earum benedictione multis orationibus Ecclesia petit. Atque hæc quidem præter cæteras sunt:

Ut fideles, qui SACRO Cinere asperguntur, ad intimam cordis humilitatem adjuventur.

Ut in eos benedictio cœlestis descendat,

scendat, qua adjuti, vere intimeque toto animo peccata doleant, hoc mente secum reputantes, ob hominis peccatum terram maledictam fuisse, nosque omnes in cinerem, ac terram redituros.

Ut detur corporis valetudo ad penitentiam peccatorum peragenda.

Ut anima Divino auxilio protegatur.

Ut a Deo impetremus, quæ ad illius voluntatem petimus.

Ut constanti animo in bene agendo perseveremus.

Hæc bona, quæ Mater Ecclesia pro Sacrorum Cinerum ritu a Divina benignitate precatur, ut fideles pie consequantur; Parochi & Concionatores, illo ipso die moneant, quam religiosa intimi animi pietate, quam humili contritoque corde, quam demisso vestitu ad eam actionem convenient, quamque serio secum statuere debent, illos jejunii dies in amaritudine animæ suæ traducendos ad peccatorum satisfactionem.

Hoc asperfusionis Cinerum ministerium curent Parochi, ut quilibet sive mas, sive femina pie suscipiat.

Sanctissimi præterea & antiquissimi instituti in Ecclesia Dei est, die Dominico Pascha proxime antecedente, RAMOS PALMARUM, & OLIVARUM solennibus precibus benedici, ac fidelibus tradi, qui eos in processione gestent, & domi religiose, atque decenter asservent. Et sicut ritus is, & insignem illum Christi Domini ingressum ad urbem Hierosolymam & triumphum illum commemorabilem significat, quem Passione & morte sua superatis hostibus, idem Dominus resurgens reportavit; ita aliis etiam mysteriis plenus, a Parochis & Concionatoribus explicetur, quo ardentius ad illius Religionem fideles accensi, spirituales fructus capiant, quos ipsis a Deo Ecclesia precatur. Suntque hi præsertim:

Ut accipiant mentis, corporisque vim ad salutis opem, Deique gratiam implorandam.

Ut quemadmodum rami foliis virent, ita opera nostra, & justitia; & omni virtute sancta quam florentissima sint.

Ut quocunque hi rami inferentur, ejus loci incolæ benedictionem Dei consequantur, omnique re adversa propulsata, virtute Altissimi defendantur.

Has & alias salutares utilitates Parochi, & Concionatores fidelibus exponant, ut quæ debent pietate, religiosoque animo sacros ramos capiendo, gestando, & custodiendo, ita Dominum precentur, ut per Passionem mortemque suam, qua Dæmonem superavit, & per misericordiam illam immensam, qua id egit, non solum corpora a malis tueatur, sed animæ gratiam suam cœlestem infundat; sicque ipsi multis virtutibus, bonisque operibus florentes, Christum Dominum sequantur, hostibusque omnibus devictis, ad cœlestis Hierosolymæ gaudia introducantur.

Sanctissimi item, veterisque instituti est, a Summo Pontifice Romano formas illas cereas, quas AGNUS DEI a figura impressa vocamus, solenni benedictionis ritu, multisque religiosis cæremoniis, non solum primo, sed septimo quoque Pontificatus anno consecrari. In quo consecrationis munere, sicut ille Christi Vicarius, (cujus oratio tanto majoris est momenti, quanto ejus officium in Ecclesia sublimius, & cum eodem Christo Domino conjunctius) multa sancte precatur, a Deo illis concedi, qui animo pio devotoque eos Agnos apud se habuerint, ita a fidelibus magna devotione iidem gestandi sunt, ad eosque usus religiose adhibendi, ad quos sacræ preces ex Ecclesiæ instituto referentur. Quare peculiari GREGORII Papæ VIII. Constitutione prohibetur sub pœna excommunicationis ipso facto incurrenda, ne minio, auro aut ullo colore inficiantur, neque venales proponantur.

Cum domi asservantur, ut piæ consuetudinis est, loculo decenti recondantur, cum autem in collo appensi gestantur, in thecam auream, argenteam, eburneam, crystallinamve aut alterius generis decentis, recte inclusi sint, ita ut tactu violari non possint. Nec vero ad ornatum habeat quidquam, quod profanum sit, quodque minime deceat. Neque qui illos gestant,

stant, aliquid impure, turpiterve agant, aut a Sacra huiusmodi re alienum.

Præterea nemo aliquem ex his Sacris Agnis annulo gestet. Thecarum fabri ne aliquam particulam sacræ illius ceræ, e qua Agni imago confecta est, in eis includant, quo pluris opus suum vendant, seu ab eo accipiant, qui thecam Agni causâ faciendam locarint.

XV. De Sacramentis generatim.

Sacramenta omnia, cum a Christo Domino salutis nostræ causâ sint instituta, atque ex illius Sanguine pretiosissimo vim sumpserint, ac virtutem; omni animi pietate, ac religione præstare is debet, qui illa tractaturus est, vel ministraturus; ne impure ministrans, dum aliis salutem afferre procurat, æternam sibi mortem comparet. Studeat igitur ab omni mortiferi peccati labe integrum servare animum, qui ad illa ministranda, omni fere temporis momento paratus esse debet.

Verum ut fidelium mentes ad ea percipienda, qua par est, devotione erigantur, eorum vim, ac virtutem frequenter, præsertim cum illa ministranda erunt, ex Catechismi Romani sensu, fidelibus explicabit.

Atque ut intus candida innocentia stola ornatus esse debet, ita etiam extrinsecus mundo superpelliceo, stolaque ejus coloris, qui Sacramento ministrando congruat, etiam in Sacramentalibus confessionibus audiendis, indutus sit semper.

In iis autem ministrandis omnem adhibeat diligentiam, ac sollicitudinem, cum præsertim ægrotorum nomine, vel media nocte accersetur, quo quidem tempore, neque a procellarum vi, neque rigore a gelu detineatur, quo minus, quocunque oportuerit, etiam in ultimos Parochiæ fines, eo prompte, & alacriter, nulla interposita mora, se conferat.

Sedulo quoque videbit, ne ad Sacramenta quævis aliquem admittat, nisi armis depositis, modestoque habitu, ac composito corporis gestu, aliquod reverentiæ interioris indicium exteriori cultu proferat. Neque item eos, qui solemnes fidei nostræ articu-

los, vel saltem ejusdem fidei quatuor præcipua capita, nempe Orationem Dominicam, Salutationem Angelicam, Symbolum Apostolorum, & Decalogum ignoraverint, eaque edificare non curarint.

Caveat præterea, ne pro Sacramentorum administratione, quidquam prorsus exigat, vel extorqueat, seu signis, aut verbis, aliquid tanquam pretium, vel mercedem quovis modo petat, seu de iis paciscatur: id enim non sordidæ tantum avaritiæ, sed etiam Simoniacæ pravitatis non carer suspitione. Honoraria tamen, & quidquid eleemosynæ nomine dari solitum est, prompte impendant homines laici, consuetudinem pie ac religiose introductam, sancte observantes. Illud autem videant Parochi, si id impendere aliqui renuerint, Sacramenta eis ministrare non differant, neque recusent; sed post ministerium, eorum nomina ad Nos, vel Officiale nostrum deferant, ut eos Sacrorum Canonum jure, ad piam consuetudinem observandam compellamus.

Religiosa cura in Sanctis Sacramentis ministrandis & percipiendis necessaria, cum ex ipsis mysteriis intelligi potest, tum perspicitur ex precibus, & sacris cæremoniis, quæ a Divinis, Apostolicisque traditionibus derivatæ, ac perpetuo Sanctæ Ecclesiæ usu corroboratæ, ad hæc usque tempora pie retinentur. Sacramenta enim a Christo JESU instituta, & ad communem omnium salutem proposita, cum cœlestia munera sint, atque instrumenta Divinæ gratiæ, solemnibus cæremoniis tractantur; ut eorum tum administratio sancta sit, tum perceptio plena religionis.

Ut igitur in hac Metropoli & Archidiecepsi nostra, uniformi ratione, ministrantur, librum Ritualementi inscriptum: Obsequiale, sive benedictionale, quod Agendam appellant; Sanctæ Pragensis Ecclesiæ, (qui postquam iussu nostro recognitus fuerit, ad Parochorum nostrorum commodum, Typis denuo deprometur) omnes penes se habeant; & quidquid in eo præscribitur, exacte observent, & in usum deducant. Editio autem libri Ritualis nostri,

stro, ut supra, reformando, antiquorum usum, sub gravi pœna, arbitrio nostro infligenda, omnibus plane interdiciamus.

Præterea antequam Parochus, ali-
usve Sacerdos ad aliquod Sacramentum ministrandum accedat, paululum saltem in sacræ functionis, quam obitus est, meditatione, attente versetur, atque genibus flexis ad altare aliquantulum orabit, & hanc orationem adhibere poterit, ubi propria adscripta non est.

Veni Sancte Spiritus, reple tuorum corda fidelium, & tui amoris in eis ignem accende. V. Gloria Patri, &c. R. Sicut erat, &c. & repetitur: V. Veni Sancte Spiritus, &c. Dominus vobiscum. R. Et cum Spiritu tuo. Oremus. Domine Deus omnipotens, qui me indignum propter tuam misericordiam ministrum fecisti Sacerdotalis officii; propitius esto peccatori; ut digne possim Divine clementiæ Sacramenta, fidelibus ad ea confugientibus ministrare. Per Christum Dominum nostrum. R. Amen.

XVI. De Baptismo.

Baptismi Sacramentum, cujus virtute e damnationis baratro, cui tanquam naturæ filii addicti, omnes nascimur, in Dei filios adoptamur, atque in innocentia statum restituihur; omne certe sanctitate, & gravitate ministrandum est, atque omni item cum humilitate, sanctaque modestia suscipiendum. Quare in singulis Ecclesiis Parochialibus, loco convenienti, habeatur fons baptismalis, sive baptisterium, e stanno, solidove lapide constans, non tamen spongioso, ne ex illo aqua effluat; qui forma congrua sit, & columella suffultus. In eo autem toto anno habeatur aqua baptismalis ex sacris ritibus consecrata. Is præterea serra, quæ amoveri nequeat, jugiter claudatur. Clavis autem a Parocho solo diligenter custodiatur, neminique committatur, ne quæ temeraria manus ejusmodi aquam accipere possit, vel ea superstitione abutatur.

Panno decenti continuo tegatur, non solum ad ejus ornatum, sed etiam ut aqua a pulvere, aliisque sordibus præservetur.

Licet omne aquæ genus, sive maris, sive fluvii, sive paludis, sive pu-

Tomus VIII. Concilior. German.

tei, sive fontis, quæ sine ulla adjunctione, aqua dici solet, etiam si sit lutulenta, sit sufficiens hujus Sacramenti materia, tamen extra casum necessitatis, non alia aqua in hujusmodi ministerio adhibenda est, quam ex Sanctæ Matris Ecclesiæ instituto, statis caeremoniis, & Sacrorum Oleorum admixtione, Sabbato Sancto, & Sabbato item Pentecostes, solenni ritu, consecrari solet, & in baptisterio toto anno pure, & decore asservari. In casu autem necessitatis curandum est, ut pro Sacramenti dignitate, aqua pura & munda habeatur.

Cum statis Sabbatis aqua in baptisterio renovatur, fons ipse diligenter lavetur, & locio in Sacrarium, quod juxta illud est, vel super ossa mortuorum projiciatur.

Cum autem ad aures nostras devenit, aliquos Parochos in eorum, qui baptizandi sunt, exorcismo antiquissimum Ecclesiæ Catholicæ institutum non servare, inferendi salem baptizandi ori, ad illa verba: *N. accipe Salem sapientia;* &c. &c. decernimus, ut ad Pragæ Ritualis præscriptum, ab omnibus id omnino observetur.

Videat Parochus, ubi primum infans Baptismi causa ad se delatus est, an suæ Parochiæ sit; quem si alienæ esse norit, eum, nisi instante necessitate, non baptizet, sed ad Parochum proprium jubeat deferri.

Nemini liceat quemquam intra domesticos parietes baptizare, sed natum infantem ii, quorum est ea cura, ante novum ab ortu diem, in Ecclesiam portandum curent, ut a proprio Parocho baptizetur. Permissa est tamen, si infanti periculum mortis instet, facultas baptizandi in privatis ædibus Sacerdoti, vel si is absit, alteri in Sacris Ordinibus constituto, seu si non adfuerit, Laicis, primo mari, & demum scemina, qui recte norint veram Baptismi formam, quæ est: *Ego te baptizo in nomine Patris, & Filii, & Spiritus Sancti, Amen.* Quibus verbis nihil prorsus ab ipsis addendum, vel detrahendum esse, Parochi fideles crebro admoneant, eosque doceant, necessarium esse in hujusmodi functione, quod idem, qui baptizat, & aquam infantis capiti infundat, & eodem tem-

T t t t

poro

pore præscripta proferat verba, & præterea saltem intendat facere, quod intendit Ecclesia in huius Sacramenti administratione.

Qui in casu necessitatis domi baptizabuntur, intra nonum ab ipsius infantis ortu diem, si vixerint, ad Ecclesiam deferantur, ubi exorcismi, præscriptæque cæremoniæ a Parocho adhibeantur. Si vero intra hoc spatium absque notabili vitæ, vel sanitatis corporalis detrimento, infans domi baptizatus ad Ecclesiam gestari non poterit; id cum primum per valetudinem liceat, præstetur omnino.

Antequam Parochus hoc Sacramentum ministret, diligenter investiget, an infans baptizatus sit, & a quo, & qua materia, ac qua forma. Eum vero qui baptizavit, de forma prolata, aliisque ad Baptismi essentiam requisitis interrogabit, ut certo sciat, an vere Baptismi essentialia servata fuerint.

Re autem accurate explorata, si certo noverit Baptismi formam servatam fuisse, cum hoc Sacramentum iterari non debeat, caveat, ne illum, neque etiam sub conditione: *Si non es baptizatus, ego te baptizo* &c. baptizet, alioquin sacrilegium committer, & illud impedimentum contrahet, quod Sacri Canones irregularitatem vocant.

Et si dubium relinquatur, an Baptismi essentialia sint servata, nec ne, eo casu sub illa conditione baptizetur, nempe: *Si non es baptizatus, &c.*

Infans expositus, licet appensum collo scriptum habeat, quo ille baptizatus significetur: si tamen re diligenter investigata, adhuc dubium sit, eum baptizatum esse, eadem conditionis formula baptizetur: *Si non es baptizatus, &c.*

Ex antiquissima Catholicæ Ecclesiæ consuetudine, præter Sacerdotem, qui baptizat, alii etiam adhiberi solent, qui Patrini, & Compadres vocantur. Quare Parochi fidelibus declarent, cognitionem spiritualem in Baptismi administratione ad Sacrorum Canonum, & Generalium Conciliorum præscriptum, contrahi inter baptizantem & baptizatum, baptizatique patrem & matrem; nec non inter virum & mulierem, qui baptizatum de Sacro Fonte suscipiunt, quos Compadres appellant, & ipsum

baptizatum, atque illius patrem & matrem; quæ cognatio non solum impedit Matrimonium contrahendum, sed etiam dirimit contractum. Cum autem propter multitudinem prohibitionum, multoties in casibus prohibitis contracta sint Matrimonia, in quibus vel non sine magno peccato perseverandum est, vel ea non sine magno scandalo dirempta fuerunt; Comparum pluralitatem Sacri Canones jure meritoque semper detestati sunt; ideo decernimus, ac declaramus, unum tantum, aut ad summum unum, & unam, in Baptismi ministerio, juxta Sacri Concilii Tridentini dispositionem, cum baptizato, baptizatique patre & matre, cognitionem spiritualem contrahere, etiam si plures adhibeantur, ad associandum baptizandum, cum ad Ecclesiam Baptismi causa deferretur. Parochus igitur, cum ad hoc Sacramentum conferendum accedit, unum tantummodo, sive virum, sive mulierem, vel ad summum unum & unam, ut superius diximus, ad tangendum baptizatum, cum de Sacro Fonte suscipitur, admittat, & eorum nomina in libro describat.

Vir autem & ejus uxor ad eundem baptizatum suscipiendum non admittantur.

Deligant parentes in filiorum suorum Baptismo compadres tales, quales esse oportet, qui & vitæ exemplis, & Christiana, eaque Catholica disciplina eos instruere possint.

Ad hujusmodi munus obeundum, nullo modo admittantur infideles, hæretici, excommunicati, interdicti, publice criminosi, seu infames, pueri natu minores quatuordecim annis, nec præterea, qui sana mente non sunt, nec vero Abbates, Monachi, vel Abbatissæ, aut Moniales, neque demum qui quatuor præcipua doctrinæ Christianæ capita, nempe Orationem Dominicam, Salutationem Angelicam, Symbolum Apostolorum & Decalogum non rite calluerint.

Meminerint Patrini, Compadresque, seu Susceptores, se hac potissimum lege obstrictos esse, ut spirituales filios perpetuo commendatos habeant; ad vitam Christianam instituunt; curent, ne in hæresin labantur: ac juxta S. Augusti-

gustini sententiam eos admonere non desinant, ut castitatem custodiant, justitiam diligant, charitatem teneant: & ante omnia, nisi a parentibus aut ab aliis instruantur, Symbolum, Orationem Dominicam, Salutationem Angelicam, Decalogum, & prima Catholice Religionis rudimenta illos doceant.

Parochus, Sacerdosve baptizans caveat, ne ad infantem baptizandum alio Chrismate utatur, quam eo, quod illo ipso anno consecratum est, ut veteri Canone cavetur.

Curet idem, ut infantibus proprio nomine in Baptismo appellandis, ea nomina non imponantur, quæ turpia aut ridicula sunt, quæve gentiliū, atque adeo impiorum, & impurorum hominum memoriam referant, sed illorum, qui ob veræ pietatis ac sanctæ Religionis, virtutisque Christianæ laudem, Sanctorum numero adscripti sunt; ut & in ipso vitæ ingressu, cum ethnicis ne nomen quidem commune fideles habere velle protestentur, & ipsi infantes, etiam cum ætate processerint, nominum similitudine, ad eorum, a quibus illa accepta sunt, imitationem excitentur, & præterea, quos imitari studeant, eosdem quoque frequentius precentur, ac sperent, eos potissimum sibi ad salutem tum animi, tum corporis Advocatos fore.

Moneant Parochi puerperas, ut cum primum post partum domo exierint, mox ad Ecclesiam Parochialem, Deo acturæ gratias, accedant, ubi ex laudabili Sanctæ Ecclesiæ consuetudine, benedictionem peculiaribus precibus a Parocho suscipiant. Parochus tamen hac de causâ puerperæ domum non ingrediatur, etiam si mulier ob adversam valetudinem Ecclesiam adire nequeat.

Grave atque immane facinus est, infantes per imprudentiam illorum suffocari, qui statim ac nati sunt, secum in cubile collocant. Ut igitur huic nefariæ immanitati occurramus, parentibus, nutricibus, aliisque quibuscunque districte inhibemus, ne infantem ætatis suæ anno nondum expleto, in lecto secum retineant, nec lætent, non adhibita cautione diligenti cunulatum, quæ ab hujusmodi periculo infantes præservare solent.

Tomus VIII. Concilior. German.

Vix ulla alia causa esse potest, quamobrem plures ex iis, qui adulti Baptismum suscipiunt, non modo ullam in Christianis virtutibus progressionem faciant; sed plerumque flagitiis nefariis inquinari, præcipites ad perniciem interitumque ruant, præter eam unam, quod non ita, ut par esset, affecti ipsi, nec vero ab aliis exculti, ad tantum Sacramentum accedant. Nemo igitur adultum quempiam in hac Metropoli & Archi Diœcesi nostra Pragensi baptizare audeat, nisi prius adultus ipse coram Nobis se præsentaverit, & ea præstiterit, quæ pro majori animæ suæ salute ei præscribemus.

Antequam baptizandus admittatur, sive Judæus sit, sive Paganus, sive Turca, quærentur a Nobis, vel ab Officiali nostro, testimonia certa de ejus conditione, antea acta vita, statuque omni, & ejus voluntate diligenter explorabimus, utrum ex animo, veraque pietate Baptismum petat. Si ita comperiat, illum alicui pio, & religioso viro commitemus, a quo fidei & Christianæ vitæ institutionibus accurate erudiatur; qui tum sic instructus, ad Ecclesiam ducatur communi vestitu, ut a Nobis, seu ab eo, cui id muneris delegabimus, Baptismum suscipiat: & statim albam vestem rite accipiet, sacris cæremoniis ex Sanctæ Ecclesiæ instituto adhibitis.

Et quoniam dilatio Baptismi adulti convenit, poterit plerumque ad majorem Sacramenti cultum, unum ex statibus temporibus Paschæ & Pentecostes expectari.

Interroganti Sacerdoti respondeat ipse, non patrinus; qui tamen semper assistat, tanquam pro baptizando spondeat.

Quod vero, licet horribile dictum sit, aliquando tamen evenisse comperit, aliquem scilicet ad turpem quæstum iterum Baptismum suscepisse; id ne accidat, antequam aliqui baptizentur adulti, omni studio curetur, ut isti homines, vel Judæi, vel Turcæ, qui Baptismum sibi conferri petierint, plane dignoscantur, ac statu omni, quantum licuerit, testimonium a probatis viris obsignatum, Nobis exhibeant.

Cum autem ad aures nostras devenerit, ob obstetricum infanticium plu-

res committi errores, in Baptismi administratione in casu necessitatis; præcipimus omnibus obſtetricibus noſtræ Archi-Epiſcopali juridiſtioni ſubjectis, ne hujusmodi munus exerceant, niſi a proprio Parocho ſint approbatæ. Et in primis moneantur, ut in hoc munere exercendo ab omnibus ſuperſtitionibus abſtineant.

Liber conficiatur, in unaquaque Eccleſia Parochiali diligenter aſſervandus perpetuo, in quo notentur omnes, qui in dies baptizantur, hac ratione, latino vel vernaculo ſermone:

Anno 1684. die 5. Januarii in Eccleſia Parochiali Sancti N. a me Presbytero N. ejusdem Eccleſiæ Parocho baptizatus fuit N. filius legitimus naturalis Magnif. Domini N. & Dominiæ N. ejus uxoris, natus nudius tertius. Ejus Patrinus fuit Dom. N. filius D. N. Matrina autem D. N. uxor D. N. & filia D. N.

Quod ſi filius non fuerit de legitimo Matrimonio natus, nomen tantum matris deſcribatur, ſi de ea conſtiterit.

XVII. De Confirmatione.

Quoniam ii, qui Baptiſmum ſuſceperunt, quaſimodo geniti infantes imbecilli eſſent ad viriliter contra ſpirituales hoſtes pugnandum, ideo Chriſtus Dominus, ne qua in re ſuis militibus deeſſet, Chriſmatis Sacramento, per quod S. Spiritus dona in animis fidelium, niſi obicem ponant, uberrime influunt, eos muniri voluit, qui creſcente jam ætate, ſolidiore etiam cibo indigere videntur, ut adverſus omnes carnis illecebras, mundique fraudes, & malorum Dæmonum vires atque inſidias robuſtiores evadant, ad nomen Domini noſtri Jeſu Chriſti non ore tantum, ſed factis etiam conſitendum, ſemperque & ubique locum glorificandum. Quare licet hoc Sacramentum non ſit neceſſarium ad ſalutem, tamen a nemine ſine magno peccato negligi poteſt; ſed potius in re tam ſancta, per quam Divina munera largiſſime impertiuntur, maxima quiſque uti debet diligentia, ut illud pie & religioſe ſuſcipiat.

Quamvis autem ad animarum Rectores non ſpectet hujus Sacramenti ad-

miniſtratio, cum id Epiſcopis competat, tenentur tamen ſedulo invigilare, an in propria Parochia aliqui ſint, qui Confirmationem non ſuſceperint, quos omni cohortationis officio inducant, ad eam, cum primum facultas dabitur, humiliter & devote ſuſcipiendam. Atque ut ad hujusmodi Sacramentum promptiores ſe reddant, ejus excellentiam & virtutem, ex Catechiſmi Romani doctrina, atque monitiones noſtras hoc Decreto comprehenſas, tribus diebus Pentecoſtes, & alio etiam tempore, quo illud per Nos, ſeu per Suffraganeum noſtrum miniſtraturi erimus, fidelibus exponant; videantque diligenter, ut omnibus innoteſcat cognatio ſpiritualis, quæ in hujus Sacramenti miniſterio orta intercedit; eadem enim eſt, quæ in Baptiſmo contrahitur, nempe inter confirmantem & confirmatum, confirmatque patrem & matrem: atque inter ſuſceptorem, & ſuſceptum, ſuſceptique patrem & matrem.

Septennio minores ad hoc Sacramentum non admittantur, ut facilis Confirmationis ſuſceptæ memores eſſe poſſint, quæ ſine ſacrilegio iterari non poteſt.

Quæ ad annos diſcretionis pervenerint, non ſolum jejunio, & orationibus, ſed etiam, ſi poterunt, Sacramentali Confeſſione, atque Sacræ Eucharistiæ perceptione ad illud ſe præparent, ut hujus Sacramenti effectus uberius conſequantur. Provideatur autem, ut eo die Miſſæ Sacro omnes devote interſint, ſi fieri poterit.

Ad hoc Sacramentum accedant ſideles fronte non ſordida, aut capillis, ut aliquando ex nimia contigit accedentium incuria, indecenter conteſta; non gladio aut pugione accincti, atque tam qui confirmantur, quam eorum ſuſceptores ab Eccleſia ne diſcedant, priuſquam Epiſcopalis benediſtio data fuerit.

Nulli præterea patrini, ſuſceptoresve adhibeantur, qui infideles, hæretici, excommunicative ſint, vel interditi, neque viri Regulares, nec Abbatiffæ, Monialesve, neque item eorum, qui confirmantur, parentes, filii, aut qui confirmandum levavit

de Sacro Fonte ; nec qui Sacramenti Confirmationem nondum susceperunt. Permittitur tamen , ut viris Regularibus viri Regulares , & Moniales patrinis, matrinæve respectivè esse possint.

Demum, nisi aliud necessitas postulaverit, sceminis viri, seu viri mulieres nullo modo adhibeantur.

In hujus Sacramenti susceptione fideles manus ante pectus junctas teneant; quo in statu permanebunt, quoad frons medulla panis, & aqua rectè abluta, & mappa nitida absterfa erit. Nemo autem frontem Sacro Chrysmate illitam attingat, etiam signo Crucis se muniendi causa, priusquam abluta, ut supra, sit atque absterfa.

Meminerint autem recenter confirmati, ob Sacramenti reverentiam, debere eo saltem die a frontis lotionē abstinere.

Qui literarum rudes sunt, ultra solitas orationes, Orationem Dominicam, Salutationem Angelicam, & Symbolum Apostolorum, singulis septem diebus, saltem semel recitent, memores septem cœlestium donorum, illius Sacramenti virtute sibi collatorum, in quibus religiose conservandis solicii esse debent.

Patrini omnes eorum, quos susceperunt, curam gerant, eos doctrinæ Christianæ rudimenta doceant, & cætera omnia præstent, quæ de Patrinis in Baptismo adhibitis, sancita sunt.

XVIII. De Sacra Eucharistia.

Præstantissimum Sacræ Eucharistiæ Sacramentum, a Christo Domino ad sempiternam suæ acerbissimæ Passionis memoriam, atque ad salutem nostram cœlestibus donis & gratiis communicandam institutum, qua maxime fieri potest animi pietate, puritate, humilitate, omnique religioso cultu, sumi, ac ministrari oportet.

Cum autem hoc Sacramentum in Ecclesiis honorifice custodiri consueverit, tum ut fideles ad illud adorandum, Divinamque Salvatoris nostri, qui charismatum omnium fons vere in eo est, opem in quotidianis hujus sæculi necessitatibus implorandam, sæpe con-

fugiant, tum ut gravi morbo laborantibus deferri possit ; generatim decernimus, ac sancimus, ut in omnibus Ecclesiis Parochialibus continuo servetur.

Licet autem antiquæ sit hujus nostræ Ecclesiæ Pragensis consuetudinis, ut ad dextrum cornu Altaris majoris, loco congrue ornato, collocetur ; decentius tamen est, ut, ubi fieri poterit, super majori Altari tanquam in Ecclesia loco digniori illud custodiri curent ; nisi fortasse in peculiari aliquo extra Chorum Sacello, conspicuo tamen, & insigni loco positum, consueverit decenter fervari.

Tabernaculum vero, in quo reconditum est, si e laminis argenteis, aut æneis inauratis, aliave ratione elegantius haberi non potest, saltem e tabulis scætilibus, quæ humiditatem non gignant, polite elaboratis, & reliquiarum imaginum sculptura ornatis, & inauratis, decenti amplitudine extruatur ; & in ejus summitate sit imago Christi gloriose resurgentis, & sacra vulnera exhibentis.

Si autem ita positum, ut super altare minime ascendere oporteat, ad extrahendam Sacram Eucharistiam ; ostiolo sit aptato, ut in eo Sacramentum ipsum cum vasculo ad continendas particulas consecratas pro fidelium communionē destinato, Monstrantiave reponi, aut ex eo etiam extrahi commode valeat. Quod ostiolum a parte anteriori panno serico sit adornatum.

Vacuum sit omnino a Sacris Reliquiis, atque a Sacrorum Liqueorum vasis, aliisque quibusvis rebus, ut ne inane quidem vasculum, Monstrantiave in eo reponatur.

Sub vasculo, Monstrantiave extensum continuo sit candidum corporale amilo illitum, quod singulis saltem duobus mensibus mutetur, ut mundum semper habeatur.

Bene tutum & jugiter clausum sit tabernaculum ; ejusque clavis habeat cordulam decentem ad ejus ornatum, & nullo modo clavis hæc cum aliis clavibus eadem cordula colligetur, sed eam Parochus distincte asserver, neque altari unquam committat.

Vasculum autem ipsum, Monstrantive tegumento decenti, instar pallioli, contegatur.

Monstrantia ad exponendam, vel in processionibus deferendam Hostiam magnam, si non ex auro, aut argento, saltem ex aurichalco bene aurato refulgeat, & velo vel peplo congruo ornata sit.

In unaquaque Parochiali Ecclesia unum saltem habeatur vasculum ad retinendas particulas consecratas, ad usum Communionis fidelium, etiam infirmorum. Quod si ex auro vel argento non erit, saltem cupam habeat ex argento, ab interiori parte inauratam. At pes & operculum ex aurichalco esse poterit inaurato.

Quinque saltem particulae consecratae, sint semper in praedicto vasculo; vel etiam plures, ubi Parochiae frequentia, vel magnus graviter agrotantium numerus id requirit, quae saltem semel in mense mutantur, praesertim feria quinta, si commodum erit, in qua Christus Dominus hoc Sacramentum instituit. Idque fiat ex Hostiis non ante viginti dies confectis.

Hostia magna consecrata nunquam relinquatur, nisi cum vel populo orationis publicae causa ad orandum exponenda fuerit, vel in processionibus deferenda.

E Regione Sanctissimi Sacramenti prae luceat continuo, eum noctis tempore, lampas munda, loco convenienti posita, vel appensa.

In Ecclesiis Parochialibus, ubi Fraternitas Corporis Christi erecta non est, erigatur infra tres menses proximos, & eas regulas, ac praescriptiones Confratres observent, quae jussu nostro edentur.

Unicum saltem habeatur caelum, sive baldachinum ad Sacram Eucharistiam contegendam, cum in processionibus vel ad infirmos deferatur; quod si pretiosius haberi non potest, saltem e panno subserico, vel alias congruo conficiatur, habeatque hastilia saltem quatuor decenter picta.

Cum autem Sacra Eucharistia ad infirmos deferatur, per vias asperas,

seu glacie, vel luto lubricas, habeatur bursa e serico ornatissima, ad includendum vasculum Sacram Eucharistiam continens, quae bursa cordulas habeat e serico, Sacerdotis collo decenter appendendas.

Velum item adhibeatur majus, quod congruum sit, & latum sicuti veli tela, atque longum ulnis quatuor, vel quinque, ut non ipsum vasculum tantum, sed ipsius etiam deferentis Parochi humeri contegantur.

Cum Sacra Eucharistia ad infirmos deferatur, Clericus aliquis, seu Aedituus omnes praecedat; tintinnabulum continuis ictibus pulsans, ut homines admoneantur, & invitentur ad eam pie adorandam, & associandam. Adhibeatur item Crux decens ad hunc usum destinata, in qua Christi Domini imago, decore expressa, pietatem excitet. Ea autem infirmo porrigatur a Sacerdote, ut ad sacrorum rituum praescriptum, ipsam adoret, priusquam Sacram sumat Communionem.

Praeterea in singulis Parochiis duae habeantur laternae magnae, vel saltem una, in hujusmodi functione adhibenda, quae furente etiam vento, lumen accensum defendat.

Cum ad aliquem infirmum deferenda est Sacra Communio, plures particulae consecratae in vasculo reponantur, quarum altera infirmo exhibita, saltem una ad Ecclesiam sub baldachino cum eodem honore, & cereorum accensorum comitatu referantur, nisi cum extra urbes, oppidave, seu de pago ad pagum, & per asperas, difficilesque vias eundum est, quo casu, tot tantummodo particulae deferantur, quot erunt infirmi communicandi.

Sacra Communio ad aegrotum non deferatur, nisi is eam vere sumpturus sit; si vero aliquando occurrat, ut dum ad illum Parochus venit, morbo ita affectum eum inveniat, ut illam tunc ei ministrare rite non possit; collocato vasculo super corporali, in mensa eo nomine appolata; paululum moretur, dum flexis genibus una cum ceteris, qui adsunt, ac potissimum cum aegroti ipso sancte oret; ac postea recessurus Eucharistia vasculo inclusa infirmo

firmiter benedicat. Quod si ægrotus ipse id vehementer exoptat, Sacramentum, aperto etiam vasculo, liceat ostendere adorandum.

Parochus ad ægrotos hoc Sacramentum allaturus, diligenter præmoneat eos, ad quos infirmi cura spectat, ut ægrotantis cubiculum ab omni sorte purgetur, & amota omni re profana, pio apparatu, & sacris imaginibus, ubi potest, exornetur: tum præterea mensa mappa munda constricta appareatur, in qua super corporale vasculum cum Sanctissimo Sacramento collocari possit.

Antequam ægrotum Sacram præbeat Eucharistiam, illius fidem & devotionem, pro personæ & temporis ratione, gravi & brevi sermone, ad libri Ritualis Pragensis præscriptum, excitare curet. Statim ac Sacram Communionem infirmo ministraverit, digitos vino & aqua abluat, & ipsi infirmo ejusmodi ablutionem præbendam curet.

Ad saluberrimum hujus Sacramenti frequenter sumendi usum, Parochi, Concionatores, & Confessarii fideles continuo cohortentur, atque ex ceteris nascentis Ecclesiæ institutis, ac exemplis, & omnium Sanctorum Patrum consentiente doctrina, atque Oecumenicæ Synodi Tridentinæ sententia (quæ optaret quidem fideles in singulis Missis, non solum spiritali affectu, sed prius confessos Sacramentali etiam Eucharistiæ perceptione communicare) curabunt certe, ut præter Paschalem Communionem, quæ Sanctæ Ecclesiæ præcepto necessaria est, saltem in præcipuis Solennitatibus, veluti die Natali Domini, Epiphania, Pentecoste, Ascensione Domini, celebritate Corporis Christi, Festo omnium Sanctorum, ac præterea in Festis majoribus Deiparæ Virginis, Sacra Eucharistia se reficiant. Crebris etiam monitis illud, quod Beatissimus SILVERIUS Pontifex statuit, in consuetudinem studebunt revocare, ut qui sæpius non communicant, diebus saltem Dominicis, Quadragesimæ & Adventus, ac feria quinta Ccenæ Domini, prævia Sacramentali confessione Corpus Domini sumant.

Eam quoque consuetudinem introducant, ut quoties quis iter longum, aut infestum, remque arduam ac difficilem, etiam in qua nullum mortis periculum extimescendum sit, aggreditur; qui itidem in aliqua gravi perturbatione, vel ex filiorum, conjugisve obitu, vel ex bonorum amissione, vel ex alia re adversa affligitur, Sacram Communionem confessus suscipiat; idemque faciat itinere, vel negotio difficili, quod suscepit, confecto, vel quocunque beneficio accepto, gratias Deo acturus, hujus Sacramenti sumptione, in quo præcipua quædam ratio inest, qua Omnipotenti DEO pro immensis in nos collatis beneficiis, aliquam gratiam pie referamus. Curent item, ut mulieres proxime parturæ idem præstent; ac præterea cum primum a puerperio ad Ecclesiam accedunt.

Ad Sacram Communionem non admittantur hæretici, schismatici, excommunicati, interdicti, publice criminosi, meretrices, publici concubinarij, fœneratores, magi, sortilegi, & alij in peccatis & statu damnationis perseverantes. Si vero ejusmodi ab eo damnationis statu respicientes, servatis servandis, a censuris Ecclesiasticis, & peccatis admissis legitimam obtinuerint absolutionem; ad Sacram Communionem admitti poterunt.

Pueris item & infantibus, qui propter ætatis imbecillitatem, nondum hujus Sacramenti cognitionem habent, Sacram Eucharistiam nemo audeat ministrare, sub pena suspensionis a Divinis, ipso facto incurrenda. Si autem cum ad annos discretionis pervenerint, qui ut plurimum duodecimi anni sunt, ad Communionem admittantur, dummodo prius a Parocho, Confessariove diligenter examinentur, atque de vi & ratione hujus Sacramenti pie instruantur, ut ad illius virtutem, & admirabiles effectus cognoscendos, piæque animi reverentiam amplectendam, excitentur.

Nemo autem ad hujus Sacramenti sumptionem accedat cum conscientia peccati mortalis, nisi prius contritus, & Sacramentaliter confessus fuerit, alioquin peccato mortali se obstringeret.

Non

Non solum monendi sunt fideles, ut jejuni (nisi ob infirmam valetudinem in periculo mortis sint constituti; iis enim, etiam si jejuni non sint, Sacra Communio per modum Viatici ministrari potest) ad Sacram Mensam accedant, ita ut saltem a media antecedentis diei nocte, usque ad illud temporis punctum, quo Eucharistiam sumunt, nihil omnino per modum cibi, potusve, aut medicinæ commederint, seu biberint, aut sumpserint; alioquin peccatum mortale admitterent; sed etiam cohortandi, ut pridie, quo illam sument, jejunium celebrent, aut saltem parcius cænent, & partem noctis in orationibus, piisque meditationibus vigilent, aut saltem prolixius orent, quam soliti sunt. Summa reverentia, omnique humilitate, ac genibus flexis, ad eam sumendam accedant, oculis non vagis, sed in Christi Corpus pie conjectis, & gladio, pugione, aliisque armis omnino depositis.

Antequam Sacra Communio fidelibus præbeatur, fiat Confessio generalis, clara voce, lingua vernacula, precationibus illis adhibitis, quas in Titulo: *de Verbi prædicatione*, præscripsimus; in ipso autem ministerio adsint duo Clerici, seu Æditui, qui mantilia, mappasve, vasculo sacratas particulas continenti suppositas, sustentent.

Raro communicantes non ante ad Sacram Communionem Parochus admittat, nisi iis diligenter explicaverit, quam immani scelere ex Apostoli sententia obstringatur, qui indigne illam sumit: debet enim se ipsum probare, quicumque ad salutem, non autem ad iudicium & condemnationem, celestem illum panem manducare voluerit.

Hoc institutum, quod antiquissimi ritus est, religiose servetur, ut infra Missarum solemnias, postquam scilicet Sacerdos Sanguinem sumpserit, Sacram Communionem fidelibus ad eam accedentibus ministret. Nec vero tamen eam alio tempore ministrari, cum occasio tulerit, vetitum sit.

Omnes adhibeant diligentiam Parochi, ut unusquisque in sua Parochia Ecclesia hoc Sacramentum in Paschali

celebritate sumat, quemadmodum est Sanctæ Matris Ecclesiæ præceptum; ideo in Quadragesima populo promulgabunt, atque adeo explanabunt Constitutionem illam in Concilio Lateranensi, ab INNOCENTIO Tertio Pontifice Maximo editam, cujus initium est: *Omnis utriusque sexus*. Tempus autem Paschale Communionis est a Dominica Passionis usque ad Octavam Paschæ inclusive. Quod si festum Annuntiationis Beatissimæ Virginis ante Dominicam Passionis occurrerit; qui eo die a proprio Parocho Sacram sumpserint Eucharistiam, Ecclesiasticæ illi obligationi satisfacient.

Moneant Parochi Patres familias de cura per eos adhibenda, ut eorum filii, alii, qui de eorum familia sunt, debito tempore peccata sua Sacramentaliter confiteantur, & Sacram sumant Eucharistiam.

Advenæ & peregrini, cujusvis status, & conditionis, qui tempore Paschali in hac urbe fuerint, ad Ecclesiam Metropolitanam ad Sacrosanctam Eucharistiam sumendam accedant, neque eis ab aliis Parochis ministretur.

Videant Parochi diligenter, an aliqui sint, qui præstituto tempore Paschali in propria Parochia non communicarint, si quos compererint, eos statim ad Nos deferant, ut ad Sacrorum Canonum præscriptum, ingressu Ecclesiæ interdicti declarentur, & si sic decesserint, careant Ecclesiastica sepultura.

Si qui testimonium Confessarii manu obsignatum Parocho attulerint, quo aliqua ex causa eis differatur terminus sumendi Sacram Paschalem Communionem, si prorogatio hujusmodi ultra quindecim dies per Octavam Paschæ duraverit, eorum nomina Parochus Nobis denuntiet, ut quidquid eorum saluti judicabimus expedire, decernere possimus.

Qui vero tempore Sacræ Communionis Paschalis, in carcere detenti fuerint, eos Parochi, intra cujus Parochiæ limites carceres consistunt, visitent, & ad illos, postquam peccata sua Sacramentaliter confessi fuerint, Sacram deferant Communionem; aut si Sacella fue-

fuertint conjuncta, ibi ad illos communicandos celebrent.

Ut igitur omnibus innotescant ii, quibus in hac urbe, hujusmodi cura in posterum incumbet, decernimus, ut iis, qui in carceribus Civitatis veteris detinebunt, Sacramenta ministret, qui a Nobis curam animarum habet in Ecclesia S. Jacobi. In Civitate parva, qui Parochialia munera exercet in Ecclesia S. Thomæ. In Raczino Parochus S. Benedicti. In Arce aliquis ex Concinatoribus Basilicæ Metropolitanæ nostræ, ab ejusdem Ecclesiæ Decano moneendus. Idque statuimus, donec aliter Nobis, Officialive nostro visum fuerit.

Cum autem Itali plures, alique nonnulli, sive Clerici, sive Laici, requirant a Parochis, aliisque Ecclesiasticis attestaciones Sacræ Confessionis, & Communionis, & aliarum actionum Catholicam Religionem concernentium; caveant omnes, ne aliquam attestacionem conficiant, nisi de iis, quæ certo sciunt vera esse. Atque ut in hujusmodi attestacionibus, omnis fraus, aut fraudis suspicio tollatur; ne eas alicui tradant, nisi prius a Nobis, Officialive nostro recognitæ, scriptove confirmatæ fuerint.

Si qui ob infirmam valetudinem, etiam si in Hospitalibus sint, tempore præstituto ad Ecclesiam accedere non possunt, ut Sacram sumant Eucharistiam, illam intra eundem terminum Parochus domum deferat, ut Ecclesiæ præcepto satisficiant, & fructus uberimos, spiritualesque utilitates, ex hujus Sacramenti perceptione provenientes, non amittant. Qui tempore Paschæ a Parochia abfuerit, cum primum domum redierit, vel attestacionem legitimam Parocho exhibeat, se prævia Confessione Sacramentali, Sacram Communionem sumpsisse; vel intra sex dierum spatium, confessus, a proprio Parocho illam sumat; alioquin interdicti Ecclesiastici pœnam subeat, & sic decenter careat Ecclesiastica sepultura.

Nemo ad Sacram Communionem Paschalem admittatur, nisi prius attestacionem in scriptis exhibuerit, Confessarii subscriptione munitam, se pec-

cata sua idoneo Confessario confessum fuisse, & ab eo absolutionem impetrasse.

Nemo Regularis extra Ecclesias sui Ordinis, Clericis vel Laicis, Sacramentum Eucharistiæ ministrare audeat, absque facultate nostra, aut saltem proprii Parochi; alioquin excommunicationem incurrit ipso facto, Summo Pontifici reservatam.

Sacram autem Communionem Paschalem, quæ a Dominica Passionis usque ad Octavam Paschæ ab omnibus fidelibus sumi debet, neque etiam in sui Ordinis Ecclesiis, ministrent; cum id ad Parochos, non autem ad illos Sacerdotes, etiam si Regulares sint, spectet.

Omnes utriusque sexus Christi fideles in Domino hortamur, ut feria quinta Cœnæ Domini ad nostram Metropolitanam Basilicam se conferant, & a Nobis, tanquam præcipuo totius Ecclesiæ Pragensis Pastore, Sacram sumant Eucharistiam. Qui id præstiterint, paschali obligationi satisficient, ac si in propria parochia illam sumpserint.

Quo autem religiosius Sanctissimi Corporis Christi Domini celebritatem colant, Parochi, die Dominico solennitatem præcedente, paterna charitate, gravique sermone illos de his præmoneant.

Ut confessi, vel in Solennitate, vel intra Octavam, Sacram Communionem sumant. Ut pro facultatibus elemosynam dent, ut pure, casteque in orationibus frequentes, atque assidui sint, & in pietatis Christianæ exercitationibus versentur. Ut pridie Solennitatis jejunent, ut & in Solennitate, & reliquis deinceps septem diebus, ad Vespertinum & Matutinum, aliarumque Canoniarum Horarum Officium, & Missæ solennis Sacrum conveniant; atque processioni solenni, cereum accensum manibus gestantes, pie intersint.

Ut autem ad ea Christianæ pietatis officia fideles magis inflammentur, per eosdem Parochos, Indulgentiæ a Summis Pontificibus URBANO IV. CLEMENTE V. MARTINO item V. & EUGENIO IV. unicuique pœnitenti, & confesso concessæ evulgentur. Sunt autem hæ:

Jejunantibus pridie Solennitatis Indulgentia concessa annorum centum. Iis, qui primis Vesperis, quive in Solennitate Missæ solenni, Horis matutinis, ac secundis Vesperis intererunt, pro singulis hujusmodi Officiis, concessa est Indulgentia centum annorum. Qui Primæ, Tertiæ, Sextæ, Nonæ, & Completorii Officiis aderunt, Indulgentia iis datur quadraginta annorum pro singulis Horarum Officiis. Qui intra Octavam Vespertino, Matutinoque Officio, & Missæ solennis Sacro aderunt, Indulgentia item datur annorum centum.

Ut Processio, quæ in celebritate Corporis Christi, ubique fieri solet, debita reverentia, solennique apparatu, atque omni religioso cultu, peragatur, tam in hac Urbe, quam per universam Archi-Diecesim, viæ, per quas transire debet, diligenter mudentur, & auleis, pannis, picturis, floribus, frondibusque virentibus, pro Civitatum, locorumve ratione, ornentur. In ea autem, & in aliis item, in quibus Sanctissimum Sacramentum deferitur, Canonici singuli, & qui dignitates obtinent, tam in Metropolitana, quam in Collegiatis Ecclesiis, & cæteri item Clerici, cereas faces, candelasve forma convenienti accensas, aperto capite, ferant.

Cum vero occasione orationis quadraginta horarum, vel alia gravi de causa a Nobis, Officialive nostro approbata, Sacra Eucharistia exponenda est; ea super altari majori collocetur, debito apparatu, & ornatu, ac convenienti cereorum accensorum numero religiose adhibito.

Tam in exponendo, quam in reponendo Sacramento processio fiat per Ecclesiam cum ipsa Sacra Eucharistia, adhibito convenienti apparatu, & debito luminum numero, ut in solennibus processionibus observari convenit.

Dum illa in altari exposita est, pro ejusdem custodia, semper unus saltem Sacerdos, Sacrisve initiatus, tanquam in statione collocatus, excubet, atque in assidua precatone, sanctaque meditatione vigilet.

XIX. De Sacrosancto Missæ Sacrificio.

UT Sanctissimum Missæ Sacrificium, in quo idem ille Christus continetur, & in altari quotidie a Sacerdotibus, in remissionem peccatorum, incruente immolatur, qui in ara Crucis semel se ipsum cruenta morte obrulit; ea, qua decet, cordis munditia, & puritate, atque exterioris devotionis, ac pietatis specie peragatur, hæc decernimus.

Sacerdos, qui, ut ait Apostolus, inter homines in iis, quæ sunt ad Deum, electus est, ut offerat dona & sacrificia pro peccatis populi, secum ipse frequenter consideret, quanti sit munus sibi commissum, victimam illam sacratissimam pro peccatis populi immolandi, & uti sapius celebrare debet, ne tanto, tamque admirabili dono & beneficio fraudet Ecclesiam Dei; ita quoque eum eniti par est, ut omni animi pietate, ac religione Sacrosancta illa, & illibata offerat dona, ne cum aliis opem imploraverit, ipse sibi exitium paret. Celebraturus igitur diligenter prius discutiatur conscientia suæ latebras, & si peccati mortalis sibi conscius fuerit, quamvis sibi contritus videatur, absque præmissa Sacramentali Confessione, ad Missam faciendam non accedat, etiam si ex officio celebrare teneatur, modo non desit ei copia Confessoris. Quod si necessitate urgente, absque prævia confessione, celebraverit, quamprimum confiteatur. Mente præterea recogitet, ac pie meditetur, Mysterii, quod tractaturus est, altitudinem, atque excellentiam, propriamque sui ipsius miseriam, ac vilitatem, & suum in diligendo Deo torporem, totumque se in immensam illius misericordiam projiciens, interno cordis clamore se tanto Hospite indignum esse cognoscat, & coram Domino fateatur.

Tum primæ Horæ Officio, aut saltem Matutino, & Laudibus persolutis, ad Sacristiam, Oratoriumve se recipiat; & aliqua ex orationibus, quæ ante Missam recitare præscribuntur, in Missali seu tabella ibi appensa notatis, recitata; ad lavacrum manus abluat, &

sacris

sacris vestibus se induat; atque ad singula indumenta, singulas orationes dicere non omittat.

Nemo Sacerdos utatur calice æ stanno, aliove, qui cupam saltem interius deauratam non habeat; neque item calice non consecrato, seu corporali non benedicto; neque præterea urceolis, ampullisve fictilibus, alioquin suspensionis a Divinis pœnam subibit.

Super Altare habeantur tres mappæ congruæ, & mundæ, sine quibus nullibi celebretur. Corporale sit mundum, & amylo illicitum. Stola, & manipulus sint ejusdem materiæ & coloris, quibus constat planeta. Missale sit congruum, non lacerum, & habeat registrum sive cordulas decentes. Purificatorium item mundum & præscriptæ magnitudinis. Et breviter: paramenta omnia, & altaris ornamenta sint congrua, & ea forma confecta, quam superius præscripsimus.

Quod ad Episcopalis Ordinis observantiam, in Ecclesia institutum est, id omnino servetur, ut quo in altari nos Missam fecerimus, ne illo die in eodem alius quivis Sacerdos celebret, nisi nostro concessu. Idem observetur in altari, in quo quivis Episcopus celebravit.

In Missæ celebratione; omnia sedate, graviter, ac districte pronuntiare studeat, nimiam quidem fugiens prolixitatem, atque inprimis properam, ac inde votam celeritatem.

Missæ initio Psalmum, qui incipit: *Judica me Deus*, atque in fine Sancti Joannis Evangelium (*In principio erat Verbum*) nunquam omittat, nisi iis diebus, quibus ex Missalis Rubricis, aliter est observandum. Ea autem ad ipsum altare, non in recessu a Sacristia ad altare, neque in recessu ab altari in Sacristiam pronunciet.

In iis autem, quæ ex Sanctæ Matris Ecclesiæ instituto, secreto dicuntur, pronuntiandis, cautionem illam adhibeat, ut distinctum quidem verborum sonum ipse percipiat, at ne ulla ratione ab iis, qui præsentibus sunt, audiat. Canonem vero, quanta maxima potest attentione, pronuntiet, ac

præsertim Sacrosancta illa verba, quibus Corpus, & Sanguis Domini conficitur; quæ quidem non memoriter, sed ex tabella, ad omnia altaria adhibenda, sive ex Missali, recitari debent, ne errorem aliquem in consecratione committi contingat.

Sumpto Sanguine, primo vino tantum Sacerdos se purificet; deinde digitis vino, & aqua dilutis, ablutionem sumat.

Cum in medio Missæ manus abluerit; videat, ne altaris mappa illas abstergat, sed linteolo ejus rei causa & Sacristia allato.

Missæ absoluta, in Sacristiam, eadem gravitate, redeat, & preces pro gratiarum actione recitando, sacra vestimenta exuat; iterumque ablutis manibus, ad Oratorium se recipiat, ubi aliquantulum pie meditetur.

Cum ad altare accedit, birreto Clericali quadrato caput opertum habere procuret, vel saltem parvulo birreto, quem mitram Sacerdotem vocant; neminemque alloquatur, vel cuiquam respondeat. Sacræ Cruci se profunde inclinet. Sanctissimo Sacramento intra tabernaculum posito, capite operto, reverentiam faciat, altero genu usque ad terram flexo. Si autem erit expositum, idem faciat capite aperto; quod etiam servandum est, cum ante altare, in quo Sacra Eucharistia asservatur, est transeundum.

Ne birretum, aut linteolum, ad nates emungendas destinatum, hostiarumve scatulam seu claves, & id generis alia, super altari ullo pacto ponat.

Cum autem ad altare accesserit celebraturus, neminem plane expectabit, neque ceptam Missam ad cujusvis instantiam iterum incipiat.

Si coram aliquo Cardinali, Legato, seu Nuntio Apostolico, aut hujus Ecclesiæ Archi-Episcopo pro tempore existenti celebret; dicto Evangelio, ad Sacrarum Cæremoniarum præscriptum, deferatur ei liber Evangeliorum, sive Plenarium deosculandum, & pariter post *Agnus Dei*, pacis tabella, quam Pacificale dicunt; & antequam in fine Missæ benedicat, faciat

ipsi Cardinali, Legato, seu Nuntio Apostolico, vel Archi-Episcopo, profundam reverentiam.

Atque ut multa paucis comprehendantur; accurate studeat, nullam ex statis cæremoniis, ac ritibus, antiquissimo hujus Sanctæ Ecclesiæ Pragensis Missali connotatis, prætermittere. Quod Missale a piis, & doctis viris jussu nostro recognitum, ad majorem hujus Metropolis, & Archi-Diœcesis nostræ utilitatem, & decorem, typis excudetur.

Genu flexiones in Missæ celebratione, aliisve functionibus Ecclesiasticis, tam a Canonicis, quam ab aliis Sacerdotibus, & Clericis quibuscunque faciendæ, semper in plana terra, nempe altero genu usque ad terram flexo, hant, non autem sæcularium more, pedem retrahendo.

Illud præterea observandum est, ut quoties Canonici directe transeunt ante altare, ubi Sanctissimum Sacramentum non asservatur, vel ante Archi-Episcopum pro tempore existentem, caput & humeros profunde inclinent; cæteri vero Sacerdotes, & Clerici, Altari, & Archi-Episcopo distinctas reverentias faciant, altero genu ad terram flexo.

Ut autem in posterum in Sacrarum Cæremoniarum pericia debita adhibeatur diligentia; iis omnibus inhibemus, qui Sacerdotali Ordine initiabuntur, ne Missam primam, quas Primitias dicunt, celebrare audeant, nisi prius a Basilicæ nostræ Metropolitanæ Archi-Diacono, aliove, cui id curæ dederimus, in Sacris Cæremoniis obeundis approbati fuerint, & facultatem a Nobis, Officialive nostro scripto obtinuerint, quæ per verbum PLACET, exprimi solet, pœna suspensionis contravenientibus proposita, quam eo ipso subeant.

Sumptuosa autem convivia, ludos, choreas, & omne inanium oblectamentorum genus, aliosve abusus, qui novæ Missæ celebrandæ causâ irreferunt, tollimus, & abrogamus.

Præterea ut aliqua ineatur ratio, qua Sacerdotes rite ordinati, & nulla censura Ecclesiastica innodati, & nulli

alii ad celebrandam Missam admittantur; statuimus, ut nemo Clericus, vel Laicus, in suis sæcularibus Ecclesiis, Capellis, vel Oratoriis, quamvis a Nobis probatis, etiamsi Juris Patronatus fuerint, quemquam Sacerdotem sæcularem, qui advena sit, vel peregrinus, celebrare patiatur, nisi ostenderit formata, literasve testimoniales, seu dimissorias Ordinarii sui, intra sex mensium spatium ad summum datas, & a Nobis, Officialive nostro recognitas, & scripto comprobatas: in qua recognitione exhibere teneantur testimonium scriptum, de eorum vita & moribus ab iis Ordinariis, in quorum Diœcesi, post literas dimissorias a suo Episcopo obtentas, aliquamdiu permanserint.

Quod autem de Sacerdotibus sæcularibus præscripsimus, illud etiam locum habere volumus in Regularibus cujusvis Ordinis, & instituti, etiam exemptis, qui absque suorum Superiorum facultate, literisque testimonialibus de eorum vita & moribus, nulla ratione admittantur ad celebrandum in Ecclesiis, Oratoriisve, seu Capellis, etiam Laicalibus, nostræ Archi-Episcopali jurisdictioni subiectis.

Sacerdotes, qui publice & notorie criminosi fuerint, a Missæ celebratione abstineant, nisi emendatæ vitæ indicia certa dederint.

Una tantum Missa celebretur in die a quolibet Sacerdote sæculari, vel regulari: excipimus tamen celebritatem Nativitatis Domini, in qua, ex Sanctæ Ecclesiæ instituto, singuli Sacerdotes tres Missas celebrare possunt. Qui extra prædictam solennitatem quavis occasione vel prætextu, pluries celebrarit, suspensionem a Divinis ipso facto incurrat.

Missæ nec ante auroram, nec post meridiem celebrantur, cum id a Sacris Canonibus abhorreat, excepta nocte Nativitatis Domini, in qua post mediam noctem, statim Missa prior fieri potest, & a quolibet Sacerdote ante auroram celebrari permittitur, quod etiam a Regularibus servetur. Neque ferendum est, quod alicubi Sabbato Sancto, seu in Vigilia Assumptionis Be-

Beatæ Virginis, aliisve quibusvis diebus, vespere seu omnino post meridiem, Missa fiat, neque etiam vigore cuiusvis privilegii a Sede Apostolica, ante Concilium Tridentinum obtenti; huiusmodi etiam privilegia peculiari PII Papæ Quinti Constitutione abrogata sunt. Qui contraria fecerit, suspensionem a Divinis ipso facto incurrat.

Antiquissimus usus celebrandi cum cantu, per totum Adventum, summo mane, Missam de Beata Virgine, quæ *Rorate* appellatur, laudabilis est & fidelium devotioni, ac pietati apprime accommodatus; ideo in omnibus Ecclesiis hujus Metropolis, & Archi-Diœcesis nostræ perpetuo retineri poterit, & observari.

Nullus Sacerdos, etiam Regularis, in privatis ædibus, aut omnino extra Ecclesiam & Oratoria, quæ Divino tantum cultui dicata, & a Nobis approbata sint, Missam celebret.

Oratoriorum autem ædificatio, aut usus ad Missam in eis celebrandam, non facile, sed magna de causâ permitti debet, in eis enim designandis, vel probandis hæc servari volumus: ne sint in interiorum ædium partibus, in quibus Domini, vel familia frequentius versentur, sed commodo & honesto loco, a cubiculis, tricliniis, & ab aula separato; atque ad templi formam, & regulam propius accedant.

In huiusmodi vero Oratoriis nemo dormiat, nihilque fiat, traçetur, aut exerceatur, quod profanum sit; nullæ cistæ profano usui destinatæ, nihilque ex domestica suppellectile, nihilve aliud sacris locis alienum, in eis afferretur, alioquin eo ipso interdicta sit in illis Missæ celebratio.

Altare habeant forma præscripta constructum, cum tabula lapidea, petraque sacrata, quod altare portatile dicunt, omnibus ornamentis, & paramentis instructum, ut superius statui-mus, cum de Altaribus egimus.

Videant autem ii, quibus concessa fuerit facultas huiusmodi Oratoriorum, ne passim in eis celebretur, sed tantum in casu necessitatis, præsertim infirmitatis.

Diebus autem Festivis, & præcipue solemnioribus, non in privatis Oratoriis, sed in Ecclesia Metropolitana, Collegiata, seu Parochiali, si fieri potest, Missæ Sacro intersint. Nullo autem modo in huiusmodi Oratoriis (extra diem festum Patrocinii) Missa cum cantu celebretur; nec Sanctissimum Sacramentum expositum teneatur ad adorandum, quavis occasione vel causâ, neque etiam in festo Patrocinii, neve in majori hebdomada sub Dominici sepulchri nomine, & prætextu, cum Sacra Eucharistia in iis tantum Ecclesiis exponenda sit, in quibus continuo asservari consuevit, ut in Collegiatis, & Parochialibus. Sacerdotes in hoc delinquentes, noverint se a Nobis graviter puniendos.

Nulli Sacerdoti sæculari, vel regulari, etiam si generalem celebrandi facultatem a Nobis, Officialive nostro obtinuerit, in Monialium Ecclesiis, Missæ Sacrum facere licet, præterquam cui nominatim id concessum fuerit.

In nostra Metropolitana Basilica nemo ad altaria constructa super tum-bis Sanctorum Patronorum celebret, absque licentia Decani ejusdem Ecclesiæ.

Hostiæ in Missa consecrandæ, non a laicis personis, sed ab Ecclesiasticis, Monasteriisve sumantur. Eæ autem azymæ sint, non fermentatæ, atque ex sola aqua naturali, & farina consecræ, non mucidæ, non putres, non maculis aspersæ, non contractæ; sed omnino recentes. Et quæ ante mensam coctæ sint, nullo modo consecrentur.

Vinum purum adhibeatur in Missa, quod non acidum, non corruptum, non herbis, aliisve rebus conditum sit, atque ob decorem & munditiam, si fieri possit, album habeatur.

Clericus, vel alius Laicus rite instructus intersiat Celebranti; id autem munus nulla ratione obeatur a femina quavis, etiam si Monialis sit.

Ante Missæ cuiusque initium, etiam si sine cantu fiat, duæ saltem candelæ accendantur, quæ e cera omnino sint, & decenti crassitudine, non autem e sevo. Eæ autem nullo modo extinguantur, priusquam ultimum Missæ Evangelium recitatum sit.

Antiqua & laudabilis hujus nostræ Ecclesiæ consuetudo orandi in Missarum celebratione pro Papa, Antistite, Rege, ac Regina, perpetuo servetur, ac pie retineatur.

Cum Corpus Domini nostri Jesu CHRISTI elevandum est in Missa conventuali, parochialive, signum detur campanæ sono, ejus significatione fideles, qui in Ecclesia Missæ Sacrificio non interfunt, admoniti, ad tanti mysterii, ac beneficii recordationem animum excitantes, mente supplici religiosas preces adhibeant.

Feria V. Cœnæ Domini & Sabbato item Sancto in nostra Metropolitana, atque in unaquaque Ecclesia Collegiata, Parochialive, unica tantum Missa celebretur; unica præterea Missa fiat in Ecclesia Monialium. In aliis autem Ecclesiis, Oratoriisve, etiam laicalibus non celebretur hoc triduo.

Feria sexta in Parasceve nullibi fiat Missa cum consecratione ex sacris ritibus. Canonici autem omnes, ac reliqui item Sacerdotes, & Clerici in hac urbe degentes, in solemnem ejusdem diei officio, Sacramentaliter confessi, Sacram sumant Eucharistiam, habeantque Sacerdotes in ejusmodi sumptione stolam a collo pendentem, supra superpelliceum, ad Sacrorum Canonum præscriptum.

Quo die Summus Pontifex Romanus Consecrationis, Coronationisve insignia accepit, pietatis ratio postulat, in eo precationem a Clero adhiberi, quamobrem tam in Metropolitana, quam in omnibus Collegiatis Ecclesiis, quot annis, eo die, Missa sollemnis celebretur, ut in festo Cathedralis Sancti Petri, in albo apparatu, cum sola oratione, quæ solet dici pro Papa: *Deus omnium fidelium Pastor & Rector*. Et dicatur: *Gloria in excelsis*, ac *Credo*, cum Præfatione *de Apostolis*. Parochi omnes eandem Missam faciant absque cantu. Si vero hujusmodi Anniversarium in die aliquo festivo venerit, Missa de Festo celebretur, cum paramentis Festo convenientibus, & in ea pro Papa oretur statuta illa oratione: *Deus omnium fidelium*. Atque ob eam quidem causam, in Anniversario hujus Ecclesiæ Calendario,

Consecratio Pontificia die suo notetur, tum etiam de more denuntietur; ut universus Clerus, & populus item, excitetur ad preces pro illo adhibendas.

Præterea ex FELICIS Papæ Quarti Decreto, singulis annis, in Anniversario Consecrationis Archi-Episcopi hujus Ecclesiæ Pragensis, pro tempore existentis, fiat Missa sollemnis, eodem modo, & apparatu, atque iisdem in Ecclesiis, ut diximus pro Coronatione Summi Pontificis, cum eadem oratione: *Deus omnium fidelium Pastor*. Sed loco nominis Papæ, dicatur nomen Archi-Episcopi, & post verba illa: *Ecclesiæ tuæ*, adjiciatur *Pragensis*; & dicatur *Præfatio de Apostolis*. Ut autem & Clerus, & populus item, invitetur ad preces eo die pro Archi-Episcopo fundendas, in hujus Ecclesiæ Calendario notetur quotannis, Consecratio Archi-Episcopi.

Capellarum oneribus, & Missarum numero, cuius beneficio Ecclesiastico, fundatione, aliove nomine adjuncto, unusquisque, prout sui muneris partes requirunt, satisfaciat. Quibus autem in Ecclesiis, ob multa, variaque defunctorum legata, Missas usque adeo multas celebrari oportet, ut pro ratione singulorum dierum, quos testamento, aliave ultima voluntate, testatores præscripserunt, muneri, quod eorum piis voluntatibus debetur, ob Sacerdotum penuriam satisfieri non potest, aut elemosyna eo nomine assignata adeo tenuis est, ut non facile inveniantur, qui velit huic se muneri subicere; unde depereunt piæ testantium voluntates, & eorum conscientias, ad quos prædicta spectant, onerandi occasio datur; Ecclesiarum Rectores, sive Parochi, aliive, quorum interest, omnia sigillatim Nobis significant; ut re diligenter perspecta possimus in illis Ecclesiis, quas hac provisione indigere cognoverimus, statuere circa hæc, quidquid magis ad Dei honorem, & cultum, atque Ecclesiarum utilitatem videbimus expedire; ita tamen ut in singulis Missis, quæ jure reductionis celebrabuntur, eorum defunctorum commemoratio fiat, qui pro suarum animarum salute legata ad pios usus reliquerunt. Idque per intentionem applica-

plicationis Missarum, per preces in secundo *Memento*; & per *Collectas* in Missis fieri poterit.

Nemo Sacerdos sæcularis, vel Regularis, quavis occasione, vel causa, in Ecclesia, vel alibi, Missam non integram, quam Siccam vocant, absque Corporis & Sanguinis Domini nostri consecratione, & sumptione celebrare, seu recitare audeat, alioquin suspensionem a Divinis ipso facto incurrat. Qui vero huiusmodi Missis interfunt, Ecclesiarum præcepto, de Missa die festo audienda, non satisfaciunt; imo in hoc etiam, graviter delinquant.

Quæ in Missa ex sacris ritibus recitanda non sunt, nemo pro libitu suo, absque Sanctæ Ecclesiæ auctoritate, omittere, mutareve potest, ideo edicimus, ut in Missis omnibus, etiam iis, quæ cum cantu fiunt, Epistola & Evangelium latino sermone, ut in Missali connotata sunt, omnino legantur. Ut autem fidelium utilitati & devotioni, quantum cum Deo possumus, prospiciamus, permitimus, ut in Ecclesiis, in quibus lingua vernacula legi consueverunt, illa postquam latino idiomate pronuntiata fuerint, etiam eadem lingua vernacula, clara & intelligibili voce, absque cantu proferantur, dummodo de libro, qui a Nobis scripto approbatus fuerit, & non aliunde desumantur.

Cum Summus Pontifex Romanus, universalis Ecclesiæ Pastor, & Pater, ex hac vita migrarit, nuncio certo mortis allato, in omnibus Ecclesiis, omnium campanarum sono, ut pro mortuis fit, de more pulsatur; cum in nostra Metropolitana, & in Collegiatis Ecclesiis, Missa solemnis, & Officium ex ritu pro defunctis, pro eo pie celebrantur, arque Sacerdotes singuli Missam faciant. Præterea iisdem in Ecclesiis, Missa de Spiritu Sancto cum cantu fiat, & donec de novo Successore provisum fuerit, preces ad Deum continuo offerantur, pro opportuna novi Pontificis electione impetranda, qui Ecclesiis digne ac fructuose gubernare possit.

Pro Archi-Episcopo item, qui Pater, Magister, Duxque Cleri, & populi

Pragensis est, cum ex hac vita migrare contigerit, & Missa pro defunctis pariter celebretur, & preces fiant, pro optima novi Antistitis electione, atque hac de causa Missa de Spiritu Sancto in omnibus Ecclesiis cum cantu celebretur.

XX. De Pœnitentiâ.

INter omnes nostræ Pastoralis curæ sollicitudines, quæ innumera, gravissimæque sunt, nulla profecto est, quo Nos magis urgeat, quam ut oves nostræ fidei conceditæ, ab iis Confessariis gubernentur, qui & vitæ probitate, & scientia, aliisque virtutum ornamentis decorati, eas ad æternæ beatitudinis pascua feliciter perducere possint. Quanto enim studio ac diligentia Pœnitentiæ Sacramentum ministrandum sit, id unum, si recte consideretur, facile ostendere potest, quod post Baptismum in peccatum lapsis, nulla alia prorsus ratione remitti peccata, aut condonari, cœlumque aperiri, aut in Dei gratiam restitui unquam liceat, quam huius Sacramenti virtute, atque ope, si tamen rite, susceptum, ministratumque erit. Ne igitur tantum, tamque necessarium in populo Dei Sacramentum, negligenter, & imperite ministratum, & suscipientibus inutile evadat, & ministrantibus exitium pariat, curandum est, ut ii tantum Sacramentalibus confessionibus audientis præstentur, qui huiusmodi munus non perite modo, sed etiam prudenter ministrare noverint, ac summo pere velint, ut præter Ordinis potestatem, quam quidem, cum Sacerdotio initiati sunt, susceperunt; præter jurisdictionis auctoritatem, quam recipiunt, cum ad audiendas confessiones approbantur, doctrina etiam, prudentia & charitate præditi, atque exculsi sint, ut iis virtutibus instructi, doctrina quidem recte norint, ex variis peccatorum generibus, quæ gravia, quæve levia sunt, pro cuiusque hominis ordine, & genere dijudicare; prudentia tanquam sapientes Medici, singulis animi morbis opportuna, atque optima præbeant medicamenta; & charitate Dei accensi, zeloque salutis animarum

marum excitati, Christi fidelibus omnia præstent salutaria adjumenta.

Nullus igitur Sacerdos, five sæcularis, five cujusvis Ordinis & instituti Regularis, confessiones sæcularium, etiam Sacerdotum, aut Clericorum audiat, nisi vel Beneficium Parochiale, five animarum curam legitime obtineat, vel a Nobis, Officialive nostro approbationem & facultatem in scriptis prævio examine, vel sine eo, si ita judicabimus expedire, obtinuerit; alioquin suspensionem a Divinis ipso facto incurret. Absolutio autem Sacramentalis ab illis collata, qui jurisdictionis potestatem non habent, irrita est, & invalida.

Confessionis sacræ audiendæ munus Sacerdotibus Regularibus, quamvis ad illud ob peritiam, scientiamque idoneis, nullo modo commitemus, nisi a Monasterii Præfesto testatum literis fiat, eos vitæ disciplina, moribusque probatos esse, ac dignos præterea, quibus id muneris imponatur. Quo in testimonii genere, ipse videat, ne quid testificando admittat, quod religioſæ conscientię suæ fraudi sit, labemve afferat.

Ut autem unusquisque sciat perpetua capita, super quibus examinabuntur ii, qui ad aliquod Beneficium Parochiale obtinendum, vel ad Confessiones audiendas præficiendi sunt, ea hic notari volumus.

Quare fuit institutum Sacramentum Pœnitentiæ. Quæ ejus materia, quæ forma, qui proprius Minister.

Quæ differentia sit inter peccatum mortale & veniale.

Qui sint effectus peccati mortalis.

Quæ sunt Regulæ cognoscendi, an peccatum sit mortale, nec ne.

Quæ circumstantiæ peccatorum sint necessario explicandæ in Confessione Sacramentali.

Quid sit occasio peccati, quoruplex, & quæ vitanda sub poena peccati mortalis.

Quid sit cogitatio morosa, & quæ sit peccatum mortale.

Quæ sint essentialia Sacramenti Pœnitentiæ.

De differentia contritionis ab attritione.

De essentialibus Sacramenti Matri-monii, ejusque impedimentis tam dirimentibus, quam impediendis tantum.

De furto, & quæ quantitas furti constituat peccatum mortale.

De juramento & ejus comitibus, seu conditionibus.

De superstitionibus, quæ regula tenenda sit, ut cognoscatur, quando sint peccatum mortale.

Quæ ratio ineunda sit in examinando pœnitente, cum Confessarius id faciendum necessario judicaverit.

Cætera Examinatorum judicio relinquuntur; qui aliquod cum eis experimentum facere poterunt: De Censuris, & earum effectibus; de Votis, eorumque obligatione, commutatione & irratione; de Usuris; de conditionibus venditionis cum termino retrovendendi; & demum de restitutione tam in bonis animæ, quam famæ, corporis, & cæterarum rerum.

Non licet per literas, seu inter-nuncium Confessario absenti peccata Sacramentaliter confiteri, & ab eodem absente absolutionem obtinere, ut Decreto CLEMENTIS VIII. auditis votis Patrum Theologorum, ac re cum Illustriss. Cardinalibus contra hæreticam pravitatem generalibus Inquisitoribus diligenter, & mature discussa, declaratum est.

Qui aliquid contra prædicti Pontificii Decreti præscriptum admiserit, penas, & censuras in eo inflictas ipso facto incurret.

Considerent Parochi, aliive Confessarii diligenter tenorem suæ auctoritatis, ne in propriæ, & aliorum salutis detrimentum, jurisdictionis sibi traditæ limites excedendo, falcem mittant in messem alienam.

Ut in animarum salutem procuranda, in Pœnitentiæ Sacramenti ministerio, uberores fructus in Domino reportare valeant, Confessariis omnibus, etiam Regularibus, edicimus, ac jubemus, & singulis annis feria quarta

Cine-

Cinerum, qui in hac urbe sunt, ad Nos, five ad Officiale nostrum; qui vero per Archi-Dicecesim, ad proprii districtus Archidiaconum Dicecesanum accedant, ut ea monita accipiant, quæ in confessionibus audiendis, fidelibusque ad Sacram Communionem Paschalem admittendis, opportuna iudicabimus.

Cum peccata post Baptismum commissa nulla alia ratione absolvi possint, ut superius diximus, nisi per Sacramentalem Confessionem, quæ fieri debet, non generatim, ac publice, sed speciatim ab unoquoque pœnitente; qui ad legitimi Sacerdotis aures, peccata sua, eorumque numerum, & circumstantias necessario explicandas, sigillatim & secreto confiteri tenetur; ut Confessarius, tanquam Judex, actum judiciale, ex Divina institutione, in eum exercere, & sententiam proferre valeat; nullo modo ferendum est, plurium confessiones ab eodem Sacerdote simul, & turmatim audiri; ideo decernimus, ne Sacerdos quicumque id sacrilegii admittere audeat, ut plures, five adultos, five impuberes, ita turmatim in Confessione Sacramentali, contra Christi Domini institutum, & morem in Ecclesia Catholica receptum, simul audire attentet, pœna excommunicationis proposita, ipso facto incurrenda.

Nemo Confessarius secularis, vel Regularis Sacramentum Pœnitentiæ Monialibus nostræ Archi-Episcopali jurisdictioni subiectis, ministrare audeat, etiamsi ad confessiones audiendas, in hac Civitate & Archi-Dicecesi nostra, generatim admissus fuerit, nisi specialem facultatem id obeundi, a Nobis, nostrove Officiali, scripto exaratam obtinuerit; alioquin excommunicationem ipso facto incurrat.

Ad populi disciplinam maximo-pere spectat, ut atrociora quædam & graviora crimina, non a quibus Confessariis indifferenter absolvantur; unde merito Pontifices Maximi causas aliquas criminum graviores suo peculiari iudicio reservare consueverunt; quod idem Episcopis omnibus, in sua cuique Dicecesi, licere certum est, pro illis in sub-

ditos tradita, supra reliques inferiores Sacerdotes, auctoritate. Ut igitur infrascriptorum delictorum atrocitas ab omnibus cognoscatur, & eorum proclivitas diligentius rescetur, in populi Nobis commissi ædificationem, ipsorum absolutionem Nobis reservamus; Confessariis Sacerdotibus quibuscunque, etiam Regularibus, inhíbentes, ne quempiam iis culpis, criminibusve irrecitum, absque facultate nostra, scriptis obtenta, absolvere attentent, etiam quorumcunque privilegiorum jure, tam Regularibus ipsis, quam Confratris, Ecclesiisve quibusvis concessorum, prout a Sancta Sede Apostolica sæpius declaratum fuit; alioquin excommunicationis pœnam ipso facto incurrant; atque ejusmodi absolutionem nullius roboris, ac momenti fore decernimus. Omnem autem facultatem, cuius hactenus concessam, ab iis casibus, vel ab eorum aliquo absolvendi, penitus abrogamus.

1. Qui libros, seu scripta Hæreticorum, vel quavis alia ratione prohibita, penes se retinuerint; vel legerint; aut impresserint, seu imprimi fecerint, non absolvantur, nisi prius libros, & scripta ejusmodi Nobis consignaverint, vel cum effectu transmisserint. Qui autem Hæreticorum libros hæresim continentes, vel de Religione tractantes, absque facultate Sedis Apostolicæ, legerint, aut tenuerint, impresserintve, seu quomodolibet defenderint, publice vel occulte excommunicationem incurrent ipso facto, Sedi Apostolicæ reservatam.

2. Qui nefaria consuetudine in Deum, vel sanctos atroces blasphemias protulerint.

3. Exercentes Sodomiam; quive cum brutis coierint.

4. Homicidium voluntarium committentes, vel illud procurantes, si sequatur effectus. Quive subditos suos, seu quosvis alios, absque ordinario judiciali processu, ultimo supplicio damnaverint.

5. Qui abortum procurarint juxta Constitutiones SIXTI V. & GREGORII XIV.

6. Qui cum aliqua Moniali luxuriae peccatum mortale, etiam solo tactu impudico, admiserint.

7. Qui secundo vel propinquiori gradu consanguinitatis, vel affinitatis, vel cum sibi cognatione spiritali junctis, incestum admiserint.

8. Concubinarij publici, sive Sacerdotes, sive alij.

9. Qui Legatorum piorum solutionem longius biennio distulerint.

10. Venefici, & qui potiones dederint, ut quis moriatur, aut morbo rabescat, vel infaniat.

11. Qui ad magicas artes, veneficia, incantationes, ligaturas, & alia hujusmodi, Eucharistia, Sacrisve rebus usi fuerint. Si autem sit error in intellectu, excommunicationem ipso facto incurrunt, Sedi Apostolicæ reservatam.

12. Qui publice, cum scandalo, & absque facultate nostra, aut saltem Parochi proprii, Quadragesimæ tempore, aliisve diebus ab Ecclesia statutis, carnibus vesci præsumpserint.

13. Qui post Sponsalia de futuro se carnaliter cognoverint, priusquam Matrimonium inter eos legitime per verba de præsentis sit celebratum.

14. Qui parvulos suffocarint.

15. Adulterium fide data, nempe cum alter conjugum promittit ei, cum qua adulteratur, se contrahendum Matrimonium cum illa, sive copula præcedat promissionem hujusmodi, sive subsequatur.

16. Clerici in Sacris constituti, qui Matrimonium de facto contraxerint; & sunt ipso facto excommunicati; quive hujusmodi Matrimoniis consilium & assensum præstiterunt.

17. Qui incendium fecerint, nempe antequam denuntientur, at post denuntiationem eorum absolutio est Summo Pontifici reservata.

Attendant præterea Confessarii, ne a censuris quovis modo Summo Pontifici, Sedive Apostolicæ reservatis, quempiam extra articulum mortis absolvant, alioquin excommunicationem ipso facto subeant, & irrita est, ac nulla hujusmodi absolutio. Quod si quem in articulo mortis ab aliqua cen-

sura reservata absolverint; illum monent, ut si convaluerit, ad Superiorem, cui reservata est, quamprimum poterit, se præsentet; alioquin reincidet in eandem.

Canones item pœnitentiales memoriae mandent, ut singulis criminibus congruam satisfactionem injungere valeant, simulque ipsis pœnitentibus, ut promptius ac libentius Confessarii præcepta & monita exequantur, diligenter exponant, quam benigne hodie Ecclesia Sancta gravissimas antiquorum Canonum penas in mitiores commutandas censuerit.

Populos autem infra annum sæpe, ac præsertim Adventus, ac Quadragesimæ initio, Parochi accurate de iis instruant, quæ ad peccatorum remissionem hoc Sacramento obtinendam necessaria sunt; vera scilicet, ac profunda cordis contritio, pura atque integra oris confessio, prompta atque exacta operis satisfactio; quæ quidem ex Catechismi Romani fonte hauriri facile poterunt, ac populis prædicari.

Confessarii facultatem habentes absolvendi aliquos ab excommunicatione majori, vel ab interdicto Ecclesiastico, ne eos a peccatis absolvant, nisi prius a censuris legitime absoluti fuerint.

Cum aliquem pœnitentem auditurus est Confessarius quisque, superpellicem decens, & stolam omnino induat, & infrascriptis precibus ad tantum ministerium se paret, ac pœnitentem ipsum Summo Deo diligenter commendat.

Veni Sancte Spiritus, reple tuorum corda fidelium, & tui amoris in eis ignem accende. Kyrie eleyson. Christe eleyson. Kyrie eleyson. Pater noster.

*V. Et ne nos inducas in tentationem,
R. Sed libera nos a malo.*

*V. Cor mundum crea in me Deus,
R. Et Spiritum rectum innova in visceribus meis.*

*V. Redde mihi letitiam salutaris tui,
R. Et Spiritu principali confirma me.*

*V. Docebo iniquos vias tuas,
R. Et impii ad te convertuntur.*

V. Li-

V. *Libera me de sanguinibus Deus, Deus salutis meæ,*

Rc. *Et exultabit lingua mea iustitiam tuam.*

V. *Domine exaudi orationem meam,*

Rc. *Et clamor meus ad te veniat.*

V. *Dominus vobiscum,*

Rc. *Et cum spiritu tuo.*

O R E M U S.

Domine DEUS Omnipotens, propitius esto mihi peccatori, ut digne possim tibi gratias agere, qui me indignum, propter tuam misericordiam Ministrum fecisti officii Sacerdotalis, & me exiguum, humilemque mediatorem constituisti ad orandum, & intercedendum ad Dominum nostrum Iesum Christum, Filium tuum, pro peccatoribus & ad penitentiam revertentibus. Dominator Domine, qui omnes homines vis salvos fieri, & ad agnitionem veritatis tuæ venire; qui non vis mortem peccatorum, sed ut magis convertantur & vivant; suscipe orationem, quam fundo pro famulis, & famulabus tuis, qui ad penitentiam venerunt, ut des illis Spiritum compunctionis; respiciant a Diaboli laqueis, quibus adstricti tenentur; ut ad te per dignam satisfactionem revertantur, per eundem Christum Dominum nostrum. Rc. Amen.

Prompte & alacriter ad hoc munus peragendum accedat Confessarius, & fideles benigne acceperit, eosque moneat, ut in Confessionis Sacramentalis actu, sint habitu demisso, & humili, depositis armis, genibus flexis, capite aperto, vultu demisso, manibus iunctis ante pectus, considerantes se non coram homine peccatore, sed coram DEO Altissimo esse, ut agnoscendo, & confitendo veniam petant.

Moneant penitentem de obligatione examinis, discussionisve conscientie suæ, diligenter faciendæ, antequam ad Confessarium accedat, ut omnia peccata mortalia, quorum, post diligentem huiusmodi sui discussionem, conscientiam habet, in confessione recenseat: etiam si occultissima illa sint, & tantum adversus duo ultima præcepta Decalogi commissa, quæ nonnunquam animum gravius sauciant, & periculosiora sunt iis, quæ in manifesto admittuntur. Nam venialia, quibus a gratia Dei non excludimur, & in quæ

frequentius labimur, sicuti recte & utiliter in confessionem dicuntur; ita etiam citra culpam taceri, multisque aliis remediis expiari possunt. Verum cum universa mortalia peccata, etiam cogitationis, homines, iræ filios, & Dei inimicos reddant; necessarium est omnium etiam veniam cum aperta & verecunda Confessione Sacramentali a Deo querere; qui enim scienter aliqua retinent, nihil Divinæ Bonitati per Sacerdotem remittendum proponunt: nam si erubescat ægrotus vulnus Medico detegere, quod ignorat, medicina non curat. Circumstantiæ etiam, quæ speciem peccati mutant, sunt necessario in Confessione Sacramentali explicandæ.

Inter alia autem, quæ fidelibus ad hoc Sacramentum accedentibus uberrimam adferunt utilitatem, illud est præcipuum, ut Confessarius expectet, & excitet penitentem, ut peccata sua confiteatur, non expectatis Confessarii interrogationibus, quo diligentius conscientie suæ latebras discutiatur, & admissa peccata apertius in confessione declaret. Cum vero id oportere cognoverit, interrogetur penitens de iis, quæ necessaria, non quæ inutilia, aut otiosa fuerint. At cum pueri, puellæ de luxuriæ culpis interrogari debebunt, ea cautio adhibeatur, ne quæ antea ignorabant, in propria salutis exitum fortasse a Confessario doceantur.

Peccata quædam magis usitata, & quæ maximo sunt fidelibus populis damno, studiosius persequatur, & præsertim contractus usurarios, aliosve quavis ratione injustos, crimen falsi testis, ebrietates, venereas amicitias, & ejusmodi.

Postquam penitentis conscientiam excusserit, illud sui muneris esse intelligat, ut remedia aliqua opportuna adversus tentationes, quibus ille maxime succumbere solitus est, sedulo doceat, atque adeo illum diligenter instituat nova aliqua spirituali vitæ ratione, quam recte ineat.

Videat diligenter, ne quem absolvat, qui vel odium inimicitiamve deponere nolit; vel restituere pro facultatibus

tatibus recuset alienum ; seu a statu peccati mortalis paratus non sit desistere, & occasionem similis peccati vitare ; qua de re doctrinas probatas studeat recte cognoscere, & secundum eas se gerere.

Pro peccatis gravibus levissimæ pœnitentiæ non imponantur, alioquin, ut Canon ait, consuit pulvillos secundum Propheticum sermonem sub omni cubito manus, & facit cervicalia sub capite universæ ætatis, ad capiendas animas ; ideo Confessarius, qui dum cum confitentibus indulgentius ait, levissima quædam opera pro gravissimis delictis injungit, ex Sacri Concilii Tridentini sententia, alienorum peccatorum particeps fit. Concubinariis, atque iis etiam, qui pessimum blasphemandi usum plures annos retinuerunt, atque se emendare nunquam studuerunt, & quos præterea in quævis alia graviora crimina frequenter ex prava consuetudine incidisse animadverterit, etiam si quo ad casus reservatos facultatem absolvendi a Nobis obtinuerit ; iis ad aliquot dies, atque adeo menses, prout morbi gravitas exigere videbitur, absolutionem differat ; ita tamen ut illos sanare, non autem in desperationem, aut confusionem inducere, pie, prudenterque procuret.

Fidelibus ad Sacramentalem Confessionem accedentibus pœnitentiam imponat, antequam eis beneficium absolutionis impendat. In ea autem imponenda, prudentiam, discretionem, pietatem & justitiam adhibeat, neque ei, qui in aliena potestate est, eam injungat, quam ob subjectionem, aliasve rationabiles causas exequi non potest. Nihil præterea pœnitenti imponat, quo vel aliquod scandalum, aut confusio provenire, vel ipse pœnitens nimium deterreri possit, habita semper ratione status, conditionis, sexus, & ætatis pœnitentis. Imo cum expediens fuerit, illum interroget, an possit pœnitentiam illam peragere ; si dubitet, eam mutabit, aut minuet.

Si pro personæ, criminis conditione satisfactionis nomine eleemosynam aliquam a penitente erogandam judicaverit ; eam ne ipse petat, ac ne oblatam quidem acceptet.

Confessione peracta, dum absolutionem impertit, ne Orationem Dominicam, Salutationem Angelicam, seu alias orationes pœnitenti injungat, eo ipso tempore recitandas, imò, ut pœnitens absolutionis verba audiens, spirituales consolationem concipere possit, distincte, ac sedate illa pronuntiet, præsertim ea, quæ Sacramenti illius formam continent, nempe : *Absolve te, &c.*

In votis autem commutandis, cum ejus rei facultas a Summo Pontifice, vel a Nobis data fuerit, videat omnino, ut vel in majora pietatis opera, quæque Deo gratiora futura sint, vel saltem in æque pia, Deoque grata, illa commutet. Qua quidem in commutatione, laboris atque incommodi, sumptusque, quos, si persolvendum erat votum, subire, perferre, & facere oportuerat, rationem habeat quam diligentissimam.

Observe, si quod peccatum mortale in confessionibus præteritis studiose subticuit, ut eas repetere debeat.

In eo maxime cautus sit absolvendo, cui facultas adfit aliena restituendi, vel legata pia persolvendi, idque jam alias in confessione promiserit, præstare tamen neglexit.

Dum absolutionis formam profert Confessarius, manum dexteram super pœnitentis caput, quod non sine mysterio est, elevatam teneat, ita tamen, ut ipsius caput non tangat.

Atque ut omnes una utantur absolutionis formula, etiam in iis, quæ ad hujus Sacramenti essentiam non pertinent, hanc Parochis, & Confessariis servandam omnibus proponimus.

Misereatur tui Omnipotens Deus ; & dimissis peccatis, perducatur te ad vitam æternam, Amen.

Indulgentiam, absolutionem, & remissionem omnium peccatorum tuorum tribuat tibi omnipotens & misericors Dominus, Amen.

Dominus noster Iesus Christus, qui est Summus Pontifex, te absolvat, & ego auctoritate ipsius te absolvo ab omni vinculo excommunicationis minoris, aut etiam majoris, in quantum possum, & indiges. Deinde absolvo te ab omnibus peccatis tuis in nomine Patris, & Filii, & Spiritus Sancti, Amen.

Passio

Passio Domini nostri JESU Christi, & merita Beatæ Mariæ semper Virginis, & omnium Sanctorum, & quidquid boni feceris, & mali sustinueris, sint tibi in remissionem peccatorum tuorum, in augmentum gratiæ, & præmium vitæ æternæ, Amen. Vade in pace † & noli amplius peccare.

Meminerint Confessarii servare Sigillum Confessionis Sacramentalis, ita, ut neque verbo, neque nutu, aliave quavis ratione, alicui relevent directe vel indirecte, quæ in confessione cognoverunt; alioquin præter gravissimas penas non solum corporales, sed etiam infamiæ, a Sacris Canonibus contra hujusmodi inflicta, etiam penam depositionis incurrent.

Nihil a pœnitentibus quovis modo Sacræ Confessionis occasione exigant. Si quid autem eis eleemosynæ nomine ab aliquo sponte oblatum fuerit, id illos humiliter acceptare posse permittimus.

Cum infirmitas corporalis nunquam ex peccato proveniat, dicente Domino illi languido, quem sanaverat: Vade, & noli amplius peccare, ne quid deterius tibi contingat; Medici omnes ad præscriptum Decreti INNOCENTII Papæ Tertii, ac Constitutionis PII Papæ Quinti, cum ad infirmos in lecto jacentes vocati fuerint; ipsos ante omnia admoneant, ut peccata sua juxta ritum Sanctæ Romanæ Ecclesiæ confiteantur; neque tertio die ulterius eos visitent (nisi longius tempus infirmo Confessarius ob rationabilem causam, super quo ejus conscientia oneratur, concesserit,) si eis non constiterit, quod infirmi, ut præmittitur, peccata sua confessi fuerint; alioquin interdicti Ecclesiastici censura innodabuntur, & alias penas incurrent, Pontificia Sanctione prædicta contentas.

Propinqui autem & omnes familiares, ac domestici infirmi, statim Parochum de infirmitate hujusmodi certiores faciant; atque tam Parochus, quam conjuncti, & familiares præfati, infirmum ad Sacramentalem peccatorum confessionem accurate inducant.

Præterea cum anima sit pretiosior

corpore, Medicos omnes paterne monemus, ut pro corporali salute nihil ægroto suadeant, quod in periculum animæ convertatur; alioquin excommunicationem a Sacris Canonibus inflictam subibunt.

Ad salutem cum omnibus fidelibus admodum necessarium sit Catholicæ fidei rudimenta scire, antequam confessiones audiant, diligenter videant Confessarii, an pœnitentes Orationem Dominicam, Salutationem Angelicam, Symbolum fidei, & decem Præcepta Dei, quæ Decalogo continentur, recte norint, & cum imperitis agant, ut clara voce ipsis audientibus illa recitent. Quos vero ignaros, rudesque offenderint, hanc eorum spiritualem socordiam acriter reprehendant, ostendantque, quam gravis esse debeat illorum conscientie ignoratio rerum, quæ ad salutem tantopere necessaria sunt. Cum autem eos absolvent, præter alias pœnitentias & actiones satisfactorias, id etiam imponant, ut quatuor hæc potissima Doctrinæ Christianæ capita, nempe Orationem Dominicam, Salutationem Angelicam, Symbolum Apostolorum, & Decalogum, in posterum accurate ediscant, certo illis, pro arbitratu suo, præfinito congruo tempore, quod ob necessariam aliquam causam, semel aut pluries prorogari liceat.

At quo facilius perniciose hujusmodi ignorantie incommodo occurratur, neque aliqua excusatione suam negligentiam fideles prætexant, illud eisdem animarum Curatoribus mandamus, ut die Festo, intra Missarum celebrationem, cum frequentior fidelium multitudo in Ecclesia aderit, clara voce, ac disertis verbis, quæ ab omnibus audiantur, modo unum, aliquando plura ex iis præcipuis Doctrinæ Christianæ capitibus, prout opportunius sibi videtur, recitent; simulque eos, qui aderunt, hortentur, ut eadem verba, quibus ipsi præbunt, illi simul pronuntient, & dicant.

XXI. De Extrema Unctione.

Clementissimus Redemptor noster, qui servis suis, quovis tempore, voluit de salutaribus remediis adversus

sus omnia hostium omnium tela esse prospectum, quemadmodum auxilia maxima in Sacramentis aliis præparavit, quibus Christiani se integros, dum viverent, ab omni graviore spiritus incommodo conservare possint; ita Extremæ Unctionis Sacramento, finem vitæ tanquam præsidio munivit. Nam etsi adversarius noster occasiones per omnem vitam quærat, & capter, ut devorare animas nostras possit, nullum tamen tempus est, quo vehementius ille omnes suæ versutiæ nervos intendat ad perdendos nos penitus, & a fiducia etiam, si possit, Divinæ misericordiæ deturbandos; quam cum impendere nobis exitum vitæ perspicit.

Quamobrem licet hoc Sacramentum necessarium non sit ad salutem, a nullo tamen negligi potest absque gravi peccato, ideo Parochi omnes, animarumque Rectores, ejus fructus & utilitates, sæpe ad Catechismi Romani præscriptum fidelibus explicant, doceantque hoc Sacramentum peccata, si quæ sint adhuc expianda, & eorum maculas abstergere, ægroti animum alleviare, & confirmare, magnam in eo Divinæ misericordiæ fiduciam excitando, qua infirmus sublevatur, & morbi incommoda, ac labores melius fert, & tentationibus dæmonis calcaneo insidiantis facilius resistit, atque sanitatem corporis interdum, ubi salutis animæ expedièrit, consequitur.

Omnem diligentiam & sollicitudinem adhibeant Parochi, ut neminem eorum, quorum curam gerunt, hoc salutari præsidio destitutum, ex hac vita migrare contingat; ideo cum periculum mortis ægroto impendat, supremusque vitæ dies instare videbitur; illud superpelliceo & stola induti, in tempore ministrent, proposito sibi exemplo Sanctiss. Episcopi MALACHIÆ, qui cum culpæ suæ (licet immerito) adscriberet, quod mulier quædam sine hoc Sacramento decessisset; totam noctem lacrymans se se afflixit; ita ut Dei misericordia, illa mane, quasi e somno excitata, e lecto se erigens, hoc Sacramentum acceperit, & etiam a morbo convaluerit. Parati erunt illud die, noctuque nulla interposita mora, prompte ministrare. Demonstrabunt quam

salutariter infirmis expediat, ultro sponteque hoc Sacramentum pie deponere. Videant, ut qui illud suscepturus est, prius, si fieri poterit, Sanctissima Pœnitentiæ, & Eucharistiæ Sacramenta præcipiat, quorum virtute munitus Extremæ Unctionis effectus efficacius consequatur. Studeant illud ministrare, dum æger integris est sensibus; ut intelligere, quid agitur, & fructuosius ad ejus effectum consequendum se disponere possit.

Licet hoc Sacramentum nulli ministrandum sit, qui illud respuat; cum tamen ægrotus ingravescens morbi vi subito correptus, rationis sensum amiserit, si illud ante petierit, vel verisimile est, quod petiisset, nisi repentino illo casu præoccupatus esset, is rite iungatur, licet.

Si aliqua morbi vi infirmus oppressus, dubitatur vivus ne sit, an mortuus, eadem conditione utendum est: *Si es vivus, per istam Sanctam Unctionem &c.*

Si per errorem Sacerdos aliud oleum, quam quod infirmorum est, ad ægrotum ungendum unquam adhibuerit; etiam si Chrysmatis, aut Catechumenorum sit, ut erratum emendet, Olei Sacri, quod proprium infirmorum est, unctionem eidem adhibeat, tumque Sacramenti formam iteret.

Ministrari debet adultis periculose ægrotantibus, propeque moribundis: & senio etiam confectis in diem morituris, etiam si ægroti non sint; peste item laborantibus, cum derepente mors nec opinantes eos occupet; periculose etiam vulneratis ad mortem.

Nullo modo ministretur infantibus, puerisve, qui nullum adhuc rationis usum habent, neque peccatis obnoxii sint; nec furiosis, amentibusve toto vitæ tempore insania vexatis; nec excommunicatis, interdictis, seu impenitentibus.

Infirmis autem, qui sana mente dum erant, illud petierunt, cum verisimile sit, quod petiissent, etiam si postea in amentiam inciderint, ministrabitur. Si vero dum infirmus amentia, phrenesive laborat, verisimile est, ut indecore, aut spurce, vel impure aliquid agat, quo irreverentia huic Sacramento

mento

mento fiat; non ungatur; nisi alicujus complexu ita teneatur, ut absque alicujus irreverentiæ periculo, firmus, stabilisve hæreat.

Mulieribus proxime parituris non ministratur, nisi morbi vi ita vexentur, ut verisimile mortis periculum illis immineat, & morti propinquæ judicentur.

Cæcis, furdis, mutis, paralyticisve, quamvis eo sensus vel videndi, vel audiendi, loquendive, seu ambulandi semper caruerint, præbebitur; peccare enim potuerunt per internas potentias, quibus ea membra respondent.

Item illud ministrari debet ei, qui forte dum est in articulo mortis, fuerit baptizatus.

Si cui fortasse manus amputata, erutus oculus, naresve, aut aures præcisæ sint, seu alia corporis pars ex iis, quæ ungi solent, quavis ratione derit, quæ pars propinquior est, inungatur.

In Sacerdote vero ungendo, manus non ab interiori parte, quæ utique in Sacerdotalis Ordinis susceptione uncta jam fuit, sed extrinsecus inungendæ sunt.

Videat Parochus, ut dum Sacramenti formam pronunciat, quæ est: *Per istam Sanctam Unctionem, & suam piissimam misericordiam, parcat tibi Dominus quidquid tui oculorum (sive aurium, aut narium, seu linguæ, vel oris, seu tactus, seu gressus, sive venum) vitio deliquisti.* Eodem tempore ægroti oculis, aliisve corporis membris, sigillatim unctionem adhibeat, & ad eorum singula distincte proferat, aut repetat eadem verba. Cumque oculi, nares, aures, & pedes, quæ duplicia sunt, inunguntur; caveat, ne in alterius membri unctione integra verborum forma absoluta sit.

Cum autem ad illud perficiendum renes ungere necessarium non sit, in mulieribus id omitti omnino jubemus; at in viris, si per valetudinem licuerit, ungi poterunt; sin minus, earum loco parti pectoris, quæ cordi proxima est, Sacra Unctio adhibeatur.

Licet hoc Sacramentum in diversis infirmitatibus sit iterabile, tamen

quamdiu in eadem ægritudine, & in eodem mortis periculo infirmus versatur, semel tantum est Extrema Unctio liniendus. Quod si unctione suscepta convaluerit, quoties postea in vitæ discrimen inciderit, toties hoc Sacramentum ei adhibebitur. Præterea in morbis quidusdam diuturnis, puta in hydropisi, si ob mortem impendentem quis unctus fuerit, & evaserit, deinde ex eodem morbo in alium similem casum, & periculum mortis inciderit, rursus etiam ungi debet.

In hac Sacra Unctione vasculum olei infirmorum ab ipso Parocho, aliove, qui Sacris Ordinibus initiatus sit, non a Laicis, seu Clericis minorum Ordinum, aut a mulieribus teneatur, vel contrectetur.

In hujusmodi ministerio obeundo, non solum ægrotum ad antea actæ vitæ poenitentiam, & ad gloriæ æternæ spem inducat Parochus; sed etiam omnes, qui aderunt, diligenter cohortetur, ut pro infirmo simul preces fundant.

Illud demum advertendum est, quod licet de essentia Sacramenti, quilibet Sacerdos rite ordinatus, possit Extremam Unctionem cuivis ministrare, ita, ut Sacramentum teneat; tamen hujusmodi munus proprie ad proprium Parochum spectat; ideo Sacerdotes, qui absque nostra, vel Parochi facultate illud ministrare temere præsumunt, peccati mortalis se reos constituunt, & si Regulares sint, excommunicationem etiam, soli Papæ reservatam, ipsi facto incurrunt.

Membra infirmi mundentur, priusquam Sacro Oleo inungantur; & unctione adhibita, mica panis, & bombyce, vel stuppa, ex sacris ritibus, abstergantur a Parocho, seu ab alio, qui in Sacris Ordinibus sit constitutus.

XXII. De Ordine.

Sacramenti Ordinis dignitas, utilitas & necessitas quanta sit, ex eo perspicue manifestum est, quod alia Sacramenta ab illo ita pendeant, ut sine eo, ita partim confici, ministrare nullo modo possint, partim solenni caeremonia, & religioso quodam ritu, ac pio

prio cultu carere videantur; atque summus ejus gradus spectetur, hoc est Sacerdotium, ejus præstantia; atque excellentia apparebit; Sacerdotes enim Dei Interpretes, & Mediatores quidam sunt, qui ejus nomine Divinam Legem, & vitæ præcepta homines edocent, & ipsius Dei personam in terris gerunt; atque non Angeli solum, sed Dii etiam appellantur; quod Dei immortalis vim, & nomen apud nos teneant. Potestas Corpus & Sanguinem Domini nostri conficiendi, & offerendi, peccataque remittendi, quæ illis collata est, humanam quoque rationem, atque intelligentiam ita excedit, ut Sacerdotali dignitati aliquid par, & simile in terris inveniri non queat.

Cum autem Divina res sit tanti Sacerdotii ministerium; consentaneum fuit, quo dignius, & majori cum veneratione exerceri posset, ut in Ecclesiæ ordinatissima dispositione plures & diversi essent Ministrorum ordines & gradus, qui Sacerdotibus ex officio deservirent; ita distributi, ut qui jam Clericali tonsura insigniti essent, per minores ad majores ascendant.

Parochi igitur, ubi primum aliquem norint, qui vel sponte se Clericali militiæ adscribi velit, vel a Parentibus adhuc infans religiosa pietate destinetur, hoc sedulo curent, ut ille quo diligentius Clericalis disciplinæ, vitæque religiøsæ institutis imbuetur, Ecclesias frequentius adeat, functiones Clericales, cæteraque id generis ministeria cernat; Ecclesiasticorum hominum consuetudine utatur, atque multiplici ratione Clericalis vitæ officiis affuescat.

Ut ad Ecclesiæ ministerium complures instituantur, qui ab ineunte ætate ad pietatem, vitæque innocentiam accurate instructi, & sancte, & utiliter posita inserviant; illud valde studeant iidem Parochi, ut quamplurimos possint pueros, bona indole præditos, qui spem afferant, se cum Sacris initiati fuerint, Ecclesiæ Ministros utiles fore; ad literarum eruditionem, atque ad Ecclesiasticæ vitæ, & professionis normam accurate informant, moribusque Clericali Religioni congruenti-

bus erudiant, atque parentes ipsos moneant, ut filios suos ad suscipiendos Ordines sancte inducant.

Cum autem sex temporibus a jure statutis per Nos, seu per Suffraganeum nostrum, Sacram habere soleamus Clericorum nostrorum ordinationem, videlicet singulis Sabbatis quatuor temporum, Sabbato item ante Dominicam Passionis, quod *Sitientes* dicitur, & Sabbato Sancto; Diebus Dominicis, qui Sacram Ordinationem immediate præcedent, Parochi omnes id populo significant intra Missæ celebrationem, & fideles omni studio inducant, ut quatuor temporum jejunia, hac de causa ab Ecclesia instituta, pie observent; & Deum exorent, ut lumen nobis præbeat in iis deligendis; atque ad Ordines assumendis, qui opere Divina adjuti, in sanctitate & justitia ei serviant.

Quanta diligentia adhiberi debeat in qualitatibus eorum, qui ad Sacros Ordines assumendi sunt, perscrutandis, ne indigni, & minus apti, ad hujusmodi gradus admittantur; Sacri Canones, Pontificiæque Sanctiones, & præcipue Concilii Tridentini Decreta aperte declarant.

Idem quoque clare patet ex Constitutionibus ERNESTI, primi hujus Ecclesiæ Pragensis Archi-Episcopi, quibus cavetur, ut in Ordinibus conferendis scrutinium fiat, & inter cætera inquiratur etiam, an ordinandi pater, avus, & alii ejus ascendentes usque ad quartam lineam incurrerint aliquo modo irregularitatem, occidendo, vel mutilando, seu in carcerem trudendo aliquem Clericum, sive pro Clerico habitum. Si quis igitur aliqua culpa, impedimento ex iis, quæ inferius connotata sunt, irretitus tenetur; ne ad Sacram Ordinationem contra Sacrorum Canonum, & Conciliorum præscriptum accedat; alioquin censuras, & pœnas Canonico jure constitutas subibit.

Impedimento irretiti, qui Ordinibus initiari non debent, sunt hi:

Minores ætate cuicumque Ordini requisita.

Rudes & ignari.

Uxo-

Uxorati.
 Criminofi.
 Hærefis nomine fufpecti.
 Ebrietati & gulæ dediti.
 Impudici.
 Prolapfi, five relapfi in hærefim
 post Ordinem fufceptum.
 Ufurarii manifefti.
 Perjuri.
 Scurræ, mimi, comædi, hiftriones.
 Infames quocunque modo.
 Patrociniis, computisque reddendis obligati.
 Profugi a fuis Dominis ob aliqua crimina.
 Mancipia.
 Corpore vitiati.
 Infigните deformes.
 Illegitime nati.
 Bigami.
 Homicidæ.
 Ex infamibus, & inhonestis parentibus originem trahentes.
 Irregulares quovis alio modo.
 Quo in genere cautio fit; ut præter alia, fpecialim perquiratur:
 An Judicis criminalis in foro laicali officium gesserint.
 An fententiam capitis tulerint.
 An criminis, cujus nomine capitis quis damnatus fit, acta, fententiam, teftificationesque dictarint; aut confcripferint.
 An in eo Procuratoris, feu Advocati Fifcalis munus adminiftrarint; aliaque exercuerint, unde irregularitatis maculam contraxerint.
 An fufpenfi, an interdicti, an excommunicati.
 An amentes.
 An morbo caduco, chronico; contagiofo, feu fordido laborantes.
 An energumeni.
 An ante legitimam ætatem, feu furtim, feu per faltum ordinati.
 An non examinati & probati.
 An alienæ Dicecefis absque dimiffionis fui Ordinarii literis.
 Qui prima Tonfura, vel aliquo Ordine minori vel majori initiari intendit, ad ædes noftras Archi-Epifcopales veſte decenti indutus, capillis decen-ter tonfis, & Tonfura Clericali, quam

Coronam vocant, Ordini fuo congruenti, ac birreto quadrato ornatus fe conferat, a feria ſecunda uſque ad ſextam Sacræ Ordinationis Sabbatum proxime præcedentem; ut ſe examini ſubjiciat, atque ejus genus, perſonam, ætatem, institutionem mores, doctrinam, & fidem diligenter inveſtigare poſſimus.

Antequam examinis initium fiat, ſemper a Nobis, ſeu Nobis abſentibus, ab Officiali noſtro recitabitur Oratio inferius deſcripta; quæ congregationum etiam earum initio, quæ de criminum cauſis gravioribus; de Parochialium Eccleſiarum cura committenda; de Confeſſariis, ſeu Concionatoribus admittendis; de ſententia cauſæ gravioris ferenda; de rebus, quæ magnæ erunt deliberationis, habebuntur, omnino eſt recitanda.

ORATIO.

Adſumus, Domine Sancte Spiritus, adſumus quidem peccati immunitate detenti; ſed in nomine tuo ſpecialiter aggregati, veni ad nos, & eſto nobiſcum, & dignare illi cordibus noſtris. Doce nos, quid agamus; quo gradiamur, & oſtende, quid efficere debeamus: ut te auxiliante, tibi complacere in omnibus valeamus. Eſto ſalus & ſuggeſtor, atque effector judiciorum noſtrorum, qui ſolus cum Deo Patre, & ejus Filio nomen poſſides glorioſum. Non patiaris perturbatores nos eſſe juſtitia, qui ſummam diligis æquitatem: ut in ſiniſtrum nos ignorantia non trahat; non favor inſeſcat; non acceptio muneris, vel perſonæ corrumpat. Sed junge nos efficaciter tibi, ſolius tuæ gratiæ dono, ut fimus in te unum, & in nullo aberremus a vero: quatenus in nomine tuo collecti, ſic in cunctis teneamur () cum moderamine pietatis juſtitiam, ut & hic in nullo a te diſſentiat ſententia noſtra, & in futuro pro bene geſſis conſequamur præmia ſempiterna. R. Amen.*

Examinatores a Nobis, noſtrove Officiali vocati, qui, cum de aliquo majoribus Ordinibus initiando examen conficietur, ſaltem tres, ſi fieri poterit, eſſe debebunt; grave munus ſibi commiſſum conſiderent; in quo ſi negligenter, aut male ſe geſſerint, Deo exactam rationem reddent: ideo non ſpe, non

(*) In exemplari, quo ſum uſus, legitur: *teneamur*. Sit vel: *tueamur*, vel, ut correxi: *teneamus*, oportere cenſeo. Alia id genus errata typographica emendabo.

non metu, non præmio, non personarum ratione, non aliquo affectu ducti, munus hoc in Domino exequantur.

Ad primam Tonfuram non admittantur, qui sæcularis iudicii vitandi causa, ea initiari curant. Neve qui rixam, aut similitatem exercent. Nec qui spem minime præbent, Ecclesiæ utiles se fore. Neque qui Fidei Catholicæ rudimenta, doctrinæque Christianæ præcepta, atque instituta ignorant. Neve qui Epactæ intelligentiam non habent. Nec minores septennio completo. Neque qui defectum natalium patiuntur. Nec qui Confirmationis Sacramentum non susceperunt. Neve qui Fidei Professionem in manibus nostris non emiserunt (si decimum quartum ætatis suæ annum compleverunt) nisi prius cum effectu eam præstiterint. Neque demum qui legere, pronuntiare, & scribere nesciunt, de quibus experimentum omnino fiat.

Minoribus Ordinibus non initientur, qui saltem latinam linguam non intelligunt, ut eo accuratius, quantum sit hujus disciplinæ pondus, possint edoceri. Neque ii, qui a Parocho, & a Magistro Scholæ, de vitæ suæ disciplina, & muneribus, testimonium non attulerint. Nec qui, quid sit Ordo, quem suscepturi sunt, ignorarint; quæ ejus materia, quæ forma; quod munus; ac differentiam Ordinum minorum a majoribus. Neque qui Officium parvum Beatæ Mariæ Virginis recitare nescient; nec qui in doctrinæ Christianæ Scholis operam suam non navaverint, neve qui in cantus peritia versati non fuerint; neque demum, qui Sacra Pœnitentiæ & Eucharistiæ Sacramenta non frequentaverint.

Ad Ostiariatum, Lectoratum, & Exorcistatum non admittantur minores septennio completo; neque ad Acolytatum, qui tertium decimum suæ ætatis annum saltem non attigerint.

Nemo primam Tonfuram, aut Ordines minores suscipiat ab Abbatibus, etiam baculi, & mitræ jure utentibus, aliove ejusmodi privilegio, & auctoritate conferendi Ordines minores munitis absque facultate nostra speciatim concessa, nisi ejusdem Ordinis Regula-

ris sit. Nulli autem hanc facultatem concedemus, nisi Nobis constiterit, hujusmodi Abbates Sacerdotio initiatos esse, & statim benedictionis precibus consecratos.

Minoribus Ordinibus initiati in unoquoque munere se exercent, in Ecclesiâ illa, cui a Nobis adscripti fuerint, nisi forte causa studiorum absint, atque ita de gradu in gradum ascendent, ut in eis cum ætate vitæ meritum, & doctrina major accrescat, quod & bonorum morum exemplum; & assiduum in Ecclesiâ ministerium, atque major erga Presbyteros & superiores Ordines reverentia, ac crebrior, quam antea, Corporis Christi Communio comprobabunt.

Nemo ad Subdiaconatus Ordinem promoveatur, qui vigesimum secundum, neque ad Diaconatus, qui vigesimum tertium, neve ad Presbyteratus, qui vigesimum quintum suæ ætatis annum, saltem non attigerit. Neque omnes ii, qui in ea ætate sunt constituti, debent ad hos Ordines assumi, sed digni duntaxat, & quorum probata vita senectus sit.

Quicumque Clerici sæculares, sive Regulares absque Canonica dispensatione extra tempora a jure statuta, vel ante legitimam ætatem, seu ab alieno Episcopo absque literis dimissoriis, ad aliquem ex Sacris Ordinibus promoveri se fecerint, ab Ordinum, quos susceperint, executione ipso jure suspensi erunt. Et si hujusmodi suspensione durante, illorum Ordinum functiones obire præsumpserint, irregularitatis maculam contrahent, super qua a solo Romano Pontifice dispensari poterunt; & præterea Beneficiis Ecclesiasticis, si quæ possederint, privari poterunt, præter alias penas a Sacris Canonibus contra illos inflictas.

Cum non deceat eos, qui Divino Ministerio adscripti sunt, cum Ordinis dedecore mendicare, aut aliquem fordidum quæstum exercere; nemo ad Sacros Ordines promoveatur, etiamsi alias sit idoneus moribus, scientia & ætate; nisi prius testimonium legitimum Nobis exhibuerit, se Beneficium Ecclesiasticum, quod sibi ad victum hone-

honeste sufficiat, pacifice possidere. Id vero Beneficium resignare non possit, nisi facta mentione, quod ad illius titulum sit promotus; neque ea resignatio admittatur, nisi constito, quod aliunde commode vivere possit; & aliter facta nulla erit.

Ad Titulum autem Patrimonii, pensionisve ordinari poterunt ii, quos pro Ecclesiarum nostrarum necessitate vel utilitate assumendos judicabimus; eo tamen prius perspecto, Patrimonium illud, vel pensionem vere, & absque aliqua fictione ab eis obtineri, taliaque esse, quæ eis ad vitam sustentandam satis sint; atque illa deinceps sine licentia nostra alienari, aut extinguui, seu remitti nullatenus possint, donec Beneficium Ecclesiasticum sufficiens sint adepti, & aliunde habeant, unde vivere possint. Qui contra fecerint, pœnas a Sacris Canonibus constitutas incurrent.

Valor Patrimonii, aut pensionis, censusve, ad cuius titulum quis est promovendus, sit saltem talerorum quinquaginta annuorum.

Id præterea, qui a Nobis, mensæ Archiepiscopali, sive a nostra Metropolitana, vel alia Ecclesia Collegiata, aut ab aliquo Monasterio, Barone, seu Nobili, vel alicujus Civitatis Senatu, titulum mensæ ad vitam habuerint, si publico testimonio scriptis exarato id Nobis constiterit, & Ecclesiis nostris utiles & necessarios judicaverimus, ad Sacros Ordines admittentur.

Cum iis, qui ad Ordines majores assumi volent, ab Examinatoribus experimentum fiat, an in cantus peritia sint versati, an vim, & naturam, mysteriaque Ordinis, quem suscepturi sunt, norint.

An sacrarum vestium, quibus induuntur, mysteria item & significata.

An functionum notitiam habeant Ordinis, quo quisque initiandus est.

An earum usum, exercitationemque recte teneant.

An in minoribus Ordinibus probati sint.

Tomus VIII. Concilior. German.

An Officium Divinum recitare sci-
ant, cum statim ac quis Subdiaconatus Ordine initiatus est, sub pœna peccati mortalis, sacras preces horarias quotidie persolvere teneatur.

An in orationis sanctæ studio, usque versati sint.

Quibus meditationibus instructi Deum tacite orent.

Qui orationis modus.

Qui illius fructus, quæve utilitates.

Quot, quibusve partibus illa constet.

Quid sit Ordo, quem suscepturi sunt; quæ ejus materia; quæ forma; quodve munus.

Quæ differentia sit inter Sacramenta veteris Legis & novæ.

Quid sit Sacramentum novæ Legis.

Ex quibus constet unumquodque Sacramentum.

A quo fuerint instituta Sacramenta novæ Legis.

Qui & quotuplex sit hujusmodi Sacramentorum effectus.

An notitiam habeant voti continentiæ, quod Subdiaconatus Ordini conjunctum est.

An Sacramentaliter confessi, frequenter Sacram sumpserint Eucharistiam.

An in Scholis Hæreticorum, eorumve, ut vocant, Academiis, literis incubuerint.

An in Catechismi ad Parochos, vel saltem Petri Canisii lectione versati sint.

Quærat item, an eorum nomina, & desiderium publice in Ecclesia proposita fuerint, ad Sacri Concilii Tridentini præscriptum, & de eorum qualitatibus facta sit inquisitio.

Nullus ad Sacrum Subdiaconatus Ordinem promoveatur, qui per annum saltem in Acolyratu non fuerit versatus; nisi a Nobis ob Ecclesiæ necessitatem seu utilitatem super interstitiis dispensationem obtinuerit.

Diaconorum examen fiat aliquanto diligentius de Sacramentorum doctrina. Experimentum item aliquod fiat de concionibus habendis, & ratione

Y y y 2

Con-

Concionatorum examini superius præscripta.

Diaconatu non initientur, qui in spectantibus ad hunc Ordinem exercendum instructi non sunt; neque qui saltem per annum in Subdiaconatu versati non fuerint, nisi aliud Nobis visum fuerit.

Ab iis, qui Sacerdotio initiari volent, hæc sigillatim studiosius perquirantur.

An pie & fideliter in ministeriis ante actis se gesserint.

An spectata pietate sint, castisque moribus.

An præclarum bonorum exemplum, præclaraque vitæ rudimenta ab eis spectari possint.

Hæc præterea querantur:

Quid sit Missæ Sacrificium, qui ejusdem effectus.

Quæ partes, & quæ mysteria in eo insint.

Quæ sacrarum vestium significationes.

Quæ in eo officio offerendo requirantur.

Ubi & quando illud fieri non licet.

Quæ dubia in eo aliquando accidere possint.

Qua explicatione opus habeant, ut illud recte fiat.

An Sacræ Confessionis aliquam notitiam habeant.

An ad alia item Sacramenta recte, riteque ministranda idonei sint.

An in Sacræ Missæ celebrandæ cæremoniis sint instructi.

An doctrinam item teneant, qui Verbum Dei tractare, concionemve habere possint.

An de re sacra, de Christianorum virtutum officiis, atque de omni re ad salutem necessaria, apte populum instruere, aut docere possint.

Regulares autem cujuscunque Ordinis & instituti, ad primam Tonsuram, seu ad Ordines minores, vel majores non admittentur, nisi omnibus & singulis, quæ superius præscripta sunt, diligenter servatis, non solum quoad examen & interstitia, sed circa Sacramentorum frequentiam, ætatem, &

Ordinum susceptorum functiones, ac testimonium præstitæ Professionis in Religione approbata.

Li omnes, qui primæ Tonsuræ, aliquove Ordine minori, vel majori initientur, in statuto ordinandorum libro, quem Matriculam vocant, notentur, qui in Archivio Archi-Episcopali perpetuo asservetur.

Paramenta autem, in Ordinis, quem quisque suscepturus est, collatione, necessaria provideant, quæ lacera non sint, neque immunda. Qui autem prima Tonsuræ, vel aliquo Ordine minori initiandi sunt, singuli superpelliceum habeant, congruum & mundum, quod dum Missæ Episcopalis fiet, & Sacra Ordinatio habebitur, omnino induant.

Dum Offertorium in Missæ canetur, ordinandi omnes ad Romani Pontificalis, sacrorumque rituum præscriptum candelas integras pie offerant.

Sacramentali Confessione se præparent, & præscriptæ confessionis testificationem Confessarii manu obsignatam nostræ Metropolitanæ Archidiacono exhibeant; ut in ipso Sacræ Ordinationis die, intra Missæ celebrationem, a Nobis, Suffraganeove nostro Sacram Communionem percipiant.

Qui autem ad Sacerdotium erunt assumendi, Missale habeant, quo in ipsa Sacræ Ordinationis Missa utantur, in recitando Sacro Canone, ad Libri Pontificalis præscriptum. Li autem nullo modo Missam primam, quas Primitias vocant, celebrare audeant; nisi prius a nostræ Metropolitanæ Archidiacono, aliove, cui id curæ dederimus, in cæremoniis approbatus, facultatem celebrandi a Nobis, Officialive nostro scriptis exarandam, quod *Placet* vocant, obtinuerint; alioquin suspensionem a Divinis ipso facto incurrant.

Cum Clerici omnes in Altaris ministerio, sacrisve functionibus, Ecclesiis inservire debeant; qui nulli Ecclesiæ, piove loco adscripti fuerint, Ecclesiæ Parochiali, sub qua degunt, inserviant: nec quisquam Ecclesiam, locumve pium, cui adscriptus fuerit, deferere audeat, Nobis inconsultis; alio-

alioquin ab Ordinum, quo initiatus est, exercitio nostro suspendetur. Et quo facilius etiam Ordinum minorum functiones in usum deducantur, sua singulis Ordinibus officia hic præscribenda judicavimus.

Prima Tonsura initiati, cum minorum Ordinum Clerici defuerint, Missis ministrant, eorum vices exequentes.

Ostiarii, Ecclesiæ ac Sacristiæ ostia custodiant, eaque debitis temporibus referant, & claudant. Publice & nominatim excommunicatos, infideles, & interdictos ab Ecclesiæ limine prohibeant; fores Ecclesiæ & parietes, cum opus est, ornent. Cœmeteria custodiant, ne quid in eis indecore fiat. Ecclesiæ scopis verrant, atque omni foridum genere expurgent, mundamve ac nitidam servant. Campanas pulsent, librum Lectori, aut Concionatori sustineant. Altaria parent, atque indies antependia, pro colorum ratione, singulis diebus convenientia, quoad fieri poterit, mutant, & a pulvere purgent.

Lectores, Prophetias, & Lektionen in Ecclesia legant. Antiphonas in Choro præcinent. Concionanti, cum opus est, de libro legant.

Exorcistæ curabunt, ut nunquam in stasis vasis aqua benedicta deficiat, atque ut in tempore a Sacerdote renovetur, ac benedicatur. Aquæ benedictioni assistant, & ministrabunt; atque aquam ad benedicendum parabunt; vasis tamen ipsis primum benedictis, ac diligenter absterfis. Munus autem exorcizandi Dæmones non assumant, absque nostra facultate scriptis exaranda.

Acolyti Diaconum, & Subdiaconum ad ministerium altaris procedentes anteire debent, eisque, prout res exegerit, ministrare, lumina quoque in altari accendere. In Processionibus candelabra cum candelis accensis deferant. Urceolos, sive ampullas nitidas cum aqua, & vino in pellicula præ Missæ Sacrificio præparent. Thuribulum cum igne, & naviculam cum incenso parent. Sacramentorum ministrationi præsentés adsint. Lampadis coram Sacra Eucharistia jugiter prælucentis curam habeant, eamque sæpe mundent.

Majorum Ordinum functiones, cum notæ sint, non est cur hic notemus; sed eas perpetuo, & diligenter ab iis, quorum interest, obiri mandamus; nulli enim ad superioris Ordinis patebit ascensus, nisi se in Ordine suscepto, altari ministrasse fidem fecerit, ut superius diximus.

Non liceat Capitulo Ecclesiæ nostræ Metropolitanæ, Sede Episcopali vacante, infra annum a die vocationis ordinandi licentiam, aut literas dimissorias, seu Reverendas, ut aliqui vocant, tam ex juris communis dispositione, quam cujusvis privilegii, aut consuetudinis vigore, alicui, qui beneficii Ecclesiastici recepti, sive recipiendi occasione arrestatus non fuerit, concedere: si secus fiat, Capitulum Ecclesiastico subiciat interdicto, & sic ordinati, si in minoribus Ordinibus constituti fuerint, nullo privilegio Clericali, præsertim in criminalibus gaudeant; in majoribus vero, ab executione Ordinum ad beneplacitum futuri Archi-Episcopi sint ipso jure suspensi.

XXIII. De Matrimonio.

Cum Matrimonium in Lege Evangelica veteribus connubiis per Christum gratia præster, merito inter novæ Legis Sacramenta annumerandum, Sancti Patres nostri, Concilia, & universalis Ecclesiæ tradito semper docuerunt; ideo omni pietate, & sanctitate tractari a fidelibus debet. Ut autem innumeræ morum corruptelæ, quæ præsentium temporum calamitate, in eo contrahendo, hominum culpa, introductæ sunt, omnino tollantur; Parochi omnes sæpe populos suos docebunt, quanta veneratione ad tantum, tamque Sanctum Sacramentum fideles accedere oporteat; non quidem carnis desideria explere cupientes, sed prolis propagationem ad Dei honorem pie, sancteque meditantes. Quare Sponsos efficacibus, & repetitis hortationibus admoneant, ut ante Matrimonii celebrationem, peccatorum suorum sordes, in humili confessione lacrymarum abluant imbre salutari; mentesque, ne libidinis siti æstuantes deficiant, cœlesti Eucharistiæ cibo, tanquam rore matutino refrigerent, &

reficiant; atque ita contra spirituales nequitias, carnisque procacitatem muniti, ex eo Sacramento non sibi perniciem, atque iram Dei, ut multis evenire solet, sed gratiam, salutemque comparent.

Sacramenti hujus institutionem, vim, naturam, & sanctitatem, ex Catechismi Romani doctrina fidelibus sæpe explicabit, ut intelligant non solum præparationem, & pietatem in eo sancte contrahendo, cum res non humana, sed Divina sit, verum etiam, quomodo caste, pieque in eo versari debeant.

Plurima certe sunt damna, quæ clandestina Matrimonia fidelibus afferre consueverunt; ideo Sacri Canones, Generalia Concilia, & ERNESTI Primi Prædecessoris nostri Constitutiones, ut gravibus peccatis ex ejusmodi conubiis provenientius occurrerent, Matrimonia publice fieri, pie & religiose sanxerunt, nec non in eis contrahendis nonnullas præscriptiones, & leges condiderunt, quæ in hac Metropoli, & Archi-Diœcesi nostra invocabiliter observari volumus, ac mandamus. Nulli igitur Matrimonium contrahere audeant, nisi in proprii Parochi, & duorum aut trium testium præsentia, & iis omnibus servatis, quæ a Sacro Tridentino Concilio peculiari Decreto sancte præscripta sunt, his verbis:

"Tamen si dubitandum non est, clandestina Matrimonia, libero contrahentium consensu facta, rata & vera esse Matrimonia, quamdiu Ecclesia irrita non fecit: & proinde jure damnandi sunt illi, ut eos Sancta Synodus anathemate damnat, qui ea vera ac rata esse negant; quique falso affirmant, Matrimonia a filiis familias sine consensu parentum contracta, irrita esse, & parentes ea rata, vel irrita facere posse; nihilominus Sancta Dei Ecclesia ex justissimis causis illa semper detestata est, atque prohibuit. Verum cum Sancta Synodus animadvertat, prohibitiones illas propter hominum inobedientiam jam non prodesse; & gravia peccata perpendat, quæ ex eisdem clandestinis conjugiiis ortum habent; præsertim vero eorum, qui in statu

damnationis permanent, dum prior uxore, cum qua clam contraxerant, relicta, cum alia palam contrahunt, & cum ea in perpetuo adulterio vivunt. Cui malo, cum ab Ecclesia, quæ de occultis non judicat, succurri non possit, nisi efficacius aliquod remedium adhibeatur; idcirco Sacri Lateranensis Concilii, sub INNOCENTIO III. celebrati, vestigiis inhærendo, præcipit, ut imposterum, antequam Matrimonium contrahatur, ter a proprio contrahentium Parocho, tribus continuis diebus Festivis in Ecclesia, inter Missarum solemnias, publice denuntietur, inter quos Matrimonium sit contrahendum. Quibus denuntiationibus factis, si nullum legitimum opponatur impedimentum, ad celebrationem Matrimonii in facie Ecclesiæ procedatur, ubi Parochus viro, & muliere interrogatis, & eorum mutuo consensu intellecto, vel dicat: *Ego vos in Matrimonium conjungo in nomine Patris, & Filii, & Spiritus Sancti*, vel aliis utatur verbis, juxta receptum uniuscujusque Provinciæ ritum. Quod si aliquando probabilis fuerit suspicio, Matrimonium malitiose impediri posse, si tot præcesserint denuntiationes, tunc vel una tantum denuntiatio fiat, vel saltem Parocho, & duobus vel tribus testibus præsentibus Matrimonium celebretur. Deinde ante illius consummationem, denuntiationes in Ecclesia fiant; ut, si aliqua subsunt impedimenta, facilius detegantur: nisi Ordinarius ipse expedire judicaverit, ut prædictæ denuntiationes remittantur: quod illius prudentiæ & judicio Sancta Synodus relinquit. Qui aliter, quam præfente Parocho, vel alio Sacerdote, de ipsius Parochi, seu Ordinarii licentia, & duobus vel tribus testibus Matrimonium contrahere attentabunt; eos Sancta Synodus ad sic contrahendum omnino inhabiles reddit, & hujusmodi contractus irritos & nullos esse decernit, prout eos præfenti Decreto irritos facit, & annullat. Insuper Parochum, vel alium Sacerdotem, qui cum minore testium numero, & testes, qui sine Parocho, vel Sacerdote, hujusmodi contractui interfue-

fuerint, nec non ipsos contrahentes,
 graviter arbitrio Ordinarii puniri præ-
 cipit. Præterea eadem Sancta Syn-
 odus hortatur, ut conjuges ante be-
 nedictionem Sacerdotalem in templo
 suscipiendam in eadem domo non co-
 habitent: statuitque benedictionem
 a proprio Parocho fieri, neque a
 quoquam, nisi ab ipso Parocho, vel
 ab Ordinario licentiam ad prædictam
 benedictionem faciendam alii Sacer-
 dori concedi posse, quacunque con-
 suetudine, etiam immemorabili,
 quæ potius corruptela dicenda est,
 vel privilegio non obstante. Quod
 si quis Parochus, vel alius Sacerdos,
 sive Regularis, sive sæcularis sit, et-
 iam si id sibi ex privilegio, vel im-
 memorabili consuetudine licere con-
 tendat, alterius Parochiæ Sponsos si-
 ne illorum Parochi licentia, Matri-
 monio conjungere aut benedicere
 ausus fuerit, ipso jure tamdiu suspen-
 sus maneat, quamdiu ab Ordinario
 ejus Parochi, qui Matrimonium in-
 teresse debebat, seu a quo benedictio
 suscipienda erat, absolvatur. Habeat
 Parochus librum, in quo conjugum
 & testium nomina, diemque, & lo-
 cum contracti Matrimonii describat,
 quem diligenter apud se custodiat.
 Postremo Sancta Synodus conjuges
 hortatur, ut, antequam contrahant,
 vel saltem triduo ante Matrimonii
 consummationem, sua peccata dili-
 genter confiteantur, & ad Sanctissimum
 Eucharistiæ Sacramentum pie
 accedant. Si quæ Provinciæ aliis,
 ultra prædictas, laudabilibus consue-
 tudinibus, & cæremoniis hac in re
 utuntur, eas omnino retineri Sancta
 Synodus vehementer optat. Ne ve-
 ro hæc tam salubria præcepta quem-
 quam lateant, Ordinariis omnibus
 præcepit, ut, cum primum potuerint,
 curent hoc Decretum populo publi-
 cari, ac explicari in singulis suarum
 Diocesium Parochialibus Ecclesiis;
 idque in primo anno quam sæpiissime
 fiat, deinde vero, quoties expedire
 viderint. Decernit insuper, ut hu-
 jusmodi Decretum in unaquaque Pa-
 rochia suum robur post triginta dies
 habere incipiat, a die primæ publi-
 cationis, in eadem Parochia facta, nu-
 merandos.

Quo facilius autem hujusmodi De-
 cretum ad omnium noticiam perveniat,
 infra mensem proximum, a singulis Pa-
 rochis, tam hujus Urbis, quam Archi-
 Diocesis universæ, die Dominico, in-
 fra Missæ celebrationem, ac præterea
 bis in anno ad triennium proximum,
 nempe ineunte Januario, & Augusto
 mensibus, de verbo ad verbum, lin-
 gua vernacula promulgetur. Atque
 prædictæ primæ promulgationis testifi-
 cationem manu propria obsignatam,
 iidem Parochi infra duos menses proxi-
 mos ad Nos transmittant, decem tale-
 rorum pœna, in pios usus arbitrio
 nostro eroganda, unicuique contrave-
 nienti sancita.

Qui aliter, quam præsentem Paro-
 cho, vel alio Sacerdote de nostra, Paro-
 chivæ licentia, & duobus vel tribus te-
 stibus Matrimonium contrahere atten-
 tabunt, juxta prædicti Decreti Tri-
 dentini dispositionem contractus irri-
 tos, & nullos esse decernimus.

Declarent Parochi populo differe-
 rentiam, quæ est inter Sponsalia, & Ma-
 trimonium; illa enim contrahuntur
 per promissionem hinc inde accepta-
 tam, de contrahendo Matrimonio,
 per verbum *Promitto, vel juro, quod
 te accipiam in uxorem, vel maritum*;
 hoc autem requirit consensum, ab utroque
 contrahente acceptatum, per
 verba de præsentem, nempe: *Accipio te in
 meam uxorem, vel virum.*

Licet Sponsalia, quæ dicuntur de fu-
 turo, etiam si secreto, & absque testium
 præsentia contrahuntur, valida sint, &
 observari debeant; tamen ad evitandas
 fraudes, quæ aliquando committi so-
 lent, decernimus, ut ea loco honesto
 fiant, & saltem duo, aut tres testes ad-
 hibeantur, quæ in foro exteriori, si
 opus fuerit, probari possint.

Ad Sponsalium validitatem, & ro-
 bur non requiritur necessario præsen-
 tia Parochi, qui, si requisitus fuerit,
 adesse poterit tanquam testis, non au-
 tem ut Parochus, ea tamen cautione,
 ut superpelliceo, & stola non sit indu-
 tus, & omnibus adstantibus expresse
 significet, illa Sponsalia esse de futuro,
 non autem Matrimonium de præsentem;
 ideo in iis contrahendis a Sponsis sigil-
 latim & simpliciter requiratur; an eis
 placeat, quod fiant denuntiationes Ma-
 trimo-

trimonii, quod inter eos tractatur, nullaque verba adhibeantur; quæ consensus de præsentī exprimere possint.

Modum autem & consuetudinem antiquam Sponsalia de futuro publice contrahendi inter Barones & Nobiles hujus nostræ Archi-Diœcesis, non improbamus; dummodo in eis nihil attentetur, quod libero Sponsorum, contrahentiumve, etiam si filii familias sint, consensui repugnet.

Matrimonium celebraturus Parochus a Sponsis investiget diligenter; an sponte, non autem contrapropriam voluntatem, hujusmodi contractui consentiant; an alii fidem adstrinxerint; an votum castitatis, seu religionis emisserint; an sciant aliquod inter eos intercedere impedimentum, quominus libere contrahere possint.

Moneantur item, Matrimonia in aliquo ex casibus etiam occultis, impendentibus & dirimentibus absque dispensatione Apostolica contracta, nulla esse; eosque excommunicationem incurrere, qui in aliquo consanguinitatis vel affinitatis prohibito gradu scienter Matrimonium contrahunt. Ii autem, qui in aliquo ex casibus impendentibus & dirimentibus scienter contrahere audent, peccato mortali se se obstringunt, ac pœnas a Sacris Canonibus inflictas incurrunt.

Ad evitandas fraudes, quæ concurrere possunt in contrahendis Matrimoniis in gradibus prohibitis cum dispensatione Apostolica, nemo Parochus, aliusve quis audeat celebrare, vel solemnizare Matrimonium quodcumque inter eos, qui a Sede Apostolica dispensationem obtinuerint, contrahendi in gradibus prohibitis; nisi prius hujusmodi dispensationes a Nobis, Officiali nostro recognitæ sint.

Matrimonia in Ecclesia Parochiali, non autem in privatis ædibus celebrantur, moneanturque Sponsi, ne cum conscientia peccati mortalis ad hoc Sacramentum accedant; nam sacrilegium committerent, & Sacramentales effectus non consequerentur; ideo confessi, Sacram Communionem sumant, ut superius præscripsimus, & ad

tantum Sacramentum humiliter se præparent, & sancte disponant.

Ante altare genibus flexis sint contrahentes, dum hoc Sacramentum ministratur, Parochus autem, si extra Missam illud celebraverit, superpelliceo, & stola indutus sit.

Si alter e Sponsis alienæ Parochiæ fuerit, in utraque Parochia denuntiationes fiant, Parochus vero, ne Matrimonium celebret, priusquam testimonium acceperit ab altero Parocho, quod in sua Ecclesia denuntiationes fecerit; & nullum sibi propositum sit impedimentum, si vero ille alienæ Diœcesis sit, testimonium illud non Parochi solum, sed etiam Episcopi sigillo sit munitum.

Quo die tertia denuntiatio fit, ne Matrimonium celebretur absque facultate nostra, scriptis obtenta, ut facilius percipi possit, an inter eos aliquod intercedat impedimentum.

Cum autem verisimilis suspicio fuerit Matrimonium aliquod posse malitiose impediri, vel alia extiterit causa accelerandi Matrimonii celebrationem; hujusmodi impedimentum Nobis significetur; ut præscriptas denuntiationes, in totum, vel in partem remittamus, prout judicabimus expedire.

Tamen si Nuptiis contrahendis, consensus parentum necessario non requiritur, illud tamen est Jure tam Divino, quam humano traditum, ut ad omnia, quæ præsertim graviora sunt, parentum consilio, & auctoritate liberi utantur. Nam cum de honore parentibus tribuendo Lex Divina præscribit, tum Civilis hoc suadet, ut præcipue Nuptiis ineundis, obsequio eisdem satisfiat: ubi enim illis aut invitis, aut plane repugnantibus, nuptiæ contrahantur, tunc sibi nolenti Avus nepotem parat, sicque e stirpe sua ortum, non modo non diligit, carumque habet, sed plerumque male odit; quo fit, ut & hoc, & alia præterea mala inde existant. Parochi igitur, antequam publice in Ecclesia nuptiarum celebrationem denuntient; si, qui nuptias contrahere volunt, parentes habent; eorum voluntatem in re tanta, & quæ magnæ deliberationis est, recte, ac plane cog-

cognoscant, nec vero, nisi perspecta illorum voluntate ad denuntiationes progrediantur, sed iis interea, qui nuptias inire volunt, apposite, graviterque demonstrent, quam utile sit, & cum omni ratione conveniens, in ea re, parentum, tutorumve, seu consanguineorum, qui illorum curam gerunt, consilio, auctoritateque niti, atque omnino uti. Si vero liberorum nuptiis, parentum vel tutorum consensus repugnat, aut plane consentiens non est, ne Parochi quidquam prius ea de re conficiant, quam Nos consuluerint.

Moneant Parochi fideles, nullum posse consistere Matrimonium inter raptorem, & raptam, quamdiu ipsa in potestate raptoris manserit. Quod si rapta a raptoe separata, & in loco tuto, ac libero constituta, illum in virum habere consenserit, eam raptor in uxorem habeat: & nihilominus raptor ipse, ac omnes illi consilium, auxilium, & favorem præbentes, poenas a Sacro Concilio Tridentino inflictas, ipso jure incurrant.

Uberrimos fructus, & salutares utilitates, quæ benedictionis nuptialis institutum Matrimonium contrahentibus affert, si debita cum humilitate, & religiosa animi pietate eam suscipiant, explicant Parochi diligenter. Eam autem a proprio Parocho, non ab alio Sacerdote, absque nostra, proprii Parochi facultate fiat, quacunque consuetudine, etiam immemorabili, quæ potius corruptela dicenda est, non obstante.

Curent autem Parochi, ut hujusmodi Benedictio mane, non a prandio, in Ecclesia, non in ædibus privatis fiat, cum celebratione Missæ, quæ pro Sponsò & Sponsa, ex sacris ritibus, dici solet.

Præterea si Benedictio nuptialis celebrabitur die Dominico, vel alias Festivo, Missa fiat de Dominica, Festive cum secunda oratione de Sponsò & Sponsa.

Si fuerint secundæ nuptiæ ex utraque parte, seu ex altera tantum, Matrimonium fiat in Ecclesia, sed Benedictio nuptialis intermittatur. Contrahentes autem Missæ eo die interfint.

Si quis Parochus, vel alius Sacerdos, sive sæcularis, sive Regularis sit, etiam si illud sibi ex privilegio, vel immemorabili consuetudine licere contendat, alterius Parochiæ Sponsos, absque nostra, proprii Parochi licentia, Matrimonio conjungere, aut benedicere ausus fuerit; ipso jure tamdiu suspensus maneat, quamdiu Nobis videbitur.

Nemo Parochus, aliusve Sacerdos permittat, in sua Ecclesia Matrimonia celebrari ab aliquo Sacerdote, qui ad munia parochialia exercenda, a Nobis, Officialive nostro approbatus non sit, & præcipue caveat, ne ibidem admittat Prædicantes hæreticos ad hujusmodi munus obeundum; etiam si contrahentes hæretici sint.

Cum maxime nefarium sit Matrimonii libertatem violare, omnes, & singulos, cujuscunque gradus, dignitatis, & conditionis existant, paterne monemus, ne quovis modo directe vel indirecte subditos suos, vel quoscunque alios cogant, quo minus libere Matrimonia contrahant, alioquin censuras contra hujusmodi inflictas subeunt. Caveant etiam iidem, ne subditis suis, famulisve quovis modo inhi-beant, seu eos impedian, ne Matrimonia contrahant; ex hujusmodi enim inhibitione plura animabus determinata, graviaque scandala exoriri comper-tum est.

Cum quilibet semper præsumatur vivus, nisi de certo nuncio mortis evidenter pateat, ideo nemo sive mas, sive femina, qui Matrimonium contraxerit, & an ejus conjunx vivus sit, nec ne, penitus ignorat, etiam si per septennium, pluresque annos illum expectarit, ad secundas nuptias, admittatur, priusquam Nobis, Officialive nostro legitime constiterit, ejusmodi conjugem mortem cum vita commutasse.

Multi sunt, qui vagantur, & incertas habent sedes; & ut improbi sunt ingenii, prima uxore relicta, aliam, & plerumque plures, illa vivente, diversis in locis ducunt: quare Parochi, antequam vagorum hominum Matrimoniis intersint, diligentem de eis inquisitionem faciant; & si illos copulandos esse judicaverint, rem totam ad Nos,

Officalemve nostrum, si in hac urbe sint, & per Archi-Diœcesim ad proprii districtus Diaconum, seu saltem ad Decanum deferant, ut, quid agendum sit, prudenter decernatur.

Magnam in eo diligentiam adhibeant Parochi, ut corruptela illa, atque adeo peccatum tollatur, atque radicitus extirpetur, quod sæpe a Sponsis committitur, qui carnaliter antea se cognoscunt, quam Matrimonium per verba de præsentī, coram Parocho & testibus, rite in Ecclesia sit confectum, & celebratum, ut autem fideles ab hujusmodi scelere se contineant, ejus abolitionem Nobis reservamus.

Et Sacro Canonum jure, & Sanctorum Conciliorum Decretis, statis certis anni temporibus, nempe a prima Dominica Adventus, usque ad Epiphaniam, & a feria quarta Cinerum ad Octavam usque Paschæ inclusive, nuptiales solemnitates ita prohibita sunt, ut si quis eam prohibitionem aut tyrannicam esse, aut ab Ethnicorum superstitione profectam dixerit, anathema sit. Atque in eis quidem Solemnitatibus, ut est peritorum interpretum probatissima sententia, cum ille uxoris ad materiam domum ducendæ actus, tum etiam nuptialia convivia, tripudia, saltationes, & choreæ jure quidem censentur, quippe cum non solum conjugum, sed aliorum etiam animi, istarum actionum, quæ plane voluptarie sunt, illecebris delinunt, quo tempore spiritualibus exercitiis intenti admodum esse debent, ad ea evocantur, quæ carnis sensui serviunt omnino. Cum igitur manifestum sit, hujusmodi actiones Sacris Canonibus repugnare, hoc Synodali Decreto sancimus, ne quis eis temporibus, quibus nuptiarum solemnitates agi, celebrare interdiktum est, domum uxorem sponsam ducat, neve eo nomine convivia nuptialia condicat, seu celebret, nec vero item eam ob causam saltationes, tripudiae agat.

Si vero ex causâ gravi aliquod Matrimonium iis temporibus contrahendum sit, causâ ipsâ Nobis proponetur, nec ad celebrationem Matrimonii tempore prohibito deveniatur, absque

nostra, nostrive Officialis facultate scripto exarata, ita tamen, ut eo casu Sponsi absque aliquo comitatu ad Ecclesiam Parochialem privatim accedant, pro Matrimonii celebratione, quam Copulationem vocant.

Ex antiquissimo hujus Sanctæ Pragensis Ecclesiæ instituto, laudabilique consuetudine, hujusmodi nuptiales solemnitates triduo quoque ante Ascensionem Domini intermitti consueverunt, qui usus, cum fideles nostræ curæ concreditos excitare possit, ut iis diebus, processionibus, ac spiritualibus operibus, diligentius incumbant, in hac Metropoli, & Archi-Diœcesi nostra perpetuo retineatur.

Quo facilis autem ad omnium noticiam Matrimonii impedimenta deveniant, Parochi omnes ea populo sæpe explicant, & præcipue declarent inter consanguineos & affines intra quartum gradum, Matrimonia contrahi non posse. Quod si de facto absque Romani Pontificis dispensatione attentetur, irrita sunt, & nulla; ita ut qui contrarium senserit, anathema sit. Declarent etiam, affinitatem ex fornicatione provenientem non excedere secundum gradum. Justitia vero publicæ honestatis, ubi Sponsalia quacunque ratione valida non erunt, est prorsus sublata, ubi vero valida fuerint, primum gradum non excedit.

In computandis autem gradibus consanguinitatis, vel affinitatis, semper remotior attendatur, ita ut, dummodo ex una parte quintus gradus extet, etiam si ab altera secundus, vel tertius, vel quartus existat, inter eos Matrimonium, absque aliqua Summi Pontificis, vel Ordinarii dispensatione contrahi poterit.

Inter alia crimina, quæ impediunt Matrimonium contrahendum, & dirimunt contractum, connumeratur adulterium, fide data, nempe cum unius conjugum committit adulterium, & promittit ei, cum qua adulteratur, se contracturum cum illa post obitum conjugis; sive copula præcedat promissionem hujusmodi, sive subsequatur. Invigilent igitur Parochi, ne inter hujusmodi adulteros, absque Sanctæ Sedis

dis Apostolicæ dispensatione, Matrimonio contrahatur.

Librum habet quilibet Parochus, quem diligenter custodiat, in quo conjugum, & testium nomina, cognomina, ac patriam, itemque locum contracti Matrimonii describat hac ratione.

Anno Domini 1684. die 20. Januarii, N. contraxit Matrimonium per verba de præsentibus cum N. in Ecclesia Parochiali S. N. loci N. præsentibus me N. Parochus, & DD. NN. N. testibus, factis tamen prius solitis tribus denuntiacionibus, intra Missarum solemnia; quarum prima facta fuit in celebritate Circumcisionis Domini, de prima hujus mensis; altera die secunda, qui fuit dies Dominicus; & tertia in festo Epiphaniæ, die sexta, & nullo detecto impedimento legitimo, quominus libere contrahere possent.

Si vero alter conjugum fuerit alienæ Parochiæ, adjiciatur ut infra. Quæ denuntiationes factæ etiam fuerunt in Ecclesia Parochiali Sancti N. loci N. ut ex testimonio, ejusdem Ecclesiæ Parochi subscriptione munito, patet.

Attestationes autem hujusmodi, quæ indies ab aliis Parochis habebuntur, diligenter asserventur, ut Nobis, cum opus fuerit, exhibeantur.

Causæ matrimoniales a nemine cognoscantur, vel decendantur, nisi a Nobis, Officialive nostro ad antiquorum Canonum, & Sacrorum Conciliorum præscriptum. Archidiaconi autem, si qui ad eos recurrerint, factum intelligant, & de eo Nos illico certiores faciant, illosque, de quorum interesse agitur, ad Nos remittant.

XXIV. De Divinis Officiis.

Proprii loci Patrocinia, ac propriæ Ecclesiæ consecratæ Anniversarium Dedicationis, duplici, solennique Officio celebrentur cum octavis.

De Sancto, cujus Sacrum Corpus, vel Sacra Reliquia insignis asservatur, Natalis, ac Translationis dies, in ea Ecclesia, ubi reconduntur, duplici Officio celebretur.

Si alicubi ex consuetudine antiqua, votove, Sancti alicujus festum

diem populus universus, cessatione a servilibus, vetitisque operibus, ager; de eo Sancto inibi, statim die, Officium duplex habeatur. At si solum pars ejusdem populi ex consuetudine, voto, vel devotione, alicujus Sancti diem festum colat, ac veneretur, de eo fiat Officium semiduplex.

De iis, qui Beati dicuntur, neque Sanctæ Sedis Apostolicæ auctoritate in Sanctorum numerum adscripti sunt, Officium ne fiat, nisi consulta eadem Sancta Sede, facultateque literis Pontificiis concessa.

De cætero tam in Metropolitana nostra Basilica, quam in omnibus Collegiatis, ac Parochialibus Ecclesiis, nostræ Archi-Episcopali jurisdictioni subiectis, publica omnis, & privata Officii Divini persolutio dirigatur, & conformetur ad hujus Sanctæ Ecclesiæ ritum, & præscriptiones, antiquissimo Breviario Pragensi contentas, quod jussu nostro a doctis, & piis viris recognoscetur, & ad majorem Clericorum & personarum Ecclesiasticarum hujus Archi-Diœcesis commoditatem denuo imprimetur.

Martyrologii usus in Ecclesia Dei antiquissimus, Patrum institutis introductus, perpetuæ Ecclesiasticæ consuetudine ita retentus est; ut cum in Choro publice illud legi solemne semper fuerit, tum in voluminibus Ecclesiasticis, unus liber antiquo Canone censeatur, cujus lectio nominatim Clericalis ordinis hominibus præscribitur. Quare ut in virtute sanctæ obedientiæ præcipimus, ut in Basilica nostra Metropolitana, & in omnibus Ecclesiis Collegiatis, Monasteriis, Conventibus, & locis, virorum, & mulierum, etiam exemptis, intra hujus nostræ Archi-Diœcesis limites consistentibus, Martyrologium Sanctiss. D. N. CLEMENTIS Papæ Octavi auctoritate promulgatum, in Choro ad primæ horæ Officium publice legatur: primoque loco semper fiat memoria illius Sancti, de quo sequenti die Officium celebrari debet, etiam si ex iis Sanctis sit, qui in hac Metropoli, & Archi-Diœcesi nostra peculiari Officio celebrari consueverunt.

Ut autem sacræ preces horariæ

Z z z z 2

uni-

uniformi ratione ab omnibus persolvantur, Calendarium Pragenſe, juſſu noſtro, quotannis edendum, quo certa officii ratio ſingulis diebus præſcribitur, Eccleſiaſtici omnes penes ſe habeant, ſingulasque præſcriptiones in eo contentas, in Officio Divino perſolvendo, diligenter attendant, & accurate obſervent.

In Miſſis Divinis, Officiis, functionibusque Eccleſiaſticis obeundis, paramenta omnia ſint ejus coloris, qui pro Feſti, dieive, ac functionis ſacræ ratione, a Sancta Eccleſia præſcriptus eſt, prout in Miſſali denuo juſſu noſtro edendo, videri poterit.

Horæ Canonice in Choro quotidie canantur, ubi cantari conſueverunt: neque ob Conciones, aut ſolemnes Miſſas, aliamve ob cauſam omittantur unquam, niſi evidens neceſſitas aliud judicio noſtro aliquando poſtulant; quo caſu absque cantu eas in Choro recitari volumus.

Officium parvum Beatæ MARIE Virginis recitetur in Choro, tam in Metropolitana, quam in omnibus Eccleſiis Collegiatis, Monaſteriis, & locis tam virorum, quam mulierum Regularium, etiam exemptis, iis diebus, quibus ex piis foundationibus, laudabilive uſu recitari ſolet.

Candelæ & cerei in Miſſa, & aliis Divinis Officiis ea exiguitate ne adhibeantur, quæ in tanto Myſterio dedecet, & aſtantibus offentionem præbeat; nullo tamen modo e ſevo ſint.

In organis, cum vel ad Miſſam, vel ad Veſperas, aliaque Divina Officia, ad excitandam fidelium pietatem, pulſantur; ne quid laſcivum, aut impurum admisceatur.

Quandocunque per organum ſiguratur aliquid cantari, ſeu reſponderi alternatim, verſiculis Hymnorum, aut Canticorum, ab aliquo de Choro, intelligibili voce, pronuntietur id, quod ab organo reſpondendum eſt.

Cum in Eccleſiam ad Divina Officia diurna, vel noſturna conveniendum erit; id campanarum ſono ſignificetur, ea interpoſita mora, qua omnes facile convenire poſſint.

Signo audito, qui dignitates in Eccleſia, etiamſi Præfeſti ſint, Perſonatusve, aut Canonicatus habent, cæterique omnes, qui intereſſe debent, præparent ſe ad Divinas laudes, & mature ad Eccleſiam progrediantur. Ingreſſi ad Eccleſiam, factis ad Sacroſanctam Euchariſtiam precibus, recta in Sacriſtiam ſe conſerant. Quo loco, retenta talari veſte, ſuperpelliceum aſſumant, & reliquum veſtiti ad ſacrum munus neceſſarium; quod ut ſervos Dei decet, tacite & modeſte faciant.

In ingreſſu Chori ad Matutinum, aliaque Divina Officia, is ordo ſervetur, ut paulo poſt ultimum campanæ ſignum ad rem Divinam faciendam, univertiſ Canonici, aliisque in Sacriſtia paratis, pulſetur campana parvula, qua egreſſus Sacerdotum ad Miſſas celebrandas ſignificari ſolet; ut omnes, qui in Eccleſia, vel circum eam ſunt, Divini Officii celebrationem inſtare intelligant. Poſtea omnes de Sacriſtia ordine præcedentes, bini exeant; & ubi ſe ad altare humiliter inclinaverint, ſuum quiſque locum in Choro adeat. Ibi flexis genibus, & ſubmiſſa voce, ſaltem Orationem Dominicam dicant; Deinde dato ſigno per Hebdomadarium, eumve, qui officium dirigit, ad initium officii, omnes ſurgant, & officium inchoetur.

Omnes in Choro Divina Officia, ut temporis ratio poſtularit, alternis vocibus canant, recitent, attenteque audiant; idque non curſim, non perturbate, non perfunctorie, non oſcitanter, ſed leniter, diſtincte, & ſtudioſe faciant.

In Choro, & Proceſſionibus, quadrato birreto, aut ſaltem ſubbirreto, quam Mitram Sacerdotalem vocant, utantur, nullo autem modo ſarmaticis, aliisve alterius generis pileis.

Pro temporis & officii ratione, ex Sanctæ Eccleſiæ inſtituto, cæremoniæ ſacrarum præſcripto, in Choro ſedeant, ſtent, ſteſtant genua, caput aperiunt, & ſubmittant; cæteraque ejus generis adhibeant; omnes vero æque idem faciant: facieſſant ſomnus, riſus, joci, rixæ, colloquia. Ne vagentur

gentur in Choro, vel Ecclesia, neve locum mutant, ne occasione quidem genua flectendi. Ne in Choro, ubi communi officio opera datur, privatim officium dicant, neque literas, aliave scripta legant.

Dum in Missa, Divinisque Officiis orationes recitantur, nemo sedeat. In Missis autem ferialibus Adventus & Quadragesimæ, ac in vigiliis, & iis item, quæ pro Defunctis cani solent, dum orationes pronuntiantur, omnes genua flectant.

Matutinum Officium, tam in nostra Metropolitana Basilica, quam in aliis Ecclesiis quibusvis, non tardius, quam hora quarta post mediam noctem recitetur, excepta nocte Nativitatis Domini, ac celebratibus Paschæ, & Corporis Christi, cum tota hujus Solemnitatis octava, atque triduo ante Pascha, prima autem, oriente Sole, dicatur, vel paulo post, pro laudabili uniuscujusque Ecclesiæ consuetudine.

Vesperæ in Metropolitana quotidie, ex antiquissimo usu cum cantu recitentur, non submissa voce. In cæteris autem Ecclesiis, ea servetur consuetudo, quæ ex primo singularum instituto, observari consuevit.

Summæ Missæ tam in Metropolitana, quam in Collegiatis Ecclesiis, cum sit Officium duplex, vel semiduplex, aut Octava, absoluto in Choro tertiæ horæ Officio immediate peragantur. Diebus vero jejuniorum, etiam in temporibus Pentecostes, & in feriis Adventus, peracta Nona, cæteris diebus, statim post Sextam. Pro mortuis autem, post Laudes Defunctorum, si eorum Vigiliæ mane dicendæ sint, alioquin post Primam illico.

Officium Defunctorum recitetur in Choro in unaquaque Ecclesia, iis diebus, quibus ex prisco more, recitari consuevit.

Postridie illius diei, quo omnium fidelium Defunctorum commemoratio fit, in Metropolitana, & Collegiatis Ecclesiis singulis annis, dicatur in Choro Officium integrum Defunctorum pro omnibus hujus Ecclesiæ Archi-Episcopis, vita functis, sub ritu duplici,

cum sola oratione: *Deus, qui inter Apostolicos, & pro eisdem fiant Missæ omnes.* Præterea si non plures in anno, saltem semel, nempe quarto Nonas Novembris, in iisdem Ecclesiis idem fiat, pro Prædecessoribus in Beneficiis Ecclesiasticis, eorumque Fundatoribus, vita functis, cum sola oratione: *Deus veniæ largitor, & humanæ salutis, &c.*

Spirituales cantationes, quæ a pueris, adultisque, in aliquibus Ecclesiis, intra Missæ summæ, Divinorumque Officiorum celebrationem, atque ante & post Sacram Concionem, seu in Processionibus, ad fidelium devotionem excitandam, pie decantari consueverunt, permittendas duximus, dummodo prius a Nobis, Officialive nostro recognitæ sint, & scripto comprobatæ, ne aliquid contineant, quod prophanium sit, vel apocryphum, quodque sanæ & Catholicæ doctrinæ repugnet. At hujusmodi cantionum causâ, nihil intermittatur ex iis, quæ in Missis, ac Divinis Officiis, ex Sacris ritibus, recitari debent.

XXV. De vita, & honestate Clericorum.

Nihil est, quod alios magis ad pietatem, & Dei cultum assidue instruat, quam eorum vita, & exemplum, qui se Divino ministerio dedicarint: cum enim a rebus sæcularibus in altiorum sublati locum, conspiciantur; in eos tanquam speculum reliqui oculos conjiciunt, ex iisque sumunt, quod imitentur. Ut igitur Clerici, in sortem Domini vocati, vitam, moresque suos componant, & habitu, gestu, incessu, sermone, aliisque omnibus rebus, nil nisi grave, moderatum, ac religione plenum præ se ferant, delictaque etiam levia, quæ in ipsis maxima essent, effugiant. Sacri Canones, Sancta Concilia, Pontificiæque Constitutiones, certas officiorum vias, ac rationes Spiritu Sancto Duce præscripserunt, quibus intelligant se, cum in Dei militiam sint adscripti, non ad commoditates, & voluptates; sed ad labores & sollicitudines vocatos esse; atque ea studia, & officia amplecti debere, quæ, si reliquorum

oculis, auribusque observentur, profecto efficiatur, ut ipsi glorificantes Patrem, qui in cœlis est, magis vitæ exemplis, ad virtutis imitationem incitentur. Quare ad Clericalem disciplinam in Ecclesiasticis hominibus nostræ Archi-Episcopali curæ subiectis conservandam, & ea parte, qua collapsa est, restituendam, has recte vivendi formulas, ab eisdem Sacris Canonibus, Generalibus Conciliis, Apostolicisque Constitutionibus summatim depromptas ipsis præscribimus; quas ab omnibus diligenter attendi, & inviolabiliter observari mandamus.

Clerici omnes, vel in Sacris constituti, vel aliquod Beneficium Ecclesiasticum cujusvis generis obtinentes, Clericalem Tonsuram, quam Coronam vocant, eamque conspicuam gerant, ad eam formam, quam postulat cujuscunque ordinis ratio. Sacerdotalis autem non sit minor forma Taleri.

Vestes item Talaes non solum interiores, sed etiam exteriores, coloris tantum nigri (nisi interdum dignitatis ratio alium colorem postulet) ac simplices, continuo induant, præsertim in Civitatibus, & insignioribus oppidis. In locis autem minus insignibus, breviores permittimus, dummodo saltem usque ad tibiam medium producantur. In itinere vero, quæ supra genua sint, omnino vetamus.

Pallio nunquam utantur, nisi pluviarum occasione, vel cum iter faciunt.

Caligis nequaquam turgidis, neque dissectis, calceis non incisis, camisiis ad collum, sive ad manus, non crispis, & rugosis, aut artificio laboratis, utantur.

Birretum autem Clericale quadratum gerant, præsertim in Ecclesiis omnibus, in Choro, & Processionibus. Sarmaticis pileis nullo modo utantur; sed eos tantum gestent, qui Clericali modestiæ, & gravitati convenient, & Clericum esse, qui illis utitur, indicent.

Annulos ne deferant, nisi quibus ex dignitatis officio convenit.

Ac denique in vestitu omnem novitatem fugiant, non tam nimis ele-

gantiam, quam fordium, & negligentiam suspicionem evitantes.

Cum animarum curam gerentes peculiari indumento uti debeant, ut a reliquo Clero distincti, ab omnibus tanquam populi sibi commissi Patres internoscantur, sancimus, ut Parochi omnes, etiam si ad hujusmodi munus obeundum ad certum tantummodo tempus admissi sint, vestem exteriorum usque ad talos demissam imposterum continuo induant, & gestent, quæ collo apte annexa laxiores etiam manicas habeat, neque sine ea coram Nobis, Officiali nostro unquam compareant, aut in Ecclesiis quovis tempore sint.

Qui in habitu Clericali, & tonsura convenienti non incesserint, poenas & censuras Constitutione CLEMENTIS Papæ Quinti in Concilio Viennensi edita, quæ incipit: *Quoniam* &c. Literis Pontificiis SIXTI Papæ item Quinti contentas incurrunt.

Si barbam non radunt, ut antiquitus moris erat, saltem ne eam, comamve studiose nutriendam, sed capillis simplicem cultum adhibeant.

Presbyteri autem barbam ad superius labrum ita incisam habeant, ut fumentibus Christi Sanguinem nullum afferat impedimentum, atque tam ipsi, quam cæteri omnes, ab utraque parte ne ullo pacto pilos intortos, aut amento in acutum incisos, productosve more nutriendam militari.

Ne larvati, personative unquam publice, vel privatim incedant, seu conspiciantur. Nec comædiis, aut tripudiis, choreisve, seu aliis inanibus spectaculis intersint; neque iis etiam, quæ Judicum sæcularium jussu, populo ad terrorem proponuntur, cum vel rei torquentur, vel ultimo supplicio afficiuntur, nisi fortasse, ut eos consolentur, se illis comites adjungant. Quo in pietatis officio, sedulo videbunt, ne verbo, aut nutu, causam ullam carnifici, ut rei mortem acceleret, quavis, etiam pietatis ratione præbeant, ne irregularitatis maculam contrahant.

In omni incessu, statu, gestu, ac vultu, ordinem suum profiteantur, omnique Clericalis vitæ actione, religiosi animi mores expriment, qui in Eccle-

Ecclesiastici Ordinis hominibus elucere debent.

Taxillis, aleisque, ac chartis luforiis, tesseriisque, atque omni alio ejusmodi ludi genere abstineant. Cum Rusticis, aliisque cujusvis conditionis Laicis, ne pyramidibus ludant, neve item cum Clericis in Laicorum conspectu.

Nec solum ludere vetamus, sed eos ludorum spectatores esse nolumus, nec quemquam ludentem in ædibus suis permittere.

Ne sclopetis, aut bombardis, feras, seu aves venando persequantur; neve quodvis aliud aucupii, aut venationis genus exercent, canesve, aut accipitres, seu alia venatica alant animalia.

Nullo modo certent ad metam, sive ut vocant, ad signum balista, sclopetove, sive bombardis.

Noctu ne vagentur, neque etiam domo, nisi ob causam necessariam, exant.

Clericorum arma sunt orationes, & lacrymæ, quibus si recte se munierint, nihil in mundo est, quod timere debeant: ideo edicimus, ne Clerici hastas, sclopetas, enses, aliave arma cujusvis generis, ad offensionem, vel etiam defensionem ferant, exceptis cullis ad domesticum vitæ usum accommodatis; enses tamen breviores in itinere eis permittimus. Quod si ob aliquam gravem causam aliquis Clericus aliis armis utendi a Nobis facultatem obtinuerit; ne publice ea gestet, nisi rei aut facti necessitas aliter possit.

Mensa Clericorum, etiam si Laici ei nulli accumbant, vel præsentem sint, frugalis sit. In numero, & pretiositate ferculorum non se ostendet. Exquisite delicias, comestiones, ebrietates, comotationes, ad æquales haustus provocaciones, in omni Christiano, & multo magis in Clerico damnamus, atque detestamur. Mensæ ne accumbant, antequam illi statim precibus benedicant; neque a mensa discedant, nisi gratiis Summo Deo religiose actis.

Ut flagitii, scandalive occasionem, quæ in cauponis, vel tabernis, seu pub-

licis hospitiiis, occurrere solent, Clericis adimamus; cauponarum, seu publicorum hospitiorum aditu, usuve eis omnino interdiciamus, nisi in itinere necessitatis causa. In eos vero, qui Clericalem modestiam obliti, contra hujus nostri Decreti præscriptum, in tabernis, publicisque hospitiiis, extra itineris occasionem, cibum seu potum sumpserint, multis & pœnis, habita culpæ & personarum ratione, severe animadvertemus. Si qui vero publice ebrii fuerint, & ii præterea, qui post ebrietatem, tremendum Missæ Sacrificium absque prævia Sacramentali Confessione celebrare non verebuntur, graviore dabunt pœnas arbitrato nostro.

Non in comestationibus, & ebrietatibus, sed ut sobrie vivamus; prædicat Apostolus; ideo Clerici publica convivia, præsertim nuptialia, quibus mulieres, mimi, histrionesve intersunt, ut veteri Canone sancitum est, evitent: haud enim aliunde Clericalis ordinis gravitas magis offensa fuit. Illud autem præcipue caveant, ne in popinis, cauponisve, aut alibi in Laicorum præsentia, cythara, fidibus, aliisque hujusmodi instrumentis musicalibus sonent.

Si qui autem a necessitudine aut propinguitate sibi junctis invitati, cum illis cibum sumere voluerint, tum debita utantur modestia, ac frugalitate, tum etiam omnino videant, ne eidem mensæ aliqua cujusvis Clerici ancilla, quæ coctrix appellatur, accumbat; cum id absque piorum offensione admitti non possit.

Ne cum hæreticis, & præsertim cum hæreticorum ministris, qui prædicantes dicuntur, frequentem consuetudinem habeant, neve cum eis cibum capiant; hujusmodi enim familiaritates Laicis præsertim rudioribus, absque scandalo esse non possunt. Præcipue autem caveant a mutua quavis consuetudine, commerciove cum iis, qui Wittembergæ, Lipsiæ, seu aliis cujusmodi locis sunt non legitime ordinati: ii enim, cum hæretici sint, hæresum venena evomere, Calvinismum introducere, & Catholicam Religionem deturbare non desunt. Ca-

ven-

vendum igitur est, ne hujusmodi peste fideles inficiantur.

Ne cum Laicis familiaria nimis, aut ridicula interponant colloquia, disteriave, aut mordaces sales admisceant. Neque vero digladiatorum, aliorumve improborum hominum consuetudine utantur, nisi quantum eorum officium pietatis causa exoptulaverit.

Ordinis præterea Clericalis memores, homines leves, in quibus nihil singularis pietatis, & Christianæ virtutis elucet, quo possunt, studio, fugere debent; cum piis & honestis hominibus conversationem habeant. Simonia, ambitio, turpiloquium, ac scurrilitas inter Clericos nequidem nominentur.

Erga Laicos gravitatem mansuetudine temperatam servare procurent. Se ipsos propter temporalia odiosos non reddant, scandala evitent. Morum integritate, & vitæ exemplo omnibus præluceant, ut eos populus amare, ac revereri merito possit. Nulam dent occasionem laicis illos ad sæcularia tribunalia trahendi, aut evocandi.

Diligenter caveant, ne Sacræ Scripturæ verbis ad prophanos sermones abutantur, seu alios ipsis præsentibus illis abuti permittant.

Cum qui Deo militant, implicare se negotiis sæcularibus prohibeantur, ne coram Judice sæculari, Advocati, aut Procuratoris nomine causas agant, nisi ab aliis in iudicium vocati, suam, vel Ecclesiæ suæ, propinquorum etiam, si necesse erit, & miserabilium hominum causas tueantur.

Ne artem medendi faciant.

Ab omni mercaturæ genere abstineant. In negotiationibus, mercaturisve se interpretes, & medios non interponant.

Negotiationem etiam cujusvis generis eis omnino inhibemus.

Neve cujusvis Patrocinium, tutelam, aut curam suscipiant, nisi cum pietatis causa, ejus rei facultatem a Nobis impetraverint.

Monialium Monasteria non ingrediantur; neve ad earum cancellos, seu

ad rotam accedant, neque cum eis colloquantur, absque facultate nostra scriptis obtenta, alioquin poenas & censuras contra hujusmodi inobedientes infligendas incurrant.

In eo officio ne se exerceant, ut Moniales, aliasve mulieres doceant legere, scribere, aut canere etiam cantum, quem vocant, figuratum, seu aliquo cujusvis generis instrumento sonare.

Quoniam ob incontinentiæ crimen, aut ejus etiam criminis suspicionem in Clericalis militiæ Professoribus, mirum in modum laici homines offendi solent, ne ob suspectarum mulierum cohabitationem, Ecclesiastici homines ullam populo dent offensionem; discernimus, ne Clerici, quicumque sint, vel in Sacris Ordinibus constituti, vel Ecclesiasticum Beneficium qualecunque obtinentes, cum mulieribus cujusvis conditionis habitent, nisi cum matribus, fororibus, amicis, fratrumque uxoribus; neque vero servas, ancillasve, quas coëtrices vocant, in domestico usu inservientes, aut secum quovis modo habitantes habere possint, quadraginta annis minores, aut quæ vitæ aliqua ratione suspectæ fuerint; si secus fecerint, in eos graviter animadvertemus.

Ne apud se libros habeant, aut legant, quorum lectione bene agendi, studium, morum disciplina, & timor, charitasque DEI languescere possit, quales sunt, qui res, vel jocosas, vel scurriles, ridiculasve, vel impuras continent. Libris item non utantur de Musico cantu obscenis, vel parum pudice conscriptis.

Sacrarum autem literarum studiis diligenter omnes incumbant, ut quod ipsi Deo obsequium debent, rite præstare, & alios in viam Domini dirigere sedulo valeant. Eam ob causam hos saltem libros habere procurent, in quorum lectione frequenter versentur.

Bibliam Sacram vulgatæ editionis Breviarium Pragense.

Calendarium item Pragense in singulos annos edendum.

Calen-

Catechismus Romanum, auctore Sacri Concilii Tridentini editum, latine, vel lingua vernacula, cum indice, & distributione omnium materialium pro singulis Dominicis, & Festis, per concionem explicandarum, vel cum dilucidatione ejusdem, auctore Joanne Chapeville, vel cum explanatione Sebastiani Catanei.

Catechismus Trevirensis Archiepiscopi (a), cum praxi Catechistica.

Catechismus Petri Canisii, saltem minorem.

Epistolam Antonii Poffenini de Catechismo docendo.

Concilium Tridentinum.

Has nostras Diocesanas Constitutiones.

Rationale Divinorum Officiorum.

Cæremoniale Romanum.

Directorium Joannis Polanci, & librum ejusdem de juvenandis morituris.

Instructionem Sacerdotum Francisci Toleti Cardinalis.

Manuale Navarri, aut Summam Sylvestrinam (b), vel Armillam. (c)

Summulam Cajetani, vel Sancti Antonini.

Scutulum fidei Laurentii Hermannii germanice.

Controversias Francisci Costeri, germanice vel latine.

Pro Concionibus unum, vel plures probatos Auctores, ut Homilias, Joannis Eckii de tempore, & Sanctis, ac de Sacramentis.

Promptuarium Strapletonii.

Postillam Petri Canisii germanicam, Friburgi Brisgojæ impressam, 1602.

Surium de vitis Sanctorum, vel saltem ejus compendium.

Postillam Georgii Schereri germanicam.

Epitomen Friderici Nauseæ, & id genus alios.

Item pro excitanda mente in Dei amorem, opuscula Granatæ latine, vel germanice.

Institutiones, vel Meditationes Francisci Costeri. Libellum Thomæ de Kempis de Imitatione Christi,

aliaque ejusdem opuscula. His similes libellos spirituales sedulo lectitari a Clericis cupimus.

Atque ut in studiorum exercitatione indies magis progrediantur, congregationibus Diœcesanis proprii districtus, seu tractus semper intersint. Ad Sacræ Scripturæ lectionem convenire non prætermittant. Minorum vero Ordinum Clerici, non grammaticæ modo, sed magis Ecclesiasticæ disciplinæ studio sedulo vacent; atque ut diligentius instituuntur, ubi Scholæ Præceptoris æque pii, ac periti copia est, ei studiose operam navent.

Ad Canonicas Horas recitandas se sub peccati mortalis reatu omnino adstrictos scire debent, quicumque Beneficia vel Officia Ecclesiastica cujusvis generis obtinent, & ii etiam omnes, qui in Sacris Ordinibus constituti sunt. Illi vero præter peccati mortalis culpam, quam ut supra contrahunt, ex Decreto LEONIS Papæ Decimi in Lateranensi Concilio edito, beneficiorum suorum fructus pro rata omissionis officii, & temporis, suos non faciunt, sed eos tanquam injuste perceptos in fabricas ipsorum Beneficiorum vel pauperum eleemosynas erogare tenentur. In hujusmodi autem erogatione ea ratio ineatur; ut qui Horas omnes Canonicas uno, vel pluribus diebus intermiserit, omnes beneficii, seu beneficiorum fructus, qui illi, vel illis diebus responderent, si quotidie dividerentur; qui vero Matutinum, tantum, dimidiam, qui cæteras omnes Horas, aliam dimidiam, qui harum singulas, sextam partem fructuum ejusdem diei amittat.

At quicumque pensionem, fructus, aut alias res Ecclesiasticas, ut Clericus percipit, modo prædicto, ad dicendum Officium parvum Beatæ Mariæ Virginis devinctus est, & pensionem, fructuum, rerumque ipsarum amissioni obnoxius.

Ut autem in pietatis, devotionisque spiritu indies magis atque magis profici-

(a) Erat is Rdmus & Illmus Joannes a Schœnenberg, qui, apud Ill. Hontbenium, electus anno 1581. die 31. Jul. Obiit 1. Maji 1599.

(b) Summæ author Sylvester Mazolini & Prierate, Dominicanus, Magister S. Palatii. Obiit 1560.

(c) Bartholomæus Fumus, ejusd. Ord. scripsit circa annum 1550. Ita Claudius La Croix in citat. Auctorum expl. Tom. I.

proficiant, Sanctissima Poenitentia, & Eucharistia Sacramenta, religiose frequentent Clerici omnes; Sacerdotes quidem singulis Dominicis, ac Festis diebus Sacramentaliter confessi Missam celebrent, nisi legitima, gravique causa detineantur, si vero Parochi sint, ter præterea in hebdomada, ac sæpius item, prout populi frequentia, & necessitas postulaverit. Diaconi, & Subdiaconi bis in mense, atque diebus sollemnioribus, ac aliis diebus festis, quibus in solemni Missæ Sacrificio vestibus sacris induti, altari ministraverint, peccatorum suorum Sacramentali Confessione, ac Sacra Eucharistia sumptione se reficiant. Prima Tonsura vel aliquo ex minoribus Ordinibus initiati, saltem semel in mense, & diebus sollemnioribus id præstent.

Si antiquæ Legis Sacerdotes sancti & puri esse debebant, ut incensum Domini, & panes Dei sui digne offerrent, quanto sanctiores & puriores esse tenentur hi, qui non incensum tantum, & panes, vel animalium carnes, sed ipsummet Christi Domini Corpus, & Sanguinem offerunt, manibus tractant, & ore suscipiunt, ne de eis dicat ipsemet Deus: Non permanebit Spiritus meus in homine, quia caro est. Quid enim magis dedecet Sacerdotem, quam vitæ impuritas & libido? Quare si quem cujusvis Ordinis Clericum concubinam, mulieremve eo nomine suspectam habere, aut illius consuetudine, commerciove uti compertum fuerit, in eum poenis a Sacris Canonibus inflatis, & aliis etiam arbitrato nostro irrogandis animadvertemus. Quod si monitus, speciali monitione secundo deliquerit, tertia parte fructuum, proventuumque suorum Beneficiorum, qua ipso facto privatus existet, fabricæ Ecclesiæ, vel alteri pio loco arbitrio nostro applicetur. Si autem in eodem delicto perseverans secundæ monitioni non paruerit, omnibus suorum Beneficiorum fructibus privatus, prædictis locis similiter applicandis, ab ipsorum etiam administratione arbitrio nostro suspendetur. Et si ita suspensus non resipuerit, contra eum privatione Beneficiorum, aliisque poenis, & censuris agemus.

Hæc eadem, quæ de concubina-

tu, vel aliis impudicitia sordibus Clericorum præscriptimus, servantur etiam, si quis Clericus modo cum una, rhodo cum alia impudica muliere deliquisse comprehendatur.

Præterea quoniam Clerici in fornicationem prolapsi, quorum peccatum ejusmodi, notorium est per scientiam, seu per confessionem factam in judicio, aut per facti evidentiam, quæ aliqua tergiversatione celari non potest, aliquando ante, & sæpe numero post poenitentiam actam, Ordinis, quo initiati sunt, proprium munus obeant, nulla absolutione obtenta a suspensione, quam ex admissi delicti notorietate ipso facto subierunt; quippe cum fortasse non animadvertant neque Dei offensionem, neque censuram Ecclesiasticam, qua ob tale crimen innodati existunt; eos omnes Clericos monemus, qui manifesta concubinatus, fornicationisve labe contaminati sunt, ut vere poeniteant, & absolutionem ab incuria suspensionis censura, a Nobis, vel ab eo, cui legitimam a tali censura absolvendi facultatem dederimus, obtineant, atque a male agendi consuetudine emendati, cujuscunque vel peccati, vel offensionis publicæ occasionem cum effectu præcidant; alioquin si absolutione non obtenta, occasioneque scandali non sublata, Ordinibus, quo initiati sunt, functiones obierint, irregularitatem incurrant, super qua a nullo alio, quam a Summo Pontifice Romano dispensari poterunt.

XXVI. De Parochis.

Il omnes, quibus animarum cura commissa est, cum teneantur oves sibi concreditas agnoscere, pro eis Sacrificium offerre, Verbiq; Divini prædicatione, Sacramentorum administratione, ac bonorum omnium operum exemplo pascere, pauperum, aliarumque miserabilium personarum curam paternam gerere, & in certa munia Pastoralia incumbere, meminerint gregi suo jugiter invigilare, & assistere, illumque in judicio & veritate pascere, ac gubernare. Ut autem facilius hujusmodi sui muneris partes exequantur, hæc præter ea, quæ his nostris Synodalibus Constitutionibus variis in locis præscriptimus, peculiari

liari titulo eisdem proponenda censuimus.

Quicumque Beneficium aliquod Ecclesiasticum, curam animarum quomodolibet habens, obtinet, quovis etiam dignitatis nomine nuncupetur, etiam si eidem ab ipsa fundatione cura non immineat animarum, sed longo post tempore annexa sit; apud suam Ecclesiam resideat, in propria scilicet Ecclesiæ domo, si habeat, alioqui in alia, quæ tamen in propriæ Parochiæ finibus sita sit; neque ei unquam ulla ratione abesse liceat, nisi ex iusta causa, a Nobis scripto approbanda. Qui secus fecerit, præter peccati culpam, penam etiam amissionis fructuum Ecclesiæ, cui præest, eo ipso incurret.

Qui vero contra Sacrorum Canonum, & Sacri Concilii Tridentini præscriptum plura curam animarum habentia obtinent Beneficia, vel Dignitates; aut Canonicatus; seu alia, in quibus residere oporteat, nisi a Sancta Sede Apostolica dispensationem obtineat, is ab eo tempore, quo posterioris Beneficii possessionem assecutus est, sciatur Beneficium, quod prius obtinebat, ipso jure vacasse, tenerique ideo ad illud statim dimitrendum, fructusque omnes interim mala fide perceptos, Ecclesiæ ipsi restituendos.

Quod si quis Canonicatum, una cum curato Beneficio ex dispensatione Apostolica, retinere possit; non in Canonicatu, sed in Beneficio curato resideat ad præscriptum Constitutionis PII Papæ Quinti.

Nemo ab Ecclesia sua absit absque licentia Archidiaconi propriæ Regionis, seu tractus. Si autem longior septem diebus absentia sit duratura, non ab Archidiacono, sed a Nobis, Officiali nostro facultatem scripto obtineat. Nullo tamen modo occasione absentiae intermitatur celebratio Missæ in Ecclesia Parochiali, præsertim die Festo, & vespertinarum horarum, ac debita Sacramentorum administratio, aliaque quævis functio Parochialis.

Cum primum aliquis ejus curæ commissus in morbum incidit, tunc maxime etiam ab ægroto non vocatus, Parochus illum invisit; omnemque

Parochialis charitatis diligentiam in eo ponet, ut illum in via salutis recte dirigat, & a nequissimis Dæmonis insidiis, ac conatibus tueatur, atque defendat, præsidio salutarium adjumentorum.

Quod Concilio Agathensi olim pie cautum est, idem Parochus præstari curet, ut Missa celebrata, si quos in Parochiali vicinia habet, frequenter, atque adeo quotidie, cum per alias Parochialis curæ suæ occupationes potest, visitet, eisdemque præstet, prout opus esse viderit, officium charitatis, & sollicitudinis paterno muneri suo conjunctæ.

Parochiales item suos, & universos, & sigillatim sæpe numero, prout occasio feret, hoc monebit, ut se accersant, cum primum aliquis in gravio rem morbum inciderit.

Et vero quoniam aliis Parochialis curæ officiis aliquando fortasse distineri potest, propterea Parochiæ suæ Sacerdotes, si quos habet, ut saltem aliquot Laicos homines, virtute & vitæ spiritualis usu præstantes, deliget, qui ægrotum adeant, recteque cohortentur, cum ad vim morbi patienter in Domino ferendam, tum ad alia Christianæ pietatis officia obeunda.

Illis maxime visitandis, & consolandis, assiduam charitatem navabit, qui rerum omnium indigentia, & morbi acerbitate miserabilem in modum afflictis, curationem difficillimam experiuntur, quorum pauperatatem, pietatis zelo commotus ita sublevabit, ut & ipse, si per facultates potest, de suo aliquid erogat, & aliorum eleemosynas inquirat.

Quæcunque pietatis officia fidelibus suæ Parochiæ quavis adversa valetudine laborantibus præstare debet Parochus, eadem majori diligentia exhibere teneretur, cum ejus Parochialem viciniam, Parochialesve fines pestilentia, pestisve suspicio invadit: tunc enim proposito sibi ob oculos tam gravi gregis sibi commissi periculo, omni constantia, omni que animi firmitate munitus, illum nullo modo deferat, ne Pastoris solatio destitutus, vehementius perterrefactus, afflictione ta-

bescat;

befcat; sed operam, studium, ac ministerium suum ita navare studeat, ut ad omnia charitatis, ac misericordiæ officia, & exemplo suo, & pio quodam sanctarum cohortationum ardore, quibus perpetuo, uti diligentissime debet, cæteros inflammet. Id autem præcipue curet, ne quis e grege suo absque Poenitentiae Sacramento ex hac vita migret.

Præter alias sacras functiones, quas quisque Parochus diebus Festis obire debet, ne vespertinæ horæ Officium in Ecclesia recitandum, quavis occasione, vel causa intermittat.

Singulis diebus Dominicis, intra Missæ Parochialis celebrationem, nempe post concionem immediate, præter Matrimoniorum denuntiationes, Parochi omnes dies Festos, ac jejunia in hebdomada sequenti occurrentia populo edicant, & evulgent; ut unusquisque, quo die ea occurrunt, intelligat, & ad alia religiose observanda excitetur, ac moneatur.

Cum Sacræ Concionis, sermonisve munus intra Missæ celebrationem præstatur, id ex antiquo hujus Ecclesiæ ritu, fiat semper, statim postquam Symbolum Apostolorum recitatum est, ante Offertorii pronunciationem.

Præpositi, Parochi, alique Episcopi inferiores, cum in Altari in Missæ Sacrificio, quod ipsi celebrant, id munus obibunt, tunc capite aperto ad sacrorum rituum præscriptum, stare debent. Quo autem facilius a populo audiantur, suggestum, eos ascendere opportunius erit; tuncque casulam deponere, si maluerint, licebit, quam statim sermone habito, ad Altare reversi induant. Cum in suggestu concionem, sermonemve habent, operto sint capite; & sedent, aut stent, prout maluerint.

Cum non is Sacerdos, qui Sacrificium Missæ facit, sed alius intra Missæ celebrationem, sermonem, concionemve habiturus est, is suggestum ascendat: interea vero Sacerdos celebrans, loco a Laicis segregato, & ab altari paululum remoto, non extra tamen Presbyterium, sacris vestibus indutus cum Diacono & Subdiacono,

si illi in Missa tunc adhibiti sunt, ab utroque latere confidentibus, sedebit.

Dum Sacra Concio, sermone habetur, ne eo ipso tempore, in Ecclesia eadem, Missæ Sacrificium ab ullo quovis Sacerdote fiat.

Oblationum institutum, quod Offertoria dicunt, jam pridem ab Apostolicis usque temporibus, Apostolico etiam Canone sancitum, Sanctissimorumque Pontificum, MELCHIAS, FABIANI, & GREGORII Constitutionibus; & Conciliorum præterea Decretis communiter, quo gravius his temporibus a fidei, doctrinæque Catholicæ hostibus exagitur, & languescere pietatis studio, quo magis a fidelibus negligitur, hoc diligentius servari, atque ad executionis usum, ubi intermissum est, revocari convenit, cum præsertim & ad Divinum cultum illud pertineat, & populis salutare sit, & ad expianda peccata utile. Quare Parochi, Concionatoresve, omni persuadendi, cohortandique officio, illud, ubi est, retineri, ac ubi negligitur, restitui studiose ad Sacrorum Canonum præscriptum ita curent, ut in Solemnitatibus scilicet Domini, diebusque Dominicis, ac Festis, item quos coli, aut præcepti, aut consuetudinis est, & præterea in Missis Defunctorum, quilibet Christianus aliquid, sive pecunia, sive cereis, sive alio elemosynæ genere, prout sua quisque pietate, devotioneque maluerit, Deo offerre procuret, idque in Ecclesia Parochiali, cum ad Missæ Sacrificium, quod a Parocho celebratur, convenit. Quo in Officio servetur, ut quod antiquæ est consuetudinis, primo maribus, deinde fœminæ offerant.

Quo gratius autem Deo sit, quod offertur, ad id præstandum accedant fideles intima animi pietate, spirituali hilaritate, sancta charitate, omnique Christianæ devotionis testificatione. Offertentium autem, prout sanctæ institutionis est, peculiaris commemoratio in Missæ Sacrificio a Celebrantē fiat.

Pro fidelibus Defunctis religiosos Deo preces, orationemque adhibere, Officium est salubre quidem, & Sanctum, Christianæque pietatis studio plane

plane dignum; ideo Parochi, ex antiquissimo hujus Ecclesiæ nostræ more, singulis diebus Dominicis, & Festis, intra Missæ summæ celebrationem, immediate post concionem, fideles moneant, ut pro animabus in purgatorio detentis, intimo cordis affectu, preces effundant.

Oratio vespertina, quam Salve vocant, in omnibus tam hujus urbis, quam universæ Archi-Diœcesis nostræ Ecclesiis, a primo Sabbato Quadragesimæ, usque ad feriam quartam post Dominicam Palmarum fieri solita, cum ex prisco & laudabili more sit introducta, & maximam afferat fidelibus utilitatem, perpetuo obeatur; & ut ad eam populi frequentissimi conveniant, illos Parochi omni cohortationis officio inducant. Caveatur autem, ne hujusmodi orationis causa, cantiones ulæ, quæ Catholicæ non sint, canantur, & Antiphonam illam ab hæreticis editam, cui initium est: *Salve Jesu Christe*, omnino prohibemus.

Nullum officii genus, quo fideles ad pietatem excitare possint, Parochi prætermittere debent. Quare in unaquaque Parochiali Ecclesia, ter in die, summo scilicet mane, meridie, & sub noctem, campanæ sono fideles excitentur ad orationem, ut meminerint, si sæpius non possint, saltem tribus his temporibus esse orandum, ut Psalmus docet: Vespere, mane, & meridie, narrabo & annuntiabo, & exaudiet vocem meam. Ut igitur ii non solum campanæ sonitu, sed etiam Parochorum cohortationibus moniti, certis illis diei potissimum intervallis, se ad brevissimum saltem temporis spatium colligant, menteque ad Deum conversi, orent; illos unusquisque Parochus religiose, frequenterque moneat, ac hortetur. Quo in cohortationis genere doceat, quam sæpius fidelibus orandum sit, ut non solum in eas singulas certas horas, sed in singula potius momenta, de innumerabilibus beneficiis, quæ Deus in illos benignissime confert, pie gratias agant. Illis verò statis intervallis maxime precandum est, Beatissimæque Virginis Mariæ patrocinium invocandum, ut per eximia beneficia iis horis humano generi colla-

ta, quibus illa adfuit, ab unigenito ejus Filio misericordiam fidelibus impetrare dignetur. Campanæ enim sonitu matutino renovatur memoria Resurrectionis Christi Domini, qui resurgens ex mortuis statim Sanctissimæ Mariæ suæ apparuit. Meridianus sonus datur ad excitandam memoriam, & recordationem Passionis Christi, cui Virgo Mater interfuit. Vespertinus autem ad recolendum mente, animoque beneficium Incarnationis ejusdem Salvatoris nostri in utero Beatissimæ Virginis. At quo fideles, iis tribus temporibus, uniformi ratione orent, & indulgentias a Summis Pontificibus hac de causa concessas consequi valeant, curent Parochi, ut omnes, ter Salutationem Angelicam cum tribus versiculis, & oratione, ex prisco Ecclesiæ usu, recitari solitis, genibus flexis, pie & devote recitent, ut infra.

Angelus Domini nuntiavit Mariæ, & concepit de Spiritu Sancto. Ave Maria &c. Ecce Ancilla Domini, fiat mihi secundum verbum tuum. Ave Maria &c. Et Verbum Caro factum est, & habitavit in nobis. Ave Maria &c. Oremus. Gratiam tuam, quesumus Domine, mentibus nostris infunde; ut qui Angelo nuntiante, Christi Filii tui Incarnationem cognovimus, per Passionem ejus & Crucem, ad Resurrectionis gloriam perducamur. Per eundem Christum Dominum nostrum, Amen.

Cœlestia arma, quibus inter cætera, dum in hoc sæculo nequam, peregrinantur Christi fideles, adversus suæ salutis hostes, in colluctatione assidue utendum eis est, preces sunt, & oratio sancta. Cujus quidem orationis studium, cum & perpetuum, & necessarium eisdem esse non solum verbis, sed & exempli sui contestatione, docuerit Christus Dominus, fideles omnes ad illud pie, & religiose amplectendum, in eoque solícite versandum, omni diligentia, ac pietate inducere debemus, præsertim hoc tempore, quo Christiani nominis hostes, bellorum incurfibus, omnibusque dolis, insidiis, impiisque, & continuis machinationibus, Ungariæ Regnum, & alias finitimas ditiones vexare, eisque plurima afferre mala non cessant; quibus quidem malis ut

occurramus, quis non videt ad Divinam opem nos debere præcipue confugere? Quod sane, ut accuratius præstemus, illustre Moysis exemplum nos admonet, atque aperte docet, quo alte manus extendente, ac sustentante, hoc est, ferventibus precibus Divinam Majestatem sollicitante, Israëliticus populus Amalecitas superabat, prosternebat, atque internecioni tradebat evidentius; manus autem interdum fatigatas dimittentem, hostis invalescebat illico, atque in fugam Israëlitarum convertebantur. Hæc igitur de causa, præter supplicationes & processiones a Nobis indictas, quas omnino fieri volumus, etiam orationem vespertinam per singulas familias hujus Metropolis & Archi-Diœcesis universæ communiter in propriis ædibus faciendam instituimus, ad opem a Deo imminenti bello implorandam, contra Turcarum, & Catholicæ Religionis hostium vim, ac conatus, ad ejusdem Ecclesiæ Catholicæ & Religionis augmentum, Regnorumque & Statuum Sux Sacræ Cæsareæ Majestati quovis modo subditorum conservationem & propagationem. Parochi igitur, fideles omnes, & præsertim Patresfamilias hortentur, ut hujusmodi orationi quotidie vacent, pia Lytaniarum, vel Beatæ Mariæ Virginis Coronæ recitatione. Ut autem hoc pium institutum promptius amplectantur, iis omnibus utriusque sexus Christi fidelibus, qui vere pœnitentes, cum proposito temporibus debitis confitendi, singulis diebus, vesperi, hac de causa, per horæ quadrantem, certa hora eis bene visa, oraverint, pro quacunque vice id fecerint, quadraginta dierum indulgentiam, in forma Ecclesiæ consueta, concedimus.

Tam in hac Urbe, quam in aliis Civitatibus, & locis, ubi aliqui Itali habitant, Parochi illos & publice & privatim sæpe moneant, de observanda Constitutione fel. rec. CLEMENTIS Papæ Octavi, (*) qua statuitur, ut nullus Italus, cujusvis conditionis, & status ille sit, quovis quæsito colore, audeat habitare, vel domicilium tenere, ubi aliqua Ecclesia cum Parocho, vel Pastore, seu Sacerdote Catholico non existit, in qua libere, & sine omni periculo palam

& publice celebrari, & audiri possint Missæ, Officia Divina & Conciones, ac Sacramenta ministrari, mortuorum corpora sepeliri; & cætera fieri juxta Catholicum ritum Sanctæ Romanæ Ecclesiæ. Abstineant Itali a Matrimoniiis cum hæreticis mulieribus, & ab hæreticorum sepulturis; filios suos non stant per hæreticos de Sacro Fonte levare; neque ipsi, hæreticorum filios, nisi a Catholico Sacerdote baptizentur, levare præsumant. Medicorum hæreticorum opera, cessante necessitate, ubi adsit Catholici Medici idonei copia, non utantur. Ex Italia ad hæreticorum loca profecturi, id significant Ordinariis suis, vel Inquisitoribus, a quibus serio admoneantur, ut Catholice, & religiose vivant, atque hæreticos & schismaticos vident, singulis annis saltem, de eorum Sacramentali Confessione, & Sacratissimæ Eucharistiæ perceptione, per eos factam, fidem Ordinariis ipsis, vel Inquisitoribus transmittere teneantur. In eos, qui contra hæc facere præsumperint, uti de hæresi suspectos, per locorum Ordinarios, & Inquisitores procedi poterit.

Sicut Episcopale visitandi munus necessarium est, Sacrorumque Canonum, & Generalium Conciliorum jure ad eorum, qui visitandi sunt, salutem procurandam utiliter institutum, ita, qui visitantur, ut quem debent, fructum ex eo uberem, salutaremque capiant, eos frequentes hujusmodi visitationibus adesse oportet. Quamobrem Parochi, crebro populum doceant, tum visitationum utilitates, tum eas officii partes, quas visitantibus Nobis, Visitatoribusve nostris, ab eo præstari convenit, tum verò in primis illum, dum visitatio fit, quam frequentissimum adesse, gravi cohortatione moneat. Cum autem per Nos ipsos id munus obire non poterimus, per Visitatores nostros supplebimus, ut teneamur, qui debitis temporibus ad quævis loca nostræ Archi-Diœcesis accedentes, sanam & orthodoxam doctrinam inducere, bonos mores tueri, pravos corrigere, populos cohortationibus, & admonitionibus ad Catholicam Religionem, & ad pacem, atque innocentiam accendere, cæteraque præterea, prout

locus,

[*] Die 26. Julii anno 1596. edita.

locus, tempus, & occasio feret, ex eorum prudentia, ad fidelium fructum constituere, paterna charitate, Christianoque zelo, procurabunt. Parochi, & alii item, qui visitabuntur, Visitatores ipsos benigne & honorifice, ac decenter excipiant, victualiaque ad Sacrorum Canonum præscriptum prompte subministrent; non enim secundum Apostolum, magnum est ab eis meti temporalia, per quos spiritualia seminantur.

Cum Parochiarum distinctio necessaria sit, ut proprium Pastorem Parochiales cognoscere possint, a quibus cum opus est, pie gubernentur, & Sacramentis, aliisque spiritualibus adjumentis pascantur; Parochis omnibus hujus Civitatis edicimus, atque jubemus, ut infra duos menses proximos ad Nos accedant, ut unicuique eorum certos Parochialis viciniae limites, ædibus, aut viis perpetuo distinguamus, quo facilius proprias oves pascere possint, & messem in alienam falcem non mittant.

Nemo Sacerdos sæcularis, vel cujusvis Ordinis & Instituti Regularis, etiam exemptus, in hac Metropoli & Archi-Diœcesi nostra, curam animarum quovis colore, vel prætextu, exercere audeat, nisi vel aliquod Beneficium Parochiale legitime possideat, vel facultatem a Nobis, Officialive nostro hujusmodi muneris ad certum, vel incertum tempus obeundi, scripto exarata obtinuerit, etiamsi, alterius Parochi Coadjutor, Cooperatorve existat, aut ab aliquo Abbate, Monasteriive cujusvis Præfesto, etiam exemplo, deputatus, alioquin suspensionem a Divinis ipso facto incurrat.

Cum ad aures nostras devenerit, aliquas in hac Archi-Diœcesi reperiri Ecclesias Parochiales, in quibus Patrocinia non celebrantur, quia eorum titulus ignoratur, eo quod per plures annos in hæreticorum manibus extiterint; statuimus, ut quamprimum hujusmodi Ecclesiarum Parochi singuli ad Nos accedant, ut declaremus, quo die singulis annis, & Patrocinia, & Anniversarium Consecrationis propriæ Ecclesiæ, ad Dei honorem, & animarum salutem perpetuo sint inibi celebranda.

Curent Parochi, ut in unaquaque Parochia habeatur Ludimagister, qui Catholicus sit, & eruditus, ac bonæ famæ. Is autem non solum in grammatices, & humaniorum literarum peritia, sed etiam in fidei Christianæ rudimentis, ac Catholica Religione, ad Petri Canisii Catechismi præscriptum, pueros, adolescentesve instruat, eosque bonis moribus, Christiana pietate, atque spiritualibus exercitiis diligenter imbuat.

Diligentiam item adhibeant, ut mulieres, quæ in Parochia puellas docent legere, & scribere, Catholicæ sint, & spectatæ vitæ, atque in eis erudiendis, libris utantur Catholicis, & a proprio Parocho approbatis.

Curent Parochi, & Confessarii item, ut pie testantium voluntates, & relicta in pios usus, Ecclesiis, aliisque locis, & personis prompte persolvantur.

Nullis in Ecclesiis, juxta Missæ celebrationem, concionisve sacræ munus, seu alio tempore, neque item in Cœmeteriis, Ecclesiarumve atriis, vestibulis, aut fronte, neque præterea in quibusvis locis sacris, Parochi, Concionatores, Clerici, alique quivis, quidquam, quod forense, vel profanum sit, quodque ad rerum prophanarum, seu forensium enuntiationem attineat, promulgent; sed ea tantum in locis Deo dicatis obeantur, quæ sacra, & pia sunt, atque ad Dei cultum & pietatis opera pertinent.

Ob frequentem aliquorum Parochorum mutationem, Ecclesiarum bona deperiri compertum est; ideo ad tutiorem, perpetuamque hujusmodi bonorum, quæ Patrimonium Christi sunt, conservationem, omnibus Parochis, etiam temporariis, & aliis item Beneficiariis hujus Archi-Diœcesis nostræ præcipimus, ut infra tres menses proximos duo inventaria authentica confici curent, in quibus omnis propriæ Ecclesiæ, propriæ Beneficii suppellex, & præterea prædia, census, agri, eorumque fines, ac termini, jura, privilegia, oblationes, atque etiam bona se moventia, si quæ habet, distincte notata sint, quorum alterum penes se
reti-

retineant, alterum vero Nobis tradant, in Archivio Archi-Episcopali diligenter asservandum.

Ad hujusmodi inventaria conficienda teneantur in posterum infra tres menses, post beneficii sui adeptam possessionem, quicumque beneficium Ecclesiasticum cujusvis generis obtinuerint, meminerintque se teneri pro posse recuperare, sui beneficii bona, si quæ deperdita, & usurpata repere-rint.

Cum autem aliquando reperiantur aliqui bonorum Ecclesiasticorum, & jurium conductores, qui ea in totum vel in partem usurpare non verentur, in propriæ salutis spiritualis exitium, & maximum Ecclesiarum detrimentum; omnibus Parochis, Beneficiariisque edicimus, & jubemus, ut locationes bonorum suorum Beneficiorum nunquam faciant Nobis inficiis, & exemplar hujusmodi bonorum locationis Nobis, aut Officiali nostro statim transmittere teneantur.

Parochi omnes sæpe populis significent, eos omnes tam Clericos, quam Laicos, qui alicujus Ecclesiæ, Beneficiive, aut loci pii bona, census, jura, fructus & obventiones, per se, vel alios, quacunque arte, vel quovis quæsito colore, in proprios usus convertere, & usurpare præsumpserint, seu impedire, ne ab iis, ad quos jure spectant, percipiantur, excommunicationem, & alias pœnas Sacrorum Canonum, & Generalium Conciliorum jure, contra hujusmodi infictas, incur-rere.

Sepelire mortuos opus misericordiæ est non minimum, ut Sacrarum Litterarum monumenta, & perpetua Catholicæ Ecclesiæ consuetudo, Sanctorumque exempla clarissime testantur. Ad hoc sepeliendi munus Sacræ Cæremonix, & ritus, qui neque recentes sunt, neque mysteriorum expertes, vel ab Apostolis ipsis, vel a primis Sanctissimæ Fidei nostræ Patribus ad fidelium pietatem, defunctorumque suffragia, fuerunt salubriter instituti. Quare Parochi omnes, cum sæpe fideles ad hoc spirituale officium hortentur, ut funus prosequantur, exequiis-

que omni animi pietate intersint; tum ipsi, ceterique Sacerdotes, & Clerici, ea devotione; iisque religiosis precibus, & sanctis cæremoniis, illud rite ita concelebrent, ut ad rem, quam agunt, intime, pie, animoque attenti, etiam corporis compositione, habitu, atque vultu, pietatem, gravitatemque, quemadmodum Dei Ministros decet, præ se ferentes, invitent alios præsentibus non modo ad orationem pro defuncto, sed & meditationem mortis, quæ in ea funeris actione ob oculos unicuique proponitur.

Cum autem infidelium, nec non excommunicatorum, interdictorum, manifestorum usurariorum, impenitentium, & aliorum ejusmodi defunctorum corpora, Ecclesiastica sepultura ad Sacrorum Canonum præscriptum care-re debeant: Caveant Parochi, ne hujusmodi corporum funeribus & exequiis intersint, eave in Ecclesiis suis, seu cæmeteriis sepeliri, aut funerum, seu exequiarum ejusmodi occasione, prædictarum ecclesiarum campanas pulsari permittant; alioquin censuras & pœnas contra hujusmodi impositas incur-rent.

Magnam adhibeant diligentiam Parochi, ut, quæ de Ecclesiæ, Sacristiæ, Altarium ornamentorum, & Ecclesiasticæ supellectilis nitore, munditia, & forma superius præscripsimus, diligenter ab omnibus attendantur, & serventur, & præsertim, ut nullibi Missa celebretur, nisi in Ecclesiis, ac Oratoriis Deo dicatis, & a Nobis approbatis, & super altaribus forma præscripta constructis, & ornatis. Sedulo invigilent, ut Altarium mappæ, & alia ornamenta decencia sint, & munda. Nulla corporalia adhibeantur in Missæ Sacrificio, quæ non sint congrua, & amylo illita. In Sacra Eucharistia, aqua Baptismali, sacris liquoribus, calicibus purificatoriis, & aliis ejusmodi rebus sacratis aservandis, & in Ecclesiasticis ministeriis adhibendis, nihil incultum, situmque obsolescens, pulverulentum, immundum, aut rei sanctitate indignum haberi, seu usui esse permittant. Habeant vas decens huic tantum usui destinatum, ad harum nostrarum Constitutionum præscriptum, in quo,

cum

cum opus est, lavent corporalia, & purificatoria, & lavationis aqua in Sacramentum projiciatur: In eo autem laventur calices lixivio, & smigmate, saltem ter in anno, ut decentiores, & nitidiores continuo remaneant.

Unusquisque Parochus Librum habeat status animarum suæ Parochiæ quotannis renovandus; cujus exemplar ad Nos deferat, mittatve, cum de hoc requisitus fuerit. Et in eo notet nomen, & cognomen eorum, qui in sua Parochia habitant per familias distinctorum. Qui in Pascha præcedenti Sacram sumpserint Eucharistiam, notentur hoc signo: *Comm.* Qui ad Confessionem Sacramentalem admittuntur, sed per ætatem eis non permittitur Sacra Communio, notentur hac ratione: *Conf.* qui vero Sacramentum Confirmationis susceperunt, distinguantur hoc modo: *Cbr.*

XXVII. De Beneficiorum Collatione, ac Jure Patronatus.

Beneficia Ecclesiastica iis tantum conferenda sunt, qui medio examine, a Nobis approbati fuerint, exceptis iis, qui in forma, ut dicunt, gratiosa, a Sancta Sede Apostolica provisi fuerint.

Præsentati, seu electi, vel nominati a quibusvis Ecclesiasticis personis, etiam Sedis Apostolicæ Nuntiis, ad quævis Ecclesiastica Beneficia, non instituuntur, nec confirmentur, neque admittantur; etiam prætextu cujusvis privilegii, seu consuetudinis, etiam ab immemorabili tempore præscriptæ, nisi fuerint prius a Nobis examinati & idonei reperti.

Ad dignitates quascunque, aliæque Beneficia, quibus animarum cura subest, nemo promoveatur; nisi qui saltem vigesimum quintum suæ ætatis annum attigerit, & in Clericali ordine versatus, doctrina ad suum munus exequendum necessaria, ac morum integritate commendetur.

Ad cæteras autem dignitates vel personatus, quibus animarum cura nulla subest, Clerici alioquin idonei,

Tomus VIII. Concilior. German.

& viginti duobus annis non minores adfiscantur.

Nemo ad dignitatem, Canonica-tum vel præbendam aliquam assumatur; nisi qui eo Ordine Sacro, quem illa dignitas, præbenda, aut portio requirit, aut sit initiatus, aut in tali ætate, ut infra annum initiari valeat. Quod etiam servetur in collatione Beneficiorum simplicium, seu Altarium, etiam extra Collegiatis Ecclesiis, quæ Sacerdotalem ordinem ex fundatione requirunt. Cætera autem, quæ Clerici quivis, etiam prima Tonfura tantummodo initiati, obtinere possunt; ii tamen, qui decimum quartum suæ ætatis annum expleverint, conferantur.

Cum alicujus Ecclesiæ Parochialis vacatio quomodocunque contigerit, ei tantum, qui medio examine, ætate, prudentia, scientia, morum probitate, & aliis requisitis, magis idoneus repertus fuerit, ad Sacrorum Canonum, & Constitutionum Pontificiarum præscriptum, conferatur. Quod si Juris Patronatus alicujus fuerit; qui e Patrono præsentatus erit, ab Examinatoribus, coram Nobis, Officialive nostro examinetur, ut non admittatur, nisi idoneus repertus fuerit.

Examinatores munus suum nullo modo aggrediantur, antequam, vel in Synodo nostra Diocæsana, vel privatim, in manibus nostris, ad Sancta Dei Evangelia juraverint, ut infra:

Ego N. Examinator deputatus, juro, me omni humana affectione postposita, munus mihi commissum pie & fideliter executurum. Sic me Deus adjuvet, & hæc Sancta Evangelia.

Caveant, ne quidquam prorsus occasione examinum, nec ante, nec post, accipiant; alioquin Simoniacæ vitium tam ipsi, quam alii dantes incurrunt; a quo absolvi nequibunt, nisi dimissis Beneficiis, quæ quomodocunque, etiam antea obtinebant, & ad alia impofterum obtinenda inhabiles reddantur.

Sicut legitima Patronatum jura tollere, piasque fidelium voluntates in eorum institutionem violare æquum non est, sic etiam, ut hoc colore Beneficia Ecclesiastica in servitutem redi-

B b b b b

gantur,

gantur, non est permittendum. Nullus igitur Juris Patronatus titulus admittatur, nisi sit ex fundatione, vel dotatione etiam ab eis facta, quibus jure hæreditario Patroni succedunt, & authentico documento, aliisque jure requisitis ostensum, siue etiam ex multiplicatis præsentationibus, per antiquissimum temporis cursum, qui hominum memoriam excedat, aliave secundum juris dispositionem.

Jura Patronatus nullo modo ad hæreticorum manus pervenire possint, etiamsi illa sibi competere prætendant jure hæreditario, vel quovis alio prætextu.

Patroni autem Beneficiorum cujusunque Ordinis, conditionis, & dignitatis, etiamsi Communitates, Universitates, Collegia quæcunque Clericorum, vel Laicorum existant, in perceptione fructuum, proventuum, & obventionum quorumcunque Beneficiorum, etiamsi vere de Jure Patronatus ipsorum ex fundatione, & dotatione essent, nullatenus, nullave causa, vel occasione se ingerant, sed illos libere Rectori, seu Beneficiario, non obstante etiam quacunque consuetudine distribuendos dimittant.

Qui alicujus Beneficii Parochialis, vel etiam simplicis, Jus Patronatus habent, personam idoneam Nobis, intra quatuor menses, a die vacationis, si Laici sint, & intra sex, si Ecclesiastici, præsentare debeant. Alioquin pro illa vice jus præsentandi ipso facto amittunt, & Nobis, vel ei, ad quem hujusmodi collatio spectat, eo ipso devolvitur.

Nemo autem præsentatus, vel nominatus, vel electus, ab inferioribus provusus, a Nobis, Officialive nostro prius admittetur, vel instituitur ad quodvis Beneficium, quam infra scriptum jusjurandum emisit.

Ego N. præsentatus, & electus ad Beneficium N. juro per Sacrosancta Dei Evangelia, quæ meis manibus tangō, neque me beneficii obtinendi causa, aut ut ad id præsentarer, vel nominarer, neque quempiam alium, meo nomine, aut consentiente, vel sciente me, quidquam Collatori, Patrono seu

alii cuiquam ea de causa promississe, aut dedisse; seu compensasse, aut prius datum confirmasse, vel apud quemquam deposuisse; neque mutuo dedisse; vel locasse, vel prius mutuo datum, commodatum, locatum, aut quocunque modo debitum remisisse; vel relaxasse, nec de domibus, terris, prædiis, redditibus ejus Ecclesiæ, fructibusve, juribus, aut obventionibus ejusdem, præteritis, præsentibus & futuris, donationem, remissionem, locationemve fecisse, promississe, aut iniisse. Ita me Deus adjuvet, & hæc Sancta Dei Evangelia.

Nemo admittatur ad possessionem cujusvis Beneficii Ecclesiastici, etiamsi juris Patronatus fuerit, priusquam in manibus nostris Professionem fidei emisit, & tactis scripturis jus jurandum, ut infra, præstiterit, quo promptius excitetur ad præstandam obedientiam Ordinario debitam, atque ad Bonorum sui Beneficii conservationem, & recuperationem.

Ego N. Titularis Beneficii N. promitto; & juro, quod obediens ero Illustrissimæ celsitudini Vestræ, & legitimis Successoribus vestris in hoc Archiepiscopatu; Ecclesiæ meæ inferviam, & omnia, quæ ratione Beneficii Ecclesiastici ad præsens mihi collati, præstare teneor, prompte exequar. Ejusdem Beneficii bona tam mobilia, quam immobilia, & se moventia, nullo modo alienabo; immo si quæ alienata reperiam, pro posse recuperabo. Ritus Sanctæ Romanæ & universalis Ecclesiæ in ministrandis Sacramentis Ecclesiasticis inviolabiliter tenebo, & observabo; vocatus ad Synodum Diocesanam veniam, nisi legitimo detentus fuero impedimento. Bonorum omnium tam mobilium, quam immobilium, ac jurium quorumcunque hujus beneficii duo conficiam inventaria authentica infra tres menses proximos; quorum alterum penes me diligenter conservabo, & alterum Illustrissimæ Celsitudini Vestræ tradam in Archiepiscopali Archivio perpetuo asservandum. Sic me Deus adjuvet, & hæc Sancta Dei Evangelia.

XXVIII. De Monasteriis Virorum.

Nulla Monasteria nova in hac Metropoli & Archidiœcesi nostra construantur, absque facultate a nobis scriptis obtenta.

Regulares omnes, quo arctiori Regula obstricti sunt, eo accuratius, & perfectius, juxta eorum institutum, Dominicum agrum excolere tenentur, in quo utique excolendo, Episcopis, & Parochis maximo debent esse adjumento, atque in cultu Dei augendo, animarumque salute procuranda omnem opem afferre. Quamobrem confidimus eos omnes universa, quæ his nostris Synodalibus Decretis continentur, prout ad eorum unumquemque spectant, & regulari disciplinæ conveniunt, prompte executuros præcipuamque adhibituros diligentiam in iis exequendis, quæ de Ecclesiarum cultu, & pia in eis versandi ratione, de prædicatione Verbi Dei, de confessionibus audiendis, de ornamentis, paramentis, ac supellectile in Missæ Sacrificio, Sacramentorum administratione, sacrisque functionibus decenter adhibendis, eorumque munditia, & nitore in hac Synodo sunt præscripta.

Caveant, ne intra suorum Monasteriorum clausuram, mulieres quovismodo recipiant, admittantve sub pœnis, & censuris, Constitutionibus Pontificiis expressis.

Quod ut facilius executioni mandari possit, curabunt Abbates, Præpositi, Pioresve, & alii Superiores, ut aliquis habeatur locus extra Claustra, ubi feminæ in casibus necessariis audiri possint.

Nulli Monachi, Regularesve Viri, ad balnea publica accedant, cum id a Regularis status disciplina, & observantia abhorreat.

Cum non solum Clerici sæculares, sed etiam regulares, ad ea, quæ Divinum cultum respiciunt, intendere teneantur, in eorum Claustris, & Monasteriis, ne quempiam sui, aut alterius ordinis, Virum Regularem, qui vagus sit, & absque sui Superioris commendatiis literis, admittant ul-

tra unam, aut alteram noctem ad summum.

Ne in suis Ecclesiis aliquem Sacerdotem secularem, vel regularem, vagum, seu peregrinum, absque sui Superioris attestationibus, & commendatiis literis, quæ omni falsitatis suspicione careant, ad celebrandam Missam admittant; ne tremendum hoc sacrificium ab apostatis, aut a non rite ordinatis, censurisve Ecclesiasticis innotatis fieri permittatur.

Peculiari CLEMENTIS Papæ VIII. Decreto pie sancitum est, Regulares omnes debere ab eo Episcopo, in cujus Diœcesi Monasterium, in quo degunt, situm est, ordines suscipere, nisi Sedes Episcopalis vacaverit, seu infirma valetudine, aliove impedimento detentus, Episcopus ille sacrum non habuerit ordinationem; quo casu si extra Diœcesim ad suscipiendos ordines accedere voluerint, hujusmodi impedimenti testimonium, ab Episcopo, ejusve Officiali Generali, seu, sede vacante, ab Officiali Capitulari scripto comprobatum, ei, a quo ordinari voluerint, exhibere tenentur. Cum autem sex temporibus a jure statutis, vel a Nobis, vel a Suffraganeo nostro, Sacramentum ordinis ad nostræ Ecclesiæ utilitatem ministraretur; non est, cur Monachi, aliive Regulares, ad alios Episcopos confugiant, ut ordines suscipiant. Ad Nos igitur, sive ad Suffraganeum nostrum, non autem ad alienos Episcopos pro suscipiendis ordinibus accedant; alioquin ad Sacrorum Canonum, & prædictæ Pontificiæ Sanctionis præscriptum; contra eos agemus.

Quo facilius Parochi debitam iniire possint rationem in Sacra Communione Paschali fidelibus ministranda, & confessionum Sacramentalium attestationibus in animarum ædificationem accipiendis, & recognoscendis; iidem Regulares Sacram Communionem a Dominica Passionis usque ad octavam Paschæ inclusive, laicis non ministrent, ratione obligationis Paschalis; sed eos admoneant, ut ad proprium Parochum accedant; a quo juxta Sacrorum Canonum Constitutiones illam sumant.

Quicumque Regularis extra Monasterium sine Scripta facultate vagatur, a Nobis tanquam suæ Regulæ desertor punietur, etiam si eo se nomine excuset, quod ad Superiores suos velit accedere, nisi ab iis mittatur vel evocetur; cuius rei speciatim, nominatimque in facultatem mentio fiat.

At qui habitum suæ Religionis deseruerint, nisi præcipua Sanctæ Sedis Apostolicæ facultate tuti sint, in eos, tanquam apostatas severissime agemus.

Qui vero in Monasterio degere solitus, extra Monasterium notorium aliquod crimen ita admiserit, ut populo scandalo sit; nobis instantibus, a suo Superiore, intra tempus a nobis præfigendum, severe puniatur, ac de punitione nos certiores faciat. Si Superior non punierit delinquentem, immo extra Diocesim transmiserit, intra terminum a nobis præscribendum, ad locum, in quo deliquit, illum revocet, sub pœnis Pontificio Decreto contentis. Alioquin Ordinarius loci, ad quem delinquens transmissus fuerit, a nobis requisitus, in eum severe advertet.

Censuras omnes, atque interdicta, quæ a Sancta Sede Apostolica, seu a Nobis emanaverint, Regulares omnes in suis Ecclesiis evulgent, & observent.

Dies festos, qui in hac Metropoli & Archidiœcesi nostra, ex voto, seu prisco usu sanctificari consueverunt, iidem Regulares observare teneantur.

Nemo Regularis, Monialium Monasteria ingredi, seu ad eorum cancellos, rotamve accedere, vel eas alloqui audeat, sub pœnis a Sacra Congregatione Cardinalium, Episcoporum & Regularium negotiis præposita, ac peculiaribus Sanctionibus Apostolicis fancitis, & aliis etiam arbitrio nostro imponendis.

Vota substantialia in omnibus Monasteriis veraciter observentur. Cum autem regularis vitæ pestis sit perniciosissima proprietas; quæ ei occasione, & fomenta subministrant, tollantur omnino.

Victus, vestitus, cæteraque vitæ subsidia, pro eorum necessitate, &

Monasterii facultatibus, ex communi, prompte, hilariter, non fordide, nec in pecuniis, sed in rerum specie præbeantur. Monachi, alique Religiosi, non in Ecclesiis incorporatis, sed omnes in Monasteriis vitam communem agant, nisi aliud Regula permiserit, & Superior cum Capitulo suo expresse consenserit, ac nos eorum sententiam approbaverimus. Non tamen prohibemus, quin curam animarum in iis exerceant, modo alias apti sint, & a Nobis approbati.

Pensiones ad vitam, aut redditus perpetuos, nullos quovis prætextu recipere, neque ratione officiorum vel ministeriorum pecuniam, ut propriam conservare permittatur, sed omnia in communem usum convertantur.

Nemo pecuniam, vel aliud quidpiam proprium apud se, vel alium habeat, immo nequidem apud Priorem suum, vel alterius nominis Superiorem, ut vere dicere possit: hoc est meum, & non commune, ac pro sua voluntate uti queat; nec bona immobilia ad usum fructum possideat.

Considerent Abbates, Præpositi, alique Superiores Monasteriorum Regularium, se non habere dominium Bonorum Ecclesiasticorum, qua Patrimonium Christi sunt, sed tantummodo administrationem, salvo paupertatis voto; ideo videant, ne ejusmodi bona gravent ære alieno, aliisque oneribus, onerosisque contractibus in præjudicium Monasterii sui, suorumque Successorum, ac eorum item, qui cœnobio, jurisdictionis temporalis ratione, præsent. Ad servitia Monasterii nullos hæreticos, neque etiam per breve aliquod tempus, sub quovis prætextu admittant. Mimos, scurras, & alios id generis dysscolos, & moriones, non alant, neque eorum consuetudinem habeant.

Quæ Monasteria Parochias incorporatas habent; ut idoneos Parochos habere possint, duos ad minimum juvenes in celebri aliquo Gymnasio alere procurent.

Ut in omnibus Monasteriis docti viri haberi possint, semper duo ex juniori-

nioribus professis, vel si id nulla ratione fieri queat, ad minimum ex singulis cenobiis, in Patrum Societatis Jesu Scholis, aliisque Gymnasiis Catholicis, usque ad secundum Theologiæ annum, alantur.

Caveant Prælati, ne ex bonis, aut fructibus Monasterii sui suos ditent amicos vel propinquos; neque quidquam ut proprium ipsi possideant, vel aliis possidendum, aut donandum relinquant.

Curent Abbates, Præpositi aliique Regularium Superiores habere Ludimagistrum aliquem eruditum, & bonæ famæ, qui vere Catholicus sit, curamque habeat, juniores statim a Professione, imo & Novitios, si expedire videbitur, saltem in Catechismo & Grammaticis instruendi, atque ad Scholas altiores, ad quas mitti debent, disponendi. Procurent præterea habere Theologum; qui Sacerdotes, aliosque in piis, quæ regulam, conciones, casus conscientiæ, & id genus alia respiciant, diligenter instruat.

Si qui Regulares, quod absit, audientiarum confessionum, aut concionandi munus non ita sincere, & cum ædificatione obierint; eos ab officio suspendemus, & removebimus.

Ea est quorundam Religiosorum temeritas, ut non solum extra Claustra, absque suorum Superiorum licentia degere, & apostatare audeant, censuras Ecclesiasticas contra Apostatas impositas incurrendo, sed etiam Religionis habitum deponere, & in hujusmodi censuris inforlescere; atque in hoc damnationis statu perseverantes, in aliquibus Ecclesiis Parochialibus nostræ jurisdictioni Archi-Episcopali subiectis, Missas celebrare, Sacramentaque ministrare non erubescant. Quare pro debito vigilantia nostræ munere, eos paterne requirimus, atque in Domino monemus, ut præteritorum criminum poenitentes, ad nos cum omni fiducia confugiant; eos enim ad Sanctæ Matris Ecclesiæ gremium revertentes, benigne excipiemus; & eorum salutem, omni charitatis studio, totoque cordis affectu procurabimus: si vero, quod

absit, ab hoc damnationis statu rescipere non curaverint, in eos juxta Canonicas Sanctiones severe animadvertemus.

Regulares omnes utriusque sexus, etiam quovis modo exempti, si intra Archidiececlis nostræ limites eorum Monasterium existat, sacros liquores singulis annis renovari solitos, a nostra Metropolitana sumere teneantur. Si vero aliunde eos sumpserint, poenas dabunt a Sacris Canonibus sancitas.

XXIX. De Monialibus.

Maximum certe periclitanti Ecclesiæ præsidium asserre possunt assiduis orationibus, & vigiliis suis Sacra Virgines, quæ in Religione Deo se dicarunt, si, ut virginitatis flore decoratæ, gratiores sunt Christo Jesu, Sponso suo, ita majore devotionis Zelo, sanctoque charitatis igne accensæ fuerint. Quare ut in earum Monasteriis integra conservetur verus disciplina, & ea parte, qua depravata est, restituitur, ad eamque se ipsæ conformantes, in rerum Divinarum contemplatione liberius conquiescant; hæc ab ipsis servanda decernimus, & sancimus.

Constitutio BONIFACII Papæ Octavi, quæ incipit: *Periculoso*, servetur diligenter, ita ut nemini Sanctimonialium cujuscunque ordinis, & instituti, liceat impostitum post Professionem exire a Monasterio, etiam ad breve tempus, quocunque prætextu (nisi ex aliqua legitima causa a nobis scripto approbata) sub poena excommunicationis ipso facto incurrenda. Ingressi autem Clausuram Monasterii nemini liceat cujuscunque generis aut conditionis, sexus, vel ætatis fuerit, sine licentia nostra, vel Superioris earum (quoad Monasteria Regularibus subiecta) scriptis obtenta, alioquin eandem poenam subeant. Quæ facultas nulli concedatur; nisi urgentibus necessitatibus, aliter autem concessa nulla sit.

Facultas autem exeundi a Monasterio nullo modo concedi debet, nisi urgentibus necessitatibus; ideo nullis Abbatissis, aliisque Monialibus permit-

mittemus, quavis occasione, vel causa, ut Commatris, Susceptricisque munus præstent in Baptismi ministerio; neve ad nuptialia, aliave quæcunque convivia, sive symposia accedant; neque ad balnea sive publica, sive privata adeant.

Cum a nobis facultatem obtinuerint ob aliquam gravem necessitatem a Monasterio exeundi; saltem duas profectionis ætatis & probatæ vitæ feminas secum habeant, eisque perpetuo interdiciamus, ne extra Monasterium quavis occasione, vel causa pernoctent.

Nullæ mulieres admittantur ad aliquam Monasteriorum servitia, nisi probatæ vitæ sint, & facultatem a Nobis scripto obtinuerint.

Moniales omnes ad regulæ, quam professæ sunt, præscriptum, vitam instituunt & componant, atque in primis, quæ ad suæ professionis perfectionem, ut obedientiæ, ut obedientiæ, paupertatis, & castitatis vota, præceptaque ad trium votorum essentiam, nec non ad communis vitæ victus, & vestitus conservationem pertinent, fideliter observent: ea enim, quæ ad Regularis vitæ substantiam spectant, non sunt relaxanda, ne tota regularis disciplina corruat.

Ne ante professionem (excepto viæ & vestitu Novitiæ, illius temporis, quo in probatione est) quocunque prætextu, ab ejus Parentibus, aut Curatoribus, Monasterio aliquid ex bonis ejusdem tribuatur; ne hac occasione discedere nequeat, quod totam vel majorem partem substantiæ suæ Monasterium possideat, nec facile si discesserint, id recuperare possit. Abeuntibus autem ante professionem omnia restituantur, quæ sua erant.

Nulla acceptetur in Monasterio aliquo, educationis gratia, vel ut habitum regularem suscipiat, seu quovis alio prætextu, absque facultate a Nobis obtenta, alioquin excommunicationem subeant ipso facto non solum Moniales, quæ eam intra Monasterii clausuram introduxerint, sed illa etiam, quæ ingressa fuerit.

Nullo modo permittendum est,

puellas hæreticas in aliquo Monialium Monasterio acceptari, educationis gratia, neque sub quovis alio prætextu, ne aliquod spirituale detrimentum iis, quæ in Monasterii clausura sunt, ob hoc afferatur: si vero aliqua admittenda videatur, eo quod spem præbeat conversionis, res tota ad Nos deferatur, ut, quid agendum sit, decernamus.

Si puella, quæ habitum regularem suscipere voluerit, major duodecim annis sit, non ante eum suscipiat, nec postea ipsa, vel alia professionem emitat, quam nos virginis voluntatem diligenter exploratam habuerimus, an coacta, an seducta sit, an sciat, quid agat: & si voluntas ejus pia, ac libere cognita fuerit, habueritque conditiones requisitas, juxta Monasterii illius, & ordinis regulam, libere ei profiteri liceat. Cujus professionis tempus ne nos ignoremus, teneatur Præfecta Monasterii ante mensem nos certos facere.

Nullis in Monasteriis professio fiat ante decimum sextum annum expletum; nec qui minori tempore, quam per annum post susceptum habitum in probationem steterit, ad professionem admittatur. Professio autem ante facta nulla est, nullamque inducit obligationem ad alicujus regulæ, vel Religionis, vel ordinis observationem, aut ad alios quoscunque effectus.

Nulla quoque renuntiatio, aut obligatio ante facta, etiam cum jramento, vel in favorem cujuscunque causæ piæ valeat, nisi cum licentia Nostra, vel Officialis nostri, fiat intra duos menses proximos ante professionem, ac non alias intelligatur effectum suum sortiri, nisi secuta professione: aliter vero facta, etiam si cum hujus favoris expressa renuntiatione, etiam jurata, est irrita, & nullius effectus.

Finito tempore Novitiatus, Præfecta Monasterii, obtenta prius a nobis facultate, Novitias, quas habiles invenerit, ad profitendum admittat, vel e Monasterio eas ejiciat.

Nulla Monialis ambiat, aut ullo quovis modo, sive directe, sive indirecte per se, aut aliam, honores, officia cujusvis generis sui Monasterii quærat.

Singulæ propria voluntate deposita, & ad obtemperandum paratæ, si-bique Dei gloriam & communem Monasterii utilitatem tantummodo proponentes, ad honores & officia eas eligent, quas, omni remoto humanitatis affectu, Spiritus Sancti impulsu, ad id munus magis idoneas esse judicaverint.

Abbatissa, seu Priorissa, ne minor quadraginta annis eligatur, quæve in vitæ honestæ laude vixerit octo annis, postquam professæ est. Quod si in eodem Monasterio non ejusmodi reperiat, ex alio ejusdem Ordinis deligi possit. Sin autem Nos, vel Superior regularis (quoad Monasteria ei subiecta) hoc etiam incommodum judicaverimus, eligatur ex iis, quæ in eodem Monasterio annum trigessimum exceßerint, & quinque saltem annis, post expressam professionem, laudabiliter vixerint.

In electione autem Abbatissæ, & Priorissæ, quæ tacitis suffragiis eliguntur, Monialium vota a Nobis, Officiali nostro, (seu a Superiore regulari, quo ad Monasteria ei subiecta) extra Monasterium ante cancellos, clatrosve fenestræ, colloctionis usus destinatæ, accipientur. In reliquis servantur singulorum Ordinum, vel Monasteriorum Constitutiones.

Abbatissa, sive Priorissa, tanquam communis omnium Monialium Mater, ipsarum & corporis, & animæ saluti quam diligentissime consulat, easque studiose admoneat, ut puro corde sint, vitæque integritatem servant, & ad perfectionem virtutum omnium contendant, siquidem quæ Religionem susceperunt, nisi ad summum illum gradum pervenire conentur, minus sane efficiunt, quam debent, pro vitæ, & Ordinis instituto, quod profitentur. Meminerint autem sibi reddendam rationem esse iustissimo Judici, errorum omnium, quæ Moniales, ejus negligentia, aut culpa, admiserint.

Inprimis vero curet, ut pax & concordia Sororum conservetur, sublati, quantum in ea fieri poterit, omnibus dissidii, ac discordiæ causis, ut quemadmodum debent, unum corpus, &

unus spiritus in earum Sponso, JESU CHRISTO, perfectæ charitatis vinculo, colligentur. Invigilent etiam, ut singulæ suo munere recte fungantur, neque ulla alterius officium occupet, nisi auxilii causa, idque ipsius jussu. At si alicujus importunitas, aut re, aut verbo, Sororum pace perturbata, charitatem violarit, acerrime ab ipsâ Præfecta, & si opus erit, a Nobis, Superioreve puniatur, & ejus animi elatio edometur.

Abbatissæ autem, sive Priorissæ, Moniales omnes obedientiam, & observantiam præstent, quemadmodum earum votum postulat. Quæ vero ejus jussu neglexerit, neque poenitentiam sibi impositam adimplere voluerit, aut superbe, & injuriose responderit, non habita ejus dignitatis ratione; aut contumaciter deferendo, vel excusando, eam impederit, quo minus illas reprehendat, aut castiget, quæ aliquid commiserint; ad Nos deferantur, ut eorum contumaciæ debitæ poenitentis, & poenis occurrere possimus.

Singulis etiam hebdomadis Abbatissa, Priorissave juxta propriæ Religionis institutum, Capitulum habeat corrigendi causâ Moniales pro erratis, quæ ipsæ publice, vel in suorum officiorum munere admiserint; quorum veniam ipsæ sponte, atque humiliter coram omnibus perant; eisque poenitentiam imponendi, & alia adhibendi, quæ earum institutis tradita sunt, ad ipsas in humilitate, & sui contemptione continendas, atque ad virtutes omnes studiose sectandas. Caveant autem Moniales, ne poenitentiam sibi ab Abbatissa, Priorissave impositam, pertinaciter recusent; neve superioris temporis delicta sibi invicem objiciant.

Novitiarum curam sola Magistra electa loco a cæteris Monialibus separato habeat, alia præterea nulla. Hæc Novitias in timore, & cultu Dei, & in observatione Religionis erudiat, coneturque etiam vitæ exemplo, quæ nullam habeat ansam reprehensionis, assiduisque admonitionibus ita eas instituere in spiritualis, & sanctæ vitæ ratione, ut progredientes, Deo adjutore, perfectæ ejus ancillæ possint evadere.

Januæ

Januæ Monasterii die clausæ sint una saltem clave, quæ ab ea, cui id jure Abbatissa dederit, custodiatur, ut cum opus fuerit, aperiri possit. Ante occasum Solis quotidie claudantur duabus clavibus, diverso fabrilis opere confectis, quarum altera noctis tempore asservetur ab Abbatissa; altera vero ab aliqua ex antiquioribus Monialibus, ad id ab Abbatissa deputata.

Nulli viri, quavis occasione, vel causa in Monialium Monasterio pernoctent.

Abbatissa, sive Priorissa, & Moniales bona Monasterii alienare, permutare, locare, aut de eis contrahere nullo modo possint, absque Nostra, Officialisque nostri, seu Superioris regularis, quoad Monasteria ei subiecta, præsentia, & consensu; servatis item cæteris, quæ jure servari debent. Neque item aliquid in Monasterio ædificari, instaurarique faciant, absque nostro consensu scriptis exarato.

Nulla admittatur ad habitum Monachalem, neque ad professionem, nisi prius proposita fuerit in Monialium Capitulo, in quo ferantur tacita suffragia, ut singulæ Moniales, nullo humano affectu impeditæ, libere valeant suæ conscientiæ satisfacere.

Nulla proponatur in Capitulo tam pro habitu suscipiendo, quam pro professione emittenda, absque facultate a Nobis, Officialive nostro scriptis obtenta, etiam in Monasteriis Regularibus subiectis, ut prius de puellæ moribus, vita, & ætate inquiramus, & ipsam examinemus, ad explorandam ejus voluntatem, & propositum, quod liberum esse debet.

Quoniam autem, quæ Moniales, professione emissa, velum susceperunt, sacras preces horarias quotidie persolvere tenentur; nulla ad Professionem admittatur, quæ Officium Divinum recitare nesciat.

Professionis, & diei, & anni, quo facta est, in libro ad eum usum confecto, memoria conservetur, manu Abbatissæ, sive Priorissæ notata, adhibitaque subscriptione ejus, quæ professæ sit, si modo scribere sciverit, & Superioris item, qui eam admiserit.

Cum ad Sanctimoniales valde pertinet, Omnipotentem Deum assidue laudare, eidemque gratias agere, & supplicare, ut suam misericordiam omnibus hominibus ad salutem impertiat, idcirco die, noctuque chorum frequentent, Sacrisque Officiis distincte, & attente, ab ipsis, & voce, & pio animi affectu celebrandis intersint, illis solum exceptis, quarum Præfecta iusti impedimenti excusationem acceperit. Soni, & cantus, qui honesti & spirituales non sint, colloquia etiam, risus, quidquid præterea indignum est Domo Dei, & ejus Divina Majestate, cum qua colloquimur in oratione, omnino amoveantur.

Sacro sancta Eucharistia ne intra Monasterii clausuram, sed in Ecclesia exteriori, loco decenti, conservetur super altari majori, ea ratione, quam superius præscripsimus, cum de hoc Sacramento tractavimus. Coram ea autem continuo præluceat lampas decens & munda, in Ecclesia exteriori, loco convenienti posita.

Quod de clausura non violanda decrevimus, ita servetur, ut nulla Monialis, neque etiam ad Ecclesiam exteriorem accedat. Ideo nullum ostium habeatur, per quod e Monasterio, locove collocationum usui destinato in Ecclesiam pateat accessus; nisi forte permittendum sit hujusmodi ostium pro ministranda Monialibus Sacra Eucharistia, ubi non habetur fenestella huic usui destinata: quæ tamen quantum exstruatur ad formam inferius descriptam, ut prædictum ostium muro obturari possit; illud autem interim clave continuo claudatur, quæ ab Abbatissa, Priorissæ asservetur, ne extra Sacræ Communionis tempus, quavis occasione, vel causa aperiat.

Ut autem sacræ vestes ad Missæ sacri usum, & antependia, aliaque ad altaris ornatum, cum opus est, exponi possint, in pariete Ecclesiæ a parte altaris majoris, quo commodior sit loco, intra Monasterii clausuram structo, in quo asservantur paramenta; fenestra fiat, rota apte constituta, quæ ejusmodi sit, ut tota pene sit inhæreat in crassitudine parietis, qui aliquo incru-

incrustationis opere crassior propterea fiat. Munietur valvis ab uno, & altero latere, quæ bonæ sint, unæ ab interiori Monialium parte, alteræ extrinsecus, & ambæ apte claudantur clavibus.

Ab altera parte Altaris in eodem pariete, loco, qui alicui Oratorio intra Monasterium construendo respondeat; fenestellula alia, sculpro opere pie ornata extruatur, unde Monialibus Sacra Communio ministretur. Cujus fenestellulæ planum æquale sit, & a pavimento Ecclesiæ alte exadificatum ulnis duabus. Hæc fenestellula late pateat extrinsecus ulnam unam & paulo amplius, alte extructa ulnam unam, & tertiam partem alterius ulnæ; ita ut in primo aspectu latioris, intrinsecus autem angustioris formæ speciem præ se ferat. Tota autem in ipsa parietis crassitudine insit, quæ aliquanto minus unius ulnæ sit, ita tamen, ut intrinsecus a parte Monialium extremi parietis crassitudo ne latior sit decima parte ulnæ. Intus vero, in eo extremo pariete spatium insit trium quadrantium ulnæ; in quo spatio fenestellula altitudine & latitudine quadrantis ulnæ fiat, unde Monialibus Sacra Eucharistia præbeatur. In fenestellula a parte interiori valvulæ feræ, aut æneæ sint, polite confectæ, quæ pessulo, & clave obferentur; a parte exteriori valvulæ paulo majores, quibus tota fenestellula sepiatur, adjunctis sera, clave, & pessulo.

Nemo Sacerdos secularis, vel regularis audeat Missam facere in Ecclesia interiori, chorove Monialium, ubi officium ipsæ decantare solent, neque alibi intra Monasterii clausuram, alioquin suspensionis penam ipso facto subeat. Qui autem in Ecclesia exteriori id obire voluerint, ne inibi celebrent absque facultate nostra scriptis obtenta.

Moniales Missæ non inserviant, neve Clerici ministrantis munus præstent, neque etiam intra Monasterii claustra respondendo, & pronuntiando ea, quæ Clericus in hujusmodi Sacrificio respondere consuevit.

Diebus Festis, ut otium, a quo omnia mala oriuntur, eviteretur, tem-

pus, quod sibi a Divinis Officiis & consuetis orationibus superfuerit, in sacra aliqua lectione consumere curent, quæ ad Dei, & sui ipsius cognitionem conducatur, viamque monstrat perfectionis, & æternæ vitæ; hujusmodi enim lectio suavis est & fructuosa animorum oblectatio, vitia coercent, atque ad virtutes inflammat. Videant autem, ne libros inanes, profanos, & qui quovis modo mentis puritatem corrumpere possint, ullo modo legant; immo nullos libros penes se habeant, qui animæ salutis, & regularis status splendori, Confessarii sui iudicio, non conveniant; præcipue vero caveant, ne libros hæreticos, seu quavis alia ratione prohibitos, apud se retineant, sive legant, alioquin censuras & penas superius præscriptas incurrunt. Præterea orationes ab hæreticis editas, aliasve, quæ ab eorum Confessario approbatæ non sint, nullo modo recitent.

Quod ad cibum, potum, somnum, vestitum, cæterasque res attinet; omnes communiter vivant, quemadmodum votum paupertatis postulat, ut tuum, & meum, & omnis privata rerum possessio, & re, & verbo, penitus tollatur, atque item omnis supervacaneus & inanis rerum usus; neque ulla sit, quæ quidquam possideat, aut ad usum adhibeat, ut proprium, etiam si ad necessitatem concessum sit.

Dona, quæ singulis mittuntur, ad Abbatissam, Priorissamve adferantur, nec ulla possit illa accipere, aut ad usum adhibere, nisi sciente, aut consentiente Abbatissa, Priorissa, quæ in id omnino incumbere debet, ut ex Monasterio vitium proprietatis, tanquam multorum malorum causam evellat.

Mane & vespere ante refectionem Abbatissa, sive Priorissa mensæ benedicat, in fine gratiæ agantur statim precibus. Ad mensam autem aliquis spiritualis liber, qui ad Religionem incendat, quotidie legatur, omnibus discumbentibus cum silentio, & attente audientibus, ut una cum corpore mens etiam recreetur.

Universæ Moniales, si fieri potest, uno loco dormiant, singulæ videlicet

in singulis lectis, & in singulis etiam cellis, si tanta sit copia cellarum, ut omnes capere possint.

De iis, quæ Domini sunt, frequenter cogitare assuescant, Divinarum rerum contemplationi vacent; fugiant colloquia vana & inutilia, sanctumque silentium, quo magna animæ spiritualium donorum fit accessio, sedulo fervent. At præcipue caveant, ne vespere, signo silentii dato aliqua in alterius cellam se recipiat, sed ex disciplinæ regularis instituto, in propriis singulæ se contineant.

Monialibus nulla quidem nimia diligentia videri debet, ad ejus thesauri custodiam, cujus causâ propinquis, rei familiari, ac terrenis omnibus rebus, & curis renuntiantes, se Religionis jugo subjecerunt. Ut igitur sanctum earum propositum ea parte, quæ diaboli insidiis maxime patet, communiatur, non solum corpore, sed & corde, claustrali quieti perpetuo studeant. Nulla Monialis, puellam ullam, sive ex consanguineis, sive ex alienis apud se educare audeat; aut in sua cella dormire, etiam sub prætextu exercitii in monastica disciplina, permittat; cum hujusmodi puellæ, loco separato, puellarum educationi destinato, vel in Novitiatu, qui distinctus a Monialium cellis habeatur, omnino esse debeant.

Moniales quando cum œconomis Monasterii, aliisque quibusvis exteris, etiam strictiori consanguinitatis vel affinitatis gradu sibi junctis, ex gravi causâ, loqui coguntur; facultatem obtineant ab Abbatisâ, sive Priorissâ, & ad locum colloctionum usui destinatum, nempe ad ipsius loci fenestram accedant, non ad januam, neque in Ecclesiâ, aut alibi; præsentibus semper Monialibus arbitris. Brevi finem loquendi faciant; caveantque, ne tempus, quo nihil est pretiosius, inani aut inutili sermone consumant.

Fenestra autem colloctionis bene munita sit opere clathrato ferreo duplici, dimidiæ ulnæ, vel paulo minoris intervallo inter unum & alterum interjecto. Opus vero clathratum ejusmodi sit, ut spissi clathri, firmiterque infixi, inter se singuli, non amplius di-

stent decima parte ulnæ. Instruatur præterea lamina ferrea, quæ latius paulo, quam fenestra undique patens, a parte Monasterii intus parieti infixa, firmoque bitumine agglutinata, clathrato operi interiori inhæreat. Sic vero plena foraminibus parvulis, inter se distantibus decima circiter parte ulnæ. Hæc lamina ferrea habeat fenestellulam in medio exstructam, dimidiam ulnam undique patentem, quæ sera, veste, & clave claudatur. Obducatur item fenestra extrinsecus tela nigri coloris, affixa instrumento telari, quod aperiri queat.

Pars anterior Chori, in quo Moniales sacras preces horarias persolvunt, ea forma sit, ut ab iis, qui in Ecclesiâ exteriori fuerint, illæ nunquam videri possint; neque etiam per fenestram, per quam Sanctissimum Sacramentum, cum in Missa elevatur, adorant.

Omnes fenestræ, & cancelli, & quicunque locus, per quem Moniales externam Ecclesiâ introspicere possunt, muro obturentur, præter fenestram, in qua collocata est rota, & fenestellam ad solum Sacræ Eucharistiæ sumendæ usum constitutam, atque illam fenestram, per quam Corpus, & Sanguinem Domini nostri Jesu Christi, a Sacerdote celebrante elevatum, aspicere valeant.

Ut accuratius clausura servari possit, omnem diligentiam adhibeant Abbatisæ, atque Priorissæ, ut quamprimum in Monasteriis habeantur Servæ, quas Conversas dicunt, Religionis habitum sumentes, & tria vota profittentes, quæ Monasterii servitiâ obeant, & famularum sæcularium vices intra claustra suppleant.

Quo quietius Abbatisæ, & Moniales spiritualibus officiis, & claustralibus exercitiis intendere possint, Oeconomos habeant, ab ipsis Deputatos cum interventu nostro, nostrive Officialis Generalis, atque Superiorum regularium, quoad Monasteria ei subiecta, qui curam habeant regendi eos, qui temporali manualium jurisdictioni sub sunt.

Si qui autem ex hujusmodi subditis ad Abbatisam, Priorissamve, seu ad

ad Moniales recursum habere voluerint, clausuram non ingrediantur; sed siue mares, siue feminae sint, loco præscripto, ad cancellos, fenestramve colloctionis usui destinatam, eas alloquantur.

Puellæ, quæ educationis causa, in Cœnobiis degunt, non minores septennio sint, & vigesimum quintum annum non excedant. Absque facultate nostra, ut diximus, non acceptentur. In aliqua monasterii parte, a Monialium habitatione separata, degant. Magistra omnium una sit, quæ doctrinam Christianam, modos orandi ab Ecclesia probatos, Litanias, Rosarium, Officium Beatæ Mariæ Virginis, Psalmos penitenciales, & huiusmodi eas recitare doceat. Item acu pingere, & alia, quæ locum & sexum illum decent. Pretium pro earum victu, alimentisve persolvatur Abbatisæ, seu Priorissæ, quæ eis necessaria a Monasterio subministrari curabit, non autem speciatim ab aliqua Moniali.

Cum propinquis, aliisque externis ne colloquantur, nisi eisdem servatis, quæ supra de Monialibus eo in genere decreta sunt.

Quæcunque ex illis puellis monialis fieri voluerit, ad propinquos suos mittatur, aut ad eos, qui ipsius curam habent (nisi aliter a Nobis, Officialive nostro iudicatum fuerit expedire) apud quos saltem per mensem maneat, priusquam a Nobis, Officialive nostro examinetur; ut facilius, ac melius ejus libera voluntas exquiri, & explorari possit. Si vero propinqui hæretici fuerint, nullo modo ad eos puella mittatur, sed ejus voluntas in Monasterio ad cancellos, siue in Ecclesia exteriori, prout nobis videbitur, exploretur.

Puellas vero domi suæ foris viventes, neque literas, neque ullam omnino artem Monialialibus docere liceat, ne ad fenestellas quidem, aliave colloctionis loca.

Summopere optamus, ut unumquodque Monasterium habeat Concionatorem a nobis approbandum, quoad Monasteria nobis subjecta, qui ei, singulis diebus Dominicis, & Festis,

ac sæpius item, Dei verbum prædicet, easque erudiat in omnibus, quæ ad Dei cultum & sempiternam salutem consequendam pertinent. Is autem nullo modo clausuram Monasterii ingrediat, sed in exteriori Ecclesia, locove constituto, munus suum obeat.

Semel saltem singulis mensibus, & diebus item solennioribus per annum, ac sæpius præterea ad propriæ religionis constitutionum præscriptum, Moniales omnes peccata sua Confessario a nobis speciatim approbato, confiteantur, & Sacram sumant Euchari-
stiam.

Ter in anno unicuique Monialium Monasterio nostræ Archi-Episcopali jurisdictioni subiecto, Confessarium extraordinarium eligemus, ut animarum morbis facilius & opportunior medicina adhiberi possit. At quo liberius, huiusmodi remedio indigentes, eo uti possint, omnes Moniales extraordinario Confessario se præsentare teneantur, etiam si Confessionem Sacramentalem differre voluerint, ut eam coram Confessario ordinario obeant.

Monasterii clausuram Confessarius nullo modo ingrediat, nisi cum Sacramenta Pœnitentiæ, Eucharistiæ, & Extremæ Uctionis Monialibus, graviter & periculose ægrotantibus, ministrare, & alia spiritalia adjumenta adhibere debet. Quo tempore, dum intra clausuram commoratur, eum duæ Moniales, quæ ætate cæteris præsent, comitentur. Eæ autem omnes prosequuntur, quicunque clausuram Monasterii introierint, etiam Superiores, & Visitatores, facta prius significatione sonitu minoris campanæ, ut Moniales se recipiant.

Cancelli ferrei, lamina, linea tela fenestulæ ejus loci, ubi Moniales continentur, ita compactæ cohæreant, ut removeri non possint, & inde tantum audiri, aspici autem nullo modo valeant.

Abbatissa, Priorissave neminem ad Monasterii famulatum & procuracionem admittat, cujus ætas, & mores Nobis, & earum Superiori (si Regularibus subsint) probati non sint.

Monialibus non liceat exteris quibusvis etiam earum consanguineis, aut

affinibus, literas scribere, seu exarare, vel ab exteris exaratas accipere, absque facultate Abbatissæ, sive Priorissæ.

Nullis in Monasteriis admittantur Balneatores, nisi ex aliqua gravi necessitate, Medici testimonio comprobata, & facultate a nobis scripto obtenta.

Monialium corpora in sepulchris convenienti loco intra clausuram, non autem in Ecclesia exteriori constructis sepeliantur. Nullo autem modo Moniales, e clausura, funeris ducendi causa, exeant, sed processio fiat per Monasterium. Si autem intra clausuram nullum habetur sepulchrum; donec illud exstruatur, sepeliantur in Ecclesia exteriori, ita tamen, ut funus ducatur intra Monasterium, & hac de causa ingredi poterit Confessarius ordinarius Monialium cum aliquo socio, qui defunctæ corpus, usque ad sepulturam comitentur, absque eo, quod Moniales e Monasterio exeant, seu Ecclesiam exteriorem ingrediantur.

Moniales omnes intra hujus Metropolis & Archidiececesis nostræ limites consistentes, quæ Regularium curæ subsunt, has nostras Constitutiones in his præsertim, quæ spectant ad clausuram, sive ad admissionem cujusvis puellæ, adolescentisve ad habitum, seu professionem, vel ad educationem, inviolate observent, sub iisdem penis, & censuris superius sancitis, & inflictis.

XXX. De Archi-Diaconis Diæcesanis.

UT totius Archi-Diæcesis nostræ necessitates facilius cognoscere, eisque opportuna remedia acuratus adhibere possimus, illam in certos Archi-Diaconatus, tractusve distribuendam censuimus, singulis tractibus certas Civitates, oppidaque ac loca assignando. Archidiaconi igitur Diæcesani, qui hujusmodi districtibus, seu tractibus, jussu nostro, pro tempore præsidebunt, onus sibi commissum confiderent, & quam in eo sibi committendo spem, fiduciamque habuimus, perpendant; tum efficiant; ut nostræ ex-

spectationi respondeant, vigiliarum suarum studiis, assiduaque sollicitudine.

Omni studio ac diligentia curabunt; ut quæ ad Divini cultus augmentum, animarumque salutem procurandam, a Sacris Canonibus, Generalibus Conciliis, Apostolicis Sanctionibus, & Synodalibus Decretis, tam ERNESTI Prædecessoris nostri, quam his nostris, atque Visitatorum nostrorum ordinationibus, sancte præscripta sunt, in regione, tractuve sibi commissio, ab omnibus diligenter attendantur, & accurate observentur. Monita nostra prompte exequantur, & Parochis suæ regionis tractusve, omni promptitudine significant, ut illa populis notificent, & ab omnibus in usum deduci curent. Frequenter autem de iis, ac reliquis omnibus, ad officium sum spectantibus, Nos, Officialemve nostrum literis suis certiores faciant.

Præcipuum vero eorum munus erit visitandi Ecclesias omnes, & loca regionis, tractusve sibi commissi, saltem bis in anno, nempe mense Aprili, & Octobri.

In hujusmodi bina visitatione videant diligenter, an Decreta nostra, Visitatorumque nostrorum executioni demandata sint. Si autem quæ existat difficultas in iis exequendis, eam nobis significant.

Videant item, an Ecclesiæ tam Parochiales, quam filiales, ac domus Ecclesiasticæ aliqua egeant instauratione.

An bona Ecclesiæ, Hospitaliumve, ubi illa sunt, & piorum locorum recte administrantur.

An singulis diebus Dominicis, & Festis, doctrina Christiana in omnibus Ecclesiis parochialibus doceatur.

An Parochi in propriis Ecclesiis resideant.

An verbum Dei assidue, & præsertim diebus Dominicis & Festis prædicent.

An munera Parochialia diligenter, & religiose exequantur.

An aliqua Ecclesia parochialis careat Rectore, Parochove.

An

An bona Ecclesiæ in totum, vel in partem ab aliquo usurpentur.

An hæ nostræ Constitutiones Synodales a Parochis, Clericis, & ab aliis omnibus, ad quos spectant, observentur.

Quæcunque in visitatione Nobis referenda repererint, statim literis suis significant; ut ea adhibeamus remedia, quæ Divini cultus augmento, & animarum salutis magis expedire iudicabimus.

Cum ex optimo Sacerdotalium Conventuum instituto, in Ecclesiastica disciplina non modo retinenda, sed etiam instauranda, uberrimi fructus percipi possint; iidem Archidiaconi Parochos omnes & Clericos sui districtus, singulis annis, saltem ter ad se convocent, & congregationes habeant, eaque præsent, quæ inferius præscribemus.

Huiusmodi autem Congregationum dies is constituatur, qui plerisque sit commodior, ea tamen habita ratione, ut hac de causâ non impediatur Parochi, quominus Sacras Confessiones Sacramentalis debitis temporibus audire possint. Ideo hi Conventus non habeantur hebdomada, quæ proxime antecedit Natalem Domini, neque duabus hebdomadis ante Pascha Resurrectionis, neve item diebus, quibusdam præcedentibus aliquam aliam Solemnitatem, veluti Pentecostes, Corporis Christi, Assumptionis Deiparæ Virginis, & omnium Sanctorum.

Ad Conventum Diocesân timer co-gantur Sacerdotes omnes, item qui Sacris Ordinibus sunt initiati, & qui Beneficia obtinent, etiam Canonici, iis tantummodo exceptis, qui aliquo legitimo impedimento fuerint impediti, ab Archidiacono approbando. Missæ interfint, quæ de Spiritu Sancto ab eo, cui id curæ dederit Archidiaconus, celebrabitur, habitu decenti, & talari induiti, cum tonsura Clericali, quam Coronam vocant, Ordini suo congruente. Unusquisque præterea superpellicem habeat, quod neque situ, fordeve squalleat, nec vero usu obrutum sit, sed candidum, ab omni labe purum, & decens. Qui absuerit, cau-

sam Archidiacono, eo ipso congregationis die, demonstret. Quæ si ab eo approbata non fuerit, præter alias poenas arbitrio nostro irrogandas, pecunia in pios usus, Archidiaconi arbitratu, convertenda, mulctetur; quæ neque minor sit dimidio taleri, neque major duorum talerorum; & in hos limites, pro culpæ modo, & personæ ratione, ab eo, qui præest, multa constitutur.

Pridie congregationis, omnes Sacerdotes peccata sua confiteantur, & ipso die conventus huiusmodi, pro Ecclesiasticis ac Benefactoribus vita functis, Missam celebrent.

Jejuni omnes & Missæ, & congregationi interfint, alioquin mulctam dent, ac si absque causâ legitima absentes essent.

Missâ celebrata, in domum Archidiaconi modeste, & graviter accedant, & laicis hominibus exclusis, fiat oratio, ut infra, genibus flexis.

Veni Sancte Spiritus, reple tuorum corda fidelium, & tui amoris in eis ignem accende. Kyrie eleyson. Christe eleyson. Kyrie eleyson. Pater noster.

V. Et ne nos inducas in tentationem,

R. Sed libera nos a malo.

V. Memento Congregationis tuæ,

R. Quam possedisti ab initio.

V. Domine exaudi orationem meam,

R. Et clamor meus ad te veniat.

V. Dominus vobiscum,

R. Et cum Spiritu tuo.

OREMUS.

Mentes nostras, quæsumus Domine, lumine tuæ claritatis illustra: ut videre possimus, quæ agenda sunt; & ea, quæ recta sunt, agere valeamus. Per Christum Dominum nostrum. R. Amen.

Deinde, suo quisque loco, non tumultuarie, raptimque, sed graviter, ordineque confideant: & sermone habito ab Archidiacono, in quo aliquid de Cleri disciplina tractetur, una, aut altera quæstio proponatur, prout in præcedenti congregatione, seu saltem per mensem, antequam discutiendæ sint, unusquisque ab Archidiacono admonitus fuerit, & earum exemplar acceperit.

Ea autem sit quaestionum materia, quam hominum mores, actionesque & negotia, quæ in ipsa regione geruntur, suppeditabunt. Ad conscientiarum difficultates explicandas, non autem ad ingenii solum, verborumque argutias exercendas. In quas item quaestiones, Archi-Diaconi cura, apte inferantur, quæ ad Divini cultus rectam rationem, Sacramentorum rectam administrationem, ac casuum Sanctæ Sedi Apostolicæ & Nobis reservatorum explicationem, spectant.

Aliquis Parochus, Sacerdosve, qui Secretarii congregationis munere fungetur, ad id ab Archi-Diacono deputatus, silentio indicto, singulas quaestiones de scripto pronuntiet. Tum Archi-Diaconus de singulis quaestionibus sententiam singulorum roget, ab iis initium faciens, qui inferiori loco sedebunt, nisi aliquando ordinem huiusmodi aliquo modo mutare expedierit; neque quisquam, nisi interrogatus, sententiam dicat.

Archi-Diaconus ad congregationes quam maxime præmeditatus veniet, studio diligenti adhibito, consultis etiam doctissimis viris, quos adire iudicaverit, pro quaestionum natura.

Unusquisque sententiæ suæ rationem, & certam auctoritatem afferat. Utantur omnes sermone latino, nisi aliquando aliquis, ut explicatius sententiam suam exprimat, lingua vernacula uti maluerit.

Archi-Diaconus autem, ubi omnium sententias audierit, summam colliget, quæ fuse dicta sunt; prætermissa commemorabit; falsa a veris, dubia a certis, singularia a communibus secernat, dissidentes inter se Doctorum opiniones conciliabit, & quæ verior doctrina sit, exponet; rem denique omnem enucleate explicabit, & ab eo, qui Secretarii congregationis munere fungetur, in libro describendam dictabit, vel ipse Archi-Diaconus scribet. Qui etiam Ecclesiasticos omnes diligenter inspiciat, an vestitu decenti induti sint, & corona Clericali ornati. An orationibus, spiritualibus exercitiis, studiis, & disciplinæ scholasticæ incumbant. An sacras preces horarias quo-

tidie recitent. Et alia in eis scrutabitur generatim, ac breviter, quæ pro sua prudentia expedire iudicaverit, prout ratio personarum, & temporis spatium tulerit.

Legantur demum aliqua ex his nostris Constitutionibus Synodalibus, præsertim illæ, quæ ad Parochos, & rectam Sacramentorum administrationem spectant. In hoc autem Archi-Diaconus arbitrabitur; qui etiam studebit, ut aliquod temporis spatium in eo ponatur, quo inter se Parochi, aliis remotis, quæ ad boni Sacerdotis, & Pastoris officium, arque ad animarum curam bene gerendam pertinet, conferre possint, ac de suæ quisque Parochiæ incommodis, & difficultatibus, quarum explicatio aliorum consilio, operaque opus habeat, consulere.

Deinde Archi-Diaconus diem sequentis congregationis indicat, & quaestiones proponat in eadem explicandas, earumque exemplar per se, vel per eum, qui Secretarii munere fungetur, unicuique tradat. Illis autem, qui a congregatione abfuerint, significetur dies sequentis conventus, & quaestionum exemplar mittatur saltem per mensem, ante statam congregationis diem.

Ab absoluta congregatione, antequam itineri se committant Sacerdotes, flexis genibus, preces inferius descriptas recitent.

Kyrie eleyson. Christe eleyson. Kyrie eleyson. Pater noster.

V. Et ne nos inducas in tentationem, R. Sed libera nos a malo.

V. Confirma hoc Deus, quod operatus es in nobis,

R. A Templo Sancto tuo, quod est in Ierusalem.

V. Domine exaudi orationem meam, R. Et clamor meus ad te veniat.

V. Dominus vobiscum, R. Et cum Spiritu tuo.

OREMUS.

Presta nobis, quaesumus Domine, auxilium gratiæ tuæ: ut quæ, Te auctore, facienda cognovimus, Te operante, impleamus. Per Christum Dominum nostrum. R. Amen.

Nemo

Nemo per Civitatem, seu oppidum, quo Clerus convenerit, vagetur, neque hac, aut illac concurret, neve otiose, seu curiose obambulet; nec negotia cujusvis generis cum Laicis habeat, neque ad tabernas, diverforia, seu hospitia publica ullo modo divertat. Sed precibus peractis, omnes se more Sacerdotali invicem salutantes, seque item orationi mutua in visceribus Jesu CHRISTI commendantes, absque aliqua mora, in pace discedant, ad suas quisque Sacerdotales, & Clericales stationes accedentes, eo studio ex conventus celebritate accensi, ut & in Dei gloria, & in animarum salute procuranda indies magis fructus constet, quem ex eodem conventu consecuti sunt.

Archi-Diaconus, quæ in conventu acta sunt, Nobis, aut Officiali nostro quamprimum per literas suas significabit, & præsertim, quæ ut executioni in animarum ædificationem facilius demandentur, nostram auctoritatem requirunt.

Omnes animarum curam gerentes, cujuscunque dignitatis fuerint, & alii item Sacerdotes, ac Clerici, Archidiaconis loco cedent; atque in iis omnibus, quæ ad illorum munus pertinebunt, humiliter obtemperabunt, ipsosque debito honore prosequentur.

Singulis annis feria quinta Cœnæ Domini liquores a Nobis, Suffraganeove nostro, ex Sacrorum Canonum Sanctionibus consecrari solent, & ab omnibus Parochis nostræ Archi-Diœcesis sumi, ut veteribus combustis, novi, recentesque in Sacramentis ministrandis, Sacramentalibusve functionibus obeundis ex sacris ritibus adhibeantur. Ut igitur animarum curam gerentes majori facilitate & promptitudine, illa habere valeant, Archi-Diaconi eo ipso die feriæ quintæ post Dominicam Palmarum, aliquem ad eos Sacros Liquores, a Basilica Metropolitana, in vasis forma præscripta confectis, & nitidis, sumendos mittant; eosque statim sui districtus, tractusve Decanis, & Parochis distribuunt. Curent autem, ut omnes ante Sabbatum Sanctum illos habeant, aut saltem ante Sabbatum,

quod immediate præcedit Dominicam in Albis, gravi pœna negligentibus propolita, arbitratu nostro irroganda.

Est illud perverus institutum, atque jure Canonum comprobatum, ut ob honorem, qui Basilicæ Metropolitanæ, Cathedralive tanquam matri a cæteris Ecclesiis Parochialibus tribui debet, Cathedralicum Archi-Episcopo, Episcopove singulis annis persolvatur. Cum autem hujus nostræ Archi-Diœcesis Parochi, animarumve Rectores, etiam temporarii, in magna Paschæ solemnitate, ex antiquissima & immemorabili consuetudine, certam pecuniæ portionem hujusmodi Cathedralici nomine, quod sumalia vocant, Ecclesiæ nostræ Metropolitanæ persolvere consueverint, ne hac de causa ad hanc Civitatem cum non parvo eorum incommodo, atque impensa, accedere cogantur, iis omnibus edicimus, ac jubemus, ut Ecclesiæ suæ nomine, ejusmodi pecuniam in manibus Archidiaconi propriæ regionis; seu tractus, ante Dominicam Palmarum quotannis persolvere habeant, sub pœna dupli. Archidiaconi autem, cum ad harum constitutionum nostrarum præscriptum, ad sacros liquores a nostra Metropolitana sumendos mittent, illam pecuniæ portionem, quam a Parochis exegerint, ei integre consignandam curabunt, cui id curæaderimus.

Ut ea, quæ in universa Archidiecesi nostra, correctione, & reformatione pro tempore indigebunt, facilius cognoscere, iisque opportuna remedia, quantum in nobis erit, adhibere valeamus, omnibus Archidiaconis Diœcesanis præcipimus, ut quotannis feria quarta, post Dominicam tertiam a Pascha, congregationi in hac Civitate, nempe in ædibus nostris Archi-Episcopalibus, coram Nobis, Officialive nostro obeunda, omnino intersint, in qua de bono Ecclesiæ nostræ regimine tractabimus. Idem autem Archidiaconi maximo nobis erunt adjumento, in iis cognoscendis, ac discernendis, quæ ad Cleri, populi que nobis commissi disciplinam conformandam apta judicabuntur.

XXXI. De Decanis Ruralibus.

Cum Clericalium Conventuum instituta ratio in omnes partes utilis sit, & salutaris; ii enim sunt Scholæ, & exercitationes non solum studiorum, sed etiam officiorum Ecclesiasticorum, in quibus & animarum Rectores, & cæteri Clericalis ordinis homines versantur; Civitates, & loca Archidiaconalibus Dioecesanis adjudicata, in certos Decanatus distinguere volumus, singulis Decanatibus certa oppida, locave assignando. Decani igitur proprii districtus, five tractus Archidiacono subint, & omni promptitudine obediant, atque de ejus consilio, omnia ad eorum munus spectantia diligenter peragant.

Nostri, Officialisve nostri monita, etiam quæ ab Archidiaconis nomine nostro eis indies notificabuntur, & ea item, quæ his nostris Synodalibus Decretis præscribuntur, prompte exequantur, & ab Ecclesiasticis, Laicisque intra sui tractus limites consistentibus, prout ad eorum quemque pertinere dignoscant, executioni demandari curabunt.

Quater in anno, Parochos, aliosve Ecclesiasticos suæ regionis, vel tractus ad se convocent, & Clericales Conventus habeant ad eam rationem, quam superius præscripsimus, cum de congregationibus ter in anno ab Archidiaconis habendis tractavimus. Si qui absentes fuerint absque legitima causa, a Decano approbanda, ab eo mulcæbuntur eo modo, quo, qui a congregationibus apud Archidiaconum habendis absuerint, puniri debent. Quid autem in hujusmodi Conventibus agatur, ad proprii districtus Archidiaconum statim significant.

Licet Parochi omnes subint Archidiacono proprii districtus; tamen suæ Regionis Decano debitam etiam præstabunt obedientiam in iis, quæ ad suum munus spectant; ita ut auctoritas Decani, non immediate a Nobis, sed subordinate ab Archidiacono pendeat, absque tamen aliquo præjudicio auctoritatis nostræ, Officialisque nostri Generalis, quæ semper salva remaneat, & illæsa.

XXXII. De Testamentis Clericorum.

Clerici omnes sæculares hujus Metropolis & Archidiececesis nostræ, etiam si Beneficia Ecclesiastica cujusvis generis obtineant, liberam quidem habeant testandi facultatem ex privilegiis antiquissimis, & immemorabili consuetudine; sed de bonis Ecclesiæ nomine acquisitis nullo modo testari seu disponere poterunt.

Concubinarum, spuriorumve, vel aliarum turpium personarum in Testamentis Clericorum ne mentio fiat. Quod si quis quacunque de causa, vel quovis prætextu, concubinæ suæ, mulierive vitæ non probatæ, seu spurrii, etiam sub ancillæ, vel servi, aliove quovis fictitio nomine, quid legaverit, hujusmodi legatum irritum sit, & nullum, illudque in pios usus arbitrio nostro convertetur.

Nullos Executores Testamenti constituent, qui Catholici non sint; neque instituant bonorum suorum hæredes Pichardos, aliosve hæreticos, neque hujusmodi hominibus aliquid jure legati, vel quavis alia ratione relinquant; alioquin testamentum eo ipso irritum, inane & nullum declaramus.

Nulla Clericorum Testamenta sumum fortiantur effectum, executionive demandentur; nisi prius clausa, & fide dignorum virorum sigillis obsignata; Nobis, Officialive nostro transmissa fuerint aperienda, & de more approbanda, & publicanda.

Executores Testamentorum, intra annum a die obitus Clerici defuncti, de omnibus, & singulis, quæ invenerint (quorum omnium inventarium authenticum extare volumus), & quibus, ac quomodo ea distribuerint, & qua ratione Testamentum executioni demandaverint; Nobis, aut Officiali nostro rationes reddant, alioquin poenas dabunt arbitratu nostro.

Quocunque anni tempore Clericus quispiam obierit, ex defuncti fructibus semper congrua portio relinquatur Successori, usque ad novi anni initium.

Si inter Successorem, & testamenti Executores aliqua fuerit controversia; ad Officialem nostrum recurrant, qui illam summarie definiat, ac decidat.

Quicumque Sacerdos, vel Clericus, ubi primum de morbo, aut morte alterius Clerici cognoverit, Archidiaconum propriæ regionis, seu tractus, quamprimum certiore reddat. Quod si casus tam cito ad Nos deferri nequeat, præsertim si nullum testamentum sit factum, aut Testamentarii non sint præsentis, seu ignorentur, ipsi Sacerdotes proximi & primi, ejus obitus scientiam habentes nomine nostro universa obfignent, remque statim ad Nos, Officialemve nostrum deferant.

Ne quis sub quovis prætextu suppellectilem, remve aliam, seu scripta ad Ecclesiam, cui ille Clericus præerat, pertinentia, neve ipsius Clerici vivi, seu defuncti bona cujusvis generis invadat, asportet, seu furripiat, sub pœnis, & censuris, a Sacris Canonibus fancitis.

Si quis Clericus decesserit ab intestato, servetur consuetudo immemorabilis hujus Metropolis, & Archidiececis nostræ, dividendo ejus bona, & hæreditatem in tres partes, portionesve æquales; quarum prima ad Ecclesiam, cui ipse, dum viveret, præerat; altera ad defuncti hæredes; tertia vero ad eum, ad quem spectat præfatæ Ecclesiæ Jus Patronatus, quam Collaturam vocant, absque aliqua contradictione perveniat.

XXIII. De Clericorum Seminario.

Nihil est in hac Metropoli, & Archidiecepsi nostra magis necessarium ad Catholicam Religionem propagandam, quam Sacerdotum, & Operariorum doctrina, pietate & morum integritate præstantium sufficiens numerus, & copia. Messis enim multa est, & paucissimi habentur operarii, ita ut multæ Ecclesiæ Rectore careant, & earum necessitati, ob Sacerdotum penuriam (quod lacrymantibus oculis fieri cogimur) succurrere nequimus. Cui gravi malo opportunum remedium

Tomus VIII. Concilior. German.

nulla ratione adhibere possumus, nisi Seminarium Clericorum ad Sac. Conc. Trid. præscriptum erigatur; in quo collegiatim certus adolescentium numerus constituatur, census & redditus ad eorum sustentationem necessarios præfiniendo. Cum enim duo præcipue in Sacerdote requirantur, probitas videlicet vitæ, & doctrina; earum utraque in Seminariis omni facilitate comparatur; quæ ea potissimum de causa eriguntur, ut in iis boni, strenuique operarii ad curationem animarum instituuntur; & ii quidem adolescentes (qui ob ætatem, cum tenera sit, & proclivior ad voluptates, & flexibilis etiam ad bonarum rerum impressiones admittendas, in operibus virtutum erudiri debent) eam vitæ perfectionem adipiscantur, quæ in iis, qui Doctores populorum futuri sint, elucere debet, & severioribus disciplinæ legibus coercendi. Quare ut hujusmodi Seminarium ad Catholicæ Religionis augmentum, nostræque Ecclesiæ utilitatem ad eam rationem, quæ ejusdem Sacri Concilii Tridentini Decreto præscribitur, quamprimum erigatur, omnem operam, omneque studium pro debito vigilantia nostræ munere adhibebimus.

Cum autem in Seminarii erectione ii desiderentur redditus, qui ad illum adolescentium numerum sustentandum sufficiant, quem Archidiecepsi nostræ amplitudo, & Ecclesiæ necessitas postulat, non possumus non plurimum confidere de pietate, religione, ac charitate Abbatum, & Catholicorum Baronum hujus Archidiececis. Ideo eos rogamus, & per Dei misericordiam obsecramus, ut in hac re, quæ bono hujus Ecclesiæ regimini non solum utilis, sed necessaria est, desiderium nostrum religiosa liberalitate adjuvent, quo illum fortiri possit effectum, quem, Deo adjuvante, speramus.

XXXIV. De Pœnis, & aliis, quæ generatim ad has Constitutiones pertinent.

Quicumque, vel universi, vel singuli, quorum interest, his nostris Constitutionibus, non paruerint,

D d d d d

ruerint, aut aliquid contra commiserint, admiserintve, illi multas & penas luant iis ipsis Decretis sancitas, ac alias item, ex Ecclesiasticis, Conciliorumque Sanctionibus, & Canonum iure, atque graviores præterea pro culpæ, & personarum ratione, arbitrato nostro constituendas.

Quæcunque facultas ex Decretis in hac Synodo editis a Nobis requirenda est, eam concedere poterit Officialis noster, nisi in iis, quæ proprie ad Ordinem Episcopalem pertinent; aut in quibus Vicarii a Sacris Canonibus, seu a Sacro Concilio Tridentino exclusi sunt.

Si in his Constitutionibus aliqua difficultas orta fuerit, ejus declarationem, & omnium præterea, quæ ipsis Decretis continentur, interpretationem, & explicationem Nobis, & Successoribus nostris Archi-Episcopis, legitime intrantibus, perpetuo reservamus, salva semper Sedis Apostolicæ auctoritate.

Ut eorum, quæ in hac Synodo sancita sunt, ignorantiam excusare nemini liceat, edicimus, ut post duos menses proximos hodierna die inchoandos omnes se, & his Decretis, & si contra fecerint, pœnis, quæ in eis continentur, teneri intelligant.

Clerici omnes Beneficium aliquod Ecclesiasticum, qualecunque sit, obtinentes, & qui in Sacris Ordinibus sunt constituti, has Constitutiones nostras infra mensem proximum comparent, & penes se habeant, sex talorum in pios usus arbitrio nostro erogandorum unicuique contravenienti multa sancita.

Omnia & singula, quæ a Nobis in hac Synodo Diœcesana decreta, actaque sunt, qua debemus obedientia, & reverentia, auctoritati, ac iudicio Sanctæ Romanæ Ecclesiæ, omnium Ecclesiarum Matris, & Magistræ semper emendanda, & corrigenda subjiciamus.

XXXV. De Sacri Concilii Tridentini acceptance.

HOc tandem, corollarii loco addimus, quod cum post præfata-

rum Constitutionum promulgationem Decretum de Sacrosancto Tridentino Concilio acceptando jussu nostro lætū & promulgatum fuerit, in hunc videlicet, qui sequitur modum:

Reverendiss. ANTONIUS Prædecessor noster, ut primum Tridentino, quo FERDINANDI I. Augustiss. mem. Imperatoris Orator ad Sacram Tridentinam Synodum perexerat, Pragam rediit; in eo totus fuit, ut quamprimum Archi-Diœcesanam Synodum cogeret, & in ea cum alia multa salubriter institueret, tum omnia & singula, quæ ab ipsa Sancta Tridentina Synodo definita, & statuta fuerant, & ipse palam reciperet, & ab omnibus, ac singulis Sacerdotibus, & Clericis suis palam recipienda curaret, quemadmodum Tridenti, suo, & hujus Archi-Episcopalis, cui tunc præerat, Ecclesiæ nomine acceptarat. Idque multa ejus scripta, quæ apud Nos conservantur, aperte ostendunt. Verum cum morte sublatu, Synodalem Convēntum cogere non potuerit, & ob gravia tum Antecessoris nostri MARTINI, tum nostra impedimenta in hodiernum usque diem protractus sit, nostrum esse duximus illud ipsum exequi, quod ab omnibus Præsulibus in prima Synodo Diœcesana præstandum est. Quare præsentī Decreto supraddictum Concilium, omniaque & singula in eo definita, & sancita recipimus, & approbamus, atque vobis omnibus & singulis recipienda & observanda edicimus. In cujus rei testimonium, majusque robur Nos ipsi subscribemus, & a vobis subscribi mandamus.

Cumque omnes & singuli, nemine prorsus excepto, ac summa etiam alacritate, idem Sacrosanctum Concilium Tridentinum acceptarint, seseque illud in omnibus, & per omnia observaturos esse, summa sua voluntate, ac per propriam subscriptionem promiserint, quemadmodum ex actis Synodalibus liquet; Idcirco omnes & singulas Personas Ecclesiasticas in Domino moneamus, eisdemque in virtute sanctæ obedientiæ præcipimus & mandamus, ut infra trium mensium spatium ejusdem Con-

Concilii Tridentini Librum, & Decreta penes se habeant, illaque diligenter meditentur, perpendant, & quemadmodum se facturos promiserunt, in omnibus, & per omnia observent.

F I N I S.

Excusa primum hæc Synodus anno 1605. Praga typis Nigriani.

Recusa ibidem per Georgium Czernoch anno 1684. ex speciali mandato Celsissimi ac Rdmī Principis, Domini Joannis Friderici Comitis de Waldstein, Pragensis Archi-Episcopi, cum citationibus ad marginem diligenter expressis.

Commodavit exemplar Rdissimus, Celsissimusque Dominus Joannes Mauritius Gustavus perp. gratissimæque mem. primus Operis CC. Author, & Auctor munificentissimus.

Breve *Benedicti XII. P. M.*, quo Ernestum Pragensem Episcopum a Metropolitana Henrici Archi-Episcopi Moguntia jurisdictione eximit, datum Avenione X. Cal. Aug. 1341. Pontificatus VII. vide apud *Lunig Contin. I. Spicil. Eccles.* pag. 207. Nihil de eodem Apostolico Brevi (quod mirere) in vita Venerab. Arnesti, seu Ernesti primi Pragensis Archi-Episcopi *Balbinus*, ex quo diploma *Clementis VI.* factam a se A. 1343. prid. Cal. Maji in Metropolim Pragens. Ecclesie erectionem confirmantis A. 1344. 8. Cal. Sept., dedimus Tom. CC. IV. pag. 347.

Eod. Tom. pag. 381. existat Synodus Pragensis Provincialis Ernesti Prag. Archi-Episcopi I.

Statuta Dicecesana sub Antonio de Muglitio exhibentur Tom. VII. a pag. 26. ad pag. 54., ubi tum *Conradi Westphali* luctuosam a vera fide defectionem, natamque ex ea celeberrimæ Metropolis viduitatem diuturnam adeo ac perniciosam, tum *Ferdinandi I. Imp.* labores pro Sede illa vigori pristino reddenda gloriosissime susceptos, aliaque adnotatu digna reperies.

Successor Antonii & Concivis Martinus, *Peltenbergensis* Præpositus, Magister Crucigerorum Generalis, designatus ab *Roman. Imperatore Rudolpho II.* Archi-Episcopus Pragensis tanta officium suum solertia ac dexteritate gessit, ut cumulare faceret Bonis omnibus satis, nec, in illo quod carperet, comes felicitatis perpetuus, livor haberet. Ita fere opusculum *Pragæ editum 1672., cui titulus: Gloria Universitatis Carolo-Ferdinandæ Pragensis &c.*

Idem opusculum pauca refert eodem scribendi genere de *Shignæo Berka, XI. Prag. Archi-Episcopo*, quæ fusiis his plane verbis enarrat *Historiæ Soc. JESU Provinciæ Bohemiæ Part. II. P. Joannes Schmidl ejusd. Soc.:* "Quod vero hoc anno ad memoriam celeberrimum, ad Ecclesiæ Bohemæ disciplinam utilissimum accidit, erat Synodus Nationalis; qualis a temporibus *Arnesti I. Archi-Episcopi Prag.*, qui ante *Ziskanas* turbas, id est, ante ducentos & complures annos hanc rexit Ecclesiam, celebrata non fuit. Hanc *Shigneus Archi-Episcopus* ad diem 28. Septembris, qui *D. Wenceslao Bohemiæ Duci ac Martyri* sacer est, edixit, ac triduo extraxit. Scopus primarius, in quem Sacri Conventus intentio & conatus collinabat, reformatio Cleri & integritas Romanæ Fidei urgenda occurrerat. Et hoc quidem, ad cæterum *Shignæi* in Ecclesiam suam ingentium meritorum cumulum, postremum opus ac gloriosissimum accessit: nam anno, quem abhinc auspiciamus, Christi 1606. die 6. Martii e mortalibus sublatum est, Vir non magis vetustate nobilissimæ in Bohemia Berkarum de Duba & Lippa Familiae, quam eximia virtute, morum elegantia, eruditione ac sapientia præstans, in rebus gerendis magni usus & consilii, ideoque *Rudolpho Imp.* & Proceribus Regni, etiam A catholicis, inprimis carus.

Adolescens *Olomucii* in Academia nostra liberales artes & cum iis amorem erga Societatem nostram combibit. Inde *Cracoviam* transgressus Philosophiam & Theologiam perdidicit, ad Licentiam usque supremæ Laureæ provectus. . . . Ecclesiæ Cathedralicæ sex, una etiam Metropolitana, Canonicatus suos (*Shigneo*) detulerunt: Præpositus *Wisehradi, Olomucii, Oetingæ ac Litomericii* audiit: Administrator *Ratisbonensem* Episcopatum annis aliquot fama maxima, virtuteque integerrima gubernavit; donec ipsum *Rudolphus Imp. Archi-Episcopum* Pragensem jussisset. Romani tres consequenter Pontifices suum esse Camerarium voluerunt. . . . Sedit in Pragensis Ecclesiæ folio annis 13., mensibus prope quinque. &c." *Hæc, quibusdam omisiss, ex cit. Schmidli pagg. 419. & 420.*

STATUTUM SYNODALE
ERNESTI, (*) ARCHI-EPISCOPI COLONIENSIS,

*De Investitione, & Professione utriusque sexus Regularium
 anno 1605. undecima Septembris editum,*

CONFIRMATUM

A PAULO V. PP.

Anno Christi MDCVII. Ejusd. Pauli V. PP. III.
 Rudolphi II. Imp. XXXI.

PAULUS PAPA V.

VENERABILIS FRATER &c. APOSTOLICAM BENEDICTIONEM.

Singularis Tuus Regularis disciplina ac Religionis conservanda zelus promeretur, ut ea, quæ desuper a Te decreta & sancita esse cognoscimus, Apostolica firmitatis munimine roboremus. Cum itaque sicut Tuo nomine Nobis nuper expositum fuit, Tu ad nonnullos abusum in Religiosorum ad regularem vitam ingressu in Tua Diocesi ingentes tollendos, & Religionis rigorem, quoad fieri potest, in viridi observantia manu tenendum; Statuta ac Decreta quædam edideris hujusmodi sub tenore, videlicet:

ERNESTUS, DEI GRATIA
ELECTUS ET CONFIRMATUS
ARCHI-EPISCOPUS COLO-
NIENSIS, &c.

Abusus circa ingressum Religionis.

Quia variaz audiuntur querelæ, quod in primo actu, & in ipso religiosæ vitæ tyrocinio, nec non in Professionibus, in Monasteriis utriusque sexus Regularium, multæ & magnæ fiunt expensæ, tam in sumptuosorum prandiorum, quam vestimentorum & suppellectilis, quo recipiendorum cellulæ adornantur, ac munerum causâ, quæ Superioribus dari consueverunt, unde quam plurimis ad vitam Monasticam alioquin idoneis media frequenter præcluduntur, quo minus ad tam sanctum institutum pervenire possint. Illis quoque qui admissi sunt, si forte vitam Monasticam minus sibi

convenire experiantur (quod non raro accidit) & loco cedere velint, libertas recedendi adimitur, propterea quod ob solemnitatem ejusmodi prandiorum & aliorum actorum circa investitionem habitatorum, qui hominibus laicis professionis formam exhibent, sine apostasiæ & infamiæ nota id facere nequeant, tum etiam quod ob sumptus nimis magnos, qui recuperari nequam possunt, magnam partem Matrimonii sui & alimentorum in sequentem vitam necessariorum perdiderint.

*Et circa Testamenta Professorum, & eorum
 solemnes Exequias.*

Detestabilis etiam corruptela quædam Monasteria invasit, quæ Conventuales etiam Professi seu Professæ ex hac vita decedentes testamenta concedere, & Abbatibus, vel Abbatissis, seu aliis Superioribus Monasterii sui certam quandam pecuniæ summam relinquere, pro solemnioribus exequiis, sive etiam pro annuis obitus sui memoriis peculium, ex quo Conventui refectio aliqua detur, deputare & assignare tenentur, vel si id factum non fuerit, tota suppellex quæ in demortui cella relicta in hunc usum vendi & distrahi debet; alioqui defuncti animæ hujusmodi charitatis officia & justa nequam persolvuntur; quæ quidem instituto vitæ monasticæ repugnant, ipsos Conventuales præter proprietatis vitium,

(*) De Ernesto vide notata sub finem Synodi ad Annum 1598.

tium, quod hac ratione incurrunt, per omnem vitam suam in congreganda hujusmodi pecunia sollicitos ac distractos faciunt; amicos etiam, a quibus eam extorquere sæpe coguntur, valde gravant.

Qualiter abusus prædicti corrigendi.

Hinc statuimus, & ordinamus, ut in primo actu, quo qualescumque personæ Religionis alicui primum destinantur, & habitum assumunt, sive etiam ante, vel post illum actum, ante professionem nullum omnino instituantur prandium, nulla Superioribus vel aliis quibuscumque dentur, nec per ipsos recipiantur dona, aut cellarum fenestræ, imagines, vel tabulæ pictæ, statuae, cistæ, promptuaria, armaria, Sacrarum Reliquiarum thecæ, aut capsulæ, neque aliud quiddam, quo Novitii, vel Novitiæ cella potius adornatur, quam rebus necessariis instruitur.

Forma convivii die Investitionis faciendi.

Si quæ tamen Sacræ Vestitionis & Professionis ultra communem & quotidianam portionem ex consuetudine religionis in Monasterio existantibus ab antiquo data fuerit refectio, eam quidem non intendimus per hoc Statutum adimere, sed ita moderari volumus, ut pro singulis Religiosis istius Monasterii non amplius, quam dimidiis florenis Colonienfis sive duodecim albi in sumptum ejusmodi refectiois a parentibus aut amicis Monasterio numerentur.

Investiendi modus.

Sacræ Religionis investienda Virgo absque omni pompa & superbo vestitu, absque ullo comitatu parentum vel amicorum, puerorum aut puellarum ex ipsis penetralibus Monasterii, & habitu, quo in Schola Monasterii constituta, vel alias antea diebus solemnioribus consueverat ad Sacram Communionem accedere, in publicum vestimenta procedat.

Nulla Virgini religiosæ habitu vestientiæ aut professionem facturæ pueruli Jesu præferatur statua, sed ejus loco exponatur in summo Altari in Venerabili Sacramento ipse Virginum omnium Sponsus Christus Dominus.

Convivium diei Professionis.

Die Sacra Professionis non alii invitentur ad convivium, quam qui vel sanguine vel summo alio necessitudinis vinculo professionem edituro aut edituræ conjuncti sunt, qui sine aperta ingratitude nota & gravi offensione non invitari non possunt: hac tamen conditione, ut plures non admittantur convivæ, quam duodecim; procul hinc arceantur exquisitæ dapes, absint argentea atque aurea vasa & pocula, nulla admittatur instrumentalis, aut vocalis musica, nullæ ducantur choreæ, neque ulli conjunctis manibus in orbem ducti circuitus, sed sint frugaliter omnia, sit spiritualis lætitia, & in Deo Divinisque colloquiis recreatio; atque ante Vesperas, quæ ultra horam tertiam consuetam non differantur, finienda.

Secundo autem die, multominus tertio, aut sequentibus, nullus amicorum convivendi causa fiat accessus, nec in esculentis, aut poculentis novi aliqui in Monasteriis sumptus fiant: ullave negotia aut anniversaria Professionis convivia, &c.

Prohibentur regalia & reginalia convivia.

Prohibemus etiam omnia convivia regalia, aut reginalia, nec non prandia & sumptus, qui propter similes quascumque causas fieri, & institui solent.

Plures concurrentes uno die eodem sumptu profiteantur.

Si plures in eodem Monasterio ejusdem cursus fuerint Novitii aut Novitiæ, ii non distinctis diebus, sed uno atque eodem tempore simul professionem faciant, & una atque eadem opera unoque sumptu tempus, molestia & sumptus redimantur.

Nemini liceat peculium colligere.

Nemini Religionem seu vitam Monasticam Professo aut Professæ liceat testamentum condere, peculium colligere, Superioribus, vel aliis quibuscumque certam pecuniæ summam post mortem relinquere, vel pro solemnibus exequiis, aut pro annuis obitu

tus sui memoriis, vel pro similibus causis quidquam deputare vel assignare, &c.

Pœna contravenientium his Statutis.

Ut vero hæc sanctissime constituta optatum fortiantur effectum, & nusquam hisce Sanctionibus, adeoque Spiritui Sancto pertinaciter resistatur, præter excommunicationem ferendæ sententiæ, quam contra delinquentes Abbates, Commissarios, Visitatores, Prælatos, Rectores, Confessarios, aliosque investigationis actum facientes, vel Professionem excipientes, similiter contra Abbatissas, Magistras, Priorissas, Matres, aliasque Sanctimonialium Rectrices, Præfectas & investitionem ejusmodi promoventes vel admittentes in his scriptis & præsentium tenore comminamur, a qua excommunicatione, non nisi a Nobis, aut nostro in Spiritualibus Vicario absolvi valeat, quando lata fuerit, præter alias ordinarias ac arbitrarías pœnas certo infligendas.

Pœna arbitrarie certo infligenda.

Nullus postea, eo loco, ubi contra, quam præscripsimus, actum fuerit, investiat, aut professionem faciendam admittatur.

Morientes quoque, qui testamenta condiderint, seu aliquid præscriptorum de exequiis, aut annuis obitus sui memoriis ordinaverint, aut Superioribus vel aliis quibuscumque pecuniam, aut peculium assignaverint, Ecclesiastica priventur sepultura.

Superiores vero & alii, qui pecuniam vel peculium tali modo exegerint aut receperint, vel ordinationibus scriptis consenserint, aut admiserint, a Prælaturis & officiis suis sint suspensi, donec transgressores ad obedientiam venerint, & Nobis pro excessibus suis satisfecerint.

Prælegenda hæc Ordinatio investiendis, & Professionem edituris.

Mandamus proinde Fiscalibus omnibus, ut omnes diligentia & vigilantia nervos intendant, ne quid ab eis desideretur officii in faciendâ investigatione, ac delatione hujusmodi excessum, qui ne qua per aliquam igno-

rantia rimulam denuo alibi irrepant, aut per inolitæ vitiosæ, & corruptæ consuetudinis januam palam ingrediantur volumus, ut quotiescumque aliquis in vestiendum aut Professionem editurus est, hæc nostra Constitutio in congregatione omnium istius Monasterii Professorum publice legatur uno mense ante investitionem, & professionem, eademque per Superiores Monasterii plenissime explicetur parentibus & amicis investiendorum, atque professionem editurorum, eosque præmoneant, ut omnibus modis huic nostræ Sanctioni obedienter acquiescant, & satisfaciant.

Præcipimus præterea Visitatoribus, & Rectoribus omnibus, ut eandem per singulos articulos in omni visitatione, & alias quotiescumque videbitur, vigilantissime inquirent, examinent, & vindicent.

Præter Ordinarium alius Extraordinarius Confessarius bis aut ter in anno Sanctimonialibus offerendus.

Insuper cum ob graves causas frequenter mandatum sit, ut Virginibus Sanctimonialibus præter ordinarium Confessarium bis aut ter in anno alius extraordinarius Confessarius offeratur, qui omnium confessiones audire debet, & necdum satis pro afflictarum conscientiarum consolatione ea res in usum ubique venerit, quin supersit justæ querelæ locus, sub pœna excommunicationis sententiæ mandamus Abbatibus, Prælatibus, Rectoribus, Confessariis, Monasteriorum Præfectis, ad quos hæc cura aliquo modo pertinere dignoscitur, ut quot annis Sanctimonialibus suis bis aut ter aliquem a Nobis, aut nostro in Spiritualibus Vicario approbatum Confessarium extraordinarium, sive sæcularem, sive regularem, qui omnium confessiones audiat; nimirum in principio Quadragesimæ, ad Festum Assumptionis Beatæ Mariæ Virginis, circa Festum omnium Sanctorum, seu in principio Adventus Domini, aut aliis temporibus magis opportunis. Et ut Nobis constet quinam & quales isti extraordinarii Confessarii sint; & ne justâ fieri possit contra personam exceptio, tenebuntur

tur singulorum Monasteriorum Prælati, Præfecti, aut Rectores, quibus incumbit hujusmodi Confessarium nominare, suorum Confessarii ordinarii, & extraordinarii nomen, Nobis aut nostro in Spiritualibus Vicario quot annis scripto exhibere ante Dominicam Quinquagesimæ. Datum Arnburgi, anno 1605. die undecima mensis. Septembris.

Præfatæ Constitutiones confirmantur auctoritate Apostolica.

Cum cupias præinserta Statuta seu Decreta a Te edita, pro majore istorum firmitate, & firmiori observantia, Apostolica auctoritate confirmari, Tuo nomine Nobis fuit humiliter supplicatum, ut in præmissis opportune providere de benignitate Apostolica digneremur.

Nos igitur Te specialibus favoribus, & gratiis prosequi volentes & a quibuscumque suspensionis & interdicti, aliisque Ecclesiasticis censuris & penis a jure vel ab homine quavis occasione vel causa latis, si quibusdam quomodolibet innotatus existis, ad effectum præsentibus duntaxat consequendum harum se-

rie absolventes, & absolutum fore censentes, hujusmodi supplicationibus inclinati, præinserta Statuta, seu Decreta a Te edita, de Venerabilium Fratrum nostrorum S. R. E. Cardinalium negotiis regularium Præpositorum consilio Apostolica auctoritate tenore præsentium approbamus & confirmamus, illisque omnibus & singulis Apostolicæ firmitatis robur adjicimus, suppletentes omnes & singulos tam juris, quam facti defectus, si qui intervenerint in eisdem, Tibique ut Statuta & Decreta supra inserta inviolabiliter observari facere possis ac valeas, concedimus & indulgemus, non obstantibus Constitutionibus, & Ordinationibus Apostolicis, nec non quorumcumque Monasteriorum, Conventuum, & Ordinum etiam juramento Confirmatione Apostolica vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, & confirmatis, & approbatis; quibus omnibus & singulis, eorum tenores pro expressis habentes, hac vice duntaxat harum serie specialiter, & expresse derogamus, cæterisque contrariis quibuscumque. Datum Romæ apud Sanctum Marcum sub annulo Piscatoris, die sexta Junii 1607. Pontificatus nostri anno Tertio.

Cl. Chapeavillus in gestis PP. Leod. Tom. III, pag. 645. Lunig Spic. Eccl. Cont. I. P. pag. 873.

SYNODUS PROVINCIALIS MECHLINIENSIS,

Præsidente Rmo & Illmo in Christo Patre ac Domino,
D. MATTHIA HOVIO,
Arch-Episcopo Mechliniensi,

Præsentibusque omnibus Episcopis Comprovincialibus.

HABITA

Anno Christi MDCVII. Pauli V. PP. III.
Rudolphi II. Imp. XXXI.

CONVOCATIO CONCILII PROVINCIALIS MECHLINIENSIS,

MATTHIAS, DEI ET APOSTOLICÆ SEDIS GRATIA ARCHI-EPISCOPUS
Mechliniensis, RRmo DDnis Episcopis Comprovincialibus suis, totique Clero,
& universo populo Diœcesis ac Provinciæ Mechliniensis, Salutem
in Domino.

Docet nos Evangelium, dormientibus bo-
minibus, in agro Dominico ab inimico
superseminari zizania: quo fit, ut in Ecclesia
Dei numquam barese, numquam desint scan-
dala.

dala. Quapropter maxime necessarium est non dormire, sed semper vigilare Pastores Ecclesiæ, ut in ea, vel non superseminentur depravata doctrinæ, morumve zizania, vel si subascei aliqua ceperint, tempestive opprimantur, aut evellantur: atque ideo etiam consuetudinis semper fuit, jam inde ab Apostolorum temporibus, in Ecclesia Dei Synodos & Concilia cogere; per quæ Superiorum Ecclesiasticorum communi vigilantia, consilio ac decreto, dictis malis occurreretur, & sana doctrinæ puritas & morum integritas illibata conservaretur; ut ex omnium sæculorum Historiis, & Conciliorum Decretis, quæ etiamnum in omnium manibus sunt, manifestissime constat. Quapropter etiam SSa Synodus Tridentina merito mandavit omnibus Metropolitanis, ut singulis trienniis convocatis omnibus Comprovincialibus suis, Provinciale Concilium celebrent; eidemque Sacro Decreto mox a dicto SSo Concilio Tridentino absoluto, anno scilicet septuagesimo, Mechliniæ obediri voluit Illustrissimus & Reverendissimus D. Cardinalis Granvellanus, pie memoriæ, primus Archi-Episcopus Mechliniensis, quantumvis ob necessarias causas extra Provinciam suam degenens: ac deinde rursus anno septuagesimo octavo ingravesceret bellum civile, & mox tota hæc regio ferro flammæque tradita videretur, sic ut septem Civitatum Episcopatum hujus Provincie duæ tantum immunes manerent ab oppressione Hæreticorum, ac proinde omnia passim Capitula dispergerentur, Monasteria exterminarentur, Parochiales Ecclesiæ devassarentur, itinera denique omnia latronibus infestarentur, totusque Clerus proscriberetur, profligareturque; necessario inter mitti debuit sanctum hoc opus cogendorum Conciliorum Provincialium, cum tamen iis alioqui maxime opus videri posset, ob effusam ubique hæresim, & morum corruptelam. Nunc autem per Dei misericordiam, & Regis ac Principum nostrorum Catholicorum non minus sumptuosam quam laboriosam sollicitudinem, nonnihil mitigata calamitatis acerbitate, re communicata cum Reverendissimis Dominis Fratribus nostris Comprovincialibus, ac cum Venerabilibus Dominis in Christo Nobis plurimum dilectis Decano & Capitulo Ecclesiæ nostræ Metropolitanæ, nec non cum Vicariis nostris, Synodi Provincialis convocationem existimavimus non diutius differendam; sed eam proxima hac æstate, Deo opitulante,

celebrandam, idque prout etiam Sevenissimæ S. Celsitudinis visum est, in Civitate Mechliniensi, Ecclesiæ nostræ Metropolitanæ. Quapropter Reverendissimos in Christo Patres, ac Fratres, Gandensem, Silvæducentem, Ruvermundanum, Brugensem, Antverpiensem, & Iprensem, ipsorumque Cathedralium Ecclesiarum Capitula, ac alios quoscumque, qui de jure vel consuetudine Concilio Provinciali interesse debent, serio requirimus, hortamur, & monemus; & nihilominus pro auctoritate nostræ Archi-Episcopali, eisdem, & eorum singulis, in virtute sanctæ obedientiæ, ac sub penis a jure statutis, districte præcipimus & mandamus; ut per semetipsos, aut si forte iusto detineantur impedimento (de quo competentem fidem facere tenebuntur) saltem per Procuratores suos legitimos, ad dictam Synodum, & Concilium Provinciale in dicta Civitate Mechliniensi celebrandum die 25. Junii, postridie scilicet S. Joannis Baptistæ presentis anni millesimi sexcentissimi septimi, conveniant ac compareant. Ipsique Reverendissimi Comprovinciales nostri, quoscumque suarum Diocesium respectivæ Abbates, Prelatos, Capitula & Conventus, aliosque, qui de jure vel consuetudine interesse debent ad hanc Synodum, tunc quoque comparere faciant; ad nobiscum, de modo & ratione, quibus errantes a fide ad Ecclesiæ gremium revocari, vitia, abusus, & scandala tolli, & Ecclesiasticæ Officii ratio in melius reformari valeat, aliisque ad hanc rem pertinentibus & necessariis, tractandum, consultandum & deliberandum, ac demum per Nos cum præfatis Reverendissimis Fratribus & Coepiscopis Suffraganeis nostris, prout opportunum videbitur, Deo aspirante, concludendum, decidendum & statuendum. Ut autem presentes nostræ literæ, ad omnium, quorum interest, notitiam perveniant, earum exempla per Secretarium nostrum subsignata, ac contra sigillo nostro munita, valois singularum Ecclesiarum Cathedralium nostræ Provincie, nec non Collegiarum S. Petri Lovanii & S. Gudilæ Bruxellæ, affigi volumus; ac eos, quos concernunt, sic archari, ac si ipsi met coram præfata & insinuata forent, decernimus & declaramus: cum intimatione, quod sive ad dictam diem comparuerint, sive non, nos nihilominus ad dictam Synodi Provincialis celebrationem procedemus, & procedi faciemus, prout juris fuerit & rationis, absentium contumacia in aliquo non obstante. Datum Mechliniæ in Palatio nostro Archi-Episcopali, pridie

pridie Kalendas Martii, anno Domini Millefimo sexcentesimo septimo.

† De Mandato Rmi & Illmi
Domini Archi-Episcopi
Mechliniensis.

Jac. van Sasseghem Secret.

DECRETUM,

Quod nulli præjudicium fiat ex ordine evocationis aut Sessionis in hac Synodo:

Pronunciatum a Secretario Concilii die XXVI. Junii anni M.DC.VII.

Habita cum nostris Confratribus Episcopis Comprovincialibus super ordine Ecclesiarum matura communicatione; de ipsorum consilio & assensu, ad evitandas quæstiones, quæ inde in principio oriri possent, declaramus omne id sine præjudicio ordinis & honoris futurum, quicquid in præfenti Provinciali Concilio accidet, ex Ecclesiarum evocatione, aut Deputatorum sessione: quodque nemo per hoc aliquid novi juris quoquo modo prætereundum poterit in futurum. Ne tamen quæstiones de ordine Ecclesiarum cum alicujus injuria dissimulare velle videamur, liberum erit omnibus, suo tamen loco, rationes, si quas habeant, proponere a Patribus examinandas.

ORATIO EXHORTATORIA,

HABITA

per Rdisimum & Illmum Dominum
ARCHI-EPISCOPUM MECH-
LINIENSEM ad universum
Clerum in Concilio Pro-
vinciali jam congregatum.

REVERENDISSIMI PATRES,
REVERENDI AC VENERABILES DOMINI:

Gratias Divinæ Bonitati ago, quæ in dira hujus belli tempestate animos ve-

permovit, vosque in itinere sic conservavit, ut ad hunc sacrum cœtum salvi conveniretis: ubi jam mihi incumbit, vobis aperire causas hujus convocati Concilii, & ejus celebrandi modum aliquem proponere. Quod quidem non videor commodius facturum, quam ob oculos ponendo exhortationem pientissimi & zelosissimi Principis Nehemiæ, cujus hæc sunt verba: (a) *Vos nostis afflictionem, in qua sumus, quia Jerusalem deserta est, & portæ ejus consumptæ sunt igni. Venite, & ædificemus muros Jerusalem, & non simus ultra opprobrium.* Qua quidem exhortatione vir sanctus ac prudens alloquitur contribules suos de tribu Juda & Benjamin, jam ex Persica captivitate reduces: qui cum ipso in afflictione erant, eo quod templum invenirent conflagratum, ac nata in eo virgulta & arbuta; Sacerdotes Levitasque profligatos, clausa jam ora canentium Dominum, (b) *defecisse Sacrificia Officiaque Divina, neglectas plane contemptasque sanctæ Legis cæremônias, muros Jerusalem devastatos, populum commixtum fuisse inter gentes, & didicisse opera eorum;* (c) *bonam denique Israelitarum partem adhuc inter Atheos detineri captivam; ac præter hæc omnia, se undique Dei suisque hostibus circumcingi: idque (quod plurimum eos angebat) propter ipsorum peccata, dicente Jeremia Propheta: (d) *Peccatum peccavit Jerusalem, & ideo instabilis facta est. Quod etiam flebiliter Deo confitebantur Daniel, (e) Esdras, (f) & Nehemias. (g) Sed hæc illorum afflictio fuit. Nunc nostram inspicimus, neque ei absimilem reperiemus. Quot enim nunc templa exusta? Quot Monasteria passim vastata? Quot altaria everfa, quot polluta videmus? atque utinam non multo plura viva Dei Templâ præteriti temporis tempestate, non tantum in Hollandia, Zelandia, Geldria, Frisia, ac Transilulana, verum & in multis Brabantiae locis, diabolo cessissent! Quot infaustis hisce temporibus abusus, quot scandala subnata sunt? Dei ministrorum numerus quomodo imminutus est, ut, cum in singulis pæne Parochiis plures esse soleant, qui laudes Deo personarent, cultum Divinum ac Sacrificia ad Deum populo placandum concelebrarent, nec non verbo Dei, Sanctissimisque Sacramentis populum pascere, nunc in oppidis quidem pauci sint, in pagorum multis Ecclesiis nulli: & inter eos ipsos, quos populi necessitatibus Divina clementia reliquit, cheu! quam multi adhuc necessariis vitæ destituti? Quam multi denique morum correctione indigent?* Scholæ grammaticales pleræque omnes defecere*

(a) 2. Esdr. 2.

(b) Esdr. 13.

(c) Ps. 105.

(d) Thren. 1.

(e) Dan. 3.

(f) 1. Esdr. 9.

(g) 2. Esdr. 1.

Tomus VIII. Concilior. German.

fecere; Catechisticæ paucae sunt; pauca Seminararia Sacerdotum, eaque ipsa parum dotata. Et quod omnium maxime deplorandum est; quam multis in locis Officium Divinum Deum populo irritat magis quam conciliat, ob id celebrantium nauseam ac præcipientiam, ob paramentorum sordes & contemptibilem vilitatem, atque ob verum sanctarum augustarumque caeremoniarum neglectum & contemptum? Quantum in multorum animis, ex conversatione cum hæreticis hic multis annis passim dominantibus, pravi fermenti hæsit, imo & hæret etiamnum? Quot in populi manibus perniciosi relictæ sunt libri, ceu quædam gentium idola? Et ut mala cuncta breviter recenscam; quantus denique numerus fratrum, consanguineorum, & amicorum nostrorum adhuc sub diro illorum jugo in vicinis Provinciis detinetur, cum gravissimo periculo animarum suarum? Quæ quidem omnia in vindictam peccatorum nostrorum indubie patimur, dum gratiam Dei in vacuum accepimus; (b) dum arida ligna mansimus, (i) non reddentes fructum Domino vineæ, (k) neque charitatem veritatis habuimus; (l) dum anima nostra naucauit super manna nostro; (m) nimirum, verbo Dei & Sacrosanctis Sacramentis, quasi cibo levissimo; & Domus orationis, cultusque Divini, neglecta, sordibus horruit, & non nisi solis labiis in ea Deus honorari visus est. Sane, his & infinitis aliis Ecclesiæ Belgicæ malis qui non affligitur, qui non uritur, ob hæc qui non gemit, aut pie luget, nec calidus est, nec frigidus; (n) & nullius minus, quam Esdræ, quam Nehemiæ imitator. Quid ergo a nobis omnibus hæc Ecclesiæ Dei facies requirit, Patres Reverendissimi, & Fratres, quotquot adestis, Charissimi? Anne, ut suaviter sedentes, otiosi, spectemus ipsius collabentis miseriam, nec ascendamus ex adverso opposites murum pro domo Israël: (o) nihil patientes super contritione Joseph? (p) & quasi per viam, (q) id est, obiter, & ex occasione tantum salutantes ac salvantes subditos nostros, lana honoris & lacte utilitatis (r) ex grege nobis commisso contenti, ac interim quod perit, non requirentes? Absit, absit inquam. Quia, recte D. Augustino, (s) *ut nihil est in hac vita, & maxime hoc tempore, facilius, letius, & hominibus acceptabilis Episcopi, Presbyteri, aut Diaconi officio, si perfunctorie atque adulatorie res agatur; ita nihil apud Deum miserius, & tristius, & damnabilius.* Et qui-

dem videri possemus perfunctorie egisse, quod dictis malis per Concilium occurrere non studuerimus, præsertim id serio mandante Sacro Concilio Tridentino: verum id, ob belli impedimenta, ac spem rerum tranquilliorum, ac proinde etiam majoris fructus, usque nunc differendum prudenter judicabat Illmus & Rmus Dominus Octavius Frangipani, Archi-Episcopus Tarentinus, Nuncius Apostolicus, pridem hinc digressus. Nimirum, quia posuit præteritis annis Deus tenebras, horam scilicet & potestatem tenebrarum, & facta est nox; in ipsa pertransierunt omnes bestię silvæ, (t) brutales nimirum illi itinera infestatores, nec non etiam hæretici, ut catuli leonum rugientes, ut rapiant escam sibi, animas a Deo desertas. Sed dum nunc videtur oriri sol induciarum, & speratæ pacis, & in cubilibus collocantur hi catuli: iussi nimirum intra sua præsidia se continere, exhibit homo ad opus suum: tempus scilicet est, ut pio nunc operi accingamur, nunc bona consilia ineamus ad mundanda Sancta, (u) & renovanda; ne diutius quiescentibus nobis exprobrer per Prophetam suum Zachariam Deus: (x) *O Pastor & idolum derelinquens gregem.* Si scilicet cum oculis, ut idolum, habeamus, nec tamen ostendamus nos videre abusus & scandala per nos corrigenda pedes, ut idolum, sed perambulare gregem Dominicum non lubeat; nec clamemus in gutture nostro, quantumvis lupum grassari intelligamus: nares quidem habeamus, nec tamen subodoremur, quo hæc mala tendant omnia, quid nobis, quid ovibus nostris sint allatura. Consilio igitur Nehemiæ acquiescamus, & quid porro dicat, audiamus: *Venite, & ædificemus,* inquit, *muros Jerusalem.* Qua quidem exhortationis voce (*Venite*) nullam professionem corporalem requirebat, jam existentibus in Judæa hæc loquens; sed animorum conjunctionem in opus, quod præ manibus erat, quam & obedienter mox præstabant, dicente Scriptura: (y) *Quod congregata sint in opus quadraginta duo millia virorum, quasi vir unus; id est, omnes in eundem scopum collimantes, omnes idipsum concorditer agentes. Quod & nobis omnibus ad hanc congregationem convenientibus summopere observandum erit, ut simus, quasi vir unus, & nihil æque caveamus, atque contentionis studium; quo [quod absit] oboriente, nihilo amplius fecerimus, quam qui turrim Babylonicam moliebantur (z) jam divisim inter se lingu-*

(b) 2. Cor. 6.

(m) Num. 21.

(q) Luc. 10.

(u) 1. Machab. 4.

(i) Luc. 23.

(n) Apoc. 3.

(r) Ezech. 34.

(x) Zachar. 11.

(k) Matth. 21.

(o) Ezech. 13.

(s) S. Aug. Epist. 148.

(y) 1. Esd. 2.

(l) 2. Thessal. 2.

(p) Amos 6.

(t) Psalm. 103.

(z) Gen. 11.

quis. Rogo itaque vos omnes obedire Apostolo dicenti: (a) *Obsecro autem vos fratres per nomen Domini nostri Jesu Christi, ut idipsum dicatis omnes, & non sint in vobis schismata.* Propungere quidem, & suggerere cuique licebit, quod ad rem pertinere putaverit; sed ut hoc non nisi suo loco & ordine fiat, nec importuna suggestionem quisquam perturbet, significabuntur omnibus capita seu tituli agendorum, & eorum ordo, quo suo loco & temporis quisque suum conceptum reservert. Interim vero sapere apud semetipsum, aut, quod hinc nasci solet, pro sententia sua, quam Christiana humilitas aliorum iudicio subicere mandat, decertare aut contendere nemo præsumat, memor dicti Apostolici: (b) *Si quis autem videtur contentiosus esse, nos talem consuetudinem non habemus, neque Ecclesia Dei.* Et aliter quisque recogitet admonitionem Jacobi Apostoli, qui cum initio Capituli tertiæ Epistolæ suæ dixisset: (c) *Nolite plures Magistri fieri, fratres mei, scientes quia majus iudicium sumitis; addit in fine: Quod si zelum animarum habetis, & contentiones sint in cordibus vestris, non est ista sapientia de sursum descendens a Patre luminum, sed terrena, animalis, diabolica.* Et porro indicans, quando quis existimare possit se vere sapere, subnectit: *Quæ autem de sursum est sapientia, primum quidem pudica est, deinde pacifica, modesta, suadibilis, bonis consentiens.* O vere aurea verba! quæ vel sola merito sufficiant ad hæreses omnes extinguendas, ad pertinas omnes confundendos, ad discordes omnes conciliandos. Quare qui pudicam non habet sapientiam, id est, non verecunde sententiam suam proferit; qui modestam sapientiam non habet, id est, non humiliter de suo iudicio sentit; qui bonorum suasionibus acquiescere respuit, ideoque suadibilis non est, qui non veretur a bonis dissentire, liquido cognoscat non esse sapientiam suam de celo a Patre luminum, ut pro ejus defensione contendere debeat. Et magnopere præterea nobis considerandum est, quod de nascente Ecclesia refert Beatus Evangelista Lucas, (d) nimirum fidelibus fuisse omnibus cor unum, & animam unam: quorum hic, si unquam alias, fidos imitatores nos esse convenit. Unde & se quisque suspectum habere debet, ne sui sensus amantior impios Sanaballath & Tobiam plus referat destruentes, (e) quam pios Nehemiam & Etdram ædificantes. Nam, ut ait Sapiens, (f) *unus ædificans, & unus destruens, quid prodest illis, nisi labor?* Sed pergamus, & quid porro Nehemias moneat, videamus. Postquam enim is per verbum [Venite] animorum unionem indixerat, non minus, quid nobis nunc, quam quid illis tunc agendum erat, consequenter deinde expressit: *Edificemus, inquit, muros Jerusalem.* Ad id nempe, quadraginta duo millia virorum conveniant, huic operi, quasi vir unus, incumbant. Illud ipsum & nobis nunc cordi sit, huic sedulo intendamus, ad quod tanto numero convenimus: nam hæc est ratio, hic unicus scopus hujus convocati Concilii, ut videlicet, unanimi studio, & ut sapientes Architecti Ecclesiæ collapsa restauremus, (g) angulari lapidi pie superædificantes. At videat unusquisque, inquit Apostolus, quomodo superædificet: nam fabros spirituales esse, Sacerdotes & Ecclesiæ Pastores testatur Deus, loquens Jeremiæ Prophetæ, qui erat de Sacerdotibus Anathoth: (h) *Ecce constitui te hodie super gentes & regna, ut evellas & destruas, ædifices & plantes.* Evellamus igitur, quæ in agro Dominico deprehenderimus succrevisse zizania, quæque in atris Domini subnata virgulta: destruiamus male fabricata per præteritorum temporum nimiam licentiam: plantemus e diverso salutarium legum, Sanctorumque Constitutionum furculos, unde piorum operum & vitæ veræ Ecclesiasticæ fructus proveniant: & dum singuli non possumus omnia, Nehemiæ sapientiam sequamur; ut, quemadmodum ille plurimos in fabricam suam conquirebat operarios, ita & nos hic solliciti simus de creandis Pastoribus, præcipuam curam in hoc Concilio gerentes circa erectionem & dotationem Seminariorum: (quod & præ cæteris voluit nobis esse cordi S. Concilium Tridentinum) ut in iisdem multi adaptentur Pastoratui; quia messis ubique multa, [i] sed operarii, cheu! nimis pauci. Deinde ubi Pastores assumpserimus, & hoc nobis serio curandum venit, ne ii ipsi fraudentur cibo suo, aut eorum necessitatibus quid desit in hac tanta annonæ caritate: (k) qui enim bene præsumt Presbyteri, duplici honore digni haberi debent, ne tædio per inedia superati, stationem suam deferant. Sed aliud factum nobis [l] in Nehemia imitandum occurrit: quod videlicet, sicut is, distributis oneribus, certas murorum rupturas certis familiis sarcindas destinabat, donec omnes in unum consolidarentur; ita & diversis hic diversa incumbant munera, ut nimirum alii proponant, alii resolvant & decernant: alii Secretarii sint, alii negotiorum Promotores: hi quæ ad Theologiam, alii quæ ad jus perti-

(a) 1. Cor. 1.

(b) 1. Cor. 11.

(c) Jac. 3.

(d) Act. 4.

(e) 2. Esd. 4.

(f) Eccl. 34.

(g) 1. Cor. 3.

(h) Jerem. 1.

(i) Matth. 9.

(k) 1. Tim. 5.

(l) 1. Esd. 3.

pertinent, subministrent : sicque gratiam quisque sibi datam in alterutrum (m) (ut loquitur Apostolus) administret. Omnia vero nostra in charitate fiant, (n) & unus tam pii operis consummandi scopus nos connectat, & quasi virum unum efficiat. *Ædificemus & plantemus* a nobis ipsis inchoando; suum videlicet quisque, ac domesticorum suorum hortum, primum zizaniis expurget, & inde veteris hominis rudera removeat : atque ut ipsimet imprimis tamquam lapides vivi Christo superædificemur, [o] serio singuli nostrum per veram pœnitentiam, jejunia, elemosynas, devotas preces, pique ac frequentia Sacrificia, ad Deum recurramus ; enixe rogantes, ut nos Spiritu suo dirigat, & recta sapere concedat, suggeratque servis suis, quæ ad renovationem Ecclesiasticæ disciplinæ, quæque ad bonam ac salutarem populi sui directionem necessaria novit : sicque benigne faciat in bona voluntate sua Sion, [p] ut per pia, sanaque consilia, ac Decreta nostra, ædificentur muri Jerusalem ; atque ita nostras, omniumque nobis subditorum, juxta dictum Apostoli Petri, [q] castificet animas in obedientia charitatis : id est, omnium mentes ita purificet, omniumque oculum ac intentionem tam simplicem faciat, ut ex imis præcordiis quisque se ostendat diligere decorem Domus Dei, prompte obediendo in hac Sacra Congregatione decernendis ; nam sine vera perfectæque obedientia, nullus Concilii fructus. Nemo igitur contra id quod verum, justum, & sanctum est, quod Canonibus veteribus, quod denique novo juri Sacrosancti Concilii Tridentini conforme, sui Capituli, sui Monasterii, suæ Ecclesiæ consuetudines alleget : sed evelli obedienter patiatur, quod per inolitam consuetudinem male succrevit, ut meliori plantæ locus fiat : nemo hic jus acquisitum contra jus in Sacris Canonibus aut Sancto Concilio Tridentino sancitum alleget : [r] nemo altare contra altare erigat : nemo privilegia contra intentionem dantis extendat, aut abrogata obtendat : nemo denique se a Dei Lege, aut Apostolicæ Sedis delegatis, exemptum putet. Hortor autem vos paucis, cum Apostolo dicente : (s) *Obedite Præpositis vestris, & subjacete eis ; ipsi enim pervigilant tamquam rationem reddituri pro animabus vestris*. Serio consideret quisque, nullum agrum, nullum hortum tam bene excultum, qui non subinde indigeat expurgatione & rastro : nullam quoque tam exacte ædificatam domum, quæ non aliquando restaurationem requirat. Quocirca & mira providentia Spiritus San-

ctus Ecclesiam suam regens, per Sacrum Concilium Tridentinum mandavit, in omni Provincia Concilium singulis trienniis, in omni Dicecesi singulis annis cogendum. Quod totum indubie frustraneum & illusorium erit, nisi adsit, ut ante diximus, vera obedientia : quæ ubi deesse solet, & Conciliorum celebratio, & ipsa quoque Religio tandem perire solet. Quamobrem & sic comminatur Deus per Prophetam Osee : (t) *Verumtamen unusquisque non judicet, & non arguatur vir ; populus enim tuus sicut ii, qui contradicunt Sacerdoti. Et corruet hodie, & corruet etiam Propheta*, id est, prophetia, tecum. O terribiles Dei minas ! O peccatum grande & exosum nimis Divinæ Majestati contradictio ! O infelicem, o miseram, inquam, regionem illam, ubi in tantum invaluit spiritus contradictionis erga Pastores Ecclesiæ, ut, dum nullus sequitur fructus, Deus ipse suadet non judicari, id est, puniri ; non, inquam, redargui virum, quod contradici soleat Sacerdoti, aliis semper atque aliis repertis contradictionis ac inobedientiæ coloribus. Audiant ergo tales, & hanc Prophetæ sententiam serio ruminent ; *Et corruet hodie*, id est, brevi. Cum enim per hunc spiritum contradictionis & inobedientiæ effusa fuerit contemptio super Principes, (u) illorum nimirum successores, de quibus dicitur : *Constituit eos Principes super omnem terram* ; (x) errare hujusmodi facit Deus in invio viæ latæ, cuius novissima ducunt ad mortem, & non in via arcta & recta. Sed quid multa ? Ad Esdræ & Nehemiæ denuo recurramus ; eorum prudentiam & animi fortitudinem consideremus, assequamur, imitemur. Illi enim, ut multos patiebantur operi suo obgannientes ac contranites, multos item apud Regem Persarum calumniantes, quales erant Bessellam & Ta-beel, (y) qui odio, quo in piam hanc fabricam æstuabant, prætexebant gratam memoriam salis, quod in Palatio regio comederant, atque animum impatientem læsionis Regis, seu jurisdictionis illius : illi, inquam, Divinæ protectioni difficultatem omnem ferventibus precibus committentes, nec non zelo suo fortiter insistentes, una manu trullam ad operis provectionem, (z) altera gladium ad hostium averfionem gestabant ; unde & Dei manum bonam super se sentiebant, atque opus suum feliciter consummabant. Nos quoque juxta egregium hoc Nehemiæ & Esdræ factum, in hac spiritali ædificatione semper quidem prudeniter, sed & non minus fortiter elaboremus ; nec extimescamus tam in decernendis ac statuendis, quam etiam in

(m) 1. Pet. 4.

(q) 1. Pet. 1.

(u) Ps. 106.

(n) 1. Cor. 16.

(r) Jos. 22.

(x) Ps. 44.

(o) 1. Pet. 2.

(s) Hebr. 13.

(y) 1. Esdr. 4.

(p) Ps. 50.

(t) Osee 4.

(z) 2. Esdr. 4.

in exequendis bonis constitutionibus, vel domesticorum, vel exterorum quorumcumque finiftras machinationes; confidentes benignissimum Deum indubie causam suam iudicaturum, ac fideles ministros suos directurum & proteſturum: ut hac ratione cum Nehemia recte sententiam concludamus: *Non finis ultra opprobrium.* Ante enim stupendæ pulchritudinis & toto orbe celebratum fuerat templum: Civitas item Regia, & circumvicinis omnibus imperitans, Ierusalem; unde & Dominam gentium, & Principem Provinciarum eam nominat S. Jeremias, (a) quam nemo non suspiciebat, reverebatur. Sed ecce, hæc flammis & depopulationi tradita, nunc derisioni, sannis atque opprobriis hostium exponebatur, dicentium: (b) Hæcine est urbs perfecti decoris, & gaudium universæ terræ? Judæi quoque ipsi (natio tam grandis & inclita, ut haberet Deum appropinquantem sibi, (c) quamque cælum suo magna pascebat, (d) ac mare rubrum, (e) & ipse Jordanis extimescere videbatur, [f] quæque postmodum tanto fuit hominibus terrori, ut tria tantummodo millia Judæorum, (g) centum millia hominum in Antiöchia trucidarint) in tantum a gentibus nunc contemnebantur & opprimebantur, atque adeo ipsis exosi facti erant, ut & impune eos occidere liceret, & mortui, Regis iussu, sepultura privarentur, ut ex Tobie historia patet. [b] Quo tamen nihil Judæis accidere potuit gravius, quam quod hoc ipsum opprobrium in Deum redundare videretur, tamquam salvare nequiverit populum suum: [z] dum ejusdem Dei impotentia hostes ascriberent, quod alioqui peccatis ipsius populi imputandum erat; quodque hoc pacto nomen Dei blasphemaretur in gentibus. Quemadmodum ergo ruina Templi, devastatio civitatis Ierusalem, ac ipsius populi immanis depressio, magno opprobrio fuere Judæis: ita & nunc non minus nobis irrisioni sunt, Templorum ac Monasteriorum everſio, Ecclesiarum depauper-

ratio, Sacerdotii quidam contemptus, atque hinc Presbyterorum exiguus numerus: hostium denique imperium in tot Catholicas Civitates. Ob quæ & alia nihil pæne sonant hæreticæ conciones, quam impropria, & despectum Catholica Ecclesiæ & Religionis; in summam profecto veræ fidei nostræ injuriam, ac proinde etiam ipsius Dei blasphemiam: & præsertim dum temere in publicis literis, non ita pridem a nobis lætis, adversarii nostri jactare audent; quod Deus per eorum prosperitatem, & nostram adversitatem, testetur veritatem religionis ipsorum: quam tamen nonnisi perfidiam esse certo cognoscimus. O superbiam execrandam! o dira impropria! Hæcine diutius tolere-mus? Elaboremus, Patres, elaboremus, inquam, ut hanc adversariis occasionem evomendorum opprobriorum, quæ non tam ex fortitudine eorum, quam ex merito peccatorum nostrorum, exque neglectu animarum officique nostri, atque ex quadam Divini cultus nausea, ipsis nascitur, penitus tollamus: totis viribus id, ad quod hoc Concilium coactum est, exequamur: evellamus zizania, scandala & abusus vitemus, corrigamus; male fabricata destruamus; muros Ierusalem ædificemus; templa viva extruamus; sirculos piæ juventutis plantemus; hortos denique nostros novellis virtutum plantis, per seriam vitæ emendationem, morum correctionem, ac Ecclesiæ Divinique cultus restaurationem, serio exornemus: ac tum demum certo confidamus, veluti sublata causa, etiam tollendum effectum, opprobrium videlicet ipsum, simulque futurum, ut Ecclesiæ Dei, ejusque Ministris ac Filiis præscus suus honor, jurisdictio, & dignitas redeat: quodque consequenter, qui Ecclesiam velut navem rimosam, domumve ruinosa ante fugiebant, deferebant, & destruebant; nunc ad eam debite expurgatam, ac bonis legibus restauratam, revertentur, eamdemque nobiscum denuo visitabunt, ædificabunt, exornabunt.

INDEX TITULORUM TOTIUS CONCILII.

- TIT. I. De Professione Fidei, ac de his, quæ ad ejusdem Fidei integritatem conservandam pertinent.
- II. De Sacramentis in genere.
- III. De Sacramento Baptismi.
- IV. De Sacramento Confirmationis.
- V. De Sacramento Pœnitentiæ.
- VI. De Indulgentiis.

- VII. De Sanctissimo Eucharistiæ Sacramento.
- VIII. De Sacramento Extremæ Unctionis.
- IX. De Sacramento Ordinis.
- X. De Sponsalibus & Sacramento Matrimonii.
- XI. De Doctrina & Prædicatione Verbi Dei.
- XII. De Officio Divino & Ceremoniis.
- XIII. De Festis & Jejniis.
- XIV. De Imaginibus & Sanctorum Reliquiis.

Eee ee 3

XP.

(a) Th. 1.	(b) Th. 2.	(c) Deut. 4.	(d) Exod. 16.
(e) Exod. 14.	(f) Ps. 119.	(g) 1. Machab. 11.	(b) Tob. 2.
(i) 4. Reg. 19.			

- XV. De Superfitione.
 XVI. De Episcopis, & eorum officio, ac Sede vacante.
 XVII. De Archi-Presbyteris, Pastoribus, & Custodibus, eorumque officiis.
 XVIII. De vita & honestate Clericorum, eorumque correctione.
 XIX. De Beneficiis & Officiis Ecclesiasticis, ac Beneficiorum residentia,

- XX. De Scholis.
 XXI. De Seminariis.
 XXII. De elocatione & conservatione bonorum Ecclesiasticorum.
 XXIII. De Reparatione Ecclesiarum.
 XXIV. De Regularibus & Monialibus.
 XXV. De Foro, Jurisdictione, & Immunitate Ecclesiasticis.
 XXVI. De Synodo Provinciali & Diocesana.

DECRETA ET STATUTA SYNODI PROVINCIALIS MECHLINIENSIS.

TITULUS PRIMUS.

De Professione Fidei, ac his, quæ ad ejusdem Fidei integritatem conservandam pertinent.

CAPUT I.

Cum a Fide, tamquam a fundamento, pendeat vita spiritualis, & Religio nostra; ab ea exordium sumendo Sacra Provincialis Synodus Mechliniensis legitime congregata statuit, & decernit, ut omnes Professores, Concionatores, Confessarii, ac etiam quicumque in hæresim lapsi ad Ecclesiæ gremium redeunt, singuli, præter abjurationem, & alia ad quæ tenentur, coram Ordinario suo, ejusve Vicario Generali, aut alio ab altero eorum ad id deputando, faciant Professionem Fidei juxta Bullam PII IV. & in Romanæ Ecclesiæ obedientia se permanuros spondeant ac jurent.

CAPUT II.

Multo magis saluberrimum Decretum Concilii Tridentini, de simili Fidei Professione, in manibus Ordinarii, ejusve Vicarii Generalis facienda ab omnibus & singulis, qui de Canoniciis, & dignitatibus in Ecclesiis Cathedralibus & quibuscumque Beneficiis curam animarum habentibus provisi sunt, si alicubi forte observari desierit, in usum revocetur; cum declaret idem Concilium, quod aliqui prædicti omnes non faciant fructus suos, nec illis possessio suffragetur.

CAPUT III.

Ludimagistri emitant Fidei Professionem juxta formulam a Ss. memor. PIO IV. præscriptam. Typographi

vero, Bibliopolæ, ac Librarii faciant Fidei professionem juxta formulam hic subjunctam; sic tamen ut ubi excepturus juramentum forte habebit aliquam rationem de professuri fide dubitandi, eum præmoneat & examinet circa aliquos articulos hoc tempore maxime controversos. Ludimagistri ac Ludimagistræ, & quicumque eorum Hypodidascali seu cooperatores sunt, in iis locis, ubi est Scholasticus, coram eo, alibi coram Archi-presbytero hanc Fidei professionem facient: Typographi vero, Bibliopolæ, ac Librarii in manibus Ordinarii, aut ab eo ad id deputandi. Et insuper hi juramentum præstabunt de non invehendis, nec distrahendis, vel etiam compingendis libris prohibitis: illi quoque etiam oblata Fidei professione, non aliter tamen ad aperiendam Scholam admittentur, quam si Scholastico, vel ubi is non est, Archi-presbytero suo de eorum fidei integritate, morumque probitate, per fide digna testimonia sufficienter constiterit.

CAPUT IV.

Ego N. omnia & singula, quæ continentur in Symbolo Fidei, quo Sancta Romana Ecclesia utitur, & quæ a Sacris Canonibus, & Generalibus Conciliis, ac præcipue a Sacrosancta Tridentina Synodo tradita, definita, & declarata fuerunt, indubitanter recipio atque profiteor; nec non Romano Pontifici, Summo in terris Jesu Christi Vicario, veram obedientiam spondeo ac juro; simulque hæreses omnes,

omnes, ab Ecclesia damnatas & rejectas, ego pariter damno & rejicio. Sic me Deus adjuvet, & hæc Sancta Dei Evangelia.

CAPUT V.

Nemo præter Typographos, Bibliopolas & Librarios juratos, ullos libros excudere, aut venales exponere præsumat. Ipsi etiam Typographis, Bibliopolis, ac Librariis non liceat vel alios libros imprimere, quam qui ab Ordinario, vel aliquo approbato Censore examinati & approbati fuerint; vel alios venales exponere, aut secreto distribuere, quam quorum Catalogus ab Ordinario, vel approbato aliquo Censore sit visus & approbatus, sub penis pro qualitate & circumstantiis facti infligendis.

CAPUT VI.

Libri etiam domorum mortuaria-rum non distrahantur, nisi ab approbato aliquo Censore, vel alio ad id ab Ordinario deputato, visitati & vendi permissi fuerint. Et visitatio ista gratis fiat.

CAPUT VII.

Moneant diligenter Parochi sibi subditos, libros hæreticos, vel ex professo lubricos, nullo modo legere vel habere licere; eisque prohibitiones, quæ habentur in Indicibus librorum prohibitorum, Sedis Apostolicæ auctoritate post Concilium editas, crebro infinuent.

CAPUT VIII.

Studeant etiam nosse vultum peccoris sui, & si quem inter subditos suos peregrinis doctrinis abductum, falsave dogmata spargentem adverterint, eum Ordinario, vel ejus Vicario Generali, aut Officiali mox denuntient; nec non & illos, quos Ecclesiam, Divina Officia, & Sacramenta debitis temporibus non frequentare, vel aliter de hæresi suspectos esse deprehenderint, nisi moniti statim se purgent, aut emendant.

CAPUT IX.

Ludi theatrales non aliter deinceps permittantur, quam si ab Ordinario, vel eo, quem ipse ad id deputaverit, permittendi videantur. Idemque

fit de actionibus Mimorum & Histriorum, qui vulgo *Camer-speelders* vocantur; ac de cantilenis, rythmis, & quibusvis scripturis, quæ passim ab ignotis & exteris hominibus venales circumferuntur, aut etiam publice decantantur. Et ut hæc omnia exactius observentur, decernit Synodus supplicandum Serenissimis Principibus, ut in eo auctoritatem suam interponant.

TITULUS II.

De Sacramentis in genere.

CAPUT I.

IN administrandis Sacramentis, Pastorale suæ Ecclesiæ Cathedralis omnes sequantur; & eo deficiente, Ecclesiæ Metropolitanæ, nihil temere addendo, demendo, vel immutando.

CAPUT II.

Administraturi Sacramenta Baptismi, Sacræ Eucharistiæ, Extremæ Unctionis, & Matrimonii, nec non cionatur, stola & superpelliceo vel alba sint induti. Sacerdotes quoque sæculares, non nisi superpelliceo induti, in locis sacris sæcularium confessiones accipiant. Pastores vero, & Vice-pastores, etiam stolam superaddant.

CAPUT III.

In administratione quorumcumque Sacramentorum, vis & efficacia eorum, pro capto fumentum ac præsentium, sæpe a Pastoribus explicantur; omnesque preces Sacramentales, maxime vero ipsæ formæ Sacramentorum, tractim; distincte, & attente cum debita reverentia pronuntientur.

CAPUT IV.

Et ne, dum quis aliis est Minister ad salutem, damnationem sibi acquirat, caveat quisque diligentissime, ut quæ decet mundicie & puritate Sacramenta administret.

CAPUT V.

Pastores ad administranda Sacramenta vocati, officio suo fungi non tardent, graviter alioqui puniendi; gravissime vero, si quem ipsorum negligentia, sine Baptismo, Confessione, Sacro Viatico, aut Extrema Unctione, ex hac vita migrare contigerit.

Ca-

CAPUT VI.

Non modo Archi-presbyteri singulis annis ab Ordinario suo, vel Sede vacante a Vicario Generali, Sacrum Chrisma & Sacra Olea tempestive petant, & per Sacerdotem, Diaconum, vel saltem Subdiaconum, in mundis & honestis vasculis (scilicet stanneis aut argenteis, nullo modo vero cupreis, testaceis, aut vitreis) ad locum residentię suę ferri curent: sed Pastores etiam singuli quotannis ab Archi-presbytero suo, vel ex ea Ecclesia unde consueverunt, per se, aut alium Sacerdotem, non autem illo inferiorem, in similibus vasculis Sacrum Chrisma, Sanctaque Olea ferre non omittant; iisque receptis, veteribus non utantur: sed quidquid ex illis superfuerit, si liquidum, lampadi, quę lucet ante Venerabile Sacramentum, infundatur; sin autem bombyci vel gossipio immixtum fuerit, super piscinam comburatur.

TITULUS III.

De Sacramento Baptismi.

CAPUT I.

Pastores Sacrum Fontem sub operculo & fera diligenter servant; Sacrum quoque Chrisma & Oleum, sub fera & loco honesto. Et Sabbato Sancto, ac in Vigilia Pentecostes aquas Baptismales consecraturi, ipsum fontem antea per se, vel saltem aliquem in Sacro Ordine constitutum, mudent.

CAPUT II.

Quilibet Parochus librum habeat, in quo singulorum baptizatorum, nec non parentum, & patrinorum ac matrinarum nomina & cognomina, diemque Baptismi diligenter describat, eundemque quotannis in visitatione Archi-Presbytero exhibeat; nec umquam plures, quam unum Susceptorem, vel unam Susceptricem, vel ad summum unum & unam admittat. Et si qui alii ad tangendum infantem instar Patrinarum se ingerant, declaretur aperte ante Baptismum, nec eos, nec alios, præter descriptos seu designatos, ullam cognationem spirituales contrahere.

CAPUT III.

Curent, quantum fieri potest, Parochi, ne gentilium aut alia prophana nomina pueris imponantur.

CAPUT IV.

De pueris exposititiis id observent Parochi, ut si inveniant certa circa infantem indicia, per quę constat eum non esse baptizatum, utpote sal, quod mulieres apud eum deponere solent, tamquam indicium non collati Baptismi, eo casu talem infantem absque ulla hæsitacione baptizent, nulla apposita conditione: si vero nulla signa, nullumque testimonium ejus rei deprehendant, eum sub conditione baptizent.

CAPUT V.

Prohibet præterea Sancta Synodus, ne quis Pastorum Baptismi Sacramentum, alio in loco, quam in illis Ecclesiis, in quibus Sacri Fontes constituti & consecrati sunt, exceptis casibus in jure permisis, conferre audeat.

CAPUT VI.

Et quia frequens experientia docet, modernos hæreticos sæpe contra receptam Ecclesię consuetudinem, & antiquissimam traditionem baptizare, uno aquam fundente, alio formam ipsam pronuntiantem; ab hæreticis (qui non sunt ad baptizandum admittendi, ubi aliquis Catholicus præsto est) baptizati, similiter sub conditione baptizentur.

CAPUT VII.

Hortatur hæc Synodus & requirit omnes Magistratus singulorum locorum, ne quam ad obstetricandum parturientibus admittant, nisi prius a Curato loci, ubi obstetrix moratur, testimonium sincerę & Catholicę fidei habeat, professionemque fidei coram Archi-Presbytero suo faciat; nec non materiam formamque Baptismi testimonio ejusdem Curati probe calleat: & ultra consuetum juramentum, juret etiam, quod infantes a se excipiendos quantocyus, vel saltem intra tres dies baptizari curabit; aut si obstinentibus parentibus vel amicis id efficere non possit, mox Pastori loci eos denuntiet.

CAPUT VIII.

Puerperæ, cum a puerperio domum exeuntes se ad Ecclesiam contulerint, a Parocho proprio juxta probatissimam Ecclesiæ consuetudinem purificentur.

CAPUT IX.

Ad abolendam pravam illam consuetudinem, qua ruri præsertim post Baptismum puerorum convivium non sine maximis incommodis & periculis tam puerperæ, quam infantis celebrari consueverunt: mandat hæc Synodus Pastoribus, ut subinde moneant & hortentur subditos suos, ut ab hujusmodi conviviis abstineant: quod ut facilius impetrent, caveant in primis ipsi, ne quantumvis invitati dictis conviviis intersint.

TITULUS IV.

De Sacramento Confirmationis.

CAPUT I.

DE dignitate, vi, & effectibus hujus Sacramenti, Parochi subditos suos sæpe diligenterque instruant; maxime sub id temporis, quo illud Episcopus in iis locis ministraturus est.

CAPUT II.

Moneant tunc etiam Sacramentum hoc iterari non posse, & Confessionem præmittendam a confirmandis, si sint doli capaces; eosque, qui in Baptismo Patrini esse non possunt, nec hic esse posse; nec non de conferendis integris mundisque fasciis juxta magnitudinis, ut fronti & capiti circumcingi possint: item de Patrinorum obligatione, ac cognatione spirituali, quam cum confirmandis, eorumque patre & matre contrahunt, ejusdemque cognationis effectui, ac similibus.

TITULUS V.

De Sacramento Pœnitentiæ.

CAPUT I.

Nemo, etiam Regularis, confessiones secularium, ne quidem Sacerdotum, audire præsumat extra mortis articulum, nisi aut Parochiale Beneficium obtineat, aut ab Ordinario

Tomus VIII. Concilior. German.

loci idoneus judicatus aut admissus fuerit. Admissio quoque ista in scriptis habeatur.

CAPUT II.

Judicem sedentem sententias ferre oportet: ideo etiam Confessarius non nisi sedens confessiones excipiat, quacumque etiam pœnitentes dignitate fulgeant.

CAPUT III.

Ubi erecta necdum sunt confessionalia, quæ Confessarium a pœnitente asserculo cancellato, ac pœnitentem a sequentibus alio asserculo disjungant, intra tres menses a publicatione Decretorum hujus Concilii sumptibus fabricarum erigantur; & ab eo tempore nemo sine licentia Ordinarii extra ejusmodi confessionalia, sceminarum confessiones audire præsumat, nisi in casu necessitatis, sub pœna arbitraria.

CAPUT IV.

Sciat quilibet a casibus Sedi Apostolicæ aut Episcopo reservatis se absolvere non posse, præterquam in mortis articulo, nisi ad hoc specialem facultatem debite acceperit; quo etiam super irregularitatibus aut votis dispensare non præsumat, nisi aliam specialem potestatem ad hoc habuerit.

CAPUT V.

Magna oportet esse instructum scientia, qui de rebus maximis ex tempore judicare debet. Ideo Confessarii, quibus non hominis, sed Dei judicium exercendum est, & quidem de animabus pretioso Jesu Christi Sanguine redemptis, lectioni eorum librorum, unde necessariam sibi scientiam hauriant, diligentissime vacare merito debent; utpote, Directorii Polanci, Manualis Navarri, aut ejus Compendii, Summæ Toleti, Enchiridii Binsfeldii, & similibus.

CAPUT VI.

Meminerit unusquisque confessionis sigillum strictissime servandum esse, etiam sub pœna depositionis a Sacerdotali officio, & detractionis in arctum Monasterium, ad agendam ibidem perpetuam pœnitentiam. Hoc porro sigillum ad ea se quoque extendit, quæ subinde occasione eorum, quæ in confes-

FFF ff

lione

sione detecta sunt, post datam absolutionem a Confessariis interrogati pœnitententes vel reperunt, vel diffusius enarrant; quæ perinde, ut ea quæ in ipsa dicta sunt confessione, secreta sunt habenda.

CAPUT VII.

Nemo aliquem ad perpetuo sibi soli confitendum obliget; & ejusmodi promissionem etiam juratam, tamquam irrationabilem & indiscretam, hæc Synodus irritam esse declarat, & quatenus opus est, irritat.

CAPUT VIII.

Ut autem Pastores & Confessarii fiant, cujusmodi satisfactiones pœnitentibus injungere debeant, mature expendant verba Tridentini Concilii *Cap. 8. Sess. 14.* quæ sunt hæc: "De-
" bent ergo Sacerdotes Domini, quan-
" tum spiritus & prudentia suggererit,
" pro qualitate criminum, & pœni-
" tentium facultate, salutares, & con-
" venientes satisfactiones injungere:
" ne, si forte peccatis conniveant, &
" indulgentius cum pœnitentibus a-
" gant, levissima quædam opera pro
" gravissimis delictis injungendo, alie-
" norum peccatorum participes effici-
" antur. Habeant autem præ oculis,
" ut satisfactio, quam imponunt, non
" sit tantum ad vitæ novæ custodiam &
" infirmitatis medicamentum, sed et-
" iam ad præteritorum peccatorum vin-
" dictam & castigationem. Nam cla-
" ves Sacerdotum non ad solvendum
" dumtaxat, sed & ad ligandum con-
" cessas, etiam antiqui Patres & cre-
" dunt & docent.

TITULUS VI.

De Indulgentiis.

Indulgentias, atque alias spirituales gratias, ab Ordinariis locorum, adhibitis duobus de Capitulo, debitis temporibus populo publicandas esse Sacrum Tridentinum Concilium dægnit: quod ab eis erit diligenter observandum, summa in illis Indulgentiis recognoscendis adhibita diligentia, atque ita ad Tridentini Concilii præscriptum, coercitis iis, qui oblata charitatis subsidia colligunt, hos Ecclesiæ thesau-

ros non ad quæstum, sed ad pietatem exerceri omnes intelligant.

TITULUS VII.

*De Sanctissimo Eucharistiæ Sa-
cramento.*

CAPUT I.

IN singulis Ecclesiis Parochialibus plures Hostiæ Sacræ ad usum ægrotorum continuo afferventur, & quidem sub sera, & in loco honesto, ac decenti vasculo. Et singulis saltem hebdomadis, aut circiter, vel si humiditas loci requirat, etiam sæpius species Sacramentales renoveantur.

CAPUT II.

Ubicumque locus ab hostibus ac prædonibus est tutus, & facultates Ecclesiæ ferunt, continuo tam de nocte quam de die, ante tabernaculum Sanctissimæ Eucharistiæ lumen ardeat, alibi saltem sub Officio Divino.

CAPUT III.

Pastores, & quicumque alii Sacerdotes, Venerabilis Corporis Christi Sacramentum ad ægrotos, aut alios, nunquam perferant, nisi decenter & reverenter ornati stola & superpelliceo, & Custos superpelliceo indutus lumen & campanulam sonantem præferat; quo populus sui moneatur officii, tum erga Sacramentum, tum erga laborantem infirmum. Idque observetur, etiam si infirmus frequentius in ægritudine sua viaticum salutis sibi deferri petat, alioqui pœna arbitraria punientur. Et quando fieri potest, antequam Sacra Eucharistia ad ægrotum deferatur, præmittatur confessio.

CAPUT IV.

Numquam unica dumtaxat Sacra Hostia ad ægrotum deferatur, ne Parocho ad Ecclesiam redeunte inane vasculum populus adoret.

CAPUT V.

Quilibet annos discretionis habens communicare debet ut minimum in Paschate in Ecclesia sua Parochiali. Incipit autem Pascha ad hunc effectum in Dominica Palmarum, & durat usque ad Dominicam in Albis, inclusive.

CA-

CAPUT VI.

Qui huic mandato Ecclesiæ non obdierint, vel in Paschate a Parochia abfuerint, & reversi intra octo dies non docuerint se alibi in Paschate communicasse, mox Episcopo denuntientur; ut ejus judicio, nisi legitimam excusationem attulerint, & vivi ab ingressu Ecclesiæ arceantur, & mortuis Ecclesiastica denegetur sepultura. Ultimo quoque supplicio afficiendis tempore de Sacra Eucharistia provideatur. Quod ut fieri jubeant, rogentur Serenissimæ Sux Celsitudines.

CAPUT VII.

Concubinarij publici, antequam concubinas suas actu dimiserint, ad Sacram Communionem non admittantur: neque etiam publici Usurarii, vel palam inimicitias exercentes, nisi illi usuris renuntiaverint, & injusta lucra restituerint, aut de iis restituendis cautionem dederint; & hi reipsa pacem composuerint, vel sese ad reconciliationem debite obtulerint.

CAPUT VIII.

Sacrosancta Eucharistia pie & utiliter ad populi devotionem interdum in publicis supplicationibus deferatur; potissimum vero in Festo Sacro Christi Corpori consecrato, ejusque Octava. Sed ne nimia frequentia minuat reverentiam, rarius extra prædicta tempora id fiat, & non nisi in arduis causis pacis, & publicæ necessitatis, vel utilitatis. In illis autem processionibus, ad quas populus non tam orandi, quam spectandi gratia confluere solet, abstinetur. In communibus autem supplicationibus circumgestari poterunt Sanctorum Reliquiæ.

TITULUS VIII.

De Sacramento Extremæ Unionis.

CAPUT I.

Parochi ægrotos sæpe invitant, hortenturque, ne ad extremum Sacramenti hujus susceptionem differant; at potius sensibus rationisque usu adhuc integris, illud sibi administrari petant, ut ita uberiores ejus fructum percipiant.

Tomus VIII. Concilior. German.

CAPUT II.

Falluntur, qui existimant suscepto hoc Sacramento vel testamentum condi non posse, vel spem convalescendi ob id imminui. Ideoque Pastores contrarium subinde populum doceant. Et si forte alicubi usu introductum sit, ut testamentum a susceptione hujus Sacramenti conditum non subsistat, declarat hæc Snodus ejusmodi consuetudinem pro corruptela habendam esse; utpote causam, cur tam salutaris Sacramenti susceptio ad extremum vitæ spiritum a plerisque differatur; iique interim effectus Sacramenti non percipiant; & sæpe etiam sine eo moriantur.

TITULUS IX.

De Sacramento Ordinis.

CAPUT I.

Ad minores Ordines promovendi, bonum a Parocho, & Magistro Scholæ, in qua educantur, testimonium habeant.

CAPUT II.

Majoribus Ordinibus insigniendi, si sint Religiosi, a Superiore suo, ætatis, natalium, ac vitæ morumque probitatis debita testimonia in scriptis adferant: Sæculares, si in Ecclesia Collegiata, eive subiecta, resideant, a Decano Capituli; si in Collegio, vel Pædagogio aliquo degant, ab illius Præsidente; alioquin a proprio Pastore similia testimonia exhibere debeant. Et non habens hujusmodi testimonia, ne ad examen quidem admittatur, nisi Episcopo aliter videatur.

CAPUT III.

Fiant insuper proclamationes promovendorum ad singulos Ordines majores juxta Decretum Concilii Tridentini; & qui de iis non docuerint, rejiciantur.

CAPUT IV.

Doceant Religiosi, etiam Ordinum Mendicantium, de Ordinibus susceptis testimonio ipsius Episcopi, per litteras a Secretario Episcopi communitas, antequam altiores Ordinem suscipiant.

CAPUT V.

Episcopi subditos suos non nisi jam probatos & examinatos ad alium Episcopum dimittant, juxta Decretum Concilii Tridentini.

CAPUT VI.

Tituli Patrimoniales, & Beneficiales, sint deinceps ad minimum quadraginta florenorum; nec ullus eorum, nisi visis literis in debita forma expeditis, admittatur.

CAPUT VII.

Nemo ad Ordines titulo beneficii quantumvis opimi promoveatur, nisi Canonice institutionem & pacificam possessionem ejusdem antea obtinuerit.

CAPUT VIII.

Juret deinceps quilibet Ordinandus ad titulum patrimoniale, & beneficiale, quod titulum, quem pro futura sua promotione exhibet, vere & sine ulla fraude possideat; quodque illum non resignabit, vel alienabit, nisi ei de alio sufficienti titulo sit prospectum; neque tunc quidem aliter, quam cum scitu & consensu sui Episcopi, in literis ipsius resignationis aut alienationis exprimendo: item quod titulum illum; qui in locum prioris tituli successerit, absque simili consensu non resignabit, vel alienabit.

TITULUS X.

De Sponsalibus & Sacramento Matrimonii.

CAPUT I.

Parochus ante solennizationem Matrimonii tam Sponsum, quam Sponsam expresse interroget, num libere & sine ulla coactione ad Matrimonium simul contrahendum advenerint: & si alterum eorum ad id coactum esse adverterit, ad solennizationem Matrimonii non procedat, nec alteri ad hoc vires suas committat, sub poena suspensionis ab officio & beneficio.

CAPUT II.

Proclamationes Matrimoniales tribus distinctis Dominicis vel Festivis diebus, sub Summo Sacro, vel concio-

ne, aut alioqui sub frequenti populi conventu fieri debent. Si quis sine iis, earumve remissione ab Ordinario in scriptis obtenta, Matrimonio jungere aliquos præsumat, graviter puniatur.

CAPUT III.

Quandocumque Matrimonium contrahere volentes sunt diversarum Diocesium, Decanatuum, vel Parochiarum; Parochus unius ad Matrimonii solennizationem non procedat, nisi & omnes proclamationes in Ecclesia sua fecerit, nullumque intellexerit Canonicum impedimentum; & similiter Parochum alterius desponsorum omnes tres proclamationes fecisse, & nullum Canonicum impedimentum denuntiatum esse, ex testimonio ejusdem Pastoris certo cognoverit, vel de dispensatione Ordinarii ipsi constiterit. Et si forte signaturam illius Pastoris non noverit, & testimoniales sibi exhibitas de falso suspectas habeat, exigat testimonium saltem unius personæ fide dignæ, quod testimoniales illæ sint scriptæ vel subsignatæ manu ejus, a quo scriptæ vel subsignatæ esse dicuntur; vel si hujusmodi testimonium haberi non possit, exigat juramentum ab altero desponsorum, quem testimoniales illæ concernunt, quod eas a Parocho suo acceperit, vel ab eo scriptas esse sciat. Et si quem hic perjurum esse, aut crimen falsi committere contigerit, is gravissime puniatur.

CAPUT IV.

Impedimento aliquo denuntiato, vel Matrimonio desponsorum oppositione aliqua facta; non prius ad ultiores proclamationes aut Matrimonii solennizationem Parochus procedat, quam re ad Ordinarium, vel Vicarium ejus, aut Officiale delata, ab eodem intellexerit, quid facere debeat.

CAPUT V.

Parochi omnes impedimenta Matrimonii exacte nosse & in memoria habere studeant, & subinde in concionibus suis ea populo declarent. Et inter cætera sciant, suosque doceant, affinitatem ortam ex copula illicita impedire Matrimonium in primo & secundo

gra-

gradu tantum : & nullam omnino cognationem spiritualement contrahi inter Sulceptorem & Sulceptricem ; nec etiam inter baptizatum , vel confirmatum & sulceptum , & suscipientis conjugem.

CAPUT VI.

Meminerint Parochi sibi non licere vagorum hominum Matrimonii interesse, nisi re ad Ordinarium delata ab eo licentiam id faciendi in scriptis obtinuerint : neque ea licentia sine causæ cognitione & matura deliberatione detur.

CAPUT VII.

Habeant quoque singuli Pastores librum, in quo describant nomina & cognomina Matrimonio junctorum, ac testium, nec non diem & locum contracti Matrimonii; eundemque librum diligenter custodiant, & quotannis in visitatione Archi-Presbytero exhibeant. Qui quidem liber ubi jam completus fuerit, servabitur in Archivis Ecclesiæ.

CAPUT VIII.

Tempus clausum diligenter observetur: & si quando ex legitima causa aliquad Matrimonium tunc contrahendum per Ordinarium admittantur, abstinentium tamen erit a solennitatibus nuptialium conviviorum, choreis, Sponsarum publicis traductionibus, & similibus, quæ temporis sanctitati repugnant; a quibus similiter abstinentium erit, etsi Matrimonium antea contractum fuerit, sub pœna arbitraria.

TITULUS XI.

De Doctrina & prædicatione verbi Dei.

CAPUT I.

Meminerint Regulares se sine licentia Superiorum suorum, ac benedictione Episcopi Dicecensis, in qua degunt, in Ecclesiis Ordinum suorum, & sine expressa licentia tam Episcopi, quam Superiorum suorum, in Ecclesiis non suorum Ordinum prædicare non posse, nec usquam omnino Episcopo contradicente.

CAPUT II.

Pari aut majori ratione, Sacerdotibus & Diaconis secularibus nec sine licentia Ordinarii, nec eo contradicente prædicare licet. Et Pastores neminem omnino in Ecclesiis suis concionari permittant, nisi de ejusmodi licentia Ordinarii in scriptis prædocuerit.

CAPUT III.

Abstineant Concionatores ab inanibus, ac difficilibus, captumque auditorum superantibus, & ad fidei ædificationem minus pertinentibus quæstionibus, a convitiis, a fabulosis, & narratione apocryphorum, iisque omnibus, quæ vel auditoribus risum moveant, vel eorum animos a Superioribus suis avertant: neve passim hæreticorum argumenta apud imperitam multitudinem referant; sed ea tantum doceant, quæ ad fidem veram, pietatem, obedientiam, & concordiam pertinent, quæque scire omnibus necessarium est ad salutem: annuntiando cum brevitate & facilitate sermonis, vitia quæ quemque declinare, & virtutes quas sectari oportet.

CAPUT IV.

Pastores Ecclesiarum ruralium singulis diebus Dominicis sub concione recitent lingua vernacula tractum & intelligibiliter Orationem Dominicam, Salutationem Angelicam, Symbolum Fidei, & Præcepta Decalogi & Ecclesiæ.

CAPUT V.

Diversitas libellorum doctrinæ Christianæ, sive Catechismi, magnum in discendo & docendo parit difficultatem. Ideoque mandat hæc Synodus, ut Parochi, aliique omnes, ad quos spectat, a festo Nativitatis Domini proxime venturo, unum & eundem modum in docendo & discendo doctrinam Christianam ubique teneant, tenerique faciant; eum scilicet, qui in libello, auctoritate hujus Concilii ad eum finem brevi edendo, continebitur.

CAPUT VI.

Oprat denique hæc Synodus, ut Pastores singulis diebus Dominicis ac Festivis catechizandæ juventuti serio

se dent, vel ubi alteri alicui id oneris incumbit, diligenter superintendant.

TITULUS XII.

De Officio Divino, ac Cæremoniis.

CAPUT I.

Cum in Officio Divino negotium nobis sit cum Deo ipso, qui Rex Regum est & Dominus Dominantium, merito non modo statis semper horis ad chorum conveniatur, sed in eo etiam a fabulis, risibus, & aliis insolentibus omnino absteineatur, sub pœna amittendæ distributionis, & alias arbitraria pro modo scandali.

CAPUT II.

Meminerint autem omnes tam in dignitate constituti, quam Canonici, Capellani, Vicarii, Beneficiati, & reliqui Habituati, mandati Concilii Tridentini; ut omnes Divina per se, & non per substitutos, compellantur obire officia, atque in Choro ad psallendum instituto Hymnis & Canticis Dei nomen reverenter, distincte, devotèque laudare. Quod Decretum præfens Synodus inviolabiliter observari mandat.

CAPUT III.

Distributiones Chori dispensentur secundum præscriptum Concilii Tridentini ad tertiam partem fructuum. Ut vero minores Horæ non negligantur, pro illis certæ distributiones assignentur, aut minores illæ Horæ majoribus adjungantur: ita ut in majoribus illis Horis nemo distributione gaudet, nisi qui in minoribus quoque Horis debite interfuerit.

CAPUT IV.

Careant quoque distributionibus, qui ante *Gloria Patri* primi Psalmi cujusque Officii usque ad finem eidem Officio actualiter non interfunt; exceptis dumtaxat iis, qui ex causis expressis in Cap. unico *De Clericis non resid. in 6.* & in primo Concilio Provinciali Mechliniensis (*) hoc Tit. Cap. 4. 5 & 6. & in Bullis erectionis Episcopatum hujus Provinciæ, pro præsentibus & Officio Divi-

no interessentibus habendi sunt, & ut tales distributionibus gaudere debent.

CAPUT V.

In Ecclesiis, quæ necdum recepto usu Romano proprium Officium adhuc servant, vel recepto etiam usu Romano propria quædam Officia Patronorum suorum illi admiscant, si Apostolica auctoritate necdum ejusmodi Officia recognita, & debite ab incertis & apocryphis purgata ac correctæ sint, intra sex proximos menses id fiat.

CAPUT VI.

Serius ad Officium Divinum venientes, etsi distributione privandi sint, libere tamen Chorum intrare permittantur. Et si quis eos manuum, vel pedum plausu, aliove strepitu excipiat, ipse quoque distributione privetur, & insuper pro modo scandali puniatur.

CAPUT VII.

Gravis tantum, & quæ pios affectus moveat musica, Officio Divino adhibeatur; non etiam lasciva, vel secularis. Similiter & organa, & quæcumque instrumenta musica, tam in Processionibus, quam in Ecclesiis, modulatione sua lascivas cantiones non imitentur; nec Præfationem aut Orationem Dominicam in Missa absumant.

CAPUT VIII.

Tiatinnabula quoque & campanas ad harmoniam quamdam pullantes, ejusmodi pulsatione turpes, inhonestas, vel scandalosas cantiones non exprimant, vel imitentur, sed potius Hymnorum & Canticorum Ecclesiæ modulationes. Et sicubi necesse fuerit, cum Magistratu desuper agatur.

CAPUT IX.

Nemo in loco sacro vel convivio instituat, vel convivio intersit, aut negotiationem exercent, vel in eo etiam post Officium Divinum deambulet, sub pœna arbitraria.

CAPUT X.

Proclamationes quoque forenses, & denuntiationes quarumcumque venditionum, vel rerum venalium, etiam in

(*) Vide Tom. VII. pag. 614.

in Templo fieri solitæ, deinceps non fiant, nisi extra Templum, & Officio Divino prorsus absoluto.

CAPUT XI.

Mandat deinde hæc Synodus, ut Conventus Capitularis non fiat sub Officio Divino, nisi res; ob urgentes aut repentinas causas, moram non patiat.

CAPUT XII.

Canon Missæ secreto pronuntietur; nihilque in eo, etiam pietatis prætextu, umquam addatur, vel mutetur. Et generalitet alios ritus, aliasve caerimonias vel preces in celebratione Missarum nemo adhibeat, præter eas; quæ ab Ecclesia probatæ & receptæ sunt.

CAPUT XIII.

Curent ubique Pastores, nec non alii, ad quos id pertinet, ut sacri calices, corporalia, purificatoria, albæ ac reliquæ vestes Sacerdotales, omniaque paramenta altaris semper sint integra & munda; idque sub pœna arbitraria, pro modo culpæ & negligentia.

CAPUT XIV.

Ubi Ecclesiarum paupertas calices argenteos emi non patitur, hortatur Synodus, ut saltem superior eorum pars seu cuppa sit argentea, maxime ubi non est periculum ab hostibus aut prædonibus: ubi vero ob ejusmodi periculum, aut extremam paupertatem, calices stannei adhuc tolerandi sunt, ut minimum singulis saltem quindecim diebus debite mudentur.

CAPUT XV.

Vago ac ignoto Sacerdoti, etiam Regulari, Missam celebrare non liceat, nisi ostensis testimonialibus, vel commendatiis literis sui Ordinarii, nec cuiquam omnino extra Ecclesiam, & ad Divinum cultum dedicatum & ab Ordinario designatum Oratorium.

CAPUT XVI.

In omnibus pagis totius Provinciae Missa Parochialis Dominicis & Festis diebus certa & eadem hora semper fiat, quacumque ratione in contrarium non obstat, sub pœna arbitraria.

CAPUT XVII.

Pauperes per Ecclesias tempore Missarum, Prædicationum, aliorumve Divinorum Officiorum, mendicare seu eleemosynas petere non permittantur, sed ad valvas Ecclesiæ stare jubentur: deputenturque ubique a Superioribus vel Administratoribus Ecclesiarum, qui mendicantes ab Ecclesiis arceant & expellant; & quidem, si necesse fuerit, sub certo honorario ex bonis mensarum pauperum persolvendo.

CAPUT XVIII.

Ut uniformitas Cæremoniarum usus Romani ubique tandem inducatur; quilibet Ordinarii in singulis Decanatibus suæ Dioceseos, & insuper omnia & singula Capitula tam Collegiata, quam Cathedralia, aliquos deputant cæremoniarum & rituum Ecclesiæ Romanæ peritos, qui primitias celebraturos dictis cæremoniis ac ritibus debite instruant. Et deinceps nemo sæcularis primitias celebrare præsumat, nisi ab aliquo ex dictis deputatis easdem cæremonias & ritus se perfecte didicisse, Capitulo, vel Archi-presbytero, cui subest, testimonio Instructoris sui debite probaverit, sub pœna arbitraria.

CAPUT XIX.

Ut autem hæc uniformitas sacrorum rituum & cæremoniarum, magnopere commendans Catholicæ Religionis dignitatem & unitatem, in omnibus etiam reliquis Ecclesiasticis Officiis adhibeatur; imprimendum in hisce paribus, & ab omnibus, quos concernit, quoad fieri poterit, observandum erit Cæremoniale Episcoporum, quod magno labore & industria ad hoc componi jussit sël. rec. CLEMENS PP. VIII. & in omnes Ecclesias Metropolitanas, Cathedralis, & Collegiatis introduci districte mandavit.

CAPUT XX.

Hoc vero cum fieri non possit sine Magistro Cæremoniarum, qui totus in eo sit, ut dictum Cæremoniale perlegat, & aliis rationem dictarum Cæremoniarum ostendat & præeat; mandat hæc Sancta Synodus, ut in singulis Ecclesiis Cathedralibus & Collegiatis sumptu

ptu Capituli aliquis ad hoc maxime idoneus constituatur, cui in ritibus omnes obedire teneantur.

TITULUS XIII.

De Festis & Jejuniis.

CAPUT I.

MEminerint exempti omnes, etiam Regulares, Decreti Concilii Tridentini, quo dies Festos, quos in Dicecesi sua servandos Episcopus præcepit, ipsi quoque servare jubentur.

CAPUT II.

Pastores singulis diebus Dominicis sub concione, vel Summo Sacro, dies Festos & Jejunia ea septimana occurrentia populo denunciare non omitant.

CAPUT III.

Dies Festi tam celebriores, quam minus solennes, nec non jejunia per totam Provinciam servanda, in prima Synodo Provinciali Mechliniensi plene enumerantur, ita tamen ut in locis, ubi vel plura vel strictius observata fuerint, mandet Synodus, ut pia consuetudo observetur. Quænam vero Festa in singulis Dicecesibus, singulisque Parochiis, insuper servari debeant, stetur consuetudine cujusque loci.

CAPUT IV.

Nundinæ annuæ, & forum rerum venalium hebdomadarium, cum in diem festum incidunt, in alium transferantur. Et jejunia in diem Dominicam incidentia, pridie servantur.

CAPUT V.

Festum Annuntiationis Beatæ Mariæ, si quando inter Dominicam Palmarum, & Dominicam in Albis occurrerit, celebretur juxta receptam consuetudinem tam a populo, quam a Clero, feria tertia post dictam Dominicam in Albis: si vero in aliam quamlibet Dominicam Quadragesimæ præterquam Palmarum inciderit, celebretur feria secunda proxime sequenti etiam a populo.

CAPUT VI.

Festum S. Marci, si in hebdomada Paschæ, vel in Dominica *Quasi mo-*

do, evenerit; celebretur feria quarta post *Quasi modo*, tam a Clero, quam a populo. Si vero in aliam Dominicam inciderit, festum quidem servetur ipsa die Dominica; sed processio, abstinentia a carnibus per totum diem, & jejunium usque ad prandium, servantur die sequenti. Quod si vero in feriam quintam post Dominicam *Quasi modo* translatum, cum festis Ss. Philippi & Jacobi aut S. Crucis concurrerit; celebritas quidem a populo illis ipsis diebus servabitur, sed dicta processio, abstinentia, & jejunium, sicut in diebus Rogationum, in feriam quintam transferentur.

TITULUS XIV.

De Imaginibus, & Sanctorum Reliquiis.

CAPUT I.

NE per falsi dogmatis imagines rudibus periculosi erroris occasio præbeatur, nulla umquam in Ecclesiis etiam exemptis insolita imago ponatur, nisi ab Ordinario prius approbata fuerit. Curentque diligenter Episcopi, ut in imaginibus tam sculptis, quam pictis, loco sacro jam illatis, vel deinceps inferendis, nihil inordinatum, nihil profanum, nihil inhonestum appareat, neque in intima altarium tabula vivorum effigies depingantur.

CAPUT II.

Imagines sacras sæculariter computas, nec in templis, nec in processionibus tolerent Episcopi, & quæ ad ornatum supplicationum proponuntur, ejusmodi sint, quæ oculos spectantium non offendant.

CAPUT III.

Nemo Ecclesiastici Ordinis lascivas, & ob nuditatem vel aliter obscenas, & quæ pias mentes offendant imagines, in suis ædibus ac hortis ponat, vel retineat, sub pœna arbitraria. Concionatores quoque contra hujusmodi imaginum quocumque etiam profano loco positarum detestandum usum, frequenter conciones suas instituunt.

CAPUT IV.

Reliquiæ Sanctorum in vasis honestis, seu capsulis obferatis, locoque honesto (non tamen in tabernaculo SSmi Sacramenti) asserventur; nec ex iis per alium, quam Ordinarium loci, aut ab eodem ad id potestatem in scriptis habentem, umquam educantur.

CAPUT V.

Numquam etiam Reliquiæ vel imagines in processionibus deferantur, nisi per Clericos Sacris initiatos, quantum fieri potest; neque tam longi itineris circuitu, ut aut populi devotio languescat, aut compotationibus, aliisque insolentis occasio præbeatur.

TITULUS XV.

De Superstitione.

CAPUT I.

Nemo ad morbos vel vulnera hominum aut brutorum curanda superstitionis remediis utatur, vel super rebus deperditis, aut super futuris eventibus, ac quibusvis secretis, Divinos, seu pro Divinis se venditantes, confutere præsumat. Si quis aliquid horum fecerit, & monitus non abstinuerit, mox ipsi Ordinario, vel Officiali denuntiatur, juxta Bullam SIXTI V. editam contra exercentes Astrologiæ judicariæ artem, quæ incipit: *Celi & terræ Creator.*

CAPUT II.

Et nihilominus hæc Synodus mandat omnibus Judicibus Ecclesiasticis, ut in exilium mittant, vel mitti curent omnes, qui super futuris eventibus, aliisque secretis responsa dant; eosque, qui tales consulunt, graviter puniant, & multo gravius animadvertant in magicos, & incantatores, & etiam omnes, qui vulgo Egyptii vocantur.

CAPUT III.

Et quoniam rudis populus sæpe ex ignorantia superstitionibus inquinatur; Parochi subditos suos diligenter de illis doceant; & inter cætera, superstitionis esse, expectare quemcumque effectum a quacumque re, quem res illa, nec ex sua natura, nec ex institutione Divina, nec ex ordinatione vel

Tomus VIII. Concilior. German.

approbatione Ecclesiæ producere potest.

CAPUT IV.

Nullus omnino exorcizare præsumat sine licentia Ordinarii in scriptis obtenta; nemo etiam utatur aliis exorcismis, quam ab Ordinario approbatis, vel potestate exorcizandi ulla ratione abutatur, sub poena perpetuæ privationis illius officii, & alias arbitraria.

TITULUS XVI.

De Episcopis, & eorum Officio, ac Sede vacante.

CAPUT I.

Quanto sublimior est Episcoporum dignitas, tanto etiam purior ac sanctior debet esse ipsorum vita: quare mores suos omnes ita componant, ut reliqui ab iis frugalitatis, modestiæ, continentiæ, ac quæ nos tantopere commendat Deo, sanctæ humilitatis exempla petere possint; nihilque in eorum suppellectili, mensa, victu, ac reliquo vitæ genere appareat, quod non simplicitatem, Dei zelum, ac vanitatum contemptum præ se ferat.

CAPUT II.

Et quia in tremendo strictissimi judicii die non pro se ipsis tantum, sed pro animabus etiam sibi commissis rationem reddituri sunt, summo studio & continua vigilantia gregem suum pascant & regant; officiumque suum in omnibus, maxime quoad executionem Decretorum Concilii Tridentini, & hujus Provincialis, cum omni diligentia & sollicitudine explicant.

CAPUT III.

Inter cætera meminerint oneris prædicandi verbi Dei, & totius Dioceseos singulis saltem bienniis visitandæ.

CAPUT IV.

Curent etiam, ut jura & stipendia Secretariorum, & aliorum quorumcumque Ministrorum suorum, Sacris Canonibus & Decretis Concilii Tridentini in nullo contrariantur; atque insuper pro qualitate laborum & ratione sumptuum ita sint moderata, ut iis se

G g g g g

grava-

gravari nemo jure conqueri possit: & si quis in eorum exactione excessisse deprehendatur, graviter puniatur; & relapsus, officio privetur.

CAPUT V.

Meminerint Episcopi se conformare Decreto ac Constitutioni Concilii Tridentini Sess. 25. de Reform. Cap. 1.

CAPUT VI.

Cum primum Sedes Episcopalis vacaverit, supplicationes ac preces publicæ privatique habeantur, atque a Capitulo per Civitatem & Diocesim indicantur, quibus Clerus populusque bonum a Deo Pastorem valeat impetrare.

CAPUT VII.

Vacante eadem Sede Episcopali sequentur Cathedralia Capitula in administratione dictæ Sedis Constitutionem Concilii Tridentini Sess. 24. de Reform. Cap. 16.

CAPUT VIII.

Facta novi Episcopi nominatione, processus super ejus natalibus, vita, ætate, doctrina, & moribus, Romam transmittendus, fiat juxta dispositionem Bullæ GREGORII XIV. quæ incipit: *Onus Apostolica servitutis.*

TITULUS XVII.

De Archi-Presbyteris, Pastoribus, & Custodibus, eorumque Officiis.

CAPUT I.

Adeptus Pastorum, ultra professionem Fidei, faciet etiam subsequens Juramentum, antequam cura animarum, vel possessio Pastorum ei detur.

CAPUT II.

Ego N. juro & promitto obedientiam, reverentiam, & honorem Summo Pontifici Romano, ac Rmo Domino Episcopo N. eorumdemque Successoribus. Item juro & promitto Ecclesiæ meæ Parochiæ de N. fideliter servire secundum oneris illi anime exigentiam, & in eo personaliter residere. Bona Pastorum vel Ecclesiæ meæ non alienabo; & indelibe alienata, quantum in me erit, fideliter

recuperare studebo. Specificationem omnium fructuum Pastorum mei, cum debita designatione hypothecarum, limitum & terminorum intra annum a Festo Nativitatis S. Joannis Baptiste proximo venturo, Archi-Presbytero tradam; fructus anni, in quo me mori aut meam Ecclesiam dimittere contingeret, subjectione & obligo ad laudabilem deserturam usque ad festum Nativitatis S. Joannis Baptiste, mortem vel dimissionem meam proximo subsequituram. Sic me Deus, &c.

CAPUT III.

Cum a Concilio Tridentino constituta sit certa ratio providendi Rectoribus Ecclesiarum parochialium de competentia vivendi, mandat Synodus provincialis Episcopis, ut iisdem juxta præscriptum dicti Concilii de portione Canonica provideant. Quam quidem, computatis certis fructibus & emolumentis, ac incertis seu accidentalibus, quæ ad certam summam communibus tribus aut quatuor annis ultimo præteritis redigi possunt, singulis Pastoribus non infra triginta quinque libras, nullis autem supra quinquaginta libras grossorum Flandriæ, iidem Episcopi constituent; hinc eorundem judicio parochiæ amplitudo aliquid amplius ultra 50. libras requireret. Ut vero hæc omnia perfici possint, licebit Episcopis per unionem vicinarum & minorum Ecclesiarum, aut simplicium Beneficiorum, vel per concessionem deserturarum, & alias propter idoneorum Sacerdotum raritatem, per modum provisionis providere.

CAPUT IV.

Si vero contingat oriri aliquam difficultatem Pastoribus in assignanda judicio Episcopi dicta Canonica portione, iidem Episcopi, seu eorumdem Vicarii aut Officiales, summarie & de plano, sine strepitu & figura judicii, audita nuda petitione Parochorum, ac eorum, quorum interest, responsione, & facta desuper summaria informatione, quod ipsis Parochis deesse compererint, ad summam superius taxatam per modum provisionis adjudicabunt; & appellatio executionem non suspendat.

CAPUT V.

Ecclesiis parochialibus vacantibus curabunt Episcopi & Archi-Diaconi, ut quam fieri poterit citissime, iisdem de idoneis Pastoribus provideatur, illique mox instituantur, & sic a capta possessione, & inchoata residentia, pro rata temporis fructibus gaudeant.

CAPUT VI.

Quamdiu ob malignitatem horum temporum, & raritatem idoneorum Sacerdotum, singulis pagis de proprio Pastore provideri non potest, sed uni Parocho duorum aut trium pagorum curam committere Ordinarii coguntur; curent ejusmodi deservitores, ut onera Missarum singulis pastoratibus incumbencia fideliter expleantur.

CAPUT VII.

Archi-presbyteri & Pastores Decreta Concilii Tridentini, nec non hujus & primæ Synodi provincialis, sæpe diligenterque legant; & quæ passim in iisdem ponuntur officium ipsorum concernentia, quam diligentissime exequantur.

CAPUT VIII.

Pastores ab omnibus ad suas parochias commigrantibus, si eorum vitam & fidem aliunde cognitam non habuerint, exigant desuper literas testimoniales ultimi ipsorum Pastoris, quæ si non exhibeantur, Curæ Episcopi influent, ut eas exhibere compellantur juxta edicta desuper emanata.

CAPUT IX.

Piorum legatorum diligentem curam habeant, & feriis monitionibus satagent, ut ante finem anni piis Fundatorum voluntatibus satisfiat, alioqui ii, quibus hoc onus incumbit, Ordinario denuncientur.

CAPUT X.

Archi-presbyteri singuli, ubi id juris ex consuetudine habent, Ecclesias parochiales, Capellas, & Hospitalia, aliaque pia loca districtus sui, juxta commissionem sibi ab Ordinario datam vel dandam quotannis visitent; atque visitationis intra tempus ab Ordinario præscriptum, vel præscriben-

Tomus VIII. Concilior. German.

dum, ad ipsum, vel Vicarium ejus Generalem transmittant.

CAPUT XI.

Inter cætera visitaturi serio inquirent, an Pastores ipsi, ac reliqui Sacerdotes, & Ministri Ecclesiæ honeste vivant; & an officio suo in prædicatione verbi Dei, celebratione Missarum, administratione Sacramentorum, ac cæteris omnibus, satisfaciant.

CAPUT XII.

Videant etiam, an Ecclesiæ & domus pastorales & Capellanorum sint satis rectæ.

CAPUT XIII.

Advigilent quoque, ut bona fabricarum, & pauperum, bene & fideliter administrantur.

CAPUT XIV.

Capitula Pastorum singuli Archi-presbyteri quotannis celebrent, præcise illo die, quem Ordinarius illis statuet; ut ita Ordinarius, si ita expedire judicaverit, vel aliquem ad ea mittere, vel illis significanda scripto significare possit.

CAPUT XV.

Custodes quarumcumque Ecclesiarum parochialium, ac Sacellorum, præstent juramentum de obedientia, in his, quæ officii sui sunt, exhibenda Pastori & Aedituis. Item requisiti dent cautionem pro his, quæ illorum curæ committuntur, ac promittant se in Officio Divino & administratione Sacramentorum superpelliceo usuros, alioqui officio privandi. Et si Custodes non resideant, teneantur providere Ecclesiæ de idoneo aliquo substituto, cum stipendio, Ordinarii arbitrio illi constituendo.

CAPUT XVI.

Sacerdotes quoque quando haberi poterunt, præ cæteris ad officia Custodum assumantur; ut hac ratione Officium Divinum honestius peragi, & Scholæ de Ludimagistro, & populo de Missa matutinali, provisum esse possit.

TITULUS XVIII.

*De vita & honestate Clericorum,
eorumque correctione.*

CAPUT I.

Nemo, etiam in Ordine Sacro constitutus, fidejubeat: sciantque omnes Clerici ipsis non licere ullo pacto fori privilegio renunciare; & si renuntiaverint, nullam esse renuntiationem, in eosque ad Sacrorum Canonum præscriptum agi posse, ac debere.

CAPUT II.

Quilibet tonsuram habeat, suo gradui & Ordini congruam, eamque semper conspicuam.

CAPUT III.

Nemo Beneficiatus, vel in Ordine Sacro constitutus, barbam gester aliam; & quilibet Sacerdos ita insuper superius labrum rescissum habeat, ut Sanguinem Christi sumpturo non sit impedimento.

CAPUT IV.

Et si habitus non faciat Monachum, debent tamen Clerici in oppidis vestes gestare suo Ordini congruentes, ut per decentiam habitus extrinseci, morum honestatem intrinsecam ostendant; ideoque tunicas exteriores manicatas & Clericale biretum, quod est Ecclesiasticorum hominum proprium, ad Crucis formam confectum semper gerant: galerum vero non adhibeant, nisi cum ob adversam valetudinem, aut aeris intemperiem, pluviamve ingruentem, adhiberi oporteat; qui tamen sericus non sit, aut instar militarium turbinatus: quem etiam, cum primum in Ecclesiam vel in ædes publicas præcipue ingressi sunt, statim deponant. Qui vero ruri agunt, vestem interierem, ut minimum, ad dimidium tibiæ usque promissam habere debeant. Porro Clerici viatores aut peregrinantes ita se decenter suæque professione digne gerant, ut eorum moribus, verbis, habituque modesto per omnia glorificetur Deus. Et quoniam mundana curiositas quotidianas adinvenit levitates, omnis ille habitus quibuscumque Ecclesiasticis personis interdictus

fit, a quo Episcopus abstinendum mandavit: & qui ab Episcopo moniti, etiam per edictum publicum honestum habitum Clericalem non gestaverint, per suspensionem ab Ordinibus, officio, & beneficio, ac fructibus, & redditibus, & proventibus ipsorum beneficiorum, nec non si semel correpti iterum in hoc deliquerint, etiam per privationem officiorum & beneficiorum coerceantur.

CAPUT V.

Clerici quoque beneficiati, vel in Sacris constituti, decimas, census, prædia, aut terras alienas non conducant, quæstus faciendi gratia, neve ullam negotiationem sæcularem exercent, sub pœna arbitraria.

CAPUT VI.

Neque edendi vel bibendi causa tabernas ingrediantur, nisi peregrinationis, vel alia necessitate compulsi, sub pœna arbitraria.

CAPUT VII.

Ebrietas quemlibet hominem valde dedecet, quod mentis inducat exitium; sed maxime personas Ecclesiasticas, quod præter peccati & scandaligravitatem, etiam libidinis fomitem subministrat. Quare & tanto diligentius omnes ab ea sibi caveant, & in eam lapsi pro gravitate delicti & scandalipuniantur.

CAPUT VIII.

Quoad concubinos (si qui sint, quod Deus avertat) vel suspectam cum mulieribus consuetudinem habentes, juxta Decreta Canonum & Concilii Tridentini rigore puniantur. Et hujusmodi mulieres, si monitæ ab Ordinario, se ab eorum consuetudine non sejunxerint, extra oppidum, vel Dicecesim, invocato etiam, si opus fuerit, brachio sæculari, ejiciantur.

CAPUT IX.

Et generaliter quæcumque a Sacris Canonibus, præsertim Concilii Tridentini, de vita, honestate, & modestia Clericorum retinenda, & simul de luxu, lussibus, & quibuscumque criminibus vitandis sancita sunt; eadem omnia sub iisdem pœnis, tamquam hic

hic repetita, hæc Synodus servari mandat.

TITULUS XIX.

De Beneficiis & Officiis Ecclesiasticis, ac Beneficiatorum residentia.

CAPUT I.

EX promotione inidoneorum Ministrorum Ecclesiæ plurimum mali & scandali provenire res ipsa loquitur. Quare mandat Synodus, ut non tantum Episcopi, ætate, vel moribus, vel eruditione, vel aliter quomodocumque inidoneos, a suscipiendis Ordinibus arceant; verum etiam ut quælibet beneficia & officia Ecclesiastica dignis tantum, & sine acceptione personarum conferantur, utque in conferendis Pastoratibus servetur Decretum Concilii Tridentini *sess. 24. Cap. 18. de Reform.* etiam quoad convocationem examinandorum per edictum publicum.

CAPUT II.

Cum dignitates in Ecclesiis Cathedralibus & Collegiatis, ad conferendam augendamque Ecclesiasticam disciplinam sint institutæ, ut qui eas obtinent, pietate præcellant, & aliis sint exemplo; statuit hæc Synodus omnium Ecclesiarum & Monasteriorum Abbates, Præpositos, Prælatos, Decanos, Archidiaconos, Archipresbyteros, Pœnitentiarios, Cantores, Scholasticos, Thesaurarios, & Canonicos Cathedrales, nec non possessores Capellaniarum, quas vocant, animarum, quæve ex fundatione personalem residentiam requirunt, & alios omnes beneficiorum, quibus aut cura animarum annexa est, aut onus simile incumbit, possessores, ad personalem residentiam in Ecclesiis suarum dignitatum aut beneficiorum obligari, & personaliter residere debere. Quod si id præstare neglexerint, adversus eos, ad Sacrorum Canonum, ac Sacri Concilii Tridentini præscriptum, procedetur.

CAPUT III.

Si qui autem ex prædictis, sese privilegio perpetuo aut temporali tu-

tos & exemptos a personali residentia putent, dictum privilegium Episcopo, seu ejus Vicario, intra tres menses exhibeant, ut cognoscat, an ex veris causis concessum sit, nec ne.

CAPUT IV.

Beneficiati, neque ex fundatione, neque ex consuetudine, vel aliter ad personalem residentiam obligati, nihilominus onera Missarum beneficiis suis incumbant, in Ecclesiis ubi ea fundata sunt, plene ac debite expleri curent; alioquin hoc ipso, etiamsi in loco privilegiato resederint, a fructibus beneficiorum suorum suspendantur, & suspensi maneant, donec debite docuerint de impleto onere Missarum, ob cuius omissionem suspensi fuerant.

CAPUT V.

Pluralitas beneficiorum, & certum continet animarum periculum, & totius Ordinis Ecclesiastici perversio est; ideoque mandat hæc Synodus exacte servari, quicquid de ea in Cap. *De multa, & De Præbendis*, ac in aliis Sacris Canonibus, & præsertim in Sacro Concilio Tridentino, decretum & statutum est.

CAPUT VI.

Permutationes beneficiorum, quas vocant triangulares, & simplices designationes beneficiorum in favorem tertii, cum clausula, non aliter, neque alias, improbat etiam hæc Synodus, easdemque deinceps fieri prohibet.

TITULUS XX.

De Scholis.

CAPUT I.

EX bona educatione ac institutione Juventutis pender pro magna parte salus totius Republicæ. Quapropter ubicumque Scholæ, tam quotidianæ, quam Dominicales adhuc requiruntur, agant Archipresbyteri cum Magistratibus & Præfectis locorum, ut ex mox erigantur, simulque rationem incant ipsis Ludimagistris de annuis stipendiis providendi.

CAPUT II.

Pauperes per subtractionem elemosynarum mensæ pauperum, alii vero aliis pœnis liberos, aliosque domesticos suos ad Scholas Dominicales, ac lectionem Catechisticam, mittere per Magistratus & Præfectos locorum sine conniventia compellantur; eoque tempore, quo juvenus in Scholis instituitur, a tripudiis & aliis insolentiis, quibus juvenes a Scholis avocentur, omnino abstinere.

CAPUT III.

Operat hæc Synodus, ut tam in Dominicalibus, quam aliis quibuscumque Scholis, masculi a viris, & puellæ a mulieribus tantum instruantur: ubicumque tamen id obtineri non poterit, saltem locis & interstitiis masculi a puellis separentur.

CAPUT IV.

Scholæ Scholasticis Capitulorum subiectæ, ab iisdem Scholasticis, cæteræ omnes ab Archi-Presbyteris, vel aliis ad id ab Ordinario deputatis, singulis saltem semestribus serio visitentur; nec ulli omnino libri in iis prælegantur, qui turpe aut obscenum quid contineant, quique ab Ordinario approbati non sint.

CAPUT V.

Scholas Dominicales frequentantes non tantum doceantur legere & scribere; verum etiam, & quidem præcipue, instituantur in rudimentis fidei: & ante omnia doceantur Orationem Dominicam, Salutationem Angelicam, Symbolum Fidei, Præcepta Decalogi & Ecclesiæ, modumque confitendi ac Missæ Sacrificio inserviendi, & qui grandiores sunt, rationem etiam se parandi ad Communionem.

CAPUT VI.

Insuper hortatur hæc Synodus, ut in Scholis latinis doceatur Cantus Gregorianus; nec non ut Ludimagistri & Ludimagistræ Scholarum linguæ vernaculæ juventutem suam statim diebus ad lectionem Catechisticam deducant, eosque ibidem in officio contineant.

TITULUS XXI.

De Seminariis.

CAPUT I.

UBicumque saluberrimum Decretum Concilii Tridentini de instituendis Seminariis necdum executioni mandatum est, curent Episcopi illi plene ac debite satisfieri in proxima Synodo Dicecesana, in singulis Dicecesibus, quam citissime fieri poterit, celebranda. Ut autem hoc pro præsentis temporis statu commode fiat, sexagesimus denarius, aut plus minusve, prout videbitur Episcopo, cum consilio eorum, qui ex Decreto dicti Concilii Tridentini eidem sunt adjungendi, e bonis Ecclesiasticis in qualibet Dicecesi in hunc usum applicetur.

CAPUT II.

Inter alia doceantur tantum Gregorianum, & cæremonias Ecclesiæ; & in illis ipsis, in Cathedralibus & aliis Ecclesiis exercèantur.

CAPUT III.

Rector vel Præsides Seminarii ad minimum singulis annis administrationis suæ computum fideliter reddat.

CAPUT IV.

Quæ præterea pro pia institutione hujusmodi juventutis, & Seminariorum erèctione, a Sacrosancta Tridentina Synodo decreta sunt *Sess. 23. Cap. 18. De Reform.* hic habeantur pro insertis.

TITULUS XXII.

De Elocatione & conservatione Bonorum Ecclesiasticorum.

CAPUT I.

QUæ in prima Synodo Provinciali Mechliniensi, de conservatione ac debita administratione Bonorum Ecclesiasticorum decreta sunt, eadem omnino amplectitur hæc Synodus: & insuper ijs adjicit ea, quæ sequuntur.

CAPUT II.

Bona Ecclesiæ locare non liceat ultra tempus a jure permissum.

CAPUT III.

Possessores quorumcumque beneficiorum, literas foundationum eorumdem, & omnium bonorum ad beneficia spectantium, Decanis Capitulorum vel Archi-Presbyteris, quorum visitationi ipsa beneficia subsunt, intra trimesse post publicationem presentis Synodi exhibeant, in Archivis Episcoporum vel Capitulorum asservandas, sub pena quatuor florenorum Seminario applicandorum; vel si eas se habere negent, sub iuramento se desuper expurgent.

CAPUT IV.

Ubi cumque registra bonorum quorumcumque Collegiorum Ecclesiasticorum, beneficiorum, fabricarum, mensarum Sancti Spiritus, aliarumque piarum foundationum, a quindecim annis legitime renovata non fuerint, renoventur ea cum debita designatione limitum & conterminorum infra annum proximum, idque sumptibus eorum, in quorum utilitatem fiunt.

CAPUT V.

Et quia injuria horum temporum multa interciderunt munimenta bonorum Ecclesiasticorum: ut iniquis debitoribus, quos in posterum forte solutionem denegare contingeret, obvisetur; mandat hæc Synodus universis Beneficiatis hujus Provinciæ, ut singuli legitima faciant manualia, in quibus annuam solutionem ita signent, ut ex eisdem manualibus successu temporis legitima possessio probari possit. Et hæc ipsa manualia quorannis a Decanis visitentur, & Successoribus gratis relinquantur.

CAPUT VI.

In singulis Ecclesiis Parochialibus & Sacellis fiat inventarium omnium ornamentorum, & quorumcumque aliorum bonorum mobilium, ad ipsam Ecclesiam vel Sacellum pertinentium: idemque inventarium a Pastore, vel Rectore Sacelli, ac Ædituis, subsignetur; atque ita subsignatum cum cæteris monumentis debite asservetur.

CAPUT VII.

Pastores, & quicumque alii Beneficiati, domos beneficiorum suorum inte-

gras conservent; ac debite reparent, nisi reparationes earundem ab aliis fieri debere certo constet. Archi-Presbyteri, ubi ipsis id juris ex consuetudine competit, illas singulis annis serio visitent; & quando eas reparatione indigere advertent, eam mox fieri mandent, & non obediencia denuntietur Episcopo, vel ejus Vicario Generali, ut ad debitas reparationes faciendas, prout juris & rationis fuerit, compellantur, & pro præterita negligentia etiam puniantur. Si vero ad hujusmodi reparationes obligatos, iis necdum perfectis, ex hac vita migrare vel beneficia sua resignare contigerit, bonorum mortuarianum, eorumque qui beneficia sua dimiserunt, arrestentur, & arrestata maneant, donec ea perfecta fuerint.

CAPUT VIII.

Rationes fabricarum, & mensarum pauperum, aliarumque piarum foundationum, singulis annis ubique reddantur; vel saltem, ubi tenuiores sunt earum proventus, singulis bienniis: & de decennio in decennium contineant plenam specificationem quantitatis, limitum, & conterminorum, silvarum, pratorum, ac terrarum arabilium; nec non expressam designationem tam fundorum & ædium, super quibus redditus vel census hypothecari sunt, quam ædium & fundorum, iisdem hypothecis adjacentium, & conterminorum.

CAPUT IX.

Certi quoque dies ad audiendas rationes ubique constituantur: & si eorum, quibus rationum redditio incumbit, culpa vel negligentia evenierit, quo minus statuto tempore redditio illa facta fuerit, singuli eorum multentur; & multa applicetur fabricæ, mensæ pauperum, vel fundationi, cujus computus reddi debuerat.

CAPUT X.

Ordinarii ipsi per se, vel saltem per Archi-Presbyteros, vel alios ad id deputandos, non tantum fabricarum & mensarum pauperum, sed etiam hospitalium, domorum orphanorum, ac quorumcumque locorum piorum computus semper audiant, & examinatis præ-

præcedentibus computibus videant, num eorum conclusiones debite purgata, seu reliqua eorum plene soluta sint; utque omnia debite administrantur, diligenter advigilent.

CAPUT XI.

Hospitalia in subsidium peregrinorum erecta, histrionibus, aleatoribus, aliisque id generis hominibus non pateant: nec in iis viri cum feminis versari permittantur, etiam si se Matrimonio junctos esse asseverent.

CAPUT XII.

Decretum Concilii Tridentini *Sess. 22. C. 11. de Reform.* contra occupatores quorumcumque bonorum & jurium Ecclesiæ subinde populo per Concionatores inculcetur, eumque in finem hæc Synodus illud de verbo ad verbum hic inferendum censuit: "Si quem Clericorum, vel Laicorum, quacunque dignitate etiam Imperiali aut Regali præfulgeat, in tantum malorum omnium radix cupiditas occipaverit, ut alicujus Ecclesiæ, seu ejusvis secularis vel regularis beneficii, montium pietatis, aliorumve piorum locorum jurisdictiones, bona, census ac jura, etiam feudalia & emphyteutica, fructus, emolumenta, seu quascumque obventiones, quæ in Ministrorum & pauperum necessitates converti debent, per se vel alios, vi vel timore incusso, seu etiam per suppositas personas Clericorum aut Laicorum, seu quacumque arte, aut quocumque quæsito colore, in proprios usus convertere, illosque usurpare præsumpserit, seu impedire, ne ab eis, ad quos jure pertinent, percipiantur, is anathematamdiu subiaceat, quamdiu jurisdictiones, bona, res, jura, fructus, & redditus, quos occupaverit, vel qui ad eum quomodocumque etiam ex donatione suppositæ personæ pervenerint, Ecclesiæ, ejusque Administratori sive Beneficiario, integre restituerit, ac deinde a Romano Pontifice absolutionem obtinerit: quod si ejusdem Ecclesiæ Patronus fuerit, etiam jure Patronatus ultra prædictas poenas eo ipso privatus existat. Clericus vero, qui

nefandæ fraudis & usurpationis hujusmodi fabricator, seu consentiens fuerit, eisdem poenis subiaceat; nec non quibuscumque beneficiis privatus sit, & ad quacumque alia beneficia inhabilis efficiatur, & a suorum Ordinum executione, etiam post integram satisfactionem & absolutionem, sui Ordinarii arbitrio suspendatur."

CAPUT XIII.

Denique quicumque habent Reliquias, ornamenta, munimenta, vel alia quæcumque, ad Ecclesias, Hospitalia, Monasteria, aliave loca pia diruta, vel deserta, sive Rectoribus destituta, quomodolibet spectantia, ad Archivi Episcopi deferre teneantur ibidem conservanda.

TITULUS XXIII.

De reparatione Ecclesiarum.

Cum infinita quotidie oriantur lites super reparatione Ecclesiarum, stante hoc civili bello destructarum, eo quod Episcopatus hujus Provinciæ sint in diversis Ducatibus & Comitatibus, & proinde non ubique eadem sint consuetudines, visum fuit huic Synodo per modum provisionis, & sine alicujus præjudicio, ex communi juris dispositione per Sacrum Concilium Tridentinum innovati, certam super hæc re ineundam esse rationem, cui omnes sese conformare teneantur, posteaquam super eadem cum Serenissimis suis Celsitudinibus maturius actum fuerit.

TITULUS XXIV.

De Regularibus, & Monialibus.

CAPUT I.

Emeruerint Superiores Monasteriorum, & domorum, tam virorum, quam mulierum, Decreti Concilii Tridentini, quo statuitur, ut is tantum numerus constituatur, ac conservetur, qui vel ex redditibus propriis Monasteriorum, vel ex consuetis elemosynis commode possit sustentari.

CAPUT

CAPUT II.

Curæ sit etiam Episcopis, & aliis Superioribus, ut juxta Decretum dicti Concilii, extraordinarium Confessarium bis aut ter in anno Monasteriis Sanctimonialium offerant, qui non unius vel alterius tantum, sed omnium omnino confessiones audire debeat: & certi ad hoc dies ubique præfigantur.

CAPUT III.

Sciant similiter ipsæ Sanctimonialles, etiam exemptæ, sibi non licere post Professionem, etiam ad breve tempus, Monasterium egredi; nisi ob aliquam ex tribus causis expressis Constitutione Ssmæ memoriæ PII V. hac de re edita, quæ inviolabiliter est observanda.

CAPUT IV.

Cætera omnia de Regularibus, ac Monialibus, in Concilio Tridentino, & in prima Synodo Provinciali Mechliniensi, decreta amplectens, & innovans, hæc Synodus insuper addit ea, quæ sequuntur.

CAPUT V.

In Conventuali Religiosorum, & Monialium mensa, lectio sacra, quantum res patitur, numquam omittatur.

CAPUT VI.

Prælati Regularium eos tantum subditis suis Confessarios deputent, quos prævio examine, per se vel Lectorem suum factæ, invenerint sufficienter idoneos.

CAPUT VII.

Libertati Professionis Virginum Deo dicandarum hæc Synodus prospicere volens, hoc præsentî Decreto tollit omnia Statuta & consuetudines, quæ dictæ libertati aliquo modo officere possunt. Prohibet itaque, ne quarumcumque Virginum capilli ante Professionem refecentur: mandatque, ut Episcopi, vel ab eis Deputati, earumdem virginum voluntatem, tam ante suspensionem habitus, quam ante professionem, Sacro tridentino Concilio ita jubente, diligenter explorent, non aliter tamen, quam eas solas esse certo cognoscant.

CAPUT VIII.

Valde dedecet in Monasteriis tam virorum, quam mulierum, hospitibus advenientibus vina & cerevisiam vendi; atque ideo etiam hæc Synodus id fieri districte prohibet, sub pœna arbitraria.

CAPUT IX.

Si Decreto Concilii Tridentini, de lectione Sacræ Scripturæ in Monasteriis Religiosorum habenda, negligentia Prælatorum alicubi non satisfiat, Episcopi locorum, auctoritate a dicto Concilio sibi attributa, id debite procurent.

TITULUS XXV.

De Foro, Jurisdictione & Immunitate Ecclesiasticis.

CAPUT I.

Ordinarii locorum, eorumque Officiales, juxta Decretum Concilii Tridentini causas omnes, etiam beneficiales, saltem infra biennium a die motæ litis terminent; alioquin post id spatium liberum sit partibus, vel alteri illarum, Judices superiores, alias tamen competentes, adire.

CAPUT II.

Judices appellationum eas non recipiant, nisi a definitiva, vel a definitiva vim habente, & cum gravamen per appellationem a definitiva reparari nequeat; prout per Concilium tridentinum decretum est.

CAPUT III.

Ut in cæteris omnibus, ita quoque vel maxime in administranda justitia, quoad Statuta Curiarum, salaria, & stipendia Ministrorum, & practicum earum, cæteraque hujusmodi, uniformitatem in tota Provincia servari expedit. Et ideo statuit præfens Synodus, ut uniformis & moderata ratio, desuper ejusdem Synodi auctoritate constituenda, ab omnibus, quos concernit, observetur.

CAPUT IV.

In correctionibus conforment se Episcopi Decreto Concilii Tridentini

H h h h h

Sess.

Seff. 25. Cap. 3. ut nimirum rarius censuris utantur, sed aliis mediis ibidem a Concilio præscriptis.

CAPUT V.

Ut satisfiat Decreto Concilii Tridentini, quod jubet in singulis Conciliis provincialibus, aut Diocesanis, aliquot personas juxta Constitutionem BONIFACII VIII. quæ incipit, *Statutum, &c.* qualificatas, & alioquin ad id aptas designari, quibus præter Ordinarios locorum, causæ Ecclesiasticæ in partibus delegandæ, a quolibet Legato vel Nuntio, atque etiam ab ipsâ Sede Apostolica committantur: præsens Synodus designat, & nominat personas infra-scriptas, earumque nomina, cognomina, & qualitates, ad suam Sanctitatem transmittenda esse statuit.

In Archi-Episcopatu Mechliniensi pro idoneis nominati & designati sunt:

MECHLINIÆ,

- D. Henricus Franciscus van der Burch, J. U. Licentiatum, Decanum Ecclesiæ Metropolitanæ Mechliniensis, & Vicarium Generalem Archi-Episcopatus ejusdem.*
D. ac M. Petrus van den Wiele, Sacræ Theologie Licentiatum, ejusdem Ecclesiæ Metropolitanæ Archi-Diæconum.
D. Jacobus Boonen, J. U. Licentiatum, Canonicum & Officialis Mechliniensis.

LOVANIÏ,

- Rdus Pater D. Libertus Schaloun, Abbas Vlietbacensis.*
Rdus Pater D. Joannes Drusus, S. Theologie Licentiatum, Abbas Parcensis.
Rdus Pater D. Ludovicus ab Eynatten, Abbas S. Gertrudis, & Conservator Privilegiorum Universitatis Lovaniensis.

BRUXELLÆ,

- D. Petrus Pantinus, Decanus Insignis Ecclesiæ Collegiæ S. Gudilæ Bruxellensis, Protototarius Apostolicus.*
D. Cæsar Clemens, S. Theol. Doctor, Decanus Ecclesiæ Collegiæ Anderlechtensis, Protototarius Apostolicus.
D. Cornelius Worzel, S. T. Licentiatum, Decanus Bredanus, & Plebanus Bruxellensis.

IN EPISCOPATU GANDENSI,

- D. ac M. Adrianus Varraus, S. T. Licentiatum, Cathed. Eccles. S. Bavonis Præpositum.*

D. ac M. Petrus Bernaerts, S. T. Licentiatum, ejusdem Ecclesiæ Decanum.

Rdus Pater D. Livinus van der Meulen, Abbas Thirunchiniensis.

D. Franciscus del Pio, U. J. Licentiatum, Canonicum Ecclesiæ Cathedralis S. Bavonis, & Officialis Gandavensis.

D. ac M. Philippus Jadaert, S. T. Licentiatum, Ecclesiæ Collegiæ S. Phavaldis Decanum.

IN EPISCOPATU BUSCUDUCENSI,

D. ac M. Gisbertus Caverincx, S. Theologiæ Licentiatum, & Ecclesiæ Cathedralis Decanum, designatum Episcopum Daventriensis.

Rdus Pater D. Arnoldus Vessenius, Abbas Monasterii Bernensis.

D. Edegarus de Ravesteijn, U. J. Licentiatum, Canonicum dictæ Cathedralis Ecclesiæ, & Officialis.

IN EPISCOPATU RUREMUNDENSI,

D. ac M. Petrus Pollius, S. T. Doctor, Cathedralis Ecclesiæ Ruremundensis Decanum.

D. Fredericus Joannis, Cantor ejusdem Ecclesiæ & Canonicus.

D. Guilelmus Randeræet, J. U. Licentiatum, & ejusdem Ecclesiæ Canonicus.

IN EPISCOPATU BRUGENSI,

D. ac M. Nicolaus de Heere, Ecclesiæ Cathedralis Brugenfis Decanum.

Rdus Pater D. Joannes de Bourvier, Abbas Monasterii S. Andreae.

Rdus Pater D. Joannes Montanus, Abbas Monasterii de Eeckboudt.

D. ac M. Arnoldus a Mechlinia, S. Theologiæ Licentiatum, Ecclesiæ Cathedralis Archi-Diæconus & Canonicus.

D. Remigius Driutius, J. U. Licentiatum, Canonicum ejusdem Ecclesiæ & Officialis.

D. ac M. Dionysius Christophori, S. Theol. Licentiatum, ejusdem Ecclesiæ Canonicus & Scholasticus.

IN EPISCOPATU ANTVERPIENSI,

D. Joannes del Rio, U. J. Licentiatum, Decanum Ecclesiæ Cathedralis Antverpiensis, & Vicarium Episcopatus ejusdem, & Protototarius Apostolicus.

Rdus Pater D. Dionysius Feyten, Abbas Monasterii S. Michaelis.

D. Cornelius de Witte, S. Theol. Licentiatum, Archi-Diæconus & Canonicus dictæ Cathedralis Ecclesiæ.

D. Joannes Gevarts, J. U. Licentiatum, ejusdem Ecclesiæ Canonicus & Officialis.

D. An-

D. Antonius Heylwig, J. U. Licentiat, ejusdem Ecclesiæ Canonicus & Thesaurarius.

D. ac M. Aubertus Miræus, S. Theol. Baccalaureus, Canonicus & Scholasticus ejusdem Ecclesiæ.

IN EPISCOPATU YPRENSI,

D. Judocus Veranneman, Ecclesiæ Cathedralis Decanus.

Rdus Pater D. Carolus de Argenteau, Monasterii S. Winocii Abbas.

Rdus Pater D. Vincentius du Buer, Monasterii S. Joannis Abbas.

D. Carolus van Houcke, J. U. Licentiat, Cathedralis Ecclesiæ Archi. Diaconus & Canonicus.

D. Ludovicus Vlaminck, J. U. Licentiat, ejusdem Ecclesiæ Cathedralis Thesaurarius.

D. Franciscus de Montmorency, Ecclesiæ Collegiæ oppidi Casletensis Præpositus.

Si quempiam ex prænominatis ante proximam Synodum provincialem, aut Diocesanam, mori contigerit; Episcopus consilio Capituli alium usque ad proximam Synodum substituet; eandemque substitutionem ad Sedem Apostolicam transmitti curabit.

TITULUS XXVI.

De Synodo Provinciali, & Diocesana.

CAPUT I.

Concilio Provinciali, vel Diocesano, debite convocato, omnes qui de jure vel consuetudine illi interesse debent, die & loco præfixis personaliter comparebunt, nisi legitime impediti fuerint: quo casu tempestive de causa impedimenti fidem facient: & nihilominus Procuratorem virum Ecclesiasticum mittent, non tantum ad audiendum & referendum, sed etiam ad deliberandum & agendum, quæ Principalis faceret, si personaliter interesset, nec non ad simpliciter acceptandum & recipiendum, quæcumque in ipsa Synodo statuta & decreta fuerint.

CAPUT II.

Contra absentes non legitime excusatos, vel qui Procuratorem sufficienti mandato instructum non miserint, primum ad contumaciam etiam per affixionem edicti publici ad valvas loci, in quo Concilium celebrabitur, deinde ad alias poenas juxta Canonicas Sanctiones decernendas procedatur.

CAPUT III.

Nemo, sine licentia Præsidis Concilii, a Concilio recedere audeat; neque tunc aliter, quam sufficienti constituto Procuratore.

CAPUT IV.

Quod si Episcopi, & alii, qui interesse debent, a novissimo Concilio circa hæc aliqua observaverint, quod in futuro Concilio proponendum videatur, id uno mense ante diem præfixum ipsi Metropolitano per literas significant.

CAPUT V.

Quæcumque in hac Provinciali Synodo, ad majorem Dei gloriam & animarum salutem, statuta sunt per universam Mechliniensem Provinciam, per singulas Diöceses intra annum Diöcesanis Synodis publicanda sunt; ad quas omnes omnino, tam exempti, quam non exempti, ut publicari ea audiant, & ad ea se conforment, ex Decreto Tridentinæ Synodi Sess. 24. de Reformation. Cap. 2. accedere tenebuntur.

Quæ reliqua sunt reformationem concernentia, & tempore exiguo expediri non potuerunt, Episcopi in proxima Synodo Diöcesana statuunt, prout utilitatem Ecclesiæ postulare judicabunt. Mandat postremo hæc eadem Synodus Provincialis, ut quæcumque tam in Concilio Tridentino, quam in hac ipsa Synodo decreta & statuta sunt, post impressionem inviolabiliter observentur; omnia interim & singula censuræ & judicio Sedis Apostolicæ quam humillime submittens. Actum Mechliniæ Anno Domini Millesimo sexcentesimo septimo, die decima nona mensis Julii; subsignatum:

MATTHIAS (*) Archi-Episcopus Mechliniensis.

Petrus

(*) Matthias Hovius Mechliniæ, qua in urbe Parentes habuit, non tam opulentia, quam fama vitæ ac nominis integritate claros, annumque 1542. natalem, totis viginti

*Petrus Damant Episcopus Gandavensis.
Gisbertus Masius Episc. Buscoducensis.
Henricus Episcopus Ravemundensis.
Carolus Philippus de Rodaan Episcopus
Brugensis.
Joannes Miræus Episcopus Antverpiensis.
Carolus Masius Episcopus Pprensis.*

*absint, & quanto hic scripta detineantur,
ideoque se non ferre diuturniorem moram, vi-
sum est RRmis Patribus hujus Synodi vos cum
bona venia sua dimittere, declarando, & eor-
suo modo publicando, quod vobis auditis, &
expensis rationibus vestris & suis, decernen-
dum & observandum videtur.*

Ante horum Decretorum publicam lectio-
nem, Rmpus & Illmus Dominus Præsi-
dens, re cum RRmis DDnis Coepiscopis
communicata, sequentem Schedulam de
scripto pronuntiavit, eamque hic ad cal-
cem ad verbum adscribi mandavit:

Post cujus Schedulæ pronuntiationem præ-
dicta Concilii Decreta publice lecta fue-
runt, die vigesima mensis Julii anni Mil-
lesimi sexcentissimi septimi. In cujus rei
fidem, nos infrascripti ejusdem Concilii
Secretarii propria manu subscripsimus:

*R*everendi ac Venerabiles DDni: Rerum, de
quibus hactenus hic actum est, multitudo
& gravitas, merito tempus extensius requi-
reret & longius, præsertim cum de plerisque
etiam sint consulenda Serenissimæ Celsitudines
Sue, quarum protectione speramus faciliorem
executionem: sed cum RR. VV. sæpius nobis
exposuerint, quanto cum damno ab ovibus suis

*Petrus Pantinus, Protonotar. Apostoli-
cus, Decan. Eccl. S. Gudile Bru-
xellensis.*

*Dionysius Christophori, Cathed. Ecclesiæ
Brugensis Canonici & Scholasti-
cus.*

TESTI-

quatuor annis Archi-Episcopali muneri Antistes ex Vicario Generali tertius ita præ-
fuit, ut, *Cl. Foppensio teste*, rudi indigestæque formam Diocesi primus daret. Fra-
trem habuit *Joannem van den Hove*, pro avita Religione ac Patria V. Id. Apr. 1580.
ab Sæctariis trucidatum.

Lovanii in domo Standonica altiorum Studiorum initia, ac progressus in scientiis
Theologicis, Michaelis Baji, Doctoris opera usus atque institutione, perquam lau-
dabiles fecit, Collegii Pontificii Alumnus, dignus, qui S. Theologiæ Licentia pa-
lam condecoraretur. Inde domesticam sedem repetens per annos aliquot in SS.
Petri & Pauli Ecclesiâ Concives suos Sacro verbi Divini pabulo Pastor gratiosissi-
mus refecit, potuitque fructus laborum suorum uberes eo sibi polliceri cortius, quo
majore polleret dicendi suavitate, quo ampliore sermonis gratia in suorum animos
auditorum sese insinaret, Orator tempestate sua florentissimus.

Anno 1577. Metropolitanæ S. Rumoldi electus Canonicus, Max. Morillonis Torna-
censes ad Insulas evecto successit Archi-Diaconus anno 1582. Quo ex officii ad Vi-
carii Generalis primum, tum ad Archi-Episcopi dignitatem anno 1596. progressus,
studia illuc omnia convertit, qua demum ratione, emendatis Cleri moribus, teme-
ritatem Aatholicorum sub ista tempora in Belgio vix non dominantem opprime-
ret. Quare Synodum Provinciale anno 1607. Mechliniæ & auspicatus est feli-
citer, & pari fine terminavit. Statuta jam dedimus, daturi etiam, ubi ad manus
pervenerint, alterius cujusdam, quam & Ipse altero anno post celebravit, Dica-
cesanæ Decreta, una cum Gandavensi ejusdem anni Concilio, quod Petrus Da-
mantius Ep. habuit.

Fuit Matthias Potentissimis Alberto & Isabellæ Principibus a Consiliis status, atque
inprimis carus; Archi-Episcopale fundavit Seminarium, ac multa Ecclesiæ Belgicæ
pericula graviter congesta typo dedit. Obiit, postquam Episcopos consecrasset
11., Presbyteros 2482., Diaconos 2777., Subdiaconos 2790., & in Minoribus
Ordinibus 2713. in Abbatia sua Affligemiensi, anno 1620. 3. Cal. Julii, ætatis 78.
Sacerdotii 54. Archi-Episcopatus 25. vel in sola Oratione parænetica ad Clerum
universum in Synodo illa Provinciali jam congregatum habita, quam admirabilem
Morerus jure nuncupat, superstes nunquam non futurus.

*Vide Cl. Castillon, Sac. Belgii Chronologiam pag. 498. Et cit. Cl. Joan. Fran-
c. Foppens Biblioth. Belg. P. II. pag. 874. & 875.*

TESTIMONIUM

*Illustrissimi & Reverendissimi Domini,
D. Cardinalis PAMPHILII,
super facta recognitione Concilii
Provincialis Mechliniensis ab Illu-
strissimis & Rmis DD. DD. Car-
dinalibus Interpretibus Sacri
Concilii Tridentini.*

NOS HIERONYMUS Tituli S. Blasii
de Annulo S. R. E. Cardinalis PAM-
PHILIUS, fidem facimus & attestamus, De-
creta confecta in Provinciali Synodo a Re-
verendissimo D. Archi-Episcopo Mechliniensi, et
que a R. D. Dionysio Christophori Catbedra-
lis Ecclesie Brugensis Canonico, ipsiusque Ar-
chi-Episcopi Procuratore. ad Sinum D. N. per-
lata a Sacra Congregatione Cardinalium Con-
cilio Tridentino interpretando propositorum
emendata, recognita, atque aptata fuisse: nec
non eorumdem Decretorum exemplum apud
ipsam Congregationem remansisse, cum quo hu-
jusmodi Decreta hoc libello chartarum xxix.
(quarum prima incipit: Decreta, &c. ulti-
ma vero: Potuerunt, &c. & desinit: Ec-
clesiæ Brugensis Canonici & Schola-
stici) descripta, & collata in omnibus, &
per omnia concordant. In quorum fidem, his
propria manu subscripsimus, & ab infrascripto
Secretario item subscribi, sigillique nostri im-
pressionem communi mandavimus. Datum
Romæ, die III. Aprilis, Anno M.DC.VIII.

HIER. CARD. PAMPHILIUS.

JOANNES FRANC. FAGNANUS, Sa-
cræ Congregat. Concilii
Secretarius.

B R E V E

SS. D. N. PAULI PP. V.

*Super Confirmatione Concilii Pro-
vincialis Mechliniensis.*

VENERABILIBUS FRATRIBUS
Archi-Episcopo & Episcopis Pro-
vinciæ Mechliniensis,

PAULUS PP. V.

Venerabiles Fratres, Salutem & Apostoli-
cam Benedictionem. Acta Synodi Pro-
vincialis Mechliniensis, a Fraternitatibus ve-

stris nuper habita, qua Dilectus Filius Dio-
nysius Christophori, Canonici & Scholasticus
Ecclesiæ Brugensis, ad Nos detulit, ut si No-
bis probarentur, illa confirmaremus auctoritate
nostra Apostolica; nonnullis mutatis, ut vi-
debitis, approbavimus: recognita prius man-
dato nostro, a Venerabilibus Fratribus nostris
Sanctæ Romanæ Ecclesiæ Cardinalibus, In-
terpretibus Sacri Concilii Tridentini. Lau-
damus valde, Fratres Venerabiles, zelum pie-
tatis, prudentiam & vigilantiam vestram,
quam in hujusmodi Decretis sancientis agnovi-
mus; ac Deum sapientiæ & misericordiarum
Patrem precamur, ut quotidie in vobis augeat
dona Divina sue gratiæ, ut ministerii vestri
ac laborum, quos ad ejus Sanctissimi Nominis
gloriam & animarum salutem suscipitis, præ-
mia benignus vobis retribuatur, cum reddide-
ritis rationem vocationis vestræ. Quemad-
modum etiam hortamur, atque Apostolica au-
thoritate, quam a Dei benignitate licet imme-
riti accepimus, jubemus, ut ejus Synodi De-
creta omnia, que ad Sacrorum Canonum præ-
scriptum omnes istius Provinciæ Episcopos,
omnesque eorum Diocesanos obstringunt, ab
omnibus quam diligentissime & inviolate serven-
tur: ac vobis omnibus Apostolicam benedictio-
nem nostram peramanter largimur. Datum
Romæ apud Sanctum Petrum, sub annulo Pe-
scatoris, quarto Kal. Maji, M. DC. VIII.
Pontificatus nostri anno Tertio.

PETRUS STROZA.

*Aliud Testimonium examinati Con-
cilii, ab Illmo & Rmo Domino, D.
Cardinale PAMPHILIO, dire-
ctum Rmo & Illmo Domino
Archi-Episcopo Mech-
liniensi.*

PERILLUSTRI ac Rmo DOMINO
uti Fratri D. Archi-Episcopo
Mechliniensi.

Perillustri ac Rmo D. uti Frater: Provin-
ciam Synodum Mechliniensem, ab Am-
plit. T. adhibitis Comprovincialibus Episcopis
novissime celebratam, & a Rdo D. Dionysio
Christophori Catbedralis Ecclesiæ Brugensis Ca-
nonico & Scholastico, Amplit. T. & ipsorum
Comprovincialium Episcoporum Procuratore,
exhibitam, ejusque Decreta ad mores moderan-
dos, excessus corrigendos, abusus istius bellorum
præsertim injuria atque hæreticorum artibus

Hhh hh 3

intro

introducitos evadandos, pie ac sapienter confecta, Illi Cardinales Trid. Conc. Ssmi D. N. auctoritate Interpretes, pro munere sibi injuncto diligenter recognoverunt, atque ubi oportuit, etiam emendarunt. Itaque illam ipsam Synodum ad Amplit. T. nunc remittimus, pro sui muneris debito edendam, publicandam, & sedulo in ista Provincia observandam, ut egregiæ ac pientissimæ operæ, & industriæ, saluberrimique laboris fructus, quos sibi initio proposuit, uberiores in dies, adjuvante Domino, percipiat. Quod ut cumulatè & quam celerime fiat, nos summis precibus a Divina benignitate contendimus, Amplitudinique T. salutem plurimam precamur in Domino. Romæ, die X. Aprilis, Anno M.DC.VIII.

Ampl. T. Perill. ac Rmæ

uti Frater studiosiss.

HIER. CARD. PAMPHILIUS.

Secundæ Literæ prænominati Illmi & Rdissimi Domini, D. Cardinalis PAMPHILII, ad dictum Rmum & Illmum D. Archi-Episcopum Mechliniensem, testantes omnium Protestationum in examine & recognitione hujus Concilii eam habitam rationem, quam jus & ratio requirit, ideoquè illud jam omnes obligare.

*PERILLUSTRI ac Rmo DOMINO
uti Fratri D. Archi-Episcopo
Mechliniensi.*

Perillustri ac Rmæ D. uti Frater. Synodum Provinciale Mechliniensem ab Amplitudine T. adhibitis Comprovincialibus Episcopis novissime celebratam, a Sacra Congregatione Cardinalium Concilii Tridentini Inter-

pretum recognitam, ac nonnullis opportune immutatis probatam fuisse, jam aliis literis pro munere nostro attestati sumus. Nunc incuipiam adversus ipsum Concilium, prudenter ac moderate unanimi Episcoporum consensu confectum, conquerendi ansa aut occasio ulla superfit; superaddere placuit, quod reipsa verum, Illmos Patres in ea recognitione, atque emendatione, Protestationes istic habitas, ac in ipsa Synodi calce descriptas, perlegisse, expendisseque, ac earum, quantum Sacri Canones justitiæ norma suadebant, rationem habuisse. Illam igitur ipsam Synodum, ejusque Decreta incunctanter exequatur Ampl. T. quando jam nullum legitimum obstitit impedimentum, & bene valeat in Domino, a quo diurnam illi incolumitatem cum ejus gratiæ incremento precamur. Romæ, die XXII. Maji, M.DC.VIII.

Ampl. T. Perill. ac Rmæ

uti Frater studiosiss.

HIER. CARD. PAMPHILIUS.

Sequitur Edictum Alberti & Isabellæ Claræ Eugenæ Archi-Ducum, idioma expressum Belgico & Articulos 30. complectens; in quibus de Ludimagistris, de Bibliopolis, ac Librariis, de Scholis Dominicalibus potissimum agitur.

Decreta hæc Synodi Provincialis Mechliniensis & Statuta typis Plantiniani edita Antverpiæ apud Joannem Moretum anno 1608. Recusa tum Antverpiæ in Officina Plantiniana apud Viduam & Hæredes Baltasaris Moreti anno 1680., tum per Harduinum in CC. Collectione Regia Tom. X. Parisiis anno 1714.





SYNODUS DIOECESANA

Y P R E N S I S,

Anno Christi MDCIX. Pauli V. PP. V.

Rudolphi II. Imp. XXXIII.

CELEBRATA

DIE QUARTA MENSIS NOVEMBRIS

Sub CAROLO MASIO, (*) *Fprensi Episcopo.*

CAROLUS MASIVS, DEI ET APOSTOLICÆ SEDIS GRATIA EPISCOPVS

*Fprensis, uniuerso Clero & populo Civitatis & Diœcesis nostræ,**Salutem in Domino.*

Cum a postremis hujus nostræ Provincie bellicis tumultibus non esset in Ecclesia nostra servata Synodus Diœcesana, plurimæque inter-
im tot annorum spatio, & injuria temporis, & hominum malitia, essent immutata, collapsa & depravata: atque ad ea emendanda & restauranda non esset opinione nostra remedium convenientius, & salubrius, quam ad illud confugere, quo Ecclesia Dei in summis periculis semper esset usa; recurrendo nimirum ad Concilia Generalia, Provincialia, & Synodalia. Hinc est, quod, cum nihil magis haberemus in votis, quam muneris bumeris nostris imposito, quantum in nobis esset, satisfacere, caperimus statim a primo die Residentiæ nostræ omnes cogitationes & actiones nostras eo dirigere & collimare, ac ita omnia ad actum tam solemnem præparare, ut quam primum tempus & occasio permitteret, possemus Synodum indicare, & eam celebrare, atque ita remedio illo tam salubri non solum, sed prorsus necessario, in tanta desolatione Ecclesiæ nostræ nos juvare. Nam ubi a quarto die Consecrationis nostræ Concilio Provinciali Mechliniensi interfuissemus,

& eo finito ad Residentiam nostram cum Dei gratia rediissemus, visum fuit consultum, instituere ante omnia per totam Diœcesim nostram Visitationem generalem: in qua cum propriis nostris oculis illius statum penitus perlustrassemus & inspexissemus: sane si antea, tunc magis judicavimus omnino necessarium in proposito nostro progredi, & conceptam Synodi declarationem ad effectum deducere, ut in ea etiam Provinciale Mechliniense Concilium publicare pro officio nostro possemus. Sed cum illud prius secundo anno a sua Sanctitate confirmatum prodiret in lucem, necesse fuit illam animi nostri sententiam differre in annum sequentem, tertium nimirum Residentiæ nostræ, quando tandem hanc Synodum nostram, præhabito consilio cum Capitulo Ecclesiæ nostræ Cathedralis, indiximus, eamque ad optatum finem perduximus. De quo singulari Dei beneficio, tam opportune nobis ante translationem & discessum nostrum præstito, non possumus ipsius Divinæ Majestati dignas satis agere gratias; & vobis deinde, qui præsentiam & operam vestram nobis in hac parte tam promptè

(*) Carolus Masius (vulgo Maëz) Patria Bruxellensis, Frater Engelberti Masii egregium sanctioris Concilii Præsidentem olim agentis, ex Decano Antverpiensi ac Sere-
nissimorum Archi-Ducum Alberti & Isabellæ Eleemosynario, Petro Simonis, Tilerano, quem a variis scriptis typo editis *Valerius Andreas in Bibliotheca sua Belgica* pag. 761. commendat, indefesso per annos viginti Episcopo successit, Bruxellis in Ecclesia D. Gudulæ die XXIV. Junii anno 1607. consecratus. Sub ipsa statim novæ dignitatis primordia Provinciali Mechliniensi interfuit Synodo, & hanc, quam proferimus, post biennium celebravit. Evecti anno 1610. Gandavensem ad Insulam, magnas, quibus eminebat, tum corporis, tum animi dotes nemo subditorum non suspexit, laudavitque. Annus illi M. DC. XII. mensis Maji die XXI. supremus diluxit, & sepulchrum in Ecclesia Cathedrali Gandavensi datum.

Castillon Sacra Belgii Chronolog. P. II. pag. 511. & 526. Havenius in Comment. de erectione novorum in Belgio Episcopatum Lib. I. pag. 71.

prompte exhibuistis. Unde tam certam in animo nostro de vobis omnibus fiduciam concepimus, ut non dubitemus, quin eadem animi promptitudine unusquisque vestrum conabitur pro virili has nostras Ordinationes exequi & adimplere: adeo ut existimemus necesse non esse pluribus ad hoc vos hortari vel monere, cum hoc ipsum & professio nostra, salusque propria & subditorum nostrorum, atque præsens Ecclesiæ extrema necessitas, nec non & Fidei Catholica conservatio, jure suo a nobis exposulet, & requirat: ne, dum putamus nos omnia mala & pericula cum his induciis evasisse, in multo plura & graviora postmodum incidamus, quam hactenus perpeffi sumus: quæ si Deum ab Ecclesiâ suâ, & hac nostra Yprensi, ac a nobis avertere velimus, præstet unusquisque nostrum officium suum, & studeat quam maxime sedulo pro modulo suo hanc communem Matrem nostram juvare. Hisce valete, memores horum estote, & Omnipotentem pro nobis orate.

DECRETUM,

Quod nulli præjudicium fiat ex ordine Sessionis in hac Diœcesana Synodo, promulgatum per Reverendum Dominum Archidiaconum Ecclesiæ Cathedralis Yprensis.

Reverendissimus Dominus Episcopus Yprensis statuit & decernit: si quis ad hanc Synodum vocatus, & in eam admissus, suo loco non incedat, aut sedeat, aliumve actum in ea gerat; non ideo alteri cuiquam jus acquiri, aut acquisitum esse, nihilque de hujusmodi jure aut possessione detrahi, sed in eo statu & conditione omnia permanere, quo erant ante hanc Synodum Diœcesanam.

INDEX TITULORUM SYNODI.

- TIT. I. De Professione Fidei, ejusque integritate restituenda & conservanda.
 II. De Prædicatione verbi Dei.
 III. De Scholis Parochialibus & Dominicalibus.
 IV. De Seminario Clericorum.
 V. De Officio Divino, Cæremoniis & Locis Sacris.
 VI. De Festis, Jejuniis, & Processionibus.
 VII. De Sepulturis, Officiis Defunctorum & Funeralibus.
 VIII. De Sacramentorum administratione.
 IX. De Sacramento Baptismi.
 X. De Sacramento Confirmationis.
 XI. De Sacramento Penitentia.

- XII. De Sacramento Eucharistiæ.
 XIII. De Sacramento Extremæ Unctionis.
 XIV. De Sacramento Ordinis.
 XV. De Sponsalibus & Matrimonio.
 XVI. De Episcopali Sede vacante.
 XVII. De vitâ & honestate Clericorum.
 XVIII. De Canonici, Archi Presbyteris, sive Decanis ruralibus, Pastoribus, Custodibus, eorumque officiis.
 XIX. De Regularibus & Monialibus.
 XX. De bonorum Ecclesiasticorum administratione & conservatione.
 XXI. De Judicibus delegatis, & ordinariis Examinatoribus.
 XXII. De Synodo Provinciali & Diœcesana.

CONSTITUTIONES & ARTICULI
SYNODI DIOECESANÆ YPRENSIS.

TITULUS I.

De Professione Fidei, ejusque integritate restituenda & conservanda.

CAPUT I.

Cum omnis cura nostra primo versari debeat in iis, quæ ad Fidem Catholicam (quam Sancta Romana Ecclesiâ Mater nostra colit, docet, & sine

qua impossibile est placere Deo) integre violatæque servandam pertinent; ideo ab eadem potissimum Synodum hanc Diœcesanam judicavimus inchoandam:

andam : ut quam ab uno eodemque Spiritu hausimus, una etiam eademque Professione fateamur : quamque infelicissimis hisce temporibus hæreticorum rabie ac studio offuscata & implicata vidimus, non modo pristino splendori restituere, ac explicare; verum etiam ita stabilire, ac undequaque munire conemur, ut eam posteris claram, apertam, integram, firmamque relinquamus. Quare præmissa per Nos & universam hanc Synodum in nomine Sanctæ & Individuæ Trinitatis, congregatam, publica Catholicæ & Apostolicæ Fidei professione, juxta Bullam PII IV., inhaerentesque saluberrimo Sacrosancti Concilii Tridentini Decreto, statuimus & ordinamus, ut similem Fidei professionem emittant omnes, qui deinceps in Dicecesi nostra ad Dignitates, sive Regulares, sive Sæculares, Canonicatus, & alia quæcumque Beneficia Ecclesiastica curam animarum habentia, promovebuntur & admittentur : idque in manibus nostris, vel Vicarii nostri Generalis, sive Officialis : alioqui prædicti omnes non faciant fructus suos, nec illis possessio suffragetur.

CAPUT II.

Et quia, si unquam, nunc maxime, Fidei & Religionis ratio habenda est, ita ut nihil omittendum sit, quod ad ejusdem præsidium aliquo modo facere possit; statuimus, ut in posterum eandem Fidei professionem faciant, primo singuli Canonici Collegiatarum Ecclesiarum, in Capitulo suo, antequam ad residentiam admittantur.

CAPUT III.

Secundo, quotquot deinceps ad Ordines Sacros promovendi.

Omnes insuper Concionatores, Confessarii, etiam Religiosi (juxta eandem Bullam PII IV.) nisi de ea antea facta coram Superioribus suis Regularibus (quos ad id deputamus) abunde doceant.

Lectores etiam Sacræ Theologiæ in Monasteriis sive Claustris.

Ut & omnes, qui posthac ad alias Synodos Dicecesanas convenient, & in hac Fidei professione non interfuerint.

Tomus VIII. Concilior. German.

Item qui in hæresim lapsi, ad Ecclesiæ gremium reverti volunt.

CAPUT IV.

Præterea idem faciant omnes Baillivi, Scabini tam Civitatum, quam pagorum : eæque omnes publicæ personæ, quæ Edicto Regio de prima Junii anno M. D. LXXXVII. per gloriosæ memoriæ PHILIPPUM II. comprehenduntur; idque juxta formam in eodem præscriptam. Rogamus interim & hortamur in Domino omnes, qui jus habent creandi & constituendi Magistratus, Baillivos, aliosque Ministros justitiæ, ne ullos assumant, nisi probatæ vitæ, & fidei viros, exceptoque ab iis prædicto juramento, cum professione fidei.

CAPUT V.

Librarii vero & Bibliopolæ, præter eam professionem, adjicient & præstabunt juramentum de non invehendis, vel secreto distribuendis, libris prohibitis.

CAPUT VI.

Cumque parum prodesset, Superiores & Præfectos Fidem Catholicam profiteri, nisi & populus a teneris annis eadem imbuatur, ipsorumque vigilantia cura in ea contineatur; monemus Prælatos, & Pastores omnes, ut per seipsos, aut alios viros doctos, explicant sedulo & diligenter populis sibi commissis Articulos Fidei, Orationem Dominicam, Salutationem Anglicam, præcepta Decalogi & Ecclesiæ, efficaciam insuper & ritus Sacramentorum; advigilentque pastores quam maxime, ne ullus lupus inter oves versetur aut latitet; procurentque, quantum humana diligentia assequi poterunt, ut agnoscant vultum pecoris sui, noverintque extraneos, si qui in parochiis suis habitaturi advenerint.

CAPUT VII.

Parochias autem suas statim a Dominica in Albis serio quotannis visitabunt per domos & familias : omniumque ad Sacram Communionem obligatorum nomina & cognomina in registerum particulare referent.

CAPUT VIII.

Observent insuper, ut ab omnibus in propria id fiat Parochia, & an huic Ecclesiæ præcepto de Communionē satisfecerint; arcendialias, ni id authentico testimonio probaverint, ab Ecclesia vivi, & mortui Ecclesiastica sepultura privandi, juxta Capitulum: *Omnis utriusque sexus, De Penitentis & Remissionibus.*

CAPUT IX.

Volumus etiam, & expresse inhibemus sub pœna suspensionis ab officio, ne ullos venientes ex partibus suspectis permittant in parochiis suis familiam constituere, vel habitationem eligere, nisi ipsi de Fidei professione facta, & eorum a Nobis, aut Vicariis nostris admisione legitime constet.

CAPUT X.

Supremos autem Baillivos, Officiarios, & Magistratus, in omnibus & singulis Civitatibus, oppidis, pagis & locis Episcopatus nostri, in Domino rogamus & monemus, ne ullos similiter admitant, nisi de simili Fidei professione coram Nobis facta, ante omnia doceant; ut & de iis omnibus, ad quæ Ecclesiæ præcepta, principumque Edicta, similes obligant.

CAPUT XI.

Cum autem periculosius sit venenum, quod auribus, quam quod ore hauritur, non satis erit populum sana doctrina instruere, nisi etiam librorum (quorum lectio ei conceditur) accurata ratio habeatur: quare districte præcipimus & mandamus Decanis & pastoribus, ut sedulo advigilent, ne Librarii & Bibliopolæ ullos libros in districtus suos invehant, aut venales exponant, quorum Catalogus non sit a Nobis, aut Vicariis nostris antea examinatus & approbatus.

CAPUT XII.

Et quoniam ex Statuto Concilii provincialis, nemo præter Typographos, Bibliopolas & Librarios juratos, libros excudere, aut venales exponere possit; censendi sunt contravenire eidem Statuto, qui passim absque licentia & permissione Superiorum, quos-

vis libros, cantilenas, ephemerides, similiaque in vestibulis Templorum aut aliis in locis publicis venalia habent, aut per plateas circumferunt. Rogat itaque hæc Synodus omnes Baillivos, Officiarios, Magistratus, aliosque, ejusmodi abusum impediendi facultatem & auctoritatem habentes, ea utantur per confiscationem etiam omnium librorum & cantilenarum, ut olim CAROLUS V. Imperator Augustæ memoriæ, anno M.D.L. Edicto suo caverat, confirmatum deinde a PHILIPPO II., Anno M.D.LVI.

CAPUT XIII.

Libri omnes, inventi apud quoscumque Bibliopolas, aut circumforaneos, ex professo lascivi, obsceni, necromantici, superstitiosi, hæretici; quicumque denique bonis moribus aut fidei contrarii sunt, in eorum conspectu absque dissimulatione lacerentur & auferantur.

CAPUT XIV.

Moneant etiam pastores populum, neminem posse legere, aut penes se habere Sacra Biblia vulgari lingua sine Ordinarii licentia in scriptis: imo contrarium facientes, Sacramentaliter absolvi non posse, nisi Bibliis Ordinario prius traditis.

CAPUT XV.

Quare Bibliopolæ ejusmodi Biblia nemini communicabunt, qui prædictam facultatem non habeat, sub pœnis quarta regula Indicis librorum prohibitorum expressis.

CAPUT XVI.

Decani autem vel pastores nequam præsumant eam facultatem alicui concedere.

CAPUT XVII.

Monebunt insuper subditos, abstineant a lectione omnium librorum, qui aliquo modo tractant de Magicis artibus, præstigiis diabolicis, superstitionibus, cæterisque hujusmodi; quamque graviter peccent, qui eos legunt, aut iis utuntur.

CAPUT XVIII.

Disputationes vero de rebus & mysteriis fidei a personis sæcularibus neque

que publice; neque privatim fiant: idque prohibitum esse sub pœna excommunicationis (Cap. 2. §. *Inhibemus quoque. De Hæreticis, in sexto.*) sæpe moneant pastores; volumusque tales, si qui essent, Officiali nostro denunciari, & in eos, tamquam de fide suspectos, inquiri.

CAPUT XIX.

Inhibemus præterea, ne quis sine nostra in scriptis obtenta licentia officium Exorcistæ exerceat: neque utatur alia forma, quam ea, quæ præscripta est in novo Manuali Ecclesiæ Ypresis: faciatque id ex mera charitate & desiderio juvandi proximum, non autem ex avaritia aut alia causa indebita.

CAPUT XX.

Exorcismi autem non temere & leviter adhiberi debent, sed in probabili & apparente maleficii indicio; tum ne ludibrio passim exponantur; tum etiam ne frustra hominibus vanus de dæmone incutiat metus. Neque hunc actum quisquam aggrediatur, nisi re cum Decano loci communicata: aut si remotius absit, cum pastore viciniore prudente, & in ejusmodi versato.

CAPUT XXI.

Abstinebunt similiter Exorcistæ a verbis & sermonibus indifferetis, ne quis hac ratione de aliis sinistram opinionem concipiat.

CAPUT XXII.

Pastores cum opportunitate denuntiabunt etiam excommunicatos, quotquot malis artibus & remediis superstitionis (quæ explicitum vel implicitum pactum cum dæmone continent) morbos aut vulnera tam hominum, quam brutorum animalium curare præsumunt, quique in rebus perditis Divinatores consulunt: non resipiscentes autem ad Nos deferent.

TITULUS II.

De Prædicatione Verbi Dei.

CAPUT I.

ANte omnia monitos illos quam maxime volumus, qui prædicandi munere, vel Christianam Doctrinam

Tomus VIII. Concilior. German.

nam exponendi funguntur. Videant inprimis, ne quod verbo ædificant, id vita & moribus destruant; ne cum aliis prædicaverint, ipsi reprobi efficiantur.

CAPUT II.

Doceant verò & interpretentur Sacram Doctrinam eo sensu, quem Catholica Ecclesia & consentiens Sanctorum Patrum autoritas comprobavit; nec quidquam ab iis alienum aut dissimum proferant: historias apocryphas; hæreticorum opiniones & argumenta ne referant ante imperitum vulgus.

CAPUT III.

Et si necessitas postulat eorum dogmata falsa accuratius confutari, fiat id non longa disputatione, sed gravi & clara redargutione.

CAPUT IV.

Ne ostentandi ingenii & doctrinæ causa, difficiles arque superfluas quaestiones tractent, facumve orationis & pigmenta nimium requirant; cum ita se ipsos verius, quam Jesum Christum prædicare viderentur.

CAPUT V.

Sed præcipue in articulorum Fidei, Orationis Dominicæ, Angelicæ Salutationis, Præceptorum Decalogi, & Ecclesiæ, Sacramentorum, Missæ, Sacrorum Rituum, Evangelii, & Epistolæ dilucidam & compendiosam explicationem & expositionem incumbant.

CAPUT VI.

In coarguendis vitiis ita se modeste habeant, ut non hominum, sed peccatorum & delictorum odio, ac Christianæ pietatis & charitatis desiderio ad ducti videantur.

CAPUT VII.

Ideo ne quempiam nominatim insectentur, aut tacite eum designent; interea non dissimulent, neque vereantur (iusto tamen zelo) invelli in pravas & scandalosas consuetudines seu corruptelas, aut publica peccata; juxta illud 1. *Timoth. 5. Peccantes coram omnibus argue, ut & ceteri timorem habeant.*

CAPUT VIII.

Volumus autem, Pastores omnes ex nunc singulis diebus Dominicis, & majoribus Solemnitatibus, consueta & certa hora concionari, vel ad minus catechizare. Quodsi ne hoc præstent, statuimus ejusmodi in functione Pastoralis nulla ratione tolerare: componant se itaque omnes, si non ad concionem, saltem ad lectionem Catechisticam.

CAPUT IX.

Ad concionandum vero nemo a Pastoribus admittatur, nisi doceat legitime de facultate a Nobis obtenta: idque toties, quoties concionem habere voluerit, saltem singulis tribus.

CAPUT X.

Superiores etiam non emittant suos ad concionandum, aut ad servandos terminos, nisi cum socio; neque ulla ratione permittant illos solos vivere, ubi ordinarias stationes habent, & socii assumendi commoditatem.

CAPUT XI.

Servabunt autem exactissime solitas stationes, mittentque eos, quoties promiserunt, idoneos, gratos, & qui locis ipsis satisfaciant.

CAPUT XII.

Neque Pastor externos Concionatores, aut Terminarios in tabernis ad onus Ecclesiarum tractet; sed quoniam ejus stationem servarunt, domus suæ honesta portione eos excipiat.

TITULUS III.

*De Scholis Parochialibus & Do-**minicalibus.*

CAPUT I.

Cum juvenus semen sit Reipublicæ, multumque faciat ad conservandam & propagandam Catholicam Fidem, si illa probe instituiatur & educatur: volumus omnino, ut ubique locorum Scholæ Parochiales restituantur. Quare rogamus, & serio moneamus, maxime Pastores & Magistratus, & notabiles singularum Parochiarum, diligenter in eam curam iacumbant, ut

quam primum ubique eadem Scholæ erigantur aut renoventur.

CAPUT II.

Iis præficiantur Ludimagistri integris moribus, fide, & vitæ probitate conspicui; quique nullos libros Flandricos aut Gallicos ediscendos pueris proponant, nisi honestos, aut saltem moralitatem docentes, iique prius per Scholasticum nostrum examinentur & admittantur.

CAPUT III.

Qui tamen, antequam ludum aperiant, sistent se Nobis, admittendi demum, si literis testimonialibus, & vitæ probitate commendati, Fidei Professionem & consuetum Juramentum præstiterint.

CAPUT IV.

Monemus itaque Pastorem loci, ne ullum sua auctoritate ad Ludimagistri officium admittat, qui licentiam nostram in scriptis non exhibeat; alias omnino rejiciendus; & Pastor, ut contemptor mandatorum sui Superioris, ex arbitrio puniendus.

CAPUT V.

Utque melior Scholarum ratio habeatur, ipsique Ludimagistri facilius in officio contineantur, mandamus pastoribus, Scholarum suarum curam gerant diligentissimam.

CAPUT VI.

Decanis insuper & Scholasticis omnibus, ut eas in districtibus suis personaliter visitent.

CAPUT VII.

Commendamus autem Ludimagistris, primo suos doceant Orationem Dominicam, Salutationem Angelicam, Symbolum Fidei, præcepta Decalogi, & Ecclesiæ Sacramenta, peccata mortalia, virtutes iis contrarias, aliaque doctrinæ Christianæ capita sensim, pro eorum capacitate.

CAPUT VIII.

Adjunget deinde modum confitendi, mane & vespere orandi, inserviendi Missæ, legendi, scribendi, demum canendi Cantum Gregorianum.

CAPUT IX.

Cumque non minor ratio habenda sit pauperum, quam divitum, optamus modum aliquem inveniri, ad Scholas Dominicales in gratiam pauperum erigendas, non sine singulari fructu & commodo.

CAPUT X.

Mandamus etiam serio omnibus nostræ Diœcesis Pastoribus, ut de lectione Catechistica, in suis Ecclesiis per se, aut per alium idoneum habenda, maxime sint solliciti; idque omnibus Dominicis & Festivis diebus, signo campanæ ad eam dato.

CAPUT XI.

Caveant, ne ob exiguum catechizandorum numerum a tam pio & necessario opere cessent, sub poena unius floreni pro qualibet omissione, ad usum Seminarii nostri applicanda.

CAPUT XII.

Ut autem majori cum fructu fiat, habeant Catalogum puerorum omnium & puellarum, absentium parentes moneant; monitos auxilio brachii secularis mulctent tandem pecuniaria poena, juxta Edictum Serenissimorum Principum nostrorum.

TITULUS IV.

De Seminario Clericorum.

CAPUT I.

Porro cum de nulla re debeamus magis esse solliciti, quam ut Ecclesiæ nostræ de bonis & probis Ministris provideatur, quod ab eo pene ipsius salus dependeat; illiusque verum & unicum remedium non aliunde, quam ex bene fundato & dotato Clericorum Seminario peti debeat; hocque nostrum, etiam si ab erecta Sede Episcopali institutum, ita tenuiter dotatum sit, ut exigua spes videatur sublevandi extremam bonorum Pastorum & Capellanorum penuriam: inhærentes Decretis Sacrosancti Concilii Tridentini, Concilii Provincialis Mechliniensis, & consuetudini, ab initio erectæ Sedis usque ad postremos tumultus hic laudabiliter servatæ; declaramus, ex fru-

ctibus mensæ nostræ Episcopalis; Capituli Ecclesiæ nostræ Cathedralis, omnium Dignitatum, Personatum, Officiorum, Præbendarum, Portionum, Abbatiarum, Prioratum, Hospitalium (etiam si dentur in titulum vel Commendam) quorumcumque denique Beneficiorum nostræ aut ignoræ Diœceseos, cum consilio tamen duorum e Capitulo nostro, & duorum e Clero, sexagesimam partem aut portionem detrahendam, huicque Seminario nostro applicandam, quoad alia ratione eadem provisum sit, ut prædictam contributionem in totum vel ex parte remittendam esse judicemus.

CAPUT II.

In assumendis autem juvenibus, ad hoc Seminarium, & alendis ex istiusmodi contributione, delectus habebitur; & magis idonei cæteris præferentur; qui non nisi legitimi, & decimum nonum ætatis annum ingressi, assumentur.

CAPUT III.

Declarabunt iidem, se animum habere ad statum Ecclesiasticum, promittentque se id munus in Ecclesia subituros, cum idonei fuerint, quod Nos ipsis imponemus: alias expensas Seminario refundant.

CAPUT IV.

Uti etiam, se gratos fore, & memores beneficii a Seminario accepti, si quando ad meliorem fortunam evēhantur.

TITULUS V.

De Officio Divino, Cæremoniis & locis sacris.

CAPUT I.

Cum jam statim ab initio erectæ Sedis, Ecclesia nostra Cathedralis assumpserit usum Romanum, æquumque sit, ut membra Capiti suo se conforment: mandamus, ut omnes Ecclesiæ Collegiatæ & Parochiales, eundem usum & cæremonias observent. Pastores etiam Religiosi, quamdiu pastorali munere funguntur, proprium relinquunt, Romanum assument, tam in

Missis, Concionibus, quam in Horis
Canonicis, aliisque officiis;

CAPUT II.

Libros Ecclesiæ sumptu procurent
Magistri fabricæ; qui si negligentiores
fuerint, a Nobis quam primum pro-
videbitur; abstineantque omnino Pa-
stores ab usu aliorum librorum.

CAPUT III.

In ornamentorum etiam coloribus
& mutatione, Rubricis Romani Missæ-
lis se conforment.

CAPUT IV.

Utenturque ornamentis mundis,
decentibus & benedictis.

CAPUT V.

Venerabile Sacramentum sub fi-
deli custodia recludatur loco honesto,
ac tuto, non humili, aut humido, sed
a dextro latere summi Altaris, in mu-
ro, aut in ipso Altari in capsula argen-
tea, vel ad minus (si ex alia materia)
deaurata: cujus claves penes se ser-
vet solus pastor; & subsidiarius Sa-
cellanus.

CAPUT VI.

Sit etiam ad manum alia decens
& inaurata capsula, deferendo Sacra-
mento ad infirmos commoda, in ea-
que semper sufficientes Hostiæ: quæ
ne corrumpantur, & ut singulis quin-
denis mutentur, serio, & de his ratio-
nem redditurus, advigilet Pastor.

CAPUT VII.

Ante Venerabile Sacramentum
lampas ardeat, saltem tempore Divini
Officii, ubi fundatio minus sufficiens:
alias semper, ubi fabricæ abunde pro-
visum.

CAPUT VIII.

Vascula Sacrorum Oleorum non
sint ex cupro, sed ex argento vel stan-
no; reponanturque alio decenti loco,
etiam clauso, & non cum Venerabili
Sacramento.

CAPUT IX.

Virgulæ etiam, quarum in ungen-
dis baptizandis & infirmis usus est, sint
ex argento, non autem ex ligno, ut

pluribus in locis cum irreverentia fieri
consuevit.

CAPUT X.

Volumus præterea, ne deinceps
in tremendo illo Missæ Sacrificio alius
sit usus calicū, quam argenteorum,
aut saltem cuppa sit argentea: interdi-
centes omnino Pastoribus & Sacel-
lanis, post tres menses proximos, usum
stanneorum, sub poena arbitraria.

CAPUT XI.

Usum item Aliarum portatiliū
vel lignearum in nostra Diocesi non
ulterius permitimus, quam ad Fe-
stum Sancti Joannis proximum inclu-
sive.

CAPUT XII.

Promovebunt interim Pastores suo-
rum restaurationem altarium, utque
iis lapis integer imponatur, offeren-
tes semper operam nostram ad eorum
consecrationem; quæ consecrata, ser-
ventur munda & decenter ornata.

CAPUT XIII.

Et quoniam magnam passim irre-
verentiam & indecentiam vidimus, sor-
des nimirum avium, maximeque bu-
bonum, non in pavimentis Ecclesia-
rum solum, sed & in ipsis altaribus;
mandamus Pastoribus omnibus & Ma-
gistris fabricæ, quamprimum earum
in Ecclesiam ingressum occludant, &
singula altaria asteribus superne, testu-
dinis & forniois instar muniant: sub
gravi poena per negligentem hujus no-
stræ ordinationis incurrenda, & via
juris infingenda.

CAPUT XIV.

Reliquias Sacras nemo pastorum
in Ecclesiam suam admittat, nisi prius
a Nobis examinatas & approbatas.

CAPUT XV.

Imagines etiam in Ecclesiis suis nul-
las inhonestas aut scandalosas expo-
nant; neque deinceps ullas exponen-
das accipiant, nisi a Decano ejus di-
strictus admittas: amovebunt autem
eas quam primum, si quæ tales essent.

CAPUT XVI.

Imagines item vetustate consum-
ptas, aut carie exelas; auferri cura-
bunt,

bunt, cum nec ornatum Ecclesiis, nec populo devotionem afferant: quæ vero hæreticorum malitia & rabie mutilatæ aut læsæ sunt, ad tollendam irreverentiam decenter restaurentur.

CAPUT XVII.

Epitaphia nulla ponantur, nisi examinata & approbata; nec unquam, cuiuscumque demum sint, in eo loco, ubi tabernaculum Venerabilis Sacramenti poni consuevit.

CAPUT XVIII.

Sedes confessionales cum cancellis ex utroque latere fieri curent pastores, ponanturque loco decenti, honesto, secreto, omnibus tandem conspicuo.

CAPUT XIX.

Cumque jam DEI imprimis benignitate & misericordia, Serenissimorumque Archiducum Principum nostrorum vigilantia & industria, a belli calamitatibus & miseriis liberati, seriam domus Dei restorationem meditemur: omnes & singulos, tam Ecclesiasticos, quam sæculares, in Domino monemus, ne ulterius differant opus, Deo inprimis, Principibusque nostris gratissimum, ac populo omnino necessarium; sed serio in Ecclesiarum & Altarium restorationem incumbant.

CAPUT XX.

Cæmeteriorum, cum sint loca benedicta, in quibus Christi fideles in spem Resurrectionis quiescant, merito magna ratio habenda est. Volumus itaque, ea muris, fossis, aut sepibus, ita concludantur, ut equis, vaccis, porcis, aliisque similibus animalibus nullus ad ea pateat ingressus.

CAPUT XXI.

Herba, quæ in cæmeteriis crescit, divendatur, & metatur in commodum Ecclesiæ: neque in cæmeteriis, tempore Dedicationis, ullæ merces venales exponantur, aut tripudia fiant; nihilque omnino, quod sanctitati & immunitati loci repugnet.

CAPUT XXII.

In Missæ Sacrificio non minus, quam duæ candelæ cereæ & decentis

formæ accendantur, etiamsi sebaceæ plures accensæ fuerint.

CAPUT XXIII.

Pro Majestate vero & reverentia tanti Mysterii, ad quod etiam Angeli contremiscunt, caveat Celebrans, ut & qui illi ministrant, ne unquam in altari pileum, biretum, chirothecas, chlamydes, claves, aliaque huiusmodi reponant, aut altari (quod multo est indecentius) toto corpore aut brachiis innitantur.

CAPUT XXIV.

Diaconus autem, & Subdiaconus durante Sacrificio, cui assistunt, minime chirothecas aut flores manibus tractent; sed Rosarium aut libellum precum.

CAPUT XXV.

Cumque in Concilio Provinciali cautum sit, ut Ordinarii in singulis Decanatibus deputent aliquot peritos cæremoniarum & rituum Ecclesiæ Romanæ, qui recenter ordinatos Sacerdotes in Missæ celebratione, aliisque ritibus instruunt: volumus, ut singuli Archipresbyteri prævia communicatione nobiscum super hac re habita, quamprimum in suo districtu, & nostro nomine, duos designent, quos ad hoc judicaverint magis idoneos; & in locum defunctorum semper alios statim substituant.

CAPUT XXVI.

Proinde inhibemus omnibus Pastoribus nostris, & Superioribus Monasteriorum, ne alicui in Ecclesiis suis Primitias celebrare permittant, qui de hac instructione per unum e prædictis facta scripto non doceat.

CAPUT XXVII.

Ante Missam matutinalem, vel Laudes, quæ aliquando fiunt de Venerabili Sacramento, Pastores omnes per se, vel per suos Sacellanos benedicant aquam, juxta priora Statuta Synodalia, quod iterum serio mandamus: & tanta copia infundatur in vasa ad hoc parata, ut populo per septimanam sufficiat.

CAPUT XXVIII.

Quæ benedictio aquæ Dominicis diebus nunquam omitatur.

CAPUT XXIX.

Summa Missa, & Concio, eadem hora fiant in omnibus Ecclesiis.

CAPUT XXX.

Vesperæ canantur singulis diebus Dominicis & Festivis hora secunda pomeridiana; in Quadragesima vero, quando post Missam cantatæ fuerunt, Completorium cum laudibus consuetis eadem hora secunda cantetur.

TITULUS VI.

De Festis, Jejuniis, & Processionibus.

CAPUT I.

Cum magnus passim sit neglectus dierum Festorum, & intolerabiles sint insolentia, excessus & irreverentia, quæ his diebus committuntur, provocentque in nos Dei iram, qui Christianos iis diebus abuti videt, quos in Divinas Laudes, iram Dei avertendam, & peccatorum veniam impetrandam ab Ecclesia institutos, diligentissime impendere debuissent: volumus, quinimo huic malo occurrere cupientes, in virtute obedientia mandamus omnibus & singulis Pastoribus nostris, tam magnum abusum sæpe & graviter in concionibus suis reprehendant, & quantum in se est, impendant: Promotoribus vero nostris, diligenter advigilent, & hujusmodi violatores & contemptores pro meritis puniri curent. Baillivos etiam, Magistratus, cæterosque Officiarios urbium & locorum vehementer hortamur, ut juxta Edictum Serenissimorum Archi-Ducum Principum nostrorum huic etiam malo sua auctoritate mederi, omnibus modis annituntur; præsertim, ne tempore Summi Sacri, Concionis, & Vesperarum deambulationes in foro & locis publicis, computationes in tabernis, lusus in sphæristeris vel plateis, venditiones carniū in macellis, similesque excessus committantur.

CAPUT II.

Subhastationes & auctiones publicas fieri diebus Dominicis & Festivis, prohibemus omnino.

CAPUT III.

Pastores omnes per se singulis diebus Dominicis cum gravitate & præmeditatione denuntiabunt populo jejunia & festa, quæ in sequentem septimanam incident, monebuntque de eorum accurata observantia, & obligatione ad peccatum mortale.

CAPUT IV.

Prævidebunt autem diligenter Rubricas Missalis, Breviarii Romani, Concilium Provinciale, Synodum Dicecesanam, eaque omnia, quæ super iis per Nos, aut Prædecessores nostros, pia memoria, statuta esse possent, ne quid male denuntient; prout hic & alibi aliquando factum, cum auditorum offensione, confusione & scandalo: alias graviter puniendi in exemplum aliorum.

CAPUT V.

In processionibus cum passim magni abusus, insolentia & irreverentia committantur, monemus pastores, iis tempestive occurrant: qui si non audiantur, quoniam de ejusmodi respondere debent, potius domum se recipiant, neque processiones servant.

CAPUT VI.

Processiones, quæ fiunt cum Venerabili Sacramento, sint modestæ: & Celebrans Sacramentum cum reverentia pedes gesserit, non in curru, aut rheda.

CAPUT VII.

Et quia contingit interdum, uno in loco ex diversis Ecclesiis duas processiones institui eodem die; deinceps ad vitandam confusionem, rationem iniri volumus, ut alterutra transferatur: in quo, si dissentiant partes, auctoritatem nostram interponendam offerimus.

TITULUS VII.

De Sepulturis, Officiis Defunctorum, & Funerilibus.

CAPUT I.

Corpora fidelium Defunctorum ex domibus mortuariis per plateas in

in templum seu sepulturæ locum non deferantur, nisi Cruce præcedente, & uno ad minus Sacerdote ac Custode.

CAPUT II.

Quod pro omnibus etiam pauperibus & mendicis observari volumus: & saltem Missa legatur in refrigerium eorum animæ, ejus pitantiam solvat mensa pauperum, si vere pauperes fuerint.

CAPUT III.

Si autem in Xenodochiis mortui sint, antequam illinc efferantur, dicatur Missa in Sacerdotis loci, deinde præcedente Capellano & Cruce, funus ad cimiterium deferatur.

CAPUT IV.

Omnes sepulturæ commode fient ante meridiem; & si Exequiæ non celebrentur, funus semper in Ecclesiam deferatur, ut ante sepulturam, super eo Missa dicatur.

CAPUT V.

Officium Exequiarum & Anniversariorum non celebretur die Dominico & Festivo; sed in proxime sequentem feriam transferatur: sepultura tamen, si necessitas postulaverit, fiat cum Missa lecta, Exequiis in alium diem delatis.

CAPUT VI.

Ad Sepulturam nequaquam admittendi usurarii notorii, nisi per testamentum usuras restitui mandaverint, cum sufficienti cautione de executione suæ voluntatis, juxta Constitutionem GREGORII X., & sub penis Canonum,

CAPUT VII.

Abrogamus irreligiosam & irracionabilem consuetudinem, quibusdam in locis introductam, qua occisorum Exequiæ differuntur, donec inter homicidam & occisi hæredes transactum sit; easque, aliarum more, quamprimum persolvi mandamus.

CAPUT VIII.

Cumque præ manibus habeamus taxam certam constituendi omnium jûrium Parochialium & funeralium, ut excessus omnes & abusus, qui passim

Tomus VIII. Concilior. German.

committuntur, e medio tollantur, & commendabilis illa uniformitas introducatur & servetur; mandamus & volumus, eam taxam ab omnibus ad amissim observari; sin minus, ad restitutionem acceptorum cogantur, & graviter præterea puniantur.

TITULUS VIII.

De Sacramentorum administratione.

CAPUT I.

Cum omnia illa, quæ ad Sacramentorum administrationem pertinent, tam accurate, exacte, & dilucide in Sacrosancto Concilio Tridentino, Catechismo ad Parochos, Concilio Provinciali, & Statutis Synodalibus explicentur, ut supervacaneum sit eadem hic repetere vel aliqua iis adjicere, ad ea Pastores nostros, aliosque, quorum interest, remittentes, commendamus tantum eorum diligentem lectionem, ut memoriæ mandent, illique se, etiam in minimis, semper in administratione Sacramentorum conforment.

CAPUT II.

Quod ut commodius fiat, & ne ullam eorum ignorantiam prætendant; volumus, ut deinceps omnes, quibus animarum cura commissa est, præter alios libros necessarios, habeant penes se Concilium Tridentinum, illiusque Catechismum ad Parochos, Decreta Concilii Provincialis, & nostra hæc Diocesana, ut & ea, quæ nostris Prædecessoribus edita sunt.

CAPUT III.

Quos omnes an habeant & legant, tenebuntur in suis visitationibus inquire Decani.

CAPUT IV.

Ut autem in administratione Sacramentorum servetur uniformitas, uteretur in posterum omnes, quibus eorum administratio credita est, novo Manuali Reverendissimi Domini PETRI SIMONIS Antecessoris nostri, piæ memoriæ.

CAPUT V.

Diligenter Pastores advigilent, ne quis suorum e vivis excedat non minus

K k k k k

nitus

nitus Ecclesiæ Sacramentis; proinde nunquam ita domo absint, quin prius domesticis significaverint, & statim ad manum esse possint. Si vero diutius abesse cogantur, alium suo loco substituent: alioqui si quis eorum negligentia sine Baptismo, Sacro Viatico, aut Extrema Unctione e vivis excesserit, ad mensam integrum a Sacramentorum administratione suspendatur, aut arbitrio Iudicis graviter puniatur.

TITULUS IX.

De Sacramento Baptismi.

CAPUT I.

Quia veremur subinde committi per aliquot Pastores, tales defectus in administratione Sacramenti Baptismi, ut nonnullis forte scrupulus injici possit, num constet vere Baptismus; monemus eos serio, ut & alios omnes, qui eorum vices subeunt, etiam in minimis sequantur Manuale novum, serventque accurate formam & ritum in eo præscriptum.

CAPUT II.

Cumque plures sint pastores, qui negligentem curam habeant aquæ & fontis Baptismalis; registrum item baptizatorum servent incorrectum, aut suis Custodibus, sæpe rudibus, ignavis, & negligentibus committant; caveant sibi deinceps, & fontes Baptismales sub clausura nitidos & mundos habeant.

CAPUT III.

Registrum vero baptizatorum penes se servent; & si rudiores in scriptura, aliena manu & correctâ utantur; alias delinquentes gravissime puniendi.

CAPUT IV.

Si quando fons Baptismalis munda-
dus sit, ejus aqua in piscinam infundatur, juxta præscriptum Concilii Provincialis.

CAPUT V.

Pueri expositi, sive sal iis appositum fuerit, sive non, semper sub conditione baptizandi.

CAPUT VI.

Cum quis procuratorio nomine prolem e Sacro Fonte suscipit, non procu-

rador, sed ipse Principalis cognationem contrahit: quò casu utriusque nomen tam procuratoris, quam mandantis, registro inscribendum est hoc modo: *N. nomine, vel, commissione N.*

CAPUT VII.

In Baptismo, qui in necessitate domi fit, cognatio contrahitur ab eo, qui tum assistit, non autem ab eo, qui ceremoniis postea in Ecclesia adhibitis: eoque casu utriusque nomen in registro scribatur: *N. Susceptor in Baptismo, Et N. Susceptor in Catechismo.*

CAPUT VIII.

In Patrimos non admittantur hæretici, notorie excommunicati, usurarii publici, infames, minores duodecim annis, & qui inopes mentis nullam habent noticiam ejus fideiussionis, ad quam se obligant: quod etiam servetur in mulieribus & matris.

CAPUT IX.

Monachis quoque, Religiosis, etiam in dignitate Abbatiali, vel alia constitutis, per Sacros Canones prohibetur, aliquem e Sacro Fonte suscipere: quod neque per procuratorem fieri volumus.

CAPUT X.

Infantes sine Baptismo mortui, sepeliuntur non in sacro loco, sed alio extra septa cimiterii, vicino tamen & honesto: cum autem (quod funestum est) contingeret foetum utero matris adhuc inclusum, simul cum ea extingui, cum eadem sepeliatur, neque ex ea eximatur: si tamen id factum fuerit, separatim loco non sacro condatur.

CAPUT XI.

Pastores diligenter instruant obstetrices, quibus in casibus, qua verborum forma, & quæ materia illis baptizare liceat; nullasque admittant, nisi sic prius instructas, exhibitio suæ vitæ & fidei testimonio: ac post juramentum coram Magistratu præstitum, denuntiandi (juxta Edictum Regium) quot & quæ proles in singulis Parochiis noverint baptizandas; alias rejiciantur, & cum infantibus baptizandis ab Ecclesia arceantur.

TITULUS X.

De Sacramento Confirmationis.

CAPUT I.

Instruant populum in omni occasione Pastores de vi & efficacia hujus Sacramenti; moneantque, nullos in posterum ad hoc admittendos, si majores sint & doli capaces, nisi prævia confessione, neque minores septennio, nisi Nobis ex causâ rationabili contrarium expedire videatur.

CAPUT II.

Nemo autem præsumat hoc Sacramentum suscipere, aut assistere confirmando, nisi probe instructus in fundamentis Fidei.

CAPUT III.

Quicumque etiam non fuerit confirmatus, non admittatur, ut sit aliorum Patrinus, neque ad primam tonsuram.

TITULUS XI.

De Sacramento Pœnitentiæ.

CAPUT I.

Confessiones excipere in nostra Diœcesi nemo præsumat, nisi cum facultate, eaque in scriptis, sub gravi pœna.

CAPUT II.

Revocamus etiam omnes licentias absolvendi a casibus Ordinario reservatis, datas ab Antecessore nostro, bonæ memoriæ; nullusque ab iis quemquam absolvat, sine nostra facultate in scriptis obtenta.

CAPUT III.

Eam vero, si alicui concedimus, non extendimus ad absolutionem ab hæresi.

CAPUT IV.

Confessarii semper penes se habeant in scriptis omnes casus Summo Pontifici & Ordinario loci reservatos, ne per ignorantiam aut incuriam plus sibi facultatis assumant.

CAPUT V.

Reservamus autem Nobis, primo de jure, & ex Decreto Concilii Tridentini, omnes Casus, quibus annexa est excommunicatio major; Sodomiam de-

Tomus VIII. Concilior. German.

inde cum aliis ejusdem generis etiam gravioribus, hæresim, apostasiam, raptum virginum, homicidium voluntarium, incendium voluntate deliberata procuratum, fornicationem sacrilegam cum Sanctimonialibus, incestum cum consanguineis & affinibus in primo aut secundo gradu, adulterium publicum, injectionem violentam manuum in parentes, & sortilegium.

CAPUT VI.

Nemo confessiones excipiat in tenebris, sed cum sufficienti lumine.

TITULUS XII.

De Sacramento Eucharistiæ.

CAPUT I.

Si quando Sanctissimum Eucharistiæ Sacramentum ad infirmos deferendum erit, Pastores monebunt vicinos, ut comitentur cum tædis, idque pulsû campanulæ populo significabunt: iis vero, qui ex pio charitatis affectu Venerabile Sacramentum comitabuntur, præter Indulgentias a Summis Pontificibus concessas, quadraginta alios dies Indulgentiarum concedimus: aliis autem, qui impediti, domi oraverint pro salute ægroti, viginti etiam dies elargimur.

CAPUT II.

Mandamus etiam Pastoribus, ne aliter, quam superpelliceo & stola induti, præeunte Custode cum superpelliceo, nola & lumine, Venerabile Sacramentum deinceps ad infirmos deferant.

CAPUT III.

Inter eundum vero & redeundum nullibi hæreant, nisi apud infirmum.

CAPUT IV.

Ad Sacramenta Eucharistiæ & Matrimonii, sine nostra venia ne admittantur, qui ita rudes, ut Orationem Dominicam, Salutationem Angelicam, Symbolum Apostolorum, Præcepta Decalogi & Ecclesiæ, prorsus ignorent, aut Confirmationis Sacramentum non acceperint.

TITULUS XIII.

De Sacramento Extræe Unctionis.

CAPUT I.

Oleum infirmorum ad ægros quoties deferendum est, Pastor induatur superpelliceo & stola, præcedente Custode cum superpelliceo & lumine.

CAPUT II.

Infirmitas si inter unctiones expiraret, non progrediatur Pastor.

CAPUT III.

In dubio vero an mortuus omnino, an adhuc vivus, utatur condicionali hac forma: *Si es vivus, per istam Unctionem &c.*

CAPUT IV.

Omnibus etiam Christi fidelibus, qui Sacrum Oleum, cum ad ægros deferretur, comitati fuerint, eundo decem, & redeundo totidem dies Indulgentiarum in Domino concedimus & elargimur: iis vero, qui id de nocte fecerint, viginti eundo, & totidem redeundo impartimur; quibus etiam hujus Sacramenti, sicut & Eucharistiæ Ministros, gaudere declaramus.

TITULUS XIV.

De Sacramento Ordinis.

CAPUT I.

Promovendi deinceps ad Ordines majores, de proclamationibus factis ad singulos Ordines doceant in scriptis, & tempori eas fieri curent: alias sciant se non admittendos.

CAPUT II.

Nemo admittatur ad Primitias celebrandas (propter fraudes, quæ committi possunt) nisi Superiori ejus Ecclesiæ suscepti Sacerdotii literas exhibeat.

CAPUT III.

Et quemadmodum sæcularis Clericis, ad Sacros Ordines promovendus, fidem facere debet, de sua provisione sufficienti, tituli nimirum Beneficialis, sive Patrimonialis; jurare etiam, se illum bona fide possidere, nec alienaturum aut resignaturum sine scitu &

consensu Ordinarii, & quando de alio sufficienti sibi prospectum fuerit: ita quoque Regularis fidem faciat literis sui Superioris, se Religionis, in quam admissus est, professionem emisisse; & ulterius juramento asserat, se eandem proprio motu fecisse, eamque se modo ratam habere. Quæ omnia Registro Ordinatorum inscribantur.

TITULUS XV.

De Sponsalibus & Matrimonio.

CAPUT I.

Pastores exacte sciant communiora Matrimonii impedimenta, tam ea, quæ impediunt contrahendum, quam quæ dirimunt contractum: qualia sunt, Consanguinitas usque ad quartum gradum inclusive: affinitas orta ex legitimo Matrimonio usque ad similem gradum etiam inclusive: affinitas orta ex fornicatione usque ad secundum gradum inclusive: cognatio spiritualis per Baptismi aut Confirmationis Sacramentum contracta: Ordo Sacer: omne votum castitatis: impotentia: valida promissiones Matrimoniales: Justitia publicæ honestatis, ex validis Sponsalibus proveniens, quoad primum gradum tantum.

CAPUT II.

Si itaque taliter impeditos conjuxerint, graviter punientur: graviusque si præciverint impedimenta subesse.

CAPUT III.

Cum vero continget impedimentum aliquod denuntiari, aut oppositionem aliquam fieri Matrimonio, desponsorum, vel tantum sit rumor publicus, subesse aliquod impedimentum; etiam si nulla fiat oppositio, inhibemus Pastoribus nostris, ne ad ultteriores proclamationes, multo minus ad Matrimonii solemnizationem procedant, priusquam causa ad Nos, aut Officialem nostrum delata, quid agendum sit, decernatur: cum similibus casuum judicium Nobis, aut Officiali nostro referemus.

CAPUT IV.

Quando ex causa dispensatum fuerit super una proclamatione trium ban-

bannorum: prohibemus Matrimonium solemnizari eo die, quo posterior reliquarum duarum facta sit: idemque servetur, si unica tantum facta esset, & super duabus a Nobis ex causa dispensatum fuisset.

CAPUT V.

Proclamationes ordinarie fiant in Parochia Sponsi & Sponsæ, ubi contrahunt Matrimonium degunt: si tamen ad illas recenter advenerint, fiant & in iis etiam, unde venerunt, & ubi magis innotuerunt: ut sic facilius impedimenta, si quæ sint, detegantur.

CAPUT VI.

Prohibemus etiam, ne aliqua proclamatio fiat die feriali, etiam si eo tempore caneretur Missa de Venerabili Sacramento.

CAPUT VII.

Publicabunt insuper Pastores in omnibus Ecclesiis Parochialibus Decretum Sacrosancti Concilii Tridentini, quod irritat & annullat Matrimonia, quæ aliter, quam præsentem Parocho proprio, vel alio Sacerdote, de ipsius Parocho, seu Ordinarii licentia, duobus item vel tribus testibus contrahuntur.

CAPUT VIII.

Præterea Matrimonium nullum esse, etiam si contrahatur coram Parocho loci, sed neutrius contrahentium.

CAPUT IX.

Nolumus etiam sine speciali dispensatione nostra, alio loco, quam in Ecclesia (quæ proprie Sacramentorum locus est) & infra Missarum solemnia, Matrimonia celebrari.

CAPUT X.

Qui quarto simul & quinto consanguinitatis vel affinitatis gradu juncti sunt, libere inter se sine aliqua dispensatione Matrimonium contrahant.

CAPUT XI.

Pastores denunciabunt excommunicatos esse, qui ligaturis aut quibuscumque aliis maleficiis Matrimonii actum inter conjuges impedire conantur; eosque etiam ex nunc, prout ex tunc excommunicatos declaramus;

cujus peccati, & excommunicationis nostræ, absolutionem Nobis reservamus.

CAPUT XII.

Habeant Pastores omnes Registrum, in quo omnium contrahentium & testium nomina & cognomina inscribantur, cum anno, die, & loco: quod serio & sub gravi poena mandamus.

TITULUS XVI.

De Episcopali Sede vacante.

CAPUT I.

Vacante per mortem Episcopi Sede, Capitulum Cathedrale infra octo dies, juxta præscriptum Sacrosancti Concilii Tridentini, Vicarium Generalem constituet, qui semel a Capitulo electus, sine justa & rationabili causa destitui nequaquam potest.

CAPUT II.

Poterit tamen Capitulum eidem unum, aut alterum adjungere, quorum consilio in omnibus utatur.

CAPUT III.

Si quaestio oriatur illius occasione inter Dominos de Capitulo, & plures ad hoc officium electi fuerint, præferretur, juxta declarationem Sacrae Congregationis magis idoneus: & si dubitetur quis magis idoneus, censetur electus, qui a majore parte Capituli electus & designatus fuerit.

CAPUT IV.

Deputentur etiam statim a Capitulo unus aut plures Oeconomi, qui similiter, ut & alii Officarii omnes, non amoveantur sine justa & rationabili causa.

CAPUT V.

Ubi autem Vicarium, vel alios Officiarios abesse contigerit, substitutorum electio ad Vicarium Generalem, non autem ad Capitulum pertinet.

CAPUT VI.

Nulla Beneficia ad Collationem Episcopi spectantia, per Vicarium aut Capitulum conferantur; sed Successori servantur; poterunt tamen constituere idoneos, qui iis deserviant.

CAPUT VII.

Oeconomus de omnibus & singulis fructibus & proventibus dotis mensæ Episcopalis, qui defuncto non competunt, Successori rationem reddere teneantur: nec quidquam in contrarium facit Statutum Capituli, quod & numquam practicum, & Nos, Successoresque nostros minime obligare potest: eoque minus, quod nec Sedis Apostolicæ, nec Principum confirmatio accesserit.

TITULUS XVII.

De vita & honestate Clericorum.

CAPUT I.

Cum nihil ita Sæculares ad pietatem & Dei cultum excitet, quam probitas & exemplaris vita Clericorum, statui & professioni respondens: quippe quos sciunt ordine & dignitate alios præcellere, videant etiam moribus præcedere & præluere: omnibus, qui in sortem Domini vocati sunt, quique ejus Ecclesiæ ministerio dedicati, nihil adeo curæ sit, quam vitam moresque suos ita componere & corrigere, ut habitu, gestu, sermone, cunctis exemplo serviant, & ædificationem adferant.

CAPUT II.

Quæ reformatio, si unquam alias, jam maxime necessaria est: proinde Clericis omnibus serio mandamus, ut iis, quæ super hac re in Concilio Tridentino, Concilio provinciali, & superioribus Decretis Synodalibus pie constituta sunt, se per omnia studeant conformare.

CAPUT III.

Curentque inprimis omnes, ut per extrinseci habitus & vestium decentiam, animorum honestas intrinseca, maturitas ac gravitas singulorum Ordini conveniens respondeat. Ad eos autem magis promovendos & inducendos, ipsa Sacri Concilii Tridentini verba putavimus hic inferenda, *Cap. 6. de Reform. Sess. 14.* "Quia vero et si habitus non facit Monachum, oportet tamen Clericos vestes proprio congruentes Ordini semper deferre, ut per decentiam habitus extrinseci, morum honestatem intrinsecam ostendant: tanta autem hodie aliquorum inolevit temeritas, Religionisque contemptus, ut propriam dignitatem & honorem Clericalem parvipendentes, vestes etiam deferant, publice laicales, pedes in diversis ponentes; unum in Divinis, alterum in carnalibus: propter ea omnes Ecclesiasticæ personæ, quantumcumque exemptæ, quæ aut in Sacris fuerint, aut Dignitates, personatus, Officia, aut Beneficia qualicumque Ecclesiastica obtinuerint, si postquam ab Episcopo suo, etiam per edictum publicum, moniti fuerint, habitum honestum Clericalem, illorum Ordini, & dignitati congruentem, & juxta ipsius Episcopi ordinationem & mandatum non detulerint, per suspensionem ab Ordinibus, ac officio, & beneficio, ac fructibus, redditibus, & proventibus ipsorum beneficiorum; nec non, si semel correpti, denuo in hoc deliquerint, etiam per privationem officiorum & beneficiorum hujusmodi coerceri possint, & debeant: secundum Constitutionem CLEMENTIS V. in Concilio Viennensi editam, quæ incipit: *Quoniam innovando & ampliando.*

CAPUT IV.

Cui Constitutioni Nos inhærentes præcipimus & ordinamus, ut omnes Sacris Ordinibus initiati, in Civitatibus suarum residentiarum incedant semper induti toga talari; sotana vero seu pallium interius, si ejusdem non sit longitudinis, ad mediam usque tibiam tamen dependeat: Quod licet itineris causa brevius esse possit, infra genua tamen semper desuât, & chlamyde exterius tegatur.

CAPUT V.

Tali etiam pallio, aut promissione, Pastores rurales semper utantur; & omnes passim a vestibus brevioribus abstineant.

CAPUT VI.

Qui in Civitatibus commorantur, & Sacerdotes rurales, quando domi sunt, ex præscripto Concilii provincialis, Clericale Biretum, quod est Ecclesiasticorum hominum proprium, &

ad

ad crucis formam confectum, semper in capite habeant: galerum vero non adhibeant, nisi rarissime, & ob causas ibidem expressas: sitque ejus formæ, & distinctus a Sæcularibus, qui Ecclesiasticum deceat.

CAPUT VII.

Et quoniam teste Ecclesiastico C. 33. Multam malitiam docuit otiositas, nec illa quidquam perniciosius vitæ Clericorum nominari potest: quicumque Ecclesiæ ministerio nomen dederint, serio cogitent & expendant, se non ad ignaviam, desidiam, aut inersotium, sed ad salutares Ecclesiasticæ militiæ labores subeundos esse vocatos. Quare si a pensio & officio præstito, ad quod primario obligantur, aliquod temporis superfuerit, illud non otio, vaniloquio, inutilibus actionibus, lusu, aut poculis; sed piis, sanctis, honestisque exercitiis aut studiis impendant; memores monitionis Divi Hieronymi: *Amata studia literarum, & carnis vitia non amabis.*

CAPUT VIII.

Omnes Clerici beneficiati, & qui ad Ecclesiæ ministerium se parant, Sacram Eucharistiam sæpius sumant.

CAPUT IX.

Decet etiam maxime, ut Diaconi & Subdiaconi diebus saltem Dominicis & solemnioribus, quando Altari ministrant, Sacram Communionem percipiant.

CAPUT X.

Sacerdotes vero omnibus, saltem diebus Dominicis, Festisque solemnibus, Sacrosanctum Missæ Sacrificium Deo pro suis & populi peccatis offerant; alias tanti ramque pretiosi talenti sibi crediti severissimo Judici, & magno suo malo, exactissimam rationem reddituri.

CAPUT XI.

Quod ipsum minus omittant Sacerdotes Canonici, qui etiam ex Christi patrimonio, & fidelium eleemosynis sustentantur.

CAPUT XII.

Cumque ut omni ratione scandalis occurratur, auferaturque hoc cor-

ruptissimo sæculo omnis Cleri sugillandi occasio, abstinendum non est tantum a malo, sed ab omni specie mali: quisque sibi caveat, non solum ab ipso crimine incontinentiæ, quod Ordinem Ecclesiasticum adeo vilem & contemptibilem facit; verum ab omni ejus etiam minima suspicione. Parati itaque sint omnes, si ratione suarum ancillarum, aut mulierum aliarum, apud populum oblique audiant, easdem statim ad primam nostram aut Capituli sui monitionem a se ablegare, aut earum familiaritatem vitare: alias, si primo non obdierint, graviter multandi; & si ulterius perseverent, arbitrari poena pro meritis puniendi.

CAPUT XIII.

Tabernas vero, tamquam malorum multorum occasiones & fontes, non modo omnibus Clericis prohibemus; sed serio injungimus Promotoribus nostris, si quos Canonicos, Sacerdotes, Religiosos, Pastores, Sacellanos, aliosque Ecclesiæ Ministros, easdem frequentare aut ingredi (excepta sola itineris causa) deprehenderint, eos coram Officiali nostro evocari quam primum faciant; cui mandamus, primum per multas pecuniarias, deinde etiam per carceres ad meliora tales compellat.

CAPUT XIV.

E cellis vinariis Capituli vel Cleri nullum lucrum quæzatur: quod tamen si deductis oneribus accesserit, in pios usus convertatur.

CAPUT XV.

Eæ autem pia intentione admittæ, ne serviant pro tabernis Canonicorum aut subditorum Capituli, & minus extraneorum.

TITULUS XVIII.

De Canonicis, Archi-Presbyteris, seu Decanis ruralibus, Pastoribus, Custodibus, eorumque Officiis.

CAPUT I.

In primis cum dignitates in Ecclesiis, præsertim Cathedralibus, ad augendam

gendam conservandamque Ecclesiasticam disciplinam instituta sint; quique eas obtinent, pietate ceteros præcellere, exemplo esse, & Episcopos suos omni opera & officio juvare teneantur: merito, qui ad eas vocabuntur, aut ad Canonicatus Ecclesiæ Cathedralis assumentur, tales esse debent, eaque morum integritate, ut reliquis in Clero exemplo servire, & merito Ecclesiæ Senatus dici possint.

CAPUT II.

Archi-Presbyteri continue advigilent, præterquam in populum, etiam in Pastores, Sacellanos, Custodes, Ludimagistros, aliosque Ecclesiarum districtus sui Ministros.

CAPUT III.

Defectus vel excessus cum deprehendunt, eos statim Nobis, aut Officiali nostro denuntient.

CAPUT IV.

Ad Pastoratium etiam possessio- nem neminem inducant aut admittant, nisi excepta prius ab iis Fidei professione, & juramento, a Concilio Provinciali hoc Titulo præscripto, idque in præsentia duorum testium, cum nota omnium in suis registris.

CAPUT V.

Nullus deinceps percipiat fructus Beneficii sui, qui non antea ab Archi-Presbytero in possessionem introductus, juraverit, ante sex menses proximos exhibere eidem exactum registrum omnium fructuum sui beneficii, cum debita specificatione hypotheacarum, limitum & terminorum: ejusque notam servabit in suo registro Archi-presbyter, & copiam authenticam omnium ad Nos mittet.

CAPUT VI.

Decani vero Christianitatis, qui in suo quisque districtu sub Episcopo sunt Pastores Pastorum, & Ecclesiasticarum personarum Episcopo subjectarum, nec non observatores populi, instituent singuli in districtu sive Decanatu suo, post Dominicam in Albis, visitationem, quam infra quatuor septimanas proxime sequentes non solum

absolvent, sed acta etiam illius ad Nos quamprimum transmittent.

CAPUT VII.

Cumque plurima mala & scandala oriantur in Ecclesia Dei ex mala & inhonesta vita Pastorum, aliorumque Ministrorum Ecclesiæ, juxta monitionem Apostoli 2. Cor. 6. *Nemini dantes ullam offensionem, ut non vituperetur ministerium nostrum*; statimimus in posterum nullos tolerare, qui ita vivunt, vel male audiunt, ut populo potius sint scandalo & offensioni, quam ædificationi.

CAPUT VIII.

Multo tamen minus ferendi sunt, qui vel ob sordidum quæstum cum hærenicis connivere, componere, transigere, vel alia ratione eosdem in sua malitia & hæresi fovere præsumperint.

CAPUT IX.

Ut etiam, qui super subditorum excessibus component.

CAPUT X.

Approbantes, & laudantes Caput X. Tituli VII. veterum Statutorum Synodaliū, quo Decanis Christianitatis decernitur, & adjudicatur optimum pignus, quod in domibus mortuariis Pastorum deprehensum fuerit; præsentī Statuto declaramus, hoc ipsum etiam ad domos mortuarias Pastorum Religiosorum, cujuscumque demum sint Regulæ vel Ordinis, per omnia extendendum. Decani enim & viventibus & morientibus omnibus Pastoribus ex æquo invigilant.

CAPUT XI.

Mandamus insuper omnibus Pastoribus, ut secundum universalis Ecclesiæ ordinationem servant Tempus Paschale ad communicandum, a Dominica Palmarum usque ad Dominicam in Albis inclusive: neque cum ullo Parochianorum, nisi iusta ex causa, dispensent.

CAPUT XII.

Pastores deinceps, sine prævio nostro aut Decani ruralis consensu, in scriptis obtento, neque Sacellanum, neque Custodem assumere, aut ad Ecclesiam suam admittere præsumant.

CAPUT XIII.

Si qui vero ita admissi jam sint, & infra sex proximas septimanas se Nobis, aut Decanis non sistant, sciant se ex nunc ab omni officio suspensos, quoad præsentì ordinationi omnino satisfacere.

CAPUT XIV.

Custodes diligentes & assidui adsint Pastoribus, assistantque iis in omni officio Chori, & Horis Canonicis, Missa matutinali, votiva summa, Vesperis, Laudibus, omni administratione Sacramentorum, & omnibus officiis funeralibus; nec unquam se sine eorum venia absint.

CAPUT XV.

Tabernas autem inhabitare, frequentare, in iisdem expensas facere, & minus tabernarium agere, prorsus nolumus.

CAPUT XVI.

Cui nostro Mandato post publicationem qui obedire noluerint, statim amoveantur.

CAPUT XVII.

Ludos theatrales aut comedias neque profanas, neque sacras admittant Pastores, nisi a Nobis, aut Deputatis nostris de novo examinatas, & in scriptis admissas.

CAPUT XVIII.

Caveantque in eo dispensare, sive directe aut indirecte consensum aliquem præbere, sub pena indignationis nostræ; sed potius pro viribus se illis opponant: tum si nihil proficiant, totum negotium ad Nos deferant.

CAPUT XIX.

Baillivos etiam, Magistratus, aliosque iustitiæ Ministros & Officiarios serio monemus, ne facultatem alicui ejusmodi ludos exhibendi faciant; sed toto conatu rem adeo periculosam impediant.

CAPUT XX.

Pastores, qui augmentum dotis seu portionis canonicæ in cura sua fieri volunt, procurent inprimis, causam suam bene & clare instructam habeant, & tum Officialis, nostrumve Decretum conveniens expectent.

Tomus VIII. Concilior. German.

TITULUS XIX.

De Regularibus & Monialibus.

CAPUT I.

CUM in Ecclesia militante diversi sint & varii status hominum, omnes Domino Deo famulantium; nobiliores tamen ii sunt, & Deo gratiores, in quibus homines, præter diligentem observationem mandatorum (& quo arctius se illi conjungant, & similiores fiant) tria etiam Evangelica consilia, aliaque omnia ad majorem perfectionem tendentia media ultro amplectuntur. Ad quod sanctum vitæ Angelicæ in terris institutum (donum prorsus Divinum) promovendum, & conservandum, plurimi Sancti Summi-que Pontifices tum per Oecumenica, tum nationalia Concilia, aliaque opportuna remedia, plurimum semper elaborarunt. Sed ea fuit ab initio invidia adversarii nostri communis in hoc arctioris & sanctioris vitæ genus, ut illud oppugnare totis viribus & maxime hoc ultimo sæculo nunquam desierit; ut merito cum Propheta Iachrymando exclamare possimus, Cap. 4. *Quomodo obscuratum est aurum, mutatus est color optimus, dispersi sunt lapides Sanctuarii in capite omnium platearum?* Vere dispersi lapides, muri, structuræque integræ Monasteriorum: sed parum id esset, si non simul cum iis dispersi & fugati Monachi, Monachæque, disciplina ipsa laxata, soluta, & multis in locis lapsa foret. Hortatur quidem nos Sancta Synodus Tridentina Sess. 25. de *Reform. Regularium & Monialium*, serio in restorationem Monasticæ disciplinæ incumbamus, Regulares, Religiosos, Moniales, omnes denique officii sui exequendi admonens: sed ea nostra est negligentia & tepiditas, ut potius toti hactenus simus in muris & structuris reparandis, quam in propriis & antiquis moribus & legibus emendandis & reformandis.

Quapropter Abbates, Præpositi, Prælati, cæterique Monasteriorum Superiores, eam deinceps seriam curam & diligentiam adhibeant, ne in essentialibus & substantialibus vitæ monasticæ (qualia inprimis tria vota, vel si

LIIII

quæ

quæ alia, pro loco & ordine) vel minimam relaxationem aut remissionem admittant: sed potius ipsi primum forma gregis sui facti ex animo, & tanquam lucidissima specula omnes, quas suis instillare & infundere volunt virtutes & perfectiones, exemplo & factis ipsis expriment & præluceant.

CAPUT II.

Temporalium itaque administrandorum non prima cura sit; verum Divinum Officium primi ipsi frequentent; Missæ Sacrificium quotidie Deo offerant; humilitate cæteris emineant; charitatis officiis omnes superent; castitate & puritate omnibus præluceant. Denique etsi divitiæ adsint aut abundant, meminerint voti paupertatis, futuræ necessitatis & parsimonix, ac deinde, ut boni dispensatores, modestæ in mensa, vestitu, moribusque suis frugalitatis.

CAPUT III.

Aderunt etiam semper, quantum in se erit, in prandio & cena Religiosis suis, eorumque portionibus (ut omnis obloquii & murmurationis occasio tollatur) contenti maneant.

CAPUT IV.

Præscindant insuper omnem damnavilis proprietatis occasionem, si Religiosis suis aliquem idoneum præficiant, qui totus sit in eorum necessitatibus vestium, librorum, aliarumque rerum procurandis; quique de pecunia singulis mensibus in eum usum accepta, exactam sibi & fidelem rationem reddat.

CAPUT V.

Ad habitum autem induendum, nullum deinceps admittant, nisi cum consensu & consilio suorum, etiam absentium, & in Curis agentium; saltem sanioris partis.

CAPUT VI.

Ita admissi bene exerceantur in omnibus, quæ sunt Religionis; neque probationis anno durante, foras egredi permittantur.

CAPUT VII.

Antiquum habitum Ordinis vel Monasterii, quem multi ob turbas mutarant aut deposuerant, quam primum

omnes resumant; quem ne in itinere quidem existentes unquam dimittant. Poterunt tamen tum galerum, & superius honestum pallium adjicere.

CAPUT VIII.

Describantur etiam & designentur statim ubique septa Monasterii; (intra quæ Religiosi concludantur, nec iis egredi facile permittantur) ut cum amore & cultu solitudinis, Monachi nomen consonet: nec enim decet ea, quæ animo contempnimus, oculis auriusque repetere aut revivere.

CAPUT IX.

Quæ claustrum Religiosi negligentia cum plurima nostris temporibus scandala & mala, ex frequenti illa virorum & mulierum promiscua consuetudine, invexerit, prudenter Sancta Tridentina Synodus omnibus Episcopis, sub obtestatione Divini iudicii, & interminatione maledictionis æternæ, mandat & præcipit, ut Sanctimonialium claustrum inviolabiliter servari curent, & semel professæ, ne quidem ad breve tempus, Monasterio unquam egrediantur.

CAPUT X.

Proinde nullæ in posterum ad habitum admittantur, quin perfectam claustrum, Monasterio utcumque restituto & reparato, se servaturas promittant.

CAPUT XI.

Et omnes ante habitum & professionem sistant se Nobis, aut Vicario nostro examinandas, cujuscumque demum sint Monasterii, Ordinis, sive Religionis.

CAPUT XII.

Ut autem libertati Virginum novitiarum melius provideatur, Sacrum Concilium Tridentinum, integrum probationis annum admittit; & Provinciale Mechliniense omnia Statuta & consuetudines tollit, quæ aliquo modo earum libertati contraria sunt: qualia sunt, si capilli ante earum professionem, refecentur; si cum solemnibus pompis, propendentibus crinibus, Sponsarum instar sæcularium ornata, per plateas, confluentem populo, ad Monasterium vestiendæ ducantur; aliaque his similia,

milia, quæ ingressum Religionis & egressum maxime divulgant.

CAPUT XIII.

Proinde volumus, ut deinceps filia, quæ ad Religionem admitti possent, sistant se honesto secundum statum suum habitu in Ecclesia ejus loci; nobiles nobilium, communes communium; quod jam laudabiliter multis abhinc annis Ypris & alibi observatum fuit.

CAPUT XIV.

Differantur etiam convivia (si tamen ea parentes fieri petant) in tempus professionis; quæ tunc sint frugalia & honesta.

CAPUT XV.

Domos Ecclesiasticorum vel Sæcularium prandii aut cenæ causa Religiosæ nunquam accedant; nec civitate ulla de causa egrediantur; ut etiam in suis Domibus & Monasteriis nullos unquam Sæculares, nec Ecclesiasticos ad familiaritatem, minus autem ad prandium vel cenam admittant.

CAPUT XVI.

Choræ & tripudia, etiam si sine instrumentis musicis fiant; in vestitionibus & professionibus deinceps omnino omittantur.

TITULUS XX.

De Bonorum Ecclesiasticorum administratione & conservatione.

CAPUT I.

Oeconomiam & bonam utilemque Bonorum temporarium (quæ a Majorum vel pietate, vel parsimonia multum nostris temporibus excreverunt) administrationem & dispensationem omnibus Prælati, aliisque Ecclesiasticis Superioribus unice commendamus.

CAPUT II.

Decani etiam omnium Pastorum & Beneficiatorum nomina, cum circumstantiis suorum beneficiorum, quam primum per totum suum districtum inscribant. Beneficiarii vero omnes ante sex menses finitos, a die pu-

Tomus VIII. Concilior. German.

blicationis præsentis Synodi, tradent suis Decanis in scripto beneficium cum oneribus, bonis, situ & terminis terrarum, decimarum elocationibus, redditibus &c. per Magistratum loci, aut aliam personam publicam, eorum notitiam habentem, subsignatum. Quod Decani ad Nos transmittant sub pœna suspensionis a perceptione fructuum, per negligentes incurrenda.

CAPUT III.

Nemo deinceps Beneficiatus administrationem bonorum sui beneficii, quovis prætextu, Sæcularibus, Magistratibus aut Magistris fabricæ committat; sed ipse ea administret, & munimenta sua penes se semper retineat.

CAPUT IV.

Cui malo ut occurramus, volumus præterea, tradantur Decanis omnes literæ originales, quæ aliquo modo ad beneficia, Curas, Capellanias, mensas pauperum, aliasque fundationes pias pertinere & spectare inveniuntur; eæque in nostro Archivio servandæ transmittantur. Ad usum vero retineant sibi Beneficiarii authenticas copias: ut & ipsas originales toties (prævio de restituendis juramento) recipiant, quoties earum inspectionem in judicio, aut alibi necessariam judicabimus.

CAPUT V.

Operæ pretium foret, ut omnes Prælati sæculares & regulares, Capitula etiam, omnia sua munimenta transcribi, vel in formam aliquam authenticam transumi quam primum curent; eæque in judicio fidem faciant, impetrata etiam Principis autoritate. Quod ipsum in pastoratibus, & simplicibus parochialibus beneficiis fieri similiter curabimus.

CAPUT VI.

Et sicut postremo Concilio Provinciali cautum fuit, ut antiqua & ante quindecim annos scripta registra Collegiorum, beneficiorum, fabricarum, mensarum, cæterarumque piarum fundationum, ante proximum annum ubique renoventur: ita ubi nulla sunt omnino, aut imperfecta & mutila, quam citissime ea nova fiant aut perfici-

LIIII 2

antur;

antur; ubique cum debita designatione limitum, terminorum, quantitate & situ terrarum, pratorum, sylvarum, vivariorum, horrorum, censuum, reddituum, similiumque circumstantiarum; idque sumptibus eorum, in quorum præsentem utilitatem cedunt.

CAPUT VII.

Si interim bona Ecclesiarum Parochialium, aut aliorum simplicium beneficiorum, ob neglectam solutionem censuum, ab ipsismet Pastoribus aut Beneficiariis evincantur, vel evictione ab aliis facta, ab ipsis recuperentur: non ideo liberum, ea pignora sibi, aut suis hæredibus retinere; sed Ecclesiis aut beneficiis reacquisita esse censentur.

CAPUT VIII.

Alias qui contrarium fecisseprehenduntur, puniantur ipsi; & contra hæredes Bonorum Ecclesiasticorum decetores procedatur.

CAPUT IX.

Cui insuper incommodo ut decurrant Decani, petant ab omnibus, simul cum aliis beneficiorum circumstantiis, etiam omnes census & onera adscribi; de quorum solutione facta doceant semper tempore visitationis futuræ.

CAPUT X.

Concionatores, Confessarii, & Pastores juxta Concilium Tridentinum *Sess. 22. Cap. 11.* in omni occasione populum doceant, omnes & quoscunque, qui jurisdictiones, bona, census, jura Ecclesiarum, beneficiorum, aut piorum locorum in proprios usus convertere, illa usurpare, aut usum fructum impedire præsumperint, tamdiu subiacere anathemati; Clericos præterea omnibus beneficiis privari, & ad omnia alia inhabiles effectos esse, donec ea Ecclesiæ aut possessoribus legitimis integre restituerint, & a Romano Pontifice veniam & absolutionem obtinuerint.

CAPUT XI.

Pro beneficiorum vacantium bonis constituatur diligens aliquis, qui prævio juramento ea fideliter recipiat, & administret.

CAPUT XII.

Absentes a suis beneficiis, tempore doceant de legitima absentia causa; alias suos non faciant fructus.

CAPUT XIII.

Observentur diligenter ab omnibus Beneficiariis, quæcumque in primo & secundo Concilio Provinciali sancita sunt de alienationibus, elocationibus, computibus, manualibus faciendis, cæterisque eo spectantibus: quæ etiam Sux Celsitudines edicto stabiliverunt, sub pena nullitatis omnium contractuum; aliter quam superioris Decreto finitorum, cum causæ cognitione interposito. Quæ omnia hæc Synodus probat, & ab omnibus Prælatiis, Capitulis, aliisque particularibus, etiam Magistris pauperum, & fabricæ, deinceps inviolate observanda statuit & præscribit.

CAPUT XIV.

Arbores etiam Ecclesiarum, Pastoratum, Capellaniarum, pauperum, vel aliarum quarumcumque piarum fundationum, nemo deinceps quovis prætextu, aut in qualemcumque usum, sine nostra interventione & facultate in scriptis obtenta, vendere aut amputare præsumat, sub pena nullitatis: contra quos insuper via juris procedatur.

CAPUT XV.

Patroni insuper, tam Ecclesiastici, quam sæculares, Magistratus, & Communitates, in posterum nequaquam disponant, aut in alios quosvis usus applicent bona Ecclesiæ vel pauperum, sine nostro consensu & licentia in scriptis obtenta.

CAPUT XVI.

Reparationes verò & restaurationes Ecclesiarum, & distributiones elemosynarum liberæ, semper fiant consilio Pastore.

CAPUT XVII.

Qui eas, non ex humano affectu, aut cum exceptione personarum, sed omnibus indifferenter vere pauperibus, & probis, honestisque, vel ipse distribuat, vel distribui curet.

CAPUT XVIII.

Si quæ indulto Principum ad reparationes Ecclesiarum concedantur, ea publice & plus offerentibus elocentur, neque ad alios usus applicentur; eorumque reddatur computus præsentente Pastore singulis semestribus.

CAPUT XIX.

Multum interest, ut semper probi & fideles Magistri fabricæ, & mensæ pauperum Administratores constituantur: viderint proinde, qui alios & negligentes creant, num actionum similitum iniquarum coram Deo participes esse velint.

CAPUT XX.

Munimenta & computus tam fabricæ, quam mensæ pauperum, recondantur in arca lignea, qualem curabunt fieri omnes Pastores ante sex proximas septimanas, sumptibus communibus: eamque ponant tuto loco in Sacristia, sub tribus seris, & tribus clavibus, servandis a Pastore, a Magistro fabricæ, & tertia a seniore Magistro pauperum.

CAPUT XXI.

Quod ipsum de clavibus tribus gazophylacii, seu trunci eleemosynarum, etiam observetur.

CAPUT XXII.

Qui admittuntur ad administrationem bonorum fabricæ, vel mensæ pauperum, præsent Superioribus iuramentum.

CAPUT XXIII.

Pastores omnes curent interesse computubus fabricæ & mensæ pauperum, utque eisdem diligenter & fideliter reddantur.

CAPUT XXIV.

Quod idem faciant Decani circa computus Hospitalium, aliarumque piarum foundationum districtus sui.

CAPUT XXV.

Monemus etiam Magistratus oppidorum, ut Nobis tempori significant, quando huiusmodi computus examinandi sunt; ut juxta Edictum suarum Celsitudinum vel interesse, vel aliquem ex nostris eo mittere possimus.

CAPUT XXVI.

Cum vero redditus computubus, & deductis deducendis, aliquid boni superest, id non relinquatur in administratorum manibus, sed statim in usus pauperum aut Ecclesiæ applicetur.

CAPUT XXVII.

Pro reductionibus foundationum tenuium faciendis, ad Nos recurrendum est.

CAPUT XXVIII.

Pastores de reparandis & reficiendis suis domibus Pastoralibus maxime sint solliciti: referantque ad Nos Decani in suis visitationibus, qui ea in re negligentes aut inobedientes fuerint.

CAPUT XXIX.

Ubi vero domus Pastorales ita sunt collapsæ, vel ubi nullæ omnino sunt, Pastores eas quam primum restaurari, vel loco commodo de novo ædificari curent: prudenter tamen id faciant, & cum bona venia & sumptibus Parochianorum.

CAPUT XXX.

Si per negligentiam Pastoris defuncti, necessaria domus reparationes factæ non sint, recurratur ad ejusdem domum mortuariam, implorato etiam, si opus fuerit, brachio seculari.

CAPUT XXXI.

Pastores omnes & Beneficiarii, qui suis beneficiis domos annexas habent, easdem inhabitent; non autem externis elocent.

CAPUT XXXII.

Ecclesiæ ob periculum furum, aut etiam profanationis, post Officium Divinum statim claudantur.

TITULUS XXI.

De Judicibus delegatis, & Ordinariis Examinatoribus.

CAPUT I.

JUDICES delegati sunt ii omnes, qui nominati sunt ultimo Concilio Provinciali; quibus in hac Diocesi adjungendus est *D. Dionysius Blommaert, J. U. Licentiatuſ & Officialis.*

Examinatores vero juxta Decretum Concilii Tridentini constituuntur sequentes:

D. Carolus van Houcke, J. U. Licentiatuſ, Archi-Diaconuſ

D. Joannes Sylveſter, S. T. Licentiatuſ, Penitentiariuſ

D. Ludovicuſ Ullmück, J. U. Licentiatuſ, Archi-Preſbyter

D. Petruſ Wyſ, J. U. Licentiatuſ, Cantor

D. Petruſ Caunee, S. T. Licentiatuſ, Scholaſticuſ

D. Guilielmuſ Zylloſ, S. T. Licentiatuſ, Graduatuſ

CAPUT II.

Qui omnes memores erunt juramenti ſui, munuſque ſuum, ſepoſita omni affectione, fideliter exequentur.

CAPUT III.

Ita ut ratione ejuſdem examiniſ nihil a quoquam accipiant, ſub poena juxta Concilium Tridentinum incurrenda.

CAPUT IV.

In examine vero conſiderent non tam ſcientiam cujuſque, quam etiam uſum, experientiam, judiciuſ, ingeniuſ, ſolertiam; & maxime ne quiſ ſe alteri examinandum ſupponat; mi-

nus docti (modo not, & probis moribuſ) doctioribuſ & ignotiſ ſemper præferantur.

TITULUS XXII.

De Synodo Provinciali & Diœceſana.

CAPUT I.

Cum omnes etiam exempti teneantur obſervare Statuta Concilii Provincialiſ & Diœceſani; monemus in Domino, ſiſ ſe quam primum conformant in omnibuſ: utque omnem ignorantia prætextum auferamus, eadem nunc promulgamus, & publicamus, & pro legitime promulgatiſ & publicatiſ haberi volumuſ; ſecunduſ quæ per quocuſque Judiceſ in judicio procedatur: eaque ab omnibuſ Prælatiſ, Canoniciſ, Paſtoribuſ, aliſque noſtræ Diœceſiſ Sacerdotibuſ legi & obſervari per ſe, ſuoſque omneſ volumuſ & præcipimuſ.

FINIS.

Impreſſa Ppſiſ in 8vo anno 1609. typo Franciſci Belleti, anno 1673. Antwerpæ in Officina Plantiniana Bathaſaviſ Moreti reimpreſſa.

SYNODUS CONSTANTIENSIS

DIŒCEſANA,

Anno Chriſti MDCIX. Pauli V. PP. V.

Rudolphi II. Imp. XXXIII.

Sub JACOBO FUGGERO, (*) Epſcopo Conſtantiendi,

UNDEVICESIMO MENSIS OCTOBRIS DIE
CELEBRATA.

ACTA SYNODI CONSTANTIENSIS.

Quamvis a Sacro Tridentino Concilio ſalubriter ſancituſ ac decretuſ ſit, ut ſinguli Epſcopi Synodum Diœceſanam quotanniſ convocent, & indicant; ab hujus tamen Decreti executione Rmuſ ac Illmuſ Princepſ, ac Dominuſ, D. JACOBUS, Epſcopuſ Conſtantiendiſ, Dominuſ

Augiaſ majoriſ &c. Ejuſque pii Anteceſſoreſ, ob longe lateque parentem ſuam Diœceſin, temporuſ difficultateſ, variaſque impedimenta, retardati, ac præpediti ſunt: Ac cum evidens neceſſitateſ, nimiuſque intervalluſ ab ultima Synodo intercedenſ expoſceret, moram hanc diuturnioreſ abrumpi,

malis-

malisque moribus, ex lapsa multis in locis Ecclesiastica disciplina, ortis, novis bonisque legibus congrueret obviari; Rma ac Illma Celsitudo Sua, nullam porro sumptuum, ac impedimentorum rationem habendam duxit, Synodumque hoc anno convocatis omnibus Diceceſeos ſuæ Statibus Eccleſiaſticis, celebrare penitus conſtituit. Acceſſit demum Bulla a Sanctiſſimo Domino noſtro, D. PAULO Divina providentia Papa V. emanata, Rmam ac Illmam Suam Celf. in tam pio ac laudabili propoſito confirmans, & Sacro Indulgentiarum Theſauro, omnes & ſingulos eidem Synodo præſentes, gratioſe locupletans, ſub modo & tenore infra ſcripto.

*Dilecto Fratri noſtro JACOBO,
Epifc. Conſtant.*

PAULUS PAPA V.

VENERABILIS FRATER, SALUTEM
& Apoſtolicam Benedictionem.

Cum ſicut Nobis nuper expoſui ſeciſti, Tu Synodum tuam Diceſanam, & in ea Miſſam ſolemne in Pontificalibus, Divina adſpirante gratia, propediem celebrare intendas; Nos ad ea, quæ Chriſti fidelium animarum ſaluti, ſimulque Tuæ ſpirituſuali conſolationi conducunt, libenter Paternâ noſtræ charitatis favorem dirigentes, de Omnipotentis DEI miſericordia, ac Beatorum Petri & Pauli Apoſtolorum ejus, auctoritate conſiſi. Omnibus utriusque ſexus Chriſti fidelibus, vere penitentibus, & conſeſſis, ac Sacra Communione reſectis, qui in die, qua dictam Miſſam in Pontificalibus, ut præfertur, in ipſa Synodo celebraveris, eidem Miſſæ, in totum vel in partem, & Benedictioni per Te poſt Miſſarum ſolemnia, ſuper populum elargiende devote interſuerint, ſeu eadem die Eccleſiam Conſtantienſem, etiam devote viſtaverint, & ibi pro Chriſtianorum Principum concordia, hæreſum extirpatione, & Sanctæ Matris Eccleſiæ exaltatione, pias ad Deum preces effuderint, plenariam omnium peccatorum ſuorum Indulgentiam, & remiſſionem miſericorditer in Domino concedimus, & elargimur. Contrariis non obſtantibus quibuscunque. Preſentibus poſt dictam diem minime valituris. Datum Romæ apud S. Petrum, ſub Annulo Piſcatoris die XXVII. April. M. DC. IX. Pontific. noſtri Anno Quarto.

S. COBELLUTIUS.

Qua quidem Indulgentiarum Bulla, cum ea, qua par eſt, reverentiæ & gratitudinis ex-

ga præmemoratum Ssmum D. N. ſignificatione, a Rma & Illma Celf. Sua recepta, cum ante Meſſem, & Autumnum proxime imminentem ob Diceceſeos amplitudinem, Synodus celebrari commode non poſſet; placuit eidem Rmæ ac Illmæ Suæ Celf. eam ad diem Dominicam poſt Pentecoſten decimam ſextam, quæ eſt decima octava Menſ. Octob. Anno Domini Millef. ſexcentef. nono, ad Omnipotentis Dei laudem & gloriam, vitæque ac morum Status Eccleſiaſtici reformationem, nec non Fidei Catholicæ in hac Diceceſi propagationem indicere ac convocare. Quapropter Literas Citationis, omnibus & ſingulis Statibus Eccleſiaſticis, in hac Diceceſi commorantibus, tam ab ordinaria jurisdictione exemptis, quam eidem ſubjectis, quos de jure, vel conſuetudine Synodo hujusmodi intereſſe oporteret, inſinuandas, prælo ſubjici, & per fideles juratosque Nuncios, ſeu Pedellos emitti, præſata Illma ac Rma Sua Celsitudo decrevit, atque mandavit.

LITERÆ INDICATIONIS ſeu Convocationis Synodi.

JACOBUS, DEI ET APOSTOLICÆ Sedis Gratia Epifcopus Conſtantienſis, Dominus Augiæ majoris & Oeningæ, &c. Rmis, Rdis, Venerabilibus, Religioſis, & Honorabilibus Nobis in Chriſto ſincere Dilectis atque Devotis, Eccleſiæ noſtræ Cathedralis Conſtantienſis Præpoſito, Decano & Capitulo, univerſis & ſingulis Abbatibus, Præpoſitis, Prioribus, Guardianis, & aliis Superioribus Ordinum quorumcunque, etiam Ordinis S. Joannis Hieroſol. & B. Mariæ Virg. Teutonicæ Commendatoribus, nec non Reſtori & Univerſitati Friburgenſi, Eccleſ. Collegiarum Præpoſitis, Decanis, Cuſtodibus & Canonicis, Capitulum Ruralium Decanis, Camerariis & Deputatis, Parochialium & aliarum Eccleſ. Reſtoribus, Paſtoribus, Plebanis, Parochis, eorum Vicariis, Capellanis, Clericis & Beneficiatis, Monaſteriorum Sanctimonialium Abbatiffis, Prioriſſis, Magiſtris, Matribus, aliisque Eccleſiaſticis tam Regularibus utriusque ſexus, quam Sæcularibus quibuscunque per Diceceſin noſtram Conſtant. ubilibet conſtitutis, ſive exemptis, ſive noſtræ ordinariæ jurisdictioni ſubjectis, qui de jure vel conſuetudine Synodo Diceceſ. intereſſe debent & tenentur, Salutem in Domino ſempiternam.

Epifcopalis officii noſtri ratio poſtulat, ut quanto gravioribus malis & hæreſibus laborantem Dei Eccleſ. conſpicimus, tanto majori

jori studio & vigilantia in eam, quam ex Alto Nobis traditam & commendatam suscepimus, functionem incumbamus, & gregi Nobis credito custodiam simul & disciplinam adhibeamus, ne si nostra fortasse incuria perire conringat, quod Christus Dominus noster in ara Crucis pretioso Sanguine suo redimendum dedit, aeternae maledictionis vae, quod apud Ezech. 34. c. Dominus Pastoribus negligentibus comminatur, certissimo judicio incurramus.

Hinc est, quod Nos ab initio statim nostrae susceptae Pastoralis curae de celebranda Diocesana Synodo, in qua morum & Ecclesiasticae disciplinae reformatio institueretur, excessus corrigerentur, & quantum per horum temporum difficultates fieri posset, variae haereses, errores ac schismata extirparentur, cogitavimus: Quam quidem cogitationem nostram haecenus variis ex causis impeditam, Sicut Dominus noster, D. PAULUS Divina providentia Papa V. per Suae Sanctitatis & Sedis Apostolicae Nuntium cum potestate Legati de Latere, apud D. Catholicos Helvetios commorantem, illum & Rmum Dominum, D. LA. DISLAUM Comitem de Aquino, Episcopum Venafranum, ita promovit excitavitque, ut tantae auctoritati ac stimulo, tum etiam Sacris antiquis & novissimis Trid. Conc. Canonibus & Decretis contravenire, ab officio nostro Pastoralis alienum duxerimus, sed necessarium omnino ac valde utile futurum judicaverimus, si non obstantibus etiam multis impeditis, variisque hujus nostri temporis incommoditatibus, quam primum Dioces. Synodum indicereamus, omnesque status Ecclesiasticos Episcopatus nostri convocaremus.

Quare vos omnes & singulos, tam exemptos, quam non exemptos, ac alios quos cunque, qui de jure vel consuetudine Synodo Diocesana interesse debent, auctoritate nostra ordinaria, & vigore Sacrosancti Conc. Trid. Nobis in hac parte concessa Apostolica, in Domino requirimus & hortamur, vobisque & cuilibet vestrum, sub pœnis & censuris, in dicto Conc. Trid. & alias contra contumaces in hoc casu, a jure infligi solitis & consuetis, precipimus & mandamus, ut die Dominica, quae est decima octava dies mensis Octobr. hujus currentis anni millesimi sexcentissimi noni in Civitate Constantiensis ad dictam Synodum Diocesana celebrandam, personaliter & per vos ipsos, aut iuste & Canonice impediti, per legitimos vestros Procuratores cum sufficienti man-

dato compareatis, (nisi diem celebrationis Synodi ex aliqua causa prorogatum fuisse, aliis nostris ad vos directis literis intellexeritis) atque sequenti die Lunae ejusdem mensis, in Ecclesia nostra Cathedrali, in habitu & vestitu Choralis, unusquisque dignitati, ordini & statui congruo conveniatis, Sacrae Missae Officio a Nobis in Pontificalibus, Deo adjuvante, celebrando, in quo omnibus & singulis sive Clericis, sive Laicis praesentibus, modo Sacramentaliter confessi, communicaverint, ex speciali gratia & concessione Sanctissimi Domini nostri, D. PAULI Papae V. prout ex concess. Bulla, quam ad varias Ecclesiae nostrae Cathedralis affigi curavimus, latius patet, Indulgentiam plenariam & remissionem omnium peccatorum, in Domino praesentium tenore publicamus, & ut sese tanti thesauri participes faciant, omnes serio requirimus & adhortamur, aliisque caeremoniis consuetis solemniter peractis, una Nobiscum communi consilio tractaturi & conclusuri ea, quae ad Dei Omnipotentis laudem & gloriam, Eccles. Cathedral. Diocesisque nostrae Constant. incrementum, atque totius Cleri & populi mores & disciplinam instituendam & promovendam, ad haerensum denique extirpationem necessaria, ac utilia videbuntur.

Ne autem ob omnium aut multorum absentiam, interea Divinus cultus & debita Sacramentorum administratio intermittere debeat, volumus ac mandamus, ut Ecclesiarum Collegiarum secularium, & Decanatum ruralium Capitula, per tres aut ad minus per duos, ex singulis Capitulis eligendos, cum pleno mandato, Abbatissae vero, Priorissae, Magistrae, Matres, ac aliae Monasteriorum Sanctimonialium quorumcunque Praefectae, per Procuratores Ecclesiasticos, sive Saeculares, sive Regulares, cum simili pleno ac sufficienti mandato compareant: Certificantes omnes & singulos, sive exempti, sive non exempti fuerint, qui a Nobis per praesens hoc edictum vocati, ad dictam Synodum venire neglexerint vel recusaverint, Nos nihilominus tam ad executionem eorum, quae in Synodo statuentur, ipsorum absentia & contradictione minime obstante, quam ad supra comminatas pœnis & censuras irremissibiliter processuros. Volumus etiam, & ab omnibus Praelatis, Parochis & Curatis requirimus, ut quam primum hoc Edictum, quo Diocesana Synodi certa dies indicta est, acceperint, singulis septimanis usque ad finem Synodi, in suis Ecclesiis, una cum processione, ubi commode fieri poterit, Sacrum Missae Officium,

pro optimo in præfata nostra Synodo tractandum rerum eventum, celebrari faciant & præcaverint.

Omnes præterea Diæcesis nostræ fideles monemus, & per viscera misericordie Christi Domini adhortamur, ut omni studio Christianæ pietatis, & assiduis religiosisque precibus, a Deo misericordiarum & Patre totius consolationis, Nobis negotium tam salutare tractantibus, opem & auxilium implorent; quo adjuncta hac Synodali tractatione, pia consilia, sermones & actiones nostras in finem dirigamus, nempe in Christum Jesum, cui in omni iustitia & sanctitate servire debemus. In eius rei fidem hoc Editum confici, auctoritateque nostra imprimi, & nostro signo munitum manu Notarii Piciarius signatum, publice proponi, & legitime executioni demandari volumus & iussimus. Datum Constantiæ in Palatio nostro Episcopali, Anno a Nativitate Domini Millesimo sexcentesimo nono, septima die mensis Septembris, Indictione septima.

JOAN. ANDREAS DORNSPERGER,
D. Notarius ff.

Præinsertis igitur literis Pontificiis, & Citatione ad Synodum, per Notarium in eisdem subscriptum, & a tota postmodum Synodo deputatum, decima tertia Mensis Septembris, Anno Domini Millesimo sexcentesimo nono, Pontificatu Sanctissimi Domini nostri, D. PAULI Divina providentia Papæ V. Anno ejus Quinto, per affixionem ad valvas Ecclesiarum, Cathedralis, & Collegiarum S. Stephani Proto-Martyris, & SS. Joannis Baptiste & Evangelistæ, in Civitate Constantiensi, rite executioni demandatis; & extra Civitatem, per totam Diæcesin Constantiensem, exceptis locis hæresum hære infectis, omnibus & singulis, quorum interest, legitime per Pedellos ac Nuntios juratos insinuat; Exemptorum quidem Monasteriorum Abbatibus, aliisque illustrioribus Diæceseos Statibus, præter intimationem literarum Convocationis Synodi, etiam per literas a Rma ac Illma Sua Celsit. benevole vocatis, & invitatis, die & tempore præfixo, in celebri, magnoque numero Civitatem Constantiensem ingressi sunt, quorum nomina, dignitates, ac tituli, à calce horum actorum fideliter & quantum eorundem notitia haberi potuit, annotati sunt.

Reliqui partim exemptionis, ac privilegiorum suorum prætextu, partim viva voce, & in scriptis, absentiam suam purgarunt.

Interim pridie quam Synodus celebraretur, pro ejusdem felici auspicio & ingressu,

Tomus VIII. Concilior. German.

hora prima pomeridiana; omnium campanarum, in Ecclesiis & Monasteriis Civitatis Constantiensis existentium, compulsatio instituta est, continuato quidem pulsu earundem, per quartam horæ partem; majoris verò campanæ usque ad horam secundam.

ACTA PRIMI DIEI SYNODI.

Die itaque decima nona Mensis Octobris, mane hora quarta, in Ecclesia Cathed. decantata fuit Matutina cum Laudibus; quas excepit Sacrum Missæ Officium de B. M. Virgine Deipara: sub quo usque ad horam sextam pulsata est campanula. Clerum ad præces Primarum pro more convocatis, quo pulsu finito, omnes reliquæ Horæ Canonice, usque ad Nonam inclusive persolutæ sunt. Interim pulsu majoris campanæ, quadrante post sextam, tota Synodus ad Cathedralicam Ecclesiam convocata est; id quod singulis subsequentijs diebus, ante Synodicum Conventum observari consuevit.

Sub pulsu ejusdem campanæ, præemmoratus Rmo ac Illmo Episcopus Constantiensis, cum Aulicæ suæ familia, & Dominis Consistorialibus celebri numero ac ordine, ex Palatio suo prodiit, comitante ipsum Rmo ac Perillustri Capitulo Ecclesiæ Cathed. ad portam ejusdem Ecclesiæ majorem. Ubi posteaquam porrecto aspergillo, astantes aqua benedicta pro more perfudit, per ipsam Ecclesiam, ad subsellium Rmæ ac Illmæ Suae Celsitud. ante medium Altare D. Virgini sacrum, extra Chorum præparatum, processit. Ibi cum reliquis Dominis Abbatibus, paramentis rubei coloris, assistentibus hinc inde Adm. Rdo ac Nobili Domino Sigismundo a Wolffurt, Decano, & Cathedralis Ecclesiæ Aichstadenfis Canonico, nec non Adm. Rdo Illi ac Generoso Domino Udalrico Baroni in Königseck & Aulendorff, Ecclesiarum Salisburgensis, Constantiensis, & Augustanæ Canonico, & Collegiæ Ecclesiæ S. Cyriaci in oppido Weissenstaig Præposito, indutus est. Interim Domini Canonici in sedibus, ab utroque latere, juxta Dominum Episcopum collocatis, loca sua, dignitatis & senii habita ratione occuparunt; Rmo Domino Suffraganeo, paulo infra Dominum Episcopum, in Pontificalibus existente.

Porro Adm. Rdi & Clarissimi Domini, Joannes Hausman U. J. D. Rmi & Illmi Episcopi Constantiensis Vicarius & Officialis, Præpositus Colleg. Ecclesiæ S. Joannis Constantiæ: nec non Dominus Joannes Christophorus Hager Decretorum Doctor, Cathed. Ecclesiæ Constantiens. Canonicus, D. Leon-

M m m m

hardus

hardus Hamerer, Ss. Theol. D., Parochus & Canonic. Eccles. Collegiate S. Stephani de Georgius Benzius, U. J. D. Sigillifer & Fiscalis, & Joannes Andreas Dornspurger, U. J. D. Canonicus dictæ Eccles. Collegiate S. Stephani, singuli Rmi ac Illmi Episcopi Constantiensis Consilarii, in Promotores & Actuarius respective a Synodo deputandi, in mensa, quæ inter subscellia Dnorum Canonicorum media posita erat, confederunt.

Interim Dni Prælati Monasteriorum, baculis Pastoralibus, mitris, & reliquo Pontificali habitu instructi, Ecclesiarum vero, Præpositi, Canonici, Decani, Presbyteri & Clerici, in habitu, & amictu suo Ecclesiastico, & Choralibus, cum cujusque nomen, ac dignitas, ex catalogo, a Notario, qui postea in Actuarius Synodi deputatus fuit, recitaretur, in eadem Ecclesia Cathedrali prælati sunt.

Qui cum ex loco editorii promulgaretur, Dominorum in Promotores deputandorum, alter dextrum, alter laus finistrum tenebat, qui Dominos Abbates, eorum Procuratores, aliosque cujusque nomine, titulo ac dignitate lectos ac vocatos, in sedilia ad utrumque latus medii Templi, quod intra columnas majores, & qua, in longitudinem patet, distribuerunt. Et primum quidem locum Rmi ac Illmi Domini Abbatis S. Galli nomine, a dextro latere occupavit, Reverendus & Religiosus Fr. Jodocus Mezler, Canonum Doctor, & ejusdem Monasterii Conventualis. Cumque nomine Rmi ac Illmi Domini Abbatis Campidonensis, nemo compareret, a latere sinistro ejusque primo loco Rmi ac Perillustri Domini Abbatis Monasterii B. M. V. loci Eremitarum Procurator, videlicet Reverendus, Religiosus ac Nobilis Dominus Joachimus a Böldingen, Decanus ejusdem Monasterii, est collocatus; & ita successively, pro cujusque dignitate, statu & gradu, singuli per dictos Dominos Promotores, in sedes instructas, hinc inde repositi sunt. Donec ad tenuioris status Presbyteros & Clericos perventum fuit, qui circumlatus inferius clauderant, & in multa transversa scamna, quæ in eum usum ita inter se disposita erant, ut ambitus transitusque liber ubique pateret, locabantur.

Locus igitur cuique assignatis, Adm. Rdu & Clarissimus Dominus Joannes Hausmann U. J. D. Rmi ac Illmi Episcopi Constantiensis Vicarius in Spiritualibus generalis, Dominos Prælatos, aliosque ad Synodum convocatos, in hæc verba allocutus est:

Rmi, Rdi, Illres, Nobiles, Magnifici, Venerabiles, Religiosi, & Honorabiles Viri ac Domini. Quamvis Rmus in Christo Pater

& Illmus Princeps ac Dominus noster, D. JACOBUS, Dei & Apostolicæ Sedis gratia, hujus Alma Ecclesiæ Constant. Episcopus, Dominus Augie majoris & Oeningæ, &c. Dominus noster gratissimus, propter solam Dei gloriam, pro Ecclesiæ, & Episcopatus sui reformatione, non ut de majoritate, aut præcedentia lites forsitant, & controversie subornantur, ad hanc Synodum vos convocaverit, quia tamen Rma ac Illma Sua Celsitudo non intendit privilegiis, & prærogativis vestris circa Sessionem, in Diocesana Synodo vobis, & cuilibet vestrum competentibus, quæ sibi plane perspecta non sunt, in aliquo præjudicare; Ideo hanc præsentem collocationem & ordinem sine vestra & cujuslibet vestrum præjudicio, factam esse, vobisque & singulis, jus quod sibi in hoc casu de jure, vel consuetudine competere præcedit, saltem, ac integram permanere, ex jussu & mandato speciali ejusdem Rmæ ac Illmæ Celsitud. Suae, coram universa Synodo, & specialiter coram Notario, ad conscribenda acta hujus Synodi deputando declaramus & protestamur, atque hanc nostram declarationem, & protestationem, ad acta ejusdem Synodi conscribi petimus.

Quo peracto, ex mandato Reverendissimi Domini Episcopi, idem Dominus Vicarius, Synodum his verbis interpellavit:

Rmus in Christo Pater, & Illmus Princeps ac Dominus, D. JACOBUS, Episcopus Constantiensis, per me interrogat omnes & singulos Dominos Prælatos, & alios quoscumque ad hanc Synodum legitime convocatos, anne ad DEI Omnipotentis laudem, & gloriam, Ecclesiæ Catholicæ decorem, & Episcopatus Constantiensis incrementum, Synodus Diocesana Constantiensis legitime indicta, convocata, & congregata, eis aperienda videatur?

Quo publice dicto, & plerisque Placet respondentibus, Rmus Dominus Episcopus noster, Synodum aperiendam decrevit his verbis:

CHRISTI nomine invocato, pronunciamus & decernimus, Synodum Diocesanam Constantiensem, legitime indictam, convocatam, & congregatam, aperiendam fore & esse, prout eandem aperiimus, apertamque esse declaramus, IN NOMINE PATRIS, ET FILII, ET SPIRITUS SANCTI.

Qua sententia promulgata, organis & musica, cum compulsionatione campanarum, decantatus est Hymnus gloriosus: *Te Deum laudamus.* Interim Adm. Rdi Nobiles & Clarissimi

issimi Domini Jacobus Raslerus, U. J. D. Proto-Notarius, Canonicus Cathedralis & Præpositus Collegiæ S. Stephani Ecclesiarum Constantiæ, & Dominus Joannes Jacobus Blarer a Wartensee, Canonicus Cathedr. Constant. & Basileensis, nec non Collegiæ Elwacensis Ecclesiarum, in munere Diaconatus & Subdiaconatus infervituri, ad Sacristiam se conferentes, paramentis rubeis sese induerunt, & ad Rmum Dominum Episcopum processerunt. Absoluto Hymno, præmemoratus Rmi ac Illmi Domini Episcopi Vicarius, Celsitud. ejusdem his verbis allocutus est:

Rme in Christo Pater, & Ilme Princeps, Domine gratiosissime, laudabili consuetudine, in celebrandis Synodis introductum est, ut aliqui viri Ecclesiastici deputentur, qui procurent, ut omnia rite decenterque fiant, & totius Synodi acta fideliter conscribantur. Quare Illmam & Rmam Cels. Vestram pro Synodi hujus congregatæ promotione, humillime rogo & requiro, ut viros aliquot idoneos Promotores & Actuarius Synodi, publice deputare & nominare dignetur.

Cui Rmus & Illmus Dominus Episcopus Constantienfis, respondit his verbis:

Eligimus, nominamus, ac deputamus ex Capitulo Ecclesie nostræ Cathedralis, Dominum Joannem Christophorum Hagerum, Decretorum Doctorem, Canonicum; Ex inferiori Clero, Leonbardum Hamer, S. Theologia Doctorem, Canonicum & Plebanum Ecclesie Collegiæ S. Stephani, in Promotores. In Actuarius vero, seu Notarium, Joannem Andream Donsperger, U. J. D. Canonicum prædictæ Ecclesie S. Stephani. Quod si Domini Prælati, vel alii aliquid habeant, quod contra præfatos Promotores, & Actuarius opponere possint, vel velint, facultatem publice proponendi omnibus & singulis concedimus.

Cui Decreto, cum nemo ex Patribus Synodalibus contradiceret, Dominus Vicarius eosdem Dominos Promotores, & Actuarius his verbis affatus est:

Cum nemo prodeat, qui contra vos quicquam opponat, vos hic ad Sancta DEI Evangelia præstabitis Juramentum, quod quilibet vestrum Officium sibi injunctum, fideliter, rite, debite & diligenter exequi velit, omni dolo & fraude semotis.

Quo quidem Juramento, ad delationem Domini Vicarii, per eosdem Dominos Promotores, & Notarium, ad Sancta Dei Evangelia præstito, omnes genua flexerunt, &

Tomus VIII. Concilior. German.

Reverend. Domino Episcopo præcinente, Antiphonam: *Veni Sancte Spiritus*, Cantoribusque eam prosequentibus, Dominus Episcopus Versiculum: *Emitte Spiritum tuum*, &c. cum oratione, cecinit.

His peractis, instituta est publica Processio circa summum Templum, in qua ut congruus ordo observaretur, Actuarius Synodi Catalogum omnium præsentium ex cancellis ejusdem Ecclesie denuo inverso ordine, qui sessioni cujusque conformis esset, recensuit. Et principe quidem loco, Cruce prælata, duo Ceroferarii, admodum Reverendum & Clarissimum Dominum Joannem Christophorum Hagerum, Canonum Doctorem, & Cathedr. Ecclesie Canonicum, pluviali aureo indutum, & Sacras Reliquias deportantem præbant. Eundem vero Scholares & Alumni S. Conradi subsecuti sunt.

Hos exceperunt Patres Capucini, Religiosi Ordinum mendicantium, videlicet Religiosi Ord. S. Francisci, nempe PP. quos vocant de Observantia, & Conventuales. Mox Religiosi Ordinum, B. Mariæ Virginis Carmelitarum, D. Augustini, & D. Dominici. Religiosi Ord. S. Pauli primi Eremitæ, & S. Wilhelmi. Deinde Capellani & Succentores Ecclesie Cathedralis, quos antecedeabant Capellani S. Pauli Constant. & Collegiarum Ecclesiarum S. Joannis & S. Stephani ibidem. Quorum vestigiis illico Procuratores Decanatum ruralium, prout lecti erant, insitebant; subsequenter Legatis Monasteriorum, & Abbatiarum Sanctimonialium, nec non Canonicis, Ecclesiarum Collegiarum Procuratoribus. Postmodum procedebant Præpositi Collegiorum secularium, & Ord. D. Augustini Canonicorum Regularium, Universitatis Friburgensis, & trium Principum Abbatissarum Legati. Post hos lecti sunt, singuli qui intererant Abbates, quos subsequutum est, Rmum & Perillustre Capitulum Cathedralis, tum Reverendissimus Dominus Suffraganeus, & post illum Subdiaconus, & Diaconus, arque supranominati Domini Assistentes: demum Reverendissimus ac Illustrissimus Dominus Episcopus Constantienfis, cum Officialibus, Magistratu seculari Constantiensi, Aulicis, & aliis compluribus Laicis, extremum ordinem confecit.

Finita solenni processione, Prælati, Præpositi, & Canonici, alique Illustrum Statuum Legati, eo ordine, quo antea extra Chorum sederant, superiora Chori sedilia occuparunt. Reliquus Clerus in inferioribus sedibus, & medio Chori spatio subsistit. Moxque, ut a Musicis Sacrum Missæ Officium de Spiritu Sancto inchoatum est, præcuntibus Domino Joanne Jacobo Blarer a Wartensee, Subdiacono, & Domino Jacobo

M m m m m 2

Rasle-

Raslero U. J. D. Diacono, Reverendissimus ac Illustrissimus Dominus Episcopus e Sacratio, laus utrumque Adm. Reverendis Nobilibus ac Illustr. Dominis, Sigismundo a Wolfurt, Decano, nec non Domino Joanne Udalrico Barone in Königseck & Aulendorff, stipantibus, prodiit, & prædictum Missæ Officium solenni ritu, juxta Pontificalis libri præscriptum celebravit. Sub qua Missa complures ex Cathedr. Ecclesiæ Canonicis, qui in Sacerdotio constituti non erant, (Canonici namque Presbyteri per se Missas celebraverant) maximaque Cleri parte, & Reverendissimæ Suae Cels. familiaribus, de manu ejusdem Sacram Eucharistiam, quo gratiæ & Indulgentiarum a Sanctissimo nostro, in Bulla præinserta, concessarum, compotes redderentur, ea, qua par est, reverentia, & devoto animi cultu sumpserunt.

Finito Sacrificio Missæ, Reverendissimus Dominus Episcopus deposita casula, & resumpto pluviali rubei coloris, mitratus & pedo innixus, comitantibus Dominis Assistentibus, Diacono & Subdiacono, ac subsequenter Dominis Prælati, Canonicis, omnibusque Synodum constituentibus membris, extra Chorum ad locum præparatum progressus est.

Quo cum perventum fuit, Reverendissima ac Illustrissima Sua Cels. in genua procubuit, depositaque mitra, quod & a Prælati factitatum, totaque Synodo genua flectente, Antiphonam: *Exaudi nos Domine*, inchoavit, Choro cum Cantoribus, eandem ad finem usque prosequente. Et generatim omnes illæ orationes, & cæremoniæ adhibita fuerunt, quas Pontificale Romanum, pro hujusmodi Synodicorum conventuum felici auspicio & ingressu, exprimit usurpandas.

Finito Hymno: *Veni Creator Spiritus*, suggestum conscendit Rdu. & Religiosus P. Jacobus Maier, Societatis JESU Theologus, & summi Templi Constantiensis Ecclesiastes, ac subsequenti Oratione: *De optima Synodo celebrandi ratione* Rmum ac Illum Dominum Præfulem, totius Synodi Proceres ac Clerum cohortatus est.

TAcita quadam naturæ convenientia (Rme & Illustrissime Princeps, Rmi, Illustres, Nobiles, Amplissimi Præsules, cæteri Admodum Reverendi, virtute, eruditione ac dignitate quavis spectabiles DD. & PP.) tota propemodum antiquitas consentit, omnem Remp. duabus potissimum rebus administrari: Prudentia & Consilio. Illam Principi inesse, hoc adesse debere. Ut enim prudentia imperantis propria & unica virtus est;

sic sola, nec oneri gubernationis par est, nec satis firma, nisi aliorum consilio stabilietur. Verissime enim dictum esse ab Euripide arbitror: Σφὶς Τυραντῶν, τῶν σοφῶν σ μασιφ. Princeps sapiens, sapientium commercio. Magna namque negoria, magnis adjutoribus egere quis nesciat, cum nec ab Atlante celestium machinarum pondera sine Hercule sustineri, fabulosa illa præcorum Poëtarum turba comminisci ausa sit? Sed mirto vana commenta, quando ipsa sacrarum historiarum auctoritas nobis fidem facit. Jethro Sacerdos Midian cum cognatum suum Moysen, nimia mole negotiorum, in populo, multitudine prope infinito, ingenio pervicaci nec satis tractabili, judicando pene oppressum vidisset, ratus tam pertinacem laborem & vires excedere imperantis, & populorum regimini non satis prospicere, eo consilio Moysen instruxit, ut curarum parte in alios translata, onus sibi levius ferendo redderet. *Non bonam*, inquit, δ Moyses [a], *rem facis. Stulto labore consumeris tu & populus iste, qui tecum est: ultra vires tuas est negotium, solus illud non poteris sustinere. Sed audi verba mea atque consilia, & erit Dominus tecum. Provide de omni plebe viros sapientes & timentes Deum, qui judicent populum omni tempore: si quid autem majus fuerit, ad te referant, leviusque sit tibi partito in alios onere.* Paruit Moyses; nec sic tamen satis expeditam ad omnes difficultates evolendas sensit sibi esse gubernandi rationem: quare a Deo ipso auxilium & consilium in tam difficili negotio postulare necesse fuit. *Non possum* (clamat Moyses [b] ad DEUM) *solus sustinere hunc populum, quia gravis est mihi. Quid ageret DEI sapientia? Congrega*, inquit, *mihi septuaginta viros de Senibus Israël, quos tu nosti, quod Senes populi sint ac Magistri, & duces eos ad ostium Tabernaculi faceris, faciesque ibi stare tecum, ut descendam & loquar tibi, & auferam de spiritu tuo, tradamque eis, ut sustentent tecum onus populi, & non tu solus graveris.* Constitutum ergo nobis sit unius prudentia, non satis gubernari multitudinem, nisi aliorum accedant consilia. Pauca enim aliqua unus videat, unus audiat, ut jure merito ex Græciæ Sapientibus non postremus, multos regis oculos, multas aures desideret.

Quare neminem ex hac corona esse arbitror, qui non tuum Rme & Illme Princeps consilium, imo optimum factum vehementer probet ac collaudet, quo tandem post quadraginta duorum annorum intervallo, in hanc celeberrimam Civitatem Constantiensem Synodum convocare constituit. Tale namque factum decebat prudentiam tuam, quam natura indidit, longus regimi-

(a) Exod. 18.

(b) Num. 11.

giminis usus confirmavit, ut id felici eventu consequeris, quod Antecessores tui in diuturnis votis habuerunt. Recte, recte inquam, pervidisti, Diceces. hanc, quam DEI OPT. MAX. munere administras, cui amplitudine Germania non habet parem, quam variorum hæresum vicinia premit, intrinseca pariter & extrinseca mala divexant, non posse firma stabilitate regi, nisi communibus suffragationibus, quod ex Reipub. utilitate sit, statuatur. Habes igitur, Princeps optime, & oculis tuis præsentibus contueris, quos diuturnis votis expetiisti, quos publicis literis evocasti, viros, si numerum spectes, plurimos; si auctoritatem, gravissimos; si virtutem, probatissimos; si eruditionem, literatissimos; si in te affectum, tui amantissimos; si singulorum erga te officium, tibi fidelissimos; si prudentiam, solertissimos; & quod in consiliis dandis Rom. Eloquentiæ parens caput esse voluit, status Reip., morum ingeniorumque hominum in Provincia, maxime gnarus: ut proinde a tot & tam multis non nisi plurima; ab optimis optima; a peritissimis, saluberrima consilia expectare debeamus. Ad quos cum mihi in hoc primo ac celeberrimo confessu sermo habendus sit, nescio, an plura se offerant, quæ animum meum terrent & avocant, quam quæ me ad libere dicendum allicere possunt. Nam *Sapientiam* (c) *inter perfectos loqui*, nec facundia, nec virtus mihi concessit; ille solum potuit, quem Divina Sapientia erudit, quem tubam celestem, lyram spiritualem, organum Dominicum & magnum veritatis præconem Theologus ille appellavit, cui ab aurea dicendi facultate Chrysostomi cognomen est inditum, ut proinde merito formidare debeam, ne aliquis minus oculis me respiciens vetus in me dictum jaciatur:

Numc Saul inter Prophetas? (d)

Jubent nihilominus ex altera parte formidinem mente conceptam deponere, & frontem nonnihil exporrigere, tua inprimis Rme Antistes jussio & auctoritas, quæ me hoc loco constituit, quo vel supreme temerarium ambitio nunquam perduxisset: tum etiam vestra PP. amplissimi benevolentia ac prudentia, quarum hæc errores meos facile dissimulare novit, illa etiam condonare. Quam vero dicendi materiam potissimum eligam? De optima Synodum celebrandi ratione dicere mihi constitutum est, argumento, ni fallor, & tempori opportuno, & vestræ expectationi. Dicam vero breviter, quia sic vos desiderare intelligo, & apud eos dico, quibus animi sensa insinuare, est persuadere.

Si quid rectum, si quid excellens, si quid sanctum homines in votis habere desiderant, semper ad prisca illa sæcula, ad antiquos Ecclesiæ primitiæ mores adspirant. Hinc illas voces sæpius ingeminari audimus: O quis nobis referat aurea illa sæcula, felicissimam illam ætatem, in qua prisca fides, vera pietas, sincera charitas floruit? Quod si perfectissima forma vivendi in populo primæ Ecclesiæ viguit, minime dubitandum est, optimam quoque regendi rationem in ejusdem Ecclesiæ Rectoribus constituisse; ut proinde recte facturus videar, si primam illam Apostolorum de rebus in fide ac moribus controversis Synodum Hierosolymis celebratam, vobis pro forma ac idea, ad quam præsentem vestram Synodum conformare debeatis, proposuero. Illam S. Lucas breviter, ut assolet, describit in Actibus Apostolorum. (e) Quidam de Phariseorum secta ex Judæa in Syriam & Antiochiam atque Ciliciam descendentes, gentiles noviter ad fidem conversos falsis doctrinis turbare, atque eorum salutem in circumcissione & Moisaicæ Legis observatione constituere nitentur. Cui malo ut occurreretur, Hierosolymis Apostoli & Seniores conveniunt, & cum causa in utramque partem acriter disputata fuisset, Petrus suam sententiam gravibus verbis proposuit, quam Barnabas & Paulus signis & prodigiis inter gentes factis; Jacobus Hierosolymorum Antistes Prophetarum oraculis confirmavit, reliquis Apostolorum & Seniorum Senatus ipsa sua ratiurnitate comprobavit; ac tandem unanimi consensu decretum est, ne gentes Moisaicarum observationum iugo gravarentur. Habebis quasi compendio descriptam formam Concilii. In quo sive causam ejus & principium intueor, sive progressum & finem contemplor, manifeste comperio ex rectissimo rationis præscripto, immo ex ipso Spiritus Sancti instinctu ac ductu omnia peracta fuisse. Agite ergo PP. Amplissimi, admoveamus lapidem Lydium ad opus nobis propositum, & bonæ Synodi conditiones examinemus: atque inprimis quid in personas huic Synodo præsentibus derivandum sit, indagemus. Præsidem Concilii agnoscere S. Petrum persuadeor, cum quia primus ipse sententiam dicit, tum quia cæteri ejus auctoritate moti, sententiæ acquiescunt. In hoc Conventu Præsidem habebis Rmum vestrum Episcopum, cui eam esse auctoritatem in hanc Synodum, quæ D. Petro fuit in Hierosolymitanam, nemo ambigit, nisi qui inter Theologos parum versatus nescit Apostolis Episcopos succedere, atque eorum quemque id sibi juris in Ecclesiâ suam vendicare, quod Pontifex in universam fidelium

M m m m m 3 um

(c) 1. Corinth. 2.

(d) 1. Reg. 12.

(e) Act. 15.

um congregationem habet. Quare vestri officii erit, ejus auctoritatem in omnibus revereri, sententiam reverenter audire, justæ voluntati prompte obsequi, ac denique ejus definitionibus concordissime acquiescere. In vestris vero personis, qui Præsidi Consilarii assidetis, quid desiderem? Totam vestri muneris functionem S. Petrus duobus verbis non minus bene, quam appositè expressisse mihi videtur, quando suos Assessores his titulis compellavit: *Viri fratres, vos scitis, quoniam, &c.* Viros honorifice, fratres amice appellat, & simul nos instruit, ad Conventus Ecclesiasticos, non nisi viros, non nisi fratres adhiberi debere, viros ut prudenter, fratres ut amanter: viros ut fortiter, fratres ut concorditer agant. Itaque ab hoc nostro consensu omnis procul abesto femina. Nulla Reip. aut firma aut diuturna felicitas constitit, quæ mulierum consiliis fuit gubernata. Telemachus apud antiquissimum Scriptorum Homerum, omnem publici muneris curam matri Penelope, quamvis lectissimæ feminae, denegat, & ad colum fufumque remittit.

*Ergo donum (f) mater repetas, muliebricia
persa*

*Atque opera exercens, telasque & pendula
fila*

*Et catubos relegas, famulasque ad lumina
longis*

*Adhibeas pensis, operumque adiisse labores
Ipsa jube; nam sermo viris debetur & oris
Officium & ratio, &c.*

Quis singulis hominibus sua munia assignavit sapientius Salomone? at ille inquirens mulierem non imbellem, sed fortem, non ociosam, sed laboriosam, non nugigerulam, sed constantem, non stolidam, sed sapientem ac providam, quibus studiis deditam scribit? *Quæsit, inquit, [g] lanam & linum, & operata est consilio manuum suarum. Manum suam misit ad fortia, & digiti ejus apprehenderunt fufum. De nocte surrexit, deditque prædam domesticis suis, & cibaria ancillis suis, & reliqua economiæ muliebris ministeria exercuit; inter quæ nulla gerendi Magistratus, nulla publicæ functionis sit mentio. Aliena hæc a femina, viri sunt propria. Nobilis (h) in portis vir ejus, quando sederit cum Senatoribus terræ. S. Paulus mulieribus in Ecclesia etiam discendi gratia loqui non permittit: ego ad docendum, ad consultandum de rebus summis, ad clavum Reipub. mulieres in hac Synodo admittam? Absit hoc a me, absit a vobis PP., nisi bonum, nisi felicitatem a nostro conventu abesse malimus. Intelligitis, opinor, me non tam muliebrem sexum, quam muliebrem*

animum a vestro consensu excludere velle, & contra viros eviratos pugnare. Possè enim sub virili toga muliebrem mentem latere, qui dubitat, ex Diogenis, meridiana luce, ad exiguum lucernæ lumen, in media viro- rum turba, virum quærantis Philosophia responsum petat, & audiet, homines quidem esse permultos, viros autem perpaucos, Barba virum duntaxat ornat, non facit, vetus est, sed verum verbum. Ergo viros vos esse oportet P. Synodici, hoc est, maculas virtutes pectore gerere. Viros maxime commendat prudentia, armat zelus, hoc est, Religionis ac pietatis mende amor, corroborat fortitudo atque constantia. Prudentia opus haberis, ut, quæ agenda sunt, perspiciatis, zelus ad audendum impellat, robur animi ac constantia omne impedimentum amoliarur. Quæ virtutum catena quam vobis sit necessaria, ex fine, ob quem convenistis, clare intelligetis. Antiquis id semper in more positum fuisse, ex historiis discimus, ut non nisi ob gravissimas causas magnorum ac plurium conventus agerent. Hinc quod Romani tributis aut centuriatis Comitibus non perfecerunt, ad curiata referre sunt soliti. Hebræi quoque, ut ex Josepho refert Illustriss. ac Doctissimus Cardinalis Baronius, tria Judiciorum genera exercuerunt, quorum supremum, quod ipsi Sanedrim, Græci συνέδριον appellant, tum primum cogebant, quando de maximis causis Religionis, Sacerdotio, Propheta controversia incidit. Quod si celebres conventus graves semper causas habuerunt, vos tanto numero, post aliquot annorum decades ob leves causas convocatos esse, existimabimus? Concilium Hierosolymitanum coëgit hæresis Pharisæorum judaizantium; vos non una hæresis, sed tot propemodum circumstant, quot bestia illa Babylonica in Apocalypsi monstruosa capita protulit; quas si amplius præcavere non potestis, extirpare tamen vestro studio, vestra induitria, gladio spiritus, armatura Dei debetis. Apostolos Hierosolymas convocavit indifferetis legis Mosaicæ zelus, cujus jugum, quod nec ipsi Judæi, nec Patres eorum portare potuerunt, gentibus conversis imponere conabantur. Sed his calamitosos temporibus malitia hominum eousque excrevit, ut non durum legis jugum obtrudere, sed suave jugum Christi & onus leve, quod Patres nostri jam a mille sexcentis annis tanta facilitate sustinuerunt, ab humeris nostris moliantur excutere. Docent ex Cathedris omnem vivendi licentiam hæretici, Divinorum præceptorum observantiam impossibilem, piarum operationum exercitationem otiosam, immo perniciosam clamitant, Sacrosanctum Pœnitentiæ forum, quo

(f) Hom. odif. 1.

(g) Prov. 31.

(h) 1. Corinth. 14.

quo hucusque omnem disciplinam Christianam, ubi adhuc viger, conservatam, ubi intercidit, restauratam videmus, immanem conscientiarum carnificinam vociferantur. Reclamant quidem huic impiae licentiae & licentiosae impietati verbis Catholici, repugnant sententiis, refutant argumentis, sed pro dolor, eandem impietatem multi tuerentur vita, profitentur factis; dum passim ita vivitur, ut a populo, a Clero, a maximo, a minimo, ab omni gradu & ordine Divinus cultus negligatur, operum Sanctorum usus jaceat, & in eorum locum comestationibus, carnis deliciis, luxui, lasciviae, vitis universis vacetur. Quam pauci hodie mortificationem JESU in suo corpore circumferunt, (i) ut vita JESU in illis manifestetur? Quam multi delitias Sardanapali, luxum Sybaritarum ita moribus exprimunt, ut vita ipsa, velut tessera, ostendant se Epicureae potius, quam Christianae militiae nomen dedisse. Haec, & his graviora vitia emendare, propulsare & extirpare tenemini, si vestri muneris obligationem recte perpenditis. At quantā ad hoc opus molendum prudentia exigitur, quanta circumspectio, ut dum prodesse vultis, obesse non peribimini? Hoc etenim tempore ea est perversitas hominum, ut ex curatione vulnerentur, ex pharmaco venenum hauriant, nisi prudenter & discrete medicina applicetur. (k) Prudentiae tres functiones ex Aristotele, Angelicus Doctor constituit, nimirum bene consulare, syncere judicare, & fortiter executionem praecipere. Quam bene omnes hujus virtutis partes expleverint Hierosolymitani illi Patres, ex Scriptura facile innoscit. (l) Primum namque de quaestione proposita facta est inquisitio magna, rationes firmæ cum a S. Petro, tum a S. Jacobo in medium prolatae, quæ omnia ad consultandi munus spectant. Deinde ad judicium perventum est in hanc formam: *Visum est Spiritui Sancto & nobis, nihil ultra imponere vobis oneris, quam hæc necessaria, ut abstinere vos ab immolatis simulacrorum & sanguine & suffocato & fornicatione; a quibus custodientes vos, bene agetis.* Denique ut executioni mandarent, quod prudenter judicatum est, miserunt Judam & Silam, qui cum magna consolatione fratres confirmaverunt. Hic rursus vos adhortor PP. Amplissimi, ut semel præfixam vobis agendi ideam, nunquam non intueamini. Ac inprimis seria a vobis deliberatio instituat, quibus mediis, quæ ex locorum, temporum, personarumque circumstantiis metienda sunt, tantis malis obvenire possitis. In judicandi vero munere dub ex Apostolica forma in vos præcepta derivare optarem, unum ut quicquid agitis in Spiritu San-

cto agatis. Spiritus ille sit Auctor, sit Director, sit Promotor, mentes vestras illuminet, pectora suo igne accendat, quod tunc demum consequemini, si puritate mentis, rectitudine intentionis, fervore charitatis vos digna Divini illius flammis habitacula effeceritis. Alterum est, ut sicut illi, temporum & morum conditione sic postulante, sublata legis severitate, solummodo necessaria onera imposuerunt, ita vos e contrario nihil eorum statuere prætermittatis, quæ ad vivendi licentiam refrenandam, ad disciplinam Ecclesiasticam instaurandam vobis necessaria esse videbuntur: & quod a vestris subditiis fieri postulatis, eo ipsos exemplo vestro, quæ compendiosissima persuadendi ratio est, ducatis, *Facti*, ut D. Petrus (i) loquitur, *forma gregis ex animo*. Denique cum recta statuisse, nihil aut parum profit, nisi quæ imperata sunt, fiant, magna vobis animi constantia agendum est, ut nihil eorum, quæ statuta sunt, aut pertinaciter repudientur, aut negligenter intermissatur. Itaque proderit etiam mittere Judam & Silam ad fratres tota Provincia seu Diocesi dispersos, hoc est, Visitatores & Inspectores, qui eo nomine sint commendandi, quod traderint animas suas pro nomine Domini nostri JESU Christi, quibus ea cura ac sollicitudo sit, ut Decreta vestra & Senatusconsulta populis proponant, eadem statim, sancta, perpetua esse velint. Atque his ferme functionibus integrum virorum munus, omni ex parte explebitis.

Supereſt ut quomodo in hac Synodo fratrum vobis nomen ac amorem vindicetis, paucis exponam. Sicut nihil adeo inimicum est bonis consiliis, quam inter confusores dissensio, ita aulim affirmare, unicum consultationum firmamentum esse concordiam. Sed quid dico sana consilia firmari concordia? Plus dicam, Nescire vinci, quicquid concordii voluntatum consensu aliquando coaluit. Quid debili virgulto debilius? at societate & conjunctione cum aliis adeo forte efficitur, ut quod seorsim levi conatu puer frangeret, robustissimi viri vires accinatum omnem eludar. Notus est Phrygis illius fabulatoris Aesopi apologus de virgarum fasciculo, quem parens moriturus filio suis frangendum proposuit. Conati sunt singuli colligatum dirumpere, sed conatitantum, minime vero consecuti sunt, quod maxime cupierunt; dissolutum vero fascem minimus natu nullo negotio fregit, rupit. Simile refert Plutarchus de Scyluro Scythæ, qui octoginta liberorum pater, cum jam moriturus esset, fascem jaculorum singulis porrexerat & frangere jussit, quod cum nemo eorum præstare conando posset, ipse singula

(i) 2. Corin. 4.

(k) 2. 2. q. 47. art. 9.

(l) 1. Petr. 5.

la exēmir jacula; iisque sine negotio frangēdibus omnia; quid symbolis hūce voluerit; explicavit. Si, inquit; concordēs fueritis, validi invictique manebitis. Sin vero discordēs, imbelles & imbecillēs facilesque expugnati futuri estis. Ceterum ergo sit, quod experientia etiam quotidiana nos docet: concordia res parvas crescere, discordia maximas dilabi. Nec mirum. Ut enim navis per medios fluctuum vortices, interque furibundos ventorum turbines illaesa pertransit, si vela idem litus respiciant; ita suaviora quōque ratis, ludibrium ventis debet, nisi consiliorum velis consentientibus ad unum portum dirigatur. Felicem hujus navis cursum duabus potissimum rebus impediri, gravissimū pollicarum rerum Scriptores asserunt. Unum est continuācia velut remora quaedam, quae aliqui propriae persuasioni ita pertinaciter inhaerent, ut ejusvis consilii quamvis egregii, quod ipsi non adferunt, sint inimici; & ex suo tantum ore sapere posse videantur. Alterum sunt assectum inordinatorum scopuli, in quos privata utilitatis ventus consiliorum cymbam saepe cum publico exitio impellit, nisi diligentissime caveantur. Quae omnia si a vestro Senatu longissime, uti non dubito, abfuerint, & fraterna concordia eritis illustres, & ad omnes difficultates superandas fortes. *Frater enim [m] qui adjuvatur a fratre quasi civitas firma, & judicium quasi vestes urbanum, ex Dei ore sapientissimus Salomon pronuntiavit.* Scio equidem privata studia, & rei familiaris controversias solere aliquando fraternos animos in diversas trahere sententias, & mutuis aliquando dissociare odiis; quamprimum vero ab externo inimico communia omnium fratrum bona invaduntur, quamprimum parentis aut familiae nomen & auctoritas violatur, mox tantisper dissimulatis privatis dissidiis, in veterem amicitiam coalescere; seque pro paternā hereditate, pro familiae honore, tam conjunctis animis opponere, ut omnem facile difficultatem perumpant. Videbis nonnunquam oviculas parenti campo inter sese arietare; cernes subinde gallinaceos pullos in pugnam descendere, in quibus, rostellis se mutuo dilacerare; & implacabiles inimicitias ostentare; statim vero ut hi milui, illae accipitris praesentiam senserint, depositis odiis in unum coire; ipso naturae instinctu edocti, etiam propriae incolumitati magis prospectum fore, si publico hosti conjunctis viribus obstant, quam si privata dissidia cum certo suo exitio prosequantur. Quod si vestris quoque animis Patres penitus persuasum fuerit, vos in communi causa celestis Patris, qui vos in Filios adoptavit, convenisse,

pro paternā hereditate, quae est Ecclesia Dei, certare, a Christi grege communem hostem, lupum infernalem, haereses, viti propellere, nihil proprii commodi quare debere; omnino confido nihil saturum, quod fraternam vestram concordiam dissolvat, sed potius omnia vestra consilia ab hac charitate vim roburque sumptura; quibus ad machinationes omnes adversariorum perfringendas fortes & invicti efficiamini.

Architectura vestrae compexitis ideam, Patres integerrimi, intellexistis Concilii antiquissimi, augustissimi, sanctissimi formam, facie ergo secundum exemplar, quod vobis monstratum est in Monte Sancto Sion. Hoc commissi vobis muneris postulat obligatio, exigit ovium libidinarum necessitas, expectat Christi sanguine redeempta Ecclesia, flagitat Dei amor. Cogitate vos non pro agris, sed pro aris, non pro vestris fortunis, sed pro Christi hereditate, non pro liberis, sed pro filiis Dei tuendis convenisse: pro animabus, inquam, fidelium, quas Christus non corruptilibus auro & argento, sed pretioso suo sanguine emit, redemit: quas vestrae curae ita commisit, ut sanguinem earum, immo sanguinem suum, si vel vestra negligentia, vel conniventia pereant, & praeda hostibus fiant, de manibus vestris hic exacturus. Sed mihi jam dum vestra benevolentia abuerit, receptui; vobis, classicum canat Apostolicus Doctor, tuba celestis, verbis, quae primo Philippensibus (n) intonuit. *Si qua consolatio in Christo, si quod solatium charitatis, si quod societas spiritus, si qua viscera miserationis, implete gaudium meum, ut idem sapiatis, eandem charitatem habentes, unanimes, idipsum sentientes, nihil per contentionem, neque per inanem gloriam, sed in humilitate Superiores sibi invicem arbitantes, non quae sua sunt, singuli considerantes, sed quae aliorum: ut probetis potiora, (o) ut sitis sincere & sine offensa in diem Christi, repleti fructu justitiae per Jesum Christum in gloriam & laudem Dei.*

H O C
NOS OMNES VOVEMUS,
VOS AGITE.
D I X I.

Qua Oratione ad finem deducta, Adm. Rdu & Clarissimus Dominus Joannes Christophorus Hager, Decretorum Doctor, Cathedral. Ecclesiae Canonicus, primus Synodi Promotor, totum Synodicum Conveniunt, his, quae sequuntur conceptis, verbis affatus est.

Rmi, Rdi, Illustres, Nobiles, Venerabiles, Religiosi Viri ac Domini observandi, Rmus
in

in Christo Pater ac Illius Princeps ac Dominus, D. *JACOBUS*, Episcopus Constantiensis, Dominus noster Clementissimus; sub pena excommunicationis mandat ac præcipit omnibus ac singulis in Synodo Diocesana, hic presentibus; & ad eandem vocatis, ne aliquis absque Rmæ ac Illmæ Cels. Suae licentia & consensu discedat, donec Synodus hæc debite finita; & cum Benedictione dimissa fuerit. Porro eisdem hortatur, ut omnes in diversoribus, hospitibus, & aliis ubique sese modeste decenterque gerant; ut eorum bona conversatio, aliis, præsertim vero Laicis, sit in exemplum, tum at quærelas, & gravamina sua, si quæ habeant, conjunctim vel divisim deputatis Consiliariis, singulis diebus durante Synodo in Palatio Episcopali, ab hora prima pomeridiana, usque ad secundam congregatis, in scriptis offerant; ut, de eisdem mature deliberare, & quantum per horum temporum difficultates fieri potest, remedium adferri valeat. Deinde omnes de crastina finito pulsi majoris campanæ, in hoc loco, habitu Pontificalibus exceptis, cujuslibet statui ac ordini congruenti, de negotiis Synodalibus tractaturi conveniant.

Quibus omnibus expeditis, data prius solenni & Episcopali benedictione, a Reverendissimo Domino Præsidente Synodico confessus, ad prandii refectionem dimissus est.

Horæ postmodum pomeridianæ ejusdem diei, spectandæ Tragico Comediæ de S. Martyre JUSTO, in PP. S. Petris JESU recens exstructo Gymnasio, celebratæ, impenitæ sunt.

ACTA SECUNDI DIEI SYNODI.

Postero die ad medium septimæ, Sacrum Missæ Officium celebravit Adm. RduS & Religiosus Dominus Martinus, Abbas Monasterii S. Blasii, de Sanctissima Trinitate, cum Collecta de Spiritu Sancto, ministrantibus eidem duobus ex Ecclesiæ Cathedr. Constant. Succentoribus: Missa finita, Rmus Dominus Episcopus, indutus supra Rochetum (ut vocant) amictu, stola, & pluviali rubeo, assistentibus eidem quibus Dignitatibus præmemoratis, similiter indutis rubeis ornamentis, ex Choro processit, ad locum præparatum, quem Reverendissimum Capitulum Cathedrale, Domini Prælati, & alii subsequuti sunt. Sessione competenti ab omnibus occupata, Rmus Dnus Episcopus orationem: *Adsumus Domine &c.* clara voce recitavit.

Tomus VIII. Concil. German.

Quo factò, Reverendus & Clarissimus Dominus Leonhardus Hamerer, Ss. Theologię D.; Parochus & Canonicus Ecclesiæ Collegiatæ S. Stephani, secundus Synodi Promotor, conversus erga Synodicum conventum & universum populum, in hæc verba profatus est:

Rmus in Christo Pater ac Dominus, D. JACOBUS, Episcopus Constantiensis, sub pena excommunicationis præcipit ac mandat, ut omnes Laici, qui non de voluntate, & consensu Rmæ ac Illmæ Suae Cels. adsunt, hinc recedant.

Quo Edicto promulgato, Laici omnes Templum Cathedr. egressi sunt; Linguae vero latinæ ignari, per Aedituos & Pedellos ad hoc deputatos, excedere jussi, portæque ejusdem Ecclesiæ occlusæ sunt.

Postmodum primus Synodi Promotor, Synodum hisce verbis allocutus est:

Rmi, Rdi, Venerabiles & Religiosi Domini; Quia ad præsentem Synodum universi & singuli Domini Prælati, tam Sæculares, quam Regulares, exempti & non exempti, atque etiam totus Clerus Civitatis & Diocesis Constantiensis, & ceteri omnes, qui de jure vel consuetudine, Synodo interesse debent, per authenticas, & editales literas legitime convocati sunt. Ideo Rmæ & Illmæ Domine Præsidentis, ego hujus Synodi deputatus Promotor a Rma & Illma Celsitudine Vestra decerni posulo, ut literæ Convocationis, cum eandem Executione, per Notarium ejusdem Synodi publice perlegantur.

Cui Domini Promotoris petitioni, Reverendissimus Dominus Episcopus Constantiensis, benigne annuendo respondit: *Decernimus.* Quo Decreto audito, Aftuarius seu Notarius Synodi, literas Indictionis & Convocationis ejusdem, una cum eandem executione, per eum in valvis Ecclesiarum Cathedr. & Collegiarum S. Stephani & S. Joannis Constantiæ facta, publice perlegit. Quia vero infinitum fuisset, omnes & singulas Pedellorum & Cursum extra Civitatem Constantiensem & per totam Diocesin infinitiones dd. literarum legendo percurrere; Idcirco eandem Executiones a Notario Synodi justæ & legitimæ repertæ, & in scriptis comprehensæ, toti Synodico conventui exhibitæ & monstratæ sunt, a quolibet pro arbitrio legendæ, ac lustrandæ.

Deinde idem Dominus Promotor hæc verba subjunxit:

Audivistis Rmi & Rdi Patres & Domini, Literas Convocationis Synodi omnibus

N n n n

&

Et singulis, qui de jure vel consuetudine Synodo Diocesana interesse debent, transmissas, Et legitime insinuatias j. i. Ut igitur inobedientes Et contumaces ab obedientibus discernantur, peto, ut Notarius hujus Synodi Catalogum omnium specialiter vocatorum, alta voce legat, Et ubi quis se nomine vel dignitate sua nominari audiet, m. b. x. respondet, suamque verbo: Adsum, personalem praesentiam significet, qui vero tanquam Procuratores Collegiorum, Capitulorum, Monasteriorum, aut alias alieno nomine hic adfuerint, illi prodeant, Et mandata sua Rmi ac Illmi Domini nostri Vicario in Spiritualibus exhibeant, ut ea examinare ac recognoscere, Et utrum sufficientia sint nec ne, suo tempore, vel ad ipsam Synodum, vel ad Reverendissimum Dominum Episcopum, tanquam Ordinarium, referre possit. Quod si pro hujusmodi recognitione Domini Praelati, Et ceteri Patres, unum vel plures, Domino Vicario adungere velint, illud eis Rmus ac Illmus Dominus Episcopus permittit.

Quod dicto, Notarius Synodi omnium & singulorum ad Synodum vocatorum nomina, ex Catalogo recensuit.

Proinde singuli proprio nomine comparentium, ut nomina sua exaudierunt, verbo *Adsum*, sese propalarunt; qui vero alieno nomine aderant, ad lectum Dominorum suorum Principalium nomen vel dignitatem in medium prodierunt, & mandata procuratoria, vel realiter obtulerunt, vel in manus Notarii Synodi, de propedem transmittendis, caverunt.

Porro recognitio mandatorum exhibitum a solo Domino Vicario, & Dominis Consiliariis Ecclesiasticis facta est; eo quod Domini Praelati, ceterique Patres Synodici, nullam de eorundem integritate suspicionem moventes, neminem eisdem adjunxerint.

Quibus peractis, alter Dominorum Promotorum, Dominus D. Hamerer, citatorum & ad Synodum vocatorum, quorumcunque sive saecularium, sive Regularium, in Catalogo a calce actorum hujusmodi expressorum, non comparentium contumaciam accusavit, atque in penas Juris Canonici, & S. Tridentini Concilii incidisse declarari petiit, his verbis:

Rme Et Illme Princeps ac Domine, Domine Clementissime, cum ex recensito Catalogo appareat, quosdam ad hanc Diocesanam Synodum legitime citatos, Et convocatos, qui de jure vel consuetudine Synodo interesse te-

nentur, neque Procuratores, neque emanfones, Et absentia sua Excusatores misisse, sed contumaciter contra Sacrorum Canonum, Et Sacri Tridentini Concilii Constitutiones emansisse. Ideo omnium Et singulorum non comparentium, contumaciam accuso, atque a Rma ac Illma Celsitud. Vestra obnixi peto, ut non solum tanquam contumaces, sed etiam in penas Canonicas incidisse, declaret, atque nihilominus contumacia Et absentia illorum minime obstante, in Synodo, ad ea procedi cernat, quae pro honore, Et gloria Dei, pro Ecclesiae Et Fidei Catholicae incremento, Et pro morum reformatione, Et disciplina necessaria videbuntur.

Respondit Reverendissimus Dominus Praesidens.

Decernimus, ut non obstante contumacia, Et absentia non comparentium, nihilominus in Synodo procedatur, tractetur, Et determinetur, prout Nobis Et Patribus praesentibus visum fuerit, penas vero Juris, Et Concilii Tridentini in contumaces statutas, spatium desuper maturius deliberandi sumentes, pro hac vice suspendimus.

Lato hujusmodi Decreto, Prior Dominorum Promotorum, Dominus D. Hager, Synodalem confessum, hisce affatus est verbis:

Rmus in Christo Pater Et Illmus Princeps ac Dominus, D. JACOBUS, Episcopus Constantiensis, quantum hujus Diocesis Constantiensis, ejusdem statuum, ac personarum, conditio Et qualitas, horumque temporum, in quibus versamur, difficultas ferre potuit, nova Statuta Synodalia, Sacris Canonibus, Et Tridentino Concilio conformia conscribi curavit, quorum lectio, nunc publice ex Cancellis alta, Et intelligibili voce fiet. Quare ex mandato Rmae Et Illmae Suae Celsitud. vos omnes hic praesentes, Et quorum interest, in Domino adhortor, ut diligenter auscultetis, Et ea, quae ulteriori deliberatione indigere putaveritis, in notam sumatis, ut eo melius super iis deliberare, sententias vestras dicere, Et Rmae ac Illmae Celsitudini Suae, pro excessibus corrigendis, Et moribus reformatis; atque pro Ecclesiastica libertatis conservatione, aliisque incumbentibus negotiis, saluari vestro consilio Et auxilio assistere possitis.

Interim Venerabilis Dominus Joannes Ofchwaldi Praepositus Collegiatae Ecclesiae in Oppido Imperiali Uberlingensi, & Parochus ibi.

ibidem, suggestum ascendit, & lectionem novorum Statutorum Synodaliū aggressus est.

Qua paulo post decimam durante, Rmus ac Illmus Dominus Præfident, Synodum cum benedictione ad prandium dimisit.

Porro secundus Promotor Synodi, Dominus D. Hamerer pro continuatione lectionis Statutorum, secundam pomeridianam indixit, ac promulgavit.

Postmodum signo a majori campana, per quartam horæ partem dato, ad horam secundam præfixam convenientibus, Rmo ac Illmo Domino Præfide, cum universis Prælati, & Patribus Synodalibus, in loco solito, præfatus Reverendissimus Dominus Præfident, Orationem: *Adsumus Domine S. Spiritus, &c.* protulit. Dein Laicis exire iussis, portisque oclusis, lectio Statutorum Synodaliū, usque ad horam quintam instituta est.

Interim Rmus Dominus Vicarius, & reliqui Domini a Synodo deputati, in Sacristiam superiorem se recipientes, procuratoria mandata recognoverunt.

Demum lectione Statutorum, usque ad horam quintam continuata, rursus cum benedictione Synodus dimissa est; & medium septimæ posteri diei, pro Sacro Missæ Officio audiendo, & residua Statutorum parte legenda, per alterum Synodi Promotorem deputatum est.

ACTA TERTII DIEI SYNODI.

Tertia postmodum die, nimirum XXI. Octobris, ad pulsū majoris campanæ, convenerunt omnes Synodum constituentes Patres, Missæque de S. Ursula & Sociabus, ab Admodum Reverendo & Clarissimo Domino Joanne Christophoro Hagero, Decretorum Doctore & Cathedr. Ecclesiæ Constant. Canonico, duobus Canonicis, videlicet Rdis, Nobilibus & Clarissimis Dominis Jacobo Raslero U. J. D., & Jo. Jac. Blarer a Wartenfee, in munere Diaconatus & Subdiaconatus ministrantibus celebrata est. Qua finita, Rmus & Illmus Dominus Episcopus processit extra Chorum, ad locum consuetum, quem Capitulum Cathedrale & reliqui Domini Prælati, totusque Clerus subsequutus est. Cæterum ut a Rma ac Illma Sua Celsit. oratio: *Adsumus Domine S. Spiritus, &c.* recitata est, & locum suum quisque tenuit, laicis exclusis, portisque obsecratis, Lector in promulgatione Constitutionum Synodaliū perrexit. Ea cum ante meridiem finire commode non posset; Prior Do-

minorum Promotorum primam horam pomeridianam, pro continuatione lectionis finalem Statutorum indixit: simulque ex mandato Rmi ac Illmi Domini Præfidentis, ordines & status Ecclesiasticos in certas classes distribuit, locaque congrua, quantum fieri licuit, eisdem assignavit, subsequenibus verbis Synodum affatus:

Rmi, Rdi, Venerabiles Viri ac Patres, Rmus Dominus Episcopus ac Præfident noster concedit vobis omnibus & singulis spatium consultandi & deliberandi, super Constitutionibus Synodalibus jam prælectis & promulgatis, & a vobis omnibus auditis, usque in crastinum. Quod ut commodius facere possitis, in certas classes vos distribui, atque loca idonea, ubi post prandium finita Statutorum Synodaliū lectione conveniatis, vobis assignari, singulisque classibus, unum exemplar Statutorum dari mandavit.

Et primo quidem loco Rmum & Perillustre Capitulum Cathedrale in loco Capitulari solito convocabitur.

Secundam classē obtinebunt Domini Abbates, Præpositi Regulares & Procuratores absentium Prælatorum, nec non trium Principum Abbatissarum, & Universitatis Friburgensis Legati, in hypocausto majori Palatii Episcopalis conventuri.

Tertiæ classi nimirum Præpositis, Decanis & Canonicis, Colleg. Ecclesiarum Procuratoribus attributum est, hypocaustum Dominorum Canonicorum Cathedr. Ecclesiæ contiguum.

Quartam classē consicient omnes & singuli Ruralium Capitulorum Decani ac Procuratores, iisdemque Ecclesiæ Colleg. Ss. Joannis Baptistæ, & Evangelistæ deputata est.

Quinta demum classis consistet in conventu Provincialium, Priorum, Guardianorum, omniumque Procuratorum, vice ac nomine quorumvis Monasteriorum, utriusque sexus comparentium, usque Ecclesiæ D. Dominici pro loco congruo, destinata est.

Quæ locorum assignatio, ut a prædicto Domino Procuratore Synodi promulgata est, ad binas Ecclesiæ Cathedralis valvas in scriptis quoque per Notarium Synodi publicata & affixa est.

Præinserta igitur classium deputationum oretenus, tum in scriptis publicata, secundus Promotor Dominus D. Leonhardus Hamerer, Synodum his verbis interpellavit:

Rmus Dominus Episcopus, & Præsident noster, omniâs præcipit, ut à prandio finita Statutorum Synodaliûm lectione, omnes & singuli in loca sibi assignata concedant, & de Statutis Synodalibus prælectis, deposito omni humano affectu, solam Dei gloriam & honorem, & Ecclesiæ Catholice, atque Episcopatus Constantiensis, in spiritualibus incrementum præ oculis habendo, inter se tractent, & die crastina Missa solenni finita, in hoc loco, & communi congregatione Rmæ & Illmæ Celsitudini, sententias suas in scriptis offerant.

His peractis, Synodus cum benedictione ad prandium dimissa est.

Cæterum cum Rmus ac Illmus Dominus Episcopus à prandio, residuæ Statutorum Synodaliûm lectioni, ob certam quædam occurrentiam impedimenta, præsidere non posset, ejusdem vice ac nomine, Rmus Dominus Joannes Jacobus, Episcopus Sebastiensis, & Rmæ ac Illmæ Suae Celsitudinis in Pontificalibus Vicarius, præfuit.

ACTA QUARTÆ ET QUINTÆ DIEI SYNODI.

Quartâ postmodum die, nimirum XI. Calendas Novembris, convocata de more per majorem campanam Synodo, ad medium septimæ, solenne Missæ Officium decantavit, Adm. Rmus Dominus Petrus Emberger, Præpositus Collegiæ Ecclesiæ Beronensis, duobus ex Succentoribus Cathedral. Ecclesiæ eidem inservientibus. Quo finito, Rmus ac Illmus D. Præsident pronuntiata primum alta, & intelligibili voce confecta oratione: *Adsumus Domine S. Spiritus, sese in superiorem Sacrificiam, cum suis Ecclesiasticis Consiliariis recepit, Statuum Synodaliûm sententias super prælectis Synodiceis Constitutionibus auditorus.*

Postmodum Rma ac Illma Sua Celsitudo locum præmemoratum ingressa est, primus Dominorum Promotorum, Synodum in Choro congregatam, hisce verbis affatus est:

Rmi, Rdi & Venerabiles Viri Patres ac Domini observandi. Non dubitat Rmus in Christo Pater ac Dominus, D. JACOBUS, Episcopus Constantiensis, Dominus noster Clementissimus, Dnes Vstras die hesternâ in locis sibi assignatis convenisse, de Statutis Synodalibus mature deliberasse ac conclusisse, proinde mandat vobis, ut per Deputatos, ex qualibet classe, Reverendissimæ & Illustrissimæ Suae Celsitud. vstras sententias & judicia offeratis.

Deinceps totus ille dies, diversorum Statuum judicis super Constitutionibus Synodalibus, nec non variis eorundem gravaminibus, tam oretenus, quam in scriptis expressis, consumptus est.

Postera luce media anteseptimâ hora, Missa solennis per D. Michaellem Buchmaier, Succentorem Cathedral. Ecclesiæ decantata est. Qua finita, secundus Dominorum Promotorum Synodum his verbis allocutus est:

Rmi, Rdi & Venerabiles Viri Patres ac Domini multum observandi, Crastina die Rmus ac Illmus Dominus Episcopus ac Præsident noster finem imponet Synodo huic Diocesana Constant. Quare ex mandato Rmæ Celsit. Suae vobis omnibus & singulis præcipio, ut mane ad pulsum majoris campanæ, quilibet in suo habitu Pontificali vel Choral, pro cujusque statu ac dignitate, pro agendis Deo gratius, & Synodalibus negotiis finendis, in hoc loco compareat.

Reliquæ ejusdem diæ horæ, audiendis & excipiendis Monasteriorum, Collegiorum & Capitulosorum, quibus diversimode gravari se prætendunt oneribus, & sententis de Statutis Synodalibus, viva voce & in scriptis oblati impensæ sunt.

Ea diæ in palatio Rmi ac Illmi Domini Episcopi, ex Dominorum Prælatorum numero selecti ac deputati Patres, suam de Constitutionibus Synodalibus sententiam edixerunt, eandem in scriptis redactam, Rmæ ac Illmæ Suae Celsitud. offerentes, prout a reliquis etiam Statibus factitatum.

SEXTÆ DIEI SYNODI.

Ultima demum diæ, quæ erat XXIV. Mensis Octobris, qua Synodus dimitenda esset, omnes, vel in Pontificali, vel Choral habitu, pro cujusque statu & dignitate, hora præfixa, in Templo Cathed. comparuerunt. Missæ Officium celebravit Rmus Dominus, D. Joan. Jacobus, Episcopus Sebastiensis; Rmi ac Illmi Domini Episcopi Constantiensis in Pontificalibus Vicarius, d. Cathed. Ecclesiæ Canonicus & Custos; assistentibus eidem in munere Diaconatus & Subdiaconatus, Admodum Reverendis, Nobilibus & Clarissimis Dominis, Domino Jacobo Rasler, U. J. D. Proto-Notario, & Domino Joanne Jacobo Blarer a Warensee, ambobus Cathedral. Ecclesiæ Canonicis.

Quo finito, Rmus ac Illmus Dominus Præsident, Choro egressus, in loco præparato sese collocavit, omnibus reliquis loca & sedes sibi assignatas occupantibus, ibi Rmo ac Illmo Domino Episcopo cum tota Synodo

do in genua procumbente, Cantores Antiphonam: *Propitius esto peccatis nostris*, in-ceperunt, de cætero omnia prosequentes, quemadmodum in Pontificali Romano anno-tatum est. Hymno: *Veni Creator Spiritus*, finito, Reverendus & Illustrissimus Dominus Leonhardus Hamerer, Ss. Theologiæ D., Pa-ræchus & Canonicus Collegiæ Ecclesiæ S. Stephani, suggestum conceudit, & subse-quenti latino sermone, ad Synodum accom-modato peroravit.

Quod olim Lucio Crasso præstantis inge-nii, summæque eloquentiæ viro; Re-verendissime & Illustrissime Princeps ac Dominæ, Domine Clementissime, Rmi, Rdi, Perillustres, Generosi, Nobiles, Mag-nifici, Clarissimi, Venerabiles Viri, Fra-tres, & Domini multum observandi, acci-disse testatur M. T. Cicero, ut in principiis dicendi exalbesceret, & tota mente, atque omnibus artubus contremisceret; idem mi-hi jam nunc haud paulo minoris eloquen-tiæ, haud etiam paulo minore de causâ usu venire fateor libere: Neque vero meus ist-hinc timor existit tantum, & formido, quod ego fatundia impeditissima, coram vobis eloquentissimis, ingenio exiguo, vel potius nullo, coram vobis consultissimis, ætate & experientia juvenis, coram vobis iudicio & discretione maturis, & ut uno verbo prolo-quar, ego humilis & indoctus coram totius Constantienfis Diocesis Amplissimis, Doctis-simis, Selectissimisque Viris, quarumcunque censura non nisi gravis esse potest, & rigo-rosa, verba facere debeam, sed etiam non immerito meus inde proficitur merus, quod propter satis longam interruptionem, si quæ in me fuit unquam facultas orationis [quæ scio quam semper fuit exigua] eam ita sentio exaruisse, ut cum effluxisse verba, excidisse sententias, methodum oratoriam evanuisse, memoriam etiam ex parte defecisse animadvertam, vix brevem quandam, eun-demque simplicem a me pertexi posse ser-monem, & experiar, & ingemiscam. At-tamen quia vestra mihi humanitas, & dis-cretio singularis spem facit indubitam, Vos hoc ipsum, quod a me suscipitur fa-ctum, non tam arrogantiae cuidam vel præ-sumptioni ascripturos, quam obedientiæ, quam Rmo & Ilmo Principi, Domino meo Clementissimo, cujus auctoritati in re licita & negotio pio refragari nefas esset, me de-bere suapte intelligitur. Idcirco dicam vobis & libere & breviter, non quomodo se quis-que pro suo statu vocationeque gerere, vi-tamque traducere debeat, cum ex his, quæ in præsentî Episcopali Ss. Synodo hinc inde a vobis agitata, & trutinata sunt, quid cui-vis sequendum, fugiendumve sit, abunde sa-

tis compertum sit: sed quidnam vos, ad se-dulam Statutorum observantiam, allicere, commovere, stimulare possit ac debeat, paucissimis verbis demonstrabo, interim vero ut me attente & benevole audiat, pre-cor.

Si creatura illa rationalis, homo nun-cupatus, ut a DEO OPT. MAX. est fa-ctus, ita semper rectus ac integer persistis-set, non solum facilis, sed jucundus etiam fuisset ei cursus ad immortalitatem, & æter-nam gloriam, propter quam conditus erat, nullo quidem alio adjumento, præter DEI gratiam, quam tamen in ipsa origine hau-sisset, & suis deinde meritis & cooperatione uberrime adauxisset; nunc autem cum hæc humana natura, adeo fracta, debilitata ac deformata sit, non modo ex originali cul-pa, quæ deinde in omnes homines pertran-sit, sed etiam ex propriis cujusque peccatis, cumque eidem perpetua sit colluctatio & conflictus, & cum carne, quam circumfert, & adversus Principes & potestates tenebra-rum harum, a quibus jugiter infensissime oppugnatur, hinc fit, ut nihil jam ei aut difficilius, aut laboriosius, aut etiam per-iculosius esse possit, quam ad æternam illam beatitudinem aspirare, nihil proclivius, quam ab ea excidere, & quod acerbissimum est contra, in sempiternum animæ, corpo-risque exitium & interitum prorueri: Hanc igitur ob causam, Pientissimus ille hominum Creator & Custos, cujus Natura, Bonitas, & cujus proprium est semper misereri & parcere, nunquam destitit, neque destitit nostram hanc imbecillitatem opportunis qui-busdam adjumentis fulcire, & omnibus Di-vina quædam quasi instrumenta proponere, quibus si velint secure, imo facile salutem suam operari possint; Hinc nimirum tot consilia, tot rationes, tamque varia, ut ita dicam, Domini ac Salvatoris nostri in-venta & Sacramenta, quæ in Ecclesia Catho-lica videmus, ad hominem per se adeo lu-bricum, proclivem ac debilem vel sustinen-dum, ne cadat, vel sublevandum si cecide-rit, & ad eum corroborandum, & in omni legis Christianæ perfectione confirmandum: Immo vero inter Divina hujusmodi media, ad vitam non modo Christiano homine, sed & Clerico & Religioso Viro dignam tradu-cendam, ac æternam demum salutem asse-quendam, aptissima non minus, quam utilis-sima & maxime necessaria esse, sive Ocu-menicas, sive Provinciales, sive etiam Dic-cesanas, cujusmodi hæc est, Synodos, quis nostrum est, qui non intelligat? Eni-mvero quid in præsentî, & jamjam finiendâ Synodo aliud est pertractatum, quam de principio & fundamento salutis nostræ, fide scilicet orthodoxa, sine qua impossibile est

ad Deum accedere, ipsique placere? Quid rursus aliud actum est, quam de Ss. Sacramentorum, per quæ vel Dei filii, & cohæredes Christi efficitur, vel eidem penitentes reconciliamur, vel denique iusti in gratia stabilimur, virtute & efficacia? An non etiam, quod certa quædam præscripta, & leges, secundum quas mores, vitamque quilibet suam conformare, seu potius reformare debeat, sunt sanctæ, inter Divina huiusmodi & quidem singularia remedia est recensendum? Quarum quidem Legum innovatio, quam hoc præsertim tragico, exulceratissimoque tempore & salubris & necessaria sit, vel ex olim Decretorum violatione, vel ex dissoluta, heu! nimium Clericorum vita, moribusque satis superque constat: Cujus enim culpa evenisse arbitramini, quod præterlapso sæculo tam perniciosæ variarum hæresium contagiones, totam propemodum invaserint Germaniam, quam quod Clerus, qui sal terræ esse debebat, fuerit infatuatus, nec ad eam rem, ad quam maxime oportuisset, utilis fuit? Quid insuper aliæ causæ esse suspicamini, quod præfatæ hæreses usque in hanc diem non modo non cessaverint, sed multis variisque amplificatæ accessionibus accreverint semper, & indies grandescant adhuc, quam quod Clerus tam Superior, quam Inferior, tantis Ecclesiæ ærumnis & calamitatibus non modo nihil afficiatur, sed longe magis insolescat, gulæque, crapulæ & libidini obscenæ indulgeat, quæ sane morum turpitudine adeo imperiti, simplicisque populi animos offendit, ut subinde magis, magisque, a Catholica nostra Religione alienior efficiatur, atque Sacerdotium una cum Sacerdotibus, doctrinam juxta ac Doctorem excreetur, dirisque devoveat, ita & protinus ad quamvis sectam potius deficere sit paratus, quam qui ad veram velit Ecclesiam redire: quæ quidem cum ita sint, decuit sane Rmum nostrum Illumque Principem, seu Supremum hujus Amplissimæ quidem, sed eheu! nimium collapsæ Ditecesis Speculatorem & Pastorem, ejusmodi Ministrorum vitia, quæ vel ipsi Deo stomachum moverunt, & ad sumendum hoc de nobis acerbissimum supplicium provocaverunt, ab Ecclesia Christi depellere, & in ipsos malorum fontes, unde hæc scaturiunt, oculos conjicere, & ea, quæ Divinam aciem offendunt, quæ hostium nostrorum animos a nobis alienarunt, & ea, quæ tacitas etiam Catholicorum cogitationes vulnerant, e medio auferre: quod quidem partim per crebras, quas Reverendissima Celsitudo Sua per potiorem Ditecesis partem instituit Ecclesiasticæ disciplinæ visitationem & inquisitionem, partim vero per institutæ Synodi executionem fiet adhuc: nostrum autem est,

ut ea, quæ hisce diebus a nobis unanimibus vobis sancte, religiose, ac pie concepta, & stabilita sunt, deinceps sedulo servanda agrediamur, & prosequamur. Neque vero ab hujusmodi observatione mandatorum, nos vel dura necessitas abstergere, vel præceptorum multiplicatio gravis & odiosa videri debet, quippe per hanc ipsam necessitudinem illud tandem assequemur, ut cum initio necessitate hac coacti vivere inceperimus, assuetudo deinde & ipsa exercitatio, & quasi experientia quædam ejus, quæ sub virtute latet, suavitatis, eam nobis voluntariam reddet amabilemque.

Addo & aliud, quod nos ad Statutorum observantiam merito propellere debet, nempe obedientia, quam Præpositis nostris & debemus & vovimus, imo & juravimus, & ejus transgressores gravissimis semper a vindice Deo multati sunt pœnis, quas quidem recensere prolixum nimis foret, & odiosum. Jam vero ut tandem portum nostram prospiciat oratio velaque complicem, quid dicam de æternæ illius & immarcescibilis, quam speramus omnes, gloriæ retributione, intuitu videlicet ejus, nos cum Sanctissimo Davide Propheta cor nostrum non dicam ad hæc duntaxat facilia Statuta observanda, sed ad quasvis alias justificationes ejus, in æternum faciendas inclinare deberemus. Laboriosum equidem est agricolæ jungere boves, & aratrum ducere, fulcis arva proscindere & semina spargere, hyemes & frigora perferre, æstate vero pæne sanguinem ipsum sudare, fossis actis superfluas aquas a satis arcere, ripas amnium aggeribus præmunire, & per arva media collices facere, sed omnia ista operosa, laboriosaque levia redduntur ac facilia, dum vel sola spe concipit flaventes novalium segetes, & falces exacutæ, & aream manipulis plenam, & fruges maturas magna alacritate domum comportandas. Pari etiam modo gubernator efferatas undas ac tempestatum vim furensque pelagus sæpenumero contemnit; adhuc ventorum inconstantiam, marinas jactationes, longinquas peregrinationes haud gravatim fert, dum mercium sarcinas, emporiorum opportunitatem, prædivitemque ex his comparandam copiam, animo secum reputat. Nec absimiliter miles vulnera patitur, telorum pilarumque nubem excipit, famem, frigus, æstus, sitim, difficiles peregrinationes, & in acie, pericula & diurna & nocturna perfert, dum futuras victorias & trophæa cogitat; sed cur hæc commemoro, & quid sibi volunt hæc similitudines? Orationem nimirum his concludere lubet, ut ad labores virtutis causa alacriter & suscipiendos, & perferendos, & Synodalia Statuta magnanimitèr capescenda

animemini. Si enim eorum quisque quos commemoravimus, laborem levem ac facilem existimat, spe futurorum commodorum, quibus etiam si potiri contingat, non tamen ultra præsentem vitam prorogantur, multo sane magis convenit vos percipiendæ gloriæ æternæ intuitu, & spe futuræ vitæ, cœlestisque beatitudinis, tam certamina dubia (militia quippe est vita hominis super terram) quam alios quosvis sudores impigre perferre, quandoquidem illorum spes temporaria est, & incerta, nec raro in expectatione melioris fortunæ ex hac vita sunt præcepti, spe tantum oblectati, eventu autem procul, graves licet interea labores ac pericula perpessi: Quoties enim accidit, ut post multos illos sudores agricola nonnunquam falcem jamjam in messem immissurus, rubigine in eam, aut locustarum multitudine delata, aut imbris immodicis incidentibus, aut grandinibus ingruentibus, aut alia quapiam calamitate per æris intemperiem oborta, redierit domum vacuis manibus, labore quidem omni exhausto, cæterum fructus spe frustratus? Annon sæpe itidem evenit, ut Gubernator lætus multitudine mercium, & magna alacritate velis expansis, multumque maris emensus, in ipso persæpe portus ingressu, aut procella repente exorta, aut navi in latens aliquod saxum impacta totum onus perdidit, & post tanta pericula amissis mercibus ægre nudus in litus evaserit? Miles denique similiter non raro posteaquam toties in acie stetit, adversosque hostes toties repulisset, ac fortiter profligasset, jamjam victoriæ imminens repentino aliquo ictu vel casu, e vita est sublatu, nullo interim periculorum ac strenuorum laborum præmio percepto. Nostræ vero res sese non ita habent: nam & spes habemus immobiles, æternas & firmas, nec cum temporaria hac vita finiendas, sed ad immortalem illam, & beatam vitam perennantes, nec solum æris tempestatibus, maris injuriis, aut aliis quibusvis improvisis casibus, sed & morti ipsi minime obnoxias. Hæc, inquam, spes gloriæ perennis adipiscendæ indubitata, nos ad currendam mandatorum Dei viam stimulare debet, & hæc omnia scientes, juxta præscripta nostram deinceps traducamus vitam, & æquo, quidquid molestiarum nobis accider, feramus animo, (memores quod non sunt condignæ passionibus nostræ ad futuram gloriam, quæ in nobis revelabitur, & quod momentaneum hoc & leve tribulationis nostræ mire supra modum æternum pondus gloriæ operatur in nobis;) Hujusmodi nempe considerans olim electum illud organum, & Divinarum constitutionum proclamator Divus Paulus, non modo non est contrista-

tus afflictiones, infirmitates, carceres, vincula, verbera, lapides, pericula, naufragia, famem, sitim, nuditatem & mille alia exterius, interiusque incommoda perferendo, sed & in hujusmodi infirmitatibus est gloriatus, hujus inquam Ssmi Apostoli, imo ut uno proloquar verbo, omnium nullo excepto Sanctorum vestigiis insistentes, contemnamus generose sæculi hujus voluptates & illecebras, & officii obedientiæ Rmo nostro Antistiti debita, vocationisque quilibet suæ memor, ita juxta saluberrime & itaruta, & recepta fidei, morumque dogmata, suam traducat vitam superflitem, ut post decursum hujus sæculi finem; tanquam fidelis servus mercedem recipiat æternam. Dixi.

Præinserta oratione conclusa, Adm. Rdu. & Clarissimus Dominus Vicarius, subsequenter protestationem, contra eos, qui ad Synodum legitime convocati, vel conrumaciter prorsus emanserunt, vel non legitimis instructi mandatis alieno nomine interfuerunt, coram toto Synodico consensu, hisce verbis interposuit:

Quandoquidem Rmus & Illmus Dominus Episcopus, ac Præsident superioribus diebus non præter gravem animi sui molestim animadvertit, quorundam Ordinum Superiores & alios nonnullos, ad Synodum Constant. (qui alias de jure, vel consuetudine interesse tenentur) legitime vocatos, partim omnino non accessisse, partim vero in eadem cum protestationibus frivolis, & mandatis procuratoriis limitatis comparuisse, desuper nihilominus votata, conclusa, & definita approbando; Ne igitur hujusmodi inobedientes & contradictores, in præsumpto eorum proposito & facto, magis obfirmantur; silentio ejus rei novitatem & prætensiones præterire non potuimus. Itaque nomine ac vice Rmæ ac Illmæ Suae Celsitud. coram toto Synodali consensu, & nominatim coram Notario ad Acta ejusdem Synodi conscribenda deputato, solenniter protestamur, absentiam non comparentium, & protestationes quorundam præsentium nulliter factas, Divesana Synodo jam celebratæ & in posterum celebrandæ, aliisque competentibus juribus Episcopalibus, in nullo præjudicare debere; Et contra Rmæ & Illmæ Suae Celsit. expresse se declarat, quod per hæc nova Statuta Synodalia, in reliquis omnibus, ipsorum exemptioni, juribus & privilegiis, quatenus sunt in usu, & Decretis Sr. Conc. Trid. non repugnant, minime derogare intendat, quorum omnium & singulorum, ut certa notitia, perpetuis futuris temporibus habeatur, petimus etiam

etiã hanc declarationem, & respective contrariam elisivam protestationem, ad Acta hujus Synodi referri & conscribi.

Hanc protestationem, excepit sententia per Dominum Lectorem hujus Synodi, publice e superiore loco lecta & promulgata; eratque subscripti tenoris:

Christi nomine invocato &c. Nos **JA. COBUS** Dei & Apostolica Sedis Gratia Episcopus Constantiensis, Dominus Augur majoris & Oeningæ, &c. Constitutionibus Synodalibus, in hac Synodo Constantiensi publice propofitis, lectis, & promulgatis, omniumque Statutum Ecclesiasticorum, responsionibus auditis atque discussis, maturo consilio, & deliberatione, nec non totius Synodi, omnium & singulorum Patrum Synodaliū unanimi & communi præcedente consensu, promuntiamus, decernimus, & declaramus, Synodum hanc in Dei nomine concludendam fore & esse, prout eam auctoritate nostra ordinaria concludimus, mandantes, ut omnes & singule Constitutiones Synodi præfate, quantum per horum temporum difficultates fieri potest, ab omnibus inviolabiliter, præsertim quæ Catholicæ Fidei Professionem, Sacramenta, caeremonias, & totius Cleri Sæcularis & Regularis vitam moresque concernunt, serventur, atque a Vicario, Officiali & Fiscali, nec non Ecclesiarum Prælati & Superioribus, pro ratione cujuslibet officii, executioni demandentur. Facultatem Nobis & Successoribus nostris ea omnia & singula declarandi, quatenus opus fuerit, reservantes in his scriptis.

Quo Decreto pronuntiato, Adm. Rdus Dominus Vicarius Synodali, his verbis compellavit:

Rmi, Rdi, Illes, Nobiles, Magnifici, Venles & Religiosi Vri, Patres ac Domini observandi, Rmus ac Illmus Dominus Episcopus & Præsident, Dominus noster Clementissimus, omnes & singulos per me interrogat, num vobis placeat, ut ad Dei Omnipotentis laudem & gloriam huic Sacræ Synodo Episcopali Constantiensi, suis imponatur.

Omnibus Perplacet respondentibus, Rmus ac Illmus Dominus Præsident, alta voce recitavit orationem: *Exaudi quæsumus Domine supplicum preces, &c.* juxta normam & ritum Romani Pontificalis.

Interim portis reclusis, laici intromissi sunt, & a Musicis gloriosus Hymnus: *Te Deum laudamus, &c.* solenniter, adhibita campanarum compulatione, decantatus est.

Quo absoluto, Adm. Rdus & Clarissimus Dominus, D. Joannes Christophorus Hagerus, prior Dominorum Promotorum, Notarium Synodi subsequenter verbis requisivit:

Reverende Domine Notarie, ego ad hanc Synodum Diocesanam Constantien. una cum Domino Collega meo deputatus Promotor, nomine Synodæ præfate a te requiro, & postulo, ut omnia & singula in hac Synodo, acta, tractata; proposita, decreta & definita diligenter & fideliter conscribas, unamque vel pluram Instrumentum, vel Instrumenta, ad petitionem eorundem, quorum interest, de iis omnibus conficias, & confecta tradas.

Cui quidem requisitioni, Notarius se ea, qua par est, fide ac sedulitate pariterum pollicitus est, atque testes infrascriptos ibidem præsentis, ut omnium & singulorum, quæ in hac Synodo gesta & tractata fuerint, memores existant, requisivit.

Deinde alter Dominorum Promotorum solenniter grates retulit inprimis Deo Omnipotenti, B. Mariæ V., Sanctisque tutelari-bus Patronis Pelagio, & Conrado: tum nomine Rmi ac Illmi Domini Episcopi, universæ Synodo.

Demum publicatione Indulgentiarum facta, & benedictione Episcopali solenni ritu imperita, Diaconus ad Synodum conversus, alta voce cecinit; *Recedamus in pace.* Cui Chorus respondit: *In nomine Christi.*

Et quia ego Joannes Andreas Dorn-sperger, U. J. D. Canon. Eccles. Collegiatae S. Stephani Constant. Sacra Apostolica auctoritate publicus, & in Archivio Curia Rom. immatriculatus, ac Episc. Curia Constantiensis in officio Vicariatus Collateralis Notarius, a supramemorato, Rmo ac Illmo Domino Præsidente, totaque Synodo, in Actuarium, deputatus ac juratus, omnibus & singulis præinsertis actis & actitatis interfui. Idcirco præscripta Decreta, Statuta, & Acta Synodalia, in fidem eorundem, prævia debita requisitione propria manu scripsi: Acta sunt hæc Anno a partu Virginis Millesimo sexcentesimo nono, Indiæ. septima, Pontificatu Sanctissimi Domini nostri, D. PAULI, Divina providentia Papæ Quinti, Anno quinto, diebus, mensē & loco, quibus supra. Præsentibus Venerabilibus & Clarissimis Dominis, Alexandro Leimberer, Ss. Theolog. D. Marckdorffensi, & M. Philippo Jacopo Herber, Constantiensi, Rmi ac Illmi Domini Episcopi Constant. Capellani Aulici, testibus ad præmissa vocatis specialiter ac requisitis.

Joann. Andreas Dorn-sperger, D. Notar. Jst.

CATA.

CATALOGUS PRÆLATORUM, COLLEGIORUM, DECANATUUM, omniumque utriusque sexus Monasteriorum ad Synodum Episcopalem Constantiensem, die decima nona mensis Octob. An. M. DC. IX. celebratam vocatorum, tam exemptorum, quam non exemptorum, tam eorum, qui per se, vel per alios comparuerunt, quam illorum, qui omnino emanferunt.

Reverendissimus & Illmus Dominus, D. JACOBUS Dei & Apostolicæ Sedis gratia Episcopus Constant. Dominus Augiæ majoris & Oëningæ, &c. Præfident, ac Synodum Diocesanam convocans.

Rmus Joannes Jacobus Mirel, Episcopus Sebastienfis, Rmi ac Illmi Domini Episcopi Constantiensis Suffraganeus, Consiliarius, Cathedr. Ecclesiæ Constantiens. Canonicus & Custos.

Rmus ac Perillris D. Marcus Sitticus Comes de Altaemps, & Gallara, Præpositus & Canonicus Cathedr. Ecclesiæ Constantiens. nec non Ecclesiarum Salisburgensis & Augustanæ Canonicus.

Adm. Rmus ac Nobilis Dominus Sigismundus a Wolfurt, Decanus, & Cathedr. Eccles. Aichstatis Canonicus.

Adm. Rmus ac Nobilis Dominus Jacobus Blarer a Wartensee Senior, Præpositus Colleg. Eccl. S. Pelagii, in Episcopali Cella.

Adm. Rmus Illustrius & Generosus Dominus Udalricus Baro in Königseck & Aulendorff, Canonicus Cathedr. Ecclesiarum Constant. Salisburg. & Augustanæ, nec non Colleg. Eccles. S. Cyriaci in oppido Wyfentstg Præpositus.

Adm. Rmus ac Nobilis Dominus Sigismundus Fridericus ab Hornstein.

Adm. Rmus & Clarissimus Dominus Andreas Wendelstein, U. J. D. Cantor.

Adm. Rmus ac Nobilis Dominus Joannes Casparus Berz, Licentiat.

Adm. Rmus ac Nobilis Dominus Sixtus Wernerus Vogt de Summeraw, de Prasberg, Canonicus Cathedr. Ecclesiarum Constant. Augustanæ & Aichstatis.

Adm. Rmus ac Nobilis Dominus Joannes Jacobus Blarer de Wartensee, Canonicus Cathedr. Constant. Basileensis & Colleg. Elwacensis Ecclesiarum.

Adm. Rmus & Clarissimus Dominus Jacobus Raslerus U. J. D. Protonotarius Apostolicus.

Adm. Rmus & Clarissimus Dominus Christophorus Hager, Decretorum Doctor.

Abbates.

Nomine Rmi ac Illmi Principis ac Domini, D. Bernardi, Abbatis Monasterii Ord. D. Benedicti, comparuit Rmus & Religiosus

Tomus VIII. Concilior. German.

Fr. Jodocus Mezler, Canonum D. & ejusdem Monasterii Conventualis.

Nomine Rmi ac Illmi Principis ac Domini, Domini Henrici, Abbatis B. M. V. Campidoneasis nemo comparuit, sed literis ad Reverendissimum ac Illmum Dominum Episcopum Constantiensem datis, privilegiorum suorum, & exemptionis prætextu, ab hujusmodi Synodali comparitione sese excusari censuit, rem tamen ad Ssmum, cui immediate subjectus sit, deferri curaturum.

Nomine Rmi Domini Petri, Abbatis Monasterii B. M. V. loci Eremitarum, vulgo *Embsiden* Ord. S. Benedicti, comparuit legitimo cum mandato Rmus, Religiosus & Nobilis P. Joannes Joachimus a Boroldingen, Decanus ibidem.

Nomine Rmi Domini Petri, Abbatis Monasterii Salemitani, Ord. Cisterciensis, prout & reliquorum Dominorum Abbatum, ejusdem Ordinis, nominatim Monasterii *Wettingen*, S. Urbani, & *Tennenbach*, eo quod ipsis (uti scriptis ad Rmum ac Illmum Episcopum literis attestati sunt) a Rmo Ordinis Generali inhibitu sit, nemo comparuit.

Adm. Rmus D. Martinus, Abbas Monasterii S. Blasii, Ord. D. Benedicti.

Adm. Rmus Dominus Georgius, Abbas Monasterii Weingarten, Ord. ejusdem.

Adm. Rmus Dominus Urbanus, Abbas in Ochsenhausen, Ord. ejusdem.

Adm. Rmus Dominus Georgius, Abbas Monasterii Creuzlingen, Ord. Canonic. Regul. D. Augustini.

Adm. Rmus Dominus Jacobus, Abbas Monasteriorum *Perridomus*, & S. Georgii in oppido Stain, Ord. S. Benedicti.

Adm. Rmus Dominus Michael, Abbas Monasterii Zwifalten, Ord. S. Benedicti.

Adm. Rmus Dominus Balthasar, Abbas Monasterii Rothenfis, Ord. Præmonstrat.

Adm. Rmus Dominus Jacobus, Abbas Monasterii Augiæ minoris, vulgo *Weissenau*, Ord. Præmonstratensis.

Adm. Rmus Dominus Jodocus, Abbas Monasterii Muryensis, Ord. S. Benedicti.

Adm. Rmus Dominus Udalricus, Abbas Monasterii Reinaw, Ord. ejusdem.

O o o o o

Adm.

Adm. Rduſ Dominuſ Martinuſ, Abbas Monafterii Schuffenriedt, Ord. Præmonſt.

Nomine Adm. Rdi Domini Gebhardi, Abbatis Monafterii Augiæ majoris Brigantiniæ, Ord. D. Benedicti, Fr. Joannes Maier, Conventualis ibidem comparuit, cum mandato.

Adm. Rduſ Dominuſ Jacobuſ, Abbas Monafterii Marchthal, Ord. Præmonſtraten.

Adm. Rduſ Dominuſ Gottfriduſ, Abbas Monafterii Wiblingen, Ord. D. Benedicti.

Adm. Rduſ Dominuſ Martinuſ, Abbas S. Georgii in Hercynia Sylva, Ord. D. Benedicti.

Adm. Rduſ Dominuſ Joanneſ Jacobuſ, Abbas Monafterii S. Petri, Ord. ejusdem.

Adm. Rduſ Dominuſ Jacobuſ, Abbas S. Truperti, Ord. ejusdem.

Adm. Rduſ Dominuſ Mathiaſ, Abbas Monafterii Fiſchingen, Ord. ejusdem.

Nomine Adm. Rdi Domini Jacobi, Abbatis Monafterii Eiſne, comparuit, cum mandato, Adm. Rduſ Dominuſ Abbas Monafterii Weingarten.

Adm. Rduſ Dominuſ Jacobuſ, Abbas Monafterii Montis Angelorum, Ord. ejusdem.

Nomine Adm. Rdi Domini Abbatis S. Joannis in valle Thuræ, nemo comparuit.

Jobannita.

Rmtis ac Illmuſ Princeps ac Dominuſ, D. Arbogaſtuſ, Magiſter Ordiniſ S. Joanniſ Hieroſolymitani per Germaniam, & Commendator in Haiterſchen.

Dominuſ Commendator in oppido Friburgeni.

Dominuſ Commendator in oppido Imperiali Überlingenſi.

Dnuſ Commendator in Tobel.

Dnuſ Commendator in Vilingen.

Dnuſ Commendator in oppido Imperiali Rottwilenſi.

Dnuſ Commendator in Hemmendorff.

Dnuſ Commendator in Rordorff.

Dnuſ Commendator in Kiſnacht.

Dnuſ Commendator in Bubichen.

Dnuſ Commendator in oppido Neoburgeni.

Dnuſ Commendator in Wadiſchweil.

Dnuſ Commendator in Rexingen.

Dnuſ Commendator in Leuggeren.

Dnuſ Commendator in Hohenrain.

Horum Commendatorum nulluſ preſe, vel Procuratorem comparuit.

Teutonic.

Adm. Rduſ Nobiliſ & ſtrenuſ Dnuſ Chriſtophoruſ Thumb a Newenburg, Balivuſ

per Alſatiam & Burgundiam, Commendator in Alſchahufen.

Dnuſ Commendator in Maynaw.

Dnuſ Commendator in Beuchen.

Dnuſ Commendator in oppido Imperiali Ulmenſi.

Dnuſ Commendator in oppido Friburg.

Dnuſ Commendator in Hirtzkirch.

Dnuſ Commendator in Wineden.

Horum Commendatorum pariter nulluſ comparuit.

Abbatiffæ Principes.

Pro parte Rmæ & Perilluſtris Principiſ ac Dominae, D. Eleonora, Abbatiffæ, & Capituli Collegiatae Eccleſiæ Ss. Cornelli & Cypriani in Buochaw, comparuit cum mandato, M. Sebaſtianuſ Köchlin, Parochuſ & Canonicuſ ibidem.

Nomine Rmæ & Perilluſtris Principiſ ac Dominae, D. Barbara, Abbatiffæ, & Capituli Collegiatae Eccleſiæ B. M. V. in oppido Imperiali Lindavienſi, comparuerunt cum mandato M. Joanneſ Sorg, Decanuſ ruraliſ Capituli ibidem, & Parochuſ in Hergartſchweil, M. Georgiuſ Keller, Parochuſ in Wangen, & Dominuſ Michael Troll, Parochuſ in Oberraitnaw, Camerariuſ.

Nomine Rmæ & Perilluſtris Principiſ ac Dominae, D. Urfula, Abbatiffæ, & Capituli Colleg. Ecceſ. S. Fridolini in Seckingen, D. Clemenuſ Schubinger, Canonic. & D. Fridoliniuſ Keller, Paroch. ibid. intererant.

Univerſitaſ Friburgenſiſ.

Nomine Archiducaliſ Academiæ Friburgenſiſ, comparuit mandato legitimo inſtructuſ M. Chriſtophoruſ Piſtoriuſ, Vicariuſ Parochialiſ Eccleſiæ & Præſentia ibidem Reſtor.

Præpoſiti Regulares.

Rduſ Dominuſ Michael, Præpoſituſ Monafterii Waldſee, Ord. Canonicorum Regul. D. Auguſtini.

Rduſ Dominuſ Vituſ, Præpoſituſ Monafterii Bewren, Ord. ejusdem.

Nomine Rdi Domini Joanniſ, Præpoſiti Monafterii Wengen, in Oppido Imperiali Ulmenſi, comparuit cum literiſ abſentiam ſuam purgantibuſ Adm. Rduſ Dominuſ Gottfriduſ, Abbas Monafterii Wiblingen, Ord. D. Benedicti.

Rduſ Dominuſ Udalricuſ, Præpoſituſ Monafterii Omnium Sanctorum Friburgi, præfati Ord. D. Auguſtini.

Rduſ Dominuſ Petruſ, Præpoſituſ Monafterii Riederer, Ord. ejusdem.

Carthusiani.

Nomine Rdorum Dominorum Priorum Carthusiarum Friburgensis & Ittingensis nemo comparuit, sed absentiae suae causas, nimirum certa quaedam ipsis occurrentia impedimenta, in scriptis exposuerunt; cum ratificatione omnium & singulorum pro se, suisque Monasteriis, quae in Synodo Diocesana acta, gesta que fuerint; salvis nihilominus exemptionibus, privilegiis, ac juribus Ordini ipsorum competentibus.

Ecclesiae Collegiatae.

Nomine Collegiatae Ecclesiae S. Stephani Constantiae comparuerunt sufficienti mandato instructi, Adm. Rdu ac Clarissimus Dominus Jacobus Raslerus, v. j. d. Protonot., Cathedr. Ecclesiae Constantiensis Canonicus, & praedictae Ecclesiae Praepositus, nec non Rdi Clariff. ac Nobiles, Dominus Leonhardus Hamerer, Ss. Theolog. D., Parochus & Canonicus, Dominus Joannes Fridericus a Menlishofen, & Dominus Jo. Udalricus Locher, Canonici ibid.

Collegiata Ecclesia S. Joannis Constantiae, comparuit per Rdu & Clarissimum Dominum Joannem Hausman, v. j. d. Rmi ac Illmi Episcopi Constant. Consiliarium, Vicarium & Officialem, Praepositum, & Dominum Valentinum Byrbaumer, Ss. Theol. Doctorem, Parochum & Canonicum ibidem.

Capitulum Collegiatae Ecclesiae S. Pelagii in Oppido Episcopalis Cellae, ablegavit Dominum Joan. Hilarium a Menlishofen, Custodem, & M. Gebhardum Keller, Parochum & Canonicum ibidem.

Nomine Collegiatae Ecclesiae Beronensis interfuit Dominus Petrus Emberger, Praepositus, & Dominus Rochus Bongartner, Canonicus & Secretarius ejusdem Capituli.

Ex Collegiata Ecclesia S. Margarethae, in Oppido Waldtkirch comparuit Dominus M. Matthaeus Zimmermann, Praepositus.

Nomine Collegiatae Ecclesiae S. Leodegarii Lucernae, comparuerunt Dnus Nicolaus Schall, Protonotarius Apostolicus, Praepositus, & Dnus Joannes Kaifer, Ss. Theolog. D., Canonicus ibidem.

Ex Colleg. Ecclesia S. Cyriaci in Wissenstaig, cum mandato comparuerunt Adm. Rdu Illris & Generosus Dominus Udalricus Baro in Königseck, & Aulendorff, Praepositus, & Dominus Laurentius Zoller Ss. Theol. D., Decanus, Magister Conradus Nunnenbeck, Canonicus senior, & Burfa-

rius, nec non Dominus Jodocus Byrbaumer Ss. Theol. D., Canonicus & Custos ejusdem Ecclesiae.

Collegiata Ecclesia S. Verenae Zurzachii existens, misit cum mandato Dominum Paulum Schufelbühel, Praepositum, & Dominum Jacobum Molitorem, Canonicum & Custodem ibidem.

Nomine Colleg. Ecclesiae S. Crucis in oppido Horb, comparuerunt sufficienti cum mandato, Dominus Jacobus Stainlin, Praepositus, & Georgius Zanger, Canonicus ibidem.

His sese adjunxit Dominus Sebastianus Vogler, Canonicus & Concionator ibidem.

Ex Collegiata Ecclesia S. Mauritii in Enningen Nierum, procuratorio nomine cum mandato comparuerunt Dominus Jacobus Müller, Praepositus, & Dominus Joannes Jacobus Walch, Ss. Theologiae D., Canonicus ibidem.

Collegiata Ecclesia in Werd per neminem comparuit; verum Dominus Praepositus & Canonici ibidem, literis Domini Sculteti, & Senatus Civitatis Solodorensis, absentiae certas quasdam causas allegarunt.

Nomine Collegiatae Ecclesiae S. Nicolai in oppido Marckdorff, mandato legitimo instructus comparuit M. Martinus Buck, Parochus & Custos ibidem.

Collegiata Ecclesia B. M. Virginis in oppido Cellae Ratholdi, comparuit per Dominum M. Jacobum Keller, Parochum & Custodem, nec non Dominum Georgium Schlachter, Capellanum ibidem.

Nomine Collegiatae Ecclesiae B. M. V. in Bettenbrunnen, comparuerunt Dominus Melchior Hailig, & Dominus Christophorus Saurmann, Canonici ibidem.

Nomine Collegiatae Ecclesiae S. Petri in Stauffen, cum mandato adfuerunt Dominus Melchior Finckel, Parochus in Underfunthofen, & Dominus Michael Helcheberger, Parochus in Vischen.

Capitulum Coll. Ecclesiae S. Jacobi in Hechingen, misit Dominum Otonem Henricum de Böwen, Decanum & Parochum, & Dominum Conradum Unverdorben, Canonicum ejusdem Ecclesiae.

Ex Collegiata Ecclesia in Wolfegg, Dominus M. Georgius Wallerus, Praepositus, comparuit.

Collegiata Ecclesia S. Nicolai Überlingae, comparuit per Dominum Joannem Oschwaldi, Ss. Theol. Baccalaureum, Praepositum, & Dominum Joannem Udalricum Kessering, Canonicum ibidem.

Nomine Collegiatae Ecclesiae in Zeill, adfuit Dominus M. Balthasar Langst, Praepositus in Zeill.

Abbatiae Sanctimonialium.

Dominæ Abbatissæ Monasteriorum Rottenmünster, Vallis S. Crucis, Heggbach, Guttenzell, Feldbach, Baind, Fridenweiler, Günterstal, Gnadenenthal, Wunnenthal, Wurmsbach, Frawenthal, Neidingen auf dem Hoff, Calcara, Maggenaw, Tenichen, Ord. Cisterciensis, neminem miserunt.

Pro parte Monasteriorum & Conventuum Rathaufen & Eschenbach, prædicti Ord. Cisterciensis, comparuit Dominus Melchior Suterus, Parochus Colleg. Ecclesiæ S. Leodegarii Lucernæ, & ruralis Capituli ibidem Decanus.

Dominæ Abbatissæ & Conventus Monasterii Münsterlingen, Ord. D. Benedicti, comparuit per Rdm Nobilem, & Religiosum P. Joannem Joachimum a Böroldingen, Decanum Monasterii B. M. V. loci Eremitarum.

Dominæ Abbatissæ & Conventus Monasteriorum S. Claræ in oppido Villingensi, in Paradiso prope Schaffhausen, in Wittichen, ejusdem Ord. comparuerunt per Rdm & Religiosum P. Beatum, FF. Minorum Conventualium Ord. D. Francisci per superiorem Germaniam Provincialem.

Nomine Dominarum Abbatissarum & Conventuum Monasteriorum S. Claræ in oppido Friburgensi, Horti Mariæ, Söflingen, comparuit Rdm & Religiosus F. Antonius Zierer, Ord. S. Francisci de Observantia, Provincie Argentinae Diffinitor, & Confessarius d. Monasterii Söflingensis.

Monasteria, quibus Præpositæ & Magistræ præficiuntur.

Nomine Rdæ Dominæ Præpositæ & Canonissarum Monasterii Inzrkoffen, Ord. D. Augustini, comparuit cum mandato Dnus Andreis Rainolt, Ss. Theol. D., Confessarius ejusdem Monasterii.

Rdæ Dominæ Præpositæ & Canonissarum Monasterii Riederer, Ord. præfati, sese Rdm & Religiosus Dominus Petrus Haug, ibidem Præpositus, Procuratorem constituit.

Rdæ Dominæ Magistræ Monasteriorum Urspringen, & Amteahausen, Ord. D. Benedicti, Rdm Adm. & Religiosus Dominus Abbas S. Georgii in Hercynia Sylva Procurator cum mandato existit, tanquam eorundem Monasteriorum Visitator.

Nomine Rdæ Dominæ Magistræ & Conventus Monasterii Hermansschweil, Ord. D.

Benedicti, præmemoratus Dominus Abbas tanquam Visitator, comparuit.

Pro parte Rdæ Præpositæ, & Conventus Monasterii Montis Angelorum Ord. D. Benedicti, comparuit Admodum Reverendus Dominus Abbas ibid.

Monasterium S. Mariæ in Monte, penes fluvium Lauchart, Ord. D. Benedicti, constituit Adm. Rdm & Religiosum Dominum Michaëlem, Abbatem monasterii Zwißaltach, ejusdem Ordinis, tanquam Ordinarium d. Monasterii Visitatorem.

Nomine Monasteriorum Sanctimonialium in Einsiedlen im Saar, in Seedorff, prope Altdorff Helvetiorum, Ord. D. Benedicti, Rmi Domini Abbatissæ Monasterii B. M. V. loci Eremitarum, tanquam Visitatoris eorundem Monasteriorum Procurator, comparuit.

Capitula & Decanatus Rurales.

Ex Decanatu Augiæ Majoris, comparuerunt cum mandato M. Georgius Ofchwald, Parochus ad S. Georgium & decanus, dominus Melchior Fisel, Parochus ad S. Joannem ibidem, & Camerarius ejusdem Capituli.

Nomine Decanatus oppido Stain, adfuerunt Dominus Gallus Alphalus, Parochus in Hemmenhofen, & decanus, nec non dominus Marcus Neidhard, Plebanus in Singen.

Decanatus oppidi Steckborn, & Frawenfeldt nunc uniti, miserunt Dominum Vitum Gäng, Parochum in Pfyn, Decanum, & Dominum Georgium Aigenmann, Parochum Frawenfeldensem.

Decanatus Newkirch Kleckovæ, comparuit per dominum Jacobum Ifingen, Parochum Obereggingen, decanum; & Dominum Georgium Bodmar, parochum in Büel, Camerarium.

Ex decanatu oppidi Stielingen, interfuit dominus Joannes Jacobus Kraus, Parochus prædicti oppidi, & Camerarius; nec non Dominus Christophorus Lindius, Parochus in Grauenhausen.

Nomine Ruralis Capituli Waldrshut, comparuerunt dominus Joannes Jacobus Holzer, Parochus in Lautingen, decanus, dominus Gregorius Drechsler, Parochus in Waldrkirch, Camerarius, & dominus Joannes Lang, Plebanus prædicti oppidi Waldrshut.

Ex Decanatu oppidi Engen, interfuerunt dominus Jacobus Faber, Parochus in Fridingen, decanus, & M. Christophorus Schley, Vicarius in oppido Tengen.

Deca-

- Decanatus oppidi Stockach, comparuit per dominum Joannem Christophorum Maus, v. j. p. Parochum in Hindelwang, decanum, dominum Theodoricum Herman, Ss. Theol. D. Parochum in Bodma, nec non dnum Georgium Restlin, Parochum prædicti oppidi Stockachensis.
- Rurale Capitulum Lintzgow misit dominum M. Gallum Hummel, Parochum in Bermatingen, decanum, dominum Sebastianum Irmler, Parochum in Frickingen, & dominum Bernhardum Ill. Parochum in Lewkirch.
- Pro parte Decanatus oppidi Moskirch, interfuit M. Sebastianus Angelin, decanus, & Parochus ibidem, nec non dominus Jacobus Krenckel, Plebanus in Walmanfchweiler.
- Decanatus oppidi Imperialis Lindavienfis procuratores exstiterunt, M. Joannes Sorg, Parochus in Hergattfchweiler, Decanus, M. Georgius Keller, Parochus Wangensis, nec non dominus Michael Troll, Parochus in Oberraitnaw, ejusdem Capituli Camerarius.
- Decanatus Turingensis ablegavit M. Gregorium Brigler, Parochum in Cappel, decanum, & M. Christophorum Awer, Parochum in Turingen, Camerar.
- Pro Parte Decanatus oppidi S. Galli interfuerunt M. Melchor Schelling, Parochus Rorschachenfis, decanus, & dñus Michael Reuti, Parochus in Bernang, Camer.
- Ex Decanatu Wilensi, missi sunt Dominus Diethelmus Ully, Plebanus in Maslang, decanus; dominus M. Joannes Phæbas, parochus Wilensis, Camerarius Aderar etiam M. Joan. Udoartus, præpositus in Werdbühel.
- Nomine Decanatus Tigurini comparuit dñus Petrus Brendlin, parochus Rapperschwilenfis, & dominus Joannes Schwartzmann, parochus in Glarus.
- Ex Decanatu Regenspbergenfi, & Clero Badensi, interfuit dominus Balthasar Hamer, parochus prædicti oppidi Badens.
- Ex Decanatu Brengartenfi ablegatus est Jacobus Hauser, parochus Tugienfis, & decanus ejusdem Capituli.
- Decanatus oppidi Mellingen comparuit per M. Bernardum Stalder, parochum Vilmersgenfem, decanum, & dominum Jacobum Walther, plebanum in Boffweil.
- Decanatus Hochdorff misit dominum Jacobum Gampar, parochum in Innweil, Camerarium, & dominum Burchardum an der Hüb, parochum in Sintz.
- Nomine Ruralis Capituli Willisaw adfuerunt dominus Henricus am Rein, Canonicus Beronenfis, parochus in Dietweil, ejusdem Capituli Camerarius, & dominus Adamus Hool, parochus in Zell.
- Pro parte Decanatus Lucernenfis ablegati sunt, dñus Melchior Suterus, decanus ruralis Capituli & parochus prædicti oppidi, & Rmi ac Illmi Episcopi Constant. in ditione Lucernenfi Commissarius: nec non dominus Leonhardus Fründt, parochus Uranienfis, protonotarius Apostolicus.
- Ex Decanatu Surfee comparuit dominus M. Ludovicus Schweitzer, parochus in Ruswyl, decanus, & dominus Martinus Mazinger, parochus in Sempach.
- Nomine Decanatus, Cleri & Confratrum Præsentiae Friburgenfis, adfuit M. Christophorus Pistorius, parochus & præsentiae Friburgenfis Rector: M. Joannes Bley, Capituli Friburgenfis decanus, & ejusdem præsentiae Ternarius.
- Decanatus Brisfacensis misit M. Joannem Michaelum, parochum in Munzingen, decanum, M. Joannem Paulum Curtium, parochum in Kirchhofen, Camerarium, dominum Matthiam Boucher, parochum in Veldtkirch.
- Nomine decanatus Neoburgenfis, comparuit dominus Joannes Haut, parochus in Bamlach, Camerarius, & dominus Nicolaus Gunterus, parochus Zielenfis.
- Decanatus Eendingensis comparuit per dominum Joannem Weifs, parochum in Saspach, decanum, & d. Mathiam Ferscherum, parochum ad d. Petrum Eendingæ, Camerarium.
- Ex decanatu Wiefenthal, interfuit dominus Fridolinus Keller, parochus Seckingæ.
- Decanatus oppidi Villingen, ablegavit dominum Felicem Wiel, parochum Eschingæ ad Danubium, decanum, dominum Joannem Textorem, parochum Riedberingum, Camerarium.
- Nomine ruralis Capituli Wurmlingenfis, interfuit dominus Joannes Meifs, parochus Hattingenfis, decanus, & dominus Joannes Hirlineus, parochus oppidi Möringen, prædicti Capituli Vice-Camerarius.
- Decanatus & Cleri oppidi Imperialis Rottwilenfis, procuratores exstiterunt M. Joannes Breneisen, parochus in Reiflingen, & M. Joannes Renner, parochus in Dünningen, Camerarius, nec non Dñus Jacobus Luon, Parochus præmemorati oppidi Rottwilenfis.
- Ex Decanatu Ebingenfi ablegati sunt dominus Christophorus Faulhaber, decanus, & parochus in Shertzingen, nec non dominus Udalricus Hagg, parochus in Hartaufen, ejusdem Capituli Camerarius.
- Decanatus Dornstetten, misit dominum Joannem Offtertinger, parochum inferioris

- pagi Waldach, decanum, & dominum Georgium Hopp, parochum in Salztetten, Camerarium.
- Decanatus oppidi Haigerloch, procuratores extiterunt Dominus Joannes Stozius, parochus ibidem & Decanus, nec non M. Joannes Hurm, Parochus in Binzdorff, Camerarius.
- Nomine Decanatus oppidi Herrenberg, nemo comparuit.
- Decanatus Tubingensis, nunc Rottenburgensis, comparuit per M. Franciscum Sartorium, Ss. Theologiæ Baccalaureum Formatum, decanum & Parochum Rottenburgensem, dñum Fridericum Kettenacker, Parochum in Hurlingen.
- Decanatus oppidi Hechingensis, misit dominum Ottonem Henricum Baldum de Löwen, decanum tam ruralis Capituli, quam Collegiæ Ecclesiæ S. Jacobi, & parochum ibidem, nec non Dominum Marcum Teiffelium, parochum in Steinhoffen.
- Ex Decanatu Trochtelfingen adfuit dominus Jacobus Munz, parochus in Oberstetten, decanus: & dominus Joannes Riegger, parochus in Gamertingen.
- Nomine Decanatus Eßlingen, seu Newhausen, adfuit dominus Zacharias Schnitzer, parochus in Newhausen.
- Rurale Capitulum oppidi Geislingen, comparuit per dominum Joannem Schreyer, parochum in Bemmerkirch, & dominum Christianum Speer, parochum in Wisfigelingen.
- Decanatus oppidi Blawbeuren, misit dominum Hermanazium, parochum in Ringingen, electum decanum, & dñum M. Joannem Geismeyer, parochum in Reislingen, Camerarium.
- Decanatus oppidi Ehingani ad Danubium, comparuit per dominum Claudium Aichel, Ss. Theol. Baccal. Formatum, & Vicarium Ehingensem; nec non M. Andream Hiltebrandt, parochum in Griefingen, & Ecclesiasten prædicti oppidi.
- Nomine Decanatus oppidi Riedlingensis, adfuit M. Georgius Pfeiffer, parochus in Dürrenwaldstetten, decanus, & dñus Jacobus Beck, parochus prædicti oppidi Riedlingensis, Camerarius.
- Decanatus oppidi Munderkingen procuratores extiterunt, M. Jacobus Vischerus, decanus, & Parochus in pago fori Zwifaltach; nec non Fr. Balthasar Dorner, Conventualis Monasterii Marchtalensis, Ord. Præmonstratensis, parochus prædicti oppidi Munderkingensis.
- Decanatus oppidi Imperialis Bibracensis, ablegavit M. Leonhardum Gentner, parochum ibidem, & M. Matthæum Albertum, parochum in Schömerberg.
- Ex Decanatu Laupheim, misit sunt M. Matthias Härlin, parochus in Sulmingen, & dñus Georgius Schick, Camerarius, & parochus in Hüttesheim.
- Decanatus Dietenheimensis comparuit per dominum Marcum Moz, decanum, & parochum ibidem: nec non dominum Simonem Jäch, parochum in Erolzheim, Camerarium.
- Decanatus oppidi Wurzach constituit Procuratores, dominum Georgium Fimpel, parochum in Schwartzach, & decanum: nec non F. Joachimum Gieteler, parochum in Heisterkirch, Conventualem Monasterii Rothenfis, Ord. Præmonstratensis.
- Rurale Capitulum oppidi Sulgenfis, misit Dominum Andream Vogel, LL. Doctorem, parochum in Bezenweiler, Decanum; nec non dominum Laurentium Rebmann, Canonum Doctorem, Parochum in Monte Buffo.
- Ex Decanatu oppidi Mengen, deputati sunt M. Joannes Stoll, Decanus, & Parochus Schærenfis; nec non M. Jacobus Felber, Parochus in Bingen.
- Decanatus oppidi Imperialis Ravenspurgensis, comparuit per Dominum Conradum Fabrum, Ss. Theologiæ Baccal. Parochum Altorffensem, Decanum; M. Joannem Alberti, Parochum Ecclesiæ B. Mariæ Virginis prædicti oppidi, Dominum Joannem Stehelin, Parochum in Valdtburg, nec non Dominum Matthæum Langenstain, Capellanum in Hospitali præmemorati oppidi Ravenspurgensis.
- Decanatus Stivenhoven destinavit Procuratores, Dominum M. Melchiorum Finckel, Parochum in inferiori pago Sundthofen, & dñum Michaëlem Helcheberger, Parochum in Fischen, Camerarium.
- Decanatus Eisne, misit Dom. M. Georgium Ruopp, Parochum in Reichenhofen, Decanum, & M. Barth. Routhart, Ss. Theol. Baccal. Parochum in Leukirch.

Monasteria Ord. D. Dominici Prædicatorum.

Nomine Monasteriorum in Civitate Constantiensis, Friburgensis, & Rottwilensi existentium, comparuit Rdus & Religiosus P. Servatius Jüngling, Ss. Theologiæ Doctor, Fratrum Prædicatorum per superiorem Germaniam, Austriam & Saxoniam, Magister Provincialis. Cæterum cum de illius adventu dubitaretur, prædicta Monasteria in Procuratorem, Venerabilem & Religiosum P. Udalricum Gæzonium, Ss. Theologiæ Doctorem, prædicti Cæne-

Cœnobii Constantiensis Priorem, constituerunt.

Monasteria Sanctimonialium ejusdem Ordinis, quæ per Priorissas reguntur.

Dominæ Priorissæ & Conventus Monasteriorum S. Petri & Zoffingen Constantiæ, nec non S. Marci in Siessen, constituerunt Procuratorem præmemoratum dominum Priorem Monasterii Constantiensis.

Nomine dnæ Priorissæ & Conventus Monasterii Sancti Petri, auf dem Bach, prope oppidum Svicensæ, præfati Ordinis, adfuit Rmi domini Abbatis Monasterii B. M. V. Eremitarum Procurator.

Dominæ Priorissæ & Conventus Monasteriorum Vallis Sanctæ Catharinæ in Diesenhofen & Lewenthal, ejusdem Ordinis, comparuerunt, per F. Joannem Kener & F. Paulum Meyer, Ord. Prædicatorum, Confessarios ibidem.

Pro parte Priorissæ & Conventus Monasterii Habsthal, comparuit dnus Joannes Ziegler, parochus ibidem.

Reliquæ Priorissæ & Conventus Monasteriorum ejusdem Ordinis, videlicet Kirchbergæ in Adelhausen, in Stetten, in Hedingen, Sanctæ Agnetis, Sanctæ Catharinæ, & ad Pœnitentes Friburgi, d. Agnetis, & d. Catharinæ Brisaci, comparuerunt, per præfatum Ordinis Magistrum provincialem.

Congregationes Sororum, sive Inclusoria ejusdem Ordinis.

Domus Congregationis in Hirsstal, prædicti Ordinis, constituit Procuratores dominum M. Joannem Sorg, decanum Capituli Lindavienfis, parochum in Hergatschweiler: dnus Melchior Trol, ejusdem Capituli Camerarium, & elebanum in Oberraitnaw.

Inclusorium seu domus in Enendach, ejusdem Ordinis, comparuit per prædictum dominum Joannem Ziegler, parochum Habstaltensem.

Reliquarum domorum seu inclusoriorum nomine in oppido Imperiali Rottwilensi, Buochorn, Pfüllendorff, Marispurgi, Villingæ, in Horb, in Engen, in Waldshuot, in Oberndorff, in Bintzdorff, in Hirlingen, in Haigerloch, in Gruolen, in Nellenberg, in Baden Ergovæ, in Raurhacher, in oppido Wilensi Turgovæ existentium, Procuratorem se pariter constituit præfatus ejusdem Ordinis Provincialis.

Religiosi Ord. D. Augustini, Eremitarum.

Nomine Monasteriorum hujus Ordinis utriusque sexus, videlicet Constantiensis, Friburgensis, Brisacensis, & Oberndorffensis, nec non Sanctæ Catharinæ & S. Adelhaidis, comparuit Reverendus & Religiosus P. Joannes Georgius Greiffenstein, Rhæni & Sueviæ Provincialis, Prior prædicti Monasterii Oberndorffensis.

Dominus Prior & Conventus Monasterii Uttenweiler, ejusdem Ordinis, constituit procuratorem Dominum Andream Vogel, U. J. D., parochum in Bezenweiler.

Monasteria FF. Minorum Conventualium S. Francisci.

Nomine Monasteriorum hujus Ordinis, nimirum Constantiensis, Überlingensis, Lucernensis, Brisacensis, Villingensis, & Neoburgensis, interfuit Reverendus & Religiosus P. Beatus Bishalm, FF. Minorum Conventualium per superiorem Germaniam provincialis.

Idem P. Provincialis procuratorem se constituit Monasteriorum seu Congregationum Sanctimonialium ejusdem Ordinis, videlicet S. Germani Villingæ, in Valle Kinziaca, S. Galli Überlingæ, domus pauperum ibidem, Margrethausen, Sipplingen, Beche, Wettbach, S. Michaelis, Rauenpurgi, Dalbach prope Brigantiam, S. Annæ ibidem, Reuthe, Molsheim, in Saulgen, in Riedlingen, in Laiz, in Görhaim, in Pfüllendorff, in Grönenberg, in Hermannsberg, in Möckingen, in Newhausen, domus apud Thermas Helvetiæ, domus in Baden, Bremgarten, Tugli, in Mutterthal, Solodori, in Grimmstein.

Religiosi Ord. S. Francisci de Observantia.

Nomine Monasteriorum Friburgensis, & S. Lucii prope oppidum Hechingen, a Reverendo & Religioso patre Gaspare Cholero, Ord. provincialis, ablegatus est P. Antonius Zierer, provinciæ Argentinæ Diffinitor, & Confessarius Söflingæ.

Monasteria, Domus seu Inclusoria Sanctimonialium Ord. S. Francisci de Observantia.

Præmemoratus P. Antonius Zierer comparuit etiam nomine infracriptorum Monasteriorum, seu domorum & inclusoriorum, quæ per Pr. de Observantia gubernari

nari consueverunt, videlicet Congregationis in oppido Brisacensi, Ehingenfi prope Danubium, Munderkingensi, domus Oberclaufen & Silchen prope Rottenburg, in Unlengen, in oppido Horb, Wurtzach, Waldsee, Warthausen, S. Otberti prope Deislingen, Weiler prope Urspringen, Kyßlegg, in Seckingen, in Überlingen, an der Bisi, Monasterii Berche, in Weingarten, & Ogelspeuren sitorum.

Religiosi Ord. Carmelitarum.

Nomine Monasteriorum Ordinis Carmelitarum in oppidis Rottenburgenfi & Ravenspurgensi existentium, aderat P. Andreas Lucas, & P. Andreas Mayer, priores ibidem.

Ordo S. Antonii.

Domini Procuratores Ordinis S. Antonii in oppido Friburgensi, Villingensi, & in Uznach, nec per se, nec per Procuratorem comparuerunt.

Wilhelmitæ.

Nomine Monasterii Oberriedt, Ord. Wilhelmitarum Friburgi, interfuit F. Joannes Gold, Subprior ibidem.

Nomine Monasterii in oppido Mengen, ejusdem Ordinis, interfuit F. Joannes Wein-

schenck, prior, & rarechus Ecclesiæ S. Martini ibidem.

Dominus Prior Monasterii Syon, prædicti Ord., neminem misit ob exiguum numerum Conventualium illic tum temporis degentium.

Paulini.

Nomine Dominorum Priorum, & Conventuum Monasterii Rorhaltenensis in Tanaw, in Bondorff, & Grünenwaldt, Ord. D. Pauli primi Eremitæ Procuratorem se constituit R. P. Rudolphus Biel, prior Rorhaltenensis, & provincialis ejusdem Ordinis.

Pro parte Monasteriorum Langenaw & Argenhardt præfati Ordinis, suo & respectivo procuratorio nomine interfuit F. Thomas Schroff, prior monasterii Langenaw.

Ex Fratribus laicis in Bernstain, Ordinis D. Francisci nemo comparuit.

Si numerus personarum, qui huic Diocesana Synodo interfuerunt, ineatur, reperientur centum nonaginta circiter, exceptis iis, qui in Rmi & Illmi Domini Episcopi & Prælatorum familia extiterunt, nec non Capellanis & aliis Clericis Cathedralis & aliarum Ecclesiarum Civitatis Constantiensis.

FINIS.

Omnia ad maiorem DEI gloriam, & Ecclesiæ Catholicæ exaltationem.

CONSTITUTIONES & DECRETA EJUSDEM SYNODI CONSTANTIENSIS,

ANNO SEQUENTE CAL. MART. PUBLICATA.

JACOBUS, DEI ET APOSTOLICÆ SEDIS GRATIA EPISCOPUS Constantiensis, Dominus Augiæ majoris & Oeningiæ, &c. Universis & singulis Cathedralis nostræ, & Collegiatarum, Parochialiumque Ecclesiarum Prælati, Abbatibus, Præpositis, Prioribus, Decanis, Rectoribus, & Curatis, cæterisque Civitatis & Diocesis nostræ Constantiensis Clericis, & personis Ecclesiasticis, tam Regularibus, quam Sæcularibus, Salutem in Domino sempiternam.

Nulla usquam fuit vel mediocris Respublica, quæ non sit certis legibus constituta; nihil enim est tam aptum ad jus conditionemque naturæ, quam lex, sine qua nec domus ulla, nec civitas, nec gens, nec hominum universum genus stare, nec rerum natura, nec ipse mundus potest. Per leges & reguntur urbes, & conservantur: quæ si abrogentur, & pro sua cuique libidine licentia permittatur, non Respublica tantum ut intereat, sed nihil etiam inter nostram & belluarum vitam interfit, necesse est. Omnia legibus & observan-

tia legum ornantur, omnia præclara, omnia augusta legibus accepta sunt ferenda. Lex enim, ait Cicero, nihil est aliud, nisi recta & a numine Deorum tracta ratio, imperans honesta, prohibensque contraria. Hinc etiam nos inducti sumus, ut Leges & Constitutiones aliquas pro horum temporum conditione necessarias & salutares, ex Sacris Canonibus & Concilii Trid. Decretis depromptas colligeremus, atque in Diocesana Synodo Constantiensi mense Octobri proxime elapso, celebrata vobis proponeremus, quibus tum Catholica nostra

nostra Religio conservari, ac conservata propagari, tum perturbata Cleri & populi disciplina restitui possit. Eas de unanimi omnium vestrum tunc in præfata Synodo congregatorum consensu, sancitas, approbatas & collaudatas, non tantum Ordinaria nostra auctoritate præsentium tenore confirmamus, sed etiam typis expressas ad vos mittimus. Accipite igitur, quas una Nobiscum constituitis & approbastis Leger, & eas non tantum quanto ma-

ximo potestis amore & pietate amplectimini, atque ad earum sententiam & rationem vos totos accommodare, sed etiam subditis curæ vestræ commissis, quatenus eos, eorumque salutem respiciunt, exponite, utque tum a vobis ipsis, tum ab iis diligenter & accurate observentur, curate. Datum in oppido nostro Marisburgo, 1. Martii, Anno reparate salutis M. DC. X.

INDEX TITULORUM, QUI QUATUOR HIS DECRETORUM SYNODALIU PARTICULIS CONTINENTUR.

TITULI PRIMÆ PARTIS.

- I. De Religione & Fide Catholica.
- II. De Professione Fidei Catholica.
- III. De Libris prohibitis.
- IV. De Superstitionibus & Magia.
- V. De Sacramentis Ecclesiæ.
- VI. De Baptismo.
- VII. De Sacramento Confirmationis.
- VIII. De Sacramento Eucharistiæ.
- IX. De Sacrificio Missæ & celebratione Missarum.
- X. De Penitentia.
- XI. De Confessariis & Casibus reservatis.
- XII. De Extrema Unctione.
- XIII. De Ordine.
- XIV. De qualitatibus Ordinandorum.
- XV. De Sponsalibus.
- XVI. De Matrimonio & impedimentis Matrimonii.
- XVII. De Lectionibus Sacris.
- XVIII. De Prædicatione Verbi Dei.
- XIX. De Catechismo & institutione Juventutis Christianæ.
- XX. De Cultu Divino & Ceremoniis Ecclesiasticis.
- XXI. De Reliquiis, Imaginibus, cultu ac veneratione Sanctorum.
- XXII. De Indulgentiis & Purgatorio.
- XXIII. De Festis diebus.
- XXIV. De Jeuniis ac delectu ciborum.
- XXV. De Scholis privatis.
- XXVI. De Seminario.

TITULI SECUNDÆ PARTIS.

- I. De vita & honestate Clericorum.
- II. De Prælatibus & Canonicis Ecclesiæ Cathedralis & Collegatarum.
- III. De Officio Decani Ruralis.
- IV. De Camerariis.

Tomus VIII. Concilior. German.

- V. De Plebanis & Ecclesiarum Parochialium Rectoribus.
- VI. De Vicariis Ecclesiarum incorporatarum, & Canonica portione.
- VII. De Sacellanis & aliis inferioris Ordinis Clericis.
- VIII. De Clericis peregrinis.
- IX. De Residentia Clericorum.
- X. De Horis Canonicis.
- XI. De Libris Clericorum.
- XII. De Collationibus Beneficiorum & Jure Patronatus.
- XIII. De Institutionibus.
- XIV. De Pluralitate Beneficiorum.
- XV. De Simonia.
- XVI. De Concubinato.
- XVII. De Usuris & aliis Contractibus illicitis.
- XVIII. De Ecclesiis, Capellis, Oratoriis & Altaribus.
- XX. De Rebus Sacris & Sanctis.
- XXI. De Bonis & Juribus Ecclesiarum conservandis & non alienandis.
- XXII. De Decimis & Oblationibus.
- XXIII. De Fabricis & Fabricarum Procuratoribus.
- XXIV. De Successionibus & Testamentis Clericorum.
- XXV. De Exequiis & Sepulturis.
- XXVI. De Immunitate Ecclesiastica.

TITULI TERTIÆ PARTIS.

- I. De Regularibus & Religiosis.
- II. De Electione & Confirmatione Prælatorum.
- III. De Monialibus.
- IV. De Religiosis Domibus.
- V. De Sodaliatibus & Confraternitatibus.

P P P P P

TITU.

TITULI QUARTÆ PARTIS.

- I. De Jurisdictione & Judicio Ecclesiastico.
- II. De Causis Ecclesiasticis, quæ de jure & immemoriali tempore ac consuetudine ad forum Ecclesiasticum Constantiense pertinent.
- III. De Personis Judicii Ecclesiastici.
- IV. De executione Processuum.

V. De Censuris Ecclesiasticis & aliis penis judicialibus.

VI. De Absolutionibus.

VII. De Appellationibus.

VIII. De Visitationibus.

IX. De celebratione Synodorum, & executione Statutorum Synodaliū.

CONSTITUTIONUM SYNODALIUM

DIOECESIS CONSTANTIENSIS,

P A R S P R I M A

IN NOMINE SANCTISSIMÆ ET INDIVIDUÆ TRINITATIS, PATRIS, ET FILII,
ET SPIRITUS SANCTI, AMEN.

TITULUS I.

De Religione & Fide Catholica.

Quia sine vera Fide impossibile est placere Deo, (a) utpote quæ sit fundamentum Religionis. Ideo nos unam Sanctam, Catholicam, Romanam Fidem a Christi Domini nostri, & Apostolorum ejus doctrina ductam, a Majoribus nostris acceptam, atque a Sacris Oecumenicis Conciliis, & universalis Ecclesiæ sensu, novissime etiam a Sacra Tridentina Synodo explicatam, traditam & definitam suscipimus, veneramur, credimus & confitemur, omniaque huic Sanctæ, Catholicæ, & Apostolicæ Fidei contraria, hæreses quascunque & schismata detestamur, rejicimus & anathematizamus. (b) Statuentes, atque omnibus Prælati, universo Clero, ac populo Diocesis nostræ mandantes, & in Domino exhortantes, ut in hac Fide Catholica constantes, & firmi permaneant, eandem credant, observent, ac doceant; neque ulla ratione aut persuasione a veritate hujus Sanctæ Fidei, & Ecclesiæ Catholicæ, in qua stant & salvantur omnes gentes, avelli se patiantur.

TITULUS II.

De Professione Fidei Catholicæ.

EGO N. firma fide (c) credo & profiteor omnia & singula, quæ continentur in Symbolo Fidei, quo Sancta Romana Ecclesia utitur; videlicet: Credo in unum DEUM Patrem Omnipotentem, factorem cæli & terræ, visibilium omnium & invisibilium. Et in tantum Dominum JESUM Christum, &c.

Hanc Fidei Catholicæ Professionem, (d) antequam beneficiis, dignitatibus & officiis quibuscunque frui & fungi cœperint, faciant omnes quarumcunque Ecclesiarum, tam Sæcularium, quam Regularium Prælati, Canonici, Parochi, Vicarii, Curati, Sacerdotes, alique Clerici, Concionatores, Confessarii, Universitatum, (e) Gymnasiorum & Scholarum Rectores, Doctores, Professores, Magistri. Item promovendi ad aliquem gradum Doctoratus, Licentiæ, aut Magisterii. Præterea Typographi, Bibliopola, Medici, Chirurghi. Prælati quidem Canonici, & cæteri Clerici sæculares, coram Nobis, vel Vicario nostro Generali, & in Capitulis suis.

Regulares in manibus suorum Superiorum.

(a) D. Paulus ad Hebr. 11. c.

(b) C. Excommunicamus. 1. & 2. de Hæret.

(c) Ex Bulla Pii Papæ IV. quæ incipit: *Injunctum nobis, sub dato Romæ Anno 1564. Idib. Nov.*

(d) d. Bulla Pii IV. Concil. Trident. cap. 2. de Reform. Sess. 25.

(e) Bulla Pii IV. quæ incipit: *Sacrofancta, sub dato Romæ Anno 1564. Idib. Nov. d. cap. 2. de Reform. Sess. 25.*

periorum, aut eorum, quibus hujusmodi receptio Professionis Fidei, de jure vel consuetudine competit.

Laici vero coram Parochis aut Decanis ruralibus, vel iis, ad quos receptio hujusmodi spectat.

TITULUS III.

De Libris prohibitis.

I.

Libros hæreticos, maxime illos, qui de religione falsa & hæresi ex profecto tractant, atque de hæretica pravitare sunt suspecti, nemo legat, vel apud se retineat, nisi a Sede Apostolica dispensationem desuper impetraverit in scriptis, (f) quam Nobis, aut Vicario nostro exhibeat.

II. Neque hos solum, sed omnes pietati morumque honestati contrarios libros, qui amatoria, impura, obscena, inhonesta, famosa, supersticiosa, & his similia continent, narrant aut docent, serio prohibemus. (g) In delinquentes Procurator noster Fiscalis ex officio severissime, juxta Canonicas Sanctiones animadvertat.

III. Illos etiam, qui obscenas ac petulantes imagines & picturas, vel ad ludibrium nostræ Catholicæ Religionis, vel ad Ecclesiasticarum aut aliarum honestarum personarum infamiam factas vendunt, emunt, sibi fieri procurant, vel retinent, minime impunitos relinquemus.

IV. Parochi diligenter advertant, ne subditi sui parochiani, ex malitia aut simplicitate, libris Hæreticis, vel de hæresi suspectis, aut bonis moribus atque pietati Christianæ repugnantibus utantur. Quod si aliquos hujusmodi libros haberi, & legereprehenderint, eos cum charitate & discretione primum corrigant, contumaces & rebelles ab Ecclesiâ ingressu, & Sacra-

mentorum participatione arceant, & si incorrigibiles existant, Nobis, aut Vicario nostro referant, ut in tempore, malo, ne forte, serpat, ulterius, per competentia remedia subvenire valeamus.

V. Nulli libri, imagines aut picturae, usquam in locis Catholicis Diocesis nostræ venales exponantur, quas non prius Parochi, Decani, vel alii Censores a Nobis designati, ope etiam & auxilio Magistratus secularis, si opus fuerit, quem Nos in tam pia, & necessaria re Nobis minime defuturum speramus, inspexerint, examinaverint & approbaverint. (b)

VI. Præterea statimur, & Typographis serio mandamus, ne libros, cujuscunque generis, sive Ecclesiasticos, sive prophanos, in civitate Constantiensi, & aliis locis Catholicis nostræ Diocesis, absque nostra, aut Vicarii nostri Generalis, aut a Nobis ad hoc specialiter Deputatorum approbatione, & censura, imprimant; (i) Alioquin Nos contra eos, juxta Canonicas Sanctiones ad Ecclesiasticas censuras, vel alias penas, prout Nobis opportunum videbitur, procedemus.

VII. Officinas Bibliopolarum in Civitate Constantiensi Vicarius noster, cum deputatis librorum Censoribus, in aliis locis Parochi, aut Decani rurales visitent, libros inspiciant, & examinent.

VIII. Denique rogamus, & hortamur in Domino Principes, & Magistratus omnes seculares, & Ecclesiasticos, in Diocesi nostra existentes, ut non tantum hæreticos & de hæresi suspectos, pro sua pietate ac studio, erga veram & indubitatam Sanctam, Catholicam Fidem & suis ditionibus, atque oppidis, quo ad ejus fieri potest, amoveant, & expellant, (k) verum etiam sub gravissimis penis prohibeant, ne suarum ditionum homines, percipiendæ linguæ,

(f) Concil. Trident. de editione & usu sacr. Libr. Sess. 4. & Sess. 18. de Libr. delectu. Index Libr. prohib. a Pio Papa IV. in speciali Bulla, quæ incipit: *Dominici gregis*, sub dato Romæ die 24. Martii Anno 1564. confirmatus.

(g) Per d. Ind. libr. prohib. c. 1. 2. & 3. §. q. 1. tot. tit. C. de libel. famol.

(b) d. Index libr. prohib. cum Regulis ei præpositis. (i) d. Index & Regula.

(k) c. Sicut excellentia. 23. q. 4.

guæ; mercatura aut alio nomine dictus & ultra unum aut duos menses in locis hæreticorum commoretur; ne liberos suos ad sectariorum scholas ablegent, aut ad loca hæretica in Matrimonium locent, neve libros hæreticos & de hæresi suspectos & alios prohibitos in ditiones & oppida sua inferri, & vehales exponi patiantur.

TITULUS IV.

De Superstitionibus & Magia.

FRequens est, præsertim apud mulieres, sed grande superstitionis & magiæ piaculum, Christianæ fidei, ac vero cultui, qui DEO TER OPT. MAX. debetur, e diametro repugnans.

II. Cujus cum varia nimis & multiplicia sint genera; (l) ea hic recensere non intendimus: sed Parochos, Concionatores, Confessarios, & alios quoscunque ad summam casuum conscientiarum, Cardinalis Toleti, aliosque probatos authores remittimus. Illud summam decernimus; ut hujusmodi, cujuscunque generis sint incantatorum, sortilegorum, magorum, & divinorum superstitionum artes, cum sint ex quadam pestifera societate Dæmonum atque hominum quasi pacta infidelis & dolosæ amicitiae (m) sive tacite, sive expresse constituta, a Parochis, Concionatoribus, Confessariis, & pio Magistratu, sub poenis Ecclesiasticis & temporalibus severissime prohibeantur, atque ab Ecclesia Dei, & cœtu fidelium penitus eliminentur. (n)

III. Et sane Nos supersticiosos divinatores, sortilegos, & magos, nisi resipiscant, anathemate feriemus, (o) & si Clerici fuerint, a beneficiis, dignitatibus, & officiis quibuscunque perpetuo deponemus. (p)

TITULUS V.

De Sacramentis Ecclesiæ.

I.

Septem Ecclesiæ Sacramenta divinitus instituta, (q) per quæ omnis vera justitia vel incipit, vel cœpta augentur, vel amissa reparatur: & quibus velut remediis Deus peccatis nostris mederi; nobisque gratiæ suæ munera impartiri voluit, ex Oecumenicorum Conciliorum, & universalis Ecclesiæ præscripto, cum ea, quæ decet, reverentia suscipimus. Omnibus Clericis Diocesis nostræ, tam Sæcularibus, quam Regularibus, cujuscunque status & conditionis fuerint, districtius mandantes, ut ea omnia, & singula in timore Domini cum debita reverentia, tum per se usurpent, ac sancta sancte tractent, tum ut a laicis condigne suscipiantur, diligenter procurent.

II. Volumus autem & Ecclesiarum Ministris præcipimus, (r) ut in concionibus, in Catechismo, & ante cujuscunque Sacramenti administrationem, si necessitas, propter populi ruditatem & inscitiam postulaverit, breviter virtutes, fructus & debitum usum Sacramentorum, quid externa signa, quid ceremoniæ significent, ad captum tum suscipientium, tum reliquorum assistantium, lingua germanica exponant, atque declarent; ut nosse possint quid suscipiant, quantum fructum inde referant, & quomodo sese ad ejus usum digne præparare debeant.

III. Et ut in uniformitate Spiritus Deo serviamus, ceremoniis & ritibus in administrandis Ecclesiæ Sacramentis utantur omnes, juxta præscriptum Sacerdotalis Ecclesiæ nostræ, donec Nos aliter statuerimus; & prædictum Sacerdotale magis ad usum & ceremonias Ecclesiæ Romanæ reduxerimus.

IV. Quod si inter Missale nostrum ad Romanum reformatum, & Sacerdotale, quoad aliquas ceremonias differentia occurrat, Missale sequendum, &

(l) Vide cap. Igitur. 26. q. 3.

(m) C. Quicunque. §. Ex præmissis. 16. q. 5.

(n) Concil. Trid. Sess. 2. de Sacramentis. c. Ad abolendam, de Hæret.

(o) Concil. Trid. Sess. 24. de Reform. c. 7.

(p) Cap. Illud. in fin. 26. q. 2.

(q) C. Si quis ariolos. & d. §. Ex præmissis.

(r) d. Passim causa. 26. q. 5. cap. Quam sit grave. De exceſ. Prælat.

& juxta ejusdem præscriptum cæremoniis utendum esse declaramus.

V. Pias & antiquas consuetudines circa actus & officia quædam Ecclesiasticæ, quæ fortasse sine offensione populi intermitteri non possunt, ita probamus, ut prius Nos, aut Vicarius & Consiliarii nostri Ecclesiastici consulantur: nostrumque aut eorum responsum ac resolutio desuper expectetur & observetur.

VI. Sacerdotes, qui ex alienis Diocæsis in nostram transmigraverint, novas vel peregrinas cæremonias secum non adferant, aut pro suo libitu sibi fingant, sed si Ecclesiis nostræ Diocæsis inserviant, in iisque beneficia assequuntur, nostræ etiam Diocæsis ritibus ac cæremoniis, tum in Sacramentorum administratione, tum in aliis Divinis Officiis peragendis utantur. Contra inobedientes Fiscalis noster ex officio procedat.

VII. Sacramenta omnia lingua latina, sobrie ante prandium, nisi necessitas & laudabilis consuetudo aliter suaserit, sine peccato mortali, non obiter & præcipitanter, sed cum debita gravitate, reverentia ac pietate, sine gestulationibus & cæremoniis non consuevis, cum stola & superpelliceo administrentur, ut populus, cum viderit sancta sancte ac religiose tractari, similiter ad sancte & religiose Sacramenta suscipienda moveatur.

VIII. Mandamus etiam, ut Divina Sacramenta omnibus indifferenter, divitibus, pauperibus, utriusque sexus (iis exceptis, quos ad suscipienda Sacramenta Canonice Sanctiones faciunt inhabiles), sine dilatione, pro ratione loci, temporis & necessitatis, pie, prompta, sine Simonie labe, aut ulla mercede conventa, vel exactione aliqua indebita, gratis ministrentur. (1)

IX. Permittimus tamen, si quid a suscipientibus Sacramenta sponte offeratur, ut illud a Curatis vel Clericis,

præsertim pauperioribus, & quorum aliqua pars reddituum in hujusmodi obventionibus stola, ut vocant, sit, non tantum recipi, verum etiam, quantum de jure licet, pro sustentatione sufficienti aliquid peti possit. (2) Ubi etiam populum Christianum in Domino exhortamur, ne bovi trituranti os alligent, (3) sed Christianum ac dignum esse cogitent, eos de altari vivere debere, qui altari inserviunt.

X. Sanctissimum Domini nostri JESU Christi Corpus, Aqua Baptismi, Sanctum Chrisma & Olea Sacra sub diligenti & forti custodia atque clausura, quodlibet in loco suo condecens, & in vasculis mundis conserventur & habeantur. (4) Claves non penes Adueros, sed Curatos, vel eorum socios in cura existant, quas non passim & coram familia relinquant, sed vel secum, vel domi suæ in certo loco occlusas habeant, ne forte (quod absit) injuria aut prophanatio Sacris Christi mysteriis irrogari possit.

XI. Sanctum Chrisma & Olea Sacra, quorum in administrandis Sacramentis est usus, a Nobis & Ecclesia nostra Constantiensis matrice singulis annis nova petantur & renouentur, cætera vel in novo igne Sabbati Sancti, vel alio honesto loco & igne comburantur, & cineres in Sacrarium deponantur. (5)

XII. Quod si anno nondum absolute Sacra Olea sibi deficere animadverterit Parochus, a Decano suo nonnihil Olei Sacri, quo indiget, petat, aut hanc a Canone præscriptam rationem ineat, ut cum Oleo Sacro non sacrum, de olivis tamen expressum, misceat. (6) Id vero guttatim ita confundat, ut semper, quod infunditur, minus sit oleo consecrato.

TITULUS VI.

De Baptismo.

I.

Quia Baptismus fundamentum (a) est nostræ salutis, per quem ex filiis iræ & diffidentie regeneramur

P P P P P 3

(1) C. Non satis. c. Cum in Ecclesia. c. Apostolicam. de Simonia.

(2) Per d. c. Ad Apostolicam. de Simonia.

(3) C. 1. de custod. Eucharist.

(4) Cap. 3. de Consecrat. d. 3.

(5) C. Conveniens. de Presbyt. non baptiz.

(6) C. Cum itaque, in fine. de Consecr. dist. 4.

(a) Deut. 25. cap. 1. Corinth. 9.

(y) C. Literis. de Consec. d. 3.

mur in filios adoptionis filiorum Dei. Ideo infantes recentet nati sine aliqua mora, & quam citissime fieri potest, ad Ecclesiam Parochialem deferantur, & adhibitis prius debitis & consuetis orationibus, exorcismis, (b) unctionibus (c) & caeremoniis in aqua baptismali sanctificata & benedicta a Parochio baptizentur. (d)

II. Injungimus verò Parochis & Curatis omnibus serio, ut ad baptizandum aliquem infantem vocati sine mora in Ecclesia compareant, & officio suo pastoralis satisficiant. Quod si eorum culpa infans aliquis sine Baptismo mortuus fuerit, Nos eos quam severissime puniemus, acque etiam pro qualitate culpe ab officio suspendemus, aut beneficio privabimus.

III. Illustrium quoque & Nobilium Virorum infantium recens natorum Baptismus, ultra paucos aliquot dies minime differatur, & tunc modo ubi nullum mortis periculum timeatur. (e)

Infantes omnes publice in Ecclesia, aut saltem in Sacello sive Oratorio aliquo baptizentur. (f) Casum necessitatis excipimus, quando scilicet propter mortis periculum infans ad Ecclesiam deferri non potest, quo casu & domi & privatum a quolibet homine Christiano Baptismus licite administrari & conferri poterit, (g) modo debita materia, quæ est aqua naturalis, simplex vel sanctificata, & forma, quæ est: *Ego te baptizo in nomine Patris, & Filii, & Spiritus Sancti*, adhibeantur. Magis tamen convenit etiam in hoc casu a Sacerdote, vel alio Clerico, si adsint, & eorum copia commode ac salva honestate haberi possit, tum a viro, denique a femina infantes periclitantes baptizari.

IV. Quod si in periculo infans baptizatus supervixerit, ad Ecclesiam nihilominus deferatur, & Baptismo excepto, reliquæ caeremoniæ propter necessitatem omittæ suppleantur. (h)

Examinent vero diligentissime Parochi, aut eorum socii obsterices, vel alios, qui infantem aliquem baptizant: An & quomodo, quibus verbis & forma, qua materia & aqua, & cum qua intentione baptizaverint. Quod si debitam materiam, formam, & Ecclesiæ intentionem adfuisse cognoverint, Baptismum minime repetant, si neutrum horum adfuerit, aut unum ex illis defuerit, de novo baptizent: si probabiliter dubitent, Baptismum cum conditione conferant, videlicet: *Si non es baptizatus, ego te baptizo in nomine Patris, & Filii, & Spiritus Sancti*.

V. Moneant etiam Parochi obsterices, ut non tantum in baptizandis infantibus periclitantibus caute sint ad circumspectæ, officiumque piæ & honestæ matronæ præstent, sed etiam ut pro hujusmodi necessitatibus singulis annis aquam benedictam, antequam Sacrum Oleum & Chrisma fuerit infusum, in Sabbatis Paschæ & Pentecostes recipiant, per annum in vase mundo conservent, & ea in baptizando utantur.

VI. Infans expositus, licet in collo habeat appensum testimonium, quod baptizatus fuerit, si tamen aliunde non constet, baptizetur sub conditione. Quod si in testimonii scheda sit inscriptum nomen, quod illi in Baptismo impositum esse asseratur, idem nomen ipsi imponatur, & omnia, quæ circa hæc gesta sunt, in libro baptizandorum diligenter conscribantur.

VII. Prudenter Sacrum Tridentinum (i) Concilium propter pericula & difficultates impediendi cognationis spiritualis & Matrimoniorum constituit in Susceptores seu Paternos baptizandorum unum tantum, vel ad summum unum, & unam sumi debere, quam salubrem Constitutionem hactenus in Dicecesi nostra observaram etiam de cætero observari mandamus. Neque

(b) C. Sive parvuli. de Consecr. dist. 4.

(c) C. 1. §. Quia vero. de Sacra Unctione. c. Deinde. de Consecr. dist. 4.

(d) C. Constat. de Consecr. d. 4.

(e) & de Consecr. d. 4. c. Quicumque.

(f) C. In necessitate. c. Mulier. c. Sanctam. de Consecr. dist. 4.

(g) Facit cap. Ab antiqua. de Consecr. dist. 4.

(h) concordat. cap. Quamvis. de cognat. spirit. in 6. c. Non plures. de Consecrat. d. 4.

(i) C. Neque. c. Si quis per ignorantiam. r. q. 1. (f) Clem. 1. de Baptif. & ejus effecta.

(i) Sess. 24. de Reform. Matrim. cap. 2.

que Parochi plures sub quovis prætextu admittant, nisi malint & nostram indignationem & condignam pœnam sustinere.

VIII. Viri nobiles, si quando plures Patrinos forte pro majori solennitate & familiæ suæ splendore adhibeant, volumus, ut Parochi ex ipsis duos designent, qui veri Susceptores sint, & cognationem spirituales contrahant, atque in librum baptizandorum a Parochis inscribantur: Reliqui non item, quos tamen loco testium Baptismi solennitatibus interesse non vetamus.

IX. Patrini sint homines pii atque Catholici, ætatis maturæ, ut ad interrogata apte respondere valeant, bonæ vitæ & famæ, in fide Catholica & probatis moribus bene instituti, ut filios suos spirituales in iisdem instruere possint: id enim ipsorum quam pro infantibus DEO & Ecclesiæ faciunt, sponso requirit. (k)

X. Et revera satius esse judicamus eos Patrinos deligere, qui magis infantes in fide & Christiana pietate imbuere, quam donis ac muneribus cumulare queant.

XI. Regulares cujuscunque Ordinis, Moniales item ad suscipiendum infantes ex Sacro Fonte, nec recipiantur, nec admittantur: (l) ii enim cum propriam voluntatem non habeant, sed ex Superiorum suorum nutu dependeant pro aliis spondere quomodo possunt?

Parochi quoque Patrinos officii & sponsonis suæ diligenter admoneant, omniumque baptizandorum, eorundem parentum ac patrinorum nomina & cognomina cum annotatione anni, mensis & diei in librum specialiter ad hoc deputatum inscribant, (m) & vel domi suæ, vel in aliquo loco Ecclesiæ clausum custodiant, illumque singulis annis Decano suo ostendant, ut in hoc negligentes Nobis, vel Vicario nostro digna pœna plectendos denunciare possit.

XII. Puerperæ exacto puerperio domum cum exierint, mox Ecclesiam Deo acturæ gratias ad benedictionem a Parocho accipiendam, & Missæ Sacrificium audiendum accedant. Ubi mos hic laudabilis & antiquus injuria temporum in desuetudinem abiit, in usum pristinum per Parochos cum prudentia & discretione revocetur.

XIII. Habeant singulæ Ecclesiæ Parochiales & curatæ singulos fontes lapideos bene clausos & munitos, & ubi in una, & eadem Ecclesia diversæ religiones propter bonum, & pacem publicam tolerari debent, omnino distinctos, neque cum hæreticis ullo modo communes, in quibus aqua baptismalis benedicta, & Chrismatis unctione sanctificata, & singulis annis diebus Sabbati, Paschæ & Pentecostes per Parochos solenni ritu & caeremoniis renovata, summa cum diligentia & munditia servetur.

XIV. Moneant diligenter populum Christianum Parochi, ne aquam baptismalem ad aliquem prophanum & supersticiosum usum accipiat, nec ea aliter, quam ad asperersionem (n) corporum & domorum ad depellendas diabolicas nequitias utatur.

TITULUS VII.

De Sacramento Confirmationis.

I.

CUM in Sacramento Confirmationis homo quasi adolescat & perficiatur in virum, ut sit plenus atque perfectus Christianus, & ad pugnam, quæ nobis cum Diabolo, mundo & carne perpetua est, per Spiritus Sancti gratiam confirmetur: (o) Summo studio Parochis & Curatis omnibus enitendum est, ne sibi commissorum animarum tam potenti & salutari Sancti Spiritus robore defraudentur. Itaque quotiescunque occasio fuerit, præsertim vero in Festivitatibus Pentecostes de hujus Sacramenti institutione, præstantia, sanctitate, virtutibus & effectu populum

ex

(k) C. Vos autem omnia. de Consecr. d. 4.

(l) C. Non licet. c. Monachi. de Consecr. d. 4. c. Placuit 16. q. 1. c. Pervenit 18. q. 1.

(m) d. c. 2. Sess. 24. de Reform. Matrim. §. Parochus.

(n) C. In Sabbato Sanct. de Consecr. d. 4.

(o) C. Spiritus S. c. Novissime. de Consecr. d. 5.

ex concione instruant, simulque septem dona Spiritus Sancti; quæ in hoc Sacramento conferuntur & accipiuntur, explicant, & populum Christianum sedulo moneant ad hujus tam præstantis Sacramenti piam devotamque susceptionem.

II. Ne vero Nos in hac parte (cum solus Episcopus Confirmationis Sacramentum conferre possit) officio nostro pastorali desimus, conferemus hoc Sacramentum vel ipsi, vel per nostrum Vicarium in Pontificalibus Generalem, in Civitate nostra Constantiensi in festivitate Pentecostes, & temporibus, quibus in Ecclesia nostra Cathedrali Ordines Sacri conferri solent, videlicet Feria sexta post Dominicam *Invocavit*, feria sexta post Dominicam *Lætare*, die Veneris sancto, feria sexta ante Festum Sanctissimæ Trinitatis infra octavam Pentecostes, feria sexta in angaria Crucis, & feria sexta in angaria ante Nativitatem Domini.

III. Extra vero civitatem Constantiensem in Dicecesi nostra in omnibus visitationibus, quibus vel nos, vel noster in Pontificalibus Vicarius intererit; Item in consecrationibus & benedictionibus Ecclesiarum, Cæmiteriorum, Altarium & Prælatorum.

IV. Monebimus vero prius Curatos locorum, ubi & quando Sacramentum hoc in Dicecesi administrare velimus, ut ipsi hoc populo ex cancellis denuntiare, atque ad suscipiendum cohortari possint, populus vero sese pie & digne præparare valeat.

V. Ad Confirmationem nullus, qui ad annos discretionis pervenit, accedat, nisi prius de peccatis confessus. (p) Minores septennio ex multis causis non admittimus, (r) nisi Nobis, aut Vicario nostro in Pontificalibus specialiter cum aliquo, ex causâ dispensandum videatur.

VI. Susceptores in Sacramento Confirmationis tales sint, quales supra

de Baptismo descripsimus, nec plures, quam unus. (s) Susceptores vero neque iis quos susceperunt, neque eorum parentibus largiantur aliquid tale, ex quo occasio Sacramentum hoc iterandi, quod sæpius commissum audivimus, præbeatur.

VII. Quod ut præcaveri & melius etiã de cognatione spiritali judicari queat, mandamus Parochis, ut confirmatos & eorum compadres, annum, mensem & diem collatæ Confirmationis, servatis cæteris omnibus, quæ de libro Baptizatorum præscripsimus, in speciali libro, quantum fieri potest, inscribant.

TITULUS VIII.

De Sacramento Eucharistiæ.

I.

Sacro sancto Eucharistiæ Sacramentum, Corpore & Sanguine Domini ac Redemptoris nostri JESU CHRISTI, Symbolo maximæ & infinitæ charitatis DEI erga nos, Ecclesia Catholica nihil habet sublimius, nihil sanctius, nihil augustius: Illud vero cum his calamitosi temporibus ab Hæreticis passim prophanetur, oppugnetur & contemnatur, mandamus serio omnium Ecclesiarum Dicecesis nostræ Rectoribus, Concionatoribus, cæterisque Clericis secularibus & Regularibus quibuscunque, ut subditis suis & populo Christiano sæpius quam diligentissime explicant, & inculcent, quæ post tot clarissima Sanctorum Patrum & Oecumenicorum Conciliorum testimonia novissime Sacra Tridentina Synodus (t) de institutione & excellentia, de veritate & reali præsentia Domini nostri JESU CHRISTI in Sanctissima Eucharistia, de transubstantiatione, de adoratione, cultu ac veneratione huic Sanctissimo Sacramento exhibenda, & de digna sumptione & oblatione hujus tanti Sacramenti definivit ac declaravit.

II.

(p) C. Quanto conf. c. Manus, de Consecr. d. 5. Conc. Trid. Sess. 7. de Confirm. can. 3.

(q) Cap. Et jejuni. de Consecr. d. 5.

(r) Ex Carechismo Romano.

(s) C. In Catechismo, cum seq. de Consecr. d. 4. per tot. tit. de cognatione spirit. in 6. Concil. Trid. Sess. 24. de Reform. Matrim. cap. 2.

(t) Sess. 13. in Decreto de Sanctissimo Eucharist. c. 1. 2. 3. 4. & 5.

II. Et licet Ecclesia, refrigescēte charitate ac fervore populi Christiani, semel tantum in anno circa festa Paschalia Corpus & Sanguinem Domini nostri a fidelibus, debita præparatione præmissa, sumi debere statuerit; (u) Quia tamen vere fit suavis Dominus sæpius gustantibus eum, omnes Christi fideles & Catholicos Diocesanos nostros in Domino hortamur, ut hunc cœlestem Divinumque panem, immensum cœlestium divitiarum thesaurum non semel tantum, sed sæpius in anno, maxime vero in solennioribus Festivitatibus sumant. (x)

III. Parochi quoque ad piam & salutarem hujus Sacramenti frequentiam suos quisque verbo & exemplo publice & privatim incitent atque invitent.

IV. Paschalis Communio quotannis in Parochiali Ecclesia fiat, (y) quam nemo intermittat, differat, aut alibi faciat, sine nostra, aut Vicarii nostri, vel proprii Parochi sui licentia. Quod si quis ex necessitate vel alia justa causa a Nobis, vel Vicario nostro approbata extra Parochiam suam communicaverit, de eo Parocho suo sufficientem fidem faciat.

V. Si quis vero Ecclesiæ & nostrum mandatum omnino contempserit, & monitus non respuerit, is ad nullum aliud etiam Matrimonii Sacramentum admittatur, & vivus a communione fidelium & Ecclesiæ ingressu arceatur, & mortuus sepultura Christiana privetur. (z) Parochi etiam talium nomina Nobis, aut Vicario nostro in scriptis deferant, ut competens remedium adhibere, & inobedientes per condignas pœnas, adhibito etiam, si opus fuerit, brachii sæcularis auxilio ad obedientiam & præceptorum Ecclesiæ observantiam revocare valeamus.

VI. Nullus sine prævia Sacramentali confessione & absolutione præsumat ad tremendum hoc Sacramentum accedere, (a) sed probet seipsum homo, & sic de pane illo edat. (b) Qui secus facere deprehensus fuerit, contra eum ut sacrilegum tanti mysterii prophaneatorem severissime procedemus.

VII. Publici concubinarij, sceleratores, blasphemi, & alij ejusmodi facinorosi (c) homines semel, bis, terve sub spe emendationis ad pœnitentiam & Sacram Communionem admissi, si postea eos in eodem luto peccatorum hædere cognitum fuerit, amplius ad Communionem non admittantur, donec eos vitam & mores emendasse, Parochi perspexerint.

VIII. Eucharistiæ Sacramentum qui sumunt, cogitent se ad Dominum & Deum suum accedere, proinde pœnitentiam, animi submissionem & debitam devotionem vultu ac habitu demisso præferant. (d)

IX. Ministretur Sacra Communio non promiscue maribus & feminis simul, sed primo maribus seorsim, postea feminis.

X. Eucharistiam vero eo modo porrigant Parochi fidelibus, qui in Ecclesia Catholica tot jam sæculis semper fuit observatus, & a Sacris Conciliis Constantiensi, (e) Basileensi, (f) & Tridentino (g) publico totius Ecclesiæ Decreto confirmatus, nimirum ut non modo fideles laici, verum etiam Sacerdotes non celebrantes Corpus & Sanguinem Domini, adeoque totum Christum Deum & hominem sub una panis specie sumant. Quem communicandi ritum tanto diligentius in Dicecesi nostra observari volumus, quod hoc non obscuro symbolo hodie vere Christiani & Catholici a Sectariis & Hæreticis discernantur.

XI.

(u) c. Omnis utriusque sexus. de Pœnit. & Remiss.

(x) Facit c. Omnis homo. d. & c. Et si non frequentius. de Consecr. dist. 2.

(y) d. c. Omnis utriusque. Concil. Lateran. sub Innoc. III. can. 21. Concil. Trid. Sess. 13. de Sacr. Euchar. can. 9. & Sess. 14. de Sacr. Pœnit. c. 5.

(z) d. c. Omnis utriusque. (a) Concil. Trid. Sess. 13. de Sacr. Euchar. c. 7.

(b) 1. Corinth. 11.

(c) Pro dilectione. de Consecr. d. 2. Sylvester in verbo:

Eucharistia. 3. n. 7.

(d) d. Sess. 13. c. 7.

(e) Sess. 13.

(f) Sess. 30.

(g) Sess. 13. de Sacram. Euchar. can. 3. & Sess. 21. c. 1. 2. & 3. de Communionem sub utraq.

XI. Vinum ablutionis post sacram Communionem non in calice, nec a Sacerdote, sed vel ab alio Clerico vel honesto laico ex alterius formæ poculo argenteo, aut deargentato porrigatur, ne rudes & idiotæ, ut aliquando factum fuisse intelleximus, Christi Sanguinem in eo se sumere credant.

Adolescentibus, qui primum communicare voluerint, Eucharistia non detur, nisi Parocho constet illos in Articulis Fidei, Præceptis Ecclesiæ, Oratione Dominica, Salutatione Angelica, decem Præceptis, atque circa Sacramentorum, maxime Baptismi, Poenitentia, & Eucharistia virtutes & efficaciam esse instructos: quod idem de puellis primum communicaturis intelligendum volumus.

XII. Communicantes omnes, ii præsertim, qui semel tantum in anno communicant, diligenter ex suggestu, & in confessione a Parochis & Confessar. admonendi sunt, cum quanta humilitate & reverentia ad tremendum illud Sacramentum venire debeant, (b) & quanta supplicia, juxta Apostoli Pauli sententiam (c) eos maneant, qui indigne Corpus & Sanguinem Christi Domini suscipiunt.

XIII. Ut autem populus, præsertim agrestis & rudis, cum debita reverentia & honestate Sacramentum hoc Corporis & Sanguinis Domini nostri sumat, injungimus Parochis & Curatis, ut eundem ante aram flexis genibus procumbentem brevi aliqua exhortatione ad dignam Communionem præparent & inducant, deinde confessionem generalem, clara voce germanice pronuncient, dataque generali absolutione latine, & ter verbis Centurionis etiam germanice pro more repetitis, in ora singulorum non stantium, sed in genua procumbentium, cum summa reverentia & modestia, Sacramentum Eucharistiam immittant.

XIV. Et ne forte ex aliqua incuria aut negligentia Sacramento fiat ali-

qua irreverentia, volumus, ut a duobus piis & modestis pueris inter porrigentis Sacerdotis & suscipientium pectora velum aliquod extensum teneatur.

XV. Curent etiam Parochi diligenter, ut Thesaurum hunc cœlestium divitiarum cum ea, qua decet, animi & corporis puritate, reverentia & honore dispensent, nec quidquam faciant aut intermittant, quod huic tanto Mystério etiam minimam irreverentiam irrogare queat: itaque in tangendis Sacris Hostiis, in gerendo & circumferendo ciborio aut patena, in colligendis & sumendis micis, etiam minutissimis, in ablutione, &c. cauti sint & circumspici. (k)

XVI. Denique cum boni Pastoris sit nosse & scire numerum ovium suorum, (l) non pauciores Hostias Parochi consecrent, quam habeant in Parochia sua communicantes, & ne ex defectu consecratarum Hostiarum aliqui rursus cum scandalo abire, & Communionem differre debeant, semper supernumerarias aliquot adjiciant & consecrent Hostias.

XVII. Consuetudo asservandi Sacrosanctam Eucharistiam pro infirmis adeo antiqua est, ut eam non tantum sæculum Nicœni Concilii, verum etiam ipsorum Apostolorum agnoverit, (m) & novissime Tridentinum Concilium, (n) tanquam rem salutarem ac maxime necessariam omnino retinendam statuerit.

XVIII. Tabernaculum, in quo asservari debet Venerabile Sacramentum, sit in loco eminenti, conspicuo, honorifico, (o) non humido aut fordido, sed sicco & mundo, cancellis & repagulis septo ac bene munito, vel in ipso Altari secundum morem Romanum, vel in latere sinistro Chori prope Altare, veluti plerumque ab Antecessoribus nostris Germanis non temere observatum videmus, pro cujusque loci commoditate. Asservetur autem cum

(b) Concil. Trid. Sess. 13. de Sacr. Euchar. c. 7. Timorem. de Consecr. d. 2.

(c) 1. Cor. 11.

(k) Tribus gradibus. de Consecr. dist. 2.

(l) Joan. 10.

(m) Clemens Epist. 2. ad Jacobum Fratrem Domini.

(n) Sess. 13. de Sacr. Euchar. cap. 6. & can. 7. c. De custod. Euchar. c. Sane. de celebr. Miss.

(o) C. Sane. de celebr. Miss. cap. 1. de custod. Eucharist.

cum decenti honore & ornatu, vasculum sive capsula, ubi fabricæ sunt ditiores, sit integra ex argento; ubi pauperiores, saltem deargentata vel deaurata, quæ ab extra pallio aureo, argenteo holoferico aut ferico, pro cuiusque loci qualitate vestiatur.

XIX. Hostiæ consecratae pro morientium viatico & aliis necessitatibus tot reserventur, quot Parochus sufficere existimaverit. Renoventur singulis mensibus bis aut minimum semel, veteribus in Communione Missæ sumptis.

Quod si ex negligentia alicujus Sacerdotis Hostiæ omnes, aut aliqua (quod ne fiat, severissime prohibemus, & cum a quopiam factum fuerit, gravissimis pœnis vindicabimus) computrescerent, vermes, si qui nati sunt, comburantur, & cineres in Sacrum Ecclesiæ projiciantur; Hostiæ vero, & earum partes, quæ adhuc sunt integræ, a Sacerdote sumantur, nisi ei horrorem & stomachum moverent, tunc enim in vase aliquo peculiari, donec omnino corrumpantur, in Tabernaculo cum reverentia reponi, & postquam corruptæ fuerint, similiter comburi, & cineres in Sacrum projici volumus.

XX. Ardeat coram Tabernaculo, in quo Venerabile Sacramentum afferatur, sumptibus fabricæ, vel alterius, qui ad id obligatur, perpetuo noctes atque dies lampas, quæ, si extinguatur, rursus accendatur & conservetur. Quod licet Ædituorum munus sit, Parochis tamen incumbit Ædituos negligentes sui officii commonere.

XXI. Sanctissima Eucharistia ad ægrotos summa cum religione a Sacerdote, superpelliceo & stola induto, cum lumine & campanula, qua fidelibus signum detur, deferatur. (p) Ubi laudabilis viget consuetudo, cum majori solennitate, videlicet cum pueris in habitu choralis vexilla & lumina portantibus atque cantantibus, cum vicinorum, & aliorum Christi fidelium comitatu, aliisque piis & devotis cæremoniis Sacrum Viaticum ad ægrotos deferri, volumus, ut consuetudo hujusmodi in illis locis, ubi est, non tan-

tum in posterum observetur, sed etiam vehementer desideramus ad promovendum & augendum cultum tanti Sacramenti, ut talis mos etiam alibi, ubi nondum institutus est, introducatur.

XXII. Deferant autem Parochi, vel Curati ad minimum duas particulas ad infirmum, ne eis ad Ecclesiam redeuntibus populus vacuum vasculum adoret. Quod si ex negligentia vel inadvertentia (quam omnino sub gravi pœna cavendam esse mandamus) vel aliqua legitima causa, ut quod plures providendi fuerint, Parochi sine Sacra Hostia ad Ecclesiam redire debeant, fiat illud sine lumine, sine cantu, sine pulsu campanulæ, neque ciborium, uti alias fieri debet, alte portetur, sed in silentio & cum modestia ad Ecclesiam revertantur, ut cognoscere possit populus, non adesse ibi, quem debeat adorare.

XXIII. Nullus quoque Curatorum sacram Communionem, quantacunque atrocitate pestis, aut alius gravis morbus sæviat, nullaue alia de causa laico aut fœminæ ad infirmum deferendam tradat, sed per seipsum illud oneris subeat, quemadmodum ex debito officii & muneris sui pastoralis tenetur.

XXIV. Ubi propter locorum distantiam aut viæ incommoditatem Parochi Sacrum Viaticum ad infirmos equitando portare debent, curent diligenter, ut Sacra Hostiæ in loculo, quem ex collo bene clausum, & cum forti ligatura gestabunt, ita sint compositæ & inclusæ, ne ex agitatione equi in frustra vel concidant, vel comminuantur, aut Venerabili Sacramento aliqua alia irreverentia contingat.

XXV. Quando grandinæ, turbines, aliæve tempestates imminant, aut magnum aliquod incendium exurgit, Parochi, Curati, vel alij Clerici, sive sæculares, sive Regulares ad arcendam tempestatis procellam aut incendium, Venerabile Sacramentum extra Tabernaculum non exponant, neque cum eo in Ecclesiarum portis vel cæmeteriis aut apud incendium preces aliquas & cæremonias faciant, sed relicto eo in loco

(p) C. Sane. §. Quam. de celebr. Miss.
Tomus VIII. Concilior. German.

loco suo, ante illud Litanias aut alias preces, ejus rei causa institutas, pie ac devote pronuntient.

XXVI. Morem illum, quo plerique Parochi in rure existentes ex antiqua consuetudine, quæ sine scandalo tolli non potest, agros cum Sacrosancta Eucharistia loculo inclusa, & ex collo dependente obequitare solent, non omnino quidem improbamus, volumus tamen, ut cum tali reverentia ac devotione fiat, ne per hujusmodi obequitationem potius Deus offendatur, quam placetur, & ne rustici, dum segetum incrementa sperant, propter irreverentiam Sacramento factam sterilitatem magis sentiant. Parochi vero quamprimum agros cum consuetis piis ac laudabilibus ceremoniis obequitaverunt, statim sine ulla interposita mora cum Venerabili Sacramento ad Ecclesiam revertantur, illudque decenter in locum suum reponant.

XXVII. Denique habeatur in singulis Ecclesiis parochialibus Monstrantia, ut vocant, argentea, aut deargentata pro ratione reddituum fabricæ, in qua Venerabile Corpus Christi in ejusdem solennitate annua & per octavam in majori forma ponatur, populo Christiano solenniter ad adorandum demonstratur, (g) & solennibus processionibus pro tanti Sacramenti reverentia honoretur.

XXVIII. Aliæ processiones cum Venerabili Sacramento in Monstrantia exposito extra Ecclesiam sine Nostra, aut Vicarii nostri Generalis licentia non fiant, nisi ubi antehac auctoritate Pontificia vel Ordinaria institutæ essent, quibus per hanc nostram ordinationem nihil derogatum esse volumus.

XXIX. Oratio quadraginta horarum, si quando ex gravibus causis instituat, fiat coram Venerabili Sacramento in Monstrantia exposito, & in altari aliquo decenter ornato, collocato. In processionibus vero, quæ tunc fiunt, Sacra Eucharistia extra ambitum templi non deferatur.

TITULUS IX.

De Sacrificio Missæ, & celebratione Missarum.

I.

Christus Dominus in ultima Coena Sacrificium Missæ instituit, ut fideles munus aliquod haberent, quod DEO Patri pro variis beneficiis ac donis, & in remissionem peccatorum offerre possent. (r) Missa igitur est Sacrificium DEO gratissimum, in quo Filius unice dilectus Dominus ac Redemptor noster JESUS CHRISTUS, qui in ara Crucis seipsum cruenta obtulit, DEO Patri suo incruente offertur & immolatur. Quare quanta maxima fieri potest interiori cordis munditia & puritate, atque exteriori devotione, pietate, humilitate ac reverentia Sacerdotes munus hoc Sacrosanctum, vere propitiatorium pro peccatis nostris offerant, tractent, atque absolvant. (s) Et quia passim ab hæreticis hujus nostri calamitosi sæculi tremendum hoc Sacrificium illudatur & contemnitur, nobis tanquam piis Catholicis & obedientibus Ecclesiæ filiis, e contrario summo studio enitendum est, ut non tantum ea, qua decet reverentia, Sacrificium hoc pie atque devote colamus, verum etiam quotidie Deo Patri pro peccatis nostris & totius populi Christiani hostiam placationis offeramus.

II. Præcipit Sacra Tridentina Synodus, ut quæcunque in Missæ celebrationem irrepererunt a tanti Sacrificii dignitate aliena, ea Episcopi tollere sedulo studeant. Quamobrem Nos ejusdem Concilii Decretum exequentes, ut Sanctissimum Missæ Sacrificium singulari religione ac pietate a Sacerdotibus celebretur, & a populo Christiano colatur, sequentia statuimus.

III. Missæ omnes, tam publicæ, quam privæ, juxta ritum, ceremonias, & rubricas Missalis nostri Constantiensis ad Sanctæ Romanæ Ecclesiæ usum accommodati, ac reformati in Ecclesiis, Capellis, aut Oratoriis Episcopali consecratio-

(g) Concil. Trid. Sess. 13. in Decreto de Sanctif. Eucharist. Sacr. cap. 5.

(r) Concil. Trid. Sess. 22. c. 2. de Sacrificio Missæ.

(s) d. Sess. 22. c. 2. & in Decreto de observandis & evitandis in celebratione Missæ.

cratione dedicatis, dicantur & legantur. (r) Sub dio in ara portatili in privatis Oratoriis aut ædibus nemo celebret sine nostra licentia speciali in scriptis obtenta. (u)

IV. Utantur Sacerdotes in Missa vestibus temporis & officio convenientibus, ejusdem non disparis coloris, ab Episcopo benedictis. (x)

V. Cooperto capite nullus celebret. Quod si legitima causa subsistat, consulatur prius Vicarius noster, & privatim fiat.

VI. Missæ nec nimis prolixæ, nec nimis festinanter, neque memoriter, sed ex libro Missali legantur. Omnes peregrinos & singulares gestus, indecoros capitis, oris, manuum & reliqui corporis motus etiam ex devotione factos, in Missa prohibemus serio, (y) & ut Sacerdotes omnes se usui ac cæremoniis Romanæ & nostræ Ecclesiæ conformet, præcipimus.

VII. In peccato mortali nullus unquam celebrare præsumat, sed prius Sacramentaliter confiteatur. (z) Si quis copiam Confessarii habere non possit, & celebrare ex officio teneatur, cum contritione & proposito statim confitendi habita Confessarii copia, celebrare poterit.

VIII. Sacerdotes, qui quotidie fere ebrii ac temulentis, aut alioqui publice criminosi sunt, a Missarum celebratione a Prælati, Decanis & Parochis arceantur, nisi emendata vita sceleris maculam eluerint, incorrigibiles vero Vicario, & Fiscali nostro deferantur.

IX. In Missa Canon uterque tacite recitetur, (a) cætera voce clariore dicantur (b) distincte, graviter & religiose Symbolum Fidei, Præfatio & Oratio Dominica, & cætera sine aliqua abruptione integre vel legantur, vel cantentur. Quando in Ecclesiis duo Offi-

cia cantantur, unum post aliud, utrumque integre absolvatur.

X. In Ecclesia nostra Cathedrali, cæterisque Ecclesiis Collegiatis, Sæcularibus & Regularibus, Parochialibus item oppidorum & pagorum habeant semper Celebrantes omnes Ministrum, qui ipsis in Missa inserviat, & respondeat, (c) qui, Sacerdote rem Divinam faciente, per Ecclesiam non vageretur, nec det confabulationibus aut aliis rebus impertinentibus operam, sed composito corpore & moribus Celebranti assistat, & apud eundem usque ad finem Sacrificii permaneat.

XI. Missæ nec ante auroram, nec post meridiem, nisi ex causa jure permissa, nec etiam sub concione celebrentur. (d)

XII. Diebus Dominicis & Festivis Missa solennis propter mortuorum exequias pro defunctis non dicatur, uti hætenus in rure passim factum fuisse intelleximus, sed in alium diem exequiæ vel differantur, vel si propter populum exequiæ celebrari debent, Missa de Dominica aut Festo cum Collecta pro anima defuncti legatur. Ubi vero plures Sacerdotes in aliquo loco sunt, propter populi commoditatem permittimus, ut excepta Missa solenni aliæ Missæ pro defunctis celebrentur. Sed & hoc casu satius esset hujusmodi exequias in alium diem differre, quem usum paulatim Parochi cum discretione introducere facile possunt.

XIII. Celebrantes pileum, chirothecas, claves aut similia in Altari non ponant, sed ea vel in Sacristia, vel penes Altare relinquunt. Videant etiam (e) diligenter ipsi per se, & per Ministros, ne forte aliquid Altarium mapis, super quo deberent celebrare, ad faciendam superstitionem sit suppositum, quale si deprehenderint, quidquid sit, abjiciant, suppositores in-

Q q q q q 3

qui-

(r) d. Decreto de observ. & evitand. in celebr. Missæ. c. 1. c. Sicut. de Consecr. dist. 1.

(u) d. Decreto. c. Missarum. c. Uniuscuique. de Consecr. d. 1. c. Clericos. de Consecr. d. 1.

(x) C. Vestimenta. de Consecr. d. 1. c. Ecclesiastica. d. 23. (y) Ex d. Decreto.

(z) Concil. Trid. Sess. 13. de Sac. Euchar. c. 7. & can. 9.

(a) Concil. Trid. Sess. 22. c. 5. can. 9.

(b) d. c. 5.

(c) C. 11. c. Illud. de Consecr. dist. 1. facit c. Hoc quoque. de Consecr. d. 1.

(d) Ex Synodo Provinc. Mogunt. Anno 1549. celebrata.

(e) d. Sess. 22. in Decreto de observ. & evitand. in celebrat. Missæ.

quirant, & Nobis, vel Vicario nostro eorum nomina in scriptis deferant.

XIV. Horæ celebrandarum Missarum in singulis Decanatibus, oppidis & pagis hiberno & æstivo tempore ita instituuntur, ne, uti hæcenus factum est, in dies mutantur, varientur, & in alicujus Magistratus gratiam vel anticipentur, vel differantur; sicque populus nullum ad Sacra conveniendi certum tempus habeat.

XV. In Ecclesiis, ubi plures Missæ vel ex laudabili consuetudine, vel ex fundatione celebrari debent, pro commoditate populi ita disponantur, ut omnium devotioni & obligationi satisfieri possit.

XVI. Circa elevationem Sacræ Hostiæ nihil canetur, sed præsentia Domini Corporis & Sanguinis in altissimo silentio consideretur: elevato calice, si musice cantandum fuerit, id devote & submissa voce fiat.

XVII. Ubi hæcenus usus fuit, quod ad elevationem Corporis & Sanguinis Domini nostri, majori, vel alia campana pulseretur, etiam imposterum servetur, ubi non fuit, introducatur.

XVIII. Sacerdotes sacris vestibus induti, sive in Sacristia existant, sive non, cum nemine confabulentur, sed potius orantes se colligant, & mentem in cogitatione tanti mysterii defigant. Antequam ad Altare accedant, Missam quærant, perlegant, & singulas partes ita notent, ut Celebrantes neque errent, neque hæreant.

XIX. Primæ Missæ Sacerdotum nuper ordinatorum (Primitias vocant) sine sæculari & externa pompa, sine feminis, sine virginibus & sponsa celebrentur; (f) nefas enim est & indignum valde Sacerdotes Christi eo die, quo primum tremendi Sacrificii auspiciis faciunt, rebus prophanis & ludicris operam dare. Viros aliquot honestos & ex feminis matrem, sorores & in secundo gradu conjunctas, reliquis

omnibus exclusis, ad Primitias & frugale convivium invitari ita permittimus, si omnis luxus, (g) ebrietates, comestiones & choreæ evitentur. Contra delinquentes Sacerdotes Vicarius noster, carcere, aut alia pœna procedat.

XX. Pacta & conditiones mercedum pro celebrandis Missis sub gravissimis pœnis serio interdiciamus. (h) Si quid vel offerretur vel accipitur, sine pacto fiat, nec pro re spirituali, quæ pretio æstimari nec potest, nec debet, sed pro labore, qui res temporalis est, detur & accipiat.

XXI. Ubi numerus Missarum ita magnus est, (i) ut juxta Fundatoris dispositionem dici non possint, aut elemosynæ, & redditus ita tenues sunt, ut oneri ferendo non sufficiant, Nobis, Vicario, & Consiliariis nostris Ecclesiasticis specificè cum omnibus suis circumstantiis referatur, ut, quid ad Dei gloriam fieri debeat, mature statuere ac declarare possimus.

XXII. Missæ plures posthac non recipiantur, quam quæ commode juxta Fundatoris mentem fieri possunt.

XXIII. Parochi & Concionatores sæpius populum, quid in Sacro Missæ Officio tractetur, singulas ejus partes explicando instruant, (k) præterea diligenter moneant Parochianos suos, ne sub reatu peccati mortalis Missam diebus Dominicis & Festivis omittant; (l) Et ut patres, matresque familias, liberos, famulos & ancillas suas talibus diebus ita occupent, ut tamen Missam & concionem audire possint.

TITULUS X.

De Pœnitentia.

I.

Quoniam sensus & cogitationes nostræ ad malum pronæ sunt ab adolescentia, (m) facile primam nostram innocentiam in Baptismo acceptam, vestem illam candidam & stolam jucun-

(f) Concil. Trid. Sess. 22. de Reform. c. 1. & Sess. 14. de Reform. c. 2.

(g) Ex Synod. Mogunt. Anno 1549. celebrata.

(h) Sess. 22. in Decreto de observ. & evit. l. in celebratione Missæ.

(i) Concil. Trid. Sess. 25. de Refor. c. 4.

(k) Concil. Trid. Sess. 22. de Sacr. Missæ. c. 8.

(l) C. Missas. & c. Cum ad celebrandas. de Consecr. d. 1.

(m) Genes. 8.

jucunditatis amittimus, ut proinde ad salutem nostram omnino necessaria fuerit Sacramenti hujus a Christo Domino institutio, (n) videlicet secunda post naufragium tabula, (o) in qua nobis peccatorum nostrorum veniam consequi & amissam gratiam recuperare liceret. Itaque doceant Parochi & Concionatores diligenter populum, quam sit necessaria pœnitentia, quæ sint ejus partes, quomodo item instituenda & facienda sit: quæ tum ex Tridentino Concilio (p) & Catechismo Romano, tum ex aliis probatis Catholicis Authoribus de hac re ex professo tractantibus petere possunt.

II. Cum Concilium Tridentinum (q) declaret de peccatis mortalibus esse confitendum omnibus sacram Communionem sive in Sacrificio Missæ, sive extra percepturis, hoc ipsum a Sacerdotibus celebrantibus, si reatum peccati mortalis habeant, fieri præcipimus. Quod ut etiam in aliorum quorumvis Sacramentorum administratione faciant, aut saltem per formalem contritionem se in Divina gratia constituent, serio adhortamur.

III. Ut autem Sacerdotes & Clerici Diœcesis nostræ Sancta sanctius pertractent, præsentis Statuti tenore eis injungimus, ut Sacerdotes minimum singulis quatuordecim diebus, cæteri vero in majoribus & minoribus constituti Clerici singulis mensibus de peccatis suis confessionem instituunt. Contravenientes gravissime puniemus.

IV. Laici licet non nisi semel in anno ex Ecclesiæ præcepto ad confessionem Sacramentalem proprio Parocho suo, aut alteri Sacerdoti potestatem habenti de sui Parochi licentia faciendam obligentur. (r) Quia tamen per annum sæpius & quidem aliquando gravissime in peccata labuntur, eos in Domino vehementer adhortamur, ne in tanto salutis animarum suarum discrimi-

ne versentur, sed salutare pœnitentiæ remedium statim & sæpius, præsertim vero in majoribus Ecclesiæ festivitibus recipiant. Parochi quoque populum sibi creditum ad frequentem peccatorum suorum Exomologesin adhortentur. Ipsi vero semper parati ac prompti sint ad subditorum suorum quocunque tempore confessiones excipiendas.

V. Ubi consuetudo fuit hætenus, ut bis in Quadragesima semel post illius initium, deinde cum ad sacram Communionem erit accedendum, confessio fiat, illam uti laudabilem & maxime necessariam quoad illos, qui per totum annum confessionem suam in hoc tempus differunt, etiam imposterum observari volumus.

VI. Prægnantes, periculose ægrotaantes, & alii in probabili vitæ discrimine constituti in tempore confessionem faciant, & contra peccata sua sese tam salutare ac necessario remedio muniant, ne in ultimum usque diem differant, nec præoccupati una cum corpore etiam animæ jacturam faciant. Negligentes a Parochis suis officii & salutis suæ moneantur.

VII. Admonemus etiam Medicos, (s) ut ad infirmos vocati, ipsos ante omnia moneant & inducant, ut prius Medicos vocent animarum, ut, posteaquam fuerit ægrotanti de spiritali salute provisum, ad corporalis medicinæ remedium salubrius procedere possint.

VIII. Nec infirmis solum, sed etiam ultore gladio morituris, & ultimo damnatis supplicio, Pœnitentiæ Sacramentum non tantum negari non debet, (t) sed etiam a Nobis censuris Ecclesiasticis coercendi venient ii, (u) qui, quominus damnati id consequantur, adversantur. Quod ipsum & de Sacra Eucharistia intelligi volumus, dummodo ipso die supplicii propter tanti Sacramenti reverentiam non præbeatur.

IX.

(n) Joan. 20. & Matth. 26. c. Ut constitueretur. d. 50.

(o) C. Secunda. de Pœnit. d. 1.

(p) Sess. 14. de Sacram. Pœnit.

(q) Sess. 13. de Sacram. Euchar. cap. 7.

(r) C. Omnis utriusque. de Pœnit. & Remiss. Conc. Trid. Sess. 14. de Sacram. Pœnit. c. 5.

(s) C. Cum infirmis. de Pœnit. & Remiss. Bulla Pii V. quæ incipit: *Supra gregem. Sub dato Romæ 8. Martii Anno 1566.*

(t) Clem. 1. de Pœnit. & Remiss. c. 2. de furtis. c. antepenult. 13. q. 2.

(u) C. Quærenti. de verb. signif.

IX. Ad Sacramentum vero Pœnitentiæ nemo sine debita præparatione & prævio diligenti examine accedat, sed in spiritu humilitatis & in amaritudine animæ suæ quilibet peccata sua non in genere, vel aliqua saltem & leviora, ut multorum magnus est & sacrilegus abusus, sed omnia & singula quantumcunque gravia & qualiacunque sint, in specie (x) cum debitis circumstantiis, non expectata Confessarii interrogatione recenscat. Ubi etiam illud nominatim admonemus, ut confitentes ad debitam peccatorum detestationem & dolorem, vitæque emendandæ verum propositum a Confessariis dirigantur.

TITULUS XI.

De Confessariis & Casibus reservatis.

I.
QUONIAM natura & ratio iudicii exposcit, ut sententia in subditos duntaxat feratur, nullius momenti est ea absolutio, quam Sacerdos in eum profert, in quem ordinariam aut subdelegatam non habet jurisdictionem: (y) nam licet Presbyteri in sua ordinatione a peccatis absolvendi potestatem accipiant; nullus tamen confessiones audire potest, nisi ab Episcopo loci per examen approbatus licentiam confessiones audiendi, & sic ad potestatem Ordinis etiam potestatem jurisdictionis acceperit. (z)

II. Itaque in Episcopatu & Diœcesi nostra nullus sive Clericus sæcularis, sive Regularis, cujuscunque Ordinis, non obstantibus privilegiis & consuetudine quacunque etiam immemoriali, confessiones sive Sæcularium & Laicorum, sive Sacerdotum & Clericorum audiat, nisi prius a Nobis, aut Vicario nostro Generali idoneus repertus & approbatus fuerit. (a) Excipimus hunc solum casum, quando quis in articulo mortis est constitutus & approbatus Confessarius haberi non potest: tunc enim quilibet Sacerdos sæcularis & Regularis ab omnibus & quibuscunque

peccatis & censuris, etiam Sedi Apostolicæ & Nobis reservatis, in foro conscientię absolvere potest. (b) Proinde serio injungimus Parochis, eorum Sociis in Divinis, aliisque Curatis quibuscunque, ut quamprimum Beneficium aliquod Parochiale vel Curatum, sive Coadjutorium acceperint, coram Nobis, aut Vicario nostro se se ad examen curæ animarum sistant, nec prius se quoad confessiones excipiendas ingerant, quam legitime fuerint approbati.

III. Mendicantium vero & quorumvis Religiosorum privilegiatorum Superiores hortamur, ut in designandis Confessariis majoris eruditionis & prudentiæ, quam ab aliquibus hactenus factum fuit, rationem habeant, ne Nos eorum approbationem juxta mentem Sacri Tridentini Concilii nostro arbitrio subicere cogamur.

IV. Parochi, & cæteri omnes, sive Sæculares, sive Regulares, qui confessionibus sunt præficiendi, viri sint integri, quantum fieri potest, ætate, aut saltem moribus maturi, nullo crimine publice diffamati, non ebriosi, non leves, non ad quæstum intenti, neque exploratores nimium curiosi, sed prudentes, patientes, modesti, de animarum salute solliciti, ut inter lepram & non lepram discernere sciant, ne, dum intricatas conscientiarum conscientias extricare ignorant, se ipsos & illos perdant, juxta illud: (c) Cæcus cæcum ducit, & ambo in foveam cadunt.

V. Confessarii Canones pœnitentiales bene noverint, & de pœnitentia, quam cuique peccato præscripserunt, confitentes admoneant, ut tanto diligentius a peccatis cavere studeant, quanto in pœnitentis Canonum mitigandis benigniorem in se Ecclesiam experiuntur.

VI. Et ut scientiam & doctrinam sufficientem habere possint, quæ in administrando hoc Sacramento Pœnitentiæ maxime est necessaria, legant sæpius quilibet pro suo captu & ingenio Auctores doctos, pios & probatos, qui de confessione scripserunt.

VII.

(x) Conc. Trid. Sess. 14. de Sacr. Pœnit. c. 5.

(z) Idem Conc. Sess. 23. de Reform. c. 15.

(b) Conc. Trid. Sess. 14. de Sacr. Pœnit. c. 7.

(y) Conc. Trid. Sess. 14. de Sacr. Pœnit. c. 7.

(a) d. Sess. & cap.

(c) Matth. 15.

VII. Sacerdotes in privatis domibus & cubiculis confessiones mulierum, nisi ægrotarum, non audiant, sed publice in Ecclesia, atque ibi non in Sacristia, sed alio loco aperto & commo-
modo.

VIII. Caveant Confessarii, maxime vero ii, quibus audiendarum confessionum munus ex officio & cura Parochiali incumbit, ne iis temporibus, quibus confessiones frequentiores esse solent, aliis negotiis occupentur, sed in Ecclesia in sede confessionalis frequentes sedeant, nec ullo modo munus audiendæ confessionis sine urgenti ac necessaria causâ prætermittant, differant, aut in alios rudiores Sacerdotes rejiciant.

IX. In injungendis & imponendis pœnitentiis sint prudentes & discreti. (d) Injungant pœnitentias pro modo & qualitate peccatorum non nimium magnas ac graves, nec nimium parvas aut faciles, multoque melius ac pœnitentibus salutaris esse ducimus, si impositio pœnitentiæ non in multis dies aut hebdomadas, ut a multis indiscrete fieri intelleximus, protrahatur.

X. Curent omnino Confessarii omnes & singuli, ne verbo, signo, aut quovis alio modo confitentem de peccato sibi confessio, etiam minimo & veniali tantum prodant. Quod si contra hanc juris (e) & nostram severissimam prohibitionem quis in pœnitentiali Judicio peccatum sibi detectum temere quocunque modo revelare ausus fuerit, talem Nos non solum absque ulla gratia a Sacerdotali officio deponemus, verum etiam ad agenda pœnitentiam ad perpetuos carceres condemnabimus, vel ad triremes relegabimus.

XI. Magnopere ad Christiani populi disciplinam pertinere Ecclesiæ semper visum fuit, ut atrociora quædam & graviora crimina non a quibusvis, sed a summis duntaxat Sacerdotibus absolverentur, (f) unde merito Pontifex Maximus pro suprema potestate sibi in

Ecclesia universa tradita, causas aliquot criminum graviorum sui peculiari judicio reservavit.

XII. Quod idem Episcopi omnes (g) in sua quisque Dieceſi pro tradita sibi in subditos, & Dieceſanos suos supra reliquos inferiores Sacerdotes auctoritate, in ædificationem tamen, non in destructionem facere possunt.

XIII. Quare diligenter animadvertant Confessarii, ne quem ab his criminibus & peccatis absolvendo liberarent, quorum absolutio aut Romano Pontifici, aut Nobis est reservata: sed hujusmodi delinquentes juxta Sacrorum Conciliorum Decreta ad superiores & legitimos Judices pro absolutionis beneficio (articulo mortis tantum excepto) remittant. (h)

XIV. Casus Domino Apostolico reservati apud plerosque de materia confessionis & casibus conscientiæ tractantes authores reperiuntur, ad quos Parochos & Confessarios brevitate causa remittimus, ut inde scire, & cognoscere possint, quid ipsis absolvendum, & quid ad Superiores remittendum sit.

XV. In his tamen & cæteris omnibus casibus Sedi Apostolicæ reservatis, si occulti sint, (i) Nos, & Vicarius noster, ex Sacri Tridentini Concilii Constitutione absolvere possumus. Quod idem in hæresis crimine Nobis, non Vicario nostro permissum est. Quia vero hujus nostri temporis multæ sunt variæque calamitates ac hæreses, curabimus, ut a Sanctissimò Domino nostro circa hujusmodi casus Sanctæ Sedi reservatos, maxime quoad hæresis crimen, ampliores facultates impetremus.

XVI. Casus hætenus ab Antecessoribus nostris Episcopis de jure & consuetudine reservati, quos etiam præsentium tenore Nos reservamus, sunt sequentes:

Casus reservati Clericorum.

Fornicatio cum filia confessionis.

Reve-

(d) Concil. Trid. Sess. 14. de Sacr. Pœn. c. 8. c. Deus qui Ecclesiam. de Pœnit. & Remiss.

(e) C. Omnis utriusque. de Pœnit. & Rem.

(f) Conc. Trid. Sess. 14. de Sacr. Pœn. c. 7.

(g) d. Sess. c. 7. & can. 11. c. Si Episcopus. de Pœnit. & Rem. in 6.

(h) d. c. 7. Sess. 14.

(i) Conc. Trid. Sess. 24. de Reform. cap. 6.

Revelatio confessionis.

Celebratio in Ecclesia interdicta in altari non consecrato scienter: in altari portatili sine sacris vestibus, & a Sacerdote non jejuno.

Reordinatio scienter suscepta.

Item celebratio aut ministratio non ordinati.

Dicecesanus, qui ad Sacros Ordines per alium Episcopum sine nostra licentia aut furtive, aut per saltum, vel extra statuta tempora & ante legitimam cuiusque sacri Ordinis ætatem promotus est.

In censuris Ecclesiasticis Ordinem sacrum suscipiens.

Scienter sepeliens corpus excommunicati in Ecclesia vel cœmeterio, vel etiam non excommunicati tempore interdicti.

Casus reservati Laicorum.

Matrimonium conjuge adhuc vivente scienter contrahens.

Matrimonium contrahens, antequam certificaretur de morte prioris conjugis.

Matrimonium clandestine non servata forma Sacri Tridentini Concilii contrahens.

Sponsalia de futuro contrahens nec observans.

Machinatio in mortem conjugis, si mors sequatur.

Baptizatio propriæ prolis excepto casu urgentis necessitatis, vel ejusdem in Baptismo & Confirmatione susceptio.

Casus reservati Clericis & Laicis communes.

Homicidium voluntarium facto, præcepto, consilio vel consensu deliberato commissum.

Procuratio abortus vel sterilitatis.

Incendium Ecclesiarum, domorum aut segetum malitiose & ex proposito factum.

Sacrilegium seu furtum sacræ rei.

Peccatum bestialitatis cum brutis commissum.

Coitus cum infideli vel Judæo.

Commixtio carnalis cum Sanctimonialibus.

Incestus cum consanguineis & affinis usque ad secundum gradum inclusive.

Adulterium.

Raptus.

Perjurium in iudicio factum.

Pollutio Ecclesiæ vel cœmeterii sanguinis aut feminis effusione.

Immunitatis & libertatis Ecclesiasticæ violatio.

Falsificatio literarum nostrarum & Curia nostra vel moneræ.

Percussio parentum enormis.

Abusus Sacramentorum & sacramentorum rerum ad magicas artes, veneficia & superstitiones.

Rebaptizatio scienter collata & suscepta.

Reconfirmatio scienter collata & suscepta.

Insectio manuum violentarum in Clericos, Monachos, Moniales, vel quamcunque aliam personam religiosam aut Ecclesiasticam.

XVII. Porro ne propter casus reservatos homines a salutari confessionis remedio retrahantur, dum non facile Sacerdotem inveniunt, qui eos a reservatis absolvere possit, vel etiam famæ suæ & sumptibus timent, si Constantiam ad Nos vel Pœnitentiarum nostrum ablegentur, Nos hac in parte subditorum nostrorum salutis & commoditati consulere volentes, præsentis Decreto omnibus Ecclesiarum Parochialium Rectoribus, Plebanis, Vicariis, Curatis, aliisque Confessariis per Civitatem & Diocesim nostram Constantiensem ubilibet constitutis, & per Nos seu Vicarium nostrum legitime approbatis concedimus, potestatemque illis auctoritate ordinaria ab Antecessoribus nostris jam antea datam confirmamus, ut deinceps quoscunque laicos utriusque sexus a quibuscunque peccatis, quantumvis gravibus & enormibus Nobis reservatis, si occulta sint, absolvere possint. Homicidas voluntarios & majori excommunicatione Judiciali innodatos excipimus. Licet enim casus hi occulti sint, tamen ut solum a Nobis, Vicario, aut Pœnitentiario nostro absolvi possint, definimus. Sicut etiam si Laici in supra speci-

specificatis casibus publice & notorie deliquissent, hujusmodi publica & notoria delicta, nostro foro pœnitentia per expressum reservamus. Clericorum in præmissis peccata sive publica, sive occulta hætenus nemo præter Nos, Vicarium & Pœnitentiarium nostrum absolvere potuit. Quia vero hinc Clericorum conscientias graviter onerari ac intricari intelleximus, permittimus, & hac Constitutione Synodali Confessariis omnibus approbatis, Clericos quoscunque a casibus Nobis reservatis occultis, non publicis, quos ut hætenus, ita etiam de cætero Nobis per expressum reservamus, absolvendi potestatem concedimus, excepto homicidio, majore excommunicatione, peccato bestialitatis, coitu cum Sanctimoniali, revelatione confessionis, & si quis ab alterius Diœcesis Episcopo aut furtive per saltum, extra statuta tempora, & ante legitimam ætatem sine licentia & dispensatione ordinatus esset, quibus casibus etiam si occulti sint, volumus, ut Clerici a nullo alio, quam a Nobis, aut Pœnitentiaro nostro absolvi possint. Cæterum hoc Canone nihil omnino iis, qui peculiaris privilegia sive a Nobis, sive a Sede Apostolica habent, quoad forum conscientie adimere intendimus.

TITULUS XII.

De Extrema Unctione.

I.

Instituta est hæc sacra infirmorum Unctio tanquam vere & proprie Sacramentum novæ legis a Christo Domino nostro, apud Marcum (k) quidem insinuatam, per Jacobum autem Apostolum fidelibus commendatam ac promulgatam. (l) *Infirmatur, inquit, quis in vobis, inducat Presbyteros Ecclesie, & orent super eum, ungentes eum oleo in nomine Domini, & oratio fidei salvabit infirmum, & allevabit eum Dominus, & si in peccatis sit, dimittentur ei;* ut fideles sicut in ingressu in hunc mundum Sacramento

initiantur & admittuntur, ita in egressu Sacramento juventur & dimittantur.

II. Hujus Sacramenti usum, saluta- resque effectus Parochi sæpius subdi- tis suis, & præsertim ægrotis incul- cent, (m) ut quod hætenus in multis locis propter negligentiam Parochorum & ignorantiam populi, fere in desue- tudinem abiit, in pristinum laudabilem piumque usum revocetur.

III. Parochi induti superpelliceo & stola, Sacramentum illis admini- strent, qui periculose decumbunt, quo- rum jam est quasi deplorata valetudo, & qui in exitu vitæ constituti videntur, (n) dummodo adhuc integris sint sen- sibus, atque religiosam significationem erga hoc Sacramentum præ se ferant. Licer etiam agonizantibus, & iis, qui ex improvisa vi morbi sensibus carent, recte conferatur, modo antea bonæ & honestæ fuerint vitæ, & immediate præcedenti tempore Paschali commu- nicaverint.

IV. Quod si infirmi post susceptam semel hanc sacram Unctionem conva- luerint, iterum hujus Sacramenti sub- sidio juvari poterunt, (o) cum in aliud simile vitæ discrimen inciderint.

V. Pueris doli incapacibus, furio- sis, supplicio capitali multandis & im- pœnitentibus, Extrema Unctio non detur.

VI. Vasculum olei Extremæ Uni- ctionis sit argenteum seu stanneum. Si ad ægrotum deferatur, sonus campanulæ nullus fiat, & Minister veste cho- rali indutus, sine lumine cum aqua be- nedicta Sacerdotem sequatur.

VII. Ut alia quædam Sacramenta, ita, & hoc sola capitis apertione hono- rare sufficit.

TITULUS XIII.

De Ordine.

I.

Valde necessarium est Ecclesiæ ido- neos Sacerdotes & Ministros po- pulo

(k) Marci 6. (l) Jacobi 5. c. Presbyteros. d. 56. c. 1. §. 1. de Extrem. Unct.

(m) Conc. Trid. Sess. 24. de Reform. c. 7.

(n) Conc. Trid. d. loco.

(o) Conc. Trid. Sess. 14. c. 3. de Extr. Unct.

pulo Christiano præficere, eo præsertim tempore, quo varie variis hæresibus Ecclesia concutitur. Cum enim præstantissimum munus sit Sacerdotium, nemini dubium esse debet, quin cura maxima in eligendis & approbandis Sacerdotibus sit adhibenda: nam accidit sæpe, ut populus ex Sacerdotum dignitate, Sacramentorum etiam dignitatem metiatur. Hinc est, quod Nos ex Sacri Tridentini Concilii præscripto, & ex injuncto Nobis Pastoralis officio certas quasdam leges præscriperimus, quibus Vicarius & Examinatores nostri in examinandis, approbandis & assumendis Ecclesiæ Ministris uterentur.

II. Qui Sacros Ordines suscepturi sunt, mature se illis temporibus, quibus ex Canonum præscripto (p) in Ecclesia nostra Cathedrali Constantiensi Ordines conferuntur coram Vicario, & Examinatoribus nostris deputatis, in Palatio nostro Episcopali fiant, atque se examini tum probitatis & honeste tractatæ vitæ, tum eruditionis & doctrinæ, quæ in unoquoque Ordine requiritur, nullo penitus excepto, etiam si graduatus in Jure vel Theologia existat, subjiciant.

III. Admissi & approbati ad quoscunque Sacros sive majores, sive minores Ordines coram Vicario nostro in præsentia Notarii & testium faciant Catholicæ Relig. & Fidei Professionem, (q) Nobisque & Successoribus nostris, ac eorundem Vicario & Officiali pro tempore existentibus medio jurejurando tactis S. Evangelii Scripturis reverentiam, obedientiam & fidelitatem promittant. Item quod sine Canonica institutione (r) aut approbatione nostra, vel Vicarii nostri nullum ministerium Ecclesiasticum in Civitate & Diocesi Constantiensi in aliqua Ecclesia vel Parochia quomodocunque, excepto mortis articulo, subire velint. Quod etiam quoad Professionem fidei faciendam simpliciter, quoad reliqua vero

juxta declarationem prioris Synodi (s) ad Regulares cujuscunque Ordinis extendimus.

IV. Qui Beneficia Parochialia, seu quævis alia curata adepti sunt, illis ante nostram approbationem sese non immisceant, sed quamprimum Constantiam veniant, atque per legitimum examen ad curam animarum (t) aut approbationem, aut repulsam accipiant; idque toties, quoties de nova cura provisi fuerint. Veniant autem Feria quarta vel quinta cujuslibet hebdomadæ, quas Férias pro examine Curatorum tenore præsentium deputamus; Et ab octava ad decimam matutinam, vel ab hora secunda usque ad quartam pomeridianam, prout Vicario & Examinatoribus nostris visum ac commodum, & ipsi venire jussi fuerint, se examini & censuræ submittant. Extra hæc tempora, qui comparuerit, non audiat, nisi in penam soluto uno floreno, cujus tertia pars Fisco, aliæ duæ partes Examinatoribus occupatis cedant.

V. Qui ex legitima causa Constantiam venire non possunt, Vicario nostro significant, & vel approbationem ad tempus vel commissionem, ut ab aliis examinari possint, impetrent.

VI. Examini Ordinandorum ordinarie, ac semper, admittendorum vero ad curam pro occasione Vicarius noster præsit, literas quascunque diligenter inspiciat, legat, & examinet, ac sedulo caveat, ne quacunque arte aut calliditate operarii inutiles ac desidiosius in vineam Domini conducantur.

VII. Examinatores ad præscriptum Vicarii semper tres aut minus duo simul examinent, (u) unus solus nunquam, eique in omnibus morem gerant. In sententia approbationis aut rejectionis, si Examinatores sint discordes, Vicarii votum accedat, & discordiam dirimat.

VIII. A promovendis ad curam ani-

(p) C. Sane super eo. c. De eo autem. de tempor. ordin. (q) Juxta Bullam Pii IV.

(r) C. Virtute. cap. ult. de Reform. Sess. 6. c. 8. 9. & 13. de Ref. Matr. Sess. 24. & c. 1. de Regular. in 6. facit. c. Sane. 16. q. 2. c. Si plures. §. Utergo. 16. q. 7. & c. Nullus omnino. 16. q. 7.

(s) Parte I. tit. 14. c. 53.

(t) Concil. Trid. Sess. 24. de Reform. c. 18.

(u) d. Sess. 24. c. 8.

animarum, si extradiœcesani sunt, aut de eorum ordinatione dubium sit, literæ testimoniales Ordinum susceptorum petantur & examinentur.

IX. Examinatores a Nobis deputati jurabunt ad Sancta Dei Evangelia se quacunque humana affectione postposita fideliter munus suum secundum Trid. Concilii Decreta (x) & has nostras ordinationes executuros. Caveant vero, ne prorsus quicquam occasione examinis sive ante, sive post accipiant, (y) sed salarios, quod Nos eis constituimus, contenti existant. Propter varias etiam suspiciones & diffamationes prohibemus Examinatoribus, ne ordinandos in convictu suo habeant. Examinatores nostri, qui beneficia Ecclesiastica in Civitate Constantiensi obtinent, quotiescunque in examine sive ordinandorum, sive ad curam animarum admittendorum occupati fuerint, in Ecclesiis suis pro præsentibus habeantur.

TITULUS XIV.

De Qualitatibus Ordinandorum.

Qui primam Tonsuram & quatuor Minores suscipere voluerit, debet esse baptizatus, (z) Sacro Chrismate confirmatus; (a) ex legitimo Matrimonio procreatus, aut natalibus a Sede Apostolica restitutus. Præterea origine, decenniali domicilio vel Beneficio Ecclesiastico, quod in Diœcesi nostra legitime & pacifice possidet Diœcesanus, aut a suo Episcopo dimissus. (b) Ætas legitima ad primam Tonsuram & tres Ordines minores sunt septem, (c) ad Acolytatum vero duodecim anni completi. (d) Corporis aut animi defectum patientes nec Tonsura, nec minoribus Ordinibus initientur. Habeant quoque sive tonsurandi, sive ad minores promovendi, doctrinæ tum prophanæ, tum Christianæ a Magistris & Præceptoribus suis testimonium. (e)

I. Qui ad sacros majores Ordines promoveri desiderat, primo debet esse baptizatus & confirmatus, (f) quæ conditio aut ex libris Parochialibus, aut assertione jurata ordinandi probanda erit.

II. Secundo debet esse tonsuratus, & in minoribus Ordinibus constitutus: quod literis testimonialibus, Tonsuræ ac Ordinum susceptorum probabitur.

III. Tertio requiritur, ut habeat legitimam ætatem, scilicet Subdiaconandus viginti duos, Diaconandus viginti tres, Presbyterandus vero viginti quinque annos ad minus inceptos, si nondum plene absolutos. (g) Hoc requisitum testimonio scripto Magistratus loci & Parochi ex libro baptizandorum doceri volumus.

Et quia circa hanc qualitatem hætenus multos abusus irrepsisse, & varia falsa commissæ fuisse cognovimus, Vicarius noster diligenter testimonia hujus qualitatibus perscrutetur, maxime in illis, qui ad Subdiaconatum aspirant. Et si vel aspectus & puerilis facies, aut reliquus habitus corporis suspensionem ætatis moveat, juramento eos adigat, quod nullam fallaciam sciant, nec probabiliter de ætate testimonio dubitent, & sic ad Subdiaconatum admittat, postea autem non nisi per interstitia secundum Tridentinum Concilium (h) ad ultiores Ordines promoveantur.

IV. Quarto, ut sit ex legitimo Matrimonio procreatus, (i) quod ex literis Magistratus, aut alio publico Instrumento constare debet; aut si natalium defectum patiat, dispensationem Apostolicam in scriptis habeat & exhibeat.

V. Quinto, quia liber esse debet, qui Divinæ aggregandus est militiæ, (k) ut a castris Dominicis, quibus ascribitur, nomen ejus nullius necessitatis aut dominii vinculis abstrahatur, exhibeant ordinandi literas authenticas, quod sint conditionis liberæ, aut a Dominis

Rrrrr 3

minis

(x) d. c. 18. (y) d. loco. (z) Facit c. 1. de Presbyt. non baptizat. c. fin. eod.
 (a) Conc. Trid. Sess. 23. c. 4. (b) C. 1. de filiis Presbyt. in 6.
 (c) C. fin. de temp. ord. in 6. c. 2. d. 77. (d) d. c. 2. d. 77. & c. 3. d. 28.
 (e) d. Sess. 23. c. 5. (f) d. Sess. 23. c. 4. (g) d. Sess. 13. c. 12. Clem. Generalem.
 de ætat. & qualit. ord. (h) d. Sess. 23. c. 13. (i) d. Conc. Trid. c. 5. Sess. 23.
 (k) C. 1. c. Consuluit. de scru. non ordin. c. Nullus. d. 54.

minis suis servitute manumissi & in libertatem asserti.

Monachi quoque ac Religiosi, nisi de suorum Superiorum fuerit voluntate, ad Sacros Ecclesiasticos Ordines promoveri non possunt. (1)

VI. Sexto requiritur, ut is, qui Sacris Ordinibus initiari velit, sit integer mente & corpore. Mente, ut non sit phreneticus, (m) infans, lunaticus. Corpore, ut non careat aliquo membro, vel eo non sit truncatus, mutilatus, aut nimium latus, ut non laboret morbo caduce, aut lepra, non sit obsessus (n) aut alium notabilem & deformem defectum patiatur.

Hæc conditio quia difficilis est probationis, nisi defectus aperte sciatur vel videatur, diligenter Vicarius & Examinatores nostri considerent, promovendorum physiognomiam, corporis ac membrorum constitutionem, & si nihil ab illis advertatur, jurejurando ordinandi confirmant se hujusmodi defectibus non esse obnoxios. Mentis integritatem ex conversatione Vicarius & Examinatores nostri facile intelligent. Aliæ deformitates, quales sunt, habere curvos seu inversos pedes, aliquam superfuitatem exteriorem in aliquo membro, & si quæ sunt similes, licet simpliciter a susceptione Sacrorum Ordinum non impediunt, (o) quia tamen hujusmodi deformitates Ecclesiastico statui contemptum, & ut plurimum apud populum scandalum generant, volumus & ordinamus, ut Vicarius noster sine nostra vel nostrorum Consiliariorum Ecclesiasticorum expresso consensu tales non admittat.

VII. Septimo, ut sit origine, decenniali domicilio, aut beneficio Diocesanus, aut a suo proprio Episcopo dimissus: jure enim constitutum est, ne quis alienæ Diocesis virum præter proprii Superioris & Episcopi licentiam ordinare audeat. (p) Literæ vero dimissoriæ amplius nec concedantur, nec concessæ admittantur, nisi in quibus

mores & sufficientia ab Ordinario commendatur. (q)

Quum autem sæpe hætenus contigerit, quod nonnulli Clerici Civitatis & Diocesis nostræ censuris Ecclesiasticis obnoxii, apostatæ, irregulares, indocti ac vitæ non satis probatæ, ac propterea susceptionis Sacrorum Ordinum indigni conscientiam nostram, & Officialium nostrorum, quibus noti sunt, subterfugientes, ad remotiores Dioceses sele conferant, & a Nobis aut Vicario nostro literas dimissoriales variis artibus extorqueant. (r) Quorum temeritatem reprimere volentes, Vicario nostro in Spiritualibus serio inhiibemus, ne imposterum alicui sine scitu & voluntate nostra, aut legitima, gravique causâ literas dimissoriales ad aliquem alium Episcopum concedat.

VIII. Octavo, ne sit vinculo Matrimonii alicui sæminæ obstructus.

IX. Nono, ut habeat honestatis bonorum morum, vitæ & conversationis retroactæ publicum fidedignum & sufficiens testimonium in scriptis a Magistratu loci, a Superioribus Scholarum, a Parocho, vel iis, quibuscum vixit. (s)

Ad Diaconatum & Presbyteratum promovenadi adferant etiam testimonia a Parochis, in quorum Parochiis interea manserunt, quod sæpius Ordinem ante susceptum exercuerint, (t) horas suas Canonicas diligenter recitaverint, frequenter confessi fuerint, atque in moribus Clerico dignam & convenientem vitam duxerint.

Mandamus autem singulis Parochis, Curatis, & aliis quibuscunque, ne ejusmodi testimonia dent, nisi dignis & pro merito, si non propter gravissimam Dei offensionem velint a Nobis severa animadversione puniri. Testimonia omnia, qualiacunque sint, quoad scripturæ formam, sigillum, & reliqua, ex quibus aliqua suspicio oriri posset, diligenter a Vicario nostro considerentur &

(1) C. Statuimus. 19. q. 3. c. Adaures. de temporibus ordinat. (m) C. Maritum. d. 33.

(n) C. Clerici. d. 33.

(o) C. 10. d. 55.

(p) Conc. Trid. Sess. 23. c. 8.

(q) d. Sess. c. 3. & 8.

(r) Ex c. 10. & 11. de Reform. Sess. 7. & c. 10. de Refor. Sess.

13. & c. 1. de Refor. Sess. 24.

(s) Conc. Trid. Sess. 23. c. 5. & 13. c. Quando. d. 24.

(t) d. c. c. 14. 13. & Sess. 23.

& examinentur. Et si ab aliquo, sicuti hætenus sæpius factum fuisse cognovimus, dolum, fraudem aut falsum in testimonia aliquo commissum deprehenderit, eum carcere in pane & aqua aliquot diebus, deinde vel omnimoda exclusionem, vel ad unum aut plures annos retardatione pro modo & qualitate commissi doli seu falsi sine remissione puniat.

X. Decimo, sacris majoribus initiandus, nec excommunicatus, nec suspensus, nec interdictus esse debet. (u)

XI. Undecimo, quia literarum scientia in promovendis ad Sacros Ordines valde necessaria est, (x) quomodo enim alios docere volunt, cum ipsimet nihil, aut parum sciant? ad examen pro Subdiaconatu nullus omnino admittatur, qui in aliqua publica & Catholica Universitate aut Gymnasio Rhetoricam & Dialecticam non absolvit, & casus conscientiarum per duos integros annos cum fructu non audivit. Nisi Nobis, aut Vicario nostro ex aliqua legitima causa cum aliquo dispensandum esse videatur, quod tamen si fiat, ab aliis in exemplum trahi nolumus. Et cum ad curam animarum fere omnes aspirent, & post primum Ordinem Sacrum susceptum studia ut plurimum delinquant, volumus & mandamus, ut in primo examine, quando scilicet ad Subdiaconatum promovendi sunt, quoad literarum scientiam & doctrinam, de omnibus, quæ ad Sacros Ordines, & ad curam animarum pertinent; strictissime examinentur, nec facile, nisi bene probati & versati sint, admittantur. Neque ullius, qualiscunque sit, intercessionem seu præsentam paupertatem attendi volumus, cum multo satius sit homines, quam Deum offendere, & Ecclesiæ populi que Christiani, quam promovendorum commodum spectare, magisque præstare in Ecclesia Dei paucos, bonos & doctos, quam plures indoctos & imperitos habere Ministros, idque ratio nostrorum temporum maxime exigere videtur.

XII. Duodecimo, nullus sine beneficio Ecclesiastico, pacifico & sufficiente, de cuius valore Nobis aut Vicario nostro constet, & de quo sit legitime præsentatus & investitus, ad Sacros majores Ordines promoveatur. (y)

Patrimonia in defectum beneficii ita admittimus, si pro Ecclesiarum utilitate & necessitate Nobis commodum videatur. (z) Ea contineant mille, aut ad minus octingentos florenos communes Imperiales, ut videlicet in omnem eventum Clericus pro sui sustentatione quinquaginta aut quadraginta annuos florenos habere possit, ne cum dedecore Clericalis status mendicare cogatur.

Literæ Patrimoniorum sint a Magistratu, aut ab iis, qui juris sui sunt, & bonorum suorum administrationem habent, sub sigillo Magistratus confectæ. Obligatio sit cum effectu & vera, (a) non fictitia aut receptis reversalibus, de quo Vicario nostro fidem juratam fieri volumus. Bona Patrimonia obligata a Magistratu æstimentur non pluris, quam communiter valent.

Monasteriorum Superiores, Hospitalium & aliorum piorum locorum Præfecti titulum mensæ, sive Patrimonium sine Conventus sui aut superiorum Præfectorum consensu non concedant.

Beneficia Ecclesiastica Titularia vel Patrimonia sine nostro, aut Vicarii nostri expresso, & in scriptis impetrato consensu a quovis ex quacunque causa nec resignentur, nec dimittantur, (b) se ad hoc in scriptis medio juramento obligando. (*)

XIII. Interstitia, licet juxta Sacri Tridentini Concilii Decreta (c) commode in Episcopatu nostro, præsertim quoad eos, quorum virtus, doctrina, & Ecclesiarum necessitas celeriores promotionem requirunt, ex toto observari non possint, conetur tamen Vicarius noster, cuius discretioni & prudentiæ rem totam committimus, ut, quantum fieri potest, saltem ex aliqua parte observentur.

XIV.

(u) Sess. 25. c. 9. circ. fin.

(x) Ex variis locis & Decretis Conc. Trid. vided. 38. per tot.

(y) Conc. Trid. Sess. 21. c. 2. c. Diaconi, dist. 93.

(z) d. Sess. 21. c. 2. & Sess. 23. c. 16.

(a) d. Sess. 21. c. 2.

(b) d. Sess. 21. c. 2. cap. Cum secundum, de Præbend. cap. Si Episcopus, de Præbend. in 6. c. fin. de Rescrip. in 6.

(c) Sess. 23. c. 13. & 14.

[*] Addendum forte: *Quod omnes spondeant, &c.*

XIV. Magnam hæcætenus Ordinandorum negligentiam in addiscendo cantu perspeximus, hinc passim tot confusiones, tot muti Clerici in Choro non sine gravi scandalo populi. Cui rei Nos remedium aliquod adferre volentes, serio mandamus omnibus ad Sacros Ordines aspirantibus, ut si non utrumque Choralem & figuralem, saltem Gregorianum cantum sive publice in Scholis, sive privatim discant. Majorem etiam posthac in examine ordinandorum rationem cantus, quam forte ab aliquo tempore factum fuit, a Vicario & Examinatoribus nostris haberi volumus.

XV. Denique Clericis omnibus ordinandis pro Sacris Ordinibus iter facientibus & Constantiæ commorantibus districte præcipimus, ut in hospitibus, aliisque locis se honeste, verecunde ac modeste gerant, sicuti Clericos, ac eos, qui in sortem Domini vocati sunt & electi, decet, ab omni luxu, ludo, crapula, aliisque turpibus actibus abstineant. Secus facientes, Vicarius noster ab Ordinibus jam susceptis suspendat, & ad ultteriores suscipiendos pro modo culpæ, & excessus ad annum unum, duos vel plures retardet.

TITULUS XV.

De Sponsalibus.

I.

Sponsalia sunt futuri Matrimonii mentio ac repromissio, (d) qua sibi invicem vir & mulier se futuros conjuges spondent. Ea per novissimum Sacri Tridentini Concilii jus sublata non sunt, sed in iis contrahendis, & dissolvendis antiquo jure utimur, quo jure etiam Judices nostros Ecclesiasticos in judicandis sponsaliorum causis uti volumus.

II. Sponsalia posthac non fiant in angulis, sed coram aliquot testibus in domo aliqua honesta per verba de futuro, præsentem etiam Parocho, si com-

mode fieri possit, qui cavere debet, ne contrahentes per verba de præsentem, sed de futuro tantum juxta præscriptum nostri Sacerdotalis conjungat.

III. Et quia Sponsalia de futuro contrahentes non conjuges, sed sponsi tantum sunt, jure Matrimonii nullo modo gaudere vel invicem cohabitare possunt: Proinde curent Parochi & Curati, ut hujusmodi scandalosas cohabitationes, invocato etiam auxilio brachii sæcularis, e medio tollant.

IV. Qui semel legitime Sponsalia contraxerunt, ad fidem sibi invicem servandam & Matrimonium contrahendum, nisi legitima causa jure definita subsit, non tantum in conscientia obligantur, verum etiam censuris Ecclesiasticis compelli possunt, (e) nisi Nobis, Vicario & Officiali nostro ex rationalibus causis aliter definiendum esse visum fuerit, cum frequenter coacta Matrimonia difficiles soleant habere exitus. (f)

TITULUS XVI.

De Matrimonio & impedimentis Matrimonii.

I.

Cum Matrimonium a Deo in Paradiso primitus ad propagationem humani generis institutum, (g) in Lege Evangelica per infinita Passionis Christi merita gratiam conferat, & inter novæ Legis Sacramenta semper ab Ecclesia sit connumeratum; (h) maxime convenit, ut res sacra non nisi sancte suscipiatur, atque religiosa animi præparatione & cum omni honestate tractetur, (i) quod cum minus intelligant homines laici, mandamus Parochis, ut crebrius de recte ac pie contrahendo Matrimonio adhibitis Catechismi Romani locis & doctrina populum sibi commissum instituant.

II. Cæterum quia circa Matrimonia ad tollendos varios abusus & scandala,

(d) C. Nostrates, 30. q. 5. l. 1. 2. ff. de Sponsal.

(e) C. De illis, §. fin. de Despons. impub. c. Sicut. c. Ex literis Sylv. de Sponsal.

(f) C. Requisitis. de Sponsal.

(g) Genes. 2. c. Fraternitatis, 35. q. 10. c. 1. de con-

jug. leprof.

(h) 1. Corinth. 6.

de consang. & affin. Concil. Trid. Sess. 24. de Matrim. can. 1.

(i) d. Conc. de Reform. Matr. c. 10.

la, quæ irrepperunt, Sacra Tridentina Synodus (k) multa constituit ac reformavit, Nos ea & quædam alia pro Ecclesiæ & Diœcesis nostræ necessitate, & Curatorum meliori informatione his nostris Statutis inferi curavimus.

III. Matrimonium hodie a nemine contrahatur, nisi in præsentia proprii Parochi, vel alterius Sacerdotis, de Parochi, aut nostra, aut Vicarii nostri licentia, atque duorum vel trium testium. Aliter contractum coram Deo & Ecclesia irritum est, & in utroque foro conscientiæ & judiciali nullum, nec obligatorium. (l)

IV. Licet vero clandestine contrahentes non obligentur; grave tamen & mortale peccatum committunt: quod contra Ecclesiæ prohibitionem clandestine contrahant, a quo non nisi a Nobis aut Pœnitentiario nostro absolvi poterunt.

V. Matrimonium antequam contrahatur, ter a proprio contrahentium Parocho tribus continuis diebus Festivis in Ecclesia inter Missarum solennia, vel sub prædicatione verbi Divini ex suggestu, vel ut alias commodum fuerit, proclametur. (m) Quod si probabilis fuerit suspicio, Matrimonium malitiose impediri posse, tunc vel una tantum fiat denuntiatio, vel coram Parocho & duobus vel tribus testibus, sine denuntiacionibus Matrimonium contrahatur, quæ tamen denuntiationes omisissæ, postea in Ecclesia ante Matrimonii consummationem fieri debent. (n) Atque in his denuntiacionibus faciendis extra casum malitiosæ impeditionis Parochi sine nostra, vel Vicarii nostri expressa licentia non dispensent. Neque imposterum a Parochis denuntiationes fiant, nisi illis ipsis petentibus & consentientibus, de quorum Matrimonio contrahendo agitur.

VI. Quod si impedimentum aliquod ex proclamationibus deprehensum fuerit, tales a Parochis minime co-

pulentur, sed ad nostrum Consistorium pro declaratione remittantur. Qui vero falsum aliquod impedimentum malitiose attulerit, eum præter alias juris pœnas excommunicatione feriemus.

VII. Quod si qui tempore denuntiationis præsentés fuerint, & impedimentum reticuerint, post conjunctionem in conspectu Ecclesiæ celebratam, amplius ad ejus Matrimonii accusationem minime admittendos decernimus. (o)

VIII. Si contrahentes sint diversarum Parochiarum, in utraque, si commode fieri possit; sin minus, in ea Parochia publicationes fiant, in qua Matrimonium contrahere & solennizare vel cohabitare volunt.

IX. Parochi horrentur conjuges, ne ante Benedictionem Sacerdotalem in eadem domo simul cohabitent, (p) habeantque librum, (q) in quo conjugum & testium nomina, diemque & locum contracti Matrimonii describant.

X. Et quia non tantum Sancta Tridentina Synodus (qq) conjuges hortatur, ut antequam contrahant, vel saltem triduo ante Matrimonii consummationem peccata sua diligenter confiteantur, & ad Sanctissimum Eucharistiæ Sacramentum accedant, verum etiam ante hæc tempora in Diœcesi nostra Constantiensi hoc ipsum faciendi laudabilis consuetudo fuit, volumus & serio mandamus, ut imposterum novi conjuges in locis Catholicis Episcopatus nostri non introducantur, nisi prius ad minus per Confessionem Sacramentalem a peccatis suis expiati fuerint.

XI. Parochi omnes in nullo alio loco, quam in Ecclesia ipsa, quæ Sacramentorum proprius locus est, Sponsos Matrimonio jungant. (r) In privatis ædibus nunquam, nisi facultate a Nobis, aut Vicario nostro in scriptis concessa.

XII.

(k) d. Sess. 24. in Decreto: de Reform. Matrim.

(l) d. Decreto c. 1.

(m) d. c. 1. c. fin. de clandest. despons.

(n) d. c. 1.

(o) Argumento. c. fin. de clandest. despons. c. Licet. de Probat.

(p) d. Sess. 24. de Reform. Matrim. c. 1.

(q) d. loco.

(qq) Sess. suprad. cap. 1.

(r) Sess. suprad. c. 1.

XII. Nuptiæ post Missarum solennia, quibus contrahentes ab initio usque ad finem interesse debent, benedicantur.

XIII. Ignoti ex alia regione venientes, vagabundi & illi, qui certam sedem & domicilium non habent, facile conjungantur, (s) nisi post diligentem inquisitionem, re ad Nos, vel Vicarium nostrum delata, licentia a Nobis, vel ab eo, tales conjungendi, fuerit impetrata.

XIV. Moneant Parochi Parochianos suos, ut tempestive, & hora constituta ad Ecclesiam Matrimonium contracturi veniant. Tarde venientes aut omnino non admittant, aut admissos pro modo culpæ & moræ una vel duabus aut tribus libris ceræ, fabricæ applicandis, puniant.

XV. Matrimonia a filiis familias sine parentum suorum consensu contracta, licet irrita non sint, cum parentum consensus in filiorum Matrimoniis de necessitate non requiratur; (t) Quia tamen honestum & valde decens est, filios etiam in Matrimoniis contrahendis parentes suos honorare, Parochi adolescentes & puellas sæpe moneant, ne parentibus suis, in quorum potestate existunt, inficiis & invitis Matrimonia ineant, atque rem tam seriam & periculosam inchoare præsumant.

XVI. Quia etiam Matrimonia libera esse debent, (u) & coactæ nuptiæ plerumque miserabiles exitus sortiuntur, (x) sub pœna privationis beneficii & suspensionis ab officio Parochis & Curatis quibuscunque prohibemus, ne contractas nuptias conjungant. Qui autem vel liberos vel subditos suos ad nuptias aliquas quocunque modo coegerint, eos anathematis pœna coercibimus. (y)

XVII. Catholicos nostros Dicesanos vehementer obtestamur, ne commodum temporale animarum salutis præferentes, cum Hæreticis Matrimonia ineant, neve parentes filios aut filias suas ad loca hæretica in Matrimonium

collocent. Qua in re Catholicum Magistratum officio suo minime defuturum speramus.

XVIII. Abusus & consuetudines, superstitionem sapientes, quales sunt Sponsorum apud crines vel aures tractio, cerei accensi circa sponfos circumductio, & ab iisdem extinctio, panis in populum projectio, & alia id generis ludicra ac ridicula, ubi vel levitate populi vel negligentia Curatorum irrepserunt, de cætero amplius nec in, nec extra Ecclesiam, cum aliqui Matrimonio conjunguntur, fiant, sed a Parochis serio & sub pœna unius libræ ceræ, fabricæ applicandæ, prohibeantur.

XIX. Probare nullo modo possumus, sed corrigi, præsertim a Magistratibus locorum, vehementer optamus luxum & varia levitatis, prodigalitatis & lasciviæ studia, quæ passim in nuptiis sub prætextu nuptialis lætitiæ nimium licenter & scandalose fiunt ac committuntur. Ea aut tollantur penitus, aut ita temperentur, ne modum honestatis excedant. (z) Non enim decet Christianos & Sanctorum filios Matrimonia sua auspicari, sicut Gentes, quæ ignorant Deum.

Sicut qui semel legitime & publice conjuncti sunt, seipsos propria auctoritate & voluntate separare amplius non debent; ita qui prohibitas nuptias contraxerunt, simul cohabitare nullatenus sunt permittendi. Proinde si Parochi tales in sua Parochia esse noverint, Nobis aut Vicario nostro denuncient, ut contra eos secundum Canonicas Sanctiones procedere valeamus.

XX. Multorum hæcenus fuit persuasio, si intra septennium de morte vel vita prioris conjugis nihil audierint, licite se ad alia vota convolare posse. Quod cum juri contrarium sit, nec sufficiat absentem conjugem per septennium tantum expectare, sed ea certitudo juxta Leges & Canones requiratur, quam Judex æquus arbitratur,

(s) Sess. 24. de Reform. Matr. c. 7.

(t) d. Sess. 24. c. 1. c. Causam. de Rapt. c. Per tuas. de condit. appof. c. Veniens. de Spons. c. 1. d. jud. in 6.

(u) C. Cum locum. de Spons. c. Significavit de eo, qui duxit in matr.

(x) C. Requisivit. de Spons.

(y) Sess. 24. de Reform. Matr. c. 10. circa finem.

(z) d. Sess. 24. c. 1. c. Causam. de Rapt. c. Per

tuas. de condit. appof. c. Veniens. de Spons. c. 1. d. jud. in 6.

(u) C. Cum locum. de Spons. c. Significavit de eo, qui duxit in matr.

(x) C. Requisivit. de Spons.

(y) Conc. Trid. Sess. 24. de Reform. c. 9.

(z) Sess. 24. de Reform. Matr. c. 10. circa finem.

tur, (a) volumus, & Curatis omnibus serio injungimus, ne deinceps hujusmodi personas ad alias nuptias sic transeuntes matrimonialiter conjungant, nisi prius causa coram Officiali nostro cognita, & licentia contrahendi in scriptis impetrata fuerit.

XXI. Ab Adventu Domini nostri Jesu Christi usque ad Festum Epiphaniæ, & a feria quarta Cinerum usque ad octavam Paschæ inclusive nuptiarum solennitates non celebrentur. (b) Reliquis temporibus, etiam diebus rogationum, per octavas Pentecostes, & Corporis Christi, nec non a Festo Assumptionis B. Mariæ Virginis usque ad Festum Nativitatis ejusdem, quod tempus vulgus tricesimum B. Virginis appellat, Nuptiæ cum debita modestia & honestate licite celebrari poterunt, nisi quis propter reverentiam & honorem prædictorum Festorum & Beatissimæ Virginis Mariæ sponte abstinere vellet, quod nos non improbamus.

XXII. Ne autem aliquis (c) sive Pastorum, sive etiam aliorum quorumcunque ignorantia causam prætereundum possit, præcipua Canonica Matrimonii impedimenta hic exprimenda duximus. Ea sunt duplicis differentia, quædam quæ Matrimonium contrahendum impediunt & contractum dirimunt. Quædam vero, quæ contrahendum quidem impediunt, contractum tamen non dissolvunt.

XXIII. Prioris generis sunt, quæ his versibus comprehenduntur.

Error, conditio, votum, cognatio, crimen,

Cultus, disparitas, vis, ordo, ligamen, honestas,

Dissensus atque affinis, si forte coire nequibis.

Hæ socianda vetant connubia, juncta retrahant.

XXIV. Non omnis error, sed personæ tantum & conditionis obest Matrimonio, ut si quis existimet & intendat ducere Catharinam vel liberam, & accipit Margaretham vel servam. (d) Error enim fortunæ & qualitatis, ut cum quis putat se divitem, formosam aut honestam ducere, & accipit pauperem, deformem, inhonestam & diffamatam, Matrimonium contractum non dissolvit. (e)

XXV. Secundo impedit & dissolvit Matrimonium conditio honesta & possibilis Matrimonio adjecta, nec adimpleta. (f) Turpes & impossibiles conditiones in favorem Matrimonii pro non adjectis censentur. (g)

XXVI. Tertio votum solenne in Religione aliqua approbata, (h) & votum simplex in Societate Jesu ab una vel altera, vel ambabus partibus emissum.

XXVII. Cognatio duplex est, spiritualis & naturalis: spiritualis ex duobus Sacramentis Baptismi & Confirmationis oritur, (i) & contrahitur hodie quoad Baptismum, tantum inter baptizantem & baptizatum, baptizatique patrem & matrem, nec non inter levantem ex Baptismo, ac levatum, ejusque patrem ac matrem. Quoad Confirmationem vero spiritualis cognatio confirmantem & confirmatum, illiusque patrem & matrem, ac tenentem non egreditur. (k)

Quæ cognatio & prohibitio semper usque ad mortem durat, unde falsum est, quod passim vulgo dicitur: *Wenn das Kind todt, so ist die Schwatzenerschaft aus.*

XXVIII. Naturalis cognatio aut est ascendentium & descendentium; aut colla-

(a) C. In præsentia & ibi Panorm. de Sponsal. c. 2. de secund. nupt.

(b) Conc. Trid. Sess. 24. de Reform. Matr. c. 10. c. Non oportet. cum trib. seqq. 33. q. 4. c. Capellanus. de feriis.

(c) De impedimentis Matrimonii.

(d) C. 2. Ad nostrum. de conjug. servo. cap. Si quis ingenuus. 29. q. 1.

(e) C. Gratianus. 29. q. 1. (f) C. De illis. c. Per tuas. de condit. appof. c. Super. de Spons.

(g) C. fin. de condit. app. (h) C. 1. & 2. & per totum, qui Cleri. vel vovent. Mar. c. unico. de vot. in 6. Conc. Trid. Sess. 24. de Matrim. can. 9.

(i) C. fin. de cogn. spir. in 6. (k) Sess. 24. de Reform. Matr. c. 2.

collateralium. (l) Inter ascendentes & descendentes, parentes scilicet & liberos, perpetua est Matrimonii prohibitio, & in infinitum. (m) Inter collaterales vero, fratres scilicet, sorores, patruos, amitas, avunculos, materteras, & qui ex his generantur, usque ad quartum gradum inclusive. (n) Quod si alter contrahentium in secundo, tertio, vel quarto, alter vero in quinto vel remotiori gradu extiterit, eo casu Matrimonium licite contrahitur. (o)

XXIX. In Episcopatu nostro circa Matrimoniorum in prohibitis gradibus contrahentium dispensationes, plurima suboriuntur scandala, quando cum quibusvis rusticis & infimæ conditionis hominibus, etiam in secundo consanguinitatis vel affinitatis gradu passim dispensatur. Nos hujusmodi scandalis obviare volentes, & Sacri Tridentini Concilii Constitutionibus (p) inhærentes, statuimus & volumus, ut si quis intra gradus prohibitos scienter, & quos nescire verisimiliter nec debuit, nec potuit, Matrimonium contrahere præsumpserit, per Judicium nostrum Ecclesiasticum separetur, & spe alicujus dispensationis consequendæ omnino careat. Idque in eo multo magis locum habeat, ut Matrimonium sic contractum consummare ausus fuerit.

Quod si quis ignoranter, sine tamen debita solemnitate contraxerit, eisdem poenis subjiciatur, (q) cum dignus non sit, ut Ecclesiæ benignitatem experiatur, qui ejusdem præcepta contemnit. Si vero adhibitis solemnitatibus vere ac probabiliter quis ignoranter contraxerit, tunc facilius cum eo & gratis dispensetur. (r) In contrahendis Matrimoniis vel nulla omnino detur dispensatio, vel raro, idque ex causa, & gratis. In secundo gradu nunquam dispensentur, nisi inter magnos Principes & ob publicam causam. (s)

XXX. Ne autem simpliciores Presbyteri, quibus Apostolicæ dispensationes, commissiones, Literæ & Bullæ, earumque stylus, scriptura, sigilla, subscriptiones & signa incognita sunt, in iis facile decipiantur, jubemus & mandamus, ut omnes Presbyteri & Clerici, Nobis ordinario jure subiecti, hujusmodi literas, commissiones seu dispensationes Apostolicas quorumcunque tenorum, prius non exequantur, quam Nobis aut Vicario nostro exhibuerint, ac ostenderint, ut quæ circa ea jure faciendæ sint, mature deliberare & providere valeamus.

XXXI. Crimen impedit & dirimit Matrimonium, quando quis vivente adhuc conjugē cum alio Matrimonium vel contrahit, vel de contrahendo fidem facit, & postmodum ad quodlibet istorum sequatur adulterium, quod impedimentum pollutionis adulterinæ vocamus. (t) Aut quando quis propriam vel alterius conjugem interfecit, vel in mortem illorum machinatus est, ut alio & illicito Matrimonio potiri queat. (u)

XXXII. Christianus cum infideli, Judæo scilicet aut Pagano, Matrimonio jungi nec debet, nec potest. (x) Nihil enim aliud est, inquit D. Cyprianus, (y) jungere cum infidelibus vinculum Matrimonii, quam prostituere cum gentilibus membra Christi.

XXXIII. Aliud Matrimonii impedimentum est vis sive justus metus cadens in constantem virum, aut scēminam: ut cum quis spoliatioe bonorum, honoris, patriæ, vi armata & præsentis mortis periculo ad contrahendum Matrimonium compellitur. (z)

Licet enim Matrimonium de facto contrahatur; illud tamen nullum est omnino ac irritum, nisi metus & coactio per subsequentem liberum consensum purgetur.

XXXIV.

- (l) C. Primo gradu. 35. l. 1. cum seq. ff. de grad. aff. (m) L. Nuptiæ. 4. ff. de ritu nupt. Panorm. ad c. Non debet. de consang. & affin. n. 8.
 (n) C. Non debet. de consang. & affin. (o) C. fin. de consang. & affin.
 (p) Sess. 24. de Refor. Mat. c. 5. (q) d. c. 5. (r) d. c. 5. (s) d. c. 5.
 (t) C. 1. in fin. c. final. de eo, qui duxit ux. (u) C. Si quis vivente. 31. q. 1. c. 1. de convers. infidel. (x) C. Cave. 28. q. 1. Concil. Tolet. 3. can. 14. & 4. can. 16.
 (y) In sermone de lapsis. prout refert Didac. Covar. in 4. Decret. 2. p. c. 6. §. 11.
 (z) C. Cum dilectus. de his, quæ vi & met. caus. c. Abbas. eod. tit. c. 1. de rest. spol. in 6.

XXXIV. In majoribus Sacris Ordinibus constituti Presbyteri, Diaconi, Subdiaconi Matrimonia licite non contrahunt, nec contractum subsistit. (a) Quod secus est in Clericis prima tonsura vel quatuor minoribus Ordinibus initiatis. (b)

XXXV. Qui matrimonialiter jam alteri ligatus est, Matrimonium cum alio contrahere non potest. (c) Impedimentum hoc præcontractus appellant.

XXXVI. Justitiæ, publicæ honestatis impedimentum ex sponsalibus oritur. Hodie ex Sacri Tridentini Concilii Decreto (d) si sponsalia quacunque ratione valida non sint, publicæ honestatis impedimentum non oritur. Si valida sint, oritur quidem, primum tamen gradum non excedit.

XXXVII. Ad Matrimonium contrahendum requiritur consensus: (e) unde amentes, furiosi, stulti, & id generis homines ad contrahenda Matrimonia sunt inhabiles. (f)

XXXVIII. Affinitas primi generis usque ad quartum gradum inclusive Matrimonium contrahendum impedit, & contractum dissolvit. (g) Quoto enim gradu quis est cognatus viri vel uxoris, eodem gradu est affinis uxoris vel mariti. (h) Affinitas vero ex fornicatione aut alio illicito concubitu proveniens, hodie Matrimonia impedit & dirimit in primo & secundo tantum gradu. (i)

XXXIX. Denique cum ad propagationem generis humani Matrimonium sit institutum, (k) ad ineundum illud inhabiles sunt, qui ex impoten-

tia, vel naturali vel accidentali perpetua Matrimonio legitime uti non valent. (l)

XL. Inter raptorem quoque & raptam, quamdiu ipsa in potestate raptoris manet, non potest consistere Matrimonium, nisi rapta a raptoře separata ac loco tuto & libero constituta de novo consentiat. (m)

XLI. Impedimenta quæ Matrimonium contrahendum impediunt, contractum tamen minime dissolvunt, sunt, si quis contra Imperium Episcopi, Judicis & Parochi sui, (n) aut tempore a jure prohibito Matrimonium inseat, (o) aut si quis simplici voto castitatis, seu sponsalibus cum alia implicitus ad conjugium divertat, (p) aut cum hæretica contrahat. (q) His enim & similibus casibus licet contrahentes contra Canones delinquant, & mortaliter peccent, interim tamen Matrimonium verum contrahunt.

XLII. Quoniam vero hac tempestate nostra tantus est Sacrorum Canonum & Legum contemptus, tantaque flagitiosi incestus licentia & impunitas, ut multi suo proximo sanguini sese commiscere, & alias adversus Ecclesiæ instituta prohibita Matrimonia, contrahere non formident, & ubi proprii eorum Parochi talia Matrimonia introdisare ac benedicere noluerint, ad alia loca ignota, aut quæ ab unitate Ecclesiæ nostræ Catholicæ digressa sunt, se conferant, ibidemque publice ea celebrant & solennizent, atque deinde putantes omnia rata esse & firma, domum redeunt in non modicum totius Ecclesiæ offendiculum. Cui malo, quantum in Nobis est, obviare cupientes, omnibus

Sss ss 3

bus

(a) C. 1. & 2. Qui Clerici vel vovent. Conc. Trid. Sess. 24. de Matr. can. 9.

(b) C. 1. c. 3. c. 5. de Cler. conjug. c. Si quis vero. c. Placuit. d. 32.

(c) Gen. 2. in fin. Matth. 19. c. Gaudemus. de divort. c. 1. Et passim. de Sponsal. duorum.

c. Annon. 24. q. 3. Conc. Trid. d. Sess. de Matrim. can. 2.

(d) Sess. 24. de Reform. Matr. c. 3.

(e) C. 2. 30. q. 2. c. 1. de despons. impub.

(f) C. Neque furiosus. 37. q. 7. c. Sicut. de Regul.

(g) C. Non debet. §. Prohibitio. de consang. & affin.

(h) Conc. Trid. Sess. 24. de Refor. Mat. c. 4.

(i) 27. q. 1.

(j) C. Requisti. 33. q. 1. c. 1. & 2. c. Laudabilem. de frig. & malef.

(k) C. fin. de Rapt. Conc. Trid. Sess. 24. de Refor. Matr. c. 6.

(l) Ut videre est toto tit. de Matrimonio contrah. contra interd. Eccl.

(m) C. Capellanus. de feriis. c. Non oportet. 33. q. 4. Conc. Trid. Sess. 24. de Ref. Mat. c. 10.

(n) C. Rursus. qui Clerici vel vovent. c. unico de vot. & voti red. in 6.

(o) C. pen. 28. q. 2. Covarr. 4. Decret. 2. parte. c. 6. §. 11. n. 4.

bus & singulis Parochis & Curatis nostris mandamus, ut non obstante tali asserta solennizatione hujusmodi prætenfos conjuges cum gravitate adhortentur; ut ab invicem discedant, aut intra proximam quindenam coram Nobis, aut Officiali nostro pro declaratione accipienda compareant, & ubi nostræ aut Officialis nostri declarationi non paruerint, vel omnino non comparuerint, eos ab ingressu Ecclesiæ arceant, & ab Ecclesiasticis Sacramentis excludant, & post mortem, nisi resipuerint, Ecclesiastica sepultura privent.

XLIII. Causæ omnes Matrimoniales, & ab eis dependentes, ad solam nostram, vel Vicarii, & Officialis nostri cognitionem & decisionem pertinent. (r) Idcirco nullus sive Ecclesiasticus, sive sæcularis, cujuscunque conditionis, dignitatis, aut præminentiae fuerit, de sponsalibus, tam de futuro, quam de præsentī, de impedimentis quibuscunque, de divortiis & aliis ab iisdem dependentibus connexis & annexis sub pœna excommunicationis latæ sententiæ cognoscere, judicare & definire præsumat, sed ex omnes & singulæ ad Consistorium nostrum Ecclesiasticum pro earundem cognitione & decisione remittantur.

XLIV. Decani omnes, Parochi, cæterique Curati, si inter Parochianos suos ratione contracti Matrimonii differentiam, jus & actionem, seu impedimentum aliquod cognoverunt, partes admoneant, & si opus sit, exclusionem ab ingressu Ecclesiæ adigant, ut hujusmodi causas vel coram Consistorio & Judicio nostro Ecclesiastico, vel coram Commissario aliquo Forense proponant, & super iis a Judicio nostro Ecclesiastico decisionem expectent.

XLV. Quod si quis Decanorum, Parochorum, aut aliorum Curatorum seu Clericorum quorumcunque se hujusmodi matrimonialibus causis controversis immiscuerit, aliquid definierit, aut declaraverit, prout hætenus a multis factum fuisse cognovimus, eum

præter excommunicationis pœnam, quam incurrit ipso facto, beneficio suo privabimus.

XLVI. Super Matrimonio & ejus occasione sub prædicta pœna nullus sive Clericus, sive Laicus, etiam Commissarii nostri Forenses causarum matrimonialium transactionem aliquam inter partes faciant. In Matrimonio enim tanquam re spirituali transactio aliqua interponi non potest, (r) sed in eo secundum Canonicam severitatem est procedendum.

XLVII. Et quia non satis est Leges præscribere, nisi ea, quæ præscripta sunt, studiose observentur, & executioni debitæ demandentur; universis & singulis Ecclesiarum Parochialium Rectoribus, Parochis, Plebanis, eorum Viarriis, & generaliter omnibus Presbyteris ex institutione Canonica, aut alia nostra commissione curam animarum exercentibus in virtute sanctæ obedientiæ, & ejus fidei, qua Nobis uti Episcopo & Ordinario vestro devincti ac obligati estis, præcipimus & mandamus, ut prædicta omnia & singula, quæ circa Sponsalia & Matrimonium ejusque reformationem, tum juxta nova Sacri Tridentini Concilii, tum vetera Sacrorum Canonum Decreta pro necessitate Episcopatus nostri, & hujus temporis conditione hac nostra Synodali Constitutione statuimus atque ordinamus, diligenter observetis, & ab iis, quorum cura vobis commissæ est, observari & fieri curetis.

XLVIII. Quod ut ad populi caput commodius fieri possit, ea omnia vulgari & germanica lingua prælo excusa publicanda, & a vobis singulis annis bis videlicet Dominica prima post Festum Epiphaniæ, & Dominica prima post Festum Sanctissimæ Trinitatis publice ex Cancellis sub pœna 20. florenorum, toties quoties a quopiam vestrum contraventum fuerit, promulganda duximus.

TITU.

(r) Ad Ephes. 5. c. Tenore. c. 12. de foro compet. c. fin. de Jud. in 6. c. pen. & ult. de secund. nupt. c. Ecclesia Sanctæ Mariæ. de Constit. & ibi communiter omnes Canonistæ, teste Andr. Gail lib. 2. obs. 141. n. 5. Concil. Trid. Sess. 24. de sacr. Mat. can. 12.
(s) C. final. de transact. facit. c. Constitutus. c. Super. c. Præterea. eod.

TITULUS XVII.

De Lectionibus Sacris.

I.

UT apud celebriora Diœcesis nostræ Monasteria & Collegia, juxta Tridentini Concilii voluntatem (†) Theologiæ saltem moralis lectio habeatur, vehementer optamus. Curent proinde Monasteriorum & Collegiorum Prælati, ut ea, quamprimum commode fieri potest, non tantum instituantur, & ubi jam instituta est, continuando conservetur, sed etiam, ne frustra habeatur, ut a Conventualibus, Canonis, & aliis Clericis suis frequenter. Quod Nos quoque Clero nostro rudiori in Civitate Constantiensi mandabimus, ut Lectiones Theologicas, quæ apud Ecclesiam nostram Cathedralē habentur, frequentent.

II. Studiis Theologicis Præfecti captui auditorum se accommodent, & eas materias præcipue tractent, quæ in usu sunt frequentiores, & Clericis atque futuris Parochis magis utiles ac necessariæ.

TITULUS XVIII.

De Prædicatione Verbi Dei.

I.

CHRISTIANÆ Reipublicæ non minus necessaria est Evangelii prædicatio, quam Thologica lectio. Quia vero in prædicando verbo Dei maxima pars muneris, & officii nostri Pastoralis (u) versatur, curavimus hæcenus, & imposterum per Dei gratiam curabimus, ut qui verbo Dei prædicando in Ecclesia nostra Cathedrali vice ac nomine nostro fungi debent, sint tales, quos & pietas vitæ ac morum honestas & doctrinæ puritas commendent, & qui populum tam verbo, quam exemplo edificare possint.

II. In aliis Ecclesiis parochialibus & curam animarum habentibus, Parochi, vel illi, qui ex fundatione aut alias obligati sunt, per seipsos, & si ipsi legitime impediti fuerint, per alios

sufficientes & idoneos illorum expensis officio suo satisfaciant. (x)

III. Concionandi munus nemo sibi met usurpet, nisi legitime vocatus, & per Vicarium & Examinatores nostros prævio examine approbatus.

IV. Regulares vero cujusunque Ordinis sine Superiorum suorum legitimo examine, approbatione, & licentia etiam in Ecclesiis suorum Ordinum prædicare non præsumant. (y) Et si a Superioribus suis approbati & licentiam prædicandi consecuti fuerint, prius prædicare non incipiant, quam se coram Nobis præsentaverint, atque benedictionem nostram Episcopalem petierint. In Ecclesiis, quæ suorum Ordinum non sunt, præter suorum Superiorum, etiam nostram licentiam habeant.

V. Illos, qui aliter, quam præmissum est, prædicationis officium usurpare præsumperint, vigore præsentis Statuti excommunicationis vinculo innodamus, & excommunicatos publice declarari mandamus, & nisi respuerint, aliis etiam gravioribus pœnis a Nobis vel Vicario nostro plectendos decernimus. Quandoquidem non parum referat, scire, quis qualisque sit, cui alios in Religione Christiana instituendi & docendi potestas traditur, ne peregrinis forte & hæreticis doctrinis imbuti, nec satis probati ad gravem Domini gregis perniciem in ovile Christi recipiantur.

VI. Concionatores omnes diligentem dent operam, ut eorum vita cum doctrinâ consensuat, ne, quod præceptis & hortatu ædificant, id vitæ & moribus pravis rursus destruant: libentius enim magisque populus ea facit, quæ a Prædicatoribus suis fieri videt, quam ea, quæ ab iisdem audit. Pulchrum valde est, cum de Concione illud dicitur, quod olim de quodam ex veteribus dictum, legimus: Hic est, qui quale habet verbum, talem habet & vitam. Conciones fiant in omnibus Ecclesiis, quæ Rectorem habent, singulis diebus Dominicis & Festivis. (z)

Tem-

(†) Sess. 5. de Reform. c. 1.

(u) Conc. Trid. Sess. 5. de Reform. c. 2. & Sess. 24. de Reform. c. 4. c. Episcopus. dist. 88.

(x) d. Sess. 24. (y) d. Sess. 5. c. 2. (z) d. Sess. 5. c. 2. & Sess. 24. c. 4. de Ref. Marr.

Tempore autem Quadragesimæ, in Civitate Constantienſi & inferioribus oppidis & pagis, ubi hætenus in uſu fuit, bis vel ter in hebdomada, ubi vero fieri non conſuevit, juxta Tridentinum Concilium, ſi ullo modo commodè fieri poſſit, inſtituantur.

VII. Fideles pro concione de fide Catholica, de Eccleſiæ Sacramentis, de Sacrificio Miſſæ & obſervantia Mandatorum Dei & Eccleſiæ, de obedientia præſtanda utrique legitimo Magiſtratu Eccleſiaſtico & ſæculari, de ritibus & cæremoniis Eccleſiaſticis, ut de aqua, ſale, cereis, palmis, herbis & fructibus benediſtis diligenter & ad captum ſæpius inſtituantur, ut, quæ ſcire omnium intereſt, ad ſalutem omnes addiſcant.

VIII. In producendis Scripturis Concionatores editione vulgata & probata utantur, earumque intelligentiam non ex privata præſumptione, ſed eo ſenſu, quem Catholica Eccleſia & conſentiens Sanctorum Patrum auctoritas comprobavit, interpretentur, (a) neque quicquam ab Eccleſia aut Eccleſiæ probatis Doctõribus alienum proferant.

IX. Libros Hæreticorum etiam ad eorum argumenta refellenda nullo modo legant, (b) niſi tales ſint, qui eos cum diſcretionem legere poſſint, & eos legendi a Sede Apoſtolica diſpenſationem in ſcriptis habeant.

X. A quæſtionibus difficilibus & perplexis abſtineant, atque in Hæreticorum opinionibus & argumentis recitandis & conſutandis præſertim coram rudioribus providi ſint, ac circumſpecti, aut ſi minus inſtructi, omnino taceant: non enim ad ingenii & eruditionis oſtentionem, ſed ad ædificationem Eccleſiæ & populi, prædicare debent, multoque melius eſt tacere, quam de noſtri ſæculi controverſiis inepte diſputare.

XI. In reprehendendis vitiis ita ſe gerant, ut pietatis & charitatis ſtudio adducti, non hominum, ſed peccatorum

odio id facere, auditores intelligant. Neminem aperte vel tacite perſtrignant, aut quaſi digito commonſtreant, neque in ullum Ordinem religioſum, ſeu ſtatum Eccleſiaſticum ab Eccleſia approbatum invehant, aut eorum privilegia labefactare præſumant. Magiſtratum quoque, tam Eccleſiaſticum, quam ſæcularem cum auditorum offentione non oburgent, ſed pie potius ac modeſte officiũ ſui, quatenus opus fuerit, privatim admoneant, populumque doceant Præpoſitis & Superioribus ſuis, etiam diſcolis obedire. (c)

XII. Nimiam illam & licentioſam pravamque conſuetudinem blaſphemandi, jurandi, Magiſtratu Eccleſiaſtico & ſæculari, Clericis, Religioſis, & quibuſcunque laicis detrahendi, & reliqua vitia, quæ populus frequentat, præ cæteris Concionatores exagitent. Decreta Concilii Tridentini, præſertim quæ ad mores & diſciplinam Chriſtianam reſtituendam pertinent, & has noſtras Conſtitutiones Synod. populo ſtudioſius inculcent, atque ad Sanctiſſimorum Sacramentorum Pœnitentiæ & Euchariſtiæ frequentiam fideles magnopere cohortentur.

XIII. Fabulæ aniles, ſales, (d) ſcomata, privati affectus, relatio hitoriarum aut miraculorum incertorum, ſeu ſuſpectorum, immoderatæ invectivæ, & quicquid modeſtiæ, pietati, ſanæ & Catholicæ doctrinæ contrarium eſt, a concionibus abſit. Qui ſecus fecerint, præter alias pœnas eos a concionandi munere amovebimus.

XIV. Parochi ſub ſinem concionis pro utroque Magiſtrato Eccleſiaſtico & Civili, atque pro omnibus Chriſti fidelibus vivis & defunctis Deum orent. (e) Dies Feſtivos (f) & ſolennes, Quatuor temporum jejunia, Vigilias, Quadrageſimam, Adventum, ſolennes ſupplicationes, & ſi quæ ſunt ſimilia, non tantum populo ſimpliciter denuncient, verum etiam quomodo dies feſti celebrandi, quomodo & a quibus jejunandum ſit, populum inſtituant.

XV.

(a) Concil. Trid. Seſſ. 4. in Decreto: de editione & uſu ſacror. lib.

(b) Ex ind. libr. prohib. & Bulla Confirmatoria Pii IV.

(c) 1. Timot. 4. 2. Timot. 2. Ad Titum 3.

(d) C. 1. de Conſec. diſt. 3.

(e) 1. Petri 2.

(f) 1. ad Tim. 2.

XV. Et quia intelleximus, quod quidam Concionatores Diœcesis nostræ, interdum rancore & æmulatione moti, contra se invicem prædicare non verentur in populi scandalum & exemplum perniciosum; Ideo considerantes, quod, sicuti ex indiscreto silentio sæpius error post se relinquitur, ita & incauta locutio sæpius errorem inducit, præfenti Statuto serio inhibemus, ne quis Concionatorum in Ecclesiis & Monasteriis Civitatis & Diœcesis nostræ, sive Regularis, sive sæcularis existat, contra alium quemcunque Concionatorem invehere, aut quid aliud ex suggestu proferre præsumat, quo is irritari, atque ad vindictam, mutua convitia, & jurgia provocari, simplex autem populus ex tali controversia offendi possit, (g) sed si quis in reputatione, fama & honore, jureque suo, aut alias qualitercunque læsus ab alio fuerit, aut si errorem, vel hæresim ex ejus concione deprehenderit, id Nobis, vel Vicario nostro referat. Secus facientes gravissime puniemus.

XVI. Denique Christi fideles omnes & singulos, qui per ætatem & negotia necessaria possunt, in Domino vehementer hortamur, (b) ut non solum diebus Dominicis & Festivis, sed etiam reliquis diebus per annum, quibus haberi concio solet, ad audiendas conciones frequentes concurrant, iisdemque ab initio usque ad finem cum summa modestia & attentione intersint.

TITULUS XIX.

De Catechismo seu Institutione Juventutis Christianæ.

I.

Cum nostra hac ætate multorum hominum tanta sit socordia, ut ea, quæ ad salutem animarum sibi maxime necessaria sunt, aut parvi faciant, aut omnino negligant: recte ac prudenter Tridentinum Concilium (i) constituit, ut in singulis Parochiis diebus Dominicis & Festivis pueri fidei rudimenta docerentur, quo tenera ætas quasi cum

lacte materno Religionem Christianam imbiberet, & semel imbuta Christiana pietate, recens servaret odorem testæ diu. Nos huic necessariæ & salutari Constitutioni inhærentes, omnibus Ecclesiarum Parochialium Rectoribus, Plebanis & Vicariis mandamus, serioque injungimus, ut singulis diebus Dominicis, ubi autem ex gravi aliqua & legitima causa a Visitatoribus nostris approbata singulis Dominicis fieri non potest, ad minus semel in mense die aliqua Dominica aut Festiva, deinde per Adventum & Quadragesimam singulis diebus Dominicis & Festivis a prandio circa horam duodecimam aut primam, certo campanæ sono ad id assignato, per se, vel per alios idoneos sacre nostræ Christianæ Fidei initia, ac rudimenta juventuti ipsorum diligenter lingua vernacula suaviter ac humaniter, adhibitis etiam munusculis tradant, & pueros quasi per ludum ad discendum alliciant.

II. Quod si in aliquibus locis tempore hyberno, vel propter distantiam Parochianorum ab Ecclesia Parochiali Catechesis commode haberi non possit, volumus & mandamus, ut Parochi semel singulis mensibus: Item omnibus Dominicis & Festivis per Adventum & Quadragesimam Christianam juventutem curæ suæ commissam, dum ex Cancellis ordinarie concionantur, loco concionis, si non integræ, saltem mediæ instituant, & in iis, quæ circa fidem Christianam Juventus scire debet, instruant. Neque existimamus adultos & ætate maturiores juste conqueri posse, cum ut plurimum & ipsi in hoc genere valde sint rudes, & æque bene ac juniores institutione indigeant.

III. Recitent vero Parochi primo clara voce ac lenta, Orationem Dominicam, Salutationem Angelicam & Symbolum Apostolorum, quos pueri recitando sequantur. Secundo recitationes puerorum & pia æmulandi studia disponant, tertio facilem, & qualem illa ætas admittit, explicationem subjun-

(g) Ex Conc. Trid. Sess. 5. de Reform. c. 2.

(i) Sess. 24. de Reform. c. 4.

(b) Ex Conc. Trid. Sess. 24. de Reform. c. 4.

jungant, quarto lectionem juventuti ab ea proximo conventu exigendam, & memoriter recitandam præscribant. Denique decem præcepta Ecclesiæ cum quatuor novissimis, & aliis similibus, clare prænuntient. Pueros etiam ad obedientiam erga Deum, Parentes & Magistratum sedulo cohortentur, (k) a blasphemis vero & ab aliis vitiis, quibus juvenus libenter dedita esse solet, dehortentur.

IV. Ut autem hujusmodi Catechesis cum fructu frequentetur, Parochi parentes tam publice ex Cancellis, quam privatim admoneant, ut pueros suos vel ipsi adducant, vel venire jubent, ac mittant, cum hac protestatione, se impofterum nullum ad Eucharistiæ aut Matrimonii Sacramenta admittere velle, qui in primis fidei rudimentis sufficienter non fuerit instructus.

V. Et quia pium hoc ac necessarium institutum Magistratus sæcularis multum juvare & promovere potest, eum in Domino requirimus, ut eo tempore, quo juvenus instituitur, sub poenis eorum arbitrio imponendis a choreis, tripudiis, lusibus & aliis insolentis abstinere præcipiant; ut sumptus, si qui necessarii sunt, vel pro puerorum munusculis, vel alias pro cujuslibet loci commoditate ex ærario publico, aut ex redditibus Patroni seu Fabricæ Ecclesiarum subministrant. Nihil enim in meliores usus collocari potest, quam quod ad recte instituendam juventutem, & a teneris annis ad pietatem imbuendam impenditur.

VI. In negligentes & munere suo Parochiali in hac parte non fungentes, Decani diligenter inquirent, Fiscali-que nostro ad procedendum contra eos quantocius in scriptis denuntient.

TITULUS XX.

De Cultu Divino & Cæremoniis Ecclesiasticis.

I.

Divina Officia omnia peragantur ex ordine Breviarii & Missalis nostri

Constantiensis ad usum Romanæ Ecclesiæ accommodati. Itaque cæremoniis Romanis utantur omnes; nec quisquam novas excogitet, inducat, vel recipiat cæremonias; Et si quæ novæ aut suspectæ in aliquas Ecclesias irrepissent, aut veteres nondum omnino essent sublatae, de his Decani rurales cognoscant, & quamprimum ad Nos vel Vicarium nostrum referant.

II. Ne autem confusiones suboriantur atque uniformitas cæremoniarum commodius introduci & observari queat, volumus, ut in omnibus Ecclesiis Collegiatis & Parochialibus, ubi plures sunt Clerici, unus constituatur, qui cæremoniarum curam, & inspectionem in se recipiat, & qui curet, ut omnia suo ordine, loco & tempore debite fiant.

III. Prælati quoque & Rectores Ecclesiarum ex injuncto sibi officio diligenter attendant, ut Canonici & Clerici Officia Divina omnia & singula, ad quæ tum ex laudabili & antiquissima consuetudine, tum ex fundatione sunt obligati, peragant, in iisque peragendis consuetis ac debitis cæremoniis utantur; nec quicquam sine expressâ nostra, aut Vicarii nostri licentia intermittant, aut immutent.

IV. In Cathedrali nostra, Collegiatis & Parochialibus Ecclesiis Horæ Canonicae, quæ cantari consueverunt, præsentibus Prælati, Canonicis, Parochis, Capellanis, Ludimoderatoribus, Scholaribus, superpelliceis & habitu convenienti indutis, in Choro alternatim devote, nec nimis præcipitanter & cursim, nec nimis lente, non clamorosis ac dissonis vocibus, sed leniter ac distincte cantentur. (l)

V. Missæ solennes cum consuetis ministeriis & cæremoniis juxta Rubricas Missalis attente & graviter celebrentur.

VI. In Choro pro temporis & officii ratione omnes simul sedeant, stent, genua flectant, caput aperiunt, & cætera ejus generis faciant.

VII. Clericus cum in Ecclesiam venerit, illud meminisse debet, se esse

in

(k) d. c. 4. Sess. 24.

Triid. Sess. 24. de Reform. c. 12.

(l) C. Dolentes. de celebrat. Miss. c. Cantantes. d. 92. Concil.

in domo Dei sancta, quæ domus sit orationis: (m) quare cujuscunque ordinis & dignitatis fuerit, in Ecclesia non deambulet, (n) non confabuletur, aut aliquid aliud eo loco indignum tractet, sed recta Chorum ingrediatur, ac imprimis reverenter ac humiliter Venerabili Sacramento Corporis Domini salutato, ad stallum & locum suum consuetum se recipiat. Quod si ab aliquo contra factum fuerit, is distributione quotidiana illius diei careat, aut alia condigna pœna plectatur.

VIII. Multi etiam laici tempore Divinorum in Ecclesiis nugantur, confabulantur, discunt, merces & alia onera important, & exportant: Quæ omnia Ecclesiarum Prælati, Decani, & Pastores, (o) adhibito etiam, si opus fuerit, consilio & auxilio Magistratus sæcularis, corrigant, & pœna aliqua constituta contra transgressores prohibeant.

IX. Ad Divina Officia, ita cantus musicus & organa adhibeantur, (p) ne devotionem impediunt, aut audientium animos potius ad tripudium excitent.

X. Beatus ALEXANDER (q) Pontifex Martyr, qui sextus post B. Petrum Romanum rexit Ecclesiam, aquæ benedictæ usum non tam ipse invenit, quam ab Apostolis traditum observari ab omnibus jussit; sic enim scribit: (r) Aquam sale conspersam populis benedicimus, ut ea cuncti aspersi sanctificentur, quod & omnibus Sacerdotibus faciendum esse mandamus. Sane si cinis virulæ aspersus olim populum sanctificabat atque mundabat, quanto magis aqua, quæ sale aspersa Divinis precibus sacrata est, populum pie ac devoto usurpantem sanctificat atque emundat? Hunc antiquum ritum hætenus in Ecclesia Cathol. pie observatum, quamvis Hæretici nostri temporis, ut reliquas ceremonias omnes irrideant, Parochi & Curati minime deferant, sed

singulis diebus Dominicis ante Missam aquam cum sale benedicant, (s) eaque, ut moris est, populum Christianum aspergant.

XI. Cereorum (t) quoque, cinerum, (u) herbarum, palmarum, fructuumque benedictiones in Ecclesia Catholica antiquo more fiant, plenarum mysteriorum, tum salutarium utilitatum, quas Parochi ex orationibus, quibus Ecclesia in illorum benedictionibus utitur; & aliunde fidelibus studiose exponant, quo religiosus illa gestent & recipiant. Benedicatur unum quodque suo ab Ecclesia ordinato tempore ac Festo publice in Ecclesia ritu solenni, nec ullæ preces, in ejusmodi benedictionibus adhiberi consuetæ, intermitantur. Populus vero admoneatur sedulo, ne his rebus benedictis ad alios, quam Ecclesia instituit, effectus consequendos utatur.

XII. Litaniarum & Processionum publicarum usus (x) secundum Ecclesiæ universalis & cujusque Ecclesiæ particularis piam & laudabilem institutionem servetur, & ubi hætenus injuria temporum collapsus esset, restituatur. Fiant autem processionibus de Ecclesia ad Ecclesiam, ordine decenti, modeste cum contrito corde ad Deum sine quacunque levitate, risu, confabulatione, & his similibus, quibus magis ad iram, quam ad placationem provocatur Deus: Parochi, Clerus & Scholares veste choralis induti, cruce & vexillis prægestatis præcedant, hos primum viri, postea feminae separatim sequantur.

XIII. Edendi ac bibendi consuetudinem, secumque esulenta deferendi aut ea vendendi & emendi, aliasque nundinationes in supplicationibus sacris habendis Parochi omnino tollere studeant.

XIV. Inter alia a sancta Dei Ecclesia pie instituta, sed temporum vitio in Civ-

(m) Marci xi. (n) Bulla Pii V. quæ incipit: *Cum primum Apostolatus. Sub dato Romæ 6. Cal. Aprilis Anno 1566.* (o) d. Bulla.

(p) Concil. Trid. in Decreto: de observ. & evitand. in celebr. Missæ. Sess. 22.

(q) Relatus in c. Aquam. de Consecr. d. 3. (r) In Epist. sua prima circa Annum Dom. 83.

(s) d. c. Aquam. (t) C. Sane. c. fin. de celeb. Missæ. (u) Petrus Cluniacensis

lib. 2. Miracul. c. 22. (x) Ex Conc. Aurelian. i. can. 23.

Tomus VIII. Concilior. German.

Civitate Constantiensi antiquata, sunt Litaniz majores, quas Summus Pontifex & Sanctissimus Vir GREGORIUS I. sancte instituit, (y) atque in universa Christiana Republica 7. Cal. Maji, qui dies D. Marco Evangelistæ dicatus est, eas agi & celebrari voluit. Illarum pium & solennem usum cum in hac nostra Constantiensi Ecclesia ita pene intermissum videamus, ut nullum fere pristinz institutionis vestigium appareat, nos vero ex officio Pastoralis Nobis incumbenti solliciti esse debeamus, ut quod pie a Majoribus nostris institutum est, non tantum retineatur, sed etiam, quantum in Nobis est, amplificetur, Constitutione hac Synodali edicimus, & jubemus, ut præfato S. Marci Festo universus Clerus Civitatis Constantiensis, tam Regularis, quam sæcularis in superpelliceis & habitu suo congruo ad Ecclesiam nostram Cathedralē conveniat, peractoque Missæ Sacrificio ad Ecclesiam Collegiatam S. Stephani solenni ritu ac processione, sanctisque precibus procedat, atque processionis officio finito ad eam ipsam Cathedralē Ecclesiam ordine redeat. Quod idem, quoad Regulares Civitatis Constantiensis in Litiis minoribus, quæ triduo ante Ascensionem Domini celebrantur, observari volumus & mandamus.

XV. Ad processiones vero sive generales, sive particulares in nostra Cathedrali, & Collegiatis Ecclesiis quocunque tempore habendas, Prælati, Canonici, & alii Clerici omnes, cujuscunque dignitatis sint, convenient, & suo exemplo Laicis, quod imitentur, præbeant.

XVI. In extraordinariis processionibus pro instanti interdum necessitate instituendis, Parochi sibi a Magistratu sæculari nihil præscribi patiantur, sed pro temporis, loci ac personarum qualitate cum eo desuper mature concordent, & amice convenient.

TITULUS XXI.

De Reliquiis, Imaginibus, cultu ac veneratione Sanctorum.

I.

UT Sanctorum Martyrum, & aliorum cum Christo viventium Sanctorum corporibus & Reliquiis; quæ viva membra fuerunt Christi, & templum Spiritus Sancti, debitus honor ac veneratio a fidelibus tribuatur, atque in locis & vasis honestis reverenter asserventur, (z) Ecclesiarum Prælati, Rectores, & Parochi solliciti curent.

II. Ubi mos est eas quandoque populo demonstrare, non ab Ædituis & Laicis, sed ab ipsis Parochis aut aliis Clericis cum lumine & sine aliquo quæstu fiat. Insignes item Reliquiæ ad altaria nec ponantur, nec reponantur, nisi reverenter, & a Clericis Sanctorum reliquiæ e capsulis & vasis, quibus inclusæ sunt, facile non exponantur: singulæ singulas schedas habeant, ut sciri possit, cujus sint Sancti. Dubiæ & suspectæ a probatis & certis separentur, & in alium locum honestum reponantur.

III. Superstitiones, imposturas & abusus omnes circa Sanctorum Reliquias Ecclesiarum Superiores tollant. Quod si ad aliquas novas aut prius incognitas reliquias, vel nova miracula novus populi concursus fieret, Parochi & Decani Nobis, vel Vicario nostro quantocius significant, (a) ut, quod super hujusmodi novis reliquiis & miraculis statuendum sit, mature consulere valeamus, ne fortasse populus superstitione aliqua illaqueetur, aut fictis miraculis illudatur.

IV. Imaginibus Christi, Deiparæ Virginis Mariæ, & aliorum Sanctorum, sive in Templis vel Oratoriis, sive extra ea, in publicis viis aut privatim in ædibus habeantur, etiam debitus honor & veneratio impertienda est, (b) non quod credamus iis inesse aliquam Divinitatem, vel virtutem, propter quam

sint

(y) Circa Annum Domini 590. (z) Ex Concil. Trid. Sess. 25, in Decreto: de Invo-
cat. vener. & Reliquiis Sanctorum. (a) d. Decreto. Sess. 25.

(b) Conc. Nicen. 2. & Trid. d. loco c. Perlatum. de Confec. d. 3.

sint colendæ, vel quod ab iis aliquid petere debeamus, sed quoniam honos, qui eis exhibetur, refertur ad prototypa, quæ illæ repræsentant, ita ut per imagines, quas osculamur, & coram quibus caput aperimus & procumbimus, Christum adoremus, & Sanctos, quorum similitudinem gerunt, veneremur.

V. Imagines & historiæ sacræ vel pictæ, vel sculptæ imperitæ plebis libri sunt, ut illarum aspectu moniti mysteriorum Redemptionis nostræ recordentur, pietatem in Christo conservent, atque Sanctorum vitam imitari studeant.

VI. Quia vero nihil tam sanctum ac salutare, quod non aliquando propter abusum taxari queat, volumus, ut de cætero in Ecclesiis imagines vel historiæ nullæ pingantur, aut statuuntur, quibus neque Ecclesia, neque probati Scriptores aliquam auctoritatem dederunt. Imagines omnes prototypi dignitati & sanctitati congruæ sint, in iis nihil inordinatum aut præpostere accommodatum, nihil prophanum, nihilque inhonestum appareat, sed ita pingantur, ut ex earum inspectione pietas excitetur.

VII. Quod si in aliquibus Ecclesiis imagines non approbatæ aut minus decenter depictæ essent, eas Ecclesiarum Rectores aut omnino tollant aut mutant.

VIII. Historiæ prophanæ & sæculares effigies gentilium & brutorum animantium in Ecclesiis nec pingantur, nec sculptantur, cum domum Dei deceat sanctitudo. (c)

IX. Si quæ sacræ tabulæ aut imagines nimia vetustate, carie ac sordibus pene deletæ, & aspectu minus decenti essent, eas Ecclesiarum Prælati & Rectores religiosa pictura renovent, aut a fabricæ Procuratoribus renovari procurent.

X. Sanctorum invocationem & cultum Ecclesia Catholica semper pro-

bavit. (d) Alius tamen cultus & invocatio est, qua Deum & Mediatorem inter Deum & homines Jesum Christum Dominum nostrum colimus & invocamus; alius quo Sanctos veneramus: Quod ex Litanis, qua Ecclesia utitur, quivis facile cognoscit: in ea enim alium Deo exhibemus; alium Sanctis deferimus cultum.

XI. Hæretici hujus temporis, quæ de Sanctorum cultu, Reliquiarum & imaginum asservatione & veneratione pie ac Catholice sentimus, rident & varie oppugnare student. Quorum præstigiis ne Christianus populus facile decipiatur, serio mandamus omnibus Parochis, Concionatoribus, & cæteris quibuscunque, ut ea, quæ circa hæc Sacra Oecumenica Tridentina Synodus definivit, & probati Catholici Scriptores hæcenus docuerunt, fidelibus Parochianis & auditoribus suis accurate & enucleate exponant.

TITULUS XXII.

De Indulgentiis & Purgatorio.

I.

Indulgentiarum usus Christiano populo maxime salutaris, & Sacrorum Conciliorum auctoritate probatus, semper etiam antiquissimis temporibus in Ecclesia fuit. (e) Illæ quam maxime nobis sint necessariæ pro peccatorum nostrorum satisfactione, quibus quotidie nos, nostrasque conscientias oneramus, Parochi doceant.

II. Quia vero indulgentiarum materia gravis est, in ea explicanda caute ac discrete versentur, nec quicquam, quod fidei nostræ minus conveniens aut populo sit scandalosum, proferant.

III. Indulgentiæ ignotæ aut suspectæ a nemine etiam Regularibus & exemptis publicentur, nisi prius a Nobis visitatæ & approbatæ fuerint.

IV. Catholica Ecclesia ex sacris literis & antiqua Sanctorum Patrum traditione in omnibus Conciliis, novissi-

T t t t 3

me

(c) Psalm. 92. c. Decret. de Immunit. Eccles. in 6.

(d) S. Augustin. contra Faustum lib. 20. c. 21. Concil. Trid. d. Decreto: de invoc. Sanct. Sess. 25. c. Venerabiles. de Consecr. d. 3.

(e) Matth. 16. Joan. 20. c. Audivimus. & c. Quodcunque. 24. q. 1. c. Ut constitueretur. d. 50. c. Adhuc. de Pœn. & Remiss. in 6. Conc. Trid. Sess. 25. Decreto de Indulgent.

me etiam in Sacra Tridentina Synodo (f) docuit ac definivit, purgatorium esse, animasque ibi detentas fidelium suffragiis, potissimum acceptabili & tremendo Altaris Sacrificio juvari, unde vetustissimus usus Anniversariorum Sacrificiorum pro Defunctis, quia creditum semper fuit a Christianis, nonnunquam annos aliquot in his pœnis consumi.

V. Vivorum suffragia, Missarum scilicet Sacrificia, orationes, eleemosynæ, aliaque pietatis opera, (g) quæ a fidelibus vivis pro aliis fidelibus defunctis fieri consueverunt, secundum Ecclesiæ instituta fiant.

VI. Pro pueris in innocentia defunctis nulla suffragia fiant, cum illis non indigeant.

VII. Missæ, orationes, eleemosynæ, & similia opera, quæ pro fidelibus defunctis ex fundatione vel alia ratione debentur ab iis, qui ea præstare tenentur, non perfunctorie aut ex parte tantum, sed diligenter ac integre persolvantur. (b)

TITULUS XXIII.

De Festis Diebus.

I.

Festi dies non ad otium & ingluviem, sed ad profectum nostrum spiritualem, ad celebrandas Dei & Sanctorum Laudes ab Ecclesia sunt instituti, (i) ut, quia per totam fere hebdomadam negotiis & operibus sæcularibus intenti sumus, saltem his diebus mentem nostram ferventius ad Deum elevemus, & salutis animarum nostrarum aliquam rationem habeamus.

II. Celebrari autem in Episcopatu nostro Constantiensi sub præcepto volumus & mandamus dies & festa sequentia; videlicet diem Dominicam, quæ in gloriam Dominicæ Resurrectionis a primitiva Ecclesia ad nos usque maxime celebris semper est habita; Festum Nativitatis Domini, S. Stephani Protomartyris, Sancti Joannis Evangelistæ, Ss. Innocentium, Circumcisionis &

Epiphaniæ Domini, Festum Paschatis, cum feria secunda & tertia, Ascensionis Domini, Festum Pentecostes cum feria secunda & tertia, Corporis Christi. Quatuor festa Beatissimæ Mariæ Virginis: videlicet, Purificationis, Annunciationis, Assumptionis, & Nativitatis. Festa Ss. Apostolorum, Andreæ, Thomæ, Mathiæ, Philippi & Jacobi, Petri & Pauli, Jacobi, Bartholomæi, Matthæi, Simonis & Judæ, S. Nicolai Episcopi, S. Georgii Martyris, Joannis Baptistæ, Mariæ Magdalenæ, Laurentii Martyris, Michaelis Archangeli, omnium Sanctorum, S. Martini Episcopi, Catharinæ Virg. & Mart., S. Conradi Episcopi & Patroni nostri. Et in Civitate Constantiensi festum S. Pelagii Martyris, etiam Patroni nostri, item Dedicationis Ecclesiæ nostræ Cathedralis.

III. Denique cum Divina testentur eloquia, confirmetque veneranda antiquitas, Beatis Spiritibus, Sanctis Angelis creditam Divinitus nostri custodiam, nihil antiquius nobis esse debet, quam ut hos fidissimos Custodes naturæ nostræ fragilis, viæ ac vitæ Comites & Duces speciali quadam veneratione, his præsertim temporibus, quibus major fere Christiani orbis pars non uno, sed multis malis & calamitatibus laborat & afflicatur, afficiamus, proinde exemplo multarum Provinciarum, & ipsa temporum difficultate rationabiliter inducti Synodali hac Constitutione ferio mandamus ac volumus, ut in posterum per Diocesin nostram Constantiensem Sanctis Angelis locorum, hominumque Custodibus singularis cultus, festusque dies singulis annis Dominica octavam Apostolorum Petri & Pauli immediate sequente, juxta speciale Officium, quod Constantiæ propediem imprimi curabimus, cum solenni cæremonia, utrisque Vesperis, Officio & concione, ad populum tali festo accommodata, celebretur.

IV. Quibus jam specificatis Festis & diebus interdiximus omnibus & singulis Clericis tam sæcularibus, quam Regularibus & Laicis, cujuscunque status, conditionis & præeminentiae fuerint

(f) Sess. 25. in Decreto de Purgatorio. rum. 13. q. 2.

(g) d. Sess. & Decreto. c. Animæ defunctorum. 13. q. 2. (b) Ex Decr. de Invoc. Sanct. Sess. 25. & ibid. ex Decr. de cib. delect.

(i) Ex Decreto de Invocat. Sanct. Sess. 25. & ibid. ex Decr. de ciborum delectu.

rint, omnia opera servilia, & alia illi-
cita, ut sunt comestiones, ebrietates,
& similia. (§) Econtra vero præcipimus,
ut unusquisque his diebus audiendæ
concioni, orationi & pietati vacet,
Missæque Sacrificium integrum sub rea-
tu peccati mortalis audiat. (I)

V. Ut autem fideles curæ nostræ
commissi scire possint, qua hora festus
dies incipiat & desinat, pro Civitatis &
Diocesis nostræ consuetudine festi diei
initium a media nocte, quæ illius diei
celebritatem proxime præcedit, fieri,
& sequenti itidem nocte eundem diem
terminari & concludi declaramus, at-
que decernimus.

VI. Cæteræ Festivitates, quacun-
que ratione institutæ, cuique loco li-
beræ sint, ubi tamen communi consen-
su & Cleri & populi aliquæ receptæ
sunt, ibi eas servari volumus.

VII. Diebus Dominicis & Festivis
curent Parochi, agantque cum Magi-
stratu sæculari, ut officinæ opificum &
mercatorum sint clausæ, ut nihil ema-
tur & vendatur, præter id, quod ad vi-
ctum illius diei, vel ad ægrotorum cu-
rationem est necessarium; ne nundina-
ræ fiant, sed quæ festo die fieri consue-
verunt, in antecedentem vel subse-
quentem diem rejiciantur, ut ludicra,
& sæcularia spectacula, choreæ, & sal-
tationes tempore Divinorum Officio-
rum, Concionum, Catechesis & Ve-
sperarum non permittantur, quo po-
pulus, præsertim vero pueri Ecclesiam
& Divina Officia frequentandi majorem
occasionem habere possint. (m)

VIII. Nemo sæcularium ex qua-
cunque causa diem Festum publice pro-
phanandi, & in alium diem transfe-
rendi sibi potestatem assumat: sed si
quid ex evidenti aliqua necessitate
tempore Messis, vel Autumni circa hoc
faciendum sit, cum nostra, vel Vicarii
nostri, vel si commode propter moræ
periculum fieri nequeat, cum Decani

ruralis aut Parochi consilio & assensu
fiat.

TITULUS XXIV.

De Jeuniis ac defectu ciborum.

I.

Jejunandi tempora jam inde ab Apo-
stolorum temporibus in Græca &
Latina Ecclesia a Catholicis sem-
per observata fuerunt. Jejunium enim,
quod salubritati corporum, & anima-
rum expedit, in Sacris Literis, non tan-
tum summopere commendatur, verum
etiam expressam Divinæ gratiæ promif-
sionem habet.

II. Jejunia vero, quæ ex præcepto
Ecclesiæ servari debent, sunt Quadra-
gesima tota, Dominicis in ea occurren-
tibus exceptis, incipiendo a feria quar-
ta Cinerum, usque ad Sabbatum San-
ctum inclusive. (n) Quatuor anni tem-
pora, (o) quorum primum est, circa
principium Quadragesimæ post Domi-
nicam *Invocavit*, secundum in hebdo-
mada Pentecostes, tertium in Septem-
bri feria quarta post Exaltationis Sanctæ
Crucis, & postremum in Decembri
feria quarta post festum Lucæ. Sunt
autem in singulis Angariis tres dies,
quibus ad jejunandum obligamur, vi-
delicet feria quarta, feria sexta, & Sab-
batum. Item Vigilæ Nativitatis Do-
mini, Pentecostes, Assumptionis B. V.
Mariæ, Nativitatis S. Joannis Baptistæ,
Sancti Laurentii, omnium Sanctorum
& Apostolorum, excepta Vigil. Ss. Phi-
lippi & Jacobi, & S. Joannis Evange-
listæ. (p) Hæc mature pro concione
denuncient Parochi, ne quis forte, cum
non jejunat, ullum ignorantie & in-
obedientie suæ prætextum allegare
possit.

III. Inolevit apud plerosque hic
abusus, quod se jejunio satisfacere ex-
istiment, si tantum a carnibus abstine-
ant. Proinde diligenter instruant Pa-
rochi populum, quomodo & a quibus
jeju-

(k) C. Omnes. c. Conquestus, de Feriis. Concil. Trid. d. locis.

(l) C. Missas. c. Et hoc. de Consecr. dist. 1.

(m) C. Omnes, de Feriis. & ex Synodo Provinc. Mogunt. anno 1549. celebrata. Bulla
Pii V. quæ incipit: *Cum primum Apostolatus officium. Sub dato Romæ 6. Cal. Aprilis*
Anno 1566.

(n) C. Quadragesima, de Consecr. dist. 5.

(o) C. Jejunium, cum duob. seqq. c. Statuimus. d. 76.

(p) C. Consilium nostrum. de

observat. jejun.

jejunandum, & quæ sit differentia inter jejunium & abstinenciam. Jejunium enim non tantum consistit, ut abstinemus nos a cibis prohibitis, sed etiam ut unica cibi refectio in die contenti simus, neve dum a cibis abstinemus, aliarum rerum delicias confectemur, & genio nostro indulgentes in varia peccata prolabamur, parum enim prodest homini corporis abstinencia, si animus peccatis indulgeat. (q)

IV. Atque hæc jejunia ab universis ætatem habentibus Clericis atque laicis ne legitime excusatis, sub periculo & reatu peccati mortalis observanda sunt.

V. Qui evidentis morbi alteriusque justæ causæ excusationem habent, licentiam a Vicario nostro, aut propter moræ periculum a Parocho suo, in scriptis accipiant, eamque quoad morbum de Medici, ubi ejus copia haberi potest, consilio.

VI. Abstinencia est, quando corpus quidem bis aut etiam sæpius in die reficimus, a carnibus tamen & cæteris prohibitis escis abstinemus, prout sub simili peccati mortalis reatu diebus Dominicis Quadragesimæ, & omni feria sexta (r) & Sabbato (s) cujuslibet hebdomadæ per annum, festo Nativitatis Domini, quando in eos dies inciderit (t) excepto, obligati sumus.

VII. Quæ jejunandi & abstinendi ratio eo magis pro concione urgenda & declaranda est a Parochis, quo minus hac nostra ætate fere apud omnis generis & status homines valere conspiciuntur.

VIII. Quibus ob infirmam valetudinem aut aliam justam causam permittitur diebus ab Ecclesia vetitis carne vesci, admoneantur, ne publice & coram familia, sed separatim in aliquo privato cænaculo ejus generis cibum capiant.

IX. Si feria secunda Festum aliquod incurrat celebrandum, quod habet Vigiliam, Sabbato præcedenti jeju-

netur, (u) nec ulterius trahatur Vigilia, quamvis in Sabbatum aliud jejunium incidat.

X. Cum in plerisque Catholicis locis Diœcesis nostræ, feria quarta Cinerum non tantum carnes passim & publice comedantur, sed etiam varii generis stulta spectacula, lusus, tripudia, & comestiones celebrentur, & sic apud plerosque luxu potius, & ingluvie, quam cinere & cilicio Quadragesimæ fiat initium, serio injungimus & mandamus locorum Parochis, ut consuetudines hujusmodi pravas & scandalosas, auxilio Magistratus sæcularis, omnino tollant, & gravissime prohibeant.

TITULUS XXV.

De Scholis privatis.

I.

Magna diligentia adhibenda est, ut juvenus recte educetur & instituatur: est enim adolescentium ætas prona, ad mundi voluptates & illecebras sequendas, (x) quæ nisi a teneris annis ad pietatem, studia & bonos mores informetur, ita vitiis omnium habitus induit, quos postmodum ex ipsorum animis eradicare fere sit impossibile: nam illa puerorum testa nova non facile odorem exuit, quem recens imbibit. Filii tibi sunt, ait Ecclesiasticus, (y) erudi illos, & curva illos a pueritia illorum. Statuimus itaque, ut in singulis Diœcesis nostræ oppidis, Castellis, & celebrioribus pagis juxta cujusque loci necessitatem Scholæ publicæ seu Ludi literarii latini, & germanici pro utriusque sexus Christiana juventute habeantur, in quibus honesta ingenia ad pietatem imprimis erga Deum, obedientiam erga Parentes & Magistratus, tum in moribus bonis, & literis pro cujusque capto, conditione & occasione erudiantur, atque ad usum & commodum Reipublicæ Christianæ idonea redantur. Nullum enim munus Reipublicæ adferri majus, meliusve potest, quam

(q) C. Jejunium, de Consecr. d. 5.

(r) C. Sabbato, de Consecr. dist. 3. & dist. 5. c. Quia dies.

(s) C. Explicari, de observ. jejuniis.

(t) Genes. 8.

(u) Cap. 7.

(r) C. De usu carnis, de Consecr. dist. 3.

c. Quia dies.

(u) C. 1. de observ. jejuniis.

quam si doceatur atque erudiatur juvenis.

II. Proinde hortamur in Domino Ecclesiarum Prælatos & cujuslibet loci Magistratum, (z) ne huic tam pio ac necessario operi desint, sed ubi Scholæ hujusmodi jam institutæ sunt, eas omni diligentia conservent; ubi vero temporum injuria intercidissent, aut hætenus nondum institutæ fuissent, eas, quacunque ratione commode fieri potest, nulla sumptus habita ratione restarent, sive de novo instituant.

III. Præceptores, Magistri & Provifores affumantur idonei Viri Catholici, pii morati & docti, (a) qui antequam munus suum incipiant, coram Parocho loci, fidei Catholicæ Professionem faciant.

IV. Magistri Scholarum, sive latine, sive germanice doceant, illud inprimis curent, ut pueros sibi commissos in rudimentis Catholicæ fidei, juxta formam Catechismi minoris Petri Canisii instruant, atque ad omnem modestiam, Christianosque & bonos mores instituant. Ad quam rem vita Magistrorum magnum adfert momentum, nimirum si talis ea fuerit, in quam nulla justa cadere possit reprehensio: nam ut infantes nutricum, sic pueri vitam & mores Præceptorum sæpe referunt. In prophanis ea prælegant, quæ puerorum ætati conveniunt. Caveant autem, ne authoribus minus probatis, suspectis, aut impudicis utantur, qui fidei & moribus puerorum officere possent.

V. In Scholis Teutonicis puellæ seorsim a pueris masculis instituantur.

VI. Scholas Ecclesiar. & Collegiorum Prælati eorundem, vel ad quos de jure vel consuetudine pertinet, visitent: Scholas vero oppidorum, castellorum & insigniorum pagorum cujuslibet loci Parochi. Ubi tamen minime prohibemus, quin Magistratus sæcularis una cum Parocho per honestos & peritos viros a se deputatos hoc officium præstare possit.

VII. Cæterum diligenter curent ac circumspiciant Scholarum Visitatores, quicumque illi fuerint, ne quid in illis, quæ ad Catholicam Religionem, pietatem & pios mores pertinent, negligatur.

TITULUS XXVI.

De Seminario.

I.

Quantum Clericorum bene instituta Seminaria utilitatis Ecclesiæ Dei adferant, neminem esse arbitramur, qui id ambigat: nam si Divino cultui mancipandi Clerici a teneris, tum in pietate, bonisque moribus, tum in literarum scientia bene instituantur, facile hæreses & schismata extirpantur, Ecclesiæ pristinus nitor, nec non Sacerdotio suum decus restituitur, & per consequens efficitur, ut Ecclesiæ, eruditione, pietate & vitæ puritate mire floreat, & singulæ Ecclesiæ Ministros idoneos ad bene & laudabiliter obeundum munus suum habere possint. Unde non immerito Sacrosancta Tridentina Synodus (b) in singulis Diocesium unum vel plura hujusmodi Clericorum & Ecclesiæ Ministrorum Seminaria erigenda & instituenda decrevit. Quod Decretum licet Nos in hac nostra Diocesana Synodo exequi vehementer desideremus: quia vero cognoscimus hoc tempore propter alias & multorum annorum contributiones, ac varia Ecclesiasticorum Statuum Diocesis nostræ gravamina, tum etiam quod Capitulum nostrum Cathedralis jam antea viginti alumnos Clericos aluerit, ac etiamnum alat, Seminarii erectionem non nisi cum summa difficultate fieri posse, cogimur salutare hoc institutum ad proximam futuram nostræ Diocesis Synodum, melioraque tempora differre. Omnes & singulos Diocesis nostræ Status Ecclesiasticos tam Sæculares, quam Regulares, in Domino exhortantes, ut interea de modo ac ratione tam pii, ac saluberrimi operis instituendi cogitent, & quantum possibile fuerit, ad Dei gloriam, Fidei nostræ & Ecclesiæ Catho-

lic

(z) Ex Conc. Trid. Sess. 5. de Reform. Matrim. c. 1.

(a) Ex d. c. 1. Sess. 5.

(b) Sess. 23. c. 18.

licæ incrementum una nobiscum executioni demandent; quod a Sacro Tridentino Concilio salubriter est constitutum.

Finis primæ Partis.

CONSTITUTIONUM SYNODALIUM PARS SECUNDA.

TITULUS I.

De vita & honestate Clericorum.

I.

Cum nihil fere sit, quod magis & efficacius ad pietatem & Dei cultum homines instruat, quam probata vita & exempla eorum, qui in sortem Domini vocati, (c) Divina munera dispensant, & Ecclesiasticis Ministeriis præficiuntur. Cum enim a rebus sæculi in altiorē sublato locum conspiciantur, in eos tanquam speculum reliqui oculos conjiciunt, ex iisque sumunt, quod imitentur: E contra vero Sacerdotii majestas atque dignitas passim apud plebem, non aliam ob causam vileat, contemnatur, & propemodum concidat, quam propter multorum Ecclesiasticorum hominum levem & minus probatam vitam.

II. Quapropter Clerici nostri vitam, moresque suos omnes ita componant, ut habitu, gestu, incessu, sermone, aliisque rebus omnibus nihil, nisi grave, moderatum, pietate ac religione plenum præ se ferant. (d) Sic luceat lux vestra coram hominibus, (e) ut videant opera vestra bona, & glorificent Patrem vestrum, qui in cælis est. Et quia lux mundi, (f) sal terræ, exemplum fidelium, & aliis nominibus cum laude appellantur Clerici, vehementer optamus, ut hujusmodi nomina re ipsa tueantur: quod, ut faciant, hac nostra Synodali Constitutione præcipimus;

neque impune ferent, qui paterna nostra monita non audierint.

III. Tonfuram Clericalem omnes ferant Ordini suæ convenientem, (g) eamque, quoties opus fuerit, ad minus tamen singulis mensibus renoveant; mysticem, indecoramque barbam nemo alat. Labra præcis pilis paululum aperiantur, ne pili in Sacrificio Missæ Christi Domini Corpus & Sanguinem fumentem impediunt, aut aliqua fortassis Venerabili Sacramento irreverentia fiat.

IV. Oblongos, Germanorum more, aut abscissos deferre capillos cuique liberum ita permittimus, ne tamen vel comæ studiosius nutrantur, vel ita abscissi sint capilli, ut corona conspici non possit.

V. Habitus sit honestus (h) & simplex uniuscujusque dignitati ac statui conveniens, in eo nihil studiosius exquisitum aut nimis abjectum fordidumque habeatur.

VI. In oppidis & locis celebrioribus veste talari, in villis paulo breviori utantur. Cum vero iter faciunt, ne ita brevis & succincta sit vestis, quin fimbria infra genua cadat. In omni vestitu, præsertim externo, color tantum niger adhibeatur. (i)

VII. Vestes, quas domi induunt Clerici, ejusmodi sint, quæ non colore, non ulla habitus specie a Clericali modestia discrepent. (k)

VIII. Collaria plana sint, quæ commode super veste reflecti possint, crispata, lætucata, nimium elaborata & acu picta, quæ militem vel aulicum potius ornant, omnino prohibebimus.

IX. A turgidis & dissectis caligis abstineant, nec calceos ad elegantiam incidant. Torques, armillas & monilia respuant, nec annulum portent, nisi quibus propter officii munus aut honoris gradum sit jure concessus. (l) Eum vero, dum Missæ Sacrificium faciunt, Sacerdotes deponant.

X.

(c) C. Clericus. 12. q. 2.

(e) Matth. 5.

(f) Matth. 5.

(g) C. Prohibere. c. Clerici. dist. 23. c. Clerici 2.

(h) C. penult. de vita & hon. Cler. c. 2. cod. in 6.

(i) d. c. Clerici.

(d) D. Paulus ad Col. 3. & 4. ad Ephes. 5. ad Philip. 4.

(g) C. Prohibere. c. Clerici. dist. 23. c. Clerici 2.

(h) 1. Timoth. 2. Conc. Trid. Sess. 24. de Ref. c. 12.

(k) C. Clerici 2. de vita & hon. Cler.

X. Clericorum arma sunt orationes & lachrymæ; Idcirco statuimus, ne Clerici arma cujusvis generis, sive ad offensionem, sive defensionem ullo unquam tempore deferant. (m) In itinere tamen ensẽm brevẽ, qui pallio tegatur, non alia arma permittimus. (n)

XI. Transgressores circa prædicta pœnis a Sacra Tridentina Synodo definitis coercebimus, atque ad debitam vitæ honestatem revocabimus.

XII. Mensa & supellex Clericorum sit frugalis & modesta, nihil delicatum, nihil sumptuosum, nihil quod non Dei zelum, simplicitatem, & omnium rerum inanum contempnionem testetur. (o) Hospitalitatem non splendidis & sumptuosis conviviis, sed largis elemosynis exhibeant, & Patrimonium Christi non luxuriando consumant, sed in usum Ecclesiæ, & pauperum convertant.

XIII. Clerici omnes accubitus mensis benedicant, & peracto prandio Deo, cujus benignitati omnia accepta ferenda sunt, gratias agant.

XIV. Famulatum pro cujusque statu & dignitate non nisi necessarium, & bonis moribus institutum habeant. (p)

XV. Comeffationes, & compositiones, diurnæ nocturnæ, ad æquales haustus, provocationes sive domi & privatim, sive pulce fiant, maxime detestandæ sunt in Clerico, cum non sine magnis animi, corporis & fortunæ periculis, & incommodis fieri consueverint. Eas proinde sub gravissima pœna Clericis omnibus interdiciamus. (q)

XVI. Et quia frequenter multi Clerici hospitia publica, & diversoria contra Sacrorum Canonum & Conciliorum prohibitionem (r) frequentant,

cum rusticis, & aliis per integros dies & noctes potitant, ex qua turpi & indecora consuetudine, Ecclesiasticus Status plurimum vilescit, præsentium tenore statuimus, ac Vicario & Fiscali nostro serio injungimus, ut, quotiescunque Clericum aliquem in publicis tabernis & diversoriis sic potitantem cognoverint, eum pro prima vice decem florenis, pro secunda decem dierum incarceratione puniant, pro tertia vero vice tanquam temulentum & incorrigibilem officio & beneficio privent.

XVII. In eos autem, qui alias publice ebrii fuerint, vel post ebrietatem sine confessione celebraverint, juxta modum culpæ, aut pecuniaria, aut gravioribus pœnis animadvertant.

XVIII. Casum itineris & honestatis excipimus, ut si quis ad amicum peregrinantem, ad honestas nuptias, aut alia convivia publice in publicis diversoriis haberi consuea vocetur, vel ex alia legitima causa hospitia publica honesta adeat. Quibus tamen casibus memores esse volumus decoris Ecclesiastici, ut Clericali honestate dignos gestus præferant, & verbo & exemplo seipsos exhibeant, sicut Dei Ministros, nemini dantes offensionem. (s)

XIX. Blasphemantes, & ad tertium quodque verbum sine ulla necessitate ac reverentia per Ecclesiæ Sacramenta, per vulnera, crucem & passionem Christi jurantes Clericos Vicarius noster juxta Canonicas (t) Sanctiones severissime & ita puniat, ut alii, si non amore Dei & honestatis, saltem timore gravissimæ pœnæ deterreantur.

XX. Qui choreas sive publice, sive privatim duxerint, larvati quocunque modo inceserint, aut nocturno tempore cum vel sine armis tumultuarie vaga-

vaga-

(m) C. Clerici. 23. q. ult. c. Clerici. de vita & honest. Cler. (n) Facit glossa in d. c. Clerici. de vita & honest. Cler. (o) Conc. Trid. Sess. 22. de Refor. c. 1.

(p) d. c. 1. Sess. 2. (q) Ad Philip. 3. c. A crapula. de vita & hon. Cler. Conc. Trid. Sess. 22. de Ref. c. 1. (r) Can. Apostolorum 53. Conc. Laodic. 24. Conc. Carthag. 3. can. 27. Conc. Trid. Sess. 24. c. 12. de Reform. c. Clerici. d. 44. c. Clerici. 2. de vita & honest. Cler. (s) 2. Corinth. 6.

(t) Conc. Lateran. sub Leone X. Bulla Pii V. quæ incipit: *Cum primum Apostolatus officium.* Sub dato Romæ 6. Cal. Aprilis Anno 1566. Conc. Trid. Sess. 24. c. 12. de Refor.

vagati fuerint, per mensem ab officio suspendantur, & fructibus beneficii priventur.

XXI. Tanta est quorundam Clericorum levitas, ut se in conviviis, symposiis, vel similibus conventibus produtionibus & mimis gerant, varios jocos, dicteria & scommata effingant, & præsentem non tantum ad immoderatos cachinnos, sed etiam ad quædam alia minus honesta permoveant. Quæ cum ordini ac dignitati Clericali valde sint indigna, magnaue sit (u) abominatio, Clericum ante prandium Divina Sacramenta dispensare, a prandio scurræ & joculariorem agere, sub pœna depositionis ab officio & privationis beneficii prohibemus.

XXII. Spectaculis prophanis, hæstulidiis, choreis Clerici (x) sub pœna unius floreni non intersint: facile enim honestæ aures & oculi Divino cultui mancipati, hujusmodi ludicris actionibus distrahuntur.

Quando necesse & cruciamenta improbis hominibus iudicio & sententia Magistratus secularis inferuntur, Ecclesiastici ordinis viri, sub pœna quatuor florenorum nullo modo intersint, (y) iis exceptis, qui consolandi officium illis, qui ad supplicium ducuntur, ex munere vel ad id specialiter vocati, præstant.

XXIII. Sicut Clericorum luxuriosus & Ecclesiasticorum bonorum minus honestas ac prodiga consumptio; ita avaritia ac nummorum nimia & sordida accumulatio apud populum grave generant scandalum. Itaque Clerici præsertim quæstus gratia, negotiis secularibus, mercaturis, alienæ rei procuratoribus, prophanis advocacionibus, decimarum conductionibus, & similibus minime se immisceant. (z) Et quia aliqui sunt Clerici, qui frumenta aut vina tempore utilitatis pretii eorundem coemunt, aut rusticis per annum pecunias sive frumenta ad messum & autumnum certis & illicitis pactis dare solent, ut ea postmodum tempore ca-

ristiæ (*) duplo vel triplo majore pretio vendere possint; quæ cum valde fordium & proximo injuriosum quæstum sapiant, atque etiam in laicis detestemur, sub pœna 20. florenorum, hujusmodi contractus, & vini, frumentive emptiones, Clericis prohibemus.

XXIV. Indecorum etiam est Clericos cauponarios esse, (a) & in ædibus suis vina mensuratim dividendo, rusticos, seu alios quosvis homines bibulos ad diurnas nocturnasque compositiones pretio suscipere, cum accidere soleat, ut plerumque compotatores illi mero æstuant, in omnem libidinem & petulantiam despunt, & cum maximo scandalo clamorosa vociferatione jubilent, obscena, & nonnunquam aperte impia proferant, quandoque etiam omnis generis rixas, conflictus, & sæpe clades committant. Quamobrem serio mandamus omnibus Parochis, Sacerdotibus & Clericis, ne imposterum tabernam erigant, atque in suis ædibus Parochialibus sive Beneficialibus rusticos, & alios quoscumque adventantes, ad compotandum suscipiant. In transgressores Vicarius noster juxta delicti qualitatem pœna arbitraria animadvertat.

XXV. Non tamen prohibemus, quin illi, qui non minimam partem suorum proventuum Ecclesiasticorum in vino colligunt, & jus publice vinum sub mensura vendendi habent, eo jure uti possint, hac tamen conditione, ne per ipsos, sed alias honestas personas seculares hujusmodi vina mensuratim sine aliquo scandalo dividant.

XXVI. Ubi Parochi, aut alii Clerici ad exhibenda quædam convivia, certis personis sive Laicis, sive Clericis, sive utrisque simul obligantur, serio mandamus, & sub pœna decem florenorum præcipimus, ne hujusmodi convivia diebus festivis aut jejuniorum fiant, sed in alios dies differantur. Magis tamen ac libentius vellemus, ut ea, si sine gravi scandalo & offensione fieri possit, omnino tollerentur, atque hujus-

(u) C. His. d. 23.

(x) C. Clerici, de vita & honest. Cler.

(y) C. Sententiam, Ne Clerici vel Monachi.

(z) C. Clerici, 2. de vita & honest. Cler. c. 1. 2. c. Secundum, Ne Clerici vel Monachi.

(*) Charistia convivia erant cognatorum, Ovid. L. 2. Fast. & Valer. L. 2. cap. 1. Pro anonâ gravi ac difficili sumi, sed imperite, ait L. V. Calepinus.

(a) Ex Concil. Agath. Laodic. & Carthaginensi ultimo, & ex Conc. Viennensi.

hujusmodi profusiones pauperibus erogarentur. Ludum aleæ, talorum, taxillorum, tesserarum (b) venationes, aucupia (c) Clero Diœcesis nostræ penitus inhihemus.

XXVII. Tempus, quod a perfolutione Divinorum Officiorum Clericis superest, cum levibus, suspectis & minus probatis personis non transigant, aut conversationibus vanis, & otiosis vel continuis deambulationibus per forum, vicos & plateas non impendant, sed studiis, sacris lectionibus, pietatis & charitatis officiis, aliisque honestis exercitiis consumant.

XXVIII. Recreationibus pro conservanda valetudine, necessariis & honestis, atque a jure permissis, quo minus pro ratione temporis & loci utantur Clerici, non impedimus.

XXIX. Medendi artem quovis modo, cum vel sine incisione, etiam si gratis fiat, Clerici non exercent, (d) nisi a Nobis, vel Vicario nostro condignis pœnis multari velint.

XXX. Si Clericus Clericum vel Laicum probis, maledictis aut convitiis prosciderit, armis aut pugnis percusserit, crinibus aut barba traxerit, lignis, lapidibus, cantharis aut vitris projecerit, membro aliquo mutilaverit, aut membrum inutile reddiderit, præter justam satisfactionem, læsæ parti factam, pro qualitate excessus pecuniâ, carcere, suspensione ab officio, aut privatione beneficii per Vicarium nostrum irremissibiliter plectatur. (e)

XXXI. Sanctimonialium Monasteria quæcunque, etiam si debita clausura in iis nondum sit instituta, ingredi Clericis omnibus, serio non tantum interdiciamus, (f) sed etiam in hoc genere delinquentes præter Canonicas censuras gravissime puniimus.

XXXII. Et quia ut plurimum Clerici ad anniversaria, aut alias exequias in Monasteriis Sanctimonialium celebrandas convocantur; volumus ac man-

damus, ne tales Clerici Monasteria ipsa, quacunque ratione intrent, atque intra vel extra ea, cum Monialibus comedant, sed vel pecuniaria aliqua præsentia contenti statim discedant, aut si ipsis refectio præbeatur, eam extra Monasterium in loco aliquo honesto, & sine præsentia Monialium modeste ac sine ebrietate recipiant. Contrafacientes Vicarius noster severissime puniat.

XXXIII. Denique quæ a Summis Pontificibus, Sacris Canonibus & Oecumenicis Conciliis, maxime vero Sancta Tridentina Synodo de Clericorum honestate ac modestia retinenda, de luxu, scandalo, & quibuscunque criminibus vitandis, copiose & salubriter constituta sunt, eadem sub inibi expressis aut etiam majoribus pœnis, nostro arbitrato, tanquam si hic de verbo ad verbum inserta essent, ab omnibus Clericis Diœcesis nostræ cujusque status, conditionis aut præeminentiæ fuerint, integre servari præcipimus.

TITULUS II.

De Prælati & Canonicis Ecclesiæ Cathedralis & Collegiatarum.

I.

CUM Ecclesiasticæ disciplinæ retinendæ & conservandæ causâ Ecclesiarum dignitates sint institutæ, curent Ecclesiæ nostræ Cathedralis Prælati, Canonici, & Collegiatarum Præpositi, Decani, seu alii Superiores, ut non tantum verbis & correctionibus, sed etiam exemplo suo, cultum Divinum promovere, Ecclesiasticam disciplinam diligenter conservare, atque nos opera & officio juvare studeant.

II. Quo autem commodius & disciplina conservari, & cultus Divinus peragi valeat, maximopere conducit, si Ecclesiarum Collegia non tantum Capituli, sed etiam Chori Statuta habeant.

VVV VV 3

III.

(b) Sæpèd. c. Clerici, 2. de vita & honest. Cler. Concil. Trid. Sess. 24. de Refor. c. 12.

(c) C. 1. & 2. de Clerico venatore.

(d) C. Sententia. Ne Clerici vel Monachi.

(e) C. 1. de Clerico percusso.

(f) Conc. Trid. Sess. 25. c. 5. de Regular. Bulla

Gregorii XIII. quæ incipit: *Ubi gratia.* Sub dato Romæ Idibus Junii Anno 1575.

c. Monasteria, de vita & honest. Cler.

III. Qui dignitates in Ecclesia nostra Cathedrali vel Collegiatis obtinent, juxta Ecclesiarum statuta & consuetudines resideant, ac muneri & officio suo, si ad aliquod obligantur, satisfaciant.

IV. Ecclesiarum Superiores Chori tantum & Capituli excessus discrete puniant, reliquos Nobis, aut Vicario nostro puniendos relinquant. Si quis plus juris & superioritatis sibi assumere & usurpare conatus fuerit, quam legitime competat, eum ab hujusmodi attentatis, censuris Ecclesiasticis revocabimus.

V. Jurisdictioni, quam Decanus Ecclesiae nostrae Cathedralis non in universum Clerum Civitatis Constantiensis, sed tantum in Clerum Ecclesiae Cathedralis, certo modo habet, nihil derogamus, si consueti termini non excedantur.

VI. Canonicorum ordo in Ecclesia antiquus est, inde dicti, quod vel certam Regulam secuti fuerint, vel ad Horas Canonicas in Ecclesia dicendas simul convenerint. Eorum officium est Horis Canonicis nocturnis & diurnis interesse, (g) hebdomadatim celebrare vel Celebranti ministrare. Canonici in Ecclesiis Collegiatis in Choro non sint in sedibus suis otiosi ac muti, sed una cum reliquis psallant, nisi valetudine aut alia legitima causa impediatur.

VII. Canonici a Processionibus solennibus & aliis supplicationibus quibuscunque sine legitima ac necessaria causa se non absint, sed eorum exemplo inferioribus Clericis & laicis ad eorum facta intuentibus, ad pietatem praeant.

VIII. Si quae Praebendae Canonicales, habent annexum ordinem Sacerdotii & onus celebrandi Missas, curent eorum possessores, ut satisfaciant, neque onus in alios rejiciant, nisi approbatis fundationibus aliter sit constitutum. (h)

IX. Ut Canonici Praepositis, De-

canis, aliisque Superioribus suis obedientiam & reverentiam debitam exhibere, ita vicissim Superiores & Praelati Canonici suis amorem, benevolentiam & condignum honorem praestare debent.

X. Distributiones quotidianae in Ecclesiis, ubi plures Sacerdotes sunt, & parva vel nulla praesentiarum distributio est, ita instituantur, ut Tridentini Concilii Decretis, (i) quantum commode fieri potest, satisfiat.

XI. Quum gratiae illae, quas *Exspectativas* vocant, ad Canonicatus & Beneficia vacatura per Sacrum Concilium Tridentinum sublatae sint; (k) ita ut amplius nemini, etiam Collegiis, Universitatibus, Senatibus & aliis singulis personis etiam sub nomine indulti aut ad certam summam vel alio quovis colore concedi, nec hactenus concessis cuiquam uti licere, atque non solum nostra Cathedralis, sed & quaedam Collegiatae Ecclesiae Episcopatus nostri certum expectantium hujusmodi numerum habere consueverint. Ut igitur ejusdem Concilii Decreta debite exequamur, Nos ejusmodi expectantias omnes in Ecclesiis Collegiatis hac nostra Constitutione tollimus & volumus, ut imposterum Canonicatus vacantes non nisi adultis juxta Decreta Sanctorum Canonum, & praesertim Concilii Tridentini qualificatis conferantur. Alioquin collatio aliter facta, sit nulla & invalida. Attamen Capitulo Cathedralis Ecclesiae nostrae nihil innovare cupientes, ob protectionem & favorem Catholici Ordinis Equestris, quibus eandem Ecclesiam nostram profecutus est, & imposterum, ut speramus, prosequetur sub spe approbationis Sanctissimi Domini Nostri Papae permittimus, ut eum numerum expectantium, quem hucusque habuit, retineat ea tamen conditione, ut tales expectantes Clerici sint, atque in aliqua Universitate aut Gymnasio Catholico studeant, bonisque literis incumbant.

XII. In quibus Ecclesiis praebendae

(g) Concil. Trid. Sess. 24. de Reform. c. 12.

(h) d. c. 12. Sess. 24.

(i) C. 3. de Reform. Sess. 22. & c. 15. de Reform. Sess. 24.

(k) Sess. 24. de Reform. c. 19. c. 2. De concess. Praebend. c. Detestando. eod. in 6.

dæ sunt Scholasticæ, ex Canonicis junioribus non dentur, nisi actu in aliquo Gymnasio, vel Studio Generali Catholico existant, suæque pietatis, morum & studiorum testimonium singulis annis Capitulis suis mittant. Quod si hujusmodi juniores Canonici mutato consilio a Statu Ecclesiastico rursus ad Sæcularem transierint, volumus, ut omnes fructus, quos ex Præbenda scholastica perceperunt, restituant, atque super restitutione facienda statim ab initio Capitulis sufficientem cautionem præstent.

XIII. Ecclesiarum Prælati & Canonici, qui Sacerdotes sunt, nec ad certas Missas obligantur, saltem singulis mensibus & præcipuis anni festivitibus prævia confessione Missas celebrent. Cæteri confiteantur, & communicent.

XIV. Quæ supra de honestate Clericorum constituta & infra variis titulis constituuntur, ea omnia non minus Ecclesiarum nostræ Cathedralis & Collegiatarum Prælatos & Canonicos, quam inferiores Clericos concernunt. Quo enim altiori dignitatis gradu collocati sunt, eo majori vitæ puritate conspicui esse debent.

TITULUS III.

De Officio Decani Ruralis.

I.

Quoniam gravis & lata est Pastoralis officii nostri cura, recte a Majoribus nostris Decani rurales certis regiunculis sunt præfecti, qui una Nobiscum onus ferre, nostramque sollicitudinem sublevare possint. Hi, quia sunt quodammodo Pastores Pastorum, (1) & alios exemplo, consilio, verbo & opere juvare tenentur, non nisi viri prudentes, docti, vitæ probatæ, multæque experientiæ esse debent.

II. Itaque vacante aliquo Decanatu talis a Confratribus canonice institutis in Decanum eligatur, qui a Nobis, aut Vicario nostro propter vitæ & eruditionis suæ merita facta prius inquisitione, si opus fuerit, confirmari possit.

III. Electus in Decanum Nobis quamprimum pro præstando solito fidelitatis Juramento & accipienda Confirmatione præsentetur, nec ante officio Decanatus ullo modo fungatur.

Forma Juramenti Decanorum ruralium.

EGO N. juro & promitto DEO Omnipotenti, & Beatæ Mariæ Virgini, Sanctis Pelagio & Conrado Ecclesiæ Constantiensis Patronis, quod Reverendissimo & Illustrissimo Domino Episcopo Constantiensi, & suis Successoribus canonice intrantibus, eorumque Vicario & Officiali pro tempore existentibus fidelis & obediens ero, ejusdem Reverendissimi Domini Episcopi & ejus Ecclesiæ commoda promovebo, & damna avertam, atque officium, ad quod electus sum, fideliter, & pro virili meo, absque omni dolo & fraude exercebo: SIC ME DEUS ADJUVET, ET HÆC SANCTA DEI EVANGELIA.

IV. Ad officium Decani pertinet bis aut ad minus semel in anno cum Confratribus suis Capitulum celebrare, & eis post Divina Officia rite devoteque peracta, hæc nostra Synodalia Statuta sive eorum contenta prælegere, difficultatibus, gravaminibus & incommodis Ecclesiarum consulere, Confratrum suorum vitam, mores, & doctrinam examinare, minores excessus corrigere, cum videre utrum omnes Confratres canonice sint instituti, recteque fungantur suo munere.

V. Graviore Cleri & populi excessus, quibus Ecclesia scandalizatur, item si quos sive Clericos, sive Laicos in hæresim lapsos, vel de hæresi suspectos, vel hæreticorum libros legentes cognoverint, (m) Decani ad Nos, vel Vicarium nostrum referant, ut mature scandalis obviare, & tanta mala, priusquam latius serpant, quantum possibile fuerit, e medio tollere valeamus.

VI. Decani semel quotannis omnes suæ regionis una cum Camerario, vel aliquo ex Deputatis obeant Ecclesiis; Sacristias, vasa, vestes, ornamenta, cæmeteria, sepulturas, prædia & census beneficiorum, Parochorum, aliorumve Clericorum ædes, ac familias visitent, atque cum omni diligentia inspiciant,

(1) C. Singulæ plebes. de officio Archi-Presbyt.

(m) d. c. Ut singulæ plebes.

spiciant, & quid ubique locorum defit, & desideretur, accurate considerent, minora reforment, & majora ad nostram cognitionem referant.

VII. Curent etiam, ut in Decanatibus suis omnia Beneficia Ecclesiastica intra a jure præfixum terminum canonice sine diminutione, sine pactis & reversalibus conferantur. Contrafacientes ad condignam penam Nobis, vel Vicario nostro in scriptis notificent.

VIII. Quæ autem Decani in Capitulis & visitationibus quotannis fecerint, curaverint, cognoverint, ea omnia scripto comprehendant, ut a Nobis, aut Vicario nostro quocunque tempore requisiti, administrationis suæ rationem reddere possint. (n) In negligentes privatione Decanatus, aut aliis penis graviter animadvertemus.

IX. Quando aliquis ex Curatis, seu aliis Clericis ægrotaverit, eum Decani invisant, consolentur & curent, ut ei necessaria tam spiritualia, quam temporalia subministrantur. Si obierit, rerum relictarum per se, vel Camerarium, aut unum ex Deputatis adjuncto Notario, si haberi possit: & duobus testibus, vel Clericis, vel Laicis Inventarium conficiant, hæreditatem totam obfignent, & arrestent, arrestumque sine præscitu Sigilliferi & Fiscalis nostri non aperiunt.

X. Et ne cura animarum per obitum Curatorum detrimentum aliquod patiatur, Decani per mensis spatium a die vacationis per se, vel alios idoneos, & a Nobis ad curam approbatos, Ecclesiis viduatis provideant, atque interim pro rato temporis fructus beneficii percipiant.

XI. Elapso mense, si Ecclesiæ Parochiali, aut alteri Beneficio de Successore nondum prospectum esset, curent Decani, ut per idoneos Clericos, & qui a Nobis specialem commissionem obtinent, Ecclesiis seu Beneficiis debita ministeria impendantur.

XII. Decanatum quorumvis Clerici suis Decanis reverentiam debitam exhibeant, eisque obediant, ad Capitula vocati compareant, aut si legitime

impediantur, excusatores mittant. Vitia & defectus, de quibus a Decanis interrogantur, bona fide indicent, si ab eis de aliqua re admoneantur, si corrigantur, si illis aliquid mandetur, morigeros se exhibeant. Inobedientes & rebelles, quos Nobis a Decanis deferri volumus, gravi pœna afficiemus.

TITULUS IV.

De Camerariis.

I.

Camerarii ærario Capitulari præfati, & Decanis legitime impeditis substituti sunt, sine quorum jussu, consilio & præscitu nil faciant, nihil expediant, census Capituli & multas, quæ quavis ratione debentur, fideliter colligant, & de eisdem Capitulo rationem reddant.

II. Jura Episcopalia & Archidiaconalia exigant, eaque Sigillifero nostro & Archidiaconis mittant: Ut res & jura non tantum Capituli sui, sed universim omnium Ecclesiarum Decanatus debite conserventur, & defendantur, amissæque recuperentur, solcite prospiciant.

III. Ædes Parochiales, & Beneficiales quotannis inspiciant, ne culpa Curati aut alterius Clerici inhabitantis ruinosæ efficiantur, provideant, & quid quisque in ædium suarum reparationem & conservationem impenderit, advertant.

IV. Administrationis, & officii sui, quoties a Nobis, vel Vicario nostro requisiti fuerint, rationem reddant, & Juramentum solitum præstent.

TITULUS V.

De Plebanis, & Ecclesiarum Parochialium Rectoribus.

I.

Gravissimum onus est animarum cura, magnamque tum eruditionem & pietatem, tum prudentiam requirit; quod si diligentius plerique considerarent, non ita passim quasi ex-

panso

(n) d. c. Ut singulæ plebes.

panso velo ad eam suscipiendam curre-
rent, aut certe de iis, quæ ad officium
Curati pertinent, prius se melius in-
formarent, ne fortasse, quod multis
accidere veremur, una cum commissio
grege in præcipitium æternæ damna-
tionis ruant. Quare diligentissime at-
tendere volumus Vicarium & Exami-
natores nostros, ne facile quempiam
ad curam animarum exercendam ad-
mittant, nisi quem virtutis & vitæ me-
rita, atque sufficiens doctrina idoneum
& commendabilem reddant. (o)

II. Parochi socios in Divinis, seu
cooperatores, etiam probandi tantum
causa, nullos assumant, & eorum opera
in Sacramentorum administratione u-
tantur, nisi prius a Vicario nostro
prævio examine legitime & in scriptis
approbatos; neque alienis Parochia-
nis, sive per se, sive per socios suos,
sine licentia proprii Parochi extra ca-
sum necessitatis Sacramenta ullo modo
distribuant.

III. Omnia & singula officia, quæ
ex fundatione, vel laudabili consue-
tudine obire debent Parochi, studiose
exequantur. Sacram Missam diebus
Dominicis, & Festivis nunquam inter-
mittant, (p) & Sacramenta omnia re-
verenter, summaque cum honestate per
Confessionem Sacramentalem, si copia
Confessarii haberi possit, aut saltem
per veram cordis contritionem cum
 proposito confitendi, ab omni peccato
mortali vacui, pro quorumcunque lo-
corum & personarum necessitate admi-
nistrant.

IV. Si quando propter inopiam
plures Ecclesiæ unum tantum haberent
Sacerdotem, concio non in una, & in
altera Ecclesia Missa habeatur, sed in-
teger Divinus cultus in earum singulis
per vices agatur, populusque semper
ad eam Ecclesiam convenire jubeatur,
in qua Missam & concionem simul audi-
re possit.

V. Parochi ægrotos suos non tan-
tum Ecclesiæ Sacramentis provideant,

sed etiam non vocati eosdem sapius in-
visant ac consolentur.

VI. Ex Cancellis, & aliis locis sa-
cris, dies Festos, jejunia, supplicatio-
nes, anniversaria, & his similia, non
prophana & sæcularia promulgent.

VII. Bona, Jura, Privilegia, De-
cimas, census, agros, prædia Eccle-
siæ suæ diligenter & cum discretione
defendant, atque in Urbarium authen-
ticum conscribant, ut distincte cogno-
sci queat, quos proventus & onera
quælibet Ecclesia habeat.

VIII. Ecclesiarum suarum bona &
redditus non oppignorent, ac debitis
gravent, neque decimas aut alios pro-
ventus in damnum Successorum ven-
dant aut diutius locent, quam sit jure
permisum. (q)

IX. Habeant omnes Ecclesiarum
Parochialium Rectores quinque sepa-
ratos libros, (r) in quibus baptizato-
rum, confirmatorum, communicanti-
um, Matrimonia contrahentium, &
defunctorum nomina, cognomina, cum
annotatione diei, mensis & anni dili-
genter & legibiliter inscribant: hoc
enim non tantum ad natalium, matri-
monialium impedimentorum, ætatis
& similibus probationem, sed etiam &
præcipue, ut Pastoribus ovium suarum
ratio melius constet, conducit. Neg-
ligentes Decani inquirant, & Vicario
nostro pro qualitate plectendos dese-
rant.

X. Denique cum pleraque, quæ in va-
riis titulis hujus nostræ Synodi definita
& constituta sunt, Parochos, eorum-
que officium & curam concernant;
Volumus, eisque severe præcipimus,
ut ea omnia & singula sub inibi conten-
tis, & aliis etiam gravioribus pœnis
non tantum per se diligenter observent,
sed etiam ab iis, quorum cura illis com-
missa fuerit, observari faciant & pro-
curent.

TITU.

(o) Conc. Trid. Sess. 24. de Reform. c. 18.

Joan. 21. Actor. 20. c. Sicut. dist. 43.

(q) c. Diaconi. c. Quicquid. 12. q. 2.

(p) Concil. Trid. Sess. 23. de Reform. c. 1.

c. Præcipue. 8. q. 1. c. Gloria Episcopi. 2. q. 3.

(r) Concil. Trid. Sess. 24. de Ref. Matr. c. 1. & 2.

Tomus VIII. Concilior. German.

TITULUS VI.

De Vicariis Ecclesiarum incorporatarum, & Canonica portione.

I.

Vicarii, five perpetui, five ad tempus, sine nostra approbatione & consensu non assumantur, (*) nec semel assumpti amoveantur, nisi alicui ex speciali privilegio, de quo Nobis constare volumus, legitime esset indultum.

II. Et quia Vicarii Parochorum in animarum cura administranda vices gerunt, eadem plane de illis, quæ de cæteris Ecclesiarum Parochialium Rectoribus, & Curatis hinc inde constituta sunt, definimus.

III. Prælati, Capitula, Collegia, Monasteria tam sæcularia, quam Regularia utriusque sexus, & alii quicunque, quibus Ecclesiæ Parochiales sunt incorporatæ, Vicariis suis de congrua & competenti portione ex fructibus Ecclesiæ provideant, unde decenter & pro hujus temporis conditione se sustentare, jura Episcopalia, & Archidiaconalia solvere, hospitalitatem erga pauperes, & alios debitam ac statui suo convenientem exercere, & alia onera impenduntia sufferre possint. (†)

IV. Quod si non fiat, Nos ex officio nostro Pastoralis hujusmodi negligentiam supplebimus, & juxta Canonicas Sanctiones Vicariis de congrua & sufficienti portione, justitia mediante, providebimus.

V. Caveant vero Vicarii, ne Prælati, Collegiis, Capitulis, Monasteriis, aut aliis quibuscunque literas renunciationis seu reversales tradant, quibus se modica & minus sufficienti competentia contentos fore obligent. Idque si a Nobis aut Vicario nostro investiantur, vel ad curam admittantur, se non fecisse, juramento confirmant.

TITULUS VII.

De Sacellanis & aliis inferioris Ordinis Clericis.

I.

Sacellani & alii Clerici, cujuscunque gradus fuerint, attendant officio suo, & ministerium suum diligenter impleant, foundationibus, piisque Ecclesiarum & Beneficiorum suorum consuetudinibus impigre satisfaciant, nec facile & sine legitima causa Ecclesiam suam, præsertim diebus Festis deserant, ut alienam honorent.

II. Qui ad Chorum & Horas Canonicas persolvendas astricti sunt, mature veniant ad Ecclesiam, inter psallendum & cantandum verba non præcipient, sed integre ac devote pronuncient.

III. Sacellani & reliqui Sacerdotes ac Clerici ordinarie singulis mensibus confiteantur, extraordinarie, quoties in peccato mortali fuerint, & celebrare aut communicare ex officio debent, vel expietate volunt.

IV. Ecclesiarum Prælati, Canonicis, & Parochis Sacellani, & cæteri Clerici debitam reverentiam exhibeant, & in omnibus licitis & honestis, præsertim cultum Divinum concernentibus, obedientiam & omnem fidelitatem bona fide promittant ac præstent, paternamque correctionem, si quando exorbitarint, modeste suscipiant. Rebelles in minoribus a Prælati & Parochis puniantur, & in majoribus Vicario nostro plectendi deferantur.

V. Cooperatores quoque suis Parochis ad nutum obediant, neque circa exercitium curæ animarum & Sacramentorum administrationem omnia pro arbitrio suo, sed prout ipsis a Parochis injunctum fuerit, prompte faciant.

VI. Quæ de moribus passim dicta sunt, ea Sacellani & Clerici omnes ad se maxime pertinere sciant. Quamobrem domi suæ sobrie, caste, pieque vivant,

(*) Conc. Trid. Sess. 24. de Reform. c. 18. bend. c. 1. eodem in 6. Vide Bullam Romæ 7. Cal. Novemb. Anno 1567.

(†) C. Extirpandæ. c. Expofuisti. de Præb. quæ incipit: *Ad exequendum. Sub dato*

vivant, ebrietatem fugiant, otium tanquam fomentum omnium vitiorum devitent, & honestis se laboribus occupent. Recordentur se quotidie astare in Ecclesia vultui Dei, cingi Angelorum cohortibus, & habere populi præsentis oculos in se coniectos.

TITULUS VIII.

De Clericis peregrinis.

I.

Cum non infrequenter accidat, ut qui omnino Sacerdotes non sunt, aut si Sacerdotes vel Monachi fuerint, profugi tamen, infames, irregulares, excommunicati, aut aliquo alio Canonico impedimento irretiti sint, sese Missarum celebrationi, concionandi muneri, Sacramentorum administrationi, aliisque Divinis Officiis propria auctoritate ingerant. Idcirco omnium Ecclesiarum Prælatis, Parochis, & ruralium Capitulorum Decanis serio mandamus & præcipimus, ne quemcunque Clericum ignotum ex alia Diœcesi venientem sub quocunque prætextu in Ecclesiis & Decanatibus suis ad concionandum, Sacramenta administrandum, Missam vel alia Divina Officia celebrandum (u) admittant, nisi per Nos, seu Vicarium nostrum fuerit approbatus, atque de tali sua approbatione authenticas literas ostenderit.

II. Si qui contra Prælatorum, Parochorum, sive Decanorum prohibitionem sese nihilominus in ejusmodi Ecclesiastica ministeria ingesserint, vel ingerere attentaverint, ii quamprimum Fiscali nostro significantur, ut jure per Ecclesiasticas censuras & alias pœnas contra eos procedat.

III. Clerici vero peregrini transeuntes, ad Missarum celebrationem admittantur, si ex literis testimonialibus authenticis & probatis de ipsorum ordinatione, ac vitæ morumque honestate constiterit.

IV. Apostatas & fugitivos Monachos in Episcopatu nostro nullatenus

esse ferendos, decernimus, ubicunque deprehensi fuerint, severissime per Nos castigabuntur, & ad sua Monasteria remittentur.

TITULUS IX.

De Residentia Clericorum.

I.

Obtinentes curam animarum quocunque modo in Ecclesiis suis resideant, populumque suæ curæ ac fidei commissum, verbo & exemplo pascant. (x) Quod si quis Curatorum ab Ecclesia sua abfuerit, eum præter alias pœnas adversus non residentes a Sacris Canonibus constitutas, ac peccati mortalis reatum, quem incurrit, absentiæ fructus pro rata temporis suos non facere, nec tuta conscientia, alia etiam declaratione non secuta, illos sibi retinere posse, sed fabricæ, aut pauperibus applicandos fore, decernimus.

II. Caveant Parochi & Curati, ne oves suas metu alicujus periculi, vel tempore pestis unquam deserant. Bonus Pastor, inquit Dominus (y), ponit animam suam pro ovibus suis, mercenarius autem fugit. Quod si fecerint, Deo & Nobis deserti officii pœnas gravissimas dabunt.

III. Ne autem diutius Ecclesiæ Parochiales proprii Pastoris præsentia & residentia destituantur, ad illas nullus assumatur, qui non sit actu Presbyter, aut in tali ætate constitutus, ut infra annum in Presbyterum ordinari possit, & qui personalem residentiam facere velit. Intra præfixum tempus non residentes, aut se ordinari non procurantes, Parochiis, cæterisque beneficiis curatis quibuscunque priventur.

IV. Parochi ab Ecclesiis suis ultra hebdomadam se non absentent sine licentia Decani, & ad longius tempus sine licentia Vicarii nostri Generalis. Absentia vero nulli concedatur diebus solennioribus & ultra bimestre, & nisi interea Vicarium idoneum & approbatum, qui ipsorum vices obeat, cum debi-

(u) Conc. Trid. Sess. 23. de Reform. c. 16. & Sess. 7. c. 1. Bulla Pii IV. *Super residentia.* c. Conquerente, & fere per totum, de Cleric. non resid.

(y) Joan. 10.

Tomus VIII. Concilior. German.

(x) Conc. Trid. Sess. 23. de Reform. c. 1.

debita mercedis assignatione deputaverit. (2)

V. In Cathedrali & quibusvis aliis Ecclesiis Collegiatis Civitatis & Diocesis nostræ Dignitates, Canonicatus aut portiones obtinentibus, non liceat vigore cujuslibet Statuti aut consuetudinis ultra tres menses ad summum a suis Ecclesiis quolibet anno abesse, (a) sub pœna in sæpèdictis Sacri Concilii Decretis comprehensâ. Salvis nihilominus earum Ecclesiarum Statutis, quæ longius servitii tempus requirunt. Ubi tamen circa Ecclesiæ nostræ Cathedralis Statuta, Privilegia & laudabiles consuetudines auctoritate Apostolica aut Ordinaria roboratas, & quibus a Sede Apostolica specialiter non est derogatum, nihil innovare intendimus.

VI. Cætera beneficia qualiacunque simplicia residentiam de jure vel consuetudine exigentia obtinentes, similiter resideant, (b) neque unquam a Beneficiis & Ecclesiis suis sine legitima causa, & Superiorum præcitu & consensu sese abfint.

VII. Dispensationes perpetuæ de non residendo, aut de fructibus in absentia percipiendis nulli juxta mentem S. Trident. Concilii (c) suffragentur: temporales vero ex rationabilibus causis concessas, ita permittimus, si prius eas viderimus, & de earum veritate cognoverimus.

VIII. Excusantur tamen a residentia, qui Romano (d) Pontifici aut proprio Episcopo (e) obsequium exhibent, qui jura & negotia Ecclesiæ seu beneficii sui prosequuntur. (f) Aut si, ut studiorum causâ abesse possit, est alicui specialiter indultum, (g) & si quæ sunt aliæ similes (h) sacris Canonibus expressæ non residendi causæ. Dummodo de iis si dubitari contingeret, per causâ cognitionem coram Superiori factam, sufficienter constet.

TITULUS X.

De Horis Canonicis.

I.

IN recitandis Horis Canonicis Clerici omnes utantur Breviario Romano, aut nostro Constantiensi ad Romanum accommodato. Regulares vero aut eodem, aut approbato Ordinis sui.

II. Obligantur autem ad septem Canonicas Horas quotidie devote recitandas omnes, qui sunt in sacris majoribus Ordinibus constituti, sive Beneficium Ecclesiasticum habeant, sive non: Et omnes ii, qui qualecunque Beneficium cum vel sine cura obtinent, sub reatu peccati mortalis (i) & pœna restitutionis fructuum perceptorum. (k)

III. Sacerdotes Missam celebraturi, prius ad minimum Matutinum cum Laudibus dicant.

IV. Clerici itinerantes, aut ii, qui levi aliquo morbo corripiuntur, non æstiment se ab Horarum recitatione immunes.

V. Causas excusantes, vel non excusantes, a recitandis Horis Canonicis cuique propria conscientia, & pius ac discretus Confessarius dictabit.

VI. Quia vero magna est multorum Clericorum negligentia & malitia, qui, quas debent Horas Canonicas dicere, omittunt, ideo ex Decreto LEONIS Decimi, in Lateranensi Concilio (l) edito statuimus & mandamus, ut Clericus quicumque Beneficium habens cum cura, vel sine cura, si post sex menses ab obtento Beneficio Divinum Officium non dixerit, legitimo impedimento cessante, Beneficiorum suorum fructus non faciat suos pro rata omissionis, recitationis officii & temporis, sed eos, tanquam injuste perceptos, in fabricas hujusmodi Beneficiorum, vel pauperum eleemosynas erogare teneatur: Si vero ultra dictum tempus in si-

mili

(2) d. Sess. 23. de Reform. c. 1.

(b) Conc. Trid. Sess. 24. de Refor. c. 2.

(d) C. Dilectus, de Cleric. non resid.

(f) C. Ex parte 2. eod.

(h) C. Ad audientiam, de Cleric. non resid.

(i) D. Thomas quodlib. 6. & in 4. distinct. 15.

(k) Vide Sylvest. in summa verbo: hora. n. 16.

(a) Concil. Trid. Sess. 24. de Refor. c. 12.

(c) d. Sess. c. 2.

(e) C. De cætero. eod.

(g) C. Relatum. c. Tuæ fraternitatis. eod.

c. Unico. eod. in 6.

(l) D. Thomas quodlib. 6. & in 4. distinct. 15. Panor. in c. 1. de celebr. Miss. & omnes Dd.

(l) Sess. 9.

mili negligentia contumaciter permanferit, legitima monitione præcedente, beneficio privetur, cum propter officium detur beneficium. Intelligatur autem officium omittere, quoad hoc ut beneficio privari possit, qui per quindecim dies illud bis saltem non dixerit, Deo tamen ultra præmissa de dicta omissione redditurus rationem.

VII. Parochi, & alii Clerici Constantiam vel ratione examinis ad curam, vel ob alia negotia venientes, diligenter a Vicario, Fiscali, & Examinatoribus nostris examinentur de modo ac ratione Horarum Canonicarum, & an de præsentibus Breviarium secum habeant: & si quos deprehenderint, qui vel Breviarium secum non sumpserunt, vel Horas secundum Rubricas Breviarii recitare non possunt, eos severissime multa pecuniaria, piis locis applicanda, carcere aut privatione pro qualitate delicti puniant.

TITULUS XI.

De Libris Clericorum.

I.

Clericis, ut ea, quæ officii sui sunt, rectius obire possint, & ne otio, quod in illis vehementer detestamur, torpescant, libri maxime sunt necessarii, quos præter hæc nostra Statuta Synodalia doctioribus Clericis non præscribimus, sed cujusque voluntati liberum relinquimus, modo illos libros habeant, quos vel intuitu ordinis Clericalis, vel ratione officii etiam quilibet ex minus doctioribus Clericis, & qui tenuiorum sunt facultatum, necessario habere teneatur.

Quales sunt:

II. Biblia sacra.

Catechismus Romanus, auctoritate Concilii Tridentini editus.
Catechismus Petri Canisii.
Concilium Tridentinum.
Statuta nostra Synodalia.
Summa casuum conscientie Francisci Toleti Cardinalis.
Manuale Navarri.
Theologia Pastoralis Petri Binsfeldii.

Institutio confessionis Martini Forarii.

Controversiæ, institutiones, meditationes Costeri, & Vincentii Brunii.

Opuscula Ludovici Granatensis.

Libellus Thomæ de Kempis de imitatione Christi, & alia ejusmodi opuscula.

Pro Concionibus vero Eckius, Clitoveus, Nausea, Hoffmaisterus, Eisengrinius, Costerus. Item Postillæ Feuchtii, Petri Canisii, Schereri, & aliorum probatorum Authorum.

TITULUS XII.

De Collationibus Beneficiorum, & Jure Patronatus.

I.

Multi sunt, præsertim ex Patronis Laicis, qui quid sit Jus Patronatus, & quid Juris in beneficiorum collatione sibi competat, minus intelligunt, dum se pro libitu suo, tanquam essent Domini proprietarii beneficiorum, de beneficiis patronatus disponere posse existimant, unde postmodum multa contra Jura & Canones inconvenientia, & maxima salutis animarum dispendia suboriuntur.

II. Jus Patronatus nihil aliud est, quam potestas præsentandi Episcopo, aut alteri etiam inferiori, qui Jus instituendi habet Clericum idoneum instituendum ad beneficium vacans. (m) Hinc facile quis intelligit præter præsentationem Patrono nihil Juris in beneficio patronato competere. Itaque omnes Ecclesiarum & beneficiorum Patronos, sive Laicos, sive Ecclesiasticos, in Domino vehementer hortamur, ut salutis propriæ ac subditorum suorum, memores hujusmodi Jure Patronatus, quod sibi legitime vendicant, minime abutantur, sed juxta Sacrorum Canonum (n) & Trid. Conc. (o) præscriptum Ecclesiis & beneficiis suis patronatus provideant.

III. Et quidem Laici, quibus de jure in præsentationibus variare permisum est, (p) intra quatuor menses,

X x x x x 3 Eccle-

(m) Hostiens. in summa de Jure Patronatus.

c. Nobis. de Jure Patronatus.

(n) C. Piæ mentis, cum seq. 16. q. 1.

(o) Sess. 25. de Refor. c. 9. Sess. 14. de Refor. c. 12.

(p) C. Cum autem. c. Quod autem. de Jure Patron.

(q) Ecclesiastici vero Patroni, quibus variatio jure prohibita est, intra sex menses (r) personam idoneam præsentent. Quo jure etiam eum, qui jus nominandi habet, uti volumus.

IV. Quod si intra præscriptum tempus jus suum neglexerint, Nos auctoritate Ordinaria vacantibus Beneficiis ex jure devoluto pro illa vice providebimus.

V. Patroni Ecclesiarum & Beneficiorum quorumcunque semel legitime præsentatos & investitos Clericos, sub pena excommunicationis, & amissionis Juris Patronatus propria auctoritate non amoveant, (s) vel ita tractent, ut beneficia sua vel deferere, vel resignare cogantur. Contra intrusos suspensione, excommunicatione, aliisque juris penis procedemus.

VI. Literas reversales, pacta illicita, juri & sacris Canonibus contraria, promissiones Simoniacas, a præsentandis Patroni non extorqueant, aut etiam sponte a Clericis oblata acceptent. (t) Quod cum ab aliquo Clerico factum fuerit, eum Vicarius noster non canonice, sed carcere investiat. Reversales autem & pacta, quæ juri & æquitati non repugnant, ita admittimus, si per Nos, vel Vicarium nostrum prius examinata & approbata fuerint.

VII. Patroni Beneficiis suis Patronatis, vel Clericis præsentatis pensiones, collectas, aut alia onera qualiacunque nova & insolita sine Sedis Apostolicæ, aut nostræ auctoritate non imponant, neque decimas, agros, vineas, prata, sive in toto, sive in parte, aut aliquam aliam partem beneficii quovis prætextu sibi vindicent, ac usurpent, (u) sed omnia Sacerdoti legitime instituto, integre & sine diminutione alia relinquunt. (x)

VIII. Jura Patronatus pretio non emanantur, nec vendantur, (y) licet

cum Universitate rerum temporalium simul transferri possint. (z)

IX. Clerici universi per Civitatem & Diocesim nostram Constantiensem ubilibet constituti, Collatoribus seu Patronis suis omnem debitam reverentiam exhibeant, (a) & circa officii sui functionem, ad quam de jure, de fundatione, aut alia rationabili ac pia consuetudine tenentur, ita se gerant, ne Patroni justam de illis conquerendi causam habeant.

X. Quæ, si minus faciant, aut alias vitam Clerico indignam traducant, hortamur in Domino omnes & quoscunque Patronos, ut deposito omni affectu & indignatione, solam Dei gloriam & animarum salutem considerando, ea Nobis, vel Vicario nostro referant. (b) Promittimus vicissim eisdem, Nos apud Officiales nostros Ecclesiasticos curaturos tantumque effecturos, ut contra hujusmodi Clericos, justitia median- te, & prout juris fuerit, ad Canonicas penas pro ratione delicti, quantocius fieri potest, absque longiori mora procedant.

TITULUS XIII.

De Institutionibus.

I.

Nullus Beneficium, qualecunque sit, sine Canonica institutione, a Nobis, vel ab eo, cui jus instituendi competit, possideat, multo minus ministerio aut fructibus beneficii, quos absque Investitura suos non facit, sese ingerat. (c)

II. Ad Beneficia Parochialia, vel alia Curata assumpti, Sacramenta non administrent, nec quiequam faciant, quod curæ animarum sit annexum, nisi prius approbati & investiti fuerint. Quomodo enim eos ligare & absolvere possunt, in quos ipsis nulla adhuc attributa est jurisdictio & potestas?

III.

- (q) C. Unico. eod. in 6. (r) d. c. Unico. (s) C. Præter ea, de Jure Patron. (t) C. Non satis. c. Cum in Ecclesiæ. de Simon. & passim. 1. q. 1. cum 5. quæst. seqq. (u) Concil. Trid. Sess. 25. de Refor. c. 9. (x) Tor. tit. Ut Ecclesiastica Benefic. sine diminutione conferantur. c. Præterea, de Jure Patron. (y) C. De jure. eod. tit. de Jure Patron. (z) C. Ex literis. c. Cum sæculum. eod. (a) C. Nobis. de Jure Patron. (b) C. Filiis. 16. q. 7. (c) C. Ex frequentibus. c. Cum venissent. de Institut. c. Præterea, de Jure Patronatus.

III. Qui ex privilegiis, aut alia legitima causa a Nobis approbata investiri non solent, pro Investitura commissiones ad curam animarum exercendam in scriptis, & sigillatas recipiant, atque de triennio in triennium renovent.

IV. Quod si ad inferiores alicujus Curati institutio pertinet, talis nihilominus ab Examinatoribus nostris ad curam examinetur, alioquin institutio ab inferioribus facta, irrita sit & inanis. (d)

V. Et quia, juxta Apostolum, nemini cito manus sunt imponendæ, (e) volumus, ut ad aliquod Beneficium Ecclesiasticum præsentatus non prius instituat, antequam ex Cancellis publice proclamatus, & terminus consuetus effluxus fuerit, ut interea de vita, moribus & sufficienti doctrina instituendi cognosci possit.

VI. Faciat instituendus tum Professionem fidei Catholicæ, tum infrascriptum juramentum, aliaque præstet, quæ in his Statutis a Clericis exigimus.

VII. Decani & Camerarii rurales, quos in hac parte Executores constituimus, nullum Clericum in suo Decanatu absque legitima Investitura vel commissione beneficium possidere, (f) & in eo ministrare permittant; Inobedientes Vicario nostro puniendos deferant.

Juramentum Investiendorum Clericorum.

EGO N. Rmo & Illmo Domino Episcopo Constantiensi, ejusque Vicario & Officiali pro tempore existentibus fidelis ero, & mandatis eorundem obediam, ac ea reverenter exequar. A beneficio, ad quod institui peto, sine licentia & consensu Episcopi, aut ejus Vicarii non discedam. Res, decimas, bona & jura omnia Ecclesiæ & beneficii, nec non calices, libros, & alia ornamenta, si quæ ad illud spectantia habeat, non alienabo, sed conservabo & defendam, & in quantum ablata, vel alio quocunque modo alienata fuerint, summis viribus recuperare studebo. SIC ME DEUS

ADJUVET, ET HÆC SANCTA DEI EVANGELIA.

TITULUS XIV.

De Resignationibus Beneficiorum.

I.

Beneficiorum Ecclesiasticorum resignationes, quæ sine legitima causa fiunt, semper fuerunt odiosæ, & Sacris Canonibus prohibita, præsertim quando ii, quibus animarum cura commissa est, ex levissimis causis, & spe pinguioris beneficii oves sibi creditas deferunt, atque ad alias oves, non tam ut illas, quam ut se ipsos pascant, transeunt: cum enim inter Pastorem & Ecclesiam, quasi Matrimonium aliquod spirituale contrahatur, minime tolerari debet, ut facilis fiat inter eos separatio.

II. Itaque Resignationes Beneficiorum quorumcunque non fiant, nisi ad manus Summi Pontificis, nostras, vel Vicarii nostri, aut ejus Collatoris, qui de jure resignationes recipere potest. Et quidem quæ coram Nobis, vel aliis inferioribus fiunt, pure & simpliciter absque favore alicujus fieri debent, ne magis successiones, quam dimissiones dicantur. Factæ cum conditione aliqua Juri contraria, aut in favorem alicujus puræ censentur. Non tamen prohibemus, quin a Resignante pro aliquo alio preces non tamen obligatoriæ interponi possint, aliter factæ resignationes nullus sint effectus.

TITULUS XV.

De pluralitate Beneficiorum.

I.

Eos, qui plura Beneficia curata, aut alias incompatibilia possident, veteres & recentes Canones constanter damnarunt. (g) Nos Decreto (h) Sacræ Tridentinæ Synodi in hærentes, illud de verbo ad verbum his nostris Statutis Synodalibus inferendum duximus,

(d) Concil. Trid. Sess. 25. de Reform. c. 9.

(f) C. 1. de Regul. Jur. in 6.

(b) Sess. 24. c. 7.

(e) 1. ad Timoth. 5.

(g) C. 1. in tantum. c. Ad hæc. c. Cum non ignoret.

Concil. Trid. Sess. 7. c. 2. & 4.

mus, omnibus & singulis Dicecesis nostræ Ecclesiasticis quibuscunque sæcularibus & Regularibus serio mandantes, ut hujusmodi Decretum sub pœnis in eo contentis quam diligentissime observent.

” Cum Ecclesiasticus Ordo pervertatur, quando unus plurium officia occupat Clericorum, sancte sacris Canonibus cautum fuit, neminem oportere in duabus Ecclesiis conscribi: Verum quoniam multi improbæ cupiditatis affectu se ipsos, non Deum decipientes, ea, quæ bene constituta sunt, variis artibus eludere, & plura simul beneficia obtinere non erubescunt; Sancta Synodus debitam regendis Ecclesiis disciplinam restituere cupiens, præsentī Decreto, quod in quibuscunque personis quocunque titulo, etiam si Cardinalatus honore fulgeant, mandat observari; statuit, ut imposterum unum tantum Beneficium Ecclesiasticum singulis conferatur, quod quidem si ad vitam ejus, cui confertur, honeste sustentandam non sufficiat, liceat nihilominus aliud simplex sufficiens, dummodo utrumque personalem residentiam non requirat, eidem conferri. Hæcque non modo ad Cathedralæ Ecclesiæ, sed etiam omnia alia beneficia, tam sæcularia, quam Regularia quæcunque, etiam commendata pertineant, cujuscunque tituli ac qualitatis existant. Illi vero, qui in præsentī plures Parochiales Ecclesiæ, aut unam Cathedralæ, & aliam Parochialem obtinent, cogantur omnino quibuscunque dispensationibus, ac unionibus ad vitam non obstantibus una tantum Parochiali, vel sola Cathedrali retenta, alias Parochiales infra spatium sex mensium dimittere, alioquin tam Parochiales, quam Beneficia omnia, quæ obtinent, ipso jure vacare censeantur, ac tanquam vacantia libere aliis idoneis conferantur; Nec ipsi antea illa obtinentes, tuta conscientia fructus post dictum tempus retineant.” Hactenus Concilium.

II. Dispensationes ad plura Curata five jam acquisitas, five imposterum acquirendas non admittimus: Ad alia Beneficia incompatibilia ita toleramus, si prius a Nobis cognitum fuerit, eas omni suspitionis, falsitatis, aut alterius cujusdam sub- & obreptionis vitio carere.

TITULUS XVI.

De Simonia.

I.

Simonia nihil aliud est, quam rei spiritualis vel spiritualibus annexæ cum aliquo temporali facta commutatio. (i) Committitur dupliciter pacto & mente.

II. Pacto, cum aliquid vel datum est, vel de dando tractatus intercessit, & conventio: Mente, cum nullum quidem intercedit pactum, sed sola prava dantis aut recipientis, mens & intentio concurrit. Et quidem in variis rebus varie, maxime vero in Sacramento- rum & Divinorum administratione, atque in Beneficiis Ecclesiasticis conferendis, acceperandis, resignandis & permutandis. (k) Quæ fufius ex Navarro, Toletō, aliisque Doctoribus peti poterunt.

III. Hoc crimen, quod cæteris est detestabilius, licet a Deo in nova & veteri lege graviter vindicatum fuerit, ejusque tanta sit labe, ut ad ejus accusationem etiam servi contra Dominos & quilibet criminosi, (l) qui alias regulariter personam in judicio standi non habent, (m) admittantur, illud tamen apud multos ita commune esse, cum magno animi nostri dolore intelleximus, ut quod gravissimum & hæreticæ pravitati simillimum, multisque valde periculosis casibus obnoxium est peccatum, ipsi vel pro nullo, vel saltem pro levi aliquo errato agnoscant. Unde Vicario & Fiscali nostro districtè mandamus, ut de hac tam execrabili labe, præsertim quoad Clericos, quam diligentissime inquirent, & si quos eadem irretitos deprehenderint, gravissime

(i) Abb. in c. Nemo, de Simonia.

(k) C. Cum Ecclesiæ. c. Suam, de Simon. c. Si quis objecerit. 1. q. 3. Concil. Trid. Sess. 21. de Refor. c. 1. & Sess. 24. c. 14.

(l) C. Tanta, de Simon. c. pen. 3. q. 4.

(m) L. Vix certis. ff. de jud.

sine pro modo & qualitate Simoniz, incarceratione, privatione vel depositione puniant.

IV. Confessarii quoque, quantum possunt, enitantur hanc pestem ex animis sibi consentientium evellere.

V. Pecunias quascunque pro ingressu & statutorum redemptione, item pro adipiscenda alicujus dignitatis, Canonici aut alterius beneficii possessione dare & recipere ita concedimus, si moderate fiat, & pecunia omnis in pium usum, atque ad Ecclesiz & fabricz necessitatem convertatur. (n) Dulciaria, Stophas & convivia omnino tol- limus.

VI. Cæterum si quid sponte, pure, sine pacto & conventionem qualibet, fuerit gratis oblatum, illud sine scrupulo Simoniaz pravitatis recipi potest. (o) Quod idem obtinet ex contrario, si quid non sponte quis dederit, sed ut indebit illatam molestationem super quæsito jure redimat, dare coactus fuerit. (p) Quibus tamen casibus sinceram conscientiam & discretum Confessarium requirimus.

TITULUS XVII.

De Concubinato.

I.

Quia propter incontinentiaz crimen in Clericis non tantum mirum in modum homines laici offenduntur, verum etiam indignum valde est, eos, qui Divino cultui sese addixerunt, & quotidie Sacrosancta illa & tremenda Sacrificii Mysteria tractant, in impudicitiaz fordibus & immundo concubinato versari. Ideo Clericis omnibus, cujuscunque status & conditionis fuerint, qui in Dicecesi nostra commorantur, serio præcipimus & mandamus, ut honestatis & propriæ salutis memores, non tantum a concubinis abstineant, easque, si secum habeant, quantocius

expellant, sed etiam cæterarum mulierum quarumcunque, de quibus aliqua possit esse suspicio, consortium & familiaritatem fugiant: mulierum enim nimia consuetudo Sacerdoti, quem castitas & continentia perpetuo ornare debent, non convenit. (q) Et licet castitas quamvis non sine magna difficultate conservari, raro tamen bonum nomen in muliebri consortio retineri potest.

II. In familia sua Clerici mulieres consanguineas, vel alias honestas & ætate maturas, de quibus suspicio sinistra facile concipi non possit, habeant; (r) Quam suspensionem vitare nequeunt, qui mulieres juvenes, cultas, procaces, otiosas, impudentes, mali nominis ac famæ, aut quas antea actæ vitæ macula contaminat, vel secum alunt, vel frequenter ad se admittunt.

III. Si quis deinceps in turpissimo concubinato versari deprehensus fuerit, contra eum Vicarius noster juxta Canonem a Tridentino Concilio adversus concubinos editum (s) si ne ullo respectu personæ, dignitatis aut status procedat.

IV. Pari modo contra eos, qui fornicationis simplicis, aut suspectæ familiaritatis convicti fuerint, procedi volumus.

V. Ecclesiarum Prælati & Decani rurales, si unum vel plures Clericos in Ecclesia vel Decanatu suo concubinos & fornicarios, seu de concubinato & fornicatione suspectos cognoverint, eos Nobis, aut Vicario nostro, vigore præstiti sui juramenti denuntient.

VI. Grave etiam peccatum est, homines solutos concubinas habere, gravissimum vero uxoratos quoque in hoc damnationis statu vivere. (t) Eos Parochi, si ab eis ter admoniti fuerint, nec concubinas ejecerint, ab ingressu Ecclesiz arceant; quod si nec hoc modo resipiscant, Nobis, aut Vicario nostro

(n) Concil. Trid. Sess. 24. de Reform. c. 14. c. Placuit. 1. q. 1.

(o) C. Dilectus. 2. c. Tua. 2. de Simon.

(q) C. 1. & 2. De cohabit. Cler. & mulier. c. Interdixit. 32. dist. c. Cum omnibus. c. Volumus. c. Fœminas. d. 81. Concil. Trid. Sess. 21. de Reform. c. 14.

(r) d. c. 1. De cohabit. Cler. & mul.

(s) d. Sess. 25. c. 14.

(t) C. 15. Qui. d. 34. c. Si concubinæ. de sent. excom. c. 2. in fin. de cohabit. Cler. & mulier.

stro manifestent, ut excommunicationis gladio eos ad meliorem mentem reducamus.

VII. Sed & concubinas, quæ post hac sive cum Clericis, sive cum Laicis cohabitaverint, per excommunicationis latæ sententiam ab Ecclesia expellimus. Quas etiam, ut e suis Jurisdictionibus temporalibus Magistratus sæcularis expellat, eum in Domino requirimus & hortamur.

TITULUS XVIII.

De Usuris & aliis Contractibus illicitis.

I.

Usuram omni jure naturali, (u) Divino, (x) Canonico (y) & Civili (z) prohibitam, ad perniciem populi latius manantem pro nostri muneris cura reprimere, cupientes, quædam hujus generis delicta ex Sacrorum Canonum, & probatorum Patrum sententiis congestimus, quæ quia frequentius ab utroque Ordine Ecclesiastico-rum & Laicorum in Diocesi nostra committi animadvertimus, ea præcipue ac nominatim hic prohibenda duximus.

II. Ex mutuo cuicunque facto nihil præter sortem capitale ex conventionem percipiat: unde eos, qui passim cuilibet solius lucri intentione mutuo dant, ut pro centum quinque vel plures florenos, aut aliquid pecunia æstimabile, salvo semper capitali, recipiant, proprie usurarios esse, & in æternæ damnationis periculo versari declaramus. (a)

III. Nec refert etiam, si pecuniæ sint pupillorum, (b) & viduarum, aut locorum piorum: quamvis enim Curatores pupillorum & Ecclesiarum bo-

na augere teneantur; illud tamen non per contractus usurarios, sed honestos ac licitos fieri debet. (c)

IV. Contractus emptionis & venditionis annuorum censuum de se liciti, in quibus clausulæ & conditiones apponuntur, quæ substantiam & speciem contractus mutant, usurarii sunt. Ita quoque, si literæ reversales, instrumento emptionis legitimo confecto contrariæ conficiantur, usura committitur.

V. Qui in hujusmodi annuorum censuum contractibus de centum plures, quam quinque florenos recipit, qui pecuniam majori pretio, quam communiter accipitur, qui incerta debita vel certa, difficilis tamen & sumptuosæ collectionis, (d) item qui una cum pecunia vinæ, frumenta, aut alia quævis communi & ordinario, sive majori pretio, quæ postmodum tali pretio vel saltem sine damno vendi nequeunt, venditoribus obrudit, qui de centum decem aut plures florenos honorarii titulo sibi reservat, vel a venditoribus extorquet, usuram committit.

VI. Contractus damni emergentis, & lucri cessantis, si intra legitimos Juris terminos consistant, adeo non sunt improbandi, ut etiam eorum ratione & intuitu liceat lucrum ex mutuo quærere. (e) Hodie tamen his contractibus variæ & perniciosæ usuræ a plerisque palliari solent, quas in Clericis Nos severissime castigabimus; Laici vero, si non in præsentem, certe in futura vita hujus suæ dolosæ iniquitatis habebunt ultorem Deum.

VII. Qui pecunias, frumenta, & alias merces rusticis per annum dant, ut tempore messis vel Autumni frumenta vel vina, pretio minori, quam sit communis, & a Magistratu facta taxa, ab illis recipiant, usuram committunt.

VIII.

(u) D. Thom. 2. 2. q. 78. art. 1. & 2. Binsfeld. ad c. 3. de Usuris, q. 1. conclus. 1. ubi dicit esse communem opinionem Theologorum & Jurisperitorum.

(x) Levit. 25. Exod. 22. Ezech. 18. & 22. Ps. 14. Luc. 6. c. Præsent. c. Super eo. de Usuris.

(y) Ext. per totum tit. de Usur. d. 46. causâ 14. q. 45. & 6. per totum.

(z) Constitutio Maximiliani I. in Comitibus Augustanis anno 1500. & Caroli V. an. 1548.

(a) C. Consuluit. de Usur. Lucæ 6. c. Mutuum date nihil inde sperantes.

(b) C. Super eo. de Usuris.

(c) Covar. lib. 3. var. ref. c. 2. n. 1. Ang. Sylvest. & alii in verbo: Tutela.

(d) Sylvest. in verb. Usura. 1. n. 6. allegans Barth. & Bald. in l. cum allegas C. de Usur.

(e) Videatur Covarr. var. resol. lib. 3. c. 4. Card. Tolerus de Sacerd. instruct. lib. 5. c. 32. & 33. Navar. in Manual. c. 17. n. 211.

VIII. Frumentum aut vinum corruptum, vel non adeo bonum, mutuo datum, ut postea integrum melius & carius recipiatur, usuram sapit, (f) etiam si restitutio differatur in tempus debitori commodum.

IX. Monopolia, quæ auctoritate privata sunt, aut in manifestum Reipublicæ damnum conceduntur, damnamus. (g)

X. Mercatorum & Opificum pacta, quibus inter se conveniunt de non vendenda aut emenda aliqua merce vel opere infra aut ultra certum pretium, illicita sunt & iniqua. (h)

XI. Qui vina, frumenta, vel alia ad vitæ sustentationem necessaria cœmunt, ut tempore caritatis dividere possint, tanquam Reip. perniciosi non sunt ferendi.

XII. Clerici quicunque sive pauperes, sive divites usurarie quocunque modo ne contrahant, aut aliis injustis & illicitis contractibus sese ingerant, nisi velint & pecuniam amittere, & aliis pœnis Canonici subiacere. (i) Si quid de patrimonio Christi Clericis superest, pauperibus erogando, aut in alios pios usus convertendo, Christo dent mutuo, certi, se usuram centenariam æternæ retributionis recepturos.

XIII. Laicos, ut ab hac & sibi & proximo suo valde exitiali labe desistant, & si quid hætenus minus juste perceperunt, cum Zachæo, (k) si non in quadruplo, saltem in simplo restituant, (l) in Domino vehementer obtestamur. Incorrigibiles usurarios, usurarum proxenetas, & ministros, & eos, qui usuraria instrumenta conficiunt, Communionem altaris, & sepultura Christiana privabimus. (m)

XIV. Hætenus de hoc valde communi vitio, quod jam prope omnem vitii naturam apud plerosque exiit,

Parochos & Concionatores aut nunquam, aut raro, & tunc quidem non nisi generatim verba fecisse intelleximus, forte quod & ipsorum aliqui in eodem luto hæsitaverint, vel quod propter commune vitium etiam communem populi offensam pertimuerint. Id ne amplius intermittatur, omnibus Ecclesiarum Parochis, Concionatoribus & Curatis serio præcipimus, & sub gravi pœna mandamus, quatenus se de hoc pernicioso vitio ex piis, probatisque libris & Doctoribus diligenter informant, ac pro concione ea prudentia & dexteritate populum instruant, ut, quid sibi in hujusmodi contractibus licite sit permissum, & quid sub gravissimis pœnis vetitum, quilibet facile cognoscere queat.

XV. Confessarii quoque hac in re operas suas sedulo impendant, neque usurariis, nisi manifeste se emendent, absolutionis beneficium impertiant, ut vel hac confusione ad saniores mentem reducantur.

XVI. Denique Principes & Magistratus sæculares in Domino hortamur, ut ipsi etiam huic pesti, quibus poterunt remediis, occurrant.

TITULUS XIX.

De Ecclesiis, Capellis, Oratoriis & Altaribus.

I.

Ecclesiæ, Capellæ & Oratoria ad Divinum cultum destinata, sine nostro consensu, nullibi ædificentur: (n) ubi collapsa aut ruinosa sunt, sumptibus fabricarum, aut eorum, qui ad hujusmodi restaurationem vel de jure, vel de consuetudine obligati sunt, reparentur; in defectum horum Parochiani operas, servitia & subsidia sua præstent. (o)

II. Si consecratæ non sint Ecclesiæ, quantocyus consecrentur, (p) & pol-

(f) C. Consuluit. de Usur. Sylvest. in verbo: Usura. 1. n. 17. circa fin.

(g) L. unica Cod. de Monopol. (h) Sylvest. in verbo: Negotiatio. n. 2. & in verbo: Emptio. n. 19. (i) C. 1. Ext. de Usuris. c. Præterea. eod. c. 4. c. 8. 14. b. 4.

(k) Matth. 19.

(l) C. Consuluit. c. Quam perniciosum. de Usur.

(m) C. 3. de Usuris.

(n) C. Nemo Ecclesiam. de Consecr. d. 1. Cum olim. 14. §. Insuper. & ibi glos. de Privileg.

(o) Videatur Conc. Trid. Sess. 21. de Reformat. c. 7.

(p) C. Ecclesias. 16. q. 7. c. fin. de Consecr. Eccl. vel alt. c. Missarum. de Consecr. d. 1.

pollutæ reconcilientur: (q) quemadmodum n. non alii, quam sacrati Deo Sacerdotes Sacramenta ministrare debent, sic non in aliis, quam Domino consecratis locis Sacrificia offerre licet. (r)

III. Ubi propter pacem publicam communes sunt Ecclesiæ Catholicis & Hæreticis, & humatione cadaveris, vel alio modo polluta sit Ecclesia, nec debito modo reconciliari possit, super altari portatili consecrato Sacrificium celebretur.

IV. Et quia aliquando Ecclesiæ vel Cœmeteria a quibusdam temere polluantur, statuimus, ut quicumque deinceps Ecclesiam vel Cœmeterium violenta sanguinis aut voluntaria seminis effusione, vel Hæretici aut Excommunicati humatione (nisi in locis utriusque Religionis, quoad Hæreticorum humationem aliter fieri non possit) execraverit, ac polluerit, eum non tantum juxta Sacros Canones graviter puniemus, sed etiam in expensas omnes, quæ pro reconciliatione hujusmodi pollutæ Ecclesiæ vel Cœmeterii impendi debent, condemnabimus.

V. In omnibus Ecclesiis, ubi asseratur Venerabile Sacramentum, sit lampas perpetuo noctes atque dies ardens: magna Crucis imago in medio Ecclesiarum in sublimi collocata, ut ab omnibus introeuntibus conspici possit: Vas item pro aqua benedicta, qua se introeuntes & exeuntes, religiose & Catholico more aspergant, secumque domum adferant, non extra, sed intra Ecclesias constitutum.

VI. Nihil prophanum, nihil inordinatum, & nimia vetustate ac carie corrosum aut deletum, in Ecclesiis relinquantur; omnia sint ordine pulchro distincta, decenter ornata ac munda.

VII. Aëdificii, vel ii, quorum est officium, Ecclesias sæpius in anno verant, Altarium tabulas, imagines, picturas, statuas, fenestras, parietes & fornices a pulveribus ac araneorum te-

lis purgent, & reliqua omnia agant, ut in omni Ecclesiarum loco nitor & munditia appareat.

VIII. In Ecclesiis sint piscinæ sacræ ad ablutiones rerum sacrarum prociendas. Piscinæ autem locus sit sub terra fornice tectus, in quem juxta Sacros Canones aqua, cineres, & id genus alia immitti debent, ut terra hauriantur. Qui locus in Sacristia vel prope Altare, vel in alio Ecclesiæ aut Cœmeterii angulo pro cujusque loci commoditate construi potest. Clavem, qua referatur, semper habeat Parochus.

IX. Sint Ecclesiis annexæ Sacristiæ, non in humido, sed quantum fieri potest, paulo altiori & sicciori loco constructæ, in quibus Ecclesiarum sacra vasa, vestes, & cætera paramenta decenter ac ordine conserventur.

X. Suggesti eo loco constituantur, ut Concionatores ex omni parte Ecclesiarum commode audiri & intelligi possint. Confessionalia ita fiant, ne Confessarius & confitens se invicem aspiciere possint.

XI. Viri & mulieres in Ecclesiis promiscue non stent, aut fedent, sed separatim illæ in hoc, hi in altero latere pro cujusque Ecclesiæ commoditate.

XII. Mendici tempore Divinorum Officiorum in Ecclesiis hinc inde vagari, & elemosynas petere non permittantur. (s)

XIII. Nundinationes, emptiones & venditiones qualiumcunque rerum in Ecclesiis, Capellis, Cœmeteriis, deambulatoriis, vulgo *Creutzgãng* dictis, & similibus locis consecratis fieri, severe prohibemus. (t)

XIV. In Ecclesiis, cum Divina celebrantur, vel verbum Dei prædicatur, nemo Laicorum deambulet, nugeatur, cum mulieribus, de quibus suspicio esse possit, vel etiam cum aliis confabuletur, aut alias irreverenter stet vel sedeat. (u) Parochi in hoc genere

(q) C. Proposuiſti. c. Conſuluiſti. de Conſecr. Eccl. vel alt. c. Tuarum. de priv. int.

(r) C. Tabernaculum. d. c. Miſſarum. & c. Sicut non alii. de Conſecr. d. 1.

(s) Bulla Pii V. quæ incipit: *Cum primum Apoſtolatus officium. Sub dato Romæ 6. Cal. Aprilis Anno 1566.*

(t) Ex d. Bulla.

(u) d. Bulla Pii V.

nere delinquentes honestatis admoneant.

XV. In Ecclesiis Parochialibus habeantur campanæ tres, in reliquis, item in Capellis & Oratoriis una sufficit, quæ antequam in campanile sustollantur, ab Episcopo precibus & benedictionibus consecrentur, quæ non prophanis, sed sacris tantum significationibus deservire debent.

XVI. Ter in die, mane, meridie & vesperi signo campanæ populus ad orationem moneatur.

XVII. Ecclesiarum & Capellarum recta & superiores contignationes, frumentorum acervis, lignorum strue, aut prophana aliqua suppellectili non onerentur.

XVIII. Fores Ecclesiarum noctu semper, interdiu vero, ubi longius ab ædibus distant, Divinis peractis claudantur, ne sacris Mysteriis dicata Tempia variis hominum iniquitatibus pateant.

XIX. Inspectio cadaverum hominum occisorum ad cognitionem cædis a Judicibus secularibus, Chirurgis & Medicis in Ecclesiis aut aliis locis consecratis quibuscunque fieri non debet.

XX. Altaria sint lapidea aut lateritia superius integro lapide recta. In iis, si consecrata sint, præter Reliquias nihil afferetur. Altaria omnia, ubi commode fieri potest, cancellis ferreis aut ligneis sepiantur: iis Laici nec incumbant, nec innitantur.

XXI. Apud unumquodque Altare sit appensum tintinabulum, aut e Sacristia ad Missæ Sacrificium afferatur. Crux in medio Altari sita, & duo candelabra: item tabula secretorum Missæ, in qua scilicet major & minor Canon contineatur.

XXII. Altaria tela cerata, aut ex panno grossiori, deinde duabus lineis albis mappis tegantur, quarum superior sit oblonga, quæ usque ad primam partem altaris pertingat, & utrumque latus decenter tegat. Supra has viri-

dis aut nigra tela, ne mappæ pulvere & forde inquinentur, contrata sit.

XXIII. Candelæ, quæ in altaribus tempore Sacrificii & Divinorum Officiorum ardere debent, ex nulla alia materia, quam cera conficiantur.

TITULUS XX.

De Rebus Sacris & Sanctis.

I.

PRæter Ecclesias, Altaria, Sanctorum Reliquias & imagines, res Sacræ & Sanctæ sunt omnis generis vasa, vestes, ornamenta, & similia ad Divinum cultum principaliter comparata. Quæ omnia suo ritu & cæremoniis consecrata & benedicta esse debent. (x)

II. Ex iis ad prophanos usus nihil omnino convertatur, (y) sed ex antiquis paramentis pro aliis necessitatibus Ecclesiæ fiant bursæ corporalium, coopertoria Missalium vel Reliquiarum, pro altari pulvinaria, & hujus generis alia. Quod si amplius usui nec sint, nec esse possint, comburantur, & cineres in Sacrarium mitantur. (z)

III. Curent Parochi, & cæteri Clerici omnes, ut vestes & colores vestium sacrarum, atque sacra vasa omnia ad usum cæremoniarum Romanæ Ecclesiæ accommodentur. Colores Ecclesiastici sunt albus, niger, rubeus, viridis & violaceus, hi in casulis, stolis, manipulis, dalmaticis, tunicellis, pluvialibus, velis & antependiis convenient, & pro temporum ac solennitatum varietate adhibeantur. In quibus Ecclesiis horum colorum sacræ vestes non sunt, ut parentur, præcipimus.

IV. Vasa, vestes, totaque sacra supellex semper sit munda (a) ac nitida, illa præsertim, quæ ad tremendum Altaris Sacrificium pertinet: quod enim domitux in tuis prophanis vasis ac vestibus non ferres, in Domo Dei quomodo tolerabis?

V. Corporalia fiant ex tela (b) candida, & tenui simplicia, non duplicata, post lotionem amylo roborentur,

Yyy yy 3

ac

(x) C. Vestimenta. de Consecr. d. 1.

(y) d. c. Vestimenta. & c. Ligna Ecclesiæ. de

Consecr. d. 1. c. Semel. de reg. jur. in 6. (z) C. Altaris palla. de Consecr. d. 1.

(a) C. Pulchra. dist. 86.

(b) C. Consulto. de Consecr. dist. 1.

ac summa semper munditia niteant. Quorundam hac in re crassam & pudendam negligentiam pecunia & carcere, omni excusatione seclusa, severe vindicabimus. Pallæ ex eadem tela sint, ex qua corporalia, ejusque magnitudinis, ut calicem ubique contendant.

VI. Mappæ, & aliæ vestes lineæ laventur ter, aut ad minimum bis in anno: Corporalia, pallæ, & purificatoria sæpius, calices & patenæ bis, terve.

VII. Urceoli, in quorum summitate A. & V. inscriptum sit, ut qui vino & qui aquæ fundendæ serviant, primo aspectu cerni possit, toties eluantur, quoties in eis vinum aut aqua pro Sacrificio apponitur.

VIII. Candelabra, Cruces, tapezia, & alia sive vasa, sive ornamenta, tam sæpe laventur, purgentur, & a pulveribus excutiantur, ut nunquam sint sordida & immunda. (c)

IX. Calices, patenas, & vasa sacrorum Oleorum, soli Sacerdotes aut Clerici majorum Ordinum abluant. Corporalia & purificatoria prima ablutione Clerici, deinde aliæ personæ honestæ lavent. (d) Cætera vasa & vestes per Aedituos, Sacristas, sive alios purgentur. Ablutio a Sacerdotibus & Clericis facta in piscinam seu Sacrarium effundatur.

X. Quæ omnia, ut debito tempore, modo & ordine fiant, Ecclesiarum Prælati, Rectores, Custodes, vel ii, quibus de jure vel consuetudine competit, procurent, immemores officii sui moneant, & negligentes puniant.

TITULUS XXI.

De Bonis & Juribus Ecclesiarum conservandis & non alienandis.

I.

Cum Ecclesiarum bona non humani, sed Divini juris sint, (e) & ideo in nullius, nisi DEI OPT. MAX. bonis consistant, (f) utpote ejus Di-

vinæ Majestati a fidelibus oblata, atque secretorum cœlestium usibus dedicata; Ecclesiarum Prælati, ac Beneficiorum Ecclesiasticorum quorumcunque legitimi possessores, quibus Ecclesia vice ac nomine Christi potestatem parimonium suum dispensandi & administrandi commisit, non tantum fideles & prudentes dispensatores esse, sed etiam ea diligenter tueri & conservare, atque quocunque modo illicito distracta & abalienata, recuperare & vindicare debent. Quod ut fiat, Nos omnibus & singulis Prælati, Capitulis, & Beneficiariis injungimus.

II. Ecclesiarum omnium prædia, terræ, jurisdictiones, census, domus, decimæ, & alia jura quæcunque distincte & authentice conscribantur, quæ vetustate fere consumpta sunt, in aliam formam authenticam transferantur, & ea omnia non apud Prælatos aut Beneficiarios, in eorum privatis ædibus, sed in Archivio Ecclesiarum loco tuto & congruo sub trium clavium custodia conserventur. Ubi hujusmodi Archivium non est, præsertim in Collegiatis, & in Ecclesiis, in quibus est numerosus Clerus, contruatur. Claves habeant, qui eas de jure vel consuetudine Ecclesiarum, Capitulorum & locorum habere debent.

III. Defunctorum Clericorum hæredes, quicumque fuerint, Ecclesiis & Clericis in beneficio succedentibus omnia & singula scripta, registra, instrumenta ad Ecclesiam seu beneficium quocunque modo pertinentia, absque tergiversatione aliqua fideliter & gratis tradant, etiam si defunctus Clericus in confectioe hujusmodi scripturarum, registorum vel instrumentorum aliquos fecisset sumptus & expensas.

IV. De Ecclesiarum & Beneficiorum quorumcunque bonis, prædiis ac juribus sine evidenti utilitate & necessitate, nostroque, vel Vicarii nostri cum causæ cognitione judicialiter & in scriptis dato expresse consensu nihil vendatur, permutetur, obligetur, ad longum tempus locetur, aut alias quocunque

(c) d. c. Pulchra. d. 86.

(d) Facit c. Nemo per ignorantiam. d. 1.

(e) §. Sacræ res Inst. de rerum divis. L. In tantum. §. Sacræ. ff. eod. c. Nulli. 12. q. 2.

(f) Vide Conc. Trid. Sess. 25. de Reform. c. 1.

cunque modo alienetur, (g) aliter factas alienationes & obligationes irritamus, ac nullas esse declaramus, (h) contra alienatores poenam Canonica[m] Nobis reservantes.

V. Et ne ex incuria vel negligentia Ecclesiis damna accidunt, nostræ Cathedralis, & Collegiatarum Capitulis, aliarumque Ecclesiarum Rectoribus & Curatoribus injungimus, ut singulis annis omnia Ecclesiarum vasa sacra, vestes, ornamenta, ac res quas-cunque ad Ecclesias, earumque usum pertinentes, visitent, inspiciant, atque in inventarium diligenter conscribant, ut deperdita facilius deprehendi, & ab iis, quorum incuria deperdita sunt, restitutio peti, lacerata, attrita & fracta restaurari, ac reparari possint.

VI. Quia etiam ut plurimum ædes beneficiales factæ testæ non conservantur, unde postmodum Ecclesiis ac Beneficiis damna irreparabilia eveniunt. Cui malo occurrere volentes, Capitulis tam nostræ Cathedralis, quam Collegiatarum Ecclesiarum injungimus, ut, quamprimum fieri potest, certum aliquem modum constituant, quo tum Curia Canonicales, tum cæteræ ædes beneficiales restaurari & conservari queant.

VII. In aliis Ecclesiis Parochi & Beneficarii ædes suas conservent, & si reparatione indigeant, restaurent, nisi de jure seu consuetudine ad hujusmodi conservationem ac reparationem alii teneantur: secus facientes, subtractione fructuum, restorationi applicando- rum mulctentur.

VIII. Qui Vicarii sunt Ecclesiarum incorporatarum, licet ad omnimodam ædificationem aut restorationem ædium Parochialium non teneantur, quia tamen plerique competencias habent sufficientes ac bonas, & quandoque multis annis hujusmodi ædes vel ipsi inhabitant, vel aliis locarunt, disponimus, ut & ipsi aliquid de suo secundum arbitrium nostrum, vel Vicarii nostri ad ædificationem seu restorationem

contribuant, maxime si illorum, aut familiarum suarum culpa ac negligentia ædes ruinosa factæ essent.

IX. Clerici ædes suas beneficiales ipsi inhabitent, aut non nisi personis honestis locent.

X. Instituantur singulis annis omnium ædium non tantum visitatio & inspectio, Capitularium, a deputatis Capitulis: Parochialium, a Decanis vel Camerariis ruralibus: aliarum Beneficialium a Parochis locorum; sed etiam quid in qualibet visitatione deprehensum fuerit, quod reparari debeat, Nobis, vel Vicario nostro, aut Capitulis referatur.

XI. Agri, vineæ, in debita cultura ita conserventur, ut quotannis fructus reddant. Sylva non excidantur, nisi ad moderatam necessitatem.

XII. Cujus culpa aut negligentia ædibus, vineis, agris, sylvis, aut aliis prædiis damnum illatum fuerit, ab eo, vel ejus hæredibus restitutio illati damni petatur, ad quam faciendam Nos eos obligamus.

XIII. Graves poenas Tridentinum Concilium (i) contra Ecclesiasticorum bonorum occupatores quoscunque, si- ve Clericos, si- ve Laicos statuit & decrevit. Illas ut sciât populus, & ne per ignorantiam forte censuras incurrat, volumus, ut singulis annis semel aut bis ex cancellis publice promulgentur.

Tenor autem Concilii Tridentini talis est:

" Si quem Clericorum vel Laicorum,
" quacunque is dignitate etiam Imperiali aut Regali præfulgeat, in tantum malorum omnium radix cupiditas occupaverit, ut alicujus Ecclesiæ, seu cujusvis secularis vel regularis Beneficii, montium pietatis, aliorumque piorum locorum jurisdictionis bona, census, ac jura, etiam feudalia, emphyteutica, fructus, emolumenta, seu quascunque obventiones, quæ in Ministrorum & pauperum necessitate

(g) Tor. tit. Ext. in 6. & Clem. de reb. Eccles. non alienand. c. Prædia. c. Non liceat. cum seq. 12. q. 2. (h) Cap. Si quis Presbyterorum. de reb. Eccles. non alienand. c. Quod quis. 35. q. 9. Extravag. eod. c. unic. (i) Sess. 22. de Reform. c. 11.

"necessitates converti debent, per se,
 "vel per alios vi vel timore incusso,
 "seu etiam per suppositas personas Cle-
 "ricorum aut Laicorum, seu quacun-
 "que arte, aut quocunque quæsito
 "colore in proprios usus convertere,
 "illosque usurpare præsumperit, seu
 "impedire, ne ab iis, ad quos jure
 "pertinent, percipiantur, is anathe-
 "mati tamdiu subiaceat, quamdiu ju-
 "risdictiones, bona, res, jura, fru-
 "ctus & redditus, quos occupaverit,
 "vel qui ad eum quomodocunque,
 "etiam ex donatione suppositæ per-
 "sonæ pervenerint, Ecclesiæ, ejus Ad-
 "ministratori sive Beneficiario integre
 "non restituerit, ac deinde a Romano
 "Pontifice absolutionem obtinuerit.
 "Quod si ejusdem Ecclesiæ Patronus
 "fuerit, etiam Jure Patronatus ultra
 "prædictas pœnas eo ipso privatus ex-
 "istat. Clericus vel qui nefandæ frau-
 "dis & usurpationis hujusmodi fabri-
 "cator seu consentiens fuerit, eisdem
 "pœnis subiaceat, nec non quibuscun-
 "que beneficiis privatus sit, & ad quæ-
 "cunque alia beneficia inhabilis effi-
 "ciatur, & a suorum Ordinum execu-
 "tione, etiam post integram satisfactio-
 "nem & absolutionem, sui Ordinarii
 "arbitrio suspendatur." Hactenus Con-
 "cilium.

TITULUS XXII.

De Decimis & Oblationibus.

I.

Antiquissimi Decimarum juris pro
 Ministrorum Ecclesiæ sustenta-
 tione solutio, hodie variè a variis aut
 omnino contemnitur, aut legitime non
 præstatur. Contra quos est Sacri Tri-
 dentini Concilii (k) gravissima censura:
 "Non sunt ferendi, inquit, qui variis
 "artibus decimas, Ecclesiis obvenien-
 "tes subtrahere moluntur, aut qui ab
 "aliis solvendas temere occupant, &
 "in rem suam vertunt, cum decima-
 "rum solutio debita sit Deo, & qui eas
 "dare noluerint, aut dantes impediunt,
 "res alienas invadunt. Præcipit igitur
 "Sancta Synodus omnibus cujus-
 "cunque gradus & conditionis sint, ad

"quos decimarum solutio spectat, ut
 "eas, ad quas de jure tenentur, im-
 "posterum Cathedrali, aut quibuscun-
 "que aliis Ecclesiis vel personis, qui-
 "bus legitime debentur, integre per-
 "solvant. Qui vero eas aut subtra-
 "hant, aut impediunt, excommunicen-
 "tur, nec ab hoc crimine, nisi plena re-
 "stitutione secuta, absolvantur." Hactenus
 verba Concilii. Quæ de omnibus
 decimis tam majoribus, quam minori-
 bus, & aliis quibuscunque intelligenda
 sunt.

II. Decimæ novales, quæ ex ter-
 ris aut agris de novo ad culturam sive
 ligone, sive aratro, vel alio quocunque
 modo redactis, percipi solent, Eccle-
 siarum Parochialium Rectoribus solvi
 debent, non tantum tribus primis an-
 nis, ut quidam falsè & ex prioribus
 Statutis Synodalibus propter errorem
 Typographi, valde Sophistice & dam-
 nabiliter sunt argumentati, sed semper
 & in perpetuum (l) iis omnino exclu-
 sis, sive Laici, sive Clerici fuerint, qui
 veteres decimas possident, aut qui eo
 loci vel jus foresti, vel aliam tempora-
 lem qualemcunque jurisdictionem aut
 proprietatem habent. Semel enim dec-
 imæ novales semper novales jure cen-
 sentur. Eas Parochi locorum contra
 quoscunque detentores jure vindicent,
 aut si vi ac metu justo impediuntur,
 Nobis, vel Vicario nostro referant. In
 Ecclesiis incorporatis, ubi Vicarii sive
 perpetui, sive temporales constituti sunt,
 & congruam portionem obtinent, in
 decimis novalibus nullum jus habent,
 sed iis pertinent, quibus Ecclesia est
 incorporata.

III. Ut autem scire possit populus,
 quam grave sit piaculum, decimas qua-
 lescunque aut omnino non solvere,
 aut non integre præstare, injungimus
 Parochis & Concionatoribus, ut tum
 ex Sacra Tridentina Synodo, tum ali-
 unde, de decimis rite persolvendis sæ-
 pius ex cancellis prudenter & discretè
 verba faciant.

IV. Magnus Majorum nostrorum
 in faciendis oblationibus fervor ita apud
 plerosque refriguit, ut plures hodie
 sint,

(k) Sess. 25. de Reform. c. 12.

(l) C. Quoniam. c. Cum contingat. de Decim. c. Quid
 per. de verb. sign. C. fin. de Privil.

sint, qui Ministris Ecclesiarum ea, quæ jam ante jure ac legitime possident, potius auferre, quam aliquid offerre malent, & fere hujus sæculi homines, ad ea sint cogendi, quæ Majores nostri sponte ac paratissimo animo fecerunt. Ideo statuimus, ut oblationes ad minus in quatuor principalioribus festis, scilicet Nativitatis Domini, Paschatis, Pentecostes, Assumptionis B. Mariæ Virg. ab adultis, seu communicantibus Parochianis ex antiquissima Ecclesiæ & Episcopatus nostri consuetudine Parochis solvantur. (m) Illud ut Parochiani faciant, a Parochis suis cum discretione interdum admoneantur. Reliquorum dierum oblationes pro cujusque loci consuetudine uniuscujusque voluntati ac devotioni liberas relinquimus.

TITULUS XXIII.

De Fabricis & Fabricarum Procuratoribus.

I.

Procuratores Fabricarum præter cujuslibet loci Parochum, quem Nos tanquam omnium Ecclesiarum & rerum Ecclesiasticarum Civitatis & Diocesis nostræ Constantiensis verus, legitimus & ordinarius Judex ac Superior, (n) nostro nomine ac loco supremum Procuratorem ordinamus, assumantur de communitate cujusque loci viri fideles Catholici duo vel tres, qui singulis annis acceptorum & expensarum rationem reddant.

II. Generales fabricarum Procuratores, quos vulgo spiritualium administratores vocant, uti hæreticorum hujus temporis inventum, quod Ecclesiasticarum rerum maximam confusio- nem generat, rejicimus, & ut cuilibet Ecclesiæ speciales Procuratores deputentur, præcipimus.

III. Ubi in villis & pagis Procuratores sunt, qui legere & scribere ignorant, Parochus loci singula accepta & expensa in rationes, aliis Procuratoribus distantibus, referat.

IV. Procuratores non tantum census annuos ad fabricam pertinentes five in fixo, five in accidentiis sint, diligenter, & fideliter colligant, Ecclesiæ, turris, campanarum, sacrorum vasorum & vestium, aliarumque rerum, quæ ad Ecclesiam & fabricam spectant, curam habeant; sed etiam de cereis, oleo, thure, & cæteris ad cultum Divinum juxta ritum & cæremonias Romanas necessariis provisionem faciant. Curent præterea, præsertim Parochis urgentibus, ut albæ, altarium mappæ, mantilia, corporalia, purificatoria, & cætera omnia, maxime quæ ad tremendum Sacræ Missæ Sacrificium pertinent, sint munda. Quæ sordida sunt, mudent, quæ fracta vel corrupta, reficiant.

V. Missalia, Obsequialia, Gradualia, Antiphonaria, & libros reliquos Ecclesiasticos pro cujusque Ecclesiæ necessitate sine cunctatione Procuratores coëmant. Negligentes in his, Parochi Nobis, aut Vicario nostro denuntient, ut eos Ecclesiasticis censuris ad præstandum officium adigere valeamus.

VI. Habeatur vero ubique annuorum reddituum ratio, & ita Ecclesiarum necessitatibus provideatur, ne interim fabricæ magnis debitis prægraventur. Proinde volumus, & mandamus, ut Parochi, vel alii quicunque non tantum non plus oneris imponant fabricis, quam ferre possint, sed etiam ut vasis, vestibus, & aliis rebus Ecclesiasticis non sordide & inadvertenter, sed munde ac ordinate utantur.

VII. Magnus est abusus in plerisque locis & Ecclesiis, ut, quando pro Ecclesia emitur oleum, & cera, cerei conficiuntur, vel annuæ rationes rerum fabricæ redduntur, profusâ convivia & comotationes magnis sumptibus fabricæ fiant; suntque fabricæ Procuratores ut plurimum in subministrandis ac reparandis rebus Ecclesiæ necessariis per annum parciores, ut eo plus postea habeant, quod inutiliter consumant. Sane indignissimum est elemosy-

(m) Facit c. Omnis Christianus, de Consecr. d. 1.

(n) Videatur Concil. Trid. de Reform. c. 9. Sess. 22. & Sess. 24. c. 3. in fine.

mosynas piorum toto anno congestas, uno die ita abliguriri: proinde sub restitutionis, & aliis gravissimis pœnis huiusmodi convivia sumptuosa, & computationes prohibemus, consuetudine etiam immemoriali non obstante.

VIII. In locis, in quibus fabricarum redditus ex magna parte in vino consistunt, sub eadem restitutionis pœna Procuratoribus interdiciamus, ne ipsi in cellis vinariis fabricarum conveniant, & potitent, aut alios qualescunque illi sint, in easdem cellas ad potandum deducant. Parochi in hac parte peccantes, præter restitutionis pœnam toties, quoties decem florenis puniantur.

IX. Ut autem Procuratores suorum laborum aliquem fructum recipiant, non impedimus, quin illis pro modo facultatum fabricæ & laborum salarium aliquod in pecunia constituatur.

X. Habeatur in singulis Ecclesiis cista, in qua literæ reddituum, jura & pecunia fabricarum conserventur, sub trium clavium custodia, quarum unam Parochus, reliquas duas alii duo Procuratores habeant.

XI. Qui debita fabricarum in singulos annos non solidaverint, vel non integre persolverint, a fabricarum administratione removeantur, & ad solutionem ac solidationem jure adigantur.

TITULUS XXIV.

De Successionibus & Testamentis Clericorum.

I.

Bona, quæ a Clericis possidentur, aut sunt Patrimonialia, aut Ecclesiastica, aut ex Ecclesiasticis bonis acquisita, aut denique quasi patrimonialia. (o)

II. Patrimonialia bona ea censentur, quæ Clericis ipsorum non Ecclesiæ intuitu ex successione five testamentaria, five ab intestato, parentum, fratrum, cognatorum, & aliorum, item quæ ex legato, fideicommissio, opera & industria sua, honesta & licita donatione, aliove legitimo contractu obvenierunt. (p) Et hæc cum nihil distent a bonis sæcularium, consequens est, ut non tantum ea a Clericis quovis titulo in alios transferri possint, verum etiam ad legitimos eorum hæredes ab intestato, aut ex testamento institutos, recte devolvantur. (q)

III. Bonorum Ecclesiasticorum nomine eæ res continentur, (r) quæ Ecclesiæ, ejusque Ministrorum usui & sustentationi consecratæ sunt, quales sunt domus, agri, vineæ, jus decimarum, jurisdictiones, &c. quarum omnium ea est conditio, ut nulla in iis hæreditaria successio tam ab intestato, quam ex testamento jure permittatur, (s) siquidem Clericus præter procuratorem, & administrationem in huiusmodi bonis Ecclesiasticis nihil juris habet. (t)

IV. Bona ex Ecclesiasticis bonis acquisita sunt, quæ Clericus ex fructibus & redditibus beneficii sui comparat. Atque in his bonis Clerici ex antiquissima consuetudine (u) Diocesis nostræ liberam testandi facultatem habent, illisque ab intestato a proximioribus legitimis hæredibus succeditur. Cui consuetudini licet nos nihil derogare velimus, quia tamen pium rationique valde consentaneum est, ut Clerici ex huiusmodi bonis honeste tantum vivant, (x) & quod superest, in pios usus convertant, (y) serio monemus omnes Clericos, ut circa huiusmodi bona, five hæredes ex testamento, five ab intestato relinquunt, etiam Ecclesiarum, quibus ascripti sunt, pauperum, alia-

(o) Navarr. in Tract. de redd. benef. Eccl. & in Comment. de spoliis Clericor.

(p) C. 1. de pecul. Cleric.

(q) C. Episcopi, cum 2. c. seq. 12. q. 1. c. Quicumque. 12. q. 3. c. 1. c. Firmum. 12. q. 5. c. Quia nos. c. Relatum. de Testament. c. 1. de success. ab intest.

(r) Tit. decret. de pecul. Cleric. & de Testament.

(s) C. Cum in officiis. c. Ad hæc. cum c. seq. de Testam. c. Episcopi. c. Manifesta. c. Sint manifesta. 12. q. 1.

(t) C. Pontifices. 12. q. 3. C. Non liceat Papæ. 12. q. 2.

(u) Quam probant Panorm. ad c. Cum tibi. n. 2. de verb. sign. Covarr. ad c. Cum in officiis. n. 9. de Testam.

dum. de Præbend.

(x) C. Ex his. cum c. seq. c. fin. 12. q. 1. c. Cum secundum.

(y) C. fin. 16. q. 1. c. Quatuor. cum seqq. 12. q. 2.

aliarumque piarum causarum rationem habeant, ne, dum forte suos consanguineos ex bonis Ecclesiasticis temporaliter locupletare contendunt, ipsi æternæ salutis dispendium atque jacturam patiantur.

V. Denique bona quasi patrimonialia sunt, quæ licet Clericus ratione Ecclesiastici ministerii percipit, vi tamen & effectu inter patrimonialia annumerantur, qualia sunt, quæ Clericis separatim obveniunt ex celebratione Missarum, ex concionibus, & similibus actibus spiritualibus, (z) quæ bona a Clericis tam ex testamento, quam ab intestato recte ad hæredes transmittuntur. (a)

VI. Concubinarum, & aliarum turpium personarum in testamentis Clericorum ne mentio quidem fiat, quod si quocunque modo, directe vel indirecte ab aliquo contra factum fuerit, volumus, ut totum id, quod concubina, vel aliis turpibus personis relictum est, in pios usus convertatur.

VII. Qui in Clericorum testamentis Executores deputantur, sive Clerici, sive Laici fuerint, fideles sint & diligentes in exequendo, (b) & quod sibi in simili fieri vellent, id aliis faciant. Legata omnia, præsertim ad pias causas, statim persolvant, & totum testamentum intra annum executioni demandent. Nobisque tanquam supremo hujusmodi testamentorum Executori, vel Vicario nostro ad nostram, vel ejus requisitionem de omnibus & singulis rationem reddant.

VIII. Et quia intelleximus in quibusdam locis Diœcesis nostræ consuetudines & statuta esse, quod neque Clericus, neque Laicus, ultra certam & expressam summam piis locis, aut aliquibus personis pro animæ suæ remedio & salute sua magis promovenda ali-

qua legata ordinare possit; Quæ cum Sacris Canonibus (c) & Imperatoriis Legibus (d) sint contraria, quod extrema voluntas & ultimum hominis testamentum immobile debeat consistere, (e) nihilque sit, quod hominibus magis debeat, quam ut supremæ voluntatis liber sit stylus. (f) Ideo hujusmodi consuetudines & statuta auctoritate hujus Statuti Synodalis reprobamus, firmiter statuentes, ut illis, quos jura a testamentorum factione non prohibent, tam in prospera, quam in adversa valetudine constitutis, de bonis sibi a Deo collatis, ad pia loca & causas, dummodo hæredes suos legitimos contra juris communis dispositionem non prætereant, legandi, ordinandi & disponendi libera sit facultas.

IX. Dolenter etiam audivimus, quod in pluribus locis, fidelium tam Clericorum, quam Laicorum testamenta & extremæ voluntates, præsertim pro animarum salutis salubrius promovenda, & ad pios usus & loca legata & testata, interdum perversis hominum machinationibus multipliciter impediuntur, & retardentur, cum vero supremæ hominis voluntas pro lege servari debeat, (g) Nobisque ex pastoralis nostro officio incumbat, hujusmodi testamenta & ultimas voluntates defendere, (h) universis nostræ Diœcesis tam Ecclesiastici, quam politici status hominibus gravissime & sub Canonicis censuris ac pœnis præcipimus & mandamus, ne fidelium Ecclesiasticarum vel civilium personarum, quas jura a testamentorum factione non repellunt, testamenta, codicillos, legata, ac alias legitimas voluntates, potissimum ad pios usus & salutis animarum promotionem sese extendentes, earumque executiones, quovis modo negligant, impediant, aut retardent.

X. Cæterum circa ea, quæ jam de Cleri-

(z) Navarr. in Apologia de redd. Eccl. q. 1. monit. 21. cum seq.

(a) Panorm. in repet. c. Cum esses, n. 261. de Testam. & in cap. Cum in officiis, n. 8. eod. Navarr. in Comment. de spoliis Cler. §. 1. n. 3. (b) C. Joannes. de Testam.

(c) Tit. de Immunit. Ecclesiastica, & aliis locis. (d) L. Cassa. c. de Sacros. Eccles.

(e) C. Marthæ. §. Cæterum. de celebr. Miss. cap. ult. 13. q. 2.

(f) L. 1. C. de Sacrosan. Eccles. Auth. de Nupt. §. Disponat. coll. 4.

(g) d. Auth. de Nupt. §. Disponat. coll. 4. (h) Cap. Si hæredes. c. Tua nobis. c. Joannes. de Testamentis. Concil. Trid. Sess. 22. de Reform. c. 8.

Clericorum testamentis & successioni-
bus ab intestato definivimus, nihil de-
rogatum volumus, Nobis, vel aliis, qui
ex privilegio jus succedendi habent,
certis quibusdam Clericis.

XI. Clerici illegitime nati nec te-
stamentum recte faciunt, nec ab inte-
stato alium præter Nos relinquunt hæ-
redem, nisi a Nobis licentiam in scrip-
tis impetraverint.

TITULUS XXV.

De Exequiis & Sepulturis.

I.

Magna religione præcis temporibus Christianorum funera curata sunt, & eorum sepulturæ non nisi in sacris & religiosis locis ideo constitutæ, (i) quod illorum Sanctorum commendentur patrocinio, quorum nomini Ecclesiæ, in qua corpora con-
quiescunt, est consecrata, tum etiam quod defunctorum proximi ad sacra loca venientes, sepulturamque conspicientes, suorum recordentur, & pro eis pias preces fundant. Verum ut in aliis rebus, ita & in hac non parum multis in locis a religione deflexum est, unde mandamus, ut Parochi & Curati verus Ecclesiæ institutum mortuorum funera piis precibus & officiis religiose prosequendi ad pristinam pietatis rationem revocare studeant.

II. Sit in omnibus Ecclesiis Parochialibus sumptibus fabricæ niger pannus laneus cum alba cruce omnibus communis, quo mortuorum loculi dum ad sepulturam efferuntur, contegantur. In ditiorum arbitrio sit, vel communi, vel alio pretiosiori suis sumptibus comparando pallio uti, quod post funus statim Ecclesiæ, in qua vel cujus cœmeterio mortuus sepultus fuit, acquiratur.

III. Ubi adeo Christiana pietas & charitas refrigit, ut nulli sint, qui sine mercede mortuorum corpora efferre & sepelire velint, illis Parochi cum cu-

jusque loci Magistratu certam taxam constituent. Miserabiles personæ, quibus mortuis, aut nihil superest, aut ita parum, ut sua impensa humari non possint, Fabricarum, Hospitalium, aut aliorum piorum locorum sumptibus sepeliantur.

IV. Pro exequiis, sepulturis & anniversariis nihil exigatur, quod Simoniacam labem aut fordiam avaritiam sapiat. (k) Pias tamen consuetudines pro Ecclesiæ fabricis & Ministrorum commodiori sustentatione aliquid recipiendi non improbamus.

V. Meminerint vero Parochi se debitores esse, ut statim pro suæ Parochiæ defunctis preces Deo fundant, ac Sacrosanctum Missæ Sacrificium offerant, eisque refrigeria concedi postulent: nam si unquam antea, tunc certe animæ corporibus solutæ, eorum opera maxime indigent, sibi que a Deo precibus illorum & sanctis Sacrificiis misericordiam fieri cupiunt. (l)

VI. Concio funeralis non in recensendis mortuorum laudibus versetur, sed tota ad humanam miseriam fidelium oculis proponendam, & omnes ad vigilandum cohortandos referatur, ne, cum venerit Dominus hora, qua non putamus, inveniat nos dormientes. (m)

VII. In Templis sine Prælatorum, Capitulum & Parochorum consensu nemo sepeliatur. Quod si alicui locus sepulturæ deinceps in aliqua Ecclesiæ dabitur, humi tantum & in tali loco detur, in quo Divinis Officiis peragendis nihil impedimenti adferat. (n) Mortui in Ecclesiis tam profunde sepeliantur, aut quod melius esset, aperto loculo viva calce perfundantur, ne quem fetorem inducant.

VIII. Ut in tegumentis sepulchrorum lapideis sive in Ecclesiis, sive in cœmeteriis imposterum Crucis imago non sculpatur, Parochi prohibeant. (o)

IX. In sacris locis infideles, hæretici, schismatici, publice excommunicati,

(i) C. 3. de Sepult. c. Non adimemus. in fin. c. Cum gravia. 13. q. 2.

(k) C. Abolendæ. c. Quæst. c. In Ecclesiasticis. 13. q. 2. c. Non satis. c. Ad Apostolicam. de Simon.

(l) d. c. Ad Apostolicam. & gloss. ad c. Abolendæ.

(m) Marci 13. c. (n) Facit c. Præcipiendum. §. Prohibendum. 13. q. 2.

(o) Facit L. unic. c. Nemini licere sig.

cati, nominatim interdicti, manifesti usurarii, & qui sibi manus violentas attulerunt, alique a jure prohibiti humari, & pro iis exequiæ celebrari non debent. (p)

X. Cœmeteria ad Christianorum sepulturas consecrata muro, aut alias ita sepiantur ac claudantur, ne pecoribus pateat ingressus. Curent Parochi, ut in medio cœmeteriorum magna Crucifixi imago sit erecta.

XI. Rustici, dum ad Templum eunt, in cœmeteriis non conveniant, ut confabulentur, ac nugas & similia tractent. (q) sed recta Ecclesias ingrediantur & orent.

XII. In cœmeteriis nihil plantetur, nihil feratur, in iis omnes arbores, fructes, vites sive fructiferæ, sive non, excidantur. Telæ & panni linei prophani in cœmeteriis non siccantur, nec feminae colo ibi neant, aut tam illæ, quam viri opus aliquod ibi faciant a ratione locorum sacrorum alienum. (r)

XIII. Denique in omnibus cœmeteriis sit locus honestus pro ossibus mortuorum, non sparsum & confusum, sed ordine reponendis, cui vas cum aqua benedicta & aspergillo semper adsit.

TITULUS XXVI.

De Immunitate Ecclesiastica.

I.

Quoniam locorum sacrorum, rerum ac personarum Ecclesiasticarum immunitates, & privilegia non solum a Summis Pontificibus, sed etiam a supremis Principibus concessa, hodie passim violantur, cum Sacri Tridentini Concilii Patribus (s) omnia Concilia Generalia, nec non alias Apostolicas Sanctiones in favorem Ecclesiasticæ libertatis, & contra ejus violatores præsentem hoc nostro Synodali Decreto innovamus. Quapropter omnes Magistratus sæculares, cujuscunque sta-

tus aut præminentia fuerint, in Domino hortamur, ut non tantum ea, quæ Ecclesiastici juris sunt, a Ministris, Officialibus, & subditis suis ullo modo lædi patiantur, atque in eos omnes, qui Ecclesiasticam immunitatem & jurisdictionem perturbant & impediunt, severe animadvertant, verum etiam ipsimet exemplo ad pietatem, religionem, atque Ecclesiarum & Ecclesiasticæ libertatis protectionem existant, imitantes anteriores optimos, religiosissimosque Principes, qui res & jura Ecclesiæ, & sua auctoritate ac magnificentia auxerunt, & ab aliorum injuria vindicarunt.

II. Nemo Sæcularium Clericum qualemcunque in vincula ob quamcunque causam sub pœna excommunicationis latæ sententiæ conjiciat, aut ei multam vel pœnam aliquam imponere præsumat. (t)

III. Clerici delinquentes Nobis, aut Vicario nostro deferantur, quos juxta delicti qualitatem, & Canonicas Sanctiones puniemus.

Quod si Clericus aliquis valde enormiter deliquisset (enorme autem crimen intelligimus, quod de jure Canonico depositionem, de Civili vero pœnam capitalem meretur) & vehemens fugæ suspicio adesset, permittimus, ut a sæculari Magistratu in arresto & loco honesto interea, donec Nos, vel Vicarius noster certiores facti fuerimus, detineri, aut vinctus decenti, non infamii modo ad Nos mitti possit, omni dolo & fraude remota. (u)

IV. Clerici deprehensi in habitu laicali, postquam cognitum fuerit illos revera Clericos esse, statim dimittantur, & ad Nos, vel Vicarium nostrum causa & excessus deferatur.

V. Falsa quorundam Laicorum hætenus fuit opinio jure se Clericos captivare, & per viginti quatuor horas in carcere detinere posse: quod, ne

Zzz zz 3 fiat,

(p) C. Ecclesiam. cum seq. de Consecr. dist. 1. c. 2. de Hæret. in 6. c. Sacris. 12. de Sepult. c. 3. de Usuris. c. Placuit. 23. q. 5. cum multis similibus jurib. Vide etiam Concil. Trid. Sess. 25. de Reform. c. 19.

(q) C. 2. §. Cessent varia. §. Cessent confabulationes. & §. Cessent in Ecclesiis, de Immunit. Eccles. in 6. (r) d. c. 2. & c. Cum Ecclesiam. de Immunit. Eccl.

(s) Sess. 25. de Reform. c. 20. (t) C. Nullus. de foro compet.

(u) Facit c. Ut famæ. de sent. excomm.

fiat, sub eadem excommunicationis pœna prohibemus. (x)

VI. Clerici ad sæcularia judicia se invicem non trahant, aut ad Judicem civilem confugiant, vel appellent. (y) Contrafacientes gravissime puniemus.

Nemo etiam Laicorum Clericum ad sæculare Tribunal citare præsumat. (z) Quod si Clericus ab aliquo isthuc vocetur, non compareat, nec respondeat, (a) sed id Nobis, aut Vicario nostro referat.

VII. Qui ad Ecclesias & loca sacra confugiunt, inde per Magistratum sæcularem non extrahantur, (b) nisi publici latrones, nocturni agrorum populatores, viarum obsessores, aut alii fuerint, (c) qui se immunitatis Ecclesiasticæ privilegio indignos fecerunt: Nam si eos, qui ad statum Principis se proripiunt, ab omni violentia leges sæculares vindicant, (d) quanto magis convenit ad Templum Domini & loca sacra confugientes, loci sancti reverentia & auctoritate defendi. Quicunque igitur inde hominem reluctantem violentem abstraxerit, eum tam aliis pœnis pro commissio sacrilegio, quod admisit, quam Ecclesiastica excommunicatione, quam ipso jure incurrit, (e) pro violata immunitate coëcebeimus.

VIII. Clericorum domus non minus, quam Ecclesiæ ipsæ immunitatis jure gaudent. (f) Quare Magistratus sæcularis in ædibus Canonicorum, Parochorum, & cæterorum Clericorum nihil juris & auctoritatis quærat, ac sibi usurpet.

Finis secundæ Partis.

CONSTITUTIONUM SYNODALIUM PARS TERTIA.

TITULUS I.

De Regularibus & Religiosis.

I.

Regularem vitam professi in statu perfectionis constitunt, (g) unde tum ipsi perfecte vivere, tum alios religiosis moribus & exemplo perficere debent. Quare summo studio continent Regularium quorumcunque Superiores, ut in Monasteriis suis secundum præscriptum Regulæ, quam professi sunt, vivatur, atque inprimis, quæ ad suæ professionis perfectionem pertinent, tria vota substantialia Religionis, videlicet obedientiæ, castitatis, & paupertatis, quam diligentissime observentur. (h)

II. Regulares omnes imprimis Nobis & Successoribus nostris, tanquam totius Dicecesis Capiti, reverentiam exhibeant, atque obedientiam in iis præstent, in quibus tum ex Sacrorum Canonum Jure, tum ex Concilii Tridentini Decretis præstare debent: (i) Deinde Superioribus & Præfectis suis ad nutum obediant. (k) Rebelles importune & opportune ad obedientiam redigantur, incorrigibiles, vel ad alia Monasteria, juxta cujuscunque Ordinis Statuta dimittantur, vel perpetuo incarcerationentur.

III. Prælati, & alii Superiores Monachos suos ex obedientia & Monasterio sub quocunque prætextu absque legitima & rationabili causâ a Nobis cogni-

- (x) d. c. Nullus, de foro compet. q. 1. c. Inolita. 11. q. 3. (y) C. Si diligenti, de foro compet. c. Placuit. 11. q. 3. (z) C. Qualiter, de judiciis. (a) Per L. fin. ff. de Jurisdic. omnium jud. c. Cum sit. c. Si Clericus, de foro compet. c. Experientia, cum seq. 11. q. 1. (b) C. Inter, de Immun. Eccl. c. Diffinivit. c. Frater. c. Sicut. c. Constitutum. c. Si quis contumax. 17. q. 4. (c) d. c. Inter. c. Sicut antiquitus. 17. q. 4. & c. fin. de Immun. Eccl. (d) Tot. tit. Cod. de his, qui ad statum, confug. (e) d. c. Et jurib. (f) d. c. Quis quis. 17. q. 4. (g) S. Thom. 2. 2. q. 134. relatus a Sylvest. in verbo: Religio. 1. n. 3. (h) Clem. Exivi, de verb. signific. c. Cum ad Monasterium, de statu Monach. Conc. Trid. Sess. 25. de Regul. c. 1. (i) Conc. Trid. in multis locis, fac. c. Conquerente, de offic. Jud. ord. (k) d. c. Cum ad Monasterium. §. Abbas vero. c. Abbates. 18. q. 2.

cognita non dimittant. Religiosos suos vagabundos, qui vel sine, vel cum habitu extra Monasteria oberrant, diligenter inquirant, & ad sua Monasteria redire modis omnibus curent. (l)

IV. Regulares, sive in ipsis Monasteriis, quibus cura animarum est annexa, sive extra Monasterium Parochiis præfecti sint, Sacramenta minime administrent, nec curam animarum quocunque modo exercent, nisi prius a Nobis, vel Vicario nostro legitime examinati, probati & admissi fuerint. (m) In iis etiam, quæ ad curæ animarum administrationem pertinent, Nobis, Vicario nostro, & loci Decano rurali obedientiam & subjectionem præstare debent. (n) Regulares in Parochiis notorie delinquentes, secundum Canones impunitos non relinquemus, (o) in gravioribus excessibus in Parochiis non tolerabimus, sed ad Monasteria sua remitemus.

V. Apostatas poenitentes, & ad Monasterium revertentes, Superiores benigne recipiant, nec eis majores poenas, quam a Sacris Canonibus aut Regula cautum sit, imponant. (p)

VI. Ut castitatis voto, quo se Religiosi obligarunt, commodius satisfacere queant, (q) fœminæ omnes excludantur a locis conventualibus. In quibus Monasteriis aditus adhuc pater mulieribus, ad ambitum, refectarium, dormitorium, & alia seceriora loca Conventus, Prælati, & Superiores infra sex menses clausuram instituunt, & institutam diligentissime conservent, (r) atque in Religiosos suos votum castitatis violantes, gravissime animadvertant. Extra clausuram & loca conventualia in Monasteriis sic admittimus fœminas, ut ubique honestatis ratio habeatur.

VII. Regularis vitæ pestis est pernitiosissima proprietas, cujus abdicatio adeo est Regulæ Monachali annexa, ut contra eam nec Summus Pontifex possit licentiam indulgere. (r) Quæ proprietati occasionem & fomenta administrent, ex omnibus Monasteriis penitus auferantur. Pensiones vitales ex parentum hæreditate, aut aliunde provenientes, nullus recipiat, neque pecuniam, vel aliud quidpiam proprium apud se, vel alium retineat, quocunque modo acquisitum fuerit, sed omnia in communem usum convertantur. (t) Consuetudinem, ubi Monachi, vel Canonici Regulares bona quædam immobilia ad usumfructum possident, aut pro victu, potu, & vestitu certam summam vini, frumenti, panis, & aliorum esculentorum, vel pecuniam recipiunt, tanquam religioni & paupertatis voto contrariam omnino abrogamus. (u) Privatas Monachorum familias & mensas in Monasteriis interdiciamus, & volumus, ut Religiosi in una mensa ac refectorio simul secundum cujusque Regulæ præscriptum comedant. (x) Mensæ adhibeatur sacra lectio, cui etiam Superior, nisi legitime impediatur, intersit. (y)

VIII. Subministrentur vero a Monasteriorum Prælati & Superioribus victus, vestitus, cæteraque vitæ subsidia singulis ex communi pro necessitate & Monasterii facultatibus prompte & hilariter, non fordide ac tenaciter. Meminerint Superiores se Religiosorum suorum Patres, non Dominos, & Religiosos, non servos, sed filios esse.

IX. Superiores Religiosis suis agrotantibus præter tria vota, cætera religionis præscripta relaxent, potum, cibum, locum, & omnia alia, quæ sanitas exigere videtur, de Medici consilio libenter cum paterno affectu & charitate

(l) C. Ne Religios. de Regularib. & transf. Clem. Ne in agro Dominico. §. Quia vero. d. c. Abbates. 18. q. 2. (m) Conc. Trid. Sess. 25. de Reg. c. 11.

(n) C. Qui Religiosi. 18. q. 2. Conc. Trid. Sess. 25. de Regular. c. 11.

(o) Conc. Trid. d. Sess. 25. de Reg. c. 14. (p) Facit c. Poenæ. de Poenit. d. 1. L. Interpretation. L. Respicendum. L. Hodie. ff. de Poenit.

(q) C. Quod Deo. 33. q. 5. c. Ananias. c. Sunt quidam. 17. q. 1. Num. 3. & Deut. 15. cap.

(r) Facit c. Pervenit. 18. q. 2. (s) C. Monachi. c. Cum ad Monasterium. de statu Monach. c. Joannes. de Reg. (t) d. c. Cum ad Monasterium. c. Non dicatis. 12.

q. 1. c. Monacho. 27. q. 1. Conc. Trid. Sess. 25. de Reg. c. 2. (u) d. Sess. c. 2.

(x) Conc. Trid. d. Sess. 25. de Reg. c. 1. (y) d. c. Cum ad Monasterium. §. Abbas vero.

ritate ministrant. (z) Ægrotorum vero non mulieres, sed viri curam habeant.

X. Habitu & vestitu utantur omnes decenti & Regulæ convenienti, (a) nec abjecto nimis nec cultiori, sed potius vitæ innocentia ac morum integritate, quam externo cultu hominibus placere studeant.

XI. Habitu & Tonfuram Ordini congruam, five foris, five domi sint, semper gestent (b) aperte, occulte nunquam, nisi de Superiorum licentia, quando per loca hæretica periculosa transeundum esset.

XII. Cubent omnes in eodem dormitorio, singuli in singulis cellis & lectis.

XIII. Silentium, humilitatem, & cæteras virtutes Christianas Religiosi imprimis colant. (c) Colloquia autem vana, inutilia, turpia, sermones perulantes, jocos obscenos, lites, jurgia, odia, invidias, otium, & similes Religiosorum pestes abominentur & fugiant, atque a chartarum, alearum, & aliis minus honestis, illicitis ac jure prohibitis ludis abstineant.

XIV. Ad Officia Divina secundum singulorum Ordinum Regulas, & Monasteriorum fundationes & laudabiles consuetudines statim horis & locis celebranda, Religiosi omnes in Choro conveniant, & quanta quisque in Monasterio dignitate vel officio major est, tanto in Divinis Ministeriis studeat esse frequentior, nec se facile subducatur, nisi necessitatis vel majoris utilitatis ratio postulet. In Choro autem & Ecclesia invicem non confabulentur, non discurrant, non oculos huc illuc conijciant, aut aliquid aliud agant, quod homine & religioso loco sit indignum. Qui ritu Romano celebrant, omnia observent, quæ supra de Missarum celebratione a Nobis constituta sunt, & quæ Missalis Romani, aut nostri ad Romanum accommodati, Rubricæ continent.

XV. Sacerdotes confessionem Sacramentalem ultra decimum quartum diem nunquam differant, reliqui singulis mensibus confiteantur, & Sacrosanctam Eucharistiam suscipiant, nisi sæpius ex Regula sua obligentur. (d) Cæterum ut quilibet Regularis cuilibet ad voluntatem suam confiteatur, non expedit: ordinentur itaque Confessarii certi a Superiore, prudentia maturi, vita & doctrina probati, vel ex Monasterio, vel si ibi apti non sint, de communi consensu aliunde, præsertim ex religione aliqua, cui omnes simul confiteantur.

XVI. Capitula culparum, ad conservationem monasticæ disciplinæ instituta, secundum cujusque Ordinis Regulam & Statuta celebrentur sæpius: In iis Regula & Constitutiones Ordinis prælegantur, (e) & quæ contra honestatem & Ordinem gravius admissa fuerunt, puniantur. Capitulis Prælati & Superiores quoque interfint.

XVII. Caveant Superiores, ne aliquem ad professionem ante decimum sextum annum ætatis completum, & qui prius per integrum annum in probatione non fuerit, admittant: aliter enim professio facta nulla est, & invalida. (f) Nemo etiam ad alicujus religionis professionem emitendam vi metuque cogatur, aut inducatur. Atque in Religiosorum susceptione non divitiarum, familiarum splendor, & similia spectentur, sed tantum purus honor Dei & animarum salus quærat. Et quia raro terminatur sine bono, quod malo inchoatur, principio ad Monasteria & professionem mediante alicujus pecuniæ, aut muneris pacto Simoniaco, nulli omnino recipiantur. (g)

XVIII. Quando ad Ordinem aliquem recepti, habitum Novitatus induunt, aut Professionem faciunt, vel jam professi suas Primitias offerunt, magnus apparatus & splendida ac sumptuosa convivia more Sæcularium ne fiant,

(z) Sæped, c. Cum ad Monasterium. §. Porro debiles.

(a) d. Sess. 25. c. 1.

(b) Clem. Ne in agro Dominico. §. Statuimus. de statu Monachor.

(c) C. Cum ad Monaster. §. In oratorio. de statu Monach. Isidor. de summo bono. lib. 1.

(d) Clem. Ne in agro Dominico. §. Sane. de statu Monachor.

(e) d. Clem. Ne in agro Domin. §. Regula.

(f) Conc. Trid. Sess. 25. de Regular. c. 15.

(g) C. Monachi. de statu Monach. c. Quoniam Simoniaca. de Simon.

fiant, sicuti in multis locis fieri intelligimus, sed omnia sint frugalia, moderata, loco, tempori & personis convenientia. Sane, consultius & illis honestius esset, qui ante professionem solennem ad sæculum redeunt, si habitus Novitiatus privatim in Ecclesia, vel in Capitulo sine externa aliqua pompa indueretur.

XIX. In singulis Monasteriis sit locus separatus pro Novitiis, quibus assignetur vir pius, prudens & doctus, qui eis Regulam explicet, ad vitam regularem verbo & exemplo instituat, ad pietatem informet, ad virtutis amorem inflammet, & in iis, quæ Ordinis sunt, exerceat; ut, quid professuri sint, non tantum sciant, sed etiam usu & experientia prius didicerint. (b) Novitios, & eorum Magistros, Superiores sæpe visitent, & quomodo instituantur, cognoscant.

XX. Monasteriorum Prælati, & alii Præfecti bonorum & fructuum Monasterii, non Domini, sed tantum dispensatores sunt, nec pro arbitrio & voluntate sua, sed secundum intentionem piorum Fundatorum & Ecclesiæ, pro utilitate & necessitate Monasterii bona dispensare possunt, ac debent. Quare omnes & singulos serio monemus, ne superfluo famulatu, nimio nec necessario equorum numero, splendidis conviviis, sumptuosis & inutilibus ædificiis Monasteriorum redditus consumant, (z) interim vero vix duos aut tres Conventuales non sine summa diminutione cultus Divini alant, vel si plures habeant, eos ita sordide ac tenaciter in cibo, potu, ac reliquis necessitatibus, tractent, ut statim ad officia sua peragenda reddantur inhabiles.

XXI. Circa rerum Monasterii administrationem in gravioribus causis Prælati nihil agant, sine præscitu, consilio & consensu Conventus sui. Nihil vendant, distrabant, aut quocunque mo-

do alienent, sine nostra, aut aliorum suorum Superiorum licentia in scriptis obtenta. (k) Amicos & propinquos suos ex bonis & fructibus Monasterii non ditent, neve quicquam ut proprium ipsi possideant, vel aliis possidendum relinquunt. (l) Licet enim aliis præfecti sint, nosse tamen debent, se Legibus & Regula, quam professi sunt, solutos non esse.

XXII. Monasteriorum Prælatos & Superiores, qui bona Monasterii inutiliter dispensant, ac dissipant, si Nobis ordinaria jurisdictione subiecti sint, Prælaturis suis privabimus. (m) Si exempti, ut a suis Superioribus amoveantur, procurabimus.

XXIII. In singulis Conventibus, præsertim numerosis, habeatur Religiosus aliquis eruditus, & bonæ famæ, qui juniores Monachos instituat. (n) Et quia maxime interest, Religiosos Viros doctrina ornatos esse, tum ut aliis proficere valeant, tum etiam, ut ipsi habeant, quo otium honeste terant, omnino necessarium esse censemus, ut juniores Religiosi duo, tres, pluresve, maxime ii, qui sunt bonæ indolis, pro cuiusque Monasterii facultatibus in Gymnasio aliquo publico, usque ad secundum Theologiæ annum a Prælati, & aliis Superioribus alantur. Quod ut faciant Prælati, ab omnibus & singulis vehementer desideramus.

XXIV. Sine libris Religiosi docti non fiunt: quare Bibliothecæ, ubi in Monasteriis sunt, non tantum conserventur, sed quotannis augeantur; ubi vero non sunt, instituantur.

XXV. Superiores officia Monasterii non ex gratia & affectu, sed dignis conferant. (o) Religiosi autem, quibus officia & bona temporalia administranda committuntur, non tantum singulis annis, sed singulis mensibus, vel diebus, si ita Superioribus visum fuerit, rationem reddant, (p) & ita se ge-

(b) d. Clem. Ne in agro Dominico. §. Regula, in fin. facit c. 1. 12. q. 1.

(z) d. Clem. Ne in agro, in princ. (k) Tot. tit. Ext. in 6. Clem. de Eccl. non alien.

(l) d. c. Cum ad Monasterium. & d. Sess. 25. c. 2.

(m) C. Monachi. §. Priores, de statu Monach.

(n) d. Clem. Ne in agro. §. Ad ampliationem, de statu Monach.

(o) C. Cum ad Monasterium. §. Tales autem, de statu Monach.

(p) d. c. Cum ad Monast. §. Tales autem.

gerant, ut semper memores sint Religionis & votorum, quibus se DEO & Superioribus astrinxerunt.

XXVI. Hospitalitas in Monasteriis ita exerceatur, ne forte magis publicis tabernis, quam Religiosorum hominum Conventibus comparentur. Qua in re Prælatos, & alios Superiores pro modo facultatum Monasterii, & pro ratione personarum illuc divertentium prudenter ac discrete procedere volumus. (g) Cæterum serio prohibemus, ne sub prætextu hospitalitatis crapulæ, ebrietatibus, æqualibus haustibus, inhonestis colloctionibus, & his similibus ulla detur occasio. Ad curam vero hospitem deputentur viri graves, & bonæ conscientiæ.

XXVII. Censuras atque interdicta non modo, quæ a Sede Apostolica, sed etiam a Nobis emanaverint, Regulares omnes in Ecclesiis suis promulgent, observent, (r) & ab aliis sibi commissis observari procurent.

XXVIII. Religiosi privilegiis suis moderate ad ædificationem, non ad destructionem & Ecclesiasticarum rerum confusionem utantur.

XXIX. Denique, quæ in Concilio Tridentino (s) de Regularibus definita, & a Nobis supra de Sacramentis Ecclesiæ, de Ecclesiarum cultu, de Altaribus, sacris vasis, & vestibus, de sepulchris ac cæmiteriis, aliisque rebus constituta sunt, ea omnia, in quantum Monasteriorum Superiores & Regulares quoscunque concernere debent, volumus, ut ab omnibus diligenter observentur.

TITULUS II.

De Electione & Confirmatione Prælatorum.

I.

Magni refert ad Monasteriorum regimen tales assumi, qui in spiritualibus & temporalibus cum profectu præesse possint: quantum enim detrimenti Monasteria patiantur, quo-

rum Superiores luxui, & quibusvis animi sui desiderijs intenti, spiritualia aut nihil, aut parum curant; & temporalia passim profundant, optima rerum Magistra experientia hæcenus in multis locis docuit. Proinde vehementer adhortamur omnes & singulos, quibus in Superiorum electione jus competit, ut deposito omni affectu, viros assumant, & prudentia rerum agendarum, gravitateque maturos & pietate insignes. (t)

II. Concubinarii, aut de incontinentiæ vitio notorie diffamati, proprietarii, excommunicati, suspensi, interdicti, nimium simplices, & qui alios juris patiuntur defectus, Monasteriis non præficiantur.

III. Electio fiat per vota secreta, (u) ita ut singulorum eligentium nomina nunquam publicentur, nec quorumcunque absentium suffragia admittantur. Electioni præsent duo vel tres scrutatores Prælati, sive alii in dignitate Ecclesiastica constituti, vel alias, prout juris fuerit, ab eligentibus requisiti, duo testes Clerici, vel Religiosi, & Notarius, qui, si fieri possit, sit Clericus. Ad scrutinium aut suffragia nulli Laici, etiam si Advocati fuerint, sub quovis prætextu admittantur.

IV. Electione canonice celebrata, electus per Instrumentum publicum ab Electoribus & Notario subscriptum & subsignatum, Nobis, aut Vicario nostro, vel alii Superiori quantocyus præsentetur, præsentatus vero confirmationem a Nobis prius non obtineat, quam per legitimam inquisitionem & proclamationem de electi sufficiencia, & dignitate constiterit.

V. Prælati omnes in Diœcesi nostra existentes, & Nobis ordinario jure subiecti, benedictionem suam solennem a nullo alio Episcopo, quam Nobis, vel Suffraganeo nostro recipiant. Exemptis, si extra Diœcesim nostram benedictionis suæ munus accipere voluerint, modum non præscribimus. Sed ut in Diœcesi nostra ab aliis, quam Nobis, aut Suffraganeo nostro sine nostra

(g) Conc. Trid. Sess. 25. de Refor. c. 8.

(s) Sess. 25. de Regular.

batem. 18. q. 2.

(r) Conc. Trid. Sess. 25. de Regular. c. 12.

(t) C. Ne pro defectu, de Elect. c. Vilissimus. l. q. 1. c. Ab-

(u) Concil. Trid. Sess. 25. de Regular. c. 6.

stra speciali & expressa licentia in scriptis obtenta, benedicantur, minime permittimus.

TITULUS III.

De Monialibus.

I.

QUæ supra de Religioforum votis disposuimus, eadem etiam de Monialibus intelligi volumus, quæ eodem plane modo ut viri regulares obedientiam, paupertatem & castitatem profitentur.

II. Obedientiam præstent Moniales Abbatissis, Præfectis, & Matribus suis. (x) Quæ earum iussa neglexerint, neque penitentiam sibi impositam facere voluerint, aut superbe & injuriose responderint, contumaciter se defenderint aut excusaverint, velo priventur, incarcerentur, aut aliis pœnis ad obedientiam redigantur, & si rebelles permanserint, Superiori deferantur.

III. Proprii omnino nihil possideant, sed quæ a Præfecta illis ad usum concessa sunt, iis modeste, & ita utantur, ut semper paratæ sint ad Superioris nutum ea relinquere.

IV. Quæ ex labore manuum, aut ex suorum donatione vel hæreditate, aliave quavis iusta causâ Moniales acquirunt, ea omnia ad communem usum & Monasterii utilitatem conferant. (y) Non tamen prohibemus, quin hujusmodi pecuniis illarum necessitatibus consulatur, a quibus pervenerunt.

V. Munera quæcunque, etiam minima, Moniales sive Clericis, aut Religiosis, sive Laicis nec dent, nec mittant, sine præcitu & consensu Præfectæ. Ut aliquando Moniales parentibus, fratribus, sororibus, aut aliis cognatis proximioribus aliquid donare possint, Præfectæ permittant.

VI. Eleemosynæ non alicujus privatæ Monialis, sed Monasterii tantum nomine dentur.

VII. Præfecta Monasterii bis singulis annis, aut sæpius Monialium cellas visitet, suppellectilem illarum perlustret, & scrutetur, an aliquid proprii, aut quam ei ad usum sit concessum, habeant. Quod si aliqua deprehensa fuerit, ex Decreto Concilii Tridentini (z) per biennium activa & passiva voce privetur, & alias juxta Regulam & Ordinis Constitutiones puniatur.

VIII. Et quia Moniales Sponsæ sunt Christi Domini, maxime decet, ut, quam fidem promiserunt, non tantum opere, sed etiam verbis, ac puro corde integram conservent. (a) Quare fugiant diligenter colloquia vana, prava & inutilia, sanctumque silentium, quo magna animæ donorum spiritualium fit accessio, sedulo colant. (b)

IX. Ut in omnibus Monasteriis Sanctimonialium, quæcunque Ordinis & status fuerint, quoad cibum, potum, vestitum, cæteraque necessaria omnia, omnes communiter vivant, ut a Sacro Tridentino Concilio (c) decretum est, serio præcipimus. Certas portiones in vino, in pane, & reliquis victualibus; Censurales vitales, proprias ancillas & familias, & si quæ his sunt similia, voto paupertatis, quod coram Deo & Angelis suis solenniter sunt professæ, e diametro repugnantia, severissime prohibemus, (d) non obstantibus consuetudinibus quibuscunque.

X. Nulla sit differentia inter Moniales, nulla alii præferatur aut postponatur, sed a Magistris & Præfectis unicuique Monialium secundum necessitatem provideatur.

XI. Cibum capiant omnes in communi refectorio, (e) etiam Abbatissæ, Magistræ, Matres, aut aliæ Præfectæ, (f) nisi infirmitas aut alia legitima causa subsistat. Mensis adhibeatur benedictio, & gratiarum actio a Præfecta, cui omnes Moniales interfint; absentes sine causa, puniantur. Fiat etiam lectio alicujus spiritualis, & approbati libri

(x) C. Cum ad Monasterium. §. Abbas vero. de statu Monachorum.

(y) d. Sess. 25. c. 2.

(z) d. Sess. 25. c. 2.

(a) Causa 27. q. 1. fere per totum.

(b) C. Cum ad Monasterium. §. In oratorio. de statu Monachorum.

(c) Sess. 25. de Regul. c. 1.

(d) Ex d. Sess. 25. c. 2.

(e) C. Pernitiosam. 18. q. 2.

(f) Facit. d. c. Cum ad Monasterium. §. Abbas vero.

libri Germanici, in prima & secunda mensa, ut dum carnalibus cibis corpus nutritur, etiam spiritualibus escis pascantur.

XII. Dormiant omnes in uno cubiculo distinctis lectis, aut in uno dormitorio distinctis cellis. (g) Cubiculum autem commune, seu dormitorium noctu semper sit clausum, clave penes Præfectam existente; cellæ vero aliter non claudantur, quam ut a Præfecta aperiri possint.

XIII. Egrotis Monialibus in infirmaria, aut alio loco convenienti cibibus, medicamenta, aliaque necessaria secundum Monasterii facultates benevole administrentur. (h) Eas Præfecta charitatis causa quotidie visitet, ut & solatio sit, & melius, quæ ipsis sunt necessaria, cognoscere, ac procurare queat.

XIV. Vestitus sit simplex & Ordini conveniens, nihil quod superfluitatem aut mundi vanitatem sapiat. (i) Annuli & armillæ in manibus, cinguli, cultri argentei, aurei, deaurati, aut alias pretiosi mulieres aulicas, non Moniales ornant, ac decent. Hujusmodi res, si habeant, ad communes monasterii usus ac necessitates convertendas Præfectæ tradant.

XV. Canes, columbas, gallinas, aves, ut Moniales privatim habeant, interdicimus. Quæ si apud aliquam repertæ fuerint, statim ex monasterio ejiciantur, vel communi usui ascribantur, & Moniales puniantur.

XVI. Quia Diaboli pulvinar est otium, caveant Sanctimoniales omnes, ne tempus vanis confabulationibus, & otio, sed honesto labore manuum pro communi monasterii necessitate ad Præfectæ præscriptum consumant.

XVII. Diebus Festivis, quibus a labore manuum abstinere, quod residuum est temporis a cultu Divino, illud totum piis meditationibus, orationibus, & sacrorum librorum lectionibus impendant.

Libri prophani; turpes, jocosí & ludicri in monasteriis Monialium non habeantur, in illis, si tales sint, aut deinceps inveniantur, ex monasteriis ejiciantur, vel comburantur; nam sicuti sacrorum & piorum librorum lectio ad Dei & sui cognitionem ducit, viamque perfectionis, & æternæ vitæ monstrat; ita inanum & turpium librorum lectio vitia generat, mentemque corrumpit.

XVIII. Moniales Clericorum, seu Regularium quorumcunque interulas, sudaria, collaria, aliasque vestes nec lavent, nec conficiant. Vestes vero sacras, quales sunt alba, amictus, corporalia, purificatoria, & similia, ut Moniales lavare & conficere possint, ita concedimus, si cum præscitu & licentia Magistræ fiat.

XIX. Ad Sanctimoniales maxime pertinet, assidue laudare Deum, eidem gratias agere, & supplicare, ut suam misericordiam omnibus hominibus ad salutem impertiat; idcirco diu noctuque Chorum frequentent, Horasque Canonicas distincte & pro pio animi affectu recitent: (k) Quæ publicis horis interesse ex justa causa impediuntur, eas privatim orare ne intermittant, cum omnes Moniales, quæ Professione facta velum suscepunt, quotidie suæ Religionis Divinum Officium & consuetas preces dicere obligentur. (l) Adsint autem singulæ statim ad initium congruenti sui Ordinis vestitu indutæ, in suis propriis locis, & usque ad finem permaneant. Soni cantus, qui honesti & spirituales non sunt, colloquia, risus, & quicquid indignum est domo Dei, & ejus Divina Majestate, cum qua in oratione colloquimur, ab Ecclesiis & cultu Divino Monialium procul arceantur.

XX. Venerabile Sacramentum Corporis & Sanguinis Domini nostri Jesu CHRISTI intra septa monasterii non aservetur, (m) sed in exteriori Ecclesia, ita tamen, ut etiam Moniales locum, seu

(g) d. c. Perniciosam.

(i) d. Sess. 25. c. 1.

(l) D. Anton. 3. parte, tit. 13. cap. 4. §. 1. Turrecremat. c. 1. dist. 91. q. 15. Navar. de orat. c. 7. num. 21. relati ab Azorio Instit. moral. lib. 10. c. 6.

(m) Concil. Trid. Sess. 21. de Regul. c. 10. circa fin.

(b) d. c. Cum ad Monasterium. §. Porro debiles.

(k) C. Quia tua. 12. q. 1. D. Hieronym. ad Rusticum Monachum relatus in c. Nunquam. de Consecr. dist. 5.

seu tabernaculum intra septa commode videre possint, clave apud Capellanium, seu Confessarium existente. In oratoriis vero Monialium Venerabile Sacramentum omnino non sit, privilegiis, indultis, aut consuetudinibus quibuscunque non obstantibus. (n)

XXI. Sanctissima Pœnitentiæ & Eucharistiæ Sacramenta prima Domini singulorum mensium, & celebrioribus Christi Domini, & Beatissimæ Virginis Festivitatibus, atque aliis diebus, quibus ex præscripto Ordinis obligantur, devote percipiant. (o)

XXII. Confessarium habeant ordinarium, sive regularem, sive sæcularem Clericum, a Superioribus assignatum & approbatum; Extraordinarium bis aut ter in anno ad nostram, vel alterius Superioris ordinationem. (p)

XXIII. Qui Monasteriis Sanctimonialium præfunt, pios, prudentes, maturos, atque doctos Confessarios & Concionatores eis constituant, qui ad minus bis singulis mensibus Dei verbum prædicent, easque erudiant in omnibus, quæ ad Dei cultum & sempiternam salutem consequendam pertinent.

XXIV. Præfecta Monasterii quocunque nomine appelletur, ex Tridentini Concilii Decreto, (q) minor quadraginta annis non eligatur, & quæ in vitæ honestate octo annis non vixerit, postquam professa est. Quod si talis in eo Monasterio non inveniatur, ex alio ejusdem Ordinis Monasterio assumatur, nisi incommodum ei videatur, qui electioni præest: tunc enim ex eodem Monasterio eligi poterit, quæ triginta annos excessit, & quinque annis laudabiliter post Professionem vixit.

XXV. Nulla Monialis ambiat, aut aliquo modo sive directe, sive indirecte, per se, vel per alios honores & officia quærat, sed singulæ propria voluntate deposita, & ad obtemperandum aliis magis paratæ, Dei gloriam & communem Monasterii utilitatem præocu-

lis habentes, eas eligant, quas, omni humanitatis affectu remoto, ad id munus magis idoneas judicaverint.

XXVI. Præfecta Monasterij, tanquam communis omnium Monialium mater, ipsarum, & corporis & animæ salutis diligentissime consulat, easque studiose admoneat, ut puro sint corde, vitæque integritatem servant, & ad perfectionem omnium virtutum contendant. Meminerit autem sibi reddendam esse rationem justissimo Judici errorum omnium, quæcunque Moniales ejus culpa aut negligentia admiserint. Imprimis vero curet, ut pax & concordia sororum conservetur, sublatiis ab ea, quantum fieri poterit, omnibus dissidiis, ac discordiæ causis, ut, quemadmodum debent, unum corpus & unus spiritus in earum Sponsio Christo JESU perfectæ charitatis vinculo colligentur.

XXVII. In Moniales garrulas rerum novarum & mundanarum amatrices, aliis sive detrahentes, sive maledicentes, quæ hodie apud plerasque Moniales passim sunt in usu, in Capitulis, singulis septimanis semel celebrandis, privatione veli, disciplinæ, carcere, aut aliis pœnis pro modo culpæ Præfecta Monasterii severissime animadvertat.

XXVIII. Regula, & aliæ Ordinis Constitutiones Monialibus sæpius prælegantur, (r) ut eis vocationis & professionis suæ debitum officium in memoriam revocetur.

XXIX. In negotiis paulo gravioribus Præfecta Monasterii sine præscitu & consensu Monialium, Officialium, aut Seniorum nihil decernat, in iis vero, quæ majorem deliberationem requirunt, totum Monialium Capitulum convocet.

XXX. Ad minora officia Moniales ætate, & prudentia maturæ assumantur, quæ ad nutum Superiorum sint amovibiles. (s) Quæ autem assumptæ fuerint, quemadmodum earum obedi-

Aaa aaa 3

entia

(n) d. loco. (o) Concil. Trid. Sess. 25. de Regul. c. 10. Clem. Ne in agro. §. Sane. de statu Monach. (p) d. Sess. c. 10. (q) Sess. 25. de Regular. c. 7. (r) d. Clem. Ne in agro. §. Regula. de statu Monach. (s) C. Cum ad Monasterium. §. Tales autem. de statu Monach.

entia postulat, officia suscipiant, & eorum munera sine reculatione humiliter exequantur.

XXXI. Novitiarum curam habet Monialis specialiter deputata in loco separato, quæ Novitias in timore, & cultu Dei, & in observatione religionis suaviter erudiat, coneturque, & vitæ exemplo & assiduis monitionibus ita eas instituere in spiritualis vitæ ratione, ut Deo adiutore ejus perfectæ ancillæ evadere possint. (e) In Novitiarum nulla recipiatur sine habitu regulari, ad habitum nulla, nisi duodecim annis major, ad Professionem vero post annum probationis absolutum, & decimum sextum ætatis annum completum, (u) quæ prius Nobis, aut Vicario nostro de suo libero consensu, & pia voluntate fidem sufficientem non fecerit. (x) Plures autem nullibi assumentur, quam commode sustentari possunt. (y)

XXXII. Ut puellæ disciplinæ & honorum morum causâ in Monasteriis Sanctimonialium degant, ac educantur, non prohibemus. (z) Volumus tamen, ut separatim a Monialibus pro cuiusque loci commoditate erudiantur. Puellæ tales habitu quidem sæculari, nec ramen sumptuoso & varii coloris, sed modesto ac loco religioso convenienti utantur. Sumptus vero ipsæ puellæ, siue parentes earum, non Monasterium ferat.

XXXIII. Quoniam Nobis gravissime sub obtestatione Divini Judicii & interminatione maledictionis æternæ a Sacra Tridentina Synodo (a) præceptum & mandatum est, ut in omnibus Monasteriis Nobis subiectis ordinaria, in aliis vero Sedis Apostolicæ auctoritate clausuram Sanctimonialium, ubi violata fuit, restituamus, & ubi inviolata permanfit, conservemus, & inobedientes atque contraditores quoscunque per censuras Ecclesiasticas, alias

que pœnas, quacunque appellatione postposita, compescamus. Ideo memores salutis nostræ, & ad avertendum a Nobis Divinam ultionem omnibus Monasteriorum Sanctimonialium Superioribus & Visitatoribus quibuscunque in virtute sanctæ obedientiæ præcipimus, & mandamus, ut, quantum in ipsis fuerit, atque pro horum temporum occasione & locorum commoditate fieri poterit, Monasteria Monialium sibi subiecta ad debitam clausuram & communem vitæ rationem, omni proprietate femota redigant, atque Moniales quascunque, vel alios impediētes Ecclesiasticis censuris, aliisque pœnis constringant.

XXXIV. Inclusoria, & congregationes Monialium in sylvis, aut aliis locis minus commodis existentes, ad alia loca hominum frequentia celebriora, ubi commode fieri potest, transferantur. (b)

XXXV. Moniales nondum clausæ extra Monasteria solæ non egrediantur: Ad convivias, ad nuptias Laicorum, siue Primitias Clericorum nullo modo accedant, extra Monasterium non pernoctent, ad Ecclesiarum Dedicaciones, ad nundinas non vadant, & per plateas & vicos oppidorum non discurrant. Quæ contraxerint, & Dei ultionem, & nostram condignam atque severam animadversionem non effugient.

XXXVI. Canonissæ sæculares, continentia & paupertatis studium nulla voti solennitate obstructum festantes commune habeant dormitorium, habitu modesto & castitatis indice utantur. Magna quoque instituti sui commoda perciperent, si communi mensa uterentur, quod, ut faciant, eas in Domino adhortamur. Abbatissæ, seu Præfectæ suæ sint obedientes, & Collegii, siue Monasterii constitutionibus in omnibus satisfaciant, quamdiu in eo manserint.

(z) d. Clem. Ne in agro. §. Regula, in fin.

(x) Ead. Sess. c. 17. concordat. 1. Paula. 20. q. 3.

(z) Vide Azorium lib. 13. c. 8. q. 4. Instit. moral.

(a) Sess. 25. de Regular. c. 5. c. Periculoso, de statu Monach. in 6. Videatur Bulla Pii V. edita an. 1566. quæ incipit: *Circa Pastoralis*. Item ejusdem edita an. 1569. quæ incipit: *Decoris*. Item Bulla Gregorii XIII. edita anno 1575. quæ incipit: *Ubi gratia*.

(b) d. Sess. 25. cap. 5. in fine.

(u) Sæped. Sess. 25. de Regular. c. 15.

(y) Ead. Sess. c. 3.

rint. Ad pfallendum & laudandum Deum in Ecclesia sint frequentes, assiduæ & devotæ : A luxu ac mundi vanitatibus, a choreis & tripudiis, & aliis omnibus a loco sacro alienis, minusque dignis abstineant. Ea enim in Collegiis Canonissarum severe prohibemus, sed potius piis honestisque moribus a juventute ita afuescant, ut, cum rursus exierint, omnes facile, eas vere in educationis honestæ domicilio versatas & instructas fuisse, cognoscant.

TITULUS IV.

De Religiosis Domibus.

I.

DOmus Religiosæ sunt Hospitalia, Xenodochia, Orphanotrophia, Leprosoria, & similia, (c) quarum cura & inspectio, sive Ecclesiastici, sive Laici administrationem habeant, cum Nobis de jure, (d) & Tridentini Concilii Decreto, (e) uti Ordinario competat, omnibus hujusmodi piorum locorum Administratoribus injungimus, ut non tantum fideliter munus suum obeant, Nobisque, si petierimus, id se facturos jurent, (f) sed etiam quotannis ad nostram requisitionem administrationis suæ rationem reddant, consuetudinibus & privilegiis quibuscunque non obstantibus. (g)

II. Fructus, eleemosynas, ac bona, quæ in administrationem sibi tradita sunt, in eos tantum usus, qui a piis Fundatoribus, aut alias constituti sunt, non in alios convertant; Pauperibus cujuscunque ordinis & sexus, quemadmodum unus cujuscunque inopia requirit, & ejus voluntas, a quo bona illa profecta sunt, postulat, benigne & liberaliter distribuant. Quæ viduis designata sunt, dent viduis, quæ orphanis, dent orphanis, & quæ aliis deputata, ex iis illi, non alii vivant. (b) Neque im-

sterum circa ejusmodi res & fundationes pias ulla fiat mutatio sine nostra, aut Vicarii nostri, prævia causæ cognitione, obtenta licentia. (i) Nihil etiam ex bonis pauperum in suum, vel suorum privatum commodum vertant Administratores, (k) neque inutiles & superfluos sumptus faciant, nihil vendant, permutent, aut alienent, nisi iis servatis, quæ de jure requiruntur. (l) Unde administrationi piorum locorum non præficiantur homines lucro & privato commodo dediti, egentes, prodigi, & qui rem suam administrare non possunt, sed pietate ac prudentia insignes, & qui moribus ac vita sint probati. (m)

III. In Hospitalibus, & aliis piis diversoriis, ubi hospitalitas exercetur, mares cum feminis, etiam specie Matrimonii, nisi id certissime constet, non versentur. Ad ea loca circulatoribus, aleatoribus, nebulonibus, & istiusmodi hominibus nequissimis accessus non pateat.

IV. Mendici robusti, & morbum simulantes indiscussa causa non recipiantur, sed graviter admoneantur, ut se potius in aliqua honesta arte exercent, & inde sibi vitæ subsidium comparent, quam ut ignaviæ ac desidii dediti ostiatim in triviis & templis miserime mendicent.

V. Prima autem & præcipua cura sit in omnibus locis piis de salute animarum. (n) Ubi in hujusmodi locis proprii Sacerdotes sunt, iis serio mandamus, ut nihil eorum intermittant, quæ ad animarum salutem, pauperum, & infirmorum promovendam pertinent. Ubi vero non sunt, locorum Parochi, in quorum jurisdictione Parochiali hujusmodi loca existunt, eos invisant, verbo Dei, & Ecclesiæ Sacramentis pascant atque provideant, aliisque modis consolentur. (o)

VI.

(c) Toto tit. Extr. & in 6. de Religiosis domib. c. In qualibet. 23. q. 8. d. Illud, cum L. seq. Cod. de Sacros. Ecclesiis.

(d) C. 3. & 4. de relig. domib.

(e) Sess. 7. c. 15. Sess. 22. c. 8. Sess. 25. c. 8. de Reform.

(f) Clem. Quia contingit. §. Ut autem, circa fin. de relig. domib.

(g) d. Sess. 22. c. 9. de Refor. d. Clem. Quia contingit. (b) d. Clem.

(i) d. Sess. 22. c. 6. de Reform.

(k) d. Clem. Quia contingit.

(l) Tot. tit. Extra in 6. & Clem. de reb. Eccles. non alienand.

(m) d. Clem. Quia contingit. §. Ut autem, de relig. dom. (n) Sess. 22. c. 8. de Refor.

(o) Clem. Quia contingit. §. finali. de relig. domib.

VI. Omnes, qui piorum locorum sumptibus aluntur, Festis solennioribus confiteantur, & Sacram Communionem reverenter accipiant. In Ecclesia & Sacro Missæ Officio sint frequentes, & quotidie pro Fundatoribus & Benefactoribus ad Deum preces effundant. Quod ut faciant, Parochi, & piorum locorum Praefecti eos adhortentur.

VII. Curent etiam Hospitalium, & aliorum piorum locorum Magistri, ne a peregrinis, advenis, & pauperibus quibuscunque aliquid contra Catholicam fidem, Christianam pietatem, & bonos mores admittatur.

TITULUS V.

De Sodalitatibus seu Confraternitatibus.

I.

Sodalitates seu Confraternitates proximi adjuvandi, aut alia pia & legitima causa cum auctoritate erectæ, ubi collapsæ sunt, restituantur, ubi depravatæ, reformentur. Imposterum vero novæ Confraternitates a quopiam sive Clerico, sive Laico, cujuscunque dignitatis fuerit, sine Sedis Apostolicæ, aut nostræ approbatione non instituantur.

II. Olim a Majoribus nostris in eum usum institutæ sunt Confraternitates, ut in iis tum quisque propriam, tum proximi salutem quæreret, ut orationes & Sacrificia pro vivis & defunctis fierent, ut conciones, aliaque ad pietatem incitamenta haberentur, fideles Christiani apud confratres viderent exempla, quæ imitarentur; hodie vero passim convenitur aut ad lusus, aut ad comotationes & crapulas, quæ a primæva & pia institutione maxime sunt aliena, & quæ Nos sub gravissimis pœnis serio inhibemus.

III. Ubi ex institutione aliqua, aut laudabili ac necessario longo usu convivium aliquod fieri debet, in eo sit omnis frugalitas & modestia.

IV. Ad Confraternitates non recipiantur hæretici, aut de hæresi suspecti, criminosi, & peccatores publici, sed ii tantum, qui Deum timere, pacem colere, in charitatis operibus exerceri, mites atque humiles, ac Christianorum morum & disciplinæ amantes esse consueverunt.

Orationes, & alia pia opera, ad quæ ex Legibus & Statutis Apostolica aut ordinaria auctoritate confirmatis Confratres obligantur, non intermittant, sed officio ac pietati suæ quilibet faciat satis.

Redditus sive certi, sive incerti sint a deputatis Officialibus fideliter colligantur, & in usus necessarios convertantur; de iis, si petierimus, ratio Nobis quotannis fiat. (p) Officiales, & alii Ministri non sint perpetui, sed de anno in annum, aut ad summum de biennio in biennium semper novi constituantur. (q)

Finis Partis Tertiæ.

CONSTITUTIONUM

SYNODALIUM

PARS QUARTA.

TITULUS I.

De Jurisdictione & Judicio Ecclesiastico.

I.

Sicuti in populo Christiano distincti sunt Status Ecclesiasticus & Sæcularis; ita etiam duplex est & distincta Jurisdictio. (r) Hinc Ecclesiasticarum personarum & rerum controversiis ac diffidiis componendis in unaquaque Diocesi proprium est attributum forum. (s)

II. Et sane Ecclesiastica Jurisdictio Divina ordinatione ita instituta, & Sanctorum Patrum testimonio, (t) variisq; variorum Imperatorum Legibus (u) &

(p) Concil. Trid. Sess. 22. de Refor. c. 9.

(r) C. Duo sunt. d. 96.

(s) Conc. Trid. Sess. 25. de Refor. c. 20.

(t) L. Statuimus. & tot. tit. C. de Episc. & Cler. privil. L. Placet. C. de Sacros. Eccl. L. Cum Clericis. L. Omnes. C. de Ep. & Cler. facit c. Continua. §. Item Constantinus. c. Sacr. 11. q. 1. c. Futuram. 12. q. 1.

(q) Conc. Trid. Sess. 25. de Refor. c. 8.

(s) C. 1. de offic. Judic. ordin.

(u) L. Statuimus. & tot. tit. C. de Episc. & Cler. privil. L. Placet. C. de Sacros. Eccl. L. Cum Clericis. L. Omnes. C. de Ep. & Cler. facit c. Continua. §. Item Constantinus. c. Sacr. 11. q. 1. c. Futuram. 12. q. 1.

& Rescriptis stabilita est, ut sæculari auctoritati ac jurisdictioni nihil deroget, sed una sine alterius præjudicio & offensione justitiam administrare possit, ut, scilicet Deo & Ecclesiæ militans, minime se sæcularibus negotiis implicet, ac vicissim ne rebus ille Divinis, & Ecclesiasticis præsideat, qui sæcularibus negotiis est implicatus. (*)

III. Ordinarie Judicium nostrum Ecclesiasticum Constantiæ in ambitu Ecclesiæ nostræ majoris, loco ad hoc deputato, publice celebretur, cum ea, qua decet, modestia ac gravitate. Qui locus nullo unquam tempore, sine nostro expresso consensu mutetur.

IV. Causæ Inquisitionum contra Clericos licet in Palatio nostro Episcopali tractentur, volumus tamen, ut sententiæ definitivæ non alibi, quam in loco Consistorii nostri solito pronunci-entur: quod idem in omnibus causis matrimonialibus fieri mandamus. (y)

V. Celebretur autem Consistorium omni die semel hora nona matutina, in quo causæ Ecclesiasticæ omnes, five novæ, five pendentes, a Procuratoribus modeste proponantur, & a Judicibus nostris, servato juris ordine, sine longiori mora, & ad summum a die contestatæ litis intra biennium determinentur, & definiantur. (z) Excipimus primo omnes dies Dominicos, & Festivos, (a) quos sup. *Parte I. Tit. de Festis diebus*, enumeravimus. Deinde ferias Natalitias a Festo D. Thomæ Apostoli usque ad octavam Epiphaniæ Domini, tum ferias, quæ Bacchanales, & Paschales dicuntur, quarum priores sunt a Dominica *Quinquagesimæ* usque ad Dominicam primam *Quadragesimæ*, quæ *Invocavit* dicitur. Posteriores vero a Dominica *Palmarum*, usque ad Dominicam *Quasimodo geniti*. Denique messis & Autumni ferias, quarum hæ a festo S. Michaelis usque ad festum S. Galli inclusive, nisi vel citius, vel tardius Autumnus incideret, quo casu Vicarii nostri discretionis relinquimus ferias has vindemiales incipere & finire, ita tamen,

ne Consistoriales nostri a Consistoriis habendis pluribus diebus vacent, quam sunt inter prædicta S. Michaelis, & S. Galli Festa: Illæ vero a Festo Divi Jacobi Apostoli usque ad Festum D. Bartholomæi Apostoli, quæ alio nomine feriæ caniculares vocantur, a Majoribus nostris institutæ sunt.

VI. Quod si partes præsentēs, aut earum Procuratores feriis, quæ non in honorem Dei, sed ob utilitatem communem, vel alias causas institutæ sunt, præsertim vero in Matrimonialibus, & iis causis, quæ longiorem moram non patiuntur, renuntiare vellent, permitimus, ut a Judicibus nostris audiri & expediri possint. (b)

VII. Alia Festa sunt, quæ Chori appellamus, quibus ante meridiem audientia judicialis non habetur. Ea sunt in *Januario* Festum S. Ivonis Patroni Consistorialium, Ss. Fabiani & Sebastiani, & Conversionis S. Pauli. In *Februario* S. Agathæ, Dorotheæ, & Cathedræ Petri. In *Martio* S. Fridolini & Gregorii. In *Aprili* S. Marci. In *Majo* Inventionis S. Crucis. In *Junio* Ss. Joannis & Pauli. In *Julio* Visitationis B. Mariæ Virginis, Udalrici, Margarethæ & S. Annæ. In *Augusto* S. Gebhardi Episcopi Constantiensis. In *Septembri* S. Verenæ, Felicis & Regulæ, & Exaltationis S. Crucis. In *Octobri* S. Lucæ Evangelistæ, & undecim millium Virginum. In *Novembri* omnium animarum, & Præsentationis B. Mariæ Virginis. In *Decembri* S. Barbaræ, Conceptionis B. Mariæ Virginis & Lucæ. Denique tota Octava Sanctissimi Corporis Christi. Atque his diebus, si necessitas postulaverit, & partes sint præsentēs, judiciumque urgeant, a prandio hora secunda pomeridiana Consistorium celebretur. Quas Ferias ideo huc transcripsimus, ut in Parochorum, & aliorum notitiam deductæ, partes litigantes pro consequenda justitia Constantiam commodius remitti, & venire possint, ne frustra itinerando vel diutius expectando magnos & inutiles sumptus faciant.

TITU-

(x) C. Cum ad verum, d. 96.

(z) Conc. Trid. Sess. 24. de Refor. c. 20.

(b) d. c. Conquestus, in fine.

(y) Facit c. Consuluit, de offic. Jud. deleg.

(a) C. I. c. Conquestus, de Feriis.

TITULUS II.

*De Causis Ecclesiasticis, quæ de
jure & immemoriali tempore ac con-
suetudine ad forum Ecclesiasti-
cum Constantiense per-
tinent.*

I.

CAUSÆ Ecclesiasticæ ad forum no-
strum Ecclesiasticum pertinentes,
varii sunt generis. Aliæ enim sunt me-
re spirituales ex sua natura; aliæ ex pu-
re spiritualibus dependentes; aliæ ve-
ro mixtæ, quæ scilicet temporale ali-
quid spirituali annexum habent.

II. Puræ spirituales sunt, quæ circa
fidem Christianam, circa Sacramenta
& eorum administrationem, circa Ec-
clesias & cæremonias Ecclesiasticas ver-
santur. Hinc causa Hæresis, (c) blas-
phemix in Deum & Sanctos, (d) Ma-
trimoniales, (e) & his similes ad Ecce-
siasticum forum pertinent.

III. Ex spiritualibus dependentes
causæ sunt, quæ ex Matrimonio con-
trahendo vel contracto dependent, &
emergunt: ut sunt causæ divortii, sæ-
vitix, deflorationis, ascriptionis prolis,
taxæ dotis, legitimisationis, quando sci-
licet dubitatur, num aliquis ex legiti-
mo thoro sit procreatus, vel non: (f)
Item causæ violationis & spolationis
Templorum, aliorumque sacrorum lo-
corum. (g) Causæ sacrilegii, usuræ,
& similium criminum Ecclesiasticorum,
quorum cognitio & punitio de jure
ad Episcopos pertinet, sive ea ab Ecce-
lesiasticis, sive a Laicis perpetrentur.
(b)

IV. Causæ mixtæ sunt Beneficia-

les, Jurispatronatus, (i) fundationum,
decimarum majorum, minorum & no-
valium, tam in possessorio, quam in
petitorio: omnium quoque jurium,
servitutum, reddituum & proventuum
quorumcunque Ecclesiasticorum, Epi-
scopalium, Archi-Diaconalium, Deca-
nalium, & Parochialium Ecclesiarum,
Monasteriorum, Sacellorum, Fabrica-
rum, Xenodochiorum, Leproforiorum,
& aliorum piorum locorum. (k) Item
causæ testamentorum & legatorum ad
pias causas. (l) His annumerantur cau-
sæ ratione personarum, quæ in judi-
cium veniunt, quales sunt causæ om-
nes, quæ contra Clericos nostræ juris-
dictioni subiectos moventur, sive rea-
les, sive personales, sive civiles, sive
criminales sint, etiam si eorum hære-
ditates & bona derelicta concernant.
(m) Item causæ injuriarum, quibus
personæ Ecclesiasticæ a Laicis afficiun-
tur. Causæ insuper viduarum & mi-
serabilium personarum, (n) atque eo-
rum, quibus justitiæ administratio ab
aliis denegata fuit; (o) & tandem etiam
eorum Laicorum, qui in obligatio-
nis suis foro suo sæculari legitime re-
nunciaverunt, & nostram Ecclesiasti-
cam jurisdictionem prorogarunt, (p)
& si quæ sunt aliæ similes causæ, quas
Sacri Canones nonnisi in foro Ecclesia-
stico ventilari & determinari consti-
tuunt. Nam licet ex accidenti circa
aliquid temporale versentur; tamen
omni jure accessorium sequitur natu-
ram sui principalis, (q) magisque dig-
num ad se minus dignum trahit.

V. Et quamquam hoc corruptis-
simo sæculo, quo omnia confundun-
tur, atque a recta ratione & justitiæ
norma declinant, multi Sæculares &
Laici

(c) C. Excommunicamus. §. Adjicimus. de hærer. (d) C. 1. de offic. Jud. ordin.

(e) C. 1. in fin. de consang. & affin. c. Accedentibus. de excess. Prælat. Conc. Trid. Sess. 24. de Sacr. Mat. can. 12. (f) C. Porro. c. De illa. de divort. c. De prudentia. de donat. inter vir. & uxor. tot. tit. Qui filii sint legit.

(g) C. Cum sit generale. de foro compet. (h) C. 1. de offic. Jud. ord. c. Novit. de Judic. d. c. Cum sit generale. (i) C. Quanto. de Judic.

(k) C. Si duobus. de Appell. c. Si Clericus. de foro compet. d. c. Cum sit generale. eod. per L. Si quis. L. Placet. Cod. de Episc. & Cler. (l) Conc. Trid. Sess. 22. de Ref. c. 8.

(m) C. 1. c. Si quis. de foro compet. c. Et si Clerici. c. Clerici. de Jud. c. 1. & 2. 11. q. 1. Auth. Ut Clerici apud propr. Ep. §. pen. coll. 6. (n) C. Ex parte. de foro comp.

(o) C. Ex tenore. de foro comp. (p) C. Significasti. eod. tit.

(q) C. Accessorium. de R. I. in 6. L. Cum principalis. L. Nihil dolo. §. Cum principalis. §. eod.

Laici plurimas ejusmodi causas ad sua fora sæcularia variis modis trahere conantur: Nos tamen his Sæcularium quorumcunque turbulationibus & attentatis Ecclesiasticæ nostræ jurisdictioni nihil derogatum esse volumus, ac declaramus, desuper solennissime protestantes, omnesque actus contrarios hac nostra Synodali Constitutione & proclamatione interruptentes, atque Vicario & Officiali nostro serio mandantes, ut si hujusmodi causæ in forum nostrum adducantur, in iis, non attentis ullis avocationibus, appellationibus, inhibitionibus, aut aliis Processibus quibuscunque, Sanctorum Patrum, Canonumque Decretis, atque immemoriali consuetudine & stylo Episcopatus & Curiae nostræ inhærendo, procedant, easdemque uti Judices competentes determinent & decident.

VI. Præcipimus quoque reliquis nostris Consistorialibus, ut ipsi hujusmodi causas in foro nostro ventilandas suscipiant & acceptent.

VII. Quod si quis Advocatorum vel Procuratorum Curiae nostræ in supra nominatis causis, exceptionem fori declinatoriam, utpote meram causæ protelationem, & nostræ jurisdictionis elusionem confecerit & obtulerit, eum Vicarius noster juramenti, & fidelitatis suæ Nobis præstitæ serio admoneat, & quatuor florenis puniat.

VIII. Prædictas causas Ecclesiasticas omnes & singulas, ut Prælati, Presbyteri, Clerici, & Laici quicunque in Diœcesi nostra Constantiensi existentes, si quæ eis vel nunc competunt, vel posterum competierint, nusquam alibi, quam coram Nobis seu Judicibus nostris Ecclesiasticis instituant & prosequantur, præsentī hac nostra Constitutione Synodali mandamus.

IX. Præterea Antecessorum nostrorum Constitutionibus (*) inhærendo (r) serio inhibemus, ne decætero persona Ecclesiastica quæcunque auxilium, subsidium seu defensionem Laicorum contra Nos & Jurisdictionem nostram

Ecclesiasticam sibi qualitercunque procuraret, assumat, invocet, aut assumptam retineat: contrarium faciens, eo ipso excommunicationis sententiæ juxta Tridentinum Concilium subiaceat, (s) aliasque condignas penas tantæ suæ temeritatis a Nobis expectet.

X. Cæterum pollicemur omnibus, qui foro, & judicio nostro Ecclesiastico utuntur, Nos apud Judices & Consistoriales nostros pœnis & aliis competentibus remediis effecturos, ne partes litigantes diutius detineant, sed eis absque mora, affectu & partialitate justiciam administrent. (t)

XI. Vehementer etiam in Domino adhortamur, quoscunque Magistratus sæculares, ut suæ vocationis memores falcem in alienam messem non immittant, nostramque jurisdictionem Ecclesiasticam perturbent, meminerint gravissimam esse Sacri Tridentini Concilii (u) contra Ecclesiasticæ immunitatis & jurisdictionis violatores censuram, olimque in veteri lege eos impune non tulisse, qui contra Sacerdotii dignitatem aliquid egerint. Et multa passim in historiis exempla reperiri, quod Deus & in hoc, & in futuro sæculo Ecclesiasticorum jurium perturbatores severissime puniverit. Soli Episcopi & Prælati positi sunt, qui regant Ecclesiam, quos, qui spernit, non hominem, sed Deum ipsum, qui eos posuit, spernit.

XII. Sicuti autem Laici Ecclesiasticis causis se immiscere non debent; ita etiam Judicibus nostris Ecclesiasticis injungimus, ne ipsi Laicorum causas judicandas assumant. (x)

XIII. Quia vero causæ omnes in judicio nostro Ecclesiastico tractandæ & decidendæ, aut summariæ sunt, aut plenariæ, Nos in iisdem Juris Canonici & styli Curiae nostræ formam atque processum observari volumus. Nominatim vero constituimus, ut causæ taxæ dotis & debitorum, quæ summam decem florenorum Rhenensium non excedunt, per processum summarium expediantur.

TITU.

(*) Vid. T. VII. Synod. Constant. Diœces. sub Marco Sitico pag. 419.

(r) Vide antiqua Synodalia Statuta Parte 2. Tit. 18. c. 6.

(s) Sess. 25. de Ref. Matr. c. 20.

(t) Conc. Trid. Sess. 25. de Reform. c. 10. in fin.

(u) Sess. 25. de Reform. c. 20.

(x) C. Clerici. c. Qualiter, de Judiciis, & passim plurib. locis.

TITULUS III.

De Personis Judicii Ecclesiastici.

I.

Judicii nostri Ecclesiastici variae sunt personæ, quæ nomine & auctoritate nostra Judicio præstunt. & serviunt. Inter eas Vicarius & Officialis noster primas obtinent, utpote causarum Judices, & reliquarum Consistorialium personarum Superiores. Sigillifer, Fiscalis, Advocati, Notarii, Procuratores, Commissarii, Scribæ, Nuntii, & Pedelli, reliquum numerum faciunt. Hi omnes sint Catholici, nec ante ad officium aliquod in Curia nostra admittantur, quam prius Catholicæ Fidei Professionem juxta præscriptum (y) PII IV. Pont. Max. præstiterint. Præterea viri graves, pacis studiosi, & a blasphemis, crapula, & omni levitate alieni: Statutorum nostrorum tam Synodaliū, quam Consistorialium, maxime vero Juris & Judiciarii processus, quantum cujusque officium requirit, sint periti. (z)

II. Partibus litigantibus sese humanos & benignos exhibeant, & ex æquo pauperibus divitibusque diligenter ac fideliter operas suas accommodent. Easdem ultra taxam in Statutis nostris Consistorialibus præscriptam nec pecuniæ exactione, nec conviviis, nec alia quacunque ratione gravent; Causas non procrastinent, sed, ut quam citissime determinentur, procurent. Vicarium & Officialem Consistorii nostri capita, tam in, quam extra judicium reveantur, illorumque mandatis nostro loco obtemperent.

III. Et quia Vicarius & Officialis nostram personam repræsentant, volumus, ut non solum omnibus Consistorialibus vitæ honestate & diligentia præluceant, dignitatemque suam gravissime tueantur, verum etiam omnes

lites & actiones sine longiori mora breviter & mature, servato juris ordine, expédiant, dilaciones & terminorum præfixiones pro locorum distantia, & personarum actionisque qualitate, moderentur, atque constituent. (a)

IV. Pauperum quoque, pupillorum & viduarum defensio cum maxime nostro Episcopali incumbat officio, (b) diligenter curent Vicarius & Officialis noster, ne pauperes & aliæ personæ miserabiles in Consistorio nostro relinquuntur indefensæ, sed eis juris & justitiæ administrationem implorantibus, ex officio Advocatos & Procuratores gratis constituent, vel etiam invitos judiciali Decreto compellant, eisque injungant, ut in hujusmodi pauperum causis tractandis non minorem adhibeant diligentiam, quam in causis locupletiorum adhibere solent.

V. Statuta nostra Consistorialia pro nostrorum temporum ratione reformatâ, singulis annis bis, Consistorii nostri personis omnibus in Palatium nostrum Episcopale congregatis publicentur & prælegantur, atque ea tam Vicarius, quam Procurator Fiscalis stricte exequantur, multasque & pœnas transgressoribus impositas exigant, minimeque remittant.

TITULUS IV.

De Executione Processuum.

I.

Cum ab Antecessoribus nostris constitutum, & in Judicio nostro Ecclesiastico hætenus observatum fuerit, ut Citationes, Monitoria, Edicta, & alii Processus a Judicibus nostris decreti, ad evitandas majores expensas, quas partes litigantes facere deberent, si hujusmodi processus vel per Notarium publicum, vel Pedellum Curiae nostræ juratum ipsarum sumptibus conducendum executioni demandarentur, per Decanos rurales, Parochos, & alios Cleri-

(y) In Bulla, quæ incipit: *Injunctum*. Sub dato Romæ Anno 1564. Idib. Nov.

(z) C. Qui recte. c. Non licet. 11. q. 3. c. Non sane. 14. q. 5. C. de pœnis Jud. qui male judicav. vel ejus, qui Jud. vel advers. corrup. curav. per totum. L. Quisquis. C. Si certum petatur. (a) Sæpèd. Concil. Trid. Sess. 24. de Reform. c. 20.

(b) C. Causam. de Jud. c. Cum dilectus filius. de purgat. canon.

(c) Conc. Trid. Sess. 23. de Reform. c. 1.

Clericos partibus insinuentur, Nos hanc consuetudinem minime abolemus, sed ut in vigore suo permaneat, observeturque imposterum, tenore præsentium decernimus, Decanis, Parochis, cæterisque Clericis quibuscunque in vim præstiti sui juramenti præcipientes, ut literas, processum & mandata quæcunque a Nobis, Vicario & Officiali nostro emanata, reverenter, ubique recipiant, statimque partibus citatis in faciem præsentent, ac legitime exequantur, diemque, mensem & annum executionis factæ, atque nomen suum mandato & ejus copiarum diligenter & in hunc fere modum inscribant: *Executus sum hoc mandatum ego N. Ecclesiæ Parochialis in N. Parochia aut Sacellanus Anno, Die, Mense, &c.*

II. Curent vero Exequentes, ut processum originale sigillatum parti, ad cujus instantiam decretus est, restituant, copiam vero illi, contra quem processum emanavit, ostenso sibi originali præsentent.

III. Quod si Processus sit Edictum publicum; in quo trina proclamatio requiritur, ut in causis Matrimonialibus impedimentorum fieri solet, tunc ita formetur executio: *Executus sum hoc Edictum ego N. Ecclesiæ Parochialis in N. Plebanus, Vicarius, Coadjutor, aut Sacellanus publice, pro concione prima vice tali die Dominica vel festo, secunda vice tali, & tertia vice tali, mense, anno, &c.*

IV. Cæterum, quia deprehendimus, quod in gravissimam legis fraudem, justitiæ & jurisdictionis nostræ præjudicium ac vilipendium quidam Parochi suis Parochianis citationes & processum nimium tarde, aut cum alterius partis periculo insinuent, executiones falsis dierum numeris, locisque annotando; Ideo Nos tantæ malitiæ tempestive occurrere volentes, omnibus Clericis pro executione facienda requisitis serio injungimus, ut sine omni cunctatione, & periculo taliter processum exequantur, qualiter illos sibi a Judicibus nostris demandatos cognoverint. Secus si aliqui fuerint deprehensi, noverint, se malitiæ suæ gravissimam pœnam, & justitiæ partique læsæ restitutionem daturos.

V. Quo minus autem Parochi & Clerici odiosis executionibus processum graventur, curabimus, ut, quantum fieri potest, processum per Pedellos Curiae nostrae juratos executioni demandentur. Nisi partes ipsæ ad evitandos sumptus Parochis citationes & processum ad exequendum attulerint, aut Pedelli nostri personas, contra quas processum sunt emanati, domi non invenerint. Quibus & similibus casibus volumus, & mandamus, ut Decani, Parochi, vel alii Clerici quicunque requisiti processum hujusmodi legitime exequantur.

VI. Quia vero interdum contingit, quod Personis Illustribus & in dignitate constitutis insinuandi sint processus, & ea res non parum habeat aliquando difficultatis. Quocirca ut huic etiam rei suus sit constitutus modus, & certa exequendi ratio, decernimus, si adversus hujusmodi personas processum aliqui e foro nostro Ecclesiastico emanaverint, ut Executor, sive is Clericus, sive Notarius publicus; sive Pedellus Curiae nostrae juratus fuerit, ad eum locum, ubi reus domicilium suum habet, accedat, & si accessus ad reum ipsi non facile concedatur, ut in faciem executionem facere possit, tunc vel ejus Consiliariis & Officialibus, vel Cancellariæ debita cum modestia ac reverentia processum tradat ac insinuet. Quod si nec ad sic faciendam executionem admittatur, nemoque sit, qui ab ipso processum accipere velit, eos vel valvis Ecclesiæ, vel portæ domus affigat, vel ante portam in publico conspectu positos jacere sinat, nec ullo modo secum reportet, Nobisque, aut Vicario & Officiali nostro, quid sibi circa hujusmodi executionem acciderit, fideliter & in scriptis referat.

VII. Quod si ad reum aliquem reique locum omnino difficilis, nec tutus esset accessus, nullusque inveniretur, qui ob metum, potentiam, vel tyrannidem rei, citationem ei in faciem, vel ad domum insinuare auderet, aut veller, contra talem in valvis Ecclesiæ nostræ Cathedralis, & duarum vel trium aliarum ejus domicilio propinquarum Ecclesiarum Parochialium, ad quas

tutus est accessus, processus per affixionem executioni demandentur.

TITULUS V.

De Censuris Ecclesiasticis, & aliis pœnis Judicialibus.

I.

QUOD multi sint hoc tempore, tam Clerici, quam Laici, qui Ecclesiæ censuras passim vel contemnant, vel omnino non curant, inde potissimum fieri existimamus, quod censurarum Ecclesiasticarum vim, & pœnarum in eis contentarum gravitatem maximeque salutis suæ discrimina, in quibus versantur, ignorent. Quæ, ut subinde populo tum publice ex Cancellis, tum privatim intimentur, ac inculcentur, Parochis, Concionatoribus & Confessariis serio injungimus.

II. Censura est Ecclesiastica correctio gravium quorundam scelerum vindex, Ecclesiasticæ disciplinæ nervus appellata, (c) qua in Ecclesia Dei gravior pœna non reperitur. (d) Ea pro delictorum genere ac diversitate tribus modis infertur, aut excommunicatione, aut suspensione, aut interdicto. (e)

III. Excommunicatio duplex est, (f) minor & major, quæ & anathematizatio dicitur, (g) & de qua hic præcipue agimus. Cujus excommunicationis fulmine percussi homines, ab omnibus Divinis Officiis, precibusque publicis, ab ingressu Ecclesiæ, quo tempore res Divina peragitur, a Sacramentorum participatione, & a Christiana sepultura excluduntur. (h) Ab omni item Canonica electione, tam passiva, quam activa, ab omni beneficio, munere & officio cujuscunque Ordinis, ita ut si illa exerceant, irregularitatem incurrant. (i) Similiter ab omni potestate spirituali, ab actibus legitimis, (k) quibus homines inter se com-

municant, ab omni denique participatione bonorum operum Ecclesiæ, atque ex necessaria consecutione a regno Dei ac immortalis beatitudine prohibentur, & filii Satanæ æternæque damnationis efficiuntur. (l) Omnis Christianus, inquit D. Augustinus, (m) qui a Sacerdotibus excommunicatur, Satanæ traditur. Quomodo? Quia scilicet extra Ecclesiam Diabolus est, sicut in Ecclesia Christus, ac per hoc quasi Diabolo traditur, quia ab Ecclesiastica communione removetur.

IV. Excommunicatio autem incurritur aut ipso jure, aut ab homine infertur. Juris excommunicationes qui nosse voluerit, ut Parochi & Confessarii omnes nosse debent, in Corpore Juris Canonici inveniet, vel ex Summa Castum conscientiæ Cardinalis Toleti, & Enchiridio de censuris Ecclesiasticis Feliciani Episcopi Scalensis, atque ex aliis probatis Authoribus petere poterit.

V. Excommunicatio, quæ ab homine infertur, proprie ad nostrum judicium Ecclesiasticum pertinet. Ea licet disciplinæ & jurisdictionis Ecclesiasticæ sit nervus, & ad populos in officio continendos valde salutaris, atque ad compellendos reos, ut juri se stant, judicatisque pareant, necessarius, sobrie tamen magnaque circumspectione est exercendus, (n) ne, si temere & ex levibus causis incurratur, magis contemnatur, quam formidetur, & perniciem potius pariat, quam salutem. Proinde Sacri Oecumenici Tridentini Concilii Decreto (o) inhærentes, Vicario & Officiali nostro, & aliis quibuscunque in Civitate & Diocesi nostra jus excommunicandi habentibus injungimus, ut in ferenda excommunicationis sententia valde cauti sint ac circumspecti, nec facile eam inferant, nisi gravibus de causis, & in quibus casibus alia juris remedia deficiunt. (p)

VI.

(c) Panorm. in c. Cum inter. de consuetud. not. 2.

(e) C. 20. de verb. signific.

(g) C. Si habes. 23. q. 3.

(k) C. Cum non ab homine. c. Intelleximus. de Judic.

q. 2. art. 1. q. 36.

(n) C. Delicto. de sentent. excomm. in 6. c. Multi. in princ. 2. q. 1.

(o) Sess. 25. de Reform. c. 3.

(d) C. Corripiantur. 24. q. 3.

(f) C. Ad mensam. §. Aliquando. & §. Est & alia. 11. q. 3.

(h) d. c. Ad mensam.

(i) C. 7. de Cler. excomm.

(l) Vide D. Thomam. 4. d. 18.

(m) Relatus in c. Omnis Christianus. 11. q. 3.

(p) C. Nemo Episcoporum. 11. q. 3. & d. Sess. 25. c. 3.

VI. Quod si Executio realis vel personalis in quacunque parte iudicii a Iudicibus propria auctoritate fieri nequeat, vel pars contumax poena pecuniaria, pignoris capione, personali diffinitione commode compelli, aut si contra Ecclesiasticas personas ad suspensionem ab officio, & beneficiorum privationem procedi non possit, his & similibus casibus, contra quoscunque sive Clericos, sive Laicos contumaces licebit Iudicibus hoc spirituali gladio uti. (q)

VII. Ne autem excommunicatio etiam his casibus nimia frequentia vilescat, multique indignum esse asserant, ut propter causas pecuniarias tam gravis censura feratur: Decernimus, ut in causis, in quibus principaliter salus animæ non versatur, in contumaciam non comparentis, nec iudicio satisfaciendi rei procedatur, causaque concludatur, atque sententia definitiva terminetur, prout in Statutis tum Synodalibus prioribus, (r) tum Consistorialibus ab Antecessoribus nostris est constitutum.

VIII. Si vero ad executionem rei iudicatæ perventum, & condemnatus in satisfaciendo sententiæ negligens fuerit, (s) processus executoriales sub poena pecuniaria pro personarum & causarum qualitate pio alicui loco applicanda, privatione, vel aliis remediis juris decernantur, & si condemnatus his non moveatur, tum demum excommunicationis censura infligatur.

IX. Ut Majores nostri & humano, & Divino Jure id ipsum postulante, excommunicationis censuram sive illa ipso jure, sive a Iudice illata fuerit, non tantum vehementer formidarunt, verum etiam excommunicatos in familiari conversatione vitarunt: Ita ut hoc idem nostris temporibus fieret, valde optamus: Nemo, inquit S. Chrysost., (t) Ecclesiæ vincula contemnat: non enim homo est, qui ligat, sed Christus, qui hanc potestatem dedit. Sane tanta

excommunicationi inest contagio, ut non modo excommunicatos donis ac bonis spiritualibus omnibus privet, sed eos etiam contamineat, qui cum illis communicant. (u)

X. In Clericos excommunicatos Vicarius & Fiscalis noster severissime animadvertant: contra Laicos vero quoscunque, si post legitimas monitiones non resipuerint & satisfecerint, sed obdurato animo in excommunicatione inforduerint, non tantum ad invocationem brachii sæcularis, sed etiam tanquam de hæresi suspectos procedant. (x)

XI. Caveant autem Parochi, & ipsorum Cooperatores diligentissime, ne excommunicationem contra aliquem sibi transmissam denunciant, nisi literæ sint authenticæ & sigillo confirmatæ, in quibus explicetur justa excommunicationis causa & contumacia rei in Iudicem, coram quo monitus, ac peremptorie citatus, se sistere contempserit.

XII. Suspendio est censura Ecclesiastica, qua quis ab usu ordinum officii & beneficii sui Ecclesiastici ita prohibetur, ut si durante prohibitione actum aliquem illius ordinis aut officii, a quo suspensus est, exerceat, non tantum gravissime & mortaliter peccet, sed etiam irregularis fiat. (y)

XIII. Hæc ut excommunicatio a jure ipso facta infligitur, aut a Iudice infertur. Quæ juris sunt, aliunde petantur, suspensiones autem judiciales in personas Ecclesiasticas, in quas solas cadunt, (z) cum moderatione, & non nisi gravi & justa de causa tum demum pronuncientur, quando, ut supra de excommunicatione constitutum, alia ibidem recensita remedia deficiunt. Nam si ita frequentes sint Clericorum ab executione ordinum & officiorum suorum suspensiones, & cura populi commissi negligitur, & conscientia Clericorum non sine maximo scandalo, & Sacramentorum summa irreverentia variis

cen-

(q) d. Sess. 25. c. 1. & c. Si quis deinceps, in fin. 17. q. 4.

(r) Parte 2. Tit. 18. c. 16.

(s) Vide Concil. Trid. d. Sess. 25. c. 3.

(t) Relatus in c. Nemo contemnat. 11. q. 3.

(u) C. Cum excommunicato. 11. q. 3.

(x) d. Sess. 25. c. 3. in fine.

(y) C. 1. §. Caveant. de sent. excomm. in 6. c. Cum æterni. de re jud. in 6.

(z) C. 1. de re jud. in 6.

cenſuris & irregularitatibus intrican-
tur. Quare Vicario & Officiali noſtro
injungimus, ut, antequam ad Clerico-
rum ſuſpenſiones procedant, prius pe-
cuniariis, aut aliis pœnis eos ad obe-
dientiam & ſatiſfactionem adigere con-
tendant.

XIV. Temporibus anni ſolenniô-
ribus, quale etiam eſt tempus Quadra-
geſimæ, dies Rogationum, & ſimiles
contra Clericos nec ſuſpenſiones, nec
excommunicationes in iudicio noſtro
decernantur, aut antea decretæ execu-
tionem mandentur, ſed in aliud tempus
differantur.

XV. Publice quoque in Conſisto-
rio, atque judicialiter a Iudicibus no-
ſtris non decretæ ſuſpenſiones vel ex-
communicationes ſub gravi pœna a ne-
mine emittantur. (a)

XVI. Interdictum Eccleſiaſticum
eſt cenſura, quæ ut excommunicatio
& ſuſpenſio, aut ipſo jure incurritur, aut
a Iudice Eccleſiaſtico inferitur, quando
ſcilicet vel generaliter, vel ſpecialiter
aliqua Provincia, Universitas, Civitas,
Eccleſia, vel perſona interdicatur, ut
Miſſæ Sacrificium, cæteraque Divina
Officia celebrari non poſſint. (b) Quæ
cenſura, quia rarius infligitur, neque
huius ſit inſtituti omnia velle proſequi,
quæ paſſim in Jure & apud Juris Do-
ctores tam de hac, quam aliis horum
Statutorum materiis traduntur, eo nos
Clericos noſtræ Diœceſis remittimus, &
ſerio adhortamur, ut ſalutis & vocatio-
nis ſuæ memores, vitam, mores & of-
ficia ſua Eccleſiaſtica ita componant,
ne in has graviffimas pœnas & cenſuras,
ipſo facto & jure incurrant, vel a Ju-
dicibus Eccleſiaſticis ad continendum
eos in officio, eiſdem innodari de-
beant.

TITULUS VI.

De Abſolutionibus.

I.

CENſuræ Eccleſiaſticæ quia variæ
ſunt, varie etiam iſdem innodati

abſolvi debent. Nam quæ a jure illa-
tæ ſunt, Romano Pontifici, aut Nobis
ad abſolvendum ſunt reſervatæ. Quare
qui cenſuram aliquam Sedi Apoſtolicæ
immediate reſervatam incurrerunt, non
aliunde, quam a Romano Pontifice, vel
ab iis, qui ab eodem in huiusmodi
caſibus abſolvendi poteſtatem & privi-
legium obtinent, abſolutionem impe-
trare debent. Qui vero cenſuras No-
bis reſervatas ipſo jure inciderunt, ab-
ſolutionis beneficium a Nobis, vel Pœ-
nitentiaro noſtro ordinario, aut ab eo,
cui a Nobis, aut Vicario noſtro com-
miſſum fuerit, in foro conſcientiæ pe-
tant.

II. Quod ſi huiusmodi cenſuræ ju-
dicialiter a Iudice Eccleſiaſtico decretæ
fuerint, a nullo alio, quam ab eodem
Iudice, ſi prius parti & Eccleſiæ, cuius
claves & juridiſctio contumaciter con-
tempta fuit, factum fuerit ſatis, ordi-
narie impetranda erit. Quod ut judi-
cialiter quoque & in ſcriptis fiat, ſive
Clerici, ſive Laici judicialiter excom-
municati vel ſuſpenſi fuerint, omnibus,
præſertim vero Vicario, & Officiali no-
ſtro injungimus.

III. Quia vero excommunicati
nonnunquam ſe abſolutos eſſe falſo af-
ſerunt, ex quorum communione peri-
cula eveniunt animarum, præſenti Con-
ſtitutione inhiemus, ne de cætero Pa-
rochus, ſive alius Sacerdos curatus,
quamcunque perſonam, ſuæ Parochiæ
excommunicatam publice ad Divina
Officia & Sacramenta Eccleſiaſtica ad-
mittat, vel coram ea Miſſam celebret,
aut abſolutam credat vel teneat, niſi
de abſolutione ſua, literis authenticis &
ſigillatis, legitime docuerit. (c) Trans-
greſſores ultra pœnam juris, noſtram
quoque condignam punitionem non
evadent.

TITULUS VII.

De Appellationibus.

I.

NE appellationis remedio, quod ad
innocentiæ præſidium inſtitutum
eſt,

(a) Facit c. Si quis Episcopus. c. Servetur. 11. q. 3. c. Legum. 2. q. 1. c. Nullius. 4. q. 4.

(b) C. Quarenti. de verb. sign. c. 5. de consuet. c. 43. de sentent. excomm.

(c) Facit c. Cum pro causa. c. Si quando. de sentent. excomm. Clem. fin. eod. Conc. Trid. Sess. 13. de Reform. c. 5.

est, ad iniquitatis defensionem & ad evitandas penas abutantur improbi, decernimus, ut in causis criminalibus Clericorum, visitationis & correctionis morum, quævis appellatio, etiam ad Sedem Apostolicam a Nobis, seu nostro in Spiritualibus Vicario Generali ante definitivam sententiam ab Interlocutoria vel alio quocunque gravamine interposita, executionem eorum, quæ decreta aut judicata fuerunt, minime impediatur aut suspendatur, sed ea tanquam frivola omnino rejiciatur, atque in hujusmodi causis quacunque inhibitione, stylo & consuetudine contraria non obstante, ad ulteriora procedatur. (d)

II. In cæteris quoque causis, quæ coram Judicio nostro Ecclesiastico ventilantur, Judices nostri Appellationes omnes frivole sine legitima causa, & ut plurimum ad vexandum & defatigandum adversarium interpositas, rejiciant.

III. Appellationes omnes a Judicio nostro ad Metropolitanum nostrum Moguntinensem juxta hætenus observatum stylum Curie nostræ interponantur; ad alios Judices quoscunque præsertim sæculares interpositæ rejiciantur.

IV. Quod si quis Advocatorum, sive Procuratorum Curie nostræ etiam si partes & clientes sui ita jusserint, a Consistorio nostro in causis Ecclesiasticis, quas supra recensuimus, ad Judicem sæcularem quemcunque sive in scriptis, sive viva voce, sive judicialiter, sive extrajudicialiter appellationem interposuerit, in eum Nos gravissime præter pœnam viginti florenorum, pro tanta sua temeritate Fisco nostro solvendorum animadvertemus.

TITULUS VIII.

De Visitationibus.

I.

STATUIT SACRA TRIDENTINA SYNODUS, (e) ut singulæ Dioceses semel in anno, vel si propter latitudinem Dice-

cesis fieri non possit, saltem biennio visitentur. Quæ visitatio ut in Episcopatu nostro Constantiensi amplissimo, commode institui possit, præsentium tenore Dicecesim nostram totam in quatuor partes sive plagas dividimus, in Sueviam scilicet, in Almengoviam cum adjacente Sylva Brigantina, in Brisgoiam cum vicina sylva Hercinia, & in Helvetiam, in quibus præter Decanos rurales, quorum officium est, ut supra de Decanis præscriptum, quocunque regiunculam, sive Decanatum suum visitare, quatuor speciales Visitatores viros maturi judicii, prudentes, pios ac doctos constituemus, qui non tantum, ut Decani officio suo rite perfungantur, providere, verum etiam singulis annis partem seu plagam Dicecesis nostræ sibi assignatam visitare, & ad nostros duos generales Visitatores Constantiæ commorantes referre, atque ab iisdem quoad Visitationis officium tam ipsi, quam Decani rurales dependere debent.

II. Delegabimus autem visitandi munus generale viris gravibus, discretis, probis, scientia rerum agendarum peritis, ac boni nominis & exempli in Civitate Constantiensi Beneficiatis, & quantum fieri pro temporum ac personarum qualitate potest, in Ecclesiastica aliqua dignitate constitutis, qui quocunque annis duas partes Dicecesis nostræ, & in iis non solum Parochos, & eorum Ecclesias, sed etiam Collegiatis, & Regularium Ecclesias, atque Clericos sive Sæculares, sive Regulares quoscunque Nobis subiectos, nostra, exemptos vero, Apostolica auctoritate Nobis vigore Tridentini Concilii delegata, juxta ejusdem Concilii præscriptum visitabunt, (f) curabuntque, ut omnium Ecclesiarum & Capitulorum Statuta examinentur, revideantur, & juxta Sacri Tridentini Concilii & præsentis nostræ Synodi Decreta refoventur, & universim omnia & singula, his nostris Statutis Synodalibus definita, ab iis, quos ea concernunt, studiose observentur.

III.

(d) Concil. Trid. Sess. 13. de Reform. c. 1. Sess. 22. c. 1. Sess. 24. c. 10.

(e) Sess. 24. de Reform. c. 3.

(f) Sess. 6. de Reform. c. 4. Sess. 7. de Reform. c. 8.

Sess. 13. de Reform. c. 1. Sess. 22. c. 1. Sess. 24. de Reform. c. 9. 10. & 11.

III. Qui quidem Visitatores generales Nobis speciali juramento obstricti, munus suum diligenter ac fideliter, omni odio, rancore, amore & affectu semotis exercere, minores excessus corrigere, emendare, & punire, majores vero, totamque visitationis suæ seriem, quamprimum ex visitatione domum reversi fuerint, Nobis, & Ecclesiasticis nostris Consiliariis in scriptis referre debent, ut, quod ad jurisdictionis & disciplinæ Ecclesiasticæ conservationem statuendum sit, mature deliberare valeamus.

IV. Visitatores nostri tam speciales, quam generales neminem sumptibus superfluis gravent, pro visitatione nihil postulent, aut extorqueant, iis exceptis, quæ ad moderatum victum & visitationis sumptus necessarios pertinent. (g) Qua in re speramus Prælatos, Parochos, & ceteros quoscunque, ad quos Visitatores nostri visitandi causa pervenerint, prompte ac libenter procuracionem, ad quam de jure tenentur, (h) præstituros.

TITULUS IX.

De Celebratione Synodorum, & executione Statutorum Synodaliū.

I.

Maxime necessaria est in hac tanta, qua his calamitosi temporibus versamur, Ecclesiasticarum rerum perturbatione ad conservandam unitatem fidei, & morum honestatem, atque ad salutem populi Christiani Nobis commissi promovendam, Synodorum celebratio. Quæ licet juxta Sacri Trid. Concilii Decreta (i) quotannis esse deberet, quia tamen propter varia & multiplicia impedimenta Synodus Ditecesana in hoc nostro Constantiensis Episcopatu singulis annis celebrari non potest, curabimus nihilominus, ut sæpius, quam forte hæcenus, & toties, quoties Ecclesiæ & Ditecesis nostræ necessitas postulaverit, posthac celebretur. Ad quam non solum ordina-

riæ nostræ jurisdictioni subiecti, sed etiam exempti omnes, qui alias tum juxta Sacrum Trid. Concilium cessante exemptione, tum ex antiquissima Ditecesis nostræ consuetudine interesse debent, accedere teneantur. (k)

II. Et quia parum utilitatis adfert, etiam si Synodus Ditecesana sæpius celebretur, atque pro temporum conditione salutares leges condantur, nisi etiam sint, qui ea, quæ salubriter constituta sunt, executioni demandent. Idcirco in Executores generales præsentium Statutorum Synodaliū ordinamus & deputamus Vicarium, Officialem, Sigilliferum, Fidelem, Visitatores nostros, & alios, quos vel Nos, vel Vicarius noster Generalis deputabimus, eisdem vigore juramenti sui Nobis præstiti præcipientes, ut supradicta omnia & singula Statuta, quantum cuilibet pro ratione officii sui incumbit, & eis de jure permittum est, debite exequantur.

III. Prælati quoque, & alii Superiores Cathedralis nostræ Collegiatarumque Ecclesiarum, nec non Monasteriorum quorumcunque, atque Decani rurales quilibet in sua Ecclesia, Monasterio & Decanatu studiose animadvertant, curentque, ut a Canonicis, Parochis, Capellanis, Clericis, & Religiosis suis omnia & singula, quæ in hac nostra Synodo sancita & definita sunt, in quantum unumquemque concernunt, fiant, eaque, quæ ipsis de jure & harum Constitutionum virtute commissa, ac demandata sunt, diligenter executioni demandent.

IV. Postremo, quæ in hac nostra Ditecesana Synodo determinata, decreta & statuta sunt, Nobis declaranda reservamus; Inprimis vero illa omnia & singula, cum ea, qua decet, obedientia & reverentia, auctoritati, judicio & censuræ Sanctissimi Domini nostri, Domini PAULI, Divina providentia Papæ hujus nominis V. & Sanctæ Sedis Apostolicæ emendanda, corrigenda, augenda, minuenda, approbanda, vel rejicienda humiliter subijcimus.

Finis Partis Quarta.

DE.

(g) d. Sess. 24. de Reform. c. 3.

(h) C. Cum instantia. c. Cum venerabilis. de Censib. juncto cap. Cum ex officio. de Præscript.

(k) d. Sess. & C.

(i) Sess. 24. de Reform. c. 2.

FORMA VULGARIS ET GERMANICA

DECRETORUM MATRIMONIALIUM IN DIOECESANA

Synodo Constantiensi editorum, atque ab omnibus Parochis & Curatis bis in anno ex Cancellis publicandorum.

Unmächtige in Christo, nachdem der Heilige Ehestand von dem Allmächtigen Gott erstlichen in dem Paradeiß eingesezt, und hernach in dem Evangelischen Gesaß durch das hohe Verdienst des bitteren Leidens und Sterbens Christi Jesu, zu einem Sacrament verordnet worden: Also will sich in allweg gebühren, daß diß heilige Sacrament auch nicht anderst, dann mit aller Andacht, Zucht und Erbarkeit angenommen werde. Dieneil aber etliche Zeit und Jahr hero, sich allerley Mißgebräuch und Ergernuß zu großem Nachtheil der Seelen Heil und Seeligkeit zugetragen, so ist der Hochwürdige Fürst und Herr, Herr Jacob, Bißhoff zu Costanz, Herr der Reichenaw und Denningen, u. inn dem jüngstgehaltenen Constantinischen Synodo hochverursachet worden, hierinnen ein gebührendes und nothwendiges Einsehen zu thun, Da hero dann jre Fürstl. Gnad. zu Abstellung solcher Mißbräuch und Ergernuß, etliche auß dem Heiligen allgemeinen zu Trient gehaltenem Christlichen Concilio, auch auß geschriebnen gemeinen Geistlichen Rechten gezogene heilsame Ordnungen und Satzungen anffgericht und beschlossen: Und damit dieselbige männiglich eröffnet werden, auch sich der Unwissenheit niemands zu entschuldigen habe, mir als ewern Pfarrern, wie auch allen anderen Seelsorgern jbro F. G. Bistums Costanz ernstlichen auffgelegt und befohlen, euch solche vorgemeldte Satzungen zuverkünden, damit sich ein jede Person in Heuraten und anderen Ehelichen Sachen darnach wisse zu richten.

Erstlichen soll das heilige Sacrament der Ehe von niemands, was Stands der seye, anderst contrahiert und angenommen werden, dann in Gegenwart seines eigenen Pfarrherrn, oder eines anderen Priesters, mit des Pfarrherrn, des Bißhoffs, oder seiner

Fürstl. G. Vicari Bewilligung, sampt zweyer oder dreyer Gezeugen. Sonsten da einer, oder eine anderer Gestalt sich verheuraten wurde, ist solche Ehe nicht allein vor Gott und der Kirchen nichtig, unbündig und krafftlos, sondern auch machet das heilige Concilium zu Trient, dieselige Personen zu solchem vermeinten Heurat ganz unfähig und unfruchtig.

Und ob gleichwol das Eheliche Versprechen, wann es in Gegenwartigkeit des Pfarrherrn und zweyer oder dreyer Gezeugen, wie obgemeldet, nit volzogen, unbündlich und krafftlos: Jedoch, dieneil solches wider der Kirchen Verbott geschieht, so begangen diejenigen, welche sich also verheuren, ein groffe und schwere Todtsünd, von welcher sie niemand, dann der Bißhoff, oder jhr F. G. und des Bistums verordneter general Beichtvatter absolvieren und entbinden kann.

Ehe und zuvor aber sich zwey mit einanderen verheuraten, so sollen sie drey nachfolgende Sonn- oder Feiertag, durch ihren eigenen Pfarrherrn, under dem Ampt der Heiligen Mess, under der Predig auff der Cangel, oder wie es sich nach Gestaltsame und Gelegenheit der Zeit und des Orths verrichten laßet, öffentlich verkünd werden. Es were dann, daß die Ehegemächt, oder deren eins besorgten, daß jhr Ehe (welche die Kirch frey, ungezwungen und ohnverhindert haben will) von wegen sovil vorgehender Verkündung, der Ehelichen Freyheit und den Rechten zuwider, von jemand, wer der sey, boshaftiglich verhindert werden wolte oder möchte, In welchen Faßl genug ist, daß eintweder allein ein Verkündung zuvor beschehe, oder das Eheliche Versprechen in Gegenwart des eigenen Pfarrherrn, auch zweyer oder dreyer Gezeugen ohne einige Verkündung volzogen werde, welche Verkündungen her-

nach vor dem Beytschlaff öffentlich in der Kirchen beschehen sollen.

Es sollen auch die drey obgemeldte Verkündungen, ausserhalb obgeschriebenen Jahls, darinnen ihre Fürstl. Gn. eines jeden Gewissen beschwert, und so ferr einige Gefahr gebraucht wurde, die gebührende Straff vorbehalten haben wollen, ohne des Bischoffs oder ihr Fürstl. Gnad. Vicari ausdrückliche Bewilligung, keins wegs, von den Pfarrherren unterlassen, oder mit einiger hoch- oder nider Standts- Person dispensiert werden, Inmassen auch die Pfarrherren kein denuntiation oder Verkündung fürnehmen, es sey dann solche von denen selbst, so sich Ehelichen versprechen wollen, begehrt worden.

Und wann sich begeh, daß auß den drey oder einer vorgehenden Verkündung, eine oder mehr Verhinderung fürkommen wurden, sollen solche Personen von den Pfarrherren nicht zusammen gegeben, sondern für das Geistliche Bischöfliche Consistorium naher Costanz gewisen werden.

Welche aber boshaftiglichen ein falsche Verhinderung durch sich selbst, oder durch andere für- und anbringen wurden, dieselbigen wollen jr Fürstl. Gnad. neben anderem gebührlchen rechtlichen Einsehen, mit dem Geistlichen Bann abstraffen, Auch diejenige, so ein Verhinderung wissen, und ohne erhebliche Ursachen erst nach beschehener Verkündung und Ehelichen Zusammengeben solche anzeigen, ferner nicht anhören, sonder ein ewig Stillschweigen auferlegen lassen.

Es wollen auch die Pfarrherren alle und jede newe Eheleut mit allem Ernst ermahnen, daß sie nach Inhalt des heiligen Tridentinischen Concilii, vor dem öffentlichen Kirchgang, und Empfangung des Priesterlichen Segens, in einem Haus nicht wohnen, oder sonst zusammen schliessen. Und dann so befehlen ihre F. G. allen und jeden Seelsorgern, daß sie der newen angehenden Eheleuten, wie auch der Gezeugen Tauff- und Zunammen, zu sampt dem Tag, Monat, Jahr und Orth des beschehenen Versprechens und Zusammengebens,

in ein sonderbahr Buch fleißig aufschreiben und verzeichnen, dasselbige im Jahl der Nothturfft, zur Gezeugnuß verlossner Sachen haben fürzulegen.

Und demnach nicht allein das heilig Concilium zu Trient die newe Eheleut ermant, daß sie vor irem Ehelichen Versprechen und Zusammengeben, oder auff das wenigst drey Tag vor dem Ehelichen Beytschlaff, ihre Sünd beichten, und das hochheylige Sacrament des Altars empfangen, damit sie der Gnad des heiligen Sacraments der Ehe desto mehrer fähig und theilhaftig werden: Sonder auch vor dieser Zeit, ein uralter löblicher Gebrauch in dem Bistumb Costanz gewesen, und noch an etlichen Orthten ist, daß die Eheleut vor dem Kirchgang beichten: Also ist ihr F. G. ernstlicher Will und Befehl, daß hinfürter an den Catholischen Orthten dero Bistumbs Costanz die newe Eheleut nit eingeführt werden, sie haben dann zuvor ihrem Pfarrherren, oder einem anderen Priester, mit ihres Pfarrherren Wissen zum wenigsten gebeichtet, und sich, wie es oben angedeutet, mit rechter wahrer Andacht, in Zucht und Erbarkeit, das heilige Sacrament der Ehe zu empfangen, gerüst und besessen.

Ferner ist ihr F. G. Befehl, daß die Pfarrherren die newe Eheleut ohne sonderbahre ihr F. G. oder derselben Vicari schriftliche Erlaubnuß, an keinen andern Orth als in der Kirchen, in welcher die heilige Sacramenten sonderlich aufgesperrt werden sollen, Ehelichen zusammen geben und einsegnen, und solches erst nach vollendem Gottesdienst, und Opfer der heiligen Mess, welchem die angehende Hochzeitleut von Anfang bis zum End in allweg bewohnen sollen, derhalben die Pfarrherren ihre Eheleut mit Ernst ermahnen wollen, sich bey guter Zeit, und zu der bestimpten Stund, zu der Kirchen und Gottesdienst zu besessen, und zu befürdern, wann sie entweder ohne die Zusammengebung nit gar hingewisen, oder aber umb ein, zwey oder drey Pfund Wachs, für die Fabric der Kirchen, gestrafft werden wollen.

Und

Und dieweilen sich offermahlen begibt, daß die Bettler und andere Landfahrer, die kein bleibend, oder gewiß Heimwesen haben, von einem Orth zum andern streifen, ihre rechte Ehe- weiber verlassen, und bey ihrem Leben nit nur eine, sonder etwa mehr vermeinte Eheweiber an mancherley Orthten neimen: So ist hierauff an alle und jede Pfarrherren und Seelsorger ihr J. G. ebenmäßiger ernstlicher Befehl, bey Vermeidung schwerer Straff, dergleichen Ehen nit zusammen zugeben, einzuführen und einzustegen, es sey dann, daß sie zuvor ein fleißige Inquisition und Erforschung ihres Vatterlands, Thuns und Lassens, und aller Sachen Beschaffenheit gehalten, und was sie also befunden, ahn ihr J. G. oder dero Vicari gelangen lassen, und von ihnen weiteren Befehl, was hierinnen zu thun sey, empfangen haben.

Obwol die Ehen, so von den Kindern ohne ihrer Eltern Vorwissen und Bewilligung beschehen, nicht unbündig und Kraftlos, sintemal zu kräftiger Verheuerung der Kinder nothdürftiglich, und von Rechts wegen, der Eltern Bewilligung nicht vonnöthen, und erfordert wird, Jedoch dieweil es den Kindern wol ansteht, auch in diesem Fall ihre Eltern zu ehren: Also sollen die Pfarrherren die Kinder auff der Kanzel offermahls leren und ermahnen, ihre Eltern inn gebührenden Ehren zu halten, ihnen zu gehorsamen, und ohne ihr Wissen und Willen sich leichtlichen nit zu verheuren, und in cinem so schweren und gefährlichen Stand zu begeben.

Wann auch die Ehen frey und ungezwungen sein sollen, und ungöttlich, unbillig und wider Recht ist, die Freyheit der Ehe zu schwächen oder jemandes zubenemen, so befehlen ihre J. G. allen Pfarrherren, bey Verlierung ihrer Pfrunden, und Entsetzung ihres Priesterlichen Ampts, keine dergleichen gezwungene und ihnen bewußte Ehen, in keinerley Weiß noch Weg, zusammen zu geben: Innassen auch alle diejenige, was Stands, Würde und Wesens die seyen, so ihre Kinder, Underthonen, oder andere zu einiger Ehe wider ihren Willen antreiben, nötigen, und zwingen,

mit dem geistlichen Bann, laut mehrmals angezogenen Concilli zu Trient, ohnfehlbar gestrafft werden sollen.

Es wöllen auch alle und jede Pfarrherren sich dahin starck bearbeiten und befeissen, damit ihre Catholische Pfarrkinder sich nit mit Sectischen Ehe- lichen einlassen und verheuren, und also das zeitliche Haab und Guth, Ehr und Ansehen, ihrer Seelen Heil und Seeligkeit fürziehen: Und verhoffen ihre J. G. es werde hierinnen der Catholische Magistrat für sich selbst sein gebührende Inspection haben, und dergleichen Heurat bey ihren Catholischen Underthonen abwehren.

Die Miß- abergläubische und lecherliche Gebräuch, so an vilen Orthten bey den Hochzeiten, so wol inner- als außershalb der Kirchen beschehen, als da sind, bey dem Haar- und Ohren ziehen, brinnende Kerzen umb die angehende Ehegemächt herum gehen, und dieselben durch sie aufblasen lassen, Brot anbeissen, und under das Volk werfen, und was dergleichen Saucel- und Narrenwerck mehr ist, sollen die Pfarrherren und Seelsorger nicht allein mit Ernst abstellen, sondern auch die Ungehorsame umb ein Pfund Wachs, so der Fabrich und Kirchen Hailgen heimfallen soll, abstraffen. Innassen auch ihr J. G. sich getrösten, daß aller Orthten die Obrikeit den grossen Bracht und überschwencklichen Unkosten, und sonst alle unzüliche Leichtfertigkeiten bey den Hochzeiten abschaffen, und nach der Christlichen Erbarkeit, Zucht, und Bescheidenheit richten, und moderieren werden.

Und wie diejenige alle, so rechtmäßig und nach Christlicher Ordnung, öffentlich zu Kirchen und Strassen gangen, und Ehelichen mit einander verpfflicht, sich eygens Gewalt und Willens, von einanderen nit scheiden könden, noch sollen: Also, welche unziemliche und verbottene Heurat beschloffen, denselbigen ist in keinen Weg Ehelichen bey einanderen zu wohnen zugestatten, deshalben die Pfarrherren, wann sie dergleichen Personen under ihren Pfarrkindern haben, solche nicht allein nicht gedulden, sondern auch ihr J. G. als

Ordinario, oder derselben Vicario umh gebührendes ernstliches Einsehen anzeigen wollen.

Es ist auch bey vielen dieser Bohn, wann sie von ihrem abwesenden Manns oder Weibs Leben oder Todt in sieben Jahren nichts gehört haben, daß sie sich wol in andere Weg widerumben Ehelichen versprechen und verheuraten können. Demnach aber dieser Bohn, nicht allein den Rechten zuwider, sonder auch ein solche Gewisheit des vorigen Manns oder Weibs Todt von Rechts wegen erfordert wirdt, die der Geistliche Richter für genugsam erachten und erkennen kan, so sollen die Pfarrherren keine dergleichen Ehen ohne vorgehende Richterliche Erkanntnuß des Officials zusamen geben.

Vom Advent unsers Herren Jesu Christi, biß auff den heiligen drey König Tag, und dann von dem Ascherizgen Mittwoch, biß auff den Sonntag Quasimodo, dieselben Tag eingeschlossen, sollen keine Hochzeiten gehalten und eingeführt werden. Sonsten ist solches zu allen Zeiten im Jahr, auch in der Creutz, Pfingst, und Ablasswochen, und in unser lieben Frauen Dreßsigist bewilliget, doch der Gestalt, daß alles mit Zucht und Erbarkeit zugehe, es wölte dann einer auß sonderbahrer Andacht und Ehrenbietung gegen dem Allmächtigen, und seiner lieben Mutter, an obgemelten Festen und Zeiten, für sich selbst das Hochzeitliche Wesen einstellen, daß man eines jeden Gelegenheit heimbgesetzt haben will.

De Impedimentis Matrimonii.

Damit aber die rechtmäßige Verhinderung der Ehe so wol den Pfarrherren, als den Pfarrkindern, und sonst männlichen offenbahr werden, und sich keiner der Unwissenheit entschuldigen, sonder ein jeder im Heuraten darnach richten möge. So haben ihre Fürstl. Gnad. dieselbige hiemit auch publiciren, und seiner Fürstl. Gnad. Bistums Unterthonen kund thun wöhlen. Die sind ins gemein also beschaffen, daß sie entweder so wol die begehrte Ehe verhindern, als die allbereit be-

schlossene widerumb auflösen: Oder aber die begehrte Ehe gleichwol verhindern, wann sie aber schon gebührender massen beschehen, nicht widerumb aufbinden, sonder inn ihren Kräften bestehn lassen.

Was die erste Verhinderung belangen thut, werden dieselbigen in diesen Lateinischen Verslein begriffen:

Error, condicio, votum, cognatio, crimen,
Cultus disparitas, vis, ordo, ligamen, honestas,
Disensus, atque affinis, si forte coire nequibis,
Hæc socianda vetant connubia, juncta retractant.

Error.

Die erste Verhinderung ist, wann sich eins in dem Heuraten irret und verstoßet, als da einer begehrt sich mit Catharina, oder mit einer Leibs-freien Person zu verheuraten, und nimbt unwissender Dingen, auß Verstoßen und Irrung die Margaretham, oder eine so Leibigen ist, dann in diesen beyden Fählen die Irrung nicht allein die Ehe verhindert, sonder auch wann die Ehe gleich beschlossen wer, widerumb auflöset. Zwar was andere Irrungen der Reichtung, Schöne, Frum- und Erbarkeit, und was dergleichen mehr ist, belangen thut, bringen dieselbigen dem Ehelichen Versprechen kein Verhindernung.

Conditio.

Zum anderen, ein eheliche und mögliche Condition und Beding, darmit das Eheliche Versprechen beschehen, verhindert die Ehe so lang, biß dieselb Condition erfüllt und erstattet wirdt. Beyneben aber ist zu merken, daß unziemliche unmögliche Beding nit binden, sonder darfür gehalten werden, als weren sie niemahlen angedingt worden.

Votum.

Zum dritten ist der Ehe ver hinderlich, wann der Ehelichen Parteyen eins oder beyde in einem bestätten Orden die ewige Reinkigkeit gelobt und Profession gethan haben: Also auch, wann eins in dem Orden der Societet Jesu, nach auß-

aufgestandenen Probation Jahren die Reingkeit verlobt hette, so bey diesem Orden allein für ein einfältig Gelübt und simplici voto gehalten wird.

Cognatio.

Die Sip- oder Blutsfreundschaft ist Geistlich und fleischlich. Die Geistliche flussset her auß beyden Sacramenten, des Tauffs und der Firmung. Und zwar so vil den Tauff belangt, so ist die Verhinderung zwischen dem, der taufft, und getaufft wird, und des getaufften Vatter und Mutter, wie auch zwischen denen, so auß der Tauff heben, der im Tauff gehet wirdt, und des gehenden Vatter und Mutter. Die Verhinderung aber, die von der Firmung herkompt, ist zwischen dem, der firmet, der gefirmet wird, und dessen Vatter und Mutter, auch dem, so bey der Firmung hebt, und diß alles nach Aufweisung des heiligen zu Trient gehaltenen Concilii. Diß geistliche Freundschaft und dero Verhinderung wehret ewig. Derhalben nicht wahr ist, was das gemein Sprichwort sagt: Wann das Kind todt, so ist die Gebäterschaft auß.

Die fleischliche Sip- oder Blutsfreundschaft ist zwischen den Eltern, Kindern, Geschwisterigen, Vatter und Mutter Brüder und Schwöstem, und denen, so auß ihnen erboren werden: Zwischen den Elteren und Kinderen hat die Blutsfreundschaft kein Ziel, sonder ist ein ewige Verhinderung, zwischen den anderen aber erstreckt sich die Verhinderung der Ehe weiter nicht, dann biß in den vierten Grad, denselben eingeschlossen, Also, wann eins in dem andern, dritten, oder vierden Grad, und das ander in dem fünften, oder noch weiterem Grad were, daß in solchem Zahl die Ehe zulässlichen beschehen und versprochen werden köndte.

Und diweil in dem Bistumb Constantz biß dahero allerley Ergernussen füzgelassen, wann in den verbottenen Graden der Blutsfreundschaft und Schwagerschaft mit gemeinen schlechten Bauersleuthen ohne Unterscheid dispensiret, und ihnen die in den Geistlichen Rechten verbottene Ehen zugelaf-

sen worden: Also damit die Ergernuß verhüttet, haben ihre Fürstliche Gnad. auß dem heiligen Concilio zu Trient hiemit verordnen wollen, daß wann einer oder eine sich wissentlich inn den verbottenen Graden, die ihme ohnedes wußt nicht sein könden noch sollen, verheuren wurde, der oder dieselbige soll von seinem vermeinten Ehegemahel mit des Geistlichen Richters Urtheil widerumb abgefondert werden, und aller Hoffnung einiger Dispensation, Gnad oder Bewilligung zu erlangen, gänzlich beraubt sein: Und soll dasselbig nicht allein inn dem statt haben, der sich wissentlich der Verhinderung, also vermessenlich verheuren, sondern vil mehr in dem, der solchen vermeinten Heurat mit dem Beytschlaff vollstrecken darff.

Gleiche Meinung soll es haben mit dem, der gleichwol die Verhinderung nicht weißt, und sich aber nicht mit vorgehender Verfündigung, oder vor seinen Psarrherren, in beywesen zweyer oder dreyer Sezeugen, vermögd des heiligen Concilii Satzung verheuret hat, dann der, so die heilsame Gebott der Kirchen verachtet, ist nicht würdig, daß ihme der Kirchen Gnad und Gürtigkeit zu Hülff und Guten kommen solle. Wann aber sich einer des Heiligen Concilii Satzung gemess gehalten, und hernach ein Verhinderung befunden wurde, deren er einiges glaubwürdiges wissen nit gehabt hette, so kann ihme mit einer Dispensation desto leichter und ehender vergebenlich geholffen werden.

Es sollen auch hinsüßran zu den künftigen Ehen keine Dispensationes, und Begnadungen, oder doch gar selten, und dasselbig allein auß vernünftigen und beweglichen Ursachen, und zwar in dem andern Grad gar nit, dann grossen ansehnlichen Potentaten und Fürsten, von gemeinen Nutzen wegen, gegeben werden.

Und damit die gemeine Priester, denen die Päpstliche Dispensationes, Brieff und Bullen, auch dero Seylus, Schrifften, Sigel, Unterschreibung und Zeichen unbekant sind, leichtlichen nicht betrogen werden, Ist ihre Fürstl. Gn.

ernst

ernstlicher Will und Befehl, daß die Priester, wann ihnen dergleichen Dispensationes und Bullen, was Inhalts dieselben seyen, zugebracht werden, solche zuvor nicht vollziehen, und in das Werk richten sollen, sie seyen dann hochermeldt ihr J. G. oder deren Vicario gezeigt und fûrgewisen, damit man was darunder zuthun oder zulassen, gebührende Verordnung anstellen möge.

Crimen.

Es verhindert auch die Ehe, wann ein Ehegemächt bey Lebzeiten seines Manns oder Weibs, mit einem andern sich ehelichen verspricht, oder die Ehe in das künftige zusagt, und beyneben mit ihm sich fleischlichen vermisset, welches ein Verhinderung pollutionis adulterinae genennet wirdt: Oder wann eines sein oder des andern Ehegemächt zu dem End umgebracht, oder nach dem Leben gesetzt, damit er sich mit des umgebrachten verlassenen Mann oder Weib verheuren könne.

Cultus disparitas.

Die Christen sollen sich mit den ungläubigen Juden oder Heiden keines wegs ehelichen versprechen und verheuren, dann es wider die Christliche Verzunfft und alle Recht ist.

Vis.

Wann auch eines mit Gewalt, und solcher Furcht, die in einen standhaftigen Mann, oder Fräwen fallen kann, als bey Verlehrung der Ehren, Haab, Gut, und des Vatterlands, oder bey Tröwung Leibs und Lebens, sich zu verheuraten gezwungen wird, so ist solches ehelich gethon Versprechen unbündig und nicht kräftig, es seye dann daß der vorgehende Zwang und Furcht durch einen nachfolgenden guten freyen Willen purgiert werde.

Ordo.

Die so eine oder mehr der mehreren Weyhnen von einem Bischoff empfangen haben, das ist, wann einer Epistler, Evangelier oder Priester, können zur Ehe nicht schreiten, und da sie es gleich thäten, so ist es doch nichtig und Kraftlos, auch weder vor Gott

noch der Welt kein rechtmäßige Ehe. Welche aber allein die minderen Weyhnen haben, denselben ist das Heuraten nicht verboten.

Ligamen.

Wann der Parthenen eine oder beyd zuvor einen Ehegemähl haben, der noch im Leben ist, so ist ihnen sich anderwärts Ehelichen zu versprechen keines wegs zugelassen, wirdt die Verhinderung Praecontractus genent.

Honestas.

Die Verhinderung, so impedimentum iustitiae publicae honestatis geheissen wirdt, fließet her auß dem Versprechen künftiger Ehe, die man Sponsalia de futuro nent, zwischen zweyen, so hernach solch ihr Versprechen nicht vollziehen. Nach Aufweisung des Heiligen und Christlichen Concilii zu Trient, wann das Versprechen künftiger Ehe, auß was Ursachen es seye, nicht kräftig, so ist zwischen denjenigen, so solche Versprechen künftiger Ehe gethon haben, und derselben beyderseits Verwandten keine Verhinderung: Wann aber das Versprechen künftiger Ehe gültig und kräftig, so ist die Verhinderung allein im ersten Grad, und nicht weiter.

Dissensus.

Es wirdt auch zu eines jeden Ehe nothwendig ein vernünftiger Will und Consens erfordert, daher die Ungesundten, Tauben, Narren, und dergleichen Leut zu dem ehelichen Versprechen untaugentlich.

Atque Affinis.

Die Schwagerschaft primi generis, hindert so wol den beschlossenen, als den künftigen ehelichen Contract, bis inn den vierdten Grad, denselben eingeschlossen: Dann in welchem Grad eins des Manns oder Weibs Bluts Freundt ist, inn demselbigen Grad ist er auch des Manns oder der Fräwen Schwager.

Anderer Schwagerschaften, so man nennt secundi generis, das ist, Schwagers Schwagerschaft bringen keine Verhinderung, weder den beschlossenen noch künftigen Ehen.

Was

Was aber die Schwagerschaft anbelangen thut, die auß verbottenein und unzünlchen Beyſchlaff herkömpt, hat das heilige Tridentiniſche Concilium verordnet, daß ſolche Schwagerschaften weiters nicht verhindern ſoll, dann allein in dem erſten und anderen Grad.

Si forte coire nequibis.

Und dann dierweil zu Erhaltung deß Menſchlichen Geſchlechts der Eheſtand eingeſetzt, ſo könden diejenige, die zu den Ehelichen Pflichten untaugenlich ſind, ſich nicht verheuren.

Raptus.

Es mag anch, wann einer ein Tochter ihren Eltern raubt, und entführt, ohne ihren Willen zwiſchen demſelbigen Rauber und der Tochter keine Ehe beſtehen, ſo lang die Tochter in deß Raubers Gewalt iſt, es ſeye dann, daß die Tochter von dem Rauber abgeſondert, und an einen ſichern Orth, auff freyen Fuß geſetzt, und widerumb von neuen den Raubern zuhaben einwilligen wurde.

Die Verhinderung, welche zwar die allbereit beſchloſſene Heurath nit auſlöſen, aber doch die zukünfftige Ehen verhindern, ſind, wann ſich eins wider das Verbott ſeines Biſchoffen, deß Geiſtlichen Richters, oder ſeines Pfarrherrn, zu verbottener Zeit, mit einem der mit einem einfachen Gelübde der Keuſchheit, Votum ſimplex genant, beſchafft were, oder in dem Glauben mit der Catholiſchen Römischen und Bapſtiſchen Kirchen nicht übereinſtimpte, oder einen anderen die Ehe in das künfftig per Sponsalia de futuro verſprochen hette, ſich ehelichen einlaſſen wolte, In welchen und der gleichen Fällen, obwol die beſchloſſene Ehe beſteht, ſo begehen doch diejenige ein Tödtliche und ſchwere Sünd, die ſich also wider die Geiſtliche Recht und Gebott verheuren.

Dierweil auch bey dieſen unſeren Zeiten die geſeliche und weltliche Rechten bey vilen dermaßen in veracht gerahten, und ein ſolche groſſe Vermeſſenheit iſt, daß ſie mit nahen Bludtfreunden, und ſonſten wider die Rechten und Geſatz der Chriſtlichen Kirchen, verbottene Ehen zu machen, und wann die Pfarrherrn ſolche Ehen (inmaſſen ſie

dann Ampis und Pflichten halben ſchuldig) nicht einführen wöllten, an Sectiſche oder andere unbekandte Orth zu ziehen, und ſolche ihre verbottene Ehen beſtättigen zu laſſen, ſich weder ſchewen, noch ſchämen, zu nicht geringer Ergernuß deß gehorſamen Chriſtlichen Volcks. Welchem Ubel und Ergernuß, ſo vil möglich, vorzukommen, iſt oft hochermeldt ihr J. G. deß Herren Biſchoffen und Ordinarii, an alle und jede Pfarrherrn und Seelſorger ernſtlicher Befehl, daß ſie dergleichen vermeinte Eheleut, wann ſie ſich widerumb in ihre Pſarren begeben werden, mit allem Ernſt annahmen ſollen, von ſolcher ihrer vermeinten Ehe alsobald abzusehen, oder innerhalb vierzehnen Tagen bey dem Geiſtlichen Richter zu Coſtanz deßhalb ein Erläuterung und Declaration zu begehren, und deſelben zu geſehen. Auff den Fall aber ſolche vermeinte Eheleut, eintrweder bey dem Geiſtlichen Richter gar nicht erſcheinen, oder demjenigen, was von ihme declariert und erkennt, nit nachkommen wurden, ſo ſollen ſie von ihren Pfarrherrn auß der Chriſtlichen Kirchen und Gemeind, mit Entziehung der heiligen Sacramenten, und Verſägung Chriſtlicher Begräbnuß, ſo lang außgeſchloſſen werden, biß ſie umb ihre begangene Mißhandlung Penitenz und Buß würcken, und der Chriſtlichen Kirchen ſchuldige Gehorſame leiſten.

Alle und jede Eheſachen, und was denſelben anhängig iſt, die gehören, vermög der Rechten, allein zu ihr J. Gnad. deß Herren Biſchoffen, oder deſelben Vicari und Officials Erkandtnuß. Derhalben ſollen weder Geiſtlich noch Weltlich, was Würden, Stands, und Präeminenz die ſeyen, bey Straff des Banns, dergleichen Eheſachen, ſie ſeyen beſchloſſene oder künfftige Ehen, deſelben Verhinderungen, Auſlöſung und Scheidungen, und alles, was dergleichen Sachen anhängig iſt, für ihre Gericht-Zwang ziehen, dieſelben erkennen, urtheilen, ſonder da ſich hierinnen was Irrung und Geſpänn zutragen wurden, für das ordentliche Biſchöfliche Geiſtliche Gericht und Conſiſtorium naher Coſtanz weiſen.

Tomus VIII. Concilior. German.

D d d d d

Nicht

Nicht weniger wann die Rural Dechant, Pfarrherren, und andere Seelsorger, under ihren anbefohlenen Decanats, Pfarr und Seelsorg Underthöhen, eheliche Gspänn und Irrungen, wie die Maiten haben möchten, erfahren werden, sollen sie dieselbigen ihre Underthöhen ermahnen, und da es vonnöthen, mit Aufschliessung auß der Christlichen Kirchen und Gemein, und Entziehung der Heiligen Sacramenten, dahin halten, daß sie solche ihre Gspänn vor dem Geistlichen Bericht zu Costanz anbringen, allda einer rechtlichen, kleintigen Erkandnuß und Ausspruchs erwarten, und demselbigen hernach geleben und statt thun wollen.

Es sollen auch gemeldte Dechant, Pfarrherren und andere Geistliche, und insonderheit die Bischöfliche Commissarii der Ehesachen, wie bißhero von vielen beschehen ist, sich nicht allein in die gespannte Ehesachen nicht einmischen, und darinnen etwas Erleuterung und Extrajudicial Erkandnuß geben, sonder auch dergleichen Matrimonial- und Ehesachen zuvertragen sich keines wegs und verstehen und geluften lassen, seytes mahl die Ehesachen nicht vertragen, sonder nach Aufweisung der Geistlichen Rechten entschieden und definiert werden müssen, dann da in das künfftig, von dem einen oder anderen hierinnen weiters beschehen solte, wurde man neben der Straff des Geistlichen Banns, mit Entsetzung der Pfründ oder des Commissariat-Ampts, wider einen solchen der Gebür nach zu verfahren nicht underlassen.

Bann es aber nicht genug, gute und heilsame Ordnungen zu machen, sonder vonnöthen, daß dieselbig fleißig gehalten und vollzogen werden, so ist mehr hochermeldt ihr Fürstl. Gnad. an alle und jede Dechant, Pfarrherren, und Seelsorgern, bey der Gehorsame, und den Pflichten, mit welchen sie ihr Fürstl. Gnad. als ihrem Bischoffen und

Ordinario verbunden sind, ernstlicher Will und Befehl nicht allein diß alles, wie obsteht, für sich selbst, fleißig, und ihres besten und höchsten Vermögens zu halten, und zusehen, damit solches von denjenigen, so inen zu versprechen stond, gehalten werde, sonder auch alle und jede Jahr zweymahl, nämlichen am Sonntag nach der heiligen drey König Tag, und am Sonntag nach der heiligen Dreyfaltigkeit Tag, bey Straff zwanzig Gulden, inmassen hierinnen von Wort zu Wort begriffen ist, öffentlich auß der Cangel, ihrem Christlichen Vöcklein und Pfarrkindern abzulesen und zuverkünden, damit sich männiglich darnach richten, und keiner der Unwissenheit entschuldigen könne.

Ex Mandato Illustrissimi & Reverendissimi D. D. Jacobi ()
Episcopi Constantiensis.*

J. ANDR. DORNSPERGER,
D. Notarius subscr.

Zeutsche Formb des wahren und Catholischen Glaubens-Bekand- nuß.

Ich M. glaube und bekenne mit fleißem Glauben samptlich und sonderlich alles, was in dem heiligen Glauben, den die heilige Römische Kirch braucht, begriffen ist, nämlich: Ich glaub in einen Gott Vater, ic.

*Formula Germanica Patrimonii,
in scriptis dandi, pro Ordinandis
mutatis mutandis.*

Wer Abbt und Convent des Gottes-
haus N. ic.

*Cl. Lämig Spicil. Eccles. Cont. II. a pag. 587.
ad 684. Synodi hujus epitome apud
Jos. Biner in Appar. Eruditionis P.
VII. Lib. I. C. I. art. IX.*

(*) Joanni Georgio de Halweil, Viro eruditionis, prudentia, vitæque sanctitatis fama per-
celebri, quem appellare Episcoporum postremæ ætatis speculum *Bucelinus* non
dubitat, successit A. 1604. die 26. Januarii Jacobus ex Illustrissima Fuggerorum de
Kirchberg & Weissenhorn Comitum familia, Patre Joanne magnifico, Matre Eli-
sabetha Nothaftin a Dodensteyn Sebastiani filia procreatus, magnorum Baronum
Marci & Christophori frater, summi apud Constantiensis templi Præpositus, flo-
renti,

renti, ut Cl. *Jacobus Mantius in Chron. suo Constant.* ait, vir ætate, & magnæ expectationis, quem, teste *P. Ignatio Agricola Provincia German. Superior. Historiographo* ad cit. A. n. 350., dudum ad illud culmen honoris destinaverant populi vota, ob integerrimos mores, & conjunctam cum spectata virtute prudentiam, qui anno præcedente, ad totius Constantiæ, sacris tum Missionis Apostolicæ laboribus excoli cæptæ, religionem, oblata liberaliter ad coemendos saccos, pœnitutinis Christianæ indices, pecunia, atratus ipse, Canonicis comitantibus, incesserat.

Hæc, aliæque Jacobi elogia alium nobis eundem depingant, atque is apud M. Georgium Conradam Pregizerum, ex Hübnero scribeantem, in Serie Episcoporum Constantiensium notatur. Societas profecto nostra Meccenatem in illo amplissimum veneretur, grataque prædicet, oportet: enimvero inter Imperii Principes, quorum perpetuum in res Societatis studium enituit, (*inquit cit. Agricola Dec. VII. n. 946.*) ne ullo anno de se, nisi ingratis, tacere liceret, Jacobus maxime Fuggerus Constantiensis Præsul continuatis favoribus effecit. In omnia nascens intra Constantiæ muros Collegii commoda vigil, cum absoluta quamprimum, instructaque Collegii, Templi, ac Scholarum ædificia cuperet, ad universum Dioeceseos suæ Clerum Literas encyclicas dedit, gravissimis, nostroque Ordini perhonorificis argumentis refertas; queis omnes hortabatur, ut ad Gymnasium præsertim, quod in Pastores idoneos juventutem formaret, mox perficiendum & ipsi elemosynam, sacræ ac profanæ Reipublicæ profuturam, conferrent. Optimus hortationi præclarissimæ respondit fructus.

Adde, quod in maxima hac, celeberrimaque Synodo, cujus Statuta jam dedimus, quamque præter duodeviginti mitratos Antistites, ingenti Clerus uterque frequentia illustrem fecit, singulare suum disciplinæ Ecclesiasticæ restaurandæ studium, & veræ amorem, atque æstimationem Religionis non uno & coævis & posteris monumento Jacobus prodiderit.

Obiit post gloriosum duorum ac viginti annorum Regimen anno MDCXXVI. pridie Nonas Martias Princeps præstantissimus, avitæ fidei tam tenax, & cultor pietatis adeo eximius, ut facientis ad aram oculi suavibus præ animi teneritudine lacrymis passim manarent, amplissimique facultates patrimonii, cum vestigalibus annuis, pios in usus ab ipso converterentur.

Porro de Jacobo isthæc memiuisse tanto mihi est jucundius, quanto existimem æquius esse, ut bina, quæ Metropolitico hujate in Senatu sub hæc etiamnum tempora resplendent, inclutissimæ ejusdem prosapiæ lumina gratus vel eo duntaxat ex capite reverear, quod ejusmodi noverim semper fuisse Fuggerorum ingenium, Societatis nostræ homines ut in amore, institutum in pretio haberent.

Vide præter cit. AA., Jac. Wilhelm. Imhofii notitiam S. R. I. Procerum Lib. VII. Cap. III. P. Franc. Xav. Kropp in Hist. Prov. Germ. Sup. Dec. IX. n. 638.

SYNODUS DIOECESANA

M E T E N S I S *Prima,*

Anno Christi MDCX. Pauli V. Papæ VI.

Rudolphi II. Imp. XXXIV.

*Ab ANNA DESCARS, (a) S. R. E. Presbyt. Cardinali,
& Episcopo Metensi celebrata.*

*Statuta CAROLI a LOTHARINGIA, Cardinalis & primi apud Nancejanos Primatis,
de quibus mox fiet mentio, bucusque desiderantur.*

ANNAS DESCARS, DEI ET SANCTÆ SEDIS APOSTOLICÆ GRATIA

*Tituli Sanctæ Susannæ S. R. E. Presbyt. Cardinalis de Giury nuncupatus, Episcopus Metensis, Sacri Romani Imperii Princeps. Universo Clero, ac Populo Civitatis,
ac Dioecesis Metensis, Salutem in Domino Sempiternam.*

Pætoralis officii cura Nos admonet, & igitur, ut ovium Nobis commissarum salutem
Sacrorum Canonum Decreta a Nobis ex-
Tomus VIII. Concilior. German. invigilantes, omnes animi nervos in id inten-
damus,

D d d d d d 2

damus, ut Catholica fidei veritas nimium multis in locis hujus nostræ Diœcesis labefacta pristinum splendorem recipiat, & corrupti mores tam Cleri, quam populi nostri, quoad fieri potest, in melius commutentur. Cum autem nulla ad eum finem rectior sit via, quam frequens Synodi Diœcesanæ congregatio, ubi multis Sacerdotibus in unum coactis, & unanimiter orantibus baud dubium est,

quin Pater misericordiarum faciliores præbeat aures, & multorum piorum ac eruditorum Virorum consilio, quidnam aut correctione, aut moderatione indigeat, quidve agendum, fugiendumque sit, melius, ac sanius judicatur: Quamprimum per innumeras, easque gravissimas occupationes Nobis licuit, banc ipsam viam ineundam, primamque banc Synodum nostram Diœcesanam convocandam, ac celebrandam.

- (a) Ortum habuit III. Cal. Apr. anno 1546. Luteriæ Annas Descars, Jacobi huj. nom. & Franciscæ Longovicæ de Giury filius, Caroli Lingonenfis Episcopi frater. Multa sunt, quæ virum commendat. D. Benedicti ingressus Ordinem, prima jecit religioſæ vitæ fundamenta in Divionensi, quod a S. Benigno nomen habet, pervertito Monasterio, cujus postea Abbatem dignissimum egit, Molismo deinde, Cœnobio olim florentissimo, aliisque locis Archimandrita suffectus. Calendis Martii A. 1585. deferebatur ipsi Ecclesiæ Lixoviensis regimen, cujus tamen fructibus officii, bellicos ob tumultus ac temporum illorum injurias carendum diutius fuit. Romanam ad Purpuram ut a Clemente VIII. anno 1599. evcheretur, strenui, quos pro tuenda apud Gallos Apostolicæ Sedis auctoritate suscepit, tulitque, labores effecere. Illum ætate maturum, moribus spectabilem, doctrina ac pietate præcellentem Sedi Metensi præesse voluit Summus Pontifex Paulus V., eumque præ Henrico Borbonio septem duntaxat annorum Marchione, novis Canonicorum comitiis electum, auctoritate Apostolica A. 1608. confirmavit.

Auctus sacra hac dignitate Annas, in domestico, quod singulis hebdomadis semel iterumve habebat, concilio multa sapienter, ac præclare decrevit, & Judæis Metensibus ad fidem Christianam invitandis, & coercendis a Catholicorum sepultura Sæculariis, & Familiis Religiosis omni, qua fieri poterat, moderatione purgandis, poliendisque idonea. Parum etiam aliquando abfuit, ut ad universæ Christi in terris Ecclesiæ capeſſenda gubernacula, voce populi (quæ Dei vox non raro fuit) eundem, modo Pontificem per Urbem designante, evocaretur. Ferunt, hanc de eo quam honorificam, tam veram Henricum Magnum pronunciaſſe sententiam: *Incaſſum agitur cum Cardinale de Giury, si aliquid a ratione & recto tramite devium ab eo poſſuletur.*

Obiit anno 1612., ætatis non 74., sed 66. vel 67., Vici, peramceno in Germaniæ confinibus oppido plenus meritorum Antistes, cui elegans Metis inscribere Epitaphium, æqui rerum arbitri, his verbis expreſſum:

D. O. M.

*Piis manibus æternæ memoriæ plorabili buſto Antiſtitis deſideratiſſimi
omni ævo retro dolendi.*

ANNÆ D'ESCARS TITULI SANCTÆ SUSANNÆ SANCTÆ Romanæ Ecclesiæ Presbyteri Cardinalis de Giury nuncupati, qui paterna fobole, clara familia d'Escars: materna proſapia primæ Longovicorum nobilitatis, egregia Principum Aurelianenſium conſanguinitate infeliciſſimo Sæculo feliciter Ecclesiæ datus, Pariſiis editus, Diviniſſione in antiquiſſimo Divi Benigni Cœnobio Sancti Benedicti diſciplina inſtitutus, profeſſusque indidem Abbas, tum Lexoviorum Antistes electus, tota Gallia præclarus, Romæ perquam illuſtris, Metis amabilis, ubique ſtupenda lenitate, ſpectabili ſenio, rara pietate, innata gravitate mirabilis ac venerandus, Regi percharus, Pontifici Maximo jucundiſſimus, omnibus æternum lamentabilis, Ecclesiæ Metenſis Pontificatu ſimul & caſtiſſima vita perfunctus, vitam immortalis gloria deſperatam oppetiit decimo tertio Calendas Majas, anno ætatis ſextageſimo ſeptimo, Sæculi vero Chriſtianiſſimi M.DC. XII.

Vide Hiſt. Eccleſ. Germaniæ, anno 1724. Bruxellis gallice editam apud Franciſcum Foppens, & Cl. Petri Frizon Galliam Purpuratam, apud Simonem le Moine Lutetia Pariſiorum anno 1638., latine conſcriptam Lib. IV. pag. 676., unde hæc deprompſimus.

brandam duximus. Ac primum quidem Statuta olim in Synodis hujus nostræ Diœcesis edita, maxime vero a fel. rec. CAROLO Cardinale a Lotharingia Prædecessore nostro promulgata, conquiri iussimus. Cum ut ea, quantum fas esset, observari curarem. Tum etiam ut, si quid addendum, minuendum, mutandumve esset, adderemus, minueremus, aut mutarem. Conquisita, & reperta cum quibusdam ex Dilectis Fratribus nostris Ecclesiæ nostræ Cathedralis Primovibus, aliisque doctis, ac piis viris examinavimus. Quo quidem examine nonnulla in iis mutatione indigere, quædam redundare, plurima vero om-

nino desiderari animadvertimus. Quare ex iis, quæ usui fore credidimus, ea intacta servavimus, quæ minus utilia, aut hisce temporibus minus accommoda reperimus, illis sublati alia utiliora, atque aptiora subrogavimus: Plurima vero tam ex Concilio Tridentino, quam ex Sacris Canonibus, atque Conciliis, & vicinarum Diœcesum Synodis addidimus. Ex iisque omnibus Statuta, quæ sequuntur, compilanda, atque in hac nostra Synodo Diœcesana prima proponenda: & promulganda duximus, volisque omnibus, quatenus vestrum unumquemque tanguant, servanda, & adimplenda proponimus.

STATUTA SYNODI DIOECESANÆ METENSIS PRIMÆ,

Ab Illustrissimo ac Reverendissimo D. D. ANNA DESCARS, Tituli
S. Susanæ S. R. E. Presbyt. Cardinale de Giury nuncupato, Epi-
scopo Metensi, S. R. I. P. Metis habitæ die 21. Aprilis,
Anno Domini 1610.

INDEX TITULORUM HUIUS SYNODI.

- | | |
|--|--|
| I. De Fidei Christianæ Professione & Doctrina. | XX. De officio Parochi. |
| II. De Prædicatione Verbi Dei. | XXI. De officio Archi-Presbyterorum. |
| III. De Sacramento Baptismi. | XXII. De ordine servando convocatis in Ca-
pitulo rurali Archi-Presbytero, & Paro-
chis, eorumque Vicariis. |
| IV. De Sacramento Confirmationis. | XXIII. De eligendo Archi-Presbytero. |
| V. De Sacramento Eucharistiæ & Sacrosancto
Missæ Sacrificio. | XXIV. De Procuratoribus Capituli ruralis. |
| VI. De Sacramento Pœnitentiæ. | XXV. De Ludimagistris. |
| VII. De Sacramento Extremæ Unctionis. | XXVI. De Obstetricibus. |
| VIII. De Sacramento Ordinis. | XXVII. De Portione congrua. |
| IX. De Sacramento Matrimonii. | XXVIII. De Decimis. |
| X. De Officiis Divinis rite persolvendis. | XXIX. De Judeis. |
| XI. De vita & honestate Clericorum. | XXX. De Casibus reservatis. |
| XII. De observatione Festorum. | XXXI. Casus Episcopo reservati. |
| XIII. De Beneficiariis. | XXXII. Statutum circa Divina, seu Eccle-
siastica Officia servandum, pro quibus de
jure retributio Parochis & Sacerdotibus
a suis Parochianis competit. |
| XIV. De Immunitate & jurisdictione Eccle-
siastica. | XXXIII. Temporale Festorum & jejuniorum,
observandum per universam Diœcesim
Metensem. De præcepto Ecclesiæ &
nostro. |
| XV. De legitima bonorum & reddituum Ec-
clesiasticorum administratione. | |
| XVI. De Regularibus. | |
| XVII. De Religiosis domibus. | |
| XVIII. De Testamentis. | |
| XIX. De Sepulturis. | |

IN NOMINE SANCTÆ, ET INDIVIDUÆ TRINITATIS PATRIS, ET FILII,
ET SPIRITUS SANCTI. AMEN.

I. De Fidei Christianæ Professione, & Doctrina.

Cum Fides omnium Christianarum virtutum sit fundamentum, ve-
ab hædis discernuntur, ideo ab ea po-
Ddd ddd 3 tiffi.

tissimum Synodi hujus Diocesanae exordium sumendum duximus: quam integram, atque inviolatam ab omnibus non modo mente retineri, sed etiam verbo prædicari peroptamus.

II.

Sacri igitur Tridentini Concilii, ac PII IV. Pontificis Maximi vestigiis inhærentes statuimus, & mandamus, ut omnes beneficia Ecclesiastica nunc obtinentes, & in posterum obtenturi, Fidei Professionem emittant ex formula ab eodem PIO IV. præscripta, nisi eam se jam emisisse docuerint. Cujus formulæ tenor sequitur:

Ego N. firma fide credo, & profiteor omnia, & singula, quæ continentur in Symbolo fidei, &c.

III.

Quicumque publice, aut privatim domi suæ, vel alienæ pueros cujuscunque ætatis, & sexus, quascunque artes literarias, vel alias liberales, legendo, interpretando, repetendo, vel alia ratione etiam gratis docent, & docebunt, eandem Fidei Professionem, si in Civitate sint, coram Nobis, aut Vicario nostro; In aliis vero locis coram Archi-Presbytero, vel Parocho, & duobus testibus emittere omnino teneantur, ejusque Professionis actum manu propria subscribere.

IV.

Ad cujus rei salutarem executionem studiose inquirant Parochi, quinam in suis Parochiis docendi munere fungantur: eorumque nomina, ætatem, vivendi modum, una cum testimonio de Fidei Professione ab eis emissâ Archi-Presbyteris, ipsique Archi-Presbyteri Nobis, aut Vicario nostro infra duos menses consignanda deferri curent.

V.

Nullus vero in posterum ad docendi munus admittatur, qui testimonio sui Parochi, & duorum, vel trium fide dignorum non manifestet se in Ecclesia Catholica semper perseverasse: quique secum non habeat testimonium ab iisdem vitæ honeste, pieque actæ. Mandamusque Parochis omnibus, & aliis curam animarum gerentibus, ut

hæc nostra Constitutio diligenter observetur, Nosque quamprimum certiores faciant, si ab his, quorum est Ludimagistrorum institutio, vel approbatio, aliter (quod absit) attentari contingat. Archi-Presbyteri vero solliciti curent, ne Parochi hac in parte suo officio desint, eosque, qui contra fecerint, ad Nos deferant.

VI.

Insuper diebus Dominicis finita concione, quam in Missâ ad populum habere debent, Orationem Dominicam, Salutationem Angelicam, Fidei Symbolum, Decalogum, & Ecclesiæ præcepta, per se, aut per puerum aliquem clare, aperte, & distincte proferant, ac recitent, ut hoc saltem modo rudiores ea sic repetita discere valeant.

VII.

Prohibeant ipsi Parochi auctoritate nostra universis, & singulis suis Parochianis, ne quibusvis superstitionibus utantur. Inobedientes ab ingressu Ecclesiæ, & Sacramentorum usu arceant. Aboleant profana tonitrualia festa, cum paganismum redoleant: cæterasque vanas observationes, quas pro curandis, & conservandis pecoribus hætenus a plerisque adhibitæ accepimus. Inobedientes, ab Ecclesia, & Sacramentis arceant. Prohibeant quoque Parochianis suis eadem auctoritate nostra ne superstitione cessent ab operibus servilibus Sabbato post meridiem certis anni temporibus: cum id perperam, & sine Ecclesiæ auctoritate introductum nimis apertam redoleat superstitionem. Illis, qui non paruerint, Ecclesiæ ingressu, & participatione Sacramentorum interdicator, & morientes Ecclesiastica careant sepultura.

VIII.

Cum sicut a viris probis ac fide dignis accepimus, in variis Diocesis nostræ locis hæretici prætextu charitatis & consolationis Catholicos utriusque sexus ægritudine laborantes, & in extremis agentes invisant, & Parochis absentibus errorum suorum virus effundere conentur in certum animarum periculum. Nos huic malo, quantum in nobis est, occurrere cupientes.

Omni-

Omnibus, & singulis utriusque sexus fidelibus severissime inhibemus, ne ullius sectæ hæreticos quocunque prætextu in ædes suas admittant ad ægros invendos, vel etiam consolandos, multo minus eos ullo modo dogmatizare permittant. Alioqui censuris, & pœnis canonicis subiaceant. Mandamusque omnibus & singulis Parochis, aliisque curam animarum exercentibus, ut tribus continuis diebus Dominicis hanc nostram Constitutionem publicent, in illis maxime Parochiis, ubi aliqui hæretici habitant, ac publicationum ipsarum exemplar ad Nos, aut Vicarium nostrum quamprimum deferri curent.

II. De Prædicatione Verbi Dei.

ART. I.

STatuimus, ne quis etiam Regularis, nisi a Nobis, aut Vicario nostro facultatem in scriptis obtinuerit, se se ad prædicandum Dei verbum ingere audeat. Parochis vero inhibemus, ne ullum ad prædicandum in Ecclesiis suis admittant, nisi de facultate ipsa prius docuerit. Qui vero ad hoc ministerium admissi fuerint, videant, ne verbum veritatis contra Ecclesiæ receptum sensum, & Apostolicas traditiones privatis suis iudiciis servire compellant.

II.

Laicis omnibus, imo & Clericis in sacris Ordinibus non constitutis, prædicandi officium interdiximus: neve ulla in Dicecesi nostra conventicula faciant, in quibus de Religione trañetur. Quod si contra fecerint, excommunicationis vinculo innodatos, & nisi resipiscant, graviore etiam pena plectendos declaramus.

III.

Singulis diebus Dominicis Parochi aliquam ex ordine particulam Rudimentorum nostræ fidei populum doceant, idque præsertim ex Catechismo Tridentino, quem, ut assidua manu versent, hortamur. Hinc enim Sacramentorum efficaciam, ac legitimam administrationem docebuntur, intelligentque quibus potissimum armis expugnanda sit hæresis. Et quanta cautio-

ne, ac prudentia uti debeant in dijudicandis conscientiarum casibus, audiendisque pœnitentium confessionibus.

IV.

Et quoniam vix ac ne vix quidem fieri potest, ut absque librorum ope Parochi prædicationibus, aliisque muneribus, ad quæ tenentur, rite satisficiant, volumus, ut præter Breviarium, Missale, & Agenda, Biblia etiam sacra, Catechismus Tridentinum, Concilium Tridentinum, Binsfeldium, & Statuta hæc Synodalia penes se singuli habeant.

III. De Sacramento Baptismi.

ART. I.

Quilibet Parochus librum habeat, in quo baptizatorum simul, & parentum, ac suscipientium nomina, cognomina, statum, & domicilium, nec non Baptismi diem, & annum designet, & annoter; isque ita servetur, ut ad successoris manus integer deveniat.

II.

Unctiones ne faciat intincto pollice, sed styli, seu bacillis ex stanno, vel argento in eum usum comparatis, qui singuli in singulis unctionem sacramentorum vasis recondantur.

III.

In Baptismi administratione caveant omnino, ne pro pueris illegitimis plus exigant, quam pro aliis, sub pœna quadrupli restituendi.

IV.

Sacerdos baptizaturus urceolo deinceps, seu cochleari, non nuda manu aquam ex pelui baptismali hauriat. Infantem autem baptizandum Patrini teneant supposito disco, ne quo forte casu, aut infantis infirmitate inquinentur fontes.

V.

Ubi Parochus alienius pueri parentes diutius distulisse Baptismum animadverterit, graviter eos increpet. Et, si adhuc neglexerint, significet Nobis, aut Vicario nostro, ut huic malo remedium afferre possimus.

VI.

Ad suscipiendum ne admittantur, qui rationis usum nondum habent, multo

multo minus ad hoc munus obeundum admittantur hæresici, vel de hæresi suspecti.

VII.

Parochus in sua Parochia, & sacris Ordinibus initiatus in suæ residentiæ, vel beneficii loco pueros de sacro fonte ne suscipiant, nunquam vero Monachus, vel Monialis ad hoc suscipiendi munus admittantur.

VIII.

Paganorum nomina in Baptismo pueris ne imponantur.

IX.

In Baptismo compater nemo sit, qui sacro Chrismate confirmatus non fuerit. Proinde Parochi studiose de hoc inquirere non omittant.

IV. De Sacramento Confirmationis.

ART. I.

AD Sacramentum Confirmationis suscipiendum nemo adducatur, qui septem annos non exegerit, & Orationem Dominicam, Salutationem Angelicam, Symbolumque fidei, memoria teneat. Sit etiam jejunos, atque confessus, si fieri potest, quisquis ad hoc ipsum Sacramentum accesserit.

II.

Qui supra suscipere in Baptismo prohibentur, eos pariter in Confirmatione suscipere prohibemus.

V. De Sacramento Eucharistiæ, & Sacrosancto Missæ Sacrificio.

ART. I.

PRæcipimus omnibus Parochis, & Sacerdotibus in nostra Dicecesi Metensi constitutis, quatenus Æditum, aut Ludimagistrum habeant, puerumve aliquem doceant ministrare, & respondere Sacerdoti Missam celebranti, statuimusque, ut qui celebrare sine Ministro respondente inventus fuerit, multam duorum francorum irremissibiliter solvat pro qualibet vice. Idque ut facilius executioni mandetur, Missis celebrandis certum tempus, & statum

hora præfigatur: ita ut plures simul Missæ in eadem Ecclesia non celebrentur: maxime ubi desunt Ministri, qui Sacerdotibus celebrantibus deserviant.

II.

Nusquam mulieres, etiam Moniales in Monasteriis, Sacerdoti celebranti in altari deserviant, sed Clericus superpellicio indutus, si fieri possit.

III.

Parochi omnes, qui ratione sui muneris diebus Festis, aut Dominicis bis celebrant, caveant, ne in prima Missa purificationem fumant: alias enim postea celebrarent non jejuni contra præceptum Ecclesiæ.

IV.

Singulis saltem mensibus, nisi sæpius pro ratione loci necesse fuerit, Sanctissimum Eucharistiæ Sacramentum renovetur: ac, novarum Hostiarum consecratione peracta, veteres, & earum fragmenta a Sacerdote reverenter sumantur.

V.

Substernatur in Ciborio Sanctissimo Sacramento pars aliqua corporalis mundi, neque unquam sordibus aspersum relinquatur.

VI.

In Monstrantiæ, ut vocant, Sanctissimi Sacramenti lunula substernatur pars aliqua corporalis, quam extracto Sanctissimo Sacramento statim etiam extrahat Sacerdos, excutiatque diligenter in calicem, ne adhærentes ei particulæ deperdantur.

VII.

Atque ad calicem ipsum, post sumptum Sacramentum & vinum ablutionis, decenter abstergendum parentur sudariola, seu purificatoria ex albo linteo firmo comburanturque, quæ jam præ vetustate sunt olida, aut putrida, & cineres, vel in piscinam altari vicinam, (si capax sit) effundantur, vel in scrobe Ecclesiæ, vel Cæmeterii recondantur.

VIII.

Non liceat uti Purificatoriis ex serico in posterum.

IX.

IX.

Observetur diligenter, ut ad tremendum Missæ Sacrificium nonnisi recens haustum vinum adhibeatur, recentes quoque panes singulis saltem mensibus provideantur. Maxime vero, quando renovandæ sunt Hostiæ, & in Ciborio conservandæ.

X.

Stet in altari Sacerdos erecto corpore, non cubitis innixus, nisi dum actu versatur in consecratione tam Hostiæ, quam Calicis. Nullæ externæ aut inusitatæ cæremoniæ invehantur.

XI.

In unoquoque Archi-Presbyteratu designetur aliquis Cæremoniarum Magister, qui novos Sacerdotes Sacras Missæ cæremonias doceat. Is vero eligatur, qui, & eas perfecte calleat, sitque probatæ vitæ, & famæ, nullusque sub gravi pena præsumat primum Sacrum facere in hac Diocæsi, nisi Syngrapha præfati Magistrî cæremoniarum doceat, se in his ritibus, cæremoniisque satis esse instructum. Ejus autem Magistrî cæremoniarum nomen ad Vicarium nostrum deferat Archi-Presbyter.

XII.

Albas ne ex crassa nimium tela, sed subtiliore, & decenti, easque rugatas circa collum, neque nimium laxas; aut strictas, manicis non ita amplis, sed oblongis fieri curent Parochi.

XIII.

Armariola, seu Tabernacula, in quibus asservatur Sanctissimum Sacramentum, quæ cancellis ferreis, aut cratibus ut plurimum septa reperiuntur, tabulis seu asserculis ligneis intrinsecus circumsepantur, ne pulveri, muscis, & araneis in ea pateat aditus, neve ita facile injuria quævis Sanctissimo Sacramento inferri possit.

XIV.

Vascula sacrarum Unctionum, cæteraque omnia, quæ in tabernaculo, seu repositorio Sanctissimi Sacramenti pluribus in locis reposita inveniuntur, honesto alio loco, ubi commodè fieri poterit, recondantur.

Tomus VIII. Concilior. German.

XV.

Pastores, eorumque Vicarios hortamur, ut aliquoties in hebdomade, etiamsi non occurrat dies festus, Sacrum faciant, ad conservandam, & augendam populi devotionem.

XVI.

Sacerdotes omnes, et si iis animarum cura non incumbat, neque teneantur ratione beneficii, certo tempore celebrare, juxta Sacrosancti Concilii Tridentini Decreta celebrent præcipuis saltem anni Festivitatibus, omni excusatione semota, sub pœna arbitrarij nostro, vel Officialium nostrorum imponenda: Nullus tamen mortalis peccati sibi conscius, quantumlibet sibi contritus videatur, absque prævia confessione celebret, licet ei ex officio celebrare incumbat, si modo adsit copia Confessoris. Ubi vero quis necessitate urgente, non confessus celebraverit, quamprimum postea confiteatur.

XVII.

Moneant diligenter, & sæpe Pastores suos Parochianos, ut statim initio Missæ adsint, neque ex Ecclesia ante ejus finem discedant; Inobedientes primo secrete corripiant, secundo coram Scabinis iterum arguant, eosque, nisi resipuerint, ad Officiales nostros deferant puniendos.

XVIII.

Communicanti populo purificationis vinum, non ex calice, sed ex scypho, vel cratere in posterum, quacunque consuetudine non obstante, præbeatur.

XIX.

In posterum inter Missarum solemniam, vel alias, in Templo, aut Cœmeterio promulgationes locationum, & cæterorum hujusmodi prophanorum nec faciant Parochi, nec ab aliis fieri patiantur. Sed ea, absoluto Officio Divino, per designatum a Magistratu loco publico fiant.

XX.

Ad celebrandum Missæ Sacrum Parochi neminem admittant, nisi sit probe notus, aut a proprio Episcopo testimoniales habeat, & exhibeat. Dum

E e e e e

concio

concio habetur, vel supplicationes fiunt in Ecclesia, nemo in quocunque ejus altari Missam celebret.

XXI.

Districte præcipimus omnium Ordinum Religiosis curam animarum non habentibus, ne ulli Sacram Eucharistiam die Sancto Paschæ administrare præsumant, nisi de expressa nostra, aut proprii Pastoris licentia pro legitimis causis concedenda.

XXII.

In qualibet Ecclesia, ubi plures Missæ celebrandæ sunt, illæ per æqualia temporis interstitia celebrentur. Ita tamen, ut nec ante diluculum, nec post meridiem ulla dicatur, nisi forte ubi ex fundatione matutinales Missæ ante diluculum dici consueverunt: quo casu etiam eas tantum, non alias ante diluculum celebrari permittimus. Vt tantis quoque in eadem Ecclesia plures Missas simul celebrari, nisi tantus sit Sacerdotum numerus, ut hoc Decretum commode servari nequeat. Mandamus præterea universis quarumcunque Ecclesiarum hujusmodi Capitulis, Præpositis, & Rectoribus, ut tabellam in Sacristiæ loco conspicuo fixam teneant, diem, & altare, in quibus singulæ Missæ celebrari debeant continenter, una cum assignatione ordinis, & horæ competentis; ejusque tabellæ exemplar ad Nos infra duos menses mitti curent.

XXIII.

Ad Missarum autem celebrationem altarium ornamenta, sacræque vestes eo colore, quo pro temporis, & officii ratione uti consuevit Sancta Mater Ecclesia, ac, prout in Rubricis Missalis Romani traditum est, præparentur, quatenus id per Ecclesiæ facultates licuerit.

XXIV.

Sacerdotes, qui publice, & notorie criminosi fuerint, a Missæ celebratione arceantur.

XXV.

Nullus Sacerdos in privatis ædibus, sed in Ecclesia tantum, & Oratoriis cultui Divino dicatis, & a Nobis designatis, & visitatis Missam celebrare audeat.

XXVI.

Ne plures tribus, vel ad summum quinque Orationes, seu Collectæ in Missa dicantur, nisi ubi Ecclesiæ institutum aliud postulaverit.

XXVII.

In novis Missis cessent sumptuosa convivia, ludi, choreæ, cæterique omnes abusus, qui hætenus aut populi temeritate, aut Sacerdotum avaritia irrepererunt.

XXVIII.

Sacerdotes celebraturi, non in Altari, sed in Sacristia vestiantur, & postquam induiti fuerint, cum nemine colloquantur.

XXIX.

In Parochialibus Ecclesiis stans horis Missæ celebrentur, nemine quavis de causa expectato.

XXX.

In Ecclesia, etiam cum aliquid offertur, nec tympana, nec cytharæ, aut alia ejus generis instrumenta audiantur, neve illa gerentes etiam taciti Ecclesiam ingrediantur.

XXXI.

Gradibus altaris nemo hæreat, aut prope altare sit, dum Sacrum fit; neve pueri, vel alii illis insideant dorso ad altare verso. Mulieres etiam ad altaris latera ita ne maneant, ut a Celebrante ad altare converso videri possint.

XXXII.

Parochi omnes, & singuli libellum habeant, in quo communicantium in Paschate nomina, & cognomina per familias describant; separatim vero notam fideliter faciant eorum, qui non communicaverint; ac utriusque exemplar Nobis, aut Vicario nostro statim post Pascha consignari curent.

VI. De Sacramento Pœnitentiæ.

ART. I.

Singulis saltem mensibus confiteantur omnes, & singuli Parochi, & requisiti fidem facere teneantur Archiepiscopo suo, sub pœna duorum francorum pro prima vice, trium, pro secun-

secunda, quatuor pro tertia, graviorisque pœnæ, etiam carceris, pro quarta. Contumaces Archi-Presbyter ipse ad Officiales nostros deferre teneatur, alias ipsemet arbitrio nostro puniatur.

II.

Intolerabilis abusus irrepfit in hanc Dicecesim auctore Diabolo, audiendi simul confessiones plurium puerorum, quem ex toto eliminare cupientes, prohibemus universis, & singulis Parochis, & Sacerdotibus ad confessiones audiendas deputatis, ne, sub pœna suspensionis ab Ordine, ullo unquam tempore, quovis quæsito prætextu, plures pueros, puellasve etiam septennio minores in confessione simul, sed seorsim singulos audiant: hortamurque in Domino, ut, quoniam omnium animarum sibi creditarum rationem in districto iudicio sunt reddituri, eas ne negligant, neve sinant item pueros majores septennio sine sacra confessione decedere: moneantque sedulo parentes, ut, quando contigerit aliquem ex suis decumbere, mature Parochum advocent ejus confessionem auditurum. Relinquimus autem discretioni, prudentiæ & conscientiæ Parochorum curam advertendi ex probabilibus conjecturis, aliquisne ex sibi commissis pueris ante septennium discretionis usum habeat. Quod si adverterint, ita se gerant cum eo, quemadmodum cum iis, qui essent majores septennio.

III.

Caveant Parochi diligenter, ne pueros ad confessionem, aut benedictionem Sacerdotalem recipiendam venientes, minis, verberibus, aut virgis terreant, scientes pro certo se, nisi in posterum ab ejusmodi abstinerint, severe castigandos.

IV.

In singulis saltem Parochiis unum fiat Confessionale, ut, & hujus Sacramenti reverentiæ, & Sacerdotis simul, & confitentium commoditati consulatur, omniaque fiant cum ordine, & decenter. Nec noctu, nisi accensa lucerna, seu candela, confessiones, etiam in Ecclesia audiantur.

Tomus VIII. Concilior. German.

V.

Non sint difficiles Parochi in concedenda suis subditis facultate alteri Sacerdoti a Nobis approbato confitendi, sive in Paschate, sive alio tempore. Qui tamen in Paschate alteri confessus fuerit, confessionis testimonium in scriptis Parocho suo exhibere teneatur: alioquin contra eum, tanquam non confessum, procedatur.

VI.

In hac Dicecesi nullus Sacerdos sive secularis, sive Regularis: etiam alibi approbatus absque nostra, vel Vicarii nostri approbatione in scriptis obtenta, immiscere se audeat confessionibus audiendis, etiam puerorum, etiam in necessitate, quamdiu copia proprii Sacerdotis haberi poterit, aut alterius approbati, etiam de consensu proprii Parochi, vel Archi-Presbyteri, nisi habeant ad hoc speciale mandatum. Quod si qui forte mendicantes, aut alii se hoc Decreto non astringendos prætendant, de privilegiis suis Nobis quamprimum fidem faciant, nostramque super hac re declarationem expectent.

VII.

Qui approbati fuerint ad confessiones audiendas, formam mandati, seu licentiæ ne excedant, si fuerit limitata certo loco, tempore, casibus, vel personis.

VIII.

Habentes facultatem a censuris, ac casibus reservatis absolvendi, si quid gravius, aut difficilius occurrerit, ad Nos, aut Pœnitentiarium nostrum majorem referant.

IX.

Superiores omnes regulares quamprimum dent Catalogum Confessorum sui Conventus approbatorum, nomen, & cognomen uniuscujusque continentem: idque semel quolibet anno in capite Quadragesimæ repetant.

X.

Ad januam Sacristiæ Ecclesiarum Collegiatarum, aut Conventualium teneatur Catalogus Confessorum inibi approbatorum, si plures fuerint approbati.

E e e e e 2

XI.

XI.

Regularium Superiores, quando aliquem approbandum ad confessiones præsentabunt, eum bonis moribus præditum esse testentur: alias eum non approbandum sciant.

XII.

Nemo, vel verbo, vel signo aliquid petat pro confessionibus audientis. Si quid tamen sponte oblatum fuerit, id recipere liceat.

XIII.

Sint Confessores tam sæculares, quam Regulares parati audire confessiones, maxime a Dominica Passionis, usque ad Octavam Paschæ, & aliquot diebus ante festa Nativitatis Domini, Pentecostes, Assumptionis Beatæ Virginis, & Omnium Sanctorum, alique Festa solennia, ac præterea quando contigerit Jubileum.

XIV.

Vocati ad infirmos audiendos moveant proprium Parochum, ut de statu infirmi melius cognoscant.

XV.

In domibus privatis non audiant confessiones, nisi infirmorum, & si mulieres fuerint, ostio cubiculi aperto.

XVI.

Eos, qui sæpe mutant Confessores, graviter redarguant.

XVII.

Concubinariis, & usurariis publicis semel admittis, nisi destiterint, non amplius communicare permittant.

XVIII.

Diligenter examinent pœnitentes, an contractus usurarios, aut alios illicitos fecerint, & eo casu ante satisfactionem ne absolvant. Ubi audierint peccatum restitutioni obnoxium, ne expectent finem confessionis, ad eam injungendam, ne forte interim obliviscantur.

XIX.

Tempore Paschæ tarde venientes exhortentur, ne amplius hebdomadam sanctam expectent ad confitendum, maxime si raro confiteri consueverint.

XX.

Non admittant usurarios, nisi resciderint contractus fœneratitios. Obligatos ad restitutionem, & restituere valentes, si prius moniti, vel a se, vel ab alio Confessore, non satisfecerint, non absolvant. Idem de iis, qui legata pia non impleverint. Quod si excusationem aliquam prætenderint, eos ad Nos, vel Penitentiarium nostrum majorem remittant. Nec absolvant eos, qui moniti res amissas, aut furto ablatas scientes non revelaverint: nec eos, qui per decretum aut sententiam Curie nostræ excommunicati fuerint, sine excommunicatoris licentia, expressaque auctoritate. Nec facile admittant ab alio Confessore (*) forte destruant, quod alii ædificare procuraverint.

XXI.

Sæpe legant, vel etiam affixam habeant in Confessionali Bullam Cœnæ Domini, & Castus Nobis reservatos. Et, si quos his ligatos invenerint, ad eos, ad quos spectat, remittant, priusquam eos, aut ulterius audiant, aut absolvant ab aliis peccatis.

XXII.

Noverint etiam, & apud se habeant Canones Pœnitentiales, eosque, quando videbitur, pœnitentibus explicent. Ut cognoscant, quanta benignitate cum eis nunc utatur Ecclesia.

XXIII.

Ubi pœnitentia publica opus esse judicaverint, ob scandalum peccando excitatum, ad Nos recurrant. Ut, si expedire viderimus, pœnitentiam illam publicam in aliud pœnitentiæ genus commutemus.

XXIV.

Ubi pro pœnitentia injunxerint eleemosynas, Missas, aut aliud simile, vel ubi agatur de restitutione incertorum, vel commutatione votorum, nihil sibi, vel Ecclesiæ suæ applicent.

XXV.

Non admittant prima vice ad Communionem, nisi quos prius de ejus fructu & Sanctissimi Sacramenti virtute, ac dignitate instruxerint.

(*) Forte omissum: *non absolutos; ne*

XXVI.

Frequenter moneant Parochi populum, ut ad Pœnitentiæ Sacramentum, tanquam ad tutissimam salutis ancoram, quam sapissime confugiant.

XXVII.

Nec ad Communionem Paschatis admittant alteri, quam sibi confessos, nisi fidem fecerint in scriptis confessionis de nostra, aut eorum licentia alteri a Nobis approbato factæ. Quod etiam Parochi ipsi per dies Dominicos Quadragesimæ publice moneant se observaturos. Frequenter etiam Parochi populum moneant, ut, quoties aliquis ægrotaverit, Parochum suum advocet ad infirmum invisendum, quo tempestive Sacramenta necessaria ei administrare possit.

XXVIII.

Habeant Parochi descripta nomina, & cognomina Parochianorum: & puncto aliquo notent sibi confessos statim ab ipsa confessione: vel saltem libellum habeant, in quo statim a confessione uniuscujusque, ejus nomen, cognomen, & cujus sit familiæ, describant.

VII. De Sacramento Extremæ Unctionis.

ART. I.

Dolentes audivimus, Sacrum Extremæ Unctionis Sacramentum ægrotis, quo ex hac vita pie discedant, maxime necessarium, in pluribus locis negligi: dent ergo operam Parochi, ut sæpe populum hujus Sacramenti efficaciam doceant, exhortenturque serio, ut quando ex suis aliqui decumbent, mature juxta morem Christianorum Parochum advocent, qui hoc Sacramentum ministret, & ex suggestu tribus diebus Dominicis continuis publice significant, se ex mandato nostro nullum ad Ecclesiasticam sepulturam admissuros, qui hoc Sacramentum non perceperit, nisi ab eo percipiendo repentino aliquo casu impeditus fuerit.

II.

Vasculis saltem stanneis sacras Unctiones conservent, non vero æneis,

quæ rubiginem facile, aut nidorem contrahunt.

III.

In vascula Sacrarum Unctionum ter aut quater in anno Pastores instillent unam aut alteram guttam olei Olivæ, non autem alterius cujuscunque, ne frequenti usu exhauriantur.

IV.

Sacris Olei Unctionum in singulis earum locellis Parochi omnes posterum pro recepto more Diœcesis nostræ Metensis gossipium substernant, non vero canabem, stuppam, aut aliud quidpiam.

V.

Sacerdos Extremam Unctionem mulieribus ministraturus, renens illis ne ungat.

VIII. De Sacramento Ordinis.

ART. I.

Scient omnes, nos ea, quæ a Sacro Concilio Tridentino de ætate, & qualitate Ordinandorum, decreta sunt, exacte observaturos.

II.

Nemo ex Diœcesanis nostris ad Ordines suscipiendos vel Dimissorias obtinendas accedat, nisi Parochi sui saltem testimonium in scriptis habeat de natalibus, ætate, vita, & moribus. Et si Sacris initiandus fuerit, etiam de beneficio, pensione, vel patrimonio, & eorum valore ab ipso Parocho, & Archipresbytero. Testimonia autem illa literis rite obsignatis contineantur. Ipsi vero sacris ordinandi juramento firmabunt, se nullam pactionem, vel promissionem fecisse de retrocedendis beneficiis, pensionibus, seu aliis bonis pro titulo Patrimonii sibi assignatis. Neve fraus ulla circa hujusmodi pensionum, aut Patrimonii assignationem committi possit, literæ ipsius assignationis ante ordinationem in Ecclesia Parochiali, in cujus territorio bona ipsa sita sunt, die Dominico inter Missarum solennia publicentur a Parocho, qui publicationis ipsius fidem in scriptis faciat, quam ordinandus ipse Nobis exhibere teneatur.

Eee eee 3

III.

III.

Sacros Ordines susceptri, quoniam in Missa ordinationis Eucharistiam sumpturi sunt, prius confiteri debent. Clericali vero tonsura, ac Minoribus Ordinibus initiandos, ut idem præstent, & optamus, & hortamur.

IV.

Literæ dimissoriae ad Ordines mini, etiam Regulari, concedantur, nisi debite examinatus, & pro Ordinum, ad quos dimittendus fuerit, qualitate idoneus reperiatur.

V.

Qui sub titulo alicujus Beneficii, aut Patrimonii ad Sacros Ordines promotus fuerit, hujusmodi Beneficio, aut Patrimonio nullo modo cedere queat, nisi facta mentione, quod ad illius Beneficii, vel Patrimonii titulum sit promotus: neque ea resignatio, aut cessio admittatur, nisi prius confiter, quod aliunde habeat, unde commode vivere possit. Alias resignatio, sive cessio nulla censetur.

IX. De Sacramento Matrimonii.

ART. I.

Sacrosancti Concilii Tridentini Decretum Sessione XXIV. Cap. I. de Reformatione Matrimonii, in qualibet nostræ Diocesis Parochia tribus continuis diebus Dominicis a Parochis publicetur, ac de verbo ad verbum intelligibiliter recitetur. Cujus Decreti tenor sequitur:

II.

" Tametsi dubitandum non est,
" clandestina Matrimonia, liberò contrahentium consensu facta, rata, &
" vera esse Matrimonia, quamdiu Ecclesia ea irrita non fecit, & proinde
" jure damnandi sint illi, ut eos Sancta
" Synodus anathemate damnat, qui
" ea vera, ac rata esse negant, quique
" falso affirmant Matrimonia a filiisfamilias sine consensu parentum contracta, irrita esse, & parentes ea rata,
" vel irrita facere posse: nihilominus Sancta Dei Ecclesia ex justissimis
" causis illa semper detestata est, atque prohibuit. Verum cum Sancta Synodus animadvertat, prohibitiones

" illas propter hominum inobedientiam jam non prodesse, & gravia
" peccata perpendat, quæ ex eisdem clandestinis conjugii ortum habent:
" præsertim verò eorum, qui in statu damnationis permanent, dum, priore uxore, cum qua clam contraxerant, relicta, cum alia palam contrahunt,
" & cum ea in perpetuo adulterio vivunt. Cui malo cum ab Ecclesia,
" quæ de occultis non judicat, succurri non possit, nisi efficacius aliquod
" remedium adhibeatur: Idcirco Sacri Lateranensis Concilii, sub INNOCENTIO III. celebrati, vestigiis inhærendo præcipit, ut in posterum, antequam Matrimonium contrahatur: ter a proprio contrahentium Parocho
" tribus continuis diebus festivis in Ecclesia inter Missarum solennia publice denunciatur, inter quos Matrimonium sit contrahendum: quibus denunciationibus factis, si nullum legitimum opponatur impedimentum,
" ad celebrationem Matrimonii in facie Ecclesiæ procedatur, ubi Parochus viro, & muliere interrogatis, & eorum mutuo consensu intellecto, vel
" dicat: *Ego vos in Matrimonium conjungo, in Nomine Patris, & Filii, & Spiritus Sancti*: vel aliis utatur verbis juxta receptum uniuscujusque Provinciae ritum. Quod si aliquando probabilis fuerit suspicio, Matrimonium
" malitiose impediri posse, si tot præcesserint denunciationes, tunc, vel una tantum denuntiatio fiat, vel saltem Parocho, & duobus, vel tribus
" testibus præsentibus Matrimonium celebretur: deinde ante illius summationem denunciationes in Ecclesia fiant, ut, si aliqua subsint impedimenta, facilius detegantur: nisi
" Ordinarius ipse expedire judicaverit, ut prædictæ denunciationes remittantur, quod illius prudentiæ, & iudicio Sancta Synodus relinquit. Qui
" aliter, quam præsentem Parocho, vel alio Sacerdote, de ipsius Parochi, seu Ordinarii licentia, & duobus, vel tribus testibus Matrimonium contrahere attentabunt: eos Sancta Synodus ad sic contrahendum omnino inhabiles reddit: & hujusmodi contractus irritos, & nullos esse decernit,

nit, prout eos præfenti Decreto irritos facit, & annullat. Insuper Parochum, vel alium Sacerdotem, qui cum minore testium numero, & testes, qui sine Parocho, vel Sacerdote hujusmodi contractui interfuerint, nec non ipsos contrahentes graviter arbitrio Ordinarii puniri præcipit. Præterea eadem Sancta Synodus hortatur, ut conjuges ante Benedictionem Sacerdotalem, in Templo suscipiendam, in eadem domo non cohabitent: statuitque benedictionem a proprio Parocho fieri: neque a quoquam, nisi ab ipso Parocho, vel ab Ordinarii licentiam ad prædictam benedictionem faciendam, alii Sacerdoti concedi posse: quacunque consuetudine, etiam immemorabili, quæ potius corruptela dicenda est, vel privilegio, non obstante. Quod si quis Parochus, vel alius Sacerdos, sive Regularis, sive sæcularis sit: etiam si id sibi ex privilegio, vel immemorabili consuetudine licere contendat, alterius Parochiæ Sponsos sine illorum Parochi licentia Matrimonio conjungere, aut benedicere ausus fuerit: ipso jure tamdiu suspensus maneat, quamdiu ab Ordinario ejus Parochi, qui Matrimonio interesse debebat, seu a quo benedictio suscipienda erat, absolvatur. Habeat Parochus librum, in quo conjugum, & testium nomina, diemque & locum contracti Matrimonii describat, quem diligenter apud se custodiat. Postremo Sancta Synodus conjuges hortatur, ut, antequam contrahant, vel saltem triduo ante Matrimonii consummationem sua peccata diligenter confiteantur, & ad Sanctissimum Eucharistiæ Sacramentum pie accedant. Si quæ Provinciæ aliis, ultra prædictas, laudabilibus consuetudinibus, & caremoniis hac in re utuntur, eas omnino retinere Sancta Synodus vehementer oporat. Ne vero hæc tam salubria præcepta quemquam lateant, Ordinarii omnibus præcipit, ut, cum primum poterunt, curent hoc Decretum populo publicari, ac explicari in singulis suarum Dioecesium Parochialibus Ecclesiis, idque in primo anno quam sæpiissime

fiat, deinde vero quoties expedire viderint. Decernit insuper, ut hujusmodi Decretum in unaquaque Parochia suum robur post triginta dies habere incipiat, a die primæ publicationis, in eadem Parochia factæ, numerandos."

III.

Hoc ergo Sacrosancti Concilii Decretum exacte servetur, ac post triginta dies a prima publicatione sic, ut præfertur, facienda per Officiales nostros secundum illud omnino judicetur.

IV.

Publicationum autem ut supra faciendarum, statim atque factæ fuerint, Parochi Archi-Presbyteris, Archi-Presbyteri vero Nobis infra duos menses testimonium in scriptis omnino consignare teneantur, sub pœna arbitrarij nostro negligentibus infligenda.

V.

Cognitionis spiritualis impedimentum inter susipientem, ac susceptum, susceptique Patrem, & Matrem: rursusque inter baptizantem, & baptizatum, baptizatique Patrem, & Matrem, tantummodo, & non ulterius locum habeat.

VI.

Affinitas per fornicationem contracta ultra secundum gradum Matrimonium postea contractum deinceps non dirimat.

VII.

Publicæ vero honestatis impedimentum jam nullum existet, si Sponsalia invalida præcesserint, ubi vero valida fuerint, primum gradum non excedat.

VIII.

Parochi de impedimentis istis per Sacrosanctum Concilium Tridentinum, ut supra, limitatis populum quamprimum moneant, ac deinceps quoties opus esse viderint.

IX.

Prohibitum est omnibus, & singulis Parochis, ne ullos ad Sacramentum Matrimonii admittant, qui non sciant Orationem Dominicam, Salutationem Angelicam, Symbolum Apostolorum,

PRÆ-

Præcepta Dei, & Sanctæ Matris Ecclesiæ, numerumque Sacramentorum, sub pœna viginti francorum solvendum, per dictos Parochos, qui huic Constitutioni contraverint.

X.

Matrimonio jungendos Parochi sedulo admoneant, ne post Sponsalia de futuro ullo modo in iisdem ædibus degere incipiant ante Matrimonium contractum. Neve ita se gerere audeant, ac si per verba de præfenti contraxissent: si secus a quopiam factum fuerit, prohibetur Parochus eorum Matrimonii adesse, ante pœnitentiam peractam.

XI.

Habeant iidem Parochi librum penes se, quem & ad Successorem transmittant, in quo contrahentium, Parentum quoque, ac testium nomina, cognomina, statum, ac domicilium, diemque, ac locum annotent, & an præmissæ sint tres denunciations, an vero omissæ ex nostra, vel Vicarii nostri dispensatione.

XII.

Item sintne in aliquo gradu consanguinitatis, vel affinitatis cujuscunque, & ex cujus dispensatione contraxerint. Ejusque notæ transumptum singulis annis deferant ad Synodum Diocesanam, tradantque Vicario nostro Generali, vel ejus vices gerenti.

XIII.

Postridie nuptiarum nihil indecens fiat: nulli, sub pœna unius marcæ argenti, in Ecclesiam larvati ingrediantur, aut nuptas in Ecclesiam deducant. Nihil futile, nihil leve in Ecclesia fiat, sub pœna unius libræ ceræ, in usum Ecclesiæ solvendæ a contraveniente.

XIV.

Caveant Parochi, ne vagos Matrimonio jungant, nisi forte de mandato nostro expresso, & scriptis edito.

XV.

Caveant item, ne alienæ Parochiæ Sponsum, Sponsamve Matrimonio jungant, antequam ab illius, qui intra Parochiæ suæ fines non habitat, Parocho scriptum acceperint, fidem faciens denunciationum, aut factarum, aut Or-

dinarii voluntate remissarum, nullumque legitimum impedimentum fuisse significatum, quominus Matrimonium rite contrahi liceat.

XVI.

Denunciations a Parochis ne fiant, nisi de expressa eorum, qui contracturi sunt, voluntate.

XVII.

Ne Archi-Presbyteri, aut Parochi literas deliberatorias Extradiecesanis pro Matrimonio contrahendo dare præsumant, sed eos ad Nos, ut moris est, remittant. Neve super denunciationibus bannorum, aut aliqua earum dispensent quocunque prætextu, sub pœna unius marcæ argenti arbitrio nostro applicandæ.

XVIII.

Matrimonio copulandi, si fieri potest, sint confirmati.

XIX.

Neutri conjugum liceat ab altero, etiam quoad thorum, discedere, nisi ex causa legitima prius a Nobis, vel ab Officialibus nostris approbata. Quod si eos quoad thorum, vel etiam cohabitationem separari contigerit, scient nihilominus neutri eorum licere ad novum Matrimonium convolare. Si autem concubinam vir alere comperiat, vel uxor adulterum, nisi ter moniti resipuerint, excommunicentur. Et si nihilominus perseveraverint, pœnis severissimis coerceantur.

X. De Officiis Divinis rite persolvendis.

ART. I.

Parochi, quorum officium est Christi gregem pascere verbo, & exemplo, caveant, ne quem ex suis Parochianis prætermittant, neque contenti sint in solis Ecclesiis matricibus Catechismum docere, sed eandem etiam operam navent in annexis, ut vocant, seu capellis sibi subditis bis saltem singulis mensibus, etiam si hæcenus non sit factum.

II.

Singuli Parochi Vesperas decantent hora solita omnibus diebus Dominicis,

nicis, & Festis: itemque diebus Sabbati, & saltem in Vigiliis majorum festorum. Qui secus fecerit, ab Archi-Presbytero deferatur, & pœna pro modo negligentiae debita coerceatur.

III.

Omnes Parochialium Ecclesiarum Rectores suos Parochianos singulis diebus Dominicis a Vesperis per horam Catechismum Canisii doceant familiariter. Pueros item formare signum Crucis; curentque, ut singuli ex sibi creditis sciant ea omnia, quæ Christianos scire necesse est, Orationem Dominicam, Salutationem Angelicam, Symbolum Apostolorum, Præcepta Dei, & Ecclesiæ, Sacramenta, eorumque numerum, præcipuaque mysteria Religionis Christianæ. Quod eo diligentius in iis locis, ubi degunt hæretici, erit exequendum, quo majore in periculo versantur ii, quorum rationem exactam coram Summo Judice reddere debent, propter continuam pene cum ipsis hæreticis conversationem, quorum sermo, teste Apostolo, serpit, ut cancer.

IV.

In Ecclesiis, ut omnia cum ordine fiant, & sine confusione viri separati loco, & sedibus a mulieribus sedeant. Nullæ mulieres in Cancellis, aut Chorum irrepant, vel designata viris loca occupent, vel contra.

V.

Ubi organorum, vel aliorum instrumentorum est usus, ex officii partes, quæ organis, aliisve instrumentis canuntur, in Choro distincte ab aliquo ad id deputato pronuncientur.

VI.

Divina Officia non cursim, non perturbate, nec oscitanter, sed leniter, distincte, ac studiose pronuncientur.

VII.

Omnes Canonici, Nobis subditi Parochi, & alii Beneficiati ad residentiam obligati in Canonicatibus, Ecclesiis, Parochiis & Beneficiis suis omnino resideant, Officiisque Divinis sedulo intersint: aliqui pœnas a Sacrosancto Tridentino Concilio sancitas se noverint incursumas.

Tomus VIII. Concilior. German.

VIII.

Curent Parochi, ut Missæ omnes, aliaque Divina Officia tam ab ipsis, quam ab aliis intra Parochiarum suarum fines debita, & consueta celebrentur. In quo, si quem negligentem repererint, eum ad Archi-Presbyterum suum, Archi-Presbyter vero ad Nos infra duos menses, ac deinceps singulis annis omnino deferant.

IX.

Omnes Canonicos, Parochos, & Clericos, omnes item cujusvis Ordinis Regulares hortamur, ut Officium Romanum in Ecclesiis suis, ad instar Ecclesiæ nostræ Cathedralis admittant, & amplectantur.

X.

Nemini unquam, sed maxime, quando Divina peraguntur Officia, in Ecclesiis deambulare, vel ociosis fabulis vacare contingat, sub pœna Officialium nostrorum arbitrio infligenda.

XI. De vita, & honestate Clericorum.

ART. I.

Cum ii, qui Beneficia Ecclesiastica sine Canonica institutione occupant, sibi damnationem consciscant, eam statim a Nobis, vel a Vicario nostro Generali impetrare satagent: certi alioquin se istiusmodi beneficio, & ejus obtinendi spe non solum carituros, sed & ad quævis beneficia in hac Diocesi obtinenda inhabiles futuros.

II.

Deferant omnes Clerici beneficia, vel in Sacris constituti habitum Clericalem, & nunquam domo exeant sine tunica, sub pœna unius aurei. Deferant item omnes tonsuram Clericalem, quam Coronam vocant, sub simili pœna.

III.

Nemo Sacrum dicat, quin sub alba, hujusmodi tunicam deferat, sub pœna decem francorum irremissibiliter solvendorum.

IV.

In vestibus nihil indecorum, nihil inusitatum, nullus color contra receptum

F f f f f

tum

tum Ecclesiæ usum, nihil leve, aut vatum appareat. Collaria non rugata, seu crispa, nec valde lata, aut distenta, sed simplicia, & modice lata, & ad cololum honeste reclinata.

V.

Quemadmodum non decet eos, qui in sortem Domini allesti sunt, vanitates vestimentorum, & novitates sectari: ita etiam convenit eosdem honeste vestiri: ne, quod inde facile evenire solet, in causa sint, ut a populis vituperetur eorum ministerium. Si quem ergo ex Parochis, cæterisque Sacerdotibus, aut Clericis viderint Archipresbyteri sordidius vestitum, eum primo arguant, & increpent: Non obedientem vero deferant ad Officiales nostros castigandum.

VI.

Tabernas, & cauponas, nisi in itinere constituti, ne ingrediantur, sub pœna arbitrio nostro, vel Officialium nostrorum imponenda.

VII.

Omnes Clerici tam sæculares, quam Regulares, maxime vero Parochi bonorum Authorum lectioni diligenter incumbant, ac libros de casibus conscientie sibi comparent, sciantque Visitatores diligenter in posterum investigaturos, utrum ex præscriptis studiis profecerint. Et contra incapaces ex Sacrosancti Tridentini Concilii præscripto processuros.

VIII.

Choreas neque publicas, neque privatas agant Clerici, nec spectent: neque unquam larvati incedant. Fabulis, comædiis, aliisque prophanis spectaculis ne interfint: multo vero minus ea in Ecclesiis, aliisque locis sacris fieri sinant. Minus honestis conviviis ne interfint, neve turpes personas ad convivandum apud se convocent. Ebrietatem omnino effugiant, neque alios ad immoderate bibendum provocent.

IX.

Quia aliqui ex Ecclesiasticis status sui, & decoris obliti cum scandalo, & summa offensione populi Christiani ancillas suas secum ad nundinas, convivia,

nuptias, cauponasque frequenter ducunt, id, ne de cætero fiat, severe prohibemus: Statuimusque, ut, si quis eo impudentiæ devenerit, ut mulierculam sibi inservientem ad nundinas, convivia, nuptias, cauponasque, vel alia quævis loca publica duxerit, vel in suis ipsius ædibus cum aliis fecerit mensæ assidere, mulctetur irremissibiliter pœna viginti francorum pro prima vice, pro secunda triginta, pro tertia graviore, etiam carceris. Præcipimusque Archipresbyteris, ut, quamprimum ad eorum noticiam pervenerit aliquem ex Presbyteris suis huic mandato contravenisse, eum statim ad Promotores nostros deferant: alioqui iisdem pœnis ipsi, tanquam culpæ fautores, subiaceant.

X.

Quoniam autem aliquos ex Clero ut jumenta in stercore sedî concubinatus putrescere compertum est, quod a Nobis, Officialibusque nostris longius absint, teneantur Archipresbyteri omnes, & singulos hujusmodi concubinariorum monere super concubinato, cæterisque omnibus excessibus, ipsasque monitiones rite subsignatas deferre ad Fiscales nostros: quibus mandamus, ut quam diligentissime monitos ipsos pro modo reatus, ex Sacrosancti Concilii Tridentini Decretis puniendos curent.

XI.

Aliquos etiam ex Ecclesiasticis eo impudentiæ devenisse compertum est, ut mentiti sint suas, aut sorores, aut neptes esse mulierculas impudicas, quas fovebant, cui malo occurrere cupientes, statuimus, ut, si quis ea unquam abusus deprehendatur, quam falso asseruerit suam, seu sororem, seu neptem, aut cognatam in quocunque gradu, pœnis contra incestuosos ex rigore Canonum statutis plectatur.

XII.

Multis rationibus moti, iisque piis, & iustissimis prohibemus omnibus, & singulis Ecclesiasticis sive Sæcularibus, sive Regularibus, ne unquam in suas ædes admittant, aut recipiant ulla cujusvis Ordinis Moniales, seu Religiosas sub pœna triginti francorum irremissibiliter a contravenientibus solvendo.

veudorum: Præcipimusque Fiscalibus nostris, & omnibus Archi-Presbyteris, quatenus sedulo, & studiose curent hanc nostram Constitutionem per Officiales nostros executioni mandari, ne, quam in alios exercere noluerint, justam a Nobis vindictam suo merito sentiant.

XIII.

Immo vero, quoniam eos, qui in sortem Domini vocati sunt, & Sancta tractare debent, non solum crimine incontinentiæ, sed ejus etiam suspicione carere oportet, re multum discussa, & mature deliberata, universis, & singulis Clericis beneficiatis, vel in Sacris Ordinibus constitutis, districtè præcipiendo interdiciamus, ne prætextu servitii mulierculas ullas ætate, aut forma suspectas teneant: sed, si quas ancillas habere voluerint, sint illæ saltem quinquagenariæ, nec ullo modo de incontinentia, aut lenocinio suspectæ. Quod si qui forte juniores, aut suspectas jam habeant, eas protinus abjiciant: alias penis a Sacrosancto Concilio Tridentino contra concubinos latis omnino subiaceant. Ad cujus Decreti severam executionem omnibus, & singulis Archi-Presbyteris mandamus, ut studiose ac serio invigilent, & si quos ex districtus sui Ecclesiasticis contravenientes resciverint, eos protinus ad Fiscales nostros deferant: quibus etiam præcipimus, ut serio, & absque ulla personarum acceptione inobedientes præfatis penis plecti curent. Quod si in hoc Archi-Presbyteri negligentes fuerint, ipsimet tanquam peccantium fautores arbitraria poena mulctentur. Eo ipso vero hac in parte negligentes fuisse, & esse censentur, si quis ex sui Archi-Presbyteratus Ecclesiasticis ab alio, priusquam ab ipsis, delatus fuerit.

XIV.

Parochi populum sibi commissum ad leges Ecclesiasticas accurate, & pie observandas sæpe hortentur; at novas ne adinveniant, neve ad illas populum obligare præsumant.

XV.

Nemo militans Deo, implicat se negotiis sæcularibus, (inquit Aposto-

Tomus VIII. Concilior. German.

lus) quod tamen minus observatum a plerisque Sacerdotibus audivimus, qui familias amplas, servos, ancillas detinent, & multa, nescio quo prætextu, pecora pascunt. Id, ne de cætero fiat ab Ecclesiasticis hominibus, neve negotiari ullus eorum audeat sub penis gravibus arbitratu nostro, vel Officialium nostrorum imponendis, severe prohibemus; volumusque, ut singuli Archi-Presbyteri non obedientes, statim ad eosdem Officiales nostros deferant.

XVI.

Si quis in Sacris Ordinibus constitutus, aut Beneficiatus compertus fuerit usuram exercuisse, sive nomine proprio, sive alieno, juxta Niceni Concilii sententiam a Clero dejiciatur, & ab Ecclesiastico gradu alienus habeatur, aliisque penis arbitrariis nihilominus plectatur.

XVII.

Clerici, maxime Beneficiati, & in Sacris Ordinibus constituti, nec Medicinam, nec Chirurgiam exerceant. Aliena prædia lucris causa ne conducant. Neve aliorum tutelam, aut curam sine expressa nostra licentia suscipiant, nec pro aliis fidejubeant, nec Laicorum quacunque dignitate fulgentium Procuratores, aut Oeconomi existant, neve illis inserviant.

XVIII.

Confraternitates absque confirmatione Sanctæ Sedis, vel nostræ, de novo erigi prohibemus. Ubi erectæ, & nondum confirmatæ visuntur, ex iis designetur aliquis confirmationem earum a Nobis, vel Vicario nostro petiturus: in iisque omnino teneantur uti iis regulis, quas in eum finem fieri curabimus. Nisi tamen aliis a Sancta Sede confirmatis utantur.

XIX.

Interdicimus sub poena quadraginta francorum omnibus, & singulis Parochis, Sacerdotibus, Clericis, Religiosis, & Monachis, ne unquam se obligent sub sigillis Tabellionatum quorumcunque Principum: præcipimusque omnibus Archi-Presbyteris, ut sedulo advertant, ne quis huic Consti-

F f f f f f 2

tutioni

tutioni contraveniat, quosque deprehenderit contravenisse, deferant ad Fiscales nostros.

XX.

Prohibemus omnibus Presbyteris, & Clericis, ne, sub pœna viginti francorum pro prima vice, officium Notariatus sæcularis exerceant.

XXI.

Prohibemus, ne quis ex Sacerdotibus, vel Clericis Sclopetos, vel catapultas unquam deferat, vel cum iis venationi vacet. Archi-Presbyteri autem deferant non obedientes ad Fiscales nostros, ut omni excusatione remota castigentur.

XXII.

Qui contra hæc de vita, & honestate Clericorum decreta, aut aliquod eorum deliquerint, non modo pœnis præfatis, sed etiam aliis pro arbitrio nostro imponendis subiaceant.

XII. De observatione Festorum.

ART. I.

Nemini die Festo liceat cujuscunque generis ludis vacare, vel in cauponis, aut alibi computationibus indulgere, dum Sacrum Missæ Officium peragitur, vel decantantur Vesperæ, sub pœna unius libræ ceræ, Ecclesiæ applicandæ.

II.

Nundinæ ne uspiam sub quocunque prætextu fiant die Parasceves ante meridiem, neque ad eas ullus convenire audeat sub pœna unius libræ ceræ, in usum Ecclesiæ applicandæ.

III.

Qui diebus Festis ab Ecclesia præceptis absque licentia Officialium nostrorum, vel Parochorum laboraverit, libra ceræ, prout ab antiquo assolet, in usum Ecclesiæ applicanda mulctetur.

IV.

Ipso die Sanctissimi Sacramenti bonorum Ecclesiæ fieri ratiocinium quibusdam in locis audivimus. Id, ne in posterum fiat, præcipimus Archi-Presbyteris & Parochis.

V.

Quando in diem, quo fieri solent nundinæ, vel mercatus, incidet Festum aliquod ex præcepto servandum, in diem alium, qui festus non sit, transferatur. Cui rei ad praxim adducendæ Magistratus Laici operam, & auctoritatem Sacerdos loci, in quo haberi solet, junctus Archi-Presbytero, si opus fuerit, implorabit.

VI.

Viderint Parochi, ne quid inter sacras Ecclesiæ caremonias irrepat superstitionis, vel irreverentiæ: caveantque diligenter, ne quocunque tempore, maxime vero ipso Dominicæ Ascensionis die, aliquid indecenter fiat in Ecclesia, neve ut solet aliquibus in locis, e fornicibus Templi dejiciatur aqua, vel quidvis aliud in adstantes, sciantque se, nisi id genus irreverentiæ impederint, ab Officialibus nostris graviter puniendos.

VII.

In Supplicationibus, Litanis, & Processionibus, quæ ex solenni Ecclesiæ ritu fiunt, videant Parochi, ne quidpiam indecenter fiat, vel cantilenæ aliquæ a mulierculis nugarum plenæ cantentur. Inobedientes unius libræ ceræ multa in usum Ecclesiæ coerceant. Eidem quoque pœnæ subiaceant chorizantes, aut ludis vacantes tempore Divini Officii.

VIII.

Diebus Festis, & Dominicis molitores ne molant, nisi id necessitas exigat, quæ dum incidet, id etiam ne faciant, dum cantatur Missa Parochialis. Idem omnino servetur a mercatoribus, nec merces ullas, etiam rerum ad victum necessariarum, præsertim tempore Divini Officii, aut sacræ Concionis, exponere vānum tolerantur.

IX.

Patresfamilias, qui suorum, & maxime domesticorum curam gerere tenentur, moneantur a Parochis, ut, Missam audiendi & verbum Dei, suis servis, & ancillis tempus concedant, etiam iis, qui in pascendis animalibus occupantur. Quod etiam de cæteris communis opilionibus, aut bubulcis cura-

curabunt communitatum ipsarum Præfecti.

X.

Curabunt quoque Archi-Presbyteri, & Parochi, ut ter in die, mane scilicet, meridie, & vespere detur signum ad Salutationem Angelicam.

XI.

Imagines novæ, aut extra morem ornatae, aut quicquam falsum repræsentantes nullo modo inducantur.

XIII. De Beneficariis.

ART. I.

OMnes Canonici Nobis subditi, Parochi, & alii cujuscunque nominis Beneficiati ad residentiam obligati, siue Sæculares sint, siue Regulares, in Canonicatibus, Ecclesiis, & Beneficiis suis per se omnino resideant. Alioquin pœnas, a Sacrosancto Tridentino Concilio contra non residentes sancitas, se noverint incursumos. Ut autem hoc Decretum debitæ facilius executioni mandetur, statuimus, ut in Collegiatis hujus nostræ Diocesis Ecclesiis ab earum Capitulis singulis sex mensibus absentium nomina, & cognomina, & beneficiorum ab iis obtentorum qualitates Nobis scripto intimentur. Archi-Presbyteri vero idem faciant de Parochiis, & aliis Beneficiatis intra districtus suos ad residentiam obligatis. Ac ne quis per Vicarium deseriendo hoc Decretum eludere possit, omnes, & singulas per mercenarios Presbyteros deserendi licentias hæcenus quomodo-libet obtentas revocamus, & revocatas esse declaramus. Neve fraus ulla huic ipsi Decreto fiat, Archi-presbyteri nomina illorum, qui ita deseruiunt, infra mensem ad Nos deferri curent, quo Ecclesiarum necessitatibus providere possimus.

II.

Nemini Beneficiato, etiam studio-rum causa, nisi de licentia nostra, a beneficio residentiam requirente abesse liceat.

III.

Inhibemus, ne aliquam Religionem professus Parochialis Ecclesiæ regimen recipiat, nisi de nostra, aut Vi-

carii nostri licentia in scriptis habita. Quod si quis privilegio se fultum præ-tenderit, de eo Nobis fidem faciat, nostramque super hac re declarationem expectet.

IV.

Beneficiati omnes intra proximam Synodum Titulos, & literas Ordinum, & beneficiorum suorum Nobis, aut Vicario nostro exhibeant.

XIV. De Immunitate & Jurisdictione Ecclesiastica.

ART. I.

Judices sæculares monitos esse volumus, & hortamur, ut causas coram semotas ad Ecclesiæ jurisdictionem pertinentes, ad Ecclesiasticum Judicem relegant, nec mittant falcem in messem alienam.

II.

Ne Promotores, vel Officiales nostri ulla a partibus munera capiant, alioqui pœnæ arbitrarie subjaceant.

III.

Inhibemus, ne quis personam Ecclesiasticam ad iudicium sæculare contra Ecclesiasticam libertatem, & Ordinis ejusdem privilegia vocare præsumat. Quod si Laicus actor fuerit a suo jure cadat, & iudicatum non teneat, Judexque ex tunc potestate ita judicandi ipso facto sit privatus. Clericus vero, qui alium Clericum ad tale iudicium traxerit, seu si Judex laicus Clericum coram se litigare, aut respondere coegerit, sententiam excommunicationis incurrisse declarabitur.

XV. De legitima bonorum, & reddituum Ecclesiasticorum administratione.

ART. I.

Eccliesiarum, & locorum piorum indemnitatibus providere cupientes, statuimus, ut omnes, & quicunque Canonici, Nobis subditi Parochi, Capellani, & quocunque alio nomine censeantur tam sæculares, quam regulares Beneficiati, etiam in dignitatibus constituti, omnes item Ecclesiarum Scabini, Hospitalium, Fratrum, & alio-

aliorum locorum piorum Administratores, seu Gubernatores, omnium, & singulorum bonorum, tam mobilium, quam immobilium, jurium, reddituum, ædificiorum, nominum quoque debitorum, & aliorum quorumcunque ad eorum Capitula, Dignitates, Canoniciatus, Ecclesias Parochiales, Capellanas, Hospitalia, Fraternitates, & alia quocunque nomine nuncupentur beneficia, & pia loca pertinentium declarationes autenticas faciant intra tres menses: easque Nobis, aut Archi-Presbyteris tradant, qui eas ad Nos, aut Vicarium nostrum deferant in Camera Episcopali servandas, ad futuras necessitates. Earum autem declarationum copiam, seu exemplar, ipsi singuli Beneficiarii, & Officarii penes se asservent: ut in singulis visitationibus conferantur: ne quid, quod in eis descriptum fuerit, desit, & si quid forte deerit, Ecclesiæ restitui curetur: si quid accessionis, vel mutationis, præsertim circa mobilia contigerit, id quotannis annotetur: & cum opus fuerit, declarationes ipsæ, maxime quoad mobilia, renoventur.

II.

Turpe est eos, qui bonorum Ecclesiæ fideles debent esse Administratores, ea, vel bonam eorum partem, in convivia, & computationes impendere. Id ergo ne fiat in posterum sub pœna dupli ejus, quod hoc pacto consumptum fuerit, restituendi, graviorisque pœnæ pro ratione contumaciæ severe præcipimus. Ergo in locatione bonorum Ecclesiæ is modus servetur. Quando aliquid Ecclesiæ locandum erit, illud indicet Parochus populo, & omnia plus offerenti pro more locentur, neque liceat vina, ut, vocant, addere, vel quidpiam aliud quocunque prætextu, quod in computationes vertatur. Neque vero fiant eæ locationes ultra novem ad summum annos: quæ autem ad plures fient, eæ omnes sint irritæ, & inanes. Quæ hactenus factæ sunt, revocentur, & annullentur juxta Sacras Constitutiones.

III.

Scabini, & alii Administratores bonorum Ecclesiæ singulis annis coram Parocho acceptorum, & expensarum

rationem reddant, prout alias a Nobis statutum est, sub pœna arbitrio nostro imponenda.

IV.

In redditione rationum per Scabinos, & alios bonorum Ecclesiæ Administratores, nullæ fiant expensæ, nulla convivia instruantur. Parochi exemplo sint alii, neque conviviis hujusmodi intersint, caveantque, ne hujusmodi convivorum expensas concedant Administratoribus bonorum Ecclesiæ.

V.

Prohibemus omnibus, & singulis Ecclesiasticis tam Sæcularibus, quam Regularibus, ne sub pœna mediæ partis fructuum beneficiorum, locationes bonorum faciant hæreticis.

VI.

Scabini, & Administratores omnes reddituum Ecclesiarum, eos primo in comparandam necessariam Ecclesiæ suppellectilem impendant, tum demum, si quid superfit, illud in sacra quatuor temporibus celebranda convertant, ubi ea hactenus consuetudo viguit, caveantque, ne tunc convivium ullum instruant, sed celebrantibus Sacerdotibus stipendium honestum, & Ædituo, sibi que solvant pro ratione occupationis, & laboris juxta taxam a Nobis imponendam, & ab Archi-Presbyteris deinceps declarandam.

VII.

Providere cupientes, ne beneficiis vacantibus non inveniatur, unde merces deservientibus persolvi queat, interim dum novi fructus expectantur: Sancimus, ne Ecclesiastica beneficia, vel officia quomodolibet obtinentes, sine licentia nostra in scriptis obtinenda pendentes beneficiorum, vel officiorum suorum fructus quovis prætextu, vel causa alienent, nisi dilata solutione in id tempus, quo fructus erunt a solo separati: si secus factum fuerit, contractus sit irritus, nec possit emptor illius vigore fructus ipsos sibi vendicare, & si de facto illos abstulerit, eorum pretium Successori iterum solvere teneatur.

VIII.

Statuimus insuper, ut quisquis amodo ex Diocesis nostræ Parochis ante diem

diem festum S. Joannis Baptistæ decesserit, in fructibus tunc pendentibus, & a solo nondum separatis, vel eorum decimis nihil percipiat: sed omnes illi fructus ad Successorem pertineant. Qui vero post diem ipsum, vel etiam die ipso S. Joannis Baptistæ decesserit, omnes illos fructus, eorumque decimas lucratus erit: ita tamen, ut fructus ipsi, immo & universa defuncti hæreditas ad portionem congruam Successori, vel alteri Sacerdoti a Nobis approbando persolvendam pro deserviendo ipsi beneficio usque ad diem S. Joannis Baptistæ proxime sequentem remaneant obligata.

IX.

Si quis Clericus, aut Sacerdos cujusvis generis scripta ad Ecclesiæ rationem pertinentia occurrant, vel easdem suppresserit, iisdem, quibus bonorum Ecclesiasticorum alienatores, subjiçitur pœnis.

XVI. De Regularibus.

ART. I.

Regulares, etiam exempti, cujuscunque sint Ordinis, non aliunde, nisi ab Ecclesia nostra Cathedrali Sacra Olea sumant: & si curam animarum exerceant, etiam Synodo nostræ Diocesane intersint.

II.

Monachi, Monialesque omnes, cujuscunque Ordinis existant, tempore probationis exacto, si legitimæ fuerint ætatis, Regulæ suæ professionem expressam in Superiorum manibus quamprimum emittere teneantur. Alioquin e Monasteriis excludi, beneficiisque ac officiis, & portionibus Monachalibus privari possint, ac debeant.

XVII. De Religiosis Domibus.

ART. I.

Quibus in Ecclesiis instauratione, vel reparatione opus est, ea omnino ab iis, ad quos spectat, instaurentur, & reparentur. Similiter & sacris vestibus, ornamentis, suppellectilique Ecclesiastica ad cultum Divinum necessaria instruuntur, & instructæ conserventur.

II.

Bona, & proventus ad Ecclesiarum fabricas pertinentia, ab earum Administratoribus ne ad alios, quam ipsarum Ecclesiarum usus, convertantur: ac de iis, coram quibus oportet singulis annis rationes reddant: Nobis tamen prius monitis, ut, si opus esse viderimus, iis audiendis certos aliquos viros probos, ac peritos deputemus.

III.

Ubi, vel foundationis jure, vel alio probato instituto Hospitalia, vel alia loca ad pauperes peregrinos, aut senes, aut ægros, aliosve hospites excipiendos erecta extant, & fundationes, & instituta omnino servantur, quatenus per loci facultates licebit. In excipiendis autem, & alendis hujusmodi hospitibus, & distribuendis eleemosynis sincere omnino, & extra omnem favoris speciem se gerant Administratores. Neque id, quod ad unum aliquem pium usum destinatum est, ullo modo in alium, etiam pium, usum absque licentia nostra in scriptis obtenta convertant. Alias expensarum contra hæc factarum ratio nulla habeatur.

XVIII. De Testamentis.

ART. I.

Curent Parochi, & Archi-Presbyteri, ut, si qua ad pias causas facta fuerint, legata, ea omnino impleantur. Negligentes vero implere ad Nos deferant.

II.

Notarii, qui Testamentis hujusmodi pia legata continentibus interfuerint, vel ea receperint, nisi ea infra tres menses a die notitiæ obitus testatorum revelaverint, excommunicationis pœnam incurrant.

III.

Omnes Archi-Presbyteri, & eorum singuli quamprimum suorum Curatorum, aut Vicariorum aliquem e vivis excedere contigerit, statim, & infra spatium viginti quatuor horarum diligentissime curent, certos, & indubitatos Nuntios ad Sigilliferum nostrum, vel Promotorem destinare, qui illius obitum ipsis notificet, ne quid in præjudicium Ecclesiæ, aut nostrum fieri, aut attentari queat.

XIX. De Sepulturis.

ART. I.

ANte Solis ortum, & post ejus occasum mortuos efferri, & ad sepulturam recipi absque nostra, vel Vicarii nostri licentia prohibemus.

II.

Ne diebus Dominicis, aut Festis agantur anniversaria pro defunctis, licet defuncti ipsi id præscripserint, sed proximo præcedente die, quo pro ratione officii licuerit, celebrentur.

III.

In unaquaque Ecclesia singulis Dominicis anniversaria, quæ per hebdomadam proxime sequentem celebranda erunt, fidelibus denuncientur. Idem de septimo, trigesimo, & alio ejusmodi officio fiat.

IV.

Ne cuiquam, nisi Parocho proprio, liceat locum sepulturæ assignare, aut in ejus absentia Parocho viciniori.

V.

Omnes Christiani, præsertim Laici in Cœmeteriis, non autem in Ecclesiis sepeliuntur, nisi de consensu Superiorum.

VI.

Humata semel corpora fidelium exhumari, & in alia quantumvis pia, & religiosa loca transferri sine licentia nostra prohibemus.

VII.

Qui autem sunt publici Simoniaci, fiduciarii, hæretici, schismatici, venefici, fortilegi, usurarii, & qui sibi manus violentas attulerunt, aut in duello suscepto mortui sunt, & qui subita morte præventi Paschali tempore nec confessi sunt, nec Eucharistiæ Communionem susceperunt, omnes denique infideles, & excommunicati Christianæ sepulturæ honore, locoque priventur. Qui autem eos sepeliendos quacunque ratione procuraverint, excommunicatione feriuntur.

VIII.

Pueri morientes ante Baptismum, ne omnino in cœmeteriis Ecclesiasticis sepeliantur, sed in loco aliquo separato, & eum in usum assignato. Ubi vero in aliqua cœmeterii parte, vel angulo

sepeliri consueverunt, illa pars, vel angulus a reliquo cœmeterio muro atque quamprimum secernatur, alioqui nec ibi sepeliantur.

IX.

Parochi ne patiantur ullum ex suis inhumari in cœmeteriis Ecclesiasticis sine statis & solitis caeremoniis Christianorum, neque ipsi suo officio desint: sed pro ea, qua pollere debent, charitate in oves sibi commissas, quas charos habuere viventes, mortuos ne deserant, neve lucelli, ac pecuniolæ aliqujus gratia officio suo desint in pauperes, sed eis, & sepulturam, & alia extrema, prout moris est, inter Christianos, gratis persolvant.

X.

Ubi in circuitu Ecclesiarum instellarum sunt cœmeteria, quæ instar viarum publicarum patent, curribus, & pecoribus non sine eorum profanatione, detur diligenter opera, ut, vel pars cœmeterii aliquo muro sepiatur, in eaque in posterum sola mortui inhumantur, vel, si id præ loci angustia fieri minime possit, locus alius in eum finem eligatur, & benedicatur; ut non deinceps in loco prophanis usibus obnoxio mortui sepeliantur.

XX. De Officio Parochi.

ART. I.

Parochi eos omnes, qui libros prohibitos tenent, ad Nos omnino deferant.

II.

Sedulo etiam curent, ut Bibliopolæ librorum, quos proponunt, Inventarium illis exhibeant: caveantque, ne quos exponant, in quibus, vel contra bonos mores, & honestatem, vel contra orthodoxam fidem aliquid contineatur. Quod idem, ne ipsi Bibliopolæ facere audeant, sub pœna confiscationis omnium librorum suorum prohibemus.

III.

Ægrotos, etiam non vocati, invitant: ut eos ad Sacramentorum suspensionem mature inducant.

IV.

Crebris cohortationibus in id maxime incumbant, ut populus sibi commissus

missus ad Confessionem, & Communionem frequenter accedat.

V.

Parochus librum habeat, in quo omnium, qui in ejus Parochia sunt, nomina, & cognomina, & qualitates, & ætatem describat; in eoque deinceps annotet recenter natos, & mortuos: tum etiam in Parochiam habitatum venientes, & inde emigrantes. Quem librum Nobis, quoties petierimus, vel inspiciendum, vel describendum dabit.

VI.

Quoties Parochum ad aliam Ecclesiam transire contigerit, antequam a priore migret, libros tradat, in quibus eorum, qui baptizati, confirmati, Matrimonio juncti, & sepulti fuerint, nomina describi solent.

VII.

Advertant Parochi in Ecclesiis suis, ac etiam inter visitandum Archi-Presbyteri, an, qui Capellanas seu fundata altaria obtinent, fundationum oneribus satisfaciant: si quos negligentes compererint, ea de re Officiales nostros certiores reddant.

VIII.

Parochus quisque omnium Beneficiorum, Capellaniarum, & Altarium in Parochia sua sitorum, & fundatorum notam faciat exactam: eamque intra sex menses ad Nos deferri curet.

XXI. De Officio Archi-Presbyterorum.

ART. I.

Penes se habeant Archi-Presbyteri librum, in quo Parochorum, Capellanorum, omniumque Sacerdotum, in suo Archi-Presbyteratu consistentium nomina descripta sint. Annotentque, quibus Ecclesiis, & beneficiis præ sint, vel inserviant, a quibus ea obtineant, vel approbati sint, ad iis inserviendum, aut confessiones audiendum, neque liceat cuiquam quocunque prætextu beneficiis ullis inservire, quoquo modo, priusquam nomen suum Archi-Presbytero dederit, inscriptusque fuerit in ejus catalogo.

II.

Visitent singulis annis, & lustrent sibi subditas Parochias Archi-Presbyteri,

Tomus VIII. Concilior. German.

comitante Procuratore Capituli, vel alio, quem elegerint, idoneo, & perito Sacerdote: inquirantque diligenter de vita, & moribus subditorum: Et advertant sedulo, num aliquid desit Ecclesiis, & illud statim suppleri curent. Eos tamen charitative excipiant Parochi, qui ne nimis & superfluis sumptibus graventur, curent Archi-Presbyteri. Dividantur vero sumptus ex æquo in visitatos: refundantque singuli ei, qui visitantes hospitio exceperit, quod per schedulam Archi-Presbyteri manu signatam jubebuntur: eamque penes se reservent Visitatoribus generalibus tradendam.

III.

Agant Archi-Presbyteri serio tam cum Parochis ipsis, quam cum Scabiniis, arque aliis piis viris cujusque loci, ut fractæ, quæ passim occurrunt, Cruces restituantur, & in locis celebrioribus novæ designantur.

IV.

Teneantur omnes Parochi infra mensem a publicatione præsentis Statuti residere personaliter in suis Parochiis: non obstantibus quibuscunque licentiis, quas omnes revocamus, & revocatas declaramus, sub pœnis statutis contra non residentes in beneficiis curatis. Attendant vero diligenter Archi-Presbyteri, num quis forte huic Decreto non pareat, Nosque, vel Vicarium nostrum Generalem certiores quamprimum reddant.

V.

Archi-Presbyteri in bannis, seu proclamationibus Matrimonialibus sub pœna decem francorum, ne dispensent quocunque prætextu; multo vero minus ceteri Parochi.

VI.

Inquirant Archi-Presbyteri sedulo, an fabricarum hospitalium, & locorum piorum redditus in alios usus, quam debeant, convertantur: si quem abusum repererint, ad Officiales nostros deferant, qui reliquam pecuniam in locorum reparaciones, vel ornamenta converti curent.

VII.

Si qua sacra loca belli, vel temporis injuria diruta reperiuntur, curent

G g g g g g

Archi-

Archi-Presbyteri eorum statum, situm, nuncupationes, bona, redditus, & onera notare: Nobisque quamprimum, saltem intra sex menses, significare: ut de translatione beneficiorum simplicium in iis locis existentium decernamus, & contra illicitos honorum Ecclesiasticorum detentores procedamus.

VIII.

Omnibus Archi-Presbyteris, & eorum cuilibet præcipimus, quatenus nomina, & cognomina omnium Parochorum, & Vicariorum suorum ad Sacerdotium non promotorum, non residentium, nec non excommunicatorum, & publicorum concubinariorum, usurariorum, & aliorum id generis damnatarum conversationis, si qui forsitan sint, a domo Dei deijciendorum, ad Fiscales nostros, omni excusatione semota, infra duos menses deferant.

IX.

Sciant Archi-Presbyteri se ideo aliis Presbyteris esse Prælatos, ut eorum saluti Nobiscum invigilent: utque eorum mores, actiones, verba, immo & omissiones, quo viciniore illis sunt, diligentius observent, ac delinquentes ad Nos, aut Officiales nostros deferant. Idcirco officii sui memores caveant, ne delinquentibus ipsis ullo pacto, ullove prætextu conniveant. Sed, si quis ex Parochis, aliisque subditis suis adversus Decreta hæc nostra, vel eorum aliquod, aut egerit, aut agere omiserit, eum omnino deferant. Alias negligentiae poenas arbitrarias luant. Cujus negligentiae, immo potius conniventiae toties rei habeantur, quoties ab alio aliquo, priusquam ab ipsis, criminosos deferri, & crimina probari contigerit.

XXII. De ordine servando convocatis in Capitulo rurali Archi-Presbytero, & Parochis, eorumque Vicariis.

ART. I.

Singulis annis fiat Capitulum rurale, a quo nemo absit sine causa legitima, eaque Archi-Presbytero probata.

II.

Convocatis omnibus deferat unusquisque suas difficultates in scriptis ad Archi-Presbyterum: isque, quæ erunt gravioris momenti, ad Nos, aut Vicarium nostrum deferat.

III.

In Ecclesia suo quisque loco sedeat cum gravitate, & modestia superpellicio indutus decenter cum pileo quadrato, & tonsura Clericali, quam Coronam vocant. Nemo ex Ecclesia discedat absque Archi-Presbyteri licentia, & ut omnes bini, & bini in Ecclesiam convenire debuerunt sequente Archi-Presbytero, ita & egrediantur eodem ordine, subsequente etiam Archi-Presbytero, qui solus stolam deferet.

IV.

Affidente mensæ Archi Presbytero, omnes affideant, surgente, surgant: nemo ad æquales haustus provocet socium, vel importunis sermonibus lectorem impediat, aut adstantes.

V.

In Missa cantent omnes modeste, præeuntibus Cantoribus: nemo nimium festinet; in celebranda item Missa, quam omnes, ubi commode fieri poterit, celebrabunt, is ordo servetur, quem designaverit Archi-Presbyter ex scripto affixo, loco conspicuo Ecclesiæ.

VI.

Liceat unicuique servata modestia, si quid habeat, quod correctione, vel mutatione egeat, illud proponere, neque ullam inde timeat sibi conflandam invidiam.

VII.

Quod propositum erit: si tale sit, quod expediri possit, extemplo illud ex consilio Capituli, vel peritorum expediatur; si vero res maturiori examine egeat, ad Nos, aut Vicarium nostrum referatur.

VIII.

Librum habeat Archi-Presbyter, in quo statim describi curet, & resolutiones, monitionesque factas, ut supra dictum est, suoque signo, & Procuratoris sui, item & Secretarii, quem elegerit, totum roboret, & confirmet.

IX.

Caveant diligenter Parochi, ne, quo tempore ipsi in unum convenientes debent efficacius ad virtutem populis præbere exemplum, majorem ruinæ ansam præbeant. Longe vero absint omnes crapulæ, & ebrietates, discordiæ, contentiones; inter convivandum sit unus

unus semper Lector, qui toto prandio selecta aliquot ex Sacris Literis capita, alta, & intelligibili voce legat, quem nemo inturbet.

X.

Omnibus exacte consideratis, absolutisque omnibus, dimittat omnes Parochos in pace Archi-Presbyter: neque cuiquam ante dimissionem exire liceat. Data, & accepta exeundi licentia, recedant unusquisque in suas Parochias: cauponas ne intrent, neve in iis computationibus vacent.

XI.

Si quis autem adeo sui sit immemor, & negligens, ut inebrietur, statim multa decem francorum emendetur ab Archi-Presbytero pro una vice, vel ulteriore etiam pœna pro ratione scandalii, cedat vero ea multa Archi-Presbytero pro tertia parte, & Procuratori pro reliquis, in usum Ecclesiæ Capitularis.

XII.

Novos Parochos ne sumptibus gravent: neve ab iis in ingressu aliquid ultra decem francos exigant Capitulares, ubi hæcenus consuevit aliquid exigi: Ubi tamen ea consuetudo non fuit, nihil omnino exigatur.

XIII.

Quas ex antiqua consuetudine solvent in ingressu Parochi pecunias, in communem usum recipiat Procurator Capituli: earumque rationem coram omnibus, qui interesse voluerint, reddat: viderintque Archi-Presbyteri, ne superfluis sumptibus consumant, quod pro necessitatibus reservatum oportuit.

XIV.

In Ecclesiis, ad quas ex antiquo convenire solent Parochi celebraturi suum Capitulum rurale, a Collatoribus, Scabinis, vel Parochianis tot altaria decenter instruantur, totque sacræ vestes, & ornamenta Missæ necessaria parentur, ut singuli Parochi Missam dicere possint: hoc, nisi factum fuerit, liberum sit Archi-Presbytero, & Parochis aliam Ecclesiam sibi bene visam commodam eligere, & ad eam convenire.

Tomus VIII. Concilior. German.

XXIII. De eligendo Archi-Presbytero.

ART. I.

Præmissa Missa de Spiritu Sancto, Dei timorem præ oculis habentes ex Parochis eum eligant in Archi-Presbyterum, qui, & vitæ probitate, & scientia cæteris præluceat possit, quique morum gravitate, sermone, & exhortationibus cæteros in officio continere possit. Illud autem maxime caveant, ne quem impudicitæ suspectum assumant.

II.

Electionem factam Archi-Diaco- nis, ut moris est, repræsentent, & personam; quo ab iis juxta Sacras Constitutiones discussio diligens, & exacta super moribus, & doctrina electi, fieri possit.

III.

Archi-Presbytero confirmato, ut par est, Parochi obediant: alias castigandi pro meritis ab Officialibus nostris.

XXIV. De Procuratoribus Capituli ruralis.

ART. I.

Procuratores Archi-Presbytero adsint industria, opera, diligentia, & si quid advertant mutandum, aut corrigendum, illud statim referant Archi-Presbytero. Concubinariorum, ebriosos, &c. deferant, ut mature scandalis occurratur.

II.

Si quid pecuniæ in commune conferatur, & ipsi administrent, id fideliter faciant, singulis annis in Capitulo rationem reddant coram Archi-Presbytero, & Parochis adstantibus.

III.

Is eligatur, qui & scientia, & vitæ probitate polleat, prudentiaque in negotiis administrandis valeat.

XXV. De Ludimagistris.

ART. I.

In singulis Parochiis sit Ludimagister, qui, & Editui officium agat, stipendioque assignato pro Ædituo fruarur; nisi pro utroque stipendium sufficiens assignatum sit. Parochi nemi-

G g g g g g 2

nem

nem ad hoc munus obeundum admittant, qui probata vitæ non sit, & integræ famæ, habeatque in scriptis a Parochis, in quorum Parochiis habitavit, de vita, & moribus testimonium, ab eoque professionem fidei Catholica omnino Parochus exigat, ante quam Scholas aperire sinatur.

II.

Ludimagistri singulis diebus matutino tempore, congregatis discipulis, curret recitari per unum, aut plures ex pueris alta, & intelligibili voce Orationem Dominicam, Salutationem Angelicam, Symbolum Apostolorum, Præcepta Dei, & Ecclesiæ. Item antequam lectiones pomeridianas auspicentur, brevi aliqua oratiuncula implorabunt Dei opem, Scholasque alia etiam oratiuncula terminabunt, ad gratias DEO Optimo Maximo agendas.

III.

Singulis feriis sextis, aut Sabbatis matutina lectio erit ex Catechismo, quem curabunt diligenter mandari memoriam a discipulis, crebroque repeti: & super eo, disputationibus frequentibus eosdem exercebunt Ludimagistri.

IV.

Teneatur Ludimagister per se, vel per honestum aliquem adolescentem deferre in ædes Parochianorum aquam benedictam pro more Christianorum diebus Dominicis. Parochiani vero ejus laborem compensabunt, & remunerabuntur, prout solet fieri ut plurimum in Dicecesi Merensi.

V.

Teneantur omnes suos pueros mittere ad Scholas. Itaque a publico stipendium Ludimagistro solvatur, ut vere pauperes ab eo gratis, & sine stipendio doceri possint. Prudentiæ autem Superiorum erit curare, ne sub prætextu paupertatis finant a quoquam fraudari Ludimagistros suo minervali.

VI.

Parochiani (quod jam alias sub pœna gravi statutum fuit a Nobis) convivium ne extorqueant, sub pœna arbitraria, ab Ædituis, aut Custodibus Ecclesiæ: sed ii gaudeant integro stipendio sibi assignato: salvo tamen, quod supra dictum est, de hoc officio committendo Ludimagistris.

VII.

Ludimagistros, qui hoc muneris rite exercent, ad bonum publicum non mediocriter conducere nemo neget. Eos ergo, ut in hanc rem diligentius incumbant, immunes esse decet, & expedit, ab omnibus vectigalibus, & tributis.

VIII.

Conqueruntur multi se ob paupertatem Ludimagistros habere non posse. Ergo dum (quod nos brevi facturos speramus) aliter providebitur, ex redditibus Fraternalitatum, multis non observantium dies festos, exque pane, & vino, quod plerisque locis in singulas familias circa Pascha distribui solet, aliisque ejusmodi incertis, aliquid in posterum, in eorum stipendium assignetur.

XXVI. De Obstetricibus.

ART. I.

IN singulis pagis, & urbibus sit una saltem obstertrix bonæ, & illibatæ famæ. Ea, priusquam officio fungatur, juramentum præstet solum in manibus Pastoris loci, doceaturque ministrare Sacramentum Baptismi, & cætera, quæ ei incumbunt aliquando, munia rite præstare. Quod idem fiet in iis locis, in quibus plures constitui solent. Atque ex in posterum in obstertrices solæ eligantur, quæ Catholicæ sint, & integris moribus. Quod ubi non fiet, electam ne admittant Parochi.

II.

In nonnullis hujus nostræ Dicecesis locis audimus obstertrices Catholicas non absque fidelium scandalo, ac evidenti animarum suarum periculo, postquam hæreticis mulieribus parturientibus operam suam navarunt, infantes etiam ad hæreticorum baptismum deferre, eaque occasione ipsorum ritibus, ac Ministrorum prædicationibus interesse. Cujus mali ansum præcidere cupientes, omnibus & singulis obstertrix districte prohibemus, ne quorumcunque hæreticorum infantes ad eorum baptismum amplius deferant, neve eorum prædicationibus intersint. Prohibere tamen non intendimus, quominus mulieribus ipsis hæreticis parturientibus operam suam præstent.

Man-

Mandamusque omnibus, & singulis Parochis, aliisque curam animarum gerentibus, ut hanc Constitutionem nostram in Parochiis suis, ubi hæretici quivis habitant, publicent: ac publicationis notam Nobis, aut Vicario nostro quamprimum præbeant.

XXVII. De Portione congrua.

Cum teneatur nemo suis stipendiis militare, & dignus sit operarius cibo suo, dolemus Parochiarum in hac Diœcesi ut plurimum tam parvos esse redditus, ut Parochis alendis, oneribusque eorum sustinendis non sufficiant. Cui malo pro virili occurrere cupientes, portionibus, ut vocant, congruis assignandis viros aliquot spectata prudentiæ deputabimus, qui in eam curam diligenter æque, ac sine cujusquam injuria incumbant. Eos ergo Parochis, quibus ea convenienter hæcenus assignata non est, adire licebit.

XXVIII. De Decimis.

Pervenit ad Nos in hac nostra Metensi Diœcesi de jure percipiendi Decimas Novalium multas prodiisse querelas: quæ quidem undenam irreperiant, non liquet; cum Jure Canonico satis constet. Ergo in posterum, ubi hac de re difficultas extiterit, eam ex præscripto Sacrorum Canonum terminabunt Officiales nostri; salvo tamen per omnia jure eorum, quibus privilegiis Apostolicis, & indultis, jus eas percipiendi concessum est.

XXIX. De Judæis.

ART. I.

Judæi, qui in hac Diœcesi versantur, nota, & habitu a Christianis distinguantur, prout in Civitate fieri solet: quod, nisi fecerint infra mensem, prohibeant Parochi suis Parochianis, prout Nos præsentî Constitutione prohibemus, ne cum eisdem Judæis omnino agere, aut aliquid commercii habere audeant sub pœna arbitraria.

II.

Prohibeant iidem Parochi, & advertant, ne obstetrices Christianæ Judæis mulieribus in partu adfint. Item ne Christiani Sabbato Judæorum ædes

ingrediantur eorum rem domesticam curaturi, neve sub pœna excommunicationis & privationis sepulturæ Ecclesiasticæ, & Sacramentorum, ulli ex Christianis eosdem Judæos lectionem librorum ab iis audituri adire ulla ratione audeant.

XXX. De Casibus reservatis.

Accepimus a plerisque timorata conscientiæ Pastoribus, & Contentariis hæcenus dubitatum de numero Casuum Nobis per Constitutiones nostras, & Prædecessorum nostrorum reservatorum, & efflagitatum, ut quinam ii essent, declararemus. Hoc ergo facturi ac tam Confessariorum, quam poenitentium tranquillitati consulere volentes, matura deliberatione præhabita sequentes infrascriptos excessus solos ex quamplurimis, Nobis reservandos, censuimus, præter eos tamen, qui de jure communi Episcopis sunt reservati, quique peti poterunt ab Authoribus, qui de Casibus conscientiæ conscripserunt.

XXXI. Casus Episcopo reservati.

1. Si quis Sacrosanctam Eucharistiam, venerandas Sanctorum reliquias & Imagines malitiose pedibus conculcaverit, vel alia insigni contumelia affecerit, aut Chrismate, Sacra Hostia; vel alia re sacrata abusus fuerit ad magicas artes, veneficia, superstitiones.
2. Si quis Patrem, vel Matrem sponte & de industria percusserit.
3. Si quis homicidium voluntarium perpetrarit.
4. Qui prolem suam studiose ante partum, vel post, perimunt, vel opprimunt, illamque projiciunt vel exponunt Hospitalibus, vel alio loco.
5. Qui abortum procurant, vel aliquid dant mulieribus, ne concipiant.
6. Si quis Virgini vim intulerit.
7. Si quis incestum in primo, & secundo gradu, vel Sodomiam commiserit, vel cum Judæa commisseri præsumpserit.
8. Si quis Matrimonium cum alia muliere, post sponsalia jurejurando firmata, contraxerit.

Ggg ggg 3

9. Usu.

9. Usurarii manifesti, & notorii, sive in iudicio convicti, sive ita publice ad usuram dantes, ut nulla tergiversatione celari possit.
10. Perjuri de perjurio judicialiter convicti & condemnati.
11. Cogentes virgines, vel viduas invitas ingredi Religionem.
12. Bona Ecclesiastica alienantes, vel alienata recipientes, sine eorum, ad quos pertinet dispositio, licentia.
13. Falsarii literarum Episcopaliū, vel Officialium, seu publicorum instrumentorum.
14. Omnes confessionum proditores peccatum in confessione auditum verbo, vel signo deregentes ex industria.
15. Concubinarij publici, & manifesti.
16. Qui mulierem aliquam cognoscit carnaliter, cujus prolem baptizavit, vel ejus confessionem excepit.

Pro Sacerdotibus & Clericis.

XXXII. Statutum circa Divina,
seu Ecclesiastica Officia servandum, pro quibus de jure retributio Parochis & Sacerdotibus a suis Parochianis competit.

NE, quod ab insigni populi Christiani liberalitate, & devotione jam a sæculis sumpsit initium, & longa jam annorum serie invaluit, in ejusdem populi detrimentum recidat; neve Parochi refrigerante charitate multorum, quo jam inde a multis sæculis jure potiti sunt, priventur: matura deliberatione prævia, & iis perpensis, quæ in diversis nostræ Diocesis partibus observata sunt, in ejusmodi Parochorum juribus exigendis, & solvendis, multorumque precibus inclinati confusionem, & scandala, quæ hac in parte frequenter oborta deprehenduntur, tollere cupientes, præsentī Constitutione præcipimus, ne ullus ex Parochis sub specie prætenforum ab iis jurium exigat ultra frequentia a Parochianis, quæ ab omnibus nostræ Diocesis Pastoribus, Vicariis, Scabinis, Ludimagistris, Ædituis, & Parochianis inviolabiliter in posterum observari volumus, & præcipimus.

Ubi mos invaluit aliquid pro Baptismo infantum tribuere Sacerdoti, eidem pro Baptismo cujusque, qui primus post fontium Baptismalium benedictionem in Paschate, & Pentecoste fieri solitam baptizandus affertur, dentur tres grossi.

Eidem a puerpera, cum post puerperium in Templum benedictionem acceptura venit, duo albi.

Eidem in Sponsalium solennitate, quinque grossi.

Parocho item eidem ab eo ex suis Parochianis, qui in alia Parochia Matrimonium contrahit, pro Dimissorialibus, & Bannorum (ut vocant) proclamatione, duo franci tribuantur.

Parocho, in cujus Parochia contrahunt conjugandi, pro omni eo jure, quod competit, par Chirothecarum valentium quinque grossos, & præterea duo franci.

Ubi Scabinis, aut Synodalibus, jus aliquod ex consuetudine competit recipiendi vinum, sestetius, seu cacabus, aut lebes (poculo tribus grossis ætimato) censetur ac taxatur in præsentia valore unius franci. Itaque vel hæc summa prædictis Scabinis, vel tanti æstimatum vinum a solvere debentibus tribuatur, debitoribus optione alterutius solvendi relicta.

Item Parocho ob funeralia & sepulturam defuncti sex grossi.

Scholæ Magistro, seu Ædituo, qui in ejusmodi officio assistit Sacerdoti, duo solidi.

Singulis Sacerdotibus assistentibus prædictæ sepulturæ, tres grossi.

Pro quolibet Officio Sacro, quod sive in fine mensis, aut trigesimo die, seu Anniversario, in quo tres Missæ solenniter cantantur, cum officio Defunctorum in pervigilio, item cum Commendatione, ut vocant, animarum; Sacerdoti dentur de jure tres franci.

Ad eundem Parochum etiam pertinebit, quod reliquum est cereorum, seu luminarium, nisi forte antiquo, ac præscripto jure Ecclesiæ ipsi competere.

Unicuique item Sacerdoti pro Missa solenni dabuntur novem grossi.

Pro sepulchri effossione in terra sancta nihil.

Pro

Pro sepultura tamen in Choro Ecclesiæ, si obtineatur nomine Defuncti seu viri, seu pueri, dabuntur decem franci, pro sepultura autem in Navi ejusdem, dabuntur quinque franci: Atque utraque summa partim in Parochi, partim in fabricæ usum conferetur: a quarum tamen solutione excipiendi erunt ii, quorum liberalitate, vel parentum prædefunctorum annui reditus Ecclesiæ eidem sunt concessi, valoris decem francorum, aut dotatum Sacellum, aut ædificatum certè, aut factum tectum extat, quo casu pro jure sepulturæ in dictis locis Sacerdoti tribuatur unus francus.

Non licebit terram sanctam sepulturæ gratia aperire, nisi ex prævia Parochi licentia.

Quicquid oblationis nomine tempore Divini Officii hujusmodi prodibit, ad Parochum pertinebit.

Omnes tumbæ, seu lapides sepulchrales, qui cuiusnam sint, ignorantur, ad Ecclesiam pertinebunt, nec eos in usum prophanum convertere cuiquam licebit.

Sodales Confraternitatum, qui Missam solennem cantari cum Vesperis, tam in Festo, quam pridie Festi curabunt; tribuent Parocho octodecim grossos.

Defuncto cuique, qui Pater aut Materfamilias est, aut caput domus extitit, in Ecclesia Parochiali, providendum Ecclesiastici funeris subsidium cum Officio Vigiliarum, ut vocant, & Missa, & Commendationibus solitis: eoque nomine Parocho, vel ejus Vicario tribuentur triginta grossi. Quo quidem Officio procurando, si negligentes hæredes, vel Executores testamenti viderit Parochus, eos officii commonefaciet, ac prædictis iustis personis, jus prætaxatum ab eis reposcet.

XXXIII. Statutum servandum circa debitam Ludimagistro, seu Editu retributionem pro obsequio, vel comitatu, seu assistentia, quam in prædictis Parocho exhibet.

Pro officio trium Missarum solennium, & Vigiliarum cum animæ commendatione, unus francus tribuatur.

Pulsatoribus singulis ad pulsationem campanarum unius circiter horæ intervallo durantem necessariis, tres grossi.

Idem præmium Editu, si Pulsatoris partes obiverit, debebitur, scilicet tres grossi.

Insuper ejus labor & sollicitudo in explicandis & reponendis Ecclesiæ ornamentis, & pia assistentia in prædictis compenfabitur tribus grossis.

XXXIV. Temporale Festorum, & Jejuniorum, observandorum per universam Diocesim Metensem. De præcepto Ecclesiæ, & nostro.

JANUARI.

1. **D**ie 1. Festum Circumcisionis Domini.
6. Epiphaniæ Domini.

FEBRUARI.

2. Festum Purificationis Beatæ Mariæ Virginis.
23. *Vigilia, & Jejunium de præcepto.*
24. Sancti Matthiæ Apostoli.

Hoc festum annis Bissextilibus 25. die celebretur, ejus vero Vigilia die 24. fervetur.

Si festum ipsum feria 4. Cinerum acciderit, in sequentem diem transferatur, ejus vero Vigilia, & Jejunium ipsa feria 4. Cinerum observetur.

MARTII.

25. Festum Annunciationis B. Mariæ Virginis.

APRILIS.

25. Festum Sancti Marci Evangelistæ, & abstinencia a carnibus.

Si contigerit in Dominica, festum ipsum eodem die celebretur: Abstinencia vero, Litanæ, & Processiones transferantur in sequentem diem, & tuncque ad Processionis finem ab operibus servilibus cessetur.

MAJI.

1. Festum Sanctorum Philippi & Jacobi Apostolorum.
3. Inventio Sanctæ Crucis.

JUNII.

23. *Vigilia, & Jejunium de præcepto.*
24. Festum Nativitatis Sancti Joannis Baptistæ.
28. *Vigilia, & Jejunium de præcepto.*
29. SS. Petri, & Pauli Apostolorum.

JU-

JULII.

22. Festum Beatæ Mariæ Magdalenzæ.
 24. *Vigilia, & Jejunium de præcepto.*
 25. Sancti Jacobi Apostoli.

AUGUSTI.

3. Festum Inventionis S. Stephani Protomart. Patroni Diocesis hujus.
 9. *Vigilia, & Jejunium de præcepto.*
 10. Sancti Laurentii Martyris.
 14. *Vigilia, & Jejunium de præcepto.*
 15. Assumptionis B. Mariæ Virginis.
 23. *Vigilia, & Jejunium de præcepto.*
 24. Sancti Bartholomæi Apostoli.

SEPTEMBRIS.

8. Festum Nativitatis B. Mariæ Virg.
 20. *Vigilia, & Jejunium de præcepto.*
 21. Sancti Matthæi Apost. & Evangel.
 29. Sancti Michaëlis Archangeli.

OCTOBRIS.

18. Festum Sancti Lucæ Evangelistæ.
 27. *Vigilia, & Jejunium de præcepto.*
 28. Sanctorum Simonis & Judæ Apostolorum.
 31. *Vigilia, & Jejunium de præcepto.*

NOVEMBRIS.

1. Festum omnium Sanctorum.
 2. Commemoratio omnium Fidelium Defunctorum, servatur non ultra meridiem.

Quando hoc festum die Dominica incidet, in sequentem diem transferatur.

11. Sancti Martini Episcopi.
 23. Sancti Clementis Episcopi Meten.
 25. Sanctæ Catharinæ Virginis & Martyris.
 29. *Vigilia, & Jejunium de præcepto.*
 30. Sancti Andreæ Apostoli.

DECEMBRIS.

4. Ad festum S. Barbaræ Virginis, & Martyris celebrandum hortari populum, mi-

nime autem obligare Parochis licebit. Hortabuntur autem ii maxime, qui vel in Civitate, vel prope Civitatem habitant, vel circa pagum ab eadem Diva Barbara nuncupatum.

5. Festum Sancti Nicolai Episcopi.
 8. Conceptionis B. Mariæ Virginis.
 20. *Vigilia, & Jejunium de præcepto.*
 21. Sancti Thomæ Apostoli.
 24. *Vigilia, & Jejunium de præcepto.*
 25. Nativitatis Domini nostri JESU Christi.
 26. Sancti Stephani Protomart.
 27. S. Joannis Apostoli & Evangelistæ.

Festa mobilia.

Dies Veneris Septimanz sanctæ usque ad meridiem.

Dies Paschæ, cum duobus sequentibus.
 Dies Ascensionis Domini nostri Jesu Christi.
 Dies Pentecostes, cum duobus sequentibus.
 Festum Sanctissimi Corporis Christi.
 Festum cujusque Ecclesiæ Patroni.
 Festum item Dedicationis cujusque Ecclesiæ.

Jejunia servanda præter supradicta Vigiliarum.

1. Quadragesimæ.
 2. Quatuor temporum, quæ semper incipiunt: Prima, quarta feria immediate post Dominicam primam Quadragesimæ: Secunda, post festum Pentecostes: Tertia, post festum Exaltationis Sanctæ Crucis: Quarta, post festum S. Lucie Virginis & Martyris.
 3. Vigilia Pentecostes.

In Rogationibus, id est, tribus diebus ante festum Ascensionis Domini a carnibus abstinendum.

*Metis, ex Typographia Abr. Fabert.
 Exemplar commodavit Trevisense Collegium.*

FINIS.



SYNODUS DIOECESANA ANTVERPIENSIS,

Eodem Anno Christi MDCX.

MENSE MAJO CELEBRATA,

Præsidente in ea Rmo in Christo Patre, & Domino, D. JOANNE
MIRÆO, (*) Episcopo Antverpiensi.

INDICTIO SYNODI DIOECESANÆ ANTVERPIENSIS.

JOANNES MIRÆUS, DEI ET APOSTOLICÆ SEDIS GRATIA
Episcopus Antverpiensis, universo Clero, & populo Civitatis & Diœcesis
nostræ, Salutem in Domino.

Cum ex Sacrorum Canonum, & Concil.
Trid. instituto, quotannis Synodum Diœ-
cesanam, ad moderandos mores, corrigendos
excessus, aliæque ab iisdem Canonibus præscrip-
ta rite peragenda, celebrari oporteat, idque
vel tum maxime non negligi debeat, cum Con-
cilio Provincialis ante habiti Decreta publi-
cationem executionemque desiderant: pro Epi-
scopalis nostri officii munere, de consilio Ca-
pituli nostri Cathedralis, Synodi Diœcesanæ
Indictionem, quam hactenus, & temporam
injuria, & inconstans rerum publicarum sta-
tus, aliæque causæ remorati sunt, ulterius
differendam non esse arbitrati sumus.

Decernimus itaque Concilium Diœcesan-
um celebrandum esse Feriâ tertiâ post Domi-
nicam quartam post Pascha, quæ erit dies
undecima mensis Maji anni præsentis: dictum-
que Capitulum nostrum Cathedrale, RR. DD.
Abbates, Abbatissas, Præpositos, Capitula
Ecclesiarum Collegiatarum, Archi-Presbyteros
rurales, Priores, Priorissas, Pastores, Pa-
storatuumque Deservitores, ceterosque omnes,
qui Canonum jure, Ecclesiasticis Sanctionibus,
vident. Concil. Decreto vel consuetudine, alia-
vè ratione Synodo prædictâ interesse debent,
monemus, & in virtute S. Obedientiæ, ac sub
pœnis a sacris Canonibus statutis, districtè
jubemus, ut statuta die, hora septima matu-
tina ad Synodum in Ecclesiâ Cathedrali cele-
brandam in habitu decenti conveniant, audi-
turi legitimam Publicationem Decretorum

Concilio Provincialis Mechliniensis anno Mille-
simo sexcentesimo septimo habiti, Decisionem-
que eorum, quæ insuper ad animarum salutem,
Cleri disciplinam, totiusque nostræ Diœcesis
reformationem statuenda existimabimus. In-
timantes eisdem, quod sive absentes, sive præ-
sentes fuerint, die horaque præscriptis, Nos
nihilominus ad Synodi celebrationem procede-
mus, eorum absentia non obstante; quam juris
pœnis prosequemur, emendarique curabimus.
Declarantes insuper, absentes ad Decretorum
hujusmodi observationem, perinde atque præ-
sentes, fore obligatos. Quo autem facilius hæc
nostræ literæ ad omnium, ad quos ea res
spectat, notitiam perveniant, earum exempla
sigillo nostro munita, & a Secretario nostro
subscripta, valvis Ecclesiæ nostræ Cathedralis,
nec non Collegiatarum Sancti Gummari Liræ,
Sancti Petri Turnauti, & Sanctæ Catharinæ
Hoogbstrati, affigi volumus; ac eos, quos con-
cernunt, sic archari declaramus, ac si ipsismet
coram lectæ forent hæc litteræ, ac insinuata.
Datum Antverpiæ in Aula nostra Episcopali,
Anno Domini Millesimo sexcentesimo decimo,
mensis Martii die vigesima nona.

De mandato Rmi Domini
Episcopi Antverpiensis.

F. VAN DEN ZYPE,
Secret.

JOAN.

(*) Vide sub finem Synodi.

Tomus VIII. Concilior. German.

JOANNIS MIRÆI, Episcopi Antverpiensis,
O R A T I O

Ad Clerum habita in Synodo Diœcesana Antœrpiæ, M. DC. X.

Querebatur olim D. Gregorius (a) Pontifex vere magnus, se, Clerumque suum annos septem & viginti inter Longobardorum Arianorum gladios vitam trahere; multaque, ut inter illos vivere possint, ab Ecclesia quotidianis diebus erogari. Hinc & illæ ad Mauritium Augultum (b) voces: O tempora, o mores! ecce cuncta in Europæ partibus barbarorum juri sunt tradita, destructæ urbes, eversa castra, depopulatæ Provincie: nullus terram cultor inhabitat; sæviunt & dominantur quotidie in necem fidelium cultores idolorum. Quam calamitatum causam scrutatus, Sacerdotum gravioribus delictis adscribendum esse his verbis testatur: Quir, inquit, ferocissimæ gentis gladius in necem fidelium tanta crudelitate grassaretur, nisi vita nostra, qui Sacerdotes nominamur & non sumus, a pravissimis gravaretur operibus? Sed dum nos competentia nobis relinquimus, & nobis incompetentia cogitamus, peccata nostra barbaricis vitiis sociamus, & culpa nostra hostium gladiis exacuit. Demum, tanto Doctore (c) dignam pronuntiat sententiam: Flens dico, & gemens denuntio; Cum Sacerdotalis Ordo intus cecidit, foris quoque diu stare non potest.

Si meminisse lubet eorum, quæ potissimum ab anno superioris Sæculi septuagesimo nono, ad hoc fere usque tempus, in nostra Diœcesi vidimus & sensimus; non inferiori numero, nec crudelitatum genere minori, ab Iconomachis & Calvinistisævium in nos reperiemus. Causam volumus? Quam vereor, ne hæreticorum in nos gladios vita, moresque nostri (utar D. Gregorii verbis) exaceruerint; & peccata nostra, inimicis Ecclesiæ robur addiderint. Ea etenim justitiæ Divinæ semper observata ratio, ut quodcumque Sacra Deo, vocationis immemores, ad scelera delapsi, salutaribus monitis aures, pectoraque clausissent, atrocissimis hostibus, tamquam indignantis & sævientis Dei Ministris, Regna, Tempia, & Sacerdotes miserrime castigandi traderentur. Testes decem Tribus Israël a Salmana-fare oppressæ. Audite Michæam: (d) Causa vestri (de Sacerdotibus loquitur) Sion quasi ager arabitur; & Jerusalem quasi acervus lapidum, & mons Templi in excelsa sil-

varum. Neque in his stetit indignatio Divina: secutæ reliquæ Tribus duæ peccata priorum decem, senserunt eandem vindictam Dei manum per Nabuchodonosorem, in durissima Babylonica captivitate. Causam Jeremias (e) tradit: Quia stulte egerunt Pastores, & Dominum non quæsierunt, propterea non intellexerunt, & omnis grex eorum dispersus est. Vox auditionis ecce venit, & commotio magna de terra Aquilonis, ut ponat civitates Juda solitudinem & habitaculum draconum. Sed & Judas Machabæus (f) dum deplorat, quod Sacerdotes jam non circa altaris officia dediti essent, sed contempto Templo & Sacrificiis neglectis festinarent participes fieri palæstræ, satis superque denuntiat, non nisi ob rerum Divinarum neglectum ædem Salomonis corruisse; & in improbitissimi Antiochi effertam tyrannidem Israël incidisse. Cæterum inter Sacerdotum vitia, quæ ad indignationem & vindictam Deum solent provocare, tria potissimum in Sacris Paginis recensentur: Ignorantia videlicet, Divini cultus neglectus, vitiosique Clericorum mores. De ignorantia disertum dat testimonium ipse Dominus per Oseam: (g) Quia tu scientiam repulisti, repellam te, ne Sacerdotio fungaris mibi. De Divini cultus neglectu exclamat Ezechiel: (h) Sacerdotes contempserunt legem meam, & polluerunt sanctuaria mea, inter sanctum & profanum non habuerunt distantiam, & a Sabbatis meis averterunt oculos suos: & quasi de eis virum, qui anteponeret sepem, & staret oppositus contra me pro terra, ne dissipem; & non inveni. Quis vero dubitare potest, irreligiosam Clericorum vitam Dei iracundiam accendere? cum id palam demonstrat Jeremias: (i) Non crediderunt habitatores urbis, quoniam ingreditur hostis propter peccata Prophetarum, & iniquitates Sacerdotum ejus. Et Malachias: (k) Ad vos mandatum hoc o Sacerdotes: Si nolueritis ponere super cor, ut detis gloriam Nomini meo, ait Dominus exercituum, mittam in vos egestatem, & maledicam benedictionibus vestris. Vos recessistis de via, & scandalizastis plurimos de lege: propter quod & ego dedi vos contemptibiles & humiles omnibus populis. Vos ego nunc appello, qui ad cætum hunc convenistis, qui vel coram Belgicorum tumul-

(a) Gregor. Lib. 4. epist. 34.

(b) Lib. 4. epist. 32.

(c) Lib. 4. ep. 55. & Lib. 5. ep. 7.

(d) Mich. 3.

(e) Jerem. 10.

(f) 2. Machab. 4.

(g) Ose. 4.

(h) Ezech. 22.

(i) Jerem. 4.

(k) Malach. 2.

multum initia conpexistis, vel a Majoribus sacrilegam hæreticorum audaciam didicistis; non intruimini in scitiam, & despectam in Officiis Divinis reverentiam, & collapsam in Clero sanctioris vitæ integritatem, miseriarum omnium Iliadem nobis peperisse? Quid? an non uberius calamitatum Oceanus exundavit, & cælestes minæ in Patriam nostram conspirarunt, quando Antistitum suorum saluberrima Decreta, & sanioris consilii monita Clerus non admisit?

Dum Majorum & Prædecessorum meorum gesta memoria recolo, serioque discuto, illud inter cætera observo; insignem plerumque calamitatem mox subsēcutam fuisse, quando vitæ, morumque Cleri reformatio a Superioribus proposita, neglecta extitit, aut contempta. Annales, si placet, evolvi. Quinto & sexagesimo elapsi Sæculi anno Sacrosanctæ Tridentinæ Synodi Decreta sunt promulgata; in quibus dum Ecclesiasticæ vitæ professoribus displicent plurima, nec æquis animis paterentur licentiam suam tam piis constitutionibus coerceri, ac proinde flocci penderent, quod Ecclesiæ Orthodoxæ & orbis senatus summo iudicio & auctoritate statuisset, iustus mox ultor adfuit Deus. Anno enim proxime insequenti, per pauci, atque ii obscurissimi vilissimi que nebulones, augustissimum hoc nostrum Deiparæ Templum, aliaque hujus & aliarum urbium loca sacra, contractis Divorum imaginibus, everfis que altaribus, insolentissime diripuerunt ac profanarunt.

Anno cto. 15. LXVII. in hanc urbem venit Illustrissimus D. Maximilianus a Bergis, Archi-Episcopus Cameracensis: qui cum in Presbyterorum cœtu, gravi oratione superioris anni ruinas, Templorumque clades, ostendisset ob Divini cultus neglectum a Deo permissas, novis Statutis veteres, corruptosque mores corrigere aggreditur, sed dum pii Parentis conatus retardantur, eodem ipso anno Martius furor in pacatissimam Brabantiam erupit: quin & in agro nostro suburbano intonuit, Scaldis fluvii aggeribus a Tolousio hæreticorum antesignano ad Austerwelium occupatis. Subsecuta statim nox illa temporum (horret meminisse) cum xv. fere millia Calvinistarum pontem Merium occuparunt, & grandioribus tormentis bellicis omnes illius aditus munierunt; armatique per Tempia ac Monasteria postmodum discurrentes, Sacerdotes ac Monachos ædibus suis depulerunt ac profigarunt.

Quis a lacrymis sibi temperet, qui Rmi Sonni tempore (1) intuebitur? Primus hic

Antverpiensium Præful, cum Provinciali Concilio Mechliniæ interfuisset, & in urbe insuper sua Diocesanum celebrasset, præclara multa utriusque Synodi stabilita suffragiis promulgavit; quæ dum negliguntur aut seponuntur, paucis post obitum ejus mensibus, alia rerum turbatio exoritur: & nequid ad miseriarum cumulum deesset, ab ipsis etiam prædicatoribus militibus (m) idem Clerus bonis spoliatur, anno nimirum decimo ab eo, quem Iconoclasticum omnis posteritas nominabit & detestabitur.

Exorta deinde tempestas omnium gravissima, qua omnis Ecclesiasticus ordo ipso Dominicæ Ascensionis die (n) a Calvinistis captus, atque in exilium ab hac urbe pulsus est. Exinde statim tantus hæreticorum passim in Deum, Sanctos, Tempia, Altaria, Sacerdotes, Monachos, eorumque facultates, subsēcutus est furor & rabies vere diabolica, ut vix unum sciam Templum in hæ Diocesi, quod impie barbareque non fuerit violatum. Quid perinde Christiano sanguine exundantes agros referam? in ferarum speluncas, Divorum, & bonorum domicilia commutata? vastitatem & solitudinem fecundissimæ regionis plurimum annorum intactam? tot antiquitatis monumenta diruta? Quod denique miseriarum & calamitarum genus, quo florētissimum hoc quondam Belgium non fuerit exagitatam? Quot, quantique casus capitibus nostris imminet, dum religiose instituta negligimus aut violamus? Iusto enim iudicio Deum sentit per suos hostes vindicantem, qui benignam Matrem Ecclesiam per suos Superiores non audit monentem. Fuere tamen (ut scio) in tantis tribulationum fluctibus non pauci melioris vitæ Sacerdotes, & inter populorum suorum cadavera stantes Danieles, (o) & clamantes: *Peccavimus, iniquitatem fecimus, impie egimus, & recessimus, & declinavimus a mandatis tuis ac iudiciis: non obedivimus servis tuis Prophetis, qui locuti sunt in nomine tuo. Tibi, Domine, iustitia; nobis autem confusio faciei.* Et certe nisi piorum precibus & lacrymis benignas aures Dominus commodasset, forte ut Sodoma & Gomorra periissemus. Verum iis placatus, sustulit a nobis jugum inimicorum nostrorum. Insultantem enim orthodoxæ veritati Calvinianam perfidiam repressit, & cum Farnesiana signa gloriosus miles in urbem retulisset, ipsa etiam Religionis trophæa erexit.

Sed utinam iuste flagellati, vere etiam fuisset emendati! At vero dum magnus ille Lævinus Torrentius, secundus hujus urbis Episcopus, magno religionis zelo exequi-

(1) A. 1570. (m) 1576. (n) 1579.

Tomus VIII. Concilior. German.

(o) Daniel. 9.

H h h h h h 2

equitur, quæ sui sunt muneris; reperiretque adversantes eos, quos in laboribus socios, & in agro Dominico fecundando debuerat habere concolonos; eodem ipso tempore (p) oppidum Bredanum ab hoste intercipitur, qui ad præcedentem usque annum totam hanc Diœcesim fecit tributariam, omnesque Clericorum tam foris, quam in oppidis residentium facultates dirissimis exactionibus reddidit obnoxias. Quisquamne vestrum tacite hæc secum examinans, ac tempora temporibus conferendo serio expendens, alterum (ut dixi) alterius causam extitisse non animadvertat? nec populum Clero paruisse, quod is nec suis obtemperasset maioribus? sorduisse agros tribulis, & in campis fertilissimis zizaniorum manipulos agricolam messuisse, quia sacrarum ædium vilerat cultura, & fecundior ibi vitiorum feges inveniebatur, ubi virtutum proventus uberior enasci debuisset?

Respirare nunc aliquantulum, & a nuperis induciis solatium aliquod impetrasse videmur; patet enim liberi in finitimos agros egressus: quæque a narrantibus tantum discere cogebamur, coram licet intueri, ut collapsa instaurare, integra exornare, ac labefactam disciplinam curare, melius tutiusque valeamus. Verum etsi spes aliqua affulgeat, quæ meliora omnia, securiora, & tranquilliora polliceatur; ne tamen in utramque aurem dormiamus, tranquillitatem hanc Divina Bonitas ita temperavit, ut una manu olivam, altera gladium ostentare videatur. (q) Olivam, q. i. imitatores Apostolorum, Ecclesiam Dei, dum pacem habet, in timore Domini ædificemus. Gladium vero, dum nos exteris domesticisque hostibus cinctos relinquit, ut habeamus perpetuo, quod metuemus; virga furoris, qua suos castigare solet, velut ad terrorem nobis ante oculos posita. Si quæ nos quotidie circumstant, inspiciamus; est sane quod cum timore cautius vigilemus. Nam ut vulgatissima præteream, & antiqui vulneris cicatrices nova recordatione non exulcerem; quis Pater lacrymarum imbre non madeat, & recentibus semper doloribus lancinetur, dum e gremio suo ereptas proles meretricio sinu vider confoveri, & adulterino lacte pasci filios electionis in vicinis urbibus, Breda, Berghizoma, Guilielmopoli; & Steenbergæ, eosque sub Calvinianæ perfidiæ iugo audit gemere? libereque per totam istorum oppidorum viciniam hæreseos venena incautis animis cernit infillari? An non adsunt indies in urbis nostræ visceribus, qui variis libellis, verborumque de veritate digladiationibus, falsæ

doctrinæ virus passim diffundunt? qui curiosis obtutibus actus moresque observent, ut si vel nævum in Sacerdote conspexerint, de paricidio accusent? Sudant sub illorum prælis chartæ, blasphemiarum testes & impietatis nutrimenta; nihil denique omittunt, quo hæresim propagent, Religionem orthodoxam exofam faciant, & ejusdem propugnatores infament.

Magna profecto ex his omnibus videmus nobis imminere pericula: contra quæ, & alios omnes nefarios hostium Ecclesiæ conatus, ut muniti & stabiles persistamus: imitemur veteris Testamenti Sacerdotum vestigia, qui dum sese ob inscitiam, rerum Divinarum neglectum, pravosque mores, sedibus suis cernunt ejectos, pacem nacti oppositis virtutibus Divini numinis iram placare, suumque regnum stabilire laborarunt. Impius Rex Achab ita omnem cultum Divinum prostraverat, ut Helias (r) zelo zelatus pro Domino Deo exercituum animæ suæ peteret mori: sed impetrata pace successor Regni Ezechias (s) mandat populo habitanti Jerusalem, ut darent partes Sacerdotibus & Levitis, ut vacarent legi Dei: in qua instructi populum erudirent. Judæi a captivitate Babylonica reduces, (t) noluerunt manducare de Sanctis Sanctorum, donec flaret Sacerdos doctus & eruditus. Quid mirum cum Sacerdotis sit officium (teste Domino per Malachiam (u)) alios docere: Labia Sacerdotis custodiunt scientiam, & legem requirunt ex ore ejus. Quod quidem ad novæ legis Pastores maxime pertinet, ipsi Apostoli (x) in unum congregati definierunt. Non est æquum nos derelinquere verbum Dei, & ministrare mensis; nos vero ministerio verbi instantes erimus.

O quam latus sese campus aperit, in quem uniuscujusque industria potest excurrere, & amplissimos referre manipulos animarum; ut prædicatione verbi Dei reparari valeat, quod libertas & inscitia devastarunt. An non contemplamini, quam multi passim sint extra urbis pœmeria, qui sitiunt atque esuriunt verbum Dei? præsertim qui Parochorum hætenus solatiis destituti, de Religionis nostræ mysteriis vix umquam inaudierunt, aut qui temporum potius injuria, quam suo vitio in hæresim inciderunt? aut qui ex variis disceptationibus, quibus aures inter hæreticos conversantium quotidie obtunduntur, in vera Religione vacillant? aut qui fugillant, quod ignorant, agnitamque etiam veritatem pertinaci studio impugnant? O quantum, Fratres, in hujusmodi animarum

(p) A. 1591.

(t) 2. Esdr. 7.

(q) Act. 9.

(u) Malach. 2.

(r) 3. Reg. 19.

(x) Act. 6.

(s) 2. Paralip. 31.

bus lucrificandis potest solida eruditi Concionatoris prædicatio!

Expergiscimini, si qui forte negligentia somno hæctenus torpulistis, Sacrarum Literarum cognitionem comparate. Nihil indocto Sacerdote contemptibilis, nihilque tam ipsi, quam Ecclesiæ magis noxium. Indoctus namque Pastor, cum alios docere non possit, quod ipse non didicit, ignorantia tenebris obcecatus suos relinquens subditos, cum ipsis tenebrosis mancipatur carceribus. Ignorans enim ipse ignorabitur. Unde in eos invecus merito exclamat Isaïas: (y) *Speculatores ejus nescierunt universi, canes muti non valentes latrare.* Ideoque prudenter statutum ab ipsis Apostolis: (z) *Presbyter, qui pietatem non docet, segregabitur; & si in socordia perseveret, deponatur.* Si vero temeritate quadam præsumant imperiti alios docere, animas audientium occidunt; similes puero Elisæi, (a) qui parans pulmentum filiis Prophetarum, & vim herbarum ignorans, colocyntidas agri collegit, ollæque imponens, omnes veneno suffulisset (unde & clamabant: *Mors in olla*) nisi singulari ipsius Elisæi virtute fuisset præservati.

Enimvero, si umquam, nunc vel maxime in omni scientia exercitatos Pastores Ecclesia nostra sibi vendicat, quam sciorum quotidie curiosis quæstionum argumentis audacia vellicat; & cum Scripturas tantum crepent, vicisse se jactitant, si ab imperitiis orthodoxa responsa non impetrant. Familiare hoc omnibus hæreticis fraudes suas verbo Dei palliare: ut D. Hilarius, Irenæus, alique Sanctissimi Patres observarunt, & posteritatis bono scriptis consignarunt. Memento (inquit D. Hilarius [b]) *neminem hæreticorum esse, qui se non secundum Scripturas prædicare, ea, quibus blasphematur, mentitur: omnes Scripturas sine sensu loquitur.* Et contra hos si obmutescat Pastor, quanta ovibus calamitas imminet? cecidisse doctores suos credunt, si referre adversarios non possint. Non minus doctæ, quam vere sentit hoc Innocentius Pontifex, (c) cum ait: *Error, cui non resistitur, approbatur; nec caret scrupulo societatis occultæ, qui manifesto crimini desinit obviare.* Quid Hieronymus? (d) *Sancta (inquit) rusticitas sibi prodest: & quantum edificat ex vitæ merito Ecclesiam Christi, tantum nocet, si destruentibus non resistat.* An non magnus ille Gentium Apostolus (e) Titum voluit amplecti fidelem, qui secundum doctrinam est sermonem, ut potens

esset eos, qui contradicunt, arguere? Et si Petrus (f) exoptavit Christianos semper esse paratos ad satisfactionem omni poscenti rationem de ea, quæ in ipsis est fide & spe; multo magis id exigitur a Sacerdote, cujus est in lege Domini die ac nocte meditari. An non est risui, & merito explodi solet, quisquis artis aut scientiæ alicujus Magistrum se profiteretur, cujus principia aut præcepta ignorat? Raro fidei est ornamento, subjectis utilibus, quem sacrarum rerum imperitia despiciabilem facit. *Attendite igitur vos Dei Ministri (Paulo (g) monente) lectioni, exhortationi & doctrinæ.* Amate scientiam Scripturarum, & vitia carnis (teste Hieronymo) non amabitis.

Sed nec minor nobis Divini cultus atque officii Ecclesiastici cura esse debet, ne iterum e domo orationis, tamquam ea indigni, ab irato Numine depellamur. Scimus in veteri lege ex duodecim unam tribum Levi delectam, quæ speciali cultu tabernaculo Dei, aliisque sacrificiis ritu perpetuo deserviret. Atque id Sacerdotibus per Joëlem (h) injunxit Deus, ut plorent inter vestibulum & altare, dicentes: *Pæce Domine, pæce populo tuo, & ne des hereditatem tuam in opprobrium, & dominentur eis nationes.* Hoc suum esse munus ipsi Discipuli agnovērunt, cum dicerent: (i) *Nos vero orationi instantes erimus.* Hoc ipsum in Lateranensi (k) & Tridentino (l) Conciliis Generalibus præceptum Clericis, ut per se distincte, reverenter, & devote Officium Divinum adimpleant. Quod dum facimus, Deo placemus, Angelos lætificamus, nos ipsi pietatis fructus ferimus, audientibus spiritum devotionis ingerimus; & si quis infidelis, hæreticus, aut idiora templum intrer, fateri cogitur, Deum esse in medio talium Ecclesiæ Ministrorum. Habent enim reverenter celebrata Ecclesiæ Cantica vim istam & energiam, ut, nescio, quo pietatis sensu præsentium animos mulceant, & salutarem eliciant imbrem lacrymarum. Augustinum (m) audite: *Flebam (inquit) uberius, in Hymnis & Canticis suave sonantibus Ecclesiæ vehementer affectus; voces illæ insuebant auribus meis, & eliquabatur veritas in cor meum, & suebant lacrymæ, & mihi bene erat cum eis.* Dabitis mihi veniam, si & hic iterum vel in admiratione sim vehementior, vel in increpando acerbior. Per vadit enim doloris gladius animum meum, dum Officium Divinum resque sacras tam negligenter & irreligiose quibusdam in locis

Hhh hhh 3

video

- | | | | |
|--------------------------------------|-------------------------------------|---------------------------|---------------------------------------|
| (y) Isa. 56. | (z) Can. 58. | (a) 4. Reg. 4. | (b) Hilarius contra Constant. August. |
| | Irenæus lib. 1. contra hæret. c. 1. | (c) Dist. 83. cap. eodem. | |
| (d) Hieron. ad Paulinum Presbyterum. | | (e) Tit. 1. | (f) 1. Pet. 3. |
| (g) 1. Tim. 4. | (h) Joel. 2. | (i) Act. 6. | (k) Cap. 17. |
| (l) Sess. 24. de Reform. c. 12. | (m) August. lib. 9. Confess. c. 6. | | |

video peragi atque tractari. Ad altare Dei stantes videbis subinde Sacerdotes sine ullo pietatis sensu; sordent situ aræ, & vilissimus Sacerdotalis amictus nauseabundum sæpe facit spectatorem. Audies nonnumquam quosdam tamquam scutica diabolica agitados preces Canonicas percurrere. Quantis existimatis cachinnis, opprobriisque statum nostrum exponi, dum hæc aliter sentientium mordax temeritas calumniatur? quanto gemitu deplorari, dum ista Catholicorum huc commentantium pietas spectat? quibus id fere accidere solet, ut dum sacras nostras ædes accedunt, fructum ibi aliquem ac devotionis gustum, ut putabant, percepturi, e contra indignabundi recedant. Dicam, quod sentio: Deo & Ecclesiæ quodammodo videmur contumeliosi, Sanctis Angelis tristitiam parimus, hæreticis exultationem, Catholicis verecundiam, malignis spiritibus gaudium, dum Ecclesiastica ministeria tam parum devoti administramus. Videte, seduloque perpendite; quam multa, nec levia in uno opere peccata reperiuntur. Socordiae reos nos facimus, testante Propheta: (n) *Maledictus homo, qui facit opus Dei negligenter.* De iniustitia accusabimur, qui beneficium propter officium collatum non ignoramus. Barnardum (o) audite: *Sumptus Ecclesiasticos gratis te habere reputas? bonum erat magis fodere aut mendicare.* Peccata enim populi comedis: sollicitus es, tamquam rationem redditurus pro eis. Alioqui tibi noveris ea imputanda, quæ modo inter delicias comedis, & parvipendis, & dissimulas tamquam nihil attinentia tibi. Est & hic Canonum Ecclesiasticorum transgressio & inobedientia, toties de Officio Divino & Sacramentorum administratione rite ac debite peragendo repetitorum. Denique probis ac improbis in hoc certissimum præbatur scandalum. (p) *Væ autem homini, per quem scandalum venit: expedit ei, ut suspendatur mola asinaria in collo ejus, & mergatur in profundo maris.* Scitis jam pridem a nascentis Ecclesiæ exordiis Apostolum (q) monuisse: *Nemini dantes ullam offensionem, ut non vituperetur ministerium nostrum.* Imitemur itaque veteris Synagogæ pietatem & Sacerdotes; qui cum probe cognovissent, irreligiositatem vastitati & incendio templum Jerosolymitanum exposuisse, (r) ubi a captivitate Babylonica domum reverterant, delicta pristina, Religione debita correxerunt.

Adnitendum vero maximopere, ut cæteris sanctitate vitæ præluceamus. Vos enim estis lux mundi: *Lucerna super candelabrum*

posita. Unusquisque sibi ab Apostolo (s) dictum arbitretur: *In omnibus vestrum præbe exemplum bonorum operum, ut is, qui ex adverso est, vereatur, nihil habens mali dicere de nobis.* Exegit olim a Communiis suis Princeps Apostolorum, (t) *ut forma sui gregis fierent.* Circumeunt enim hostes nostri non secus ac curiosi speculatores; & quid aliud captant, ut cum B. Augustino (u) loquar, nisi ut quisquis Episcopus, vel Clericus, vel Monachus, vel Sanctimonialis ceciderit, omnes tales esse credant, sed non omnes posse manifestari. Et cum de aliquibus, qui sanctum nomen profitentur, aliquid criminis vel falsi insonuerit, vel veri patuerit, instant, sagunt, ambiunt, ut de omnibus credatur. Idem de Apostatis nostris & fidei desertoribus judicate. Cum namque ævi hujus calamitosi sectæ, Monachis ac Sacerdotibus apostatis initia atque incrementa sua debeant, quos metu correctionis ob varia commissa flagitia ab Orthodoxæ Ecclesiæ castris defecisse constar, eosque tamen velut Apostolos atque antesignanos suos sectarii nostri suspiciant ac venerentur; quid miramur, si vel minimum Cleri nævum observent atque exaggerent, ut suas sic turpitudines regant, transfugii causas pallient, suamque hæresim stabiliant? Quæ haud dubie magna ex parte corrueat, si nos, qui Pastores & Sacerdotes nominamur, (x) sine reprehensione in medio nationis præva, bonis operibus sicut luminaria in mundo luceamus: si quod monet Petrus, (y) *benefacientes imprudentium hominum ignorantiam obmutescere faciamus: si cum Juda Machabæo, (z) pace potito, eligamus tantum Sacerdotes sine macula, voluntatem habentes in lege Dei.*

Cum itaque post cruentissima tot annorum bella, aliqui nunc pace & tranquillitate perfruamur; adlaboremus, ut & ipsa ad finem a Deo destinatum utamur. Finis autem pacis est, ut in sanctitate & iustitia Deo serviamus: *Iustitia enim & pax osculate sunt.* Id suo exemplo nos docuerunt Apostoli, Actorum (a) testante historia: *Ecclesia quidem per totam Judæam & Galileam & Samariam habebat pacem, & edificabatur ambulans in timore Domini, & consolatione Sancti Spiritus replebatur.* Monet Paulus: (b) *obsecrationes, orationes, postulationes fieri pro Regibus, & omnibus, qui in sublimitate sunt, ut quietam & tranquillam vitam agamus in omni pietate & castitate.* Quare magnis animis ad meliora omnia mentes vestras erigite, stete in Christiano pulvere contra inimicam manum pro Sacrosancti

(n) Jerem. 49.

(q) 2. Cor. 6.

(u) August. epist. 137.

(a) Act. 9.

(o) Bernard. ad verba:

(r) 2. Esdr. 10.

(x) Philip. 2.

(b) 1. Tim. 2.

Ecce nos reliquimus.

(s) Tit. 2.

(y) 1. Pet. 2.

(p) Lucæ 17.

(t) 1. Pet. 5.

(z) 1. Machab. 4.

sancti Tridentini Concilii Decretis. Nuperæ Provincialis Synodi Statuta amplectimini : & quidquid Dioecæsana hac Congregatione firmabitur , ratum gratumque habetote. Si vero salutaria hæc reformationum Decreta , tergiversando prompte exequi neglexerimus , Deumque per Ecclesiæ Præfectos monentem contempserimus ; Divinæ vindictæ flagella , juratos inquam Religionis nostræ hostes , cervicibus nostris circumquaque imminentes atque insultantes , non effugiemus. (c) *Ecce enim oculi Domini super regnum peccans , ut conterat illud a facie terræ.* Eritque posterior vindicta priore gravior & acerbior. Viderat Jeremias (d) *primo virgam vigilantem , post ollam succensam.* Virgam hæctenus quasi vigilantem sensimus , qua nos a veterno negligentia voluit Dei benignitas excitare : si somno ignorantia & impietatis manemus immergi , olla imminet succensa furore Domini , qui consummet & eradat nomina nostra de terra viventium. Si vero ad meliora properando , salutaria hæc monita cum omni alacritate

complectimur ; Religionem Orthodoxam , statumque Ecclesiæ hic conservandum , propagandum , firmiterque stabiliendum confidimus in Domino , qui per Prophetam (e) promissit : *Si gens egerit penitentiam a malo suo , quod locutus sum adversus eam , agam & ego penitentiam super malo , quod cogitavi , ut facerem ; & subito loquar de gente & regno , ut ædificem & plantem illud.* In quo regnum Dei hic plantando atque ædificando , si nos , qui ad operandum in vinea Domini vocati sumus , sedulo cooperemur ; si ut boni milites Christi , vallati muro sanctitatis , instructi armis scientiæ , & virtutum omnium exercitu stipati , contra hostes Ecclesiæ fortiter dimicemus ; amplissimos Divinæ benedictionis ac repromissionis cum in hac , tum in futura vita manipulos referemus. Denique ut cum D. Gregorio , sicut exorsus sum , ita & finiam ; id a DEO Opt. Max. impetrabimus , ut Sacerdotalis Ordo , qui dum intus cecidit , foris diu stare non potest , ita dum intus restitueretur , foris quoque firmiter atque æternum stabiliatur.

DECRETA

SYNODI DIOECESANÆ ANTVERPIENSIS,

Præsidente Reverendissimo in Christo Patre , ac Domino,
D. JOANNE MIRÆO, Episcopo Antverpiensi,
habitæ.

INDEX TITULORUM.

- | | |
|---|--|
| TIT. I. De Fidei restituendæ , conservandæ , ac propagandæ studio. | XVI. De Archi-Presbyteris , Pastoribus , Capellanis , & Custodibus. |
| II. De Sacramentis in genere. | XVII. De vita & honestate Clericorum. |
| III. De Sacramento Baptismi. | XVIII. De Beneficiis & Officiis Ecclesiasticis , Beneficiatorum Residentia , oneribusque Beneficiorum , & Fundationum adimplendis. |
| IV. De Sacramento Confirmationis. | XIX. De Scholis. |
| V. De Sacramento Penitentia. | XX. De Seminariis. |
| VI. De Indulgentiis. | XXI. De conservatione , recuperatione , & recta administratione bonorum Ecclesiasticorum. |
| VII. De Sanctissimo Eucharistiæ Sacramento. | XXII. De Templis. |
| VIII. De Sacramento Extremæ Unctionis , Testamentis , & Sepulturis. | XXIII. De Regularibus. |
| IX. De Ordine. | XXIV. De Visitatione. |
| X. De Sponsalibus & Matrimonio. | XXV. De Foro , & Jurisdictione Ecclesiastica. |
| XI. De Prædicatione verbi Dei. | |
| XII. De Officio Divino. | |
| XIII. De Festis & Jeuniis. | |
| XIV. De Imaginibus. | |
| XV. De Superstitionibus. | |

TITU.

(c) Amos 6.

(d) Jerem. 1.

(e) Jerem. 18.

TITULUS PRIMUS.

De Fidei restituendæ, conservandæ ac propagandæ studio.

CAPUT PRIMUM.

CUm triginta jam fere annis, Episcopatus Antverpiensis variis tempestatum fluctibus fuerit agitat; quippe qui aliquo tempore totus sub hæreticorum iugo gemuerit; multis in locis ab habitatoribus desertus, majori ex parte Pastorum solatio destitutus fuerit, atque nunc hæreticis partim cinctus sit, partim immistus; dubitari non potest, quin Religio Catholica, & disciplina Ecclesiastica multum passim in eo sit labefactata. Quare ad eam restituendam, conservandam & propagandam, summa sollicitudo atque omne studium sunt adhibenda.

CAPUT II.

Fides cum sit ex auditu, Pastores numquam omittant per se, aut impediti legitime per alium, diebus Dominicis & Festivitatibus solemnioribus populo suo prædicare verbum Dei.

CAPUT III.

In omnibus Scholis, post librum alphabeticum, Catechismus Episcopatus Antverpiensis vernaculus minor doceatur, aut Provincialis. * In Latinis vero, ubi pueri latine intelligunt, semel in hebdomade Catechismus Canisii: quem ab ineunte ætate discipuli memoriter discant. Et post ultimam lectionem cujusque diei, Ludimagister, aut discipulus maxime idoneus, elata voce per particulas seu periodos rudimenta fidei prælegat, & discipuli omnes quemlibet articulum aut periodum distincte pronuntiando repetant.

CAPUT IV.

Ut sine ulla dilatione in omnibus Parochiis, aut Capellis sub illis sitis, institutur catechizatio sive institutio in doctrina Christiana; ultra media a Concilio Provinciali, & super illo edito edicto Serenissimorum Principum præscripta, addantur & hæc: Imprimis, ut quilibet Parochus per se (ubi id per alium Ecclesiasticum non fit) singulis diebus Dominicis hora prima pomeridiana, dato pulsu campanæ, catechi-

zet; ubi id per alium fit, ipse, cum potest catechizationi intersit, eamque dirigat; & inducat Rectores fabricæ & mensæ Sancti Spiritus, aliosque viros probos, & honestas matronas, ad charitatis officia præstanda promptos, ut sua præsentia & operâ tam sanctum opus modis omnibus, quibus possunt, promoveant: petatque Pastor a quolibet Magistratu unum alterumve virum pium, honestum, & talium rerum amantem, qui una cum ipso catechisticos continuationi, & bono ordini superintendant.

CAPUT V.

Ad hunc Catechismum teneantur Ludimagistri & Ludimagistræ ducere suos discipulos: pueri vero a sexto ætatis anno usque ad decimum quintum qui Scholas quotidianas non visitant ob pauperatē, describantur a committendis a Magistratu loci, qui & eo compellantur, venire sub pena, qua parentes, aut ii, quibuscum habitant, mulctentur: in quem finem suspendatur catalogus in Scholis, qui singulis vicibus legatur, & absentes requirantur; quos si contigat sæpius sine causâ legitima abesse, deferantur ad superintendentes castigandi; & Rectores mensæ pauperum eleemosynas, dari solitas parentibus, qui suas proles non mittunt ad hunc Catechismum, suspendant. Si vero animadvertatur, quod catechizatio fieri commode non possit hora prima, fiat aut mane post Missam matutinalem, aut summam Missam: ita tamen ut semper sit certa hora; & quantumcumque pauci convenient, non ideo omittatur.

CAPUT VI.

Hortamur etiam in Domino omnes Parochos, ut confraternitatem doctrinæ Christianæ in sua Parochia erigant, suisque Parochianis opus hoc charitatis instituendi proximum, sedulo commendent, & Indulgentias a variis Pontificibus ad id promovendum concessas promulgent; easque in tabulis descriptas, in sua Ecclesia suspendant.

CA-

CAPUT VII.

In promulgatione istarum Indulgentiarum singulis annis promerendum in Dominica infra octavam Epiphaniæ, qua Evangelium proponitur de Christo invento in templo in medio Doctorum, capient Concionatores & Confessarii occasionem commendandi suis auditoribus, ut salubre hoc negotium modis omnibus, quibus possunt, promoveant.

CAPUT VIII.

Ut etiam pauperiores ea, quæ salutis sunt, discere possint, emanant sumptibus mensarum pauperum vel communitatum libelli Catechismi, & præmia ad pueros excitandos.

CAPUT IX.

Ne hæresis, malorum omnium maximum, gregem Dominicum inficiat: advigilent Pastores, & in concionibus suis sæpe moneant, nullo modo vere Catholicis licitum esse hæreticas conciones visitare, ab iis Sacramenta suscipere, eorumque sectæ ullis exercitiis interesse; libros quoscunque contra Ecclesiam, Religionemque Catholicam, ad Ecclesiasticorum ordinum ac graduum contemptum conscriptos, aut aliquo alio modo scandalosos vel suspectos legere, vel apud se retinere, aut ullis actibus externis (licet corde aliter credant) hæresim profiteri, aut probare vel simulare. Exponentque gravitatem huius peccati, pœnas, censurasque Ecclesiasticas contra tales constitutas, easque suis auditoribus in concione quotannis prima Dominica Quadragesimæ, & Dominica in Septembri, qua indicendum est jejunium Quatuor Temporum, notificent.

CAPUT X.

Quamvis propter præsentem Reipubl. itarum saluberrimas verbi Dei monitiones, & Sanctissima Ecclesiæ de vitandis hæreticis Statuta exacte observari vix possint; frequenter tamen Pastores inculcent, quanto studio eos vitandos docuerint Christus Dominus,

Apostoli, Sanctique Patres, ob certum cum eis conversantibus imminens periculum: ideoque saltem, quantum per rerum ac necessitatum cujusque rationem licebit, a familiaritate, imo consortio eorum abstinere unumquemque sedulo oportere.

CAPUT XI.

Si animadvertat Pastor aliquem prævæ religionis seu incolam, seu advenam in suo grege hæresim disseminare, libellos distribuere, de fide disputare, præcepta Ecclesiæ violare, aut scandala aliqua facere, statim eum conveniat, & cum omni modestia moneat, eique duo Serenissimorum Principum hac de re Edicta promulgata (quæ omnes Pastores habere volumus) lægenda exhibeat: si incorrigibilem animadvertat, ad Nos, Officiale nostrum, aut loci Officarium, corrigendum deferat. At ut Pastor, quantum in se est, impediatur, ne cancer ille inter suos serpat, observet inter cætera ea, quæ in titulo de Archi-Presbyteris & Pastoribus constituta sunt, in prima Synodo Provinciali Capite decimo, in postrema Cap. 8. & in hac Diocesana C. 8. 9. 11. 12. 13. 14. 16. 17. & 18.

CAPUT XII.

Monendi frequenter a suis Parochis Catholici, qui vitare non possunt, quin cum hæreticis subinde conversentur, ne cum iis de fide disputent: id enim Laicis non licere tum res ipsa loquitur, tum Constitutio Pontificia (a) ac Serenissimorum Principum nostrorum Edictum prohibet: si vero disputare velint, respondeant sui officii non esse cum iis disputare, (hoc enim ad Pastores & Doctores pertinet) sed pro ipsorum salute orare juxta D. Augustini (b) salubre consilium, sive præceptum. Et Apostolum docuisse Timotheum, dicentis: Noli contendere verbis, ad nihil enim utile est, nisi ad subversionem audientium. Ac Constantinum Magnum (c) monuisse sui temporis Catholicos, de dogmatibus hæreticorum nec omnino rogandum, nec

(a) C. Quicumque, de vitand. hæreticis. & de natura & gratia. c. 25.

(b) Lib. De dono perseverantiæ, cap. ult.
(c) Euseb. Lib. 2. de vita Constant. c. 67.

nec ad rogata respondendum. Et Basilium Magnum (d) respondisse Demostheni laico secum disputari volenti: Tuum est de coquina loqui. Si autem in mensis aut alias loco importuno disputationes moventur, vel argumenta hæreticorum in medium proferuntur, præsentibus Pastoribus, vel Sacerdotibus, moneant illi eos, ut ad se solvantur seorsim instituendi, & audituri solutionem argumentorum, quæ eis scrupulum faciunt; & tunc eorum conversationi ita solidis rationibus incumbant, & in spiritu lenitatis cum illis agant, ut ex compassione & sincera charitate ipsorum salutem vere quæri intelligant.

CAPUT XIII.

Qui ab hæresi ad Religionem Catholicam convertuntur, antequam Ecclesiæ reconcilientur, facient Professionem Fidei juxta formam a PIO Quarto præscriptam; & libros omnes hæreticos, quos apud se habent, tradent suis Confessariis. Et ad fidem conversi, moneantur stabilire cor suum per Sacri Chrismatis susceptionem, & Sacramentorum Pœnitentiæ atque Eucharistiæ frequentationem, nec non conciones & monitiones sæpe audiendo, piosque libros legendo.

CAPUT XIV.

In prima vísitatione Ecclesiarum Collegiatarum facient Professionem fidei omnes Canonici & Capellani, ut & in prima vísitatione Decanorum Christianitatis omnes Pastores, Vice-Pastores, Ecclesiarumque Parochialium Capellani, Ludimagistri, & Ludimagistræ, & Obstetrices, nec tantum summariam, sed integram juxta dictam PII IV. formam; quam singulis annis Ludimagistri coram Scholastico, & Obstetrices coram Nobis, aut Vicario nostro Generali reperent postmodum Circumcisionis Domini in Civitate: alibi vero coram Decanis Ecclesiarum Collegiatarum, ubi sunt; alias Ruralibus in vísitatione. Idemque juramentum Pastores & Beneficiarii omnes, antequam admittentur impofterum ad possessionem suorum beneficiorum, in manibus Decani ruralis emittent.

CAPUT XV.

Quoniam in Civitate Antverpiensi plurimæ sunt Typographiæ & Bibliopoliæ, eoque ex omnibus orbis partibus varii deferuntur libri, advigilent librorum Censores, alique, qui a Nobis ad hoc deputantur, ut omnes Typographi & Bibliopolæ exacte observent, quæ in Synodo Provinciali Edicto Serenissimorum Principum desuper edito, aliisque illorum ordinationibus sancita sunt, & singulis annis 2. Januarii coram Nobis, aut Vicario nostro Generali iidem renouent Professionem fidei juxta formam a PIO Quarto propositam, promittantque se omnia & singula Constitutionibus, Edicto, & ordinationibus antedictis Decreta observaturos, exempla quoque istorum omnium habeant penes se, servent, ac sæpe relegant.

CAPUT XVI.

Quando librorum sarcinæ Antverpiam advehuntur, teneantur, antequam illas aperiant, advocare duos Deputatos, qui omnes libros diligenter inspiciant, neque ullos vendi permittant, qui suspecti sunt, sed eos statim auferant. Quia vero hominum nequitia adinvenit indies dolos, dum inter cætera venenum propinatur ementito loco impressionis, aut specioso libri titulo commendantur; requirimus & hortamur, ut singulis annis a Typographis duo nominentur, qui simul cum dictis Deputatis apertioni sarcinarum & vísitationi Offinarum interfint, fraudesque, quæ in rebus hujusmodi committi solent, deregant, & cum iisdem in omnibus advigilent.

CAPUT XVII.

Sciantque non tantum prohiberi libros in Catalogo librorum prohibitorum nominatim insertos, sed & alios omnes, qui etsi ex professo de hæresi non tractent, tamen sub alio argumento indifferenti immiscent hæretica dogmata contra Catholicam fidem, scandala, scommata, abusus Scripturæ Sacræ, aliaque similia. Et quicumque tales libros inferre, legere, aut aliis legendos tradere, aut apud se detinere de-

pre-

(d) Theod. L. 4. c. 17.

prehenfus fuerit, nostro Officiali denuntiatur graviter coercendus.

CAPUT XVIII.

Ut Sanctio Serenissimorum Principum nostrorum, qua vetuerunt ab aliis, quam juratis Bibliopolis libros vendi, fervetur, mandamus Censoribus, ut jure contra eos coram Officiali nostro agant, qui Antverpiæ in Peristylis, seu Bursa, ut vocant, aliisque locis libros venales exponunt, cum jurati Bibliopolæ non sint. Idemque contra veteramentarios vestium venditores, & alios quoscumque, qui simile attentaverint, stricte fervetur. Invigiletur etiam, ne in sarcinis sub aliis mercibus importentur libri perniciosi ad quoscumque tandem.

TITULUS II.

De Sacramentis in genere.

CAPUT I.

IN administratione Sacramentorum proponant sibi Sacerdotes, ut tamquam Ministri Domino suo placeant conscientia puritate & vita innocentia, ideoque præcaveant, ne Sacramenta administrent, dum se culpæ graviori sentiant obnoxios, sed statim se confessione expurgent. Quare ut parati semper esse possint, hortamur & requirimus, ne umquam ultra hebdomadam peccatorum suorum confessionem differant.

CAPUT II.

Si quis (quod absit) potus, vel aliter indispositus atque inidoneus ad ministrandum Sacramentum acceperit, five is Pastor, aliuse Sacerdos, five Matricularius fuerit, juxta irreverentiæ enormitatem graviter punietur.

CAPUT III.

Pastor requisitus ad ministrandum Sacramentum, statim sit paratus ac facilis, nec sese prætextu horæ importunæ, temporis incommodi, alteriusve occupationis, multo minus convivii, excuset, aut durioribus verbis petentes Sacramenta excipiat, & per se administret, quando id sine magno incommodo fieri potest: ac ubi populus est numerosior, bis in die, mane circa horam

Tomus VIII. Concilio. German.

septimam, & vesperi sub Laudibus, in Templo sese præsentem exhibeat omnibus opera illius uti volentibus.

CAPUT IV.

Pastor domo discedens Custodi significet, ubi inveniri possit: si vero a petentibus Sacramentorum administrationem diligenter quæsitus non facile reperiat, & ob absentiam aut moram Pastoris suboriat a præsentibus murmuratio aut scandalum, aut sit in mora periculum, poterit tunc alius ejusdem Ecclesiæ Pastor (si plures sint) aut Vice-Pastor, & in casu necessitatis Cappellanus (alias idoneus) administrare Sacramentum, Matrimonio dumtaxat excepto.

CAPUT V.

Quoniam cum omni diligentia circa Ecclesiæ Sacramenta versari oportet Pastores, semper penes se reservent claves repositorii Venerabilis Sacramenti, Baptismatis, & sacrorum vasorum: ex necessitate absentes, viris probatis custodiendas committant: graviter puniendus, qui ista neglexerit.

CAPUT VI.

Sacra Olea quotannis Archi-Presbyteri rurales a Nobis, ab Archi-Presbyteris Pastores in loco sacro distribuenda omnes per se ipsos, aut alium Sacerdotem, aut alium in aliquo Ordine sacro constitutum petant & ferant; eaque in vasis honestis & mundis (vase in quo oleum infirmorum conservabitur; ab aliis sejuncto) decenter custodiant, ac statim ad Ecclesiam suam deferant.

TITULUS III.

De Sacramento Baptismi.

CAPUT I.

UBicumque in Ecclesiis Parochialibus dirutus est fons Baptismalis, restituitur ex lapide solido, ne ex eo aqua effluat, sitque figuræ rotundæ; & latitudinis circiter duorum pedum, fixusque loco commodo constituatur a latere sinistro portæ Occidentalis, juxta antiquam Ecclesiæ observationem, semperque sub sera clausus, cujus clavem servet Pastor.

liliii 2

GA-

CAPUT II.

Extra Fontem sacrum nemo baptizetur, nisi forte quem periculum ad Ecclesiam deferri non permittit. Quod ubi contingit, in huiusmodi Baptismo, qui domi fiet, adhibeatur quidem Baptismi forma, sed postmodum proles ad Ecclesiam deferatur, ibique cærimonix præscriptæ suppleantur. Si quis secus fecerit, poena arbitraria puniatur.

CAPUT III.

Sciant Catholici non licere sibi suscipere infantem, qui a Ministro hæretico baptizatur, cum susceptor sit apud Deum fidei iussor de adhibenda cura prolis susceptræ in vera fide instituendæ: quinimo tenentur Patrini laborare, ut ad fidem Catholicam convertantur ii, quos in Ecclesia Catholica susceperunt, si in hæresin fuerint prolapsi.

CAPUT IV.

Pastores non admittant ad suscipiendas proles eos, qui ebrii sunt, aut hæretici, aut de hæresi suspecti, aut alias scandalosæ vitæ, & juniores, qui nesciunt rudimenta fidei.

CAPUT V.

Cum variæ quotidie audiantur querelæ de abusu pluralitatis Patrinarum, & conviviorum in puerperiis, præsertim in pagis, statuimus, ut Pastores, quotiescumque infantem baptizaturi sunt, ante inchoatum exorcismum clara voce denuntient tantum unum, aut ad summum unum & unam posse esse Susceptorem seu Susceptricem, eorumque nomina describat: qui in hac re negligentes fuerint, nostro arbitrio corrigentur, sæpiusque moneat Pastor suos parochianos de abusu conviviorum in puerperiis instituendorum vitando.

CAPUT VI.

Mulier, quæ Antverpiæ ad obstricandum admissa fuerit, antequam officium suum exerceat, tenebitur sese præsentare Vicario nostro Generali, alibi vero Decano Christianitatis, aut saltem Pastori loci, ut ab eo examinetur, an sciat substantialia Sacramenti Baptismi, & faciat Professionem fidei integram, promittatque se denunciaturum

ram Pastori parochiæ eos, qui ultra tertium diem Baptismum infantium differunt, & eos, qui ab hæreticis infantes baptizari curant, aut permittunt. Si qua vero aliquid horum præstari noluerit, aut monita neglexerit, aut hæresi infecta fuerit, ab officio suo suspendatur, aut amoveatur. Tenebuntur Pastores huiusmodi obstetrices, & parentes infantium ultra tertium a nativitate diem Baptismum differentes, aut apud hæreticos proles suas baptizari curantes, aut permittentes, Nobis, aut Officiali nostro denunciare.

CAPUT VII.

Ab hæresi conversi si baptizandi, aut iis cærimonix Ecclesiæ sint adhibendæ: priusquam id fiet, hæresin abjurent.

CAPUT VIII.

Infantes ex illegitima copula, nati non deferantur ad Ecclesiam cum aliqua solemnitate, neque illorum matres a puerperio surgentes purificentur, neque signa, honestis matronis dumtaxat debita, illis exhibeantur; quale est ostii annulum fascia linea obligare, &c.

CAPUT IX.

Habeatur diligens ratio de expositiis, ut diligenter inquirant Pastores, an baptizati sint, nec ne: si dubitent post inquisitionem diligentem, sub conditione baptizentur.

TITULUS IV.

De Sacramento Confirmationis.

CAPUT I.

Postquam Parochus de constituto die Chrismatis administrandi fuerit admonitus, perquirat diligenter, qui confirmandi sunt, in Parochia etiam per singulorum domos circumeundo, si id commode fieri potest, & die Dominico aut Festo præcedente ex professo doceat populum suæ curæ & custodiæ commissum, ea omnia, quæ ad Sacramentum debite recipiendum pertinere intelliget; & ut paratiores fideles ad hoc accedant, illius sanctitatem, utilitatem, & hoc rerum statu necessitatem exponat, & nomen Confirmationis explicet, quod idiomate nostro

Worm-

Borimfel, seu *Broomfel*, id est, robur, significat. Et doceantur, a Christo Domino institutum ad spiritale robur, virtutem & fortitudinem animi ad fidem profitendum dandam. Declaret insuper materiam, formam, effectus, ejusque caerimonias & qualitates in suscipientibus requisitas, Parrinorum officium; aliaque omnia, quæ eo spectant, ex probatis Auctoribus aperiat: ut intelligentes se hujus Sacramenti beneficio contra diaboli, carnis, mundi, hæreseosque insidias spiritu principali confirmari, atque muniri; Christique milites fieri, ardentiori animo, totisque viribus ad dimicandum toto vitæ suæ tempore, & coronam victoribus paratam apprehendendam, sese comparent.

TITULUS V.

De Sacramento Pœnitentiæ.

CAPUT I.

CUM in confessionum auditione sit positum incredibile momentum ad seriam emendationem vitæ ipsius populi; studiose in hoc incumbant Confessarii, ut in confessionibus audiendis magnum fructum faciant, pœnitentibus salutes pœnitentias injungant, & salubria consilia ad peccata vitanda & serio vitam corrigendam suggerant; quale est in primis, ut frequenter confiteantur & communicent, saltem singulis quinque aut quatuor majoribus Solemnitatibus.

CAPUT II.

Confessarii, ubi rudiores esse perspiciant, suos pœnitentes, diligenter examinent, an sciant necessaria ad salutem: & ut in iis instrui se curent, sedulo & serio admoveant.

CAPUT III.

In singulis Diœcesis nostræ Parochiis quotannis in Dominica Passionis publicetur *C. Omnis utriusque sexus*, x. de Pœnit. & Remiss., inculcentque severe illud esse observandum: & post Dominicam in Albis animadvertant quinam defuerint, quos monebunt, officii sui, alioquin extra Ecclesiam ejiciendos, & ad sepulturam Ecclesiasticam non admittendos, & ad Nos, vel Officiale nostrum deferendos.

CAPUT IV.

In pagis, qui se allegabunt in Paſchate alibi confessos esse, testimonio Confessarii id doceant.

CAPUT V.

Pauperes, qui a mensa S. Spiritus subsidium habere solent, si non docuerint de annua confessione, ab eleemosynis suscipiendis suspendantur, donec debito officio satisfecerint.

CAPUT VI.

Casus Episcopo reservati sunt ii, qui in prima Synodo Provinciali Mechliniensis, (*) *Tit. De Sacramentis*, C. 6. & in Pætorali expressi sunt.

CAPUT VII.

Propter præsentem tamen hujus temporis statum concedimus facultatem absolventi a casibus Nobis reservatis, quando crimina publica & notoria non sunt, omnibus Pætoribus & Superioribus Ordinibus, qui externorum confessiones audire solent.

CAPUT VIII.

Hortamur in Domino omnes Medicos, ut tamquam viri boni & Catholici in visitatione infirmorum Bullæ PII V. quæ incipit: *Sugra gregem*, sese conforment; qua sancitur, ut infirmos in lecto jacentes ante omnia moneant, ut idoneo Confessori omnia peccata sua confiteantur, neque tertio die ulterius eos visitent, nisi longius tempus infirmo Confessor ob aliquam rationabilem causam concesserit, & eis per fidem a Confessore in scriptis factam constiterit, quod infirmi peccata sua confessi fuerint: eosdemque rogamus, ut, si quos forte fidei Catholicæ non satis addictos tergiverſari animadverterint, Pætori ex charitate statim velint denunciare.

CAPUT IX.

Qui infirmorum confessiones excipient, si Pastores non sint, scripto in domo decumbentium relicto, aut aliter de excepta confessione Pætori fidem faciant.

CAPUT X.

Pastores numquam different excipere infirmorum confessiones in tempus, quo simul deferant Venerabile

lii iii 3

Sacra-

(*) Sub Illmo & Revmo Domino D. Antonio Perrenot Tom. nostro CC. VII. pag. 608.

Sacramentum, excepto casu necessitatis, aut talis reconciliationis infirmi, quæ brevissimo tempore queat peragi; alioqui se puniendos a Nobis pro ea culpa intelligant.

CAPUT XI.

Sedes confessionales fiant loco conspicuo: neque temere Confessarii de uno loco ad alterum, potissimum in majoribus Festivitatibus, excurrant, cum id sæpe magnæ murmurationis causam multis præbeat.

CAPUT XII.

Quoniam usuræ hoc tempore variis quæsitis coloribus sub specie recti, & titulis mutui dati ad interesse, in deposito Cambii, aliisque nominibus diversimode pallientur, studiose perquirant & examinent Confessarii suos pœnitentes, an tituli illi, quibus sese pecuniam cum asscuratione sortis & certo lucro mutuam dedisse dicunt, sint veri, an vero tantum imaginarii & usuræ pallia: & si solido fundamento contractus usurarios esse deprehenderint, non prius illos absolvant, quam usuris restitutis, aut saltem pro prima vice firmiter restitutione promissa: si secundo redierint, non absolvantur, nisi ipsa restituerint. In quem finem diligenter legant Bullam SIXTI V. *Execrabilis avaritiæ*, contra huiusmodi usuras palliatas editam, ex auctoritate PAULI V. per Illustrissimum Dominum D. GUIDONEM BENTIVOLIUM, Archi-Episcopum Rhodiensem, Nuntium Apostolicum recipi mandatam in Belgio.

TITULUS VI.

De Indulgentiis.

CAPUT I.

Nemo Indulgentias publice, nisi a Nobis prius examinatas & probatas: & qui in Ecclesiis suis aliquas se habere prætendunt Indulgentias novas aut antiquas, aut forte aliquando a Prædecessoribus nostris aut Nobis approbatas, eas iterum exhibere ante trimestre, aut saltem antequam de novo eas publice, teneantur.

CAPUT II.

Quando in aliquo Festo concessæ sunt Indulgentiæ, illudque juxta Ru-

bricas transfertur, promulgentur Indulgentiæ promerendæ eo die, quo illud Festum a populo celebrabitur.

TITULUS VII.

De Sanctissimo Eucharistiæ Sacramento.

CAPUT I.

Ubi numerosior est populus, singulis diebus Dominicis, certa hora exponatur Venerabile Sacramentum in altari alicujus Capellæ, debite luminaribus, aliisque ornamentis instructo, ut ad Communionem accedere volentibus paratum esse possit; illudque cum maxima & debita reverentia semper administretur. Ablutio autem non datur ex calice. Et solemnioribus Festivitatibus in Parochia numerosiori semper sit aliquis Sacerdos ad altare a mane usque ad meridiem, petentibus Sacramentum administrare paratus.

CAPUT II.

Quando hostiæ pro communicaturis parantur, prius a Pastore gustentur, an sint, quales esse debent.

CAPUT III.

In Parochia quemque sua in Paschate ad Sacram Synaxin accedere cum oporteat, non satisfaciunt communicantes in aliis Ecclesiis quorumcumque etiam Ordinum privilegiatorum: quod in Dominica Passionis in Parochiis publicent Pastores, una cum Decreto Concilii Lateranensis de Communione in Paschate facienda: ut in *C. Omnis utriusque sexus. Ext. De penitentis & remiss.* & in Pastoralis Mechl.

CAPUT IV.

Quoniam compertum est iis locis, ubi in publicis oneribus imponendis ratio ac tempus taxandi desumitur ex sumptione Ven. Sacramenti (ut scilicet censeantur juniores; eoque nomine ab huiusmodi oneribus immunes, qui nondum ad mensam Domini acceperint) fieri, ut adolescentes & juvenes a Sacra Communione retardentur, eamque in decimum octavum vel ulteriorem annum multi differant; inhibemus huiusmodi Collectoribus, vel quocumque nomi-

nomine censeantur, ne in onerum publicorum partitionibus, in posterum hanc rationem ineant, sed certam potius ætatem taxandis designent.

CAPUT V.

Tabernaculum Ven. Sacramenti plerisque in locis eversum, sollicitus fit Pastor, ut id restituatur: quod fiat vel in medio altaris, vel in pariete a Septentrione juxta altare, extrinsecus decore depictum; ejusque ostiolum aliqua cortinula sit tectum, intrinsecus autem panno colorato tabernaculum sit circumvestitum, ac circumquaque firmissimum ac tuto clausum. Tabernaculum vero sub ipso dumtaxat Ven. Sacramenti vase, candido semper corporali sit stratum.

CAPUT VI.

In qualibet Parochia ut minimum duo sint vasa, in quibus Sacra Hostia conserventur. Unum, quod veteri vocabulo Ecclesiastico Ciborium vocamus, in quo reponantur Sacra Hostia communicantibus distribuenda, quo etiam uti licebit, dum Venerabile Sacramentum ad infirmos deferatur. Alterum vero vasculum sit hierotheca pellucida, quam vulgo Monstrantiam appellant: cujus usus sit Venerabili Sacramento deferendo in publicis processionibus, vel cultus & adorationis causa proponendo super altare; quæ hierotheca idcirco intra columnellas ita crystallo transparenti circumdetur, ut Sacra Hostia perspicere possit.

CAPUT VII.

Abusus, qui in Civitate Antverpiensi frequens est, ut ad ægros deferatur Ven. Sacramentum sub tempus vespertinum, paulatim tollatur: moneaturque populus, ut ægri, quantum potest fieri, jejuni tantum hoc Viaticum percipiant, adeoque tempestive sibi illud administrari postulent, non expectantes tempus ultimæ necessitatis. Numquam tamen Pastor tempore nocturno, aut alias quantumvis importuno vocatus, cum id infirmi status postulat, ab officio faciendo sese excuset; gravissime puniendus, cujus culpa infirmus non munitus Sacramentis ex vita decesserit. Monebunt Pastores

suos Parochianos, quando tempore nocturno aut cum tenebræ sunt, sibi volunt infirmi administrari Sacramentum, deducant secum unum, atque alterum virum probum Pastori notum.

CAPUT VIII.

Quoniam in Processionibus, quas vocant Dedicationum, contingit multas insolentias plerumque committi, & quædam inepta & lasciva immisceri, (quæ tamen non esse toleranda decernimus) omnino prohibemus in illis Ven. Sacramentum circumferri: Pastor, qui secus fecerit, in multam decem florenorum, aut majorem nostro arbitrio incidat.

TITULUS VIII.

De Sacramento Extremæ Unctionis, Testamentis, & Sepulturis.

CAPUT I.

Quando Pastor ex suis subditis infirmum esse sciet, de quo veretur, ne negligentia aut malignitate domesticorum seu propinquorum non munitus Sacrosanctis Ecclesiæ Sacramentis moriatur, adibit ædes infirmi etiam non vocatus, dicetque se ex charitate & nomine sui officii tamquam bonum Pastorem oviculam suam invisere; monebitque infirmum de habenda cura suæ salutis, & susceprione Sacramentorum, frequenterque eum visitabit, potissimum si videat morbum augeri, habeatque libellos, qui modum adjuvandi infirmos describant, aliosve: & invigilet, ne ad eos irrepant novatores illi, qui sese falso vocant *Sietzen-troosters*. Ubi vero per occupationes Pastori non licet, submittat ipse, aut moneat infirmum, ut advocetur alius Sacerdos & vir Religiosus, qui morti proximum, in luctu contra serpentem calcaneo hominis insidiantem, adjuvet: ac sciant Pastores ab hujusmodi charitatis officiis, præter meritum apud Deum, multum sibi subditorum conciliari animos.

CAPUT II.

Numquam patiantur Pastores corpus alicujus quantumvis pauperis ad sepul-

sepulturam deferri sine præsentia Sacerdotis, ac multo minus sepeliri sine debitis cæremonis in Pastoralibus præscriptis. Celebraretur porro pro pauperibus una Missa sumptibus Eleemosynariorum aut mensæ Sancti Spiritus, si aliunde media non suppetant.

CAPUT III.

Nulli liceat jura funeralia auctoritate nostra stabilita, & antiquissima consuetudine probata, propria præsumptione augere: nec Custodi aut Ministris Ecclesiæ permissum sit aliqua jura exigere, nisi à Pastore loci in Parochiis, aut in aliis Ecclesiis ab aliquo ad hoc deputato aut deputando descripta; qui omnia jura funeralia, quæ aliquo modo ratione funeris debentur, bene examinata subsignabit.

CAPUT IV.

Post mortem alicujus Parochiani inquirat Pastor, an defunctus pia aliqua legata reliquerit, advigiletque, ut executioni mandentur, eademque indicentur Sigillifero aut Archi-Presbytero rurali illius Districtus. Monemus autem serio hæredes & testamentorum Executores, ut si quæ per defunctos fundationes piæ institutæ erunt, eas denuntient, ut acturum registrentur, atque in Archivis nostris servanda reponantur.

TITULUS IX.

De Ordine.

CAPUT I.

INsigniendi tonsura Clericali aut minoribus Ordinibus, Nobis se sistant Feria quinta septimanæ ejus, qua conferendi sunt Sacri Ordines, natalium & probitatis testimoniis instructi: admissi vero nomina sua a Secretario nostro describi curent, redeantque Feria VI. sub horam IX. cum superpelliceo & cereo, tonsuram, aliosque minores Ordines susceperunt.

CAPUT II.

Promovendi vero ad Sacros Ordines majores, compareant examinandi Feria VI. post II. pomeridianam, exhibeantque testimonia laudabilis vitæ ante actæ, proclamationum factarum, ætatis, Ordinum præcedentium suscepto-

rum literas, eorumdemque facti exercitii, titulique sufficientis documenta. Idonei per examen reperti & admissi, postmodum post octavam per Confessionem Sacramentalem ad Sacram Communionem parati, in habitu ac tonsura Ordini suo conveniente, cum ornamentis necessariis ad ædes Episcopales revertantur, inde ad Ecclesiam, ubi Ordines conferentur, Nobiscum accessuri.

CAPUT III.

Ad Ordines majores provecti meminerint se obligatos ad legendum quotidie, sub pena peccati mortalis & amissione fructuum illius diei, integrum officium Horarum Canoniarum. In Ordine suscepto sese exerceant a susceptione cujusque Ordinis, & Sacerdotes intra quadraginta dies Primitias celebrent.

CAPUT IV.

Primitias celebraturus Sacerdos sæcularis in Civitate Antverpiensi; aut locis, ubi Ecclesiæ Collegiatæ sunt, sistet se cum suo instructore Decano & Capitulo, etiam si ipsis subditus non sit. In pagis vero Decano Christianitatis exhibebit literas Sacerdotii suscepti, & Instructor ejus fidem faciet de sufficienti in cæremoniis Missæ institutione.

CAPUT V.

Examinatores tam ordinandorum, quam ad Pastoratus promovendorum nominamus Venerabiles Viros, Dominum *Jaannem Del Rio*, J. U. Licent. Protonotarium Apostolicum, Decanum Ecclesiæ nostræ Cathedralis, ac Vicarium nostrum Generalem, D. *Cornelium de Witte*, S. Theol. Licent. Archi-Diaco-num, D. *Petrum Santfort*, S. Theol. Licent. Pœnitentiarium, D. *Egbertum Spitholdium*, S. Theol. Licent. Plebanum, D. *Aubertum Mivæum*, S. Theol. Baccal. Sigilliferum nostræ Curie, D. *Maximilianum Eynatten*, S. Theol. Licent. Scholasticum, D. *Laurentium Beyerlinck*, S. Theol. Licent. dictæ Ecclesiæ Canonicum: quibus alii Canonici præbendas graduatis affectas in Ecclesia nostra Cathedrali obtinentes, jungere se possunt.

TITULUS X.

De Sponsalibus, & Matrimonio.

CAPUT I.

Sponsalia de futuro tamenſi valida ſint, (e) quamvis coram proprio Parocho contracta non fuerint, nihilominus tamen ad evitandas multas difficultates ea præſente Parocho proprio fieri præcipimus.

CAPUT II.

Quoniam animadverſum eſt, pœna a Concilio Tridentino conſtituta in eos, qui non ſuos Parochianos Matrimonio conjunxerint, quosdam non moveri; decernimus, Paſtores & Sacerdotes quoscumque noſtræ Diœceſis, qui id facere præſumpſerint, inſuper pœna pecuniaria viginti florenorum corrigendos eſſe.

CAPUT III.

Ebrii & intempſtiva nocte, aut in tabernis contrahere Sponsalia volentibus operam ſuam Paſtor non impendat, ſub pœna arbitraria.

CAPUT IV.

Solemnizationem Matrimonii, in qua aliqua concurrat diſpenſatio, volumus fieri per Paſtores, non autem Vice-Paſtores. Nemo autem alias, niſi præviis omnibus proclamationibus, Matrimonium ſolemnizet.

CAPUT V.

Sponſi infra dies quadraginta ad Matrimonium procedant; alioqui Nobis, aut Officiali noſtro per Paſtorem indicentur.

CAPUT VI.

Indecentes in quibusdam pagis exceſſus committi intelligimus a juvenibus, qui a novis Sponſis pecuniam extorquent, aut alioquin domos infringunt: & in nonnullis locis Sponſo ſtatim a contracto in facie Eccleſiæ, quidam etiam in ipſo Templo, ſumma vi palmas & pugnos in dorſum impingunt: quæ cum non ſolum ſint violenta & injurioſa, ſed etiam ſpectent ad

irreverentiam Sacramenti, in poſterum ne id fiat, prohibemus.

CAPUT VII.

Propter evidens periculum ſalutis animarum, Paſtores ſubinde in concione ſignificent, præter legem naturalem & Divinam, eſſe etiam Eccleſiæ prohibitionem, (f) ne fideles cum hæreticis Matrimonia contrahant; ejusque impedimenti, ut & aliorum, in proclamationibus habeant rationem ſingularem.

CAPUT VIII.

Inquirant diligenter Paſtores, an contrahentes Sponsalia ſciant neceſſaria ad ſalutem. Ignaros vero, donec edocti fuerint, & Sacramento Confirmationis non roboratos ad Matrimonium non facile admittant. Diligenter de impedimentiſ inquirant: ſi dubitent, peritiores conſulant. Si vero Matrimonium perſonarum, inter quas impedimentum aliquod dirimens exiſtit, aut non ſervata Concilii Trident. forma, Matrimonium ſolemnizare ſcienſter præſumpſerint, penam incurrant quinquaginta florenorum, & alias arbitriam.

CAPUT IX.

Laudabilem (g) & antiquam conſuetudinem ſolemnizandi matrimonium inter Miſſarum ſolemnia, potiffimum diebus Dominicis & Feſtis, ſtudioſe ſervari volumus. Nullus autem Paſtor ſub gravi pœna poſt meridiem Matrimonium ſolemnizare præſumat.

TITULUS XI.

De Prædicatione verbi Dei.

CAPUT I.

Quoniam latiſſimus apertus eſt campus ad animas Deo lucrandas per Divini verbi prædicationem, (eſt enim virtus Dei in ſalutem omni credenti) dabunt operam omnes, quibus munus Sacras Conciones habendi incumbit, ut eas habeant utiles, captivi auditorum accommodatas, ſolidas atque elaboratas; easque teneantur deſcribere, deſcriptasque requiſiti Nobis, aut

(e) Sacra Congreg. Concil. Trident. Interp. ad C. 1. Seſſ. 24. de Reformat. Matrim.

(f) C. Caut. 28. q. 1.

(g) Conc. Trid. Seſſ. 24. de Ref. Marr. c. 1. in fine.

aut Decano rurali visitanti, seu alii, cui mandaverimus, exhibere.

CAPUT II.

Conciones fere ita disponantur in locis, ubi grassatur hæresis, ut pars una pertineat ad mores formandos, pars vero altera confirmet duobus aut tribus argumentis solidis aliquod dogma Catholicum, & uni aut alteri argumento, quo hæretici præcipue simplices homines seducunt, solide & perspicue respondeat: solide inquam, nam aliqui præstat illa non attingere. Potissimum autem, pro veritate inculcent ea argumenta generalia Catholicorum contra hæreticos, quæ sunt veluti principia quædam, utpote de unitate, auctoritate & notis Ecclesiæ.

CAPUT III.

Consultum omnino fuerit, adeoque id requirimus, Concionem Pastorem perpetuo esse divisam in duas partes, quarum prior sit doctrinalis ordine prosequens materias Catechismi; posterior agat de Evangelio, de Epistola, vel de solemnitate diei.

CAPUT IV.

Quæ omnia, ut debite præstari possint, quilibet Pastor solícite & curiose curet, ut Bibliothecam instructam habeat: in qua ut minimum sint Biblia sacra, Catechismus Romanus, Summa doctrinæ Christianæ per Canisium, Concilium Tridentinum, Synodus Provincialis Mechliniensis, utraque Antverpiensis, sub piæ mem. Rmo FRANCISCO SONNIO (*) celebrata, atque hæc nostra, Homiliæ aliqui, Promptuarium Morale, item Catholicum Stapletoni, Sermones Costeri, ejusque libellus Sodalitatis, & de controversiis horum temporum, Lessii Consultatio nupta, quæ Religio sit capeßenda, Directorium Polanci, ejusque libellus de frequenti Communione & modo juvandi morientes, alique similes pro singulorum capacitate & facultatibus. Rudiores vero & minus instructi in Theologia (quos hætenus ob Sacerdotum raritatem & inopiam tolerare cogimur) numquam aliquid dicant pro

concione, quod ex probato auctore aliquo demonstrare non possint.

CAPUT V.

Pastores non dicant pro concione ea, ex quibus colligi possit particularis aliqua contra privatos animi exacerbatio; multoque minus nominatim aliquem designent.

CAPUT VI.

Ut autem in omnibus Ecclesiis nostræ Diocesis sit conformitas in recitandis Evangelis, servetur ordo Missalis Romani.

CAPUT VII.

Pastoribus per se munus prædicationis obire volentibus, meminerint omnes quomodocumque privilegiati, se juxta Decretum Concilii Trid. (b) cedere debere. Convenit autem Pastores in oppidis & municipiis per se habere concionem matutinam seu antemeridianam, & potissimum in Dominicis Quadragesimæ & Adventus, majoribusque Solemnitatibus: si alii ibidem iis temporibus stationes habent, eas post meridiem servent.

CAPUT VIII.

Cum etiam juxta Concilii Tridentini (i) Decretum ad audiendum verbum Dei quisque suæ Parochiæ interesse teneatur; nemo in Civitate nostra & oppidis, Dominicis & Festis diebus ante meridiem extra Ecclesiam Parochialem lingua vernacula concionetur, ne quidem sub prætextu Indulgentiarum, aut Confraternitatum: lingua vero externa non fiat concio ante horam decimam.

CAPUT IX.

Concionatores non sint in concionibus suis prolixiores, (k) & unius horæ spatium non excedant.

CAPUT X.

In omnibus Ecclesiis suggestus fabricentur, ex quibus populo Pastor, bireto & superpelliceo, vel alba cum stola indutus, verbum Dei prædicet.

CAPUT XI.

Advigilet Pastor, ut tam publice, quam privatim populum sibi commissum

(*) Vid. Tom. VII. pag. 811. sqq.

(i) Sess. 24. de Reform. cap. 4.

(b) Sess. 5. de Reform. cap. 2.

(k) Concil. Trid. Sess. 5. de Reform. c. 5.

sum instruat, potissimum in his, quæ necessaria sunt ad salutem, ea de causa inculcet frequenter illud Prophetæ: (1) *Propterea populus meus ductus est captivus, quia non habuit scientiam.*

CAPUT XII.

Quo in opere tam salutari non tantum Pastor, sed etiam quilibet Ecclesiasticus (labia enim Sacerdotis custodiunt scientiam) deberet querere in tanta populi ignorantia occasiones de salute animarum bene merendi. Et ut quilibet in hac Civitate sese reddat ad hoc opus capaciorem, hortamur omnes Sacerdotes, ut lectiones Theologicas, quæ in hac Civitate quotidie factis frequenter habentur, viscent, quando id sine detrimento Officii Divini, aliarumque functionum, quibus ratione suorum beneficiorum obligantur, licebit. Nec desinant privatim libros pios & doctos huc facientes diligenter evolovere, cum nulla alia occupatione utilius aut decentius bonas horas queat Sacerdos transigere.

TITULUS XII.

De Officio Divino.

CAPUT I.

UT, quæ de Officio Divino in Synodo Provinciali statuta sunt, ad exactam observationem & commodiorem executionem perducere possint; statuenda, quæ sequuntur, duximus.

CAPUT II.

Ut distinctius servetur Decretum Concilii Tridentini, (m) quo omnes jubentur Divinum Officium per se facere, atque in Choro ad psallendum instituto Hymnis & Canticis Dei nomen reverenter, distincte, devoteque laudare: idcirco mandamus omnibus Beneficiatis, cujuscumque dignitatis fuerint & ordinis, ut Decretum illud observent; meminerintque in eo proprium Ecclesiasticorum officium versari, & nostram omnium quam expectamus beatitudinem, futuram esse, Dei laudibus cum universo Sanctorum cœtu celebrandis æternum occupari.

CAPUT III.

Decantationes Vesperarum passim in pagis intermissæ, paulatim restituuntur, una cum Laudibus, quarum initium *Salve Regina*, aut alia pro temporis conditione Antiphona de Deipara: quæ Laudes concludantur trina repetitione Salutationis Angelicæ: *Ave Maria*. In solemnibus vero Festis congruum est, ut Laudes de Ven. Sacramento addantur. In Ecclesiis, ubi decantatur Prima, legatur quotidie Martyrologium pro die sequenti. Et post Primam dies denuntietur, quo Anniversarium aliquod celebrandum erit, simul recitando eorum nomina, quorum recurrent Anniversaria. In pagis vero die Dominico post concionem denuntietur eorum nomina, quorum Anniversaria illa hebdomada occurrent celebranda.

CAPUT IV.

In omnibus Ecclesiis Collegiatis & Parochialibus semper certa hora diebus Dominicis & Festis Concio & summa Missa celebretur. Quæ Missa in pagis æstate fiet hora octava, hyeme vero hora nona; nec prætextu solemnizandi Matrimonii aut expectationis alicujus notabilis personæ, aliove colore differatur, eo quod magna incommoda ex dilatione oriantur. Si qui vero propter Sacerdotum raritatem duobus locis Officium Parochiale facere debent, in una Ecclesia Officium incipiant hora septima, in altera sub decimam. Si quis hoc tempus notabiliter sive præveniando, sive subsequendo fuerit transgressus, mulctabitur tribus florenis; si sæpius, graviore pena arbitraria.

CAPUT V.

Comparentur aut describantur in omnibus pagis libri ad cantandum Officium, quod ibidem fieri consuevit, aut debet, necessarii: sitque ubique in cantu & cæremoniis celebrationis Missarum conformitas juxta præscriptum Missalis Romani; quod etiam Regulares, Parochiale Officium facientes, sequi teneantur.

CAPUT

(1) Hæc 5. (m) Sess. 24. de Reform. cap. 12. sub fin.

Tomus VIII. Concilior. German.

CAPUT VI.

Quoniam in omnibus Ecclesiis nostræ Diœcesis (Cathedrali dumtaxat excepta) rarior est Clerus, quam ut omnes Divini Officii ritus juxta præscriptum Cæremonialis jussu CLEMENTIS Octavi editi, servari possint: volentes tamen, ut ea servantur, quæ possunt, & ubique sit conformitas, subsequētia exacte observari præcipimus. In Ecclesiis Collegiatis & Parochialibus hujus Civitatis & locis celebrioribus summa Missa Dominicis & Festis cum omnibus cæremoniis & thurificationibus in Missali Rom. de Missa solemnī præscriptis celebretur; assistentibus Diacono & Subdiacono, qui cum omni reverentia, sine ullo discursu aut confabulatione, Celebranti juxta cæremonias in eodem Missali præscriptas operam suam præstent. Numquam vero tam in istis, quam aliis Missis etiam votivis aliquid eorum, quæ decantari debent, omittatur, aut per Cantores aut organa syncopetur, multo minus circa legenda aut decantanda in Missali præscripta aliquid immutetur.

CAPUT VII.

Ei, qui tamquam Presbyter Divinum Officium celebrat, habitu convenienti induto, detur semper in Processionibus locus dignior: in Laudibus porro ad *Benedictus*, & in Vesperis ad *Magnificat*, hic idem pluviali indutus thurificationem faciat. Sit autem tam in hac re, quam in Laudibus vespertinis per omnes Parochias conformitas, neque Pastor, aliusve quispiam propria auctoritate præsumat aliquid immutare. Eandem uniformitatem etiam in administratione Sacramentorum, purificatione puerperarum, Sacramentorum delatione, & sepultura defunctorum, servari mandamus.

CAPUT VIII.

In omnibus Parochiis diebus Dominicis ac Festivis celebretur summa Missa in summo altari de Tempore; neque Missæ votivæ, aut Missæ pro defunctis loco summæ Missæ, umquam, saltem in Civitate, peragantur: ideoque Officium Defunctorum non fiet in

die Dominico aut Festo, nisi alius addit Sacerdos, qui debita hora celebret summam Missam de Tempore aut Festo. Maxime autem solliciti sint, quibus ea cura incumbit, ut totum Officium Divinum fiat reverenter, devotè, ordinate, & cum debita solemnitate, semper quidem, sed præcipue Dominicis & Festis, ut populus ad devotionem & Parochiæ suæ assiduum frequentationem incitetur.

CAPUT IX.

Ubi in Ecclesia aliqua plures sunt Sacerdotes, ut populi commoditati consulatur, potissimum Dominicis & Festis, non plures simul celebrent, sed horas dividant, quæ a singulis indubitate servantur. Tempus, quo Missæ a Fundatoribus certa aliqua hora celebrari jubentur, sub poena amittendi alterum tantum, quanta est eleemosyna cuique Sacro attributa, numquam mutetur aut prætermittatur.

CAPUT X.

Appendatur catalogus in Vestiario Ecclesiæ, in quo descripta sint nomina omnium Beneficiorum & Officiorum Ecclesiæ ejusdem: & singulis nominibus adscribantur Missæ ab unoquoque celebrandæ ex fundatione beneficiorum vel officio proprio, simul dies & hora, quam servare infallibiliter teneantur.

CAPUT XI.

Quando in aliquo altari est fundata Capellania ad alicujus Sancti honorem, in Festo ejusdem Sancti occurrente hoc agatur, ut sollemnis aliqua Missa in eodem celebretur.

CAPUT XII.

Si quæ sint Capellæ aut Altaria diruta, in quibus fundationes aliquæ sunt institutæ, Nobis indicentur, ut juxta Decretum Sacrosancti Concilii Tridentini (n) a Nobis ad alias Capellas aut altaria (donec propria restituta sint) transferantur.

CAPUT XIII.

Altare tegatur cum mappis debite juxta Rubricas Missalis, atque honeste, & frontispicio ejus toti præpendeat decens

(n) Sess. 21. cap. 7.

decens aliquod aulæum, quod *Antipendium* vulgo dicitur. Sit Crux in altari & tabula aliqua picta, aut ipsemet paries contiguus altari, depictus: maxime autem curetur, ut tam in altari, quam vestibus Sacerdotalibus perpetua sit mundities linteorum, & aliorum, quæ ad rem Divinam pertinent. Graviter puniendus hujus Statuti transgressor.

CAPUT XIV.

Pastores & Capellani cantantes Collectam in Laudibus vespertinis, aut assistentes Officio Ven. Sacramenti, teneantur circa altare superpelliceo induti subsistere a principio usque ad finem Laudum: quibus finitis, aqua benedicta populum etiam non aspergant, nisi induti superpelliceo.

CAPUT XV.

Similiter quandocumque Officium Divinum Pastor, Capellani, Cantores, Custodes decantant, aut in Processione procedunt, semper induti sint superpelliceo, habeantque sub eo vestem talem nigram, aut subnigram, ac collaria simpliciora, sub pœna distributionis amittendæ.

CAPUT XVI.

Canonici insuper in Cathedrali & in Ecclesiis Collegiatis omnibus a die Commemorationis omnium fidelium Defunctorum usque ad feriam sextam Parasceves inclusive choralibus cappis sub eadem pœna utantur: & primo quoque tempore in Cathedrali & Collegiatis Capellani ætate superpelliceo cum almutio, hyeme vero cappis suo Ordini congruentibus induantur.

CAPUT XVII.

Ubi Horæ Canonice ante has turbas decantari solitæ interruptæ sunt, ante proximum trimestre curet Pastor deferri ad Nos descriptionem fructuum ad decantationem hujusmodi Horarum relictorum, ut juxta illorum rationem decernatur, quæ Horæ in posterum cantari debeant.

TITULUS XIII.

De Festis, & Jejuniiis.

CAPUT I.

Maximam in servandis Dominicis & Festis diebus negligentiam

ut populus corrigit, Concionatores sæpe moneant, explicantes, ad quæ istis diebus agenda, omittendaque obligentur, gravitatemque transgressionis exponentes: & singulis Ecclesiis tabula ordinationis de festorum observatione sit appensa.

CAPUT II.

Et quia non omnes monitionibus flectuntur; volumus contra illos transgressores sine dissimulatione procedi juxta Ecclesiæ præcepta, Serenissimorum Principum nostrorum edicta, Prædecessorumque nostrorum ordinationes. Idemque, ut faciant, hortamur in Domino, & serio requirimus omnes Magistratus, Officiariosve sæculares, duas tertias mulctarum, in quas incursum sint, transgressores applicando fabricæ Ecclesiæ illius Parochiæ, in qua istiusmodi transgressio committetur. Potissimum autem diligenter observeatur, ne Dominicis & Festis diebus, eo tempore, quo Divinum Officium fit, aut verbum Dei prædicatur, tabernæ vel hospitia ulla aliis, quam viatoribus pateant. Si vero ipsi Officiarii culpæ sint, & hac occasione lucri cupiditate hanc justissimam legem ipsi violent, aut alias fuerint negligentes, mandamus Pastoribus, & aliis in Parochia Sacerdotibus, nec non & Custodibus, ut tales ad Officiale nostrum deferant: eidem Officiali nihilominus injungentes, ut in tales inquirat, etiam non monitus a Pastore.

CAPUT III.

Festa celebranda in Diocesi Antverpiensi exprimuntur in primo Synodo Provinciali Mechl. & Pastoralis Mechliniensis: occurrentia vero illis diebus, ex quibus secundum Breviarii Rubricas debent transferri, celebrentur illis diebus, in quos incidunt; a Clero vero servantur Rubricæ, exceptis dumtaxat Festo Annuntiationis B. Mariæ, & Festo S. Marci, in quorum celebratione Statutum Synodi Provincialis servetur.

CAPUT IV.

Dominica Quinquagesimæ Pastor publicet jejunium Quadragesimale, ejusque observationis obligationem, prout in Pastoralis Mechliniensis: & eadem

Kkk kkk 3

occa-

occasione moneat populum, ut tempeſtively ante Paſcha iſto ſacro tempore pareat ſe ad Confeſſionem, & in pagis designet aliquos in Quadrageſima dies, in quibus inſtrueturus eſt juniores & rudiores ad Confeſſionem bene faciendam, & Communionem Sacram rite ſumendam.

CAPUT V.

Quicumque deprehendetur ova aut carnem in Quadrageſima, aut aliis diebus, quibus per Eccleſiæ legem id non licet, ſine legitima diſpenſatione comediffe, ad Officiale noſtrum ſine diſſimulatione deferatur, atque pro ſcandali vel contemptus qualitate puniatur. Nulli vero diſpenſatio hujusmodi a quocumque obſentia ſuffragetur, niſi fuerit a Nobis, aut certe Vicario noſtro Generali examinata & approbata. Is autem, cui ex legitimis cauſis eſus carnis, vel illius venditio permittitur, ea venia diſcrete & ſine ullo ſcandalo utatur, tam hic, quam ille: alioqui is, qui hoc ſcandalum dederit, pater etiam familias, qui ne daretur, non impedivit, perinde atque ſi ſibi nulla facultas conceſſa foret, corrigetur.

CAPUT VI.

In Quadrageſima ante feriam quartam hebdomadæ ſanctæ publice ova vendi inhibemus.

CAPUT VII.

Quoniam propter annonæ caritatem, plurimorum inopiam, & multorum infirmitatem, uſum lacticiniorum in Quadrageſima, die Cinerum, Feria quarta & ſexta, & Sabbato hebdomadæ ſanctæ exceptis, in hac Diceceſi permittere hæcenus viſum eſt; Nos etiam in poſterum idem permittendum exiſtimavimus, donec aliter ſtatuerimus: ita tamen ut ſinguli ad jejunium obligati, ea gratia uti volentes, quotidie recitent ſemel Orationem Dominicam & Salutationem Angelicam, vel intra Quadrageſimam eleemoſynam unius ſtufi inferant in Gazophylacium ad hoc in ſingulis Parochialibus Eccleſiis conſtituendum, pro medietate in uſum fabricæ cujuſque Eccleſiæ, & altera Seminarii uſibus applicandam.

CAPUT VIII.

Hiſtriones, Comædi, & ſimiles non admittantur ad agendum ſeu exhibendum, niſi eorum comediæ a Cenſoribus ſint perluſtratæ & probatæ, ac ne ſic quidem in Quadrageſima vel Adventu.

TITULUS XIV.

De Imaginibus.

CAPUT I.

IMagines cum omni decentia & ſervato decore depingi oportet: quæ in re, quia ſæpius peccatur, volumus, ut in poſterum, quancumque imago aliqua nova & inſolita depingeretur in Eccleſia collocanda, ipſum prototypon vel prima delineatio in Civitate Nobis, aut Vicario noſtro Generali, una cum Capitulo, ruri Decano Chriſtianitatis exhibeatur; ut quod contra veritatem aut decorum forte depingendum fuerat, emenderetur. In depictione autem & admiſſione imaginum habeatur ratio eorum, quæ ſcripſit in opusculo quatuor librorum de Sacris Imaginibus Venerabilis Theologus Joannes Molanus.

CAPUT II.

Graviſſime illos puniendos declaramus, qui imagines falſum quippiam ſignificantes, aut ludibrii cauſa excogitatas contra veritatem, Eccleſiam, Eccleſiaſticasve perſonas, aut in ignominiam alicujus Ordinis vel ſtatus pinxerint, ſculpſerint, aut impreſſerint.

CAPUT III.

Inter quos cenſeri debebunt ii, qui Cœnam Domini depingent inſtar cœnæ Calvinifticæ, videlicet poſitis in lance panis fruſtis oblongis, aut offis rubro vino tinctis. Quales imagines, ubicumque reperientur, ſtatim emendantur, aut omnino tollantur.

CAPUT IV.

Imagines ab Iconomachis ruptæ, aut mutilatæ, aut carie conſumptæ, ſi decenter reparari nequeant, ab Eccleſiis tollantur: quæ autem reſtaurari queunt, interim dum id fit, extra populi conſpectum ponantur; cujuſ rei diligentem habeant rationem in faciendâ

da qualibet visitatione Archi-Presbyteri rurales.

CAPUT V.

Imagines Christi crucifixi sanguinolentæ & vibicibus lividæ, ut Redemptionis nostræ pretium uberius exprimant, depingantur.

CAPUT VI.

Si in pede altaris personæ vivæ, aut alioqui viventibus notæ, vel si profana ibi depicta sint, illa deleri; aut dum in altari Sacrificium Missæ celebrabitur, cortinula tegi volumus: atque ne in posterum ibi pingantur, vetamus.

CAPUT VII.

Insignia aut effigies personarum ob crimina commissâ infamium, ab Ecclesiis penitus eliminentur.

CAPUT VIII.

Quæ de pictoribus dicta sunt, eadem de sculptoribus & incisoribus, impressoribusque intelligantur; quos etiam novas & insolitas aliquas imagines sculperè, incidere, imprimereve vetamus, nisi prius illarum exemplar aut delineatio visitata a Censore & probata fuerit. Si quis vero imagines aliquas, etiam antiquas, aut alibi impressas, continentes aliquam falsitatem, scommata, scandala, aut obscenitatem pinxerit, imprefferit, aut vendiderit, subiaceat pœnis contra Typographos & Bibliopolas in similibus peccantes latis.

TITULUS XV.

De Superstitione.

CAPUT I.

Grave peccatum, Deo valde injurium, & Reipubl. in primis noxium, est Superstitio: ad quam reprimendam & extirpandam servantur ea, quæ SIXTUS V. in Bulla: *Celi & terræ*, & Serenissimi Archi-Duces tam in suis literis huic Synodo in calce adjecit, quam in edicto Concilio Provinciali Mechliniensis addito, statuerunt.

TITULUS XVI.

De Archi-Presbyteris, Pastoribus, Capellanis & Custodibus.

CAPUT I.

Archi-Presbyteri, seu Decani rurales in visitatione inquirent, an

observentur ea, quæ in Synodo Provinciali & hac Diocesana statuta sunt, potissimum quæ sub Titulis: De Officio Divino, Catechizatione, Templis, Pastoribus, Scholis, administratione bonorum Ecclesiasticorum ordinantur, cæteraque omnia, quæ in particulari instructione a Nobis subsignata habent, cui fidem haberi volumus tamquam hujus Synodi Decretis: visitabit autem quilibet suum Districtum statim post Dominicam in Albis: suæque visitationis acta nitide descripta post festum Visitationis B. Mariæ Feria secunda septimanæ personaliter deferant, simulque Feria tertia subsequenti in ædibus nostris conveniant. Ipsi vero suo ordine Congregationem Pastorum habeant, Feriis tertiis hebdomadarum dictam septimanam subsequendum. Hortamur tamen omnes, ut licet mox post Pascha instituerint, absolverintque visitationem suam, data tamen occasione Parochias sibi commissas sæpius visitent.

CAPUT II.

In congregatione Pastorum tractabitur præcipue de executione Decretorum hujus Synodi: & singuli Pastores libere pendent, si in suis aut vicinis Ecclesiis aliquos defectus aut transgressiones animadverterint. Decanus autem indicabit Nobis defectus, quos in observandis Decretis visitando vel quomodolibet aliter deprehenderit.

CAPUT III.

Archi-Presbyteri seu Decani rurales, cum sint Parochorum aut Sacerdotum sui Districtus Pastores, solliciti sint de eorum salute & profectu spiritali, & singularem habeant inspectionem & curam de ipsorum doctrina, vita & moribus. Et vicissim mandamus Parochis & Sacerdotibus, ut Decanos uti Superiores suos agnoscant, reveantur, & ament.

CAPUT IV.

Ubi autem intelligent aliquem e sui Districtus Pastoribus aut Sacerdotibus periculose laborare, statim ad eum excurrant, moneantque, ut salutis suæ consulat, eique, si opus est, Sacramenta administrent: quod si eum ex ea agitudine decedere contigerit, etiam si

Regu-

Regularis alicujus instituti sit, statim curabunt fieri inventarium omnium bonorum relictorum, ut piis legatis, aliisque creditoribus de solutione debitorum cautum sit: atque omnia munimenta fabricæ Ecclesiæ vel mensæ pauperum apud eum reperta, fabricæ eidem vel mensæ pauperum respective curent restitui. Quæ vero ad Pastorum aut fundata ibi beneficia spectabunt, ac speciatim defuncti Enechiridion seu Manuale, in quo reddituum a se receptorum rationes descripsit, secum deferent; neque ulla hujusmodi monumenta relinquent in manibus aliorum, etiam sub prætextu, quod iis forte indigeant ad executionem testamenti. Si tamen aliquis revera opus sit, dabunt exemplum seu copiam istiusmodi documenti, quo se indigere afferent. Mortuis iusta persolvent, curamque gerent, ut infra annum in Curia nostra Ecclesiastica domus mortuaria (si Sacerdotes sæculares fuerint) computus & rationes exhibeantur, & peragantur. Habebunt autem Decani sua jura tam a sæcularibus Sacerdotibus, quam Regularibus in sua instructione descripta.

CAPUT V.

In administratione Sacramentorum & funeralium, Beneficiatus aut Habituatus in Ecclesia Cathedrali, Collegiata, eisdemve subalterna, suberit Decano istius Collegii. Qui vero in iisdem Beneficiatus aut Habituatus non est in Civitate, suberit Archi-Presbytero civitatenſi, alibi Archi-Presbytero rurali: cujus officium est, omnibus Ecclesiasticis tam Sæcularibus, quam Regularibus extra Monasterium degentibus, in suo Districtu morientibus, Sacramenta administrare, & officium funebre facere. Urgente tamen necessitate Pastor loci aut vicinus vices suppleat.

CAPUT VI.

Si vero contingat aliquem mori, qui sit Beneficiatus aut Habituatus in Ecclesia Cathedrali, Collegiata, aut subalterna, & simul alibi in Dicecesi nostra, administrabit ei Sacramenta Decanus loci, in quo infirmatur. Officium au-

tem funebre fiet utroque loco beneficii a quolibet illius Decano.

CAPUT VII.

Pastores noverint finem officii sui esse salutem ovium, ad quem proinde scopum Pastorales actiones suas omnes dirigere & referre se debere intelligant, meminerintque illius, quod a primis Ecclesiæ Pastoribus fuit dictum: (o) *Nos autem orationi & ministerio verbi instantes erimus.* Quo significatum est, hæc duo præcipue spectare ad Pastorum officium: alterum, ut pro salute gregis sui quotidie Deo Sacrificium offerre, atque etiam extra Sacrificium pias ad Deum preces fundere numquam desistant; alterum, ut prædicationi verbi Dei assidue insistant: sub quibus & tertium comprehenditur, administratio Sacramentorum, quæ reverenter & devote cum astantium ædificatione fiat. Denique pie, sobrie, & iuste vivendo sint forma sui gregis.

CAPUT VIII.

Cum non excusetur, sed magnopere culpandus sit Pastor, si lupus oves devorat, & Pastor id nescit: diligentissime advigilent Parochi, ne quis extraneus aut incola oves sibi commissas hæresi inficiat, & proinde diligenter exequantur Articulum octavum hoc Titulo Synodi Provincialis, ut ab iis, qui ad ipsorum Parochiam recens commigrarint, exigant vitæ testimonium, ab illo Pastore, sub cujus Parochia ultimum domicilium habuerunt, subsignatum: aut si veniant ex Provinciis, ubi Pastores non sunt, adferant alias fide dignum testimonium, eademque in re Magistratus locorum requirimus, ut Decretum Serenissimarum suarum Celsit. ad juvandum executionem dicti Concilii Provincialis promulgatum Articulo 17. & 18., ejusque voluntatem sæpius declaratam fideliter ac sedulo observent.

CAPUT IX.

Ut quod a Sacrosancto Concilio Trident. & primo Provinciali Mechliniensis salubriter, quo Pastores facilius agnoscerent vultum pecoris sui, statutum est, ut, ubi in una Ecclesia plures pasto-

Pastores toti populo pro indiviso præfunt, certæ singulis assignentur Parochiarum regiones, executioni mandetur; præcipimus, ut ante trimestre proximum, ubi Parochiæ indivisæ sunt, per deputandos a Nobis hujusmodi partitio fiat, ac Nobis approbandi causa exhibeatur.

CAPUT X.

Intelligent Pastores non satis esse, si generaliter in suis concionibus peccata arguant, sed etiam privatim se debere monere eos, quos in statu damnationis versari vident: quos si obstinatiores animadvertant, suisque monitionibus non moveri, obligatos se ad eos Nobis, Officialive nostro indicandos. Quod si in alicujus Parochia notorii peccatores inveniuntur, quorum Pastores habeant, aut facile habere notitiam potuerunt: eosque non denuntiaverunt, ob gravem ejusmodi negligentiam, Dei in primis, deinde & Episcopi sui indignationem sciant sese incurfuros.

CAPUT XI.

Hortamur Pastores, ut habeant singularem ac paternam curam eorum, qui vere pauperes sunt, & aliena ope indigent, sive de suo si possint eos adjuvando, sive ditionibus Parochiæ suæ eos commendando, sive quacumque alia ratione eorum inopiam sublevando. Et ab iis in administratione Sacramentorum nihil accipiant.

CAPUT XII.

Duobus registris, quorum in Synodo Provinciali fit mentio, addant Pastores tertium, in quo describant nomina in sua Parochia morientium, sive in Ecclesia parochiali, sive in alia sepehantur.

CAPUT XIII.

Si vero contingat in posterum, aliquem ex facultate sibi legitime facta, administrare Baptismi aut Matrimonii Sacramenta non suis subditis; teneatur ipsorum nomina ad Archi-Diaconum nostrum, & proprios Pastores, si habeant, transmittere. Similiter & ea registra, in quibus descripta sunt nomina baptizatorum, & Matrimonio junctorum, ab & coram non propriis

Parochis, sed aliis, quibus ob turbatam temporum rationem illa cura commissæ fuerit, per eosdem ad illos transmittantur.

CAPUT XIV.

Ad evitanda multa incommoda, quæ proveniunt, dum Patroni Ecclesiarum Parochialium incorporatarum debitam non contribuunt portionem; hortamur omnes Patronos in Domino, ut ante festum S. Remigii proximum competentiam Pastori certam & juxta taxam Provincialis Synodi sufficientem assignent. Id, ubi omissum fuerit, Pastor, & ubi Ecclesiæ provisum non erit de Pastore, Communitas ipsa, curante seu monente Decano Christianitatis, Nobis, Officialive nostro offerat libellum; eique adjungat specificationem fructuum bona fide declaratorum, conscriptam, ut ad assignandam competentiam procedatur juxta Cap. 4. hoc Tit. Synodi Provincialis.

CAPUT XV.

Pastor apud suos Parochianos resideat, nec ab iis sine licentia Decani ruralis, ac nisi alteri idoneo cura suorum commissæ, ultra octiduum absit: habitetque non solum intra limites suæ Parochiæ, sed etiam non procul ab Ecclesia; nullo autem modo in diversorio quopiam seu taberna, aut in domo quapiam malæ famæ.

CAPUT XVI.

Ideoque ubi Presbyteria, seu Domus Pastorales non sunt, provideat Pastor cum suis Parochianis, ut quanto citius fieri potest, aliqua domus ipsi Ecclesiæ propinqua, in fundo ipsius Pastoratus, si quis sit, ædificetur. Quam, ubi exstructa fuerit, deinceps Pastor factam tectam servare teneatur.

CAPUT XVII.

Pastores, qui propter raritatem Sacerdotum duabus serviunt Ecclesiis, alternatim in alterutra plene faciant Officium, & in alia solum Sacrum celebrare teneantur.

CAPUT XVIII.

Capellani residentes in pagis, in Capellis subalternis, ita celebrent Officium suum in iis, ut in Parochia sum-

ma Missæ populus atque ipsi interesse possint.

CAPUT XIX.

Custos assumatur, qui boni sit nominis & famæ, & honestæ conversationis, peritus cantus: qui, si alius Ludimagister non sit, etiam Scholam aperiat; si id facere nolit, ne admittatur (nisi forte provisionaliter, donec alius idoneus inveniatur ad custodiam) quod si semel susceptam, sine causâ, per Decanum ruralem approbanda, Scholam deferuerit, etiam custodia privari possit.

CAPUT XX.

Assumptus Custos Decano rurali præsentabitur, ab eo de qualitatibus requisitis examinandus & admittendus; & si ejusmodi matricularia beneficium sit, ab Archi-Diacono institutionem postulat.

CAPUT XXI.

In admissione ad matriculariam deinceps præter fidei professionem & promissionem de observandis iis, quæ in Synodo Provinciali & hac Diocesana de officio Custodis decreta sunt, promittat etiam, quod personaliter residet, & officium per se faciet. Qui vero ante hanc Synodum admissi sunt, si per se officium suum ostendant facere non teneri, aut non possint, debeant substituere debite qualificatum, a Decano rurali & Pastore loci examinandum, ac cum assignatione honestæ competentis admittendum.

CAPUT XXII.

Pastoribus, aliisque Sacerdotibus Officium Divinum aut Pastorale munus in pagis obeuntibus, aut Missam celebrantibus, Custodes non tantum Dominicis & Festis, sed etiam ferialibus diebus, per se, vel alium operam suam in habitu decenti exhibeant. Ter aut bis, id est, mane & vespere, atque ingruente tempestate, ad populum ad precationem excitandum campanam pulsant: & quid pulsus iste sibi velit, Pastores aliquando suis explicant.

CAPUT XXIII.

Qui Ballivi, Prætoris, Procuratoris, aut simili funguntur officio, aut

cauponam aperiunt, cum hujusmodi officiis distracti debite officium Custodis facere non soleant, in posterum ad hoc officium non admittantur. Admissus vero ad custodiam, si deinceps hujusmodi incompatibile officium cum custodia suscipere præsumat, censeatur ipso facto privatus, possitque statim alteri de officio Custodis provideri.

TITULUS XVII.

De vita & honestate Clericorum.

CAPUT I.

Cum Clerus in hac nostra Diœcesi in medio quotidie versetur hæreticorum, quos scribit D. Augustinus (p) accurate Sacerdotum, Clericorum, & Monachorum observare actiones, ac ex minimis etiam navis maximam accipere totum ordinem calumniandi occasionem; ita studeant vivere, ut obmutescere faciant adversarios, & ut in medio nationis prævalde luceant tamquam luminaria, in omni bonitate, justitia, & veritate. Et ad promovendam Dei gloriam ac proximorum salutem, quotidianis pro Christi ovibus Sacrificiis, assiduis orationibus, instructione ignorantium, aliisque charitatis Christianæ officiis, in tanta inopia Sacerdotum, & animarum periclitantium multitudine, totum se impendat unusquisque pro sui talenti ratione.

CAPUT II.

Quilibet Sacerdos ante festum D. Joannis proximum habeat vestem suo Ordini congruentem, Sæculares juxta præscriptum Synodi Mechliniensis, vel saltem utramque vestem interioriorem & exteriorem talarem: Regulares vero juxta suæ professionis statuta, sub pœnis & censuris a jure communi & ordine latis; nec ullus Regularis sine ea in publicum prodeat absque speciali nostra licentia, non nisi ob singulares rationes a Nobis concedenda.

CAPUT III.

Quamquam laudabilis consuetudo in Belgio certa forma tondendi capillitium & barbam (quo vetustissimo Ecclesiæ ritu Clerici significabant se superflua omnia ac terrenas sollicitudines abje-

(p) Epist. 137.

abjecisse, ea, quæ sursum sunt, quære-
re & sapere, quo & a Laicis secerne-
bantur, & a multis levitatibus munda-
nis coërcebantur) turbulento hoc tem-
pore apud multos intermissa sit: volu-
mus tamen omnes Beneficiatos, & in
Sacris Ordinibus constitutos, semper
gestare tonsuram Clericalem conspi-
cuam, gradui suo convenientem, &
crines non habere setarum instar (quæ
juvenilis est vanitas Laicorum) ere-
ctos supra frontem, neque barbam stu-
diose comptam, aut ab utroque oris
latere militum more allatam, vel quo-
vis modo ita labro superiori incumben-
tem, ut Sacrum Christi Sanguinem
sumpturo creet aliquod impedimentum
aut irreverentiæ periculum.

CAPUT IV.

Ut tollantur scandala, pericula Or-
dinis Ecclesiastici contemptus, alique
mala, quæ ex tabernarum visitatione
necessario consequi solent, districte ob-
servari volumus Statutum Prædecessor-
is nostri Reverendissimi Domini SON-
NII, ut quicumque Ecclesiasticus (nisi
peregrinationis, aut alia necessitatis
causa compulsus) tabernam bibendi
causa visitaverit, incurrat pœnam trium
florenorum prima vice, secunda dupli,
tertia quadrupli: quam pœnam inex-
cusabiliter incurrere, decernimus om-
nes & singulos, qui id fecerint.

CAPUT V.

Quod si vero aliquis Clericalis suæ
dignitatis, officiique immemor, potui-
nimis indulgens, in ebrietatem, quod
absit, inciderit; & scandalum aliquod
seu in loco convivii, seu egressus inde
in plateis, aut ubicumque demum de-
derit; pro scandali gravitate severissi-
me puniatur: quæ pœna ut minimum
sit pro prima vice duodecim floreno-
rum, secunda dupli, si sæpius, arbitra-
ria & gravis.

CAPUT VI.

Quia vero incontinentiæ crimen
maximum dedecus parit Ordini Eccle-
siastico, ita ut sola illius suspicio popu-
lum graviter offendat; districte prohi-
bemus, ne quis Clericorum habeat an-
cillam, per quam incontinentiæ peri-
culum, opinionem, vel suspensionem

possit incurrere; neque cum ancilla
umquam ad convivia, multo minus ad
tabernas accedat: teneaturque unus-
quisque suam ancillam sine judicii stre-
pitu dimittere, quamcumque Nos in
Vicariatu nostro, aut Decanus & Ca-
pitulum quoad sibi subditos, dimitten-
dam judicaverimus.

CAPUT VII.

Nullus Ecclesiasticus per se, vel
alium negotiationem, vel aliud officium
Clerico indignum exerceat; nec deci-
mas, aut agros, vel silvas cæduas ad lig-
norum venditionem conducto accipiat:
neque alicujus testamentum conscribat
extra causam necessitatis, aut nisi ad
hoc specialiter sit admissus.

CAPUT VIII.

Abstineant Clerici a convictu &
familiaritate omnium hominum, qui
publice habentur potatores, ebriosi,
aleatores, scortatores, usurarii, hære-
tici, aut alio quovis crimine infames.

CAPUT IX.

Choreas non agitent, aleis ne lu-
dant, aut pila palmaria in platea, loco-
ve alio publico diebus Dominicis &
Festis: neque arcubus, balistis, aut
bombardis instructi incedant.

CAPUT X.

Ut Statuta singulorum Capitulo-
rum, & juramenta ab admittendis ad
Beneficia præstari solita, Decretis Con-
cilii Trident. consentiant; exhibebun-
tur Nobis omnia antiqua Statuta & ju-
ramenta examinanda, ut si quæ in iis
forte reperiantur supradicti Concilii
Tridentini Decretis repugnantia, emen-
dentur.

CAPUT XI.

Hortamur autem in Domino om-
nes, quos ea res concernit, ut revi-
deant atque perpendant juramenta an-
tiqua, quæ ab admittendis ad officia,
opificia, alique munia præstari solent;
eo fine, ut quæ in usum deduci non
possunt, omittantur, & ejusmodi ju-
ramento admittendorum addatur clau-
sula de fide Catholica servanda.

TITU.

TITULUS XVIII.

De Beneficiis & Officiis Ecclesiasticis, Beneficiatorum residentia, oneribusque Beneficiorum & Fundationum adimplendis.

CAPUT I.

Nemo ad officium Pastoris, aut Vice-Pastoris, aut ad functiones Pastorales exercendas admittatur, qui ad hunc effectum Nobis & Examinatoribus non fuerit specialiter examinatus & idoneus repertus: alioquin actus per eos gestos nullos esse declaramus, & insuper competenti pœna ipsos fore plectendos.

CAPUT II.

Admittendus ad possessionem cuiuscumque Beneficii, post fidei professionem, præster juramentum, ab habente jus Institutionis, aut Decano rurali proponendum.

CAPUT III.

Fructus autem fabricæ debiti, re ipsa omnes, distributionibus exceptis, fabricæ applicentur. Quod etiam observandum erit, quando ab admissis ad possessionem alicujus Canoniciatus, aut alterius Beneficii datur aliqua summa pecuniæ in augmentum distributionis panis, aut bursæ infirmorum, aut bonorum communium; quæ summa tota de facto in illum usum solum debet applicari: qui vero hujusmodi pecuniam in admissione alicujus Canoniciatus aut Beneficii datam in suos usus converterit, sciat se in conscientia teneri ad restitutionem, præter peccatum, quod admisit.

CAPUT IV.

Ad qualem restitutionem etiam obligati sunt, quicumque fructus Beneficiorum, fundationumque quarumcumque in suos usus converterint, oneribus illarum non expletis. Quamvis ubi ob malignitatem temporum, aliasve causas onera ejusmodi expleta non fuerint, non ideo ipsi debitores a solutione excusentur; cum onera istius-

modi adhuc adimpleri, aut saltem ipsi fructus debiti ad fabricas Ecclesiarum, aliosve pios arbitrio nostro similes usus, possint & debeant applicari.

CAPUT V.

Meminerint omnes Patroni, & alii quicumque, qui hujusmodi Beneficiorum, fundationumque quarumcumque & nominatim vacantium & absentium, vel ad eos, qui abessent, pertinentium fructus aut emolumenta, cum ad alios jure spectarent, perceperunt, & iis, quibus debentur, non restituerint, sese incidisse in pœnas a Concilio Trident. (q) statutas.

CAPUT VI.

Jura Officiariorum, quæ in adoptione Beneficii evolvuntur, non exigantur ultra taxam pro singulis Capitulis aut Ecclesiis determinatam, aut a Nobis cum iis, quorum interest, determinandam.

CAPUT VII.

Capitula Ecclesiarum Collegiatarum, quæ certas aut sufficientes distributiones non habent, cogitent de modo, quo ex singulis Horis assignari possint; eumque Nobis prima quaque opportunitate suggerant, ut communicato consilio ordinationi Concilii Trident. (r) satisfieri possit.

CAPUT VIII.

Ut etiam distributiones Capellaniarum in Ecclesia nostra Cathedrali & aliis Ecclesiis augeri possint, ordinamus, ut omnia ea, quæ pro distributionibus relicta sunt, interessentibus in Choro juxta præscriptum Synodi (s) re ipsa distribuantur.

CAPUT IX.

Quoniam pia Fundatorum fraudatur intentio, Ecclesia suis Ministris, & populus Divino Officio, aliaque plurima sequuntur incommoda, quando obtinentes Capellanas non resident in Ecclesiis suarum Capellaniarum; iis detrimentis & incommodis, ut ex officio nostro prospiciamus, declaramus ad residentiam teneri obtinentes Capellaniam, quam vocant animarum, ita fundam-

(q) Sess. 22. cap. 11. de Reform.

(s) Mechl. tit. 12. c. 3. 4.

(r) Sess. 21. cap. 3. Sess. 22. cap. 3. Sess. 24. cap. 15.

fundatam, ut qui eam obtinet, Pastori in sua functione sit adiutor: Possessorem etiam Capellanæ, cujus fundatio exprimit Capellanum debere residere. Contra quos, si non resideant, personaliter procedi volumus, pœnis contra non residentes a jure (†) constitutis.

CAPUT X.

Decretum Concilii Tridentini (u) de revidendis unionibus, quod hæcenus a Prædecessoribus nostris injuria temporum prohibitis executioni mandatum non est, exequi volentes, omnino requirimus ante semestre proximum ad manus nostras omnium omnino unionum quorumcumque Beneficiorum, quibuscumque mensis, Capitularibus, Abbatibus, piis locis, Pastoralibus quacumque auctoritate unitorum exemplaria manu Notarii publici descripta deferant; quo eas revidendo dispiciamus, an conditionibus in unionibus præscriptis fatistiat.

CAPUT XI.

Et quoniam compertum, plures se in possessionem Beneficiorum superiorum turbatum tempore sine ullo justo titulo intrusisse; statuiamus, ut quorumcumque Beneficiorum aut Officiorum Ecclesiasticorum nostræ Diœcesis extra Cathedralis & Collegiatis Ecclesias, eisdemque subiectas, possessores in prima visitatione per Decanum ruralem faciendam titulos suos collationis, institutionis, & possessionis exhibeant: qui vero quacumque ex causa absint, infra proximum a tempore publicationis hujus Synodi trimestre, ad Archidiaconum teneantur literas originales, vel si ita illis visum fuerit, saltem copiam illarum authenticam transmittere, sub pœna suspensionis a fructibus eorundem Beneficiorum vel Officiorum.

CAPUT XII.

Missæ per Beneficium quodcumque fundatæ, (x) quæ debent celebrari in quibusdam certis altaribus, certis diebus vel horis, cantu, aliisque modificationibus, secundum omnes suas

clausulas, fundationes requisitas, celebrentur. Ubi vero Ecclesiæ, aut altaria diruta sunt, aut fructus hujusmodi oneribus non sufficiunt; auctoritate Nobis a Concilio Tridentino (y) attributa, ad certa loca ea Beneficia transferantur, aut onera ad certam quantitatem reducantur: quod nemo, ne Patronus quidem, auctoritate privata præsumat facere, aut, ut hoc fiat, consentire.

CAPUT XIII.

Beneficiati omnes infra trimestre Decano rurali sui Districtus tradant, seu transmittant syllabum seu descriptionem exactissimam omnium, quæ possident titulo Beneficii, omniumque proventuum, cum annotatione nominum, possessorum, hypothecarum, & limitum vicinorum fundorum; eamque descriptionem & annotationem authenticam; sub pœna decem florenorum pro primo trimestri, pro secundo viginti florenorum: & Decani infra mensem, deinde subsequenter tradent, vel tuto mittent hæc eadem ad Archidiaconum, ut in Archivis nostris ponantur.

CAPUT XIV.

Ubi vero Beneficium vacat, aut Possessor illud deserit, Decanus ruralis cum interventu Pastoris loci inventarium supra nominatum procurabit.

CAPUT XV.

Dum quis onus Missæ Beneficio aut Officio suo annexum per se explet, aut annexum Beneficio vacanti, vel ei quod a quopiam non residente possidetur, quæ Missa celebrari debeat certa hora, aut Dominicis, aut Festis diebus, in cujusque Missæ officium sex stufferorum elemosynam assignamus: si autem celebretur cum cantu, septem; alias quinque tantum. Ad quam ratam celebrationem Missarum, pro rata fructuum recipiendorum hoc præsentium rerum statu, usque dum aliter ea de re disponemus, auctoritate Nobis a Sacrosancto Concilio Tridentino (z) tributa reducimus.

(†) x. de Cler. non resid. cap. 4. 6. 8. &c.

(x) Concil. Trident. Sess. 25. cap. 5.

(z) Dicta Sess. 25. cap. 4.

(u) Sess. 7. cap. 6. Sess. 24. cap. 13.

(y) Sess. 21. cap. 7. Sess. 25. cap. 4.

CAPUT XVI.

Pari ratione, ne ob tenuitatem foundationum defunctorum anniversaria negligantur, plura anniversaria simul jungi permittimus, secundum taxam à Nobis in unaquaque Ecclesia pro numero Ecclesiasticorum residentium faciendam. In pagis vero, ubi tantum est unus Pastor & Custos, distribuatur pro decantatione Vigiliarum trium Lectionum & Missa unus fiderenus; cujus duæ tertiæ cedant Pastori, & restans tertia Custodi, nisi aliter in fundatione distributio ordinata est.

CAPUT XVII.

In quolibet Capitulo deputeretur unus vel alter, qui visitet & legat omnia munimenta Beneficiorum, & quaecumque piarum foundationum in Ecclesiis suis, Capellisque subjectis constitutarum, describarque singulis incumbentia onera Missarum, & quaecumque sunt alia. Iisque ut exacte satisfiat, procuret Decanus, aut qui ad hoc specialiter deputabitur.

CAPUT XVIII.

Pastor etiam quilibet a Rectoribus fabricæ suæ Ecclesiæ, Capellarumque inde dependentium, & Curatoribus mensæ Sancti Spiritus, Hospitalium & Confraternitatum, curet sibi dari ex fabricæ, mensæ Sancti Spiritus, Hospitalis, Confraternitatisque respective registris extractum authenticum omnium Missarum, Anniversariorum, aliarumque ejusmodi foundationum, ad faciendum speciale aliquod officium relictarum, ut Fundatorum intentioni omnino satisfieri possit. Extractum vero hujusmodi, illiusque copiam authenticam, altera sibi servata, Decano visitanti exhibeat; qui illam Archivis Episcopalis, peracta visitatione, inferat.

CAPUT XIX.

Ut exactius Missarum foundationes ferventur, Decanus ruralis & Pastor cujusque Ecclesiæ junctim disponent & curabunt Missas Beneficiorum & Officiorum vacantium, item detentorum ab his, qui non resident, fieri per Beneficiatos residentes in loco fundationis; ita videlicet ut habeatur ratio ejus,

qui maxime ex residentibus vitæ probitate meruerit, & indiguerit. Hujusmodi autem Missæ maxime diebus Dominicis & Festis fieri curentur, ut populi commoditati consulatur. Plane id exigit justitia, ut ex talium Beneficiorum fructibus primo satisfiat oneri Missarum, antequam de iis Possessor absens quippiam recipere possit.

CAPUT XX.

Nemo sub obligatione restitutionis, & poenæ unius floreni, præsumat una & eadem Missa satisfacere pluribus fundationibus, aut Sacris votivis; si monitus non desistat, severe puniatur.

CAPUT XXI.

Beneficium simplex obtinens, habitum Clericalem gestet, Horas Canonicas legat, oneribus Missarum, & aliis, si quæ incumbunt, satisfaciatur; eorumque omnium legitimum testimonium ante festum Beatæ Mariæ Magdalænæ Archi-Diacono, vel Decano rurali exhibeat, ut & studii literas aut concessæ absentiæ, si quas alicui ob rationabiles causas concesserimus; alioquin fructus non faciat suos.

CAPUT XXII.

Fructus Pastoratus aut Beneficii vacantis per decessum vel cessum debentur domui mortuariæ, pro rata temporis, quo Possessor refedit post festum D. Joannis Baptistæ. Ulteriores vero administrabit Sigillifer, & debitum oneribus curabit satisfieri. In Ecclesiis vero Cathedrali & Collegiatis, observentur illarum Statuta.

TITULUS XIX.

De Scholis.

CAPUT I.

Scholæ in pagis (ubi non sunt) statim instituantur: sintque in loco aliquo commodo juxta Templum, ut tam Præceptores, quam discipuli frequentissime a Pastoribus, aliisque visitari, observari, & in Religionis nostræ initiis commodius exerceri possint.

CAPUT II.

Ludimagister constituatur a Pastore, Magistratu, & primariis Parochiæ incolis.

incolis (qui curabunt de necessario stipendio ei provideri) cum consensu Decani ruralis, in cujus manibus faciet Professionem fidei, jurabitque se non docturum aut permitturum ab hypodidascalo vel discipulis in Schola sua haberi libros hæreticos, aut de hæresi suspectos, aut quacumque ratione in honestatem peccantes, aliasve prohibitos; promittetque se observaturum ea, quæ de Ludimagistris tam in Synodo Provinciali, quam Dicecesana constituta sunt.

CAPUT III.

Habeant autem rationem Ludimagistri, ut tenera ætas in pietate & morum modestia instituat; ideoque ad catechizationem discipulos suos deducant, eosque ibi existentes in disciplina contineant; & ipsimet Præceptores pro capitu discipulorum suorum diebus Sabbati post meridiem fidei nostræ rudimenta explicant. Diebus Dominicis & Festis ad Missam Parochialem, atque ut minimum quater in anno simul ad Confessionem Sacramentalem deducant; ipsique Magistri bono vitæ suæ exemplo discipulos ad virtutem provocent, & ab omni tabernaculi frequentatione, aliisque levitibus abstineant. Ubi autem consuetudo Laudes B. Mariæ quotidie, vel saltem Sabbato decantandi a Scholaribus intermissa est, quamprimum restituatur.

CAPUT IV.

Pro pueris, quorum parentes sustentantur ex eleemosynis mensæ Sancti Spiritus, solvent Rectores ejusdem mensæ dimidium didactri ejus, quod ditiores pendunt, & suppeditabunt eis libros ad discendum necessarios; curabuntque, ne umquam desint ipsis Catechismi, & præmiola in catechizatione pauperioribus distribuenda.

CAPUT V.

Quoniam ex raritate eorum, qui cantus sunt periti, multis in locis Officium Divinum non recte peragi videmus, & difficilius in ætate grandiori cantus addiscitur; in omnibus Scholis, potissimum Latinis, designetur bis terve in hebdomada una hora, aut saltem pars temporis pomeridiani Sabbatis &

Profestis, quando discere cantum idonei doceantur, idemque ut in Religioforum, qui juventutem docent Scholis, observetur, in Domino hortamur, & requirimus.

CAPUT VI.

Ut profectui eorum, quos rei familiaris angustia depressos tenet, quominus cum inferiores Scholas percurrerent, ad altiores disciplinas procedant, quoad ejus fieri potest, consulatur; inquirant omnes Pastores sedulo, an in sua Parochia natis, aut ex ea oriundis alicubi institutæ sint aliquæ burfæ, aliæve ad Studiosos alendos subsidia, atque ad Nos deferant, aut Decano visitanti denuntient: ut si qua forte temporum injuria obscurata, aut etiam deperdita fuerint, in statum observationemque pristinam restituantur.

TITULUS XX.

De Seminariis.

CAPUT I.

Institutum Seminarii a Nobis ante annos quinque erecti ipsa rei evidentia abunde commendat; ac probat omnibus, qui fructum ex eo provenientem in hac tanta Sacerdotum raritate, ipsoque afflictissimo Ecclesiæ nostræ statu, cognoverint. Formantur enim in eo provectiores bonæ spei juvenes, qui in humanioribus literis, studiisque Philosophicis versati, idonei sunt ad Theologiæ studium capeendum; in quo per tres quotidianas lectiones, quarum duæ in Theologia morali, tertia in Controversiis, per frequentes disputationes, item per confessiones in casibus conscientiarum, conciones domesticas, privatasque examinationes, exercitia in cantu, cæremoniis Ecclesiasticis, similibusque aliis, brevissimo tempore redduntur capaces Dei singulari beneficio ad operam suam in vinea Domini præstandam.

CAPUT II.

Enimvero cum omnia alias sapientissime instituta subsistere nequeant, nisi rei domesticæ subsidiis fulciantur, Seminarioque de necessariis proventibus congrue provisum nondum sit; ne tam sancti operis, adeo feliciter cœpti, pro-

progressum fisti aliquando contingat, rogamus omnes personas Ecclesiasticas nostræ Dicecesis, quibus vel in primis congruit de superfluis suis eleemosynas largiri, ut Seminarii ante omnia in piis largitionibus meminisse velint, præsertim in confectione testamentorum suorum, & una cum consanguineis, aliisve hæredibus Christum cohæredem in membris suis Seminarii alumni scribant.

CAPUT III.

Tamen si autem hæcenus media a Concilio Tridentino in Seminarii subsidium præscripta eo applicare non potuerimus, quod per tumultuum prætorum tempestates, bonorum proscriptioes, variasque exactiones, ita Beneficiorum redditus fuerint accisi, ut ipsis Beneficiatis alendis vix suffecerint, rebus nunc pacatioribus æquitas certe postulat, ut pro facultatum suarum ratione, & præsentis rerum statu, unusquisque onus ab eadem Sancta Synodo impositum, per Nos, & ad hoc deputatos determinandum, suscipiat alacriter ac ferat.

CAPUT IV.

Cum ob horum temporum malitiam, Templorum, pagorumque vastationem, non dubium sit plures fructus bonorum Ecclesiasticorum receptos esse, ad quorum proportionem nullum officium fuerit factum, aut ab iis, quibus non debebantur; hortamur eosdem in Domino, & alios, qui quacumque ex causa ad restitutionem similium tenentur, ut ea Seminario applicent, quando expeditior restituendi via non occurrit.

TITULUS XXI.

De conservatione, recuperatione, & recta administratione bonorum Ecclesiasticorum.

CAPUT I.

Cum per bellicos tot annorum tumultus, ædium sacrarum incendia, oppidorum direptiones, locorumque omnium devastationes, plurima passim Ecclesiarum, fundationumque sacrarum munimenta, registra, computus, similiaque documenta deperdita

sint, aut uspiam suppressa; ad eorum recuperationem omnes, ad quos ea sollicitudo quoquomodo spectat, omnes nervos intendant: in quam rem vias ac modos, qui Nobis occurrerunt, hoc loco suggerendos esse putamus.

CAPUT II.

Pastores in concionibus suis efficaciter ostendant populo gravitatem sacrilegii, quod illi committunt, qui aliqua bona Ecclesiastica detinent, redditus, quos ipsi debent, eos obscurandi causa non solvunt, munimenta que, per quæ Ecclesiæ ad recuperationem bonorum suorum possent pervenire, non restitunt; in eumque finem pro suggestu promulgent Decretum Concilii Tridentini, insertum ultimo Concilio Provinciali Mechliniensis sub hoc Titulo & Cap. 12. cum edicto Serenissimum Principum Art. 21. & 22. Declarabuntque non eos tantum peccare, qui detinent, sed & eos, qui cum scient; non tamen indicant detentores.

CAPUT III.

Ut & Magistratus civilis, quod sui muneris est, ad recuperandas pias fundationes, faciat; expediet cum publico edicto suis subditis mandare, ut qui sciunt bona ad pias fundationes spectantia, uspiam per quemcumque suppressa seu detenta, ante trimestre proximum manifestent.

CAPUT IV.

Pastores, Æditi, alique bonorum Ecclesiasticorum Administri, requirant, ut & Nos requirimus, hortamurque in Domino omnes receptores antiquorum censuum & jurium Dominicalium, ut quando in suis registris inveniunt aliqua hypothecata super fundis piarum fundationum, huiusmodi fundos denuntient: similiter agant cum Secretariis, Graphariis, & Notariis, ut cum in instrumentis, quæ faciunt, præsertim in investitionibus, inheritanceibus, inventariis bonorum, munimentorumque in domibus mortuariis repertorum, hæreditatum, familiarumque divisionibus, mentio erit aliqua redditus alicujus loco alicui pio debiti, eos, ad quos ea res spectat, redant certiores, suaque registra inspicienda exhibeant. Et si ipsi ea percur-

rentes,

rentes, aut alias aliquos hujusmodi redditus deprehenderit, obscuratosque indicaverint, digno aliquo honorario compensentur.

CAPUT V.

Administratores Capitulorum, Monasteriorum, aliorumque piorum locorum, exhibeant Nobis tam pro se, quam Beneficiatis sibi subditis, statum omnium bonorum a quadraginta annis alienatorum, & redituum redemptorum: & si cum debitis solemnitatibus alienationes non procefferint, necessitasque aut utilitas ita postulet, ut approbentur, adhibeantur; si adhibitæ fuerint, videatur, an conditiones in alienationibus præscriptæ sint adimpletæ, & an recepti nummi capitales in similitum redituum emptiones rite collocati sint: si id minus factum fuerit, statim omnino fiat, & ante trimestre proximum de applicatione facta iidem apud Nos doceant.

CAPUT VI.

Pecunia ex redemptione redituum aut aliunde proveniens, ad pia loca pertinens, quæ quibusdam in locis data est communitatibus, aut privatis personis sub interursorio aut interesse, statim super certis fundis ab illis hypothecetur, accepta natura iusti redditus, aut reperatur aliis in reditum danda.

CAPUT VII.

Si quæ bona spectantia ad Parochiales Ecclesias aut Beneficia simplicia, ob non solutos census per Pastores, aut Beneficiatos, Curatos fabricarum, mensarum Sancti Spiritus, cæterorumque piorum locorum Administratores, evincantur, seu evicta nunc sint; non ideo eis liberum sit, pignora sic evicta sibi retinere, aut ea transferre in suos hæredes, sed ipsis Ecclesiis, locisque vel officiis piis, quibus census debebantur, reacquisiti censeantur; ita tamen ut ratio habeatur sumptuum ab ipsis factorum, & Canonum antecessorum.

CAPUT VIII.

Rogamus etiam, vehementerque hortamur Dominos temporales, & alios quoscumque, qui ob debita Domini-

calia non præstita census aut redditus per temporum injuriam vel incuriam & negligentiam Rectorum, Possessorum, vel Administratorum (quæ causis piis damno esse non debet) non solutos, aut ob pecuniam ad aggeres muniendos aut reparandos non exhibitam, bona aliqua ad pias fundaciones relicta evicerunt, ut eadem illis restituant, salvo dumtaxat suo censu, ejusque annuo reditu & refusione eorum, quæ in aggeres sunt impensa.

CAPUT IX.

Et ut in posterum ejusmodi incommoda evitentur, mandamus, ut omnes eo tempore, quo specificationes bonorum ad Beneficia sua spectantium, Archi-Diaconò vel Archi-Presbytero tradere debent, simul etiam tradant specificationem censuum, redituum, & aliorum quorumcumque onerum, quibus illa subiecta sunt; & insuper illa onera persoluta esse tempore visitationis, alternis saltem annis, per apochas vel alias sufficienter doceant sub poena arbitraria.

CAPUT X.

Ut Decimæ, quæ sunt Deo debita tributa, integre Ecclesiis & Sacerdotibus persolvantur, quas sibi Dominus ad universalis Domini signum & agnitionem reservavit, promulgent Pastores circa tempus messis Decretum Concilii Trident. (a) quo statuit non esse ferendos, sed excommunicandos eos, qui variis artibus decimas Ecclesiæ obvenientes subtrahere nituntur: si autem sint, quos tantæ æquitatis aut conscientie dictamen non permoveat, eos Edicto PHILIPPI Secundi Regis in calce addito coërceant.

CAPUT XI.

Census & redditus quorumcumque granorum & leguminum, nec non vini, olei, hælecum, ceræ, & similes, Collegiis Ecclesiasticis, Beneficiis, fabricis, mensis Sancti Spiritus, & quibuscumque locis piis debiti, in specie quotannis persolvantur, aut saltem non in certa semper & eadem quantitate pecuniæ solvi permittantur: nisi ob legitimam præscriptionem censuum, constitu-

(a) Sess. 25. de Reformat. cap. 12.
Tomus VIII. Concilior. German.

stitutionem seu creationem, aliter fieri debeat. Redimi vero atque extinguere sine auctoritatis nostræ interventu redditus in speciebus istiusmodi consistentes, atque originaliter ad usus pios relictæ, numquam permittantur, sed nec si originarie eos pecunia emptos docuerint debitores: (quibus, si se onere illo exolvere prætendant, id demonstrare incumbit ex Edicto Regiæ Majestatis anno 1571. super reductione & redemptione reddituum promulgato; ac sententia & declaratione facta in Concilio privato, habita aliorum Conciliorum deliberatione inter status Ecclesiasticum & sæcularem Namurcensem 26. Octobris, 1573.) sine scitu tamen nostro atque auctoritate, Beneficiati, aut Administratores, pecunias capitales recipere non possint; cum in redemptione similium reddituum, præsertim antiquorum, multa ad emolumentum aut jacturam piæ causæ spectantia attente & industrie perpendi debeant.

CAPUT XII.

Ubi autem necessario redemptionem hujusmodi pati oportuerit, fors pecuniæ capitalis, si utiliter & secure statim impendi non possit, penes ipsum tamen Beneficiatum ne relinquatur, sed Archi-Diacono nostro aut Capitulo (si ei immediate subfit) consignetur in Archivis servanda, donec opportunitas fructuose ac tuto eam collocandi obveniat.

CAPUT XIII.

Officiarios vero locorum, Magistratus, & Collectores monemus, ut sint memores Constitutionis BONIFACII VIII. quæ incipit: *Clericis laicos*, quæ habetur sub Tit. *De Immunitate Ecclesiarum* in 6. ubi constituitur, ne indebite Ecclesias, Ecclesiasticasque personas aut bona gravent.

CAPUT XIV.

Non præsumant etiam Patroni, aut alii Superintendentes, piarum fundationum bona ad certa officia, certosve usus relictæ, ad alios etiam pios usus applicare; sed ubi hoc legitime rationes fieri exegerint, ordinaria id auctoritate fiat.

CAPUT XV.

Omnes elocationes bonorum spectantium ad Beneficia aut Officia Ecclesiastica, fiant cum cognitione & approbatione Decani & Capituli, quibus subsumunt; alibi vero cum Archi-Presbyteri consensu, qui in Actis visitationis suæ hujusmodi elocationes annotabit, alioquin Successores non obligent.

CAPUT XVI.

Bona illa, quæ spectant ad Beneficia vacantia, nec non quæ ad Beneficia illorum absentium, qui absentia *Place-tum* non habent, elocabit in suo districtu Archi-Presbyter ruralis publice plus offerenti.

CAPUT XVII.

Elocationes bonorum cujuscumque Beneficii aut Officii, non fiant anticipatis solutionibus, sub pœna duplum restituendi ejus, quod acceptum erit.

CAPUT XVIII.

Rectores bonorum fabricæ, mensarum Sancti Spiritus, Capellarum, Hospitalium, aliorumque piorum locorum, similiter elocent bona ad administrationem suam spectantia plus offerenti, cum interventu Pastoris & Officiarii loci; nec elocent domos suæ curæ concreditas, juxta Templum sitas, iis, qui aperiunt Scholas tripudatorias vel tabernas, aut aliquod exercent opificium, cujus exercitio magnus strepitus editur, multo minus hominibus malæ vitæ aut famæ.

CAPUT XIX.

Ut bona hætenus conservata, aut nunc recuperata, aut recuperanda, in posterum conserventur, statuimus, ut omnes literæ & munimenta originalia quorumcumque Beneficiorum Ecclesiasticorum concordatorum privilegiorum, fundationum Missarum, Officiorumque Ecclesiasticorum, Bursarum, antiqua registra, manualia, testamenta Ecclesiasticorum spectantia ad Ecclesiam Cathedralē, aut Collegiatas, eorumve Ecclesias subalternas, aut Capellas ipsis subditas, deferantur ad Archiva suorum Capitulorum; quæ vero ad alias Ecclesias pertinent, ad Archiva Episcopatus. Beneficiati vero habeant manualia sua, munimentorumque transumpta, seu eorum copias authenticas.

Ea

Ea vero, quæ ad fabricas & mensas Sancti Spiritus, aliaque pia loca spectant originalia & principalia, ponantur in cista in Sacristia collocanda, tribus clavibus obserrata; quarum una sit penes Pastorem, altera penes seniore[m] Ædituum, & tertia penes seniore[m] Rectorem mensæ Sancti Spiritus. Transumpta vero authentica mittantur ad Archiva Episcopatus, una cum Registro accurate de hujusmodi bonis confecto, etiam duobus videlicet antiquo & novo computibus.

CAPUT XX.

In qualibet Ecclesia fiat Registrum (si id a decennio factum non est) in quo accurate, distincte, ac separatim describantur omnia bona ad Pastorum, Beneficia, Officia, fabricam, mensam Sancti Spiritus, Hospitalia, aliasque pias foundationes spectantia, cum plena specificatione, qua exprimat[ur] quantitas, limites, ac termini silvarum, pratorum, & terrarum arabilium, nec non cum expressa designatione fundorum ipsi bonis ad prædictas personas vel causas pertinentibus adjacentium, adscriptis illorum nominibus & cognominibus, qui hujusmodi hypothecas aut fundos limitaneos impræsentiarum possident.

CAPUT XXI.

Ut conservationi munimentorum, Registrorumque ad Beneficia spectantium cautius prospectum sit, mandamus omnibus Ecclesiasticis, ut dum testantur, semper aliquam personam Ecclesiasticam Executorem sui testamenti nominent; aut alioqui per Ordinarium vel Capitulum, cui immediate subsunt, Ecclesiasticus Executor adjungetur, sub poena privationis fructuum Beneficii nondum perceptorum, si eundem non admiserint.

CAPUT XXII.

Literæ quoque originales, Registra, munimenta, quæ vetustate consumuntur, in authenticam formam transumpta renouentur. Fiat insuper quamprimum exactum omnium ornamentorum, & quorumcumque utensilium cujusque Ecclesiæ inventarium.

Tomus VIII. Concilior. German.

CAPUT XXIII.

In locis, in quibus administratio bonorum hæcenus non bene directæ fuit, ac munimenta obscura sunt, computusque intricati, & Rectores in hujusmodi parum versati, omnino expedit, ut consilio Pastoris, eorumdemque Rectorum, & notabiliorum (quos dicunt) ipsius loci, aliquis peritus & industrius constituatur cum moderato stipendio, qui bona & registra & computus in ordinem debitum a Decano rurali præscribendum redigat, quem ordinem ac modum in reddendis rationibus deinceps sequi oporteat.

CAPUT XXIV.

Dum autem rationes redduntur Ecclesiæ Parochialis, simul etiam reddantur ea, quæ ad Capellas sub illius districtu sitas pertinent.

CAPUT XXV.

Rectores fabricarum & mensarum Sancti Spiritus nullas lites assument, nisi causa prius a Nobis, nostræ Vicariatu examinata, ne alicui inconsulta temeritate per injuriam molesti sint, atque non necessariis sumptibus, salariis, vacationibusque fabricas aut mensas pauperum gravent. Quod si etiam causa gravioris momenti sit, committetur alicui ex Vicariatu aut Decano Christianitatis, ut antequam lites instituantur, cum adversariis seria ratione agant; ut, si fieri possit, res sine strepitu iudicii terminetur, assumptis potius, si dubium jus fuerit, utrimque Jurisconsultis, quibus decisio negotii committatur: si quis secus fecerit, nullo modo expensas in fabricæ aut mensæ Sancti Spiritus rationes referat, nec auditores rationum inferri patiantur, in quas forte condemnatus erit, aut quas ab adversario recuperare nequiverit, sed eas ipse in penam temeritatis suæ luat.

CAPUT XXVI.

Decimæ ad Capitula, Monasteria, aliaque pia loca, vel Beneficia spectantes, ultra triennium non elocentur; præterea quoque quando separatim elocabuntur; ut & domus, non ultra sexennium, terræ vero arabiles non ultra novem annos; nec contractus ejusmodi elocationum renouentur, nisi finito biennio

Mmm mmm 2 prio.

prioris contractus quoad decimas, quadriennio quoad domos & prata, & sexennio quoad terras arabiles; nec quis umquam prædictos terminos excedat, nisi observatis solemnitatibus, quæ ad alienationem rei Ecclesiasticæ de jure requiruntur, sub pœna nullitatis ipsorum contractuum, & alias arbitraria.

CAPUT XXVII.

Quod attinet ad auditionem computuum, ea, quæ in Synodo Provinciali, atque Serenissimorum Principum edicto desuper prudentissime ordinata sunt, exactissime servantur.

TITULUS XXII.

De Templis.

CAPUT I.

Templa & Altaria Dei passim ab Iconomachis profanata, conculcata, & everfa, omni studio statim instauranda sunt: eaque reparatio, quantum populi necessitati sufficit, tergiversando, dum alius in alium hoc onus rejicit, diutius nullo modo differatur; ne incurramus indignationem Dei Omnipotentis, severissime comminantis per Prophetam Aggæum iis, qui domum Dei negligunt, & ad suas reparandas festinant: sed potius communi manu & liberalitate ad locum habitationis ejus condecorandum omnes concurrant, ad imitationem populi Judaici, qui augustissimum Jerosolymitanum a Nabuchodonosor spoliatum atque eversum, (b) brevissimo tempore splendidissime instaurarunt: ac liberaliter omnes Levitæ quidem decimam partem decimæ suæ, reliqui vero tertiam partem fidei per annum ad opus domus Dei offerebant.

CAPUT II.

Moneatur autem populus, qui aut ipse furore hæretico concitatus Temppla sua devastavit, aut Ecclesiis suis pro foralitiis, domiciliis, stabulis, abusus est, aut militibus necessaria denegando, contributiones suas non solvendo, conflagrationis aut devastationis Templo-
rum suorum occasionem efficacem dedit, ut in restituendo damno, cui dedit causam, sese liberalem præbeat, & qui

hactenus ingentem summam pecuniæ singulis mensibus armorum metu extortam solvit, ut nunc pacatiori statu aliquod subsidium voluntarium præstet pro reparatione domus Dei, in qua pabulo verbi Divini ac Sacramentorum Christi susceptione ipsorum mentes pascantur, cum summæ remunerationis sive temporalis, sive spiritualis certissima promissione.

CAPUT III.

Ne autem ulla prætermittatur occasio in usum Templi colligendi elemosynas, omnibus diebus Dominicis & Festis circumeant Aeditui, tam sub concione, quam Summo Sacro, collecturi elemosynas a devotis Christi fidelibus offerendas, & oblato- rum summam statim annotent, de iis suo tempore reddituri rationem: & in omnibus Ecclesiis statuatur Gazophylacium, seu truncus cavatus, qui claudatur duabus clavibus, quarum una sit penes Pastorem, altera penes Aeditum seniore-
m.

CAPUT IV.

In omnibus Ecclesiis ad minus summum Altare adaptetur, idque sic, ut lapis unus solidus tegat superne totum altare: ubi autem tam amplus haberi commode non potest, adaptetur (ut & in aliis altaribus) lapis ut minimum bipedalis in quadro, qui medium altaris, supra eum locum, in quo Reliquiæ Sanctorum reconduntur, tegat; ponaturque semper imago Christi crucifixi in altaris medio, sitque super illud tabula aliqua sacra pie depicta.

CAPUT V.

Non extruantur plura altaria, quam commode adornari possint: & durante hac Sacerdotum penuria non plura, quam tria in quolibet Parochiali rurali Templo sine nostra auctoritate ædificentur, etiam si Capellanæ plures ibi fundatæ existant.

CAPUT VI.

Ubi Temppla adhuc integra sunt, ante mensem ab iis auferatur omnis laica supellex, & omnia similia impedimenta, sub pœna trium florenorum, singulis hebdomadis post dicti mensis finem ab iis, quorum supellex ablata
non

(b) 2. Esdr. 10.

non fuerit, ad usum fabricæ solvendum.

CAPUT VII.

Templa, quæ habent adhuc integros suos parietes, extructo ostio concludantur & mudentur.

CAPUT VIII.

In locis Ecclesiarum dirutarum, aut cœmeteriorum in usus profanos, non sordidos tamen converforum, juxta Concilii Tridentini (c) Decretum crux erigatur. Et dum hujusmodi loca profanis usibus applicantur (quod sine nostra auctoritate fieri vetamus) Fidei-
lium defunctorum ossa ad sacra loca vicina transferantur; ac Beneficia, bonaque ad aliam Ecclesiam nostra auctoritate (vocalis iis, quorum interest) transferenda sint, donec illa reædificentur; committendaque administratio bonorum hujusmodi Ecclesiarum ac locorum viris probatis, qui de illa rationem reddent coram Nobis, nostrisve Deputatis, aliisque, quorum interest, ut ad usus, ad quos relicta sunt, impendantur.

CAPUT IX.

Nemo etiam in Ecclesiis obambulet, nulla ibi convivia fiant. Sedilia fœminarum, quæ sera claudantur, in Templis fieri non facile permittantur. Clerus profana colloquia, etiam in Sacristia, non habeat, sub pœna sex stuperorum, toties, quoties; multo minus ulla irreverentia a quibuscumque fieri in sacris locis toleretur.

CAPUT X.

Non parum irreverentiæ sacris locis ex eo accidere potest, quod alicubi per totum diem aperta relinquantur, & hoc pacto non solum furum direptionibus, sed etiam variis profanationum periculis exponantur: quod nē deinceps contingat, Pastoribus ac Matriculariis Ecclesiarum in pagis constitutarum præcipimus, ut extra tempus Divini Officii easdem clausas teneant, sub pœna unius floreni, toties, quoties a negligentibus exigendi, & fabricæ ipsius Ecclesiæ applicandi.

CAPUT XI.

Cœmeteria omnia, quæ in multis locis aggeribus & fossis adinstar forta-

litorum munita sunt, statim complanentur, & a ruderibus, vepribus, aliisque impedimentis purgentur, ut commode a Nobis, in eorundem reconciliatione, & in processionibus, & ab his, qui pro defunctis oraturi eo veniunt, circumiri possint: ac statim muro, asseribus vel sepe concludantur, ut pecoribus ad ea aditus non pateat: nec in eis fiant strues lignorum, fœni, aut domus, nisi forte pro Schola ædificentur; multoque minus permittantur in iis lusus aut insolentiæ puerorum, aut aliorum quorumcumque.

CAPUT XII.

Si qua sacrorum locorum ornamenta, calices, campanæ, materialia ex Templorum ruinis ablata, dignoscantur alibi extare, ea vendicentur. Quod si in usus ædificiorum profanorum materialia ejusmodi applicata sint; justo precio per Decanum ruralem, Pastorem, & primarios de pago æstimata redimantur.

CAPUT XIII.

Ad evitandas multas difficultates, quæ sæpe contingunt circa immunitatem præstandam confugientibus ad Ecclesiam, servetur Constitutio GREGORII XIV. quæ incipit: *Cum alias nonnulli.*

TITULUS XXIII.

De Regularibus.

CAPUT I.

Regulares, ab Ordine abscissos, ad Beneficiis aut Officiis Ecclesiasticis in nostra Diœcesi deservendum admitti plane nolumus; & admissos ad Beneficia, ea deferere ante festum D. Joannis proximum jubemus.

CAPUT II.

Meminerint Ordinum Superiores non esse sibi licitum, Monachos quamvis in gravium criminum aut incorrigibilitatis causa ab Ordine abscindere & dimittere, sed debere fugitivos & ejectos requirere & recipere in Monasterium; aut si id Regularis Ordo non patitur, apud Monasteria sua in locis competentibus, si absque gravi scandalo fieri possit, alioquin in aliis religiosis

Mmm mmm 3

giosis

giosis domibus ejusdem Ordinis ad agendum ibi pœnitentiam, eisque vitæ necessaria ministrare, juxta dispositionem *C. Ne Religiosi. x. De Regular.* quam Constitutionem per literas ad Illustrissimum Archi-Episcopum Rhodiensem, Nuntium Apostolicum, datas Sua Sanctitas servari jussit.

CAPUT III.

Contingit nonnumquam homines sæculares, ementito habitu Monachali aut Eremitico, gravem infamiam inferre Ordini, cujus habitum gerunt. Contingit etiam Monachos sine Superiorum licentia vagantes, eleemosynas passim petendo, aut per plateas discurrendo, scandalizare totum Ordinem Ecclesiasticum. Quare mandamus Apparitoribus Curiae nostræ, ut istiusmodi fictitios vel vagabundos deprehendere satagant, & ad Nos, cum modestia tamen & sine scandalo, deducant; ut de eorum statu informati, quod rationi congruum erit, statuamus.

CAPUT IV.

Conqueri solet populus se gravari collectis eleemosynarum ab aliis Religiosis, qui, vel quæ ex Ordine Mendicantium non sunt, nec ab antiquo similes eleemosynas petere solebant: proinde omnes, qui Mendicantes non sunt, ex sua professione Nobis demonstrent, quo fundamento, aut a quo tempore soleant hujusmodi circuitiones & collectas facere; alioqui eis id sit in posterum interdictum.

CAPUT V.

Ut, quod de Confessario extraordinario Monialibus dando (d) fancitum est, exactius servetur, declaramus Nos istiusmodi Confessarios delegatos in Adventu, Quadragesima, & mense Julio, nisi ratio aliqua secus fieri suadeat.

CAPUT VI.

Quæ de clausura Monialium in Concilio Trid. (e) & Provinciali Mechliniensi (f) decreta sunt, sollicitè observentur. Quando vero necessitas aliqua urgebit, ut aut Confessarius moribundarum confessiones excipiendi, aut Medicus, aut Chirurgus visitandi causa, aut alius quispiam operarius in-

gredi clausuram Monasterii debet; illos tunc ingredienti, & intra septa Monasterii versantes, & egredientes, duæ Moniales ex senioribus semper comitentur.

CAPUT VII.

In Monasteriis Sororum, quæ in charitatis circa infirmos officiis versantur, in quibus ratione suæ vocationis arcta illa clausura servari non potest, volumus ea omnia servari, quæ sine impedimento suæ vocationis servari possunt: ac in singulis talibus Monasteriis, pro loci constitutione, sedulo tollatur omnis occasio, qua Sorores cum viris familiaritatem aut colloquia non necessaria habent: ipsæ Monasterium suum non egrediantur, nisi cum necessitas aut officii sui ratio postulat; non ad Dedicaciones, convivias, nuptias eant, aut rebus sæcularibus, & quæ ad vocationem suam non pertinent, sese immisceant; diebus autem, quibus communicant, confabulationes cum externis nullas admittant.

CAPUT VIII.

Quoniam vero tales Sorores profitentur Regulam Sancti Augustini, exacte eam observent, ac nominatim, ne extra horam refectiois aliquod esculentum aut poculentum sumant.

CAPUT IX.

In refectorio ad mensam communem numquam aliquem externum admittant, ne quidem Confessarium, aut commensales; quas volumus a refectorio tempore refectiois, quo pium aliquid legendum est, exclusas. Observeturque, ut semper certa hora omnes simul in eodem refectorio comedant, ad dormitorium una omnes sese recipiant, illudque sera diligenter claudatur, nec alicui egressus de nocte sine Superioris licentia pateat.

TITULUS XXIV.

De Visitatione.

CAPUT I.

Cum a triginta quinque annis nullus Episcopus in pagis nostræ Diœcesis Ecclesias visitaverit, quod in eis functiones suas libere & personaliter exhibere non potuerit, & vix ulla in ea,

(d) Conc. Trid. Sess. 25. de Regul. c. 10.

(e) Sess. 25. de Reg. c. 5.

(f) Mechl. hoc tit.

ea, proh dolor! sint Tempia, Altaria, aut cœmeteria, non destructa, everſa, aut ſaltem profanata: decrevimus, Deo dante, primo quoque tempore ſingulas Eccleſias viſitare, eorumque altaria & cœmeteria conſecrare, ſeu reconciliare. Quapropter injungimus Paſtoribus omnibus & Eccleſiaſticis perſonis, ut tempeſtively omnia præparent neceſſaria; & dum Nos adventuros ſciunt, tempore admoneant ſuos Parochianos, ut Rectores fabricæ, menſæ Sancti Spiritus, & Primarii aliquot de Magiſtratu præſentes ſe Nobis in Eccleſia exhibeant, ut de iis, quæ a Nobis interrogabuntur, ſpectantibus ad regimen Eccleſiæ, in ſpiritualibus & temporalibus respondeant. Et ſi quæ iis in rebus ac negotiis reformanda exiſtint, libere Nobis aperiant: computus quoque ſuos fabricæ, & menſæ Sancti Spiritus paratos habeant Nobis oſtendendos; & difficultates circa illos, & alia, ſi quæ ſint, candide ac fideliter indicent, Nobisque ſaltem ſummarium Eccleſiæ & menſæ pauperum ſtatum exponant.

CAPUT II.

Decanus ruralis præmonitus a Nobis, ſuos Paſtores moneat, ut Epifcopo viſitatorio omnia, quæ ad viſitationem ſpectant, præparent; eiſque in eam rem mittat inſtructionem a Nobis præſcriptam. Paſtor, qui in his præparandis negligens fuerit, arbitrio noſtro punietur.

CAPUT III.

Viſitantibus vero Decanis ruralibus, tamquam a Nobis miſſis, omnem debitam reverentiam & aſſiſtentiam ad exequendam commiſſionem a Nobis injunctam exhibeant; & ſi aliqua ad reformationem aut bonum Eccleſiæ facientia ſciant, benevole ſuggerant; communiq; conſilio dies audiendorum computuum quotannis ſtatuatur.

TITULUS XXV.

De Foro & Jurisdictione Eccleſiaſtica.

CAPUT I.

UT Decreta hujus Synodi executioni mandentur, eorumque tranſgreſſores, alique criminoſi corrigantur & coërceantur; ſingulis ſeptimanis feria ſexta poſt meridiem in ædi-

bus noſtris, aut Vicarii noſtri Generalis Nobis abſentibus, fiat congregatio Vicariatus, in qua de commodiori ratione executionis Decretorum Concilii Tridentini, Provincialis Mechlinienſis, & hujus Diceceſani, aliisque, quæ ad rectam directionem totius Epifcopatus ſpectant, tractetur; & exceſſus & difficultates, quæ poſſunt, ſine ſtrepitu judicii puniantur & componantur. Proinde quando Decani in ſuo Diſtrictu, Paſtores in ſua Parochia, norunt aliqua corrigenda, reformanda, aut emendanda, ea Nobis in Vicariatu determinanda ſcripto vel verbo indicent.

CAPUT II.

Officialis, qui hujusmodi Congregationis membrum eſt, habeat penes ſe ſyllabum ſeu catalogum omnium cauſarum criminalium, quæ coram eo vertuntur.

CAPUT III.

Promotores Curiæ noſtræ & Apparitores, durante congregatione hujusmodi, adſint in ædibus noſtris, aut Vicarii Generalis præſentes, ut ſint parati, quando opera eorum requiretur: & antequam cauſam aliquam contra Eccleſiaſticas aut honeſti nominis perſonas in judicio contradictorio tractandam exhibeant, eam prius in Vicariatu denuntient, ut teneatur via aliter eam terminandi.

CAPUT IV.

Quæ via amabili deſigniri non poſſunt, & in judicio contradictorio terminanda ſunt, curet Officialis, ut ea quam breviffime abſolvantur; potiſſimum cauſæ miſerabilium perſonarum, alimentatationis, divortii, & incarcerationis, in quibus de triduo in triduum procedatur.

CAPUT V.

Advigilet Officialis, ut Statuta Curie noſtræ, & quæ unicuique in ipſius ad officium admiſſione injuncta ſunt, exactiſſime obſerventur.

CAPUT VI.

Immunitate Eccleſiaſtica indignus eſt, quisquis ad eam oppugnandam operam ſuam præſtat.

CAPUT VII.

Fiſcalium cauſarum Curie noſtræ Procuratores, alique Officiarii, caveant, ne

ne importune aut indiscrete subditos nostros exagitent, aut scandalose exactiones faciant, defectusque propalent; sed cum omni modestia, integritate & humanitate, officium suum exercent.

Si quos delinquentes sciant, cum quibus connivent, & ad Nos non deferunt; tamquam consentientes, vel saltem negligentes, arbitrarie puniantur.

Sequitur Edictum Regium, ut Ecclesiastici & seculares Judices omni modo adnitantur extirpare superstitiones & magias, gallice expressum. &c.

Excusa Antverpiæ in 8. Anno 1610. recusa 1680. typis Plantiniani Moreti.

Respirante nonnihil a gravissimis belli pertinacis & luctuosi tumultibus Belgio, Episcopales ad Insulas evehctus est anno 1610. JOANNES MIRÆUS, (*le Mire*) dignissimus Guilielmi de Berges, Antverpiensi e Sede Cameracum evocati Successor. Antiqua erat Cameracenses inter cives familia, unde ortum Bruxellis habuit anno 1560. VIII. Idus Januarii. Grandior jam atque ætate paulo adultior, Philosophicas Stagirite disciplinas Lovanii primum Castrensi in Gymnasio coluit. Verum, turbatis ibidem assiduo bellorum strepitu Musis ac pene inter arma silentibus, Duacum recepit sese, cæptaque Lovanii studia in palæstra Regia tanto confecit ardore & fructu, ut, cum sacras modo scientias hausisset, dignus, qui docendi tum græcas literas, tum Rhetoricam ea in urbe anno 1587. præficeretur muneri, Sacræque Theologiæ laurea anno post IV. Non. Augusti insigniretur, habitus fuerit.

Honores fugitabat, splendidaque officia: nam Decanatum Rothnacensem, a Joanne Hauchino, Mechliniensium Antistite sibi oblarum recusavit, ac Namurcensem Canoniarum sponte alteri cessit. Impedire tamen haud potuit, quin ipsis quasi medius in laboribus, curisque sacris, in quas pro oviculis Pastori sibi Bruxellæ ad D. Jacobi in Monte frigido, commissis toto semper pectore incumberebat, Canoniarum S. Gudulæ Collegio adjungeretur, diplomate anno 1592. V. Cal. Septembris dato, ac tandem, opitulante fama virutum, & Matthiæ Hovii, Mechlin. Archiepiscopi commendatione, quartus Ecclesiæ Antverpiensis Præsul anno 1604. III. Cal. Junii inauguraretur.

Hac dignitate, qua carere maluisset, ornatus, novo Patrum, S. Augustini Regulam profitentium Cœnobio ac Lyceæ, novoque cognominatarum ab Annunciatione B. M. Virginum Monasterio Antverpiam auxit. Adivit Prædecessorum suorum ipse primus, dum per inducias inter Sereniss. Archi-Duces, & Batavorum Ordines patas licebat, maximam Dicecesis suæ partem, Bredam versus ac Bergizomium, plura capitum millia Chrismatibus Sacramento roboravit, Hooghitratanam lustravit expiavitque Ecclesiam; Catholicos a variis, iisque peracerbis heterodoxorum injuriis ac molestiis, singulari, quo apud Principes pollebat, favore nixus liberavit. Fundationem sex Bursarum, ut vocant, sat amplam Duaci reliquit, alia & Antverpiæ relicturus pietatis ac liberalitatis monumenta, si longior illi vita fuisset; quam posuit pridie Id. Januarii anno 1611., intercluso per catarrhum spiritu extinctus. Quæ edidit, præter Statuta hæc Synodalia & Orationem elegantissimam iis præmissam, fuere beneficia ac miracula B. M. Virginis in Aspricollæ, a se accurate cognita, diligenterque explorata: unde sua postmodum & Lipsius & Philippus Nummannus deprompserunt.

Duplicem Antverpiæ videre licet inscriptionem, Miræi Præsulis optimi laudes breviter complectentem: Alteram in tumba marmorea; in Seminario sub ejus effigie alteram.

Vid. Hist. Episcopat. Antverpiens. editam Bruxell. apud Franc. Foppens 1717. Biblioth. Belgic. Tom. II. & Sac. Belg. Chronol. Part. II. Joaz. Bapt. de Castillon.

* * *

Ad Chartam Chorographicam modernæ Germanicarum Ecclesiarum Hierarchiæ explanatio Historica de Episcopatibus in Germania a Sæculo XVI. suppressis, novisque dein erectis dabitur, auspice Deo, alias.

FINIS TOMI VIII. CONCIL. GERMAN.

